

# কোর্-আন্ শরীফ

ভাই গিরিশচন্দ্র সেন কর্তৃক

মূল কোর্-আন্ শরীফ হইতে অনুবাদিত ।

ভিন্ন ভিন্ন প্রসিদ্ধ তফসির অবলম্বনে টীকা লিখিত ।

“পরমেশ্বর ব্যতীত উপাস্ত্র নাই, মোহম্মদ তাঁহার প্রেরিত ও ভৃত্য ।”

“পৃথিবীতে যে সকল বৃক্ষ আছে, যদি তাহা লেখনী হয় ও সাগর তাহার মসী হয়, তাহার পরে (অন্ত)  
সপ্ত সাগর হয়, তথাপি ঈশ্বর সম্বন্ধীয় কথা সমাপ্ত হইবে না ; নিশ্চয় ঈশ্বর বিজ্ঞতা ও বিজ্ঞানময় ।”  
কোর্-আন্ শরীফ, সূরা লোক্‌মান, ৩ রকু ।

চতুর্থ সংস্করণ

১৩৪৩ সাল ; ১৯৩৬ খৃঃ

নববিধান পাব্লিকেশন কমিটি

“ভারতবর্ষীয় ব্রহ্মমন্দির”

৯৫, কেশবচন্দ্র সেন ষ্ট্রীট, কলিকাতা ।

সর্বস্বত্ব সংরক্ষিত ]

## সংস্করণ পরিচয়

প্রথম সংস্করণ, ১০০০ কপি, অনুবাদের সঙ্গে সঙ্গে, খণ্ডাকারে প্রকাশিত হয়। প্রথম খণ্ড শেরপুরে “চারুঘন্টে” মুদ্রিত হয়। পরবর্তী দুই খণ্ড কলিকাতায় “বিধানঘন্টে” মুদ্রিত হয়। প্রায় পাঁচ বৎসরে ১৮৮১-১৮৮৬ খৃঃ, সম্পূর্ণ গ্রন্থের মুদ্রণ কার্য সমাপ্ত হয়। অনুবাদক ভাই গিরিশচন্দ্র সেন স্বয়ং সমস্ত তত্ত্বাবধান করেন। সম্পূর্ণ অনুবাদ ১৮৮৬ খৃঃ প্রকাশিত হয়।

দ্বিতীয় সংস্করণ, ১০০০ কপি, সম্পূর্ণ গ্রন্থ সংশোধিত ও পরিবর্দ্ধিত আকারে, অনুবাদক কর্তৃক, একটা বিশদ বিজ্ঞাপন সহ, ১৮৯২ খৃঃ প্রকাশিত হয়। এই সংস্করণ কলিকাতায় “দেবঘন্টে” প্রায় তিন বৎসরে ১৮৮৯-১৮৯২ খৃঃ মুদ্রিত হয়।

তৃতীয় সংস্করণ, ১০০০ কপি, সম্পূর্ণ গ্রন্থ, অনুবাদক কর্তৃক ১৯০৮ খৃঃ প্রকাশিত হয়। এই সংস্করণ, প্রায় দুই বৎসরে ১৯০৬-১৯০৮ খৃঃ, কলিকাতায় “মঙ্গলগঞ্জ মিশন প্রেসে” মুদ্রিত হয়। এই সংস্করণে কোনও পরিবর্তন হয় নাই।

চতুর্থ সংস্করণ, ১০০০ কপি, সম্পূর্ণ গ্রন্থ, “নববিধান পাব্লিকেশন কমিটির” উদ্যোগে, কলিকাতায় “আর্ট প্রেসে,” ১৯৩৬ খৃঃ প্রায় ছয় মাসে অক্টোবর ভাই অক্ষয় কুমার লধ ও প্রকাশকের তত্ত্বাবধানে মুদ্রিত ও প্রকাশিত হইল। অনুবাদক কর্তৃক ব্যবহৃত “কোরাণ শরিফ” স্থলে বর্তমানে চলিত “কোর-আন শরীফ” বানান ব্যবহৃত হইল। কয়েক স্থলে আয়ত ও রকুর সংশোধন করা হইল, মুখবন্ধে অক্টোবর মোলানা মোহাম্মাদ আকরম খাঁ লিখিত “শ্রদ্ধা-নিবেদন” প্রদত্ত হইল।

শ্রীসতীকুমার চট্টোপাধ্যায়, সম্পাদক “নববিধান পাব্লিকেশন কমিটি” কর্তৃক প্রকাশিত।

শ্রীনরেন্দ্রনাথ মুখার্জি বি, এ, কর্তৃক “আর্ট প্রেস,” ২০, বৃটিশ ইণ্ডিয়ান স্ট্রীট হইতে মুদ্রিত।



## শ্রদ্ধা-নিবেদন

করণাময় কৃপানিধান আল্লার নামে

কোর্-আন্ আল্লার শাখতবাণী, বিশ্বমানবের কল্যাণ ও মুক্তি সাধনের একমাত্র উদ্দেশ্যে, সর্বজগৎস্বামী আল্লার পক্ষ হইতে বিশ্বনবী হজরত মোহাম্মাদ মোস্তাফার নিকট প্রকাশিত—ইহা কোর্-আনের নিজের দাবী এবং মুছলমান সমাজের সমবেত বিশ্বাস।

দীর্ঘকাল যোগযুক্ত অবস্থায় অতিবাহন করার পর, হজরত মোহাম্মাদ প্রথম “অহি” বা ভাববাণী লাভ করেন, ৪১ বৎসর বয়সের প্রথম ভাগে। সেই হইতে তাঁহার জীবনের শেষভাগ পর্যন্ত, দীর্ঘ ২৩ বৎসর ব্যাপিয়া কোর্-আনের ক্ষুদ্র বৃহৎ এক একটা অংশ তাঁহার নিকট প্রকাশিত হইতে থাকে। হজরত মোহাম্মাদের সহচরগণের মধ্যে কয়েকজন লোক “কাতেবুল্-অহ্য” বা ভাববাণীর লেখক বলিয়া আখ্যাত হইতেন। তাঁহার নিকট কোন ভাববাণী প্রকাশিত হওয়ার সঙ্গে সঙ্গে তাহা লিপিবদ্ধ করিয়া রাখাই ইহাদের কর্তব্য ছিল। এইরূপে লিখিত কোর্-আনের অংশ-গুলি, স্বয়ং হজরতের তত্ত্বাবধানে ও তাঁহারই বাসস্থানে একটা সিন্দুকের মধ্যে সংরক্ষিত হইত। ইহা ব্যতীত হজরতের সহচরবর্গ নিজেদের ব্যবহারের জন্তও কোর্-আনের আয়ৎ ও ছুরাগুলি লিখিয়া রাখিতেন। এইরূপে সমস্ত কোর্-আন্, হজরত মোহাম্মাদের আদেশ ও নির্দেশ মতে এবং তাঁহার প্রত্যক্ষ তত্ত্বাবধানে সম্পূর্ণরূপে লিপিবদ্ধ হইয়া যায়। ইহা ব্যতীত হজরতের বহু সহচরও কোর্-আনের ক্ষুদ্র বৃহৎ বিভিন্ন অংশ লিপিবদ্ধ করিয়া রাখিয়াছিলেন।

মুছলমান সমাজে “হাফেজ” বলিয়া এক শ্রেণীর লোক আছেন, অমুছলমান পাঠকগণও ইহা লক্ষ্য করিয়া থাকিবেন। কোর্-আনের সম্পূর্ণ ত্রিশখণ্ড ইহারা কণ্ঠস্থ করিয়া রাখেন বলিয়া ইহাদিগকে হাফেজ বা স্মৃতিধর উপাধি দেওয়া হয়। কোর্-আন্ অতি যত্নে ও সম্পূর্ণ বিশুদ্ধভাবে কণ্ঠস্থ করিয়া রাখার এই প্রথা হজরত মোহাম্মাদের সময় হইতে আজ পর্যন্ত অব্যাহতভাবে চলিয়া আসিয়াছে। স্বয়ং হজরত ও তাঁহার বহুসংখ্যক ছাহাবা (সহচর) সম্পূর্ণ কোর্-আনকে কণ্ঠস্থ করিয়া রাখিয়াছিলেন। তাহার পর প্রত্যেক যুগে ও প্রত্যেক দেশে হাফেজদিগের সংখ্যা ক্রমশঃ বাড়িয়া যাইতে থাকে এবং বর্তমান সময় এইরূপ হাফেজের সংখ্যা এক লক্ষের কম হইবে না বলিয়া অনুমান করা হয়। ইহা ব্যতীত নামাজের প্রত্যেক রেকআতে কোর্-আনের কতক অংশের আবৃত্তি করিতে হয়। এজন্যও প্রত্যেক ধর্মপ্রাণ মুছলমান কোর্-আনের অন্ততঃ কএকটা ছুরা কণ্ঠস্থ করিয়া রাখিতে বাধ্য হন। ফলতঃ হজরত

মোহাম্মাদের নিকট যে কোর্-আন্ প্রকাশিত হইয়াছিল, অবিকল তাহাই এখনও মুছলমানদিগের মধ্যে প্রচলিত আছে, তাহার কুত্রাপি বিন্দু বিসর্গেরও পরিবর্তন ঘটে নাই, ভবিষ্যতে তাহার কোন সম্ভাবনাও নাই। জগতের ধর্মগ্রন্থগুলির ইতিহাসে ইহা কোর্-আনের একটি গৌরবজনক বৈশিষ্ট্য। সেইজন্য সার উইলিয়ম মুইরের গায় প্রতিকূল সমালোচকও অবশেষে স্বীকার করিতে বাধ্য হন যে, "There is probably no other book which has remained twelve centuries with so pure a text."

কোর্-আন্ সর্বপ্রথমে হজরত আবু-বক্বরের সময় লিখিত হইয়াছিল বলিয়া একটা সাধারণ ধারণা প্রচলিত আছে। অনেকে আবার তৃতীয় খলিফা হজরত ওছমানকে "জামেউল্-কোর্-আন্" বা কোর্-আন্-সকলক উপাধি দিয়া থাকেন। এই ধারণাগুলি সম্পূর্ণ নিভুল নহে। হজরত মোহাম্মাদের সময় কোর্-আন্ লিখিত হইয়াছিল বিভিন্ন চামড়ার টুকরার এবং প্রস্তর ও অস্থিখণ্ড প্রভৃতির উপর। হজরত আবু-বক্বর সুবিজ্ঞ ও স্থানপূর্ণ লিপিকারদিগের দ্বারা সেগুলিকে একখণ্ড পুস্তকে, যথাযথ তরতীব অনুসারে, নকল বা সঙ্কলন করাইয়াছিলেন। তৃতীয় খলিফা হজরত ওছমানের সময় এছলাম ধর্ম বিভিন্ন দেশে বিস্তৃত হইয়া পড়ে। সেই সময় তিনি হজরত আবু-বক্বরের সঙ্কলনের কয়েকখানা নকল এছলাম-শাসিত বিভিন্ন জনপদে সরকারীভাবে পাঠাইয়া দেন মাত্র।

ভারতবর্ষে পার্শী, উর্দু এবং ( সম্ভবতঃ ) ব্রজভাষায় কোর্-আনের অনুবাদ হইয়াছে বহু যুগ পূর্বে। কিন্তু তিনকোটি মুছলমানের মাতৃভাষা যে বাংলা, তাহাতে কোর্-আনের অনুবাদ প্রকাশের কল্পনা ১৮৭৬ খৃষ্টাব্দ পর্যন্ত এদেশের কোন মনীষীর দৃষ্টি আকর্ষণ করিতে পারে নাই। তখন আরবী পার্শী ভাষায় সুপণ্ডিত মোসলমানের অভাব বাংলা দেশে ছিল না। তাঁহাদের মধ্যকার কাহারও কাহারও যে বাংলা সাহিত্যের উপরও যথেষ্ট অধিকার ছিল, তাঁহাদের রচিত বা অনুবাদিত বিভিন্ন পুস্তক হইতে তাহার অনেক প্রমাণ পাওয়া যায়। কিন্তু এদিকে মনোযোগ দেওয়ার সুযোগ তাঁহাদের একজনেরও ঘটিয়া উঠে নাই। এই গুরু কর্তব্যভার বহন করার জন্ত সুদৃঢ় সঙ্কল্প নিয়া সর্বপ্রথমে প্রস্তুত হইলেন বাংলার একজন হিন্দু সন্তান, ভাই গিরীশচন্দ্র সেন—বিধান-আচার্য্য কেশবচন্দ্রের নির্দেশ অনুসারে। গিরীশচন্দ্রের এই অসাধারণ সাধনা ও অনুপম সিদ্ধিকে জগতের অষ্টম আশ্চর্য্য বলিয়া উল্লেখ করা যাইতে পারে।

বাংলা ও আরবী, দুইটা পরস্পর বিপরীত ধাতুসম্পন্ন ভাষা। তাহার উপর আরবী সাহিত্যের অসাধারণ বৈশিষ্ট্য। সুতরাং বাংলা ভাষায় আরবী পুস্তকের সঠিক অনুবাদ নাবান যে কি দুর্লভ ব্যাপার, এই পথের পথিকরাই সম্যকভাবে তাহার

উপলব্ধি করিতে পারেন। ভাই গিরীশচন্দ্র তাঁহার অনুবাদের প্রথম সংস্করণের (১২৯২ সাল) ভূমিকায় বলিয়াছেন—“অল্প কথায় বিস্তৃত ভাব ব্যক্ত করিতে আরব্য ভাষা যেরূপ অনুকূল, এমন পূর্ণ ভাষা যে সংস্কৃত, তদ্বিষয়ে অনেক স্থলে পরাস্ত। আরবীয় একটা কথার ভাব ব্যক্ত করিতে বাংলা ভাষায় প্রায় তাহার দ্বিগুণ ত্রিগুণ কথা প্রয়োগ করিতে হয়।” সাধারণ আরবী ভাষার এই অবস্থা, কোর্-আনের সাহিত্য আবার ইহার মধ্যে নানা গুণ-বৈশিষ্ট্যে সম্পূর্ণ স্বতন্ত্র।

কোর্-আনের অনুবাদ সম্বন্ধে ইহাই একমাত্র কথা নহে। কোর্-আনের হউক, অথবা অন্য কোন ধর্মগ্রন্থের হউক, তাহার অনুবাদক ও টীকাকারের জ্ঞান কেবল সাহিত্যগত জ্ঞানই যথেষ্ট জ্ঞান বলিয়া বিবেচিত হইতে পারে না। তাঁহার পক্ষে আরও দরকার হয় সেই গ্রন্থের ভাবগত পরিবেশের সহিত সত্যকার পরিচয়ের। শুধু ইহাই নহে। ধর্মগ্রন্থকে কেবল বিদ্যাগত বা জ্ঞানগত করিয়াই ক্ষান্ত হইবেন যাহারা, তাঁহাদিগকেও আমরা এই মহান সাধনার অনধিকারী বলিয়াই মনে করিব। এক্ষেত্রে সব চাইতে বেশী দরকার হয়, সেই গ্রন্থকে নিজের আত্মগত করিয়া লওয়া। কারণ ধর্মগ্রন্থের আসল কাজ কারবার হইতেছে মানুষের আত্মিক জগতের সহিত এবং গায় দর্শনাদি সাধারণ জ্ঞান-শাস্ত্রের সহিত স্বর্গীয় ধর্মগ্রন্থ-সমূহের প্রধান পার্থক্যও বোধ হয় এইখানে। ফলতঃ এই ব্রত যাপনের জ্ঞান চাই-সেই শাস্ত্রের মূল ভাবধারার প্রতি লেখকের অন্তরের গভীর নিষ্ঠা। কোর্-আনের প্রথম বঙ্গানুবাদক ও হজরত মোহাম্মাদ মোস্তাফার প্রথম বাঙ্গালী চরিতকার ভক্তিভাজন ভাই গিরীশচন্দ্রের এ সমস্ত গুণই ছিল, তাই তাঁহার সাধনা সার্থক হইয়াছে।

ভাই গিরীশচন্দ্র ভক্ত, সাধক ও অসাধারণ তেজোদৃষ্ট কর্মযোগী। তাঁহার গুণ গরিমার পরিচয় দিতে যাওয়ার ধৃষ্টতা আমার নাই, তাঁহার কর্মজীবনের সমালোচনা করার অবকাশও এক্ষেত্রে নাই। শুনিয়াছি, কোর্-আনের ও অন্যান্য এছলামী ধর্মগ্রন্থের অনুবাদ-প্রকাশের গুরু দায়িত্ব গিরীশচন্দ্রের উপর গৃহ্য করার সময় কেশবচন্দ্র প্রার্থনা করিয়াছিলেন—“তোমার জীবন মহাপুরুষ মোহাম্মাদের ‘স্পিরিটে’ মহিমাম্বিত ও অনুপ্রাণিত হউক!” তাঁহার ধর্মজীবনের সব সাধনা ও সিদ্ধির মধ্যে এই প্রার্থনাটি সার্থক হইয়া আছে, এই সংক্ষিপ্ত মন্তব্যে আজ এইটুকু বলিলেই বোধ হয় যথেষ্ট হইবে। বাংলার তিন কোটি মুছলমান জনসাধারণকে তাহাদের আল্লার, রচুলের ও কোর্-আনের সহিত পরিচিত করিয়াছেন সর্বপ্রথমে তিনিই। তাঁহারই অক্লান্ত সাধনার সমাক্ষেপেই বাংলার পাঁচ কোটি অধিবাসী কোর্-আন শরীফের, এছলাম ধর্মের ও হজরত মোহাম্মাদ মোস্তাফার স্বরূপ সর্বপ্রথমে জানিতে পারিয়াছে। তাই গুরু হিসাবে, অগ্রপথিক হিসাবে এবং সত্যের অবিচল সেবক হিসাবে, তাঁহার প্রতি অন্তরের গভীরতম শ্রদ্ধা নিবেদন করিয়াই আজ ক্ষান্ত হইতেছি।

আমার বেশ স্মরণ আছে, শৈশবে পিতার সঙ্গে দুইবার গিরীশচন্দ্রের বাসভবনে উপস্থিত হওয়ার সৌভাগ্য লাভ করিয়াছিলাম। উভয়ের মধ্যে অনেকক্ষণ ধরিয়া ধর্ম্মালাপ হইয়াছিল। দ্বিতীয় দিন গিরীশচন্দ্র বাবাকে বলিয়াছিলেন—“আজও দেখছি, খোকাকে সঙ্গে করে এনেছেন।” বাবা হাসিয়া বলিয়াছিলেন—“ছেলে মানুষ করা বড় দায়, ভাইছাহেব! তাই কেতাব পড়ানর চাইতে বেশী দরকার মনে করি সংস্কার।” গিরীশচন্দ্রের সেদিনকার সেই “খোকা” গুণমুগ্ধ ভক্ত হিসাবে, তিন কোটি বান্দালী মুছলমানের পক্ষ হইতে তাঁহাকে সশ্রদ্ধ কৃতজ্ঞতা নিবেদন করিতেছে।

কলিকাতা

১লা নভেম্বর, ১৯৩৬

বিনীত—

মোহাম্মাদ আকরমখাঁ

কয়েক জন মৌলবি সাহেবের লিপি

TO THE AUTHOR OF THE BENGALI TRANSLATION  
OF THE KORAN, CALCUTTA.

REVD. SIR,

We the undersigned have most carefully and attentively read and compared with the original the first two parts of your valuable production, viz., the Bengali translation of the Koran, and our curiosity is not less excited to find it to be such a faithful and literal translation from a classic language as the Arabic—which varies so widely in its construction from all other languages of the world.

As we are Mahomedans by faith and birth, our best and hearty thanks are due to the author for his disinterested and patriotic effort and the great troubles he has taken to diffuse the deep meaning of our Holy and Sacred religious book, the Koran, to the public.

The version of the Koran above quoted has been such a wonderful success that we would wish the author would publish his name to the public, to whom he has done such a valuable service, and thus gain a personal regard from the public.

Lastly in our humble and poor opinion we think that the book may be very useful, particularly to the Mahomedans, if the style could be rendered a little easier so as to be understood by the less erudite.

We have the honor to be,

REVD. SIR,

Your most obedient servants,

AHMUD ULLAM,

*Late Arabic senior scholar of the Calcutta Madrashah,*

CALCUTTA,

*The 2nd March, 1882.*

ABDUL ALA,

ABDULAZIZ.

( ইংরাজী পত্রের অনুবাদ । )

কোর্-আন্ গ্রন্থের বাঙ্গলা অনুবাদক মহাশয়েষু  
কলিকাতা ।

শ্রদ্ধাম্পদ মহাশয়,

আমরা নিম্নলিখিত কয়জন সাবধানে ও সমনোযোগে আপনার বঙ্গভাষায় কোর্-আনের অনুবাদ প্রথম ছই খণ্ড পাঠ করিলাম, এবং মূল গ্রন্থের সহিত আপনার মহামূল্য অনুবাদের তুলনা করিলাম । ইহাতে আমরা বিস্মিত হইতেছি যে, আপনি কিরূপে এতাদৃশ উদার আন্তর্পৃর্কিক প্রকৃত অনুবাদ করিতে সমর্থ হইলেন । বিশেষতঃ যখন আরব্যতুল্য পুরাতন ভাষা পৃথিবীর অণু অণু সকল ভাষা হইতে অতিশয় ভিন্ন ।

আমরা বিশ্বাসে ও জাতিতে মোসলমান । আপনি নিঃস্বার্থভাবে জনহিতসাধনের জন্ম যে, এতাদৃশ চেষ্টা ও কষ্টসহকারে আমাদিগের পবিত্র ধর্মগ্রন্থ কোর্-আনের গভীর অর্থপ্রচারে সাধারণের উপকারসাধনে নিযুক্ত হইয়াছেন, এজন্য আমাদিগের অত্যন্তম ও আন্তরিক বহু কৃতজ্ঞতা আপনার প্রতি দেয় ।

কোর্-আনের উপরি উক্ত অংশের অনুবাদ এতদূর উৎকৃষ্ট ও বিস্ময়কর হইয়াছে যে, আমাদিগের ইচ্ছা, অনুবাদক সাধারণসমীপে স্থায় নাম প্রকাশ করেন । যখন তিনি লোকমণ্ডলীর এতাদৃশ উৎকৃষ্ট সেবা করিতে সক্ষম হইলেন, তখন সেই সকল লোকের নিকটে আত্মপরিচয় দিয়া তাঁহার উপযুক্ত সম্মান লাভ করা উচিত ।

পরিশেষে আমাদিগের ক্ষুদ্র ও বিনীত বক্তব্য যে, আমরা বোধ করি, এই পুস্তকের ভাষা অপেক্ষাকৃত সরল করিতে পারিলে, অল্পশিক্ষিত সাধারণ মোসলমানগণের বিশেষ উপকারী হইবে ।

২রা মার্চ, ১৮৮২  
কলিকাতা

শ্রদ্ধা এবং সম্মানের সহিত আপনার বশীভূত ভৃত্য  
আহমদোল্লা  
কলিকাতা মাদ্রাসার ভৃতপূর্ক উচ্চশ্রেণীর ছাত্রবৃত্তিধারী  
আবদোল্ আলা  
আবদোল্ আজিজ

## ঢাকা হইতে প্রাপ্ত

শঙ্কেয় বাবু মগ গৌরবান্বিত গৌরবাভিজ্ঞ সর্দাদা তাহার কৃপা হউক।

আকিঞ্চনরূপ উপহার প্রদানান্তর নিবেদন এই।

বঙ্গভাষায় অনুবাদিত বকর সুরার দুই খণ্ড প্রশংসিত ও সম্মাণ্য কোর্-আন্ দীনের নিকটে সমাগত হইয়া পুরাতন বন্ধুতার সূত্রে নবীভূত করিয়াছে। দীন ক্ষুদ্র জ্ঞানে মহাশয়ের অনুবাদ গৌরবান্বিত পুণ্যাশ্রম শাহ আবদোল্কাদেরের উদ্ অনুবাদের এবং তফসির হোসেনার অনুরূপ প্রাপ্ত। প্রকৃত পক্ষে মহাশয় এ বিষয়ে সমূহ গলদধর্ম পরিশ্রম করিয়াছেন, এবং ইহা আরব্য, পারস্য ও উদ্ ভাষানভিজ্ঞ লোকদিগের উপদেশের কারণ হইয়াছে। পরমেশ্বর পেগাম্বর ও তাহার মহামাণ্ড সন্ততিগণের গৌরবান্বিতোদে অনুগ্রহকারী বন্ধুকে সরল পথ ও সত্য পথ প্রদর্শন করুন। ১০ই ফাল্গুন, ১২৮৮ সন।\*

প্রার্থী—আলিমোদ্দিন আহমদ।

মাণ্ডবর শ্রীযুক্ত কোর্-আন্ শরীফ অনুবাদক মহাশয়

মাণ্ডবরেষ্ণ

মহাশয়ের বাঙ্গলা ভাষায় অনুবাদিত কোর্-আন্ শরীফ দুই খণ্ড উপহার প্রাপ্ত হইয়া অতি আহ্লাদের সহিত পাঠ করিলাম। এই অনুবাদ আমার বিবেচনায় অতি উত্তম ও শুদ্ধরূপে টীকা সহ হইয়াছে। আপনি তফসির হোসেনী ও শাহ আবদোল্ কাদেরের তফসির অবলম্বন করিয়া যে সমস্ত টীকা লিখিয়াছেন, এজনের ক্ষুদ্র বিজ্ঞা বুদ্ধিতে যে পযাস্ত বুদ্ধিতে পারিয়াছি, তাহাতে বোধ করি যে, এপযাস্ত কোর্-আন্ শরীফের অবিকল অনুবাদ অত্র কোন ভাষাতেই এরূপ হয় নাই, এবং আমি মনের আহ্লাদের সহিত ব্যক্ত করিতেছি যে, আপনি যে ধর্ম উদ্দেশ্যে যার পর নাই পরিশ্রম স্বীকার করিয়া এই অনুবাদ করিয়াছেন, ইহার ফল ঈশ্বর আপনাকে ইহ ও পরকালে প্রদান করুন। ইতি সন ১২৮৮, ৬ই ফাল্গুন।

নিবেদক

শ্রীআবুয়ল্ মজফ্ৰ আবছল্লা

\* ইহা পারস্যপত্রের অনুবাদ। আমাদের যন্ত্রালয়ের পারস্য অক্ষরের অভাব হেতু মূলপত্র প্রকাশ করা যাইতে পারিল না।



## যশোহর কাজিপুর হইতে প্রাপ্ত

শ্রীযুক্ত মৌলবি আফতারোদ্দিন সাহেবের পত্রাংশ

বহুমানাম্পদ—

শ্রীযুক্ত কোর্-আন্ অনুবাদক মহাশয় মাণ্ডবরেষু।

মহাশয় !

আমরা আপনার ১ম ভাগ কোর্-আন্ প্রাপ্যাস্তে পাঠ করিয়া পরম পরিতোষ লাভ করিলাম। অনুবাদক মহাশয় যে প্রকার গুরুতর পরিশ্রম, যত্ন এবং ভূরি অর্থব্যয়ভার বহন স্বীকার করিয়া এতাদৃশ গ্রন্থপ্রচাররূপ কঠোর ব্রতে দীক্ষিত হইতে প্রয়াসী হইয়াছেন, তাহাতে আমরা যার পর নাই আহ্লাদিত ও তাঁহার নিকট কৃতজ্ঞ হইলাম। এই পুস্তকের বাঙ্গলা অনুবাদ অতি উৎকৃষ্ট ও প্রাজ্ঞল এবং ইহা যে একটি উপাদেয় পদার্থ হইয়াছে, তাহা বলা বাহুল্য। ফল কথা, পুস্তকখানি সম্পূর্ণ হইয়া প্রকাশিত হইলে, কেবল অনুবাদকের নয়, দেশের বিশেষতঃ বাঙ্গালি জাতির গৌরব বাড়িবে, সন্দেহ নাই। অনুবাদক মহাশয় এই গ্রন্থ প্রচার করিয়া দেশের একটি মহদভাব-মোচনে প্রবৃত্ত হইলেন, এবং এজন্য তিনি আজীবন প্রশংসার্থ খাকিবেন। দেশহিতৈষী মহোদয়গণের ইহাকে উৎসাহ প্রদান করা সর্বতোভাবে উচিত। ইনি অতি দুর্লভ কাণ্ডো হস্তক্ষেপ করিয়াছেন, সাধারণের উৎসাহ ব্যতিরেকে ইহার কৃতার্থতা লাভ করা কঠিন।



# ভূমিকা



পৃথিবীর যাবতীয় সভ্য ভাষায় বাইবেল পুস্তক অনুবাদিত হইয়া সর্বত্র সকল জাতির মধ্যে প্রচার হওয়ায় সাধারণের পক্ষে তাহা যাহার পর নাই সুলভ হইয়াছে। তজ্জগুই দেবাত্মা ঈসার দেবচরিত্র ও তাঁহার স্বর্গীয় জীবন-প্রদ উপদেশ সকল বাইবেলে সহজে পাঠ করিতে পারিয়া, নানা দেশের নানা জাতীয় অগণ্য লোক আলোক ও জীবন লাভ করিয়াছে। কিন্তু বিধানমণ্ডলী-বৃক্ক ভ্রমণলের একটি প্রধান ও পবাক্রান্ত জাতি মোসলমান, তাঁহাদের মূল বিধান-পুস্তক কোর্-আন্ শরীফ শুদ্ধ তাঁহাদের মপোই দুর্কহ আরব্য ভাষারূপ দুর্ভেগ দুর্গের ভিতরে বদ্ধ রহিয়াছে। অগ্ন জাতির নিকট মোসলমানেরা কোর্-আন্ বিক্রয় পর্যন্ত করেন না; অপর লোকে তাহা পড়িবে দূরে থাকুক, স্পর্শ করিতেও পায় না। অগ্ন জাতির মধ্যে আরব্য ভাষার চর্চাও বিরল। কেহ কোর্-আন্ হস্তগত করিতে পারিলেও ভাষাজ্ঞানের অভাবে তাহার মর্ম্ম কিছুই অবধারণ করিতে সমর্থ হয় না। সুতরাং ইহা কতিপয় মোসলমান মৌলবীর একচেটিয়া সম্পত্তি হইয়া রহিয়াছে। মৌলবী শাহ্ রফিয়োদ্দিন উদ্-ভাষায় এবং শাহ্ অলি আল্লা ফতেহোর্-রহমান নামে পারস্যভাষায় কোর্-আনের অনুবাদ করিয়া প্রচার করিয়াছেন; কিন্তু তাহা মূল পুস্তকের সঙ্গে একত্র সম্বন্ধ আছে, স্বতন্ত্র পুস্তকাকারে পাওয়া যায় না। সেই অনুবাদিত পুস্তকদ্বয় সুপ্রাপ্য হইলেও উদ্ ও পারস্যভাষানভিজ্ঞ বাঙ্গালীর পক্ষে তাহা অন্ধজনের পক্ষে দর্পণের গায় নিফল। ইংরাজী ভাষায় কোর্-আনের অনুবাদ প্রচার হইয়াছে সত্য; কিন্তু এ দেশে তাহা সচরাচর প্রাপ্য নহে। অপিচ যাহারা ইংরাজী জানেন না, তাঁহাদের পক্ষে উহা প্রাপ্য হওয়া না হওয়া তুল্য। আমি আরব্যভাষা-শিক্ষায় প্রবৃত্ত হইলে অনেক বন্ধু বঙ্গভাষায় মূল কোর্-আন্ অনুবাদ করিয়া প্রচার করিতে আমাকে অনুরোধ করেন, এ বিষয়ে আমি কোন কোন মোসলমান বন্ধু কর্তৃকও বিশেষরূপে অনুরুদ্ধ হই। কোর্-আন্ অধ্যয়ন ও তাহা অনুবাদ করাই আরব্যভাষাশিক্ষায় প্রবৃত্ত হওয়ার আমার প্রধান উদ্দেশ্য। বন্ধুদিগের আগ্রহে ও স্বীয় কর্তব্যানুরোধে ঈশ্বররূপায় আমি এক্ষণে কোর্-আন্ বঙ্গভাষায় অনুবাদ করিয়া প্রকটন করিয়াছি।

যাহাতে কোর্-আনের মূল “আয়ত” ( প্রবচন ) সকলের অবিকল অনুবাদ হয়,

তদ্বিষয়ে যথোচিত যত্ন করা হইয়াছে। তদনুরোধে বঙ্গভাষার লালিত্যরক্ষার প্রতি সবিশেষ দৃষ্টি রাখিতে পারা যায় নাই। কিন্তু আরব্যভাষার প্রণালী বঙ্গীয় ভাষার প্রণালীর সম্পূর্ণ বিপরীত। বাঙ্গলা বাম দিক্ হইতে লিখিত হইয়া থাকে, আরবী ঠিক তাহার বিপরীত দক্ষিণ দিক্ হইতে লিখিত হয়। বচনবিজ্ঞানপ্রণালীও সেইরূপ। সাধারণতঃ কর্তৃপদ পূর্বে স্থাপিত ও সমাপিকা ক্রিয়া অন্তে সংযুক্ত হইয়া বাঙ্গলা ভাষার বাক্য সমাপ্ত হইয়া থাকে; কিন্তু প্রায়শঃ আরব্য বাক্যের আরম্ভে সমাপিকা ক্রিয়ার ও অন্তে কর্তৃপদের প্রয়োগ হয়। অনেক স্থলে বঙ্গভাষার কর্তৃকারক ব্যক্ত ও ক্রিয়াপদ উহা থাকে, আরব্যভাষায় তাহার বিপরীত; অর্থাৎ কর্তৃকারক অব্যক্ত, ক্রিয়াপদ ব্যক্ত হইয়া থাকে; ক্রিয়াপদের পুরুষ, লিঙ্গ ও বচনের চিহ্ন দ্বারা কর্তা নির্ণয় করিতে হয়। অল্প কথায় বিস্তৃত ভাব ব্যক্ত করিতে আরব্য ভাষা যেরূপ অনুকূল, এমন পূর্ণ ভাষা যে সংস্কৃত, তদ্বিষয়ে অনেক স্থলে পরাস্ত। আরবীয় একটা কথার ভাব ব্যক্ত করিতে বাঙ্গলা ভাষায় প্রায় তাহার দ্বিগুণ ত্রিগুণ কথার প্রয়োগ করিতে হয়। এই উভয় ভাষার পদবিজ্ঞানপ্রণালী ইত্যাদির বহু বিভিন্নতাহেতু কোর্-আনের প্রবচন সকল আরব্য ভাষার রীতি অনুসারে বাঙ্গলা ভাষায় আক্ষরিক অনুবাদ করিতে গেলে তাহা নিতান্ত শ্রুতিকটু ও দুর্কৌশল হইয়া উঠে; অতএব আমাকে অনুবাদে বঙ্গভাষার বচনবিজ্ঞানপ্রণালীর অনুসরণ করিতে হইয়াছে। বিশদরূপে ভাব প্রকাশ করিবার জন্ত যে যে স্থানে দুই একটা অতিরিক্ত শব্দের প্রয়োগ করা হইয়াছে, তাহা ( ) এই চিহ্নের মধ্যে ব্যবস্থাপিত করা গিয়াছে। দুই বা ততোধিক বাক্যের টীকা ও ঐতিহাসিক তত্ত্ব সকল প্রায়ই কোর্-আনের পারশ্ব ভাগ্য পুস্তক “তফসির হোসেনী” এবং “শাহ্ আবদোল্কাদেরের” উদ্ভাষা অবলম্বন করিয়া লিপিত হইয়াছে। আমি কোর্-আনে উক্ত বাক্যের অর্থবোধ ও অনুবাদে এই দুই ভাগ্য হইতে অনেক সাহায্য পাইয়াছি।

কোর্-আন্ শব্দের অর্থ পাঠ,—কোর্-আনের অপর নাম “কলামাল্লাহ্” (ঈশ্বরবাণী)। সময়ে সময়ে মহাপুরুষ মোহম্মদ জগতের কল্যাণার্থ প্রচার করিতে যে সকল প্রত্যাশে লাভ করিয়াছিলেন, তাহাই পুস্তকে একত্র সম্বদ্ধ হইয়া কোর্-আন্ নাম প্রাপ্ত হইয়াছে। মোসলমানেরা ঈশ্বরের বাক্য বলিয়া কোর্-আনকে অত্যন্ত সম্মান করেন। কোর্-আন্ অধ্যয়ন ও শ্রবণে বহু পুণ্য লিখিত আছে। সমুদায় মোসলমান কোর্-আনের মতানুসারে চলিতে বাধ্য। কোর্-আনকে কোনরূপ অতিক্রম করিলে মহাপাতকী হইতে হয়। কোর্-আন্ পাঠকালে পাঠকের নিম্নলিখিত নীতি সকল পালন করা বিধেয়। যথা—দস্তখাবন, ওজু ( বিশেষ নিয়মানুসারে হস্তপদমুখাদি

প্রক্ষালন) করিয়া অধোতা শুদ্ধ ভূমিতে শুদ্ধ সঙ্কল্পসহকারে পশ্চিমাভিমুখে বসিবেন। তিনি মস্জেদে বসিতে পারিলে উত্তম হয়; কোর্-আন্ শরীফকে বিশুদ্ধ উচ্চাসনের উপর অর্থাৎ রহল ইত্যাদির উপর সংস্থাপন করিবেন; প্রথমতঃ “অউজ্জ বেলাহ” (ঈশ্বরের শরণাপন্ন হই) ও “বেস্মালাহ” (ঈশ্বরের নামে প্রবৃত্ত হইতেছি) উচ্চারণ করিয়া, দীনভাবে ও বিনীত অন্তরে শুদ্ধরূপে পড়িবেন। অধোতা “সূরা তওবা” ব্যতীত প্রত্যেক “সূরার” (অধ্যায়ের) পূর্বে “বেস্মালাহ” বলিবেন, এবং অধ্যয়নকালে অণু কোন কথা উচ্চারণ করিলে, পুনর্বার পাঠারম্ভ করার পূর্বে “বেস্মালাহ” বলিবেন, এবং ইহা বোধ করিবেন যে, তিনি পরমেশ্বরের সহিত কথা কহিতেছেন ও যেন তাঁহাকে দেখিতেছেন। যদি এরূপ অবস্থা না হয়, তবে তিনি মনে করিবেন যে, ঈশ্বর তাঁহাকে দেখিতেছেন ও নিষেধ বিধি করিতেছেন; সুসংবাদজনক প্রবচনপাঠে প্রফুল্ল হইবেন, এবং ভীতিজনক প্রবচন অধ্যয়নকালে ভীত ও রোক্তমান হইবেন।

মূল কোর্-আন্ শুদ্ধরূপে উচ্চারণ করিবার জগ্গ ত্রিশ বত্রিশ প্রকার আক্ষরিক চিহ্ন ব্যবহৃত হইয়া থাকে। কোর্-আনের বঙ্গীয় অনুবাদপুস্তকে আরবীয় সেই সকল আক্ষরিক চিহ্ন ব্যবহারে প্রয়োজনাত্মক বলিয়া তাহার প্রয়োগ হইল না। প্রত্যেক আয়তের অন্তে বিরাম চিহ্ন ব্যবহৃত হইয়াছে। কোর্-আনের প্রত্যেক সূরার অন্তর্গত আয়ত সকলের সংখ্যা ১, ২, ৩, করিয়া প্রত্যেক আয়তের অন্তে ও সমুদায় আয়তের সংখ্যার সমষ্টি সূরার আরম্ভে লিখিত আছে। কোর্-আন্ অধ্যয়ন কালে বিশেষ বিশেষ আয়তে মস্তক অবনত করিয়া কিয়ৎক্ষণ বিরত থাকিতে হয়। এইরূপ নমন-কার্যকে “রকু” বলে। কোর্-আন্ পাঠের বা নমাজের ব্যবচ্ছেদরূপে “রকু” ব্যবহৃত হয়। সূরা সকলের প্রারম্ভে প্রত্যেক সূরার “রকুর” সমষ্টি লিখিত আছে। কোর্-আনের ভিন্ন ভিন্ন সূরার অন্তর্গত নিদ্দিষ্ট ১২টি আয়তে সেজ্জদার (নমস্কারের) বিধি আছে। কোর্-আন্ শরীফ ত্রিশ ভাগে বিভক্ত, সেই এক এক ভাগের নাম “সিপারা”। প্রত্যেক ভাগকে আবার চারি অংশে পৃথক করা হইয়াছে। প্রত্যেক অংশের শেষ ভাগে ক্রমে “রোবা” ও “নোস্ফা” এবং “সোলোসা” (চতুর্থাংশ, অর্ধাংশ এবং তৃতীয়াংশ) এরূপ লিখিত আছে। যে যে বচন হইতে “সিপারা” সকলের আরম্ভ, সেই সেই বচনের প্রথম শব্দানুসারে সেই সমস্ত সিপারার নাম হইয়াছে। যথা “আলশ্মা” “সইয়কুলু” “তেল্করুরোসোলো”। নরপতি হোজ্জাজের রাজত্বকালে তাঁহার আদেশে কোর্-আনের এইরূপ বিভাগ হয়। আবার সমগ্র কোর্-আন্ ৬০ ভাগে বিভক্ত, এই প্রত্যেক ভাগের নাম “খর্ক”; এবং আরও অষ্টাদশ ভাগে বিভক্ত হইয়াছে, তাহাকে “মানকা” বলে। কোর্-আন্ পাঠ ও তাহা ক্রমে মুখস্থ করিবার সুবিধার জগ্গ এই সকল বিভাগ হইয়াছে। নূনকল্পে তিন দিন ও অনধিক চল্লিশ

দিনের মধ্যে কোর্-আন্ সম্পূর্ণ পাঠ করা বিধি। মহাপুরুষ মোহম্মদের প্রচারবন্ধু মহাত্মা ওসমান শুক্রবার রজনীতে কোর্-আন্ পাঠ আরম্ভ করিয়া বৃহস্পতিবার সমাপ্ত করিতেন। তদনুসারে কোর্-আন্ সাত ভাগে বিভক্ত হইয়াছে। এই বিভাগের নাম “মঞ্জেল”। সিপারা, খর্ক, মানকা, মঞ্জেল অনুসারে কোর্-আন্ ১১৪ ভাগে বিভক্ত। অনুবাদিত কোর্-আন্ তদ্রূপ নিষ্ঠা ও প্রণালী অনুসারে কেহ অধ্যয়ন ও মুখস্থ করিবেন, এরূপ সম্ভাবনা নাই; এক্ষণে সেই সকল বিভাগাদির নাম ও চিহ্নাদি যথাস্থানে প্রয়োজিত হইল না। কোন্ কোন্ সিপারা ও মঞ্জেল কোন্ কোন্ স্থান হইতে আরম্ভ হইয়াছে, সূচীতে কেবল তাহা প্রদর্শিত হইল। এক আয়তের সঙ্গে যে স্থানে অণু আয়তের বিশেষ যোগ, সেখানে + যোগচিহ্ন স্থাপিত হইয়াছে।

১২২২ সন

১৮৮৬ খৃঃ

১৮০৭ শক

অনুবাদকস্ম

## দ্বিতীয় সংস্করণের বিজ্ঞাপন

ঈশ্বররূপায় কোর্-আনের অনুবাদ দ্বিতীয় বার মুদ্রিত হইল। প্রথম বারের মুদ্রিত সহস্র পুস্তক বহুকাল হইল নিঃশেষিত হইয়াছে। অনেক গ্রাহক পুস্তক চাহিয়া প্রাপ্ত হন নাই। প্রায় তিন বৎসরে দ্বিতীয় সংস্করণের কার্য সমাপ্ত হইল। মুদ্রায়ত্ত্ব নিজের আয়ত্ত্বাধীন না থাকাতে মুদ্রাক্ষণে ঈদৃশ কালগৌণ ও বহু অসুবিধা হইয়াছে।

এবার মূল কোর্-আনের প্রত্যেক আয়তের সঙ্গে পুনরায় মিলাইয়া সংশোধন করা গিয়াছে। প্রথম সংস্করণে যে কিছু ভ্রম প্রমাদ ঘটিয়াছিল, আশা করি, এই দ্বিতীয় সংস্করণে তাহা আর বড় লক্ষিত হইবে না। কোর্-আনের অনুবাদ সুখবোধ ও সুপ্রাঞ্জল হয়, অনেকে এরূপ অভিলাষ প্রকাশ করিয়াছেন। এবার ভাষা অপেক্ষাকৃত প্রাঞ্জল করিতে যথাসাধ্য চেষ্টা করা গিয়াছে। কিন্তু পাঠকদিগের মনে করা কর্তব্য যে, অবিকল আক্ষরিক অনুবাদে অনুবাদকের কোনরূপ স্বাধীনতা নাই। বিশেষতঃ কোর্-আন্ সুছরুহ ধর্মগ্রন্থ, তাহার বঙ্গানুবাদে অনেক স্থানে সাধারণ প্রচলিত সহজ শব্দ প্রয়োজিত হইয়া উঠে না। স্থানে স্থানে ধর্মসম্বন্ধীয় আরব্য শব্দের বাঙ্গলা অনুবাদেতে কিছু কঠিন প্রতিশব্দ প্রয়োগ করিতে বাধ্য হওয়া গিয়াছে। ভাবমাত্র গ্রহণ করিয়া মুক্তভাবে অনুবাদ করিতে হইলে, ভাষার উপর অনেক দূর

কর্তৃত্ব চলে। একটি আয়তাংশের অবিকল অনুবাদ, যথা ;—“যে উপদেশ গ্রহণ করিতেছে, তাহা অল্পই” ভাবমাত্র গ্রহণ করিয়া এ বিষয়টি অনুবাদ করিলে “অল্পই উপদেশ গ্রহণ করিতেছে,” লিখা যাইতে পারে ; তাহা অপেক্ষাকৃত শ্রুতিমধুর হয়। কিন্তু কোর্-আনের অনুবাদে এরূপ অনুবাদ করা সাধ্যায়ত্ত নহে। কোর্-আন্ শব্দে শব্দে অবিকল অনুবাদ করা অনুবাদকের মুখ্য উদ্দেশ্য। অনেক স্থলে কোর্-আনে প্রতিপাত্ত বিষয়ের সংক্ষিপ্ততা ও জটিলতাতেও তাহা দুর্কৌশল হইয়াছে। ভাষ্যের সাহায্য ব্যতীত উহা বোধগম্য হয় না। ভাষাজ্ঞানে ও শব্দবিজ্ঞানে অনুবাদকের দরিদ্রতা ও অযোগ্যতা আছে, এ স্থলে ইহাও স্বীকার করিতে হইবে।

পূর্ব সংস্করণে কেবল তফসির হোসেনি ও শাহ্ আক্বোল কাদেরের ফায়দা বলিয়া চিহ্নিত ব্যাখ্যান অবলম্বন করিয়া ভাষ্য লিখিত হইয়াছিল। এবার সুপ্রসিদ্ধ আরব্য ভাষ্য পুস্তক তফসির জলালিন অবলম্বন করিয়া বিশেষ বিশেষ স্থলে কিছু কিছু টীকা সংযোজিত করা গিয়াছে। তফসির হোসেনি হইতেও নূতন কিছু ব্যাখ্যা সংগৃহীত হইয়াছে। পরন্তু এই দ্বিতীয় সংস্করণে প্রত্যেক রকুর আয়তের সংখ্যা তত্তৎ রকুর শেষভাগে নিবন্ধ হইল। কোর্-আনের কোন্ অধ্যায়ের কোন্ রকুতে কি কি বিষয় সন্নিবেশিত, এবার তাহার বিস্তীর্ণ নির্ঘণ্ট প্রকাশ করা গেল। এই মহাগ্রন্থের কোথায় কোন্ বিষয় আছে, নির্ঘণ্টের অভাবে তাহা সহজে কেহ অনুসন্ধান করিয়া বাহির করিতে পারিতেন না। এক্ষণ নির্ঘণ্টের সাহায্যে অনায়াসে প্রত্যেক বিষয় উপলব্ধ হইবে। প্রতি রকুর অন্তর্গত বিষয়ের নির্ঘণ্ট করা গিয়াছে। তবে অনেক রকুতে বিভিন্ন নানা প্রসঙ্গ জড়িত ও পুনরুক্তি আছে, তজ্জন্ম সাধারণতঃ অপেক্ষাকৃত প্রধান বিষয়টি নির্ঘণ্টে উল্লিখিত হইয়াছে। কোন কোন রকুর দুই তিনটি নির্ঘণ্টও করা গিয়াছে। এবার মূল কোর্-আনের ঐতিহাসিক বৃত্তান্ত প্রকাশ করা গেল। এ বিষয়টি একজন বন্ধুকর্তৃক সংগৃহীত হইয়াছে। তিনি এই অনুবাদিত পুস্তকের সঙ্গে প্রকাশ করিবার জন্ম তাহা আমার হস্তে প্রদান করিয়াছেন।

১২৯৮ সন

১৮৯২ খৃঃ

১৮১৩ শক

অনুবাদকস্ব

## কোর্-আনের ঐতিহাসিক তত্ত্ব

হজরত মোহাম্মদ কোর্-আন্ বিবৃত করিলে পর সর্বপ্রথমে তাহা পুস্তকে আবদ্ধ বা কোনরূপে একত্র সম্বদ্ধ হয় নাই। হজরতের স্বর্গারোহণের এক বৎসর পরে তাঁহার প্রধান প্রচারবন্ধু আবুবেকর ও ওমর সেই সমস্ত বচন একত্র করিতে যত্ন করিয়াছিলেন। তাঁহারা বুঝিয়াছিলেন, কোর্-আনের বচনসমূহ এক্ষণ মোসলমানদিগের অনেকেরই কণ্ঠস্থ আছে বটে, কিন্তু এই সময় গ্রন্থে বদ্ধ না করিলে তাঁহাদিগের মৃত্যুর সহিত এই অমূল্য সম্পত্তি বিলোপ প্রাপ্ত হইবে। বিশেষতঃ যুদ্ধ বিগ্রহে মোসলমানেরা যে প্রকার আনন্দের সহিত আত্মপ্রাণ আহুতি দিতেছে, তাহাতে হজরতের সমকালীন শ্রোতাদিগের সংখ্যা শীঘ্রই লয়প্রাপ্ত হইবে। জয়দনামক জনৈক মদিনাবাসী পণ্ডিত উৎসাহের সহিত এই সংগ্রহকার্যে প্রবৃত্ত হইয়া, বহু পরিশ্রমে নানাস্থান হইতে খজ্জুরপত্রে লিখিত, খেত প্রস্তরে খোদিত এবং মনুষ্যের বক্ষে চিত্রিত আয়ত সকল সংগ্রহ করেন\*। এই সংগৃহীত বচন সকল প্রথমতঃ আমির আবুবেকরের নিকটে ছিল, পরে তাঁহার মৃত্যুকালে হফ্‌সানাম্মী হজরতের পত্নীর নিকটে গচ্ছিত থাকে। নেতৃবর ওমর ফারুক যাবজ্জীবন এই গ্রন্থকেই মাণ্ড করিয়া চলিয়াছিলেন। তাঁহার মৃত্যুর পর আমির ওস্মানের সময় নানা স্থানে ইহার প্রতিলিপি বিস্তৃত হইয়াছিল বটে, কিন্তু সে সমস্ত পরম্পর এত বিভিন্নরূপে লিখিত হইয়াছিল যে, তাহার জগৎ মোসলমানমণ্ডলী মধ্যে ভয়ানক বিবাদ আরম্ভ হইল। ইহাতে ওস্মান পুনরায় সেই জয়দের দ্বারা কোর্-আন্ সংগ্রহ করিয়া তাহাই সমস্ত মোসলমানকে মাণ্ড করিতে বাধ্য করেন। তিনি এই নূতন গ্রন্থের বহুখণ্ড প্রতিলিপি করাইয়া সমস্ত প্রধান নগরে প্রেরণপূর্বক, পূর্বলিখিত সমস্ত কোর্-আন্ অগ্নিতে দগ্ধ করাইয়া ফেলেন।

জয়দ সংগ্রহকালে গ্রন্থমধ্যে কোন প্রকারে আপনার পাণ্ডিত্য প্রকাশ করেন নাই, তিনি যেখানে যেমন পাইয়াছেন, তেমন লিপিবদ্ধ করিয়া রাখিয়াছিলেন। সেই জগৎ ইহার অধ্যায় সকল পর পর না হইয়া বিশৃঙ্খল ভাবে লিখিত দেখা যায়। এমন কি সূরা সকলের মধ্যে আয়তেরও এমন গোলযোগ যে, তাহাতে অনেক স্থলে অসংলগ্ন বোধ হইয়া থাকে।

\* তিনি প্রথমে হজরতের ক্রীত দাস ছিলেন, খদিজা বিবীর পরেই আলি, তৎপর তিনি এসলাম ধর্ম গ্রহণ করেন; তাঁহার ধর্মামুরাগ দর্শন করিয়া হজরত তাঁহার দাসত্ব মোচন করিয়াছিলেন। এই ব্যক্তি যে কোর্-আন্ সংগ্রহ করিবার সম্পূর্ণ উপযুক্ত, তাহাতে কোন সন্দেহ নাই।



কোর-আন্ ১১৪ ভাগে বিভক্ত। প্রথম অবস্থায় ইহার সাত প্রকার সংস্করণ প্রকাশিত হইয়াছিল। প্রথম দুইখানি মদিনায়, তৃতীয় মকায়, চতুর্থ কুফানগরে, পঞ্চম বসোরায়, ষষ্ঠ সিরিয়া দেশে এবং সপ্তম খানি এরূপ কদর্য ছিল যে, তাহাকে সামান্য সংস্করণ বলিয়া লেখকেরা স্থানের উল্লেখ করেন নাই। এই সাত খানি সংস্করণে আয়তের সংখ্যা লইয়াই বিশেষ গোলযোগ হইয়াছিল।

কোর-আনের ২৯টি অধ্যায়ের পূর্বে অব্যক্ত সাঙ্কেতিক অক্ষর সংযুক্ত আছে, কোন সুরায় তিনটি, কোন সুরায় একটি। মোসলমানেরা বলেন, হজরত ভিন্ন আর কেহ ইহার অর্থ জ্ঞাত ছিল না, তথাপি কেহ কেহ আনুমানিক অর্থ করিয়া থাকেন। যেমন সূরা বকরার প্রথমে আছে, “আ, ল, ম”; কেহ বলেন, ইহার সঙ্কেত, আল্লা লতিফ মজিদ অর্থাৎ ঈশ্বর দয়ালু ও মহিমাম্বিত। কেহ বলেন, “আন্, নি, মেন্নি” অর্থাৎ, আমা হইতে এবং আমাতে। আর একস্থানে লিখিত আছে, আল্লাহ, জেব্রিল, মোহম্মদ। অর্থাৎ ঈশ্বর কোর্-আনের স্রষ্টা, জেব্রিল বা পবিত্রাত্মা কোর্-আন্ অবতারণ করেন, এবং মোহম্মদ কোর্-আনের প্রচারক ইত্যাদি অনেক আনুমানিক ব্যাখ্যা আছে। আবার কেহ বলেন, এই তিন অক্ষরের অর্থ “৭১” অর্থাৎ ইহা দ্বারা ঈশ্বর জানাইয়াছেন, ৭১ বৎসরের মধ্যে এই গ্রন্থ সম্পূর্ণভাবে জগতে পরিগৃহীত হইবে।

কোরেশজাতির বখোপকথনের ভাগাতেই কোর্-আনের অধিকাংশ পূর্ণ। কোন কোন অংশ একটু ভিন্ন বলিয়াও বোধ হয়। ইহার পদবিচার এবং রচনাকৌশল এত চমৎকার যে, একজন বর্ণজ্ঞানবিহীন লোকের মুখ হইতে তাহা অনর্গল নির্গত হওয়া সর্কাপেক্ষা প্রধান অলৌকিক ব্যাপার, সন্দেহ নাই। এই জগৎ অনেক আয়তে দর্পের সহিত এইরূপ উক্তি আছে যে, পৃথিবীতে এমন কোন্ ব্যক্তি আছে, ইহার গায় একটি আয়ত বর্ণন করিতে পারে? বাস্তবিক তৎকালে আরব দেশে পণ্ডিত, রচয়িতা, কবি এবং সুবক্তার অভাব ছিল না। সেই শ্রেণীর অংসগ্য লোক হজরতের চারি দিক্ বেষ্টন করিয়া কোর্-আন্ শ্রবণ করিত, এবং পরিশেষে বলিয়া যাইত যে, এ ব্যক্তি নিশ্চয় কোন ভূতের সাহায্যে এ প্রকার অলৌকিক কথা প্রকাশ করিতেছে। লবিদ নামক তৎকালের প্রধান কবি পৌত্তলিক ছিলেন, একদিন তিনি হঠাৎ একটি আয়ত শ্রবণমাত্র বলিলেন, এ প্রকার ভাষা প্রত্যাदिষ্ট ব্যক্তি ব্যতীত কেহ বলিতে পারে না। এই বিশ্বাসে তিনি তখনি এসলাম ধর্ম গ্রহণ করেন, এবং যে সকল অবিশ্বাসী এই ধর্মকে নিন্দা করিয়া রহস্যজনক কাব্য সকল লিখিতেছিল, তাহার প্রত্যুত্তর দিয়া চিরজীবন ধর্মের গৌরব বৃদ্ধি করেন।

কোর্-আন্ তিন বৎসরে সম্পূর্ণ অবতীর্ণ হইয়াছে। ২৬ অধ্যায়ের প্রথম পাঁচ আয়ত প্রথম বারে আসিয়াছিল। যখন কোন নূতন আয়ত আগমন করিত,

হজরতের মুখ হইতে প্রকাশমাত্র তাঁহার অনুগামিগণ তাহা লিখিয়া লইতেন, ইহা তাঁহারা পরস্পর নকল করিয়া লইয়া আপনাদিগের নিকটে রাখিতেন। কিন্তু অধিকাংশ লোক কণ্ঠস্থ করিয়াই রাখিত। যখন সেই সমস্ত মূল সংগৃহীত লিপি একত্রিত করা হইল, তখন যেমন পাওয়া গেল, অমনি একটি বাক্সে এমন বিশৃঙ্খল ভাবে রাখা হইয়াছিল যে, কোন্ সূরা কোন্ আয়ত কোন্ সময়ে অবতীর্ণ হইয়াছিল, প্রায় তাহা স্থির করা যায় নাই।



## সূচী পত্র

সূরা	সূরা	অর্থ	পৃষ্ঠা		
প্রত্যেক সূরার নাম সেই সূরার অন্তর্গত	বনিএশ্রায়েল	এশ্রায়েলসন্তানগণ	৩১৫		
আয়তবিশেষের কোন একটি বিশেষ শব্দ	কহফ	গর্ভ	৩৩৫		
অবলম্বন করিয়া হইয়াছে। কেবল সূরা	মরয়ম	এক ধার্মিক নারীর নাম	৩৫২		
ফাতেহা ও সূরা এখলাস এই নিয়মের	তা-হা	ব্যবচ্ছেদক শব্দ	৩৬২		
বহিভূত। নিম্নে সূরা সকলের নামের অর্থ	আশ্বিয়া	স্বর্গীয় সংবাদবাহকগণ	৩৭৫		
ও তৎসমুদায়ের পত্রাক্ষ লিপিত হইল	হজ্জ	মক্কাতীর্থের ব্রতবিশেষ	৩৮৮		
সূরা	অর্থ	পৃষ্ঠা	মুমেনুন	বিশ্বাসিগণ	৪০১
ফাতেহা	উদঘাটিকা	১	নূর	জ্যোতিঃ	৪১২
বকরা	গাভী	২	ফোরকাণ	কোর-আন্	৪২৫
আলোএম্বরাণ	এম্বরাণের সন্ততি	৫০	শোঅরা	কবিগণ	৪৩৫
নেসা	নারী	৮০	নম্বল	পিপীলিকা	৪৪৬
মায়দা	অন্নপাত্র	১১৭	কসস	উপাখ্যানাবলী	৪৫৫
এনাম	গ্রাম্যপশু	১৪৪	অনকবুত	উর্নাত	৪৬২
এরাফ	স্বর্গ ও নরকের মধ্যবর্তী		রুম	রাজ্যবিশেষ	৪৭৮
	উন্নত স্থানবিশেষ	১৬৯	লোকমান	ব্যক্তিবিশেষের নাম	৪৮৬
আনফাল	লুণ্ঠিত সামগ্রীপুঞ্জ	২০০	সেজ্ দা	নমস্কার	৪৯১
তওবা	পুনরাগমন	২১৩	আহজাব	দলসমূহ	৪৯৫
ইয়ুনস	এক পেগাস্বরের নাম	২৩১	সবা	দেশবিশেষ	৫১০
হুদ	"	২৪৪	ফাতের	সৃষ্টিকর্তা	৫১৯
ইয়ুসোফ	"	২৬০	ইয়াস	নিরাশা	৫২৬
রঅদ	বজ্রধ্বনি	২৭৮	সাক্ ফাত	শ্রেণীবন্ধনকারিগণ	৫৩৪
এব্রাহিম	এক পেগাস্বরের নাম	২৮৫	স	ব্যবচ্ছেদক বর্ণবিশেষ	৫৪৫
হেজর	বিচ্ছেদ	২৯২	জোমর	মাতুষের দল	৫৫৩
নহল	মধুমক্ষিকা	২৯৯	মুমেন	বিশ্বাসী	৫৬২

সূরা	পৃষ্ঠা	সূরা	অর্থ	
হামসজদা	বাবচ্ছেদক বর্ণবিশেষ ও	কলম	লেখনী	৬৭২
	নমস্কার	হাক্কা	বাস্তবিক	৬৭৫
শুরা	মন্ত্রণা সকল	মেরাজ	সোপানশ্রেণী	৬৭৭
জোখ্‌রোফ	স্ববর্ণ	তুহা	পেগাম্বর বিশেষ	৬৭৯
দোখান	ধূম	জেন্ন	দৈতা	৬৮১
জাসিয়া	জানুপরি বসা	মোজ্জম্মেলো	কমলাবৃত	৬৮৪
আহ্‌কাফ	স্থানবিশেষের নাম	মোদস্‌মের	বস্ত্রাবৃত	৬৮৬
মোহম্মদ	এসলাম ধর্মের প্রবর্তক	কেয়ামত	প্রলয়দটনা	৬৮৯
	মহাপুরুষের নাম	দহর	কাল	৬৯০
ফত্‌হ	বিজয়	মোর্‌সলাত	পেরিতগণ	৬৯৩
হোজরাত	কুটীরসকল	নবা	সংবাদ	৬৯৪
কা	ব্যবচ্ছেদক শব্দ	নাজেয়াত	আকর্ষণকারী	৬৯৬
জারেয়াত	বিক্ষিপ্তকারী বায়ুবাশি	অবস	মুগ বিরম করা	৬৯৮
তুর	পক্ষতবিশেষ	তক্‌ওয়ির	বেষ্টিত হওন	৬৯৯
নজম	নক্ষত্র	এন্‌ফেতার	বিদীর্ণ হওন	৭০০
কমর	চন্দ্র	তত্‌ফিফ	ন্যূন করা	৭০১
রহমাণ	ঈশ্বরের নাম বিশেষ	এন্‌শকাক	বিদীর্ণ হওয়া	৭০২
ওয়াক্‌য়া	সংঘটনীয়	বোরুজ	আকাশের বিভাগ সকল	৭০৩
হদিদ	লৌহ	তারেক	রাত্রিতে যে উপস্থিত হয়	৭০৪
মজাদলা	পরস্পর বিবাদ	আলা	মহোন্নত	৭০৫
হশর	একত্র হওন	গাশিয়া	কেয়ামত	ঐ
মোম্‌তহেনত	পরীক্ষিত	ফজর	প্রাতঃকাল	৭০৬
সফ্‌ফ	শ্রেণী	বলদ	নগর	৭০৮
জোমোয়া	শুক্রবার	শম্‌স	সূর্য	৭০৯
মোনাফেকোন	কপটগণ	লয়ল	রাত্রি	ঐ
তগাবোন	পরস্পর ক্ষতি করা	জোহা	মধ্যাহ্ন	৭১০
তলাক	বর্জন	এন্‌শরাহ	উন্মুক্ত করণ	৭১১
তহরিম	অনৈবধীকরণ	তীন্	আঞ্জির ফল	ঐ
মোল্ক	রাজত্ব	অলক্	ঘনীভূত শোণিত	৭১২

সূরা	অর্থ	পৃষ্ঠা	সূরা	অর্থ	পৃষ্ঠা
কদর	সম্মান	৭১৩	মাউন	পরম্পর সাহায্যদানের	৭১৭
বয়িনত	প্রমাণ			বস্তু	
জেজাল	ভূমিকম্প	৭১৪	কওসর	স্বর্গস্থ সরোবরবিশেষ	৭১৮
আদিয়া	ক্রতগামী অশ্ব		কাফেরোণ	ধর্মদ্রোহিগণ	”
কারেয়া	কেয়ামত	৭১৫	নসর	সাহায্য	৭১৯
তকাসোর	বহুতর		লহব	অগ্নিজিহ্বা	”
অসর	কাল		এখলাস	নির্মলতা	”
হমজা	দোষ ঘোষণা	৭১৬	ফলক	প্রাতঃকাল	৭২০
ফীল	হস্তী		নাস	মল্লম্ব	”
কোরেশ	জাতিবিশেষ	৭১৭			

### সিপারা

সমগ্র কোর্-আন্ ত্রিশ ভাগে বিভক্ত। সিপারা শব্দের অর্থ ত্রিশ ভাগের এক ভাগ। প্রত্যেক ভাগের ভিন্ন ভিন্ন নাম। কোন্ পৃষ্ঠার কোন্ সূরার কোন্ আয়ত হইতে কোন্ ভাগ আরম্ভ হইয়াছে, নিম্নে তাহা প্রকাশ করা গেল।

( ১ ) আলম্ব	পৃষ্ঠা	বকরার	১ম আয়ত
( ২ ) সইয়কুলো	২০	”	১৩৯
( ৩ ) তেঙ্করু রোসোলো	৪২	”	২৫১
( ৪ ) লন্ তনালু	৬৪	আলো এম্ব্রাণের	৯৪
( ৫ ) মোহসনাত	৮৬	নেসার	২৪
( ৬ ) লা ইয়ুহেক্বো আল্লাহো	১১২	”	১৪৫
( ৭ ) ও এজা সমেউ	১৩৫	মায়দার	৮৬
( ৮ ) ও লও আন্ননা	১৫৯	এনামের	১১২
( ৯ ) কালল্‌মলাও	১৮১	এরাফের	৮৮
( ১০ ) ও আলমো	২০৭	আনুফালের	৪২
( ১১ ) ইয় অৎজেরুণ	২২৬	তওবার	৯৬
( ১২ ) ও মা মেন্ দাক্ষতেন	২৪৫	হুদের	৭

	পৃষ্ঠা		আয়ত	
( ১৩ )	ও মা ওবরিয়ু	২৬৯	ইয়ুসোফের *	৫৪
( ১৪ )	রোবমা	২৯২	হেজরের	২
( ১৫ )	সোব্‌হানল্লজি	৩১৫	বনি এশায়েলের	১
( ১৬ )	কালি আলম্	৩৪৭	কহফের	৭৪
( ১৭ )	অক্‌তরবল্লেমাসে	৩৭৫	আশ্শিয়ার	১
( ১৮ )	কদ্‌ অফ্‌লহ্‌ল্‌মোমেহু	৪০১	মুমেন্‌নের	১
( ১৯ )	ও কালাল্লজিন	৪২৭	ফোরকাণের	২২
( ২০ )	আমন্‌ খলকস্‌ সয়াত	৪৫২	নম্‌লের	৬০
( ২১ )	ওংলো মা ওহিয়	৪৭৫	অনুকবুতের	৪৫
( ২২ )	ও মন্‌ যুকনোৎ	৫০১	আহজাবের	৩১
( ২৩ )	ও মা লি	৫২৯	ইয়াসের	২২
( ২৪ )	ফ মন্‌ আজ্‌লমা	৫৫৭	জোমরের	৩২
( ২৫ )	এলয়হে যুরদে	৫৭৬	হাম সজ্‌দার	৪৬
( ২৬ )	হাম	৫৯৮	আহকাফের	১
( ২৭ )	কালি ফমা গোংবোকোম্	৬২২	জারেয়াতের	৩১
( ২৮ )	কদ্‌সমেয়া আল্লাহো	৬৩৫	মজ্‌দলার	১
( ২৯ )	তবারকল্লজি	৬৬৯	মোল্‌কের	১
( ৩০ )	অম্ম	৬৯৪	নবার	১

### মঞ্জেল

মঞ্জেল	সূরা	পৃষ্ঠা
প্রথম	ফাতেহা হইতে	১
দ্বিতীয়	মায়দা হইতে	১১৭
তৃতীয়	ইয়ুনস হইতে	২৩১
চতুর্থ	বনিএশায়েল্‌ হইতে	৩১৫
পঞ্চম	শোঅরা হইতে	৪৩৫
ষষ্ঠ	সাফ্‌ফাত হইতে	৫৩৪
সপ্তম	কা হইতে	৬১৭

## নির্ঘণ্ট



( বিষয়, সূরা, রকু, পৃষ্ঠা )	অন্তরে নরক—হমজা, ১ র, ৭১৬ পৃ।
অ	অবতীর্ণ সত্যের সঙ্গে অসত্যের মিশ্রণ— রঅদ, ৩ র, ২৮২ পৃ।
অঙ্গীকারপালন—তওবা, ২ রকু, ২১৪ পৃ। নহল, ১৩ র, ৩১০ পৃ।	আ
অংশিবাদীদিগের সম্বন্ধে—তওবা, ১ র, ২১৩ পৃ। নহল, ৫—৬ র, ৩০৩—৩০৪ পৃ।	আয়ুব এশ্মায়িল এদ্রিস প্রভৃতি—আশ্বিয়া, ৬ র, ৩৮২ পৃ।
অবিশ্বাসীদিগের সম্বন্ধে—কসস, ৫ র, ৪৬১ পৃ। তওবা, ১৬ র, ২৩০ পৃ। বকরা, ২৬ র, ৩২ পৃ। আলো এম্বরাণ, ২ র, ৫২ পৃ। ঐ ৮ র, ৬০ পৃ। ঐ ১০ র, ৬৩ পৃ। ঐ ১২ র, ৬৬ পৃ। এনাম, ১ র, ১৪৪ পৃ। ঐ ২ র, ১৫২ পৃ। নেসা, ৭—৮—৯ র, ৯০—৯৫ পৃ। ঐ ১৬—১৭ র, ১০৬—১০৭ পৃ। ইয়াস, ১ র, ৫২৬ পৃ। জোমোয়া, ১ র, ৬৫২ পৃ। তুর, ২ র, ৬২৬ পৃ। মায়দা, ৯ র, ১৩১ পৃ। ঐ ৬ র, ১২৮ পৃ। এরাফ, ২২— ২৪ র, ১২৫—১২৭ পৃ। আনফাল, ৭ র, ২০৮ পৃ। বকরা, ১৪ র, ১৭ পৃ।	আদজাতি—আহকাফ, ৩ র, ৬০১ পৃ। আরাবীলোক - তওবা, ১২ র, ২২৫ পৃ। আদি প্রেরিতপুরুষগণ এনাম, ১০ র, ১৫৫ পৃ। নেসা, ২১—২২ র, ১১২—১১৩ পৃ। আশ্বিয়া, ১ র, ৩৭৫ পৃ। রঅদ, ৫—৬ র, ২৮৩—২৮৪ পৃ। জারেয়াত, ২ র, ৬২১ পৃ।
অবিশ্বাসী যাযাবর—ফত্বহ, ২ র, ৬০৯ পৃ।	আশ্রয়লাভবিষয়ে—ফলক, ১ র, ৭২০ পৃ। নাস, ১ র, ৭২০ পৃ।
অজুবিষয়ে—মায়দা, ২ র, ১২০ পৃ।	আদম—বকরা, ৪ র, ৫ পৃ।
অবরোধপ্রথা—নূর, ৪—৮ র, ৪১৬—৪২২ পৃ। আহজাব, ৭ র, ৫০৭ পৃ।	আদ ও সমুদজাতির শাস্তি—সেজ্জাদা, ২ র, ৪৯২ পৃ।
অলৌকিকতা ও কোর্-আনের মাহাত্ম্য— বনিএশ্রায়েল, ১০ র, ৩৩১ পৃ।	আজলামবিষয়ে—মায়দা, ১ র, ১১৭ পৃ। ঐ ১২ র, ১৩৬ পৃ।
	আবরণ সম্বন্ধে—আহজাব, ৮ র, ৫০৮ পৃ। নূর, ৮ র, ৪২২ পৃ।
	আয়ুবের বিষয়—স, ৪ র, ৫৫০ পৃ।
	আবরণ সম্বন্ধীয়—আহজাব, ৬ র, ৫০৪ পৃ।

আবরহার মক্কা আক্রমণ—ফীল, ১ র, ৭১৬ পৃ।

আবুলহবের শাস্তিবিষয়ে—লহব, ১ র, ৭১৯ পৃ।

## ই

ইহুদিজাতি—নেসা, ২২ র, ১১৩ পৃ।  
এরাফ, ২১ র, ১৯৩ পৃ। জোমোয়া, ১ র, ৬৫৯ পৃ।

ইয়ুসেনের বিষয়—সাফ্ফাত, ৫ র, ৫৪২ পৃ।  
ইয়ুনস, ১০ র, ২৪১ পৃ। কলম, ২ র, ৬৭৪ পৃ।

ইঞ্জিল—মায়দা, ৭ র, ১২৯ পৃ।

ইয়ুসোফের বিষয়—ইয়ুসোফ, ১—১১ র, ২৬০—২৭৫ পৃ।

## ঈ

ঈশ্বরের অধিতীয়ত্ব—আম্বিয়া, ২ র, ৩৭৬ পৃ।  
নহল, ৭ র, ৩০৪ পৃ। ইয়ুনস, ১ র, ২৩১ পৃ। হেজর, ২ র, ২৯৩ পৃ।

ঈশ্বরের মহিমা—সুরা, ১—২ র, ৫৭৭—  
৫৭৮ পৃ। জোখরোফ, ১ র, ৫৮২ পৃ।  
ইয়াস, ৩ র, ৫৩০ পৃ। হশর, ৩ র, ৬৫৩ পৃ।  
তগাবোন, ২ র, ৬৬৩ পৃ।  
মোল্ক, ১ র, ৬৬৯ পৃ। নবা, ১ র, ৬৯৪  
পৃ। রুম, ৫ র, ৪৮৪ পৃ। লোকমান, ৩—৪ র, ৪৮৯—৪৯০ পৃ।  
নজম, ৩ র, ৬২৯ পৃ। কা, ১ র, ৬১৭ পৃ। জারেয়াত, ৩ র, ৬২৩ পৃ।  
বোরুজ্জ, ১ র, ৭০৩ পৃ। বনিআশ্রায়েল, ৫—৬ র, ৩২৪—৩২৫  
পৃ। আম্বিয়া, ৩ র, ৩৭৮ পৃ। ঈ ৫ র, ৩৮০ পৃ। ইয়ুনস, ৩—৭ র, ২৩৪—

২৩৮ পৃ। রঅদ, ২ র, ২৭৯ পৃ।  
কহফ, ১ র, ৩৩৫ পৃ। জোখরোফ, ৭ র, ৫৮৯ পৃ। হদিদ, ১ র, ৬৪১  
পৃ। জোমর, ১ র, ৫৫৩ পৃ। গাশিয়া, ১ র, ৭০৫ পৃ।

ঈশ্বর ও তাঁহার অংশী—ইয়ুনস, ৪ র, ২৩৫ পৃ।

ঈশ্বরের অঙ্গীকার—হদিদ, ১ র, ৬৪১ পৃ।  
নহল, ৭ র, ৩০৪ পৃ।

ঈশ্বর-স্মরণে অবহেলার শাস্তি—জোখরোফ, ৪ র, ৫৮৬ পৃ।

ঈশ্বরের করুণা—হদিদ, ৩ র, ৬৪৩ পৃ।  
নহল, ১১ র, ৩০৮ পৃ।

ঈশ্বর ও শয়তান—স, ৫ র, ৫৫২ পৃ।

ঈশ্বরের ক্রিয়া—বহমান, ১—৩ র, ৬৩৪—  
৬৩৬ পৃ। নহল, ৩ র, ৩০১ পৃ।

ঈশ্বরের বিচার—আম্বিয়া, ২ র, ৩৭৬ পৃ।

ঈশ্বরের অনন্তবাণী—কহফ, ১২ র, ৩৫০ পৃ।  
লোকমান, ৩ র, ৪৮৯ পৃ।

ঈশ্বরসম্বন্ধীয়—ফাতেহা, ১ র, ১ পৃ।  
তওবা, ১০ র, ২২৩ পৃ। বকরা, ৩ র, ৪  
পৃ। ঈ ৩৪ র, ৪২ পৃ। এনাম, ২ র, ১৪৫ পৃ। ঈ ৬—৭ র, ১৪৯—  
১৫০ পৃ। মায়দা, ১২—১৩ র, ১৩৬—  
১৩৮ পৃ। এরাফ, ৭ র, ১৭৬ পৃ। হজ্জ, ৫ র, ৩৯৩ পৃ। ঈ ২ র, ৩৮৯। ঈ ৬—  
১০ র, ৩৯৪—৩৯৮ পৃ। মুমেনুন, ৫ র, ৪০৮ পৃ।  
নূর, ৬ র, ৪২০ পৃ। ফোরকাণ, ১ র, ৪২৫ পৃ। ঈ ৫ র, ৪৩১ পৃ।  
নমল, ৫ র, ৪৫২ পৃ। মুমেন, ৭ র, ৫৬৮ পৃ।  
এখলাস, ১ র, ৭১৯ পৃ।

ঈশ্বরের নেতৃত্ব—নূর, ৫ র, ৪১২ পৃ। বকরা, ৩৪ র, ৪২ পৃ। \*

ঈশ্বরের শাস্তি—বকরা, ২০ র, ২৪ পৃ। এনাম, ৫ র, ১৪৮ পৃ। ঐ ৮ র, ১৫১ পৃ। এরাফ, ১ র, ১৬৯ পৃ। ঐ ৪ র, ১৭২ পৃ। ঐ ১২ র, ১৮২ পৃ। মুমেন্ন, ৩ র, ৪০৪ পৃ। ঐ ৬ র, ৪০৯ পৃ। বনিএশ্রায়েল, ২ র, ৩১৯ পৃ। জারেয়াত, ১ র, ৬২০ পৃ। ইয়ুনস, ২—৩ র, ২৩২—২৩৪ পৃ।

ঈসায়ীদিগের সম্বন্ধে—মায়দা, ৩ র, ১২২ পৃ। ঐ ১৬ র, ১৪৩ পৃ। ঐ ১১ র, ১৩৪ পৃ। নেসা, ২২ র, ১১৩ পৃ।

ঈসাসম্বন্ধীয়—জোখরোফ, ৬ র, ৫৮৭ পৃ। আলো এম্বরাণ, ৫—৬ র, ৫৬—৫৮ পৃ। নেসা, ২২ র, ১১৩ পৃ। মায়দা, ১০ র, ১৩৩ পৃ। ঐ ১৫—১৬ র, ১৪১—১৪৩ পৃ।

### উ

উপদেশ—আলো এম্বরাণ, ১১ র, ৬৫ পৃ। এনাম, ৪ র, ১৪৭ পৃ। আন্ফাল, ৬ র, ২০৮ পৃ।

উপজীবিকা বিষয়ে—নহল, ১০ র, ৩০৭ পৃ।

### ঋ

ঋতু—বকরা, ২৮ র, ৩৫ পৃ।

ঋণসম্বন্ধে—বকরা, ৩৯ র। ৪৯ পৃ।

### এ

এব্রাহিমতত্ত্ব—শোঅরা, ৫ র, ৪৩৯ পৃ। অনুকবুত, ৩ র, ৪৭২ পৃ। সাফ্ফাত,

৩ র, ৫৩৮ পৃ। জোখরোফ, ৩ র, ৫৮৫ পৃ। হেজর, ৪ র, ২২৫ পৃ। আশিয়া, ৭ র, ৩৮০ পৃ। হুদ, ৭ র, ২৫৩ পৃ। নহল, ১৬ র, ৩১৪ পৃ। আলো এম্বরাণ, ৭ র, ৫৯ পৃ। এনাম, ৯ র, ১৫২ পৃ। মরয়ম, ৩ র, ৩৫৬ পৃ। এব্রাহিম, ৬ র, ২৮৯ পৃ।

এশ্রায়েলবংশীয়—দোখান, ২ র, ৫৯৩ পৃ। বকরা, ৫—১৬ র, ৬—১৯ পৃ। ঐ ৩২—৩৩ র, ৩৯—৪১ পৃ। মায়দা, ৩—৪ র, ১২২—১২৪ পৃ। ঐ ৬ র, ১২৮ পৃ। সেজ্জদা, ৩ র, ৪২৪ পৃ।

এলিয়াস—সাফ্ফাত, ৪ র, ৫৪১ পৃ।

এব্রাহিমের ধর্ম—মোম্তহেনত, ১ র, ৬৫৪ পৃ।

এন্তাকিয়াবাসিগণের প্রেরিতদিগের প্রতি ব্যবহার—ইয়াস, ২ র, ৫২৭ পৃ।

### ও

ওহাদের সংগ্রাম,—আলো এম্বরাণ, ১৬ র, ৭১ পৃ।

### ক

কর্তব্যপালন—বনিএশ্রায়েল, ৩ র, ৩২১ পৃ। কাবিল ও হাবিলের বৃত্তান্ত—মায়দা, ৫ র, ১২৫ পৃ।

কোব্-আন্ সম্বন্ধে—হাকা, ২ র, ৬৭৬ পৃ। দোখান, ১ র, ৫৯১ পৃ। মায়দা, ৭ র, ১২৯ পৃ। এনাম, ১১ র, ১৫৬ পৃ। বকরা, ১৭—১৮ র, ২১—২২ পৃ। অনুকবুত, ৫ র, ৪৭৫ পৃ। আহকাফ, ১ র, ৫৯৮ পৃ। ইয়ুনস, ৪ র, ২৩৫ পৃ।

শোঅরা, ১১ র, ৪৪৪ পৃ। ফোরকাণ,

১ র, ৪২৫ পৃ। ঐ ২ র, ৪২৬ পৃ। নম্বল,  
৬ র, ৪৫৩ পৃ। জেল্জাল, ১ র, ৭১৪ পৃ।  
আদিয়া, ১ র, ৭১৪ পৃ। কারেয়া, ১ র,  
৭১৫ পৃ।

কেয়ামত—আসিয়া, ৪ র, ৫২৭ পৃ। এনাম,  
১৫ র, ১৬০ পৃ। এরাফ, ২৩ র, ১২৭ পৃ।  
কসস, ৭ র, ৪৬৪ পৃ। রুম, ২—৩ র,  
৪৮০—৪৮১ পৃ। নাজেয়াত, ১ র,  
৬২৬ পৃ। হাক্বা, ১ র, ৬৭৫ পৃ। মোব্-  
সলাত, ১ র, ৬২৩ পৃ। মেরাজ, ১—২ র,  
৬৭৭—৬৭৮ পৃ। কেয়ামত, ১ র,  
৬৮২ পৃ। লোক্মান, ৪ র, ৪২০ পৃ।  
সেজ্জাদা, ৩ র, ৪২৪ পৃ। আহজাব, ৮ র,  
৫০৮ পৃ। নবা, ২ র, ৬২৫ পৃ। শুরা, ২ র,  
৫৭৮ পৃ। ঐ ৫ র, ৫৮১ পৃ। দোখান,  
২ র, ৫২৩ পৃ। কা, ২ র, ৬১৮ পৃ।  
মুমেন্ন, ৩ র, ৪০৪ পৃ। ঐ ৬ র, ৪০২  
পৃ। ফোরকাণ, ২—৩ র, ৪২৬—৪২৭  
পৃ। নহল, ১২ র, ৩০২ পৃ। এব্রাহিম,  
৭ র, ২২০ পৃ। তর্গাবোন, ১ র,  
৬৬২ পৃ। এন্শকাক, ১ র, ৭০২  
পৃ। ওয়াক্য়েয়া, ১—৩ র, ৬৩৮—৬৪০  
পৃ। তৎফিফ, ১ র, ৭০১ পৃ।

কাবামন্দির—হজ্জ, ৪ র, ৩২১ পৃ। আলো  
এম্ব্রাণ, ১০ র, ৬৩ পৃ। মুমেন, ২ র,  
৫৬৩ পৃ। জোমর, ৭ র, ৫৬০ পৃ।

কপটলোক—তওবা, ৭—২ র, ২২০—  
২২৩ পৃ। ঐ ১৩ র, ২২৬ পৃ।  
নেসা, ২১ র, ১১২ পৃ। মুমেন্ন, ৩ র,  
৪০৪ পৃ। হশর, ২ র, ৬৫২ পৃ।  
মোহম্মদ, ৩ র, ৬০৫ পৃ। মজাদলা,  
৩ র, ৬৪৮ পৃ। নহল, ৭ র, ৩০৪ পৃ।

মোনাফেকোন, ১ র, ৬৬১ পৃ। সফ্ফ,  
১ র, ৬৫৮ পৃ।

কারুণের বৃত্তান্ত—কসস, ৮ র, ৪৬৬ পৃ।

কওসর বিষয়ে—কওসর, ১ র, ৭১৮ পৃ।

কাফেরদিগের সম্বন্ধে—হেজর, ১ র, ২২২  
পৃ। মোম্তহেনত, ১ র, ৬১৪ পৃ।  
কমর, ৩ র, ৬৩৩ পৃ। শোঅরা, ১ র,  
৪৩৫ পৃ। হজ্জ, ২—৩ র, ৩৮২—৩৯১  
পৃ। ঐ ৭ র, ৩২৫ পৃ। নূর, ৫ র, ৪১২  
পৃ। ফোরকাণ, ১ র, ৪২৫ পৃ। ঐ  
৩—৪ র, ৪২৭—৪২৯ পৃ। মুমেন,  
১ র, ৫৬২ পৃ। কহফ, ৭ র, ৩৪৪  
পৃ। রঅদ, ৪—৫ র, ২৮২—২৮৩ পৃ।  
মাউন, ১ র, ৭১৭ পৃ। কাফেরোণ, ১ র,  
৭১৮ পৃ।

কেব্লার বিষয়—বকরা, ১৭ র, ২১ পৃ।

কোরেশ জাতি বিষয়ে—কোরেশ, ১ র,  
৭১৭ পৃ।

কণ্ঠাহত্যা—নহল, ৭ র, ৩০৪ পৃ।

কার্যের বিনিময়—শুরা, ৪ র, ৫৮০ পৃ।

কোরবাণী ( বলিদান )—হজ্জ, ৪—৫ র,  
৩২১—৩২৩ পৃ।

কোর্-আন্ ও পুণ্যকর্ম—দহর, ২ র, ৬২২ পৃ।

কাফেরদিগের সঙ্গে বন্ধুতাবিষয়ে—নেসা,  
২১ র, ১১২ পৃ।

কোর্-আনের মূলসত্য ও সাদৃশ্যাত্মক অনিত্য  
উক্তি—আলো এম্ব্রাণ, ১ র, ৫০ পৃ।

খাছাখাছবিধি—বকরা, ২১ র, ২৪ পৃ।

হজ্জ, ৪ র, ৩২১ পৃ। নূর, ৮ র, ৪২২  
পৃ। মায়দা, ১ র, ১১৭ পৃ। ঐ ১২ র,



১৩৬ পৃ। এনাম, ১৭—১৮ র, ১৬৪—  
১৬৫ পৃ। ঐ ১৪ র, ১৫২ পৃ। ঐ ১৬ র,  
১৬৫ পৃ। নহল, ১৫ র, ৩১৩ পৃ।  
খাগুবস্ততে ঈশ্বরের করুণা—নহল, ৯ র,  
৩০৬ পৃ।  
খেজর ও মুসার বৃত্তান্ত—কহফ, ৯—১০ র,  
৩৪৫—৩৪৬ পৃ।

গ

গ্রাম্য পশু ও ঈশ্বরের শাস্তি—মুমেন, ৯ র,  
৫৭০ পৃ।  
গুপ্ত কথা—মজাদলা, ২ র, ৬৪৬ পৃ।  
গর্ভনিবাসী যুবকগণ—কহফ, ১—৪ র,  
৩৩৫—৩৪০ পৃ।  
গ্রন্থাধিকারীদিগের সম্বন্ধে—বয়িনত, ১ র,  
৭১৩ পৃ।

চ

চোরের শাস্তি—মায়দা, ৬ র, ১২৮ পৃ।  
চন্দ্র দ্বিখণ্ডিত হওয়ার বিষয়—কমর, ১ র,  
৬৩১ পৃ।

জ

জোলকরণয়ের বৃত্তান্ত—কহফ, ১১ র,  
৬৪৮ পৃ।  
জৈহাদ ( ধর্মযুদ্ধ )—বকরা, ২৪ র, ২৮ পৃ।  
ঐ ২৬—২৭ র, ৩২—৩৩ পৃ। নেসা,  
১০—১৪ র, ৯৭—১০৪ পৃ। ঐ ১৫ র,  
১০৫ পৃ। তওবা, ৪—৫ র, ২১৬—  
২১৭ পৃ। ঐ ১১ র, ২২৪ পৃ। ঐ ১ র,  
২১৩ পৃ। তহরিম, ২ র, ৬৬৮ পৃ।  
আহজাব, ২ র, ৪৯৭ পৃ। হজ, ৬ র,  
৩৯৪ পৃ। আনুফাল, ৫ র, ২০৬ পৃ।

জকরিয়ার বিষয়—আলোএম্বাণ, ৪ র, ৫৪  
পৃ। মরয়ম, ১ র, ৩৫২ পৃ।  
জকুম তরুর বিষয়—সাফ্যাত, ২ র, ৫৩৬  
পৃ।  
জয়দের পুত্রত্ববিষয়—আহজাব, ১ র, ৪৯৫  
পৃ।  
জয়নবের বিবাহবৃত্তান্ত—আহজাব, ৫ র,  
৫০২ পৃ।  
জৈহাদে ব্যয়ের ফলাফল—মোহম্মদ, ৪র,  
৬০৬ পৃ।  
জেরিলের বিষয়—মোদস্‌সের, ১ র, ৬৮৬  
পৃ। ফাতেহা, ১ র, ১ পৃ। বকরা, ১২ র,  
১৫ পৃ। শোঅরা, ১১ র, ৪৪৪ পৃ। কম,  
১ র, ৪৭৮ পৃ।

ত

তওরাতগ্রন্থ—মায়দা, ৭ র, ১২৯ পৃ।  
তলাক ( স্ত্রীবর্জন )—বকরা, ২৮—৩১  
র, ৩৫—৩৮ পৃ। তলাক, ১ র,  
৬৬৪ পৃ।  
তালুত ও জালুতের বিষয়—বকরা, ৩২—  
৩৩ র, ৩৯—৪১ পৃ।

দ

দান—বকরা, ৩৬—৩৭ র, ৪৫—৪৬ পৃ।  
ঐ ২৬ র, ৩২ পৃ। নেসা, ৬ র, ৮৮ পৃ।  
দাসদাসীর প্রতি ব্যবহার—নূর, ৪ র,  
৪১৬ পৃ।  
দণ্ড পুরস্কার—জোমর, ২—৩ র, ৫৫৫—  
৫৫৬ পৃ। সবা, ১ র, ৫১০ পৃ। কসস,  
৯ র, ৪৬৮ পৃ। মোহম্মদ, ২ র, ৬০৪  
পৃ। মরয়ম, ৫ র, ৩৫৯ পৃ। রআদ,

৩—৪ র, ২৮২ পৃ। এব্রাহিম, ২—৫ র, ২৮৬—২৮৯ পৃ। ফাতের, ১ র, ৫১৯ পৃ।

দাউদের কাহিনী—নম্বল, ২—৩ র, ৪৪৭—৪৪৯ পৃ। বকরা, ৩২ র, ৬৯ পৃ। স, ১ র, ৫৪৫ পৃ। ঐ ৩ র, ৫৪৮ পৃ।

দৈত্যদিগের ধর্মগ্রহণ ও প্রচার—আহ্কাফ, ৪ র, ৬০২ পৃ।

দল সম্বন্ধে—রুম, ৪ র, ৪৮২ পৃ। আনফাল, ৬ র, ২০৮ পৃ।

দৈত্যদিগের বিষয়—জেন্ন, ১ র, ৬৮১ পৃ।

দূতক্রীড়া—বকরা, ২৭ র, ৩৩ পৃ। মায়দা, ১২ র, ১৩৬ পৃ।

দৃষ্টান্তযোগে উপদেশ—কহফ, ৫—৬ র, ৩৪২—৩৪৩ পৃ।

ধ

ধনবিভাগ—নেসা, ১ র, ৮০ পৃ। ঐ ৩ র, ৮৫ পৃ। ঐ ৫ র, ৮৭ পৃ। ঐ ২৩ র, ১১৬ পৃ। আনফাল, ৫ র, ২০৬ পৃ।

ধর্মগ্রহণে বলপ্রয়োগবিষয়ে—ইয়ুনস, ১০ র, ২৪১ পৃ। বকরা, ৩৪ র, ৪২ পৃ।

ধার্মিক অধার্মিকের অবস্থার পার্থক্য—জোখরোফ, ৩ র, ৫৮৫ পৃ।

ধর্মকে বিভক্ত করার বিষয়—এনাম, ২০ র, ১৬৭ পৃ।

ধর্ম স্বাভাবিক—রুম, ৪ র, ৪৮২ পৃ।

ধার্মিকের পুরস্কার—হামসজ্জদা, ৪ র, ৫৭৪ পৃ।

ধর্মক্রিয়া ( ধর্মার্থ দান রোজাপালনাদি )—হজ্জ, ৬ র, ৩২৪ পৃ।

ধর্মশাস্ত্রের অবিমিশ্র ও বিমিশ্র সত্য বিষয়ে—রঅদ, ২ র, ২৭৯ পৃ।

ন

নমাজ—বকরা, ৩১ র, ৩৮ পৃ। মায়দা, ২ র, ১২০ পৃ। নেসা, ৭ র, ৯০ পৃ। এরাফ, ৩ র, ১৭১ পৃ। মোজ্জম্মেলো, ২ র, ৬৮৫ পৃ।

নরকদণ্ডবিষয়ে—মুমেন, ৮ র, ৫৬৯ পৃ। স, ৪ র, ৫৫০ পৃ। মোজ্জম্মেলো, ২ র, ৬৮৫ পৃ। তকাসোর, ১ র, ৭১৫ পৃ।

নরকবাসীদিগের সম্বন্ধে—মোল্ক, ১ র, ৬৬৯ পৃ।

নুহার প্রসঙ্গ—নুহা, ১—২ র, ৬৭৯—৬৮০ পৃ। সাফ্ফাত, ৩ র, ৫৩৮ পৃ। ফোরকাণ, ৪ র, ৪২৯ পৃ। মুমেনুন, ২ র, ৪০৩ পৃ। শোঅরা, ৬ র, ৪৪০ পৃ। এরাফ, ৮ র, ১৭৬ পৃ। আশ্বিয়া, ৬ র, ৩৮২ পৃ। ইয়ুনস, ৮ র, ২৩৯ পৃ। হুদ, ৩—৪ র, ২৪৭—২৪৮ পৃ।

নিদর্শন ও কোর্-আন্—ফাতের, ৫ র, ৫২৪ পৃ।

নুহীয় সম্প্রদায় ও আদজাতি—কমর, ১ র, ৬৩১ পৃ।

ন্যায়াচরণ—বনিএশ্রায়েল, ৪ র, ৩২২ পৃ। নুহা, লুত ও ফেরওণের স্ত্রী—তহরিম, ২ র, ৬৬৮ পৃ।

প

পূর্বতন প্রেরিতমণ্ডলী—হদিদ, ৪ র, ৬৪৪ পৃ।

পুরাতন পদ্ধতিপ্রিয়তা—জোখরোফ, ২ র, ৫৮৪ পৃ।

পিতামাতা, স্বগণ ও দরিদ্রের প্রতি কর্তব্য

—বনিএশ্রায়েল, ৩ র, ৩২১ পৃ।

প্রতিশোধ ও ধৈর্য—নহল, ১৬ র, ৩১৪ পৃ।

প্রেরিত পুরুষসম্বন্ধে—নূর, ৭ র, ৪২১ পৃ।

মুমেন্ন, ৩ র, ৪০৪ পৃ। ইয়ুনস, ৫ র,

২৩৬ পৃ। নেসা, ২১—২২ র, ১১২—

১১৩ পৃ। জারেয়াত, ২ র, ৬২১ পৃ। স,

১ র, ৫৪৫ পৃ। আশিয়া ১ র, ৩৭৫ পৃ।

রঅদ, ৫—৬ র, ২৮৩—২৮৪ পৃ।

প্রত্যাদেশ—হজ, ৭ র, ৩২৫ পৃ। শুরা, ৫

র, ৫৮১ পৃ। মোজশেলো, ১ র, ৬৮৪ পৃ।

পবিত্রাত্মাবিষয়ে—বকরা, ১১ র, ১৩ পৃ।

প্রত্যাবর্তন—তওবা, ১৪ র, ২২৮ পৃ।

প্রেরিতকে গৌরব দান—ফত্হ, ১ র,

৬০৭ পৃ।

পিতামাতা ও সন্তান—আহকাফ, ২ র,

৫২২ পৃ।

প্রেরিতপুরুষের ধর্ম গ্রহণ—জেন্ন, ২ র,

৬৮৩ পৃ।

প্রতিমাপূজাবিষয়ে—হজ, ১০ র, ৩২৮ পৃ।

হামসজদা, ২ র, ৫৭২ পৃ।

প্রেরিতপুরুষদিগের ভূত ও ভবিষ্যতে

অভ্যুদয়সম্বন্ধে—মুমেন্ন, ৮ র, ৫৬২ পৃ।

পারলৌকিক শাস্তি—আশিয়া, ৭ র, ৩৮৬

পৃ। নহল, ৪ র, ৩০২ পৃ। কহফ, ১২ র,

৩৫০ পৃ। গাশিয়া, ১ র, ৭০৫ পৃ।

ফ

ফেরাণ ও তাহার সম্প্রদায়ের প্রতি শাস্তি—

হুদ, ২ র, ২৫৭ পৃ।

ব

বিবাহসম্বন্ধীয়—নূর, ৩—৪ র, ৪১৫—৪১৬

পৃ। বকরা, ২৭ র, ৩৩ পৃ। ঐ ৩০

র, ৩৭ পৃ। নেসা, ১ র, ৮০ পৃ। ঐ

৩—৫ র, ৮৫—৮৭ পৃ। আহজাব, ৬ র,

৫০৪ পৃ।

বিচারের দিন—এন্ফেতার, ১ র, ৭০০ পৃ।

বিধি অস্বীকারবিষয়ে—কহফ, ৮ র, ৩৪৪

পৃ।

ব্যভিচার সম্বন্ধে—নূর, ১—২ র, ৪১২—

৪১৩ পৃ।

বিধিপালনবিষয়ে—বকরা, ২২ র, ২৫ পৃ।

এনাম, ১২ র, ১৬৬ পৃ।

বিধিপরিবর্তনবিষয়ে—নহল, ১৪ র, ৩১১ পৃ।

বদরের যুদ্ধ—আন্ফাল, ১—২ র, ২০০—

২০২ পৃ। ঐ ২ র, ২১০ পৃ।

বিজয়সংবাদ—নসূর, ১ র, ৭১২ পৃ।

বিশ্বাসীদিগের সম্বন্ধে—মুমেন্ন, ১ র, ৪০১

পৃ। ঐ ৩ র, ৪০৪ পৃ। নূর, ৫ র,

৪১২ পৃ। ঐ ৭ র, ৪২১ পৃ। ফোরকাণ,

৬ র, ৪৩৩ পৃ। হজ, ২—৩ র, ৩৮২—

৩২১ পৃ। ঐ ৭ র, ৩২৫ পৃ। ঐ ১০ র,

৩২৮ পৃ। মোনাফেকোন, ২ র, ৬৬২

পৃ। তহরিম, ২ র, ৬৬৮ পৃ। ফত্হ

৩—৪ র, ৬১০—৬১২ পৃ। বকরা, ১ র,

২ পৃ। ঐ ১৩ র, ১৬ পৃ। ঐ ১২ র,

২২ পৃ। ঐ ২৬ র, ৩২ পৃ। ঐ ৪০ র,

৪২ পৃ। আলো এম্বরাণ, ১ র, ৫০

পৃ। ঐ ১৪—১৭ র, ৬২—৭৪ পৃ।

মায়দা, ১—২ র, ১১৭—১২০ পৃ।

ঐ ৮ র, ১৩০ পৃ। তওবা, ২ র, ২২৩

পৃ। কসস, ৬ র, ৪৬৩ পৃ। আহজাব, ৩ র, ৪২২ পৃ। হোজরাত, ২ র, ৬১৫ পৃ।  
 বিশ্বাসী ও অবিশ্বাসী—ফৎহ, ১ র, ৬০৭ পৃ।  
 হুদুদ, ১ র, ৬৪২ পৃ।  
 বৈধাবৈধ মাস বিষয়ে—তওবা, ৫ র, ২১৭ পৃ।  
 বিশ্বাস ও ধর্মাত্মকুল্যাবিষয়ে—সফ্ফ, ২ র, ৬৫২ পৃ।  
 বিশ্বাসীদিগের গরম্পরের সম্মিলন—হোজ-  
 রাত, ১ র, ৬১৩ পৃ।  
 বিশ্বাসীর পুরস্কার—বোরুজ, ১ র, ৭০৩ পৃ।

ভ

ভাগ্যবান্ ও হতভাগ্য—লয়ল, ১ র, ৭০২ পৃ।

ম

মুসার প্রসঙ্গ—ইয়ুনস, ২ র, ২৪০ পৃ।  
 কসস, ১—৪ র, ৪৫৫—৪৬০ পৃ।  
 মরয়ম, ৪ র, ৩৫৭ পৃ। ফোরকাণ, ৪ র, ৪২২ পৃ। শোঅরা, ২—৪ র, ৪৩৫—  
 ৪৩৮ পৃ। এব্রাহিম, ১—২ র, ২৮৫—  
 ২৮৬ পৃ। এরাফ, ১৩—২০ র, ১৮২—  
 ১২২ পৃ। মায়দা, ৪ র, ১২৪ পৃ।  
 মুমেন, ৩—৪ র, ৫৬৪—৫৬৫ পৃ।  
 আহজাব, ২ র, ৫০২ পৃ। দোখান, ১ র, ৫২১ পৃ। জোখরোফ, ৫ র, ৫৮৬ পৃ। তাহা, ১—৫ র, ৩৬২—  
 ৩৭০ পৃ।  
 মনোমধ্যে কোর্-আনের প্রত্যাদেশ—বকরা, ১২ র, ১৫ পৃ।

মরয়মের প্রসঙ্গ—আলো এম্‌রাণ, ৪—৫ র, ৫৪—৫৬ পৃ। মরয়ম, ২ র, ৩৫৩ পৃ।  
 মদয়ন জাতি ও শোয়ব পেগাঘর—এরাফ, ১১ র, ১৮১ পৃ।  
 মৃত্যু ও শাস্তি—জোমর, ৫ র, ৫৫৮ পৃ।  
 মণ্ডলীর বিচ্ছেদ ও মিলন—শুরা, ২ র, ৫৭৮ পৃ।  
 মুসা ও হারুণের প্রসঙ্গ—সফ্ফ, ১ র, ৬৫৮ পৃ।  
 মেরাজ (স্বর্গারোহণ)—নজম, ১ র, ৬২৭ পৃ।  
 মনুষ্যসৃষ্টি—তারেক, ১ র, ৭০৪ পৃ। হেজর, ৩ র, ২২৪ পৃ।  
 মৃত্যুসম্বন্ধীয়—নহল, ৮ র, ৩০৫ পৃ। বলদ, ১ র, ৭০৮ পৃ। তীন, ১ র, ৭১১ পৃ।  
 অলক্, ১ র, ৭১২ পৃ।

য

যুদ্ধবিরোধী ও বিশ্বাসীদিগের দণ্ড পুরস্কার—  
 মোহম্মদ, ১ র, ৬০৩ পৃ।

র

রোজা (উপবাসত্রত)—বকরা, ২৩ র, ২৬ পৃ।  
 রুমের পরাজয়—কুম, ১ র, ৪৭৮ পৃ।

ল

লুত পেগাঘর—শোঅরা, ২ র, ৪৪২ পৃ।  
 নম্‌ল, ৪ র, ৪৫১ পৃ। এরাফ, ১০ র, ১৭২ পৃ। অনুকবুত, ৩—৪ র, ৪৭২—  
 ৪৭৪ পৃ। হেজর, ৫ র, ২২৬ পৃ।  
 লুঠিত সামগ্রী বিষয়ে—আনফাল, ১ র, ২০০ পৃ।  
 লোকমানের প্রসঙ্গ—লোকমান, ২ র, ৪৮৭ পৃ।

শ

শয়তানের প্রসঙ্গ—বনিএশায়েল, ৭ র, ৩২৭  
পৃ। নেসা, ১৮ র, ১০৮ পৃ। হেজর,  
৩ র, ২২৪ পৃ। ফাতের, ১ র, ৫১২ পৃ।  
কহফ, ৭ র, ৩৪৪ পৃ।

শপথবিষয়ে - মায়দা, ১২ র, ১৩৬ পৃ।

শিকার—মায়দা, ১৩ র, ১৩৮ পৃ।

শুক্লাসরীয় নমাজ—জোমোয়া, ২ র, ৬৬০  
পৃ।

শান্তিবিষয়ে—সবা, ৪ র, ৫১৬ পৃ। সেজ্জদা,  
২—৩ র, ৪২২—৪২৪ পৃ। অন্কবুত,  
৬ র, ৪৭৭ পৃ। জোমর, ৬ র, ৫৫২ পৃ।  
মুয়েন, ৫—৬ র, ৫৬৬—৫৬৮ পৃ।

শবেকদর—কদর, ১ র, ৭১৩ পৃ।

শোয়ব পেগাথরের প্রসঙ্গ—অন্কবুত, ৪ র,  
৪৭৪ পৃ। হুদ, ৮ র, ২৫৬ পৃ।

শয়তান ও আদম এবং মনুশা—এরাফ, ২  
৩ র, ১৭০—১৭১ পৃ।

শক্রকুলের স্ত্রীপুরুষদিগের প্রতি কর্তব্য—  
মোম্তহেনত, ২ র, ৬৫৫ পৃ।

স

সৃষ্টিক্রিয়া—মুয়েন, ১ র, ৪০১ পৃ। লোক-  
মান, ১ র, ৪৮৬ পৃ। রুম, ৩—৪ র, ৪৮১  
—৪৮২ পৃ। সেজ্জদা, ১ র, ৪২১ পৃ।  
নহল, ১ র, ২২২ পৃ। রঅদ, ১ র, ২৭৮  
পৃ। হাম সজ্জদা, ২ র, ৫৭২ পৃ।

সংঘমন—মুয়েন, ১ র, ৪০১ পৃ।

স্বর্গ ও নরক—ফোরকাণ, ২ র, ৪২৬ পৃ।  
এরাফ, ৫—৬ র, ১৭৪—১৭৫ পৃ। ইয়াস,  
৪—৫ র, ৫৩১—৫৩২ পৃ। জোমর, ৮ র,  
৫৬১ পৃ। সাফ্ফাত, ২ র, ৫৩৬ পৃ।

কা, ৩ র, ৬১২ পৃ। ওয়াকেরা, ১ র,  
৬৩৮ পৃ। আহকাফ, ২ র, ৫২২ পৃ।  
মোহম্মদ, ২ র, ৬০৪ পৃ। নেসা, ১৮ র,  
১০৮ পৃ।

সকল শাস্তকে মান্য করা বিষয়ে—বকরা,  
১০ র, ১২ পৃ।

সালেহ পেগাথর—শোঅরা, ৮ র, ৪৪২ পৃ।  
নহল, ৪ র, ৪৫১ পৃ। এরাফ, ১০ র,  
১৭২ পৃ।

সালেহ ও লুত—কমর, ২ র, ৬৩২ পৃ।

সৃষ্টি, এব্রাহিম ও হুহা—অন্কবুত, ২ র,  
৪৭১ পৃ।

সমুদ জাতি—শমস, ১ র, ৭০২ পৃ।

স্ত্রী পুরুষের লজ্জা ও সতর্কতা—নূর, ৪ র,  
৪১৬ পৃ।

সাম্প্রদায়িক সম্মিলন—শুবা, ২ র, ৫৭৮ পৃ।

স্বামী স্ত্রী—নেসা, ১২ র, ১০২ পৃ।

সন্ধিবিগ্রহ—আনফাল, ৮ র, ২০২ পৃ।

স্ত্রীবর্জন—আহজাব, ৬ র, ৫০৪ পৃ। তলাক,  
১ র, ৬৬৪ পৃ।

স্ত্রীধন—আহজাব, ৬ র, ৫০৪ পৃ।

স্ত্রীলোকের প্রতি শাসন—নেসা, ৬ র, ৮৮ পৃ।

সাক্ষ্যদান বিষয়ে—মায়দা, ১৪ র, ১৩২ পৃ।

সমুদায় প্রেরিতকে গ্রহণ—বকরা, ১৬ র,  
১২ পৃ। মুয়েন, ৭ র, ৫৬৮ পৃ। নেসা,  
২১ র, ১১২ পৃ। ক্রী ২৩ র, ১১৫ পৃ।

সোলয়মান—নমুল, ২—৩ র, ৪৪৭—৪৪৯  
পৃ। সবা, ২ র, ৫১১ পৃ। স, ৩ র,  
৫৪৮ পৃ।

সর্বশ্রেণীর সাধুর প্রতি অভয় বাণী—মায়দা,  
১০ র, ১৩৩ পৃ।

সন্তানহত্যা—এনাম, ১৬ র, ১৬১ পৃ।

স্বর্গবাসীদিগের স্মৃতিবর্ণন—দহর, ১ র, ৬২০ পৃ।

সাধুর পুরস্কার—ফাতের, ৪ র, ৫২৩ পৃ।

~~আলোএমরাণ~~—বকরা, ১ র, ৬১৭ পৃ।

স্বত্বসম্বন্ধে—হশর, ১ র, ৬৪২ পৃ।

সুরাপানবিষয়ে—বকরা, ২২৭ র, ৩৩ পৃ।

মায়দা, ১২ র, ১৩৬ পৃ।

সুদগ্রহণবিষয়ে—বকরা, ৩৮ র, ৪৭ পৃ।

আলোএমরাণ, ১৪ র, ৬২ পৃ।

সফা ও মরওয়াজিরি—বকরা, ১২ র, ২২ পৃ।

হ

হজক্রিয়া—বকরা, ২৪—২৫ র, ২৮—৩০ পৃ।

হেজরত ( দেশত্যাগ )—তওবা, ৬ র, ২১২ পৃ। নেসা, ১৪ র, ১০৪ পৃ।

হেজরনিবাসী—হেজর, ৬ র, ২২৭ পৃ।

হুদ পেগাম্বর—হুদ, ৫ র, ২৫০ পৃ। এরাফ, ১০ র, ১৭২ পৃ।

হজরত মোহাম্মদসম্বন্ধীয়—হজ, ৭ র, ৩২৫ পৃ।

হোজরাত, ২ র, ৬১৫ পৃ। ইয়ুনস,

১০—১১ র, ২৪১—২৪৩ পৃ। জোহা,

১ র, ৭১০ পৃ।

হজরতের প্রতি উপদেশ—বনিএশ্রায়েল,

৮—৯ র, ৩২২—৩৩০ পৃ। হুদ, ১০ র,

২৫২ পৃ। আলোএমরাণ, ১ র, ৫০ পৃ।

এনশকাক, ১ র, ৭০২ পৃ।

হজরতের পত্নীগণ সম্বন্ধে—আহজাব, ৪—

৫ র, ৫০১—৫০২ পৃ।

হজরতের ভাৰ্য্যাদিগের নাম—আহজাব, ৭

র, ৫০৭ পৃ।

হজরতের সম্বন্ধে বিবাহবিধি—আহজাব, ৬

র, ৫০৪ পৃ।

হজরতের পারিবারিক ব্যাপার—তহরিম,

১ র, ৬৬৬ পৃ।

হজরত মোহাম্মদ ও কাফেরগণ—আশ্বিয়া, ৩

র, ৩৭৮ পৃ।

হজরত মোহাম্মদ ও একত্ববাদ—কহফ, ১২ র,

৩৫০ পৃ।

হজরত মোহাম্মদ ও কোর্-আন্—হুদ, ২ র,

২৪৫ পৃ।

# কোর-আন শরীফ

## সূরা ফাতেহা \*

### প্রথম অধ্যায়

#### ৭ আয়ত

( দাতা ✽ দয়ালু ঈশ্বরের নামে প্রবৃত্ত হইতেছি । ১ । )

বিশ্বপালক পরমেশ্বরেরই সম্যক্ প্রশংসা । ২ । + তিনি দাতা ও দয়ালু । ৩ । +  
বিচারদিবসের অধিপতি । ৪ । আমরা তোমাকেই মাত্র অর্চনা করিতেছি, এবং

\* বিশেষ বিশেষ সময়ে ও বিশেষ বিশেষ ঘটনাসূত্রে কোর-আনের এক এক সূরা ( অধ্যায় )  
অবতীর্ণ হইয়াছে । ফাতেহা সূরার সম্বন্ধে এরূপ উল্লিখিত আছে যে, একদা মহাপুরুষ মোহাম্মদ  
মক্কার প্রান্তরের পথ দিয়া যাইতেছিলেন, এমন সময়ে “হে মোহাম্মদ,” এই শব্দ শুনিত পাইলেন ।  
তিনি উর্ধ্বে দৃষ্টি করিয়া দেখিলেন যে, গগনমার্গে স্বর্গীয় সিংহাসনের উপর একজন জ্যোতিষ্মান  
পুরুষ দণ্ডায়মান হইয়া তাঁহাকে আহ্বান করিতেছেন । মহাপুরুষ মোহাম্মদ ইহা দেখিয়া ভয়ে  
পলায়ন করিতেছিলেন, কিন্তু পুনঃ পুনঃ তিনি “হে মোহাম্মদ,” এই শব্দ শ্রবণ করিলেন । খদিজাদেবীর  
পিতৃব্যপুত্র অরকা পুরাতন ধর্মগ্রন্থ ও ইতিহাস শাস্ত্রে সুপণ্ডিত ছিলেন, এবং বর্তমান সময়ে  
আরব দেশে যে একজন স্বর্গীয় তত্ত্ববাহক সমুদিত হইবেন জানিতেন । তিনি এই ব্যাপার  
অবগত হইয়া হজরত মোহাম্মদকে বলিলেন, “যখন তুমি এই শব্দ শ্রবণ করিবে, পলায়ন করিও না,  
কি বলা হয়, মনোযোগপূর্বক শুনিও” । হজরত তদনুসারে কর্ণপাত করিয়া শুনিত লাগিলেন ।  
তখন সেই জ্যোতিষ্ময় পুরুষের মুখে এই কথা শ্রবণ করিলেন, “হে মোহাম্মদ, আমি জেব্রিল, তুমি  
এই দলের নবি” ( স্বর্গীয় সংবাদদাতা ) । তৎপর বলিলেন, “আমি সাক্ষ্য দান করিতেছি যে,  
ঈশ্বর ব্যতীত উপাস্ত নাই, মোহাম্মদ তাঁহার প্রেরিত ও তাঁহার দাস ।” অপিচ বলিলেন, “বল,  
বিশ্বপালক পরমেশ্বরেরই সম্যক্ প্রশংসা” ইত্যাদি ফাতেহা সূরার শেষ বচন পর্য্যন্ত উচ্চারিত হইল ।  
( তফসির ফায়দা )

+ “রহমান” শব্দের অর্থ দাতা লিখিত হইল । কিন্তু “রহমান” শব্দের প্রকৃত অর্থ প্রলয়ান্তে  
চরমকালে পুনর্বার মানবীয় অস্তিত্বের প্রদাতা । মোসলমানদিগের পারলৌকিক মত ও বিশ্বাস  
এই যে, মৃত্যুর পর আত্মা দেহের সঙ্গে কবরের ভিতরে বাস করে । ঈশ্বরের আজ্ঞানুসারে এক সময়  
জগতের প্রলয় হইবে । তখন ভূগর্ভস্থ ভগ্ন ও বিচূর্ণ দেহ সকল পুনর্গঠিত ও সজীব হইয়া ঈশ্বরের







বিদ্যাং তাহাদের দৃষ্টি হরণ করিবে ; যখন ( বিদ্যাং ) তাহাদিগকে জ্যোতিঃ প্রদান করে, তাহারা তাহাতে চলিতে থাকে ; যখন তাহারা অন্ধকারাচ্ছন্ন হয়, তখন দণ্ডায়মান থাকে ; ঈশ্বর ইচ্ছা করিলে নিশ্চয় তাহাদের চক্ষু কৰ্ণ হরণ করিবেন, নিশ্চয় ঈশ্বর সর্বোপরি ক্ষমতাশালী \* । ২০ । ( র, ২, আ, ১৩ )

হে লোকসকল, যিনি তোমাদিগকে ও তোমাদের পূর্ববর্তী লোকদিগকে সৃজন করিয়াছেন, তোমরা আপনাদের সেই প্রতিপালককে অর্চনা কর, তাহাতে তোমরা রক্ষা পাইবে। ২১ । + যিনি তোমাদের জন্ম ভূতলকে শয্যা, আকাশকে চন্দ্রাতপ করিয়াছেন, এবং আকাশ হইতে বারিবর্ষণ করেন, পরে তাহা হইতে ফলপুঞ্জ তোমাদের উপজীবিকার জন্ম উৎপাদন করেন, সেই ঈশ্বরকে অর্চনা কর, ঈশ্বরের সদৃশ নিরূপিত করিও না, অপিচ তোমরা জ্ঞাত আছ। ২২ । আমি যাহা আপন দাসের প্রতি অবতারণ করিয়াছি, তাহাতে যদি তোমাদের সন্দেহ থাকে, তবে তৎসদৃশ এক সূরা উপস্থিত কর ; যদি তোমরা সত্যব্রত হও, তবে ঈশ্বর ব্যতীত স্বীয় সাক্ষিগণকে আহ্বান কর। ২৩ । পরন্তু যদি করিলে না, তবে নিশ্চয় করিতে পারিবে না ; অতএব যে অগ্নির ইন্ধন মনুষ্য, সেই নর-কাগ্নি ও প্রস্তুতপুঞ্জ সম্বন্ধে সাবধান হও ; ( তাহা ) ঈশ্বরদ্রোহী লোকদিগের জন্ম সঞ্চিত আছে। ২৪ । যাহারা বিশ্বাস স্থাপন ও সংকার্য্য করিয়াছে, তাহাদিগকে ( হে মোহম্মদ, ) তুমি এই সুসংবাদ দান কর যে, তাহাদের জন্ম স্বর্গের উদ্যান সকল আছে, যাহার নিম্ন দিয়া পয়ঃপ্রণালী সকল প্রবাহিত হইতেছে : যখন তাহা হইতে ফলপুঞ্জ উপজীবিকারূপে তাহাদিগকে দেওয়া যাইবে, তখন তাহারা বলিবে, আমরাদিগকে পূর্বে যাহা প্রদত্ত হইয়াছে, ইহা সেই ফল ; আকারে পরস্পর সাদৃশ্য গৃহীত হইবে, † এবং সেখানে তাহাদের জন্ম পুণ্যবতী ভার্যা সকল থাকিবে ও তাহারা তথায় নিত্যকাল বাস করিবে। ২৫ । নিশ্চয় ঈশ্বর মশকের ন্যায় ক্ষুদ্র জীবের বা তদপেক্ষা শ্রেষ্ঠ জীবের উদাহরণ দিতে লজ্জিত হন না, কিন্তু যাহারা বিশ্বাসী তাহারা জানে যে, তাহাদের প্রতিপালকের এই ( রূপ দৃষ্টান্ত ) সত্য ; কিন্তু ঈশ্বরদ্রোহী লোকেরা পরে বলে, “এই উদাহরণে ঈশ্বর কি অভিপ্রায় করেন ?” ইহা দ্বারা তিনি অনেককে পথচ্যুত ও অনেককে পথপ্রদর্শন করিতেছেন ;

\* ধর্মে পরিণামে সম্পূর্ণ সম্পদ, পূর্বে কিছু ক্রেশ ; যেমন বারিবর্ষণের পরিণামে শস্তোৎপত্তি, কিন্তু তাহার প্রথমে বজ্রধ্বনি ও বিদ্যাং । কপট লোকেরা প্রথমে ক্রেশ দেখিয়াই ভয় পায় এবং তাহাদের সঙ্কট উপস্থিত হয় । যেমন বিদ্যাং কখনও প্রজ্বলিত ও কখন অদৃশ্য হয়, তক্রূপ কপট লোকদিগের মনে কখনও ধর্ম স্বীকার, কখনও অস্বীকার হইয়া থাকে । ( ত, কা, )

+ কথিত আছে যে, স্বর্গোদ্যানের কলের আকার পৃথিবীর কলের আকারের ন্যায়, কিন্তু আশ্বাদনে বিভিন্নতা আছে । ( ত, কা, )

এতদ্বারা কুক্রিয়াশীল লোক ব্যতীত অগ্রে পথচ্যুত হয় না \*। ২৬। যাহারা ঈশ্বরের অঙ্গীকার তদ্বন্ধনের পর ভঙ্গ করে, এবং ঈশ্বর সন্মিলন বিষয়ে যে আজ্ঞা করিয়াছেন, তাহা লঙ্ঘন করে, এবং পৃথিবীতে অহিতাচরণ করে, ইহারাই তাহারা যে ক্ষতি-গ্রস্ত। ২৭। কেমন করিয়া তোমরা ঈশ্বরদ্রোহী হও; অবস্থা ত এই—তোমরা নির্জীব ছিলে, পরে তিনি তোমাদিগকে জীবিত করিয়াছেন, অতঃপর তিনি তোমাদিগকে সংহার করিবেন, ইহার পর তিনি জীবন দান করিবেন, অবশেষে তাহার দিকেই তোমাদের প্রতিগমন। ২৮। তিনি এই পৃথিবীতে যাহা কিছু আছে, তৎসমুদায় তোমাদিগের জন্ত সৃজন করিয়াছেন, তৎপর নভোমণ্ডলের প্রতি মনোযোগী হইয়া সপ্ত স্বর্গ প্রতিষ্ঠিত করিয়াছেন; তিনি সর্ব বিষয়ে জ্ঞানী। ২৯। ( র, ৩, আ, ২ )

এবং ( স্মরণ কর, ) যখন তোমার প্রতিপালক দেবগণকে বলিলেন, “নিশ্চয় আমি পৃথিবীতে দলপতি সৃজন করিব।” তাহারা বলিল, “তুমি কি এমন লোককে তথায় সৃজন করিবে, যাহারা সেই স্থানে অত্যাচার ও শোণিতপাত করিতে থাকিবে? আমরা তোমার গুণের প্রশংসা করিয়া থাকি ও তোমার পবিত্রতা স্বীকার করি।” তিনি বলিলেন, “যাহা তোমরা জ্ঞাত নও, নিশ্চয় আমি তাহা জ্ঞাত আছি।” ৩০। এবং তিনি আদমকে সকল পদার্থের নাম শিখাইয়াছিলেন, তৎপর সমুদায় দেবগণের নিকট উপস্থিত করিলেন, পরে বলিলেন, “যদি তোমরা সত্যবাদী, তবে এই সকলের নাম আমাকে জ্ঞাপন কর।” ৩১। তাহারা বলিল, “পবিত্রতার সহিত তোমাকে স্মরণ করিতেছি, ( হে ঈশ্বর, ) যাহা তুমি আমাদিগকে শিক্ষা দিয়াছ, তদ্ব্যতীত আমাদের কোন জ্ঞান নাই, নিশ্চয় তুমি জ্ঞাতা ও স্বেজ্ঞাতা।” ৩২। ঈশ্বর বলিলেন, “হে আদম, তুমি তাহাদিগকে তাহাদের নাম জ্ঞাপন কর;” অনন্তর যখন সে তাহাদিগের নিকটে তাহাদের নাম ব্যক্ত করিল, তখন তিনি বলিলেন, “আমি তোমাদিগকে কি বলি নাই যে, সতাই আমি ভূমণ্ডল ও নভোমণ্ডলের গুপ্ত বিষয় জ্ঞাত আছি ও তোমরা প্রকাশে যাহা করিতেছ এবং যাহা গুপ্ত রাখিতেছ, তাহা অবগত হইতেছি?” ৩৩। এবং যখন আমি দেবগণকে বলিলাম, “তোমরা আদমকে প্রণাম কর,” তখন শয়তান ব্যতীত সকলে প্রণাম করিল, সে অগ্রাহ করিল, অবাধ্য হইল ও ধর্মদ্রোহীদিগের অন্তর্গত হইল। ৩৪। এবং আমি বলিলাম, “হে আদম, স্বর্গে তুমি সস্ত্রীক বাস করিতে থাক ও তোমরা দুই জনে তাহার ( খাণ্ড ) যথা ইচ্ছা স্থখে ভক্ষণ

\* ঈশ্বর কোর-আনে মশক ও উর্গনাভ ইত্যাদি জীবের আখ্যায়িকা দৃষ্টান্তস্থলে বলিয়াছেন। অবিদ্বাসী লোকেরা তৎপ্রতি উপেক্ষাপ্রদর্শনে অর্থ গ্রহণ না করিয়া বিপথগামী হইয়াছে, এবং বিদ্বাসীরা মনোযোগবিধানে তাহার মর্ম গ্রহণ করিয়া আলোক লাভ করিয়াছেন। ( ত, কা, )

কর, এবং এই বৃক্ষের নিকটে যাইও না, তবে তোমরা অপরাধীদিগের অন্তর্গত হইবে।” ৩৫। অনন্তর শয়তান তাহাদিগকে তথা হইতে বিচাগিত করিল, তৎপর তাহারা যাহাতে (যে সম্পদে) ছিল, তাহা হইতে নিজামিত হইল, এবং আমি বলিলাম, তোমরা অধোগামী হও, তোমরা পরস্পরের শত্রু, ভূমণ্ডলে তোমাদিগের জন্ম বাসস্থান ও কিছু কাল ফলভোগ হইবে। ৩৬। পরে আদম স্বীয় প্রতিপালকের নিকটে কয়েক কথা শিক্ষা করিল, \* অনন্তর তিনি তাহার প্রতি প্রসন্ন হইলেন; নিশ্চয় তিনি প্রত্যাবর্তনকারী ও দয়ালু। ৩৭। আমি বলিয়াছিলাম যে, “তথা হইতে এক যোগে তোমরা অধোগমন কর, পরে যদি তোমাদের নিকটে আমা হইতে উপদেশ উপস্থিত হয়, তখন যে ব্যক্তি সেই উপদেশের অনুসরণ করিবে, তাহার কোন ভয় থাকিবে না, সে শোকার্ত হইবে না।” ৩৮। এবং যাহারা ধর্মবিদ্রোহী হইয়াছে ও আমার নিদর্শন সকলের প্রতি অসত্যারোপ করিয়াছে, তাহারা নরকাগ্নির অধিবাসী, সেখানে তাহারা নিত্যনিবাসী হইবে। ৩৯। (র, ৪, আ, ১০)

হে এশ্রায়েলবংশীয় লোকসকল, আমি তোমাদিগকে যাহা দিয়াছি, সেই দান স্মরণ কর, এবং আমার অঙ্গীকার পূর্ণ কর, আমি তোমাদের অঙ্গীকার পূর্ণ করিব; পরন্তু আমা হইতে ভীত হও †। ৪০। আমি যাহা (কোরু-আন্) প্রেরণ

\* ঈশ্বর আদমের অন্তরে প্রকাশ করিয়াছিলেন যে, এই ভাবে প্রার্থনা করিও, তাহা হইলে তোমাকে ক্ষমা করা যাইবে। (ত, কা,)

† ইয়কুবের বংশোদ্ভব লোক এশ্রায়েল জাতি, এই এশ্রায়েল বংশে ধর্মপ্রবর্তক মহাত্মা মুসা জন্মগ্রহণ করিয়াছিলেন। তাঁহার নিকট “তওরাত” গ্রন্থ অবতীর্ণ হয়। তিনি এশ্রায়েল জাতিকে মেষরের ঈশ্বরদ্রোহী অত্যাচারী রাজা ফেরওণের অধীনতা হইতে মুক্ত করিয়া কেনান দেশে আনয়নপূর্বক স্থাপন করিয়াছিলেন। তাঁহার ঈশ্বরের নিকটে সেই দেশের অধিকার প্রার্থনা করেন। ঈশ্বর তাঁহাজির সঙ্গে এই মর্মে অঙ্গীকার করিয়াছিলেন যে, “তোমরা যদি তওরাতের বিধি অনুসারে চল, এবং আমি যে যে পেগাহরকে (তত্ত্ববাহককে) প্রেরণ করিব, তাহাদের অনুবর্তী হও, তাহা হইলে কেনান দেশ তোমাদের অধিকারে রাখিব।” তখন তাহারা সেই অঙ্গীকারে বদ্ধ থাকে, পরে বিপথগামী হয়, অর্থাৎ দুর্নীতিপরায়ণ হইয়া উঠে, উৎকোচগ্রাহী ও শাস্ত্রীয় প্রমাণ সকলের অসত্য মীমাংসাকারী হয়। তোমাদের অনুরোধে সত্য অসত্য আরোপ করে, প্রভুত্বের অভিলাষী হয়, স্বর্গীয় তত্ত্ববাহকদিগকে অগ্রাহ্য করে, তওরাত গ্রন্থে তত্ত্ববাহকদিগের চরিত্র বেরূপ লিখিত ছিল, তাহার পরিবর্তন করে। একদা ঈশ্বর নিজের অনুগ্রহ ও তাহাদিগের অবাধ্যতা স্মরণ করাইয়া দিতেছেন। “তোমাদিগকে” হলে তোমাদের পূর্ব পুরুষদিগকে বুঝাইবে। ইহা জাতিই এশ্রায়েলবংশীয়। (ত, হো,)

শাম দেশ তুরস্কের পশ্চিম দক্ষিণ প্রান্তে স্থিত। এ দেশের এক নগরের নাম কেনান। এই নগরে মুসার পূর্বপুরুষ ইয়ুসেফের পিতা ইয়কুব বাস করিতেন। এই কেনানকে কেহ শাম দেশ বলিয়া-

করিলাম, তাহাতে বিশ্বাস স্থাপন কর, তোমাদের সঙ্গে যাহা ( যে পুস্তক ) বিদ্যমান, ( এই পুস্তক ) তাহার সত্যতার প্রতিপাদক, \* ইহার প্রতি তোমরা প্রথম ঈশ্বরদ্রোহী হইও না ও আমার নিদর্শন সকলের জন্ত নিকৃষ্ট মূল্য গ্রহণ করিও না, † এবং পরে আমা হইতে সাবধান হইও। ৪১। এবং তোমরা সত্যের সঙ্গে অসত্যকে মিশ্রিত ও সত্যকে গোপন করিও না, এবং তোমরা তো জ্ঞাত আছ? ৪২। এবং উপাসনাকে প্রতি-  
 ঠিত রাখ, জকাত ‡ প্রদান কর ও উপাসকমণ্ডলীর সঙ্গে উপাসনা কর। ৪৩।  
 তোমরা কি লোকদিগকে সন্ধিষয়ে আদেশ কর, এবং আপনাদিগকে ভুলিয়া যাও ও  
 তোমরা গ্রন্থ পাঠ করিয়া থাক, অনস্তুর অর্থ বোধ করিতেছ না কি? ৪৪।  
 সহিষ্ণুতা ও উপাসনাযোগে আবুকুল্য প্রার্থনা কর, নিশ্চয় ইহা কঠিন; কিন্তু  
 বিনীত লোকদিগের পক্ষে কঠিন নয়। ৪৫। + যাহারা জানে যে, তাহারা ঈশ্বরের  
 সঙ্গে সম্মিলিত হইবে ও তাহার প্রতি তাহারা প্রত্যাবর্তনকারী হওয়া ( তাহাদের পক্ষে  
 কঠিন নহে।) ৪৬। ( র, ৫, আ, ৭ )

হে এশ্রায়েলবংশীয় লোকসকল, আমি তোমাদিগকে যাহা দিয়াছি, আমার  
 সেই দান স্মরণ কর, এবং নিশ্চয় আমি সমুদায় লোকের উপর তোমাদিগকে  
 শ্রেষ্ঠতা দান করিয়াছি। ৪৭। যে দিবস কোন ব্যক্তি কাহারও নিকট হইতে  
 কিঞ্চিৎ উপকার লাভ কারবে না ও তাহার অনুরোধ স্বীকৃত এবং তাহার নিকট  
 হইতে বিনিময় গৃহীত হইবে না ও তাহারা সাহায্য পাইবে না, তোমরা সেই  
 ( বিচারের দিনকে ) ভয় করিও। ৪৮। এবং ( স্মরণ কর, ) আমি যখন ফেরাওয়গীয়  
 সম্প্রদায় হইতে তোমাদিগকে মুক্ত করিয়াছিলাম, তাহারা তোমাদের প্রতি  
 কঠোর অত্যাচার করিতেছিল, তোমাদের পুত্র সন্তানদিগকে বধ করিতেছিল,  
 এবং কন্যাদিগকে জীবিত রাখিতেছিল, ইহাতে তোমাদের প্রতিপালক হইতে  
 গুরুতর পরীক্ষা ছিল। ৪৯। এবং ( স্মরণ কর, ) যখন আমি তোমাদের জন্ত  
 সমুদ্রকে বিভক্ত করিয়াছিলাম, পরে তোমাদিগকে রক্ষা ও ফেরাওয়গীয় লোক-  
 দিগকে জলমগ্ন করিয়াছিলাম, এবং তোমরা দর্শন করিতেছিলে। ৫০। এবং

ছেন, কিন্তু প্রসিদ্ধ পারশ্ব অভিধানকার গয়সোদ্দিন কেনান ইয়কুবের অধিষ্ঠিত নগর বিশেষ বলিয়া  
 উল্লেখ করিয়াছেন।

\* ধর্মপুস্তক "তওরাত" বর্ণিত আছে যে, যিনি তত্ত্ববাহকরূপে ধর্মগ্রন্থসহ প্রকাশিত হইবেন,  
 যদি তিনি "তওরাতকে" সত্য বলেন, তবে তিনি সত্য তত্ত্ববাহক, অন্যথা মিথ্যা। ( ত, কা, )

+ "নিদর্শন সকলের জন্ত নিকৃষ্ট মূল্য গ্রহণ করিও না।" ইহার অর্থ সাংসারিক জীবিতর অনুরোধে  
 ধর্মকে পরিত্যাগ করিও না। ( ত, হো, )

‡ বার্ষিক আয়ের চল্লিশ ভাগের এক ভাগ ধর্মোদ্দেশ্যে দান করাকে "জকাত" বলে, প্রত্যেক  
 মোসলমান এইরূপ দানে ধর্মতঃ বাধ্য।

হয় স্বচ্ছন্দে ভক্ষণ কর, এবং প্রণাম করিতে করিতে দ্বারে আসিয়া বল যে, আমরা ক্ষমা চাহিতেছি, আমি তোমাদের অপরাধ ক্ষমা করিব, এবং অবশ্য হিতকারী লোকদিগকে অধিক দান করিব \* । ৫৮ । অনন্তর যাহারা দুষ্ট লোক ছিল, তাহাদিগকে যে কথা বলা হইয়াছিল, তাহারা তাহার বিপরীতাচরণ করিল, পরে আমি সেই সকল দুষ্ট লোকের অসদাচরণজন্য তাহাদের উপর স্বর্গ হইতে শাস্তি প্রেরণ করিলাম । ৫৯ । ( র, ৬, আ, ১৩ )

এবং যখন মুসা স্বীয় সম্প্রদায়ের জন্ত জল প্রার্থনা করিয়াছিল, তখন আমি বলিয়াছিলাম, “তুমি স্বীয় যষ্টিদ্বারা প্রস্তরে আঘাত কর ;” অনন্তর তাহা হইতে দ্বাদশ প্রস্রবণ নির্গত হইল, নিশ্চয় প্রত্যেক ব্যক্তি আপনার আপনার ঘাট জানিতে পারিল ; ( আমি বলিলাম ) ঈশ্বরপ্রদত্ত জীবিকা হইতে ভক্ষণ ও পান কর, আর তোমরা পৃথিবীতে অত্যাচারিরূপে অত্যাচার করিয়া ফিরিও না † । ৬০ । এবং যখন তোমরা বলিলে, “হে মুসা, আমরা একবিধ খাণ্ডে দৈর্ঘ্য ধারণ করিতে পারিব না, অতএব আমাদের জন্ত তোমার ঈশ্বরকে আহ্বান কর, ক্ষেত্রে শাক, কাঁকড়ি, গোধূম, মসুর, পলাঞ্জু জন্মে, তিনি যেন আমাদের নিমিত্ত এই সকল দ্রব্য বাহির করেন ।” সে বলিল, “তোমরা কি নিকৃষ্ট বস্তুর সঙ্গে উৎকৃষ্ট বস্তুর বিনিময় করিতে চাহ ? কোন নগরে অবতীর্ণ হও, পরে তোমরা যাহা চাহিতেছ, তাহা নিশ্চয় তোমাদের জন্ত হইবে ;” পরে তাহাদের উপর দুর্দশা ও দরিদ্রতা নিপতিত এবং তাহারা ঈশ্বরের আক্রোশের সঙ্গে পুনর্মিলিত হইল ; যেহেতু তাহারা ঐশ্বরিক নিদর্শন সকলের প্রতি বিশ্বাস স্থাপন করিতেছিল না ও তত্ত্ববাহকদিগকে অযথা বধ করিতেছিল, অপরাধ করিয়াছিল বলিয়া এরূপ ঘটিল, এবং তাহারা সীমা লঙ্ঘন করিতেছিল । ৬১ । ( র, ৭, আ, ২ )

এই বিশুদ্ধ বস্তু তোমাদিগকে দান করা যাইতেছে, ভক্ষণ কর, কল্যকার জন্ত ভাবিও না ।” তাহারা সেই আজ্ঞাপালনে বিমুগ্ধ হইলেন, এবং ভবিষ্যতের জন্ত সঞ্চয় করিতে লাগিলেন । তাহাতেই ঈশ্বর “আমার প্রতি” ইত্যাদি এই উক্তি করিলেন । ( ত, হো, )

\* এশ্রায়েলবংশীয় লোকদিগকে স্বীয় পাপের জন্ত অরণ্যে প্রবেশ করিতে হইয়াছিল, এই বৃহাস্ত মায়দা সূরাতে বিশেষরূপে বিবৃত হইবে । একদা তাহারা অরণ্যে আহার প্রাপ্ত হন না, ঈশ্বর তাহাদিগকে এক গ্রামের নিকট উপস্থিত করিয়া এই আদেশ করেন, “গ্রামের দ্বারে প্রণাম করিতে করিতে যাও, এবং পাপ ক্ষমা হউক বলিতে থাক ।” ( ত, ফা, )

† সেই অরণ্যে জল ছিল না । এক প্রস্তর হইতে বারটি প্রস্রবণ নির্গত হয় । এশ্রায়েল সম্প্রদায়ের অন্তর্গত বারটি দল ছিল, এক এক দল এক এক প্রস্রবণের জল পান করিলেন । ইহার তাৎপর্য এই যে, যে দলের লোক হউক না কেন, বিশ্বাসী হইলে স্বর্গের শা বারি লাভ করিবে, দলের বিশেষত্বের প্রাধান্য নাই । ( ত, ফা, )



(স্মরণ কর, ) যখন আমি মুসার সঙ্গে চত্বারিংশৎ রজনীর অঙ্গীকার করিয়াছিলাম, তৎপর সে চলিয়া গেলে তোমরা গোবৎসকে আশ্রয় করিলে, \* এবং তোমরা দুর্বৃত্ত হইলে-। ৫১। অবশেষে ইহার পরে আমি তোমাদিগকে ক্ষমা করিয়াছিলাম, যেন তাহাতে তোমরা ধন্ববাদ দাও। ৫২। এবং (স্মরণ কর, ) যখন আমি মুসাকে পুস্তক ও প্রমাণ দান করিয়াছিলাম, যেন তোমরা সত্য পথ প্রাপ্ত হও। ৫৩। এবং (স্মরণ কর, ) যখন মুসা আপন সম্প্রদায়কে বলিয়াছিল, “হে আমার মণ্ডলীস্ব লোক-সকল, নিশ্চয় তোমরা গোবৎসকে (উপাস্ত্ররূপে) গ্রহণ করিয়া নিজের প্রতি অনিষ্টাচরণ করিয়াছ, অতএব স্বীয় সৃষ্টিকর্তার দিকে প্রত্যানুখ হও, অতঃপর স্ব স্ব জীবনকে বিনাশ কর, তোমাদের সৃষ্টিকর্তার নিকটে ইহাই তোমাদের জন্ত কল্যাণ,” অনন্তর ঈশ্বর তোমাদের প্রতি প্রত্যাবর্তন করিলেন, নিশ্চয় তিনি প্রত্যাবর্তনকারী ও দয়ালু। ৫৪। এবং (স্মরণ কর, ) যখন তোমরা বলিতেছিলে, “হে মুসা, যে পর্য্যন্ত আমরা ঈশ্বরকে স্পষ্ট দর্শন না করিব, সে পর্য্যন্ত কখনও তোমাকে বিশ্বাস করিব না;” পরে তোমাদের উপর বিদ্যৎ সঞ্চারিত হইল ও তোমরা তাহা দেখিতেছিলে। ৫৫। তৎপর তোমাদের প্রাণত্যাগের পরে আমি তোমাদিগকে জীবিত করিয়াছিলাম, যেন তোমরা ধন্ববাদ কর। ৫৬। এবং তোমাদের উপর বারিবাহকে চন্দ্রাতপ করিয়াছিলাম ও তোমাদের প্রতি “মান্না ও সলওয়া” উপস্থিত করিয়াছিলাম, (বলিয়াছিলাম) যে, “বিশুদ্ধ বস্তু সকল তোমাদিগকে দান করিলাম, তাহা ভক্ষণ কর;” এবং তাহারা আমার প্রতি কোন অনিষ্টাচরণ করে নাই, নিজের প্রতি অনিষ্টাচরণ করিতেছিল। ৫৭। এবং (স্মরণ কর, ) যখন আমি বলিয়াছিলাম, “এই গ্রামে প্রবেশ কর, পরে এই স্থানের যথা ইচ্ছা

\* ইহার ইতিহাস এরাফ সূরাতে বিবৃত হইবে।

+ ফেরওয়ণ জলমগ্ন হইলে পর এশ্রায়েলবংশীয় লোকেরা মুক্ত হইয়া শাম দেশে যাত্রা করিলেন। তখন প্রান্তরে মহাবাত্যায় তাঁহাদের পটমণ্ডপ সকল ছিন্ন ভিন্ন হইয়া যায়। সমুদয় দিন মেঘ তাঁহাদের উপর ছায়া দান করিয়া রৌদ্র নিবারণ করে। “মান্না” ও “সলওয়া” তাঁহাদের আহাৰার্থ উপস্থিত হইত। “মান্না” এক প্রকার ক্ষুদ্র মিষ্ট দ্রব্যবিশেষ, রজনীতে এশ্রায়েল সৈন্তের চতুর্দিকে পুঞ্জপরিমাণে বসিত হইত। প্রাতঃকালে তাঁহারা তাহা সংগ্রহ করিয়া ভক্ষণ করিতেন। “সলওয়া” এক প্রকার পশু। সন্ধ্যাকালে এই পশু দলে দলে আসিয়া বেড়াইত, সৈন্তগণ তাহাদিগকে বধ করিয়া কবাব করিয়া খাইতেন। (ত, কা,)

“সলওয়া” এক প্রকার ক্ষুদ্র পক্ষী, তাহা ইমন দেশে দৃষ্ট হয়। এই পক্ষী তৃণপত্র বসিয়া সুমিষ্ট স্বরে গান করিয়া থাকে। অরণ্যে এশ্রায়েল সৈন্তের চতুর্পার্শ্বে এই সকল পক্ষী বাতাহত হইয়া দলে দলে ভূতলে পড়িয়া যাইত, এবং এশ্রায়েলবংশীয় লোকেরা সেই সকলকে ধরিয়া আনিয়া কবাব করিয়া খাইতেন। “তাহারা আমার প্রতি কোন অনিষ্টাচরণ করে নাই, নিজের প্রতি অনিষ্টাচরণ করিতেছিল,” এই কথাই তাৎপর্য এই যে, ঈশ্বর বলিতেছেন যে, “আমি বলিয়াছিলাম,

নিশ্চয় যাহারা মোসলমান ও যাহারা মুসায়ী ও ঈসায়ী এবং ধর্মহীন, তাহাদের মধ্যে যে ব্যক্তি ঈশ্বরে ও পরকালে বিশ্বাস স্থাপন করে, এবং সংকার্য করে, পরে তাহাদের জন্য তাহাদিগের প্রতিপালকের নিকট তাহাদিগের পুরস্কার আছে, এবং তাহাদিগের প্রতি ভয় নাই, তাহারা দুঃখ পাইবে না \*। ৬২। এবং (স্মরণ কর,) যখন তোমাদিগ হইতে আমি অঙ্গীকার গ্রহণ করি ও তোমাদের মন্তকোপরি তুর পর্বত উত্থাপন করি, তখন (বলিয়াছিলাম,) “আমি যাহা দান করিয়াছি, তাহা দৃঢ়রূপে গ্রহণ কর, এবং ইহাতে (তওরাতে) যাহা আছে, তাহা স্মরণ কর, ভরসা যে তোমরা আশ্রয় পাইবে” †। ৬৩। অবশেষে ইহার পরে তোমরা ফিরিয়া আসিলে, অনন্তর যদি তোমাদের প্রতি ঈশ্বরের প্রসন্নতা ও কৃপা না থাকিত, তবে নিশ্চয় তোমরা ক্ষতিগ্রস্ত হইতে। ৬৪। এবং সত্য সত্যই তোমরা জ্ঞাত আছ যে, তোমাদের মধ্যে যাহারা শনিবাসরে বিধি লঙ্ঘন করিয়াছিল, তাহাদিগকে আমি বলিয়াছিলাম যে, “তোমরা জঘন্য মর্কট হইয়া যাও” ‡। ৬৫। অনন্তর যাহারা তাহার (সেই নগরের) সম্মুখে ও তাহার পশ্চাতে ছিল, তাহাদিগের নিমিত্ত আমি এই ব্যাপারকে শাসন এবং সংসারবিরাগীদিগের জন্য উপদেশস্বরূপ করিলাম। ৬৬। এবং (স্মরণ কর,) যখন মুসা স্বজাতিকে বলিয়াছিল, “নিশ্চয় ঈশ্বর একটা গোহত্যা করিতে তোমাদিগকে আজ্ঞা করিয়াছেন।” তাহারা বলিয়াছিল, “তুমি কি আমাদের উপহাস করিতেছ?” মুসা বলিয়াছিল, “ঈশ্বরের শরণাপন্ন হই যে, আমি অজ্ঞান লোকদিগের অন্তর্গত হইব!” ৬৭। তাহারা বলিল, “তুমি আমাদের জন্য স্বীয় প্রতিপালকের নিকটে প্রার্থনা কর, যেন তিনি আমাদের নিমিত্ত ব্যক্ত করেন, তাহা (উক্ত গো) কীদৃশী”; সে বলিল, “সত্যই ঈশ্বর বলিতেছেন, নিশ্চয় সেই গো প্রাচীনা নয় ও নবীনা নয়, এ তন্মধ্যে মধ্যমবয়স্কা, অতএব যে বিষয়ে আদিষ্ট হইয়াছ, তাহা সম্পাদন কর”। ৬৮। তাহারা বলিল, “তুমি আমাদের জন্য

\* ঈশ্বরের অনুগ্রহ কোন বিশেষ দলের প্রতি নহে, বিশ্বাসী ও সংকল্পশীল হইলেই তাহার প্রসন্নতা লাভ হয় ও তাহার নিকট পুরস্কার পাওয়া যায়। এস্থলে এই উক্তি এ কারণ হইল যে, এশ্রায়েলবংশীয় লোকেরা “আমরা পেগাশ্বরের সম্মান ও নানা প্রকারে ঈশ্বরের নিকট শ্রেষ্ঠ”, এই ভাবিয়া অহঙ্কারী হইয়াছিল। (ত, কা,)

† ঈশ্বর মুসার অধীনতা স্বীকার ও তওরাতের বিধি সকল পালনবিষয়ে এশ্রায়েল জাতি হইতে অঙ্গীকার গ্রহণ করিয়াছিলেন। বিধি অবতীর্ণ হইলে অতিশয় কঠিন বলিয়া তাহারা তাহা পালন করিতে অসম্মত হন ও অবাধ্য হইয়া উঠেন। তাহাতে ঈশ্বরের আদেশে তুর পর্বত (বাইবেল গ্রন্থে সায়না পর্বত লিখিত) তাহাদের উপর দণ্ডায়মান, সম্মুখে প্রজ্বলিত অগ্নি, পশ্চাত্তাগে জলপূর্ণ নদী প্রকাশিত হয়। তখন তাহারা উপায় না দেখিয়া ব্যাকুল অন্তরে অধোবদনে পড়িয়া থাকেন, সেই সময় ঈশ্বর বলেন, “আমি যাহা দান করিয়াছি, গ্রহণ কর” ইত্যাদি। (ত, হো,)

‡ এরাফ সূরাতে ইহার বিস্তারিত ইতিহাস বিবৃত হইবে।



ঈশ্বর প্রতিপালকের নিকটে প্রার্থনা কর, যেন তিনি আমাদের নিমিত্ত ব্যক্ত করেন যে, তাহার বর্ণ কিরূপ?" সে বলিল, "সত্যই ঈশ্বর বলিতেছেন, নিশ্চয় সেই গো পীত বর্ণ, তাহার বর্ণ অতীব পীত, উহা দর্শকগণকে সন্তোষ প্রদান করে"। ৬৯। তাহারা বলিল, "তুমি আমাদের জ্ঞাত ঈশ্বর নিকটে প্রার্থনা কর, যেন তিনি আমাদের নিমিত্ত ব্যক্ত করেন যে, তাহা কিরূপ? আমাদের প্রতি সেই গো সন্দেহহীন, এবং ঈশ্বর ইচ্ছা করিলে নিশ্চয় আমরা সংপথ প্রাপ্ত হইব"। ৭০। সে বলিল, "সত্যই তিনি বলিতেছেন, নিশ্চয় সে গো ভূমিকর্ষণে ও ক্ষেত্রে জলসিঞ্চনে ব্যবহৃত হয় নাই, সে নির্দোষ, তাহাতে তিলাঙ্ক নাই"। তাহারা বলিল, "এক্ষণে তুমি সত্য উপস্থিত করিয়াছ।" অনন্তর তাহারা তাহাকে (গোপশুকে) হত্যা করিতে অপ্রস্তুতসত্ত্বেও তাহা করিল \*। ৭১। (র, ৮, আ, ১০)

এবং (স্মরণ কর,) যখন তোমরা এক ব্যক্তিকে হত্যা করিয়া তদ্বিষয়ে পরস্পর বিবাদ করিতেছিলে, এবং তোমরা যাহা গোপন করিতেছিলে, ঈশ্বর তাহার প্রকাশক হইলেন। ৭২। অনন্তর আমি বলিলাম, "তাহার (হত গোর) অঙ্গবিশেষ দ্বারা তাহাকে (হত ব্যক্তিকে) আঘাত কর"। এই রূপে ঈশ্বর মৃতকে জীবিত করেন, এবং তোমাদিগকে নিজের নিদর্শন সকল প্রদর্শন করিয়া থাকেন, যেন তোমাদের হৃদয়ঙ্গম হয় †। ৭৩। অতঃপর তোমাদিগের অন্তঃকরণ কঠিন হইল, অনন্তর তাহা পাষণসদৃশ বরং কাঠিন্বে তদপেক্ষা অধিক হইল, নিশ্চয় কোন প্রপ্তর আছে যে, তাহা হইতে প্রশ্রবণ সকল নিঃসৃত হয়, নিশ্চয় তাহাদের কোনটি বিদীর্ণ হইয়া যায়; অনন্তর তাহা হইতে জল নির্গত হয়, এবং নিশ্চয় তাহাদের কোনটি ঈশ্বরের ভয়ে অধঃপতিত হইয়া থাকে, এবং তোমরা যাহা করিতেছ, তাহা ঈশ্বরের অগোচর নহে। ৭৪। অনন্তর (হে বিশ্বাসী লোক সকল,) তোমরা কি আশা কর যে, ইহারা তোমাদের প্রতি বিশ্বাস স্থাপন করিবে? নিশ্চয় ইহাদের একমণ্ডলী ঈশ্বরের বাণী শ্রবণ করিতেছে, তৎপর তাহা

\* উপরি উক্ত লক্ষণাক্রান্ত গোর নাম মজহরা, উহা এক জন ধার্মিক যুবক নিকটে ছিল। এশ্রায়েল-বংশীয় লোকেরা প্রচুর মূল্যদানে তাহা হইতে উহা ক্রয় করিয়া আনিয়া বধ করেন। অধিক মূল্যদানে গো ক্রয় করিতে হইবে বলিয়া প্রথমে তাহারা তৎকার্য্যে উদ্বৃত্ত হইতে অনিচ্ছুক ছিলেন। পরে গো ক্রয় করিয়া হত্যা করিতে বাধ্য হন। তাহারা ঈশ্বরের উপাসনা পরিত্যাগ করিয়া গোবৎসের মূর্ত্তি পূজা করিতেছিলেন, এই গোহত্যা তাহাদের সেই গোমূর্ত্তি-পূজারূপ পাপের প্রায়শ্চিত্তস্বরূপ হইল। (ত, হো,)

† কথিত আছে যে, এশ্রায়েল জাতির এক জন নিহত হইয়াছিল। অনুসন্ধান হত্যাকারীকে না পাওয়াতে ঈশ্বর বলিলেন, একটি গো-হত্যা কর ও সেই হত পশুর অঙ্গ বিশেষ দ্বারা নিহত ব্যক্তির শরীরে আঘাত কর, তাহাতে সে জীবিত হইয়া, কে তাহাকে হত্যা করিয়াছে ব্যক্ত করিবে পরে সেইরূপ আচরণ করিলে, হত ব্যক্তি জীবিত হইয়া, হত্যাপরাধী ঈশ্বর পিতৃবাপুত্রদিগের নাম উল্লেখ করিল। তদনন্তর হত্যাকারিগণ হত্যাপরাধের শাস্তি প্রাপ্ত হইল। (ত, হো,)

হৃদয়ঙ্গম করিয়া তাহার পরিবর্তন করিতেছে ও তাহারা তাহা জ্ঞাত আছে। ৭৫। এবং যখন তাহারা বিশ্বাসী লোকদিগের সঙ্গে মিলিত হয়, তখন বলে যে, “আমরা বিশ্বাস স্থাপন করিয়াছি” ; এবং যখন নির্জন হয়, পরস্পর বলে, “ঈশ্বর তোমাদের নিকটে যাহা প্রকাশ করিয়াছেন, তাহা তাহাদিগকে কি বলিতেছ ? তাহা হইলে তাহারা সেই প্রমাণ দ্বারা তোমাদের প্রতিপালকের নিকটে তোমাদের সঙ্গে বিচার করিবে, অনন্তর তোমরা কি বুঝিতেছ না \* ?” ৭৬। তাহারা কি জানে না যে, তাহারা যাহা গোপনে করে ও যাহা প্রকাশে করে, ঈশ্বর তাহা জানেন ? ৭৭। এবং তাহাদের মধ্যে অনেক অশিক্ষিত লোক আছে, তাহাদের ( অসৎ ) কামনা জ্ঞান ব্যতীত কোন গ্রন্থজ্ঞান নাই, এবং তাহারা কল্পনা ছাড়া নহে। ৭৮। অনন্তর যাহারা স্বহস্তে পুস্তক লিখে, তৎপর সামান্য মূল্য গ্রহণ করিবার উদ্দেশ্যে বলে যে, ইহা ঈশ্বরের নিকট হইতে ( সমাগত, ) দিক্ তাহাদিগকে ; অবশেষে তাহাদের হস্ত যাহা লিপি করিয়াছে, তজ্জন্ম তাহাদিগকে দিক্, তাহাদের ব্যবসায় অবলম্বনের জন্ম তাহাদিগকে দিক্। ৭৯। এবং তাহারা বলে, “নরকাগ্নি নির্দ্ধারিত কয়েক দিন ব্যতীত আমাদিগকে স্পর্শ করিবে না।” জিজ্ঞাসা কর, তোমরা কি ঈশ্বর হইতে অঙ্গীকার গ্রহণ করিয়াছ যে, পরে ঈশ্বর কখনও স্বীয় অঙ্গীকারের অন্তর্থাচরণ করিবেন না ? তোমরা কি ঈশ্বরের সম্বন্ধে যাহা না জান, তাহা বলিতেছ ? ৮০। হাঁ, যাহারা পাপ করিয়াছে ও স্বীয় পাপ যাহাদিগকে ঘেরিয়াছে, তাহারা নরকাগ্নির নিবাসী, তাহারা তথায় সর্বদা থাকিবে। ৮১। এবং যাহারা বিশ্বাস স্থাপন ও সৎকর্ম করিয়াছে, তাহারা স্বর্গলোক-নিবাসী, তাহারা তথায় সর্বদা থাকিবে। ৮২। ( র, ২, আ, ১১ )

এবং ( স্মরণ কর, ) যখন আমি এশ্রায়েল জাতিকে অঙ্গীকারে বদ্ধ করিয়াছিলাম যে, ঈশ্বর ব্যতীত অন্য কাহারও পূজা করিও না, পিতামাতার প্রতি এবং স্বগণের প্রতি ও নিরাশ্রয়ের প্রতি এবং দরিদ্রদিগের প্রতি সদাচরণ করিও, এবং লোকদিগকে সৎকথা বলিও ও উপাসনাকে প্রতিষ্ঠিত রাখিও, এবং ধর্মার্থ দান করিও ; তৎপর তোমরা অল্পসম্ব্যক ব্যতীত অগ্রাহ করিলেও তোমরা অগ্রাহকারী। ৮৩। এবং ( স্মরণ কর, ) যখন আমি তোমাদিগকে অঙ্গীকারে বদ্ধ করিয়াছিলাম যে, তোমরা পরস্পরের শোণিতপাত করিও না, এবং পরস্পর আপনাদিগকে আপন গৃহ হইতে তাড়াইও না, তৎপর তোমরা সন্মত হইলে, তোমরাই সাক্ষী। ৮৪। পরন্তু তোমরা সেই সকল লোক, যে পরস্পর আপনাদিগকে হত্যা করিতেছে ও তোমরা আপনাদের এক দলকে তাহাদিগের

\* ইহুদিদিগের মধ্যে যাহারা কপট ছিল, তাহারা তোমাদের অনুরোধে তাহাদের পুস্তকে যে হজরত মোহাম্মদের প্রসঙ্গ ছিল, মোসলমানদিগের নিকটে বর্ণন করিত, এবং যাহারা বিরোধী ছিল, তাহারা সেই সকল লোকের প্রতি দোষারোপ করিয়া বলিত, স্বীয় শাস্ত্রের তত্ত্ব মোসলমানদের নিকটে কেন প্রচার করিতেছ ?

গৃহ হইতে নিষ্কাশিত করিতেছ, এবং তাহাদের প্রতি পাপাচরণ ও অত্যাচার করিতে এক জন অন্য জনের সহায় হইতেছ, তাহারা বন্দী হইয়া তোমাদের নিকটে আসিলে তোমরা তাহাদিগকে “ফদিয়া” \* ( বিনিময় ) কর ; প্রকৃত পক্ষে তাহাদিগকে তাড়িত কর, তাহা তোমাদের সম্বন্ধে অবৈধ, অনন্তর তোমরা কি কোন গ্রন্থকে বিশ্বাস করিয়া কোন গ্রন্থের প্রতি বিপক্ষতাচরণ কর ? তোমাদের মধ্যে যাহারা এরূপ করে, তাহাদের পার্থিব জীবনে দুর্গতি ও বিচার-দিবসে তাহারা গুরুতর শাস্তিতে প্রত্যানীত হইবে ; তোমরা যাহা করিতেছ, ঈশ্বর তাহা অজ্ঞাত নহেন । ৮৫ । ইহারা সেই সকল লোক, যাহারা পরলোকের বিনিময়ে পার্থিব জীবন ক্রয় করিয়াছে, অতএব ইহাদের সম্বন্ধে দণ্ড লঘু হইবে না, এবং ইহারা সাহায্য পাইবে না । ৮৬ । ( র, ১০, আ, ৪ )

এবং সত্যসত্যই আমি মুসাকে গ্রন্থ দান করিয়াছি ও তাহার পরে ক্রমাগত প্রেরিত পুরুষ সকলকে আনিয়াছি, এবং মরয়মের পুত্র ঈসাকে উজ্জ্বল অলৌকিকতা সকল দান করিয়াছি ও পবিত্রাত্মাযোগে তাহার প্রতি বল বিধান করিয়াছি ; † পরে যখন কোন প্রেরিত পুরুষ, যাহা তোমাদের অন্তর ভাল বাসিত না, তাহা লইয়া তোমাদিগের নিকটে উপস্থিত হইল, ভাল, তোমরা তখন অহঙ্কার করিলে ? অবশেষে তোমরা এক দলকে বধ করিলে ও এক দলকে মিথ্যাবাদী বলিলে ‡ । ৮৭ । এবং তাহারা বলে যে, “আমাদের অন্তঃকরণ আবৃত,” বরং তাহাদের বিরুদ্ধাচারের জগু তাহাদের প্রতি ঈশ্বর অভিসম্পাত করিয়াছেন, পরন্তু তাহারা যাহা বিশ্বাস করে, তাহা অল্প । ৮৮ । এবং তাহাদের সম্বন্ধে যে গ্রন্থ আছে, তাহার প্রমাণকারী গ্রন্থ ( কোর্-আন্ ) ঈশ্বরের নিকট হইতে যখন তাহাদের সম্মুখে অবতীর্ণ হইল, তাহারা পূর্ব হইতে ধর্মদ্রোহীদের উপর জয়াঘেষণ করিতেছিল, অবশেষে তাহাদের নিকটে তাহারা যাহার জ্ঞান রাখিত, তাহা উপস্থিত হইলে তাহা অস্বীকার করিল ; অতএব সেই ঈশ্বরদ্রোহী লোকদিগের উপর ঈশ্বরের অভিসম্পাত হয় § । ৮৯ । যাহার বিনিময়ে তাহারা জীবনকে বিক্রয় করিয়াছে, তাহা অসৎ, এই যে ঈশ্বরের নিকট হইতে যাহা ( প্রত্যাদেশ ) অবতীর্ণ, তাহারা বিদ্রোহবশতঃ তাহার বিরোধী হইয়াছে, ঈশ্বর স্বীয় অনুগ্রহে আপন দাসদিগের মধ্যে যাহার প্রতি ইচ্ছা হয়, তাহা অবতারণ করেন ; অনন্তর তাহারা ( পরমেশ্বরের ) ক্রোধের পর ক্রোধে

\* কোন বন্দীকে ক্রয় করিলে, যে বস্তু দ্বারা ক্রয় করা হয়, তাহাকে “ফদিয়া” বলে । এশ্রায়েল-বংশীয় লোকের; স্বজাতীয় কোন লোককে বন্দী পাইলে, তাহার বিনিময়ে অন্য বন্দীকে ক্রয় করিয়া ক্রীতদাস করিয়া রাখিতেন ।

† পবিত্রাত্মাই স্বেত্রিল, স্বেত্রিল সর্বদা মহান্ন ঈসায় সঙ্গে সঙ্গে থাকিতেন । ( ত, ফা, )

‡ ইহুদিরা প্রেরিত পুরুষ ইয়ুহা ও জকরিয়াকে হত্যা করিয়াছিল ; ( ত, ফা, )

§ ইহুদিরা খ্রীষ্টবাদীদের সঙ্গে তর্ক বিতর্ক কালে স্বীয় ধর্মগ্রন্থকে সপ্রমাণ করিতে যাইয়া বলিত যে, সফরই ভবিষ্যৎ সংবাদবাহক উপস্থিত হইবেন । এক্ষণ তাহারা সেই সংবাদবাহক হজরত মোহম্মদকে অস্বীকার করিল । ( ত, ফা, )

প্রত্যাবর্তিত হইল \*, এবং ঈশ্বরদ্রোহীদিগের জন্ত বিষম শাস্তি আছে । ২০ । এবং যখন তাহাদিগকে বলা হইল যে, “ঈশ্বর যাহা অবতারণ করিয়াছেন, তাহাতে বিশ্বাস কর,” তাহারা বলিল, “আমাদিগের প্রতি যাহা অবতীর্ণ, আমরা তাহা বিশ্বাস করিতেছি ।” এবং উহা ব্যতীত যাহা, তাহারা তাহার বিরোধী হইল, প্রকৃতপক্ষে ইহা ( এই কোর্-আন্ ) সত্য, তাহাদের নিকটে যাহা ( যে পুস্তক ) আছে তাহার প্রমাণকারী, তাহাদিগকে জিজ্ঞাসা কর, যদি তোমরা বিশ্বাসী ছিলে, তবে ইতিপূর্বে ঈশ্বরের সংবাদবাহকদিগকে কেন বধ করিয়াছিলে ? ২১ । এবং সত্য সত্যই মুসা উজ্জল নিদর্শন সকল সহ তোমাদের নিকটে উপস্থিত হইয়াছিল ; পরে তোমরা তাহার অগোচরে গোবৎসকে আশ্রয় করিলে ও তোমরা অত্যাচারী হইলে । ২২ । এবং যখন আমি তোমাদের হইতে অঙ্গীকার গ্রহণ করিলাম ও তোমাদের উপর তুরগিরি উত্থাপন করিয়া বলিলাম, “যাহা আমি দান করিলাম, তাহা দৃঢ়রূপে গ্রহণ কর ও শ্রবণ কর” ; তাহারা বলিল, “শুনিলাম ও অগ্রাহ্য করিলাম” ; † তাহারা স্বীয় বিদ্রোহিতাবশতঃ আপন অন্তরে গোবৎসের ( প্রেম ) পান করিল, বল ( হে মোহম্মদ, ) যদি তোমরা ধার্মিক, তবে তোমাদের ধর্ম যাহা আদেশ করিতেছে তাহা অকল্যাণ ! ‡ ২৩ । বল, যদি ঈশ্বরের নিকটে অপর লোক অপেক্ষা তোমাদের জন্ত বিশেষ পারলৌকিক আলায় থাকে, তবে মৃত্যুকে আকাজকা কর, যদি তোমরা সত্যবাদী হও § । ২৪ । এবং পূর্বে তাহাদের হস্ত যাহা প্রেরণ করিয়াছে, ¶ সেই কারণে তাহারা তাহা ( মৃত্যুকে ) কখনও আকাজকা করিবে না, পরমেশ্বর অত্যাচারীদিগকে জ্ঞাত আছেন । ২৫ । অবশ্য তুমি তাহাদিগকে পার্থিব জীবনের প্রতি অল্প লোক অপেক্ষা এবং অনেকেশ্বরবাদীদিগের অপেক্ষা অধিক আসক্ত পাইবে, তাহাদের এক একজন সহস্র বৎসর আয়ু প্রদত্ত হয় এরূপ ইচ্ছা করে, এবং ( এই প্রকার ) জীবন প্রদত্ত হইলেও তাহা তাহাদিগকে শাস্তি হইতে রক্ষা করিবে না ও তাহারা যাহা করে, ঈশ্বর তাহার দর্শক । ২৬ । ( র, ১১, আ, ১০ )

\* ইহুদিরা মহাপুরুষ ঈসাকে ও বাইবেলকে অগ্রাহ্য করিয়া একবার ঈশ্বরের কোপে পতিত হয় ; পুনর্বার মহাপুরুষ মোহম্মদ ও কোর্-আন্কে অঙ্গীকার করিয়া ক্রোধে পতিত হইল । ( ভ, হো, )

† “শুনিলাম ও অগ্রাহ্য করিলাম” এই কথায় তাৎপর্য, তাহারা মুখে গ্রাহ্য করিল এবং জীবনে অগ্রাহ্য করিল । এই বাক্যের প্রথমভাগ ইহুদিদিগের প্রতি, শেষভাগ ইহুদিদিগের চরিত্র সম্বন্ধে হজরত মোহম্মদের প্রতি উক্ত হইয়াছে ।

‡ এখানে এই উক্তি তাৎপর্য এই যে, তোমরা ধার্মিক নও, কল্পিত ধার্মিক । যেহেতু ধর্ম ধার্মিককে অকল্যাণ আদেশ করেন না । অধর্ম হইতেই অকল্যাণ হয় । ( ভ, হো, )

§ ইহুদিরা বলিয়া থাকে যে, মৃত্যুর পর স্বর্গে কেবল আমরাই যাইব, আমাদের শাস্তি হইবে না । ঈশ্বর বলিলেন, যদি তোমরা স্বর্গে যাইবে, তবে মৃত্যুকে কেন ভয় কর ?

¶ ইহার তাৎপর্য, পেশাদারদিগকে হত্যা করা ও ঈশ্বরতত্ত্ব অঙ্গীকার করা বশতঃ ইহুদিরা যে পাপের দণ্ড ঈশ্বরের নিকটে সঞ্চার করিয়াছে, সেই ভয়ে তাহারা মৃত্যু আকাজকা করিবে না ।

বল, যে ব্যক্তি জেরিলের বিরোধী হয় ( সে কেমন অনিষ্ট করে ? ) কেননা নিশ্চয় সে ঈশ্বরের আদেশে তোমার অন্তরে ইহা ( কোর্-আন্ ) অবতারণ করে, তাহার (ইহদির) হস্তে যে গ্রন্থ আছে, ইহা তাহার সত্যতার প্রতিপাদক ও বিশ্বাসীদের জন্য পথপ্রদর্শক এবং সুসংবাদদাতা । ৯৭ । যে ব্যক্তি ঈশ্বরের ও তাঁহার দেবগণের ও তাঁহার প্রেরিত-গণের এবং জেরিল ও মেকাইলের বিরোধী হয়, পরে নিশ্চয় ঈশ্বর সেই ধর্মবিরোধীর বিরোধী হন । ৯৮ । এবং সত্যসত্যই আমি তোমার নিকটে উজ্জল নিদর্শন সকল উপস্থিত করিয়াছি, দুর্ভৃত্ত লোক ব্যতীত কেহ তাহার বিরোধী হয় না । ৯৯ । কেমন, যখন তাহারা প্রতিজ্ঞা বন্ধন করিল, তখন তাহাদের এক দল তাহা পরিত্যাগ করিল, এবং তাহাদের অধিকাংশ বিশ্বাস করিতেছে না । ১০০ । এবং যখন ঈশ্বরের নিকট হইতে তাহাদের সন্নিধানে প্রেরিত পুরুষ তাহাদের সঙ্গে যাহা ( যে পুস্তক ) আছে, তাহার সত্যতা প্রতিপাদন করিতে আগমন করিল, সেই যাহাদিগকে গ্রন্থ প্রদত্ত হই-  
 যাচ্ছে, তাহাদের এক দল ঐশী গ্রন্থকে আপন পশ্চাত্তাপে নিক্ষেপ করিল, যেন তাহারা ইহা জ্ঞাত নহে \* । ১০১ । এবং সোলয়মানের রাজত্ব কালে দৈত্যগণ যাহা অধ্যয়ন করিত, তাহারা উহার অনুসরণ করিয়াছে, সোলয়মান ধর্মবিরোধী হয় নাই ; কিন্তু দৈত্যগণ ধর্মবিরোধী হইয়াছিল, তাহারা লোকদিগকে ঐন্দ্রজালিক বিদ্যা শিক্ষা দিত, এবং বাবেল নগরে দুই দেবতা হারুত ও মারুতের প্রতি যাহা (সজ্জাটিত হইয়াছিল, ইহারা উহার অনুসরণ করিতেছে,) কিন্তু তাহারা যে পর্যন্ত না ব্যক্ত করিতেছিল যে আমরা পরীক্ষায় পড়িয়াছি, অতএব তোমরা কাফের হইও না, সে পর্যন্ত কাহাকেও শিক্ষা দান করিত না ; পরে লোকে যাহা দ্বারা স্বামী স্ত্রীর মধ্যে বিচ্ছেদ সজ্জাটিত হয়, তাহা-  
 দের নিকটে তাহা শিক্ষা করিত ; এবং তাহারা ঈশ্বরের আজ্ঞা ব্যতীত কাহারও ক্ষতি করিতে পারে না, এবং তাহারা তাহা শিক্ষা করে যাহাতে তাহাদেরই ক্ষতি হয়, লাভ হয় না, এবং সত্যসত্যই তাহারা জ্ঞাত আছে যে, যে ব্যক্তি তাহা ( ঐন্দ্রজালিক বিদ্যা ) ক্রয় করিয়াছে, পরকালে তাহার কোন লাভ হয় নাই, তাহার বিনিময়ে যে আত্মবিক্রয় করিয়াছে নিশ্চয় তাহা মন্দ, তাহারা তাহা বুঝিলে ভাল ছিল † ১০২ । এবং নিশ্চয়

\* ইহদি সম্প্রদায়ের পণ্ডিতগণ কোর্-আন্কে অস্বীকার করে । ( ত, হো, )

† ইহদিরা নিজের ধর্ম ও ধর্মগ্রন্থ পরিত্যাগ করিয়া ঐন্দ্রজালিক বিদ্যালিক্ষার প্রবৃত্ত হয় । ঐন্দ্রজালিক বিদ্যা দুই উপায়ে লোকে লাভ করে । সোলয়মানের সময়ে মনুষ্য ও দৈত্যগণ একত্র ছিল । লোকে দৈত্যগণের নিকটে ঐন্দ্রজালিক বিদ্যা শিক্ষা করিয়াছিল । ইহদিরা বলে, সোলয়মান হইতে আমরা এই বিদ্যা লাভ করিয়াছি, সোলয়মান ইহারই বলে মনুষ্য ও প্রেতলোকের উপর কর্তৃত্ব করিয়াছিলেন । ঈশ্বর কহিতেছেন যে, ইহা ধর্মবিরুদ্ধ কার্য, ধার্মিক সোলয়মানের এরূপ কার্য নহে । তাহার সময় দানবগণই শিক্ষা দান করিয়াছিল । দ্বিতীয়তঃ হারুত ও মারুত এই বিদ্যা শিক্ষা দিয়াছে, ইহদিরা এরূপও বলিয়া থাকে । হারুত ও মারুত দুই দেবতার নাম, তাহারা মনুষ্যের



তাহারা যদি বিশ্বাসী হইত, বৈরাগ্য অবলম্বন করিত, তবে নিশ্চয় ঈশ্বরের নিকটে উত্তম পুরস্কার হইত, যদি তাহারা বুঝিত, ভাল ছিল। ১০৩। ( র, ১২, আ, ৭ )

হে বিশ্বাসী লোক সকল, “রাআনা” \* এই শব্দ উচ্চারণ করিও না, এবং বলিও, আমাদিগকে লক্ষ্য কর ও শ্রবণ কর, এবং ঈশ্বরদ্রোহী লোকদিগের জগ্ন ক্লেশজনক শাস্তি আছে। ১০৪। গ্রন্থাবলম্বী ব্যক্তিদিগের মধ্যে যাহারা ঈশ্বরদ্রোহী হইয়াছে তাহারা এবং অংশিবাদীরা তোমাদের প্রতি ঈশ্বর হইতে কোন কল্যাণ অবতীর্ণ হয় ইহা ভালবাসে না, এবং ঈশ্বর নিজকৃপাগুণে যাহাকে ইচ্ছা হয় বিশেষত্ব দান করেন, ঈশ্বর মহান্ সমুন্নত। ১০৫। আমি কোন নিদর্শনের যাহা খণ্ডন করি, অথবা বিশ্বৃত করাইয়া থাকি, তাহা অপেক্ষা উত্তম বা তত্তুল্য ( নিদর্শন ) আনয়ন করিয়া থাকি ; তুমি কি জ্ঞাত হও নাই যে, ঈশ্বর সর্বোপরি ক্ষমতাশালী ? ১০৬। তোমরা কি জান নাই যে, ছালোক ও ভুলোকের রাজত্ব ঈশ্বরেরই, এবং ঈশ্বর ব্যতীত তোমাদের বন্ধু ও সহায় নাই ? ১০৭। ইতিপূর্বে যেমন মুসাকে প্রশ্ন করিয়াছিল, তোমরাও কি আপনাদের তত্ত্ববাহককে সেইরূপ প্রশ্ন করিতে চাহ ? \* এবং যে ব্যক্তি অবিশ্বাসের সঙ্গে বিশ্বাসের বিনিময় করে, পরে নিশ্চয় সে সরল পথ হারায়। ১০৮। তোমাদের বিশ্বাস লাভের পর তোমাদিগকে যেন ঈশ্বরদ্রোহী করিয়া তোলে, গ্রন্থধারীদিগের অনেকে আন্তরিক বিদ্বেষবশতঃ তাহাদের জগ্ন সত্য প্রকাশিত হওয়ার পর ইহা ভাল বাসিয়াছে, যে পর্যন্ত ঈশ্বর স্বীয় আজ্ঞা

আকারে বাবেল নগরে আপনাদের পাপের শাস্তি ভোগ করিতেছিলেন। তাহারা ঐন্দ্রজালিক বিদ্যায় পারদর্শী ছিলেন। যে কোন ব্যক্তি তাহা শিক্ষা করিবার জগ্ন তাহাদের নিকটে উপস্থিত হইত, তাহারা প্রথমতঃ বলিতেন যে, ইহাতে ধর্মের হানি হয়, আমরা এজগ্ন শাস্তি পাইতেছি। তৎপর একান্ত বাধ্য করিলে তাহারা শিক্ষা দান করিতেন। ঈশ্বর পরীক্ষা করিতে চাহেন। ঈশ্বর বলিয়াছেন যে, এইরূপে পারলৌকিক কল্যাণ হয় না, বরং অকল্যাণ হয়, এবং সংসারে ক্ষতি হয়। ঈশ্বরের আজ্ঞা ব্যতীত কেহ কিছু করিতে পারে না। ( ত, ফা, )

\* হজরত মোহম্মদ যখন সাধারণকে উপদেশ দিতেন, তখন ইহুদিরা কোন কথা বুঝিতে না পারিলে তাহা বুঝিয়া লইবার জগ্ন কিন্দা উপহাসের ভাবে রাআনা বলিত ; “রাআনা” শব্দের অর্থ, আমাদের প্রতি লক্ষ্য কর, কিন্তু ইহুদিদিগের অভিধানে “রাএনা” শব্দে নিকর্বাধকে বুঝায়। তাহাদের অনেকে “রাএনাকেই” “রাআনার” স্থায় উচ্চারণ করিত। ইহুদিদিগের দৃষ্টান্তে মোসলমানেরাও কখন কখন প্রেরিত পুরুষকে লক্ষ্য করিয়া “রাআনা” বলিত। এ জগ্ন ঈশ্বর বলিতেছেন যে, তোমরা স্বীয় প্রেরিত পুরুষের প্রতি ‘রাআনা’ শব্দ প্রয়োগ করিও না। ( ত, ফা, )

† মহাপুরুষ মুসাকে তাহার অনুবর্তিগণ পরীক্ষা করিবার জগ্ন নানা প্রশ্ন করিয়াছিল। ঈশ্বর এসলামধর্মাবলম্বীদিগকে বলিতেছেন যে, তোমরা কি ইহুদিদিগের প্ররোচনায় সেইরূপ তোমাদের তত্ত্ববাহককে প্রশ্ন করিয়া পরীক্ষা করিবে ? ( ত, হো, )

অর্থাৎ ইহুদিরা যেমন আপনাদের তত্ত্ববাহক মুসার প্রতি সন্দেহ করিয়াছিল, তাহাদিগের স্থায় তোমরা আপন দলের তত্ত্ববাহককে সন্দেহ করিও না। ( ত, ফা, )

উপস্থিত না করেন, তোমরা ক্ষমা করিতে থাক ও উপেক্ষা কর, \* নিশ্চয় ঈশ্বর সর্বোপরি ক্ষমতামালী। ১০৯। এবং তোমরা নমাজকে প্রতিষ্ঠিত রাখ ও জকাত দান কর, এবং সংকার্য্য দ্বারা যাহা নিজের জন্ত পূর্বে পাঠাইবে, ঈশ্বরের নিকটে তাহা প্রাপ্ত হইবে; তোমরা যাহা কর, নিশ্চয় ঈশ্বর তাহার দর্শক। ১১০। এবং তাহারা বলে, যাহারা মুসায়ী ও ইসায়ী লোক হয়, তাহারা ব্যতীত অন্য কেহ কখনও স্বর্গেও যাইবে না, তাহাদের ইহাই আকিঞ্চন; বল, (হে মোহম্মদ,) যদি তোমরা সত্যবাদী হও, তবে আপনাদের প্রমাণ উপস্থিত কর। ১১১। হাঁ, যে ব্যক্তি পরমেশ্বরের দিকে আপনার আনন স্থাপন করিয়াছে, এবং সংকর্ষশীল হইয়াছে, পরে তাহার জন্ত তাহার প্রতিপালকের নিকটে পুরস্কার আছে ও তাহার সম্বন্ধে ভয় নাই, সে শোকগ্রস্ত হইবে না। ১১২। (র, ১৩, আ, ৯)

এবং মুসায়ীরা বলে যে, ইসায়ীগণ কিছুই নয়, এবং ইসায়ীরা বলে, মুসায়ীগণ কিছুই নয়, ইহারা সকলেই গ্রন্থ অধ্যয়ন করে; এইরূপ যাহারা জ্ঞানহীন, তাহারাও ইহাদের গায় কথা বলিয়া থাকে; কিন্তু ইহাদের যে বিষয় লইয়া বিবাদ, তদ্বিষয়ে ঈশ্বর বিচার-দিবসে ইহাদের মধ্যে আজ্ঞা প্রচার করিবেন। ১১৩। এবং যাহারা ঈশ্বরের মন্দির সকলে তাঁহার নাম চর্চা করিতে দিতেছে না ও তাহা উৎসন্ন করিতে চেষ্টা করিয়াছে, তাহাদের অপেক্ষা সমধিক অত্যাচারী কে? সেই সকল লোকের উচিত নহে যে, শঙ্কিত না হইয়া তন্মধ্যে প্রবেশ করে, তাহাদের জন্ত পৃথিবীতে দুর্গতি ও পরলোকে কঠিন শাস্তি আছে †। ১১৪। এবং পূর্ব ও পশ্চিম দিক ঈশ্বরের, অতএব যে দিকে তোমরা মুখ ফিরাইবে, সেই দিকেই ঈশ্বরের আনন, নিশ্চয় ঈশ্বর প্রমুক্ত ও জ্ঞানী। ১১৫। এবং তাহারা বলে, ঈশ্বর সম্মান গ্রহণ করিয়াছিলেন; তিনি নির্বিকার, বরং ভূমণ্ডলে ও নভোমণ্ডলে যাহা আছে তাহা তাঁহারই ও সকলে তাঁহারই আজ্ঞানুবর্তী। ১১৬। তিনি ছালোক ও ভুলোকের স্রষ্টা, এবং যখন তিনি কোন কার্য্য করেন, তখন তাহার জন্ত 'হও' মাত্র বলেন, ইহা বৈ নহে, তাহাতেই হয়। ১১৭। এবং অজ্ঞান লোকেরা বলিয়া থাকে যে, “ঈশ্বর আমাদের সঙ্গে কেন কথা কহেন না, এবং কেন আমাদের নিকটে নিদর্শন আসিতেছে না?” এইরূপে ইহাদের বাক্যের গায় ইহাদের পূর্ববর্তী লোকেরাও বলিয়াছে, ইহাদিগের অন্তরের পরম্পর সাদৃশ্য আছে,

\* পরে আজ্ঞা হইয়াছিল যে, ইহুদিদিগকে মদিনার নিকট হইতে দূর করিয়া দাও। (ত, ফা,)

† ইসায়ীদের সম্বন্ধে এই উক্তি; ইসায়ীরা আপনাদিগকে স্রষ্টাচারী ও ইহুদিদিগকে অত্যাচারী মনে করিয়া বলিত, ইহুদিরা প্রভু ইসার সঙ্গে শত্রুতা করিয়াছে, এবং আমরা তাঁহাকে মান্ত করিয়াছি। পরমেশ্বর বলিতেছেন যে, ইসায়ীরা যখন প্রবল হইয়াছিল, তখন বরতোলু মকদ্দস মন্দির এবং ইহুদিদিগের অপর মন্দির সকল উৎসন্ন করিয়াছিল। বরতোলু মকদ্দস শামদেশে মহাপুরুষ সোলয়মান কর্তৃক নির্মিত হইয়াছিল, দাউদ তাহার নির্মাণ আরম্ভ করিয়াছিলেন। (ত, ফা,)

নিশ্চয় আমি বিশ্বাসিমগুলীর জন্ম নিদর্শন সকল ব্যক্ত করিয়া থাকি \* । ১১৮ । নিশ্চয় আমি যথার্থ ভাবে তোমাকে সুসংবাদদাতা ও ভয়প্রদর্শক রূপে পাঠাইয়াছি, এবং নারকদিগের বিষয়ে তুমি জিজ্ঞাসিত হইবে না † । ১১৯ । এবং ইহুদি ও ঈসায়ী লোকেরা তুমি তাহাদের ধর্মের অনুসরণ না করিলে কখনও তোমার প্রতি সন্তুষ্ট হইবে না; বল, নিশ্চয় ঈশ্বরের উপদেশই সেই উপদেশ, এবং তোমার নিকটে যে জ্ঞান উপস্থিত হইয়াছে, তাহার পর যদি তুমি তাহাদের ইচ্ছার অনুসরণ কর, তবে ঈশ্বরের ( শাস্তি হইতে রক্ষা করিবার ) তোমার কোন বন্ধু ও সহায় নাই । ১২০ । যাহারা আমি যে গ্রন্থ তাহাদিগকে দিয়াছি, তাহার বিস্তৃত অধ্যয়নরূপে অধ্যয়ন করে, তাহারা এতৎপ্রতি ( কোর্-আন্ গ্রন্থে ) বিশ্বাস স্থাপন করিতেছে, এবং যে সকল লোক ইহাকে অগ্রাহ করিতেছে, অনন্তর ইহা হইবে তাহারা যে অনিষ্টকারী ‡ । ১২১ । ( র, ১৪, আ, ৯ )

হে এশ্রায়েলবংশীয় লোক সকল, যাহা আমি তোমাদিগকে দান করিয়াছি, সেই মৎপ্রদত্ত সম্পদ স্মরণ কর, নিশ্চয় আমি সকল লোকের উপর তোমাদিগকে শ্রেষ্ঠত্ব দান করিয়াছি । ১২২ । এবং সেই দিনকে ভয় কর, যে দিনে কেহ কাহারও কিছু উপকার করিবে না ও কাহা হইতে বিনিময় গৃহীত হইবে না, এবং পাপক্ষমার অনুরোধ কাহাকেও ফল বিধান করিবে না ও তাহাদিগকে সাহায্য করা যাইবে না । ১২৩ । এবং ( স্মরণ কর, ) যখন এব্রাহিমকে তাহার প্রতিপালক কয়েক কথায় পরীক্ষা করিলেন, পরে সে তাহা পূর্ণ করিল, তিনি বলিলেন, নিশ্চয় আমি তোমাকে মনুষ্যজাতির নেতা করিতেছি, সে বলিল, “আমার বংশের লোকদিগকেও করিবে,” তিনি বলিলেন, “অত্যাচারীদিগের প্রতি আমার অঙ্গীকার পহুছে না ।” ১২৪ ।

\* ইহুদিদিগের সম্বন্ধে এই উক্তি; অর্থাৎ বর্তমান কালের ইহুদিরা যেরূপ বলিতেছে, পূর্বতন ইহুদিমণ্ডলীও স্বীয় পেগাস্বরকে এরূপ বলিয়াছিল । ( ত, ফা, )

† মহাপুরুষ মোহাম্মদ এক দিন নিবেদন করিয়াছিলেন, “যদি তুমি অবিবাসী ইহুদিদিগের জন্ম একটি ভয়ঙ্কর শাস্তির দ্বার উন্মুক্ত করিতে, তাহা হইলে তাহারা গুরুতর শাস্তির ভয়ে সরল ধর্মপথে উপনীত হইত ।” এই উক্তির উত্তরে ঈশ্বর তাহার নিকটে এই নিদর্শন অর্থাৎ এই প্রবচন প্রেরণ করেন । তাহার তাৎপর্য এই যে, এই অবিবাসীরা নরকলোকনিবাসী, ইহারা কেন বিধানে বিশ্বাস করিল না, এ বিষয়ে আমি তোমাকে প্রশ্ন করিব না, তোমার কার্য প্রত্যাশে প্রচার করা, আমার কার্য পাপীদিগের বিচার করা । ( ত, হো, )

অর্থাৎ তোমার প্রতি এরূপ দোষারোপ হইবে না ।

( ত, ফা, )

‡ সেলামের পুত্র আবদোল্লা নামক ইহুদি “তওরাত” গ্রন্থ সত্যভাবে পাঠ করিয়া, কোর্-আনে বিশ্বাস স্থাপনপূর্বক সবাঞ্ছাবে ইসলাম ধর্ম গ্রহণ করিয়াছিলেন । আবুতালেবের পুত্র জাফেরের সঙ্গে আফ্রিকা হইতে যে একদল ঈসায়ী আদিয়াছিল, তাহারা বাইবেল গ্রন্থ প্রকৃতরূপে পাঠ করিয়া মোসলমান হইয়াছিল । অতএব “যাহারা আমার প্রদত্ত পুস্তক” ইত্যাদি উক্ত হইয়াছে । যে ব্যক্তি আপনার ধর্মগ্রন্থ যথার্থরূপে পাঠ করে, কিংবা তাহার অনুসরণ করে, সে কোর্-আনে বিশ্বাসী হয় । ( ত, হো, )



এবং ( স্মরণ কর, ) যখন আমি মনুষ্যের জন্ম শাস্তিস্থান ও প্রত্যাবর্তনভূমি কাবামন্দির নির্মাণ করিলাম, এবং ( বলিলাম, ) তোমরা এব্রাহিমের স্থানকে উপাসনাভূমি কর ; আমি এব্রাহিম ও এস্মায়িলকে আদেশ করিয়াছিলাম, যেন প্রদক্ষিণকারী ও নির্জনতা-ব্রতধারী, উপাসনাকারী, প্রণামকারী লোকদিগের জন্ম আমার মন্দিরকে পবিত্র রাখে\* । ১২৫ । এবং ( স্মরণ কর, ) যখন এব্রাহিম বলিল, “হে আমার প্রতিপালক, এই নগরকে তুমি শাস্তিযুক্ত কর, ইহার অধিবাসীদিগের মধ্যে যাহারা ঈশ্বরে ও পরকালে বিশ্বাস স্থাপন করিয়াছে, তাহাদিগকে জীবিকারূপে ফল দান কর ;” তিনি বলিলেন, “যে ব্যক্তি ঈশ্বরদ্রোহী, তাহাকে আমি অল্প ভোগ করিতে দিব, তৎপর উপায়হীন করিয়া তাহাকে নরকের দিকে আনয়ন করিব, ( তাহা ) মন্দ স্থান” । ১২৬ । এবং যখন এব্রাহিম ও এস্মায়িল মন্দিরের প্রাচীর সকল উন্নত করিয়া তুলিল, তখন ( বলিল, ) “হে আমাদের প্রতিপালক, তুমি আমাদের হইতে গ্রহণ কর, নিশ্চয় তুমি শ্রোতা ও জ্ঞাতা” । ১২৭ । “হে আমাদের প্রতিপালক, এবং আমাদের তুমি স্বীয় অনুগত করিয়া লও ও আমাদের সন্তানদিগকে আপন অনুগত মণ্ডলী করিয়া লও, এবং আমাদের উপাসনাপ্রণালী প্রদর্শন কর ও আমাদের প্রতি প্রত্যাবর্তন কর, নিশ্চয় তুমি প্রত্যাবর্তনকারী ও কৃপালু ।” ১২৮ । “হে আমাদের প্রতিপালক, এবং তাহাদিগের ( বংশ ) হইতে তাহাদিগের নিকটে প্রেরিত পুরুষ প্রেরণ কর, তাঁহারা তাহাদিগের নিকট তোমার নিদর্শন সকল পাঠ করিবেন ও তাহাদিগকে ধর্মপুস্তক ও জ্ঞান শিক্ষা দিবেন এবং তাহাদিগকে শুদ্ধ করিবেন, নিশ্চয় তুমি পরাক্রান্ত ও বিজ্ঞাতা” । ১২৯ । ( র, ১৫, আ, ৮ )

যাহারা আত্মজ্ঞানবিহীন, তাহারা ব্যতীত কে এব্রাহিম-প্রবর্তিত ধর্মের প্রতি বিমুখ হয় ? সত্যসত্যই আমি তাহাকে ইহলোকে গ্রহণ করিয়াছি, এবং নিশ্চয় সে পরলোকে সাধুদিগের অন্তর্গত । ১৩০ । যখন তাহার প্রতিপালক তাহাকে বলিলেন, “অনুগত হও,” সে বলিল, “বিশ্বপালকের অনুগত হইলাম ।” ১৩১ । এবং এব্রাহিম ও ইয়াকুব স্বীয় পুত্রদিগকে উপদেশ দিয়াছিল যে, “হে আমার পুত্রগণ, নিশ্চয় ঈশ্বর তোমাদের জন্ম এই ধর্ম মনোনীত করিয়াছেন, অতএব ধর্মাবলম্বী না হইয়া প্রাণত্যাগ করিও না” । ১৩২ । যখন ইয়াকুবের মৃত্যু সজ্জাটিত হয়, তখন তোমরা কি উপস্থিত ছিলে ? সেই সময় সে আপন পুত্রদিগকে জিজ্ঞাসা করিয়াছিল যে, “আমার অভাব হইলে তোমরা কোন্ বস্তুর উপাসনা করিবে ?” তাহারা বলিয়াছিল, “আমরা তোমার ও

\* এস্মায়িল মহাপুরুষ এব্রাহিমের পুত্র, ইনিই মোসলমানদিগের আদি পুরুষ । এব্রাহিমের অপর পুত্র এসহাকের বংশে ইহুদিজাতি উৎপন্ন হয় । এব্রাহিম এস্মায়িলকে সঙ্গে করিয়া মকার মন্দির নির্মাণ করেন । কালক্রমে সেই মন্দিরে প্রতিমা সকল প্রতিষ্ঠিত ও পূজিত হয় । পরে হজরত মোহম্মদ সেই সকল প্রতিমা বিনাশ করিয়া তাহাতে নিরাকার ঈশ্বরের পূজা প্রতিষ্ঠিত করেন ।

তোমার পিতৃপুরুষ এব্রাহিম ও এস্মায়িল এবং এস্হাকের ঈশ্বরের উপাসনা করিব, সেই ঈশ্বর একমাত্র, এবং আমরা তাঁহারই অলুগত”। ১৩৩। সেই মণ্ডলী চলিয়া গিয়াছে, তাহারা যাহা সঞ্চয় করিয়াছে তাহা তাহাদেরই জন্ত ও তোমরা যাহা সঞ্চয় করিয়াছ তাহা তোমাদের জন্ত, এবং তাহারা যাহা করিয়াছে তদ্বিষয়ে তোমাদিগের নিকটে প্রশ্ন হইবে না। ১৩৪। তাহারা বলে, “মুসায়ী হও বা ঈসায়ী হও, তবে পথ প্রাপ্ত হইবে, তুমি বল, বরং এব্রাহিমের ধর্ম সত্য, এবং তিনি অনেকেশ্বরবাদী ছিলেন না। ১৩৫। তোমরা বল, আমরা ঈশ্বরে বিশ্বাস স্থাপন করিলাম, এবং যাহা এব্রাহিমের প্রতি ও যাহা এস্মায়িল, এস্হাক, ইয়াকুব এবং ( তাঁহাদের ) সন্তানগণের প্রতি অবতীর্ণ হইয়াছে, এবং যাহা মুসার ও ঈসার প্রতি প্রদত্ত হইয়াছে, এবং যাহা অপর তত্ত্ববাহকগণের প্রতি তাঁহাদের প্রতিপালক কর্তৃক প্রদত্ত হইয়াছে, তৎসমুদায়ের প্রতি ( বিশ্বাস স্থাপন করিলাম, ) তাহাদের মধ্যে কাহাকেও প্রভেদ করিতেছি না, এবং আমরা তাঁহারই অলুগত। ১৩৬। অনন্তর তোমরা যাহাতে যেরূপ বিশ্বাস স্থাপন করিয়াছ, যদি তৎপ্রতি তদ্রূপ তাহারা বিশ্বাস স্থাপন করে, তবে নিশ্চয় আলোক পাইতে পারে, এবং যদি বিমুখ হয়, তবে তাহারা বিরোধী, ইহা বৈ নহে, অতএব সত্বরই ঈশ্বর তাহাদিগ হইতে প্রতিশোধ লইবেন, এবং তিনি শ্রোতা ও জ্ঞাতা \*। ১৩৭। ঈশ্বর-প্রদত্ত বর্ণ আছে, এবং বর্ণদান বিষয়ে ঈশ্বর অপেক্ষা কে শ্রেষ্ঠ ? ও আমরা তাঁহারই উপাসক †। ১৩৮। ( বল, ) ঈশ্বরসম্বন্ধে তোমরা কি আমাদের সঙ্গে বিতণ্ডা করিতেছ ? এবং তিনি আমাদের প্রতিপালক ও তোমাদের প্রতিপালক, এবং আমাদের জন্ত আমাদের কার্য ও তোমাদের জন্ত তোমাদের কার্য, এবং আমরা তাঁহার প্রেমালুগত। ১৩৯। তোমরা কি বলিয়া থাক যে, এব্রাহিম, এস্মায়িল ও এস্হাক ও ইয়াকুব এবং সন্তানগণ মুসায়ী কিম্বা ঈসায়ী ছিল ? জিজ্ঞাসা কর, ( হে মোহম্মদ, ) তোমরা অধিক জ্ঞানী, না ঈশ্বর ? এবং যে ব্যক্তি নিজের নিকটে বিদ্যমান ঈশ্বরসম্বন্ধীয় সাক্ষ্য গোপন করিতেছে, তাহা অপেক্ষা অত্যাচারী কে ? তোমরা যাহা করিতেছ, ঈশ্বর তাহা

\* এই সকল প্রবচন অবতীর্ণ হইলে পর ইহুদিরা তত্ত্ববাহকের অধীনতা-স্বীকারে অসম্মত হইল। ঈসায়ীগণও মোসলমানদিগের বিরোধী হইয়া গর্ভ করিতে লাগিল যে, আমাদের জলসংস্কার আছে, তোমাদের তাহা নাই। ঈসায়ীদিগের জলসংস্কার এই যে, সন্তান প্রসূত হইলে পর সাত দিন অন্তর তাহাকে তীর্থ জলে স্নান করায়। তাহাদের বিশ্বাস এই যে, ইহা দ্বারা সন্তান শুদ্ধ হয়। ইহা মুসায়ী-ধর্মসম্মত নহে, তৎসংস্কারস্থানে ঈসায়ীদের এই জলসংস্কার। নিম্নলিখিত আয়তোক্ত ঐশ্বরিক বর্ণের অর্থ ঐশ্বরিক ধর্মসংস্কার।

( ত, হো, )

† ঈসায়ীলোকদিগের একরূপ রীতি ছিল যে, তাহারা যাহাকে স্বীয় ধর্মে দীক্ষিত করিত, তাহাকে পীত বর্ণে রঞ্জিত, পীত বসনে আচ্ছাদিত করিত। তৎসম্বন্ধে এই প্রবচন ঈসায়ীদিগের সম্বন্ধে উক্ত হইল।

( ত, কা, )

অজ্ঞাত নহেন। ১৪০। সেই এক সম্প্রদায় ছিল নিশ্চয়ই চলিয়া গিয়াছে, তাহারা যাহা করিয়াছে তাহা তাহাদের জ্ঞান ও তোমরা যাহা করিয়াছ তাহা তোমাদের জ্ঞান, তাহারা যাহা করিয়াছে তন্নিমিত্ত তোমাদিগের প্রশ্ন হইবে না। ১৪১। ( র, ১৬, আ, ১২)

এক্ষণে নির্বোধ লোকেরা বলিবে যে, যে কেব্‌লাতে তাহারা ছিল, তাহাদের সেই কেব্‌লা হইতে তাহাদিগকে কিসে ফিরাইল, \* বল, পূর্ব ও পশ্চিম ঈশ্বরের, তিনি যাহাকে ইচ্ছা করেন, সরল পথের অভিমুখে পথ প্রদর্শন করিয়া থাকেন। ১৪২। এবং আমি তোমাদিগকে এইরূপ অসাধারণ মণ্ডলী প্রস্তুত করিয়াছি যে, তোমরা লোকের নিকটে সাক্ষী হইবে, এবং যে ব্যক্তি স্বীয় পদদ্বয়ের উপর ফিরিয়া যায়, তাহাকে ছাড়িয়া যে ব্যক্তি ( স্বতন্ত্র ) প্রেরিত পুরুষের অনুগত হয়, তাহাকে জানিবার জ্ঞান ব্যতীত তুমি যাহার অভিমুখে ছিলে, আমি সেই কেব্‌লা নির্ধারণ করি নাই, † এবং সংবাদবাহক তোমাদের নিকটে সাক্ষী হইবে, নিশ্চয় ( এ বিষয়টি ) গুরুতর, কিন্তু ঈশ্বর যাহাদিগকে পথ প্রদর্শন করিয়াছেন তাহাদের জ্ঞান নহে, এবং ঈশ্বর ( একরূপ ) নহেন যে, তোমাদের ধর্ম নষ্ট করিবেন, নিশ্চয় ঈশ্বর লোকের প্রতি প্রেমিক ও অহুগ্রহকারী ‡। ১৪৩। নিশ্চয় আমি ( হে মোহম্মদ, ) আকাশের দিকে তোমার আনন প্রত্যাবর্তিত দেখিতেছি, অতএব তুমি যাহার প্রতি সন্তুষ্ট হইবে, সেই কেব্‌লার দিকে অবশ্য আমি তোমাকে ফিরাইব, § অনন্তর তুমি কাবার দিকে আপন মুখ ফিরাও, তোমরা (হে মোসলমানগণ,)

\* যাহার অভিমুখে নমাজ পড়া হয়, তাহাকে কেব্‌লা বলে। মোসলমানদিগের কেব্‌লা কাবা। পূর্বের বয়তোল্ মকদ্দস কেব্‌লা ছিল। মহাপুরুষ মোহম্মদ মক্কা হইতে মদিনায় আগমন করিয়া বয়তোল্ মকদ্দসের অভিমুখে নমাজ পড়িয়াছিলেন। পরে কাবা মন্দিরের দিকে নমাজ পড়িতে আদিষ্ট হইলেন। তখন ইহুদিগণ ও অনেক মোসলমান সন্দেহ করিতে লাগিল যে, এ কিরূপ তস্ব-বাহক? যাহা সকল তস্ববাহকের কেব্‌লা ছিল, তাহাকে পরিত্যাগ করাত তস্ববাহকের লক্ষণ নহে। অতএব ঈশ্বর পূর্বেই বলিলেন যে, লোকে একরূপ বলিবে। ( ত, হো, )

† পদদ্বয়ের উপর ফিরিয়া যায়, এস্থলে ইহার অর্থ, স্বতন্ত্র প্রেরিত পুরুষ হজরতকে অস্বীকার করে।

‡ ঈশ্বর এই প্রবচন মোসলমানমণ্ডলীর প্রতি এই ভাবে ব্যক্ত করিলেন যে, তোমাদিগের মধ্যে পূর্ণতা, শত্রুদিগের মধ্যে অপূর্ণতা। প্রথমতঃ তোমরা সমুদায় প্রেরিত পুরুষকে গ্রহণ করিয়াছ, কিন্তু মুসায়ী ও ঈসায়ী লোকেরা কোন প্রেরিতকে মান্য করে, কাহাকে বা মান্য করে না। দ্বিতীয়তঃ তোমাদের কেব্‌লা কাবা, যাহা এব্রাহিমের সময় হইতে নির্দিষ্ট আছে। এব্রাহিম মুসা ও ঈসার পূর্ববর্তী প্রেরিত। মুসায়ী ও ঈসায়ীদিগের কেব্‌লা পরে নিরূপিত হইয়াছে। একরূপ সকল বিষয়ে তোমরা শ্রেষ্ঠ, অপর মণ্ডলী নিকৃষ্ট। তোমাদিগের হইতে শিক্ষা লাভ করা তাহাদের আবশ্যক, তোমাদের অল্প মণ্ডলীর নিকটে শিক্ষা করা অপ্রয়োজন। ( ত, ফা, )

§ এ পর্য্যন্ত বয়তোল্ মকদ্দস অর্থাৎ জেরুজিলমের অভিমুখে নমাজ হইতেছিল, কিন্তু প্রেরিত পুরুষের মন কাবার দিকে নমাজ পড়িতে সমুৎসুক ছিল। তিনি বারংবার উর্দ্ধদৃষ্টি হইয়া থাকিতেন যে, এ বিষয়ে কোন আজ্ঞা প্রাপ্ত হন কিনা, তাহাতেই এই প্রবচন অবতীর্ণ হয়। ( ত, কা, )

যে স্থানে আছ, পরে তথা হইতে আপনাদিগের মুখ সেই দিকে ফিরাও, এবং নিশ্চয় যাহাদিগকে গ্রন্থ প্রদত্ত হইয়াছে, তাহারা জানিবে যে, ইহা তাহাদের প্রতিপালকের প্রেরিত সত্য, এবং যাহা তাহারা করে, তাহা ঈশ্বরের অগোচর নহে। ১৪৪। এবং যাহাদিগকে পুস্তক প্রদত্ত হইয়াছে, যদি তুমি তাহাদের নিকটে সমুদায় নিদর্শন উপস্থিত কর, তাহারা তোমার কেবলার অনুসরণ করিবে না, এবং তুমিও তাহাদের কেবলার অনুসরণকারী নও, এবং তাহারা পরস্পর পরস্পরের কেবলার অনুসরণকারী নহে, এবং তোমার নিকটে যে জ্ঞান সমাগত হইয়াছে, তুমি তাহার পর যদি তাহাদের ইচ্ছার অনুসরণ কর, তবে নিশ্চয় তুমি একজন অত্যাচারী হইবে। ১৪৫। আমি যাহাদিগকে পুস্তক দান করিয়াছি, তাহারা তাহা এরূপ জানিতেছে, যে রূপ আপনাদিগের সন্তানদিগকে জানিতেছে, এবং নিশ্চয় তাহাদের একদল জ্ঞাতসারে সত্যকে গোপন করিতেছে। ১৪৬। ইহা তোমার প্রতিপালকের নিকট হইতে ( আগত ) সত্য, অতএব তুমি সংশয়ীদিগের অন্তর্গত হইও না। ১৪৭। ( র, ১৭, আ, ৬ )

এবং প্রত্যেকের জন্ত এক দিক আছে, সে সেইদিকে মুখ ফিরায়, অতএব ( হে মোসলমানগণ, ) কল্যাণের দিকে অগ্রসর হও, তোমরা যে দিকে থাক না কেন, ঈশ্বর তোমাদের সকলকে ( কেয়ামতে ) একত্র করিবেন, নিশ্চয় ঈশ্বর সর্বোপরি ক্ষমতামালী। ১৪৮। এবং তুমি যে স্থানে যাইবে, ( হে মোহম্মদ, ) স্বীয় আনন মস্জিদোল্হরামের দিকে ফিরাইও, \* এবং নিশ্চয় ইহা তোমার প্রতিপালক হইতে ( আগত ) সত্য, এবং তোমরা যাহা করিতেছ, তাহা ঈশ্বরের অগোচর নহে। ১৪৯। এবং তুমি যে স্থানে যাইবে, স্বীয় আনন মস্জিদোল্হরামের দিকে ফিরাইও ও তোমরা যে স্থানে থাকিবে, স্বীয় মুখ সেই দিকে ফিরাইও, তাহা হইলে তাহাদের যে সকল লোক অত্যাচার করিয়াছে, তাহারা ভিন্ন অন্য লোকের তোমাদিগের প্রতি আপত্তি থাকিবে না, পরন্তু তাহাদিগকে ভয় করিও না, এবং আমা হইতে ভীত হইও, এবং তাহা হইলে আমি তোমাদের প্রতি আমার দান পূর্ণ করিব, এবং তোমরা তাহাতে পথ প্রাপ্ত হইবে। ১৫০। যথা আমি তোমাদিগের দল হইতে তোমাদিগের নিকট প্রেরিত পুরুষ পাঠাইয়াছি, যেন সে তোমাদিগের নিকটে আমার নিদর্শন সকল পাঠ করে ও তোমাদিগকে শুদ্ধ করে, এবং উচ্চ জ্ঞান ও গ্রন্থ শিক্ষা দেয়, এবং তোমরা যাহা জান না, তাহার শিক্ষা দান করে। ১৫১। অতএব আমাকে স্মরণ কর, আমি তোমাদিগকে স্মরণ করিব, এবং আমার প্রতি কৃতজ্ঞ হও ও বিদ্রোহী হইও না। ১৫২। ( র, ১৮, আ, ৫ )

হে বিশ্বাসী লোক সকল, তোমরা সহিষ্ণুতা ও উপাসনাবিষয়ে সাহায্য অন্বেষণ কর,

\* মকার মস্জিদের নাম মস্জিদোল্হরাম। হারাম শব্দের অর্থ নিষিদ্ধ। উক্ত মস্জিদের চতুঃসীমার মধ্যে এই কয়েকটি কার্য নিষিদ্ধ যথা;—মহুন্ন হত্যা করা, কোন জীবকে উৎপীড়ন করা, বৃক্ষাদি উৎপাটন করা, পতিত ধন গ্রহণ করা।

( ত, কা, )

নিশ্চয় ঈশ্বর সহিষ্ণুদিগের সহায়। ১৫৩। এবং বলিও না, যে সকল লোক ঈশ্বরের পথে নিহত হইয়াছে, তাহারা মরিয়াছে, বরং জীবিত হইয়াছে, কিন্তু তোমরা জ্ঞাত নহ। ১৫৪। এবং নিশ্চয় আমি তোমাদিগকে ভয় ও অন্নভাব ও ধনহানি ও প্রাণহানি এবং ফলহানি ইহার কোন একটি দ্বারা পরীক্ষা করি, এবং সহিষ্ণুদিগকে স্বেচ্ছা দান করি। ১৫৫। + যখন আপনাদের সঙ্কট উপস্থিত হয়, তখন যাহারা বলে, নিশ্চয় আমরা ঈশ্বরেরই ও নিশ্চয় আমরা তাঁহার প্রতি প্রত্যাবর্তনকারী। ১৫৬। + এবং এই সকল লোক, ইহাদের প্রতি ঈশ্বরের আশীর্বাদ ও কৃপা, এবং এই সকল লোক, ইহারা সম্পথগামী। ১৫৭। নিশ্চয় সফা ও মরওয়া গিরি ঈশ্বরের নিদর্শনবিশেষ, অতএব যে ব্যক্তি মক্কামন্দিরে হজ্জ কার্য্য করে, কিম্বা ওম্ৰা করে, এই দুইকে প্রদক্ষিণ করা তাহার প্রতি অপরাধ নহে; এবং যে ব্যক্তি আগ্রহ সহকারে সংকর্ষ করে, পরে নিশ্চয় ঈশ্বর ( তাহার ) মর্যাদাভিজ্ঞ ও জ্ঞাত \*। ১৫৮। নিশ্চয় আমি যাহা কিছু নিদর্শন ও উপদেশ প্রেরণ করিয়াছি, তাহা মানবমণ্ডলীর জ্ঞান গ্রন্থে ব্যক্ত করিলে পর যাহারা তাহা গোপন করে, এই তাহারাই তাহাদিগকে ঈশ্বর অভিসম্পাত করেন, এবং অভিসম্পাতকারিগণ তাহাদিগকে অভিসম্পাত করিয়া থাকে † ১৫৯। + কিন্তু যাহারা মন পরিবর্তন ও সংকর্ষ করিয়াছে ও ব্যক্ত করিয়াছে, পরে আমি তাহাদের প্রতি প্রত্যাবর্তন করিব ও আমি প্রত্যাবর্তনকারী দয়ালু। ১৬০। নিশ্চয় যাহারা ধর্মদ্রোহী হইয়াছে ও ধর্মদ্রোহীর অবস্থায় মরিয়াছে, তাহাদের প্রতি ঈশ্বরের ও দেবগণের এবং সমুদায় লোকের অভিসম্পাত হয়। ১৬১। + তাহারা তাহাতে (সেই অভিসম্পাতে) সর্বদা থাকিবে, তাহাদিগ হইতে শাস্তি পর্ক করা হইবে না ও তাহাদিগকে অবকাশ দেওয়া হইবে না। ১৬২।

\* মক্কায় সফা ও মরওয়া নামক দুইটি গুহ পর্বত আছে। এই দুই পর্বতের মধ্যে ব্যবধান দুই শত পদভূমি। হাজী লোকেরা সেই ভূমিতে দৌড়িয়া থাকে। এই কার্য্যটিও হজ্জক্রিয়ার অন্তর্গত। নির্দিষ্ট কালে বিশেষ ব্রতধারী হইয়া মক্কা তীর্থ দর্শনকে হজ্জ বলে, যাহারা হজ্জ করে তাহাদিগকে হাজী বলে। ওম্ৰা হাজীদিগের ব্রতবিশেষ। তাহা এইরূপ; হজ্জ ক্রিয়ার এহরাম বাবিয়া মক্কার অদূর-বর্তী “তনইম” নামক স্থানে কয়েক বার নমাজ পড়িয়া মক্কাতে আগমন পূর্বক মন্দির প্রদক্ষিণ করিতে হয়। মক্কার নিকটে যাইয়া বিধিপূর্বক হজ্জ করার সঙ্কল্প করাকে “এহরাম” বলে। অতএব ঈশ্বর বলিতেছেন যে, যে ব্যক্তি হজ্জ ইত্যাদি করিতে যায়, তাহার পক্ষে “সফা” ও “মরওয়া” গিরির মধ্যস্থ ভূমিতে ধাবমান হওয়া দৃশ্য নহে। পৌত্তনিক লোকেরা অজ্ঞানতাবশতঃ উক্ত পর্বতদ্বয় প্রদক্ষিণ করিত বলিয়া এসলামধর্মাবলম্বিগণ এ বিষয়ে সঙ্কুচিত ছিল, এক্ষণে ঈশ্বর এ কার্য্যে বিধি দিলেন। (ত, হো,)

† ইহুদিদিগের ধর্মপুস্তক তওরাতে আরবীয় অস্তিম তত্ত্ববাহকের অর্থাৎ হজ্জরত মোহাম্মদের প্রসঙ্গ ছিল। ইহুদিরা ঈর্ষ্যাবশতঃ সেই কথা গোপন করিয়াছে। এই আয়তে তাহারই উল্লেখ



এবং তোমাদের ঈশ্বর একমাত্র, সেই ঈশ্বর ব্যতীত উপাস্ত নাই, তিনি দাতা ও দয়ালু।  
১৬৩। ( র, ১৯, আ, ১১ )

নিশ্চয় স্বর্গ ও মর্ত্য সৃজনে ও দিবা রজনীর পরিবর্তনে এবং সমুদ্রে চালিত পোতে যাহাতে লোকে লাভ করে, এবং ঈশ্বর আকাশ হইতে বারিবর্ষণ পূর্বক তদ্বারা ভূমিকে যে তাহার মৃত্যুর পর জীবন দান এবং তদুপরি বিবিধ জন্তু সঞ্চারিত করিয়াছেন তাহাতে ও বায়ুমণ্ডল এবং আকাশ ও পৃথিবীর মধ্যস্থ সঞ্চিত মেঘের সঞ্চারে সত্যই বুদ্ধিমান লোকদিগের জ্ঞান নিদর্শন সকল রহিয়াছে। ১৬৪। এবং মনুষ্যজাতির মধ্যে এমন লোক আছে যে, সে ঈশ্বরকে ছাড়িয়া ঈশ্বরের অংশী সকলকে গ্রহণ করে, ঈশ্বরের প্রতি প্রীতির ন্যায় তাহাদিগকে প্রীতি করে, কিন্তু যাহারা বিশ্বাসী, তাহারা ঈশ্বরের প্রতি দৃঢ়তর প্রেমিক। এবং যাহারা অহিতাচরণ করিয়াছে, তাহারা তখন যে শাস্তি দেখিবে, হায়! যদি তাহা দেখিত! ঈশ্বরের জ্ঞানই পূর্ণ ক্ষমতা, এবং নিশ্চয় ঈশ্বর কঠিন শাস্তিদাতা। ১৬৫। ( স্মরণ কর, ) যখন অগ্রণীলোকেরা অনুযায়িবৃন্দের প্রতি বিরাগ প্রকাশ করিবে ও শাস্তিভোগ করিতে থাকিবে, এবং তাহাদের সম্বন্ধ ছিন্ন হইয়া যাইবে। ১৬৬। এবং সেই অনুযায়িগণ বলিবে যে, যদি আমাদের প্রতিগমন হইত, তাহা হইলে আমাদের প্রতি যেমন তাহারা ( অগ্রণীগণ ) বিরাগী হইয়াছে, আমরাও তাহাদের প্রতি বিরাগী হইতাম; এইরূপ ঈশ্বর তাহাদের কার্যাবলী যে তাহাদের সম্বন্ধে আক্ষেপে পরিণত, ইহা তাহাদিগকে দেখাইবেন, এবং তাহারা নরকাগ্নি হইতে মুক্ত হইবে না \*। ১৬৭। ( র, ২০, আ, ৪ )

হে লোকসকল, তোমরা পৃথিবীতে যাহা বৈধ, শুদ্ধ তাহাই ভক্ষণ করিও, এবং শয়তানের পদানুসরণ করিও না, নিশ্চয় সে তোমাদের স্পষ্ট শত্রু। ১৬৮। তোমরা দুষ্কর্মে ও নিলজ্জ কার্যে ( লিপ্ত হও, ) এবং ঈশ্বরসম্বন্ধে যাহা জ্ঞাত নও তাহা বল, ইহা ব্যতীত সে তোমাদিগকে আদেশ করিবে না। ১৬৯। এবং যখন তাহাদিগকে বলা হইবে যে, ঈশ্বর যাহা প্রেরণ করিয়াছেন, তাহার অনুসরণ কর, তাহারা বলিবে, আমাদের পিতৃপুরুষদিগকে আমরা যে বিষয়ে প্রাপ্ত হইয়াছি, বরং তাহার অনুসরণ করিব, যদিচ তাহাদের পিতৃপুরুষগণ কিছুই বুঝিত না ও পথভ্রাস্ত ছিল। ১৭০। কেহ কোন বিষয় ডাকিয়া বলিলে যে ব্যক্তি আহ্বান শব্দ ও ধ্বনি ভিন্ন শুনিতে পায় না, ধর্মদ্রোহিগণ তাহার অনুরূপ, তাহারা বধির, মূক ও অন্ধ; অতএব তাহারা বুঝিতে

\* লোকে ঈশ্বরকে ছাড়িয়া যাহাদিগকে পূজা করে, পরলোকে তাহারা সেই পূজকদিগকে পরিত্যাগ করিবে। তখন পূজকগণের আশা ভঙ্গ হইবে ও আক্ষেপ করিবে, তাহাদের আক্ষেপে কোন ফল দর্শিবে না। ( ত, ফা, )

+ আরবীয় লোকেরা এত্রাহিম-প্রবর্তিত ধর্মকে বিকৃত করিয়া ঈশ্বর ব্যতীত অস্ত্রের উপাসনা করিতে থাকে। মৃত ও অবৈধ পশুদিগকে জব করে, গৃহপালিত অহিংস্র পশুদিগের মধ্যে কতক-

মুক ও অন্ধ ; অতএব তাহারা বুঝিতে পারে না \* । ১৭১ । হে বিশ্বাসী লোক সকল, বিশ্বক বস্ত হইতে আমি যাহা তোমাদিগকে জীবিকা দান করিয়াছি তাহা ভক্ষণ কর, ঈশ্বরের গুণানুবাদ কর, যদি তোমরা তাঁহাকে পূজা করিয়া থাক । ১৭২ । তোমাদিগের সম্বন্ধে শব, শোণিত ও বরাহমাংস এবং যাহা ঈশ্বর ভিন্ন অল্প দেবতাদের উদ্দেশ্যে বলি প্রদত্ত হইয়াছে, ইহা বৈ নিষিদ্ধ নহে ; পরন্তু যে ব্যক্তি অত্যাচার ও সীমা লঙ্ঘন না করিয়া বিপদাকুল হইয়াছে, তাহার পক্ষে দোষ নাই, নিশ্চয় ঈশ্বর ক্রমাশীল ও দয়ালু † । ১৭৩ । নিশ্চয় ঈশ্বর যাহা গ্রন্থে অবতারণ করিয়াছেন, তাহা যে সকল লোক গোপন করে ও তদুপরি সামান্য মূল্য গ্রহণ করে, তাহারা স্ব স্ব পাকস্থলীতে অগ্নি বৈ ভক্ষণ করে না, বিচারদিবসে ঈশ্বর তাহাদের সঙ্গে কথা কহিবেন না ও তাহাদিগকে শুদ্ধ করিবেন না, এবং তাহাদের জন্ত দুঃখকর শাস্তি আছে । ১৭৪ । ইহারাই যাহারা সৎপথের পরিবর্তে বিপথ, ক্রমার পরিবর্তে শাস্তি ক্রয় করে, ইহারাই নরকাগ্নিতে কেমন ধৈর্যধারণ করিবে ! ১৭৫ । এই সেই কারণে ঈশ্বর সত্য গ্রন্থ অবতারণ করিয়াছেন, এবং নিশ্চয় যাহারা গ্রন্থমধ্যে পরিবর্তন করিয়াছে, তাহারা বিরুদ্ধাচারে বহু অগ্রসর ‡ । ১৭৬ । ( র, ২১, আ, ২ )

তোমরা আপনাদের আনন পূর্ব বা পশ্চিমাভিমুখে আবর্তন কর, তাহাতে পুণ্য নাই, কিন্তু যে ব্যক্তি ঈশ্বরের প্রতি ও পরকাল ও দেবগণ এবং গ্রন্থ ও তত্ত্ববাহকগণের প্রতি বিশ্বাস স্থাপন করিয়াছে, এবং ধন তৎপ্রতি অমুরাগসঙ্গে আত্মীয়দিগকে, অনাত্মদিগকে, দরিদ্রদিগকে ও পথিকদিগকে এবং ভিক্ষুকদিগকে ও দাসত্বমোচনার্থ দান করিয়াছে, এবং উপাসনাকে প্রতিষ্ঠিত রাখিয়াছে ও জাকত দিয়াছে, এবং যখন যাহারা অঙ্গীকার করে, আপনাদের সেই অঙ্গীকার পালন করিয়া থাকে, এবং যাহারা ধনহীনতায় ও ক্রেশে এবং যুদ্ধকালে ধৈর্যশীল, তাহাদেরই পুণ্য, ইহারাই তাহারা যাহারা সত্য বলিয়াছে, ইহারাই তাহারা যাহারা ধর্মভীরু । ১৭৭ । হে বিশ্বাসী লোক সকল, তোমাদের সম্বন্ধে হত ব্যক্তির বিনিময়ে হত্যা করা লিখিত হইয়াছে, স্বাধীন স্বাধীনের তুল্য, দাসগুলিকে অশুদ্ধ হির করে । এনাম সূরাতে তত্ত্ববরণ বিবৃত আছে । তাহারা বরাহমাংসকে বৈধ মনে করে । তাহাতে ঈশ্বর তাহাদিগের প্রতি দোষারোপ করেন । ( ত, কা, )

\* অর্থাৎ কাকেরদিগকে উপদেশ দান করা আর পশুদিগকে ডাকিয়া উপদেশ দেওয়া তুল্য । পশুগণ যেমন ধনি ব্যতীত কিছুই বুঝিতে পারে না, তদ্বোপদেশসম্বন্ধে কাকেরগণও তদ্রূপ । যাহার ধর্মজ্ঞান নাই, সে ধর্মজ্ঞানীর কথা গ্রাহ্য করে না । ( ত, কা, )

† যে অবস্থায় কেহ কোনরূপ অত্যাচার করে নাই, শাস্ত্রের সীমা অতিক্রম করে নাই, সেই অবস্থায় ক্ষুধা, ক্লান্তি ও অবসন্নতাবশতঃ মৃত্যুর আশঙ্কা হইলে শব ইত্যাদি ভক্ষণে দোষ নাই । ( ত, হো, )

‡ ইহাদিগণ তাহাদের ধর্মগ্রন্থ হইতে আরবীর ভবিষ্যৎ তত্ত্ববাহকের প্রসঙ্গ গোপন এবং সংসারানুরোধে অনেক বচনের পরিবর্তন করিয়াছে । ( ত, কা, )

দাসের তুল্য, নারী নারীর তুল্য ; যে ব্যক্তি তাহার ভ্রাতার পক্ষ হইতে নিজের জ্ঞাত কিছু ক্ষমা প্রাপ্ত হইবে, তৎপর বিধির অনুসরণ করিয়া তাহার চলা এবং সম্ভাবে ( হত্যার মূল্য ) পরিশোধ করা (কর্তব্য, ) ইহা তোমাদের প্রতিপালকের নিকট হইতে লঘু করা হইল, অনন্তর ইহার পরে যে ব্যক্তি সীমা লঙ্ঘন করিবে, তাহার জ্ঞাত দুঃখকর শাস্তি আছে \* । ১৭৮ । এবং তোমাদের জ্ঞাত বিনিময়হত্যাতেই জীবন, হে বুদ্ধিমান লোক সকল, তাহা হইলে তোমরা রক্ষা পাইবে † । ১৭৯ । যখন তোমাদের কাহারও মৃত্যু উপস্থিত হইবে, তখন সম্পত্তি থাকিলে পিতা মাতা ও স্বগণের জ্ঞাত বৈধরূপে নির্ধারণ করা তোমাদিগের সম্বন্ধে লিখিত হইয়াছে, ঈশ্বরভীরু লোকদিগের সম্বন্ধে ইহা উচিত ‡ । ১৮০ । অনন্তর ইহা ( অন্তিম নির্ধারণ বাক্য ) শ্রবণের পর যে জন ইহার ব্যতিক্রম করে, তখন ইহার অপরাধ তাহারই প্রতি হয়, যে তাহার ব্যতিক্রম করিয়া থাকে, ইহা বৈ নহে, নিশ্চয় ঈশ্বর শ্রোতা ও জ্ঞাতা । ১৮১ । অবশেষে কেহ অন্তিমনির্ধারণকারীর পক্ষে অসরলতা কিম্বা অপরাধ আশঙ্কা করিয়া তাহাদের মধ্যে মীমাংসা করিয়া দিলে তাহাতে দৃষ্টি নহে, নিশ্চয় ঈশ্বর ক্ষমাশীল ও দয়ালু । ১৮২ । ( র, ২২, আ, ৬ )

হে বিশ্বাসী লোক সকল, তোমাদের পূর্ববর্তী লোকদিগের প্রতি যেরূপ রোজা ( উপবাসব্রত ) লিখিত হইয়াছিল, তদ্রূপ তোমাদের জ্ঞাত লিখিত হইয়াছে, তাহাতে তোমরা ধৈর্যশীল হইবে । ১৮৩ । কতিপয় দিবস ( রোজার জ্ঞাত ) নির্ধারিত, তবে তোমাদের মধ্যে যে কেহ পীড়িত কিম্বা দেশভ্রমণে প্রবৃত্ত আছে, তাহার সম্বন্ধে অন্য কয়েকদিন নির্ধারণ্য, এবং যে ব্যক্তি ইহাতে সক্ষম হইয়া ( পালন করিতে চাহে না, ) একজন দরিদ্রকে অন্ন বিতরণ করা প্রায়শ্চিত্ত, পরন্তু যে ব্যক্তি অধিক সংকার্য্য করে তাহার পক্ষে কল্যাণ, যদি জ্ঞাত আছ, তবে রোজা পালন করাই তোমাদের শ্রেয়ঃ হয় । ১৮৪ । সেই রমজান মাস, যাহাতে মানববৃন্দের পথপ্রদর্শক এবং সংপথ ও মীমাংসার

\* স্বাধীন স্বাধিনের তুল্য, দাস দাসের তুল্য, নারী নারীর তুল্য । ইহার তাৎপর্য্য এই যে, পদমর্যাদানুসারে প্রত্যেক স্বাধীন ব্যক্তি অপর স্বাধীন ব্যক্তির তুল্য, এরূপ পরস্পর দাস দাসের এবং নারী নারীর তুল্য ; যেমন কাকেরদিগের মধ্যে হীন জাতি ও উচ্চ জাতি এবং ধনী ও দরিদ্রের প্রভেদ প্রচলিত আছে, তদ্রূপ প্রভেদ নাই । হত ব্যক্তির ঘনিষ্ঠ স্বগণ বিনিময়ে হত্যা না করিয়া অর্থগ্রহণে সম্মত হইলে, হত্যাকারীর কর্তব্য যে, অর্থ দ্বারা তাহাকে প্রসন্ন করে । ইহাই সহজ বিধি হইয়াছে । পূর্বতন সম্প্রদায়ের মধ্যে হত্যার বিনিময়ে হত্যা করার বিধিই নির্ধারিত ছিল । ( ত, ফা, )

† অর্থাৎ বিচারকদিগের উচিত যে, হত্যার বিনিময়ে হত্যা করিতে ক্রটি না করেন । তাহাতে ভবিষ্যতে হত্যা নিবারিত হইবে । ( ত, ফা, )

‡ কাকেরদিগের ব্যবস্থামতে মৃত ব্যক্তির উত্তরাধিকারী সন্তান, সন্তানের মধ্যেও পুত্র সন্তানমাত্র । এক্ষণে বিধি হইল যে, পুত্র ব্যতীত প্রয়োজনানুরূপ অন্য ঘনিষ্ঠ স্বগণও মৃত ব্যক্তির সম্পত্তির অংশ পাইতে অধিকারী ।



উজ্জ্বল নিদর্শন কোর্-আন্ অবতীর্ণ হইয়াছে, \* । অনস্তর তোমাদের মধ্যে যে ব্যক্তি সেই মাসে উপস্থিত হইবে, সে তাহাতে অবশ্য রোজা পালন করিবে, এবং যে ব্যক্তি পীড়িত বা দেশভ্রমণে রত, তাহার নিমিত্ত অল্প দিন সকলের গণনা থাকিবে, তোমাদের জন্ত সহজ হয় ঈশ্বর আকাজক্ষা করেন, এবং তোমাদের দুঃসাধ্য হয় ইচ্ছা করেন না; এবং ( ইচ্ছা করেন ) যে, তোমরা দিনের সঙ্খ্যাকে পূর্ণ কর, এবং তোমাদিগকে যে সংপথ প্রদর্শন করিয়াছেন, তজ্জন্ত তোমরা ঈশ্বরকে মহিমাষিত কর, সম্ভবতঃ তোমরা কৃতজ্ঞ থাকিবে । ১৮৫ । † এবং যখন ( হে মোহম্মদ, ) আমার দাসগণ আমার বিষয় তোমাকে জিজ্ঞাসা করে, তখন নিশ্চয় আমি নিকটে থাকি, আমি প্রার্থীর প্রার্থনা গ্রহণ করি, এবং যখন কেহ আমার নিকটে প্রার্থনা করে, তখন আমার আজ্ঞাধীন হওয়া ও আমাকে বিশ্বাস করা তাহার উচিত, তাহাতে সে পথপ্রাপ্ত হইবে । ১৮৬ । রোজার রজনীতে স্ত্রীসংসর্গ তোমাদের জন্ত বৈধ হইল, তাহারা ( নারীগণ ) তোমাদের আবরণ এবং তোমরা তাহাদের আবরণ, তোমরা যে আপনাদের জীবনের ক্ষতি করিয়াছ, ঈশ্বর তাহা জ্ঞাত আছেন, অনস্তর তিনি অনুগ্রহ করিয়া তোমাদের দিকে প্রত্যাবর্তিত হইয়াছেন, এবং তোমাদিগকে ক্ষমা করিয়াছেন, ‡ অতএব এক্ষণ তাহাদের সঙ্গে সহবাস কর, এবং ঈশ্বর তোমাদের জন্ত যাহা লিখিয়াছেন, তাহার অনুসরণ করিয়া চল, যে পর্য্যন্ত তোমাদের পক্ষে প্রত্যুষে কৃষ্ণসূত্র হইতে শুভ্রসূত্র দৃষ্ট না হয়, সে পর্য্যন্ত পান ভোজন করিতে থাক, অতঃপর সায়ংকাল পর্য্যন্ত রোজা পূর্ণ কর, এবং যখন মস্জেদে নির্জনবাসী হইবে, তখন স্ত্রীসঙ্গ করিবে না, ইহা ঈশ্বরের নিষেধ; অতএব তাহার ( স্ত্রীর ) নিকটবর্তী হইও না; এইরূপ পরমেশ্বর লোকের জন্ত আপন নিদর্শন সকল ব্যক্ত করেন, যেন তাহারা ধর্মভীরু হয় । ১৮৭ । তোমরা আপনাদিগের মধ্যে পরস্পরের ধন অন্তায়রূপে ভোগ করিও না, এবং তাহা বিচারপতিগণের নিকট পর্য্যন্ত আনয়ন করিও না, তাহাতে

\* রমজান মাসেই কোর্-আনের প্রকাশরস্ত হয়, অথবা সমগ্র কোর্-আন্ সর্গ হইতে পৃথিবীর আকাশে অবতীর্ণ হয় । তথা হইতে সূরার পর সূরা কিছা আয়তের পর আয়ত লোকের হিতসাধনকল্পে সমাগত হইতে থাকে । যখন এই সময়ে আশ্বার অন্তরূপ প্রবচন সকল মানবমণ্ডলীর জন্ত প্রেরিত হইল তখন তৎস্মরণার্থ এই মাসে শারীরিক অনগ্রহণে লোকের সঙ্কুচিত হওয়া বিধেয়, ঈশ্বরের এই অভিপ্রায় । শুদ্ধ রমজান মাসে রোজা পালনের এই উদ্দেশ্য । ( ত. হো, )

† যখন রোজার বিধি প্রবর্তিত হয়, তখন হইতে মোসলমানগণ সমগ্র রমজানমাস স্ব স্ব ভাষ্যার নিকটে গমন করিতেন না, এবং প্রাচীন সম্প্রদায়ের স্থায় রজনীতে শয্যা হইতে গাত্রোথান করিয়া ভোজন করিতেন না । ইতিমধ্যে অনেক লোক অক্ষম হইয়া গোপনে স্ত্রীসঙ্গ ও ভোজন করিতে লাগিল । তাহাতেই এই প্রবচন অবতীর্ণ হয় যে, নিশাস্তে যে পর্য্যন্ত শুভ্র সূত্র নয়নগোচর না হয়, উপরিউক্ত বিষয়ে বিধি রহিল । কিন্তু নির্জনবাসের সময় দিবা রজনী সর্বক্ষণ স্ত্রীসংসর্গে নিষেধ হইল । ( ত. ফা, )

তাহারাও অধর্মাচারে লোকের ধনের অংশ গ্রহণ করিবে, তোমরা ইহা জানিতেছ \* ।  
১৮৮ । ( র, ২৩, আ, ৬ ) ।

নবীনচন্দ্রোদয়ের বিষয়ে ( হে মোহম্মদ, ) তোমাকে তাহারা প্রসন্ন করিবে, বলিও, তাহা মনুষ্যের সময় নির্ধারণজ্ঞতা ও হুজুক্রিয়ার জ্ঞতা ; এবং গৃহে তোমাদের প্রত্যাগমন পশ্চাৎ দিয়া ( এহরামবন্ধনের পর ) শ্রেয়ঃ নহে, ( ইহাতে কল্যাণ হয় না, ) কিন্তু বিষয়বিরাগী লোকদিগেরই কল্যাণ হয়, তোমরা গৃহে তাহার দ্বারদেশ দিয়া প্রবেশ করিও এবং ঈশ্বরকে ভয় করিও, তাহাতে উদ্ধার পাইবে † । ১৮৯ । এবং যাহারা তোমাদের সঙ্গে যুদ্ধ করিতে প্রবৃত্ত হয়, ঈশ্বরের পথে তাহাদের সঙ্গে তোমরা যুদ্ধ করিও ও সীমা লঙ্ঘন করিও না, নিশ্চয় ঈশ্বর সীমালঙ্ঘনকারীদিগকে প্রেম করেন না । ১৯০ । এবং যে স্থানে তাহাদিগকে পাইবে, তথায় তাহাদিগকে সংহার কর, এবং তাহারা তোমাদিগকে যে স্থান হইতে নির্বাসিত করিয়াছে, তোমরাও তাহাদিগকে নির্বাসিত কর, হত্যা অপেক্ষা ধর্মদ্রোহিতা গুরুতর, এবং মস্জিদোলহরামের নিকটে তোমরা তাহাদের সঙ্গে সংগ্রাম করিও না, যে পর্য্যন্ত না তথায় তাহারা তোমাদের সঙ্গে সংগ্রাম করে, পরন্তু যদি তাহারা তোমাদের সঙ্গে ( তথায় ) সংগ্রাম করে, তোমরাও তাহাদের সঙ্গে সংগ্রাম করিও, কাফেরদিগের প্রতি এইরূপ শাসন । ১৯১ । পরন্তু তাহারা নিবৃত্ত থাকিলে নিশ্চয় ঈশ্বর ক্ষমাশীল ও দয়ালু ‡ । ১৯২ । যে পর্য্যন্ত না ধর্মবিরোধিতা হয় ও ঈশ্বরের ধর্ম প্রতিষ্ঠিত হয়, সে পর্য্যন্ত তোমরা যুদ্ধ কর, পরে যদি নিবৃত্ত হয়, তবে অত্যাচারীর উপর ব্যতীত হস্তক্ষেপ করিতে নাই § । ১৯৩ । মাগ্বমাস মাগ্ব মাসের তুল্য, পরস্পর সম্মাননার বিনিময় হইয়া থাকে, অনন্তর কেহ ( সেই মাসে ) তোমাদিগকে আক্রমণ করিলে, যেমন তোমাদিগকে সে আক্রমণ করিল, তোমরাও তাহাকে আক্রমণ করিও, এবং ঈশ্বরকে ভয় করিও, এবং জানিও, নিশ্চয় ঈশ্বর ধর্মভীরু লোকদিগের সঙ্গে

\* বিচারপতিদিগের নিকট আনয়ন করিও না, ইহার অর্থ বিচারপতিকে সহায় করিয়া কাহারও সম্পত্তি ভোগ করিও না । ( ত, ফা, )

† কাফেরদিগের ক্রটির মধ্যে এই একটি ক্রটি ছিল যে, যখন তাহারা হুজু ক্রিয়ার এহরাম বন্ধন করিত, তখন প্রয়োজন হইলে হুজু না করিয়া গৃহে ফিরিয়া যাইত, তদবস্থায় তাহারা দ্বারদেশ দিয়া গৃহে প্রবেশ না করিয়া গৃহের পশ্চাৎদিকে ছাদের উপর উঠিয়া গৃহে প্রবেশ করিত । ঈশ্বর তাহা অকর্তব্য বলিয়া নির্দেশ করিলেন, এবং দ্বারদেশ দিয়া প্রবেশ করিতে আদেশ করিলেন । ( ত, ফা, )

‡ অর্থাৎ ইহার পর যদি তাহারা মোসলমান হয়, গৃহীত হইবে । ( ত, ফা, )

§ অত্যাচারের নিবৃত্তি হয়, লোকে ধর্ম ছাড়িয়া বিপথগামী না হইতে পারে ও ঈশ্বরের আজ্ঞা প্রচলিত থাকে, এই উদ্দেশ্যেই কাফেরদিগের সঙ্গে সংগ্রামের বিধি হইয়াছে । কাফেরগণ বশীভূত থাকিলে যুদ্ধ অনাবশ্যক । মনুষ্যের মনের উপর ধর্ম নির্ভর করে, বলপূর্ব্বক মোসলমান করাতে কোন ফল নাই । ( ত, ফা, )

থাকেন \* । ১২৪ । এবং তোমরা ঈশ্বরের পথে অর্থ ব্যয় কর ও মৃত্যুর হস্তে আত্মসমর্পণ কর এবং হিতাহুষ্ঠান কর, নিশ্চয় ঈশ্বর হিতকারীকে প্রীতি করেন । ১২৫ । ঈশ্বরের জন্ত হজ্জ ও ওমরাব্রত পূর্ণ কর, পরন্তু যদি তোমরা বাধা প্রাপ্ত হও, তবে জভ করিবার জন্ত যে পশু হস্তগত হয়, ( তাহা প্রেরণ কর, ) এবং যে পর্য্যন্ত জভ করার পশু তাহার স্থানে উপস্থিত না হয়, সে পর্য্যন্ত তোমরা আপন মস্তক মুণ্ডন করিও না ; তবে যদি তোমাদের মধ্যে কেহ পীড়িত থাকে কিংবা তাহার মস্তকে কোন ক্লেশ থাকে, তবে তৎপ্রায়শ্চিত্তস্বরূপ রোজা বা সেদকা † কিংবা জভ করা বিধেয়, তোমরা নিরাপদ হইলে তখন তোমাদের মধ্যে যে ব্যক্তি হজ্জ ক্রিয়ার সঙ্গে ওমরা ব্রতের ফল লাভ করিল, তাহার প্রতি সহজলভ্য কোন পশু জভ করা বিধি, তবে কেহ ( তদ্যোগ্য ) পশু প্রাপ্ত না হইলে তাহার জন্ত হজ্জক্রিয়ার সময়ে তিন দিন, এবং তোমাদের প্রত্যাবর্তনকালে সাত দিন ( রোজা পালন বিধি, ) এই দশ দিনেতেই পূর্ণতা ; তাহার পরিবারস্থ লোক মস্জিদেদোল্ হরামের প্রতিবাসী নহে, তাহাদের জন্ত ( এই ব্যবস্থা ) হইল, এবং ঈশ্বরকে ভয় করিও, জানিও যে ঈশ্বর মহা শাস্তিদাতা ‡ । ১২৬ । ( র, ২৩, আ, ৮ )

\* যদি কোন কাফের মাগ্ব মাসকে সম্মান করিয়া সেই মাসে তোমাদের সঙ্গে যুদ্ধ না করে, তবে তোমরা তাহার সঙ্গে যুদ্ধ করিও না । মক্কাবাসী ধর্মবিদ্রোহিগণ সচরাচর এইরূপ মাসেও মোসলমানদিগের প্রতি অত্যাচার করিত, মোসলমানেরা তখন কেন ক্রটি করিবে ? জিলুকয়দা মাসে হজরত মোহম্মদ ওমরা ব্রত উদ্‌যাপন করিবার জন্ত মক্কায় গিয়াছিলেন, সেই সময় এই বচন অবতীর্ণ হয় । যে সকল মাসে হজ্জ ক্রিয়া হয়, তাহাই মাগ্ব মাস । ( ত, ফা, )

† ঈশ্বরোদ্দেশে দরিজদিগকে দান করা সেদকা ।

‡ এক্ষণ হজ্জ ইত্যাদির বিধি প্রদর্শিত হইতেছে ; তাহার নিয়ম এই ;—প্রথমতঃ এহরাম বন্ধন, অর্থাৎ বিধিপূর্বক হজ্জক্রিয়ার সঙ্কল্প করা, পরে তৎকর্মে প্রবৃত্ত হওয়ার দিন অরফাতে উপনীত হওয়া । অরফা হাজীদিগের দণ্ডায়মান হওয়ার স্থান, উহা মক্কার নয় ক্রোশ অন্তর একটি বিস্তৃত প্রান্তর মাত্র । হাজীলোকেরা তথায় দণ্ডায়মান হইয়া “লক্বয়েক” ( দণ্ডায়মান হইলাম তোমার নিকটে ) বলেন ও দুইবার উপাসনা করেন, তৎপর তথা হইতে যাত্রা করিয়া মশারেল্ হরামে যাইয়া রাত্রি যাপন করিয়া থাকেন । এই স্থানে হাজীলোকেরা মস্তক মুণ্ডন ও কোর্বাণি অর্থাৎ ধর্মার্থ বলিদান করেন । অনন্তর ইদোৎসবের উষাকালে হাজীগণ মক্কার বাজার মিনায় যাইয়া শয়তানের উদ্দেশে ক্ষুদ্র প্রস্তর খণ্ড সকল নিক্ষেপ ও মস্তক মুণ্ডন করিয়া এহরাম উন্মোচন করিয়া থাকেন । পরে মক্কাতে যাইয়া তাঁহাদিগকে কাবা প্রদক্ষিণ করিতে হয় । তদনন্তর তাঁহারা সফা ও মরওয়া গিরির মধ্যভূমিতে ধাবমান হন, পুনর্বার মিনায় যাইয়া তিন দিবস বাস ও পূর্বানুরূপ প্রস্তর নিক্ষেপ করিয়া মক্কায় যাইয়া প্রদক্ষিণ কার্য সমাপ্ত করেন । ইহাই হজ্জ কার্য । ওমরা ব্রতের প্রণালী এই ;—যে দিবস ইচ্ছা এহরাম বন্ধন ও কাবা প্রদক্ষিণ করা এবং সফা ও মরওয়া গিরির অন্তর্কর্ত্তী ভূমিতে ধাবমান হওয়া, পরে মস্তক মুণ্ডন করিয়া এহরাম উন্মোচন করা । হজ্জ ও ওমরাতে কোরবাণীর আবশ্যক করে না । কিন্তু তিনটি কারণের কোন একটি কারণ উপস্থিতমতে কোরবাণীর বিধি আছে । প্রথমতঃ এহরাম বন্ধনানন্তর ব্রতধারী হাজী শত্রু বা ব্যাধি কর্ত্তক আক্রান্ত

হজ্জ ক্রিয়ার মাস সকল নির্ধারিত, \* অনন্তর যে ব্যক্তি তাহাতে হজ্জ কর্ষে ব্রতী হয়, সে হজ্জ ক্রিয়াকালে জীসজ করিবে না ও ছুক্রিয়া করিবে না, পরস্পর বিবাদ করিবে না, এবং তোমরা যে সংকর্ষ কর ঈশ্বর তাহা জ্ঞাত হন, অপিচ ( মক্কায় যাইতে ) পাথেয় গ্রহণ করিও, পরন্তু নিশ্চয় শ্রেষ্ঠ পাথেয় সংসারবিরাগ, এবং হে জ্ঞানবান্ লোক সকল, তোমরা আমাকে ভয় করিও। ১৯৭। ( হজ্জকর্ষের সময়ে ) তোমরা আপন প্রতিপালকের নিকটে গৌরব (অর্থলাভ) অন্বেষণ করিলে তোমাদের পক্ষে অপরাধ হইবে না †, অবশেষে যখন তোমরা অরফা হইতে প্রতিগমন করিবে, তখন মশারোল্হরামের নিকটে ঈশ্বর স্মরণ করিও, এবং তিনি যেমন তোমাদিগকে পথ প্রদর্শন করিয়াছেন, তোমরাও তদ্রূপ তাঁহাকে স্মরণ করিও, এবং নিশ্চয় তোমরা ইতিপূর্বে ব্রাহ্মদিগের অন্তর্গত ছিলে। ১৯৮। অতঃপর যে স্থান হইতে লোকে প্রতিগমন করে, তথা হইতে তোমরা প্রতিগমন করিও, এবং ঈশ্বরের নিকটে ক্ষমা প্রার্থনা করিও, নিশ্চয় ঈশ্বর ক্ষমাশীল দয়ালু। ১৯৯। অনন্তর যখন তোমরা হজ্জ ক্রিয়া সমাপ্ত করিবে, স্বীয় পিতা পিতামহকে যেরূপ স্মরণ করিতে, তখন তদ্রূপ বরং তদপেক্ষা অধিক স্মরণরূপে ঈশ্বরকে স্মরণ করিও, ‡ পরন্তু মানবমণ্ডলীর মধ্যে কেহ বলিয়া থাকে, “হে আমার প্রতিপালক, তুমি আমাকে সংসারে দান কর,” তাহার জন্ত পরলোকে কোন লাভ্য নাই। ২০০। এবং তাহাদের মধ্যে কেহ বলিয়া থাকে, “হে আমার প্রতিপালক, তুমি আমাকে সংসারে

হইয়া ব্রত-পালনে অক্ষম হইলে, তিনি কাহারও রোগে কোরবাণীর পশু প্রেরণ করিবেন, মক্কাতে সেই পশু জন্ম হইলে তিনি এহরাম হইতে মুক্ত হইবেন। দ্বিতীয়তঃ হাজী কোনরূপ যন্ত্রণাগ্রস্ত কিম্বা মস্তকের ক্রেশে ক্লিষ্ট হইলে এহরাম সঙ্কেই মস্তক মুগুন করিতে পারেন। ইহার প্রায়শ্চিত্ত কোরবাণীর পশু প্রেরণ, বা তিন দিন রোজা পালন, কিম্বা ছয় জন দরিদ্রকে ভোজাদান। তৃতীয়তঃ হজ্জ ও ওমরা ভিন্ন ভিন্ন ভাবে না করিয়া একযোগে দুইব্রত পালন করিলে কোরবাণী আবশ্যক। কোরবাণীর যোগ্য পশু প্রাপ্ত না হইলে হজ্জক্রিয়ার সময়ে তিন দিন রোজা এবং ক্রিয়াস্তে সপ্তাহ রোজা সর্বশুদ্ধ দশদিন রোজা পালন বিধি। কোরবাণীর যোগ্য পশু নুনকল্পে এক ব্যক্তির জন্ত একটি ছাগ এবং সাত ব্যক্তির জন্ত একটি গো কিম্বা একটি উষ্ট্র নির্ধারিত আছে। মক্কাবাসীদিগের জন্ত হজ্জ ও ওমরাব্রতে কোরবাণীর বিধি নাই। আরবীয় পৌত্তলিক লোকেরা প্রতিমা উদ্দেশে হজ্জ করিত, এক্ষণ সেই বিধি ঈশ্বরোদ্দেশে নির্ধারিত হইল। ( ত, হো, )

\* এমাম শাফীর মতে শওয়াল ও জিকায়ত্বা মাস এবং ছোল্হজ্জ মাসের নয় দিবস ও ইদের সমুদায় রজনী; এবং প্রধান এমামের মতে ইদের দিবাও হজ্জ প্রবৃত্ত হওয়ার দিবসের মধ্যে গণ্য। ( ত, হো, )

† হজ্জ করিতে যাইয়া বাণিজ্য ব্যবসায়দ্বারা অর্থোপার্জনে নিবেদন নাই। ( ত, ফা, )

‡ পৌত্তলিকতার সময় আরবের সম্রাট লোকেরা মক্কার বিশেষ বিশেষ স্থানে দণ্ডায়মান হইয়া আপনাদের বংশের ও পিতা পিতামহদিগের খ্যাতি প্রতিপত্তি ঘোষণা করিয়া গৌরব প্রকাশ করিত। এক্ষণ আদেশ হইল যে, যেরূপ পিতৃপুরুষদিগকে স্মরণ করিবে, তদ্রূপ ঈশ্বরকে স্মরণ করিবে।

কল্যাণ ও পরলোকে কল্যাণ দান কর, এবং অগ্নিদণ্ড হইতে রক্ষা কর”। ২০১। এই সকল লোক যাহা করিয়াছে, ইহাদের তজ্জন্ম ফললাভ আছে, ঈশ্বর বিচারে সত্বর। ২০২। এবং নির্দিষ্ট দিবস সকলে ঈশ্বরকে স্মরণ করিও, \* পরন্তু কেহ দুই দিবসের মধ্যে গমনে সত্বর হইলে, তাহার সম্বন্ধে কোন দোষ নাই, এবং যে ব্যক্তি বিলম্ব করিবে অবশেষে তাহার পক্ষে কোন দোষ নাই, যে ব্যক্তি ধর্মভীরু তাহার নিমিত্ত (এই বিধি,) ঈশ্বরকে ভয় করিও, জানিও নিশ্চয় তোমরা তাঁহার দিকে সমুখিত হইবে। ২০৩। এবং মানবমণ্ডলীর মধ্যে এমন লোক আছে যে, সাংসারিক জীবনসম্বন্ধে তাহার উক্তি তোমাকে (হে মোহম্মদ,) প্রফুল্ল করিতেছে, অতএব সে স্বীয় অন্তরে যাহা আছে, তদ্বিষয়ে ঈশ্বরকে সাক্ষী করিয়া থাকে, প্রকৃতপক্ষে সে মহাবিরোধী †। ২০৪। এবং যখন সে প্রভূত লাভ করে, তখন পৃথিবীতে প্রয়াস পায় যেন তাহাতে অত্যাচার করে, এবং ক্ষেত্র ও পশু সকলকে বিনাশ করিয়া ফেলে, ঈশ্বর অত্যাচারকে প্রীতি করেন না। ২০৫। এবং যখন তাহাকে বলা হয় যে ঈশ্বরকে ভয় কর, তখন অহঙ্কার তাহাকে অপরাধে আক্রান্ত করে, অতএব নরক তাহার লভনীয়, নিশ্চয় তাহা কুস্থান। ২০৬। এবং লোকমণ্ডলীর মধ্যে এমন লোক আছে যে, সে পরমেশ্বরের প্রসন্নতার উদ্দেশ্যে আত্ম-বিক্রয় করে, ঈশ্বর সেবকগণের প্রতি প্রসন্ন ‡। ২০৭। হে বিশ্বাসী লোক সকল, পূর্ণ এসলামধর্মে প্রবেশ কর, এবং শয়তানের পদচিহ্নের অনুসরণ করিও না, নিশ্চয় সে তোমাদিগের পক্ষে স্পষ্ট শত্রু। ২০৮। অপিচ তোমাদিগের নিকটে নিদর্শন সকল উপস্থিত হওয়ার পর যদি তোমাদের পদস্থলন হয়, তবে জানিও ঈশ্বর বিজ্ঞাতা ও ক্ষমতাশালী। ২০৯। ঈশ্বর ও দেবগণ মেঘরূপ চন্দ্রাতপের মধ্যে আসিয়া তাহাদের নিকটে উপস্থিত হইবেন ও তাহাদের কার্যের নিষ্পত্তি হইবে, তাহারা ইহা ব্যতীত প্রতীক্ষা করে না, ঈশ্বরের দিকে কার্য সকলের প্রত্যাবৃতি হইয়া থাকে §। ২১০। (র, ২৫, আ, ১৪)

\* “তস্বির” অর্থাৎ ঈশ্বর স্মরণের ও প্রশংসার জন্ত তিন দিবস নির্দিষ্ট। পৌত্তলিকতার সময়ে লোকে হজ্জ ফিরার অবসানে তিন দিন এবং ইদোৎসবান্তে আমোদ করিয়া বেড়াইত ও বাজার বসাইত, এবং স্ব স্ব পূর্বপুরুষদিগের গুণ কীর্তন করিত। এখন ঈশ্বর তৎপরিবর্তে তিন দিবস ঈশ্বরগুণানুকীর্ণনের বিধি দিলেন। যাহার ইচ্ছা হয়, সে দুই দিন থাকিয়া চলিয়া যাইতে পারে, কিন্তু তিন দিন অবস্থিতি করা শ্রেয়ঃ। (ত, কা,)

+ কপট লোকদিগের এই অবস্থা, তাহারা প্রকাশ্যে তোষামোদ করে ও ঈশ্বরকে সাক্ষী করিয়া বলে, “আমি অন্তরে তোমার প্রতি অনুরাগী” কিন্তু বিবাদে কিকিছাত্র ক্রটি করে না, সুযোগ পাইলে হত্যার প্রবৃত্ত হয় ও লুণ্ঠন করে। (ত, কা,)

‡ বিশ্বাসী লোকের এই অবস্থা, তাহারা ঈশ্বরের প্রসন্নতার জন্ত জীবন সমর্পণ করেন। (ত, কা,)

§ যাহারা কোর্-আন ও সংবাদবাহকের প্রতি অধিশাসী, তাহারা প্রতীক্ষা করে যে, ঈশ্বর আসিয়া দেখা দিবেন, এবং প্রত্যেককে কর্ম্মানুরূপ ফল বিধান করিবেন। (ত, কা,)



এস্রায়েলসন্ততিদিগকে জিজ্ঞাসা কর যে, তাহাদিগকে আমি কি পরিমাণ উজ্জল নিদর্শন সকল দান করিয়াছি, এবং যে ব্যক্তি ঈশ্বরের দান আপনার নিকটে উপস্থিত হওয়ার পর তাহার পরিবর্তন করে, পরে নিশ্চয় ঈশ্বর ( তাহার ) তীব্র শাস্তিদাতা । ২১১। যাহারা ঈশ্বরদ্রোহী, তাহাদের জন্ম সাংসারিক জীবন সঞ্জিত হয়, তাহারা বিশ্বাসী লোকদিগকে উপহাস করিয়া থাকে, এবং যাহারা ধর্মভীরু হইয়াছে, তাহারা বিচারদিবসে সেই সকল লোকের উপর আসন পরিগ্রহ করিবে, ঈশ্বর যাহাকে ইচ্ছা করেন তাহাকে অগণ্য জীবিকা দান করিয়া থাকেন । ২১২। কতকগুলি লোক এক সম্প্রদায়ে বদ্ধ ছিল, পরে ঈশ্বর স্তসংবাদদাতা ও ভয়প্রদর্শক তত্ত্ববাহকগণকে প্রেরণ করিলেন, এবং তাহাদের সঙ্গে সত্যগ্রন্থ অবতারণ করিলেন, যেন তাহারা যে বিষয়ে লোকে বিবাদ করিতেছে তদ্বিষয়ে তাহাদিগকে শাসন করে, এবং যাহাদের নিকটে প্রমাণ সকল উপস্থিত হওয়ার পর তাহাদিগকে ( গ্রন্থ ) প্রদত্ত হইয়াছে, আপনাদের মধ্যে পরস্পর বিদ্বেষপ্রযুক্ত তাহারা ব্যতীত অল্প কোন ব্যক্তি বিরুদ্ধাচারী হয় নাই, যাহারা তদ্বিষয়ে বিরুদ্ধাচরণ করিয়া পরে বিশ্বাস স্থাপন করিয়াছে, ঈশ্বর তাহাদিগকে স্বীয় ইচ্ছায় সত্যের পথ প্রদর্শন করিয়াছেন ; এবং ঈশ্বর যাহাকে ইচ্ছা করেন, তাহাকে সরল পথ প্রদর্শন করেন \* । ২১৩। তোমরা কি স্বর্গে গমন করিবে মনে করিতেছ ? এদিকে যাহারা তোমাদিগের পূর্বে চলিয়া গিয়াছে, তাহাদের অবস্থা তোমরা প্রাপ্ত হও নাই ; তাহাদিগকে দুঃখ বিপদ আক্রমণ করিয়াছিল, এবং তাহারা বিকম্পিত হইয়াছিল, এতদূর পর্য্যন্ত যে তত্ত্ববাহক ও তাহার অনুবর্তী বিশ্বাসিগণ বলিতেছিল যে, কবে ঈশ্বরের আনুকূল্য পাইছিবে, জানিও ঈশ্বর আনুকূল্যদানে সমীপবর্তী । ২১৪। তাহারা তোমাকে প্রশ্ন করিতেছে যে কিরূপে ধন ব্যয় করিবে, বলিও, তোমরা ধন যাহা ব্যয় করিবে, তাহা পিতামাতার জন্ম, স্বজনবর্গের জন্ম, অনাথবৃন্দের জন্ম ও দরিদ্রকুলের জন্ম এবং পথিকদিগের জন্ম করিবে, এবং তোমরা যে সংকল্প করিয়া থাক, ঈশ্বর তাহা জ্ঞাত হন † । ২১৫। তোমাদের

\* পরমেশ্বর প্রত্যেক সম্প্রদায়কে বিভিন্ন পথ প্রদর্শন করিবার উদ্দেশ্যে ভিন্ন ভিন্ন তত্ত্ববাহক ও গ্রন্থ প্রেরণ করেন নাই । এক পথ অবলম্বন করিতে সমুদায় লোকের প্রতি ঈশ্বরের আদেশ । যখনই লোক ঈশ্বর-নির্দেশিত পথ ছাড়িয়া অল্প পথে চলিয়াছে, তখনই তাহাদিগকে শিক্ষা দিবার জন্ম ঈশ্বর তত্ত্ববাহক ও গ্রন্থ প্রেরণ করিয়াছেন । যখন গ্রন্থধারী লোকেরা গ্রন্থের অন্তর্থাচরণ করিয়াছে, তখন অল্প গ্রন্থের প্রয়োজন হইয়াছে । সমুদায় তত্ত্ববাহক এবং গ্রন্থ এই এক পথ প্রতিষ্ঠা করিবার জন্ম অবতীর্ণ হইয়াছে । ইহার দৃষ্টান্ত যথা :—স্বাস্থ্য এক, রোগ অগণ্য । এক প্রকার রোগ হইলে সেই রোগের অনুরূপ একবিধ ঔষধ ও একবিধ ব্যবস্থা হইয়া থাকে । আবার অল্প প্রকার রোগ হইলে তদনুরূপ অল্পবিধ ঔষধও ব্যবস্থা হয় । এক্ষণ অস্তিম পুস্তক কোর্-আনে বাহাতে সমুদায় রোগের উপশম হয়, এইরূপ পথ প্রদর্শিত হইয়াছে । ( ত, কা, )

† অমূহের পুত্র ওমর যে একজন মানুগণ্য ধনী লোক ছিলেন, তিনি হজরতের নিকটে প্রশ্ন

সম্বন্ধে সংগ্রাম লিখিত হইয়াছে, এবং উহা তোমাদের পক্ষে দুষ্কর, হয় তো এমন বিষয়ে তোমরা বিরক্ত হইবে যাহা প্রকৃতপক্ষে তোমাদিগের জন্ত কল্যাণ, হয়তো যাহা তোমাদের জন্ত অমঙ্গল সেই বস্তুতে তোমাদিগের প্রীতি আছে, ( তাহা ) ঈশ্বর জানেন, এবং তোমরা জান না। ২:১৬। ( র, ২৬, আ, ৬ )

তাহারা সম্মানিত মাসে যুদ্ধ করার বিষয়ে তোমাকে প্রশ্ন করিতেছে, বলিও ( হে মোহম্মদ, ) সেই সময়ে সংগ্রাম করা গুরুতর ( পাপ, ) \* এবং ঈশ্বরের পথ হইতে নিবৃত্ত রাখা ও তাঁহার সঙ্গে ও মস্জিদোল্হরামের সঙ্গে বিদ্রোহাচরণ করা এবং তথাকার অধিবাসীদিগকে তথা হইতে নিকাশিত করা ঈশ্বরের নিকটে গুরুতর ( অপরাধ, ) হত্যা করা অপেক্ষা ধর্মদ্রোহিতা গুরুতর, এবং যে পর্যন্ত তাহারা তোমাদিগকে তোমাদের ধর্ম হইতে বিচ্যুত না করে, সে পর্যন্ত সূক্ষ্ম হইলে অবিশ্রান্ত তোমাদের সঙ্গে যুদ্ধ করিবে, এবং তোমাদিগের মধ্যে যাহারা স্বধর্মে বিমুখ হয়, পরে ধর্মদ্রোহী থাকিয়া প্রাণত্যাগ করে, অনন্তর তাহারাই ইহারা যে, ইহলোকে পরলোকে তাহাদের সমুদায় ক্রিয়া বিনষ্ট হয়, তাহারাই যাহারা নরকলোকে বাস করিবে, তথায় সর্বদা থাকিবে। ২:১৭। নিশ্চয় যাহারা বিশ্বাস স্থাপন করিয়াছে ও যাহারা ধর্মোদ্দেশে স্বদেশ ত্যাগ এবং যুদ্ধ করিয়াছে, তাহারা ঈশ্বরানুগ্রহের আশা রাখে, এবং ঈশ্বর ক্ষমাশীল ও দয়ালু। ২:১৮। তাহারা সুরাপান ও দ্যুতক্রীড়া বিষয়ে তোমাকে ( হে মোহম্মদ, ) প্রশ্ন করিতেছে, এই দুই বিষয়ে গুরুতর অপরাধ, এবং লোকের লাভও আছে ; কিন্তু এই দুইয়ে লাভ অপেক্ষা অপরাধ গুরুতর †। তাহারা তোমাকে জিজ্ঞাসা করিতেছে যে, কেমন

করিয়াছিলেন যে, আমার প্রচুর সম্পত্তি আছে, তাহা কি প্রণালীতে ব্যয় করিব ? তাহাতে ঈশ্বর এই আদেশ করেন।

\* হজরত মোহম্মদ নির্বাসনের দ্বিতীয় বৎসরে হজনের পুত্র আব্দোল্লাকে আপনার একদল সহচর সহ রতলতথলানামক স্থানে প্রেরণ করিয়াছিলেন। তাঁহাদের সঙ্গে ভায়ফ হইতে আগত কোরেশজাতীয় বণিকদিগের যুদ্ধ উপস্থিত হয়। সেই যুদ্ধে বিপক্ষদলের প্রধান পুরুষ ওমর ও খেজর নামক দুই ব্যক্তি নিহত হইয়াছিল। তখন রজব মাসের নবীনচন্দ্র মোসলমানদিগের দৃষ্টিগোচর হইল। তাঁহারা জানিতেন না যে, জমাদিয়ঃমানি মাসের অবসান ও রজব মাসের আরম্ভ। এই সময়ে সংগ্রাম নিষিদ্ধ, এই কথা প্রচার হইলে কাফেরগণ কুৎসা করিয়া বেড়াইতে লাগিল যে, মোহম্মদ অবৈধকে বৈধ করিল, নিজের শিষ্যদিগকে রজব মাসে যুদ্ধ করিতে আজ্ঞা দিল। সেই সময়ে মোসলমানেরা নিষিদ্ধ মাস বিষয়ে হজরতকে প্রশ্ন করিলেন, তাহাতেই এই বচন অবতীর্ণ হয়। ( ত, হো, )

† মহান্না ওমর ও জবলের পুত্র মোয়াজ সুরাপান ও দ্যুতক্রীড়াবিষয়ে প্রশ্ন করিয়াছিলেন। তখন সুরাপান ও দ্যুতক্রীড়া আরবীয় লোকের মধ্যে বৈধরূপে প্রচলিত ছিল। এই প্রশ্নের উত্তরে ঈশ্বরের এই বাণী অবতীর্ণ হয়। সুরাপানে উচ্চতাবৃদ্ধি, ভুক্তানের জীর্ণতাসম্পাদন, বীরত্ব ও সাহস প্রকাশ ইত্যাদি শারীরিক বিষয়ে লাভ আছে। তখন দ্যুতক্রীড়ায় দরিদ্রদিগের লাভ ছিল। এরূপ রীতি ছিল যে, ক্রীড়ায় যে ব্যক্তি জয়ী হইত, সে দরিদ্রদিগকে দান করিত। ( ত, হো, )

দান করিব? বল, অধিক দান কর, এইরূপ ঈশ্বর তোমাদের জন্তু আয়ত সকল ব্যক্ত করেন, সম্ভবতঃ ইহলোক ও পরলোক বিষয়ে তোমরা চিন্তা করিবে। ২১৯। + এবং তাহারা নিরাশ্রয় লোকের সম্বন্ধে তোমাকে প্রশ্ন করিতেছে, বল, তাহাদের কুশল-সম্পাদন শ্রেয়ঃ; যদি তাহাদের সঙ্গে তোমরা বাস কর, তবে তাহারা তোমাদের ভ্রাতা, এবং পরমেশ্বর হিতকারী লোক হইতে অহিতকারীকে চিনিয়া থাকেন, এবং ঈশ্বর ইচ্ছা করিলে তোমাদিগকে দৃঢ় আক্রমণ করিতেন, নিশ্চয়ই ঈশ্বর পরাক্রান্ত ও বিজ্ঞাত। ২২০। এবং অনেকেশ্বরবাদিনী নারী যে পর্য্যন্ত বিশ্বাস স্থাপন না করে, তাহাকে বিবাহ করিও না, এবং অনেকেশ্বরবাদিনী (সৌন্দর্য্যে ও ধনসম্পদদানে) তোমার সম্ভ্রাণ উৎপাদন করিলেও তদপেক্ষা নিশ্চয় বিশ্বাসিনী দাসী শ্রেষ্ঠা, এবং যে পর্য্যন্ত বিশ্বাসী না হয়, অনেকেশ্বরবাদীকে কন্যা সম্প্রদান করিও না, অনেকেশ্বরবাদী পুরুষ তোমার সম্ভ্রাণ উৎপাদন করিলেও তদপেক্ষা বিশ্বাসী দাস শ্রেষ্ঠ; সেই সকল লোকেরা নরকাগ্নির দিকে নিমন্ত্রণ করে ও ঈশ্বর স্বর্গের দিকে ও ক্ষমার দিকে স্বীয় আজ্ঞায় আহ্বান করেন, এবং মন্তুষ্টের জন্তু স্বীয় নিদর্শন সকল ব্যক্ত করেন, যেন তাহাতে তাহারা উপদেশ লাভ করিতে পারে \*। ২২১। (র, ২৭, আ, ৫)

সুরাপান ও দ্যুতক্রীড়াসম্বন্ধে অনেকগুলি আয়ত অবতীর্ণ হইয়াছে। প্রত্যেক আয়তে এই দুয়ের দোষ বিবৃত আছে। মায়দা সুরার আয়তনিশেষে সুরাপান স্পষ্টরূপে নিষিদ্ধ। অপিচ যে বস্তু মাদকতার কারণ, তাহাও অবৈধ হইয়াছে। যে সকল ক্রীড়ায় অর্থের প্রয়োগ হয়, সেই সমস্ত ক্রীড়াও নিষিদ্ধ। (ত হো, )

\* মশ্বদনামক একজন বীরপুংস অসহায় মোসলমানদিগকে গোপনে মক্কা হইতে মদিনায় লইয়া যাইবার জন্তু প্রেরিত হইয়াছিল। তপায় এনাকনাম্মী একজন অনেকেশ্বরবাদিনী পরমরূপবতী নারীর সঙ্গে তাহার পূর্ক্কাবস্তায় গুপ্ত প্রণয় ছিল। সে মক্কায় উপনীত হইলে এনাক তাহার নিকট যাইয়া সম্মিলনের আকাজ্কা প্রকাশ করে। মশ্বদ বলে, “এক্ষণে এসলামধর্ম্ম তোমার ও আমার মধ্যে সম্মিলনে অন্তরায় হইয়াছে, বিশেষতঃ ব্যভিচারের ভাবে সম্মিলন আমার পক্ষে দুঃসাধ্য।” এই কথা শুনিয়া এনাক বলিল, “তবে তুমি আমাকে ভাৰ্য্যাক্রমে গ্রহণ কর।” মশ্বদ বলিল, “এ বিষয় প্রেরিত পুরুষের আদেশের উপর নির্ভর করে।” অনন্তর সে মদিনায় প্রত্যাগমন করিয়া হজরতের নিকট সর্বিশেষ নিবেদন করিল। তাহাতেই “যে পর্য্যন্ত অনেকেশ্বরবাদিনী বিশ্বাস স্থাপন না করে” এই আয়ত অবতীর্ণ হয়। অপিচ সেই সময় রওয়াহার পুত্র আব্দোল্লা অবাধ্যতার জন্তু স্বীয় কাফ্রি দাসীকে চপেটাঘাত করিয়াছিলেন। দাসী হজরতের নিকটে যাইয়া দুঃখ প্রকাশ করে। হজরত আব্দোল্লার নিকটে দাসীর অবস্থা অনুসন্ধান করেন। আব্দোল্লা বলিলেন যে, “সে নমাজ পড়ে ও রোজা পালন করিয়া থাকে, এবং ঈশ্বর ও প্রেরিতপুরুষকে প্রেম করে, কিন্তু বড় অবাধ্য ও কলহকারিণী।” ইহা শুনিয়া হজরত বলিলেন, “সে ধর্ম্মবিশ্বাসিনী, অতএব তাহার সঙ্গে তুমি সহাবহার কর।” অতঃপর আব্দোল্লা তাহাকে দাসী হইতে মুক্ত করিয়া বিবাহ করিলেন। ইহা দেখিয়া অনেক লোক আব্দোল্লা কৃক্কাঙ্গী দাসীকে বিবাহ করিয়া বলিয়া তাহার নিন্দা করিতে লাগিল, তাহাতেই এই বচনের শেমাংশ অবতীর্ণ হয়। (ত হো, )



এবং তাহারা ঋতুসম্বন্ধে তোমাকে প্রশ্ন করিতেছে, বল (হে মোহাম্মদ,) উহা অশুচি, অতএব ঋতুকালে স্ত্রীলোকদিগকে তোমরা পৃথক করিবে, এবং যে পর্য্যন্ত তাহারা শুচি না হয়, তাহাদের নিকটবর্তী হইও না, তাহারা শুদ্ধ হইলে পর ( স্নান করিলে ) তোমাদিগের প্রতি ঈশ্বর সে আদেশ করিয়াছেন, সেই ভূমি দিয়া তাহাদের নিকটে যাইও, সত্যই ঈশ্বর প্রত্যাবর্তনকারী ও শুদ্ধাচারীদিগকে প্রেম করেন \* । ২২২ । তোমাদিগের স্ত্রী সকল তোমাদের ক্ষেত্র, অতএব যেরূপে ইচ্ছা হয় ক্ষেত্রে আগমনপূর্বক স্বীয় জীবনের জন্ম অগ্রে প্রেরণ করিও,† এবং ঈশ্বর হইতে ভীত হইও, জানিও নিশ্চয় তোমরা তাহার সঙ্গে সাক্ষাৎ করিবে, এবং বিশ্বাসী লোকদিগকে সুসংবাদ দান করিও । ২২৩ । তোমরা সদমুষ্ঠান এবং আত্মসংযমন ও লোকের মধ্যে সম্প্রীতিস্থাপনে স্বীয় শপথ করিতে ঈশ্বরকে ছল করিও না, এবং ঈশ্বর শ্রোতা ও জ্ঞাতা ‡ । ২২৪ । তোমাদের অযথা উক্তির শপথে ঈশ্বর তোমাদিগকে দোষী করেন না, কিন্তু তোমাদের মন যাহা করে, তজ্জন্ম তিনি তোমাদিগকে দোষী করেন, এবং ঈশ্বর ক্ষমাশীল ও প্রশান্ত । ২২৫ । যাহারা স্বীয় ভার্য্যাগণের সম্বন্ধে শপথ করে, তাহাদের জন্ম চারি মাস কাল প্রতীক্ষণীয়, পরে যদি প্রত্যাবর্তন করে, ( শপথ ত্যাগ করে ) তবে নিশ্চয় ঈশ্বর ক্ষমাশীল ও দয়ালু § । ২২৬ । এবং যদি পুরুষ স্ত্রীবর্জনের উদ্যোগ করে, তবে নিশ্চয় ঈশ্বর শ্রোতা ও জ্ঞাতা । ২২৭ । এবং বর্জিতা নারীগণ ঋতু তৃতীয় কাল পর্য্যন্ত আপনাদিগকে প্রতীক্ষায় রাখিবে, এবং যদি তাহারা ঈশ্বরে ও পরলোকে বিশ্বাস করে, তবে ঈশ্বর তাহাদের গর্ভে যাহা সৃজন করিয়াছেন তাহা গোপন করা তাহাদের পক্ষে উচিত নহে, এবং যদি ইতিমধ্যে তাহাদিগের স্বামিগণ হিতাকাঙ্ক্ষা করে, তবে তাহারা তাহাদিগকে প্রতিগ্রহণ করিবার উপযুক্ত, পুরুষদিগের যেরূপ সেই স্ত্রীগণের উপর বৈধাচারে ( স্বতঃ ) স্ত্রীগণেরও

\* ইহুদিগণ স্ব স্ব স্ত্রীর ঋতুকালে দূরে থাকে, তাহাদের মুখের প্রতি দৃষ্টি করে না, তাহাদের সঙ্গে কথোপকথন ও একত্র ভোজন অবৈধ বলিয়া জানে। ঈশারী পুরুষেরা ইহার বিপরীত আচরণ করে, তাহারা ঋতুমতী স্ত্রীলোকের সঙ্গে কথোপকথন ও একত্র ভোজন, বরং একত্র শয়ন ও ক্রীড়াদি করিয়া থাকে। ওহদার পুত্র সাবেত স্বীয় ভার্য্যা ঋতুমতী হইলে, কিরূপ আচরণ করিতে হইবে, এ বিষয়ে হজরতকে প্রশ্ন করিয়াছিলেন, তাহাতেই ঈশ্বরের এই বাণী অবতীর্ণ হয়। ( ত, হো, )

† “স্বীয় জীবনের জন্ম অগ্রে প্রেরণ করিও,” এই কথার তাৎপর্য্য, স্বীয় জীবনের জন্ম সম্ভান কামনা কর, অথবা স্ত্রীসঙ্গের পূর্বে একরূপ সঙ্কল্প কর ও অবৈধ সহবাস হইতে প্রবৃত্তিকে সংযত রাখ। ( ত, হো, )

‡ রওয়াহার পুত্র আব্দোল্লা স্বীয় ভগিনীপতির প্রতি অসন্তুষ্ট হইয়া ঈশ্বরের নামের শপথ করিয়া বলিয়াছিলেন যে, তাহার সঙ্গে কথা কহিবেন না ও তাহার হিতামুষ্ঠান করিবেন না, এবং তাহার শত্রুগণের সঙ্গে তাহার সম্মিলনসম্পাদন করিবেন না। এই সূত্র উপলক্ষ করিয়া ঈশ্বর হজরতকে এই প্রত্যাদেশ করেন। ( ত, হো, )

§ আমি স্বীয় পত্নীর নিকটে যাইব না, কেহ একরূপ শপথ করিলে সে চারি মাস পত্নীর সঙ্গ না করিয়া শপথের প্রায়শ্চিত্ত করিবে, অন্যথা স্ত্রীত্যাগ করিবে। ( ত, কা, )

তদ্রূপ, কিন্তু স্ত্রীলোকের উপর পুরুষের শ্রেষ্ঠতা, ঈশ্বর পরাক্রান্ত ও বিজ্ঞাতা। ২২৮।  
( র, ২৮, আ, ৭ )

বর্জন দুইবার মাত্র, পরে বিধিমতে রক্ষা করা অথবা সুকুশলে বিদায় করিয়া দেওয়া বিহিত, \* এবং ঈশ্বরের অনুশাসন নরনারী পালন করিতে পারিবে না, এই আশঙ্কা ব্যতীত স্ত্রীগণকে যে কিছু দান করা হইয়াছে, তাহা প্রতিগ্রহণ করা তোমাদের পক্ষে শ্রেয়ঃ নহে; অনন্তর যদি তোমরা আশঙ্কা কর যে দম্পতী দ্বারা ঈশ্বরের অনুশাসন প্রতিপালিত হইবে না, তবে স্ত্রী বিনিময় প্রতিদান করিলে উভয়ের পক্ষে অপরাধ নহে, ইহা ঈশ্বরের ব্যবস্থা, অতএব তাহা উল্লেখ্যন করিও না, যাহারা পরমেশ্বরের বিধিকে অতিক্রম করে পরে তাহারাই যাহারা অত্যাচারী †। ২২৯। যদি কোন পুরুষ স্ত্রীকে (তৃতীয় বার) বর্জন করে, তবে তাহার পর যে পর্যন্ত তন্নিম্ন পুরুষের সঙ্গে সে বিবাহিতা না হয় (পূর্বোক্ত) পুরুষের জন্ত সেই নারী বৈধ নহে, পরে (দ্বিতীয়) পুরুষ তাহাকে বর্জন করিলে যদি উভয়ে বোধ করে যে পরমেশ্বরের অনুশাসন প্রতিপালন করিতে পারিবে, তবে এমতাবস্থায় পরিণয়ে প্রত্যাবর্তন করা উভয়ের পক্ষে দোষাবহ নহে, এবং ইহা ঈশ্বরের বিধি, তিনি জ্ঞানী লোকদিগের জন্ত ইহা বিবৃত করিতেছেন। ২৩০। এবং যখন তোমরা স্ত্রীদিগকে বর্জন কর, পরে যখন তাহারা নির্দ্ধারিত সময় প্রাপ্ত হয়, তখন তাহাদিগকে বিধিমতে রক্ষা করিও, অথবা বিধিমতে বিদায় করিয়া দিও, এবং তাহাদিগকে ক্লেশ দিবার জন্ত আবদ্ধ রাখিও না, তাহা করিলে সীমা লঙ্ঘন করিবে, যে ব্যক্তি ইহা করে, নিশ্চয় সে নিজের প্রতি অত্যাচার করিয়া থাকে, এবং তোমরা ঈশ্বরের বচন সকলের প্রতি বিদ্রূপ করিও না, তোমাদিগের প্রতি ঈশ্বরের দান ও তিনি তোমাদিগকে

\* পৌত্তলিকতার সময়ে স্ত্রী-বর্জনের নির্দ্ধারিত সংখ্যা ছিল না। এক স্ত্রীকে দশ বার বর্জন করিয়া পুরুষ পুনর্বার তাহাকে প্রতিগ্রহণ করিতে পারিত। একদা একটি স্ত্রীলোক হজরতের সহধর্মিণী মহামাণ্ডা আরাশার নিকটে আসিয়া আপন স্বামীর অত্যাচারের বিষয় এরূপ নিবেদন করিয়াছিল যে, তাহার স্বামী তাহাকে পুনঃ পুনঃ বর্জন ও প্রতিগ্রহণ করিয়া অত্যন্ত ক্লেশ দিতেছে। এই বিবরণ হজরতের কণগোচর হইলে দুই বার মাত্র বর্জনবিধি প্রবচনের অভ্যুদয় হয়।  
( ত, হো, )

† নির্দ্ধারিত সময় পর্যন্ত পুরুষ ইচ্ছা করিলে স্ত্রীকে পুনর্গ্রহণ করিতে পারে। প্রথম বর্জনে এই বিধি। দ্বিতীয় বর্জনের পর পুনর্গ্রহণের বিধি নাই। তবে ব্যবস্থানুসারে স্ত্রীকে তাহার স্বত্ব প্রদান করিতে সক্ষম হইলে তাহাকে রাখিতে পারে। সেইরূপে গ্রহণ করিতে না পারিলে তাহাকে বিদায় করিয়া দেওয়া কর্তব্য। যাহা দান করা হইয়াছে, তাহা পরিশোধ করিতে না পারিয়া ফিরিয়া আসিবে, এই উদ্দেশ্য করিয়া স্ত্রীকে আবদ্ধ করিবে না। যখন কোনরূপে উভয়ের মিলন হইবে না, নিরুপায়ের অবস্থা, এবং পুরুষের পক্ষে স্বত্ব পরিশোধে ক্রটি হইতেছে না, তখন সকল লোক মিলিয়া স্ত্রীর সঙ্গে কিছু নির্দ্ধারণ করিবেন, এবং পুরুষকে সম্মত করাইয়া বর্জন করাইবেন।  
( ত, কা, )

শিক্ষা দিবার জ্ঞান ও গ্রন্থযোগে যাহা তোমাদের নিকট অবতারণ করিয়াছেন, তাহা স্মরণ করিও, এবং ঈশ্বরকে ভয় করিও ও জানিও নিশ্চয় ঈশ্বর সর্বজ্ঞ। ২৩১।  
( র, ২৯, আ, ৩ )

এবং যখন তোমরা স্ত্রীদিগকে বর্জন কর পরে তাহারা স্বীয় নির্দিষ্টকাল প্রাপ্ত হয়, তখন প্রকৃষ্ট রীতি অনুসারে পরম্পর সম্মত হইলে স্বীয় স্বামীর সঙ্গে বিবাহিত হইতে তাহাদিগকে বারণ করিও না, এই আজ্ঞা; এতদ্বারা তোমাদিগের মধ্যে যাহারা ঈশ্বরে ও পরকালে বিশ্বাসী, তাহাদিগকে উপদেশ করা যাইতেছে, ইহা তোমাদের জ্ঞান বিস্তার ও অতিশয় বিস্তার, ঈশ্বর জ্ঞাত আছেন, তোমরা জ্ঞাত নহ। ২৩২। এবং পূর্ণ দুই বৎসর কাল সন্তানকে স্তন্যদান মাত্রার কর্তব্য, যে ব্যক্তি স্তন্যপানের কাল পূর্ণ করিতে ইচ্ছা করে তাহার পক্ষে এই বিধি, যে লোকের সন্তান তাহার উপর স্ত্রীর যথোচিত ভরণপোষণের ভার; কোন ব্যক্তিকে তাহার সাধ্যের অতিরিক্ত ক্লেশ দেওয়া যায় না; আপন সন্তানের জ্ঞান মাতাকে ও পিতাকে ক্লেশ দান অবিধেয়, এবং উত্তরাধিকারীর প্রতিও এবিধ নিয়ম, পরন্তু যদি ( পিতা মাতা ) পরম্পরের সম্মতি ও পরামর্শ অনুসারে সন্তানকে স্তন্যপান হইতে নিবৃত্ত করিতে চাহে, তবে তাহাদিগের প্রতি অপরাধ নাই, \* এবং তোমাদের যাহা দেয়, তাহা সম্যক্ সমর্পণ করিয়া যদি তোমরা স্বীয় সন্তানগণকে ( ধাত্রীযোগে ) দুগ্ধপান করাও, তবে তোমাদিগের প্রতি দোষ নাই, এবং ঈশ্বরকে ভয় করিও, জানিও তোমরা যাহা করিতেছ, ঈশ্বর তাহা দর্শন করেন। ২৩৩। এবং তোমাদের মধ্যে যাহারা গতাস্থ হইয়া ভাৰ্য্যাগণকে পরিত্যাগ করে, সেই ( পরিত্যক্ত ) স্ত্রীলোকেরা চারি মাস দশ দিন কাল আপনাদিগকে প্রতীক্ষায় রাখিবে, পরে নির্দিষ্ট সময় পূর্ণ হইলে তাহারা আপনাদের সম্বন্ধে যথাবিহিত যাহা করে, তাহাতে তোমাদের প্রতি কোন দোষ নাই, এবং তোমরা যাহা কর ঈশ্বর তাহা জ্ঞাত আছেন †। ২৩৪ এবং নারীগণের প্রতি অভিলাষ তোমরা ইঙ্গিত বাক্যে প্রকাশ করিলে অথবা স্বীয় অন্তরে গোপন করিয়া রাখিলে তোমাদের সম্বন্ধে দোষ নহে, পরমেশ্বর জানেন যে, তোমরা নিশ্চয় তাহাদিগকে স্মরণ করিবে, কিন্তু যথাবিধি উক্তি ( ইঙ্গিত বাক্য ) বলা

\* যে স্থলে স্ত্রীবর্জন হইয়া গেল এবং স্তন্যপায়ী সন্তান রহিল, সে স্থলে মাতা দুগ্ধদানের জ্ঞান দুই বৎসর কাল আবদ্ধ থাকিবেন, পিতা তাহার ব্যয় নির্বাহ করিবেন। পিতার অভাব হইলে সন্তানের উত্তরাধিকারী তাহার ব্যয়ভার বহন করিবেন, এবং পিতা মাতা নির্দিষ্ট দুই বৎসরের পূর্বে দুগ্ধ ছাড়াইতে মুক্কেম, পিতা অন্য কাহারও যোগে দুগ্ধ পান করাইয়া তাহাকে মুক্ত করিতে পারেন। কিন্তু ইহার পরিবর্তে সম্পত্তির কোন স্বত্ব কর্তন করিতে তাহার অধিকার নাই। ( ত, ফা, )

† বর্জনাঙ্কে তিন ঋতুর পর বিবাহের নির্দিষ্টকাল। স্বামীর মৃত্যু হইলে চারি মাস দশ দিন প্রতীক্ষণীয়। গর্ভানুভূত না হইলে এই দুই কাল নিরূপিত, কিন্তু গর্ভ হইলে এসবকাল পর্যন্ত প্রতীক্ষণীয়। ( ত, ফা, )

ব্যতীত তাহাদিগকে গোপনে বিবাহের অঙ্গীকার জানাইবে না, এবং যে পর্যন্ত লিখিত সময় উপস্থিত না হয় উদ্বাহবন্ধনে সমুত্ত হইবে না, এবং জানিও তোমাদের অন্তরে যাহা আছে ঈশ্বর তাহা জ্ঞাত হন, অতএব তাঁহাকে ভয় করিও, ও জানিও সত্যই ঈশ্বর ক্ষমাশীল ও গম্ভীর \* । ২৩৫ । (র, ৩০, আ, ৪ )

স্ত্রীগণকে স্পর্শ কর নাই, অথবা তাহাদের জগ্ন কোন নির্দ্ধারণ নিরূপণ কর নাই, এমন অবস্থায় যদি তোমরা তাহাদিগকে বর্জন কর, তাহা হইলে তোমাদিগের পক্ষে দোষ নাই, এবং ( সেই বর্জিত নারীগণ ) সম্পন্ন বা দরিদ্র হইলে তদবস্থানুসারে তাহাদিগকে ধন দান করিবে, ধন সমুচিতরূপে দেয়, এবং হিতানুষ্ঠানকারীদিগের প্রতি এই বিধি । ২৩৬ । এবং তাহাদিগকে সংস্পর্শ করার পূর্বে ও তাহাদিগের সম্বন্ধে ঔদ্বাহিক দান নির্দ্ধারণ করার পর যদি তোমরা তাহাদিগকে বর্জন কর, তবে স্ত্রীদিগের ক্ষমা করা অথবা যাহার হস্তে বিবাহবন্ধন হয় তাহার ক্ষমা করা ব্যতীত নির্দ্ধারিত ঔদ্বাহিক দানের অর্দ্ধাংশ ( তোমাদের দেয়, ) এবং তোমাদিগের ক্ষমা ( নির্দ্ধারিত অর্থ না চাহিলেও দান করা ) বৈরাগ্য হয়, এবং তোমরা আপনাদের মধ্যে হিতসাধনে বিশ্বস্ত হইও না, তোমরা যাহা করিতেছ নিশ্চয় ঈশ্বর তাহার দর্শক † । ২৩৭ । তোমরা নমাজ সকলকে বিশেষতঃ মধ্যম নমাজকে রক্ষা করিও, এবং ঈশ্বরের নিকটে বাধ্যভাবে দণ্ডায়মান থাকিও ‡ । ২৩৮ । অনন্তর যদি তোমরা ( শত্রু হইতে ) ভয় প্রাপ্ত হও, তবে আরোহী

\* স্ত্রী স্বামী কর্তৃক বর্জিত হইয়া যে পর্যন্ত নির্দ্ধারিত কাল প্রতীক্ষায় থাকে, সে পর্যন্ত কাহারও উচিত নহে যে তাহার সঙ্গে বিবাহবন্ধনে বন্ধ হয়, অথবা বিবাহের স্পষ্ট অঙ্গীকার করে । কিন্তু অন্তরে সে এরূপ সঙ্কল্প করিতে পারে যে, সময় উপস্থিত হইলে আমি তাহাকে বিবাহ করিব, অথবা অন্য লোকে প্রস্তাব করিবার পূর্বে ইচ্ছিতে এরূপভাবে তাহাকে জানাইতে পারে যে, তোমাকে সকলেই স্মৃতি করিবে, অথবা এরূপ বলিবে যে, আমার বিবাহে ইচ্ছা আছে । ( ত, ফা, )

† উদ্বাহ উপলক্ষে স্বামী স্ত্রীকে সম্পত্তি দান করিয়া থাকেন । এই দানকে “মহর” বলে । উদ্বাহসময়ে, “মহর” নির্দ্ধারিত না হইলেও উদ্বাহ সিদ্ধ হয় । “মহর” অর্থাৎ ঔদ্বাহিক দান বা যৌতুক নির্দ্ধারণ পরেও হইতে পারে । যদি ঔদ্বাহিক দান নির্দ্ধারণের ও সহবাসের পূর্বে স্ত্রী বর্জিত হয়, তবে সেই দান তাহাকে অর্পণ করিতে স্বামী বাধ্য নহে, কিন্তু কিঞ্চিৎ অর্থানুকূল্য করা উচিত । ঔদ্বাহিক দান নির্দ্ধারণের পর ও সহবাসের পূর্বে বর্জন করা হইলে নির্দ্ধারিত দানের অর্দ্ধাংশ দিতে হইবে । কিন্তু যদি স্ত্রী ক্ষমা করে অর্থাৎ গ্রহণ করিতে না চাহে, এবং যিনি বিবাহ বন্ধন ও ভঙ্গ করিতে ক্ষমতা-প্রাপ্ত, তিনি ক্ষমা করেন, তবে তাহা না দিলেও চলে । কিন্তু স্বামীর পক্ষে উহা অপেক্ষা করিয়া দান করা শ্রেয়ঃ । ( ত, ফা, )

‡ দিবা রজনীর মধ্যস্থিত নমাজ মধ্যম নমাজ, উহা অসরের নমাজ অর্থাৎ আপরাহ্নিক নমাজ । এই নমাজের প্রতি দৃঢ়তা অধিক প্রয়োজন । স্ত্রীবর্জনবিধিস্থানে নমাজের বিধি হওয়ার কারণ এই যে, সাংসারিক ব্যাপারে মগ্ন হইয়া লোকে ঈশ্বরপূজা ভুলিয়া যাইতে পারে, এই নিমিত্ত আপরাহ্নিক নমাজের দৃঢ়তা রক্ষা করার বিধি হুইয়াছে, যেহেতু এই সময়েই সাংসারিক ব্যস্ততা অধিক হয় । ( ত, ফা, )

থাক বা পদাতিক থাক, পরে যখন নির্ভয় হইবে, তোমরা যাহা (যে নমাজ) জানিতে না, পরমেশ্বর তোমাদিগকে যেমন তাহা শিক্ষা দিয়াছেন, তখন তদনুসারে তাঁহাকে স্মরণ করিও \*। ২৩৯। এবং তোমাদিগের মধ্যে যে সকল লোক প্রাণত্যাগ করে ও ভাৰ্য্যা রাখিয়া যায়, সষৎসর কাল পর্য্যন্ত তাহাদিগের (ভাৰ্য্যাদিগকে) গৃহের বাহির না করিয়া সম্পত্তিদানবিষয়ে নির্দ্ধারণ করা বিধেয়; যদি তাহারা বাহির হইয়া যায়, তবে তাহারা নিজের সম্বন্ধে যথাবিধি যাহা করিল, তজ্জন্ত তোমাদের প্রতি দোষ নাই, এবং ঈশ্বর পরাক্রান্ত ও নিপুণ †। ২৪০। বর্জিত নারীগণকে যথাবিধি ধনদান ধর্মভীরু লোকদিগের সম্বন্ধে বিধি। ২৪১। পরমেশ্বর তোমাদিগের জন্ত এইরূপে প্রবচন সকল ব্যক্ত করেন, যেন তোমরা জ্ঞান লাভ করিতে পার। ২৪২। (র, ৩১, আ, ৭)

যাহারা আপন গৃহ হইতে বহির্গত হইয়াছিল, তোমরা কি তাহাদের প্রতি দৃষ্টি কর নাই? তাহারা বহুসহস্র লোক ছিল যে, মৃত্যু আশঙ্কা করিতেছিল, পরে ঈশ্বর তাহাদিগকে বলিলেন, “তোমাদের মৃত্যু হউক,” তৎপর তিনি তাহাদিগকে জীবিত করিলেন, নিশ্চয় ঈশ্বর মহুশ্বের প্রতি একান্ত দয়ালু, কিন্তু অধিকাংশ লোক ধনবাদ করে না ‡। ২৪৩। এবং পরমেশ্বরের পথে সংগ্রাম করিও, ও জানিও নিশ্চয় ঈশ্বর শ্রোতা ও জ্ঞাতা। ২৪৪। কে সে যে পরমেশ্বরকে উত্তম ঋণে ঋণ দান করে? পরে পরমেশ্বর তাহার জন্ত উহার দ্বিগুণ বহুগুণ (পুরস্কার) দান করিয়া থাকেন, এবং ঈশ্বর (জীবিকা) সঙ্কোচ ও

\* সংগ্রামকালে পদাতিক বা আরোহী সকলের প্রতি এই উক্তিযোগে উপসনা করার বিধি হইল। তখন উপাসনা কেবলভিমুখে হউক বা না হউক, তাহাতে ক্ষতি নাই। (ত, হো,)

† পূর্বে এই রীতি ছিল যে, বিধবা হওয়ার পর নারী এক বৎসর কাল বিশেষ নিয়মে বন্ধ থাকিতেন, জীর্ণবস্ত্র পরিধান করিতেন, বেশভূষায় নিবৃত্ত থাকিতেন। মজরৎশীয়া নারী হইলে হয় তিনি স্বামীর গৃহে স্বামীর বন্ধুগণের সঙ্গে বাস করিতেন, নয় তাঁহার বন্ধুগণ তাঁহার জন্ত তথায় অস্থ গৃহ প্রস্তুত করিয়া দিতেন। ওমরৎশীয়া হইলে তাঁহার জন্ত স্বতন্ত্র পটমণ্ডপ স্থাপিত হইত, তিনি সষৎসরকাল সেই গৃহ হইতে বহির্গত হইতেন না, উপজীবিকা স্বামীর বন্ধুগণ হইতে গ্রহণ করিতেন। যখন নির্দিষ্ট গৃহ হইতে বাহিরে আগমন করিতেন, সেইকাল হইতে জীবিকা বন্ধ হইত। যে সময় হজরত মদিনায় পদার্পণ করিলেন, তখন তায়েফনিবাসী এক ব্যক্তির মৃত্যু হয়, তাঁহার পিতা মাতা ও এক স্ত্রী এবং এক পুত্র ছিল, সে আপন ত্যক্ত সম্পত্তি পিতা মাতা ও পুত্রকে বিভাগ করিয়া দেয়, স্ত্রীর জন্ত অংশ নির্দেশ করে না। তখন স্বামীর সম্পত্তি হইতে স্ত্রীর জীবিকা প্রাপ্য ইত্যাদি বিষয়ে এই আয়ত অবতীর্ণ হয়। (ত, হো,)

‡ পূর্বতন কোন মণ্ডলীর কয়েক সহস্র লোক ধন সম্পত্তি লইয়া স্বদেশ ছাড়িয়া চলিয়া গিয়াছিল। তাহারা ভয় পাইয়া শত্রুর সঙ্গে যুদ্ধ করিতে পরাধীন হইল, মৃত্যুভয়ে ভীত হইল, দৈববলে তাহাদের বিশ্বাস হইল না। অনন্তর এক স্থানে উপনীত হওয়ার পর তাহাদের সকলের মৃত্যু হয়। সপ্তাহান্তে প্রেরিত-পুরুষের আশীর্ব্বাদে তাহারা সকলে পুনর্জীবন প্রাপ্ত হইয়া অনুতাপ করে। এখানে এই উক্তির তাৎপর্য এই যে, মৃত্যুভয়ে যুদ্ধ না করিলে মৃত্যু হইতে রক্ষা পাওয়া যায় না। (ত, ফা,)



বিস্তৃত করেন, তাঁহার দিকে তোমরা প্রত্যাভর্তিত হইবে \* । ২৪৫ । মুসার পরলোকান্তে এস্রায়েলবংশীয় এক প্রধান দলের প্রতি কি তুমি দৃষ্টি কর নাই ? যখন তাহারা আপনাদের তত্ত্ববাহককে বলিল যে, “আমাদের জন্ত একজন রাজা নিযুক্ত কর, আমরা ঈশ্বরের পথে সংগ্রাম করিব,” সে বলিল, “যদি তোমাদিগের সম্বন্ধে যুদ্ধ লিখিত হয়, তোমরা যুদ্ধ করিবে না, এরূপ কি প্রস্তুত ?” তাহারা বলিল, “আমাদের এমন কি হইয়াছে যে, আমরা ঈশ্বরের পথে যুদ্ধ করিব না ? বস্তুতঃ আমরা আপন আশ্রয় হইতে ও সম্মানগণ হইতে বিচ্ছিন্ন হইয়াছি ;” পরে যখন তাহাদের প্রতি সংগ্রাম লিখিত হইল, তখন তাহাদিগের অল্প কয়েকজন ব্যতীত সকলেই পশ্চাৎপদ হইল ; পরমেশ্বর দুর্কৃত্তদিগকে জ্ঞাত আছেন † । ২৪৬ । এবং তাহাদিগের পেগাম্বর তাহাদিগকে বলিল, “সত্যই ঈশ্বর তোমাদের জন্ত তালুতকে রাজা নিযুক্ত করিয়াছেন ;” তাহারা বলিল, “আমাদের উপর তাহার রাজত্ব কিরূপে হইবে ? রাজত্বে তাহা অপেক্ষা আমাদের স্বত্ব অধিক, সে প্রচুর ধনৈশ্বর্যাসম্পন্ন নহে ;” সে বলিল, “ঈশ্বর তোমাদের জন্ত তাহাকেই মনোনীত করিয়াছেন, এবং জ্ঞান ও শরীরবিষয়ে তাহাকে অধিক বিস্তৃতি প্রদান করিয়াছেন ও ঈশ্বর যাহাকে ইচ্ছা হয় স্বীয় রাজ্য দান করিয়া থাকেন, এবং ঈশ্বর উদারস্বভাব ও জ্ঞানী” ‡ । ২৪৭ । এবং তাহাদিগকে তাহাদের সংবাদবাহক বলিল, “নিশ্চয় তাহার রাজত্বের লক্ষণ এই যে, তোমাদের নিকটে এক মঞ্জুশা উপস্থিত হইবে, তন্মধ্যে তোমাদের প্রতিপালকের প্রদত্ত শাস্তিপত্র এবং মুসা ও হারুণের বংশোদ্ভব লোকের পরিত্যক্ত অবশিষ্ট বস্তুজাত আছে, দেবগণ উহা বহন করিবে,

\* ঈশ্বরকে ঋণদান করার তাৎপর্য ধর্মযুদ্ধে অর্থ ব্যয় করা । জীবিকা সঙ্কোচের অর্থাৎ দরিদ্রতার চিন্তা করিবে না, ঈশ্বরের হস্ত প্রসারিত আছে । ( ত, ফা, )

† মুসার পরলোকান্তে কিয়ৎকাল এস্রায়েলবংশীয় লোকের শৃগের অবস্থা ছিল । পরে যখন তাহাদিগের চরিত্র মন্দ হইল, তখন শত্রু তাহাদিগকে আক্রমণ করিল । তালুতনামক একজন ধর্মচোহী রাজা তাহাদের হস্ত হইতে রাজ্যের কিয়দংশ কাড়িয়া লইল ও তাহাদিগের ধনসম্পত্তি লুণ্ঠন করিল ও অনেককে বন্দী করিয়া লইয়া গেল । অবশিষ্ট লোকেরা পলায়ন করিয়া জেরুজিলাম নগরে গিয়া তদানীন্তন পেগাম্বর মহাত্মা শমুয়েনের নিকটে প্রার্থনা করিল যে, “আমাদের জন্ত একজন ভাগ্যবান রাজা নিযুক্ত করুন । ভাগ্যবান দলপতি ব্যতীত আমরা যুদ্ধ করিতে সক্ষম নহি ।” ( ত, ফা, )

‡ পূর্বে তালুতের বংশীয় কোন ব্যক্তি রাজত্ব করে নাই । এস্রায়েলবংশীয় লোকদিগের দৃষ্টিতে এজন্ত তিনি ঘণিত হইলেন । তখন ঈশ্বর পেগাম্বরের হস্তে একটি যষ্টি প্রদান করিয়া আদেশ করিলেন যে, এই যষ্টির অনুরূপ দীর্ঘ গাহার দেহ হইবে, রাজত্বে তাহারই অধিকার । এই আজ্ঞা প্রাপ্ত হইয়া তত্ত্ববাহক স্বীয় মণ্ডলীকে বলিলেন, শারীরিক বল ও বিদ্যাবুদ্ধি-যোগে কেহ রাজত্ব পাইবে না, যে ব্যক্তি এই যষ্টিতুল্য দীর্ঘকায় হইবে, তাহারই রাজত্ব হইবে । তালুতের কলেবর উক্ত যষ্টির অনুরূপ দীর্ঘ হইল, তিনি রাজালাভ করিলেন । ( ত, ফা, )



যদি তোমরা বিশ্বাসী হও, তবে নিশ্চয় তাহাতে নিদর্শন সকল আছে \* । ২৪৮ । ( র, ৩২, আ, ৬ )

পরে যখন তালুত সৈন্যে বহির্গত হইল, তখন সে ( সৈন্যগণকে ) বলিল, ‘নিশ্চয় ঈশ্বর একটি জলপ্রণালীদ্বারা তোমাদিগকে পরীক্ষা করিবেন ; যে ব্যক্তি তাহা হইতে জল পান করিবে, সে আমার দলস্থ নহে, এবং যে ব্যক্তি তাহা পান করিবে না, স্বহস্তে গণ্ডু-মাত্র ব্যতীত পান করিবে না, নিশ্চয় সে আমার লোক ;’ কিন্তু তাহাদের অল্প লোক ভিন্ন সকলেই তাহা হইতে পান করিল, পরে যখন সে ও তাহার সহচর বিশ্বাসিগণ তাহা হইতে উত্তীর্ণ হইয়া গেল, তখন তাহারা বলিল, “অণু জালুত ও তাহার সৈন্যের ( সম্মুখে উপস্থিত ) হইতে আমাদের ক্ষমতা নাই ?” যে সকল লোক পরগেশ্বরের সঙ্গে সাক্ষাৎ করিতে হইবে বলিয়া ভাবিয়াছিল, তাহারা বলিল, “অনেকবার হইয়াছে যে, ঈশ্বরের আজ্ঞায় অল্প লোক বহু লোকের উপর জয়লাভ করিয়াছে, এবং ঈশ্বর সন্তুষ্টিগণের সহায় ঃ” । ২৪৯ । যখন তাহারা জালুতের ও তাহার সৈন্যগণের সম্মুখে উপস্থিত হইল, তখন বলিল, “হে ঈশ্বর, আমাদিগকে ধৈর্য্য দান কর ও আমাদের চরণ দৃঢ় কর, এবং কাফেরদিগের উপর আমাদিগকে সাহায্য দান কর” । ২৫০ । অনন্তর ঈশ্বরের আজ্ঞায় তাহারা তাহাদিগকে পরাস্ত করিল ও দাউদ জালুতকে বধ করিল, এবং ঈশ্বর তাহাকে রাজ্য ও বিচক্ষণতা প্রদান করিলেন, সে যাহা আকাঙ্ক্ষা করিতেছিল, তিনি তাহাকে

\* এস্রায়েলবংশীয়েরা এক পেটিকা প্রাপ্ত হন। সেই পেটিকায় মহাপুরুষ মুসা ও হারুণের প্রসাদ-দ্রব্য সকল স্থাপিত ছিল। এস্রায়েল সম্ভ্রতিগণ যুদ্ধকালে দলপতির অগ্রে অগ্রে তাহা বহন করিয়া লইয়া যাইতেন ও শত্রুকে আক্রমণ করিতেন ; তাহাতে ঈশ্বর শত্রুর উপর তাহাদিগকে জয়যুক্ত করিতেন। যখন তাহারা দুর্নীতিপরায়ণ হইয়া উঠিলেন, তখন শত্রুগণ তাহাদিগ হইতে সেই পেটিকা কাড়িয়া লইয়া যায়। এক্ষণ তালুত রাজা হইয়া রাত্রিকালে স্বীয় গৃহদ্বারে উহা প্রাপ্ত হন। এইরূপ সহজে মঞ্জুবা পাইবার কারণ এই যে, শত্রুরাজ্যের যেখানে তাহা স্থাপিত ছিল, সে দেশে ঘোর বিপদ উপস্থিত হয়, পাঁচটি নগর সংক্রামক রোগে উৎসন্ন হইয়া যায়। উক্ত মঞ্জুবাকে এই বিপদের কারণ জানিয়া শত্রুপক্ষীয় লোকেরা দুইটি বলীবর্দের উপর তাহা স্থাপনপূর্বক রাজ্য হইতে বাহির করিয়া দেয়। কথিত আছে, দুই কেরেন্তা পেটিকাবাহী বলীবর্দদ্বয়কে তাড়াইয়া তালুতের দ্বারদেশ পর্য্যন্ত আনিয়া উপস্থিত করে। ( ত, কা, )

+ সমুদায় লোক কৌতুহলাক্রান্ত হইয়া তালুতের সঙ্গে যুদ্ধযাত্রা করিতে উদ্যত হইয়াছিল। তালুত নির্ধারণ করিয়াছিলেন যে, যাহারা নির্ভীক যুবক, তাহারাই আমার সঙ্গে রণক্ষেত্রে যাইতে পারিবে। সেরূপ অশীতি সহস্র লোক যাত্রা করিল। তালুত পথে তাহাদিগকে পরীক্ষা করিতে চাহিলেন। এক দিন জল পাওয়া গেল না, পরে এক জলপ্রণালীর নিকটে তিনি সসৈন্যে উপস্থিত হইলেন। বলিলেন যে, এই প্রণালী হইতে যে ব্যক্তি এক গণ্ডুষের অধিক জল পান করিবে, সে আমার সঙ্গে যাইতে পারিবে না। তিনশত তের জন লোক মাত্র পান করিল না, অল্প সকলেই স্বেচ্ছানুসারে জল পান করিয়া দলচ্যুত হইল। ( ত, কা, )

তাহা শিক্ষা দিলেন ; এবং যদি ঈশ্বর মানবমণ্ডলীর এক দল দ্বারা অগ্র দলকে দূর না করিতেন, নিশ্চয় পৃথিবী উৎসন্ন হইত, কিন্তু ঈশ্বর জগৎসীদিগের প্রতি পরম সদয় \* । ২৫১ । এ সকল ঐশ্বরিক বচন, তোমার নিকটে ( হে মোহম্মদ, ) আমি সত্যরূপে পাঠ করিতেছি, নিশ্চয় তুমি পেগাম্বরদিগের অন্তর্গত । ২৫২ । এই সকল প্রেরিত পুরুষ, ইহাদের মধ্যে এক জনের উপর অগ্র জনকে আমি শ্রেষ্ঠতা দান করিয়াছি, † কাহার কাহার সঙ্গে ঈশ্বর কথা কহিয়াছেন, ‡ এবং ইহাদের কাহার পদ উন্নত করিয়াছেন, এবং আমি মরয়মের পুত্র ঈসাকে অলৌকিকতাদানে ও পবিত্রাত্মাযোগে সাহায্য দান করিয়াছি, এবং ঈশ্বর ইচ্ছা করিলে সেই প্রেরিত পুরুষদিগের অস্তিত্ব যাহারা ছিল, তাহারা স্পষ্ট নিদর্শন সকল প্রাপ্তির পর পরস্পর বিবাদ করিত না ; কিন্তু বিরোধ করিল, § পরে তাহাদিগের কেহ ধর্মবিশ্বাসী হইল ও তাহাদের কেহ ধর্মদ্রোহী হইল এবং যদি ঈশ্বর চাহিতেন, তবে তাহারা সংগ্রাম করিত না, কিন্তু ঈশ্বর যাহা চাহেন, তাহা করেন । ২৫৩ । ( র, ৩৩, আ, ৫ )

হে বিশ্বাসী লোক সকল, আমি তোমাদিগকে যে জীবিকা দান করিয়াছি, যাহাতে ক্রয় বিক্রয়, বকুতা ও অমুরোধ থাকিবে না, সেই দিন আসিবার পূর্বে তাহা ব্যয় কর,

\* তিনশতজন সেনার মধ্যে মহাপুরুষ দাউদ ও তাঁহার পিতা এবং তাঁহার ছয় ভ্রাতা ছিলেন । দাউদ তিন খণ্ড প্রস্তর পথ হইতে কুড়াইয়া সঙ্গে আনিয়াছিলেন । উভয় দলে সমরসজ্জা হইলে জালুত স্বয়ং সমরক্ষেত্রে অগ্রসর হইয়া সগর্বে বলিল, “তোমাদের সকলের জন্ত একাকী আমি উপস্থিত, আমার সম্মুখীন হইতে থাক ।” তখন পেগাম্বর দাউদের পিতাকে আহ্বান করিয়া বলিলেন যে, “তুমি স্বীয় পুত্রগণকে আমার সম্মুখে আনয়ন কর ।” দাউদের পিতা দাউদকে প্রদর্শন না করিয়া তাঁহার ছয় ভ্রাতাকে আনিয়া দেখাইলেন । দাউদের ভ্রাতৃগণ দৃঢ়োন্নত বলিষ্ঠ পুরুষ ছিলেন । দাউদ পশুপাল চরাইতেন, তাঁহার কলেবর বীরপুরুষোচিত ছিল না । তথাপি প্রেরিত পুরুষ দাউদকে ডাকিয়া জিজ্ঞাসা করিলেন, “তুমি কি জালুতকে পরাস্ত করিতে পারিবে ?” তিনি বলিলেন, “হাঁ পারিব ।” অতঃপর দাউদ জালুতের সম্মুখে যাইয়া সেই তিন প্রস্তর দ্বারা কৌশলপূর্বক তাহাকে এরূপ আঘাত করিলেন যে, তাহাতে তাহার মস্তক চূর্ণ হইয়া গেল । এই ঘটনার পর জালুত দাউদকে স্বীয় কস্তা সম্প্রদান করিলেন । জালুতের মৃত্যুর পরে দাউদ রাজা হন । অজ্ঞ লোকেরা বলিয়া থাকে যে, যুদ্ধ পেগাম্বরদিগের কার্য্য নহে । এই ইতিহাস দ্বারা জানা যায় যে, ধর্মযুদ্ধ পূর্বেও প্রচলিত ছিল, ধর্মযুদ্ধ না থাকিলে অত্যাচারী লোকেরা দেশ উৎসন্ন করিত । ( ত, ফা, )

† ঈশ্বর কোন তত্ত্ববাহককে মণ্ডলীবিশেষের প্রতি প্রেরণ করিয়াছিলেন, কাহাকে বা মানবজাতি সাধারণের জন্ত পাঠাইয়াছিলেন । পূর্বেও তত্ত্ববাহক অপেক্ষা শেষোক্ত তত্ত্ববাহকের শ্রেষ্ঠতা আছে । ( ত, হো, )

‡ মহাপুরুষ আদম ও মহাপুরুষ মুসা এবং মহাপুরুষ মোহম্মদের সঙ্গে পরমেশ্বর কথা কহিয়াছিলেন । ( ত, হো, )

§ ঈসারী ও মুসারী লোকেরা সত্যপথ পরিত্যাগ করিয়া বিরোধ করিয়াছে । ( ত, হো, )

এবং সেই কাফেরগণই অত্যাচারী। ২৫৪। এবং পরমেশ্বর ব্যতীত উপাস্ত্র নাই, তিনি জীবন্ত ও অটল, তিনি তজ্রা ও নিজ্রা দ্বারা আক্রান্ত নহেন, ছালোকে যাহা ও ভুলোকে যাহা আছে তাহা তাঁহারই, কে আছে যে তাঁহার আজ্ঞা ব্যতীত তাঁহার নিকটে শফায়ত (পাপীর পাপ মুক্তির জগু অহুরোধ) করে? তাহাদের সম্মুখে ও তাহাদের পশ্চাতে যাহা আছে তিনি তাহা জানেন, তিনি যাহা ইচ্ছা করেন তদতিরিক্ত তাঁহার জ্ঞানের কোন বিষয়ে মনুষ্য প্রবেশ করিতে পারে না, তাঁহার সিংহাসন ভুলোক ও ছালোককে অধিকার করিয়াছে, এবং এ দুইয়ের সংরক্ষণ তাঁহার প্রতি ভারবহ নহে, তিনি উন্নত ও মহান্। ২৫৫। ধর্মের জগু বলপ্রয়োগ নাই, নিশ্চয় পথভ্রান্তির পর পথ প্রকাশ পাইয়াছে, অবশেষে যে ব্যক্তি প্রতিমার প্রতি বিমুখ হইয়া পরমেশ্বরে বিশ্বাস স্থাপন করিবে, নিশ্চয় সে দৃঢ় অবলম্বনকে ধারণ করিবে, তাহা ছিন্ন হইবে না, এবং ঈশ্বর শ্রোতা ও জ্ঞাতা। ২৫৬। পরমেশ্বর বিশ্বাসীদিগের নেতা, তিনি তাহাদিগকে অন্ধকার হইতে জ্যোতিতে লইয়া যান। যাহারা কাফের, প্রতিমা তাহাদিগের নেতা, সে তাহাদিগকে জ্যোতি হইতে অন্ধকারে লইয়া যায়; তাহারা নরকাগ্নির অধিবাসী, তথায় তাহারা সর্বদা বাস করিবে। ২৫৭। (র, ৩৪, আ, ৫)

তুমি কি সেই ব্যক্তির প্রতি দৃষ্টি কর নাই, যে ব্যক্তি এব্রাহিমের সঙ্গে তাহার প্রতিপালক সম্বন্ধে বিবাদ করিয়াছিল? তাহাকে ঈশ্বর রাজত্ব দিয়াছিলেন; যখন এব্রাহিম বলিল, “যিনি আমার প্রতিপালক, তিনি জীবন দান ও সংহার করেন,” সে বলিল, “আমি জীবন রক্ষা করি ও বধ করিয়া থাকি;” এব্রাহিম বলিল, পরন্তু নিশ্চয় ঈশ্বর সূর্য্যকে পূর্ব দিক হইতে আনয়ন করেন, তবে তুমি তাহাকে পশ্চিম দিক হইতে লইয়া আইস, অবশেষে সেই ঈশ্বরদ্রোহী পরাস্ত হইল। বস্তুতঃ ঈশ্বর অত্যাচারী লোকদিগকে পথ প্রদর্শন করেন না\*। ২৫৮। অথবা যেমন সেই ব্যক্তি কোন গ্রামে উপস্থিত হইয়াছিল, এবং তাহা গৃহ ছাদের উপর পতিত ছিল; † সে বলিল, “ঈশ্বর

\* নোম্বুদনামক এক ঈশ্বরদ্রোহী রাজা ছিলেন, তিনি রাজ্যোৎসর্গের অহঙ্কারে ক্ষীত হইয়া আপনাকে ঈশ্বর বলিয়া প্রচার করিয়াছিলেন। প্রজাগণ তাঁহাকে বা তাঁহার প্রতিমূর্ত্তিকে ঈশ্বরভাবে পূজা করিত। এব্রাহিম তাঁহার প্রজা ছিলেন, অথচ তাঁহাকে সেরূপ পূজা করেন নাই। রাজা তাহার কারণ জিজ্ঞাসা করিলে তিনি বলিলেন যে, “আমি স্বীয় ঈশ্বর ব্যতীত অন্য কাহাকে পূজা করি না।” রাজা বলিলেন, “আমিই ঈশ্বর।” এব্রাহিম উত্তর করিলেন, “আমি রাজাকে ঈশ্বর বলি না, তিনিই ঈশ্বর যিনি প্রাণদান ও প্রাণ সংহার করিতে পারেন।” তখন রাজা দুই জন কারাবাসীকে কারাগার হইতে আনয়ন করিলেন, তাহার এক জনের প্রতি প্রাণদণ্ডের আজ্ঞা হইয়াছিল, তাহাকে মুক্তি দিলেন, অপর ব্যক্তি কিয়দিনের জন্ত বন্দী হইয়াছিল, তাহার শিরশ্ছেদন করিলেন। (ত, ফা,)

† গৃহ ছাদের উপর পতিত হওয়ার অর্থ, প্রথমে ছাদ পড়িয়া যায়, পরে গৃহের প্রাচীরাদি পতিত হয়। (ত, হো,)

ইহাকে কি প্রকারে ইহার বিনাশের পর সজীব করিবেন ?” অনন্তর পরমেশ্বর তাহাকে শত বৎসর জীবনশূন্য রাখিলেন, অতঃপর জীবন দান করিলেন ; কত বিলম্ব হইল ? (ঈশ্বর জিজ্ঞাসা করিলে) সে বলিল, “একদিন কিম্বা একদিনের কিছু অধিক ;” তিনি বলিলেন, “বরং তুমি একশত বৎসর বিলম্ব করিয়াছ, অনন্তর তোমার অন্ন ও তোমার জলের প্রতি দৃষ্টি কর, তাহা বিকৃত হয় নাই, এবং তোমার গর্দভের প্রতি দৃষ্টি কর এবং মানববৃন্দের জন্ত তোমাকে নিদর্শন করিব, দেখ (গর্দভের) অস্থি সকলকে আমি কিরূপ সঞ্চালন করিতেছি, এবং তৎপর সেই সকলকে মাংস দ্বারা আচ্ছাদিত করিতেছি ;” অনন্তর যখন তাহার নিকটে তাহা প্রকাশিত হইল, তখন সে বলিল, “নিশ্চয় জ্ঞাত হইলাম, ঈশ্বর সর্বোপরি ক্ষমতাশীল \* ।” ২৫৯ । এবং যখন এব্রাহিম বলিল, “হে আমার প্রতিপালক, তুমি কি প্রকারে মৃতকে জীবিত কর, আমাকে দেখাও ;” তিনি জিজ্ঞাসা করিলেন, “তুমি কি বিশ্বাস কর না ?” এব্রাহিম বলিল, “হাঁ ( বিশ্বাস করি, ) কিন্তু তাহাতে আমার মনের প্রবোধ হইবে ;” তিনি বলিলেন, “চারিটি পক্ষী গ্রহণ কর, তৎপর নিজের নিকটে তাহাদিগকে চিনিয়া লও, তৎপর তাহাদের মাংসখণ্ড সকল প্রত্যেক পর্বতে নিক্ষেপ কর, তৎপর তাহাদিগকে আহ্বান কর, তাহারা দ্রুতগতি তোমার নিকটে চলিয়া আসিবে, এবং জানিও ঈশ্বর পরাক্রান্ত ও নিপুণ” † । ২৬০ । ( র, ৩৫, আ, ৩ )

\* বাহার সম্বন্ধে এই ঘটনা হইয়াছিল, তিনি আজিজ নামক প্রেরিত পুরুষ । নোজত নসরনামক একজন কাফের রাজা ছিলেন । সেই রাজা এশ্রায়েলবংশীয় লোকের উপর জয়লাভ করিয়া জেরুজিলাম নগর ধ্বংস করিয়াছিলেন । জেরুজিলাম নগরই উল্লিখিত গ্রাম । নোজত নসর তথাকার নিবাসী এশ্রায়েলবংশীয় লোকদিগকে বন্দী করিয়া লইয়া গিয়াছিলেন । তাহার কিয়ৎকাল পরে মহাপুরুষ আজিজ তথায় উপস্থিত হন । তিনি নগরের অবস্থা দেখিয়া বলিয়াছিলেন যে, “এস্থানে আর কেমন করিয়া বসতি হইবে।” তখন সেই স্থানেই তাঁহার মৃত্যু হয় । কথিত আছে, তিনি শত বৎসর অস্ত্রে পুনর্বার জীবিত হন । তৎকালে তাঁহার পানীয় ও খাদ্য দ্রব্য তাঁহার নিকটে পূর্বাবস্থায় স্থাপিত ছিল, আরোহণের গর্দভটি মরিয়া অস্থিতে পরিণত হইয়াছিল, তখন তাহা তাঁহার সাক্ষাতে জীবিত হইল । সেই এক শত বৎসরের মধ্যে এশ্রায়েল জাতি মুক্ত হইয়া পুনর্বার উক্ত নগরে যাইয়া বসতি করিয়াছিল । আজিজ জীবিত হইয়া নগর জনাকীর্ণ দেখিলেন । ( ত, ফা, )

† ময়ূর, কুক্কট, কাক, পারাবত এই চারি পক্ষী আনীত হইয়াছিল । এ সকলকে মারিয়া এক পর্বতে সমুদায়ের মস্তক, অপর পর্বতে পালক, অস্ত পর্বতের উপর ডানা, আর এক পর্বতের উপর অপর অঙ্গ সকল নিক্ষেপ করিয়া প্রথমোক্ত পক্ষীকে আহ্বান করিলে, তাহার মস্তক শূন্যে উড়িত হইল, তৎপর তাহার বক্ষ, ডানা ও পালক ইত্যাদি দ্রুতবেগে আসিয়া তাহাতে সংলগ্ন হইল । অপর তিন পক্ষীর সম্বন্ধেও এরূপ ঘটিল । ( ত, ফা, )

ময়ূর প্রভৃতি চারিটি পক্ষী হত্যা করার তাৎপর্য্য, সাধনান্তে চারিটি কুশ্রযুক্তিকে বলিদান করিয়া নিত্য জীবন লাভ করা । ময়ূর সৌন্দর্য্যবিকাশ ও বেশভিঙ্গাসের আলয়, তাহার মস্তক হেদন কর

যেমন একটি শস্যবীজ সাতটা শস্যমঞ্জরী উৎপাদন করে, প্রত্যেক মঞ্জরীতে শত শস্য উৎপন্ন হয়, পরমেশ্বরের পথে যাহারা স্বীয় সম্পত্তি ব্যয় করে, তাহাদের অবস্থা তদ্রূপ ; এবং যাহাকে ইচ্ছা হয়, ঈশ্বর দ্বিগুণ প্রদান করেন, এবং ঈশ্বর দাতা ও জ্ঞাতা । ২৬১ । যাহারা ঈশ্বরের পথে আপনাদের ধন ব্যয় করে, তৎপর ধনের উপকার স্থাপনের অহু-সরণ করে না, \* এবং ( গ্রহীতাদিগকে ) ক্লেশ দেয় না, † তাহাদের প্রতিপালকের নিকটে তাহাদের জন্ত পুরস্কার আছে ও তাহাদিগের ভয় নাই, এবং তাহারা সম্ভাপিত হইবে না । ২৬২ । দানের পরে ক্লেশ প্রদান করা অপেক্ষা কোমল কথা বলা ও ক্ষমা করা শ্রেয়, এবং ঈশ্বর নিরাকাজ্জ ও প্রশান্ত । ২৬৩ । হে বিশ্বাসী লোক সকল, উপকার স্থাপন ও ক্লেশ দান করিয়া যে ব্যক্তি লোকপ্রদর্শনের জন্ত স্বীয় ধন দান করে, পরমেশ্বরে ও পরকালে বিশ্বাস রাখে না, তাহার ঞ্চায় তোমাদিগের ধর্ম্মার্থ দানকে তোমরা ব্যর্থ করিও না, সে মৃত্তিকাবৃত কঠিন প্রস্তরের ঞ্চায়, যেমন মুষলধারে বৃষ্টিপাত হয়, পরে তাহাকে মৃন্মুক্ত করিয়া ফেলে, ( দানপ্রদর্শকগণ ) যাহা করে তাহারা তাহার কিছুই উপকার অধিকার রাখে না, এবং ঈশ্বর ধর্ম্মদ্রোহী লোকদিগকে পথ প্রদর্শন করেন না ‡ । ২৬৪ । এবং যাহারা ঈশ্বরের প্রসন্নতা-লাভের জন্ত ও আপন অন্তরের বিশ্বাসের জন্ত দান করে, তাহারা উচ্চভূমিস্থিত উগানের ঞ্চায়, যথা তাহাতে প্রচুর বৃষ্টিপাত নাও হয়, শিশিরবিন্দু ( উপকার করিয়া থাকে, ) তোমরা যাহা করিতেছ ঈশ্বর দেখিতেছেন § । ২৬৫ । কেহ কি ইহা ভালবাসে যে, তাহার জন্ত দ্রাক্ষা ও খোর্ম্মা

অর্থাৎ বাহ্যিক চাকচিকাপ্রকাশে নিবৃত্ত থাক । কুক্কট কামাসক্ত, তাহাকে ছেদন কর, অর্থাৎ আপনাকে কামবন্ধন হইতে মুক্ত কর । কাক লোভী, তাহার শিরশ্ছেদন কর, অর্থাৎ লোভ ও কামনা বিসর্জন দেও । কপোত আসঙ্গলিপ্সু, তাহার কণ্ঠ ছিন্ন কর, ইহার অর্থ লোকসহবাসের আসক্তি পরিত্যাগ কর । অপিচ দেহস্থিত অনলানিলমুৎসলিগ এই চতুর্ভূতের চতুর্বিধ বিকার । সেই বিকার সকলকে সাধনান্ত্রে ছিন্ন করিতে হইবে । অনলের বিকার অহঙ্কার, অনিলের বিকার কামাসক্তি, মৃত্তিকার বিকার মলিনতা, সলিলের বিকার লোভ । ঈশ্বরের জন্ত এই চারি শারীরিক ভাবের কণ্ঠ ছেদন কর, পরে চারিকে বিশ্বাস প্রেম জ্ঞানেতে জীবিত কর । ( ত, হো, )

\* উপকার স্থাপন করার অর্থ, উপকার করিবার জন্ত দানগ্রহীতাকে ঋণী করা । দীন দরিদ্রের উপর উপকার স্থাপন করিলে দানের আর পুরস্কার কি ? অপিচ ধনে ঈশ্বরের স্বত্ব, ধনী ধনবাহক ভিন্ন নহে, গ্রহীতা ধনাদিকারী ঈশ্বরের নিকটে ঋণী থাকিবে, ধনবাহকের নিকটে নহে । ( ত, হো, )

† ক্লেশ দান, অর্থাৎ দান করিবার সময় দীন ভিক্ষুকদিগকে কটুক্তি ও তাড়না করা । ( ত, হো )

‡ উপরের দৃষ্টান্তে ধর্ম্মার্থদানের পুণ্য উল্লিখিত হইয়াছে । যথা একটা বীজ বপন করিলে সাতটা মঞ্জরী জন্মে, প্রত্যেক মঞ্জরীতে শত শস্য উৎপন্ন হয় ইত্যাদি । এই প্রবচনের দৃষ্টান্তে দানের সাধিকতার আবশ্যকতা বিবৃত হইয়াছে । প্রদর্শনের অহুরোধে দান করা, না, যেমন অন্ন মৃত্তিকাবৃত প্রস্তরের উপর বীজ বপন করা, বারিবর্ষণে সেই মৃত্তিকা ধৌত হইয়া যায়, বীজ অঙ্কুরিত হয় না । ( ত, ফা, )

§ বৃষ্টিপাত অর্থে অধিক ধন দান, শিশিরপাত অর্থে অন্ন দান । শুদ্ধসঙ্কর হইয়া দান



ফলের উদ্ভাৱ হয় ও তাহাৰ ভিতৰ দিয়া জলপ্রণালী প্রবাহিত থাকে, তাহাৰ জন্ম তথায় নানা প্রকাৰ ফল জন্মে ও সে বৃদ্ধত লাভ করে, এবং তাহাৰ সম্ভাৱনগণ দুৰ্বল হয়, অতঃপৰ এই অবস্থায় সেই উদ্ভাৱে অগ্নিসহ বাতাবৰ্ত্ত আসিয়া প্রবেশ করে, পৰে উহা দন্ধ হইয়া যায় ? এইরূপ ঈশ্বৰ তোমাদেৱ জন্ম আয়ত সকল ব্যক্ত করেন, আশা যে তোমরা চিন্তা কৰিবে \* । ২৬৬ । ( র, ৩৬, আ, ৫ )

হে বিশ্বাসী লোক সকল, তোমাদেৱ উপাৰ্জিত যে ধন বিপুল ও আমি তোমাদেৱ জন্ম ক্ষেত্ৰ হইতে যাহা উৎপাদন কৰি তাহা ব্যয় কৰিও, মন্দ বস্তু দান কৰিতে সঙ্কল্প কৰিও না ; প্রকৃতপক্ষে তৎপ্রতি নয়ন মুদ্রিত কৰা ব্যতীত তোমরা গ্রহণকাৰী নও, এবং জানিও পৰমেশ্বৰ নিষ্কাম ও প্রশংসিত † । ২৬৭ । শয়তান তোমাদেৱ সঙ্কে দরিদ্রতাৰ অঙ্গীকাৰ করে ও গৰ্হিত কৰ্ম্মে আদেশ কৰিয়া থাকে, এবং ঈশ্বৰ স্বীয় ক্ষমা বিষয়ে ও সম্পদ দানে তোমাদেৱ সঙ্কে অঙ্গীকাৰ করেন ; এবং ঈশ্বৰ প্রমুক্তস্বভাব ও জ্ঞানী ‡ । ২৬৮ । + যাহাকে ইচ্ছা হয় তিনি জ্ঞান প্রদান করেন ও

কৰিলে বহু দানেৰ বহু ফল হয়, অল্প দানেৰ অল্প ফল হইয়া থাকে । যেমন উৎকৃষ্ট ভূমিতে ঈশ্বৰ বাৰিবৰ্ষণ কৰিলেও উপকাৰ হয়, শিথিলপাতেও উপকাৰ হয় । শুদ্ধসঙ্কল্পবিহীন হইয়া যত অধিক ব্যয় কৰা যায়, তত ক্ষতি । কেন না তদবস্থায় অধিক ধন দান কৰিলে দান-প্রদৰ্শনও অধিক হয় । যেমন মৃত্তিকাবৃত প্রস্তরগত বীজেৰ উপৰ যত অধিক বাৰিবৰ্ষণ হয়, তত মৃত্তিকা ধৌত হইয়া যায় । ( ত, হো, )

\* যৌৱনকালে কেহ উদ্ভাৱ লাভ কৰিয়া মনে কৰিল যে, বৃদ্ধকালে তাহা দ্বাৰা উপকাৰ লাভ কৰিবে । কিন্তু সেই সময় তাহা দন্ধ হইয়া গেল । উপকাৰ-স্থাপনকাৰী দাতাদিগেৰ অবস্থা এইরূপ ; পৰিণামে তাহাদেৱ দানেৰ ফল বিনষ্ট হয় । ( ত, হো, )

+ অনেক সদাশয় দয়াবান্ লোক খোৰ্ম্মা ফলেৰ সময়ে সুপক্ক উত্তম খোৰ্ম্মাপুঞ্জ বিদেশ হইতে আগত দীন দরিদ্র লোকেৰা ভক্ষণ কৰিতে পারে, এই উদ্দেশ্যে লোকেৰ অগোচৰে মসৃজেদেৰ প্ৰান্তে রাখিয়া দিতেন । একদিন একজন বিষয়াসক্ত ধনবান্ লোক কতকগুলি খোৰ্ম্মা ফল অগ্ৰায়োপাৰ্জিত অৰ্থে ক্ৰয় কৰিয়া প্ৰকাশ্যে আনয়নপূৰ্বক সেই সকল বিপুল খোৰ্ম্মাৰ সঙ্কে মিশাইয়া রাখিয়াছিল । ঈশ্বৰ এই দানকে অবিপুল দান বলিলেন, বিপুল বস্তু দান কৰিতে আদেশ কৰিলেন । ( ত, হো, )

দান গৃহীত হওয়াৰ স্বত্ব এই যে, যে বস্তু বৈধ, তাহা ঈশ্বৰোদ্দেশ্যে দান কৰিবে, অবৈধ বস্তু দিবে না । “তৎপ্রতি নয়ন মুদ্রিত কৰা ব্যতীত তোমরা তাহাৰ গ্রহণকাৰী নও ।” ইহাৰ অৰ্থ, বাধ্য না হইয়া তোমরা অবিপুল বস্তু গ্রহণ কৰিবে না, কেন না ঈশ্বৰ নিষ্কাম, তাহাৰ কামনা নাই, তিনি প্রশংসিত , অৰ্থাৎ উত্তম উত্তমকেই মনোনীত করেন । ( ত, ফা, )

‡ যখন ধন দান কৰিলে আমি দরিদ্র হইয়া যাইব, মনে একৰূপ চিন্তা উপস্থিত হয় ও গৰ্হিত কাৰ্য্যে সাহস হয়, এবং ঈশ্বৰেৰ উত্তেজনা-বাক্য শুনিয়াও দান কৰিতে অনিচ্ছা প্ৰকাশ পায়, তখন জানিও, এই ভাব শয়তানেৰ নিকট হইতে আসিয়াছে । এবং যখন মনে একৰূপ ভাব হয় যে, দান কৰিলে



যাহার প্রতি জ্ঞান প্রদত্ত হইয়াছে, পরে নিশ্চয় তাহাকে বহু কল্যাণ দেওয়া গিয়াছে, এবং জ্ঞানবান্ লোক ব্যতীত কেহ উপদেশ গ্রহণ করে না। ২৬৯। এবং তোমরা যাহা ( ধর্মার্থ ) দান করিয়াছ অথবা কোন সংস্করণে সঞ্চয় করিয়াছ, নিশ্চয় ঈশ্বর তাহা জানেন, কুক্তিয়াশীল লোকদিগের কোন সাহায্যকারী নাই \*। ২৭০। যদি তোমরা ধর্মার্থ দান প্রকাশ কর, তবে তাহা ভাল ঃ। যদি তাহা গোপন কর ও তাহা দীন দরিদ্রকে দান কর, তবে তাহাও তোমাদের জন্য উত্তম, এবং ইহা তোমাদের অনেক পাপ দূর করিয়া থাকে, এবং তোমরা যাহা করিতেছ ঈশ্বর তাহা অবগত। ২৭১। তাহাদের উপদেশ ( হে মোহম্মদ, ) তোমার জন্য অপ্রয়োজন, কিন্তু ঈশ্বর যাহাকে ইচ্ছা সংপথ প্রদর্শন করিয়া থাকেন ও তোমরা যাহা সন্ধ্যায় কর, পরে ( তাহা ) তোমাদের হিতের নিমিত্ত হয়, এবং পরমেশ্বরের আনন উদ্দেশ্য না করিয়া তোমরা দান করিও না, তোমরা যে শুভ দান করিবে, তাহা তোমাদের নিকটে প্রেরিত হইবে, এবং তোমরা উৎপীড়িত হইবে না। ২৭২। এই সকল দীনহীনের জন্য ( দান বিধেয়, ) যাহারা ঈশ্বরের পথে বন্ধ রহিয়াছে, পৃথিবীতে পর্যটন করিতে পারে না; ধনাকাজ্ঞা করে না বলিয়া লোকেয়া যাহাদিগকে মূর্খ মনে করে, তুমি ( হে মোহম্মদ, ) তাহাদের মুখ দেখিয়া তাহাদিগকে চিনিতেছ, তাহারা ব্যগ্র হইয়া লোকের নিকট প্রার্থনা করে না; এবং তোমরা যে ধর্মার্থ দান কর, অবশেষে নিশ্চয় ঈশ্বর তাহা জ্ঞাত হন †। ২৭৩। ( র, ৩৭, আ, ৭ )

যে সকল লোক দিবা রজনী প্রকাশে ও গোপনে স্বীয় ধন দান করে, পরে তাহাদের জন্য তাহাদের প্রতিপালকের নিকটে পুরস্কার আছে; এবং তাহাদিগের সম্বন্ধে ভয় নাই ও তাহারা সস্তাপিত হইবে না। ২৭৪। যাহাদিগকে শয়তান আক্রমণ করিয়া মতিচ্ছন্ন করিয়াছে, তাহারা যেরূপ ( সমাধি হইতে ) উখিত হইবে, যাহারা কুসীদ গ্রহণ করে, তাহারাও তদনুরূপ উখিত হইবে বৈ নহে; ইহা এ জন্য যে, তাহারা বলিয়াছে যে বাণিজ্য কুসীদগ্রহণ সদৃশ, ইহা ব্যতীত নহে, কিন্তু ঈশ্বর বাণিজ্যকে বৈধ ও সুদ পরমেশ্বরের প্রসন্নতা লাভ হইবে, তাহার নিকটে কোন অভাব নাই, চাহিলেই পাওয়া যাইবে, তখন জানিও, এই ভাব ঈশ্বরের নিকট হইতে আসিয়াছে। ( ত, ফা, )

\* কোন সঞ্চয় করিলে তাহা পূর্ণ করা বিধি। সঞ্চয় ভঙ্গ করিলে অপরাধী হইতে হয়। সঞ্চয় ঈশ্বরোদ্দেশ্যে ব্যতীত অন্য কিছু সম্বন্ধে ইওয়া সঙ্গত নহে। এই মাত্র বলিবে যে, আমি ঈশ্বরের জন্য অমুককে দান করিব। ( ত, ফা, )

† প্রকাশ্য দানে অন্য লোকের উৎসাহ হয়, এই জন্য উত্তম। ( ত, ফা, )

‡ যাহারা ঈশ্বরের পথে বন্ধ রহিয়াছেন, উপার্জন করিতে পারেন না, স্বীয় অভাব প্রকাশ করেন না, যথা হজরতের অনুবর্তিগণ স্বীয় উচ্চান গৃহ অট্টালিকা পরিত্যাগ পূর্বক হজরতের সহবাসে থাকিয়া জ্ঞান লাভ ও ধর্ম প্রচার করিয়াছেন, এবং এক্ষণে যাহারা কোর্-আন্ অভ্যাস, ধর্ম-সাধনায় রত, এমন লোকদিগকে দান করিলে বিশেষ পুণ্য হয়। ( ত, ফা, )

গ্রহণকে অবৈধ ( নির্দারণ ) করিয়াছেন ; অতএব যে দ্বীপ প্রতিপালক হইতে উপদেশ প্রাপ্ত হইয়াছে, সে ( এ কার্যে ) বিরত থাকিবে ; পরিশেষে যাহা গত হইয়াছে তাহা তাহার জন্ত, এবং তাহার কাৰ্য্য ঈশ্বরেরে ( সমর্পিত, ) কিন্তু যাহারা ( কুসীদগ্রহণে ) পুনঃ প্রবৃত্ত হইয়াছে তাহারা নরকাগ্নির নিবাসী, তথায় তাহারা সৰ্বদা বাস করিবে \* । ২৭৫ । পরমেশ্বর সূদকে ( সূদের মুদ্রা দ্বারা কৃত সংকর্ষকে ) বিফল করেন, ধর্ম্মার্থ দানকে গৌরবাস্বিত করিয়া থাকেন, এবং ঈশ্বর সমুদায় অপরাধী কাফেরকে প্রেম করেন না † । ২৭৬ । নিশ্চয় যাহারা বিশ্বাসী হইয়াছে ও সংকর্ষ করিয়াছে, এবং উপাসনাকে প্রতিষ্ঠিত রাখিয়াছে ও ধর্ম্মার্থ দান করিয়াছে, তাহাদের প্রতিপালকের নিকট তাহাদিগের জন্ত পুরস্কার আছে, তাহাদের সম্বন্ধে ভয় নাই ও তাহারা সন্তোষিত হইবে না । ২৭৭ । হে বিশ্বাসী লোক সকল, পরমেশ্বরকে ভয় কর, যদি তোমরা বিশ্বাসী হইয়া থাক, তবে সূদের যাহা অবশিষ্ট আছে, তাহা পরিত্যাগ কর । ২৭৮ । অনন্তর যদি তোমরা ইহা না কর ( নিবৃত্ত না হও ), তবে ঈশ্বরের সঙ্গে ও তাঁহার প্রেরিত পুরুষের সঙ্গে বিবাদ, ইহা জ্ঞাত হইও এবং নিবৃত্ত হইলে তোমাদের জন্ত মূল ধন রহিল, তোমরা উৎপীড়ন করিও না, উৎপীড়িত হইবে না । ২৭৯ । এবং যদি ( অধর্ম্ম ) রিক্তহস্ত হয়, তবে অর্থাগম পর্য্যন্ত প্রতীক্ষণীয়, এবং যদি ( তোমাদের ) জ্ঞান থাকে, তবে ( তাহাকে ) দান করিলে তোমাদের পক্ষে মঙ্গল ‡ । ২৮০ । এবং যে দিবস

\* হজরত মোহাম্মদ যে দিবস মক্কা জয় করেন, সেই দিবস সূদ গ্রহণের অবৈধতার ব্যবস্থা প্রদান করিয়াছিলেন । ওমরবংশীয় ও মঘয়রা ও মুখজমীবংশীয় লোকদিগের মধ্যে সূদের আদান প্রদান চলিতেছিল । ওমরপরিবারের লোকেরা এই ভাবে সন্ধি স্থাপন করিল যে, অল্প লোকের নিকট তাহাদের সূদ গ্রহণ স্থির রহিল, তাহাদের নিকটে অল্পের সূদ গ্রহণ রহিত হইল। সূদদানে মঘয়রাপরিবারের অত্যন্ত কষ্ট উপস্থিত হয় । তাহারা এই বলিয়া আর্ন্তনাদ করিতে লাগিল যে, আমরা কি দুর্ভাগা ! ওমরবংশীয় লোকের সম্বন্ধে কুসীদের সম্বন্ধে রহিত হইল, আমরা এখনও এই বিপদে আক্রান্ত রহিলাম । অনন্তর তাহারা মক্কার শাসনকর্তা আতাবের নিকট এ বিষয় নিবেদন করে । আতাব এই ব্যাপার হজরতকে লিখিয়া জানান । তাহাতেই এই আয়ত অবতীর্ণ হয় ।  
( ত, হো )

† সূদ গ্রহণে ধন অধিক সঞ্চিত হটুক না কেন, পরিণামে তাহা দুঃখের কারণ হয় । এবং আক্বাস বলিয়াছেন যে, সেই ধন হইতে যাহা দান করা যায় বা অল্প কোন সংকর্ষ করা হয়, তাহা ঈশ্বরকর্তৃক গৃহীত হয় না । সে কার্য্য সমূলে বিনষ্ট হইয়া থাকে ।  
( ত, হো, )

‡ ২৭৮ সংখ্যক আয়ত অবতীর্ণ হইলে ওমরবংশীয় লোকেরা বলিল যে, “ঈশ্বর ও প্রেরিত পুরুষের সঙ্গে বিবাদ করিতে আমাদের ক্ষমতা নাই ।” তাহারা আপ্য সূদ পরিত্যাগ করিয়া মূল ধন গ্রহণেই সন্তুষ্ট হইল, কিন্তু মঘয়রাবংশীয় লোকেরা দরিদ্রতাবশতঃ মূলধন দিতে কিছু দিনের জন্ত অবসর প্রার্থনা করিল । ওমরবংশীয়েরা তাহা গ্রাহ্য না করিয়া সূদের মুদ্রা আদায়ের নিমিত্ত পীড়াপীড়ি করিতে লাগিল । তাহাতে অর্থাগম পর্য্যন্ত প্রতীক্ষণীয়, এই ভাবের আয়ত অবতীর্ণ

তোমরা ঈশ্বরের নিকট প্রতিগমন করিবে, সেই দিনকে ভয় করিও, তৎপর প্রত্যেক ব্যক্তিকে তাহারা যাহা (যে সংকল্প) করিয়াছে, তাহা পূর্ণ প্রদত্ত হইবে এবং তাহারা উৎপীড়িত হইবে না। ২৮১। (র, ৩৮, আ, ৮)

হে বিশ্বাসী লোক সকল, যখন তোমরা নির্দিষ্ট কালের জ্ঞান ঋণদানে পরস্পর কার্য্য করিবে, তখন তাহা লিখিয়া লইবে, এবং তোমাদের মধ্যে লেখকের উচিত যে, ঋণ্যরূপে লিখে, এবং ঈশ্বর যেরূপ শিক্ষা দিয়াছেন, লেখক তদ্রূপ লিখিতে অসম্মত হইবে না; অবশেষে উচিত যে লিখে, এবং যাহার স্বত্ব সে লিখিবার বিবরণ বলিয়া দিবে, তাহার উচিত যে স্বীয় প্রতিপালক ঈশ্বরকে ভয় করে, এবং সেই ঋণের কিছু ক্ষতি না করে। পরন্তু যাহার স্বত্ব, সে যদি অবোধ কিম্বা দুর্বল অথবা পাণ্ডুলিপি করিতে অক্ষম হয়, তবে তাহার একজন কার্য্যকারক ঋণ্যরূপে বিবরণ লিখিবে, এবং তোমাদের মধ্য হইতে দুইজন পুরুষ সাক্ষীর সাক্ষ্য গ্রহণ করিবে, পরন্তু যদি দুইজন পুরুষের অভাব হয়, তবে একজন পুরুষ ও তোমাদের মনোনীত এমন দুইজন স্ত্রীলোক সাক্ষী হইবে (যথেষ্ট), যদি তাহাদের এক স্ত্রী বিশ্বত হয়, তবে তাহাদের অন্য স্ত্রী স্মরণ করাইয়া দিবে, এবং সাক্ষীগণ আহূত হইলে অস্বীকার করিবে না; তাহা (ঋণপত্র) ক্ষুদ্র হউক বা বৃহৎ হউক, তাহার কিয়ৎকাল পর্য্যন্ত লিখিতে শৈথিল্য করিবে না, এই লিখা ঈশ্বরের নিকট অতিশয় ঋণ্য এবং সাক্ষ্যের নিমিত্ত স্মৃষ্টি, ইহা তোমাদের সন্দেহের যোগ্য নহে, কিন্তু সাক্ষ্যে সঙ্কীর্ণ ব্যবসায় যাহাতে আপনাদের মধ্যে হস্তে হস্তে আদান প্রদান হয়, তাহাতে লেখা না হইলে তদ্বিষয়ে তোমাদের দোষ নাই, যখন তোমরা পরস্পর ক্রয় বিক্রয় কর, তখন সাক্ষ্য গ্রহণ করিবে ও লেখক এবং সাক্ষীকে কষ্ট দিবে না, এবং যদি তাহা কর, তবে নিশ্চয় তোমাদের অপরাধ; এবং ঈশ্বরকে ভয় করিও, পরমেশ্বর তোমাদিগকে শিক্ষা দান করেন ও পরমেশ্বর সর্ব্বজ্ঞ। ২৮২। এবং যদি তোমরা দেশ-পর্য্যটনে থাক ও লেখক প্রাপ্ত না হও, তবে বন্ধক হস্তগত করা উচিত; পরন্তু তোমরা আপনাদের পরস্পরকে বিশ্বাস করিলে যে ব্যক্তি বিশ্বাসভাজন হইয়াছে, আপনার গচ্ছিত ধন তাহার পরিশোধ করা বিধেয়, এবং আপন প্রতিপালক ঈশ্বরকে ভয় করা উচিত; সাক্ষ্য গোপন করিও না, এবং যে ব্যক্তি তাহা গোপন করে, নিশ্চয় তাহার মন অপরাধী, তোমরা যাহা করিতেছ ঈশ্বর তাহা অবগত। ২৮৩। (র, ৩৯, আ, ২)


দু্যলোকে ও ভুলোকে যাহা আছে তাহা ঈশ্বরের, এবং তোমাদের অন্তরের বিষয় যত্বপি প্রকাশ কর কিম্বা তাহা গোপন কর, তোমাদের নিকট হইতে ঈশ্বর তাহার হিসাব গ্রহণ করিবেন, অনন্তর তিনি যাহাকে ইচ্ছা হয় ক্ষমা করেন ও যাহাকে ইচ্ছা শাস্তি দিয়া থাকেন; এবং ঈশ্বর সর্ব্বোপরি ক্ষমতামালা। ২৮৪। প্রেরিত পুরুষ তাহার

হয়। “যদি জ্ঞান থাকে” বাক্যে ঐহিক পারত্রিক কুশলসম্বন্ধে যদি-জ্ঞান থাকে, এরূপ অর্থ বুঝিতে হইবে।

(ত, হো,)

প্রতিপালকের নিকট হইতে তৎপ্রতি যাহা অবতীর্ণ হইয়াছে তাহা বিশ্বাস করিয়াছে, এবং বিশ্বাসী লোকেরা প্রত্যেকে ঈশ্বরকে, তাঁহার দেবগণকে ও তাঁহার পুস্তক সকলকে এবং প্রেরিতগণকে বিশ্বাস করিয়াছে, এবং তাঁহার প্রেরিত পুরুষগণের মধ্যে প্রভেদ করে নাই, অপিচ তাহারা বলিয়াছে যে, “আমরা শ্রবণমাত্র আজ্ঞা পালন করিলাম, হে আমাদের প্রতিপালক, তোমার নিকট ক্ষমা চাহিতেছি. এবং তোমার নিকট আমাদিগের প্রতিগমন।” ২০৫। ঈশ্বর কাশাকেও তাহার শক্তির অতিরিক্ত ক্লেশ দান করেন না; সে যে কার্য করিয়াছে তাহা তাহার জ্ঞ, সে যাহা উপার্জন করিয়াছে তাহা তাহার জ্ঞ, ( তাহারা বলে, ) “হে আমাদের প্রতিপালক, আমরা বিশ্বাস হইলে কিম্বা দোষ করিয়া থাকিলে তুমি আমাদিগকে আক্রমণ করিও না; হে আমাদের প্রতিপালক, এবং আমাদের উপর সেরূপ গুরুভার স্থাপন করিও না, যদ্রূপ আমাদের পূর্ববর্তী লোকদিগের উপর স্থাপন করিয়াছ; হে আমাদের প্রতিপালক, এবং যাহা আমরা সহ করিতে অক্ষম, তাহা আমাদের উপর অর্পণ করিও না, আমাদিগকে ক্ষমা কর ও আমাদিগকে মার্জনা কর, এবং আমাদিগকে দয়া কর, তুমি আমাদের প্রভু, অতএব ধর্মদ্রোহী দলের উপর আমাদিগকে সাহায্য দান কর।” ২০৬। (র, ৪০, আ, ৩)

## সূরা আলো এম্বরাণ \*



### তৃতীয় অধ্যায়

.....

২০০ আয়ত, ২০ রকু

( দাতা দয়ালু ঈশ্বরের নামে প্রবৃত্ত হইতেছি )।

আলম্বা। ১। + সেই পরমেশ্বর, তিনি ব্যতীত উপাস্ত নাই; তিনি জীবন্ত অটল।

২ তিনি তোমার প্রতি ( হে মোহাম্মদ, ) সত্য গ্রন্থ অবতারণ করিয়াছেন, যাহা ইহার

\* কয়েকজন ইসরাইলী মদিনায় আগমন করিয়া হজরত মোহাম্মদের সঙ্গে মহান্বা ইসার বিষয়ে বিচার করিতে চাহিয়াছিলেন। সাক্ষাৎ হওয়ার পর হজরত তাঁহাদিগকে ইসলাম ধর্ম গ্রহণ করিতে অনুরোধ করিলেন। তাঁহারা তাঁহাকে বলেন, “আমরা ইসলাম ধর্মের বসনে আচ্ছাদিত আছি, ঐশ্বরিক ধর্মরূপ অবতংস কর্ণে ধারণ করিয়াছি।” হজরত আজ্ঞা করিলেন, “পরমেশ্বরের সঙ্গে স্ত্রী পুত্রের সম্বন্ধ তোমাদিগকে ইসলাম ধর্ম হইতে দূরে রাখিয়াছে।” ইসরাইলীরা বলিলেন, “আমরা ইসাকে ঈশ্বরের পুত্র ও ঈশ্বর বলিয়া বিশ্বাস করি। যদি ইসা ঈশ্বরের পুত্র না হন, তবে তাঁহার

পুরোবর্তী, ইহা তাহার সত্যতার প্রতিপাদক, এবং ইতিপূর্বে লোকদিগকে পথ প্রদর্শন করিবার জন্ত তওরাত ও ইঞ্জিল অবতারণ করিয়াছেন, অপিচ অলৌকিকতা অবতারণ করিয়াছেন \*। ৩। নিশ্চয় যে সকল লোক ঐশ্বরিক নিদর্শনের বিরুদ্ধাচরণ করিয়াছে, তাহাদের জন্ত কঠিন শাস্তি আছে, এবং পরমেশ্বর পরাক্রান্ত ও প্রতিফলদাতা। ৪। নিশ্চয় ভুলোকস্থ ও দু্যলোকস্থ কোন বিষয় ঈশ্বরের নিকট গুপ্ত নহে। ৫। সেই তিনি যিনি ইচ্ছানুসারে জরায়ুকোষে তোমাদিগকে গঠন করেন, তিনি ব্যতীত উপাস্ত নাই, তিনি পরাক্রান্ত ও নিপুণ। ৬। সেই তিনি যিনি তোমার প্রতি গ্রন্থ (কোর্-আন্) অবতারণ করিয়াছেন, তাহার কোন কোন আয়ত স্মৃঢ়, গ্রন্থের মূল সেই সকল ও অপর সকল পরম্পর সাদৃশ্যকারী, পরস্তু যাহাদিগের অন্তরে বক্রভাব আছে, তাহারা গোলযোগ করার উদ্দেশে ও তাহার মর্মবোধের উদ্দেশে তাহার সেই সাদৃশ্যাত্মক প্রবচনের অমুসরণ করিয়া থাকে, কিন্তু তাহার মর্ম ঈশ্বর ব্যতীত অন্য কেহ জানে না; জ্ঞানপ্রবীণ লোকেরা বলিবে যে, যে সকল আমাদের পরমেশ্বরের নিকট হইতে আগত, তৎসমুদায়ের প্রতি আমরা বিশ্বাস স্থাপন করিলাম, এবং স্তবোধ লোক ব্যতীত অন্তে উপদেশ গ্রহণ করে না। ৭। হে আমাদের প্রতিপালক, তোমার পথপ্রদর্শনের পর তুমি আমাদের

পিতা কে?" হজরত উত্তর করিলেন, "আমাদের ও তোমাদের ধর্মে ঈশ্বরের মৃত্যু স্বীকার উচিত নহে। তোমরা ইসাকে ঈশ্বর বলিয়া থাক, এদিকে ইসা মৃত্যুর শরবত পান করিয়াছিলেন, এবং তোমরা মরয়মের গর্ভে ইসাকৃতির ছবি ঈশ্বরকর্তৃক নিহিত হইয়াছে এরূপ মনে করিয়া থাক, আবার তোমাদের মতে ঈশ্বর মুর্তিনির্মাতা শিল্পী নহেন, এ দুই বিপরীত ভাব। অপিচ তোমরা বল যে, ইসা গমনাগমন ও পান ভোজন করিতেন, নিদ্রিত ও জাগরিত হইতেন, কিন্তু জানিও পরমেশ্বর এসমস্ত শারীরিক ক্রিয়া হইতে বিমুক্ত।" এই সকল কথা শ্রবণে তাঁহার নিরন্তর হইয়া চলিয়া গেলেন। তৎপর এই সূরার প্রথম কতকগুলি আয়ত অবতীর্ণ হয়। সূরার প্রথমে ঈশ্বরের ঈশ্বরত্ব ও অমরত্বের প্রসঙ্গ, তদনন্তর প্রেরিতদের প্রসঙ্গ হইয়াছে। (ত, হো,)

এই সূরার আদি বাক্য "আলম্মা", বকরা সূরারও আদি শব্দ ইহাই, কিন্তু বকরার "আলম্মার" অর্থ "আমি ঈশ্বর সুবিজ্ঞ।" এখানে "আলম্মার" অশ্বরূপ অর্থ। ইহার এক এক বর্ণের এক এক প্রকার অর্থ ও ভাব। প্রথম বর্ণের অর্থ ঐশ্বরিক প্রচুর দান, দ্বিতীয় বর্ণের অর্থ তাঁহার মহা সাক্ষাৎকার, তৃতীয় বর্ণের অর্থ তাঁহার পুরাতন প্রেম। (ত, হো,)

\* যাহা ইহার পুরোবর্তী ইত্যাদি উক্তির অর্থ এরূপে হইবে; যে যে গ্রন্থ এই কোর্-আন্ গ্রন্থের পূর্ববর্তী অর্থাৎ তওরাত ও ইঞ্জিল, সে সকলের সত্যতার প্রতিপাদক এই কোর্-আন্। তিনি (ঈশ্বর) ইতিপূর্বে লোকদিগকে পথ প্রদর্শন করিবার জন্ত তওরাত ও ইঞ্জিল অবতারণ করিয়াছেন। মূলের অনুবাদে অমুসরণে পদস্থাপন করিতে গেলে দুই আয়তকে এক আয়ত করিতে হয় বলিয়া তাহা করা গেল না।

† এই সূরার ইসারী লোকদিগকে শিক্ষা দান করা হয়। তাঁহার সাক্ষী মরয়মকে ঈশ্বরের ভার্য্যা ও মহাপুরুষ ইসাকে ঈশ্বরের পুত্র বলিয়া থাকেন। দাসত্ব অপেক্ষা ইসার উচ্চ পদ আবশ্যিক, এইরূপ ঈশ্বরের বিশেষ অনুগ্রহবাণী শ্রুত হওয়া গিয়াছে, তাঁহার ব্যক্ত করেন। এজন্য পরমেশ্বর আজ্ঞা



অন্তরকে বক্র করিও না, আমাদেরকে নিজের নিকট হইতে অতুগ্রহ দান কর, নিশ্চয় তুমি দাতা । ৮ । হে আমাদের প্রতিপালক, নিশ্চয় তুমি সেই দিনে, ( বিচার দিবসে ) লোকসংগ্রহকারী, তদ্বিষয়ে নিঃসন্দেহ ; নিশ্চয় ঈশ্বর অঙ্গীকারের অত্যাচারণ করেন না । ৯ । ( র, ১, আ, ৯ )

যে সকল লোক ধর্মদ্রোহী হইয়াছে, তাহাদিগের ধন ও তাহাদিগের সম্ভান ঈশ্বরের নিকটে তাহাদিগের সম্বন্ধে কোন ফলদায়ক হইবে না, এবং ইহারাই তাহারা যে নর-কাগ্নির উদ্দীপক । ১০ । + যেমন ফেরাণীয় লোকদিগের এবং তাহাদের পূর্ববর্তী লোকদিগের রীতি ছিল ( ইহাদেরও সেইরূপ, ) তাহারা আমার নিদর্শন সকলে অসত্য-রোপ করিয়াছিল, অবশেষে ঈশ্বর তাহাদিগকে তাহাদিগের অপরাধের জন্ত ধরিয়াজিলেন, ঈশ্বর কঠিন শাস্তিদাতা \* । ১১ । যে সকল লোক ধর্মদ্রোহী, তাহাদিগকে বল, “তোমরা পরাভূত হইবে ও নরকের দিকে সমাহৃত হইবে, এবং তাহা কুস্থান ।” ১২ । নিশ্চয় পরস্পর মিলিত দুই দলে তোমাদের জন্ত নিদর্শন সকল আছে, এক দল ঈশ্বরের পথে সংগ্রাম করিয়াছিল, এবং অপর দল কাফের ছিল, ( মোসলমান সৈন্য ) তাহাদিগকে আপনাদের দুই জনের সদৃশ চক্ষুর দর্শনে দর্শন করিতেছিল, এবং পরমেশ্বর যাহাকে ইচ্ছা করেন আপন সাহায্যে বল বিধান করিয়া থাকেন, নিশ্চয় এ বিষয়ে চক্ষুমান লোকদিগের নিমিত্ত একান্ত উপদেশ আছে † । ১৩ । লোকের জন্ত নারীর প্রতি, সম্ভানগণের প্রতি ও পুঞ্জীভূত রক্ত কাঞ্চনভাণ্ডারের প্রতি ও চিহ্নিত অশ্ব ও চতুর্পদ ( গবাদিপশু ) এবং শস্ত্রক্ষেত্রের প্রতি শারীরিক প্রেম সজ্জীকৃত, এ সকল পার্থিব জীবনের সম্পত্তি, এবং ঈশ্বরের নিকটে শুভ প্রত্যাবর্তন । ১৪ । বল, ( হে মোহম্মদ, ) ইহার মধ্যে কি উত্তম তোমাদিগকে জ্ঞাপন করিব ? বিষয়নিবৃত্ত লোকদিগের জন্ত

করিতেছেন যে, ঈশ্বরের বাক্য সকলের মধ্যে এমন সাদৃশ্যাত্মক বাক্য আছে, যাহার অর্থ স্পষ্ট নহে, পথভ্রান্ত লোকেরা আপন বুদ্ধি অনুসারে তাহার অর্থ করিয়া থাকে । কিন্তু যে সকল লোক জ্ঞানেতে প্রবীণ, তাহারা গ্রন্থের মূলস্বরূপ অর্থ প্রবচনের সঙ্গে মিলাইয়া বুঝিলে বুঝিল, না বুঝিলে ঈশ্বরের প্রতি অর্পণ করিয়া বলে, “ইহা পরমেশ্বর উত্তম জ্ঞানেন, বিশ্বাস দ্বারা আমাদের কার্য্য ।” ( ত, কা, )

\* ফেরাণীয় সম্প্রদায় অসত্য বলিয়া যেমন মহাপুরুষ মুসার প্রতি দোষারোপ করিয়াছিল, তাহাদের পূর্ববর্তী লোকেরাও তদ্রূপ পেগাম্বর আদ ও সমুদকে মিথ্যাবাদী ভাবিয়া ঈশ্বরের বাক্য অগ্রাহ্য করিয়াছিল ও আপনাদের তদ্বাহকদিগের অলৌকিকতাকে মিথ্যা বলিয়াছিল ; সেই রীতি অনুসারে ইহুদি ও ইসরাইলীরা হজরত মোহম্মদের উপর অসত্যারোপ করিতেছে । ( ত, হো, )

† বদরের যুদ্ধে তিন জন মোসলমান সৈন্যের সম্মুখে তিন জন করিয়া কাফের সৈন্য ছিল । কিন্তু মোহম্মদীয় সেনারা কাফেরদিগের তিন জনের স্থলে দুই জন দেখিতেন । তাহারা ভয় প্রাপ্ত না হন, এজন্য ঈশ্বর একরূপ বিধান করিয়াছিলেন । অতঃপর ঈশ্বরকৃপায় মোসলমানেরা জয়ী হন । ( ত, কা, )



তাহাদের প্রতিপালকের নিকটে স্বর্গোদ্যান সকল আছে, তাহার নিম্নে \* পয়ঃপ্রণালী প্রবাহিত, তাহারা তাহাতে চিরকাল থাকিবে, এবং ( তাহাদের জন্ত ) পুণ্যবতী ভার্য্যা সকল ও ঈশ্বরের সন্তোষ থাকিবে, দাসদিগের প্রতি ঈশ্বর দৃষ্টিকারী । ১৫ । তাহারা বলে, “হে আমাদের প্রতিপালক, নিশ্চয় আমরা বিশ্বাসী হইয়াছি, অতএব আমাদের অপরাধ তুমি ক্ষমা কর, অগ্নিদণ্ড হইতে আমাদের রক্ষা কর, ( সেই বিষয়নিবৃত্ত লোকদিগের অবস্থা এইরূপ ) । ১৬ । তাহারা সহিষ্ণু, সত্যবাদী, বাধ্য, বদাগ্র, প্রত্যুষে ক্ষমাপ্রার্থী । ১৭ । ঈশ্বর এই সাক্ষ্য দান করিয়াছেন যে, তিনি ব্যতীত উপাস্ত নাই, এবং দেবগণ ও পণ্ডিতগণ সাক্ষ্যদান করিয়াছেন যে, তিনি ঞ্চায়েতে বিঘ্নমান, তিনি ব্যতীত উপাস্ত নাই, তিনি পরাক্রান্ত নিপুণ । ১৮ । নিশ্চয় ঈশ্বরের নিকটে যে ধর্ম, তাহা এম্লাম ধর্ম, এবং যাহারা গ্রন্থ লাভ করিয়াছে, তাহাদের নিকটে জ্ঞান উপাধিত হওয়ার পর আপনাদের মধ্যে শত্রুতা ব্যতীত তাহারা তাহা ( এম্লাম ধর্ম ) অগ্রাহ্য করে নাই, এবং যে ব্যক্তি ঈশ্বরের নিদর্শন সকলের বিরোধী হইয়াছে, নিশ্চয় ঈশ্বর সত্বর তাহার বিচার করিবেন । ১৯ । অনন্তর যদি তাহারা ( হে মোঃম্মদ, ) তোমার সূঙ্গে বিতণ্ডা করে, তবে তুমি বলিও, আমি ঈশ্বরের জন্ত স্বীয় আনন উৎসর্গ করিয়াছি এবং যাহারা আমার অনুসরণ করিয়াছে ( তাহারা উৎসর্গ করিয়াছে, ) † যাহারা গ্রন্থপ্রাপ্ত তাহাদিগকে ও অশিক্ষিতদিগকে বল, তোমরা কি এম্লাম ধর্ম গ্রহণ করিতেছ ? অবশেষে তাহারা যদি ধর্মালুগত হয়, তবে নিশ্চয় পথ প্রাপ্ত হইবে, এবং যদি বিমুখ হয়, তবে সংবাদ প্রচার ভিন্ন তোমার প্রতি অণ্ড কিছুই নহে, এবং পরমেশ্বর দাসদিগের প্রতি দৃষ্টিকারী । ২০ । ( র, ২, আ, ১১ )

নিশ্চয় যে সমস্ত লোক ঐশ্বরিক নিদর্শনসকলকে অগ্রাহ্য করে ও সংবাদবাহকদিগকে অযথা বধ করে, এবং মানবমণ্ডলীর মধ্যে যাহারা ঞ্চায়েতে আদেশ করিয়া থাকে তাহাদিগকে বধ করে, তুমি তাহাদিগকে দুঃখকর শাস্তির সংবাদ দান কর । ২১ । ইহারা সেই সকল লোক যাহাদিগের ঐহিক পারত্রিক কাব্য বিনষ্ট হইয়াছে ও যাহাদিগের কোন সহায় নাই । ২২ । যাহাদিগকে গ্রন্থের একাংশ প্রদত্ত হইয়াছে ও ঐশ্বরিক গ্রন্থের দিকে যাহারা আহূত হইতেছে, যেন তাহারা আপনাদের মধ্যে আজ্ঞা প্রচার করে, তুমি কি তাহাদিগের প্রতি দৃষ্টি কর নাই? তৎপর তাহাদের একদল অগ্রাহ্য করিল, বস্তুতঃ তাহারা অগ্রাহ্যকারী ঃ । ২৩ । ইহা এজ্ঞ যে, তাহারা বলিয়া থাকে, নিদ্দিষ্ট কয়দিন ব্যতীত অগ্নি

\* অর্থাৎ সেই উদ্যানতরুর নিম্নে ( ত, হো, )

+ ঈশ্বরের জন্ত স্বীয় আনন উৎসর্গ করার অর্থ, আপন মন, বাক্য, সঙ্কল্প ও কার্য ঈশ্বরের জন্ত উৎসর্গ করা । ( ত, হো, )

‡ ইহাদিগের সম্বন্ধে এই উক্তি । তাহাদের একদল প্রস্তরাঘাতের বিধি অমান্য করিয়াছিলেন । এনাম শূরায় এই বৃত্তান্ত বিবৃত হইবে । হজরত একদল ইহাদিকে এম্লাম ধর্মে আহ্বান করিয়া-

আমাদিগকে স্পর্শ করিবে না, যে সমস্ত অপলাপ করিতেছে, তাহাতে যে তাহারা আপন ধর্মেই প্রতারিত। ২৪। অনন্তর সেই দিনে যখন আমি নিঃসন্দেহ তাহাদিগকে একত্রিত করিব, তখন কিরূপ হইবে? প্রত্যেক ব্যক্তিকে তাহারা যাহা করিয়াছে তাহা সম্যক্ দেওয়া যাইবে ও তাহারা অত্যাচারিত হইবে না। ২৫। তুমি বল, হে রাজ্যাধিপতি ঈশ্বর, তুমি যাহাকে ইচ্ছা হয় রাজ্য দান করিয়া থাক ও যাহা হইতে ইচ্ছা হয় রাজ্য প্রতিগ্রহণ কর, এবং যাহাকে ইচ্ছা হয় উন্নত কর ও যাহাকে ইচ্ছা হয় অবনত কর, তোমার হস্তে কল্যাণ, তুমি সর্বোপরি ক্ষমতামালা। ২৬। তুমি রজনীকে দিবাতে ও দিবাকে রজনীতে আনয়ন কর, এবং মৃত্যু হইতে জীবন, জীবন হইতে মৃত্যু নিষ্ক্রামণ কর, এবং তুমি যাহাকে ইচ্ছা অগণ্য জীবিকা দান করিয়া থাক। ২৭। বিশ্বাসিগণ বিশ্বাসী লোক ব্যতীত কাফেরদিগকে বক্ররূপে গ্রহণ করিবে না, যাহারা তাহা করে, অনন্তর তাহাদিগ হইতে তোমাদের সাবধান হওয়া ভিন্ন ঈশ্বর হইতে কিছুই মধ্যে নহে, \* ঈশ্বর স্বতঃ তোমাদিগকে ভয় প্রদর্শন করেন এবং পরমেশ্বরের প্রতিই পরাবৃত্তি। ২৮। বল (হে মোহম্মদ,) আপন অন্তরে তোমরা যাহা গোপন করিয়া থাক, বা যাহা প্রকাশ কর, ঈশ্বর তাহা জানেন, এবং দু্যলোক ও ভুলোকে যাহা আছে তাহা জানেন, এবং পরমেশ্বর সর্বোপরি ক্ষমতামালা। ২৯। প্রত্যেক ব্যক্তি যে সংকর্ম করিয়াছে, এবং যে অসংকর্ম করিয়াছে, যে দিন সাক্ষাৎ তাহা প্রাপ্ত হইবে, সে ইচ্ছা করিবে যে যদি তাহার ও উহার (সেই অসং কর্মের) মধ্যে দূরতা হইত, (ভাল ছিল,) † ঈশ্বর স্বতঃ তোমাদিগকে ভয় প্রদর্শন করেন, ও ঈশ্বর দাসগণের প্রতি কৃপালু। ৩০। (র, ৩, আ, ১০)

বল, যদি তোমরা ঈশ্বরকে প্রেম কর, তবে আমার অনুসরণ কর, ঈশ্বর তোমাদিগকে প্রেম করিবেন, এবং তোমাদের পাপ ক্ষমা করিবেন, ঈশ্বর ক্ষমাশীল ও দয়ালু ‡। ৩১। বল, পরমেশ্বরের ও প্রেরিতপুরুষের অনুগত হও, অনন্তর যদি তাহারা

ছিলেন। তাহাতে অমান নামক ইহুদি বলিল, “হে মোহম্মদ, ধর্মজ্ঞানীদিগের সভায় আমি তোমার সঙ্গে বিচার করিব।” হজরত বলিলেন, “তওরাত গ্রন্থের যে পত্র আমার বর্ণনা আছে, তাহা উপস্থিত কর।” সে তাহা উপস্থিত করিতে অসম্মত হইল। ঈশ্বর হজরতের প্রতি আদেশ করিয়া-ছিলেন যে, ইহুদিদিগকে তওরাত গ্রন্থযোগেই আহ্বান কর। হজরত তাহা করিলে ইহুদিরা অগ্রাহ করিল। গ্রন্থের একাংশ প্রদত্ত হইয়াছে, ইহার তাৎপর্য এই যে, তাহারা তওরাত গ্রন্থের অন্ন জ্ঞান প্রাপ্ত হইয়াছে। এ স্থানে “ঐশ্বরিক গ্রন্থ” তওরাত গ্রন্থ। (ত. হো,)

\* “তাহারা ঈশ্বর হইতে কিছুই মধ্যে নহে।” এই কথা তাৎপর্য এই যে, ধর্মে দৃঢ়তা-প্রাপ্তির পূর্বে ধর্মদ্রোহিগণ হইতে যে অল্পবিশ্বাসীর অনিষ্টাশঙ্কা হয়, সে ঐশ্বরিক ধর্মের কিছুই প্রাপ্ত হয় না।

(ত. হো,)

† অর্থাৎ সে আপন কর্ম দেখিতে অনিচ্ছুক হইবে।

(ত. হো,)

‡ যদি কেহ কাহারও প্রণয় আকাঙ্ক্ষা করে, তাহার উচিত যে, আপন মতানুসারে না চলিয়া

অগ্রাহ্য করে, তবে নিশ্চয় ঈশ্বর ধর্মদ্রোহীদেরকে প্রেম করিবেন না। ৩২। নিশ্চয় ঈশ্বর আদমকে ও নূহকে ও এব্রাহিমের সন্তান এবং এম্বাণের সন্তানকে, একজন হইতে উৎপন্ন অন্য জনকে সমস্ত লোকের উপর গ্রহণ করিয়াছেন, এবং ঈশ্বর শ্রোতা ও জ্ঞাতা \*। ৩৩+৩৪। (স্মরণ কর, ) যখন এম্বাণের ভার্য্যা বলিল, “হে আমার প্রতিপালক, আমি নিশ্চয় তোমার জন্ত সঙ্কল্প করিয়াছি যে, আমার গর্ভে যাহা (যে সন্তান) আছে, সে মুক্ত হইবে, † অতএব তুমি আমা হইতে (তাহাকে) গ্রহণ কর, নিশ্চয় তুমি শ্রোতা ও জ্ঞাতা।” ৩৫। অনন্তর যখন সে তাহাকে প্রসব করিল, তখন বলিল, “হে আমার প্রতিপালক, নিশ্চয় আমি কন্যা প্রসব করিলাম ;” এবং সে যাহা প্রসব করিল, ঈশ্বর তাহা উত্তম জ্ঞাত আছেন, (সে বলিল, ) “এই কন্যার তুল্য পুত্র নহে, সত্যই আমি ইহার নাম মরয়ম রাখিলাম, এবং সত্যই আমি নিষ্ক্রামিত শয়তান হইতে ইহাকে ও ইহার সন্তানগণকে তোমার আশ্রয়ে রাখিতেছি”। ৩৬। পরে তাহার প্রতিপালক তাহাকে (সেই কন্যাকে) শুভ গ্রহণে গ্রহণ করিলেন ও শুভ বর্দ্ধনে তাহাকে বর্দ্ধিত করিলেন, এবং জকরিয়ার প্রতি তাহাকে সমর্পণ করিলেন ; যখন জকরিয়া মন্দিরে তাহার নিকটে আগমন করিল, তখন তাহার সমীপে উপজীবিকা প্রাপ্ত হইল, সে জিজ্ঞাসা করিল, “মরয়ম, তোমার জন্ত ইহা কোথা হইতে হইল ?” সে বলিল, “ইহা পরমেশ্বরের নিকট হইতে হইয়াছে ;” নিশ্চয় ঈশ্বর যাহাকে ইচ্ছা হয় অগণ্য উপজীবিকা দান করেন ‡। ৩৭। সেই স্থানে জকরিয়া স্বীয় প্রতিপালকের নিকটে

প্রণয়াস্পদের মতানুবর্তী হয়। ঈশ্বরের ইচ্ছা যে, তিনি দাসের প্রতি প্রসন্ন থাকেন, সে পাপ না করে, ; যে ব্যক্তি ঈশ্বরের এই ইচ্ছার অনুবর্তী হয়, সেই তাঁহার প্রেম ও প্রসন্নতা লাভ করিয়া থাকে।  
(ত, ফা,)

\* আর্থ্যা মরয়মের পিতার নাম এম্বাণ। মহাপুরুষ মুসার পিতার নামও এম্বাণ। এস্থলে মরয়মের পিতাকে লক্ষ্য করা হইয়াছে। এইরূপ এই সকল পেগাঘরের সন্তানদিগের যোগ্যতা অনুসারে ঈশ্বর কোন কোন ব্যক্তিকে গ্রহণ করিয়াছেন, এস্থলে এই তাৎপর্য্য।  
(ত, ফা,)

† এম্বাণ যে সম্প্রদায়ভুক্ত ছিলেন, সেই সম্প্রদায়ে এইরূপ রীতি প্রচলিত ছিল যে, পিতা মাতা স্বীয় কোন কোন সন্তানকে নিজেদের সেবা হইতে মুক্ত করিয়া ঈশ্বরের সেবায় নিযুক্ত রাখিতেন, চির জীবনের জন্ত তাঁহার প্রতি কোন সাংসারিক কার্য্যভার অর্পণ করিতেন না। সেই সন্তান সর্বদা ধর্ম্মমন্দিরে ধর্ম্মসাধনায় রত থাকিতেন। এম্বাণের পত্নী গর্ভবতী হইলে তিনিও তক্রূপ সঙ্কল্প করিয়াছিলেন। “সে মুক্ত হইবে” ইহার অর্থ এই যে, সেই সন্তান পিতা মাতার আশ্রয় হইতে মুক্ত হইবে।  
(ত, ফা,)

‡ পরমেশ্বরের উদ্দেশ্যে পুত্র সন্তানকে উৎসর্গ করার নিয়ম। এম্বাণের সহধর্ম্মিণী কন্যা প্রসব করিয়া স্বকৃত সঙ্কল্পের জন্ত সঙ্কুচিত হইলেন। পরে স্বপ্নে দেখিলেন যে, কেহ বলিতেছেন, সেই কন্যাকেই ঈশ্বর গ্রহণ করিয়াছেন, তুমি তাহাকে মন্দিরে লইয়া যাও। তদনুসারে তিনি মরয়মকে উপাসনালয়ে লইয়া যান। ধর্ম্মবাজকগণ প্রথমতঃ তাঁহাকে মন্দিরে গ্রহণ করিতে অসম্মত

প্রার্থনা করিল, বলিল, “হে আমার প্রতিপালক, আপন নিকট হইতে আমাকে পবিত্র সন্তান দান কর, নিশ্চয় তুমি প্রার্থনার শ্রোতা।” ৩৮। এবং সে উপাসনাস্থলে উপাসনাতে দণ্ডায়মান ছিল, অবশেষে দেবগণ ডাকিয়া বলিল, “নিশ্চয় ঈশ্বর ইয়হার বিষয়ে তোমাকে স্মসংবাদ দিতেছেন, সে ঈশ্বরের এক উক্তির বিশ্বাসী, \* স্ত্রীবিরাগী, শ্রেষ্ঠ জন এবং সাধুগণের মধ্যে স্মসংবাদবাহক হইবে”। ৩৯। সে বলিল, “হে মম প্রতিপালক, কিরূপে আমার সন্তান হইবে, নিশ্চয় আমার বৃদ্ধত্ব লাভ হইয়াছে, এবং আমার পত্নী বন্ধ্যা;” তিনি বলিলেন, “এই প্রকারই, ঈশ্বর যাহা ইচ্ছা করেন, তাহাই করিয়া থাকেন।” ৪০। সে বলিল, “হে আমার প্রতিপালক, আমার জন্ত কোন নিদর্শন নির্ধারণ কর;” তিনি বলিলেন, “তোমার জন্ত এই নিদর্শন যে, তুমি তিন দিবস ইঙ্গিত করা ভিন্ন কথা কহিতে পারিবে না, তোমার প্রতিপালককে বহু স্মরণ কর, এবং প্রাতঃসন্ধ্যা বন্দনা কর” ৪১। (র, ৪, আ, ১১)

এবং তখন দেবগণ বলিল, “অয়ি মরয়ম, নিশ্চিত ঈশ্বর তোমাকে গ্রহণ করিয়াছেন ও তোমাকে শুদ্ধ করিয়াছেন, এবং তোমাকে জগতের নারীকুলের উপর স্বীকার করিয়াছেন”। ৪২। “অয়ি মরয়ম, তুমি নিজে প্রতিপালকের অন্তর্গত হইয়া থাক ও প্রণত হও, এবং উপাসনাকারীদের সঙ্গ উপাসনা কর”। ৪৩। ইহা (হে মোহম্মদ,) অন্তর্জগতের তত্ত্ব, ইহা তোমার প্রতি প্রত্যাদেশ করিতেছি, এবং যখন আপন লেগনী তাহারা নিষ্ফেপ করিতেছিল যে, তাহাদিগের মধ্যে কে মরয়মকে প্রতিপালন করিবে, তখন তুমি তাহাদিগের নিকটে ছিলে না, এবং যখন তাহারা বিতণ্ডা করিতেছিল, তখন

হন। পরে স্বপ্নবৃত্তান্ত শ্রবণ করিয়া তাহারা কোন আপত্তি করেন না। জকরিয়ার পত্নী কণ্ডার মাতৃস্বস। ছিলেন। তিনি তাঁহাকে প্রতিপালন করিতে লাগিলেন। তাঁহার জন্ত মন্দিরের পাশে একটি কুটির নির্মিত হইয়াছিল। দিব্যভাগে তিনি তথায় বাস করিতেন। রজনীতে জকরিয়া তাঁহাকে নিজালয়ে লইয়া যাইতেন। একদা জকরিয়া দেব এই অলৌকিক ব্যাপার দেখিলেন যে, সেই সময়ে যাহা উৎপন্ন হয় না এমন ফল মরয়ম ঈশ্বর হইতে প্রাপ্ত হইয়াছেন। জকরিয়া বৃদ্ধ ও অপুত্রক ছিলেন। তখন এই ব্যাপার দেখিয়া তিনি বৃদ্ধ বয়সে আশা করিলেন যে, ঈশ্বররূপায় আনিও সন্তান লাভ করিতে পারিব। তৎপর সন্তানের জন্ত প্রার্থনা করিলেন। (ত, কা,)

\* ঈশ্বরের এক উক্তির বিশ্বাসী, এই কথার তাৎপর্য এই যে, পরমেশ্বরের এক আজ্ঞা এই যে, ইয়হা ঈসার বিষয়ে সাক্ষ্য দান করিবেন। ঈসা জন্মগ্রহণ করিয়াছেন, এই কথা মহাপুরুষ ইয়হা পূর্বেই লোকের নিকটে ঘোষণা করিয়াছিলেন। মহাজ্ঞা ঈসাকে পরমেশ্বর স্বীয় “আজ্ঞা” উপাধি দান করিয়াছিলেন। যেহেতু তিনি জনক ব্যক্তিরকে কেবল ঈশ্বরের আজ্ঞায় জন্মিয়াছিলেন। (ত, কা,)

+ যে দিন মহাজ্ঞা ইয়হা মাতৃগর্ভে উৎপন্ন হইলেন, সেই দিন হইতে তিন দিন জকরিয়া কথা কহিতে সক্ষম হন নাই। তখন জকরিয়ার একনোশত বৎসর, তাহার সহধর্মিণীর অষ্টনবতি বৎসর বয়ঃক্রম হইয়াছিল, এবং এই সময়ে তাহার গর্ভের সঞ্চারণ হয়। (ত, কা,)

তুমি তাহাদিগের নিকটে ছিলে না \* । ৪৪ । ( স্মরণ কর, হে মোহাম্মদ, ) যখন দেবগণ বলিল, “মরয়ম, নিশ্চয় ঈশ্বর তোমাকে আপন এক উক্তির সুসংবাদ দান করিতেছেন, তাঁহার নাম মরয়মনন্দন ঈসা মসীহ, তিনি ইহ পরলোকে মান্ত এবং ( ঈশ্বরের ) নিকট-বর্তীদিগের অন্তর্গত । ৪৫ ।” “সে দোলারোহণে ও প্রৌঢ়াবস্থায় লোকের সঙ্গে কথা কহিবে, এবং সাধুদিগের অন্তর্গত হইবে † ।” ৪৬ । সে বলিল, “হে আমার প্রতিপালক, কেমন করিয়া আমার পুত্র হইবে, আমাকে পুরুষ স্পর্শ করে নাই ;” তিনি বলিলেন, “ঈশ্বর যা যা ইচ্ছা করেন, সেইরূপ সৃজন করিয়া থাকেন, যখন তিনি কোন কার্য সম্পাদন করেন, তাহাকে ‘হও’ বলিয়া থাকেন, এতদ্ভিন্ন নহে, তাহাতেই হয় ।” ৪৭ । এবং তিনি তাহাকে গ্রন্থ ও বিজ্ঞান, এবং তওরাত ও বাইবেল শিক্ষা দিবেন । ৪৮ । এবং এশ্রায়েলবংশীয় লোকদিগের সম্বন্ধে প্রেরিতপুরুষ করিবেন, সে বলিবে, “নিশ্চয় আমি তোমাদের প্রতিপালকের নিদর্শন সহ তোমাদের নিকটে উপস্থিত, নিশ্চয় আমি তোমাদের জন্ম মৃত্তিকা দ্বারা পতঙ্গবৎ মূর্ত্তি প্রস্তুত করিয়া তাহাতে ফুৎকার করি, পরে ঈশ্বরের আজ্ঞায় পক্ষী হয়, এবং আমি ঈশ্বরের আজ্ঞায় জন্মান্তকে ও কুষ্ঠ রোগীকে আরোগ্য দান করি ও মৃতকে জীবিত করিয়া থাকি, এবং তোমরা যাহা আহার কর, আপন গৃহে যাহা সঞ্চয় কর, তাহা তোমাদিগকে বলিয়া থাকি, যদি তোমরা বিশ্বাসী হও, তবে ইহাতে নিশ্চয় তোমাদের জন্ম নিদর্শন আছে ‡ । ৪৯ । এবং তোমাদের হস্তে যে তওরাত আছে, আমি তাহার সত্যতার প্রতিপাদক ও তাহাতে তোমাদের প্রতি যে কিছু অবৈধ হইয়াছে, আমি তোমাদিগের জন্ম বৈধ করিব, এবং আমি তোমাদের প্রতিপালকের নিকট হইতে নিদর্শন সকল সহ তোমাদিগের সমীপে আসিয়াছি, অতএব ঈশ্বরকে ভয় কর, এবং আমার অন্তর্গত হও । ৫০ । নিশ্চয় পরমেশ্বর আমার প্রতিপালক ও তোমাদের প্রতিপালক ; অতএব তাঁহাকে পূজা কর, ইহাই সরল পথ ।” ৫১ । অনন্তর

\* যখন মন্দিরের উপাসকগণ মরয়ম দেবীর জননীর স্বপ্ন বৃত্তান্ত অবগত হইলেন, তখন সকলেই তাঁহাকে প্রতিপালন করিতে উৎসুক হইলেন । এ বিষয়ে স্তুতি ধরা হইল, প্রত্যেকে স্ব স্ব লেখনী যদ্বারা তওরাত গ্রন্থ লিপি করিয়াছেন, শ্রোতস্বতীতে বিসর্জন করিলেন । জকরিয়া দেবের লেখনী ব্যতীত সকলের লেখনী শ্রোতে ভাসিয়া চলিয়া গেল । এই নিদর্শনে তিনি মরয়ম দেবীর প্রতিপালনের ভার গ্রহণ করিলেন । ( ত, ফা, )

† মহান্না ঈসা যখন স্তন্যপায়ী শিশু ছিলেন, দোলায় দোলায়মান হইতেন, সেই সময়ে কথা কহিয়াছিলেন । এরূপ শিশু কথা কহিতে পারে না, ইহা ঈসা দেবের একটি অলৌকিক ক্রিয়া । প্রৌঢ়াবস্থায় তিনি কথা কহিয়াছিলেন । অর্থাৎ তখন লোকদিগকে উপদেশ দিয়াছিলেন ।

‡ এই আয়তে ও নিম্নোক্ত দুই আয়তে মহাপুরুষ ঈসার সম্বন্ধে উক্তি । কথিত আছে যে, মহান্না ঈসা চর্ম্মচটিকাৎ পক্ষিমূর্ত্তি মৃত্তিকা দ্বারা নির্মাণ করিয়া তদুপরি ফুৎকার করিতেন, তাহাতে উহা জীবিত হইয়া উড়িয়া যাইত । তাঁহার অলৌকিক ক্রিয়ার মধ্যে এই একটি অলৌকিক ক্রিয়া । পরন্তু গুপ্ত কথা বলিয়া দিতেন, এবং ইচ্ছিতে রোগীকে আরোগ্য, মৃতকে জীবিত করিতেন । ( ত, হো, )



যখন ঈসা তাহাদের মধ্যে ধর্মদ্রোহিতা বোধ করিয়া জিজ্ঞাসা করিল, “ঈশ্বরের দিকে আমার সাহায্যকারী কে আছে?” তখন ধর্মবন্ধুগণ বলিল, “আমরা ঈশ্বরের সাহায্যকারী, আমরা ঈশ্বরানুগত” \*। ৫২। হে আমাদের প্রতিপালক, যাহা তুমি অবতারণ করিয়াছ, আমরা তৎপ্রতি বিশ্বাস স্থাপন করিলাম, এবং তোমার প্রেরিত পুরুষের অনুবর্তী হইলাম, তুমি আমাদের সাক্ষীদিগের সঙ্গে লিপি কর। ৫৩। তাহারা চতুরতা করিল, এবং ঈশ্বর চতুরতা করিলেন, ঈশ্বর চতুরশ্রেষ্ঠ †। ৫৪। (র, ৫, আ, ১৩)

(স্মরণ কর, ) যখন পরমেশ্বর বলিয়াছিলেন, হে ঈসা, নিশ্চয় আমি তোমার গ্রহণকারী ও আপন অভিমুখে তোমার সমুখাপনকারী, এবং যাহারা ধর্মদ্রোহী হইয়াছে তাহাদিগের মধ্য হইতে তোমার সংশোধনকারী, অপিচ কেয়ামতের দিন পর্য্যন্ত কাফেরদিগের উপর তোমার অনুবর্তী লোকদিগের স্থাপনকারী, পরে আমার অভিমুখে তোমাদিগের পরাবৃতি, অবশেষে তোমরা যে বিষয়ে বিরোধ করিতেছিলে, তদ্বিষয়ে আমি তোমাদের মধ্যে বিচার করিব। ৫৫। অনন্তর যাহারা ধর্মদ্রোহী হইয়াছে, তাহাদিগকে আমি ইহ পরলোকে কঠিন দণ্ডে দণ্ডিত করিব, এবং তাহাদের জন্ত সাহায্যকারী নাই। ৫৬। কিন্তু যাহারা বিশ্বাসী হইয়াছে ও সংকর্ষ করিয়াছে, পরে আমি তাহাদিগের প্রাপ্য তাহাদিগকে পূর্ণ দান করিব, এবং ঈশ্বর অত্যাচারীদিগকে প্রেম করেন না। ৫৭। এই (হে মোহম্মদ, ) তোমার নিকটে আমি বিজ্ঞানোপদেশ ও নিদর্শন সকলের ইহা (এই বচন) পাঠ করিতেছি। ৫৮। নিশ্চয় ঈসার অবস্থা ঈশ্বরের নিকটে আদমের অবস্থার তুল্য, তিনি তাহাকে মৃত্তিকা দ্বারা সৃজন করিয়াছিলেন, তৎপর তাহাকে বলিলেন “হও” তাহাতে সে হইল ‡। ৫৯। তোমার প্রতিপালক হইতেই সত্য হয়, অতএব তুমি সংশয়াত্মাদিগের অন্তর্গত হইও না। ৬০। অনন্তর তোমার এতৎ জ্ঞান-

\* এই আয়তের ভাব এই যে, এশ্রায়েলবংশীয় লোকদিগের জন্ত মহাপুরুষ ঈসা প্রকৃতরূপে প্রেরিত হইয়াছিলেন। যখন তিনি দেখিলেন, ইহারা আমার প্রবর্তিত ধর্ম গ্রহণ করিবে না, তখন ইচ্ছা করিলেন, অস্ত্র কেহ তাঁহার ধর্ম প্রচার করে। পরে তাঁহার ধর্মবন্ধুদিগের দ্বারা সেই ধর্মের প্রচার হয়। এক্ষণে এশ্রায়েলবংশীয় অল্প লোক এই ধর্মে স্থিতি করিতেছে। (ত, ফা, )

† তদানীন্তন ইহুদি পণ্ডিতগণ তাহাদিগের শাসনকর্তাকে মহাপুরুষ ঈসার বিরুদ্ধে এই বলিয়া উত্তেজিত করিয়াছিল যে, এ ব্যক্তি ধর্মদ্রোহী, এ তওরাতের বিধির বিপরীত অর্থ লোকদিগকে বুঝাইতেছে। শাসনকর্তা মহান্না ঈসাকে ধরিয়া আনিবার জন্ত লোক প্রেরণ করে। ইত্যবসরে ঈসার নিকট হইতে তাঁহার বন্ধুগণ পলাইয়া যায়। তখন পরমেশ্বর উক্ত মহাপুরুষকে অর্গে গ্রহণ করেন, তাঁহার এক মূর্ত্তিমাত্র থাকে; তাহাকে তাহারা ধরিয়া আনিয়া ক্রুশে বিদ্ধ করে। এই জন্ত উক্ত হইয়াছে, “তাহারা (ইহুদিরা) চতুরতা করিল, এবং ঈশ্বর চতুরতা করিলেন।” (ত, ফা, )

‡ হজরত মোহম্মদের সঙ্গে ঈসারী লোকেরা এই কথা লইয়া অত্যন্ত বিতণ্ডা করিয়াছিল যে, ঈসা ঈশ্বরের ভৃত্য নহেন, তাঁহার পুত্র; যদি তিনি তাঁহার পুত্র না হন, তবে বল কাহার পুত্র?



প্রাপ্তির পরে যাহারা এবিষয়ে তোমার সঙ্গে বাণিতত্ত্ব করিতে থাকে, তখন তুমি বলিও, এস নিজের সম্মানদিগকে ও তোমাদের সম্মানদিগকে এবং নিজের স্ত্রীগণকে ও তোমাদের স্ত্রীগণকে এবং নিজের প্রাণকে ও তোমাদের প্রাণকে আহ্বান করি, অতঃপর কাতর প্রার্থনা করি, পরিশেষে মিথ্যাবাদীর প্রতি পরমেশ্বরের অভিসম্পাত বলি \* । ৬১ । নিশ্চয় ইহা সত্য বৃত্তান্ত, পরমেশ্বর ব্যতীত কোন উপাস্ত্র নাই, এবং নিশ্চয় ঈশ্বর তিনি পরাক্রান্ত ও বিচক্ষণ । ৬২ । অনস্তর যদি তাহারা গ্রাহ্য না করে, তবে নিশ্চয় ঈশ্বর দুরাচারদিগকে অবগত হন । ৬৩ । ( র, ৬, আ, ৯ )

তুমি বল, হে গ্রন্থধারী লোক সকল, তোমরা আমাদের উভয়ের মধ্যে এক সরল উক্তির দিকে এস যে, ঈশ্বর ব্যতীত অন্ত্রের উপাসনা করিব না, তাহার সঙ্গে কোন বস্তুকে অংশরূপে স্থাপন করিব না, এবং ঈশ্বরকে ছাড়িয়া আমরা কেহ আমাদের কাহাকেও ঈশ্বর গণ্য করিব না ; পরে যদি তাহারা অগ্রাহ্য করে, তবে তোমরা বল যে, এ বিষয়ে সাক্ষী থাক যে আমরা ঈশ্বরানুগত । ৬৪ । হে গ্রন্থধারী লোক সকল, এত্রাহিমের বিষয়ে তোমরা বিতত্ত্ব করিও না, তাহার পরলোকের পর ব্যতীত তওরাত ও বাইবেল অবতীর্ণ হয় নাই, অনস্তর তোমরা কি জানিতেছ ? † । ৬৫ । জানিও তোমরা সেই লোক, যে বিষয়ে তোমাদের জ্ঞান ছিল, তদ্বিষয়ে তোমরা বিতর্ক করিয়াছ ; ‡ পরে যে বিষয়ে তোমাদের জ্ঞান নাই, কেন তদ্বিষয়ে তোমরা বিতর্ক করিতেছ, ? § এবং ঈশ্বর জ্ঞাত আছেন, তোমরা জ্ঞাত নহ । ৬৬ । এত্রাহিম ইহুদি বা ঈসায়ী ছিল না, কিন্তু সে সত্য ধর্ম্মাধীন আজ্জাবহ ছিল, এবং অংশিবাদীদিগের অন্তর্গত ছিল না । ৬৭ । নিশ্চয় এত্রাহিমের সম্বন্ধে প্রকৃতপক্ষে তাহারা স্মরণ্য লোক, যাহারা

তদন্তরে এই আয়ত অবতীর্ণ হয় যে, আদমের পিতা মাতা ছিল না, ঈসারও ছিল না, আশ্চর্য্য কি ? ( ত, ফা, )

\* পরমেশ্বর হজরত মোহম্মদকে বলিতেছেন, এতদূর বুঝাইলে পরও যদি ঈসায়ী সম্প্রদায় গ্রাহ্য না করে, তবে মীমাংসার জন্ত এই এক উপায় আছে যে, উভয় পক্ষের সকলে স্বয়ং স্ত্রী পুত্রগণসহ আগমন করুক, এবং এই প্রার্থনা করুক যে, আমাদের মধ্যে যে কেহ মিথ্যাবাদী, তাহার উপর অভিসম্পাত ও দণ্ড অবতীর্ণ হউক । অতঃপর হজরত স্বয়ং ফাতেমা দেবী ও মাহান্না আলি এবং এমামহসন ও এমামহোসয়নকে লইয়া উপস্থিত হইলেন । জ্ঞানবান্ ঈসায়ীগণ এ বিষয়ে যোগদান না দিয়া করদানে অধীনতাস্বীকারে সম্মত হইলেন । ( ত, ফা, )

† ইহুদি ও ঈসায়ীদিগের এই এক বিতত্ত্ব ছিল যে, প্রত্যেক ব্যক্তি বলিত, এত্রাহিম আমাদের ধর্ম্মাবলম্বী ছিলেন । ( ত, ফা, )

‡ হজরত মোহম্মদের বিষয়ে তাহাদের জ্ঞান ছিল । যেহেতু তওরাত ও বাইবেলে তাহার বর্ণনা ছিল । ইহুদি ও ঈসায়ীরা সেই ভবিষ্যদ্বাণীর পরিবর্তন করিয়া ফেলে । ( ত, হো, )

§ এ বিষয়ে ইহুদি ও ঈসায়ীদিগের জ্ঞান নাই, অর্থাৎ এত্রাহিম ইহুদী না ঈসায়ী, তাহাদের পুস্তকে ইহার কোন উল্লেখ নাই । ( ত, হো, )

তাহার অনুসরণ করিয়াছে, এবং এই সংবাদবাহক ও বিশ্বাসিগণের এবং ঈশ্বরবিশ্বাসী-দিগের বন্ধু হন \* । ৬৮ । গ্রন্থধারীদিগের একদল তোমাদিগকে বিপথগামী করিতে সমুৎসুক, তাহারা নিজের আত্মাকে বিপথগামী ভিন্ন করিতেছে না ও তাহারা বুঝিতেছে না । ৬৯ । হে গ্রন্থধারী লোক সকল, কেন ঐশ্বরিক নিদর্শন সকলের সম্বন্ধে বিদ্রোহী হইতেছ ? এবং তোমরাইত সাক্ষ্যদান করিতেছ † । ৭০ । হে গ্রন্থধারী লোক সকল, কেন অসত্যের সঙ্গে সত্যকে মিশাইতেছ ও সত্য গোপন করিতেছ, এদিকে তোমরা জ্ঞাত আছ ‡ । ৭১ । ( র, ৭, আ, ৮ )

এবং গ্রন্থধারী লোকদিগের একদল বলিল যে, “প্রথম দিবসে বিশ্বাসী লোকদিগের প্রতি যাহা অবতীর্ণ হইয়াছে, তৎপ্রতি তোমরা বিশ্বাস স্থাপন কর, তাহার শেষের প্রতি বিরুদ্ধাচারী হও, ভরসা যে তাহারা ফিরিয়া যাইবে” । ৭২ । এবং যাহারা তোমাদের ধর্মের অনুসরণ করে, তোমরা তাহাদিগকে ভিন্ন বিশ্বাস করিও না ; বল ( হে মোহম্মদ, ) নিশ্চয় ঈশ্বরের উপদেশই উপদেশ, ( বিশ্বাস করিও না, ) তোমাদিগকে যাহা দেওয়া হইয়াছে, তদ্রূপ কোন এক ব্যক্তিকে প্রদত্ত হয় ; অথবা ( বিশ্বাস করিও না, ) ( মোসল-মানগণ, ) তাহারা তোমাদের প্রতিপালকের নিকটে তোমাদের সঙ্গে বিরোধ করিবে ; বল ( হে মোহম্মদ, ) নিশ্চয় ঈশ্বরের সম্পত্তি ঈশ্বরের হস্তে, তিনি যাহাকে ইচ্ছা হয় দান করেন, ঈশ্বর প্রমুক্তস্বভাব ও জ্ঞানী । ৭৩ । তিনি যাহাকে ইচ্ছা হয় স্বীয় অনুগ্রহে তাহাকে চিহ্নিত করেন, ঈশ্বর বদান্ ও মহান্ । ৭৪ । গ্রন্থাধিকারীদিগের মধ্যে কেহ আছে যে, যদি তুমি তাহাকে এক কেষ্টারের রক্ষক কর, সে তোমাকে তাহা পরিশোধ করিবে ¶ এবং তাহাদের মধ্যে এমন কেহ আছে যে, যদি তুমি তাহাকে এক দিনারের

\* কতিপয় ঈসায়ী ও ইহুদি মোসলমানদিগের সঙ্গে তর্কবিতর্কস্থলে বলিয়াছিল যে, এব্রাহিমকে সম্মান করিতে আনরাই যোগ্য, যেহেতু এব্রাহিম ইহুদি ও নসরান ( ঈসায়ী ) ছিলেন । হজরত মোহম্মদ আপনাকে এব্রাহিমের ধর্মাবলম্বিরূপে প্রচার করিয়াছেন বলিয়া তাহার প্রতি তাহারা বিদ্বেষ ছিল । এই প্রবচন তাহাদের উক্তিগুণের জন্ত অবতীর্ণ হয় । যথা সেই সময়ে যে সকল লোক এব্রাহিমের ধর্মের অনুসরণ করিয়াছিল ও এই সংবাদবাহক ( মোহম্মদ ) এবং তাহার অনুবর্তী বিশ্বাসিগণ ধর্মসম্বন্ধে সুযোগ্য লোক । ( ত, হো, )

† অর্থাৎ তোমরাই সাক্ষ্য দান করিয়া থাক যে, তওরাত ও বাইবেল সত্য, এবং হজরত মোহম্মদের বর্ণনা উভয় গ্রন্থে আছে । ( ত, হো, )

‡ স্বার্থোদ্দেশ্যে ইহুদিগণ তওরাতের কোন কোন বিধি বিলুপ্ত, কোন কোন কথা অর্থাস্তরিত করিয়াছিল, এবং কোন কোন উক্তি গোপন করিয়াছিল, সকলকে তাহা জানিতে দিত না । যথা অস্তিম তস্ববাহকের কথা প্রচ্ছন্ন করিয়াছিল । ( ত, হো, )

¶ এক সহস্র দুই শত উকিয়ায় এক কেষ্টার ও চল্লিশ দেরহমে এক উকিয়া, আড়াই মাযায় এক দেরহম হয় । এহলে এক কেষ্টার পরিমিত স্বর্ণ বা রজত বুঝাইবে ।

রক্ষক কর, \* যে পর্যন্ত তুমি তাহার উপর দণ্ডায়মান না হও, সে তাহা পরিশোধ করিবে না; ইহা এজ্ঞ যে, তাহারা বলিয়া থাকে, অশিক্ষিতদিগের সম্বন্ধে আমাদের পথ (নীতি) নাই, এবং তাহারা পরমেশ্বরের সম্বন্ধে অসত্য বলে ও তাহারা (ইহা) জ্ঞাত আছে ৭৫। ইঁ, যে জন স্বীয় অঙ্গীকার পূর্ণ করে এবং বিষয়বিরাগী হয়, তবে নিশ্চয় ঈশ্বর সেই বিরাগীদিগকে প্রেম করেন। ৭৬। নিশ্চয় যাহারা ঈশ্বরের অঙ্গীকারের ও আপনাদের শপথের বিনিময়ে কিঞ্চিৎ মূল্য গ্রহণ করে, তাহারা সেই লোক যাহাদের জগৎ পরলোকে কোন লভ্য নাই এবং কেয়ামতের দিনে ঈশ্বর তাহাদের সম্বন্ধে কথা কহিবেন না ও তাহাদিগের প্রতি দৃষ্টি করিবেন না, এবং তাহাদিগকে শুদ্ধ করিবেন না ও তাহাদের জগৎ দুঃখজনক শাস্তি আছে ৭৭। এবং নিশ্চয় তাহাদিগের মধ্যে একদল আছে যে, গ্রন্থে আপনাদের জিহ্বাকে কুঞ্চিত করিয়া থাকে, যেন তোমরা তাহাদিগকে গ্রন্থের অন্তর্গত বলিয়া জানিতে পার, § অথচ তাহারা গ্রন্থের অন্তর্গত নহে, এবং তাহারা বলে তাহারা ঈশ্বরের নিকট হইতে (আগত,) অথচ তাহারা ঈশ্বরের নিকট হইতে (আগত) নহে, তাহারা ঈশ্বরের সম্বন্ধে অসত্য বলিয়া থাকে, এবং (ইহা) তাহারা জানিতেছে। ৭৮। কোন মনুষ্যের জন্ত উপযুক্ত নহে যে, ঈশ্বর তাহাকে গ্রন্থ, প্রত্যাদেশ ও প্রেরিতত্ত্ব প্রদান করেন, তৎপর সে লোকদিগকে বলে যে, ঈশ্বরকে ছাড়িয়া তোমরা আমার সেবক হও; কিন্তু তোমরা যেমন গ্রন্থ শিক্ষা দিতেছিলে ও যেমন তোমরা

\* আড়াই সিকায় এক দিনার হয়।

+ কোরেশবংশীয় এক ব্যক্তি সেলামের পুত্র আবদোল্লাহর নিকটে দ্বিশতাধিক সহস্র উক্কিয়া অর্থাৎ এক কেস্তার স্বর্ণ বা রোপা গচ্ছিত রাখিয়াছিল। সেলামের পুত্র তাহা পরিশোধ করিয়া ছিলেন। ফতাজনামক ইহুদির নিকট একটি দিনার গচ্ছিত রাখা হয়, সে তাহার অপচয় করে। ইহুদিরা বলে, যাহারা তওরাত গ্রন্থে জ্ঞান রাখে না, তাহারা মুর্থ, সেই মুর্থদিগের ধন আত্মসাৎ করায় দোষ নাই। কেহ কেহ বলে, বিধর্মাবলম্বীর ধন আমরা গ্রহণ করিতে অধিকার রাখি, তওরাতে এরূপ বিধি আছে। “যে পর্যন্ত তুমি তাহার উপর দণ্ডায়মান না হও” এই আয়াতের অর্থ এই যে, যে পর্যন্ত তুমি তাহার নিকটে যাইয়া যাচঞা না কর। (ত, ফা,)

‡ অল্প মূল্যে ঈশ্বরের অঙ্গীকার ও আপনাদের শপথ বিক্রয় করার অর্থ এই যে, ইহুদি পণ্ডিতেরা কয়েক মণ যবশস্ত্র ও কয়েক গজ বস্ত্র আশরফের পুত্র কাব হইতে গ্রহণ করিয়া, তাহাদের ধর্মপুস্তকে উল্লিখিত সংবাদবাহক হজরত মোহম্মদের বর্ণনার অশ্লথাচরণ করিয়াছে, এবং এইরূপ অপহরণ করিয়া সাধারণের নিকটে শপথপূর্বক তাহা অঙ্গীকার করিয়াছে। (ত, হো,)

ইহুদিদিগের সম্বন্ধে ঈশ্বর অঙ্গীকার করিয়াছিলেন ও তাহাদিগকে শপথ দিয়াছিলেন যে, তাহারা প্রত্যেক পেগাম্বরের সহায় থাকিবে। পরে তাহারা সাংসারিক লাভের জন্ত মিথ্যা শপথ করাকে উচিত মনে করিল। (ত, ফা,)

§ অর্থাৎ তাহারা ঈশ্বরকে কথ্য বানাইয়া কোর্-আনের স্তায় উচ্চারণে পাঠ করিয়া অশিক্ষিত লোকদিগকে প্রবঞ্চনা করে। (ত, ফা,)

পড়িতেছিলে, তক্রপ ঈশ্বরানুগত হও \* । ৭২ । এবং তোমাদিগকে তাহাদের আদেশ করা সঙ্গত নয় যে, তোমরা দেবগণকে ও ধর্মপ্রবর্তকগণকে ঈশ্বর বলিয়া স্বীকার কর, যখনতোমরা মোসলমান হইয়াছ, তাহার পর তোমাদিগকে কি তাহারা কাফের বলিবে ? ৮০ । ( র, ৮, আ, ২ )

এবং ( স্মরণ কর, হে মোহম্মদ, ) যখন পরমেশ্বর সংবাদবাহকগণ হইতে অঙ্গীকার লইলেন যে, আমি যে সুবিজ্ঞতা ও গ্রন্থ তোমাদিগকে দান করিয়াছি, অতঃপর তোমাদের সঙ্গে এই যাহা আছে, তাহার সত্যতার প্রতিপাদক কোন পেগাম্বর তোমাদের নিকটে উপস্থিত হইবে, একান্তই তোমরা তাহার প্রতি বিশ্বাস স্থাপন করিবে, এবং একান্তই তোমরা তাহাকে সাহায্য দান করিবে ; তিনি বলিলেন, তোমরা কি অঙ্গীকার করিলে ? ও এ বিষয়ে আমার অঙ্গীকার গ্রাহ্য করিলে ? তাহারা বলিল, “আমরা অঙ্গীকার করিলাম,” তিনি বলিলেন, “অনস্তর সাক্ষী থাকিও, এবং আমি তোমাদের সঙ্গে সাক্ষীদিগের অন্তর্গত” † । ৮১ । অবশেষে ইহার পর যাহারা ফিরিয়া গিয়াছে, তাহারাই, যাহারা দুষ্ক্রিয়ালীল ছিল । ৮২ । পরে তাহারা কি নিরীশ্বর ধর্ম অন্বেষণ করিতেছে ? যাহা কিছু স্বর্গে ও মর্ত্যে আছে, সেই সকল ইচ্ছায় অনিচ্ছায় ঈশ্বরের অনুগত, এবং তাঁহার অভিমুখে প্রত্যাগমনকারী । ৮৩ । বল, ( হে মোহম্মদ, ) আমরা ঈশ্বরের প্রতি ও যাহা আমার প্রতি অবতীর্ণ হইয়াছে, এবং যাহা এব্রাহিমের প্রতি, এস্মায়িলের প্রতি, এশ্বাহকের প্রতি, ইয়াকুবের প্রতি ও ( তাহার ) সম্মানগণের প্রতি অবতীর্ণ হইয়াছে, এবং যাহা মুসাকে, ঈসাকে ও সংবাদবাহকদিগকে তাহাদের প্রতিপালক কর্তৃক প্রদত্ত হইয়াছে, সে সকলের প্রতি বিশ্বাস স্থাপন করিয়াছি, তাহাদের কোন ব্যক্তিকে আমরা প্রভেদ করিতেছি না, আমরা তাঁহার অনুগত । ৮৬ । এবং যে ব্যক্তি এসলামধর্ম ভিন্ন অন্য ধর্ম অন্বেষণ করে, পরে তাহার ( সেই ধর্ম ) গৃহীত হইবে না, এবং সে পরলোকে ক্ষতিগ্রস্তদিগের অন্তর্গত হইবে । ৮৫ । যে দল আপন বিশ্বাসলাভের ও প্রেরিত পুরুষের সত্যতার সাক্ষাদানের এবং তাহাদের প্রতি প্রমাণ সকল

\* ইহুদিদিগের অপলাপের উল্লেখ করিয়া ঈসায়ীদিগের অপলাপের প্রসঙ্গ করা হইতেছে । তাহারা মহান্বা ঈসার সম্বন্ধে বলিয়া থাকে যে, তিনি ঈশ্বরের প্লাথা করিয়াছেন, এবং গ্রন্থ ও প্রেরিতত্ব বিষয়ে লোকের উক্তি খণ্ডন করিয়া বলিয়াছেন যে, কোন মনুষ্য প্রেরিতত্ব ও গ্রন্থাদিলাভের যোগ্য নহে । পরে স্বীয় মণ্ডলীকে বলিয়াছেন যে, তোমরা আমাকে সেবা কর । কিন্তু ঈসায়ীদিগের স্থায় দলস্থ লোকদিগকে তোমরা বল, ইহাদিগকে যেমন 'গ্রন্থ শিক্ষা দিতেছ ও স্বয়ং গ্রন্থ পড়িতেছ, তক্রপ তোমরা ঈশ্বরগত হও । যাহারা ঈশ্বরগত লোক, তাহারা ইহ পরলোকের মস্তকে পদস্থাপন করিয়া ঈশ্বরের প্রতি পূর্ণ নির্ভর স্থাপনপূর্বক অন্ত কাহারও শরণাপন্ন হয় না । ( ত, হো, )

† পরমেশ্বর সংবাদবাহকদিগকে অঙ্গীকারে বদ্ধ করিয়াছিলেন । এই কথাই তাৎপর্য এই যে, সংবাদবাহকদিগের বিষয়ে এশ্রায়েলবংশীয়গণ হইতে অঙ্গীকার গ্রহণ করিয়াছিলেন । ( ত, কা, )

উপস্থিত হওয়ার পর কাকের হইয়াছে, তাহাদিগকে ঈশ্বর কেমন করিয়া পথ প্রদর্শন করিবেন? এবং ঈশ্বর অত্যাচারী সম্প্রদায়কে পথ প্রদর্শন করেন না। ৬৮। এই সকল লোক, তাহাদের প্রতিফল এই যে, তাহাদের উপর ঈশ্বরের, দেবগণের ও সমুদায় মনুষ্যের অভিসম্পাত হয়। ৬৭। সর্বদা তাহারা তাহাতে থাকিবে, তাহাদিগ হইতে শাস্তি খর্ব করা হইবে না ও তাহাদিগকে অবকাশ দেওয়া যাইবে না। ৬৮। + (কিন্তু) যে সকল লোক ইহার পর অনুতাপ \* ও সংকর্ষ করিল, তাহারা ব্যতীত; অবশেষে নিশ্চয় ঈশ্বর ক্ষমাশীল দয়ালু। ৬৯। নিশ্চয় যাহারা আপন ধর্মলাভের পর ধর্মদ্রোহী হইয়াছে, তৎপর তাহারা ধর্মদ্রোহিতায় প্রবল হইয়া উঠিয়াছে, তাহাদের অনুতাপ কখনও গৃহীত হয় না, এবং ইহরাই যাহারা পথভ্রান্ত। ৭০। নিশ্চয় যাহারা ধর্মদ্রোহী ছিল ও ধর্মদ্রোহী অবস্থায় মরিয়াছে, ধরাপূর্ণ সূবর্ণ যত্বপি তাহারা তাহার বিনিময়স্বরূপ প্রদান করে, তাহাদের কোন ব্যক্তি হইতে কখনও গৃহীত হইবে না; সেই এই লোক যে, ইহাদিগের জন্ত যত্নাকর দণ্ড আছে, ইহাদিগের সাহায্যকারী নাই †। ৭১। (র, ২, আ, ১১)

যে পর্য্যন্ত তোমরা যাহা ভালবাস, তাহা ব্যয় না করিবে, সে পর্য্যন্ত কল্যাণ লাভ করিবে না, এবং যাহা ব্যয় করিয়া থাক, নিশ্চয় ঈশ্বর তাহা জ্ঞাত হন ‡। ৭২। তওরাত অবতীর্ণ হওয়ার পূর্বে এশ্রায়েল নিজের প্রতি যাহা অবৈধ নিষ্কারিত করিয়াছিল, তদ্ব্যতীত সমুদায় খাণ্ড এশ্রায়েলসন্ততিদিগের জন্ত বৈধ ছিল; বল (হে মোহম্মদ,) যদি তোমরা সত্যবাদী হও, তবে তওরাত আনয়ন কর, অবশেষে তাহা পাঠ কর।

\* আরব্য “তওবা” শব্দের অর্থে অনুতাপ শব্দ ব্যবহৃত হইল। তওবার প্রকৃত অর্থ পাপ হইতে প্রতিনিবৃত্ত হইয়া সাধুতার মধ্যে ফিরিয়া আসা। অনুতাপের অর্থ পশ্চাৎ তাপ, অর্থাৎ পাপ করার পর যে তঙ্কণ্ড মনে সম্ভাপ হয়, তাহাকে অনুতাপ বলে। অনুতাপ হইলেই পাপী পাপ হইতে নিবৃত্ত হয়, এই জন্ত এই শব্দ তওবার অর্থরূপে গৃহীত হইল।

ইহাদিগণ প্রথমে স্বীকার করে যে, হজরত মোহম্মদ বাস্তবিক সংবাদবাহক, পরে তাহা অস্বীকার করে, এবং সংগ্রাম করিতে সম্মুখ হইল। ইহাদিগের অনুতাপ কখনও গৃহীত হইবে না, অর্থাৎ ইহারা একপ অনুতাপেরই অধিকারী হইবে না যে গৃহীত হয়। (ত, ফা,)

+ যদি কোন ঈশ্বরদ্রোহী নরকদণ্ড হইতে রক্ষা পাইবার উদ্দেশ্যে তাহার বিনিময়ে পৃথিবীপূর্ণ সূবর্ণ দান করে, তাহা গৃহীত হইবে না। যাহাদিগের ঈশ্বরদ্রোহিতার অবস্থায় মৃত্যু হইয়াছে, পরলোকে তাহারা অগণ্য দুঃখজনক শাস্তি প্রাপ্ত হয়। (ত, হো,)

‡ যে বস্তুতে মনের অত্যন্ত অনুরাগ, তাহার দানই শ্রেষ্ঠ দান, এই দানে বিশেষ পুণ্য হয়। ইহাদিগের প্রসঙ্গে এই আয়ত এই জন্ত উক্ত হইল যে, স্বীয় দেশাধিপত্যে তাহাদের অত্যন্ত আসক্তি ছিল। সেই কারণে তাহারা ধর্মপ্রবর্তকের অনুগামী হয় নাই। অতএব বল: যাইতেছে যে, যে পর্য্যন্ত তাহারা ঈশ্বরোদ্দেশ্যে তাহা উৎসর্গ না করিবে, বিশ্বাসের ভূমি লাভ করিতে পারিবে না।

(ত, ফা,)



২৩। পরিশেষে ইহার পরে যে ব্যক্তি পরমেশ্বরের উপর অসত্য যোগ করে, ইহারাই যাহারা অত্যাচারী লোক। ২৪। বল, ঈশ্বর সত্য বলিয়াছেন, অতএব সত্যধর্মাত্মগত এব্রাহিমের ধর্মের অনুসরণ কর, সে অংশিবাদী ছিল না। ২৫। নিশ্চয় প্রথমে যে মন্দির লোকের জন্ম প্রতিষ্ঠিত হইয়াছিল, তাহা মক্কাস্থিত কল্যাণযুক্ত ও জগতের পথপ্রদর্শক ( মন্দির ) \*। ২৬। তাহাতে উজ্জ্বল নিদর্শন আছে, ( উহা ) এব্রাহিমের দণ্ডায়মান ভূমি; যে কেহ তন্মধ্যে প্রবেশ করে, সে নিরাপদ হয়, এবং ঈশ্বরের জন্ম সেই মন্দিরে হজ্জ করা তদভিমুখে পথ পাইতে ক্ষমতা-প্রাপ্ত ব্যক্তির সম্বন্ধে ( বিধি ) এবং যে কেহ বিরুদ্ধাচারী হয়, নিশ্চয় ঈশ্বর জগতে নিরাকাজ্জ †। ২৭। বল, হে গ্রন্থাধিকারিগণ, তোমরা কেন ঐশ্বরিক নিদর্শন সকলের প্রতি বিরুদ্ধাচরণ কর? তোমরা যাহা করিতেছ, ঈশ্বর তাহার সাক্ষী। ২৮। বল, হে গ্রন্থাধিকারিগণ, যে ব্যক্তি বিশ্বাসী হইয়াছে, তাহাকে কেন ঈশ্বরের পথ হইতে নিবৃত্ত করিতেছ, তাহার জন্ম সেই সরল

\* হজরত আলিকে কেহ প্রশ্ন করিয়াছিলেন, “ঈশ্বরের পূজার জন্ম কি কাবা প্রথম মন্দির?” তিনি তদন্তরে বলেন—না, তৎপূর্বেও উপাসনা-মন্দির ছিল। কিন্তু পরমেশ্বর প্রথম যে মন্দিরকে লোকের জন্ম শ্রেষ্ঠ করিয়াছেন ও তাহাতে আগমন রূপা ও ধর্মালোকলাভের কারণ করিয়াছেন, তাহা কাবা। এ বিষয়ে কাবাকে প্রথম মন্দির বলা যায়। ( ত, হো, )

কাবা শব্দের অর্থ উন্নত, ভূমি অপেক্ষা উন্নত অথবা গৌরবে উন্নত বলিয়া এই মন্দির কাবা নামে অভিহিত হইয়াছে, এবং পাশা পেলায় ব্যবহার্য চতুষ্কোণ গজদস্তখণ্ডকে কাব বলে, কাবাও চতুষ্কোণ-বিশিষ্ট। এই কাব হইতে কাবা নাম হইয়া থাকিবে।

† কাবাতে যে সকল নিদর্শন আছে, তন্মধ্যে মহাপুরুষ এব্রাহিমের পদাঙ্ক এক নিদর্শন। একটি প্রস্তরে এই পদাঙ্ক আছে। উহা এক নিদর্শন নহে, বরং চারিটি নিদর্শন। ১ পাশাণে উক্ত মহাপুরুষের পদাঙ্ক হওয়া, ২ তন্মধ্যে সমগ্র পদতল প্রকাশিত হওয়া, ৩ দীর্ঘকাল তাহা অক্ষয় ভাবে স্থায়ী হওয়া, ৪ সেই প্রস্তর বহু প্রাকৃতিক বিপ্লব সঙ্গ করিয়া রক্ষিত হওয়া; এতদ্বিন্ন কাবাতে অল্প বহুবিধ অলৌকিক নিদর্শন আছে। সেই মন্দিরের আশ্রয় লইলে শত্রুর আক্রমণ ও অন্য পাপ হইতে নিরাপদ হওয়া যায়। যে ব্যক্তি এমাম শাফির বিধি অনুসারে কাবাভিমুখে গমনের পাথেয় ও বাহন এবং এমাম মালেকের বিধি অনুসারে শারীরিক স্বাস্থ্য ও চলচ্ছক্তি প্রাপ্ত হইয়াছে, তাহার সম্বন্ধে হজ্জ করা বিধি। প্রধানতঃ এমাম বলেন, পাথেয়, বাহন ও শারীরিক স্বাস্থ্য এ সমুদয় যাহার আছে, কাবায় গমনের তাহারই অধিকার। “যে কেহ বিরুদ্ধাচারী হয়, তবে নিশ্চয় ঈশ্বর জগতে নিরাকাজ্জ,” ইহার অর্থ এই যে, জগতের লোকের বিরুদ্ধাচারে ঈশ্বরের পুণ্যস্বরূপের কোন ক্ষতি হয় না। ( ত, হো, )

ইহুদিদিগের এই সন্দেহ ছিল যে, মহাপুরুষ এব্রাহিম শামদেশের লোক ছিলেন। তিনি তথায় বাস করিয়া বয়তোলুমকন্দস্কে কেবলা করিয়াছিলেন। মোসলমানেরা কাবাকে কেবলা বলিয়াছেন, তাহা হইলে কেমন করিয়া মক্কাতে এব্রাহিমের পদচিহ্ন হইবে? ঈশ্বর বলিতেছেন যে, তিনি এব্রাহিমের দ্বারাই প্রথম উপাসনার মন্দির কাবা নির্মাণ করেন। অনেক প্রকার গৌরবের নিদর্শন চিরকাল হইতে এখানে আছে। এব্রাহিমের প্রকৃত স্থান ইহাট। ( ত, ফা, )



পথের বক্রতা অন্বেষণ করিতেছ ও তোমরাই সাক্ষী আছ, এবং তোমরা যাহা করিতেছ, ঈশ্বর তাহা অজ্ঞাত নহেন। ৯৯। হে বিশ্বাসিগণ, যাহাদিগকে গ্রন্থ প্রদত্ত হইয়াছে, যদি তোমরা তাহাদের কোন দলের অন্মুগত হও, তবে তাহারা তোমাদের বিশ্বাস-প্রাপ্তির পর তোমাদিগকে অবিশ্বাসী করিবে। ১০০। এবং যখন তোমাদের নিকটে ঈশ্বরের নিদর্শন পাঠ হইতেছে ও তোমাদের মধ্যে তাঁহার প্রেরিত পুরুষ বিদ্যমান, তখন তোমরা কেমন করিয়া কাফের হইবে? অবশেষে যে ব্যক্তি ঈশ্বরকে দৃঢ়রূপে ধারণ করিয়াছে, নিশ্চয় সে সরলপথের দিকে উপদিষ্ট হইয়াছে। ১০১। ( র, ১০, আ, ১০ )

হে বিশ্বাসিগণ, ঈশ্বর হইতে তাঁহার সম্বন্ধে প্রকৃত ভয়ে ভীত হও, এবং তোমরা বিশ্বাসী না হইয়া মরিও না। ১০২। এবং তোমরা পরমেশ্বরের রজ্জুকে একযোগে দৃঢ়রূপে ধারণ কর, বিচ্ছিন্ন হইও না; যখন তোমরা পরস্পর শত্রু ছিলে, তোমাদের প্রতি তখনকার ঈশ্বরের কৃপা স্মরণ কর, তখন তিনি তোমাদের অন্তরে প্রীতি স্থাপন করিলেন, তাহাতে তোমরা তাঁহার কৃপায় পরস্পর ভ্রাতা হইলে; এবং তোমরা অগ্নি-কুণ্ডের পার্শ্বে ছিলে, তিনি তাহা হইতে তোমাদিগকে উদ্ধার করিয়াছেন, এইরূপে ঈশ্বর তোমাদের জন্ত আপন নিদর্শন সকল ব্যক্ত করেন যেন তোমরা পথ প্রাপ্ত হও। ১০৩। এবং কলগণের দিকে আহ্বান করে, বৈধ কার্য্যে বিধি ও অবৈধ কার্য্যে নিষেধ করে, এমন এক মণ্ডলী তোমাদের মধ্যে হওয়া উচিত, ইহারা সেই লোক যাহারা মুক্ত হইবে। ১০৪। যাহারা বিচ্ছিন্ন হইয়া পড়িয়াছে ও আপনাদের নিকটে নিদর্শন সকল উপস্থিত হইলে পর পরস্পর বিরুদ্ধাচরণ করিয়াছে, তোমরা তাহাদের সদৃশ হইও না, এবং ইহারাই যাহাদের জন্ত কঠিন শাস্তি আছে\*। ১০৫। +সে দিবস মুখ শুভ্র ও কৃষ্ণবর্ণ হইবে; অনন্তর যাহাদিগের মুখ কৃষ্ণবর্ণ হইবে, ( তাহাদিগকে বলা হইবে, ) তোমরা কি বিশ্বাস-প্রাপ্তির পর কাফের হইয়াছ? তবে যেমন ধর্ম্মদ্রোহী হইয়াছ, তজ্জন্ত শাস্তির স্বাদ গ্রহণ কর †। ১০৬। এবং কিম্ব যাহাদিগের মুখ শুভ্র হইল, তাহারা ঈশ্বরের কৃপার মধ্যে আছে, তাহারা তাহাতে সর্ব্বদা থাকিবে। ১০৭। ঈশ্বরের এই বচন সকল, ইহা তোমাদের নিকটে সত্য ভাবে পড়িতেছি, ঈশ্বর লোকের জন্ত অত্যাচার ইচ্ছা করেন না। ১০৮। এবং যাহা আকাশে ও যাহা পৃথিবীতে আছে তাহা ঈশ্বরের, এবং ঈশ্বরের দিকে সমুদায় ক্রিয়ার প্রত্যাবর্তন। ১০৯। ( র, ১১, আ, ৮ )

\* মদিনার নিবাসিগণ দুই দলে বিভক্ত ছিল। এসলাম ধর্ম্ম প্রবর্তিত হওয়ার পূর্বে উভয় দল পরস্পর যুদ্ধ করিয়াছিল, সেই যুদ্ধে বহুলোকের জীবন নষ্ট হয়। এক দিন ইহুদিগণ মোসলমানদিগকে সেই কথা স্মরণ করাইয়া বিবাদে উত্তেজিত করে, তাহাতে ঈশ্বর মোসলমানদিগকে সাবধান করিতেছেন যে, তোমরা পরস্পর বিরোধী ছিলে, এক্ষণ সম্ভাব সম্মিলনের সম্পদ অনুভব কর, ইহুদিদিগের স্থায় বিবাদ করিয়া উৎসন্ন হইও না। ( ত. কা, )

† যে সকল মোসলমান মুখে এসলাম ধর্ম্মের কলেমা বলে ও তাহাদের অন্তরের ভাব বিপরীত, সেই দিনে অর্থাৎ বিচারের দিনে তাহাদের মুখ কাল হইবে। ( ত. কা, )

তোমরা লোকের জগ্ন নির্কাচিত শুভ মণ্ডলী, \* বৈধ কার্যে বিধি দান ও অবৈধ কার্যে নিষেধ করিতেছ, এবং ঈশ্বরে বিশ্বাসস্থাপন করিতেছ; যদি গ্রন্থধারী লোক ঈশ্বরে বিশ্বাসস্থাপন করে, তবে নিশ্চয় তাহাদের কল্যাণ হয়, তাহাদের মধ্যে কেহ কেহ বিশ্বাসী আছে ও তাহাদের অধিকাংশই পাষণ্ড। ১১০। তাহারা কখনও তোমাদিগকে কিঞ্চিৎ ক্লেশ ভিন্ন ক্লেশ দিবে না, তোমাদের সঙ্গে যুদ্ধ করিলে তোমাদের দিকে পৃষ্ঠ দান করিবে, অতঃপর তাহাদিগকে সাহায্য দেওয়া যাইবে না। ১১১। যে স্থলে তাহাদিগকে ঈশ্বরের অবলম্বন বাতীত মনুষ্যের অবলম্বনে প্রাপ্ত হওয়া গিয়াছে, সেই স্থলে তাহাদিগের প্রতি লাঞ্চার প্রয়োগ হইয়াছে, তাহারা ঈশ্বরের আক্রোশে প্রত্যাগত, এবং তাহাদের প্রতি দরিদ্রতার প্রয়োগ হইয়াছে; ইহা একারণে হইয়াছে যে, তাহারা ঈশ্বরের নিদর্শন সকলের বিরোধী হইতেছিল, এবং অযথা তৎসাহকদিগকে বধ করিতেছিল, ইহা একারণে যে, অপরাধ করিয়াছে ও সীমা লঙ্ঘন করিতেছিল। ১১২। তাহারা সকলে তুলা নহে, গ্রন্থাধিকারীদিগের একদল দণ্ডায়মান, তাহারা রাত্রিকালে ঈশ্বরের নিদর্শন সকল পড়িয়া থাকে ও প্রণত হয়। ১১৩। তাহারা ঈশ্বরকে ও পরকালকে বিশ্বাস করে, এবং বৈধকর্মে বিধি ও অবৈধ কর্মে নিষেধ করে, এবং দানেতে সত্বর হয়, এই সকল লোক সাধু। ১১৪। এবং তাহারা যে কিছু শুভকার্য্য করে, পরে কখনও তৎপ্রতি কৃতঘ্নতা করা হইবে না, এবং ঈশ্বর ধর্ম্মভীরু লোকদিগকে জ্ঞাত আছেন। ১১৫। নিশ্চয় তাহারা ধর্ম্মদ্রোহী হইয়াছে, তাহাদিগের ধন তাহাদিগের সম্মান কখনও তাহাদিগ হইতে ঈশ্বরের (শান্তি) কিছুই দূর করিবে না, এবং এই সকল লোক নরকাগ্নিনিবাসী, তথায় তাহারা সর্কদা থাকিবে। ১১৬। তাহারা এই সাংসারিক জীবনে যাহা বায় করে তাহা, আপন জীবনের প্রতি অত্যাচার করিয়াছে এমন কোন জাতির শাস্ত্যন্ত্রে সঞ্চারিত শীতল বায়ুসদৃশ, পরে উহা তাহাকে বিনষ্ট করিল, এবং ঈশ্বর তাহাদের প্রতি অত্যাচার করেন নাই, কিন্তু তাহারাই নিজের প্রতি অত্যাচার করিতেছে। ১১৭।

\* এই মণ্ডলী সকল মণ্ডলী অপেক্ষা দুইটি গুণে শ্রেষ্ঠ। এক ঈশ্বরের পথে সংগাম করা, দ্বিতীয় একত্রে বিশ্বাস করা। কোন ধর্ম্মের একপ একত্রে বন্ধন নাই। (ত. ফা.)

† কথিত আছে, যখন সেলামের পুত্র আবদোল্লা ও তাঁহার কতিপয় বন্ধু ইহুদিধর্ম্ম পরিত্যাগ করিয়া এসলাম ধর্ম্ম গ্রহণ করিলেন, তখন উভয়দিগকে কুৎসা রটনা করিয়া বলিতেছিল যে, ইহারা আমাদের দলের অতি নিকৃষ্ট লোক, প্রাচীন সাধুলোকের বিরোধী হইয়া আমাদের সঙ্গে শত্রুতা করিয়াছে। তাহাতেই পরমেশ্বর এই আয়ত প্রেরণ করেন যে, গ্রন্থাধিকারী ধর্ম্মনিবাসিগণ তাহাদের দলের কাফেরদিগের তুলা নহে। গ্রন্থাধিকারীর একদল দণ্ডায়মান, অর্থাৎ ঈশ্বরের শাসনে এসলাম ধর্ম্মে অবস্থিত, এই দলের অন্তর্গত সেলামের পুত্র আবদোল্লা ও তাঁহার বন্ধুগণ এবং খ্রীষ্টধর্ম্মাবলম্বী রোমনগরের আট ব্যক্তি বপরাণের চলিশ ও হবসের বত্রিশ জন। ইহারা এসলাম ধর্ম্মে বিশ্বাস স্থাপন ও কোর্-আন্ ও বাবুতার অধীনতা স্বীকার করিয়াছিলেন। (ত. হো.)

‡ ঈশ্বর বলিতেছেন, শীতল বাত্যাভত শাস্ত্যন্ত্রে দ্বারা যেমন ক্ষেত্রাধিকারী কিছু লাভ হয়

হে বিশ্বাসিগণ, আপনার লোক ব্যতীত অল্পকে তোমরা আন্তরিক বন্ধুরূপে গ্রহণ করিবে না, তাহারা তোমাদের অনিষ্ট করিতে ক্রটি করে না, তোমাদিগকে ক্লেশ দিতে ভালবাসে, নিশ্চয় তাহাদের মুখ হইতে শক্রতা প্রকাশ পায়, এবং নিশ্চয় তাহাদের হৃদয়ে যাহা গুপ্ত রাখিয়াছে তাহা গুরুতর; যদি তোমরা জ্ঞান রাখ, তবে তোমাদের জগ্ন নিদর্শন সকল ব্যক্ত করিলাম \*। ১১৮। হে লোক সকল, তোমরা অবগত হও, তোমরা তাহাদিগকে প্রীতি করিতেছ ও তাহারা তোমাদিগকে প্রীতি করে না, এবং তোমরা সমুদয় গ্রন্থকে বিশ্বাস করিয়া থাক এবং তাহারা যখন তোমাদের সঙ্গে সাক্ষাৎ করে, বলিয়া থাকে যে, আমরাও বিশ্বাস করি, এবং যখন নির্জনে থাকে, তখন তোমাদের প্রতি আক্রোশবশতঃ অঙ্গুলি দংশন করে; বল, আপন ক্রোধে তোমরা মরিয়া যাও, নিশ্চয় ঈশ্বর হৃদয়স্থ বিষয়েব জ্ঞাত। ১১৯। এবং যদি তোমাদিগের প্রতি কল্যাণ উপস্থিত হয়, তবে তাহারা অসন্তুষ্ট হইবে, এবং যদি তোমাদিগের প্রতি অকল্যাণের সঞ্চার হয়, তাহাতে তাহারা সন্তুষ্ট হইবে; যদি তোমরা ধৈর্যধারণ কর ও ঈশ্বরকে ভয় কর, তবে তাহাদিগের শঠতা তোমাদিগকে কিছুই পীড়া দিবে না, তাহারা যাহা করিতেছে, নিশ্চয় ঈশ্বর তাহা ঘেরিয়া রহিয়াছেন। ১২০। ( র, ১২, আ, ১১ )

এবং ( স্মরণ কর, হে মোহম্মদ, ) যখন তুমি প্রভাতে স্বীয় পরিচ্ছনের নিকট হইতে বহির্গত হইলে † ও সংগ্রামোদ্দেশ্যে বিশ্বাসীদিগকে যথাস্থানে স্থাপন করিলে, ঈশ্বর

না, তদ্রূপ অনুপনুক্তভাবে যে সকল বস্তু যে ব্যক্তি ব্যয় করে, তদ্বারা তাহার কোন উপকার হয় না। যেমন শীতল বায়ু ক্ষেত্রকে বিনষ্ট করে, সেইরূপ অসরল ভাব ধনদাতার জীবনকে বিনাশ করিয়া থাকে। ( ত, হো, )

\* ধর্মদ্রোহী লোকের সঙ্গে বিশ্বাসীর বন্ধুতা করা উচিত নহে, তাহারা সর্বদা শত্রু। ( ত, ফ, )

+ হেজরির তিন সালে শওয়াল মাসের সপ্তম দিবসে ওহোদের যুদ্ধ হয়। আবুহুফিয়ান মহাপুরুষ মোহম্মদের বিরুদ্ধে যুদ্ধ করিবার জগ্ন সৈন্য সংগ্রহ করিয়া মক্কা হইতে মদিনাভিযুখে যাত্রা করে। তিন সহস্র আরোহী ও পদাতিক সৈন্য তাহার সঙ্গে ছিল। তন্মধ্যে সাত শত কবচধারী পুরুষ ও দুই শত অশ্ব ছিল। এই সকল সৈন্যসহ আবুহুফিয়ান ওহোদগিরির পার্শ্বে যাইয়া শিবির স্থাপন করে। হজরতের ইচ্ছা ছিল যে, মদিনায় অবস্থান করেন, নগরেই তাহাদের সঙ্গে যুদ্ধে প্রবৃত্ত হন। বদরের যুদ্ধে যে সকল বীরপুরুষ গমন করে নাই, তখন তাহারা সত্বর শত্রুদিগের সম্মুখীন হইবার জগ্ন ব্যাকুল হয়। হজরত সহস্র সৈন্য সমভিব্যাহারে যুদ্ধের উদ্যোগী হইলেন। পথে আবুর পুত্র আব্দোল্লা সসৈন্যে পৃষ্ঠভঙ্গ দেয়। হজরত সাত শত সৈন্য শত্রুদলের সম্মুখে শ্রেণীবদ্ধ করিয়া ওহোদপর্বতকে পশ্চাত্তাগে রাখিয়া মদিনার দিকে পদার্পণ করেন। তিনি অবয়রের পুত্র আব্দোল্লাকে পকাশ জন ধর্মুর্কর পুরুষের সঙ্গে ওহোদগিরির যে দিকে প্রবেশদ্বার ছিল, তাহা রক্ষার জগ্ন ও সৈন্যদিগের সহায়তার জগ্ন তথায় থাকিতে নিযুক্ত করিয়া স্বয়ং সৈন্যগণকে শ্রেণীবদ্ধ করিতে গমন করেন। ঈশ্বর স্মরণ করাইয়া দিতেছেন যে, সেই প্রাতঃকালে তুমি আপন গৃহ হইতে বাহির হইয়াছিলে। ( ত, হো, )

শ্রোতা ও জ্ঞাতা ছিলেন। ১২১। (স্মরণ কর,) যখন তোমাদের দুই দল ভীকতা-প্রকাশে চেষ্টা করিয়াছিল ও ঈশ্বর তাহাদিগের সহায় ছিলেন, বিশ্বাসীদিগের উচিত যে ঈশ্বরের প্রতি নির্ভর করে \*। ১২২। এবং সত্যসত্যই ঈশ্বর তোমাদিগকে বদরে (বদরের যুদ্ধে) সাহায্য দান করিয়াছেন, তোমরা দুর্দশাপন্ন হইয়াছিলে; অতএব ঈশ্বরকে ভয় কর, ভরসা যে, তোমরা ধন্যবাদ করিবে। ১২৩। (স্মরণ কর,) যখন তুমি বিশ্বাসীদিগকে বলিতেছিলে, “যদি তোমাদের প্রতিপালক তিন সহস্র অবতীর্ণ দেবতা দ্বারা তোমাদিগকে সাহায্য দান করেন, তোমাদের কি লাভ হইবে না?”। ১২৪। বরং যদি তোমরা সহিষ্ণু ও ঈশ্বরভীরু হও, এবং তাহারা এই স্বীয় আবেগে তোমাদিগের প্রতি সমাগত হয়.. তোমাদের প্রতিপালক পাঁচ সহস্র চিহ্নিত ফেরেশতা দ্বারা তোমাদিগকে সাহায্য দান করিবেন †। ১২৫। এবং তোমাদিগের জন্য সুরসংবাদ হয়, তদ্বারা

\* আবুর পুত্র আবদোলা কানের ছিল। মদিনা তাহার বাসস্থান। হজরত যখন মসৈদে নগরের বাহির হইয়াছিলেন, সেও সংগ্রামে তাহার সহযোগী হইয়াছিল। পরে সে আমাদের কথানুসারে কার্য্য হইল না, এই বলিয়া অসন্তোষ প্রকাশ করিয়া চলিয়া যায়। তাহার কুমন্ত্রণায় অপর দুই দল হজরতকে ছাড়িয়া প্রস্থান করে। পরে সেই দুই দলের দলপতিদিগের চেষ্টায় তাহার বিরিয়া আইসে। (ত, কা,)

† এরূপ জনশ্রুতি যে, বদরের যুদ্ধের দিন প্রেরিত পুরুষ অস্তুরে ঈশ্বরের নিকটে সাহায্য প্রার্থনা করিয়াছিলেন। পরমেশ্বর প্রথমে এক সহস্র, পরে তিন সহস্র, অবশেষে পাঁচ সহস্র দেবসৈন্য সহায়তার জন্য প্রেরণ করেন। (ত, হো,)

ওহোদের যুদ্ধে বদরের যুদ্ধের প্রসঙ্গ এ জন্য হইল যে, এই দুই যুদ্ধের একটীতে জয়লাভ, তজ্জন্য কৃতজ্ঞতা দান, অপরটীতে পরাজিত হওয়া তজ্জন্য ধৈর্য্যধারণ আবশ্যক হইয়াছিল। সজ্ঞেপতঃ ওহোদের যুদ্ধের বিবরণ এই :- প্রথমতঃ শত্রুপক্ষীয় প্রধান পুরুষেরা ক্রমে ক্রমে নিহত হইলে শত্রুসৈন্যগণ পলায়িত হয়। মদিনার লোকেরা তাহাদের শিবির আক্রমণ করিয়া লুণ্ঠন আরম্ভ করে। একদল ধনুর্ধারী পুরুষ পর্ব্বতের সঙ্কীর্ণ পথ রক্ষার জন্য হজরত মোহাম্মদ কর্তৃক নিযুক্ত হইয়াছিল। তিনি তাহাদিগকে এই বলিয়া বিশেষরূপে সতর্ক করিয়াছিলেন যে, আমাদের জয় হউক বা পরাজয় হউক, তোমরা এস্থান ছাড়িয়া কোথাও যাইবে না। তাহারা সেই আজ্ঞা অমান্য ও সকলের অনুরোধ অগ্রাহ্য করিয়া পরাজিত বিপক্ষ সৈন্যদিগের শিবির লুণ্ঠন করিবার জন্য সেই স্থানে দশজন মাত্র সেনা রাখিয়া চলিয়া আইসে। প্রেরিত পুরুষের আদেশ অগ্রাহ্য করায় অপরাধের ফল মোসলমান সৈন্যগণের ভোগ করিতে হইল। অলিদের পুত্র খালেদ এবং আবুস্বেহেলের পুত্র অকরমা যে পরাজিত হইয়া পলায়ন করিতেছিল, গিরিবন্ধ রক্ষকশূন্য দেখিয়া একদল সৈন্যসহ আসিয়া তথায় উপস্থিত হইল, এবং সেই স্থানের রক্ষক অবয়রের পুত্র আবদোলাকে সহচরণ সহ বধ করিয়া অপর মোসলমান সৈন্যের পশ্চাতে ধাবিত হইল। তুমুল সংগ্রাম আরম্ভ হইল। এই যুদ্ধে হজরত মোহাম্মদের পিতৃব্য হম্জা এবং তাহার অনেক ধর্ম্মবন্ধু প্রাণত্যাগ করিলেন, একদল পলাইয়া গেলেন, কেবল একদল হজরতের রক্ষকরূপে নিযুক্ত ছিলেন। পরে এতদূর হইল যে, শত্রুনিষ্কিণ্ড প্রান্তরের আঘাতে হজরতের দস্ত শুষ্ক হইয়া গেল। তিনি হস্ত ব্যক্তিদিগের সঙ্গে ধরাশায়ী হইয়াছিলেন।

তোমাদিগের অন্তর সাধনা লাভ করিবে, এ জন্ত ব্যতীত ঈশ্বর ইহা করেন নাই, পরাক্রান্ত নিপুণ ঈশ্বরের নিকট ব্যতিরেকে সাহায্য নাই। ১২৬। তাহাতে দেবগণ কাফেরদিগের এক দলকে সংহার করে, কিম্বা পরাস্ত করে, পরে তাহারা অকৃতকার্য হইয়া ফিরিয়া যায়। ১২৭। কি তাহাদের দিকে ( প্রসন্ন ভাবে ) প্রতিগমন করা, কি তাহাদিগকে শাস্তিদান করা, এ কার্যের কিছুই তোমার জন্ত নহে; পরন্তু নিশ্চয় তাহারা দুর্বৃত্ত। ১২৮। এবং দু্যলোকে ও ভুলোকে যাহা আছে তাহা ঈশ্বরের, তিনি যাহাকে ইচ্ছা হয় ক্ষমা করেন ও যাহাকে ইচ্ছা হয় শাস্তি দেন, ঈশ্বর ক্ষমাকারী দয়ালু \*। ১২৯। ( র, ১৩, আ, ৯ )

হে বিশ্বাসিগণ, দ্বিগুণের পর দ্বিগুণ কুসীদ গ্রহণ করিও না; এবং ঈশ্বরকে ভয় করিও, তবে ভরসা যে তোমরা উদ্ধার পাইবে †। ১৩০। সেই অগ্নিকে ভয় কর, যাহা কাফেরদিগের জন্ত প্রস্তুত রহিয়াছে। ১৩১। এবং ঈশ্বরের ও প্রেরিত পুরুষের আজ্ঞাবহ হও, তবে ভরসা যে, তোমরা দয়া প্রাপ্ত হইবে। ১৩২। এবং তোমরা আপনাদের প্রতিপালকের ক্ষমার দিকে ও স্বর্গলোকের দিকে ধাবমান হও, এবং আকাশ ও পৃথিবীর জায় তাহার বিস্তৃতি, উহা ধর্মভীরু লোকদিগের জন্ত প্রস্তুত। ১৩৩। যাহারা স্নেহ ও দুঃখে দান করে ও ক্রোধ সম্বরণ করে, এবং লোককে ক্ষমা করে, ঈশ্বর ( সেই সকল ) সংকর্ষশীল লোককে প্রেম করেন ‡। ১৩৪। এবং যাহারা কুকর্ম করিয়া কিংবা নিজের জীবনের প্রতি অত্যাচার করিয়া ঈশ্বরকে স্মরণ করে, পরে নিজের পাপের জন্ত ক্ষমা প্রার্থনা করে, ঈশ্বর ব্যতীত কে তাহাদের পাপ ক্ষমা করিয়া থাকে? এবং তাহারা যাহা ( যে পাপ ) করিয়াছে, তৎপ্রতি জ্ঞাতসারে দৃঢ় হয় না §। ১৩৫। এই তাহারাই,

অবশেষে কহিঁপয় বন্ধুর সাহায্যে ওহোঁদগিরির গুহায় যাইয়া প্রবেশ করেন। শত্রুদল মক্কাভিমুখে চলিয়া যায়। ( ত, ফা, )

\* ঈশ্বর প্রেরিতপুরুষকে বলিতেছেন, দাসের কোন অধিকার নাই, ঈশ্বর ইচ্ছা করিলে তাহাদিগকে পথ দেখাইতে বা শাস্তি দিতে পারেন। ( ত, ফা, )

† সূদের প্রসঙ্গ এখানে এজন্ত হইয়াছে যে, সূদগ্রহণে দুই প্রকার দুর্বলতা উপস্থিত হয়। এক নিবিদ্ধ বস্ত্র গ্রহণে সাধনানুকূল্য ধর্ম হয়, ধর্মযুদ্ধ এক উচ্চ সাধনা। দ্বিতীয়তঃ সূদগ্রহণে অত্যন্ত কৃপণতা প্রকাশ পায়, আপন লাভ ব্যতিরেকে সূদগ্রাহী লোকেরা অর্থ দ্বারা কাহার উপকার করিতে চাহে না, বিনিময় আকাঙ্ক্ষা করে। বাহার ধনের প্রতি এরূপ কার্পণ্য, সে কেমন করিয়া প্রাণ দিতে পারে? ( ত, ফা, )

‡ কথিত আছে যে, প্রধানতম এমামকে কেহ চপেটাঘাত করিয়াছিল। তিনি বলিলেন, "আমিও তোমাকে চপেটাঘাত করিতে পারি, কিন্তু করিব না; আমি তোমার জন্ত ঈশ্বরের নিকটে অভিসম্পাত প্রার্থনা করিতে পারি, অথচ করিব না।" ইত্যাদি বলিয়া তিনি তাহাকে শাস্তভাবে ক্ষমা করিলেন।

§ এই আয়ত বনহান্নামক ব্যক্তির উপলক্ষে অবতীর্ণ হইয়াছিল। একটা রূপবতী নারী বনহান্নানের নিকটে ধোঁরা ফল ক্রয় করিতে আগমন করে। বনহান্নানের মন তাহাকে দেখিয়া আকৃষ্ট



যাহাদিগের পুরস্কার তাহাদের প্রতিপালকের নিকট হইতে ক্ষমা লাভ, এবং যাহার ভিতরে পয়ঃপ্রণালী সকল প্রবাহিত এমন স্বর্গোচ্চানলাভ হয় ; সেখানে তাহারা সর্বদা থাকিবে, সংক্রিয়াশীলদিগের ( এই ) উত্তম পুরস্কার । ১৩৬ । নিশ্চয় তোমাদের পূর্বে ঘটনীয় সকল হইয়া গিয়াছে, অতএব পৃথিবী ভ্রমণ কর, এবং পরে মিথ্যাবাদীদিগের পরিণাম কিরূপ হইয়াছে দেখ \* । ১৩৭ । লোকের জন্ত এই উক্তি এবং ধর্মভীরুদিগের জন্ত এই পথ : দর্শন ও উপদেশ । ১৩৮ । অবসন্ন ও বিষন্ন হইও না, এবং যদি তোমরা বিশ্বাসী হও, তবে তোমরাই উন্নত † । ১৩৯ । যদি তোমরা আঘাত প্রাপ্ত হও, তবে নিশ্চয় সেই দলও ( ধর্মদ্রোহী দল ) তৎসদৃশ আঘাত প্রাপ্ত হইবে, আমি লোকের মধ্যে এই দিনের পরিবর্তন করিয়া থাকি, এবং তাহাতে যাহারা বিশ্বাস স্থাপন করিয়াছে, ঈশ্বর তাহাদিগকে জ্ঞাত হন, এবং তিনি তোমাদের মধ্য হইতে সাক্ষী গ্রহণ করিয়া থাকেন, ঈশ্বর অত্যাচারীদিগকে প্রেম করেন না । ১৪০ । † এবং তাহাতে ঈশ্বর বিশ্বাসীদিগকে সংশোধিত ও অবিশ্বাসীদিগকে বিলুপ্ত করিয়া থাকেন ‡ । ১৪১ । তোমরা কি মনে করিতেছ যে, স্বর্গে প্রবেশ করিবে ? ও তোমাদের মধ্যে যাহারা ধর্মযুদ্ধ করিয়াছে, এবং যাহারা সহিষ্ণু, এক্ষণ ঈশ্বর তাহাদিগকে জ্ঞাত নহেন ? । ১৪২ । সত্যসত্যই তোমরা

হয় । উত্তম গোষ্ঠী দিব, এই ছল করিয়া তাহাকে নির্জন গৃহে লইয়া যায় ও তাহার প্রতি অসদভিপ্রায় প্রকাশ করে । নারী বনহানকে ভৎসনা করিয়া বলে, "ঈশ্বরকে ভয় কর, আমার শূদ্ধ দেহকে কলঙ্কিত করিও না ।" তাহাতে বনহানের অনুতাপ ও ঈশ্বরে ভয় হয় ! সে তৎক্ষণাৎ হজরত মোহাম্মদের নিকটে বাইয়া সবিশেষ নিবেদন করে । তিনি বিবরণ জ্ঞাত হইয়া বলেন, "আমি তোমাদের সাক্ষাৎ বিদ্যমানসত্ত্বে তোমরা ঈদৃশ কৃকামা করিতে প্রবৃত্ত হইতেছ ? ঈশ্বর অনুতপ্তদিগের আশার নিমিত্ত এই আয়ত প্রেরণ করেন । কেহ কেহ বলেন, পাপানুষ্ঠানে উদ্ধৃত অস্ত্র তিন ব্যক্তির উপলক্ষে এই প্রবচনের অবতারণা হইয়াছিল । ( ত, হো, )

\* ধর্মপ্রবর্তক মহাপুরুষগণের সঙ্গে বিবাদ করা কাফেরদিগের প্রাচীন রীতি । সকল দেশের বিবরণ অনুসন্ধান করিলে জানিতে পাঠবে যে, প্রথমে ধর্মপ্রবর্তকদিগের প্রতি এইরূপ বিপদ ঘটিয়াছে, কিন্তু পরিণামে মিথ্যাবাদীদিগের দুর্দশা হইয়াছে । ওহাদের সংগ্রামে সন্তোর জন প্রধান মোসলমান নিহত হন, এবং যুদ্ধ তাহাদিগের পক্ষে প্রতিকূল হয়, এজন্য ঈশ্বর মোসলমানদিগকে সাহস দিতেছেন । ( ত, ফা, )

† ওহাদের সংগ্রামে হজরত গিরিগুহায় প্রচ্ছন্ন হইলে এবং বিপক্ষ দলের নেতা আবু সুফিয়ান পর্বতশৃঙ্গে জয়পতাকা স্থাপন করিলে, মোসলমান সেনাগণ অত্যন্ত ভয়াকুল হইয়াছিলেন । পরমেশ্বর তাহাদের সাহসনার জন্ত এই আয়ত অবতারণা করেন । ইহার ভাব এই যে, পদমর্গাদায় তোমরা উন্নত, তোমরা যুদ্ধে হত হইলেও পরাজিত করিবে, ধর্মদ্রোহী লোকেরা নরকে যাইবে, বদরের যুদ্ধে তোমাদের জয় হইয়াছে । ( ত, হো, )

‡ জয় পরাজয়ের স্থিরতা নাই, তাহার পরিবর্তন হইয়া থাকে । যুদ্ধে নিহত হইলে মোসলমানদিগের স্বর্গলাভ হয় । বিশ্বাসী ও অবিশ্বাসীকে পরীক্ষা করা এবং মোসলমানদিগকে সংশোধন করা ঈশ্বরের অভিপ্রায় ছিল । নতুবা কাফেরগণের প্রতি ঈশ্বর প্রসন্ন নহেন । ( ত, ফা, )



মৃত্যুকে তাহার সঙ্গে সাক্ষাৎ হওয়ার পূর্বেই আকাঙ্ক্ষা করিতেছিলে, পরে নিশ্চয় তোমরা তাহাকে দর্শন করিয়াছ ও তোমরা প্রতীক্ষা করিতেছিলে। ১৪৩। ( র, ১৪ আ, ১৪ )

এবং মোহম্মদ প্রেরিত ভিন্ন নহে, নিশ্চয়, তাহার পূর্বে প্রেরিতের অন্তর্দান হইয়াছিল, অবশেষে যদি সে মারা যায় কিম্বা হত হয়, তোমরা কি পশ্চাৎপদ হইবে? এবং যে ব্যক্তি পশ্চাৎপদ হয়, সে তখন কখনও ঈশ্বরকে কিছুই প্রীতি করে না, কৃতজ্ঞ লোকদিগকে ঈশ্বর সদর পুরস্কার দান করেন \*। ১৪৩। ঈশ্বরের ইচ্ছা বাতিরেকে কোন ব্যক্তির মৃত্যু হয় না, ( মৃত্যুর ) নির্দিষ্ট সময় লিখিত আছে, এবং যে ব্যক্তি সাংসারিক লাভ আকাঙ্ক্ষা করে আমি তাহা হইতে তাহাকে দান করি ও যে ব্যক্তি পারলৌকিক লাভ আকাঙ্ক্ষা করে আমি তাহা হইতে তাহাকে দান করি, এবং অবশ্য আমি কৃতজ্ঞ ব্যক্তিদিগকে পুরস্কার দিব। ১৪৫। এবং অনেক তত্ত্ববাহক ছিল যে, তাহাদের সঙ্গে মিলিত হইয়া বহু ঈশ্বরপরায়ণ লোক যুদ্ধ করিয়াছিল, পরে ঈশ্বরের পথে তাহাদের বিপদ উপস্থিতিবশতঃ তাহারা অবহেলা করে নাই ও দুর্বল হয় নাই, এবং নিরুপায় হইয়া পড়ে নাই, পরমেশ্বর সহিষ্ণুদিগকে প্রেম করিয়া থাকেন। ১৪৬। এবং তাহারা বলিয়াছিল, “হে আমাদের প্রতিপালক, আমাদের অপরাধ ও আমাদের কাৰ্য্যে আমাদের সীমালঙ্ঘন আমাদের জন্ত ক্ষমা কর ও আমাদের চরণকে দৃঢ় কর, ধর্মদ্রোহী দলের উপর আমাদের সাহায্য দান কর, ইহা ব্যতীত তাহাদিগের কথা ছিল না। ১৪৭। পরিশেষে ঈশ্বর তাহাদিগকে ঐহিক পুরস্কার ও পারত্রিক উত্তম পুরস্কার দান করিয়াছেন, এবং ঈশ্বর হিতকারীদিগকে প্রীতি করেন। ১৪৮। ( র, ১৫, আ, ৫ )

হে বিশ্বাসিগণ, যদি তোমরা কাফেরদিগের আজ্ঞা বহন কর, তবে তাহারা তোমাদিগকে পশ্চাৎপদ করিয়া ফিরাইবে, পরে তোমরা ক্ষতিগ্রস্ত হইয়া ফিরিয়া যাইবে †। ১৪৯। পরমেশ্বর তোমাদিগের বন্ধু এবং তিনি উত্তম সাহায্য-

\* এই ওহাদের যুদ্ধে অনেক প্রধান প্রধান মোসলমান বীরপুরুষ পলায়ন করিয়াছিলেন। তাহার কারণ এই যে, ধর্মপ্রবর্তক মোহম্মদ মারা পড়িয়াছেন বলিয়া একজন কাফের ঘোষণা করিয়াছিল। প্রকৃতপক্ষে হজরত আহত হইয়া শোণিতাক্তকলেবর ও একান্ত দুর্বল হইয়া এক গর্ভের ভিতরে পড়িয়াছিলেন। প্রথমতঃ মোসলমানেরা তাহাকে দেখিতে পায় নাই, তাহার মৃত্যুতে সকলের বিশ্বাস জন্মিয়াছিল। পরে হজরত গর্ভ হইতে উঠিয়া আসিয়া যে সকল লোক উপস্থিত ছিল, তাহাদিগকে সমবেত করিয়া পুনর্বার সংগ্রামের আয়োজন করিলেন। ইতিমধ্যে কাফের সৈন্যদল চলিয়া গেল। অতএব ঈশ্বর বলিতেছেন যে, প্রেরিত পুরুষ জীবিত থাকুন বা না থাকুন, ধর্ম ঈশ্বরের, তোমরা তাহাতে অটল থাক। হজরতের পরলোকান্তে অনেক লোক ধর্ম ছাড়িয়া চলিয়া যায়। তাহারা ছিল, তাহাদিগেরই অধিক পুণ্য। ( ত, ফা, )

† এই যুদ্ধে যে সকল মোসলমানের অন্তর ভগ্ন হইয়াছিল, ধর্মদ্রোহী ও কপট লোকদের কেহ

কারী। ১৫০। যাহার সন্ধে কোন নিদর্শন অবতারণ করা হয় নাই, তাহাকে ঈশ্বরের সন্ধে অংশী করিয়াছে বলিয়া সত্ত্বর আমি ধর্মদ্রোহীদের অন্তরে বিভীষিকা স্থাপন করিব, নরকাগ্নি তাহাদিগের স্থান, এবং ( তাহা ) অত্যাচারীদের জন্য মন্দ বাসস্থান। ১৫১। এবং যখন তোমরা তাহার আঞ্জামুসারে তাহাদিগকে পরাস্ত করিতেছিলে, সত্যসত্যই ঈশ্বর তোমাদের সন্ধে সে সময় পর্যন্ত আপন অঙ্গীকার সপ্রমাণ করিয়াছেন; যে সময় হইতে তোমরা কার্যো কাপুরুষতা ও বিরোধ করিলে এবং যাহা তোমরা ভালবাসিতেছিলে, তাহা তোমাদিগকে প্রদর্শন করিলে পর তোমরা অপরাধ করিলে, তোমাদের মধ্যে কেহ সংসার চাহিতেছিল ও তোমাদের মধ্যে কেহ পরলোক চাহিতেছিল; তৎপর তিনি তোমাদিগকে পরীক্ষা করিবার জন্য তাহাদিগ- হইতে তোমাদিগকে বিমুখ করিলেন, এবং সত্যসত্যই তিনি তোমাদিগকে ক্ষমা করিয়াছেন, এবং ঈশ্বর বিশ্বাসীদের প্রতি কৃণাবান্ \*। ১৫২। যখন তোমরা উপরে উঠিতেছিলে ও কাহারও প্রতি মনোযোগ করিতেছিলে না, এবং প্রেরিত পুরুষ তোমাদের পশ্চাতে তোমাদিগকে আহ্বান করিতেছিলেন, তৎপর তিনি তোমাদিগকে শোকের পর শোক পুরস্কার দিলেন; তবে যাহা তোমাদের ক্রটি হইয়াছে ও যাহা তোমরা প্রাপ্ত হইয়াছ, তৎপ্রতি দুঃখ করিও না, এবং তোমরা যাহা

কেহ সুযোগ পাইয়া তাহাদিগকে সুযোগ করিতে লাগিল, কেহ হিতৈষণা বাক্যে এইরূপ বুঝাইতে লাগিল, যেন ভবিষ্যতে তাহারা যুদ্ধে বীরত্ব প্রকাশ না করে। এজন্য ঈশ্বর সাবধান করিতেছেন যে, কাকেরগণ কর্তৃক প্রতারণিত হইও না। (ত, কা,)

\* ওহাদের যুদ্ধে প্রথমতঃ মোসলমানদিগের পক্ষে ভয়শ্রী ছিল। তাহারা কাকেরদিগকে সংহার করিতেছিলেন ও তাহারা পলায়ন করিতেছিল, এবং বিজয়ের লক্ষণ দৃষ্টিগোচর হইতেছিল। ধনলাভ হইবে বলিয়া কাহার আনন্দ হইয়াছিল, এসলাম ধর্মের জয় হইল বলিয়া কাহারও হর্ষ হইয়াছিল। যখন মোসলমানগণ কর্তৃক প্রেরিতপুরুষের আঞ্জা অগ্রাহ্য হইল, তখনই যুদ্ধের অবস্থা কিরিয়া গেল। এক আদেশ অমাত্য এই যে, হজরত পঞ্চাশ জন বাণবর্ষী পুরুষকে রক্ষকরূপে গিরিবন্দে' দণ্ডায়মান রাখিয়া- ছিলেন, অবশিষ্ট সৈন্য যুদ্ধ করিতেছিল। যখন শরবর্ষী সৈনিকগণ আপন মলে বিজয় ও বিক্রম দর্শন করিল, তখন জয়ের অংশী হইতে ও শত্রুশিবির লুণ্ঠন করিতে তাহাদের ইচ্ছা হইল, তাহারা আদেশ অগ্রাহ্য করিয়া দশজনমাত্র ধর্মুর্জর সেনা রাখিয়া সেইস্থান হইতে চলিয়া আইসে। তাহাতে পলায়িত শত্রুগণ সুযোগ পাইয়া গিরিবন্দে'র দিক দিয়া আসিয়া মোসলমান সৈন্যদিগকে আক্রমণ পূর্বক পরাস্ত করে। ২য় আদেশ লভন এই যে, যখন শত্রুগণ পলায়ন করিতেছিল ও মোসলমান সেনারা তাহাদের অনুসরণ করিয়া আক্রমণ করিতে উদ্যত হইয়াছিল, তখন হজরত পঞ্চাৎ হইতে আমার নিকটে এস, সেদিকে বাইও না বলিয়া ডাকিতেছিলেন। ধন লুণ্ঠন করার উদ্দেশ্যে তাহারা তাহা গ্রাহ্য করে নাই। (ত, কা,)

ধৈর্য ধারণ করিলে তোমাদিগকে বিজয়ী করিব, ঈশ্বরের এই অঙ্গীকার ছিল। যখন মোসলমান- সৈন্যগণ অধৈর্য হইয়াছিল, তখনই পরাজিত হইল। (ত, হো,)

করিতেছ ঈশ্বর তাহার জ্ঞাতা \* । ১৫৩ । অতঃপর শোকাস্তে তোমাদের প্রতি তিনি বিশ্রাম প্রেরণ করিলেন, ( সেই বিশ্রাম কি ? ) তন্মূ, উহা তোমাদের এক দলকে আচ্ছাদন করিতেছিল, এবং এক দল সে নিশ্চয় তাহাদের আত্মা তাহাদিগকে চিন্তায়ুক্ত করিয়াছিল, তাহারা ঈশ্বর সন্দেহে অসত্য কল্পনা, মূর্খতার কল্পনা করিতেছিল, বলিতেছিল, “আমাদের জ্ঞাত কি কিছু কার্য আছে ?” বল তুমি ( হে মোহম্মদ, ) নিশ্চয় সমুদায় কার্য ঈশ্বরের জ্ঞাত, ( কপট লোকেরা ) তোমার নিমিত্ত যাহা প্রকাশ করিতে পারে না, তাহা আপন অন্তরে গোপন করিয়া থাকে । তাহারা বলে, “যদি আমাদের নিমিত্ত কোন কার্য থাকিত, তবে আমরা এখানে হত হইতাম না ;” তুমি বল, যদি তোমরা আপন গৃহেও থাকিতে, নিশ্চয় তাহাদের সন্দেহে হত্যা লিপিত হইয়াছে, তাহারা অবশ্য আপন হত্যাভূমির দিকে বহির্গত হইত ; এবং তাহাতে তোমাদের হৃদয়ে যাহা আছে ঈশ্বর তাহা পরীক্ষা করিতেছিলেন ও তন্মূ তাহাদের অন্তরে যাহা আছে সংশোধিত করিতেছিলেন ; এবং ঈশ্বর হৃদয়েব ভাবের জ্ঞাতা † । ১৫৪ । দুই দলের সাক্ষাৎকারের দিন নিশ্চয় তোমাদের মধ্যে যে সকল লোক প্রশ্রয় করিয়াছে, তাহারা যাহা করিয়াছিল তাহার কিছুব জ্ঞাত ‡ শয়তান তাহাদিগকে বিচালিত করিয়াছে বৈ নহে, এবং সত্যসত্যই ঈশ্বর তাহাদিগকে ক্ষমা করিয়াছেন, § একান্তই ঈশ্বর ক্ষমাশীল, গম্ভীর । ১৫৫ । ( র, ১৬, আ, ৭ )

\* তোমরা উপরে উঠিতেছিলে, উহার তাৎপর্য, পরিতের উপর দিয়া পলায়ন করিতেছিলে । শোকের পর শোক, এক শোক প্রেরিতপুরুষের মৃত্যুসংবাদে, অপর শোক ধর্মবন্ধুদিগের প্রাণত্যাগে, অথবা এক শোক পরাজয় স্বীকারে, অপর শোক লুপ্ত সামগ্রী হস্তচ্যুত হওয়ায় । তোমরা বিপদে ধৈর্য শিক্ষা করিবে, এই উদ্দেশ্যে তোমাদিগের প্রতি এই শাস্তি হইল । ( ত, হো, )

† তোমরা প্রেরিতপুরুষকে মনঃক্লম্ব করিয়াছ, এ জ্ঞাত তোমাদিগকে মনঃক্লম্ব হইতে হইল । অতএব কিছু ক্ষতি হউক বা লাভ হউক, আজ্ঞানুসারে চলিবে, এ কথা স্মরণ রাখিও । ( ত, ফা, )

‡ এই পরাজয়ে তাহাদের মৃত্যু এবং তাহাদের পলায়ন অবশ্যস্বাবী ছিল হইয়াছে, এবং তাহারা রণক্ষেত্রে অবশিষ্ট ছিলেন, তাহারা ভীত ও অবনত হইয়া পড়িয়াছিলেন । তৎপর তাহাদের ভয় বিভীষিকা দূর হয় । এতক্ষণ হজরতও মুচ্ছা-প্রাপ্ত ছিলেন । তিনি সংজ্ঞা লাভ করিলে সকলে তাহার নিকটে উপস্থিত হইয়া পুনর্বার সংগ্রাম প্রতিষ্ঠা করিলেন । তাহারা অল্প বিশ্বাসী ছিল, তাহারা বলিতে লাগিল, “আমাদের জ্ঞাত কি কিছু কার্য আছে ?” অর্থাৎ ঈদৃশ পরাজয়ের পর আমরা কি আর কোন কার্য করিতে পারিব ? সমুদয় ক্ষমতার বহির্ভূত হইয়াছে, আমাদের আর কি সাধা আছে ? এই উক্তিগুণ গূঢ় মর্ম এই যে, আমাদের পরামর্শানুযায়ী কার্য হয় নাই, তজ্জন্য এতগুলি লোক মারা পড়িল । ঈশ্বর এই কথা উত্তর দান করিলেন ও বুঝাইয়া দিলেন যে, কপট ও সরল ব্যক্তিদিগকে পরীক্ষা করিবার জ্ঞাত ঈশ্বরের এ বিষয়ে কৌশল ছিল । ( ত, ফা, )

§ কিছুব জ্ঞাত অর্থাৎ প্রেরিতপুরুষের আদেশ অমান্য করার জ্ঞাত । ( ত, হো, )

§ উহা দ্বারা জানা যায় যে, এই ক্ষেত্রে তাহারা পলায়ন করিয়াছে, তাহারা অপরাধী রহিল না । ( ত, ফা, )

হে বিশ্বাসিগণ, যাহারা কাফের হইয়াছে, তোমরা তাহাদের সদৃশ হইও না, তাহারা আপন ভ্রাতাদিগের সঙ্কে যখন তাহারা দেশভ্রমণে গেল ও ধর্মযোদ্ধা হইল বলিয়াছিল, যদি তাহারা আমাদের নিকটে থাকিত, মরিত না ও হত হইত না, তাহাতে ঈশ্বর তাহাদের অস্তরে এই ( ভাবকে ) আক্ষেপে পরিণত করিতেছেন, পরমেশ্বর জীবন দান ও প্রাণ হরণ করেন, এবং তোমরা যাহা করিতেছ ঈশ্বর তাহার দর্শক। ১৫৬। এবং যদি ঈশ্বরের পথে তোমরা হত হও বা মরিয়া যাও, তবে নিশ্চয় ঈশ্বর হইতে ক্ষমা ও দয়া আছে, \* তাহারা যাহা সংগ্রহ করে তদপেক্ষা উত্তম। ১৫৭। এবং যদি তোমরা মরিয়া যাও বা নিহত হও, তবে অবশ্য তোমরা ঈশ্বরের দিকে সম্মুখিত হইবে। ১৫৮। পরে ঈশ্বরের দয়াবশতঃ তুমি ( হে মোহম্মদ, ) তাহাদের জন্ত কোমল হইলে, যদি তুমি কঠিনপ্রকৃতি কঠোরহৃদয় হইতে, তবে অবশ্য তোমার দিক হইতে তাহারা বিক্ষিপ্ত হইয়া পড়িত, অতএব তাহাদিগকে মার্জনা কর ও তাহাদের জন্ত ক্ষমা প্রার্থনা কর, এবং এ কার্যে তাহাদের সঙ্গে মঙ্গল কর, পরন্তু যখন তুমি উত্থোগ করিয়াছ, তখন ঈশ্বরের উপর নির্ভর কর, নিশ্চয় ঈশ্বর নির্ভরকারীকে প্রেম করেন। ১৫৯। যদি ঈশ্বর তোমাদিগকে সাহায্য দান করেন, তবে তোমাদিগের উপর বিজ্ঞতা নাই, এবং যদি তিনি তোমাদিগকে পরিত্যাগ করেন, তবে তাঁহার অভাবে সেই ব্যক্তি কে যে তোমাদিগকে সাহায্য দান করিবে? অতএব ঈশ্বরের প্রতি বিশ্বাসীদিগের নির্ভর করা আবশ্যিক। ১৬০। এবং সংবাদবাহক হইতে অন্তায় হয় না ও যে ব্যক্তি অপচয় করে, সে যাহা অপচয় করিল, কেয়ামতের দিনে তাহা গ্রহণ করিবে, তৎপর প্রত্যেক ব্যক্তি যে কাণ্ড করিয়াছে তাহা ( তাহার ফল ) সম্যক প্রদত্ত হইবে, এবং তাহারা অত্যাচারিত হইবে না। ১৬১।

\* অর্থাৎ কেহ সংকার্যোদ্দেশ্যে গৃহ হইতে বহির্গত হইয়া মরিলে বা মারা পড়িলে সেই বহির্গমনের জন্ত আক্ষেপ করা উচিত নয়। তাহা করিলে ঈশ্বরের বিধির প্রতি, পরলোকের প্রতি অশ্রদ্ধা প্রকাশ পায়। ঐহিক হিত দেখিতে হইবে না। সংসারে দৃষ্টি করা কাফেরদিগের স্বভাব। (ত, ফা)

+ এই আয়তে মোসলমানদিগকে সাহায্য দান করা হইতেছে। তোমাদের উচিত নয় যে, তোমরা মনে কর প্রেরিতপুরুষ আমাদিগকে বাহ্যে ক্ষমা করিয়াছেন, কিন্তু তাঁহার অস্তরে ক্রোধ আছে, পরে তিনি এক সময় সেই ক্রোধ প্রকাশ করিবেন। জানিও অস্তরে একরূপ, বাহ্যে অপরূপ, প্রেরিত পুরুষদিগের এ প্রকার স্বভাব নহে। অথবা এই আয়তে মোসলমানগণকে এ প্রকার প্রবোধ দেওয়া হইতেছে যে, তোমরা হজরতের সঙ্কে একরূপ মনে করিবে না যে, তিনি লুণ্ঠিত দ্রব্যের কিছু অপচয় করিয়াছেন অর্থাৎ গোপন করিয়া রাখিয়াছেন। হয়তো ইহা বুঝাইবার জন্ত অবতীর্ণ হইয়াছে, যে সকল ধর্মুর্দ্ধর পুরুষ লুণ্ঠিত সামগ্রী গ্রহণ করিবার জন্ত স্বহান ছাড়িয়া চলিয়া গিয়াছিল, তাহাদিগকে কি হজরত অংশ দিতেন না, কিম্বা তিনি কোন দ্রব্য কি লুকাইয়া রাখিতেন? কথিত আছে, বদরের যুদ্ধে লুণ্ঠিত দ্রব্যের কিছু হারাইয়া গিয়াছিল। কেহ বলিয়াছিল, হয়তো হজরত নিজের জন্ত তাহা রাখিয়াছেন, সম্ভবতঃ তত্পলক্ষেই এই আয়ত অবতীর্ণ হইয়াছে। (ত, ফা)

পরন্তু যে ব্যক্তি ঈশ্বরের সন্তোষের অন্বেষণ করিয়াছে, সে কি ঈশ্বরের কোপে প্রত্যাগত ব্যক্তির তুল্য? উহার স্থান নরক ও কুস্থান। ১৬২। এই লোক ঈশ্বরের নিকটে পদস্থ \* এবং তাহারা যাহা করিতেছে ঈশ্বর তাহার দর্শক। ১৬৩। সত্য সত্যই ঈশ্বর বিশ্বাসীদের প্রতি উপকার বিধান করিয়াছেন, যখন তাহাদের মধ্যে তাহাদের জাতি হইতে প্রেরিত পুরুষ প্রেরণ করিয়াছেন, সে তাহাদের নিকটে তাহার বচন পাঠ করিতেছে ও তাহাদিগকে শুদ্ধ করিতেছে, এবং তাহাদিগকে গ্রন্থ ও জ্ঞান শিক্ষা দিতেছে, এবং তাহারা পূর্বে একান্তই স্পষ্ট পথভ্রান্তির মধ্যে ছিল। ১৬৪। যখন এক বিপদ তোমাদিগকে প্রাপ্ত হইল, নিশ্চয় তোমরা কি তাহার দ্বিগুণ প্রাপ্ত হইয়াছ? তোমরা বলিয়াছ, “ইহা কোথা হইতে হইল?” বল, ( হে মোহাম্মদ, ) ইহা তোমাদের জীবন হইতে হইয়াছে, নিশ্চয় ঈশ্বর সর্বোপরি ক্ষমতামণ্ডলী †। ১৬৫। উভয় দলের সাক্ষাৎকারদিবসে তোমরা যাহা প্রাপ্ত হইয়াছ, তাহা ঈশ্বরের আদেশানুসারে হইয়াছে, বিশ্বাসীদের প্রকাশ এবং তাহারা কপট তাহাদিগকে প্রকাশ করিবার জন্ত হইয়াছে, তাহাদিগকে বলা হইয়াছিল এস, এবং ঈশ্বরের পথে সংগ্রাম কর, কিম্বা ( কাফেরদিগকে ) দূর কর। তাহারা বলিল, “যদি আমরা যুদ্ধ করিতে জানিতাম, নিশ্চয় তোমাদিগের অন্বেষণ করিতাম,” তাহারা সেই দিন বিশ্বাসমানুষ লোকদিগের অপেক্ষা ধর্মদ্রোহিতার অভিমুখে নিকটতর ছিল; যাহা তাহাদের অন্তরে নাই, তাহারা তাহা আপন মুখে বলিয়াছে; তাহারা যাহা গোপন করিতেছিল, ঈশ্বর তাহা উত্তম জ্ঞাত ‡। ১৬৬। + ১৬৭। তাহারা বসিয়া রহিয়াছে ও স্বীয় ভ্রাতাদিগের সম্বন্ধে বলিয়া থাকে, “আমাদের কথা মান্য করিলে তাহারা হত হইত না,” বল, ( হে মোহাম্মদ, ) যদি তোমরা সত্যবাদী হও, তবে আপনাদের মৃত্যুকে দূর কর। ১৬৮। এবং তাহারা ঈশ্বরের পথে হত হইয়াছে, তাহারা মরিয়াছে মনে করিও না, বরং তাহারা তাহাদের প্রতিপালকের

\* প্রেরিতপুরুষ ও অল্প লোক তুল্য নহে। সাধারণ লোকের জায় প্রেরিতপুরুষ দ্বারা লোভের কার্য হয় না। ( ত, ফা, )

+ অর্থাৎ তোমরা বদরের যুদ্ধে সন্তোর জন কাফেরকে বধ করিয়াছিলে, এবং সন্তোর জনকে বন্দী করিয়া আনিয়াছিলে। এই যুদ্ধে তোমাদের দলের সন্তোর জন হত হইয়াছে, তবে কুণ কেন হইতেছে? ইহা আপন অপরাধের ভঙ্গ হইয়াছে। যেহেতু তোমরা আজ্ঞা অমান্য করিয়াছ। অথবা এই অপরাধ ছিল যে, তোমরা অর্থ গ্রহণ করিয়া বদরের বন্দীদের দ্বারা ছাড়িয়া দিয়াছিলে। হজরত, বলিয়াছিলেন, “এই সন্তোর জনকে ছাড়িয়া দিলে তোমাদের সন্তোর জন যুদ্ধে হত হইবে।” ( ত, ফা, )

‡ এই আয়তে কপট লোকদিগের কথা। তাহারা বলে, যখন সংগ্রাম উপস্থিত হইবে, আমরা যাইয়া যোগ দিব, অথবা একপ নলে যে, আমরা যুদ্ধের রীতি নীতি জ্ঞাত নহি। অন্তরে গর্ক করে যে, আমাদের পরামর্শ গ্রাহ্য হয় না, ইহাদের যুদ্ধবিজ্ঞান জ্ঞান নাই। এই কথাতে তাহারা ধর্মদ্রোহিতার পনিকটনর্তী হইয়াছে ও বিশ্বাস হইতে দূরে পড়িয়াছে। ( বোধমূলভাগে দুই আয়ত একত্রীকৃত। ) ( ত, ফা, )



নিকটে জীবিত আছে, তাহাদিগকে উপজীবিকা প্রদত্ত হইতেছে। ১৬৯। + ঈশ্বর নিজ কৃপাশুণে তাহাদিগকে যাহা দান করিয়াছেন, তজ্জন্ম তাহারা আনন্দিত, যাহারা তাহাদের পশ্চাতে আছে, (এক্ষণেও) তাহাদের সহিত মিলিত হয় নাই, তাহাদের জন্ম আনন্দিত, যেহেতু তাহাদের সম্বন্ধে ভয় নাই ও তাহারা শোকপ্রাপ্ত হইবে না। ১৭০। তাহারা ঈশ্বরের দানে ও (তাঁহার) করুণায় আনন্দিত হয়, এবং নিশ্চয় ঈশ্বর বিশ্বাসীদিগের পুরস্কার নষ্ট করেন না। ১৭১। (র, ১৭, আ, ১৬)

যাহারা নিজের প্রতি যে আঘাত পছন্দিয়াছে, তাহার পর ঈশ্বরকে ও প্রেরিত পুরুষকে স্বীকার করিয়াছে, তাহাদের মধ্যে যাহারা সংকল্প ও ধৈর্য ধারণ করিয়াছে, তাহাদের জন্ম মহাপুরস্কার আছে \*। ১৭২। এই তাহারা যে তাহাদিগকে লোকে বলিয়াছিল, “নিশ্চয় তোমাদের জন্ম লোক সমবেত হইয়াছে, অতএব তাহাদিগকে ভয় কর;” পরে উহা তাহাদিগের বিশ্বাস বৃদ্ধি করিল, এবং তাহারা বলিয়াছিল, “আমাদের জন্ম ঈশ্বরই যথেষ্ট ও তিনি উত্তম কার্যাসম্পাদক” †। ১৭৩। অনন্তর তাহারা ঈশ্বরের দান ও কৃপার সম্বন্ধে পুনর্মিলিত হইল, সকল্যে তাহাদিগকে প্রাপ্ত হয় নাই, তাহারা ঈশ্বরের প্রসন্নতার অনুসরণ করিয়াছিল, ঈশ্বর মহান, পরম কৃপালু। ১৭৪। ইহারা শয়তান ভিন্ন নহে যে, আপন বন্ধুদিগকে ভয় দেখায়, যদি তোমরা বিশ্বাসী হও, তবে তাহাদিগকে ভয় করিও না, আগাকে ভয় করিও ‡। ১৭৫। এবং যাহারা অধশ্বে ধাবমান, তাহারা (হে মোহম্মদ,) তোমাকে বিধাদিত করিবে না, নিশ্চয় তাহারা ঈশ্বরের কিছু ক্ষতি করিবে না, ঈশ্বর

\* যে দিন বিপক্ষ দলের নেতা আবুহুফিয়ান ওহোদ হইতে প্রতিগমন করিল, হজরত সেই দিন অপরাহ্নে মদিনায় চলিয়া আসিলেন। সেদিন শওয়ালমাসের সপ্তম দিবস শনিবার ছিল। রবিবার দিন প্রাতঃকালে তিনি শত্রুদিগের পশ্চাতে ধাবমান হইবার জন্ম ওহোদের সৈন্যদিগকে আদেশ করিলেন, এবং যাহারা ওহোদের যুদ্ধে অনুপস্থিত ছিল, তাহাদিগকে মাঠতে বারণ করিলেন। ধর্মবন্ধগণ আহত দুর্বল শরীরে আজ্ঞা শিরোধার্য করিয়া শত্রুর অনুসরণে মক্কাভিমুখে চলিলেন। হমরায়ল আসদ নামক স্থানে তাঁহাদের শিবির সন্নিবেশিত হয়। তাঁহারা সোমবার রাত্রিতে প্রবল অগ্নি উদ্দীপন করিয়া মক্কাবাসীদিগকে বিজ্ঞাপন করেন যে, আমরা ভীত ও দুর্বল হই নাই। এই সময়ে পরমেশ্বর এই আয়ত অবতারণ করেন। (ত. হো,)

+ আবুহুফিয়ান এন্সলাম সৈন্তের মুলোৎপাটনমানসে পুনযাত্রার উচ্ছোঙ্গী হইয়াছিল। ইতিমধ্যে হঠাৎ হজরত হমরায়ল-আসদে পহুঁচিয়াছেন, এই সংবাদ প্রাপ্ত হইয়া ভীত হইল। পথে মদিনার যাত্রিক একদল বণিককে পাইয়া বিশেষরূপে অনুরোধ করিয়া বলিল যে, যে স্থানে তোমরা মোহম্মদীয় লোক দেখিতে পাইবে, তাহাদিগকে ভয় দেখাইবে যে, আমি সসৈন্তে তাহাদিগকে উৎসন্ন করিতে আসিতেছি; সেই লোক সকল হমরায়ল-আসদে আসিয়া মোসলমানদিগকে আবুহুফিয়ানের উক্তি জ্ঞাপন করিল। ঈশ্বরের অমুগ্রহে তাঁহারা কিছুই ভীত হইলেন না। বরং দৃঢ়তার সহিত তাঁহারা “আমাদের জন্ম ঈশ্বরই যথেষ্ট” ইত্যাদি বিশ্বাসের কথা বলিলেন। (ত. হো,)

‡ অর্থাৎ যে ব্যক্তি তদ্রূপ কথা কহিত, শয়তান তাহাকে শিক্ষা দিত।

(ত. কা.)

ইচ্ছা করেন যে, পরলোকে তাহাদিগকে কিছুই লভ্য প্রদান না করেন, এবং তাহাদের জন্ম মহাশাস্তি আছে \* । ১৭৬ । নিশ্চয় যাহারা ধর্মের বিনিময়ে অধর্মকে ক্রয় করিয়াছে, তাহারা ঈশ্বরের কিছুই ক্ষতি করিবে না ও তাহাদের জন্ম দুঃখজনক শাস্তি আছে । ১৭৭ । এবং ধর্মদ্রোহিগণ যেন মনে করে না যে, তাহাদের জীবনের মঙ্গলের জন্ম তাহাদিগকে অবকাশ দিতেছি, অপরাধে বর্ধিত হওয়ার জন্ম আমি তাহাদিগকে অবকাশ দিতেছি ইহা ব্যতীত নহে, তাহাদিগের জন্ম গ্লানিজনক শাস্তি আছে । ১৭৮ । যদবস্থায় তোমরা আছ, (হে কপটগণ,) তদবস্থায় বিশ্বাসীদিগকে রাখিবেন, ঈশ্বর (সেরূপ) নহেন, এতদূর পর্যন্ত যে তিনি পবিত্রতা হইতে অপবিত্রতা ভিন্ন করেন, এবং তোমাদিগকে যে গুপ্ত বিষয়ে জ্ঞাপন করিবেন ঈশ্বর (সেরূপ) নহেন, কিন্তু ঈশ্বর যাহাকে ইচ্ছা নিজের প্রেরিত পুরুষদিগের মধ্যে গ্রহণ করেন, অতএব ঈশ্বরকে ও তাঁহার প্রেরিত-দিগকে তোমরা বিশ্বাস করিও, এবং যদি তোমরা বিশ্বাস স্থাপন কর ও ধর্মভীরু হও, তবে তোমাদের জন্ম মহাপুরস্কার আছে । ১৭৯ । এবং তাহারা যেন মনে না করে যে, ঈশ্বর নিজরূপাঙ্গুণে যাহাদিগকে যাহা দান করিয়াছেন, তদ্বিষয়ে যাহারা কৃপণতা করে উহা তাহাদের মঙ্গলের জন্ম ঘটিবে, বরং উহা তাহাদের অমঙ্গলের জন্ম হইবে, তাহারা যে বিষয়ে কৃপণতা করিয়াছে, সত্ত্বর কেয়ামতের দিনে উহা তাহাদিগের গ্রীবার বন্ধন করা হইবে ; স্বর্গ মর্ত্যের উত্তরাধিকারিত্ব ঈশ্বরেরই, এবং তোমরা যাহা করিতেছ, ঈশ্বর তাহার জ্ঞাতা ঃ । ১৮০ । ( র, ১৮, আ, ৯ )

যাহারা বলিয়াছিল যে, ঈশ্বর নিধন আমরা ধনী, সত্য সত্যই ঈশ্বর তাহাদিগের কথা শ্রবণ করিয়াছেন, তাহারা যাহা বলিয়াছে তাহা এবং তাহাদিগের দ্বারা অন্তায়রূপে প্রেরিত পুরুষগণের হত্যা হওয়া এক্ষণ আমি লিখিব, এবং বলিব, তোমরা প্রদাহকারিণী শাস্তির আশ্বাদ গ্রহণ কর ঃ । ১৮১ । তোমাদের হস্ত পূর্বে যাহা প্রেরণ করিয়াছে

\* কপট লোকেরা যখন বিশ্বাসীদিগের দুঃখ বিপদ দেখিত, তখনই অবিশ্বাসের কথা বলিত ।

( ত, ফা, )

† হাদিসে অর্থাৎ প্রেরিতপুরুষের বাক্য ও কাগ্যাবরণ পুস্তকে উক্ত হইয়াছে যে, ঈশ্বর যাহাদিগকে ধন দিয়াছেন, তাহারা ডকাত দান না করিলে বিচারের দিনে সেই ধন দ্বারা বিষোদ্ধারী ভয়ঙ্কর বিষধরমূর্ত্তি নিশ্চিত হইবে । এই সূর্য আদিয়া সেই ব্যক্তির গ্রীবা ও মুখ জড়াইয়া ধরিবে ও তাহাকে ভৎসনা করিবে । যে বস্তু পূর্বে কোন ব্যক্তির অধিকারে ছিল না, পরে অধিকারভুক্ত হয়, এইরূপ অধিকারকে উত্তরাধিকার বলে । স্বর্গ ও মর্ত্যের উত্তরাধিকারিত্ব ঈশ্বরের, ইহার অর্থ এই যে, স্বর্গ ও মর্ত্যনিবাসীদিগের অভাব হইলে তাহাদের সম্পত্তির উত্তরাধিকারী ঈশ্বর হন । ইহা বাহ্যিক ভাবে উক্ত হইয়াছে । অর্থাৎ সম্পত্তি তাহাদের হস্তে অর্পণ করা হইয়াছিল, তাহাদের অভাবে সেই সম্পত্তি তাহার প্রকৃত স্যামী ঈশ্বরের হস্তগত হয় ।

( ত, হো, )

‡ উক্তদিয়া “ঈশ্বরকে ধন দান কর” আয়ত্ত শ্রবণ করিয়া বলিতেছিল, ঈশ্বর আমাদের নিকটে ধন প্রার্থনা করেন, তাহা হইলে ঈশ্বর দরিদ্র, আমরা ধনী ।

( ত, ফা, )

তাহারই জন্ত ইহা, \* নিশ্চয় ঈশ্বর দাসদিগের প্রতি অত্যাচারী নহেন । ১৮২ । যাহারা বলিয়াছে, "নিশ্চয় ঈশ্বর আমাদের সম্বন্ধে অঙ্গীকার করিয়াছেন যে, আমাদের নিকটে বলি আনীত হইলে তাহা হতাশন ভক্ষণ করা পর্য্যন্ত আমরা প্রেরিতকে বিশ্বাস করিব না, ( তাহাদিগকে ) বল, আমার পূর্বে নিদর্শন সকল সহ প্রেরিত পুরুষগণ নিশ্চয় তোমাদের নিকটে আগমন করিয়াছেন, এবং যাহা তোমরা বলিতেছ, যদি সত্যবাদী হও, তবে কেন তাহাদিগকে বধ করিলে † ? ১৮৩ । অনস্তর যদি তাহারা তোমার প্রতি ( হে মোহম্মদ, ) অসত্যারোপ করিয়া থাকে, তবে নিশ্চয় তোমার পূর্বে নিদর্শন সকল ও উজ্জল গ্রন্থ ও ক্ষুদ্র গ্রন্থ সকল সহ সমাগত প্রেরিতদিগের প্রতিও অসত্যারোপ করিয়াছে । ১৮৪ । প্রত্যেক ব্যক্তি যত্ন আশ্বাদন করিবে, এবং কেয়ামতের দিনে তোমাদিগকে সম্যক পুরস্কার দেওয়া যাইবে ইহা ভিন্ন নহে, পরন্তু যে ব্যক্তি নরকাগ্নি হইতে দূরীকৃত, এবং স্বর্গে সমানীত, পরে নিশ্চয় সে প্রাপ্তকাম হইল, সাংসারিক জীবন প্রবঞ্চনার সম্পত্তি ভিন্ন নহে । ১৮৫ । অবশ্য তোমাদিগকে ধন ও জীবনবিষয়ে পরীক্ষা করা হইবে, এবং তোমাদের পূর্বে যাহাদিগকে গ্রন্থ দান করা হইয়াছে তাহাদিগ হইতে ও যাহারা অনেকখরবাদ প্রবর্তিত করিয়াছে তাহাদিগের হইতে প্রচুর দুঃখ শুনিবে ; ‡ যদি তোমরা সহিষ্ণু ও দর্শনভীরু হও, তবে নিশ্চয় ইহা সাহসের কাণ্ড হয় । ১৮৬ । এবং ( স্মরণ কর, ) যখন গ্রন্থপ্রাপ্তলোকদিগকে ঈশ্বর অঙ্গীকার করাইলেন যে, অবশ্য তোমরা লোকের জন্ত তাহা ব্যক্ত করিবে এবং তাহা গোপন করিবে না, পরে তাহারা তাহা ( সেই অঙ্গীকারকে ) আপনাদের পৃষ্ঠে নিক্ষিপ করিল ও তৎপরিবর্তে স্বল্পমূল্য গ্রহণ করিল, পরন্তু তাহারা যাহা গ্রহণ করিতেছে তাহা নিকৃষ্ট । ১৮৭ । তাহাদিগকে কখনও মনে করিও না যে, যাহা প্রদত্ত হইয়াছে তজ্জন্ত তাহারা আহলাদিত, এবং যাহা তাহারা করে নাই তজ্জন্ত প্রশংসিত হইতে ভালবাসে ; § পরন্তু কখন তাহাদিগকে শাস্তি হইতে

\* তোমাদের হস্ত পূর্বে যাহা প্রেরণ করিয়াছে, ইহার অর্থ তোমরা পূর্বে যে দুর্কর্ম করিয়াছ ।

† কোন কোন প্রেরিতের দ্বারা এই অলৌকিক ক্রিয়া হইয়াছিল যে, কোন জব্য ঈশ্বরের বলিরূপে রাখা হইত, এক প্রকার অগ্নি আকাশ হইতে অবতীর্ণ হইয়া তাহা গ্রাস করিয়া ফেলিত । তখনই জানা যাইত যে, সেই বলি ঈশ্বরকর্তৃক গৃহীত হইয়াছে । এখন ইহাদিগণ ছলনা করিয়া বলিতেছে যে, আমাদের প্রতি ঈশ্বরের আদেশ হইয়াছে, যাহা হইতে আমরা এইরূপ অলৌকিকতা দর্শন না করিব, তাহাকে যেন বিশ্বাস না করি । ইহা তাহাদের প্রবঞ্চনা ভিন্ন নহে । এক এক সংবাদবাহক এক এক প্রকার অলৌকিকতা লাভ করিয়াছেন । সকলের এক প্রকার অলৌকিকতা কেন হইবে ?

( উ, কা, )

‡ প্রচুর দুঃখ শুনিবে, ইহার অর্থ, প্রেরিতপুরুষ ও ঈশ্বরের সম্বন্ধে অনেক দুঃখজনক কথা শুনিবে ।

( উ, হো, )

§ হজরত ইহুদিদিগের নিকটে কিছু জিজ্ঞাসা করিয়াছিলেন, তাহারা তাহার প্রকৃত উত্তর না দিয়া অন্য কথা বলে, এবং এরূপ প্রকাশ করে যে, তাহারা সত্য উত্তর দান করিয়াছে, এবং তজ্জন্ত

রক্ষা পাওয়ার মধ্যে মনে করিও না, তাহাদের জন্য দুঃখজনক শাস্তি আছে । ১৮৮ ।  
এবং স্বর্গ ও মর্ত্যের রাজত্ব ঈশ্বরের ও তিনি প্রত্যেক বস্তু উপর ক্ষমতামালী । ১৮৯ ।  
( র, ১৯, আ, ২ )

স্বর্গ মর্ত্যের সৃজনে ও দিবা রজনীর পরিবর্তনে অবশ্য বুদ্ধিমান লোকদিগের  
জন্য নিদর্শন সকল আছে \* । ১৯০ । তাহারা শয়নে ও উপবেশনে ও দণ্ডায়মান  
ঈশ্বরকে স্মরণ করে, এবং ভূমণ্ডলে ও নভোমণ্ডলের সৃষ্টিবিষয়ে চিন্তা করে, ( বলে ) “হে  
আমাদের প্রতিপালক, তুমি ইহা নিরর্থক সৃজন কর নাই, পবিত্রতা তোমারই, অবশেষে  
তুমি অগ্নিদণ্ড হইতে আমাদিগকে রক্ষা কর । ১৯১ । হে আমাদের প্রতিপালক, তুমি  
যাহাকে নরকারিতে প্রবেশ করাইয়াছ, নিশ্চয় তাহাকে লাঞ্চিত করিয়াছ, পরিশেষে  
নিশ্চয় অত্যাচারীদিগের জন্য সাহায্যকারী নাই । ১৯২ । হে আমাদের প্রতিপালক,  
নিশ্চয় আমরা ঘোষণাকারীকে শ্রবণ করিয়াছি, তিনি বিশ্বাসের দিকে ডাকিতেছেন যে,  
আপন প্রতিপালকের প্রতি বিশ্বাসী হও, পরে আমরা বিশ্বাস স্থাপন করিয়াছি ; হে  
আমাদের প্রতিপালক, অবশেষে আমাদের অপরাধ আমাদের জন্য ক্ষমা কর, এবং  
আমাদিগ হইতে মলিনতা সকল দূর কর, এবং আমাদিগকে সাধুতা সহকারে মৃত্যুগ্রস্ত  
কর । ১৯৩ । হে আমাদের প্রতিপালক, স্বীয় প্রেবিত পুরুষের যোগে তুমি আমাদের  
সম্বন্ধে যে বিষয়ে অঙ্গীকার করিয়াছ, তাহা আমাদিগকে দান কর, কেয়ামতের দিনে  
আমাদিগকে লাঞ্চিত করিও না, নিশ্চয় তুমি অঙ্গীকারের অত্যাচার কর না ।” ১৯৪ ।  
অনন্তর তাহাদের ঈশ্বর তাহাদিগকে গ্রহণ করিলেন, ( বলিলেন, ) নিশ্চয় তোমাদের  
মধ্যে স্ত্রী হউক কিম্বা পুরুষ হউক, আমি অকুষ্ঠানকারীর অকুষ্ঠান বিফল করি না,  
তোমাদের কতক লোক কতক লোকের ( তুল্য, ) \* পরন্তু যাহারা দেশান্তরে গিয়াছে ও  
আপন গৃহ হইতে বহিষ্কৃত হইয়াছে ও আমার পথে প্রপীড়িত হইয়াছে, এবং যুদ্ধ করিয়াছে  
ও হত হইয়াছে, একান্তই আমি তাহাদিগের অপরাধ তাহাদিগ হইতে দূর করিব,  
এবং একান্তই আমি তাহাদিগকে স্বর্গে লইয়া যাইব, যাহার ভিতরে পয়ঃপ্রণালী সকল  
তাহারা প্রশংসা পাইতে ইচ্ছা করে । তাহাতেই এই আয়ত অবতীর্ণ হয় ।

( ত, হো, )

\* কোরেশগণ ইহাদিগকে জিজ্ঞাসা করিয়াছিল যে, মুসার অলৌকিক নিদর্শন কি ছিল ?  
তাহারা হজরত মুসার যষ্টি ভূজঙ্গরূপে পরিণত হওয়া ও হস্তে জ্যোতিঃ প্রকাশ পাওয়ার বিষয় বলিলেন ।  
পরে ঈসারীদিগের নিকটে ঈসার অলৌকিক ক্রিয়ার বিষয় জিজ্ঞাসা করিলে, তাহারা হজরত ঈসার  
রোগীকে আরোগ্য ও যুদ্ধে জীবন দান বিষয় বলিলেন । পরে মোসলমানদিগের নিকটে হজরতের  
অলৌকিকতার বিষয় জিজ্ঞাসা করিলে এই আয়ত অবতীর্ণ হয় ।

( ত, হো, )

† তোমরা কতক কতক লোকের তুল্য, ইহার অর্থ পরস্পর তুল্য ।

( ত, হো, )

প্রবাহিত ; ঈশ্বরের নিকট হইতে পুরস্কার হয়, এবং সেই ঈশ্বর, তাহার নিকটে উত্তম পুরস্কার আছে । ১৯৫ । নগর সকলে ধর্মদ্রোহীদিগের গমনাগমন তোমাকে যেন ( হে গোহম্মদ, ) প্রতারণিত না করে \* । ১৯৬ । ( এই ) ভোগ ক্ষুদ্র, অতঃপর তাহাদের বাসস্থান নরক, এবং ( উহা ) মন্দ স্থান । ১৯৭ । কিয়ৎ যাহারা আপন ঈশ্বরকে ভয় করিয়াছে, তাহাদের জন্ত স্বর্গলোক সকল, যাহার ভিতরে পয়ঃপ্রণালী সকল প্রবাহিত, তাহাতে তাহারা সর্বদা থাকিবে, ঈশ্বরের আতিথ্য ( লাভ করিবে, ) পরমেশ্বরের নিকটে যাহা মঙ্গল তাহা সাধুদিগের জন্ত হয় । ১৯৮ । নিশ্চয় গ্রন্থাধিকারীদিগের মধ্যে যাহারা ঈশ্বরে ও তোমাдиগের প্রতি যাহা অবতীর্ণ হইয়াছে এবং তাহাদিগের প্রতি যাহা অবতীর্ণ হইয়াছে, তৎপ্রতি বিশ্বাস স্থাপন করিতেছে, তাহারা ঈশ্বরসম্বন্ধে বিনয়, ঈশ্বরের প্রবচনের বিনিময়ে ক্ষুদ্র মূল্য গ্রহণ করে না ; এই তাহারা, যাহাদিগের পুরস্কার ঈশ্বরের নিকটে তাহাদের জন্ত আছে, নিশ্চয় ঈশ্বর বিচারে সঙ্গর । ১৯৯ । হে বিশ্বাসিগণ, ধৈর্য্য ধারণ কর, পরস্পরকে দৃঢ় রূপে ও নিবিষ্ট থাক, এবং ঈশ্বরকে ভয় কর, ভরসা যে তোমরা উদ্ধার পাইবে । ২০০ । ( র, ২০, আ, ১১ )

## সূরা নেসা



### চতুর্থ অধ্যায়



১৭৭ আয়ত, ২৪ রক

( দাতা দয়ালু পরমেশ্বরের নামে প্রবৃত্ত হইতেছি । )

হে লোক সকল, যিনি এক ব্যক্তি হইতে তোমাদিগকে সৃজন করিয়াছেন ও তাহা হইতে তাহার স্ত্রী সৃজন করিয়াছেন, এবং এষ্ট উভয় হইতে বহু পুরুষ ও নারী বিস্তার

\* ধর্মদ্রোহী পৌত্তলিক লোকগণ নগরে গমনাগমন করিয়া বাণিজ্যাদি করিতেছে ও ধন সম্পদ লাভ করিয়া সুখ শৃঙ্খলে আছে, বিশ্বাসী ও ধার্মিক লোকেরা দুঃখ দরিদ্রতার ক্লেশ ভোগ করিতেছে, উহা দেখিয়া তুমি প্রতারণিত হইবে না । তাহাদের সুখ আনন্দ কণিক, ধার্মিকদিগের জন্য নিত্য স্বর্গ রহিয়াছে ।

( ত. হো. )



করিয়াছেন, তোমরা আপনাদের সেই প্রতিপালককে ভয় কর, এবং যাহার নামে পরস্পর যাক্বা করিয়া থাক, সেই ঈশ্বরকে ও বাঙ্কবতাকে ভয় কর, \* নিশ্চয় ঈশ্বর তোমাদিগের পরিদর্শক হন। ১। এবং অনাখদিগকে তাহাদের সম্পত্তি প্রদান কর, শুদ্ধতার সঙ্গে অশুদ্ধতার বিনিময় করিও না, এবং তাহাদের সম্পত্তিকে নিজের সম্পত্তির সঙ্গে যোগ করিয়া ভোগ করিও না, নিশ্চয় ইহা গুরুতর অপরাধ †। ২। এবং যদি তোমরা আশঙ্কা কর যে, অনাখদিগের প্রতি শ্রায় ব্যবহার করিতে পারিবে না, তবে তোমাদের যেরূপ অভিরুচি, তদমুসারে দুই, তিন ও চারি নারীর পাণিগ্রহণ করিতে পার; পরন্তু যদি আশঙ্কা কর যে শ্রায় ব্যবহার করিতে পারিবে না, তবে এক নারীকে (বিবাহ করিবে,) অথবা তোমাদের দক্ষিণহস্ত যাহার উপর অধিকার লাভ করিয়াছে, তাহাকে (পত্নীস্থলে গ্রহণ করিবে,) ইহা অশ্রায় না করার নিকটবর্তী ‡। ৩। এবং

\* মদিনাতে এই সূরার প্রকাশ হয়। বিভিন্ন বর্ণ ও আকৃতিসঙ্গে ঈশ্বর তোমাদিগকে এক আদমের শরীর হইতে উৎপাদন করিয়াছেন। তিনি সেই আদমের দেহ হইতে তাঁহার পত্নী হবাকে সৃজন করিয়াছেন। এরূপ প্রকাশ যে, হবা আদমের কুক্ষাস্থি হইতে সৃষ্ট হইয়াছে। ঈশ্বর এই উভয় হইতে নর নারী বিস্তার করিয়াছেন, অর্থাৎ উত্তরোত্তর বংশবৃদ্ধি করিয়াছেন। ঈশ্বরের আজ্ঞার বিরুদ্ধাচরণ করিতে ঈশ্বরকে ভয় করিও। পরস্পর সাহায্য-লাভার্থ ও অনুগ্রহের জন্ত যাহার নাম করিয়া প্রার্থনা করিয়া থাক, সেই ঈশ্বরকে এবং বাঙ্কবতাকে অর্থাৎ বন্ধুতা ও স্নেহ প্রেমের ব্যাঘাত হওয়াকে ভয় করিও। (ত, হো,)

† এই আয়ত গৎফানবংশীয় এক ব্যক্তির সম্বন্ধে অবতীর্ণ হয়। তাহার ভ্রাতা এক শিশু পুত্র রাখিয়া পরলোক গমন করিয়াছিল। সে ভ্রাতার সম্পত্তি অধিকার করে। ভ্রাতৃপুত্র বয়ঃপ্রাপ্ত হইয়া পিতৃধন তাহার নিকটে প্রার্থনা করিলে সে তাহা প্রদানে শৈথিল্য করিতে থাকে। তাহাতে হজরত মোহাম্মদের নিকটে এ বিষয়ে অভিযোগ উপস্থিত হয়। সেই উপলক্ষে হজরত এই প্রত্যাদেশ প্রাপ্ত হন। পরে গৎফানী মহাপাপ হইতে ঈশ্বর আমাকে রক্ষা করুন বলিয়া ভ্রাতার সমুদায় সম্পত্তি ভ্রাতৃপুত্রকে প্রদান করে। (ত, হো,)

‡ যে বালকের পিতার মৃত্যু হয়, তাহার অভিভাবকের উচিত যে, সেই বালক বয়ঃপ্রাপ্ত না হওয়া পর্যন্ত তাহার ধনে হস্তক্ষেপ না করে, বায়ে বিরত থাকিয়া তাহা সাবধানে রক্ষা করে, বালক বয়ঃপ্রাপ্ত হইলে সেই ধন তাহাকে বুঝাইয়া দেয়। (ত, ফা,)

‡ একজন নিরাশ্রয় নারী এক ব্যক্তির আশ্রয়ে ছিল। সেই পুরুষ উক্ত নারীর সম্পত্তি রক্ষণাবেক্ষণ করিতেছিল। পরে তাহার ইচ্ছা হইল যে, সেই স্ত্রীলোকটীকে বিবাহ করিয়া অনাখার প্রতি যাহা কর্তব্য ও তাহার জন্ত যেরূপ নির্ধারণ করা উচিত তাহা করে। তাহার মন্দ স্বভাব ও অশুভ নানা কারণে উহার প্রতিবন্ধক হইল। মহামাশু আয়াশার নিকটে কেহ ইহার প্রসঙ্গ করে, তাঁহাচার হজরত ইহা শুনিতে পান, তাহাতেই এই আয়ত অবতীর্ণ হয়। যখন, অনাখদিগের প্রতি শ্রায় ব্যবহার করিতে না পারিলে তাহাকে বিবাহ করিবে না। দক্ষিণ হস্ত যাহার উপর অধিকার লাভ করিয়াছে, ইহার অর্থ, যে নারী তোমার অধিকারে আছে, যাহার উপর তুমি কর্তৃত্ব লাভ করিয়াছ। (ত, হো,)

তোমরা স্ত্রীদিগকে সহর্ষে তাহাদের যৌতুক দান করিবে, পরন্তু যদি তাহারা আপনাই হইতে সন্তোষপূর্বক তাহার কোন দ্রব্য তোমাдиগকে প্রদান করে, তবে সেই উপযুক্ত সুরসদ্রব্য ভোগ কর। ৪। এবং নিজের সম্পত্তি, যাহা পরমেশ্বর তোমাদের জগ্ন স্থির করিয়াছেন, অবোধদিগকে প্রদান করিও না; তাহা হইতে তাহাদিগকে খাওয়াইবে ও তাহাদিগকে পরাইবে, এবং তাহাদের প্রতি উত্তম কথা কহিবে \*। ৫। এবং অনাথদিগকে বিবাহের যোগ্য হওয়া পর্যন্ত পরীক্ষা কর, পরে যদি তাহাদিগের যোগ্যতা প্রাপ্ত হও, তবে তাহাদের সম্পত্তি তাহাদিগকে সমর্পণ করিবে, এবং তাহারা বয়ঃপ্রাপ্ত হইয়া উঠিল বলিয়া তাহা সত্বর ও বাহুল্যরূপে ভোগ করিবে না; যাহারা ধনী, তাহারা অবশেষে ধৈর্য্য ধারণ করিবে, এবং অপিচ যাহারা নিধন, তাহারা উপযুক্তরূপে ভোগ করিবে। পরে যখন তোমরা তাহাদিগের সম্পত্তি তাহাদিগের প্রতি সমর্পণ করিবে, তখন তাহাদের সম্বন্ধে সাক্ষী গ্রহণ করিও, এবং ঈশ্বর প্রচুর বিচারকারী। ৬। যাহা পিতা মাতা ও স্বগণ পরিত্যাগ করে, তাহা হইতে পুরুষের অংশ, এবং যাহা পিতা মাতা ও স্বগণ পরিত্যাগ করে, তাহা অল্প বা অধিক হউক, তাহা হইতে নারীর অংশ, (এরূপ) অংশ নির্দ্ধারিত হয় †। ৭। এবং যখন বণ্টন হইবে, তখন স্বগণ ও নিরাশ্রয় এবং দরিদ্র উপস্থিত হইলে তাহাদিগকে তাহা হইতে দান করিবে, এবং তাহাদিগকে প্রিয় বাক্য বলিবে। ৮। যদি তাহারা দুর্বল সম্মান আপনাদের পশ্চাতে রাখিয়া যায়, তাহাদিগের

\* অর্থাৎ তোমরা অবোধ বালকের সম্পত্তি তাহার হস্তে দিবে না; তাহার বয়ঃপ্রাপ্ত হইয়া জ্ঞানলাভ করিলে সম্পত্তি তাহার হস্তে সমর্পণ করিবে। কিন্তু তাহাকে প্রিয় বাক্য বলিবে, অর্থাৎ এইরূপ প্রবোধ দিবে যে, এই ধন তোমারই, আমার নয়, আমি কেবল তোমার হিতসাধন করিয় থাকি। (ত, ফা)

নিজের সম্পত্তি, ইহার অর্থ, অনান্য নারী বা নিরাশ্রয় বালক বালিকার যে সম্পত্তির রক্ষণের ভার তোমরা প্রাপ্ত হইয়াছ তাহা। (ত, হো,)

† পৌত্তলিকতার সময়ে আরব লোকদিগের এই নীতি ছিল যে, স্ত্রীলোকদিগকে ও শিশু বালকগণকে উত্তরাধিকারিণী সম্পূর্ণরূপে বঞ্চিত করা হইত, এবং লোকে বলিত, যাহার শত্রুর সঙ্গে যুদ্ধ করিতে পারে, অস্ত্রাঘাতে শত্রুকে পরাস্ত করিয়া তাহাদের ধন লুণ্ঠন করিতে সক্ষম, তাহারাই সম্পত্তির উত্তরাধিকারী হইবে। হরজত যখন মদিনায় চলিয়া যান, তখনও উত্তরাধিকারিণীদের এই নিয়ম ছিল। তৎপর এক দিন অমক্‌তানাম্নী একটা স্থানলোক হজরতের নিকটে যাইয়া নিবেদন করিল যে, আমার স্বামী ওস্ বহু সম্পত্তি রাখিয়া পরলোকে গমন করিয়াছেন, আমার গর্ভসম্বৃত তাহার তিন শিশু কণ্ঠা বিদ্যমান। ওসের পিতৃবা পুত্রগণ আমাকে এবং সেই কণ্ঠাগণকে বঞ্চিত করিয়া সমুদায় সম্পত্তি অধিকার করিয়াছে, আমরা অল্প বস্ত্রে কষ্টে পাইতেছি। হজরত ওসের পিতৃবা পুত্রদিগকে ডাকিয়া বিবরণ জিজ্ঞাসা করিলেন। তাহার উপরি উক্ত উত্তরাধিকারিণীদের নিয়ম জ্ঞাপন করিয়া সেই অজ্ঞানচারকে সমর্পণ করিতে চেষ্টা করিল। এই উপলক্ষে এই আয়ত অবতীর্ণ হইল।

(ত, হো,)

( সেই বালকদিগের ) সম্বন্ধে তাহাদের ভয় হওয়া উচিত : \* পরন্তু উচিত যে, ঈশ্বরকে ভয় করে, এবং উচিত যে অটল বাক্য বলে । ৯ । নিশ্চয় যাহারা অত্যাচার করিয়া অনাথদিগের ধন ভোগ করে, তাহারা নিজের পাকস্থলীতে অগ্নি ভিন্ন ভোজন করে না, এবং অবশ্য তাহারা নরকে যাইবে । ১০ । ( র, ১, আ, ১০ )

তোমাদের সম্বন্ধে ঈশ্বর নির্ধারণ করিতেছেন যে, দুই জন কন্যার অংশের অনুরূপ এক জন পুত্রের ( অংশ ) হইবে ; পরন্তু যদি দুইয়ের অধিক কন্যামাত্র হয়, তবে যাহা ( মৃত ব্যক্তি ) পরিত্যাগ করিয়াছে, তাহার দুই তৃতীয়াংশ ভাগ তাহাদের জন্ত হইবে, এবং যদি এক কন্যা হয়, তবে তাহার জন্ত অর্ধাংশ । যদি তাহার সম্বান থাকে, তবে সে যাহা পরিত্যাগ করিয়াছে, তাহার ষষ্ঠাংশ তাহার পিতা মাতা উভয়ের প্রত্যেকের জন্ত হইবে ; পরন্তু যদি তাহার সম্বান না থাকে, তবে তাহার পিতা মাতা তাহার উত্তরাধিকারী, কিন্তু তাহার মাতার জন্ত তৃতীয় ভাগ, পরন্তু যদি তাহার কয়েক ভ্রাতা থাকে, তবে তাহার মাতার জন্ত ষষ্ঠ ভাগ, ( মৃত ব্যক্তি কর্তৃক ) এ বিষয়ে যে নির্ধারণ করা হয়, সেই নির্ধারিত পূর্ণ হওয়ার পর, ( ইহা হইবে, ) অথবা তোমাদের পিতা ও তোমাদের সম্বানগণের ঋণ পরিশোধ হওয়ার পর হইবে ; তোমরা জ্ঞাত নও যে, কল্যাণ-সাধনে তাহাদের মধ্যে কে তোমাদের অধিকতর নিকটবর্তী, ( ইহা ) ঈশ্বর কর্তৃক নিরূপিত, নিশ্চয় ঈশ্বর জ্ঞাত ও নিপুণ ঃ । ১১ । এবং যাহা তোমাদের স্ত্রীগণ পরিত্যাগ করিয়াছে, তাহাদের সম্বান না থাকিলে তোমাদের নিমিত্ত তাহার অর্ধাংশ, পরন্তু যদি তাহাদের সম্বান থাকে, তবে তাহারা যাহা পরিত্যাগ করিয়াছে তোমাদের জন্ত তাহার চতুর্থাংশ, এ বিষয়ে যাহা নির্ধারণ করা হয় ( ইহা ) তাহা পূর্ণ হওয়ার অথবা ঋণ পরিশোধ হওয়ার পরে হইবে ; এবং তোমরা যাহা পরিত্যাগ করিয়াছ, যদি তোমাদের সম্বান না থাকে, তবে তাহাদিগের জন্ত তাহার চতুর্থাংশ, পরন্তু যদি তোমাদের সম্বান

\* অর্থাৎ পরে সম্বানদিগের পক্ষে ক্ষতি না হয়, তোমরা তাহা ভাবিবে । ( ত, কা, )

+ এই আয়তে সম্বান এবং পিতা মাতা এই দুইয়ের উত্তরাধিকারিত্বের বিধি হইতেছে । যদি মৃত ব্যক্তির পুত্র এবং কন্যাসম্বান থাকে, তবে দুই কন্যার তুলা অংশ এক পুত্র প্রাপ্ত হইবে যদি কেবল কন্যাসম্বান থাকে, তবে এক কন্যাসম্বলে অর্ধাংশ, অধিক কন্যাসম্বলে দুই তৃতীয়াংশ সম্পত্তি তুল্যরূপে বিভাগ করিয়া লইবে । মৃত ব্যক্তির সম্বান ও অনেক ভ্রাতা ভগিনী থাকিলে তাহার মাতা ষষ্ঠাংশ পাইবে, এবং তাহার অভাব হইলে মাতা তৃতীয়াংশের অধিকারিণী । মৃত ব্যক্তির সম্বান থাকিলে পিতা ষষ্ঠাংশের অধিকারী । সম্বানের অভাব হইলে পিতা মূলোত্তরাধিকারী হইবেন । মৃত ব্যক্তির সম্পত্তি প্রথমতঃ তাহার কোফন ও সমাধির কার্যে ব্যবহার করিবে, তৎপর তদ্বারা তাহার ঋণ পরিশোধ করিবে ; পরে যাহা কিছু উৎকৃত হয়, তাহার নির্ধারণ অনুসারে এক তৃতীয়াংশ ব্যয় করিবে । ইহার পরে যাহা থাকিবে, উত্তরাধিকারিত্বে তাহার বিভাগ হইবে । এই বিভাগ কার্যে বুদ্ধির অধিকার নাই, এ বিষয়ে ঈশ্বর নির্ধারণ করিতেছেন, তিনি সর্বাপেক্ষা হুবিজ্ঞ । ( ত, কা, )

থাকে, তবে যাহা তোমরা পরিত্যাগ করিয়াছ, তাহাদের জন্ত তাহার অষ্টমাংশ হইবে, তোমরা এ সম্বন্ধে যে নির্ধারণ কর, সেই নির্ধারণ পূর্ণ ও ঋণের পরিশোধ হওয়ার পর (ইহা) হইবে; এবং যাহা হইতে উত্তরাধিকার প্রাপ্ত হওয়া যায়, সে যদি নিঃসন্তান ও পিতৃহীন পুরুষ হয়, অথবা (তদ্রূপ) নারী হয়, এবং তাহার এক ভ্রাতা ও এক ভগিনী থাকে, তবে উভয়ের প্রত্যেকের জন্ত ষষ্ঠাংশ, পরন্তু যদি এতদপেক্ষা অধিক হয় তবে তাহারা তৃতীয় অংশের মধ্যে অংশী হইবে, এ সম্বন্ধে যে নির্ধারণ করা হয়, সেই নির্ধারণ পূর্ণ হওয়ার পর বা ক্ষতিবিহীন ঋণ পরিশোধ হওয়ার পর (ইহা) হইবে, \* পরমেশ্বর

\* এস্থলে ভ্রাতা ভগিনীর উত্তরাধিকারিদের বিধি। এ বিষয়ে পিতা পুত্রের সঙ্গে ভ্রাতা ভগিনীর উত্তরাধিকারিত্ব বর্তে। ভ্রাতা ভগিনী প্রকৃত, অপ্রকৃত এবং বৈমাত্র এই ত্রিবিধ। এক পিতার ঔরসে, এক মাতার গর্ভে যে নর নারীর জন্ম, তাহারা পরস্পর প্রকৃত ভ্রাতা ভগিনী; যাহাদের মাতা এক, পিতা স্বতন্ত্র, তাহারা অপ্রকৃত ভ্রাতা ভগিনী; যাহাদিগের পিতা এক, মাতা স্বতন্ত্র, তাহারা পরস্পর বৈমাত্র ভ্রাতা ভগিনী; উত্তরাধিকারিদের এই তিনের সম্বন্ধ আছে। একজন হইলে ষষ্ঠাংশ, অনেকজন হইলে তৃতীয়াংশ পাইবে।\* ইহার মধ্যে স্ত্রীপুরুষের তুল্যাধিকার। প্রকৃত ও বৈমাত্র ভ্রাতা ভগিনী উত্তরাধিকারিত্ব বিষয়ে ধনস্বামীর সম্মানসদৃশ, পিতা ও সম্মানের অভাব হইলে প্রথমতঃ প্রকৃত ভ্রাতা ভগিনীর, তদভাবে বৈমাত্র ভ্রাতা ভগিনীর অধিকার। এই সূরার অন্তর্ভাগে ইহাদের উত্তরাধিকারিত্ব বিবৃত আছে। অতঃপর আদেশ হইয়াছে যে, প্রথমতঃ মৃত ব্যক্তির অস্তিম নির্ধারণের প্রতি দৃষ্টি করিতে হইবে যে, অপরের ক্ষতি করা হইয়াছে কি না। ক্ষতি দুই প্রকারে হইয়া থাকে। এক, সম্পত্তির তৃতীয়াংশের অধিক বিতরণ করিয়া পরলোক প্রাপ্ত হওয়া, তৃতীয়াংশ পর্য্যন্তই বিতরণ করা প্রচলিত নিয়ম। দ্বিতীয়তঃ যে জন উত্তরাধিকারিদের অংশ পাইবে, পক্ষপাতী হইয়া তাহাকে তাহার প্রাপ্য অংশের অধিক দান করিয়া লোকান্তরিত হওয়া, ইহা গ্রাহ্য নহে। যদি সমুদায় উত্তরাধিকারী সম্মত হন, এই দুই নির্ধারণ রক্ষা করিতে পারেন, অল্পপা খণ্ডন করিতে সমর্থ। এই যে পাঁচ প্রকার উত্তরাধিকারিত্ব উক্ত হইল, ইহা সম্পত্তির অংশদিগের জন্ত, এতদ্বিত্ত আর এক প্রকার উত্তরাধিকারী আছে, তাহাকে মূলোত্তরাধিকারী বলা যায়। উহাকে আরবা ভাষায় “অস্ব” বলে, তাহার অংশ হয় না। প্রকৃত মূলোত্তরাধিকারী পুরুষ হইয়া থাকে, স্ত্রীলোক নয়। ইহা চারি শ্রেণীতে বিভক্ত। প্রথম শ্রেণীতে পুত্র ও পৌত্র, দ্বিতীয় শ্রেণীতে পিতা ও পিতামহ, তৃতীয় শ্রেণীতে ভ্রাতা ও ভ্রাতৃপুত্র, চতুর্থ শ্রেণীতে পিতৃব্য ও পিতৃব্যপুত্র এবং পিতৃব্যপৌত্র। এক এক শ্রেণীতে কতিপয় ব্যক্তি হইলে যাহার সঙ্গে মৃত ব্যক্তির ঘনিষ্ঠ সম্বন্ধ, সেই অগ্রগণ্য, যেমন পৌত্র অপেক্ষা পুত্র এবং ভ্রাতৃপুত্র অপেক্ষা ভ্রাতা, তৎপর বৈমাত্র ভ্রাতা অপেক্ষা প্রকৃত ভ্রাতা অগ্রগণ্য। অপর সম্মান ও ভ্রাতৃগণের মধ্যে পুরুষের সঙ্গে নারীও মূলোত্তরাধিকারী হয়, অল্প স্থলে নয়। যদি এই দুই প্রকার উত্তরাধিকারী না থাকে, তবে অল্প প্রকার হইয়া থাকে, তাহা একরূপ ঘনিষ্ঠ স্বগণ যাহার সঙ্গে স্ত্রীলোকের সম্বন্ধ রহিয়াছে, এবং অল্প অংশী নাই; যথা দৌহিত্র, মাতামহ, ভাগিনের, মাতুল, মাতৃঘনা, পিতৃঘনা এবং ইহাদের সম্মান, ইহারাও মূলোত্তরাধিকারী স্থলে গণ্য। (ত, কা,)

তৃতীয়াংশের অধিক ধন নির্ধারিত হইলে অস্তিম নির্ধারণে ক্ষতি, মৃতব্যক্তির বাহা নাই এমন কিছু দানে অঙ্গীকার করাতে ঋণে ক্ষতি। (ত, হো,)

কর্তৃক নির্ধারিত, ঈশ্বর জ্ঞাতা ও প্রশান্ত। ১২। এ সকল ঈশ্বর কর্তৃক নির্ধারিত, এবং যে ব্যক্তি ঈশ্বরের ও তাঁহার প্রেরিত পুরুষের অনুগত হইবে, সে স্বর্গে সর্বদা তথায় অবস্থানকারিরূপে নীত হইবে, যাহার (বৃক্ষের) নিম্নে পয়ঃপ্রণালী সকল প্রবাহিত, এবং ইহাই মহা চরিতার্থতা। ১৩। এবং যে ব্যক্তি ঈশ্বরের ও তাঁহার প্রেরিতপুরুষের অবাধ্য হয় ও তাঁহার নির্ধারিত সীমা উল্লঙ্ঘন করে, সে নরকায়িতে সর্বদা তথায় অবস্থানকারিরূপে নীত হইবে, এবং তাহার জন্ত গ্লানিজনক শাস্তি আছে। ৪। (র, ২, আ, ৪)

এবং তোমাদের স্ত্রীগণের মধ্যে যাহারা কুকার্যে উপস্থিত হয়, পরে তোমরা তাহাদের সম্বন্ধে স্বজাতীয় চারি জনের সাক্ষ্য চাহিবে, যদি সাক্ষ্য প্রদত্ত হয়, তবে তাহাদিগকে শমন যে পর্যন্ত বিনাশ না করে অথবা ঈশ্বর তাহাদের জন্ত কোন পথ নির্ধারণ না করেন, সে পর্যন্ত গৃহে রুদ্ধ করিয়া রাখিবে \*। ১৫। এবং তোমাদের মধ্যে যে দুই ব্যক্তি তাহাতে (সেই দুকর্মে) উপস্থিত হয়, তোমরা তাহাদিগকে শাস্তি দান করিবে, পরে যদি তাহারা প্রত্যাবর্তন করে, এবং সাধু হয়, তবে তাহাদিগ হইতে প্রতিনিবৃত্ত হইবে, নিশ্চয় ঈশ্বর প্রত্যাবর্তনকারী দয়ালু †। ১৬। যাহারা অজ্ঞানতাবশতঃ দুকর্ম করে, তাহাদিগের প্রত্যাবর্তন গ্রহণ করা ঈশ্বরের পক্ষে, ইহা ভিন্ন নহে; তৎপর তাহারা সত্বর প্রত্যাবর্তন করে, পরে ইহারাই, যে ঈশ্বর তাহাদের প্রতি প্রত্যাবর্তিত হন, ঈশ্বর জ্ঞাতা ও নিপুণ। ১৭। এবং যে ব্যক্তি পাপ কর্ম করিতে থাকে, তাহার জন্ত প্রত্যাবর্তন নাই, এ পর্যন্ত যখন তাহাদের কাহারও মৃত্যু উপস্থিত হয়, তখন সে বলে, নিশ্চয় আমি এক্ষণ প্রত্যাবর্তিত হইলাম, কিন্তু যাহারা মরিতে চলিয়াছে, তাহাদের জন্ত (প্রত্যাবর্তন) নহে, তাহারা কাফের, এই তাহারাই, তাহাদের জন্ত আমি দুঃখজনক শাস্তির আয়োজন করিয়াছি ‡। ১৮। হে বিশ্বাসিগণ, বলপূর্বক স্ত্রীগণের স্বত্ব গ্রহণ করা তোমাদের পক্ষে অবৈধ, স্পষ্ট দুষ্ক্রিয় তাহাদের যোগ দেওয়া ব্যতীত তোমরা তাহাদিগকে যে কোন দ্রব্য দান করিয়াছ, তাহা গ্রহণপূর্বক পুনর্বিবাহে তাহাদিগকে নিষেধ করিও না, এবং বৈধরূপে তাহাদের সঙ্গ করিবে; পরন্তু যদি তোমরা তাহাদিগকে অবজ্ঞা কর, তবে

\* স্ত্রীর ব্যভিচারের শাসনসম্বন্ধে এই বিধি হইল যে, চারি জন মোসলমান পুরুষের সাক্ষ্য দান আবশ্যক হইবে। এক্ষণ পর্যন্ত তাহার মীমাংসা হইল না, তদ্বিষয়ে অস্বীকার রহিল। পরে সূর-নূরাত্তে উহার মীমাংসার আয়ত অবতীর্ণ হইয়াছে। (ত, ফা,)

† দুই স্ত্রী পুরুষ-দুকর্ম করিলে এই সময়ে সামান্ত শাস্তিদানের আজ্ঞা হইল, প্রত্যাবর্তন করিলে অর্থাৎ অনুতাপ করিয়া পাপ হইতে নিবৃত্ত হইলে শাস্তিদানের নিষেধ হইল। পরে যখন ব্যভিচারীর শাসনের মীমাংসা বাক্য অবতীর্ণ হইল, তখনও এ বিষয়ে অন্য নির্ধারণ হয় নাই। এ বিষয়ে পণ্ডিতগণের ভিন্নমত, কাহারও মতে ইহাই সিদ্ধান্ত, কাহারও মতে শিরশ্ছেদন, কাহারও মতে অন্য কিছু। (ত, ফা,)

‡ অর্থাৎ যখন মৃত্যু উপস্থিত হয়, তখন অনুতাপ গৃহীত হয় না, তাহার পূর্বে অনুতাপ হওয়া আবশ্যক। (ত, ফা,)



হয়ত। এমন এক বস্তুকে অবজ্ঞা করিলে, যে যাহাতে ঈশ্বর প্রচুর কল্যাণ করিয়া থাকেন \* । ১৯। এবং যদি তোমরা এক স্ত্রীর স্থলে অণু স্ত্রীর পরিবর্তন ইচ্ছা কর, এবং তাহাদের এক জনকে কেস্তার ( বহুধন ) দান করিয়াছ, † তবে তাহা হইতে কিছুই গ্রহণ করিবে না, তোমরা স্পষ্ট অপলাপ ও অপরাধ করিয়া কি তাহা গ্রহণ করিবে ? ২০। এবং কি প্রকারে তোমরা তাহা গ্রহণ করিবে ? বস্তুতঃ পরস্পর তোমাদের এক জন হইতে অণু জনের প্রতি স্বত্ব হইয়াছে ও তাহারা তোমাদিগের হইতে দৃঢ় অঙ্গীকার গ্রহণ করিয়াছে ‡। ২১। এবং যাহা নিশ্চয় অতীত হইয়াছে, তদ্ব্যতীত তোমাদের পিতৃগণ যে সকল নারীকে বিবাহ করিয়াছে, তোমরা তাহাদিগকে বিবাহ করিও না, ইহা হুকুম, আক্রোশবিশিষ্ট ও কুপথ §। ২২। ( র, ৩, আ, ৮ )

তোমাদের সম্বন্ধে তোমাদিগের মাতা, কণ্ঠা ভগিনী, পিতৃমসা, মাতৃমসা, ভ্রাতৃপুত্রী, ভাগিনেয়ী, এবং যে ব্যক্তি তোমাদিগকে স্ত্রী দান করিয়াছে সে ( ধাত্রী ), এবং সহ-স্ত্রীপায়িনীরূপা ভগিনী, তোমাদের ভার্য্যার মাতা ও যাহার সঙ্গ করিয়াছে সেই ভার্য্যার যে কণ্ঠা তোমাদের ক্রেড়ে ( প্রতিপালিত ) সে, ( ইহার ) অবৈধ; পরন্তু যদি তাহার সঙ্গে সহবাস না করিয়া থাক, তবে ( সেই কণ্ঠা ) তোমাদের সম্বন্ধে দোষ নহে, এবং যাহারা তোমাদের ঔরসজাত সেই তোমাদের পুত্রগণের ভার্য্যা ( অবৈধ, ) ও ছই ভগিনীর মধ্যে যোগ করা অবৈধ, কিন্তু যাহা গত হইয়াছে তাহা নয়, নিশ্চয় ঈশ্বর ক্ষমাশীল ও দয়ালু। ২৩। + এবং সধবা নারী ( অবৈধ, ) কিন্তু তোমাদের দক্ষিণ হস্ত যাহার উপর অধিকার লাভ করিয়াছে, ঈশ্বর তাহাকে তোমাদের সম্বন্ধে লিপি করিয়াছেন, এবং এ সকল ব্যতীত তোমাদের অণু বিধি হইয়াছে যে, তোমরা আপন ধন দ্বারা ( কাবিন যোগে ) সুরক্ষক অব্যভিচারী হইয়া ( বিবাহ ) অগ্ৰেণ কর, অনন্তর যদ্বারা তোমরা সেই নারীগণ হইতে ( বিবাহজন্য ) ফল ভোগ করিলে, পরে উহা তাহাদিগকে তাহাদের নির্দ্ধারিত যৌতুকরূপে দান কর, এবং নির্দ্ধারণ করার পর যে বিষয়ে তোমরা পরস্পর

\* এই আয়তে ছইটি বিধি, যথা স্বামীর মৃত্যুর পর স্ত্রী নিজের বিবাহবিসয়ে স্বাধীন, মৃত ব্যক্তির ভ্রাতা তাহাকে বলপূর্বক বিবাহ করিতে ও অন্য পুরুষের সঙ্গে তাহার বিবাহে বাধা দিতে পারে না। সে ভয় দেখাইয়া ভ্রাতার প্রদত্ত ধন সেই স্ত্রী হইতে হস্তগত করিবার অধিকারী নহে। দ্বিতীয় বিধি এই যে, গম্ভীর ভাবে স্ত্রীর সঙ্গে জীবন যাপন করিবে, তাহাদের মধ্যে মন্দভাব কিছু থাকিতে পারে, ভালও থাকিতে পারে, কুচরিত্রের সঙ্গে কুব্যবহার করা উচিত নয়। ( ত, ফা, )

+ ৬০ সের রৌপ্য বা স্বর্ণে এক কেস্তার হয়।

‡ স্বামী যে স্ত্রীর সঙ্গ করিলেন, মহর অর্থাৎ ঔদাহিক দান সম্পূর্ণরূপে সেই স্ত্রীর অধিকারভুক্ত হয়, সেই দান প্রতিগ্রহণ করিয়া তাহাকে বিদায় করা যাইতে পারে না। ( ত, ফা, )

§ যাহা হইয়াছে, সে বিষয়ে এক্ষণ কোন কথা নাই, অর্থাৎ পৌত্তলিকতার সময়ে তোমরা যে এ বিষয়ে নিবৃত্ত থাকিতে না, এম্লামধর্মগ্রহণের পর আর সে অপরাধ রহিল না। এক্ষণ হইতে বিমাতাকে বিবাহ করিতে ক্ষান্ত থাকিবে। ( ত, ফা, )

সম্মত হও, তদ্বিষয়ে তোমাদের সম্বন্ধে দোষ নাই, নিশ্চয় ঈশ্বর জ্ঞাতা ও নিপুণ \* । ২৪ ।  
এবং যদি তোমাদের মধ্যে কোন ব্যক্তি ( অর্থাভাববশতঃ ) এই ক্ষমতা প্রচুর প্রাপ্ত না  
হয় যে স্বাধীনা বিশ্বাসিনী কন্যাকে বিবাহ করে, তবে তোমাদের বিশ্বাসিনী দাসীদিগের  
যাহাদিগকে তোমাদের দক্ষিণ হস্ত অধিকার করিয়াছে তাহাদিগকে ( বিবাহ করিবে, )  
এবং ঈশ্বর তোমাদের বিশ্বাস উত্তম জ্ঞাত, তোমরা পরস্পরের, † অতএব তাহাদের  
প্রভুর আজ্ঞানুসারে তাহাদিগকে বিবাহ কর, এবং তাহারা অব্যভিচারিণী বিশ্বাসী  
হইলে ও গুপ্ত বন্ধু গ্রহণ না করিলে বিধিমতে তাহাদিগকে তাহাদের ঔদ্বাহিক দান প্রদান  
কর ; পরন্তু যদি তাহারা ( বিবাহে ) আবদ্ধ হইয়া দুর্কর্মে উপস্থিত হয়, তবে তাহাদের  
প্রতি স্বাধীনা স্ত্রীর শাস্তির অর্ধেক ( হইবে, ) তোমাদের যে ব্যক্তি কুকর্মে ভয় করে  
তাহার জন্ত ইহা, ধৈর্য্য ধারণ কর তবে তোমাদের মঙ্গল, এবং ঈশ্বর ক্ষমাশীল দয়ালু ।  
২৫ ( র, ৪, আ, ৩ )

ঈশ্বর ইচ্ছা করিতেছেন যে, তোমাদের পূর্বে যাহারা ছিল, তাহাদের পথ  
তোমাদিগের জন্ত ব্যক্ত করেন, ও তোমাদিগকে প্রদর্শন করেন, এবং তোমাদের প্রতি  
প্রত্যাবর্তন করেন, ঈশ্বর জ্ঞাতা ও নিপুণ । ২৬ । এবং ঈশ্বর ইচ্ছা করিতেছেন যে, তিনি  
তোমাদের প্রতি প্রত্যাবর্তন করেন, এবং যাহারা কুকামনার অনুসরণ করে, তাহারা  
ইচ্ছা করে যে, তোমরা মহা কুটিলতায় কুটিল হও । ২৭ । এবং ঈশ্বর ইচ্ছা করেন যে,  
তোমাদিগ হইতে ( ভার ) লঘু করিয়া লন, মনুষ্য দুর্বল সৃষ্ট হইয়াছে ‡ । ২৮ । হে  
বিশ্বাসিগণ, তোমাদের পরস্পর সম্মতিক্রমে বাণিজ্য হওয়া ব্যতিরেকে তোমরা আপনা-  
দের ধন অন্য়রূপে পরস্পরের মধ্যে ভোগ করিও না, এবং আপনাদের জীবনকে বধ  
করিও না, নিশ্চয় ঈশ্বর তোমাদের প্রতি দয়াবান্ হন § । ২৯ । এবং যে ব্যক্তি

\* সম্বন্ধে বিবাহ করা অবৈধ, কিন্তু যদি সেই নারীর উপর অধিকার লাভ হয়, তবে তাহাকে  
বিবাহ করিতে বিধি আছে । যেমন কোন পতিবিহীন নারী বন্দী হইয়া হস্তগত হইয়াছে,  
যিনি তাহার উপর অধিকার লাভ করিয়াছেন, তিনি তাহাকে বিবাহ করিতে পারেন । ( ত, ফা, )

† তোমরা সমবিশ্বাসী কিম্বা এক আদমের বংশসম্বৃত বলিয়া পরস্পরের সম্বন্ধে সম্বন্ধ আছ ।  
( ত, হো, )

‡ বিবাহ বিষয়ে তোমরা লঘু হও, বিপদে না পড়, ঈশ্বর এরূপ ইচ্ছা করেন । ( ত, হো )

§ ক্রোধযোগে ও ছাতক্রীড়া, উৎকোচ, বিশ্বাসঘাতকতা, চৌধা, মন্দ ব্যবসায়, মিথ্যা শপথ,  
অশ্লীল স্বভাবোপ ও সাক্ষাদান এবং বলপ্রয়োগ দ্বারা যে ধন উপার্জন করিয়া ভোগ করা হয়, তাহাই  
অন্য় ভোগ । এ স্থলে "আপনাদের" অর্থ এই যে, প্রকৃত পক্ষে সমুদায় বিশ্বাসী এক, পরস্পর  
আত্মীয় । "আপনাদের জীবনকে বধ করিও না" অর্থাৎ পাপকাণ্ড করিয়া কিম্বা অবৈধ বস্ত্র ভোগ  
করিয়া অথবা ইঞ্জিরের অধীনতা স্বীকারে তাহার চরিতার্থতা সাধন করিয়া আপনাদের জীবনকে  
নষ্ট করিও না । অজ্ঞান পৌত্তলিকগণ যেমন আপনাকে পুত্তলিকার উদ্দেশে বলিদান করে, কিম্বা

দৌরাখ্য ও অত্যাচার দ্বারা ইহা করে, পরে অবশ্যই আমি তাহাকে নরকানলে আনয়ন করিব, ইহা ঈশ্বরের সম্বন্ধে সহজ হয় \* । ৩০ । যাহা নিবেদন করা যাইতেছে, সেই মহা (পাপ) হইতে যদি তোমরা বিরত থাক, তবে আমি তোমাদের দোষ সকল তোমাদিগ হইতে দূর করিব, এবং তোমাদিগকে গৌরবের নিকতনে প্রবেশ করাইব † । ৩১ । ঈশ্বর যদ্বারা তোমাদের কাহাকে কাহার উপরে শ্রেষ্ঠতা দান করিয়াছেন, তোমরা তাহার আকাঙ্ক্ষা করিও না, পুরুষদিগের জন্ত তাহারা যাহা লাভ করিয়াছে তাহাতে স্বত্ব, নারীদিগের জন্ত তাহারা যাহা লাভ করিয়াছে তাহাতে স্বত্ব এবং ঈশ্বরের নিকটে তাহার করুণা প্রার্থনা কর, নিশ্চয় ঈশ্বর সর্বস্ব হন ‡ । ৩২ । এবং যাহা পিতা মাতা ও স্বগণ পরিত্যাগ করিয়াছে, আমি প্রত্যেকের জন্ত তাহার উত্তরাধিকারী নির্ধারিত করিয়াছি ও যাহাদের সঙ্গে তোমরা অঙ্গীকারে বন্ধ হইয়াছ, পরে তাহাদিগকে তাহাদের স্বত্ব প্রদান করিবে, নিশ্চয় ঈশ্বর সর্বসাক্ষী হন § । ৩৩ । (র, ৫, আ, ৮)

পুরুষ স্ত্রীলোকের উপর কর্তৃত্ব রাখে, ঈশ্বর তাহাদের এক জনকে অশ্রু জনের উপর

মৃত্যুজনক বিপজ্জনক স্থানে আপনাকে স্থাপন করে, তোমরা সেরূপ করিবে না । যাহা তোমাদের মৃত্যুর কারণ হয়, এরূপ কোন কার্য করিবে না । (ত, হো,)

\* অর্থাৎ এই বহিরা অহঙ্কার করিও না যে, আমরা মোসলমান, আমরা কেন নরকে যাইব ? তোমাদিগকে নরকে প্রেরণ করা ঈশ্বরের পক্ষে সহজ । (ত, ফা,)

† কোর-আনে বা হাদিসে যে পাপের জন্ত নরকভোগ স্পষ্ট উল্লিখিত হইয়াছে, ঈশ্বরের আক্রোশ ও নির্ধারিত শক্তির কথা আছে, তাহাই মহাপাপ; যাহা করিতে নিবেদনমাত্র হইয়াছে, তাহা সামান্য দোষ । (ত, ফা,)

‡ আর্থাৎ আরাশা প্রেরিত মহাপুরুষের নিকটে এইরূপ নিবেদন করিয়াছিলেন যে, পুরুষ ধর্ম-যুদ্ধের অধিকারী হইয়াছে, নারীগণ তাহার ফললাভে বঞ্চিত । পুরুষ নানা প্রকারে উপার্জন করিবার ক্ষমতা রাখে, নারীগণ দুর্বলা ও তাহাদের অভাব প্রচুর, এমনভাবে তাহাদের অপেক্ষা পুরুষেরা উত্তরাধিকারিত্বের ষিগুণ অংশ গ্রহণ করে, ইহা ভাবিয়া আমার আক্ষেপ হইতেছে । হায় ! আমি যদি পুরুষ হইতাম, তাহা হইলে আমি ধর্মযুদ্ধের পুণ্য ও উত্তরাধিকারিত্বের তুল্যাংশের অধিকারী হইতাম । এতদুপলক্ষে এই আয়ত অবতীর্ণ হয় । ইহার ভাব এই, প্রত্যেকের আচরণের সঙ্গে ফলের সম্বন্ধ রহিয়াছে, উত্তমের পবিত্রতা ও পর্থাচারের উপর পুণ্য নির্ভর করে । প্রত্যেকের স্বত্ব ও অংশ নির্ধারিত রহিয়াছে । একজন অশ্রু জনের স্বত্ব আকাঙ্ক্ষা করিবে না । ঈশ্বর সমুদায় জানেন, তিনি বাহার যাহা প্রাপ্য, তাহা তাহাকে প্রদান করিয়া থাকেন । (ত, হো,)

§ অধিকাংশ লোক একাকী হজরতের নিকটে মোসলমান ধর্ম গ্রহণ করিয়াছিল । তাহাদের আত্মীয় স্বগণ কাকের ছিল । পরে হজরত দুই জন দুই জন মোসলমানকে পরস্পর আত্মবন্ধনে বন্ধ করিয়াছিলেন । তাহারা এক জন অশ্রু জনের উত্তরাধিকারী হইয়াছিল । যখন তাহাদের জাতি কুটুম্ব মোসলমান হইল, তখন এই বাণী অবতীর্ণ হয় যে, যখন আত্মীয়গণ উত্তরাধিকারী, কিন্তু বাহাদিগের সঙ্গে তোমরা আত্মবন্ধনে বন্ধ, জীবদ্দশায় তাহাদিগের সঙ্গে সম্বন্ধ রাখিবে, মৃত্যুকালে তাহাদের জন্ত কিছু নির্ধারণ করিবে । (ত, ফা,)

শ্রেষ্ঠতা দান করিয়াছেন বলিয়া, এবং তাহারা (পুরুষেরা) নিজের ধন ব্যয় করে বলিয়া; পরন্তু সাধ্বী নারীগণ বাধ্য হয়, তাহারা গোপনীয়ের (দাম্পত্য-ধর্মের) সংরক্ষিকা, ঈশ্বর সংরক্ষণ করিয়াছেন বলিয়া; এবং তোমরা যে সকল নারীর অবাধ্যতা আশঙ্কা করিয়া থাক, তাহাদিগকে উপদেশ দান কর ও শয়নাগারে তাহাদিগকে যাইতে বারণ কর, এবং তাহাদিগকে প্রহার কর, যদি তাহারা তোমাদের অনুগত হয়, তবে তাহাদের প্রতি কোন পথ অন্বেষণ করিও না; নিশ্চয় ঈশ্বর শ্রেষ্ঠ ও মহান্ \* ১৩৫। অপিচ যদি (হে বিচারকগণ,) তোমরা উভয়ের মধ্যে বিরুদ্ধ ভাব আশঙ্কা কর, তবে পুরুষের স্বগণ হইতে এক জন মীমাংসাকারী ও স্ত্রীর স্বগণ হইতে একজন মীমাংসাকারী নিযুক্ত করিবে, যদি তাহারা মীমাংসা করিয়া দিতে ইচ্ছা করে, তবে ঈশ্বর উভয়ের প্রতি অমুকূল হইবেন; নিশ্চয় ঈশ্বর জ্ঞানী ও জ্ঞাতা হন। ৩৫। এবং ঈশ্বরকে পূজা কর ও তাঁহার সঙ্গে কোন বস্তুকে অংশী করিও না, এবং পিতা মাতা, স্বগণ, নিরাশ্রয়, দরিদ্র, স্বজনপ্রতিবেশী, পরজনপ্রতিবেশী ও পার্শ্ববর্তী সঙ্গী এবং পরিব্রাজক, এ সকলের প্রতি এবং তোমাদের হস্ত তাহাদিগকে অধিকার করিয়াছে, তাহাদিগের প্রতি সদ্যবহার কর; তাহারা অহকারী আত্মাভিমानी হয়, নিশ্চয় ঈশ্বর তাহাদিগকে প্রেম করেন না † ৩৬। + তাহারা কুপণতা করে ও লোকদিগকে

\* এক স্ত্রী অবাধ্য হইয়া স্বামীর প্রতি অত্যন্ত বিরুদ্ধ ব্যবহার করিয়াছিল। তাহাতে স্বামী নিতান্ত বিরক্ত হইয়া তাহাকে চপেটাঘাত করে। স্ত্রী আপন পিতার নিকটে যাইয়া দুঃখ প্রকাশ করে ও পিতার সঙ্গে যোগ দিয়া হজরতের নিকটে উপস্থিত হয়, এবং তাহাকে স্বামীর প্রহারের বৃত্তান্ত জ্ঞাপন করে। হজরত প্রহারের বিনিময়ে স্বামীকে প্রহার করিতে আজ্ঞা করেন। পিতা ও কণ্ঠা উভয়ে ইহার উদ্যোগী হয়। হজরত ইতিমধ্যে প্রত্যাদেশ শ্রবণপূর্বক কণ্ঠা ও কণ্ঠার পিতাকে ডাকিয়া বলেন যে, “আমি এক প্রকার কার্যের ইচ্ছা প্রকাশ করিয়াছি, এবং ঈশ্বর অগুরূপ কার্যের ইচ্ছা করিয়াছেন। ঈশ্বরের যাহা অভিপ্রায়, তাহাই কলাণজনক”। পুরুষ স্ত্রীলোকের ভরণপোষণকারী, সংরক্ষক, কার্যানির্বাহক, এজ্ঞ স্ত্রীলোক অপেক্ষা পুরুষের শ্রেষ্ঠতা অধিক। পরন্তু বুদ্ধি, জ্ঞান, গাভীর্ষা, বিবেচনা ও চিন্তাশক্তির আধিক্যবশতঃ এবং ধর্মযুদ্ধে, উপবাসব্রতে ও নানাপ্রকার উপাসনায় ও কঠোর সাধনায় প্রচুর যোগ্যতা লাভজন্য এবং ধনাদিকারিত্বে প্রাধান্যবশতঃ নারী অপেক্ষা পুরুষের শ্রেষ্ঠতা। সমুদায় ধর্মপ্রবর্তক ও আচাৰ্য্য পুরুষ। সমুদায় উন্নত বিষয়ে পুরুষ শ্রেষ্ঠ ও উন্নত। “নারী গোপনীয়ের সংরক্ষিকা” এ কথার অর্থ, দাম্পত্যধর্মের, সতীত্ব ও পবিত্রতার পালয়িত্রী। নারীদিগকে এরূপ প্রহার করিবে না, তাহাতে তাহাদের কোন অঙ্গ আহত ও ইচ্ছিয় বিকৃত হয়। তাহাতে তাহাদের অন্তর কোমল হয়, তাহারা দাম্পত্যধর্মের সম্মান রক্ষা করিতে পারে, প্রথমতঃ তাহাদিগকে এরূপ উপদেশ ও শিক্ষা দিবে। অবাধ্যতার আশঙ্কা হইলে উপদেশ, অবাধ্যতা প্রকাশ পাইলে ভিন্ন শয্যায় শয়ন করিতে দেওয়া, পুনঃ পুনঃ অবাধ্যতাচরণ হইলে সামান্য প্রহার বিধি। (ত, হো.)

+ প্রথমতঃ ঈশ্বরের প্রতি, পরে পিতামাতার প্রতি কর্তব্য পালন, এইরূপ ক্রমাগত স্বজন প্রতিবেশী ও পরজন প্রতিবেশী প্রভৃতির প্রতি কর্তব্য-পালন বিধি। প্রতিবেশী পরজন অপেক্ষা প্রতিবেশী

কৃপণ হইতে বলে, এবং ঈশ্বর নিজকৃপাগুণে তাহাদিগকে যাহা দান করিয়াছেন তাহা গোপন করে, ( ঈশ্বর তাহাদিগকে প্রেম করেন না, ) এবং আমি কাফেরদিগের জন্ত মানিজনক শাস্তি প্রস্তুত করিয়া রাখিয়াছি। ৩৭। এবং যাহারা লোকদিগকে প্রদর্শনের জন্ত নিজের ধন ব্যয় করে এবং পরমেশ্বরে ও পরকালে বিশ্বাস রাখেনা, ( তাহাদের প্রতি ঈশ্বর অপ্রসন্ন ) এবং শয়তান যে ব্যক্তির বন্ধু ( সে তাহার ) কুবন্ধু \*। ৩৮। এবং যদি তাহারা ঈশ্বরকে ও পরকালে বিশ্বাস করিত ও ঈশ্বর যাহা উপজীবিকারূপে তাহাদিগকে দিয়াছেন তাহা হইতে ব্যয় করিত, তবে তাহাদের সহজে কি ( ক্ষতি ) ছিল ; এবং পরমেশ্বর তাহাদিগকে জ্ঞাত আছেন। ৩৯। নিশ্চয় ঈশ্বর বিন্দু পরিমাণও অত্যাচার করেন না, এবং যদি সংকার্য হয়, তবে তিনি তাহাকে দ্বিগুণ করেন এবং আপনার নিকট হইতে মহাপুরস্কার দান করিয়া থাকেন। ৪০। অনন্তর কেমন হইবে, যখন আমি প্রত্যেক সম্প্রদায় হইতে সাক্ষী উপস্থিত করিব, এবং ইহাদের প্রতি তোমাকে সাক্ষী আনয়ন করিব † ? ৪১। যাহারা ধর্মবিদ্রোহী হইয়াছে ও প্রেরিত পুরুষের সহজে অপরাধ করিয়াছে, তাহারা সে দিবস ইচ্ছুক হইবে যেন তাহাদের উপর ভূমি সমতা প্রাপ্ত হয় ও তাহারা ঈশ্বর হইতে কোন কথা গোপন রাখিতে পারিবে না ‡। ৪২। ( র, ৬, আ, ৯ )

হে বিশ্বাসিগণ, তোমরা মত্ততাবস্থাপন্ন হইয়া যাহা বলিয়া থাক, তাহা বোধ হওয়া পর্য্যন্ত এবং পথপর্য্যটনকারী হওয়া ব্যতিরেকে গুরুকরণের অবস্থায় স্থান করা পর্য্যন্ত নমাজের নিকটে যাইও না ; এবং যদি তোমরা পীড়িত হও বা পর্য্যটনে প্রবৃত্ত থাক, অথবা তোমাদের কেহ শৌচাগার হইতে আগমন করে, কিম্বা তোমরা স্ত্রীসঙ্গ কর, তখন জল প্রাপ্ত না হও, তবে বিশুদ্ধ মৃত্তিকার চেষ্টা করিও, পরে তাহা আপনাদের মুখে ও

স্বপ্নের সহজে কর্তব্য গুরুতর। তৎপর সহচর অর্থাৎ যাহারা এক কার্যে সহযোগী, যথ এক শিক্ষকের দুই ছাত্র, এক প্রভুর দুই ভৃত্য। যাহারা আশ্রয়িত, অহঙ্কারী, আশ্রয়তুল্য কোন ব্যক্তিকে গণ্য করে না, সে সকল লোকই ইহাদের প্রতি কর্তব্যপালনে বিমুখ হয়। ( ত, ক', )

\* অর্থাৎ ধনদানে কৃপণতা করা ঈশ্বরের নিকটে যেরূপ গহিত, সংকার্যপ্রদর্শনের জন্ত দান করাও তদ্রূপ। যাহার যে স্বয়ং, তাহাকে তাহা পূর্বোক্তরূপে সাক্ষিক ভাবে দান করিলে ঈশ্বরের নিকটে গৃহীত হয়। পরকালে আশা ও ঈশ্বরের প্রতি বিশ্বাস রাখিয়া দান করিবে। ( ত, ক', )

† প্রেরিতপুরুষ আপন মণ্ডলীস্থ লোকের বাক্য ও কার্যকলাপের সাক্ষ্য দান করিবেন। ( ত, হো, )

‡ বিচারের দিনে প্রত্যেক মণ্ডলীর ও প্রত্যেক যুগের লোকদিগের অবস্থা সেই যুগের প্রেরিত পুরুষের ও সাধু পুরুষদিগের নিকটে ব্যক্ত করা যাইবে। বিরোধীর বিরুদ্ধ ভাব, সাধকের সাধনা বিবৃত হইবে। তখন বিরোধী লোকেরা ইচ্ছা করিবে যে, আমরা মৃত্তিকার সঙ্গে মিশিয়া যাই, আমরা এরূপ আচরণ না করিলে ভাল ছিল। ( ত, ক', )



আপনাদের হস্তে আমর্যণ করিও, নিশ্চয় ঈশ্বর মার্জনাকারী ও ক্ষমাকারী \*। ৪৩।  
 তাহাদিগকে গ্রন্থের অংশ দেওয়া গিয়াছে, তুমি কি তাহাদিগকে দেখ নাই? তাহারা  
 পথভ্রান্তিকে ক্রয় করিতেছে, এবং ইচ্ছা করিতেছে যে তোমরাও পথভ্রান্ত হও। ৪৪।  
 এবং ঈশ্বর তোমাদের শত্রুদিগকে উত্তম জ্ঞাত ও ঈশ্বরই (তোমাদের) যথেষ্ট বন্ধু,  
 ঈশ্বরই যথেষ্ট সাহায্যকারী। ৪৫। ইহুদিদিগের কতক লোক প্রবচনকে তাহার স্থান  
 হইতে পরিবর্তিত করিয়া থাকে, এবং তাহারা (ভাবের রমনায়) বলিয়া থাকে যে,  
 আমরা শুনিয়াছি ও গ্রাহ্য করি নাই, এবং শ্রোতা না হইয়া (বলিয়া থাকে) শ্রবণ কর,  
 আপনাদের রমনায় “রা আনাকে” জড়িত করে, † এবং ধর্মেতে গর্ব করিয়া থাকে, যদি  
 তাহারা শ্রবণ করিলাম ও গ্রাহ্য করিলাম এবং শ্রবণ কর, আমাদিগের প্রতি মনোযোগ  
 কর বলিত, তবে অবশ্য তাহাদের পক্ষে উত্তম ও সরল ভাব ছিল; কিন্তু তাহাদের  
 ধর্মদ্রোহিতার জন্ত তাহাদিগকে ঈশ্বর অভিসম্পাত করিয়াছেন, পরন্তু তাহারা অল্প  
 ব্যতিরেকে বিশ্বাস করে না। ৪৬। হে গ্রন্থপ্রাপ্ত লোক সকল, তোমাদের সঙ্গে যাহা  
 (যে গ্রন্থ) আছে, আমি তাহার সত্যতার প্রতিপাদক, আমি যাহা অবতারণ করিয়াছি,  
 মুখমণ্ডল বিলুপ্ত হওয়ার পূর্বে তাহাতে বিশ্বাস স্থাপন কর, পরে আমি তাহা তাহার

\* একদিন ওয়ক্কের পুত্র অবদোররহমাণের আলয়ে কতিপয় ধর্মবন্ধু মিলিয়া সূরাপানে প্রবৃত্ত  
 হইয়াছিলেন। তখন সূরাপান নিষিদ্ধ হয় নাই। তাহারা সূরাপানে মত্ত ও বিহ্বল হইয়া উঠিলে  
 আজ্ঞানের ধ্বনি শ্রবণ করেন, সকলে যাইয়া নমাজে যোগ দেন। যিনি এমাম (আচার্য্য) ছিলেন,  
 তিনি অধিক পান করিয়া অতিশয় বিহ্বল হইয়াছিলেন। তিনি নমাজের এক বচনস্থলে অল্প বচন  
 পড়িতে লাগিলেন। তাহাতেই “মত্ততাবস্থাপন্ন হইয়া যাহা বলিয়া থাক, তাহা বোধ হওয়া পয্যন্ত  
 নমাজের নিকটে বাইও না” এই বাণী অবতীর্ণ হয়। সূরাসেবনে বা অল্প কোন মাদকদ্রব্যসেবনে  
 মত্ত হইয়া কেবল নমাজের নিকটে, মস্জেদে যাওয়া নিষেধ তাহা নয়, তদবস্থায় সকল প্রকার সাধনায়  
 প্রবৃত্ত হওয়াই নিষেধ। এমামশাফির মতে পুরুষের কোন অঙ্গ পরাঙ্গনার অঙ্গে স্পৃষ্ট হইলে উভয়বিধ  
 অঙ্গ অসিদ্ধ হয়। এমাম মালেকের মতে কামভাবে নারীর অঙ্গ স্পর্শ করিলে অঙ্গ অসিদ্ধ হয়,  
 এমাম আজমের মতে স্ত্রীসঙ্গ হইলে অসিদ্ধ। (ত, ফা,)

কোন যুদ্ধযাত্রার কালে এই আয়ত অবতীর্ণ হয়। রাত্রিকালে এসলাম সৈন্য এক জলশূণ্য স্থানে  
 শিবির স্থাপন করেন। রজনী প্রভাত হওয়ার পূর্বে তথা হইতে যাত্রা করিবেন, তাহাদের এরূপ  
 ইচ্ছা ছিল; তাহা হইলে নমাজের সময়ে কোন জলাশয়ের নিকটে উপনীত হইতে পারিবেন।  
 ঘটনাক্রমে আর্থা আরাশার মুক্তার হার হারাইয়া যায়। তাহার অন্বেষণে বিলম্ব হয়, সূর্যোদয়  
 হইয়া পড়ে। উপাসকগণ মহান্না আবুবেকরের নিকটে এজন্ত দুঃখ প্রকাশ করেন। তিনি আর্থা  
 আরাশার পটমণ্ডপে যাইয়া তথায় হজরতকে নিদ্রাবস্থায় প্রাপ্ত হন। স্বীয় দুহিতা আরাশাকে এই  
 বিলম্বের কারণে অনেক অনুযোগ করেন। ইতিমধ্যে প্রেরিতপুরুষ জাগরিত হন। তিনি সহচরদিগকে  
 রান ও বিবরণ দেখিয়া আধ্যাত্মিক জগতের প্রতি অন্তর স্থাপন করেন। তাহাতেই যে স্থানে জলের  
 অভাব হইবে, সে স্থানে বিস্তৃত মুক্তিকার চোটা কর, এইরূপ বাণী অবতীর্ণ হয়। (ত, হো,)

† বকর সূরার “রা আনা” উক্তির বিশেষ বৃত্তান্ত বিবৃত হইয়াছে।

পৃষ্ঠের দিকে ফিরাইব, অথবা শনিবাসরীয় লোককে যেরূপ অভিসম্পাত করিয়াছি, তাহাদিগকে সেইরূপ অভিসম্পাত করিব; ঈশ্বরের কার্য সম্পাদিত হয় \*। ৪৭। নিশ্চয় ঈশ্বর তাঁহার সঙ্গে অংশী স্থাপন করাকে ক্ষমা করেন না, এতদ্বিধা যাহাকে ইচ্ছা হয় ক্ষমা করেন; এবং যে ব্যক্তি ঈশ্বরের সঙ্গে অংশী করিয়াছে, নিশ্চয় সে মহা অপরাধকে বাঁধিয়া লইয়াছে। ৪৮। যাহারা আপন জীবনকে শুদ্ধ বলিতেছে, তুমি কি তাহাদের প্রতি দৃষ্টি কর নাই? বরং ঈশ্বর যাহাকে ইচ্ছা হয় শুদ্ধ করিয়া থাকেন, এবং তাহারা একটি সূত্র পরিমাণও অত্যাচারিত হইবে না। ৪৯। দেখ (হে মোহম্মদ,) কেমন তাহারা ঈশ্বরের প্রতি অসত্যকে সম্বন্ধ করিতেছে, এবং এই স্পষ্ট অপরাধই যথেষ্ট। ৫০। (র, ৭, আ, ৮)

যাহাদিগকে গ্রন্থের স্বত্ব প্রদত্ত হইয়াছে, তুমি কি (হে মোহম্মদ,) তাহাদিগের প্রতি দৃষ্টি কর নাই? তাহারাও জেবত ও তাগুতের প্রতি বিশ্বাস স্থাপন করিয়াছে, এবং তাহারা কাফেরদিগের সম্বন্ধে বলিয়া থাকে, যাহারা পথে বিশ্বাস স্থাপন করিয়াছে, তাহাদিগের অপেক্ষা এই সকল লোক অধিক পথদর্শী \*। ৫১। এই তাহারাই বাহাদিগকে ঈশ্বর অভিসম্পাত করিয়াছেন, এবং যাহাকে ঈশ্বর অভিসম্পাত করেন, পরে তুমি তাহার

\* হজরত মোহম্মদ কয়েকজন ইহুদি জ্ঞানবান লোককে ডাকাইয়া বলিয়াছিলেন, “হে ইহুদি-বন্ধুগণ, ঈশ্বরকে ভয় কর, এসলাম ধর্মরূপ বৃত্তের পরিধিতে পদ স্থাপন কর, ঈশ্বরের নামে শপথ করিয়া বলিতেছি যে, আমি এই বাক্য ও আজ্ঞা সৃষ্টিকর্ত্ত পরমেশ্বর হইতে তোমাদের নিকটে উপস্থিত করিয়াছি। তিনি সত্য, তিনি তোমাদিগকে তওরাত গৃহে আমার তত্ত্ব জ্ঞাপন করিয়াছেন, এবং আমার প্রতি বিশ্বাস স্থাপন করিবার জন্য তোমাদিগকে অঙ্গীকারে বদ্ধ করিয়াছেন।” তাহারা এই কথা শুনিয়া বিস্ময়বশতঃ বলিল, “আমরা তোমার পরিচয় রাখি না, তোমার ও কোরু-আনের বর্ণনা অবগত নহি।” তাহাতেই এই আয়ত অবতীর্ণ হয়। মুখমণ্ডল বিলুপ্ত হওয়ার অর্থ এই, চক্ষু ক্র ৩ষ্ঠ নাসিকাদির কোন চিহ্ন থাকিবে না। “তাহা তাহার পৃষ্ঠের দিকে ফিরাইব” অর্থাৎ মুখমণ্ডলকে পৃষ্ঠদেশের দিকে স্থাপন করিব, তাহাতে তাহাদের মুখ পশ্চাদিকে থাকিবে। এ স্থলের “শনিবাসরীয় লোক” তাহারা, যাহারা ঈশ্বরের আজ্ঞা অমান্য করিয়া শনিবারে মৎস-শিকারে প্রবৃত্ত হইয়াছিল। (ত, হো,)

+ কোরেশবংশীয় কতিপয় প্রধান ব্যক্তি মক্কা নগরে এক সভায় বলিয়াছিলেন, “আমাদের ধর্মপ্রণালী এই যে, আমরা কাবান্দর্শনে আগত যাত্রিকদিগের আতিথাসৎকার করিয়া থাকি, কাবাকে জঞ্জালমুক্ত রাখি, আন্বীয়গণের প্রতি সম্ভাব প্রকাশ করি, মাননীয় পিতৃপিতামহের রীতি অনুসারে প্রতিমাপূজায় রত আছি। সম্প্রতি মোহম্মদ এক ধর্ম সৃষ্টি করিয়াছে, মনঃক্লিষ্ট কথা ও রীতি নীতিকে ধর্ম বলিতেছে, সে আমাদের পৈতৃক ধর্মের নিন্দা করে, এবং আমাদের কাফের এবং অজ্ঞান বলে।” সভাস্থ ইহুদিগণ এই সকল কথা শুনিয়া বলিল, “তোমাদের ধর্ম অতিশয় সত্য, এবং তোমাদিগের রীতি নীতি বিশুদ্ধ।” তখন কোরেশদলপতি আবুহুফিযান বলিল, “আমরা এক সময়ে তোমাদের ধর্মে বিশ্বাস স্থাপন করিব। এক্ষণ তোমরা আমাদের প্রতিমা সকলকে প্রণাম কর।” তখন ইহুদিরা কোরেশদিগের উপাস্ত প্রতিমা জেবত ও তাগুতকে প্রণাম করিল, এবং বলিল,

জগৎ সাহায্যকারী পাইবে না। ৫২। তাহাদের জগৎ কি রাজত্বের স্বত্ব আছে? (যদি স্বত্ব লাভ করে) তবে সেই সময়ে তাহারা লোকদিগকে খজ্জুরের খোসা পরিমাণও দান করিবে না। ৫৩। ঈশ্বর নিজ করুণাশ্রুতিতে তাহাদিগকে যাহা দান করিয়াছেন, তদুপলক্ষে কি তাহারা লোকের প্রতি বিদ্বেষ করে? অনন্তর নিশ্চয় আমি এত্রাহিমের সন্তানদিগকে গ্রন্থ ও জ্ঞান দান করিয়াছি, এবং তাহাদিগকে প্রকাণ্ড রাজত্ব দিয়াছি। ৫৪। অবশেষে তাহাদের কোন লোক তৎপ্রতি (গ্রন্থের প্রতি) বিশ্বাস স্থাপন করিয়াছে, এবং তাহাদের কোন লোক তাহা হইতে বিমুখ হইয়াছে, (তাহাদের জগৎ) প্রদীপ্তানল নরক যথেষ্ট \*। ৫৫। নিশ্চয় যাহারা আমার নিদর্শন সকলের বিরুদ্ধাচারী হইয়াছে, আমি অবশ্য তাহাদিগকে অনলে প্রবেশ করাইব, যখন তাহাদের চর্ম দগ্ধ হইবে, তখন তাহার বিনিময়ে তাহাদিগকে অল্প চর্ম দান করিব, যেন তাহারা শাস্তির আশ্বাদ প্রাপ্ত হয়; নিশ্চয় ঈশ্বর পরাক্রান্ত নিপুণ হন। ৫৬। এবং যাহারা বিশ্বাসী হইয়াছে ও সংকর্ষ করিয়াছে, অবশ্য আমি তাহাদিগকে স্বর্গোচ্চানে লইয়া যাইব, যাহার নিম্নে পয়ঃপ্রণালী সকল প্রবাহিত, তাহাতে তাহারা চির অধিবাসী হইবে; তথায় তাহাদের জগৎ সাক্ষী নারী সকল থাকিবে, এবং আমি তাহাদিগকে শাস্তিযুক্ত ছায়াতে প্রবেশ করাইব †। ৫৭। নিশ্চয় ঈশ্বর তোমাদিগকে আদেশ করিতেছেন যে, তোমরা গচ্ছিত সামগ্রী তাহার স্বামীকে ফিরাইয়া দেও, এবং যখন তোমরা লোকের মধ্যে আজ্ঞা প্রচার করিবে, তখন গুণানুসারে আজ্ঞা করিবে, নিশ্চয় ঈশ্বর তোমাদিগকে যে উপদেশ দান করেন তাহা উত্তম, ঈশ্বর শ্রোতা ও দ্রষ্টা হন ‡। ৫৮। হে বিশ্বাসিগণ, তোমরা পরমেশ্বরের

পথে বিশ্বাসস্থাপনকারী লোক অপেক্ষা অর্থাৎ মোসলমানদিগের অপেক্ষা ইহার অধিক পথদর্শী।  
ঈশ্বর ইহাদিগের এই কপটতা ও অধর্মীচারের সংবাদ দিতেছেন। (ত, হো,)

\* পরমেশ্বরের সর্বদা এত্রাহিমের বংশের মহত্ব রক্ষা করিয়া আসিয়াছেন, এক্ষণও তাহার বংশের মহত্ব আছে। অবিবেচক লোকেরা তাহা স্বীকার করে না। (ত, ফা,)

† তাহাই শাস্তিযুক্ত ছায়া সূর্য্য যাহাকে নষ্ট করিতে পারে না। আরবদেশে সূর্য্যোত্তাপ অতিশয় প্রখর। তদ্দেশনিবাসীরা ছায়াকে অত্যন্ত সুখের সামগ্রী বলিয়া জানেন। এ স্থলে ছায়া নিত্য সুখশাস্তি। যদি কেহ বলে স্বর্গলোকে সূর্য্য নাই, তাহার সন্তোষজনক উত্তাপ নাই, তবে এইরূপ ছায়ার উল্লেখ কেন? ইহার তাৎপর্য্য কি? এই ছায়ার অর্থ, বিশ্বাসীদিগের প্রতি ঈশ্বরের আশ্রয় ও তাহার করুণা। উহা সর্বদা স্বর্গবাসীদিগের মস্তকে স্থাপিত থাকিবে, সেই ছায়ার অভাব হইবে না। (ত, হো,)

‡ যে দিবস মক্কা জয় হইল, সে দিবস হজরত মোহাম্মদ তস্‌হা'র পুত্র ওসমানের নিকটে কাবা মন্দিরের কুক্ষিকা চাহিয়া পাঠাইলেন। কুক্ষিকা তাহার মাতা সলাকার নিকটে ছিল। ওসমান সলাকার নিকটে বাইয়া তাহা চাহিল। সলাকা অসম্মত হইয়া বলিল যে, "এই কুক্ষিকা তোমা হইতে গ্রহণ করা হইবে, কিন্তু তোমাকে ফিরিয়া দেওয়া হইবে না। আবদোদ্দারের সময় হইতে উত্তরাধি-কারনৃত্তে ইহা আমাদের হস্তে আছে।" ওসমান অনেক অনুরোধ করিয়াও জননী হইতে কুক্ষিকা

আজ্ঞাবহ হও, এবং প্রেরিত পুরুষের এবং তোমাদের আজ্ঞাপ্রচারকের আজ্ঞাবহ হও ; পরন্তু যদি তোমরা কোন বিষয়ে বিরোধ কর, ঈশ্বরে ও পরকালে বিশ্বাসী থাকিলে তাহা ঈশ্বরের দিকে ও প্রেরিত পুরুষের দিকে উপস্থিত কর, ইহা উত্তম এবং পরিণামানুসারে অত্যন্তম \* ১ ৫৯ । ( র, ৮, আ, ৯ )

গ্রহণ করিতে পারিল না। হজরত মস্জিদোল হরামের ঘরে কুক্ষিকার প্রতীক্ষা করিতেছিলেন, বিলম্ব দেখিয়া আবুবেকর ও ওমর সলাকার গৃহঘরে বাইয়া ওসমানকে ডাকিয়া বলিলেন, “ওসমান শীঘ্র চলিয়া আইস, হজরত অনেকক্ষণ প্রতীক্ষা করিলেন।” তখন সলাকা কুক্ষিকা পুত্রকে দান করিয়া বলিল, “ভাল তুমি গ্রহণ কর, পরে ইহা প্রতিগ্রহণ করিবে।” অনন্তর ওসমান চাবি আনিয়া হজরতের নিকটে উপস্থিত করে। হজরত হস্ত প্রসারণ করিয়া তাহা গ্রহণ করিতে উদ্যত হইবামাত্র আক্বাস উঠিয়া বলিলেন, “আর্য্য, জমজমের জলদানের ভার যেমন আমার প্রতি অর্পিত হইয়াছে, মন্দিররক্ষকতার ভারও অর্পিত হউক।” ওসমান এই কথা শুনিয়া হস্ত সঙ্কুচিত করিল। হজরত বলিলেন, “ওসমান, কুক্ষিকা আমার হস্তে দান কর।” ওসমান কুক্ষিকাপ্রদানে উদ্যত হইতেই আক্বাস পুনর্ব্বার সেই কথা বলিলেন। পুনরায় ওসমান হস্ত সঙ্কুচিত করিল। হজরত ওসমানকে বলিলেন, “যদি ঈশ্বরের প্রতি ও প্রেরিতপুরুষের প্রতি বিশ্বাস রাখ, তবে কুক্ষিকা আমাকে দাও।” ওসমান “এই ঈশ্বরের গচ্ছিত দ্রব্য আপনি গ্রহণ করুন” বলিয়া প্রদান করিল। অতঃপর হজরত মন্দিরে প্রবেশ করিয়া বাহিরে আসিলেন। তখন চাবি তাঁহার হস্তে ছিল। মহান্না আলি নিকটে বাইয়া বলিলেন, “প্রেরিত মহাপুরুষ, যেমন জমজমের জলদানের ভার অর্পণ করিয়াছেন, তদ্রূপ মন্দিররক্ষকতার পদে মওলীর কোন ব্যক্তিকে নিযুক্ত করুন।” ইত্যবসরে হজরত অনুপ্রাণিত হইলেন। তখন আজ্ঞা করিলেন, “আলি, আমি তোমাদিগকে যে সকল কার্যের কথা বলি, তাহাতে শুদ্ধ অপর লোকের উপকার হয় মনে করিও না, মানবমণ্ডলী হইতে তোমাদিগেরও হিত হইবে,” ইহা বলিয়াই তিনি ওসমানকে ডাকিয়া বলিলেন, “হে তনুহার পুত্র, তুমি কুক্ষিকা গ্রহণ কর, ইহা তোমার হইল।” অনন্তর ওসমান হজরতের আনুগত্য স্বীকার করিয়া কুক্ষিকা আপন ভ্রাতা সলবার হস্তে অর্পণ করিল। অত্যাধিক কবাবার কুক্ষিকা ওসমানবংশীয় লোকের হস্তে আছে। যদিচ এই বিশেষ বিরোধস্থলে গচ্ছিত সামগ্রী প্রত্যর্পণ করিবার জন্ত এই প্রত্যাদেশ-বাণী অবতীর্ণ হইয়াছে, তথাপি এই আজ্ঞা সাধারণ গচ্ছিত সামগ্রী সম্বন্ধে হয়। ( ত, হো, )

\* হজরত মোহম্মদ অলিদের পুত্র খালেদকে এক দল সৈন্তের অধিপতি করিয়া অম্মার ইয়-সারকে তাঁহার সহচর করিয়া দেন। কতকগুলি বিদ্রোহী লোক খালেদ আসিতেছেন সংবাদ পাইয়া পলায়ন করে। সেই দলে একজন মোসলমান ছিল। সে অম্মারের নিকটে বাইয়া বলিল, “আমার স্বগণ জ্ঞাতি পলায়ন করিয়াছে, আমি নিজের বিশ্বাস প্রচার করিবার জন্ত আপন আলয়ে বাস করিতেছি, এসলামধর্ম আমার হস্তাবলম্বন করিলে থাকিব, অন্যথা পলায়ন করিব।” অম্মার তাহাকে অস্ত্র দান করিল। অম্মারের আজ্ঞানুসারে সে সপরিবারে গৃহে বসিয়া রহিল। প্রত্যুষে খালেদ সেই বিদ্রোহী জাতিকে আক্রমণ করিবার জন্ত তাহাদের নিবাসে সৈন্তদল প্রেরণ করিলেন। উপরি উক্ত আশ্রয়প্রার্থী লোকটি ব্যতীত অস্ত্র কেহই গৃহে ছিল না। সে সপরিবারে ধনী হইয়া খালেদের নিকটে আনীত হইল। অম্মার বলিল, “এ ব্যক্তি মোসলমান, এ আমা কর্তৃক আশ্রিত ও অস্ত্রপ্রাপ্ত হইয়াছে।” খালেদ বলিলেন, “সেনাপতি বিদ্রোহমানসঙ্গে তাঁহার আদেশ ও পরামর্শ ব্যতিরেকে

তুমি কি (হে মোহাম্মদ,) তাহাদিগকে দেখ নাই, যাহারা মনে করিতেছে যে, নিশ্চয় তাহারা তোমার প্রতি যাহা অবতারিত হইয়াছে ও তোমার পূর্বে যাহা অবতারিত হইয়াছে তাহাতে বিশ্বাস করিয়াছে, তাহারা শয়তানের প্রতি কর্তৃত্ব লইয়া যাইবে ইচ্ছা করিতেছে, বস্তুতঃ তাহার সঙ্গে বিরুদ্ধাচার করিতে তাহারা আদিষ্ট হইয়াছে, এবং শয়তান ইচ্ছা করিতেছে যে, তাহাদিগকে মহাভ্রান্তিতে ভ্রান্ত করে। ৬০। এবং যখন তাহাদিগকে বলা হইল, ঈশ্বর যাহা অবতারণ করিয়াছেন তৎপ্রতি ও প্রেরিত পুরুষের প্রতি তোমরা উন্মুগ্ন হও, তুমি কপটদিগকে দেখিতেছ, তোমা হইতে তাহারা বিমুগ্ন হইতেছে। ৬১। অনন্তর যাহা তাহাদের হস্ত পূর্বে প্রেরণ করিয়াছে, তজ্জগৎ যখন তাহাদিগের প্রতি বিপদ উপস্থিত হইবে, তখন কেমন ঘটবে? তৎপর তোমার নিকটে আসিয়া ঈশ্বরের শপথ করিবে (ও বলিবে) যে, আমরা কল্যাণ ও সদ্ভাব ভিন্ন আকাঙ্ক্ষা করি নাই \*। ৬২। তাহারা সেই সকল লোক, তাহাদিগের অন্তরে যাহা আছে ঈশ্বর

কাহাকে অভয় দান করা নীতিবিরুদ্ধ।” এ বিষয়ে খালেদ ও অশ্বারের পরস্পর অনেক তর্ক বিতর্ক হইল। পরে উভয়ে হজরতের নিকটে সবিশেষ নিবেদন করিলেন। হজরত সেই আশ্রয়দানকে স্থির রাখিয়া, দলপতির আজ্ঞা ব্যতিরেকে কেহ কাহাকে আশ্রয় দান করিবে না, এরূপ আদেশ করিলেন। তখন এই আয়ত অর্থাৎ আজ্ঞাপ্রচারকের আজ্ঞাবহ হও, ইত্যাদি উক্তি অবতীর্ণ হইল। (ত, হো,)

আধিপত্যপ্রাপ্ত লোকের,—রাজা ও রাজপুরুষ এবং যে কোন ব্যক্তি বিশেষ কার্যে নিযুক্ত, তাহাদের আজ্ঞানুসারে চলা আবশ্যিক। তাহারা ঈশ্বর ও প্রেরিতপুরুষের আজ্ঞার স্পষ্ট বিরুদ্ধাচারণ করিতে বলিলে তাহা গ্রাহ্য করিবে না। দুই মোসলমানের বিবাদস্থলে একজন যদি বলে, চল শরার (শাস্ত্র বিধির) অনুসরণ করি, তাহাতে অপর ব্যক্তি যদি বলে যে, আমি শরা জানি না, তাহাতে আমার প্রয়োজন নাই, তাহা হইলে সে ব্যক্তি কাফের। (ত, ফা,)

\* মদিনা নগরে একজন ইহুদি ও একজন কপট মোসলমান কোন বিষয়ে বিবাদ করিয়াছিল। ইহুদি বলিল, “চল হজরত মোহাম্মদের নিকটে”। কপট বলিল, “চল তোমাদের দলপতি আশ্রফের নিকটে।” অবশেষে উভয়ে বিবাদ মীমাংসার জন্ত হজরতের নিকটে উপস্থিত হয়। হজরত ইহুদির স্বয়ং বলবৎ রাখিলেন। উক্ত কপট তাহাতে অসম্মত হইয়া বাহিরে যাইয়া বলিল, “চল ওমরের নিকটে।” তখন তিনি হজরতের আদেশে মদিনায় বিচারকের পদে নিযুক্ত ছিলেন। কপট ভাবিয়াছিল, সে এসলামধর্মাবলম্বী বলিয়া ওমর তাহার পক্ষ সমর্থন করিবেন। উভয়ে তাহার নিকটে গেল। ইহুদি তাহাকে নিবেদন করিল যে, “আমরা হজরতের নিকটে গিয়াছিলাম, তিনি আমাদের পক্ষ সত্য বলিয়া স্থির করিয়াছেন।” ওমর কপটকে এ বিষয় জিজ্ঞাসা করিলে সে বলিল, “ইহুদি যাহা বলিতেছে সত্য, কিন্তু আমি সেই আজ্ঞায় সন্মত নহি, আপনার নিকটে বিচার প্রার্থনা করি।” ওমর বলিলেন, “তোমরা কণকাল এ স্থানে স্থির থাক, আমি গৃহের ভিতর হইতে আসিয়া তোমাদের মধ্যে সত্য ভাবে বিচার করিব।” তখন ওমর কোষযুক্ত করবাল হস্তে ধারণপূর্বক গৃহ হইতে বাহির হইয়া কপটের শিরশ্ছেদন করিলেন, এবং বলিলেন, “যে ব্যক্তি এমন বিচারকের বিচারে সন্মত নয়, তাহার শাস্তি এরূপ হওয়া শ্রেয়ঃ।” হত ব্যক্তির উত্তরাধিকারী হজরতের নিকটে যাইয়া হত্যার



জ্ঞাত ; অবশেষে তুমি তাহাদিগ হইতে বিমুখ হও, তাহাদিগকে উপদেশ দেও, এবং তাহাদিগকে তাহাদের অস্তুরে সঞ্চারক বাক্য বল। ৬৩। এবং ঈশ্বরের আজ্ঞা মান্য করা উদ্দেশ্য ব্যতীত আমি কোন প্রেরিত পুরুষকে প্রেরণ করি নাই, এবং যখন ইহারা নিজের জীবনের প্রতি অত্যাচার করিয়াছে, তখন যদি তোমার নিকটে আসিত, পরিশেষে ঈশ্বরের নিকটে ক্ষমা প্রার্থনা করিত, এবং প্রেরিত পুরুষ ইহাদের জন্ত ক্ষমা চাহিত, তবে নিশ্চয় ঈশ্বরকে প্রত্যাবর্তনকারী দয়ালু প্রাপ্ত হইত। ৬৪। অবশেষে তোমার ঈশ্বরের শপথ, তাহাদের পরস্পর বিবাদে তোমাকে বিচারক নিযুক্ত না করা পর্যন্ত তাহারা বিশ্বাসী হইবে না, তৎপর তুমি যাহা আদেশ করিবে, তাহাতে তাহারা নিজ অস্তুরে কঠিন বোধ করিবে না, এবং গ্রহণীয়রূপে গ্রহণ করিবে \*। ৬৫। এবং যদি আমি তাহাদের সম্বন্ধে লিখিতাম যে, তোমরা আপনাদিগকে বধ কর ও আপন গৃহ হইতে বাহির হইয়া যাও, তবে তাহাদের অল্পসংখ্যক ভিন্ন উহা করিত না, এবং যে বিষয়ে উপদেশ করা হইয়াছে, যদি তাহারা তাহা করিত, তবে নিশ্চয় তাহাদের জন্ত উহা মঙ্গল ও ( বিশ্বাসের ) দৃঢ়তা বিষয়ে প্রবল হইত। ৬৬।+ এবং আমি একান্তই তখন নিজের নিকট হইতে তাহাদিগকে মহাপুরস্কার দান করিতাম। ৬৭।+ এবং একান্তই তাহাদিগকে সরল পথ প্রদর্শন করিতাম। ৬৮। এবং যাহারা ঈশ্বরের ও প্রেরিত পুরুষের আদেশ মান্য করে, পরে তাহারা তাহাদের সহযোগী হয় প্রেরিত পুরুষের যোগে তাহাদের প্রতি ঈশ্বর দান করিয়াছেন এবং যাহারা সত্যচারী ও ধর্মযুদ্ধে হত ও সাধু, এবং তাহারা উত্তম সহচর। ৬৯। ঈশ্বর হইতে এই দান, এবং ঈশ্বরই জ্ঞানবান্ যথেষ্ট। ৭০। ( র, ৯, আ, ১১ )

বিরুদ্ধে অভিযোগ উপস্থিত করে, এবং শপথপূর্বক বলে যে, আমরা কল্যাণ ও সম্ভাব ভিন্ন কিছুই চাহি না, তাহাতে এই আয়ত অবতীর্ণ হয়। সেদিন ওমর "ফারুক" উপাধি প্রাপ্ত হন।  
( ত, কা, )

\* যখন জোবরর ও হাতেব হজরতের বিচারালয় হইতে বাহিরে চলিয়া আসিলেন, মেক্‌দাদ তাহাদের নিকটে যাইয়া জিজ্ঞাসা করিলেন যে, "কাহার সম্বন্ধে স্বভাধিকারিদের আদেশ হইল।" হাতেব বলিলেন, "ইহার ভ্রাতৃপুত্রের সম্বন্ধে স্বভ হির হইয়াছে।" এই কথা বলিবার কালে স্বর বিকৃত করিয়া ও মুখ কিরাইয়া অগ্রাহের ভাব প্রকাশ করিলেন। তখন একজন ইহুদি সেখানে উপস্থিত ছিল। সে হাতেবের এই ভাব দেখিয়া বলিল, "ইহারা কেমন লোক, ইহারা মোহাম্মদকে প্রেরিত পুরুষ বলিয়া ঘোষণা করে, এদিকে তাহার আদেশের প্রতি আস্থাশূন্য। মুসার সময়ে এশ্রায়েল-বংশীয় কতকগুলি লোক কোন অপরাধ করিয়াছিল, তাহাতে মুসা আদেশ করেন, তোমাদের এই অপরাধের প্রায়শ্চিত্ত এই যে, তোমরা পরস্পর যুদ্ধ করিয়া হত হও ; তৎকালে সকলে আজ্ঞা শিরোধার্য করিয়া পরস্পর হত্যায় প্রবৃত্ত হইল। তাহাতে সপ্ততিসহস্র লোক প্রাণত্যাগ করিল। আপনাদের প্রেরিত পুরুষকে কখনও তাহারা অমান্য বা অবিশ্বাস করে নাই।" করসের পুত্র সাবেত এই কথা শুনিয়া ঈশ্বরের নামে শপথ করিয়া বলিলেন যে, "যদি হজরত আমাকে আদেশ করেন যে

হে বিশ্বাসিগণ, তোমরা আপনাদের অস্ত্র ধারণ কর, বিভিন্নরূপে বহির্গত হও, অথবা দলবদ্ধ হইয়া বাহির হও। ৭১। এবং পরে তোমাদের মধ্যে কতক লোক আছে যে, একান্তই বিলম্ব করিয়া থাকে; পরিশেষে যদি তোমরা বিপদগ্রস্ত হও, তাহারা বলে, “যখন আমরা তাহাদের সঙ্গী ছিলাম না, তখন নিশ্চয় ঈশ্বর আমাদের প্রতি অহুগ্রহ করিয়াছেন।” ৭২। এবং যদি ঈশ্বর হইতে তোমরা সমুন্নতি লাভ কর, তবে যেন তোমাদের ও তাহাদের মধ্যে কখনও বন্ধুতা ছিল না, তাহারা বলে, “হায়! যদি আমরা তাহাদের সঙ্গে থাকিতাম, তবে মহালাভে লাভমান হইতাম।”\* ৭৩। পরিশেষে যাহারা সাংসারিক জীবনকে পরলোকের জগৎ বিক্রয় করে, তাহাদের উচিত যে ঈশ্বরের পথে সংগ্রাম করিতে থাকে, এবং যে ব্যক্তি ঈশ্বরের পথে সংগ্রাম করিয়া হত হয় বা জয়ী হয়, পরে অবশ্য আমি তাহাকে মহাপুরস্কার দান করি। ৭৪। এবং যাহারা বলিয়া থাকে যে, “হে আমাদের প্রতিপালক, ইহার অধিবাসী অত্যাচারী, এই গ্রাম হইতে আমাদের বাহির কর ও তোমার নিকট হইতে আমাদের জগৎ কার্যসম্পাদক নিযুক্ত কর, এবং তোমার নিকট হইতে আমাদের জগৎ সাহায্যকারী নিযুক্ত কর।” তোমাদিগের কি হইয়াছে যে, সেই দুর্বল স্ত্রী পুরুষদিগের নিমিত্ত ও বালকদিগের নিমিত্ত ঈশ্বরোদ্দেশ্যে তোমরা যুদ্ধ করিবে না? † ৭৫। যাহারা বিশ্বাসী হইয়াছে, তাহারা ঈশ্বরোদ্দেশ্যে সংগ্রাম করে, এবং যাহারা কাকের হইয়াছে, তাহারা পুত্তলিকার উদ্দেশ্যে সংগ্রাম করে; অতএব তোমরা শয়তানের প্রেমাস্পদদিগের সঙ্গে যুদ্ধ কর, নিশ্চয় শয়তানের প্রতারণা দুর্বল। ৭৬। (র, ১০, আ, ৬, )

তুমি কি ( হে মোহম্মদ, ) তাহাদিগের প্রতি দৃষ্টি কর নাই যে, তাহাদিগের জগৎ বলা হইল যে, তোমরা স্বীয় হস্ত বদ্ধ করিয়া রাখ, ( যুদ্ধে নিবৃত্ত থাক, ) নমাজকে প্রতি-  
 আত্মহত্যা কর, আমি তখনই এই আজ্ঞা পালন করিব।” অগ্ন দুই তিন জনও এই কথা বলিলেন  
 তখন ঈশ্বরের এই আজ্ঞা হয়। (ত, হো, )

\* অর্থাৎ এই সকল লোক কপট, ইহারা ঈশ্বরের আদেশ অনুসারে চলে না, বরং আপনাদের লাভ ক্ষতি গণনা করে। যে কার্যে লোকের ক্রেশ দেবে, সে কার্য হইতে তাহারা দূরে থাকে ও তাহাতে যোগ দেয় নাই বলিয়া হর্ষ প্রকাশ করে। এবং লাভ দেখিলে সে কার্যে যোগ দেয় নাই বলিয়া অনুতাপ করিয়া পাকে ও শত্রুর স্তায় হিংসা করে। (ত, ফা, )

† মোসলমানদিগের উচিত যে, পাখিব জীবনের প্রতি দৃষ্টি না রাখিয়া পরলোকের প্রতি দৃষ্টি রাখেন, এবং যেন মনে করেন, ঈশ্বরের আজ্ঞাপালনে নানাপ্রকার লাভ আছে। (ত, ফা, )

‡ বিবিধ উদ্দেশ্যে যুদ্ধ আবশ্যিক। এক, ঈশ্বরের ধর্মকে বিস্তার করা, ২য়, যে সকল উপায়হীন মোসলমান কাকেরদিগের হস্তে পড়িয়া উৎপীড়িত ও বিড়ম্বিত হইতেছে, তাহাদিগকে উদ্ধার করা। মক্কা নগরে এরূপ বহুসংখ্যক মোসলমান উৎপীড়িত ও বিপদগ্রস্ত হইয়াছিলেন। তাহারা নানা কারণে বাধ্য হইয়া হজরতের সঙ্গে মক্কা হইতে প্রস্থান করিতে পারেন নাই। তাহাতে মক্কাবাসী পৌত্তলিকগণ তাহাদিগকে পুনর্ব্যায় পৌত্তলিক করিবার জগৎ বিশেষরূপে উৎপীড়ন করে। (ত, ফা, )

ষ্ঠিত কর, জকাত দান কর, ( তাহাতে সন্মত হইল ; ) পরে যখন তাহাদের সঙ্ক্ষে যুদ্ধ লিখিত হইল, অকস্মাৎ তাহাদের একদল ঈশ্বরকে যেরূপ ভয় করা উচিত সেই প্রকার কিম্বা তদপেক্ষা অধিক ভয়ে লোককে ভয় করিতে লাগিল, এবং বলিল, “হে আমাদের প্রতিপালক, তুমি আমাদের সঙ্ক্ষে সংগ্রাম কেন লিপি করিলে ? এক অল্প সময় পর্য্যন্ত কেন আমাদের অবকাশ দিলে না ?” তুমি বল, সাংসারিক লাভ ক্ষুদ্র, যে ব্যক্তি ঈশ্বরভীরু হয়, তাহার জন্ত পরলোক উৎকৃষ্ট, তাহার স্মরণপরিমাণও অত্যাচারিত হইবে না \* । ৭৭ । যে স্থানে তোমরা থাকিবে, যদি তোমরা স্মৃঢ় উচ্চ দুর্গেও বাস কর, মৃত্যু সেস্থানে তোমাদিগকে ধরিবে । যদি তাহাদের প্রতি কোন কল্যাণ উপস্থিত হয়, তাহার বলে, “ইহা ঈশ্বর হইতে হইয়াছে。” এবং যদি কিছু অকল্যাণ উপস্থিত হয়, বলে, “ইহা তোমা হইতে হইয়াছে ;” বল, সমুদায় ঈশ্বর হইতে হইয়াছে । অবশেষে সেই দলের কিরূপ অবস্থা, যাহারা কথা হৃদয়ঙ্গম করিবার নিকটবর্তী নহে † ? ৭৮ । যে কিছু কল্যাণ তোমার প্রতি উপস্থিত হয়, তাহা ঈশ্বর হইতে এবং যে কিছু অকল্যাণ তোমার প্রতি উপস্থিত হয়, তাহা তোমার জীবন হইতে হয় ; আমি তোমাকে ( হে মোহম্মদ, ) লোকের জন্ত প্রেরিত পুরুষরূপে পাঠাইয়াছি, ঈশ্বর সাক্ষাদানে যথেষ্ট ‡ । ৭৯ । যে ব্যক্তি প্রেরিত পুরুষের আজ্ঞা পালন করে, নিশ্চয় সে ঈশ্বরের আজ্ঞা পালন করিয়া থাকে, এবং যাহারা অমান্য করে, আমি তোমাকে তাহাদিগের প্রতি রক্ষক নিযুক্ত করি নাই § । ৮০ । এবং তাহার বলিয়া থাকে যে, আজ্ঞা প্রতিপালিত হইতেছে, পরে

\* অর্থাৎ প্রথমতঃ মক্কানিবাসী মোসলমানেরা পৌত্তলিকগণ কর্তৃক উৎপাদিত হইলে, ঈশ্বর সেই পৌত্তলিকদিগের সঙ্গে যুদ্ধে নিবৃত্ত থাকিতে তাহাদিগকে বলিয়াছিলেন, ধৈর্য ধারণ করিতে আজ্ঞা করিয়াছিলেন । পরে যুদ্ধের আদেশ হইলে বিশ্বাসী মোসলমানেরা তাহাতে উৎসাহী হইয়া উঠিলেন, যাহার অল্পবিশ্বাসী অসরল ছিল, তাহার অপসৃত হইল, ঈশ্বরের আয় মনুষ্যকে ভয় করিতে লাগিল ও মৃত্যুভয়ে ভীত হইল । ( ত, ফা, )

† এখানেও কপটদিগের প্রসঙ্গ, যদি যুদ্ধে সুব্যবস্থা হয় ও জয়ী হওয়া যায়, তবে বলে যে, ইহা ঈশ্বর হইতে হইয়াছে, হজরতের উদ্বোধন নৈপুণ্যের কোন কথাই বলে না । কোন ব্যতিক্রম হইলে হজরতের উপর দোষারোপ করে । এদগ ঈশ্বর বলিতেছেন যে, জয় পরাজয়াদি সমুদায় ঘটনার মূলে ঈশ্বর আছেন । প্রেরিতপুরুষের আয়োজন উদ্বোধনের মূলেও ঈশ্বরের প্রত্যাদেশ । কোন দুর্ঘটনা হইলেও জানিবে যে, তদ্বারা ঈশ্বর তোমাদিগকে তোমাদের অপরাধ জ্ঞাপন করিয়া সতর্ক করিতেছেন । ( ত, ফা, )

‡ কেহ কেহ এই আয়তের একরূপ ব্যাখ্যা করিয়া থাকেন ; যথা, হে মনুষ্য, তোমার প্রতি যে কল্যাণ উপস্থিত হয়, তাহা ঈশ্বরের অনুগ্রহে হইয়া থাকে, যে অকল্যাণ হয়, তাহা তোমার পাপের জন্ত হইয়া থাকে । ( ত, হো, )

§ “যে ব্যক্তি প্রেরিতপুরুষের আজ্ঞা পালন করে, নিশ্চয় সে ঈশ্বরের আজ্ঞা পালন করিয়া থাকে” ইহার তাৎপর্য এই যে, প্রেরিতপুরুষ যাহা বলেন, ঈশ্বরের আদেশে বলিয়া থাকেন । অতএব তাহার

যখন তাহারা তোমার নিকট হইতে বহির্গত হয়, তাহাদের এক দল তুমি যাহা বলিয়া থাক, তাহার বিরুদ্ধে রজনীতে মন্ত্রণা করে; তাহারা রাত্ৰিতে যাহা বলে, ঈশ্বর তাহা লিখিয়া রাখেন। অতএব তুমি তাহাদিগ হইতে বিমুখ হও, এবং ঈশ্বরের প্রতি নির্ভর কর ও ঈশ্বর কার্যসম্পাদনে যথেষ্ট। ৮১। অনন্তর তাহারা কি কোব্-আনে প্রণিধান করিতেছে না? এবং যদি তাহা ঈশ্বর ব্যতীত অণ্ডের নিকট হইতে (সমাগত) হইত, তবে তাহারা একান্তই তাহাতে প্রচুর ব্যতিক্রম পাইত \*। ৮২। যখন তাহাদের নিকটে ভয় ও নির্ভয়ের কোন বিষয় উপস্থিত হয়, তাহারা তাহা রটনা করে, এবং তাহাদের মধ্যে যাহারা তাহার অনুসন্ধান লয়, যদি তাহারা প্রেরিত পুরুষ পর্য্যন্ত, তাহাদের কার্যসম্পাদক পর্য্যন্ত তাহা প্রত্যানয়ন করিত, তবে তাহাদের মধ্যে যাহারা তাহা করিতে সক্ষম, উহারা অবশ্য তাহা জ্ঞাত হইত; তোমাদের প্রতি ঈশ্বরের অনুগ্রহ ও দয়া না থাকিলে একান্তই অল্পসঙ্খ্যক ব্যতীত তোমরা শয়তানের অনুসরণ করিতে ৷ ৮৩। অনন্তর (হে মোহাম্মদ,) পরমেশ্বরের উদ্দেশ্যে সংগ্রাম কর, তোমার জীবনে ব্যতীত তোমাকে প্রপীড়িত করা হইবে না, বিশ্বাসিগণকে উত্তেজিত কর, সম্বন্ধই ঈশ্বর কাফেরদিগের সমর বন্ধ করিবেন, ঈশ্বর যুদ্ধবিষয়ে সুদৃঢ় ও শাস্তিদানবিষয়ে সুদৃঢ়। ৮৪। যে ব্যক্তি শুভ অনুরোধে অনুরোধ করে, তাহার জন্ত উহার ভাগ থাকিবে, এবং যে ব্যক্তি আজ্জা পালন করা ও ঈশ্বরের আজ্জা পালন কর তুলা। “যাহারা অমান্য করে, আমি তোমাকে, হে মোহাম্মদ, তাহাদিগের প্রতি রক্ষক নিযুক্ত করি নাই।” ইহার অর্থ এই যে, তুমি তাহাদের অবাধতা, বিদ্রোহিতা আদি পাপকে পোষণ কর, এরূপ আমি আদেশ করি নাই। (ত, হো,)

\* অর্থাৎ মনুষ্য প্রত্যেক অবস্থার অনুরূপ কথা বলিয়া থাকে। তাহার ক্রোধের অবস্থায় দয়ার প্রতি দৃষ্টি থাকে না, দয়ার অবস্থায় ক্রোধের প্রতি দৃষ্টি থাকে না। সংসারের বর্ণনা করিতে যাইয়া সে পরলোক ভুলিয়া যায়, পরলোকের বর্ণনার সময় তাহার সংসারের দৃষ্টি থাকে না ইত্যাদি। মনুষ্যের কাষে এইরূপ একদেশদর্শিত রহিয়াছে। কোব্-আন্ যে ঈশ্বরের বাণী, তাহার প্রমাণ এই যে, তাহার প্রত্যেক বিষয়ের উক্তিগুলে অপর দিকে দৃষ্টি আছে, মনোযোগ করিলেই তাহা বুঝা যায়। তাহার সকল স্থানে সকল বিষয়ের বর্ণনা এক ভাবে হইয়াছে। এস্থলে কপটদিগের প্রসঙ্গ, এস্থানে প্রত্যেক কথায় যথোপযুক্তরূপে দোষারোপ হইয়াছে। আবার যে যে স্থানে সাধারণের প্রতি উক্তি, সেস্থলে যাহার প্রতি দোষের আরোপ হওয়া বিধেয়, তাহার প্রতিই দোষারোপ হইয়াছে। (ত, ফা,)

+ অর্থাৎ কোথা হইতে কোন সংবাদ পাইলে দলপতি বা প্রধান কাব্যকারকের নিকটে তাহা উপস্থিত করিবে, তাহারা তাহা সত্য বলিয়া স্থির করিলে তৎসম্বন্ধে যাহা করিতে হয় করিবেন। হজরত এক ব্যক্তিকে কোন সম্প্রদায় হইতে জকাত গ্রহণ করিবার জন্ত পাঠাইয়াছিলেন, তাহারা তাহাকে অভ্যর্থনা করিয়া গ্রহণ করিতে সমুদাত হন। তখন তাহারা মারিতে আসিতেছেন মনে করিয়া সে কিরিয়া আইসে, এবং মদিনানগরে প্রচার করে যে, অমুক সম্প্রদায় শত্রু হইয়া দাঁড়াইয়াছে। এ পর্য্যন্ত হজরতের নিকটে এই সংবাদ পহুছে নাই, এদিকে নগরময় তাহা প্রচার হইয়া গিয়াছে। এই প্রকার তখন অনেক লোক অনুসন্ধান না করিয়া ও দলপতিকে না জানাইয়া বহু কথা রটনা করিয়াছিল। পরিশেষে তাহা মিথ্যা প্রকাশিত হইয়াছে। (ত, ফা,)

অশুভ অনুরোধে অনুরোধ করে, তাহার জগ্ন তাহার ভাগ থাকিবে, এবং ঈশ্বর সর্ববিষয়ে রক্ষক হন \*। ৮৫। এবং যদি তোমরা সেলাম দ্বারা সম্মানিত হও, তবে তোমরা তদপেক্ষা উত্তমরূপে সম্মান করিও, অথবা তাহা প্রতিদান করিও, নিশ্চয় ঈশ্বর সমুদায় বিষয়ের বিচারক হন †। ৮৬। তিনি ব্যতীত উপাস্ত নাই, তিনি একান্তই তোমাদিগকে কেয়ামতের দিনে একত্র করিবেন, ইহাতে সন্দেহ নাই, এবং কথায় ঈশ্বর অপেক্ষা কে অধিকতর সত্যবাদী? ৮৭। (র, ১১, আ, ১১০)

তোমাদের কি হইল যে, (হে মোসলমানগণ,) তোমরা! কপটদিগের সম্বন্ধে দুই পক্ষ হইলে? এবং তাহারা যাহা করিয়াছে, তজ্জগ্ন ঈশ্বর তাহাদিগকে অধোমুখ করিয়া রাখিয়াছেন; ঈশ্বর যাহাকে পথচ্যুত করিয়াছেন, তাহাকে কি তোমরা পথ প্রদর্শন করিতে ইচ্ছা করিতেছ? ঈশ্বর যাহাকে পথচ্যুত করিয়াছেন, পরে তাহার জগ্ন কোন পথ পাইবে না ‡। ৮৮। যেমন তাহারা কাফের হইয়াছে, তোমরাও কাফের হইবে আশায় তাহারা

\* যথা, কেহ কোন ধনবান্কে অনুরোধ করিয়া কোন দরিদ্রকে কিছু দেওয়াইলে, সেও সেই ধনবানের সঙ্গে ঐ দানের পুণ্যের ফলভোগী হয়, এবং কেহ কোন অত্যাচারীকে এই উপায়ে বন্ধনমুক্ত করিলে, সেই অত্যাচারী স্বাধীনতা পাইয়া যে অত্যাচার করে, অনুরোধকারীও সেই পাপের অশী হইয়া থাকে। (ত, ফা,)

+ যদি কেহ তোমাকে “অস্‌সলাম অলয়ক্” বলে, তুমি তাহার উত্তরে “অলয়কমস্‌সলাম রহম-তোহ” বলিবে, এবং যদি সে “রহমতের” সঙ্গে সলাম যোগ করিয়া বলে, তুমি তাহার উত্তরে “বরকাতোহ” শব্দ বৃদ্ধি করিবে, অথবা “অস্‌সলাম অলয়কেহ” উত্তরে, “অলয়কম অস্‌সলাম” বলিবে। এটি বিবিধমাত্র। প্রথমে যাহা উক্ত হইয়াছে, ইহা গৌরবসূচক উত্তর ও এস্‌লাম ধর্মের উচ্চ নীতি। মোসলমান মোসলমানের সেলামের উত্তরে অধিক আশীর্বাদসূচক বাক্যের প্রয়োগ করিবে। অপর লোকের সেলামের উত্তরে কেবল তাহার সেই কথাটির পুনরাবৃত্তি করিবে। (ত, হো,)

“অস্‌সলাম অলয়ক্” শব্দের অর্থ গ্রীবার নমন তোমার প্রতি, “অলয়কমস্‌সলাম রহমতোহ” অর্থ তোমাদিগের প্রতি গ্রীবার নমন, ঈশ্বরের অনুগ্রহ হউক। “বরকাতোহ” শব্দের অর্থ তাহার সমুহ প্রসন্নতা।

‡ একদা মক্কা হইতে কয়েক জন লোক মদিনাভিমুখে প্রস্থান করিয়াছিল। কতক দূর যাইয়া চিন্তিত হয় ও পথ হইতে ফিরিয়া আইসে, এবং এস্‌লাম ধর্মের বিশ্বাস স্থাপন করিয়াছে বলিয়া মদিনা নগরে হজরতের নিকটে সংবাদ প্রেরণ করে। তাহাদের সম্বন্ধে মোসলমানদিগের মধ্যে মতের অনেকা উপস্থিত হয়। কতকগুলি লোক বলে যে, তাহারা নিখাসী হইয়াছে কতকলোক বলে, তাহারা কপট। তাহাতেই এই আয়ত অবতীর্ণ হয়। অনেকে বলেন যে, মদিনার উপনিবাসী একদল মোসলমান মদিনার বায়ু অস্বাস্থ্যকর ছিল বলিয়া হজরত হইতে প্রান্তরে বাস করার অনুমতি গ্রহণ করিয়াছিল। তাহারা মদিনানগর পরিত্যাগ করিয়া মক্কায় আসিয়া তথাকার পৌত্তলিকদিগের সঙ্গে যোগ দেয়, তাহাতেই তাহাদের ধর্মবিষয়ে হজরতের ধর্মবন্ধুদিগের সংশয় উপস্থিত হয়, পরস্পর মতভেদ হওয়াতে তাহারা দুই দল হইয়া যান। তজ্জগ্নই তোমরা কেন দুই পক্ষ হইলে, তাহাদের ধর্মস্বাহিতা-বিষয়ে একমত হইলে না কেন? এই মর্মেণ্ডের আয়ত অবতীর্ণ হয়। (ত, হো,)



বন্ধুতা করিয়া থাকে, অবশেষে তোমরা পরস্পর তুল্য হইবে ; অতএব ঈশ্বরোদ্দেশ্যে দেশত্যাগ করা \*পর্যন্ত তাহাদিগের কাহাকেও তোমরা বন্ধুরূপে গ্রহণ করিও না, পরন্তু যদি তাহারা অগ্রাহ্য করে, তবে তোমরা তাহাদিগকে ধর ও যেস্থানে পাও তাহাদিগকে সংহার কর, এবং তাহাদের কাহাকেও বন্ধু ও সাহায্যকারী বলিয়া গ্রহণ করিও না \* । ৮৯ । + যাহারা (এমন) কোন দলে মিলিত হয় যে, তোমাদের ও তাহাদের মধ্যে অঙ্গীকার রহিয়াছে, † কিম্বা যাহারা তোমাদের নিকটে আগমন করে যে, তোমাদের সঙ্গে যুদ্ধ করিতে তাহাদের হৃদয় সঙ্কচিত, অথবা যাহারা আপন দলের সঙ্গে সংগ্রাম করে তাহাদিগকে ব্যতীত ‡ ; এবং যদি ঈশ্বর ইচ্ছা করিতেন, তবে অবশ্য তাহাদিগকে তোমাদিগের উপর প্রবল করিতেন, পরে অবশ্য তাহারা তোমাদের সঙ্গে যুদ্ধ করিত ; পরিশেষে যদি তাহারা তোমাদিগ হইতে অপমৃত হয়, অপিত তোমাদিগের সঙ্গে যুদ্ধ না করে ও তোমাদের সঙ্গে সন্ধি স্থাপন করে, তবে ঈশ্বর তাহাদিগের প্রতি তোমাদের অন্ত কোন পথ করেন নাই § । ৯০ । অবশ্য তোমরা অন্ত (এমন) দলকে প্রাপ্ত হইবে যে, তাহারা ইচ্ছা করিতেছে, তোমাদিগ হইতে নির্ভয় হয়, এবং আপন দল হইতে নির্ভয় হয় ; ¶ যখন তাহারা অত্যাচারের দিকে প্রত্যানীত হয়, তখন তাহাতে অধোমুখ

যাহারা প্রকাশ্যে মোসলমান ছিল না, কেবল স্বার্থ উদ্দেশ্যে হজরতের সঙ্গে সদ্ভাব রক্ষা করিয়া চলিতেছিল, এস্থলে তাহাদিগকে কপট বলা হইয়াছে। হজরতের সৈন্তের সাহায্যে আমাদের ধন প্রাণ রক্ষা পাইবে, এই লক্ষ্য করিয়া তাহারা তাঁহার সঙ্গে সদ্ভাব স্থাপন করিয়াছিল। যখন মোসলমানেরা অবগত হইলেন যে, ইহাদের গমনাগমনের উদ্দেশ্য কেবল স্বার্থ উদ্দেশ্যে, প্রেমের অনুরোধে নয়, তখন অনেকে বলিলেন যে, ইহাদের সংসর্গ পরিত্যাগ করিয়া দূরে থাকিতে হইবে। আবার কতক লোক বলিলেন যে, ইহাদের সঙ্গে যোগ রক্ষা করা যাউক, হয়তো এতদ্বারা ইহারা বিশ্বাসের পথে আসিবে। তাহাতেই কাহাকে ধর্মপথ প্রদর্শন বা পথচূত করা ঈশ্বরের হস্তে, ইহার চিন্তা তোমাদের কেন ? এইরূপ ঐশ্বরিক বাণী অবতীর্ণ হয়। (ত, ফা,)

\* ঈশ্বরোদ্দেশ্যে দেশত্যাগ করার অর্থ, বিশ্বাসী হইয়া শুদ্ধ ঈশ্বরের প্রসন্নতা উদ্দেশ্যে স্বদেশ ত্যাগ করিয়া যাওয়া, স্বার্থের জন্ত নয়। “যদি তাহারা অগ্রাহ্য করে” ইহার অর্থ “ধর্মবিশ্বাস ও দেশত্যাগকে যদি তাহারা অগ্রাহ্য করে।” (ত, হো,)

+ এই দল খজ্রা গোষ্ঠী বা বেকর কিম্বা আস্লাম গোষ্ঠী, ইহাদের সঙ্গে প্রেরিতপুরুষ এইরূপ অঙ্গীকারে বন্ধ ছিলেন যে, যে ব্যক্তি তাহাদের সঙ্গে মিলিত হইবে, সে তাঁহার সঙ্গে মিলিত হইল বলিয়া গণ্য হইবে। (ত, হো,)

‡ অর্থাৎ আপন দলের কাকেরদিগের সঙ্গে সংগ্রাম করিতে যাহারা প্রতিশ্রুত। ইহারা মনলক্ষ্যবশীল লোক। প্রেরিতপুরুষের পক্ষ হইয়া কোরেশদিগের সঙ্গে যুদ্ধ করিতে ইহারা অঙ্গীকারে বন্ধ হইয়াছিল। (ত, হো,)

§ “কোন পথ করেন নাই” ইহার অর্থ, তাহাদিকে আক্রমণ করা ইত্যাদির বিধি দেন নাই। (ত, হো,)

¶ এই দল মত্‌কান বা আসদগোষ্ঠী, যাহারা মদিনাতে বাইয়া, আপনারা এসলাম ধর্মে বিশ্বাসী,

হইয়া থাকে ; পরন্তু যদি তোমাদিগ হইতে অপমৃত না হয় ও তোমাদের সঙ্কে সন্ধি স্থাপন না করে এবং আপন হস্ত বন্ধ না করে, তবে তাহাদিগকে ধর ও তাহাদিগকে যে স্থানে পাও সংহার কর, এবং তোমরা এই সেই দল যে আমি তাহাদের উপর তোমাদিগকে উজ্জল প্রমাণ দান করিয়াছি \* । ৯১ । ( র, ১২, আ, ৪ )

এবং ভ্রম বাতীত মোসলমানকে হত্যা করা মোসলমানের পক্ষে উচিত নহে, এবং যে ব্যক্তি ভ্রমবশতঃ কোন মোসলমানকে হত্যা করে, তবে একজন মোসলমানের গ্রীবা বন্ধনমুক্ত করিতে হয়, এবং খয়রাত না করিলে তাহার পরিবারের প্রতি হত্যার মূল্য সমর্পণীয় ; পরন্তু যদি সে তোমাদের শত্রুদলস্থ ও মোসলমান হয়, তবে একজন মোসলমানের গ্রীবার বন্ধনমোচন কর্তব্য, এবং যদি সে সেই দলের হয় যে তোমাদের ও তাহাদের মধ্যে অঙ্গীকার আছে, তবে হত্যার মূল্য তাহার পরিবারের প্রতি সমর্পণীয়, এবং এক জন মোসলমানের গ্রীবা বন্ধনমুক্ত করিতে হয় ; পরন্তু যে ব্যক্তি তাহা প্রাপ্ত না হয়, ঈশ্বরের দিক্ হইতে ( তাহার ) প্রায়শ্চিত্ত দুই মাস অবিচ্ছিন্ন রোজাপালন, ঈশ্বরের জ্ঞাতা ও নিপুণ † । ৯২ । এবং যে ব্যক্তি জ্ঞাতসারে মোসলমানকে হত্যা করে, পরে তাহার

এরূপ প্রচার করে ; পরে মক্কায় যাইয়া কাফেরদিগের সঙ্গে মিলিত হয় ও এসলাম ধর্মের শত্রু হইয়া দাঁড়ায় । ( ত, হো, )

\* অর্থাৎ কতক লোক আছে যে, তোমাদের সঙ্গে যুদ্ধ করিব না এবং স্বজাতির সঙ্গে যুদ্ধ করিব না বলিয়া প্রতিজ্ঞা করে, কিন্তু ঈশ্বরের থাকিতে পারে না। যখন আপন দলে জরাজীর্ণ দেখে, তখন তাহাদের সঙ্গে যাইয়া যোগ দেয়। অতএব যাহারা প্রতিজ্ঞা ভঙ্গ করে, তোমরা তাহাদের সঙ্কে ক্রেটি করিও না। ( ত, কা, )

† আবু রবয়ের পুত্র আয়াশ নামক ব্যক্তির সঙ্কে এই আয়ত অবতীর্ণ হয়। হজরতের মদিনা-প্রস্থানের পূর্বে আয়াশ মোসলমানধর্ম গ্রহণ করিয়া আন্বায়দিগের নিকটে তাহা গুপ্ত রাখিয়াছিল। হজরত মদিনায় চলিয়া গেলে একদিন রাত্রিতে সে মদিনাভিমুখে পলায়ন করে। আয়াশের মাতা তাহার বিচ্ছেদে অত্যন্ত শোক বিলাপ করিতে থাকে। আয়াশের সহোদর ভ্রাতা হারেস মাতার বিলাপ পরিতাপ দেখিয়া আবুজহলের সহায়তায় আয়াশের অনুসন্ধানে প্রবৃত্ত হয়। মদিনার নিকটে তাহাকে পাইয়া নানা ছলকৌশলে মক্কায় ফিরাইয়া লইয়া আইসে। তথায় এসলাম ধর্ম পরিত্যাগ করাইবার জন্য হস্তপদ বন্ধন করিয়া তাহাকে রোদ্দে রাখিয়া দেওয়া হয়। তখন জয়দের পুত্র হারেস তাহার নিকটে যাইয়া বলে, এই ক্রেশ যন্ত্রণা কেন সহ্য করিতেছ, এসলাম ধর্ম পরিত্যাগ করিয়া সুখী হও। পরিশেষে আয়াশ নানাপ্রকারে উৎপীড়িত হইয়া অবলম্বিত ধর্ম পরিত্যাগ করে। পুনর্বীর সেই হারেস আসিয়া তাহাকে বিক্রম করিয়া বলে যে, “যে ধর্ম অসম্বন্দন করিয়াছিল, যদি তাহা সত্য ছিল, তবে কেন পরিত্যাগ করিলে, অসত্য হইলে তাহা গ্ৰহণ করিয়াছিলে বা কেন ?” আয়াশ হারেসের এই বাবহারে ক্রুদ্ধ হইল, এবং শপথ করিয়া বলিল, ‘সুযোগ পাইলেই আমি তোমাকে যেক্ষেপেই হটক বধ করিব।’ অতঃপর আয়াশ মদিনায় যাইয়া পুনর্বীর ধর্মগ্রহণ করে। হারেসও মদিনায় যাইয়া মোসলমান হয়। হারেসের ধর্মগ্রহণ বৃত্তান্ত আয়াশ অবগত ছিল না। এক দিন সে হারেসকে নির্জনস্থানে পাইয়া তাহার জীবন সংহার করে। হজরতের ধর্মবন্ধুগণ

জগ্ন শাস্তি নরক, তথায় চিরাবস্থিতি, এবং তাহার প্রতি ঈশ্বর ক্রোধ করিয়াছেন ও তাহাকে অভিসম্পাত করিয়াছেন, এবং তাহার জগ্ন মহাশাস্তি প্রস্তুত করিয়াছেন \* । ৯৩ । হে বিশ্বাসিগণ, যখন তোমরা ঈশ্বরের উদ্দেশে ( যুদ্ধে ) গমন কর, তখন অল্পসন্ধান লইও, যে ব্যক্তি তোমাদের প্রতি সলাম অর্পণ করে, তাহাকে বলিও না যে, তুমি মোসলমান নও ; তোমরা পার্থিব সামগ্রী চাহিতেছ, পরন্তু ঈশ্বরের নিকটে লুণ্ঠন দ্রব্য প্রচুর আছে ; এইরূপ তোমরা প্রথমে ছিলে, পরে ঈশ্বর তোমাদের প্রতি হিতসাধন করিয়াছেন, অল্পসন্ধান করিও, তোমরা যাহা কর, নিশ্চয় ঈশ্বর তাহা জ্ঞাত হন । ৭ ।

আয়াশকে ভৎসনা করিয়া বলেন, “তুমি অথবা একজন মোসলমানকে বধ করিয়াছ, কেয়ামতে কি উত্তর দান করিবে ?” তজ্জগ্ন আয়াশ অনুতপ্ত হইয়া হজরতের নিকটে যাইয়া সর্বিশেষ নিবেদন করে, তাহাতে এই আয়াতের অবতারণা হয় ।

( ত, হো, )

অনেক প্রকার ভ্রমে হত্যা হইতে পারে । এখানে মোসলমানকে কাফের জানিয়া হত্যা করার উল্লেখ হইয়াছে । সকল প্রকার ভ্রমজনিত হত্যা-পাপ হইতে মুক্ত হইবার জগ্ন এই কয়েকটি অনুষ্ঠানের বিধি । ১ম, একজন মোসলমানের গ্রীবা বন্ধনমুক্ত করা অর্থাৎ কোন মোসলমান ক্রীতদাসকে দাসত্ব হইতে মুক্তি দান করা । তাহার সজ্বটন না হইলে অবিচ্ছিন্ন দুইমাস কাল রোজা পালন বিধি । অপরাধের জগ্ন ঈশ্বরসম্মুখে এই পদ । ২য়, হত ব্যক্তির উত্তরাধিকারীকে হত্যার মূল্য প্রদান করা কর্তব্য । সে ইচ্ছা করিলে তাহা খরচাত্ত কবিয়া অর্থাৎ দেয় অর্থ ক্ষমা করিয়া হত্যাকারীকে মুক্তি দিতে পারে । যদি হত ব্যক্তির উত্তরাধিকারী মোসলমান হয় অথবা সন্ধিবন্ধনে বদ্ধ কাফের হয়, তাহা হইলে তাহাকে হত্যার মূল্য প্রদান করা হইয়া থাকে, শত্রু কাফের হইলে প্রদান করা বিধি নহে । হনিফী ধর্মমতে মোসলমানের হত্যার মূল্য আনুমানিক দুই সহস্র সাত শত চল্লিশ মুদ্রা । তাহা তিন বৎসরের মধ্যে ক্রমে ক্রমে পরিশোধ করিতে পারে ।

( ত, ফা, )

\* জরারার পুত্র মকিস আপন ভ্রাতা হশমকে বনি অন্নজ্বারের পলীতে নিহত প্রাপ্ত হইয়া হজরতের নিকটে যাইয়া এ বিষয় নিবেদন করে । হজরত তাহার সঙ্গে জহির কচারীকে বনি অন্নজ্বারের নিকটে প্রেরণ করিয়া তাহাকে বলিয়া পাঠান যে, কে হত্যাকারী, জ্ঞাত থাকিলে মকিসের হস্তে তাহাকে সমর্পণ করিবে, অথবা যথাবিধি হত্যার মূল্য মকিসকে প্রদান করিবে । বনি অন্নজ্বার এই আজ্ঞা প্রাপ্ত হইয়া হত্যার মূল্যরূপ একশত টুট্টু মকিসকে প্রদান করে । মকিস জহিরের সঙ্গে মদিনায় যাত্রা করিয়া নগরের নিকটে উপস্থিত হইলে শয়তানের কল্পনায় পড়ে, সে নিরপরাধী জহিরকে মারিয়া কেলে । তৎপর সে মদিনায় না যাওয়া তথা হইতে মকায় ফিরিয়া আইসে । তাহাতে এই আয়াত অবতীর্ণ হয় ।

( ত, হো, )

+ হজরতের জীবদ্দশাকালে একদল এন্সলাম সৈন্য কোন গ্রামে উপস্থিত হয় । সেখানে কতিপয় মোসলমান কৃষক ছিল, তাহারা স্বীয় পালিত পশুদিগকে পার্শ্বে রাখিয়া দণ্ডায়মান হয়, এবং সেই সৈন্যদিগকে সেলাম করে । সেনাগণ মনে করে যে, ইহারা স্বার্থোদ্দেশে মোসলমানী প্রকাশ করিতেছে । এই ভাবিয়া তাহাদিগকে বধ করে, এবং তাহাদের গৃহপালিত পশুসকল হরণ করিয়া লইয়া যায় । তাহাতেই এই আয়াত অবতীর্ণ হয় । “এইরূপ তোমরা প্রথমে ছিলে” যে উক্ত হইয়াছে, তাহার অর্থ এই যে, তোমরা পূর্বে স্বার্থোদ্দেশে অথবা হত্যা করিতে, কিন্তু মোসলমান হইয়া এক্ষণ আর তাহা করা তোমাদের পক্ষে উচিত নয় ।

( ত, ফা )

২৪। উপবিষ্ট অক্ষত বিশ্বাসিগণ এবং আপন ধন ও আপন জীবনযোগে ঈশ্বরোদ্দেশ্যে সংগ্রামকারিগণ তুল্য নহে; পরমেশ্বর আপন ধন ও আপন জীবনযোগে সংগ্রামকারীদিগকে মর্যাদায় উপবেশনকারীদিগের উপর গৌরবান্বিত করিয়াছেন, এবং সকলের সঙ্গে পরমেশ্বর উত্তম অঙ্গীকার করিয়াছেন, পরমেশ্বর উপবেশনকারীদিগের অপেক্ষা সংগ্রামকারীদিগকে উচ্চ পুরস্কার অধিক দিয়াছেন। ২৫। আপনার নিকট হইতে তিনি মর্যাদা সকল ও ক্ষমা এবং দয়া ( প্রদান করিয়াছেন ) এবং ঈশ্বর ক্ষমাশীল ও দয়ালু হন \*। ২৬। ( র, ১৩, আ, ৫ )

নিশ্চয় যাহারা আপন জীবনের উৎপীড়নকারী ছিল, তাহাদিগকে দেবগণ গতাস্থ করিয়া জিজ্ঞাসা করিল যে, “তোমরা কি ভাবে ছিলে?” তাহারা বলিল, “আমরা পৃথিবীতে দুর্দশাপন্ন ছিলাম।” দেবগণ বলিল, “ঈশ্বরের পৃথিবী কি বিস্তৃত ছিল না যে, তাহাতে স্থানান্তরিত হও?” অনন্তর এই তাহারা, তাহাদিগের স্থান নরক লোক, এবং তাহা কুৎসিত স্থান †। ২৭। + উপায় অবলম্বন করিতে পারে না ও পথ প্রাপ্ত হয় না এমন দুর্বল স্ত্রী পুরুষ ও শিশুগণ ব্যতীত। ২৮। + অতএব এই তাহারা, ভরসা যে ঈশ্বর তাহাদিগকে ক্ষমা করিবেন, ঈশ্বর ক্ষমাশীল ও মার্জ্জনাকারী হন ‡। ২৯। এবং যে ব্যক্তি ঈশ্বরোদ্দেশ্যে দেশ ত্যাগ করে, সে পৃথিবীতে বহু এবং বিস্তৃত স্থান প্রাপ্ত হয়, এবং যে ব্যক্তি ঈশ্বরোদ্দেশ্যে ও তাঁহার প্রেরিত পুরুষের উদ্দেশ্যে দেশত্যাগী হইয়া আপন গৃহ হইতে বহির্গত হয়, তৎপর সে মৃত্যুগ্রস্ত হয়, প্রকৃত পক্ষে তাহার পুরস্কার ঈশ্বরের নিকটে নির্ধারিত, এবং ঈশ্বর ক্ষমাশীল দয়ালু হন §। ১০০। ( র, ১৪, আ, ৪ )

\* যে ব্যক্তি বিকলাঙ্গ অর্থাৎ অক্ষ, গঞ্জ বা বধির, তাহার সম্বন্ধে জেহাদের ( ধর্মযুদ্ধের ) বিধি নাই। হুহু সবলকায় লোকের মধ্যে যাহারা জেহাদে না যাইয়া বসিয়া থাকে, তাহাদের অপেক্ষা যাহারা জেহাদ করে, তাহারা অধিক গৌরবান্বিত। ( ত, কা, )

+ কাকাহার পুত্র কয়স এবং অলিদের পুত্র কয়স এবং আরও কয়েকজন লোক ক্ষমতাসহে মক্কা হইতে মদিনায় প্রস্থান করে নাই। যখন কোরেশবংশীয় প্রধান পুরুষেরা মোসলমানদিগের বিরুদ্ধে যুদ্ধসজ্জা করিয়া বদরের দিকে যাত্রা করে, তখন তাহারা তাহাদিগের সঙ্গে রণক্ষেত্রে উপস্থিত হয়, এবং মোসলমানদিগের করবালের আঘাতে প্রাণত্যাগ করে। এই আঘাত তাহাদের সম্বন্ধেই অবতীর্ণ হয়। “জীবনের উৎপীড়নকারী” ইহার ভাব এই যে, যখন মক্কা ত্যাগ করার বিধি হইয়াছিল, সেই বিধি উপেক্ষা করার অপরাধে আত্মার অনিষ্টকারী। “তাহাদিগকে দেবগণ গতাস্থ করিয়া জিজ্ঞাসা করে” অর্থাৎ শমনের অনুচরগণ তাহাদের প্রাণ হস্তগত করিয়া জিজ্ঞাসা করে। ( ত, হো, )

‡ ইহা দ্বারা জানা গাইতেছে যে, যে দেশে মোসলমানগণ বিশ্বাস জ্ঞাপন করিয়া প্রকাশ্য ভাবে থাকিতে পারে না, তাহাদিগের সম্বন্ধে তথা হইতে প্রস্থান করা বিধি। অক্ষমদিগের জন্ত এই বিধি নয়। ( ত, কা, )

§ মক্কাতে এমন বহুসংখ্যক লোক এম্‌লান ধর্মে বিশ্বাস স্থাপন করিয়াছিল যে, তাহাদের স্থানান্তরিত হওয়ার ক্ষমতা ছিল না। যখন মক্কা পরিত্যাগ করিয়া স্থানান্তরগমনের বিধি রূপ

যখন তোমরা ভূতলে পর্যটন কর, তখন কাফেরগণ তোমাদিগকে বিপদে ফেলিলে আশঙ্কা হইলে, নমাজ সজ্জপ করায় তোমাদের সম্বন্ধে অপরাধ নাই ; নিশ্চয় কাফেরগণ তোমাদের স্পষ্ট শত্রু হয় \*। ১০১। এবং যখন তুমি ( হে মোহম্মদ, ) ইহাদিগের ( বিশ্বাসীদিগের ) মধ্যে থাক, তখন তাহাদের জন্য নমাজ প্রতিষ্ঠিত করিও ; পরে উচিত যে, ইহাদের এক দল তোমার সঙ্গে দণ্ডায়মান হয়, এবং উচিত যে, আপনাদের অস্ত্র গ্রহণ করে, পরিশেষে যখন প্রণত হইবে, তখন উচিত যে, তাহারা তোমাদের পশ্চাদ্বর্তী হয় ; এবং উচিত যে, নমাজ পড়ে নাই এমন অস্ত্র একদল উপস্থিত হইয়া তোমার সঙ্গে পরে নমাজ পড়ে, অপিচ আপনাদের রক্ষণোপায় ও আপনাদের অস্ত্র অবলম্বন করে ; কাফেরগণ আকাজ্জা করে, যদি তোমরা আপনাদের অস্ত্র ও আপনাদের দ্রব্যজাতসম্বন্ধে অসতর্ক হও, তবে তাহারা অকস্মাৎ তোমাদের উপর আক্রমণ করিবে ; যদি বৃষ্টিতে তোমাদের কোন ক্লেশ হয় ও তোমরা রোগগ্রস্ত হও, তবে আপনাদের অস্ত্র রাখিয়া দিলে তোমাদের প্রতি দোষ নাই, এবং তোমরা আপনাদের রক্ষাকে অবলম্বন করিও ; নিশ্চয় ঈশ্বর কাফেরদিগের জন্য গানিজনক শাস্তি প্রস্তুত করিয়াছেন †। ১০২। অনন্তর

আয়ত অবতীর্ণ হইল, এবং তাহা লিপিবদ্ধ হইয়া মকানিবাসী দুর্বল মোসলমানদিগের নিকটে প্রেরিত হইল। তখন জমরার পুত্র জনদা স্বীয় পুত্রদিগকে বলিলেন, “যদিচ আমি রুগ্ন ও বৃদ্ধ, তথাপি সাধারণ দুর্বলদিগের সদৃশ নহি, প্রস্থানের উপায় করিতে পাবিব, মদিনার পথও অবগত আছি ; কেবল এইমাত্র ভয় হইতেছে যে, পথে বা আমার মৃত্যু হয়, কিন্তু প্রস্থানে বিরত থাকিলে আমার ধর্মহানি হইবে। অতএব আমি যে আসনের উপর শয়ান আছি, এই আসনের সহিত তোমরা আমাকে বাহির কর।” পুত্রগণও তাঁহার আজ্ঞার অনুসরণ করিল, এবং তাহারা পিতাকে বহনপূর্বক তনয়িম নামক স্থানে উপনীত হইল। সেখানে জনদার প্রাণত্যাগ হয়। এই সংবাদ মদিনায় পৌঁছিলে হজরতের ধর্ম-বন্ধুগণ পরস্পর বলিতে লাগিলেন, “জনদা মদিনায় উপস্থিত হইতে পারিলে তাঁহার ধর্ম পূর্ণ হইত, তিনি পূর্ণ পুরস্কার প্রাপ্ত হইতেন।” তাহাতেই এই আয়ত অবতীর্ণ হয়। (ত, হো,)

\* দেশপর্যটনকালে তিন মঞ্জলে চারি রকাত নমাজ পড়ার বিধি। নমাজের চারি অঙ্গ, তাহার এক এক অঙ্গকে বা অংশকে রকাত বলে। মঞ্জেল অবতরণভূমি। পথিকগণ যেখানে যাইয়া বিশ্রাম লাভ করে, তাহাকে মঞ্জেল বলে। যে স্থানে শত্রুর ভয়, সে স্থলে মোসলমানগণ দুই দলে বিভক্ত হইবেন। এমাম এক এক দলে এক এক বার করিয়া দুইবার নমাজ পড়িবেন, অথবা এক এক দলে এক এক রকাত করিয়া নমাজ পড়িবেন। প্রথম দলের সঙ্গে এক রকাত নমাজ পড়া হইলে, তিনি দণ্ডায়মান হইয়া অপর দলের প্রতীক্ষা করিবেন, সেই দল আসিয়া যোগ দিলে তাহাদের সহিত নমাজ পড়িবেন। বিশেষ স্থলে নমাজ ভঙ্গ হইবে। (ত, ফা,)

+ এই আয়তে যুক্তক্বেত্রে কি ভাবে নমাজ পড়িতে হইবে, তাহার বিধি হইয়াছে। যুদ্ধের সময় সৈন্ত দুই দলে বিভক্ত হইবে। এক এক দল ক্রমশঃ এমামের সঙ্গে নমাজের অর্ধাংশে যোগ দিবে, অস্ত্র শস্ত্র ও কবচ ধারণ করিয়া থাকিবে। যদি দলবদ্ধ হইয়া নমাজ পড়ার সুবিধা না হয়, তবে তাহা হইতে বিরত হইয়া একাকী ইচ্ছিতে নমাজ পড়িবে। তাহারও সুযোগ না হইলে, নমাজ ভঙ্গ করিবে। (ত, ফা,)



যখন তোমাদের নমাজ সম্পন্ন হয়, তখন দণ্ডায়মান হইয়া ও বসিয়া এবং আপনাদের পার্শ্বে উপবিষ্ট হইয়া ঈশ্বরকে স্মরণ করিও ; পরে যখন তোমরা নিরাপদে থাক, তখন নমাজকে প্রতিষ্ঠিত করিও, নিশ্চয় বিশ্বাসীদিগের সহস্রকে নমাজ সাময়িকরূপে লিপিত \* । ১০৩ । এবং সেই দলের ( কাফেরদিগের ) অনুসন্ধানে তোমরা শিথিল হইও না ; যদি তোমরা পীড়িত হও, তবে তাহারাও তোমাদের দ্বারা পীড়িত, এবং তাহারা যাহা আশা করে না, তোমরা ঈশ্বরের নিকটে তাহা আশা করিতেছ, এবং ঈশ্বর জ্ঞানী ও নিপুণ হন † । ১০৪ । ( র, ১৫, আ, ৪ )

নিশ্চয় আমি তোমার প্রতি সত্য গ্রন্থ অবতারণ করিয়াছি, যেন ঈশ্বর তোমাকে যাহা দেখাইয়াছেন, তাহা তুমি লোকদিগের মধ্যে আদেশ কর ; তুমি অহিতকারীদিগের অনুরোধে শত্রু হইও না ‡ । ১০৫ । ঈশ্বরের নিকট ক্ষমা প্রার্থনা কর, নিশ্চয় ঈশ্বর ক্ষমাশীল ও দয়ালু । ১০৬ । এবং যাহারা আপনাদের জীবনের ক্ষতি করে, তুমি

\* যদি ভয়ের অবস্থায় নমাজ সংক্ষেপ করা হয়, তবে নমাজের পরে অল্প ভাবে ঈশ্বরকে স্মরণ করিবে । যথাসময়ে নমাজ পড়া একটি বিশেষ নিয়ম । কিন্তু ঈশ্বরস্মরণ সকল অবস্থায় হইতে পারে । ( ত, ফা, )

পার্শ্বোপবিষ্ট হওয়ার অর্থ পার্শ্বশায়ী হওয়া, অর্থাৎ যখন তোমরা অস্বাহিত হইয়া পার্শ্বশায়ী হও, তখনও ঈশ্বরকে স্মরণ করিও । এস্থলে সকল অবস্থায় ঈশ্বরকে স্মরণ করার বিধি হইয়াছে । ঈশ্বরকে স্মরণ করিয়া ভীত হইবে, এই তাহার ভাব । জাদোল্‌মসিরনামক গ্রন্থে উল্লিখিত আছে যে, কার্খা করিতে দণ্ডায়মান অবস্থায় ঈশ্বরকে ভয় করিও, এবং ভোজন পান ও লোকের সঙ্গে সহবাস করিতে, উপবেশনের অবস্থায়, এবং নিদ্রার উদ্যোগ করিবার সময়, শয়নের অবস্থায়, এইরূপ সর্বাবস্থায় ঈশ্বরকে ভয় করিও । “জেকর” শব্দের অর্থ স্মরণ করা, এ স্থলে “জেকর” শব্দের অর্থ ভয় করা লিপিত হইয়াছে । ( ত, হো, )

† অর্থাৎ পলায়িত কাফেরদিগের অনুসন্ধান কর । তোমরা আহত হইয়াছ বলিয়া আপত্তি করিও না, তাহারাও তোমাদের দ্বারা আহত । ( ত, হো, )

‡ জফরবংশীয় আব্রিকের পুত্র তামা নামানের পুত্র কতাদার গৃহে সিঁধ কাটা এক পলে আটা ( গোধূমচূর্ণ ) চুরি করিয়া লইয়া যায় । দৈবাৎ সেই ধলেতে ছিদ্র ছিল । তামার আলম পর্গাস্ত সমুদায় পথে উক্ত ছিদ্র দিয়া আটা পতিত হয় । তামা সেই আটা আপন গৃহে না রাখিয়া জয়বনামক ইহুদির আশ্রয়ে গচ্ছিত রাখে । প্রাতঃকালে কতাদা পতিত আটার চিহ্নানুসারে তামার গৃহে উপস্থিত হইয়া আটার অনুসন্ধান করে । তামা শপথপূর্বক বলে যে, “আটা আমি চুরি করি নাই, ইহার কোন সংবাদও রাখি না ।” যে পথ দিয়া তামা আটার ধলে সহ ইহুদির গৃহে গিয়াছিল, সে কতাদাকে সেই পথে ইহুদির আলয়ে লইয়া গেল, এবং ইহুদিকে আটা চোর বলিয়া ধরিল । ইহুদি বলিল, “আমি আটা চুরি করি নাই, গত রজনীতে তামা ইহা আমার নিকটে গচ্ছিত রাখিয়াছে ।” অনেক লোক এ বিষয়ে সাক্ষ্য দান করিল । তখন কতাদা যাইয়া হজরতের নিকটে অভিযোগ উপস্থিত করে । হজরত অনেকের অনুরোধে প্রসিদ্ধ জফরবংশীয় তামার অপমান ও শাস্তি হয়, ইচ্ছা করিলেন না । তিনি এ বিষয়ে ইহুদিকে দোষী, মোসলমান

তাহাদের পক্ষাবলম্বনে বিরোধ করিও না ; যে ব্যক্তি ক্ষতিকারী অপরাধী হয়, নিশ্চয় ঈশ্বর তাহাকে প্রেম করেন না । ১০৭ । + তাহারা মনুষ্য হইতে গুপ্ত রাখে, কিন্তু ঈশ্বর হইতে গুপ্ত রাখিতে পারে না, এবং তাহারা যখন রজনীতে ( ঈশ্বরের ) অনভিপ্রেত কথার পরামর্শ করে, তখন তিনি তাহাদের সঙ্গে থাকেন, তাহারা যাহা করে, ঈশ্বর তাহা ঘেরিয়া রহিয়াছেন । ১০৮ । জানিও, তোমরা সেই লোক, যে সাংসারিক জীবন বিষয়ে তাহাদের পক্ষ হইতে বিরোধ করিতেছ ; অবশেষে কেয়ামতের দিনে কোন্ ব্যক্তি তাহাদের ( ক্ষতিকারীদের ) পক্ষ হইতে ঈশ্বরের সঙ্গে বিরোধ করিবে ? অথবা কে তাহাদের সম্বন্ধে কার্য্যসম্পাদক হইবে ? । ১০৯ । এবং যে ব্যক্তি কুকর্ম্ম করে অথবা আপন জীবনের প্রতি অত্যাচার করে, অতঃপর ঈশ্বরের নিকটে ক্ষমা প্রার্থনা করে, সে ঈশ্বরকে ক্ষমাশীল ও দয়ালু প্রাপ্ত হয় \* । ১১০ । এবং যে ব্যক্তি পাপ করে, সে তাহা আপন জীবনের সম্বন্ধে করে, ইহা ভিন্ন নহে ; ঈশ্বর জ্ঞাতা ও নিপুণ হন † । ১১১ । যে ব্যক্তি কোন ক্রটি করে, অথবা পাপ করে, তৎপর নিরপরাধীর প্রতি অপবাদ দেয়, পরে সতাই সে অসত্যকে ও স্পষ্ট অপরাধকে বহন করিয়া থাকে । ১১২ । ( র, -৬, আ, ৮ )

এবং যদি তোমার প্রতি ( হে মোহম্মদ, ) ঈশ্বরের কৃপা ও তাঁহার দয়া না থাকিত, নিশ্চয় তাহাদের এক দলতো তোমাকে পথভ্রান্ত করিতে চেষ্টা করিয়াছিল ‡ । তাহারা আপন জীবনকে ব্যতীত পথভ্রান্ত করে না, এবং তোমার কিছুই ক্ষতি করে না ; ঈশ্বর তোমার প্রতি গ্রন্থ ও বিজ্ঞান অবতারণ করিয়াছেন, এবং তুমি যাহার জ্ঞান রাখিতে না, তোমাকে তাহা শিক্ষা দিয়াছেন, তোমার প্রতি ঈশ্বরের মহাকৃপা বিদ্যমান । ১১৩ । যাহারা দানে অথবা শুভকর্মে কিম্বা সন্ধিস্থাপনে লোকদিগের মধ্যে কথা কহে ( মন্ত্রণা করে ), তন্মিহ তাহাদের বহুগুপ্ত মন্ত্রণায় কল্যাণ নাই, এবং যে ব্যক্তি ঈশ্বরের সম্ভাষ অশেষণে ইহা করে, পরে সহব তাহাকে আমি মহা পুরস্কার দান করিব § । ১১৪ । এবং যে ব্যক্তি তাহার সম্বন্ধে পাপপ্রদর্শন হওয়ার পর প্রেরিত পুরুষের বিরোধী হয়,

---

তামাকে নির্দোষী স্থির করিলেন, এবং ইহাদিকে শাস্তিদানে উদাত হইলেন । এমন সময়ে এই আয়ত ও নিম্নোক্ত দুই তিন আয়ত অবতীর্ণ হয় । ( ত, হো )

\* কুকর্ম্ম গুরুতর পাপ এবং আপনার প্রতি অত্যাচার লঘুতর পাপ বলিয়া উক্ত হইয়াছে । যে সকল লোক অনুতাপ করে, তাহারা ঈশ্বরের কৃপায় তাহা হইতে মুক্তি লাভ করিয়া থাকে । ( ত, ফা, )

+ অর্থাৎ যে ব্যক্তি পাপ করে, সেই পাপী হয়, তাহার পাপে অন্য ব্যক্তি পাপী হয় না । ( ত, ফা, )

‡ অর্থাৎ তামাকে নির্দোষ প্রত্টিপন্ন করার ও জন্মকে শাস্তি দান করার চেষ্টা হইতে ঈশ্বরের কৃপা তোমাকে নিবৃত্ত করিয়াছে । ( ত, হো )

§ কপট লোকেরা হজরতের নিকটে যাইয়া কাণে কাণে কথা কহিত । তাহারা হজরতের অতিশয় বিশ্বাসপাত্র ও তাঁহার সঙ্গে তাহাদের ঘনিষ্ঠ যোগ আছে বুলিয়া লোকে তাহাদিগকে বিশেষ সম্মান করিবে, এই উদ্দেশ্যেই তাহারা একরূপ করিত । এদিকে সম্ভাতে বসিয়া তাহারা

বিশ্বাসীদিগের বিরুদ্ধ পথের অনুসরণ করে, যে বিষয়ে সে সমুৎসুক হয়, আমি তাহাকে তাহাতে প্রবর্তিত করিব, এবং তাহাকে নরকে আনয়ন করিব, (উহা) কুহান \*। ১১৫। (র, ১৭, আ, ৩)

নিশ্চয় ঈশ্বর তাঁহার সঙ্গে অংশিস্থাপন করাকে ক্ষমা করেন না, এতদ্ব্যতীত যাহাকে ইচ্ছা হয় ক্ষমা করেন, এবং যে ব্যক্তি ঈশ্বরের সঙ্গে অংশিস্থাপন করে, নিশ্চয় সে দূরতর পথচ্যুতরূপে পথচ্যুত হয়। ১১৬। তাহারা তাঁহাকে ব্যতীত নারীকে (নারীরূপী প্রতিমাকে) ভিন্ন আহ্বান করে না, এবং অবাধ্য শয়তানকে ভিন্ন আহ্বান করে না। ১১৭। + ঈশ্বর তাহাকে (শয়তানকে) অভিসম্পাত করিয়াছেন এবং সে বলিয়াছে, “একান্তই আমি তোমার উপাসকগণ হইতে নির্দারিত অংশ গ্রহণ করিব। ১১৮। + একান্তই আমি তাহাদিগকে পথভ্রান্ত করিব ও একান্তই আমি তাহাদিগকে কামনায়ুক্ত করিব, এবং একান্তই আমি তাহাদিগকে আদেশ করিব যেন পশুর কর্ণচ্ছেদ করে, একান্তই আমি তাহাদিগকে আদেশ করিব যেন ঈশ্বরের সৃষ্টির পরিবর্তন করে;” পরন্তু যে ব্যক্তি ঈশ্বরকে ছাড়িয়া শয়তানকে বন্ধুরূপে গ্রহণ করে, পরে নিশ্চয়ই সে স্পষ্টকৃতিতে কৃতিগ্রস্ত হয় †। ১১৯। সে তাহাদের সঙ্গে অঙ্গীকার করে ও তাহাদিগকে কামনায়ুক্ত করে, এবং শয়তান তাহাদের সঙ্গে চলনা ভিন্ন অঙ্গীকার করে না। ১২০। ইহারাই

মন্ত্রণাচ্ছলে কাণে কাণে ইহার উহার নিন্দা করিত। এ জন্ত ঈশ্বর বলিয়াছেন যে, তাহাদের গুণ মন্ত্রণা প্রায়ই অশুভ। শুভ বাক্য গোপন করিবার প্রয়োজন রাখে না। (ত, কা,)

\* এই আয়তও পূর্বেক্ত তামা সম্বন্ধীয়। তামা আটা চুরির অপরাধে শাস্তির ভয়ে মদিনা হইতে পলায়ন করিয়া মক্কাতে যাইয়া আশ্রয় লয়। সেখানেও সে এক ব্যক্তির গৃহের প্রাচীরে সিঁদ কাটে, তখন প্রাচীর পড়িয়া যায়, সে প্রাচীরের নিম্নে চাপা পড়ে। গৃহস্থ তাহা হইতে তাহাকে টানিয়া বাহির করে ও তাহার শিরচ্ছেদনে উদাত হয়। পরে কয়েকজন প্রতিবেশীর অনুরোধে সে তাহাকে ছাড়িয়া দেয়। অতঃপর তামা মক্কা হইতে তাড়িত হইয়া শাম দেশের দিকে প্রস্থান করে। পথে এক স্থানে এক জন বণিকের কোন দ্রব্য চুরি করিয়া সে ধরা পড়ে, এবং সেই বণিক কর্তৃক নিহত হয়! প্রেরিতপুরুষ বলিয়াছেন যে, মোসলমানমণ্ডলীর উপর ঈশ্বরের হস্ত। যে ব্যক্তি ভিন্ন পথ অবলম্বন করে, সে নরকগামী হয়। যে বিষয়ে মণ্ডলীর সঙ্গে যোগ হয়, তাহাই ঈশ্বরের অভিপ্রেত। (ত, কা,)

+ অর্থাৎ তোমরা উপাসকগণ আপন ধনের অংশ আমার জন্ত রাখিবে। যেমন পৌত্তলিকেরা পুত্তলিকাকে উপহার দেয়, তদ্রূপ তোমরা আমাকে ধন উপহার দিবে। (ত, কা,)

‡ পশুর কর্ণচ্ছেদ করা কাফেরদিগের রীতি ছিল। একটি গো-বৎস বা ছাগশিশুকে দেবতার নামে অভিহিত করা হইত, এবং কর্ণে ছিদ্র করিয়া তাহাকে চিহ্নিত করার নিয়ম ছিল। “ঈশ্বরের সৃষ্টির পরিবর্তন” করা অর্থাৎ মনুষ্যের রূপ পরিবর্তন করা। তাহা এরূপ হইত যে, কোন বালিকার মস্তকে দিকা বাধিয়া তাহাকে প্রতিমার নামে অভিহিত করা হইত। মোসলমানগণ এপ্রকার কার্য হইতে নিবৃত্ত থাকিবেন। (ত, কা,)

ইহাদিগের আবাস নরক, এবং তাহা হইতে ইহারা উদ্ধার পাইবে না। \*। ১২১। এবং যাহারা বিশ্বাসী হইয়াছে ও সংকর্ম করিয়াছে, অবশ্য আমি তাহাদিগকে সেই স্বর্গে প্রবেশ করাইব, যাহার ভিতর দিয়া পয়ঃপ্রণালী সকল প্রবাহিত, তাহাতে তাহারা নিত্যকাল থাকিবে ; ঈশ্বরের অঙ্গীকার সত্য, কোন্ ব্যক্তি ঈশ্বর অপেক্ষা কথায় অধিকতর সত্যবাদী ? ১২২। তোমাদের বাসনারূপ এবং গ্রন্থধারীদিগের বাসনারূপ ( কার্য ) নহে ; যে ব্যক্তি অসং কর্ম করিবে, তাহাকে তাহার প্রতিফল প্রদত্ত হইবে, সে আপনার জন্ত ঈশ্বর ব্যতীত বন্ধু ও সাহায্যকারী পাইবে না। ১২৩। স্ত্রী বা পুরুষ যে ব্যক্তি সংকর্ম করে ও বিশ্বাসী হয়, পরে সেই তাহারাই স্বর্গে প্রবেশ করিবে, এবং তাহারা খজুর-বীজ পরিমাণও অত্যাচরিত হইবে না। ১২৪। এবং যে ব্যক্তি আপন আনন ঈশ্বরোদ্দেশে স্থাপন করিয়াছে, ধর্মবিষয়ে তাহা অপেক্ষা কে শ্রেষ্ঠ ? সেই ব্যক্তি সংকর্মশীল ও সত্য-ধর্মে প্রতিষ্ঠিত এব্রাহিমের ধর্মের অনুসরণকারী ; পরমেশ্বর এব্রাহিমকে বন্ধুরূপে গ্রহণ করিয়াছিলেন। ১২৫। এবং স্বর্গেতে যাহা কিছু আছে ও পৃথিবীতে যাহা কিছু আছে, তাহা ঈশ্বরের ; ঈশ্বর সমুদায় বস্তুকে ঘেরিয়া আছেন। ১২৬। ( র, ১৮, আ, ১১ )

এবং নারীগণসম্বন্ধে ( হে মোহম্মদ, ) ইহারা তোমার নিকটে ব্যবস্থা জিজ্ঞাসা করিতেছে ; বল, তাহাদের সম্বন্ধে পরমেশ্বরই তোমাদিগকে ব্যবস্থা দিয়া থাকেন, এবং নিরাশ্রয়া নারীদিগের বিষয়ে গ্রন্থে তোমাদের প্রতি যাহা পঠিত হইয়া থাকে—যাহাদিগকে, তাহাদের জন্ত যাহা লিখিত হইয়াছে, তোমরা প্রদান কর না ও যাহাদিগকে বিবাহ করিতে আকাজক্ষা কর, ( তাহাদের বিষয়ে ) এবং দুর্বল বালকদিগের বিষয়ে তিনি ( ব্যবস্থা দিয়া থাকেন, ) এবং গ্ৰাম্যানুসারে অনাথদিগকে প্রতিষ্ঠিত রাখার (আজ্ঞা আছে ; ) এবং তোমরা যে কিছু সংকর্ম করিয়া থাক, নিশ্চয় ঈশ্বর তাহার জ্ঞাতা হন †। ১২৭। এবং যদি কোন স্ত্রী আপন স্বামী হইতে অবাধ্যতা ও অবজ্ঞার আশঙ্কা

\* গ্রন্থাধিকারী লোকেরা একরূপ ভাবিয়াছিল যে, আমরা বিশেষ চিহ্নিত লোক, যে অপরাধে অপর লোক শাস্তি প্রাপ্ত হয়, আমাদের পাপের পাপেই শাস্তি ভোগ করিতে হইবে না। আমাদের পাপের পাপেই আমাদের পাপের পাপেই শাস্তি ভোগ করিতে হইবে না। আমাদের পাপের পাপেই আমাদের পাপের পাপেই শাস্তি ভোগ করিতে হইবে না। আমাদের পাপের পাপেই আমাদের পাপের পাপেই শাস্তি ভোগ করিতে হইবে না। ( ত, ফা, )

† এই সূরার প্রথমভাগে নিরাশ্রয়ের স্বত্ব সম্বন্ধে বিধি নিরূপিত হইয়াছে। তাহাতে এই মর্মে প্রকাশ পাইয়াছে যে, যে নিরাশ্রয়া বালিকার পিতৃব্যপুত্র ব্যতীত অভিভাবক নাই, সেই পিতৃব্যপুত্র যদি বুঝিতে পারে যে, সে তাহার স্বত্ব পরিশোধ করিতে পারিবে না, তবে তাহাকে সে বিবাহ করিবে না, অল্প কাহারও সঙ্গে তাহার বিবাহ দিবে। এই বিধি প্রবর্তিত হইবার পর হইতে মোসলমানগণ একরূপ অবস্থাপন্ন নারীর পাণিগ্রহণে নিবৃত্ত ছিলেন। পরে যখন দেখিলেন, অভিভাবক বিবাহ কবিলে নারীর পক্ষে কোন কোন বিষয়ে মঙ্গল হয়, এবং সে যেমন তাহার হিতসাধন করিতে সক্ষম, অল্প কেহ সেরূপ নয়, তখন তাহারা হজরতের নিকটে ইহার বিধি প্রার্থনা করিলেন। তাহাতে এই আয়ত

করে, তবে উভয়ের পক্ষে দোষ নয় যে, তাহারা কোন সম্মিলনে আপনাদের মধ্যে সম্মিলন সংস্থাপন করে; সম্মিলন কল্যাণ, কৃপণতার প্রতি প্রাণ স্থাপিত। যদি তোমরা সংকার্য্য কর ও ধর্ম্মভীরু হও, তবে নিশ্চয় তোমরা যাহা কর, ঈশ্বর তাহা জ্ঞাত আছেন \*। ১২৮। এবং যদিচ তোমরা ইচ্ছা কর, তথাপি নারীগণের সহক্ষে স্ত্রীস্বরণ করিতে সক্ষম হইবে না, অনন্তর সম্পূর্ণ অমুরাগে ( প্রিয়তমার প্রতি ) অমুরাগ প্রকাশ করিও না; অবশেষে তাহাদিগকে শূণ্ণে লঙ্ঘিত স্ত্রীবৎ ছাড়িয়া দেও, এবং যদি সম্মিলন স্থাপন কর ও ধর্ম্মভীরু হও, তবে নিশ্চয় ঈশ্বর দয়ালু ও ক্ষমাশীল আছেন। † ১২৯। এবং উভয়ে ( স্বামী স্ত্রী ) বিচ্ছিন্ন হইলে ঈশ্বর নিজ উদারতা-গুণে প্রত্যেককে নিশ্চিন্ত করিবেন, ঈশ্বর উদার ও নিপুণ হন। ১৩০। এবং স্বর্গে ও পৃথিবীতে যাহা কিছু আছে, তাহা ঈশ্বরের; সত্য সত্যই তোমাদের পূর্বে যাহাদিগকে গ্রন্থ প্রদত্ত হইয়াছে, তাহাদিগকে এবং তোমাদিগকেও আমি এই উপদেশ দিয়াছি যে, ঈশ্বরকে ভয় করিও; যদি কাফের হও, তবে ( জানিও ) নিশ্চয় স্বর্গে ও পৃথিবীতে যাহা কিছু আছে, তাহা ঈশ্বরের জন্ত ও ঈশ্বর প্রশংসিত ও ঐশ্বর্য্যবান্ আছেন। ১৩১। স্বর্গেতে যাহা কিছু আছে ও পৃথিবীতে যাহা কিছু আছে তাহা ঈশ্বরের, ঈশ্বর যথেষ্ট কার্য্য-সম্পাদক। ১৩২। হে লোক সকল, যদি তিনি ইচ্ছা করেন তোমাদিগকে দূর করিবেন ও অগ্নি সকলকে অনয়ন করিবেন, এবং এ বিষয়ে ঈশ্বর ক্ষমতাবান্ হন। ১৩৩। যে ব্যক্তি সাংসারিক পুরস্কার ইচ্ছা করে, পরিশেষে পরমেশ্বরের নিকটেই সাংসারিক ও পারত্রিক পুরস্কার; এবং ঈশ্বর দ্রষ্টা ও শ্রোতা আছেন। ১৩৪। ( র, ১৯, আ, ৮ )

হে বিশ্বাসিগণ, ঈশ্বরের জন্ত স্ত্রীস্বরণে সাফাদান করিতে তোমরা প্রস্তুত থাক, যত্বপি তোমাদের নিজের প্রতি অথবা পিতা মাতার প্রতি এবং আত্মীয়গণের প্রতিও হয়, যদি ধনী অথবা দরিদ্র হয়, তবে এই দুইয়ের প্রতি ঈশ্বর অধিক অমুগ্রহকারী; অবতীর্ণ হয়। ইহার মর্ম্ম এই যে, যে পর্য্যন্ত নিরাস্ত্র নারীর স্বত্ব পূর্ণরূপে প্রদান না করিবে, বিবাহে সে পর্য্যন্ত নিষেধ রহিল; তাহা প্রদান করিলে পর, তাহার কল্যাণসাধনে সমুৎসুক হইলে বিধি হইল। ( ত, কা. )

\* অর্থাৎ স্বামীকে অপ্রসন্ন দেখিয়া স্ত্রী তাহাকে প্রসন্ন করিবার উদ্দেশ্যে নিজের স্বত্ব কিছু ছাড়িয়া দিতে পারে, ইহা সম্ভব। “কৃপণতার প্রতি প্রাণ স্থাপিত” ইহার তাৎপর্য্য এই যে, ধনাগমে সকলের মনে সন্তোষ হয়, কিছু ধন পাইলে একান্তই পুরুষ প্রসন্ন হইবে। ( ত, কা. )

† মনুষ্য লোভপরবশ; যাহার বস্ত্রপত্নী, সেই পত্নীদিগকে ধনবিভাগ করিয়া দিবার কালে তাহা দ্বারা প্রায় স্ত্রীর ব্যবহার হইয়া উঠে না। পত্নীদিগের মধ্যে যে পত্নী তাহার প্রিয়তমা, সে তাহাকেই অধিক অংশ দিতে সমুৎসুক হয়। শূণ্ণে লঙ্ঘিত ( বুলান ) সেই স্ত্রীকে বলা যায়, যে স্ত্রীর স্বামী থাকিয়াও নাই। এস্থানের ভাব এই যে, অপ্রিয় স্ত্রীকে যে পর্য্যন্ত পরিত্যাগ না কর, পূর্ণ অমুরাগে প্রিয়তমার প্রতি অমুরাগ প্রকাশ করিও না, অর্থাৎ ধনবিভাগে ও পারিবারিক উপজীবিকাদানে প্রিয়তমার প্রতি আন্তরিক অমুরাগকে বাহ্যে প্রকাশ করিও না। ( ত, হো. )



অবশেষে তোমরা বিচার করিতে ( নিছ ) ইচ্ছার অনুসরণ করিও না, এবং যদি ( জিহ্বাকে ) বক্র কর, কিম্বা ( সাক্ষাদানে ) বিমুগ্ধ হও, তবে তোমরা যাহা কর, ঈশ্বর তাহার জ্ঞাতা আছেন \*। ১৩৫। হে বিশ্বাসিগণ, তোমরা ঈশ্বরের প্রতি বিশ্বাস স্থাপন কর ও তাঁহার প্রেরিত পুরুষের প্রতি ও সেই গ্রন্থের প্রতি যাহা তিনি আপন প্রেরিত পুরুষের প্রতি অবতারণ করিয়াছেন, এবং সেই গ্রন্থের প্রতি ইতিপূর্বে যাহা অবতারণ করিয়াছেন, বিশ্বাস স্থাপন কর; যে ব্যক্তি ঈশ্বরের প্রতি ও তাঁহার দেবগণের প্রতি এবং গ্রন্থ সকল ও প্রেবিতগণের প্রতি ও পরকালের প্রতি বিদ্রোহী হইয়াছে, পরে নিশ্চয় সে দূরতর পথভ্রান্তরূপে পথভ্রান্ত হইয়াছে। ১৩৬। নিশ্চয় যাহারা বিশ্বাসস্থাপন করিয়াছে, তৎপর ধর্মদ্রোহী হইয়াছে, তৎপর বিশ্বাসী হইয়াছে, তৎপর ধর্মদ্রোহী হইয়াছে, তৎপর অধিকতর ধর্মদ্রোহী হইয়াছে, কখনও ঈশ্বর তাহাদিগকে ক্ষমা করিবেন না, এবং তাহাদিগকে পথ প্রদর্শন করিবেন না। ১৩৭। কপট লোকদিগকে এই সংবাদ দান কর যে, তাহাদের জগৎ ক্লেশকর দণ্ড আছে। ১৩৮। + তাহারা ( কপট লোকেরা ) বিশ্বাসীদিগকে ছাড়িয়া কাফেরদিগকে বক্ররূপে গ্রহণ করে, তাহাদের নিকটে কি তাহারা সম্মান আকাজক্ষা করে? পরন্তু নিশ্চয় সমগ্র সম্মান ঈশ্বরের জগৎ। ১৩৯। এবং নিশ্চয় তোমাদের প্রতি গ্রন্থে অবতারিত হইয়াছে যে, যখন তোমরা ঐশ্বরিক প্রবচন সকল শ্রবণ কর, তখন তৎপ্রতি অবজ্ঞা এবং তৎপ্রতি উপহাস করা হইলে যে পর্য্যন্ত কথায় তদ্ব্যতীত প্রসঙ্গ না হয়, তোমরা তাহাদের ( অবজ্ঞাকারী ও উপহাসকদিগের ) সঙ্গে উপবেশন করিবে না। ( তাহা করিলে ) তখন নিশ্চয় তোমরা তাহাদিগের সদৃশ। নিশ্চয় ঈশ্বর নরকে কাফের ও কপটদিগের একত্র সংগ্রহকারী। ১৪০। + তাহারা তোমাদিগের প্রতীক্ষা করে, পরন্তু ঈশ্বর কতক যদি তোমাদিগের জয় হয়, তবে তাহারা বলে, “আমরা কি তোমাদের সঙ্গে ছিলাম না?” এবং যদি কাফেরদিগের লাভ হয়, তবে বলে, “আমরা কি তোমাদের উপর পরাক্রান্ত ছিলাম না? মোসলমানগণ হইতে

\* নিজের প্রতি সাক্ষাদানের অর্থ এই যে, আপন র হস্তে যে বিষয়ের স্বত্ব রহিয়াছে, তদ্বিষয়ে সাক্ষাদান। এক ব্যক্তি আসিয়া হুজুরতকে বলিয়াছিল যে, “আমার পিতৃধনসম্বন্ধে কাহাব কাহার স্বত্ব আছে, আমি তদ্বিষয়ে সাক্ষী, আমি সাক্ষাদান করিলে আমার পিতার সর্বস্ব যায়, আমার বিশেষ ক্ষতি হয়, অতএব আমি সাক্ষা প্রদান করিতে চাহি না।” তাহাতেই এই আয়ত অবতীর্ণ হয় যে, আপনার বিষয়ে সাক্ষাদানে কাস্ত থাকিবে না। “যদি ধনী অথবা দরিদ্র হয়”, অর্থাৎ সাক্ষাদান কালে ধনীকে সম্মান বা ভয় করিবে না, দরিদ্রের প্রতিও দয়া করিবে না। এ দুইয়ের প্রতি ঈশ্বরের অনুগ্রহ আছে, তোমার অনুগ্রহ করিতে হইবে না। ( ত, হো, )

অর্থাৎ সাক্ষাদানে ধনী দরিদ্রের মনোরক্ষা করিবে না, আত্মীয় স্বগণের প্রতিও দৃষ্টি -রাখিবে না। যদি সত্যকথা বক্রভাবে বল, তবে সন্দেহ উপস্থিত হইতে পারে, অথবা যদি সমুদায় বক্রভাবে প্রকাশ না কর, তবে অপরাধী হইবে। ( ত, ফা, )

কি তোমাদিগকে রক্ষা করি নাই?" \* অবশেষে নিশ্চয় ঈশ্বর কেয়ামতের দিনে তোমাদিগের মধ্যে বিচার করিবেন, এবং কদাচ ঈশ্বর বিশ্বাসীদিগের উপর কাফেরদিগের জ্ঞান পথ করিবেন না। ১৪১। ( র, ২০, আ, ৭ )

নিশ্চয় কপট লোকেরা ঈশ্বরকে বঞ্চনা করে, এবং ঈশ্বরও তাহাদিগকে বঞ্চনা করিয়া থাকেন; যখন তাহারা নমাজ উদ্দেশে দণ্ডায়মান হয়, তখন শৈথিল্যভাবে দণ্ডায়মান হইয়া থাকে, তাহারা লোককে প্রদর্শন করে, এবং ঈশ্বরকে অল্প বাতীত স্মরণ করে না। ১৪২। + তাহারা ইহার মধ্যে দোলায়মান, তাহারা না ইহাদের দিকে, না উহাদের দিকে; এবং ঈশ্বর যাহাকে পথভ্রান্ত করেন, পরে তুমি তাহার জ্ঞান পথ পাইবে না। ১৪৩। হে বিশ্বাসিগণ, তোমরা বিশ্বাসীদিগকে ছাড়িয়া ধর্মদ্রোহীদিগকে বন্ধুরূপে গ্রহণ করিও না; তোমরা কি ইচ্ছা করিতেছ যে, আপনার প্রতি ঈশ্বরের জ্ঞান স্পষ্ট দোষারোপ স্বীকার কর? ১৪৪। নিশ্চয় কপট লোকেরা নরকাগ্নির নিম্নতম প্রদেশ-বাসী, এবং তুমি তাহাদের জ্ঞান কদাচ সাহায্যকারী পাইবে না। ১৪৫। + কিন্তু যাহারা অহুতাপ করিয়াছে, সংকল্প করিয়াছে ও ঈশ্বরকে দৃঢ়রূপে অবলম্বন করিয়াছে, এবং ঈশ্বরের জ্ঞান ধর্মকে সংশোধন করিয়াছে, পরে তাহারাই বিশ্বাসীদিগের সঙ্গী, এবং সহর ঈশ্বর বিশ্বাসীদিগকে মহাপুরস্কার দান করিবেন। ১৪৬। যদি তোমরা বিশ্বাস স্থাপন কর ও কৃতজ্ঞ হও, তবে পরমেশ্বর তোমাদিগের শাস্তিদানে কি করিবেন? ঈশ্বর জ্ঞাতা ও মর্শজ্ঞ হন। ১৪৭। যে ব্যক্তি অত্যাচারগ্রস্ত হইয়াছে, সে ভিন্ন ( অঃগ্রন ) উচ্চঃস্বরে কুকথা বলাকে ঈশ্বর ভালবাসেন না, এবং ঈশ্বর শ্রোতা ও জ্ঞাতা আছেন †। ১৪৮। যদি তোমরা সংকল্প প্রকাশে বা গোপনে কর, কিম্বা অপরাধ ক্ষমা কর, তাহা হইলে নিশ্চয় ঈশ্বর ক্ষমশীল ও ক্ষমতাবান হন। ১৪৯। নিশ্চয় যাহারা পরমেশ্বর ও তাঁহার

\* যুদ্ধে বিশ্বাসিগণ জয়লাভ করিলে, লুণ্ঠিত স্রবাজাতের অংশ পাইবার লালসায়, কপট লোকেরা বিশ্বাসীদিগকে বলিয়া থাকে যে, "আমরা কি তোমাদিগকে সাহায্য করি নাই?" এবং কাফেরগণ বিশ্বাসীদিগের উপর পরাক্রান্ত হইলে, সেই কাফেরগণ হইতে অর্থ গ্রহণ করিবার জ্ঞান কপট লোকেরা বলে, "তোমাদের অপেক্ষা কি আমাদের বল পরাক্রম অধিক ছিল না? আমরা বল প্রকাশ করি নাই, কৌশল করিয়া মোসলমানদিগকে যুদ্ধ হইতে নিবৃত্ত করিয়াছি।" ( ত, হে, )

ইহাযারা জানা বাইতেছে যে, যাহারা সত্যপথে আছে, অগচ্চ পথচ্যুত লোকদিগের সঙ্গে মিলন রক্ষা করিয়া চলে, তাহারাও কপট।

† অর্থাৎ কাহারও দোষ দেখিলে প্রচার করিবে না। তাহা ঈশ্বরই দর্শন করেন ও জ্ঞাত হন। তিনি প্রত্যেক ব্যক্তিকে পাপের শাস্তি দান করেন। কিন্তু অত্যাচারগ্রস্ত ব্যক্তি অত্যাচারীর দোষ বাস্তব করিতে পারে। এই প্রকার আরও কোন কোন অবস্থায় দোষ প্রচার করার বিধি আছে। কপটের নাম প্রচার করা না হয়, এই উদ্দেশে হয়তো এই বলে এই আদেশ হইয়াছে। হজরত তাহা প্রচার করিতেন না। প্রচার করিলে কপট লোকের মন আরও বিকৃত হইয়া যায়। কপটকে গোপনে উপদেশ দিবে, তাহাতে সে নিজে বুঝিতে পারিবে, পরে হয়তো সৎপথ প্রাপ্ত হইবে। ( ত, কা, )

প্রেরিতগণের সঙ্গে বিদ্রোহিতাচরণ করে, এবং ইচ্ছা করে যে, ঈশ্বরের ও তাঁহার প্রেরিতগণের মধ্যে বিচ্ছেদ স্থাপন করে, এবং বলে যে, আমরা কাহাকে বিশ্বাস করিতেছি ও কাহার প্রতি বিদ্রোহী হইতেছি, এবং ইচ্ছা করে যে, ইহার মধ্যে কোন পথ অবলম্বন করে \* । ১৫০ । + এই তাহারা, তাহারাই প্রকৃত কাফের, আমি কাফেরদিগের জন্য মানিজনক শাস্তি প্রস্তুত রাখিয়াছি । ১৫১ । এবং যাহারা ঈশ্বরকে ও তাঁহার প্রেরিতগণকে বিশ্বাস করে ও তাঁহাদের মধ্যে কাহাকেও বিচ্ছিন্ন করে না, এই তাহারা, অবশ্যই আমি তাহাদিগকে তাহাদের পুরস্কার প্রদান করিব ; ঈশ্বর ক্ষমাশীল ও দয়ালু হন । ১৫২ । ( র, ২১, আ, ১১ )

গ্রন্থধারী লোক সকল ( হে মোহম্মদ, ) তোমার নিকটে প্রার্থনা করিতেছে যে, তুমি তাহাদের প্রতি স্বর্গ হইতে কোন গ্রন্থ অবতারণ কর ; পরন্তু নিশ্চয় তাহারা মুসার নিকটে ইহা অপেক্ষা গুরুতর প্রার্থনা করিয়াছিল, তখন বলিয়াছিল, তুমি “স্পষ্টরূপে আমাদিগকে ঈশ্বরকে দেখাও ।” পরে তাহাদের অপরাধের কারণ তাহাদিগকে বিদ্যুৎ আক্রমণ করে, তৎপর তাহাদের নিকটে অলৌকিক নিদর্শন সকল উপস্থিত হইলেও তাহারা গোবৎসকে গ্রহণ করিয়াছিল ; পরে আমি তাহা ক্ষমা করিয়াছি, এবং মুসাকে স্পষ্ট বিক্রম দান করিয়াছি । ১৫৩ । আমি তাহাদিগের অঙ্গীকার গ্রহণ করিবার জন্য তাহাদের উপর তুর পর্ত্বতকে উত্থাপন করিয়াছিলাম, এবং তাহাদিগকে বলিয়াছিলাম যে, প্রণাম করিতে করিতে দ্বারে প্রবেশ কর, এবং তাহাদিগকে বলিয়াছিলাম যে, শনিবাসরে সীমা লঙ্ঘন করিও না, অপিচ তাহাদিগ হইতে দৃঢ় অঙ্গীকার গ্রহণ করিয়াছিলাম । ১৫৪ । পরিশেষে তাহাদের আপন অঙ্গীকার ভঙ্গ করার জন্য, ঐশ্বরিক নিদর্শন সকলের প্রতি বিদ্রোহাচরণ জন্য ও অগ্নায়রূপে প্রেরিতপুরুষদিগকে হত্যা করার জন্য, এবং “আমাদের অন্তঃকরণ আবৃত” তাহাদের ( এই ) উক্তির জন্য, (তাহাদিগকে যাহা করিবার আমি করিয়াছি ; ) বরং ঈশ্বর তাহাদের ধর্মদ্রোহিতার জন্য তাহাদের ( অন্তরের ) উপর মোহর করিয়াছেন, অনন্তর তাহারা অল্প বাতীত বিশ্বাস করে না । ১৫৫ । এবং তাহাদের ধর্মদ্রোহিতার জন্য এবং মরয়মের প্রতি তাহাদের গুরুতর অপলাপ বাক্যের জন্য । ১৫৬ । + এবং “নিশ্চয় আমরা মরয়মনন্দন ঈশ্বরের প্রেরিত ঈসা মসিহকে হত্যা করিয়াছি” তাহাদের ( এই ) উক্তির জন্য ( যাহা করিবার করিয়াছি । ) এবং তাহারা

\* ইহুদিগণ বলে যে, আমরা প্রেরিতপুরুষ মুসা ও আজিজকে বিশ্বাস করি, ঈসা ও মোহম্মদের বিরোধী । ইহারা ইচ্ছা করে যে, বিশ্বাস ও বিদ্রোহিতার মধ্যে কোন পথ অবলম্বন করে । কিন্তু প্রেরিতগণের বিদ্রোহী হইরা শুদ্ধ ঈশ্বরের প্রতি বিশ্বাসী হইলে বিশ্বাসের পূর্ণতা হয় না । ( ত, হো, )

এ স্থানে শুদ্ধ ইহুদিগের এসঙ্গ । ইহুদি ও কপট লোকদিগের প্রসঙ্গ কোর্-আনের প্রায় সকল স্থানে একত্র সন্নিবেশিত । সাময়িক প্রেরিতপুরুষকে মাগু করিলে ঈশ্বরকে মাগু করা হয় । উদ্যতীত ঈশ্বরের আদেশ মান্য করা মিথ্যা । ( ত, ফা, )

তাহাকে বধ করে নাই ও তাহাকে ক্রুশবিদ্ধ করে নাই ; কিন্তু তাহাদের জন্ত একটি মূর্তি রচিত হইয়াছিল, নিশ্চয় যাহারা তাহার প্রতি বিরুদ্ধাচরণ করিয়াছিল, একান্তই তাহার বিষয়ে সন্দেহের মধ্যে ছিল, কল্পনার অনুসরণ ব্যতীত তৎসম্বন্ধে তাহাদের কোন জ্ঞান নাই, এবং বাস্তবিক তাহাকে বধ করে নাই । ১৫৭ । + বরং ঈশ্বর তাহাকে আপনার দিকে উত্থাপন করিয়াছেন, ঈশ্বর নিপুণ ও পরাক্রান্ত হন \* । ১৫৮ । এবং তাহার মৃত্যুর পূর্বে তাহার সম্বন্ধে একান্ত বিশ্বাসী হইবে ব্যতীত কোন গ্রন্থাধিকারী নাই, এবং কেয়ামতের দিবস সে তাহাদের সম্বন্ধে সাক্ষী হইবে † । ১৫৯ । ইহদিগণ হইতে যে অত্যাচার হইয়াছে তৎসম্বন্ধে এবং অনেককে ঈশ্বরের পথ হইতে প্রতিনিবৃত্ত করিবার জন্ত তাহাদের সম্বন্ধে বৈধীকৃত শুদ্ধ বস্তুসকলকে আমি তাহাদিগের প্রতি অবৈধ করিয়াছি । ১৬০ । + এবং তাহাদের স্তন্য গ্রহণের জন্তও, নিশ্চয় তাহা আমি নিষেধ করিয়াছিলাম, এবং তাহাদের অন্তায়রূপে লোকের ধন গ্রহণের জন্য, ( শুদ্ধ বস্তু সকলকে অবৈধ করিয়াছি, ) এবং আমি তাহাদিগের কাফেরদিগের জন্য দুঃখজনক শাস্তি প্রস্তুত রাখিয়াছি । ১৬১ । কিন্তু তাহাদের মধ্যে জ্ঞানেতে নিপুণ ও বিশ্বাসী লোকেরা তোমার প্রতি যাহা অবতারিত হইয়াছে ও তোমার পূর্বে যাহা অবতারিত হইয়াছে তৎপ্রতি বিশ্বাস করে, এবং উপাসনার প্রতিষ্ঠাকারী ও জকাতদাতা ও ঈশ্বর এবং পরকালের প্রতি বিশ্বাসী, তাহারাই তাহাদিগকে আমি অবশ্য মহা পুরস্কার দান করিব । ১৬২ । ( র, ২২, আ, ১০ )

\* ইহদিগণ বলে যে, আমরা ঈসাকে বধ করিয়াছি, এবং তাহারা তাহাকে ঈশ্বরপ্রেরিত বলিয়া স্বীকার করে না । পরমেশ্বর তাহাদের ত্রাস্তি প্রদর্শন করিয়া বলিতেছেন যে, তাহারা তাহাকে কখনও বধ করে নাই, ঈশ্বর ঈসার এক মূর্তি নির্মাণ করিয়াছিলেন, সেই মূর্তিকে তাহারা ক্রুশে বিদ্ধ করিয়াছিল । পরিশেষে তিনি বলিয়াছেন যে, ঈসারীরা প্রথম হইতে এই কথা বলে যে, ঈসাকে বধ করে নাই, তিনি জীবিত আছেন, কিন্তু তাহারা নিশ্চিত বুঝিতেছে না । এ বিষয়ে অনেকে অনেক কথা বলে । কেহ কেহ বলে যে, মহান্বা ঈসার শরীরকে বধ করিয়াছিল, তাহার আত্মা ঈশ্বরের নিকটে উপস্থিত হইয়াছে । কেহ বলে, তাহাকে বধ করিয়াছিল, কিন্তু তিন দিবস অন্তে তিনি জীবিত হইয়া কলেবরসহ স্বর্গে সমুপস্থিত হইয়াছেন । ইহার কোন উক্তিই প্রামাণ্য নহে । ঈশ্বরই এ বিষয় জ্ঞাত আছেন, তিনি বলিতেছেন যে, ইহদিগা ঈসার মূর্তিকে বধ করিয়াছে । ইহদি ও ঈসারীরা ইহা জ্ঞাত নহে । ( ত, কা, )

+ গ্রন্থাধিকারিগণ মহান্বা ঈসার মৃত্যুর পূর্বে তাহার প্রতি বিশ্বাসী হইবে, ইহার অর্থ এই যে, মহান্বা ঈসা অবতীর্ণ হইয়া শত্রুকে সংহার করিবেন, সকল গ্রন্থাধিকারী তাহার প্রতি বিশ্বাসী হইবেন, অর্থাৎ সকলে নিশ্চয়রূপে বুঝিবেন যে, ইনি প্রেরিতপুরুষ । তিনি তাহাদের নিকটে এসলাম ধর্ম সমর্থন করিবেন । বিভিন্ন ধর্ম পৃথিবীতে থাকিবে না, একমাত্র এসলাম ধর্ম থাকিবে । হজরত ঈসা আমাদের পেগাম্বরের গ্রন্থ ও বিধি অনুসারে কার্য করিবেন । তিনি চল্লিশ বৎসর পৃথিবীতে জীবন বাপন করিয়া পরলোকে চলিয়া যাইবেন । পরে ইহদিগণ যে তাহার প্রতি মিথ্যা দোষারোপ করে, এবং ঈসারিগণ যে তাহাকে ঈশ্বরের পুত্র বলে, বিচারের দিন তাহার বিরুদ্ধে তিনি সাক্ষ্যদান করিবেন । ( ত, হো, )

যেমন আমি হুহার প্রতি ও তাহার পরবর্তী প্রেরিত পুরুষগণের প্রতি প্রত্যাদেশ করিয়াছি, তদ্রূপ তোমার প্রতি নিশ্চয় আমি প্রত্যাদেশ করিয়াছি ; এবং এব্রাহিম ও এসমাইল ও এসহাক ও ইয়াকুব এবং তাহার সন্ততিগণ ও ইসা ও আযুব ও ইয়ুনস ও হারুন ও সোলয়মানের প্রতি প্রত্যাদেশ করিয়াছি, এবং দাউদকে জবুর গ্রন্থ দান করিয়াছি । ১৬৩ । এবং কতক প্রেরিতকে ( পাঠাইয়াছি, ) নিশ্চয় পূর্বে তাহাদের বিবরণ তোমার নিকটে বলিয়াছি, এবং কতক প্রেরিতকে ( পাঠাইয়াছি, ) তাহাদের বিবরণ তোমার নিকট বলি নাই, ঈশ্বর মুসার সঙ্গে কথা কহিয়াছেন । ১৬৪ । সুসংবাদদাতা ও ভয়প্রদর্শক কতক প্রেরিত ( পাঠাইয়াছি, ) যেন প্রেরিতদিগের অভাবে ঈশ্বরের প্রতি মনুষ্যের জ্ঞান কোন তর্ক না হয় ; ঈশ্বর পরাক্রান্ত নিপুণ \* । ১৬৫ । কিন্তু ঈশ্বর তোমার প্রতি যাহা অবতারণ করিয়াছেন, তাহার সাক্ষ্যদান করেন, তিনি আপন জ্ঞানে তাহা অবতারণ করিয়াছেন, এবং দেবগণ সাক্ষ্যদান করেন ; ঈশ্বর যথেষ্ট সাক্ষী । ১৬৬ । নিশ্চয় যাহারা ধর্মদ্রোহী হইয়াছে ও ঈশ্বরের পথ হইতে ( লোকদিগকে ) প্রতিনিবৃত্ত করিয়াছে, সত্যই তাহারা দূরতর পথচ্যুতিতে পথচ্যুত হইয়াছে । ১৬৭ । নিশ্চয় যাহারা ধর্মদ্রোহী হইয়াছে ও অত্যাচার করিয়াছে, ঈশ্বর তাহাদিগকে কখনও ক্ষমা করিবার নহেন, এবং তিনি তাহাদিগকে নরকের পথ ব্যতীত অন্য পথ দেখাইবেন না, তাহারা তাহাতে সর্বদা থাকিবে, ঈশ্বরের সম্বন্ধে ইহা সহজ হয় । ১৬৮ + ১৬৯ । হে লোক সকল, নিশ্চয় তোমাদের প্রতিপালকের নিকট হইতে তোমাদিগের সম্মিধানে সত্য সহকারে প্রেরিতপুরুষ আগমন করিয়াছে, অতএব বিশ্বাস কর, তোমাদিগের জ্ঞান মঙ্গল হইবে ; যদি ধর্মদ্রোহী হও, তবে নিশ্চয় ( জানিও, ) স্বর্গে ও পৃথিবীতে যাহা কিছু আছে সমুদায় ঈশ্বরের ; এবং ঈশ্বর জ্ঞাতা ও নিপুণ হন । ১৭০ । হে গ্রন্থধারী লোক সকল, স্বীয় ধর্মেতে অতিরিক্ত করিও না, ঈশ্বরের সম্বন্ধে সত্য ব্যতীত বলিও না ; মরয়মনন্দন ইসা মসিহ ঈশ্বরের প্রেরিত ও তাঁহার আত্মা ভিন্ন নহে, তিনি তাহাকে মরয়মের প্রতি উৎসর্গ করিয়াছিলেন, এবং সে তাঁহার আত্মা, অতএব ঈশ্বরকে ও তাঁহার প্রেরিতপুরুষকে বিশ্বাস কর, তিনজন ঈশ্বর বলিও না, ক্ষান্ত হও, তোমাদের জ্ঞান মঙ্গল হইবে, ঈশ্বরই একমাত্র উপাস্য ইহা ব্যতীত নহে, তাঁহার জ্ঞান সন্তান হওয়া

\* একদা কাকের দলের প্রধান পুরুষেরা হজরতের নিকটে যাইয়া বলিয়াছিল, “হে মোহম্মদ, আমরা তোমার ধর্মপ্রণালী বিষয়ে ইহুদিদিগকে জিজ্ঞাসা করিয়াছিলাম ও তোমার প্রেরিতত্ব ও গ্রন্থ বিষয়ে প্রশ্ন করিয়াছিলাম ; তাহারা বলে যে, আমরা মোহম্মদকে চিনি না, এবং তাঁহার প্রসঙ্গ আমাদের পুস্তকে নাই ।” ইতিমধ্যে একদল ইহুদি হজরতের সন্মুখে উপস্থিত হয় । হজরত তাহাদিগকে বলেন যে, “ঈশ্বরের শপথ, তোমরা জ্ঞাত আছ যে, আমি ঈশ্বরের তত্ত্ববাহক ।” তাহারা বলিল, “আমরা তাহা জানি না, কোন সাক্ষ্য রাখি না ।” তাহাতেই নিম্নোক্ত আয়ত অবতীর্ণ হয় ।



বিষয়ে তিনি নিশ্চুঁক্ত ; স্বর্গে যাহা ও পৃথিবীতে যাহা আছে তাহা তাঁহারই, এই ঈশ্বরই কার্যসম্পাদক যথেষ্ট \* । ১৭১ । ( র, ২৩, আ, ৯ )

ঈশ্বরের ভৃত্য হইতে কদাচ ঈসা ও পারিষদ দেবগণ সঙ্কচিত নহে, যাহারা তাঁহার দাসত্ব করিতে সঙ্কচিত হয় ও অহঙ্কার করে, পরে তিনি তাহাদিগকে একত্র আপনার নিকটে সমুখাপিত করিবেন † । ১৭২ । পরিশেষে কিন্তু যাহারা বিশ্বাস করিয়াছে ও সংকল্প করিয়াছে, তাহাদিগকে তাহাদের পারিশ্রমিক তিনি পূর্ণ দিবেন ও আপন কৃপাশ্রুণে তাহাদিগকে অধিক দিবেন ; কিন্তু যাহারা সঙ্কচিত হয় ও অহঙ্কার করে, পরে দুঃখজনক শাস্তিযোগে তাহাদিগকে শাস্তি দিবেন । ১৭৩ । + তাহারা আপনাদের জগৎ পরমেশ্বর ব্যতীত কোন বন্ধু ও সাহায্যকারী পাইবে না । ১৭৪ । হে লোক সকল, নিশ্চয় তোমাদের প্রতিপালক হইতে তোমাদের নিকটে প্রমাণ উপস্থিত হইয়াছে, এবং আমি তোমাদের প্রতি উজ্জ্বল জ্যোতি অবতারণ করিয়াছি । ১৭৫ । পরে কিন্তু যাহারা ঈশ্বরের প্রতি বিশ্বাস স্থাপন করিয়াছে ও তাঁহাকে দৃঢ়রূপে অবলম্বন করিয়াছে, অবশেষে অবশ্য তাহাদিগকে তিনি আপন অনুগ্রহ ও দয়ার মধ্যে প্রবেশ করাইবেন, এবং তাহাদিগকে আপনার দিকে সরল পথ প্রদর্শন করিবেন । ১৭৬ । তাহারা ( হে মোহাম্মদ, ) তোমার নিকটে ব্যবস্থা জিজ্ঞাসা করিতেছে, তুমি বল, ঈশ্বর “কলালা” বিষয়ে ‡ তোমাদিগকে ব্যবস্থা দান করিতেছেন ; যদি এমন কোন পুরুষের মৃত্যু হয় যে তাহার সম্ভান নাই, এবং তাহার ভগিনী আছে, তবে তাহার জগৎ সে যাহা পরিত্যাগ করিয়াছে- উহার অর্দ্ধাংশ হইবে, এবং যদি তাহার ( ভগিনীর ) সম্ভান না থাকে, তবে সে ( ভ্রাতা )

\* ঈসায়ীদিগের প্রতি এই উক্তি । ঈসায়ীগণ ঈশ্বরকে তিন স্থলেতে প্রদর্শন করে ; যথা পিতা, পুত্র ও পবিত্রাত্মা । আজ্ঞা হইতেছে যে, ধর্মবিষয়ে অতিরিক্ত আচরণ দূর । কাহারও প্রতি বিশ্বাস ও ভক্তি হইলে তাহার গুণানুবাদে সীমা লঙ্ঘন করিবে না. যত দূর সত্য, তাহাই বলিবে । পরন্তু আজ্ঞা হইতেছে যে, প্রকৃত পক্ষে পুত্র উৎপাদন করা ঈশ্বরের যোগ্য কার্য নহে । ( ত, কা, )

ঈশ্বরের পুত্র গ্রহণ করা অনাবশ্যক । পুত্র পিতার কার্যের সাহায্যকারী হইয়া থাকে । ঈশ্বর স্বয়ং আপন সৃষ্টি রক্ষা করিতে প্রবৃত্ত আছেন । তিনি স্ফুটন ও সাহায্যকারীর প্রার্থী নহেন । ( ত, হো, )

+ কথিত আছে যে, ঈসায়ীগণ হজরতকে বলিয়াছিল, “হে মোহাম্মদ, তুমি ঈসার প্রতি কেন দোষারোপ কর ।” হজরত জিজ্ঞাসা করিলেন, “আমি তাঁহার সম্বন্ধে এমন কি কথা বলিয়া থাকি যে, তোমরা তাহা দোষ বলিয়া গণ্য করিতেছ ?” তাহারা বলিল, “তুমি বলিয়া থাক যে, তিনি ঈশ্বরের ভৃত্য, তাঁহার ভৃত্যত্ব-স্বীকারই যে দোষ ।” হজরত বলিলেন, “ঈশ্বরের দাসত্ব-স্বীকারে কোন দোষ নাই, কেহই ইহাকে দোষ বলিয়া গণ্য করে না ।” তখন এই কথার অনুরূপ এই আয়ত অবতীর্ণ হয় । ( ত, হো, )

‡ যাহার উত্তরাধিকারীর মধ্যে পিতা ও পুত্র নাট, এখানে “কলালা” শব্দে তাহাকে বুঝাইবে । ( ত, কা, )

তাহার উত্তরাধিকারী ; পরন্তু যদি দুই ভগিনী হয়, তবে তাহাদের জ্ঞ (মৃত ব্যক্তি) যাহা পরিত্যাগ করিয়াছে, তাহার দুই তৃতীয়াংশ হইবে ; এবং যদি (উত্তরাধিকারীর) বহু ভ্রাতা ভগিনী হয়, তবে পুরুষের জ্ঞ দুই স্ত্রীর অংশের তুল্য অংশ হইবে, তোমাদিগের জ্ঞ ঈশ্বর (ইহা) ব্যক্ত করিতেছেন যেন তোমরা পথভ্রান্ত না হও, ঈশ্বর সর্বজ্ঞ \* । ১১৭। (র, ২৪, আ, ৬)

## সূরা মায়দা \*

.....

পঞ্চম অধ্যায়

.....

১২০ আয়ত, ১৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে বিশ্বাসিগণ, অঙ্গীকার পূর্ণ কর, ঃ যাহা তোমাদের নিকটে পঠিত হইবে, তন্নির অহিংস্র জন্তু তোমাদের জ্ঞ বৈধ হইয়াছে ; তোমরা এহরাম বন্ধন করিয়াছ, এই অবস্থায় যুগয়া অবৈধ । নিশ্চয় ঈশ্বর যাহা ইচ্ছা করিয়া থাকেন, তাহা আজ্ঞা করেন । ১। হে বিশ্বাসিগণ, ঈশ্বরের নিদর্শন সকলের এবং হরাম মাসের ও কোরবাণীর পশুর ও কেলাদার এবং আপন প্রতিপালকের প্রসাদ ও সন্তোষ অন্বেষণ করে, এমন মস্জিদোল্ হরামের উচ্চোগী লোকদিগের অবমাননা করিও না, এবং যখন এহরাম উন্মোচন কর, তখন যুগয়া করিও ; মস্জিদোল্ হরাম হইতে তোমাদিগকে নিবৃত্ত করিয়াছে, এমন কোন

\* যেস্থলে উত্তরাধিকারীর মধ্যে পিতা ও পুত্র নাই, সেস্থলে উত্তরাধিকারিণে সহোদর ভ্রাতা ও ভগিনী পুত্র কস্তার স্থলবর্তী, সহোদর ভ্রাতা ও ভগিনী না থাকিলে বৈমাত্র ভ্রাতা ও ভগিনীর প্রতিও এই বিধি । এক ভগিনী থাকিলে অর্ধাংশ, দুই ভগিনী হইলে দুই তৃতীয়াংশ করিয়া মৃত ব্যক্তির ভাঙ্গ সম্পত্তি প্রাপ্তি হইবে । ভ্রাতা<sup>†</sup> ভগিনী দুই থাকিলে, ভ্রাতা<sup>‡</sup> ভগিনীর দ্বিগুণ অংশ পাউবে । নিঃসন্তান ভগিনীর উত্তরাধিকারী ভ্রাতা । অগ্নের জ্ঞ যাহার অংশ নির্ধারিত নাই, সে "অস্বা" অর্থাৎ প্রকৃত উত্তরাধিকারী । (ত, ফা,)

† এই সূরা মদিনাতে অবতীর্ণ হয় ।

‡ অর্থাৎ বিবাহবন্ধন ও ক্রয়বিক্রয়াদিতে যে অঙ্গীকার করিয়া থাক, তাহা পূর্ণ করিও । (ত, হে,)

দলের শক্রতা যেন তোমাদের কারণ না হয় যে তোমরা সীমা লঙ্ঘন কর ; এবং তোমরা সংকার্যে ও ধৈর্যধারণে পরস্পর আত্মকূল্য করিও, দুর্কর্মে ও অত্যাচারে পরস্পর আত্মকূল্য করিও না ; ঈশ্বরকে ভয় করিও, নিশ্চয় ঈশ্বর কঠিন শাস্তিদাতা \* । ২ । তোমরা যাহা জ্ঞত করিয়াছ, তদ্ব্যতীত শব ও শোণিত এবং বরাহমাংস, ও যাহা ঈশ্বর ব্যতীত অল্প দেবতার উদ্দেশে নিবেদিত হইয়াছে এবং গলা চাপায় মরিয়াছে ও যষ্টির আঘাতে মরিয়াছে, এবং উচ্চস্থান হইতে পড়িয়া মরিয়াছে, ও শূন্যঘাতে মরিয়াছে, এবং যাহা হিংস্র জন্তু ভক্ষণ করিয়াছে, ( এ সকল ) তোমাদিগের প্রতি অবৈধ ; এবং নির্দিষ্ট স্থান সকলে জ্ঞত করা হইয়াছে, আজলাম যোগে তোমরা যাহা বিভাগ কর, ( অবৈধ, ) ইহা দুর্কর্ম ; অল্প কফেরগণ তোমাদের ধর্মে নিরাশ হইয়াছে, অনন্তর তোমরা তাহাদিগকে ভয় করিও না, এবং আমাকে ভয় করিও ; অল্প আমি তোমাদের জ্ঞত তোমাদের

\* হতিম নামক ব্যক্তি, যে আরব দেশে নির্ভীকতার ও মুখতার এবং পাপাচারে বিখ্যাত ছিল, সে একদিন হজরতের নিকটে যাইয়া জিজ্ঞাসা করিল, “মোহম্মদ, তুমি লোকদিগকে কি কি বিষয়ে আহ্বান করিয়া থাক ?” হজরত বলিলেন, “ঈশ্বরকে একমাত্র বলিয়া জানা ও আমাকে প্রেরিত বলিয়া বিশ্বাস করা, নমাজ ও জকাত দানে নিতাব্রতী হওয়া, এ সকল বিষয়ের জ্ঞত আহ্বান করিয়া থাকি ।” ইহা শুনিয়া হতিম বলিল, “তুমি উত্তম বলিয়াছ, আমি কতকগুলি লোকের অধীনতা-শৃঙ্খলে বদ্ধ আছি, তাহাদের মন্ত্রণানুসারে কাজ করিয়া থাকি । আমি যাইয়া তাহাদের নিকটে এই কথা বলিতেছি, তাহারা উত্তম বলিয়া স্বীকার করিলে আমি তোমার ধর্ম গ্রহণ করিব ।” হজরত তাহার আগমনের পূর্বেই বলিয়াছিলেন যে, “অল্প এমন এক লোক আসিবে যে, সে শয়তানের রসনার কথা কহিবে ও পরে অত্যাচার করিবে ।” অতঃপর হতিম এই সকল কথা বলিয়া চলিয়া গেল, তৎপর উট্টু ও মদিনার অল্প কতকগুলি গৃহপালিত পশু হরণ করিল । তাহাতে তনয়িমনামক গ্রামে কোলাহল ও গোলযোগ উপস্থিত হয় । হজরত ওমরাব্রতপালনের জ্ঞত মক্কাযাত্রা করিয়া ধর্মবন্ধুগণসহ তথায় উপস্থিত ছিলেন । তাহার বন্ধুগণ দেখিলেন যে, হতিম উট্টু সকল হরণ করিয়া কোরবার্গাযোগ্য পশুর নিয়মে কেলাদা সংযুক্ত করিয়া মক্কাভিমুখে লইয়া যাইতেছে । তাহারা উট্টু সকল ছিনিয়া রাখিতে ইচ্ছা করিলেন । তখন হজরত বলিলেন, “হতিম কোরবার্গার পশুকে কেলাদাযুক্ত করিয়াছে, তাহার অসম্মাননা করা তোমাদের উচিত নয় ।” এতদুপলক্ষে এই আরত অবতীর্ণ হয় । ( ত, হো, )

ঈশ্বরের নামে যে সকল বস্তু চিহ্নিত হইয়াছে, সে সকলের উপর হস্তক্ষেপ করিও না । অর্থাৎ কাকেরও যদি ঈশ্বরোদ্দেশে বলি লইয়া যায়, তাহা লুণ্ঠন করিও না । হরাম মাসে অর্থাৎ হজব্রত-পালনের নির্দিষ্ট মাসে কাকেরদিগকে আক্রমণ করিও না ও তাহারা বলির জ্ঞত চিহ্নিত করিয়া পশু মক্কা উদ্দেশে লইয়া গেলে তাহা ছিনিয়া লইও না ও তাহাদের অবমাননা করিও না । মস্কেদোল্ হরামে প্রবেশ করিতে কাকেরগণ তোমাদিগকে বাধা দিয়াছে, কিন্তু তোমরা সীমা লঙ্ঘন করিও না, অর্থাৎ আসিবার কালে তাহাদিগকে বাধা দিও না । পূর্বে হইতে বলিবে, যেন কাকের না আইসে । এতদ্বারা হৃদয়ঙ্গম হইতেছে, যে কার্য দ্বারা কাকেরগণ ঈশ্বরের সম্মান করে, সে কার্যের অবমাননা করা অবিধি । ( ত, কা, )

কেলাদা পশুর গলার বন্ধন বিশেষ ।

ধর্মকে পূর্ণ করিয়াছি, এবং আমার দান তোমাদের সম্বন্ধে পূর্ণ করিয়াছি, তোমাদের জন্য এন্সলামকে ধর্মরূপে মনোনীত করিয়াছি ; অনন্তর যে ব্যক্তি পাপের প্রতি অননুসৃত, ক্ষুধায় কাতর, পরে নিশ্চয় ঈশ্বর ( তাহার ) ক্ষমাকারী ও অনুগ্রহকারী \* । ৩ । তোমাকে তাহারা জিজ্ঞাসা করিতেছে যে, কোন বস্তু তাহাদের জন্য বৈধ হইয়াছে ; তুমি বল যে, তোমাদের নিমিত্ত বিত্ত্ব বস্তু বৈধ, এবং ঈশ্বর তোমাদিগকে যাহা শিক্ষা দিয়াছেন, তদনুসারে তোমরা শিকারী জন্তুদিগকে তাহাদের শিক্ষাদাতার ভাবে যাহা শিক্ষা দেও, ( সেই ভাবে শিকার করিয়া ) পরে তোমাদের জন্য তাহারা যাহা রক্ষা করে, তাহা ভক্ষণ করিবে ; এবং তদুপরি ঈশ্বরের নাম স্মরণ করিও, ঈশ্বরকে ভয় করিও,

\* মস্জিদেদৌল হরামের চতুর্পার্শ্বে ৩৬০ খণ্ড প্রস্তর নির্দিষ্ট আছে, পৌত্তলিকতার সময়ে লোকে সেই সকল প্রস্তরকে সম্মান করিত, এবং তদুপরি বলিদান করিত। এক্ষণ সেই নির্দিষ্ট স্থানসকলে বলি প্রদান নিষিদ্ধ হইল। আরবীয় লোকদিগের পালক ও ফালাশূণ্য তিনটি শর ছিল, তাহাকে আজলাম ও আক্কা বলিত। তাহাদের কোন বাপার উপস্থিত হইলে তাহারা সেই তিন বাণ গ্রহণ করিয়া একটি ঝুলিতে পুরিত, এবং সেই ঝুলি হবল নামক দেবমূর্তির প্রতিবেশী এমন এক জনের হস্তে সমর্পণ করিত। একটি শরে “আমার ঈশ্বর আমাকে আজ্ঞা করিলেন” ( আমরনি রকিব ) এই কথা, আর একটিতে “আমার ঈশ্বর আমাকে নিষেধ করিলেন” ( নহানি রকিব ) এই কথা লেখা থাকিত। অষ্টটিকে “মনিহ” বলা হইত, তাহাতে কিছু লেখা থাকিত না। যে ব্যক্তি কোন বাপারে উদ্ভূত হইত, সে হবলদেবের প্রতিবেশীর নিকটে বলি উপহার সহ আগমনপূর্বক সেই ঝুলির ভিতরে হস্তার্পণ করিয়া একটি শর বাহির করিত ; তাহাতে “আমরনি রকিব” লেখা থাকিলে তৎক্ষণাৎ সেই কাষ্যে প্রবৃত্ত হইত। “নহানি রকিব” লেখা হইলে সম্বৎসর কাল সেই কাষ্যে বিরত থাকিত, এবং “মনিহ” শর বাহির হইলে পুনরায় ঝুলিতে শর স্থাপন ও তাহা হইতে নিঃসারণে প্রবৃত্ত হইত। তাহারা এই আজলাম অনুসারে বিবাহাদি কাষ্য সম্পাদন করিত। নির্দিষ্ট স্থানে উষ্ট্র জন্তু করা ও পশুর মাংস বিভাগ করাও আজলাম অনুসারে হইত। ( ত, হো, )

অহিংস্র জন্তুর মধ্যে কয়েকটি জন্তু-ভক্ষণ নিষিদ্ধ। যথা বরাহমাংস, কোন পশুর শোণিত, অথবা যে পশু মৃতঃ মরিয়াছে, কিংবা জন্তু বাতীত অশ্ব কোন কারণে মারা গিয়াছে, বা যাহা ঈশ্বর বাতীত অশ্ব দেবতার নামে কিম্বা ঈশ্বরের মন্দির বাতীত কোন বিশেষ স্থানের সম্মানের জন্তু জন্তু করা হইয়াছে, এই সকল নিষিদ্ধ ; ক্ষুধাক্রান্ত মুম্বু' ব্যক্তিদিগের এ সকল ভক্ষণে দোষ নাই। আজলাম পাটি ক্রীড়ায় ব্যবহায্য অস্থিখণ্ড সকলকে বলে। আজলামযোগে মাংস বিভাগ করা কাফেরদিগের রীতি ছিল। যথা দশজনে একটি পশু ক্রয় করিয়া জন্তু করিল, তাহারা দশটি আজলামের কোন কোনটিতে অর্দ্ধাংশ, তৃতীয়াংশ, কোনটিতে চতুর্থাংশ ইত্যাদি লিখিল। পরে ক্রীড়াতে যাহার নামে যে অংশ পড়িল, তাহার ভাগে সেই অংশ হইল। একটি আজলামে কিছুই লেখা থাকিত না, যাহার নামে তাহা পড়িত, সে কিছুই পাইত না। ঈশ্বর বাতীত অশ্বের নামে বা অশ্ব কিছুই সম্মান উদ্দেশ্যে যাহা জন্তু হয়, তাহা মৃতদেহতুল্য অশাস্ত, এবং এই বিধি হইল যে, “অশ্ব পূর্ণ ধর্ম তোমাদিগকে দেওয়া গেল।” এই আয়ত ঈশ্বরের সমুদায় আদেশ অবতীর্ণ হওয়ার পর অবতীর্ণ হইয়াছিল। ইহার পর তিন মাস মাত্র হজরত জীবিত ছিলেন। ( ত, ফা, )

নিশ্চয় ঈশ্বর বিচারে সত্বর \*। ৪। তোমাদের জন্য অল্প বিপুল বস্তু বৈধ হইয়াছে, এবং গ্রন্থাধিকারীদের খাণ্ড তোমাদের জন্য বৈধ হইয়াছে, এবং তোমাদের খাণ্ড তাহাদিগের জন্য বৈধ হইয়াছে; এবং মোসলমান শুদ্ধাচারিণী কন্যা ও তোমাদের পূর্ব-বর্তী গ্রন্থাধিকারীদের শুদ্ধাচারিণী কন্যা, তোমরা গুপ্তপ্রণয়গ্রহণবিমুখ শুদ্ধাচারী অব্যভিচারী হইয়া তাহাদিগকে তাহাদের যৌতুক দান করিলে ( তোমাদের জন্য বৈধ; ) এবং যে ব্যক্তি বিশ্বাসের বিরুদ্ধাচরণ করে, তাহার কর্ম বিনষ্ট হয়, সে পরলোকে ক্ষতিগ্রস্তদিগের অন্তর্গত †। ৫। ( র, ১, আ, ৫ )

হে বিশ্বাসিগণ, যখন তোমরা নমাজ উদ্দেশে দণ্ডায়মান হইবে, তখন আপনাদের মুখমণ্ডল ও আপনাদের হস্ত কফোণি পর্য্যন্ত ধৌত করিও ও আপনাদের মস্তকে এবং জাহু পর্য্যন্ত আপনাদের পদে হস্তামর্শন করিও; যদি অশুদ্ধ থাক, তবে শুদ্ধ ( স্নাত ) হইও, এবং যদি পীড়িত হও বা দেশভ্রমণে থাক, কিম্বা তোমাদের কেহ শৌচাগার হইতে আগমন করে, অথবা তোমরা স্ত্রীসঙ্গ কর, পরন্তু জল প্রাপ্ত হও নাই, তবে তোমরা

\* অদি ও জয়দোল্ খয়ব এই দুই বাক্তি হজরতের নিকটে বাইয়া বলিল যে, “আমরা একস্থানে থাকিয়া কুকুর ও শিকারী পক্ষীদিগের সাহায্যে জন্তু শিকার করিয়া থাকি। তাহারা আমাদের ইন্দ্ৰিত্রনে বনের পশুপক্ষীদিগকে শিকার করে। কোন শিকারকে কুকুরে জীবন নাশ করিবার পূর্বে আমরা প্রাপ্ত হইয়া জন্তু করি; কতকগুলি এমন হয় যে, আমাদের কাছে পহুছিবার পূর্বেই কুকুরে মারিয়া ফেলে। এক্ষণ শব-ভঙ্গণে ঈশ্বর নিষেধ করিতেছেন, তবে এ বিষয়ে কি বিধি হইবে? তাহাতে এই আয়ত অবতীর্ণ হয়। ( ত, হো, )

হজরত যে সকল দ্রব্য-ভঙ্গণে নিষেধ করিয়াছেন, তাহা শুদ্ধ নয়, বৃথা গেল। যথা, বাস্ত্র ভলুক বাস্ত্র চিল ইত্যাদি খাপদ ও শিকারী পক্ষী। গৃধ্র কাক প্রভৃতি শব্দী পক্ষী, অধর ও গর্দভ প্রভৃতি পশু এবং মৃষিক ইত্যাদি জন্তু অবৈধ বস্তুর অন্তর্ভুক্ত। শিকারী জন্তু যে জন্তুকে ভক্ষণ করিয়াছে, প্রথমতঃ তাহা ভক্ষণে নিষেধ হইয়াছিল। এক্ষণ বিপুল শিকারী জন্তু কর্তৃক ভক্ষিত জন্তু বৈধ বলিয়া পরিগণিত হইল। যখন সেই সকল জন্তুকে মনুষ্য শিকারী থাকে, তখন তাহারা যাহা মারে, তাহা যেন মনুষ্য জন্তু করিল, একরূপ স্বীকার করিতে হইবে। কিন্তু তাহার শুদ্ধতা আবশ্যিক। শিকারী জন্তু যে জন্তুকে না খাইয়া রাগিয়া দেয়, তাহা শুদ্ধ। শিকারী জন্তুকে শিকারের জন্তু ছাড়িয়া দিবার সময় ঈশ্বরের নাম স্মরণ করা অর্থাৎ “বেস্মল্লা” বলা আবশ্যিক। ( ত, কা, )

† অল্প শুদ্ধ খাণ্ড দ্রব্য সকল তোমাদের জন্য বৈধ হইল। এ সকল বস্তু মহাপুরুষ এত্রাহিমের সময়ে বৈধ ছিল। তৎপরে অবতীর্ণ হইলে পর ইতিদিগের শাস্তির জন্য তাহার অধিকাংশ দ্রব্য নিষিদ্ধ হইয়াছিল। বাইবেলে বৈধাবৈধ খাণ্ড বাল্ক হয় নাই। এক্ষণ কোর-আনে সেই এত্রাহিমের ধর্মের অনুরূপ তৎসমুদায় বৈধ হইল। গ্রন্থাধিকারীদের খাণ্ডও বৈধ, উপরে যে বন্দিদের ( জন্তু করার ) প্রণালী বিবৃত হইয়াছে, যথা ঈশ্বরের নামোচ্চারণ হইবে, তাহাতে অল্প দেবতার সম্মান রক্ষা করা হইবে না, সেই প্রণালী অনুসারে গ্রন্থাধিকারী ইহুদি বা খ্রীষ্টান কর্তৃক জন্তু করা দ্রব্য বৈধ। অল্প ধর্মাবলম্বী ঈশ্বরের নাম উচ্চারণ করিলেও তাহাদের জন্তু বৈধ নহে। এইরূপ বিপুল ভাবে তাহাদের কন্যা মোসলমানগণ বিবাহ করিতে পারে। ( ত, কা, )



বিশুদ্ধ মৃত্তিকার চেষ্টা করিবে, পরে তাহা দ্বারা আপনাদের মুখ ও হস্ত মর্দন করিবে ; ঈশ্বর ইচ্ছা করেন না যে, তোমাদের প্রতি কিছু কঠিন করেন, কিন্তু তোমাদিগকে শুদ্ধ করিতে ও তোমাদের প্রতি আপন দান পূর্ণ করিতে ইচ্ছা করেন, ভরসা যে, তোমরা কৃতজ্ঞ হইবে \* । ৬। তোমাদের প্রতি ঈশ্বরের দান ও তাহার অঙ্গীকার যদ্বারা তোমাদিগকে তিনি অঙ্গীকারে বদ্ধ করিয়াছেন, তাহা স্মরণ কর, তখন তোমরা বলিয়াছিলে “শ্রবণ করিলাম ও গ্রাহ্য করিলাম ;” এবং ঈশ্বরকে ভয় কর, নিশ্চয় ঈশ্বর হৃদয়ের তত্ত্বজ্ঞ † । ৭। হে বিশ্বাসিগণ, তোমরা ঈশ্বরের জ্ঞাত গুণাভ্যুযায়ী সাক্ষ্যদাতারূপে দণ্ডায়মান থাকিও, অগ্ন্যাচরণে তোমরা কোন দলের শত্রুতার কারণ হইও না, গ্ন্যাচরণ কর, তাহা বৈরাগ্যের নিকটতর, এবং ঈশ্বরকে ভয় কর, নিশ্চয় তোমরা যাহা করিয়া থাক, ঈশ্বর তাহার জ্ঞাতা ‡ । ৮। যাহারা বিশ্বাস স্থাপন ও সংকল্প করিয়াছে, ঈশ্বর অঙ্গীকার করিয়াছেন যে, তাহাদের জ্ঞাত ক্ষমা ও মহা পুরস্কার আছে । ৯। এবং যাহারা কাকের হইয়াছে ও আমার নিদর্শন সকলে অসত্যারোপ করিয়াছে, তাহারা নরক-লোকনিবাসী । ১০। হে বিশ্বাসিগণ, তোমাদের প্রতি ঈশ্বরের দানকে স্মরণ কর ; যখন একদল উদ্যোগ করিয়াছিল যে, তোমাদের উপর তাহাদের হস্ত বিস্তার করে, তখন তিনি তোমাদিগ হইতে তাহাদের হস্তকে নিবৃত্ত রাখিয়াছেন, এবং তোমরা ঈশ্বরকে ভয় করিও, অনন্তর বিশ্বাসীদের উচিত যে, ঈশ্বরের প্রতি নির্ভর করে § । ১১। (র, ২, আ, ৬)

\* এই আয়তের গূঢ় অর্থ এই যে, যখন আলম্ব নিদ্রা পরিত্যাগ করিয়া তোমরা স্বর্গের সোপান-স্বরূপ নমাজে প্রবৃত্ত হও, তখন স্বীয় মুখ ধৌত করিবে, অর্থাৎ তাহা সংসারের অভিমুখে স্থাপিত ছিল, অতএব অনুভূত ও ক্ষমা-প্রার্থনার জলে তাহা ধৌত করিবে, সংসারলিপ্তি হইতে হস্তকে ধৌত করিবে ; মস্তকে হস্তামর্শন করিবে অর্থাৎ ঈশ্বরের পথে পশুজীবন মস্তক হইতে ঝাড়িয়া ফেলিবে, চরণকে পার্থিব প্রকৃতি অহংভাবাবস্থিতি হইতে ধৌত করিবে । যদি অশু বিষয়ে আসক্তিবশতঃ তোমরা অপবিত্র হইয়া থাক, তবে সেই কলঙ্ক হইতে জীবনকে মুক্ত করিবে, অস্তরকে তপস্বাসমীক্ষণ হইতে, নিগূঢ় তত্ত্বকে অপরের সমালোচন হইতে, আত্মাকে অশু বিষয়ে আরাম লাভ হইতে রক্ষা করিবে । (ত, হো,)

† পরমেশ্বর স্মরণ করাইয়া দিতেছেন যে, অঙ্গীকারে তোমরা বদ্ধ থাকিবে, অঙ্গীকারকে স্মরণ করিবে । অঙ্গীকার এই যে, যখন লোক হজরতের নিকটে ইসলাম ধর্মে দীক্ষিত হয়, তখন তিনি দীক্ষার্থীর হস্ত ধারণ করিয়া তাহাকে কতকগুলি অঙ্গীকারে বদ্ধ করেন । কয়েকটি অঙ্গীকার কার্যে প্রবৃত্তি বিষয়ে—যথা পাঁচবার নমাজ পড়িবে, রমজান মাসে রোজা রাখিবে, জকাত দিবে, হজ্জ করিবে, সকল মোসলমানের হিতাকাঙ্ক্ষা করিবে । কয়েকটি নিবৃত্তি বিষয়ে—যথা হত্যা করা, বাণিজ্য করা, চুরি করা, নির্দোষ ব্যক্তির উপর কলঙ্কারোপ করা, দলপতির বিরুদ্ধাচারী হওয়া ; এ সকল নিবন্ধ । ঈশ্বর বলিতেছেন যে, এই সকল অঙ্গীকারে তোমরা বদ্ধ থাক । (ত, ফা,)

‡ সত্য বিষয়ে শত্রু মিত্র তুল্য, সকল স্থানে এই বিধি । (ত, ফা,)

§ গংফানের যুদ্ধে একদল সালবরাবংশীয় যোদ্ধার সঙ্গে হজরত রণক্ষেত্রে উপস্থিত ছিলেন ।

এবং সত্য সত্যই ঈশ্বর এশ্রায়েলসন্তানগণ হইতে অঙ্গীকার গ্রহণ করিয়াছিলেন ও আমি তাহাদের মধ্য হইতে ষাট জন দলপতি দণ্ডায়মান করিয়াছিলাম, এবং ঈশ্বর বলিয়াছিলেন, নিশ্চয় আমি তোমাদের সঙ্গে আছি ; যদি তোমরা উপাসনাকে প্রতিষ্ঠিত রাখ, জকাত দান কর ও আমার প্রেরিত পুরুষদিগের প্রতি বিশ্বাসী হও, এবং তাহাদিগকে সম্মানিত কর ও ঈশ্বরকে উত্তম ঋণদানরূপে ঋণদান কর, তবে অবশ্যই আমি তোমাদিগের পাপ তোমাদিগ হইতে মোচন করিব, এবং তোমাদিগকে স্বর্গোত্তানে লইয়া যাইব, যাহার ভিতর দিয়া পয়ঃপ্রণালীসকল প্রবাহিত ; অনন্তর ইহার পরে তোমাদের মধ্যে যাহারা ধর্মদ্রোহী হইবে, তবে নিশ্চয় তাহারা সরল পথ হারাইবে \* ।

শত্রুগণ তাহার আগমন সংবাদ আপন দলপতিকে জ্ঞাপন করে। দলপতির নাম যোরস ছিল। সে কোন পর্ব্বতের উপর হইতে এসলাম সৈন্য অবলোকন করিতেছিল। এক সময়ে জলবর্ষণ হয়, তখন হজরত সেনাদল হইতে দূরে পড়িয়াছিলেন। তিনি শুষ্ক করিবার জন্ত আর্দ্রবৃক্ষ বৃক্ষশাখার স্থাপন করিয়া স্বয়ং বৃক্ষমূলে উপবিষ্ট ছিলেন। ইত্যবসরে কোন শত্রুসেনা স্বীয় দলপতিকে বাইরা বলে যে, “দেখুন, মোহাম্মদ একাকী তরুতলে বসিয়া আছে, তাহার সহচরগণ দূরে রহিয়াছে, এই সময়ে অনায়াসে তাহাকে বধ করা যাইতে পারে।” যোরস তৎক্ষণাৎ কোবমুক্ত করবাল হস্তে ধারণ পূর্ব্বক দৌড়িয়া হজরতের নিকট আসিয়া বলিল, “অচ্ছ কে তোমাকে আমা হইতে রক্ষা করিবে ?” হজরত বলিলেন, “ঈশ্বর রক্ষা করিবেন।” কথিত আছে, তখন ঈশ্বরের আজ্ঞায় জেব্রিল আসিয়া যোরসের বক্ষে আঘাত করেন, তাহাতে তাহার হস্ত হইতে করবাল পড়িয়া যায়। হজরত সেই করবাল গ্রহণ করিয়া তাহাকে বলেন, “এক্ষণ তোমাকে আমা হইতে কে রক্ষা করিবে ?” সে বলিল, “কেহই নাই।” তখনই সে দীক্ষার কলেমা পড়িল ও আপন দলে বাইরা সকলকে এসলাম ধর্ম গ্রহণ করিবার জন্ত আহ্বান করিল। এতদুপলক্ষে এই আরত অবতীর্ণ হয়। (ত, হো,)

\* কথিত আছে যে, পরমেশ্বর হজরত মুসা সঙ্গে এই অঙ্গীকার করিয়াছিলেন যে, তিনি এশ্রায়েলসন্তানগণকে পুণ্যভূমি শামরাজ্য দান করিবেন। আরলিহা ও আরিহা প্রভৃতি কয়েকটি গ্রাম সে দেশে ছিল। তথায় কতকগুলি দুর্দান্ত লোক বাস করিত, তাহারা অমালক বলিয়া পরিচিত। এই অমালকাগণ অত্যন্ত দৃঢ়োন্নতকার ও বলবান পুরুষ ছিল, এবং আদজাতির দলপতি ছিল। ফেরাউণের সৈন্যদল জলমগ্ন হইলে পর, মেসর রাজ্য এশ্রায়েলবংশীয় লোকদিগের প্রতি সমর্পিত হয়। তখন তাহাদিগকে ঈশ্বর এই আজ্ঞা করেন যে, তোমরা পুণ্যভূমিতে চলিয়া যাও, তথায় সহস্র গ্রাম আছে, প্রত্যেক গ্রামে সহস্র উদ্ভান রহিয়াছে, তত্রত্য দুর্দান্ত দলপতিদিগের সঙ্গে বাইরা সংগ্রাম কর ও তাহাদিগকে পরাস্ত করিয়া সেই দেশ হস্তগত কর। অনন্তর এশ্রায়েল-সন্তানগণের নেতা মহাপুরুষ মুসা আপন সৈন্যগণ হইতে ষাট জন দলপতি মনোনীত করিয়া এক একজনের প্রতি এক একটি দলের ভার অর্পণ করিলেন, এবং স্বয়ং সসৈন্যে আরিহা নামক স্থানের নিকটে উপস্থিত হইয়া দলপতিদিগকে দুর্দান্ত অমালকাদিগের অমুসন্ধানে প্রেরণ করিলেন। তাহারা প্রথমতঃ আজ নামক একজন অমালকার সঙ্গে সাক্ষাৎ করেন। তাহারা তাহার প্রকাণ্ড ভীষণ মূর্ত্তি দেখিয়া ভীত হন। অন্ত অমালকাগণও তৎসদৃশ ছিল। ইহা দেখিয়া এশ্রায়েলদলপতিগণ পরস্পর মন্ত্রণা করিয়া স্থির করিলেন যে, সৈন্যদিগকে এ বৃহত্তম জ্ঞানিতে দেওয়া হইবে না। তাহারা গুনিলে ভয় পাইয়া মেসরে পলায়ন করিবে। অতঃপর সকলেই অঙ্গীকার করিলেন যে, এই সংবাদ

১২। অবশেষে আমি তাহাদের আপন অঙ্গীকার ভঙ্গ করার জন্ত তাহাদিগকে অভি-  
সম্পাত করিয়াছিলাম ও তাহাদের অন্তরকে কঠিন করিয়াছিলাম ; তাহারা ( শাস্ত্রের )  
উক্তি সকলকে স্বস্থান হইতে পরিবর্তিত করিয়া থাকে, এবং তাহারা সেই অংশ ভুলিয়া  
গিয়াছে, যাহার উপদেশ তাহাদিগকে দেওয়া গিয়াছিল ; সর্বদা তুমি তাহাদের অল্প  
লোকের বৈ তাহাদিগের অনিষ্টকারিতা জ্ঞাত হইতেছ না, অতএব তাহাদিগ হইতে  
বিমুখ হও ও তাহাদিগকে অগ্রাহ্য কর, নিশ্চয় ঈশ্বর হিতকারীদিগকে প্রেম করেন \* ।

১৩। এবং যাহারা বলে, আমি ঈসায়ী, তাহাদিগ হইতে আমি অঙ্গীকার গ্রহণ করিয়াছি,  
তাহাদিগকে যে উপদেশ দেওয়া হইয়াছিল, পরে তাহারা সেই অংশ বিশ্বত হইয়াছে ;  
অতএব আমি কেয়ামতের দিন পর্যন্ত তাহাদের পরস্পর শত্রুতা ও বিদ্বেষসজ্জটন করিয়া  
রাখিয়াছি। তাহারা যাহা করিতেছিল, অবশ্যই ঈশ্বর তাহাদিগকে তাহার সংবাদ দান করি-  
বেন †। ১৪। হে গ্রন্থাধিকারিগণ, নিশ্চয় তোমাদিগের নিকটে আমার প্রেরিতপুরুষ  
আগমন করিয়াছে, তোমরা গ্রন্থের যাহা গোপন করিয়াছ, তাহার অনেকাংশ তোমাদের  
জন্ত সে ব্যক্ত করিতেছে, এবং অনেক উপেক্ষা করিতেছে ; নিশ্চয় ঈশ্বরের নিকট হইতে

গোপন রাখিবেন ও সৈন্তগণকে সংগ্রামে উৎসাহ দিবেন। অবশেষে সকলে শিবিরে প্রত্যাগমন  
করিয়া মহান্না মুসা ও তাহার ভ্রাতা হারুনকে স বিশেষ জ্ঞাপন করিলেন। কিন্তু তখন দশ জন  
দলপতি কাপুরুষতা প্রকাশ করিয়া সেই ভীষণকায় বলবান পুরুষদিগের বৃত্তান্ত সেনাগণকে জ্ঞাপন  
করেন। কেবল ইয়ুসেফবংশসম্বৃত্ত সূনের পুত্র ইয়ুশা এবং ইব্রাহীমবংশীয় ইয়ুফনার পুত্র কালেব এই দুই  
জন দলপতি আপন অঙ্গীকারপালনে স্থিরতর ছিলেন। পরে বিপক্ষদিগের বল বিক্রমের কথা শুনিয়া  
এশ্রায়েল সৈন্তগণ অতিশয় ভীত ও আকুল হইয়া পড়িল। তাহাতে ঈশ্বর তাহাদিগকে অভয়দান  
করিয়া বলিয়াছিলেন, “নিশ্চয় আমি তোমাদের সঙ্গে আছি।” ( ত, হো, )

মহাপুরুষ মুসার শেষ জীবনে পরমেশ্বর এশ্রায়েলসম্প্রতিগণকে অঙ্গীকারে বদ্ধ করিয়াছিলেন।  
হজরত মোহাম্মদেরও শেষ জীবনে এই সূরা অবতারণিত হয়। মুসায়ীমণ্ডলী এই অঙ্গীকারে বদ্ধ ছিলেন  
যে, মহাপুরুষ মুসার পরে যে সকল ধর্মপ্রবর্তক আগমন করিবেন, তাহারা তাহাদের সাহায্যকারী  
হইবেন। এক্ষণ তৎপরিবর্তে ঈশ্বর কর্তৃক মোসলমানগণ এই অঙ্গীকারে বদ্ধ যে, প্রেরিত মহাপুরুষ  
মোহাম্মদের অস্ত্রে যে সকল খলিফা মণ্ডলীর নেতা হইবেন, তাহারা তাহাদের অনুসরণ করিবেন। হজরত  
বলিয়াছেন যে, আমার মণ্ডলীর মধ্যে কোরেশবংশীয় বার জন খলিফা প্রকাশিত হইবে, এবং ইহাও  
বলিয়াছেন যে, পরমেশ্বরদিগের বিরুদ্ধাচরণ করাতে পূর্বতন মণ্ডলীর যেমন দুর্গতি হইয়াছে, খলিফাগণের  
বিরুদ্ধাচারী হইলে এই মণ্ডলীও অধোগতি প্রাপ্ত হইবে। ( ত, ফা, )

\* তাহাদের অন্তরকে এরূপ কঠিন করিব যে, ভয়ের কথা ও নিদর্শন সকলের ভাব তাহাতে  
সংক্রামিত হইবে না। তওরাত গ্রন্থের যে স্থলে হজরত মোহাম্মদের বর্ণনা ছিল, তাহার সেই বর্ণনা  
বিলোপ করিয়া সেই স্থানে অল্প উক্তি সকল বিস্তৃত করিয়াছে। ( ত, হো, )

† ঈসায়ীরা তিন দলে বিভক্ত হইয়াছে ও পরস্পর বিবাদ করিতেছে। তাহারা যাহা করিতেছিল,  
সব্বরই আমি তাহাদিগকে তাহার সংবাদ দিব। ইহার তাৎপর্য এই যে, তাহাদিগকে দুর্ভিক্ষের শাস্তি  
দান করিব। ( ত, হো, )

তোমাদের নিকটে জ্যোতি ও উজ্জ্বল গ্রন্থ সমাগত হইয়াছে। ১৫। + পরমেশ্বর তদ্বারা তাঁহার প্রসন্নতার অমুসরণকারী ব্যক্তিদিগকে মুক্তির পথ প্রদর্শন করেন ও স্বীয় আজ্ঞায় অন্ধকার হইতে তাহাদিগকে জ্যোতির দিকে লইয়া যান, এবং সরল পথের দিকে তাহাদিগকে উপদেশ দান করেন। ১৬। যাহারা বলিয়াছে যে, সেই মরয়মের পুত্র ঈসাই ঈশ্বর, সত্য সত্যই তাহারা কাকের হইয়াছে; যদি তিনি ইচ্ছা করেন যে, মরয়মের পুত্র ঈসাকে ও তাঁহার মাতাকে এবং পৃথিবীতে যাহারা আছে তাহাদিগকে একত্র সংহার করেন, বল তবে কোন্ ব্যক্তি ঈশ্বরের কার্যে কোন ক্ষমতা রাপে? স্বর্গ ও পৃথিবীর রাজত্ব ও উভয়ের মধ্যে যাহা কিছু আছে তাহা ঈশ্বরের, তিনি যাহা ইচ্ছা করেন সৃষ্টি করিয়া থাকেন, এবং ঈশ্বর সমুদায় বিষয়ে শক্তিশালী। ১৭। এবং ইহুদি ও ঈসাহী লোকেরা বলিয়াছে যে, আমরা পরমেশ্বরের পুত্র ও তাঁহার বন্ধু, জিজ্ঞাসা কর, তবে কেন তিনি তোমাদিগকে তোমাদের অপরাধে শাস্তি দান করেন? বরং তোমরা সৃষ্ট মনুষ্য, ঈশ্বর যাহাকে ইচ্ছা হয় ক্ষমা করেন ও যাহাকে ইচ্ছা হয় শাস্তি দান করিয়া থাকেন, স্বর্গ ও পৃথিবীর রাজত্ব ও উভয়ের মধ্যে যাহা কিছু তাহা ঈশ্বরের, তাঁহার দিকেই প্রতিগমন। ১৮। হে গ্রন্থাধিকারী লোক, নিশ্চয় তোমাদিগের নিকটে আমার প্রেরিত পুরুষ আগমন করিয়াছে, প্রেরিতগণের ভিতরকার অবস্থা সে তোমাদের জন্ত প্রচার করিতেছে; তোমরা যেন না বল যে আমাদের নিকটে ভয়প্রদর্শক ও সুসংবাদদাতা আগমন করিল না, পরন্তু নিশ্চয় তোমাদিগের নিকটে সুসংবাদদাতা ও ভয়প্রদর্শক আগমন করিয়াছে, এবং ঈশ্বর সর্বোপরি ক্ষমতামণ্ডলী। \*। ১৯। ( র, ৩, আ, ৮ )

এবং ( স্মরণ কর, ) যখন মুসা আপন দলকে বলিয়াছিল, “হে আমার সম্প্রদায়, তোমাদিগের প্রতি ঈশ্বরের দান স্মরণ কর, যখন তোমাদিগের মধ্যে তিনি প্রেরিত পুরুষ সকলকে উৎপাদন করিয়াছেন ও তোমাদিগকে রাজা করিয়াছেন, এবং লোকমণ্ডলীর কাহাকেও যাহা দান করেন নাই, তোমাদিগকে তাহা দিয়াছেন”। ২০। “হে আমার সম্প্রদায়, সেই পুণ্য ভূমিতে, যাহা ঈশ্বর তোমাদের জন্ত লিপি করিয়াছেন, প্রবেশ কর, এবং আপন পৃষ্ঠদিকে তোমরা মুগ ফিরাইও না, তবে ক্ষতিগ্রস্তরূপে ফিরিবে।” †।

\* হজরত ঈসার পরে অল্প কোন পেগাম্বরের আবির্ভাব হয় নাই। এ জন্ত ঈশ্বর বলিতেছেন, “তোমরা আক্ষেপ করিতেছিলে যে, হায়! আমরা প্রেরিতপুরুষদিগের সময়ে জন্মগ্রহণ করি নাই, তাহা হইলে তাঁহাদের নিকটে শিক্ষা লাভ করিতাম;” এক্ষণ বহুকালের পর প্রেরিতপুরুষের সহবাস তোমাদের লাভ হইল, এতদ্বারা কৃতার্থ হও। জানিও, ঈশ্বর পূর্ণ ক্ষমতামণ্ডলী। যদি তোমরা গ্রাহ্য না কর, আমি তোমাদিগের অপেক্ষা শ্রেষ্ঠ অল্প লোক দণ্ডায়মান করিব। মহাপুরুষ মুসার সঙ্গে যোগদান করিয়া তাঁহার অনুবর্তিগণ সংগ্রাম করিতে অসম্মত হইলে, ঈশ্বর তাহাদিগকে বঞ্চিত করিয়া অল্প লোক দ্বারা শাসন অধিকারভুক্ত করিয়া লন। ( ত, কা, )

† মহাপুরুষ এব্রাহিম ঈশ্বরোদ্দেশে আপন জন্মভূমি পরিত্যাগ করিয়া চলিয়া গিয়াছিলেন। তিনি শামদেশে যাইয়া অবস্থিতি করিয়াছিলেন। বহুকাল তাঁহার সন্ধান হয় নাই। পরে পরমেশ্বর



২১। তাহারা বলিয়াছিল, “হে মুসা, নিশ্চয় তথায় দুর্দান্ত জাতি বাস করে, এবং যে পর্য্যন্ত তাহারা তথা হইতে বাহির না হয়, নিশ্চয় আমরা কখনও সেখানে প্রবেশ করিব না, পরন্তু যদি তাহারা তথা হইতে নির্গত হয়, তবে একান্তই আমরা প্রবেশ করিব।” ২২। তাহারা ভয় পাইতেছিল, তাহাদিগের মধ্যে সেই দুই ব্যক্তি, যে দুই জনের প্রতি ঈশ্বর করুণা করিয়াছিলেন, বলিল, “তাহাদের উদ্দেশ্যে তোমরা দ্বারে প্রবেশ কর, অনন্তর যখন তোমরা তাহাতে প্রবিষ্ট হইবে, নিশ্চয় তখন তোমরা বিজয়ী হইবে, এবং যদি তোমরা বিশ্বাসী হও, তবে ঈশ্বরের প্রতি নির্ভর কর।” ২৩। তাহারা বলিল, “হে মুসা, নিশ্চয় তাহারা যে পর্য্যন্ত তথায় আছে, আমরা কখনও সেখানে প্রবেশ করিব না; তবে তুমি যাও ও তোমার ঈশ্বর যাউক, অবশেষে তোমরা দুইজনে যুদ্ধ কর, একান্তই আমরা এখানে বসিয়া থাকিব”। ২৪। (মুসা) বলিল, “হে আমার প্রতিপালক, নিশ্চয় আমি নিজের প্রতি ও স্বীয় ভ্রাতার প্রতি ব্যতীত ক্ষমতা রাখি না, অতএব তুমি আমাদিগের এই অপরাধী দলের মধ্যে বিচ্ছেদ আনয়ন কর”। ২৫। তিনি বলিলেন, “অবশেষে চল্লিশ বৎসর সেই স্থান তাহাদের প্রতি অবৈধ হইল, তাহারা পৃথিবীতে ঘুরিয়া বেড়াইবে, তুমি এই দুর্কৃত দলের বিষয়ে মনস্তাপ করিও না”। ২৬। (র, ৪, আ, ৭)

এবং তুমি (হে মোহম্মদ,) তাহাদিগের নিকটে পাঠ কর, সত্যভাবে আদমের সম্মানদিগকে সংবাদ দেও; যখন তাহারা দুইজনে বলি উৎসর্গ করিল, তখন তাহাদের একজনের গৃহীত হইল, এবং অগ্ন্যজনের গৃহীত হয় নাই। একজনে বলিল, “অবশ্য তোমাকে বধ করিব;” অগ্ন্যজন বলিল, “ধর্ম্মভীরুদিগের (বলি) ঈশ্বর গ্রহণ করেন, তাহাকে এই সুসংবাদ দান করেন যে, তোমার বংশকে বহু বিস্তৃত করিব ও শামরাজ্য তাহাদিগকে প্রদান করিব, এবং প্রেরিত্ত্ব, ধর্ম্মগ্রন্থ ও আধিপত্য তাহাদিগের মধ্যে প্রতিষ্ঠিত রাখিব। তিনি মুসার সময়ে এই অঙ্গীকার পূর্ণ করিয়াছেন। তখন এশ্রায়েলবংশীয় লোকদিগকে ফেরাওণের অধীনতা হইতে উদ্ধার ও ফেরাওণকে জলমগ্ন করিলেন, এবং তাহাদিগকে বলিলেন যে, “তোমরা অমালকাদিগের সঙ্গে সংগ্রাম করিয়া তাহাদিগের হস্ত হইতে শামদেশ কাড়িয়া লও, চিরকাল সেই রাজ্যে তোমাদের আধিপত্য থাকিবে।” সেই সময়ে মহাপুরুষ মুসা আপন সম্প্রদায়কে দ্বাদশ দলে বিভক্ত করিয়া তাহাদের জন্ত দ্বাদশ জন দলপতি নিয়োগপূর্ব্বক শামদেশাভিমুখে প্রেরণ করিয়াছিলেন। তাহারা যাইয়া শামদেশ অতিশয় রমণীয় বলিয়া মহাস্বা মুসাকে জ্ঞাপন করেন, এবং ইহাও বলিয়া পাঠান যে, অমালকাগণ এ রাজ্যে আধিপত্য করিতেছে, তাহারা অশেষ বলবিক্রমশালী। মুসা দলপতিদিগকে বলিলেন যে, তোমরা অনুবর্ত্তী লোকদিগকে সে দেশের রমণীয়তার বিষয় বলিবে, কিন্তু তাহাদের নিকটে শত্রুগণের বল পরাক্রমের কথা প্রকাশ করিবে না। দলপতিদিগের মধ্যে ইয়ুশা ও কালেব নামক দুইজন মাত্র এই আজ্ঞা পালন করিলেন, দশজন দলপতি শত্রুদিগের দুর্জয় বলের কথা প্রচার করিলেন। সকল সহচর ভয় পাইয়া পলায়ন করিতে উদ্যত হইল। এই অপরাধের জন্ত চল্লিশ বৎসর শামদেশ অধিকার করিতে মুসার বিলম্ব হয়। এতকাল এশ্রায়েল-সন্ততিগণ বনে বনে ভ্রমণ করিয়া বেড়াইয়াছিলেন। অবশেষে দুই ব্যক্তি তাহারা মুসার পর থলিকা হইয়াছিলেন, তাহাদিগের দ্বারা শামদেশে আধিপত্য বিস্তৃত হয়।



ইহা ভিন্ন নহে \*। ২৭। যদি তুমি আমাকে হত্যা করিতে আমার প্রতি আপন হস্ত প্রসারণ কর, আমি কখনও তোমাকে হত্যা করিতে স্বীয় হস্ত তোমার প্রতি প্রসারণ করিব না; নিশ্চয় আমি বিশ্বপালক পরমেশ্বরকে ভয় করি †। ২৮। নিশ্চয় আমি ইচ্ছা করি যে, তুমি আমার অপরাধ ও নিজের অপরাধ সহ ফিরিয়া যাও, পরে নরকবাসীদিগের অন্তর্গত হও, এবং ইহাই অত্যাচারীদিগের প্রতিফল" ‡। ২৯। অনন্তর স্বীয় ভ্রাতাকে বধ করিতে তাহার প্রকৃতি তাহাকে উত্তেজিত করিল, অবশেষে তাহাকে হত্যা করিল, পরে সে ক্ষতিকারীদিগের অন্তর্গত হইল। ৩০। অবশেষে কিরূপে আপন ভ্রাতার শব গোপন করিতে হইবে, তাহা প্রদর্শন করিবার জগু পরমেশ্বর এক কাককে মৃত্তিকা খনন করিতে পাঠাইলেন; সে বলিল, "হায়! আমার প্রতি আক্ষেপ, আমি কি দুর্বল হইলাম যে, এই বায়স-সদৃশ হইব?" পরে সে স্বীয় ভ্রাতার মৃতদেহ লুকায়িত করিল, অবশেষে সমুদ্রদিগের অন্তর্গত হইল §। ৩১। এই কারণে আমি এশ্রায়েলবংশীয়দিগের সম্বন্ধে লিপি করিলাম যে, যে ব্যক্তি একজনের (হত্যার বিনিময়) ব্যতীত

\* আদমের পত্নী হবা প্রতি গর্ভে এক কন্যা ও এক পুত্র প্রসব করিতেন। তাহারা বয়ঃপ্রাপ্ত হইলে আদম এক গর্ভের কন্যার সঙ্গে অপর গর্ভের পুত্রের বিবাহ দিতেন। যে কন্যা কাবিল নামক পুত্রের সঙ্গে জন্মগ্রহণ করিয়াছিল, তাহার নাম অক্লিমা ছিল, তাহার সৌন্দর্যের তুলনা ছিল না। হাবিল নামক পুত্রের সঙ্গে যে কন্যার জন্ম হয়, তাহাকে লিয়ুজা বলিয়া ডাকিত। আদম লিয়ুজাকে কাবিলের সঙ্গে, অক্লিমাকে হাবিলের সঙ্গে বিবাহ দিতে সঙ্কল্প করিয়াছিলেন। কাবিল তাহাতে অসম্মত হইয়া বলে যে, "আমার ভগিনী অত্যন্ত রূপবতী, আমি তাহার সঙ্গে একগর্ভে ছিলাম, তাহার সহিত আমার বিবাহ হওয়া কর্তব্য।" আদম বলিলেন, "ঈশ্বরের আদেশ অন্তরূপ, এ বিষয়ে আমার কোন ক্ষমতা নাই।" কাবিল এই কথা গ্রাহ্য না করিয়া বলিল, "তুমি আমা অপেক্ষা হাবিলকে অধিক ভালবাস, অতএব সর্ব্বাপেক্ষা সুন্দরী কন্যাকে তাহার সঙ্গে বিবাহ দিতে উদ্বৃত্ত হইয়াছ।" আদম বলিলেন, "তুমি আমার কথা বিশ্বাস করিতেছ না, অতএব তোমরা দুই ভ্রাতা বলি উৎসর্গ কর। যাহার বলি গৃহীত হইবে, অক্লিমা তাহার স্ত্রী হইবে।" পরে তাহা অনুষ্ঠিত হইল, তাহাতে হাবিলের বলি গৃহীত হয়। আকাশ হইতে অগ্নি অবতীর্ণ হইয়া তাহার বলি গ্রাস করে, কাবিলের বলি অমনি পড়িয়া থাকে। এই ঘটনায় কাবিল ক্রুদ্ধ হইয়া হাবিলকে বধ করে। (ত, হো,)

† যদি কোন ব্যক্তি কাহাকে অথবা আঘাত করে, তবে সেই অত্যাচারীকে আঘাত করা বাইতে পারে। ধৈর্যধারণ করিয়া ক্ষমা করিলে বিশেষ পুণ্য। (ত, কা,)

‡ অর্থাৎ তোমার পাপ তোমার সঙ্গে রহিল, অপিচ আমার হত্যাজনিত পাপ তোমার সম্বন্ধে বৃদ্ধি হইল। আমার জীবনের পাপ চলিয়া গেল। (ত, কা,)

§ ইহার পূর্বে কোন মনুষ্যের মৃত্যু হয় নাই যে, মৃতদেহ সম্বন্ধে কি করিতে হইবে, কাবিল জানিতে পাইবে। কাবিল হাবিলকে বধ করিয়া এই ভাবিয়া ভীত হইল যে, এই শব পড়িয়া থাকিলে লোকে ইহা দেখিয়া আমাকে হত্যাকারী বলিয়া ধরিবে। সে ইহা ভাবিতেছিল, ইতিমধ্যে এক কাক ঈশ্বরকর্তৃক প্রেরিত হইয়া তাহার দৃষ্টিগোচরে চঞ্চুপুটে ভূমি খনন করিল। তাহা দেখিয়া সে বুঝিতে পারিল যে, মৃত্তিকা খনন করিয়া তন্নিহ্নে শব প্রোথিত করিতে হইবে। এরূপও ক্রত হওয়া গিয়াছে যে, একটি কাক আসিয়া ভূমি খনন করিল, পরে এক কাক অপর কাকের মৃতদেহকে সেই গর্ভে

কিছা অত্যাচার ব্যতীত পৃথিবীতে কোন ব্যক্তিকে হত্যা করিল, অনন্তর সে যেন এক যোগে মানবমণ্ডলীকে হত্যা করিল, এবং যে ব্যক্তি তাহার জীবন দান করিল, সে পরে যেন সমগ্র মানবমণ্ডলীর জীবন দান করিল, এবং সত্যসত্যই তাহাদের নিকটে উজ্জ্বল নিদর্শনসকল সহ আমার প্রেরিত পুরুষগণ সমাগত হইয়াছে, তৎপর নিশ্চয় তাহাদের অনেকে ইহার পরে পৃথিবীতে সীমালঙ্ঘনকারী হইয়াছে \* । ৩২ । যাহারা ঈশ্বরের সঙ্গে ও তাঁহার প্রেরিত পুরুষের সঙ্গে সংগ্রাম করে, এবং পৃথিবীতে অত্যাচার করিতে ধাবিত হয়, শত্রুপক্ষ হইতে ছিন্নমস্তক হওয়া, কিছা শূলোপরি স্থাপিত হওয়া, অথবা তাহাদের হস্ত ও তাহাদের পদ ছিন্ন হওয়া, কিছা দেশচ্যুত হওয়া, ইহা ব্যতীত তাহাদিগের পুরস্কার নাই, এই তাহাদের জন্ত ইহলোকে দুর্গতি এবং পরলোকে তাহাদের জন্ত মহা শাস্তি আছে † । ৩৩ । † তাহাদের উপর তোমরা ক্ষমতা পাইবার পূর্বে যাহারা অমুতাপ করিয়াছে তাহারা ব্যতীত ; ‡ অনন্তর জানিও, নিশ্চয় ঈশ্বর ক্ষমাশীল দয়ালু । ৩৪ । ( র, ৫, আ, ৮ )

মৃত্তিকার নিম্নে লুকাইয়া রাখিল । তাহাতেই কাবিল শব প্রোথিত করিবার প্রণালী অবগত হয়, এবং অস্ত্র ভ্রাতার সম্বন্ধে ভ্রাতার সদাচরণ দেখিয়া স্বীয় অসদাচরণজন্য অনুতপ্ত হয় । ( ত, ফা, )

\* মদিনাপ্রস্থানের ষষ্ঠ বর্ষে অরিণাবংশীয় কতকগুলি লোক হজরতের নিকটে যাইয়া এসলামধর্ম গ্রহণপূর্বক তাঁহার সহবাসে অবস্থিতি করে । মদিনার জল বায়ু তাহাদের পক্ষে অমুকুল হয় না, তাহারা পীড়িত হইয়া পড়ে । তাহারা হজরতের নিকটে স্বীয় অবস্থা জ্ঞাপন করিলে তিনি তাহাদিগকে আবিলোন ইর নামক স্থানের নিকটে ( যে স্থানে দুক্ষবতী উষ্ট্র সকল রাখা হইয়াছিল ) পাঠাইয়া দেন । তাহারা সেখানে কিছু দিন যাপন করিয়া ঔষধপথ্যহলে উষ্ট্রের দুগ্ধ ও মূত্র পান পূর্বক সুস্থ হইয়া উঠে । একদিন প্রাতঃকালে তাহারা সকলে একমত হইয়া হজরতের পনেরটি উৎকৃষ্ট উষ্ট্র লইয়া স্বগৃহাভিমুখে প্রস্থান করে । হজরতের দাস ইয়সার নামক ব্যক্তি কয়েকজন লোক সঙ্গে করিয়া যাইয়া তাহাদিগকে আক্রমণ করে । কিন্তু তাহারা ইয়সারকে আক্রমণ করিয়া তাহার হস্ত পদ ছেদন এবং চক্ষু ও জিহ্বাতে কণ্টক বিদ্ধ করে, তাহাতেই তাহার মৃত্যু হয় । হজরত এই বৃত্তান্ত অবগত হইয়া আবেগের পুত্র করজকে বিশ জন অথারোহী সেনার সঙ্গে তাহাদের অনুসরণে পাঠাইয়া দেন । সে সকলকে বন্দী করিয়া হজরতের নিকটে আনিয়া উপস্থিত করে । এই উপলক্ষে এই আয়ত অবতীর্ণ হয় । ( ত, ফা, )

পৃথিবীতে প্রথমে এইরূপ প্রধান পাপ হয়, প্রথম হইতে কঠিন শাস্তির বিধি হইয়াছে । এ জন্ত তওরাতে লিখিত হইয়াছে, যে এক ব্যক্তিকে বধ করিল, সে সকলকে বধ করিল ইত্যাদি । ( ত, হো, )

† প্রথমতঃ বলা হইয়াছে যে, হত্যা করা পাপ । কিন্তু এক্ষণ অত্যাচার ও শাস্তির স্থলে এই আয়ত বিবৃত হইয়াছে । যে ব্যক্তি ঈশ্বরের সঙ্গে ও তাঁহার প্রেরিতপুরুষের সঙ্গে বিবাদ করে ও রাজবিজ্রোহী হইয়া রাজা লুণ্ঠন ও অত্যাচার করে, তাহাকে পাইলে করবালের আঘাতে বা শূলোপ্রে বধ করিবে, বা তাহার দক্ষিণ হস্ত ও চরণ কাটিয়া ফেলিবে, কিংবা কারাগারে বদ্ধ রাখিবে । পাপের অনুন্নপ হও দিবে । ( ত, ফা, )

‡ যদি কোন অত্যাচারী অত্যাচার হইতে নিবৃত্ত হয়, সেই অত্যাচারের কারণ হইতে দূরে থাকে তাহা হইলে তাহার সম্বন্ধে এই শাস্তির বিধি নহে । ( ত, ফা, )

হে বিশ্বাসিগণ, পরমেশ্বরকে ভয় করিও ও তাঁহার দিকে উপলক্ষ অন্বেষণ করিও\* এবং তাঁহার উদ্দেশ্যে সংগ্রাম করিও ; † ভরসা যে, তোমরা উদ্ধার পাইবে । ৩৫ । নিশ্চয় যাহারা কাফের হইয়াছে, পৃথিবীতে যাহা কিছু আছে তৎসমুদায় যদি তাহাদেরও হয়, এবং তৎসদৃশ তাহাদের সঙ্গে থাকে যে তাহারা কেয়ামতের দিনে শাস্তির ( পরিবর্তে ) তাহা দান করে, তাহাদিগ হইতে গৃহীত হইবে না, এবং তাহাদের জন্ত ক্লেশকর কঠিন শাস্তি আছে । ৩৬ । + তাহারা ইচ্ছা করিবে যে, নরকাগ্নি হইতে নির্গত হয়, কিন্তু তাহা হইতে বাহির হইতে পারিবে না ও তাহাদের জন্ত নিত্য শাস্তি থাকিবে । ৩৭ । এবং পুরুষ চোর ও নারী চোর উভয়ের হস্তচ্ছেদন কর, তাহারা যাহা করিয়াছে তজ্জন্ত ঈশ্বর হইতে শিক্ষাদানরূপে বিনিময় হয়, এবং ঈশ্বর পরাক্রান্ত ও নিপুণ । ৩৮ । অনন্তর যে ব্যক্তি আপন অত্যাচারের পর প্রতিনিবৃত্ত হইয়াছে ও সংকল্প করিয়াছে, পরে নিশ্চয় ঈশ্বর তাহার দিকে প্রত্যাগত হন, নিশ্চয় ঈশ্বর ক্ষমাশীল ও দয়ালু । ৩৯ । তুমি কি জানিতেছ না যে, ঈশ্বরেরই স্বর্গ ও পৃথিবীর রাজত্ব ? তিনি যাহাকে ইচ্ছা হয় শাস্তি দান করেন ও যাহাকে ইচ্ছা হয় ক্ষমা করিয়া থাকেন, এবং ঈশ্বর প্রত্যেক বস্তুর উপর ক্ষমতাশালী । ৪০ । হে প্রেরিতপুরুষ, যে সকল লোক আপন মুখে বলে যে, আমরা বিশ্বাসী হইয়াছি, কিন্তু তাহাদের অন্তঃকরণ অবিশ্বাসী রহিয়াছে, তাহাদিগের অপেক্ষা যাহারা ধর্মদ্রোহিতায় সত্বর, তাহারা তোমাকে দুঃখিত করিবে না ; ইহুদিগণ অপেক্ষাও তাহারা অসত্য শ্রোতা, অগ্ন লোকের জন্ত শ্রোতা, ( এ পর্যন্ত ) তাহারা তোমার নিকটে উপস্থিত হয় নাই, তাহারা উক্তি সকলকে স্বস্থানচ্যুত করিয়া পরিবর্তিত করে ; তাহারা বলে, যদি ইহা ( এই পরিবর্তিত বিধি ) তোমাদিগকে প্রদত্ত হইয়া থাকে, তবে ইহা গ্রহণ কর, এবং যদি তোমাদিগকে প্রদত্ত না হইয়া থাকে, তবে নিবৃত্ত হও ; ঈশ্বর যাহাকে তাহার পথচ্যুতি ইচ্ছা করেন, পরে কখনও তাহার জন্ত তুমি ঈশ্বর হইতে কোন ক্ষমতা প্রাপ্ত হইবে না ; ইহারাই, যাহাদিগকে ঈশ্বর ইচ্ছা করেন না যে, তাহাদের অন্তঃকরণ শুদ্ধ করেন, তাহাদিগের জন্ত ইহলোকে দুর্গতি ও তাহাদের জন্ত পরলোকে মহাশাস্তি আছে ‡ । ৪১ । তাহারা অসত্য শ্রোতা, অবৈধ ভোক্তা, অবশেষে

\* প্রেরিতপুরুষকে উপলক্ষ করিয়া অর্থাৎ তাঁহার আশুগতা স্বীকার করিয়া যে সংকাষা করিবে, সে গৃহীত হইবে, অগ্নপা হইবে না । ( ত, ফা, )

+ অর্থাৎ আন্তরিক ও বাহ্যিক শত্রুর সঙ্গে ঈশ্বরের জন্ত সংগ্রাম করা । ( ত, ফা, )

‡ এরূপ অনেক কপট বক্তৃ ছিল যে, তাহারা অন্তরে ইহুদিদিগের সঙ্গে মিলিত হইত ; কতক ইহুদি ছিল যে, তাহারা বক্তৃত্তাবে হজরতের নিকটে গমনাগমন করিত । ঈশ্বর বলিতেছেন যে, হে মোহম্মদ, তোমার ধর্ম ইহারা কোন দোষ ধরিয়া স্বীয় দলপতিদিগকে যাইয়া জ্ঞাপন করিবার জন্ত আসিয়া থাকে, প্রধান পুরুষেরা আগমন করে না । প্রকৃতপক্ষে দোষ কোথায় ? ইহারা বাক্যের অসত্য ব্যাখ্যা করিয়া গুণকে দোষরূপে দর্শন করে । অনেক ইহুদি হজরতের নিকটে অভিযোগ উপস্থিত করিয়া তাহার নিষ্পত্তি প্রার্থনা করিত ; প্রধান ব্যক্তি স্বয়ং আগমন না করিয়া মধ্যবর্তী

যদি তাহারা তোমার নিকটে আগমন করে, তবে তুমি তাহাদিগের মধ্যে আদেশ প্রচার করিও, অথবা তাহাদিগ হইতে বিমুখ হইও, এবং যদি তুমি তাহাদিগ হইতে বিমুখ হও, তবে তাহারা কখনও তোমার কোন ক্ষতি করিতে পারিবে না; এবং যদি আদেশ প্রচার কর, তবে তাহাদের মধ্যে ঞায়ানুসারে আদেশ করিও, নিশ্চয় ঈশ্বর ঞায়বান্দিগকে প্রেম করেন \* । ৪২ । তাহারা কেমন করিয়া তোমার প্রতি আজ্ঞা করিতেছে, তাহাদের নিকটে তওরাত বিদ্যমান, তাহাতে ঈশ্বরের আজ্ঞা আছে; ইহার পরেও তাহারা পুনর্বার বিমুখ হইতেছে, এই তাহারাই বিশ্বাসী নহে † । ৪৩ । ( র, ৬, আ, ৯ )

নিশ্চয় আমি তওরাত অবতারণ করিয়াছি, তন্মধ্যে উপদেশ ও জ্যোতি রহিয়াছে, ঈশ্বরানুগত তত্ত্ববাহকগণ তদনুসারে ইহুদিদিগের জন্ত আদেশ করিয়াছে ও ঈশ্বরপরায়ণ লোক এবং পণ্ডিতগণ যে ঐশ্বরিক গ্রন্থের সংরক্ষক ছিল, তদনুসারে (আদেশ করিয়াছে,) এবং তাহারা তদ্বিষয়ে সাক্ষী ছিল; অতএব তোমরা লোকদিগকে ভয় করিও না, আমাকে ভয় করিও ও আমার প্রবচন সকল দ্বারা ক্ষুদ্র মূল্য গ্রহণ করিও না; এবং ঈশ্বর যাহা অবতারণ করিয়াছেন, যাহারা তদনুসারে আদেশ করে না, অবশেষে এই তাহারাই কাফের । ৪৪ । আমি তাহাদের সপক্ষে তাহাতে ( তওরাতে ) লিপি করিয়াছি যে, জীবনের পরিবর্তে জীবন, চক্ষুর পরিবর্তে চক্ষু, নাসিকার পরিবর্তে নাসিকা, কর্ণের পরিবর্তে কর্ণ, দন্তের পরিবর্তে দন্ত, এবং আঘাত সকলের বিনিময় আছে; ‡ পরন্তু যে ব্যক্তি তদ্বিনিময়ে দান করে, তাহার জন্ত উহা পাপের ক্ষমা হয়। পরমেশ্বর যাহা অবতারণ করিয়াছেন, যাহারা (তদনুসারে) আজ্ঞা করে না, অনন্তর ইহারা তাহারাই যে অত্যাচারী । ৪৫ । এবং আমি তাহাদের পশ্চাৎ মরয়মের পুত্র ঈসাকে, তাহার পূর্বে যে

প্রেরণ করিয়া বনিয়া পাঠাইত যে, আমাদিগের প্রচলিত রীতির অনুরূপ আজ্ঞা হইলে আমরা গ্রহণ করিব, নতুবা নয়। তাহারা পূর্বে হইতে তওরাতের বিধির বিপরীত কতকগুলি বিধি প্রতিষ্ঠিত করিয়াছিল। কোন প্রেরিতপুরুষ তদনুরূপ আদেশ করিলে তাহারা মনে করিত যে, ইহার তওরাতের জ্ঞান নাই, আমাদের নিকটে যাহা শুনে, তাহাই করে। এ জন্ত ঈশ্বর হজরতকে সাবধান করিয়া দিলেন ও তওরাতের অনুযায়ী আদেশ করিলেন। ( ত, ফা, )

\* হজরত এইরূপ চিন্তিত ছিলেন যে, আমি তাহাদের অভিযোগে কিছু না করিলে তাহারা অসন্তুষ্ট হইবে, এবং যদি স্বীয় ধর্ম্মানুসারে নিষ্পত্তি করি, তাহা বা গ্রাহ্য করিবে না, এবং তাহাদের প্রবর্তিত রীতি সমর্থন করিলে ঈশ্বরের নিকটে অপরাধী হইব। ঈশ্বর বলিতেছেন যে, “হয় তুমি তাহাদের অভিযোগে অমনোযোগী হও, তাহাতে তাহাদিগের অসন্তোষের কোন আশঙ্কা নাই, অথবা আপন ধর্ম্মানুসারে আদেশ কর।” অনন্তর হজরত তদনুসারে আদেশ করেন। ( ত, ফা, )

† “ইহার পরেও তাহারা পুনর্বার বিমুখ হইতেছে” ইহার অর্থ, গ্রহ্যানুযায়ী আদেশ করার পরও তাহারা অগ্রাহ্য করিতেছে। ( ত, হো, )

‡ বিনিময় অর্থাৎ পরিবর্তন সেই সকল আঘাতের হইয়া থাকে, যাহার তুল্যতা রক্ষা পাইতে পারে। ( ত, হো, )



তওরাত ছিল, তাহার সপ্রমাণকারিরূপে অনুপ্রেরণ করিয়াছি, এবং তাহাকে ইঞ্জিল দান করিয়াছি, তাহাতে উপদেশ ও জ্যোতি আছে ও তাহাকে ( ইঞ্জিলকে ) তাহার পূর্বে যে তওরাত ছিল, তাহার সপ্রমাণকারী ও ধর্মভীরু লোকদিগের জন্ত উপদেশ ও আলোক করিয়াছি \* । ৪৬ । এবং ইঞ্জিলাধিকারীর উচিত যে, তাহাতে ঈশ্বর যাহা অবতারণ করিয়াছেন, তদনুসারে আজ্ঞা করে ; ঈশ্বর যাহা অবতারণ করিয়াছেন, তদনুসারে যাহারা আজ্ঞা করে না, অনন্তর ইহারা ই তাহারা যে দুষ্ক্রিয়ালীল । ৪৭ । যে গ্রন্থ তাহাদের নিকটে আছে ও তাহারা যাহার রক্ষক, আমি তাহার সপ্রমাণকারী সত্য গ্রন্থ তোমার নিকটে ( হে মোহাম্মদ, ) অবতারণ করিয়াছি ; অতএব ঈশ্বর যাহা অবতারণ করিয়াছেন, তদনুসারে তাহাদের মধ্যে তুমি আদেশ কর, এবং তোমার নিকটে যে সত্য আগত, তৎ-প্রতি বিমুগ্ধ হইয়া তাহাদের রুচির অনুসরণ করিও না । তোমাদের প্রত্যেকের জন্ত আমি এক বিধি ও এক পথ নির্ধারণ করিয়াছি, এবং যদি ঈশ্বর ইচ্ছা করিতেন, তবে তোমা-দিগকে এক মণ্ডলীভুক্ত করিতেন ; কিন্তু তিনি তোমা-দিগকে যথা দান করিয়াছেন, তদ্বি-ষয়ে পরীক্ষা করিতেছেন, অতএব তোমরা কল্যাণের প্রতি ধাবিত হও, পরমেশ্বরের দিকে তোমাদের সকলের প্রত্যাবর্তন । অনন্তর তোমরা তাহাতে † যে বিরোধ করিতেছিলে, তদ্বিষয়ে তিনি তোমা-দিগকে সংবাদ দিবেন । ৪৮ । + এবং আমি ( আদেশ করিয়াছি, ) ঈশ্বর যাহা অবতারণ করিয়াছেন, তদনুসারে তাহাদের মধ্যে তুমি আজ্ঞা কর ও তাহাদের রুচির অনুসরণ করিও না, তাহা-দিগ হইতে সাবধান হইও যে, ঈশ্বর তোমার প্রতি যাহা অবতারণ করিয়াছেন, তাহার কিছু হইতে বা তোমাকে তাহারা বিভ্রান্ত করে । অনন্তর যদি তাহারা অগ্রাহ্য করে, তবে জানিও, ঈশ্বর তাহাদের কোন কোন পাপের জন্ত তাহা-দিগকে দণ্ড দিবেন, ইহা ভিন্ন ইচ্ছা করেন না, এবং নিশ্চয় মানবজাতির অধিকাংশ একান্তই পাপাচারী । ৪৯ । অনন্তর তাহারা কি অজ্ঞানতার আজ্ঞা চাহিতেছে ? এবং বিশ্বাস রাখে এমন কোন দলের জন্ত আজ্ঞাদানবিষয়ে ঈশ্বর অপেক্ষা কে শ্রেষ্ঠ ? ৫০ । ( র, ৭, আ, ৮ )

হে বিশ্বাসিগণ, তোমরা ইহুদি ও ঈসায়ীদিগকে বন্ধুরূপে গ্রহণ করিও না, তাহারা পরম্পর পরম্পরের বন্ধু ; তোমাদের যে ব্যক্তি তাহা-দিগকে বন্ধু করে, পরে নিশ্চয় সে তাহাদের অন্তর্গত । একান্তই ঈশ্বর অত্যাচারী সম্প্রদায়কে পথ প্রদর্শন করেন না ‡ ।

\* যে সকল ইহুদি ঈশ্বরের বিধিকে পরিবর্তিত করিয়াছে, তাহাদের সম্বন্ধে প্রথমাবধি তিন আয়ত অবতীর্ণ হইয়াছে । আব্বাসের পুত্র বলেন, বিশেষ ভাবে করিআ ও নজিরবংশীয় ইহুদিদিগের প্রতি এবং অনেকে বলেন, সাধারণ ইহুদিদিগের প্রতি আয়ত অবতীর্ণ । ( তফসির আলমালিন )

+ ধর্মামুষ্ঠানে ও ধর্মবিধিতে ।

( ত, হো, )

‡ সামেতের পুত্র এবাদা হজরতের নিকটে বলিয়াছিল যে, “আমার অনেক ইহুদি বন্ধু আছে, বিপদের সময়ে আমি তাহা-দিগের নিকটে সাহায্য পাইতে পারি । কিন্তু অল্প আমি সে আশা



। ৫১। অনন্তর যাহাদিগের অন্তরে রোগ আছে, তুমি তাহাদিগকে দেখিতেছ, তাহারা তাহাদিগের মধ্যে ধাবিত হইতেছে, তাহারা বলে কালচক্র আমাদিগকে প্রাপ্ত হইবে বলিয়া ভয় হইতেছে ; পরিশেষে শীঘ্রই ঈশ্বর বিজয় অথবা আপনার নিকট হইতে কোন বিষয় আনয়ন করিবেন, যাহাতে পরে তাহারা আপন অন্তরে যাহা গুপ্ত রাখিয়াছে, তদ্বিষয়ে অতপ্ত হইবে \* । ৫২। এবং বিশ্বাসিগণ বলিবে, “যাহারা ঈশ্বরের নামে গুরুতর শপথরূপে শপথ করিয়াছিল ইহারাই কি ?” অবশ্য তাহারা তোমাদের সঙ্গে আছে, তাহাদের কর্মপুঞ্জ বিনাশ পাইয়াছে, পরন্তু তাহারা ক্ষতিগ্রস্ত হইয়াছে । ৫৩। হে বিশ্বাসিগণ, তোমাদের মধ্যে যে ব্যক্তি আপন ধর্ম হইতে ফিরিয়া যায়, পরে ঈশ্বর এমন একদল আনয়ন করিবেন যে, তিনি তাহাদিগকে প্রেম করেন ও তাহারা তাঁহাকে প্রেম করে, এবং বিশ্বাসীদের প্রতি কোমল ও কাফেরদিগের প্রতি কঠোর হয়, তাহারা ঈশ্বরোদ্দেশে সংগ্রাম করিবে, কোন ভৎসনাকারীর ভৎসনাকে ভয় করিবে না, ইহা ঈশ্বরপ্রদত্ত গৌরব ; তিনি যাহাকে ইচ্ছা হয় দান করিয়া থাকেন, ঈশ্বর বদাগ্র ও জ্ঞানী † । ৫৪। পরমেশ্বর ও তাঁহার প্রেরিতপুরুষ ও যাহারা বিশ্বাসী হইয়াছে, এবং যাহারা উপাসনাকে প্রতিষ্ঠিত রাখে ও জকাত দান করে, তাহারা তোমাদের বন্ধু ইহা ব্যতীত নহে, তাহারা নমাজ পড়িয়া থাকে । ৫৫। এবং যাহারা ঈশ্বরকে ও তাঁহার প্রেরিতপুরুষকে প্রেম করে, এবং যাহারা বিশ্বাসী হইয়াছে, নিশ্চয় তাহারাই ঈশ্বরের পরাক্রান্ত মণ্ডলী । ৫৬। ( র, ৮, আ, ৬ )

হে বিশ্বাসিগণ, তোমাদের পূর্ববর্তী গ্রন্থপ্রাপ্ত ব্যক্তিদিগের যাহারা তোমাদিগের ধর্মকে উপহাস করে, অথবা ( তাহা লইয়া ) ক্রীড়ামোদ করে, তোমরা তাহাদিগকে এবং কাফেরদিগকে বন্ধুরূপে গ্রহণ করিও না ; যদি তোমারা বিশ্বাসী হও, তবে ঈশ্বরকে ভয় করিও । ৫৭। এবং যখন তোমরা নমাজ উদ্দেশে ঘোষণা কর, তখন

আর রাখি না ; আমার জন্ত ঈশ্বর ও প্রেরিতপুরুষের বন্ধুতাই যথেষ্ট ।” ইহা শুনিয়া আবুর পুত্র অবদোল্লা বলিল, “আমি দুঃখ বিপদকে ভয় করি, আমি ইহুদিপ্রধান পুরুষদিগের আত্মকূল্য পরিত্যাগ করিতে পারি না ।” ইহাতেই এই আয়ত অবতীর্ণ হয় । ( ত, হো, )

\* “অন্তরে রোগ আছে” অর্থাৎ কপটতা আছে, “তাহারা তাহাদিগের মধ্যে ধাবিত” ইহার অর্থ, ইহুদিদিগের সঙ্গে বন্ধুতা করিতে সত্ত্বর । “কালচক্র আমাদিগকে প্রাপ্ত হইবে বলিয়া ভয় হইতেছে,” এই কথাই তাৎপর্য, কালের গতি ও পরিবর্তনে দুর্ঘটন হইবে বলিয়া ভয় হইতেছে । ( ত, হো, )

† হজরতের পরলোক হইলে পর বহু আরবীয় লোক ধর্মত্যাগ করে । খলিফা আবুবেকর এয়মন দেশ হইতে মোসলমান আনয়ন করেন । তাহারা আসিয়া ধর্মত্যাগী লোকদিগের সঙ্গে যুদ্ধ করে, তাহাতে সমুদায় আরবীয় লোক পুনর্বার মোসলমান হয় । এই আয়ত সেই স্তম্ভবাদ প্রচার করিতেছে । ( ত হো, )

তাহারা তৎপ্রতি উপহাস ও ক্রোড়ামোদ করে ; ইহা এ কারণে যে, তাহারা এমন এক দল যে বুঝিতেছে না \* । ৫৮ । তুমি বল, হে গ্রন্থধারী লোক, আমরা ঈশ্বরের প্রতি এবং যাহা আমাদের প্রতি অবতীর্ণ হইয়াছে ও আমাদের পূর্বে যাহা অবতীর্ণ হইয়াছে, তৎপ্রতি বিশ্বাস করিয়াছি ভিন্ন তোমরা আমাদের দোষ ধরিতেছ না; যেহেতু তোমাদের অধিকাংশই দুর্বৃত্ত । ৫৯ । তুমি বল, ঈশ্বরের নিকটেই প্রতিফল, ইহা অপেক্ষা অশুভ সংবাদ তোমাদিগকে কি দান করিব ? ঈশ্বর যাহাকে অভিসম্পাত করিয়াছেন ও যাহার প্রতি আক্রোশ করিয়াছেন ও তাহাদের যাহাকে মর্কট এবং বরাহরূপে পরিণত করিয়াছেন, অসত্য উপাস্তকে উপাসনা করিতে দিয়াছেন, সেই লোক স্থানবিষয়ে নিকৃষ্টতর † এবং সে সরল পথ হইতে বহুদূরে পড়িয়াছে । ৬০ । এবং যখন তাহারা তোমাদের নিকট আগমন করে, তখন বলে যে, আমরা বিশ্বাস স্থাপন করিয়াছি; তাহারা বস্তুতঃ ধর্মদ্রোহী সহ উপস্থিত হইয়াছে, তৎসহ চলিয়া গিয়াছে এবং তাহারা যাহা গুপ্ত রাখে, ঈশ্বর তাহার উত্তম জ্ঞাতা । ৬১ । তুমি তাহাদের অধিকাংশকে, পাপে ও অত্যাচারে এবং আপনাদের অবৈধ ভঞ্জে ধাবিত হইতেছে, দেখিতেছ; নিশ্চয় তাহারা যাহা করিয়াছে, তাহা অকল্যাণ । ৬২ । ঈশ্বরপরায়ণ লোক ও জ্ঞানী পুরুষেরা তাহাদের পাপ কথনে ও তাহাদের অবৈধ ভঞ্জে কেন তাহাদিগকে নিষেধ করিতেছে না ? নিশ্চয় তাহারা যাহা করিয়াছে, তাহা অকল্যাণ ‡ । ৬৩ । এবং ইহুদিগণ বলিয়াছে যে, ঈশ্বরের হস্ত গলদেশে বন্ধ ; তাহাদের হস্ত গলদেশে বন্ধ থাকুক, যাহা বলিয়াছে তজ্জন্ত তাহারা শাপগ্রস্ত ; বরং ঈশ্বরের উভয় হস্ত মুক্ত, যেরূপ ইচ্ছা করেন, তিনি সেরূপ ব্যয় করিয়া থাকেন । এবং তোমার প্রতিপালক হইতে, হে মোহম্মদ, তোমার প্রতি যাহা অবতীর্ণ হইয়াছে, তাহা একান্তই তাহাদের বহুসংখ্যককে ধর্মদ্রোহিতায় ও অবাধ্যতায় পরিবর্দ্ধিত করিবে, এবং কেয়ামতের দিন পর্য্যন্ত আমি তাহাদিগের মধ্যে ঈর্ষা ও শক্রতা স্থাপন করিয়াছি ; তাহারা যখন যুদ্ধের জন্ত অগ্নি প্রজ্জ্বলিত করে, তখন ঈশ্বর তাহা নির্বাপিত করেন, এবং

\* আজানদাতা আজানে যখন বলিত যে, “আমি সাক্ষ্যদান করিতেছি, মোহম্মদ তাহার প্রেরিত” তখন একজন অগ্নিপূজক বলিত, “দক্ষ হও, মিথ্যা কথা কহিতেছ ।” ইহুদিগণও উপহাস বিক্রম করিত । মোষণার অর্থ আজান । “তাহারা বুঝিতে পারে না” ইহার অর্থ এই যে, তাহারা যে গুরুতর শাস্তি পাইবে, তাহা বোধ করিতে পারে না । (ত, হো,)

† “সে ব্যক্তি স্থান বিষয়ে নিকৃষ্টতর” এই কথার তাৎপর্য এই যে, সেই ব্যক্তি নিকৃষ্ট স্থান নরকে বাস করিবে ।

‡ হজরত মোহম্মদের মদিনায় আগমনের পূর্বে তখাকার ইহুদিগের প্রচুর ধনসম্পত্তি ছিল । তাহারা আমোদ প্রমোদ ও জগতের হিতসাধনে কালযাপন করিতেছিল । হজরত মদিনায় উপস্থিত হইলে তাহারা তাহার সঙ্গে শক্রতাচরণে প্রবৃত্ত হইল । তাহাতে পরমেশ্বর তাহাদের ঈর্ষা প্রবর্তিত করেন । তজ্জন্ত তাহারা অশুচিত কথা সকল বলে, ঈশ্বর তাহারা সংবাদ দিতেছেন । (ত, হো,)

তাহারা পৃথিবীতে অত্যাচার করিতে ধাবিত হয়, ঈশ্বর অত্যাচারীদেরকে প্রেম করেন না \* । ৬৪ । এবং যদি গ্রন্থাধিকারিগণ বিশ্বাস স্থাপন করিত ও ধর্মভীরু হইত, তবে অবশ্যই আমি তাহাদিগের পাপ তাহাদিগ হইতে দূর করিতাম, এবং অবশ্যই আমি তাহাদিগকে সম্পদের উন্মাদনকালে লইয়া যাইতাম । ৬৫ । এবং যদি তাহারা তওরাত ও ইঞ্জিলকে ও তাহাদের প্রতিপালক হইতে তাহাদের প্রতি যাহা অবতীর্ণ হইয়াছে তাহা প্রতিষ্ঠিত রাখিত, তবে একান্তই তাহারা আপনাদের মস্তকের উপর হইতে ও আপনাদের চরণের নিম্ন হইতে ( জীবিকা ) ভোগ করিত ; তাহাদের একদল পশ্চিমধ্যে আছে, এবং তাহাদের অধিকাংশ যাহা করে তাহা অকল্যাণ † । ৬৬ । ( র, ২, আ, ১০ )

হে প্রেরিতপুরুষ, তোমার প্রতিপালক হইতে তোমার প্রতি যাহা অবতারণিত হইয়াছে, তুমি তাহা প্রচার কর, এবং যদি না কর, তবে তাঁহার তত্ত্ব তুমি প্রচার করিলে না ; ঈশ্বর তোমাকে মানবগুণী হইতে রক্ষা করিবেন, নিশ্চয় ঈশ্বর ধর্মদ্রোহী দলকে পথ প্রদর্শন করেন না । ৬৭ । তুমি বল, হে গ্রন্থাধিকারিগণ, যে পর্য্যন্ত তোমরা তওরাত ও ইঞ্জিলকে এবং তোমাদের প্রতিপালক হইতে যাহা তোমাদের প্রতি অবতারণিত হইয়াছে, তাহা প্রতিষ্ঠিত না কর, সে পর্য্যন্ত তোমরা কিছুই মদ্যেই নও ; তোমার প্রতি ( হে মোহম্মদ, ) যাহা অবতারণিত হইয়াছে, তাহা তাহাদের অধিক-সম্ম্যককে অবশ্য ধর্মদ্রোহিতায় ও অবাধ্যতায় পরিবর্তিত করিবে ; অবশেষে তুমি ধর্মদ্রোহী সম্প্রদায়ের সম্বন্ধে ক্ষুব্ধ হইও না । ৬৮ । নিশ্চয় যাহারা মোসলমান ও যাহারা ইহুদি ও নফরপূজক এবং ঈসায়ী, ( তাহাদের ) যাহারা পরমেশ্বরে ও পরকালে বিশ্বাস স্থাপন এবং সংকর্ষ্য করিয়াছে, তাহাদের সম্বন্ধে ভয় নাই ও তাহারা শোকগ্রস্ত হইবে না । ৬৯ । সত্য সত্যই আমি এশ্রায়েলসন্তানগণ হইতে অঙ্গীকার গ্রহণ করিয়াছি ও তাহাদের নিকটে প্রেরিতপুরুষ পাঠাইয়াছি ; যখন তাহাদের নিকটে প্রেরিতপুরুষ, যাহাকে তাহাদের জীবন ইচ্ছা করিত না, উপস্থিত হইয়াছে, তখন তাহারা কতকজনকে ( কতক প্রেরিতকে ) অসত্যবাদী বলিয়াছে, কতকজনকে বধ করিতেছিল । ৭০ ।

\* ইহুদিগণ এরূপ বলিত যে, ঈশ্বরের হস্ত বদ্ধ হইয়াছে, অর্থাৎ আমাদের প্রতি তিনি জীবিকা সম্বন্ধিত করিয়াছেন । ইহা ধর্মদ্রোহী বাক্য । ঈশ্বর বলিতেছেন যে, পরমেশ্বরের হস্ত কখনও বদ্ধ নহে, তাঁহার কৃপার হস্ত ও শাস্তির হস্ত এই উভয় হস্তই মুক্ত । তোমাদের উপর এক্ষণ শাস্তির হস্ত ও তাহাদের উপর কৃপার হস্ত মুক্ত । তিনি বলিতেছেন, “তোমরা যখন পরস্পর মিলিত হইয়া মুসলমানদিগের বিরুদ্ধে যুদ্ধানল প্রজ্বলিত কর, তখন ঈশ্বর তাহা নিবাহিয়া ফেলেন ।” ( ত, কা, )

+ “আপনাদের মস্তকের উপর হইতে ও আপনাদের চরণের নিম্ন হইতে ভোগ করিত” এই কথার তাৎপর্য্য এই যে, পর্য্যাপ্ত বারিবর্ষণে তাহাদের সম্বন্ধে উপজীবিকা বিস্তৃত হইত । শস্ত ও ফল এত অধিক উৎপন্ন হইত যে, তাহার বাহুল্যপ্রযুক্ত তাহারা তাহা মস্তকে বহন করিত ও মৃত্তিকায় বিক্ষিপ্ত হওয়াতে পদদ্বারা সর্জন করিত । “তাহাদের একদল পশ্চিমধ্যে আছে” ইহার অর্থ এই যে, একদল সরল পথাবলম্বী হজরতের প্রতি বিশ্বাসী হইয়াছে । ( ত, হো, )

তাহারা মনে করিয়াছিল যে, কোন সফট হইবে না, যেহেতু তাহারা অন্ধ ও বধির; তৎপর ঈশ্বর তাহাদের প্রতি প্রত্যাগমন করিলেন, তদনন্তর তাহাদের অধিকাংশ অন্ধ ও বধির হইল। তাহারা যাহা করিতেছে, ঈশ্বর তাহার দর্শক। ৭১। যাহারা বলিয়াছে, নিশ্চয় সেই মরয়মের পুত্র মসিহই ঈশ্বর, সত্য সত্যই তাহারা ধর্মদ্রোহী হইয়াছে; এবং মসিহ বলিয়াছিল যে, “হে এশ্রায়েলবংশীয়গণ, আমার প্রতিপালক ও তোমাদের প্রতিপালক পরমেশ্বরকে তোমরা অর্চনা কর।” নিশ্চয় যে ব্যক্তি পরমেশ্বরের সঙ্গে অংশিত্ব স্থাপন করে, পরে একান্তই তাহার প্রতি পরমেশ্বর স্বর্গোচ্চান অবৈধ করেন, এবং তাহার আবাস নরকাগ্নি হয়; অত্যাচারী লোকদিগের কোন সাহায্যকারী নাই। ৭২। যাহারা বলিয়াছে, নিশ্চয় ঈশ্বর তিনেতে ত্রিতয়, সত্য সত্যই তাহারা কাফের; এবং একমাত্র ঈশ্বর বাতীত কোন উপাস্ত্র নাই। তাহারা যাহা বলিতেছে, যদি তাহা হইতে নিবৃত্ত না হয়, তবে তাহাদের মধ্যে যাহারা কাফের হইয়াছে, অবশ্য তাহাদিগকে দুঃগজনক শাস্তি প্রাপ্ত হইতে হইবে \*। ৭৩। অনন্তর তাহারা কি ঈশ্বরের দিকে প্রত্যাবর্তন করিতেছে না ও তাঁহার নিকটে ক্ষমা চাহিতেছে না? ঈশ্বর ক্ষমালীল দয়ালু। ৭৪। মরয়মের পুত্র মসিহ প্রেরিত বৈ নহে, তাহার পূর্ব (সময়) সত্যই প্রেরিতগণশূণ্য হইয়াছিল ও তাহার মাতা সাধ্বী ছিল, উভয়ে অন্ন ভক্ষণ করিত; দেখ তাহাদের জন্ম আমি কেমন নিদর্শন সকল ব্যক্ত করিতেছি, তৎপর দেখ কোথায় পরিবর্তিত হইতেছে †। ৭৫। তুমি বল, তোমরা কি ঈশ্বরকে ছাড়িয়া এমন বস্তুর অর্চনা কর, যে তোমাদের ক্ষতি ও হিত করিতে ক্ষমতা রাখে না? এবং ঈশ্বর, তিনিই শ্রোতা ও দ্রষ্টা। ৭৬। তুমি বল, হে গ্রন্থাধিকারিগণ, স্বীয় ধর্ম বিষয়ে অসত্যে তোমরা আতিশয়া করিও না, এবং সত্যই যাহারা ইতিপূর্বে পথভ্রাস্ত হইয়াছে ও অনেককে বিভ্রাস্ত করিয়াছে ও সরল পথ হইতে বিভ্রাস্ত করিয়াছে, সেই সম্প্রদায়ের ইচ্ছার অনুসরণ করিও না। ৭৭। (র, ১০, আ, ১১)

এশ্রায়েলবংশীয়দিগের যাহারা ধর্মদ্রোহী হইয়াছে, তাহারা দাউদের ও মরয়মের পুত্র ঈসার রসনায় ধিক্কার-প্রাপ্ত; তাহারা যে অবাধ্যতাচরণ করিয়াছিল ও সীমা লঙ্ঘন করিতেছিল, ইহা সেই কারণে হইয়াছে। ৭৮। তাহারা পরস্পরকে, অসৎকর্ম যাহা করিতেছিল, তাহা হইতে নিষেধ করিত না; তাহারা যাহা করিতেছিল, নিশ্চয় তাহা অকল্যাণ। ৭৯। তুমি তাহাদের অনেককে দেখিতেছ যে, তাহারা ধর্মদ্রোহীদিগের সঙ্গে

\* ঈসায়ীদিগের দুইটি কথা। কেহ কেহ বলে, ঈসার আকারে যিনি প্রকাশ পাইয়াছেন, তিনিই ঈশ্বর। কেহ কেহ বলে, ঈশ্বর তিন ভাগে বিভক্ত হইয়াছেন; এক পরমেশ্বর, দ্বিতীয় পবিত্রাত্মা, তৃতীয় মসিহ। এই দুই উক্তিই স্পষ্ট অধর্মোক্তি। (ত, কা,)

+ অর্থাৎ যে ব্যক্তি পানভোজন করে ও যাহার মানবীয় অভাব সকল আছে, তাহার ইহা অপেক্ষা মনুষ্যত্বের নিদর্শন অধিক কি আর হইতে পারে? ঈশ্বরের স্বরূপ পবিত্র, তাহাতে কখনও এ সকল ভাব থাকিতে পারে না। (ত, কা,)

বন্ধুতা করিতেছে ; তাহাদের জন্ত তাহাদের জীবন যাহা প্রেরণ করিয়াছে, একান্তই তাহা অকল্যাণ এই যে, পরমেশ্বর তাহাদের প্রতি ক্রুদ্ধ হইয়াছেন, এবং তাহারা শাস্তিতে নিত্যস্থায়ী হইবে । ৮০ । যদি তাহারা ঈশ্বর ও তত্ত্ববাহক এবং তাহার প্রতি যাহা অবতীর্ণ হইয়াছে, তৎপ্রতি বিশ্বাস স্থাপন করিত, তবে তাহাদিগকে বন্ধুরূপে গ্রহণ করিত না ; কিন্তু তাহাদের অধিকাংশই দুর্বৃত্ত \* । ৮১ । অবশ্য তুমি বিশ্বাসীদের প্রতি শক্রতা বিষয়ে ইহুদি ও অংশিবাদীদেরকে সকল লোক অপেক্ষা (প্রবল) প্রাপ্ত হইবে, এবং যাহারা বলে, নিশ্চয় আমরা ঈসায়ী, অবশ্য তুমি বিশ্বাসীদের প্রতি বন্ধুতাবিষয়ে তাহাদিগকে অধিক নিকটবর্তী পাইবে; ইহা একারণে যে, তাহাদের অনেকে জ্ঞানবান্ ও বিরাগী, অপিচ তাহারা অহঙ্কারী নহে † । ৮২ । এবং প্রেরিত পুরুষের প্রতি যাহা অবতীর্ণ হইয়াছে, যখন তাহারা তাহা শ্রবণ করে, তুমি দেখিতেছ, তখন সত্য উপলব্ধিবশতঃ তাহাদের নেত্র অশ্রুপূর্ণ হয় ; তাহারা বলে, “হে আমাদের প্রতিপালক, আমরা বিশ্বাস স্থাপন করিলাম, অতএব আমাদের সাক্ষ্যদাতৃগণের সঙ্গে লিপি কর । ৮৩ । এবং আমাদের জন্ত কি হয় যে, ঈশ্বরের প্রতি ও যে সত্য আমাদের নিকটে উপস্থিত হইয়াছে, তৎপ্রতি আমরা বিশ্বাস করিব না ও আমাদের প্রতিপালক সাধুগণের সহিত আমাদের প্রবিষ্ট করিবেন, ( ইহা ) আমরা আকাঙ্ক্ষা করিব না ?” ৮৪ । অনন্তর তাহারা যাহা বলিয়াছে, তজ্জন্ত পরমেশ্বর তাহাদিগকে স্বর্গোত্তান পুরস্কার দিবেন, যাহার ভিতর দিয়া পয়ঃপ্রণালী সকল প্রবাহিত হইতেছে ; তাহাতে তাহারা নিত্যস্থায়ী, এবং হিতকারী লোকদিগের ইহাই পুরস্কার । ৮৫ । এবং যাহারা ধর্মদ্রোহী হইয়াছে ও আমার নিদর্শন সকলের প্রতি অসত্যারোপ করিয়াছে, এই তাহারাই নরকলোকনিবাসী ‡ । ৮৬ । ( র, ১১, আ, ২ )

\* তাহারা যদি কোর্-আনের প্রতি ও মোহম্মদের প্রতি বিশ্বাস রাখিত, তাহা হইলে কাকেরদিগের সঙ্গে বন্ধুতা করিত না । তওরাতেরও বিধি এই যে, কাকেরদিগের সঙ্গে বন্ধুতা করিবে না । ( ত, হো, )

† অনেক ইহুদি ও খ্রীষ্টান মোসলমানদিগকে বধ করিতে ও তাহাদের মসজিদ ও নগর ধ্বংস করিতে উদ্যত হইয়াছিল । কিন্তু আফ্রিকার দলপতি নজ্জাশী ও তাঁহার পারিষদগণ আবু-তালেবের পুত্র জাকেরের মুখে কোর্-আন শ্রবণ করিয়া মোসলমান ধর্মে বিশ্বাস স্থাপন করেন । নজ্জাশী ও তাঁহার পারিষদবর্গ খ্রীষ্টান ছিলেন । তাঁহারা মোসলমানদিগের প্রতি অনেক সদয় ব্যবহার করেন । তাঁহাদের অনেকে হজরতের নিকটে যাইয়া কোর্-আনের সূরাবিশেষ শ্রবণ করিয়া অশ্রুবর্ষণ করেন ও ধর্মেতে দীক্ষিত হন । ( ত, হো, )

‡ মক্কা নগরে পৌত্তলিকগণ মোসলমানদিগের উপর যখন অত্যাচার করিতে লাগিল, তখন হজরত তাহাদিগকে ভিন্ন দেশে চলিয়া যাইতে আদেশ করিলেন । তদনুসারে প্রায় আশি জন মোসলমান কেহ কেহ একাকী, কেহ কেহ সপরিবারে হবশে ( আফ্রিকায় ) চলিয়া যান । তথাকার খ্রীষ্টধর্মাবলম্বী বাদশা অতিশয় সন্নিবেচক ছিলেন, তিনি তাহাদিগকে আশ্রয় দান করেন । মক্কা



হে বিশ্বাসিগণ, ঈশ্বর যাহা তোমাদের জন্ত বৈধ করিয়াছেন, তোমরা সেই পবিত্র বস্তুকে অবৈধ করিও না, এবং সীমা লঙ্ঘন করিও না; নিশ্চয় ঈশ্বর সীমালঙ্ঘনকারী-দিগকে শ্রেম করেন না \*। ৮৭। এবং পরমেশ্বর বিপুল ও বৈধ যাহা উপজীবিকারূপে তোমাদিগকে দান করিয়াছেন, তাহা ভক্ষণ কর ও তোমরা যাহার প্রতি বিশ্বাসী, সেই ঈশ্বর হইতে ভীত হও †। ৮৮। তোমাদের অযথা শপথের জন্ত পরমেশ্বর তোমাদিগকে ধরিবেন না, কিন্তু তোমরা যে সকল শপথ দৃঢ় বন্ধ করিয়াছ, তাহার নিমিত্ত তোমাদিগকে ধরিবেন; অনন্তর তোমাদের পোষ্যবর্গকে যে সাধারণ বস্তু খাওয়াইয়া থাক, দশজন দরিদ্রকে তাহা ভোজন করান, কিম্বা তাহাদিগকে বস্ত্র দান করা, অথবা একটি গ্রীবা মুক্ত করা তাহার প্রায়শ্চিত্ত; পরন্তু যে ব্যক্তি তাহা প্রাপ্ত না হয়, পরে তিন দিবস তাহার রোজা-পালন বিধি; যখন তোমরা শপথ কর, তখন ইহাই তোমাদের শপথের প্রায়শ্চিত্ত। আপনাদের শপথকে রক্ষা করিও। এইরূপে পরমেশ্বর তোমাদের জন্ত স্বীয় নিদর্শন সকল ব্যক্ত করেন, ভরসা যে, তোমরা কৃতজ্ঞ হইবে ‡। ৮৯। হে,

কাকের লোকেরা তাহাদিগকে তথা হইতে দূর করিয়া দিবার জন্ত তাহাকে বিশেষ অনুরোধ করে, এবং বলে যে, “ইহারা মহান্না ঈসাকে ভৃত্য বলিয়া থাকে।” তখন বাদশা তাহাদিগকে জিজ্ঞাসা করিয়া সবিশেষ অবগত হন ও কোর্-আন্ শ্রবণ করেন। কোর্-আন্ শুনিয়া তিনি ও তাহার সভাসদ পণ্ডিতগণ কাঁদিয়া বলেন যে, “প্রভু ঈসার প্রমুখ্যৎ আমরা এইরূপ উক্তি শ্রবণ করিয়াছি। আমরা দিগকে ঈসা বলিয়াছেন যে, ‘আমার পয়ে কেয়ামতের পূর্বে আর একজন ধর্মপ্রবর্তক আগমন করিবেন।’ ইনিই সেই ধর্মপ্রবর্তক।” সেই বাদশা গুপ্তভাবে মোসলমান হইয়াছিলেন। তাহারই সম্বন্ধে এই কয়েক আয়ত অবতীর্ণ হইয়াছে। (ত, ফা,)

\* একদা হজরত ধর্মবন্ধুদিগের নিকটে কেয়ামতের বর্ণনা করেন, তাহার ভীষণত্ব বিষয়ে কিঞ্চিৎ বলেন। তখন তাহার ধর্মবন্ধুদিগের মধ্যে আবুবেকর, আলি, মেক্দাদ, সোলয়মান প্রভৃতি উপস্থিত ছিলেন। তাহারা সকলে উহা শুনিয়া মতউনের পুত্র ওসমানের গৃহে সমবেত হইয়া এই স্থির করেন যে, অবশিষ্ট সমুদায় জীবন ধর্মার্থ উৎসর্গ করা যাইবে। সমস্ত দিন রোজা পালন ও সমুদায় রজনী উপাসনায় যাপন করিতে হইবে। শয্যায় শয়ন করা হইবে না, মাংস-ভক্ষণে বিরত থাকিতে হইবে, স্ত্রীলোকের নিকটে গমন হুগিত থাকিবে, সংসার পরিত্যাগপূর্বক কঞ্চল পরিধান করিয়া দেশে দেশে ভ্রমণ করিতে হইবে। সকলেই এ বিষয়ে এক মত হইয়া শপথ করিলেন। হজরত এই সংবাদ শুনিয়া তাহাদিগকে বলিলেন যে, “তোমরা যাহা ভাবিয়াছ, আমি তদ্বিবরে আদিষ্ট হই নাই। তোমরা রোজা রাখিও, রোজা ভঙ্গও করিও; রাত্রিতে নমাজ পড়িও, শয়নও করিও। আমি উপাসনা ও শয়ন দুই করিয়া থাকি, রোজা পালন করি ও রোজা ভঙ্গ করিয়া থাকি, মাংস ভোজন ও স্ত্রীলোকের নিকটে গমন করি।” তাহাতেই এই আয়ত অবতীর্ণ হয়। (ত, হো,)

† যে বস্তু শরীতে (বিধিশাস্ত্রে) স্পষ্ট বৈধ হইয়াছে, তাহা অগ্রাহ করা উচিত নয়; যে বস্তু নিষিদ্ধ হইয়াছে, তাহার নিকটবর্তী না হওয়া কর্তব্য। এই নিবৃত্তির পথ অবলম্বন বিধের। যে বিষয় বিধিসম্মত, তদ্বিবরে শপথ করা অকর্তব্য। তদ্বিবর হইতে নিবৃত্ত হইবার জন্ত শপথ করিলে, প্রায়শ্চিত্ত করিয়া তাহা ভঙ্গ করিবে। (ত, ফা,

‡ লক্ষ্য করিয়া যে বিষয়ে শপথ করা হয়, পরে সেই শপথের অন্তর্ধারণ হইলে, নিম্নলিখিত তিন

বিশ্বাসিগণ, সূরা, ছাতক্রীড়া, “নসব” ( দেবাধিষ্ঠানভূমি ), “আজলাম” ( ভাগ্যানির্দারণের বাণাবলী ) \* শয়তানের অপবিত্র ক্রিয়া ইহা ভিন্ন নহে ; অতএব এ সকল হইতে নিবৃত্ত হও, ভরসা যে তোমরা মুক্ত হইবে । ২০ । সূরা ও ছাতক্রীড়াতে তোমাদিগের মধ্যে ঈর্ষ্যা ও শক্রতা স্থাপন এবং তোমাদিগকে ঈশ্বরস্মরণ হইতে ও উপাসনা হইতে নিবৃত্ত রাখা, শয়তান ইহা ভিন্ন ইচ্ছা করে না ; অনস্তর তোমরা কি নিবৃত্ত হইবে ? ৭ । ২১ । এবং ঈশ্বরের অমুগত হও, প্রেরিত পুরুষের অমুগত এবং ভীত হইও ; অনস্তর যদি তোমরা অগ্রাহ্য কর, তবে জানিও, আমার প্রেরিতের প্রতি স্পষ্ট প্রচার-কার্যের ভার, ইহা ভিন্ন নহে ৭ । ২২ । যাহারা বিশ্বাস স্থাপন ও সংকল্প করিয়াছে, যখন তাহারা ধৈর্যশীল, বিশ্বাসী ও সংকল্পপরায়ণ হইয়াছে, অতঃপর ধৈর্যশীল ও বিশ্বাসী হইয়াছে, অতঃপর ধৈর্যশীল ও সংকল্পপরায়ণ হইয়াছে, তখন তাহারা যাহা ভক্ষণ করিয়াছে, তাহাতে তাহাদের প্রতি দোষ নাই ; ঈশ্বর হিতকারীদিগকে প্রেম করেন § । ২৩ । ( র. ১২, আ. ৭ ) .

উপায়ের কোন একটি উপায়ে প্রায়শ্চিত্ত করিতে হয় । ১, দশ জন দীন দুঃখীকে ভোজন করান, অর্থাৎ প্রত্যেককে দুই সের গম অথবা চারি সের যব অথবা খাদ্যোপকরণসহ দান করা । ২, বস্ত্র দান করা । ৩, “একটি গ্রীবা মুক্ত করা” অর্থাৎ একজন ক্রীতদাসকে দাসত্ব হইতে মুক্ত করা । যে ব্যক্তি এই তিন বিধির কোন বিধি পালন করিতে সমর্থ নয়, তাহার পক্ষে তিন দিন রোজাপালন বিধি । সাধাশুসারে শপথে বিরত থাকিবে । শপথ করার অভ্যাস জিহ্বায় না হওয়া শ্রেয়ঃ । ( ত, ফা. )

\* এই সূরার প্রথম রকুতে “নসব” ও আজলামের বিবরণ বর্ণিত হইয়াছে ।

+ এই দুই আয়তে সূরাপানের অবৈধতাবিষয়ে দশটি প্রমাণ বিদ্যমান । প্রথমতঃ সূরাকে ছাতক্রীড়ার সঙ্গে যোগ করা হইয়াছে, ছাতক্রীড়া অবৈধ, সুতরাং তাহার সহযোগী সূরাও অবৈধ । দ্বিতীয়তঃ সূরাকে পৌত্তলিকতার সঙ্গে একত্রে বন্ধ করা হইয়াছে, পৌত্তলিকতা অত্যন্ত অবৈধ, সুতরাং সূরাও অত্যন্ত অবৈধ । তৃতীয়তঃ সূরাকে অপবিত্র বলা হইয়াছে, অতএব যাহা অপবিত্র, তাহাই অবৈধ । চতুর্থতঃ সূরাপান শয়তানের কাণ, বলিয়া উক্ত হইয়াছে, সুতরাং যাহা শয়তানের কাণ, তাহাই অবৈধ । পঞ্চমতঃ আদেশ হইয়াছে যে, তাহা হইতে দূরে থাক, যাহা হইতে দূরে থাকার বিধি হয়, তাহা অবৈধ । ষষ্ঠতঃ সূরাপানের নিবৃত্তির সঙ্গে মুক্তির সম্বন্ধ রহিয়াছে, সুতরাং যাহা হইতে নিবৃত্ত হইলে মুক্ত হওয়া যায়, তাহা পান করা অবৈধ । সপ্তমতঃ সূরা শক্রতা ও ঈর্ষ্যার কারণ, অতএব যাহা শক্রতা আনয়ন করে, তাহা অবৈধ । অষ্টমতঃ সূরা ঈশ্বরস্মরণ হইতে মানুষকে নিবৃত্ত করে, যে বস্ত্র মানুষের মনে ঈশ্বরবিশ্বাস উৎপাদন করে, তাহা অবৈধ । নবমতঃ সূরা নমাজের বিঘ্ন, অতএব নিঃসন্দেহ তাহা অবৈধ । দশমতঃ আদেশ হইয়াছে, তাহা হইতে নিবৃত্ত হও, অর্থাৎ তাহা পরিত্যাগ কর । যাহার পরিত্যাগে বিধি, একান্তই তাহা অবৈধ । ( ত, হো. )

‡ “যদি তোমরা অগ্রাহ্য কর” ইত্যাদি উক্তির তাৎপর্য এই যে, প্রেরিতপুরুষ আমার আজ্ঞা তোমাদের নিকটে প্রচার করিলে, তৎপ্রতি তোমাদের অনাদর হইলে, তাহার কিছুই ক্ষতি হইবে না ; বরং তোমাদেরই ক্ষতি হইবে । আমার প্রেরিতের প্রতি প্রচার-কার্যের ভার বৈ নহে । ( ত, হো. )

§ হজরতকে তাহার ধর্মবন্ধুগণ জিজ্ঞাসা করিয়াছিলেন যে, “আমাদের ব্রাতৃগণ সূরাপান

হে বিশ্বাসিগণ, যাহা তোমাদের হস্ত ও ভল্লাস্ত্র প্রাপ্ত হয়, পরমেশ্বর এমন কোন এক শিকার দ্বারা তোমাদিগকে পরীক্ষিত করেন, তদ্বারা ঈশ্বর, কে তাঁহাকে অন্তরে ভয় করে, জ্ঞাত হন ; অনস্তর ইহার পরে যে ব্যক্তি সীমা লঙ্ঘন করিবে, অবশেষে তাহার জন্ত দুঃখজনক শাস্তি আছে \* । ২৪ । হে বিশ্বাসিগণ, তোমরা এহরামবন্ধ অবস্থায় মৃগয়ার পশু বধ করিও না, এবং ইচ্ছাপূর্বক তোমাদের মধ্যে যে ব্যক্তি তাহা বধ করিল, তবে সে যে চতুষ্পদকে বধ করিল, তাহার বিনিময় হওয়া ( উচিত ; ) তোমাদের মধ্যে দুইজন বিচারক, যে কাবাতে বলি উপহারের প্রেরক, তাহারা এ বিষয়ে আজ্ঞা করিবে, কিম্বা দরিদ্রদিগকে ভোজন করান অথবা ইহার অনুরূপ রোজাপালন প্রায়শ্চিত্ত হইবে, তাহাতে সে স্বীয় কাণ্ডের প্রতিফল ভোগ করিবে ; যাহা গত হইয়াছে, ঈশ্বর তাহা ক্ষমা করিয়াছেন, যে ব্যক্তি পুনর্বার করিবে, তখন ঈশ্বর তাহার প্রতিশোধ দিবেন, পরমেশ্বর পরাক্রান্ত প্রতিশোধদাতা † । ২৫ । তোমাদের জন্ত সামুদ্রিক শিকার ও তাহা ভক্ষণ বৈধ হইয়াছে, তোমাদিগের নিমিত্ত এবং পর্যটকদের নিমিত্ত উহা লাভ, এবং যে পর্যন্ত তোমরা এহরামবন্ধ থাক, সে পর্যন্ত তোমাদের প্রতি আরণ্যক মৃগয়া অবৈধ হইয়াছে ; এবং সেই ঈশ্বরকে ভয় কর, যাহার দিকে তোমরা সমুখিত হইবে ‡ । ২৬ । পরমেশ্বর লোকের দণ্ডায়মান হওয়ার জন্ত সম্মানিত মন্দির কাবাকে ও সম্মানিত মাস সকলকে ও বলি উপহার এবং কেলাদাকে নিরুপিত করিয়াছেন ; § একারণ যে, করিয়াছিলেন, তাহারা পরলোকে চলিয়া গিয়াছেন, তাহাদের কি গতি হইবে ?” তাহাতেই এই আয়ত অবতারণ হয় । ( ত, হো, )

\* এখানে ভল্লাস্ত্রে সকল প্রকার অস্ত্রকে বুঝাইবে । দ্বিবিধ উপায়ে মৃগয়া করার উল্লেখ হইল । এক, পশুপক্ষীকে হস্ত ও জীবিত অবস্থায় হস্তে ধরিয়া আনিয়া জন্ত করা, দ্বিতীয়তঃ দূর হইতে অস্ত্রদ্বারা নিহত করা । দূর হইতে পশু অস্ত্রহীন হইয়া মরিলেও বৈধ হয় । কিন্তু এহরামবন্ধনের অবস্থায় উভয় প্রকারের মৃগয়াই অবৈধ । ( ত, ফা, )

† এহরামবন্ধনের অবস্থায় শিকার পাহলে তাহা ছাড়িয়া দিবে, এই বিধি । তাহা বধ করিলে সেই মূল্যের একটি গৃহপালিত পশু ছাগ বা গো কিংবা উষ্ট্র কাবাতে পাঠাইয়া কোরবাণী করিবে, নিজে তাহা ভক্ষণ করিবে না । অথবা সেই মূল্যের খাদ্যদ্রব্য দরিদ্রদিগকে দিবে, কিংবা সেই অন্নদানের তুল্য রোজা পালন করিবে । দুই জন বিশ্বস্ত মোসলমান তাহার মূল্য নির্ধারণ করিবে । ( ত, ফা, )

‡ এহরামবন্ধনের অবস্থায় সামুদ্রিক শিকার অর্থাৎ মৎস্য শিকার ও ভক্ষণ করা বৈধ । জল হইতে বিচ্ছিন্ন হইয়া যে মৎস্য মরিয়া গিয়াছে, শিকার করা হয় নাই, তাহা ভক্ষণও বৈধ, ইহাতে লাভ । সরোবর ইত্যাদির মৎস্যসম্বন্ধেও এই বিধি । ( ত, ফা, )

§ কাবা লোকের দণ্ডায়মানভূমি, অর্থাৎ লোকের ধর্ম কर्म করিবার ও নিরাপদে থাকিবার স্থান । সেই কাবাকে এবং সম্মানিত মাস সকলকে অর্থাৎ যে সকল মাসে হজ্জক্রিয়া ইত্যাদি হয়, এবং লোকে হত্যা ও লুণ্ঠন ইত্যাদির ভয় হইতে নিরাপদ থাকে ও কেলাদাকে ( কোরবাণীর পশুর গ্রীবা-বন্ধন বিশেষ ), কোরবাণীর এবং বলির উপহারকে যাহা হজ্জ ও ওমরাতে অঙ্গ, যাহা চৌধাদি হইতে সংরক্ষিত থাকে, এ সমুদায় ঈশ্বর নির্ধারণ করিয়াছেন । ( ত, হো, )

তোমরা যেন জানিতে পার যে, ঈশ্বর যাহা কিছু স্বর্গে ও যাহা কিছু পৃথিবীতে আছে, তাহা জ্ঞাত আছেন, ঈশ্বর সর্বোপরি ক্ষমতাশালী। ৯৭। তোমরা জানিও যে, ঈশ্বর কঠিন শাস্তিদাতা ও (জানিও) যে, ঈশ্বর ক্ষমাশীল ও দয়ালু। ৯৮। প্রেরিত পুরুষের প্রতি প্রচারকার্য্য বৈ নহে, এবং তোমরা যাহা প্রকাশ্যে কর ও যাহা গুপ্ত রাখ, ঈশ্বর জ্ঞাত হন। ৯৯। বল, হে মোহম্মদ, শুদ্ধ ও অশুদ্ধ তুলা নহে, যদিচ বহু অশুদ্ধ তোমাকে চমৎকৃত করে; \* অনন্তর হে বুদ্ধিমান লোকসকল, তোমরা ঈশ্বরকে ভয় করিও, ভরসা যে তাহাতে মুক্ত হইবে। ১০০। (র, ১৩, আ, ৭)

হে বিশ্বাসিগণ, সেই সকল বিষয়ে তোমরা প্রশ্ন করিও না, যদি তাহা তোমাদের জ্ঞান প্রকাশিত হয়, তবে তোমাদিগকে দুঃখিত করিবে, এবং তোমরা যদি তাহা জিজ্ঞাসা কর, যখন কোর্-আন্ অবতীর্ণ হইবে, তখন তোমাদের জ্ঞান প্রকাশ করা যাইবে; ঈশ্বর তাহা ক্ষমা করিয়াছেন, এবং ঈশ্বর ক্ষমাশীল ও দয়ালু †। ১০১। নিশ্চয় তোমাদের পূর্বেও একদল তাহা জিজ্ঞাসা করিয়াছিল, তৎপর তাহারা তদ্বিময়ে কান্দে হইয়াছিল ‡। ১০২। পরমেশ্বর কোন বহিরা ও মায়বা ও উসিলা এবং “হাম” নির্দারিত করেন নাই;

পূর্বে আরবদেশে অরাজকতা ছিল। তথায় সর্কদা বিবাদ, বিসংবাদ ও অত্যাচার হইত। কিন্তু কাবাকে সকলে মান্য করিত, এবং সম্মানিত মাসে অর্থাৎ হজ্জতাদি পালন করিবার মাসে মক্কাপ্রদেশ নিরাপদ হইত, তখন লুণ্ঠন অত্যাচার ইত্যাদির ভয় থাকিত না। সেই সময়ে সকলে সেই দেশের নানা স্থানে গমনাগমন ও বাণিজ্যাদি করিত। তখন এইরূপে লোকে কাল যাপন করিত। (ত, ফা,)

\* শরার অর্থাৎ বাবস্তাশাস্ত্রের বাবস্তানুকূপ যাহা লাভ হয়, তাহাই শুদ্ধ। তাহা অল্প হইলেও উত্তম। বিধিসম্মত নয়, এমন যাহা কিছু প্রাপ্ত হওয়া যায়, তাহা অশুদ্ধ। উহার প্রচুরতার প্রতি দৃষ্টি রাখিবে না। এক সের ছাগমাংস এক মণ বরাহমাংস অপেক্ষা উত্তম। (ত, ফা,)

† কতকগুলি লোক উপহাস করিয়া হজ্জতকে প্রশ্ন করিতেছিল, কেহ বলিতেছিল, “বল, আমার পিতা কে?” কেহ বলিতেছিল যে, “আমার উষ্ট্রে হারাইয়া গিয়াছে, বল, তাহা কোথায়?” তাহাতেই ঈশ্বর এই আয়ত প্রকাশ করেন। ইহার ভাব এই যে, তোমরা প্রশ্ন করিও না, প্রশ্ন করিলে কোর্-আনের আয়তে তোমাদের জ্ঞান তাহার উত্তর প্রকাশিত হইবে, তাহা তোমাদিগকে দুঃখিত করিবে। (ত, হো,)

‡ অর্থাৎ আপনা হইতে জিজ্ঞাসা করিও না যে, ইহা উচিত কি অনুচিত, এ কার্য্য করিব কি করিব না? যেরূপ আজ্ঞা হইয়াছে, তদনুযায়ী আচরণ কর; যে বিষয়ে আদেশ হয় নাই, তাহা করিতে হইবে না, জানিও। ইহাতেই ধর্ম সহজ হয়, প্রত্যেক কথায় প্রশ্নোত্তর হইলে ধর্ম কঠিন হইয়া পড়ে। তদনুসারে চলা চঞ্চর হয়। পূর্বে এইরূপে অনেকে প্রশ্ন করিয়াছিল, তাহারা তাহার উত্তরানুসারে আচরণ করিতে না পারিয়া বিদ্রোহিতার পথ আশ্রয় করিয়াছে। প্রশ্ন করিবার কোন প্রয়োজন রাখে না। যে বিষয়ে পরমেশ্বর আজ্ঞা করেন নাই, তাহা অপ্ৰয়োজনীয়। তদ্বিময়ে প্রশ্ন করা নিরর্থক। কেহ জিজ্ঞাসা করিয়াছিল যে, “আমার পিতা কে?” কেহ প্রশ্ন করিয়াছিল যে, “আমার স্ত্রী গৃহে কি ভাবে আছে?” প্রেরিতপুরুষ যদি তাহার উত্তর দান করেন, হয়তো সেই উত্তর দুঃখজনক হইবে। (ত, ফা,)

কিছু ধর্মস্রোহিগণ ঈশ্বরের প্রতি অসত্যারোপ করিতেছে, এবং তাহাদের অধিকাংশ লোক বুঝিতেছে না \*। ১০৩। যখন তাহাদিগকে বলা হইল, “ঈশ্বর যাহা অবতারণ করিয়াছেন, তাহার দিকে ও প্রেরিত পুরুষের দিকে আগমন কর,” তাহারা বলিল, “যে বিষয়ে আমরা আমাদের পিতৃপুরুষদিগকে প্রাপ্ত হইয়াছি, তাহাই আমাদের জ্ঞান যথেষ্ট;” যদিচ তাহাদের পিতৃপুরুষগণ কিছুই জানিতেছে না ও কোন পথ প্রাপ্ত হইতেছে না। ১০৪। হে বিশ্বাসিগণ, তোমাদের আত্মাকে তোমরা রক্ষা করিও, যখন তোমরা সৎপথ প্রাপ্ত হও, যে ব্যক্তি বিপথগামী, সে তোমাদের ক্ষতি করিতে পারিবে না, ঈশ্বরের দিকে তোমাদের সকলের এক যোগে প্রত্যাবর্তন; তোমরা যাহা করিতেছ, অবশেষে তিনি তাহার সংবাদ দিবেন। ১০৫। হে বিশ্বাসিগণ, যখন তোমরা পৃথিবীতে পর্যটন কর, অপিচ তোমাদের নিকটে মৃত্যুরূপ বিপদ উপস্থিত হয়, তখন তোমাদের মধ্যে সাক্ষ্যদান আছে; যে সময় তোমাদের কাহারও মৃত্যু উপস্থিত হয়, অস্তিম নির্ধারণকালে তোমাদের মধ্যে দুই জন গায়বান্ অথবা তোমাদিগের ছাড়া অপর দুইজন ( সাক্ষী আবশ্যক ; ) যদি তোমরা সন্দেহ কর, তবে সেই দুই জনকে ( শেষোক্ত দুইজনকে ) আসরের নমাজের পর আবদ্ধ রাখিবে, পরে তাহারা ঈশ্বরের শপথ করিয়া বলিবে, “এবং যদিচ আত্মীয়ও হয়, আমরা কোন মূল্য ইহার সঙ্গে (এই শপথের সঙ্গে) বিনিময় করিব না, এবং ঈশ্বরের সাক্ষ্য আমরা গোপন করিব না, ( করিলে ) নিশ্চয় আমরা তখন অপরাধী হইব” †। ১০৬। অনন্তর যদি এই দুই জনের পাপ করিয়া স্বত্ব সমর্থন করার বিষয়

\* কাকেরদিগের এইরূপ রীতি ছিল যে, কোন পশুশাবকের কর্ণ বিদীর্ণ করিয়া তাহাকে প্রতিমার উদ্দেশ্যে চিহ্নিত করিয়া রাখিত, এইরূপ চিহ্নিত পশুশাবকের নাম বহিরা; এবং কোন পশুকে প্রতিমার নামে ছাড়িয়া দিত, সে স্বাধীনভাবে চরিত্ত বেড়াইত, তাহাকে মায়বা বলা হইত; এবং কোন কোন ব্যক্তি এরূপ নির্ধারণ করিত যে, যদি আমার পালিত পশুর পুংশাবক হয়, তবে আমি তাহা প্রতিমাকে উপহার দিয়া বলিদান করিব, স্ত্রীশাবক হইলে নিজে রাখিব। পুং স্ত্রী দুই শাবক হইলে স্ত্রীশাবকের সঙ্গে পুংশাবককে তাহারা নিজে রাখিত। তাহাকে উসিলা বলা হইত। এ সমুদায় রীতিই অবিশুদ্ধ। (ত, ফা.)

† মালেকের পুত্র তমিমওয়াদি যে একজন ঈসায়ী ছিল, সে একদা বাগিন্য় উপলক্ষে শামদেশে যাত্রা করিয়াছিল। আসের পুত্র ওমরের ভৃত্য বদিল নামক একজন মোসলমান তাহার সঙ্গী হইয়াছিল। যখন ইহার শামরাজ্যে যাইয়া উপস্থিত হইল, তখন বদিল পীড়িত হইয়া পড়িল। মুন্না ও তৈজসাদি যাহা যাহা তাহার সঙ্গে ছিল, সে এক খণ্ড কাগজে তাহা লিখিয়া একটি আধারে লুকাইয়া রাখিয়াছিল। সে মুন্না অবস্থায় তমিমওয়াদিকে বলিয়াছিল যে, তাহার দ্রব্য সামগ্রী ঘেন তাহার পরিবারের নিকটে পহুছাইয়া দেয়। বদিলের মৃত্যুর পর তাহার পরিত্যক্ত সম্পত্তি হইতে একটি মূল্যবান বস্ত্র তমিমওয়াদি আত্মসাৎ করিয়া, অবশিষ্ট সামগ্রী মদিনানগরে তাহার পরিবারের হস্তে সমর্পণ করে। পরিবার কাগজের লেখানুসারে একটি বস্ত্র প্রাপ্ত না হইয়া, তমিম তাহা অপহরণ করিয়াছে বলিয়া, হজরতের নিকটে অভিযোগ উপস্থিত করে। তাহাতেই এই আয়ত অবতীর্ণ হয়।

(ত, হো)



ব্যক্ত হয়, তবে প্রথম দুইজন, যাহাদের সম্বন্ধে স্বত্ব নির্দ্ধারিত হইয়াছে, তাহাদিগের মধ্য হইতে অপর দুইজন সেই দুইজনের স্থানে দণ্ডায়মান হইবে, পরে তাহারা ঈশ্বরের শপথ করিয়া বলিবে যে, “অবশ্যই আমাদের সাক্ষ্য সেই দুইজনের সাক্ষ্য অপেক্ষা অধিক প্রামাণ্য ও আমরা সীমা লঙ্ঘন করি নাই, ( করিলে ) নিশ্চয় আমরা তখন একান্ত অত্যাচারী হইব।” ১০৭। ইহা, সাক্ষ্যদানে তৎপ্রণালী অনুসারে উপস্থিত হওয়ার অথবা তাহাদের শপথ করার পর শপথ-ভঙ্গভয়ের নিকটতর ; এবং ঈশ্বরকে ভয় কর, তাহার আজ্ঞা শ্রবণ কর, এবং দুর্কৃত্ত লোকদিগকে পরমেশ্বর পথ প্রদর্শন করেন না \*। ১০৮। ( র, ১৪, আ, ৮ )

( স্মরণ কর ) যে দিন পরমেশ্বর প্রেরিত পুরুষদিগকে একত্র করিবেন, পরে জিজ্ঞাসা করিবেন যে, “তোমাদিগকে ইহারা কি উত্তর দিয়াছে ?” তাহারা বলিবে যে, “আমাদের কোন জ্ঞান নাই, নিশ্চয় তুমি গোপনীয় সকল জ্ঞাত।” ১০৯। যখন পরমেশ্বর বলিবেন যে, “হে মরয়মের পুত্র ঈসা, তোমার প্রতি ও তোমার মাতার প্রতি আমার দান তুমি স্মরণ কর ; যখন আমি তোমাকে পবিত্রাত্মাযোগে সাহায্য করিয়াছিলাম, তুমি দোলায় থাকিয়া ( শৈশবকালে ) ও মধ্যম বয়সে লোকের সঙ্গে কথা বলিতেছিলে, এবং যখন তোমাকে গ্রন্থ, বিজ্ঞান ও তওরাত এবং ইঞ্জিল শিক্ষা দিয়াছিলাম ও যখন আমার আজ্ঞানুক্রমে তুমি মৃত্তিকা হইতে পক্ষিমূর্তি নির্মাণ করিয়াছিলে, অবশেষে তাহাতে ফুৎকার করিয়াছিলে, পরে আমার আজ্ঞানুসারে পক্ষী হইয়াছিল ও আমার আজ্ঞানুক্রমে তুমি জন্মান্ন ও কুষ্ঠ রোগীকে সুস্থ করিতেছিলে, এবং যখন তুমি আমার আজ্ঞানুসারে মৃতদিগকে বাহির করিতেছিলে, এবং যখন আমি এশ্রায়েলবংশীয়দিগকে তোমা হইতে নিবৃত্ত রাখিয়াছিলাম, † যখন তুমি তাহাদিগের নিকটে অলৌকিক নিদর্শন সকল উপস্থিত করিয়াছিলে, তাহাদের মধ্যে যাহারা কাফের ছিল, তাহারা বলিয়াছিল, ‘ইহা স্পষ্ট ইন্দ্রজাল ভিন্ন নহে’।” ১১০। এবং (স্মরণ কর, ) যখন আমি ( তোমার ) প্রচারবন্ধুদিগের প্রতি প্রত্যাশা করিয়াছিলাম যে, তোমরা আমার প্রতি ও আমার প্রেরিতের প্রতি বিশ্বাসী হও, তাহারা বলিয়াছিল যে, “আমরা বিশ্বাস স্থাপন করিলাম, এবং এ বিষয়ে তুমি ( হে ঈসা, ) সাক্ষী থাক যে, আমরা বিশ্বাসী।” ১১১। যখন প্রচারবন্ধুগণ বলিল, “হে মরয়মের পুত্র ঈসা, তোমার প্রতিপালক আমাদের নিকটে স্বর্গ হইতে ভোজ্যপাত্র উপস্থিত করিতে পারেন কি ?” সে বলিল, “যদি তোমরা বিশ্বাসী হও, তবে ঈশ্বরকে ভয় করিতে

\* অর্থাৎ উত্তরাধিকারীদিগের সম্মুখে হইলে শপথ করাইবার আদেশ হইল। কেন না শপথ করিলে সাক্ষী ভীত হইয়া প্রথম হইতেই মিথ্যা বলিতে সাহসী হইবে না। পরে যদি তাহাদের কথায় অসত্য প্রকাশ পায়, তবে উত্তরাধিকারী শপথ করিবে। ( ত, ফা, )

† “এশ্রায়েলবংশীয়দিগকে তোমা হইতে নিবৃত্ত রাখিয়াছিলাম” অর্থাৎ তোমাকে হত্যা করিতে দিই নাই। ( ত, হো, )

ধাক” \*। ১১২। তাহারা বলিল যে, “আমরা তাহা হইতে ভোজন করিতে ইচ্ছা করি, তাহাতে আমাদের অন্তর শান্তিলাভ করিবে, এবং আমরা জানিব যে, তুমি আমাদের নিশ্চয় সত্য বলিয়াছ, এবং তদ্বিষয়ে আমরা সাক্ষী হইব” †। ১১৩। মরয়মের পুত্র ঈসা বলিল, “হে ঈশ্বর, হে আমার প্রতিপালক, আমাদের নিকটে ভোজ্যপাত্র স্বর্গ হইতে অবতারণ কর, তাহাতে আমাদের জন্ম ও আমাদের পূর্ব ও আমাদের অন্ত্য ( মণ্ডলীর ) জন্ম ঈদ ( উৎসব ) এবং তোমার সম্বন্ধে নিদর্শন হইবে ; এবং আমাদের উপজীবিকা দান কর, তুমি শ্রেষ্ঠ জীবিকা-দাতা ‡। ১১৪। পরমেশ্বর বলিলেন, নিশ্চয় আমি তাহা তোমাদের প্রতি অবতারণকারী ; অনন্তর তোমাদের যে ব্যক্তি ধর্মদ্রোহী হইবে, পরিশেষে নিশ্চয় আমি তাহাকে এমন শাস্তিদান করিব যে, কোন এক জগৎসীকে সেরূপ শাস্তিপ্রদান করিব না §। ১১৫। ( র, ১৫, আ, ৭ )

\* অর্থাৎ আমাদের জন্ম তোমার প্রার্থনায় এরূপ অলৌকিক ব্যাপার হইতে পারে কি না? ইসা বলিলেন, “ঈশ্বরকে ভয় কর” অর্থাৎ দাসের উচিত নয়, ঈশ্বরকে পরীক্ষা করে যে, তিনি আমার কথা গ্রাহ্য করেন কি না। ( ত, ফা, )

† অর্থাৎ ঈশ্বরের প্রসাদলাভের আকাঙ্ক্ষায় আমরা প্রার্থনা করিতেছি, অলৌকিক কার্য পরীক্ষা করিবার জন্ম নয়। ( ত, ফা, )

‡ কথিত আছে যে, সেই ভোজ্যপাত্র রবিবাসরে অবতীর্ণ হইয়াছিল। তাহাতেই আমাদের শুক্রবারের ঈদ ঈসায়ীদিগের সেই দিবস উৎসব দিন হইয়াছে। ( ত, ফা, )

“আমাদের পূর্ব মণ্ডলীর জন্ম” অর্থাৎ আমাদের সমকালবর্তী মণ্ডলীর জন্ম।

§ অনন্তর ঈশ্বর দুই খণ্ড মৎস্য প্রেরণ করিলেন। তাহার মধ্যে ভোজ্যপাত্র পূর্ণ লোহিত বর্ণের ভোজ্যপাত্র ছিল। সেই ভোজ্যপাত্র মেগের ভিতর হইতে মহর্ষি ঈসার ধর্মবন্ধুদিগের সম্মুখে উপস্থিত হইল। প্রেরিতপুরুষ ঈসা তাহা দেখিয়া সাক্ষর্যনে বলিলেন, “হে আমার পরমেশ্বর, তুমি আমাকে কৃতজ্ঞ কর।” পরন্তু বলিলেন, “হে ঈশ্বর, এই ভোজ্যপাত্রকে দয়াতে পরিণত কর, শান্তিতে পরিণত করিও না।” অনন্তর হস্ত পদাদি প্রক্ষালনপূর্বক উপাসনা করিয়া গলদক্ষর্যনে বলিলেন, “সর্বোত্তম জীবিকাদাতার নামে প্রবৃত্ত হইতেছি;” ইহা বলিয়াই ভোজ্যপাত্র হইতে আবরণ উদ্বাটন করিলেন, এবং দেখিলেন যে, সুন্দর ভোজ্যপাত্রে ভাজা মৎস্য রহিয়াছে, তাহাতে চর্ম ও অস্থি নাই, তাহা হইতে তৈল নিঃসৃত হইতেছে। তাহার মস্তকের নিকটে লবণ ও পুচ্ছের নিকটে অন্নরস এবং চতুর্দিকে নানাপ্রকার শাক তরকারি ছিল। পাঁচ খণ্ড রুটি ভোজ্যপাত্রে স্থাপিত ছিল, তাহার একটিতে তৈল, একটিতে ঘৃত, একটির উপর পনির, একটিতে মধু, একটির উপর শুষ্ক মাংস দৃষ্ট হইয়াছিল। এক শিষ্য মহাপুরুষ ঈসাকে জিজ্ঞাসা করিলেন, “আর্য্য, ইহা সাংসারিক খাদ্য, না, পারলৌকিক খাদ্য?” প্রেরিতপুরুষ বলিলেন, “তাহার কিছুই নয়, বরং ইহা এরূপ খাদ্য যে, ঈশ্বর নিজ শক্তিতে সৃষ্টি করিয়াছেন। যাহা প্রার্থনা করিয়াছিল, তাহা উপস্থিত, ভক্ষণ কর, কৃতজ্ঞ হও, তাহা হইলে সম্পদের বৃদ্ধি হইবে।” শিষ্যগণ বলিলেন, “হে ঈশ্বরপ্রাণ ঈসা, যদি তুমি এই অলৌকিক নিদর্শনের সম্বন্ধে আর একটি অলৌকিকতা প্রদর্শন কর, তাহা হইলে আমাদের বিশ্বাস প্রবল হয়।” তখন মহান্বা ঈসা সেই মৎস্যকে বলিলেন, “জীবিত হও,” ঈশ্বরের আজ্ঞানুসারে মৎস্য তৎক্ষণাৎ জীবিত হইল।

এবং যখন পরমেশ্বর বলিবেন, “হে মরয়মের পুত্র ঈসা, তুমি কি লোক সকলকে বলিয়াছ যে, ঈশ্বরকে ছাড়িয়া আমাকে ও আমার জননীকে দুই ঈশ্বর বলিয়া গ্রহণ কর ?” সে বলিবে, “পবিত্রতা তোমারই, যাহা আমার পক্ষে সত্য নহে, তাহা আমি বলিব, আমার পক্ষে ইহা নহে ; যদি আমি তাহা বলিতাম, তবে নিশ্চয় তুমি তাহা জ্ঞাত হইতে। আমার অন্তরে যাহা আছে, তুমি জানিতেছ, এবং তোমার অন্তরে যাহা আছে, তাহা আমি জ্ঞাত নহি ; নিশ্চয় তুমি অন্তয্যামী” । ১১৬ । “তুমি আমাকে যে আজ্ঞা করিয়াছ, ‘আমার প্রতিপালক ও তোমাদের প্রতিপালক পরমেশ্বরকে অর্চনা কর’ ইহা ব্যতীত আমি তাহাদিগকে বলি নাই ; আমি তাহাদের মধ্যে যে পয্যস্ত ছিলাম, তাহাদের সম্বন্ধে সাক্ষী ছিলাম, পরে যখন তুমি আমাকে দেহচ্যুত করিলে, তখন তুমি তাহাদিগের সম্বন্ধে রক্ষক ছিলে, এবং তুমি সর্ববিষয়ে সাক্ষী” । ১১৭ । “যদি তুমি তাহাদিগকে শাস্তি দান কর, তবে নিশ্চয় তাহারা তোমারই ভৃত্য ; যদি তুমি তাহাদিগকে ক্ষমা কর, তবে নিশ্চয় তুমি পরাক্রান্ত ও নিপুণ” । ১১৮ । ঈশ্বর বলিবেন, “এই সেই দিন যে সত্যবাদীদিগকে তাহাদের সত্য লাভবান করিবে, তাহাদের জগুই স্বর্গোত্তান যাহার ভিতর দিয়া পয়ঃপ্রণালী সকল প্রবাহিত, তাহাতে তাহারা সর্বদা থাকিবে ; ঈশ্বর তাহাদের প্রতি সম্বুষ্ট হইয়াছেন, তাহারাও তাহার প্রতি সম্বুষ্ট হইয়াছে।” ইহাই মহা সফলতা । ১১৯ । স্বর্গ ও পৃথিবীর রাজত্ব ও উভয়ের মধ্যে যাহা আছে তাহা ঈশ্বরের, এবং তিনি সর্বোপরি ক্ষমতাশালী । ১২০ । ( র, ১৬, আ, ৫ )

পুনর্বার তিনি বলিলেন, “পূর্বাবস্থা প্রাপ্ত হও,” তাহাতে পুনরায় সেই ভাগ্যমন্ত্ররূপে প্রকাশ পাইল । অনন্তর শিয়গণ ঈশ্বরের বিতীষিকায় ভীত হইয়া ভোজ্যপান হইতে কিছুই ভক্ষণ করিলেন না । মহান্না ঈসা ব্যাধিগ্রস্ত দীন দুঃখী লোকদিগকে ডাকিয়া আনয়ন করিলেন, “ইহা তোমরা ভক্ষণ কর, ইহা তোমাদের জন্ত সম্পদ, অস্ত্র লোকের জন্ত বিপদ ।” তদনুসারে এক সহস্র তিন জন লোক শোজন করিল । তাহাতে ভোজ্যপাত্রে যাহা ছিল, তাহার কিছুই নুন হয় নাই । এমন দরিদ্র ছিল না যে তাহা ভক্ষণ করিয়া ধনী হয় নাই, এমন রোগী ছিল না যে আরোগ্য লাভ করে নাই । ( ত, হো, )

## সূরা এনাম \*

.....

### ষষ্ঠ অধ্যায়

.....

১৬৬ আয়ত, ২০ রকু।

( দাতা দয়ালু পরমেশ্বরের নামে প্রবৃত্ত হইতেছি । )

সেই পরমেশ্বরেরই সম্যক প্রশংসা, যিনি স্বর্গলোক ও ভূলোক সৃজন করিয়াছেন, এবং অন্ধকার ও আলোক উৎপাদন করিয়াছেন ; † অতঃপর কাফেরগণ স্বীয় প্রতিপালকের সহিত সমকক্ষতা করিয়া থাকে । ১ । তিনিই যিনি তোমাদিগকে মৃত্তিকা দ্বারা সৃজন করিয়াছেন, তৎপর মৃত্যু নির্ধারণ করিয়াছেন, এবং এক কাল তাঁহার নিকটে নির্ধারিত আছে, তৎপর তোমরা সন্দেহ করিতেছ । ২ । তিনিই ঈশ্বর যিনি স্বর্গে ও পৃথিবীতে আছেন, তিনি তোমাদের অন্তর ও তোমাদের বাহ্য জানিতেছেন, এবং তোমরা যাহা করিয়া থাক, তাহা জ্ঞাত আছেন । ৩ । এবং তাহাদের প্রতিপালক হইতে নিদর্শন সকলের ( এমন ) কোন নিদর্শন তাহাদিগের নিকটে উপস্থিত হইতেছে না যে, তাহারা তাহার অগ্রাহকারী নহে । ৪ । অনন্তর নিশ্চয় সত্যের প্রতি তাহারা অসত্যারোপ করিয়াছে, যখন তাহাদের নিকটে তাহা উপস্থিত হইয়াছে ; যাহা লইয়া তাহারা উপহাস করিয়া থাকে, অবশেষে অবশ্য তাহার সংবাদ তাহাদের নিকটে উপস্থিত হইবে । ৫ । তাহারা কি দেখে নাই যে, তাহাদের পূর্ববর্তী দলের কত লোককে আমি বিনাশ করিয়াছি ? আমি পৃথিবীতে তাহাদিগকে যেরূপ ক্ষমতা দান করিয়াছিলাম, তোমাদিগকে সেরূপ দান করি নাই, এবং আমি তাহাদের উপর বর্ষণকারী মেঘ প্রেরণ ও তাহাদের নিম্নে পয়ঃপ্রণালী সকল প্রবাহিত করিয়াছিলাম ; অনন্তর তাহাদের অপরাধের জন্য তাহাদিগকে বিনাশ করিয়াছি, এবং তাহাদের পরে অপর এক সম্প্রদায় উৎপাদন করিয়াছি । ৬ । এবং যদি আমি তোমার প্রতি কাগজে লিখিত গ্রন্থ অবতারণ করিতাম, তাহারা আপন হস্তে তাহা মর্দন করিত, কাফের লোকেরা

\* মকানগরে এই সূরার আবির্ভাব হয় ।

† অগ্নিপূজকেরা বলে যে, পরমেশ্বর জ্যোতির স্রষ্টা, শয়তান অন্ধকারের স্রষ্টা । ঈশ্বর বলেন যে, “জ্যোতি ও অন্ধকার উভয় আমি সৃজন করিয়াছি।” অনেকের মতে এই জ্যোতি ও অন্ধকারের অর্ধ দিবা রাত্রি ।

( ত, হো, )

অবশ্যই বলিত যে, ইহা স্পষ্ট চক্রান্ত ব্যতীত নহে \*। ৭। এবং তাহারা বলিল, “কেন তাহার ( প্রেরিতপুরুষের ) প্রতি দেবতা অবতারিত হইল না ?” যদি আমি দেবতা অবতারিত করিতাম, তবে একান্তই কার্য শেষ হইত, তৎপর অবকাশ দেওয়া যাইত না †। ৮। এবং যদি আমি তাহাকে ( প্রেরিতকে ) দেবতা করিতাম, তবে অবশ্যই আমি তাহাকে ( আকৃতিতে ) মনুষ্য করিতাম, এবং তাহারা যেমন ( এক্ষণ ) সন্দেহ করিতেছে, একান্তই তাহাদের প্রতি সেরূপ সন্দেহ স্থাপন করিতাম। ৯। সত্য সত্যই তাহারা তোমার পূর্ববর্তী প্রেরিতগণের প্রতি বিদ্রূপ করিতেছিল, যাহা লইয়া উপহাস করিতেছিল, পরে উহা তাহাদিগ হইতে সেই উপহাসকারিগণকে আসিয়া ঘেরিল। ১০। ( র, ১, আ, ১০ )

তুমি বল, পৃথিবীতে ভ্রমণ কর, তৎপর দেখ, অসত্যবাদীদিগের পরিণাম কেমন হইয়াছে। ১১। বল, স্বর্গলোকে ও ভূলোকে যাহা আছে, তাহা কাহার ? বল, ঈশ্বরের, তিনি স্বীয় অন্তরেতে দয়া লিখিয়াছেন, অবশ্যই তিনি তোমাদিগকে কেয়ামতের দিনে সংগ্রহ করিবেন, তাহাতে সন্দেহ নাই ; যাহারা আপন জীবনকে ক্ষতিগ্রস্ত করিয়াছে, পরিশেষে তাহারা বিশ্বাস স্থাপন করিতেছে না। ১২। এবং দিবা রজনীতে যাহা স্থিতি করিতেছে, তাহা তাঁহারই হয় ; তিনি শ্রোতা ও জ্ঞাতা। ১৩। বল, স্বর্গ মর্ত্যের স্রষ্টা ঈশ্বরকে ছাড়িয়া কি অন্ন বন্ধু গ্রহণ করিতেছ ? তিনি অন্ন দান করেন, অন্নগ্রহীতা নহেন ; বল, নিশ্চয় আমি আদিষ্ট হইয়াছি যে, মোসলমান হইয়াছে এমন এক প্রথম ব্যক্তি হইব, এবং ( আদেশ হইয়াছে ) তুমি অংশবাদীদিগের অন্তর্গত হইও না। ১৪। বল, যদি আমি স্বীয় প্রতিপালকের সম্বন্ধে অবাধ্যতাচরণ করি, তবে নিশ্চয় মহাদিনের শাস্তিকে ভয় করি। ১৫। সেই দিবস যাহা হইতে ( শাস্তি ) নিবৃত্ত রাখা হইবে, নিশ্চয় তিনি তাহার প্রতি অন্নগ্রহ করিলেন, এবং ইহাই স্পষ্ট মনোরথ-সিদ্ধি। ১৬। এবং যদি ঈশ্বর তোমাকে ক্লেশ দান করেন, তবে তিনি ব্যতীত তাহার নিবারণকারী নাই ; এবং যদি তিনি তোমার প্রতি কল্যাণ বিধান করেন, তবে তিনি সর্বোপরি ক্ষমতাশালী।

\* নজর ও নওকল প্রভৃতি কয়েক ব্যক্তি হজরতের নিকটে যাইয়া বলিয়াছিল যে, “হে মোহম্মদ, যে পর্যন্ত চারিজন দেবতা স্বর্গ হইতে পুস্তক লিখিয়া আনয়ন না করে ও তুমি ঈশ্বরের প্রেরিত এই কথা সেই পুস্তকে লেখা না থাকে, এবং এরূপ সাক্ষ্য না দেয় যে, এই গ্রন্থ ঈশ্বরের নিকট হইতে তোমার নিকটে উপস্থিত করিলাম, সে পর্যন্ত তোমাকে আমরা বিশ্বাস করিতে পারিতেছি না।” তাহাতেই এই আয়ত অবতীর্ণ হয়। ( ত, হো, )

যাহার ভাগ্যে উপদেশ নাই, তাহার সন্দেহ কখনও দূর হয় না।

† তৎক্ষণাৎ তাহাদের বিনাশের আজ্ঞা প্রচার হইত। অর্থাৎ মনুষ্য দেবতাকে দেবতার আকারে দর্শন করিতে সমর্থ নহে। সেই অবস্থায় দেখিলে তাহাদের প্রাণের বিয়োগ হয়। এজন্য দেবতাগণ পৃথিবীতে ঈশ্বরকর্তৃক মনুষ্যাকারে প্রকাশিত হন। ( ত, হো. )



১৭। এবং তিনি স্বীয় দাসদিগের উপর পরাক্রান্ত ও তিনি নিপুণ ও জ্ঞাত। ১৮। জিজ্ঞাসা কর, কোন্ বস্তু সাক্ষ্যদানবিষয়ে শ্রেষ্ঠ? তুমি বল, “তোমাদের ও আমার মধ্যে ঈশ্বরই সাক্ষী; তিনি এই কোরু-আন্ আমার প্রতি প্রত্যাদেশ করিয়াছেন, যেন এতদ্বারা আমি তোমাদিগকে ও যাহারা পথ প্রাপ্ত হইয়াছে, তাহাদিগকে সাবধান করি। তোমরা কি সাক্ষ্য দান করিতেছ যে, পরমেশ্বরের সঙ্গে অপর পরমেশ্বর সকল আছে?” তুমি বল, “আমি সাক্ষ্য দান করি না,” বল, “তিনি একমাত্র পরমেশ্বর ইহা ভিন্ন নহে, এবং তোমরা যে অংশী নির্ধারণ করিয়া থাক, নিশ্চয় আমি তাহা হইতে বিমুখ আছি।” ১৯। যাহাদিগকে আমি গ্রন্থ দান করিয়াছি, তাহারা আপন সম্মানদিগকে ঘেরুপ জ্ঞাত, তদ্রূপ ইহা জ্ঞাত; যাহারা আপন জীবনের অনিষ্ট করিয়াছে, তাহারা বিশ্বাস করে না। ২০। (র, ২, আ, ১০)

যে ব্যক্তি ঈশ্বরের প্রতি অসত্যারোপ করিয়াছে অথবা তাহার নিদর্শন সকলকে অসত্য বলিয়াছে, তাহা অপেক্ষা কে অধিক অত্যাচারী? নিশ্চয় অত্যাচারিগণ উদ্ধার পাইবে না। ২১। এবং (স্মরণ কর, ) যে দিন আমি একযোগে তাহাদিগকে সমুখাপন করিব, তৎপর অংশিবাদীদিগকে জিজ্ঞাসা করিব যে, তোমাদের সেই অংশিগণ কোথায়, তোমরা যাহাদের বিষয়ে স্পর্ধা করিতে? ২২। তৎপর তাহারা এই বলিবে যে, “আমাদের প্রতিপালক পরমেশ্বরের শপথ, আমরা অংশিবাদী ছিলাম না;” এতদ্ভিন্ন তাহাদের অণু ছলনা থাকিবে না। ২৩। দেখ, তাহারা আপন জীবন সম্বন্ধে কেমন অসত্য বলে ও যাহা কিছু (তাহারা অংশিত্ববিষয়ে) আরোপ করিতেছিল, তাহাদিগ হইতে উহা দূরীভূত হইয়াছে। ২৪। তাহাদের কেহ কেহ তোমার (কথার) প্রতি কর্ণ স্থাপন করে, আমি তাহাদের মনের উপর আবরণ ও তাহাদের কর্ণেতে গুরুভার স্থাপন করিয়াছি, যেন তাহারা তাহা বুঝিতে না পারে, এবং যদিচ তাহারা সমুদয় অলৌকিক ক্রিয়া দর্শন করে, তৎপ্রতি বিশ্বাস স্থাপন করে না; এতদূর যে যখন তাহারা তোমার নিকটে উপস্থিত হয়, তোমার সঙ্গে বিরোধ করে। কাফের লোকেরা বলে, “ইহা পূর্বতন উপস্থাপন ভিন্ন নহে” \*। ২৫। এবং তাহারা তাহা হইতে (প্রেরিতপুরুষের আত্মগত্য হইতে) সকলকে নিবৃত্ত করিতেছে ও তাহা হইতে নিজেরাও দূরে পড়িতেছে, তাহারা স্বীয় জীবন বৈ বিনাশ কুরিতেছে না, এবং বুঝিতেছে না। ২৬। এবং যখন তাহাদিগকে

\* একদা আবুসুফিয়ান ও অলিদ এবং আত্বা প্রভৃতি কতিপয় ধর্মবিরোধী লোক মসজিদেদাল হরামের এক পার্শ্বে বসিয়া, হজরত যে কোরু-আন্ পাঠ করিতেছিলেন, তাহা শ্রবণ করিতেছিল। তুখায় হারেসের পুত্র নজরও ছিল। সে প্রাচীন বৃত্তান্ত সকল জ্ঞাত ছিল। তখন আবুসুফিয়ান প্রভৃতি তাহাকে জিজ্ঞাসা করিয়াছিল যে, মোহম্মদ যাহা পাঠ করিতেছে, তাহা কিরূপ? সেই দুরাঙ্গা বলিয়াছিল, সে যে কি বলিতেছে, আমি তাহা বুঝিতেছি না, সে কেবল অধরোষ্ঠ নাড়িতেছে ও প্রাচীন উপস্থাপন পড়িতেছে। তাহাতেই এই আয়তের আবির্ভাব হয়। (ভ, হে,)

অগ্নির উপর দণ্ডায়মান করা হইবে, যদি তুমি দেখ ( আশ্চর্যান্বিত হইবে, ) তখন তাহারা বলিবে, “হায়! যদি আমরা ফিরিয়া যাই, তবে স্বীয় প্রতিপালকের নিদর্শন সকলের প্রতি আর অসত্যারোপ করিব না ও বিশ্বাসীদের অন্তর্গত হইব”। ২৭। তাহারা পূর্বে যাহা গোপন করিতেছিল, বরং তাহাদের জ্ঞান তাহা প্রকাশিত হইল, এবং যদি তাহারা ফিরিয়া যায়, যাহা নিষেধ করা হইয়াছে, অবশ্যই তাহাতে পুনঃ প্রবৃত্ত হইবে ও নিশ্চয় তাহারা মিথ্যাবাদী \*। ২৮। এবং তাহারা বলিয়াছে যে, ইহা পার্থিব জীবন ভিন্ন নহে, আমরা সমুখাপিত হইব না। ২৯। এবং যখন তাহাদিগকে তাহাদের প্রতিপালকের নিকটে দণ্ডায়মান করা হইবে, যদি দেখ ( বিস্মিত হইবে, ) তিনি জিজ্ঞাসা করিবেন, “ইহা কি সত্য নহে?” তাহারা বলিবে, “আমাদের প্রতিপালকের শপথ, অবশ্য;” তিনি বলিবেন, “ধর্মদ্রোহী ছিলে বলিয়া অনন্তর শাস্তিরস আন্বাদন কর”। ৩০। ( র, ৩, আ, ১০ )

ঈশ্বরের সঙ্গে সম্মিলন বিষয়ে যাহারা মিথ্যা বলিয়াছে, নিশ্চয় তাহারা অনিষ্ট করিয়াছে; এতদূর যে, যখন তাহাদের নিকটে অকস্মাৎ কেয়ামত উপস্থিত হইবে, তখন তাহারা বলিবে, “হায়! ইহাতে আমরা যে ক্রটি করিয়াছি, তজ্জ্ঞান আমাদের প্রতি আক্ষেপ,” এবং তাহারা আপন পৃষ্ঠে আপনাদের ভার বহন করিবে। জানিও, যাহা তাহারা বহন করিবে, তাহা অশুভ। ৩১। এবং পার্থিব জীবন ক্রীড়া আমোদ ভিন্ন নয়, অবশ্য ধর্মভীরু লোকদিগের জ্ঞান পরলোক কল্যাণের আলায়, তোমরা কি বুঝিতেছ না?। ৩২। নিশ্চয় আমি জানিতেছি যে, তাহারা যাহা বলিতেছে, একান্তই তোমাকে তাহা দুঃখিত করিতেছে; অবশেষে নিশ্চয় তাহারা তোমার প্রতি কেবল অসত্যারোপ করিতেছে না, কিন্তু অত্যাচারী লোকেরা ঈশ্বরের নিদর্শন সকলকে অস্বীকার করিতেছে। ৩৩। এবং সত্যসত্যই তোমার পূর্ববর্তী প্রেরিতগণের প্রতি অসত্যারোপিত হইয়াছিল, অবশেষে যে সকল অসত্যারোপ ও ক্লেশ দান করা হইয়াছিল, আমার আনুকূল্য তাহাদের প্রতি উপস্থিত না হওয়া পর্য্যন্ত তাহাতে তাহারা ধৈর্য ধারণ করিয়াছিল; অপিত ঈশ্বরের বাক্য সকলের পরিবর্তনকারী কেহই নয়, এবং সত্য সত্যই প্রেরিত পুরুষদিগের অনেক সংবাদ তোমার নিকট উপস্থিত হইয়াছে। ৩৪। যদি তাহাদিগের উপেক্ষা তোমার সম্বন্ধে কঠিন হইয়া থাকে, তবে যদি পার ভূমিতে ছিদ্র অথবা আকাশে সোপান অন্বেষণ করিবে, পরে তাহাদের নিকটে কোন অলৌকিক নিদর্শন উপস্থিত করিবে;

\* অর্থাৎ কাকেরগণ নরকের পার্শ্বে উপস্থিত হইলে আজ্ঞা হইবে, স্থির হও। তাহাতে তাহারা বলিবে যে, হয়তো আমাদের পুনর্বার পৃথিবীতে ফিরিয়া যাইতে হইবে। এবার আমরা ফিরিয়া গেলে বিশ্বাসী হইব। এতদুপলক্ষে তখন ঈশ্বর বলিবেন যে, “আমি এ উদ্দেশ্যে ইহাদিগকে দণ্ডায়মান রাখি নাই, বরং তাহারা যে বিদ্রোহাচরণ করিয়াছে, এই উপায়ে তাহাদের মুখ দিয়া তাহা স্বীকার করাইয়া লইলাম। যেহেতু তাহারা যে অংশিবাদী ছিল, প্রথমে তাহা অস্বীকার করিয়াছে।” ( ত, ফা, )

ঈশ্বর যদি ইচ্ছা করিতেন, তবে অবশ্যই তিনি তাহাদিগকে সংপথ-প্রদর্শনে একত্রিত করিতেন, অবশেষে কখনও তুমি মূর্খদিগের অন্তর্গত হইও না \* । ৩৫ । যাহারা শ্রবণ করে, তাহারা গ্রাহ্য করে, ইহা ভিন্ন নহে ; এবং মরিলে ঈশ্বর তাহাদিগকে জীবিত করেন, তৎপর তাঁহার দিকে তাহারা প্রত্যাগত হইবে । ৩৬ । এবং তাহারা জিজ্ঞাসা করিল, “কেন তাহার প্রতি তাহার ঈশ্বর হইতে কোন নিদর্শন অবতারণিত হইল না ?” তুমি বল, নিশ্চয় ঈশ্বর কোন নিদর্শন অবতারণে স্ক্রম, কিন্তু তাহাদের অধিকাংশ লোকেই বুঝিতেছে না । ৩৭ । পৃথিবীতে কোন জীব এবং আপন পক্ষপুটযোগে উড্ডীন হয় কোন পক্ষী তোমাদের সদৃশ মণ্ডলী ভিন্ন নহে, আমি গ্রন্থে কোন বিষয়ে ক্রটি করি নাই, তৎপর স্বীয় প্রতিপালকের দিকে সকলে সমবেত হইবে † । ৩৮ । এবং যাহারা আমার নিদর্শন সকলকে অসত্য বলিয়াছে, তাহারা মহা অন্ধকারে বধির ও মূক ; ঈশ্বর যাহাকে ইচ্ছা করেন, তাহাকে বিভ্রান্ত করিয়া থাকেন, এবং যাহাকে ইচ্ছা করেন, তাহাকে সরল পথে স্থাপন করেন । ৩৯ । জিজ্ঞাসা কর, তোমরা দেখিয়াছ কি ? যদি তোমাদের নিকটে ঈশ্বরের শাস্তি উপস্থিত হয়, অথবা তোমাদের নিকটে কেয়ামত উপস্থিত হয়, তোমরা ঈশ্বরকে ছাড়িয়া কি ( অগ্ন্যজনে ) ডাকিবে ? যদি তোমরা সত্যবাদী হও, ( বল ) । ৪০ । বরং তাঁহাকেই ডাকিবে, তাঁহার নিকটে তোমরা যে বিষয়ের ( মুক্তির জন্ত ) প্রার্থনা করিবে, তিনি ইচ্ছা করিলে পরে তাহা মোচন করিবেন ; তোমরা যাহা অংশী নির্দ্ধারিত করিয়াছ, তাহা ভুলিয়া যাইবে । ৪১ । ( র, ৪, আ, ১১ )

এবং সত্যসত্যই তোমার পূর্ববর্তী সম্প্রদায় সকলের প্রতি আমি ( তত্ত্ববাহক ) প্রেরণ করিয়াছি, পরে তাহাদিগকে আমি রোগ ও দরিদ্রতা দ্বারা আক্রান্ত করিয়াছি, যেন তাহারা সকাতে প্রার্থনা করে । ৪২ । অবশেষে যখন তাহাদের প্রতি আমার শাস্তি উপস্থিত হইল, তখন কেন তাহারা সকাতে প্রার্থনা করিল না ? কিন্তু তাহাদের মন কঠিন হইয়া গিয়াছিল, এবং তাহারা যাহা করিতেছিল, শয়তান তাহাদের জন্ত তাহা শোভায়ুক্ত করিয়াছিল । ৪৩ । পরন্তু তাহারা যাহা উপদিষ্ট হইয়াছিল, যখন তাহা বিশ্বিত হইল, তখন আমি তাহাদিগের প্রতি প্রত্যেক বস্তুর দ্বার উন্মুক্ত করিলাম; এপর্যন্ত

\* কাকের লোকেরা শ্রাবিত, যখন ইনি একজন ধর্মপ্রবর্তক, তখন সর্বদা ইঁহার সঙ্গে কোন অলৌকিক নিদর্শন থাকা আবশ্যিক ; তাহা হইলে সকলে দেখিয়া বিশ্বাসী হইতে পারে । হয়ত হাজারত মনে মনে তাহাও চাহিয়াছিলেন, তাহাতেই এই ভাবের আয়ত অবতীর্ণ হইল । যথা—ঈশ্বরের অনুগত হইয়া থাক, তিনি আবশ্যিক বোধ করিলে নিদর্শন ব্যতিরেকে সকলের মন ধর্মের দিকে আকর্ষণ করিতেন । ( ত, কা. )

† স্থলচর ও ব্যোমচর জীব তোমাদের দলের স্থান, অর্থাৎ তাহারা মানবমণ্ডলীসদৃশ জন্ত ও জীবন-ধারণের এবং মৃত্যুর অধিকারী, অথবা ঈশ্বরের স্তুতি বন্দনায় প্রবৃত্ত । “আমি পুস্তকে কোন বস্তুকে উপেক্ষা করি নাই,” অর্থাৎ সৃজনেন্দ্রাক্রম গ্রন্থে কাহাকেও পরিত্যাগ করি নাই । ( ত, হো. )

যাহা প্রদত্ত হইল, যখন তাহাতে তাহারা আনন্দিত হইয়া উঠিল, আমি একেবারে তাহাদিগকে আক্রমণ করিলাম, তখন অকস্মাৎ তাহারা নিরাশ হইল \* । ৪৪ । অনন্তর যাহারা অত্যাচার করিতেছিল, সেই দলের মূল ছিল হইল, বিশ্বপালক পরমেশ্বরেরই সম্যক্ প্রশংসা । ৪৫ । জিজ্ঞাসা কর, দেখিয়াছ কি ? যদি ঈশ্বর তোমাদের কণ ও তোমাদের চক্ষু প্রত্যাহার করেন, এবং তোমাদের মনের উপর মোহর (মন বন্ধ) করেন, সেই ঈশ্বর ব্যতীত কোন্ ঈশ্বর আছে যে, তোমাদিগকে তাহা আনিয়া দেয়? তুমি দেখ (হে মোহম্মদ,) কেমন বিবিধ নিদর্শন সকল আমি ব্যক্ত করিতেছি, অতঃপর তাহারা অগ্রাহ্য করিয়া থাকে । ৪৬ । বল, তোমরা কি দেখিয়াছ, যদি ঈশ্বরের শাস্তি অকস্মাৎ অথবা প্রকাশ্যরূপে তোমাদের নিকটে উপস্থিত হয়, অত্যাচারী দল ব্যতিরেকে কে বিনষ্ট হইবে ? ৪৭ । এবং আমি সুসংবাদদাতা ও ভয়প্রদর্শক ব্যতীত তত্ত্ববাহক প্রেরণ করি নাই ; তবে যাহারা বিশ্বাস স্থাপন ও সংকল্প করিয়াছে, পরিশেষে তাহাদের প্রতি ভয় নাই, তাহারা শোকার্ত হইবে না । ৪৮ । এবং যাহারা আমার নিদর্শন সকলকে মিথ্যা বলিয়াছে, অসদাচারী ছিল বলিয়া তাহাদিগকে শাস্তি পাইতে হইবে । ৪৯ । তুমি বল, যে, আমি তোমাদিগকে বলিতেছি না যে, আমার নিকটে ঈশ্বরের ভাণ্ডার রহিয়াছে ও আমি গুপ্ত বিষয় জানিতেছি, এবং আমি তোমাদিগকে বলিতেছি না যে আমি দেবতা, আমার প্রতি যাহা প্রত্যাশ করা হয়, তদ্ব্যতিরেকে (অন্ত কিছু) আমি অহুসরণ করি না ; তুমি বল, অন্ধ ও চক্ষুহীন কি তুল্য ? অনন্তর তোমরা কি ভাবিতেছ না ? † । ৫০ । ( র, ৫, আ, ৯ )

এবং যাহারা ভীত আছে যে, আপন প্রতিপালকের অভিমুখে একত্রীকৃত হইতে হইবে, তুমি তাহাদিগকে ইহা দ্বারা (কোর-আন্ দ্বারা) ভয় প্রদর্শন কর, তাহাদের তিনি ব্যতীত বন্ধু নাই, শুভাকাজ্জী নাই, তাহাতে তাহারা ধর্মভীরু হইবে । ৫১ । এবং যাহারা প্রাতঃসন্ধ্যা স্বীয় প্রতিপালককে আহ্বান করে, তাঁহার আনন অন্বেষণ করে, তুমি তাহাদিগকে দূর করিও না ; তাহাদের গণনা কিছুই তোমার নিকটে নাই, এবং তোমার কোন গণনা তাহাদিগের নিকটে নাই, অতএব তাহাদিগকে দূর করিলে তুমি অত্যাচারীদিগের অন্তর্গত হইবে ‡ । ৫২ । এবং এই প্রকার আমি পরস্পরকে পরীক্ষা করিয়াছি,

\* অর্থাৎ যখন তাহারা বিপৎ পরীক্ষায় শিক্ষালাভ করে না, তখন ঈশ্বর সুখ সম্পদ দ্বারা পরীক্ষা করেন, সেই সুখসম্পদে তাহারা মত্ত হয়, পরে বিষম শাস্তি পায় । প্রত্যেক বস্তুর দ্বার উন্মুক্ত করার অর্থ, নানা বিষয়ের সুখ দান করা । ( ত, হো, )

† তত্ত্ববাহক মনুষ্য ভিন্ন নহে, তাহা দ্বারা অসাধ্য কার্য হইতে পারে না, তাঁহার নিকটে তাহা প্রার্থনা করা উচিত নয় । অন্ধ ও চক্ষুহীন ব্যক্তি এ দুইয়ে যেরূপ প্রভেদ, সাধারণ মনুষ্য ও তত্ত্ববাহকে সেইরূপ প্রভেদ । তত্ত্ববাহক চক্ষুহীন লোক সদৃশ । ( ত, ফা, )

‡ কাকেরদিগের কোন কোন দলপতি হজরতকে বলিয়াছিল যে, “তোমার উপদেশ শ্রবণ করিতে

যেন তাহারা বলে, “ইহারা কি যে আমাদের মধ্য হইতে ইহাদের প্রতি ঈশ্বর উপকার সাধন করিয়াছেন ?” (ঈশ্বরের উক্তি) ঈশ্বর কি কৃতজ্ঞ লোকদিগের সর্বিশেষ জ্ঞাতা নহেন ? ৫৩। এবং যাহারা আমার নিদর্শন সকলের প্রতি বিশ্বাস স্থাপন করিয়াছে, তাহারা যখন তোমার নিকটে উপস্থিত হয়, তুমি বলিও, “তোমাদের প্রতি সেলাম, তোমাদের প্রতিপালক আপন অন্তরে অহুগ্রহ লিখিয়াছেন যে, যে কোন ব্যক্তি অজ্ঞানতাবশতঃ পাপ করিয়াছে, পরন্তু তাহার পর অহুতাপ ও সংকর্ষ করিয়াছে, (সে ক্ষমা পাইবে;) যেহেতু নিশ্চয় তিনি ক্ষমাশীল ও দয়ালু। ৫৪। এবং এইরূপে আমি বিভিন্ন ভাবে নিদর্শন সকল ব্যক্ত করিতেছি, তাহাতে অপরাধীদিগের পথ প্রকাশ পাইবে \*। ৫৫। (র, ৬, আ, ৫)

বল, তোমরা পরমেশ্বর ব্যতীত যাহাদিগকে আহ্বান করিয়া থাক, নিশ্চয় আমি তাহাদিগকে অর্চনা করিতে নিষিদ্ধ হইয়াছি; বল, আমি তোমাদিগের ইচ্ছার অনুসরণ করিতেছি না, (করিলে) নিশ্চয় তখন বিপথগামী হইব ও আমি পথপ্রাপ্তদিগের অন্তর্গত হইব না। ৫৬। বল, নিশ্চয় আমি স্বীয় প্রতিপালকের উজ্জ্বল প্রমাণের উপরে আছি, এবং তোমরা তৎপ্রতি অসত্যারোপ করিয়াছ, তোমরা যাহা (যে শাস্তি) সত্ত্বর চাহিতেছ, তাহা আমার নিকটে নাই; ঈশ্বর ব্যতীত (অন্তের) কর্তৃত্ব নাই, তিনি সত্য বর্ণনা করেন ও তিনি মীমাংসাকারীদিগের মধ্যে শ্রেষ্ঠ। ৫৭। বল, তোমরা যাহা সত্ত্বর চাহিতেছ, তাহা যদি আমার নিকটে থাকিত, তবে আমার ও তোমাদের মধ্যে অবশ্য কার্য্য বিস্পত্তি হইত; পরমেশ্বর অত্যাচারীদিগের বিশেষ জ্ঞাতা। ৫৮। এবং তাঁহার নিকটে গুপ্ত বিষয়ের কুঞ্জিকা সকল আছে, তিনি ব্যতীত তাহা কেহ জানে না; এবং তিনি অরণ্যে ও সমুদ্রে যাহা আছে তাহা জানিতেছেন, এবং তাঁহার অজ্ঞাতসারে কোন বৃক্ষপত্র ও পৃথিবীর অঙ্ককারে কোন শস্ত্রকণিকা পতিত হয় না ও গ্রন্থে প্রকাশিত ভিন্ন কোন সরস ও কোন শুষ্ক বিষয় নাই †। ৫৯। এবং তিনিই যিনি রজনীতে তোমাদিগের প্রাণ হরণ করেন ও তোমরা দিবসে যাহা উপার্জন কর তাহা জ্ঞাত হন, তৎপর তাহাতে (দিবসে) উত্থাপিত করেন যেন (জীবনের) নির্দিষ্ট কাল পূর্ণ হয়, তৎপর তাঁহার দিকে তোমাদিগের গতি; তদনন্তর তোমরা যাহা করিতেছিলে, তিনি তোমাদিগকে তাহার সংবাদ দিবেন। ‡। ৬০। (র, ৭, আ, ৫)

আমাদের ইচ্ছা হয়; কিন্তু তোমার সঙ্গে একাসনে সামান্য লোকেরা উপবেশন করে, তাহাদের সহিত আমরা ভুল্যাসনে বসিতে পারি না।” তাহাতেই এই আয়ত অবতীর্ণ হয়। (ত, কা,)

+ অপরাধীদিগের পথ প্রকাশ পাইবে। অর্থাৎ সত্য মিথ্যার প্রভেদ বুঝা যাইবে।

\* পৃথিবীর অঙ্ককারে শস্ত্রকণিকা পতিত হওয়ার অর্থ, সৃষ্টিকাগর্ভে বীজ স্থাপিত হওয়া। এ স্থলে গ্রন্থের অর্থ, সংরক্ষিত সৃজনী-শক্তি।

‡ “রজনীতে তোমাদের প্রাণ হরণ করেন” ইহার অর্থ, রাত্রিতে ঈশ্বর তোমাদিগকে নিদ্রিত



এবং তিনি আপন দাসদিগের উপর পরাক্রান্ত ও তিনি তোমাদিগের নিকটে ( দেবতারূপ ) রক্ষক প্রেরণ করেন ; এ পর্য্যন্ত যে, যখন তোমাদের কাহারও মৃত্যু উপস্থিত হয়, আমার প্রেরিতগণ তাহার প্রাণ হরণ করে, এবং তাহারা ক্রটি করে না \* । ৬১ । তৎপর তাহাদের সত্য প্রভু পরমেশ্বরের নিকটে তাহারা প্রত্যানীত হয়, জানিও তাঁহারই কর্তৃত্ব এবং তিনি সত্য সন্মান্যস্বাক্ষরী । ৬২ । বল, প্রাক্তর ও সাগরের অন্ধকার হইতে কে তোমাদিগকে উদ্ধার করে ? তোমরা উচ্চৈশ্বরে ও গোপনে তাঁহাকে আহ্বান করিয়া থাক, ( বলিয়া থাক ) যদি তিনি ইহা হইতে আমাদিগকে মুক্তি দান করেন, তবে নিশ্চয় আমরা কৃতজ্ঞদিগের অন্তর্গত হইব । ৬৩ । বল, ঈশ্বর তোমাদিগকে তাহা হইতে ও সমুদায় দুঃখ হইতে উদ্ধার করেন, তৎপর তোমরা অংশী স্থাপন করিয়া থাক । ৬৪ । বল, তিনি তোমাদের উপর হইতে কিম্বা পদতল হইতে তোমাদের প্রতি শাস্তি প্রেরণ করিতে অথবা দলে দলে সম্মিলিত করিতে ও পরস্পরকে সংগ্রামের আশ্বাদ গ্রহণ করাইতে সমর্থ ; দেখ, আমি কেমন বিবিধ নিদর্শন ব্যক্ত করিতেছি, সম্ভবতঃ তাহারা জ্ঞান লাভ করিবে † । ৬৫ । তোমার জ্ঞাতীগণ তাহা মিথ্যা বলিয়া থাকে, ( কিন্তু ) তাহা সত্য ; তুমি বল, আমি তোমাদের সঙ্ক্ষে রক্ষক নহি ‡ । ৬৬ । প্রত্যেক বিষয়ের জ্ঞান সময় নির্দ্ধারিত আছে, অংশ তোমরা জানিতে পাইবে § । ৬৭ । যখন তুমি তাহাদিগকে দেখ যে আমার নিদর্শনাবলীবিষয়ে বিচার করে, পরে যে পর্য্যন্ত তদ্ব্যতীত অণু কথার বিচারে প্রবৃত্ত না হয়, সে পর্য্যন্ত তুমি তাহাদিগ হইতে বিমূৰ্খ থাক, এবং যদি শয়তান তোমাকে বিশ্বত করে, তবে স্মরণ হইলে পর অত্যাচারিদলের সঙ্গে বসিও না ।

করেন । “দিবসে উত্থাপিত করেন” অর্থাৎ দিবাভাগে জাগরিত করেন । তোমরা যাহা করিতেছ, ঈশ্বর কেয়ামতের দিনে তোমাদিগকে জানাইবেন । ( ত, হো, )

\* যে সকল দেবতা কেয়ামত পর্য্যন্ত মানবজীবনের ক্রিয়া লিখিয়া রাখেন, তাহাদিগকে রক্ষক বলা হইয়াছে । রক্ষক-প্রেরণের উদ্দেশ্য এই যে, কেয়ামতে অপদস্থ হওয়ার ভয়ে লোকে পাপ কার্যে উৎসাহী হইবে না । “প্রেরিতগণ তাহার প্রাণ হরণ করে,” অর্থাৎ শমন ও তাঁহার অনুচরগণ লোকের প্রাণ হরণ করেন । তাঁহার চৌদ্দ জন দেবতা । তাঁহাদের সাত জন দয়ার দেবতা, অপর সাত জন শাস্তির দেবতা । শমন বিশ্বাসীদিগের প্রাণ হরণ করিয়া দয়ার দেবতাদিগের হস্তে-ও কাফেরদিগের প্রাণ হরণ করিয়া শাস্তির দেবতাদিগের হস্তে সমর্পণ করেন । ( ত, হো, )

† উপর হইতে শাস্তি, যথা মুহীয সম্প্রদায়ের উপর ঝটিকা ও লুতীয় সম্প্রদায়ের উপর প্রস্তর বর্ষণ হইয়াছিল । পদতল হইতে শাস্তি, যথা ফেরাউণের জলমগ্ন অথবা কারুণকে ভূগর্ভে নিহিত হইতে হইয়াছিল । ( ত, হো, )

‡ “তাহা মিথ্যা বলিয়া থাকে” অর্থাৎ কোরেশগণ শাস্তিকে বা কোর্-আনকে মিথ্যা বলিয়া থাকে । কিন্তু “তাহা সত্য” অর্থাৎ সেই শাস্তি বা গ্রন্থ সত্য । ( ত, হো, )

§ প্রত্যেক বস্তুর অথবা প্রত্যেক কার্যের দণ্ড পূরস্কারের সময় নির্দ্ধারিত আছে, সেই নির্দ্ধারিত সময়ে তাহা উপস্থিত হয় । ( ত, হো, )

। ৬৮। যাহারা ধর্মভীরু হইয়াছে, তাহাদের প্রতি তাহাদের ( কাফেরদিগের ) কোন গণনা নাই, কিন্তু উপদেশ দান করা ( বিহিত ; ) ভরসা যে, তাহারা ধর্মভীরু হইবে \* ।

৬৯। এবং যাহারা স্বীয় ধর্মকে ক্রীড়া ও আমোদরূপে গ্রহণ করিয়াছে, এবং সাংসারিক জীবন যাহাদিগকে প্রবঞ্চিত করিয়াছে, তাহাদিগকে তুমি ছাড়িয়া দেও, এবং যে ব্যক্তি যাহা করিয়াছে, সে তজ্জন্ম যে মৃত্যুগ্রস্ত হইবে, ইহা দ্বারা ( কোর্-আন্ দ্বারা ) উপদেশ দেও ; ঈশ্বর ব্যতীত তাহার বন্ধু নাই ও শুভাকাজক্ষী নাই । এবং যদি সে প্রত্যেক বিনিময় বিনিময়রূপে দান করে, তাহা গৃহীত হইবে না, এই ইহারাই তাহারা যে, যাহা করিয়াছে তজ্জন্ম মৃত্যুগ্রস্ত হইয়াছে ; তাহারা কাফের হইয়াছে বলিয়া তাহাদের পানীয় উষ্ণজল ও শান্তি দুঃখজনক । ৭০। ( র, ৮, আ, ১০, )

বল, আমরা কি ঈশ্বরকে ছাড়িয়া সেই বস্তুকে আহ্বান করিব, যাহা আমাদের কল্যাণ ও অকল্যাণ করিতে পারে না ? এবং ঈশ্বর যখন আমাদের সৎপথ প্রদর্শন করিয়াছেন, তাহার পরে কি আমরা, শয়তান যাহাকে পৃথিবীতে অস্থির করিয়া বিপথে ফেলিয়াছে, তাহার ন্যায় পশ্চাৎপদ হইয়া প্রত্যাবর্তিত হইব ? তাহার জন্ত বন্ধুগণ আছে, তাহারা তাহাকে সৎপথের দিকে আহ্বান করিয়া থাকে যে, আমাদের নিকটে আগমন কর ; বল, নিশ্চয় ঈশ্বরের উপদেশ সেই উপদেশ, এবং বিশ্বপালকের অনুগত হইতে আমরা আদিষ্ট হইয়াছি † । ৭১। এবং ( আদেশ হইয়াছে ) যে, তোমরা উপাসনাকে

\* যখন মোসলমানগণ পৌত্তলিকদিগের সঙ্গে উপবেশন করিতেন, তখন পৌত্তলিকগণ কোর্-আনের প্রতি দোষারোপ করিত ও তাহার কোন কোন উক্তি লইয়া উপহাস বিদ্রূপ করিতে প্রবৃত্ত হইত । তাহাতে ঈশ্বর আদেশ করিলেন, যখন দেখিবে যে, বিরোধী লোকের কোর্-আনকে অসত্য বলে ও তাহার বিচার করে, তখন তাহাদের নিকট হইতে দূরে চলিয় যাইবে । মোসলমানগণ প্রেরিতপুরুষের নিকটে নিবেদন করিলেন, “কাবা মন্দির প্রদক্ষিণ ও তাহার ভিতরে উপবেশন আমাদের পক্ষে আবশ্যিক, বিরোধিগণও সেই মসজিদে উপস্থিত হয় ও তাহারা সর্বদা কোর্-আন্ ও কোর্-আনে বিশ্বাসী লোকদিগের সম্বন্ধে উপহাস বিদ্রূপ করে, তখন আমরা তাহাদের সভা হইতে চলিয়া যাইতে পারি না, তাহাদিগকেও উপহাস নিন্দা হইতে নিবৃত্ত রাখিতে অক্ষম, ইহার উপায় কি ?” তাহাতে এই আয়ত প্রকাশ পায় যে, ধর্মভীরুগণ কাফেরদিগের অধর্মাদির গণনা ও অনুসন্ধান করিবেন না, তাহাদিগকে দুর্কর্ম ও দুর্কাক্য হইতে নিবৃত্ত থাকিবার জন্ত উপদেশ দিবেন । (ত, হো, )

† মনুষ্যকে বন্ধুগণ সৎপথে আসিতে অনুরোধ করেন, এবং বলেন যে, তুমি আমাদের দিকে এস ; কিন্তু দৈত্যগণ আপনাদের দিকে আহ্বান করে । সেই ব্যক্তি কি করিবে স্থির করিয়া উঠিতে পারে না । সে শয়তানের কথা গ্রাহ্য করিলে মৃত্যুর আবর্তে পতিত হয়, বন্ধুদিগের উপদেশ অনুসারে চলিলে মুক্তির রাজ্যে উপস্থিত হইয়া থাকে । ইহার দৃষ্টান্ত এই যে, যে ব্যক্তি ধর্মবিরোধী হইয়াছে, তাহাকে যেন শয়তান বণিক্‌দলস্বরূপে বিশ্বাসিদল হইতে হরণ করিয়া ভয়ঙ্কর প্রান্তরে আনিয়া ফেলিয়াছে । সহচর বণিক্‌গণ অর্থাৎ বিশ্বাসিগণ তাহাকে সৎপথে অর্থাৎ ধর্মপথে আসিতে আহ্বান করেন, এদিকে দৈত্য ছলনা করিয়া অধর্মের প্রান্তরে আকর্ষণ করে । সেই পক্ষিক যদি বণিক্‌দিগের নিকটে কিরিয়া যায়, তবে তাহাদের দলভুক্ত হইয়া মুখে থাকিতে পারে । দৈত্যের সঙ্গী হইয়াই

প্রতিষ্ঠিত রাখ ও তাঁহাকে ভয় কর, তিনিই ষাঁহার দিকে তোমরা সমবেত হইবে। ৭২। এবং তিনিই যিনি বস্তুতঃ স্বর্গ মর্ত্য সৃজন করিয়াছেন ; যে দিন বলেন, “হুও,” তাহাতেই হয়। ৭৩। তাঁহার বাক্য সত্য এবং যে দিন সূরবাণের ধ্বনি হইবে, সেই দিনে তাঁহারই রাজত্ব; \* তিনি অন্তর্বাহুজাতা এবং তিনি নিপুণ ও তদ্বজ্ঞ। ৭৪। অপিচ (স্মরণ কর,) যখন এব্রাহিম স্বীয় পিতা আজরকে বলিল, “তুমি কি পুত্তলিকাকে ঈশ্বর-রূপে গ্রহণ করিতেছ? নিশ্চয় আমি তোমাকে ও তোমার সম্প্রদায়কে স্পষ্ট বিপথগামী দেখিতেছি” †। ৭৫। এবং এইরূপে আমি এব্রাহিমকে পৃথিবী ও স্বর্গরাজ্য প্রদর্শন করিয়াছিলাম, যেন সে বিশ্বাসীদিগের অন্তর্গত হয় ‡। ৭৬। অনস্তর যখন তাহার সম্বন্ধে

ধর্মবিরোধী পাবণ্ড হয়। “ঈশ্বরের উপদেশই সেই উপদেশ” অর্থাৎ ইসলাম ধর্মই ঈশ্বরের ধর্ম, সেই সত্যধর্ম। (ত, হো,)

\* সূর শিক্ষা বাস্তবিশেষ, প্রলয়কালে তিনবার সূর বাজিবে। ইহার বিবরণ পরে বিবৃত হইবে। (ত, হো,)

† অর্থাৎ মক্কাবাসিগণ এব্রাহিমের সম্মান বলিয়া গর্বি করিয়া থাকে। তাহাদের জন্ত, হে মোহম্মদ, তুমি এব্রাহিমের চরিত্র স্মরণ কর; তাহাদের উচিত যে, ঈশ্বরের একত্ব ও যথার্থ পূজাবিবয়ে এব্রাহিমের অনুসরণ করে। (ত, হো,)

‡ পুরাণালে বাবেল নগরে নেমরুদনামক একজন ভুবনবিজয়ী রাজা ছিলেন। তিনি একদিন রজনীতে স্বপ্নে দেখিলেন যে, একটি নক্ষত্র আকাশে উদ্ভিত হইয়া স্বীয় জ্যোতিতে চন্দ্র সূর্য্যকে পরাজিত করিয়াছে। প্রাতঃকালে তিনি ভবিষ্যদ্বক্তাদিগের নিকটে স্বীয় স্বপ্নবৃত্তান্ত জ্ঞাপন করিলে তাঁহারা স্বপ্নের এই তাৎপর্য্য ব্যাখ্যা করিলেন যে, এ বৎসর বাবেল রাজ্যে একজন মহাতেজস্বী পুরুষ জন্মগ্রহণ করিবেন। তিনি মহারাজের প্রাণ হরণ করিয়া রাজত্ব অধিকার করিবেন। এক্ষণ পর্য্যন্ত মাতৃগর্ভে সেই সম্মানের সঞ্চার হয় নাই। ভবিষ্যদ্বক্তাদিগের মুখে এই নিদারণ কথা শ্রবণ করিয়া নেমরুদ ভীত ও চিন্তিত হইলেন। রাজ্যমধ্যে কোন স্বামী স্ত্রীর সঙ্গে যোগ স্থাপন করিতে না পারে, তাহার বিহিত উপায় বিধান করিলেন, গ্রামে গ্রামে প্রহরী সকল নিযুক্ত রাখিলেন। আজর-নামক এক ব্যক্তি নেমরুদের প্রিয়পাত্র ছিলেন। তিনি একদিন রজনীতে গোপনে স্বীয় ভাৰ্যা আদনার সঙ্গে মিলিত হন, তাহাতে আদনার গর্ভসঞ্চার হয়। প্রাতঃকালে ভবিষ্যদ্বক্তৃগণ যাইয়া নেমরুদকে জ্ঞাপন করিলেন যে, গত রজনীতে সেই বালক গর্ভস্থ হইয়াছে। নেমরুদ এতচ্ছ বণে ক্রুদ্ধ হইয়া এক এক জন গর্ভবতী নারীর উপর এক এক স্ত্রীকে প্রহরিরূপে নিযুক্ত করিলেন, যেন তাহারা প্রসবকাল পর্য্যন্ত প্রতীক্ষা করে ও পুত্র প্রসূত হইলেই তাহাকে বিনাশ করিয়া ফেলে। তখন নিয়োজিত নারীগণ পরীক্ষা করিয়া আদনার কোন গর্ভের লক্ষণ বুঝিতে পারিল না, অগত্যা তাহাকে ছাড়িয়া দিল। পুনর্বার কেহই তাহার প্রতি মনোযোগ বিধান করিল না। প্রসবকাল উপস্থিত হইলে পুত্র প্রসূত হইয়া বা রাজকিষ্করীকর্তৃক বিনষ্ট হয়, এই ভয়ে আদনা নগরের বাহিরে এক পর্ব্বতশৃঙ্গার চলিয়া যান। তথায় এক গর্ভে এব্রাহিমকে প্রসব করেন। তিনি পুত্রকে বস্ত্রাবৃত করিয়া গর্ভে রাখিয়া দেন, এবং প্রসূতরথও দ্বারা দ্বার বন্ধ করিয়া রাখেন। পরে গৃহে যাইয়া স্বামীকে বলেন যে, “প্রহরিগণের ভয়ে প্রান্তরে যাইয়া সম্মান প্রসব করিয়াছি, পুত্র জন্মিয়াছিল, ভূমিষ্ঠ হইয়াই

রাত্রি অন্ধকারাচ্ছন্ন হইল, সে একটি নক্ষত্রকে দেখিয়া বলিল, “ইহাই আমার প্রতিপালক ;” পরে যখন তাহা অস্তমিত হইল, তখন বলিল, “আমি অস্তগামী বস্তু সকলকে প্রেম করি না।” ৭৭। পরিশেষে যখন চন্দ্রমাকে সমুদিত দেখিল, সে বলিল, “ইহাই আমার প্রতিপালক ;” পরে যখন তাহা অস্তমিত হইল, বলিল, “যদি আমার প্রতিপালক আমাকে পথ প্রদর্শন না করেন, তবে আমি বিপথগামী দলের অস্তর্গত অবশ্যই হই।” ৭৮। অনন্তর যখন সূর্য্যকে সমুদিত দেখিল, সে বলিল, “ইহাই আমার প্রতিপালক, ইহাই শ্রেষ্ঠ ;” পরে যখন তাহা অস্তমিত হইল, সে বলিল, “হে আমার জ্ঞাতিগণ, তোমরা যে অংশী স্থাপন কর, নিশ্চয় আমি তাহা হইতে বিমুখ আছি।” ৭৯। যিনি দু্যলোক ভুলোক সৃজন করিয়াছেন, তাঁহার দিকে নিশ্চয় আমি সত্যধর্মাবলম্বিরূপে স্বীয় আনন সমুদৃত রাখিয়াছি, এবং আমি অংশিবাদীদের অস্তর্গত নহি \*। ৮০। তাহার স্বর্গণ তাহার মরিয়া গিয়াছে। তাহাকে মৃত্তিকার নিম্নে প্রোথিত করিয়াছি।” আজর এ বিষয়ে কোন সন্দেহ করিলেন না। তৎপর একদিন আদনা গর্ভে যাইয়া দেখেন যে, পুত্রটি অঙ্গুলি চোষণ করিতেছে, সেই অঙ্গুলি হইতে তাহার মুখে দুগ্ধ ও মধু নিঃসৃত হইতেছে। (কেহ কেহ বলেন যে, প্রতিদিন আদনা যাইয়া স্তন্য দান করিয়া আসিতেন।) আদনা সন্তানটিকে দেখিয়া প্রফুল্লমনে নগরে চলিয়া আসেন। বালক অলৌকিক ভাবে সঙ্গর বৃদ্ধি প্রাপ্ত হইয়া অত্যন্ত সুখী ও সবল হইয়া উঠিলেন। একদিন আদনা আজরকে বলিলেন যে, “আমি পুত্রের মৃত্যুর কথা তোমাকে মিথ্যা বলিয়াছি। দেখ আসিয়া পুত্র পরম রূপবান্ ও বলবান্ হইয়া গর্ভে বিরাজ করিতেছে।” এই বলিয়া তিনি আজরকে সন্তোষ করিয়া গর্ভে আনিয়া পুত্র প্রদর্শন করেন। আজর পুত্রমুখ দেখিয়া পরমাত্মদিত হন ও তাঁহাকে নগরে লইয়া যাইতে অনুমতি করেন। বালকের নাম এব্রাহিম রাখা হইয়াছিল। এব্রাহিম গর্ভ হইতে বাহির হইয়াই প্রথমতঃ অথ উষ্ট্র ইত্যাদি পশু দেখিয়া মাতাকে জিজ্ঞাসা করিলেন যে, “এ সকল কি পদার্থ? এ সকলের সৃজনকর্তা পালনকর্তা বা কে?” পরে প্রশ্ন করিলেন, “আমার প্রতিপালক কে?” মাতা বলিলেন, “আমি তোমার প্রতিপালিকা।” এব্রাহিম পুনর্বার জিজ্ঞাসা করিলেন, “তবে তোমার প্রতিপালক কে?” আদনা বলিলেন, “তোমার পিতা।” এব্রাহিম জিজ্ঞাসা করিলেন, “তাঁহার প্রভু কে?” তিনি বলিলেন, “নেমরুদ।” এব্রাহিম প্রশ্ন করিলেন, “নেমরুদের প্রভু কে?” মাতা ধমকাইয়া বলিলেন, “এ প্রকার উক্তি করিও না, বিপদ হইবে।” নেমরুদের সময়ে কতক লোক নেমরুদকে, কতক লোক চন্দ্র সূর্য্য নক্ষত্রকে, কতক লোক পুস্তলিকাকে পূজা করিত। (ত, হো,)

\* এব্রাহিম নগরে আগমন করিলে পর তাঁহাকে নেমরুদের নিকট উপস্থিত করা হয়। নেমরুদ কদাকার পুরুষ ছিলেন। এব্রাহিম দেখিলেন যে, তিনি সিংহাসনে বসিয়া আছেন, সিংহাসনের চতুর্পার্শ্বে পরম রূপবতী পরিচারিকাগণ শ্রেণীবদ্ধ হইয়া দণ্ডায়মান। তিনি মাতাকে জিজ্ঞাসা করিলেন, “উচ্চাসনে বসিয়াছেন ইনি কে?” মাতা বলিলেন, “ইনি সকলের ঈশ্বর।” পুনর্বার এব্রাহিম জিজ্ঞাসা করিলেন, “এই সকল লোক কাহার?” মাতা বলিলেন, “ইঁহাদেরই সৃজিত।” এব্রাহিম ঈর্ষ হস্ত করিয়া বলিলেন, “মাতঃ, তোমাদের ঈশ্বর আপনা অপেক্ষা অল্প সকলকে সন্দর করিয়া সৃজন করিয়াছেন, উচিত ছিল যে, তাহাদের অপেক্ষা তিনি নিজে সন্দর হন।” এব্রাহিম সর্বদা পুস্তলিকার মিন্দা করিতেন ও পৌত্তলিকদিগকে গালি দিতেন। তাহাতে তাঁহার জ্ঞাতি কুটুম্বগণ তাঁহার সঙ্গে বিবাদ কলহ করিত। (ত, হো,)

সঙ্গে বিবাদ করিল, সে বলিল, “ঈশ্বরের বিষয়ে কি তোমরা আমার সঙ্গে বিরোধ করিতেছ ? নিশ্চয় তিনি আমাকে পথ প্রদর্শন করিয়াছেন, আমার প্রতিপালক যাহা কিছু ইচ্ছা করিতেছেন তাহা ব্যতীত, তোমরা তাঁহার সঙ্গে যাহাকে অংশরূপে স্থাপন করিতেছ, আমি তাহাকে ভয় করি না ; আমার প্রতিপালক জ্ঞানযোগে সমুদায় পদার্থকে ঘেরিয়া রাখিয়াছেন, অনন্তর তোমরা কি উপদেশ গ্রহণ করিতেছ না ?” । ৮১ । “তোমরা যাহাকে অংশী কর, তাহাকে আমি কেমন করিয়া ভয় করিব, এবং যাহার সম্বন্ধে তোমাদের প্রতি কোন প্রমাণ উপস্থিত হয় নাই, তাহাকে ঈশ্বরের অংশী করিতে তোমরা ভয় পাইতেছ না ; অনন্তর যদি তোমরা জ্ঞাত আছ, ( তবে বল, ) এই দুই দলের মধ্যে কোন্ দল শাস্তি-লাভে যোগ্যতর” । ৮২ । “যাহারা বিশ্বাস স্থাপন করিয়াছে ও আপন বিশ্বাসকে অন্যায়ের সঙ্গে মিশ্রিত করে নাই, তাহাদের জন্যই শাস্তি এবং তাহারা পথপ্রাপ্ত ” । ৮৩ । ( র, ৯, আ, ১৩ )

এবং ইহাই আমার প্রমাণ, আমি এব্রাহিমকে তাহার স্বগণ অতিক্রম করিয়া দান করিয়াছি, আমি যাহাকে ইচ্ছা করি, তাহাকে মর্যাদায় উন্নত করিয়া থাকি ; নিশ্চয় তোমার ঈশ্বর ( হে মোহম্মদ, ) দক্ষ ও জ্ঞানী । ৮৪ । এবং আমি তাহাকে এম্বাহক ও ইয়াকুব ( পুত্রদ্বয় ) দান করিয়াছি, প্রত্যেককে আমি সৎপথ প্রদর্শন করিয়াছি, এবং পূর্বে মুহাম্মদকে ও তাহার ( এব্রাহিমের ) বংশীয় দাউদ, সোলয়মান, আয়ুব, ইয়ুসেফ ও মুসা এবং হারুনকে পথ দেখাইয়াছি, এবং এইরূপ আমি হিতকারীদিগকে পুরস্কৃত করি । ৮৫ । + এবং জকরিয়া, ইয়হা ও ঈসা এবং এলিয়াসকে ( পথ দেখাইয়াছি, ) সকলেই সাধুদিগের অন্তর্গত ছিল । ৮৬ । + এবং এন্মায়িল ও অলিয়াস ও ইয়ুনস এবং লুতকে ( পথ প্রদর্শন করিয়াছি, ) এবং মানবমণ্ডলীর উপর তাহাদের প্রত্যেককে আমি গৌরবান্বিত করিয়াছি । ৮৭ । + এবং তাহাদের পিতৃপুরুষগণ, তাহাদের সম্মানগণ ও তাহাদের ভ্রাতৃগণকে ( গৌরবান্বিত করিয়াছি, ) ও তাহাদিগকে গ্রহণ করিয়াছি, এবং তাহাদিগকে সরল পথ সম্বন্ধে উপদেশ দিয়াছি । ৮৮ । ইহাই ঈশ্বরের উপদেশ, এতদ্বারা তিনি স্বীয় দাসদিগের যাহাকে ইচ্ছা পথ প্রদর্শন করিয়া থাকেন, এবং যদি তাহারা অংশী স্থাপন করিত, তবে যাহা তাহারা করিত, তাহাদিগ হইতে তাহা অবশ্য বিলুপ্ত হইত । ৮৯ । সেই তাহারা যাহাদিগকে আমি গ্রহণ ও জ্ঞান এবং প্রেরিতত্ব প্রদান করিয়াছি, অনন্তর যদি ইহারা ইহার ( কোর্-আনের ) প্রতি বিদ্রোহাচরণ করে, তবে নিশ্চয় আমি ইহার প্রতি বিদ্রোহাচারী নহে, এমন একদল নিযুক্ত করিব । ৯০ । সেই তাহারা, যাহাদিগকে ঈশ্বর পথ প্রদর্শন করিয়াছেন ; অতএব তুমি তাহাদিগের পথের অনুসরণ কর, বল, এতৎ ( কোর্-আন ) সম্বন্ধে কোন পুরস্কার তোমাদের নিকটে প্রার্থনা করিতেছি না, ইহা মানবমণ্ডলীর উপদেশ ভিন্ন নহে \* । ৯১ । ( র, ১০, আ, ৮ )

\* তুমি তাহাদিগের পথের অনুসরণ কর, ইহার তাৎপর্য এই যে, পূর্বতন প্রেরিতপুরুষগণের ঈশ্বরের



এবং যখন তাহারা বলিল যে, “ঈশ্বর কোন মনুষ্যের প্রতি কিছুই অবতারণ করেন নাই, তখন তাহারা ঈশ্বরকে তাহার প্রকৃত মর্যাদায় মর্যাদা করিল না; বল, কে সেই গ্রন্থ অবতারণ করিয়াছে, যাহাকে মানবমণ্ডলীর অন্য মুসা জ্যোতি ও উপদেশরূপে আনয়ন করিয়াছিল? তোমরা তাহার পত্র সকল দুইভাগ করিতেছ ও অধিকাংশ গুপ্ত রাখিতেছ, এবং তোমাদের পিতৃপুরুষগণ ও তোমরা যাহা জানিতে না, (তদ্বারা) তাহার শিক্ষা পাইয়াছ; বল, ঈশ্বর (তাহা অবতারণ করিয়াছেন,) তৎপর তিনি তাহাদিগকে আপনাদের বাঞ্ছিতশায় ক্রীড়া করিতে ছাড়িয়া দিয়াছেন। ২২। এবং এই গ্রন্থ, ইহাকে আমি কল্যাণজনকরূপে ও ইহার পূর্বে যাহা (যে গ্রন্থ) ছিল, তাহার সপ্রমাণকারিরূপে অবতারণ করিয়াছি, এবং ইহা দ্বারা তুমি মক্কাবাসীদিগকে ও তাহার চতুর্পার্শ্ববর্তী লোকদিগকে ভয় প্রদর্শন করিবে; যাহারা পরলোকে বিশ্বাস করে, তাহারা ইহাকেও বিশ্বাস করে, এবং তাহারা স্বীয় উপাসনাকে রক্ষা করিয়া থাকে। ২৩। এবং ঈশ্বরের প্রতি যে ব্যক্তি অসত্যারোপ করে, অথবা যে ব্যক্তি বলে যে, আমার প্রতি প্রত্যাদেশ হইয়াছে, পরন্তু তাহার প্রতি কিছুই প্রত্যাদেশ হয় নাই, এবং যে ব্যক্তি বলে, ঈশ্বর যাহা অবতারণ করিয়াছেন, তদ্রূপ আমিও অবতারণ করিব, তাহার অপেক্ষা অত্যাচারী কে? এবং যখন অত্যাচারী লোকেরা মৃত্যুসঙ্কেটে পতিত হইয়াছে ও দেবগণ আপন হস্ত প্রসারণ করিয়াছে, তখন তুমি যদি দেখ, (বিস্মিত হইবে,) (দেবতারা বলে,) “তোমরা স্বীয় প্রাণ বাহির কর, তোমরা যে পরমেশ্বরের প্রতি অসত্য বলিতেছিলে, এবং তাহার নিদর্শন সকলকে অবজ্ঞা করিতেছিলে, তদ্ব্যতীত অথ দুর্গতির শাস্তি তোমরা বিনিময়স্বরূপ প্রাপ্ত হইবে”। ২৪। এবং (ঈশ্বর বলিবেন,) “যদ্রূপ আমি তোমাদিগকে প্রথমবার সৃজন করিয়াছি, সত্যসত্যই তদ্রূপ তোমরা আমার নিকটে নিঃসহায় আসিয়াছ, আমি তোমাদিগকে যাহা দান করিয়াছিলাম, তোমরা তাহা আপন পশ্চাত্তাপে পরিত্যাগ করিয়াছ; তোমরা যাহাদিগকে ভাবিয়াছিলে যে, নিশ্চয় তাহারা

একত্রে ও ধর্মের মূলে যে ঐক্য ছিল, তাহার অনুসরণ কর। বিভিন্ন শাখা প্রশাখা বিবরের অনুসরণ করিও না। এই আয়ত সম্বন্ধে মক্কাতিহোলগরের নামক গ্রন্থে উল্লিখিত হইয়াছে যে, ঈশ্বর হজরত মোহাম্মদকে বলিয়াছেন, “তুমি পূর্বতন প্রেরিতপুরুষদিগের ভাবগতি ও চরিত্রের অনুসরণ কর।” অর্থাৎ প্রত্যেকের গুণ ও চরিত্র জ্ঞাত হইয়া তাহার মধ্যে যাহা অত্যুত্তম ও পরম সুলভ, তাহা অবলম্বন কর। হজরত সম্বন্ধে প্রেরিতপুরুষদিগের অনুসরণ মূলে, ধর্মের শাখা প্রশাখার নহে। কেন না তাহার ধর্মবিধি তাহাদিগের ধর্মবিধিকে ধ্বংস করিয়াছে। এই উক্তি মর্ম এই যে, সচ্চরিত্রতা ও মহত্ব ও সদগুণ ও সম্ভাব যাহা পূর্বতন তত্ত্ববাহকদিগের জীবনে ভিন্ন ভিন্ন রূপে স্থিতি করিয়াছিল, একা হজরতের জীবনে সে সমুদায় একত্র প্রকাশ পাইয়াছিল। অতএব তিনি পূর্বতন সকল প্রেরিত অপেক্ষা শ্রেষ্ঠ ও উন্নত। এতদ্বিবরে অর্থাৎ ধর্মপ্রচারে তুমি তাহাদের নিকটে কোন পারিশ্রমিক প্রত্যাশা করিও না। পূর্ববর্তী কোন প্রেরিতপুরুষই প্রচার করিয়া মণ্ডলীর নিকট পুরস্কার প্রার্থনা করেন নাই।

(উ. হো.)

তোমাদের মধ্যে অংশী, তোমাদিগের সঙ্গে তোমাদের সহায়রূপে তাহাদিগকেত দেখিতেছি না ; সত্য সত্যই তোমাদের পরম্পর সম্বন্ধ ছিন্ন হইয়াছে, যাহা তোমরা মনে করিতেছিলে, তোমাদিগ হইতে তাহা বিলুপ্ত হইয়াছে । ৯৫ । ( র, ১১, আ, ৪ )

এবং নিশ্চয় ঈশ্বর শস্ত্রকণিকা ও বৃক্ষবীজের বিদারক, তিনি মৃত হইতে জীবিতকে ও জীবিত হইতে মৃতকে বাহির করেন ; ইনিই ঈশ্বর, তবে কোথা হইতে তোমরা ফিরিয়া যাও । ৯৬ । ইনি উষাকালের উদ্ভেদক এবং ইনি রজনীকে বিশ্রাম ও চন্দ্র সূর্য্যকে গণনার ( কালগণনার নিদর্শন ) করিয়াছেন ; পরাক্রান্ত জ্ঞানী ( ঈশ্বরের ) এই নিরূপণ । ৯৭ । এবং তিনিই যিনি তোমাদিগের জগৎ নক্ষত্রাবলী সৃজন করিয়াছেন, যেন তদ্বারা সমুদ্র ও প্রান্তরের অঙ্ককারের পথ প্রাপ্ত হও ; যাহারা বুঝিতেছে, সেই দলের জগৎ নিশ্চয় আমি নিদর্শন সকল বিস্তৃতভাবে বর্ণন করিলাম । ৯৮ । এবং তিনিই যিনি এক ব্যক্তি হইতে তোমাদিগকে উৎপাদন করিয়াছেন, পরে ( তোমাদের জগৎ ) অবস্থানভূমি ও প্রত্যর্পণভূমি আছে ; \* যাহারা বুঝিতেছে, সেই দলের জগৎ নিশ্চয় আমি বিস্তারিত রূপে নিদর্শন সকল বর্ণন করিলাম । ৯৯ । এবং তিনিই যিনি আকাশ হইতে বারি বর্ষণ করেন, পরে আমি তাহা দ্বারা প্রত্যেক উৎপাদ্য বস্তু বাহির করি, অনন্তর সেই জল হইতে হরিৎপদার্থনিচয় নিজ্জামিত করি, তাহা হইতে পরম্পর সম্মিলিত বীজ নিঃসারণ করি, খোঁসাতরু হইতে তাহার কোরকযুক্ত পরম্পর সম্মিলিত শাখাবলী ( বাহির করি, ) ড্রাকালতা হইতে উদ্ভান সকল এবং জয়তুন † ও পরম্পর সদৃশ ও অসদৃশ দাড়িষ (নির্গত করি) ; যখন ফল জন্মে ও তাহার পরিপকতা হয়, দৃষ্টি কর তাহার ফলের দিকে । যে সম্প্রদায় বিশ্বাস করিতেছে, তাহাদের জগৎ নিশ্চয় ইহার মধ্যে নিদর্শন সকল আছে । ১০০ । এবং তাহারা অম্বুরকে ঈশ্বরের অংশী করিয়াছে, প্রকৃত পক্ষে তাহাদিগকে তিনি সৃজন করিয়াছেন ; তাহারা অজ্ঞানতা-প্রযুক্ত তাহার জগৎ পুত্র ও কন্যাগণ সজ্জটন করিয়াছে । তিনি পবিত্র ও যাহা বর্ণনা হয়, তদপেক্ষা উন্নত । ১০১ । ( র, ১২, আ, ৬ )

তিনি স্বর্গ মর্ত্যের স্রষ্টা, তাহার সম্ভান কেমন করিয়া হইবে ; প্রকৃত পক্ষে তাহার ভাষ্যা নাই, এবং তিনি সমুদায় বস্তু সৃজন করিয়াছেন, এবং তিনি সর্ব্বজ্ঞ । ১০২ । এই পরমেশ্বরই তোমাদের প্রতিপালক, তিনি ব্যতীত উপাস্ত নাই, তিনি সমুদায় পদার্থের সৃষ্টিকর্তা ; অন্তএব তাহাকে অর্চনা কর, এবং তিনি সকল পদার্থের উপর কার্য্য-সম্পাদক । ১০৩ । চক্ষু তাহাকে অবধারণ করে না, তিনি চক্ষুকে অবধারণ করেন, এবং

\* প্রথমতঃ মনুষ্য মাতৃগর্ভে সৃষ্ট হয় । ক্রমে ক্রমে তাহার পার্থিব লক্ষণ প্রকাশ পায়, পরে সে পৃথিবীতে স্থিতি করে, তৎপরে কবরে সমর্পিত হয় ও ক্রমশঃ তাহার পরলোকের ভাব প্রকাশিত হয়, অবশেষে সে স্বর্গে বা নরকে অবস্থিতি করে । ( ত, হো, )

† জয়তুন এক প্রকার বৃক্ষ, তাহার বীজ হইতে তৈল উৎপন্ন হয় । সেই তৈল প্রদীপে এবং বোলতা দংশন করিলে ঔষধরূপে ব্যবহৃত হইয়া থাকে ।

তিনি কুপালু ও জাতা \* । ১০৪ । সত্যই তোমাদের নিকটে তোমাদের প্রতিপালক হইতে প্রমাণ সকল আসিয়াছে ; পরন্তু যে ব্যক্তি দর্শক, সে তাহার আত্মার জ্ঞান (দর্শক,) এবং যে ব্যক্তি অন্ধ, সে তাহার আত্মার সঙ্কে ( অন্ধ ) ; ( বল, হে মোহম্মদ, ) আমি তোমাদিগের সঙ্কে রক্ষক নহি । ১০৫ । এবং এই প্রকার আমি নিদর্শন সকল ব্যক্ত করিতেছি, তাহাতে তাহারা বলে, “তুমি পাঠ করিয়াছ” ; এবং তাহাতে জ্ঞান রাখে, এমন দলের জ্ঞান আমি তাহা ব্যক্ত করিব না । ১০৬ । তোমার প্রতিপালক হইতে তোমার প্রতি যাহা প্রত্যাদেশ হইয়াছে, তুমি তাহার অনুসরণ কর, তিনি ব্যতীত উপাস্য নাই, এবং অংশিবাদিগণ হইতে বিমুখ হও । ১০৭ । এবং যদি ঈশ্বর চাহিতেন, তাহারা অংশী স্থাপন করিত না ; আমি তোমাকে তাহাদের সঙ্কে রক্ষক করি নাই, তুমি তাহাদের উপর তত্ত্বাবধায়ক নও । ১০৮ । যাহারা ঈশ্বরকে ছাড়িয়া ( অগ্নি দেবতাকে ) আহ্বান করে, তাহাদিগকে ( হে মোসলমানগণ, ) কুবাক্য বলিও না, যেহেতু তাহারা অজ্ঞানতাবশতঃ ঈশ্বরকে অধিক কুবাক্য বলিবে ; এই প্রকার আমি প্রত্যেক মণ্ডলীর জ্ঞান তাহাদের ক্রিয়া সজ্জিত করিয়াছি, অতঃপর তাহাদের প্রতিপালকের নিকটে তাহাদের প্রতিগমন হইবে, তাহারা যাহা করিতেছে, পরে তিনি তাহাদিগকে জ্ঞাপন করি বেন । ১০৯ । এবং তাহারা ঈশ্বর সহকারে স্বীয় কঠিন শপথে শপথ করে যে, যদি কোন নিদর্শন তাহাদের নিকটে উপস্থিত হয়, তবে অবশ্য তাহারা তৎপ্রতি বিশ্বাস স্থাপন করিবে ; বল ( হে মোহম্মদ, ) নিদর্শন সকল পরমেশ্বরের নিকট, ইহা ভিন্ন নহে ; এবং কিসে তোমাদিগকে জ্ঞাপন করিতেছে, ( হে মোসলমানগণ, ) যখন তাহা উপস্থিত হইবে, নিশ্চয় তাহারা বিশ্বাস করিবে না ? ১১০ । এবং যেমন প্রথম বারে তাহারা ইহার ( কোর-আনের ) প্রতি বিশ্বাস স্থাপন করে নাই, তদ্রূপ আমি তাহাদের অন্তর ও তাহাদের চক্ষুকে ফিরাইব, এবং আপন অবাধ্যতাচরণে ঘূর্ণায়মান হইতে ছাড়িয়া দিব ঃ । ১১১ । ( র, ১৩, আ, ১০ )

\* অর্থাৎ তিনি স্বয়ং দর্শন না দিলে চক্ষুর এরূপ শক্তি নাই যে, তাঁহাকে দর্শন করে, এতদ্ব্যতীত তিনি সূক্ষ্ম । ( ত, কা, )

+ ধর্মদ্রোহী কোরেশদিগের এই সংস্কার ছিল যে, হজরত মোহম্মদ জোবায়র ও হারসা নামক তাঁহার দুই ভৃত্যের নিকটে উক্তি সকল শিক্ষা করেন, পরে তাহা ঈশ্বর প্রত্যাদেশ করিয়াছেন বলিয়া প্রচার করেন । ঈশ্বর বলিতেছেন যে, আমি বসে সকল জ্ঞানবান লোকের নিকট ব্যক্ত করিব । কেহ বলিতে পারিবে না যে, তুমি কোন লোকের নিকটে শিক্ষা করিয়াছ, যেহেতু এই প্রকার বাক্য মনুষ্য বলিতে পারে না । ( ত, হো, )

‡ অর্থাৎ ঈশ্বর তাহাদিগকে আলোক দেন, তাহারা প্রথমেই সত্য শ্রবণ করিয়া বিবেচনা সহকারে গ্রাহ্য করিয়া থাকেন । যে ব্যক্তি প্রথমেই বিরোধী হয়, তাহার নিকটে কোন নিদর্শন উপস্থিত হইলেও সে কোনরূপ চলনা করিয়া তাহা অস্বীকার করিয়া থাকে । কেবলমাত্র প্রেরিতপুরুষ মুসার প্রদর্শিত নিদর্শন সকলের প্রতি কিছুতেই বিশ্বাস স্থাপন করে নাই । ( ত, কা, )

এবং যদি আমি তাহাদিগের নিকটে দেবতাদিগকে অবতারণ করিতাম ও তাহাদের সঙ্গে মৃত ব্যক্তির কথা কহিত, এবং আমি তাহাদের নিকটে দলে দলে সমুদায় বস্তু একত্রিত করিতাম, ঈশ্বর ইচ্ছা না করিলে কখনও তাহারা বিশ্বাস স্থাপন করিত না; কিন্তু তাহাদের অধিকাংশই মূর্খতা প্রকাশ করিতেছে। ১২। কিন্তু এই প্রকার আমি প্রত্যেক তস্ববাহকের জন্ত শয়তানরূপী মনুষ্যকে ও দানবকে শত্রু করিয়াছি, তাহাদের কেহ কেহ প্রতারণিত করিবার জন্ত কাহারও প্রতি স্থূললিত বাক্য বলিয়া থাকে; যদি তোমাদের প্রতিপালক চাহিতেন, তাহারা তাহা করিত না। অতএব তাহারা যাহা বন্ধন করিতেছে, তাহাতে তাহাদিগকে ছাড়িয়া দেও \*। ১১৩। এবং যাহারা পরলোকে বিশ্বাসী নয়, তাহাদের মন তজ্জন্ত তৎপ্রতি অনুরাগী হয়; তখন তাহারা তাহা মনোনীত করে ও তাহাতে উহারা যাহার অনুষ্ঠাতা, তাহা করিয়া থাকে †। ১১৪। (বল) অনন্তর “আমি কি ঈশ্বরকে ছাড়িয়া (অন্ত) আজ্ঞা-প্রচারক অন্বেষণ করিব? তিনিই (ঈশ্বর) যিনি তোমাদের নিকটে বিস্তৃত গ্রন্থ অবতারণ করিয়াছেন;” যাহাদিগকে গ্রন্থ প্রদত্ত হইয়াছে, তাহারা জানে যে, ইহা সত্যতঃ তোমার প্রতিপালক হইতে অবতারণিত; অতএব তুমি সন্দেহকারীদিগের অন্তর্গত হইও না। ১১৫। এবং তোমার প্রতিপালকের বাক্য সত্য ও সত্যেতে পূর্ণ, তাঁহার বাক্যের কোন পরিবর্তনকারী নাই, তিনি শ্রোতা ও জ্ঞাতা। ১১৬। অপিচ যদি তুমি পৃথিবীস্থ অধিকাংশ লোকের আজ্ঞানুসরণ কর, তবে তাহারা তোমাকে ঈশ্বরের পথ হইতে বিচ্যুত করিবে, তাহারা অনুমানের অনুসরণ বৈ করে না ও মিথ্যা ভিন্ন বলে না। ১১৭। নিশ্চয় তোমার সেই প্রতিপালক উত্তম জ্ঞাত যে, কোন্ ব্যক্তি তাঁহার পথ হইতে দূরে যাইতেছে, এবং তিনি পথ-প্রাপ্তকে উত্তম জ্ঞাত। ১১৮। যদি তোমরা তাঁহার নিদর্শন সকলে বিশ্বাসী হও, তবে যাহার উপর ঈশ্বরের নাম উচ্চারিত হইয়াছে, তাহা ভক্ষণ কর। ১১৯। এবং তোমাদের কি হইয়াছে যে,

\* অর্থাৎ হে মোহম্মদ, তোমার যেরূপ শত্রু আছে, সেইরূপ আমি প্রত্যেক তস্ববাহকের জন্ত শয়তানরূপী মনুষ্যকে ও দৈত্যাদিগকে শত্রু করিয়া তুলিয়াছিলাম। কাফের লোকেরাই শয়তানরূপী দানব। তাহারা শয়তানের স্তায় ঈশ্বরের অনুগ্রহে বঞ্চিত। কতক শয়তানরূপী দানব শয়তানরূপী মনুষ্যকে, অথবা কতক দানব দানবকে, কতক মনুষ্য মনুষ্যকে স্থূললিত বাক্যে প্রতারণা করে। ঈশ্বর যদি তাহাদের ধর্ম চাহিতেন, তাহারা তস্ববাহকদিগের সঙ্গে শত্রুতাচরণ করিত না। তাহারা যে সকল অসত্য বন্ধন করিতেছে, সেই সকল মিথ্যাচরণে তাহাদিগকে ছাড়িয়া দেও। (ত, হো,)

† কাফের লোকেরা বলিতেছিল যে, মোসলমানেরা নিজে যে সকল জন্তকে বধ করে, তাহা ভক্ষণ করিয়া থাকে, এবং ঈশ্বর যে সকল জন্তকে মারেন, তাহা খায় না, ইহা অত্যন্ত গর্হিত। শয়তান সন্দেহ-স্থাপনের জন্ত এই সকল প্রতারণা-বাক্য শিক্ষা দিয়া থাকে। মনুষ্যবুদ্ধিব আজ্ঞা সত্য নয়, ঈশ্বরের আজ্ঞা সত্য। পূর্বে পরিষ্কাররূপে বলা হইয়াছে যে, সকল জন্তের হস্তা ঈশ্বর। কিন্তু তাঁহার নামের বিশেষ গুণ আছে। যে জন্তকে তাঁহার নামযোগে জন্ত করা হইয়াছে, তাহাই বৈধ; তন্নিম্ন যাহা মরিয়াছে, তাহা অবৈধ শব্দ। এই কয়েক আয়তে এই ভাব ব্যক্ত হইয়াছে। (ত, কা,

যাহার উপর ঈশ্বরের নাম উচ্চারিত হইয়াছে, তোমরা তাহা ভঙ্গন করিবে না, এবং তোমাদের সম্বন্ধে যাহা তদ্বিষয়ে নিরুপায় হওয়া-ব্যতিরেকে অবৈধ, নিশ্চয় তাহা তিনি বিস্তারিত বর্ণন করিয়াছেন ; এবং একান্তই বহু লোক অজ্ঞানতাবশতঃ স্বেচ্ছামুগারে পথভ্রান্ত হইয়াছে, নিশ্চয় তোমার সেই প্রতিপালক সীমালঙ্ঘনকারীদিগকে উত্তম জ্ঞাত । ১২০ । তোমরা পাপের বাহির ও তাহার অন্তরকে পরিত্যাগ কর ; \* নিশ্চয় যাহারা পাপ উপার্জন করে, তাহারা যাহা করিতেছে, অবশ্য আমি তদনুরূপ প্রতিফল দান করিব । ১২১ । এবং যাহার উপর ঈশ্বরের নাম উচ্চারিত হয় নাই, তোমরা তাহা ভঙ্গন করিও না, নিতান্তই উহা অধর্ম ; নিশ্চয় শয়তান তাহার বন্ধুদিগের প্রতি আদেশ করিয়া থাকে, যেন তাহারা তোমাদের সঙ্গে বিরোধ করে ; যদি তোমরা তাহাদের অনুগামী হও, তবে একান্তই তোমরা অংশিবাদী হইবে । ১২২ । ( র, ১৪, আ, ১১ )

ভাল, যে ব্যক্তি মরিয়াছিল, পরে তাহাকে আমি জীবন দিয়াছি, এবং তাহার জন্ত জ্যোতি উৎপাদন করিয়াছি ; সে তৎসাহায্যে মহা অন্ধকারে আছে ও তৎসাহায্যে তাহা হইতে বহির্গামী হয় না যে ব্যক্তি, তৎসদৃশ লোকের মধ্যে সে বিচরণ করে ; এইরূপ কাকেরদিগের জন্ত, তাহারা যাহা করিতেছিল, তাহা সজ্জিত করা হইয়াছে । ১২৩ । এবং

\* তাহাই ব্যক্ত পাপ, যাহা অঙ্গ-প্রত্যঙ্গ-যোগে কৃত হয় । গুপ্ত পাপ তাহা, যাহা চিন্তাতে হয় । হকারেকঃসলাম নামক গ্রন্থে উল্লিখিত হইয়াছে যে, সাংসারিক সুখ অন্বেষণ করা ব্যক্ত পাপ, এবং পারলৌকিক সুখের প্রতি অনুরাগী হওয়া গুপ্ত পাপ । এই দুই কারণেই লোকের ঈশ্বরবিচ্যুতি হয় । কিম্বা ব্যক্ত পাপ ইন্দ্রিয়যোগে মানবীয় প্রবৃত্তির চরিতার্থতা-সাধনে অনুরক্ত হওয়া এবং গুপ্ত পাপ অন্তরে নিকট কামনার প্রতি ঐতি স্থাপন করা । তাহাই ব্যক্ত পাপ, যে পাপ লোকে জানিতে পারে ; তাহাই গুপ্ত পাপ, যাহা ঈশ্বর ও সেই পাপী মনুষ্যই জানে, অন্ত্রে জ্ঞাত নহে । প্রকৃতপক্ষে ব্যক্ত পাপ কু কথা ও কু কার্য, যাহা অঙ্গ-প্রত্যঙ্গ-যোগে উপাস্ত হইয়াছে, গুপ্ত পাপ মনের অসাধু উদ্যোগ ও মন্দ বিশ্বাস । বহরোল্ হকারেকে উল্লিখিত হইয়াছে যে, মানুষের দুই বিভাগ, বাহির ও অন্তর, বহির্ভাগ শরীর । আন্তরিক পাপের প্রকাশ কুশভাবানুযায়ী বিধি-বন্ধন বাক্যে ও কার্যে হয় । যাহার অন্তর পশুশুণ্যবিশিষ্ট, তাহার বাক্যে ও কার্যে সেইভাবে প্রকাশ হইয়া পড়ে । ( ত, হো, )

+ এই আরত হামজা ও আবুঅহলের সম্বন্ধে অথবা ওমরকারক ও আবুঅহলের সম্বন্ধে অবতীর্ণ হইয়াছিল । যে দিন দুরাঙ্গা আবুঅহল হজরতের প্রতি ভয়ানক অত্যাচার করিয়াছিল, সে দিবস তাহার পিতৃব্য হামজা যুগ্মায় গিয়াছিলেন । তিনি গৃহে প্রত্যাগমনপূর্বক অত্যাচারবৃত্তান্ত অবগত হইয়া অত্যন্ত ক্রুদ্ধ হন ও আবুঅহলের মস্তক শর দ্বারা বিদ্ধ করেন, এবং স্বয়ং কলেমা পড়িয়া এসলাম ধর্মে দীক্ষিত হন । অতএব ধর্ম-জ্যোতিতে হামজা জীবিত এবং আবুঅহল পাপাত্মকাবে আচ্ছন্ন । দ্বিতীয়তঃ ওমরকারক ও আবুঅহল হজরতকে অপমান ও উৎপীড়ন করিতে অগ্রণী ছিলেন । হজরত উভয়ের মনের পরিবর্তনের জন্ত প্রার্থনা করেন । তাহার প্রার্থনা কারকের সম্বন্ধে গৃহীত হয় । অতএব ওমরকারক জ্যোতিমান এবং আবুঅহল তিমিরাবৃত থাকে । ( ত, হো, )

উপরে সূত্র উল্লেখ হইয়াছে । কাকেরদিগের প্রতিও সেই দৃষ্টান্ত প্রদর্শিত হইল । অর্থাৎ প্রথমতঃ অজ্ঞানতাবশতঃ সকলে মৃত ছিল, পরে বিশ্বাসী হইয়া জীবিত হইল, এবং জ্যোতি লাভ



এইরূপ আমি প্রত্যেক গ্রামে তথাকার প্রধান পাপাচারীদেরকে সৃজন করিয়াছি, যেন তথায় তাহারা প্রবঞ্চনা করিতে থাকে ; কিন্তু নিজের জীবনের প্রতি প্রবঞ্চনা বৈ করে না, এবং ( তাহা ) বুঝিতেছে না । ১২৪ । এবং যখন তাহাদের নিকটে কোন নিদর্শন উপস্থিত হয়, তাহারা বলে যে, ঈশ্বরের প্রেরিতদেরকে যাহা প্রদত্ত হইয়াছে, যে পর্য্যন্ত আমরাদিগকে তৎসদৃশ প্রদত্ত না হয়, আমরা কখনও বিশ্বাস স্থাপন করিব না ; কোন স্থানে স্বীয় প্রেরিতের স্থাপন করিতে হয়, পরমেশ্বর তাহা উত্তম জ্ঞাত আছেন । যাহারা পাপ করিয়াছে, অবশ্য তাহারা ঈশ্বরের নিকটে অপমানিত, এবং প্রতারণা করিতেছে বলিয়া কঠিন শাস্তিগ্রস্ত হইবে । ১২৫ । পরন্তু পরমেশ্বর যাহাকে ইচ্ছা হয়, তাহাকে পথ প্রদর্শন করিয়া থাকেন, এসলাম ধর্মের জন্ত তাহার হৃদয়কে প্রশস্ত করেন, এবং যাহাকে ইচ্ছা হয়, তাহাকে বিভ্রান্ত করিয়া থাকেন, তাহার হৃদয়কে অতি সঙ্কীর্ণ করেন, তাহারা যেন আকাশে উঠিতে থাকে \* । এই প্রকার ঈশ্বর অবিশ্বাসীদের প্রতি অন্তর্দ্বন্দ্বিতা স্থাপন করেন । ১২৬ । এই (এসলাম ধর্ম) তোমার প্রতিপালকের সরল পথ, নিশ্চয় আমি, উপদেশ গ্রহণ করে, এমন সম্প্রদায়ের জন্ত আয়ত সকল বিস্তৃত ভাবে ব্যক্ত করিয়াছি । ১২৭ । তাহাদের নিমিত্ত তাহাদের প্রতিপালকের সন্নিধানে শাস্তিনিকেতন আছে, এবং তাহারা যাহা করিতেছে, তাহার জন্ত তিনি তাহাদিগের বন্ধু হন । ১২৮ । এবং যে দিবস তিনি তাহাদের সকলকে একত্র করিবেন, ( বলিবেন, ) “হে দৈত্যদল, নিশ্চয় তোমরা বহু লোককে প্রাপ্ত হইয়াছ ;” এবং তাহাদের বন্ধু মানবগণ বলিবে, “হে আমাদের প্রতিপালক, আমরা এক অণু জন হইতে পরস্পর ফলভোগ করিয়াছি, এবং যাহা তুমি আমাদের জন্ত নির্ধারিত করিয়াছ, আমরা নিজের সেই নির্দিষ্ট কালে উপনীত হইয়াছি ।” তিনি বলিবেন, “ঈশ্বর যাহা চাহেন, তাহা ব্যতীত তোমাদের স্থান অগ্নিতে, তাহাতে চিরকাল থাকিবে ।” নিশ্চয় তোমার প্রতিপালক নিপুণ ও জ্ঞাত † । ১২৯ । এবং এইরূপে আমি অত্যাচারীদের এক জনকে অপর জনের উপর, তাহারা যাহা করিতেছিল, তজ্জন্ত প্রবল করিয়া থাকি । ১৩০ । ( র. ১৫, আ, ৮ )

করিল । সকলেই তাহাদের মুখমণ্ডলে বিশ্বাসের জ্যোতিঃ দর্শন করিয়াছিল । যাহারা বিশ্বাস লাভে বঞ্চিত হইয়াছিল, তাহারা অন্ধকারে পতিত ছিল । ( ত, ফা, )

\* তাহারা সত্য গ্রহণ না করিয়া যেন আকাশে পলায়ন করে, অর্থাৎ অতিশয় দূরে চলিয়া যায় । ( ত. হো, )

† যখন ঈশ্বর তাহাদের সকলকে একত্র করিবেন, অর্থাৎ দৈত্য ও মনুষ্যদিগকে একত্র করিবেন, তখন তিনি বলিবেন, “দৈত্যগণ, তোমরা অনেক মনুষ্যকে ভুলাইয়া অধীন করিয়া রাখিয়াছ ।” সেই অশ্রুদলের অন্তর্গত মানবগণ বলিবে, “পরমেশ্বর, আমরা পরস্পর ফল লাভ করিয়াছি ।” অর্থাৎ মনুষ্যেরা দৈত্য দ্বারা এই ফলভোগ করিয়াছে যে, তাহাদের নিকৃষ্ট প্রবৃত্তি চরিতার্থ হইয়াছে, এবং দৈত্যগণ মনুষ্য দ্বারা এই ফল লাভ করিয়াছে যে, তাহাদিগকে আপনাদের অন্তর্গত দাস করিয়া লইয়াছে । পরন্তু তাহারা বলিবে, “পরমেশ্বর, তুমি আমাদের জন্ত যাহা নির্দিষ্ট করিয়াছিলে, অর্থাৎ

হে দানব ও মানবদল, তোমাদের নিকটে আমার নিদর্শন সকল ব্যক্ত করিতে এবং তোমাদের এই দিনের সাক্ষাৎকারসম্বন্ধে তোমাদিগকে ভয় প্রদর্শন করিতে, তোমাদিগের মধ্য হইতে কি তোমাদের সমীপে প্রেরিত পুরুষ আগমন করে নাই ? \* তাহারা বলিবে, “আপন জীবনসম্বন্ধে আমরা সাক্ষ্য দান করিয়াছি;” তাহাদিগকে পার্থিব জীবন প্রতারণিত করিয়াছিল ও তাহারা স্বীয় জীবনসম্বন্ধে সাক্ষ্য দান করিয়াছিল যে, তাহারা কাফের ছিল ঃ। ১৩১। ইহা ( ধর্ম প্রবর্তক প্রেরণ ) এই জন্ত যে, কখনও তোমার প্রতিপালক অত্যাচার দ্বারা গ্রাম সকলের ও তন্নিবাসীদিগের উদাসীণ্যাবস্থায় বিনাশক নহেন। ১৩২। প্রত্যেকের জন্ত, তাহারা যাহা করিয়াছে, তন্নিমিত্ত উন্নত পদ সকল আছে ও তাহারা যাহা করিয়া থাকে, তদ্বিষয়ে তোমার প্রতিপালক উদাসীন নহেন। ১৩৩। এবং তোমার প্রতিপালক ঐশ্ব্যবান্ ও দয়াবান্ ; যদি তিনি ইচ্ছা করেন, তোমাদিগকে দূর করিবেন, এবং যাহাকে ইচ্ছা তাহাকে তোমাদের পরে স্থলবর্তী করিবেন, যেমন অগ্নি সম্প্রদায়ের সন্তানগণ হইতে তোমাদিগকে উৎপাদন করিয়াছেন। ১৩৪। নিশ্চয় যাহা তোমাদিগকে অঙ্গীকার করা যাইতেছে, তাহা অবশ্য উপস্থিত হইবে, এবং তোমরা ( ঈশ্বরের ) পরাভবকারী নও। ১৩৫। তুমি বল, হে আমার সম্প্রদায়, তোমরা স্বীয় অবস্থানুযায়ী কার্য করিতে থাক, নিশ্চয় আমিও কার্যকারক ; অবশেষে অবশ্য তোমরা জানিতে পাইবে, কোন্ ব্যক্তি যে তাহার জন্ত পারলৌকিক নিকেতন হইবে। নিশ্চয় অত্যাচারিগণ মুক্ত হইবে না ঃ। ১৩৬। এবং তাহারা ক্ষেত্র ও গ্রাম্যপশু হইতে যাহা উৎপাদন করিয়াছে, তাহার অংশ পরমেশ্বরের জন্ত রাখিয়াছে ; পরে আপন মনে মনে বলিয়াছে যে, ইহা ঈশ্বরের জন্ত এবং ইহা আমাদের অংশীদিগের ( প্রতিমাদিগের ) জন্ত। পরন্তু যাহা অংশীদের জন্ত হইয়াছে, পরে তাহা ঈশ্বরের প্রতি প্রবর্তিত হয় না, এবং যাহা ঈশ্বরের নিমিত্ত, পরে তাহা তাহাদের অংশীদিগের প্রতি প্রবর্তিত হয় ; তাহারা যাহা

কবর হইতে উত্থানের যে সময় নির্দ্ধারিত করিয়াছিল, সেই সময়ে এক্ষণ আমরা সমুপাধিত হইয়াছি, আমাদের দশা কি হইবে ?” “ঈশ্বর যাহা চাহেন, তাহা ব্যতীত” অর্থাৎ ঈশ্বর ইচ্ছা করিলে সেই শাস্তি নিবারণ করিতে পারেন। ( ত, হো, )

\* কথিত আছে যে, দানব জাতি হইতেও তাহাদের মধ্যে প্রেরিত পুরুষের অভ্যুদয় হইয়াছিল। অনেক দানব প্রেরিতদিগকে নজর বলে, তাহারা দানবকূলে মনুষ্যপ্রেরিত পুরুষগণ হইতে প্রেরিত। যথা, হজরত মোহম্মদ হইতে সাত জন দানব ধর্মালোক লাভ করিয়া স্বজাতির নিকটে তাহা প্রচার করিয়াছিলেন। ( ত, হো, )

+ “আপন জীবনসম্বন্ধে আমরা সাক্ষ্যদান করিয়াছি,” অর্থাৎ আমাদের ধর্মদ্রোহিতা স্বীকার করিতেছি, এবং আমরা যে শাস্তি পাইবার উপযুক্ত, স্বীকার করিয়াছি। ( ত, হো, )

‡ এক্ষণই তোমরা বুঝিতে পার, কোন্ দিকে সংসারের গতি, এবং পরিভ্রাণ-সম্পৎ কে লাভ করিবে? দেখ, দীন দুর্বলগণ গৌরবের নিকেতনে কেমন আহুত এবং ধনশালী প্রভুগণ কেমন লাঞ্ছনার কারাগারে প্রেরিত হইতেছে। ( ত, হো, )

নিষ্পত্তি করে, তাহা অকল্যাণ \* । ১৩৭ । এবং এইরূপ অংশিবাদীদের অধিকসংখ্যকের জন্ত তাহাদের অংশিগণ তাহাদের সম্মানগণের হত্যা সজ্জিত করিয়াছিল, তাহাতে তাহাদিগকে বিনাশ করে, এবং তাহাতে তাহাদের ধর্ম তাহাদের সম্মুখে মিশ্রিত করে ; এবং যদি ঈশ্বর চাহিতেন, তাহারা তাহা করিত না । অতএব তাহাদিগকে ও তাহারা যাহা প্রবর্তন করিতেছে, তাহা পরিত্যাগ করে † । ১৩৮ । এবং তাহারা বলে যে, “এই চতুস্পদ সকল ও ক্ষেত্র নিষিদ্ধ, যাহা আমরা আপন অন্তরে ইচ্ছা করি, তাহা ব্যতীত ভক্ষণ করি না ; ” কিন্তু এক চতুস্পদ (আরোহণের জন্ত) যাহার পৃষ্ঠ ও (কোরবাণীর) চতুস্পদ যাহার উপর ঈশ্বরের নাম উচ্চারিত হয় নাই, অসত্যারোপ হইয়াছে বলিয়া নিষিদ্ধ ; তাহারা যে অসত্যারোপ করিতেছে, তজ্জন্ত অবশ্য তাহাদিগকে প্রতিফল প্রদান করা হইবে ‡ । ১৩৯ । এবং তাহারা বলিয়াছে যে, “এই চতুস্পদের গর্ভে যাহা আছে, তাহা আমাদের পুরুষদিগের জন্ত বৈধ, এবং আমাদের নারীগণের সম্মুখে অবৈধ ; কিন্তু যদি মরিয়া যায়, তবে তাহারা তাহাতে অংশী ।” অবশ্য তিনি তাহাদের কথার প্রতিফল তাহাদিগকে দিবেন, নিশ্চয় তিনি নিপুণ ও জ্ঞাতা § । ১৪০ । যাহারা নিবুদ্ধিতা ও অজ্ঞানতাবশতঃ আপন সম্মানদিগকে হত্যা করিয়াছে, সতাই তাহারা ক্ষতিগ্রস্ত হইয়াছে ; এবং তাহারা ঈশ্বরের প্রতি অসত্যারোপ করতঃ, ঈশ্বর তাহাদিগকে যাহা উপজীবিকা

\* কাফেরগণ ঈশ্বরের জন্ত ও প্রতিমার জন্ত শস্ত্র-ক্ষেত্র হইতে ও পশুশাবক হইতে কিছু অংশ উৎসর্গ করিত । পরে ঈশ্বরের নামে উৎসর্গীকৃত কোন পশুকে উৎকৃষ্টতর দেখিলে প্রতিমার নিকটে পশুর সঙ্গে বিনিময় করিত, কিন্তু প্রতিমার জন্ত উৎসর্গীকৃত উত্তম পশুকে পরমেশ্বরের নিকটে পশুর সঙ্গে বিনিময় করিত না । যেহেতু তাহারা ঈশ্বরোপেক্ষা প্রতিমাকে অধিক ভয় করিত ; পরন্তু স্বার্থও তদ্রূপ বিনিময়ের অন্তর কারণ ছিল । প্রতিমার উদ্দেশ্যে যে পশু বলিদান হইত, তাহার মাংস প্রসাদরূপে তাহারা পাইত ; ঈশ্বরোদ্দেশ্যে বলিপ্রদত্ত পশু ভিক্ষুকগণ গ্রহণ করিত । (ত, ফা, )

† শয়তান যেমন কুকর্ষকে সজ্জিত করে, এইরূপ অংশিবাদীদের চক্ষে তাহাদের সম্মানগণের হত্যা তাহাদের উপাস্ত্র দেবতাগণ বা পুরোহিতগণ সজ্জিত করিয়াছিল । তখন তাহারা তাহাদিগকে বিনাশ করে, অর্থাৎ তখন তাহারা অংশিবাদীদের বিপথগামী করে ; এসময়ালের ধর্ম যে তাহারা আশ্রয় করিয়াছিল, তাহা তাহাদের নিকটে মিশ্রিত বিকৃত করে । (ত, হো, )

‡ এই চতুস্পদ সকল ও ক্ষেত্র নিষিদ্ধ, অর্থাৎ ঈশ্বরোদ্দেশ্যে উৎসর্গীকৃত যে সকল পশু ও শস্ত্র-ক্ষেত্র, তাহা গ্রহণে নিষেধ । এস্থলে অসত্যারোপ হওয়ার অর্থ, প্রতিমার নামে বলিদান করা । (ত, হো, )

§ কাফেরদিগের এই এক নিয়ম ছিল যে, কোন পশুকে জভ করার পর তাহার উদর হইতে জীবিত শাবক নির্গত হইলে পুরুষেরা তাহা ভক্ষণ করে, স্ত্রীলোকদিগের সেই শাবকের মাংস খাইবার অধিকার ছিল না । মৃত শাবক বাহির করা হইলে স্ত্রী পুরুষ সকলে তাহা ভক্ষণ করিত । এই রীতি অত্যন্ত দূষিত । ইসলাম ধর্মে স্ত্রী পুরুষের মধ্যে প্রভেদ নাই । শাবক জীবিত বাহির হইলে তাহাকে জভ করিলেই বৈধ হয়, জভ ব্যতীত তাহা শবতুল্য অবৈধ । মৃত শাবক গর্ভচ্যুত হইলে এমাম আজমের মতে তাহা অধাঙ্গ । (ত, ফা, )

দিয়াছেন, তাহা অবৈধ করিয়াছে। সত্যই তাহার বিপথগামী হইয়াছে ও সংপথগামী হয় নাই \*। ১৪১। ( র, ১৬, আ, ১১ )

এবং তিনিই যিনি সমুখাপিত ও অসমুখাপিত উদ্ভান সকল † এবং খোন্দাতরু ও শশুকৈত্র যাহার খাচু বিভিন্ন এবং জয়তুন ও পরস্পর সদৃশ ও অসদৃশ দাড়িষ সৃষ্টি করিয়াছেন; তাহা যখন ফলবান্ হয়, তাহার ফল ভোগ কর, এবং তাহার ( শশুর ) কর্তন করিবার দিন তাহার স্বত্ব ( সেদকা বা জকাত ) প্রদান কর, এবং অমুচিত ব্যয় করিও না; নিশ্চয় তিনি অপব্যয়ীদিগকে প্রেম করেন না ‡। ১৪২। + এবং তিনি ভারবাহক ও ভূমিশায়ী চতুষ্পদদিগকে ( সৃজন করিয়াছেন; ) § ঈশ্বর তোমাদিগকে যাহা উপজীবিকারূপে দিধাছেন, তাহা ভক্ষণ কর ও শয়তানের পদের অনুসরণ করিও না, নিশ্চয় সে তোমাদের স্পষ্টশত্রু। ১৪৩। + আট জোড়া ( পশু সৃজন করিয়াছেন, ) দুই জোড়া মেঘ এবং দুই জোড়া ছাগ; বল ( হে মোহম্মদ, ) তিনি কি এই দুই পুং পশুকে বা এই দুই স্ত্রী পশুকে কিম্বা এই দুই স্ত্রী পশুর জরায়ু যাহার উপর সংলগ্ন হইয়াছে, তাহাকে অবৈধ করিয়াছেন? || যদি তোমরা সত্যবাদী হও, জ্ঞানানুসারে আমাকে সংবাদ দান কর। ১৪৪। + এবং দুই ( জোড়া ) উষ্ট্র ও দুই ( জোড়া ) গো ( সৃজন করিয়াছেন; ) বল, তিনি কি এই পুং পশুদ্বয়কে বা এই স্ত্রী পশুদ্বয়কে অথবা এই স্ত্রী পশুদ্বয়ের জরায়ু যাহার উপর সংলগ্ন হইয়াছে, তাহাকে অবৈধ করিয়াছেন? যখন ঈশ্বর এ বিষয়ে তোমাদিগকে অনুশাসন করিয়াছিলেন, তখন তোমরা কি উপস্থিত ছিলে? অবশেষে অজ্ঞানতা প্রযুক্ত মনুষ্যদিগকে বিপথগামী করিতে যে ব্যক্তি ঈশ্বরসম্বন্ধে

\* রবর ও মজর জাতি ও অল্প কোন কোন আরব্য জাতি স্বীয় শিশুকন্তাদিগকে জীবিতাবস্থায় কবরে স্থাপন করিত। যৌবনকালে তাহাদের বিবাহ দিতে অধিক ব্যয় বিধান করিতে হইবে, এই ভয়ই কন্তাহত্যার একটি প্রবল কারণ। বিশেষতঃ আরব্য জাতির মধ্যে হত্যা ও লুণ্ঠনাদি নিষ্ঠুর কাণ্ড সচরাচর প্রচলিত ছিল। ( ত, হো, )

† মনুষ্য যে উদ্ভানকে সহস্তু স্থাপন করিয়াছে, তাহা সমুখাপিত উদ্ভান; যে সকল বৃক্ষ পর্বতাদিতে স্বতঃ উৎপন্ন হইয়াছে, তাহা অসমুখাপিত। ( ত, হো, )

‡ শশুকর্তন ও কলাহরণের সময়েই সেদকা অর্থাৎ দরিদ্রদিগকে দান করিবে, জকাত অর্থাৎ উপার্জিত বস্তুর চল্লিশভাগের একভাগ ধর্মার্থ দান করিবে, বিলম্ব করিবে না। কেহ কেহ বলেন, জকাতের বিধি মদিনাতে হইয়াছিল, এই আয়ত মক্কাতে অবতীর্ণ হয়; অতএব ইহা জকাত সৎস্কীয় নহে, সেদকা সৎস্কীয়। কবলের পুত্র সাবেতের প্রায় পাঁচশত খোন্দা তরু ছিল। তিনি সেই সকল বৃক্ষের সমুদায় খোন্দা সেদকা দিয়াছিলেন, কিছুই রাখেন নাই। তাহাতেই অমুচিত ব্যয় করিও না, এই আদেশ হয়। ( ত, হো, )

§ ভারবাহক পশু উষ্ট্রাদি বৃহৎ পশু, ভূমিশায়ী পশু ছাগ মেবাদি ক্ষুদ্র পশু, বাহাদিগকে স্তন করিবার স্তন ভূতলে নিক্ষেপ করিতে হয়। ( ত, হো, )

|| একটি পুং পশু, একটি স্ত্রী পশু, এই দুইয়ে একজোড়া।



অসত্য বন্ধন করে, তাহা অপেক্ষা অধিক অত্যাচারী কে ? নিঃসন্দেহ ঈশ্বর অত্যাচারী সম্প্রদায়কে পথ প্রদর্শন করেন না \* । ১৪৫ । ( র, ১৭, আ, ৪ )

বল, ( হে মোহম্মদ, ) যে বস্তু সম্বন্ধে আমার প্রতি প্রত্যাদেশ হইয়াছে, তাহা শব্দ অথবা নিঃস্বত-শোণিত কিম্বা বরাহমাংস, এতদ্ব্যতীত যাহা, তদ্বক্ষণে কোন ভক্ষকের প্রতি আমি নিষেধ প্রাপ্ত হই নাই ; পরন্তু নিশ্চয় তাহা ( শব্বাদি ) মন্দ দ্রব্য, কিম্বা যাহার উপর ঈশ্বর ব্যতীত (অন্তের) নাম গৃহীত হইয়াছে, তাহা অশুদ্ধ ; কিন্তু যে ব্যক্তি ( ক্ষুধায় ) অবসন্ন হইয়া পড়ে, অমিতাচারী ও অত্যাচারী নয়, ( তাহার পক্ষে বিধি । ) পরন্তু নিশ্চয় তোমার প্রতিপালক ক্ষমাশীল ও দয়ালু । ১৪৬ । এবং ইহুদিদিগের প্রতি সমুদায় নখযুক্ত জন্তকে আমি অবৈধ করিয়াছি, এবং গো ও ছাগের বসা, যাহা ইহাদের পৃষ্ঠ বা অঙ্গ বহন করিতেছে কিংবা যাহা অস্থির সঙ্গে সংযুক্ত, তদ্ব্যতীত তাহাদের প্রতি অবৈধ করিয়াছি ; ইহা আমি তাহাদের অবাধ্যতার জন্ত তাহাদিগকে প্রতিফল দান করিয়াছি এবং নিশ্চয় আমি সত্যবাদী † । ১৪৭ । অনন্তর যদি তোমাকে মিথ্যাবাদী বলে, তবে বল, তোমাদের প্রতিপালক পরম দয়ালু ; কিন্তু অপরাধী দল হইতে তাঁহার দণ্ড নিবারিত হয় না । ১৪৮ । অবশ্য অংশিবাদিগণ বলিবে যে, “ঈশ্বর যদি ইচ্ছা করিতেন, আমরা অংশী নির্ধারণ করিতাম না ও আমাদের পিতৃপুরুষগণও করিত না, এবং আমরা কিছুই অবৈধাচরণ করিতাম না ;” এইরূপ তাহাদের পূর্ববর্তী লোকেরা আমার শাস্তির আশ্বাদ গ্রহণ করা পর্যন্ত অসত্যারোপ করিয়াছে । তুমি বল, তোমাদের নিকটে কি কোন জ্ঞান আছে ? তবে তাহা আমাদের জন্ত প্রকাশ কর ; তোমরা অনুমান ব্যতীত অনুসরণ কর না ও তোমরা মিথ্যাবাদী ভিন্ন নও । ১৪৯ । বল, অবশেষে ঈশ্বরের জন্ত

\* মালেকের পুত্র “অওফ হজরতের নিকটে যাইয়া বলিয়াছিল, “হে মোহম্মদ, আমাদের পিতৃপুরুষগণ যে বস্তু অবৈধ করিয়াছিলেন, এ কি তুমি যে তাহা বৈধ করিলে ?” হজরত বলিলেন, “তোমাদের পিতৃগণ যাহা অবৈধ করিয়াছেন, তাহা অবৈধ নহে ।” অওফ বলিল, “ঈশ্বর অবৈধ করিয়াছেন ।” তাহাতেই এই আয়ত অবতীর্ণ হয় । হজরত বলেন, “ঈশ্বর আট জোড়া পশুকে উপকার লাভ ও ভক্ষণের জন্ত সৃজন করিয়াছেন । তোমরা তাহার কোন কোনটিকে বহিয়া, সায়বা ও উসিলা এবং হাম নির্ধারিত করিয়া অবৈধ বলিতেছ । ভাল এই অবৈধতা পুং পশুর সম্বন্ধে প্রথম হইতে হইয়াছে, না, স্ত্রীপশুর সম্বন্ধে প্রথম হইতে হইয়াছে ?” অওফ নিরুত্তর হইয়া রহিল । তৎপর তিনি বলিলেন, “বদি বল পুং পশুর জন্তই নিষেধ, তবে সমুদায় পুং পশু নিষিদ্ধ হওয়া উচিত । এইরূপ বদি স্ত্রী পশুর জন্ত নিষেধ হয়, তবে সমুদায় স্ত্রী পশু নিষিদ্ধ । যদি গর্ভের সংশ্রব বলিয়া অবৈধ হয়, তবে গর্ভস্থ স্ত্রী পুং সমুদায় শাবকই অবৈধ ।” হজরত ইহা বলিয়া অওফকে স্তম্ভিত করিলেন, “তুমি কেন কিছুই বলিতেছ না ?” সে বলিল, “তুমি বল, আমি শুনিব ।” তাহাতে তিনি “ঈশ্বরের সম্বন্ধে যে ব্যক্তি অসত্য বন্ধন করে” ইত্যাদি এই আয়তের শেবাংশ তাহার নিকটে ব্যক্ত করেন । ( ত, হো, )

† হিংস্র পশু ও পক্ষী এই সকল নখযুক্ত জন্ত এবং উষ্ট্র ইহুদিদিগের সম্বন্ধে অবৈধ । গো ছাগের উদরস্থ বসা তাহাদের অভক্ষ্য । কেবল যে সকল বসা ভিতরে বা বাহিরে, পৃষ্ঠে ও পার্শ্বদেশে সংযুক্ত এবং যাহা অঙ্গ ও অস্থির সঙ্গে সংযুক্ত, তাহা তাহাদের পক্ষে বৈধ । ( ত, হো, )



পূর্ণ প্রমাণ আছে ; পরন্তু যদি ঈশ্বর চাহিতেন, তোমাদিগকে একত্র পথ প্রদর্শন করিতেন । ১৫০ । যাহারা সাক্ষ্য দান করিতেছে যে, ঈশ্বর ইহা অবৈধ করিয়াছেন, তাহাদিগকে বল, তোমরা আপন সাক্ষ্য উপস্থিত কর ; অতঃপর ( হে মোহম্মদ, ) যদি তাহারা সাক্ষ্য দান করে, তুমি তাহাদের সঙ্গে সাক্ষ্য দান করিও না ও যাহারা আমার নিদর্শন সকলের প্রতি অসত্যারোপ করিয়াছে, এবং যাহারা পরলোকে বিশ্বাস করে না, তুমি তাহাদের ইচ্ছার অনুসরণ করিও না, তাহারা স্বীয় প্রতিপালকের সঙ্গে অংশী স্থাপন করে \* । ১৫১ । ( র, ১৮, আ, ৬ )

বল, তোমরা এস, তোমাদের প্রতিপালক তোমাদের প্রতি যাহা অবৈধ করিয়াছেন, পাঠ কর, যথা ;—“তাহার সঙ্গে কোন বস্তুকে অংশী নির্ধারণ করিও না ও পিতামাতার প্রতি সদাচরণ করিও, এবং দরিদ্রতা প্রযুক্ত আপন সম্মানদিগকে বধ করিও না ; আমি তোমাদিগকে ও তাহাদিগকে জীবিকা দান করিতেছি ; এবং যাহা প্রকাশ্য কুক্রিয়া ও যাহা গুপ্ত, তাহার নিকটবর্তী হইও না, গ্নায়ের অনুরোধ ব্যতিরেকে কোন ব্যক্তিকে হত্যা করিও না ।” ঈশ্বর যাহা অবৈধ করিয়াছেন ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা হৃদয়ঙ্গম করিবে । ১৫২ । যে পর্য্যন্ত স্বীয় যৌবন অবস্থা প্রাপ্ত নহে, সে পর্য্যন্ত যাহাতে উপকার হইয়া থাকে, সেই ভাবে ভিন্ন নিরাশ্রয়ের সম্পত্তির নিকটবর্তী হইও না ; এবং গ্নায়ানুসারে তুল ও পরিমাণ পূর্ণ করিও ; আমি কোন ব্যক্তিকে তাহার ক্ষমতার অতীত ক্লেশ দান করি না, এবং যখন তোমরা কথা কহিবে, স্বগণ হইলেও ( তাহার পক্ষে ) গ্নায়চরণ করিও, এবং ঈশ্বরের অঙ্গীকারকে পূর্ণ করিও ; ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা উপদেশ গ্রাহ্য করিবে । ১৫৩ ।+ এবং ( বলিয়াছেন, ) ইহাই আমার সরল পথ, অতএব ইহার অনুসরণ কর ; বহুপথের অনুসরণ করিও না, তবে তাহা তোমাদিগকে তাহার পথ হইতে বিচ্ছিন্ন করিবে । ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা ধর্ম্মভীরু হইবে † । ১৫৪ । অতঃপর ( বলিতেছি, ) যাহারা সংকর্ষ করে, তাহাদের প্রতি (সম্পদ) পূর্ণ করিতে ও সমুদায় বিষয় এবং উপদেশ ও কল্পনা বিস্তারিত ব্যক্ত করিতে আমি মুসাকে গ্রন্থ দান করিয়াছি ; ভরসা যে, তাহারা আপন পরমেশ্বরের সঙ্গে সম্মিলনবিষয়ে বিশ্বাস স্থাপন করিবে । ১৫৫ । ( র, ১৯, আ, ৪ )

\* অর্থাৎ আজ্ঞা প্রচার ও সাক্ষ্যদানাদিতে আত্মীয় স্বজনের পক্ষপাতী হইও না । ( ত, হো.)

+ মসুউদের পুত্র আবদোল্লা বলিয়াছেন যে, একদা হজরত আমার জন্ম একটি রেখা টানিয়া বলিয়াছিলেন, “ইহা ঐশ্বরিক সরল পথ ।” তৎপর সেই রেখার দক্ষিণে ও বামে কতকগুলি রেখা টানিয়া বলিয়াছিলেন যে, “এই সকল পথের প্রত্যেক পথ এক এক দৈত্যের অধীনে । তাহারা লোকদিগকে এই সমস্ত পথ আশ্রয় করিবার জন্ত আহ্বান করে ।” ইহা বলিয়াই তিনি এই আয়ত পাঠ করেন । ( ত, হো.)

এবং এই এক গ্রন্থ ( কোর্-আন্ ), ইহাকে আমি উন্নতিবিধায়করূপে অবতারণ করিয়াছি ; অতএব ইহার অনুসরণ কর ও ধর্মভীরু হও ; ভরসা যে, তোমরা দয়া প্রাপ্ত হইবে । ১৫৬ । + (হে আরবীয় লোক, এরূপ না হউক,) তোমরা যে বলিবে, আমাদের পূর্ববর্তী দুই সম্প্রদায়ের প্রতি ভিন্ন গ্রন্থ অবতারণিত হয় নাই, বস্তুতঃ তাহাদের অধ্যয়নে আমরা অনবগত ছিলাম \* । ১৫৭ । + অথবা যে বলিবে, যদি আমাদের প্রতি গ্রন্থ অবতারণিত হইত, তবে অবশ্য তাহাদিগের অপেক্ষা আমরা সংপথগামী হইতাম ; পরন্তু সত্যই তোমাদের প্রতিপালক হইতে তোমাদের প্রতি প্রমাণ, উপদেশ ও দয়া উপস্থিত হইয়াছে । যে ব্যক্তি ঈশ্বরের নিদর্শন সকলের প্রতি অসত্যারোপ করিয়াছে ও তাহা হইতে বিমুখ হইতেছে, অবশেষে কে তাহা অপেক্ষা অধিকতর অত্যাচারী ? অবশ্য যাহারা আমার নিদর্শন সকলকে অগ্রাহ করিতেছে, অগ্রাহ করিতেছে হেতু আমি তাহাদিগকে কুৎসিত শাস্তি দান করিব । ১৫৮ । দেবতাগণ তাহাদের নিকটে আগমন করুক, অথবা তোমার প্রতিপালক আগমন করুন, কিম্বা তোমার প্রতিপালকের অপর কোন নিদর্শন উপস্থিত হউক, ইহা ব্যতীত তাহারা প্রতীক্ষা করে না ; যে দিবস তোমার প্রতিপালকের কোন নিদর্শন উপস্থিত হইবে, সে দিবস কোন ব্যক্তিকে, যে পূর্বে বিশ্বাস স্থাপন করে নাই, অথবা যে আপন বিশ্বাসেতে কল্যাণ উপার্জন করে নাই, তাহার বিশ্বাস উপকৃত করিবে না ; তুমি বল, প্রতীক্ষা করিতে থাক, নিশ্চয় আমরাও প্রতীক্ষা করিতেছি † । ১৫৯ । নিশ্চয় যাহারা স্বীয় ধর্মকে খণ্ড খণ্ড করে ও দলে দলে বিভক্ত

\* অর্থাৎ হে আরবীয় লোক, এই গ্রন্থ আমি এই জন্ম পাঠাইলাম, যেন তোমরা না বল যে, আমাদের পূর্ববর্তী ইভ্রুদি ও ঈসায়ী সম্প্রদায়ের প্রতি ভিন্ন অন্য কাহারও প্রতি গ্রন্থ অবতারণিত হয় নাই । তাহারা কি পাঠ করিয়াছে, আমরা জ্ঞাত নহি, যেহেতু তাহা আমাদের ভাষায় লিপিত নহে ।  
( ত, হো, )

† অর্থাৎ ঈশ্বরের দিক হইতে, যত দূর হইতে পারে, উপদেশ আসিয়াছে, গ্রন্থ ও বিধি সমাগত, তথাপি লোকে গ্রাহ্য করিতেছে না । এক্ষণ এই প্রতীক্ষা করিতেছে যে, ঈশ্বর পয়ঃ আগমন করুন অথবা কেয়ামতের লক্ষণ প্রকাশিত হউক, তবে বিশ্বাস করিব । কিন্তু যখন কেয়ামতের নিদর্শন উপস্থিত হইবে, অর্থাৎ সূর্য পশ্চিম হইতে সমুদিত হইবে, তখন কাফের লোকের বিশ্বাস ও পাপীর অনুতাপ গৃহীত হইবে না ।  
( ত, ফা, )

প্রায় সকল ভাষ্যকারের মতে পশ্চিম দিকে সূর্যের উদয় হওয়াই এই নিদর্শন । যে রজনীর অবসানে পশ্চিম দিকে সূর্য প্রকাশ পাইবে, সেই রাত্রি সুদীর্ঘ রাত্রি হইবে । জাগরণ করিয়া যাহারা সাধনা করেন, তাহারা এই দীর্ঘতা দেখিয়া মনে করিবেন যে, মহাব্যাপার উপস্থিত ; তখন অনুতাপ, প্রার্থনা ও আর্জনা করিতে থাকিবেন । তৎপর পশ্চিম দিকে উষার চিহ্ন প্রকাশিত হইবে ; সূর্য পশ্চিমাকাশে প্রকাশ পাইবে, তাহার জ্যোতি থাকিবে না । আপন বিশ্বাসে কল্যাণ উপার্জন করার অর্থ, আপন বিশ্বাসানুসারে সংকার্য করা ; যে ব্যক্তি বিশ্বাসকে ক্রিয়াহীন মনে করে না, সেই তাহা করিয়া থাকে, অশ্রু সদনুষ্ঠান করে না । এমাম হোসেন বসোরী বলিয়াছেন, "যে ব্যক্তি পশ্চিমে সূর্যোদয় হওয়ার পূর্বে বিশ্বাসী হইয়াছে, কিন্তু বিশ্বাসানুযায়ী শুভ কার্য করে নাই, যখন এই নিদর্শন দর্শন

হয়, কোন বিষয়ে তুমি তাহাদিগের নও ; তাহাদের কার্য পরমেশ্বরের প্রতি ( অর্পিত )  
 বৈ নহে । তাহারা যাহা করিতেছে, তৎপর তিনি তাহাদিগকে জ্ঞাপন করিবেন । ১৬০ ।  
 যে ব্যক্তি সাধুতা আনয়ন করিয়াছে, পরে তাহার জন্য উহার অমুরূপ দশ গুণ (পুরস্কার,)  
 এবং যে ব্যক্তি অসাধুতা আনয়ন করিয়াছে, পরে তাহাকে তদমুরূপ ব্যতীত  
 বিনিময় দেওয়া যাইবে না, এবং তাহারা অত্যাচারিত হইবে না । ১৬১ । বল, নিশ্চয়  
 আমার প্রতিপালক সরল পথের দিকে আমাকে পথ দেখাইয়াছেন, ( বল, ) প্রকৃত ধর্ম—  
 সত্যে প্রতিষ্ঠিত এব্রাহিমের ধর্ম ( পালন করিতেছি, ) তিনি অংশিবাদীদিগের অন্তর্গত  
 ছিলেন না । ১৬২ । বল, নিশ্চয় আমার নমাজ ও আমার সাধনা এবং আমার জীবন ও  
 আমার মৃত্যু বিশ্বপালক ঈশ্বরের জন্য । ১৬৩ । + তাঁহার অংশী নাই, এবং এ বিষয়ে  
 আমি আদিষ্ট হইয়াছি ও আমি প্রথম মোসলমান । ১৬৪ । বল, আমি কি পরমেশ্বরকে  
 ছাড়িয়া অন্য প্রতিপালক অন্বেষণ করিব ? তিনি সমুদায় পদার্থের প্রতিপালক,  
 কোন ব্যক্তি আপনার সম্বন্ধে ভিন্ন কার্য করে না, কোন ভারবাহক অন্তের ভার বহন  
 করে না ; অতঃপর তোমাদের প্রতিপালকের দিকে তোমাদের প্রতিগমন হইবে, অনন্তর  
 তোমরা তৎপ্রতি যে অন্যথাচরণ করিয়াছ, তোমাদিগকে তাহার সংবাদ দেওয়া  
 যাইবে । ১৬৫ । এবং তিনিই যিনি তোমাদিগকে পৃথিবীর অধিপতি করিয়াছেন, \*  
 তোমাদিগকে যাহা দান করিয়াছেন, তদ্বিষয়ে তোমাদিগকে পরীক্ষা করিতে কাহার  
 উপরে তোমাদের কাহাকে পদোন্নত করিয়াছেন ; নিশ্চয় ( হে মোহম্মদ, ) তোমার  
 প্রতিপালক শাস্তিদানে সত্বর, এবং নিশ্চয় তিনি ক্ষমাশীল ও দয়ালু । ১৬৬ । ( র, ২০,  
 আ, ১১ )

সুভানুষ্ঠান করিবে, সেই অনুষ্ঠান পরিগৃহীত হইবে না ।” মালুমোত্তঞ্জিলে উক্ত হইয়াছে যে, সেই দিবস  
 কাকেরের বিশ্বাস ও পাপীর অনুতাপ অগ্রাহ হইবে । এ বিষয়ে হাদিসে যাহা উল্লিখিত হইয়াছে, তাহাও  
 এই কথাই প্রতিপোষক ; যথা, যে পর্যন্ত পশ্চিমে সূর্য্য সমুদিত না হয়, সে পর্যন্ত অনুতাপ ব্যর্থ হইবে  
 না । ( ত, হো, )

\* অর্থাৎ হে মোহম্মদের মণ্ডলী, সেই ঈশ্বর তোমাদিগকে পৃথিবীর অধিপতি করিয়াছেন । পূর্ব  
 যুগের লোকদিগকে বিনাশ করিয়া তোমাদিগকে তাহাদের উত্তরাধিকারী করিয়াছেন । ( তফ্‌সির  
 জ্বালিলিন )

# সূরা এরাফ \*

## সপ্তম অধ্যায়

২০৬ আয়ত, ২৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

আলম্বস । ১ । এই এক গ্রন্থ তোমার নিকটে অবতারণিত হইয়াছে, অতএব এতদ্বারা ভয় প্রদর্শন করিতে ও বিশ্বাসীদিগকে উপদেশ দিতে যেন ইহার সম্বন্ধে তোমার অন্তরে কোন সঙ্কচিত ভাব না হয় । ২ । তোমাদের প্রতিপালক হইতে, ( হে লোক সকল, ) তোমাদিগের নিকটে যাহা অবতারণিত হইয়াছে, তোমরা তাহার অনুসরণ কর ; তাঁহা ব্যতীত অন্য বন্ধুদিগের অনুসরণ করিও না । তোমরা উপদেশ যাহা গ্রাহ্য করিয়া থাক, তাহা অল্পই । ৩ । বহু গ্রামবাসীকে আমি বিনাশ করিয়াছি, তৎসকলের প্রতি রাত্রিতে কিম্বা তাহাদের মাধ্যাহ্নিক নিদ্রাবস্থায় আমার শাস্তি উপস্থিত হইয়াছে † । ৪ । পরে যখন তাহাদের প্রতি আমার শাস্তি উপস্থিত হইল, “নিশ্চয় আমরা অত্যাচারী ছিলাম” ইহা বলা ভিন্ন তাহাদের অণু উক্তি ছিল না । ৫ । অনন্তর অবশ্য আমি, যাহাদিগের প্রতি ( প্রেরিতপুরুষ ) প্রেরিত হইয়াছিল, তাহাদিগকে প্রশ্ন করিব, এবং অবশ্য প্রেরিতদিগকেও প্রশ্ন করিব । ৬ । † অবশেষে জ্ঞানসহকারে তাহাদের নিকটে অবশ্য বর্ণন করিব, যেহেতু আমি লুপ্তায়িত ছিলাম না । ৭ । সেই দিনকার তুল করা ঠিক ; অনন্তর যাহাদের পাল্লা (সাধুতায়) গুরুভার হইবে, সেই তাহারাই মুক্তিলাভকারী । ৮ । এবং যাহাদের পাল্লা লঘুভার হইবে, তাহারা সেই লোক, যাহারা আমার নিদর্শন সকলের প্রতি অত্যাচার করিয়াছিল বলিয়া আপনাদের জীবনের অনিষ্ট করিয়াছে ‡ । ৯ । এবং সত্য সত্যই আমি তোমাদিগকে ধরাতলে স্থান দান

\* মক্কানগরে এই সূরার আবির্ভাব হয় ।

এই সূরার আদি আয়ত “আলম্বস” । ইহা কোর-আনের নাম, অথবা এই সূরার নাম, কিম্বা ঈশ্বরের নাম বিশেষকে লক্ষ্য করে । বিশেষ বিশেষ অক্ষর বিশেষ বিশেষ অর্থপ্রকাশক ।

† রজনীতে লুতীয় সম্প্রদায়ের উপর, মাধ্যাহ্নিক নিদ্রাবস্থায় শোয়বীয় সম্প্রদায়ের উপর শাস্তি উপস্থিত হইয়াছিল । এই দুই সময়ে শাস্তির বিশেষত্ব এই যে, উহা মুখ আঁরামের সময়, তখন শাস্তির চিন্তা মনে স্থান পাইতে পারে না । যেমন আকস্মিক সম্পদ অত্যন্ত মুখজনক, তদ্রূপ আকস্মিক বিপদ অতিশয় কষ্টজনক । ( ত, হো, )

‡ প্রত্যেক ব্যক্তির কাব্য লিখিত হইয়া থাকে ; সেই কাব্যের পরিমাণই উপযুক্ত, যাহা ঈশ্বরের আজ্ঞানুযায়ী শ্রায় ও প্রেমানুসারে যথাস্থানে কৃত হয়, তাহারই পাল্লা গুরুভার হয় । যে কাব্য বিধি অনুযায়ী করা হয় নাই ও যথাস্থানে কৃত হয় নাই, তাহার তুল লঘু হইয়া থাকে । পরকালে

করিয়াছি, এবং তোমাদের জন্ম তথায় উপজীবিকা উৎপাদন করিয়াছি; তোমরা কৃতজ্ঞতা যাহা দান কর, তাহা অল্পই। ১০। (র, ১, আ, ১০)

এবং সত্য সত্যই আমি তোমাদিগকে সৃষ্টি করিয়াছি, তৎপর তোমাদের মূর্তি গঠন করিয়াছি; \* তৎপর দেবতাদিগকে বলিয়াছিলাম যে, তোমরা আদমকে প্রণাম কর, তাহাতে শয়তান ব্যতীত (অন্য সকলে) প্রণাম করিয়াছিল; সে প্রণামকারীদের অন্তর্গত হয় নাই। ১১। (ঈশ্বর) জিজ্ঞাসা করিলেন, “আমি যখন তোমাকে আজ্ঞা করিলাম, তখন প্রণাম করিতে কিসে বারণ করিল?” সে বলিল, “আমি তাহা অপেক্ষা উত্তম, তুমি আমাকে অগ্নি দ্বারা ও তাহাকে মৃত্তিকা দ্বারা সৃজন করিয়াছ”। ১২। তিনি বলিলেন, “তুমি এস্থান হইতে চলিয়া যাও, যেহেতু এখানে অহঙ্কার করা তোমার জন্ম (উচিত) নয়; অতএব বাহির হও, নিশ্চয় তুমি নিকটদিগের অন্তর্গত”। ১৩। সে বলিল, “উত্থাপনের দিন পর্যন্ত আমাকে অবকাশ দাও”। ১৪। তিনি বলিলেন, “নিশ্চয় তুমি অবকাশপ্রাপ্তদিগের অন্তর্গত”। ১৫। সে বলিল, “অবশেষে যেমন তুমি আমাকে বিভ্রান্ত করিলে, আমিও তাহাদিগের জন্ম তোমার সরল পথে অবশ্য বসিয়া থাকিব †। ১৬।+ অতঃপর তাহাদের সম্মুখ হইতে ও তাহাদের পশ্চাৎ হইতে ও তাহাদের দক্ষিণ হইতে এবং তাহাদের বাম হইতে অবশ্য আমি তাহাদের নিকটে আসিব, এবং তুমি তাহাদের অধিকাংশকে কৃতজ্ঞ প্রাপ্ত হইবে না”। ১৭। তিনি বলিলেন, “এস্থান হইতে তুমি লাহিত ও তাড়িত অবস্থায় বাহির হও; তাহাদের যে ব্যক্তি নিশ্চয় তোমার অনুসরণ করিবে, অবশ্য আমি একযোগে সেই তোমাদিগের দ্বারা নরক লোক পূর্ণ করিব”। ১৮। এবং হে আদম, তুমি ও তোমার স্ত্রী স্বর্গেতে বাস করিতে থাক; অনন্তর যথা হইতে তোমাদের ইচ্ছা হয় ভক্ষণ কর, এই বৃক্ষের নিকটে যাইও না, তাহা হইলে তোমরা পাপীদের অন্তর্গত হইবে। ১৯। অবশেষে শয়তান তাহাদের উভয়ের সেই লজ্জাকর অঙ্গ, তাহাদিগ হইতে যাহা গুপ্ত ছিল, তাহাদের জন্ম ব্যক্ত করিতে তাহাদিগকে কুমন্ত্রণা দিল; এবং বলিল যে, “তোমাদের প্রতিপালক তোমাদের উভয়ের দেবতা হওয়া অথবা (এস্থানে) চিরনিবাসী হওয়া ব্যতীত বৃক্ষ বিষয়ে তোমাদিগকে নিবারণ করেন নাই” ‡। ২০। সে তাহাদের দুইজনের জন্ম শপথ করিয়া বলিল যে,

কার্য সকলের তুল হইবে। বাহার সংকল্প দুর্কল্প অপেক্ষা গুরুভার হইবে, তাহার সেই পাপকর্ম কমা করা যাইবে। বাহার দুর্কর্মের ভার অধিক হইবে, তাহাকে দণ্ডিত হইতে হইবে। (উ, কা, )

\* “তোমাদিগকে সৃষ্টি করিয়াছি” অর্থাৎ তোমাদের আদি পিতা আদমকে সৃষ্টি করিয়াছি।

+ অর্থাৎ আমি বিভ্রান্ত হইলাম, মনুষ্যদিগকেও পথভ্রান্ত করিব। (উ, কা, )

‡ স্বর্গে মলমূত্র-ত্যাগের প্রয়োজন ছিল না। আদম হবার অঙ্গ বস্ত্রে আচ্ছাদিত ছিল, তাহা কখনও উন্মোচন করার প্রয়োজন ছিল না; তজ্জন্ত তাহারা আপনাদের গুপ্ত অঙ্গের বিষয় জ্ঞাত



“নিশ্চয় আমি তোমাদের দুই জনের উপদেশকদিগের অন্তর্গত” ২১।+অনন্তর সে তাহাদিগকে প্রবঞ্চনাতে ফেলিল, যখন তাহারা সেই বৃক্ষের আশ্বাদ গ্রহণ করিল, তখন তাহাদের গুপ্ত অঙ্গ তাহাদের নিমিত্ত প্রকাশিত হইয়া পড়িল ও তাহারা তদুপরি স্বর্গীয় তরুর পত্র সকল আচ্ছাদন করিতে লাগিল; এবং তাহাদিগের প্রতিপালক তাহাদিগকে ডাকিয়া বলিলেন যে, “এই বৃক্ষ সম্বন্ধে আমি কি তোমাদিগকে নিষেধ করি নাই? এবং আমি কি বলি নাই যে, শয়তান তোমাদের স্পষ্ট শত্রু?” ২২। তাহারা বলিল, “হে আমাদের প্রতিপালক, আমরা আপন জীবনের প্রতি অত্যাচার করিয়াছি; যদি তুমি আমাদের ক্ষমা না কর ও আমাদের প্রতি দয়া না কর, তবে অবশ্য আমরা ক্ষতিগ্রস্ত-দিগের অন্তর্গত হইব।” ২৩। তিনি বলিলেন, “তোমরা নাগিয়া যাও, তোমরা পরস্পর শত্রু এবং ভূতলে তোমাদের অবস্থিতি ও কিছু কাল পর্য্যন্ত (তথায় তোমাদের) ফল-ভোগ হইবে” ২৪। তিনি বলিলেন, “তোমরা তথায় বাঁচিবে ও তথায় মরিবে, এবং তথা হইতে নিষ্কার্ণিত হইবে” ২৫। (র, ২, আ, ১৫)

হে আদমসন্তানগণ, নিশ্চয় তোমাদের প্রতি আমি সেই বস্ত্র, যাহা তোমাদের গুপ্ত অঙ্গকে আবৃত করিতেছে ও সুশোভন বস্ত্র অবতারণ করিয়াছি; বৈরাগ্য-বস্ত্র (অবতারণ করিয়াছি,) ইহাই উৎকৃষ্ট, ইহা ঈশ্বরের নিদর্শন সকলের (অন্তর্গত।) ভরসা যে, তাহারা উপদেশ লাভ করিবে \* ২৬। হে আদমসন্তানগণ, তোমাদের পিতা মাতাকে যেমন স্বর্গ হইতে বিচ্যুত করিয়াছে, তাহাদিগকে তাহাদের গুপ্ত অঙ্গ প্রদর্শন করিতে তাহাদিগ হইতে তাহাদের বস্ত্র উন্মোচন করিয়াছে, তদ্রূপ শয়তান তোমাদিগকেও যেন বিপাকে না ফেলে; নিশ্চয় সে ও তাহার দল, যে স্থান হইতে তোমরা

ছিলেন না। যখন তাহারা নিষিদ্ধ ফল ভক্ষণে অপরাধী হইলেন, তখন মানবীয় স্বভাব প্রাপ্ত হইলেন, আপনাদের কার্য বুঝিলেন, এবং গুপ্ত অঙ্গ দেখিতে পাইলেন। (ত, ফা,)

এরূপ ছিল যে, স্বর্গবাসিগণ আদম হবার গুপ্ত অঙ্গ দেখিতে পাইতেন না। আদম হবাও পরস্পরের অঙ্গ দৃষ্টি করিতেন না। কথিত আছে যে, ঈশ্বর তাহাদের গুপ্ত অঙ্গের উপর আচ্ছাদন রাখিয়া দিয়াছিলেন। শয়তান জানিত যে, ঈশ্বরের অবাধ্যতাচরণ করিলেই তাহাদের অঙ্গ হইতে আবরণ উন্মুক্ত হইবে। অতএব সে চাহিল যে, তাহাদিগকে পাপগ্রস্ত করিয়া উলঙ্গ করে, তাহা হইলে দেবতাদের নিকটে তাহারা লজ্জা পাইবেন। তজ্জন্ত কুমন্ত্রণাদানে তাহাদিগকে ভুলাইতে আরম্ভ করে। আদম স্বর্গকে বিশেষ সুখের স্থান ভাবিয়া তথায় চিরকাল থাকিতে ইচ্ছা করিয়াছিলেন, তাহাতে শয়তান এই চক্রান্ত করে। এই কুমন্ত্রণায় পড়িয়াও তিনি ফলভক্ষণে বিলম্ব করিয়াছিলেন। (ত, হো,)

\* অর্থাৎ শত্রু স্বর্গীয় বস্ত্র তোমাদের অঙ্গ হইতে উন্মোচন করিয়াছে, তৎপর আমি পৃথিবীতে বস্ত্রপ্রস্তুতপ্রণালী তোমাদিগকে শিক্ষা দিয়াছি। এক্ষণ যাহাতে বৈরাগ্যভাব আছে, সেই পরিচ্ছদ পরিধান কর। অর্থাৎ পুরুষেরা রেশমী কাপড় পরিবে না, এবং দামন (বস্ত্রাঞ্চল) দীর্ঘ করিবে না। যাহা নিষিদ্ধ হইল, তাহারা তাহা হইতে বিরত থাকিবে। এবং স্ত্রীলোকেরা সূক্ষ্ম বস্ত্র পরিবে না ও আপন সৌন্দর্য্য প্রদর্শন করিবে না। (ত, ফা,)

তাহাদিগকে দেখিতে না পাও, তোমাদিগকে দেখিয়া থাকে। \* নিশ্চয় আমি শয়তান-দিগকে অবিশ্বাসী লোকদিগের বন্ধু করিয়াছি। ২৭। এবং তাহারা যখন ছুফিয়া করে, তখন বলিয়া থাকে, “আমাদের পিতৃপুরুষদিগকে আমরা এ বিষয়ে প্রাপ্ত হইয়াছি, এবং ঈশ্বর আমাদের পিতৃপুরুষদিগকে এ বিষয়ে আদেশ করিয়াছেন;” তুমি বল, নিশ্চয় ঈশ্বর ছুফিয়ার আদেশ করেন না, যাহা তোমরা জ্ঞাত নহ, ঈশ্বরের প্রতি কি তাহা বলিতেছ? † ২৮। বল, আমার প্রতিপালকের আজ্ঞা গ্ৰাহ্যযুক্ত; প্রত্যেক নমাজের সময় উপস্থিতমতে তোমরা স্বীয় মুখমণ্ডলকে ঠিক রাখিও, এবং তাহার জন্ত ধর্মের বিশোধনকারী হইয়া তাহার অর্চনা করিও; ‡ যদ্রূপ তিনি তোমাদিগকে সৃষ্টি করিয়াছেন, তদ্রূপ পুনর্বার তোমরা হইবে। ২৯। তিনি এক দলকে পথ প্রদর্শন করিলেন ও এক দলকে (এরূপ করিলেন) যে, তাহাদের প্রতি বিপথ-গমন উপযুক্ত হইল; নিশ্চয় তাহারা ঈশ্বরকে ছাড়িয়া শয়তান সকলকে বন্ধুরূপে গ্রহণ করিল ও মনে করিতেছিল যে, তাহারা সুপথগামী। ৩০। হে আদমসন্তানগণ, প্রত্যেক নমাজের সময় উপস্থিতমতে তোমরা স্বীয় শোভা গ্রহণ করিও, এবং ভোজন পান করিও, অমিতাচরণ করিও না; নিশ্চয় তিনি অমিতাচারীকে প্রেম করেন না § ৩১। (র, ৩, আ, ৬)

বল, ঈশ্বরের সেই শোভাকে, যাহা তিনি আপন দাসদিগের জন্ত বাহির করিয়াছেন, এবং বিশুদ্ধ উপজীবিকা সকলকে কে অবৈধ করিল? বল, তাহা পার্থিব জীবনে বিশ্বাসীদিগের জন্ত হয়, শুদ্ধ (তাহাদের জন্ত) সন্ধানের দিন; এরূপ যাহারা জ্ঞান রাখে, সেই দলের নিমিত্ত আমি নিদর্শন সকল বিস্তারিত বর্ণন করি ॥ ৩২। বল, যে সকল

\* অর্থাৎ অত্যন্ত হুম্ম বলিয়া শয়তান তোমাদের দৃষ্টি-গোচর হয় না। তোমরা স্থলদেহধারী, সে তোমাদিগকে দেখিতে পায়। অতএব ঈদৃশ শত্রু হইতে তোমাদের সাবধান থাকা উচিত। (ত, হো,)

† অর্থাৎ তোমাদের আদিপিতা শয়তান কর্তৃক প্রতারণিত হইয়াছে, পুনর্বার পিতার প্রমাণ কেন উপস্থিত করিতেছ? (ত, ফা,)

‡ মুখমণ্ডল ঠিক রাখিও, অর্থাৎ কাবার অভিমুখে মুখ স্থাপন করিও।

§ স্বীয় শোভা অর্থাৎ আপন পরিচ্ছদ নমাজের সময় ধারণ করা বিধি। তখন পুরুষের কটীদেশ হইতে জামু পর্যন্ত এবং নারীর সর্বাঙ্গ আবৃত থাকা আবশ্যিক। কিন্তু দাসীর জামুর নিম্ন ও কঙ্কতলের উপর অনাবৃত থাকিলে দোষ নাই। যে হুম্ম বসনের ভিতর দিয়া শরীর এবং রোম নয়ন-গোচর হয়, তাহা পরিধান নিষিদ্ধ; এবং এই আদেশ হইল যে, অসৎ কর্মে অর্থ ব্যয় করিবে না। (ত, ফা,)

। অর্থাৎ নিষিদ্ধ কর্মে অর্থ ব্যয় করিও না। তন্মিত্ত সকল প্রকার পান ভোজন বৈধ। যে সকল সামগ্রী মোসলমানের জন্ত সৃষ্টি হইয়াছে, পৃথিবীতে কাফেরগণও তাহার অংশী। পরলোকের সুখ কেবল বিশ্বাসীদিগের জন্ত নির্দিষ্ট। (ত, ফা,)

যে মস্জেদে নমাজ পড়িবে বা যে মস্জেদ প্রদক্ষিণ করিবে, তাহার নিকটবর্তী হইলেই উত্তম ও শুদ্ধ পরিচ্ছদ ধারণ করিবে। কেহ কেহ বলেন, শোভা গ্রহণ করার অর্থ, শ্রদ্ধা বিশ্বাস করা। কোন

হুক্মিয়া গুপ্ত ও ব্যক্ত \* এবং অপরাধ, অশ্রায় অবাধ্যতা এবং যাহার সম্বন্ধে কোন প্রমাণ উপস্থিত হয় নাই, তাহাকে যে তোমরা ঈশ্বরের অংশী কর, এবং যাহা জ্ঞাত নহ, ঈশ্বর সম্বন্ধে যে তাহা বল, এই সকল ব্যতীত আমার প্রতিপালক অবৈধ করেন নাই। ৩৩। এবং প্রত্যেক সম্প্রদায়ের জন্য এক নির্দিষ্ট কাল আছে; † যখন তাহাদের নির্দিষ্ট কাল উপস্থিত হয়, তখন তাহারা এক দণ্ড বিলম্ব করে না, সত্ত্বরও হয় না। ৩৪। হে আদমের সম্মানগণ, যদি তোমাদের মধ্য হইতে তোমাদের নিকটে প্রেরিতপুরুষ আগমন করে ও আমার নিদর্শন সকল তোমাদের নিকটে বর্ণন করে, তাহাতে যাহারা ধম্মভীরু হইবে ও সংকল্প করিবে, তাহাদের সম্বন্ধে ভয় নাই, তাহারা শোকার্ত হইবে না। ৩৫। এবং যাহারা আমার নিদর্শন সকলের প্রতি অসত্যারোপ করিয়াছে ও তৎপ্রতি গর্ক করিয়াছে, এই তাহারাই নরকাগ্নির অধিবাসী, তাহারা তথায় নিত্যনিবাসী হইবে। ৩৬। অনন্তর ঈশ্বরের প্রতি যাহারা অসত্য বন্ধন করিয়াছে ও তাহার নিদর্শন সকলের সম্বন্ধে অসত্য বলিয়াছে, তাহাদের অপেক্ষা কোন্ ব্যক্তি সমধিক অত্যাচারী? এই তাহারা, গ্রন্থ হইতে তাহাদের লভ্য সে পর্য্যন্ত প্রাপ্ত হইবে, ‡ যখন আমার প্রেরিতগণ তাহাদের নিকটে উপস্থিত হইবে, তাহাদের প্রাণ হরণ করিবে ও বলিবে, “তোমরা ঈশ্বরকে ছাড়িয়া যাহাকে আহ্বান করিতেছিলে, তাহারা কোথায়?” তখন তাহারা বলিবে, “আমাদের নিকট হইতে তাহারা অন্তর্হিত হইয়াছে;” এবং তাহারা আপন জীবন সম্বন্ধে সাক্ষ্য দান করিবে যে, নিশ্চয় তাহারা কান্দে ছিল। ৩৭। তিনি বলিবেন, তোমাদের পূর্বে নিশ্চয় যে সকল দানব ও মানব নরকাগ্নিতে চলিয়া গিয়াছে, সেই দলে তোমরা প্রবেশ কর; যেমন একদল প্রবেশ করিবে, তখন আপন ভগিনীকে অভিসম্পাত করিবে। তথায় সকলে পরস্পর একত্রিত হওয়া পর্য্যন্ত তাহাদের পশ্চাদ্ভিগণ তাহাদের পূর্ববর্তী

এমাম বলিয়াছেন যে, এখানে আন্তরিক শোভার কথা হইয়াছে, বাহ্যিক নয়, অর্থাৎ প্রেম বিনয়াদি। কিন্তু এই প্রেম বিনয়াদি এক বিশেষ স্থানের জন্য নয়, প্রত্যেক স্থান ও প্রত্যেক সম্বন্ধের জন্য আবশ্যিক। কশফোল আসার গ্রন্থে উক্ত হইয়াছে যে, “এখানে বাহ্যজ্ঞানের ভাষায় শোভার অর্থ, আচ্ছাদন দ্বারা লজ্জা নিবারণ করা, তত্ত্বজ্ঞানের ভাষায় প্রার্থনা ও দীনতার জন্য মনের একাগ্রতা।” “ঈশ্বর অমিতাচারীদেরকে প্রেম করেন না” তাহারাই অমিতাচারী, যাহারা ক্ষুধার নিবৃত্তি হইলেও ভক্ষণ করে। কুঅতোল্ কলুব গ্রন্থে উক্ত হইয়াছে যে, দিনে দুই বার করিয়া আহার করাই অমিতাচারিতা। ভোজনপানের চিন্তাতে যাহার সমুদায় শক্তি বায়িত হয়, সেই ব্যক্তিই নরাধম। মহাত্মা আবদোল্লা আনসারী বলিয়াছেন যে, ঈশ্বরের অনগ্রিতরূপে যাহা ব্যয় করা হয়, তাহাই অমিতাচারিতা। (ত, হো,)

\* এখানে হুক্মিয়ার অর্থ ব্যভিচার।

† বিশ্বাসীদের পুনর্জীবন ও অশ্বাসীদের শাস্তি-প্রাপ্তির কাল।

‡ এখানে গ্রন্থ শব্দে ঈশ্বরের ইচ্ছারূপ গ্রন্থ, অথবা পরমেশ্বর দণ্ড পুরস্কার জীবন মৃত্যু ইত্যাদি সম্বন্ধে যে নির্ধারণ করিয়াছেন, তাহা বুঝাইবে। (ত, হো,)

লোক সম্বন্ধে বলিবে যে, “হে আমাদের প্রতিপালক, তাহারা আমাদের বিপথগামী করিয়াছে, অতএব তুমি তাহাদিগকে নরকাগ্নির দ্বিগুণ শাস্তি দান কর” \* । ৩৮ । তিনি বলিবেন “প্রত্যেকের জন্ম দ্বিগুণ, কিন্তু তোমরা বুঝিতেছ না” † । ৩৯ । এবং তাহাদের পূর্ববর্তী তাহাদের পশ্চাৎবর্তীকে বলিবে, অনন্তর আমাদের উপর তোমাদের শ্রেষ্ঠতা নাই ; অতএব যাহা করিতেছিলে, তজ্জন্ম শাস্তি আশ্বাদন কর । ৪০ । ( র, ৪, আ, ২ )

নিশ্চয় যাহারা আমার নিদর্শন সকলের প্রতি অসত্যারোপ করিয়াছে ও তৎসম্বন্ধে ঔদ্ধত্য প্রকাশ করিয়াছে, তাহাদের জন্ম স্বর্গের দ্বার মুক্ত হইবে না ; এবং যে পর্য্যন্ত নু সূচির ছিদ্রে উদ্ভূ প্রবেশ করে, সে পর্য্যন্ত তাহারা স্বর্গে যাইবে না । এবং এইরূপে আমি পাপীদিগকে প্রতিফল দান করি । ৪১ । নরকলোক হইতে তাহাদিগের জন্ম শয্যা ও তাহাদের উপর আচ্ছাদন হইবে ; এবং এইরূপে আমি অত্যাচারীদিগকে প্রতিফল দান করি । ৪২ । এবং যাহারা বিশ্বাস স্থাপন করিয়াছে ও সংকল্প করিয়াছে, ( তাহাদের ) কোন ব্যক্তিকে তাহাদের সাধ্যানুরূপ ব্যতীত আমি ক্লেশ দান করি না ; তাহারা স্বর্গ-লোকের নিবাসী, তাহারা তথায় নিত্য নিবাসী হইবে । ৪৩ । এবং তাহাদের অন্তরে যে বিবাদ হয়, তাহা আমি দূর করি ; ‡ তাহাদিগের নিম্নে জলপ্রণালী সকল প্রবাহিত হইবে, এবং তাহারা বলিবে, “ঈশ্বরেরই সম্যক গুণানুবাদ, যিনি আমাদের এই দিকে পথ প্রদর্শন করিয়াছেন ; যদি ঈশ্বর আমাদের পথ প্রদর্শন না করিতেন, আমরা কখনও পথপ্রাপ্ত হইতাম না । সত্য সত্যই আমাদের প্রতিপালকের প্রেরিতপুরুষগণ সত্য সহকারে আগমন করিয়াছেন ।” এবং ধ্বনি হইবে যে, “তোমরা যাহা করিতেছিলে, তজ্জন্ম তোমাদিগকে এই স্বর্গের উত্তরাধিকারী করা গেল” । ৪৪ । এবং স্বর্গবাসীগণ নরকবাসীদিগকে ডাকিয়া বলিবে, “আমাদের প্রতিপালক আমাদের নিকটে যাহা অঙ্গীকার করিয়াছিলেন, নিশ্চয় তাহা সত্য পাইয়াছি ; পরন্তু তোমরা কি, তোমাদের প্রতিপালক তোমাদের নিকটে যাহা অঙ্গীকার করিয়াছেন, সত্য পাইয়াছ ?” তাহারা হাঁ বলিবে । তৎপর ঘোষণাকারী তাহাদের মধ্যে ঘোষণা করিবে যে, যাহারা ঈশ্বরের পথ হইতে ( লোকদিগকে ) নিবৃত্ত করে ও সেই পথের জন্ম বক্রতা অন্বেষণ করে, এবং যাহারা পরলোক সম্বন্ধে অবিশ্বাসী, সেই অত্যাচারীদিগের প্রতি ঈশ্বরের অভিসম্পাত ।

\* “আপন ভগিনীকে অভিসম্পাত করিবে” ইহার অর্থ, আপন সহযোগী অপর দলকে অর্থাৎ এক ইহুদী অপর ইহুদিকে, এক ঈসারিদল অপর ঈসারিদলকে, এক অগ্নির উপাসকদল অপর অগ্নির উপাসক দলকে অভিসম্পাত করিবে । ( ত, হো, )

† অর্থাৎ এক ভাবে প্রথম দলের অপরাধ গুরুতর, যেহেতু পরবর্তী দলকে তাহারা পথ প্রদর্শন করিয়াছে ; অন্তভাবে পরবর্তী দলের অপরাধও গুরুতর, যেহেতু তাহারা পূর্ববর্তী দলের অবস্থা দর্শন করিয়াও সাবধান হয় নাই । ( ত, কা, )

‡ স্বর্গবাসীদিগের অন্তরে যে বিবাদ হয়, তাহা আমি দূর করি । ( ত, হো, )

। ৪৫ + ৪৬। উভয়ের ( স্বর্গ নরকের ) মধ্যে আচ্ছাদন রহিয়াছে, এবং “এরাফের” উপর পুরুষ সকল আছে, তাহারা প্রত্যেকে তাহাদের লক্ষণানুসারে চিনিবে, এবং স্বর্গবাসীদিগকে ডাকিয়া বলিবে, “তোমাদিগের প্রতি সলাম ;” ( তখনও ) তাহারা তথায় প্রবেশ করে নাই, ( প্রবেশ করিতে ) আকাঙ্ক্ষা করিতেছে \* । ৪৭। এবং যখন তাহাদিগের দৃষ্টি নরকবাসীদিগের প্রতি ফিরিয়া আসিবে, তখন তাহারা বলিবে, “হে আমাদের প্রতিপালক, আমাদের অত্যাচারিদলের সঙ্গী করিও না” । ৪৮। ( র, ৫, আ, ৮ )

এরাফনিবাসিগণ পুরুষদিগকে তাহাদের লক্ষণানুসারে চিনিয়া ডাকিয়া বলিবে, “তোমাদের হইতে তোমাদের দল উপকার প্রাপ্ত হয় নাই, যেহেতু তোমরা অহঙ্কার করিতেছিলে” । ৪৯। “ইহারা কি তাহারা, যাহাদের সমক্ষে তোমরা শপথ করিতেছিলে যে, কখনও তাহাদিগের প্রতি ঈশ্বর দয়া প্রেরণ করিবেন না ? তোমরা স্বর্গে প্রবেশ কর, তোমাদের প্রতি ভয় নাই ও তোমরা শোকার্ত হইবে না” † । ৫০। এবং নরকবাসিগণ স্বর্গবাসীদিগকে ডাকিয়া বলিবে যে, “আমাদের প্রতি কিছু জল অথবা ঈশ্বর তোমাদিগকে যে উপজীবিকা দিয়াছেন, তাহা হইতে কিছু বর্ষণ কর ;” তাহারা বলিবে, “ঈশ্বর নিশ্চয় ধর্মদ্রোহিগণের প্রতি এ দুইকে অবৈধ করিয়াছেন” । ৫১। তাহারা আপন ধর্মকে ক্রীড়া ও আমোদস্বরূপ করিয়াছে, তাহাদিগকে পার্থিব জীবন প্রতারণা করিয়াছে ; অতএব অণু আমি তাহাদিগকে বিস্মৃত হইব, তাহারা যেমন আপনাদের এই দিবসের সাক্ষাৎকারকে বিস্মৃত হইয়াছে, এবং যেমন আমার নিদর্শন সকলকে অস্বীকার করিতেছিল । ৫২। সত্য সত্যই আমি তাহাদের নিকটে গ্রন্থ আনয়ন করিয়াছি, বিশ্বাসিদলের জন্ত জ্ঞানানুসারে পথ প্রদর্শন ও দয়ার অনুরোধে তাহা বিস্মৃত বর্ণন করিয়াছি । ৫৩। তাহার মর্ম ব্যতীত তাহারা কি প্রতীক্ষা করিয়া থাকে ? যে দিন তাহার মর্ম উপস্থিত হইবে, তাহারা পূর্বে তাহা বিস্মৃত হইয়াছিল, তাহারা বলিবে, “নিশ্চয় আমাদের প্রতিপালকের প্রেরিত-পুরুষগণ সত্যসহকারে আসিয়াছিলেন ; অনন্তর আমাদের জন্ত শুভ প্রার্থী কে আছেন যে, আমাদের নিমিত্ত শুভ প্রার্থনা করিবেন ? কিংবা আমরা কি ফিরিয়া যাইব, অবশেষে

\* স্বর্গ ও নরকের মধ্যে এক প্রাচীর আছে, তাহার উপরে কতিপয় পুরুষ স্থিতি করেন ; তাহারা মুখের লক্ষণানুসারে স্বর্গীয়লোক ও নারকীয় লোকদিগকে চিনিয়া স্বর্গবাসীদিগকে সুসংবাদ দান করিবেন । তাহারা সংবাদ-প্রাপ্তির আশা করিবেন, শুভসংবাদ-শ্রবণে আনন্দিত হইবেন । (ত, হো,)

† স্বর্গ ও নরকের মধ্যে এক স্থান আছে, সেই স্থানে কে স্বর্গে যাইবে, কে নরকে যাইবে, তাহার পরিচয় হয় ; এজন্য সেই স্থানকে “এরাফ” বলে । “এরাফ” শব্দের অর্থ চিনিয়া লওয়া ।

‡ এরাফনিবাসিগণ বিশ্বাসী লোকদিগের প্রতি লক্ষ্য করিয়া কাকেরগণকে বলিবেন, “ইহারা কি তাহারা নয় যে, পৃথিবীতে তোমরা শপথ করিয়া বলিতেছিলে যে, কখনও ঈশ্বর ইহাদিগকে দয়া করিবেন না ; দেখ, এক্ষণ ঈশ্বরের দয়ার ইহারা স্বর্গেতে চলিয়াছেন ।” ঈশ্বর বলিবেন, “তোমরা স্বর্গেতে প্রবেশ কর ।” (ত, হো,)



যাহা করিতেছিলাম, তন্নিয় কাৰ্য্য করিব ?” সত্যই তাহারা আপন জীবনের ক্ষতি করিয়াছে, এবং যাহা অপলাপ করিতেছিল, তাহাদিগ হইতে তাহা বিলুপ্ত হইয়াছে \* ।

৫৪ । ( র, ৬, আ, ৬ )

নিশ্চয় তোমাদের প্রতিপালক সেই পরমেশ্বর, যিনি ছয় দিবসে স্বর্গলোক ও ভুলোক সৃজন করিয়াছেন, তৎপর সিংহাসনে স্থিতি করিয়াছিলেন ; তিনি দিবাধারা রজনীকে আচ্ছাদিত করেন, তাহাকে ( দিবারাত্রিকে ) সত্বর আহ্বান করিয়া থাকেন, এবং তাঁহার আদেশে সূর্য্য চন্দ্র ও নক্ষত্রপুঞ্জ নিয়মিত । জানিও, তাঁহারই সৃষ্টি ও আজ্ঞা, বিশ্বপালক পরমেশ্বর বহু সমুন্নত । ৫৫ । তোমরা স্বীয় প্রতিপালককে কাতরতা সহকারে ও গুপ্ত ভাবে ডাক ; নিশ্চয় তিনি সীমালঙ্ঘনকারীদিগকে প্রেম করেন না † । ৫৬ । পৃথিবীতে তাহার সংশোধনের পর তোমরা উপদ্রব করিও না, তাঁহাকে ভয় ও আশার সহিত ডাক ; নিশ্চয় ঈশ্বরের দয়া হিতকারী লোকদিগের নিকটে আছে । ৫৭ । এবং তিনিই যিনি আপন দয়ার পূর্বে বায়ু সকলকে সুসংবাদবাহকরূপে প্রেরণ করেন, এতদূর পর্য্যন্ত, যখন ( বায়ু ) ঘন মেঘকে বহন করে ; তখন আমি নির্জীব নগরের দিকে তাহাকে প্রেরণ করি, পরে আমি তাহা দ্বারা বারিবর্ষণ করিয়া থাকি, অনন্তর তদ্বারা সর্বপ্রকার ফল নিঃসারণ করি । এই প্রকার আমি মৃত লোকদিগকে বাহির করিব, ভরসা যে, তোমরা উপদেশ গ্রহণ করিবে । ৫৮ । বিশুদ্ধ নগর আপন প্রতিপালকের আদেশে স্বীয় উৎপাদনীয় বস্তু নিঃসারিত করে, এবং যাহা অশুদ্ধ, তাহা অল্প বৈ নিঃসারণ করে না ; এইরূপে আমি কৃতজ্ঞ হই, এরূপ দলের জন্ত নিদর্শন সকল বর্ণন করিয়া থাকি ‡ । ৫৯ ।

( র, ৭, আ, ৫ )

সত্য সত্যই আমি নুহাকে তাহার দলের প্রতি প্রেরণ করিয়াছিলাম ; অবশেষে সে বলিয়াছিল, “হে আমার সম্প্রদায়, পরমেশ্বরকে ভজনা কর, তোমাদের জন্ত তিনি ভিন্ন

\* “তাহার মর্শ্ব বাতীত তাহারা কি প্রতীক্ষা করিয়া থাকে ?” অর্থাৎ প্রতীক্ষা করে না । কাফের লোকেরা প্রতীক্ষা করে যে, এই গ্রন্থে যে শাস্তির বিষয় উল্লেখ হইয়াছে, তাহা সত্য হয় কি না দেখি ; সত্য হইলে তখন ইহা গ্রাহ্য করা যাইবে । কিন্তু যখন ঠিক হইবে, তখন আর মুক্তির সম্ভাবনা কোথায় ? এই জন্তই সংবাদ দেওয়া যায় যে, পূর্বে হইতে যেন মুক্তির উপায় অবলম্বন করা হয় । ( ত, ফা, )

† নিঃশব্দে প্রার্থনা করা উত্তম । তাহা করিলে প্রার্থনায় আপনাকে প্রদর্শন করা হয় না । কাতরতা সহকারে প্রার্থনা করিবে, সীমা লঙ্ঘন করিবে না । অর্থাৎ নিজমুখে উচ্চ বিষয় চাহিবে না । ( ত, ফা, )

‡ এ স্থানে বিশুদ্ধ নগরের অর্থ বালুকা ও প্রস্তুতমুক্ত পরিষ্কৃত ভূমি । যে ভূমি অশুদ্ধ, তাহা স্বল্প ফল ভিন্ন উৎপাদন করে না । বিশ্বাসী ও অশ্বিনাসীদিগের সম্বন্ধে এই উপমা হইতে পারে । বিশ্বাসীর মন বিশুদ্ধভূমি-সদৃশ, অশ্বিনাসীর মন মরুভূমি-তুল্য । যখন ঈশ্বরবাণী রূপ মেঘ হইতে উপদেশরূপ বারি বিশ্বাসীর মনে বর্ষিত হয়, তখন ভজন সাধনের ভাব তাঁহার জীবনে প্রকাশ পায় । কিন্তু কাফেরের মনোরূপ ভূমিতে বীজ অঙ্কুরিত হয় না, সে উপদেশ গ্রাহ্য করে না । ( ত, হো, )

অন্য কোন উপাশ্রয় নাই, নিশ্চয় আমি তোমাদের সম্বন্ধে মহাদিনের শাস্তিকে ভয় করিতেছি। ৬০। তাহার দলের প্রধান পুরুষগণ বলিল, “নিশ্চয় আমরা তোমাকে স্পষ্ট বিপথে দেখিতেছি”। ৬১। সে বলিল, “হে আমার সম্প্রদায়, আমার জগৎ পথভ্রান্তি নয়, আমি বিশ্বপালক হইতে প্রেরিত। ৬২। আমি আপন প্রতিপালকের সমাচার তোমাদিগকে পছন্দাইতেছি ও তোমাদিগকে উপদেশ দিতেছি ; তোমরা যাহা জানিতেছ না, আমি ঈশ্বরের সাহায্যে তাহা জানিতেছি। ৬৩। তোমরা কি বিশ্বত হইতেছ যে, তোমাদের প্রতিপালক হইতে তোমাদিগের এক ব্যক্তির প্রতি তোমাদের জগৎ উপদেশ আসিয়াছে, যেন সে তোমাদিগকে ভয় প্রদর্শন করে ও তাহাতে তোমরা ধর্মভীরু হও, এবং তাহাতে তোমরা দয়া প্রাপ্ত হও?”। ৬৪। পরে তাহারা তাহার প্রতি অসত্যারোপ করিয়াছে, অবশেষে আমি তাহাকে ও তাহার সঙ্গে যাহারা নৌকায় ছিল, তাহাদিগকে উদ্ধার করিয়াছি, এবং যাহারা আমার নিদর্শন সকলের প্রতি অসত্যারোপ করিয়াছিল, তাহাদিগকে জলমগ্ন করিয়াছি ; নিশ্চয় তাহারা এক অন্ধ সম্প্রদায় ছিল \*। ৬৫। ( র, ৮, আ, ৬ )

এবং আমি আদ জাতির প্রতি তাহাদের ভ্রাতা হৃদকে (প্রেরণ করিয়াছিলাম ; ) সে বলিয়াছিল, “হে আমার সম্প্রদায়, ঈশ্বরকে ভজনা কর, তোমাদের জগৎ তিনি ভিন্ন অন্য ঈশ্বর নাই ; অনস্তর তোমরা কি ধর্মভীরু হইতেছ না?”। ৬৬। তাহার সম্প্রদায়ের যাহারা ধর্মদ্রোহী হইয়াছিল, তাহাদিগের প্রধান পুরুষগণ বলিল, “নিশ্চয়ই আমরা তোমাকে অজ্ঞানতার মধ্যে দর্শন করিতেছি, এবং নিশ্চয়ই আমরা তোমাকে মিথ্যাবাদীদিগের অন্তর্গত মনে করিতেছি” †। ৬৭। সে বলিল, “হে আমার সম্প্রদায়, আমার জগৎ অজ্ঞানতা নয়, কিন্তু আমি বিশ্বপালকের নিকট হইতে প্রেরিত। ৬৮। আমি স্বীয় প্রতিপালকের সমাচার তোমাদিগকে পছন্দাইতেছি এবং আমি তোমাদের জগৎ বিশ্বস্ত উপদেষ্টা। ৬৯। তোমরা কি বিশ্বত হইতেছ যে, তোমাদের প্রতিপালক হইতে তোমাদের এক ব্যক্তির উপরে তোমাদের নিকটে ‡ উপদেশ আসিয়াছে, যেন সে তোমাদিগকে

\* প্রেরিত পুরুষ মুহাকে তাহার দলস্থ লোকেরা মিথ্যাবাদী বলিয়াছিল। ঈশ্বর এক নৌকা নির্মাণ করিয়াছিলেন। তদুপস্থিত মুহা নৌকা নির্মাণপূর্বক বিখ্যাদিগকে সঙ্গে করিয়া তহুপরি আরোহণ করিয়াছিলেন। পরমেশ্বর মহাবল্লা প্রেরণ করেন, সেই বল্লীর জলে ডুবিয়া ধর্মদ্রোহী লোকেরা বিনাশ প্রাপ্ত হয়। মুহা সঙ্গীদিগের সঙ্গে নিশ্চিন্তে রক্ষা পান। তাহাতেই ঈশ্বর বলিতেছেন যে, আমি তাহাদিগকে নিমজ্জন হইতে রক্ষা করিয়াছি। ( ত, হো, )

† মুহার বংশোদ্ভব আদনামক এক ব্যক্তি ছিলেন। আদের বংশীয় লোকেরা আদ জাতি বলিয়া প্রসিদ্ধ। তাহারা অত্যন্ত উন্নত ও বলিষ্ঠকায় ছিল। তখন পৃথিবীতে কোন জাতি তাহাদের শ্রায় প্রবল পরাক্রান্ত ছিল না। তাহারা ধনে জনে অত্যন্ত শক্তিশালী ছিল ও পুত্রলিকা পূজা করিত। তাহাদের বংশোদ্ভব হদনামক ব্যক্তিকে ঈশ্বর তাহাদের প্রতি প্রেরিতরূপে নিযুক্ত করিয়াছিলেন। ( ত, হো, )

‡ তোমাদের নিকট, এই কথাই তাহাদের জগৎ।

ভয় প্রদর্শন করে ; এবং স্মরণ কর, তিনি যখন হুহার সম্প্রদায়ের অস্ত্রে তোমাদিগকে ফলাভিষিক্ত ও সৃষ্টির মধ্যে তোমাদিগের ( বংশ ) বৃদ্ধি করিয়াছিলেন ; পরিশেষে ঈশ্বরের দানকে স্মরণ কর, তাহাতে তোমরা উদ্ধার পাইবে” । ৭০ । তাহারা বলিল, “আমরা একমাত্র ঈশ্বরকে অর্চনা করিব ও আমাদের পিতৃপুরুষগণ যাহাকে ভজনা করিতেছিলেন, পরিত্যাগ করিব, এজ্ঞ তুমি কি আমাদের নিকট আসিয়াছ ? অবশেষে যদি তুমি সত্যবাদীদিগের অন্তর্গত হও, তবে আমাদের সঙ্গে যাহা অঙ্গীকার করিতেছ, তাহা আমাদের নিকটে উপস্থিত কর” । ৭১ । সে বলিল, “সত্যই তোমাদের প্রতি তোমাদের প্রতিপালক হইতে ক্রোধ ও শাস্তি নির্ধারিত হইয়াছে ; তোমরা কি আমার সঙ্গে কতিপয় নামসম্বন্ধে বিতণ্ডা করিতেছ ? তোমরা ও তোমাদের পিতৃপুরুষগণ সেই নাম রাখিয়াছে, তাহার জন্ত ঈশ্বর কোন প্রমাণ অবতারণ করেন নাই ; অবশেষে প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকামীদিগের অন্তর্গত” \* । ৭২ । অনন্তর আমি তাহাকে ও যাহারা তাহার সঙ্গে ছিল, তাহাদিগকে নিজদয়াগুণে মুক্তি দিয়াছি ; এবং যাহারা আমার নিদর্শন সকলকে অসত্য বলিয়াছিল ও অবিশ্বাসী ছিল, তাহাদের মূল কর্তন করিয়াছি † । ৭৩ । ( র, ২, আ, ৮ )

\* বিশেষ বিশেষ প্রতিমার বিশেষ বিশেষ নাম রাখা হইয়াছিল, কাহাকে “সাকিয়া” ( জলদাতা ) বলা হইত । আদ মনে করিত যে, সাকিয়া দেবী বারিবর্ষণ করেন । তাহারা কাহাকে “হাফেজা” ( রক্ষয়িত্রী ) বলিত ; দেশপর্যটনকালে রক্ষয়িত্রীরূপে এই দেবী সঙ্গে থাকেন, এরূপ তাহাদের সংস্কার ছিল । এই প্রকার “রাঙ্জেকা” ( জীবিকাদাত্রী ), “সালেমা” ( কল্যাণদাত্রী ) প্রভৃতি তাহাদের উপাস্ত দেবী ছিলেন । এ সকল নাম ছিল মাত্র, কিন্তু নামানুরূপ কোন পদার্থ ছিল না । মনুষ্যের উপর যুগ্ম বা পাবাণময়ী মূর্তির কি ক্ষমতা আছে ? অতএব হুদ বলিলেন, “তোমরা কি অজ্ঞানতা-প্রযুক্ত এই সকল বস্তু লইয়া আমার সঙ্গে বিতণ্ডা করিতেছ ?” ( ত, হো, )

† পরমেশ্বর তিন বৎসর তাহাদের উপর জল বর্ষণ করেন নাই, তাহাতে দুর্ভিক্ষ হয় । তৎকালে যখন কোন বিপদ উপস্থিত হইত, এক্ষণ যে স্থানে কাবা মন্দির, সে স্থানে বিপদগ্রস্ত লোক সকল চলিয়া আসিত । তথায় লোহিত বর্ণের একটি মৃত্তিকাস্তূপ ছিল, সেই স্থানে একেশ্বরবাদী ও অনেকেশ্বরবাদী সকলে প্রার্থনা করিত ; তাহাতে সমস্ত লোক ভয় হইতে মুক্তি পাইত ও সিদ্ধকাম হইত । তখন দুর্ভিক্ষাক্রান্ত হইয়া আদ জাতি যাত্রার আয়োজন করিল । কবিল ও মোসর্দ নামক দুই দলপতি আপন দলের সন্তোর জন লোক সঙ্গে করিয়া মক্কায় চলিয়া আইসেন । মাওবিরানামক ব্যক্তি সেই সময়ে মক্কায় শাসনকর্তা ছিলেন । আদগণ তাঁহার নিকটে উপস্থিত হইয়া, উপচৌকনাদি প্রদানানন্তর, নির্দিষ্ট স্থানে যাইয়া প্রার্থনা করিবার জন্ত অনুমতির প্রার্থী হন । মোসর্দ হুদের প্রতি বিশ্বাসী ছিলেন, তিনি কবিলের দলকে বলিলেন, “তোমরা যে পর্যন্ত হুদের আনুগত্য স্বীকার না করিবে, তোমাদের প্রার্থনার বৃষ্টি হইবে না । অনুতাপ করিয়া ক্ষমা প্রার্থনা কর, তাহা হইলে ঈশ্বর তোমাদের প্রতি প্রসন্ন হইবেন ।” কবিল ও তাঁহার সঙ্গীগণ তাহা না শুনিয়া প্রার্থনার ভূমিতে চলিয়া আসিল, তথায় যাইয়া বলিল, “হে ঈশ্বর, আদ জাতি যেসকল বৃষ্টি ইচ্ছা করে, প্রদান কর ।” তৎক্ষণাৎ কৃষ্ণ স্তম্ভ লোহিত এই তিন বর্ণের তিন ঋতু মেঘ আকাশে প্রকাশিত হইল ; তখন এই দৈববাণী হইল,

এবং আমি সমুদ জাতির প্রতি তাহাদের ভাতা সালেহকে ( প্রেরণ করিয়াছিলাম ; ) সে বলিয়াছিল, “হে আমার সম্প্রদায়, ঈশ্বরকে অর্চনা কর, তিনি ব্যতীত তোমাদের জগৎ অগ্নি ঈশ্বর নাই ; সত্যই তোমাদের প্রতিপালক হইতে তোমাদের নিকট এক প্রমাণ উপস্থিত হইয়াছে, এই ঈশ্বরিক উদ্ভী তোমাদের জগৎ নিদর্শন । অতএব ইহাকে ছাড়িয়া দেও, এ ঈশ্বরের ক্ষেত্রে ভক্ষণ করিতে থাকুক, এবং তাহাকে অসম্ভাবে স্পর্শ করিও না, তাহাতে তোমাদিগকে দুঃখজনক শাস্তি আক্রমণ করিবে ।\* । ৭৪ । এবং স্মরণ কর, যখন আদ জাতির অন্তে তিনি তোমাদিগকে স্থলাভিষিক্ত করিলেন, এবং তোমাদিগকে পৃথিবীতে স্থান দিলেন, তোমরা তাহার কোমল মৃত্তিকা দ্বারা আলয় সকল নির্মাণ করিতেছ ও পর্বত সকলকে কাটিয়া গৃহরাজি প্রস্তুত করিতেছ ; অবশেষে ঈশ্বরের উপকার স্মরণ কর এবং ভূতলে অত্যাচারিরূপে অহিতাচরণ করিও না” । ৭৫ । তাহার সম্প্রদায়ের উদ্ধত প্রধান পুরুষগণ যাহাদিগকে দুর্বল মনে করিতেছিল, তাহা-

“কবিল, তুমি ইহার এক পণ্ড মেবকে মনোনীত কর ।” কবিল কুম্বর্ণের মেঘপণ্ডকে প্রার্থনা করিয়া সহচরগণ সহ মক্কা হইতে স্বদেশে চলিয়া আসিল, এবং আপন নিবাসভূমি মনরণনামক স্থানে আসিয়া স্বজাতিকে এই সুসংবাদ দান করিল । তাহা শুনিয়া সকলে আনন্দিত হইয়া মেঘ দর্শন করিবার জগৎ গৃহ হইতে বাহিরে চলিয়া আসিল । তখন ঈশ্বরের শাস্তি তাহাদের উপর অবতীর্ণ হইল । সেই মেঘপণ্ডের সঙ্গে মহাবাত্যা ছিল । সাত দিন ক্রমাগত ঝড় হইয়া আদ সম্প্রদায়কে বিনাশ করিল । ভদ্র সদলে এই বিপদ হইতে উদ্ধার পাইলেন । ( ত, হো, )

\* সমুদ জাতি শারীরিক বল ও প্রচুর সম্পত্তি এবং লোকবলের কারণে গর্বিত হইয়া সালেহকে মিথ্যাবাদী বলিয়াছিল, এবং তাহার নিকটে প্রেরিতজের নিদর্শন চাহিয়াছিল । সালেহ জিজ্ঞাসা করিলেন, “তোমরা কিরূপ নিদর্শন চাহ ?” তাহাতে তাহারা বলিল, “আমাদের সঙ্গে তুমি প্রাস্তরে চলিয়া আইস, কলা আমাদের উৎসব, প্রতিমা সকলকে সুসজ্জিত করিয়া তথায় উপস্থিত কবিব । তুমি আপন ঈশ্বরের নিকটে কিছু প্রার্থনা করিও, আমরাও আমাদের পরমেশ্বরদিগের নিকটে প্রার্থনা করিব ; যাহার প্রার্থনা গৃহীত হইবে, সকল লোক তাহার আনুগত্য স্বীকার করিবে ।” ইহাই স্থির করিয়া সকলে পরদিন প্রাস্তরে চলিয়া গেলেন । সমুদ লোকেরা নানা বিষয়ে প্রার্থনা করিল, কোন প্রার্থনাই গৃহীত হইবার লক্ষণ লক্ষিত হইল না । তাহারা দুঃখিত ও লজ্জিত হইয়া অধোবদনে বসিয়া রহিল । সম্প্রদায়ের দলপতি জনদানামক ব্যক্তি প্রাস্তরস্থিত একখণ্ড বৃহৎ প্রস্তরের প্রতি লক্ষ্য করিয়া বলিল, “হে সালেহ, এই প্রস্তরপণ্ড হইতে তুমি আমাদের জগৎ একটা রোমণঃ বৃহৎ উদ্ভী বাহির কর ।” সালেহ বলিলেন,\* “যদি আমার ঈশ্বর পূর্ণশক্তি হন, এই প্রস্তর হইতে তদ্রূপ উদ্ভী বাহির করিবেন ; তাহা হইলে তোমরা কি করিবে বল ?” তাহারা বলিল, “তোমার ঈশ্বরকে পূজা করিব ।” সকলে এই নির্দ্বন্দ্বিতা শপথপূর্বক প্রতিজ্ঞা করিল । সালেহ দুইবার উপাসনা করিলে পর পাপের কাপিয়া উঠিল, প্রসব-সময়ে উদ্ভী যেরূপ আর্ন্তনাম করে, প্রস্তরপণ্ডও সেইরূপ চীৎকার করিল, এবং তাহা হইতে পূর্বোক্ত লক্ষণযুক্ত একটা প্রকাণ্ড উদ্ভী বাহির হইল । তাহার এক পার্শ্ব হইতে অপর পার্শ্বের দূরত্ব দুই শত চল্লিশ হস্ত, শরীরটা পর্বতসদৃশ ছিল । জনদা ইহা দেখিয়াই ধর্ম গ্রহণ করিল । অন্ত সমুদয় লোক নংপথ আশ্রয় করিল না ।

( ত, হো, )



দিগের যাহারা বিশ্বাস স্থাপন করিয়াছিল, তাহাদিগকে বলিল, “তোমরা কি বোধ করিতেছ যে, মালেহ তাহার প্রতিপালক কর্তৃক প্রেরিত ?” তাহারা বলিল, “নতাই আমরা তাঁহার সঙ্গে যাহা প্রেরিত হইয়াছে, তৎপ্রতি বিশ্বাসী”। ৭৬। উক্ত লোকেরা বলিল, “তোমরা যাহার প্রতি বিশ্বাস স্থাপন করিয়াছ, নিশ্চয় আমরা তৎসঙ্গে কাফের”। ৭৭। অনন্তর তাহারা উষ্ট্রকে বধ করিল ও আপন প্রতিপালকের আদেশের অবাধ্য হইল, এবং বলিল, “হে মালেহ, যদি তুমি প্রেরিত পুরুষদিগের অন্তর্গত হও, তবে যে বিষয়ে অঙ্গীকার করিয়াছ, তাহা উপস্থিত কর”। ৭৮। অবশেষে ভূমিকম্প তাহাদিগকে আক্রমণ করিল, পরে তাহারা আপন গৃহে প্রাতঃকালে অধোমুখে ( কালগ্রাসে ) পতিত হইল। ৭৯। অনন্তর সে তাহাদিগ হইতে মুখ ফিরাইল, এবং বলিল, “হে আমার সম্প্রদায়, সত্য সত্যই আমি স্বয়ং প্রতিপালকের সমাচার তোমাদিগের নিকটে পহুঁছাইয়াছি, এবং তোমাদিগকে উপদেশ দিয়াছি, কিন্তু তোমরা উপদেষ্টাদিগকে প্রেম কর না”। ৮০। এবং আমি লুতকে ( প্রেরণ করিয়াছি ; ) (স্মরণ কর,) যখন সে আপন দলকে বলিল, “তোমরা যে দুষ্কর্ম করিতেছ, তোমাদের পূর্বে কি জগতের কেহ তাহা করিয়াছে ?\*। ৮১। নিশ্চয় তোমরা স্ত্রীলোক ছাড়িয়া কামভাবে পুরুষদিগের নিকট যাইয়া থাক, বরং তোমরা সীমালঙ্ঘনকারী দল”। ৮২। এবং “স্বীয় গ্রাম হইতে ইহাদিগকে বাহির কর, নিশ্চয় ইহারা পবিত্রতা চাহে এরূপ লোক,” এপ্রকার বলা ভিন্ন তাহার দলের উত্তর ছিল না। ৮৩। অনন্তর আমি তাহাকে ও তাহার স্ত্রী ব্যতীত অণু পরিজনকে মুক্তি দিলাম, সে ( লুতের স্ত্রী ) অবশিষ্ট লোকদিগের অন্তর্গত ছিল। ৮৪। এবং আমি তাহাদের উপর বৃষ্টি ( প্রস্তরবৃষ্টি ) বর্ষণ করিলাম ; পরে দেখ, অপরাধীদিগের পরিণাম কিরূপ হইয়াছিল ? ৮৫। ( ব, ১০, আ, ১২ )

\* লুত আজরের পৌত্র, হারানের পুত্র ও মহান্না এরাহিমের ভাতৃপুত্র। এরাহিম যখন বাবেল হইতে শাম দেশে চলিয়া যান, তখন লুত তাঁহার সঙ্গে ছিলেন। পরমেশ্বর লুতকে প্রেরিত্ব দান করিয়া মওতফকাতনামক স্থানের অধিবাসীদিগের নিকটে প্রেরণ করেন। মওতফকাতনে পাঁচটি নগরের সম্মিলন। সদোমা সেই সকল নগরের মধ্যে প্রধান ছিল। আমুরা, দাউমা, সাবুরা ও সউদা অপর চারিটি নগর। প্রত্যেক নগরে চারি সহস্র লোকের বাস ছিল। লুত সদোমাতে আগমন করিয়া তথাকার অধিবাসীদিগের নিকটে ধর্ম প্রচার করেন। উনত্রিশ বৎসর তিনি সেখানে বাস করিয়া সংকর্ষে প্রবর্তিত ও দুষ্কর্ম হইতে নিবৃত্ত হইবার জন্ত উপদেশ দেন। নগরবাসীদিগের চক্ষুর মধ্য পুরুষের সঙ্গে ব্যভিচার প্রধান ছিল। ঈশ্বর সেই সকল লোকের পরিণাম জানাইলেন, এবং বলিলেন, হে মোহাম্মদ, লুতের বৃত্তান্ত স্মরণ কর। ( ত, হো, )

+ “ইহাদিগকে বাহির কর” এই কথাটির অর্থ, লুতকে ও তাঁহার সঙ্গীদিগকে বাহির কর।

‡ পরমেশ্বর লুতীয় সম্প্রদায়ের উপর অসন্তুষ্ট হইলেন। তাহাদের উপর শাস্তি প্রেরিত হইল, ভয়ানক প্রস্তরবৃষ্টি হইতে লাগিল। লুতের ভাৰ্যা ব্যতীত তিনি ও তাঁহার আত্মীয়-স্বজন সকলে রক্ষা পাইলেন। লুতের পত্নীর নাম ওয়াএলা, সে গোপনে ঈশ্বরজোহীদিগকে উদ্ভেজনা করিত।

( ত, হো, )



এবং আমি মদয়ন জাতির প্রতি তাহাদের ভাতা শোয়বকে ( প্রেরণ করিয়া-  
ছিলাম ; ) সে বলিয়াছিল, “হে আমার সম্প্রদায়, ঈশ্বরকে ভজনা কর, তিনি ব্যতীত  
তোমাদের জ্ঞা অন্না উপাস্তা নাই ; সতাই তোমাদের প্রতিপালক হইতে তোমাদের নিকটে  
প্রমাণ উপস্থিত হইয়াছে, অবশেষে তুল ও পরিমাণকে পূর্ণ করিও, এবং লোকদিগকে  
তাহাদের দ্রব্যপুঞ্জ ন্যান পরিমাণ দিও না ও পৃথিবীতে তাহার সংশোধনের পর উপদ্রব  
করিও না, তোমরা বিশ্বাসী হইলে তোমাদের জ্ঞা ইহাই কল্যাণকর \* । ৮৬ । তোমরা  
ঈশ্বরের পথ হইতে, তৎপ্রতি যে বিশ্বাসস্থাপন করিয়াছে, তাহাকে নিবৃত্ত করিতে ও ভয়  
দেখাইতে প্রত্যেক পথে বসিও না, তোমরা তাহার জ্ঞা বক্রতা অন্নেষণ করিতেছ ; স্মরণ  
কর, যখন তোমরা অল্প ছিলে, পরে তোমাদিগকে বর্দ্ধিত করা হইয়াছে। দেখ, অত্যাচারী-  
দিগের পরিণাম কিরূপ হইয়াছে ? † । ৮৭ । এবং যদি তোমাদের এক দল, যৎসহ  
আমি প্রেরিত হইয়াছি, তৎপ্রতি বিশ্বাস স্থাপন করে ও একদল অবিশ্বাসী হয়, তবে যে  
পর্যন্ত না ঈশ্বর আমাদের মধ্যে আজ্ঞা প্রচার করেন, সে পর্যন্ত তোমরা ধৈর্য ধারণ কর ;  
তিনি বিচারপতিদিগের মধ্যে শ্রেষ্ঠ” ‡ । ৮৮ । তাহার দলের যে সকল প্রধান পুরুষ  
উদ্ধত ছিল, তাহারা বলিল, “হে শোয়ব, তোমাকে ও তোমার সঙ্গে যাহারা বিশ্বাসী  
হইয়াছে, তাহাদিগকে আমরা আমাদের গ্রাম হইতে অবশ্য বাহির করিব, অথবা তোমরা  
আমাদের ধর্ম্মে ফিরিয়া আসিব।” সে বলিল, “আমরা অসম্বৃত্ত সত্ত্বে তাহাতে কি  
( ফিরিয়া আসিব ? ) । ৮৯ । ঈশ্বর তাহা হইতে আমাদিগকে মুক্ত করার পর যদি  
তোমাদের সেই ধর্ম্মে আমরা ফিরিয়া আসি, নিশ্চয় ঈশ্বরের প্রতি অসত্যারোপ করিব ;  
এবং আমাদের প্রতিপালক পরমেশ্বর যাহা ইচ্ছা করেন, তাহা অতিক্রম করিয়া তাহার  
মধ্যে যে আমরা আসিব, আমাদের জ্ঞা ( উচিত ) নয়। জ্ঞানযোগে আমাদের প্রতিপালক  
সকল বস্তু ঘেরিয়া রহিয়াছেন, ঈশ্বরের প্রতি আমরা নির্ভর করিয়াছি। হে আমাদের

\* মদয়নজাতি ক্ষুদ্র ও বৃহৎ দুই প্রকার তুল ও পরিমাণমাত্র রাপিত, বৃহৎ যন্ত্র দ্বারা কয়, ক্ষুদ্র যন্ত্র  
দ্বারা বিক্রয় করিত ; এইরূপে তাহারা সকলকে ঠকাইত। শোয়ব এই প্রবন্ধনা হইতে নিবৃত্ত হইবার  
জ্ঞা তাহাদিগকে উপদেশ দান করেন। মহাপুরুষ এরাফিমের এক পুত্রের নাম মদয়ন, সেই  
মদয়নের বংশোদ্ভব লোকদিগকে মদয়ন জাতি বলে। তাহাদের প্রতি শোয়ব প্রেরিত হইয়া-  
ছিলেন। (ত, হো,)\*

† মদয়ন লোকেরা পথে বসিয়া থাকিত, যাহাকে শোয়বের নিকটে যাইতেছে দেখিত, তাহাকে  
ভয় প্রদর্শন করিয়া নিবৃত্ত করিত। (ত, হো,)

‡ মদয়নজাতির এক দল শোয়বের প্রেরিত হইয়া তাঁহার ধর্ম্মে দীক্ষিত হয়, অন্না  
একদল তাঁহাকে অগ্রাহ্য করে। তাহারা বলে, “আমাদের ধন ও বল আছে, বিশ্বাসীদিগের তাহা  
নাই ; অতএব ঈশ্বর আমাদের দিকে আছেন। যদি ঈশ্বর তাহাদের পক্ষ হইতেন, তবে তাহাদের ধন  
সম্পত্তি ও জীবিকার সচ্ছলতা হইত।” তাহাতে শোয়ব বলেন, “তোমরা ধৈর্য ধারণ কর, স্বীয়  
অনুভূতিগণকে বল যে, ঈশ্বর বিচার করিবেন, তিনি উত্তম বিচারপতি।”

প্রতিপালক, আমাদের মধ্যে ও আমাদের জাতির মধ্যে তুমি সত্যভাবে মীমাংসা করিয়া দাও, তুমি মীমাংসাকারীদের মধ্যে শ্রেষ্ঠ।” ২০। তাহার জাতির যে সকল প্রধান পুরুষ কাকের ছিল, তাহারা (বন্ধুদিগকে) বলিল, “যদি তোমরা শোয়বের অনুসরণ কর, তবে নিশ্চয় ক্ষতিগ্রস্ত হইবে”। ২১। অনন্তর ভূমিকম্প তাহাদিগকে আক্রমণ করিল, পরে তাহারা আপন গৃহে অধোমুখে প্রাতঃকালে (মৃত) পড়িয়া রহিল। ২২। যাহারা শোয়বের প্রতি অসত্যারোপ করিয়াছিল, তাহারা ক্ষতিগ্রস্ত হইয়াছে। ২৩। অনন্তর সে তাহাদিগ হইতে ফিরিয়া আসিল, এবং বলিল, “হে আমার সম্প্রদায়, সত্য-সত্যই আমি আপন প্রতিপালকের সমাচার সকল তোমাদের নিকটে পহুঁছাইয়াছি ও তোমাদিগকে উপদেশ দিয়াছি; অনন্তর কি প্রকারে ধর্মদ্রোহী দলের প্রতি শোক করি”। ২৪। (র, ১১, আ, ২)

এবং আমি কোন গ্রামে তাহার অধিবাসীকে দুঃখ ক্লেশ দ্বারা আক্রমণ না করিয়া কোন তত্ত্ববাহককে প্রেরণ করি নাই, তাহাতে তাহারা কাতর হইয়া থাকে। ২৫। তৎপর অমঙ্গলের স্থলে মঙ্গল বিনিময় করিয়াছি, এত দূর যে সমধিক হইয়াছে; এবং তাহারা বলিয়াছে, “নিশ্চয় দুঃখ ও সুখ আমাদের পিতৃপুরুষদিগকেও প্রাপ্ত হইয়াছিল।” অনন্তর আমি তাহাদিগকে অকস্মাৎ আক্রমণ করিয়াছি, এদিকে তাহারা অজ্ঞাত ছিল \*। ২৬। এবং যদি গ্রামবাসিগণ নিশ্চিন্ত ও ধর্মভীরু হইত, তবে অবশ্য আমি তাহাদের প্রতি স্বর্গ ও মর্ত্যের উন্নতির দ্বার মুলু করিতাম; কিন্তু তাহারা অসত্যারোপ করিল, অতএব যাহা করিতেছিল, তজ্জন্ম তাহাদিগকে আমি আক্রমণ করিলাম। ২৭। পরন্তু গ্রামবাসিগণ কি নিঃশঙ্ক আছে? এই যে আমার শাস্তি রাত্রিকালে উপস্থিত হইবে, তাহারা নিদ্রিত থাকিবে। ২৮। অথবা গ্রামবাসিগণ কি নিঃশঙ্ক আছে? এই যে আমার শাস্তি মধ্যাহ্নকালে উপস্থিত হইবে, এবং তাহারা ক্রীড়া করিতে থাকিবে। ২৯। পরন্তু তাহারা কি ঈশ্বরের চতুরতার সম্বন্ধে নিঃশঙ্ক আছে? অনন্তর ক্ষতিকারক দল ব্যতীত অস্ত্রে ঈশ্বরের চতুরতায় নিঃশঙ্ক হয় না। ১০০। (র, ১২, আ, ৬)

যাহারা তাহাদের (পূর্ব) নিবাসীদের অস্ত্রে পৃথিবীর উত্তরাধিকারী হইয়াছে, তাহাদের জ্ঞান কি ইহা (কোর-আন) পথ প্রদর্শন করে নাই? আমি ইচ্ছা করিলে তাহাদের অপরাধের বিনিময়ে তাহাদিগকে আক্রমণ করিতাম, তাহাদের মনের উপর মোহর (মন বন্ধ) করিয়া রাখিয়াছি, অতএব তাহারা গুণিতেনা না। ১০১। সেই সকল গ্রাম

\* তাহারা বলিয়াছিল যে, “দুঃখ পরিশ্রমের স্থানে এইরূপ সুখ শাস্তি কালের প্রকৃতি অনুসারে হইয়া থাকে; পূর্বকালেও কখন অল্পকষ্ট, কখন সচ্ছলতা, কখন অসুস্থতা, কখন সুস্থতা, কখন শোক, কখন সন্তোষ হইয়াছে। ইহা ধর্মার্থের কারণে হয় নাই। অতএব আমরা যে ভাবে কালবাণন করিয়াছি, সেই ভাবেই বাণন করিব।” যখন ইহারা অধর্ম ও অকৃতজ্ঞতাতে দৃঢ় হইল, তখন অকস্মাৎ সেই নিশ্চিত অবস্থার শাস্তি প্রেরিত হইল।

(ত, হো,)

( গ্রামবাসী ), আমি তোমার নিকটে ( হে মোহাম্মদ, ) তাহাদের তত্ত্ব সকল বর্ণন করি-  
তেছি, এবং সত্য সত্যই তাহাদের নিকটে তাহাদের প্রেরিতপুরুষগণ প্রমাণ সকল সহ  
উপস্থিত হইয়াছিল ; পূর্বে যে বিষয়ে তাহারা অসত্যারোপ করিয়াছিল, পরে কখনও  
তাহাতে বিশ্বাস স্থাপন করে নাই । এইরূপে ঈশ্বর কাফেরদিগের মনের উপর মোহর  
করিয়া থাকেন । ১০২ । এবং আমি ইহাদের অধিকাংশকে অস্বীকার পূর্ণ করিতে  
প্রাপ্ত হই নাই ও ইহাদের অধিকাংশকে অবশ্য তুষ্টিয়াশীল প্রাপ্ত হইয়াছি । ১০৩ ।  
তৎপর ইহাদের অন্তে আমি মুসাকে আমার নিদর্শন সকল সহ ফেরওণের ও তাহার  
প্রধান লোকদিগের নিকটে প্রেরণ করিয়াছিলাম ; পরে তাহারা তাহার ( নিদর্শনের )  
প্রতি অত্যাচার করিয়াছিল, অনন্তর দেখ, উপপ্লবকারীদিগের পরিণাম কি হইয়াছিল \* ।  
১০৪ । এবং মুসা বলিয়াছিল, “হে ফেরওণ, নিশ্চয় আমি বিশ্বপালকের নিকট হইতে  
প্রেরিত । ১০৫ । সত্য ভিন্ন ঈশ্বর সম্বন্ধে বলি না, এ বিনয়ে আমি উপযুক্ত ; সত্যই  
তোমাদের প্রতিপালক হইতে তোমাদের নিকটে এক প্রমাণ উপস্থিত করিয়াছি, অতএব  
আমার সঙ্গে এস্রায়েলসন্ততিগণকে প্রেরণ কর ।” ১০৬ । সে বলিয়াছিল, “যদি  
তুমি নিদর্শন সকল সহ আসিয়াছ, তবে সত্যবাদীদিগের অন্তর্গত হইলে তাহা উপস্থিত

\* মুসা ফেরওণের প্রতি প্রেরিত হইয়াছিলেন । ফেরওণের প্রকৃত নাম কাবুস, অথবা অলিদ ।  
যেমন পারস্ত, রোম ও চীন এবং এয়মন দেশাধিপতিদিগের উপাধি কসরা, কয়সর, থাকান, তন্না,  
তদ্রূপ মেসরাধিপতির উপাধি ফেরওণ ছিল । মহাপুরুষ মুসা যখন মেসর হইতে পলায়ন করিয়া  
মদয়নে মহান্না শোয়বের নিকটে উপস্থিত হন, তখন তিনি তাহার কন্যা সফুরাকে বিবাহ করেন,  
তৎপর তথা হইতে মেসরাভিমুখে ফিরিয়া যান । পথে এয়মনের অরণ্যে পৌঁছিয়া প্রেরিত লাভ  
করেন ও অলৌকিক নিদর্শন প্রাপ্ত হন । তদ্বিবরণ পরবর্তী সূরায় বিবৃত হইয়াছে । ঈশ্বর তাঁহাকে  
আদেশ করেন যে, তুমি মেসরে যাইয়া আমার বর্ণন ফেরওণের নিকটে প্রচার কর, সে অবাধ্য ও  
অত্যাচারী হইয়া আমাকে অস্বীকার করিতেছে । কিয়ৎকাল পর মুসা ফেরওণের নিকটে যাইয়া প্রচার  
আরম্ভ করেন । ( ত, হো, )

+ ইয়কুবের অপর নাম এস্রায়েল । ফেরওণ এস্রায়েলবংশীয় লোকদিগকে দাসত্বে বদ্ধ করিয়া  
রাখিয়াছিল । ইয়কুব যখন সন্ততিগণসহ মেসরে যাইয়া বাস করেন, তখন তাহার বংশ অত্যন্ত বৃদ্ধি প্রাপ্ত  
হয় । ইয়কুব ও ইয়ুসেফের ভ্রাতৃবর্গ ক্রমে পরলোক প্রাপ্ত হন, এবং রাজা রয়ান, যিনি ইয়ুসেফের  
সময়ে ফেরওণ ছিলেন, মানবলীলা সংবরণ করেন । তাহার পুত্র মসাব এস্রায়েলসন্ততিদিগকে  
সম্মান করিতেন, কখনও তাঁহাদিগের বিরোধী হন নাই । তাঁহার মৃত্যু হইলে অলিদ যে মুসার সময়ে  
ফেরওণ হয়, সে সিংহাসন প্রাপ্ত হইয়াই “আমি তোমাদের সর্বপ্রধান ঈশ্বর,” প্রজামণ্ডলীর নিকটে  
এই কথা প্রচার করে । এস্রায়েলবংশীয় লোকেরা তাঁহাকে ঈশ্বর বলিয়া মাণ্ড করিতে অসম্মত হয় ।  
ফেরওণ বলে, “তোমাদের পিতৃপুরুষগণ আমার অনুচরবর্গের ক্রীতদাস ছিল, তোমরা আমার দাসের  
দাসপুত্র ।” ইহা বলিয়া তাহাদিগকে দাসত্বে আবদ্ধ করে । তৎপর মহান্না মুসা প্রেরিত লাভ করিয়া  
ফেরওণকে যাইয়া বলেন, “তুমি এস্রায়েলসন্ততিগণকে মুক্তি দান কর, তাহাদিগকে আমি পৈতৃক  
পুণ্যভূমিতে লইয়া যাইব ।” ( ত, হো, )

কর”। ১০৭। অবশেষে সে আপন দণ্ড নিক্ষেপ করিল, পরে অকস্মাৎ তাহা স্পষ্ট অজগর হইল \*। ১০৮। এবং স্বকীয় হস্ত বাহির করিল, অনন্তর অকস্মাৎ তাহা দর্শকদিগের জন্ম শুভ্র ( জ্যোতিঃ ) হইল †। ১০৯। ( র, ১৩, আ, ২ ) \*

ফেরওণের দলের প্রধান পুরুষেরা বলিল, “নিশ্চয় এ জ্ঞানী ঐন্দ্রজালিক। ১১০। + সে ইচ্ছা করিতেছে যে, তোমাদিগকে তোমাদের দেশ হইতে তাড়িত করে।” ( ফেরওণ বলিল, ) “অনন্তর তোমরা কি আদেশ করিতেছ ?” ১১১। তাহারা বলিল, “তাহাকে ও তাহার ভ্রাতাকে নিবৃত্ত রাখ, এবং নগর সকলে দূতগণ প্রেরণ কর। ১১২। + তাহারা তোমার নিকটে প্রত্যেক ঐন্দ্রজালিক লোককে উপস্থিত করিবে”। ১১৩। এবং ঐন্দ্রজালিকগণ ফেরওণের নিকটে আগমন করিয়া বলিল, “যদি আমরা বিজয়ী হই, তবে নিশ্চয় আনাদের জন্ম কোন পারিশ্রমিক আছে”। ১১৪। সে বলিল, “হাঁ, তবে অবশ্য তোমরা আমার সান্নিধ্যবর্তীদিগের অন্তর্গত।” ১১৫। তাহারা বলিল, “হে মুসা, আমরা কি নিক্ষেপকারী হইব ?” ‡। ১১৬। সে বলিল, “তোমরা নিক্ষেপ কর” ; অনন্তর

\* কথিত আছে, যষ্টি অজগররূপ ধারণ করিয়া রাজপ্রাসাদকে গ্রাস করিতে উদ্ভূত হইয়াছিল। ইহা দেখিয়া ভয় পাওয়া ফেরওণ পলায়ন করে, তাহার অনুচর এবং প্রজাবর্গও পলাইয়া যায়। প্রস্থানকালে পঁচিশ সহস্র লোক কালগ্রাসে পতিত হয়। তখন ফেরওণ আর্তনাদ করিয়া বলে, “হে মুসা, আমি শপথ করিয়া বলিতেছি, তুমি ঈশ্বরের প্রেরিত, স্বীয় যষ্টিকে সংবরণ কর, আমি তোমার প্রতি বিশ্বাস স্থাপন করিলাম, এবং এশ্রায়েলজাতিতে তোমার হস্তে সমর্পণ করিতেছি।” ইহা শুনিয়া মুসা অজগরের পৃষ্ঠ গ্রহণ করিলেন, তৎক্ষণাৎ তাহা দণ্ডে পরিণত হইল। তখন ফেরওণ পুনর্বার সিংহাসনে আরোহণ করিয়া বলিল, “তোমার অশ্ব কিছু অলৌকিকতা থাকিলে প্রকাশ কর।” মুসা বলিলেন, “আরও আছে।” তখন দক্ষিণ হস্ত কণ্ঠদেশে স্থাপন করিলেন। ( ত, হে, )

† মহাপুরুষ মুসা কপিশবর্গ ছিলেন। নিজের হস্ত কণ্ঠে স্থাপন করিয়া বাহির করিলে, সেই হস্তের জ্যোতিঃ সূর্যের জ্যোতিঃ অপেক্ষা উজ্জ্বল হইত। তখন মুসা স্বীয় হস্ত কণ্ঠে স্থাপনপূর্বক বাহির করিলেন, হস্তের জ্যোতিঃ ধক্ ধক্ করিয়া জ্বলিতে লাগিল। পুনর্বার তাহা কণ্ঠে স্থাপন করিয়া বাহির করিলেন, পূর্বাভঙ্গ প্রাপ্ত হইল। ফেরওণ এই ব্যাপার দেখিয়া মন্ত্রিবর্গের সঙ্গে মুসার সম্বন্ধে পরামর্শ স্থির করিতে প্রবৃত্ত হইল। ( ত, হো. )

‡ কথিত আছে, ঐন্দ্রজালিকদিগের মধ্যে দলের চারিজন প্রধান লোক ছিল। সাবুর ও আজুর নামক দুই ভ্রাতা এবং হত হত ও মসফা নামক দুই ব্যক্তি। এই চারি ব্যক্তির একজন নেতা ছিল, তাহার নাম শমুন। মুসার সময়ে সে দেশে যেমন ঐন্দ্রজালিক লোক ছিল, এরূপ কোন সময়ে ছিল না। কেহ বলেন বার হাজার, কেহ বলেন সত্তের হাজার জাদুকর মেসরে ফেরওণের আজ্ঞানুসারে উপস্থিত হইয়াছিল। সাবুর ও আজুর কোন অলৌকিক উপায়ে জানিতে পারিয়াছিল যে, মুসা যখন নিদ্রিত হন, তখন তাহার পার্শ্বে দণ্ড অজগররূপ ধারণ করিয়া প্রহরীর কার্য করে। তাহারা গোপনে অমুসকান করিয়া তাহা প্রত্যক্ষ করিল, তাহাতে উহাকে তাহার প্রেরিতদের নিদর্শন ভাবিয়া বিশেষ ভীত ও চিন্তিত হইল। যখন ফেরওণ মহাশয় মুসাকে ডাকাইয়া ঐন্দ্রজালিকদিগের নিকটে তাহার অলৌকিক ক্রিয়া প্রকাশ করিতে অনুরোধ করিল, তখন ঐন্দ্রজালিকগণ দণ্ড ও রজ্জু সকল প্রাপ্তরে আনিয়া উপস্থিত করিয়া আপনাদের বিদ্যা-প্রকাশে উদ্ভূত হইল। ফেরওণ কৌতুহলা-

তাহারা নিক্ষেপ করিল, তখন লোকের চক্ষে জ্বাছ করিল ও তাহাদিগকে ভয় দেখাইল, এবং এক মহা ঐন্দ্রজাল উপস্থিত করিল \* । ১১৭ । এবং আমি মুসার প্রতি প্রত্যাদেশ করিলাম যে, স্বীয় যষ্টিকে তুমি নিক্ষেপ কর ; অনস্তর তাহারা যে মায়া স্থাপন করিতেছিল, উহা অকস্মাৎ তাহা গিলিয়া ফেলিতে লাগিল † । ১১৮ । অবশেষে সত্য প্রমাণিত হইল ও তাহারা যাহা করিতেছিল, মিথ্যা হইল । ১১৯ । অনস্তর সেই স্থানে তাহারা পরাজিত হইল, এবং নিকৃষ্ট হইয়া ফিরিয়া গেল । ১২০ । এবং ঐন্দ্রজালিকগণ প্রণত হইয়া পড়িল । ১২১ । † বলিল, “আমরা বিশ্বপালকের প্রতি ও মুসা ও হারুণের প্রতি-পালকের প্রতি বিশ্বাস স্থাপন করিলাম ।” ১২২ । † ফেরওণ বলিল, “তোমা-দিগকে আজ্ঞা-প্রদানের পূর্বে তোমরা তৎপ্রতি বিশ্বাস স্থাপন করিয়াছ, নিশ্চয় ইহা প্রতারণা ; এই নগরেতে তোমরা এই প্রবঞ্চনা করিয়াছ যে, তোমরা এস্থান হইতে এস্থানের অধিবাসীদিগকে বাহির করিবে, অতএব সহর তোমরা জানিতে পাইবে ‡ । ১২৩ । অবশ্য আমি তোমাদের হস্ত ও তোমাদের পদ বিপরীতভাবে ছেদন করিব, § তৎপর একযোগে অবশ্য তোমাদিগকে শূলে স্থাপন করিব” । ১২৪ । তাহারা বলিল, “নিশ্চয় আমরা স্বীয় প্রতিপালকের দিকে প্রত্যাবর্তনকারী । ১২৫ । এবং আমরা যে স্বীয় প্রতিপালকের নিদর্শন সকলের প্রতি, যখন তাহা আমাদের নিকটে উপস্থিত হইয়াছে, বিশ্বাস স্থাপন করিয়াছি, তুমি আমাদের প্রতিবন্ধক হইতেছ তাহা নহে, ( উহার প্রতিদ্বন্দ্বী ) হইতেছ ; হে আমাদের প্রতিপালক, আমাদের প্রতি ধৈর্য্য স্থাপন কর ও আমাদের মোসলমান ( জীবনে ) কালগ্রস্ত করিও” । ১২৬ । ( র, ১৪, আ, ১৭ )

ক্রান্ত হইয়া সিংহাসনে বসিল । সহস্র সহস্র লোক দর্শন করিবার জগ্ন সমবেত হইল । এক পাশে ঐন্দ্রজালিকগণ, অপর পাশে মুসা ও তাহার ভ্রাতা ও প্রচারক হারুণ দণ্ডায়মান হইলেন । ( ত, হো, )

\* ঐন্দ্রজালিকগণ স্থূল রজ্জুসকল ও যষ্টিসকল বর্ণরঞ্জিত ও গুণগর্ভ করিয়া পারদপূর্ণ করিয়াছিল । রৌদ্রের উত্তাপে পারদ স্ফীত হইয়া উঠিলে সেই সকল রজ্জু ও যষ্টি স্পন্দন করিয়া সর্পের স্থায় পরস্পরকে বেষ্টিত করিতে লাগিল । তফসির অয়লোন্মানিনামক গ্রন্থে উল্লিখিত হইয়াছে যে, মৃত্তিকার নিম্নে গর্ভ করিয়া অগ্নি প্রজ্জ্বলিত করা হইয়াছিল, নিম্ন হইতে অগ্নির উত্তাপ, উপর হইতে সূর্যের উত্তাপ লাগিয়া সে সকল রজ্জু ও যষ্টি স্পন্দন করে ও সমুদায় প্রান্তর ঘন সর্পে পরিপূর্ণ হয় । ( ত, হো, )

† ঐন্দ্রজালিকগণ যে রজ্জু ও যষ্টিপঞ্জকে প্রবঞ্চনা করিয়া দেখাইতেছিল, সেই সমস্তকে সেই অজগর ভক্ষণ করিয়া ফেলিল । ইহা দেখিয়া লোক সকল পলায়ন করিতে লাগিল, বহু লোক ভয়ে প্রাণত্যাগ করিল । অনস্তর মুসা অজগরকে স্পর্শ করিলে তৎক্ষণাৎ সে যষ্টি হইল । ঈশ্বর ঐন্দ্রজালিকদের সমুদায় রজ্জু ও যষ্টিকে বিলুপ্ত করিলেন । ( ত, হো, )

‡ অর্থাৎ তোমরা মিলিয়া এই চক্রান্ত দ্বারা নগরের আধিপত্য গ্রহণ করিতে চাহিতেছ, ফেরওণ এই কথা বলিয়া সেই সকল লোককে শত্রু স্থির করিয়াছিল । ( ত, ফা, )

§ “বিপরীতভাবে ছেদন করিব,” ইহার অর্থ, একজনের হস্ত, অশ্ব একজনের পদ, এইরূপ এক একজনের এক এক অঙ্গ আমি ছেদন করিব ।



এবং ফেরাওয়ী সম্প্রদায়ের প্রধান লোকেরা বলিল, “তুমি কি মুসা ও তাহার দলকে দেশে উপদ্রব করিতে এবং তোমাকে ও তোমার উপাস্তদেবদিগকে ধ্বংস করিতে ছাড়িয়া দিতেছ?” সে বলিল, “এক্ষণ আমরা তাহাদের সন্তানদিগকে বধ করিব ও নারীগণকে জীবিত রাখিব, এবং নিশ্চয় আমরা তাহাদের উপর পরাক্রান্ত” \* । ১২৭। মুসা আপন দলকে বলিল, “ঈশ্বরের নিকটে সাহায্য প্রার্থনা কর ও বৈর্য ধারণ কর, নিশ্চয় পরমেশ্বরেরই পৃথিবী, তিনি আপন দাসদিগের যাহাকে ইচ্ছা, তাহাকে তাহার উত্তরাধিকারী করেন ; এবং ধর্মভীরু লোকদিগের জগুই ( শুভ ) পরিণাম” । ১২৮। তাহারা বলিল, “আমাদের নিকটে তোমার আগমনের পূর্বে ও আমাদের নিকটে তোমার আগমনের পর আমরা উৎপীড়িত হইয়াছি ।” সে বলিল, “আশা আছে যে, তোমাদের প্রতিপালক তোমাদের শত্রুকে বিনাশ করিয়া তোমাদিগকে পৃথিবীতে স্থলাভিষিক্ত করিবেন ; অবশেষে দেখ, তোমরা কেমন আচরণ করিতেছ” । ১২৯। ( র, ১৫, আ, ৩ )

এবং সত্য সত্যই আমি ফেরাওয়ীর দলকে দুর্ভিক্ষ দ্বারা ও ফল সকলের অপচয় দ্বারা আক্রান্ত করিলাম, তাহাতে যেন তাহারা উপদেশ গ্রহণ করে । ১৩০। অনন্তর যখন তাহাদিগের কল্যাণ উপস্থিত হইত, তাহারা বলিত, ইহা আমাদের জগুই, এবং যদি অকল্যাণ তাহাদের নিকটে উপস্থিত হইত, তবে তাহারা মুসা ও তাহার সঙ্গীদের উপর অকুশল আরোপ করিত ; জানিও, তাহাদের অকুশলারোপ ঈশ্বরের প্রতি, তদ্বিল্প নহে ; কিন্তু তাহাদের অধিকাংশই বুঝিতেছে না । ১৩১। এবং তাহারা বলিল, “তুমি নিদর্শন সকলের যে কিছু আমাদের নিকটে উপস্থিত করিবে যে, তদ্বারা আমাদের মুক্তি করিবে ; কিন্তু আমরা তোমার সম্বন্ধে বিশ্বাসকারী নহি” । ১৩২। অনন্তর আমি তাহাদিগের প্রতি ঝটিকা, পঙ্গপাল ও শলভ ও মণ্ডুক এবং রক্ত ( এই ) ভিন্ন ভিন্ন নিদর্শন সকল প্রেরণ করিলাম ; পরে তাহারা অহঙ্কার করিল, এবং তাহারা অপরাধী দল ছিল \* । ১৩৩। এবং যখন তাহাদের উপর শাস্তি উপস্থিত হইল, তখন তাহারা

\* ফেরাওয়ী নিজের পূজাতে প্রজাদিগকে নিযুক্ত করিয়াছিল, সে স্বয়ং নক্ষত্রের উপাসক ছিল । ক্রমত হওয়া গিয়াছে যে, সে স্বীয় আকৃতির প্রতিমা সকল নির্মাণ করিয়া তাহার এক একটিকে পূজা করিবার জন্ত এক এক প্রজাকে প্রদান করিয়া বলিয়াছিল যে, তোমরা এই মূর্তিকে অর্চনা কর, এ তোমাদিগকে শাস্তি দান করিবে । সে বলিত, আমি সর্বোপরি তোমাদের ঈশ্বর, অতঃপর সকল ঈশ্বর ক্ষুদ্র, আমি শ্রেষ্ঠ । তৎকালে প্রধান প্রধান লোকেরা মুসাকে ও তাহার দলকে এশ্রায়েলবংশীয় লোকদিগকে বধ করিতে প্রধান দেব ফেরাওয়ীর নিকটে প্রার্থনা করিল । ( ত, হো, )

+ এশ্রায়েলবংশীয় লোকদিগকে স্বদেশে যাইতে ছাড়িয়া দিবার জন্ত ফেরাওয়ীর সঙ্গে মহান্না মুসার চল্লিশ বৎসর বিরোধ করিতে হয়, ফেরাওয়ী কিছুতেই সন্তুষ্ট হয় নাই । মুসার অভিসম্পাতে এই সকল বিপদ ঘটে, যথা—নীল নদীর জল রক্তে পরিণত হয়, শস্তক্ষেত্র, উদ্ভান ও আলয় সকল নষ্ট হইয়া যায়, পঙ্গপাল পড়িয়া ক্ষেত্রের অপচয় করে, লোকের শরীরে ও বস্ত্রে রাশি রাশি কীট জন্মে, ; এইরূপ নানা দুর্ঘটনা হইলেও ফেরাওয়ী গ্রাহ্য করে নাই । ( ত, কা, )

বলিল, “হে মুসা, (ঈশ্বর) তোমার নিকটে যাহা অঙ্গীকার করিয়াছেন, তদ্বিষয়ে আমাদের জন্ত তোমার প্রতিপালকের নিকটে প্রার্থনা কর; যদি তুমি আমাদের হইতে শাস্তিকে উন্মোচন কর, তবে অবশ্য আমরা তোমার প্রতি বিশ্বাসী হইব, এবং অবশ্য তোমার সঙ্গে এশ্রায়েলসন্ততিগণকে প্রেরণ করিব”। ১৩৪। অনস্তর যখন আমি তাহাদিগ হইতে সেই শাস্তি, কিছুকাল পর্য্যন্ত যে তাহারা তাহা প্রাপ্ত হইতেছিল, উন্মোচন করিলাম, তখন অকস্মাৎ তাহারা অঙ্গীকার ভঙ্গ করিল \*। ১৩৫। অবশেষে আমি তাহাদিগ হইতে সেই প্রতিশোধ লইলাম, পরে তাহাদিগকে সমুদ্রে নিমগ্ন করিলাম; যেহেতু তাহারা আমার নিদর্শন সকলের প্রতি অসত্যারোপ করিয়াছিল ও তাহারা তৎ-প্রতি উদাসীন ছিল। ১৩৬। এবং পৃথিবীর পূর্ব দিকের ও তাহার পশ্চিম দিকের যে স্থানে আমি সমুদ্র বিধান করিয়াছি, যাহারা দুর্বল বলিয়া পরিগণিত ছিল, সেই দলকে তাহার উত্তরাধিকারী করিয়াছি; এশ্রায়েলসন্ততিগণের সম্বন্ধে, তাহারা যে ধৈর্য ধারণ করিয়াছিল, তন্নিমিত্ত, (হে মোহাম্মদ,) তোমার প্রতিপালকের শুভ বাক্য পূর্ণ হইয়াছে; এবং ফেরাওণ ও তাহার দল যাহা করিতেছিল ও যাহা উঠাইতেছিল, আমি তাহা বিনষ্ট

\* কথিত আছে যে, সপ্তাহ কাল অবিশ্রান্ত বারিবর্ষণ হইয়াছিল, মেসরের আদিনিবাসী কিব্‌তি জাতির গৃহে জল প্রবেশ করিয়াছিল, শিশুগণকে উচ্চস্থানে স্থাপন করিয়া স্ত্রী পুরুষ সকলকে জলে দণ্ডায়মান থাকিতে হইয়াছিল। অবশেষে তাহারা নিরুপায় হইয়া ফেরাওণের আশ্রয় গ্রহণ করে, তাহাতেও নিরাশ হয়। পরে মহাপুরুষ মুসার নিকটে যাইয়া বলে, “আমাদিগকে এই বিপদ হইতে মুক্ত করিবার জন্ত তুমি তোমার ঈশ্বরের নিকটে প্রার্থনা কর, আমরা ধর্ম গ্রহণ করিব।” তখন মুসার প্রার্থনায় সেই মহাবৃষ্টির নিবৃত্তি হইল, ক্ষেত্রের জল শুকাইয়া গেল, প্রচুর শস্য জন্মিল। পুনর্ব্বার তাহারা ধর্ম অঙ্গীকার করিল, এবং বলিল, “ইহা স্বভাবতঃ হইয়া থাকে।” তখন ঈশ্বর তাহাদের প্রতি পক্ষপাল প্রেরণ করিলেন, তাহাতে অধিকাংশ শস্যক্ষেত্র বিনষ্ট হইল। তাহারা পুনর্ব্বার মুসার শরণাপন্ন হইয়া শপথপূর্ব্বক বলিল, “এই বিপদ হইতে আমরা মুক্ত হইলে তোমার ঈশ্বরের অনুগত হইয়া থাকিব।” তৎপর পক্ষপাল চলিয়া গেল। ক্ষেত্রে কিয়দংশ শস্য অবশিষ্ট ছিল, তাহারা তাহা দেখিয়া বলিল, “আমাদের উপজীবিকার জন্ত ইহাই যথেষ্ট।” পুনর্ব্বার তাহারা ঈশ্বরকে অঙ্গীকার করিল, তখন শলভ উৎপন্ন হইয়া, যাহা কিছু শস্য অবশিষ্ট ছিল, বিনাশ করিল। আবার তাহারা মুসার আশ্রয় গ্রহণ করিয়া ধর্ম স্বীকার করিল, তাহাতে শাস্তির অবসান হইল। তখন তাহারা বলিল, “মুসা, আমরা নিশ্চয় বুকিতে পারিয়াছি যে, তুমি ঐলজালিক বিদ্যায় অতিশয় পটু।” পুনর্ব্বার ঈশ্বর তাহাদের প্রতি ভেকের দল পাঠাইলেন। ভেক সকল তাহাদের অন্নস্থালীতে লাফাইয়া পড়িত, এক জন মুখব্যাদান করিয়া কথা কহিতে প্রবৃত্ত হইলে মুগের ভিতরে ভেক প্রবেশ করিত, কেহ শয়ন করিয়া আছে, এমন সময়ে তাহার বস্ত্রের ভিতরে যাইয়া লুকাইয়া থাকিত। পুনর্ব্বার দীনভাবে তাহারা মুসার নিকটে নিবেদন করিল, “আমরা এবার অবশ্য বিশ্বাসী হইব, আমাদিগকে এ বিপদ হইতে তুমি রক্ষা কর।” তখন বিপদ দূর হইল। পুনর্ব্বার তাহারা অগ্রাহ্য করিল। তৎকালীন নীল নদের জল কিব্‌তিদের পক্ষে শোণিতের আকার ধারণ করিল ইত্যাদি। (ত, হো, )

করিয়াছি \* । ১৩৭ । এবং আমি এশ্রায়েলসন্তানগণকে সাগর পার করাইয়াছিলাম ; পরে আপন পুত্রলিকাদিগের সঙ্গে সহবাস করিতেছিল, এমন এক জাতির নিকটে তাহারা উপস্থিত হইল, বলিল, “হে মুসা, ইহাদিগের যেমন ঈশ্বর সকল আছে, তুমি আমাদের জন্ত এক ঈশ্বর প্রস্তুত কর ;” সে বলিল, “নিশ্চয় তোমরা (এমন) এক দল যে মূর্খতা করিতেছ † । ১৩৮ । নিশ্চয় এই সকল লোক, ইহারা যাহাতে স্থিতি করে, তাহা অলীক, এবং যাহা করিতেছে, তাহা মিথ্যা” । ১৩৯ । সে বলিল, “আমি ঈশ্বরকে ছাড়িয়া কি তোমাদের উপাস্ত্র অন্বেষণ করিব ? বস্তুতঃ তিনি সমুদায় জগতের উপরে তোমাদিগকে শ্রেষ্ঠতা দান করিয়াছেন । ১৪০ । এবং (স্মরণ কর,) যখন তিনি তোমাদিগকে ফেরওণীয় লোক হইতে উদ্ধার করিয়াছিলেন ; তাহারা তোমাদিগকে কঠিন শাস্তি পছন্দাইতেছিল, তোমাদের পুত্রসন্তানগণকে হত্যা করিতেছিল ও তোমাদের কন্যাদিগকে জীবিত রাখিয়াছিল, এ বিষয়ে তোমাদের প্রতিপালক হইতে কঠিন পরীক্ষা ছিল” । ১৪১ । ( র, ১৬, আ, ১২ )

“এবং আমি মুসার সঙ্গে ত্রিংশৎ রজনীর অঙ্গীকার করিয়াছিলাম, এবং দশ দিন সহ তাহা পূর্ণ করিয়াছিলাম, পরে তাহার প্রতিপালকের চত্বারিংশৎ রজনীর অঙ্গীকার পূর্ণ হইয়াছিল ; এবং মুসা আপন ভ্রাতা হারুণকে বলিয়াছিল, “আমার দলে তুমি আমার স্মৃতিভিষিক্ত হও ও সদনুষ্ঠান কর, অত্যাচারীদিগের পথের অনুসরণ করিও না” ‡ ।

\* “যেস্থানে আমি সমুন্নতি বিধান করিয়াছি” অর্থাৎ তন্মধ্যে শামদেশ অন্তরে বাহিরে বহু উন্নত ছিল । ( ত, কা, )

এশ্রায়েলবংশীয় লোকেরা কিব্‌তিদিগের অধীনতায় বদ্ধ হইয়া অতিশয় দুর্বল ও দুর্দশাপন্ন হইয়াছিল ; ফেরওণের ও তাহার অনুবর্তিগণের মৃত্যুর পর তাহারা মুক্ত হইয়া পূর্ব ও পশ্চিম দেশে আধিপত্য বিস্তার করে । তন্মধ্যে শাম দেশ প্রচুর শস্তোৎপত্তি ও প্রেরিত পুরুষদিগের সমাগমের কারণ সর্বাঙ্গোৎকর্ষিত ছিল । ফেরওণীয় লোকেরা যে সকল গৃহ, অট্টালিকা ও দুর্গাদি নির্মাণ ও উন্নত করিতেছিল, ঈশ্বর তাহা বিনষ্ট করিয়াছেন । ( ত, হো, )

† মূর্খ লোকেরা নিরাকারকে পূজা করিয়া সন্তুষ্ট নহে । তাহারা যে পর্য্যন্ত সম্মুখে একটি মূর্তি দেখিতে না পায়, সে পর্য্যন্ত পরিতৃপ্ত হয় না । নির্কোষ এশ্রায়েলসন্ততিগণ কতকগুলি লোককে গাভী পূজা করিতে দেখিয়া তৎপূজায় প্রবৃত্ত হইতে ইচ্ছা করিল । অবশেষে তাহারা স্বর্ণঘাটা গোবৎস নির্মাণ করিয়া পূজা করিতে লাগিল । ( ত, কা, )

‡ মহাত্মা মুসা এশ্রায়েলসন্তানদিগের নিকটে এই অঙ্গীকার করিয়াছিলেন যে, ফেরওণ নিখন হইলে পর ঈশ্বরের নিকট হইতে তোমাদের জন্ত এক গ্রন্থ আনয়ন করিব, তোমাদের বাহা যাহা প্রয়োজন, সেই গ্রন্থে স্পষ্ট ও বিস্তারিতরূপে লিখিত থাকিবে । ফেরওণ জলমগ্ন হইলে পর তাহারা সমুদ্র পার হইয়া সেই গ্রন্থ চাহিলেন । মুসা পরমেশ্বরের নিকটে তাহার প্রার্থনা করিলে আদেশ হইল যে, ত্রিশ দিন রোজা পালন করিয়া তুর গিরিতে আগমন করিও, তখন আমি তোমার সঙ্গে কথা কহিব । মুসা তদনুসারে ত্রিশ দিন ব্রত পালন করিয়া তুর পর্ব্বতে উপস্থিত হইলেন । অনশনজন্ত মুখে গন্ধ হইয়াছিল বলিয়া তিনি কুণ্ঠিত ছিলেন । তাহা দূর করিবার জন্ত মুখ ধৌত করিলেন । ইহা দেখিয়া

১৪২। এবং যখন মুসা আমার নির্দিষ্ট সময়ে উপস্থিত হইল ও তাহার প্রতিপালক তাহার সঙ্গে কথা কহিলেন; সে বলিল, “হে আমার প্রতিপালক, আমাকে দেখা দেও, আমি তোমার প্রতি দৃষ্টি করি।” তিনি বলিলেন, “তুমি আমাকে কখনও দেখিবে না, কিন্তু পর্বতের দিকে দৃষ্টি কর, পরে যদি সে স্বস্থানে স্থিতি করে, তবে সত্বর তুমি আমাকে দেখিবে।” অনন্তর যখন সেই পর্বতের দিকে তাহার প্রতিপালক প্রকাশিত হইলেন, তখন তাহাকে চূর্ণ করা হইল, এবং মুসা অচৈতন্যভাবে পড়িল; অবশেষে যখন সংজ্ঞা লাভ করিল, বলিল, “পবিত্রতা তোমারই, (হে ঈশ্বর), আমি তোমার নিকটে প্রত্যাগমন করিতেছি, এবং আমি বিশ্বাসীদের প্রথম” \*। ১৪৩। তিনি বলিলেন, “হে মুসা, সত্যি আমি মানবজাতির প্রতি স্বীয় সংবাদ প্রেরণ ও স্বীয় বাক্য (কথনে) তোমাকে স্বীকার করিয়াছি; অতএব আমি যাহা তোমাকে দান করিলাম, তাহা গ্রহণ কর, এবং কৃতজ্ঞদের অন্তর্গত হও”। ১৪৪। এবং আমি সকল বিষয়ের উপদেশ ও সকল বিষয়ের বর্ণনা তাহার জন্ত পট্টকে লিপি করিয়াছিলাম, পরে (বলিয়াছিলাম,) তাহা সবলে ধারণ কর, এবং আপন দলকে আদেশ কর, যেন তাহার উৎকৃষ্ট সকলকে গ্রহণ করে; সত্বর আমি তোমাদিগকে দুর্কৃত্ত লোকদিগের আলায় প্রদর্শন করিব †। ১৪৫। যাহারা পৃথিবীতে অযথা অহঙ্কার করে, সত্বর আমি তাহাদিগকে আপন নিদর্শনাবলী হইতে নিবৃত্ত রাখিব; এবং যদি তাহারা সমুদায় নিদর্শন দর্শন করে, তাহাতে বিশ্বাস

দেবগণ বলিলেন, “তোমার মুখে মগনাভির গন্ধ অনুভূত হইতেছিল, তুমি মুখ প্রক্ষালন করিয়া তাহা দূর করিলে কেন?” তখন ঈশ্বর বলিলেন যে, ইহার দণ্ডস্বরূপ আরও দশদিন ব্রত পালন করিতে হইবে। (ত, হো,

\* পরমেশ্বর মহাপুরুষ মুসাকে এই অধিকার দিয়াছিলেন যে, দেবতার মধ্যবর্তিত্ব ব্যতিরেকে তিনি সাক্ষাৎসম্বন্ধে ঈশ্বরের সঙ্গে কথোপকথন করিতে পারিয়াছিলেন। পরে ঈশ্বরদর্শনে তাহার অভিলাষ হয়, দর্শনের তেজ সহ্য করিতে পারেন নাই, ঈশ্বরের জ্যোতি পর্বতের দিকে প্রকাশ পাইয়াছিল, পর্বত চূর্ণ হইয়া গেল, মুসা অচৈতন্য হইয়া পড়িলেন। ইহা দ্বারা বুঝা যায় যে, পৃথিবীতে ঈশ্বরদর্শন লোকের পক্ষে অসম্ভব হয়, পরলোকে সহ্য হইবে। (ত, হো,)

+ জাদোল্‌মনির গ্রন্থে উল্লিখিত হইয়াছে যে, দশ খণ্ড কাষ্ঠপট্টকে বা প্রস্তরপট্টকে উপদেশ সকল অঙ্কিত ছিল। আমি তোমাদিগকে দুর্কৃত্তদিগের আলায় নরক-প্রদর্শন করিব বা শামদেশে লইয়া গিয়া যে সকল পুরাতন লোক আমার আজ্ঞা অমান্য করিয়াছিল, তাহাদের আলায় তোমাদিগকে দেখাইব, অথবা মেসরে ফেরওণ ও কিব্‌তিগণ যে নিধন প্রাপ্ত হইয়াছে, তাহাদের শূন্য গৃহ প্রদর্শন করিব। (ত, হো,)

যে কার্য্য করিবার জন্ত আদেশ হইয়াছে, তাহাই উৎকৃষ্ট বিষয়; যাহা করিতে নিষেধ হইয়াছে, তাহা নিকৃষ্ট বিষয়। দুর্কৃত্তদিগের গৃহ তোমাদিগকে দেখাইব, অর্থাৎ যদি তোমরা আজ্ঞাধীন না হও, তবে তোমাদিগকে এরূপ অপদস্থ করিব, যেমন শামরাজ্য কাড়িয়া লইয়া দুর্কৃত্তদিগকে করিয়াছি। (ত, ফা,)

স্থাপন করিবে না। যদি তাহারা প্রকৃত পথ দর্শন করে, তাহাকে পন্থারূপে গ্রহণ করিবে না, এবং যদি তাহারা ভ্রান্তির পথ দর্শন করে, তাহাকে পন্থারূপে গ্রহণ করিবে ; ইহা এজন্য যে, তাহারা আমার নিদর্শন সকলের প্রতি অসত্যারোপ করিয়াছে ও তৎপ্রতি উদাসীন হইয়াছে। ১৪৬। এবং যাহারা আমার নিদর্শন সকলের প্রতি ও পারলৌকিক সম্মিলনের প্রতি অসত্যারোপ করিয়াছে, তাহাদের ক্রিয়া সকল বিনষ্ট হইবে ; তাহারা যাহা করিতেছিল, তাহার বিনিময় ব্যতীত দেওয়া যাইবে না। ১৪৭। ( র, ১৭, আ, ৬, )

এবং মুসার দল, সে'চলিয়া গেলে পর, আপন আভরণ দ্বারা গোবৎসমূর্ত্তি নির্মাণ করিল, তাহার শব্দ ছিল ; তাহারা কি দেখে নাই যে, নিশ্চয় সে তাহাদের সঙ্গে কথা কহে না ও তাহাদিগকে কোন পথ প্রদর্শন করে না ; তাহাকে গ্রহণ করিল ও তাহারা অত্যাচারী ছিল \*। ১৪৮। এবং যখন তাহারা আপন হস্তে অমুতপ্ত হইল † এবং দেখিল যে, নিশ্চয় তাহারা বিপৎগামী হইয়াছে, তখন বলিল, “যদি আমাদের প্রতি-পালক আমাদের দয়া ও আমাদের ক্ষমা না করেন, তবে অবশ্য আমরা ক্ষতিগ্রস্ত-দিগের অন্তর্গত হই”। ১৪৯। যখন মুসা আপন দলের নিকটে ক্রুদ্ধ ও শোকার্ত্তভাবে ফিরিয়া আসিল, তখন বলিল, “আমার অস্ত্রে তোমরা যাহাকে স্থলাভিষিক্ত করিয়াছ, তাহা কদর্য্য ; তোমরা কি আপন প্রতিপালকের আজ্ঞার সম্বন্ধে সন্দেহ হইলে ?” ‡ এবং

\* এশ্রায়েলবংশীয় লোকেরা ফেরওণের অনুচরগণের অজ্ঞাতসারে মেষ হইতে চলিয়া গেলেন। তাহারা এই ছল করিয়াছিলেন যে, আমাদের মধ্যে বিবাহের উৎসব আছে, আমাদের সেই উৎসবে যোগ দিতে হইবে। এই বলিয়া ফেরওণীয় সম্প্রদায়ের যাহাদের সঙ্গে বন্ধুতা ছিল, তাহাদিগ হইতে অলঙ্কারাদি চাহিয়া লইয়াছিলেন ; তাহারা সাগর উত্তীর্ণ ও ফেরওণ সদলে জলমগ্ন হইলে পর, সেই সকল আভরণ তাহাদের হস্তে ছিল। যখন মুসা তুর গিরির দিকে চলিয়া গেলেন, সামরি-নামক এক ব্যক্তি হারুণের নিকটে যাওয়া বলিল, “এশ্রায়েল লোকদিগের হস্তে যে সকল অলঙ্কার আছে, তাহা ব্যবহার করা তাহাদের পক্ষে পাপ।” ইহা শুনিয়া হারুণ সমুদায় অলঙ্কার তাহার নিকটে উপস্থিত করিতে সঙ্গীদিগকে অনুমতি করিলেন। তাহা একত্র করা হইলে তিনি সামরিকে বলিলেন, “তুমি এ সকল আভরণ আপন নিকটে গচ্ছিত রাখ।” সামরি স্বর্ণ রৌপ্যের অলঙ্কার সকল গ্রহণ করিল। সে স্থনিপুণ স্বর্ণকার ছিল, সেই সমুদায় ধাতুকে গলাইয়া একটি গোবৎস নির্মাণ করিল, এবং এরূপ কৌশল করিল যে, সেই ধাতুময়ী মূর্ত্তি গোবৎসের স্থায় শব্দ করিতে লাগিল। ইহা দেখিয়া এশ্রায়েলবংশীয় লোকেরা চমৎকৃত হইয়া সেই মূর্ত্তিকে পূজা করিতে প্রবৃত্ত হইলেন। ( ত, হো, )

† “আপন হস্তে অমুতপ্ত হইল,” ইহার অর্থ এই যে, যেমন কেহ কোন বস্তু হস্তে প্রাপ্ত হয়, সেইরূপ অমুতাপকে তাহারা প্রত্যক্ষভাবে প্রাপ্ত হইল। ( ত, হো, )

‡ “তোমরা কি আপন প্রতিপালকের আজ্ঞার প্রতি সন্দেহ হইলে ?” ইহার অর্থ, তোমরা ঈশ্বরের আজ্ঞার প্রতীক্ষা করিয়া আমার আগমনের জন্ত ধৈর্য্যধারণ করিলে না, অবিলম্বে গোবৎসের পূজায় প্রবৃত্ত হইলে। ( ত, হো, )



সে সেই পটুক সকল নিষ্ক্ষেপ করিল, এবং স্বীয় ভ্রাতার মস্তক গ্রহণ করিল, তাহাকে আপনার দিকে টানিতে লাগিল ; সে ( হারুন ) বলিল, “হে আমার মাতৃনন্দন, নিশ্চয় এই দল আমাকে দুর্বল মনে করিয়াছে, এবং আমাকে বধ করিতে উত্তত হইয়াছিল। অনন্তর আমাচার্য তুমি শত্রুকে সম্বুষ্ট করিও না, এবং আমাকে অত্যাচারীদিগের দলভুক্ত করিও না”। ১৫০। সে বলিল, “হে আমার প্রতিপালক, আমাকে ও আমার ভ্রাতাকে ক্ষমা কর, এবং আপন দয়ার মধ্যে আমাদিগকে প্রবিষ্ট কর ; তুমি দয়ালুদিগের মধ্যে পরম দয়ালু”। ১৫১। ( র, ১৮, আ, ৪ )

নিশ্চয় যাহারা গোবৎসকে ( উপাস্তদেবরূপে ) গ্রহণ করিয়াছে, তাহাদের প্রতিপালক হইতে অবশ্য তাহাদের জন্ত আক্রোশ পহুঁছবে, এবং সাংসারিক জীবনে দুর্গতি হইবে; এইরূপে আমি অপলাপকারীদিগকে প্রতিফল দান করি। ১৫২। এবং যাহারা দুষ্কর্ম করিয়াছে, অবশেষে তাহার পর অন্ততাপ করিয়াছে, এবং বিশ্বাসী হইয়াছে, নিশ্চয় তোমার প্রতিপালক ( হে মোহম্মদ, ) তাহার পর ক্ষমাশীল ও দয়ালু হন। ১৫৩। এবং যখন মুসার ক্রোধের শাস্তি হইল, সে পটুক সকল গ্রহণ করিল, তাহার লিপির মধ্যে উপদেশ ছিল, এবং যাহারা আপন প্রতিপালককে ভয় করে, তাহাদের জন্ত দয়া ছিল। ১৫৪। এবং মুসা আপন দল হইতে সত্তোর জন পুরুষকে আমার অঙ্গীকারের জন্ত মনোনীত করিল ; অনন্তর যখন তাহাদিগকে কম্প আক্রমণ করিল, সে বলিল, “হে আমার প্রতিপালক, যদি তুমি ইহাদিগকে ও আমাকে ইতিপূর্বে হত্যা করিতে ইচ্ছা করিতে, ( ভাল ছিল ; ) আমাদের নিকোধ লোকেরা যাহা করিয়াছে, তজ্জন্ত কি আমাদিগকে তুমি বধ করিতেছ ? ইহা তোমার পরীক্ষা ভিন্ন নহে ; এতদ্বারা তুমি যাহাকে ইচ্ছা হয়, বিভ্রান্ত কর, এবং যাহাকে ইচ্ছা হয়, পথ প্রদর্শন করিয়া থাক। তুমি আমাদিগের বন্ধু, অতএব আমাদিগকে ক্ষমা কর ও আমাদিগকে দয়া কর, এবং তুমি ক্ষমাশীলদিগের মধ্যে শ্রেষ্ঠ \*। ১৫৫। এবং আমাদের জন্ত তুমি ইহলোকে ও পরলোকে কল্যাণ লিপি কর, নিশ্চয় আমরা তোমার দিকে ফিরিয়া আসিয়াছি।” তিনি বলিলেন, “আমার শাস্তি আমি যাহাকে ইচ্ছা হয়, তাহার প্রতি পহুঁছাইয়া থাকি, এবং আমার দয়া সমুদায় বস্তুকে ঘেরিয়া রহিয়াছে। অনন্তর আমি, যাহারা ধম্মভীরু হয় ও অকাত্ত দান করে, এবং যাহারা আমার নিদর্শন সকলের প্রতি বিশ্বাস স্থাপন করে, তাহাদের জন্ত তাহা ( সেই দয়া )

\* মহাপুরুষ মুসা মণ্ডলীর প্রধান সত্তোর ব্যক্তিকে সঙ্গে করিয়া লইয়া গিয়াছিলেন। তাহারা ঈশ্বরের বাণী শ্রবণ করিয়া বলিতে লাগিলেন, “যে পযাস্ত ঈশ্বরদর্শন না হয়, সে পযাস্ত আমরা বিশ্বাস করিব না।” এই কথা পরই তাহাদের উপর বিদ্যুৎপাত হয়, কাঁপিতে কাঁপিতে তাহারা প্রাণত্যাগ করেন। মহান্না মুসা তজ্জপ প্রার্থনা করেন, তাহাতে তাহারা জীবিত হইয়া উঠেন। এই ঘটনা গোবৎস-পূজার পূর্বে বা পরে হইয়াছিল। ( ত, ফা, )

অবশ্য লিখিব” \* । ১৫৬ । + যাহারা সুসংবাদদাতা অশিক্ষিত প্রেরিত পুরুষের অনুসরণ করে, তাহারা আপনাদের নিকটে তওরাত ও ইঞ্জিলে যাহা লিপিবদ্ধ আছে, তাহাই (হজরতের বর্ণনা) প্রাপ্ত হয়। সে তাহাদিগকে বৈধ বিষয়ে আদেশ করে, অবৈধ বিষয় হইতে নিবৃত্ত করে ও তাহাদের জন্ত শুদ্ধ বস্তু বৈধ এবং তাহাদের সম্বন্ধে অশুদ্ধ বস্তু অবৈধ করে ; অপিচ তাহাদের ভার ও গলবন্ধন, যাহা তাহাদের উপরে আছে, তাহাদিগ হইতে দূর করে। অতএব যাহারা তাহার প্রতি বিশ্বাস স্থাপন করে ও তাহাকে সম্মান করে ও তাহাকে সাহায্য দান করে, এবং যাহা তাহার সম্বন্ধে অবতারণিত হইয়াছে, সেই জ্যোতির অনুসরণ করে, ইহারাই তাহারা, যে মুক্তি পাইবে † ; ১৫৭ । (র, ১২, আ, ৬)

তুমি বল, হে লোকসকল, স্বর্গ ও পৃথিবী যাহার রাজত্ব, সত্যই আমি তোমাদের সকলের নিকটে সেই ঈশ্বরকর্তৃক প্রেরিত ; তিনি ব্যতীত উপাস্য নাই, তিনি প্রাণ দান ও প্রাণ হরণ করেন। অতএব তোমরা ঈশ্বরের প্রতি ও তাঁহার সেই অশিক্ষিত তত্ত্ববাহক প্রেরিত-পুরুষের প্রতি, যে ঈশ্বরের প্রতি ও তাঁহার বাক্যের প্রতি বিশ্বাস করিতেছে, বিশ্বাস স্থাপন কর ও তাহার অনুসরণ কর ; তাহাতে তোমরা পথ প্রাপ্ত হইবে । ১৫৮ । মুসার সম্প্রদায়ের মধ্যে এক দল আছে যে, তাহারা সত্যভাবে পথ দেখাইয়া থাকে, তৎসহ বিচার করে ‡ । ১৫৯ । এবং আমি তাহাদিগকে দ্বাদশ বংশ ও দলে বিভক্ত করিয়াছিলাম ; এবং আমি মুসার প্রতি, যখন তাহার নিকটে তাহার দল জল প্রার্থনা করিয়াছিল, প্রত্যাদেশ করিয়াছিলাম যে, তুমি প্রণত হইয়া

\* মহাপুরুষ মুসা আপন মণ্ডলীর সম্বন্ধে ঐহিক পারত্রিক কল্যাণের জন্ত যে প্রার্থনা করিয়াছিলেন, তাহার উদ্দেশ্য হয়তো এই হইবে যে, তাঁহার মণ্ডলী যেন ইহপরলোকে অগ্রগণ্য হয়। তাহাতে ঈশ্বর বলিলেন, “আমার কৃপা ও শাস্তি বিশেষভাবে কোন দলের প্রতি নহে।” যাহাকে ইচ্ছা হয়, ঈশ্বর তাহাকে শাস্তি দান করেন, এবং তাঁহার কৃপার দ্বার সকলের জন্ত মুক্ত। কিন্তু সেই বিশেষ কৃপা তাঁহাদের জন্ত লিপিবদ্ধ আছে, যাহারা পরমেশ্বরের সমুদায় কথা বিশ্বাস করেন।

(ত, কা.)

+ কতাদা নামক একজন সাধুপুরুষ বলিয়াছিলেন যে, “ইতিহাস ও ঈসারী লোকেরা এই করণার প্রার্থী হইয়া বলিয়াছিলেন যে, ‘আমরা নিদর্শন সকলের প্রতি বিশ্বাস স্থাপন করিয়াছি ও ধর্ম্মার্থ দান করিয়া থাকি, অতএব আমাদের এই করণার অধিকার আছে।’ ঈশ্বর তাঁহাদিগকে নিরাশ করিয়া বিশেষ সম্প্রদায়ের প্রতি বিশেষ করণা করিয়াছেন। তিনি বলিয়াছেন যে, বিবরণবিরাগী বিখ্যাত লোকের জন্ত আমি স্বীয় করণা লিপিয়া থাকি। ‘প্রেরিতপুরুষ’ অশিক্ষিত, এই উক্তি দ্বারা হজরত মোহম্মদকে লক্ষ্য করা হইয়াছে। লেখা পড়া না জানিয়াও তাঁহার প্রচুর জ্ঞান ছিল, এই তাঁহার এক অলৌকিকতা।

(ত, হো.)

‡ ইহারাই সেই লোক ছিল, যে হজরতের নিকটে যাইয়া ধর্ম গ্রহণ করিয়াছিল, যথা—সলামের পুত্র আবদোলা প্রভৃতি।

(ত, কা.)

এই সূরার ১৫৯, ১৬০, ১৬১ আয়তের ঐতিহাসিক তত্ত্ব বকর সূরার বিবৃত হইয়াছে।

দ্বারা আঘাত কর। অনন্তর তাহা হইতে দ্বাদশ প্রশ্ববণ নিঃসৃত হইল, নিশ্চয় প্রত্যেক ব্যক্তি আপনাদের জলাশয় চিনিয়া লইল; এবং তাহাদের উপর আমি বারিবাহকে চম্ভ্রাতপ করিয়াছিলাম ও তাহাদের প্রতি মাত্ৰা সলওয়াকে অবতারণ করিয়াছিলাম, ( বলিয়াছিলাম, ) আমি যে শুষ্কবস্ত্র জীবিকারূপে তোমাদিগকে দান করিলাম, তাহা ভক্ষণ কর; তাহারা আমার প্রতি অত্যাচার করে নাই, কিন্তু আপন জীবনের প্রতি অত্যাচার করিতেছিল। ১৬০। এবং ( স্মরণ কর, ) যখন তাহাদিগকে বলা হইল যে, এ গ্রামেতে বাস কর ও ইহার যথা ইচ্ছা তোমরা ভক্ষণ কর ও বল, পাপ নিবৃত্ত হইল, এবং প্রণাম করিতে করিতে দ্বারে প্রবেশ কর; আমি তোমাদের অপরাধ তোমাদের জন্ত ক্ষমা করিব, অবশ্য আমি হিতকারীদিগকে অধিক দান করিব। ১৬১। অনন্তর তাহাদিগের মধ্যে যাহারা অত্যাচার করিয়াছিল, তাহাদের সম্বন্ধে যাহা বলা হয় নাই, তাহারা এরূপ কথার পরিবর্তন করিল; অবশেষে তাহারা যে অত্যাচার করিতেছিল, তজ্জন্ত আমি স্বর্গ হইতে তাহাদিগের উপর শাস্তি প্রেরণ করিলাম। ১৬২। ( র, ২০, আ, ৫ )

এবং তুমি ( হে মোহম্মদ, ) সেই গ্রামের বিষয়ে, যাহা সাগরকূলে ছিল, তাহাদিগকে প্রশ্ন কর, যখন তাহারা শনিবাসরে সীমা লঙ্ঘন করিত; যে দিন তাহাদের শনিবাসর, তখন তাহাদের মৎস্য সকল প্রকাশভাবে তাহাদের নিকটে উপস্থিত হইত; এবং যেদিন তাহারা শনিবাসর করিত না, তাহাদের নিকটে আসিত না। এইরূপ তাহারা দুষ্কর্ম করিতেছিল বলিয়া আমি তাহাদিগকে পরীক্ষা করিতেছিলাম \*। ১৬৩। এবং যখন তাহাদিগের একদল বলিল, “কেন তোমরা সেই দলকে উপদেশ দিতেছ? ঈশ্বর তাহাদিগের বিনাশকারী, অথবা তিনি তাহাদিগের কঠিন দণ্ডের দণ্ডদাতা;” তাহারা বলিল,

\* সেই গ্রামের নাম আয়লা ছিল। উহা মদয়ন ও তুর এই দুই স্থানের মধ্যবর্তী তিব্রিয়া-সাগরের কূলে ছিল। সেই গ্রামনিবাসিগণ তওরাতের বিধির অনুসরণ করিয়া চলিত। তাহাদের কর্তব্যের মধ্যে শনিবারের সম্মান করা একটি কর্তব্য ছিল। সে দিবস মৎস্য শিকার করা ও বিষয়-কর্মে লিপ্ত হওয়া নিষেধ ছিল। তাহারা ঈশ্বরের সেই আজ্ঞা লঙ্ঘন করিয়া মহাপুরুষ দাউদ কর্তৃক তিরস্কৃত হয়। পরমেশ্বর ইহুদিদিগের দুষ্ক্রিয়া প্রকাশ করিবার উদ্দেশ্যে হজরতকে বলিলেন যে, “তুমি গ্রন্থাধিকারীদিগকে প্রশ্ন কর।” শনিবার দিন জলের উপর তাহাদের নিকটে মৎস্য সকল ভাসিয়া বেড়াইত, অল্প দিবস এরূপ হইত না। ইহা দ্বারা ঈশ্বর তাহাদিগকে পরীক্ষা করিতেছিলেন। যখন আয়লানিবাসিগণ শনিবারে অনেক মৎস্য দেখিত, তাহা শিকার করিতে পারিত না, ধৈর্যধারণেও অক্ষম হইত। অনেক ভাবিয়া চিন্তিয়া এক উপায় স্থির করিল, সমুদ্রের কূলে ক্ষুদ্র ক্ষুদ্র পুষ্করিণী পানন করিয়া সমুদ্র হইতে খাল কাটিয়া সেই সকল পুষ্করিণীর সঙ্গে যোগ করিয়া দিল। জোওয়ারের জলের সঙ্গে মৎস্য সকল প্রণালী দিয়া গর্তে প্রবেশ করিলে তাহারা প্রণালীর মূণ্ড জাল দ্বারা বন্ধ করিয়া রাখিত; রবিবার দিন পুষ্করিণীতে সেই মৎস্য আবদ্ধ রাখিয়া পরে অনায়াসে শিকার করিয়া উদর-পূর্তি করিত।

( ত, হো, )

“তোমাদের প্রতিপালকের নিকটে মিনতি করিবার জ্ঞ ( এই উপদেশ ; ) ভরসা যে, তাহারা ধর্ম-ভীরু হইবে” \* । ১৬৪ । অনস্তর যখন যে বিষয়ে উপদেশ দেওয়া হইয়াছিল, তাহারা তাহা বিশ্বাস হইল ; যাহারা দুর্কর্ম হইতে নিবারণ করিতেছিল, তাহাদিগকে আমি মুক্তিদান করিলাম, এবং যাহারা অত্যাচার করিয়াছিল, তাহাদিগকে কঠিন শাস্তি দ্বারা আক্রমণ করিলাম, যেহেতু তাহারা কুকর্ম করিতেছিল । ১৬৫ । পরে যখন তাহারা যে বিষয়ে নিষেধ প্রাপ্ত হইয়াছিল, সে বিষয়ের (পরিভ্রাণে) অবাধ্যতা করিল ; তখন আমি তাহাদিগকে বলিলাম, “তোমরা জঘন্য মর্কট হইয়া যাও” † । ১৬৬ । এবং ( স্মরণ কর, ) যখন তোমার প্রতিপালক জ্ঞাপন করিলেন যে, অবশ্য তাহাদের উপরে কেয়ামতের দিন পর্যন্ত কোন এক ব্যক্তিকে প্রেরণ করিবেন, যেন তাহাদিগকে কঠিন শাস্তি অর্পণ করে ; ‡ নিশ্চয় তোমার ঈশ্বর সত্বর শাস্তিদাতা, এবং নিশ্চয় তিনি ক্ষমাকারী ও দয়ালু । ১৬৭ । এবং আমি ধরাতলে তাহাদিগকে বহুদলে বিভক্ত করিয়াছি, তাহাদিগের (কতক লোক সাধু ও তাহাদের কতক লোক এতদ্বিত্ত ; এবং তাহাদিগকে আমি শুভা-শুভ দ্বারা পরীক্ষা করিয়াছি, যেন তাহারা ফিরিয়া আইসে § । ১৬৮ । অনস্তর তাহাদিগের অন্তে স্থলবর্তী (অর্থাৎ স্থলাভিষিক্ত) হইল, গ্রন্থের স্বত্ব লাভ করিল ; তাহারা এই নিকৃষ্ট জীবনের সামগ্রী গ্রহণ করিতেছে, এবং বলিতেছে যে, আমাদের জ্ঞ অবশ্য ক্ষমা আছে ; এবং যদি তাহাদের নিকট তৎসদৃশ সামগ্রী উপস্থিত হয়, তাহারা তাহা গ্রহণ করে । তাহাদের প্রতি কি গ্রন্থের অঙ্গীকার গৃহীত হয় নাই যে, ঈশ্বরের সপক্ষে সত্য ভিন্ন বলিবে না ? তাহাতে যাহা আছে, তাহারা পাঠ করিয়াছে, এবং ধর্মভীরুদিগের জ্ঞ পারলৌকিক আনন্দ উৎকৃষ্ট, পরন্তু তাহারা কি বুঝিতেছে না ? ॥ ১৬৯ । এবং যাহারা

\* তাহাদের মধ্যে তিন দল ছিল, এক দল শিকার করিত, একদল নিষেধ করিত, এবং আর এক দল এ দুইয়ের কিছুই করিত না । কিন্তু যাহারা নিষেধ করিত, তাহারাষ্ট শ্রেষ্ঠ ছিল । (ত, ফা,)

† নিষেধকারী লোকেরা শিকারীদিগের সঙ্গে মিলিত হইত না, আপনাদের ও তাহাদের ভবনের মধ্যে প্রাচীর স্থাপন করিয়াছিল, যেন তাহাদের সঙ্গে দেখা সাঙ্গাং না হয় । এক দিন তাহারা প্রাতঃকালে গাত্রোথান করিয়া শিকারীদিগের কোন কথা শুনিতে পাইল না । প্রাচীরের উপর হইতে দৃষ্টি করিয়া দেখিল যে, প্রত্যেক গৃহে বানর বিরাজ করিতেছে । সেই মর্কটে পরিণত লোক সকল আপন প্রতিবেশীদিগের চরণে মস্তক স্থাপন করিয়া দুঃখে জন্মন করিতে লাগিল । অবশেষে তাহারা অতি দুর্বস্থায় তিন দিনের মধ্যে প্রাণত্যাগ করিয়াছিল । (ত, হো,)

‡ তওরাত গ্রন্থে ইহুদিদিগের সন্ধক্ষে উক্ত হইয়াছে যে, যখনতোমরা তওরাতের বিধি অমান্য করিবে, তখন ততোমাদিগের উপর অস্ত্র লোক পরাক্রান্ত হইবে ও তোমরা কেয়ামত পর্যন্ত হীলাবস্থায় থাকিবে । একদা কোথাও ইহুদিদিগের আধিপত্য নাই, তাহারা অস্ত্র জাতির প্রজা হইয়া আছে । (ত, ফা,)

§ ইহুদিগণ ভাগ্যহীন হইল, তাহারা আয়কলহে প্রবৃত্ত হইয়া নানা স্থানে বিচ্ছিন্ন হইয়া পড়িল, এবং তাহাদের ধর্মও বিস্তিন্ন হইল । (ত, ফা,)

॥ পূর্ববর্তী ইহুদিগণ তওরাত গ্রন্থ শিক্ষা করিয়া উৎকোচগ্রহণপূর্বক তাহার বিধির ব্যতিক্রম

গ্রহ অবলম্বন করে ও উপাসনাকে প্রতিষ্ঠিত রাখিয়াছে, নিশ্চয় আমি সেই সাধুদিগের পুরস্কার বিনষ্ট করি না। ১৭০। এবং (স্মরণ কর, ) যখন আমি তাহাদিগের উপরে পর্বত উঠাইয়াছিলাম, যেন তাহা চন্দ্রাতপ ছিল ও তাহারা মনে করিয়াছিল যে, নিশ্চয় তাহা তাহাদের উপর পতিত হইবে ; ( আমি বলিয়াছিলাম, ) তোমাদিগকে যাহা দান করিতেছি, দৃঢ়তাসহকারে গ্রহণ কর, এবং যাহা ইহাতে আছে, স্মরণ কর, ভরসা যে রক্ষা পাইবে। ১৭১। - ( র, ২১; আ, ৯, )

এবং ( স্মরণ কর, ) যখন তোমার প্রতিপালক আদমের সম্মানগণ হইতে তাহাদের ঔরসজাত তাহাদের সম্মানগণকে গ্রহণ করিলেন ও তাহাদের জীবনসম্বন্ধে তাহাদিগকে সাক্ষী করিলেন যে, “আমি কি তোমাদিগের প্রতিপালক নহি ?” তাহারা বলিল, “সত্য, আমরা সাক্ষী হইলাম ;” ( ইহা এজ্ঞ ) যেন কেয়ামতের দিনে তোমরা না বল যে, “নিশ্চয় আমরা এবিষয়ে উদাসীন ছিলাম”। ১৭২। + অথবা বল যে, “পূর্ক হইতে আমাদের পিতৃপুরুষগণ অংশী স্থাপন করিয়াছেন, তদ্বিন্ন নহে, এবং আমরা তাহাদের পশ্চাদ্বর্তী সম্মান হই ; অনন্তর ভ্রষ্টাচারিগণ যাহা করিয়াছে, তজ্জ্ঞ কি তুমি আমাদিগকে বিনাশ করিতেছ ?” \*। ১৭৩। এবং এই প্রকার আমি নিদর্শন সকল ব্যক্ত করি, এবং ভরসা যে, তাহারা ফিরিয়া আসিবে \*। ১৭৪। এবং যাহাকে আমি স্বীয় নিদর্শন সকল প্রদান করিয়াছিলাম, পরে তাহা হইতে যে সে বহির্গত হইল, অবশেষে শয়তান তাহার অনুসরণ করিল, পশ্চাৎ পথভ্রান্তদিগের অন্তর্গত হইল, তাহার বৃত্তান্ত তুমি ইহাদের নিকটে পাঠ কর। ১৭৫। এবং যদি ইচ্ছা করিতাম, অবশ্য তাহাকে উহার সঙ্গে উন্নত

করিয়াছিল ; তাহারা বলিত যে, আমাদের দিবাভাগের পাপ রাত্রিতে, রাত্রিকালের পাপ দিবাভাগে ক্ষমা হইয়া থাকে। তাহারা পাপ ভাগ ও অনুভাপ করিত না। “তৎসদৃশ” অর্থাৎ পূর্বেক্ত উৎকোচের স্থায় সামগ্রী উপস্থিত হইলেই গ্রহণ করিত। ( ত, হো, )

\* পরমেশ্বর আদমের ঔরস হইতে তাহার সম্মান সকল উৎপাদন করিয়াছেন। তাহাদিগকে আপনার দাস বলিয়া গ্রহণ করিয়া, তিনিই একমাত্র ঈশ্বর, এ বিষয়ে সকলকে অঙ্গীকারে বদ্ধ করিয়াছিলেন। পরে লোক সকল অংশিবাদী হয়। এই আয়ত ও পূর্বেক্ত আয়তের তাৎপর্য এই যে, ঈশ্বরকে মাস্ত্র করিতে প্রত্যেক ব্যক্তি নিজেই উপযুক্ত, তদ্বিষয়ে পিতৃপিতামহের সঙ্গে কোন সম্বন্ধ নাই। পিতা ঈশ্বরের সঙ্গে অংশী স্থাপন করিলেও, পুত্রের উচিত যে, অংশিবিহীন অদ্বিতীয় ঈশ্বরে বিশ্বাসী হয়। যদি কেহ বলে যে, সেই অঙ্গীকার তো আমাদের স্মরণ নাই, অতএব তদ্বিষয়ে আমাদের কি প্রয়োজন? তবে ইহা জানিবে যে, তাহার চিহ্ন প্রত্যেকের অন্তরে আছে ; প্রত্যেক রসনা ব্যক্ত করিয়াছে যে, সকলের শ্রুতি একমাত্র ঈশ্বর, সমুদায় জগৎ একথা প্রচার করিতেছে। যাহারা ঈশ্বর স্বীকার করে না, অথবা অংশী স্থাপন করে, তাহারা স্বীয় নীচ বুদ্ধির অনুসরণে তাহা করিয়া থাকে ; নিজেই সেই সকল লোক মিথ্যাবাদী হয়। ( ত, কা, )

+ ইহাদিগকে এই ইতিহাস শুনান হয়, অংশিবাদীদিগের স্থায় তাহারাও অঙ্গীকার ভঙ্গ করিয়াছিল। ( ত, কা, )



করিতাম, কিন্তু সে নিয়মিকে বুকিয়া পড়িল, এবং আপন ইচ্ছার অনুসরণ করিল ; অতএব তাহার অবস্থা কুকুরের অবস্থার স্থায়। যদি তাহার উপরে ভারার্পণ কর, সে লোলজিহ্ব হইবে, কিংবা যদি তাহাকে ছাড়িয়া দেও, সে লোলজিহ্ব হইবে ; যাহারা আমার নিদর্শন সকলের প্রতি অসত্যারোপ করিয়াছে, সেই দলের এই অবস্থা হয়। অনন্তর তুমি এই ইতিহাস বর্ণন কর তাহাতে তাহারা চিন্তা করিবে \*। ১৭৬। যাহারা আমার নিদর্শন সকলের প্রতি অসত্যারোপ করিয়াছে ও আপন জীবনের প্রতি অত্যাচার করিতেছে, সেই দল ছুরবস্থাপন্ন। ১৭৭। ঈশ্বর যাহাকে পথ প্রদর্শন করেন, সে পরে পথ প্রাপ্ত হয়, এবং তিনি যাহাদিগকে বিভ্রান্ত করেন, অনন্তর ইহারা তাহারাই যে ক্ষতিগ্রস্ত। ১৭৮। এবং সত্য সত্যই আমি দানব ও মানবের অধিকসংখ্যাকে নরকের জন্ত সৃষ্টি করিয়াছি ; তাহাদের জন্ত অন্তঃকরণ আছে, তদ্বারা তাহারা বুঝিতে পারে না, তাহাদের জন্ত চক্ষু আছে, তদ্বারা দর্শন করিতে পায় না। তাহাদের জন্য কর্ণ আছে, তদ্বারা তাহারা শুনিতে পায় না ; তাহারা চতুষ্পদ-সদৃশ, বরং তাহারা পথভ্রান্ত, ইহারাই তাহারা যে উপেক্ষাকারী। ১৭৯। এবং ঈশ্বরের জন্ত উত্তম নাম সকল আছে, তোমরা তৎসহকারে তাঁহাকে আহ্বান কর, এবং যাহারা তাঁহার নামেতে কুটিলতা করে, তাহাদিগকে পরিত্যাগ কর ; তাহারা যাহা করিতেছে, অবশ্য তদ্বিনিময় প্রদত্ত হইবে †। ১৮০। এবং তাহাদের মধ্য হইতে এক দল আমি সৃষ্টি করিয়াছি যে, সত্যসহকারে তাহারা পথপ্রদর্শন করে ও তৎসাহায্যে বিচার করিয়া থাকে। ১৮১। ( র, ২২, আ, ১০ )

\* মহাপুরুষ মুসার সৈন্যদল এক বাদশার প্রতি ধাবিত হইয়াছিলেন। তাঁহার রাজ্যে একজন অলৌকিক ক্ষমতাবান ফকির ছিলেন, তখন বাদশা তাঁহার নিকটে সাহায্য প্রার্থনা করিলেন। ফকির তাঁহাকে সাহায্য করিতে অন্তরে নিমেষ প্রাপ্ত হইলেন। অতঃপর বাদশা ফকিরের স্ত্রীকে ধন দ্বারা বশীভূত করিলেন, সে স্বামীকে সম্মত করিয়া বাদশার নিকটে পাঠাইয়া দিল। ফকির কোন অলৌকিক ক্রিয় করিতে অক্ষম হইয়া বাদশাকে এই চক্রান্ত করিতে বলিলেন যে, কতকগুলি কুলটা স্ত্রীলোক মুসার সৈন্যদলের মধ্যে পাঠাইয়া দেও, সৈন্যগণ তাহাদের সঙ্গে ব্যভিচারে প্রবৃত্ত হইলেই চূর্ণশাপন্ন হইবে। পরমেশ্বর মুসার পুণ্যের অনুরোধে এই যড়যন্ত্র বিফল করিয়া বড়যন্ত্রকারীকে বিড়ম্বিত করিলেন। ইহকালে বা পরকালে তাঁহার এই শাস্তি হইল যে, কুকুরের স্থায় জিহ্বা মুখ হইতে বাহির হইয়া পড়িল। উচ্চ জ্ঞান থাকিলে যখন প্রকৃতভাবে সেই জ্ঞানের অনুসরণ করা হয়, তখনই তাহার দ্বারা কার্য হইয়া থাকে। লোভমোহের বশবর্তী হইয়া সেই জ্ঞানকে কার্যে পরিণত করিতে চাহিলে কোন ফল হয় না, বরং তাহাতে শ্রান্ত কুকুরের অবস্থার তুল্য অবস্থা হয়। লোভ অন্তরে হান প্রাপ্ত হইলে জ্ঞানভারে আক্রান্ত হও বা জ্ঞানশূন্য হও, তোমার জিহ্বা বিকৃত হইয়া পড়িবেই। ( ভ, কা, )

† অর্থাৎ পরমেশ্বর আশ্চর্যরূপ বুঝাইয়া বলেন যে, উপাসনাকালে আমাকে এই নামে আহ্বান করিও, কুটিল পথ আশ্রয় করিও না। ঈশ্বর যে গুণ বুঝাইয়া দেন না, তাহা বলাই কুটিলতা।

( ভ, কা, )

এবং যাহারা আমার নিদর্শন সকলের প্রতি অসত্যারোপ করিয়াছে, অবশ্য আমি তাহাদিগকে, তাহারা যে স্থান দিয়া জানিতে পায় না, ক্রমশঃ ( বিপথে ) আকর্ষণ করিব। ১৮২। এবং তাহাদিগকে অবকাশ দিব, নিশ্চয় আমার চতুরতা দৃঢ়। ১৮৩। তাহারা কি চিন্তা করে না যে, তাহাদের সঙ্গীর জগৎ কোন ক্ষিপ্ততা নয়, সে স্পষ্ট ভয়প্রদর্শক ভিন্ন নহে \*। ১৮৪। স্বর্গ মর্ত্যের রাজত্বের প্রতি এবং সেই পদার্থ যাহা ঈশ্বর সৃজন করিয়াছেন তৎপ্রতি, এবং নিশ্চয় যে তাহাদের কাল নিকটবর্তী হইল তৎপ্রতি, কি তাহারা দৃষ্টি করে না? অবশেষে ইহার ( কোরু-আনের ) পরে কোন্ বাক্যে তাহারা বিশ্বাস স্থাপন করিবে? ১৮৫। ঈশ্বর যাহাকে পথভ্রান্ত করেন, পরে তাহার জগৎ পথপ্রদর্শক নাই, তিনি তাহাদিগকে আপন অবাধ্যতায় ঘূর্ণায়মান হইতে ছাড়িয়া দেন। ১৮৬। তাহারা তোমাকে কেয়ামতের বিষয় জিজ্ঞাসা করিতেছে যে, তাহা সজ্জটনের কখন সময়? বল, তাহার জ্ঞান আমার প্রতিপালকের নিকটে, তদ্ভিন্ন নহে, তিনি ভিন্ন যথাসময়ে কেহ তাহাকে প্রকাশিত করিবে না; স্বর্গে ও মর্ত্যে তাহা গুরুভার, † তাহা অকস্মাৎ বৈ তোমাদের নিকটে আসিবে না। তাহারা তোমাকে প্রশ্ন করিতেছে, যেন তুমি তদ্বিষয়ে বিতর্ককারী; তুমি বল যে, তাহার জ্ঞান ঈশ্বরের নিকটে, তদ্ভিন্ন নহে, কিন্তু অধিকাংশ লোক বুঝিতেছে না। ১৮৭। বল, ঈশ্বর যাহা চাহেন, তদ্ভিন্ন আমি আপনার জগৎ হিত ও অহিত করিতে সক্ষম নাই, এবং যদি আমি গুপ্ত বিষয়ের জ্ঞান রাখিতাম, তবে অবশ্য বহুকল্যাণ লাভ করিতাম, এবং আমার প্রতি কোন অমঙ্গল উপস্থিত হইত না; আমি বিশ্বাসিদলের জগৎ ভয়প্রদর্শক ও সুসংবাদদাতা বৈ নহি। ১৮৮। ( র, ২৩, আ, ৭ )

তিনিই যিনি তোমাদিগকে এক ব্যক্তি হইতে সৃষ্টি করিয়াছেন, তাহা হইতে তাহার স্ত্রী উৎপাদন করিয়াছেন, যেন সে তাহাতে আরাম প্রাপ্ত হয়; অনন্তর যখন সে তাহাকে সঙ্গম করিল, সে লঘুতর গর্ভে গর্ভবর্তী হইল, পরে তাহার ( স্বামীর ) সঙ্গে চলিয়া গেল; অবশেষে যখন গুরু-ভারাক্রান্ত হইল, তখন উভয়ে আপন প্রতিপালক পরমেশ্বরের নিকটে প্রার্থনা করিল যে, যদি আমাদিগকে তুমি সাধু ( পুত্র ) দান কর, তবে অবশ্য আমরা কৃতজ্ঞদিগের অন্তর্গত হইব। ১৮৯। অনন্তর যখন তিনি তাহাদের উভয়কে সাধু ( পুত্র ) দান করিলেন, যাহা তাহাদিগকে দেওয়া হইয়াছিল, তদ্বিষয়ে তাহার জগৎ তাহারা অংশী নির্দ্ধারণ করিল; পরন্তু যাহাকে তাহারা অংশী স্থাপন করিয়া থাকে, তাহা

\* এখানে প্রেরিতপুরুষকে সঙ্গী বলা হইয়াছে; কেন না, তিনি সর্বদা তাহাদের সঙ্গে সঙ্গে আছেন। ( ত, ফা, )

† অর্থাৎ ঈশ্বর ব্যতীত কি স্বর্গবাসী দেবগণ ও কি মর্ত্যবাসী মানববৃন্দ সকলেই তাহা জানিতে অক্ষম। ( ত, হো, )

হইতে ঈশ্বর সমুন্নত \* । ১২০ । যে কোন বস্তু সৃজন করিতে পারে না, এবং স্বয়ং সৃষ্ট, তাহাকে তাহারা কি অংশী করিতেছে ? ১২১ । এবং তাহারা ( সেই অংশিগণ ) তাহাদিগকে সাহায্য করিতে সক্ষম নহে ও আত্মজীবনকেও সাহায্য করিতে পারে না । ১২২ । এবং যদি তোমরা তাহাদিগকে সম্পথের দিকে আহ্বান কর, তাহারা তোমাদের অনুসরণ করিবে না ; তাহাদিগকে তোমরা আহ্বান কর, অথবা নীরব থাক, তোমাদের সম্বন্ধে তুল্য । ১২৩ । নিশ্চয় তোমরা ঈশ্বর ব্যতীত তাহাদিগকে আহ্বান কর, তাহারা তোমাদের গায় ভূতা ; ভাল, তাহাদিগকে আহ্বান কর, যদি তোমরা সত্যবাদী হও, তবে তোমাদিগকে উত্তর দান করা তাহাদের উচিত । ১২৪ । তাহাদের কি পদ আছে যে, তদ্বারা গমন করে, অথবা তাহাদের হস্ত আছে যে, তদ্বারা গ্রহণ করে ? কিংবা তাহাদের চক্ষু আছে যে, তদ্বারা দর্শন করে বা তাহাদের কর্ণ আছে যে, তদ্বারা শ্রবণ করে ? তুমি বল, (হে মোহম্মদ,) তোমরা স্বীয় অংশীদিগকে (প্রতিমাদিগকে) আহ্বান কর, তৎপর আমার সঙ্গে প্রতারণা করিও, অবশেষে আমাকে অবকাশ দিও না । ১২৫ । যিনি গ্রন্থ অবতারণ করিয়াছেন, নিশ্চয় আমার সহায় সেই ঈশ্বর, এবং তিনি সাধুদিগকে প্রীতি করেন । ১২৬ । এবং ঈশ্বরকে ছাড়িয়া তাহাদিগকে তোমরা আহ্বান করিয়া থাক, তাহারা তোমাদিগকে সাহায্য করিতে সক্ষম নহে, এবং নিজের জীবনকেও সাহায্য করিতে পারে না । ১২৭ । এবং যদি তোমরা তাহাদিগকে সম্পথে আহ্বান কর, তাহাতে শুনিবে না ও তুমি ( হে দর্শক, ) তাহাদিগকে দেখিতেছ যে, তোমার প্রতি দৃষ্টি করিতেছে, বস্তুতঃ তাহারা দেখিতেছে না । ১২৮ । ক্ষমাকে স্বীকার কর, এবং বৈধ-বিষয়ে আদেশ কর, অজ্ঞানিগণ হইতে বিমুখ হও † । ১২৯ । যদি শয়তানের প্ররোচনা

\* কথিত আছে যে, এই অবস্থা আদম ও হবার সম্বন্ধে ঘটিয়াছিল । হবার যখন প্রথম গর্ভ হইল, তখন শয়তান একজন সাধুপুরুষের রূপ ধারণ করিয়া তাঁহার নিকটে উপস্থিত হয়, এবং তাঁহাকে ভয় প্রদর্শন করিয়া বলে যে, তোমার গর্ভে কোন ভয়ঙ্কর জন্তু জন্মিয়াছে । যখন তাঁহারা স্বামী স্ত্রী প্রার্থনা করিতে লাগিলেন, তখন সে আদম ও হবাকে বলিল যে, “আমার আশীর্ব্বাদে বিপদ ঘটিবে না, তোমাদের পুত্রসন্তান হইবে । তাহার নাম আবদোল্ হারেস ( হারেসের দাস ) রাখিও ;” হারেস শয়তানের অন্ততর নাম । আদম ও হবা আপন সন্তানের এই নাম রাখিয়াছিলেন । এই আখ্যায়িকা অনুসারে সংবাদবাহকের অংশিবাদী হওয়া প্রমাণিত হইতেছে । অথবা এই উপাখ্যান অলীক । বস্তুতঃ এই আয়তে অন্ত স্ত্রী পুরুষকে লক্ষ্য করিয়া ইহা বলা হইয়াছে, আদম ও হবাকে নহে । আদম হবার বৃন্তান্ত পূর্বেই বিবৃত হইয়াছে । এই কথা স্বীকার করিতে হইবে যে, যাহা কিছু মনুষ্য সম্বন্ধে সজ্বটন হওয়া নির্দ্বারিত ছিল, তাহা আদম হবাতে প্রথম প্রকাশিত হইয়াছে । তাহাদের জীবনেই তাহার আদর্শস্থল । সন্তানের পাপ তাহাদের মধ্যে দৃষ্ট হইয়াছে, যেমন দর্পণে প্রতিবিম্ব দৃষ্ট হয় । যথা, লোভপরবশ হওয়া, ঈশ্বরের আজ্ঞা লঙ্ঘন করা, এবং কথা কহিয়া বিশ্বাস হওয়া ইত্যাদি সন্তানের চরিত্রে আদম হবার জীবনে লক্ষিত হইয়াছে ।

( ত, ফা, )

† এই আয়ত অবতীর্ণ হইলে জেব্রিলকে হজরত জিজ্ঞাসা করিয়াছিলেন যে, “এই কথার প্রকৃত

তোমাকে প্ররোচিত করে, তবে তুমি ঈশ্বরের শরণ লইও, নিশ্চয় তিনি শ্রোতা ও জ্ঞাতা। ২০০। নিশ্চয় যাহারা ধর্মভীরু হয়, যখন তাহাদিগকে শয়তানের প্ররোচনা অভিভূত করে, তখন তাহারা (ঈশ্বরকে) স্মরণ করিয়া থাকে, পরে তাহারা অকস্মাৎ চক্ষুমান্ হয়। ২০১। এবং তাহাদের ভ্রাতৃগণ তাহাদিগকে বিপথে আকর্ষণ করে, তৎপর তাহারা ক্ষান্ত হয় না। ২০২। এবং যখন (হে মোহম্মদ,) তাহাদের নিকটে কোন নিদর্শন উপস্থিত না কর, তাহারা বলে, “কেন তুমি তাহা আনয়ন করিলে না?” তুমি বল, আমার প্রতি আমার প্রতিপালক হইতে যাহা প্রত্যাদেশ হয়, আমি তাহার অনুসরণ করি, তদ্বিন্ন নহে; তোমাদের প্রতিপালক হইতে ইহা (কোর-আন্) প্রমাণপুঞ্জ-স্বরূপ (অবতীর্ণ,) এবং বিশ্বাসিগণের জ্ঞাত দয়া ও পথপ্রদর্শন হয়। ২০৩। এবং যখন কোর-আন্ পাঠ হয়, তখন তোমরা তাহা শ্রবণ করিও, এবং নীরব থাকিও; ভরসা যে, তোমরা দয়া প্রাপ্ত হইরে, \*। ২০৪। এবং তুমি আপন অন্তরে স্বীয় প্রতিপালককে শঙ্কিত ও কাতরভাবে স্মরণ কর ও অল্পচবাক্যে প্রাতঃসম্বা (স্মরণ কর,) এবং উপেক্ষাকারীদের অন্তর্গত হইও না। ২০৫। নিশ্চয় যাহারা তোমার প্রতিপালকের নিকটে আছে, তাহারা তাঁহার উপাসনায় অহঙ্কার করে না, তাঁহাকে পবিত্রভাবে স্মরণ করে ও তাঁহাকে নমস্কার করে †। ২০৬। (র, ২৪, আ, ১৮)

মস্ম কি?” তাহাতে ছেত্রিন বলেন যে, “তোমার ঈশ্বর বলিতেছেন যে, যে ব্যক্তি তোমা হইতে বিচ্ছিন্ন হয়, তাহাদের সঙ্গে মিলিত হও, যে জন তোমাকে বঞ্চিত করে, তাহাকে দান কর; যে ব্যক্তি তোমার প্রতি অত্যাচার করে, তাহাকে ক্ষমা কর।” প্রকৃতপক্ষে সাধুলোকেই এই প্রকৃতির মূল। “মুর্খগণ হইতে বিমুখ হও” অর্থাৎ নীচ অজ্ঞান লোকদিগের সঙ্গে বিবাদ করিও না। (ত, হো,)

\* যখন কেহ কোর-আন্ পাঠ করে, তখন অল্প লোকের উচিত যে, কপা না বল ও মনোযোগ-পূর্বক শ্রবণ করে। হয়তো তাহারা তাহাতে অন্তরে আলোক লাভ করিতে পারিবে। কথোপকথনের সভাতে পাঠক উচ্চৈঃশ্বরে পাঠ করিলে তাহার পক্ষে অপরাধ। (ত, ফা,)

† ঈশ্বরকে মাত্র সেজদা (নমস্কার) কবিবে, অল্প কাহাকে নমস্কার করিবে না, নমস্কার বিশেষ ভাবে ঈশ্বরের প্রাপ্য। এই আয়ত পাঠান্বে নমস্কার করা কর্তব্য। কোর আনপাঠে নমস্কার চতুর্দশ স্থলে বিধি। দুই স্থানে মতভেদ আছে। এক, সূরা হুজের শেষভাগে এমাম শাফি ও এমাম আহমদের মতে নমস্কার বিধি, এমাম আজমের মতে বিধি নয়। দ্বিতীয়, সূরা “স” তে এমাম আজমের মতে নমস্কার আছে, অল্প অল্প এমামের মতে নয়। এমাম আজমের মতে নমাজের সময়ে ও অল্প সময়ে অধায়নের নমস্কার পাঠক ও শ্রোতা উভয়ের প্রতি বৈধ। ভ্রমপ্রমাদাদিবশতঃ তাহা না করা হইলে, পরে যথাবিধি তাহা পূর্ণ করা আবশ্যিক। অগ্না অমামের মতে নমস্কার করা বিধি, কিন্তু “ফৌত” হইলে অর্থাৎ ঘটনাবশতঃ না করিলে, “কজা” করা অর্থাৎ পূর্ণ করা আবশ্যিক নহে। (ত, হো,)

# সূরা আনফাল \*

## অষ্টম অধ্যায়

৭৫ আয়ত, ১০ রকু

( দাতা দয়ালু পরমেশ্বরের নামে প্রবৃত্ত হইতেছি )

তাহারা লুণ্ঠিত দ্রব্যাদ্বিত বিষয়ে তোমাকে ( হে মোহম্মদ, ) প্রশ্ন করিয়া থাকে ; বল, লুণ্ঠিত সামগ্রী সকল ঈশ্বরের ও প্রেরিত পুরুষের জন্ত ; অনস্তর ঈশ্বরকে ভয় কর ও আপনাদের পরস্পরের মধ্যে সদ্ভাব স্থাপন কর, এবং যদি তোমরা বিশ্বাসী হইয়া থাক, তবে পরমেশ্বরের ও তাঁহার প্রেরিত-পুরুষের অনুগত হও। ১ তাহারা বিশ্বাসী, তদ্ভিন্ন নহে ; যখন ঈশ্বর স্মৃত হন, তখন তাহাদের অন্তঃকরণ ভীত হইয়া থাকে, এবং যখন তাহাদের নিকটে তাঁহার নিদর্শন সকল পঠিত হয়, তাহাদের বিশ্বাস বৃদ্ধি হয় এবং তাহারা আপন প্রতিপালকের প্রতি নির্ভর করে, ঃ তাহারা উপাসনাকে প্রতিষ্ঠিত রাখে ও তাহাদিগকে যে উপজীবিকা দেওয়া হয়, তাহারা তাহা হইতে বায় করে। ২+৩। ইহারাই তাহারা, যে প্রকৃতরূপে বিশ্বাসী, তাহাদের প্রতিপালকের নিকটে তাহাদের জন্ত উন্নত পদ সকল ও ক্ষমা এবং গৌরবান্বিত উপজীবিকা আছে। ৪। যেরূপ তোমার প্রতিপালক তোমার আশ্রয় হইতে উচিতরূপে তোমাকে বাহির

\* মদিনাতে এই সূরার আবির্ভাব হয়।

+ সংগ্রামে কতক লোক অগ্রসর হইয়াছিল, কতক সৈন্য পশ্চাত্তানে ছিল। যখন লুঠের সামগ্রী সকল সংগ্রহ করা হইল, তখন অগ্রবর্তী সৈন্যগণ বলিল যে, আমরা শত্রুকে পরাজয় করিয়াছি, এ সকল দ্রব্য আমাদের অধিকার ; এবং পশ্চাত্তানী সেনারা বলিল যে, আমাদের বলে যুদ্ধে জয়লাভ হইয়াছে, লুঠের বস্তুতে আমাদের স্বত্ব। ঈশ্বর উভয়কে নীরব করিলেন, কেন না, ঈশ্বরের সাহায্যে জয়লাভ হয়, অস্ত্র কাহারও শক্তিতে নহে। অতএব সেই সম্পত্তির অধিকারী ঈশ্বর ; প্রেরিতপুরুষ তাঁহার প্রতিনিধি হন। ( ত, কা, )

‡ যখন কোন প্রত্যাদেশ অবতীর্ণ হয় ও তাহা বিশ্বাসীদের নিকটে পড়া যায়, তাহাতে তাঁহাদের বিশ্বাসের বৃদ্ধি হয়, ঈশ্বরের অনন্ত মহিমা ও গৌরব প্রাপ্তি তাঁহাদের অন্তঃকরণে সন্মিলিত হইয়া থাকে। হকায়েকসুসলাম গ্রন্থে উক্ত হইয়াছে যে, কোর্-অ নৃপাঠের প্রসাদাৎ অস্ত্রে বিশ্বাসের জ্যোতিঃ প্রকাশ পায়, উপাসনা সাধনার বৃদ্ধি হয়। বহরোল হকায়েক গ্রন্থে উক্ত হইয়াছে যে, বিশ্বাস বস্তুতঃ জ্যোতিঃবিশেষ, মনের দ্বারের প্রশস্ততা অনুসারে সেই জ্যোতিঃ মনে প্রবেশ করে। মনশী ব্যক্তির নিকটে কোর্-আন পাঠ করিলে সেই পাঠের প্রসাদাৎ তাঁহার মনের দ্বার উন্মুক্ত হয়, তাহাতে বিশ্বাস-জ্যোতিঃ অধিক পরিমাণে প্রকাশ পায়। ( ত, হো, )



করিয়াছেন, নিশ্চয় তাহাতে বিশ্বাসীদিগের একদল একান্ত অসন্তুষ্ট \* । ৫ । সত্যসম্বন্ধে তাহা প্রকাশিত হওয়ার পর, তাহারা তোমার সঙ্গে বিতণ্ডা করিতেছিল, তাহারা যেন মৃত্যুর দিকে চালিত হইতেছে, এবং তাহারা দেখিতেছে † । ৬ । এবং ( স্মরণ কর, ) যখন পরমেশ্বর সেই দুই দলের এক দলকে তোমাদের সম্বন্ধে অঙ্গীকারে বদ্ধ করিতে- ছিলেন, যেন তাহারা তোমাদের জন্ত হয়, এবং তোমরা প্রতাপশূন্য দলকে মনোনীত করিতেছিলে, যেন তাহারা তোমাদের নিমিত্ত হয়; ঈশ্বর ইচ্ছা করিতেছিলেন যে, আপন উক্তি সকল দ্বারা সত্যকে প্রমাণিত করেন, এবং ধর্মদ্রোহীদিগের মূল ছিন্ন করেন ‡ । ৭ । + তাহাতে সত্যকে সত্য করেন, অসত্যকে অসত্য করেন, যদিচ অপরাধিগণ অসন্তুষ্ট হইয়াছিল । ৮ । ( স্মরণ কর, ) যখন তোমরা আপন প্রতিপালকের নিকটে প্রার্থনা করিতেছিলে, তখন তোমাдиগের জন্ত তিনি ( তাহা ) গ্রহণ করিয়াছিলেন ; (বলিলেন) নিশ্চয় আমি ক্রমশঃ সহস্র দেবতা দ্বারা তোমাдиগকে সাহায্যদান করিয়াছি । ৯ । এবং পরমেশ্বর তাহা স্মসংবাদের জন্ত বৈ করেন নাই, যেন তদ্বারা তোমাদের অন্তঃকরণ সাস্ত্য লাভ করে, এবং ঈশ্বরের নিকট হইতে বৈ সাহায্য নাই ; সত্যই ঈশ্বর পরাক্রান্ত ও বিজ্ঞাতা । ১০ । ( র, ১, আ, ১০ )

\* কোরেশ বণিগ্‌দল প্রচুর দ্রবাজাতসহ শামদেশ হইতে মক্কায় ফিরিয়া যাইতেছিল, আবুসুফিয়ান আরবের কতিপয় প্রধান পুরুষসহ সেই দলে কর্তৃত্ব করিতেছিল । ছেত্রিল দ্বারা হজরত ইহা জ্ঞাত হইয়া সহচরদিগকে জানাইলেন । তাহারা সেই বণিগ্‌দলে অল্পলোক ও অধিক ধন আছে ভাবিয়া, তাহাদিগকে পথে আক্রমণ করিতে ইচ্ছুক হইলেন । সকলে এই উচ্চোগেই মদিনা হইতে বাহির হইলেন । আবু সুফিয়ান এই সংবাদ পাইয়া কোরেশদিগের আনুকূল্য প্রার্থনায় জম্‌জম নামক বালিককে মক্কায় প্রেরণ করিল, এবং স্বয়ং বণিগ্‌দিগকে সঙ্গে করিয়া দুর্গমস্থান দিয়া মক্কাভিমুখী হইল । আবুসুহল জম্‌জমের মুখে সংবাদ পাইয়া বণিগ্‌দলের সাহায্যের জন্ত বড় লোকজনসহ মক্কা হইতে বদরের অভিমুখে অগ্রসর হইল । তখন প্রেরিতপুরুষ জফ্রানামক প্রাস্তরে ছিলেন, সেই সময়ে ছেত্রিল কাকের সৈন্যদলের আগমনবার্তা তাহাকে জ্ঞাপন করিলেন । হজরত সহচরবর্গকে উহা জানাইয়া জিজ্ঞাসা করিলেন যে, তোমরা বণিগ্‌দলের সঙ্গে সংগ্রাম করিতে ইচ্ছুক, না কোরেশ সৈন্যগণের সঙ্গে ইচ্ছুক ? তাহাদের অনেকে বলিলেন যে, আমাদের যুদ্ধে প্রযুক্তি নাই, যদি বণিগ্‌দল হস্তগত হয়, তাহার চেষ্টা করিতে পারি । হজরত এই কথা শুনিয়া বিষম হইলেন, পরে প্রধান প্রধান লোক যুদ্ধকেই স্বীকার করিলেন । এফগ ঈশ্বর প্রেরিতপুরুষকে তাহা স্মরণ করাইয়া বলিতেছেন যে, আমি মদিনা হইতে তোমাকে বদর ভূমিতে আনয়ন করিয়াছি । ( ত, হো, )

† বলিতে কি, এম্‌লাম সৈন্যদল লক্ষণাদি দ্বারা মৃত্যু উপস্থিত বুঝিতেছিলেন । তাহাদের অস্ত্রশস্ত্রাদি ও সৈন্য অল্প ছিল । তিন শত পঞ্চাশ জনমাত্র সৈন্য, সত্তোরটি উষ্ট্র, দুইটি অশ্ব, ছয়টি কবচ, আটখানা করবাল মাত্র ছিল । ( ত, হো, )

‡ দুই দলের একদল বণিক্ ও অপর দল কাকেরদিগের সৈন্য ছিল । এম্‌লাম সৈন্যগণ নিশ্চেষ্ট বণিগ্‌দলকে আক্রমণ করিতে ইচ্ছুক হইয়াছিলেন । বণিগ্‌দলে চল্লিশ জন অশ্বারোহীর অধিক ছিল না । কাকেরদলে নয় শত পঞ্চাশ জন সৈন্য ছিল । ( ত, হো, )

(স্মরণ কর,) যখন তিনি আপনার নিকট হইতে বিশ্রামরূপ ঈশ্বরিত্ব দ্বারা তোমা-  
দিগকে আচ্ছন্ন করিলেন ও তোমাদের উপরে আকাশ হইতে বারিবর্ষণ করিলেন, যেন  
তোমাদিগকে তদ্বারা পরিকৃত করিয়া লন ও তোমাদিগ হইতে শয়তানের অপবিত্রতা  
দূর করেন, এবং যেন তোমাদের অস্তঃকরণকে বন্ধ করেন, অপিচ তদ্বারা চরণকে দৃঢ়  
করেন \*। ১১। (স্মরণ কর,) যখন তোমার প্রতিপালক দেবতাগণের প্রতি প্রত্যাদেশ  
করিয়াছিলেন যে, নিশ্চয় আমি তোমাদের সঙ্গে আছি; অতএব যাহারা বিশ্বাসী  
হইয়াছে, তাহাদিগকে দৃঢ় কর, যাহারা ধর্মদ্রোহী হইয়াছে, তাহাদের অস্তরে অবশ্য আমি  
ভয় স্থাপন করিব; অবশেষে গলদেশের উপর আঘাত কর, এবং তাহাদের প্রত্যেক  
অঙ্গুলির গ্রন্থি সকলে আঘাত কর †। ১২। ইহা এজন্য যে, তাহারা ঈশ্বর ও তাঁহার  
প্রেরিত পুরুষের বিরোধী হইয়াছিল; যাহারা ঈশ্বর ও তাঁহার প্রেরিত পুরুষের বিরুদ্ধাচরণ  
করে, পরে নিশ্চয় ঈশ্বর (তাহাদের) কঠিন শাস্তিদাতা। ১৩। ইহাই, অতএব তাহার  
আম্বাদ গ্রহণ কর, এবং সত্যই কাফেরদিগের জন্য অগ্নিদণ্ড আছে। ১৪। হে বিশ্বাসিগণ,  
যখন তোমরা দলবদ্ধভাবে ধর্মদ্রোহী লোকদিগের সঙ্গে সাক্ষাৎ কর, তখন তাহাদের  
প্রতি পৃষ্ঠদেশ ফিরাইও না। ১৫। এবং যে ব্যক্তি সেই দিন কোন দলের দিকে স্থান-  
গ্রহণকারী ও কোন যুদ্ধের জন্য সমুদ্রত না হইয়া তাহাদের প্রতি আপন পৃষ্ঠ ফিরায়,  
পরে নিশ্চয় সে ঈশ্বরের আক্রোশে প্রত্যাভর্তিত হয় ও তাহার স্থান নরকলোক এবং

\* যে রজনীতে এসলাম ও কাকের সৈয়দুল পরস্পর সম্মুখীন হয়, তখন হজরতের বন্ধুদিগের  
মন বড়ই উদ্ভিগ্ন হইয়াছিল; যেহেতু বালুকাময় ক্ষেত্রে তাঁহারা অবস্থান করিয়াছিলেন, চলিতে চরণ  
বালুকাপুঞ্জ বসিয়া বাইত, জল ছিল না। পরমেশ্বর তাঁহাদের উপর বিশ্রামের জন্ত তন্দ্রা প্রেরণ  
করিলেন। সেই নিদ্রাতে হজরতের অধিকাংশ সহচরের সপ্নদোষ হইল। প্রাতঃকালে পাপা-  
ন্থর তাঁহাদিগকে বুঝাইতে লাগিল যে, “তোমাদিগকে নমাজ পড়িতে হইবে, এদিকে তোমরা অপবিত্র  
হইয়াছ, স্নান করার জল নাই, এবং জানু পর্যন্ত চরণ বালুকাপুঞ্জ বসিয়া বাইতেছে; দেখ কাকেরগণ  
আপনাদের স্থানে স্তম্ভিত ও তাহাদের অধিকারে জল আছে। তোমরা না বলিয়া থাক যে, ঈশ্বর  
আমাদের বন্ধু এবং প্রেরিতপুরুষ আমাদের সঙ্গে আছেন, এই কি ব্যাপার হইল?” তখন পরমেশ্বর  
সেই স্থানে মেঘ প্রেরণ করিলেন। ঈদৃশ বারিবর্ষণ হইল যে, সেই মরুক্ষেত্রে নদী প্রবাহিত হইতে  
লাগিল। সেই বৃষ্টির জলে হজরতের সহচরণ স্নান ও অঙ্গু করিলেন, উষ্ট্র অর্থাৎ পশুকে জলপান  
করাইলেন, বালুকা সকল দৃঢ় বন্ধ হইল, মৌসলমান সৈয়দদিগের মন বন্ধ অর্থাৎ স্থির হইল, শয়তানের  
কুমন্ত্রণা দূর হইয়া গেল! (ত, হো,)

† কথিত আছে যে, দেবগণ মনুষ্যের আকারে মোসলমান সেনাশ্রেণীর অগ্রে গমন করিতে  
ছিলেন, এবং বলিতেছিলেন যে, “তোমরা ধর্ম, ঈশ্বর তোমাদের সহায়, তোমরা জরী হইতেছ,  
শত্রু অস্ত্র, বীরত্ব প্রকাশ কর।” এই আয়তের অর্থ এই যে, হে দেবগণ, তোমরা বিশ্বাসীদিগকে  
স্বসংবাদ দান কর, আমি কাকেরদিগের মনে ভয় জন্মাইয়া দিব। দেবগণ অজ্ঞাত করিতে জানিতেন  
না, তাঁহারা যুদ্ধে প্রবৃত্ত হইলে ঈশ্বর বলিয়া দিলেন, গলদেশে আঘাত কর, এবং অঙ্গুলির গ্রন্থি  
সকলে অর্থাৎ হস্ত পদে আঘাত কর। (ত, হো,)

( তাহা ) কুৎসিত স্থান । ১৬ । পরন্তু তোমরা তাহাদিগকে বধ কর নাই, কিন্তু ঈশ্বর তাহাদিগকে বধ করিয়াছেন, এবং যখন ( হে মোহম্মদ, ) তুমি ( মৃত্তিকা ) নিক্ষেপ করিয়াছ, তুমি নিক্ষেপ কর নাই, কিন্তু ঈশ্বর নিক্ষেপ করিয়াছিলেন ; \* এবং তাহাতে উত্তম পরীক্ষায় তিনি বিশ্বাসীদিগকে পরীক্ষিত করিয়াছেন, নিশ্চয় ঈশ্বর শ্রোতা ও জ্ঞাতা । ১৭ । এই ( অবস্থা, ) এবং নিশ্চয় ঈশ্বর কাফেরদিগের চক্রান্তের নিস্তেজকারী । ১৮ । যদি তোমরা বিজয়াকাঙ্ক্ষা কর, তবে নিশ্চয় তোমাদের নিকটে বিজয় উপস্থিত হইবে ; এবং যদি নিবৃত্ত হও, ( হে কাফেরগণ, ) তবে তাহা তোমাদের জন্য মঙ্গল, এবং যদি তোমরা ফিরিয়া আইস, আমিও ফিরিব ; কখনও তোমাদের দল যদিচ অধিকও হয়, তোমাদিগকে লাভযুক্ত করিবে না, এবং নিশ্চয় ঈশ্বর বিশ্বাসীদিগের সঙ্গে আছেন । ১৯ । ( র, ২, আ, ২ )

হে বিশ্বাসিগণ, পরমেশ্বরের ও তাঁহার প্রেরিতপুরুষের অঙ্গুগত হও, এবং তাঁহা হইতে বিমুখ হইও না, বস্তুতঃ তোমরা শ্রবণ করিতেছ । ২০ । এবং যাহারা বলিয়াছে যে, আমরা শুনিয়াছি, তাহারা শ্রবণ করে না ; তোমরা তাহাদের গ্নায় হইও না † । ২১ । যাহারা বুঝিতেছে না, তাহারা ঈশ্বরের নিকটে নিকৃষ্টতর চতুষ্পদ মূক বধির ঃ । ২২ । এবং যদি তাহাদের সম্বন্ধে ঈশ্বর কল্যাণ জানিতেন, অবশ্য তাহাদিগকে শুনাইতেন, এবং যদি তাহাদিগকে শ্রবণ করান, তবে অবশ্য তাহারা মুখ ফিরাইয়া প্রস্থান করিবে ‡ । ২৩ । হে বিশ্বাসিগণ, যখন তোমাদিগকে সজীব করিবার জন্য তোমাদিগকে আহ্বান করেন, তখন ঈশ্বরের ও প্রেরিতপুরুষের ( আহ্বান ) গ্রাহ করিও ; জানিও, নিশ্চয় ঈশ্বর মনুষ্য ও তাহার মনের মধ্যে অন্তরাল হন, এবং নিশ্চয় সে তাঁহার দিকে সমুখাপিত হইবে ॥ । ২৪ । তোমাদের মধ্যে যাহারা অত্যাচার করিল, শুদ্ধ তাহাদিগকে

\* ঘোরতর যুদ্ধ উপস্থিত হইলে হজরত কুদ্র প্রস্তর ও মৃত্তিকাপুঞ্জ বিপক্ষ সৈন্যের প্রতি নিক্ষেপ করিয়াছিলেন । পরমেশ্বরের কৌশলে তাহাদের সকলের চক্ষে মৃত্তিকা পতিত হয়, তৎপর তাহারা পরাস্ত হইয়া পড়ে । এক্ষণ এই আদেশ হইতেছে যে, বিশ্বাসিগণ যেন স্বীকার করে যে, তাহাদের কবতার জয়লাভ হয় না, ঈশ্বরানুকূলে হইয়া থাকে । কোন বিষয়েই আত্মপ্রভাব ব্যক্ত করা কর্তব্য নয় । ( ত, ফা, )

† অর্থাৎ ইহদিরা যেমন তওরাতের বিধি মূখে স্বীকার করিয়া অন্তরে অস্বীকার করিয়া থাকে, যেমন কপট লোকেরা মৌখিক আজ্ঞা-পালনকারী, অন্তরে নয়, আমরা সেইরূপ হইও না । ( ত, ফা, )

‡ অর্থাৎ যাহারা সত্যধর্ম বুঝে না, তাহারা পশু অপেক্ষাও নিকৃষ্ট । ( ত, ফা, )

§ অর্থাৎ পরমেশ্বর তাহাদের অন্তরে ধর্মালোক-লাভের যোগ্যতা প্রদান করেন নাই । যাহাকে তিনি সেই যোগ্যতা প্রদান করেন, তাঁহাকে ধর্মালোক দান করিয়া থাকেন । যোগ্যতাবিহীন হইয়া যে জন উপদেশ শ্রবণ করে, সে তাহা অস্বীকার করিয়া থাকে । ( ত, ফা, )

॥ অর্থাৎ আদেশগালনে বিলম্ব করিবে না । মন ঈশ্বরের হস্তে, পরমেশ্বর প্রথমতঃ কাহারও মনে

বিশেষভাবে যাহা প্রাপ্ত হইবে না, সেই সঙ্কটে সাবধান হইও ; এবং জানিও, ঈশ্বর কঠিন শাস্তিদাতা \* । ২৫ । এবং স্মরণ কর, যখন তোমরা ভূমিতে ( মক্কানগরে ) দুর্বল, অল্পসংখ্যক ছিলে, ভয় পাইতেছিলে যে, লোকে তোমাদিগকে বা ধরিয়া লইয়া যায়, তখন তিনি তোমাদিগকে ( মদিনায় ) স্থান দিলেন ও আপন সাহায্যে তোমাদিগের সহায়তা করিলেন, এবং বিশুদ্ধ বস্ত্রযোগে তোমাদিগকে উপজীবিকা দিলেন, যেন তোমরা কৃতজ্ঞতা অর্পণ কর । ২৬ । হে বিশ্বাসিগণ, তোমরা ঈশ্বরের ও প্রেরিত-পুরুষের অপচয় করিও না, ও পরম্পরের গচ্ছিত বস্তু সকলের অপচয় করিও না, এবং তোমরা জানিতেছ † । ২৭ । অপিচ জানিও যে, তোমাদের সম্পত্তি সকল ও তোমাদের সম্মানগণ পরীক্ষা, এতদ্ভিন্ন নহে ; এবং এই যে পরমেশ্বর, তাঁহার নিকটে মহাপুরস্কার । ২৮ । ( র, ৩, আ, ৯ )

হে বিশ্বাসিগণ, যদি তোমরা ঈশ্বরকে ভয় কর, তবে তিনি তোমাদের জগ্ন মীমাংসা করিবেন ও তোমাদের অপরাধ সকল তোমাদিগ হইতে দূর করিবেন, এবং তোমাদিগকে ক্ষমা করিবেন ; ঈশ্বর মহা গৌরবান্বিত ‡ । ২৯ । এবং (স্মরণ কর,) যখন (হে মোহাম্মদ,) কাফেরগণ তোমার সঙ্গে চলনা করিতেছিল, যেন তোমাকে বন্দী করিয়া রাখে, অথবা তোমাকে বধ করে, কিম্বা তোমাকে নির্কাসিত করে ; এবং তাহারা চলনা করিতেছিল ও ঈশ্বরও চলনা করিতেছিলেন, ঈশ্বর চলনাকারীদিগের মধ্যে শ্রেষ্ঠ § । ৩০ ।

বাধা দেন না ও আবরণ স্থাপন করেন না: কিন্তু যখন লোকে শৈথিল্য করে, তখন তাহার প্রতিফলস্বরূপ আবরণ স্থাপন করেন । ঈশ্বরের পূজা না করিলে মনের দ্বার বন্ধ হইয়া যায় । ( ত, ফা, )

\* অর্থাৎ আজ্ঞাপালনে শৈথিল্য করিলে একেত মন নিস্তেজ হয়, তাহাতে আবার কার্য অধিক দুঃসাধ্য হইয়া পড়ে । দ্বিতীয়তঃ, উন্নত লোকদিগের শিথিলতাদর্শনে পাপী লোকেরা সম্পূর্ণরূপে সংকার্য্য পরিত্যাগ করে, কৃভাব অধিকতর বিস্তার হইয়া পড়ে, তাহার কফল তুলাভাবে সকলকেই ভোগ করিতে হয় । যেমন যুদ্ধকালে বীর পুরুষের শৈথিল্য হইলে হীনবল সৈন্যগণ পলাইয়া যায়, তাহাতে সকলকেই পরাজিত হইতে হয়, বীরপুরুষ সেই পরাজয় হইতে রক্ষা পান না । ( ত, ফা, )

† স্বীয় ধনসম্পত্তি ও সম্মানাদিরক্ষার অনুরোধে গোপনে কাফেরদিগের সঙ্গে যোগ স্থাপন করাই, ঈশ্বর ও প্রেরিতপুরুষের অপচয় করা বা চুরি করা । লুণ্ঠিত দ্রব্যজাত লুকাইয়া রাখা, দলপতির নিকটে তাহা প্রকাশ না করাই, পরম্পরের গচ্ছিত সম্পত্তির অপচয় করা । এইরূপ অপচয় অনেক প্রকার হইতে পারে । ( ত, ফা, )

‡ হযরত মোসলমানদিগের অন্তরে এই ভাবের উদয় হইয়াছিল যে, গোপনে কাফেরদিগের উপকার সাধন করা যাউক, আমাদের গৃহ পরিবার মক্কাতে রহিয়াছে, হিতসাধন করিয়া তাহাদের সঙ্গে সম্ভাব করিলে তাহারা পরিবারের প্রতি অত্যাচার করিবে না । তাহাতেই সপ্তবিংশ আয়তে বিশ্বাসঘাতকতা নিষেধ হইয়াছে, এবং এই আয়তে সাস্ত্বনা দান করা হইয়াছে যে, পূর্বেই তোমাদের গৃহ পরিবারের বিষয় নিষ্পত্তি হইবে, কাফেরদিগের হস্তগত হইবে না । ( ত, ফা, )

§ যখন মক্কা পরিত্যাগের আদেশ হইল, তখন পূর্বেই হজরতের সহচরগণ মদিনায় প্রস্থান করিলেন, আবুবকর ও আলি ব্যতীত অন্য কেহই তাঁহার নিকটে ছিলেন না । কোরেশ লোকেরা

এবং যখন তাহাদের নিকটে আগার নিদর্শন সকল পঠিত হয়, তাহারা বলে, “সত্যই আমরা শুনলাম, যদি ইচ্ছা করি, অবশ্য আমরা ইহার তুল্য বলিব; ইহা পৃথিবতী লোকদিগের উপন্যাস ব্যতীত নহে। ৩১। এবং যখন তাহারা বণিল, “হে পরমেশ্বর, যদি ইহা ( কোর-আন ) তোমার নিকট হইতে ( আগত ) সত্য হয়, তবে আমাদিগের উপরে আকাশ হইতে প্রস্থর বর্ষণ কর, অথবা আমাদিগের প্রতি দুঃখজনক শাস্তি উপস্থিত কর” \*। ৩২। এবং ঈশ্বর এরূপ নহেন যে, তাহাদিগকে শাস্তি দান করেন, যেহেতু তুমি তাহাদিগের মধ্যে ছিলে; এবং তাহারা ক্ষমা প্রার্থনা করিলে ঈশ্বর তাহাদের শাস্তিদাতা নহেন †। ৩৩। এবং তাহাদের জন্ত এমন কি আছে যে, ঈশ্বর তাহাদিগকে শাস্তি দান করিবেন না? বস্তুতঃ তাহারা মসজ্জিদোল্হরাম হইতে (লোকদিগকে) নিবৃত্ত রাখে ও তাহারা তাহার অধ্যক্ষ নহে, ধর্মভীরু লোক ব্যতীত ( কেহ ) তাহার অধ্যক্ষ

ইহা জানিতে পারিয়া দারোন্নদওয়া নামক স্থানে বড়গঙ্গ করিবার জন্ত মিলিত হইল, পাপপুরুষও মনুষ্যের আকারে সেই সভায় আগমন করিল। হজরতের সখকে এক ব্যক্তি বলিল যে, “তাহাকে গৃহে আবদ্ধ করিয়া রাখ আবশ্যক, গৃহের দ্বার দৃঢ়রূপে বন্ধ করিয়া, যে পর্যন্ত তাহার মৃত্যু না হয়, গবাক্ষদ্বারা অন্তর্জল তাহাকে যোগাইতে হইবে।” পাপাসুর এই যুক্তি অগ্রাহ্য করিয়া বলিল যে, “মদিনানিবাসী অধিকাংশ লোক এসলাম ধর্ম গ্রহণ করিয়াছে ও মোহম্মদের বহুসম্মান বন্ধু সেখানে আছে, এবং হাশেমবংশীয় অনেক লোক এ নগরে বাস করে, সকলে দলবদ্ধ হইয়া আসিয়া তোমাদের সঙ্গে যুদ্ধ করিবে ও তাহাকে মুক্ত করিয়া লইয়া যাইবে।” অল্প একজন বলিল, “তাহাকে এ নগর হইতে তাড়াইয়া দেওয়া আবশ্যক, যথা ইচ্ছা সে চলিয়া যাক;” এই কথা শুনিয়া পাপাসুর বলিল, “সে যেখানে যাইবে, সেইখানেই লোক সকল তাহাদিগকে প্রতারিত হইবে, পরে সে বহুসম্মান লোককে প্রতারিত করিয়া দল বাধিয়া আসিয়া তোমাদের সঙ্গে সংগ্রাম করিবে।” তখন হজরতের পিতৃব্য আবুজহল বলিল, “আমার মত এই যে, আমরা সকলে মিলিয়া তাহাকে বধ করিব, মোহম্মদের বন্ধু হাশেম বংশীয় লোকেরা আমাদের সঙ্গে যুদ্ধ করিতে সমর্থ হইবে না।” শয়তান বলিল যে, “আমারও এই মত।” দুরাগ্নী আবুজহল প্রত্যেক পরিবারের এক এক ব্যক্তিকে ডাকিয়া আনিয়া সেই দিন রাত্রিতেই হজরতকে হত্যা করা স্থির করিল। হজরত এই বৃত্তান্ত জানিতে পাইলেন, তিনি আপন প্রচারবন্ধু আলিকে স্বীয় শয্যায় শয়ান রাখিয়া প্রিয় সহচর আবুবেকরের সঙ্গে গভীর ভিতরে লুকাইয়া রহিলেন। এক্ষণ পরমেশ্বর হজরতকে সেই কথা স্মরণ করাইয়া দিলেন। (ত, হো,)

যেমন পরমেশ্বর প্রেরিত-পুরুষকে রক্ষা করিয়াছেন, তদ্রূপ তোমাদের গৃহ পরিবার রক্ষা করিবার সম্ভাবনা † ইহাই বিজ্ঞাপিত হইল। (ত, ফা,)

\* আবুজহল যখন মক্কা হইতে চলিয়া যাইতেছিল, তখন কাবা মন্দিরের সম্মুখে এই প্রার্থনা করিয়াছিল। (ত, ফা,)

† অর্থাৎ মক্কায় হজরতের উপস্থিতির নিমিত্ত শাস্তি রহিত ছিল, পরে কাফেরদিগের উপর শাস্তি আরম্ভ হয়। যে পর্যন্ত অপরাধী অনুতাপ করে, পাপ হইতে নিবৃত্ত থাকিতে চাহে, সে পর্যন্ত গুরুতর অপরাধ হইলেও সে ধৃত হয় না। হজরত বলিয়াছেন যে, পাপীর দুইটি আশ্রয় আছে, এক আমি, দ্বিতীয় ক্ষমা-প্রার্থনা। (ত, ফা,)



নয়; কিন্তু তাহাদের অধিকাংশই বুঝিতেছে না \*। ৩৪। মন্দিরের নিকটে শীশ ও করতালি দেওয়া ব্যতীত তাহাদের উপাসনা নাই, অতএব ধর্মদ্রোহী হইয়াছে বলিয়া তোমরা শাস্তি আন্বাদন কর। ৩৫। নিশ্চয় যাহারা ধর্মদ্রোহী হইয়াছে, তাহারা আপনাদের ধন ঈশ্বরের পথ হইতে (লোকদিগকে) নিবৃত্ত করিতে ব্যয় করে; অনন্তর অবশ্য তাহারা তাহা ব্যয় করিবে, অতঃপর তাহাদিগের প্রতি খেদ হইবে, তৎপর তাহারা পরাভূত হইবে, † এবং যাহারা কাফের হইয়াছে, নরকের দিকে তাহারা একত্রিত হইবে। ৩৬। + তাহাতে তিনি পবিত্র হইতে অপবিত্রকে বিচ্ছিন্ন করিবেন, এক অপবিত্রের উপর অন্য অপবিত্রকে রাখিবেন, তৎপর তাহা একত্রীভূত করিবেন, অবশেষে নরকেতে তাহাদিগকে স্থাপন করিবেন; ইহারাই তাহারা যে ক্ষতিগ্রস্ত। ৩৭। (র, ৪, আ, ২)

যাহারা কাফের হইয়াছে, তাহাদিগকে বল, “যদি তাহারা ফিরিয়া আইসে, তবে যাহা কিছু গত হইয়াছে, তাহাদের জন্ত তাহা ক্ষমা করা যাইবে, এবং যদি প্রত্যাঘর্ষন করে, তবে নিশ্চয় পূর্বতনদিগের রীতি গত হইয়াছে §। ৩৮। এবং যে পর্য্যন্ত উপদ্রব না থাকে ও ঈশ্বরের জন্ত সমগ্র ধর্ম হয়, সে পর্য্যন্ত তোমরা তাহাদের সঙ্গে সংগ্রাম কর; অবশেষে যদি তাহারা ফিরিয়া আইসে, তবে তাহারা যাহা করিবে, নিশ্চয় ঈশ্বর তাহার দ্রষ্টা। ৩৯। এবং যদি তাহারা বিমুগ্ধ হয়, তবে নিশ্চয় জানিও, ঈশ্বর তোমাদের বন্ধু, উত্তম বন্ধু এবং উত্তম সাহায্যকারী আছেন। ৪০। এবং জানিও, তোমরা যে কিছু দ্রব্য লুণ্ঠন কর, নিশ্চয় তাহার পঞ্চমাংশ ঈশ্বরের জন্ত হয়, এবং প্রেরিত-পুরুষের জন্ত ও স্বগণদিগের জন্ত এবং নিরাশ্রয় ও দরিদ্র এবং পথিকদিগের জন্তও (অংশ) হয়; যদি তোমরা ঈশ্বরের প্রতি ও যে দিন দুই সৈন্তদলের সাক্ষাৎ হয়, সেই সত্যাসত্য-মীমাংসার দিনে আমি আপন দানের প্রতি যাহা অবতারণ করিয়াছিলাম তৎপ্রতি বিশ্বাসী হও,

\* কোরেশ লোকেরা আপনাদিগকে এত্রাহিমের সন্তান মনে করিয়া কাবার অধ্যক্ষ হইয়াছিল; তাহারা মোসলমানদিগকে উক্ত মন্দিরে প্রবেশ করিতে দিত না। অতএব ঈশ্বর এই আদেশ করিতেছেন যে, এত্রাহিমের বংশীয় লোকের মধ্যে যে ব্যক্তি ধার্মিক, তাহারই তখিবয়ে স্বত্ব, অত্যাচারীদের স্বত্ব নহে। (ত, ফা,)

+ কোন কোন কাফেরশ্রেণীর এই রীতি ছিল যে, স্ত্রী পুরুষ উলঙ্গ হইয়া শীশ ও করতালি দিয়া কাবা প্রদক্ষিণ করিত। এরূপও উক্ত হইয়াছে যে, প্রেরিতপুরুষ যখন নমাজ পড়িতেন, তখন তাহারা তাঁহার প্রতি বাজ করিবার উদ্দেশ্যে এ প্রকার আচরণ করিত। (ত, হো,)

‡ কোরেশদিগের দলপতি আবু হুফিয়ান বদরের যুদ্ধে পরাজিত হইলে, সেইবার সহস্র আরবীর লোককে পারিশ্রমিক-দানে সৈন্তশ্রেণীতে গ্রহণ করিয়াছিল; পরযুদ্ধে তাহার পকাশ সহস্র মেকাল হুর্ষণ ব্যয়িত হইয়াছিল। এক এক মেকালের পরিমাণ সাড়ে চারি মাণ। (ত, হো,)

§ পুরাকালে যে সকল লোক প্রেরিতপুরুষদিগের উপরে সৈন্ত চালনা করিয়াছিল, তাহারা সমূলে বিলুপ্ত হইয়াছিল। একদা শত্রুতা পরিত্যাগ করিলে আর সেরূপ হইবে না। (ত, হো,)

( তবে কল্যাণ ; ) ঈশ্বর সকল পদার্থের উপর ক্ষমতামালী \* । ৪১ । ( স্মরণ কর, ) যখন তোমরা ( প্রাস্তরের ) নিকটবর্তী ছিলে ও তাহারা ( প্রাস্তরের ) দূরবর্তী ছিল, এবং ( বণিক্ ) আরোহিগণ তোমাদের নিয়ে ছিল, এবং যদি তোমরা ( যুদ্ধের ) অঙ্গীকারে বদ্ধ হইতে, তবে অবশ্য অঙ্গীকারের বিপরীত আচরণ করিতে ; কিন্তু যে কার্য্য করণীয় হয়, ঈশ্বর তাহাতো সম্পাদন করেন । তাহাতে সেই ব্যক্তি বিনষ্ট, যে ব্যক্তি স্পষ্ট নিদর্শন-মতে বিনষ্ট হইয়াছে, সেই ব্যক্তি জীবিত থাকে, যে ব্যক্তি স্পষ্ট নিদর্শনমতে জীবিত হইয়াছে ; নিশ্চয় ঈশ্বর শ্রোতা ও জ্ঞাতা † । ৪২ । ( স্মরণ কর, ) যখন ঈশ্বর তোমার স্বপ্নে তোমার প্রতি তাহাদিগকে অল্পসংখ্যক প্রদর্শন করিয়াছিলেন, যদি তোমার প্রতি তাহাদিগকে অধিক প্রদর্শন করিতেন, তবে অবশ্য তোমরা ভীকৃত্য প্রকাশ করিতে, এবং অবশ্য কার্য্যেতে তোমরা পরস্পর বিরোধ করিতে ; কিন্তু ঈশ্বর শাস্তি রক্ষা করিয়াছেন, নিশ্চয় তিনি আস্তরিক বিষয়ে জ্ঞাতা । ৪৩ । এবং ( স্মরণ কর, ) তোমাদের নেত্রযোগে সাক্ষাৎ করিবার সময় যখন তিনি তোমাদের প্রতি তাহাদিগকে অল্পসংখ্যক ও তোমাদিগকে তাহাদের চক্ষেতে অল্পসংখ্যক প্রদর্শন করিলেন ; যাহা করণীয় ছিল, ঈশ্বর সেই কার্য্য সম্পাদন করেন, এবং ঈশ্বরের প্রতিই কার্য্য সকলের প্রত্যাবর্তন । ৪৪ । ( র, ৫, আ, ৭ )

\* অর্থাৎ পরমেশ্বর স্বীয় প্রেরিতপুরুষের প্রতি বিজয় ও আনুকূলা দান করিয়াছেন, তাহাতেই তোমরা ( হে মোসলমানগণ, ) জয়ী হইয়াছ ; পরেও ঈশ্বর তোমাদিগকে বিজয়ের পর বিজয়দানে সক্ষম । যুদ্ধ করিয়া তোমরা কাফেরদিগের ধন যাহা প্রাপ্ত হইবে, তাহার পাঁচ ভাগের এক ভাগ ঈশ্বরের জন্ত উৎসর্গ করিবে, উহা প্রেরিতপুরুষ বায় করিবেন । প্রেরিতপুরুষের নিজের ও স্বগণবর্গের ও দরিদ্রদিগের জন্ত অংশ আছে । হজরতের পরলোকের পর তাহার প্রাপ্য অংশ দলপতি প্রাপ্ত হইয়া আসিয়াছেন । সন্ধিবন্ধনদ্বারা যে ধন পাওয়া যায়, তৎসমুদায় মোসলমানদিগের জন্ত ব্যয়িত হয় । পরন্তু লুণ্ঠিত জব্বোর চারি অংশের দুই অংশ অস্বাভাব সেনাকে, একাংশ পদাতিককে দেওয়া বিধি । দাসের প্রতি অর্থাৎ হজরতের প্রতি দেবগণ অবতীর্ণ হইয়াছিলেন । ( ত, ফা, )

পঞ্চমাংশ লুণ্ঠিত সামগ্রীর ছয় ভাগ করা বিধি । এক ভাগ ঈশ্বরের, অপর ভাগ প্রেরিতপুরুষের, চারি ভাগ উপরি উক্ত চারি দলের । যে ভাগ ঈশ্বরের নামে গৃহীত, তাহা কাবা মন্দিরের জীর্ণ-সংস্কার ও তাহার শোভাবর্দ্ধনে ব্যয় করিবে, অপরংশ সৈন্য ও অস্বাভাব লোকদিগকে ভাগ করিয়া দিবে । ( ত, হো, )

+ অর্থাৎ কোরেশ লোকেরা বণিগ্দের সাহায্যের জন্ত আসিয়াছিল ও তোমরা তাহাদিগকে আক্রমণ করিবার জন্ত উপস্থিত হইয়াছিলে, বণিগ্দের বাঁচিয়া গেল । দুই পক্ষের সৈন্য এক প্রাস্তরের দুই প্রান্তে সমাগত হয়, এক পক্ষ অপর পক্ষকে জ্ঞাত ছিল না । ইহাতে ঈশ্বরের কৌশল ছিল । হজরতের সৈন্যদল যত্ন চেষ্টা করিয়া গেলেও, যথাসময়ে পহুঁছিতে না পারিয়াও অকৃতকার্য্য হইতেন । পরে প্রেরিতপুরুষের সত্যতা কাফেরদিগের নিকটে প্রকাশিত হইয়া পড়ে । যে ব্যক্তি প্রাণত্যাগ করিল, সেও নিশ্চয় জানিয়া প্রাণত্যাগ করিল ; যে জীবিত রহিল, সেও সত্য হৃদয়ঙ্গম করিয়া জীবিত রহিল । ( ত, ফা, )

হে বিশ্বাসিগণ, যখন তোমরা কোন দলের সম্মুখীন হইবে, তখন দৃঢ় থাকিবে, এবং ঈশ্বরকে বহু স্মরণ করিবে ; ভরসা যে, তোমরা উদ্ধার পাইবে \* । ৪৫ । এবং ঈশ্বরের ও তাঁহার প্রেরিত পুরুষের অমুগত হও ও পরস্পর বিরোধ করিও না, তাহাতে তোমরা দুর্বল হইবে, এবং তোমাদের বাতাস চলিয়া যাইবে ; † এবং সহিষ্ণু হও, নিশ্চয় ঈশ্বর সহিষ্ণু লোকদিগের সঙ্গে আছেন । ৪৬ । এবং যাহারা আপনাদের আশ্রয় হইতে অবাধ্যতা-প্রযুক্ত ও লোকপ্রদর্শনের জন্য বাহির হইয়াছে, এবং ঈশ্বরের পথ হইতে (লোকদিগকে ) নিবৃত্ত রাখিতেছে, তোমরা তাহাদের সদৃশ হইও না ; এবং তাহারা যাহা করিতেছে, ঈশ্বর তাহার আবেষ্টনকারী । ৪৭ । এবং ( স্মরণ কর, ) যখন শয়তান তাহাদের কার্যকে তাহাদের জন্য শোভায়ুক্ত করিয়াছিল ও বলিয়াছিল যে, “অন্য মানব-গণের ( কেহ ) তোমাদের উপর পরাক্রান্ত নহে, এবং নিশ্চয় আমি তোমাদের সাহায্যকারী ।” পরে যখন দুই দলের সাক্ষাৎ হইল, সে পশ্চাৎপদ হইয়া ফিরিয়া গেল, এবং বলিল, “নিশ্চয় আমি তোমাদের প্রতি অসন্তুষ্ট, যাহা তোমরা দেখিতেছ না, নিশ্চয় আমি তাহা দেখিতেছি, নিশ্চয় আমি ঈশ্বরকে ভয় করি ।” এবং ঈশ্বর কঠিন শাস্তি-দাতা † ৪৮ । ( র, ৬, আ, ৪ )

( স্মরণ কর, ) যখন কপট লোকেরা এবং যাহাদের অন্তরে রোগ আছে, তাহারা বলিতেছিল যে, “ইহাদিগকে ইহাদের ধর্ম প্রতারণিত করিয়াছে ;” যে ব্যক্তি ঈশ্বরের উপর নির্ভর করে, ( তাহার কল্যাণ, ) নিশ্চয় ঈশ্বর পরাক্রান্ত ও মহাজ্ঞানী § । ৪৯ । এবং যদি তোমরা দেখিতে, ( আশ্চর্যান্বিত হইতে ; ) যখন দেবগণ কাফেরদিগের প্রাণ হরণ করে, তখন তাহাদের মুখে ও তাহাদের পৃষ্ঠে আঘাত করিয়া থাকে, এবং ( বলে )

\* ঈশ্বরের নিকটে সাহায্য প্রার্থনা করিবে, বাহিরের কোন বস্তুর প্রতি নির্ভর করিবে না ; মনের ঐশ্বর্য সাধন, ঈশ্বরকে পুনঃ পুনঃ স্মরণ করা, দলপতির অমুগত থাকা এবং সকলের একমত হওয়া কর্তব্য । ( ত, ফ, )

† “বাতাস চলিয়া যাইবে” ইহার অর্থ ভাগা ফিরিয়া যাইবে । ( ত ফা. )

‡ কোরেশগণ দলবদ্ধ হইয়া হজরতের সঙ্গে যুদ্ধ করিতে বাহির হইলে, পথে এক বৃদ্ধের সঙ্গে তাহাদের সাক্ষাৎ হয় ; সে বলে, “আমি মোসলমানদিগের শত্রু, তোমাদের সাহায্য করিতে আসিয়াছি, আমি সংগ্রামে বিশেষ নিপুণ” । পরে যখন যুদ্ধ আরম্ভ হইল, আবুছহল হঠাৎ হস্ত ছাড়াইয়া সে পলায়ন করিল । কেহ সেই ব্যক্তিকে পূর্বে দেখে নাই, পরেও দেখে নাই, সে শয়তান ছিল । সে জেব্রিল ও মেকায়িলকে মোসলমানদিগের সহায় দেওয়া পলায়ন করিয়াছিল । ( ত, ফা )

§ কোরেশ জাতির একদল এসলাম ধর্ম গ্রহণ করিয়া ক্ষমতাসহে মক্কা পরিত্যাগ করিয়া যায় নাই ; পরে কোরেশগণ বদরের যুদ্ধে প্রবৃত্ত হইলে, উহারা তাহাদের সঙ্গে আসিয়া যুদ্ধে যোগ দেয় । সেই এসলামধর্মাবলম্বী লোকদের মদিনা প্রস্থানের আজ্ঞা শবণ করিয়া অসম্মত হওয়ার অপরাধের ফল বদরের দিবসে ফলিল ; তাহারা বিশ্বাসিগণকে অস্ত্রসংপাক দেওয়া বলিয়াছিল সে, ইহাদের ধর্ম ইহাদিগকে প্রতারণিত করিয়াছে । ( ত, হো, )

প্রদাহনের দণ্ড আন্বাদন কর। ৫০। তোমাদের হস্ত পূর্বে যাহা পাঠাইয়াছিল, তজ্জন ইহা হইল, এবং নিশ্চয় ঈশ্বর দাসদিগের সম্বন্ধে অত্যাচারী নহেন। ৫১। + ফেরওণের দলের এবং যাহারা তাহাদের পূর্বে ঈশ্বরের নিদর্শন সকলের প্রতি বিদ্রোহী হইয়াছিল, পরে ঈশ্বর তাহাদিগকে তাহাদের অপরাধ অনুসারে ধরিয়াছিলেন, তাহাদের রীতির তুল্য ( ইহাদের রীতি ; ) নিশ্চয় ঈশ্বর শক্তিমান্ কঠিন শাস্তিদাতা। ৫২। ইহা এজন্য যে, ঈশ্বর কখনও কোন জাতির প্রতি প্রদত্ত সম্পদের পরিবর্তনকারী নহেন, যে পর্য্যন্ত তাহারা আপনাদের জীবনে যে ভাব আছে, তাহার পরিবর্তন না করে ; যেহেতু ঈশ্বর শ্রোতা ও দ্রষ্টা \*। ৫৩। + ফেরওণীয় দলের এবং যাহারা তাহাদের পূর্বে আপন প্রতিপালকের নিদর্শন সকলের প্রতি অসত্যারোপ করিয়াছিল, তাহাদের রীতির ন্যায় ( ইহাদের রীতি ; ) পরে আমি তাহাদিগকে তাহাদের অপরাধে বিনাশ করিয়াছিলাম, এবং ফেরওণীয় লোকদিগকে জলমগ্ন করিয়াছিলাম, তাহারা সকলে অত্যাচারী ছিল। ৫৪। সত্যই যাহারা কাফের হইয়াছে, তাহারা ঈশ্বরের নিকটে নিকৃষ্ট জীব, পরে তাহারা বিশ্বাসী হয় না। ৫৫। তাহাদিগের যাহাদের সঙ্গে তুমি, ( হে মোহম্মদ, ) অঙ্গীকারবন্ধন করিয়াছ, তৎপর তাহারা প্রত্যেক বার আপনাদের অঙ্গীকার ভঙ্গ করিতেছে, এবং তাহারা ধর্মভীরু হইতেছে না। ৫৬। অনন্তর যদি তুমি তাহাদিগকে যুদ্ধে প্রাপ্ত হও, তবে যাহারা তাহাদের পশ্চাতে আছে, তাহাদিগকে বিক্ষিপ্ত কর, সম্ভবতঃ তাহারা উপদেশ গ্রহণ করিবে। ৫৭। এবং যদি কোন দলের বিশ্বাসঘাতকতাকে ভয় কর, তবে ( তাহাদের অঙ্গীকার ) তাহাদের দিকে তুল্যভাবে ফিরাইয়া দেও ; নিশ্চয় ঈশ্বর বিশ্বাসঘাতকদিগকে প্রেম করেন না। ৫৮। ( র. ৭, আ, ১০ )

এবং বিদ্রোহী লোকেরা মনে করে না যে, তাহারা ( বিদ্রোহিতায় ) অগ্রবর্তী হইয়াছে ; নিশ্চয় তাহারা সঙ্কুচিত হইবে না। ৫৯। এবং তাহাদের জন্ত, ( হে মোসলমানগণ ) শক্তি অনুসারে যত পার আয়োজন কর, এবং অশ্বসংগ্রহপূর্বক তদ্বারা ঈশ্বরের শত্রুকে ও তোমাদের শত্রুকে এবং তদ্বির অগ্রলোককে ভয় প্রদর্শন কর ; তোমরা তাহাদিগকে জান না, ঈশ্বর তাহাদিগকে জানেন, এবং পরমেশ্বরোদ্দেশে তোমরা যে কোন বস্তু ব্যয়

\* যাহারা আপনাদের জীবনের অবস্থাকে তদপেক্ষা নিকৃষ্ট অবস্থাতে আনয়ন করে, পরমেশ্বর তাহাদের সম্পদ বিপর্যাস্ত করেন ; কোরেশদিগের প্রতি এই উক্তি। কাহারা আপনাদের পৌত্তলিকতা ও শব্দভঙ্গের অবস্থাকে প্রেরিতপুরুষের প্রতি শত্রুতাচরণ ও কোর্-আনের প্রতি বান্ধোক্তি ও অসত্যারোপ এবং বিশ্বাসীদিগকে উৎপীড়ন করা রূপ নিকৃষ্টতর অবস্থায় পরিবর্তন করিয়াছিল ? সেই কোরেশ লোকেরা। ( ত, হো, )

+ যদি কোন ধর্মদ্রোহীদের সঙ্গে সন্ধি স্থাপিত হয়, পরে তাহারা বিশ্বাসঘাতকতা করে, তবে অকস্মাৎ তাহাদিগকে আক্রমণ করিবে, এবং যাহাদের বিশ্বাসঘাতকতা প্রকাশ পায় নাই, কিন্তু তাহার আশঙ্কা হইয়াছে, এমত অবস্থায় তাহাদিগকে সতর্ক করিয়া উত্তর দান করিবে। ( ত, ফা, )

কর, তাহা তোমাদের প্রতি পূর্ণ অর্পিত হইবে ও তোমরা অত্যাচারগ্রস্ত হইবে না \* । ৬০ । এবং যদি তাহারা সন্ধির ইচ্ছা হয়, তবে তুমিও তাহার ইচ্ছা করিও, এবং ঈশ্বরের প্রতি নির্ভর করিও ; নিশ্চয় তিনি শ্রোতা ও জ্ঞাতা † । ৬১ । এবং যদি তাহারা, ( হে মোহম্মদ, ) তোমাকে প্রতারণা করিতে চাহে, তবে নিশ্চয় পরমেশ্বরই তোমার সম্বন্ধে যথেষ্ট ; তিনিই যিনি আপন আনুকূল্য দ্বারা ও বিশ্বাসীদের দ্বারা তোমার প্রতি বলবিধান করিয়াছেন । ৬২ । + এবং তিনি তাহাদের পরস্পরের অন্তঃকরণে প্রীতি স্থাপন করিয়াছেন ; ধরাতলে যাহা কিছু আছে, যদি তুমি তৎসমগ্র ব্যয় করিতে, তথাপি তাহাদের পরস্পরের অন্তঃকরণে প্রীতি দান করিতে পারিতে না ; কিন্তু ঈশ্বর তাহাদের মধ্যে প্রীতি স্থাপন করিয়াছেন, নিশ্চয় তিনি পরাক্রান্ত ও বিজ্ঞাতা ‡ । ৬৩ । হে তত্ত্ববাহক, তোমার ও বিশ্বাসীদের যাহারা তোমার অনুসরণ করিয়াছে, তাহাদের ঈশ্বরই যথেষ্ট । ৬৪ । ( র, ৮, আ, ৬ )

হে সংবাদবাহক, তুমি বিশ্বাসীদেরকে সমরে প্রবৃত্তি দান কর ; যদি তোমাদের জ্ঞাতি বিশ জন সহিষ্ণু লোক থাকে, তাহারা দুই শত ব্যক্তির উপর জয়ী হইবে ; এবং যদি তোমাদের জ্ঞাতি এক শত থাকে, তাহারা কাকের হইয়াছে, তাহাদের সহস্র জনের উপর জয়ী হইবে । যেহেতু তাহারা ( এমন ) এক দল যে জ্ঞান রাখে না § । ৬৫ । এক্ষণ ঈশ্বর তোমাদিগের ( ভার ) লঘু করিলেন, এবং জানিলেন যে, তোমাদের মধ্যে দুর্বলতা আছে ; অনন্তর যদি তোমাদের এক শত সহিষ্ণু লোক হয়, দুই শতের উপর জয়ী হইবে, এবং যদি তোমাদের সহস্র লোক হয়, দুই সহস্রের উপর ঈশ্বরের আজ্ঞায় জয়ী হইবে ।

\* আদেশ হইল যে, সমরের আয়োজন কর, বলপ্রয়োগে যত দূর হইতে পারে, তাহা কর ; অন্তর্চালনা শরবর্ষণাদি ক্রিয়া বলপ্রয়োগের অন্তর্গত । অধিপালনে যে ব্যয় হইবে, কেয়ামতের দিনে তাহার বিনিময় তুল্যমত্রে পরিমাণ করা যাইবে । অপিচ এই আদেশ হইল যে, এ সকল ভয়প্রদর্শনের জন্ত, ইহা মনে করিবে না যে, যুদ্ধসামগ্রীদ্বারা জয়লাভ হইবে ; বিজয়লাভ ঈশ্বরানুকূল্যে হইয়া থাকে । তাহাদিগকে তোমরা জানিতেছ না, তাহারা কপট, তাহারা বাহ্যে মোসলমান, কিন্তু অন্তরে বিপক্ষ । ( ত, ফা, )

+ অর্থাৎ যদি তাহারা বিশ্বাসঘাতকতা করে, ঈশ্বর তাহার প্রতিফল দান করিবেন । ( ত, ফা, )

‡ ওস্ ও খজরজা এই দুই আরবজাতির মধ্যে এক শত বিশ বংশের পর্য্যন্ত ভয়ানক শত্রুতা ও হিংসা বিদ্যেব ছিল ; সর্বদা তাহারা পরস্পর যুদ্ধ বিবাদ লুণ্ঠনে প্রবৃত্ত থাকিত । ঈশ্বর তোমার অনুরোধে, ( হে মোহম্মদ, ) তাহাদের মনে প্রীতি স্থাপন করিয়াছেন । অর্থাৎ তাহারা উভয় বিপক্ষ দল তোমার প্রতি অত্যাচার করিবার জন্ত প্রীতিশূন্যে বদ্ধ হইয়াছে । ( ত, হো, )

§ হজরত মদিনাতে উপস্থিত হইয়া মোসলমানদিগকে গণনা করিয়া দেখিলেন যে, যুদ্ধ করিবার উপযুক্ত ছয় শত লোক আছে । সকলে সম্মত হইয়া বলিতে লাগিল যে, আমরাদিগকে আর কোন্ কাকেরকে ভয় পাইতে হইবে? তৎপর এই আয়ত অবতীর্ণ হয় । “তাহারা বুঝিতেছে না” অর্থাৎ তাহাদের ঈশ্বরের প্রতি ও পুরস্কারের প্রতি বিশ্বাস নাই ; তাহাদের বিশ্বাস আছে, তাহারা মৃত্যুমুখে উপস্থিত হইতে সাহসী হয় । ( ত, ফা, )



এবং ঈশ্বর সহিষ্ণুদিগের সঙ্গী হন \* । ৬৬ । কোন তত্ত্ববাহকের জন্ত ( উচিত ) নয় যে, যে পর্য্যন্ত সে ভূমিতলে বহরকুপাত করে, সে পর্য্যন্ত তাহার জন্ত বন্দী সকল হয় ; তোমরা পার্থিব-সম্পত্তি ইচ্ছা করিতেছ, এবং ঈশ্বর পরলোক চাহিতেছেন । ঈশ্বর পরাক্রান্ত ও বিজ্ঞাতা † । ৬৭ । যদি ঈশ্বরের প্রথম লিপি না হইত, তবে অবশ্য যাহা লইয়াছ, তাহাতে তোমাদিগের গুরুতর দণ্ডপ্রাপ্তি হইত ‡ । ৬৮ । অনন্তর তোমরা যাহা লুণ্ঠন করিয়াছ, সেই বৈধ ও বিশুদ্ধ সামগ্রী ভক্ষণ কর § এবং ঈশ্বরকে ভয় কর, নিশ্চয় ঈশ্বর ক্ষমাশীল ও দয়ালু । ৬৯ । ( র, ৯, আ, ৫ )

হে সংবাদবাহক, তোমাদের হস্তে যাহারা বন্দীরূপে আছে, তাহাদিগকে বল, যদি পরমেশ্বর তোমাদের অন্তঃকরণের শুভ ( ভাব ) জ্ঞাত হন, তবে তোমাদিগ হইতে যাহা গ্রহণ করা হইয়াছে, তদপেক্ষা তোমাদিগকে শুভ প্রদান করিবেন, এবং তোমাদিগকে ক্ষমা করিবেন ; ঈশ্বর ক্ষমাশীল ও দয়ালু । ৭০ । এবং যদি তাহারা তোমার অপচয় করিতে ইচ্ছা করে, তবে নিশ্চয় পূর্বেই ঈশ্বরের অপচয় করিয়াছে, পরে তাহাদের প্রতি সেই ক্ষমতা দেওয়া গিয়াছে ; ঈশ্বর জ্ঞাতা ও বিজ্ঞাতা ॥ । ৭১ । নিশ্চয় যাহারা বিশ্বাস

\* পূর্ববর্তী মোসলমানেরা পূর্ণবিশ্বাসী ছিলেন, তাহাদের প্রতি আদেশ হইয়াছিল যে, আপন-অপেক্ষা দশ গুণ অধিক কাফেরের সঙ্গে যেন তাহারা সংগ্রাম করেন । তৎপরবর্তী মোসলমানেরা তদ্বিষয়ে এক পদ পূর্ক ছিলেন, তখন এই আদেশ হয় যে, দ্বিগুণের সঙ্গে যেন যুদ্ধ করে ; এই আজ্ঞা এক্ষণও বর্তমান । কিন্তু দ্বিগুণ অপেক্ষা অধিক লোককে আক্রমণ করিলে অধিক পুরস্কার । হজরতের সময়ে এক সহস্র মোসলমান অশীতি সহস্র কাফেরের সঙ্গে যুদ্ধ করিতে পারিত । ( ত, ফা, )

† বদরের যুদ্ধে সন্তোর জন কাফের বন্দী হইয়াছিল । হজরত সহচরদিগের নিকটে পরামর্শ জিজ্ঞাসা করিলেন যে, ইহাদিগকে কি করিতে হইবে । অধিকাংশ মোসলমানের অভিপ্রায় হইল যে, অর্থ গ্রহণ করিয়া ছাড়িয়া দেওয়া হয় ; কাহারও কাহারও মত হইল যে, সকলের শিরশ্ছেদন করা হয় । অতঃপর ধন গ্রহণ করিয়া তাহাদিগকে ছাড়িয়া দেওয়া যায়, তাহাতে ভৎসনাসূচক এই আয়ত অবতীর্ণ হয় ; অর্থাৎ প্রেরিতপুরুষদিগের যুদ্ধে অর্থের প্রতি দৃষ্টি থাকা উচিত নয়, ধর্ম্মদ্রোহীদিগের বিদ্রোহিতা চূর্ণ করিবে, হত্যার ভয়ে যেন তাহারা ধর্ম্মবিদ্বেষ পরিত্যাগ কবে । ( ত, ফা )

‡ সেই কথা এইরূপ লেখা হইয়াছিল যে, এই বন্দীদিগের মধ্যে বহুলোকের ভাগ্যে এসলামধর্ম্ম গ্রহণ আছে । ( ত, ফা, )

§ অর্থাৎ তোমরা ভীত থাকিবে, যদি কিছু অপরাধও হয়, এই অবস্থায় ঈশ্বর ক্ষমা করিবেন । বন্দীদিগের সম্বন্ধে সেই আজ্ঞা শ্রবণ করিয়া মোসলমানেরা লুণ্ঠিত সামগ্রী গ্রহণ করিতে সঙ্কুচিত হইয়াছিল । তাহাতে তাহাদিগকে এইরূপ সান্ত্বনা দান করা হয় যে, ইহা ঈশ্বরের দান, আনন্দে ভোগ কর, কিন্তু লুণ্ঠনের জন্ত স্বেহাদ করিবে না । হনিফীর মতে কাফের ধরা পড়িলে ধন লইয়া ছাড়িয়া দেওয়া বিহিত নয় ; এইরূপে ছাড়িয়া দিলে তাহারা স্বগণ কাফেরদিগের সঙ্গে যাইয়া পুনর্বার মিলিত হয় । কিন্তু তাহাদিগকে দাস করিয়া রাখা অথবা এসলাম রাজ্যে প্রজা হইয়া বাস করিবার জন্ত ছাড়িয়া দেওয়ার বিধি প্রচলিত । ( ত, ফা, )

॥ “পূর্বেই ঈশ্বরের অপচয় করিয়াছে,” ইহার অর্থ, ধর্ম্মবিদ্রোহিতা ও তাহার আদেশ অমান্য করা । ( ত, ফা, )

স্থাপন করিয়াছে ও দেশান্তরিত হইয়াছে, এবং ঈশ্বরোদ্দেশ্যে আপন জীবন ও আপন সম্পত্তিযোগে সংগ্রাম করিয়াছে, এবং যাহারা আশ্রয় ও সাহায্য দান করিয়াছে, ইহারা ইহারা, যে পরম্পর পরম্পরের বন্ধু ; এবং যাহারা বিশ্বাসী হইয়াছে ও দেশান্তরিত হয় নাই, যে পর্যন্ত তাহারা দেশান্তরিত না হয়, তাহাদের কোন বন্ধুতা তোমাদের জন্ত নহে ; এবং যদি তাহারা তোমাদের নিকটে ধর্মবিষয়ে সাহায্য প্রার্থনা করে, তবে যাহাদের মধ্যে তোমাদের অঙ্গীকার আছে, সেই দলের উপর ব্যতীত সাহায্যদান তোমাদিগের সম্বন্ধে ( বিধেয় ; ) এবং যাহা তোমরা করিয়া থাক, ঈশ্বর তাহার দর্শক \* । ৭২ । এবং যাহারা ধর্মদ্রোহী হইয়াছে, তাহারা পরম্পর পরম্পরের বন্ধু ; যদি ( হে মোসলমানগণ, ) তোমরা ইহা না কর, তবে পৃথিবীতে বিপত্তি হইবে ও মহাগোলযোগ ঘটবে † । ৭৩ । এবং যাহারা বিশ্বাস স্থাপন করিয়াছে ও দেশান্তরিত হইয়াছে এবং ঈশ্বরের উদ্দেশ্যে সংগ্রাম করিয়াছে ও যাহারা আশ্রয় ও সাহায্য দান করিয়াছে, এই সকল লোক, ইহারা প্রকৃত বিশ্বাসী ; ইহাদের জন্ত ক্ষমা ও উত্তম উপজীবিকা আছে । ৭৪ । এবং ইহার পরে যাহারা বিশ্বাস স্থাপন করিয়াছে ও দেশান্তরিত হইয়াছে, এবং তোমাদের সহযোগী হইয়া যুদ্ধ করিয়াছে, অবশেষে তাহারা তোমাদিগেরই অন্তর্গত ; এবং ঐশ্বরিক গ্রন্থবিষয়ে তাহারা পরম্পর নিকটবর্তী স্বত্বাধিকারী, তাহারা পরম্পর পরম্পরের অধিকতর নিকটবর্তী ; নিশ্চয় ঈশ্বর সর্বজ্ঞ ‡ । ৭৫ । ( র, ১০, আ, ৬ )

“পরে তাহাদের প্রতি সেই ক্ষমতা দেওয়া গিয়াছে” ইহার অর্থ, ঈশ্বর তাহাদিগকে ধরাইয়া দিয়াছেন ।

\* হজরতের অনুচরবর্গ দুই দলে বিভক্ত ছিলেন, “মোহাজের” ও “আন্সার” । “মোহাজের” গৃহত্যাগী, “আন্সার” সাহায্য ও আশ্রয়দাতা । যাহারা মক্কা ত্যাগ করিয়া হজরতের সঙ্গে ছিলেন, তাহারা মোহাজের ; তাহাদের সকলের সন্ধি বিগ্রহ এক ছিল, একের বন্ধু সকলের বন্ধু, একের শত্রু সকলের শত্রু ছিল । যে সকল মোসলমান স্বদেশে ছিলেন, তাহারা আন্সার, তাহারা কাকেরদিগের প্রত্যয়ে মোহাজেরদিগের সন্ধিবিগ্রহে যোগদান করিতে পারিতেন না । গৃহত্যাগিগণ সাহায্য প্রার্থনা করিলে তাহারা সুযোগমতে সহায়তা করিতেন । ( ত, কা, )

যদি অগৃহত্যাগী বিশ্বাসী লোক ধর্মবিষয়ে সাহায্যপ্রার্থী হয়, অর্থাৎ তাহাদের সঙ্গে কাকেরদিগের যুদ্ধ উপস্থিত হইলে যদি সাহায্য প্রার্থনা করে, তবে তোমাদিগের উচিত যে, যে সকল অংশিবাদীর সঙ্গে তোমাদের সন্ধি আছে, তাহাদের সঙ্গে যদি সাহায্যপ্রার্থীদের সংগ্রাম না হয়, তবে সাহায্য দান করিবে, অঙ্গীকার ভঙ্গ করিবে না । ( ত, হো, )

† অর্থাৎ কাকেরগণ পরম্পর একতানৃত্রে বন্ধ, তাহারা শত্রুতাবশতঃ দুর্বল মোসলমানদিগকে যেখানে পাইবে, সেই স্থানেই আক্রমণ করিয়া যন্ত্রণা দান করিবে । অতএব তুমি, ( হে মোহাম্মদ, ) এই ঘোষণা কর যে, যাহারা দলবদ্ধ হইয়া আমার নিকটে থাকিবে, তাহাদের জন্ত আমি দায়ী । তাহা না করিয়া স্বগৃহে বিচ্ছিন্নভাবে থাকিলে তাহাদের জন্ত পৃথিবীতে বিপত্তি আছে । ( ত, কা, )

‡ অর্থাৎ যাহারা দেশত্যাগ করিয়া হজরতের সঙ্গে দলবদ্ধ হইয়া আছেন, তাহাদের স্বজন গৃহবাসী অন্ত স্বজন অপেক্ষা গ্রন্থোল্লিখিত উত্তরাধিকারিসম্বন্ধে পরম্পর অধিকতর ঘনিষ্ঠ ; তাহারা ঈশ্বরের স্বত্ব লাভ করিবে ।

## সূরা তওবা \*



### নবম অধ্যায়

১২৯ আয়ত, ১৬ রকু

অংশিবাদিগণের যাহাদের সম্বন্ধে তোমরা অঙ্গীকার বন্ধন করিয়াছ, ঈশ্বর ও তাঁহার প্রেরিতপুরুষের প্রতি তাহাদের বিরাগ । ১ । অনন্তর তোমরা, ( হে অংশিবাদিগণ, ) চারি মাস পৃথিবীতে ভ্রমণ কর ; † জানিও যে, তোমরা ঈশ্বরের পরাভবকারী নহ, এবং ঈশ্বর ধর্মদ্রোহীদিগের নির্ঘাতনকারী । ২ । মহা হজ্জের দিন ঈশ্বরের ও তাঁহার প্রেরিতপুরুষের পক্ষ হইতে মানবমণ্ডলীর প্রতি বিজ্ঞাপন যে, ঈশ্বর এবং তাঁহার প্রেরিতপুরুষ অংশিবাঙ্গীদিগের প্রতি অগ্রসর ; পরন্তু যদি তোমরা ( বিদ্রোহিতা হইতে ) প্রতিনিবৃত্ত হও, তবে তাহা তোমাদের জন্য মঙ্গলকর, এবং যদি অগ্রাহ্য কর, তবে জানিও যে, তোমরা ঈশ্বরের পরাভবকারী নহ । যাহারা ধর্মদ্রোহী হইয়াছে, তাহাদিগকে, ( হে মোহম্মদ, ) তুমি দুঃখকর শাস্তিসম্বন্ধে সংবাদ দান কর ‡ । ৩ । + অংশিবাঙ্গীদিগণের যাহাদিগের সম্বন্ধে তোমরা অঙ্গীকারবন্ধন করিয়াছ, তৎপর যাহারা কোন বিষয়ে তোমাদের

\* এই সূরা মদিনাতে অবতীর্ণ হয় । “বরায়ত” “ফাজেহা” প্রভৃতি ইহার অল্প অনেক নাম আছে । “দাতা দয়ালু পরমেশ্বরের নামে প্রবৃত্ত হইতেছি।” এই বচন অভয়দানার্থ ব্যবহৃত হয় । এই সূরা ভয়ের জন্য অবতীর্ণ হইয়াছে, এই নিমিত্ত ইহার শিরোভাগে উক্ত বচনের প্রয়োগ হয় নাই । ( ত, হো )

+ ইদ নব্বের দিন হইতে রবিয়োলু আখেরের দশম দিবস পর্য্যন্ত চারি মাস যুদ্ধে নিবৃত্ত থাকার বিধি । অল্প মত এই যে, এই আয়ত শওয়াল মাসের প্রথমভাগে অবতীর্ণ হয়, অতএব মহরম মাসের শেষ পর্য্যন্ত নিবৃত্তির কাল । এই নিদ্রিষ্ট কালের জন্য প্রতিজ্ঞাবদ্ধ লোকদিগের মধ্যে যাহারা প্রতিজ্ঞা ভঙ্গ করিত, অবস্থাবিশেষে কাহাকে চারি মাস, কাহাকে অধিক কাল সময় দেওয়া যাইত, যেন তাহারা নিজের ব্যবহারের বিষয়ে চিন্তা করে ও কোন উপায় অবলম্বন করে । ( ত, হো, )

‡ মক্কা অঞ্চলের বহু সম্প্রদায়ের সম্বন্ধে হজ্জতের সন্ধি ছিল । মক্কা জয় হওয়ার এক বৎসর পর এরূপ আজ্ঞা হইল যে, “কোন অংশিবাঙ্গীদিগের সম্বন্ধে সন্ধি রাখিবে না, এই কথা হজ্জের দিন অর্থাৎ ইদ কোরবাণের প্রাতঃকালে সকলকে ডাকিয়া জ্ঞাপন করিবে । কাফেরদিগকে অবকাশ দেও, তাহারা যুদ্ধের জন্য প্রস্তুত হউক, কিম্বা মক্কা পরিত্যাগ করিয়া চলিয়া যাউক, অথবা মোসলমান হউক ।” ( ত, ফা )

সঙ্গে জুটি করে নাই, এবং তোমাদের উপরে ( বিপক্ষে ) কাহাকেও সাহায্য দান করে নাই, তাহারা ব্যতীত ; অতঃপর তোমরা তাহাদের প্রতি তাহাদের অঙ্গীকারকে নির্দিষ্ট কাল পর্য্যন্ত পূর্ণ কর, নিশ্চয় ঈশ্বর ধর্মভীরুদিগকে প্রেম করেন । ৪ । অনন্তর যখন হজ্জক্রিয়ার মাস সকল অতীত হয়, তখন যে স্থানে অংশিবাদীদিগকে প্রাপ্ত হবে, সেই স্থানেই তাহাদিগকে সংহার করিও ; তাহাদিগকে ধর, এবং আবেষ্টন কর ও তাহাদের জগ্ন প্রত্যেক গমাস্থানে উপবিষ্ট হও । পরে যদি প্রতিনিবৃত্ত হয় ও উপাসনাকে প্রতিষ্ঠিত রাখে, এবং জকাত দান করে, তবে তাহাদের পথ ছাড়িয়া দেও ; নিশ্চয় ঈশ্বর ক্ষমাশীল ও দয়ালু \* । ৫ । এবং যদি অংশিবাদীদিগের কোন ব্যক্তি তোমার আশ্রয় প্রার্থনা করে, তবে ঈশ্বরের বাক্য যে পর্য্যন্ত শ্রবণ করে, তাহাকে আশ্রয় দেও ; তৎপর তাহার আশ্রয়ভূমিতে তাহাকে প্রেরণ কর । ইহা এজগ্ন যে, ইহারা এমন একদল যে জ্ঞান রাখে না † । ৬ । ( র, ১, আ, ৬ )

যাহাদের সঙ্গে তোমরা মস্জিদেদোল্‌হরামের নিকটে অঙ্গীকারবন্ধন করিয়াছ, তাহারা ব্যতীত অন্য অংশিবাদীদিগের নিমিত্ত অঙ্গীকার ঈশ্বরের ও তাঁহার প্রেরিতপুরুষের নিকটে কিরূপে হয় ? অনন্তর যে পর্য্যন্ত তাহারা তোমাদের জগ্ন ( অঙ্গীকারে ) স্থির থাকে, তোমরাও সে পর্য্যন্ত তাহাদের জগ্ন স্থির থাক ; নিশ্চয় ঈশ্বর ধর্মভীরু লোকদিগকে প্রেম করেন ‡ । ৭ । কেমন করিয়া হয় ? এবং যদি তোমাদের উপর তাহারা জয়লাভ করে, তাহারা তোমাদের সম্বন্ধে স্বগণ্ড ও অঙ্গীকার রক্ষা করিবে না ; তাহারা নিজমুখে তোমাদিগকে সম্বৃত্ত করিতেছে, এবং তাহাদের অন্তর অঙ্গীকার করিতেছে, তাহাদের অধিকাংশই দুর্ভক্ত । ৮ । তাহারা ঐশ্বরিক নিদর্শনের বিনিময়ে স্বল্প মূল্য

\* যাহারা প্রতিজ্ঞাস্বত্রে বদ্ধ ছিল ও কোনরূপ বিশ্বাসঘাতকতা করে নাই, তাহাদের সন্ধি স্থির রহিল । যাহাদের সঙ্গে অঙ্গীকারের বন্ধন নাই, তাহাদিগকে চারি মাস অবকাশ দেওয়া যায়, তৎপর তাহাদিগকে আক্রমণ করা হয় । হজরত বলিয়াছেন যে, অন্তরের তত্ত্ব ঈশ্বর জানেন ; যাহারা বাহ্যে মোসলমান, তাহারা অন্য সকলের তুলা আশ্রয় পাইবে । মোসলমানের বাহ্যিক লক্ষণ এই নির্ধারিত ;—মুগ্ধমতে বিশ্বাস স্থাপন করা, পৌত্তলিকতাদি হইতে নিবৃত্ত থাকা, নমাজ পড়া ও জকাত দান করা । যে ব্যক্তি নমাজ ও জকাত হইতে বিরত, সে আশ্রয় পাইবে না । ( ত, ফা, )

† “তৎপর তাহার আশ্রয়ভূমিতে তাহাকে প্রেরণ কর” ইহার অর্থ, কোর্-আন্ শ্রবণ করিয়া যদি সে এসলাম ধর্ম অবলম্বন না করে, তবে তাহাকে তাহার আশ্রয়ভূমি গৃহে কিরিয়া যাইতে দাও, পরে তাহার সঙ্গে সংগ্রাম কর । ( ত, হো, )

‡ সন্ধিবন্ধনকারীদিগের তিন শ্রেণী ছিল । যাহাদের সঙ্গে সন্ধির নিয়ম-পালনের সময় নির্ধারিত ছিল না, তাহাদিগকে বিদায় দান করা হইয়াছিল ; কিন্তু যাহারা মক্কা নগরের সন্ধিবন্ধনে বদ্ধ ছিল, তাহারা যে পর্য্যন্ত বিশ্বাসঘাতকতা করে নাই, সে পর্য্যন্ত সন্ধি রহিত হয় নাই । যাহাদের সঙ্গে সময় নির্ধারিত হইয়াছিল, তাহাদের সঙ্গে সন্ধি স্থির ছিল । কিন্তু অবশেষে আরবের সমুদায় পৌত্তলিক এসলাম ধর্মে বিশ্বাসী হইয়াছিল । ( ত, ফা, )

গ্রহণ করিয়াছে, পরে তাঁহার পথ হইতে ( লোকদিগকে ) নিবৃত্ত রাখিয়াছে ; নিশ্চয় তাহারা যাহা করিতেছিল, তাহা মন্দ । ৯ । তাহারা কোন বিশ্বাসীর সন্থকে স্বগণত্ব ও অঙ্গীকার পালন করিতেছে না ; ইহারাই তাহারা যে সামালজ্বনকারী । ১০ । পরন্তু যদি তাহারা পাপ হইতে নিবৃত্ত হয় ও উপাসনাকে প্রতিষ্ঠিত রাখে, এবং জকাত দান করে, তবে তাহারা ধর্মসন্থকে তোমাদের ভ্রাতা ; এবং যাহারা জ্ঞান রাখে, সেই দলের জন্ত আমি নিদর্শন সকল বিস্তারিত বর্ণন করিতেছি । ১১ । এবং যদি তাহারা আপন অঙ্গীকারবন্ধনের পর আপন শপথ ভঙ্গ করে, এবং তোমাদের ধর্মের প্রতি ব্যঙ্গ করে, তবে সেই ধর্মবিদ্রোহিতায় অগ্রগামীদের সঙ্গে তোমরা যুদ্ধ কর ; নিশ্চয় তাহারাই যে, তাহাদের জন্ত শপথ নাই, ভরসা যে, তাহারা নিবৃত্ত হইবে । ১২ । যাহারা আপন শপথ ভঙ্গ করিয়াছে, এবং প্রেরিত-পুরুষকে নির্দাসন করিতে সচেষ্ট হইয়াছে, সেই দলের সঙ্গে কি তোমরা সংগ্রাম করিবে না ? এবং তাহারা প্রথমবারে তোমাদের সঙ্গে আরম্ভ করিয়াছে, তোমরা কি তাহাদিগকে ভয় করিতেছ ? পরন্তু যদি তোমরা বিশ্বাসী হও, তবে ঈশ্বরই উপযুক্ত যে তাঁহাকে ভয় কর । ১৩ । তাহাদের সঙ্গে যুদ্ধ কর, তোমাদের হস্তে ঈশ্বর তাহাদিগকে শাস্তি দিবেন, এবং বিড়ম্বিত করিবেন ও তাহাদের উপর তোমাদিগকে বিজয়ী করিবেন, এবং বিশ্বাসিদের অন্তরকে স্ফুট করিবেন । ১৪ । + এবং তিনি তাহাদের অন্তরের ক্ষোভ দূর করিবেন ; যাহার প্রতি ইচ্ছা হয়, ঈশ্বর তাহার প্রতি প্রত্যাবর্তন করেন, এবং ঈশ্বর জ্ঞানবান্ নিপুণ । ১৫ । তোমরা কি মনে করিয়াছ যে, পরিত্যক্ত হইবে ? ও তোমাদের মধ্যে যাহারা ধর্মযুদ্ধ করে, তাহারা ঈশ্বর ব্যতীত ও তাঁহার প্রেরিত পুরুষ এবং বিশ্বাসিগণ ব্যতীত গুপ্তবন্ধু রাখে না, এ পয্যন্ত ঈশ্বর তাহাদিগকে জানেন না ? এবং তোমরা যাহা করিতেছ, ঈশ্বর তাহার জ্ঞাতা । ১৬ । ( র, ২, আ, ১০ )

আপন জীবনে ধর্মদ্রোহিতার বিনয়ে সাক্ষাদাতা হইয়া যে ঈশ্বরের মন্দির সকলের স্থিতিরক্ষা করিবে, অংশিবাদীদিগের জন্ত তাহা নয় ; এই তাহারাই, তাহাদের ক্রিয়া সকল বার্থ হইয়াছে, এবং তাহারা নরকাগ্নির চিরনিবাসী \* । ১৭ । যে ব্যক্তি ঈশ্বরে ও অন্তিম দিবসে বিশ্বাস করে, এবং উপাসনাকে প্রতিষ্ঠিত রাখে ও জকাত দান করে, এবং ঈশ্বর ব্যতীত ( অন্য কাহাকে ) ভয় করে না, সে ঈশ্বরের মন্দির সকলের স্থিতিরক্ষা

\* আব্বাস বন্দী হইলে পর মোসলমানগণ পৌত্তলিকতা ও নির্দয়তা বিষয়ে তাঁহাকে অনেক ভৎসনা করিতে লাগিলেন ; তাহাতে আব্বাস বলিলেন যে, “তোমরা কেবল আমার দোষ বলিতেছ, আমি যে সৎকার্য্য করিয়াছি, তাহা স্মরণ করিতেছ না।” আলি জিজ্ঞাসা করিলেন, “তুমি কি সৎকার্য্য করিয়াছ ?” আব্বাস বলিলেন, “আমি কাবার স্থিতিরক্ষায় যত্ন করিতেছি, কাবা মন্দিরকে সম্মান করিয়া থাকি, হাঙ্গীলোকদিগকে জন্মের জল পান করাই, বন্দীদিগকে বন্ধনমুক্ত করি।” ( ত, হো, )

এই কথা উপর এই আয়ত অবতীর্ণ হয় ।



করে, তদ্ব্যতীত নহে ; ইহারাই, যে সত্বর পথপ্রাপ্তিগের অন্তর্গত হইবে। ১৮। যে ঈশ্বরে ও অন্তিম দিবসে বিশ্বাস স্থাপন ও ঈশ্বরোদ্দেশ্যে সংগ্রাম করিয়াছে, তোমরা কি তাহার ঋণ হাজীদিগকে অলপান করাইয়াছ, এবং মস্জিদোল্হরামের স্থিতিরক্ষা করিয়াছ ? ঈশ্বরের নিকটে ( সকলে ) তুল্য নয়, এরং ঈশ্বর অত্যাচারীদেরকে পথ প্রদর্শন করেন না। ১৯। যাহারা বিশ্বাসী হইয়াছে ও দেশত্যাগ করিয়াছে এবং ঈশ্বরোদ্দেশ্যে আপন ধন ও আপন জীবন দ্বারা সংগ্রাম করিয়াছে, ঈশ্বরের নিকটে তাহাদের সর্বোচ্চপদ ; এবং ইহারাই তাহারা যে পূর্ণমনোরথ হইবে। ২০। তাহাদের প্রতিপালক তাহাদিগকে স্বীয় দয়া ও সন্তোষ এবং তাহাদের জন্ত যাহাতে নিত্য সম্পদ হয়, এমন স্বর্গোচ্চানবিষয়ে সুসংবাদ দান করেন। ২১। + তাহারা তথায় নিত্যকাল অবস্থিতি করিবে, নিশ্চয় ঈশ্বরের নিকটে মহা পুরস্কার। ২২। হে বিশ্বাসিগণ, তোমাদের পিতৃগণকে ও ভ্রাতৃগণকে, যদি তাহারা বিশ্বাস অপেক্ষা বিদ্রোহিতাকে প্রেম করে, তোমরা বন্ধুরূপে গ্রহণ করিও না ; এবং তোমাদের যে ব্যক্তি তাহাদিগের সঙ্গে বন্ধুতা করে, পরে ইহারাই তাহারা যে অত্যাচারী। ২৩। বল, ( হে মোহাম্মদ, ) যদি তোমাদের পিতৃগণ, তোমাদের পুত্রগণ ও তোমাদের ভ্রাতৃগণ ও তোমাদের ভাৰ্য্যা সকল এবং তোমাদের কুটুম্বগণ এবং সম্পত্তি সকল যাহা তোমরা উপার্জন করিয়াছ, এবং বাণিজ্য যে যাহার অপ্রচলনকে তোমরা ভয় কর, এবং আলয় সকল, যাহা তোমরা মনোনীত কর, এ সকল যদি তোমাদের নিকটে ঈশ্বর ও তাঁহার প্রেরিত-পুরুষ এবং ঈশ্বরের উদ্দেশ্যে সংগ্রাম অপেক্ষা প্রিয়তর হয়, তবে ঈশ্বর আপন আজ্ঞা উপস্থিত করা পর্যন্ত তোমরা প্রতীক্ষা কর ; এবং পরমেশ্বর ছুরাচারীদেরকে পথ প্রদর্শন করেন না। ২৪। ( র, ৩, আ, ৮ )

সত্য সত্যই পরমেশ্বর বহুস্থানে তোমাদিগকে সাহায্য দান করিয়াছেন, এবং হোন-য়নের দিবসে যখন তোমাদের লোকাধিক্য তোমাদিগকে প্রফুল্ল করিয়াছিল, তখন তাহা তোমাদিগের কিছুই উপকার করে নাই ; বিস্তৃতিসঙ্গে ভূমি তোমাদের পক্ষে সঙ্কীর্ণ হইয়াছিল। তৎপর তোমরা পৃষ্ঠভঙ্গ দিয়া প্রস্থান করিয়াছিলে \*। ২৫। অতঃপর ঈশ্বর তাঁহার প্রেরিতপুরুষের প্রতি ও বিশ্বাসীদের প্রতি আপন সাহায্য প্রেরণ করি-

\* হোনয়ন এক প্রান্তরের নাম, উহা তারেক ও মকার মধ্যস্থলে বিদ্যমান ; সেই স্থানে হওয়াজন ও মক্কিক সম্প্রদায়ের সঙ্গে সংগ্রাম হইয়াছিল। তৎপরে এই ;—হজরত মক্কা জয় করিলে পর এই দুই সম্প্রদায় ঐক্য হইয়া মোসলমানদিগকে আক্রমণ করিতে উদ্যত হয়। হজরতের দ্বাদশ সহস্র কিশা বোড়শ সহস্র অনুচর তাহাদের বিরুদ্ধে রণক্ষেত্রে উপস্থিত হন। তাহাদের দলে চতুর্দশ সহস্র সৈন্য ছিল। তখন হজরতের অনুবর্তীদের এক জন সহর্ষে বলিয়াছিলেন যে, “আমাদের অধিক সৈন্য আছে, আমরা বিপক্ষের সৈন্য দ্বারা পরাস্ত হইব না।” এই কথা হজরত শ্রবণ করিয়া দুঃখিত হইলেন। যেহেতু পূর্বে একবার এরূপ গর্ব প্রকাশ করাতে পরাস্ত হইতে হইয়াছিল। এই বুদ্ধেও তাঁহার প্রথমে পরাজিত হন। ( উ, হো, )

লেন ও মৈত্র পাঠাইলেন, তোমরা তাহা দেখ নাই, এবং কাফেরদিগকে শাস্তি দান করিলেন; ঈশ্বরদ্রোহীদিগের ইহাই বিনিময়। ২৬। তদনন্তর ঈশ্বর যাহার প্রতি ইচ্ছা হয়, প্রত্যাবর্তন করিবেন, এবং ঈশ্বর ক্ষমাশীল ও দয়ালু। ২৭। হে বিশ্বাসিগণ, অংশিবাদীরা অপবিত্র, তদ্ব্যতীত নহে; অবশেষে তাহাদের এতদ্বৎসরের অন্তে তাহারা মস্জিদোল্হরামের নিকটবর্তী হইতে পারিবে না। এবং যদি তোমরা দরিদ্রতাকে ভয় কর, তবে ইচ্ছা করিলে ঈশ্বর তোমাдиগকে আপন রূপাণ্ডে সত্তর ধনী করিবেন; নিশ্চয় ঈশ্বর জ্ঞানী ও নিপুণ \*। ২৮। যাহারা ঈশ্বরের প্রতি ও অন্তিম দিবসের প্রতি বিশ্বাস স্থাপন করে না, এবং ঈশ্বর ও তাঁহার প্রেরিত-পুরুষ যাহা অবৈধ করিয়াছেন, তাহা অবৈধ মনে করে না, এবং যাহাদিগকে গ্রন্থ প্রদত্ত হইয়াছে, তাহাদিগ হইতে সত্যধর্ম গ্রহণ করে না, যে পর্যন্ত তাহারা নিকৃষ্ট হইয়া স্বহস্তে জিজিয়া † প্রদান না করে, তাহাদের সঙ্গে তোমরা সংগ্রাম কর। ২৯। ( র, ৪, আ, ৫, )

এবং ইহুদিগণ বলে, ওজয়ির ঈশ্বরের পুত্র, ‡ এবং ঈসায়িগণ বলে, ঈসা ঈশ্বরের

\* মস্জিদোল্হরামে অংশিবাদীদিগের প্রবেশ নিষেধ। অপর মস্জিদে প্রবেশে নিষেধ নাই। অপবিত্রতা অংশিবাদীদিগের মনে, শরীরে নহে। “তোমরা দরিদ্রতাকে ভয় কর” অর্থাৎ অংশিবাদীদিগের গমনাগমন রহিত হইলে বাণিজ্যাদি বাবসায় বন্ধ হইবে, তাহাতে তোমরা দরিদ্র হইয়া যাইবে ভাবিতেছ। অতএব ঈশ্বর সমুদায় দেশের লোককে মোসলমান করিবেন। সমুদায় বাবসায় বাণিজ্যের দ্বার মুক্ত রহিল। ( ত, ফা, )

এই বিধি মদিনা প্রস্থানের নবম বৎসর কিথা চম্বোল্ ওমরাব্রতের দশম বৎসরে হইয়াছিল। হজ্ব ও ওমরাব্রতপালনে কাফেরদিগের সম্বন্ধে নিষেধ হইয়াছিল, কাবা মন্দিরে বা অন্য মস্জিদে প্রবেশে নিষেধ নয়, এমাম আজম এরূপ বলেন। এমাম মালেক মস্জিদোল্হরামে প্রবেশে নিষেধানুসারে সমুদায় মস্জিদেই প্রবেশ করিতে নিষেধ করেন, এমাম শাফি শুদ্ধ মস্জিদোল্হরামে প্রবেশেই নিষেধ করেন। ( ত, হো, )

† “জিজিয়া” ভিন্নধর্মাবলম্বী প্রজার প্রতি মোসলমান রাজার নির্দ্ধারিত করবিশেষ।

‡ ওজয়ির ইয়কুবের বংশোদ্ভব শরখিয়ার পুত্র, এমরাণের পুত্র হারুণের চতুর্দশ পুরুষের অন্তর্গত। তাহার সঙ্কেপ বৃত্তান্ত এই;—নোছতনসর এশ্রায়েলবংশীয় লোকদিগকে আক্রমণ করিয়া তওরাত গ্রন্থ দক্ষ ও জেরুজেলম নগর ধ্বংস ও তওরাতে জ্ঞান যাহাদের ছিল, তাহাদের সকলকে সংহারপূর্বক অবশিষ্ট লোকদিগকে বন্দী করিয়া লইয়া গিয়াছিল। ওজয়ির সেই বন্দীদিগের মধ্যে একজন ছিলেন। তিনি তওরাত পাঠ করিতেন, কিন্তু তখন বালক ছিলেন বলিয়া তাঁহার পাঠ গণনার মধ্যে গৃহীত হয় নাই। কিছু কাল পরে তিনি বন্ধনমুক্ত হইয়া জেরুজেলমের অভিমুখে যাত্রা করেন। পথিমধ্যে এক গ্রামে ঈশ্বরের আদেশে তাঁহার মৃত্যু ও সেই গ্রাম ধ্বংস হয়, এবং শত বৎসর অন্তে তিনি পুনর্জীবন লাভ করেন। বকর সূরাতে এ বিষয়টি উল্লিখিত হইয়াছে। পরে যখন ওজয়ির সজাতির নিকটে উপস্থিত হইলেন, সকলে তওরাত অধ্যয়ন ও লিপিকরণ বিষয়ে তাঁহাকে পরীক্ষা করিতে লাগিলেন। কথিত আছে যে, পাঁচটি লেখনী তাঁহার পাঁচ অঙ্গুলিতে বাধিয়া দেওয়া হয়, তিনি প্রত্যেক অঙ্গুলি দ্বারা তওরাত লিপি করেন। তাহাতেও লোকদিগের সন্দেহনিরসন হয় না, সকলে বলে, “আমাদের

পুত্র, ইহা তাহাদের আপন মুখের উক্তি ; যাহারা পূর্ব হইতে কাফের হইয়াছে, তাহাদের কথায় পরস্পর সাদৃশ্য আছে, ঈশ্বর তাহাদিগকে বিনাশ করুন, তাহারা কোথা হইতে ( সত্যপথ হইতে ) ফিরিয়া যাইতেছে । ৩০ । তাহারা ঈশ্বরকে ছাড়িয়া আপনাদের জ্ঞান-লোকদিগকে ও আপনাদের তপস্বীদিগকে এবং মরয়মের পুত্র ঈশাকে প্রতিপালকরূপে গ্রহণ করিয়াছে ; এবং মরয়মের পুত্র ঈশা এবং তাহারা এক মাত্র ঈশ্বরের উপাসনা করা ব্যতীত আদিষ্ট হয় নাই । তিনি ভিন্ন ঈশ্বর নাই ; তাহারা যাহাকে অংশী নির্ণয় করে, তাহা অপেক্ষা তিনি পবিত্র । ৩১ । তাহারা আপন মুখে ঈশ্বরের জ্যোতিকে নির্করণ করিতে ইচ্ছা করে ; যদিচ ধর্মদ্রোহিগণ অসম্ভব হয় , তথাপি ঈশ্বর স্বীয় জ্যোতিঃ পূর্ণ করা ব্যতীত কিছুই গ্রাহ্য করেন না । ৩২ । তিনিই যিনি আপন প্রেরিতপুরুষকে, যদিচ অংশিবাদিগণ অসম্ভব, তথাপি ধর্মালোক ও সত্যধর্মসহ সমুদায় ধর্মের উপর বিজয়ী করিতে প্রেরণ করিয়াছেন । ৩৩ । হে বিশ্বাসিগণ, নিশ্চয় অধিকাংশ জ্ঞানী ও তপস্বী অনায়রূপে লোকের ধন ভোগ করিয়া থাকে ও ঈশ্বরের পথ হইতে ( লোকদিগকে ) নিবৃত্ত রাখে ; এবং যাহারা স্বর্ণ রৌপ্য সঞ্চয় করিয়া ঈশ্বরোদ্দেশ্যে তাহা ব্যয় করে না, ( হে মোহম্মদ, ) তুমি তাহাদিগকে দুঃখজনক শাস্তির সংবাদ দান কর । ৩৪ । + যে দিবস নরকাগ্নিতে তাহার উপর উষ্ণ করা হইবে, পরে তদ্বারা তাহাদের ললাট ও তাহাদের পার্শ্বদেশ এবং তাহাদের পৃষ্ঠ চিহ্নিত করা হইবে, \* সেই দিবস ( বলা হইবে, ) ইহা তাহা যাহা তোমরা নিজেদের জন্ত সঞ্চয় করিয়াছ ; অতএব যাহা সঞ্চয় করিতেছিলে, তাহার স্বাদ গ্রহণ কর । ৩৫ । নিশ্চয় ঈশ্বরের নিকটে ঐশ্বরিক গ্রন্থে মাস সকলের গণনা ষাট মাস হয় ; যে দিবস তিনি স্বর্গ ও মর্ত্য সৃজন করিয়াছেন, ( সেই দিন হইতে ) তাহার চারিটি অবৈধ, ইহাই সত্য ধর্ম ; অতএব তাহাতে তোমরা আত্মজীবনসম্বন্ধে অত্যাচার করিও না এবং অংশিবাদীদের সকলের সঙ্গে, তাহারা যেমন তোমাদের সকলের সঙ্গে সংগ্রাম করে, সংগ্রাম কর । জানিও যে, পরমেশ্বর ধর্মভীরুদিগের সঙ্গে

মধ্যে যখন কেহই তওরাত জ্ঞাত নহে, তখন কেমন করিয়া সিদ্ধান্ত করা যাইবে যে, সত্যই তওরাত লিপি হইতেছে ।” অনন্তর এক ব্যক্তি বলিলেন, “আমি আমার পিতার নিকটে শুনিয়াছি, তিনি তাঁহার পিতার মুখে এই কথা শুনিয়াছেন যে, ‘নোক্তনসরের ব্যাপারের সময়ে আমি তওরাত গ্রন্থ একটি আধারে দৃঢ়বদ্ধ করিয়া পর্বতের অমুক গর্ভের মধ্যে রাখিয়া দিয়াছি’ ।” এই কথা শুনিয়া সকলে যাইয়া তথা হইতে তওরাত লইয়া আসিলেন, এবং ওজরির যাহা লিখিয়াছিলেন, তাহার সঙ্গে মিলাইয়া দেখিলেন, সম্পূর্ণ এক্য হইল । সকলে চমৎকৃত হইয়া বলিলেন যে, শত বৎসর পরে ঈশ্বর ওজরির মনে তিনি তাঁহার পুত্র বলিয়া তওরাত স্থাপন করিয়াছেন । তদনুসারে ইহদিগণ ওজরিরকে ঈশ্বরের পুত্র বলিয়া থাকে । ( ত, হো, )

\* “নরকাগ্নিতে তাহার উপর উষ্ণ করা হইবে” ইহার অর্থ, নরকাগ্নিতে সেই রক্ত কাঞ্চনাদি ধাতুস্বাক্যকে উষ্ণ করা হইবে ।

আছেন \*। ৩৬। ধর্মদ্রোহিতায় ভুল অধিক, এতদ্বিন্ন নহে, তদ্বারা ধর্মদ্রোহিগণ বিভ্রান্তীকৃত হয় ; তাহারা এক বৎসর তাহাকে ( সেই মাসকে ) বৈধ এবং এক বৎসর তাহাকে অবৈধ গণনা করে, তাহাতে ঈশ্বর যাহা অবৈধ করিয়াছেন, তাহার সঙ্গে গণনার মিল করিয়া থাকে। অতএব ঈশ্বর যাহা অবৈধ করিয়াছেন, তাহারা তাহা বৈধ করে, তাহাদের জন্ত তাহাদের অসৎকর্ম সজ্জিত হইয়াছে ; এবং ঈশ্বর ধর্মদোহিদলকে পথ প্রদর্শন করেন না †। ৩৭। ( র, ৫, আ, ৮ )

হে বিশ্বাসিগণ, যখন তোমাদিগকে বলা হয় যে, ঈশ্বরের পথে বাহির হও, তখন তোমাদের জন্ত কি হয় যে, তোমরা পৃথিবীর দিকে ঝুঁকিয়া পড় ; তোমরা কি পরলোক অপেক্ষা পার্থিব জীবনকে মনোনীত করিয়াছ ? পরন্তু পরলোকের সম্বন্ধে পার্থিব জীবন ক্ষুদ্র বিষয় ব্যতীত নহে। ৩৮। যদি বাহির না হও, তবে ( ঈশ্বর ) দুঃখজনক শাস্তিতে তোমাদিগকে শাস্তিদান করিবেন, এবং তোমরা ব্যতীত ( অপর ) এক জাতিকে তিনি বিনিময়রূপে গ্রহণ করিবেন, এবং তাঁহাকে ( ঈশ্বরকে ) তোমরা কিছুই ক্রেশ দান করিবে না ; ঈশ্বর সর্বোপরি ক্ষমতাশালী। ৩৯। যদি তোমরা তাহাকে ( প্রেরিতপুরুষকে ) সাহায্য দান না কর, তবে নিশ্চয় ( জানিও, ) যখন কাফেরগণ তাহাকে দুইয়ের দ্বিতীয় রূপে বাহির করিয়াছিল, তখন ঈশ্বর তাহাকে সাহায্য দান করিয়াছেন ; যখন তাহারা উভয়ে গর্ভমধ্যে ছিল, যখন সে আপন সঙ্গীকে বলিতেছিল যে, নিশ্চয় ঈশ্বর আমাদের সঙ্গে আছেন, তখন ঈশ্বর তাহার প্রতি আপনার সাহায্য প্রেরণ করিয়াছিলেন, এবং সৈন্যদ্বারা তাহার সহায়তা করিয়াছিলেন, তাহা তোমরা দর্শন কর নাই, এবং তিনি কাফেরগণের অসত্য বাক্যকে নীচ করিয়াছিলেন ; ঈশ্বরের সেই বাক্য উচ্চ, ঈশ্বর পরাক্রান্ত ও নিপুণ ‡। ৪০। লঘু ও গুরু ভাররূপে তোমরা সকলে বাহির

\* এব্রাহিমের ধর্মে জিকাদা, জিলহজ্জা, মহরম, রজব, এই চারি মাসে যুদ্ধাদি করা অবৈধ ছিল ; এই কালে আরব দেশের সর্বত্র শান্তি থাকিত, দূর দেশস্থ ও নিকটবর্তী লোকেরা আসিয়া হজ্জ ও ওমরা করিত। এক্ষণ অধিকাংশ পণ্ডিতের নিকট এই বিধি সম্যক্ মাশূ নয়। এই আয়তদ্বারা এই অর্থ প্রকাশ পায় যে, কাফেরদিগের সঙ্গে সংগ্রাম করা সর্বক্ষণ কর্তব্য, এবং পরস্পর অত্যাচার করা সর্বথা অপরাধ, বিশেষতঃ এই কয়েক মাসে অধিক অপরাধ। কিন্তু যদি কোন কাফের এই সকল মাসের সম্মানের জন্ত যুদ্ধে প্রবৃত্ত না হয়, তবে তাহাদের সঙ্গে আমাদের প্রথমে প্রবৃত্ত হওয়া বৈধ নহে। ( ত, ফা, )

† কাফেরগণ এই এক ভ্রান্তমত প্রকাশ করিয়াছিল যে, পরস্পর যুদ্ধকালে অবৈধ মাস উপস্থিত হইলে তাহারা তাহা উপেক্ষা করিয়া বলিত যে, এ বৎসর সফর মাস প্রথমে আগত, মহরম পরে আসিবে, এই কৌশল করিয়া তাহারা মহরম মাসে যুদ্ধ করিত। তৎপ্রতি ঈশ্বরের এই উক্তি। ( ত, ফা, )

‡ হজরত যখন মদিনাপ্রস্থানকালে পথে গারেশুর নামক গর্ভে লুকাইয়া ছিলেন, তখন আবুবেকর তাহার সঙ্গী ছিলেন। অস্ত্র অশুবর্তীদিগের কেহ কেহ চলিয়া গিয়াছিলেন, কেহ কেহ পরে

হও \* ও আপন ধন ও আপন জীবনযোগে ঈশ্বরের উদ্দেশে সংগ্রাম করি যদি তোমরা জ্ঞান রাখ, তবে ইহাই তোমাদের জ্ঞান কল্যাণ। ৪১। যদি নিকট সম্পত্তি † ও বিদেশযাত্রা মধ্যম প্রকার হইত, তবে অবশ্য তাহারা তোমার অনুসরণ করিত, কিন্তু দীর্ঘপথ তাহাদের নিকটে দূর বোধ হইল; সত্বর তাহারা ঈশ্বরযোগে শপথ করিয়া বলিবে যে, যদি আমাদের সাধ্য থাকিত, আমরা তোমাদের সঙ্গে অবশ্য বাহির হইতাম; তাহারা আপন জীবনকে বিনাশ করে, ঈশ্বর জানেন যে, অবশ্য তাহারা মিথ্যাবাদী। ৪২। ( র, ৬, আ, ৫ )

ঈশ্বর তোমাকে, ( হে মোহাম্মদ, ) ক্ষমা করুন; যাহারা সত্যবাদী, যে পর্য্যন্ত না তাহারা তোমার জ্ঞান প্রকাশিত হয় ও তুমি মিথ্যাবাদীদিগকে জ্ঞাত হও, সে পর্য্যন্ত কেন তাহাদিগকে অনুমতি দান করিলে ‡ ? ৪৩। যাহারা ঈশ্বরে ও অন্তিম দিবসে বিশ্বাস করে, তাহারা আপন সম্পত্তি ও আপন জীবনযোগে সংগ্রাম করিয়া থাকে, তাহারা ( পশ্চাত্তী হইবার জ্ঞান ) তোমার নিকটে অনুমতি প্রার্থনা করে না; ঈশ্বর ধর্মভীরুদিগকে জ্ঞাত আছেন। ৪৪। যাহারা ঈশ্বরের প্রতি ও অন্তিম দিবসের প্রতি বিশ্বাস রাখে না, তাহারা তোমার নিকটে অনুমতি প্রার্থনা করে, এতদ্বিন্ন নহে; এবং তাহাদের অন্তঃকরণ সন্দেহপ্রবণ, পরে তাহারা স্বীয় সন্দেহের মধ্যে ঘূর্ণায়মান হয়। ৪৫। এবং যদি তাহারা বাহির হওয়ার ইচ্ছা করিত, তবে তাহার আয়োজনের উদ্যোগ করিত, কিন্তু ঈশ্বর তাহাদিগের সমুখানকে মনোনীত করেন নাই; অতএব তাহাদিগকে নিবৃত্ত রাখিয়াছেন, এবং বলা হইয়াছে যে, উপবিষ্ট লোকদিগের সঙ্গে বসিয়া যাও। ৪৬। যদি তাহারা তোমাদিগের সঙ্গে বাহির হইত, উপদ্রব করা ভিন্ন তোমাদের ( কিছুই ) বৃদ্ধি করিত না, এবং তোমাদিগের ভিতরে তোমাদের প্রতি উপদ্রব অন্বেষণ করিয়া অশু চালাইত; এবং তোমাদের মধ্যে তাহাদের জ্ঞান গুপ্তচর সকল আছে, এবং ঈশ্বর অত্যাচারীদিগকে জ্ঞাত। ৪৭। সত্য সত্যই পূর্ক হইতে তাহারা উৎপাত অন্বেষণ করিয়াছে ও যে পর্য্যন্ত না সত্য উপস্থিত হইয়াছে, এবং ঈশ্বরের আজ্ঞা প্রতিভাত হইয়াছে, তাহারা কার্য সকল তোমার জ্ঞান বিপর্য্যস্ত করিয়াছে, এবং তাহারা বীতরাগ

যাইয়া মদিনায় উপস্থিত হন। "সৈন্ত দ্বারা তাহার সহায়তা করিয়াছিলেন" অর্থাৎ ঈশ্বর দেবসৈন্ত গর্ভে প্রেরণ করিয়া হজরতকে রক্ষণাবেক্ষণ করিয়াছিলেন। ( ত, হো, )

\* "লঘু ও গুরু ভাররূপে তোমরা সকলে বাহির হও" ইহার অর্থ, আরোহী ও পদাতিকভাবে কিংবা স্তম্ভ ও অস্তম্ভ অথবা বৃদ্ধ ও যুবক বা ধনী ও দরিদ্ররূপে বাহির হও, অথবা সংসারাসক্ত ও সংসারবিরাগীরূপে বাহির হও। ( ত, হো, )

- "যদি নিকট সম্পত্তি হইত" ইহার অর্থ এই যে, যে বিষয়ে তুমি আহ্বান করিয়া থাক, তাহা যদি নিকটের সম্পত্তি, পার্শ্বিক সম্পত্তি হইত। ( ত, হো, )

‡ "কেন তাহাদিগকে অনুমতি দান করিলে" অর্থাৎ মিথ্যাবাদীদিগকে নিবৃত্ত থাকিতে কেন অনুমতি দান করিলে? তাহাদের ছলনাপূর্ণ আপত্তি কেন শ্রবণ করিলে? ( ত, হো, )



ছিল ৪৮। এবং তাহাদের মধ্যে কেহ বলিতেছে যে, আমাকে অনুমতি দান কর ও বিপাকে ফেলিও না; জানিও, বিপাকে তাহারা পতিত আছে, এবং নিশ্চয় ধর্মদ্রোহি-গণকে নরক ঘেরিয়া আছে \*। ৪৯। যদি কল্যাণ তোমাকে প্রাপ্ত হয়, তবে তাহাদিগকে অস্বখী করে, এবং যদি বিপদ তোমাকে প্রাপ্ত হয়, তবে তাহারা বলে, “নিশ্চয় পূর্বে হইতে আমরা নিজের কার্য গ্রহণ করিয়াছি;” এবং তাহারা আনন্দে ফিরিয়া যায়। ৫০। তুমি বলিও, ঈশ্বর যাহা আমাদিগের জন্ত লিপি করিয়াছেন, কখনও তাহা ভিন্ন আমাদের নিকটে উপস্থিত হয় না, তিনি আমাদের প্রভু; অতএব বিশ্বাসিগণ যেন ঈশ্বরের প্রতি নির্ভর করে। ৫১। তুমি বলিও, তোমরা দুইটি কল্যাণের একটি ব্যতীত আমাদের সম্বন্ধে প্রতীক্ষা করিতেছ না, † এবং আমরা তোমাদের সম্বন্ধে প্রতীক্ষা করিতেছি যে, ঈশ্বর আপনার নিকট হইতে অথবা আমাদের হস্তদ্বারা শান্তি তোমাদের প্রতি প্রেরণ করিবেন; অপিচ তোমরা প্রতীক্ষা করিতে থাক, নিশ্চয় আমরাও তোমা-দিগের সঙ্গে প্রতীক্ষাকারী। ৫২। তুমি বলিও, ( হে কপটগণ, ) তোমরা ইচ্ছায় বা অনিচ্ছায় দান করিতে থাক, তিনি তোমাদিগ হইতে তাহা কখনও গ্রহণ করিবেন না; নিশ্চয় তোমরা দুর্কৃত্ত দল হও। ৫৩। তাহাদিগ হইতে তাহাদিগের দান গ্রহণ করিতে তাহাদিগকে ইহা ভিন্ন নিবারণ করে নাই, যেহেতু তাহারা ঈশ্বরের প্রতি ও তাঁহার প্রেরিত-পুরুষের প্রতি বিদ্রোহিতা করিয়াছে ও তাহারা শৈথিল্য করা ভিন্ন নমাজে উপস্থিত হয় না, এবং তাহারা অনিচ্ছায় ভিন্ন দান করে না। ৫৪। অনন্তর তাহাদের ধন ও তাহাদের সম্ভানগণ তোমাকে আশ্চর্যান্বিত করিবে না, তাহাদিগকে ইহাদ্বারা পার্থিব জীবনে শান্তি দান করেন, ঈশ্বর ইহা ব্যতীত ইচ্ছা করেন না; এবং তাহাদিগের প্রাণ বহির্গত হইবে ও তাহারা কাফের থাকিবে ‡। ৫৫। এবং তাহারা ঈশ্বরযোগে শপথ করিবে যে, নিশ্চয় তাহারা একান্ত তোমাদিগেরই হয়; কিন্তু তাহারা ( এমন ) একদল যে, ( যুদ্ধে ) ভয় পায়। ৫৬। যদি তাহারা কোন আশ্রয়স্থান অথবা কোন গর্ভ কিম্বা প্রবেশস্থান প্রাপ্ত হয়, তবে তাহার দিকে তাহারা অবশ্য প্রস্থান করিতে ধাবিত হয়। ৫৭। এবং তাহাদের মধ্যে কেহ আছে যে, তোমাকে দাতব্য-বণ্টনে দোষী করিতেছে; পরন্তু যদি তাহা হইতে দান কর, তবে তাহারা সন্তুষ্ট হয়, এবং যদি তাহা হইতে

\* কয়সের পুত্র সয়িদ একজন কপট লোক ছিল, সে ছলনা করিয়া হজরতকে বলিয়াছিল যে, রোমীয় নারীগণ পরমা সুলতানী, সে দেশে গেলে আমি বিপদে পড়িব, আমাকে বিদেশে না যাইতে হয় একরূপ অনুমতি দান করুন, আমি অর্থদ্বারা সাহায্য করিব। (ত, ফা,)

† দুইটি কল্যাণের একতর জয়লাভ করা, অণুতর ধর্মার্থ নিহত হওয়া। (ত, হো,)

‡ অর্থাৎ এই আশ্চর্য্য যে, অধাশ্বিককে কেন ঈশ্বর সম্পদ দান করিলেন। কিন্তু অধাশ্বিকের সম্বন্ধে ধনসম্পত্তি ও সম্ভান সন্ততি বিপৎস্বরূপ, তজ্জন্ত তাহাদের মন অস্থির থাকে। তাহার চিন্তা হইতে তাহারা মুক্ত হয় না, মৃত্যুকাল পর্যন্ত অনুতাপ করে না ও সংকর্ষ করে না। (ত, ফা,)

( তাহাদিগকে ) দান না কর, তাহারা অকস্মাৎ ক্রুদ্ধ হয় । ৫৮ । এবং ঈশ্বর ও তাঁহার প্রেরিত-পুরুষ তাহাদিগকে যাহা দান করিয়াছেন, যদি তাহারা তাহাতে সন্তুষ্ট হইত, এবং বলিত, পরমেশ্বরই আমাদের পক্ষে যথেষ্ট, পরমেশ্বর আপন গুণে ও তাঁহার প্রেরিত-পুরুষ অবশ্য আমাদের দান করিবেন ; নিশ্চয় আমরা ঈশ্বরের প্রতি অহুঁরাগী, ( তাহা হইলে ভাল ছিল ) । ৫৯ । ( র, ৭, আ, ১৭ )

সেদকা দরিদ্রদিগের জগ্ন ও নিরুপায়দিগের জগ্ন ও তৎসম্বন্ধে কর্মচারীদিগের জগ্ন ও যাহাদের অন্তরকে অনুরক্ত করা যাইতেছে তাহাদের জগ্ন এবং গ্রীবামুক্তিব্যয়ে ও ঋণগ্রস্তের প্রতি ও ঈশ্বরের পথে (ধর্মযুদ্ধে) এবং পথিকদিগের প্রতি, ইহা ব্যতীত নহে ; \* ঈশ্বরের নিকট হইতে বিধি হয়, এবং ঈশ্বর জ্ঞাতা ও নিপুণ । ৬০ । তাহাদিগের মধ্যে উহারা হয় যে, তত্ত্ববাহককে ক্রেশ দান করে, এবং বলে যে, তিনি শ্রোতা ; বল, শ্রোতা হওয়াতে তোমাদের জগ্ন কল্যাণ হয়, সে ঈশ্বরের প্রতি বিশ্বাস করে ও বিশ্বাসীদিগকে বিশ্বাস করে, এবং তোমাদের যাহারা বিশ্বাসী হইয়াছে, তাহাদের জগ্ন ( ইহা ) অহুঁগ্রহ ; যাহারা ঈশ্বরের প্রেরিত-পুরুষকে ক্রেশ দান করে, তাহাদের জগ্ন দুঃখকর শাস্তি আছে † । ৬১ । তাহারা তোমাদিগকে প্রসন্ন করিবার জগ্ন তোমাদের উদ্দেশ্যে ঈশ্বরের যোগে শপথ করে ; এবং যদি তাহারা বিশ্বাসী হয়, তবে তাহাদিগকে সন্তুষ্ট করা ঈশ্বর ও প্রেরিত-পুরুষের সম্যক্ কর্তব্য । ৬২ । তাহারা কি ইহা জ্ঞাত হয় নাই যে, যে ব্যক্তি ঈশ্বর ও তাঁহার প্রেরিত-পুরুষের বিরোধী হয়, পরে নিশ্চয় তাহার জগ্ন নরকাগ্নি আছে ; তথায় সে নিত্যবাসী হইবে, ইহাই মহাদুর্গতি । ৬৩ । কপট লোকেরা ভয় পায় যে, তাহাদের প্রতি বা এমন কোন সূরা অবতারণিত হয় যে, তাহাদের অন্তরে যাহা আছে, তাহার সংবাদ তাহাদিগকে দান করে ; বল, তোমরা উপহাস করিতে থাক, তোমরা যাহাতে ভয় পাইতেছ, নিশ্চয় ঈশ্বর তাহার প্রকাশক । ৬৪ । এবং যদি তুমি তাহাদিগকে প্রশ্ন কর, তাহারা অবশ্য বলিবে যে, আমরা উপহাস ও ক্রীড়া করি, ইহা ব্যতীত নহে ; তুমি বলিও, ঈশ্বরের প্রতি ও নিদর্শন সকলের প্রতি ও তাঁহার প্রেরিত-পুরুষের প্রতি তোমরা

\* ঈশ্বরোদ্দেশ্যে দরিদ্র প্রভৃতিকে দান করাকে “সেদকা” বলে । যাহার প্রাত্যহিক প্রয়োজনীয় বিষয় নির্বাহ হওয়ার অতিরিক্ত ধন নাই সে দরিদ্র, যাহার প্রয়োজনীয় সামগ্রীর অভাব সে নিরুপায়, যাহারা সেদকা সংগ্রহ করে তাহারা তৎসম্বন্ধে কর্মচারী, “যাহাদের অন্তরকে অনুরক্ত করা যাইতেছে” ইহার অর্থ, অর্থের প্রলোভনে যাহাদিগকে ইসলাম ধর্মে আকর্ষণ করা যাইতেছে, গ্রীবামুক্তি অর্থাৎ দাসত্ব-বন্ধন হইতে মুক্তি, ঈশ্বরের পথে ব্যয় করা, অর্থাৎ ধর্মযুদ্ধে ব্যয় করা । ( ত, ফা, )

† কপট লোকেরা হজরতকে বাস্তব করিয়া বলিয়াছিল যে, ইনি বড় কাণ কথা শুনে । এহলে “শ্রোতা” শব্দে সত্য অসত্য সকলপ্রকার বাক্যের শ্রবণকারী । হজরত গম্ভীরভাবে সকলের কথা শ্রবণ করিতেন, চঞ্চল না হইয়া শান্তভাবে সত্যাসত্য বিচার করিতেন । সেই নির্কোষেরা ভাবিত যে, তিনি কিছুই বুঝিতেছেন না, অবোধ । তাহাতে ঈশ্বর বলিলেন, এরূপ হওয়া তোমাদের সম্বন্ধে কল্যাণ । অশুভ তোমরা প্রথমেই ধরা পড়িতে । ( ত, ফা, )

উপহাস করিতেছ। ৬৫। তোমরা চলনা করিও না, নিশ্চয় তোমরা বিশ্বাসলাভের পর কাফের হইয়াছ; যদি আমি তোমাদের একদলকে ক্ষমা করি, একদলকে শাস্তি দিব, যেহেতু তাহারা অপরাধী হইয়াছে। ৬৬। ( র, ৮, আ, ৭ )

কপট পুরুষ ও কপট নারীগণ তাহারা এক অন্তের অন্তর্গত, তাহারা অবৈধ কার্যে ( লোকদিগকে ) আদেশ করে ও বৈধ কার্য হইতে নিবৃত্ত করিয়া থাকে, এবং স্বীয় হস্তকে ( দানে ) বদ্ধ রাখে; তাহারা ঈশ্বরকে বিশ্বাস হইয়াছে, অতএব তিনিও তাহাদিগকে বিশ্বাস হইয়াছেন, নিশ্চয় সেই কপটেরা ছবৃত্ত। ৬৭। ঈশ্বর কপট পুরুষ ও কপট নারীগণের এবং কাফেরদিগের সম্বন্ধে নরকাগ্নি অঙ্গীকার করিয়াছেন, তাহারা তথাকার চিরনিবাসী, ইহা তাহাদিগের জ্ঞাত যথেষ্ট; এবং ঈশ্বর তাহাদিগকে অভিসম্পাত করিয়াছেন, এবং তাহাদের জ্ঞাত নিত্য শাস্তি আছে। ৬৮। যেমন তোমাদের পূর্বে যাহারা ছিল, তাহারা শক্তিতে তোমাদিগ অপেক্ষা দৃঢ়তর ছিল ও ধন ও সম্মানবিষয়ে অধিকতর ছিল, পরে তাহারা আপন লভ্য দ্বারা ( সংসার দ্বারা ) ফলভোগী হইয়াছিল; অতএব যেমন তোমাদের পূর্ববর্তী লোকেরা স্বীয় লভ্য দ্বারা ফলভোগী হইয়াছে, তোমরাও স্বীয় লভ্য দ্বারা ফলভোগী হও। এবং তাহারা যেমন অযথা উক্তি করিয়াছে, তোমরাও সেইরূপ অযথা উক্তি করিয়াছ। ইহারাই, ইহাদের কার্য ইহলোকে ও পরলোকে বিনষ্ট হইয়াছে; ইহারাই যে, ইহারা ক্ষতিগ্রস্ত। ৬৯। তাহাদের পূর্বে মুহীম ও আদীয় ও সমুদীয় সম্প্রদায় যাহারা ছিল, তাহাদের এবং এব্রাহিমের সম্প্রদায়ের ও মদয়ন ও মূতফেকাতনিবাসীদিগের সংবাদ কি তাহাদের নিকটে উপস্থিত হয় নাই? তাহাদের নিকটে তাহাদের প্রেরিত-পুরুষ স্পষ্ট নিদর্শন সকল সহ উপস্থিত হইয়াছিল, পরন্তু ঈশ্বর ( এরূপ ) ছিলেন না যে, তাহাদিগের প্রতি অত্যাচার করেন; কিন্তু তাহারা স্বীয় জীবনের প্রতি অত্যাচার করিতেছিল। ৭০। এবং বিশ্বাসী পুরুষ ও বিশ্বাসিনী নারীগণ পরস্পর পরস্পরের বন্ধু, তাহারা বৈধ বিষয়ে আদেশ করে ও অবৈধ বিষয়ে নিষেধ করিয়া থাকে, এবং উপাসনাকে প্রতিষ্ঠিত রাখে, জব্বাত দান করে, অপিচ ঈশ্বর ও তাঁহার প্রেরিত-পুরুষের অন্তর্গত হয়; তাহারাই, সত্বর ঈশ্বর তাহাদিগকে কৃপা করিবেন, নিশ্চয় ঈশ্বর বিজয়ী ও নিপুণ। ৭১। বিশ্বাসী পুরুষ ও বিশ্বাসিনী নারীদিগের সম্বন্ধে ঈশ্বর স্বর্গোত্তান সকল অঙ্গীকার করিয়াছেন, তাহার নিম্ন দিয়া জলপ্রণালী প্রবাহিত হয়, তথায় তাহারা চিরনিবাসী হইবে; এবং নিত্য স্বর্গোত্তানে পবিত্র বাসস্থান সকল ও ঈশ্বরের মহা প্রসন্নতা সকল আছে, ইহাই সেই মহা চরিতার্থতা হয়। ৭২। ( র, ৯, আ, ৬ )

হে তত্ত্ববাহক, ধর্মদ্রোহী ও কপট লোকদিগের সম্বন্ধে সংগ্রাম করিও এবং তাহাদের প্রতি কঠিন ব্যবহার করিও; তাহাদের স্থান নরক, এবং ( উহা ) কুৎসিত স্থান। ৭৩। তাহারা ঈশ্বরের যোগে ( নামে ) শপথ করে যে, তাহা বলে নাই, এবং সত্য সত্যই

তাহারা ধর্মদ্রোহিতার বাক্য বলিয়াছে ও স্বীয় এন্সলাম ধর্মের পর কাফের হইয়াছে, এবং যাহা প্রাপ্ত হয় নাই, তৎপ্রতি উদ্বোধন করিয়াছে; \* ঈশ্বর ও তাঁহার প্রেরিত-পুরুষ আপন গুণে তাহাদিগকে যে সম্পৎশালী করিয়াছিলেন, তাহারা তাহা ভিন্ন অগ্রাহ্য করে নাই। অনন্তর যদি তাহারা প্রত্যাবর্তিত হয়, তবে তাহাদের জন্ত কল্যাণ হইবে, এবং যদি ( প্রত্যাবর্তন হইতে ) প্রতিনিবৃত্ত হয়, তবে ঈশ্বর ইহলোকে ও পরলোকে তাহাদিগকে দুঃখজনক দণ্ডে দণ্ডিত করিবেন, এবং পৃথিবীতে তাহাদের জন্ত কোন বন্ধু ও সহায় নাই। ৭৪। তাহাদিগের মধ্যে কেহ আছে যে, ঈশ্বরের সঙ্গে অঙ্গীকার করিয়াছে যে, “যদি তিনি স্বীয় রূপাংশে আমাদিগকে দান করেন, তবে অবশ্য আমরা সেদকা দিব, এবং অবশ্য সাধু হইব।” ৭৫। অনন্তর যখন তিনি তাহাদিগকে আপন গুণে দান করিলেন, তখন তাহারা তদ্বিষয়ে রূপণতা করিল ও ফিরিয়া গেল, এবং তাহারা অগ্রাহ্যকারী হয়। ৭৬। অনন্তর তাঁহার সঙ্গে যে দিবস তাহারা সাক্ষাৎ করিবে, সে পর্যন্ত তিনি তাহাদের অন্তরের ঈর্ষ্যাকে তাহাদের পরিণাম নিদর্শন করিলেন; তাহারা ঈশ্বরের সঙ্গে তাঁহার সম্বন্ধে যে অঙ্গীকার করিয়াছিল, তদ্বিষয়ে যে বিরুদ্ধাচরণ করিয়াছে এবং যে অসত্য বলিতেছিল, তজ্জন্ত ( ইহা হইল )। ৭৭। ঈশ্বর যে তাহাদের গুপ্ত বিষয় ও তাহাদের গুঢ় মন্ত্রণা জানিতেছেন, এবং ঈশ্বর যে গুপ্ত বিষয়ের জ্ঞাতা, তাহারা কি জানিতেছে না? ৭৮। সেদকাতে অনুরাগী এমন বিশ্বাসীদিগের ও যাহারা স্বীয় পরিশ্রম ব্যতীত ( কিছুই ) প্রাপ্ত হয় না, যাহারা তাহাদের দোষ ধরে, পরে তাহাদিগকে উপহাস করে, ঈশ্বরও তাহাদিগকে উপহাস করেন, এবং তাহাদের জন্ত দুঃখজনক শাস্তি আছে। ৭৯। তুমি তাহাদের জন্ত ক্ষমা প্রার্থনা কর বা তাহাদের জন্ত ক্ষমা প্রার্থনা না কর, যদি সত্তোর বারও তাহাদের নিমিত্ত ক্ষমা প্রার্থনা কর, তথাপি কখনও ঈশ্বর তাহাদিগকে ক্ষমা করিবেন না; ইহা এজন্ত যে, তাহারা ঈশ্বরের ও তাঁহার প্রেরিত-পুরুষের বিদ্রোহী হইয়াছে, ঈশ্বর দুর্লভদলকে পথ প্রদর্শন করেন না। ৮০। ( র, ১০, আ, ৮ )

পশ্চাতে পরিত্যক্ত লোকেরা ঈশ্বরপ্রেরিতের বিরুদ্ধে আপনাদের উপবেশনে সন্তুষ্ট হইল, এবং ঈশ্বরের উদ্দেশ্যে আপন সম্পত্তি ও আপন জীবনযোগে সংগ্রাম করিতে অসন্তুষ্ট হইল, এবং পরস্পর বলিল, “তোমরা উষ্ণতার মধ্যে বাহির হইও না;” তুমি বল, নরকাগ্নি অধিকতর উষ্ণ। যদি তাহারা বৃদ্ধিত, ( একরূপ করিত না )। ৮১। অতএব উচিত যে, তাহারা অল্প হাস্য করে ও অধিক ক্রন্দন করে; তাহারা যাহা করিতেছিল, তাহার বিনিময় আছে। ৮২। অনন্তর যদি ঈশ্বর তোমাকে, ( হে মোহাম্মদ, ) তাহাদের কোন দলের

\* অধিকাংশ কপটলোক অসাক্ষাতে হজরতের নিন্দা করিত, ধরা পড়িলে শপথ করিয়া তাহা অস্বীকার করিত। “তাহারা যাহা প্রাপ্ত হয় নাই, তৎপ্রতি উদ্বোধন করিয়াছে।” ইহার তাৎপর্য এই যে, সৈয়দগণের গৃহের সঙ্কীর্ণতা হইয়াছিল, কপট লোকেরা প্রশস্ত স্থান পাইবার জন্ত প্ররোচনা করিয়া মোহাম্মদের ও আনসারদিগের মধ্যে বিচ্ছেদ আনয়ন করিয়াছিল।



নিকটে পুনর্বার আনয়ন করেন, তবে বাহির হইবার জ্ঞতা তাহারা তোমার নিকটে অনুমতি প্রার্থনা করিবে ; তখন তুমি বলিও, তোমরা আমার সঙ্গে কখনও বহির্গত হইবে না, এবং আমার সম্ভিব্যাহারে কখনও কোন শত্রুর সঙ্গে যুদ্ধ করিবে না। নিশ্চয় তোমরা বসিয়া থাকিতে প্রথম বারে সম্মত হইয়াছ, অতএব পশ্চাদ্বর্তীদিগের সঙ্গে বসিয়া থাক। ৮৩। মরিলে তাহাদের কাহারও উপর, ( হে মোহম্মদ, ) তুমি কখনও নমাজ পড়িও না, এবং তাহাদের সমাধির উপরে দণ্ডায়মান হইও না ; নিশ্চয় তাহারা ঈশ্বর ও তাঁহার প্রেরিত-পুরুষের সম্বন্ধে বিরোধী হইয়াছে, এবং তাহারা দুর্কৃত্ত অবস্থায় প্রাণত্যাগ করিল। ৮৪। এবং তাহাদের সম্পত্তি ও তাহাদের সম্মানগণ তোমাকে বিস্মিত যেন না করে, ঈশ্বর ইচ্ছা করিয়া থাকেন যে, এতদ্বারা পৃথিবীতে তাহাদিগকে শাস্তি দান করেন, ইহা ব্যতীত নহে ; তাহাদের প্রাণ বহির্গত হইবে, অথচ তাহারা কাফের থাকিবে। ৮৫। এবং যখন ( এমন ) কোন সূরা অবতারণিত হয় যে, তোমরা ঈশ্বরের প্রতি বিশ্বাস স্থাপন কর ও তাঁহার প্রেরিতপুরুষের যোগে সংগ্রাম কর, তখন তাহাদের ধনবান্ লোকেরা তোমার নিকটে অনুমতি প্রার্থনা করে, এবং বলে, আমাদিগকে ছাড়িয়া দেও, যেন আমরা উপবিষ্ট লোকদিগের সঙ্গী হই। ৮৬। তাহারা পশ্চাদ্বর্তী নারীদিগের সঙ্গে থাকিতে সম্মত, এবং তাহাদের মনের উপর মোহর করা হইয়াছে ; \* পরন্তু তাহারা বুঝিতেছে না। ৮৭। কিন্তু প্রেরিত-পুরুষ এবং যাহারা তাহার সঙ্গে বিশ্বাস স্থাপন করিয়াছে, তাহারা আপন সম্পত্তি ও আপন জীবনযোগে সংগ্রাম করিয়াছে ; ইহারাই, ইহাদের জগুই কল্যাণ, এবং তাহারা ইহারাই, যে মুক্তি পাইবে। ৮৮। পরমেশ্বর তাহাদের জগু স্বর্গোদ্যান প্রস্তুত রাখিয়াছেন, যাহার নিম্নদিয়া জলপ্রণালী সকল প্রবাহিত, তাহাতে তাহারা সর্বদা থাকিবে ; ইহাই মহাকৃত্তার্থতা। ৮৯। ( র, ১১, আ, ২ )

এবং ক্রটি-স্বীকারকারী আরাবী লোকেরা, তাহাদের নিমিত্ত অনুমতি দেওয়া হয়, এজগু আসিয়াছে ; † এবং যাহারা ঈশ্বর ও তাঁহার প্রেরিত-পুরুষের প্রতি অসত্যারোপ করিয়াছে, তাহারা বসিয়া আছে। তাহাদের মধ্যে যাহারা ধর্মদ্রোহী হইয়াছে, অবশু তাহাদের প্রতি দুঃখকর শাস্তি উপস্থিত হইবে। ৯০। যদি ঈশ্বরের জগু ও তাঁহার প্রেরিত-পুরুষের জগু শুভাকাজ্জা করিয়া থাকে, তবে অশক্ত লোকদিগের প্রতি ও রোগীদিগের প্রতি এবং যাহারা যাহা কিছু ব্যয় করিবে, তাহা প্রাপ্ত হয় নাই, তাহাদের প্রতি কোন সঙ্কট নাই ; এবং হিতকারী লোকদিগের প্রতি কোন ( আক্রোশের ) পথ নাই। ঈশ্বর ক্রমাশীল ও দয়ালু। ৯১। + এবং তুমি বাহন দিবে বলিয়া যখন তাহারা তোমার

\* সিলমোহর করিয়া বস্তু সকলকে বন্ধ করা হয় ; মনের উপর মোহর করার অর্থ, মনে জ্ঞানালোক-প্রবেশের পথ বন্ধ করা।

+ “আরাব” বা “আরাবী” আরবের অরণ্যানিবাসী উক্ত লোক।



নিকটে উপস্থিত হয়, তুমি বল, যাহার উপরে তোমাদিগকে আরোহণ করাইব, তাহা প্রাপ্ত হই নাই ; ( তাহাতে ) তাহারা ফিরিয়া যায়, এবং এই দুঃখহেতু তাহাদের চক্ষু অশ্রুপ্লাবিত হয় যে, কিছুই ( তাহাদের ) হস্তগত নাই যে ব্যয় করে ; তাহাদের প্রতি ( আক্রোশের পথ ) নাই । ২২ । যাহারা তোমার নিকটে ( নিবৃত্ত থাকিবার ) অহুমতি প্রার্থনা করে, এবং যাহারা ধনবান্, পশ্চাতে স্থিত নারীদিগের সঙ্গে বাস করিতে সম্মত, তাহাদের প্রতি ( আক্রোশের ) পথ ; এবং ঈশ্বর তাহাদের মনের উপর মোহর করিয়াছেন, অতএব তাহারা বুঝিতেছে না । ২৩ । যখন তোমরা তাহাদের নিকটে ( যুদ্ধক্ষেত্র হইতে ) ফিরিয়া আসিবে, তখন তাহারা তোমাদের নিকটে ছলান্বেষণ করিবে ; তুমি বলিও, ছলান্বেষণ করিও না, তোমাদিগকে আমরা বিশ্বাস করি না, নিশ্চয় ঈশ্বর তোমাদের কোন কোন সংবাদ আমাদিগকে জানাইয়াছেন । এক্ষণ ঈশ্বর ও তাঁহার প্রেরিত-পুরুষ তোমাদের কার্য দেখিবেন ; অতঃপর তোমরা অন্তর্বিজ্ঞাতার নিকটে ফিরিয়া যাইবে । পরে তিনি, তোমরা যাহা করিতেছিলে, তাহার সংবাদ দিবেন । ২৪ । যখন তাহাদের নিকটে তোমরা উপস্থিত হইবে, তাহারা ঈশ্বরযোগে তোমাদের জন্ত শপথ করিবে, যেন তোমরা তাহাদিগ হইতে ফিরিয়া যাও ; অতএব তোমরা তাহাদিগ হইতে মুখ ফিরাও, নিশ্চয় তাহারা অপবিত্র এবং তাহাদের স্থান নরকলোক । তাহারা যাহা করিতেছে, তাহার প্রতিশোধ আছে । ২৫ । তাহারা তোমাদের জন্ত শপথ করিবে, যেন তোমরা তাহাদের প্রতি সন্তুষ্ট হও ; পরন্তু যদি তোমরা তাহাদের প্রতি সন্তুষ্ট থাক, তবে নিশ্চয় ঈশ্বর পাষাণদলের প্রতি অসন্তুষ্ট থাকিবেন । ২৬ । আরাবী লোকেরা অত্যন্ত ধর্মবিদ্রোহী ও কপট ; ঈশ্বর আপন প্রেরিত-পুরুষের প্রতি যাহা অবতারণ করিয়াছেন, তাহার সীমা সকল ( বিধি সকল ) তাহাদের না জানাই সমুচিত ; এবং ঈশ্বর জ্ঞাতা ও নিপুণ । ২৭ । আরাবীদিগের এমন কেহ আছে যে, সে যাহা ব্যয় ( দান ) করে, তাহা দণ্ড মনে করিয়া থাকে, এবং তোমাদের সম্বন্ধে কালচক্র ( বিপৎ ) প্রতীক্ষা করে ; তাহাদের সম্বন্ধেই অশুভ কালচক্র, ঈশ্বর শ্রোতা ও জ্ঞাতা । ২৮ । এবং আরাবীদিগের এমন কেহ আছে যে, ঈশ্বরে ও অস্তিম দিবসে বিশ্বাসী হইয়াছে এবং যাহা ব্যয় করে, তাহাকে পরমেশ্বরের সান্নিধ্য ও প্রেরিত-পুরুষের শুভাশীর্ষাদের ( কারণ ) মনে করে ; জানিও, তাহাদের জন্ত উহা সান্নিধ্য বটে, অবশ্য পরমেশ্বর তাহাদিগকে স্বীয় দয়ার মধ্যে প্রবেশ করাইবেন, নিশ্চয় ঈশ্বর ক্ষমাশীল ও দয়ালু । ২৯ । ( র, ১২, আ, ১০ )

এবং পূর্ববর্তী প্রথম মোহাজের ও আনসারগণ এবং যাহারা সংকার্ষ্যে তাহাদের অনুসরণ করিয়াছে, \* ঈশ্বর তাহাদের প্রতি প্রসন্ন এবং তাহারাও তাঁহার প্রতি সন্তুষ্ট ; তিনি তাহাদের নিমিত্ত স্বর্গোত্থান সকল প্রস্তুত করিয়াছেন, যাহার নিম্নে জলপ্রণালী

\* বদরের যুদ্ধ পর্যন্ত যাহারা মোসলমান হইয়াছিল, তাহারা পূর্বতন, অবশিষ্ট লোকেরা তাহাদের অনুবর্তী ।

সকল প্রবাহিত, তথায় তাহারা নিত্যস্থায়ী হইবে, ইহাই মহা কৃতার্থতা। ১০০। এবং যাহারা তোমাদের প্রতিবেশী, তাহাদের মধ্যে কপট আরাবী আছে, এবং মদিনানিবাসীও আছে, যে কপটতাতে সংলিপ্ত; তুমি তাহাদিগকে জান না, আমি তাহাদিগকে জ্ঞাত আছি, সত্বর আমি তাহাদিগকে দুইবার শাস্তি দান করিব, তৎপর তাহারা মহাশাস্তির দিকে প্রত্যাবর্তিত হইবে \*। ১০১। অপর লোক আছে যে, স্বীয় অপরাধ স্বীকার করিয়াছে, তাহারা ভাল কর্ম ও অশু মন্দকে পরস্পর মিশ্রিত করিয়াছে; ঈশ্বর তাহাদের প্রতি প্রত্যাবর্তন করিতে সম্মত, নিশ্চয় ঈশ্বর ক্ষমাশীল ও দয়ালু। ১০২। তাহাদের সম্পত্তি হইতে তুমি দাতব্য গ্রহণ কর, তাহাতে তদ্বারা তুমি তাহাদিগকে ( বাহে ) পবিত্র করিবে ও (অস্তুরে) তাহাদিগকে শুদ্ধ করিবে; † এবং তাহাদের প্রতি শুভ প্রার্থনা কর, নিশ্চয় তোমার শুভ প্রার্থনা তাহাদের জন্ত শাস্তির ( কারণ। ) ঈশ্বর শ্রোতা ও জ্ঞাত। ১০৩। তাহারা কি জানে না যে, ঈশ্বর সেই, যিনি স্বীয় দাসদিগের প্রত্যাবর্তন গ্রাহ্য করিবার থাকেন ও সেদকা সকল গ্রহণ করেন; এবং পরমেশ্বর সেই, যিনি প্রত্যাবর্তনকারী ও দয়ালু। ১০৪। তুমি বল, তোমরা অনুষ্ঠান কর, পরে ঈশ্বর ও তাঁহার প্রেরিতপুরুষ এবং বিশ্বাসিগণ তোমাদের অনুষ্ঠান সকল অবশ্য দেখিবেন; এবং অবশ্য তোমরা অন্তর্বিহিঞ্জাতার দিকে ফিরিয়া আসিবে। পরে যাহা করিতেছিলে, তিনি তোমাদিগকে তাহা জ্ঞাপন করিবেন। ১০৫। অশু লোকেরা ঈশ্বরের আজ্ঞার নিমিত্ত অবকাশ পাইবে; ‡ হয় তাহাদিগকে তিনি শাস্তি দান করিবেন, কিম্বা তাহাদিগের প্রতি প্রত্যাবর্তিত হইবেন। এবং ঈশ্বর জ্ঞাতা ও নিপুণ। ১০৬। এবং যাহারা প্রপীড়ন ও ধর্মবিদ্রোহাচরণ এবং বিশ্বাসীদিগের মধ্যে বিচ্ছেদ আনয়ন নিমিত্ত, অপিত যাহারা পূর্বে ঈশ্বর ও তাঁহার প্রেরিতপুরুষের সঙ্গে যুদ্ধ করিয়াছে, তাহাদের গুপ্ত আক্রমণস্থানের জন্ত মস্জিদ নির্মাণ করিয়াছে, তাহারা অবশ্য শপথ করিবে যে, আমরা কল্যাণ ব্যতীত আকাজক্ষা করি নাই; এবং ঈশ্বর সাক্ষ্যদান করিতেছেন যে, নিশ্চয় তাহারা মিথ্যাবাদী §।

\* অর্থাৎ পৃথিবীতে ক্রেশের পর ক্রেশ পাইবে, পুনর্বার পরলোকে শাস্তি প্রাপ্ত হইবে। (ত, ফা,)

† অর্থাৎ যেমন কাহারও কাহারও প্রতি আক্রোশ হইয়াছিল যে, চিরকালের জন্ত তাহাদের দাতব্য গৃহীত হইবে না, ইহাদের প্রতি তাহা হয় নাই। (ত, ফা,)

‡ যে কয়েক শ্রেণীর কপটের কথা পূর্বে উক্ত হইয়াছে, তাহাদের মধ্যে যাহারা পাপ স্বীকার করিত, তাহাদিগের কাহাকে কাহাকে শিক্ষা দিবার জন্ত পঞ্চাশ দিন অবকাশ দেওয়া হইত। এই সময়ে হজরত ও অপর মোসলমানেরা তাহাদের সঙ্গে কথোপকথন করিতেন না, তাহাদের ভাষ্যাগণ স্বতন্ত্র থাকিত, বিশেষ আত্মগ্নানি হইলে তাহাদের জন্ত ক্ষমা হইত। (ত, ফা,)

§ হজরত মক্কা হইতে প্রস্থান করিয়া মদিনা নগরের প্রান্তবর্তী কবানামক স্থানে প্রথম উপস্থিত হন। চতুর্দশ দিবস তথায় বাস করেন, সেই সময়ে কবা মস্জিদের ভিত্তি স্থাপিত হইয়াছিল। হজরতের উপাসনার জন্ত মদিনা প্রদেশে এই প্রথম ধর্মমন্দির নির্মিত হয়। তিনি সপ্তাহে একদিন সেই মন্দিরে বাইয়া সদলে উপাসনা করিতেন। তখন উক্ত পল্লীস্থ কোন কোন কপট লোক ইচ্ছুক হয় যে,

১০৭। তুমি কখনও, (হে মোহাম্মদ,) তন্মধ্যে দণ্ডায়মান হইও না; প্রথম দিবসে ধর্মভাবে যে মন্দির নির্মিত হইয়াছে, অবশ্য তাহাই উপযুক্ত যে, তাহার মধ্যে তুমি দণ্ডায়মান হও। তত্রস্থিত পুরুষগণ নির্মল হইতে ভালবাসে, এবং ঈশ্বর নির্মল লোকদিগকে প্রেম করেন।

১০৮। পুনশ্চ যে ব্যক্তি ঈশ্বরভয় ও (তাঁহার) প্রসন্নতার উপরে স্বীয় অট্টালিকার ভিত্তি স্থাপন করিল, সে উত্তম, না যে ব্যক্তি নরকাগ্নিতে পতনোন্মুখ নদীভগ্ন তীরভূমিতে স্বীয় অট্টালিকার ভিত্তি স্থাপন করিল, সে? ঈশ্বর অত্যাচারী দলকে পথ প্রদর্শন করেন না।

১০৯। তাহাদের সেই অট্টালিকা, যাহা সন্দেহরূপে আপনাদের অন্তরে তাহারা নির্মাণ করিয়াছে, তাহাদের অন্তঃকরণ খণ্ড খণ্ড না হওয়া পর্য্যন্ত উহা সর্বদা থাকিবে; ঈশ্বর জ্ঞাতা ও নিপুণ \*। ১১০। (র, ১৩, আ, ১১)

নিশ্চয় ঈশ্বর বিশ্বাসিগণ হইতে তাহাদের জীবন ও তাহাদের সম্পত্তি ক্রয় করিয়াছেন, কেন না তাহাদের জন্ম স্বর্গলোক হয়, তাহারা ঈশ্বরের উদ্দেশ্যে সংগ্রাম করে; অতএব তাহারা হত্যা করিবে ও নিহত হইবে, তওরাতে ও ইঞ্জিলে এবং কোরু-আনে তাহাদের সম্বন্ধে সত্য অঙ্গীকার আছে। এবং কোন্ ব্যক্তি ঈশ্বর অপেক্ষা স্বীয় অঙ্গীকার অধিক পূর্ণকারী? অনস্তর তাঁহার প্রতি তোমরা যাহা বিক্রয় করিয়াছ, আপনাদের সেই বিক্রয়ে সন্তুষ্ট থাক, এবং ইহাই সেই মহাচরিতার্থতা। ১১১। ইহারা প্রত্যাবর্তনকারী (পাপ হইতে নিবৃত্ত ব্যক্তি) তাপস, স্তাবক, (ধর্মপথে) পর্য্যটক, রকুকারক, নমস্কারকারক, বৈধ-কার্যের অনুজ্ঞাদাতা, অবৈধ কার্যের নিষেধকারী এবং ঐশ্বরিক বিধি সকলের রক্ষক হয়; এবং তুমি বিশ্বাসীদিগকে (এই) সুসংবাদ দান কর। ১১২। তাহারা (অংশিবাদিগণ) নরকলোকনিবাসী, (ইহা) তাহাদের (বিশ্বাসীদের) জন্ম প্রকাশিত হওয়ার পর, যত্বপি স্বগণও হয়, তথাপি অংশিবাদীদের নিমিত্ত ক্ষমা প্রার্থনা করা তত্ত্ববাহক ও বিশ্বাসীদিগের পক্ষে কর্তব্য নয়। ১১৩। এবং স্বীয় পিতার জন্ম তাহার সঙ্গে যে অঙ্গীকার করা হইয়াছিল, সেই অঙ্গীকারের কারণ ব্যতীত এত্রাহিমের ক্ষমা প্রার্থনা ছিল না; পরে

তাহার পার্শ্বে অল্প মস্জিদ নির্মাণ ও হজরতের মণ্ডলীর বিরুদ্ধে এক মণ্ডলী প্রতিষ্ঠিত করে। আবু আমের নামক একজন পৌত্তলিক পুরোহিত, যে পূর্বে এসলাম ধর্মের বিরুদ্ধে দণ্ডায়মান হইয়াছিল, তাহাকে সেই সকল কপট লোকের মণ্ডলীর দলপতি ও সেই মস্জিদের এমাম নিযুক্ত করিতে কৃতসঙ্কল্প হয়। উক্ত মস্জিদ নির্মাণ হইলে পর হজরত ইচ্ছা প্রকাশ করিলেন যে, একদিন সেই মন্দিরে উপাসনা করিয়া মণ্ডলী স্থির করেন, তিনি কপটদিগের প্রতারণা বুঝিতে পারেন নাই। তাহারা বলিল, তবুকের সংগ্রাম হইতে ফিরিয়া আসিয়া আমরা সেখানে নমাজ পড়িব ও পরে নগরে প্রবেশ করিব। পরমেশ্বর পূর্বেই তাহাদের প্রতারণার সংবাদ দিলেন, এবং কবা মস্জিদসংক্রান্ত মণ্ডলীর প্রশংসা করিলেন। সকলে যেন সাবধান হয় যে, অনেকের বাহিরে তপস্শা ও ধার্মিকতা এবং অন্তরে ঘোর সাংসারিকতা ও নিকৃষ্ট ভাব। (ত, কা,)

\* অর্থাৎ এই দুর্কর্মের ফল এই হইল যে, সর্বদা তাহাদের মনে কপটতা থাকিবে। এ স্থলে “সন্দেহ” শব্দে কপটতা। (ত, কা,)

যখন তাহার প্রতি প্রকাশিত হইল যে, সে ঈশ্বরের শত্রু, তখন সে তাহা হইতে পরাজুখ হইল। নিশ্চয় এব্রাহিম সহিষ্ণু ও দুঃখিত ছিল \*। ১১৪। এবং ঈশ্বর এরূপ নহেন যে, কোন জাতিকে তাহার প্রতি পথ প্রদর্শন করার পর পথভ্রান্ত করেন; এত দূর যে, যাহা হইতে নিবৃত্ত হইতে হইবে, তাহাদের জন্ত তিনি তাহা ব্যক্ত করিয়া থাকেন। নিশ্চয় ঈশ্বর সর্ববিষয়ে জ্ঞানী। ১১৫। নিশ্চয় পরমেশ্বরের জন্তই স্বর্গ ও পৃথিবীর রাজ্য, তিনি প্রাণদান ও প্রাণহরণ করেন, এবং ঈশ্বর ব্যতীত তোমাদের নিমিত্ত কোন বন্ধু ও সহায় নাই। ১১৬। সত্য সত্যই ঈশ্বর তত্ত্ববাহকের প্রতি এবং মোহাজের ও আনসারদিগের মধ্যে যাহারা সঙ্কটের সময়ে তাহাদের একদলের অন্তর স্থলিত হওয়ার উপক্রমের পর তাহার অনুসরণ করিয়াছে, তাহাদের প্রতি প্রত্যাগত, পুনর্বার তাহাদের প্রতি প্রত্যাগত; নিশ্চয় তিনি তাহাদের সম্বন্ধে অনুগ্রহকারী ও দয়ালু। ১১৭। + এবং যাহারা (যুদ্ধ) হইতে পশ্চাদ্বর্তী হইয়াছিল, যখন বিস্তৃতিসঙ্গে পৃথিবী তাহাদের প্রতি সঙ্কীর্ণ পর্য্যন্ত হইল, এবং তাহাদের প্রতি তাহাদের জীবন সঙ্কীর্ণ হইল ও সেই তিন ব্যক্তি মনে করিল যে, ঈশ্বর হইতে তাহার প্রতি (গমন) ব্যতীত অণু আশ্রয় নাই; তখন তিনি তাহাদের প্রতি ফিরিয়া আসিলেন, যেন তাহারা ফিরিয়া আইসে। নিশ্চয় ঈশ্বর প্রত্যাবর্তনকারী দয়ালু। ১১৮। (র, ১৪, আ, ৮)

হে বিশ্বাসিগণ, ঈশ্বরকে ভয় করিও, এবং সত্যবাদীদিগের সঙ্গে থাকিও। ১১৯। মদিনানিবাসীদিগের ও তাহাদের প্রতিবেশী আরাবীদিগের জন্ত (উচিত) ছিল না যে, ঈশ্বরের প্রেরিত-পুরুষ হইতে পশ্চাদ্গমন করে ও তাহার জীবন অপেক্ষা আপন জীবনের প্রতি অধিক অনুরাগী হয়; ইহা এজ্ঞ হইয়াছে যে, ঈশ্বরের পথে তৃষ্ণা এবং ক্লেশ ও ক্ষুধা যেন তাহাদিগকে প্রাপ্ত না হয়, অপিচ সেই স্থানে যাইতে না হয়, যথায় কাফেরদিগকে

\* কোর-আনে যে উল্লিখিত হইয়াছে, মহাপুরুষ এব্রাহিম স্বীয় পিতার নিমিত্ত ক্ষমা চাহিয়াছিলেন; তাহাতেই হজরতের মনে ইহা উদয় হইয়া থাকিবে, এবং মোসলমানেরাও ইচ্ছুক ছিল যে, স্বজন অংশিবাদীদিগের সম্বন্ধে প্রার্থনা করে; কিন্তু তাহা নিষিদ্ধ হইল। ইহাতে বুঝা যাইতেছে যে, অংশিদ্ধ ক্ষমার যোগ্য নহে। (ত, কা,)

+ মোহাজের ও আনসারদিগকে মনের উদ্বিগ্ন হইতে রক্ষা করা হইল, এজ্ঞ দৃঢ়তার নিমিত্ত দুই বার বলা হইল, “প্রত্যাগত” “পুনঃ প্রত্যাগত।” (ত, ফ,)

‡ তবুকের যুদ্ধে ঘোর সঙ্কট হইয়াছিল, সমরক্ষেত্রের প্রত্যেক দশ জন মোসলমান সেনার মধ্যে একটিমাত্র উষ্ট্র ছিল, প্রত্যেক দুইজনে একটিমাত্র পোরমাকল ভক্ষণে দিন যাপন করিয়াছিল। জলের অভাব ছিল, বায়ু অত্যন্ত উত্তপ্ত হইয়াছিল। সৈন্যগণ উষ্ট্র ছেদন করিয়া তাহার উদরের জলাধার হইতে জল গ্রহণ করিয়া অধরোষ্ঠ সিক্ত করিত।

এস্থলে এই তিন জনের নাম কাব ও হেলাল এবং মেরারা, ইহারা ধর্ম্মযুদ্ধে গমনে নিবৃত্ত হইয়াছিল। হজরত মোহম্মদ তাহাদের সম্বন্ধে এই আদেশ করিয়াছিলেন যে, কেহ তাহাদের সঙ্গে সম্পর্ক রাখিবে না ও কথা কহিবে না। স্ত্রীসংসর্গ হইতে তাহাদিগকে দূর করিয়াছিলেন। (ত, হো,)



প্রকোপিত করিতে হয়, তাহাদের জ্ঞান সদমুষ্ঠানের লিপি হওয়া ব্যতীত শত্রু হইতে যেন প্রাপ্য কোন ( দুঃখ রেশ ) তাহারা প্রাপ্ত না হয়। নিশ্চয় পরমেশ্বর সৎকর্মশীলদিগের পুরস্কার বিনষ্ট করেন না \*। ১২০। + এবং তাহারা এমন কোন অল্প ও অধিক দান ( যুদ্ধে সাহায্য দান ) করে না এবং এমন কোন অরণ্য অতিক্রম করে না, যাহা তাহাদের জ্ঞান লিপি হয় না; তাহাতে ঈশ্বর, তাহারা যাহা করিতেছে, তদপেক্ষা উৎকৃষ্ট পুরস্কার তাহাদিগকে দান করিবেন। ১২১। বিশ্বাসিগণ সকলে ( সমর্থ ) ছিল না যে, ( যুদ্ধে ) বহির্গত হয়, কিন্তু প্রত্যেক সম্প্রদায় হইতে তাহাদের এক দল কেন বহির্গত হইল না? তাহারা যেন ধর্ম্মেতে জ্ঞানবান হয়, যেন আপন দলকে ভয় প্রদর্শন করিতে পারে; যখন তাহারা ( যুদ্ধ হইতে ) তাহাদের নিকটে ফিরিয়া আসিবে, হয়তো তাহারা নিবৃত্ত থাকিবে †। ১২২। ( র, ১৫, আ, ৪ )

হে বিশ্বাসিগণ, কাফেরদিগের যাহারা তোমাদের নিকটে উপস্থিত হয় ও তোমাদিগের মধ্যে সঙ্কট উপস্থিত চাহে, তোমরা তাহাদের সঙ্গে সংগ্রাম কর; জানিও যে, ঈশ্বর ধর্ম্মভীরুদিগের সঙ্গে আছেন। ১২৩। এবং যখন কোন সূরা অবতারণিত হয়, তখন তাহাদের মধ্যে কেহ বলে, ইহা তোমাদের কাহার সঙ্কটে ধর্ম্মবৃদ্ধি করিয়াছে? কিন্তু যাহারা বিশ্বাসী হইয়াছে, তাহাদের ধর্ম্মবৃদ্ধি করিয়াছে, এবং তাহারা আনন্দিত আছে। ১২৪। কিন্তু যাহাদের অন্তরে রোগ, পরে তাহা তাহাদের সঙ্কটে তাহাদিগের বিকারের উপর বিকার বৃদ্ধি করিয়াছে, এবং তাহারা ধর্ম্মদ্রোহী অবস্থায় প্রাণত্যাগ করিয়াছে। ১২৫। তাহারা কি দেখিতেছে না যে, তাহারা প্রতি বৎসর একবার বা দুইবার বিপন্ন হয়? পরে ( পাপ হইতে ) প্রতিনিবৃত্ত হয় না, এবং তাহারা উপদেশ গ্রহণ করে না ‡। ১২৬। এবং যখন কোন সূরা অবতারণিত হয়, তখন তাহারা ( লজ্জাপ্রযুক্ত ) পরস্পর পরস্পরের দিকে দৃষ্টি করিয়া বলে, কেহ কি তোমাদিগকে

\* আবুহশিমা আনসারী মদিনাতে ছিলেন। তবুকের সংগ্রামে হজরতের চলিয়া যাওয়ার কয়েক দিন পরে তিনি প্রথর আতপতাপের সময় স্বীয় গৃহে ফিরিয়া আইসেন। তাহার দুই পত্নী ছিল, তাহারা শীতল জল ও শীতল খাচুদ্রব্য পরিবেশন করিয়া তাহার সেবা করিতে প্রবৃত্ত হয়, এবং নানাপ্রকার যত্ন শুশ্রূষা করিতে থাকে। ইহাতে আবুহশিমা ভাবেন যে, আমি ছায়াতে বসিয়া স্নেহে শীতল দ্রব্য ভোগ করিতেছি, এদিকে হজরত প্রথর রৌদ্রের উত্তাপে ক্ষুধায় তৃষ্ণায় কষ্ট পাইতেছেন, ধিক্ আমাকে! এই ভাবিয়া তিনি যৎকিঞ্চিৎ পাথের গ্রহণপূর্বক তবুকে চলিয়া যান। ( ত, হো, )

+ অর্থাৎ প্রত্যেক সম্প্রদায়ের কয়েক ব্যক্তির উচিত যে, প্রেরিতপুরুষের নিকটে থাকিয়া ধর্ম্মশিক্ষা করে, এবং পরবর্তী লোকদিগকে শিক্ষা দেয়। এক্ষণ সংবাদবাহক বিদ্যমান নাই, কিন্তু ধর্ম্মশাস্ত্র বিদ্যমান। ভয় প্রদর্শন করার অর্থ, নরকদণ্ড, ঐশ্বরিক শাস্তির ভয়প্রদর্শন।

“তাহারা নিবৃত্ত থাকিবে” ইহার এই অর্থ যে, যে সকল কার্যে ভয় প্রদর্শন করা হইবে, সেই সকল কার্য হইতে নিবৃত্ত থাকিবে।

‡ প্রায়ই যুদ্ধাদির সময়ে কপটলোক ধরা পড়ে।

( ত, কা, )



দেখিতেছে? তৎপর চলিয়া যায়, ঈশ্বর তাহাদের অন্তরকে ফিরাইয়াছেন, যেহেতু তাহারা নির্কোথ দল। ১২৭। সত্য সত্যই, ( হে মোসলমানগণ, ) তোমাদের জাতি হইতে তোমাদের নিকটে প্রেরিতপুরুষ আসিয়াছে, তোমাদিগের ক্লেশ তাহার সম্বন্ধে হুঃসহ, সে তোমাদের প্রতি অনুরাগী, বিশ্বাসীদিগের সম্বন্ধে কৃপায়ুক্ত দয়ালু। ১২৮। অনন্তর যদি তাহারা ফিরিয়া যায়, তবে তুমি বলিও, আমার জ্ঞাত ঈশ্বরই যথেষ্ট, তিনি ব্যতীত উপাস্ত নাই, তাঁহার প্রতি আমি নিভর করিয়াছি, এবং তিনি মহাসিংহাসনের প্রভু। ১২৯। ( র, ১৬, আ, ৭ )

## সূরা ইয়ুনস ❀

.....

দশম অধ্যায়

.....

১০৯ আয়ত, ১১ রকু

( দাতা দয়ালু পরমেশ্বরের নামে প্রবৃত্ত হইতেছি । )

বৈজ্ঞানিক গ্রন্থের এই আয়ত অটল। ১। মনুষ্যের পক্ষে ইহা কি আশ্চর্য্য হয় যে, আমি তাহাদের মধ্যে এক ব্যক্তির প্রতি ( এই ) প্রত্যাদেশ করি যে, তুমি লোকদিগকে ভয় প্রদর্শন কর, এবং যাহারা বিশ্বাসী হইয়াছে, তাহাদিগকে সুসংবাদ দান কর যে, তাহাদের জ্ঞাত তাহাদিগের প্রভুর নিকটে সমুচিত পদোন্নতি আছে; কাফেরগণ বলিল যে, নিশ্চয় এ স্পষ্ট ঐন্দ্রজালিক। ২। সত্যই তোমাদের প্রতিপালক সেই পরমেশ্বর, যিনি ছয় দিনে স্বর্গ মর্ত্য সৃজন করিয়াছেন, তদনন্তর কার্য্য নির্বাহ করিতে সিংহাসনের উপর স্থিতি করিতেছেন, তাঁহার আদেশ হওয়ার পর ব্যতীত কোন শাফী ( মুক্তির অনুরোধকারী ) নহে; ইনিই তোমাদের প্রতিপালক পরমেশ্বর, অতএব ইহাকে অর্চনা কর। পরন্তু তোমরা কি উপদেশ গ্রহণ করিতেছ না? ৩। তাঁহার দিকে তোমাদের সকলের পুনর্গমন; ঈশ্বরের অঙ্গীকার সত্য, নিশ্চয় তিনি প্রথম বারে সৃষ্টি করেন, অতঃপর যাহারা বিশ্বাসী হইয়াছে ও গুণানুসারে সংকল্প করিয়াছে, তাহাদিগকে পুরস্কার দান করিতে দ্বিতীয় বার তাহা করিয়া থাকেন; এবং যাহারা বিদ্রোহাচরণ করিয়াছে, তাহাদের

\* এই সূরা মক্কাতে অবতীর্ণ হয়। এই সূরার আরম্ভসূচক ব্যবচ্ছেদক অক্ষর, “রা”। এল্‌মোলূহদি নামক মহাত্মা বলিয়াছেন যে, পরমেশ্বর আপন ইচ্ছানুসারে সূরার নাম রাখিয়াছেন। “রা” এই শব্দের অর্থ, আমি পরমেশ্বর “রহমান” (পুনর্জীবনদাতা); বহরোল্‌হকায়েকে উল্লিখিত হইয়াছে যে, পরমেশ্বর হইতে তাঁহার বন্ধুর প্রতি ইঙ্গিতসূচক উপরি উক্ত অক্ষর হয়। ( ত, হো, )

নিমিত্ত, তাহারা বিদ্রোহী ছিল বলিয়া, উষ্ণ জল ও দুঃখকর শাস্তি আছে। ৪। তিনিই যিনি সূর্যকে জ্যোতির্ষ্ময় ও চন্দ্রকে উজ্জ্বল করিয়াছেন, এবং তাহার (চন্দ্রের) জন্ম স্থান সকল নিরূপিত করিয়াছেন, \* যেন তোমরা বৎসরের গণনা ও হিসাব জানিতে পার; পরমেশ্বর সত্যরূপে ব্যতীত ইহাকে সৃজন করেন নাই, জ্ঞানবান্ লোকদিগের জন্ম তিনি নিদর্শন সকল বর্ণন করেন। ৫। নিশ্চয় দিবা রজনীর গমনাগমনে এবং ঈশ্বর ভূমণ্ডলে ও নভোমণ্ডলে যাহা সৃজন করিয়াছেন, তাহাতে ধর্মভীরুদের জন্ম নিদর্শন সকল আছে। ৬। নিশ্চয় যাহারা আমার সাক্ষাৎকারের আশা রাখে না ও পার্থিব জীবনে সন্তুষ্ট এবং তদ্বারা স্বথ ভোগ করিয়াছে, এবং যাহারা আমার নিদর্শন সকলের প্রতি উদাসীন, এই সকলেই, ইহারা যাহা করিয়াছে, তজ্জন্ম ইহাদের স্থান নরকাগ্নি হয়। ৭+৮। নিশ্চয় যাহারা বিশ্বাস স্থাপন ও সংকর্ষ করিয়াছে, তাহাদের বিশ্বাসের নিমিত্ত তাহাদের প্রতিপালক সম্পদের স্বর্গোত্তান সকলে, যাহাদের নিম্নে পদ্মঃপ্রণালী সকল প্রবাহিত হয়, তাহাদিগকে পথ প্রদর্শন করেন। ৯। তথায় তাহাদের ধ্বনি, “হে ঈশ্বর, তোমারই পবিত্রতা”; তথায় তাহাদের পরস্পর কুশলাশীর্বাদ সেলাম হয়, এবং তাহাদের শেষ ধ্বনি এই যে, “বিশ্বপালক পরমেশ্বরেরই সম্যক্ প্রশংসা”। ১০। ( র, ১, আ, ১০ )

যদি পরমেশ্বর মানবমণ্ডলীর জন্ম, তাহারা যেমন সত্ত্বর কল্যাণ চাহে, তদ্রূপ সত্ত্বর দুর্গতি প্রেরণ করেন, তবে অবশ্য তাহাদের প্রতি তাহাদিগের বিধি সম্পাদিত হয়; অবশেষে যাহারা আমার সাক্ষাৎকারের আশা রাখে না, আমি তাহাদিগকে তাহাদিগের অবাধ্যতাতে ঘূর্ণায়মান হইতে ছাড়িয়া দি। ১১। যখন মনুষ্যকে দুঃখ আক্রমণ করে, তখন সে পার্শ্বশায়ী হইয়া অথবা বসিয়া কিম্বা দণ্ডায়মান হইয়া আমাকে আহ্বান করে; অনন্তর যখন আমি তাহা হইতে তাহার দুঃখ উন্মোচন করি, তখন সে চলিয়া যায়, তাহাকে যে দুঃখ প্রাপ্ত হইয়াছিল, তাহাতে সে যেন আমাকে ডাকে নাই। এইরূপ সীমালঙ্ঘনকারীদিগের জন্ম, তাহারা যাহা করিতেছিল, তাহা সজ্জিত হইয়াছে। ১২। এবং নিশ্চয় আমি তোমাদের পূর্কে, যখন অত্যাচার করিয়াছিল, তখন বহু গ্রামকে (গ্রামবাসীদিগকে) বিনাশ করিয়াছি; নিদর্শন সকল সহ তাহাদের প্রেরিতপুরুষ তাহাদের নিকটে উপস্থিত হইয়াছিল ও তাহারা (এরূপ) ছিল না যে, বিশ্বাস স্থাপন করে।

\* আকাশে চন্দ্রের গতি অনুসারে সাইত্রিশটি স্থান নিরূপিত আছে, চন্দ্রমা প্রায় ২৪ ঘণ্টাতে এক একটি স্থান (মঞ্জল) অতিক্রম করে।

† অর্থাৎ মনুষ্য আকাঙ্ক্ষা করে যে, সংকর্ষের পুরস্কার যেন তাহারা সত্ত্বর প্রাপ্ত হয় ও তাহাদের গুণ্ড প্রার্থনা শীঘ্র সকল হয়। এইরূপ ঈশ্বর যদি সত্ত্বর হন, তবে তাহারা আপন দুর্কর্মের শাস্তি হইতে অবকাশ পাইতে পারে না। কিন্তু এই দুই বিষয়েই ঈর্ষ্যা অবলম্বিত হয়, তাহাতে সজ্জনেরা শিক্ত লাভ করেন, এবং অসৎ লোকেরা শিথিল হইয়া পড়ে।

এই প্রকারে আমি অপরাধী দলকে প্রতিফল দান করি। ১৩। তদনন্তর আমি তাহা-  
দিগের পরে ধরাতলে তোমাদিগকে স্থলাভিষিক্ত করিয়াছি, তাহাতে দেখিব, তোমরা  
কি প্রকার কাণ্ড কর। ১৪। এবং যখন আমার উজ্জ্বল প্রবচন সকল তাহাদের নিকটে  
পঠিত হয়, তখন যাহারা আমার সাক্ষাৎকারের আশা রাখে না, তাহারা বলে, “ইহা  
বাতীত অল্প কোর্-আন্ উপস্থিত কর, অথবা ইহার পরিবর্তন কর;” তুমি বলিও, (হে  
মোহম্মদ,) আমার (ক্ষমতা) নাই যে নিজের পক্ষ হইতে ইহার পরিবর্তন করি, আমার প্রতি  
যাহা প্রত্যাদেশ হয়, তদ্বিগ্ন আমি অনুসরণ করি না, নিশ্চয় আমি আপন প্রতিপালকের  
বিরুদ্ধাচরণ করিতে মহাদিনের শাস্তিকে ভয় করি \*। ১৫। তুমি বল, যদি ঈশ্বর  
চাহিতেন, আমি তোমাদের নিকটে তাহা পাঠ করিতাম না, এবং তিনি তৎসম্বন্ধে তোমা-  
দিগকে জ্ঞাপন করিতেন না; পরন্তু নিশ্চয় আমি তোমাদের মধ্যে ইহার পূর্বে এক  
জীবনে স্থিতি করিয়াছি, পরন্তু তোমরা কি জানিতেছ না †? ১৬। অনন্তর যে ব্যক্তি  
ঈশ্বরের প্রতি অসত্য বন্ধন করিয়াছে, এবং তাঁহার নিদর্শন সকলকে অসত্য বলিয়াছে,  
তাহা অপেক্ষা অধিক অত্যাচারী কে? নিঃসন্দেহ অপরাধিগণ উদ্ধার পায় না। ১৭।  
এবং তাহারা ঈশ্বর বাতীত সেই বস্তুর অর্চনা করে, যাহা তাহাদিগের অপকার ও তাহা-  
দিগের উপকার করে না এবং তাহারা বলে, “ইহারাই ঈশ্বরের নিকটে আমাদিগের  
মুক্তির জন্ত অনুরোধকারী;” তুমি বল, তোমরা কি পরমেশ্বরকে তাহা জ্ঞাপন করিতেছ,  
যাহা তিনি স্বর্গ মর্ত্যে অবগত নহেন? পবিত্রতা তাঁহারই ও তাহারা যাহাদিগকে অংশী  
স্থাপন করে, তিনি তদপেক্ষা উন্নত ‡। ১৮। এবং যনুয্য একমাত্র সম্প্রদায় ভিন্ন ছিল  
না, পরে বিভিন্ন হইয়াছে; এবং যদি সেই এক উক্তি, যাহা তোমার প্রতিপালক হইতে  
পূর্বে হইয়াছে, তাহা না হইত, তবে যে বিষয়ে তাহারা বিভিন্ন হইয়াছে, তদ্বিষয়ে তাহা-  
দের মধ্যে নিষ্পত্তি করা যাইত §। ১৯। এবং তাহারা বলে, “কেন তাহার প্রতি

\* তাহারা কোর্-আনের উপদেশ সকল মনোনীত করে, কিন্তু প্রতিমা সকল যে মিথ্যা, এ কথা গ্রাহ্য  
করিতে চাহে না। তাহারা বলিয়া থাকে যে, কোর্-আনের এই অংশের পরিবর্তন কর, তাহা হইলে  
আমরা অল্প সকল গ্রাহ্য করিব। (ত, ফা,)

† অর্থাৎ আমি আপন হইতে ইহা রচনা করি না, পূর্ক জীবন চল্লিশ বৎসরে রচনা করি নাই।  
(ত, ফা,)

‡ যাহারা অংশিবাদী, তাহারাও বলে যে, ঈশ্বর একমাত্র, এই অংশী সকল তাঁহা হইতে আমা-  
দের প্রতি অধ্যক্ষরূপে নিযুক্ত। তাহাতে বলা হইল যে, তিনি অধ্যক্ষ নিযুক্ত করিয়া থাকিলে এক্ষণ  
তাহা নিষেধ করিতেছেন কেন? যদি তাহারা বলে, আমাদের ধর্মে অংশিবাদিত নিষেধ হয় নাই,  
তোমাদিগের প্রতি নিষেধ হইয়াছে। তাহার উত্তর এই যে, ঈশ্বরের ধর্ম এক, মূল ধর্মে কোন প্রভেদ  
নাই। যদি বলে, তোমরা সত্যবাদী হইলে এই পৃথিবীতে আমাদের প্রতি শাস্তি উপস্থিত হইত;  
তাহার উত্তর পরে উল্লিখিত হইতেছে যে, বিচারের দিনে হইবে। (ত, হো,)

§ অর্থাৎ বিচ্ছেদের শাস্তিদানে বিলম্ব হওয়ার আদেশ পূর্বে হইয়াছে। (ত, হো,)

তাহার প্রতিপালক হইতে কোন নিদর্শন (অলৌকিকতা) অবতীর্ণ হইল না?" অতঃপর তুমি বল যে, অন্তর্জগৎ ঈশ্বরের বৈ নহে; তবে তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারীদিগের একজন \*। ২০। (র, ২, আ, ১০)

যখন আমি লোকদিগকে তাহাদিগের দুঃখ-প্রাপ্তির পর অহুগ্রহ আশ্বাদন করাই, তখন অকস্মাৎ আমার নিদর্শন সকল সম্বন্ধে তাহাদিগের চক্রান্ত হয়; বল, ঈশ্বর দ্রুত চক্রান্তকারী; নিশ্চয় তোমরা যে চক্রান্ত করিতেছ, আমার প্রেরিতগণ তাহা লিখিতেছে †। ২১। তিনিই যিনি তোমাদিগকে স্থলপথে ও সমুদ্রে পরিচালিত করেন, যে পর্য্যন্ত নৌকা সকলের মধ্যে তোমরা থাক, এবং অহুকুল বায়ুযোগে তাহাদের সঙ্গে (নৌকা) চলিতে থাকে ও তদ্বারা তাহারা আহ্লাদিত; (অকস্মাৎ) এমন অবস্থায় প্রতিকূল বায়ু সংক্রামিত হয় ও সকল স্থান হইতে তরঙ্গ তাহাদের প্রতি উপস্থিত হয়, এবং যখন তাহারা জানে যে তাহাদিগকে (বিপদ) ঘেরিয়াছে, তখন তাহারা ঈশ্বরকে তাহার জগৎ ধর্ম বিশোধিত করিয়া আহ্বান করে যে, "যদি তুমি আমাদের ইহা হইতে উদ্ধার কর, অবশ্য আমরা ধন্যবাদকারী হইব"। ২২। পরে যখন তিনি তাহাদিগকে উদ্ধার করেন, তখন অকস্মাৎ তাহারা পৃথিবীতে অগ্নায়রূপে অবাধ্যতাচরণ করে; হে লোক সকল, তোমাদের অবাধ্যতা তোমাদিগের জীবনসম্বন্ধে ভিন্ন নহে, পার্থিব জীবনের ভোগ গ্রহণ করিতে থাক, তৎপর আমার দিকে তোমাদের প্রত্যাবর্তন; অনন্তর তোমরা যাহা করিতেছিলে, আমি তাহা তোমাদিগকে জ্ঞাপন করিব। ২৩। পার্থিব জীবনের দৃষ্টান্ত;— যেমন বারি, এতদ্ভিন্ন নহে, আমি তাহা আকাশ হইতে অবতারণ করি, পরে যাহা হইতে মনুষ্য ও চতুষ্পদগণ ভক্ষণ করে, পৃথিবীর সেই উদ্ভিদ তাহার সঙ্গে মিশ্রিত হয়; যতক্ষণ পর্য্যন্ত ভূমি আপন সৌন্দর্য্য আনয়ন করে ও সজ্জিত হয়, এবং তন্নিবাসিগণ মনে করে যে, তাহারা তাহার উপর ক্ষমতাশালী, ততক্ষণ তৎপ্রতি আমার আঞ্জা অহর্নিশি উপস্থিত হয়; অনন্তর তাহাকে আমি ছিন্নমূল ক্ষেত্র করি, যেন তাহা পূর্ব দিবস ছিল না। যাহারা চিন্তা করে, তাহাদের জগৎ আমি এইরূপ নিদর্শন সকল বর্ণন করিয়া থাকি ‡। ২৪। এবং ঈশ্বর শান্তিনিকেতনের দিকে আহ্বান করেন ও তিনি যাহাকে

\* অর্থাৎ যদি তাহারা বলে, তোমাদের ধর্ম যে সত্য, অলৌকিকতা ভিন্ন কিরূপে আমরা জানিব। তাহাতেই আঞ্জা হইল, প্রতীক্ষা করিয়া দেখ, পরমেশ্বর এই ধর্মকে উজ্জ্বল করিবেন, শত্রুগণ অপদস্থ হইবে, সত্যের এই লক্ষণ। (ত, কা,)

† অর্থাৎ দুঃখ বিপদের সময়ে ঈশ্বরের প্রতি লোকের দৃষ্টি থাকে, কার্যাদান হইলে আর ঈশ্বরকে ভয় করে না। (ত, কা,)

‡ অর্থাৎ আঞ্জা স্বর্গ হইতে অবতীর্ণ হয়, দেহের সঙ্গে মিলিত হইয়া শক্তি প্রকাশ করে, পাশব ও মানবীয় কার্য করিয়া থাকে। যখন জীবনের সৌন্দর্য্য পূর্ণ হইল, এবং তাহার উপর লোকের আশা জন্মিল, তখন অকস্মাৎ মৃত্যু উপস্থিত হয়। (ত, কা,)

ইচ্ছা হয়, সরল পথের দিকে আলোকদান করিয়া থাকেন। ২৫। যাহারা সংকল্প করিয়াছে, তাহাদেরই কল্যাণ ও উন্নতি; কালিমা ও দুর্গতি তাহাদের আননকে আচ্ছাদন করে না, এই সকল স্বর্গলোকনিবাসী, ইহারা তথাকার নিত্যনিবাসী। ২৬। যাহারা মলিনতা উপার্জন করিয়াছে, তাহাদের বিনিময়ও তৎসদৃশ মলিনতা, এবং দুর্গতি তাহাদিগকে আচ্ছাদন করে, ঈশ্বর হইতে তাহাদিগের আশ্রয়দানকারী কেহ নাই; তাহাদের মুখ যেন তিমিরাবৃত রজনীগণ্ডে আচ্ছাদিত হইয়াছে, এই সকল নরকলোক-নিবাসী, ইহারা তথাকার চিরনিবাসী। ২৭। যে দিবস আমি তাহাদের সকলকে সমুখাপন করিব, (সেই দিনকে ভয় করিও;) তৎপর অংশিবাদীদিগকে বলিব যে, তোমাদের অংশিগণ ও তোমরা স্বস্থানে দণ্ডায়মান হও, অনন্তর তাহাদিগের মধ্যে বিচ্ছেদ আনয়ন করিব, এবং তাহাদের অংশিগণ বলিবে যে, “তোমরা আমাদের পূজা করিতে না \*। ২৮। অনন্তর তোমাদের ও আমাদের মধ্যে ঈশ্বরই যথেষ্ট সাক্ষী; নিশ্চয় তোমাদের পূজা বিষয়ে আমরা অজ্ঞাত।” ২৯। তথায় প্রত্যেক ব্যক্তি যাহা পূর্বে করিয়াছিল, পরীক্ষা করিয়া লইবে, এবং ঈশ্বরের দিকে তাহাদের প্রকৃত প্রভু প্রত্যাবর্তিত হইবে, এবং তাহারা যে (অসত্য) বাধিতোঁছিল, তাহাদিগ হইতে তাহা বিলুপ্ত হইবে। ৩০। (র, ৩, আ, ১০)

তুমি জিজ্ঞাসা কর যে, কে তোমাদিগকে আকাশ ও পৃথিবী হইতে উপজীবিকা দান করে? অথবা কে চক্ষু কর্ণের অধিপতি? ও কে মৃত হইতে জীবিতকে এবং জীবিত হইতে মৃতকে বাহির করে, এবং কে কার্য সাধন করে? অনন্তর অবশ্য তাহারা বলিবে যে, ঈশ্বর; পরে তুমি বলিও, অবশেষে তোমরা কি ভয় পাইতেছ না? ৩১। অতএব ইনিই তোমাদের প্রতিপালক সত্য পরমেশ্বর, অনন্তর সত্যের পশ্চাৎ পথভ্রান্তি ব্যতীত কি আছে? অবশেষে কোথা হইতে তোমরা ফিরিয়া যাইতেছ? ৩২। এইরূপে যাহারা ছুরাচারী হইয়াছে, তাহাদের প্রতি, (হে মোহম্মদ,) তোমার প্রতিপালকের বাক্য প্রমাণিত হইয়াছে যে, তাহারা বিশ্বাস করে না। ৩৩। তুমি জিজ্ঞাসা কর, তোমাদের অংশীদিগের কেহ কি আছে যে, সে নূতন সৃজন করে, তৎপর তাহা দ্বিতীয় বার করিবে? বলিও যে, ঈশ্বরই নূতন সৃজন করেন, তৎপর তাহা দ্বিতীয় বার করিয়া থাকেন; অবশেষে তোমরা কোথা হইতে ফিরিয়া যাইতেছ? ৩৪। তুমি জিজ্ঞাসা কর, তোমাদের অংশীদিগের মধ্যে কেহ কি আছে যে, সত্যের দিকে পথ প্রদর্শন করে? বল, ঈশ্বরই সত্যের দিকে পথ প্রদর্শন করিয়া থাকেন। অনন্তর যিনি সত্যের দিকে পথ প্রদর্শন করেন, তিনি অমূল্য হইতে সমধিক উপযুক্ত, না যে ব্যক্তি পথ প্রদর্শন ব্যতীত পথ

\* অংশিবাদিগণ যে সকল প্রতিমাকে ঈশ্বরের অংশী বলিয়া পূজা করে, কেয়ামতের দিনে কিয়ৎকালের জন্য পরমেশ্বর তাহাদিগকে সম্মুখে স্থাপন করিবেন, এবং তাহাদের মধ্যে প্রাণ প্রতিষ্ঠা করিবেন, তখন তাহারা অংশিবাদীদিগকে “তোমরা আমাদের পূজা করিতে না” ইত্যাদি বলিবে। (ত, ফা.)



প্রাপ্ত হয় না, সে? পরন্তু তোমাদের জন্ম কি আছে? তোমরা কিরূপ আদেশ করিতেছ? ৩৫। এবং তাহাদের অধিকাংশ লোকে অহুমান ব্যতীত অহুসরণ করে না, নিশ্চয় অহুমানে সত্যের কিছুই লাভ হয় না; তাহারা যাহা করিতেছে, সত্যই ঈশ্বর তাহার জ্ঞাত। ৩৬। এবং এই কোর-আন্ (এরূপ) নহে যে, ঈশ্বর ব্যতীত অন্ত্রে রচনা করে, কিন্তু যাহা (বাইবলাদি) ইহার সাক্ষাতে আছে, এ তাহার প্রমাণকারী; এবং এ বিষয়ে নিঃসন্দেহ যে, বিশ্বপালক হইতে এই গ্রন্থের বিবৃতি। ৩৭। তাহারা কি বলিতেছে যে, তাহা রচনা করিয়াছে? বল, তবে ইহার সদৃশ একটি সূরা উপস্থিত কর, এবং যদি তোমরা সত্যবাদী হও, তবে ঈশ্বর ব্যতীত যাহাকে ক্ষমতা হয় আহ্বান কর। ৩৮। বরং যাহা তাহাদের জ্ঞানের বিষয়ীভূত হয় না, তাহারা তাহাকে মিথ্যা বলিয়াছে, এবং তাহাদের নিকটে তাহার ব্যাখ্যা সমাগত হয় নাই\* ; এইরূপ তাহাদের পূর্ববর্তী লোকেরাও অসত্যারোপ করিয়াছে। তৎপর দেখ, অত্যাচারীদের পরিণাম কিরূপ হইয়াছে। ৩৯। এবং তাহাদের মধ্যে কেহ আছে যে, তৎপ্রতি বিশ্বাস স্থাপন করে ও তাহাদের মধ্যে কেহ আছে যে, তৎপ্রতি বিশ্বাস স্থাপন করে না; এবং তোমার প্রতিপালক অত্যাচারীদেরকে উত্তম জ্ঞাত। ৪০। (র, ৪, আ, ১০)

এবং যদি তাহারা তোমার প্রতি অসত্যারোপ করে, তবে তুমি বলিও, আমার জন্ম আমার কাৰ্য্য ও তোমাদের জন্ম তোমাদের কাৰ্য্য; আমি যাহা করি, তাহা হইতে তোমরা বিমুক্ত ও তোমরা যাহা কর, তাহা হইতে আমি বিমুক্ত †। ৪১। এবং তাহাদের মধ্যে কেহ কেহ আছে যে, তোমার প্রতি কর্ণপাত করে; তাহারা যদিচ বুঝিতেছে না, তথাপি তুমি কি বধিরকে শুনাইতেছ ‡? ৪২। এবং তাহাদের মধ্যে কেহ আছে যে, তোমার প্রতি দৃষ্টিপাত করে; এবং যদিচ তাহারা দর্শন করিতেছে না, তথাপি তুমি কি অন্ধকে পথ প্রদর্শন করিতেছ? ৪৩। নিশ্চয় ঈশ্বর মনুষ্যের প্রতি কিছুই অত্যাচার করেন না, কিন্তু মনুষ্য আপন জীবনের প্রতি অত্যাচার করে §। ৪৪। এবং যে দিবস তিনি তাহাদিগকে সমুখাপন করিবেন, তখন তাহারা যেন দিবসের এক ঘণ্টা বৈ বিলম্ব করে

\* তাহার তাৎপর্য্য ব্যক্ত হইতেছে না, অর্থাৎ কোর-আনে যে সকল অঙ্গীকার আছে, এক্ষণে তাহা প্রকাশ হয় নাই। (ত, ফা,)

† অর্থাৎ যদি ঈশ্বরের আদেশ অসত্যভাবে প্রচার করি, তবে আমি অপরাধী হই, তোমরা নও; এবং যদি তাহা সত্য প্রচার করি ও তোমরা মান্য না কর, তবে অপরাধ তোমাদের হয়। আদেশ মান্য করিতে তোমাদের কোনরূপ ক্ষতি নাই। (ত, ফা,)

‡ অর্থাৎ অন্ধ লোকের যেরূপ হইয়াছে, তদ্রূপ উপদেশ আমাদের মনেও প্রবেশ করুক, এই আশায় তাহারা কর্ণপাত বা দৃষ্টিপাত করে; এ বিষয়ের ফল ঈশ্বরের হস্তে। (ত, ফা,)

§ অর্থাৎ অনেকের মন তাহাদের পাপের জন্ম উপদেশ পরিগ্রহ করিতে পারে না, তাহারা অন্তরকে বিগুহ্ন করিয়া শ্রবণ করে না। (ত, ফা,)

নাই ; \* তাহারা পরস্পরকে চিনিবে, যাহারা পরমেশ্বরের সাক্ষাৎকারের বিষয়ে অসত্য-  
 রোপ করিয়াছে ; নিশ্চয় তাহারা ক্ষতিগ্রস্ত হইয়াছে, তাহারা পথ প্রাপ্ত হয় নাই । ৪৫ ।  
 এবং আমি তাহাদের সঙ্গে যে অঙ্গীকার করিয়াছি, তাহার কিছু যদি তোমাকে প্রদর্শন  
 করি, কিম্বা তোমার প্রাণ হরণ করি, পরে আমার দিকেই তাহাদিগের প্রত্যাবর্তন ;  
 অনন্তর তাহারা যাহা করিতেছে, তৎসম্বন্ধে ঈশ্বর সাক্ষী ঃ । ৪৬ । প্রত্যেক ধর্মসম্প্রদায়ের  
 জ্ঞাত এক জন প্রেরিতপুরুষ আছে ; তাহাদের প্রেরিতপুরুষ যখন উপস্থিত হয়,  
 তখন তাহাদের মধ্যে গ্রায়াহুসারে বিচার নিষ্পত্তি করা হইয়া থাকে, এবং তাহারা  
 অত্যাচারগ্রস্ত হয় না । ৪৭ । তাহারা বলে, “যদি তোমরা সত্যবাদী হও, তবে ( বল, )  
 কবে এই অঙ্গীকার ( পূর্ণ হইবে ) ঃ” । ৪৮ । তুমি বল যে, ঈশ্বরের ইচ্ছা ব্যতীত আমি  
 আপন জীবনের জ্ঞাত ক্ষতি বৃদ্ধি করিতে সক্ষম নহি ; প্রত্যেক ধর্মসম্প্রদায়ের জ্ঞাত নির্দিষ্ট  
 কাল আছে, যখন তাহাদের নির্ধারিত কাল উপস্থিত হয়, তখন তাহারা এক ঘণ্টা বিলম্ব  
 করে না ও অগ্রবর্তীও হয় না । ৪৯ । তুমি বল, তোমরা কি দেখিলে, যদি দিবা বা  
 রজনীতে তাহার শাস্তি তোমাদের নিকটে উপস্থিত হয়, পাপিগণ তাহার কোন্টীকে  
 সত্ত্বর চাহিবে ? ৫০ । পরে যখন তাহা উপস্থিত হইবে, তখন কি তোমরা তৎপ্রতি  
 বিশ্বাসী হইবে ? ( তৎকালে বলা হইবে, ) এক্ষণ ( কি তোমরা বিশ্বাসী হইতেছ ? ) এবং  
 বস্তুতঃ তোমরা ( উপহাসপূর্বক ) তাহা সত্ত্বর চাহিতেছিলে । ৫১ । তদনন্তর যাহারা  
 অত্যাচার করিয়াছে, তাহাদিগকে বলা হইবে, তোমরা নিত্যশাস্তি আশ্বাদন কর ; যাহা  
 তোমরা উপার্জন করিয়াছ, তন্নিম্ন তোমাদিগকে বিনিময় দেওয়া যাইবে না । ৫২ ।  
 তোমাকে তাহারা জিজ্ঞাসা করিবে, ইহা কি সত্য ? তুমি বলিও, হাঁ, আমার প্রতিপালকের  
 শপথ, নিশ্চয় ইহা সত্য, এবং তোমরা ( ঈশ্বরের ) পরাভবকারী নও । ৫৩ ।  
 ( র, ৫, আ, ১৩ )

এবং যদি পৃথিবীতে যাহা আছে, তাহা প্রত্যেক অত্যাচারী ব্যক্তির হয়, তবে অবশ্য  
 তাহারা তাহা “ফদিয়া” ( শাস্তির বিনিময় ) স্বরূপ প্রদান করিবে ; যখন তাহারা শাস্তি  
 দর্শন করিবে, তখন ( লজ্জাপ্রযুক্ত বন্ধুগণ হইতে ) অনুতাপ গোপন করিবে, গ্রায়াহুসারে

\* অর্থাৎ সেদিন কবরে বাস এক ঘণ্টা কাল বোধ হইবে । ( ত, ফা, )

কাফেরগণ কবরের মধ্যে যে দীর্ঘকাল শাস্তিভোগ করিবে, কেয়ামতের ক্রেশ শাস্তির নিকটে উহা  
 একঘণ্টা বলিয়া অনুমিত হইবে । ( ত, হো, )

+ অর্থাৎ বদরের সংগ্রামদিবসে আমি কাফেরদিগকে শাস্তিদানের অঙ্গীকার করিয়াছি,  
 সেই শাস্তি-প্রদর্শনের পূর্বে যদি তোমার প্রাণ হরণ করি, তবে পরলোকে তোমাকে তাহাদের কিরূপ  
 শাস্তি হয় দেখাইব । ( ত, হো, )

‡ অর্থাৎ তাহারা উপহাস করিয়া ব্যগ্রতাপূর্বক বলে, শাস্তিদানের অঙ্গীকার বিষয়ে যদি তোমরা  
 সত্যবাদী হও, তবে কবে সেই অঙ্গীকার পূর্ণ হইবে বল । ( ত, হো, )

তাহাদের মধ্যে বিচার নিষ্পত্তি হইবে ও তাহারা অত্যাচারিত হইবে না। ৫৪। জানিও, নিশ্চয় স্বর্গে ও মর্ত্যে যাহা আছে, তাহা ঈশ্বরের; জানিও, নিশ্চয় ঈশ্বরের অঙ্গীকার সত্য; কিন্তু তাহাদের অধিকাংশ অবগত নহে। ৫৫। তিনি প্রাণদান করেন ও প্রাণহরণ করেন, এবং তাঁহার প্রতি তোমরা প্রত্যাভিত্ত হইবে। ৫৬। হে লোক সকল, সত্যই তোমাদের প্রতিপালক হইতে উপদেশ ও যাহা তোমাদের অন্তরে আছে, তাহার আরোগ্য উপস্থিত হইয়াছে; পথপ্রদর্শন ও অনুগ্রহ বিশ্বাসীদের জন্ত \*। ৫৭। বল, (হে মোহম্মদ,) ঈশ্বরের অনুকম্পায় ও তাঁহার অনুগ্রহেই (উপদেশাদি অবতীর্ণ,) অতএব ইহা দ্বারা আনন্দিত হওয়া বিধেয়; যাহা তোমরা সঞ্চয় করিতেছ, তদপেক্ষা ইহা যে শ্রেষ্ঠ। ৫৮। বল, ঈশ্বর তোমাদের জন্ত উপজীবিকার যাহা কিছু অবতারণ করিয়াছেন, তাহা হইতে তোমরা কি দেখিয়া (কতক) বৈধ ও (কতক) অবৈধ করিয়াছ? তুমি জিজ্ঞাসা কর যে, ঈশ্বর কি তোমাদিগকে (এরূপ) আজ্ঞা করিয়াছেন, কিম্বা তোমরা ঈশ্বরের প্রতি (অসত্য) বন্ধন করিতেছ? ৫৯। এবং যাহারা ঈশ্বরের প্রতি অসত্য বন্ধন করে, কেয়ামতের দিনে তাহাদের অনুমান কি? নিশ্চয় ঈশ্বর মানবমণ্ডলীর প্রতি কৃপাবান, কিন্তু তাহাদের অধিকাংশই কৃতজ্ঞতা দান করে না। ৬০। (র, ৬, আ, ৭)

তুমি (হে মোহম্মদ,) এমন কোন ভাবে থাক না ও তাঁহা হইতে (ঈশ্বর হইতে) কোরু-আনের কিছু অধ্যয়ন কর না, এবং তোমরা (হে লোক সকল,) এমন কোন কার্য-চর্চান কর না, যখন তাহাতে প্রবৃত্ত হও, তোমাদের নিকটে আমি সাক্ষী থাকি না; স্বর্গ ও পৃথিবীতে বিন্দু পরিমাণ কিছুই তোমার প্রতিপালক হইতে প্রচ্ছন্ন হয় না, এবং উজ্জল গ্রন্থে (লিপি) ব্যতীত ইহার ক্ষুদ্রতর ও বৃহত্তর কিছুই নাই †। ৬১। জানিও, ঈশ্বরের প্রেমিকগণের উপর কোন ভয় নাই, তাহারা শোকগ্রস্ত হইবে না। ৬২। যাহারা বিশ্বাস স্থাপন করিয়াছে ও ধর্মভীরু হইয়াছে, পার্থিব জীবনে ও পরলোকে তাহাদের জন্ত সুসংবাদ; ঈশ্বরের বাক্যের পরিবর্তন নাই, ইহাই মহা ফললাভ। ৬৩+৬৪। এবং তাহাদের (কাফেরদের) বাক্য তোমাকে, (হে মোহম্মদ,) দুঃখিত না করুক; নিশ্চয় ঈশ্বরেরই সম্পূর্ণ প্রভাব, তিনি শ্রোতা ও জ্ঞাতা। ৬৫। জানিও, নিশ্চয় স্বর্গে যে কেহ আছে ও পৃথিবীতে যে কেহ আছে, সে ঈশ্বরের; এবং যাহারা ঈশ্বর ব্যতীত অংশীদিগকে আহ্বান করে, তাহারা (ঈশ্বরের) অনুবর্তন করে না, তাহারা কল্পনার অনুসরণ বৈ করে না, এবং তাহারা মিথ্যাবাদী ভিন্ন নহে। ৬৬। তিনিই যিনি তোমাদের জন্ত রজনীকে সৃজন করিয়াছেন, যেন তোমরা তাহাতে বিশ্বাস লাভ কর, দিবাভাগকে

\* অর্থৎ মানবমণ্ডলীর জন্ত যে কোরু-আন্ অবতীর্ণ হইয়াছে, তাহা এরূপ এক গ্রন্থ যে, তাহা সংকল্পের প্রবৃত্তিজনক ও অসংকল্পের নিবৃত্তিকারক উপদেশের আকার। অপিচ তাহা আনুষ্ঠানিক ও আধ্যাত্মিক বিজ্ঞান-সম্বিত, উহা অন্তরের রোগ সন্দেহ কুসংস্কারাদি অপনয়ন করে। (ত, হে,)

† উজ্জল গ্রন্থ এখানে ঈশ্বরের ইচ্ছারূপ গ্রন্থ।

আলোকময় করিয়াছেন ; নিশ্চয় শ্রবণ করে, এমন দলের জগ্ন ইহাতে নিদর্শন সকল আছে। ৬৭। তাহারা বলে যে, “ঈশ্বর পুত্র গ্রহণ করিয়াছেন;” পবিত্রতা তাঁহার, তিনি নিষ্কাম, পৃথিবীতে যে কিছু আছে ও স্বর্গেতে যে কিছু আছে, তাহা তাঁহারই, সেই বিষয়ে তোমাদের নিকটে কোন প্রমাণ নাই ; ঈশ্বরসম্বন্ধে তোমরা যাহা জ্ঞাত নহ, তাহা কি বলিতেছ ? ৬৮। বল, নিশ্চয় যাহারা ঈশ্বরের প্রতি অসত্যারোপ করে, তাহারা উদ্ধার পাইবে না। ৬৯। পৃথিবীতে ( তাহাদের ) ভোগ, তৎপর আমার প্রতি তাহাদিগের প্রত্যাবর্তন হইবে ; তদনন্তর তাহারা যে ধর্মদ্রোহিতা করিতেছিল, তজ্জগ্ন আমি তাহাদিগকে গুরুতর শাস্তি আন্বাদন করাইব। ৭০। ( র, ৭, আ, ১০ )

এবং তুমি তাহাদিগের নিকটে হুহার সংবাদ পাঠ কর ; যখন সে আপন সম্প্রদায়কে বলিল যে, “হে আমার সম্প্রদায়, যদি আমার ( উপদেশদানার্থ ) অবস্থান এবং ঈশ্বরের নিদর্শন সকল সম্বন্ধে আমার উপদেশ-দান তোমাদিগের প্রতি কঠিন হয়, তবে আমি ঈশ্বরের প্রতি নির্ভর করিলাম ; অবশেষে তোমরা আপনাদের কার্য সকল ও আপনাদের অংশী সকলকে সমবেত কর। তদনন্তর তোমাদের কার্য তোমাদের সম্বন্ধে গুপ্ত না থাকুক, তৎপর আমার প্রতি ( সেই কার্য ) সম্পাদন কর, এবং আমাকে অবকাশ দান করিও না \*। ৭১। অনন্তর যদি তোমরা ( উপদেশ ) অগ্রাহ কর, তবে আমি তোমাদের নিকটে কিছুই পারিশ্রমিক চাহি না, ঈশ্বরের নিকটে ভিন্ন আমার পারিশ্রমিক নাই ; আমি মোসলমানদিগের অন্তর্গত হইতে আদিষ্ট হইয়াছি †। ৭২। অনন্তর তাহারা তাহার প্রতি অসত্যারোপ করিল, পশ্চাৎ আমি তাহাকে ও তাহার সম্বন্ধে যাহারা ছিল, তাহাদিগকে নৌকাতে রক্ষা করিলাম, এবং আমি তাহাদিগকে স্থলাভিষিক্ত করিলাম ; ও যাহারা আমার নিদর্শন সকলের প্রতি অসত্যারোপ করিয়াছিল, তাহাদিগকে জলমগ্ন করিলাম। তদনন্তর দেখ, ভয়প্রাপ্তলোকদিগের পরিণাম কীদৃশ হইল ? ৭৩। অবশেষে আমি তাহার ( হুতার ) পর প্রেরিতপুরুষগণকে তাহাদের স্বজাতির নিকটে প্রেরণ করিলাম, পরে তাহারা তাহাদের নিকটে নিদর্শন সকল সহ উপস্থিত হইল, পূর্বে তৎপ্রতি তাহারা অসত্যারোপ করিয়াছিল, তজ্জগ্ন বিশ্বাসী হইল না ; এইরূপে আমি সেই সীমালঙ্ঘনকারীদিগের অন্তরে মোহর ( বন্ধন ) স্থাপন করিয়া থাকি। ৭৪।

\* কথিত আছে যে, মহাপুরুষ হুহা নয় শত বৎসর উৎপীড়ন সহ করিয়া স্বজাতিকে ঈশ্বরের দিকে আহ্বান করিয়াছিলেন। তাহারা ভয়ানক অত্যাচার আরম্ভ করিলে, তিনি “হে আমার সম্প্রদায়, যদি আমার অবস্থান” ইত্যাদি কথা সকল বলিলেন। কার্য সকল একত্র কর, ইহার তাৎপর্য, উৎপীড়নে সমুদ্রগামী হও, অর্থাৎ কার্যসম্পাদক প্রধান পুরুষ ও দলপতিদিগকে একত্র কর। তোমাদের কার্য তোমাদের সম্বন্ধে যেন গুপ্ত না থাকে, ইহার অর্থ এই যে, প্রকাণ্ডে আমার প্রতি তোমরা উৎপীড়নে উদ্যোগী হও। ( ত, হো, )

† মোসলমান শব্দের অর্থ, ঈশ্বরের আজ্ঞাধীন লোক।

তদনন্তর তাহাদিগের পরে আমি মুসা ও হারুনকে আমার নিদর্শন সহ ফেরাওণ ও তাহার পারিষদদিগের নিকটে প্রেরণ করিলাম ; পরে তাহারা অহঙ্কার করিল ও তাহারা অপরাধী দল ছিল । ৭৫ । অনন্তর যখন তাহাদের নিকটে আমার নিকট হইতে সত্য উপস্থিত হইল, তাহারা বলিল, “নিশ্চয় ইহা স্পষ্ট ইন্দ্রজাল” । ৭৬ । মুসা বলিল, “তোমরা কি সত্যের সম্বন্ধে, যখন (তাহা) তোমাদের নিকটে উপস্থিত হইল, বলিতেছ, ইহা কি ইন্দ্রজাল ? ঐন্দ্রজালিকগণ উদ্ধার প্রাপ্ত হয় না” । ৭৭ । তাহারা বলিল, “আমাদের পিতৃগণ যাহা প্রাপ্ত হইয়াছে, তাহা হইতে আমাদিগকে নিবৃত্ত করিবে ও পৃথিবীতে তোমাদের দুই জনের জন্ত আধিপত্য হইবে, এ জন্ত কি তোমরা আমাদের নিকটে আসিয়াছ ? আমরা তোমাদের প্রতি বিশ্বাসী নহি” । ৭৮ । ফেরাওণ বলিল, “আমার নিকটে প্রত্যেক জ্ঞানী ঐন্দ্রজালিককে উপস্থিত কর” । ৭৯ । অনন্তর যখন ঐন্দ্রজালিকগণ উপস্থিত হইল, মুসা তাহাদিগকে বলিল, “তোমরা যাহার নিক্ষেপকারী, তাহা নিক্ষেপ কর” । ৮০ । পরে যখন তাহারা নিক্ষেপ করিল, তখন মুসা বলিল, “তোমরা যাহা আনয়ন করিয়াছ, তাহাতে ইন্দ্রজাল, ঈশ্বর তাহা অবশ্য অসত্য করিবেন ; নিশ্চয় ঈশ্বর প্রতারকদিগের কার্যকে সংশোধন করেন না । ৮১ । এবং পরমেশ্বর সত্যকে, যদিচ পাপিগণ তাহা ভালবাসে না, তথাপি স্বীয় আজ্ঞায় প্রমাণিত করিবেন” । ৮২ । (র, ৮, আ, ১২ )

অনন্তর মুসার প্রতি তাহার দলের সম্মানগণ ব্যতীত অল্প কেহ, ফেরাওণ ও তাহাদের প্রধান পুরুষগণ তাহাদিগকে শাস্তিদান করিবে ভয়ে, বিশ্বাস স্থাপন করে নাই ; নিশ্চয় ফেরাওণ পৃথিবীতে গর্ভিত এবং নিশ্চয় সে সীমালঙ্ঘনকারী ছিল । ৮৩ । এবং মুসা বলিয়াছিল, “হে আমার সম্প্রদায়, যদি তোমরা ঈশ্বরের প্রতি বিশ্বাস স্থাপন করিয়া থাক, যদি আজ্ঞানুবর্তী হইয়া থাক, তবে তাহার প্রতি নির্ভর কর” । ৮৪ । অনন্তর তাহারা বলিয়াছিল, “ঈশ্বরের প্রতি আমরা নির্ভর স্থাপন করিলাম, হে আমাদের প্রতিপালক, তুমি উৎপীড়কদলেব জন্ত আমাদিগকে উৎপীড়নভূমি করিও না । ৮৫ । এবং আপন দয়াগুণে ধর্মদ্রোহিদল হইতে আমাদিগকে রক্ষা কর” । ৮৬ । এবং আমি মুসার প্রতি ও তাহার ভ্রাতার প্রতি প্রত্যাদেশ করিলাম যে, আপন দলের জন্ত তোমরা মেসরে আলায় নির্মাণ কর, এবং আপনাদের গৃহকে কেবল কর ও উপাসনাকে প্রতিষ্ঠিত রাখ, এবং বিশ্বাসাদিগকে স্মসংবাদ দান কর \* । ৮৭ । এবং মুসা বলিয়াছিল, “হে আমাদের প্রতিপালক, নিশ্চয় তুমি ফেরাওণকে ও তাহার প্রধান পুরুষদিগকে

\* ইহাদের মুসার প্রতি বিশ্বাস স্থাপন করা ও ঈশ্বরের উপাসনায় নিযুক্ত হওয়ার পর ফেরাওণ আজ্ঞা করিল যে, বসন্তপ্রাপ্তে পল্লীতে ও বিপণিমধ্যে ইহাদের যে সকল ধর্মমন্দির ও ভজনালয় আছে, তৎসম্প্রদায় ধ্বংস করিয়া ইহাদিগকে উপাসনা হইতে নিবৃত্ত রাখ । তাহাতে তাহাদিগকে ঈশ্বর কাঙ্কেরদিগের অগোচরে আপন আপন গৃহে ভজনালয় স্থাপন করিতে আদেশ করিলেন । (ত, হো,)



পার্থিব জীবনে শোভা ও সম্পত্তি দান করিয়াছ ; হে আমাদের প্রতিপালক, তাহাতে তাহারা তোমার পথ হইতে ( লোকদিগকে ) বিভ্রান্ত করে। হে আমাদের প্রতিপালক, তাহাদিগের সম্পত্তি বিলোপ কর ও তাহাদের মনের উপর কাঠিগ্ন স্থাপন কর ; অনন্তর যে পর্য্যন্ত তাহারা দুঃখকর শাস্তি দর্শন ( না ) করে, বিশ্বাসী হইবে না ” । ৮৮ । তিনি বলিলেন, “নিশ্চয় তোমাদিগের প্রার্থনা গৃহীত হইল, অতএব তোমরা দৃঢ় থাক ; যাহারা জ্ঞান রাখে না, তাহাদিগের পথের অনুসরণ করিও না” \* । ৮৯ । এবং আমি এশ্রায়েল-সন্ততিদিগকে সমুদ্র পার করিলাম, তৎপরে ফেরওণ ও তাহার সৈন্যগণ অত্যাচার ও শত্রুতারূপে তাহাদের অনুসরণ করিল ; এ পর্য্যন্ত যে, যখন তাহার প্রতি নিমজ্জন হওয়া ব্যাপার উপস্থিত হইল, তখন সে বলিল, “এশ্রায়েলসন্তানগণ যাহার প্রতি বিশ্বাস স্থাপন করিয়াছে, আমি তাঁহার প্রতি বিশ্বাস স্থাপন করিলাম, তিনি ব্যতীত কোন উপাস্য নাই, এবং আমি আজ্ঞানুবর্তীদিগের অন্তর্গত” । ৯০ । ( বলা হইল, ) এফ্ফণ ( কি তুমি বিশ্বাসী হইতেছ ? ) নিশ্চয় পূর্বে তুমি বিদ্রোহিতা করিয়াছ ও উপদ্রবকারী ছিলে । ৯১ । পরন্তু আমি অতঃপর তোমাকে তোমার শরীরের সঙ্গে উদ্ধার করিব, তাহাতে যাহারা তোমার পশ্চাতে আছে, তুমি সেই সকল লোকের জন্ত নিদর্শন হইবে ; নিশ্চয় মানব-মণ্ডলীর অধিকাংশ আমার নিদর্শন সকলে উদাসীন ঃ । ৯২ । ( র, ৯, আ, ১০ )

এবং সত্যসত্যই আমি এশ্রায়েলসন্তানগণকে উপযুক্ত স্থানদানরূপে স্থান দিয়াছি ও তাহাদিগকে বিস্তৃত বস্ত্র হইতে উপজীবিকা দান করিয়াছি ; অনন্তর যে পর্য্যন্ত তাহাদের নিকটে ( তওরাতের ) জ্ঞান উপস্থিত ছিল, সে পর্য্যন্ত তাহারা বিরুদ্ধাচরণ করে নাই । নিশ্চয় ( হে মোহাম্মদ, ) তদ্বিষয়ে ( এফ্ফণ ) তাহারা বিরুদ্ধাচরণ করিতেছে, কেয়ামতের দিনে তাহাদের মধ্যে তোমার প্রতিপালক তাহার বিচার নিষ্পত্তি

ফেরওণের মৃত্যু নিকটবর্তী হইলে মুসার প্রতি এই আদেশ হইয়াছিল যে, আপন দলকে ফেরওণের দলের সঙ্গে মিশ্রিত করিয়া রাখিও না, আপনাদের পল্লী পৃথক কর ; তাহা হইলে ফেরওণীয়দের প্রতি যে দুঃখ বিপদ উপস্থিত হইবে, তাহার অংশী হইতে হইবে না । ( ত, ফা, )

\* কেহ কেহ বলিয়াছেন যে, এই প্রার্থনানুসারে ফেরওণের সমুদায় সম্পত্তি প্রস্তরে পরিণত হইয়াছিল । ( ত, হো, )

+ অর্থাৎ ঈশ্বর বলিতেছেন যে, সমুদায় জীবন শত্রুতাচরণ করিয়া এফ্ফণ শাস্তি উপস্থিত দেখিয়া বিশ্বাস স্থাপন করিতেছ ; এই সময়ে বিশ্বাসস্থাপনে কোন ফল নাই । ( ত, ফা, )

‡ অর্থাৎ তোমার দলস্থ সমুদায় লোক সমুদ্রগর্ভে নিমগ্ন হইবে, তোমার শরীরকে আমি জলের উপর উত্তোলন করিব । কথিত আছে, যখন ফেরওণ সদলে সাগরজলে নিমগ্ন হইল, এশ্রায়েলীয় লোকেরা এই ভাবিয়া উৎকণ্ঠিত হইল যে, ফেরওণের মৃত্যু হয় নাই, সে মুহূর্ত্ত আমাদের অনুসরণে সৈন্যদিগকে নৌকাযোগে সমুদ্র পার করাইবে । তখন পরমেশ্বর ফেরওণের দেহকে জলের উপর উত্তোলন করিলেন ; তাহার সঙ্গে যে কবচ ছিল, তাহা দ্বারা সকলে তাহাকে চিনিতে পারিল । এশ্রায়েলবংশীয় লোকেরা ফেরওণকে প্রাণশূন্য দেখিয়া শান্তিলাভ করিল । ( ত, হো, )

করিবেন \* । ২৩ । তোমার প্রতি যাহা অবতারণ করিয়াছি, তৎপ্রতি যদি তুমি সন্দিগ্ধ হও, তবে তোমার পূর্ক হইতে যাহারা গ্রন্থ অধ্যয়ন করিতেছে, তাহাদিগকে প্রশ্ন কর ; নিশ্চয় তোমার প্রতিপালক হইতে তোমার প্রতি সত্য উপস্থিত হইয়াছে, অতএব তুমি সংশয়ীদিগের অন্তর্গত হইও না । ২৪ । যাহারা ঈশ্বরের নিদর্শন সকলের প্রতি অসত্যারোপ করিয়াছে, তুমি তাহাদিগের হইও না ; তাহা হইলে ক্ষতিগ্রস্তদিগের অন্তর্গত হইবে । ২৫ । নিশ্চয় যাহাদিগের প্রতি তোমার প্রতিপালকের বাক্য প্রমাণিত হইয়াছে, তাহারা বিশ্বাস করে না । ২৬ । + এবং যদিচ তাহাদের নিকটে সমুদায় নিদর্শন উপস্থিত হয়, যে পর্যন্ত না দুঃখকর শাস্তি দর্শন করে, সে পর্যন্ত তাহারা ( বিশ্বাস করে না ) । ২৭ । অবশেষে কোন গ্রাম কেন এরূপ হইল না যে, ( পূর্কে ) বিশ্বাস স্থাপন করে ; তবে, ইয়ূনসের সম্প্রদায় ব্যতীত, তাহার বিশ্বাস তাহাকে লাভমান করিত । যখন তাহারা বিশ্বাস স্থাপন করিয়াছিল, তখন আর্মি পার্থিব জীবনে অপমানজনক শাস্তিকে তাহাদিগ হইতে উন্মোচন করিয়াছিলাম, এবং তাহাদিগকে কিছুকাল ফলভোগী করিয়াছিলাম † । ২৮ ।

\* ফেরওণের মৃত্যুর পর শামরাজ্য এশ্রায়েলসন্তানদের প্রতি প্রদত্ত হইল, কোন শত্রু রহিল না । তখন তাহারা স্বীয় ধর্মশাস্ত্রে বা হজরত মোহাম্মদের সথকে কোন বিপরীত ভাব পোষণ করে নাই । কিন্তু এক্ষণ শাস্ত্রের অনেক পরিবর্তন করিতেছে । ( ত, হো, )

+ অর্থাৎ কেন গ্রামবাসিগণ শাস্তি দর্শন করিবার পূর্কে বিশ্বাসী হইল না ? শাস্ত্রের পূর্কে বিশ্বাস-স্থাপনে সক্ষম হইলে তাহাদের মঙ্গল হইত । কিন্তু ইয়ূনসের সম্প্রদায় পূর্কে বিশ্বাসী হয় নাই, শাস্তি প্রাপ্ত হইয়া তৎক্ষণাৎ বিশ্বাস স্থাপনপূর্বক নিরাপদ হইয়াছিল । এক্ষণ উক্ত ব্যবস্থা পণ্ডিত হইয়াছে । ইয়ূনসের সংক্ষিপ্ত বিবরণ এই ;—ইয়ূনস একজন প্রেরিত মহাপুরুষ ছিলেন । পরমেশ্বর তাঁহাকে নয়নুয় নগরবাসীদিগের প্রতি মওসলভূমি হইতে প্রেরণ করিয়াছিলেন । তিনি বহুকাল তাহাদিগকে ঈশ্বরের নামে আহ্বান করেন, তাহারা অগ্রাহ্য করিয়া তাঁহার প্রতি বহু উৎপীড়ন করে । অবশেষে তিনি অক্ষম হইয়া ঈশ্বরের নিকটে প্রার্থনা করিলেন যে, “হে পরমেশ্বর, এই সকল লোক আমাকে মিথ্যাবাদী বলিতেছে, অতএব তুমি ইহাদিগের উপর তোমার শাস্তি প্রেরণ কর ।” তখন ঈশ্বর আদেশ করিলেন যে, “তোমার সম্প্রদায়কে এই সংবাদ দান কর যে, তিন দিবস বা চল্লিশ দিবস পরে তোমাদের উপর শাস্তি অবতীর্ণ হইবে ।” ইয়ূনস তাহাদিগকে এই সংবাদ দিলেন ও তাহাদের নিকট হইতে চলিয়া গিয়া এক পর্বতের গুহায় প্রচ্ছন্ন হইয়া রহিলেন । পরে যথাসময়ে ঈশ্বরের আদেশে উষ্ণ বাতাসহ নিবিড় নীল মেঘ বা ধূমপুঞ্জ ও উষ্ণাপিওরাশি আসিয়া নয়নুয় ভূমিকে আচ্ছাদন করিল । নগরবাসিগণ বুঝিল যে, ইহা ইয়ূনসের প্রার্থনার ফল । সকলে যাইয়া রাজার শরণাপন্ন হইল । রাজা ইয়ূনসকে অনুসন্ধান করিয়া উপস্থিত করিবার নিমিত্ত আদেশ করিলেন, কিন্তু কেহই তাঁহার অনুসন্ধান পাইল না । রাজা বলিলেন, “যদিচ ইয়ূনস প্রস্থান করিয়াছেন, কিন্তু তিনি যাহার দিকে আমাদিগকে আহ্বান করিতেন, সেই ঈশ্বর বিদ্যমান আছেন ; চল সকলে দীনতা ও কাতরতা সহকারে প্রার্থনা করি ।” তদনুসারে দলে দলে লোক সকল ক্রন্দন, আর্তনাদ ও প্রার্থনা করিতে লাগিল । চল্লিশ দিন পরে তাহাদের প্রার্থনার ফল ফলিল । সেই ভয়ানক বিপদের মেঘ কাটিয়া গেল, ঈশ্বরকৃপার ছায়া নগরবাসীদিগের মস্তকে পতিত হইল । ইয়ূনস চল্লিশ দিন অস্ত্রে নগরবাসীদিগের অবস্থার অনুসন্ধান লইবার জন্য নগরাভিমুখে যাত্রা করিয়া পথে স বিশেষ জ্ঞাত হইলেন ।

এবং যদি তোমার প্রতিপালক ইচ্ছা করিতেন, তবে অবশ্য পৃথিবীতে যাহারা আছে, একযোগে তাহারা সকলে বিশ্বাসী হইত ; পরন্তু তুমি কি লোকের প্রতি, যে পর্যন্ত না বিশ্বাসী হয়, বলপ্রয়োগ করিতেছ ? \* । ৯৯ । এবং ঈশ্বরের আদেশ ভিন্ন কাহারও পক্ষে বিশ্বাসী হওয়া ( সাধ্য ) নহে ; যাহারা জ্ঞান রাখে না, তাহাদের প্রতি তিনি দুর্গতি প্রেরণ করেন । ১০০ । তুমি বল, ( হে মোহম্মদ, ) নভোমণ্ডলে ও ভূমণ্ডলে কি আছে, তোমরা দৃষ্টি কর ; নিদর্শন সকল ও ভয়প্রদর্শকগণ অবিশ্বাসী দলের উপকার করে না † । ১০১ । অনন্তর তাহাদের পূর্বে যাহারা চলিয়া গিয়াছে, তাহাদের কালের ( শাস্তি-দুর্ঘটনার কালের ) সদৃশ ব্যতীত ইহারা প্রতীক্ষা করে না ; তুমি বল, তবে তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারীদের অন্তর্গত । ১০২ । অতঃপর আমি আপন প্রেরিতপুরুষদিগকে ও যাহারা বিশ্বাসী হইয়াছে, তাহাদিগকে এইরূপে উদ্ধার করি ; বিশ্বাসীদিগকে উদ্ধার করা আমার প্রতি প্রমাণিত হইয়াছে । ১০৩ । ( র, ১০, আ, ১১ )

তুমি বল, হে লোকসকল, যদি তোমরা আমার ধর্মসম্বন্ধে সন্দিগ্ধ হও, তবে ( শ্রবণ কর ; ) তোমরা ঈশ্বর ভিন্ন যাহাদিগকে অর্চনা কর, আমি তাহাদিগকে অর্চনা করি না ; কিন্তু সেই ঈশ্বরকে অর্চনা করি, যিনি তোমাদিগের প্রাণ হরণ করেন । এবং আমি আদিষ্ট হইয়াছি যে, আমি বিশ্বাসীদিগের অন্তর্গত হইব । ১০৪ । + এবং ( আদিষ্ট হইয়াছি ) যে, “স্বীয় আননকে তুমি সত্যধর্মের প্রতি স্থাপন কর ও অংশিবাদীদিগের অন্তর্গত হইও না । ১০৫ । এবং ঈশ্বর ব্যতীত যাহা তোমার উপকার ও তোমার অপকার করে না, তাহাকে আহ্বান করিও না ; পরে যদি তুমি তাহা কর, তবে তখন নিশ্চয় তুমি অত্যাচারিদলভুক্ত হইবে । ১০৬ । এবং যদি পরমেশ্বর তোমাকে দুঃখ দান করেন, তবে তাহার উন্মোচনকারী তিনি ব্যতীত কেহ নাই, এবং যদি তোমার সম্বন্ধে তিনি কল্যাণ ইচ্ছা করেন, তবে তাঁহার দানের প্রতিরোধকারী নাই ; তিনি আপন দাসদিগের যাহাকে ইচ্ছা হয়, তাহার প্রতি তাহা প্রেরণ করেন, এবং তিনি ক্ষমাশীল ও দয়ালু ।” ১০৭ । তুমি বল, হে লোক সকল, নিশ্চয় তোমাদের নিকটে তোমাদের প্রতিপালক হইতে সত্য উপস্থিত হইয়াছে ; অনন্তর যাহারা পথপ্রাপ্ত হইয়াছে, তাহারা আপন জীবনের নিমিত্ত তখন মনে মনে ভাবিলেন যে, আমি নগরস্থ লোকদিগকে শাস্তির ভয় প্রদর্শন করিয়াছি, এক্ষণ শাস্তি প্রসন্নতাতে পরিণত হইয়াছে ; আমি নগরে উপস্থিত হইলে সকলে আমার প্রতি অসত্যারোপ করিবে । এই আশঙ্কা করিয়া তিনি প্রান্তরাভিমুখে চলিয়া গেলেন । তাঁহার নদীতে নিমজ্জন ও মৎস্যের উদ্ভবের ভিতরে বন্ধ হওয়ার বৃত্তান্ত সূরা আখিয়া ও সূরা সাফ ফাতে বিবৃত হইবে । ( ত, হো, )

\* এই আয়ত সংগ্রামের আয়ত সকলের বিরোধী ।

+ অর্থাৎ আকাশে ও পৃথিবীতে ঈশ্বরের যে সকল অদ্ভুতক্রিয়া ও আশ্চর্য্য সৃষ্ট পদার্থ সকল আছে, সেই সকলের প্রতি দৃষ্টিপাত করিতে তুমি তাহাদিগকে বল ; সেই সমস্ত নিদর্শন তাহাদিগকে প্রমাণ প্রদর্শন করুক । ( ত, হো, )

বৈ পথপ্রাপ্ত হয় নাই, এবং যাহারা পথভ্রান্ত হইয়াছে, তাহারা ( তাহাতে নিজের সঙ্কে ) পথভ্রান্ত হইয়াছে বৈ নহে। আমি তোমাদের সঙ্কে রক্ষক নহি। ১০৮। এবং ( হে মোহম্মদ, ) তোমার প্রতি যাহা প্রত্যাদেশ করা যায়, তুমি তাহার অনুসরণ কর ও ঈশ্বরের আদেশ হওয়া পর্যন্ত বৈধধারণ কর ; তিনি আজ্ঞাদাতাদিগের মধ্যে শ্রেষ্ঠ। ১০৯। ( র, ১১, আ, ৬ )

## সূরা হুদ \*

.....

### একাদশ অধ্যায়

.....

১২৩ আয়ত, ১০ রকু

( দাতা দয়ালু পরমেশ্বরের নামে প্রবৃত্ত হইতেছি । )

( এই ) এক গ্রন্থ যে, ইহার নিদর্শন সকল দৃষ্টীকৃত হইয়াছে, তৎপর নিপুণ তত্ত্বজ্ঞ ( ঈশ্বরের ) নিকট হইতে বিভক্তীকৃত হইয়াছে। ১।+এই তোমরা পরমেশ্বর ব্যতীত অন্তের অর্চনা করিও না, নিশ্চয় আমি তাঁহার নিকট হইতে তোমাদিগের জন্ম ভয়-প্রদর্শক সুসংবাদদাতা ( আগত )। ২।+এবং এই তোমাদের প্রতিপালকেব নিকটে ক্ষমা প্রার্থনা কর, তৎপর তাঁহার দিকে প্রত্যাবর্তিত হও ; তিনি তোমাদিগকে এক নিদ্রিষ্ট কাল পর্যন্ত উত্তম ফলে ফলভোগী করিবেন, এবং প্রত্যেক গৌরবশালী ব্যক্তিকে তাহার গৌরব প্রদান করিবেন। ৩। যদি তোমরা অগ্রাহ কর, তবে নিশ্চয় আমি তোমা-

\* এই সূরা মক্কাতে অবতীর্ণ হয়। ইহারও ব্যবচ্ছেদক ( ওকূফ ) অক্ষর "রা"। সাধারণতঃ ব্যবচ্ছেদক বর্ণ সকলের কোন মর্শ পবিগ্রহ হয় না। তাহার ভাব নিগূঢ়। এই উক্তির পরিপোষক বাক্য এই যে, কেহ কোন মহাত্মাকে জিজ্ঞাসা করিয়াছিলেন যে, ব্যবচ্ছেদক বর্ণাবীলর অর্থ কি ? তাহাতে তিনি বলিলেন, "ঐশ্বরিক গুঢ় তত্ত্ববিষয়ে প্রশ্ন করিও না।" কেহ কেহ বলেন যে, "রা" ইহার অর্থ, আমি পরমেশ্বর সাধুদিগের সাধুতা ও পাপীদিগের পাপ দর্শন করি, এবং প্রত্যেক ব্যক্তিকে তাহাদের কার্যামুরূপ বিনিময় দান করি। অতএব এই বাক্য দণ্ড পুরস্কারের অঙ্গীকারসম্বন্ধীয়।

( ত, হো, )

+ অর্থাৎ যদি বিশ্বাস স্থাপন কর, তবে উত্তমরূপে তোমাদের পার্থিব জীবন যাপিত হইবে, এবং ধর্ম্মেতে অগ্রসর ব্যক্তিকে পরমেশ্বর-অধিকতর গৌরব দান করেন।

( ত, কা, )

দের সম্বন্ধে মহাদিনের শাস্তি আশঙ্কা করিতেছি। ৩। ঈশ্বরের দিকে তোমাদিগের প্রত্যাভর্তন, এবং তিনি সকল পদার্থের উপর ক্ষমতাশালী। ৪। জানিও যে, নিশ্চয় তাহারা আপন অন্তরকে কুঞ্চিত করে, তাহাতে তাঁহা হইতে লুক্কায়িত হইতে চাহে ; জানিও, যখন তাহারা স্বীয় বস্ত্র সকল ( মস্তকে ) জড়িত করে, তখন তাহারা যাহা লুক্কায়িত করে ও যাহা ব্যক্ত করিয়া থাকে, তিনি তাহা জ্ঞাত হন। নিশ্চয় তিনি আন্তরিক বিষয়ের জ্ঞাতা \*। ৫। এবং পৃথিবীতে এমন কোন স্থলচর নাই যে, ঈশ্বরের উপর ব্যতীত তাহার উপজীবিকার নির্ভর ; তিনি তাহার (মনুষ্যের) অবস্থানভূমি ও অর্পণভূমি অবগত আছেন, সকলই উজ্জ্বল গ্রন্থে ( লিপি ) আছে †। ৬। এবং তিনিই যিনি স্বর্গ ও মর্ত্য ছয় দিনে সৃজন করিয়াছেন, কার্যতঃ তোমাদের মধো কে অত্যাভ্রম, ইহা পরীক্ষা করিতে তাঁহার সিংহাসন জলের উপর ছিল ; ‡ যদি তুমি, ( হে মোহাম্মদ, ) বল যে, নিশ্চয় তোমরা মৃত্যুর পরে সমুখাপিত হইবে, তবে অবশ্য ধর্ম্মদ্রোহিগণ বলিবে যে, ইহা স্পষ্ট ইন্দ্রজাল ভিন্ন নহে। ৭। এবং যদি আমি কোন নির্দারিত সময় পর্য্যন্ত তাহাদিগ হইতে শাস্তি ক্ষান্ত রাখি, তবে তাহারা অবশ্য বলিবে যে, কিসে তাহা বন্ধ রাখিয়াছে ? জানিও, যে দিবস ( তাহা ) তাহাদের নিকটে উপস্থিত হইবে, তাহাদিগ হইতে ফিরাইয়া লওয়া হইবে না, এবং যৎপ্রতি তাহারা উপহাস করিতেছিল, তাহা তাহাদিগকে আবেষ্টন করিবে। ৮। ( র, ১, আ, ৮ )

এবং যদি আমি মনুষ্যকে আপন হইতে অনুগ্রহ আশ্বাদন করাই, তৎপর তাহা হইতে তাহা কাড়িয়া লই, তখন নিশ্চয় সে নিরাশ ও ক্রতঘ্ন হয়। ৯। এবং যদি আমি, সে প্রাপ্ত হইয়াছে যে দুঃখ, তাহার পর তাহাকে সুখ আশ্বাদন করাই, তবে সে অবশ্য বলিবে যে, “আমা হইতেই অন্তত সকল দূর হইয়াছে ;” নিশ্চয় সে আহ্লাদিত ও গর্ব্বিত হয়। ১০। + তাহারা ধৈর্য্য ধারণ ও সংকল্প করিয়াছে, তাহারা ব্যতীত ; ইহারাই, ইহাদের জগ্ন ক্ষমা ও মহা পুণ্ডার আছে। ১১। কেন তাহার প্রতি ধন

\* কাকের লোকেরা গৃহে ঈশ্বরবিদ্রোহিতার কথা বলিত, পরে তাহার উত্তর কোর-আনে ব্যক্ত হইত। তাহারা মনে করিত যে, কেহ গোপনে গৃহে আসিয়া সকল কথা শুনিয়া যায়, পরে প্রেরিতপুরুষকে বলিয়া দেয়, তাহাতেই তিনি একপ উক্তি করিয়া থাকেন। ( ত, ফা, )

+ অবস্থানভূমি স্বর্গ বা নরক, যাহাতে প্রাণিগণ স্থিতি করে। অর্পণভূমি কবর, যাহাতে অর্পিত হয় ; বা পৃথিবী, যাহাতে উপজীবিকা প্রদত্ত হয়। ( ত, ফা, )

‡ কোন কোন তফসিরে উক্ত হইয়াছে যে, পরমেশ্বর সৃষ্টির পূর্বে হরিষর্গের ইয়াকুত ( মাণিকা বিশেষ ) সৃজন করিয়া তীক্ষ্ণ দৃষ্টিতে তৎপ্রতি দৃষ্টিপাত করেন, তাহাতে সেই মণি জলে পরিণত হয় ; তৎপর ঈশ্বর বায়ু সৃজন করিয়া বায়ুর উপর জল, জলের উপর সিংহাসন স্থাপন করেন। এইরূপে তিনি স্বর্গ, মর্ত্য, বায়ু ইত্যাদি সৃষ্টি করিয়াছেন। এ সকল ব্যাপার দ্বারা তিনি তোমাদিগকে পরীক্ষা করেন যে, তোমরা কার্যতঃ তাঁহার প্রতি কেমন কৃতজ্ঞ হও, এবং বায়ুর উপর জল, জলের উপর স্বর্গীয় সিংহাসন স্থাপনরূপ অদ্ভুত কার্য্যকে কেমন সত্য বলিয়া স্বীকার কর। ( ত, হো, )



অবতারিত হইল না, অথবা তাহার সঙ্গে দেবতা উপস্থিত হইল না, এই যে তাহারা বলে, পরে তাহাতে বা তোমার প্রতি যাহা প্রত্যাদেশ করা গিয়াছে, তুমি তাহার কোনটির পরিহারক হও, এবং তদ্বারা বা তোমার অন্তর সঙ্কুচিত হয়; তুমি (পাপীদিগের) ভয়-প্রদর্শক বৈ নহ, এবং ঈশ্বর সকল পদার্থের উপর কার্যসম্পাদক। ১২। তাহারা কি বলে যে, তাহাকে (কোর্-আনকে) রচনা করিয়াছে; তুমি বল, তবে তোমরা তাহার সদৃশ নিবন্ধ দশটি সূরা উপস্থিত কর। যদি তোমরা সত্যবাদী হও, তবে ঈশ্বর ব্যতীত যাহাকে ক্ষমতা হয় আহ্বান কর। ১৩। অনন্তর যদি তাহারা তোমাদিগকে, (হে মোসলমানগণ,) গ্রাহ না করে, তথাপি তোমরা জানিও যে, ইহা (কোর্-আন্) ঈশ্বরের জ্ঞানসহ অবতারিত হইয়াছে; এবং (জানিও) যে, তিনি ভিন্ন ঈশ্বর নাই, পরন্তু তোমরা কি মোসলমান? ১৪। যে সকল ব্যক্তি পার্থিব জীবন ও তাহার শোভা আকাজ্জ্বল করে, আমি তাহাদের প্রতি তাহাদিগের কর্ম (কর্মফল) এখানেই পূরণ করিব, এবং তাহারা এখানে ক্ষতি-গ্রস্ত হইবে না\*। ১৫। ইহারাই তাহারা, যাহাদের জন্ম পরলোকে অগ্নি ভিন্ন নাই; এখানে তাহারা যাহা করিয়াছে, তাহা প্রণষ্ট হইয়াছে, এবং যাহা করিতেছিল, তাহা মিথ্যা হইয়াছে। ১৬। অনন্তর যে ব্যক্তি স্বীয় প্রতিপালকের নিদর্শনেতে হিত, সে কি (পার্থিব জীবনের প্রার্থীদিগের সদৃশ?) এবং তাঁহা হইতে আগত সাক্ষী ইহার অনুসরণ করে ও ইহার পূর্ব হইতে মুসার গ্রন্থ ইহার অগ্রবর্তী ও অন্তর্গতরূপে আছে, ইহার প্রতি (কোর্-আনের প্রতি) বিশ্বাস স্থাপন করে; এবং সম্প্রদায় সকলের যে ব্যক্তি ইহার বিরোধী, পরে তাহার জন্ম অগ্নি অঙ্গীকৃত। অতএব ইহার প্রতি সন্দেহ হইও না, নিশ্চয় তোমার প্রতিপালকের ইহা (এই অঙ্গীকার) সত্য; কিন্তু অধিকাংশ লোক বিশ্বাস করে না†। ১৭। যে ব্যক্তি ঈশ্বরের প্রতি অসত্যারোপ করিয়াছে, তাহা অপেক্ষা সমধিক অত্যাচারী কে? তাহারা আপন প্রতিপালকের নিকটে আনীত হইবে, এবং সাক্ষীগণ বলিবে যে, “যাহারা আপন প্রতিপালকের সম্বন্ধে অসত্য বলিয়াছে,

\* অর্থাৎ যাহারা আপন সংকল্পের পুরস্কার পৃথিবীতে পাইতে ইচ্ছা করে, পরলোকে ফললাভের আকাজ্জ্বলী নহে, তাহাদিগকে আমি এই পৃথিবীতেই স্বাস্থ্য, সম্পৎ ও বহু সন্ততি প্রদান করিব।

(ত, হো,)

† ঐশ্বরিক নিদর্শন যাহাকে কল্যাণের পথ প্রদর্শন করিতেছে, তিনি কি সংসারী লোকের সদৃশ? এবং ঈশ্বরের সাক্ষী অর্থাৎ জেব্রিল প্রভৃতি ইহার অনুসরণ করিয়াছে, তাহারা ইহাকে কোর্-আন্ বলিয়া বিশ্বাস করিয়াছেন। জাদোলমসির গ্রন্থে উক্ত হইয়াছে যে, ইঞ্জিল যদিচ পূর্বে অবতীর্ণ হইয়াছে, তথাপি উহা সুসংবাদ দান ও সত্যতাবিশয়ে কোর্-আনের অনুবর্তী। ইঞ্জিলের বা কোর্-আনের পূর্ববর্তী মুসার গ্রন্থ তওরাতও হজরত মোহম্মদের প্রেরিতদের সত্যতা ও তাঁহার জন্মগ্রহণের সুসংবাদদান-বিশয়ে কোর্-আনের অনুবর্তী, অর্থাৎ কোর্-আনের সদৃশ। ধর্মবিশ্বাসীদিগের পূর্ববর্তী গ্রন্থ তওরাত, তাহা ঈশ্বরের অনুগ্রহরূপ।

(ত, হো,)

ইহারা ই তাহারা ;” জানিও, অত্যাচারীদের প্রতি ঈশ্বরের অভিসম্পাত হয় \* । ১৮ ।  
 যাহারা ঈশ্বরের পথ হইতে (লোকদিগকে) নিবৃত্ত করে ও তাহাতে কুটিলতা ইচ্ছা করে,  
 তাহারা পরলোকেও সেই কাফের থাকে । ১৯ । তাহারা পৃথিবীতে (ঈশ্বরের) পরাভব-  
 কারী হয় না, এবং তাহাদের জন্ত ঈশ্বর ভিন্ন কোন বন্ধু নাই, তাহাদের নিমিত্ত  
 শাস্তি দ্বিগুণ করা হইবে ; তাহারা শুনিতে সূক্ষ্ম নহে ও দর্শন করিতেছে না † । ২০ ।  
 যাহারা স্বীয় জীবনকে ক্ষতিগ্রস্ত করিয়াছে, ইহারা ই তাহারা, তাহারা যাহা বন্ধন  
 ( প্রতিমাপূজাদি ) করিতেছিল, তাহাদিগ হইতে উহা বিলুপ্ত হইয়াছে । ২১ । নিঃসন্দেহ  
 যে, তাহারা ই স্বীয় পরলোকে ক্ষতিগ্রস্ত । ২২ । নিশ্চয় যাহারা বিশ্বাসী হইয়াছে ও সং-  
 কল্প করিয়াছে, এবং স্বীয় প্রতিপালকের প্রতি দীনতা প্রকাশ করিয়াছে, তাহারা স্বর্গ-  
 লোকনিবাসী, তাহারা তথায় সর্বদা থাকিবে । ২৩ । এই দুই দলের ভাব অন্ধ ও বধির  
 দ্রষ্টা ও শ্রোতার সদৃশ, উভয়ে কি তুল্য ? অনন্তর তোমরা কি উপদেশ গ্রহণ করিতেছ  
 না ‡ ? ২৪ । ( র, ২, আ, ১৬ )

এবং সত্য সত্যই আমি নুহাকে তাহার সম্প্রদায়ের প্রতি প্রেরণ করিয়াছিলাম ; (সে  
 বলিয়াছিল,) “নিশ্চয় আমি তোমাদের জন্ত স্পষ্ট ভয়প্রদর্শক । ২৫ । + যেন তোমরা  
 ঈশ্বর ব্যতীত ( অন্তের ) অর্চনা না কর, নিশ্চয় আমি তোমাদের সম্বন্ধে ছুঃখকর দিব-  
 সের শাস্তিকে ভয় করি” । ২৬ । অনন্তর তাহার দলের যে সকল প্রধান পুরুষ ধর্মদ্রোহী  
 ছিল, তাহারা বলিল যে, “আমরা আমাদের ত্যায় মনুষ্য ভিন্ন তোমাকে দেখিতেছি না,  
 এবং যাহারা আমাদের মধ্যে বাহাদরী নিকৃষ্ট, তাহারা ব্যতীত ( কেহ ) তোমার অনুসরণ  
 করিতেছে দেখিতেছি না ; এবং আমরা দেখিতেছি না যে, আমাদের উপরে তোমাদের

\* যে সকল দেবতা মনুষ্যের কার্যকলাপ লিপি করিয়া থাকেন, পরলোকে তাহারা সাক্ষী হইবেন ।  
 এই কয়েক প্রকার ঈশ্বরের সম্বন্ধে অসত্য বলা হইয়া থাকে, যথা, শাস্ত্রের অসত্য ব্যাখ্যা দ্বারা, কৃত্রিম  
 স্বপ্নদর্শনের দ্বারা, ধর্মসম্বন্ধে বুদ্ধি অনুসারে আদেশ করিয়া, আমি ঈশ্বরের সান্নিধানভী লোক, আমি গুঢ়  
 তত্ত্বের জ্ঞাত, এইরূপ ভাব প্রকাশ করিয়া । ( ত, ফা, )

+ ইহারা কোন আধ্যাত্মিকতত্ত্ব শ্রবণ করিতে পারে না, এবং আধ্যাত্মিক ব্যাপার দর্শন করিতে  
 সমর্থ নহে ; ইহারা ঈশ্বরতত্ত্ব কোথা হইতে লাভ করিবে ? সুতরাং মিথ্যা ভিন্ন বলে না । ( ত, ফা, )

‡ দর্শন ও শ্রবণবিষয়ে বিশ্বাসীদের অবস্থা কাফেরদিগের বিপরীত । বহরোল্হকায়েকে  
 উল্লিখিত হইয়াছে যে, সেই বাকিই অন্ধ, যে সত্যকে অসত্য ও অসত্যকে সত্য দর্শন করে, এবং  
 বধির সেই ব্যক্তি, যে অসত্যকে সত্য ও সত্যকে অসত্য শ্রবণ করিয়া থাকে । তিনিই চক্ষুশ্রান্ত, যিনি  
 সত্যকে সত্যরূপে দর্শন করিয়া তাহার অনুসরণ করেন, এবং অসত্যকে অসত্য দেখিয়া তাহা হইতে  
 বিরত থাকেন । অপিচ তিনিই শ্রোতা, যিনি সত্যকে সত্য শ্রবণ করিয়া তদনুরূপ কার্য করেন,  
 এবং অসত্যকে অসত্য শ্রবণ করিয়া তাহা হইতে বিরত হন । যিনি ঈশ্বরযোগে দর্শন করেন, তিনি ঈশ্বর  
 ব্যতীত অল্প কিছু অবলোকন করেন না, এবং যিনি ঈশ্বরযোগে শ্রবণ করেন, তিনি ঈশ্বরের বাণী  
 ব্যতীত শ্রবণ করেন না । ( ত, হো, )

কোন শ্রেষ্ঠতা আছে, বরং আমরা তোমাদিগকে মিথ্যাবাদী মনে করিতেছি”। ২৭। সে বলিয়াছিল, “হে আমার সম্প্রদায়, তোমরা কি দেখিয়াছ যে, আমি আপন প্রতিপালকের নিদর্শনে স্থিতি করিলে ও তাঁহার নিকট হইতে আমার প্রতি করুণা বিতরিত হইয়া থাকিলে, তোমাদের সম্বন্ধে (যাহা) গোপন করা হইয়াছে, আমরা কি তাহা (গ্রাহ্য করিতে) তোমাদিগকে বাধ্য করিব? যেহেতু তোমরা তাহার অবজ্ঞাকারী। ২৮। এবং হে আমার সম্প্রদায়, তৎসম্বন্ধে আমি তোমাদের নিকটে ধন প্রার্থনা করি না, ঈশ্বরের নিকটে বৈ আমার পুরস্কার নাই; যাহারা বিশ্বাস স্থাপন করিয়াছে, আমি তাহাদের বহিষ্কারী নহি, নিশ্চয় তাহারা স্বায় প্রতিপালকের সঙ্গে সাক্ষাৎকারী; কিন্তু আমি তোমাদিগকে এমন একদল দেখিতেছি যে, মূর্থতা করিতেছে। ২৯। এবং হে আমার সম্প্রদায়, যদি আমি তাহাদিগকে বহিষ্কৃত করি, তবে ঈশ্বরের (শাস্তি) হইতে কে আমাকে রক্ষা করিবে? অনন্তর তোমরা কি উপদেশ গ্রহণ করিতেছ না? ৩০। এবং আমি তোমাদিগকে বলিতেছি না যে, আমার নিকটে ঈশ্বরের ভাণ্ডার ও আমি গুপ্ত বিষয় জানি, এবং আমি বলিতেছি না যে, নিশ্চয় আমি দেবতা ও আমি বলিতেছি না যে, তোমাদের চক্ষু যাহাদিগকে নিকৃষ্ট দেখিতেছে, পরমেশ্বর তাহাদিগের প্রতি কখনও কোন কল্যাণ বিধান করিবেন না; তাহাদের অন্তরে যাহা আছে, পরমেশ্বর তাহার উত্তম জ্ঞাত। (তাহাদিগকে ধর্মোপদেশ না দিলে) নিশ্চয় আমি তখন অত্যাচারীদের অন্তর্গত হইব”। ৩১। তাহারা বলিল, “হে মুহাম্মদ, তুমি আমাদের সঙ্গে সত্যি বিতণ্ডা করিলে, অবশেষে আমাদের বিতণ্ডা বৃদ্ধি করিলে, পরে তুমি আমাদের সঙ্গে যে (শাস্তির) অঙ্গীকার করিয়াছ, যদি তুমি সত্যবাদীদের অন্তর্গত হও, তবে তাহা আমাদের নিকটে উপস্থিত কর”। ৩২। সে বলিল, “যদি ঈশ্বর ইচ্ছা করেন, তোমাদের নিকটে তাহা উপস্থিত করিবেন, ইহা বৈ নহে; তোমরা (তাঁহার) নির্ঘাতনকারী নও। ৩৩। যদি আমি ইচ্ছা করি যে তোমাদিগকে উপদেশ দান করি, ঈশ্বর তোমাদিগকে বিভ্রান্ত করিতে ইচ্ছা করিয়া থাকিলে, আমার উপদেশ তোমাদিগকে উপকৃত করিবে না; তিনি তোমাদের প্রতিপালক, তাঁহার দিকেই তোমরা প্রত্যাবর্তিত হইবে”। ৩৪। (হে মোহাম্মদ,) তাহারা কি বলে যে, ইহা (কোর্-আন্) রচনা করা হইয়াছে? বল, যদি আমি ইহা রচনা করিয়া থাকি, তবে আমার প্রতি আমার অপরাধ, এবং তোমরা যে অপরাধ করিতেছ, তাহা হইতে আমি মুক্ত। ৩৫। (র, ৩, আ, ১১)

এবং মুহাম্মদের প্রতি এই প্রত্যাদেশ করা গেল যে, নিশ্চয় যাহারা বিশ্বাস করিয়াছে, তাহারা ব্যতীত তোমার দলের ইহারা কখনও বিশ্বাস করিবে না; অনন্তর ইহারা যাহা করিতেছে, তজ্জন্য তুমি দুঃখিত হইও না\*। ৩৬। এবং তুমি আমার দৃষ্টি-

\* প্রেরিত মহাপুরুষ মুহাম্মদ ধর্মগ্রন্থ উপস্থিত করিয়াছিলেন, তাঁহার জ্ঞাতিবর্গ তাঁহাকে মিথ্যাবাদী বলিয়াছিল।

গোচরে ও আমার আজ্ঞানুসারে নৌকা নিষ্কাশন কর; যাহারা অন্বেষণ করিয়াছে, তাহাদের সঙ্গে কথা কহিও না, নিশ্চয় তাহারা নিমগ্ন হইবে। ৩৭। এবং সে নৌকা প্রস্তুত করিতে লাগিল ও যখন তাহার দলের প্রধান পুরুষগণ তাহার নিকটে উপস্থিত হইত, তখন তাহার প্রতি উপহাস করিত; সে বলিত, “যদি তোমরা আমাদের প্রতি উপহাস কর, তবে নিশ্চয় তোমরা যেমন উপহাস করিতেছ, আমরাও তোমাদের প্রতি উপহাস করিব” \*। ৩৮। অনন্তর যাহার প্রতি শাস্তি উপস্থিত হইয়া যাহাকে লাঞ্ছিত করিবে, এবং যাহার প্রতি নিত্য শাস্তি অবতীর্ণ হইবে, সত্বর তোমরা তাহাকে জানিতে পাইবে। ৩৯। যে পর্য্যন্ত না আমার আজ্ঞা উপস্থিত হইল, এবং চুল্লী উচ্ছ্বসিত হইল, সে পর্য্যন্ত আমি বলিলাম যে, তুমি ইহার মধ্যে প্রত্যেকের জোড়া এবং যাহার সম্বন্ধে পূর্বে কথা হইয়া গিয়াছে সে ভিন্ন, আপন স্বগণদিগকে ও বিশ্বাসীদিগকে উঠাও; তাহার সঙ্গে অল্প লোক ব্যতীত বিশ্বাস স্থাপন করে নাই †। ৪০। এবং সে বলিল, “ইহাতে আরোহণ কর, ঈশ্বরের নামে ইহার গতি ও স্থিতি; নিশ্চয় আমার প্রতিপালক ক্ষমাশীল দয়ালু”। ৪১। তাহাদের সহকারে তাহা পর্ব্বততুল্য তরঙ্গের মধ্যে চলিতছিল, এবং মুহা স্বীয় পুত্রকে, যে কূলে ছিল, ডাকিয়া বলিল, “হে আমার পুত্র, আমার সঙ্গে আরোহণ কর, এবং ধর্ম্মদ্রোহীদের সঙ্গে থাকিও না”। ৪২। সে বলিল, “আমি সত্বর পর্ব্বতের দিকে আশ্রয় লইতেছি, উহা জল হইতে আমাকে রক্ষা করিবে।” (মুহা) বলিল, “অনুগ্রহীত ব্যক্তি ব্যতীত অঙ্গ ঈশ্বরের (শাস্তির) আজ্ঞা হইতে রক্ষাকারী কেহ নাই;” তাহাদের উভয়ের মধ্যে তরঙ্গ আবরণ হইল, অনন্তর সে জলমগ্ন হইল ‡। ৪৩। এবং বলা হইল, “হে পৃথিবী, তুমি স্বীয় সলিলপুঞ্জকে গ্রাস কর, ওহে আকাশ, তুমি নিবৃত্ত হও; §” এবং জল শুষ্ক হইল ও কাব্য সমাপ্ত হইল, জুদি-

\* শুষ্কভূমির উপরে জলনিমজ্জন হইতে রক্ষা পাওয়ার উপায় অবলম্বন করা হইতেছে বলিয়া, তাহারা হাস্যোপহাস করিতেছিল; এবং মুহা এজন্ত উপহাস করিয়াছিলেন যে, ইহাদের মৃত্যু উপস্থিত, ইহারা হাস্য করিতেছে। (ত, ফা,)

† সেই নৌকাতে প্রত্যেক জন্তুর জোড়া (পুং স্ত্রী) সেই সকলের বংশরক্ষার জন্ত রাপা হইয়াছিল। মুহা পরিবারস্থ যাহাদের সম্বন্ধে কথা হইয়াছিল, সেই কেনাননামক পুত্র ও তাহার মাতা নিমগ্ন হইল। তিন পুত্র রক্ষা পাইল, সমুদায় ভবিষ্যৎবংশী লোক তাহাদেরই সম্ভান। মহান্না মুহা গৃহে এক চুল্লী ছিল, তাহাতেই জলপ্লাবনের পূর্ব্বলক্ষণ প্রকাশ পায়। যখন সেই চুল্লী হইতে জল উঠিবে, তখনই নৌকায় আরোহণ করিতে হইবে, এরূপ নির্দেশ ছিল। (ত, ফা,)

‡ সেই দিবস উন্নত গিরিশিখরস্থ উন্নত বৃক্ষ সকল পর্য্যন্ত জলমগ্ন হইয়াছিল, বিহঙ্গকুলেরও রক্ষা পাইবার উপায় ছিল না। (ত, ফা,)

§ মহাপুরুষ মুহা কুফা নগর হইতে কিম্বা হিন্দুস্থান হইতে অথবা দ্বীপান্তর্গত অয়নওরদানামক স্থান হইতে নৌকায় আরোহণ করিয়াছিলেন। তরুণী সমুদায় পৃথিবী ভ্রমণ করিয়াছিল। জলপ্লাবন নিঃশেষিত ও ধর্ম্মদ্রোহী জলমগ্ন হইলে পর এইরূপ আজ্ঞা হয়। (ত, হো,)

গিরিতে ( নৌকা ) স্থির হইল ; এবং অত্যাচারী লোকদিগকে “দূর হউক,” বলা হইল। ৪৪। পরে মুহা স্বীয় প্রতিপালককে ডাকিল, পরে বলিল, “হে আমার প্রতিপালক, নিশ্চয় আমার পুত্র আমার স্বগণসম্বন্ধীয়, নিশ্চয় তোমার অঙ্গীকার সত্য, এবং তুমি আজাদাতাদিগের মধ্যে শ্রেষ্ঠ আজাদাতা” \*। ৪৫। তিনি বলিলেন, “হে মুহা, নিশ্চয় সে তোমার স্বগণসম্বন্ধীয় নহে, নিশ্চয় তাহার কার্য অযোগ্য ; যে বিষয়ে তোমার জ্ঞান নাই, তুমি তাহা আমার নিকটে প্রার্থনা করিও না। সত্যই আমি তোমাকে উপদেশ দিতেছি যে, তুমি মূর্খদিগের অন্তর্গত হইতে ( নিবৃত্ত ) হও”। ৪৬। সে বলিল, “হে আমার প্রতিপালক, সত্যই আমি তোমার শরণাপন্ন হইতেছি যে, যে বিষয়ে আমার জ্ঞান নাই, আমি তোমাকে তাহার প্রশ্ন করিয়াছি ; যদি তুমি আমাকে ক্ষমা না কর ও আমাকে দয়া না কর, আমি ক্ষতিগ্রস্তদিগের অন্তর্গত হইব”। ৪৭। বলা হইল, “হে মুহা, আমা হইতে শাস্তি সহকারে ও তোমার প্রতি এবং তোমার সংস্কারে আছে, তাহাদিগ হইতে ( উৎপন্ন ) মণ্ডলী সকলের প্রতি সমুন্নত সহকারে তুমি নামিয়া এস ; এবং ( পরে ) অনেক মণ্ডলী হইবে যে, অবশ্য আমি তাহাদিগকে ফলভোগী করিব, তৎপর আমা হইতে দুঃখজনক শাস্তি তাহাদের প্রতি উপস্থিত হইবে †। ৪৮। ইহা গুপ্ততত্ত্ব, আমি তোমার প্রতি ইহা প্রত্যাদেশ করিলাম, তুমি ও তোমার দল ইতিপূর্বে ইহা জানিতে না ; ধৈর্য ধারণ কর, নিশ্চয় ধর্মভীরুদিগের জন্ম ( শুভ ) পরিণাম”। ৪৯। ( র, ৪, আ, ১৪ )

এবং আদজাতির প্রতি তাহাদের ভ্রাতা হুদ ( প্রেরিত হইয়াছিল ; ) সে বলিয়াছিল, “হে আমার সম্প্রদায়, পরমেশ্বরকে অর্চনা কর, তোমাদের জন্ম তিনি বাতীত কোন উপাস্য নাই, তোমরা অসত্যবন্ধনকারী ব্যতীত নহ। ৫০। হে আমার সম্প্রদায়, আমি এই ( প্রচার ) বিষয়ে তোমাদের নিকটে পুরস্কার প্রার্থনা করিতেছি না ; যিনি আমাকে সৃষ্টি করিয়াছেন, তাঁহার নিকটে ব্যতীত আমার পুরস্কার নাই, পরন্তু তোমরা কি বুঝিতেছ না ? ৫১। এবং হে আমার সম্প্রদায়, তোমরা ঈশ্বরের নিকটে ক্ষমা প্রার্থনা কর, তৎপর তাঁহার প্রতি প্রত্যাবর্তিত হও ; তোমাদের উপরে তিনি বর্ষণকারী মেঘ প্রেরণ করিবেন ও তোমাদিগকে তোমাদের শক্তির উপর অধিক শক্তি দিবেন, অপরাধী

চলিশ দিন অবিচ্ছিন্ন বৃষ্টিপাত ও যুক্তিকার নিম্ন হইতে জল উথিত হইয়াছিল। ছয় মাস অন্তে জলের হ্রাস হয় ও পর্বতের চূড়া সকল প্রকাশ পায়, শামদেশের অন্তর্গত জুদি শৈলে যাইয়া পোত সংলগ্ন হয়।

( ত, ফা, )

\* অর্থাৎ ভাষ্যাতো মৃত্যুগ্রস্ত হইয়াছে, এক্ষণ তুমি আমার পুত্রকে হয় রক্ষা কর, না হয় বিনাশ কর।

( ত, ফা, )

† পরমেশ্বর আশ্বাস দান করিলেন যে, কেয়ামতের পূর্বে পুনর্বার সমুদায় মানবজাতির উপর বিনাশ উপস্থিত হইবে না ; কিন্তু কোন কোন দল বিনষ্ট হইবে।

( ত, ফা, )



হইয়া ফিরিয়া যাইও না” \*। ৫২। তাহারা বলিল, “হে হুদ, তুমি আমাদের নিকটে কোন প্রমাণ উপস্থিত কর নাই, তোমার কথানুসারে আমরা আপন উপাস্ত্র দেবতাদিগকে বর্জন করিব না ও আমরা তোমার প্রতি বিশ্বাসী নহি। ৫৩। আমাদের পরমেশ্বরদিগের কেহ তোমাকে পীড়া দিয়াছে, ইহা ভিন্ন আমরা বলিতেছি না;” † সে বলিল, “নিশ্চয় আমি ঈশ্বরকে সাক্ষী করিতেছি ও তোমরা সাক্ষী থাক যে, সত্যই তোমরা যাহাকে অংশী করিতেছ, আমি তাহা হইতে বিমুক্ত। ৫৪। + অনন্তর তোমরা সকলে আমার প্রতি ছলনা করিও ; তৎপর আমাকে অবকাশ দিও না ‡। ৫৫। সত্যই আমি স্বীয় প্রতিপালক ও তোমাদের প্রতিপালক পরমেশ্বরের প্রতি নির্ভর স্থাপন করিয়াছি ; (এমন) কোন স্থলচর নাই যে, তিনি ব্যতীত (অন্তে) তাহার মস্তক ধারণ করিয়া আছে। নিশ্চয় আমার প্রতিপালক সরলপথে আছেন §। ৫৬। অনন্তর যদিচ তোমরা অগ্রাহ্য করিলে, তথাপি নিশ্চয় আমি, যৎসহ তোমাদের প্রতি প্রেরিত হইয়াছি, তাহা তোমাদের নিকটে প্রচার করিলাম ; এবং আমার প্রতিপালক তোমাদের ভিন্ন অস্ত্র দলকে স্থলাভিষিক্ত করিবেন, এবং তোমরা তাঁহার কিছুই অস্বীকার করিতে পারিবে না। নিশ্চয় আমার প্রতিপালক সকল পদার্থের সংরক্ষক” ¶। ৫৭। এবং যখন আমার আজ্ঞা উপস্থিত হইল, তখন আমি হুদকে ও তাহার সঙ্গে যাহারা বিশ্বাস স্থাপন করিয়াছিল, তাহাদিগকে আপনার দয়াতে উদ্ধার করিলাম, এবং কঠিন শাস্তি হইতে তাহাদিগকে বাঁচাইলাম। ৫৮। এই আদর্শ, তাহারা আপন প্রতিপালকের নিদর্শন সকলকে

\* আদীয় লোকেরা হুদের উপদেশ অগ্রাহ্য করিলে পর, সেই অপরাধে পরমেশ্বর তিন বৎসর তাহাদের প্রতি বারিবর্ষণ করেন নাই। এবং তিনি স্ত্রী পুরুষের সম্বানোৎপাদিকা শক্তি রহিত করিয়াছিলেন। তাহারা সকলে কৃষিজীবী ছিল ও তাহাদের অনেক শত্রু ছিল; তাহারা শস্তোৎপত্তির উদ্দেশ্যে বৃষ্টির জন্ত ও শত্রুনিবারণকারী সম্বানের জন্ত প্রার্থী হইয়াছিল। (ত, হো,)

+ আদীয় লোকেরা বলিল, “তুমি আমাদের গালি দিয়া থাক, এজন্য আমাদের পরমেশ্বরগণ তোমাকে ক্ষিপ্ত করিয়া তুলিয়াছেন; তাহাতেই যে সকল কথা বুদ্ধিসঙ্গত নহে, আমরা তোমা হইতে তাহা শ্রবণ করিতেছি।” (ত, হো,)

‡ অনন্তর আমাকে তোমরা অবকাশ দিও না, অর্থাৎ আমার প্রতি যাহা করিতে ইচ্ছা হয় করিও, আমি ভয় করি না। ঈশ্বরের আশ্রয় পাইয়া আমি তোমাদের অত্যাচার উৎপীড়ন বিষয়ে নির্ভয় হইয়াছি। মহাপুরুষ হুদের অলৌকিকতার মধ্যে এই একটি বিশেষ অলৌকিকতা ছিল যে, তিনি একাকী প্রবল পরাক্রান্ত শোণিতলোলুপ শত্রুদলের মধ্যে উপস্থিত ছিলেন, এবং নির্ভীক হৃদয়ে “আমাকে অবকাশ দিও না” ইত্যাদি কথা বলিয়াছিলেন; সকলে মহাক্রোধে তাঁহাকে আক্রমণ করিয়াছিল, কিন্তু তাঁহার কোন ক্ষতি করিতে পারে পাই। (ত, হো,)

§ অর্থাৎ সরল পথে চলিলেই তাঁহার সঙ্গে মিলন হয়। (ত, ফা,)

¶ অর্থাৎ প্রেরিতপুরুষের কোন ক্ষতি করিতে পারিবে না, কেন না ঈশ্বর তাঁহার রক্ষক। (ত, ফা)

অস্বীকার করিয়াছিল ও তাঁহার প্রেরিতপুরুষের বিরোধী হইয়াছিল, এবং তাহারা প্রত্যেক দুর্দান্ত শক্রতাকারাদিগের আজার অনুসরণ করিয়াছিল। ৫৯। এবং এই পৃথিবীতে এবং কেয়ামতের দিনে তাহাদিগের পশ্চাতে অভিসম্পাত প্রেরিত হইয়াছে। জানিও, নিশ্চয় আদজ্জাত স্বীয় প্রতিপালকের প্রতি বিদ্রোহিতা করিয়াছে ; জানিও, হৃদের দল যে আদ ছিল, তাহাদের জন্ত অভিসম্পাত আছে। ৬০। ( র, ৫, আ, ১১ )

এবং সমুদজাতির প্রতি তাহাদের ভ্রাতা সালেহ ( প্রেরিত হইয়াছিল ; ) সে বলিয়াছিল যে, “হে আমার সম্প্রদায়, ঈশ্বরকে অর্চনা কর, তোমাদের জন্ত তিনি ব্যতীত কোন উপাস্য নাই, তিনি তোমাদিগকে ভূমি হইতে সৃজন করিয়াছেন \* এবং তথায় তোমাদিগকে অধিবাসী করিয়াছেন ; অতএব তাঁহার নিকটে তোমরা ক্ষমা প্রার্থনা কর, তৎপর তাঁহার প্রতি প্রত্যাগমন কর, নিশ্চয় আমার প্রতিপালক সত্বর প্রার্থনা-গ্রাহক-কারী”। ৬১। তাহারা বলিল, “হে সালেহ, সত্যই তুমি ইতিপূর্বে আমাদের মধ্যে আশান্বিত ছিলে ; আমাদের পিতৃপুরুষগণ তাহাদিগকে অর্চনা করিয়াছেন, তাহাদিগকে আমরা অর্চনা করিতেছি ; তুমি কি আমাদের তাহা ( করিতে ) নিষেধ করিতেছ ? তুমি যে সংশয়োৎপাদক বিষয়ের প্রতি আমাদের আহ্বান করিতেছ, তাহাতে নিশ্চয় আমরা সন্দিগ্ধ” †। ৬২। সে বলিল, “হে আমার সম্প্রদায়, তোমরা কি দেখিয়াছ যে, আমি আপন প্রতিপালকের কোন নিদর্শনে স্মৃতি করি ও তাঁহা হইতে আমার প্রতি কোন কৃপা প্রদত্ত হয় ; ( সেই অবস্থায় ) যদি আমি তাঁহার অবাধ্য হই, তবে ঈশ্বর হইতে ( ঈশ্বরের শাস্তি হইতে ) আমাকে কে সাহায্য দান করিবে ? অনন্তর তোমরা ক্ষতি ভিন্ন আমার সম্বন্ধে বৃদ্ধি করিতেছে না ‡। ৬৩। এবং হে আমার সম্প্রদায়, এই ঈশ্বরিক উষ্ট্রী তোমাদের জন্ত নিদর্শন, অবশেষে ইহাকে ছাড়িয়া দেও, সে ঈশ্বরের ভূমিতে ভক্ষণ করিতে থাকুক ; এবং কোন অনিষ্টের জন্ত তাহাকে স্পর্শ করিও না, তবে

\* “তোমাদিগকে ভূমি হইতে সৃজন করিয়াছেন,” ইহার অর্থ, তোমাদের আদিপুরুষ আদমকে সৃষ্টিকা হইতে সৃজন করিয়াছেন। ( ত, হো, )

† “তুমি ইতিপূর্বে আমাদের মধ্যে আশান্বিত ছিলে” অর্থাৎ তুমি যে এক জন মহাপুরুষ হইবে, তোমার ললাটে সেই লক্ষণ আমরা দর্শন করিতেছিলাম। ( ত, হো, )

‡ “যদি আমি তাঁহার অবাধ্য হই” অর্থাৎ তাঁহার আজ্ঞা-প্রচারে অস্বীকার করি, তবে ঈশ্বরের শাস্তি হইতে “কে সাহায্য দান করিবে ?” অর্থাৎ কে রক্ষা করিবে ? আমি তোমাদিগকে ঈশ্বরের দিকে আহ্বান করিতেছি, এ দিকে তোমরা মধ্যস্থে আমাকে আহ্বান করিয়া আমার সঙ্গে বিতণ্ডা করিতেছ। তোমরা আমার প্রতি ক্ষতি ভিন্ন বৃদ্ধি করিতেছ না। সমুদ জাতি বহু তর্ক বিতর্কের পর তাহাদের প্রেরিতপুরুষ সালেহকে অদ্ভুত ক্রিয়া প্রদর্শন করিতে অনুরোধ করিয়াছিল। যথা, সূরা এরাফে তাহা বিবৃত হইয়াছে। সালেহের প্রার্থনানুসারে প্রস্তুত হইতে উষ্ট্র বাহির হয়, তিনি সেই উষ্ট্রকে প্রমাণস্বরূপ গ্রহণ করেন ও তাহার সম্বন্ধে কয়েকটি অস্বীকার পালন করিতে বলেন।

( ত, হো, )

অরিত শাস্তি তোমাদিগকে আক্রমণ করিবে” \* । ৬৪ । অনন্তর তাহারা তাহার ( উষ্টীর ) পদ ছেদন করিল, তৎপর সে (সালেহ) বলিল, “তিন দিবস স্বীয় গৃহে তোমরা ফলভোগী হও, ইহা সত্য অঙ্গীকার ” । ৬৫ । পরে যখন আমার আদেশ উপস্থিত হইল, তখন আমি সালেহকে ও যাহারা তাহার সঙ্গে বিশ্বাসী হইয়াছিল, তাহাদিগকে স্বকীয় দয়াতে রক্ষা করিলাম ও সেই দিবসের দুর্গতি হইতে ( রক্ষা করিলাম ; ) নিশ্চয় তোমার প্রতিপালক সেই শক্তিশালী বিজয়ী । ৬৬ । এবং যাহারা অত্যাচার করিয়াছিল, ভীষণ নিনাদ তাহাদিগকে আক্রমণ করিল ; অনন্তর তাহারা আপন গৃহে অধোভাবে মৃত্যুগ্রস্ত হইয়া প্রাতঃকাল করিল । ৬৭ । + যেন তাহারা সেই স্থানে ছিল না ; জানিও, নিশ্চয় সমুদ স্বীয় প্রতিপালকের প্রতি বিদ্রোহিতা করিয়াছে, জানিও, “দূর হউক” ( অভিসম্পাত ) সমুদের প্রতি হইয়াছে † । ৬৮ । ( র, ৬, আ, ৮ )

এবং সত্য সত্যই আমার প্রেরিতগণ সুসংবাদ সহ এব্রাহিমের নিকটে গিয়াছিল, তাহারা বলিয়াছিল, “সেলাম,” সেও বলিয়াছিল, “সেলাম” ; তৎপর সে গোবৎস ভাজা আনয়ন করিতে বিলম্ব করে নাই ‡ । ৬৯ । অনন্তর যখন দেখিল যে, তাহাদের হস্ত তৎ প্রতি ( ভোজ্যের প্রতি ) সংলগ্ন হয় না, তখন তাহাদিগকে অপরিচিত জানিল, এবং তাহাদিগ হইতে মনে ভয় পাইল ; তাহারা বলিল, “ভীত হইও না, নিশ্চয় আমরা লুতীয় সম্প্রদায়ের প্রতি প্রেরিত হইয়াছি” । ৭০ । এবং তাহার স্ত্রী দণ্ডায়মান ছিল, তাহাতে সে হাস্য করিল ; § অনন্তর আমি সেই প্রেরিতগণ-যোগে তাহাকে এম্বাহকের ও এম্বাহকের অন্তে ইয়কুবের উৎপত্তির সুসংবাদ দান করিলাম । ৭১ । সে বলিল, “হায়, আমার প্রতি আক্ষেপ ! আমি কি প্রসব করিব ? আমি বৃদ্ধা এবং এই আমার স্বামী বৃদ্ধ, নিশ্চয় এই ব্যাপার আশ্চর্য্য” । ৭২ । তাহারা বলিল, “তোমরা কি ঈশ্বরের কার্য্যে আশ্চর্য্যাম্বিত

\* সালেহের নিকটে সমুদজাতি অলৌকিকতা প্রার্থনা করিয়াছিল ; সালেহের প্রার্থনামুসারে পামাণ ভেদ করিয়া এক উষ্টী বাহির হয়, তৎক্ষণাৎ সে প্রসব করে, সেই মুহূর্ত্তে শাবক মাতার তুলা বৃহৎ হইয়া উঠে । সালেহ বলিলেন, যে পশুস্ত তোমরা ইহাকে সম্মান করিবে, সে পশুস্ত পৃথিবীতে ক্লেণ দুর্গতি হইবে না । সেই প্রকাণ্ড উষ্টীকে দেখিয়া পশু সকল ভয়ে পলায়ন করিতে লাগিল, তখন কোন ব্যক্তি তাহাকে কোনরূপ তাড়না করে নাই । ( ত, ফা, )

+ তাহাদের প্রতি এই প্রকার শাস্তি উপস্থিত হইল যে, রজনীতে তাহারা শয়ান ছিল, স্বর্গীয় দূত ভয়ঙ্কর শব্দ করিল, তাহাতে তাহাদের হৃৎপিণ্ড বিদীর্ণ হইয়া গেল । ( ত, ফা, )

‡ সেই কয়েক প্রেরিত ব্যক্তি স্বর্গীয় দূত ছিলেন । তাহারা লুতীয় সম্প্রদায়কে সংহার করিতে বাইতেছিলেন । প্রথমতঃ মহাপুরুষ এব্রাহিমের নিকটে উপস্থিত হইয়া তাঁহার ভাষ্যার গর্ভে পুত্র হইবে, এই সুসংবাদ তাঁহাকে দান করেন । এব্রাহিম অপুত্রক ছিলেন । তাহারা যে স্বর্গীয় দূত, এব্রাহিম প্রথমতঃ চিনিতেন না পারিয়া তাঁহাদের আহারার্থ ভোজ্যজাত উপস্থিত করেন । ( ত, ফা, )

§ ভয় বিদূরিত হওয়াতে মনে আশ্লাদ হয়, তাহাতে এব্রাহিমের ভাষা হাস্য করেন । পরমেশ্বর সন্তোষের উপর সন্তোষ বৃদ্ধি করিলেন । ( ত, ফা, )

হও ? হে গৃহস্থ, তোমাদের প্রতি ঈশ্বরের দয়া ও তাহার প্রসন্নতা আছে ; নিশ্চয় তিনি প্রশংসিত গৌরবাস্থিত” । ৭৩ । অনন্তর যখন এব্রাহিম হইতে ভয় বিদূরিত হইল ও তাহার নিকটে সুসমাচার উপস্থিত হইল, তখন সে আমাদের সঙ্গে লুতীয় সম্প্রদায়ের বিষয়ে বিতর্ক করিতে লাগিল \* । ৭৪ । নিশ্চয় এব্রাহিম ধৈর্য্যশালী, দয়ালু, ( ঈশ্বরের প্রতি ) প্রত্যাবর্তক † । ৭৫ । ( তাহারা বলিল, ) “ হে এব্রাহিম, ইহা হইতে তুমি নিবৃত্ত হও, বস্তুতঃ তোমার প্রতিপালকের আজ্ঞা উপস্থিত হইয়াছে ; নিশ্চয় তাহারাই যে, তাহাদের প্রতি অনিবার্য্য শাস্তি আসিতেছে” । ৭৬ । যখন আমার প্রেরিতগণ লুতের নিকটে উপস্থিত হইল, তখন সে তাহাদের নিমিত্ত দুঃখিত হইল ও তাহাদের জগ্ন ক্ষুধমনা হইল, এবং বলিল, এই দিবস সৃষ্টিন ‡ । ৭৭ । এবং তাহার নিকটে তাহার সম্প্রদায় তৎপ্রতি ধাবমান হইয়া উপস্থিত হইল, পূর্বে তাহারা দুষ্কর্ম সকল করিতেছিল । সে বলিল, “হে আমার সম্প্রদায়, ইহারা আমার কণ্ঠা, ইহারা তোমাদের জগ্ন বিষুদ্ধ ; অতএব ঈশ্বরকে ভয় কর, আমার অভ্যাগতদিগের সম্বন্ধে তোমরা আমাকে লাক্ষিত করিও না, তোমাদের মধ্যে কি সুপথগামী পুরুষ নাই § ? । ৭৮ । তাহারা বলিল,

\* কথিত আছে যে, এব্রাহিম দেবতাদিগকে বলিয়াছিলেন, আপনারা গ্রামবাসীদিগকে যে নির্ধন করিতে উদ্যত হইয়াছেন, তন্মধ্যে একশত বিখ্যাসী লোক আছেন । তাহারা বলিলেন, তাহা নয় । এব্রাহিম কহিলেন, যদি নব্বই জন থাকে ? দেবতারা বলিলেন, না, তাহা হইলে সংহার করিব না । এব্রাহিম দশ দশ জন ন্যূন করিয়া পাঁচ জন, পরে একজন বিখ্যাসীর কথা উল্লেখ করেন । স্বর্গীয় দূতেরা বলেন, যে গ্রামে একজন বিখ্যাসী থাকে, আমাদের প্রতি সেই গ্রামের বিনাশসাধনে আজ্ঞা নাই । এব্রাহিম বলিলেন, তথায় প্রেরিতপুরুষ লুত আছেন । দেবতারা বলিলেন যে, আমরা লুতকে সপরিবারে তথা হইতে বাহির করিয়া আনিব । ( ত, হো )

† দয়াপ্রযুক্ত এব্রাহিম দেবতাদিগের সঙ্গে এরূপ বাধিতত্তা করিয়াছিলেন । তাহার ইচ্ছা ছিল যে, উক্ত জাতিকে শাস্তিদানে বিলম্ব করা হয় ; হয়তো তাহারা অনুতাপ করিয়া ঈশ্বরের শরণাপন্ন হইবে । ( ত, হো, )

‡ দেবতাগণ এব্রাহিমকে বিদায় দান করিয়া মওতফকাত প্রদেশে উপনীত হন । সে দেশে চারিটি নগর ছিল । প্রত্যেক নগরে লক্ষ করবালধারী বীরপুরুষ ছিল । প্রধান নগরের নাম সূছম, সেই নগরে লুত বাস করিতেন । দেবতারা সেই নগরের অদূরে উপস্থিত হইয়া দেখিলেন যে, লুত শস্তক্ষেত্রে কাষ্য করিতেছেন । তাহারা তাহার নিকটে যাইয়া সেলাম করিলেন । লুত তাহাদিগের নিমিত্ত ক্ষুধ হইলেন । তাহাদের আতিথাসৎকার করিতে সঙ্কুচিত বলিয়া ক্ষুধ হন নাই ; তাহারা অতিশয় সৌম্যমুর্তি ও মনোহরকাস্তি, এ দিকে লোক সকল নির্ভীক ছুরাচার, তাহা ভাবিয়াই তিনি দুঃখিত ও চিন্তিত হইলেন । ( ত, হো, )

§ পরমেশ্বর স্বর্গীয় দূতদিগকে বলিয়াছিলেন যে, যে পর্য্যন্ত লুত স্বীয় সম্প্রদায়ের দুষ্ক্রিয়া বিষয়ে চারিবার সাক্ষ্য দান না করে, সে পর্য্যন্ত তাহাদিগকে বিনাশ করিবে না । লুত অভ্যাগতদিগকে দেখিয়া বলিলেন, “আপনারা কি এই নগরবাসীদিগের বৃত্তান্ত ও আচরণ অবগত নহেন ?” তাহারা করিলেন, “তাহাদের কিরূপ আচরণ ?” লুত সেই ঘৃণিত আচরণের কথা বলিতে লজ্জিত

“সত্য সত্যই তুমি জানিয়াছ যে, তোমার কন্যাগণের প্রতি আমাদের কোন স্বত্ব নাই, এবং আমরা যাহা চাহিতেছি, নিশ্চয় তুমি তাহা জানিতেছ”। ৭৯। সে বলিল, “যদি তোমাদের প্রতি আমার ক্ষমতা থাকিত, অথবা আমি দৃঢ়স্বপ্ন আশ্রয় করিতে পারিতাম” (তবে যাহা করিবার করিতাম)। ৮০। (স্বর্গীয় দূতগণ) বলিল, “হে লুত, নিশ্চয় আমরা তোমার প্রতিপালকের প্রেরিত, তোমার প্রতি কখনও ইহারা পঁছিতে পারিবে না; অনন্তর তুমি রজনীর একভাগে তোমার স্বগণদিগকে লইয়া চলিয়া যাও, তোমার ভার্য্যার প্রতি ভিন্ন তোমাদের কেহ যেন ফিরিয়া না চায়। তাহাদের প্রতি যাহা সজ্জটিত হইবে, নিশ্চয় উহা তাহার প্রতিও সজ্জটনীয়; সত্যই তাহাদিগের নির্দ্ধারিত কাল প্রাতঃকাল, প্রাতঃকাল কি নিকটে নয়? \*। ৮১। পরে যখন আমার আজ্ঞা উপস্থিত হইল, তখন আমি তাহার (সেই নগরের) উন্নতিকে তাহার অবনতি করিলাম, এবং তদুপরি মৃৎকঙ্কররূপ পরস্পর সংযুক্ত প্রস্তর সকল বর্ষণ করিলাম †। ৮২। + (ইহা)

হইলেন; অগত্যা বলিলেন, “এ নগরের লোক অত্যন্ত জঘন্যচরিত্র, পৃথিবীর কোন জাতি এরূপ নহে, ইহারা পুরুষের সঙ্গে ব্যভিচার করে।” তখন জেত্রিল মেকাইলকে বলিলেন, “এই এক সাক্ষ্য হইল।” অনন্তর লুত তাঁহাদিগকে সঙ্গে করিয়া নগরের দিকে গমন করিলেন। নগরদ্বারে উপস্থিত হইয়া পুনরায় সেই কথা বলিলেন, নগরে প্রবেশ করিয়া আবার তাহার উল্লেখ করিলেন, এবং গৃহে উপস্থিত হইয়া তাহার পুনরাবৃত্তি করিলেন। চারি বার সাক্ষ্য দান হইল। তখন কোন কোন লোকে লুতের গৃহাগত অতিথিদিগকে দেপিয়া অপর লোকদিগকে সংবাদ দান করিল, অথবা লুতের ভার্য্যা যে ধর্ম্ম-বিরোধিনী ছিল, সংবাদ পাঠাইল। সুশ্রী যুবকগণ লুতের গৃহে অতিথি হইয়াছে, এই সংবাদ পাইয়া লোক সকল তথায় দৌড়িয়া আসিল। লুত বলিলেন, “দেখ, আমার কন্যা সকল বিবৃদ্ধ, ইহাদিগকে বিবাহ কর।” মহাপুরুষ লুত অতিশয় উদার্য্যা, দয়া ও স্নেহগুণে আপন কন্যাগণকে উৎসর্গ করিতে উদ্বৃত্ত হইয়াছিলেন। ফলতঃ কন্যাস্থলে নগরের সাধারণ নারীগণকে লক্ষ্য করা হইয়াছে। কেন না, প্রত্যেক ধর্ম্মপ্রবর্তক স্নেহ-প্রকাশ ও শিক্ষাদানজন্ত স্নায় সম্প্রদায়ের পিতৃস্বরূপ। অর্থাৎ তোমরা নারীদিগকে ভার্য্যারূপে গ্রহণ কর, ইহা তোমাদের জন্ত বৈধ। (ত, হো,)

\* মহাপুরুষ লুত গৃহের দ্বার বন্ধ করিয়াছিলেন, সেই সকল ছুরাঙ্গী পুরুষ দ্বারের বাহিরে থাকিয়া তাঁহার সঙ্গে তর্ক বিতর্ক করিতেছিল। তাহারা প্রাচীর ভগ্ন করিয়া গৃহে প্রবেশ করিতে উদ্বৃত্ত হইলে, তাহাতে তিনি অত্যন্ত ভয়াকুল হন। মনুষ্যরূপধারী দেবগণ তাঁহাকে ভীত ও বিষন্ন দেপিয়া সাস্তুনা দান করিয়া বলিলেন যে, “আমরা পরমেশ্বরের প্রেরিত, ইহাদিগকে শাস্তি দিবার জন্ত উপস্থিত হইয়াছি, ভয় পাইও না, তাহারা তোমার কিছুই হানি করিতে পারিবে না।” পরে স্বর্গীয় দূতদ্বারা তাহারা অন্ধ হইয়া যায়, এবং লুতের গৃহাগত অতিথি সকল ঐন্দ্রজালিক, এই বলিয়া সকলে দৌড়িয়া পলায়ন করে। জেত্রিল লুতকে বলিলেন যে, “রাত্রির কিয়ৎক্ষণ গত হইলে তুমি আত্মীয় স্বজনগণসহ প্রস্থান করিবে; তাহাদের প্রতি যে দুর্বটনা ঘটয়াছে, তোমার ভার্য্যা ধর্ম্মস্রোহিণী বলিয়া তাহার প্রতিও ঘটবে।” লুত বাগ্র হইয়া জিজ্ঞাসা করিলেন, কখন সেই বিপদ উপস্থিত হইবে? তাহাতে জেত্রিল বলেন, প্রাতঃকালে ঘটবে। (ত, হো,)

+ মহাবাত্যায় নগর সকলের উচ্চভূমি নিম্নভূমিতে পরিণত হয়, পরে তদুপরি কঙ্কর বর্ষণ হইয়াছিল। (ত, হো,)



তোমার প্রতিপালকের নিকটে চিহ্নীকৃত হইয়াছে, এবং ইহা অত্যাচারিগণ হইতে দূরে নহে \* । ৮৩ । ( র, ৭, আ, ১৫ )

এবং আমি মদয়ন জাতির প্রতি তাহাদের ভ্রাতা শোয়বকে ( পাঠাইয়াছিলাম; ) সে বলিয়াছিল যে, “হে আমার সম্প্রদায়, তোমরা পরমেশ্বরকে অর্চনা কর, তিনি ভিন্ন তোমাদের কোন উপাস্ত্র নাই, তুল ও পরিমাণকে নূন করিও না; নিশ্চয় আমি তোমাদিগকে সম্প্রদায়ী দেখিতেছি, এবং নিশ্চয় আমি তোমাদের প্রতি আবেষ্টনকারী দিনের শাস্তিকে ভয় করিতেছি † । ৮৪ । এবং হে আমার সম্প্রদায়, ত্রায়াক্ষসারে তুল ও পরিমাণকে পূর্ণ কর, লোকদিগকে তাহাদের ( প্রাপ্য ) বস্তুসকল অল্প দিও না, উপদ্রবকারী হইয়া পৃথিবীতে অহিতাচরণ করিও না । ৮৫ । যদি তোমরা বিশ্বাসী হও, তবে ঈশ্বরের রক্ষিত ( লভ্য ) তোমাদের জন্ত উত্তম, আমি তোমাদের সম্বন্ধে রক্ষক নহি” । ৮৬ । তাহারা বলিল, “হে শোয়ব, তোমার উপাস্ত্র কি তোমাকে আদেশ করিতেছে যে, আমাদের পিতৃপুরুষগণ যাহাকে অর্চনা করিয়াছে, আমরা তাহাকে অথবা আমাদের সম্পত্তিসম্বন্ধে আমরা যাহা চাহিতেছি, তাহা পরিত্যাগ করি ? নিশ্চয় তুমি গভীর বিজ্ঞ” । ৮৭ । সে বলিল, “হে আমার সম্প্রদায়, যদি আমি স্বীয় প্রতিপালকের নিদর্শনে স্থিতি করিয়া থাকি, এবং তিনি স্বতঃ উৎকৃষ্ট উপজীবিকারূপে উপজীবিকা আমাকে দিয়া থাকেন, তোমরা কি দেখিলে যে, ( এ অবস্থায় ) প্রত্যাদেশের অগ্রথাচরণ করা আমার উচিত ? ‡ আমি ইচ্ছা করি না যে, যে বিষয়ে তোমাদিগকে বারণ করিতেছি, তৎসম্বন্ধে তোমাদের সম্বন্ধে বিরুদ্ধাচরণ করি; এবং যতদূর পারি, শুভাচরণ করিব বৈ ইচ্ছা করি

\* সেই সকল প্রস্তরখণ্ড কৃষ্ণ ও স্ফুল্ভ বর্ণের রেখায় অঙ্কিত ছিল । জাদোল্মসিরে উক্ত হইয়াছে যে, সেই উপলখণ্ড সকলের কোনটি প্লেটবর্ণ ও তন্মধ্যে কৃষ্ণবর্ণের বিন্দু সকল ছিল; কোনটি কৃষ্ণবর্ণ ও তন্মধ্যে স্ফুল্ভবর্ণের বিন্দু সকল ছিল । কেহ বলেন, সেই সকল প্রস্তর কলসের স্থায় বৃহৎ ছিল; কেহ বলেন, তদপেক্ষা বৃহৎ ছিল । এ সম্বন্ধে এতদ্ভিন্ন অনেক প্রকার অদ্ভুত প্রবাদ-বাক্য আছে । “ইহা অত্যাচারিগণ হইতে দূরে নহে” অর্থাৎ এ সকল প্রস্তর অত্যাচারীদিগকে শাস্তিদান করিবার জন্ত তাহাদের উপর বর্ষিত হইবার উপযুক্ত । ( ত, হো )

† আমি তোমাদিগকে ধনী দেখিতেছি, তোমরা দুঃখী দরিদ্র নও যে, পরিমাণে ও তুলে লোকদিগকে প্রবঞ্চনা করা তোমাদের আবশ্যিক হইবে; বরং আপন সম্পত্তি হইতে তোমাদিগের কিছু কিছু দান করা উচিত । “আমি তোমাদের প্রতি আবেষ্টনকারী দিনের শাস্তিকে ভয় করি,” ইহার অর্থ এই যে, সেই পুনরুত্থানের দিনে যে শাস্তি তোমাদিগকে ঘেরিবে, তাহা হইতে কেহই মুক্ত হইতে পারিবে না, তাহাই ভাবিতেছি । ( ত, হো, )

‡ অর্থাৎ যদি আমি তত্ত্বজ্ঞান ও স্বর্গীয় নিদর্শন প্রাপ্ত হইয়া থাকি এবং যদি আমাকে উত্তম উপজীবিকা অর্থাৎ প্রেরিত্ত্ব ও সংবাদবাহকত্ব ও বৈধ সামগ্রী ইত্যাদি আধ্যাত্মিক ও শারীরিক সৌভাগ্য পরমেশ্বর আপনাই হইতে প্রদান করিয়া থাকেন, এমন অবস্থায় কি প্রত্যাদেশের অগ্রথাচরণ করা আমার উচিত ? ( ত, হো, )

না। এবং ঈশ্বরের সঙ্গে বৈ আমার যোগ নাই, তাঁহার প্রতি আমি নির্ভর করি ও তাঁহার দিকে আমি প্রত্যাগমন করি। ৮৮। হে আমার মণ্ডলী, মুহীম সম্প্রদায়ের প্রতি বা হুদীয় সম্প্রদায়ের প্রতি কিম্বা সালেহীম সম্প্রদায়ের প্রতি যাহা ঘটিয়াছে, তাহা তোমাদের প্রতি সংঘটিত হয়, আমার বিপক্ষতা তোমাদের সম্বন্ধে তৎকারণ না হউক; এবং লুতীয় সম্প্রদায় তোমাদিগ হইতে দূরে নহে। ৮৯। তোমরা স্বীয় প্রতিপালকের নিকটে ক্রমা প্রার্থনা কর, তৎপর তাঁহার দিকে ফিরিয়া আইস; নিশ্চয় আমার প্রতিপালক দয়ালু প্রেমিক”। ৯০। তাহারা বলিল, “হে শোয়ব, তুমি যাহা বলিতেছ, তাহার অধিকাংশ আমরা বুঝিতেছি না, এবং সত্যই আমরা আমাদের মধ্যে তোমাকে দুর্বল দেখিতেছি; যদি তোমার স্বগণ না থাকিত, তবে নিশ্চয় তোমাকে প্রস্তরাহত করিতাম। তুমি আমাদের মধ্যে গৌরবান্বিত নও”\*। ৯১। সে বলিল, “হে আমার সম্প্রদায়, আমার স্বগণ কি তোমাদের নিকটে ঈশ্বরের অপেক্ষা প্রিয়তর? তোমরা তাঁহাকে (ঈশ্বরকে) স্বীয় পৃষ্ঠের পশ্চাতে গ্রহণ করিয়াছ। সত্যই আমার প্রতিপালক, তোমরা যাহা করিতেছ, তাহার আবেষ্টনকারী। ৯২। এবং হে আমার সম্প্রদায়, তোমরা স্বভূমিতে কার্য্য করিতে থাক, নিশ্চয় আমিও কার্য্যকারক; সত্বর তোমরা জানিতে পাইবে, সে কোন্ ব্যক্তি যে, তাহার নিকটে তাহাকে লাঞ্ছিত করিতে শাস্তি উপস্থিত হইবে, এবং কোন্ ব্যক্তি মিথ্যাবাদী। অপিচ তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারী”। ৯৩। এবং যখন আমার আজ্ঞা উপস্থিত হইল, তখন আমি শোয়বকে ও যাহারা তাহার সঙ্গে বিশ্বাসী হইয়াছিল, তাহাদিগকে আপন দয়াতে রক্ষা করিলাম; এবং যাহারা অত্যাচার করিয়াছিল, তাহাদিগকে মহাশব্দ আক্রমণ করিল, অনস্তর তাহারা স্বীয় গৃহে অধোমুখে (মৃত হইয়া) প্রাতঃকাল করিল। ৯৪।+যেন, তাহারা সেই স্থানে কখনও ছিল না; জানিও, যেমন সমুদ্র বহিষ্কৃত হইয়াছিল, তদ্রূপ মদয়নদিগের জন্ত বহিষ্কৃতি। ৯৫। (র, ৮, আ, ১২)

এবং সত্য সত্যই আমি স্বীয় নিদর্শন ও উজ্জ্বল অলৌকিকতা সহ মুসাকে ফেরওণ ও তাহার প্রধান পুরুষদিগের প্রতি প্রেরণ করিয়াছিলাম; পরে তাহারা ফেরওণের আজ্ঞার অমুসরণ করিয়াছিল, ফেরওণের আদেশ সত্য পথে ছিল না। ৯৬+৯৭। পুনরুত্থানের দিবসে সে আপন দলের অগ্রগামী হইবে, অনস্তর তাহাদিগকে অগ্নিতে আনয়ন করিবে, সেই উপস্থিতির ভূমি কুৎসিত ভূমি। ৯৮। এবং ইহলোকে ও পুনরুত্থানের দিবসে অভিসম্পাত তাহাদের অমুসরণ করিল; সেই প্রদত্ত (অভিসম্পাত) কুৎসিত দান। ৯৯।

\* বুদ্ধি ক্ষীণ ও চিন্তাশক্তি দুর্বল বলিয়া অথবা শত্রুতাবশতঃ তাহারা সেই সকল কথা মর্মে বুঝিতে পারে নাই। প্রেরিত-পুরুষের উক্তি না বুঝিবার কারণ এই বটে। “যদি তোমার স্বগণ না থাকিত, তবে নিশ্চয় তোমাকে প্রস্তরাহত করিতাম” অর্থাৎ তোমার জাতি কুটুম্ব আমাদের ধর্মে আছে, তাহাদিগকে আমরা অত্যন্ত ভালবাসি; তাহা না হইলে তোমাকে হত্যা কবিতাম। (ত, হো)

ইহাই গ্রাম সকলের কতক সংবাদ, যাহা তোমার নিকটে বর্ণন করিতেছি; তাহার কোনটি প্রতিষ্ঠিত, কোনটি উন্মূলিত \*। ১০০। তাহাদিগের প্রতি আমি অত্যাচার করি নাই, কিন্তু তাহারা স্বীয় জীবনের প্রতি অত্যাচার করিয়াছে; অনন্তর যখন তোমার প্রতিপালকের (শান্তির) আজ্ঞা উপস্থিত হইল, ঈশ্বর ভিন্ন যাহাদিগকে তাহারা আহ্বান করিতেছিল, তাহাদের সেই উপাস্তগণ তখন তাহাদের হইতে কিছুই নিবারণ করিল না, এবং তাহারা তাহাদের বিনাশ ভিন্ন (কিছুই) বৃদ্ধি করে নাই। ১০১। এবং যখন তিনি গ্রাম সকল আক্রমণ করেন, এদিকে তাহা অত্যাচারী, তখন এই প্রকার তোমার প্রতিপালকের আক্রমণ হয়; নিশ্চয় তাঁহার আক্রমণ কঠিন দুঃখজনক। ১০২। নিশ্চয় যে ব্যক্তি অস্তিম দণ্ডকে ভয় করিয়াছে, তাহার জন্ত ইহাতে একান্ত নিদর্শন আছে; এই একদিন যে, তজ্জন্ত মনুষ্য একত্রীকৃত হইবে ও এই একদিন যে, (সমুদায়) উপস্থিতীকৃত হইবে। ১০৩। আমি এক নির্দিষ্ট সময়ের জন্ত বৈ তাহা স্থগিত রাখি না। ১০৪। যে দিন আসিবে, তাহাতে কোন ব্যক্তি তাঁহার আদেশ ভিন্ন কথা কহিবে না; অনন্তর তাহাদের মধ্যে কেহ ভাগ্যহীন ও কেহ ভাগ্যবান হইবে। ১০৫। কিন্তু যাহারা ভাগ্যহীন হইল, তৎপর তাহারা অগ্নিতে রহিল, তথায় তাহাদের জন্ত উচ্চাত্ম আর্তনাদ হইল। ১০৬। + তোমার প্রতিপালকের (অন্ত) ইচ্ছা হওয়া বাতীত যে পর্যন্ত স্বর্গ ও পৃথিবীর স্থিতি, সে পর্যন্ত তথায় তাহারা নিত্যস্থায়ী; নিশ্চয় তোমার প্রতিপালক যাহা ইচ্ছা করেন, তাহার সম্পাদক \*। ১০৭। কিন্তু যাহারা ভাগ্যবান, পরে তাহারা স্বর্গোচ্চানে থাকিবে; তোমার প্রতিপালকের (অন্ত) ইচ্ছা হওয়া বাতীত যে পর্যন্ত আকাশ ও পৃথিবীর স্থিতি, সে পর্যন্ত তাহারা তথায় নিত্যস্থায়ী, (তাঁহার) অবিচ্ছিন্ন দান হইবে। ১০৮। অনন্তর ইহারা যাহাকে অর্চনা কবে, তৎপ্রতি তুমি নিঃসন্দেহ হইও; ইহাদের পূর্ব হইতে ইহাদের পিতৃপুরুষগণ যেরূপ অর্চনা করিত, ইহারা তদ্রূপ বৈ অর্চনা করিতেছে না, এবং নিশ্চয় আমি তাহাদের লভ্যাংশ অক্ষতভাবে তাহাদিগকে সম্যক্ দিয়া থাকি। ১০৯। (র, ৯, আ ১৪)

\* সেই গ্রাম সকলের কোন কোনটি অবশিষ্ট আছে, তাহাতে লোকের বসতি আছে ও শস্তাদি হইতেছে, এবং কোন কোন গ্রামের শস্তাদি উন্মূলিত হইয়া গিয়াছে। (ত, হো,)

+ ঈশ্বর ইচ্ছা করিলে দণ্ডের পরিবর্তন করিয়া অগ্নিদণ্ডের স্থলে ভয়ানক শৈতাদণ্ড অথবা অন্য কোন প্রকার দণ্ড বিধান করিতে পারেন। নরকে নানা প্রকার শাস্তির ব্যবস্থা আছে। ধর্মদ্রোহিগণ চিরকাল নরকে থাকিবে, কিন্তু সর্বদা একবিধ শাস্তি যে সকলেই ভোগ করিবে, তাহা নহে। যে অগ্নিদণ্ড ভোগ করিয়াছে, পরে তাহার জন্ত শৈতাদণ্ড হইতে পারে। কেয়ামতের পর এই আকাশ ও পৃথিবী থাকিবে না, তৎপরিবর্তে অন্তরূপ আকাশ ও পৃথিবী হইবে। বস্তুতঃ এস্থলে আকাশ ও পৃথিবী অর্থে, তাহাদের প্রকৃতিকে বুঝাইবে, আকৃতি নয়। অর্থাৎ উর্দ্ধ ও নিম্ন; মস্তকের উপরে যাহা, আরবীয় লোকেরা তাহাকে আকাশ এবং নিম্নে যাহা, তাহাকে পৃথিবী বলে। যে পর্যন্ত উর্দ্ধ ও নিম্ন থাকিবে, সে পর্যন্ত উক্ত পাপীরা নরকে বাস করিবে। (ত, হো,)

সত্য সত্যই আমি মুশাকে গ্রন্থ দান করিয়াছি, অনন্তর তাহাতে পরিবর্তন করা হইয়াছে, এবং যদি তোমার প্রতিপালকের এক বাক্য যে পূর্বে হইয়াছে, তাহা না হইত, তবে অবশ্য তাহাদের মধ্যে মীমাংসা করা যাইত ; সত্যই তাহারা ইহার সম্বন্ধে অস্থিরতাজনক সন্দেহের মধ্যে আছে \* । ১১০ । নিশ্চয় যখন ( সমুখাপিত হইবে, ) তখন তোমার প্রতিপালক প্রত্যেক ব্যক্তিকে তাহাদের কার্য সকলের ( বিনিময় ) সম্যক দান করিবেন ; তাহারা যাহা করিতেছে, নিশ্চয় তিনি তাহার জ্ঞাতা । ১১১ । অতএব তুমি, (হে মোহম্মদ,) যেরূপ আদিষ্ট হইয়াছ, ( তাহাতে ) স্থির থাক ও তোমার সঙ্গে যাহারা প্রত্যাবর্তিত আছে, ( স্থির থাকুক ; ) এবং তোমরা, (হে বিশ্বাসিগণ,) অবাধ্য হইও না, নিশ্চয় তোমরা যাহা করিতেছ, তিনি তাহার দ্রষ্টা । ১১২ । এবং যাহারা অন্য় করিয়াছে, তাহাদের প্রতি তোমরা অনুরাগী হইও না ; তবে অগ্নি তোমাদিগকে গ্রাস করিবে, এবং ঈশ্বর ব্যতীত তোমাদের জন্ত কোন বন্ধু নাই, পরে তোমরা সাহায্য প্রাপ্ত হইবে না । ১১৩ । এবং দিবার দুইভাগে ও রজনীর কিছুকাল উপাসনাকে প্রতিষ্ঠিত রাখ ; নিশ্চয় কল্যাণ সকল অকল্যাণ সকলকে দূর করে, উপদেশগ্রহীতাদিগের জন্ত ইহাই উপদেশ । ১১৪ । এবং ধৈর্য ধারণ কর, নিশ্চয় ঈশ্বর হিতকারীদিগের পুরস্কার নষ্ট করেন না । ১১৫ । অনন্তর গ্রাম সকলের তোমাদের পূর্ববর্তী জ্ঞানবান্দিগের মধ্য হইতে যাহাদিগকে আমি রক্ষা করিয়াছি, তাহাদিগের অল্পসংখ্যক ব্যতীত কেন অণ্ডে পৃথিবীতে উপদ্রব নিবারণ করে নাই ? অত্যাচারিগণ যাহার মধ্যে স্তম্ভ পাইয়াছে, তাহার অনুসরণ করিয়াছে, তাহারা অপরাধী ছিল । ১১৬ । এবং তোমার প্রতিপালক (এরূপ) নহেন যে, গ্রাম সকলকে, তন্নিবাসিগণ সাধুসত্ত্বে, অন্য়পূর্বক বিনাশ করেন । ১১৭ । এবং যদি তোমার প্রতিপালক ইচ্ছা করিতেন, তবে অবশ্য সমুদায় লোককে এক সম্প্রদায় করিতেন ; যাহাদের প্রতি তোমাদের প্রতিপালক অনুগ্রহ করিয়াছেন, তাহারা ব্যতীত (সকলে) সর্বদা বিরুদ্ধাচারী থাকিবে, ইহারই জন্ত তাহাদিগকে তিনি সৃজন করিয়াছেন । এবং তোমার প্রতিপালকের বাক্য পূর্ণ হইল যে, অবশ্য আমি দৈত্য ও মনুষ্য সমুদায়ের দ্বারা নরকলোক পূর্ণ করিব । ১১৮ + ১১৯ । এবং আমি তোমার নিকটে, (হে মোহম্মদ,) প্রেরিতপুরুষদিগের সংবাদাবলী সমুদায় বর্ণন করিতেছি ; এ বিষয় দ্বারা তোমার অন্তঃকরণ স্থির করিতেছি, এতন্মধ্যে তোমার প্রতি সত্য ও উপদেশ এবং বিশ্বাসীদিগের জন্ত স্মরণীয় ( বিষয় ) উপস্থিত হইয়াছে । ১২০ । তুমি অবিশ্বাসীদিগকে বল যে, তোমরা আপনাদের স্থানে কার্য কর, নিশ্চয় আমরাও কার্যকারক । ১২১ । + এবং তোমরা প্রতীক্ষা কর, নিশ্চয় আমরাও প্রতীক্ষাকারী । ১২২ । এবং স্বর্গ ও পৃথিবীর

\* “শাস্তিদানে বিলম্ব করা হইবে ;” পূর্বে ঈশ্বরের এই প্রকার আদেশ হইয়াছে, তাহা না হইলে তাহাদের মধ্যে মীমাংসা করা যাইত, অর্থাৎ মুসায়ী সম্প্রদায়কে শান্তি দেওয়া যাইত ! নিশ্চয় কাফের লোকেরা ইহার প্রতি অর্থাৎ কোন্-আনের সত্যতার প্রতি সন্দেহ করিয়া অস্থির হইয়াছে । (ত, হো,)

নিগূঢ় তব্ব ঈশ্বরের জগ্ন এবং তাঁহার দিকে সমগ্র কার্যের প্রত্যাভর্তন ; অতএব তাঁহাকে অর্চনা কর ও তাঁহার প্রতি নির্ভর কর, এবং তোমরা যাহা করিয়া থাক, তোমার প্রতিপালক তাহা অজ্ঞাত নহেন। ১২৩। ( র, ১০, আ, ১৪ )

## সূরা ইয়ুসোফ ❀

.....

দ্বাদশ অধ্যায়

.....

১১১ আয়ত, ১২ রকু

( দাতা দয়ালু পরমেশ্বরের নামে প্রবৃত্ত হইতেছি । )

উজ্জ্বল গ্রন্থের এই সকল প্রবচন। ১। নিশ্চয় আমি তাহা আরব্য কোর্-আন্ রূপে অবতারণ করিয়াছি, ভরসা যে, তোমরা হৃদয়ঙ্গম করিবে। ২। আমি তোমার নিকটে, ( হে মোহাম্মদ, ) অত্যাংকুষ্ট আখ্যাতিকা সকলের বর্ণনা করিতেছি, এই প্রকারে আমি তোমার প্রতি এই কোর্-আন্ প্রত্যাদেশ করিয়াছি ; নিশ্চয় তুমি অজ্ঞদিগের অন্তর্গত ছিলে। ৩। যখন ইয়ুসোফ স্বীয় পিতাকে বলিল, “হে আমার পিতা, নিশ্চয় আমি ( স্বপ্নে ) একাদশ নক্ষত্র এবং চন্দ্র সূর্য্য দর্শন করিয়াছি ; তাহাদিগকে দেখিয়াছি যে, আমাকে নমস্কার করিতেছে”। ৪। ( তখন ) সে বলিল, “হে আমার পুত্র, তুমি স্বীয় ভ্রাতৃগণের নিকটে স্বীয় স্বপ্নবৃত্তান্ত বিবৃত করিও না, তাহা হইলে তাহারা তোমার সম্বন্ধে কোন ছলে ছলনা করিবে ; নিশ্চয় শয়তান মনুষ্যের জগ্ন স্পষ্ট শত্রু ঃ। ৫। এই প্রকারে তোমার প্রতিপালক তোমাকে গ্রহণ করিবেন ও ( স্বপ্ন ) বৃত্তান্তের ব্যাখ্যা তোমাকে শিক্ষা দিবেন ; এবং তোমার প্রতি ও ইয়কুবের সম্মানগণের প্রতি আপন দান পূর্ণ করিবেন, যেমন ইতিপূর্বে তোমার পিতৃপুরুষদ্বয় এব্রাহিম ও এস্হাকের প্রতি তাহা পূর্ণ করিয়াছেন। নিশ্চয় তোমার প্রতিপালক জ্ঞাতা ঃ নিপুণ”। ৬। ( র, ১, আ, ৬ )

\* এই সূরা মক্কাতে অবতীর্ণ হয়। “অল্‌রা” এই সূরার ব্যবচ্ছেদক শব্দ। ইহার মর্ম্ম গুঢ়, সংক্ষেপতঃ অবর্ণের অর্থ আমি, “ল” এর অর্থ কোমল এবং “রা” এর অর্থ অনুগ্রহকারী। ( ত, হো, )

পূর্বে দুই অধ্যায়েও ব্যবচ্ছেদক শব্দ “রা” স্থানে “অল্‌রা” বৃদ্ধিতে হইবে।

+ ইয়কুব জানিয়াছিলেন যে, ইয়ুসোফ উন্নতপদ লাভ করিবেন। ইয়ুসোফের একাদশ ভ্রাতা ছিল, তাহারা একাদশ নক্ষত্রস্থলে ইঙ্গিত হইয়াছে। পিতা মাতা চন্দ্র সূর্য্যের স্থলবর্তী হইয়াছেন, তাহারা সকলে ইয়ুসোফকে সম্মান করিতেছেন, স্বপ্নের এই ভাব। ইয়কুব ভাবিলেন যে, এ বিষয় ইয়ুসোফের ভ্রাতৃগণ শ্রবণ করিলে তাঁহাকে বধ করিতে চেষ্টা করিবে। ( ত, হো, )



সত্য সত্যই ইয়ুসোফ ও তাহার ভ্রাতৃবর্গে জিজ্ঞাসুদিগের জ্ঞান নিদর্শন সকল ছিল \*। ৭। স্মরণ কর, যখন তাহারা ( পরস্পর ) বলিল যে, “অবশ্য ইয়ুসোফ ও তাহার ( সহোদর ) ভ্রাতা আমাদের পিতার নিকটে আমাদের অপেক্ষা প্রিয়তর, এদিকে আমরা বহুলোক ; নিশ্চয় আমাদের পিতা স্পষ্ট ভ্রান্তির মধ্যে আছেন †। ৮। + ইয়ুসোফকে বধ কর, অথবা তাহাকে কোন স্থলে নিক্ষেপ কর ; তবে তোমাদের জ্ঞান তোমাদের পিতার মনোযোগ মুক্ত হইবে। অতঃপর তোমরা এক উত্তম দল হইবে”। ৯। তাহাদের মধ্যে এক বক্তা বলিল, “ইয়ুসোফকে বধ করিও না, তাহাকে গভীর কূপে নিক্ষেপ কর ; যদি তোমরা এই কার্যের কারক হও, তবে পথিকদিগের কেহ তাহাকে উঠাইয়া লইবে”। ১০। তাহারা বলিল, “হে আমাদের পিতা, তোমার কি হইল যে, আমাদের ইয়ুসোফের স্বপ্নকে বিশ্বস্ত মনে করিতেছ না? সত্যই আমরা তাহার শুভাকাঙ্ক্ষী। ১১। কল্যাণ তাহাকে আমাদের সঙ্গে প্রেরণ করিও, সে পর্যাপ্ত ভোগ করিবে ও ক্রীড়া করিবে, এবং একান্তই আমরা তাহার রক্ষক”। ১২। সে বলিল, “নিশ্চয় আমাকে দুঃখিত করিতেছে যে, তোমরা তাহাকে লইয়া যাইবে ; আমি ভয় পাইতেছি যে, তাহাকে ব্যাঘ্রে ভক্ষণ করিবে, এবং তোমরা তৎপ্রতি উদাসীন থাকিবে”। ১৩। তাহারা বলিল, “আমরা বহুলোকসঙ্গে যদি তাহাকে ব্যাঘ্রে ভক্ষণ করে, নিশ্চয় তখন আমরা ক্ষতিগ্রস্ত হইব” ‡। ১৪। অনন্তর যখন তাহাকে লইয়া গেল, তখন তাহাকে গভীর কূপে নিক্ষেপ করিবে স্থির করিল ; এবং আমি তাহার প্রতি প্রত্যাদেশ করিলাম যে,

\* কথিত আছে যে, কোরেশগণ ইহুদিদিগকে বলিয়াছিল যে, “পরীক্ষা করিবার জ্ঞান মোহাম্মদকে কিছু প্রশ্ন করিব ; কি প্রশ্ন করিব, তোমরা তাহা বলিয়া দাও।” ইহুদিরা বলিল, “তোমরা যাইয়া জিজ্ঞাসা কর যে, এব্রাহিমের বাসস্থান শামদেশে ছিল, তাহার বংশোদ্ভূত বনিএশ্রায়েল মেসরে কিরূপে উপস্থিত হইল যে, মেসরের রাজা ফেরাওণের সঙ্গে তাহাদের বিবাদ সজ্বাটিত হয়?” তাহাতেই এই সূরা অবতীর্ণ হইল। কোরেশগণ আপনাদের এক ভ্রাতা হজরত মোহাম্মদের প্রতি ঈর্ষ্যা করিয়া, তাহার আশুগত্য অস্বীকার করিয়াছিল, পরে পরমেশ্বর তাহার নিকট তাহাদিগকে কৃপা প্রার্থী করেন ; এই প্রকার ইহুদিগণও ঈর্ষ্যা করিয়া পতিত হয়। কোরেশগণ স্বীয় ভ্রাতাদিগকে স্বদেশ হইতে তাড়াইয়া দেয়, পরে তাহাদেরই উন্নতি হয়।

( ত, হো, )

+ অর্থাৎ আমরা যথাসময়ে কার্যে ব্যবহৃত হইব, আর ইয়ুসোফ ও তাহার ভ্রাতা শিশু বালক কোন কার্যে আসিবে না। ইয়ুসোফের একটি মাত্র সহোদর ভ্রাতা ছিল, অল্প সকলেই বৈমাত্রেয় ভ্রাতা।

( ত, ফা, )

‡ সত্যই আমরা যখন তাহাকে ব্যাঘ্রের মুখে সমর্পিত দেখিব, তখন আমাদের ক্ষতি হইবে। ইয়ুসোফের ভ্রাতৃবর্গ এইরূপ অনেক কথা বলিয়া একান্ত অনুরোধ করিল ও ইয়ুসোফও মাঠের শোভা দেখিবার আগ্রহ প্রকাশ করিল ; তাহাতে ইয়ুসোফ অগত্যা ভ্রাতৃগণের সঙ্গে তাহাকে বিদায়দানে সম্মত হইলেন। তিনি বেশ বিশ্বাস করাইয়া দুঃখের সহিত ইয়ুসোফকে ভ্রাতাদের হস্তে সমর্পণ করিলেন।

( ত, হো, )

অবশ্য তুমি তাহাদিগকে তাহাদের এই কার্যের সংবাদ দান করিবে, এবং তাহারা চিনিবে না \* । ১৫ । তাহারা সন্ধ্যাকালে ক্রন্দন করিয়া আপন পিতার নিকটে উপস্থিত হইল । ১৬ । † বলিল, “হে আমাদের পিতা, আমরা সকলে অগ্রসর হইব বলিয়া দৌড়িয়াছিলাম, এবং ইয়ুসোফকে আমাদের বস্তুজাতের নিকটে রাখিয়াছিলাম ; অনন্তর তাহাকে ব্যাঘ্রে ভক্ষণ করিয়াছে । যদিচ আমরা সত্যবাদী, তথাপি তুমি আমাদের সম্বন্ধে বিশ্বাসী নও” । ১৭ । এবং তাহারা মিথ্যা শোণিতযুক্ত তাহার উপরের অঙ্গাবরণ উপস্থিত করিল ; সে বলিল, “বরং তোমাদের জন্ত তোমাদের জীবন এক কার্য প্রস্তুত করিয়াছে, অনন্তর ( আমার কার্য ) উত্তম ধৈর্য ; এবং তোমরা যাহা ব্যক্ত করিতেছ, তজ্জন্ত ঈশ্বরের নিকটে সাহায্য প্রার্থনা করা গিয়াছে” । ১৮ । এবং এক দল পথিক উপস্থিত হইল । অনন্তর তাহারা স্বীয় জলোত্তোলনকারীকে প্রেরণ করিল, পরে সে আপন জলপাত্র ( সেই কূপে ) নিক্ষেপ করিল ; সে বলিল, “ ও হে স্মংবাদ, হায় ! এই এক বালক,” এবং তাহারা তাহাকে মূলধনরূপে লুকাইয়া রাখিল । এবং তাহারা যাহা করিতেছিল, ঈশ্বর তাহার জ্ঞাতা ‡ । ১৯ । তাহারা নির্দিষ্ট নিকৃষ্ট মুদ্রার মূল্যে তাহাকে বিক্রয় করিল, এবং তৎপ্রতি তাহারা বিরাগী ছিল । ২০ । ( র, ২, আ, ১৪ )

\* ইয়কুব প্রিয় পুত্র ইয়ুসোফকে সমস্তে রক্ষা করিবার জন্ত সম্মানদিগকে বিশেষরূপে অনুরোধ করিয়াছিলেন । তাহারা ইয়ুসোফকে সাদরে স্বন্ধে ধারণপূর্বক পিতার নিকট হইতে বিদায় লইয়া প্রান্তরাভিমুখে গমন করে । ইয়কুবের দৃষ্টির অন্তরাল হইলে পর তাহারা ইয়ুসোফকে ভূমিতে নিক্ষেপ করে ও দুর্বাক্য বলিতে থাকে ; এবং “রে মিথ্যান্বেষণী বালক, যে সকল নক্ষত্র তোকে নমস্কার করিয়াছিল, তাহারা এক্ষণ কোপায় ? তাহারা আসিয়া আমাদের হস্ত হইতে অস্ত্র তোকে উদ্ধার করুক ;” এরূপ বলে । ইয়ুসোফ বলিলেন, “ভাই সকল, একি ব্যাপার ? একবার বৃদ্ধ পিতার বিষয় চিন্তা কর, এবং আমাকে দুর্বল শিশু বলিয়া দয়া কর ।” তাহারা তাঁহার কথায় কর্ণপাত না করিয়া তাঁহাকে চপেটাগত করিল, এবং ক্ষুধা তৃষ্ণায় আকুল সেই স্নকুমার শিশুকে কণ্টকাকৃত ভূমির উপর দিয়া টানিয়া ওষ্ঠাগতপ্রাণ করিয়া লইয়া চলিল । ইয়ুসোফের নিবাসভূমি কেনানের নয় মাইল অন্তর এক গভীর অন্ধকূপ ছিল, তাহারা তাঁহাকে বন্ধন করিয়া তাহার মধ্যে নিক্ষেপ করিল ও তাঁহার অঙ্গবস্ত্র কাড়িয়া লইয়া গেল । পরমেশ্বর স্বর্গদূত প্রেরণ করিয়া তাঁহাকে সাহায্য দান করিলেন, এবং বলিলেন যে, শীঘ্র তোমাকে উদ্ধার করিয়া উন্নত পদে স্থাপন করিব ; পরে ভ্রাতৃগণ তোমার শরণাপন্ন হইবে, এবং তুমি তাহাদের দুর্ব্যবহারের কথা বলিবে ও তাহারা তোমাকে চিনিয়া উঠিতে পারিবে না । ( ত, হো, )

† একদল মদয়নবাসী বণিক সেই কূপের নিকট দিয়া মেসরাভিমুখে যাইতেছিল, তাহারা জলাশেষণে লোক পাঠায় । সেই লোক জল উত্তোলন করিবার জন্ত দল্ভনামক জলপাত্র বিশেষ রক্ষুবোণে কূপে নিক্ষেপ করে, তখন ইয়ুসোফ সেই দল্ভে চড়িয়া বসেন । বণিকের ভৃত্য জলপাত্রকে অতান্ত ভারাক্রান্ত বোধ করিয়া ও তন্মধ্যে পরম রূপবান্ বালককে দেখিয়া উত্তোলনের সাহায্যের জন্ত দলপতিকে আহ্বান করে । সেই দলপতির নাম বোশরা ছিল, এই শব্দে স্মংবাদকেও বুঝায় । ভ্রাতৃবর্গ তখন ইয়ুসোফকে দেখিয়া অস্পষ্ট ভাষায় ভয় দেখাইয়া বলিয়াছিল যে, “আমরা যাহা বলিব,

এবং মেসরের যে ব্যক্তি তাহাকে ক্রয় করিয়াছিল, সে আপন স্ত্রীকে বলিল যে, “তাহার পদকে সম্মানিত করিও, সম্ভব যে, সে আমাদের উপকারে আসিবে, অথবা আমরা তাহাকে পুত্ররূপে গ্রহণ করিব ;” এবং এই প্রকারে আমি ইয়ুসোফকে সে দেশে স্থান দিলাম, তাহাতে স্বপ্নবিবরণসকলের তাৎপর্য তাহাকে শিক্ষাদান করি ; ঈশ্বর আপন কার্যে ক্ষমতামালা, কিন্তু অধিকাংশ মানুষ জ্ঞাত নহে \* । ২১ । এবং যখন সে স্বীয় যৌবনে উপস্থিত হইল, তখন আমি তাহাকে প্রজ্ঞা ও বিদ্যা দান করিলাম ; এই প্রকারে আমি হিতকারীদিগকে পুরস্কার দিয়া থাকি † । ২২ । সে যাহার গৃহে ছিল, সেই স্ত্রী তাহার জীবন হইতে (প্রবৃত্তি চরিতার্থ করার জন্ত) তাহাকে কামনা করিল ও দ্বার সকল বন্ধ করিল, এবং বলিল, “এস, আমি তোমারই ;” সে বলিল, “আমি ঈশ্বরের শরণাপন্ন হই, নিশ্চয় তিনি আমার প্রতিপালক, তিনি আমার পদ উন্নত করিয়াছেন, সত্যই অগ্নায়-কারী উদ্ধার পায় না ‡” । ২৩ । সত্য সত্যই সেই স্ত্রী তাহার প্রতি উত্তম হইয়াছিল,

তাহার অন্তথা বলিলে তোমার শিরশ্ছেদন কবিব ।” তখন ইয়ুসোফ চুপ করিয়া রহিলেন । তাহার বণিক্ দলপতিকে বলিল, “এ বালক আমাদের ভৃত্য, এ বড় দুষ্ট ও অবাধ্য, ইহাকে তুমি অশু দেশে লইয়া যাও ; আমরা এই ভৃত্যকে তোমার নিকটে বিক্রয় করিতেছি ।” অতঃপর অতি সামান্য কয়েক মুদ্রায় তাহারা তাঁহাকে বিক্রয় করিয়া চলিয়া যায় । (ত, হো,)

\* মেসরের আজিজ ইয়ুসোফকে ক্রয় করিয়াছিলেন । তখন তথাকার রাজার প্রধান কর্মচারীর আজিজ উপাধি হইত । আজিজ ইয়ুসোফকে বিশেষ প্রতিভাসম্পন্ন দেখিয়া দাসত্বে নিযুক্ত না করিয়া খীয় কার্য কর্মের প্রতিনিধি হইবার জন্ত মস্তানভাবে রাখিয়াছিলেন । এই রূপে পরমেশ্বর সে দেশে তাঁহাকে প্রতিষ্ঠিত করিলেন, এবং তাঁহারই উপলক্ষে সমুদায় বনি-এশ্রায়েলকে তথায় স্থাপন করিলেন । এই নির্দারিত হইয়াছিল যে, ইয়ুসোফ প্রধান রাজপুরুষদিগের সঙ্গে থাকিয়া রাজকৌশল অবগত ও রাজনীতিবিষয়ে সুশিক্ষিত হন । তাঁহার লাভবর্গ চেষ্টা করিয়াছিল যে, তাঁহাকে দুর্দশাপন্ন করে, কিন্তু তিনি তাহাদিগের সেই চেষ্টায় উন্নতপদ লাভ করেন, যেহেতু ঈশ্বর তাঁহার সহায় ছিলেন । (ত, ফা,)

বণিক্ তাঁহাকে মেসরে লইয়া আইসে । সেই সময়ে অলিদ অমলিকির পুত্র রয়ান মেসরের রাজা ছিলেন । তিনি রাজাশাসনের ভার কতফির নামক মন্ত্রীর হস্তে সমর্পণ করিয়াছিলেন । কতফিরেরই আজিজ উপাধি ছিল । যখন মদয়নের বণিক্ দল মেসরে উপস্থিত হইল, তখন আজিজের অনুচরগণ তাহাদের নিকটে যাওয়া ইয়ুসোফকে দর্শন করে, তাহারা তাঁহার সৌন্দর্য্যে মুগ্ধ হয়, এবং আজিজকে তদ্বিষয় জ্ঞাপন করে । জ্বোলয়থানামী আজিজের এক পত্নী ছিলেন । বণিক্ ইয়ুসোফকে সুসজ্জিত করিয়া বিক্রয়ার্থ বাজারে উপস্থিত করিলে বহুলোক বাকুল হইয়া আপন আপন ধন সম্পত্তি সহ ক্রয় করিতে আইসে ; পরে আজিজ প্রচুর অর্থদানে তাঁহাকে ক্রয় করেন । আজিজ অপুত্রক ছিলেন, তিনি ইয়ুসোফকে পুত্ররূপে গ্রহণ করিয়া তাঁহার প্রতি আদর সম্মান প্রদর্শন করিবার জন্ত স্বীয় ভাষা জ্বোলয়থাকে অশুভাধ করেন । (ত, হো,)

† “প্রজ্ঞা ও বিদ্যা দান করিলাম” অর্থাৎ আমি তাহাকে দুর্দহ বিষয় হৃদয়ঙ্গম করিবার বুদ্ধি ও ঈশ্বর-জ্ঞান প্রদান করিলাম । (ত, ফা,)

‡ আজিজের পত্নী জ্বোলয়থা ইয়ুসোফের রূপলাবণ্যে মুগ্ধ হইয়া তাঁহা দ্বারা প্রবৃত্তি চরিতার্থ

এবং সে সেই স্ত্রীর প্রতি উদ্বৃত হইয়াছিল ; সে যদি আপন প্রতিপালকের নিদর্শন দর্শন করে এরূপ না হইত, ( তবে সে ব্যভিচার করিত । ) \* এই প্রকার (করিলাম,) যে তাহাতে তাহা হইতে মন্দভাব ও নিলজ্জতা দূর করিলাম ; নিশ্চয় সে আমার নির্বাচিত ভৃত্যদিগের অন্তর্গত ছিল । ২৪ । উভয়ে দ্বারের দিকে অগ্রসর হইয়াছিল, এবং নারী তাহার কামিজ পশ্চাদিকে ছিন্ন করিয়াছিল, উভয়ে আপন স্বামীকে দ্বারের নিকটে প্রাপ্ত হইয়াছিল ; নারী বলিয়াছিল, “যে ব্যক্তি তোমার পরিবারের প্রতি মন্দ ইচ্ছা করে, কারারুদ্ধ হওয়া অথবা দুঃখজনক শাস্তি ব্যতীত (তাহার জন্ত) বিনিময় কি ?” । ২৫ । সে বলিয়াছিল, “এই নারী আমার জীবন হইতে আমার প্রার্থী হইয়াছে ;” এবং সেই স্ত্রীর স্বগণসম্পর্কীয় এক সাক্ষী সাক্ষ্য দান করিল যে, যদি তাহার কামিজ সম্মুখভাগে ছিন্ন হইয়া থাকে, তবে নারী সত্য বলিয়াছে, এবং পুরুষ মিথ্যাবাদীদিগের অন্তর্গত । ২৬ । এবং যদি তাহার কামিজ পশ্চাদিকে ছিন্ন হইয়া থাকে, তবে নারী মিথ্যা বলিয়াছে, এবং সেই পুরুষ সত্যবাদীদিগের অন্তর্গত । ২৭ । অনন্তর যখন সে ( আজিজ ) তাহার কামিজকে পশ্চাদিকে ছিন্ন দেখিল, বলিল যে, “ইহা তোমাদের (নারীগণের) চক্রান্ত, নিশ্চয় তোমাদের চক্রান্ত প্রবল । ২৮ । হে ইয়ুসোফ, তুমি ইহা হইতে নিবৃত্ত হও, এবং (হে জোলয়খা,) তুমি স্বীয় অপরাধের জন্ত ক্ষমা প্রার্থনা কর, নিশ্চয় তুমি অপরাধিনীদিগের অন্তর্গত” । ২৯ । ( র, ৩, আ, ৯ )

করিতে চাহিয়াছিলেন ; তিনি সপ্ততল প্রাসাদের ভিতর ইয়ুসোফকে লইয়া গিয়া সমুদার দ্বার বন্ধ করিয়া তাহাকে প্রলুক করিতে বিশেষ চেষ্টা করিয়াছিলেন । ইয়ুসোফ ঈশ্বরের আশ্রয় গ্রহণ করিয়া বলেন, “তিনি আমাকে আজিজ দ্বারা উচ্চপদ প্রদান করিয়াছেন, আমি বিশ্বাসঘাতকতা করিতে পারি না ।” ( ত, হো, )

\* সত্যই জোলয়খা ইয়ুসোফের সঙ্গে সম্মিলিত হইতে উদ্বৃত হইয়াছিলেন, এবং ইয়ুসোফ জোলয়খাকে দূর করিয়া পলায়ন করিতে উদ্বৃত হইয়াছিলেন । ঈশ্বরের নিদর্শন প্রেরিত্ত ও পবিত্রতা যে তাহার জীবনে ছিল, যদি ইয়ুসোফ তাহা দেখিতে না পাইতেন, তবে নিশ্চয় প্রলোভনে পড়িয়া ছুড়ঙ্গ করিতেন । ( ত, হো, )

+ ইয়ুসোফ আজিজকে বলিলেন যে, “জোলয়খা আমাদ্বারা দুঃপ্রবৃত্তি চরিতার্থ করিতে চাহিয়াছেন ; আমি সন্দেহ হই নাই, এবং পলায়ন করিতেছিলাম ।” আজিজ বলিলেন, “একথা যে সত্য, আমি কেমন করিয়া বিশ্বাস করিব, কেহ কি এ বিষয় জ্ঞাত আছে ?” ইয়ুসোফ বলিলেন, “সেই গৃহে চারি মাসের একটি শিশু ছিল, সে জোলয়খার মাতৃধমার পুত্র, সেই শিশু আমার সাক্ষী ।” এই কথা শুনিয়া আজিজ বলিলেন, “সে শিশুর চারি মাস বয়ঃক্রম, সে কি জানে ? এবং সে কেমন করিয়া কথা কহিবে ? তুমি কি আমার সঙ্গে উপহাস করিতেছ ?” ইয়ুসোফ বলিলেন যে, “আমার পরমেশ্বর অনন্তশক্তিশালী, তিনি সেই শিশুকে বাকশক্তি দান করিবেন, সে আমার নির্দোষিতা-বিষয়ে সাক্ষ্য দান করিবে ।” এই কথা শুনিয়া আজিজ বালককে জিজ্ঞাসা করেন, বালক দৈব শক্তির প্রভাবে কথা কহিতে প্রবৃত্ত হয়, এবং “যদি তাহার কামিজ সম্মুখ ভাগে ছিন্ন হইয়া থাকে” ইত্যাদি কৌশলের কথা বলে । ( ত, হো, )

এবং নগরে নারীগণ ( পরম্পর ) বলিল যে, “আঞ্জিজের স্ত্রী স্বীয় যুবক ( দাসকে ) তাহার জীবন হইতে ( প্রবৃত্তি চরিতার্থ করিবার জন্ত ) কামনা করিতেছে, নিশ্চয় তাহার প্রেম গাঢ় হইয়াছে ; সত্যই আমরা তাহাকে স্পষ্ট পথভ্রান্তির মধ্যে দেখিতেছি” । ৩০ । অনন্তর যখন সে তাহাদের চাতুরী শ্রবণ করিল, তখন তাহাদের নিকটে ( লোক ) পাঠাইল, এবং তাহাদিগের জন্ত এক সভার আয়োজন করিল, তাহাদের প্রত্যেককে এক একটি ছুরিকা দান করিল ও বলিল, ( “হে ইয়ুসোফ, ) তুমি ইহাদের নিকটে বাহির হও” ; অনন্তর যখন তাহারা তাহাকে দেখিল, তখন তাহাকে শ্রেষ্ঠ মনে করিল, এবং আপন আপন হস্ত ছেদন করিল, এবং বলিল, “ঈশ্বরেরই পবিত্রতা, এ মনুষ্য নহে, এ দেবতা ভিন্ন নহে” \* । ৩১ । সে ( জোলয়খা ) বলিল, “এই ব্যক্তিই যাহার সম্বন্ধে তোমরা আমাকে ভৎসনা করিতেছ, সত্য সত্যই আমি তাহার জীবন হইতে ( প্রবৃত্তি চরিতার্থ করিবার জন্ত ) তাহাকে কামনা করিয়াছি ; পরন্তু সে পবিত্রতা রক্ষা করিয়াছে । এবং আমি তাহাকে যাহা আজ্ঞা করিয়াছি, সে যদি তাহা না করে, তবে অবশ্য কারারুদ্ধ করা যাইবে, এবং অবশ্য সে দুর্দশাপন্নদিগের অন্তর্গত হইবে”† । ৩২ । সে বলিল, “হে আমার প্রতিপালক, তাহারা আমাকে যৎপ্রতি আহ্বান করিতেছে, তাহা অপেক্ষা কারাবাস আমার নিকটে প্রিয়তর ; এবং যদি তুমি আমা হইতে ইহাদের চক্রান্ত নিবৃত্ত না কর, তবে আমি ইহাদের প্রতি উৎসুক হইব, এবং মূর্খদিগের অন্তর্গত হইব” । ৩৩ । অনন্তর তাহার প্রতিপালক তাহার ( প্রার্থনা ) গ্রাহ্য করিলেন, অতঃপর তাহাদের চক্রান্ত তাহা হইতে নিবৃত্ত করিলেন ; নিশ্চয় তিনি শ্রোতা ও জ্ঞাতা ‡ । ৩৪ । তৎপর তাহারা যে সকল নিদর্শন দেখিয়াছিল, ( তাহাতে বুঝিয়াছিল ) যে, অবশ্য সে কিয়ৎকাল তাহাকে কারারুদ্ধ করিবে ; পরে তাহা তাহাদের জন্ত প্রকাশিত হইল । ৩৫ । ( র, ৪, আ, ৬ )

এবং তাহার সঙ্গে দুই যুবক কারাগারে প্রবেশ করিয়াছিল, তাহাদের একজন বলিয়াছিল, “নিশ্চয় আমি আমাকে ( স্বপ্নে ) দেখিতেছি যে, আমি সূরা নিঃসারণ করিতেছি ;” এবং দ্বিতীয় বলিল যে, “নিশ্চয় আমি আমাকে দেখিতেছি যে, আমি স্বীয় মস্তকের উপর রুটি বহন করিতেছি, তাহা হইতে পক্ষী ভক্ষণ করিতেছে ; তুমি

\* জোলয়খা সভাস্থ নারীদিগকে ফল কাটিয়া ভক্ষণ করিবার জন্ত ছুরিকা দান করিয়াছিলেন । তাহারা ইয়ুসোফকে দেখিয়া তাহার সৌন্দর্য্যে এমন মুগ্ধ হইয়াছিলেন যে, আপন আপন হাত কাটিয়া ফেলিলেন । ( ত, কা, )

† জোলয়খা সেই নারীমণ্ডলীর সাক্ষাতে এই উদ্দেশ্য এইরূপ বলেন যে, তাহারা ইয়ুসোফকে বুঝাইতে চেষ্টা করিবেন, ও ইয়ুসোফও কারাগারের কথা শুনিয়া ভয় পাইবে । ( ত, কা, )

‡ স্পষ্ট বুঝা যায় যে, এইরূপ প্রার্থনা করাতেই ইয়ুসোফকে কারারুদ্ধ হইতে হইয়াছিল, কিন্তু পরমেশ্বর তাহাদের চক্রান্ত নিবৃত্ত করার প্রার্থনামাত্র গ্রাহ্য করিলেন । কারাভোগ যেন ইয়ুসোফের অদৃষ্টাধীন ছিল । ( ত, কা, )



আমাদিগকে ইহার ব্যাখ্যা জ্ঞাপন কর, সত্যই আমরা তোমাকে হিতকারীদিগের অন্তর্গত দেখিতেছি” \* । ৩৬ । সে বলিল, “যে কোন খাণ্ড তোমাদিগকে দেওয়া হইয়া থাকে, তাহা তোমাদের নিকটে উপস্থিত হওয়ার পূর্বে, তোমাদিগকে আমার তাহা ব্যাখ্যা করা ব্যতীত, তোমাদের নিকটে উপস্থিত হইবে না; আমার প্রতিপালক আমাকে যাহা শিক্ষা দান করিয়াছেন, ইহা তাহার ( অন্তর্গত । ) যে সম্প্রদায় ঈশ্বরে ও পরলোকে বিশ্বাসী নহে, আমি তাহাদের ধর্ম পরিত্যাগ করিয়াছি, † তাহারা কাফের । ৩৭ । এবং আমি আপন পিতৃপুরুষ এব্রাহিম ও এস্হাক ও ইয়কুবের ধর্মের অনুসরণ করিয়াছি, কোন বস্তুকে যে আমরা ঈশ্বরের সঙ্গে অংশী স্থাপন করিব, আমাদের নিমিত্ত তাহা নয়; আমাদের প্রতি ও মানবমণ্ডলীর প্রতি ঈশ্বরের কৃপা হইতে ইহা হয়, কিন্তু অধিকাংশ লোক কৃতজ্ঞ হয় না ‡ । ৩৮ । হে কারাগৃহের সজ্জিয়, ভিন্ন ভিন্ন বহু ঈশ্বর কি ভাল, না, পরাক্রান্ত এক ঈশ্বর ( ভাল ) ? ৩৯ । তোমরা ঈশ্বরকে ছাড়িয়া কতকগুলি নামের অর্চনা বৈ করিতেছ না, তাহাদের নামকরণ তোমরা করিয়াছ ও তোমাদের পিতৃপুরুষগণ ( করিয়াছে ; ) পরমেশ্বর তাহাদের প্রতি ( নাম সকলের সত্যতা বিষয়ে ) কোন প্রমাণ প্রেরণ করেন নাই, ঈশ্বরের জন্ত বৈ আজ্ঞা নাই । তিনি আদেশ করিয়াছেন যে, তাঁহাকে ব্যতীত অর্চনা করিবে না, ইহাই সরল ধর্ম, কিন্তু অধিকাংশ লোক বুঝিতেছে না । ৪০ । হে কারাগৃহের সজ্জিয়, তোমাদের একজন কিন্তু অতঃপর স্বীয় প্রভুকে স্মরণ পান করাইবে,

\* মেসরাধিপতি রয়ানের ইয়ুনা নামক একজন পানপাত্রদাতা এবং মজ্জনত নামক একজন পাচক ছিল । খাণ্ডের সঙ্গে তাহারা বিষ মিশ্রিত করিয়া দিয়াছে, একরূপ সন্দেহ হওয়াতে রয়ান তাহাদিগকে কারাগারে প্রেরণ করেন । ঘটনাক্রমে ইয়ুসোফের সঙ্গেই তাহারা কারাগৃহে উপস্থিত হয় । ইয়ুসোফ কারাগারে বন্দীদিগের তত্ত্বাবধান করিতেন, এবং তাহাদের স্বপ্ন সকলের তাৎপর্য ব্যাখ্যা করিতেন । একদিন স্বপ্ন দর্শন করিয়াই হউক, কিম্বা স্বপ্ন না দেখিয়া ইয়ুসোফকে পরীক্ষা করিবার জন্ত হউক, ইয়ুনা ও মজ্জনত ক্রমে দুই স্বপ্নের কথা উল্লেখ করে । ( ত, হো, )

† ইয়ুসোফ তাহাদের স্বপ্নে অমনোযোগ প্রদর্শন করিয়া বলিলেন যে, “তোমাদিগকে যে খাণ্ড জীষিকাস্বরূপ প্রদত্ত হয়, সেই খাণ্ডের কিরূপ বর্ণ ও স্বাদ, উহা তোমাদিগের নিকটে উপস্থিত হওয়ার পূর্বে আমি বলিতে সমর্থ” । তাহারা ইহা শ্রবণ করিয়া তাঁহাকে একজন ভবিষ্যদ্বক্তা গণক বলিয়া স্থির করিল । তাহাতে ইয়ুসোফ বলিলেন যে, আমি সরূপ ভবিষ্যদ্বক্তা নহি, এ বিষয় ঈশ্বর আমাকে প্রত্যাদেশ করেন ও শিক্ষা দেন; যে সকল লোক ঈশ্বরের উপর বিশ্বাস করে না, আমি তাহাদের দলভুক্ত নহি । ( ত, হো, )

পরমেশ্বর কারাগৃহে এই কৌশল করিলেন যে, ইয়ুসোফের মন কাফেরদিগের প্রতি অনুরক্ত হইল না, তাহাতে ঈশ্বরিক জ্ঞান তাঁহার অন্তরে প্রকাশ পাইতে লাগিল । তিনি প্রথমতঃ ইচ্ছা করিলেন যে, সেই কারাবাসিদেরকে ধর্মোপদেশ প্রদান করেন, পরে স্বপ্নের তাৎপর্য ব্যাখ্যা করেন; এজন্ত তিনি তাহাদিগকে সাস্ত্রনা দান করেন, যেন উতলা না হয় । বলেন, যেন ভোজনের সময় পর্য্যন্ত প্রতীক্ষা করে, তখন উহা বলিয়া দিব । ( ত, ফা, )

‡ অর্থাৎ আমাদের এই ধর্মেতে স্থিতি করা সমুদায় মনুষ্যের সম্বন্ধে কলাণ । ( ত, ফা, )

এবং অশ্রু জন কিন্তু পরে শূলেতে চড়িবে, তাহার মস্তক হইতে পক্ষী ( চক্ষু ) ভক্ষণ করিবে ; তোমরা তদ্বিষয়ে যাহা প্রশ্ন করিতেছ, সেই কার্য্য নির্দ্ধারিত হইয়াছে” \* । ৪১ ।  
এবং উভয়ের মধ্যে সে ( ইয়ুসোফ ), যাহাকে মনে করিয়াছিল যে, সে মুক্তি পাইবে, তাহাকে বলিল, “তোমার প্রভুর নিকটে আমাকে স্মরণ করিও” ; অনন্তর শয়তান তাহাকে বিস্মৃত করিল যে, স্বীয় প্রভুর নিকটে স্মরণ করে । পরে সে ( ইয়ুসোফ ) কারাগারে কয়েক বৎসর বাস করিল † । ৪২ । ( র, ৫, আ, ৭ )

এবং রাজা বলিল, “সত্যই আমি সাতটি স্থলাকৃতি গো দেখিতেছি, তাহাদিগকে সাতটি কুশ গো ভক্ষণ করিতেছে, এবং সাতটি শস্ত সরস ( দেখিতেছি, ) অশ্রু সাতটি শুষ্ক ; হে প্রধান পুরুষগণ, যদি তোমরা স্বপ্নের তাৎপর্য্য ব্যাখ্যাকারী হও, তবে আমার স্বপ্নবিষয়ে আমাকে উত্তর দান কর” । ৪৩ । তাহার বলিল, “এই স্বপ্ন বিক্ষিপ্ত, এবং আমরা বিক্ষিপ্ত স্বপ্নের ব্যাখ্যা অবগত নহি” । ৪৪ । এবং সেই দুই জনের মধ্যে যে ব্যক্তি মুক্ত হইয়াছিল, সে বলিল, কিয়ৎকালের পর স্মরণ করিয়া বলিল, “আমি তোমাদিগকে ইহার ব্যাখ্যা সন্মুখে সংবাদ দিব, অতএব তোমরা আমাকে প্রেরণ কর” । ৪৫ । (সে যাইয়া বলিল,) “হে ইয়ুসোফ, হে সত্যবাদিন্, সাতটি স্থলাকৃতি গোবিষয়ে যে তাহাদিগকে সাতটি কুশাক গো ভক্ষণ করিতেছে, এবং সাতটি শস্ত সরস ও অপর ( সাতটি ) শুষ্ক, এবিষয়ে আমাকে উত্তর দান কর ; তবে আমি লোকদিগের নিকটে ফিরিয়া যাই, সম্ভব যে তাহারা জ্ঞান পাইবে” ‡ । ৪৬ । সে বলিল, “তোমরা সাত বৎসর যথারীতি শস্তক্ষেত্র করিবে, পরে তোমরা যাহা কর্তন করিবে, অবশেষে তাহার শস্ত্রেতে তাহা রাখিয়া দিবে ; যাহা ভক্ষণ করিয়া থাক, তাহা কিয়দংশ বৈ নহে § । ৪৭ । পরিশেষে

\* ইয়ুসোফ বলিলেন যে, তোমাদের মধ্যে যে ব্যক্তি রাজাকে সূরা দান করিয়া থাকে, তিন দিবস অন্তর সে কারামুক্ত হইয়া পুনর্বার স্বীয় পূর্বপদে নিযুক্ত হইবে ; শূলের উপর অশ্রু জনের প্রাণদণ্ড হইবে । সে কিছুকাল তদবস্থায় শূলের উপর থাকিবে, পরে শিকারী পক্ষী তাহার চক্ষু খুলিয়া খাইবে । এই কথা শুনিয়া তাহার বলিল যে, আমরা মিথ্যা কথা কহিয়াছি, বাস্তবিক তদ্রূপ স্বপ্ন দেখি নাই । তাহাতে ইয়ুসোফ বলিলেন, তোমরা যে বিষয়ে প্রশ্ন করিয়াছ, তদ্বিষয়ে ঈশ্বরের আজ্ঞা স্থির হইয়া গিয়াছে । ( ত, হো, )

† তিন দিবস গত হইলে পাচকের দোষ প্রমাণিত হয়, রাজা তাহাকে শূলান্ত্রে বধ করেন । শূলের উপর সে তদবস্থায় থাকে, পক্ষী তাহার চক্ষু উৎপাটন করে । এবং সূরাদাতা নির্দোষ বলিয়া প্রমাণিত হয়, রাজা তাহাকে পূর্বপদে নিযুক্ত করেন । সে স্বীয় পদ লাভ করিয়া ইয়ুসোফকে খুলিয়া যায়, রাজার নিকটে আর তাহার নির্দোষিতার বিষয় উল্লেখ করে না । ইয়ুসোফ সাত বৎসর, কেহ কেহ বলেন, আছোপাস্ত বার বৎসর কারাগারে বন্দী থাকেন । ( ত, হো, )

‡ “তাহারা জ্ঞান পাইবে” অর্থাৎ রাজপুরুষগণ স্বপ্নের তাৎপর্য্য হৃদয়ঙ্গম করিবে, এবং তাহাতে তোমার বিজ্ঞতা ও নিপুণতা বুঝিতে পারিবে ও তোমাকে নিকটে আহ্বান করিবে । ( ত, হো, )

§ সাতটি শস্তশালী বৎসর প্রথমোক্ত সাতটি স্থলাকার গো, “পরে তোমরা যাহা কর্তন করিবে, অবশেষে

ইহার পর সাতটি কঠিন ( বৎসর ) আসিবে, তাহাদের জন্ত পূর্বে তোমরা যাহা স্থাপন করিয়াছ, তাহারা তাহা ভক্ষণ করিবে ; তোমরা যাহা যত্নপূর্বক রাখিবে, তাহা কিয়দংশ বৈ নহে \* । ৪৮ । অবশেষে ইহার পর এক বৎসর আসিবে যে, তাহাতে লোক সকলের আর্তনাদ গৃহীত হইবে, এবং তাহাতে ( দ্রাক্ষারসাদি ) নিঃসৃত হইবে” † । ৪৯ । ( র, ৬, আ, ৭ )

এবং রাজা বলিল, “তাহাকে আমার নিকটে লইয়া আইস” ; অনন্তর যখন প্রেরিত ব্যক্তি তাহার নিকটে আসিল, তখন সে বলিল, “তুমি আপন প্রভুর নিকটে ফিরিয়া যাও, পরে তাঁহাকে প্রশ্ন কর যে, যাহারা স্ব স্ব হস্ত ছেদন করিয়াছে, সেই স্ত্রীলোকদিগের কি অবস্থা ? নিশ্চয় আমার প্রতিপালক তাহাদের প্রতারণা অবগত” । ৫০ । সে জিজ্ঞাসা করিয়াছিল, “যখন তোমরা ইয়ুসোফকে তাহার জীবন হইতে ( প্রবৃত্তি চরিতার্থ করিতে ) কামনা করিয়াছিলে, তখন তোমাদের কি ভাব ছিল ?” তাহারা বলিয়াছিল যে, “ঈশ্বরেরই পবিত্রতা ; আমরা তাহাতে কোন কুভাব দেখি নাই ।” আজিজের ভাষা বলিয়াছিল, “এক্ষণ সত্য প্রকাশিত হইয়াছে, আমি তাহার জীবন হইতে তাহাকে ( প্রবৃত্তি চরিতার্থ করিবার জন্ত ) কামনা করিয়াছিলাম ; নিশ্চয় সে সত্যবাদীদের অন্তর্গত” ‡ । ৫১ । ( ইয়ুসোফ বলিয়াছিল ) “ইহা এজন্য যে, ( আজিজ ) যেন জ্ঞাত হন যে, নিশ্চয় আমি গোপনে তাঁহার প্রতি বিশ্বাসঘাতকতা করি নাই ; অপিচ ( জ্ঞাত হন ) যে, ঈশ্বরের বিশ্বাসঘাতকদিগের প্রবঞ্চনাকে কুশলে পরিণত করেন না § । ৫২ । এবং আমি

তাহার শাস্তিতে তাহা” রাখিয়া দিবে, অর্থাৎ কঠিন শাস্তিপুঞ্জকে তুষমুক্ত না করিয়া স্থাপিত করিবে । “যাহা ভক্ষণ করিয়া থাক, তাহা কিয়দংশ বৈ নহে” অর্থাৎ কিয়দংশ শাস্ত তুষমুক্ত করিয়া ভক্ষণ করিবে । ( ত, হো, )

\* সাতটি কঠিন বৎসর বা সাতটি দুর্ভিক্ষ বৎসর, উহা শেষোক্ত সাতটি কৃশাঙ্গ গো । “তাহাদের জন্ত পূর্বে তোমরা যাহা স্থাপন করিয়াছ, তাহারা তাহা ভক্ষণ করিবে” অর্থাৎ এই সাত বৎসরের জন্ত পূর্বে তোমরা যাহা সঞ্চয় করিয়া রাখিয়াছ, তাহা ভক্ষণ করিবে । বীজের জন্ত যত্নপূর্বক কিয়দংশ শস্তমাত্র রাখিয়া দিবে । পূর্বোক্ত সরস সাতটি শস্ত, সাত বৎসরের উৎপন্ন শস্তরাশি এবং সাতটি শুষ্কশস্ত, সপ্ত দুর্ভিক্ষ বৎসরের জন্ত সঞ্চিত শুষ্ক শস্তপুঞ্জ । ( ত, হো, )

† সাতটি দুর্ভিক্ষ বৎসরের পর লোকের প্রার্থনা গৃহীত হইবে, অর্থাৎ পর্যাপ্ত বৃষ্টি হইবে, প্রচুর শস্ত জন্মিবে, দ্রাক্ষা, জয়তুন প্রভৃতির রস, গো ছাগাদির দুগ্ধ নিঃসৃত হইবে । ইহা দ্বারা সর্ববৎসর বুঝায় । ( ত, হো, )

‡ ইয়ুসোফ ইচ্ছা করিয়াছিলেন যে, স্বীয় নির্দোষিতা রাজার নিকটে ব্যক্ত করেন, তাহা হইলে তাঁহার বিরুদ্ধে কাহারও কোন কথা বলিবার ক্ষমতা থাকিবে না । এইজন্যই তিনি তদ্রূপ প্রশ্ন করিয়া পাঠান । প্রেরিত ব্যক্তি রাজার নিকটে ফিরিয়া যাইয়া ইয়ুসোফের নিবেদন জ্ঞাপন করিলে, রাজা জ্বোলয়খাসহ নারীদিগকে ডাকিয়া আনিলেন ও তাহাদের নিকটে ইয়ুসোফের সম্বন্ধে প্রশ্ন করিলেন ; নারীগণ ইয়ুসোফের নির্দোষিতার সাক্ষ্য দান করিল, এবং জ্বোলয়খা আপন দোষ স্বীকার করিলেন । ( ত, হো, )

§ রাজা ইয়ুসোফের নিকটে সংবাদ পাঠাইলেন যে, “মহিলাগণ আত্মদোষ স্বীকার করিয়াছে,

আপন জীবনকে শুদ্ধ বলিতেছি না ; আমার প্রতিপালক যখন দয়া করেন, সেই সময় ব্যতীত নিশ্চয় জীবন পাপবিষয়ে আজ্ঞাদাতা হয় । সত্যই আমার প্রতিপালক ক্ষমাশীল দয়ালু ।” ৫৩ । এবং রাজা বলিল, “তাহাকে আমার নিকটে উপস্থিত কর, আমি আপন জীবনের জন্ত তাহাকে বিশেষত্ব দান করিব ;” অনন্তর যখন ( রাজা ) তাহার সঙ্গে কথোপকথন করিল, তখন বলিল, ( হে ইয়ুসোফ, ) “নিশ্চয় তুমি অল্প আমাদের নিকটে পদস্থ বিশ্বস্ত” ৫৪ । সে বলিল, “ভূমির ধনভাণ্ডারসম্বন্ধে আপনি আমাকে নিযুক্ত করুন, নিশ্চয় আমি সংরক্ষক ও বিজ্ঞ” ৫৫ । এইরূপে আমি সেই দেশে ইয়ুসোফকে স্থান দান করিলাম, সে সেই স্থানের যথা ইচ্ছা স্থান গ্রহণ করিতেছিল ; আমি যাহাকে ইচ্ছা করি, তাহার প্রতি আপন কৃপা প্রেরণ করিয়া থাকি, আমি সংকল্পশীলদিগের পুরস্কার বিনষ্ট করি না । ৫৬ । এবং যাহারা বিশ্বাস স্থাপন করিয়াছে ও তিতিক্ষু হইয়াছে, তাহাদের জন্ত অবশ্য পারলৌকিক পুরস্কার উত্তম \* । ৫৭ । (র, ৭, আ, ৮)

এবং ইয়ুসোফের ভ্রাতৃবর্গ উপস্থিত হইল, তাহারা তাহার নিকটে প্রবেশ করিল, তখন সে তাহাদিগকে চিনিল, এবং তাহারা তাহার সম্বন্ধে পরিচয় প্রাপ্ত হইল না † ।

তুমি এক্ষণ এস, তোমার সাক্ষাতে তাহাদিগকে শাস্তি দান করিব ।” তাহাতে ইয়ুসোফ বলিলেন যে, “শাস্তি দান করা হয়, ইহা আমার উদ্দেশ্য নহে ; আমি বিশ্বাসঘাতকতা করি নাই, আজিজ ইহা বুঝিতে পারেন, এজন্তই এরূপ প্রার্থনা করিয়াছি ।” ( ত, হো, )

\* এক্ষণ পূর্বোক্ত প্রश्নের উত্তর হইতেছে, যথা, দুর্ভিক্ষনিপীড়িত হইয়া এরাহিমের সম্ভানগণ শামদেশ হইতে মেসরে আগমন করে, এবং বিবৃত হইয়াছে যে, মহাত্মা ইয়ুসোফকে তাহার ভ্রাতৃবর্গ লাঞ্ছিত ও অপমানিত করিয়া নির্বাসিত করিয়াছিল । পরে পরমেশ্বর তাহাকে সম্মানিত করিয়া একটি রাজ্যের উপর কর্তৃত্ব প্রদান করিলেন । হজরত মোহম্মদের সম্বন্ধেও এইরূপ অবস্থা ঘটিয়াছে । ( ত, ফা, )

† ইয়ুসোফ রাজ্যসম্বন্ধীয় গুরুতর কার্যভার গ্রহণ করিয়া প্রজাদিগকে কৃষিকর্মে মনোযোগ-বিধানে আদেশ করিলেন, এবং প্রকাণ্ড প্রকাণ্ড শস্তাগার সকল নির্মাণ করিলেন ; সাত বৎসর যত শস্ত উৎপন্ন হইল, প্রজাদের খাচোপযোগী তাহাদিগকে প্রদান করিয়া, তাহার অবশিষ্ট সমুদায় শস্তাগারে যত্নপূর্বক সংরক্ষণ করিতে লাগিলেন । তদনন্তর দুর্ভিক্ষ বৎসর উপস্থিত হইল, তখন মেসর এবং কেনানের অধিবাসীদিগের অত্যন্ত অনাভাব হয় । মেসরবাসিগণ ইয়ুসোফের আশ্রয় গ্রহণ করে । তিনি প্রথম বৎসর মুদ্রা গ্রহণ করিয়া তাহাদের নিকটে শস্ত বিক্রয় করেন, তাহাতে প্রজাদিগের সমুদায় মুদ্রা নিঃশেষিত হয় । দ্বিতীয় বৎসর অলঙ্কারাদির বিনিময়ে, তৃতীয় বৎসর দাস-দাসীদিগের বিনিময়ে, চতুর্থ বৎসর গোমেষাদি গৃহপালিত পশুর বিনিময়ে, পঞ্চম বৎসর শস্তক্ষেত্রাদির বিনিময়ে, ষষ্ঠ বৎসর সম্ভানাদির বিনিময়ে প্রজাদের নিকটে শস্ত বিক্রয় করেন ; সপ্তম বৎসর সকলে অল্পের জন্ত ইয়ুসোফের নিকটে দাসত্ব স্বীকার করে । ইয়ুসোফ মেসরাধিপতির নিকট এ বিষয় নিবেদন করিলে, তিনি বলিলেন, “এক্ষণ সমুদায় প্রজা ক্রীতদাস হইয়াছে, তাহাদের উপর তোমার সম্পূর্ণ আধিপত্য ।” তখন ইয়ুসোফ রাজার সাক্ষাতে সকলকে দাসত্ব হইতে মুক্তিদান করিলেন । তাহাদের টাকা পরসী ভূমি সম্পত্তি পুত্র কন্যা দাস দাসী যাহা গ্রহণ করিয়াছিলেন, সমুদায় ফিরাইয়া দিলেন ।

। ৫৮। এবং তাহাদের জন্ত যখন সে তাহাদের সামগ্রীর আয়োজন করিল, তখন বলিল, “তোমরা তোমাদের পিতা হইতে ( উৎপন্ন ) আপন ( বৈমাত্র ) ভ্রাতাকে আমার নিকটে উপস্থিত কর ; তোমরা কি দেখিতেছ না যে, আমি ( শশুর ) পরিমাণ পূর্ণ করিয়া দিতেছি, আমি আতিথেয়-শ্রেষ্ঠ \* ? । ৫৯। পরন্তু যদি তাহাকে আমার সমীপে আনয়ন না কর, তবে আমার নিকটে তোমাদের জন্ত ( শশুর ) সেই পরিমাণ নাই ও তোমরা আমার নিকটবর্তী হইও না” † । ৬০। তাহারা বলিল, “সত্যর আমরা তাহার সম্বন্ধে তাহার পিতার নিকটে কথোপকথন করিতেছি, এবং নিশ্চয় আমরা কার্য-সম্পাদক” । ৬১। এবং সে স্বীয় যুবকদিগকে ( দাসদিগকে ) বলিল, “যখন তাহারা আপন স্বর্ণের নিকটে ফিরিয়া যাইবে, সম্ভবতঃ তাহারা ফিরিয়া আসিবে ; তোমরা তাহাদের

মেসরবাসীরা এক সময় ইয়ুসোফকে দাসরূপে বিক্রীত হইতে দেখিয়াছিল, পরে ঈশ্বর তাঁহার দাসত্ববন্ধনে সকলকে বন্ধ করিলেন, তাঁহার সম্বন্ধে কাহারও কোনরূপ কুৎসা করিবার আর পথ রহিল না। পরন্তু কেনানেও মহা দুর্ভিক্ষ হইয়াছিল, ইয়কুবের সম্মানগণ অল্পাংশে নিপীড়িত হইয়া পিতাকে বলিয়াছিল যে, মেসরাধিপতি ঋনদান করিয়া দুর্ভিক্ষনিপীড়িত লোকদিগের প্রাণরক্ষা করিতেছেন, দীন দরিদ্র ও পণিক লোকেরা তাঁহার নিকটে সাহায্য পাইতেছে ; তুমি অনুমতি করিলে আমরা সেখানে যাইয়া ঋনক্রিষ্ট কেনানবাসীদিগের জন্ত ঋন আনয়ন করিতে পারি। ইয়কুব এ বিষয়ে সন্তোষ দান করিলেন। মহাপুরুষ ইয়ুসোফের সহোদর ভ্রাতা বেনয়ামিন বাতীত অষ্ট দশ ভ্রাতা এক একটি উষ্ট্র ও কিছু মূলধন সঙ্গে করিয়া মেসরে যাত্রা করিল। বেনয়ামিনের জন্ত শস্য আনয়ন করিতে একটি উষ্ট্র লইয়া গেল। চল্লিশ বৎসর অস্তে ইয়ুসোফের সঙ্গে তাহাদের সাক্ষাৎ হয়, এই দীর্ঘকালের অদর্শননিবন্ধন তাহারা তাঁহাকে চিনিতে পারিল না। ( ত, হো, )

\* ইয়ুসোফ তাহাদিগকে জিজ্ঞাসা করিয়াছিলেন, “তোমরা কে ? তোমাদিগকে গুপ্তচরের দ্বারা বোধ হইতেছে।” তাহারা বলিয়াছিল, “মহারাজ, ঈশ্বরের শপথ করিয়া বলিতেছি যে, আমরা তাহা নহি, আমরা সকলে এক পিতার পুত্র ; আমাদের পিতার নাম ইয়কুব ও তাঁহার অপরা নাম এশ্রায়েল।” ইয়ুসোফ জিজ্ঞাসা করিলেন, “তোমাদের পিতার কয়জন সম্মান ?” এবং তাহারা বলিল, “তাঁহার দ্বাদশ পুত্র ছিল, শৈশবাবস্থায় এক পুত্রকে ব্যাঘ্রে ভক্ষণ করিয়াছে, একজনকে পিতা আপন সেবার জন্ত নিকটে রাখিয়াছেন, আমরা দশ ভ্রাতা উপস্থিত হইয়াছি।” ইয়ুসোফ জিজ্ঞাসা করিলেন, “এখানে এমন কেহ আছে যে, তোমাদিগকে চিনে ? তাহারা বলিল, “মেসরে এমন কেহই নাই যে, আমাদের পরিচয় রাখে।” তখন ইয়ুসোফ বলিলেন, “এক জন এখানে থাকিয়া তোমরা সকলে কেনানে প্রতিগমন কর, এবং উক্ত ভ্রাতাকে লইয়া আইস।” তদনুসারে শমুন নামক ব্যক্তি মেসরে স্থিতি করিল, গোধুমপুঞ্জসহ অপরা ভ্রাতৃবর্গ কেনানে চলিয়া গেল। ( ত, হো, )

† ইয়ুসোফ প্রত্যেক দশ ভ্রাতার জন্ত এক একটি উষ্ট্রের বহনযোগ্য গোধুম নির্দারিত করিয়া-ছিলেন ; তাহারা গৃহস্থিত ভ্রাতার জন্তও সেই পরিমাণ গোধুম প্রার্থনা করিয়াছিল। ইয়ুসোফ বলিলেন, “আমি লোকসংখ্যানুসারে দান করিয়া থাকি, উষ্ট্রের সংখ্যানুসারে নয়।” কিন্তু তাহারা তাহা দান করিতে একান্ত অনুরোধ করে ; তাহাতেই তিনি “যদি তাহাকে আমার সমীপে আনয়ন না কর” ইত্যাদি বলেন। ( ত, হো, )



মূলধন তাহাদের দ্রব্যাদ্বারা রাখিয়া দেও, যেন তাহারা তাহা চিনিয়া লয়”। ৬২।  
 অনন্তর যখন তাহারা স্বীয় পিতার নিকটে ফিরিয়া গেল, তখন বলিল, “হে আমাদের  
 পিতা, আমাদের প্রতি (শশুর) তুল করা নিষিদ্ধ হইয়াছে; অতএব আমাদের সঙ্গে  
 আমাদের ভ্রাতাকে প্রেরণ কর, আমরা তুল করিয়া লইব, এবং নিশ্চয় আমরা তাহার  
 সংরক্ষক”। ৬৩। সে বলিল, “কিন্তু আমি পূর্বে যেরূপ ইহার ভ্রাতার সম্বন্ধে তোমা-  
 দিগকে বিশ্বাস করিয়াছিলাম, তদ্রূপ কি ইহার সম্বন্ধে তোমাদিগকে বিশ্বাস করিব?  
 অনন্তর ঈশ্বরই উত্তম রক্ষক, এবং তিনি দয়ালুদিগের মধ্যে শ্রেষ্ঠ দয়ালু”। ৬৪।  
 যখন তাহারা স্বীয় দ্রব্যজাত উন্মুক্ত করিল, তখন আপনাদের মূলধন আপনাদের প্রতি  
 প্রত্যর্পিত প্রাপ্ত হইল; তাহারা বলিল, “হে আমাদের পিতা, আমরা কি চাহিতেছি?  
 এই আমাদের মূলধন আমাদের প্রতি প্রত্যর্পিত হইয়াছে; আমরা আপন আত্মীয়দিগের  
 জন্ত খাণ্ড আনয়ন করিব এবং স্বীয় ভ্রাতাকে রক্ষা করিব, এক উষ্ট্রের পরিমাণ অধিক  
 আনিব, এই তুল (যাহা আনয়ন করিয়াছি) সামান্য”। ৬৫। সে বলিল, “যে পর্য্যন্ত  
 তোমরা আমার নিকটে ঈশ্বরের (নামে) প্রতিজ্ঞা না কর যে, তোমরা আবদ্ধ হওয়া  
 ব্যতীত অবশ্য তাহাকে ফিরাইয়া আনিবে, সে পর্য্যন্ত কখনও আমি তোমাদের সঙ্গে  
 তাহাকে পাঠাইব না।” অনন্তর যখন তাহারা তাহাকে স্বীয় অঙ্গীকার দান করিল, তখন  
 সে বলিল, “আমরা যাহা বলি, ঈশ্বর তৎপ্রতি দৃষ্টিকারক”। ৬৬। এবং বলিল, “হে  
 আমার পুত্রগণ, এক দ্বার দিয়া তোমরা প্রবেশ করিও না, তিন ভিন্ন দ্বার দিয়া প্রবেশ  
 করিও; \* তোমাদিগ হইতে ঈশ্বরের কিছুই দূর করিতেছি না, ঈশ্বরের জন্ত ব্যতীত  
 কর্তৃত্ব নাই, তাঁহার প্রতি আমি নির্ভর করিয়াছি, অনন্তর নির্ভরকারীদিগের উচিত যে,  
 তাঁহার প্রতি নির্ভর করে”। ৬৭। এবং যে স্থান দিয়া তাহাদের পিতা তাহাদিগকে  
 (প্রবেশ করিতে) আজ্ঞা করিয়াছিল, যখন তাহারা সেই স্থান দিয়া প্রবেশ করিল,  
 ইয়কুবের অন্তরে যে এক স্পৃহা নিহিত হইয়াছিল, তদ্ব্যতীত তাহাদের হইতে ঈশ্বরের  
 (বিধি) কিছুই অন্তর্হিত করে, (এরূপ) হইল না। † আমি যাহা তাহাকে শিক্ষা দিয়া-  
 ছিলাম, তদ্বিষয়ের নিমিত্ত নিশ্চয় সে জ্ঞানবান্ ছিল, কিন্তু অধিকাংশ মনুষ্য অবগত  
 নহে। ৬৮। (র, ৮, আ, ১১)

\* অর্থাৎ তোমরা সকল ভ্রাতা এক যোগে এক দ্বার দিয়া নগরে প্রবেশ করিবে না, তাহা হইলে  
 তোমাদের রূপলাবণ্য ও দলবদ্ধ ভাব ও ঘট দেগিয়া তোমাদের প্রতি লোকের কুদৃষ্টি পড়িবে না।  
 (ত, হো,)

† ইয়কুবের অন্তরে সন্তানের জন্ত এক স্পৃহা জন্মিয়াছিল, তজ্জন্ত তিনি তাহাদিগকে অঙ্গীকারে  
 বদ্ধ করেন। “তাহাদের হইতে ঈশ্বরের (বিধি) কিছুই অন্তর্হিত করে, (এরূপ) হইল না,” অর্থাৎ  
 ইয়কুবের অভিপ্রায়ানুসারে চলিয়াও তাহারা বিপদগ্রস্ত হইয়াছিল; বরং বেনয়ামিনের প্রতি চুরি করার  
 অপবাদ হয়, তাহাতে সমুদায় ভ্রাতাকে দুঃখিত হইতে হইয়াছিল।  
 (ত, হো,)

এবং যখন তাহারা ইয়ুসোফের সন্নিধানে প্রবেশ করিল, তখন সে আপনার সমীপে স্বীয় ভ্রাতাকে স্থান দান করিল, “সত্যই আমি তোমার ভ্রাতা, অতএব তাহারা যাহা করিতেছিল, তজ্জগু দুঃখিত হইও না” \* । ৬৯ । অনন্তর যখন সে তাহাদের জগু তাহাদের সামগ্রীর আয়োজন করিল, তখন স্বীয় ভ্রাতার দ্রব্যাদারে একটি জলপাত্র রাখিয়া দিল ; পরে নিনাদকারী নিনাদ করিল যে, “হে বণিগ্‌দল, নিশ্চয় তোমরা চোর” † । ৭০ । ( ইয়কুবের সন্তানগণ ) তাহাদের নিকটে অগ্রসর হইল ও বলিল, “যাহা তোমরা হারাইয়াছ, তাহা কি ?” । ৭১ । তাহারা বলিল, “আমরা রাজার পরিমাণপাত্র হারাইয়াছি, এবং যাহাকে এক উষ্ট্রের ভার ( শস্ত দেওয়া যায়, ) তাহার জগু উহা আনয়ন করা হয় ;” এবং ( নিনাদকারী বলিল, ) “আমি তদ্বিষয়ে প্রতিভূ” । ৭২ ।

\* যখন ইয়কুবের সন্তানগণ ইয়ুসোফের নিকটে উপস্থিত হইয়াছিল, তখন ইয়ুসোফ আবরণে আবৃত হইয়া সিংহাসনে বসিয়াছিলেন ; জিজ্ঞাসা করিয়াছিলেন যে, “তোমরা কে ?” তাহারা বলিয়াছিল, “আমরা কেনাননিবাসী, আপন ভ্রাতাকে আনয়ন করিবার জগু আপনি আমাদিগকে আজ্ঞা করিয়াছিলেন, আমরা বিশেষ অঙ্গীকারে বন্ধ হইয়া তাহাকে পিতার নিকট হইতে চাহিয়া লইয়া আসিয়াছি ;” অনন্তর ছয়খানা ভোজ্যপাত্র তাহাদের নিকটে স্থাপন করিয়া ইয়ুসোফ বলিলেন, “তোমরা এক পিতার গুরসে এক মাতার গর্ভজাত দুই দুই জন ভ্রাতা এক এক ভোজ্যপাত্রে ভোজন কর ;” তদনুসারে তাহারা দুই জন করিয়া এক এক ভোজনপাত্রে বসিয়া গেল । বেনয়ামিন একাকী রহিল । সে ক্রন্দন করিতে করিতে অজ্ঞান হইয়া পড়িল । কিয়ৎক্ষণানন্তর সে চৈতন্য লাভ করিলে, ইয়ুসোফ জিজ্ঞাসা করিলেন, “কেনানী যুবক, তোমার কি হইয়াছিল যে, সংজ্ঞাহীন হইয়া পড়িয়াছিলে ?” তখন সে বলিল, “মহাশয়, যাহারা সহোদর ভ্রাতা, তাহারা দুই জন করিয়া এক এক পাত্রে ভোজন করুক, আপনি এরূপ আদেশ করিয়াছেন ; আমার সহোদর ভ্রাতার নাম ইয়ুসোফ ছিল, তাহাকে স্মরণ হইল । মনে মনে ভাবিলাম যে, তিনি যদি আমার সঙ্গে এই ভোজনে যোগ দিতেন, আমি একাকী খাইতাম না, ইহা ভাবিতে ভাবিতে অনুরাগানল অন্তরে প্রজ্বলিত হইয়া উঠে ; তাহাই আমার রোদন করার ও অচৈতন্য হওয়ার কারণ ।” ইয়ুসোফ বলিলেন, “এস, আমি তোমার ভাই হইয়া এক ভোজ্যপাত্রে ভোজন করি ।” অনন্তর স্থানান্তরে উভয়ে ভোজনে প্রবৃত্ত হইলেন, ইয়ুসোফ যবনিকার ভিতরে রহিলেন, তথা হইতে ভোজ্যপাত্রে হস্ত প্রসারণ করিলেন । বেনয়ামিন ইয়ুসোফের হস্ত নিরীক্ষণ করিয়া ক্রন্দন করিতে লাগিল । ইয়ুসোফ ক্রন্দনের কারণ জিজ্ঞাসা করিলে, সে বলিল যে, “আমার ভ্রাতা ইয়ুসোফের হস্তের স্থায় হস্ত দেখিতেছি, তাহাতেই আমার মনে এক ভাবের উদয় হইয়াছে ।” এই কথা শুনিয়া ইয়ুসোফ তৎক্ষণাৎ প্রকাশিত হইয়া বলিলেন যে, “আমিই তোমার ভ্রাতা ইয়ুসোফ ।” ( ত, হো, )

† সেই জলপাত্র মণিমুক্তা-খচিত রৌপ্য বা স্বর্ণ-নির্মিত ছিল, রাজা তদ্বারা জল পান করিতেন । এই সময়ে খাচু সামগ্রীর সম্মান ও গৌরবের অনুরোধে তাহাকে পরিমাপক করা হইয়াছিল । সকল বণিক্ গোধূমাদি সহ নগরের বাহিরে চলিয়া গেলে, ইয়ুসোফের কতিপয় অনুচর তাহাদের নিকটে উপস্থিত হয়, এবং এক জন ডাকিয়া বলে, তোমরা চোর । ( ত, হো, )

রাজার স্বর্ণময় জলপাত্রকে পরে খাচুদ্রব্যাদির সম্মানার্থ পরিমাপকপাত্র করা হইয়াছিল । ( ত, হো, )

তাহারা বলিল, “ঈশ্বরের শপথ, সত্য সত্যই তোমরা জানিতেছ যে, দেশে আমরা উপদ্রব করিতে আসি নাই, এবং আমরা চোর নহি” । ৭৩ । সে বলিল, “যদি তোমরা মিথ্যাবাদী হও, তবে ইহার প্রতিফল কি হইবে ?” । ৭৪ । তাহারা বলিল, “তাহার বিনিময় (এই,) যাহার দ্রব্যাদ্বারা তাহা পাওয়া যাইবে, অনন্তর সেই তাহার বিনিময় ।” এইরূপে আমি অত্যাচারীদেরকে প্রতিফল দান করি । ৭৫ । অনন্তর (ইয়ুসোফ) আপন ভ্রাতার দ্রব্যাদ্বারা (অনুসন্ধান করার) পূর্বে তাহাদের দ্রব্যাদ্বারা (অনুসন্ধান) প্রবৃত্ত হইল ; অতঃপর তাহা স্বীয় ভ্রাতার দ্রব্যাদ্বারা হইতে বাহির করিল । এইরূপে আমি ইয়ুসোফের নিমিত্ত চলনা করিয়াছিলাম, ঈশ্বরের ইচ্ছা হওয়া ব্যতীত স্বীয় ভ্রাতাকে যে রাজবিধিতে গ্রহণ করে, (উচিত) হইল না ; আমি যাহাকে ইচ্ছা করি, তাহাকে পদোন্নত করিয়া থাকি, সকল জ্ঞানবানের উপর একজন জ্ঞানবান্ আছেন \* । ৭৬ । তাহারা বলিল, “যদি এ ব্যক্তি চুরি করিল, তবে নিশ্চয় ইহার ভ্রাতা পূর্বে চুরি করিয়াছে” ; অতঃপর ইয়ুসোফ তাহা স্বীয় অন্তরে গুপ্ত রাখিল, এবং তাহাদের নিমিত্ত তাহা প্রকাশ করিল না । বলিল, “পদানুসারে তোমরা দুষ্ট, তোমরা যাহা বর্ণন করিতেছ, ঈশ্বর তাহার উত্তম জ্ঞাত”† । ৭৭ । তাহারা বলিল, “হে আজিজ, সত্যই মহা বৃদ্ধ ইহার এক পিতা আছে, অতএব তাহার স্থানে আমাদের একজনকে গ্রহণ কর ; নিশ্চয় আমরা তোমাঞ্চে হিতকারীদের অন্তর্গত দেখিতেছি” । ৭৮ । সে বলিল, “যাহার নিকটে আমরা আপন দ্রব্য প্রাপ্ত হইয়াছি, তাহাকে ব্যতীত (অন্য) ব্যক্তিকে কি গ্রহণ করিব ? ঈশ্বরের শরণাপন্ন হই, নিশ্চয় আমরা তখন অত্যাচারী হইব ।” ৭৯ । (র, ৯, আ, ১১)

অনন্তর যখন তাহা হইতে তাহারা নিরাশ হইল, তখন মন্ত্রণা করিতে এক প্রাস্তে গেল ; তাহাদের জ্যেষ্ঠ বলিল, “তোমরা কি জান না যে, তোমাদের পিতা তোমাদের সম্বন্ধে ঈশ্বরের অঙ্গীকার গ্রহণ করিয়াছেন, এবং পূর্বে তোমরা ইয়ুসোফের সম্বন্ধে অপরাধ করিয়াছ ?” যে পর্যন্ত আমাকে আমার পিতা আদেশ না করেন, অথবা ঈশ্বর আমাকে আজ্ঞা না করেন, সে পর্যন্ত আমি এস্থান ছাড়িব না ; তিনিই শ্রেষ্ঠ আজ্ঞা-প্রচারক । ৮০ । তোমরা তোমাদের পিতার নিকটে গমন কর, পরে তাঁহাকে বল যে,

\* অনন্তর বণিক্দিগকে ইয়ুসোফের অনুচরগণ নগরে ফিরাইয়া আনিল ; তাহাদিগকে ইয়ুসোফের নিকটে উপস্থিত করিলে, তিনি লোকের সন্দেহ না হয়, এই উদ্দেশ্যে প্রথমতঃ সহোদর ভ্রাতার দ্রব্যাদ্বারা অনুসন্ধান না করিয়া, অন্য বণিক্দিগের দ্রব্যাদ্বারা অনুসন্ধান করেন । পরে সহোদর ভ্রাতার দ্রব্যাদ্বারা হইতে জলপাত্র বাহির করা হয় । রাজবিধিতে চোরের যে শাস্তি নির্ধারিত আছে, স্বীয় ভ্রাতাকে সেই শাস্তি দান করা ইয়ুসোফ উচিত বোধ করিলেন না । (ত, হো,)

† বণিক্গণ বলিল, “যখন বেনয়ামিন চুরি করিল, তখন ইহার ভ্রাতা ইয়ুসোফ যে চুরি করিয়াছে, তদ্বিষয়ে কিছুই আশ্চর্য্য নহে ।” কথিত আছে যে, ইয়ুসোফের মাতৃঘসার গৃহে একটা কুক্কট ছিল, একজন ভিক্কুক দ্বারে উপস্থিত, অন্য কেহ নিকটে ছিল না, ইয়ুসোফ সেই কুক্কটট ভিক্কুককে দান করেন ; তাহাতে তাহার ভ্রাতৃবর্গ তাহার প্রতি কুক্কট চুরির অপবাদ দেয় । (ত, হো,)

“হে আমাদের পিতা, নিশ্চয় তোমার পুত্র চুরি করিয়াছে, এবং আমরা যাহা জানিতে-  
 ছিলাম, তদ্ব্যতীত সাক্ষ্য দান করি নাই ও আমরা গুপ্ত বিষয়ের সাক্ষী নহি। ৮১। এবং  
 যে স্থানে আমরা ছিলাম, সেই গ্রামকে প্রশ্ন কর ও যাহাদের প্রতি আমরা উপস্থিত  
 হইয়াছিলাম, সেই বণিগ্দলকে ( প্রশ্ন কর ; ) নিশ্চয় আমরা সত্যবাদী” \* । ৮২। সে  
 বলিল, “বরং তোমাদের জন্ত তোমাদের অন্তর এক কার্য প্রস্তুত করিয়াছে ; অনন্তর  
 ধৈর্যই উত্তম, আশা যে, পরমেশ্বর সকলকে এক যোগে আমার নিকটে উপস্থিত  
 করিবেন। নিশ্চয় তিনি জ্ঞাতা ও নিপুণ ঃ।” ৮৩। এবং সে তাহাদিগ হইতে মুখ  
 ফিরাইল, এবং বলিল, “হায় ! ইয়ুসোফের সম্বন্ধে আমার আক্ষেপ ;” এদিকে শোকেতে  
 তাহার চক্ষু শুভ্র হইয়া গিয়াছিল ও সে দুঃখপূর্ণ ছিল। ৮৩। তাহারা বলিল, “ঈশ্বরের  
 শপথ, তুমি দিব্যরাত্রি ইয়ুসোফকে এতদূর পর্যন্ত স্মরণ করিতেছ যে, তাহাতে তুমি  
 রোগগ্রস্ত হইবে, অথবা মৃত্যুগ্রস্তদিগের অন্তর্গত হইবে”। ৮৫। সে বলিল, “ঈশ্বরের  
 নিকটে আমি আপন অস্থিরতা ও আপন শোকের কুৎসা করিতেছি, এতদ্ভিন্ন নহে ; এবং  
 তোমরা যাহা জানিতেছ না, ঈশ্বর দ্বারা তাহা আমি জ্ঞাত আছি। ৮৬। হে আমার  
 পুত্রগণ, গমন কর, অনন্তর ইয়ুসোফ ও তাহার ভ্রাতার অনুসন্ধান কর, এবং ঈশ্বরের  
 কৃপায় নিরাশ হইও না ; বাস্তবিক ধর্মদ্রোহী সম্প্রদায় ব্যতীত ঈশ্বরের কৃপায় নিরাশ হয়  
 না” † । ৮৭। অনন্তর যখন তাহারা তাহার নিকটে প্রবেশ করিল, তখন বলিল, “হে

\* “সেই গ্রামকে প্রশ্ন কর” অর্থাৎ মেসরের রাজধানীর লোকদিগকে প্রশ্ন কর। এবং মেসর হইতে  
 কেনানাভিমুখে যাত্রা করিয়া যে সকল বণিকের সঙ্গে আসিয়া আমরা মিলিত হইয়াছিলাম, তাহাদিগকে প্রশ্ন  
 কর। সেই সকল বণিক কেনাননিবাসী ও ইয়কুবের প্রতিবেশী ছিল। ( ত, হো, )

† ইয়কুবের সন্তানগণের জ্যেষ্ঠভ্রাতা বলিল, অথবা তাহার আজ্ঞানুসারে চতুর্থ ভ্রাতা ইছদা  
 কেনানে চলিয়া আইসে, এবং পিতার নিকটে উপস্থিত হইয়া, ভ্রাতা যাহা বলিয়াছিল, তাহা নিবেদন  
 করে ; তাহাতেই তিনি “বরং তোমাদের জন্ত” ইত্যাদি বলেন। ( ত, হো, )

‡ ইয়কুব মেসরাধিপতির নিকটে এই মর্মে পত্র লিখিয়াছিলেন, যথা ; “আমি এস্হাকের  
 পুত্র, এব্রাহিমের পৌত্র ইয়কুব, আমরা দুঃখ বিপদে আশ্রিত। নেম্‌রুদ আমার পিতামহকে হস্ত  
 পদ বন্ধন করিয়া অগ্নিতে বিসর্জন করিয়াছিল, পরমেশ্বর তাহাকে উদ্ধার করেন। আমার পিতা  
 এস্হাকের গলদেশে ছুরিকা অর্পিত হইয়াছিল, পরে ঈশ্বর তাহার বিনিময়ে এক মেঘকে বলিক্রমে  
 প্রেরণ করিয়াছিলেন। আমার এক পুত্র ছিল, তাহাকে আমি সকল পুত্র অপেক্ষা অধিকতর স্নেহ  
 করিতাম, তাহার ভ্রাতৃগণ তাহাকে অরণ্যে লইয়া যায়, শোণিতলিপ্ত বস্ত্র আমাকে অর্পণ করিয়া  
 বলে যে, সেই ভ্রাতাকে বাস্ত্রে ভক্ষণ করিয়াছে। আমি তাহার বিচ্ছেদে এরূপ ক্রন্দন করিয়াছি যে,  
 তাহাতে আমার চক্ষুর তারা শুভ্র হইয়া গিয়াছে। তাহার এক সহোদর ভ্রাতা ছিল, তদ্বারা আমি  
 সান্ত্বনা লাভ করিতেছিলাম, আপনি তাহাকে চোর বলিয়া আবদ্ধ করিয়া রাখিয়াছেন। আমরা  
 ঈদৃশ বংশের লোক নহি যে, চুরি করিব, কিংবা আমাদের দ্বারা চুরি হইতে পারে। যদি আপনি  
 সেই বালককে প্রত্যর্পণ করেন, ভালই ; নচেৎ এরূপ অভিসম্পাত করিব যে, আপনার সন্তানের প্রতি  
 তাহা কলিবে।” ইয়কুব এই প্রকার পত্র লিখিয়া সন্তানগণের নিকটে অর্পণ করেন, এবং তৈল,

আজিজ, আমাদের প্রতি ও আমাদের আত্মীয়দিগের প্রতি দুঃখের সঞ্চার হইয়াছে, এবং আমরা সামান্য মূলধন আনয়ন করিয়াছি; অতএব আমাদের (খাতের) পরিমাণ পূর্ণ করিয়া দেও, আমাদের প্রতি সদকা কর। নিশ্চয় ঈশ্বর সদকাদাতাদিগকে পুরস্কার দান করেন” \*। ৮৮। সে বলিল, “যখন তোমরা মূর্থ ছিলে, তখন ইয়ুসোফের প্রতি ও তাহার ভ্রাতার প্রতি যাহা করিয়াছিলে, তাহা কি জ্ঞাত আছ” ? †। ৮৯। তাহারা বলিল, “সত্যই তুমি কি ইয়ুসোফ?” সে বলিল, “আমিই ইয়ুসোফ এবং এই আমার ভ্রাতা, একান্তই পরমেশ্বর আমাদের প্রতি কল্যাণ বিধান করিয়াছেন; বস্তুতঃ যে ব্যক্তি ধর্মভীরু হয় ও বৈর্যা ধারণ করে, পরে নিশ্চয় ঈশ্বর সেই হিতকারীর পুরস্কার নষ্ট করেন না”। ৯০। তাহারা বলিল, “ঈশ্বরের শপথ, সত্য সত্যই ঈশ্বর আমাদের উপর তোমাকে মনোনীত করিয়াছেন, এবং নিশ্চয় আমরা অপরাধী ছিলাম ‡।” ৯১। সে বলিল, “অন্য তোমাদের প্রতি অন্ত্রযোগ নাই, তোমাদিগকে পরমেশ্বর ক্ষমা করিবেন, তিনি দয়ালুদিগের মধ্যে শ্রেষ্ঠ দয়ালু। ৯২। তোমরা আমার এই কামিজ লইয়া যাও, পরে ইহা আমার পিতার মুখের উপর নিক্ষেপ কর, তিনি চক্ষুমান হইবেন; § এবং তোমরা আপন স্বগণদিগকে একযোগে আমার নিকটে আনয়ন কর।” ৯৩। ( র, ১০, আ, ১৪ )

এবং যখন সেই বণিগ্দল ( মেসর হইতে ) প্রস্থান করিল, তখন তাহাদের পিতা বলিল, “যদি তোমরা আমাকে বুদ্ধিভ্রষ্ট মনে না কর, তবে নিশ্চয় আমি ইয়ুসোফের গন্ধ প্রাপ্ত হইতেছি ¶।” ৯৪। ( উপস্থিত লোকেরা ) বলিল, “ঈশ্বরের শপথ, সত্যই তুমি

কার্পাস ও পনির ইত্যাদি কিঞ্চিৎ মূলধন সংগ্রহ করিয়া তাহাদিগকে পুনর্বার মেসরে পাঠাইয়া দেন। তাহারা তৎসহ ইয়ুসোফের নিকটে উপস্থিত হয়। ( ত, হো, )

\* ঈশ্বরোদ্দেশ্যে দরিদ্রদিগকে যাহা দান করা হয়, তাহাকে সদকা বলে।

† ইয়ুসোফের জ্যেষ্ঠ ভ্রাতৃগণ ইয়ুসোফকে যে কুপে নিক্ষেপ করিয়াছিল, তাহা সর্বত্র প্রসিদ্ধ। কিন্তু তাহারা ভ্রাতা বেনয়ামিনের প্রতি কিরূপ দুর্ব্যবহার করিয়াছিল, তাহার কোন বিশেষ বৃত্তান্ত পাওয়া যায় না। তবে নিকৃষ্ট মনে করিয়া তাহার প্রতি তুচ্ছ তাম্বল্য প্রকাশ করিত, তাহার সঙ্গে সম্ভাবে কথা কহিত না। ( ত, হো, )

‡ কথিত আছে, ভ্রাতৃগণ ইয়ুসোফকে চিনিয়াই সিংহাসনের দিকে অগ্রসর হইয়াছিল, এবং তাহার পদচূষন করিয়াছিল। ইয়ুসোফ সিংহাসন হইতে নামিয়া তাহাদিগকে আলিঙ্গন দান করেন। ( ত, হো, )

§ ঈশ্বরের নিকটে প্রত্যেক রোগের ঔষধ আছে, পুত্রবিচ্ছেদে ইয়কুবের চক্ষু দৃষ্টিশক্তিহীন হইয়াছিল, পুত্রের শরীরের এক জব্যের সংস্পর্শে দৃষ্টি লাভ হইল। মহান্না ইয়ুসোফের এই এক অদ্ভুত ক্রিয়া প্রকাশ পাইয়াছিল। ( ত, ফা, )

¶ জ্যেষ্ঠ ভ্রাতা ইহুদা বলিয়াছিল যে, “হে ইয়ুসোফ, পূর্বে শোণিতলিপ্ত বস্ত্র পিতার নিকটে উপস্থিত করিয়াছিলাম, এক্ষণ তোমার গাত্রের কামিজ আমার প্রতি অর্পণ কর, আমি তাহা লইয়া



স্বীয় পুরাতন ভ্রাতৃত্বিত্তে আছ”। ২৫। অনন্তর যখন সুসংবাদদাতা উপস্থিত হইল, তখন তাহার মুখের উপর তাহা নিষ্কেপ করিল, তৎপর সে চক্ষুমান হইল। সে বলিল, “আমি কি তোমাঙ্গিকে বলি নাই যে, তোমরা যাহা জানিতেছ না, নিশ্চয় আমি ঈশ্বর দ্বারা তাহা জানিতেছি”। ২৬। তাহারা বলিল, “হে আমাদের পিতা, আমাদের জন্ম আমাদের অপরাধ ক্ষমা প্রার্থনা কর, সত্যই আমরা অপরাধী হইয়াছি”। ২৭। সে বলিল, “অবশ্য আপন প্রতিপালকের নিকটে তোমাদের জন্ম ক্ষমা প্রার্থনা করিব, নিশ্চয় তিনি ক্ষমাশীল দয়ালু”। ২৮। অনন্তর যখন তাহারা ইয়ুসোফের নিকটে প্রবেশ করিল, তখন সে স্বীয় পিতা মাতাকে আপন সন্নিধানে স্থান দান করিল, এবং বলিল, “যদি ঈশ্বর ইচ্ছা করিয়াছেন, তবে তোমরা শান্তিযুক্ত হইয়া মেসরে প্রবেশ কর” \*। ২৯। এবং সে আপন পিতা ও মাতাকে সিংহাসনের উপর বসাইল, এবং তাহার উদ্দেশ্যে তাহারা নমস্কার করিয়া পতিত হইল। সে বলিল, “হে আমার পিতা, আমার পূর্বতন স্বপ্নের ইহাই ব্যাখ্যা, নিশ্চয় আমার প্রতিপালক তাহা সত্য করিয়াছেন; এবং যখন আমাকে তিনি কারাগার হইতে বাহির করিলেন, নিশ্চয় তখন আমার প্রতি উপকার বিধান করিলেন, এবং অরণ্যে আমার ও আমার ভ্রাতৃগণের মধ্যে শয়তান বিরোধ উপস্থিত করিয়াছিল, তাহার পর তথা হইতে তোমাঙ্গিকে লইয়া আসিলেন; নিশ্চয় আমার প্রতিপালক যাহাকে ইচ্ছা করেন, তৎপ্রতি কোমল ব্যবহারকারী হন। নিশ্চয় তিনি জ্ঞাতা ও নিপুণ ন। ১০০। হে আমার প্রতিপালক, তুমি আমাকে রাজ্য দান করিয়াছ, এবং

যাইব ও পিতাকে প্রদান করিব; হয়তো ইহা পাইয়া তিনি সেই দুঃখ ভুলিয়া যাইবেন।” তদনুসারে ইয়ুসোফ স্বীয় কামিজ তাহাকে প্রদান করেন। কথিত আছে যে, সেই কামিজ মহাপুরুষ এত্রাহিমের ছিল, স্বর্গীয় দূতের সাহায্যে ইয়ুসোফ তাহা প্রাপ্ত হইয়াছিলেন। ইয়ুসোফ সেই কামিজ এবং পিতামাতা ও আত্মীয়স্বজনের আগমনের জন্ম পাথেয় দ্রব্যজাত ইহুদার হস্তে সমর্পণ করিলেন। ইহুদা ভ্রাতৃবর্গসহ মেসর হইতে কেনানে যাত্রা করিলে, ঈশ্বরের আদেশে সমীরণ সেই অঙ্গবস্ত্রের সৌরভ ইয়কুবের ভ্রাণেলিয়ে অর্পণ করে।

(ত, হো,)

\* ইয়কুব যখন মেসরের নিকটবর্তী হইল, তখন ইয়ুসোফ নরপতি রয়ান ও প্রধান প্রধান রাজকর্মচারী এবং সৈন্য সামন্তসহ পিতাকে অভ্যর্থনা করিয়া গ্রহণ করিবার জন্ম অগ্রসর হন। ইয়কুব সম্ভানগণসহ এক ক্ষুদ্র পর্বতে আরোহণ করিয়া লোকজনের ঘটা ও সৈন্যশ্রেণীদর্শনে বিন্মিত হইয়াছিলেন। ইয়ুসোফ পিতাকে দেখিয়াই যান হইতে অবতরণ করেন, ইয়কুবও পদব্রজে অগ্রসর হন। ইয়কুব ইয়ুসোফকে দেখিয়া মস্তক নত করিয়া সন্মান প্রদর্শনপূর্বক তাঁহাকে আলিঙ্গনপাশে বদ্ধ করেন, এবং উভয়ে পরস্পর স্কন্ধ ধারণ করিয়া আনন্দাশ্রু বর্ষণ করিতে থাকেন। মেসরের নিকটবর্তী একস্থানে উচ্চ রাজপ্রাসাদ ছিল, ইয়ুসোফ সেই প্রাসাদে পিতামাতাসহ উপস্থিত হন। ইয়ুসোফের গর্ভধারিণী ছিলেন না, মাতৃঘসাই জননী স্বলবর্তিনী ছিলেন। সেই প্রাসাদে আসিয়া ইয়ুসোফ পিতাকে আলিঙ্গন দান, জননীকে ও ভ্রাতৃগণকে বিশেষভাবে সম্ভাষণ করিলেন। কেহ বলেন, চল্লিশ বৎসর পরে, কেহ বলেন, ষাট বৎসর পর ইয়ুসোফের সঙ্গে ইয়কুবের পুনর্মিলন হইয়াছিল।

(ত, হো,)

† সুখসম্পদ পরমেখরের কৃপায়, দুঃখ বিপদ শয়তানের প্ররোচনায় হইয়া থাকে, এরূপ লিখিত

বৃহত্তমের ব্যাখ্যা করিতে শিক্ষা দিয়াছ ; তুমি স্বর্গ ও পৃথিবীর সৃষ্টিকর্তা ও তুমি ইহলোক ও পরলোকে বন্ধু, আমাকে বিশ্বাসী অবস্থায় মৃত্যুগ্রস্ত করিও, এবং সাধুদিগের সঙ্গে আমাকে মিলিত করিও।” ১০১। ( হে মোহাম্মদ, ) ইহা অব্যক্ত সংবাদাবলী, আমি তোমার প্রতি ইহা প্রত্যাদেশ করিতেছি ; \* এবং যখন তাহারা আপন কার্যের যোজনা করিয়াছিল ও তাহারা চলনা করিতেছিল, তখন তুমি তাহাদের নিকটে ছিলে না। ১০২। এবং যদি তুমি বিশ্বাসী হইবার জন্ত উত্তেজনা কর, অধিকাংশ লোক ( তাহাতে সম্মত ) নয়। ১০৩। তুমি তাহাদের নিকটে ইহার জন্ত ( কোর্-আন্ প্রচারের জন্ত ) কোন পুরস্কার প্রার্থনা করিতেছ না, ইহা জগৎবাসীদিগের জন্ত উপদেশ ব্যতীত নহে। ১০৪। ( র, ১১, আ, ১১ )

এবং আকাশে ও পৃথিবীতে ( এমন ) কত নিদর্শন আছে, যাহার উপর তাহারা সঞ্চরণ করিতেছে, এবং তাহারা তাহা হইতে মুখ ফিরাইতেছে †। ১০৫। এবং তাহাদের অধিকাংশই ঈশ্বরের প্রতি বিশ্বাস করে না, কিন্তু তাহারা অংশী নির্ধারণকারী। ১০৬। অনন্তর তাহাদের নিকটে যে ঐশ্বরিক আবেষ্টনকারী দণ্ড আসিয়া পড়িবে, কিম্বা অকস্মাৎ কেয়ামত তাহাদের নিকটে উপস্থিত হইবে, তাহা হইতে কি তাহারা নির্ভয় হইয়াছে? বস্তুতঃ তাহারা জানিতেছে না। ১০৭। তুমি বল, ইহাই আমার পস্থা, আমি ঈশ্বরের দিকে আহ্বান করিতেছি, আমি ও যে ব্যক্তি আমার অনুসরণ করে, সে চক্ষুমান্ ; ঈশ্বরেরই পবিত্রতা, আমি অংশিবাদীদিগের অন্তর্গত নহি। ১০৮। এবং গ্রামবাসীদিগের যাহাদের প্রতি আমি প্রত্যাদেশ করিয়াছি, তাহারা ভিন্ন ( অন্ত ) পুরুষদিগকে তোমার পূর্বে আমি প্রেরণ করি নাই ; অনন্তর তাহারা কি পৃথিবীতে ভ্রমণ করে নাই? তাহা হইলে তাহাদের পূর্বে যাহারা ছিল, তাহাদের কিরূপ পরিণাম হইয়াছে, তাহারা দেখিত ; এবং যাহারা ধর্মভীরু হইয়াছে, নিশ্চয় তাহাদের জন্ত পারলৌকিক আলায় উত্তম। পরন্তু তোমরা কি বুঝিতেছ না?। ১০৯। যদবধি প্রেরিতপুরুষগণ নিরাশ হইল, এবং মনে করিল যে, তাহারা মিথ্যা বলিতেছে, ‡ তদবধি তাহাদের নিকটে আমার সাহায্য উপস্থিত হইল ; অনন্তর যাহাকে আমি ইচ্ছা করিলাম, তাহাকে মুক্তি দেওয়া গেল, অপরাধিদল হইতে আমার শাস্তি প্রতিরোধ করা যায় না। ১১০।

হইল। পূর্বে স্মৃতিস্থিত আদমকে অগ্নিসস্তৃত দেবতাগণ নমস্কার করিয়াছিলেন, এক্ষণ ঈশ্বরোদ্দেশে ব্যতীত নমস্কার করার বিধি নাই ; কিন্তু ইয়ুসোফের সময়ে এই রীতি প্রচলিত ছিল। ( ত, কা, )

\* অর্থাৎ তওরাতে ও পূর্বতন গ্রন্থ সকলে ইহার উল্লেখ নাই, ইহা নূতন ব্যক্ত হইল। ( ত, কা, )

† “যাহার উপর তাহারা সঞ্চরণ করিতেছে” অর্থাৎ যাহার তত্ত্ব জানিতেছে, এবং যাহার অবস্থা অবলোকন করিতেছে। “মুখ ফিরাইতেছে”, অর্থাৎ চিন্তা করিতেছে না। ( ত, আ, )

‡ প্রেরিতপুরুষগণ মনে করিল যে, কাকের লোকেরা বিশ্বাসের অঙ্গীকারে তাহাদের সঙ্গে মিথ্যা বলে। ( ত, হো, )

সত্য সত্যই বুদ্ধিমান লোকদিগের জগ্ন তাহাদের আখ্যায়িকা সকলেতে উপদেশ আছে ; আমার কথা এরূপ নহে যে, (অসত্যে) বদ্ধ হইবে ; কিন্তু যাহা তাহার সম্মুখে আছে, উহা তাহার প্রমাণ ও সকল বিষয়ের বর্ণনা এবং বিশ্বাসী দলের জগ্ন দয়া ও পথ-প্রদর্শন \* ।  
১১১ । ( র, ১২, আ, ৭, )

## সূরা রঅদ †

.....

### ত্রয়োদশ অধ্যায়

.....

#### ৪৩ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

সেই গ্রন্থের এই সকল আয়ত, এবং তোমার প্রতিপালক হইতে তোমার প্রতি, (হে মোহাম্মদ, ) যাহা অবতীর্ণ হইয়াছে, তাহা সত্য ; কিন্তু অধিকাংশ মনুষ্য বিশ্বাস করে না । ১ । নভোমণ্ডলকে যে তোমরা দেখিতেছ, তাহা যিনি স্তম্ভ ব্যতীত উন্নমিত করিয়াছেন, তিনিই ঈশ্বর । তৎপর সিংহাসনের উপর তিনি স্থিতি করিয়াছেন, এবং চন্দ্র ও সূর্য্যকে বশীভূত রাখিয়াছেন, প্রত্যেকে নির্দারিত সময়ে সঞ্চরণ করিতেছে ; তিনি কার্য্য সম্পাদন করেন, এবং নিদর্শন সকল বর্ণনা করেন । ভরসা যে, তোমরা স্বীয় প্রতিপালকের সাক্ষাৎকারে বিশ্বাসী হইবে । ২ । এবং তিনিই যিনি ভূতলকে প্রসারিত করিয়াছেন, এবং তন্মধ্যে গিরিশ্রেণী ও নিব্বারপুঞ্জ সৃষ্টি করিয়াছেন, এবং তাহার মধ্যে সমুদায় ফলের দুই দুই জাতি সৃজন করিয়াছেন, ‡ তিনি দিবা দ্বারা রজনীকে আচ্ছাদিত করেন ; চিন্তাশীল দলের জগ্ন নিশ্চয় ইহাতে নিদর্শন সকল আছে । ৩ । এবং ভূতলে

\* “আমার কথা” অর্থাৎ আমার কোর্-আন্ । “যাহা তাহার সম্মুখে আছে, উহা তাহার প্রমাণ” অর্থাৎ তওরাত বাইবলাদি যে সমস্ত ধর্ম্মগ্রন্থ কোর্-আনের নিকটে উপস্থিত আছে, কোর্-আন্ তাহার প্রমাণ ।  
( ত, হো, )

† মক্কাতে এই সূরার আবির্ভাব হয় । ইহার ব্যবচ্ছেদক শব্দ “আলম্মা” ; ব্যবচ্ছেদক শব্দের বর্ণাবলী যে সকল বাক্যের সারাংশ, সেই সমস্ত বাক্য ঈশ্বরের গুণ প্রকাশ করে, যথা, “আলম্মার” ‘আ’ তাঁহার দান, ‘ল’ তাঁহার অনন্ত কোমলতা, ‘ম’ তাঁহার অক্ষয় রাজত্ব ব্যক্ত করে ।  
( ত, হো, )

‡ দ্বিবিধ জাতীয় ফল, যথা—রক্ত ও পীত, কৃষ্ণ ও শুভ্র, বৃহৎ ও ক্ষুদ্র, অন্ন ও মধুর, উষ্ণ ও শীতল, শুষ্ক ও সরস, বনজাত ও উদ্ভানজাত ইত্যাদি ।  
( ত, হো, )

পরস্পর সংলগ্ন বিভাগ সকল আছে ও দ্রাক্ষার উদ্যান সকল এবং ক্ষেত্র সকল ও বহু শাখাবিশিষ্ট তরু ও বহুশাখাবিহীন খোন্দা তরু সকল আছে ; (সে সকল) একবিধ জলে অভিষিক্ত হয়, এবং ফল সম্বন্ধে আমি পরস্পরকে পরস্পরের উপর ( বিভিন্ন ) উন্নতি দান করিতেছি । সত্যই যাহারা জ্ঞান রাখে, সেই দলের জগ্নু ইহার মধ্যে নিদর্শন সকল আছে \* । ৪ । এবং যদি তুমি আশ্চর্যান্বিত হও, তবে তাহাদের বাক্য আশ্চর্য্য, “কি আমরা যখন মৃত্তিকা হইব, তখন কি সত্যই নূতন স্বজনে আসিব ?” ইহারাই যাহারা স্বীয় প্রতিপালকের সম্বন্ধে বিরোধী, ইহারাই যে ইহাদের গলদেশে বন্ধন আছে, এবং ইহারাই নরকলোকনিবাসী, ইহারাই তথায় চিরনিবাসী হইবে । ৫ । এবং তাহারা মঙ্গলের পূর্বে তোমা হইতে অমঙ্গলকে সত্ত্বর চাহিতেছে, এবং নিশ্চয় তাহাদের পূর্বে ( শাস্তির ) দৃষ্টান্ত সকল হইয়া গিয়াছে ; এবং নিশ্চয় তোমার প্রতিপালক মনুষ্যের জগ্নু তাহাদের অত্যাচারসত্ত্বে ক্ষমাকারী, এবং নিশ্চয় তোমার প্রতিপালক কঠিন শাস্তিদাতা † । ৬ । এবং ধর্ম্মদ্রোহিণ বলিয়া থাকে, “তাহার প্রতিপালক হইতে তৎপ্রতি কেন অলৌকিকতা অবতীর্ণ হইল না ?” তুমি ভয়প্রদর্শক, ও সমুদায় জাতির জগ্নু পথপ্রদর্শক, এতদ্ভিন্ন নহে । ৭ । ( র, ১, আ, ৭ )

সমুদায় নারী যাহা গর্ভে ধারণ করে, এবং গর্ভ সকল যাহা হীন করে ও যাহা বৃদ্ধি করে, ঈশ্বর তাহা জানেন ; এবং প্রত্যেক বস্তু তাঁহার নিকটে পরিমেয় ‡ । ৮ । তিনি

\* একবিধ জলে প্রতিপালিত তরুশ্রেণীতে বিভিন্ন ফলপুষ্প উৎপন্ন হইতেছে, ইহা ঐশী শক্তি বাতীত হইতে পারে না । মানবজাতির সম্বন্ধেও এই দৃষ্টান্ত সংলগ্ন হয় । এক মাতা পিতা হইতে মানবজাতির জন্ম, কিন্তু আকৃতি প্রকৃতি, বর্ণ ও শব্দ চরিত্রাদি বিভিন্ন হয় । মানসিক গুণ ও শক্তিবিশয়ে সমুদায় মনুষ্য পরস্পর বিভিন্ন হয় । ( ত, হো, )

† যখন হজরত কাফেরদিগকে শাস্তির কথা বলিয়া ভয় প্রদর্শন করিতেছিলেন, তখন হারেসের পুত্র নজর ও অন্ত্র কোন কোন ব্যক্তি উপহাস করিয়া বলে যে, “শীঘ্র শাস্তি উপস্থিত কর ।” পরমেশ্বর হজরতের প্রতি অসত্যারোপকারী কাফেরদিগকে শাস্তিদানে কেয়ামত পর্য্যন্ত বিলম্ব করা স্থির করিয়াছেন, এবং এই দলের মূলোচ্ছেদক দণ্ড রহিত করিয়াছেন । ঈশ্বর হইতে কল্যাণলাভের বিলম্ববশতঃ কাফেরগণ মূলোচ্ছেদক শাস্তি সত্ত্বর চাহিতেছে, আশ্চর্য্য যে, তাহারা শাস্তি প্রার্থনা করিতেছে । অহঙ্কার ও অগ্রাহ করার নিমিত্ত কাফেরদিগের প্রতি কঠিন শাস্তি নিদ্ধারিত । পুনশ্চ তিনি ক্ষমাশীল, যেন কেহ তাঁহার দয়াতে নিরাশ না হয় ; তিনি শাস্তিদাতা, যেন কেহ তাঁহার সম্বন্ধে নির্ভয় না হয় । বিশ্বাসী লোকেরা ভয় ও আশার পথ অবলম্বন করেন । তাঁহার দণ্ডদানের অঙ্গীকার না থাকিলে সকল লোক তাঁহার ক্ষমার প্রতি নির্ভর করিয়া পাপ কার্য্য হইতে বিরত হইত না, এবং তাঁহার ক্ষমা না থাকিলে কাহারও আমোদ প্রমোদে রুচি হইত না । ( ত, হো, )

‡ “গর্ভ সকল যাহা হীন করে ও যাহা বৃদ্ধি করে, ঈশ্বর তাহা জানেন” অর্থাৎ গর্ভে যে সন্তান অপূর্ণাঙ্ক হয়, কিম্বা যে ক্রণের অতিরিক্ত অঙ্ক হয়, ঈশ্বর তাহা জানেন । অথবা সন্তানের সম্বন্ধানুসারে এই ন্যূনাধিক্য, যথা, গর্ভ এক সন্তান, না একাধিক সন্তান বহন করিতেছে, ঈশ্বর তাহা জানেন । ( ত, হো, )

বাহু ও অস্তরের জ্ঞাতা ও মহান্ ও শ্রেষ্ঠ । ৯ । তোমাদের যে ব্যক্তি বাক্য গোপন করে ও যে ব্যক্তি তাহা উচ্চৈঃস্বরে বলে; এবং যে ব্যক্তি রজনীতে প্রচ্ছন্ন ও যে ব্যক্তি দিবাভাগে বিচরণকারী, (তাহার নিকটে) তুল্য । ১০ । তাহার জন্ম প্রহরী সকল তাহার অগ্রে ও তাহার পশ্চাতে আছে, তাহারা ঈশ্বরের আজ্ঞামুসারে তাহাকে রক্ষা করে; যে পর্য্যন্ত তাহাদের অস্তরে যাহা আছে, তাহারা তাহার পরিবর্তন ( না ) করে, সে পর্য্যন্ত পরমেশ্বর কোন সম্প্রদায়ের কিছু পরিবর্তন করেন না; \* এবং যখন ঈশ্বর কোন সম্প্রদায়ের প্রতি দুর্গতি ইচ্ছা করেন, তখন তাহার নিবারক নাই, এবং তাহাদের নিমিত্ত তিনি ব্যতীত কার্য্যসম্পাদক নাই । ১১ । তিনিই যিনি তোমাদিগকে ভয় ও লোভের জন্ম বিদ্যায় প্রদর্শন করিয়া থাকেন, এবং ঘন মেঘ উৎপাদন করেন † । ১২ । জলদ-নির্ঘোষ তাহার প্রশংসাতে ও দেবগণ তাহার ভয়েতে স্তব করে; এবং তিনি বজ্র সকল প্রেরণ করেন, অনন্তর যাহাদের প্রতি ইচ্ছা হয়, তৎপ্রতি উহা সঞ্চারিত করিয়া থাকেন, এবং তাহারা ঈশ্বরের সম্বন্ধে বিতণ্ডা করে, তিনি অতিশয় কঠিন ‡ । ১৩ । তাহার

\* মানুষের অগ্র পশ্চাতে স্বর্গীয়দূতগণ প্রহরীর কার্য্য করেন, মানুষের কার্য্য ও বাক্য তাহারা লিখিয়া রাখেন । ইহাদিগকে “কেরামোল কাতবিন” (শ্রেষ্ঠ লিপিকর) বলে । ঈশ্বর মানুষদিগকে দুঃখ বিপদ ও ছল চক্রান্ত হইতে রক্ষা করিবার জন্ম দেবতাদিগকে সৃষ্টি করিয়াছেন । কেহ বলেন, দিবাভাগের জন্ম দশ জন এবং রাত্রির জন্ম দশ জন দেবতা নিযুক্ত । ( ত, হো, )

অর্থাৎ পরমেশ্বর কোন জাতিকে সে পর্য্যন্ত স্বীয় অনুগ্রহ ও রক্ষাকার্য্য হইতে বঞ্চিত করেন না, যে পর্য্যন্ত তাহারা আপন ভাব স্বভাবকে ঈশ্বরের বিরোধী না করে; সে পর্য্যন্ত ঈশ্বর হইতে আশুকুল্য পাইয়া থাকে । ( ত, ফা, )

+ বৃষ্টি যাহাদিগের হানি করিতে পারে, এমন পণিকদিগকে ভয় দেখাইয়া সতর্ক করিতে এবং যে সকল গৃহবাসী বৃষ্টির প্রার্থী, তাহাদিগকে আশা দিবার জন্ম ঈশ্বর বিদ্যায় প্রকাশ করেন । ( ত, হো, )

‡ রোবরের পুত্র আরিদ বজ্রপাতে নিহত হইয়াছিল । হজরতের মদিনা প্রস্থানের নবম বৎসরে তোফয়লের পুত্র আমের আরিদকে বলিয়াছিল যে, “চল আমরা মোহম্মদের সঙ্গে সাক্ষাৎ করিতে যাই: যখন আমি তাহার সঙ্গে কথোপকথনে প্রবৃত্ত হইব, তখন তুমি পশ্চাদ্দিগ্ হইতে আসিয়া তাহার গলদেশে করবালের আঘাত করিও ।” এইরূপ স্থির করিয়া আমের হজরতের নিকটে উপস্থিত হয়, এবং তাহার সঙ্গে কথোপকথন করিতে থাকে । অনেক বাগ্‌বিতণ্ডার পর সে বলিল, “হে মোহম্মদ, আমি এক্ষণ যাইতেছি, বহুসংখ্যক অশ্বারূঢ় ও পদাতিক দুর্জয় সৈন্য তোমাকে আক্রমণ করিবার নিমিত্ত সত্বরই প্রেরণ করিতেছি ।” এই বলিয়া সে আরিদের সঙ্গে বাহিরে চলিয়া গেল । তখন হজরত প্রার্থনা করিলেন যে “হে ঈশ্বর, এই দুই জনকে যেরূপ তোমার ইচ্ছা হয়, শাস্তি দান কর ।” অনন্তর আমের আরিদকে বলিল, “সেই সকল পরামর্শ কোথায় চলিয়া গেল, তুমি কেন করবাল চালনা কর নাই?” আরিদ বলিল, “যখন আমি মোহম্মদকে করবালের আঘাত করিতে উদ্ভূত হইয়াছিলাম, তুমি আমার ও তাহার মধ্যে ব্যবধান হইয়াছিলে, তজ্জন্মই স্বেযোগ হইয়া উঠে নাই ।” পরে তাহারা মদিনার বাহিরে চলিয়া গেল । ইতিমধ্যে অকস্মাৎ বজ্রপাতে আরিদ দগ্ধ হইল, আমেরও পশ্চিমদ্যে কোন চূর্ণটনায় পতিত হইয়া প্রাণত্যাগ করিল । সেই সময়ে এক জন ইহুদি



উদ্দেশ্যেই প্রার্থনা করা সত্য, এবং তাহারা ঈশ্বরকে ছাড়িয়া যাহাদিগের নিকটে প্রার্থনা করে, তাহারা তাহাদের (প্রার্থনা) কিছুই গ্রাহ করে না; যেমন কেহ স্বীয় হস্তদ্বয় জলের দিকে প্রসারণ করে, যেন তাহার মুখে তাহা উপস্থিত হয়, কিন্তু তাহা তাহার প্রতি উপস্থিত হইবার নয়; তদ্রূপ ধর্মদ্রোহীদিগের প্রার্থনা নিফল হয়, ইহা ভিন্ন নহে \*। ১৪। যে কেহ স্বর্গে ও পৃথিবীতে আছে, তাহারা ও তাহাদের ছায়া প্রাতঃসন্ধ্যা ইচ্ছায় হউক, অনিচ্ছায় হউক, ঈশ্বরকে নমস্কার করে †। ১৫। তুমি জিজ্ঞাসা কর, কে দু্যলোক ও ভুলোকের প্রতিপালক? বল, ঈশ্বরই; জিজ্ঞাসা কর, অনন্তর তোমরা কি তাঁহাকে ছাড়িয়া (এমন) বন্ধু গ্রহণ করিয়াছ, যাহারা আপন জীবনের ক্ষতি বৃদ্ধি করিতে সক্ষম নহে? জিজ্ঞাসা কর, অন্ধ ও চক্ষুহীন কি তুলা? অথবা অন্ধকার ও আলোক কি তুলা? তাহারা কি ঈশ্বরের জন্ত এমন অংশী সকলকে নির্দারিত করে যে, তাহারা তাঁহার সৃষ্টির গায় সৃষ্টি করিয়াছে? অতএব তাহাদের প্রতি সৃষ্টির উপনা হইয়াছে? বল, ঈশ্বর সমুদায় পদার্থের সৃষ্টিকর্তা এবং তিনি একমাত্র বিজ্ঞতা। ১৬। তিনি আকাশ হইতে জল অবতারণ করিয়াছেন, অনন্তর তৎপরিমাণে নদী সকল প্রবাহিত হইয়াছে, পরে জলপ্রবাহ উপরে ফেনপুঞ্জ ধারণ করিয়াছে; এবং যে বস্তু হইতে অলঙ্কার অথবা তৈজস সামগ্রীর অন্বেষণ হয়, অগ্নিমধ্যে তাহাকে জালান হইয়া থাকে, (উহা) তৎসদৃশ ফেন (খাদ) হয়। এইরূপ পরমেশ্বর সত্য ও অসত্যের বর্ণনা করেন, কিন্তু ফেন (বা খাদ) পরে অসার হইয়া দূরীভূত হয়, এবং যে বস্তু লোকের উপকারে আইসে, অবশেষে তাহা পৃথিবীতে থাকে। এই প্রকার পরমেশ্বর দৃষ্টান্ত সকল বর্ণন করেন ‡। ১৭।

হজরতের নিকটে আসিয়া ব্যঙ্গ করিয়া বলিল, "তোমার ঈশ্বর মুক্তানিষ্কিত, না, সুবর্ণনিষ্কিত?" তখনই অশনিপাত হইয়া তাহাকে দণ্ড করিল। তৎকালে ঈশ্বর এই আয়ত প্রেরণ করিলেন। (ত, হো,)

\* কোন তৃষ্ণার্ন্ত কূপের নিকটে উপস্থিত হইয়া, হস্ত প্রসারণপূর্বক জল তুলিয়া পান করিবার চেষ্টা করিলে, তাহার সেই চেষ্টা যেমন বিফল হয়, ঈশ্বর ব্যতীত অন্তের নিকটে প্রার্থনা তদ্রূপ বিফল হইয়া থাকে। (ত, হো,)

+ যে ব্যক্তি ঈশ্বরের প্রতি বিশ্বাস স্থাপন করিয়াছেন, তিনি আহ্লাদপূর্বক তাঁহার আজ্ঞা শিরোধার্য্য করেন, এবং যে জন বিশ্বাস স্থাপন করে নাই, পরিণামে সেও ঈশ্বরের আদেশ মাগ্ন করিতে বাধ্য হয়। প্রাতঃসন্ধ্যা মনুষ্যদেহের ও বস্তুজাতের ছায়া সকল ভূমিতলে বিস্তৃত হইয়া থাকে, ইহাও ঈশ্বরোদ্দেশ্যে নমস্কারস্বরূপ। (ত, ফা,)

‡ অর্থাৎ স্বর্গ হইতে সত্য ধর্ম অবতীর্ণ হয়। প্রত্যেক মনুষ্য স্ব স্ব ক্ষমতানুসারে তাহা গ্রহণ করে, পরে সত্য ও মিথ্যার, স্বর্গীয় ও পার্থিবের প্রভেদ বুঝিয়া লয়। যেমন পৃথিবীতে আকাশ হইতে বারিবর্ষিত হইয়া নদীরূপে প্রবাহিত হইয়া থাকে ও স্বর্ণরজতাদি ধাতু অগ্নিসংযোগে দ্রবীভূত হয়, এবং নদী-প্রবাহের উপর কেনপুঞ্জ ও দ্রবীভূত ধাতুর উপর খাদ উঠিয়া থাকে। কেনপুঞ্জ ও খাদরাশি অসার, অবস্তু ও অপ্রয়োজনীয়, তাহা বহির্নিষ্কিত হয়, সার বস্তুই কার্য্যে ব্যবহৃত হইয়া থাকে,

যাহারা স্বীয় প্রতিপালকের (বাক্য) গ্রাহ্য করিয়াছে, তাহাদের জন্ত কল্যাণ ; এবং যাহারা তাহা গ্রাহ্য করে নাই, যদি পৃথিবীতে যাহা কিছু আছে, তৎসমুদায় তাহাদের হয় এবং তৎসদৃশ (সমুদয়) তাহাদের সঙ্গে থাকে, তাহারা অবশ্য তাহা (শাস্তির) বিনিময় (স্বরূপ) দান করিবে। ইহারাই যে, ইহাদের জন্ত দুঃখ বিচার, ইহাদের আশ্রয়ভূমি নরকলোক ও (তাহা) কুৎসিত স্থান। ১৮। (র, ২, আ, ১১)

অনন্তর তোমার প্রতিপালক হইতে তোমার প্রতি যাহা অবতীর্ণ হইয়াছে, যাহারা তাহা সত্য জানিতেছে, তাহারা কি, যাহারা অন্ধ, তাহাদিগের সদৃশ? বুদ্ধিমান লোকেরা উপদেশ গ্রহণ করে, এতদ্বিষয় নয়। ১৯। + যাহারা পরমেশ্বরের অঙ্গীকারকে পূর্ণ করে এবং অঙ্গীকারকে ভঙ্গ করে না। ২০। + এবং ঈশ্বর আজ্ঞা করিয়াছেন যে, আপন প্রতিপালকের প্রতি যোগ স্থাপন কর, তাঁহাকে ভয় কর; তৎপ্রতি যাহারা যোগ স্থাপন করে, এবং বিচারের কাঠিন্যকে ভয় করে। ২১। + এবং যাহারা স্বীয় প্রতিপালকের আননের প্রার্থনায় ধৈর্য ধারণ করে ও উপাসনাকে প্রতিষ্ঠিত রাখে, এবং তাহাদিগকে প্রকাশ্যে ও গোপনে আমি যে উপজীবিকা দিয়াছি, তাহা ব্যয় করে, অপিচ সাধুতা দ্বারা অসাধুতাকে দূর করে, তাহারাই, তাহাদিগের জন্ত পারলৌকিক আলায়। ২২। + তাহারা নিত্য স্বর্গোত্তান সকলে প্রবেশ করে, এবং যাহারা স্বীয় পিতৃগণের প্রতি, স্বীয় ভার্য্যাগণের প্রতি ও স্বীয় সন্তানগণের প্রতি সদাচরণ করে, তাহারা ও দেবগণ প্রত্যেক দ্বার দিয়া তাহাদিগের নিকটে উপস্থিত হয়। ২৩। + (তাহারা বলে,) তোমরা যে ধৈর্য ধারণ করিয়াছ, তজ্জন্ত তোমাদের প্রতি শাস্তি, অনন্তর শুভ পারলৌকিক আলায় (তোমাদের জন্ত)। ২৪। + এবং যাহারা ঈশ্বরের অঙ্গীকার, তাহা সম্বন্ধ হওয়ার পর, ভঙ্গ করে, এবং ঈশ্বর সম্মিলনের যে আজ্ঞা করিয়াছেন, তাহা ছিন্ন করে, এবং পৃথিবীতে দৌরাভ্যা করে, তাহারাই, তাহাদিগের জন্ত অভিসম্পাত, এবং তাহাদিগের জন্ত দুঃখের আলায়। ২৫। + যাহার প্রতি ইচ্ছা হয়, ঈশ্বর তাহাকে বিস্তৃত উপজীবিকা দান করেন, এবং সংকীর্ণ দিয়া থাকেন; (কাফেরগণ) পার্থিব জীবনে আনন্দিত, পরলোকসম্বন্ধে পার্থিব জীবন ক্ষুদ্র সামগ্রী বৈ নহে। ২৬। (র, ৩, আ, ৮)

এবং ধর্মদ্রোহিগণ বলে যে, “কেন তাহার প্রতি তাহার প্রতিপালক হইতে অলৌকিকতা অবতীর্ণ হয় নাই?” তুমি বল, নিশ্চয় ঈশ্বর যাহাকে ইচ্ছা হয়, বিভ্রান্ত করিয়া থাকেন, এবং যে ব্যক্তি উন্মুখ, তাহাকে আপনার দিকে পথ প্রদর্শন করেন। ২৭। (যাহারা তাঁহার প্রতি উন্মুখ, ) যাহারা বিশ্বাস স্থাপন করিয়াছে ও ঈশ্বরপ্রসঙ্গে যাহাদের অন্তর শান্তি লাভ করে; জানিও, ঈশ্বরপ্রসঙ্গে হৃদয় শান্তি লাভ করিয়া থাকে। ২৮। যাহারা বিশ্বাস স্থাপন করিয়াছে ও সংকর্ম সকল করিয়াছে, তাহাদের জন্ত সুখের অবস্থা, তজ্জপ পরিণামে সত্যই জন্মলাভ করে। প্রত্যেক ব্যক্তির মনের অসত্যকে দূর করিয়া সত্য উজ্জ্বলরূপে প্রকাশিত হয়।

এবং উত্তম প্রত্যাবর্তনভূমি। ২৯। নিশ্চয় যাহার পূর্বে অনেক মণ্ডলী গত হইয়াছে, এমন এক মণ্ডলীর প্রতি এইরূপে আমি তোমাকে প্রেরণ করিয়াছি, যেন তোমার প্রতি যাহা প্রত্যাদেশ করিয়াছি, তুমি তাহাদের নিকটে তাহা পাঠ কর ; এবং তাহারা পর-মেশ্বরের প্রতি বিদ্রোহাচরণ করিতেছে। তুমি বল, তিনিই আমার প্রতিপালক, তিনি ভিন্ন ঈশ্বর নাই, তাঁহার প্রতি আমি নির্ভর করিয়াছি, এবং তাঁহার দিকে আমার প্রত্যাবর্তন। ৩০। এবং যদিচ কোন এক কোর্-আন্ হইত যে, তদ্বারা পর্কত সকল স্থানচ্যুত অথবা ভূমি বিদারিত হইত, কিম্বা মৃত ব্যক্তি কথা কহিত, (তথাপি তাহারা বিশ্বাস করিত না ; ) বরং ঈশ্বরের জ্ঞান সমুদায় কার্য। \* অনন্তর যাহারা বিশ্বাসী হইয়াছে, তাহারা কি জানে না যে, যদি ঈশ্বর ইচ্ছা করিতেন, তবে সমুদায় মনুষ্যকে পথ দেখাই-তেন ; এবং যাহারা ধর্মদ্রোহী হইয়াছে, তাহারা যাহা করিয়াছে, তজ্জগৎ তাহাদের প্রতি নিত্যশাস্তি উপস্থিত হইবে, অথবা যে পর্য্যন্ত ঈশ্বরের অঙ্গীকার সমাগত হয়, তাহাদের গৃহের নিকটে তাহা অবতীর্ণ হইবে। নিশ্চয় ঈশ্বর অঙ্গীকারের অগ্রথা করেন না †। ৩১। ( র, ৪, আ, ৫ )

এবং সত্য সত্যই তোমার পূর্ববর্তী প্রেরিত পুরুষগণের প্রতি উপহাস করা হইয়াছে, পরে কাফেরদিগকে আমি অবকাশ দিয়াছি, তৎপর তাহাদিগকে ধরিয়াছি ; পরিশেষে আমার শাস্তি কিরূপ ছিল ? ৩২। অনন্তর যে ব্যক্তি প্রত্যেক লোকের উপরে, তাহারা যাহা করিয়াছে, তজ্জগৎ (প্রহরিরূপে) দণ্ডায়মান, তিনি কি (অন্ত দুর্বলের তুল্য ? ) তাহারা পরমেশ্বরের নিমিত্ত অংশী সকল নিযুক্ত করিয়াছে ; বল, তোমরা তাহাদের নামকরণ কর, ‡ তিনি পৃথিবীতে যাহা জানেন না, তদ্বিষয়ে অথবা বাহ্যিক কথায়

\* কতিপয় কোরেশ বলিয়াছিল যে, “হে মোহাম্মদ, যদি তুমি ইচ্ছা কর যে, আমরা তোমার আশুগত্য স্বীকার করি, তবে কোর্-আন্ দ্বারা পর্কত সকলকে মক্কার প্রান্তর হইতে স্থানান্তরিত কর, তাহা হইলে আমরা বিস্তৃত ক্ষেত্র লাভ করিব ; এবং ভূমিকে বিদীর্ণ কর, যেন প্রশ্রবণ সকল উৎপন্ন হয় ও আমরা কৃষিকর্ম করিতে পারিব। অপিচ যদি কোলাবের পুত্র কসাকে জীবিত কর, তাহা হইলে আমাদের পরলোকগত পিতৃপুরুষগণ তাহার যোগে তোমার বিষয়ে যাহা বক্তব্য, আমাদের নিকটে বলিবেন।” তাহাতেই এই আয়ত অবতীর্ণ হয়। “বরং ঈশ্বরের জ্ঞান সমুদায় কার্য” অর্থাৎ ঈশ্বর সমুদায় করিতে সমর্থ। (ত, হো, )

† ঈশ্বরের অঙ্গীকার কেয়ামত বা মৃত্যু, তাহা উপস্থিত হওয়া পর্য্যন্ত মক্কার কাফেরগণ যে হজরতের প্রতি অসত্যারোপ করিয়াছিল, সেই অপরাধের জগৎ সর্বদা নানা বিপদে পতিত থাকিবে, ঈশ্বর এইরূপ আদেশ করিয়াছিলেন। তাহাদের শত্রুগণ তাহাদের গৃহের নিকট হইতে ধন সম্পত্তি ও গোমেষাদি পশু হরণ করিয়া লইয়া যাইত। (ত, হো, )

‡ “তোমরা তাহাদের নামকরণ কর” অর্থাৎ অংশী প্রতিমা সকলকে তাহাদের নাম ও কল্পিত গুণানুসারে প্রশংসা করিতে থাক ; কিন্তু বিবেচনা করিও যে, তাহারা ঈশ্বরের অংশী হইবার ও পূজা পাইবার যোগ্য কি না ? ইহার তাৎপর্য এই যে, পরমেশ্বর জীবনদাতা জীবিকাদাতা, সৃষ্টিকর্তা,

তোমরা কি তাঁহাকে সংবাদ দিতেছ? বরং কাফেরদিগের জন্ত তাহাদের চক্রান্ত সজ্জিত হইয়াছে, এবং তাহার (ঈশ্বরের) পথ হইতে নিবারিত আছে; ঈশ্বর যাহাকে পথভ্রান্ত করেন, পরে তাহার জন্ত পথপ্রদর্শক নাই। ৩৩। তাহাদের জন্ত সাংসারিক জীবনে শাস্তি ও অবশ্য পরলোকে গুরুতর শাস্তি আছে, এবং ঈশ্বর হইতে তাহাদের নিমিত্ত কোন রক্ষাকর্তা নাই। ৩৪। ধর্মভীরুদিগের জন্ত যাহা অঙ্গীকৃত হইয়াছে, সেই স্বর্গলোকের বর্ণনা, তাহার নিম্ন দিয়া জলপ্রণালী সকল প্রবাহিত, তাহার ফল সকল ও তাহার ছায়া সকল নিত্য; যাহারা ধর্মভীরু হইয়াছে, তাহাদের এইরূপ চরম (পুরস্কার), এবং ধর্মদ্রোহীদিগের জন্ত অগ্নি চরম (পুরস্কার)। ৩৫। এবং যাহাদিগকে আমি গ্রন্থ দান করিয়াছি তাহারা, তোমার প্রতি যাহা অবতারণিত হইয়াছে, তাহাতে আহ্লাদিত; এবং সেই দলের কেহ আছে যে, তাহা কতক অস্বীকার করে। \* তুমি বল, আমি আদিষ্ট হইয়াছি যে, ঈশ্বরকে অর্চনা করি, এবং তাঁহার সঙ্গে অংশী স্থাপন না করি, এতদ্বিন্ন নহে; তাঁহার দিকে আহ্বান করিতেছি, এবং তাঁহার দিকে আমার প্রত্যাবর্তন। ৩৬। এবং এইরূপে আমি ইহাকে আরব্য আদেশরূপে অবতারণিত করিয়াছি, এবং তোমার নিকটে যে জ্ঞান আসিল, তাহার পরেও যদি তুমি তাহাদিগের ইচ্ছার অনুসরণ কর, তবে তোমার জন্ত ঈশ্বর অপেক্ষা কোন বন্ধু ও রক্ষক নাই। ৩৭। (র, ৫, আ, ৬)

এবং সত্য সত্যই আমি তোমার পূর্বে প্রেরিত পুরুষদিগকে প্রেরণ করিয়াছি ও তাহাদিগের ভার্যাবর্গ ও সম্ভান সকল সৃজন করিয়াছি; এবং ঈশ্বরের আদেশ ব্যতীত কোন নিদর্শন আনয়ন করা কোন প্রেরিত পুরুষের পক্ষে সম্ভব হয় নাই, প্রত্যেক নিরূপিত কালের জন্ত লিপি আছে †। ৩৮। পরমেশ্বর যাহা ইচ্ছা হয়, তাহা বিলুপ্ত করেন ও স্থির রাখেন, এবং তাঁহার নিকটে মূল গ্রন্থ আছে ‡। ৩৯। আমি তাহাদিগের

সর্বশক্তিমান, জ্ঞানময়, কৌশলময়, শ্রোতা ও দ্রষ্টা; এই নামে কোন প্রতিমা অভিহিত হইতে পারে না। (ত, হো,)

\* ইহুদি ও ঈসায়ীদিগের অনেক লোক এই কোর্-আন্ গ্রন্থের প্রতি সন্তুষ্ট; কিন্তু কোন কোন লোক, যথা, ইহুদিবংশোদ্ভব রোবলের পুত্র কেনানা ও তাহার অনুবর্তিগণ এবং অনেক ঈসায়ী কোর্-আনের কোন কোন অংশ অগ্রাহ্য করিয়াছে। অপিচ গ্রন্থাধিকারী বিশ্বাসিগণ, যথা, ইহুদিবংশীয় সেলামের পুত্র আবদোল্লা ও তাঁহার সহচরগণ এবং বাটজন ঈসায়ী, যাহার চল্লিশ জন বধরাণের, আট জন এয়মমের ও দুই জন আফ্রিকার ছিলেন, এই সকল লোক কোর্-আনের প্রতি সন্তুষ্ট হইয়াছিলেন। (ত, হো,)

† অর্থাৎ আমি ইতিপূর্বে প্রেরিত-পুরুষদিগকেও ভার্য্যা ও সম্ভান দান করিয়াছি; অংশিবাদিগণ বলে যে, এই মোহম্মদেরই কেবল স্ত্রীলোকের প্রতি অন্তরের অনুরাগ। (ত, হো,)

‡ যখন সেই নির্ধারিত কাল উপস্থিত হয়, আদেশ প্রচার হইয়া থাকে। (ত, হো,)

‡ পৃথিবীর সমুদায় বিষয়ই কারণ হইতে উৎপন্ন; কোন কোন কারণ ব্যক্ত, কোন কোন কারণ অব্যক্ত। কারণের প্রকৃতির একটি পরিমাণ আছে; কিন্তু যখন ঈশ্বর ইচ্ছা করেন, সেই প্রকৃতির

সঙ্গে যাহা অঙ্গীকার করিয়া থাকি, যদি তাহা তোমাকে প্রদর্শন করি, বা ( তৎপূর্বে ) তোমার প্রতি হরণ করি, ( যাহাই হয়, ) ফলতঃ তোমার প্রতি প্রচার ও আমার প্রতি বিচারকার্য, এতদ্ভিন্ন নহে । ৪০ । তাহার কি দেখিতেছে না যে, আমি এই ভূমিতে আসিতেছি যে, তাহার পার্শ্ব সকল হইতে তাহাকে ক্ষয় করিতেছি ; \* ঈশ্বর আদেশ করেন, তাঁহার আজ্ঞার প্রতিরোধকারী নাই, এবং তিনি বিচারে সত্বর । ৪১ । অপিচ তাহাদের পূর্বে যাহারা ছিল, নিশ্চয় তাহারা চক্রান্ত করিয়াছিল, পরন্তু ঈশ্বরেরই সমুদায় চক্রান্ত ; প্রত্যেক ব্যক্তি যাহা আচরণ করে, তিনি তাহা জানেন, এবং সত্বর ধর্মদ্রোহিগণ জানিতে পাইবে যে, পারলৌকিক আনয় কাহার হইবে । ৪২ । পরন্তু ধর্মদ্রোহিগণ বলিতেছে যে, তুমি প্রেরিত নও ; তুমি বল, আমার ও তোমাদের মধ্যে ঈশ্বরই যথেষ্ট সাক্ষী, এবং যাহার নিকটে গ্রন্থজ্ঞান আছে, তিনি ঃ । ৪৩ । ( র, ৬, আ, ৬ )

## সূরা এব্রাহিম †

.....

### চতুর্দশ অধ্যায়

.....

৫২ আয়ত, ৭ রকু

( দাতা দয়ালু পরমেশ্বরের নামে প্রবৃত্ত হইতেছি । )

এই গ্রন্থ, ইহাকে আমি তোমার প্রতি অবতারণ করিয়াছি, যেন তুমি মানবমণ্ডলীকে অঙ্ককার হইতে জ্যোতির দিকে, তাহাদের প্রতিপালকের আজ্ঞাক্রমে, স্বর্গে ও পৃথিবীতে যাহা কিছু আছে যাহারই, সেই প্রশংসিত গৌরবান্বিত ঈশ্বরের পথের দিকে বাহির কর ;

পরিমাণের ন্যূনাধিক্য করিয়া থাকেন, অথবা সাম্যাবস্থায় রাখেন । কখন প্রস্তুতকর্ণিকার আঘাতে মনুষ্যের মৃত্যু হয়, আবার তীক্ষ্ণ অস্ত্র দ্বারা আহত হইয়াও মানুষ জীবিত থাকে । ঈশ্বরের আজ্ঞাক্রমে প্রত্যেক বস্তুর একরূপ এক পরিমাণ আছে, যাহার কখনও পরিবর্তন হয় না । তাহাকে "বিধি-নির্ধারণ বলে । ( ত, ফা, )

\* অর্থাৎ আমি আরব দেশে এসলাম ধর্ম বিস্তার করিতেছি, এবং পৌত্তলিকতার বিনাশ সাধন করিতেছি । ( ত, ফা, )

† গ্রন্থজ্ঞান যাহার নিকটে আছে, সেই জেব্রিল সাক্ষী । ( ত, হো, )

‡ এই সূরা মক্কাতে অবতীর্ণ হয় । ইহার ব্যবচ্ছেদক বর্ণ, "অল্-রা" কোর্-আনের জ্ঞানবিশেষ । ( ত, হো, )



গুরুতর শাস্তিবণতঃ কাফেরদিগের জন্ত আক্ষেপ \*। ১+২। যাহারা পারলৌকিক জীবন অপেক্ষা পার্থিব জীবনকে প্রেম করে, এবং ঈশ্বরের পথ হইতে (লোকদিগকে) নিবারণ করে ও তৎপ্রতি কুটিলতা অবেষণ করে, তাহারা দূরতর পথভ্রান্তির মধ্যে আছে। ৩। এবং আমি কোন প্রেরিত পুরুষকে স্বজাতীয় ভাষায় তাহাদের নিমিত্ত প্রচার করিতে ভিন্ন প্রেরণ করি নাই; অনন্তর ঈশ্বর যাহাকে ইচ্ছা হয়, বিভ্রান্ত করেন ও যাহাকে ইচ্ছা হয়, পথ প্রদর্শন করিয়া থাকেন, তিনি পরাক্রান্ত ও নিপুণ। ৪। এবং সত্য সত্যই আমি স্বীয় নিদর্শন সহ মুসাকে প্রেরণ করিয়াছিলাম; (বলিয়াছিলাম) যে, স্বজাতিকে অন্ধকার হইতে জ্যোতির দিকে বাহির কর, এবং ঐশ্বরিক দিবসসম্বন্ধে তাহাদিগকে উপদেশ দাও; † নিশ্চয় তাহাতে প্রত্যেক সহিষ্ণু ও কৃতজ্ঞ লোকদিগের জন্ত নিদর্শন সকল আছে। ৫। (স্মরণ কর,) যখন মুসা স্বীয় সম্প্রদায়কে বলিল, “তোমাদের প্রতি ঈশ্বরের সেই দান স্মরণ কর, যখন তিনি তোমাদিগকে ফেরওণের স্বর্গ হইতে উদ্ধার করিলেন; তাহারা তোমাদের প্রতি কুৎসিত শাস্তি প্রয়োগ করিতেছিল ও তোমাদের পুত্রদিগকে বধ করিতেছিল, এবং তোমাদের কন্যাদিগকে জীবিত রাখিতেছিল, এবং ইহার মধ্যে তোমাদের প্রতিপালক হইতে মহা পরীক্ষা ছিল”। ৬। (র, ১, আ, ৬)

এবং স্মরণ কর, যখন তোমাদের প্রতিপালক জ্ঞাপন করিয়াছিলেন যে, “যদি তোমরা কৃতজ্ঞ হও, তবে অবশ্য তোমাদিগকে অধিক দিব, এবং যদি তোমরা বিদ্রোহিতা কর, তবে নিশ্চয় আমার শাস্তি কঠিন”। ৭। এবং মুসা বলিয়াছিল যে, “যদি তোমরা ধর্মদ্রোহী হও ও যাহারা পৃথিবীতে আছে, তাহারা সকলে (ধর্মদ্রোহী হয়,) তথাপি নিশ্চয় ঈশ্বর প্রশংসিত, নিশ্চিন্ত”। ৮। মুহীয ও আদীয ও সমুদীয সম্প্রদায়ের যাহারা তোমাদের পূর্বে ছিল, এবং তাহাদের পরে যাহারা ছিল, তাহাদের সংবাদ কি তোমাদিগের নিকটে উপস্থিত হয় নাই? পরমেশ্বর ব্যতীত (কেহ) তাহাদিগকে জানে না, ‡ তাহাদের নিকটে তাহাদের প্রেরিত পুরুষগণ প্রমাণ সকল সহ

\* অন্ধকার অধর্ম, সংশয় কপটতা, জ্যোতি বিশ্বাস বা প্রেম। আত্মাভিমানের জায় গভীর অন্ধকার অস্ত্র কিছুই নয়। এই অন্ধকার হইতে মুক্ত হইলেই পুণ্যস্বরূপ ঈশ্বরের অস্তিত্ব হৃদয়দর্পণে প্রতিভাত হয়; এই কোর্-আন্ দ্বারা সেই অন্ধকার বিদূরিত হইয়া থাকে। (ত, হো,)

† অন্ধকার হইতে জ্যোতিতে বাহির হইবার জন্ত যেন তুমি ঈশ্বরের আদেশক্রমে বা তাঁহার সাহায্যে আদেশ কর। (ত, আ,)

‡ পূর্বে যে সকল দিবসে পরমেশ্বর কাফেরদিগকে শাস্তি দিয়াছেন, সেই সমস্ত দিবসবিষয়ে তুমি তাহাদিগকে উপদেশ দাও, অথবা তাহা স্মরণ করিতে দাও। (ত, হো,)

‡ তাহাদের সংখ্যা এত অধিক যে, পরমেশ্বর ব্যতীত অস্ত্র কেহ তাহাদের সকলকে জানে না, অথবা ঈশ্বর আত্মম ও আরবের অনেক সম্প্রদায়কে বিনাশ করিয়াছেন, তাহাদের চিহ্নও নাই; ঈশ্বর

উপস্থিত হইয়াছিল ; পরে তাহারা ( ক্রোধ বা বিস্ময়বশতঃ ) স্ব স্ব মুখে স্ব স্ব হস্ত অর্পণ করিয়াছিল, এবং বলিয়াছিল যে, “নিশ্চয় তোমরা যৎসহ প্রেরিত হইয়াছ, আমরা তাহার বিরোধী ; তোমরা যে সন্দিগ্ধ বিষয়ের প্রতি আমাদিগকে আহ্বান করিতেছ, নিশ্চয় আমরা তৎপ্রতি সন্দিগ্ধ” । ৯ । তাহাদের প্রেরিতপুরুষগণ বলিয়াছিল, “ভূমণ্ডল ও নভোমণ্ডলের সৃষ্টিকর্তা ঈশ্বরের প্রতি কি সন্দেহ ? তিনি তোমাদিগকে আহ্বান করিতেছেন, যেন তোমাদের নিমিত্ত তোমাদের পাপ ক্ষমা করেন, এবং এক নির্দিষ্ট সময় পর্য্যন্ত তোমাদিগকে অবকাশ দেন ।” তাহারা বলিয়াছিল যে, “তোমরা আমাদের গ্নায় মনুষ্য বৈ নহ ; আমাদের পিতৃপুরুষগণ যাহাকে অর্চনা করিতেন, আমাদিগকে তাহা হইতে নিবৃত্ত করিতে তোমরা ইচ্ছা করিতেছ ; অবশেষে আমাদের নিকটে উজ্জ্বল প্রমাণ উপস্থিত কর” । ১০ । তাহাদের প্রেরিতপুরুষগণ তাহাদিগকে বলিয়াছিল যে, “আমরা তোমাদের গ্নায় মনুষ্য বৈ নহি, কিন্তু ঈশ্বর আপন দাসদিগের মধ্যে যাহার প্রতি ইচ্ছা হয়, হিতসাধন করিয়া থাকেন ; এবং ঈশ্বরের আদেশ ব্যতীত যে আমরা তোমাদের নিকটে কোন প্রমাণ উপস্থিত করিব, আমাদের জ্ঞান তাহা নহে । অতঃপর বিশ্বাসীদিগের উচিত যে, ঈশ্বরের প্রতি নির্ভর করে । ১১ । এবং আমাদের জ্ঞান কি আছে যে, আমরা ঈশ্বরের উপর ব্যতীত নির্ভর করি ; নিশ্চয় তিনি আমাদিগকে আমাদের পথ সকল প্রদর্শন করিয়াছেন । এবং তোমরা আমাদের প্রতি যে উৎপীড়ন কর, তদ্বিষয়ে অবশ্য আমরা ধৈর্য্য ধারণ করিব ; অনন্তর নির্ভরশীল লোকদিগের উচিত যে, ঈশ্বরের প্রতি নির্ভর করে” । ১২ । ( র, ২, আ, ৬ )

এবং ধর্ম্মজোহিগণ আপনাদের প্রেরিতপুরুষদিগকে বলিয়াছিল যে, “অবশ্য আমরা তোমাদিগকে আমাদের দেশ হইতে বহিস্কৃত করিব, অথবা অবশ্য তোমরা আমাদের ধর্ম্মে ফিরিয়া আসিবে ;” তাহাদের প্রতিপালক তাহাদের প্রতি প্রত্যাদেশ করিয়াছিলেন যে, “অবশ্য আমি অত্যাচারীদিগকে বিনাশ করিব” । ১৩ । + এবং অবশ্য তাহাদের অস্ত্রে আমি তোমাদিগকে দেশে স্থাপন করিব ; যে ব্যক্তি আমার উপস্থিতিকে ভয় পায় ও আমার দণ্ডাঙ্গীকারকে ভয় করে, তাহার জ্ঞান ইহা । ১৪ । এবং তাহারা ( প্রেরিতপুরুষগণ ) বিজয়প্রার্থী হইল ও সমুদায় বিরোধী দুর্দান্ত লোক নিরাশ হইল । ১৫ । + তাহাদের সম্মুখে নরক রহিয়াছে, এবং পীতবর্ণ সলিল ( তাহাদিগকে ) পান করান যাইবে । ১৬ । + তাহারা অল্প অল্প করিয়া তাহা পান করিবে ও প্রায় তাহা অধঃকরণ করিতে পারিবে না, এবং সকল স্থান হইতে তাহাদের নিকটে মৃত্যু উপস্থিত হইবে ও তাহারা মৃত্যুগ্রস্ত হইবে না ; এবং তাহাদের সম্মুখে কঠিন শাস্তি রহিয়াছে ।

ব্যতীত অন্য কেহ তাহার সংবাদ রাখে না । মহাপুরুষ এব্রাহিম হইতে হজরত মোহাম্মদের পূর্বপুরুষ অদনান পর্য্যন্ত বহু শত বৎসর গত হইয়াছে, সেই সময়ের লোকদিগের সংবাদ কেহ জ্ঞাত নহে ।

১৭। যথা, আপন প্রতিপালকের প্রতি যাহারা বিরুদ্ধাচারী হইয়াছে, তাহাদের ক্রিয়া সকল ভস্মের ঞায় ; ঝড়ের দিনে তাহাতে বায়ু প্রবল আঘাত করিবে, তাহারা যাহা উপার্জন করিয়াছে, তাহা হইতে কোন বিষয়ে ক্ষমতা পাইবে না, ইহাই সেই দূরতর পথভ্রাস্তি। ১৮। তুমি কি দেখ নাই যে, ঈশ্বর সত্যরূপে ভুলোক ও ছালোক সৃজন করিয়াছেন ? যদি তিনি ইচ্ছা করেন, তোমাদিগকে দূর করিবেন, এবং নূতন সৃষ্টি আনয়ন করিবেন। ১৯। + এবং ইহা ঈশ্বরের সম্বন্ধে কঠিন নহে। ২০। এবং তাহারা একযোগে ঈশ্বরের সম্মুখে উপস্থিত হইবে, তৎপর যাহারা অহঙ্কার করিতেছিল, তাহাদিগকে দুর্বলগণ বলিবে, “নিশ্চয় আমরা তোমাদের অনুগামী ছিলাম, অবশেষে তোমরা আমাদের হইতে ঈশ্বরের কিছু শাস্তির নিবারণকারী কি হও ?” তাহারা বলিবে, “যদি ঈশ্বর আমাদের পথ প্রদর্শন করিতেন, তবে অবশ্য আমরা তোমাদিগকে পথ দেখাইতাম ; আমরা অধৈর্য্য হই বা ধৈর্য্য ধারণ করি, আমাদের প্রতি তুল্য, আমাদের জন্ত উদ্ধার নাই”। ২১। ( র, ৩, আ, ৯ )

এবং যখন কার্ষা-নিষ্পত্তি হইবে, তখন শয়তান বলিবে যে, “নিশ্চয় ঈশ্বর তোমাদিগের সম্বন্ধে সত্য অঙ্গীকার করিয়াছেন, এবং আমি তোমাদের সম্বন্ধে অঙ্গীকার করিয়াছি, পরে তোমাদের সম্বন্ধে তাহার অন্তথা করিয়াছি ; এবং তোমাদিগকে আহ্বান করা ব্যতীত তোমাদের উপর আমার কোন প্রভাব ছিল না। অনন্তর তোমরা আমার ( বাক্য ) গ্রাহ করিয়াছ, পরে তোমরা আমাকে ভৎসনা করিও না, আপন জীবনকে ভৎসনা কর ; আমি তোমাদিগের আর্তনাদ-শ্রবণকারী নহি, এবং তোমরা আমার আর্তনাদ-শ্রবণকারী নহ। পূর্বে তোমরা আমাকে যে অংশী করিয়াছ, তদ্বিময়ে সত্যই আমি বিরোধী হইয়াছি, নিশ্চয় অত্যাচারিগণের জন্ত দুঃখকর শাস্তি আছে। ২২। যাহারা বিশ্বাসী হইয়াছে ও সংক্রিয়া সকল করিয়াছে, তাহাদিগকে সেই স্বর্গোচ্চান সকলে প্রবেশ করান যাইবে, যাহার নিম্ন দিয়া পয়ঃপ্রণালী সকল প্রবাহিত হয় ; তাহারা তথায় আপন প্রতিপালকের আজ্ঞাক্রমে নিত্য বাস করিবে, এবং তথায় তাহাদের পরস্পর শুভ সম্ভাষণ সেলাম হইবে \*। ২৩। তুমি কি দেখ নাই যে, ঈশ্বর উত্তম বাক্যের উদাহরণ কেমন ব্যক্ত করিয়াছেন ? তাহা উত্তম বৃক্ষসদৃশ, তাহার মূল দৃঢ়, তাহার শাখা আকাশে ( বিস্তৃত )। ২৪। + সর্বদা সে স্বীয় প্রতিপালকের আজ্ঞাক্রমে আপন ফলপুষ্প প্রদান করে ; এবং ঈশ্বর মানবমণ্ডলীর জন্ত দৃষ্টান্ত সকল ব্যক্ত করেন, যেন তাহারা উপদেশ গ্রহণ করে। ২৫। এবং মন্দ বাক্য মন্দ বৃক্ষসদৃশ, তাহা যুক্তিকার উপর হইতে উন্মূলিত হয়, তাহার নিমিত্ত কোন স্থিতি নাই। ২৬। যাহারা বিশ্বাসী হইয়াছে, তাহাদিগকে পরমেশ্বর সত্য বাক্য দ্বারা ঐহিক ও পারত্রিক জীবন দৃঢ় করেন, এবং

\* ইহলোকে কুশল অবস্থার সেলাম, প্রার্থনা ; পরলোকে কুশল অবস্থার সেলাম, শুভ সম্ভাষণ বুঝায়।

পরমেশ্বর অত্যাচারীদেরকে বিভ্রান্ত করিয়া থাকেন, এবং ঈশ্বর যাহা ইচ্ছা হয়, তাহা করেন । ২৭ । ( র, ৪, আ, ৬ )

যাহারা ধর্মদ্রোহিতা দ্বারা ঈশ্বরের দানের পরিবর্তন করিয়াছে ও স্বজাতিকে মৃত্যুর আলয়ে অবতারণিত করিয়াছে, তাহাদের প্রতি তুমি কি দৃষ্টি কর নাই? যাহা নরক, তাহাতে তাহারা প্রবেশ করিবে ও ( তাহা ) মন্দ নিবাস \* । ২৮ + ২৯ । এবং তাহারা ঈশ্বরের জগৎ সদৃশ সকল ( পুস্তলিকা সকল ) নির্ধারিত করিয়াছে, এবং ( লোকদিগকে ) তাঁহার পথ হইতে বিভ্রান্ত করিতেছে; তুমি বল, তোমরা ফলভোগী হইতে থাক, অতঃপর নিশ্চয় অনলের দিকে তোমাদের প্রতিগমন । ৩০ । যাহারা বিশ্বাস স্থাপন করিয়াছে, উপাসনাকে প্রতিষ্ঠিত রাখিয়াছে, এবং আমি যে উপজীবিকা প্রকাশে ও গোপনে যাহাদিগকে দান করিয়াছি, যে দিবসে ক্রয় বিক্রয় ও বকুতা হইবে না, তাহা আসিবার পূর্বে তাহারা তাহা ব্যয় করে, আমার সেই দাসদিগকে তুমি বল । ৩১ । সেই পরমেশ্বরই, যিনি স্বর্গ ও পৃথিবী সৃজন করিয়াছেন ও আকাশ হইতে জল অবতারণিত করিয়াছেন; অনন্তর তোমাদিগের নিমিত্ত তাহা দ্বারা ফল সকল উপজীবিকারূপে বাহির করিয়াছেন ও তোমাদের নিমিত্ত নৌকা সকলকে অধিকৃত করিয়াছেন, যেন তাঁহার আজ্ঞাক্রমে সমুদ্রে চলিয়া যায়, এবং তোমাদের নিমিত্ত জলপ্রণালী সকলকে অধিকৃত করিয়াছেন । ৩২ । এবং তোমাদের নিমিত্ত সর্কদা সূর্য চন্দ্রকে অধিকৃত করিয়াছেন, তোমাদের নিমিত্ত দিবা-রাত্তিকে অধিকৃত করিয়াছেন । ৩৩ । তোমরা যাহা তাঁহার নিকটে প্রার্থনা করিয়াছিলে, তিনি সেই সমুদায় তোমাদিগকে দিয়াছেন, এবং যদি তোমরা ঈশ্বরের দান গণনা কর, তাহা আয়ত্ত করিতে পারিবে না; নিশ্চয় মনুষ্য ধর্মদ্রোহী অত্যাচারী । ৩৪ । ( র, ৫, আ, ৭ )

এবং ( স্মরণ কর, ) যখন এব্রাহিম বলিয়াছিল যে, “হে আমার প্রতিপালক, এই নগরকে তুমি শান্তির আলায় কর ও আমাকে ও আমার সন্তানগণকে প্রতিমা সকলের পূজা করা হইতে নিবৃত্ত রাখ । ৩৫ । হে আমার প্রতিপালক, নিশ্চয় এ সকল

\* পরমেশ্বরের দানের কৃতজ্ঞতাহলে যাহারা অকৃতজ্ঞ ও বিরুদ্ধাচারী হইয়াছে, তাহাদিগ হইতে সেই দান প্রত্যাহার করা গিয়াছে; অধর্ম বাতীত তাহাদের হস্তে কিছুই অবশিষ্ট নাই। এই উক্তি মক্কার অধিবাসীদের প্রতি। পরমেশ্বর তাহাদিগকে উত্তম স্থান দিয়াছিলেন, তাহাদের প্রতি উপজীবিকার দ্বার উন্মুক্ত করিয়াছিলেন, এবং প্রেরিত মহাপুরুষ মোহাম্মদের বিদ্যমানতারূপসম্পদ দ্বারা তাহাদিগকে ভাগ্যবান করিয়াছিলেন; তাহারা কৃতঘ্ন হইয়া সেই দানের মর্যাদা রক্ষা করে নাই, হজরতকে মক্কা হইতে তাড়িত করিয়াছে। হুতরাং তাহারা সাত বৎসর দুর্ভিক্ষ দ্বারা আক্রান্ত হইয়া দুর্বল ও নিস্তেজ হইয়া পড়ে, এবং অনেকে বদরের যুদ্ধে পরাজিত ও নিহত হয়। ইহারা কোরেশ জাতির দুই প্রধান শ্রেণীর লোক, যথা “বনি-মঘয়রা” ও “বনি-ওম্মিয়া” । ( ত, হো, )

যাহারা আরবীর লোকদিগকে পথভ্রান্ত করিয়াছিল, মক্কার সেই প্রধান পুরুষগণ এই উক্তির লক্ষ্য। ( ত, ফা, )

অধিকাংশ মনুষ্যকে পথভ্রাস্ত করিয়া থাকে ; অনস্তর যে ব্যক্তি আমার অনুসরণ করে, নিশ্চয় সে আমারই, এবং যে ব্যক্তি আমার অবাধ্য হইল, পরে তুমি নিশ্চয় (তাহার পক্ষে) ক্ষমাতীল দয়ালু। ৩৬। হে আমাদের প্রতিপালক, নিশ্চয় আমি আমার কোন কোন সম্মানকে তোমার সম্মানিত নিকেতনের নিকটে শশুক্লেত্রশূণ্য প্রাস্তরে স্থাপন করিয়াছি ; হে আমাদের প্রতিপালক, তাহারা উপাসনাকে যেন প্রতিষ্ঠিত রাখে। অনস্তর কতক মনুষ্যের অন্তরকে তাহাদের প্রতি অনুরাগী কর, এবং তাহাদিগকে ফলপুঞ্জ উপজীবিকা দাও, ভরসা যে তাহারা কৃতজ্ঞতা দান করিবে \*। ৩৭। হে আমাদের প্রতিপালক, আমরা যাহা গোপন করি, এবং যাহা প্রকাশ করি, নিশ্চয় তুমি তাহা জানিতেছ ; স্বর্গে ও পৃথিবীতে ঈশ্বরের নিকটে কিছুই গোপন নহে। ৩৮। সেই ঈশ্বরেরই প্রশংসা, যিনি বৃদ্ধাবস্থায় আমাকে এস্মায়িল ও এস্হাক ( পুত্রদ্বয় ) দান করিয়াছেন ; নিশ্চয় আমার প্রতিপালক প্রার্থনাশ্রবণকারী। ৩৯। হে আমার প্রতিপালক, আমাকে ও আমার সম্মানকে উপাসনার প্রতিষ্ঠাতা কর ; হে আমাদের প্রতিপালক, আমার প্রার্থনা গ্রাহ্য কর। ৪০। হে আমাদের প্রতিপালক, যে দিবস বিচার প্রতিষ্ঠিত হইবে, সেই দিবস আমাকে ও আমার পিতা মাতাকে ও বিশ্বাসীদিগকে ক্ষমা করিও”। ৪১। ( র, ৬, আ, ৭ )

এবং অত্যাচারিগণ যাহা করিতেছে, তদ্বিষয়ে তোমরা ঈশ্বরকে কখনও উদাসীন মনে করিও না; সেই দিবসের নিমিত্ত যাহাতে দৃষ্টি সকল উর্দ্ধ দিকে থাকিবে, তিনি তাহাদিগকে অবকাশ দিতেছেন, এতদ্ভিন্ন নহে। ৪২। + তাহারা মস্তক উত্তোলন করিয়া ধাবমান হইবে, তাহাদের দিকে তাহাদের চক্ষু ফিরিয়া আসিবে না ও তাহাদের অন্তঃকরণ শূণ্য থাকিবে †। ৪৩। এবং লোকদিগকে তুমি ভয় প্রদর্শন কর যে, যে দিবস তাহাদের

\* এস্থলে মহাপুরুষ এব্রাহিম যে সম্মানের উল্লেখ করিয়াছেন, তাহার নাম এস্মাইল। শাম দেশে হাজেরার গর্ভে তিনি জন্মগ্রহণ করিলে, এব্রাহিমের প্রধানা পত্নী সারার মহা ঈর্ষ্যা হয়; তিনি এব্রাহিমকে বলেন যে, হাজেরাকে ও তাহার সম্মানকে জল ও ফলশস্তাদিশূণ্য স্থানে রাখিয়া আইস। তখন এব্রাহিম ঈশ্বরের একরূপ আদেশ গুণিতে পাইলেন যে, সারা যাহা বলে, তুমি তদনুরূপ কার্য কর। তাহাতে এব্রাহিম হাজেরা ও শিশু এস্মাইলকে সঙ্গে করিয়া শামদেশ হইতে মকার প্রাস্তরে চলিয়া আইসেন, এবং সেখানে তাহাদিগকে রাখিয়া তাহাদের জন্ত প্রার্থনা করণানন্তর প্রস্থান করেন। ঈশ্বর তাহার প্রার্থনা পূর্ণ করিয়াছিলেন। এব্রাহিম চলিয়া যাওয়ার অল্পক্ষণ পরেই জমজমনামক প্রস্রবণ প্রকাশিত হয়; এবং জরহামবংশীয় লোকেরা তথায় বসতি করিতে অভিলাষ করে। এব্রাহিম যখন প্রার্থনা করিয়াছিলেন, তৎকালীন সেই স্থানে ঈশ্বরের মন্দির ছিল না, মন্দিরের ভূমিমাত্র ছিল।

( ড, হো, )

† পুনরুত্থানের দিন স্বর্গের দ্বার উন্মুক্ত হইলে, স্বর্গীয় দূত সকল অবতরণ করিয়া লোকদিগকে শাস্তিদানে প্রস্তুত হইবেন; সেই ভয়ে সকলের চক্ষু উর্দ্ধদৃষ্টি হইয়া থাকিবে, নীচের দিকে দৃষ্টি করিবার অবকাশ পাইবে না।

( ড, কা, )



প্রতি শাস্তি উপস্থিত হইবে, যাহারা অত্যাচার করিয়াছিল, তাহারা তখন বলিবে, “হে আমাদের প্রতিপালক, নির্দিষ্ট অল্প সময় পর্য্যন্ত তুমি আমাদেরকে অবকাশ দান কর, আমরা তোমার আস্থান গ্রাহ্য করিব, এবং প্রেরিতপুরুষদিগের অনুবর্তী হইব ;” ( তখন বলা হইবে, ) “পূর্বে তোমরা কি প্রতিজ্ঞা করিয়া বলিতেছিলে না যে, তোমাদের জন্ত কোনরূপ বিনাশ হইবে না ?” ৪৪ ।+এবং যাহারা আপন জীবনের প্রতি অত্যাচার করিয়াছিল, তোমরা তাহাদের স্থানে স্থিতি করিয়াছ ; এবং আমি তাহাদের সঙ্গে কিরূপ আচরণ করিয়াছি, তোমাদিগের নিমিত্ত তাহা প্রকাশিত হইয়াছে ও আমি তোমাদের নিমিত্ত দৃষ্টান্ত সকল ব্যক্ত করিয়াছি । ৪৫ । এবং নিশ্চয় তাহারা আপন ছলনাতে ছলনা করিয়াছে, তাহাদের ছলনা ঈশ্বরের নিকটে ( ব্যক্ত ) আছে ; তাহাদের ছলনা ( এরূপ নয় ) যে, তদ্বারা তাহারা পর্ততকে বিচালিত করে \* । ৪৬ । পরে তোমরা ঈশ্বরকে মনে করিও না যে, তিনি স্বীয় প্রেরিতপুরুষগণের সঙ্গে অঙ্গীকারের অগ্ৰথাকারী ; নিশ্চয় ঈশ্বর পরাক্রান্ত ও প্রতিশোধদাতা । ৪৭ । সেই দিবস পৃথিবী শূন্যতাতে ও আকাশ পরিবর্তিত হইবে, এবং একমাত্র পরাক্রান্ত ঈশ্বরের উদ্দেশে ( সকলে ) অগ্রসর হইবে । ৪৮ । এবং তুমি সেই দিবস পাপীদিগকে শৃঙ্খলে বদ্ধ দেখিবে । ৪৯ । তাহাদের অলুকত্বার বঙ্গ হইবে ও অগ্নি তাহাদের মুখ আচ্ছাদন করিবে । ৫০ । তখন ঈশ্বর প্রত্যেক ব্যক্তিকে, তাহারা যাহা করিয়াছে, তাহার বিনিময় দিবেন ; নিশ্চয় ঈশ্বর বিচারে সত্বর । ৫১ । ইহা মানব-মণ্ডলীর জন্ত প্রচার করা হয় ও তাহাতে ইহা দ্বারা তাহারা ত্রাসযুক্ত হইবে ; এবং তাহাতে জানিবে যে, তিনি একমাত্র ঈশ্বর, ইহা ব্যতীত নহে, এবং তাহাতে বুদ্ধিমান লোকেরা উপদেশ গ্রহণ করিবে । ৫২ । ( র, ৭, আ, ১১ )

\* মক্কাবাসিগণ সকলে মিলিয়া হজরতকে হত্যা বা বন্দী করিতে কত প্রকার কৌশল অবলম্বন করিয়াছিল, সকলই বিফল হইয়া গিয়াছে ; এই আয়তে তাহারই উল্লেখ হইয়াছে । ( ত, ফা, )

# সূরা হেজর \*

.....

## পঞ্চদশ অধ্যায়

.....

### ৯৯ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

এই প্রবচন সকল সেই গ্রন্থের ও উজ্জ্বল কোর্-আনের হয় ৭। ১। অনেক সময় ধর্মদ্রোহিগণ বন্ধুতা স্থাপন করে, হায়! যদি তাহারা মোসলমান হইত ৷ ২। তুমি তাহাদিগকে ছাড়িয়া দাও, তাহারা ভক্ষণ ও ফল ভোগ করুক, এবং কামনা তাহাদিগকে ( সংসারে ) লিপ্ত রাখুক; পরে শীঘ্রই তাহারা জানিতে পাইবে। ৩। এবং আমি কোন গ্রামকে তাহার জ্ঞ নিরূপিত লিপি ব্যতীত বিনাশ করি নাই ৷ ৪। কোন সম্প্রদায় স্বীয় নির্দিষ্ট কালের অগ্রবর্তী ও পশ্চাদ্বর্তী হয় না। ৫। এবং তাহারা বলে যে, “ওহে, যাহার উপর উপদেশ ( কোর্-আন্ ) অবতীর্ণ হইয়াছে, তুমি সেই ব্যক্তি, নিশ্চয় তুমি ক্ষিপ্ত। ৬। + যদি তুমি সত্যবাদীদিগের অন্তর্গত হও, তবে কেন আমাদের নিকটে দেবতাদিগকে আনয়ন করিতেছ না”? ৭। আমি দেবগণকে ন্যায়ানুসারে ব্যতীত অবতারণ করি না, এবং তখন তাহারা ( ধর্মদ্রোহিগণ ) অবকাশ প্রাপ্ত হইবে না। ৮। নিশ্চয় আমি উপদেশ অবতারণ করিয়াছি, এবং নিশ্চয় আমি তাহার সংরক্ষক। ৯। এবং সত্য সত্যই আমি, ( হে মোহম্মদ,) তোমার পূর্বে পূর্ববর্তী সম্প্রদায় সকলের মধ্যে ( সংবাদবাহক ) প্রেরণ করিয়াছি। ১০। এবং ( এমন ) কোন প্রেরিতপুরুষ তাহাদের নিকটে উপস্থিত হয় নাই যে, তাহারা তাহার প্রতি উপহাস বৈ করে নাই। ১১।

\* এই সূরা মক্কাতে অবতীর্ণ হয়। এই সূরার বাবচ্ছেদক বর্ণ “আলূরা”। কাহার কাহার মতে ‘আ’য়ে আল্লা, ‘ল’য়ে ছেব্রিল, ‘র’য়ে রমুল (প্রেরিতপুরুষ) বুঝায়। অর্থাৎ এই বাণী ঈশ্বর হইতে ছেব্রিলের যোগে প্রেরিতপুরুষের নিকটে উপস্থিত হইয়াছে। ( ত, হো )

† গ্রন্থ ও “কোর্-আন্” দুই এক পদার্থ, কিন্তু ভিন্ন নামে উক্ত হইয়াছে। প্রত্যেক শব্দই ভাবকে প্রমাণিত করে। গৌরবার্থে “কোর্-আন্” এই শব্দের উল্লেখ হইয়াছে। ( ত, হো, )

‡ “যদি তাহারা মোসলমান হইত” এই আকাঙ্ক্ষার ভাব কাকেরদিগের প্রতি পৃথিবীতে বিজয়লাভের সময়ে বিশ্বাসীদিগের হয়; বা কাকেরদিগের মৃত্যুকালে, কিম্বা ভূগর্ভে সমাহিত অবস্থায়, অথবা পুনরুত্থানের দিনে, কিম্বা বিচারের সময়ে তাহাদের এইরূপ ইচ্ছা হয়।

§ সময় নির্ধারিত ছিল, এবং স্বর্গে সংরক্ষিত বিধিপুস্তকে লিপি ছিল যে, ধর্মবিরোধীদিগকে কত দিন অবকাশ দেওয়া যাইবে ও কি প্রকার তাহাদের বিনাশ হইবে। ( ত, হো, )

এই প্রকারে আমি অপরাধীদের অন্তরে তাহা ( বিক্রপ ) চালনা করি । ১২ । + তাহারা ইহার প্রতি ( কোরু-আনের প্রতি ) বিশ্বাস স্থাপন করে না, নিশ্চয় ( এক্ষণ ) পূর্ববর্তী-দিগের পদ্ধতি চলিয়া গিয়াছে \* । ১৩ । এবং যদি আমি তাহাদের প্রতি আকাশের দ্বার মুক্ত করি, তবে তাহারা তন্মধ্যে আরোহণকারী হইবে । ১৪ । + তাহারা অবশ্য বলিবে যে, “আমাদের চক্ষু বিহ্বল হইয়াছে বৈ নহে, বরং আমরা ইন্দ্রজালমুগ্ধ এক জাতি ।” ১৫ । ( র, ১, আ, ১৫ )

এবং সত্য সত্যই আমি আকাশে গ্রহমণ্ডল সকল উৎপাদন করিয়াছি, এবং দর্শক-দিগের নিমিত্ত তাহাকে শোভিত করিয়াছি † । ১৬ । + এবং যেলুকাইয়া শ্রবণ করিয়াছে, তাহা ব্যতীত সমুদায় নিস্তাড়িত শয়তান হইতে তাহাকে রক্ষা করিয়াছি, অনন্তর উজ্জল উচ্চাপিণ্ড তাহার অনুসরণ করিয়াছে ‡ । ১৭ + ১৮ । এই পৃথিবী, ইহাকে আমি প্রসারিত করিয়াছি ও ইহার মধ্যে পর্বত সকল স্থাপন করিয়াছি, এবং ইহার মধ্যে প্রত্যেক পরিমিত বস্তু উৎপাদন করিয়াছি । ১৯ । এবং ইহার মধ্যে তোমাদের জন্ত উপজীব্য সামগ্রী সৃজন করিয়াছি, এবং তোমরা যাহার জীবিকাদাতা নও, তাহাকে (জীবদিগকে সৃজন করিয়াছি) । ২০ । এবং (এমন) কোন বস্তু নাই যে, আমার নিকটে তাহার ভাণ্ডার নাই, এবং আমি নির্ধারিত পরিমাণ ব্যতীত তাহা অবতারণ করি না । ২১ । এবং আমি ভারস্থাপনকারী বায়ুকে প্রেরণ করিয়াছি, তৎপর আকাশ হইতে বারিবর্ষণ করিয়াছি, অনন্তর তাহা তোমাদিগকে পান করাইয়াছি ; তোমরা তাহার সংগ্রহকারী নও § । ২২ । এবং নিশ্চয় আমি জীবন দান করি ও প্রাণ হরণ করিয়া থাকি, এবং আমিই স্বত্বাধিকারী ¶ । ২৩ । এবং সত্য সত্যই আমি তোমাদের

\* অর্থাৎ পূর্ববর্তী ধর্ম্মদ্রোহী লোকদিগের সংহারসাধনে ঈশ্বরের যে প্রণালী ছিল, এক্ষণ তাহা রহিত হইয়াছে । ( ত, হো, )

† আকাশে মেঘ বৃষাদি দ্বাদশটি গ্রহমণ্ডল আছে । নক্ষত্রবৃন্দে নভোমণ্ডল শোভিত হইয়াছে । ( ত, হো, )

‡ আদমের সময় হইতে মহাপুরুষ ঈসার সময় পর্য্যন্ত দৈতাগণ নভোমণ্ডলে উপস্থিত হইয়া, দেবতাগণ যে স্বর্গীয় গ্রন্থ পাঠ করিতেন, তাহা শ্রবণ করিত, এবং পৃথিবীতে আসিয়া সেই সকল কথা তাহাদের বন্ধু ভবিষ্যদ্বক্তাদিগকে জানাইত । মহান্না ঈসা জন্মগ্রহণ করিলে পর, তিন স্বর্গে গমনে তাহারা নিবিদ্ধ হয়, চতুর্থ স্বর্গ পর্য্যন্ত গমনাগমন করিত । মহাপুরুষ মোহম্মদ আবিভূর্ত হইলে, সমুদায় স্বর্গ হইতেই তাহারা তাড়িত হয় । তাহাকে অর্থাৎ সেই শয়তানদিগকে তাড়াইবার জন্ত উজ্জল উচ্চাপিণ্ড নিযুক্ত থাকে ও সমুদায় গুপ্তপথ অবরুদ্ধ হয় । ( ত, হো, )

§ বৃষ্টি উৎপাদনের জন্ত প্রথমতঃ বাষ্প সকল উৎপন্ন হয়, বায়ু সেই বাষ্পপুঞ্জ দ্বারা মেঘকে ভারাক্রান্ত করিয়া প্রকাশ করে, তৎপর বারিবর্ষণ হয় । ( ত, কা, )

¶ অর্থাৎ আমি প্রাণের সঞ্চার করিয়া নখর দেহকে জীবিত করি, এবং প্রাণ হরণ করিয়া তাহাকে

পূর্ববর্তীদিগকে জ্ঞাত আছি, ও সত্য সত্যই আমি পরবর্তী লোকদিগকে জ্ঞাত আছি \*  
। ২৪। এবং নিশ্চয় ( যিনি ) তোমার প্রতিপালক, তিনি তাহাদিগকে সমুখাপন  
করিবেন, নিশ্চয় তিনি নিপুণ ও জ্ঞাত। ২৫। ( র, ২, আ, ১০ )

এবং সত্য সত্যই আমি মনুষ্যকে দুর্গন্ধ কর্দমের শুষ্ক মৃত্তিকা দ্বারা সৃজন করিয়াছি  
। ২৬। এবং পূর্বে দৈত্যদিগকে জ্বলন্ত অগ্নি দ্বারা সৃজন করিয়াছি। ২৭। এবং  
( স্মরণ কর, ) যখন তোমার প্রতিপালক দেবতাদিগকে বলিয়াছিলেন যে, “নিশ্চয় আমি  
দুর্গন্ধ কর্দমের শুষ্ক মৃত্তিকা দ্বারা মনুষ্যের সৃষ্টিকর্তা ঃ। ২৮। অনন্তর যখন আমি  
তাহাকে ঠিক করিয়া লইব, এবং তন্মধ্যে আপন প্রাণ ফুৎকার করিব, তখন তোমরা  
তাহাকে নমস্কার করিবে” ঃ। ২৯। পরে শয়তান ব্যতীত দেবগণ সমুদায় একযোগে  
নমস্কার করিল, সে নমস্কারকারীদিগের সঙ্গী হইতে অসম্মত হইল। ৩০+৩১। তিনি  
বলিলেন, “হে শয়তান, তোমার কি হইয়াছে যে, তুমি নমস্কারকারীদিগের সঙ্গী  
হইলে না” ? ৩২। সে বলিল, “দুর্গন্ধ কর্দমের শুষ্ক মৃত্তিকা দ্বারা তুমি যাহাকে  
সৃজন করিয়াছ, আমি সেই মনুষ্যকে নমস্কার করিতে কখনও ( বাধ্য ) নহি”। ৩৩।  
তিনি বলিলেন, “তুমি এস্থান হইতে বাহির হও, অনন্তর নিশ্চয় তুমি তাড়িত। ৩৪।+  
এবং নিশ্চয় তোমার প্রতি কেয়ামতের দিন পর্য্যন্ত অভিসম্পাত হইল”। ৩৫। সে বলিল,  
“হে আমার প্রতিপালক, অবশেষে আমাকে পুনরুত্থানের দিন পর্য্যন্ত অবকাশ দাও”  
। ৩৬। তিনি বলিলেন, “পারিশেষে নিশ্চয় তুমি নির্দারিত সময়ের দিবস ( আগমন )  
পর্য্যন্ত অবকাশ-প্রাপ্তদিগের অন্তর্গত” §। ৩৭+৩৮। সে বলিল, “হে আমার প্রতি-  
পালক, যেহেতু তুমি আমাকে বিভ্রান্ত করিলে, আমি অবশ্য পৃথিবীতে তাহাদের জন্ত  
( পাপকে ) সজ্জিত করিব, এবং আমি অবশ্য এক যোগে তাহাদিগকে বিভ্রান্ত করিব।

নির্জীব করিয়া থাকি। অথবা দর্শনের জ্যোতিতে অন্তরকে সজীব করি, এবং সাধনার অগ্নিতে পশু  
জীবনকে ধ্বংস করিয়া থাকি। ( ত, হো, )

\* আদমের সময় হইতে যাহারা জন্মগ্রহণ করিয়াছে ও মরিয়াছে, এবং কেয়ামত পর্য্যন্ত যাহারা  
জন্মিবে ও মরিবে, সমুদায় আমি জ্ঞাত আছি। ( ত, হো, )

† পরমেশ্বর আদমকে মৃত্তিকা দ্বারা সৃজন করিয়াছেন। প্রথমতঃ তিনি মৃত্তিকার উপর জলবর্ষণ  
করিয়া তাহাকে কর্দমে পরিণত করেন, কিছুকাল গত হইলে তাহা শুষ্ক হয়, পরে তদ্বারা আদমকে  
সৃষ্টি করেন। ( ত, হো, )

‡ “আপন প্রাণ ফুৎকার করিব”, অর্থাৎ আমার গুণ, ভাব যাহাতে বিশেষ ভাবে প্রতিফলিত, সেই  
আত্মাকে সেই দেহের মধ্যে সঞ্চারিত করিব। ( ত, ফা, )

§ “নির্দারিত সময়ের দিবস পর্য্যন্ত,” অর্থাৎ প্রথম সুরক্ষণি হইলে প্রলয় হইবে, দ্বিতীয় সুরক্ষণিতে  
মৃত সকল জীবিত হইয়া উঠিবে। দ্বিতীয় সুরক্ষণি প্রথম ধ্বনির চল্লিশ বৎসর পরে হইবে। শয়তান  
সেই নির্দারিত চল্লিশ বৎসর মৃত থাকিয়া পরে বাঁচিয়া উঠিবে। ঈশ্বর শয়তানের প্রার্থনামুসারে তাহাকে  
পুনরুত্থানের দিন পর্য্যন্ত অবকাশ না দিয়া প্রলয় দিবস পর্য্যন্ত অবকাশ দিলেন। ( ত, হো, )

৩৯।+ তাহাদের মধ্যে তোমার চিহ্নিত দাসগণকে ব্যতীত ( সকলকে বিভ্রান্ত করিব )”  
 ৪০। তিনি বলিলেন, “ইহাই ( এই বিশেষত্ব, ) আমার দিকে সরল পথ। ৪১। পথ-  
 ভ্রান্তদিগের যে ব্যক্তি তোমার অনুসরণ করিয়াছে, তৎপ্রতি ভিন্ন নিশ্চয় আমার দাস-  
 গণের প্রতি তোমার প্রভাব নাই। ৪২। এবং নিশ্চয় নরক তাহাদের সকলের অঙ্গীকৃত  
 ভূমি। ৪৩। তাহার সপ্ত দ্বার, তাহার প্রত্যেক দ্বারের জন্ত অংশ বিভাগ করা আছে” \*  
 ৪৪। (র, ৩, আ, ১২)

নিশ্চয় ধর্মভীরুগণ উদ্যান ও প্রস্রবণ সকলে বাস করিবে †। ৪৫। ( বলা হইবে, )  
 নিরাপদে ও স্বচ্ছন্দে এখানে প্রবেশ কর। ৪৬। এবং তাহাদের বক্ষে পরস্পর ভ্রাতৃ-  
 বিদ্বেষ যাহা ছিল, তাহা আমি বাহির করিব; তাহারা সিংহাসনের উপরে পরস্পর  
 সম্মুখীন থাকিবে ‡। ৪৭। তথায় কোন দুঃখ তাহাদিগকে প্রাপ্ত হইবে না, এবং  
 তাহারা তথা হইতে বহিষ্কৃত হইবে না। ৪৮। আমার দাসদিগকে, ( হে মোহম্মদ, )  
 সংবাদ দান কর যে, আমি ক্ষমাশীল দয়ালু। ৪৯।+ এবং এই যে আমার শাস্তি, তাহা  
 দুঃখজনক শাস্তি। ৫০। এবং তাহাদিগকে এব্রাহিমের অতিথিদিগের সংবাদ দান কর §  
 ৫১। যখন তাহারা তাহার নিকটে উপস্থিত হইয়াছিল, তখন “সেলাম” বলিয়াছিল;

\* যেমন স্বর্গের আট দ্বার আছে ও সংকর্ষশীলদিগের জন্ত তাহার বিভাগ হয়, তদ্রূপ নরকের  
 সাত দ্বার আছে, দুষ্ক্রিয়শীলদিগের নিমিত্ত তাহা বিভক্ত হইয়া থাকে। বোধ করি, স্বর্গের এক দ্বার  
 এতদন্ত অধিক আছে যে, সংকর্ষ ব্যতীত কেবল ঈশ্বরকৃপায় লোকে সেই দ্বার দিয়া প্রবেশ করিতে  
 পারে। ( ত, ফা, )

এখানে নরকের দ্বার অর্থে নরকের শ্রেণী, এক এক শ্রেণীর নরক এক এক সম্প্রদায়ের নিমিত্ত  
 নির্দিষ্ট আছে। একেশ্বরবাদী পাপীদিগের জন্ত “জহন্নম” নামক এক নরক নির্দিষ্ট, “নতি” ঈসায়ী-  
 দিগের নিমিত্ত, “হোতমা” ইহুদিদিগের নিমিত্ত, “সয়ির” সাবীসম্প্রদায়ের নিমিত্ত, “সকর” অগ্নিপূজক-  
 দিগের নিমিত্ত, “ছহিম” অংশিবাদীদিগের নিমিত্ত, “হাভিয়া” কপটদিগের নিমিত্ত নির্ধারিত। বহরোল-  
 হকায়েকে উক্ত হইয়াছে যে, লোভ, মোহ, ঈর্ষ্যা, হিংসা, ক্রোধ, কাম, অহঙ্কার এই সাতটি  
 নরকের দ্বার। অপিচ অপর গ্রন্থে উল্লিখিত হইয়াছে যে, চক্ষু, কণ, জিহ্বা, উদর, জননেন্দ্রিয়, হস্ত,  
 পদ মনুষ্যের এই সাতটি অঙ্গ নরকের দ্বার, এই সপ্ত অঙ্গ দ্বারা মনুষ্য পাপ করিয়া থাকে।  
 ( ত, হো, )

+ অর্থাৎ যে সকল উদ্যানে চুঞ্চ ও সূরা প্রভৃতির প্রস্রবণ প্রবাহিত, তথায় তাহারা বাস  
 করিবে। ( ত, হো, )

‡ পৃথিবীতে যাহাদের ভ্রাতৃবিদ্বেষ ছিল, উন্নত লোকে তাহা থাকিবে না; সকলে প্রণয়স্বত্রে  
 বদ্ধ হইবেন। কথিত আছে যে, স্বর্গবাসীদিগের কেহ কাহার পৃষ্ঠদেশ দর্শন করেন না, তাঁহারা যে  
 স্থানে যে অবস্থায় থাকুন না কেন, পরস্পরের মুখ দর্শন করেন, এবং চলিবার সময় তাঁহাদের সঙ্গে  
 সঙ্গে সিংহাসনও চলিয়া থাকে। ( ত, হো, )

§ অর্থাৎ সেই তিন স্বর্গীয় দূত বা অষ্ট কিংবা দ্বাদশ স্বর্গীয় দূত, যাহারা এব্রাহিমের নিকটে



সে বলিয়াছিল, “নিশ্চয় আমরা তোমাদিগ হইতে ভীত আছি” । ৫২ । তাহারা বলিয়াছিল, “ভয় করিও না, একান্তই আমরা তোমাকে এক জ্ঞানবান্ পুত্রের স্বেসংবাদ দান করিতেছি” । ৫৩ । সে বলিয়াছিল যে, “আমাকে বৃদ্ধত্ব প্রাপ্ত হইয়াছে, তদবস্থায় কি তোমরা আমাকে স্বেসংবাদ দান করিতেছ ? অনস্তর কিরূপ শুভ সংবাদ দিতেছ” ? ৫৪ । তাহারা বলিয়াছিল যে, “যথার্থ ভাবে আমরা তোমাকে স্বেসংবাদ দান করিতেছি, অতএব তুমি নিরাশদিগের অন্তর্গত হইও না” । ৫৫ । এবং সে বলিয়াছিল, “পথভ্রাস্তগণ ব্যতীত কে স্বীয় প্রতিপালকের দয়াতে নিরাশ হয়” ? ৫৬ । বলিয়াছিল, “হে প্রেরিতগণ, অবশেষে তোমাদের কি অভিপ্রায়” ? ৫৭ । তাহারা বলিয়াছিল যে, “নিশ্চয় আমরা লুতের স্বগণ ব্যতীত ( অন্য ) অপরাধিদের প্রতি প্রেরিত হইয়াছি ; নিশ্চয় আমরা তাহার ভাষা ব্যতীত তাহাদিগকে ( লুতের স্বগণদিগকে ) এক যোগে উদ্ধার করিব । আমরা স্থির করিয়াছি যে, নিশ্চয় সেই নারী পতিতদিগের অন্তর্গত” । ৫৮ + ৫৯ + ৬০ । (র, ৪, আ, ১৬ )

অনস্তর যখন প্রেরিতপুরুষগণ লুতের স্বগণবর্গের নিকটে উপস্থিত হইল । ৬১ । + তখন সে বলিল, “নিশ্চয় তোমরা অপরিচিত দল” । ৬২ । তাহারা বলিল, “বরং তাহারা যে বিষয়ে সন্দেহ করিতেছিল, তৎসহ আমরা তোমার নিকটে আসিয়াছি \* । ৬৩ । এবং আমরা তোমার নিকটে সত্যসহ উপস্থিত হইয়াছি, এবং নিশ্চয় আমরা সত্যবাদী । ৬৪ । অনস্তর তুমি রজনীর একভাগে স্বজনসহ প্রস্থান করিও ও তুমি তাহাদিগের পশ্চাদ্গমনের অনুসরণ করিও, এবং তোমাদের কেহ যেন পশ্চাদৃষ্টি না করে ও যে স্থানে তোমরা আদিষ্ট হইয়াছ, তথায় চলিয়া যাইবে” † । ৬৫ । এবং তাহার প্রতি আমি এই বিষয় নির্ধারণ করিয়াছিলাম যে, প্রাতঃকাল হইলে ইহাদিগের মূল ছিন্ন হইবে । ৬৬ । এবং সেই নগরবাসিগণ আনন্দসহকারে উপস্থিত হইল । ৬৭ । সে বলিল, “নিশ্চয় ইহারা আমার অতিথি, অতঃপর তোমরা আমাকে অপমানিত করিও না । ৬৮ । + এবং ঈশ্বরকে ভয় কর ও আমাকে লাঞ্চিত করিও না” । ৬৯ । তাহারা বলিল, “ধরাতলবাসীদিগকে (অতিথি করিতে) আমরা কি তোমাকে বারণ করি নাই” ? ৭০ ।

স্বেসংবাদদানের জন্ত ও লুতের নিকটে তাহার সম্প্রদায়ের বিনাশসাধনের জন্ত উপস্থিত হইয়াছিলেন ।

(ত, হো, )

\* অর্থাৎ লুত যে সম্প্রদায়ের প্রতি প্রেরিত হইয়াছিলেন, তাহারা পুরুষের সঙ্গে ব্যভিচার করিত । এই পাপের জন্ত যে শাস্তির অঙ্গীকার আছে, এ বিষয়ে তাহাদের সন্দেহ ছিল । একজন স্বর্গীয় দূতগণ বলিতেছেন যে, তাহারা যে শাস্তির বিষয়ে সন্দেহ করিতেছে, তাহাদিগকে সেই শাস্তি দান করিবার জন্তই আমরা উপস্থিত হইয়াছি ।

(ত, ফা, )

† শাম বা মেসর দেশে যাইবার জন্ত তাহাদের প্রতি আদেশ হইয়াছিল, তথাকার নিবাসিগণ বিনাশ প্রাপ্ত হইবে না ।

(ত, হো, )

সে বলিল, “যদি তোমরা কার্যকরক হও, তবে ইহারা আমার কণ্ঠা”, ( বিবাহ কর ) \* । ৭১ । তোমার জীবনের শপথ, ( হে মোহম্মদ, ) † নিশ্চয় তাহারা স্বীয় মত্ততায় ঘূর্ণায়মান ছিল । ৭২ । অনন্তর উষাকাল আগত হইলে, ঘোর নিনাদ তাহাদিগকে আক্রমণ করিল । ৭৩ । † পরে আমি তাহার ( নগরের ) উন্নতিকে তাহার অবনতিতে পরিণত করিলাম, এবং তাহাদিগের উপরে প্রস্তরকঙ্কর সকল বর্ষণ করিলাম । ৭৪ । নিশ্চয় ইহাতে শিক্ষার্থীদিগের নিমিত্ত নিদর্শন সকল আছে । ৭৫ । এবং নিশ্চয় তাহা ( সেই নগর ) পশ্চিমধ্যে স্থিত । ৭৬ । সত্যই ইহাতে বিশ্বাসীদিগের জন্ত নিদর্শন সকল আছে । ৭৭ । নিশ্চয় আয়কানিবাসিগণ ‡ অত্যাচারী ছিল । ৭৮ । অনন্তর আমি তাহাদিগ হইতে প্রতিশোধ লইয়াছি ও নিশ্চয় উভয় স্থান § পশ্চিমধ্যে প্রকাশিত আছে । ৭৯ । ( র, ৫, আ, ১৯ )

এবং সত্যই সত্যই হেজরনিবাসিগণ প্রেরিত পুরুষদিগের প্রতি অসত্যারোপ করিয়াছিল ¶ । ৮০ । এবং তাহাদিগকে আমি আপন নিদর্শন সকল দান করিয়াছিলাম, পরন্তু তাহারা তাহার প্রতি বিমুখ ছিল । ৮১ । † এবং তাহারা পর্বত সকল হইতে নিরাপদ আলয় কাটিয়া লইতেছিল ॥ । ৮২ । অনন্তর প্রাতঃকাল হইলে বিকটধ্বনি তাহাদিগকে প্রাপ্ত হইল । ৮৩ । † পরিশেষে তাহারা বাহা করিতেছিল, তাহাদিগ

\* প্রত্যেক প্রেরিতপুরুষ আপন আপন মণ্ডলীর পিতৃস্বরূপ, এজন্ত লুত স্বীয় সম্প্রদায়ের কণ্ঠা-দিগকে লক্ষ্য করিয়া আমার কণ্ঠাগণ বলিয়া নির্দেশ করিয়াছিলেন । ( ত, হো, )

† পরমেশ্বর সৃষ্ট বস্তু সকলের যাহাকে ইচ্ছা হয়, তাহার উল্লেখ করিয়া শপথ করিয়া থাকেন ; কিন্তু কোন জীব ঈশ্বরের উল্লেখ ব্যতীত শপথ করে না । সৃষ্ট জীবের মধ্যে হজরত অপেক্ষা কেহই শ্রেষ্ঠ নহে ; এজন্ত পরমেশ্বর অস্ত্র কাহারও জীবনের শপথ করেন নাই । যেহেতু তাঁহার জীবন সত্য জীবন ছিল, এবং ঈশ্বরের অতি প্রিয় ও সান্নিধ্যবর্তী ছিল । ( ত, হো, )

‡ মহাপুরুষ শোয়বের সম্প্রদায় “আয়কা” নিবাসী ও “মদয়ন” নিবাসী ছিল । যে স্থানে ঘন-সন্নিবিষ্ট পাদপশ্রেণী, তাহাকে “আয়কা” বলে । অনেক উদ্যান ছিল বলিয়া উক্ত স্থানকে “আয়কা” বলিত । আয়কানিবাসিগণ শোয়বের অবাধ্য হওয়াতে এবং মদয়নের লোকগণ তাঁহাকে মিথ্যাবাদী বলাতে, ভয়ঙ্কর নিনাদে আক্রান্ত হইয়া বিনাশ প্রাপ্ত হইয়াছিল । ( ত, হো, )

§ “উভয় স্থান” অর্থাৎ লুতীয় সম্প্রদায়ের নিবাসভূমি “সহুমা” এবং শোয়বীয় সম্প্রদায়ের বাসস্থান “আয়কা” । ( ত, হো, )

¶ সমুদজাতি হেজরনিবাসী, তাহারা তাহাদের প্রেরিতপুরুষ সালেহকে অসত্যবাদী বলিয়া-ছিল । ( ত, ফা, )

॥ পাবাণ হইতে প্রকাণ্ডকায় উল্লী প্রসূত হওয়া এবং সেই উল্লীতে আশ্চর্য্য জীবনের ক্রিয়া প্রকাশ পাওয়া ইত্যাদি যে অলৌকিক ক্রিয়া প্রকাশ পাইয়াছিল, সমুদ জাতি তাহা গ্রাহ্য করে নাই । তাহারা শাস্তি ও দুর্ঘটনা হইতে রক্ষা পাইবার জন্ত পর্বত খনন করিয়া সুদৃঢ় গৃহ নির্মাণ করিয়াছিল । উহা তাহাদিগ হইতে বিপদ দূর করিতে পারে নাই । ( ত, হো, )

হইতে তাহা দূর করিল না। ৮৪। এবং আমি সত্য ভাবে ব্যতীত, স্বর্গ ও মর্ত্য এবং উভয়ের মধ্যে যাহা কিছু আছে, তাহা সৃজন করি নাই; নিশ্চয় কেয়ামত উপস্থিত হইবে, অনন্তর উত্তম ক্ষমারূপে ক্ষমা কর \*। ৮৫। নিশ্চয় তোমার প্রতিপালকই সৃষ্টিকর্তা জ্ঞানবান্। ৮৬। এবং সত্য সত্যই তোমাকে, (হে মোহম্মদ,) আমি দ্বিকৃতির সপ্ত (আয়ত) এবং মহা কোর্-আন্ প্রদান করিয়াছি †। ৮৭। যাহা দ্বারা আমি তাহাদিগের অনেক প্রকারের লোককে লাভবান্ করিয়াছি, তুমি তাহার প্রতি আপন দৃষ্টিকে প্রসারণ করিও না ও ইহাদের সম্বন্ধে শোক করিও না, এবং বিশ্বাসিগণের জন্ত স্বীয় বাহুকে নত কর ‡। ৮৮। বল, নিশ্চয় আমি স্পষ্ট ভয়প্রদর্শক। ৮৯। + যদ্রূপ আমি (ঈশ্বর) বিভাগকারীদিগের প্রতি শাস্তি অবতারণ করিয়াছি, তদ্রূপ যাহারা কোর্-আন্কে খণ্ড খণ্ড করিয়াছে, তাহাদিগের প্রতি (শাস্তি প্রেরণ করিব) §। ৯০ + ৯১। অনন্তর তোমার প্রতিপালকের শপথ, তাহারা যাহা করিতেছিল, সমবেতভাবে তাহাদিগকে আমি তদ্বিষয়ে প্রশ্ন

\* পূর্ববর্তী মণ্ডলীদিগের বৃত্তান্ত বর্ণন করিয়া পরমেশ্বর বলিলেন যে, ক্রীড়ার ভাবে আমি জগৎ সৃজন করি নাই, সত্যভাবে সৃষ্টি করিয়াছি, স্বয়ং তাহার তত্ত্বাবধান করিয়াছি। পরিশেষে এলয় উপস্থিত হইবে। আজ্ঞা প্রচার হইলেও যখন কাফেরগণ গ্রাহ্য করিল না, তখন আদেশ হইল যে, বিরোধের প্রয়োজন নাই, সন্ধি ও অঙ্গীকারের পথ অনুসরণ কর। (ত, ফা,)

† একদা সাত দল বণিক্ বহুমূল্য দ্রব্যজাত সহ মকায় উপস্থিত হইয়াছিল। হজরতের কোন কোন ধর্মবন্ধু তাহা দেখিয়া বলিয়াছিলেন যে, “হায়! যদি এ সকল সম্পত্তি আমাদিগের হস্তে থাকিত, তাহা হইলে সমুদায় ঈশ্বরোদ্দেশ্যে ব্যয় করিতাম।” হজরতের মনেও আন্দোলন উপস্থিত হয় যে, বিশ্বাসিগণের অন্ন বস্ত্রের কষ্ট, আর অংশিবাদীদিগের এই সকল সম্পত্তি, এ কেমন ব্যাপার? তাহাতেই এই আয়ত অবতীর্ণ হয় যে, সপ্ত বণিকের সম্পত্তি অপেক্ষা মূল্যবান্ ফাতেহা সুরার সপ্ত আয়ত, অথবা প্রথম হইতে সপ্ত সূরা তোমাকে দান করিয়াছি। “দ্বিকৃতি” অর্থে কোর্-আন্, কোর্-আন্কে দ্বিকৃতি এজন্ত বলা হইল যে, তাহাতে অনুজ্ঞা ও ঐতিহাসিক বৃত্তান্ত সকলের পুনরুজ্জী হইয়াছে। (ত, হে,)

‡ অনেক প্রকার কাফের আছে, যথা;—ইহুদি, ঈসায়ী, সূর্যোপাসক ও পৌত্তলিক ইত্যাদি। ঈশ্বর বলিতেছেন যে, তাহাদিগকে আমি যাহা দান করিয়াছি, তৎপ্রতি তুমি অনুরাগ প্রকাশ করিও না, উহা অতি নিকৃষ্ট ও হেয়। ইহাদিগের অর্থাৎ বিশ্বাসীদিগের দরিত্রতা দেখিয়া শোক করিও না। “বিশ্বাসিগণের জন্ত স্বীয় বাহুকে নত কর” ইহার অর্থ, বিশ্বাসীদিগকে সম্মান কর। (ত, হো,)

§ কাফেরগণ যখন কোর্-আন্ শ্রবণ করিত, তখন উপহাস করিয়া এক জন অপর জনকে বলিত, আমি “বকর সূরা” লইব, অল্প জন বলিত, আমি “মায়দা” লইব, অপর ব্যক্তি কহিত, আমি “অনুকবুত সূরা” গ্রহণ করিব। ইহাদিগকে কোর্-আন্বিভাগকারী বলা হইয়াছে। (ত, ফা,)

কতকগুলি লোক কোর্-আন্কে কাব্য ও ঐন্দ্রজালিক মন্ত্র এই সংজ্ঞায় বিভক্ত করিত, তাহারা ষাট জন ছিল। যাত্রিকদিগের আগমনের সময়ে অলিদ মঘয়রা তাহাদিগকে মকায় পথে পাঠাইয়া দিত। তাহারা যাত্রিক দেখিলেই তাহাদিগকে বলিত যে, মোহম্মদ কবি, ভবিষ্যন্তা, ঐন্দ্রজালিক বৈ নহে। তাহারা কোর্-আন্কে কাব্য ইত্যাদি ভিন্ন ভিন্ন বিশেষণ দান করিত। (ত, হো,)

করিব। ২২ + ২৩। পরে যে বিষয়ে তুমি আদিষ্ট হইতেছ, তাহা প্রচার কর, এবং অংশিবাদিগণ হইতে বিমুখ হও। ২৪। নিশ্চয় আমি বিক্রপকারীদিগকে তোমার পক্ষে যথেষ্ট করিলাম \*। ২৫। + যাহারা ঈশ্বরের সঙ্গে অপর ঈশ্বর নির্দ্ধারিত করে, পরে সত্বর তাহারা জানিবে। ২৬। এবং সত্য সত্যই আমি জানিতেছি, তাহারা যাহা বলিতেছে, তজ্জন্য তোমার বক্ষঃস্থল সঙ্কচিত হইতেছে। ২৭। + অনন্তর তুমি আপন প্রতিপালকের গুণ পবিত্রভাবে কীর্তন কর, এবং প্রণামকারীদিগের অন্তর্গত হও। ২৮। + এবং যে পর্যন্ত তোমার প্রতি মৃত্যু উপস্থিত হয়, সে পর্যন্ত আপন প্রতিপালককে অর্চনা কর। ২৯। ( র, ৬, আ, ২০ )

## সূরা নহল †

.....

### ষোড়শ অধ্যায়

.....

১২৮ আয়ত, ১৬ রকু

( দাতা দয়ালু পরমেশ্বরের নামে প্রবৃত্ত হইতেছি )

ঈশ্বরের আজ্ঞা উপস্থিত, অতএব তাহা সত্বর প্রার্থনা করিও না; তিনি পবিত্র, এবং তাহারা যাহাকে অংশী নির্দ্ধারণ করে, তাহা হইতে তিনি উন্নত ‡। ১। তিনি আত্মসহ দেবতাদিগকে স্বীয় আজ্ঞাক্রমে ভয় প্রদর্শন করিতে, আপন দাসদিগের যাহার

\* প্রধান পাঁচ জন কোরেশ অলিদ মখয়রা প্রভৃতি হজরতকে উৎপীড়ন করিতে বিশেষ উদ্যোগী ছিল। তাহারা তাঁহাকে যে স্থানে পাইত, উপহাস বিক্রপ করিত। ঈশ্বর সেই পাঁচ ব্যক্তিকে যথেষ্ট শাস্তি দান করিয়াছেন। ( ত, হো, )

† মক্কাতে এই সূরা অবতীর্ণ হয়।

‡ অর্থাৎ কেয়ামতের উপস্থিতিসম্বন্ধে অথবা ধর্মদ্রোহীদিগের শাস্তিবিষয়ে ঈশ্বরের আদেশ নিকটবর্তী; অতএব আর তাহা সত্বর প্রার্থনা করিও না। প্রেরিতপুরুষ কাফেরদিগকে কেয়ামতের ঐহিক শাস্তির ভয় প্রদর্শন করিলে, তাহারা উপহাস করিয়া বলিতেছিল যে, শীঘ্র কেয়ামত ও শাস্তি উপস্থিত কর। তাহাতেই এই আয়ত অবতীর্ণ হয়। যথা, তোমরা যাহা বলিতেছ, তাহা সম্ভব হইবে; তোমরা প্রতিমাকে যে ঈশ্বরের অংশী করিয়াছ, সে তোমাদিগকে রক্ষা করিতে পারিবে না। ঈশ্বর প্রতিমা হইতে উন্নত। ( ত, হো, )

উপরে ইচ্ছা হয়, অবতারণ করেন ; \* যথা, আমি ব্যতীত কোন উপাস্ত্র নাই, অতএব তোমরা আমাকে ভয় করিও । ২ । তিনি সত্যভাবে স্বর্গ ও মর্ত্য সৃজন করিয়াছেন, তাহারা যাহাকে অংশী নির্দ্ধারণ করে, তাহা অপেক্ষা তিনি উন্নত । ৩ । তিনি শুক্র দ্বারা মনুষ্য সৃজন করিয়াছেন, পরে অকস্মাৎ সে স্পষ্ট বিরোধী হইল । ৪ । এবং তিনি চতুর্দিককে তোমাদের নিমিত্ত সৃজন করিয়াছেন, তন্মধ্যে ( বস্ত্রের জন্ত ) উষ্ণ রোম ও লাভ সকল আছে, এবং তাহাদের ( কোন কোনটি ) তোমরা ভক্ষণ করিয়া থাক । ৫ । যখন ( প্রাস্তুর হইতে ) প্রত্যাগমন কর ও যখন ছাড়িয়া দেও, তখন তন্মধ্যে তোমাদের জন্ত শোভা আছে । ৬ । এবং তাহারা তোমাদের ভার কোন নগরের দিকে বহন করিয়া থাকে, ( অন্তথা ) তোমরা আত্মিক ক্লেশ ব্যতীত কখনও তথায় সমাগত হও না ; নিশ্চয় তোমাদের প্রতিপালক অল্পগ্রহকারী দয়ালু । ৭ । এবং অশ্ব, উষ্ট্র ও গর্দভদিগকে ( তিনি সৃজন করিয়াছেন, ) যেন তোমরা তদুপরি আরোহণ কর ও শোভার নিমিত্ত ( সৃজন করিয়াছেন ; ) তোমরা যাহা অবগত নও, তিনি তাহা সৃজন করেন । ৮ । এবং ঈশ্বরের প্রতিই সরল পথ পছন্দে ও তাহার ( কোনটি ) কুটিল ; এবং যদি তিনি ইচ্ছা করিতেন, তবে এক যোগে তোমাদিগকে পথ প্রদর্শন করিতেন † । ৯ । ( র, ১, আ, ২ )

তিনিই যিনি তোমাদের জন্ত আকাশ হইতে বারি বর্ষণ করেন, তাহা হইতে পান করা হয়, এবং তাহা হইতে বৃক্ষ ( তৃণাদি ) হয়, তাহাতে তোমরা পশুদিগকে চরাইয়া থাক । ১০ । তিনি তদ্বারা তোমাদের জন্ত শস্যক্ষেত্র ও জয়তুন ও খোশ্মাতরু এবং জ্রাফা এবং সর্কবিধ ফল উৎপাদন করেন ; নিশ্চয় যাহারা চিন্তা করে, সেই দলের জন্ত ইহাতে নিদর্শন সকল আছে । ১১ । এবং তিনিই তোমাদের জন্ত দিবা ও রজনী এবং সূর্য্য ও চন্দ্র অধিকৃত করিয়াছেন, অপিচ নক্ষত্রবৃন্দ তাঁহার আজ্ঞাক্রমে অধিকৃত ; নিশ্চয় ইহাতে জ্ঞানী সম্প্রদায়ের জন্ত নিদর্শন সকল আছে । ১২ । † এবং তিনি তোমাদের জন্ত ধরাতলে যাহা বিকীর্ণ করিয়াছেন, তাহার বিভিন্ন বর্ণ ; উপদেশগ্রহণকারী দলের জন্ত নিশ্চয় ইহাতে নিদর্শন সকল আছে । ১৩ । এবং তিনিই যিনি সমুদ্রকে আয়ত্ত করিয়াছেন, যেন তাহা হইতে তোমরা সদ্য মাংস ( মৎস্য ) ভক্ষণ করিতে পাও ও আভরণ যাহা পরিধান করিয়া থাক, তাহা হইতে বাহির কর ; এবং তুমি দেখিতেছ যে, ( হে মোহম্মদ, ) নৌকা সকল তাহাতে চলিয়া থাকে ; ( তিনি সমুদ্রকে অধিকৃত করিয়াছেন, ) যেন

\* এহলে আত্মা শব্দে প্রত্যাদেশ বুঝাইবে । অথবা ঈশ্বরের সান্নিধ্যবর্তী এক দল আত্মা আছে, যখন পরমেশ্বর কোন স্বর্গীয় দূতকে পৃথিবীতে প্রেরণ করেন, সেই আত্মা সকলকে তাঁহার সঙ্গে পাঠাইয়া থাকেন । ( ত, কা, )

† তাঁহার ক্ষমতা দেখিয়া তাঁহার গুণ স্পষ্ট বুঝা যায় । যাহার বুদ্ধি সরল নয়, সেই তাঁহার পথ হইতে পলায়ন করে । ( ত, কা, )



তোমরা তাঁহার গুণে ( জীবিকা ) অন্বেষণ করিতে থাক ; ভরসা যে, তোমরা কৃতজ্ঞ হইবে \* । ১৪ । এবং তিনি ধরাতলে গিরিশ্রেণী স্থাপন করিয়াছেন, যেন তাহা তোমাদিগকে স্থিরতর রাখে, † এবং জলস্রোত সকল ও বর্ষা সকল ( সৃজন করিয়াছেন, ) ভরসা যে, তোমরা পথ প্রাপ্ত হইবে । ১৫ । + এবং ( পথের ) নিদর্শন সকল ( সৃজন করিয়াছেন, ) তাহারা নক্ষত্র-যোগে পথ প্রাপ্ত হইয়া থাকে । ১৬ । অনন্তর যিনি সৃজন করেন, তিনি কি, যে সৃজন করে না, তাহার তুল্য ? পরন্তু তোমরা কি উপদেশ গ্রহণ করিতেছ না ? ১৭ । এবং যদি তোমরা ঈশ্বরের দান গণনা কর, তাহা আয়ত্ত করিতে পারিবে না ; নিশ্চয় ঈশ্বর ক্ষমাশীল ও দয়ালু । ১৮ । এবং তোমরা যাহা গোপন কর ও যাহা ব্যক্ত করিয়া থাক, ঈশ্বর তাহা জানিতেছেন । ১৯ । যাহারা ঈশ্বর ব্যতীত ( অল্প বস্তু সকলকে ) আহ্বান করে, ( সেই সকল বস্তু ) কিছুই সৃষ্টি করে না ও তাহারা সৃষ্ট হইয়া থাকে । ২০ । মৃত সকল জীবিত নহে, তাহারা জানে না যে, কখন সমুখাপিত হইবে ‡ । ২১ । ( র, ২, আ, ১২ )

তোমাদের ঈশ্বর একমাত্র ঈশ্বর ; অনন্তর যাহারা পরলোকে বিশ্বাস করে না, তাহাদের অন্তর অগ্রাহকারী এবং তাহারা অহঙ্কারী । ২২ । নিঃসন্দেহ যে, তাহারা যাহা গোপন করে ও যাহা ব্যক্ত করিয়া থাকে, ঈশ্বর তাহা জ্ঞাত হন ; নিশ্চয় তিনি অহঙ্কারীদিগকে প্রেম করেন না । ২৩ । এবং যখন তাহাদিগকে বলা যায়, “যাহা তোমাদের প্রতি-পালক অবতারণ করিয়াছেন, তাহা কি ?” তখন তাহারা বলে, “পূর্বতন বৃত্তান্ত সকল” ।

\* পরমেশ্বর বাহু জগতে নদ, নদী ও সাগর সৃজন করিয়াছেন, এবং তাহা পার হইবার জন্ত নৌকা সকল নিযুক্ত রাখিয়াছেন । অন্তর রাজ্যেও নদী সকল আছে, যথা ;—আসক্তি-নদী, বিষাদ, লোভ, ঔদাসীণ্য, বিচ্ছেদ-নদী ইত্যাদি । এ সমুদায় নদী হইতে উত্তীর্ণ হইবার জন্তও তিনি নৌকা সকল নিরূপিত করিয়া রাখিয়াছেন । যিনি নির্ভরের নৌকায় আরোহণ করেন, তিনি আসক্তি-নদী হইতে বিষয়মুক্তির তীরে উত্তীর্ণ হন । যে ব্যক্তি সম্ভ্রান্তরীতে আরোহণ করেন, তিনি বিষাদনদী পার হইয়া শান্তিতটে সমাগত হইয়া থাকেন । যে জন ধৈর্য্যপোতে আরুঢ় হন, তিনি লোভসাগর হইতে বৈরাগ্যকূলে উপস্থিত হন । যিনি বৈরাগ্যতরিতে উপবেশন করেন, তিনি ঔদাসীণ্যসরিৎ পার হইয়া তত্ত্বজ্ঞানের তটে সমুত্তীর্ণ হইয়া থাকেন । যিনি একত্ববাদের নৌকায় সমারুঢ় হন, তিনি ভিন্নতার স্রোতস্বতী অতিক্রম করিয়া যোগের ভূমিতে আসিয়া পঁহুছেন । প্রকৃতপক্ষে ভিন্নতাই স্থিতি, যোগ প্রলয় । যাহারা আত্মবান্ ( আসক্তিয়ুক্ত ), তাহারা ভিন্নতার মৃত্যুজনক ভূমিতে স্থিতি করে । যিনি আসক্তিহীন, তিনি যোগভূমিতে বাস করেন । ( ত, হো, )

† যখন পরমেশ্বর জলের উপর পৃথিবী সৃষ্টি করিলেন, তখন পৃথিবী কম্পিত হইতেছিল ; তদুপরি পর্বত সকল স্থাপন করিলে পর তাহা স্থির হয় । ( ত, হো, )

‡ অর্থাৎ যখন পুস্তলিকাদি আপনার ও অস্ত্রের পুনরুত্থানের সময় অবগত নহে, তখন কি প্রকারে স্বীয় সেবকদিগকে পুরস্কার দিতে সক্ষম ? উপাস্ত্রের উচিত যে, উপাসকের পুনরুত্থানের তত্ত্ব জ্ঞাত থাকে ও তাহাদিগকে পুরস্কার-দানে সমর্থ হয় । ( ত, হো, )

২৪। + তাহাতে তাহারা স্বীয় (পাপের) পূর্ণভার ও যাহারা অজ্ঞানতাবশতঃ তাহাদিগকে পঞ্চভ্রান্ত করিতেছে, তাহাদিগের কোন ভার কেয়ামতের দিনে বহন করিবে ; আনিও, যে কিছু ভার তাহারা বহন করিবে, তাহা মন্দ। ২৫। ( র, ৩, আ, ৪ )

যাহারা ইহাদের পূর্বে ছিল, নিশ্চয় তাহারা ছলনা করিয়াছিল ; তৎপর তাহাদের অট্টালিকার ভিত্তির দিকে ঈশ্বর আগমন করিলেন, অনন্তর তাহাদের উর্দ্ধ হইতে তাহাদের উপর ছাদ পতিত হইল ; তাহাদের প্রতি সেই দিক্ দিয়া শাস্তি উপস্থিত হইল যে, তাহারা জানিত না \*। ২৬। অতঃপর কেয়ামতের দিনে তিনি তাহাদিগকে লাহিত করিবেন, এবং বলিবেন, “কোথায় আমার সেই অংশিগণ, তোমরা যাহাদের সম্বন্ধে বিরোধ করিতেছিলে ?” জ্ঞানবান্ লোকেরা বলিবে যে, “নিশ্চয় ধর্মদ্রোহীদিগের প্রতি সেই দিবসের লাঞ্ছনা ও অকল্যাণ হয়”। ২৭। + আপন জীবনের প্রতি অত্যাচারী ( অবস্থায় ) দেবগণ যাহাদিগের প্রাণ হরণ করিয়াছিল, অনন্তর তাহারা সম্মিলন স্থাপন করে ; ( বলে ) যে, “আমরা মন্দ আচরণ করিতাম না।” ( তখন বলা হয়, ) “হাঁ, নিশ্চয় তোমরা যাহা করিতেছিলে, ঈশ্বর তাহার জ্ঞাতা”। ২৮। অতঃপর তোমরা নরকের দ্বার সকলে প্রবেশ কর, তন্মধ্যে তোমরা নিত্য স্থায়ী হইবে ; পরন্তু অহঙ্কারীদিগের স্থান কদর্য। ২৯। এবং যাহারা ধর্মভীরু হইয়াছিল, তাহাদিগকে বলা হইল, “তোমাদের প্রতিপালক যাহা অবতারণ করিয়াছেন, তাহা কি ?” তাহারা বলিল, “কল্যাণ ;” যাহারা এই সংসারে শুভকার্য্য করিয়াছে, তাহাদের জন্ত শুভ হয়, এবং অবশ্য পারলৌকিক আনন্দ কল্যাণকর, এবং অবশ্য ধর্মভীরুদিগের নিকেতন উত্তম। ৩০। নিত্য উত্তান সকল আছে, তন্মধ্যে তাহারা প্রবেশ করিবে, তাহার নিম্নে জলপ্রণালী প্রবাহিত ; তাহারা যাহা ইচ্ছা করিবে, তাহা তাহাদের জন্ত তথায় আছে। এইরূপে পরমেশ্বর ধর্মভীরুদিগকে বিনিময় দান করেন। ৩১। + দেবগণ বিস্ময় আছে ( এই অবস্থায় ) যাহাদিগের প্রাণ হরণ করে, তাহাদিগকে বলিয়া থাকে, “তোমাদের প্রতি সেলাম, তোমরা যাহা

\* কথিত আছে যে, নেমরুদের অট্টালিকার পতন সম্বন্ধে এই আয়ত অবতীর্ণ হয়। রাজা নেমরুদ বাবেল প্রদেশে এক অট্টালিকা নির্মাণ করিয়াছিল। তাহার উচ্চতা দশ সহস্র হস্ত, দৈর্ঘ্য ও পরিসর তিন ক্রোশ ছিল। সেই অট্টালিকার সাহায্যে স্বর্গে আরোহণ করিয়া এত্রাহিমের ঈশ্বরের সঙ্গে সংগ্রাম করিতে তাহার চেষ্টা হয়। প্রাসাদ প্রস্তুত হইলে পর ঈশ্বর ভয়ঙ্কর বাত্যা প্রেরণ করেন, তাহাতে উহা সমূলে চূর্ণ হইয়া যায়। কেহ কেহ বলেন, অট্টালিকার চূড়া নদীতে নিক্ষিপ্ত হয়, অবশিষ্ট অংশ নেমরুদের অনুবর্তিগণের গৃহের উপর পড়িয়া যায়, এবং এক ভয়ঙ্কর শব্দ হয়, তাহাতে সেই দেশে এক সম্প্রদায়ের কথা অল্প সম্প্রদায়ের অবোধ্য হইয়া উঠে। পূর্বে সমুদায় জাতির এক ভাষা ছিল, এই ঘটনার পর হইতে ভিন্ন ভিন্ন ভাষা প্রচলিত হয়, এবং পৃথিবীতে দ্ব্যধিক সম্প্রতি ভাষায় লোকে কথোপকথন করে। এক্ষণ ঈশ্বর সংবাদ দান করিতেছেন যে, যেমন নেমরুদ ও তাহার অনুবর্তিগণ চক্রান্ত করিয়াছিল, তদ্রূপ আমিও তাহাদের অট্টালিকা চূর্ণ করিতে আজ্ঞা করিয়াছিলাম।

( ত, হো, )

করিতেছিলে, তজ্জন্ম স্বর্গলোকে প্রবেশ কর”। ৩২। তাহাদের ( কাফেরদিগের ) নিকটে দেবগণ উপস্থিত হওয়া, অথবা তোমার প্রতিপালকের আদেশ সমাগত হওয়া ব্যতীত তাহারা প্রতীক্ষা করে না ; তাহাদের পূর্ববর্তী লোকেরাও এই প্রকার করিয়াছিল, ঈশ্বর তাহাদের প্রতি অত্যাচার করেন নাই, কিন্তু তাহারা ই স্বীয় জীবনের প্রতি অত্যাচার করিতেছিল। ৩৩। অনন্তর তাহারা যাহা বলিয়াছিল, তাহার অন্তত সকল তাহাদের প্রতি উপস্থিত হইয়াছে ও তাহারা যে বিষয়ে উপহাস করিতেছিল, তাহা তাহাদের প্রতি অবতীর্ণ হইয়াছে। ৩৪। ( র, ৪, আ, ২ )

এবং অংশিবাদিগণ বলে, “যদি ঈশ্বর চাহিতেন, আমরা তাঁহাকে ভিন্ন অণু কোন বস্তুকে অর্চনা করিতাম না ও আমাদের পিতৃপুরুষগণ ( অর্চনা করিত না, ) এবং আমরা তাঁহার ( আজ্ঞা ) ব্যতীত কোন বস্তুকে অবৈধ হিঁর করিতাম না ;” যাহারা তাহাদের পূর্বে ছিল, তাহারাও এই প্রকার বলিয়াছে ; অনন্তর প্রেরিত পুরুষদিগের প্রতি স্পষ্ট প্রচার করাবে নহে। ৩৫। এবং সত্য সত্যই আমি প্রত্যেক মণ্ডলীর প্রতি প্রেরিত পুরুষ প্রেরণ করিয়াছি, ( বলিয়াছি ) যে, তোমরা ঈশ্বরের অর্চনা করিও, এবং প্রতিমা সকল হইতে নিবৃত্ত থাকিও ; অনন্তর তাহাদের মধ্যে কেহ ছিল যে, ঈশ্বর তাহাকে পথ প্রদর্শন করিয়াছেন, এবং তাহাদের মধ্যে কেহ ছিল যে, তাহার প্রতি পথভ্রান্তি স্থিরীকৃত হইয়াছে। অবশেষে তোমরা পৃথিবীতে ভ্রমণ করিতে থাক, পশ্চাৎ দেখ যে, মিথ্যাবাদীদিগের পরিণাম কি হইল। ৩৬। যদি তুমি, ( হে মোহম্মদ, ) তাহাদিগের পথপ্রদর্শনে উৎসুক হও, তবে ( জানিও, ) যাহারা (লোকদিগকে) পথভ্রান্ত করে, নিশ্চয় ঈশ্বর তাহাদিগকে পথ প্রদর্শন করেন না, এবং তাহাদের জন্ম কোন সাহায্যকারী নাই। ৩৭। তাহারা ঈশ্বরসম্বন্ধে স্বীয় দৃঢ় শপথ করিয়াছে যে, যে ব্যক্তি প্রাণত্যাগ করে, ঈশ্বর তাহাকে উত্থাপন করিবেন না ; হাঁ, ( উত্থাপন করিবেন, ) অঙ্গীকার করা তাঁহার সম্বন্ধে সত্য, কিন্তু অধিকাংশ লোক অবগত নহে। ৩৮। + ( তিনি উত্থাপন করিবেন, ) এ বিষয়ে যাহারা বিরোধ করিতেছে, তাহাদিগের জন্ম তাহাতে ব্যক্ত করিবেন, এবং তাহাতে ধর্মদ্রোহিগণ জানিবে যে, নিশ্চয় তাহারা মিথ্যাবাদী ছিল। ৩৯। কোন বিষয়ের নিমিত্ত আমার ইহা ভিন্ন কথা নহে যে, যখন আমি তাহা ( সৃষ্টির ) ইচ্ছা করি, তজ্জন্ম “হউক” বলি, তাহাতেই হয়। ৪০। ( র, ৫, আ, ৬ )

এবং যাহারা অত্যাচারিত হওয়ার পর ঈশ্বরোদ্দেশে দেশ ত্যাগ করিয়াছে, আমি অবশ্য তাহাদিগকে পৃথিবীতে উত্তমরূপে স্থান দান করিব ; এবং নিশ্চয় পারলৌকিক পুরস্কার শ্রেষ্ঠ, হায় ! যদি তাহারা জানিত। ৪১। + যাহারা ধৈর্য্য ধারণ করিয়াছে ও স্বীয় প্রতিপালকের উপর নির্ভর করিয়াছে, (তাহাদিগকে উত্তমরূপে স্থান দান করিব)। ৪২। এবং আমি যাহাদের প্রতি প্রত্যাদেশ করিতেছিলাম, তোমার পূর্বে, ( হে মোহম্মদ, ) সেই পুরুষদিগকে ব্যতীত প্রেরণ করি নাই ; অনন্তর যদি তোমরা, ( হে কোরেশগণ, )

অজ্ঞাত থাক, তবে স্বরণকারীদিগকে প্রেরণ কর \*। ৪৩। + আমি প্রমাণ সকল ও গ্রন্থসকল সহ (তাহাদিগকে প্রেরণ করিয়াছিলাম,) এবং তোমার প্রতি উপদেশ অবতারণ করিয়াছি, যেন তুমি লোকদিগকে, তাহাদের সম্বন্ধে যাহা অবতারিত হইয়াছে, তাহার বর্ণনা কর; ভরসা যে, তাহারা চিন্তা করিবে। ৪৪। অনন্তর যাহারা কুৎসিত ছলনা করিয়াছে, ঈশ্বর যে তাহাদিগকে ভূমিতে প্রোথিত করিবেন, বা অজ্ঞাত স্থান দিয়া যে তাহাদের প্রতি শাস্তি উপস্থিত হইবে, কিম্বা তাহাদের গমনাগমনে তাহাদিগকে যে আক্রমণ করিবেন, (এ বিষয়ে) তাহারা কি নির্ভয় হইয়াছে? পরন্তু তাহারা (ঈশ্বরের) পরাভবকারী নহে। ৪৫ + ৪৬। অথবা ভয় দ্বারা তাহাদিগকে আক্রমণ করা (বিষয়ে কি নির্ভয় হইয়াছে?) পরন্তু নিশ্চয় তোমাদের প্রতিপালক অনুগ্রহকারী দয়ালু †। ৪৭। ঈশ্বর যে বস্তু সৃজন করিয়াছেন, তৎপ্রতি কি তাহারা দৃষ্টি করে নাই? ঈশ্বরোদ্দেশে নমস্কার করত তাহার ছায়া সকল বামে ও দক্ষিণে ঘুরিয়া থাকে, এবং সে সকল হীনাবস্থাপন্ন ‡। ৪৮। জীব ও দেবতা এবং যাহা কিছু স্বর্গে ও যাহা কিছু পৃথিবীতে আছে, তাহারা ঈশ্বরকে প্রণিপাত করে ও তাহারা অহঙ্কার করে না §। ৪৯। তাহারা আপনাদের উপরে (পরাক্রান্ত) আপনাদের প্রতিপালককে ভয় করে, এবং যাহাতে আদিষ্ট হয়, তাহা করিয়া থাকে। ৫০। (র, ৬, আ, ১০)

এবং ঈশ্বর বলিয়াছেন, “তোমরা দুই উপাস্ত্র গ্রহণ করিও না, তিনিই একমাত্র উপাস্ত্র, এতদ্ভিন্ন নহে; অতঃপর আমা হইতে ভীত হও” ¶। ৫১। এবং স্বর্গে ও পৃথিবীতে যাহা আছে, তাহা তাঁহারই, তাঁহারই জগৎ সাধনা সমুচিত হইয়াছে; পরন্তু তোমরা কি ঈশ্বর ব্যতীত অন্তকে ভয় কর? ৫২। এবং যে কিছু সম্পদ তোমাদের সঙ্গে আছে,

\* কোরেশগণ বলিয়াছিল যে, ঈশ্বর অত্যন্ত ক্ষমতামালী, তিনি মনুষ্যদিগকে ধর্মবিধিপ্রচারে † প্রেরণ না করিয়া, দেবতাকে তৎকার্যে পৃথিবীতে প্রেরণ করিতে পারেন। এই উক্তির প্রতিবাদস্বরূপ এই আয়ত অবতীর্ণ হয়। (ত, হো,)

+ অর্থাৎ পূর্ববর্তী ধর্মদোহী লোকেরা যেরূপ আকস্মিক দণ্ডে দণ্ডিত হইয়াছিল, সেই দণ্ডভয় হইতে কি তাহারা মুক্ত হইয়াছে? কিন্তু ঈশ্বর দয়ালু, তিনি শাস্তিদানে বিলম্ব করেন। (ত, হো,)

‡ অর্থাৎ কাফেরগণ প্রণিপাত করে না, ক্ষতি কি? তাহাদের ছায়া সকল প্রণাম করিয়া থাকে। সে সকল হীনাবস্থাপন্ন, অর্থাৎ বিনীত, অবনত। (ত, হো,)

§ প্রণিপাত বিবিধ, আর্চনিক প্রণিপাত ও আবনতিক প্রণিপাত। ঈশ্বরার্চনাকালে ললাটদেশে যে ভূমিতে স্থাপন করা হয়, তাহা আর্চনিক প্রণিপাত, জ্ঞানবান্দিগের এই প্রণিপাত। অজ্ঞান পদার্থের আবনতিক প্রণিপাত। (ত, হো,)

¶ অর্থাৎ ঈশ্বরকে একত্ব প্রয়োজন। ঈশ্বরদের সঙ্গে অংশিত্ব সম্ভবনীয় নহে, যুক্তি ও প্রমাণ দ্বারা ইহা সিদ্ধান্ত হইয়াছে। অতএব ঈশ্বরকে অদ্বিতীয়রূপে সর্বতোভাবে স্বীকার করা উচিত। তিনি কোন বস্তুর সঙ্গে মিশ্রিত নহেন, বস্তু সকল তাঁহা দ্বারা প্রকাশিত, তিনি বস্তুর সাহায্য ব্যতীত স্থিতি করিতেছেন। (ত, হো,)

তাহা ঈশ্বর হইতে হইয়াছে ; অতঃপর যখন তোমাদিগের প্রতি দুঃখ উপস্থিত হয়, তখন তাঁহার উদ্দেশ্যে আর্তনাদ করিয়া থাক। ৫৩। ইহার পরে যখন তিনি তোমাদিগ হইতে দুঃখ দূর করেন, তখন অকস্মাৎ তোমাদের একদল আপন প্রতিপালকের সম্বন্ধে অংশী স্থাপন করে। ৫৪।+ তাহাতে আমি যাহা তাহাদিগকে দান করিয়াছি, তাহারা তৎসম্বন্ধে অধর্ম্য করে ; পরে তোমরা ফলভোগ করিতে থাক, অবশেষে সহর জানিতে পাইবে। ৫৫। এবং আমি তাহাদিগকে যে উপজীবিকা দান করিয়াছি, তাহারা যাহাকে জ্ঞাত নহে, তাহার জন্ত উহার অংশ নির্ধারণ করে ; ঈশ্বরের শপথ, তোমরা যে ( অসত্য ) বন্ধন করিতেছিলে, তদ্বিষয়ে অবশ্য তোমরা জিজ্ঞাসিত হইবে \*। ৫৬। এবং তাহারা ঈশ্বরের জন্ত কণ্টা সকল নির্ধারণ করে, পবিত্রতা তাঁহারই ; এবং তাহারা যাহা ইচ্ছা করে, তাহা তাহাদের নিমিত্ত হয় †। ৫৭। যদি তাহাদের এক ব্যক্তিকে কণ্টা ( উৎপত্তির ) স্মসংবাদ দেওয়া যায়, তবে তাহার মুখ মলিন ও সে বিষাদপূর্ণ হয়। ৫৮। তাহাকে যে স্মসংবাদ দেওয়া হইয়াছে, সেই দুঃখহেতু দল হইতে সে লুক্কায়িত হয়, ( ভাবে ) যে তাহাকে কি ছুরবস্থায় রাখিবে, অথবা কি তাহাকে মৃত্তিকাতে প্রোথিত করিবে ; জানিও, তাহারা যাহা আদেশ করে, তাহা অশুভ ‡। ৫৯। যাহারা পরলোকে বিশ্বাস স্থাপন করে নাই, তাহাদের ভাব মন্দ, এবং ঈশ্বরের ভাব উন্নত ও তিনি পরাক্রান্ত নিপুণ। ৬০। ( র, ৭, আ, ১০ )

এবং যদি পরমেশ্বর লোকদিগকে তাহাদের অত্যাচারের জন্ত ধৃত করেন, তবে পৃথিবীতে কোন জীব মুক্তি পায় না ; কিন্তু তিনি নির্ধারিত সময় পর্যন্ত তাহাদিগকে অবকাশ দান করেন। অনন্তর যখন তাহাদের সময় উপস্থিত হইবে, তখন তাহারা একঘণ্টা পশ্চাতে থাকিবে না ও অগ্রসর হইবে না §। ৬১। এবং তাহারা যাহা \*অবজ্ঞা করে, তাহা ঈশ্বরের জন্ত নিরূপণ করিয়া থাকে ও তাহাদের রসনা অসত্য বর্ণন করে যে, তাহাদের নিমিত্ত কল্যাণ আছে ; নিঃসন্দেহ এই যে তাহাদের নিমিত্ত অগ্নি আছে ও এই যে তাহারা ( নরকে ) প্রথম প্রেরিত ¶। ৬২।

\* অর্থাৎ যে প্রতিমার ক্ষমতা তাহারা জ্ঞাত নহে, তাহার জন্ত তাহারা শস্য ও পালিত পশুর অংশ নিরূপণ করে। সূরা এনামে এতদ্বিবরণ বিবৃত হইয়াছে। ( ত, হো, )

+ খোজাআ ও কননা সম্প্রদায় বলিত যে, দেবীগণ ঈশ্বরের কণ্টা। মলিক সম্প্রদায়ের এই উক্তি যে, ঈশ্বর দৈত্যনারীদিগের সঙ্গে যোগ স্থাপন করিয়াছিলেন, তাহাতে তাঁহার সম্মান হইয়াছিল। তাহারা যাহা ইচ্ছা করে, তাহা লইয়াই আমোদ করিয়া থাকে। ( ত, হো, )

‡ বনি-তমিন ও বনি-নজির সম্প্রদায় সচোজাত কণ্টাদিগকে জীবিতাবস্থায় ভূগর্ভে প্রোথিত করিত। ( ত, হো, )

§ অর্থাৎ যখন মৃত্যুর বা শাস্তির নির্ধারিত সময় উপস্থিত হইবে, তখন তৎক্ষণাৎ তাহা সজ্বাটিত হইবে। ( ত, হো, )

¶ যাহারা অযোগ্য বস্তু ঈশ্বরের নামে উৎসর্গ করিয়া মনে করে যে, আমাদের স্বর্গলাভ হইবে, এই কথা তাহাদের নিমিত্ত বলা হইয়াছে। তাহারা নরকের দিকেই অগ্রসর হইতেছে। ( ত, কা, )



ঈশ্বরের শপথ, সত্য সত্যই আমি তোমার পূর্বে মণ্ডলী সকলের প্রতি ( তদ্ববাহকদিগকে ) প্রেরণ করিয়াছিলাম ; অনন্তর শয়তান তাহাদের নিমিত্ত তাহাদের কার্যকে সজ্জিত করিয়াছিল, অতঃপর অচ্যুত সেই তাহাদের বন্ধু, তাহাদের জগ্নু দুঃখজনক শাস্তি আছে । ৬৩ । এবং তাহারা যাহা বিপরীত করিয়াছে, সে বিষয়ে তাহাদিগের নিমিত্ত বর্ণন করিতে ও বিশ্বাসী সম্প্রদায়ের নিমিত্ত পথ প্রদর্শন এবং দয়া করিতে বৈ আমি তোমার প্রতি, ( হে মোহাম্মদ, ) গ্রন্থ অবতারণ করি নাই । ৬৪ । এবং ঈশ্বর আকাশ হইতে বারি বর্ষণ করিয়াছেন, তৎপর তদ্বারা ভূমিকে তাহার মৃত্যুর অন্তে জীবিত করিয়াছেন ;\* নিশ্চয় ইহাতে শ্রোতৃদলের জগ্নু নিদর্শন আছে । ৬৫ । ( র, ৮, আ, ৫ )

এবং নিশ্চয় তোমাদিগের নিমিত্ত পশুদিগের মধ্যে উপদেশ আছে, তাহাদের উদরে যাহা আছে, তাহা হইতে আমি তোমাদিগকে পান করাইয়া থাকি ; মল ও শোণিতের ভিতর হইতে পানকারীদিগের জগ্নু বিশুদ্ধ স্নান হইয়া যায় । ৬৬ । এবং গোষ্ঠাতরু ও দ্রাক্ষালতার ফল হইতে তোমরা মাদক দ্রব্য ও উত্তম উপজীবিকা গ্রহণ করিয়া থাক ; † নিশ্চয় ইহাতে জ্ঞানিমণ্ডলীর জগ্নু নিদর্শন সকল আছে । ৬৭ । এবং তোমার প্রতিপালক, ( হে মোহাম্মদ, ) মধুমক্ষিকার প্রতি প্রত্যাশা করিয়াছেন যে, “তুমি পর্বত সকলের ও বৃক্ষ সকলের মধ্যে এবং ( মনুষ্য ) যে ( গৃহ ) উন্নত করে, তাহাতে গৃহ সকল প্রস্তুত

\* এই প্রকার অন্তরের সহিত শ্রবণ করিলে কোর্-আন্ দ্বারা মূর্খকে ঈশ্বর জ্ঞানী করিবেন । ( ত, ফা, )

† পশুগণ তৃণাদি ভক্ষণ করিলে তাহা পাকস্থলীতে যখন পরিপাক হইতে থাকে, তখন তিনটি থাকে ; নিম্ন থাকে মল, মধ্যস্থলে দুগ্ধ, উপরের থাকে শোণিত উৎপন্ন হইয়া থাকে । রক্ত শিরা সকলে ও দুগ্ধ স্তনে সঞ্চারিত হয়, এবং মল স্রীষ নির্দিষ্ট পথে বাহির হইয়া যায় । দুগ্ধ ও শোণিত মলেতে স্থিতি করে না । ভক্ষিত জীর্ণ দ্রব্য সকলের সার ভাগ হৃৎপিণ্ড আকর্ষণ করিয়া থাকে, স্থূল অসার অংশ যে মল, তাহা পরিত্যাগ করে । প্রথম পরিপাকের পর ভক্ষিত দ্রব্য হইতে যে রস নির্গত হয়, তাহা পাকস্থলীতে জীর্ণ হইয়া কফ, রক্ত, পিত্ত ও পীতরস উৎপাদন করে, এবং সেই সকল যথোপযুক্ত রূপে অঙ্গপ্রত্যঙ্গে সঞ্চারিত হয় । যখন কোন জন্তু গর্ভধারণ করে, স্ত্রীপ্রকৃতির সরসতার বৃদ্ধি প্রযুক্ত তাহার ভক্ষ্য দ্রব্যের অনুরূপ উপরি উক্ত চতুর্বিধ রস বর্ধিত হইয়া থাকে, এবং সেই বর্ধিত রস গর্ভকোষে ক্রমের জগ্নু সঞ্চারিত হয় । সন্তান প্রসূত হইলে তাহা পয়োধরে প্রবেশ করে, পয়োধরে মাংসপেশী সকলের সংস্পর্শে সেই রস শুভ্র হইয়া যায়, উহাকেই দুগ্ধ বলে । পশুগণ হরিষ্বর্ণ তৃণপত্রাদি ভক্ষণ করিয়া থাকে, তাহাদের মাংসপেশীর ভিতর দিয়া এরূপ শুভ্র ও স্নান রস নির্গত হওয়া ও রক্তের সঞ্চার হওয়া স্পষ্ট অলৌকিকতা ও উজ্জ্বল নিদর্শন । শুভ্র বিশুদ্ধ দুগ্ধের স্রাব ঈশ্বরের সঙ্গে মনুষ্যের আচরণ হওয়া উচিত । দুগ্ধ যেমন মল ও রক্তের সংশ্রবশূন্য, মনুষ্যের চরিত্রও যেন কপটতারূপ মল, কামনারূপ শোণিত হইতে মুক্ত হয় ; তাহা হইলে উহা ঈশ্বরের দ্বারা গৃহীত হইতে পারে । কার্যে কপটতা, গুপ্ত অংশিবাদিত্ব, এবং কামনা দ্বারা ক্রিমার বিশুদ্ধতাব নষ্ট হয় । কপটতার লোকের প্রতি দৃষ্টি, কামনায় নিজের প্রতি দৃষ্টি থাকে । ইহার কিছুই সঙ্গে যোগ থাকিলে ক্রিয়া মলিন হয় ।

( ত, হো, )

‡ এই আয়ত সুরাপান নিষিদ্ধ হওয়ার পূর্বে অবতীর্ণ হইয়াছে ।

( ত, হো, )

কর। ৬৮। + তৎপর তুমি প্রত্যেক ফল ভক্ষণ কর, অনন্তর বিনীতভাবে তোমার প্রতিপালকের পথে চলিতে থাক।” তাহার উদর হইতে বিবিধ বর্ণের পেয় দ্রব্য, যাহাতে লোকের আরোগ্য হয়, বাহির হইয়া থাকে; নিশ্চয় তাহাতে চিন্তাশীল দলের জ্ঞান নিদর্শন আছে \*। ৬৯। এবং ঈশ্বর তোমাদিগকে সৃজন করিয়াছেন, তৎপর তোমাদিগের প্রাণ হরণ করিবেন; এবং তোমাদের মধ্যে কেহ আছে যে, নিকৃষ্টতর জীবনের দিকে প্রত্যাভর্তিত হইবে, তাহাতে জ্ঞানলাভের পর কিছুই জ্ঞান প্রাপ্ত হইবে না। নিশ্চয় ঈশ্বর জ্ঞানী ও ক্ষমতাশীল †। ৭০। (র, ৯, আ, ৫)

এবং পরমেশ্বর তোমাদের এক জনকে অল্প জনের উপরে জীবিকাসম্বন্ধে উন্নতি দান করিয়াছেন; অনন্তর যাহারা উন্নত হইয়াছে, তাহারা স্বীয় জীবিকা আপন অধীনস্থ দাসদিগের প্রতি প্রত্যর্পণ করে, (এমন) নহে যে, পরে তাহারা সে বিষয়ে তুল্য হইবে; অবশেষে তাহারা কি ঈশ্বরের দানকে অগ্রাহ করে ‡? ৭১। এবং পরমেশ্বর তোমাদের নিমিত্ত তোমাদের জাতি হইতে স্ত্রীগণকে সৃষ্টি করিয়াছেন, এবং তোমাদের নিমিত্ত তোমাদিগের স্ত্রীগণ হইতে পুত্রগণকে ও পৌত্রগণকে সৃজন করিয়াছেন, এবং বিস্তৃত বস্তু সকল হইতে তোমাদিগকে উপজীবিকা দিয়াছেন;

\* শ্লেষ্মাদি রোগে মধু ঔষধ বা ঔষধের অনুপানরূপে ব্যবহৃত হইয়া থাকে। একদা এক ব্যক্তি হজরতের নিকটে আসিয়া নিবেদন করিয়াছিল যে, “প্রেরিত মহাপুরুষ, আমার ভ্রাতা উদরের বেদনায় আর্তনাদ করিতেছে।” হজরত বলিলেন, “তাহাকে মধুপান করাও।” পুনঃ পুনঃ কয়েক বার মধুপান করাইলে পর সে সম্পূর্ণ আরোগ্য লাভ করে। মধু যেরূপ বাহ্য রোগ সকলের আরোগ্যজনক ঔষধ, তদ্রূপ কোর্-আন্ আন্তরিক পীড়ার ঔষধ। প্রথমোক্ত ঔষধ শারীরিক রোগ নষ্ট করে, শেষোক্ত ঔষধ আন্তরিক রোগের প্রতীকারক। এ বিষয়ে যাহারা চিন্তা করে, তাহাদের জ্ঞান নিদর্শন সকল আছে। মধুমক্ষিকার প্রকৃতি ঈশ্বরের একটি আশ্চর্য্য ক্রিয়া। তাহারা প্রত্যাদেশ ভিন্ন জীবন ধারণ করে না। জ্ঞানময় শক্তিময় ঈশ্বর দ্বারা পরিচালিত হইয়া সেই ক্ষুদ্র দুর্বল জীব কেমন জ্ঞান কৌশলের কার্য্য সকল করে। কখনও মধুমক্ষিকা তাঁহার আজ্ঞার বিরুদ্ধ পথে চলে না, তাহারা আশ্চর্য্য মধু প্রদান করে, বিস্তৃত বস্তু আহাৰ করিয়া থাকে, অবিশ্রান্ত পরিশ্রম করিয়া থাকে, স্বীয় দলপতির অবাধ্য হয় না, বহু ক্রোশের পথ চলিয়া গিয়াও পুনর্বার গৃহে ফিরিয়া আইসে; তাহারা ষট্-কোণ গৃহ সকলে যে শিল্পনৈপুণ্যের পরিচয় দিয়া থাকে, পৃথিবীর সমুদায় স্থনিপুণ শিল্পী একত্র হইয়া যত্ন করিলেও, সেরূপ করিতে পারে কি না সন্দেহ। যেমন মধুদ্বারা বাহ্যিক রোগের উপশম হয়, সেইরূপ মধুমক্ষিকার প্রকৃতি আলোচনা দ্বারা আন্তরিক রোগ যে অজ্ঞানতা, তাহা দূরীভূত হয়। (ত, হো,)

+ নিকৃষ্টতর জীবন বার্দ্ধক্য, অর্থাৎ যখন তোমাদের কেহ বৃদ্ধ হইবে, তখন বালকের অবস্থা প্রাপ্ত হইয়া অনেক বিষয় বিস্মৃত হইয়া যাইবে। (ত, হো,)

‡ হজরত মোহাম্মদ বলিয়াছেন যে, যখন কোন দাস তাহার প্রভুর জন্ত অন্ন বাজনাদি প্রস্তুত করে, তখন তাহাকে অগ্নির উত্তাপ ও ধূমের ক্লেশ সহ্য করিতে হয়; প্রভুর উচিত যে, ভোজন করিবার সময় তাহাকে সঙ্গে বসাইয়া ভোজন করেন, অথবা তাহার মুখে দুই চারি গ্রাস অর্পণ করেন। (ত, হো,)

অনন্তর তাহারা কি অসত্যের প্রতি বিশ্বাস স্থাপন করিতেছে, এবং তাহারা ঈশ্বরের দানসম্বন্ধে অধর্ম করিতেছে \* ? ৭২। + এবং তাহারা ঈশ্বরকে ছাড়িয়া সেই বস্তুর অর্চনা করে, যে তাহাদিগকে আকাশ ও ভূমি হইতে কিছুই জীবিকা-দানে অধিকারী নহে, এবং ক্ষমতা রাখে না। ৭৩। অনন্তর ঈশ্বরসম্বন্ধে উপভ্রাস সকল বলিও না, † নিশ্চয় ঈশ্বর অবগত আছেন ও তোমরা অবগত নহ। ৭৪। ঈশ্বর এক ক্রীতদাসের আখ্যায়িকা ব্যক্ত করিলেন যে, সে কোন বিষয়ে ক্ষমতা রাখে না, এবং যে ব্যক্তিকে আমি উত্তম উপজীবিকা দান করিয়াছি, পরে সে তাহা হইতে প্রকাশে ও গোপনে ব্যয় করে, তাহারা কি তুল্য হয় ? ঈশ্বরেরই সম্যক প্রশংসা, বরং তাহাদের অনেকেই জ্ঞাত নহে ‡। ৭৫। এবং ঈশ্বর দুই ব্যক্তির আখ্যায়িকা ব্যক্ত করিলেন, তাহাদের এক জন মুক, সে কোন বিষয়ে ক্ষমতা রাখে না, এবং সে তাহার প্রভুর উপর ভারস্বরূপ, তাহাকে যে স্থানে প্রেরণ করা হয়, সে তথা হইতে কোন কল্যাণ আনয়ন করে না ; সে ও যে ব্যক্তি ঞ্চায়ানুসারে আদেশ করে, সে, ( এই দুইয়ে ) কি তুল্য ? সে সরল পথে আছে §। ৭৬। ( র, ১০, আ, ৬ )

এবং স্বর্গ ও মর্ত্যের গুপ্ত (তত্ত্ব) ঈশ্বরেরই ও কেয়ামতের কার্য চক্ষুর নিমেষ ভিন্ন নহে, অথবা তাহা নিকটতম ; নিশ্চয় ঈশ্বর সমুদায় বিষয়ের উপরে ক্ষমতাশালী। ৭৭। এবং ঈশ্বরই তোমাদিগকে তোমাদের মাতৃগণের গর্ভ হইতে বাহির করেন, তোমরা কিছুই জানিতে না ; তিনি তোমাদের জন্ম চক্ষু ও কর্ণ ও অন্তর সকল সৃষ্টি করিয়াছেন, যেন তোমরা কৃতজ্ঞ হও ¶। ৭৮। তাহারা কি আকাশমণ্ডলে বিধৃত পক্ষীদিগের

\* অর্থাৎ তাহারা প্রতিমা সকল হইতে উপকার প্রাপ্ত হইয়াছে বলিয়া স্বীকার করে। যথা, প্রতিমা রোগ হইতে মুক্ত করিয়াছে, পুত্র দান ও ধন দান করিয়াছে, এইরূপ তাহারা অনেক অসত্য কথা বলিয়া থাকে। কিন্তু প্রতিমাদিগের কিছুই দান করিবার ক্ষমতা নাই, তাহারা কৃতজ্ঞতার পাত্রও নহে। ( ত, কা, )

+ অংশিবাদী লোকেরা বলে যে, ঈশ্বরই কর্তা, পুত্রলিঙ্গাণ তাহারই নিয়োজিত কর্মচারী, এজন্য আমরা তাহাদের অর্চনা করিয়া থাকি। ইহা মিথ্যা কথা, ঈশ্বর সমুদায় কার্য স্বয়ং করেন, কাহারও প্রতি তিনি কার্যের ভার অর্পণ করেন নাই। ( ত, কা, )

‡ অর্থাৎ প্রভু যাহাকে ইচ্ছা হয়, তাহাকে দান করিতে পারেন ; কিন্তু কোন প্রতিমার কোন বস্তুর উপর প্রভুত্ব নাই। ( ত, কা, )

§ যথা ঈশ্বরের দুই ভৃত্য, এক মুক, সে অকর্মণ্য, কথা কহিতে পারে না। দ্বিতীয় প্রেরিতপুত্র, যিনি সহস্র সহস্র লোককে ঈশ্বরের পথ প্রদর্শন করেন, এবং তাহারই দাসত্বে নিবৃত্ত। এ দুয়ের মধ্যে কে ভাল ? ( ত, কা, )

¶ অর্থাৎ অনেকে উপজীবিকার ভাবনার ধর্মগ্রহণে সঙ্কুচিত হইতেছিল ; তাহাতেই এই আদেশ হইল যে, কেহ মাতৃগর্ভ হইতে কিছুই সঙ্গে করিয়া আনয়ন করে নাই, ঈশ্বরই উপার্জনের উপায় চক্ষু, কর্ণ, মন-ইত্যাদি প্রদান করিয়া থাকেন। ( ত, কা, )

প্রতি দৃষ্টি করিতেছে না? ঈশ্বর ভিন্ন অল্প ( কেহ ) তাহাদিগকে ধারণ করে না, যাহারা বিশ্বাস করে, সেই দলের জন্ত নিশ্চয় ইহাতে নিদর্শন সকল আছে। ৭২। এবং ঈশ্বরই তোমাদের গৃহ সকল দ্বারা তোমাদের জন্ত বাসস্থান করিয়াছেন, এবং তোমাদের জন্ত পশুচর্ষ দ্বারা আলায় সকল করিয়াছেন, স্বীয় পর্যটনের দিনে ও স্বীয় অবস্থিতির দিনে তোমরা তাহা লঘু বোধ করিয়া থাক, এবং তিনি উষ্ট্র, মেষ ও ছাগরোম দ্বারা সাময়িক গৃহসামগ্রী ও বাণিজ্যদ্রব্য করিয়াছেন। ৮০। এবং ঈশ্বর যাহা সৃষ্টি করিয়াছেন, তাহা হইতে তিনি তোমাদের জন্ত ছায়া সকল উৎপাদন করিয়াছেন ও তোমাদের জন্ত পর্বতের গহ্বর সকল করিয়াছেন; এবং উষ্ণতা হইতে তোমাদিগকে রক্ষা করিতে তোমাদের জন্ত পরিচ্ছদ সকল করিয়াছেন ও ( যুদ্ধের ) কষ্ট হইতে তোমাদিগকে রক্ষা করিতে তোমাদের জন্ত পরিচ্ছদ সকল করিয়াছেন। এই প্রকারে তোমাদিগের সম্বন্ধে তিনি আপন দান পূর্ণ করিয়াছেন, যেন তোমরা অনুগত হও \*। ৮১। অনন্তর যদি তাহারা বিমুখ হয়, তবে, (হে মোহম্মদ,) তোমার প্রতি স্পষ্ট প্রচার করা বৈ নহে। ৮২। তাহারা ঈশ্বরের দান বুঝিতেছে, অতঃপর তাহা অগ্রাহ করিতেছে, তাহাদের অধিকাংশই ধর্মদ্রোহী। ৮৩। ( র, ১১, আ, ৭ )

এবং যে দিন আমি প্রত্যেক মণ্ডলী হইতে সাক্ষী সমুখাপন করিব, তৎপর সেই দিন যাহারা ধর্মদ্রোহী হইয়াছে, তাহাদিগকে অনুমতি দেওয়া যাইবে না, এবং তাহারা ( ঈশ্বরের প্রসন্নতাতে ) প্রত্যাভিত হইবে না †। ৮৪। এবং যখন অত্যাচারিগণ শাস্তি দেখিবে, তখন তাহাদিগ হইতে ( তাহা ) খর্ব করা যাইবে না, এবং তাহারা অবকাশ প্রাপ্ত হইবে না। ৮৫। এবং যাহারা অংশী স্থাপন করিয়াছে, তাহারা যখন স্বীয় অংশীদিগকে দেখিবে, তখন বলিবে, “হে আমাদের প্রতিপালক, তোমাকে ছাড়িয়া আমরা যাহাদিগকে আহ্বান করিতেছিলাম, ইহারাই আমাদের সেই অংশী;” পরে উহারা তাহাদের প্রতি এই বাক্য স্থাপন করিবে যে, “নিশ্চয় তোমরা মিথ্যাবাদী”। ৮৬। এবং তাহারা সেই দিন ঈশ্বরোদ্দেশে সন্মিলন স্থাপন করিবে ও তাহারা যাহা বন্ধন ( অংশী স্থাপনাদি ) করিতেছিল, তাহাদিগ হইতে তাহা হারাইয়া যাইবে। ৮৭। এবং যাহারা ধর্মদ্রোহী হইয়াছে ও ( লোকদিগকে ) ঈশ্বরের পথ হইতে নিবৃত্ত করিয়াছে, তাহারা যে অত্যাচার করিতেছিল, তজ্জন্ত আমি তাহাদিগকে শাস্তির উপর অধিক

\* আরব উচ্চপ্রধান দেশ, উখায় শীতের অভাব বলিয়া শীতনিবারণোপযোগী বস্ত্রের উল্লেখ হয় নাই। ( ত, হো, )

† সেই পুনরুত্থানের দিনে এক এক মণ্ডলীর সাক্ষী এক এক জন প্রেরিতপুরুষ হইবেন। কাকেরদিগকে অনুমতি দেওয়া যাইবে না, অর্থাৎ ক্ষমা প্রার্থনার জন্ত বা পৃথিবীতে প্রতিগমনের নিমিত্ত অনুমতি দান করা হইবে না; এবং তোমরা ঈশ্বরকে প্রসন্ন কর, অর্থাৎ সৎকার্য্য কর, তাহা হইলে তিনি প্রসন্ন হইবেন, এই কথা বলিয়াও তাহাদিগকে আহ্বান করা যাইবে না। ( ত, হো, )

শান্তি দান করিব \*। ৮৮। এবং যে দিন আমি প্রত্যেক মণ্ডলীর মধ্যে তাহাদের প্রতি তাহাদের জাতি হইতে সাক্ষী দণ্ডায়মান করিব, সেই দিন তোমাকেও উহাদের উপরে সাক্ষিরূপে আনয়ন করিব ; প্রত্যেক বিষয় বর্ণনার জন্ত এবং মোসলমানদিগের নিমিত্ত সুসংবাদ দান ও দয়া ও পথপ্রদর্শনের জন্ত, তোমার প্রতি আমি গ্রন্থ অবতারণ করিয়াছি। ৮৯। ( র, ১২, আ, ৬ )

নিশ্চয় ঈশ্বর স্বর্গের প্রতি দান, উপকার ও ন্যায়াচরণ করিতে আদেশ করিতেছেন, এবং নিলজ্জতা ও অবৈধ কর্ম ও অবাধ্যতাসম্বন্ধে নিষেধ করিয়া থাকেন ; তিনি তোমাдиগকে উপদেশ দান করেন, যেন তোমরা উপদেশ গ্রহণ কর। ৯০। এবং যখন তোমরা অঙ্গীকার কর, তখন ঈশ্বরসম্বন্ধীয় অঙ্গীকার পূর্ণ করিও ও শপথকে তাহা দৃঢ় করিবার পর ভঙ্গ করিও না ; নিশ্চয় তোমরা পরমেশ্বরকে আপনাদের সম্বন্ধে প্রতিভূ করিয়াছ, তোমরা যাহা করিতেছ, একান্তই ঈশ্বর তাহা অবগত হন। ৯১। এবং সেই (নারীর) সদৃশ হইও না, যে আপনার সূত্রকে তাহা দৃঢ় হওয়ার পর খণ্ড খণ্ড করিয়াছে ; তোমরা আপনাদের শপথকে আপনাদের মধ্যে প্রবেশ করাইতেছ, যাহাতে তোমরা (এমন) এক মণ্ডলী হও যে, তাহা (অন্ত) মণ্ডলী হইতে বৃহৎ হয়। † ঈশ্বর তোমাдиগকে এতদ্বারা পরীক্ষা করেন বৈ নহে, এবং তোমরা যে বিষয়ে বিরুদ্ধাচরণ করিতেছ, অবশ্য কেয়ামতের দিনে তিনি তাহা বর্ণন করিবেন। ৯২। এবং যদি ঈশ্বর ইচ্ছা করিতেন, তবে অবশ্য তিনি তোমাдиগকে একমাত্র মণ্ডলী করিতেন ; কিন্তু তিনি যাহাকে ইচ্ছা হয়, পথপ্রদর্শন করেন ও যাহাকে ইচ্ছা হয়, পথ প্রদর্শন করিয়া থাকেন। তোমরা যাহা করিতেছিলে, অবশ্য তদ্বিষয়ে জিজ্ঞাসিত হইবে। ৯৩। এবং তোমরা আপনাদের শপথকে পরস্পরের মধ্যে প্রবেশ করাইও না, অনন্তর তাহা দৃঢ় হওয়ার পর পদস্থলন হইবে ; এবং তোমরা

\* অধিক শান্তি এই যে, ভয়ানক বিষধর ও বৃহদাকার বৃশ্চিক সকল কাফেরদিগের প্রতি প্রেরিত হইবে ; তাহারা চাহিবে যে, পলায়ন করিয়া অগ্নিমধ্যে যাইয়া লুকায়িত হয়। পুনশ্চ কথিত আছে যে, দ্রবীভূত জলস্ত ধাতুর পাঁচটি নদী তাহাদিগের দিকে প্রবাহিত হইবে। তাহারা সেই অগ্নিময় ধাতু-নিঃস্রবে ক্রমে ক্রমে জড়িত হইয়া ভয়ানক যাতনা পাইবে। ( ত, হো, )

† আরব দেশে রায়তা নামী এক নারী ছিল, সেই নারী প্রতিদিন প্রাতঃকাল হইতে অর্দ্ধরজনী পর্যন্ত পশুরোম দ্বারা সূত্র প্রস্তুত করিত। তাহার অনেক দাসী ছিল, তাহারাও অনবরত ইহাই করিত ; অর্দ্ধযামিনী অস্ত্রে রায়তার আদেশে দাসীগণ সূত্র সকলকে ছিন্নভিন্ন করিয়া রাখিত। পরমেশ্বর কোন প্রতিজ্ঞা করিয়া তাহা ভঙ্গ করাকে, সূত্র প্রস্তুত করিয়া তাহা ছিন্ন করার সঙ্গে তুলনা করিয়াছেন। অর্থাৎ তিনি বলিতেছেন, যেমন সেই নির্বোধ স্ত্রী সূত্র পাকাইয়া পরে নষ্ট করিত, তদ্রূপ তোমরা প্রতিজ্ঞা করিয়া ভঙ্গ করিও না। জ্ঞানবান্ লোকের উচিত যে, প্রতিজ্ঞার সূত্রকে ছিন্ন না করেন। তোমরা অন্ত মণ্ডলীকে অর্থাৎ কোরেশসম্প্রদায়কে ধনবলে মোসলমানগণ অপেক্ষা প্রবল দেখিয়া, ছল কৌশলে স্বার্থ সাধন করিয়া তাহাদিগ হইতে প্রবল হইতে চাহিতেছ, এবং অঙ্গীকার করিয়া অঙ্গীকারের অঙ্গাচরণ করিতেছ, ইহা উচিত নহে। ( ত, হো, )



যে ( লোকদিগকে ) ঈশ্বরের পথ হইতে নিবৃত্ত করিয়াছে, তজ্জন্ত শাস্তি ভোগ করিবে ও তোমাদের জন্ত মহাশাস্তি আছে। ৯৪। এবং তোমরা ঈশ্বরের অঙ্গীকারের বিনিময়ে অল্প মূল্য ( পার্থিব বস্তু ) গ্রহণ করিও না ; যদি জান, তবে নিশ্চয় ঈশ্বরের নিকটে যাহা আছে, তাহা তোমাদের জন্ত কল্যাণ। ৯৫। তোমাদের নিকটে যাহা আছে, তাহা বিনাশ পাইবে ও ঈশ্বরের নিকটে যাহা আছে, তাহা অবিনশ্বর ; এবং যাহারা ধৈর্য্য ধারণ করিয়াছে, অবশ্য আমি তাহাদিগকে, তাহারা যাহা করিতেছিল, তাহাদের সেই কল্যাণের অমুরূপ বিনিময় পুরস্কার দিব। ৯৬। যে ব্যক্তি সংকল্প করিয়াছে, সে পুরুষ হউক বা নারী হউক, সে বিশ্বাসী ; অনন্তর অবশ্য আমি তাহাকে বিশুদ্ধ জীবনে জীবিত করিব,\* এবং অবশ্য আমি তাহাদিগকে, তাহারা যাহা করিতেছিল, সেই কল্যাণের অমুরূপ বিনিময় পুরস্কার দিব। ৯৭। অনন্তর যখন তুমি কোর-আন্ পাঠ কর, তখন নিস্তাড়িত শয়তান হইতে ঈশ্বরের নিকটে আশ্রয় প্রার্থনা করিও। ৯৮। যাহারা বিশ্বাস স্থাপন করিয়াছে ও স্বীয় প্রতিপালকের প্রতি নির্ভর করিতেছে, তাহাদের উপরে নিশ্চয় তাহার পরাক্রম নাই। ৯৯। যাহারা তাহাকে প্রেম করে ও সেই যাহারা তাঁহার ( ঈশ্বরের ) সন্ধে অংশী নির্ধারণ করে, তাহাদের প্রতি ভিন্ন তাহার পরাক্রম নাই। ১০০। ( র, ১৩, আ, ১১ )

এবং যখন আমি কোন আয়তের স্থানে কোন পরিবর্তন করি, তখন তাহারা বলে, তুমি, ( হে মোহম্মদ, ) রচনাকারী, এতদ্ভিন্ন নহ ; যাহা অবতারণ করেন, ঈশ্বর তদ্বিষয়ে উত্তম জ্ঞাত, বরং তাহাদের অধিকাংশই জানে না। ১০১। বল, যাহারা বিশ্বাস স্থাপন করিয়াছে, তাহাদিগকে দৃঢ় করিতে ও মোসলমানদিগের জন্ত সুসংবাদ ও পথ প্রদর্শন করিতে, পবিত্রাত্মা তোমার প্রতিপালক হইতে সত্যভাবে তাহা অবতারণ করিয়াছেন। ১০২। এবং সত্য সত্যই আমি জানি, তাহারা বলিয়া থাকে যে, তাহাকে মনুষ্যে শিক্ষা দান করে, এতদ্ভিন্ন নহে ; যাহার প্রতি তাহারা আরোপ করে, তাহার ভাষা আজমী এবং এই ভাষা স্পষ্ট আরবী ॥ ১০৩। নিশ্চয় যাহারা ঈশ্বরের নিদর্শন

\* কেয়ামতে উত্তম জীবনে জীবিত করিব, অথবা ইহলোকে ঈশ্বরের প্রেমানন্দে জীবিত রাখিব। ( ত, ফা, )

† ঈশ্বর অনেক উক্তির খণ্ডন করিয়াছেন। তাহাতে কাফেরগণ সন্দেহ করে, এই বাক্য তাহার উত্তর প্রকাশ পাইয়াছে। অর্থাৎ তিনি সকল সময়ে সময়োপযোগী আদেশ করেন, তাহাতে বিশ্বাসীদিগের মনে বল বৃদ্ধি হয় ও তাহাদের এই দৃঢ় সংস্কার হয় যে, আমার প্রভু সকল অবস্থারই তত্ত্ব রাখেন। ( ত, ফা, )

‡ অর্থাৎ যাহারা বিশ্বাসী, এই বাক্য সত্য বলিয়া তাহাদের দৃঢ় বিশ্বাস হয়। যখন তাঁহারা খণ্ডনের বাণী শ্রবণ করেন ও তন্মধ্যে যে সদ্দেহ ও শুভাভিপ্রায় ও কৌশল আছে, হৃদয়ঙ্গম করেন, তখনও তাঁহাদের মন শাস্তি লাভ করে। ( ত, হো, )

। খজমীর পুত্র আমোরের খবরনামক এক দাস ছিল। কেহ কেহ বলে যে, খবর ও ইসার নামক

সকলে বিশ্বাস করে না, ঈশ্বর তাহাদিগকে পথ প্রদর্শন করেন না, এবং তাহাদের জন্ত দুঃখজনক শাস্তি আছে। ১০৪। ঈশ্বরের নিদর্শন সকলের প্রতি যাহারা বিশ্বাস করে না, তাহারা অসত্য বন্ধন করে, এতদ্বিন্ন নহে, এবং এই তাহারাই মিথ্যাবাদী। ১০৫। যে ব্যক্তি উৎপীড়িত ও যাহার অন্তর বিশ্বাসেতে বিশ্রাম-প্রাপ্ত, সে ব্যতীত যে জন স্বীয় বিশ্বাস-লাভের পর ঈশ্বর সম্বন্ধে বিদ্রোহী হয়, ( সে কাফের থাকে ; ) কিন্তু যাহারা ধর্ম-দ্রোহিতায় বক্ষঃস্থল প্রসারিত করে, পরে তাহাদের প্রতি ঈশ্বরের ক্রোধ হয়, এবং তাহাদের জন্ত মহা শাস্তি আছে \*। ১০৬। ইহা এজ্ঞ যে, তাহারা পরলোক অপেক্ষা পার্থিব জীবনকে অধিকতর প্রেম করিয়াছে ; নিশ্চয় ঈশ্বর ধর্মদ্রোহিদলকে পথ প্রদর্শন করেন না। ১০৭। ইহারাই তাহারা, ঈশ্বর তাহাদিগের অন্তরে, তাহাদের কর্ণে, তাহাদের নেত্রে মোহর ( আবরণ স্থাপন ) করিয়াছেন, এবং ইহারাই তাহারা যে অজ্ঞান। ১০৮। নিঃসন্দেহ যে, তাহারা ইহ পরলোকে ক্ষতিগ্রস্ত। ১০৯। অতঃপর উৎপীড়িত হওয়ার পরে যাহারা দেশ ত্যাগ করিয়াছে, অতঃপর ধর্মযুদ্ধ ও ধৈর্য্য ধারণ করিয়াছে, নিশ্চয় ( হে মোহম্মদ, ) তোমার প্রতিপালক তাহাদেরই ; এবং নিশ্চয় তোমার প্রতিপালক ইহার পরে ক্ষমাশীল ও দয়ালু †। ১১০। ( র, ১৪, আ, ১০ )

ঈসায়ী ও ইহুদি দুই দাস ছিল, তাহারা সর্বদা বাইবেল ও তওরাত অধ্যয়ন করিত ; যখন হজরত তাহাদের নিকটে যাইতেন, তখন তাহাদের পাঠ শ্রবণ করিতেন। কেহ কেহ বলে যে, খণ্ডিতব নামক ব্যক্তির একজন দাস ছিল, সে কখন কখন হজরতের নিকটে রজনীযোগে আগমন করিয়া কোর্-আন্ শিক্ষা করিত। কোরেশগণ বলে, মোহম্মদ তাহার নিকটে বাক্য শিক্ষা করিয়া আমাদের বুলিয়া থাকে। তাহারই উত্তরস্থলে এই আয়ত অবতীর্ণ হয়। অর্থাৎ দাসের সামান্ত আজমী ভাষা, হজরত অত্যুৎকৃষ্ট আরব্য ভাষায় প্রবচন সকল বলিয়াছেন। ( ত, হো, )

\* হজরত পুতুলপূজা অগাধ করিলে, কোরেশগণ দুঃখী নিরাশ্রয় বিশ্বাসী বেলাল, খোকাব, এমার ও তাহার পিতা ইয়ামর এবং মাতা ওম্মিয়ার প্রতি উৎপীড়নে প্রবৃত্ত হয়। তাহাদিগকে পৌত্তলিক ধর্মে প্রবৃত্ত করিবার জন্ত বিধম যন্ত্রণা দান করে ; কিন্তু তাহারা আপনাদের অবগণিত পথে স্থির থাকিয়া কোরেশদিগের উৎপীড়ন সহ করেন। এমন কি, এমারের জনক জননী সেই অত্যাচারে প্রাণত্যাগ করিয়াছিলেন। কিন্তু এমার শারীরিক দুর্বলতা ও অক্ষমতাবশতঃ অত্যাচারবহনে অক্ষম হইয়া অত্যাচারীদিগের মতে সম্মতিদানপূর্বক বলে যে, আমি তোমাদের দেবতার প্রতি বিশ্বাসী হইলাম। তখন হজরতের নিকটে সংবাদ পৌঁছিল যে, এমার স্বীয় ধর্ম পরিত্যাগ করিয়া কাফেরদিগের পদ্ধতি অবলম্বন করিয়াছে। তিনি বলিলেন, “তাহা নহে, এমারের আপাদমস্তক বিশ্বাসে পূর্ণ, বিশ্বাস তাহার রক্তমাংসের মধ্যে মিশ্রিত হইয়াছে ;” অর্থাৎ তাহার অন্তরে বিশ্বাস এরূপ বদ্ধমূল হইয়াছে যে, তাহা কথোতে টলিবার নহে। অতঃপর এমার কাঁদিতে কাঁদিতে হজরতের নিকটে উপস্থিত হয়। হজরত স্বহস্তে তাহার অশ্রুমোচন করিয়া তাহাকে আশ্বাস-বাক্যে প্রবোধ দেন। এবং খলনন তামা মকিশ প্রভৃতি বিশ্বাস-লাভের পর কাফের হইয়াছিল। ( ত, হো, )

† মক্কাতে কোন ব্যক্তি কাফেরদিগের উৎপীড়নে একান্ত অসহমান হইয়া ধর্মবিরুদ্ধ কথা উচ্চারণ করিয়াছিল। তৎপর যখন অনেক ধর্মামুষ্ঠান করিল, তখন তাহার অপরাধ মার্জনা হয়। এমার

সেই দিনে যে প্রত্যেক ব্যক্তি নিজের জীবনসম্বন্ধে বিবাদ করতঃ উপস্থিত হইবে, \* এবং যাহা তাহারা অনুষ্ঠান করিয়াছে, সকল ব্যক্তিকেই তাহার পূর্ণ ( বিনিময় ) দেওয়া যাইবে ও তাহারা অত্যাচারিত হইবে না। ১১১। এবং ঈশ্বর এক গ্রামের বৃত্তান্ত বর্ণন করিলেন, তাহা সুখশান্তিযুক্ত ছিল, তাহার উপজীবিকা সচ্ছলরূপে সকল স্থান হইতে তথায় আসিত ; অনন্তর ( সেই গ্রাম ) ঈশ্বরের দান সকলসম্বন্ধে অধর্মাচরণ করিল, সে যাহা করিতেছিল, তজ্জন্ম পরে পরমেশ্বর তাহাকে ক্ষুধা ও ভীতিরূপ পরিচ্ছদের স্বাদ গ্রহণ করাইলেন †। ১১২। এবং সত্য সত্যই তাহাদের মধ্য হইতে তাহাদের নিকটে প্রেরিতপুরুষ উপস্থিত হইয়াছে, অনন্তর তাহারা তাহার প্রতি অসত্যারোপ করিয়াছে, পরে শাস্তি তাহাদিগকে আক্রমণ করিয়াছে ; তাহারা অত্যাচারী হইয়াছিল। ১১৩। অনন্তর ঈশ্বর যে বৈধ ও শুদ্ধ সামগ্রী তোমাদিগকে জীবিকা দান করিয়াছেন, তোমরা তাহা ভক্ষণ কর, এবং যদি তোমরা তাহাকে অর্চনা করিতেছ, তবে ঈশ্বরের দানের কৃতজ্ঞতা দান কর ‡। ১১৪। তোমাদের সম্বন্ধে শব, শোণিত, বরাহমাংস এবং যাহার উপর ঈশ্বর ভিন্ন ( অন্ত দেবতার ) নাম গৃহীত হইয়াছে, এতদ্ভিন্ন অবৈধ নহে ; পরন্তু যে ব্যক্তি (ক্ষুধায়) কাতর হইয়া পড়ে, অমিতাচারী ও অত্যাচারী নয়, (তাহার পক্ষে সে সকল বৈধ ; ) অপিচ নিশ্চয় ঈশ্বর ক্ষমাশীল, দয়ালু। ১১৫। এবং তোমরা ঈশ্বরের প্রতি অসত্যা-

নামক একজন সম্ভ্রান্ত লোকের পিতা ইয়াসর ও মাতা ওস্মিয়া অত্যাচারে প্রাণত্যাগ করিয়াছিল ; কিন্তু এমার প্রাণের ভয়ে কাফেরদিগের অভিমত বাক্য উচ্চারণ করে। তৎপর অনুতাপিত হইয়া হজরতের নিকটে উপস্থিত হয়। তদুপলক্ষে এই কয়েক আয়ত অবতীর্ণ হয়। ( ত, ফা, )

\* নিজের জীবনসম্বন্ধে বিবাদ করা, অর্থাৎ স্বীয় চরিত্রকে ভংসনা করা ;—যথা, প্রত্যেক পাপী বলিবে যে, কেন পাপ করিলাম, এবং সাধু বলিবেন যে, কেন অধিকতর পুণ্য উপার্জন করি নাই, অথবা প্রত্যেক ব্যক্তি স্বীয় জীবনকে মুক্ত করিবার জন্ত চেষ্টা ও সংগ্রাম করিবে। ( ত, হো, )

† অর্থাৎ ঈশ্বর একরূপ করিলেন যে, গ্রামবাসিগণ ক্ষুধা ও ভয়ের যাতনা ভোগ করিল। কথিত আছে যে, মক্কাবাসীদিগের সম্বন্ধে এই প্রসঙ্গ হইয়াছে। তাহারা হত্যাকাণ্ড লুণ্ঠনাদি বিষয়ে নিরাপদ ছিল, সুখে স্বচ্ছন্দে জীবন কাটাইতেছিল। যখন তাহারা প্রেরিত মহাপুরুষ মোহম্মদের বিরোধী হইল, তখনই ঈশ্বর সচ্ছলতা দূর করিয়া তাহাদের মধ্যে দুর্ভিক্ষ প্রেরণ করিলেন। সাত বৎসর পর্যন্ত মহা দুর্ভিক্ষ ছিল, লোকে ক্ষুধায় নিপীড়িত হইয়া শব ভক্ষণ ও রক্ত পান করিয়াছিল। হজরতের অভিসম্পাতেই একরূপ হইয়াছিল। অপিচ তাহাদের নিশ্চিন্ততা ভয়েতে পরিণত হয়, অর্থাৎ তাহাদের মনে মোসলমানদিগের ভয় একরূপ প্রবল হয় যে, তাহারা দেশ ত্যাগ করিয়া চলিয়া যাইতে বাধ্য হইয়াছিল। স্বীয় জীবন ও সম্পত্তিসম্বন্ধে তাহারা নিরাপদ ছিল না। “ক্ষুধা ও ভীতিরূপ পরিচ্ছদের স্বাদ গ্রহণ করাইলেন” অর্থাৎ ক্ষুধা ও ভয়কে তাহাদের দেহে সংলগ্ন করিলেন।

‡ কোরেশ নারীগণ হজরতের নিকটে কোন ব্যক্তিকে পাঠাইয়া নিবেদন করিয়াছিল যে, আমাদের স্বামিগণ আপনার সঙ্গে শত্রুতা করিয়াছে, মক্কাবাসী স্ত্রীলোক ও বালক বালিকার কি অপরাধ যে, তাহারা দুর্ভিক্ষে ওষ্ঠাগতপ্রাণ হইল ? তখন হজরত কিছু খাদ্য সামগ্রী মক্কার উপস্থিত করিতে আদেশ করেন। তাহাতে এই আয়ত অবতীর্ণ হয়। ( ত, হো, )

রোপ করিতে, তোমাদের রসনা যাহা মিথ্যা বর্ণন করে যে, ইহা বৈধ ও ইহা অবৈধ, তাহা বলিও না; যাহারা ঈশ্বরের প্রতি অসত্যারোপ করিয়া থাকে, তাহারা মুক্তি লাভ করে না। ১১৬। + লাভ অল্প ও তাহাদের জগৎ দুঃখজনক শাস্তি আছে। ১১৭। এবং তোমার প্রতি, (হে মোহম্মদ,) আমি যাহা বর্ণন করিলাম, পূর্বে তাহা ইহুদীদিগের প্রতি অবৈধ করিয়াছিলাম; আমি তাহাদিগের প্রতি অত্যাচার করি নাই, কিন্তু তাহারা স্বীয় জীবনের প্রতি অত্যাচার করিতেছিল \*। ১১৮। যাহারা অজ্ঞানতাবশতঃ দুষ্কর্ম করিয়াছে, তাহার পর পুনঃ প্রত্যাবর্তিত হইয়াছে ও সংকর্ষ করিয়াছে, অবশেষে নিশ্চয় তোমার প্রতিপালক তাহাদিগেরই; সত্যই তোমার প্রতিপালক তদনন্তর ক্ষমাশীল, দয়ালু †। ১১৯। (র, ১৫, আ, ২)

নিশ্চয় এব্রাহিম ঈশ্বরের অগ্রণী সেবক, সে সত্যধর্মে প্রতিষ্ঠিত ছিল, এবং অংশি-বাদীদিগের অন্তর্গত ছিল না ‡। ১২০। সে তাঁহার দানে কৃতজ্ঞ ছিল, তিনি তাহাকে গ্রহণ করিয়াছিলেন, এবং সরল পথের দিকে তাহাকে পথ প্রদর্শন করিয়াছিলেন। ১২১। এবং তাহাকে আমি পৃথিবীতে কল্যাণ দান করিয়াছি ও নিশ্চয় সে পরলোকে সাধুদিগের অন্তর্গত। ১২২। তৎপর আমি তোমার প্রতি প্রত্যাদেশ করিয়াছি যে, তুমি সত্যধর্মে প্রতিষ্ঠিত এব্রাহিমের ধর্মের অনুসরণ কর, এবং সে অংশিবাদীদিগের অন্তর্গত ছিল না। ১২৩। শনিবাসর, যাহারা তদ্বিষয়ে বিরুদ্ধাচরণ করিয়াছে, তাহাদের প্রতি নির্দারিত, এতদ্ভিন্ন নহে; এবং তাহারা যে বিষয়ে বিরুদ্ধাচরণ করিতেছিল, তজ্জগৎ নিশ্চয় তোমার প্রতিপালক কেয়ামতের দিনে তাহাদের মধ্যে আজ্ঞা প্রচার করিবেন §। ১২৪। তুমি

\* সূরা এনামে ইহার বিশেষ বৃত্তান্ত বিবৃত হইয়াছে।

† অর্থাৎ বৈধাবৈধ বিষয়ে কাফেরগণ অসত্য বলিয়াছে; পরে যখন তাহারা মোসলমান হইল, তখন ক্ষমা লাভ করিল। (ত, ফা,)

‡ অর্থাৎ বৈধাবৈধ ও ধর্মপ্রণালীবিষয়ে এব্রাহিমের ধর্মমতই সর্বোৎকৃষ্ট। আরবের লোকেরা আপনাদিগকে এব্রাহিমের মতাবলম্বী বলিয়া থাকে, বাস্তবিক তাহারা তাঁহার পথে নয়; তাহারা ঈশ্বরের অংশী সকল আছে, স্বীকার করে। (ত, ফা,)

সর্বত্র “হনিক” শব্দের অর্থ, সত্যধর্মে প্রতিষ্ঠিত লিখিত হইয়াছে; কাহার কাহার মতে, যাহারা ভ্ৰষ্টা, হস্ত ও অশুচি হইলে স্নান করে, তাহারা “হনিক”।

§ পরমেশ্বর মুসাকে আজ্ঞা করিয়াছিলেন যে, বনিএস্রায়েলকে বল, যেন শুক্রবার দিন সমুদায় কার্য হইতে অবসর গ্রহণ করিয়া পরমেশ্বরের অর্চনা করিতে থাকে। যখন আদেশ তাহাদের মধ্যে প্রচারিত হইল, অল্পসংখ্যক লোক গ্রাহ্য করিল, অধিকাংশ লোকই তাহাতে অসম্মত হইল। তাহাদের মধ্যে বিরোধ ঘটিল। কতক লোক বলিল যে, ঈশ্বর শুক্রবার দিন সৃষ্টিক্রিয়া শেষ করিয়াছেন, আমরা শনিবারকে অবলম্বন করিব; অল্প দল বলিল যে, রবিবারই শ্রেষ্ঠ, সেই দিন সৃষ্টিক্রিয়ার আরম্ভ হয়। পরমেশ্বর শনিবারকে সম্মান করিতে সকলকে বিশেষরূপে বাধ্য করেন। শনিবারসম্বন্ধে এইরূপ সম্মাননা নির্দারিত হয়, যথা, সেই দিন লোকে ব্যবসায় বাণিজ্য করিবে না, কোন কার্যে লিপ্ত হইবে না, সেই দিন উৎসবের দিন হইবে, লোকে কেবল ঈশ্বরের পূজা করিবে। (ত, হো,)

তোমার প্রতিপালকের পথের দিকে বিশুদ্ধ জ্ঞান ও উত্তম উপদেশানুসারে (লোকদিগকে) আহ্বান কর, এবং যাহা উত্তম, তদনুসারে তাহাদের সঙ্গে বিতর্ক কর \*। যে ব্যক্তি তাহার পথ হইতে বিভ্রান্ত হইয়াছে, নিশ্চয় তোমার প্রতিপালক তাহাকে উত্তম জ্ঞাত, তিনি সৎপথপ্রিতদিগকেও উত্তম জ্ঞাত। ১২৫। এবং যদি তোমরা প্রতিশোধ লও, তবে যেরূপ তোমরা উৎপীড়িত হইয়াছ, তদনুরূপ প্রতিশোধ লইও; এবং যদি তোমরা ধৈর্য্য ধারণ কর, তবে উহা ধৈর্য্যশীলদিগের জন্ত কল্যাণ। ১২৬। এবং তুমি সহিষ্ণু হও, তোমার সহিষ্ণুতা ঈশ্বরের (সাহায্য) ব্যতীত নহে ও তাহাদের সম্বন্ধে দুঃখ করিও না, তাহারা যে প্রতারণা করিতেছে, তজ্জন্ত ক্ষুব্ধ থাকিও না। ১২৭। যাহারা ধর্ম্মভীরু হয় ও যাহারা সংকর্ষশীল, নিশ্চয় ঈশ্বর তাহাদের সঙ্গে থাকেন। ১২৮।  
( র, ১৬, আ, ৯ )

## সূরা বনিএশ্রায়েল †

.....

সপ্তদশ অধ্যায়

.....

১১১ আয়ত, ১২ রকু

( দাতা দয়ালু পরমেশ্বরের নামে প্রবৃত্ত হইতেছি । )

তিনি পবিত্র, যিনি কোন রজনীতে স্বীয় দাসকে মস্জিদোল্‌হরাম হইতে সেই দূরতর মস্জিদ পর্যন্ত লইয়া গিয়াছেন, আপন নিদর্শন সকলের ( কিছু কিছু ) তাহাকে দেখাইতে যাহার চতুর্পার্শ্বকে আমি সৌভাগ্যযুক্ত করিয়াছি; নিশ্চয় তিনি শ্রোতা,

\* ত্রিবিধ প্রণালীতে ঈশ্বরের পথে লোকদিগকে আহ্বান করা হইয়া থাকে, বিজ্ঞান, উত্তম উপদেশ ও বিতর্ক। বিজ্ঞান বিশেষ আহ্বানের জন্ত, সহপদেশ সাধারণ সৎপথ-প্রদর্শনের জন্ত, বিতর্ক শত্রুদিগকে পরাস্ত করিবার জন্ত। এই ত্রিবিধ পথ হকিকত, তরিকত, শরিয়ত। সাক্ষাৎ সম্বন্ধে ঈশ্বর হইতে যে সত্য লাভ হয়, তাহা বিজ্ঞানমূলক হকিকত; প্রেরিতপুরুষযোগে যে সত্য লাভ হয়, তাহা সহপদেশমূলক তরিকত; শাস্ত্রীয় নিবেদন বিধি যুক্তি প্রমাণাদি শরিয়ত। ( ত, হো, )

† এই সূরা মক্কাতে অবতীর্ণ হয়।



স্রষ্টা \* ১। এবং আমি মুসাকে গ্রহ দান করিয়াছি ও তাহাকে বনিএশ্রায়েলের জন্ত পথপ্রদর্শক করিয়াছিলাম ; ( বলিয়াছিলাম ) যে, তোমরা আমাকে ছাড়িয়া কোন কার্য-

\* মস্জিদোল্ হরাম হইতে অর্থাৎ কাবার চতুঃসীমার মধ্য হইতে ঈশ্বর কোন রজনীতে হজরতকে দূরতর মস্জিদ বয়তোল্ মোকদ্দেসের নিদর্শন সকল প্রদর্শন করিবার জন্ত লইয়া গিয়াছিলেন। ঈশ্বর বলিতেছেন যে, বয়তোল্ মোকদ্দেসের চতুঃপার্শ্ব শামদেশকে আমি ভাগ্যযুক্ত করিয়াছি। শামদেশ বা কেনানভূমি স্বর্গীয় ও পার্থিব এই দ্বিবিধ সৌভাগ্য লাভ করিয়াছে। প্রথমতঃ উহা প্রত্যাদেশাবতরণভূমি ও ধর্মপ্রবর্তকদিগের সাধনক্ষেত্র, দ্বিতীয়তঃ হরিৎক্ষেত্র ও নদ নদী এবং ফলভারাবনত তরু-রাজিতে তাহা শোভিত। স্বর্গীয় নিদর্শন সকল প্রদর্শন করিবার জন্ত রজনীতে হজরত মোহম্মদ বয়তোল্ মোকদ্দেসে, যাহাকে জেরুজেলম বলে, ঈশ্বর কর্তৃক নীত হইয়াছিলেন। অতি অল্প সময়ের মধ্যে তিনি মক্কা হইতে শামদেশে উপস্থিত হন, এবং বয়তোল্ মোকদ্দেস দর্শন করিয়া ধর্মপ্রবর্তক মহাপুরুষগণের সাক্ষাৎ লাভ এবং তাঁহাদের অবস্থানভূমি ও ছ্যালোকের অনেক অলৌকিক ও আশ্চর্য ব্যাপার সকল অবলোকন করেন। হজরতের এই স্বর্গারোহণকে “মেরাজ” বলে। অধিকাংশ পণ্ডিতের মতে, “মেরাজ” তাঁহার প্রেরিতত্ব-লাভের দ্বাদশ বর্ষে হইয়াছিল; মাসসম্বন্ধে মতভেদ আছে। রবিওল্ আওল্ বা রবিওল্ আখের কিম্বা রমজান অথবা শওয়াল মাসে “মেরাজ” সম্ভব হইয়াছিল। হজরতের মক্কা হইতে বয়তোল্ মোকদ্দেসে গমন কোর্ আন্ অনুসারে প্রমাণিত। যাহারা তাহা বিশ্বাস করে না, তাহারা কাকের। তাঁহার স্বর্গারোহণ ও পরমেশ্বরের সান্নিধ্যলাভ প্রসিদ্ধ হাদিস সকল দ্বারাও প্রমাণিত। অধিকাংশ বিশ্বাসী মোসলমানের মত এই যে, হজরতের স্বর্গারোহণ সশরীরে জাগ্রতাবস্থায় হইয়াছিল। তাঁহার স্থূল শরীর স্বর্গারোহণের প্রতিবন্ধক ছিল, এক্ষণে যাহারা বলে, তাহারা ঈশ্বরের শক্তি ও অলৌকিক ক্রিয়ায় অশিস্বাসী। সেই রাত্রিতে জেরিল এক দল দেবতাসহ আগমন করিয়া পিতৃব্য আবু তালেবের কন্যা ওম্মোহানীর আলম্ব হইতে হজরতকে মস্জিদোল্ হরামে লইয়া যান; তথায় তদীয় বক্ষ বিদীর্ণ ও স্নেহকোষ প্রক্ষালন করার পর, তাঁহাকে বোরাকনামক স্বর্গীয় বাহনে আরোহণ করাইয়া বয়তোল্ মোকদ্দেসে আনয়ন করেন। বয়তোল্ মোকদ্দেসে ধর্মপ্রবর্তক মহাপুরুষ ও দেবগণের সঙ্গে হজরতের সাক্ষাৎ হয়। তিনি বয়তোল্ মোকদ্দেসে স্থাপিত সখ্রানামক বৃহৎ প্রস্তর খণ্ডের উপর হইতে বোরাক বা জেরিলের পক্ষযোগে সোপানে আরোহণ করেন। প্রথম স্বর্গে আদমের সঙ্গে তাঁহার সাক্ষাৎ হয়, দ্বিতীয় স্বর্গে ঈসা ও ইয়হাকে দেখিতে পান, তৃতীয় স্বর্গে ইয়ুসোফকে, চতুর্থ স্বর্গে মুসাকে, সপ্তম স্বর্গে এব্রাহিমকে প্রাপ্ত হন। এই সকল স্থানে তাঁহাদের সঙ্গে তাঁহার বিশেষ আলাপ পরিচয় হয়। তিনি সদরতোল্ মস্তহা, বয়তোল্ মানুর, হওজ্ কওসর ও নহরোরহমত ইত্যাদি পুণ্যস্থান, সরোবর ও নদী দর্শন করেন। হেজ্রাবে মুর অর্থাৎ জ্যোতির আবরণের নিকটে উপস্থিত হইলে, জেরিল তাঁহার সঙ্গে গমনে ক্ষান্ত হন। তথা হইতে তিনি একাকী জ্যোতি ও অন্ধকারের আবরণ ভেদ করিয়া এক স্থানে উপনীত হইলেন যে, বোরাকও গমনে নিবৃত্ত হইল। অনন্তর রফরফনামক এশ্রাকিলের মন্দিরে আরোহণ করিয়া ঈশ্বরের সিংহাসনের সমীপবর্তী হন। তথায় তিনি সহস্র বার “তুমি আমার নিকটে এস,” এই আহ্বানধ্বনি শ্রবণ করেন, এবং সহস্রবার তিনি নব নব উন্নতি প্রাপ্ত হন। তিনি ক্রমে নিকট হইতে নিকটতর ও উচ্চতর পবিত্র স্থান সকল অতিক্রম করিয়া একান্তে ঈশ্বরের সহবাস লাভ করেন। তখন প্রভু ঐ সকল প্রত্যাদেশ করেন, তাঁহার দাস মোহম্মদ তাহা অবগত হন,

সম্পাদক গ্রহণ করিও না। ২।+ যাহাকে আমি মুহার সঙ্গে ( নোঁকায় ) উঠাইয়াছিলাম, তোমরা যে তাহার সন্তান, স্মরণ কর ; নিশ্চয় সে কৃতজ্ঞ দাস ছিল \*। ৩। গ্রন্থে আমি এশ্রায়েলসন্ততিগণের প্রতি আদেশ করিয়াছি যে, অবশ্য তোমরা পৃথিবীতে দুইবার উৎপাত করিবে, এবং অবশ্য তোমরা মহাদুর্দমরূপে দুর্দান্ত হইবে †। ৪। অনন্তর যখন দুইয়ের প্রথম অঙ্গীকার উপস্থিত হইবে, তখন আমি বিষম সংগ্রামকারী স্বীয় দাসগণকে তোমাদের প্রতি প্রেরণ করিব, পরে তাহারা ( তোমাদের ) আলয়ের মধ্যে আসিবে ; ( ঈশ্বরের ) অঙ্গীকার সম্পন্ন হইয়া থাকে ‡। ৫। তৎপর আমি তাহাদের সহক্ষে তোমাদিগের জন্ত পরাক্রম প্রত্যর্পণ করিব, এবং বহু সম্পত্তি ও সন্তান দ্বারা তোমাদিগকে সাহায্য করিব ও তোমাদিগকে লোকবৃদ্ধির অহুসারে বৃদ্ধিশালী করিব §।

নানাপ্রকার আদর ও প্রিয় সম্ভাষণে তিনি সম্মান লাভ করেন। বেহেস্তে ও তাহার ভিন্ন ভিন্ন বিভাগে প্রত্যাগমনকালে নরকের অবস্থা দর্শন করিয়া, আপন মণ্ডলীর অন্তর্গত পরলোক-প্রাপ্ত লোকদিগের জন্ত নমাজরূপ উপহার নির্ধারণ করেন। অতঃপর তিনি বয়তোল্‌মোকদ্দসে ফিরিয়া আইসেন, তথা হইতে মক্কায় যাত্রা করিয়া কোরেশ বণিক্‌দিগকে প্রাপ্ত হন। তিন ঘণ্টায়, কেহ বলেন, চারি ঘণ্টায় এই ভ্রমণ-কার্য শেষ হইয়াছিল। যখন হজরত প্রত্যুমে মেরাজের বৃত্তান্ত বর্ণন করিলেন, তখন বিশ্বাসীরা সত্য বলিয়া গ্রাহ্য করেন, কাফের লোকেরা একান্ত অসম্ভব বলিয়া বয়তোল্‌মোকদ্দসের নিদর্শন প্রার্থনা করে। তখন সেই মসজ্জিদ তাহাদের চক্ষে প্রকাশিত হইয়া পড়িল, তাহারা যে যে নিদর্শন চাহিয়াছিল, সমুদায় পাইল। যে সকল বণিক্ পথে হজরতের সঙ্গী ছিল না, তাহাদিগকে জিজ্ঞাসা করাতে, তাহারা উহা মিথ্যা বলিয়া অগ্রাহ্য করিয়াছিল। তিনি দল্লা ও শ্রোতা, অর্থাৎ তিনি হজরত মোহম্মদকে আপনার নিদর্শন সকলের প্রদর্শক ও স্বীয় বাক্যের শ্রাবয়িতা। (ত. হো,)

\* মহাপুরুষ মুহার এক পুত্রের নাম সাম, মহাপ্রাবনের সময় তিনি মুহার সঙ্গে নোঁকায় আরোহণ করিয়া জীবন রক্ষা করিয়াছিলেন। বনিএশ্রায়েলের পূর্বপুরুষ এব্রাহিম তাঁহারই বংশোৎপন্ন। ঈশ্বর বলিতেছেন, জলপ্রাবন হইতে মুক্তিদানরূপ যে অনুগ্রহ আমি তোমাদের পূর্বপুরুষদিগের প্রতি প্রকাশ করিয়াছিলাম, তাহা স্মরণ করিয়া কৃতজ্ঞতা দান কর। নিশ্চয় সেই মুহা কৃতজ্ঞ ভৃত্য ছিল। বিনীত ভৃত্য পান ভোজন বস্ত্র-পরিধান শয়ন উপবেশন উখান ও যানারোহণাদি সর্বাবস্থায় কৃতজ্ঞতাসহ ঈশ্বরকে স্মরণ করিয়া থাকেন। মুহার সন্তানগণের প্রতি ইহা উদ্ভেজনাশ্লোক বাক্য, যেন তাহারা পূর্বপুরুষের চরিত্রের অনুসরণ করে। যেহেতু কৃতজ্ঞতায় দানের বৃদ্ধি হইয়া থাকে। (ত. হো,)

† ধর্মগ্রন্থ তওরাতে এরূপ লিপি আছে যে, বনিএশ্রায়েল পৃথিবীতে দুইবার উৎপাত করিবে। প্রথম উৎপাত তওরাতের আদেশ অমান্য করা ও আপনাদের প্রেরিতপুরুষ আরমিয়াকে অগ্রাহ্য করা। দ্বিতীয় ইয়হাকে হত্যা করা ও ঈসার হত্যায় উদ্বৃত্ত হওয়া। (ত. হো,)

‡ “স্বীয় দাসগণ” অর্থে আমার সৃষ্ট মনুষ্যগণ বুঝাইবে। উহা বোখতনস্মর অথবা জালুত কিংবা আমলকার দলপতি। মেঘগর্জনের ঞ্চায় তাহাদের শব্দ এবং বিদ্রোহের ঞ্চায় তাহাদের চক্ষু ছিল। তাহারা হত্যা ও লুণ্ঠন করিবার জন্ত বনিএশ্রায়েলের আলায় আক্রমণ করিয়াছিল। (ত. হো,)

§ অর্থাৎ পরে যাহারা তোমাদিগকে হত্যা ও তোমাদের সম্পত্তি লুণ্ঠন করিবে, তোমরা তাহাদিগকে পরাভূত করিতে পারিবে। আমি তোমাদিগকে ধনসম্পত্তি ও সন্তানসন্ততি প্রদান করিব। পূর্বাপেক্ষা তোমাদের লোকসংখ্যা বৃদ্ধি পাইবে। (ত. হো,)

৬। যদি তোমরা সদাচরণ কর, স্বীয় জীবনসম্বন্ধে সদাচরণ করিবে, এবং যদি দুর্কর্ম কর, তবে তাহার নিমিত্ত হইবে; অনন্তর যখন অপর অঙ্গীকার উপস্থিত হইবে, তাহাতে তাহারা তোমাদের মুখমণ্ডলকে বিষণ্ণ করিবে, এবং তাহাতে তাহারা মন্দিরে প্রবেশ করিবে, যেরূপ প্রথমবার উহারা তন্মধ্যে প্রবিষ্ট হইয়াছিল, এবং তাহাতে যাহা বিনিপাত করিতে প্রবল হইবে, তাহা বিনিপাত করিবে \*। ৭। তোমাদের প্রতিপালক তোমাঙ্গিকে দয়া করিতে সত্বর; এবং যদি তোমরা (অবাধ্যতায়) পুনঃ প্রবৃত্ত হও,

\* এ বিষয়ের প্রকৃত ঐতিহাসিক তত্ত্ব এই;—শামদেশ বনিএশ্রায়েলের রাজত্ব যখন সলমান বংশোদ্ভব সদ্দিকা প্রাপ্ত হইলেন, তখন চতুর্দিক হইতে রাজগণের লোভ-দৃষ্টি সেই দেশের প্রতি পড়িল। সদ্দিকা দুর্বল ও নিস্তেজ ছিলেন, তাহা দেখিয়া ভূপতিগণ শামদেশ আক্রমণের উদ্যোগ করিলেন। প্রথমতঃ মোসলের অধিপতি সঞ্জাবির সসৈন্যে অগ্রসর হইলেন; তাহার সংগ্রামযাত্রার পর আজরবায়জানের বাদশাহ সলমা যাত্রা করিলেন। উভয়েই জেরুজেলম অধিকারের প্রার্থী হইয়া পরস্পর যুদ্ধে প্রবৃত্ত হইলেন। তখন উভয়ের মধ্যে ভয়ানক সংগ্রামানল প্রজ্বলিত হইয়া উঠিল। তাহাতে উভয় সৈন্যদল পরাস্ত হইল। তাহাদের দ্রবাজাত এশ্রায়েলবংশীয় লোকেরা লুণ্ঠন করিল। তৎপর রোমের অধীশ্বর ও সকালিয়ার রাজা ও আন্দলসের অধিপতি অগণ্য পরাক্রান্ত সেনাসহ জেরুজেলমে উপস্থিত হন। তাহারাও পরস্পর ভয়ঙ্কর যুদ্ধ করেন, অসম্ভা সৈন্য হতাহত হয়, অবশিষ্ট সৈন্য পলায়ন করে। সমুদায় সম্পত্তি বনিএশ্রায়েলগণ প্রাপ্ত হয়। রণক্ষেত্রে পাঁচজন প্রবল রাজার পরিত্যক্ত প্রচুর সম্পত্তি লাভ করিয়া এশ্রায়েলকুলোদ্ভব লোকেরা ভয়ানক অহঙ্কারী হইয়া উঠে, ধর্মপুস্তক ও তওরাতের বিধি অমান্য করিতে থাকে; প্রেরিতপুরুষ আরমিয়া তাহাদিগকে অনেক প্রকার ভয় প্রদর্শন ও উপদেশ দান করেন, তাহারা তাহাতে কর্ণপাত করে না। বোখ্তনসূসর সঞ্জাবিরের লিপিকর ছিল ও সঞ্জাবিরের মৃত্যুর পর তাহার নির্দ্ধারণাকুসারে তদীয় সিংহাসন প্রাপ্ত হইয়াছিল। পরমেশ্বর তাহাকে এশ্রায়েলসন্তানগণের প্রতি প্রেরণ করেন। বোখ্তনসূসর যাইয়া যুদ্ধ করিয়া এশ্রায়েলবংশীয় লোকদিগের উপর জয়ী হয়, মন্দির ও অটালিকা সকল ধ্বংস করে, তওরাত দহন করিয়া ফেলে, এবং সন্তোর সহস্র বনিএশ্রায়েলকে দাস করিয়া রাখে। বনিএশ্রায়েলদিগের প্রতি এই প্রথম শাস্তি। অনন্তর কুরশ হম্দানী যিনি এশ্রায়েলবংশোদ্ভব এক কণ্ঠাকে বিবাহ করিয়াছিলেন, তিনি এই সংবাদ পাইয়া বিপুল ধন সম্পত্তি এবং ত্রিশ সহস্র স্থপতি ও বহু শ্রমজীবী কর্মচারী সহ উপস্থিত হন। ত্রিশ বৎসর চেষ্টা উদ্যোগ করিয়া জেরুজেলম নগরের ও তৎপ্রদেশের অটালিকা সকল পুনর্নির্মাণ করেন, তাহাতে সেই দেশ পূর্বাভাব প্রাপ্ত হয়। পুনর্বার বনিএশ্রায়েল দুর্দাস্ত হইয়া উঠে, এবং মহাপুরুষ ইয়্যাহাকে হত্যা করে ও মহান্বা ইসাকে হত্যা করিতে প্রবৃত্ত হয়। তখন দ্বিতীয় শাস্তি উপস্থিত হয়। তরতুস রমী তাহাদিগকে পরাস্ত করিয়া জেরুজেলমের মন্দির ধ্বংস করে ও এশ্রায়েলবংশীয়দিগের সম্পত্তি লুণ্ঠন করিয়া লইয়া যায়। পরমেশ্বর তওরাতে অঙ্গীকারের পর এই দুই শাস্তির কথা তাহাদিগকে বলিয়াছেন। “তাহাতে তাহারা তোমাদের মুখমণ্ডলকে বিষণ্ণ করিবে, এবং তাহাতে তাহারা মন্দিরে প্রবেশ করিবে, যেরূপ প্রথমবার উহারা তন্মধ্যে প্রবিষ্ট হইয়াছিল” ইত্যাদি বলেন। অর্থাৎ যেমন প্রথমবার বোখ্তনসূসর সসৈন্যে আসিয়া মন্দির ধ্বংস করে, তদ্রূপ তরতুসের সৈন্যও উপস্থিত হইয়া বয়তোলুনোকদসে প্রবেশ করিবে ও মন্দির ধ্বংস করিয়া হুঃখে তোমাদের মুখ মলিন করিবে।

আমিও ( শাস্তিদানে ) পুনঃ প্রবৃত্ত হইব, এবং ধর্মদ্রোহীদের জন্ত আমি নরকলোককে বন্দিশালা করিয়াছি \* । ৮ । নিশ্চয় এই কোর-আনু, যাহা অতীব সরল, সে ( প্রকৃতির ) পথ প্রদর্শন করে ; এবং যাহারা সদাচরণ করে, সেই বিশ্বাসীদেরকে সুসংবাদ দান করিয়া থাকে যে, তাহাদের জন্য মহাপুরস্কার আছে । ৯ । + এবং নিশ্চয় যাহারা পরলোকে বিশ্বাস করে না, তাহাদের জন্ত আমি দুঃখকর শাস্তি প্রস্তুত রাখিয়াছি । ১০ । ( র, ১, আ, ১০ )

এবং মনুষ্য অকল্যাণবিষয়ে প্রার্থনা করে, ( যেমন ) কল্যাণবিষয়ে তাহার প্রার্থনা হয়, এবং মনুষ্য ব্যস্ত হইয়া থাকে † । ১১ । আমি রাত্রি ও দিবাকে দুই নিদর্শন করিয়াছি, পরস্তু নৈশিক নিদর্শনকে প্রচ্ছন্ন রাখিয়াছি ও আহ্নিক নিদর্শনকে আলোকিত করিয়াছি যে, তাহাতে তোমরা স্বীয় প্রতিপালক হইতে উন্নতি অন্বেষণ করিবে, এবং তাহাতে বৎসর সকলের গণনা ও হিসাব জ্ঞাত হইবে ; এবং আমি সকল বিষয় বিভিন্নরূপে ব্যক্ত করিয়াছি ‡ । ১২ । অপিচ সকল মনুষ্যের কণ্ঠে তাহার পক্ষী ( কার্যালিপি ) সংলগ্ন করিয়াছি, এবং পুনরুত্থানের দিনে আমি তাহার জন্ত এক পুস্তক বাহির করিব, সে তাহা উন্মুক্ত দেখিবে § । ১৩ । ( বলিব, ) তুমি আপন পুস্তক পাঠ কর, অল্প

\* অবাধ্যতা ও দুর্নীতির কারণে বনিএশ্রায়েলদিগের দুইবার দুর্দশা হইয়াছে । এক্ষণ ঈশ্বর অনুগ্রহ করিতে প্রস্তুত আছেন । তিনি বলিতেছেন, যদি তোমরা বর্তমান ধর্মপ্রবর্তকের আনুগত্য স্বীকার কর, তবে সেই রাজত্ব, জয় ও পরাক্রম তোমাদিগকে প্রত্যর্পণ করা যাইবে । পুনরায় সেই রূপ দুঃস্থতা প্রকাশ করিলে তদ্রূপ দুর্দশাপন্ন হইবে, অর্থাৎ আমি তোমাদিগের উপর মোসলমানদিগকে বিজয়ী করিব । পরলোকে তোমাদের জন্ত নরক সজ্জিত রহিয়াছে । ( ত, ফা, )

+ মনুষ্য যেমন কল্যাণবিষয়ে প্রার্থনা করে, তদ্রূপ ক্রোধের সময় ব্যস্ত সমস্ত হইয়া নিজের জীবন, পরিবার ও সম্পত্তিবিষয়ে অকল্যাণ প্রার্থনা করিয়া থাকে । যেমন হারুণের পুত্র নজর ঈশ্বরের নিকটে আপন শাস্তি প্রার্থনা করিয়াছিল, যথা ;—“আমার উপর আকাশ হইতে প্রসূর বর্ষণ কর ।” ( ত, হো, )

অর্থাৎ লোকে এই বলিয়া ব্যস্ত সমস্ত হয় যে, আমার প্রার্থনা শীঘ্র কেন গ্রাহ্য হইল না । এদিকে তাহার কোন কোন প্রার্থনা তাহার পক্ষে অকল্যাণ, সেই প্রার্থনা পূর্ণ হইলে তাহার দুর্গতি হয়, তজ্জন্তই গৃহীত হয় না । সর্বতোভাবে ঈশ্বর উত্তম জ্ঞানী, তাহার ইচ্ছার বাধ্য হওয়াই কর্তব্য । ( ত, হো, )

‡ অর্থাৎ ব্যস্ত সমস্ত হইলে কোন লাভ নাই, সকল বিষয়েরই দিবারাত্রির স্মায় সময় ও পরিমাণ নির্ধারিত আছে । যেমন কাহারও ব্যাকুলতায় রাত্রি খর্ব হয় না, যথাসময়ে স্বতঃ উষার উদয় হইয়া থাকে । দিবারাত্রি এই দুই ঈশ্বরের শক্তির নিদর্শন । ( ত, হো, )

§ কি ধার্মিক, কি অধার্মিক, তাহার শুভাশুভ কর্ম আদিকাল হইতে তাহার কণ্ঠে কণ্ঠবন্ধনের স্তায় সংলগ্ন আছে । কথিত আছে যে, প্রত্যেক সন্তানের গলদেশে এক এক পুস্তক দোলায়মান থাকে, তাহাতে “দুর্ভাগ্য” বা “ভাগ্যবান” এই কথা লিখিত । কেহ কেহ বলেন, আরাবী অর্থাৎ যাযাবর লোকেরা দক্ষিণে বা বামে পক্ষী উড়িতে দেখিলে তদ্বারা সৌভাগ্য বা দুর্ভাগ্য নির্ণয় করিয়া থাকে । পক্ষী দক্ষিণে উড়ীয়মান হইলে শুভ এবং বামে উড়িলে অশুভ লক্ষণ বলে । অতএব এই স্থানে



তোমার জীবনই তোমার সম্বন্ধে যথেষ্ট হিসাবকারক \* । ১৪ । যে ব্যক্তি পথ প্রাপ্ত হইয়াছে, অনন্তর সে আপন জীবনের জন্ত পথ পাইতেছে, এতদ্বিগ্ন নহে ; এবং যে ব্যক্তি পথভ্রাস্ত হইয়াছে, অনন্তর সে তৎপ্রতি পথভ্রাস্ত হইয়াছে, এতদ্বিগ্ন নহে; এবং কোন ভারবাহী অস্ত্রের ভার বহন করে না । এবং যে পর্য্যন্ত কোন প্রেরিতপুরুষকে প্রেরণ না করি, সে পর্য্যন্ত আমি শাস্তিদাতা নহি † । ১৫ । এবং যখন আমি কোন গ্রামকে বিনাশ করিতে ইচ্ছা করি, ( প্রথমতঃ ) তত্রত্য উদ্ধত লোকদিগকে ( প্রেরিতপুরুষের অনুগত হইতে ) আজ্ঞা করিয়া থাকি ; তৎপর সেই স্থানে তাহারা বিরুদ্ধাচরণ করে, পরে তথায় ( শাস্তির ) বাক্য স্থিরীকৃত হয়, অবশেষে তাহাকে উচ্ছেদনরূপে উচ্ছেদ করিয়া থাকি । ১৬ । এবং আমি মুহার পরে বহুশতাব্দী পর্য্যন্ত কত-সংহার করিয়াছি ; ‡ তোমার প্রতিপালক, ( হে মোহম্মদ, ) স্বীয় দাসদিগের অপরাধসম্বন্ধে যথেষ্ট জ্ঞানী ও দ্রষ্টা । ১৭ । যে ব্যক্তি সাংসারিক সুখ কামনা করে, আমি তাহাকে ইচ্ছা করি, তাহাতে

শুভাশুভ কার্যালিপিকে পক্ষী বলা হইয়াছে । অতঃপর এক গ্রন্থে উল্লিখিত হইয়াছে যে, বিহঙ্গ বলিতে সেই গ্রন্থ, যাহা কেয়ামতের দিনে উড়িয়া আসিয়া পুণ্যবান্ বা পাপীর হস্তগত হইবে । তাহার গলদেশে সংলগ্ন হওয়ার অর্থ এই যে, শুভাশুভ কর্ম তাহার গলায় জড়িত হওয়া । ( ত, হো, )

\* স্বীয় কার্যালিপি পাঠ কর, অর্থাৎ সেই দিবস সকলেই পাঠক হইবে ; সকলকে বলা হইবে যে, স্বীয় পুস্তক যাহা নিজে রচনা করিয়াছ, পাঠ কর, তোমার চিন্তাই তোমার সম্বন্ধে বিচারক । অর্থাৎ নিজে দৃষ্টি কর যে কিরূপ আচরণ করিয়াছ, তুমি কি প্রকার বিনিময়-লাভের অধিকারী । মহাত্মা ওমর স্বীয় অনুগামীদিগকে বলিয়াছিলেন যে, তোমরা স্ব স্ব কার্যালিপি সম্মুখে রাখিয়া ভাল মন্দ কি করিয়াছ, দৃষ্টি কর ; এখনও সময় আছে, স্বীয় কাব্যের অনুসন্ধান লও, অস্তিমকালে তাহা আর অনুসন্ধান করার শক্তি থাকিবে না । কশফোল্ আশ্রাবে উল্লিখিত হইয়াছে যে, কোন ব্যক্তি স্বীয় পুস্তকে বলিয়াছিলেন, “তুমি অতঃপর যাহা লোকদিগকে বলিবে বা তাহাদিগ হইতে শ্রবণ করিবে, এবং যে কাব্যের অনুসন্ধান করিবে, সায়ংকালীন নমাজের সময় তাহা আমার নিকটে বলিও এবং ভাল মন্দ সমুদায় বর্ণন করিও ।” সে দিন বালক বহু যত্ন ও চেষ্টায় আজ্ঞা পালন করিল । পর দিনও পিতা সেইরূপ আদেশ করিলেন, তখন পুত্র বলিল, “পিতঃ, অনেক কষ্টে ভাবিয়া চিন্তিয়া কল্যাণ দৈনিক বিবরণ বলিয়াছি, ক্ষমা করিবেন, আজ আর বলিবার ক্ষমতা নাই ।” তাহাতে পিতা বলিলেন, “তোমাকে এই ব্যাপারে একটি উপদেশ দিলাম, যেন তুমি জাগ্রত ও সতর্ক থাক, হিসাবদান সম্বন্ধে তুমি উদাসীন না থাক । অতঃপর তুমি পিতার নিকটে একদিনের হিসাব দিতে অক্ষম, পরলোকে ঈশ্বরের নিকটে জীবনের হিসাব কেমন করিয়া দিবে ?” ( ত, হো, )

† অলিদমঘয়রা কাকেরদিগকে বলিয়াছিল যে, তোমরা আমার অনুসরণ কর, আমি তোমাদের পাপের ভার বহন করিব । তাহাতে পরমেশ্বর বলেন যে, প্রত্যেক ব্যক্তি নিজের নিজের ভার বহন করিয়া থাকে, অস্ত্রের ভার বহন করে না । যে পর্য্যন্ত ধর্মপ্রবর্তক আসিয়া লোকদিগকে সত্য পথে আহ্বান না করেন ও স্বর্গীয় নিদর্শন প্রদর্শন না করেন, সে পর্য্যন্ত ঈশ্বর কোন জাতিতে শাস্তিদানে প্রবৃত্ত হন না । প্রেরিতপুরুষকে অগ্রাহ্য করিলেই তিনি শাস্তি দান করেন । ( ত, হো, )

‡ মুহার মৃত্যুর পর সমুদ ও আদ জাতি প্রভৃতি উচ্ছিন্ন হইয়াছে । ( ত, হো, )



( সংসারে ) যত ইচ্ছা তাহা তাহাকে সত্ত্বর দান করি ; তৎপর তাহার জন্ত নরক নিরূপণ করিয়া থাকি, তথায় সে দুর্দশাপন্ন নিস্তাড়িতভাবে উপস্থিত হয় \* । ১৮ । এবং যে ব্যক্তি পরলোক কামনা করে, এবং তাহার জন্ত তাহার ( অমুরূপ ) চেষ্টায় চেষ্টা করে, সে বিশ্বাসী ; অনন্তর ইহারাই যে, ইহাদের যত্ন সম্মানিত হয় । ১৯ । সেই সকল ও সেই সকল উভয় ( দলকে ) আমি তোমার প্রতিপালকের দানদ্বারা সহায়তা করিয়া থাকি, তোমার প্রতিপালকের দান অবরুদ্ধ হয় না † । ২০ । দেখ, কেমন আমি তাহাদের ( দুই দলের ) একের উপর অন্তকে উন্নতি দান করিয়াছি ; নিশ্চয় পরলোক শ্রেণী অনুসারে শ্রেষ্ঠ ও উন্নতিবিধানানুসারে শ্রেষ্ঠ । ২১ । তুমি ঈশ্বরের সঙ্গে অন্ত উপাস্ত্র নিরূপণ করিও না, তবে লাঞ্চিত ও হীনাবস্থাপন্নরূপে বসিবে । ২২ । ( র, ২, আ, ১২ )

এবং তোমার প্রতিপালক আদেশ করিয়াছেন যে, তোমরা তাঁহাকে ভিন্ন পূজা করিবে না, এবং পিতা মাতার প্রতি সদাচরণ করিবে ; যদি তাহাদের এক জন বা উভয়েই তোমার নিকটে বৃদ্ধিতে উপনীত হয়, তবে তুমি তাহাদের প্রতি ধিক্ বলিও না ও তাহাদিগকে ধমক দিও না, এবং তাহাদিগকে সম্মানিত কথা কহিও । ২৩ । এবং তাহাদের জন্ত ( তাহাদিগের ) দয়ার নিমিত্ত স্বীয় বিনয়ের বাহুকে নত করিও, এবং বলিও, হে আমার প্রতিপালক, তাহারা যেমন আমাকে শৈশবে প্রতিপালন করিয়াছে, তদ্রূপ তুমি তাহাদিগকে দয়া কর । ২৪ । তোমাদের অন্তরে যাহা আছে, তোমাদের প্রতিপালক তাহা উত্তম জ্ঞাত ; যদি তোমরা সাধু হও, তবে নিশ্চয় তিনি প্রত্যাগমনকারীদিগের জন্ত ক্ষমাশীল । ২৫ । এবং তুমি স্বগণকে ও দরিত্রকে এবং পথিককে তাহার স্বত্ব প্রদান করিও, এবং অপব্যয় করিও না । ২৬ । নিশ্চয় অপব্যয়িগণ শয়তানের ভ্রাতা, এবং শয়তান স্বীয় প্রতিপালকের সঙ্গন্ধে বিরোধী ‡ । ২৭ । এবং যদি তুমি

\* কপট লোকেরা বিশ্বাসীদিগের সঙ্গে ধর্মযুদ্ধে গমন করিয়াছিল । ধর্মের জন্ত যুদ্ধ করা তাহাদের লক্ষ্য ছিল না, শত্রুর শিবির লুণ্ঠন করাই উদ্দেশ্য ছিল । তাহাতেই পরমেশ্বর “যে ব্যক্তি সাংসারিক স্তম্ভ কামনা করে” ইত্যাদি বলেন । ( ত, হো, )

† অর্থাৎ সাংসারিক সম্পদের অভিলাষী এবং পারলৌকিক সম্পদের অভিলাষী এই দুই দলকেই ঈশ্বর সাহায্য দান করিয়া থাকেন ; তিনি কাহাকেও বঞ্চিত করেন না । ( ত, হো, )

‡ স্বগণদিগকে যাহা দান করা যায়, তাহাকে “নফ্ক” বলে । এমাম আজম বলিয়াছেন, স্বগণের স্বত্ব এই যে, তাহারা সাহায্যপ্রার্থী ও দীনহীন হইলে তাহাদিগকে অর্থ দান করিবে । এস্থলে স্বগণ অর্থে, প্রেরিত মহাপুরুষের গোষ্ঠীকে বুঝায় । তাহাদের স্বত্ব পঞ্চমাংশ তাহাদিগকে দান করা নির্দ্ধারিত । তফসিরবিশেষে উক্ত হইয়াছে যে, আলিমোর্তজার পুত্র এমামহোসয়ন শামদেশের কোন ব্যক্তিকে জিজ্ঞাসা করিয়াছিলেন, “তুমি কি কোর্-আন্ পড়িয়া থাক ?” তাহাতে সে উত্তর করিল, “হাঁ, পড়িয়া থাকি ;” তিনি পুনর্বার জিজ্ঞাসা করিলেন, “সূরা বনিএশ্রায়েলের ‘ওআতে জ্বাল্ কোর্বা’ এই আয়ত পাঠ করিয়াছ কি ?” সে উত্তর করিল, “পড়িয়াছি, বলিতে কি আপনারাই স্বগণস্থলে, ঈশ্বর আপনাদের স্বত্বদানে আদেশ করিয়াছেন ।” এমাম বলিলেন, “হাঁ, আমরাই স্বগণ ।” অর্থ সংকার্য্যে ব্যয় করিবে,

আপন প্রতিপালক হইতে সেই দয়া ( জীবিকা ), যাহা তুমি আশা করিয়াছ, তাহা পাইবার প্রতীক্ষায় তাহাদিগ হইতে মুখ ফিরাইয়া লও, তবে তাহাদিগকে কোমল কথা বলিও \* । ২৮ । এবং তুমি স্বীয় হস্তকে স্বীয় গলদেশের দিকে বন্ধ রাখিও না ও তাহাকে সম্পূর্ণ প্রমুক্তিতে প্রমুক্ত করিও না, তবে নিন্দিত ও অবসন্ন হইয়া বসিবে । ২৯ । নিশ্চয় তোমার প্রতিপালক যাহার জন্ত ইচ্ছা করেন, উপজীবিকা বিস্তৃত ও সঙ্কুচিত করিয়া থাকেন ; নিশ্চয় তিনি স্বীয় দাসগণের সম্বন্ধে জ্ঞানী ও দ্রষ্টা † । ৩০ । ( র, ৩, আ, ৮ )

তোমরা আপন সম্মানদিগকে দরিদ্রতার ভয়ে বধ করিও না, আমি তাহাদিগকে ও তোমাদিগকে জীবিকা দান করিয়া থাকি ; নিশ্চয় তাহাদিগকে হত্যা করা গুরুতর পাপ । ৩১ । এবং ব্যভিচারের নিকটবর্তী হইও না, নিশ্চয় তাহা দুষ্কর্ম ও কুপথ হয় । ৩২ । এবং ঈশ্বর যে ব্যক্তিকে অবৈধ করিয়াছেন, তোমরা আয়ানুসারে ব্যতীত সেই ব্যক্তিকে হত্যা করিও না ; যে ব্যক্তি অত্যাচারগ্রস্তরূপে হত হইয়াছে, পরে নিশ্চয় আমি তাহার স্বগণকে ক্ষমতা দান করিয়াছি ; অনন্তর হত্যাসম্বন্ধে অতিরিক্ত আচরণ করিও না, নিশ্চয় সে আনুকূল্য প্রাপ্ত হয় ‡ । ৩৩ । এবং সেই উপায় যাহা

অপব্যয় করিবে না । মস্কার লোকেরা কপটাচার ও কুৎসিত আমোদ প্রমোদে প্রচুর অর্থ ব্যয় করিত, এবং এক জন নিমন্ত্রিত ব্যক্তির জন্ত ভিন্ন ভিন্ন আকারের উষ্ট্র কোরবাণী করিত । ঈশ্বর তাহাদিগকে ভৎসনা করিতেছেন ও তাহাদের কার্যকে শয়তানের কার্য বলিয়া নির্দেশ করিতেছেন । একটা যবকণিকা অশ্রায়রূপে ব্যয় হইলেই অপব্যয় হয় । ( ত, হো, )

\* অর্থাৎ যে ব্যক্তি নিরন্তর দান করিয়া থাকেন, কোন সময় তিনি রিক্তহস্ত হইলে দরিদ্র প্রার্থাদিগকে দুঃখিত করিয়া ফিরাইয়া দেওয়া তাহার পক্ষে উচিত নয় । এক সময় তাহাদিগকে কিছু না দিতে পারিলেও মিষ্ট বাক্য বলা কর্তব্য । ( ত, ফা, )

+ অর্থাৎ দুঃখী ভিক্ষুকদিগকে দেখিয়া তুমি অস্থির হইবে না, তাহাদের অভাব পূরণের ভার তোমার উপরে নহে । চিকিৎসক যেমন কোন রোগীকে উষ্ণতার ও কাহাকে শীতলতার ব্যবস্থা করেন, ঈশ্বরও তদ্রূপ ব্যক্তিভেদে প্রচুর ধন দান করেন, কাহাকে বা দরিদ্র করিয়া থাকেন । ( ত, ফা, )

‡ এসলামধর্মাবলম্বী ও অঙ্গীকারে বন্ধ এবং আশ্রয়প্রাপ্ত এই তিন শ্রেণীর লোকদিগকে সুবিচার ব্যতীত বধ করিতে এই আয়তে ঈশ্বর নিষেধ করিলেন । অর্থাৎ তাহাদের কেহ ধর্মত্যাগ বা ব্যভিচারাদি করিলেই তাহার সমুচিত দণ্ড পাওয়া বিধেয় বলিয়া স্বীকৃত হইল ; অশ্রায়রূপে কেহ হত হইলে তাহার স্বগণ উত্তরাধিকারী হত্যার বিনিময়ে হস্তাকে বধ করিতে পারে, অশ্রাকে নয় । পৌত্তলিকতার সময়ে কোন ব্যক্তি হত হইলে, তাহার স্বগণ আত্মীয় তদ্বিনিময়ে হত্যাকারীকে হত্যা না করিয়া, হত্যাকারী যে দলের লোক, সেই দলপতিকে হত্যা করিতে উদ্যোগী হইত । ঈশ্বর “অতিরিক্ত আচরণ করিও না” বলিয়া তদ্বিষয়ে নিষেধ করিলেন । ( ত, হো, )

অর্থাৎ প্রত্যেক ব্যক্তির উচিত যে, হত্যার বিনিময়প্রদানবিষয়ে সাহায্য করে, তদ্বিপরীত হত্যাকারীর সহায়তার প্রবৃত্তি না হয় ; এবং হতব্যক্তির উত্তরাধিকারীর কর্তব্য যে, এক জনের পরিবর্তে

সং, তদ্ব্যতীত তোমরা অনাথ বালকের সম্পত্তির নিকটে, সে ( বয়ঃক্রমের ) পূর্ণতায় পঁছা পর্যন্ত যাইও না, এবং তোমরা অঙ্গীকার পূর্ণ করিও, নিশ্চয় অঙ্গীকার জিজ্ঞাসিত হইবে \* । ৩৪ । + এবং তোমরা যখন পরিমাণ কর, পরিমাণযন্ত্রকে পূর্ণ করিও, সরল তুলদণ্ডে ওজন করিও ; ইহা উত্তম এবং পরিমাণসম্বন্ধে অত্যুত্তম † । ৩৫ । এবং যে বিষয়ে তোমার জ্ঞান নাই, তুমি তাহার অনুসরণ করিও না ; নিশ্চয় চক্ষু ও কণ এবং অন্তঃকরণ এ সকলের প্রত্যেকের সম্বন্ধে জিজ্ঞাসিত হইবে ‡ । ৩৬ । এবং তুমি পৃথিবীতে আমোদের ভাবে চলিও না, নিশ্চয় তুমি পৃথিবী ভেদ করিতে পারিবে না, এবং পর্বত সকলের দৈর্ঘ্যে পঁছিবে না § । ৩৭ । সমুদায় ইহা পাপ, তোমার প্রতিপালকের নিকটে, ( হে মোহম্মদ, ) যুগিত পাপ হয় ¶ । ৩৮ । তোমার প্রতিপালক তোমার প্রতি বিজ্ঞানানুসারে যাহা প্রত্যাদেশ করিয়াছেন, ইহা তাহা ; তুমি ঈশ্বরের সঙ্গে অশ্রু উপাস্ত্র নির্ধারণ করিও না, তবে নিস্তাড়িত ও তিরস্কৃত হইয়া নরকে নিক্ষিপ্ত হইবে । ৩৯ । অতঃপর কি তোমাদের প্রতিপালক তোমাদিগকে পুত্র মনোনীত করিয়াছেন ?

দুই জনকে বধ না করে, অথবা হত্যাকারীকে না পাইলে তাহার পুত্রের বা ভ্রাতার প্রাণ সংহার না করে । ( ত, ফা, )

\* অর্থাৎ পিতৃমাতৃহীন বালকের সম্পত্তি তাহার বয়ঃপ্রাপ্তি পর্যন্ত সযত্নে রক্ষা করিবে, বিপরীত আচরণ করিবে না । অঙ্গীকারের নিমিত্ত প্রণয় হইবে, কাহারও সঙ্গে সন্ধির অঙ্গীকার করিয়া অশ্রুচারণ করিলে নিশ্চয় শাস্তি পাইতে হইবে । ( ত, ফা, )

+ উত্তমরূপে শস্তাদি পরিমাণ করিয়া দিবে, তাহাতে ছল চতুরতা করিবে না । প্রথমে তোমাদের ছল চতুরতা প্রকাশ পাইলে, কেহ আর তোমাদের সঙ্গে ব্যবসায়ের যোগ রাখিতে চাহিবে না । যে ব্যক্তি সত্যভাবে ব্যবসায় করে, সকলেই তাহাকে ভালবাসে, ঈশ্বরও তাহার ব্যবসয়ে উন্নতি বিধান করেন । ( ত, ফা, )

‡ অর্থাৎ যাহা তুমি জান না, বলিওনা যে জানি ; যাহা তুমি শ্রবণ কর নাই, বলিও না যে শুনিয়াছি । মোহম্মদ এবন হনিফা এই আয়তের এরূপ অর্থ করিয়াছেন যে, “মিথ্যা সাক্ষ্য দান করিও না । পরলোকে ইল্লিয়দিগকে প্রণয় করা হইবে যে, তোমাদের প্রভু তোমাদের সঙ্গে কিরূপ আচরণ করিয়াছেন ? কণকে জিজ্ঞাসা করা হইবে, তুমি কি শুনিয়াছ, কেন শুনিয়াছ ? চক্ষুর প্রতি প্রণয় হইবে, কি দেখিয়াছ ও কেন দেখিয়াছ ? অন্তঃকরণকে জিজ্ঞাসা করা হইবে, তুমি কি জানিয়াছ ও কেন জানিয়াছ ?” ( ত, হো, )

§ অর্থাৎ যে ব্যক্তি ভূমি ভেদ করিতে সমর্থ নহে, এবং শারীরিক দৈর্ঘ্যানুসারে পর্বতের দৈর্ঘ্যের তুল্য নহে, তাহার অহঙ্কার করার প্রয়োজন কি ? মৃত্তিকা দ্বারা নির্মিত মনুষ্যের মৃত্তিকাবৎ বিনম্র হইয়া থাকাই কর্তব্য । ( ত, হো, )

¶ সমুদায় ইহা অর্থাৎ নিষেধ । চারি নিষেধ ও একাদশ বিধি, এ সকল মুসার প্রস্তরফলকে লিখিত ছিল । তাহার অন্তর্গত অশুভ অর্থাৎ নিষেধবাচ্যবিষয় আচরণ করা ঈশ্বরের নিকটে যুগিত । ( ত, হো, )

এবং দেবতাগণ হইতে কণ্ঠা সকল গ্রহণ করিয়াছেন? নিশ্চয় তোমরা গুরুতর কথা বলিয়া থাক। ৪০। (র, ৪, আ, ১০)

এবং সত্য সত্যই আমি এই কোর্-আনে পুনর্বর্ণন করিয়াছি, যেন তাহারা উপদেশ গ্রহণ করে; কিন্তু তাহাদের সম্বন্ধে অশ্রদ্ধা ভিন্ন বৃদ্ধি হয় নাই। ৪১। তুমি বল, (হে মোহম্মদ,) তাহারা যেরূপ বলিয়া থাকে, যদি তাঁহার সম্বন্ধে (অন্ত) বহু উপাস্ত থাকিত, তবে অবশ্য তখন তাহারা সিংহাসনাধিপতির উদ্দেশ্যে পথ অন্বেষণ করিত \*। ৪২। তাহারা যাহা বলে, তাহা অপেক্ষা তিনি পবিত্র ও উন্নত, (তাঁহার) মহতী উন্নতি। ৪৩। সপ্ত স্বর্গ ও পৃথিবী এবং সেই সকলের মধ্যে যাহারা আছে, তাহারা তাঁহাকে স্তুতি করে, এবং তাঁহার প্রশংসার স্তব করে না এমন কোন বস্তু নাই; কিন্তু তোমরা তাহাদের স্তুতি বৃদ্ধিতেছ না। † নিশ্চয় তিনি গম্ভীর ক্ষমাশীল। ৪৪। এবং যে সময় তুমি কোর্-আন পাঠ কর, তখন আমি তোমার ও পরলোকে অবিখ্যাসীদিগের মধ্যে গুপ্ত আবরণ স্থাপন করি। ৪৫। † এবং তাহাদের অন্তরে আচ্ছাদন রাখি, যেন তাহারা তাহা হৃদয়ঙ্গম না করে ও তাহাদের কর্ণে ভার (চাপিয়া দেই;) এবং যখন তুমি কোর্-আনে একাকিমাত্র তোমার প্রতিপালককে স্মরণ কর, তখন তাহারা পলায়নের ভাবে আপন পশ্চাত্তানে মুখ ফিরাইয়া লয় ‡। ৪৬। যখন তাহারা তোমার প্রতি কর্ণ স্থাপন করে, এবং যখন তাহারা মজ্জণা করে, যখন অত্যাচারিগণ বলিয়া থাকে যে, তোমরা ঐচ্ছিক পুরুষের অনুসরণ বৈ করিতেছ না, যে ভাবে তাহা তাহারা শ্রবণ করে, তাহা আমি উত্তম জ্ঞাত §।

\* অর্থাৎ পরমেশ্বর সেই কল্পিত ঈশ্বরদিগের বিরুদ্ধে অনেক আয়ত প্রেরণ করিয়াছেন; যদি তাহারা ঈশ্বর বা ঈশ্বরের অংশী হইত, তবে অবশ্য তাহারা সিংহাসনাধিপতি ঈশ্বরের উদ্দেশ্যে পথ অন্বেষণ (প্রতিবাদ) করিত। (ত, হো,)

† দেবতা ও মনুষ্য বাক্যের রসনায় সৃষ্টিকর্তার স্তব করে, অপর জীব ও জড়পদার্থ সকল দিবানিশি ভাবের রসনায় তাঁহার স্তুতি করিয়া থাকে। তৎস্বভাব ব্যক্তিরাই তাহা বৃদ্ধিতে পারেন! (ত, হো,)

‡ আবুজহল প্রভৃতি ইচ্ছা করিয়াছিল যে, কোর্-আন পাঠের সময় হজরতের প্রতি উৎপীড়ন করে। সেই ছুরাওয়ার একজন সহচর কোর্-আনের সূরা বিশেষ অবতীর্ণ হইলে পর, প্রস্তরাঘাত করিবার জন্ত হজরতের অন্বেষণে বাহির হয়। তখন আবুবেকরকে জিজ্ঞাসা করে যে, তোমার সহচর কোথায়? সে আমাকে নিন্দা করিয়াছে। আবুবেকর বলিলেন, তিনি নিলুক নহেন যে, কাহারও নিন্দাবাদে প্রবৃত্ত হইবেন। ইতিমধ্যে হজরত মোহম্মদ আবুবেকরকে বলিলেন, তুমি জিজ্ঞাসা কর, এই গৃহে তোমাকে ব্যতীত অন্ত কাহাকে সে দেখিতেছে কি না। সন্দিগ্ধ তদনুসারে জিজ্ঞাসা করিলে, সে বলিল, তুমি কি আমার সম্বন্ধে উপহাস করিতেছ? আমি তো তোমাকে ব্যতীত অন্ত কাহাকে দেখিতেছি না, ইহা বলিয়া সে চলিয়া গেল। তাহাতেই এই আয়ত অবতীর্ণ হয় যে, আমি কোর্-আন পাঠের সময় তোমাকে কাফেরদিগের দৃষ্টি হইতে লুকায়িত রাখি। (ত, হো,)

§ একদা কাফেরগণ গোপনে কথোপকথন করিতেছিল, তখন কেহ হজরতের বাক্যকে “কবিতা”, কেহ বা “জাহুকরের মত” ইত্যাদি বলিল। হারেসের পুত্র নজর বলিল, “মোহম্মদ কি বলে, বৃদ্ধিতে

৪৭। দেখ, তোমার জ্ঞান তাহারা কেমন সাদৃশ্য সকল ব্যক্ত করিয়াছে; অনন্তর তাহারা পথভ্রাস্ত হইয়াছে, অবশেষে পথ প্রাপ্ত হইতে পারিবে না। ৪৮। এবং তাহারা বলে, “যখন আমরা গলিত ও অস্থিপুঞ্জ হইয়া থাকিব, তখন কি নূতন সৃষ্টিতে সমুখাপিত হইব” ? ৪৯। তুমি বল, তোমরা প্রস্তর বা লৌহ হইয়া যাও, অথবা তোমাদের অন্তরে যাহা গুরুতর বোধ করে, সেই সৃষ্টি হইয়া যাও। তৎপর অবশ্য তাহারা বলিবে, “কে আমাদের পুনরানয়ন করিবে ?” তুমি বলিও, যিনি তোমাদিগকে প্রথম সৃষ্টি করিয়াছেন, তিনি; অনন্তর তাহারা তোমার দিকে মস্তক সঞ্চালন করিবে ও বলিবে যে, “কবে তাহা হইবে ?” বলিও, সম্ভব যে, শীঘ্র ঘটবে। ৫০+৫১। যে দিবস তিনি তোমাদিগকে আহ্বান করিবেন, তখন তোমরা তাঁহার প্রশংসাবাদের সহিত ( তাহা ) গ্রাহ্য করিবে, এবং মনে করিবে যে, কিঞ্চিৎকাল ভিন্ন বিলম্ব কর নাই \*। ৫২। ( র, ৫, আ, ১২ )

এবং তুমি আমার দাসদিগকে বল, যাহা অত্যাচার, তাহা যেন তাহারা বলে; নিশ্চয় শয়তান তাহাদের মধ্যে বিরোধ উপস্থিত করিয়া থাকে, একান্তই শয়তান মনুষ্যের জ্ঞান স্পষ্ট শত্রু †। ৫৩। তোমাদের প্রতিপালক তোমাদিগকে উত্তম জ্ঞাত; যদি তিনি পারি না; আবুসোফিয়ান বলিল, “আমি তাহার কোন কোন কথা সত্য বলিয়া জানি।” আবুজহল বলিল, “সে ক্ষিপ্ত,” আবুলহব তাঁহাকে “ভবিষ্যদ্বক্তা” কহিল, হবিতব তাঁহাকে “কবি” উপাধি দান করিল; তাহাতে এই আয়ত অবতীর্ণ হয়। ( ত, হো, )

\* উক্ত হইয়াছে যে, লোক সকল কবর হইতে বাহির হইয়া মস্তকের ধূলি ঝাড়িয়া বলিবে, হে ঈশ্বর, তুমি পবিত্র। পারলৌকিক জীবনের তুলনায় পার্থিব জীবন ক্ষণকালমাত্র। জানী লোকেরা পার্থিব জীবনকে পারলৌকিক জীবনের নিকট কিঞ্চিন্মাত্র মনে করেন; তাহারা এই নখর মুহূর্ত্ত জীবনকে সেই অবিদ্যমান দীর্ঘজীবনের কার্যে ব্যয় করিয়া থাকেন, তাহাতেই সেই দিনে তাহারা শাস্তিগ্রস্ত হইবেন না। ( ত, হো, )

† মক্কার পৌত্তলিকগণ বাক্য ও ব্যবহারে হজরতের অনুবর্ত্তীদিগের প্রতি উৎপীড়ন করিতে ক্রটি করিতেছিল না। বিশ্বাসিগণ হজরতের নিকটে স্ব স্ব দুর্ব্বস্থা জ্ঞাপন করিয়া বিরোধ ও সংগ্রাম করিতে অনুমতি প্রার্থনা করেন। তখন হজরত বলেন যে, উহাদের সঙ্গে অসদাচরণ করিতে ঈশ্বর আমাকে আদেশ করেন নাই। তাহাতেই এই আয়ত অবতীর্ণ হয়। ইহার মর্ম্ম এই যে, তাহাদের অত্যাচারের প্রতিশোধ লইবে না, বরং তাহাদের জ্ঞান প্রার্থনা করিবে। কেহ কেহ বলেন যে, কোন ব্যক্তি মহান্না ওমরকে গালি দিয়াছিল, তিনি তাহার প্রতিফলদানে উচ্ছত হইয়াছিলেন; তাহাতে পরমেশ্বর এই আয়ত প্রেরণ করিয়া ক্ষমা করিতে আজ্ঞা করেন। “লা এলাহ এল্লেলা” ইত্যাদি সাক্ষ্যদানের কলেমা উত্তম বচন, অথবা সদাচারে বিধি ও অসদাচারে নিষেধ বাক্য সদ্ভাষ্য। বিশ্বাসীদিগের মতে তাহাই শুভ বচন যে, শুভ উদ্দেশ্য ব্যতীত কোন প্রসঙ্গ না করা, কেহ কঠোরাচরণ করিলে কোমল বাক্যে তাহার প্রসন্নতা বিধান করা। অত্যাচারের পরিবর্ত্তে অত্যাচার বিবাদ ও শত্রুতা-বৃদ্ধির কারণ হইয়া থাকে। সত্যই শয়তান মনুষ্যের স্পষ্ট শত্রু, সে লোকের বিনাশসাধন ব্যতীত কখনও মঙ্গল চাহে না। ( ত, হো, )



ইচ্ছা করেন, তোমাদের প্রতি দয়া করিবেন, অথবা যদি তিনি ইচ্ছা করেন, তোমাদিগকে শাস্তি দিবেন ; এবং আমি তোমাকে, (হে মোহম্মদ,) তাহাদের প্রতি কার্যসম্পাদকরূপে প্রেরণ করি নাই \* । ৫৪ । এবং তোমার প্রতিপালক, যে কেহ স্বর্গে ও মর্ত্যে আছে, তাহাকে উত্তম জ্ঞাত ; এবং সত্য সত্যই আমি কতক ধর্মপ্রবর্তককে কতক ( ধর্ম-প্রবর্তকের ) উপর শ্রেষ্ঠতা দান করিয়াছি, এবং দাউদকে জব্বুর গ্রন্থ দান করিয়াছি † ৫৫ । তুমি বল, তাঁহাকে ব্যতীত যাহাদিগকে তোমরা (ঈশ্বর) মনে করিয়া থাক, আহ্বান কর, অবশেষে তাহারা তোমাদিগ হইতে দুঃখ উন্মোচন ও পরিবর্তন করিতে সমর্থ হবে না । ৫৬ । তাহারা এ সকল যাহাদিগকে আহ্বান করিয়া থাকে, তাহারাও আপন প্রতিপালকের দিকে সহায় অন্বেষণ করে যে, তাহাদের কে অধিকতর নিকটবর্তী হয় ; এবং তাহারা তাঁহার দয়ার আশা করে ও তাঁহার শাস্তি হইতে ভীত হয় । নিশ্চয় তোমার প্রতিপালকের শাস্তি ভীষণ হইয়া থাকে ‡ । ৫৭ । এমন কোন গ্রাম নাই যে, পুনরুত্থানের দিনের পূর্বে আমি যাহার সংহারকারী অথবা কঠিন শাস্তিরূপে শাস্তিদাতা নহি ; গ্রন্থমধ্যে ইহা লিখিত আছে § । ৫৮ । এবং নিদর্শন সকল প্রেরণ করিতে তদ্বিষয়ে পূর্ববর্তী লোকদিগের অসত্যারোপ ব্যতীত আমাকে নিবৃত্ত করে নাই ; এবং আমি সমুদ্র জাতিকে উষ্টীরূপ নিদর্শন দান করিয়াছি, অনন্তর তৎপ্রতি তাহারা অত্যাচার করিয়াছে, এবং আমি ভয়-প্রদর্শনের জন্ত বৈ নিদর্শন প্রেরণ করি নাই ¶ । ৫৯ । এবং

\* অর্থাৎ যদি তিনি ইচ্ছা করেন, কাফেরদিগের অত্যাচার হইতে তোমাদিগকে উদ্ধার করিবেন, অথবা তিনি ইচ্ছা করিলে তোমাদের উপর কাফেরদিগকে জয়লাভ করিতে দিবেন । কিম্বা তিনি সৎপথ-প্রদর্শনে দয়া করিবেন, অথবা পথভ্রাস্তি ও অপরাধের মধ্যে রাখিয়া শাস্তি দিবেন । অশ্রমতে কাফেরদিগের প্রতি এই বাক্য ; যথা, যদি তিনি ইচ্ছা করেন, তোমাদিগকে ক্ষমা করিবেন ও ঐহিক শাস্তিদানে বিলম্ব করিবেন ; এবং যদি ইচ্ছা করেন, পৃথিবীতেই শাস্তি দিবেন । ঈশ্বর বলিতেছেন যে, তোমাকে, হে মোহম্মদ, কাফেরদিগের প্রতিভূ করি নাই, তাহাদের অসদাচরণের জন্ত তুমি দায়ী নও । ( ত, হো, )

† যথা, ঈশ্বর মহান্বা এব্রাহিমকে প্রেমসম্বন্ধে, মহাপুরুষ মুসাকে কাথাপকথনবিষয়ে ও হজরত মোহম্মদকে মেরাজে উন্নতি দান করিয়াছেন । দাউদের গৌরব তাঁহার রাজত্বে নয়, জব্বুর গ্রন্থ যে তিনি প্রাপ্ত হইয়াছিলেন, তজ্জন্ত গৌরবান্বিত হন । ( ত, হো, )

‡ অর্থাৎ ধর্মজোহিগণ যাহাদিগকে পূজা করে, তাহারা নিজেই ঈশ্বরের নৈকট্যলাভের জন্ত সহায় অন্বেষণ করিয়া থাকে । যে দেবতা ঈশ্বরের অধিকতর নিকটবর্তী, তাহারা তাহাকেই অবলম্বন করিতে ইচ্ছুক হয় ; কিন্তু সকলেরই সহায় প্রেরিতপুরুষ, পরলোকে তিনিই পাপ-ক্ষমার অনুরোধ করেন । ( ত, ফা, )

§ অর্থাৎ সকল গ্রামেই বিশ্বাসী সাধুর মৃত্যু হইবে, এবং অসাধু কাফেরগণ হত্যা ও দুর্ভিক্ষাদি শাস্তি লাভ করিবে । ইহা ঈশ্বরের বিধিরূপ গ্রন্থে লিখিত আছে । ( ত, হো, )

¶ কোরেশগণ হজরতকে অলৌকিক ক্রিয়া সকল প্রদর্শন করিতে অনুরোধ করে । সেই অভূত ক্রিয়া সকলের মধ্যে সফা গিরিকে বিশুদ্ধ স্বর্গে পরিণত করা ও মকার পর্বতশ্রেণীকে চূর্ণ করিয়া প্রসারিত কৃষিক্ষেত্রের উপযোগী সমভূমি করা, এবং শ্রোতস্বতী সকল উৎপাদন করা, যেন তাহারা

(স্মরণ কর,) যখন আমি তোমাকে বলিয়াছিলাম যে, তোমার প্রতিপালক লোকদিগকে আবেষ্টন করিয়া আছেন; আমি সেই নিদর্শন যাহা তোমাকে দেখাইয়াছি, এবং কোর্-আনেতে যে বৃক্ষ অভিসম্পাতিত হইয়াছে, তাহা লোকের জ্ঞপ্ত পরীক্ষা বৈ নহে। এবং আমি তাহাদিগকে ভয় দেখাইয়া থাকি, পরন্তু মহা অবাধ্যতা ব্যতীত তাহাদের (কিছুই) বৃদ্ধি হয় নাই \*। ৬০। (র, ৬, আ, ৮)

এবং (স্মরণ কর,) যখন আমি দেবতাদিগকে বলিলাম যে, তোমরা আদমকে নমস্কার কর, তখন শয়তান ব্যতীত তাহারা সকলে নমস্কার করিল; সে বলিল, “যে ব্যক্তিকে

উত্তম ক্ষেত্র ও উদ্যানাদি প্রস্তুত হইতে পারে, এই কয়েকটি ক্রিয়া; তাহাতেই এই আয়ত অবতীর্ণ হয়। অর্থাৎ পরমেশ্বর বলেন, পূর্বতন মণ্ডলী সকলও অলৌকিক ক্রিয়া সকলের প্রার্থী হইয়াছিল, আমি প্রেরিতপুরুষদিগের যোগে তাহা প্রদর্শন করিয়াছিলাম। যথা, সমুদ্র জাতির জ্ঞপ্ত প্রস্তুত পণ্ড হইতে উদ্ভী বাহির করিয়াছি, এরূপ অপদলের জ্ঞপ্তও করা হইয়াছে, কিন্তু তাহারা তৎপ্রতি অসত্যারোপ করিয়া সমূলে বিনাশপ্রাপ্ত হইয়াছে। অপিচ এই সকল লোক যে সমস্ত অলৌকিকতার প্রার্থনা করিয়া থাকে, যদি আমি তাহা প্রদর্শন করি, নিশ্চয় ইহারাও সমস্ত হইবে না; সুতরাং শাস্তিদানে তাহাদের উচ্ছেদসাধন করা আবশ্যিক হইবে। কিন্তু আমি সর্বপ্রথমে আদেশ করিয়াছি যে, ইহাদিগকে উচ্ছিন্ন করিব না, কেন না ইহাদের বংশ হইতে ধার্মিক লোক উৎপাদন করিব। (ত, হো,)

\* মূলে “রোয়া” শব্দের অর্থ “প্রদর্শন” লিখা গিয়াছে, কিন্তু “রোয়া” স্বপ্নদর্শনকেও বুঝায়। ভাষ্যকারক তাহা স্বপ্নদর্শন বলিয়াই লিখিয়াছে, যথা, হজরত স্বপ্নে দেখিয়াছিলেন যে, তিনি ওমরাব্রত পালন করিতেছেন, সফা ও মরওয়া গিরির মধ্য ভূমিতে সপ্তবার ধাবমান হইয়াছেন ও মস্তক মুগুন এবং কাবা প্রদক্ষিণ করিয়াছেন। প্রকৃতপক্ষে সেই বৎসর ওমরাব্রতের সজ্বটন হয় নাই। তাহাতে কপট লোকেরা বাঙ্গ করিয়া বলিতে থাকে যে, স্বপ্ন সত্য হইল না। বস্তুতঃ ঈশ্বরের এরূপ বিধি ছিল যে, আগামী বৎসর স্বপ্ন সফল হইবে। কয়েকজন পণ্ডিত এরূপ আন্দোলন করেন যে, এই সূরা মক্কা মসজিদীয়, এবং এই বিবরণটি মদিনায় হইল, ইহা কেমন করিয়া সম্ভব হইতে পারে? কেহ কেহ বলেন যে, হজরত স্বপ্ন মক্কাতে দর্শন করিয়া মদিনায় যাইয়া তাহা বর্ণন করিয়াছিলেন। সেই স্বপ্ন লোকের পরীক্ষার কারণ হইয়াছিল, যথা, হজরত দেখিয়াছিলেন যে, আনিরাবংশের কতকগুলি লোক তাহার উশদেশবেদিকার (মেশ্বরের) দিকে দৌড়িয়া আসিল ও তথায় মক্কাটের গায় লক্ষ বক্ষ করিতে লাগিল। প্রদর্শন অর্থে এইরূপ বুঝাইবে, তোমাকে যে আমি মেরাজে প্রদর্শন করিয়াছিলাম, তাহা লোকের পরীক্ষার কারণ হইয়াছে। অর্থাৎ কতকগুলি দুর্বলচিত্ত মোসলমান তাহাতে অবিশ্বাসী হইল, কপট লোকেরা বাঙ্গ করিতে লাগিল, কাকেরগণ অগ্রাহ করিল, বিশ্বাসীরা সত্য বলিয়া মান্য করিল। নরক লোকে উৎপন্ন জব্বম তরুর প্রসঙ্গ শুনিয়া লোকে আশ্চর্যান্বিত হইল। যথা “উল্লিখিত হইয়াছে, সেই বৃক্ষ জ্বহিম নামক নরকের মূলে উৎপন্ন হইয়াছে।” এই কথা শুনিয়া আবুজহল বলিল যে, “নরকের অগ্নি প্রস্তুতকে দক্ষ করে; তোমরা বলিতেছ যে, তথায় বৃক্ষ অঙ্কুরিত হয়, এ বড় আশ্চর্যের ব্যাপার।” ঈশ্বরের শক্তিতে কিছুই আশ্চর্য্য নহে, তিনি সমন্দর নামক জন্তুকে অগ্নিতে উৎপাদন করেন, অথচ অগ্নি তাহার গাত্র দক্ষ করে না। জব্বম বৃক্ষকে অভিশাপগ্রস্ত তজ্জন্তু বলা হইয়াছে যে, নরকের লোকেরা তাহার ফল ভক্ষণ করিয়া থাকে, সেই ফল অমঙ্গলজনক। (ত, হো,)

তুমি যুক্তিকা দ্বারা সৃজন করিয়াছ, তাহাকে কি আমি নমস্কার করিব” \* ? ৬১। (পুনর্বার) সে বলিল “তুমি কি দেখিলে, এই যাহাকে তুমি আমার উপর সম্মানিত করিয়াছ, যদি তুমি কেয়ামতের দিন পর্য্যন্ত আমাকে অবকাশ দান না কর, তবে অবশ্য আমি অল্পসংখ্যক ব্যতীত তাহার সম্মানগণের মূলোচ্ছেদন করিব”। ৬২। তিনি বলিলেন, যাও, অনন্তর তাহাদিগের যে কেহ তোমার অনুসরণ করিবে, অবশেষে নিশ্চয় নরক তোমাদের (সকলের) পূর্ণ বিনিময়রূপে বিনিময় হইবে। ৬৩। এবং তুমি আপন ধ্বনিতে তাহাদের যাহাকে স্তম্ভ হও, বিচালিত কর ও তাহাদের উপর আপন অধারুত ও পদাতিক সৈন্য আকর্ষণ কর, এবং সম্মান ও সম্পত্তিবিষয়ে তাহাদের অংশী হও, এবং তাহাদের সঙ্গে অঙ্গীকার কর; নিশ্চয় শয়তান প্রবঞ্চনা ব্যতীত তাহাদের সঙ্গে অঙ্গীকার করিবে না †। ৬৪। নিশ্চয় আমার দাসবৃন্দ আছে, তাহাদের উপর তোমার কোন প্রভাব নাই, এবং তোমার প্রতিপালক যথেষ্ট কার্য্যকারক। ৬৫। যিনি তোমাদের জন্ত সাগরে নৌকা সকল সঞ্চালিত করেন, যেন তোমরা তাঁহার প্রসাদে (জীবিকা) অন্বেষণ কর; তিনি তোমাদের প্রতিপালক, নিশ্চয় তিনি তোমাদের সহক্ষে দয়ালু হন। ৬৬। এবং যখন সমুদ্রে তোমাদের বিপদ উপস্থিত হয়, তোমরা তাঁহাকে ব্যতীত যাহাকে আহ্বান কর, সেই হারাইয়া যায়; অনন্তর যখন তিনি তোমাদিগকে ভূমির দিকে উদ্ধার করেন, তখন তোমরা বিমুখ হও, এবং মনুষ্য ধর্ম্মদ্রোহী হয়। ৬৭। অনন্তর ভূমিতে তোমাদের প্রোথিত হওয়া অথবা তোমাদের প্রতি প্রস্তরবর্ষী প্রভঞ্জন সঞ্চালিত হওয়া সহক্ষে কি তোমরা নিঃশঙ্ক হইয়াছ? অবশেষে তোমরা আপনাদের সহক্ষে কার্য্যসম্পাদক পাইবে না। ৬৮। +পুনর্বার তন্মধ্যে (সমুদ্রে) তোমাদিগকে প্রত্যানয়ন করা হইতে কি তোমরা নিঃশঙ্ক হইয়াছ? অবশেষে তোমাদের প্রতি নৌকাভগ্নকারী অনিল প্রেরিত হইবে, পরে তোমরা অধর্ম্মাচরণ করিয়াছ বলিয়া তোমাদিগকে জলমগ্ন করিবে; তৎপর তোমরা আপনাদের নিমিত্ত তদ্বিষয়ে আমার উপর কোন

\* ঈশ্বরের আদেশে সন্দেহ উৎপাদন করিতে কাকেরদিগের যে আচরণ, তাহা শয়তানের আচরণ। (ত, ফা,)

+ ঈশ্বরের অনভিপ্রেত যে শব্দ উচ্চারিত হয়, তাহাই শয়তানের শব্দ। শয়তানের সৈন্য শয়তানের অনুগামী দানব সকল, তাহারা লোকদিগকে কুমন্ত্রণা দান করে ও প্রবঞ্চিত করিয়া থাকে। হৃদ গ্রহণ করিয়া ঋণ দান করা বা ছুক্তিয়ায় অর্থ ব্যয় করাই ধনসম্বন্ধে শয়তানের অংশী হওয়ার, ব্যভিচার দ্বারা সম্মান উৎপাদন হইলে সেই সম্মানে শয়তানের অংশী হওয়া হয়। ঈশ্বর বলিতেছেন যে, মনুষ্যের সহক্ষে পুত্তলিকাগণ পাপক্ষমার অনুরোধ করিবে, শয়তান এইরূপ মিথ্যা অঙ্গীকার করে। প্রায়শ্চিত্তে বিলম্ব করা, প্রলয়, পুনরুত্থান, স্বর্গ নরক অগ্রাহ করা বিষয়ে শয়তান অনুরোধ করিয়া থাকে; শয়তানের উক্তি প্রবঞ্চনা ভিন্ন নহে। (ত, হো,)

অনুগামী পাইবে না \*। ৬৯। এবং সত্য সত্যই আমি আদমের সন্তানদিগকে গৌরবান্বিত করিয়াছি ও সমুদ্রে এবং প্রান্তরে তাহাদিগকে আরোহণ করাইয়াছি, এবং তাহাদিগকে বিশুদ্ধ বস্ত্র সকল হইতে উপজীবিকা দিয়াছি; যাহাদিগকে আমি উন্নত ভাবে সৃজন করিয়াছি, তাহাদের অনেকের উপরে তাহাদিগকে উন্নতি দান করিয়াছি †। ৭০। ( র, ৭, আ, ১০ )

যে দিন আমি সমুদায় মনুষ্যকে তাহাদের নেতৃগণসহ আহ্বান করিব, অনস্তর স্বীয় গ্রন্থ ( কার্যালিপি ) যাহাদের দক্ষিণ হস্তে প্রদত্ত হইয়াছে, তখন তাহারা তাহাদের গ্রন্থ পাঠ করিবে, এবং তাহারা সূত্রপরিমাণও অত্যাচারিত হইবে না ‡। ৭১। এবং যে ব্যক্তি এস্থানে অন্ধ হয়, অবশেষে পরলোকেও সে অন্ধ ও সমধিক পথভ্রান্ত হইয়া থাকে §। ৭২। আমি তোমার প্রতি, ( হে মোহম্মদ, ) যে প্রত্যাদেশ করিয়াছি, নিশ্চয় তাহারা তোমাকে তাহা হইতে বঞ্চনা করিতে উপক্রম করিয়াছে, যেন আগার সম্বন্ধে তুমি তদ্ব্যতিরিক্ত ( বিষয় ) সম্বন্ধ কর; ( তুমি তাহা করিলে ) তখন অবশ্য তাহারা তোমাকে বন্ধু বলিয়া গ্রহণ করিত ¶। ৭৩। এবং যদি আমি তোমাকে দৃঢ় না

\* জলে নিমগ্ন হওয়া বিষয়ে আমার উপরে অনুগামী পাইবে না। অর্থাৎ আমাকে প্রতিফল দান করিবার জন্ত কেহ তোমাদের সাহায্য করিতে আসিবে না। ( ত, হো, )

† মনুষ্যের প্রতি ঈশ্বরের করুণা দ্বিবিধ, শরীরসম্বন্ধীয় ও আত্মসম্বন্ধীয়, শরীরসম্বন্ধীয় করুণা ধার্মিক অধার্মিক মানবমাত্রের জন্ত সাধারণ। যথা, শারীরিক রূপগুণস্বাস্থ্যবলবিষয়ে সাধু অসাধুর তুল্য অধিকার। ধনমানাদি পার্থিব বিষয়েও উভয় শ্রেণীর সমান স্বত্ব। কিন্তু ধার্মিকদিগের আধ্যাত্মিক দানসম্বন্ধে বিশেষত্ব। মনুষ্যমাত্রের জন্তই সাধারণ উন্নতি ও গৌরব নির্দিষ্ট রহিয়াছে। কিন্তু অধার্মিকদিগের উপর ধার্মিকগণ বিশেষভাবে আধ্যাত্মিক দান লাভ করিয়া থাকেন। তাহারা প্রত্যাদেশ ও গ্রন্থ লাভ করেন, তাহারা সংযমী বৈরাগী ও বিশ্বাসী বিনয়ী ও প্রেমিক হন। তাহাদের নিকটে ধর্মপ্রবর্তক প্রেরিতপুরুষ সাধু মহর্ষিগণ আবিভূত হইয়া থাকেন। ঈশ্বরের সঙ্গে তাহাদের ঘনিষ্ঠ সম্বন্ধ, তাহারা এই সঙ্কীর্ণ অনিত্য সংসার পরিত্যাগ করিয়া নিত্য উন্নত লোকে বাস করেন। “সমুদ্রে এবং প্রান্তরে তাহাদিগকে আরোহণ করাইয়াছি” অর্থাৎ সমুদ্রে নোকায়, প্রান্তরে উট্টাদি বাহনোপরি আরোহণ করাইয়াছি। ( ত, হো, )

‡ বিচারদিবসে প্রত্যেক মণ্ডলীকে তাহাদের নেতার নাম উল্লেখসহ আহ্বান করা হইবে। যথা—বলা হইবে, হে মুসার মণ্ডলী, হে ইসার মণ্ডলী ইত্যাদি, অথবা যে গ্রন্থ তাহাদিগকে দেওয়া হইয়াছে, তাহা উল্লেখ করিয়া ডাকা হইবে, যথা—হে কোর-আনী, হে ইঞ্জিলী, কিংবা ধর্মাচরণে যাহাদিগের অনুসরণ করা হইয়াছে, তাহাদিগের নাম উচ্চারণ করিয়া আহ্বান করা হইবে, যথা—হে হনিকী, হে শাকী ইত্যাদি; অথবা ধর্মসম্প্রদায়ের নাম উল্লেখ হইবে, যথা—মোসলমান, ইহুদি ইত্যাদি। ( ত, হো, )

§ অর্থাৎ যে ব্যক্তি এই পৃথিবীতে সৎপথপ্রাপ্তিবিষয়ে অন্ধ রহিয়াছে, সে মৃত্যুর পরও অন্ধ হইয়া স্বর্গের পথ হইতে দূরে থাকিবে। ( ত, ফা, )

¶ কাফের লোকেরা বলিত যে, এ সকল বাক্যে ভাল উপদেশ আছে, কিন্তু স্থানে স্থানে

করিতাম, তবে সত্য সত্যই তুমি তাহাদের প্রতি অল্প কিছু অহুয়াগী হইবার জন্ত উপক্রম করিতে \* । ৭৪ ।+ তখন আমি তোমাকে অবশ্য ( পার্থিব ) জীবনের ( শাস্তি ) ও মৃত্যুর দ্বিগুণ ( শাস্তি ) আশ্বাদন করাইতাম ; তৎপর তুমি নিজের সঙ্কে আমার দিকে সাহায্য-কারী পাইতে না । ৭৫ । এবং নিশ্চয় তাহারা তোমাকে স্থানভ্রষ্ট করিবার উপক্রম করিয়াছিল, যেন তথা হইতে তোমাকে বাহির করে, এবং তাহারা তোমার পশ্চাতে তখন অল্প বৈ বিলম্ব করিবে না † । ৭৬ । পদ্ধতি ( তাহাদিগের জন্ত রহিয়াছে ; ) নিশ্চয় তোমার পূর্বে যাহাদিগকে আমি স্বীয় প্রেরিতগণের মধ্যে প্রেরণ করিয়াছি, তুমি ( তাহাদের মধ্যে ) আমার পদ্ধতিতে কোন পরিবর্তন পাইবে না ‡ । ৭৭ । ( র, ৮, আ, ৭ )

তুমি সূর্যাস্তগমনসময়ে অন্ধকার রজনীপর্যন্ত নমাজ ও প্রাতঃকালে কোর-আন্ ( পাঠ ) প্রতিষ্ঠিত রাখ, নিশ্চয় প্রাভাতিক কোর-আন্ পরিলক্ষিত হয় § । ৭৮ । এবং তুমি কোন রজনী তৎসহ জাগরণ কর, তোমার জন্ত ( নিত্য নৈমিত্তিক নমাজের উপর তাহা ) অতিরিক্ত ; সম্ভবতঃ যিনি তোমার প্রতিপালক, তোমাকে প্রশংসিত নিকেতনে উঠাইয়া পৌত্তলিকতাসঙ্কে দোষোদেবাধিত হইয়াছে ; তাহার পরিবর্তন করিলে আমরা সমুদায় উক্তি মাগ্ন করিতে প্রস্তুত । ( ত, কা, )

\* হজরত কাকেরদিগের বাসনা পূর্ণ করিতে সম্পূর্ণ বিরাগ প্রকাশ করিয়াছিলেন । তিনি বিগুহ ছিলেন । কেবল মণ্ডলীকে ভয়-প্রদর্শনের জন্ত এই উক্তি হইয়াছে, যেন কেহ অংশিবাদীদিগের কথায় কর্ণপাত না করে । ( ত, হো, )

+ মক্কাবাসিগণ হজরতকে নির্বাসিত করিবার জন্ত পরামর্শ করিয়াছিল । তাহাদের সকলের মত একরূপ স্থির হয় যে, হজরতের সঙ্গে ঘোর শত্রুতাচরণ করা হইবে । তাহাতে তিনি মক্কা ছাড়িয়া চলিয়া যাইতে বাধ্য হইবেন । তদুপলক্ষে এই আয়ত অবতীর্ণ হয় । “তোমার পশ্চাতে তখন অল্প বৈ বিলম্ব করিবে না,” অর্থাৎ একরূপ সজ্বলিত হয় যে, হজরতের মদিনায় প্রস্থানের পর অল্প সময়ের মধ্যেই বদরের যুদ্ধ উপস্থিত হয়, সেই যুদ্ধে উক্ত শত্রুগণ প্রাণত্যাগ করে । অল্প উক্তি এই যে, মদিনায় হজরতের অবস্থানে ইহুদিদিগের ঈর্ষা হয়, তাহারা তাঁহাকে বলে, “হে মোহম্মদ, শামদেশেই পূর্বতন প্রেরিতপুরুষেরা অবস্থান করিয়াছেন ; যদি তুমি প্রেরিতপুরুষ হও এবং ইচ্ছা কর যে, আমরা তোমাকে সংবাদবাহক বলিয়া মাগ্ন করি, তবে তোমার কর্তব্য যে, শামদেশে যাইয়া বসতি কর ।” এই কথায় হজরত শামদেশে গমনের উদ্যোগী হন, তাহাতেই এই আয়ত অবতীর্ণ হয় যে, ইহুদিগণ ইচ্ছু হইয়াছে যে, তোমাকে মদিনা হইতে দূর করে, তোমার পশ্চাতে ইহার অল্প বৈ বিলম্ব করিবে না । তদনুসারে হজরত প্রস্থানের সঙ্কল্প পরিত্যাগ করেন । কিছু দিন পরেই তত্রত্য ইহুদিমণ্ডলী হত্যা ও নির্বাসন-দণ্ডে দণ্ডিত হয় । এই ব্যাখ্যানুসারে এই আয়ত মদিনাসম্বন্ধীয়, পূর্ব কথানুসারে মক্কাসম্বন্ধীয় । ( ত, হো, )

‡ প্রেরিতপুরুষগণের প্রতি অসত্যারোপ করিলে যে মণ্ডলীর সংহারসাধন হয়, সেই পদ্ধতি ( ত, হো, )

§ অর্থাৎ প্রাভাতিক কোর-আন্ পাঠ নৈশিক ও আফ্রিক দেবগণ দর্শন করেন । নৈশিক দেবগণ তাহা দেখিয়া নৈশিক অনুষ্ঠানপুস্তকের শেষভাগে লিপি করিয়া থাকেন, এবং আফ্রিক দেবগণ উদ্দারা আফ্রিক অনুষ্ঠান-পুস্তকের আরম্ভ করেন । ( ত, হো, )



লইবেন \* । ৭২ । এবং বল, হে আমার প্রতিপালক, তুমি প্রকৃত প্রবেশরূপে আমাকে প্রবেশ করাও, প্রকৃত নির্গমনরূপে আমাকে নির্গমন করাও, এবং তোমার নিকট হইতে আমার জন্ত পরাক্রান্ত সাহায্য-কারী নিযুক্ত কর ৷ ৮০ ৷ এবং বল, সত্য উপস্থিত হইয়াছে, অসত্য বিলুপ্ত হইয়াছে, নিশ্চয় অসত্য বিলোপ্য হয় ৷ ৮১ ৷ এবং যাহা বিশ্বাসীদিগের জন্ত স্বাস্থ্য ও দয়া হয়, আমি কোর্-আন্ হইতে তাহা অবতারণ করিব, এবং অত্যাচারীদিগের সম্বন্ধে অনিষ্ট বৈ বৃদ্ধি করে না ৷ ৮২ ৷ এবং যখন যমুগের প্রতি আমি দান করি, তখন সে বিমুখ হয় ও পার্শ্ব ফিরাইয়া লয়; এবং যখন অশুভ তাহার প্রতি উপস্থিত হয়, তখন সে নিরাশ হইয়া থাকে ৷ ৮৩ ৷ তুমি বল, সকলেই স্বীয় প্রণালী অনুসারে কার্য্য করিতেছে; পরন্তু যে ব্যক্তি উত্তমপথলাভকারী, তোমাদের প্রতিপালক তাহাকে উত্তম জ্ঞাত ৷ ৮৪ ৷ ( র, ৯, আ, ৭ )

এবং তাহারা তোমাকে আত্মার বিষয়ে প্রশ্ন করিতেছে; তুমি বল যে, আমার প্রতিপালকের আজ্ঞা হইতেই আত্মা হয়, এবং তোমাдиগকে অল্প বৈ জ্ঞান প্রদত্ত হয় নাই ৷ ৮৫ ৷ এবং তোমার প্রতি যাহা প্রত্যাদেশ করিয়াছি, যদি আমি তাহা প্রত্যাহার করিতে ইচ্ছা করি, তবে অবশেষে নিজের জন্ত তুমি তদ্বিষয়ে আমার সম্বন্ধে কোন কার্য্য-সম্পাদক তোমার প্রতিপালকের দয়া ব্যতীত প্রাপ্ত হইবে না; নিশ্চয় তোমার প্রতি

\* অর্থাৎ নিজ হইতে জাগরিত হইয়া কোর্-আন্ পাঠ করা; তোমার প্রতি সর্ব্বাপেক্ষা প্রধান আজ্ঞা এই হইল যে, তোমাকে উচ্চপদ দান করা হইবে, তাহা পাপীর জন্ত অনুরোধ করা রূপ প্রশংসিত পদ। অর্থাৎ যখন অল্প কোন প্রেরিতপুরুষ কিছুই বলিতে পারিবে না, তখন পরমেশ্বরের নিকটে হজরত প্রার্থনা করিয়া পাপীদিগকে ক্লেশ হইতে মুক্তি দান করিবেন। ( ত, ফা, )

+ অর্থাৎ তুমি মদিনাতে আমাকে উত্তমরূপে প্রবেশ করাও ও মক্কা হইতে নির্ব্বিঘ্নে বাহির কর, এবং আমার প্রতি সাহায্যকারী নিদর্শন ও শক্তি প্রেরণ কর। ( ত, হো, )

‡ সত্য কোর্-আন্, অসত্য শয়তান; যে স্থানে কোর্-আন্ প্রকাশিত হয়, তথা হইতে শয়তান লুক্কায়িত হইয়া থাকে। অল্প মতে, যাহা ঐশ্বরিক, তাহা সত্য, তন্নিম্ন অসত্য। অথবা ঈশ্বরের অস্তিত্বই সত্য, যাহা অনন্ত ও নিত্য; এবং মানবীয় শক্তির অস্তিত্ব অসত্য, যাহা অনিত্য ও অস্থায়ী। যখন ঈশ্বরের অস্তিত্বের জ্যোতিঃ প্রকাশ পায়, তখন কল্পিত অস্তিত্ব তাহার নিকটে বিলয় প্রাপ্ত হয়। ( ত, হো, )

§ অর্থাৎ সমগ্র কোর্-আন্ শারীরিক, মানসিক, বাহ্যিক ও আধ্যাত্মিক রোগের মহৌষধ। কাতেহা সূরার আয়ত সকল শারীরিক রোগের প্রতীকারক ও অল্প সকল আয়ত সংশয় ও মূর্খতারোগের ঔষধ। ( ত, হো, )

¶ হজরতকে পরীক্ষা করিবার জন্ত ইহদিগণ আত্মার সম্বন্ধে প্রশ্ন করিয়াছিল; তাহাতে ঈশ্বর বলিলেন যে, ইহাদের বুঝিবার ক্ষমতা নাই, সুন্দর কথা ইহাদিগকে বলা অনাবশ্যক। ইহাদের এই মাত্র জানা যথেষ্ট যে, ঈশ্বরের আদেশে একরূপ পদার্থ দেহে অবতীর্ণ হয়, তাহাতে দেহ জীবিত হইয়া উঠে, তাহা দেহ হইতে বহির্গত হইলেই মনুষ্য মরিয়া যায়। ( ত, ফা, )

তাঁহার প্রসাদ প্রচুর \* । ৮৬+৮৭ । তুমি বল যে, এই কোর্-আনের সদৃশ উপস্থিত করিতে যদি মনুষ্য ও দৈত্য একত্র হয়, এবং যতপি তাহারা পরস্পর পরস্পরের সাহায্য-কারীও হয়, তথাপি তাহারা ইহার সদৃশ আনয়ন করিতে পারিবে না । ৮৮ । এবং সত্য সত্যই আমি মানবমণ্ডলীর জন্ত এই কোর্-আনের মধ্যে সমুদায় দৃষ্টান্ত নানা প্রকারে বিবৃত করিয়াছি, পরন্তু অধিকাংশ লোক অধর্ম বৈ গ্রাহ্য করে নাই । ৮৯ । তাহারা বলিয়াছে, “যে পর্য্যন্ত তুমি আমাদের জন্ত মৃত্তিকা হইতে উৎস উৎসারিত ( না ) কর, অথবা তোমার নিমিত্ত দ্রাক্ষা ও খোন্দ্রাফলের উদ্যান ( না ) হয়, তৎপর তাহার মধ্যে পয়ঃপ্রণালীসকল প্রবাহিতরূপে প্রবাহিত (না) কর, সে পর্য্যন্ত তোমাকে কখনও বিশ্বাস করিব না । ৯০+৯১ । কিম্বা তুমি আমাদের সম্বন্ধে যেমন মনে করিয়া থাক, সেরূপ আকাশকে খণ্ড খণ্ডরূপে পাতিত ( না ) কর, অথবা ঈশ্বর ও দেবতাগণসহ সম্মুখে উপস্থিত ( না ) হও । ৯২ ।+ কিংবা তোমার জন্ত স্বর্ণময় গৃহ ( না ) হয়, বা তুমি আকাশে আরোহণ (না) কর, ( সে পর্য্যন্ত কখনও তোমার উর্দ্ধে সমুখানকে বিশ্বাস করিব না ; ) এবং যে পর্য্যন্ত আমাদের প্রতি (এমন) গ্রন্থ অবতারণ না কর যে, আমরা তাহা পড়িতে পারি, সে পর্য্যন্ত তোমার ( আকাশে ) সমুখানকে কখনও বিশ্বাস করিব না ।” তুমি বল, আমার প্রতিপালক পবিত্র, আমি প্রেরিত মনুষ্য বৈ নহি । ৯৩ । ( র, ১০, আ, ৯ )

এবং “ঈশ্বর কি মনুষ্যকে প্রেরিত পুরুষ করিয়া পাঠাইয়াছেন ?” ইহা বলা ব্যতীত লোকদিগকে, তাহাদের নিকটে যখন সত্যালোক উপস্থিত হয়, ( তাহা ) বিশ্বাস করা হইতে (অন্য) কিছু নিবৃত্ত করে নাই । ৯৪ । তুমি বল, যদি পৃথিবীতে দেবগণ থাকিত যে, স্থখে বিচরণ করে, তবে আমি নিশ্চয় তাহাদের প্রতি স্বর্গ হইতে দেবতারূপ প্রেরিত পুরুষ পাঠাইতাম † । ৯৫ । তুমি বল, আমার মধ্যে ও তোমাদের মধ্যে ঈশ্বরই যথেষ্ট সাক্ষী, নিশ্চয় তিনি আপন দাসগণের সম্বন্ধে জ্ঞাতা ও দ্রষ্টা হন ‡ । ৯৬ । এবং ঈশ্বর যাহাকে পথ প্রদর্শন করেন, অবশেষে সেই পথান্ত্রিত হয় ও তিনি যাহাদিগকে পথভ্রান্ত করেন, অনন্তর তুমি কখনও তাহাদের জন্ত তিনি ব্যতীত ( বন্ধু ) পাইবে না ; এবং

\* তদ্বিষয়ে কোন কার্যসম্পাদক পাইবে না, অর্থাৎ সেই প্রত্যাহারখণ্ডে কোন কার্যকারক পাইবে না । ( ত, হো, )

† পৃথিবীতে দেবতার বাস হইলে তদ্বাহকও দেবতা হইতেন, তাহা হইলে সেই দেবতাগণ তাঁহার নিকটে উপস্থিত হইয়া শিক্ষা লাভ করিতেন । স্বজাতির নিকটেই শিক্ষা লাভ করা কর্তব্য, তাহাতেই ফল লাভ হইয়া থাকে । দেবতাদিগের প্রতি দেবতা ধর্ম-প্রবর্তক প্রেরিত হন । যখন পৃথিবীতে মনুষ্য বাস করে, তখন তাহাদের নিকটে মনুষ্য তদ্বাহক আবশ্যক । ( ত, হো, )

‡ হজরতকে কাফেরগণ জিজ্ঞাসা করিয়াছিল, “তুমি যে প্রেরিতপুরুষ, তাহার সাক্ষী কে ?” তাহাতেই এই আয়ত অবতীর্ণ হয় যে, ঈশ্বরই সাক্ষী ; অলৌকিকতা ভাবের রসনার সাক্ষ্য দান করিতেছে যে, মোহম্মদ প্রেরিতপুরুষ । ঈশ্বরবাণী অলৌকিক ক্রিয়ার সাক্ষী । ( ত, হো, )

পুনরুত্থানের দিবসে আমি তাহাদিগকে অন্ধ ও বধির এবং মুক করিয়া মুখমণ্ডলের উপর সমুখাপন করিব, \* তাহাদের স্থান নরকানল ; যখন তাহা নির্ঝাপিত হইবে, তখন আমি তাহাদের উপর অগ্নিশিখা বৃদ্ধি করিয়া দিব। ৯৭। ইহাই তাহাদের বিনিময়, যেহেতু তাহারা আমার নিদর্শন সকলের সম্বন্ধে বিরুদ্ধাচরণ করিয়াছে, এবং তাহারা বলে, “যখন আমরা বিল্লিষ্টাঙ্গ ও অস্থিপুঞ্জ হইয়া যাইব, তখন কি নবীন সৃষ্টিতে সমুখাপিত হইব” ? ৯৮। তাহারা কি দেখে নাই যে, যিনি স্বর্গমর্ত্য সৃজন করিয়াছেন, নিশ্চয় সেই ঈশ্বর তাহাদের সদৃশ সৃষ্টি করিতে ক্ষমতা রাখেন, এবং তাহাদের জন্ত তিনি কাল নির্ধারিত করিয়াছেন, তাহাতে সন্দেহ নাই ; অনন্তর অত্যাচারিগণ অধর্ম ব্যতীত স্বীকার করে নাই। ৯৯। বল, যদি তোমরা আমার প্রতিপালকের করুণাভাণ্ডারের অধ্যক্ষ হইতে, তখন তোমরা ব্যয় করার ভয়ে অবশ্য কৃপণতা করিতে ; এবং মনুষ্য কৃপণ হয় ৩। ১০০। ( র, ১১, আ, ৭ )

এবং সত্য সত্যই আমি মুসাকে নয়টি উজ্জ্বল নিদর্শন দান করিয়াছি ; পরে তুমি, ( হে মোহম্মদ, ) বনিএশ্রায়েলকে, যখন তাহাদের নিকটে সে উপস্থিত হইয়াছিল, ( এবিষয়ে ) জিজ্ঞাসা কর; অনন্তর তাহাকে ফেরওয়ালিয়াছিল, “নিশ্চয় আমি, হে মুসা, তোমাকে একান্ত ঐন্দ্রজালিক মনে করিতেছি” ৩। ১০১। সে বলিল, “সত্য সত্যই তুমি জানিতেছ যে, এ সকল ( নিদর্শন প্রমাণস্বরূপ, ) স্বর্গমর্ত্যের প্রতিপালক ব্যতীত

\* মালেকের পুত্র ওন্স বলিয়াছিলেন যে, হজরতকে প্রশ্ন করা গিয়াছিল, মুখমণ্ডলের উপরে অর্থাৎ অধোমুখে কি প্রকারে উত্থাপন করা হইবে? তাহাতে তিনি বলেন, যিনি পদব্রজে উঠাইতে সক্ষম, তিনিই তাহাদিগকে বিপরীতভাবে অধোমুখে তুলিবেন। ইহার প্রকৃত মর্ম এই যে, সংসারে তাহাদের মুখমণ্ডল কলঙ্কিত হইবে, তাহারা অন্ধ, বধির ও মুকরূপে উথিত হইবে, অর্থাৎ সংসারে তাহারা ঐশ্বরিক নিদর্শনদর্শনে, সত্যশ্রবণে ও সত্যবাক্যকথনে অক্ষম হইবে। ( ত, হো, )

† অর্থাৎ যদি কোন সৃষ্ট জীব ঈশ্বরের ভাণ্ডারের অধ্যক্ষ হয়, তবে তাহার দান কখনও ঈশ্বরের দানের তুল্য হইবে না। যেহেতু সে নিজের জন্ত কিছু ধন রাখিতে চাহিবে, এবং ধন নান হইয়া গেলে ভীত হইবে। পরমেশ্বর এই দুই অবস্থা হইতে মুক্ত। ( ত, হো, )

‡ নয়টি উজ্জ্বল নিদর্শন বা অলৌকিকতা এই ;—যষ্টি, করতলজ্যোতি, ঝটিকা, পদ্মপাল, কীটপুঞ্জ, মণ্ডুককুল, রক্ত, বৃক্ষের ফলহানি, বশ্ম। এই নয়টি। এতদ্ভিন্ন জলস্রোতের উদ্ভেদ, সাগরের উচ্ছ্বাস, বনিএশ্রায়েলের উপর তুরপর্বতের উত্থাপন, কিব্‌তিদিগের সম্পত্তি বিলুপ্ত হওয়া ইত্যাদি আছে। কথিত আছে যে, দুইজন ইহুদি নয়টি নিদর্শনবিষয়ে হজরতকে প্রশ্ন করিয়াছিল, তাহাতে তিনি বলেন, “ঈশ্বরের সঙ্গে অংশী স্থাপন করিও না, অকারণে হত্যা করিও না, চৌর্য্য, ব্যভিচার, সূদ-গ্রহণ, কুৎসা ও জাদু করা, সাধী নারীদিগকে অপবাদ দেওয়া এই সকল কার্য্য হইতে দূরে থাকিবে, এবং ধর্ম্ম-যুদ্ধ হইতে পলায়ন করিও না। এসকল সাধারণ বিধি সমস্ত ধর্ম্মশাস্ত্রেই লিখিত আছে। তোমাদের ইহুদিজাতির বিশেষ বিধি এই যে, শনিবাসরে আজ্ঞার বিরুদ্ধাচরণ করিও না।” “পরে তুমি বনিএশ্রায়েলকে, যখন তাহাদের নিকটে সে উপস্থিত হইয়াছিল, জিজ্ঞাসা কর।” অর্থাৎ হে মোহম্মদ, ইহুদি পণ্ডিতমণ্ডলীকে এই নিদর্শন সকলের বিষয় জিজ্ঞাসা কর, তাহা হইলে তোমার কথার

(অন্ত কেহ) ইহা প্রেরণ করে নাই; এবং নিশ্চয় আমি, হে ফেরওণ, তোমাকে একান্ত নিহত মনে করিতেছি”। ১০২। পরে সে ইচ্ছা করিল যে, তাহাদিগকে দেশ হইতে বিচ্যুত করে; অনন্তর আমি তাহাকে ও তাহার সন্ধে যাহারা ছিল, তাহাদিগকে একযোগে জলমগ্ন করিলাম। ১০৩।+ এবং তাহার পরে আমি বনিএশ্রায়েলদিগকে বলিলাম যে, দেশে বাস কর; অনন্তর যখন শেষ অঙ্গীকার উপস্থিত হইবে, তখন আমি তোমাদিগকে সম্মিলিতভাবে আনয়ন করিব \*। ১০৪। + এবং আমি সত্যভাবে তাহা (কোর-আন) অবতারণ করিয়াছি ও সত্যভাবে তাহা অবতারিত হইয়াছে, এবং আমি তোমাকে স্মসংবাদদাতা ও ভয়প্রদর্শকরূপে বৈ প্রেরণ করি নাই †। ১০৫। এবং কোর-আনকে আমি খণ্ডঃ করিয়াছি, যেন তাহাকে তুমি লোকের নিকটে বিলম্বে পাঠ কর ও আমি তাহাকে অবতরণরূপে অবতারণ করিয়াছি ‡। ১০৬। তুমি বল, তৎপ্রতি তোমরা বিশ্বাস কর বা বিশ্বাস না কর, নিশ্চয় ইতিপূর্বে যাহাদিগকে জ্ঞান প্রদত্ত হইয়াছে, যখন তাহাদের নিকটে পাঠ হয়, তখন তাহারানমস্কার করতঃ অধোমুখে পতিত হইয়া থাকে §। ১০৭। + এবং তাহারা বলে, “আমাদের প্রতিপালক পবিত্র, নিশ্চয় আমাদের প্রতিপালকের অঙ্গীকার সম্পন্ন হয়”। ১০৮। এবং তাহারা ক্রন্দন করত অধোমুখে পতিত হয় ও তাহাদের দীনতা বর্দ্ধিত হইয়া থাকে। ১০৯। বল, তোমরা ঈশ্বরকে আহ্বান কর, অথবা “রহমানকে” আহ্বান কর; তোমরা যাহাকে ডাকিবে, অনন্তর তাঁহারই উত্তম নাম সকল হয়। তুমি স্বীয় উপাসনায় উচ্চ শব্দ করিও না ও তাহাতে ক্ষীণ (শব্দও) করিও না, এবং ইহার মধ্যে কোন পথ অন্বেষণ করিও ¶। ১১০। এবং তুমি বল, সত্যতা অংশিবাদীদিগের নিকটে প্রকাশিত হইবে। অথবা ইহুদিদিগকে জিজ্ঞাসা কর, যখন মুসা তাহাদের নিকটে উপস্থিত হইয়াছিল, তখন ফেরওণ ও তাহাদের মধ্যে কি ঘটয়াছিল। (ত, হো)

\* শেষ অঙ্গীকার কেয়ামত। (ত, হো,)

+ অর্থাৎ ঈশ্বর হইতে যাহারা বিমুখ, তাহাদিগকে তাঁহার পূর্ণ দয়া ও ক্রমার বিষয়ে হজরত মোহাম্মদ স্মসংবাদদাতা, যেন তাহারা তাঁহার মন্দিরের দিকে চলিয়া আইসে; এবং সৎকর্মশীল লোকের প্রতি তিনি ঈশ্বরের তেজ প্রতাপ মহিমা ও গৌরব বিষয়ে ভয়-প্রদর্শক, যেন তাহারা আপন সদমুষ্ঠানের প্রতি নির্ভর স্থাপন না করেন। (ত, হো,)

‡ অস্ত অস্ত গ্রন্থের শুদ্ধ মর্ম গ্রহণ করা উদ্দেশ্য। কিন্তু এই কোর-আনের এক একটি করিয়া শব্দও পাঠ করা আবশ্যিক, তাহাতে ঈশ্বরের প্রসাদ ও জ্যোতিঃ অবতীর্ণ হয়। এই জন্তই সূরা ও আয়ত সকল ভিন্ন ভিন্ন রূপে স্থাপন করা হইয়াছে ও যাহা পাঠের উপযোগী, কিছু কিছু করিয়া সকল সময়ে তাহা প্রেরিত হইয়াছে। (ত, ফা,)

§ অর্থাৎ ঈশ্বরের আদেশের প্রতি সম্মান-প্রদর্শনের জন্ত অথবা কোর-আন ও হজরত মোহাম্মদকে প্রেরণ করা হইবে, এবিষয়ে যে পূর্বতন গ্রন্থে অঙ্গীকার উল্লিখিত হইয়াছে, তাহা সফল হইল দেখিয়া তাহারা কৃতজ্ঞতার ভাবে নমস্কার করে। (ত, হো,)

¶ “ইহার মধ্যে কোন পথ অন্বেষণ করিও,” অর্থাৎ এই দুইয়ের মধ্যে মধ্যম পথ অন্বেষণ করিও। আবুবেকর কোর-আন ধীরে ধীরে পাঠ করিতেন; তিনি বলিতেন যে, আমি ঈশ্বরের বন্দনা করিয়া থাকি।

সেই ঈশ্বরেরই সম্যক প্রশংসা, যিনি পুত্র গ্রহণ করেন নাই ও রাজত্বে যাহার কোন অংশী নাই, এবং অক্ষমতাবশতঃ যাহার কোন সহায় নাই ; সম্মানরূপে তাঁহাকে সম্মান কর। ১১১। (র, ১২, আ, ১১)

## সূরা कहफ \*

### অষ্টাদশ অধ্যায়

১১০ আয়ত, ১২ রকু

( দাতা দয়ালু পরমেশ্বরের নামে প্রবৃত্ত হইতেছি )

সম্যক গুণালুবাদ সেই ঈশ্বরেরই, যিনি আপন দাসের প্রতি গ্রন্থ অবতারণ করিয়াছেন, এবং তাহার জন্ত কোন বক্রতা করেন নাই ৭। ১। + ( তাহাকে ) দণ্ডায়মান রাখিয়াছেন, যেন সে ঈশ্বরের নিকট হইতে কঠিন শাস্তি ( আসিবার ) ভয় প্রদর্শন করে ও যাহারা সংকল্প করিয়া থাকে, সেই বিশ্বাসীদিগকে ( এই ) সুসংবাদ দান করে যে, তাহাদের জন্ত উত্তম পুরস্কার আছে। ২। + তন্মধ্যে তাহারা নিত্যস্থায়ী। ৩। + এবং যাহারা বলে, ঈশ্বর পুত্র গ্রহণ করিয়াছেন, তাহাদিগকে যেন সে ভয় প্রদর্শন করে। ৪। তৎসম্বন্ধে তাহাদের পিতৃপুরুষদিগের কোন জ্ঞান নাই, তাহাদের মুখ হইতে গুরুতর কথা নির্গত হয়, তাহারা অসত্য বৈ বলে না। ৫। যদি তাহারা এই কাহিনীতে (কোর-আনে) বিশ্বাস স্থাপন না করে, পরে হয়তো তুমি শোকবশতঃ তাহাদের পশ্চাতে স্বীয় প্রাণের হত্যাকারী হইবে। ৬। পৃথিবীতে যাহা কিছু আছে, নিশ্চয় আমি (তদ্বারা) তাহার শোভা করিয়াছি ; তাহাতে আমি তাহাদিগকে পরীক্ষা করি যে, তাহাদের মধ্যে

ওমর উচ্চৈশ্বরে পাঠ করিতেন ; তিনি বলিতেন যে, শয়তানকে তাড়াইয়া থাকি ও নিদ্রিতকে জাগরিত করি। এই আয়ত অবতীর্ণ হইলে পর হজরত আবুবেকরকে বলেন, কিঞ্চিৎ উচ্চৈশ্বরে পড়, এবং ওমরকে বলেন, স্বীয় ধনি কিছু ধর কর। (ত, হো,)

\* এই সূরা মক্কাতে অবতীর্ণ হইয়াছে।

+ এ স্থলে বক্রতা অর্থে, শব্দের পরিবর্তন বা অর্পের ব্যতিক্রম, অথবা সত্যকে অসত্যে পরিণত করা বুঝাইবে। (ত, হো,)



কে কার্য্যামুসারে সর্বোত্তম \* ১৭। এবং তাহার উপরে যাহা কিছু আছে, তাহাকে নিশ্চয় আমি তৃণহীন সমতলভূমি করিবণ। ৮। তুমি কি মনে করিয়াছ যে, গহ্বর ও রকিমনিবাসিগণ আমার নিদর্শন সকলের মধ্যে আশ্চর্য্য ছিল ঃ ? ৯। যখন যুবকগণ গর্ভের দিকে আশ্রয় গ্রহণ করিল, তখন তাহারা বলিল, “হে আমাদের প্রতিপালক, তুমি আপন সন্নিধান হইতে আমাদিগকে কৃপা বিতরণ কর, এবং আমাদের নিমিত্ত

\* “পৃথিবীতে যাহা কিছু আছে” অর্থাৎ ধাতু রত্নাদি ও উদ্ভিজ্জ ও জীব জন্তু ইত্যাদি, তদ্বারা পৃথিবী শোভিত হইয়াছে। (ত, হো,)

তাহাতে আমি তাহাদিগকে পরীক্ষা করিয়া থাকি, অর্থাৎ লোকে পৃথিবীর শোভাতেই মুগ্ধ হইয়া পড়ে, না, তাহা পরিত্যাগ করিয়া পরলোকসাধনে নিযুক্ত হয়, আমি এই পরীক্ষা করিয়া থাকি। (ত, ফা,)

† অর্থাৎ পরিণামে আমি বৃক্ষ, লতা, গৃহ, অটালিকাদি ধ্বংস করিয়া পৃথিবীকে সমতল মরুভূমি-তুল্য করিয়া ফেলিব। (ত, হো,)

‡ অর্থাৎ আমি যে স্বর্গ-মর্ত্য-সৃজনে অদ্ভুত শক্তির নিদর্শন প্রকাশ করিয়াছি, গর্ভনিবাসীদিগের বৃত্তান্ত তাহা অপেক্ষা আশ্চর্য্যজনক নহে। দকিয়ানুস নামক রাজার রাজধানী আফসুস নগরের অনতিদূরে স্থিত, রকিমপ্রাস্তরে তবাখলুস পর্বতে ছিরমনামক এক গহ্বর ছিল; কাহার কাহার মতে রকিম গ্রামের নাম, সেই গ্রামে গহ্বরনিবাসীদিগের পূর্বনিবাস ছিল। কেহ কেহ বলেন, একটি সীসকফলকে গর্ভনিবাসীদের নাম অঙ্কিত বা লিখিত অর্থে “রকিম” শব্দ ব্যবহৃত হয়, সীসকফলকে নাম অঙ্কিত ছিল বলিয়া তাহাকে রকিম বলা হইয়াছে, সেই ফলক গর্ভের দ্বারে লটকান ছিল। সে যাহা হউক, গহ্বরনিবাসীদিগের সম্বন্ধে নান্য প্রকার জনশ্রুতি আছে; তন্মধ্যে যাহা সর্ব্বাপেক্ষা প্রসিদ্ধ ও বিশ্বাসজনক, তাহাই বিবৃত হইতেছে। উম্মার্গচারী রাজা দকিয়ানুস রোম রাজ্য অধিকারের সময়ে আফসুস নগরকে রাজধানী করে, এবং সেই স্থানে স্বীয় উপাশ্রু দেব দেবীর জন্ত এক পূজার ক্ষেত্র প্রস্তুত করিয়া নগরবাসী নরনারীদিগকে সেই সকল দেবতার পূজা করিতে উৎসাহিত করিতে থাকে। যাহারা তাহার আজ্ঞা অমান্য করিয়াছিল, দকিয়ানুস তাহাদিগের শিরশ্ছেদন করে। ছয় জন ভদ্রবংশীয় ঈশ্বরপরায়ণ নব যুবক নগরের এক প্রাস্তে যাইয়া কাতরভাবে প্রার্থনায় প্রযুক্ত হন, এবং সেই দুরাঙ্গার আক্রমণ হইতে উদ্ধার পাইবার জন্ত ঈশ্বরের নিকটে মিনতি করিতে থাকেন। অবশেষে তাঁহাদিগের কথা দকিয়ানুসের কর্ণগোচর হয়। রাজা তাঁহাদিগকে সম্মুখে ডাকিয়া অনেক ভয় প্রদর্শন করে। তাঁহারা দৃঢ়রূপে অধিতীয় ঈশ্বরের শরণাপন্ন হইয়া তাহার আজ্ঞা-পালনে অসম্মত হন; তাহাতে দকিয়ানুস তাঁহাদের গাত্র হইতে বস্ত্রাভরণ কাড়িয়া লইয়া এই আদেশ করে যে, “তোমরা বালক, অতএব তোমাদিগকে আপনাদের বিষয় চিন্তা করিতে তিন দিবসের অবকাশ দেওয়া গেল; দেখ, আমার পরামর্শ তোমাদের গ্রাহ্য হয় কি না?” অনন্তর দকিয়ানুস স্থানান্তরে চলিয়া যায়, তাহার গমনে যুবকগণ স্ত্রীত হইয়া আপনাদের বিষয়ে মন্ত্রণা করেন, সকলেরই পলায়ন করা সম্ভব বোধ হয়; প্রত্যেকে স্ব স্ব পিতৃগৃহ হইতে কিছু কিছু ধন পাণ্ডেয়রূপে গ্রহণ করিয়া নগরের অদূরস্থিত এক পর্ব্বতের অভিমুখে প্রস্থান করেন। পথে এক জন পশুপালকের সঙ্গে তাঁহাদের সাক্ষাৎ হয়, সে তাঁহাদের ধর্ম্ম গ্রহণ করিয়া তাঁহাদিগের অনুসরণ করে। পশুপালকের কুকুরও সঙ্গে সঙ্গে চলিয়া আইসে। পর্ব্বতের নিকটবর্তী হইলে রাখাল বলে যে, এই পর্ব্বতে এক গহ্বর আছে,

আমাদের কার্য হইতে শুভ ফল প্রস্তুত কর।” ১০। অনন্তর আমি নির্ধারিত কতক বৎসর গর্ভমধ্যে তাহাদিগের কর্ণে আবরণ স্থাপন করিলাম \*। ১১। + তৎপর আমি তাহাদিগকে সমুখাপন করিলাম, যেন জ্ঞাপন করি যে কতক্ষণ বিলম্ব করা হইয়াছে, দুই দলের মধ্যে কে ইহার অধিক স্মরণকারী †। ১২। ( র, ১, আ, ১২ )

আমি তোমার নিকটে, ( হে মোহম্মদ, ) তাহাদের বৃত্তান্ত সত্যভাবে বর্ণন করিতেছি ; নিশ্চয় তাহারা কয়েক যুবক ছিল, স্বীয় প্রতিপালকের প্রতি বিশ্বাস স্থাপন করিয়াছিল, এবং আমি তাহাদিগকে অধিক ধর্মজ্ঞান দান করিয়াছিলাম। ১৩। এবং আমি তাহাদের অন্তরে বন্ধন ( দৃঢ় ) রাখিয়াছিলাম, যখন তাহারা দণ্ডায়মান হইল, তখন বলিল, “স্বর্গ ও মর্ত্যের প্রতিপালক আমাদের প্রতিপালক, কখনও আমরা তাঁহাকে বাতীত অথবা কোন উপাস্ত্রকে আহ্বান করিব না ; ( তবে ) সত্য সত্যই আমরা তখন অতিরিক্ত বলিব”। ১৪। এই আমাদের জাতি তাঁহাকে ছাড়িয়া অথবা উপাস্ত্র গ্রহণ করিয়াছে ; কেন তাহারা তাহাদের নিকটে উজ্জ্বল প্রমাণ উপস্থিত করিতেছে না ? অনন্তর যে ব্যক্তি ঈশ্বরের সন্ধানে অসত্য যোগ করিয়াছে, তাহা অপেক্ষা কে অধিক অত্যাচারী ? ১৫। এবং যখন তোমরা, ( হে বন্ধুগণ, ) তাহাদিগ হইতে ও তাহারা ঈশ্বর ভিন্ন যাহাকে অর্চনা করে তাহা হইতে বিচ্ছিন্ন হইবে, তখন গহ্বরের দিকে আশ্রয় লইও ; তোমাদের প্রতিপালক তোমাদের জ্ঞাত স্বীয় দয়া প্রসারিত করিবেন, এবং তোমাদের জ্ঞাত তোমাদের কার্যকে সহজরূপে প্রস্তুত করিবেন। ১৬। এবং দেগ, সূর্য্য যখন উদিত হয়, তখন তাহাদের গহ্বরের দক্ষিণ দিকে ঝুকিয়া থাকে ও যখন অস্তমিত হয়, তখন তাহাদের বাম দিক অতিক্রম করে, এবং তাহারা তাহার প্রশস্ত ভূমিতে আছে ; ইহা ঈশ্বরের নিদর্শন সকলের অন্তর্গত। ঈশ্বর যাহাকে পথ প্রদর্শন করেন, সেই পথ প্রাপ্ত হয়, এবং তিনি যাহাকে পথভ্রান্ত করেন, পরে তুমি তাহার জ্ঞাত কখন পথপ্রদর্শক বন্ধু পাইবে না ‡। ১৭। ( র, ২, আ, ৫ )

তথায় আশ্রয় লওয়া যাইতে পারে। সকলে একযোগে সেই গহ্বরে প্রবেশ করিলেন, কুকুর গর্তের দ্বারে প্রহরিরূপে শয়ান রহিল। পরমেশ্বর তাঁহাদের গর্ভপ্রবেশের বৃত্তান্ত এই প্রকারে বর্ণন করিতেছেন। ( ত, হো, )

\* “তাহাদিগের কর্ণে আবরণ স্থাপন করিলাম” যেন শব্দ শুনিতেন না পায়, অর্থাৎ তাহাদিগকে নিদ্রিত করিয়া রাখিলাম। ( ত, হো, )

+ “জ্ঞাপন করি,” এস্থানে এই বিবরণ দ্বারা যেন আমার দাসগণ জ্ঞাত হয় যে, বিশ্বাসী ও অশ্বিনাসী বা অগ্রগামী ও পশ্চাদগামী এই দুই দলের লোকের মধ্যে কোন দল কতকাল গর্তে ছিল, যেন তাহা নির্ধারণ করিতে সমর্থ হয়। ( ত, হো, )

‡ যুবকগণ একযোগে পর্বতে চলিয়া আসিলেন, পশুপালক তাহাদিগকে গর্তের ভিতবে লইয়া গেল। সেখানে তাঁহারা অবস্থিত করিলে পর পরমেশ্বর তাঁহাদের প্রতি নিদ্রা প্রেরণ করিলেন,

এবং তুমি, (হে দর্শক,) তাহাদিগকে জাগ্রত মনে করিতেছ, ফলতঃ তাহারা নিদ্রিত, এবং তাহাদিগকে আমি দক্ষিণ পার্শ্বে ও বাম পার্শ্বে ফিরাইতেছিলাম ও তাহাদের কুকুর আপন দুই হস্ত গর্ভমুখে বিস্তার করিয়াছিল; যদি তুমি, (হে মোহম্মদ,) তাহাদের সম্বন্ধে জ্ঞাত হইতে, তবে অবশ্য পলায়নস্বরূপ তাহাদিগ হইতে বিমুখ হইতে, এবং তাহাদিগ হইতে অবশ্য ভয়ে পূর্ণ হইতে \*। ১৮। এবং এইরূপে আমি তাহাদিগকে সমুখাপিত করিলাম, যেন তাহারা আপনাদের মধ্যে প্রশ্ন করে; তাহাদের একজন বক্তা প্রশ্ন করিল, “তোমরা কত বিলম্ব করিয়াছ?” তাহারা বলিল, “আমরা একদিন অথবা একদিনের কিছুকাল বিলম্ব করিয়াছি;” (পরে) তাহারা বলিল, “তোমরা যতকাল বিলম্ব করিয়াছ, তোমাদের প্রতিপালক তাহা উত্তম জ্ঞাত।” অনন্তর তোমাদের একজনকে তোমাদের এই মুদ্রাসহ নগরের দিকে প্রেরণ কর; পরিশেষে দৃষ্টি করা উচিত যে, কোন্ খাণ্ড বিশুদ্ধ, পরে তাহা হইতে জীবিকা তোমাদের নিকট তাহার আনয়ন করা সমুচিত; এবং মৃত্যু

তাহারা গর্ভের ভিতরে নিদ্রিত হইলেন। দকিয়ানুস দুই তিন দিন অন্তর নগরে প্রত্যাগমন করিয়া যুবকদিগের অবস্থা অনুসন্ধান করিল; তখন যুবকদিগের পলায়নের সংবাদ অবগত হইয়া তাহাদিগকে উপস্থিত করিবার জন্ত তাহাদিগেব অভিভাবকদিগকে উৎপীড়ন করিতে লাগিল। অভিভাবকেরা বলিল, “মহারাজ, যুবকগণ আমাদের ধন অপহরণ করিয়া অমুক পর্বতে লুক্কায়িতভাবে আছে।” এই কথা শুনিয়া দকিয়ানুস কতিপয় অনুচর সমভিব্যাহারে যুবকদিগের অনুসন্ধানে বহির্গত হয়, এবং সেই পর্বতের গর্ভমধ্যে তাহাদিগকে শয়ান দেখিতে পায়। তাহাদিগকে তদবস্থায় দেখিয়া দকিয়ানুস আদেশ করিল যে, গর্ভের মুখ প্রস্তর দ্বারা বন্ধ করা হটুক, তাহা হইলে সকলেই এই স্থানে প্রাণত্যাগ করিবে। তদনুসারে দ্বার দৃঢ়রূপে বন্ধ করা হয়। সকলে চলিয়া গেলে, দকিয়ানুসের স্বগণ দুইজন ধর্মবিশ্বাসী পুরুষ যুবকদিগের নাম ধাম অবস্থা একটি সীসকফলকে অঙ্কিত করিয়া গর্ভের প্রাচীরে এই আশায় স্থাপন করে যে, হয়তো একদিন কেহ এখানে আসিবে ও যুবকদিগের অনুসন্ধান লইবে। তবাখলুস গিরির দক্ষিণ দিকে গর্ভের দ্বার ছিল, স্ততরাং সূর্য্য উদয়ান্তের সময়ে দ্বারের উভয় পার্শ্বে আলোক ও উত্তাপ দান করিত; তাহাতে গলিত দেহের ছর্গন্ধ দূরীভূত হইয়া বায়ুকে স্বাভাবিক অবস্থায় রাখিত, গর্ভাভ্যন্তরে উত্তাপের সঞ্চারণ হইত না, তজ্জন্ত যুবকদের দেহের ও বর্ণের ব্যতিক্রম হইতে পারে নাই। (ত, হো,)

\* এইরূপ ঈশ্বরপরায়ণ সংপুরুষদিগের ভাব লক্ষিত হয়। বাহ্যে তাহাদিগের প্রতি দৃষ্টি করিলে দেখিতে পাইবে যে, তাহারা ক্রিয়াকলাপের বিস্তৃত ভূমিতে বিচরণ করিতেছেন, গূঢ়রূপে নিরীক্ষণ করিলে দেখিবে যে, তাহারা ক্রিয়াকাণ্ড হইতে মুক্ত হইয়া ঈশ্বরের প্রেমরূপ উচ্চানে স্থিতি করেন। তাহারা বাহ্যে প্রমত্ত, অন্তরে ধীর শান্ত; অন্তরে নিষ্ক্রিয়, বাহ্যে কর্মী। ছয় মাস অন্তর উক্ত গর্ভ-নিবাসী যুবকগণের পার্শ্বপরিবর্তন করা হইত, এরূপ পার্শ্বপরিবর্তনের জন্ত তাহাদের অঙ্গ-সংলগ্ন ভূমি শরীরের বিশেষ অপচয় করিতে পারে নাই। তুমি, হে মোহম্মদ, তাহাদের সম্বন্ধে জ্ঞাত হইলে অর্থাৎ তাহাদিগকে দেখিলে ভয় পাইতে, যেহেতু তাহাদের চক্ষু উন্মুক্ত ছিল, নখ ও কেশপুঞ্জ অতিশয় দীর্ঘ হইয়াছিল, সেই গর্ভের ভিতরে তাহাদের ভয়ঙ্কর আকার প্রকাশ পাইয়াছিল। এদিকে দকিয়ানুস গর্ভের দ্বার দৃঢ়বন্ধ করিয়া রাজধানীতে প্রত্যাগমন করিলে পর কিছু দিনের মধ্যেই সে মৃত্যুগ্রাসে

আবশ্যক ও তোমাদের ( অবস্থা ) সম্বন্ধে তোমরা কাহাকেও জ্ঞাপন করিবে না \* । ১৯ । নিশ্চয় তাহারা ( কাফেরগণ ) যদি তোমাদিগের প্রতি ক্ষমতা লাভ করে, তবে তোমাদিগকে তাহারা চূর্ণ করিবে, অথবা তোমাদিগকে আপন ধর্মেতে প্রত্যানয়ন করিবে, এবং তোমরা তখন কখনও মুক্তি পাইবে না । ২০ । এবং এই প্রকার আমি তাহাদের প্রতি জ্ঞাপন করিলাম, যেন তাহারা অবগত হয় যে, ঈশ্বরের অঙ্গীকার সত্য ও কেয়ামত ( সত্য, ) তাহাতে সন্দেহ নাই ; যখন তাহারা আপনাদের ব্যাপারে আপনাদের মধ্যে পরস্পর বিবাদ করিতেছিল, তখন বলিল, “ইহাদের উপর অট্টালিকা নির্মাণ কর ;” তাহাদের প্রতিপালক তাহাদের সম্বন্ধে উত্তম জ্ঞাত । তাহারা তাহাদের ব্যাপারে প্রবল হইয়াছিল, তাহারা বলিল, “অবশ্য ইহাদের উপর আমরা মন্দির নির্মাণ করিব” † ।

পতিত হয় । তৎপর ক্রমান্বয়ে কয়েকজন অধিপতির অধিকারে তাহার পরিত্যক্ত রাজ্য সম্পত্তি স্থিতি করে । অবশেষে সালেহ তন্দরিস রাজ্যাধিপতি হন । তিনি ধর্মশীল ঈশ্বরপরায়ণ লোক ছিলেন । তাহার প্রজাদিগের অধিকাংশেরই দেহের পুনরুত্থান সম্বন্ধে সন্দেহ জন্মে । রাজা তাহাদিগকে এবিষয়ে অনেক উপদেশ দান করেন, কোন ফল দর্শে না । পরমেশ্বর ইচ্ছা করিলেন যে, ইহার প্রমাণ তাহাদের নিকটে প্রদর্শন করেন, তাহাতেই তিনি গন্তবাসী যুবকদিগের নিদ্রাভঙ্গ করেন । ( ত, হো, )

\* দাঁঘকালেও যুবকদিগের শরীরের কোন পরিবর্তন হয় নাই, তাহাদের বস্ত্রাদিও ছিন্ন ও জীর্ণ হয় নাই । ঈশ্বর কৌশল করিয়া তাহাদিগকে নিদ্রিত রাখিয়াছিলেন, অশ্রু দিকে তাহারা সচেতন ছিলেন । তাহাদের মধ্যে মগলমিনামক যে সর্বজ্যেষ্ঠ ছিলেন, তিনি জিজ্ঞাসা করিলেন, “যুবকগণ, গর্তে তোমরা কত বিলম্ব করিলে ?” বিলম্বের সময় নিরূপণ করা এবং যে কয়দিন উপাসনা করা হয় নাই, তাহা পূর্ণ করা তাহার একরূপ জিজ্ঞাসার উদ্দেশ্য ছিল । তাহারা প্রাতঃকালে গর্তে প্রবেশ করিয়াছিলেন, বাহিরে আসিয়া দেখেন যে, মধ্যাহ্ন কাল উপস্থিত । তখন কেহ বলিলেন, একদিন, কেহ বলিলেন, দিবসের একাংশ আমরা নিদ্রিত ছিলাম । যখন তাহারা আপনাদের নখ ও কেশ দীর্ঘ দেখিলেন, তখন বলিলেন, “এ বিষয় ঈশ্বর জ্ঞাত” । “পরিশেষে দৃষ্টি করা উচিত যে, কোন্ খাচা বিশুদ্ধ,” অর্থাৎ কোন্ ব্যক্তির অন্ত বৈধ ও বিশুদ্ধ, ইহা দৃষ্টি করা কর্তব্য । তদানীন্তন কালে নগরে কতক লোক ছিল যে, তাহারা গোপনে সত্য ধর্ম পালন করিত, তাহাদের প্রস্তুত খাচা বা বলির দ্রব্যই বিশুদ্ধ ছিল, তাহাদিগ হইতেই খাচা গ্রহণ করা কর্তব্য, এই উক্তির তাৎপর্য । ( ত, হো, )

† ইমলিখানামক ব্যক্তি তাহাদের মধ্যে সর্বাপেক্ষা জ্ঞানী ও বুদ্ধিমান ছিলেন । তিনি পূর্কোক্ত উপদেশ গ্রাহ্য করিয়া নগরে চলিয়া গেলেন । ইমলিখা নগরে প্রবেশ করিয়া তাহার গৃহ অট্টালিকা রাস্তা ঘাট বাজার ইত্যাদির অবস্থা অশ্রুরূপ দেখিলেন, তাহা দেখিয়া বিস্মিত হইলেন ; পরিশেষে ঝটির দোকানে যাইয়া মুদ্রাদানে ঝটি ক্রয় করিতে চাহিলেন । ঝটিবিক্রেতা মুদ্রায় দকিয়ামুসের নাম অঙ্কিত দেখিয়া মনে করিল যে, এই ব্যক্তি কোন প্রোথিত ধন প্রাপ্ত হইয়াছে । সে তাহা বাজারের অশ্রু লোককে প্রদর্শন করিতে লাগিল । ঋণকালমধ্যে এই সংবাদ সর্বত্র প্রচারিত ও শাস্তিরক্ষকের কর্ণগোচর হইল । শাস্তিরক্ষক ইমলিখাকে ডাকিয়া ধমকাইয়া তাহার নিকটে অবশিষ্ট মুদ্রা চাহিল ।

২১। অবশ্য ( ইহুদিরা ) বলিবে যে, তিন ব্যক্তি, তাহাদের চতুর্থ তাহাদের কুকুর ; এবং (ঈসায়ী লোকে ) বলিবে, পাঁচ ব্যক্তি, তাহাদের ষষ্ঠ তাহাদের কুকুর, অগোচরে (বাক্যের) নিক্ষেপ ; এবং (মোসলমানেরা) বলিবে, সাত জন, তাহাদের অষ্টম তাহাদের কুকুর ; তুমি বল, ( হে মোহম্মদ, ) আমার প্রতিপালক তাহাদের গণনাসম্বন্ধে সুবিজ্ঞাত, তাহারা তাহাদিগকে অল্প বৈ জানে না ; অতএব তুমি, ( হে মোহম্মদ, ) তাহাদের সম্বন্ধে বাহ্য তর্ক বিতর্ক ভিন্ন কথোপকথন করিও না ও তাহাদের সম্বন্ধে তাহাদিগের ( কাফেরদিগের ) কাহাকেও প্রশ্ন করিও না। ২২। ( র, ৩, আ, ৫ )

এবং “ঈশ্বরের ইচ্ছা হইলে” (বলা) ব্যতীত তুমি কোন বিষয়ে কখনও বলিও না যে, নিশ্চয় আমি কল্যা ইহা করিব ; ভুলিয়া গেলে তোমার প্রতিপালককে স্মরণ করিও, এবং বলিও, ভরসা যে, আমার প্রতিপালক আমাকে নৈকটোর জন্ত পথ প্রদর্শন করিবেন।

তিনি বলিলেন, “আমি কোন গুপ্তধন প্রাপ্ত হই নাই, কলা এই মুদ্রা পিতৃগৃহ হইতে গ্রহণ করিয়াছিলাম, অণু ইহা রুটিকা ক্রয় করিতে আনয়ন করিয়াছি।” শাস্তিরক্ষক তাঁহার পিতার নাম জিজ্ঞাসা করিলেন, তিনি নাম বলিলেন। নগরের কোন ব্যক্তি তাঁহার পিতাকে চিনিতে পারিল না। তিনি মিথ্যা বলিতেছেন বলিয়া সকলে সন্দেহ করিল। ইমলিথা একান্ত ভয়ে ভীত হইয়া বলিলেন যে, “আমাকে তোমরা দকিয়ানুসের নিকটে লইয়া যাও, তিনি আমাদের বিষয় জ্ঞাত আছেন।” সকলে উপহাস করিয়া বলিতে লাগিল যে, “দকিয়ানুস তিন শত বৎসর হইল, পরলোক প্রাপ্ত হইয়াছে।” ইমলিথা বলিলেন, “তোমরা কি আমাকে উপহাস করিতেছ? গত কল্যা আমরা একদল তাঁহার ভয়ে পলায়ন করিয়া পর্বতে চলিয়া গিয়াছিলাম, অণু আমি রুটিকা ক্রয় করিবার জন্ত নগরে প্রেরিত হইয়াছি, এতদ্ব্যতীত কিছুই জানি না।” শাস্তিরক্ষক পরিশেষে তাঁহাকে রাজার নিকট উপস্থিত করিয়া সবিশেষ জ্ঞাপন করিল। তখন রাজা তন্দরিস অনুচরবৃন্দসহ গর্ভের অভিমুখে যাত্রা করিলেন, ইমলিথা অগ্রেই গহ্বরের ভিতরে আসিয়া বন্ধুদিগকে সকল বিষয় জানাইলেন। ইতিমধ্যে রাজা উপস্থিত হইলেন, তিনি গর্ভের দ্বারে আনিয়াই মীসকফলকে অঙ্কিত তাহাদের নাম ও অবস্থা পাঠ করিলেন ; পরে গর্ভে প্রবেশ করিয়া তাহাদিগকে স্বাভাবিক অবস্থায় প্রাপ্ত হইয়া আশ্চর্য্যান্বিত হইলেন। তন্দরিস তাহাদিগকে সেলাম করিলেন, তাহারা তাঁহাকে অভিনন্দন করিয়া আপনাদের শয়নাগারে শয়ান হইলেন, তখনই তাহাদের আত্মা কালকবলিত হইল। ইহা দ্বারা প্রমাণিত হইল, শরীর ও আত্মা যে একযোগে পুনরুৎপন্ন হইবে, ঈশ্বর এই যুবকদিগের জীবনে প্রদর্শন করিলেন। তিনি নয় শত বৎসর পর্যন্ত তাহাদের শরীরকে বিকার ও ধ্বংস হইতে রক্ষা করিয়া আত্মাকে বিচ্যুত করিয়াছিলেন। তিনি এইরূপে মৃত্যুর পর সমুদায় মনুষ্যের অঙ্গ প্রত্যঙ্গ সকল পুনঃসংযোজন করিয়া পুনর্বার প্রাণ সঞ্চার করিতে সক্ষম। “যখন তাহারা আপনাদের ব্যাপারে আপনাদের মধ্যে পরস্পর বিবাদ করিতেছিল,” অর্থাৎ যখন তৎকালীন লোকেরা দেহের পুনরুৎপাদনসম্বন্ধীয় আপনাদের ধর্মমত লইয়া তর্ক বিতর্ক করিতেছিল, তখন এক দল অর্থাৎ তন্দরিস ও তাঁহার অনুচরগণ প্রমাণ পাইয়া বলিল, এই যুবকদিগের স্মরণচিহ্নস্বরূপ অট্টালিকা নির্মাণ কর। যাহারা তর্ক বিতর্ক করিতেছিল, ঈশ্বর তাহাদিগকে উত্তম জ্ঞাত। “যাহারা তাহাদের ব্যাপারে প্রবল হইয়াছিল,” অর্থাৎ পুনরুৎপাদনবাদমতে যাহারা প্রবল হইয়াছিল।



ইহা হারাই সংপথে গমন হয় \* । ২৩+২৪ । এবং তাহারা আপন গর্ভে তিন শত বৎসর বিলম্ব করিয়াছিল, এবং নয় বৎসর অধিক ছিল । ২৫ । তুমি বলিও, তাহারা কি পর্যাস্ত বিলম্ব করিয়াছিল, ঈশ্বর তাহা উত্তম জ্ঞাত ; স্বর্গ ও মর্ত্যের নিগূঢ় ( তত্ত্ব ) তাঁহারই জ্ঞান, তিনি তাহার বিচিত্র দ্রষ্টা ও শ্রোতা । † তাহাদের জ্ঞান তিনি ব্যতীত কোন সহায় নাই, এবং তিনি কোন ব্যক্তিকে স্বীয় কর্তৃত্বসম্বন্ধে অংশী করেন না । ২৬ । এবং তোমার প্রতিপালকের গ্রন্থে তোমার প্রতি, ( হে মোহম্মদ, ) যাহা প্রত্যাদেশ করা হইয়াছে, তুমি তাহা পাঠ কর ; তাঁহার বাক্যের পরিবর্তনকারী নাই, এবং তাঁহাকে ব্যতীত তুমি কোন আশ্রয় পাইবে না । ২৭ । যাহারা আপন প্রতিপালককে প্রাতঃসন্ধ্যা আহ্বান করে, এবং তাঁহার আনন আকাঙ্ক্ষা করিয়া থাকে, তাহাদের সঙ্গে তুমি আপন জীবনকে বন্ধ করিও, এবং তাহাদিগ হইতে তোমার দৃষ্টি যেন ফিরিয়া না যায়, তুমি পার্থিব জীবনের শোভা চাহিতেছ ; আমি যাহার অন্তর আমার প্রসঙ্গ হইতে শিথিল করিয়াছি ও যে স্বীয় ইচ্ছার অনুসরণ করিয়াছে, তুমি তাহার অনুগত হইও না, এবং তাহার কার্য সীমার বহির্ভূত হয় ‡ । ২৮ । এবং তুমি বলিও, তোমাদের প্রতিপালক হইতেই সত্য সমাগত হয় ; অনন্তর যে ইচ্ছা করিবে, পরে সে বিশ্বাসী হইবে ও যে ব্যক্তি ইচ্ছা করিবে, পরে সে কাফের হইবে । নিশ্চয় আমি অত্যাচারীদের জ্ঞান অগ্নি প্রস্তুত রাখিয়াছি, তাহার

\* গর্ভবাসী যুবকদিগের বৃত্তান্ত সাধারণের অবিদিত ছিল । ইহুদিদিগের ইঙ্গিতক্রমে কাফেরগণ হজরতকে পরীক্ষা করিবার জ্ঞান সেই বিবরণ জিজ্ঞাসা করে । জেরিল আসিলে জিজ্ঞাসা করিয়া জানিব, এই ভরসায় হজরত কল্যা ইহা ব্যক্ত করিব বলিয়া তাহাদের নিকটে অঙ্গীকার করেন । অষ্টাদশ দিবস পর্যাস্ত জেরিল আসিলেন না, তাহাতে হজরত নিতান্ত দুঃখিত ও চিন্তিত হন, পরে উপরি উক্ত বিবরণসহ জেরিল আগমন করেন ; অনন্তর এই উপদেশ দেন যে, তুমি ভবিষ্যদ্বিষয়ে ঈশ্বরের ইচ্ছার উল্লেখ ব্যতীত অঙ্গীকার করিবে না, যদি একবার ভুলিয়া যাও, পরে স্মরণ হইলে তাহা বলিও । এবং জেরিল ইহাও বলিলেন, আশা করিও যে, পরমেশ্বর এতদ্বারা তোমাকে পদোন্নত করিবেন । অর্থাৎ এইরূপ বলিলেন, আর কখনও তাহা ভুলিবে না । ( ত, ফা, )

† যে কাল পর্যাস্ত তাঁহারা নিদ্রিত থাকিয়া পরে জাগরিত হন, তদ্বিষয়ে ইতিহাসবিদগণ নানা কথা বলিয়াছেন । ঈশ্বর যাহা বুঝাইয়া দিলেন, তাহাই ঠিক, এই পর্যাস্তই যুবকদিগের ইতিহাস সমাপ্ত । ( ত, ফা, )

‡ অয়নিয়া ও অক্বা প্রভৃতি কতিপয় সম্রাট লোক হজরতের নিকটে উপস্থিত হইয়া বলিয়াছিল যে, “হে প্রেরিতপুরুষ, আমরা আরবীয় প্রধান পুরুষ, দরিদ্র মোসলমানদিগের সঙ্গে তুল্যাসনে বসিতে অক্ষম । যদি তুমি তাহাদিগকে দূর কর, তাহা হইলে আমরা নিকটে আসিয়া শাস্ত্রীয় বিধি সকল শিক্ষায় নিযুক্ত থাকিতে পারি ।” তাহাতেই এই আয়ত অবতীর্ণ হয় যে, যে সকল দরিদ্র লোক প্রাতঃসন্ধ্যা ঈশ্বরের উপাসনা ও তাঁহার প্রসন্নতা প্রার্থনা করে, তুমি তাহাদের সঙ্গ কর । তুমি পার্থিব জীবনের শোভা চাহিতেছ । এখানে জানা কর্তব্য যে, হজরত কখনও সংসার বা সাংসারিক জীবনের প্রতি অনুরাগী হন নাই । এই আয়তের তাৎপর্য এই যে, পৃথিবী বা পার্থিব শোভার প্রতি যাহার অনুরাগ, তুমি তাহার দৃষ্টি আচরণ করিও না । ( ত, হো, )

আচ্ছাদন তাহাদিগকে আবেষ্টন করিবে; এবং যদি তাহারা (জল) প্রার্থনা করে, তবে মুখ দক্ষ করে (এমন) দ্রবীভূত তাম্র সদৃশ জলদ্বারা প্রার্থনা পূরণ করা হইবে, উহা কদর্য্য পানীয়; (নরক) মন্দ নিবাস। ২৯। নিশ্চয় যাহারা বিশ্বাস স্থাপন ও সৎকর্ম্ম করিয়াছে, একান্তই আমি, যাহারা সৎকর্ম্ম করিয়াছে, তাহাদিগের পুরস্কার বিনষ্ট করিব না। ৩০। তাহারাই, তাহাদের জগ্ন নিত্য উত্তান, তাহার নিম্নে পয়ঃপ্রণালী সকল প্রবাহিত হইবে, তথায় তাহারা স্বর্ণময় বলয় দ্বারা অলঙ্কৃত হইবে, এবং তথায় সিংহাসন সকলে ভর করিয়া সোন্দোস ও আস্তবরকনামক হরিদ্বর্ণবস্ত্র সকল পরিধান করিবে; \* উৎকৃষ্ট পুরস্কার ও (স্বর্গ) উত্তম নিবাস। ৩১। (র, ৪, আ, ৯)

এবং তাহাদের জগ্ন তুমি দুই ব্যক্তির দৃষ্টান্ত বর্ণন কর, আমি তাহাদের এক জনের জগ্ন দুইটি দ্রাক্ষার উত্তান নিরূপণ করিয়াছিলাম ও খোশ্মা তরুদ্বারা উহা ঘেরিয়াছিলাম, এবং উভয় উত্তানের মধ্যে শস্যক্ষেত্র নিরূপণ করিয়াছিলাম †। ৩২। প্রত্যেক উত্তান স্বীয় ফল উপস্থিত করিল ও তাহার কিছুই ক্রটি হইল না, এবং উভয়ের ভিতরে আমি জলশ্রোত প্রবাহিত করিয়াছিলাম। ৩৩।+ এবং তাহার জগ্ন ফল (সকল) ছিল, অনন্তর সে আপন সঙ্গীকে বলিল ও সে তাহার সঙ্গে কথোপকথন করিতে লাগিল যে, “আমি তোমা অপেক্ষা ধনে শ্রেষ্ঠ ও জনে গৌরবান্বিত”। ৩৪। এবং সে আপন উত্তানে প্রবেশ করিল ও সে স্বীয় জীবনসম্বন্ধে অত্যাচারী ছিল; বলিল, “আমি মনে করি না যে, ইহা কখনও বিনাশ পাইবে। ৩৫।+ এবং আমি মনে করি না যে, প্রলয় সঙ্ঘটনীয়; যদি আমি স্বীয় প্রতিপালকের দিকে প্রত্যাবর্তিত হই, নিশ্চয় ইহা অপেক্ষা উৎকৃষ্ট প্রত্যাবর্তনভূমি (উত্তান) লাভ করিব”। ৩৬। তাহাকে তাহার সঙ্গী বলিল ও সে তাহার সঙ্গে কথোপকথন করিতে লাগিল, “যিনি তোমাকে মৃত্তিকাদ্বারা, তৎপর শুক্রদ্বারা সৃজন করিয়াছেন, তদনন্তর তোমাকে এক পুরুষ গঠন করিয়াছেন, তাহার সম্বন্ধে কি তুমি বিদ্রোহিতা করিতেছ? ৩৭। কিন্তু সেই ঈশ্বরই আমার প্রতিপালক, এবং আপন প্রতিপালকের সম্বন্ধে আমি কাহাকেও অংশী স্থাপন করি না”। ৩৮। এবং যখন তুমি স্বীয় উত্তানে প্রবেশ করিলে, তখন যাহা ঈশ্বর ইচ্ছা করিয়াছেন, কেন বলিলে না; ঈশ্বরের বৈ (কাহারও) ক্ষমতা নাই। যদি তুমি সন্তান ও সম্পত্তি অনুসারে তোমা অপেক্ষা আমাকে নিকৃষ্টতর দেখিতেছ, তবে সহরই আমার প্রতিপালক তোমার উত্তান অপেক্ষা উৎকৃষ্টতর আমাকে দান করিবেন, এবং তৎপ্রতি আকাশ হইতে শাস্তি পাঠাইবেন,

\* মহামূল্য সুকোমল দ্বিবিধ কোষেয় বস্ত্র বিশেষ।

+ সেই দুই ব্যক্তি এস্রায়েলবংশসম্বৃত দুই ভ্রাতা ছিল। এক জন ইয়দ, তিনি ধার্মিক ছিলেন। অপর জন ক৩রস বা ক৭রস, সে কাফের ছিল। তাহারা অষ্ট সহস্র মুদ্রা উত্তরাধিকারিতানুত্রে পিতা হইতে প্রাপ্ত হয়। প্রত্যেকে চারি সহস্র মুদ্রা হস্তগত করে; অধার্মিক ব্যক্তি তাহা দ্বারা উত্তানভূমি, অট্টালিকা ও গৃহসামগ্রী ইত্যাদি ক্রয় করে, এবং বিশ্বাসী ভ্রাতা সমুদায় অর্থ সংকার্য্যে ব্যয় করেন। পরমেশ্বর তাহাদের অবস্থাসম্বন্ধে সংবাদ দান করিতেছেন। (ত, হো,)

অনন্তর তাহা তৃণহীন ভূমি হইয়া যাইবে। ৩৯ + ৪০। অথবা তাহার জল শুষ্ক হইবে, পরে কখনও তুমি তাহা আকাজক্ষা করিতে সক্ষম হইবে না। ৪১। এবং তাহার ফল (শান্তিঘারা) আক্রান্ত হইল; অনন্তর সে তাহাতে যাহা বায় করিয়াছিল, তৎসম্বন্ধে আপন করে কর (আক্ষেপে) মর্দন করিতে করিতে প্রাতঃকাল করিল। এবং তাহা (অট্টালিকা) আপন (নিপতিত) ছাদের উপরে পড়িয়া গিয়াছিল; সে বলিতে লাগিল, হায়! যদি আমি স্বীয় প্রতিপালকের সম্বন্ধে কাহাকেও অংশী স্থাপন না করিতাম \*। ৪২। এবং ঈশ্বর ভিন্ন কোন সম্প্রদায় তাহার জন্ত ছিল না যে, তাহাকে সাহায্য করে ও সে (ঈশ্বরের) প্রতিফলদাতা ছিল না। ৪৩। এ স্থানে ঈশ্বরের জগ্ৰহী কর্তৃত্ব সত্য, তিনি পুরস্কারদানানুসারে শ্রেষ্ঠ, শাস্তিদানানুসারে শ্রেষ্ঠ। ৪৪। (র, ৫, আ, ১৩)

এবং তুমি তাহাদের জন্ত সাংসারিক জীবনের দৃষ্টান্ত ব্যক্ত কর, উহা সেই বারি-সদৃশ; আমি যাহাকে আকাশ হইতে বর্ষণ করিলাম, অনন্তর তৎসহ পৃথিবীর উদ্ভিদ মিলিত হইল, পরিশেষে ছিন্ন ভিন্ন হইয়া গেল, বায়ু তাহাকে উড়াইতে ছিল; ঈশ্বর প্রত্যেক বস্তুর উপরে ক্ষমতাশালী হন †। ৪৫। সম্পত্তি ও সম্ভান সকল সাংসারিক জীবনের শোভা, অবিনশ্বর সাধুতা সকল তোমার প্রতিপালকের নিকটে পুরস্কারানুসারে শ্রেষ্ঠ ও আশানুসারে শ্রেষ্ঠ ‡। ৪৬। এবং (স্মরণ কর,) সে দিন আমি পর্বত সকলকে বিচালিত করিব ও পৃথিবীকে তুমি (পর্বতের নিম্ন হইতে) প্রকাশিত দেখিব, এবং আমি তাহাদিগকে সমুখাপন করিব, পরে তাহাদের একজনকেও পরিত্যাগ করিব না। ৪৭। + এবং তোমার প্রতিপালকের নিকটে শ্রেণীবদ্ধরূপে তাহাদিগকে সম্মুখস্থ করা হইবে; (ঈশ্বর বলিবেন,) তোমাদিগকে আমি খেরূপ প্রথম বারে সৃজন করিয়াছি, সত্য সত্যই তোমরা আমার নিকটে সেরূপ আসিয়াছ; বরং তোমরা মনে করিতেছিলে যে, আমি তোমাদের জন্ত অঙ্গীকারভূমি (বিচারস্থান) করিব না। ৪৮। এবং পুস্তক

\* সেই সাধু পুরুষ যাহা বলিয়াছিলেন, পরিশেষে তাহাই ঘটিল। আকাশ হইতে অগ্নি পতিত হইয়া সমুদায় উদ্ভান দগ্ধ করিল, উদ্ভানস্থ অট্টালিকার ছাদ পতিত হইলে তাহার প্রাচীরাদি পড়িয়া গেল। সে সম্পত্তি-বৃদ্ধির জন্ত অর্থ বায় করিয়াছিল, এক্ষণ মূলধনই একেবারে বিনষ্ট হইল। (ত, হো,)

+ অর্থাৎ তৃণ বৃষ্টির জলসংযোগে হরিংকাস্তি ধারণ করে, পুষ্ট ও বর্দ্ধিত হয়, এমন সময় আইসে যে, তদ্বারা লাভ হইয়া থাকে; পরে হঠাৎ তাহা রসাতলাবে গুস্ত হইয়া যায় ও অপ্রয়োজনীয় হয়। এগুলো পার্থিব জীবন সেই বৃষ্টিজলের সঙ্গে উপমিত হইয়াছে, মনুষ্য সেই জীবনে সতেজ ও পুষ্ট হয় এবং যৌবনের কাস্তি প্রকাশ করে; কিয়দিন অন্তর সে বার্ককে পরিণত হয়, এবং মৃত্যুরূপ বাত্যা তাহাকে গুস্ত করিয়া ফেলে ও তাহার আশা ভরসার মূল ছিন্ন হইয়া যায়। “পরিশেষে ছিন্ন ভিন্ন হইয়া গেল,” অর্থাৎ অবিলম্বে গুস্ত হইয়া বিনষ্ট হইল। (ত, হো,)

‡ আরবের সম্রাট লোকেরা ধনসম্পত্তি ও সম্ভান সন্ততির অহঙ্কাবে ক্ষীণ ছিল, এবং প্রেরিত মহাপুরুষকে দরিদ্র ও অপুত্রক দেখিয়া কুৎসা করিত; তাহাতেই এই আয়ত প্রেরিত হয়। (ত, হো,)



( কার্যালিপি ) স্থাপিত হইবে, অনস্তর তুমি অপরাধীদিগকে দেখিবে যে, তন্মধ্যে যাহা (লিখিত) আছে, তাহা হইতে তাহারা ভয়াকুল ; এবং বলিবে, “হায় ! আমাদের প্রতি আক্ষেপ, কি অবস্থা যে, না ক্ষুদ্র, না মহৎ (পাপের কথা, ) তাহা পরিগণিত করা ব্যতীত এই পুস্তক পরিত্যাগ করিতেছে না।” এবং তাহারা যাহা করিয়াছে, তাহা সাক্ষাৎ প্রাপ্ত হইবে, তোমার প্রতিপালক কাহাকেও উৎপীড়ন করিবেন না \* । ৪২ ।  
( র, ৬, আ, ৫ )

এবং ( স্মরণ কর, ) যখন আমি দেবতাদিগকে বলিলাম যে, “তোমরা আদমকে প্রণাম কর ;” তখন শয়তান ব্যতীত তাহারা প্রণাম করিল, সে দৈত্যের অন্তর্গত ছিল, অতএব স্বীয় প্রতিপালকের আজ্ঞার অবাধ্য হইল। অনস্তর আমাকে ব্যতীত তোমরা কি তাহাকে ও তাহার সম্মানগণকে বক্ররূপে গ্রহণ করিবে ? তাহারা তোমাদের জন্ত শত্রু, অত্যাচারীদিগের জন্ত মন্দ বিনিময় হয় † । ৫০ । স্বর্গ ও মর্ত্যের সৃজনে আমি তাহাদিগকে উপস্থিত করি নাই ও তাহাদের জীবনের সৃজনেও নয়, এবং আমি পথভ্রান্তকারীদিগের হস্ত ধারণ করিব না । ৫১ । এবং ( স্মরণ কর, ) যে দিন তিনি বলিবেন, “তোমরা যাহাদিগকে অংশী মনে করিতেছ, আমার সেই অংশীদিগকে ডাক ;” পরে তাহারা তাহাদিগকে ডাকিবে, অনস্তর তাহারা তাহাদিগকে উত্তর দান করিবে না, এবং আমি তাহাদের মধ্যে মৃত্যুভূমি স্থাপন করিব । ৫২ । এবং অপরাধিগণ অগ্নি দর্শন করিবে, পরে মনে করিবে যে, তাহারা তাহাতে পতনোন্মুগ, এবং তাহা হইতে প্রত্যাবর্তনস্থান প্রাপ্ত হইবে না । ৫৩ । ( র, ৭, আ, ৪ )

সত্য সত্যই আমি মানবগণুলীর জন্ত এই কোর-আনে বিবিধ দৃষ্টান্ত পুনঃ পুনঃ বর্ণন করিয়াছি, এবং মনুষ্য বিবোধবিষয়ে সর্বাঙ্গের প্রবল হয় । ৫৪ । এবং যখন তাহাদের নিকটে উপদেশ উপস্থিত হয়, তৎপ্রতি বিশ্বাস স্থাপন করিতে ও আপন প্রতিপালকের নিকটে ক্ষমা প্রার্থনা করিতে, তাহাদের নিকটে পূর্ববর্তী লোকদিগের পদ্ধতি উপস্থিত হওয়া কিংবা সম্মুখীন শাস্তি সমাগত হওয়া প্রতীক্ষা করা ব্যতীত সেই লোক-

\* ঈশ্বর যাহা করেন, তাহা অত্যাচার নয়। তিনি নিরপরাধী নরকে প্রেরণ করেন না, এবং সংকল্পের ফল বিনষ্ট করেন না। যে ব্যক্তি বলে, পাপ করিতে আমার কি ক্ষমতা আছে? তাহার এই কথা ঠিক নয়, সে আপন মনকে জিজ্ঞাসা করুক, যখন পাপ করিতে প্রবৃত্ত হয়, সে তখন ইচ্ছাবশতঃ প্রবৃত্ত হয় কি না? যে জন বলে যে, ইচ্ছাও তিনি দিয়াছেন, তাহার উত্তর এই যে, ইচ্ছা-শক্তি দান করিলেও পাপ করা, না করা দুই দিকেই ইচ্ছার যোগ হইতে পারে। যদি বলে, তিনিই পাপের দিকে ইচ্ছাকে প্রবর্তিত করেন, তাহা হইতে পারে না; কেন না, ঈশ্বর অসদিচ্ছার প্রবর্তক হইলে ঈশ্বরের অপরাধ হয়, পাপের জন্ত মনুষ্য শাস্তি পাইতে পারে না। ( ত, হো, )

† ধর্মস্রোহী লোকেরা ঈশ্বরের পরিবর্তে শয়তানেরও উপাসক হয়। প্রতিমাই শয়তানের সম্মান। ( ত, কা, )

দিগকে নিবৃত্ত রাখে নাই \* । ৫৫ । এবং সুসংবাদদাতা ও ভয়প্রদর্শকরূপে ব্যতীত আমি প্রেরিতপুরুষদিগকে প্রেরণ করি নাই ; ধর্মদ্রোহী লোকেরা অসত্যযোগে বিবাদ করিয়া থাকে, যেন তদ্বারা সত্যকে বিচালিত করে, এবং আমার নিদর্শন সকলের প্রতি ও যাহা দ্বারা ভয় প্রদর্শন করা গিয়াছে, তৎপ্রতি বিদ্রূপ করে । ৫৬ । এবং যে ব্যক্তি স্বীয় প্রতিপালকের নিদর্শন সকল দ্বারা উপদিষ্ট হইয়া পরে তাহা হইতে বিমুখ হইয়াছে ও তাঁহার হস্ত যাহা পূর্বে প্রেরণ করিয়াছে, ভুলিয়া গিয়াছে, তাহা অপেক্ষা কে অধিক অত্যাচারী ? নিশ্চয় আমি তাহাদের অন্তরে আবরণ রাখিয়া দিয়াছি যে, তাহা ( কোর-আন্ ) বুঝিবে ( না, ) তাহাদের কর্ণে গুরুভার ( রাখিয়াছি ; ) এবং যদি তুমি তাহাদিগকে পথ-প্রদর্শনের দিকে আহ্বান কর, তবে কখনও তাহারা পথপ্রাপ্ত হইবে না । ৫৭ । এবং তোমার প্রতিপালক, ( হে মোহাম্মদ, ) ক্রমাশীল ও দয়াবান্ ; তাহারা যে আচরণ করিয়াছে, যদি তিনি তজ্জগু ধরিতেন, তবে তাহাদের নিমিত্ত সত্ত্বর শাস্তি পাঠাইতেন, বরং তাহাদের অঙ্গীকারভূমি ( কেয়ামতে ) আছে, তাঁহাকে ব্যতীত তাহারা কোন আশ্রয় পাইবে না । ৫৮ । এবং যখন অত্যাচার করিল, তখন আমি এই গ্রাম সকলকে বিনাশ করিলাম, এবং তাহাদের সংহারের জগু অঙ্গীকারভূমি স্থাপন করিলাম † । ৫৯ । ( র, ৮, আ, ৬ )

এবং (স্মরণ কর,) যখন মুসা আপন ( সঙ্গী ) নবযুবককে বলিল, “যে পর্য্যন্ত আমি দুই সাগরের সঙ্গমস্থলে উপস্থিত ( না ) হই, সে পর্য্যন্ত নিরন্তর চলিতে থাকিব, অথবা বহু বৎসর চলিব” ‡ । ৬০ । অনন্তর যখন তাহারা উভয়ে ( সাগরের ) সঙ্গমস্থলে

\* “পূর্ববর্তী লোকদিগের পদ্ধতি” উহা প্রেরিতপুরুষকে অগ্রাহ্য করার জগু সবংশে নিধন-প্রাপ্ত হওয়া । ( ত, হো, )

† পূর্বে উল্লিখিত হইয়াছে যে, ধর্মদ্রোহী লোকেরা পার্গিব সম্পদের অহঙ্কারে দরিদ্র মোসলমানদিগকে নীচ মনে করিয়া হজরতের নিকটে প্রার্থনা জানাইয়াছিল যে, ইহাদিগকে তোমার নিকটে বসিতে দিও না, তাহা হইলে আমরা বসিব । এতদুপলক্ষে দুই ভ্রাতার আখ্যায়িকা ও অহঙ্কারে শয়তানের অবনতি হওয়ার বিষয় বর্ণিত হইয়াছে । এক্ষণ ঈশ্বরপরায়ণ মুসা ও খেজরের উপাখ্যান বিবৃত হইতেছে । ধার্মিক লোকেরা শ্রেষ্ঠ হইলেও আপনাকে অল্প অপেক্ষা শ্রেষ্ঠ বলে না । হজরত বলিয়াছেন যে, মহান্না মুসা এক সময় আপন সম্প্রদায়কে উপদেশ দিতেছিলেন, তখন এক ব্যক্তি তাঁহাকে জিজ্ঞাসা করে, “দেব, তোমা অপেক্ষা অধিক জানী অস্ত কেহ কি আছে ?” মুসা বলিলেন, “আমি তাহা জ্ঞাত নহি ।” এই কথা বখার্ব, কিন্তু ঈশ্বরের অভিপ্রায় ছিল যে, তিনি এরূপ বলেন, “আমার স্থায় প্রভু পরমেশ্বরের দাস অনেক আছেন, সকলের তত্ত্ব তিনিই রাখেন ।” তখন মুসা এই প্রত্যাদেশ শুনিলেন যে, আমার এক ভৃত্য দুই সাগরের সঙ্গম-স্থলে অবস্থিতি করিতেছে, তোমা অপেক্ষা সে অধিক জানী । মুসা তাঁহার দর্শনলাভের প্রার্থনা করিলেন । আদেশ হইল যে, একটি ভাজা মৎস্য সঙ্গে লইয়া চল, যে স্থানে মৎস্য হারাইয়া যাইবে, তথায় তাঁহাকে পাইবে । ( ত, কা, )

‡ ইব্রুশানামক মুসার একজন যুবক শিষ্য ছিলেন । মুসা যাত্রার জগু প্রস্তুত হইয়া তাঁহাকে



পঁহুছিল, তখন আপনাদের মৎস্ত ভুলিয়া গেল, অবশেষে সে ( মৎস্ত ) সাগরেতে সুরঙ্গবৎ স্বীয় পথ অবলম্বন করিল। ৬১। পরে যখন তাহারা ( সঙ্গমস্থান হইতে ) চলিয়া গেল, তখন সে আপন নবযুবককে বলিল যে, “আমাদের পৌর্বাত্নিক ভোজ্য উপস্থিত কর, সত্য সত্যই আমাদের এই পর্যটনে আমরা ক্লাস্তি লাভ করিয়াছি”। ৬২। সে বলিল, “তুমি কি দেখিয়াছ, যখন প্রস্তরের দিকে আশ্রয় লইয়াছিলাম, তখন নিশ্চয় আমি মৎস্তকে ভুলিয়া গিয়াছি, এবং আমার তাহা স্মরণ করিতে শয়তান ব্যতীত ( অন্য কেহ ) আমাকে বিস্মরণ করায় নাই, এবং সে সমুদ্রে আপন পথ গ্রহণ করিয়াছে, আশ্চর্য্য”। ৬৩। সে ( মুসা ) বলিল, “ইহাই, যাহা আমরা অন্বেষণ করিতেছিলাম ;” অনন্তর উভয়ে আপনাদের পদচিহ্নানুসারে অনুসরণ করতঃ প্রত্যাবর্তিত হইল। ৬৪।+ অবশেষে সে আমার দাসদিগের এমন এক দাসকে প্রাপ্ত হইল, যাহাকে আমি আপন সন্নিধান হইতে কৃপা বিতরণ করিয়াছি ও যাহাকে আমি আপন সন্নিধান হইতে জ্ঞান শিক্ষা দিয়াছি \*। ৬৫। তাহাকে মুসা বলিল, “তুমি যে ধর্মজ্ঞান শিক্ষা করিয়াছ, তাহা আমাকে তুমি শিক্ষা দিবে বলিয়া আমি কি তোমার অনুসরণ করিব”? ৬৬। সে বলিল, “নিশ্চয় তুমি আমার সঙ্গে কখনও ধৈর্য্যধারণে সমর্থ হইবে না। ৬৭। এবং তুমি জ্ঞানযোগে যাহা আয়ত্ত কর নাই, তৎপ্রতি কেমন করিয়া ধৈর্য্যধারণ করিবে” \*? ৬৮। সে বলিল, “যদি ঈশ্বর ইচ্ছা করেন, তবে তুমি আমাকে ধৈর্য্যশালী পাইবে, এবং আমি তোমার সম্বন্ধে আদেশমতে অবাধ্যতাচরণ করিব না”। ৬৯। সে বলিল, “অনন্তর যদি তুমি আমার অনুসরণ কর, তবে কোন বিষয়ে যে পর্যন্ত আমি তোমার জ্ঞান তাহার কোন প্রশ্ন উপস্থিত (না) করি, সে পর্যন্ত আমাকে প্রশ্ন করিবে না”। ৭০। ( র, ৯, আ ১১ )

পরে যে পর্যন্ত না নৌকায় আরোহণ করিল, সে পর্যন্ত উভয়ে চলিল; সে ( খেজর ) তাহা বিদীর্ণ করিল, সে ( মুসা ) বলিল, “কি তুমি তাহা বিদীর্ণ করিলে, যেন তাহার আরোহী জলমগ্ন হয়? সত্য সত্যই তুমি এক গুরুতর বিষয় উপস্থিত করিলে”। ৭১। সে বলিল, “আমি কি বলি নাই যে, নিশ্চয় তুমি আমার সঙ্গে কখনও ধৈর্য্যধারণ ডাকিয়া বলিলেন, “তুমিও আমার সঙ্গে চল।” রোম ও পারস্ত সাগরের সঙ্গমস্থলে সেই মহাপুরুষ ছিলেন, তাহার নাম খেজর। মুসা বলিলেন, “আমি সর্বদা চলিতে থাকিব।” ইয়ুশা তাহার সঙ্গী হইতে কৃতসঙ্কল্প হইয়া কিছু রুটি ও ভাজা মৎস্ত সঙ্গে লইলেন। উভয়ে একযোগে যাত্রা করিলেন। ( ত, হো, )

\* “সেই দাস খেজর ছিলেন,” তিনি মুসাকে আগমনের কারণ জিজ্ঞাসা করিলে মুসা সবিশেষ জানাইলেন। খেজর বলিলেন, “ঈশ্বর তোমাকে শিক্ষাদান করিয়াছেন। তথাপি এমন এক বিদ্যা আমার নিকটে আছে, যাহা তোমার নাই।” ইতিমধ্যে একটি চটকপক্ষী দৃষ্টিগোচর হইল যে, সে সাগরের জল পান করিতেছে; তাহা দেখিয়া খেজর বলিলেন, সমুদায় জীবের সমগ্র জ্ঞান ঈশ্বরের জ্ঞানসাগরের নিকটে চটকপক্ষীর চক্ষুস্থিত বারিবিন্দুর স্থায় ক্ষুদ্র। ( ত, ফা, )

+ “জ্ঞানযোগে যাহা আয়ত্ত কর নাই” অর্থাৎ জ্ঞানযোগে যাহা প্রাপ্ত হও নাই।

করিতে পারিবে না” ? ৭২। সে বলিল, “আমি যাহা ভুলিয়াছি, তৎসম্বন্ধে তুমি আমাকে ধরিও না, এবং আমার ব্যাপারে তুমি আমার উপরে সৰ্বট ফেলিও না”। অনন্তর উভয়ে যে পর্য্যন্ত না এক বালকের সঙ্গে তাহাদের সাক্ষাৎ হইল, সে পর্য্যন্ত চলিল ; সে ( খেজর ) তাহাকে হত্যা করিল, সে বলিল, “কোন ব্যক্তির ( হত্যা)বিনিময় ) ব্যতীত তুমি কি এক নির্দোষ ব্যক্তিকে বধ করিলে ? সত্য সত্যই তুমি মন্দ বিষয় উপস্থিত করিলে”। ৭৩। সে বলিল, “আমি কি তোমাকে বলি নাই যে, নিশ্চয় তুমি আমার সম্বন্ধে কখনও ধৈর্য্য ধারণ করিতে পারিবে না” ? ৭৪। সে বলিল, “যদি ইহার পরে কোন বিষয়ে আমি তোমাকে জিজ্ঞাসা করি, তবে আমার সঙ্গে সহবাস করিবে না, নিশ্চয় তুমি আমার নিকট হইতে মার্জনা পাইবে” \*। ৭৫। অনন্তর উভয়ে চলিল, যখন তাহারা এক গ্রামের অধিবাসীদের নিকটে উপস্থিত হইল, তখন তাহার অধিবাসীদের নিকট খাণ্ড প্রার্থনা করিল, তাহারা তাহাদের আতিথ্য-সৎকারে অসম্মত হইল। পরে তাহারা ( মুসা ও খেজর ) তথায় পতনোন্মুখ এক প্রাচীর প্রাপ্ত হইল, সে ( খেজর ) তাহার জীর্ণ সংস্কার করিল ; সে ( মুসা ) বলিল, “যদি তুমি ইচ্ছা করিতে, নিশ্চয় এসম্বন্ধে পারিশ্রমিক গ্রহণ করিতে”। ৭৬। সে বলিল, “তোমার ও আমার মধ্যে এই বিচ্ছেদ, যে যে বিষয়ে তুমি ধৈর্য্যধারণে সক্ষম হও নাই, এক্ষণ আমি তোমাকে তাহার তত্ত্ব জানাইব”। ৭৭। কিন্তু নৌকা, ( নৌকার বিষয়, ) পরন্তু উহা কয়েক জন দরিদ্রের ছিল, তাহারা সমুদ্রে কার্য্য করিতেছিল ; অনন্তর আমি ইচ্ছা করিলাম যে, তাহাকে দোষযুক্ত করি, যেহেতু তাহাদের পশ্চাতে এক রাজা ছিল, সে বলপূর্ব্বক সমুদায় নৌকা গ্রহণ করিত। ৭৮। এবং কিন্তু বালক, ( বালকের বিষয় ) পরন্তু তাহার পিতামাতা ধার্মিক ছিল, পরে ভীত হইলাম যে, সে বা তাহাদের উপর অধর্ম্ম ও অবাধ্যতায় প্রবল হইয়া উঠে। ৭৯। অনন্তর ইচ্ছা করিলাম, যেন তাহাদের প্রতিপালক শুদ্ধতা অনুসারে তাহা অপেক্ষা শ্রেষ্ঠ ও পিতা মাতার প্রতি করুণা অনুসারে সমধিক নিকটবর্ত্তী ( সন্তান ) তাহাদিগকে বিনিময় দান করেন। †। ৮০। কিন্তু প্রাচীর, ( প্রাচীরের বিষয়, ) পরন্তু তাহা নগরস্থ দুই অনাথ বালকের ছিল, এবং তাহার নিম্নে তাহাদের ধন ছিল ও তাহাদের পিতা মাধু ছিল ; পরে তোমার প্রতিপালক চাহিলেন যে, তাহারা উপযুক্ত বয়ঃপ্রাপ্ত হয় ও আপনাদের ধন বাহির করে। তোমার প্রতিপালকের অনুগ্রহ, আমি

\* অর্গাৎ যখন পুনর্ব্বার তোমার বিরুদ্ধাচরণ করিব, তখন আমাকে তোমার সহবাস হইতে দূর করিলে নিশ্চয় তুমি মার্জনা পাইবে। ( ত, হো, )

+ পরমেশ্বর সেই বালকের পরিবর্ত্তে তাহার পিতা মাতাকে একটি কন্যা দিয়াছিলেন। এক জন প্রেরিত পুরুষ তাহাকে বিবাহ করিয়াছিলেন, তাহার বংশে সন্তোর জন প্রেরিত পুরুষ আবিভূত হইয়াছিলেন। ( ত, হো, )

আপন মতে তাহা করি নাই ; তুমি যাহাতে ধৈর্য ধারণ করিতে পার নাই, তাহার এই তত্ত্ব \* । ৮১ । ( র, ১০, আ, ১১ )

এবং তোমাকে, ( হে মোহম্মদ, ) জ্বোল্করণয়নের বিষয় তাহারা জিজ্ঞাসা করিতেছে ; তুমি বল, সত্ত্বর তোমাদের নিকটে তাহার প্রসঙ্গ পাঠ করিব † । ৮২ । নিশ্চয় আমি তাহাকে পৃথিবীতে ক্ষমতা দান করিয়াছিলাম, এবং তাহাকে প্রত্যেক বিষয়ের এক সঞ্চল দিয়াছিলাম ‡ । ৮৩ । † অনস্তর সে কোন সঞ্চলের অহুসরণ করিল । ৮৪ । সে যখন সূর্যের অস্তগমন-স্থান পর্য্যন্ত পহুছিল, তখন কর্দমময় জলপ্রণালীমধ্যে মগ্ন হইতেছে (অবস্থায়) তাহাকে পাইল, এবং তাহার নিকটে এক দল প্রাপ্ত হইল § । ৮৫ । আমি বলিয়াছিলাম, “হে জ্বোল্করণয়ন, হয় তুমি শাস্তি দিবে, এবং না হয় ইহাদিগের প্রতি হিতানুষ্ঠান অবলম্বন করিবে” । ৮৬ । সে বলিল, কিন্তু যে ব্যক্তি অত্যাচার ( অধর্ম ) করিয়াছে, পরে সত্ত্বর আমি তাহাকে শাস্তি দান করিব ; তৎপর সে স্বীয় প্রতিপালকের দিকে প্রত্যাবর্তিত হইবে, অবশেষে তিনি তাহাকে কঠিন শাস্তি দিবেন ¶ ।

\* তৎপর মুসা ও খেজর পরস্পর বিদায় গ্রহণ করিয়া স্ব স্ব স্থানে চলিয়া গেলেন । এই আখ্যায়িকার গুরুশিষ্যসম্বন্ধীয় নীতির গুঢ় তত্ত্ব প্রকাশ পাইতেছে ।

† “করণ” শব্দের অর্থ দীর্ঘকাল, কোন কোন অভিধানকারের মতে শত বৎসর, কাহারও মতে আশী বৎসর । আরবীভাষায় দ্বিবচনে “করণয়ন” হয় । জ্বোল্করণয়ন এক সত্ত্বাটের নাম ছিল । তিনি দুই করণকালের মধ্যে পৃথিবীর পূর্ব পশ্চিম সীমা প্রদক্ষিণ করিয়াছিলেন, এজন্য তাহার উপাধি জ্বোল্করণয়ন অর্থাৎ দ্বিশতবৎসরাধিপতি হইয়াছিল । জ্বোল্করণয়ন শব্দের অল্পরূপ অর্থও হয় । রোমের সত্ত্বাট দিখিঞ্জয়ী সেকেন্দরের জ্বোল্করণয়ন উপাধি ছিল, এরূপ প্রসিদ্ধি । ( ত, হো, )

‡ তাহাকে এরূপ এক এক বিষয়সম্বন্ধে সঞ্চল বা উপায় দেওয়া হইয়াছিল যে, তদ্বারা তিনি সেই সেই বিষয় আয়ত্ত করিতে পারিতেন । কথিত আছে যে, পরমেশ্বর জ্যোতি ও অন্ধকারকে তাহার বাধ্য করিয়া রাখিয়াছিলেন । জাদোল্‌মসিরনামক গ্রন্থে উক্ত হইয়াছে যে, মেঘ তাহার আজ্ঞাধীন ছিল । তিনি মেঘের উপর আরোহণ করিয়া যথা ইচ্ছা চলিয়া যাইতেন । এক দিনে রোম হইতে বহির্গত হইয়া তিনি মেসর দেশ আক্রমণ করেন, তথায় হবসীদিগের সঙ্গে তাহার যুদ্ধ হয়, তিনি তাহাদের উপর জয়লাভ করিয়া পশ্চিম দেশে যাত্রা করেন । ( ত, হো, )

§ জ্বোল্করণয়ন পশ্চিম সমুদ্রের উপকূলস্থ এক জলপ্রণালীর নিকটে নাসেকনামক এক সত্ত্বাদায় প্রাপ্ত হন । তাহারা পৌত্তলিক ছিল । তাহাদের চক্ষু হরিষর্গ, কেশ রক্তবর্ণ, দেহ ছুল, পরিচ্ছদ পশুচর্ম, খাদ্য বস্ত্রপশু ও জলচর জন্তুর মাংস ছিল । ( ত, হো, )

জ্বোল্করণয়নের ইচ্ছা হইল যে, পৃথিবীতে লোকের বসতি কত দূর, তাহা অবগত হন ; সেই ইচ্ছার বশবর্তী হইয়া তিনি পশ্চিম দিকে যাত্রা করেন । যাইতে যাইতে সূর্যাস্তগমনকালে এক অগম্য জলা ভূমিতে যাইয়া উপস্থিত হন, তাহাকেই তিনি ঈশ্বরের রাজ্যের সীমা মনে করেন । ( ত, হো, )

¶ অর্থাৎ আমি সেই ধর্মজোহী লোকদিগকে শীঘ্র সংহার করিব, পরমেশ্বর আবার কেয়ামতে তাহাদিগকে কঠিন শাস্তি দান করিবেন । ( ত, হো, )

৮৭। কিন্তু যে ব্যক্তি বিশ্বাস স্থাপন ও সংকল্প করিয়াছে, পরে তাহার জন্ত শুভ  
 বিনিময় আছে, এবং শীঘ্র স্বীয় আদেশানুসারে আমি তাহার জন্ত সহজ (কার্য) বলিব \*।  
 ৮৮। তৎপর সে কোন সম্বলের অনুসরণ করিল। ৮৯। সে যখন সূর্যের উদয়ভূমি  
 পর্যন্ত পঁহছিল, তখন তাহাকে এক সম্প্রদায়ের উপরে প্রকাশ পাইতেছে (অবস্থায়)  
 প্রাপ্ত হইল; আমি তাহা (সূর্য) ব্যতীত তাহাদের জন্ত কোন আবরণ করি নাই †।  
 ৯০। + এইরূপ (বিবরণ ছিল,) এবং নিশ্চয় তাহার নিকটে যাহা ছিল, তাহার তত্ত্ব  
 আমি ধারণ করিয়াছিলাম। ৯১। তৎপর সে কোন সম্বলের অনুসরণ করিল। ৯২।  
 যখন সে দুই প্রাচীরের (পর্বতের) মধ্য পর্যন্ত পঁহছিল, সে তখন উভয় প্রাচীরের  
 নিকটে এক সম্প্রদায়কে প্রাপ্ত হইল; সে তাহাদের কোন কথা হৃদয়ঙ্গম করিবার  
 নিকটবর্তী (উপযুক্ত) ছিল না ‡। ৯৩। তাহারা বলিল, “হে জোলুকরণয়ন, নিশ্চয়  
 ইয়াজুজ ও মাজুজ ভূমণ্ডলে বিপ্লবকারী; অনন্তর তুমি আমাদের মধ্যে ও তাহাদের  
 মধ্যে প্রাচীর স্থাপন করিবে, এই (অন্ধীকারে) আমরা তোমার জন্ত কি কর নির্ধারণ  
 করিব” § ? ৯৪। সে বলিল, “আমার প্রতিপালক তদ্বিষয়ে আগাকে যে ক্ষমতা দান  
 করিয়াছেন, তাহা উত্তম; অনন্তর তোমরা শক্তিদ্বারা আমার সহায়তা কর, আমি তোমা-  
 দের ও তাহাদের মধ্যে দৃঢ় আবরণ স্থাপন করিব। ৯৫। যে পর্যন্ত সেই দুই পর্বতের  
 তুল্য হয়, তোমরা আগার নিকটে সে পর্যন্ত লৌহখণ্ড সকল উপস্থিত কর”। সে বলিল,

প্রত্যেক রাজা ও রাজপুরুষকে পরমেশ্বর এইরূপ শক্তি দান করিয়াছেন যে, তাহারা লোকদিগকে  
 শাস্তি বা পুরস্কার এই দুই বিধান করিতে পারেন। (ত, ফা,)

\* অতঃপর জোলুকরণয়ন অন্ধকারের সৈন্তদিগকে নাসেক জাতির উপর প্রেরণ করিলেন,  
 তাহাতে তাহারা ক্ষমা প্রার্থনা করিয়া তাহার অধীনতা স্বীকার করিল; অনন্তর যাহা দ্বারা পূর্বসীমায়  
 গমন করা যাইতে পারে, সেই উপায়ের অনুসরণ করিলেন, এবং নাসেক সম্প্রদায়কে সঙ্গে লইলেন।  
 জ্যোতির সৈন্তকে অগ্রে প্রেরণপূর্বক অন্ধকারের সৈন্তকে পশ্চাতে রাখিলেন ও দক্ষিণদিকে যাত্রা  
 করিলেন, এবং হাবিল জাতিকে পরাজিত করিয়া পূর্বসীমায় উপস্থিত হইলেন। (ত, হো,)

† হয়তো তাহারা বস্তুলোক ছিল, গৃহ নির্মাণ বা কোন আবরণ স্থাপন করিয়া তন্মধ্যে বাস  
 করা তাহাদের রীতি ছিল না। (ত, ফা,)

‡ তাহাদের কথা জোলুকরণয়নের সৈন্তগণ বুঝিয়া উঠিতে পারে নাই। জোলুকরণয়ন অনুবাদকের  
 সাহায্যে তাহা হৃদয়ঙ্গম করিয়াছিলেন। (ত, হো,)

§ সেই সম্প্রদায় বলিল, “ইয়াজুজ ও মাজুজ এই স্থানে আসিয়া আমাদের প্রতি অত্যাচার  
 করিয়া থাকে। যখন তাহারা এই দুই পর্বত অতিক্রম করিয়া উপস্থিত হয়, তখন হরিষর্গ ক্ষুদ্র উদ্ভিদ  
 যাহা প্রাপ্ত হয় ভক্ষণ করে ও শুষ্ক তৃণ সকল সঙ্গে লইয়া যায়, এবং আমাদের সমুদায় পালিত পশু  
 মারিয়া খাইয়া ফেলে। চতুষ্পদ না পাইলে তাহার পরিবর্তে মনুষ্যগণকে বধ করিয়া ভক্ষণ করে।  
 তাহারা মুহার পুত্র ইয়াকসের বংশোদ্ভব, ইয়াজুজ ও মাজুজ এই দুই পরিবারে বিভক্ত।” তাহাদের  
 উৎপত্তি ও বলবীর্ঘ্য ও আকার প্রকারাদিবিষয়ে নানা অলৌকিক বৃত্তান্ত বর্ণিত আছে। (ত, হো,)

“যে পর্যন্ত তাহাকে অগ্নিতে পরিণত করা হয়, তোমরা সে পর্যন্ত ফুৎকার করিতে থাক;”  
সে বলিল, “আমার নিকটে ( তাহা ) আনয়ন কর, আমি তাহার উপর দ্রবীভূত তাম্র  
নিষ্ক্ষেপ করিব” \* । ৯৬ । অনন্তর তাহারা (ইয়াজুজ ও মাজুজ) তাহার উপর উঠিতে  
সমর্থ হইল না, এবং তাহাকে ভেদ করিতেও সমর্থ হইল না । ৯৭ । সে ( জোল্করণয়ন )  
বলিল, আমার প্রতিপালকের এই অনুগ্রহ, অনন্তর যখন আমার প্রতিপালকের অঙ্গীকার  
উপস্থিত হইবে, তখন তাহাকে সমভূমি করিবে, যেহেতু আমার প্রতিপালকের  
অঙ্গীকার সত্য । ৯৮ । এবং সেই দিন আমি তাহাদের এক দলকে অণু দলে মিলিত  
হইতে ছাড়িয়া দিব, এবং সুরবাণে ফুৎকার করা হইবে, অনন্তর আমি তাহাদিগকে  
একত্র সম্মিলিত করিব † । ৯৯ । + এবং সেই দিন আমার স্মরণ করা হইতে যাহাদের  
চক্ষু আচ্ছাদনের ভিতরে আছে ও যাহারা শ্রবণ করিতে সক্ষম নহে, সেই ধর্মদ্রোহী-  
দিগের জন্ত নরক সম্মুখস্থ করিব ‡ । ১০০ + ১০১ । ( র, ১১, আ, ২০ )

অনন্তর ধর্মদ্রোহিগণ কি মনে করিয়াছে যে, আমাকে ছাড়িয়া আমার দাসদিগকে  
বন্ধুরূপে গ্রহণ করিবে? নিশ্চয় আমি ধর্মদ্রোহীদিগের নির্মিত নরকে আতিথ্যভূমি  
করিয়াছি । ১০২ । তুমি বল, পার্থিব জীবনে যাহাদিগের চেষ্টা বিফল হইয়াছে, এবং  
যাহারা মনে করিতেছিল যে, তাহারা কার্য উত্তম করিতেছে, আমি তোমাদিগকে কি  
কার্যতঃ সেই ক্ষতিগ্রস্তদিগের সংবাদ জানাইব? § । ১০৩ + ১০৪ । তাহারাই যাহারা

\* তখন জোল্করণয়নের আদেশে উভয় পর্বতের মধ্যভাগ যে, তাহা দৈর্ঘ্যে চারি সহস্র পদ  
ভূমি ও পঁয়ষট্টি গজ পরিসর ছিল, সুগভীর খনন করা হয়; পরে সেই গর্ভে লৌহগু সকল স্থাপিত  
করিয়া কাষ্ঠপুঞ্জ রাখা হয়, তৎপর লোক সকল ফুৎকার করিয়া অগ্নি উদ্দীপন করে। লৌহ অগ্নিবৎ  
উত্তপ্ত হইলে তন্মধ্যে জোল্করণয়ন দ্রবীভূত তাম্ররাশি নিষ্ক্ষেপ করেন। সেই ধাতুপুঞ্জযোগে পর্বতের  
শ্রায় দেড় শত গজ উচ্চ এক প্রাচীর প্রস্তুত হয়। তাহাতে ইয়াজুজ ও মাজুজ সম্প্রদায় সেই প্রাচীরকে  
অতিক্রম করিয়া আসিতে সমর্থ হয় না। ( ত, হো, )

প্রথমতঃ বড় বড় লৌহ পাট সকল নির্মিত হয়, এবং সে সকলকে স্তরে স্তরে স্থাপিত করা যায়,  
তাহাতে উহা দুই পর্বতের সঙ্গে সমান ভাবে মিলিয়া যায়। তৎপর তাম্র গলাইয়া তাহার উপর  
ঢালিয়া দেওয়া হয়, তাহাতে জমাট বাঁধিয়া পর্বতের শ্রায় হইয়া যায়। ( ত, ফা, )

+ অর্থাৎ কেয়ামতের দিনে সমুদায় মানব দানব ব্যস্ত সমস্ত হইয়া একত্র হইবে, এবং ঈশ্বর সকলকে  
একযোগে সমুখাপিত করিবেন। ( ত, হো, )

‡ অর্থাৎ যাহাদের অন্তঃকরুণ আবরণের মধ্যে আছে যে, আমার নিদর্শন সকল দর্শন করিয়া  
আমাকে স্মরণ করে না, তাহাদের জন্ত নরক হইবে। ( ত, হো, )

§ ঈসায়ী বৈরাগ্যাশ্রিত মন্যাসিগণ কার্যতঃ ক্ষতিগ্রস্ত। তাহারা অধিকাংশ সময় তপস্যাকুটিরে  
বাস করিয়া ব্রতোপাসনাদিতে যাপন করে, কিন্তু তাহাদের সেই ব্রতোপাসনাদি কার্য তাহাদের  
অংশিবাচিতাদোষে নিষ্ফল হয়। অথবা রাফেজী সম্প্রদায় যে কোর্-আনের সমুদায় বিধি মান্য করে না  
ও যে সকল লোক কপটভাবে কার্য করে, তাহারা কার্যানুসারে ক্ষতিগ্রস্ত। ( ত, হো, )



আপন প্রতিপালকের নিদর্শন সকল ও তাঁহার সাক্ষাৎকারসম্বন্ধে অধর্ম করিয়াছে, অনন্তর তাহাদের কর্ম সকল বিনষ্ট হইয়াছে; পরে আমি তাহাদের জন্ত কেয়ামতের দিনে পরিমাণ স্থাপন করিব না \*। ১০৫। যেহেতু তাহারা ধর্মদ্রোহী হইয়াছে ও আমার নিদর্শন সকলকে এবং প্রেরিতগণকে বিদ্রূপ করিয়াছে, তন্নিমিত্ত এই তাহাদের বিনিময়-স্বরূপ নরক। ১০৬। নিশ্চয় তাহারা বিশ্বাস স্থাপন ও সংকর্ষ করিয়াছে, তাহাদের জন্ত স্বর্গের উদ্যান সকল আতিথ্যভূমি হয়। ১০৭।+ তাহারা তথায় নিত্যস্থায়ী হইবে, তথা হইতে প্রত্যাগমন প্রার্থনা করিবে না। ১০৮। তুমি বল যে, আমার প্রতিপালকের বচনাবলী ( লিপির ) জন্ত যদি সাগর মসী হয়, এবং যদিচ আমরা তৎসদৃশ সাহায্য আনয়ন করি, আমার প্রতিপালকের বচনাবলী সমাপ্ত হওয়ার পূর্বে অবশ্য সমুদ্র সমাপ্ত হইবে †। ১০৯। তুমি বল, আমি তোমাদের ছায় মন্তুয়া, এতদ্ভিন্ন নহি; আমার প্রতি প্রত্যাশে প্রেরিত হয় যে, তোমাদের উপাস্ত সেই একমাত্র উপাস্ত। অনন্তর যে ব্যক্তি স্বীয় প্রতিপালকের সাক্ষাৎকারের আশা রাখে, তাহার উচিত যে, সংকর্ষ করে ও আপন প্রতিপালকের উপাসনায় কাহাকেও অংশী স্থাপন না করে ‡। ১১০। ( র, ১২, আ, ৯ )

\* তাহারা কোন পরিমাণের মধ্যে আসিবে না, অর্থাৎ তাহাদের কোন মর্যাদা ও গৌরব রক্ষা পাইবে না, বরং তাহারা হীন ও অপদস্থ হইবে। ( ত, হো, )

+ যখন ইহুদিরা মোসলমানদিগকে বলিয়াছিল, “তোমরা আপনাদের এই শাস্ত্রীয় বচন পাঠ করিয়া থাক যে, যে ব্যক্তিকে উত্তম জ্ঞান দান করা হয়, নিশ্চয় সেই প্রচুর কল্যাণ লাভ করে। মোহাম্মদ মনে করেন যে, তাহাকে মহা জ্ঞান প্রদত্ত হইয়াছে, অতএব তোমাদেরও প্রভূত জ্ঞান আছে। পুনর্বার তোমরা পাঠ কর, অল্প বৈ জ্ঞান প্রদান করা হয় নাই। এই কথাই মধ্যাক্ষর করিয়া যোগ হইতে পারে?” তখনই পরমেশ্বর এই আয়ত প্রেরণ করেন যে, ঈশ্বরের জ্ঞানের সীমা নাই, কোন ব্যক্তির যত কেন প্রচুর জ্ঞান হউক না, তাঁহার নিকটে অত্যন্ত অল্প। ( ত, হো, )

‡ তত্ত্ববাহক মহাপুরুষের অধীনতা স্বীকার করা সাধুপুরুষদিগের কার্য, তাঁহার বিধিবশ্যযোগেই তাঁহাদের গতি হইয়া থাকে। উহা বাহ্যে সংসারত্যাগ, বৈরাগ্যাবলম্বন ও নিত্য সাধন, অন্তরে বাহ্য পদার্থ অতিক্রম করিয়া ঈশ্বরের সঙ্গে যোগ স্থাপন, অর্থাৎ ঈশ্বর ব্যতিরিক্ত পদার্থের সম্বন্ধে অন্তর্ভুক্ত রুদ্ধ করিয়া রাখা, এবং প্রভুর দর্শন ব্যতীত উন্মীলন না করা। একদা জহির আমরির পুত্র জনুব হজরতকে বলিয়াছিল “প্রেরিত মহাপুরুষ, আমি ঈশ্বরোদ্দেশে ধর্ম্মানুষ্ঠান করিয়া থাকি, যদি কেহ তদ্বিনয়ে জ্ঞাত হয়, আহ্লাদিত হই।” তাহাতে হজরত বলেন, “যে ক্রিয়ায় অন্তকে অংশী করা হয়, ঈশ্বর তাহা গ্রাহ্য করেন না।” তখন পরমেশ্বর এই আয়ত প্রেরণ করিয়া স্বীয় প্রেরিত পুরুষের বাক্যের সত্যতা প্রতিপাদন করিলেন। ( ত, হো, )

## সূরা মরয়ম ❀

.....

### উনবিংশ অধ্যায়

.....

৯৮ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

(তিনি) মহান্ পথপ্রদর্শক জ্ঞানময় সত্যস্বরূপ † । ১ । তোমার প্রতিপালকের দয়ার প্রসঙ্গ তাঁহার দাস জকরিয়ার প্রতি হয় ‡ । ২ । যখন সে আপন প্রতিপালককে গুপ্ত আহ্বানে ডাকিল, বলিল, “হে আমার প্রতিপালক, নিশ্চয় আমার অস্থি শিথিল হইয়াছে, এবং মস্তক বৃদ্ধত্বকে উদ্দীপিত করিয়াছে ; § হে আমার প্রতিপালক, আমি তোমাকে প্রার্থনা করায় বঞ্চিত হই নাই । ৩।+৪ । এবং নিশ্চয় আমি আপন ( মৃত্যুর ) পরে স্বীয় আত্মীয়গণ হইতে ভীত হইতোছি ও আমার ভার্য্যা বন্ধ্যা, অতএব আমাকে নিজের নিকট হইতে এক উত্তরাধিকারী প্রদান কর । ৫।+সে আমার উত্তরাধিকার লাভ করিবে ও ইয়কুবের সন্তানের উত্তরাধিকার প্রাপ্ত হইবে ; এবং হে আমার প্রতিপালক, তুমি তাহাকে মনোনীত কর” । ৬ । ( ঈশ্বর বলিলেন, ) “হে জকরিয়া, নিশ্চয় আমি তোমাকে এক বালকের স্মসংবাদ দান করিতেছি, তাহার নাম ইয়হা ; ¶ ইতিপূর্বে আমি তাহার ( নামানুরূপ ) নামকরণ করি নাই” । ৭ । সে বলিল, “হে আমার প্রতিপালক, কিরূপে আমার বালক হইবে ? আমার ভার্য্যা বন্ধ্যা, এবং নিশ্চয় আমি বৃদ্ধত্বে সীমা প্রাপ্ত হইয়াছি” । ৮ ( স্বর্গীয় দূত বলিল, ) “তদ্রূপই, ( কিন্তু ) তোমার প্রতিপালক বলিয়াছেন যে, তাহা আমার সম্বন্ধে সহজ, এবং নিশ্চয় তোমাকে ( ইতি ) পূর্বে

\* এই সূরা মক্কাতে অবতীর্ণ হয় ।

+ “কহায়মস” এই ব্যবচ্ছেদক শব্দের গূঢ় অর্থ মহান্ পথ-প্রদর্শক ইত্যাদি । এই শব্দের এক এক বর্ণ ঈশ্বরের গুণব্যঞ্জক এক এক নাম প্রকাশ করে । ( ত, হো, )

‡ জকরিয়া আজরের পুত্র দাউদের বংশসম্বৃত ছিলেন, তিনি একজন প্রধান স্বর্গীয় বার্তাবাহক ও জেরুজেলমের সম্রাট লোক ছিলেন । ( ত, হো, )

§ “মস্তক বৃদ্ধত্বকে উদ্দীপিত করিয়াছে” অর্থাৎ মস্তকের কেশ শুষ্ক হইয়াছে ।

¶ তাঁহার পূর্বে কাহারও তাঁহার নামের অনুরূপ নাম ছিল না, অথবা জন্মগ্রহণের পূর্বে তাঁহার স্থায় একরূপ নামকরণ কাহার হয় নাই, এজন্য তাঁহার মহত্ব, একরূপ নহে ; বরং পরমেশ্বর স্বয়ং নামকরণ করিয়া তাঁহাকে তাঁহার পিতামাতার হস্তে সমর্পণ করিলেন, একারণেই মহত্ব । ( ত, হো, )

সৃজন করিয়াছি, তুমি কিছুই ছিলে না”। ৯। সে বলিল, “হে আমার প্রতিপালক, আমার জন্ত কোন নিদর্শন স্থাপন কর ;” তিনি বলিলেন, “তোমার জন্ত নিদর্শন এই যে, তিন দিবারাত্রি তুমি লোকের সঙ্গে সৃষ্টাবস্থায় কথা কহিতে পারিবে না”। ১০। অনন্তর সে মন্দিরের দ্বার হইতে আপন মণ্ডলীর নিকটে বাহির হইল, পরে তাহাদের প্রতি ইঙ্গিত করিল যে, “প্রাতঃসন্ধ্যা তোমরা স্তুতি করিতে থাক” \*। ১১। ( আমি বলিলাম, ) “ইয়হা, তুমি সবলে গ্রন্থকে ধারণ কর ;” আমি তাহাকে বাল্যাবস্থায়ই বিজ্ঞতা দান করিলাম। ১২। + এবং আপন সন্নিধান হইতে দয়া ও পবিত্রতা দিলাম, এবং সে সহিষ্ণু ছিল। ১৩। + অপিচ পিতা মাতার প্রতি সদাচারী ( ছিল ) ও সে উদ্ধত অপরাধী ছিল না। ১৪। যে দিন সে জন্মগ্রহণ করিল ও যে দিন মরিবে, এবং যে দিন জীবিত সমুখাপিত হইবে, তৎপ্রতি আশীর্বাদ ( হউক )। ১৫। ( র, ১, আ, ১৫ )

এবং গ্রন্থমধ্যে মরয়মকে স্মরণ কর, যখন সে আপন আত্মীয়জন হইতে পূর্কভূমিতে সরিয়া পড়িয়াছিল †। ১৬। + অনন্তর তাহাদের নিকটে সে আবরণ গ্রহণ করিয়াছিল, পরে আমি তাহার নিকটে স্বীয় আত্মা পাঠাইয়াছিলাম, অবশেষে উহা তাহার জন্ত সুন্দর মনুষ্যরূপ ধারণ করিয়াছিল ‡। ১৭। সে বলিল, “যদি তুমি ( ছুট ) তকি হও,

\* তিনি কথা কহিতে পারেন নাই বলিয়া ইঙ্গিতে জানাইলেন। এই লক্ষণ প্রকাশ পাইল, তাহার জিহ্বা অতিশয় ভারাক্রান্ত হইয়াছিল, তিন দিবস তিনি তাহা সঞ্চালন করিতে পারেন নাই। তাহার স্ত্রীর নাম আসিয়া ছিল, যে দিন প্রাতঃকালে জকরিয়্যার বাগ্‌রোধ হইল, সেই দিন রাত্রিতেই আসিয়া গর্ভধারণ করিলেন। কথিত আছে যে, ইয়হা বৈরাগ্যবস্ত্রসহ ঈশ্বরের বন্দনা করত মাতৃগর্ভ হইতে ভূমিষ্ঠ হইয়াছিলেন। ( ত, হো, )

+ অর্থাৎ এম্ব্রাণের কস্তা মরয়মের বৃত্তান্ত কোর্-আনে পাঠ কর। মরয়ম জেরুজেলমের মন্দিরে অবস্থিতি করিতেছিলেন, তিনি অশুচি হইলে মাতৃঘসার গৃহে যাইতেন, স্নানান্তে শুদ্ধ হইয়া পরে মন্দিরে চলিয়া আসিতেন। একদা তিনি মাতৃঘসার গৃহে ছিলেন, স্নান করা আবশ্যক হওয়াতে তদুপযোগী স্থানের অভাবে মাতৃঘসা ও স্বগণ হইতে দূরে চলিয়া গেলেন। তিনি মাতৃঘসার আলয়ের বা জেরুজেলমের পূর্বপ্রান্তে স্নান করিতে যান ; তখন শীতকাল ছিল, এজন্য যে স্থান সূর্য্যাস্তিমুখে ছিল, সেই স্থানে স্নান করিতে গিয়াছিলেন। ( ত, হো, )

অর্থাৎ মরয়ম ঋতুর অন্তে স্নান করিবার জন্ত গিয়াছিলেন। তাহার তখন ত্রয়োদশ বা পঞ্চদশ বৎসর বয়ঃক্রম ও প্রথম ঋতু। লজ্জাবশতঃ তিনি দূরে চলিয়া গিয়াছিলেন। যে স্থানে স্নান করিতে গিয়াছিলেন, সেই স্থান পূর্বদিকে ছিল। ( ত, ফা, )

‡ লোকে না দেখিতে পারে, এজন্য তিনি তাহাদের দিকে আচ্ছাদন প্রাপ্ত হইয়াছিলেন। স্নানান্তে বস্ত্র পরিধান করিলে পর পরমেশ্বর স্বীয় আত্মস্বরূপ জেব্রিলকে তাহার নিকটে প্রেরণ করেন। জেব্রিল মনুষ্যের রূপ ধারণ করিয়া মরয়মের নিকটে আসিয়া দর্শন দেন। মরয়ম স্নানভূমিতে ছিলেন, পরপুরুষ দেখিয়া লজ্জিত হন। ( ত, হো, )

তবে আমি তোমা হইতে ঈশ্বরের নিকটে শরণাপন্ন হইতেছি” \*। ১৮। সে বলিল, “আমি তোমার প্রতিপালকের প্রেরিত ব্যতীত নহি, যেহেতু তোমাকে পুণ্যবান্ বালক প্রদান করিব”। ১৯। সে বলিল, “কিভাবে আমার বালক হইবে? যেহেতু কোন পুরুষ আমাকে স্পর্শ করে নাই, এবং আমি দুশ্চরিত্রা নহি”। ২০। সে বলিল, “তদ্রূপই, (কিন্তু) তোমার প্রতিপালক বলিয়াছেন যে, উহা আমার সম্বন্ধে সহজ; এবং তাহাকে আমি মানবমণ্ডলীর জন্ম এক দিনর্শন ও আপন সন্নিধান হইতে অনুগ্রহস্বরূপ করিব, এবং কার্য্য নির্দ্ধারিত আছে”। ২১। অনস্তর সে তাহাকে (ঈসাকে) গর্ভে ধারণ করিল, পরে সে তৎসহ দূরতর ভূমিতে সরিয়া পড়িল, †। ২২। পরিশেষে খোশ্মাতরুর মূলে তাহার প্রসব-বেদনা উপস্থিত হইল, সে বলিল, “হায়! যদি আমি ইহার পূর্বে প্রাণত্যাগ করিতাম ও বিস্মরিত হইতাম (ভাল ছিল)” ‡। ২৩। অনস্তর সে তাহাকে তাহার নিম্ন হইতে ডাকিয়া বলিল যে, § “তুমি শোক করিও না, নিশ্চয় তোমার প্রতিপালক তোমার নিম্নে জলস্রোত সৃষ্টি করিয়াছেন। ২৪। এবং তুমি আপনার দিকে খোশ্মাতরুর কাণ্ডকে কম্পিত কর, তোমার প্রতি সরস খোশ্মা সকল নিক্ষেপ করিবে। ২৫। অনস্তর ভক্ষণ কর ও পান কর, এবং নয়নকে শাস্ত রাখ। ২৬। পরে যদি তুমি কোন এক মনুষ্যকে দেখ, তবে বলিও যে, সত্যই আমি পরমেশ্বরের উদ্দেশ্যে উপবাসব্রত সঙ্কল্প করিয়াছি, পরন্তু অতঃ কোন ব্যক্তির সঙ্গে কথা কহিব না”। ২৭। অবশেষে সে স্বজাতির নিকটে তৎসহ (অর্থাৎ) তাহাকে বহন করত

\* তকি একজন দুশ্চরিত্র লোকের নাম, সে স্ত্রীলোকের প্রতি অত্যাচার করিত, মরয়ম তাহার বৃত্তান্ত শুনিয়াছিলেন। তিনি মনে করিলেন যে, সেই তকি উপস্থিত, অতএব তিনি ঈশ্বরের শরণাপন্ন হইলেন; কিন্তু জেব্রিল তখন তাঁহাকে উৎকণ্ঠিত দেখিয়া অভয় দান করিলেন। (ত, হো,)

† তিনি নগরের বাহিরে দূরতর একস্থানে চলিয়া গিয়াছিলেন। নগরের পূর্বদিকে এক পর্বতে অথবা বয়তোলমোকদস হইতে ছয় মাইল দূরে বয়তলখনামক প্রান্তরে গিয়াছিলেন। তাঁহার নবম মাস কিম্বা অষ্টম মাস গর্ভধারণের পর সন্তান প্রসূত হয়। কেহ বলেন, এক ঘণ্টার মধ্যে গর্ভসঞ্চার ও প্রসব হইয়াছিল; কেহ বলেন, নয় ঘণ্টার মধ্যে হইয়াছিল। ফল কথা, গর্ভসঞ্চারের পর শীঘ্র সন্তান জন্মগ্রহণ করিয়াছিল। মরয়ম এক শুষ্ক খোশ্মাতরুর মূলে যাইয়া বসিয়াছিলেন। (ত, হো,)

‡ অর্থাৎ সকলে যদি আমাকে ভুলিয়া যাইত, অর্থাৎ কেহ যদি আমার পরিচয় না রাখিত ও আমাকে গণ্য না করিত, তবে ভাল ছিল। বস্তুতঃ জেরুজেলমের আপামর সাধারণ সকলে আমাকে চিনে যে, আমি তাহাদের দলপতির কণ্ঠা হই ও জকরিয়্যার আশ্রয়ে আছি। এ পর্য্যন্ত আমার কুমারীত্ব দূর হয় নাই, স্বামীর আশ্রয় গ্রহণ করি নাই, এই অবস্থায় আমি সন্তান প্রসব করিতেছি, লজ্জার আমাকে ত্রিয়মাণ হইতে হইয়াছে। (ত, হো,)

§ “সে তাহাকে তাহার নিম্ন হইতে ডাকিয়া বলিল,” অর্থাৎ স্বর্গীয় দূত মরয়মকে বৃক্ষের নিম্ন হইতে ডাকিয়া বলিল। (ত, হো,)

সমাগত হইল ; তাহারা বলিল, “হে মরয়ম, সত্য সত্যই তুমি এক কুৎসিত বিষয় উপস্থিত করিলে। ২৮। হে হারুণের ভগিনি, \* তোমার পিতা অসৎ লোক ছিলেন না, এবং তোমার মাতা দুশ্চরিত্রা ছিলেন না”। ২৯। অনন্তর সে তাহার প্রতি ইঙ্গিত করিল, তাহারা বলিল, “যে জন শৈশব দোলায় স্থিতি করিতেছে, তাহার সঙ্গে কেমন করিয়া কথা কহিব” † ? ৩০। সে (ঈসা) বলিল, “নিশ্চয় আমি ঈশ্বরের ভৃত্য, তিনি আমাকে গ্রন্থ দিয়াছেন ও আমাকে সংবাদবাহক করিয়াছেন। ৩১।+এবং যে স্থানে আমি থাকি, তথায় আমাকে গৌরবান্বিত করিয়াছেন ও যে পর্য্যন্ত আমি জীবিত থাকিব, সে পর্য্যন্ত ধর্ম্মার্থদানে ও উপাসনায় (রত থাকিতে) আমাকে আদেশ করিয়াছেন। ৩২।+এবং আপন পিতামাতার প্রতি সদাচারী করিয়াছেন ও আমাকে অবাধ্য হতভাগ্য করেন নাই। ৩৩। এবং যে দিন আমি জন্মগ্রহণ করিয়াছি ও যে দিন প্রাণ-ত্যাগ করিব ও যে দিন জীবিত সমুখিত হইব, সেই সকল দিনে আমার প্রতি আশীর্বাদ”। ৩৪। মরয়মের পুত্র ঈসার এই (বৃত্তান্ত) সত্য কথাই, যাহার প্রতি তাহারা সন্দেহ করিতেছে। ৩৫। ঈশ্বরের পক্ষে (উচিত) নয় যে, তিনি কোন সন্তান গ্রহণ করেন, পবিত্রতা তাঁহারই ; যখন তিনি কোন কার্য সম্পাদন করেন, তখন তৎসম্বন্ধে “হউক” বলেন, এতদ্বিন্ন নহে, তাহাতেই হইয়া থাকে। ৩৬। নিশ্চয় ঈশ্বর আমার প্রতি-পালক ও তোমাদের প্রতিপালক, অতএব তাঁহাকে অর্চনা কর, ইহাই সরল পথ। ৩৭। অনন্তর সম্প্রদায় সকল আপনাদের মধ্যে পরস্পর বিরুদ্ধাচরণ করিয়াছে ; পরে মহাদিনের সাক্ষাৎকারসম্বন্ধে যাহারা অবিশ্বাস করিয়াছে, তাহাদের প্রতি আক্ষেপ ‡ । ৩৮। যে দিন আমাদের নিকটে আসিবে, সেই দিন তাহারা কেমন ভাল দেখিবে শুনিবে ! কিন্তু অত্যাচারিগণ স্পষ্ট পথভ্রান্তির মধ্যে আছে। ৩৯। যখন তাহাদের কার্য সম্পাদন করা যাইবে, তুমি সেই অনুশোচনার দিনসম্বন্ধে, (হে মোহম্মদ,) তাহা-দিগকে ভয় প্রদর্শন কর ; এবং তাহারা উদাসীন রহিয়াছে ও তাহারা বিশ্বাস করিতেছে

\* মরয়মের হারুণনামক এক ভ্রাতা ছিল, অথবা বনিএশ্রায়েলের মধ্যে হারুণনামক এক জন সাধু বা অসাধু পুরুষ ছিল, সাধুতা বা অসাধুতার উপমা স্থলে তাহার নাম উল্লিখিত হইত।  
(ত, হো,)

† অর্থাৎ মরয়ম ঈসার প্রতি ইঙ্গিত করিয়া বলিল যে, এই শিশু তোমাদের কথার উত্তর দান করিবে। তাহারা বলিল, যে দোলাতে শয়ন করিয়া আছে, এমন ক্ষুদ্র শিশু কেমন করিয়া কথা কহিবে ?  
(ত, হো,)

‡ অর্থাৎ ইহুদি ঈসায়ী সম্প্রদায় বিপরীত আচরণ করিয়াছে। ইহুদিগণ ঈসাকে নিকৃষ্ট করিয়া তুলিয়াছে ও ঈসায়ীরা তাঁহাকে অত্যন্ত বাড়াইয়াছে। মতভেদ হওয়ার ঈসায়িগণও তিন দলে বিভক্ত হইয়াছে। একদল নস্তুরিয়া, তাহারা ঈসাকে ঈশ্বরের পুত্র বলে, দ্বিতীয় ইয়কুবিয়া, তাহারা ঈশ্বর বলে, তৃতীয় মলকানিয়া, তাহারা ত্রিভুবাদী। এস্থলে মহাদিন কেয়ামত।  
(ত, হো,)



না। ৪০। নিশ্চয় আমি পৃথিবীর ও যাহারা তাহাতে আছে, তাহাদের উত্তরাধিকারী হইব ও আমার প্রতি তাহারা প্রত্যাবর্তিত হইবে \*। ৪১। ( র, ২, আ, ২৬ )

এবং গ্রন্থে (কোরু-আনে) তুমি এব্রাহিমকে স্মরণ কর, নিশ্চয় সে সাধু সংবাদবাহক ছিল। ৪২। ( স্মরণ কর, ) যখন সে স্বীয় পিতাকে বলিল, “হে আমার পিতা, যে বস্তু শ্রবণ করে না ও দর্শন করে না, এবং তোমা হইতে কিছু নিবারণ করিতে পারে না, তুমি তাহাকে অর্চনা করিও না। ৪৩। হে আমার পিতা, নিশ্চয় আমার নিকটে সেই জ্ঞান আসিয়াছে, যাহা তোমার নিকটে পৌঁছে নাই ; অতএব আমার অনুসরণ কর, আমি তোমাকে সরল পথ প্রদর্শন করিতেছি। ৪৪। হে আমার পিতা, তুমি শয়তানকে পূজা করিও না, নিশ্চয় শয়তান পরমেশ্বরের সঙ্ক্ষে অপরাধী হয়। ৪৫। হে আমার পিতা, নিশ্চয় আমি ভয় পাইতেছি যে, পরমেশ্বর হইতে বা শাস্তি ( আসিয়া ) তোমার প্রতি সংলগ্ন হয়, পরে তুমি শয়তানের বন্ধু হইবে”। ৪৬। সে বলিল, “হে এব্রাহিম, তুমি কি আমার ঈশ্বর সকল হইতে বিমুখ ? যদি তুমি নিরুত্ত না হও, তবে অবশ্য তোমাকে চূর্ণ করিব ; দীর্ঘকালের জন্ত তুমি আমার সঙ্গ পরিত্যাগ কর”। ৪৭। সে বলিল, “তোমার প্রতি সেলাম, সত্বর তোমার জন্ত আমি আপন প্রতিপালকের নিকটে ক্ষমা প্রার্থনা করিব, নিশ্চয় তিনি আমার প্রতি রূপালু হন †। ৪৮। এবং আমি তোমাদিগ হইতে ও তোমরা ঈশ্বরকে ছাড়িয়া যে বস্তুকে আহ্বান করিয়া থাক, তাহা হইতে দূর হইতেছি ; এবং আমি আপন প্রতিপালককে আহ্বান করিব, ভরসা যে, স্বীয় প্রতিপালককে আহ্বান করা হেতু আমি হতভাগ্য হইব না” ‡। ৪৯। অনস্তর যখন সে তাহাদিগ হইতে ও তাহারা ঈশ্বর ভিন্ন যাহাকে অর্চনা করে, তাহা হইতে দূর হইল, তখন

\* “আমি পৃথিবীর ও যাহারা তাহাতে আছে, তাহাদের উত্তরাধিকারী হইব” অর্থাৎ সমুদায় বিনাশ প্রাপ্ত হইবে, আমি থাকিব। ( ত, হো, )

† এব্রাহিম স্বীয় পিতা আজরকে বলিলেন যে, তোমার প্রতি সেলাম হউক। অর্থাৎ আমি বিদায় গ্রহণ করিয়া চলিয়া যাইতেছি। সেলাম করিয়া তিনি পিতার প্রতি তিক্তমিশ্র মধুর ভাব প্রকাশ করিয়াছিলেন, যেন তাঁহার মন একটু বিদ্ধ হয় ও সত্য ধর্মের প্রতি মন যায়। পুনশ্চ কথিত আছে যে, যখন এব্রাহিম প্রস্থানের উদ্যোগী হইলেন, তখন তাঁহার পিতা বলিলেন, “গমনে দুঃখিত হইও না, তোমার ঈশ্বর উত্তম, তিনি তোমাকে পরিত্যাগ করিবেন না।” এব্রাহিম এই কথায় তাঁহার হৃদয়ে বিশ্বাসের সঞ্চার হওয়ার আশা করিয়া তাঁহাকে সেলাম করিয়াছিলেন। ( ত, হো, )

‡ অর্থাৎ তোমরা মূর্তিপূজা করিয়া ক্ষতিগ্রস্ত ও বিনষ্ট হইতেছ, আমি ঈশ্বরের নিকটে আশা করি যে, অবশ্য সফলমনোরথ হইব। কথিত আছে যে, এব্রাহিম বাবেল হইতে পারস্তের পার্শ্বত্যাগ প্রদেশে যাইয়া সাত বৎসর ইতস্ততঃ ভ্রমণ করিয়াছিলেন। যখন তাঁহার পিতার মৃত্যু হয় ও পিতৃব্য হাজর প্রতিমা সকলের ভার গ্রহণ করে, সেই সময়ে তিনি বাবেলে প্রত্যাগমন করিয়া পুত্তলিকার নিন্দা আরম্ভ করেন ও প্রতিমা সকল ভাঙ্গিয়া ফেলেন। পাষাণ রাজা নেমরুদ তাঁহাকে অগ্নিতে বিসর্জন করে, অগ্নি শীতল হইয়া যায়, এবং তিনি স্বীয় পত্নী সারা ও অনুগত বন্ধু লুতকে

আমি তাহাকে এসহাক ও ইয়কুব (পুত্রদ্বয়) দান করিলাম, এবং প্রত্যেককে সংবাদ-বাহক করিলাম। ৫০। এবং তাহাদিগকে আমি আপন অনুগ্রহ দান করিলাম ও তাহাদের জন্ত উন্নত সরলতার রসনা সৃজন করিলাম। ৫১। (র, ৩, আ, ১০)

এবং গ্রন্থে মুসাকে স্মরণ কর, নিশ্চয় সে বিশ্বাস ছিল ও প্রেরিত সংবাদবাহক ছিল। ৫২। এবং আমি তুর গিরির দক্ষিণ পার্শ্ব হইতে তাহাকে ডাকিয়াছিলাম ও কথা বলার অবস্থায় তাহাকে নিকটবর্তী করিয়াছিলাম \*। ৫৩। এবং আমি আপন অনুগ্রহে তাহার ভ্রাতা হারুনকে সংবাদবাহকরূপে তাহাকে দান করিয়াছিলাম। ৫৪। এবং এস্মায়িলকে গ্রন্থে স্মরণ কর, নিশ্চয় সে অঙ্গীকারের অব্যর্থকারী ছিল ও প্রেরিত সংবাদবাহক ছিল †। ৫৫। এবং সে আপন পরিজনকে উপাসনা ও ধর্মার্থ দান করিতে আদেশ করিত ও আপন প্রতিপালকের নিকটে মনোনীত ছিল। ৫৬। এদ্রিসকে গ্রন্থে স্মরণ কর, নিশ্চয় সে সত্যবাদী সংবাদবাহক ছিল ‡। ৫৭। আমি তাহাকে উন্নত স্থানে উঠাইয়াছিলাম §। ৫৮। আদমের বংশের ও যাহাদিগকে নুহার সঙ্গে (নৌকায়) আরোহণ করাইয়াছিলাম, তাহাদের এবং এব্রাহিম ও এস্মায়িলের বংশের ও যাহাদিগকে আমি পথ প্রদর্শন ও আকর্ষণ করিয়াছি, যাহাদিগের প্রতি ঈশ্বর পুরস্কার দান করিয়াছেন, তাহাদের (বংশের) স্বর্গীয় বার্তাবাহকদিগের (মধ্যে) ইহারা; যখন তাহাদের প্রতি পরমেশ্বরের নিদর্শন পাঠ করা হইত, তখন তাহারা রোহুমান হওত পড়িয়া যাইত ¶। ৫৯। অনন্তর তাহাদের পরে (কু) সম্মানগণ স্থলবর্তী হইল,

সঙ্গে করিয়া শামদেশে যাত্রা করেন। এস্থলে পরমেশ্বর সেই দেশান্তরগমনের বৃত্তান্ত বিবৃত করিতেছেন।  
(ত, হো,)

\* পরমেশ্বর মুসাকে উন্নত করিয়া স্বীয় মন্দিরের সন্নিহিত করিয়াছিলেন। মুসা ঈশ্বর কর্তৃক এক স্বর্গ হইতে স্বর্গান্তরে ক্রমশঃ নীত হইয়া ঈশ্বরের অত্যন্ত নিকটবর্তী হইয়াছিলেন।  
(ত, হো,)

† এস্মায়িল কাহারও নিকটে এরূপ অঙ্গীকার করিয়াছিলেন যে, যে পর্যন্ত তুমি আমার নিকটে ফিরিয়া না আইস, আমি এ স্থানে অবস্থিতি করিব। তিন দিবস অস্ত্রে, কেহ কেহ বলেন, সপ্তসর অতীত হইলে, সেই ব্যক্তি তথায় ফিরিয়া আইসে; এস্মায়িল স্বীয় অঙ্গীকারের অনুরোধে তথায় স্থিতি করেন। এতাবৎকাল বৃক্ষের বকলমাত্র আহার করিয়া জীবন ধারণ করিয়াছিলেন।  
(ত, হো,)

‡ এদ্রিস আদমের প্রপৌত্র, শিসের পৌত্র ও নুহার পিতামহ ছিলেন। তাঁহার নাম আখনুথ, এদ্রিস উপাধি ছিল। সর্বপ্রথমে এদ্রিসই সৃষ্টিকর্ম ও লেখনীযোগে লিপি করেন, এবং গ্রন্থ নক্ষত্রের তত্ত্ব প্রচার করেন। তাঁহার প্রতি ত্রিংশৎ ধর্মপুস্তিকা অবতারণিত হইয়াছিল। কথিত আছে যে, এদ্রিস আদমের মৃত্যুর পর শত বৎসরের মধ্যে জন্মগ্রহণ করিয়াছিলেন।  
(ত, হো,)

§ অর্থাৎ ঈশ্বর তাঁহাকে প্রেরিতের উন্নত পদে ও স্বীয় সন্নিহিত ভূমিতে উন্নত করিয়াছিলেন, অথবা স্বর্গলোকে পঠাইয়াছিলেন। মেরাজের বৃত্তান্তে উল্লিখিত হইয়াছে যে, হজরত মোহাম্মদ চতুর্থ স্বর্গে এদ্রিসের সঙ্গে সাক্ষাৎ করিয়াছিলেন।  
(ত, হো,)

¶ ঈশ্বরের মহিমার কথা শ্রবণ করিয়া তাঁহারা তাঁহাকে প্রণাম ও তাঁহার ভয়ে রোদন করিতেন।

তাহারা উপাসনা ত্যাগ করিল, কামনা সকলের অহুসরণ করিল ; পরে অবশ্যই তাহারা স্বীয় পথভ্রান্তির ( শাস্তির ) সাক্ষাৎ লাভ করিবে \* । ৬০ । + কিন্তু যাহারা অহুতাপ করিয়াছে ও বিশ্বাস স্থাপন ও সংকল্প করিয়াছে, তাহারা নয় ; অনন্তর তাহারা স্বর্গে প্রবেশ করিবে, এবং কিঞ্চিন্মাত্র অত্যাচারিত হইবে না । ৬১ । + সেই নিত্যবাসের স্বর্গোত্থান সকল, যাহা পরমেশ্বর গোপনে আপন দাসের প্রতি অঙ্গীকার করিয়াছেন, নিশ্চয় তাঁহার অঙ্গীকার সমানীত ( সম্পাদিত ) হয় † । ৬২ । আশীর্বাদ ব্যতীত তাহারা বৃথা বাক্য তথায় শ্রবণ করিবে না ও তথায় প্রাতঃসন্ধ্যা তাহাদের উপজীবিকা তাহাদের জন্ত ( প্রদত্ত ) হইবে ‡ । ৬৩ । আপন দাসদিগের যে ব্যক্তি ধর্মভীরু হয়, তাহাকে আমি যাহার অধিকারী করিয়া থাকি, তাহা এই স্বর্গ । ৬৪ । এবং আমরা, (হে মোহম্মদ,) তোমার প্রতিপালকের আদেশ ব্যতীত অবতরণ করি না ; আমাদের সম্মুখে ও আমাদের পশ্চাতে এবং ইহার মধ্যে যাহা উহা তাঁহারই, এবং তোমার প্রতিপালক বিশ্বরণকারী নহেন § । ৬৫ । তিনি স্বর্গ ও পৃথিবীর ও এই উভয়ের মধ্যে যাহা আছে, তাহার

ঐশ্বরিক বাক্য-শ্রবণে ক্রন্দন করা একটি বিশেষ ভাব । শাস্ত্রে উল্লিখিত আছে যে, কোর-আন্ পাঠকালে রোদন করিবে, কান্না না পাইলে চেষ্টা করিয়াও কাঁদিবে । প্রেরিত পুরুষের প্রতি প্রয়োজিত ঐশ্বরিক বাক্যশ্রবণে অহুরাগানল অন্তরে জলিয়া উঠিলে অশ্রু উচ্ছ্বসিত হইয়া নয়নপথ দিয়া বহির্গত হয় । কোর-আনের নমস্কার সকলের মধ্যে এই নমস্কার পঞ্চম । এই নমস্কারকে, যাহা ঐশ্বরিক নিদর্শন সকল পাঠে হইয়া থাকে, সাধারণ পুরস্কারের নমস্কার ও ক্রন্দনকে তাহার শাখা বলা হইয়াছে । এই ক্রন্দন হর্ষ ও আনন্দের জন্ত হয়, শোক বিষাদের কারণে নয় । ( ত, হো, )

\* “ঘয়ি” অর্থে পথভ্রান্তি বা দুষ্ক্রিয়ার বিনিময় কিংবা শাস্তি বা ক্ষতি । কথিত আছে যে, “ঘয়ি” নরকের অন্তর্গত কুপবিশেষ । নরকনিবাসিগণ সেই কুপাধাক্ষের শাস্তি হইতে রক্ষা পাইবার জন্ত ঈশ্বরের শরণাপন্ন হইবে । কেহ কেহ বলেন, নরকলোকের অন্তর্গত প্রজ্বলিত অগ্নিময় কাস্তারবিশেষ, তাহার শাস্তি গুরুতর ; যাহারা নিকৃষ্ট প্রবৃত্তির অধীন আছে ও নমাজ পড়ে না, তাহারা তথায় শাস্তিভোগ করিবে । ( ত, হো, )

+ অর্থাৎ বিশ্বাসীদিগকে পরমেশ্বর যে স্বর্গে লইয়া যাইবেন বলিয়া অঙ্গীকার করিয়াছেন, উহা গুপ্ত আছে, অথবা তাঁহারা সেই স্বর্গ হইতে গুপ্ত । যখন অঙ্গীকার হইয়াছে, তখন গুপ্ত আছে বলিয়া তাঁহাদের ভাবনা নাই । ( ত, হো, )

‡ সম্পন্ন লোকেরা যেমন দুই বেলা অন্নাদি ভোজন করে, গুপ্ত স্বর্গবাসী লোকেরাও সেইরূপ স্বর্গীয় সামগ্রী প্রাতঃসন্ধ্যা ভোগ করিবে । অর্থাৎ তাহাদের অস্থায়ী উপজীবিকা হইবে । স্বর্গে যদিচ দিবা রাত্রি নাই, তথাপি এমন লক্ষণ সকল আছে যে, তাহাচার দিবা রাত্রির ভাব বুঝা যায় । কথিত আছে, তথায় যবনিকা নিক্ষেপ ও দ্বার বন্ধ করিলে রজনী অহুভূত হয়, যবনিকা ও দ্বার উন্মোচন করিলে দিবা বলিয়া বোধ হইয়া থাকে । নিশাকালে স্বর্গীয় দাসীগণ, দিবাতে দাসগণ বিশ্বাসীদিগের সেবা করিতে উপস্থিত হয় । ( ত, হো, )

§ যখন হজরতকে আয়া ও জোলুকরণয়ন এবং গর্ভনিবাসীদিগের বিষয়ে কেহ কেহ প্রশ্ন করিল,

প্রতিপালক; অতএব তাঁহাকে অর্চনা কর ও তাঁহার অর্চনায় ধৈর্য্য ধারণ কর, তুমি কি তাঁহার তুল্য নাম জান \* ? ৬৬। ( র, ৪, আ, ১৫ )

এবং লোকে বলে, “যখন আমরা মরিয়া যাইব, একান্তই কি জীবিত বহিষ্কৃত হইব” ? ৬৭। মনুষ্য কি স্মরণ করে না যে, আমি ইতিপূর্বে তাহাকে সৃষ্টি করিয়াছি, এবং সে কিছুই ছিল না? ৬৮। অনন্তর তোমার প্রতিপালকের শপথ, একান্তই আমি শয়তানের সঙ্গে তাহাদিগকে সমুখাপন করিব, তৎপর অবশ্য তাহাদিগকে নরকের পার্শ্বে জাহ্নুপাতিতরূপে উপস্থিত করিব †। ৬৯। তৎপর প্রত্যেক মণ্ডলীর মধ্য হইতে, যাহারা ঈশ্বরের প্রতি অবাধ্যতারূপে ছরস্ত, তাহাদিগকে অবশ্য টানিয়া লইব। ৭০। অতঃপর অবশ্য আমি তাহাদিগের সম্বন্ধে উত্তম জ্ঞাত যে, তাহারা তন্মধ্যে প্রবেশের অধিক উপযুক্ত। ৭১। এবং তন্মধ্যে গমনকারী ব্যতীত তোমাদের ( কেহই ) নহে, তোমার প্রতিপালকের সম্বন্ধে ( এই অঙ্গীকার ) এক দৃঢ় কার্য্য ‡। ৭২। তৎপর যাহারা ধর্ম্মভীরু হইয়াছে, আমি তাহাদিগকে উদ্ধার করিব, এবং তন্মধ্যে জাহ্নুপাতিতরূপে অত্যাচারীদিগকে বিসর্জন করিব। ৭৩। এবং যখন তাহাদের নিকটে আমার উজ্জ্বল নিদর্শন সকল পঠিত হয়, তখন ধর্ম্মদ্রোহিণী বিশ্বাসীদিগকে বলে, “এই দুই দলের মধ্যে পদানুসারে কে শ্রেষ্ঠ? এবং পারিষদ অনুসারে কে অতি উত্তম” §। ৭৪। তাহাদের পূর্বে দলের কত লোককে আমি বিনাশ করিয়াছি, তাহারা গৃহসামগ্রী অনুসারে ও দৃশ্যে

তখন তিনি বলিলেন, “তোমরা কল্যাণ আগমন করিও, ইহার উত্তর দান করিব।” ঈশ্বরেচ্ছাক্রমে দ্বাদশ বা পঞ্চদশ কিংবা বিংশতি দিন পর্য্যন্ত স্বেত্রিল আগমন করিলেন না। পরে স্বেত্রিল উপস্থিত হইলে তিনি তাঁহাকে বলিলেন, “ব্রাতঃ, বিলম্বে কেন আগমন করিলে? আমি অমুক বিষয়ের উত্তর দান করিতে না পারিয়া তোমার আগমন প্রতীক্ষা করিতেছিলাম।” তাহাতেই এই আয়ত অবতীর্ণ হয়। ভূত ভবিষ্যৎ বর্ত্তমানের কার্য্য সকল যাহার আয়ত্তাধীন, তিনি বিন্মৃত হইবার ব্যক্তি নহেন। ( ত, হো, )

\* অর্থাৎ কাহারও “আল্লা” নাম আছে, তুমি কি জান? বস্তুতঃ জান না। ঈশ্বরের মহিমার এই একটি নিদর্শন যে, কোন অংশিবাদী পৌত্তলিক আপন অসত্য দেবতাকে “আল্লা” বলে না, বরং আল্লাহ্ বলিয়া থাকে। ( ত, হো, )

† ভয়েতে তাহারা দণ্ডায়মানাবস্থায় পড়িয়া যাইবে, ঠিক ভাবে বসিতে পারিবে না, জাহ্নুর উপরে পড়িয়া যাইবে। ( ত, ফা, )

‡ কিন্তু বিশ্বাসী লোকেরা যখন তথায় উপস্থিত হইবে, তখন অগ্নি নির্কারণ-প্রাপ্ত হইবে। হৃদিসে উক্ত হইয়াছে যে, কোন কোন স্বর্গগামী লোক প্রশ্ন করিবে যে, ঈশ্বর যখন বলিয়াছেন, “তন্মধ্যে গমনকারী ব্যতীত তোমাদের ( কেহই ) নহে,” এমন অবস্থায় আমরা কেমন করিয়া অগ্নি দর্শন করিব না? দেবগণ বলিবেন, নিশ্চয় নরকাগ্নিতে তোমরা উপস্থিত হইবে, কিন্তু তোমাদের বিশ্বাসের জ্যোতিতে অগ্নি নির্কারণ পাইবে। ( ত, হো, )

§ অর্থাৎ ধর্ম্মদ্রোহী লোকেরা বলে যে, আমরা সভ্যস্থলে আরবের সম্রাজ্য ও শ্রেষ্ঠ লোক, তোমরা সভ্যর দুর্বল ও অধীন। অনন্তর পরমেশ্বর তাহাদের অহঙ্কার চূর্ণ করিবেন। ( ত, হো, )

অত্যন্তম ছিল । ৭৫ । তুমি বলিও, “যাহারা পথভ্রাস্তিতে আছে, যাহা অঙ্গীকার করা যাইতেছে, তাহা বা শাস্তি কিম্বা কেয়ামত তাহাদের দর্শন হওয়া পর্য্যন্ত হয়তো পরমেশ্বর তাহাদিগকে অধিকরূপে অধিক দিবেন ; অনস্তর তাহারা জানিতে পাইবে, সে কে, যে পদাঙ্গুসারে নিকৃষ্টতর ও সৈন্তবল অঙ্গুসারে দুর্বলতর \* ? ৭৬ । এবং যাহারা উপদেশে উপদিষ্ট হইয়াছে, ঈশ্বর তাহাদিগকে অধিক দান করেন, এবং তোমার প্রতিপালকের নিকট পুরস্কারাঙ্গুসারে অবিনশ্বর সাধুতা শ্রেয়ঃ, এবং পরাবৃত্তি অঙ্গুসারে শ্রেয়ঃ” † । ৭৭ । অনস্তর যে ব্যক্তি আমার নিদর্শনসকলসম্বন্ধে অধর্ম্ম করিয়াছে, তাহাকে কি তুমি দেখিয়াছ ? সে বলিয়াছে, “অবশ্য ধন ও সন্তান আমাকে প্রদত্ত হইবে” ‡ । ৭৮ । সে কি গুপ্ত ( তত্ত্ব ) অবগত হইয়াছে, অথবা ঈশ্বরের নিকটে কোন অঙ্গীকার গ্রহণ করিয়াছে ? ৭৯ । এরূপ নয়, সে যাহা বলিতেছে, অবশ্য তাহা আমি লিখিব, এবং তাহাকে অধিকরূপে শাস্তি দান করিব । ৮০ । এবং সে যাহা বলে, আমি তাহাকে তাহার উত্তরাধিকারী করিব, ( পরে ) আমার নিকট সে একাকী উপস্থিত হইবে । ৮১ । এবং তাহারা ঈশ্বরকে ছাড়িয়া ( অন্বে ) উপাস্ত্র গ্রহণ করিয়াছে, যেন উহা তাহাদের জগ্ন গৌরব হয় । ৮২ । এরূপ নয়, অবশ্য তাহারা তাহাদের অর্চনায় বিরুদ্ধাচরণ করিবে, এবং তাহাদের সম্বন্ধে বিরোধী হইবে । ৮৩ । ( র, ৫, আ, ১৭ )

তুমি কি দেখ নাই যে, আমি ধর্ম্মদ্রোহীদের প্রতি শয়তানদিগকে প্রেরণ করিয়া থাকি ; তাহারা তাহাদিগকে চঞ্চলতায় চঞ্চলিত করিয়া থাকে § । ৮৪ । অতএব

\* অর্থাৎ যে পর্য্যন্ত শাস্তি না হয়, পরমেশ্বর পথভ্রাস্ত লোকদিগকে ধন জন মান সম্বন্ধে হয়তো অধিক দিবেন ; পরে জানিতে পারিবে, তাহারা কেমন হীন দুর্বল ও দুর্বস্থাপন্ন । তাহাদিগের সৈন্ত সামন্ত সহায় সম্বল কিছুই থাকিবে না, এদিকে দেবগণ ও ধর্ম্মপ্রবর্তকগণ বিশ্বাসীদের সহায় ও বন্ধু হইবেন । ( ত, হো, )

† অর্থাৎ কাফেরদিগের পৃথিবীতে ধন ঐশ্বর্য্য মান সম্বন্ধে আছে, কিন্তু পরলোকে তাহাদের দুঃখ বিপত্তি সার হইবে । কিন্তু সংসারে বিশ্বাসীদের ধর্ম্ম ও আলোক আছে, পরলোকেও তাহাদের জগ্ন পুরস্কার ও উত্তম প্রত্যাবর্তনস্থান আছে । ( ত, হো, )

‡ হারেসের পুত্র খোকাব ওয়াইলের পুত্র আসকে ঋণ দান করিয়াছিলেন । এক দিন তিনি তাহাকে তাহা পরিশোধ করিতে বলেন ; তাহাতে সে বলে, “যে পর্য্যন্ত তুমি মোহম্মদের বিরোধী না হইবে, সে পর্য্যন্ত আমি ঋণ পরিশোধ করিব না ।” খোকাব বলিলেন, “ঈশ্বরের শপথ, আমি কখনও কাফের হইব না ।” আস বলিল, “যে দিবস তুমি সমুখাপিত হইবে, সেদিন আসিও ; তুমি যাহা বল, যদি তাহা সত্য হয়, তবে আমার নিকট হইতে ঋণ পরিশোধ করিও । আমি পরলোকে তোমা অপেক্ষা শ্রেষ্ঠ হইব, যেহেতু আমার ধন জন সন্তান অধিক আছে ।” এই উপলক্ষে পরমেশ্বর এই আয়ত্ত প্রেরণ করেন । ( ত, হো, )

§ অর্থাৎ শয়তানদিগকে কাফেরদিগের বন্ধু করিয়া থাকি, শয়তানগণ তাহাদিগকে নানা পাপ প্রলোভনে প্রলুব্ধ করে । ( ত, হো, )



তাহাদের সহজে ব্যস্ত হইও না, আমি তাহাদের নিমিত্ত ( দিন ) গণনায় গণনা করি, এতদ্ভিন্ন নহে । ৮৫ । সেই দিন ধর্মভীরু লোকদিগকে পরমেশ্বরের দিকে অতিথিরূপে সমুখাপন করিব \* । ৮৬ । এবং পাপীদিগকে তৃষ্ণারূপে নরকের দিকে তাড়াইয়া লইয়া যাইব । ৮৭ । ঈশ্বরের নিকটে যে ব্যক্তি অঙ্গীকার গ্রহণ করিয়াছে, সে ভিন্ন ( পাপ হইতে ) মুক্তির অনুরোধ করিতে সমর্থ হইবে না । ৮৮ । এবং তাহারা বলে যে, পরমেশ্বর পুত্র গ্রহণ করিয়াছেন ; সত্য সত্যই তোমরা এক কঠিন বিষয় আনয়ন করিলে । ৮৯ । + ইহা হইতে স্বর্গ ও পৃথিবী বিদীর্ণ হইবার ও পর্বত সকল খণ্ড খণ্ড হইয়া পড়িবার উপক্রম । ৯০ । যেহেতু তাহারা ঈশ্বরের জন্ত পুত্র সমর্থন করিয়াছে । ৯১ । ঈশ্বরের নিমিত্ত উচিত নয় যে, তিনি কোন সন্তান গ্রহণ করেন । ৯২ । ঈশ্বরের নিকটে দাস হইয়া আগমন করে ভিন্ন, স্বর্গে ও মর্ত্যে কেহই নাই । ৯৩ । সত্য সত্যই তিনি তাহাদিগকে আয়ত্ত করিয়াছেন ও তাহাদিগকে গণনায় গণিয়াছেন । ৯৪ । এবং কেয়ামতের দিনে তাহাদের প্রত্যেকে একাকী তাঁহার নিকটে উপস্থিত হইবে । ৯৫ । নিশ্চয় যাহারা বিশ্বাস স্থাপন ও সংকল্প করিয়াছে, অবশ্য তাহাদিগকে পরমেশ্বর প্রেম করিবেন । ৯৬ । পরন্তু আমি তোমার রসনায় ইহাকে ( কোর্-আনকে ) সহজ করিয়াছি, এতদ্ভিন্ন নহে, যেন তুমি তদ্বারা ধর্মভীরু লোকদিগকে সুসংবাদ দান কর ও কলঙ্কারী দলকে ভয় প্রদর্শন কর । ৯৭ । এবং আমি তাহাদের পূর্বে সম্প্রদায় সকলের কত লোককে বিনাশ করিয়াছি, তুমি কি তাহাদের কাহাকেও জানিতেছ ও তাহাদের সহজে কোন ধনি শুনিতে পাইতেছ † ? ৯৮ । ( র, ৬, আ, ১৫ )

\* এমাম কশিরী বলিয়াছেন যে, কতক লোক সাধন ভজন্য গোরবে আছেন ও কোন সম্প্রদায় ধর্মের উচ্চাভিলাষরূপ বাহনে আরুঢ় ; যাহারা সাধনার বাহনে চড়িয়াছেন, তাহারা স্বর্গ অন্বেষণ করেন, তাহাদিগকে স্বর্গের উদ্ভানে লইয়া যাওয়া হইবে । যাহারা উচ্চাকাঙ্ক্ষী, তাহারা ঈশ্বর অন্বেষণ করেন, তাহাদিগকে ঈশ্বরের সন্নিধানে উপস্থিত করা হইবে । মম্বশাদনামক সাধু পুরুষের মুমুর্ষু অবস্থায় একজন ফকির তাঁহার নিকটে উপস্থিত হইয়া এরূপ প্রার্থনা করিতেছিল যে, “হে পরমেশ্বর, ইহার প্রতি দয়া কর, ইহাকে স্বর্গে লইয়া যাও ।” তাহা শুনিয়া মম্বশাদ ধম্কাইয়া বলেন, “হে অবোধ, ত্রিশ বৎসর যাবৎ স্বর্গ আপন শোভা সম্পদের সহিত আমার নিকটে প্রকাশ পাইতেছে, আমি তাহার প্রতি কটাক্ষপাত করি নাই । এক্ষণ ঈশ্বরের সান্নিধ্য লাভ করিতেছি, তুমি এদিকে আমার জন্ত স্বর্গ চাহিতেছ ?” ( ত, হো, )

† অর্থাৎ যখন আমার শাস্তি তাহাদের প্রতি অবতীর্ণ হইল, তখন তাহারা সমূলে বিনাশ পাইল ; কেহই অবশিষ্ট রহিল না যে, কোন ব্যক্তি দেখিতে পাইবে, কোন শব্দ রহিল না যে, কেহ শুনিতে পাইবে । ( ত, হো, )

# সূরা তা-হা ❀

.....

## বিংশতি অধ্যায়

.....

১৩৫ আয়ত, ৮ রকু

( দাতা দয়ালু পরমেশ্বরের নামে প্রবৃত্ত হইতেছি । )

প্রার্থী ও পথ-প্রদর্শক ৭ । ১ । আমি তোমার প্রতি, ( হে মোহাম্মদ, ) ( এজ্ঞ ) কোর্-আন্ অবতারণ করি নাই যে, তুমি ক্লেশ প্রাপ্ত হও । ২ । + কিন্তু যে ব্যক্তি ভীত হয়, তাহাকে উপদেশ দান করিতে, যিনি পৃথিবী ও উন্নত স্বর্গ সকল সৃজন করিয়াছেন, তাঁহা হইতে ( ইহার ) অবতরণ হইয়াছে । ৩ + ৪ । পরমেশ্বর স্বর্গের উপর স্থিতি করিয়াছেন । ৫ । পৃথিবীতে যাহা ও স্বর্গলোক সকলে যাহা, উভয়ের মধ্যে যাহা এবং আর্দ্রভূমির নিম্নে ( তহতঃসরাতে ) যাহা আছে, উহা ঠাহারই ঙ্গ । ৬ । এবং যদি কথা ব্যক্ত

\* এই সূরা মক্কাতে অবতীর্ণ হইয়াছে । প্রথম অবস্থায় হজরত একপদে দণ্ডায়মান হইয়া অবিশ্রান্ত সাধনা করিতেন, তাহাতে তাঁহার চরণ ক্ষীণ ও বেদনায়ুক্ত হইত ; তদুপলক্ষেই এই “তা-হা” সূরার অবতরণ হয় । অনুজ্ঞা বিশেষে ‘তা’, ভূমি অর্থে ‘হা’ ইঙ্গিত হইয়াছে ; অর্থাৎ তুমি উভয় চরণ ভূমিতলে স্থাপন কর, এই ভাব হইতেই সূরার আরম্ভ । কেহ কেহ বলেন যে, এক দিন আবুজহল হজরতকে বলিয়াছিল, তুমি আমাদের ধর্ম পরিচাণ করিয়া ক্লেশ পাইতেছ । অথবা সে ব্যক্তি বলিয়াছিল যে, মোহাম্মদের প্রতি কোর্-আন্ অবতারিত হইয়াছে, তাহাকে কেবল ক্লেশ যন্ত্রণা দান করিবার জ্ঞ । তাহাতেই, হে মহাপুরুষ, তোমার শায় বীরত্বের প্রাপ্তরে কেহ পদ নিক্ষেপ করে নাই, এই ভাববাজক “তা-হা” শব্দ অবতীর্ণ হয় । ( ত, হো, )

+ “তা-হা” বাবচ্ছেদক শব্দ । তন্মধ্যে মূল দুইটা বর্ণ ত, হ, । এস্থলে এই দুই বর্ণের প্রত্যেক বর্ণ হইতে বহু সাক্ষেতিক অর্থ নিম্পন্ন হয় । তন্মধ্যে এক প্রকারে ‘তা’র অর্থ অন্বেষণকারী, অর্থাৎ মণ্ডলীর সঙ্গতির জ্ঞ অনুরোধ করার প্রার্থী ; ‘হা’র অর্থ পথপ্রদর্শক, অর্থাৎ বিধি পথ-প্রদর্শনকারী । ইহা হজরতের নাম বিশেষ । ভিন্ন ভিন্ন অর্থে এই শব্দ ঈশ্বরের নাম ও কোর্ আনের নামবিশেষেও ব্যবহৃত হয় । ভাষ্যগ্রন্থে এ বিষয়ের বিস্তারিত তত্ত্ব প্রকাশিত হইয়াছে, এস্থলে তাহা বর্ণন করা আবশ্যিক বোধ হইল না । ( ত, হো, )

‡ আর্দ্রভূমির নিম্নে পৃথিবীর সর্বনিম্ন স্তর । নানা তফসিরেতে উক্ত হইয়াছে যে, পৃথিবীর সপ্ত স্তর, উহা এক দেবতার স্কন্ধে আছে ; সেই দেবতার পদদ্বয় এক বৃহৎ প্রস্তরের উপর এবং প্রস্তর এক স্বর্গীয় বৃষের শৃঙ্গের উপর স্থাপিত, এবং বৃষের পদ স্বর্গস্থ “কওসর” নামক ক্রীড়া-সরোবরের এক মৎস্যের পৃষ্ঠোপরি প্রতিষ্ঠিত, মৎস্য সাগরের উপর ও সাগর নরকের উপর স্থিত, নরক বায়ুর পৃষ্ঠে, বায়ু তিমিরাচ্ছন্ন আর্দ্রভূমির উপর সংস্থাপিত । স্বর্গ ও পৃথিবীনিবাসীদিগের জ্ঞান উপরি উক্ত আর্দ্রভূমি অতিক্রম করে না । “তহতঃসরাতে” অর্থাৎ আর্দ্রভূমির নিম্নে যাহা আছে, তাহা পরমেশ্বর মাত্র জানেন । ( ত, হো, )

কর, (ভাল,) পরন্তু নিশ্চয় তিনি গুপ্ত ও গুপ্ততম বিষয় জানেন \* । ৭। সেই পরমেশ্বর, তিনি ভিন্ন উপাশ্রয় নাই, তাঁহার উত্তম নাম সকল আছে । ৮। এবং তোমার নিকটে কি মুসার বৃত্তান্ত উপস্থিত হইয়াছে ? ৯। যখন সে অগ্নি দর্শন করিল, তখন আপন পরিজনকে বলিল, “তোমরা বিলম্ব কর, নিশ্চয় আমি অগ্নি দর্শন করিয়াছি, হয়তো তাহা হইতে তোমাদের নিকটে অনলখণ্ড আনয়ন করিব, অথবা অগ্নির নিকটে কোন পথপ্রদর্শক প্রাপ্ত হইব” † । ১০। অনন্তর যখন সে তাহার নিকটে উপস্থিত হইল, আমি ডাকিলাম, “হে মুসা, নিশ্চয় আমি তোমার প্রতিপালক, অতঃপর তোমার পাদুকাদ্বয় উন্মোচন কর, নিশ্চয় তুমি তুর নামক পবিত্র প্রান্তরে আছ । ১১+১২। এবং আমি তোমাকে মনোনীত করিলাম, অনন্তর যাহা প্রত্যাদেশ করা যাইতেছে, তুমি শ্রবণ কর । ১৩। নিশ্চয় আমি পরমেশ্বর, আমি ব্যতীত উপাশ্রয় নাই, অতএব আমাকে অর্চনা কর ও আমাকে স্মরণ করিবার জগ্ৰ উপাসনাকে প্রতিষ্ঠিত রাখ । ১৪। একান্তই কেয়ামত উপস্থিত হইবে, আমি তাহার ( সময় ) গোপন রাখিতে সমুদ্রত, যেন প্রত্যেক ব্যক্তি যাহা করিতেছে, তাহাকে তাহার অনুরূপ ফল দেওয়া যায় । ১৫। অনন্তর তাহাতে যে ব্যক্তি অবিশ্বাসী হইয়াছে ও স্বীয় কামনার অনুসরণ করিয়াছে, সে যেন তাহা হইতে ( বিশ্বাস হইতে ) তোমাকে নিবৃত্ত না করে, তাহা হইলে তুমি বিনাশ পাইবে । ১৬। এবং হে মুসা, তোমার দক্ষিণ হস্তে ইহা কি” ? ১৭। সে বলিল, “ইহা আমার যষ্টি, আমি ইহার উপর ভর করিয়া থাকি ও এতদ্বারা স্বীয় পশুপালের প্রতি বৃক্ষপত্র নিক্ষেপ করি, এবং ইহাতে আমার অগ্ৰ কার্য্যও আছে” । ১৮। তিনি বলিলেন, “হে মুসা, তাহা নিক্ষেপ কর” । ১৯। অনন্তর সে তাহা ফেলিয়া দিল, পরে অকস্মাৎ উহা ধাবমান অজগর হইল । ২০। তিনি বলিলেন, “ইহাকে গ্রহণ কর, এবং ভয় করিও না ; অবিলম্বেই আমি ইহাকে পূর্ব প্রকৃতিতে পরিবর্তিত করিব । ২১। এবং তুমি স্বীয় হস্তকে আপন কক্ষতলে সংলগ্ন কর, তাহা শুভ্র নির্দোষ অগ্ৰ নিদর্শনরূপে বাহির হইবে । ২২। তবে আমি তোমাকে স্বীয় মহা নিদর্শন সকল হইতে ( কোন

\* তাহাই গুপ্ত, যাহা অগ্ৰে করে ও জানে, এবং লুক্কায়িত করিয়া থাকে ; তাহার অন্তরের বিষয়, যাহা মনুষ্যে জানে না, তাহা গুপ্ততম । অথবা তাহাই গুপ্ত, যাহা অগ্ৰ জনকে বলা যায় ; অন্তরে যাহা লুক্কায়িত রাখা যায়, তাহা গুপ্ততম । ( ত, হো, )

† ইতিহাসে উল্লিখিত হইয়াছে যে, যখন মহাপুরুষ মুসা আপন শত্রুর শোষণ হইতে বিদায় গ্রহণ করিয়া পিতা মাতাকে দর্শন করিবার জগ্ৰ সপরিবারে মেসরে যাইতেছিলেন, তখন এক দিন পথে অন্ধকার রজনীতে শীতল বায়ু প্রবাহিত হইয়া তুমার বর্ণন করে ; সেই সময় তাঁহার পথ হারা হইয়া এয়মন প্রান্তরের নিকটে উপস্থিত হন, সেই স্থানে তাঁহার পত্নী সেফুরার প্রসব-বেদনা আরম্ভ হয় । তখন অগ্নির আবশ্যক হইল, মুসা বহু চেষ্টা করিয়াও আগ্নেয় প্রস্তর হইতে অগ্নি উদ্দীপন করিতে পারিলেন না । অকস্মাৎ দূরে অনল দেখিতে পাইলেন, তাহা দেখিয়া সেফুরাকে এইরূপ বলিলেন । ( ত, হো, )

নিদর্শন) প্রদর্শন করিব। ২৩। তুমি ফেরওণের নিকটে চলিয়া যাও, নিশ্চয় সে অবাধ্যতাচরণ করিয়াছে”। ২৪। (র, ১, আ, ২৪)

সে বলিল, “হে আমার প্রতিপালক, তুমি আমার জন্ত আমার হৃদয়কে প্রশস্ত কর। ২৫।+এবং আমার জন্ত আমার কার্যকে সহজ কর। ২৬।+এবং আমার জিহ্বা হইতে গ্রন্থি উন্মোচন কর\*। ২৭।+তাহা হইলে আমার কথা তাহারা বুঝিতে পারিবে। ২৮। এবং আমার জন্ত আমার পরিবার হইতে কোন সহকারী নিযুক্ত কর। ২৯।+হারুণ আমার ভ্রাতা। ৩০।+তদ্বারা তুমি আমার বল দৃঢ় কর। ৩১।+এবং আমার কার্যে তাহাকে অংশী কর। ৩২।+তাহা হইলে আমরা তোমাকে বহু স্তব করিব। ৩৩।+এবং তোমাকে বহু স্মরণ করিব। ৩৪। নিশ্চয় তুমি আমার সম্বন্ধে দর্শক আছ।” ৩৫। তিনি বলিলেন, “হে মুসা, নিশ্চয় তোমাকে তোমার প্রার্থনীয় প্রদত্ত হইল। ৩৬। এবং সত্য সত্যই আমি তোমার প্রতি দ্বিতীয় বার উপকার করিলাম। ৩৭।+(স্মরণ কর,) যখন তোমার মাতার প্রতি যে প্রত্যাদেশ করা হয়, আমি প্রত্যাদেশ করিয়াছিলাম। ৩৮। যথা—তাহাকে তুমি সিন্দুকে নিক্ষেপ কর, পশ্চাৎ নদীতে তাহা বিসর্জন কর।” অনন্তর তাহাকে নদীকূলে নিক্ষেপ করিল, তাহার শত্রু ও আমার শত্রু (ফেরওণ) তাহাকে গ্রহণ করিল; এবং আমি আপনা হইতে তোমার প্রতি প্রেম ঢালিয়া দিলাম, এবং (চাহিলাম) যে, আমার চক্ষুর সম্মুখে তুমি প্রতিপালিত হও †। ৩৯। যখন তোমার ভগিনী যাইতেছিল, তখন সে বলিতেছিল, “যে ইহাকে প্রতিপালন করিবে, তাহার প্রতি কি তোমাদিগকে পথ দেখাইব?” অনন্তর

\* এক দিন ফেরওণ মুসাকে বাল্যকালে ক্রোড়ে ধারণ করিয়াছিল, মুসা ফেরওণের আশ্র টানিয়া কিয়দংশ উৎপাটন করিয়া ফেলেন; তাহাতে ফেরওণ ক্রোধাক্ত হইয়া তাঁহাকে বধ করিতে উদ্যত হয়। ফেরওণের পত্নী আসিয়া বিনয় করিয়া বলে, এ নিতান্ত বালক, ইহার কোন জ্ঞান নাই, উজ্জ্বল মণি ও জ্বলন্ত অঙ্গার ইহার নিকটে তুল্য, অতএব ইহাকে ক্ষমা কর। আসিয়া তাহার প্রমাণ প্রদর্শন করিবার জন্ত অগ্নিপূর্ণ এক ভাণ্ড ও মণিপূর্ণ এক পাত্র শিশু মুসার নিকটে ধারণ করে, শিশু বিধাতার প্রেরণায় মণিপাত্রের দিকে মনোযোগ না করিয়া একটি জ্বলন্ত অঙ্গার উঠাইয়া লয়, এবং তাহা জিহ্বায় অর্পণ করে, তাহাতে জিহ্বা দন্ধ হওয়ায় তন্মধ্যে গ্রন্থি বসিয়া যায়। তজ্জন্ত তিনি কথা স্পষ্ট উচ্চারণ করিতে পারিতেন না; এই স্থানে জিহ্বার স্বাভাবিক অবস্থা-প্রাপ্তির জন্ত প্রার্থনা করিলেন। (ত, হো,)

† অর্থাৎ ঈশ্বর বলিতেছেন, যে সময় তোমার মাতা তোমাকে প্রসব করিয়াছিল ও ফেরওণের নিযুক্ত লোক সকল হত্যা করিবার জন্ত শিশুদিগকে অন্বেষণ করিতেছিল ও তোমার মাতা তোমার সম্বন্ধে ভাবিত ছিল, তখন আমি তাহাকে প্রত্যাদেশ করিয়াছিলাম যে, এই শিশুকে সিন্দুকে পুরিয়া নদীতে বিসর্জন কর ইত্যাদি। মুসার মাতা ঈশ্বরের আজ্ঞামুসারে নবজাত মুসাকে সিন্দুকে স্থাপন করিয়া নীল নদীতে বিসর্জন করে, নদীর স্রোত ফেরওণের প্রাসাদমূল পর্য্যন্ত প্রবাহিত হইত। সিন্দুক জলস্রোতে ভাসিয়া ফেরওণের উদ্যানে উপস্থিত হয়, তখন ফেরওণ সত্ৰীক জলপ্রণালীর কূলে স্থিতি করিতেছিল, সিন্দুক প্রণালী দিয়া তাহাদের নিকটে ভাসিয়া আইসে। তাহারা সিন্দুক উঠাইয়া

আমি তোমাকে তোমার জননীর নিকটে ফিরাইয়া আনিলাম, যেন তাহার চক্ষু শাস্ত হয় ও সে শোকার্ত না থাকে ; এবং তুমি এক ব্যক্তিকে হত্যা করিলে, অনন্তর আমি তোমাকে দুঃখ হইতে মুক্তি দান করিলাম, এবং পরীক্ষাতে তোমাকে পরীক্ষিত করিলাম ; পরে তুমি মদয়নবাসীদিগের মধ্যে অনেক বৎসর বাস করিলে, তৎপর তুমি, হে মুসা, ভাগ্যক্রমে আসিয়াছ। ৪০। এবং আমি তোমাকে আমার নিজের জন্ত মনোনীত করিয়াছি। ৪১। আমার নিদর্শন সকলসহ তুমি যাও ও তোমার ভ্রাতা (যাউক,) এবং আমার স্বরণে তোমরা শৈথিল্য করিও না। ৪২। তোমরা উভয়ে ফেরওণের নিকটে যাও, নিশ্চয় সে দুর্দান্ত হইয়াছে। ৪৩। অনন্তর তোমরা তাহাকে কোমল কথা বলিবে, হয়তো সে উপদেশ গ্রহণ করিবে, অথবা ভয় পাইবে। ৪৪। তাহারা বলিল, “হে আমাদের প্রতিপালক, নিশ্চয় আমরা শঙ্কিত আছি যে, সে আমাদের আক্রমণ করিবে, অথবা অবাধ্যতা করিবে।” ৪৫। তিনি বলিলেন, “তোমরা ভয় করিও না, নিশ্চয় আমি তোমাদের সঙ্গে আছি, আমি দেখিতেছি ও শুনিতেছি। ৪৬। অনন্তর তোমরা তাহার নিকটে যাইবে, পরে বলিবে যে, নিশ্চয় আমরা তোমার প্রতিপালকের প্রেরিত ; অতএব আমাদের সঙ্গে বনিএশ্রায়েলকে প্রেরণ কর, এবং তাহাদিগকে ক্লেশ দিও না। সত্যই আমরা তোমার প্রতিপালকের নিদর্শন সকলসহ উপস্থিত হইয়াছি, এবং যে ব্যক্তি উপদেশের অনুসরণ করে, তাহার প্রতি আশীর্বাদ। ৪৭। নিশ্চয় আমাদের প্রতি প্রত্যাদেশ হইয়াছে যে, যে ব্যক্তি অসত্যারোপ করে ও অগ্রাহ্য করে, তাহার প্রতি শাস্তি হয়” \*। ৪৮। সে জিজ্ঞাসা করিল, “হে মুসা, অনন্তর কে তোমাদের প্রতিপালক” ? ৪৯। সে বলিল, “যিনি প্রত্যেক বস্তুকে তাহার প্রকৃতি দান করিয়াছেন, তৎপর পথ দেখাইয়াছেন, তিনি আমাদের প্রতিপালক”। ৫০। সে জিজ্ঞাসা করিল, “অনন্তর পূর্বতন শতাব্দী সকলের অবস্থা কি” ? ৫১। সে (মুসা) বলিল, “তাহার জ্ঞান

তাহার উপরের আচ্ছাদন উদ্ঘাটন করে, তাহাতে পরম সুন্দর শিশু প্রকাশ হইয়া পড়ে। ফেরওণ ও আসিয়া মুসার রূপলাবণো মুগ্ধ হইয়া যায়, তাহার মাতাকে ধাত্রী করিয়া তাহাকে পালন করে।

(ত, হো,)

\* এই আজ্ঞা শ্রবণ করিয়া মুসা মেসরে চলিয়া যান। মুসার পরিজনবর্গ রজনীতে তাহার প্রতীক্ষা করেন, রজনী অবসানেও তাহার কোন সংবাদ প্রাপ্ত হন না। তাহারা সেই প্রান্তরে এজন্ত অত্যন্ত ভাবনাযুক্ত হন। দৈবাৎ তথায় কতিপয় মদয়ননিবাসী লোক উপস্থিত হয়, তাহারা সেফুরাকে চিনিতে পারিয়া তাহার পিতার নিকটে লইয়া যায়। ফেরওণ জলমগ্ন হইয়া প্রাণত্যাগ করিলে পর মুসার সংবাদ সেফুরা প্রাপ্ত হন। অবশেষে মুসা মেসরে গমনে উচ্চত হইলে হারুণের প্রতি প্রত্যাদেশ হয় যে, তুমি স্বীয় ভ্রাতাকে অভ্যর্থনা করিতে মদয়নের পথে চলিয়া যাও। তদনুসারে হারুণ যাইয়া পথিমধ্যে মুসার সঙ্গে মিলিত হন। মুসা স্বীয় বিবরণ বিস্তারিত তাহাকে জ্ঞাপন করেন। পরে উভয়ে মিলিত হইয়া মেসরে উপস্থিত হন। অনেক দিন প্রতীক্ষার পর ফেরওণের সাক্ষাৎ লাভ হয়। তখন তাহারা তাহার নিকটে ঈশ্বরের আজ্ঞা প্রচার করেন।

(ত, হো,)



আমার প্রতিপালকের গ্রন্থে আছে, আমার প্রতিপালক বিশ্বত ও বিভ্রান্ত হন না”। ৫২। যিনি তোমাদের জগৎ ভূমিকে শয্যা করিয়াছেন ও তন্মধ্যে বস্তুসকল চালিত করিয়াছেন, এবং আকাশ হইতে বারিবর্ষণ করিয়াছেন, তিনি। অনন্তর তদ্বারা আমি নানাবিধ উদ্ভিদ পদার্থ বাহির করিয়াছি। ৫৩। ( বলিয়াছিলাম, ) তোমরা ভক্ষণ কর ও স্বীয় পশুযুথকে চরাও, নিশ্চয় ইহাতে বুদ্ধিমান লোকদিগের জগৎ নিদর্শন সকল আছে, \*। ৫৪। ( র, ২, আ, ৩০ )

আমি তাহা হইতে ( যুক্তিকা হইতে ) তোমাদিগকে সৃজন করিয়াছি, এবং তন্মধ্যে তোমাদিগকে পুনরানয়ন করিব ও তাহা হইতে পুনর্বার তোমাদিগকে বাহির করিব। ৫৫। এবং সত্য সত্যই আমি তাহাকে ( ফেরওণকে ) আপন নিদর্শন সকলের সমগ্র প্রদর্শন করিয়াছি, অনন্তর সে অসত্যারোপ ও অগ্রাহ্য করিয়াছে †। ৫৬। সে বলিয়াছিল, “হে মুসা, তুমি আমাদের নিকটে আসিয়াছ যে, আপন ঐন্দ্রজাল দ্বারা আমাদের দেশ হইতে আমাদের বহিষ্কৃত করিবে? ৫৭। অনন্তর নিশ্চয় আমি ইহার সদৃশ জাহ্ন তোমার নিকটে উপস্থিত করিব; অবশেষে তোমার ও আমাদের মধ্যে অঙ্গীকার-কাল নির্ধারণ কর, সমতল ক্ষেত্র নির্ধারণ কর, তুমি ও আমরা সমতল ক্ষেত্রে তাহার বিপরীতাচরণ করিব না”। ৫৮। সে বলিল, “তোমাদিগের অঙ্গীকারের সময় শোভা ( সম্পাদনের ) দিন, যথায় মধ্যাহ্নকালে লোক সকল একত্রিত হইবে” ‡। ৫৯। অনন্তর ফেরওণ ফিরিয়া গেল, পরে নিজের প্রবঞ্চনা সংযোজনা করিল, তৎপর আসিল §। ৬০। মুসা তাহাদিগকে বলিল, “তোমাদিগের প্রতি ধিক্, তোমরা ঈশ্বরের প্রতি অসত্য যোজনা করিও না, পরে তিনি তোমাদিগকে শাস্তি দ্বারা বিনাশ করিবেন; নিশ্চয় মাহারা ( অসত্য ) যোজনা করিয়াছে, তাহার অকৃতকার্য হইয়াছে”। ৬১। অনন্তর তাহার আপনাদের মধ্যে আপনাদের কার্যসম্বন্ধে পরস্পর বাগ্‌বিতণ্ডা করিল ও ষড়যন্ত্র গোপন করিল। ৬২। তাহার বলিল, “নিশ্চয় এই দুইজন ঐন্দ্রজালিক আপন

\* ফেরওণকে উদ্বোধিত করিবার জগৎ মুসা এই সকল ঈশ্বরের উক্তি বলিয়াছিলেন।

† অনন্তর ফেরওণ কোন প্রমাণ ও নিদর্শন চাহিল, তাহাতে মুসা যষ্টি নিক্ষেপ করিলেন, তাহা অজগর হইয়া উঠিল। পুনর্বার তাহা গ্রহণ করিলে যষ্টিতে পরিণত হইল, এবং তিনি তাহাকে হস্তের গুত্রতা প্রদর্শন করিলেন। ফেরওণ অলৌকিকতা নয়বার দর্শন করিল, কিছুতেই তাহা গ্রাহ্য করিল না। ( ত, হো, )

‡ শোভার দিন অর্থাৎ কিব্‌তি লোকদিগের উৎসবের দিন, সে দিন মেসরের সমুদায় লোক স্মশোভিত হইয়া নির্দিষ্ট স্থানে উপস্থিত হইত ও আমোদ আহ্লাদ করিত। মুসা বলিল, বহুলোক যে দিন একস্থানে একত্রিত হইবে, সেই উৎসবের দিন তোমাদের নিকটে আমাদের অলৌকিকতা প্রদর্শন করা স্থির রহিল; তাহা হইলে সত্যাসত্য সকলের সাক্ষাতে প্রমাণিত হইবে। ( ত, হো, )

§ অনন্তর ফেরওণ সভা হইতে নির্জনে চলিয়া গেল, এবং নানা স্থান হইতে ঐন্দ্রজালিক লোক সংগ্রহ করিতে পরামর্শ স্থির করিয়া দেশে দেশে লোক পাঠাইল। ( ত, হো, )

ইন্দ্রজাল দ্বারা তোমাদের দেশ হইতে তোমাদিগকে বহিস্কৃত করিতে ইচ্ছা করে, এবং তোমাদের উত্তম ধর্মপথকে দূর করিতে চাহে \* । ৬৩ । অতএব চক্রান্তের যোজনা কর, তৎপর শ্রেণীবদ্ধরূপে উপস্থিত হও, এবং নিশ্চয় অণু যে ব্যক্তি প্রবল হইল, সেই মুক্ত হইল" † । ৬৪ । তাহারা বলিল, "হে মুসা, ইহা কি হইবে যে, তুমি ( যষ্টি ) নিক্ষেপ করিবে, অথবা এই যে ব্যক্তি প্রথম নিক্ষেপ করে, সে আমরা হইব" ‡ ৬৫ । সে বলিল, "বরং তোমরা নিক্ষেপ কর ;" অনন্তর অকস্মাৎ তাহাদের যষ্টি ও তাহাদের রজ্জু সকল তাহাদের ইন্দ্রজালে তাহার দিকে লক্ষ্য করিতেছিল, যেন সেই সকল দৌড়িতেছিল । ৬৬ । পরে মুসা আপন অন্তরে ভয় পাইল । ৬৭ । আমি বলিলাম, "তুমি ভয় করিও না, নিশ্চয় তুমি প্রবলতর । ৬৮ । এবং তোমার দক্ষিণ হস্তে যাহা আছে, তাহা নিক্ষেপ কর, তাহারা যাহা প্রস্তুত করিয়াছে, তাহা গ্রাস করিবে ; নিশ্চয় তাহারা যাহা নির্মাণ করিয়াছে, তাহা ঐন্দ্রজালিক বঞ্চনা, এবং ঐন্দ্রজালিকগণ যে স্থানে যাইবে, তথায় মুক্তি পাইবে না" § । ৬৯ । অনন্তর নমস্কারপূর্বক ঐন্দ্রজালিকগণ নিপতিত হইল, বলিল, "আমরা হারুণ ও মুসার প্রতিপালকের প্রতি বিশ্বাসী হইলাম" । ৭০ । সে বলিল, "তোমাদিগকে আমি আদেশ করার পূর্বে তোমরা কি তাহাকে বিশ্বাস করিলে ? নিশ্চয় সে ( মুসা ) তোমাদের প্রধান, যেহেতু সে তোমাদিগকে ইন্দ্রজাল শিক্ষা দিয়াছে ; অনন্তর অবশ্য আমি তোমাদের হস্ত ও পদ বিপরীতভাবে ছেদন করিব ও গোষ্ঠী তরুর কাণ্ডে তোমাদিগকে শূলে চড়াইব । এবং অবশ্য তোমরা জানিবে যে, আমাদের মধ্যে কে শাস্তিদান

\* অর্থাৎ পরস্পর তাহারা বলিতে লাগিল যে, তোমাদের ধর্ম অণু ধর্ম অপেক্ষা শ্রেষ্ঠ । মুসা স্বীয় ধর্ম প্রচার করিয়া তাহা দূর করিতে চাহে, অথবা তোমাদের প্রধান পুরুষদিগকে তোমাদিগ হইতে বিচ্ছিন্ন করিয়া নিজের প্রতি অনুরক্ত করিতে ইচ্ছু । যখন এরূপ অবস্থা, তখন ঐন্দ্রজালিক উপকরণ সকল সংগ্রহ করা আবশ্যিক । ( ত, হো, )

† অতএব সকলে শ্রেণীবদ্ধ হইয়া প্রান্তরে চলিয়া আইস, তাহা হইলে তোমাদের ভয় লোকের অন্তরে সঞ্চারিত হইবে, এবং চেষ্টা কর, ইন্দ্রজালে মুসার উপর জয়ী হইতে পারিবে । অনন্তর সপ্ততি সহস্র কিংবা ত্রয়স্বিংশসহস্র ঐন্দ্রজালিক শ্রেণীবদ্ধ হইল, মুসা ও হারুণ তাহাদের সম্মুখে দণ্ডায়মান হইলেন । ঐন্দ্রজালিক লোকেরা ফেরওণের উপদেশানুসারে পুঞ্জ পুঞ্জ রজ্জু ও যষ্টি শৃঙ্খলিত করিয়া তন্মধ্যে পারদ পুরিয়া প্রান্তরে আনয়ন করিল । ( ত, হো, )

‡ অর্থাৎ তোমার দক্ষিণ হস্তে যে যষ্টি আছে, তাহা নিক্ষেপ কর, তাহাদের যষ্টি ও রজ্জুকে ভয় করিও না ; তোমার যষ্টি অজগররূপ ধারণ করিয়া সেই সমুদায়কে ভক্ষণ করিবে । অনন্তর মুসা তৎক্ষণাৎ হস্তস্থিত দণ্ড ভূমিতলে নিক্ষেপ করিলেন । তখনই উহা প্রকাণ্ড অজগররূপ ধারণ করিয়া মুখবাদানপূর্বক ঐন্দ্রজালিকদিগের সমুদায় ঐন্দ্রজালিক উপাদান গ্রাস করিল । ইহা দেখিয়া লোক সকল ভয়ে পলায়ন করিতে লাগিল, কয়েক সহস্র লোক ভিড়ের চাপে মারা পড়িল । পরে মুসা অজগরের পুচ্ছ ধারণ করিলেন, তৎক্ষণাৎ উহা সেই যষ্টি হইল । ঐন্দ্রজালিকগণ বুঝিতে পারিল যে, ইহা ইন্দ্রজাল নহে, যেহেতু এক ইন্দ্রজাল অণু ইন্দ্রজালকে নষ্ট করে না । বরং ইহাতে ঐশীশক্তি ও মুসার অলৌকিকতার প্রকাশ । ( ত, হো, )

অনুসারে স্মৃতি ও অটল” \*। ৭১। তাহারা বলিল, “উজ্জ্বল নিদর্শন সকলের যাহা আমাদের নিকটে উপস্থিত হইয়াছে, তদুপরি এবং যিনি আমাদের স্মৃতি করিয়াছেন, ( তাহার উপর ) কখনও তোমাকে আমরা শ্রেষ্ঠতা দান করিব না ; অনন্তর তুমি যাহার আজ্ঞাকর্তা, সেই আজ্ঞা কর, তুমি এই পার্থিব জীবনে আজ্ঞা করিবে, এতদ্ভিন্ন নহে। ৭২। নিশ্চয় আমরা আপন প্রতিপালকের প্রতি বিশ্বাস স্থাপন করিয়াছি, তাহাতে তিনি আমাদের জন্ত আমাদের অপরাধ এবং ইল্লাজাল-সম্বন্ধীয় বিষয়ে তুমি যে আমাদের প্রতি বল করিয়াছ, তাহা মার্জনা করিবেন ; ঈশ্বর কল্যাণ ও নিত্য” †। ৭৩। নিশ্চয় যে ব্যক্তি স্বীয় প্রতিপালকের নিকট অপরাধরূপে উপস্থিত হয়, পরে একান্তই তাহার জন্ত নরক আছে, তথায় সে মরিবে না, এবং বাঁচিবেও না ‡। ৭৪। এবং যে ব্যক্তি তাহার নিকটে বিশ্বাসরূপে উপস্থিত হয়, নিশ্চয় সে সাধু কার্য করে ; অনন্তর ইহা হইবে তাহার, যাহাদের জন্ত উন্নত পদ সকল আছে। ৭৫। + অক্ষয় উচ্চাননিবহ, যাহার নিম্ন দিয়া জনপ্রণালী সকল প্রবাহিত হয়, তথায় তাহারা নিত্যাবস্থানকারী ; যে ব্যক্তি পবিত্র হইয়াছে, তাহার ইহাই বিনিময়। ৭৬। ( র, ৩, আ, ২২ )

এবং সত্য সত্যই আমি মুসার প্রতি প্রত্যাদেশ করিয়াছি যে, আমার দাসগণ সহ ( রজনীতে ) প্রস্থান কর ; অনন্তর তাহাদের জন্ত সাগরে শুষ্ক পথে চলিতে থাক, ( শত্রুর ) ধরিবার ভয় করিও না, এবং ( জলমগ্ন হইবার ) শঙ্কা করিও না §। ৭৭।

\* অর্থাৎ ফেরওণ ঐল্লাজালিকদিগকে বলিল যে, আমার আদেশ না পাইয়া তোমরা কি মুসাকে স্বীকার করিলে ? অতএব তোমাদের এক জনের হস্ত ও এক জনের পদ ছেদন করিব, এইরূপ বিপরীত ভাবে ছেদন করিয়া খোন্দাবৃক্ষের উপর শূলে চড়াইব। মুসাই তোমাদের শিক্ষক ও দলপতি, তোমরা তাহার সঙ্গে যোগ করিয়া ইচ্ছা করিয়াছ যে, আমার রাজ্যে বিপ্লব উপস্থিত কর। লোকে দেখিবে, আমাদের মধ্যে অর্থাৎ ঈশ্বর ও আমার মধ্যে শান্তিদানে কে অধিক কঠিন ও স্থায়ী ? ( ত, হো, )

+ ফেরওণ ঐল্লাজালিক বিদ্যা শিক্ষা করিবার জন্ত লোকের প্রতি বলপ্রয়োগ করিত, অথবা ঐল্লাজালিকদিগের আহ্বানে বলপ্রয়োগ করিয়াছিল। তাহারা পরমেশ্বরের নিকটে সেই বলপ্রয়োগরূপ অপরাধের ক্ষমা প্রার্থনা করিল ; যেহেতু সমুদায় ধর্ম্মই বলপ্রয়োগের জন্ত ঈশ্বরের নিকটে দায়ী হইতে হয়, কিন্তু এই দায়িত্ব হজরতের মণ্ডলীসম্বন্ধে রহিত হইয়াছে। ( ত, হো, )

‡ অর্থাৎ সে তথায় মরিবে না যে, শাস্তি হইতে রক্ষা পাইবে, এবং সে সুখ স্বচ্ছন্দতার জীবনেও জীবিত থাকিবে না। ( ত, হো, )

§ অর্থাৎ সমুদ্র শুষ্ক হইয়া যাইবে, ফেরওণ সৈন্যবল সহ অনুসরণ করিলেও তোমাদিগকে ধরিতে পারিবে না ; তোমরা সহজে পার হইয়া যাইবে, জলমগ্ন হইবার ভয় নাই। আমি নিরাপদে তোমাদিগকে পার করিব। ঈশ্বরের আজ্ঞাক্রমে মুসা রাত্ৰিকালে এশ্রায়েলমণ্ডলীকে মেসর হইতে বাহির করিয়া লইয়া যান। পরদিন কিব্‌তিগণ সংবাদ প্রাপ্ত হয়, কিন্তু প্রত্যেকের ভয়ানক বিপদ উপস্থিত হইয়াছিল বলিয়া তাহারা তৎক্ষণাৎ মুসার অনুসরণ করিতে সক্ষম হয় নাই ; পরে সৈন্য সংগ্রহ করিয়া বনিএশ্রায়েলকে ধরিতে যায়। ( ত, হো, )

পরিশেষে ফেরওণ আপন সেনাদল সহ তাহাদের অহুসরণ করিল, পরে তাহাদিগকে আচ্ছাদন করিল, নদীর যাহা ( তরঙ্গ ) তাহাদিগকে ঢাকিল \* । ৭৮ । এবং ফেরওণ আপন দলকে পথভ্রাস্ত করিল ও পথ প্রদর্শন করিল না । ৭৯ । ( আমি বলিলাম, ) “হে বনিএশ্রায়েল, নিশ্চয় তোমাদের শত্রু হইতে আমি তোমাদিগকে উদ্ধার করিয়াছি, এবং তুরগিরির দক্ষিণদিকে (তওরাত গ্রন্থের অবতারণাবিষয়ে) তোমাদের সঙ্গে অঙ্গীকার করিয়াছি ও তোমাদের প্রতি ‘মন্ন’ ও ‘সলওয়া’ বর্ষণ করিয়াছি” † । ৮০ । এবং ( বলিয়াছি, ) “তোমাদিগকে যে বিশুদ্ধ উপজীবিকা দান করিয়াছি, তোমরা তাহা ভক্ষণ কর, এবং এ বিষয়ে সীমালঙ্ঘন করিও না ; তাহা হইলে তোমাদের উপর আমার ক্রোধ অবতীর্ণ হইবে, এবং যাহার প্রতি আমার ক্রোধ অবতীর্ণ হয়, পরে সে নিপাত হইয়া থাকে । ৮১ । এবং যে ব্যক্তি ফিরিয়া আইসে ও বিশ্বাস স্থাপন ও সৎকর্ম করিয়াছে, নিশ্চয় আমি তাহার সম্বন্ধে ক্ষমাকারী হইয়াছি ; তৎপর সে সৎপথ প্রাপ্ত হইয়াছে । ৮২ । এবং হে মুসা, তোমার মণ্ডলী হইতে তোমাকে কিসে সত্বর আনয়ন করিল” ‡ ? । ৮৩ । সে বলিল, “ঐ তাহারা ( অনুবর্তীগণ ) আমার পদচিহ্নানুসারে ( আসিতেছে ; ) হে আমার প্রতিপালক, আমি সত্বর তোমার অভিমুখী হইলাম, যেন তুমি প্রসন্ন হও” । ৮৪ । তিনি বলিলেন, “অনন্তর নিশ্চয় আমি তোমার ( আগমনের ) পর, তোমার দলকে পরীক্ষা করিয়াছি, এবং সামরী তাহাদিগকে পথভ্রাস্ত করিয়াছে” § । ৮৫ । অবশেষে মুসা আপন

\* অর্থাৎ নদীর তরঙ্গে ফেরওণ সসৈন্যে নিমগ্ন হইয়া প্রাণত্যাগ করিল । ( ত, হো, )

† মন্ন ও সলওয়ার বৃত্তান্ত সূরা বকরাতে বিবৃত হইয়াছে ।

‡ ফেরওণের মৃত্যু হইলে পর, বনিএশ্রায়েল ধর্মবিধি ও শাস্ত্রীয় ব্যবস্থা সকল তাহাদের নিমিত্ত নির্ধারণ করিবার জন্ত, মুসার নিকটে প্রার্থনা করিল । মুসা এবিষয়ে ঈশ্বরের সন্নিধানে নিবেদন করিলে আজ্ঞা হইল যে, তুমি এশ্রায়েলবংশধর প্রধান পুরুষদিগকে সঙ্গে করিয়া তুর পর্বতে আসিবে, তাহা হইলে আমি ব্যবস্থাগ্রস্ত তোমাকে দান করিব । মুসা বনিএশ্রায়েলের তত্ত্বাবধানের ভার হারুণের প্রতি অর্পণপূর্বক সন্তোর জন প্রধান পুরুষকে সঙ্গে করিয়া তুরগিরির অভিমুখে যাত্রা করেন । অনুবর্তী লোকদিগের নিকটে এই অঙ্গীকার করিয়া যান যে, আমি চল্লিশ দিন অস্ত্রে বিধি পুস্তকসহ ফিরিয়া আসিব । তুরের নিকটবর্তী হইয়াই তিনি সন্তোর লোকদিগকে রাখিয়া ঈশ্বরের বাণী ও স্বর্গীয় সন্দেশ-শ্রবণোৎসাহে দ্রুতগতিতে গিরিমূলে উপস্থিত হইলেন । তখন তাহারা প্রতি এই উক্তি হইয়াছিল । ( ত, হো, )

§ সামরী সামরাকুলোস্তব এশ্রায়েলমণ্ডলীর মধ্যে একজন প্রধান পুরুষ ছিল । সে গোবৎস পূজা করিত । যখন মুসা তুরগিরিতে চলিয়া গেলেন, তখন সামরী হারুণের নিকটে যাইয়া বলিল যে, কিব্‌তিদিগের নিকট হইতে চাহিয়া যে সকল অলঙ্কার লওয়া গিয়াছিল, তাহা আমাদের নিকটে আছে, উহা অধিকার করা আমাদের উচিত নয় । সকলেই তাহা ক্রয় বিক্রয় করিতেছে, তুমি সেই সকল আভরণ ও ধাতুদ্রব্য একত্র করিয়া বিতরণ করিতে আজ্ঞা কর । এই কথা শুনিয়া তখন হারুণ সমুদায় অলঙ্কার আনয়ন করিতে আদেশ করিলেন । সে সকল উপস্থিত করা হইলে, সামরী এক পাত্রে স্থাপন করিয়া অনলযোগে দ্রবীভূত করে । সে স্বর্ণকারের কার্যে হুনিপুণ ছিল, সেই

সম্প্রদায়ের অভিমুখে ক্রুদ্ধ ও বিষন্নভাবে প্রত্যাগমন করিয়া বলিল, “হে আমার মণ্ডলী, তোমাদের প্রতিপালক কি উত্তম অঙ্গীকারে অঙ্গীকার করেন নাই? অনন্তর তোমাদের প্রতি কি সময় দীর্ঘ হইয়াছে, অথবা তোমরা কি ইচ্ছা করিয়াছ যে, তোমাদিগের প্রতিপালক হইতে তোমাদের প্রতি আক্রোশ উপস্থিত হয়? পরিশেষে তোমরা আমার অঙ্গীকারের অগ্রথাচরণ করিলে” \*। ৮৬। তাহারা বলিল, “আমরা আপন সাধ্যানুসারে তোমার অঙ্গীকারের অগ্রথাচরণ করি নাই; কিন্তু আমরা (কিব্‌তি) জাতির আভরণের ভার বহন করিয়াছিলাম, অনন্তর তাহা নিক্ষেপ করিয়াছি, পরে তক্রপ সামরীও নিক্ষেপ করিয়াছে” †। ৮৭। অবশেষে সে (সামরী) তাহাদের জন্ত এক গোবৎসমূর্ত্তি বাহির করিল, তাহার শব্দ ছিল; অনন্তর তাহারা (সামরী ও তাহার অনুচরগণ) বলিল, ইহাই তোমাদের ঈশ্বর ও মুসার ঈশ্বর, তৎপর সে ভুলিয়া গেল ‡। ৮৮। অনন্তর তাহারা কি দেখিতেছে না যে, সে (গোবৎস) তাহাদের প্রতি কোন উক্তি প্রত্যানয়ন করে না, (কথা বলে না,) এবং তাহাদের জন্ত কোন ক্ষতি বৃদ্ধিও করিতে সমর্থ নহে? ৮৯। (র, ৪, আ, ১৩)

এবং সত্য সত্যই পূর্বে হারুণ বলিয়াছিল যে, “হে আমার মণ্ডলী, এতদ্বারা তোমরা পরীক্ষিত হইলে, এতদ্ভিন্ন নহে; এবং নিশ্চয় তোমাদের প্রতিপালক পরমেশ্বর। অনন্তর তোমরা আমার অনুসরণ কর ও আমার আজ্ঞা মান্য কর”। ৯০। তাহারা বলিল, “যে পর্য্যন্ত মুসা আমাদের নিকটে ফিরিয়া না আইসে, সে পর্য্যন্ত আমরা ইহার নিকটে সাধনানুসারে নিরন্তর বাস করিব”। ৯১। সে (মুসা) বলিল, “হে হারুণ, যখন তুমি দ্রবীভূত ধাতু দ্বারা একটি গোবৎসের মূর্ত্তি নির্মাণ করে। ছেত্রিলের অশ্বের গুরের ধূলি উহার ভিতরে নিক্ষেপ করিলে উহা সজীব গোবৎসের স্থায় শব্দ ও স্পন্দনাদি করিতে থাকে। বনিএশ্রায়েলের চারি সম্প্রদায় সেই গোবৎসমূর্ত্তিকে পূজা করিতে আরম্ভ করে। পরমেশ্বর মুসাকে এই সংবাদ দান করিলেন যে, তুমি চলিয়া আসিলে পর তোমার সম্প্রদায় গোবৎসপূজক হইয়াছে। (ত, হো,)

\* মুসা যখন মণ্ডলীর নিকটে উপস্থিত হইলেন, তখন দেখিলেন যে, গোবৎসমূর্ত্তিকে ঘেরিয়া সকলে নৃত্য করিতেছে ও বাঁদ্য বাজাইতেছে। ইহা দেখিয়া তিনি তাহাদিগকে ভৎসনা করিয়া বলিতে লাগিলেন, আমি ধর্মগ্রন্থ আনয়নের জন্ত তোমাদের দলপতিগণকে সঙ্গে করিয়া তুরগিরিতে গিয়াছিলাম, চল্লিশ দিন পরে ফিরিয়া আসিব, আমার এই অঙ্গীকার ছিল; আমি যথাসময়ে উপস্থিত হইয়াছি। এই সময় কি তোমাদের পক্ষে দীর্ঘ হইয়াছিল? (ত, হো,)

† অর্থাৎ এশ্রায়েলের সম্মানগণ বলিল, আমরা মেষর হইতে চলিয়া আসিবার সময় কিব্‌তিগণ হইতে যে সকল অলঙ্কার চাহিয়া আনিয়াছিলাম, তাহা আমাদের নিকটে ভার বোধ হইয়াছিল; তজ্জন্ত তাহা হারুণের আজ্ঞাক্রমে বিসর্জন করিয়াছিলাম। যেমন আমরা ফেলিয়া দিয়াছিলাম, তক্রপ সামরীও অগ্নিতে বিসর্জন করিয়াছিল; পরে সে তাহা অগ্নিতে গলাইয়া গোবৎসমূর্ত্তি বাহির করিয়াছে। (ত, হো,)

‡ সে ঈশ্বরের উক্তি ভুলিয়া গেল, অর্থাৎ ধর্ম রক্ষা করা যে কর্তব্য ছিল, সামরী তাহা পরিত্যাগ করিল। (ত, হো,)



তাহাদিগকে বিপথগামী হইতে দেখিলে, তখন আমার অনুসরণ করিতে কিসে তোমাকে নিবৃত্ত করিল ? অনন্তর তুমি কি আমার আজ্ঞা অমান্ত করিয়াছ” \* ? ২২ + ২৩। সে বলিল, “হে আমার মাতৃনন্দন, তুমি আমার কেশ ও আমার শ্মশ্রু ধরিও না; নিশ্চয় আমি আশঙ্কা করিয়াছিলাম যে, তুমি বলিবে যে, তুমি বনিএশ্রায়েলের মধ্যে বিচ্ছেদ আনয়ন করিয়াছ এবং আমার কথা পালন কর নাই”। ২৪। সে (মুসা) বলিল, “হে সামরি, অনন্তর তোমার কি অবস্থা” ? ২৫। সে বলিল, “যাহা তাহারা দেখে নাই, আমি তাহা দেখিয়াছি; অনন্তর আমি প্রেরিতপুরুষের (অশ্বের) পদাঙ্কের এক মুষ্টি (মুক্তিকা) গ্রহণকরণানন্তর উহাতে (গোবৎসে) নিক্ষেপ করিয়াছি, এবং এইরূপে আমার চিত্ত আমাকে উৎকৃষ্ট দেখাইয়াছে” †। ২৬। সে বলিল, “অনন্তর তুমি চলিয়া যাও, অবশেষে নিশ্চয় জীবদ্দশাতে তোমার জগ্ন (শাস্তি) এই যে, তুমি বলিবে, ‘অস্পৃশ্য’; এবং নিশ্চয় তোমার জগ্ন এক অঙ্গীকার আছে, তাহার অগ্রথা হইবে না। যাহার নিকটে তুমি সাধকের ভাবে বাস করিয়াছিলে, তোমার সেই উপাস্ত্রের প্রতি দৃষ্টি কর; অবশ্য আমি তাহাকে দণ্ড করিব, তৎপর অবশ্য নদীতে তাহাকে বিকীর্ণভাবে বিকিরণ করিব ‡। ২৭। তোমাদের উপাস্ত্র সেই ঈশ্বর, এতদ্বিন্ন নহে; তিনি ব্যতীত উপাস্ত্র নাই, তিনি জ্ঞানযোগে সমুদায় বস্তুতে প্রবেশ করিয়াছেন”। ২৮। এইরূপে, (হে মোহাম্মদ, ) পূর্বে নিশ্চয় যাহা ঘটিয়াছে, আমি তাহার বিবরণ তোমার নিকটে বিবৃত করিলাম, এবং নিশ্চয় আপন সন্নিধান হইতে উপদেশ তোমাকে দান করিলাম। ২৯। যে ব্যক্তি তাহা হইতে বিমুখ হইয়াছে, নিশ্চয় সে কেয়ামতের দিনে ভার বহন করিবে। ১০০। + তাহারা তাহাতে (সেই ভারতে) সর্বদা থাকিবে, এবং কেয়ামতের দিনে তাহাদের বহনীয় কুৎসিত (ভার) হইবে। ১০১। + যে দিবস সুরে ফুৎকার করা হইবে, সেই দিবস নীলাক্ষ অপরাধীদিগকে আমি সমুখাপন করিব§। ১০২। তাহারা আপনাদের মধ্যে পরস্পর গোপনে বলিবে যে, দশ দিবস ভিন্ন তোমরা বিলম্ব কর নাই ¶। ১০৩। তাহারা যাহা বলিতেছে, যখন ধর্মজ্ঞানানুসারে তাহাদের শ্রেষ্ঠ

\* মুসা পর্বত হইতে কিরিয়া আসিয়া প্রথমতঃ লোকদিগকে ভৎসনা করেন, পরে স্বীয় ভ্রাতা হারুণের নিকটে যাইয়া মহাক্রোধে এক হস্তে তাহার কেশ, অপর হস্তে শ্মশ্রু ধরিয়া টানিতে থাকেন ও অনুযোগ করেন। (ত, হো,)

† এস্থলে প্রেরিতপুরুষ জেব্রিল।

‡ পৃথিবীতে সামরীর এই শাস্তি ছিল যে, তাহাকে এশ্রায়েল সৈন্যগণের শিবিরের বাহিরে অবস্থিতি করিতে হইত, সে কাহারও সঙ্গে মিশিতে পারিত না। সে অস্পৃশ্য ছিল, লোক সকল তাহাকে দূর দূর করিত। পরকালেও তাহার জগ্ন শাস্তির অঙ্গীকার রহিয়াছে। (ত, ফা,)

§ অর্থাৎ যাহারা ঈশ্বরের অংশী স্থাপন করিয়াছে, সেই সকল অপরাধিগণের চক্ষু অতি ক্রেশে কৃকবর্ণ হইয়া যাইবে, অন্ধ হইবে। তাহারা সেই অবস্থায় আমা দ্বারা উত্থাপিত হইবে। (ত, হো,)

¶ অর্থাৎ পারলৌকিক কালের দীর্ঘতার তুলনায় পৃথিবীতে ও কবরে অবস্থিতি কালকে অনেকে

( ব্যক্তি ) বলিবে, একদিন ভিন্ন তোমরা বিলম্ব কর নাই, তাহা আমি উত্তম জ্ঞাত \* ।  
১০৪ । ( র, ৫, আ, ১৫ )

এবং তোমাকে, ( হে মোহাম্মদ, ) পর্বত সকলের বিষয়ে তাহারা প্রশ্ন করিতেছে ; অনন্তর তুমি বল, আমার প্রতিপালক তাহা বিকিরণরূপে বিকিরণ করিবেন † । ১০৫।+ পরে তিনি সমতল প্রান্তররূপে তাহাকে পরিত্যাগ করিবেন । ১০৬।+ তুমি তথায় বক্রতা ও উচ্চতা দেখিতে পাইবে না । ১০৭। সেই দিন তাহারা আহ্বানকারীর পশ্চাদ্বর্তী হইবে, তাহার জ্ঞান কোন বক্রতা হইবে না, পরমেশ্বরের জ্ঞান শব্দ সকল ক্ষীণ হইবে, অনন্তর ক্ষীণ শব্দ ব্যতীত তুমি শুনিতে পাইবে না ‡ । ১০৮। যাহাকে ঈশ্বর অনুমতি দান করিয়াছেন, এবং তিনি যাহার বাক্যে প্রসন্ন হইয়াছেন, সেই দিন সে ব্যতীত ( অন্তের ) “শফায়ত” ( লোকের সদগতির জ্ঞান অনুরোধ ) উপকারে আসিবে না । ১০৯। তাহাদের যাহা সম্মুখে ও যাহা পশ্চাতে আছে, তিনি তাহা জ্ঞাত আছেন, এবং জ্ঞানযোগে তাহারা তাঁহাকে আবেষ্টন করিতে পারে না § । ১১০। এবং (তাহাদের) আনন জীবন্ত বিঘ্নমান ( ঈশ্বরের ) জ্ঞান অবনত হইবে, এবং যে ব্যক্তি অত্যাচার (অংশবাদিতা) বহন করিয়াছে, নিশ্চয় সে অসিদ্ধকাম হইয়াছে । ১১১। এবং যে ব্যক্তি সংকল্প সকল করে ও যে বিশ্বাসী হয়, পরে সে কোন অত্যাচার ও ক্ষতিকে ভয় করে না । ১১২। এই প্রকারে আমি ইহাকে (এই গ্রন্থকে) আরব্য কোর্-আন্‌রূপে অবতারণা করিয়াছি, এবং তন্মধ্যে (শাস্তির) ভয়ের বিষয় বর্ণন করিয়াছি ; হয়তো তাহারা ধর্মভীরু হইবে, অথবা তাহা তাহাদের সঙ্গক্ষে কোন উপদেশ উৎপাদন করিবে । ১১৩। অনন্তর সত্যাবিধিপতি পরমেশ্বর সমুদ্রত, এবং কোর্-আনে তাঁহার প্রত্যাদেশ তোমার প্রতি পহুছাইবার পূর্বে তুমি সত্বর হইও না ; এবং তুমি বল, হে আমার প্রতিপালক,

অতি অল্প ( দশ দিন ) বলিয়া অনুমান করিবে ; এবং যাহারা জ্ঞানবান, তাহারা বলিবে যে, এক দিনের অধিক নয় । কেয়ামতের ভয়ে তাহারা এমন ভীত হইবে যে, পৃথিবীতে ও কবরে অবস্থিতির সময়কে ভুলিয়া যাইবে । ( ত, হো, )

\* অর্থাৎ তোমাদের অবস্থিতিকাল পৃথিবীতে ও কবরে এক দিনের অধিক নহে । কেয়ামতের ভয়ে তাহারা পৃথিবীতে ও কবরে অবস্থানকালের দীর্ঘতা ভুলিয়া যাইবে । সেই সময়ের দীর্ঘতার তুলনায় পার্থিব জীবনের দীর্ঘতা, বিশেষতঃ যে সময় অজ্ঞানতায় অতিবাহিত হইয়াছে, তাহা অত্যন্ত পর্ব মনে হইবে । ( ত, হো, )

+ প্রলয়কালে পর্বত সকল সমূলে উৎপাটিত হইবে, পরে তাহা ধূলিবৎ চূর্ণীকৃত হইবে, তৎপর বায়ু উহা উড়াইয়া লইয়া যাইবে । ( ত, হো, )

‡ প্রলয়কালে আহ্বানকারী এশ্রাফিলদেব । সকলে তাঁহা কর্তৃক আহূত হইয়া তাঁহার অনুসরণ করিবে । “তাহার জ্ঞান কোন বক্রতা হইবে না” অর্থাৎ কোন আহূত ব্যক্তি তাঁহার আহ্বানের ব্যতিক্রম করিতে পারিবে না । “পরমেশ্বরের জ্ঞান শব্দ সকল ক্ষীণ হইবে” অর্থাৎ ঈশ্বরের মহিমা ও প্রতাপ দেখিয়া, লোকে ভয়ে উচ্চ কথা কহিতে সক্ষম হইবে না । ( ত, হো, )

§ অর্থাৎ ঈশ্বরের স্বরূপ তাহারা জ্ঞানপ্রভাবে অবগত হইতে পারে না । ( ত, হো, )

আমাকে অধিক জ্ঞান দান কর \*। ১১৪। এবং সত্য সত্যই পূর্বে আমি আদমের সঙ্গে অঙ্গীকার করিয়াছিলাম, অনন্তর সে ভুলিয়া গেল, এবং আমি তাহার দৃঢ়তা প্রাপ্ত হই নাই †। ১১৫। ( র, ৬, আ, ১১ )

এবং ( স্মরণ কর, ) যখন আমি দেবতাদিগকে বলিলাম যে, “তোমরা আদমকে প্রণাম কর,” তখন শয়তান ব্যতিরেকে তাহারা নমস্কার করিল ; সে অগ্রাহ্য করিল। ১১৬। অনন্তর আমি বলিলাম, “হে আদম, নিশ্চয় এ তোমার ও তোমার ভার্য্যার শত্রু, অবশেষে তোমাদিগকে যেন সে স্বর্গ হইতে বাহির না করে, তবে তুমি দুর্দশাপন্ন হইবে। ১১৭। নিশ্চয় তোমার জন্ত ইহা যে, তথায় তুমি ক্ষুধিত ও বিবস্ত্র থাকিবে না। ১১৮। + এবং নিশ্চয় তুমি তথায় ভূষিত ও আতপতাপিত হইবে না”। ১১৯। পরিশেষে শয়তান তাহার প্রতি কুমন্ত্রণা প্রয়োগ করিল ; সে বলিল, “হে আদম, তোমাকে কি অবিনশ্বর বৃক্ষ ও চির নূতন রাজত্বের দিকে পথ প্রদর্শন করিব” ? ১২০। অনন্তর তাহারা তাহার ( ফল ) ভক্ষণ করিল, পরে তাহাদের জন্ত তাহাদের লজ্জাজনক অঙ্গ প্রকাশ পাইয়া পড়িল ও তাহারা স্বর্গীয় বৃক্ষপত্র আপনাদের জননেন্দ্রিয়ে সংলগ্ন করিতে আরম্ভ করিল ; এবং আদম স্বীয় প্রতিপালকের বিরুদ্ধাচারী হইল, অবশেষে পথভ্রান্ত হইয়া গেল ‡। ১২১। তৎপর তাহার প্রতিপালক তাহাকে গ্রহণ করিলেন, পরে তিনি তাহার দিকে প্রত্যাবর্তন করিলেন ও পথ দেখাইলেন। ১২২। তিনি বলিলেন, “তোমরা উভয়ে এ স্থান হইতে অবতরণ কর, তোমরা এক অগ্নের শত্রু ; অনন্তর যদি আমার নিকট হইতে তোমাদের প্রতি জ্ঞানোপদেশ উপস্থিত হয়, তখন যে ব্যক্তি আমার উপদেশের অনুসরণ করিবে, পরে সে পথভ্রান্ত হইবে না ও দুর্গতি ভোগ করিবে না। ১২৩। এবং যে ব্যক্তি আমার স্মরণে বিমুখ হইয়াছে, অনন্তর নিশ্চয় তাহার জন্ত জীবিকা সঙ্কোচ হয়, এবং আমি কেয়ামতের দিনে তাহাকে অন্ধ ( করিয়া ) সমুখাপন করিব”।

\* “কোর-আনে তাঁহার প্রত্যাদেশ তোমার প্রতি পঁছছাইবার পূর্বে তুমি সত্বর হইও না।” অর্থাৎ যে পর্য্যন্ত প্রত্যাদেশ লাভ না কর, কোর্-আন্ বিষয়ে আদেশ-প্রচারে প্রবৃত্ত হইও না। এমাম হোসন বসোরী বলিয়াছেন যে, এক ব্যক্তি আপন স্ত্রীকে চপেটাঘাত করিয়াছিল, সেই নারী হজরতের নিকট আসিয়া বিচারপ্রার্থিনী হয়। তিনি ইচ্ছা করিলেন, আঘাতকারীকে প্রতিফল দান করেন। তাহাতেই এই আয়ত অবতীর্ণ হয়, এবং তদনুসারে হজরত শান্তির আজায় বিলম্ব করেন। মুসা অধিক জ্ঞান অন্বেষণ করাতে ঈশ্বর তাঁহাকে মহাপুরুষ খেজরের নিকটে সমর্পণ করিয়াছিলেন। প্রেরিতপুরুষ মোহম্মদ প্রার্থী না হওয়াতে, ঈশ্বর তাঁহাকে অধিক জ্ঞানের জন্ত প্রার্থনা করিতে শিক্ষা দিলেন। তিনি অল্প কাহারও নিকটে শিক্ষা করিতে নিযুক্ত হন নাই। ( ত, হো, )

+ অর্থাৎ পরমেশ্বর আদমকে আদেশ করিয়াছিলেন যে, নিষিদ্ধ বৃক্ষের নিকটে বাইও না। তিনি তাহা ভুলিয়া নিষিদ্ধ বৃক্ষের ফল ভক্ষণ করিয়াছিলেন। ( ত, হো, )

‡ অনন্তর আদম অসিদ্ধকাম হইলেন, স্বর্গ হইতে তাঁহাকে পৃথিবীতে নামিয়া আসিতে হইল। পরে তিনি নিরন্তর অনুতাপ ও ক্ষমা প্রার্থনা করেন। ( ত, হো, )

১২৪। সে বলিল, “হে আমার প্রতিপালক, কেন আমাকে অন্ধ ( করিয়া ) উত্থাপন করিবে ? নিশ্চয় আমি অবলোকনকারী ছিলাম”। ১২৫। তিনি বলিলেন, “আমার নিদর্শন সকল তোমার নিকটে এইরূপে আসিয়াছে, পরে তুমি তাহা ভুলিয়া গিয়াছ, ও এইরূপে তুমি অন্ধ ভ্রান্ত হইলে” \*। ১২৬। এবং যে ব্যক্তি সীমা লঙ্ঘন করিয়াছে ও আপন প্রতিপালকের নিদর্শন সকলের প্রতি বিশ্বাস করে নাই, এইরূপে আমি তাহাদিগকে প্রতিফল দান করি; নিশ্চয় পারলৌকিক শাস্তি অত্যন্ত কঠিন ও স্থায়ী। ১২৭। অনন্তর তাহাদিগকে কি পথ দেখায় নাই যে, আমি তাহাদের পূর্বে, তাহারা যাহাদের দেশে বিচরণ করিতেছে, সেই মণ্ডলী সকলের কত (লোককে) বিনাশ করিয়াছি; নিশ্চয় ইহাতে জ্ঞানবান্ লোকদিগের জন্ত নিদর্শন সকল আছে। ১২৮। ( র, ৭, আ, ১৩ )

এবং যদি তোমার প্রতিপালক হইতে এক বাক্য পূর্বে প্রচার না হইত, তবে অবশ্য ( শাস্তি ) সমুচিত ও কাল নির্ধারিত হইত †। ১২৯। অনন্তর তাহারা যাহা বলিতেছে, তৎপ্রতি তুমি ধৈর্যধারণ কর; এবং সূর্যোদয়ের পূর্বে ও তাহার অস্তগমনের পূর্বে ও নিশার কতিপয় ঘণ্টা স্বীয় প্রতিপালকের প্রশংসার স্তব কর ও অবশেষে দিবসের বিভাগ সকলে স্তব কর, সম্ভবতঃ তুমি সন্তুষ্ট থাকিবে ‡। ১৩০। এবং তাহাদের দল সকলকে যাহা দ্বারা আমি ফলশালী করিয়াছি, তৎপ্রতি তুমি কখনও আপন দৃষ্টি প্রসারণ করিও না, উহা পার্থিব জীবনের শোভা; যেহেতু তাহাতে আমি তাহাদিগকে পরীক্ষা করিয়া থাকি, এবং তোমার প্রতিপালকের ( প্রদত্ত ) উপজীব্য কল্যাণও বহুস্থায়ী। ১৩১। এবং আপন লোকদিগকে তুমি নমাজে আদেশ কর, তৎপ্রতি ধৈর্যধারণ কর, তোমার নিকটে আমি উপজীবিকার প্রার্থনা করিতেছি না; আমিই তোমাকে জীবিকা দান করিয়া থাকি, এবং ধর্মভীরুদিগের জন্ত পরিণাম ( কল্যাণ ) §। ১৩২। এবং তাহারা বলিল, “সে কেন আমাদের নিকটে প্রতিপালকের কোন ( অলৌকিক ) নিদর্শন আনয়ন করিতেছে না ?” পূর্বতন গ্রন্থ সকলে যাহা আছে, সেই ( জাতীয় ) উজ্জ্বল প্রমাণ কি তাহাদের নিকটে উপস্থিত হয় নাই ¶ ? ১৩৩। এবং

\* অর্থাৎ ঈশ্বর বলিলেন, তোমার নিকটে নিদর্শন সকল প্রেরিত হইয়াছিল, তুমি তৎপ্রতি দৃষ্টিপাত কর নাই ও তাহা অগ্রাহ করিয়াছ; এ জন্ত তুমি অন্ধ পরিত্যক্ত ও শাস্তিগ্রস্ত হইলে। ( ত, হো, )

† কাকের ও মোসলমানদিগের জন্ত পরকালে দণ্ড পুরস্কারের বিধান হইবে, পূর্বেই এইরূপ অঙ্গীকার হইয়াছে। অল্পথা ইহলোকে যথাসময়ে সমুচিত শাস্তি হইত। ( ত, ফা, )

‡ প্রথম প্রহর ব্যতীত দিবার এক এক বিভাগে অর্থাৎ প্রতি যামে নমাজ পড়। তাহা হইলে তুমি সন্তুষ্ট থাকিবে, অর্থাৎ পৃথিবীতে তোমাদ্বারা মণ্ডলীর সাহায্য হইবে, এবং পরলোকে তোমার অনুরোধে তাহাদের পাপ ক্ষমা পাইবে। ( ত, ফা, )

§ অর্থাৎ প্রভু দাসের নিকটে উপজীবিকার প্রত্যাশা করেন না, তাহার দাসত্ব আকাঙ্ক্ষা করেন। প্রভু স্বয়ং দাসকে উপজীবিকা দান করেন। ( ত, ফা, )

¶ ধর্মপ্রবর্তকদিগের প্রতি তাহাদের অলৌকিকতা-প্রকাশের পর অসত্যারোপ করার জন্ত

তাহার ( প্রেরিত পুরুষের প্রেরণের ) পূর্বে যদি আমি তাহাদিগকে শাস্তিযোগে বিনাশ করিতাম, তবে অবশ্য তাহারা বলিত, “হে আমাদের প্রতিপালক, তুমি কেন আমাদের নিকটে প্রেরিত পুরুষ পাঠাও নাই? তাহা হইলে আমরা অপমানিত ও দুর্দশাপন্ন হওয়ার পূর্বে তোমার নিদর্শন সকলের অহুসরণ করিতাম” । ১৩৪ । তুমি বল, প্রত্যেকে প্রতীক্ষাকারী, অনন্তর তোমরা প্রতীক্ষা করিতে থাক ; অবশেষে তোমরা অবশ্য জানিতে পাইবে যে, কাহার সরণ পথে পাছ ও কাহার পথ প্রাপ্ত হইয়াছে । ১৩৫ । (র, ৮, আ, ৭)

## সূরা আশ্বিয়া \*

.....

### একবিংশ অধ্যায়

.....

### ১১২ আয়ত, ৭ রকু

( দাতা দয়ালু পরমেশ্বরের নামে প্রবৃত্ত হইতেছি । )

মানব-মণ্ডলীর জন্ত তাহাদের হিসাব সন্নিহিত হইয়াছে ও তাহারা শৈথিল্যে আছে, ( এবং ) বিমুখ ন। ১ । তাহাদের নিকটে তাহাদের প্রতিপালক হইতে কোন নূতন উপদেশ, তাহা শ্রবণকরণানন্তর তাহারা আমোদ করিয়াছে ব্যতীত, উপস্থিত হয় নাই । ২ । + তাহাদের মন শিথিল হইয়াছে, এবং অত্যাচারিগণ গোপনে মন্ত্রণা করিয়াছে যে, এ তোমাদের ঞায় মনুষ্য ভিন্ন নহে ; অনন্তর তোমরা কি ইন্দ্রজালের নিকটে আসিতেছ ?

পূর্বতন মণ্ডলীর প্রতি যে শাস্তি ও যত্ন উপস্থিত হইয়াছিল, প্রাচীন গ্রন্থ সকলে তাহা তাহারা কি পাঠ করে নাই? তওরাতে ও বাইবেলে হজরত মোহাম্মদের বর্ণনা ও তাহার আবির্ভাবের উল্লেখ আছে । হজরতের সম্বন্ধে প্রধান অলৌকিকতা কোর্-আন্, এই স্বর্গীয় মহানিদর্শন তাহাদের নিকটে প্রকাশিত আছে । হজরত কোন গ্রন্থ না পড়িয়া, কাহারও নিকটে শিক্ষা না করিয়া, কোর্-আনের সূরা সকল প্রচার করিতেছেন । ( ত, হো, )

\* মক্কাতে এই সূরার আবির্ভাব হয় ।

+ মানবমণ্ডলীর সদস্য কর্মের হিসাব লওয়ার দিন অর্থাৎ কেয়ামত নিকটবর্তী । এ স্থলে মানবমণ্ডলী অর্থে মক্কার কাকেরগণ । তাহারা বদরের হত্যাকাণ্ডের বিনিময়ে যে ধৃত হইবে, সেই দিন নিকটবর্তী হইয়াছে । ( ত, হো, )



অথচ তোমরা দর্শন করিতেছ \* । ৩ । সে বলিল, “আমার প্রতিপালক পৃথিবীস্থ ও স্বর্গস্থ বাক্য জানিতেছেন, এবং তিনি শ্রোতা জ্ঞাতা” । ৪ । বরং তাহারা বলিল, “( এই কোর্-আন্) বিক্ষিপ্ত চিন্তা, বরং সে তাহা রচনা করিয়াছে, বরং সে কবি ; অনন্তর উচিত যে, সে আমাদের নিকটে কোন নিদর্শন আনয়ন করে, যেমন পূর্ববর্তীগণ তৎসহ প্রেরিত হইয়াছিল” । ৫ । তাহাদের পূর্বে ( এমন ) কোন গ্রাম ( গ্রামবাসী ) বিশ্বাস স্থাপন করে নাই, যাহাকে আমি বিনাশ করিয়াছি ; অবশেষে তাহারা কি বিশ্বাস করিবে ? ৬ । এবং তোমার পূর্বে, ( হে মোহম্মদ, ) যে সকল পুরুষের প্রতি প্রত্যাশা করিতেছিলাম, আমি তাহাদিগকে বৈ প্রেরণ করি নাই ; অনন্তর, ( হে লোক সকল, ) তোমরা যদি অবগত না থাক, তবে গ্রন্থাধিকারীদিগকে জিজ্ঞাসা কর † । ৭ । এবং আমি তাহাদিগের ( প্রেরিত পুরুষদিগের ) এমন শরীর করি নাই যে, তাহারা অন্ন ভক্ষণ করিত না, তাহারা চিরস্থায়ী ছিল না । ৮ । তৎপর তাহাদের সম্বন্ধে আমি অঙ্গীকার সম্প্রমাণ করিয়াছি, অনন্তর তাহাদিগকে মুক্তি দিয়াছি ও ( বিশ্বাসীদিগের ) যাহাকে ইচ্ছা করিয়াছি ( মুক্তি দিয়াছি, ) এবং সীমানাজ্ঞানকারীদিগকে বিনাশ করিয়াছি । ৯ । সত্য সত্যই আমি তোমাদিগের প্রতি গ্রন্থ অবতারণ করিয়াছি, তন্মধ্যে তোমাদের জন্ত উপদেশ আছে ; অনন্তর তোমরা কি বুঝিতেছ না ? ১০ । ( র, ১, আ, ১০ )

এবং অত্যাচারী ছিল, এমন কত বসতি আমি চূর্ণ করিয়াছি ও তাহার পরে অন্য জাতি সৃষ্টি করিয়াছি । ১১ । অনন্তর যখন তাহারা আমার শাস্তি অনুভব করিল, অকস্মাৎ তাহারা তথা হইতে দৌড়িতে লাগিল । ১২ । ( বলিলাম, ) “তোমরা দৌড়িও না ও যাহাতে সুখ দেওয়া গিয়াছে, সেই দিকে ও আপন আনয় সকলের দিকে ফিরিয়া আইস ; হয়তো তোমরা জিজ্ঞাসিত হইবে” ‡ । ১৩ । তাহারা বলিল, “হায় ! আমাদের প্রতি আক্ষেপ, নিশ্চয় আমরা অত্যাচারী ছিলাম” । ১৪ । অনন্তর যে পর্যন্ত আমি শাস্তিকর্তিত ক্ষেত্র ( সদৃশ ) করিয়াছিলাম, সে পর্যন্ত সর্বদা তাহাদের

\* “তোমরা কি ইল্লাহের নিকটে আসিতেছ ?” অর্থাৎ ইল্লাহের মাগ্ন করিতেছ ? কাফেরদিগের এই সংস্কার ছিল যে, হজরত তাহাদের নিকটে যে সকল ঐশ্বরিক বাক্য পাঠ করিয়া থাকেন, তাহা কুহকবিশেষ । অবশেষে তাহারা পরস্পর গোপনে বলিতে লাগিল যে, তোমরা জানিও, মোহম্মদ যাহা পাঠ করিয়া থাকে, তাহা ভেঙ্কি ; এবং তোমরা দেখিতেছ যে, সে দেবতা নহে, তোমাদের স্তায় মনুষ্য । অতঃপর তোমরা কি ভাবিতেছ ? তাহার চেষ্টা বিফল কর । পরমেশ্বর হজরতকে তাহাদের এই মন্তণার সংবাদ দান করিতেছেন । ( ত, হো, )

† অর্থাৎ গ্রন্থাধিকারী ইসরাইলী ও মুসায়ী সম্প্রদায় প্রভৃতিকে জিজ্ঞাসা কর যে, প্রেরিত পুরুষগণ মনুষ্য, না দেবতা ছিল । ( ত, হো, )

‡ ঐশ্বরের শাস্তির ভয়ে লোক সকল পলায়ন করিতে লাগিল ; দেবতার উপহাস করিয়া বলিতে লাগিল, দৌড়িও না, আপন গৃহে ফিরিয়া আইস । স্বীয় ধর্মপ্রবর্তকের হত্যাসম্বন্ধে তোমরা জিজ্ঞাসিত হইবে । ( ত, হো, )

এই আর্ন্তনাদ ছিল। ১৫। এবং আমি স্বর্গ মর্ত্য এবং এই উভয়ের মধ্যে যাহা আছে, ক্রীড়াকারিরূপে তাহা সৃষ্টি করি নাই। ১৬। যদি ইচ্ছা করিতাম যে, ক্রীড়ামোদ গ্রহণ করি, তবে অবশ্য আপনাই হইতে গ্রহণ করিতাম, যদি কার্য্যকারক হইতাম। ১৭। বরং আমি সত্যকে অসত্যের উপর নিষ্ক্ষেপ করিতেছি, পরে তাহার মস্তক ভগ্ন হইতেছে, অবশেষে উহা অকস্মাৎ বিলুপ্ত হইতেছে; তোমরা যাহা বর্ণন করিতেছ, তজ্জগৎ তোমাদের প্রতি আক্ষেপ \*। ১৮। এবং যে কেহ স্বর্গে ও পৃথিবীতে আছে, সে তাঁহারই ও যাহারাই তাঁহার নিকটে আছে, তাহারাই তাঁহার অর্চনায় গর্ষ করে না ও পরিশ্রান্ত হয় না। ১৯। তাহারাই দিবা রাত্রি স্তব করে, শৈথিল্য করে না। ২০। তাহারাই কি এমন পার্থিব বস্তুসকল উপাস্তরূপে গ্রহণ করে, যাহারা (মৃতদিগকে) জীবিত করিয়া থাকে †? ২১। যদি (স্বর্গ মর্ত্য) উভয়ের মধ্যে এই ঈশ্বর ব্যতীত অনেক উপাস্ত থাকিত, তবে অবশ্য সেই দুইই সঙ্কটাপন্ন হইত; অনন্তর তাহারাই যাহার বর্ণন করিয়া থাকে, তদপেক্ষা স্বর্গের প্রতিপালক পরমেশ্বরের পবিত্রতা (অধিক)। ২২। তিনি যাহা করেন, তদ্বিষয়ে জিজ্ঞাসিত হন না, বরং তাহারাই জিজ্ঞাসিত হইয়া থাকে। ২৩। তাহারাই কি তাঁহাকে ব্যতীত (অন্য) ঈশ্বর গ্রহণ করে? তুমি বল, তোমরা আপনাদের প্রমাণ উপস্থিত কর; যাহারা আমার সঙ্গে আছে, তাহাদের এই পুস্তক (কোর-আনু গ্রন্থ) ও যাহারা আমার পূর্বে ছিল, তাহাদেরও পুস্তক; বরং তাহাদের অধিকাংশ লোক সত্যকে জানিতেছে না, পরন্তু তাহারাই অগ্রাহকারী ‡। ২৪। তোমার পূর্বে, (হে মোহাম্মদ,) যাহার প্রতি প্রত্যাদেশ করিতেছিলাম, আমি তাহাকে ব্যতীত অন্য কোন প্রেরিতপুরুষ পাঠাই নাই; এই যে আমি ভিন্ন উপাস্ত নাই, অনন্তর তোমরা আমাকে অর্চনা কর। ২৫। এবং তাহারাই বলিয়াছে যে, পরমেশ্বরের সন্তান গ্রহণ করিয়াছেন, পবিত্রতা তাঁহারই, বরং (দেবগণ) সম্মানিত দাস। ২৬।+ তাহারাই কথায় তাঁহাকে অতিক্রম করে না, বরং তাহারাই তাঁহার আজ্ঞাক্রমে কার্য্য করে। ২৭। তাহাদের সম্মুখে যাহা ও তাহাদের পশ্চাতে যাহা আছে, তিনি তাহা জানিতেছেন; এবং যে ব্যক্তি মনোনীত হয়, তাহার জগৎ ব্যতীত তাহারাই শফায়ত (ক্ষমার অনুরোধে) করে না, এবং তাহারাই তাঁহার ভয়ে ন্যাকুল \*। ২৮।

\* অর্থাৎ আমি সত্যকে অসত্যের উপর অর্থাৎ আমোদ প্রমোদের উপর, অথবা এসলাম ধর্ম্মকে পৌত্তলিকতার উপর প্রাধান্য দান করিতেছি। তোমরা যে, ঈশ্বর স্ত্রী পুত্র গ্রহণ করিয়াছেন, এরূপ অযোগ্য বর্ণনা করিতেছ, তজ্জগৎ তোমাদিগকে দিচ্। (ত, হে',)

+ অর্থাৎ তাহারাই কি পার্থিব বস্তু হুবর্ণ রজত কাষ্ঠ মৃত্তিকাদি দ্বারা নিশ্চিত ঈশ্বর আকার করে ও সেই ঈশ্বর কি মৃতদিগকে পুনর্জীবন দান করিতে পারে? (ত, হো,)

‡ যে সকল দেবতাকে ঈশ্বরের তুল্যরূপে গণনা করা হইয়াছে, প্রথমতঃ তাহাদের প্রসঙ্গ হইয়াছে, যথা, দুই প্রভু হইলে জগৎ বিনাশ পাইত। যাহাদিগকে ঈশ্বরের প্রতিনিধিরূপে গণ্য করা গিয়াছে, এক্ষণ তাহাদের প্রসঙ্গ হইতেছে; প্রমাণ স্থলে সেই সকল প্রতিনিধিদিগের ওড়ুর নিদর্শনপত্র আবশ্যক, তদ্ব্যতীত কেমন করিয়া তাহারাই প্রতিনিধি হইবে। (ত, ফা,)

এবং তাহাদের মধ্যে যে ব্যক্তি বলে যে, “তিনি ভিন্ন নিশ্চয় আমিই ঈশ্বর,” অনন্তর এই তাহাকে আমি নরকদণ্ড বিধান করি; এই প্রকার অত্যাচারীদেরকে আমি বিনিময় দান করিয়া থাকি। ২৯। (র, ২, আ, ১৯)

ধর্মদ্রোহিগণ কি দেখে নাই যে, আকাশ ও পৃথিবী বন্ধ ছিল, পরে আমি উভয়কে উন্মুক্ত করিয়াছি, এবং আমি জল দ্বারা সমুদায় বস্তুকে জীবিত করিয়াছি; অনন্তর তাহারা কি বিশ্বাস করিতেছে না? ৩০। এবং আমি পৃথিবীতে (এই ভাবে) পর্বত সকল সৃষ্টি করিয়াছি, যেন উহা সেই সকলের সঙ্গে বিচলিত না হয়, এবং আমি তথায় প্রশস্ত বস্তুসকল উৎপাদন করিয়াছি, হয়তো তাহারা পথ প্রাপ্ত হইবে ৩১। এবং আমি আকাশকে সংরক্ষিত ছাদ করিয়াছি ও তাহারা তাহার নিদর্শন সকল হইতে বিমুগ্ধ আছে ৩২। এবং তিনিই যিনি রাত্রি ও দিবা, সূর্য ও চন্দ্র সৃজন করিয়াছেন, সকলেই আকাশেতে স্তুতি করিতেছে ৩৩। এবং তোমার পূর্বে, (হে মোহম্মদ,) কোন মনুষ্যের জগৎ স্থায়িত্ব প্রদান করি নাই; অনন্তর যদি তুমি মরিয়া যাও, তবে তাহারা কি স্থায়ী হইবে ৩৪। প্রত্যেক মনুষ্য মৃত্যুর আশ্বাদনকারী, এবং আমি তোমাদিগকে সম্পদ বিপদ দ্বারা পরীক্ষারূপে পরীক্ষা করিয়া থাকি, এবং আমার দিকে তোমরা প্রত্যাভর্তিত হইবে ৩৫। এবং ধর্মদ্রোহিগণ যখন তোমাকে দেখে, তখন বিক্রম করে ভিন্ন তোমাকে গ্রহণ করে না; (যথা) “যে ব্যক্তি তোমাদের উপাস্ত্রগণকে (অবজ্ঞা করিয়া) স্মরণ করে, এ কি সে?” তাহারা ঈশ্বরের স্মরণেতে বিরুদ্ধাচারী ৩৬। মনুষ্য সত্ত্বর সৃষ্ট হইয়াছে, অবশ্য তোমাদিগকে আপন নিদর্শন দেখাইব; অনন্তর তোমরা সত্ত্বর চাহিও না ৩৭। এবং তাহারা বলে, “যদি তোমরা সত্যবাদী হও, তবে এই অঙ্গীকার কবে হইবে?” ৩৮। ধর্মদ্রোহিগণ যদি সেই সময়কে

\* কাকেরদিগের সম্বন্ধে কাহারও “শফায়তের” আশা নাই, ঈশ্বরের আজ্ঞা ব্যতীত দেবতারাও তাহাদের জগৎ শফায়ত করিতে পারেন না। এমনি আশ্বাস বলিয়াছেন যে, যে ব্যক্তি পৃথিবীতে পবিত্র কলেমা উচ্চারণ করিয়াছে ও তৎপ্রতি অন্তরের সহিত বিশ্বাস রাখে, তাহার সম্বন্ধেই “শফায়ত” বিধেয় হইয়াছে। (ত, হো,)

+ অর্থাৎ আকাশে মেঘ বন্ধ ছিল, বারিবর্ষণ হইত না। পৃথিবীতে জলপ্রণালী ও খনি ইত্যাদি বন্ধ ছিল। পরে এ সকল প্রকাশিত হয়, আকাশে নক্ষত্রাবলী দীপ্তি পায়, বারিবর্ষণ হয়, নদ নদী ও উদ্ভিদাদি উৎপন্ন হয়, গুরুযোগে জীবের উৎপত্তি হয়, এই সমুদায়েরই মূল ঈশ্বর। (ত, হো,)

‡ পৃথিবীর দৃঢ়তার জগৎ পর্বত সকল স্থাপিত হইয়াছে। এক দেশের লোকের সঙ্গে অন্য দেশের লোক মিলিতে পর্বত প্রতিবন্ধক যেন না হয়, এজগৎ পথ প্রস্তুত হইয়াছে। (ত, ফা,)

§ অর্থাৎ এমন ছাদ নির্মিত হইয়াছে যে, কেহ তাহা ভগ্ন করিতে পারে না। (ত, ফা,)

¶ সূর্য চন্দ্র দিবা রাত্রি নির্দিষ্ট স্থানে ভ্রমণ করিয়া ঈশ্বরের মহিমা ঘোষণা করিতেছে। (ত, ফা,)

|| কাকের লোকে বলে যে, এ ব্যক্তিপর্যন্ত এই ঘটনা ও আন্দোলন; এ মরিয়া গেলে আর কিছুই থাকিবে না। (ত, ফা,)

জানিত, যে সময়ে আপন মুখমণ্ডল হইতে ও আপন পৃষ্ঠ হইতে অগ্নি নিবারিত করিতে পারিবে না, এবং তাহারা আনুকূল্য প্রাপ্ত হইবে না, ( ভাল ছিল )। ৩৯। তাহাদের নিকটে অকস্মাত (কেয়ামত) উপস্থিত হইবে, অনন্তর তাহাদিগকে অস্থির করিয়া তুলিবে, তাহারা তাহা খণ্ডন করিতে পারিবে না, এবং তাহাদিগকে অবকাশ দেওয়া যাইবে না। ৪০। এবং সত্য সত্যই তোমার পূর্বে, ( হে মোহাম্মদ, ) প্রেরিতপুরুষগণকে উপহাস করা হইয়াছে; অনন্তর তাহাদের যাহারা উপহাস করিয়াছিল, যদ্বারা উপহাস করিয়াছিল, তাহা তাহাদিগকে আক্রমণ করিয়াছে। ৪১। ( র, ৩, আ, ১২ )

তুমি জিজ্ঞাসা কর, দিবা রাত্রি ঈশ্বরের ( শাস্তি ) হইতে কে তোমাদিগকে রক্ষা করিবে? বরং তাহারা স্বীয় প্রতিপালকের প্রদত্ত হইতে মুখ ফিরাইয়া থাকে। ৪২। আমি ভিন্ন তাহাদের জ্ঞান কি উপাস্ত্র সকল আছে, যে তাহাদিগকে রক্ষা করে? তাহারা আপন জীবনকে সাহায্য দান করিতে পারে না ও তাহারা আমার ( শাস্তি ) হইতে রক্ষিত হইতে পারে না। ৪৩। বরং আমি তাহাদিগকে ও তাহাদের পিতৃপুরুষদিগকে এতদূর ফলভোগী করিয়াছি যে, তাহাদিগের প্রতি জীবন দীর্ঘ হইয়াছে; অনন্তর তাহারা কি দেখিতেছে না যে, আমি পৃথিবীতে তাহার বিভাগ সকল হইতে তাহাকে নষ্ট করিয়া উপস্থিত হইতেছি? অবশেষে তাহারা কি বিজেতা \*? ৪৪। তুমি বল, প্রত্যাদেশ-যোগে আমি তোমাদিগকে ভয় প্রদর্শন করিতেছি, এতদ্ভিন্ন নহে; এবং যখন কিছু ভয় প্রদর্শন করা হয়, বধির লোকেরা ( সেই ) ধ্বনি শুনিতে পায় না। ৪৫। এবং যদি তোমার প্রতিপালকের শাস্তির কিঞ্চিৎ গন্ধ তাহাদিগকে স্পর্শ করে, তবে নিশ্চয় তাহারা বলিবে, “হায়! আমাদের প্রতি আক্ষেপ, একান্তই আমরা অত্যাচারী ছিলাম”। ৪৬। এবং কেয়ামতের দিনে আমি স্ফায়ের তুলস্বস্ত্র স্থাপন করিব, তখন কোন ব্যক্তি কিছুই অত্যাচারগ্রস্ত হইবে না, এবং সর্বপঙ্কিকা পরিমাণ ( অনুষ্ঠান ) হইলেও আমি তাহা আনয়ন করিব, আমি যথেষ্ট হিসাবকারী †। ৪৭। এবং সত্য সত্যই আমি মুসাকে ও হারুনকে মীমাংসাগ্রস্ত ও জ্যোতি, এবং ধর্মভীরু লোকদিগের জ্ঞান উপদেশ দান করিয়াছি। ৪৮। † যাহারা গোপনে আপন প্রতিপালককে ভয় করে, তাহারা কেয়ামত হইতে ভীত। ৪৯। এবং এই উপদেশ ( কোর্-আন্ ) ফলোপধায়ক, ইহাকে আমি অবতারণ করিয়াছি; অনন্তর তোমরা কি ইহার অগ্রাহকারী হইয়াছ? ৫০। ( র, ৪, আ, ৯ )

\* তাহাদের বয়ঃক্রম দীর্ঘ হয়, তাহাতে তাহারা অহঙ্কারী হইয়া উঠে ও মনে করে যে, সর্বদা এই ভাবেই গত হইবে। তাহারা ইহা জানে না যে, মুহূর্ত্ত স্থপের মূল ছিল ও জীবনের ভিত্তি চূর্ণ হইয়া থাকে। ( ত, ফা, )

† কোন কোন ভাষ্যকারের মত এই যে, তুলস্বস্ত্র অর্থে স্ফায়-বিচার। তুলস্বস্ত্র স্থাপন, পাপ পুণোর দণ্ড পুরস্কারাদির সত্য ও স্ফায়ানুসারে বিচার ও হিসাবের উদাহরণস্থলে উক্ত হইয়াছে। সাধারণের মত এই যে, পরলোকে একটি তুলস্বস্ত্র আছে, তাহাতে একটি পরিমাণদণ্ড ও দুই দিকে দুইটি পরিমাণপাত্র বিদ্যমান। তাহাতে লোকের ধর্ম্মাধর্ম্মের পরিমাণ করা হয়। ( ত, ফা, )

এবং সত্য সত্যই আমি পূর্বে এব্রাহিমকে তাহার পথের আলোক প্রদান করিয়াছি ও তাহার ( অবস্থা ) সম্বন্ধে আমি জ্ঞানী ছিলাম । ৫১ । ( স্মরণ কর, ) যখন সে আপন পিতাকে ও স্বজনদিগকে জিজ্ঞাসা করিল, “এই সকল কি মূর্তি, তোমরা যাহাদিগের সহবাস করিয়া থাক” \* ? ৫২ । তাহারা বলিল, “আমাদের পিতৃপুরুষগণকে ইহাদের অর্চনাকারী প্রাপ্ত হইয়াছি” । ৫৩ । সে বলিল, “সত্য সত্যই স্পষ্ট পথপ্রাপ্তিতে তোমরা ( আছ ) ও তোমাদের পিতৃপুরুষগণ ছিল” । ৫৪ । তাহারা বলিল, “তুমি কি আমাদের নিকটে সত্য উপস্থিত করিয়াছ, অথবা তুমি কি আমোদকারীদিগের অন্তর্গত” ? ৫৫ । সে বলিল, “বরং যিনি স্বর্গ মর্ত্যের প্রতিপালক ও এ দুইকে সৃজন করিয়াছেন, তিনিই তোমাদের প্রতিপালক, এবং আমি এ বিষয়ে সাক্ষীদিগের অন্তর্গত । ৫৬ । এবং ঈশ্বরের শপথ, তোমরা পৃষ্ঠভঙ্গ দিয়া ফিরিয়া গেলে পর, অবশ্য আমি তোমাদের প্রতিমা সকলের সঙ্গে অসহ্যবহার করিব” † । ৫৭ । অনন্তর সে তাহাদের প্রধান প্রতিমা ব্যতীত সেই সকলকে খণ্ড খণ্ড করিল ; ( এই মনে করিল, ) হয়তো তাহারা তাহার প্রতি পুনরুন্মুগ হইবে ‡ । ৫৮ । তাহারা বলিল, “কে আমাদের ঈশ্বরগণের প্রতি ইহা করিল, নিশ্চয় সে অত্যাচারীদিগের অন্তর্গত” § । ৫৯ । ( পরস্পর ) বলিল, “আমরা শুনিয়াছি, এক

\* কেহ কেহ বলেন যে, বাবেলের দেবালয়ে বায়ান্তরটি প্রতিমা, কেহ বলেন, নব্বইটি প্রতিমা ছিল । সর্বপ্রধানমূর্তি স্বর্ণনির্মিত ও তাহার দুই চক্ষুতে দুইটি উজ্জ্বল মণি সংযুক্ত ছিল । সেই সকল মূর্তি পশু পক্ষী মনুষ্যাকারে বা গ্রহ নক্ষত্রাদির আকারে গঠিত ছিল, একরূপ উক্ত হইয়াছে । এব্রাহিম সেই সকল প্রতিমূর্তিকে লক্ষ্য করিয়া জিজ্ঞাসা করিয়াছিলেন যে, এ সকল किसের মূর্তি ? ( ত, হো, )

† ঈশ্বরবিরোধী বাবেলাধিপতি নেমরুদের অনুবর্তী লোকেরা বৎসরে একদিন বিশেষ উৎসব করিত, সেই দিবস তাহারা প্রাস্তরে যাইয়া সায়ংকাল পর্যন্ত আমোদ আহ্লাদে রত থাকিত । পরে দেবালয়ে প্রত্যাগমন করিয়া দেবমূর্তি সকলকে সুসজ্জিত করিত ও সেই সকলকে প্রণাম ও পূজা অর্চনা করিয়া আপন আপন গৃহে ফিরিয়া যাইত । যখন এব্রাহিম বাবেলবাসীদের সঙ্গে তাহাদের প্রতিমাবিষয়ে তর্ক বিতর্ক করিয়াছিলেন, তখন তাহারা বলিয়াছিল যে, কলা আমাদের উৎসব, আমাদের সঙ্গে উৎসবে উপস্থিত হইয়া দেখিও, আমাদের ধর্মপ্রণালী কেমন উত্তম । এব্রাহিম হাঁ বা না কিছুই বলিলেন না । পরদিন পৌত্তলিকগণ চাহিল যে, তাঁহাকে সঙ্গে করিয়া উৎসবে লইয়া যায় । কিন্তু তিনি পীড়ার ছল করিয়া গেলেন না । তাহারা চলিয়া গেলে পর, তিনি তাহাদের অগোচরে এইরূপ বলিলেন । ( ত, হো, )

‡ এব্রাহিম প্রধান মূর্তিকে রাখিয়া অন্ত সমুদায় মূর্তি কুঠারাঘাতে ভাঙ্গিয়া ফেলিয়াছিলেন । প্রধান মূর্তির স্কন্ধে আপন কুঠার স্থাপন করিয়াছিলেন ।

§ অর্থাৎ সেই ব্যক্তি অত্যাচারী, কোথায় দেবতাদিগকে সম্মান করিবে, না যার পর নাই অপমান করিল ; অথবা সে আত্মজীবনের প্রতি অত্যাচারী, এই কার্য দ্বারা সে আপনাকে মৃত্যুর স্রোতে নিক্ষেপ করিল । নেমরুদের অনুবর্তী লোকেরা, যে একরূপ দুর্ভিক্ষ করিয়াছে, তাহার অনুসন্ধানে প্রবৃত্ত হইল । তখন এক ব্যক্তি, এব্রাহিম প্রতিমা ভঙ্গ করিয়াছে, বলিয়া নির্দেশ করিল । ( ত, হো, )



নবযুবক, তাহাকে এব্রাহিম বলিয়া থাকে, সে সেই সকলের প্রসঙ্গ করিত”। ৬০। তাহারা বলিল, “অনন্তর তাহাকে লোকের চক্ষুর নিকটে উপস্থিত কর, হয়তো তাহারা সাক্ষ্য দান করিবে”। ৬১। তাহারা জিজ্ঞাসা করিল, “হে এব্রাহিম, তুমি কি আমাদের ঈশ্বরগণের প্রতি ইহা করিয়াছ” ? ৬২। সে বলিল, “বরং ইহাদিগের এই প্রধান (দেব) তাহা করিয়াছে ; অনন্তর যদি ইহারা কথা কহিতেছিল, তবে ইহাদিগকে প্রহর কর”। ৬৩। অবশেষে তাহারা আপনাদের প্রতি প্রত্যাবর্তিত হইল, পরে ( পরম্পর ) বলিল, “নিশ্চয় তোমরা অত্যাচারী”। ৬৪। তৎপর তাহারা আপনাদের মস্তকোপরি উলটিয়া পড়িল, \* ( বলিল, ) “সত্য সত্যই তুমি জান যে, ইহারা কথা কহে না”। ৬৫। সে বলিল, “অনন্তর তোমরা কি সেই ঈশ্বরকে ছাড়িয়া তাহার পূজা কর, যে তোমাদিগের কিছুই লাভ ও ক্ষতি করে না ? ৬৬। তোমাদের প্রতি ও তোমরা ঈশ্বর ব্যতীত যাহাদিগকে অর্চনা কর, তাহাদের প্রতি আক্ষেপ ; অনন্তর তোমরা কি বুঝিতেছ না” ? ৬৭। তাহারা বলিল, “ইহাকে দগ্ধ কর, যদি তোমরা কার্যকারক হও ; তবে আপনাদের ঈশ্বরদিগকে সাহায্য কর” †। ৬৮। আমি বলিলাম, “হে অগ্নি, তুমি এব্রাহিমের উপর শীতল ও শান্ত হও”। ৬৯।+ এবং তাহারা তাহার সঙ্গে প্রবঞ্চনা করিতে ইচ্ছা করিয়াছিল, অনন্তর আমি তাহাদিগকে ক্ষতিগ্রস্ত করিয়াছিলাম ‡। ৭০। সেই দেশের দিকে আমি তাহাকে ও লুতকে উদ্ধার করিয়া লইয়া গেলাম, যেস্থানকে জগদ্বাসীদিগের জন্ত গৌরব দান করিয়াছিলাম §। ৭১। এবং তৎপ্রতি আমি এম্বাহাককে

\* অর্থাৎ অধোবদনে রছিল।

+ নেমরুদ এক পর্বতের সম্মুখে একটি প্রশস্ত স্থান উচ্চ প্রাচীরে বদ্ধ করে। প্রায় এক মাস কাল কাঠ আহরণ করিয়া তন্মধ্যে সঞ্চয় করিয়া রাখে। সেই কাঠপুঞ্জের যত ঢালিয়া অগ্নি জালিয়া দেয়। এব্রাহিমকে বন্ধন করিয়া সেই অগ্নিমধ্যে পর্বতের উপর হইতে বিশেষ যত্নযোগে নিক্ষেপ করা হয়। অগ্নিতে বিসর্জন করার সময় ছত্রিল আসিয়া এব্রাহিমকে বলেন, “তোমার যাহা ইচ্ছা হয়, প্রার্থনা কর।” তিনি বলেন, “আমার কোন প্রার্থনীয় নাই।” তিনি ঈশ্বরের প্রতি সম্পূর্ণ নির্ভর স্থাপন করিয়া থাকেন। (ত, হো.)

‡ যখন এব্রাহিম অগ্নিতে বিসর্জিত হইলেন, তৎক্ষণাৎ তাহার হস্ত পদ ও গলদেশের বন্ধন সকল দগ্ধ হইয়া গেল ও তাহার চতুর্পার্শ্বে পুষ্প সকল বিকশিত ও মিষ্টজলের প্রস্রবণ প্রবাহিত হইল। সাত দিবস তিনি সেই স্থানে ছিলেন। নেমরুদ প্রাসাদের উপর হইতে দেখিল যে, এব্রাহিম মনোহর পুষ্পোদ্ভানে বসিয়া দেবতাদের সঙ্গে কথোপকথন করিতেছেন। তখন সে ডাকিয়া বলিল, “এব্রাহিম, তোমার ঈশ্বরের অত্যন্ত ক্ষমতা দেখিতেছি, আমি তাহার উদ্দেশ্যে বলিদান করিব।” এব্রাহিম বলিলেন, “যে পর্য্যন্ত তুমি ধর্ম গ্রহণ না কর, সে পর্য্যন্ত আমার ঈশ্বর তোমার প্রদত্ত বলি গ্রহণ করিবেন না।” কথিত আছে যে, পরে নেমরুদ চারি সহস্র গো বলিদান করিয়াছিল। (ত, হো.)

§ অর্থাৎ শামদেশে আমি তাহাকে ও লুতকে লইয়া গেলাম। ধর্মপ্রবর্তক প্রেরিতপুরুষদিগের অভ্যুদয় দ্বারা সেই দেশকে গৌরবান্বিত করিয়াছিলাম, এবং তখন আমি হইতে অনেক সম্পদ ও

ও অতিরিক্ত ( পৌত্র ) ইয়কুবকে দান করিয়াছিলাম ও প্রত্যেককে সাধু করিয়াছিলাম । ৭২ । এবং আমি তাহাদিগকে অগ্রণী করিয়াছিলাম, তাহারা আমার আজ্ঞানুসারে পথ প্রদর্শন করিত ; এবং সংকার্য করিতে ও উপাসনা প্রতিষ্ঠিত রাখিতে এবং জকাত দান করিতে তাহাদিগকে আমি প্রত্যাদেশ করিয়াছিলাম, এবং তাহারা আমার সেবক ছিল । ৭৩ ।+ এবং আমি লুতকে জ্ঞান বিজ্ঞান দান করিয়াছিলাম, এবং যে ( গ্রাম ) দুর্গ করিত, সেই গ্রাম হইতে তাহাকে উদ্ধার করিয়াছিলাম ; নিশ্চয় তাহারা পাপাচারী দুষ্ট জাতি ছিল \* । ৭৪ ।+ এবং তাহাকে আমি স্বীয় অমুগ্রহের মধ্যে প্রবেশ করাইয়াছিলাম, নিশ্চয় সে সাধুদিগের অন্তর্গত ছিল । ৭৫ । ( র, ৫, আ, ২৫ )

এবং ঠুঁহাকে ( স্মরণ কর ; ) যখন ইতিপূর্বে সে ডাকিয়াছিল, তখন আমি তাহা গ্রাহ করিয়াছিলাম ; পরে আমি তাহাকে ও তাহার পরিজনকে গুরুতর ক্লেশ হইতে মুক্ত করিয়াছিলাম । ৭৬ । এবং যাহারা আমার নিদর্শন সকলের প্রতি অসত্যারোপ করিয়াছিল, সেই সম্প্রদায়সম্বন্ধে আমি তাহাকে সাহায্য দান করিয়াছিলাম ; নিশ্চয় তাহারা দুষ্ট লোক ছিল, অনন্তর আমি তাহাদিগকে একযোগে জলমগ্ন করিয়াছিলাম । ৭৭ । এবং দাউদ ও সোলয়মানকে ( স্মরণ কর, ) যখন শত্রুক্ষেত্রবিষয়ে যে সময়ে তাহাতে এক সম্প্রদায়ের ছাগপাল চরিয়াছিল, তাহারা আদেশ করিতেছিল, এবং আমি তাহাদের আদেশের সাক্ষী ছিলাম † । ৭৮ । অনন্তর আমি সোলয়মানকে তাহা বুঝাইয়া

অমুগ্রহের সঞ্চার হইয়াছিল । এত্রাহিম শামদেশের ফলস্তিননামক স্থানে উপনীত হন, লুত মওতফকাতে যাইয়া বাস করেন, এই দুই স্থানের ব্যবধান এক দিবসের পথ । ( ত, হো, )

\* সেই গ্রামের নাম সহম । সহমনিবাসিগণ অত্যন্ত দুর্গ করিত, গর্হিত ব্যভিচার ও বলাৎকার রত ছিল । ( ত, হো, )

+ নরপতি দাউদ যখন বিচারালয়ে উপবেশন করিতেন, তখন তাহার পুত্র সোলয়মান বিচারালয়ের ঘারে বসিয়া থাকিতেন । বিচারার্থী যে কেহ বাহিরে আসিত, তিনি তাহাকেই তাহার অভিযোগ কি ছিল ও পিতা কিরূপ নিষ্পত্তি করিয়াছেন, জিজ্ঞাসা করিতেন ! একদা দুই জন অর্থাৎ প্রত্যর্থা বিচারাগারে উপস্থিত হন, একজন কৃষক তাহার নাম আয়লিয়া, আর একজনের নাম ইয়ুহনা ছিল, সে ছাগ পশু পালন করিত । আয়লিয়া বলিল, “মহারাজ, আমার প্রতিবেশী ইয়ুহনা রাত্রিতে ছাগপাল ছাড়িয়া দিয়াছিল, সেই পশুযুথ আমার ক্ষেত্রে প্রবেশ করিয়া সমুদায় শস্ত নষ্ট করিয়াছে ।” দাউদ ইয়ুহনাকে এ বিষয় জিজ্ঞাসা করিলে, সে বলিল, “হা, এরূপ হইয়াছে ।” তখন দাউদ আদেশ করিলেন, “আপন পশুযুথ এই অপরাধের জন্ত তুমি আয়লিয়াকে অর্পণ কর ।” দাউদের ব্যবস্থায় এইরূপই বিধি ছিল । পরে আয়লিয়া ও ইয়ুহনা বিচারমণ্ডপ হইতে বাহিরে চলিয়া আসিলে, সোলয়মান অভিযুক্ত বিষয়ের বিশেষ বৃত্তান্ত অবগত হন ; তৎক্ষণাৎ তিনি বিচারালয়ে প্রবেশ করিয়া পিতাকে বলেন, “বিচার-নিষ্পত্তি অন্তরূপ হইলে ভাল হইত ।” দাউদ জিজ্ঞাসা করিলেন, “কিরূপ করা যার ?” সোলয়মান উত্তর করিলেন যে, “ছাগযুথ আয়লিয়াকে অর্পণ করা হউক, সে দুর্গ ও যুত ইত্যাদি দ্বারা লাভ করিতে থাকুক ; এবং শত্রুক্ষেত্র ইয়ুহনাকে অর্পণ করা হউক, সে ক্ষেত্র কর্ষণ ও বীজবপনাদি

দিয়াছিলাম ও প্রত্যেককে জ্ঞান বিজ্ঞান দান করিয়াছিলাম, এবং দাউদের সঙ্গে স্তব করিতে পক্ষী ও পর্বত সকলকে বাধ্য করিয়াছিলাম, এবং আমি কৰ্মকর্তা ছিলাম \*। ৭২। এবং তোমাদের জন্ত তাহাকে আমি পরিচ্ছদ প্রস্তুত করিতে শিক্ষা দিয়াছিলাম, যেন তোমাদিগকে তোমাদের সংগ্রামক্ষেত্র হইতে রক্ষা করে; অনস্তর তোমরা কি কৃতজ্ঞ হও ? ৮০। এবং মহাবাত্যাকে সোলয়মানের ( বাধ্য করিয়াছিলাম, ) উহা তাহার আদেশক্রমে সেই দেশে প্রবাহিত হইত, যাহাকে আমি গৌরব দান করিয়াছিলাম; এবং আমি সমুদায় বস্তুসম্বন্ধে জ্ঞাতা †। ৮১। এবং দৈত্যদিগের মধ্যে যাহারা তাহার জন্ত জলমগ্ন হইত, এবং এতদ্বিধি কার্য করিত, তাহাদিগকে ( বাধ্য করিয়াছিলাম ) ও আমি তাহাদের সংরক্ষক ছিলাম §। ৮২। + এবং অযুবকে ( স্মরণ কর, ) যখন সে আপন প্রতিপালককে ডাকিল যে, নিশ্চয় আমাকে দুঃখ আক্রমণ করিয়াছে, তুমি দয়ালুদের অপেক্ষা দয়ালু ¶। ৮৩। অনস্তর আমি তাহা গ্রাহ্য করিয়াছিলাম, অবশেষে যে দুঃখ

করিয়া তাহাকে পূর্বাবস্থায় পরিণত করুক। ক্ষেত্রের শস্য পরিপক হইলে, সে আয়লিয়াকে অর্পণ করিয়া স্বীয় পশুযুধ তাহা হইতে গহণ করিবে, তাহা হইলে কাহারই ক্ষতি হইবে না।” পরে দাউদ পূর্ব অংশে খণ্ডন করিয়া সোলয়মানের মন্ত্রণামুসারেই আজ্ঞা করেন। সেই সময়ে সোলয়মানের বয়ঃক্রম ত্রয়োদশ বৎসর ছিল। এক্ষণ পরমেশ্বর এই বৃত্তান্ত স্মরণ করাইয়া দিতেছেন। ( ত, হো, )

\* কথিত আছে যে, দাউদ যখন ঈশ্বরের স্তব করিতেন, তখন পর্বত ও পক্ষী সকলও সেইরূপ স্তুতি করিত। ইহা তাহার সম্বন্ধে এক বিশেষ আলৌকিক ক্রিয়া ছিল। কিন্তু অনেক ধার্মিক লোকের মত এই যে, পর্বত ও পক্ষী ভাবের রসনায় স্তব করিত, মানবীয় ভাষায় নহে। ( ত, হো, )

+ অস্ত্রের আঘাত হইতে শরীরকে রক্ষা করিবার জন্ত পরমেশ্বর দাউদকে বস্ত্র নির্মাণ শিক্ষা দিয়াছেন। ( ত, হো, )

‡ শামদেশে তদ্মরনামক এক নগর ছিল। দৈত্যগণ সোলয়মানের জন্ত সেই নগর নির্মাণ করিয়াছিল। বায়ু তথা হইতে নির্গত হইয়া ও পৃথিবীর চতুর্দিক্ ভ্রমণ করিয়া সাময়িকালীন উাসনার সময় তাহাকে তথায় লইয়া যাইত। মোখতারোলুকসসে উল্লিখিত হইয়াছে যে, প্রাতঃকালে সোলয়মান বায়ুভরে তদ্মর হইতে নির্গত হইয়া পারস্ত দেশের আস্তখর নামক স্থানে মধ্যাহ্নকাল নিদ্রায় যাপন করিয়া সন্ধ্যাকালে বাবেলে উপস্থিত হইতেন; এবং পরদিন বাবেল হইতে বাহির হইয়া পৌর্কাহ্নিক ভোজন আস্তখরে সমাপন করিয়া সন্ধ্যাকালে তদ্মরে প্রত্যাগমন করিতেন। ( ত, হো, )

§ দৈত্যগণ সাগরে নিমগ্ন হইয়া সোলয়মানের জন্ত নানাপ্রকার মূল্যবান বস্তু উত্তোলন করিত, এতদ্বিধি অট্টালিকা নির্মাণ ও শিল্পকার্যাদি করিত। ( ত, হো, )

¶ অযুব এত্রাহিমের বংশোদ্ভব আয়ুসের পুত্র ছিলেন। ঈশ্বর তাহাকে প্রচুর ধনসম্পত্তি প্রদান করেন, এবং প্রেরিতরূপে বরণ করিয়া শামরাজ্যের অন্তর্গত বসনিয়া প্রদেশে পাঠাইয়া দেন। তিনি তথায় দিবা রাত্রি সাধন ভজনায় ও দানধর্মাদিতে নিযুক্ত ছিলেন। \*রতান তাহার প্রতি হিংসা করিয়া পরমেশ্বরের নিকটে এই নিবেদন করে যে, “তোমার দাস অযুব সুখে সচ্ছন্দে আছে, তাহার প্রচুর ধন ও উপযুক্ত সম্ভান সকল বিদ্যমান; যদি তাহার ধন সম্পত্তি ও সম্ভান সম্ভতি বিনষ্ট কর, তাহাকে আর তোমার অনুগত পাইবে না, সে তোমার বিদ্রোহী হইয়া উঠিবে।” ঈশ্বর বলিলেন,

তাহাতে ছিল, তাহা আমি দূর করিয়াছিলাম ; ও আপন সন্নিধানের দয়াবশতঃ আমি তাহাকে তাহার পরিজন ও তাহাদের সদৃশ তাহাদের অনুচরবর্গ দান করিয়াছিলাম, এবং সাধকদিগের জ্ঞান উপদেশ ( দান করিয়াছিলাম ) \* । ৮৪ । এবং এন্সায়িল ও এদ্রিস ও জোলকোফ্লে ( স্মরণ কর ; ) প্রত্যেকেই ধৈর্যশীলদিগের অন্তর্গত ছিল † । ৮৫ । + এবং আমি তাহাদিগকে স্বীয় অনুগ্রহের মধ্য প্রবেশ করাইয়ছিলাম, নিশ্চয় তাহারা সাধুদিগের অন্তর্গত ছিল । ৮৬ । এবং জোলুছনকে ( স্মরণ কর ; ) যখন সে ক্রোধ করিয়া চলিয়া গেল, তখন মনে করিয়াছিল যে, কখনও আমি তাহার প্রতি বাধা “ইহা কখনও হইতে পারে না, সে আমার বিশেষ চিহ্নিত ও মনোনীত ভৃত্য । যদি সহস্র বার তাহাকে আমি বিপদে আক্রান্ত করি, তথাপি সে বিচলিত হইবে না, সকল পরীক্ষায় সে উত্তীর্ণ হইবে ।” তখন শয়তান ঈশ্বরের নিকটে প্রার্থনা করিল যে, “অয়ুবের শরীর ও সম্ভান সমৃদ্ধি এবং ধনসম্পত্তির প্রতি ক্ষমতা প্রকাশ করিতে তুমি আমাকে অধিকার প্রদান কর ; তাহা হইলেই তাহার প্রকৃত অবস্থা প্রকাশ হইয়া পড়িবে ।” ইহা শুনিয়া পরমেশ্বর অয়ুবের বাহ্যিক বিষয়ের উপর শয়তানকে ক্ষমতা দান করিলেন । তখন শয়তান স্বীয় অনুচর দৈত্যদিগকে পাঠাইয়া অয়ুবের সম্ভানাদি সংহার করিতে প্রবৃত্ত হয় । প্রাচীন প্রামাণ্য গ্রন্থাদিতে এ কথাই কোন প্রমাণ পাওয়া যায় না, ইহা জনশ্রুতি মাত্র । প্রকৃত কথা এই যে, পরমেশ্বর অয়ুবকে নানা প্রকার দুঃখ ক্রেশ আক্রান্ত করেন । প্রবল ঝটিকায় তাহার উষ্ট্র সকল বিনষ্ট হয়, বহু আসিয়া ছাগমেঘাদি পশু ভাসাইয়া লইয়া যায়, এবং শস্তক্ষেত্র বাত্যাহত হইয়া সম্পূর্ণরূপে বিনষ্ট হয় । তাহার সাত পুত্র ও সাত কন্যা প্রাচীরের চাপে পড়িয়া প্রাণত্যাগ করে । তাহার সর্ব্বাঙ্গে কুষ্ঠরোগ হয়, তাহাতে কুমি সকল জন্মে ও অত্যন্ত দুর্গন্ধ হয় । সকলে তাহার প্রতি ঘৃণা প্রকাশ করিতে থাকে, কোন গ্রামে ও নগরে তাহার বাস করা দুষ্কর হইয়া উঠে, সকলেই ঘৃণা করিয়া তাহাকে তাড়াইতে থাকে । তাহার ভাষ্যামাত্র তাহার সেবাতে নিযুক্ত থাকেন । সাত বৎসর পর্য্যন্ত তিনি এই দুঃখ বিপদে আক্রান্ত থাকিয়া একদিনের জন্মও ঈশ্বরের প্রতি অবিশ্বাসী হন নাই । সেই অবস্থায়ও সর্ব্বদা তাহার গুণানুকীৰ্ত্তন করিয়াছেন । তাহার রসনা পর্য্যন্ত ক্ষত ও কীটাকীর্ণ হইয়াছিল, তিনি অন্তরে মাত্র ঈশ্বরের গুণানুকীৰ্ত্তন করিতেন, রসনায় তাহার নাম উচ্চারণ করিতে পারিতেন না । কথিত আছে, তিনি একরূপ দয়ালু ও সহিষ্ণু ছিলেন যে, এক দিন রৌদ্রের সময় একটি কীট তাহার ক্ষতস্থান হইতে উত্তপ্ত বালুকার উপর পড়িয়া যায়, তিনি সেই কীটের ক্রেশ দেখিয়া দয়ার্জ হন, এবং তৎক্ষণাৎ তাহাকে তুলিয়া যথাস্থানে স্থাপন করেন । ( ত, হো, )

\* এই বিশ্বাস ও সহিষ্ণুতার পরে ঈশ্বর তাহার সমুদায় রোগ ও দরিদ্রতা দূর করেন, পূর্ব পুত্র ও কন্যাদিগের অনুরূপ সাত পুত্র ও সাত কন্যা ও অনুচরবর্গ প্রদান করেন । ঈশ্বরপ্রসাদে তাহার ধনসম্পত্তি ও গোমেঘাদি পশু বিপুল হয় । ইহার বিশেষ বৃত্তান্ত সূরা সাদে বিবৃত হইবে । ( ত, হো, )

† এন্সায়িল, এদ্রিস ও জোলকোফ্লে ইহারা সকলেই প্রেরিতপুরুষ ছিলেন । এন্সায়িল মক্কার মরুপ্রান্তরে স্থিতি করিয়া ধৈর্য ধারণ করিয়াছিলেন । এদ্রিস বহুকাল অবিশ্বাসী লোক দ্বারা এমাগত উৎপীড়িত হইয়া আশ্চর্য সহিষ্ণুতার পরিচয় দিয়াছিলেন । জোলকোফ্লে অর্থ ধুরন্ধর বা ভারবাহক । প্রেরিতপুরুষ এলিয়াস প্রস্থানকালে অনিসা নামক ব্যক্তির প্রতি স্বীয় কার্যভার অর্পণ করিয়াছিলেন । তাহাতেই অনিসা জোলকোফ্লে উপাধি লাভ করেন । তিনি যে কাব্যের ভার গ্রহণ হইয়াছিলেন, তদ্বিষয়ে অভ্যস্ত ধৈর্য ধারণ করিয়াছিলেন । ( ত, হো, )

দিব না; অনন্তর সে অন্ধকারের মধ্যে শব্দ করিল যে, “তুমি ব্যতীত উপাস্ত্র নাই, পবিত্রতা তোমারই, নিশ্চয় আমি অত্যাচারীদের অন্তর্ভূত ছিলাম” \*। ৮৭। পরিশেষে আমি তাহার ( মিনতি ) গ্রাহ্য করিয়াছিলাম ও শোক হইতে তাহাকে মুক্তিদান করিয়াছিলাম; এবং এই প্রকারে আমি বিশ্বাসীদেরকে মুক্ত করিয়া থাকি †। ৮৮। এবং জকরিয়াকে ( স্মরণ কর, ) যখন সে আপন প্রতিপালককে ডাকিল, “হে আমার প্রতিপালক, তুমি আমাকে একাকী (অপুত্রক) পরিত্যাগ করিও না, তুমিই উত্তরাধিকারীদের মধ্যে উত্তম” ‡। ৮৯। অনন্তর আমি তাহার ( প্রার্থনা ) গ্রাহ্য করিলাম ও তাহাকে ইয়হা ( পুত্র ) দান করিলাম, এবং তাহার জন্ম তাহার ভাৰ্য্যাকে সাক্ষী করিলাম; নিশ্চয় তাহার সৎকার্য্য সকলে ধাবমান হইত, এবং ভয় ও আশাতে আমাকে আহ্বান করিত ও আমার সম্বন্ধে তাহার বিনীত ছিল §। ৯০। এবং সেই ( স্ত্রীকে ) ( স্মরণ কর, ) যে আপন লজ্জাকর ইন্দ্রিয়কে সংরক্ষণ করিয়াছিল; অনন্তর তৎপ্রতি আমি স্বীয় আত্মা ফুৎকার করিয়াছিলাম, এবং আমি তাহাকে ও তাহার পুত্রকে জগতের জন্ম নিদর্শন করিয়াছিলাম ¶। ৯১। নিশ্চয় তোমাদের এই মণ্ডলী একমাত্র মণ্ডলী,

\* মহাপুরুষ ইয়ুনসের অল্প নাম জোলুন। লোকে তাঁহার উপদেশ অগ্রাহ্য করিতে তিনি ক্রোধ করিয়া চলিয়া যান। মহাত্মা অনিদ বলিয়াছেন যে, তিনি আপন জীবনের প্রতি ক্রোধ করিয়াছিলেন। কথিত আছে, জোলুন ধর্মবিরোধীদের নিকটে বলিয়াছেন যে, তোমাদের প্রতি শাস্তি অবতীর্ণ হইবে। যখন নির্দারিত সময় উপস্থিত হইল, তখন শাস্তির বিলম্ব দেখিয়া মনে করিলেন যে, লোকে তাঁহাকে মিথ্যাবাদী জানিবে, এই ভাবিয়া তিনি মণ্ডলীর মধ্য হইতে প্রস্থান করেন। তিনি মনে করিয়াছিলেন যে, পথে ঈশ্বর তাঁহাকে বাধা দিবেন না। পরে পরমেশ্বর তাঁহাকে সমুদ্রে লইয়া যান ও মৎস্যের গর্ভে স্থাপন করেন। তখন ইয়ুনস অন্ধকারময় সাগরজলে ও মৎস্যের গর্ভে এবং অন্ধকার রজনীতে, “তুমি আমার একমাত্র উপাস্ত্র, আমি সত্বর পলায়ন করিয়া নিজের প্রতি অত্যাচার করিয়াছি,” এই কথা বলেন। ( ত, হো )

† “শোক হইতে তাহাকে মুক্তিদান করিয়াছিলাম” অর্থাৎ সমুদ্রগর্ভে অবস্থিতির ক্লেশ হইতে আমি তাহাকে উদ্ধার করিয়াছিলাম। তাহাকে স্বীয় গর্ভ হইতে বাহির করিয়া সমুদ্রের তীরে স্থাপন করিতে মৎস্যের প্রতি আদেশ করিয়াছিলাম। সূরা সাফাতে এই মৎস্য ও সাগরের বৃত্তান্ত বিশেষরূপে বিবৃত হইবে। ( ত, হো, )

‡ “তুমিই উত্তরাধিকারীদের মধ্যে উত্তম” অর্থাৎ যদি তুমি আমাকে উত্তরাধিকারী প্রদান না কর, তাহাতে আমি দুঃখিত নহি। ( ত, হো, )

§ জকরিয়ার ভাৰ্য্যার নাম ইয়শা, তিনি এম্ব্রাণের কন্যা ছিলেন। ঈশ্বর জকরিয়ার সঙ্গে ইয়শার অত্যন্ত সন্তান স্থাপন করিয়াছিলেন। ইয়শা বন্ধ্যা ছিলেন, পরে ঈশ্বরের অনুগ্রহে তিনি গর্ভধারণ করিয়া ইয়হা নামক পুত্র প্রসব করেন। ( ত, হো, )

¶ অর্থাৎ মরয়ম কৌমার্য্য রক্ষা করিয়াছিলেন, ঈশ্বর তাঁহার গর্ভে স্বীয় আত্মারূপ ঈসাকে ফুৎকার করেন, এবং তিনি ঈসা ও মরয়মকে জগতের জন্ম এক অলৌকিক নিদর্শন করেন; যেহেতু পিতা



এবং আমি তোমাদের প্রতিপালক ; অতএব আমাকে অর্চনা করিতে থাক \* । ৯২ ।  
এবং তাহারা আপনাদের মধ্যে আপন আপন কার্য বিচ্ছিন্ন করিল, প্রত্যেকে আমার  
দিকে প্রত্যাভর্তনকারী । ৯৩ । ( র, ৬, আ, ১৮ )

অনন্তর যে ব্যক্তি সংকর্ষ করে এবং বিশ্বাসী হয়, পরে তাহার যত্ন অনাদৃত হয় না ;  
এবং নিশ্চয় আমি তাহার ( সংকর্ষের ) লিপিকারক । ৯৪ । যাহাকে আমি সংহার  
করিয়াছি, সেই গ্রামের প্রতি নির্দারিত হইয়াছে যে, তাহারা ফিরিবে না † । ৯৫ । যে  
পর্যন্ত না ইয়াজুজ ও মাজুজ প্রমুক্ত হয়, তাহারা সকলে উচ্চ ভূমি দিয়া দৌড়িতে  
থাকিবে ‡ । ৯৬ । এবং সত্য অঙ্গীকার নিকটবর্তী হইবে, অনন্তর তাহাতে অকস্মাৎ  
ধর্মদ্রোহীদের চক্ষু উদ্ধৃষ্ট হইয়া থাকিবে ; ( বলিবে, ) আমাদের প্রতি আক্ষেপ,  
নিশ্চয় আমরা এ বিষয়ে ওদাসীন্নে ছিলাম, বরং আমরা অত্যাচারী ছিলাম । ৯৭ । নিশ্চয়  
তোমরা ও ঈশ্বর ব্যতীত তোমরা যাহাদিগকে অর্চনা কর, সে সকল নরকের প্রস্তুত ;  
তোমরা তাহার প্রতি আগমনকারী । ৯৮ । যদি তাহারা ঈশ্বর হইত, তবে তথায় উপস্থিত  
হইত না ; এবং সকলে ( মূর্তি ও মূর্তিপূজক ) তথায় সর্বদা থাকিবে । ৯৯ । তথায়  
তাহাদের আর্তনাদ হইবে, এবং তাহারা তথায় ( কিছুই ) শুনিত পাইবে না । ১০০ ।  
নিশ্চয় যাহারা প্রথম হইয়া গিয়াছে, তাহাদের জন্তু আমা হইতে কল্যাণ আছে ; তাহারা  
তাহা হইতে ( নরক হইতে ) বিদূরিত হইবে § । ১০১ । + তাহারা তাহার শব্দ শুনিত  
ব্যতিরেকে কুমারীর গর্ভ হইতে সন্তানের জন্মগ্রহণ করা, ঈশ্বরের অদ্ভুত ক্রিয়া ভিন্ন আর কি হইতে  
পারে ?

\* একত্বের ধর্মে ও এসলাম ধর্মে স্থিতি করাই তোমাদের পক্ষে উচিত ; এই ধর্মে কোন বিরোধ নাই,  
বরং সমুদায় প্রেরিতপুরুষ এই ধর্মেই ছিলেন । প্রকৃত একত্ববাদে সমুদায়ের মিলন । ( ত, হো, )

† অর্থাৎ বিনাশপ্রাপ্ত লোকগণ যে পৃথিবীতে ফিরিয়া আসিয়া আপনাদের কার্যের ও অবস্থার  
অনুসন্ধান লইবে, এইরূপ বিধি নাই । বরং তাহারা পুনরুত্থানের দিন আপনাদের কার্যের হিসাব  
দিবার জন্তু সমুখিত হইবে ও তাহাদের সম্বন্ধে বিচার হইবে । গ্রাম শব্দে এখানে গ্রামবাসী  
বুঝাইবে । ( ত, হো, )

‡ ইয়াজুজ ও মাজুজের বৃত্তান্ত কহফ সূরাতে বিবৃত হইয়াছে । কেয়ামতের বিবরণে উল্লিখিত  
হইয়াছে যে, মহাপুরুষ ঈসার হত্যাকারী দহাল ও তাহার অনুচরগণ ঈসার হস্তে হত হইলে ইয়াজুজ ও  
মাজুজ প্রাচীরমুক্ত হইবে । তাহাদের প্রাচীর উন্মুক্ত হইলে পর ঈসা ধার্মিক লোকদিগের সঙ্গে  
তুরগিরিতে যাইয়া অবস্থিতি করিবেন । কোন কোন পুস্তকে লিখিত আছে যে, ইয়াজুজ ও মাজুজ  
সম্রাটের জেরজেলমের নিকটবর্তী খমর পর্বত পর্যন্ত যাইয়া বলিবে, “পৃথিবীর লোকদিগকে তো বধ  
করিলাম, চল, স্বর্গে যাহা কিছু আছে, তৎসমুদায় হত্যা করি ।” তখন আকাশের দিকে তাহারা বাণ  
নিক্ষেপ করিবে, সেই শর শোণিতলিপ্ত হইয়া ভূতলে পতিত হইবে । ঈসা ও তাহার অনুগামীগণ  
বিষম সঙ্কটে পড়িয়া প্রার্থনা করিতে থাকিবেন, তখন পরমেশ্বর একেবারে সমুদায় ইয়াজুজ ও  
মাজুজ সম্রাটকে সংহার করিবেন । ( ত, হো, )

§ “বাহারা প্রথম হইয়া গিয়াছে” অর্থাৎ পূর্বতন মাহাজন আজিজ ও ঈসা এবং দেবগণ, যাহারা ঈশ্বর

পাইবে না, এবং তাহারা যাহা চাহিবে, তাহাতে তাহাদের জীবন চিরস্থায়ী হইবে। ১০২। মহাভয় তাহাদিগকে বিষন্ন করিবে না, এবং দেবগণ তাহাদের প্রত্যাদগমন করিবে; ( বলিবে, ) এই তোমাদিগের দিন, যাহা তোমাদিগের সম্বন্ধে অঙ্গীকার করা হইয়াছে \*। ১০৩। ( স্মরণ কর, ) আদেশপত্রকে লিপি করিলে যেমন জড়ান হয়, সেই দিন আমি নভোগুলকে সেই প্রকার জড়াইব; যে রূপ আমি প্রথমে সৃষ্টি আরম্ভ করিয়াছিলাম, তদ্রূপ পুনর্বার করিব। আমার পক্ষেই অঙ্গীকার, নিশ্চয় আমি কর্তা হই। ১০৪। এবং সত্য সত্যই আমি উপদেশের ( তওরাতের ) পরে জব্বুর গ্রন্থে লিপি করিয়াছি যে, আমার সাধু দাসগণ পৃথিবীর উত্তরাধিকারী হইবে। ১০৫। নিশ্চয় ইহার মধ্যে সেবক-দলের জন্ত মনোরথসিদ্ধি আছে। ১০৬। আমি তোমাকে, ( হে মোহম্মদ, ) জগতের নিমিত্ত দয়ালুসারে ভিন্ন প্রেরণ করি নাই †। ১০৭। তুমি বল, “আমার প্রতি যে প্রত্যাদেশ প্রেরণ করা হয়, ইহা বৈ নহে যে, তোমাদের উপাস্ত্র একমাত্র পরমেশ্বর; অনস্তর তোমরা কি মোসলমান? ১০৮। অবশেষে যদি তাহারা ফিরিয়া যায়, তবে তুমি তাহাদিগকে বল যে, “আমি সাম্য বিষয়ে তোমাদিগকে সংবাদ দান করিয়াছি; তোমাদিগকে যাহা অঙ্গীকার করা গিয়াছে, আমি জানি না, তাহা নিকটবর্তী, কি দূরবর্তী” ‡। ১০৯। নিশ্চয় তিনি ( কাফেরদিগের ) কথা স্পষ্ট জানেন, এবং যাহা তোমরা গোপন কর, তাহা অবগত হন। ১১০। এবং আমি জানি না, হয় তো উহা তোমাদের জন্ত

হইতে সাধনার বল, সৌভাগ্য ও স্বর্গের সুসমাচার লাভ করিয়াছেন, তাহারা নরকের সঙ্গে কোন সংশ্রব রাখেন না। ( ত, হো, )

\* কবর হইতে বাহির হইবার সময় দেবতাগণ আসিয়া তাহাদিগকে অভ্যর্থনা করিবেন ও বলিবেন যে, “এই তোমাদিগের দিন, যাহা ( পৃথিবীতে অবস্থানকালে যে দিন উপস্থিত হইবে বলিয়া ) তোমাদিগের সম্বন্ধে অঙ্গীকার করা হইয়াছে।” অর্থাৎ ইহাই তোমাদিগের গৌরব ও পুরস্কারের দিন; তপস্বীদিগকে বলা হইবে, ইহা তোমাদিগের বিনিময়-লাভের দিন ইত্যাদি। ( ত, হো, )

† হজরত মোহম্মদ জগতের বিশ্বাসী লোকদিগের জন্ত ঈশ্বরের অনুগ্রহস্বরূপ ছিলেন, বিশ্বাসিগণ তাহার সাহায্যে ধর্মপথে চলিতেন; এবং ধর্মদ্রোহীদিগের সম্বন্ধেও তিনি অনুগ্রহস্বরূপ ছিলেন, যেহেতু তাহারই কারণে তাহারা সমূলে সংহারপ্রাপ্ত হওয়ার শাস্তি হইতে রক্ষা পাইয়াছিল। কশফোল আশ্রার গ্রন্থে উল্লিখিত হইয়াছে যে, কি মক্কায়, কি মদিনায়, কি মস্জিদে, কি কুটীরে, যখন যেখানে তিনি থাকিতেন, আপন মণ্ডলীকে স্মরণ করিতেন; কোথাও কখনও ভুলেন নাই, স্বর্গে যাইয়াও বিশ্বৃত হন নাই। সর্বদা সকল স্থানে মণ্ডলীর কল্যাণ আকাঙ্ক্ষা করিয়াছেন ও করিতেছেন। ইহাতেই তিনি অনুগ্রহস্বরূপ হইয়াছেন। ( ত, হো, )

‡ “আমি সাম্য বিষয়ে তোমাদিগকে সংবাদ দান করিয়াছি,” অর্থাৎ যে তত্ত্ব প্রচার করা গিয়াছে, তাহার জ্ঞানে আমি ও তোমরা যে তুল্য, তাহা বলিয়াছি। আমার প্রতি যাহা প্রত্যাদেশ হইয়াছে, তাহা আমি প্রচার করিয়াছি, তোমাদের প্রতি তাহা ব্যক্ত হইয়াছে। পুনরুত্থান ও মোসলমানদিগের জয়বিষয়ে যাহা অঙ্গীকার করা গিয়াছে, তাহা শীঘ্র বা বিলম্বে উপস্থিত হইবে। ( ত, হো, )

। ও কিয়ৎকাল পর্য্যন্ত লাভ হইবে \* । ১:১ । তুমি বল, “হে আমার প্রতিপালক, তুমি সত্যভাবে আদেশ করিতে থাক” । এবং আমার প্রতিপালক পুনর্জীবন-দাতা ; তোমরা যাহার বর্ণন করিয়া থাক, তদ্বিষয়ে সাহায্য প্রার্থনা করা গিয়াছে † । ১১২ । ( র, ৭, আ, ১২ )

## সূরা হজ্ব ‡

.....

### দ্বাবিংশ অধ্যায়

.....

৭৮ আয়ত, ১০ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে লোক সকল, তোমরা আপন প্রতিপালককে ভয় করিতে থাক, নিশ্চয় কেয়ামতের ভূমিকম্প মহা ব্যাপার § । ১ । যে দিন উহা তোমরা দেখিবে, সেই দিন প্রত্যেক স্তন্যদাত্রী যাহাকে স্তন্যদান করিতেছিল, তাহার প্রতি উদাসীন হইবে, এবং প্রত্যেক গর্ভবতী স্বীয় গর্ভ পরিত্যাগ করিবে ও লোকদিগকে মত্ত দেখিবে, এদিকে তাহারা (নিশায়) বিহ্বল নহে ; কিন্তু ঈশ্বরের শাস্তি কঠিন । ২ । মানবমণ্ডলীর মধ্যে কেহ আছে যে, জ্ঞান না রাখিয়া ঈশ্বর-সম্বন্ধে বাদানুবাদ করে ও প্রত্যেকে অবাধ্য শয়তানের অনুসরণ করে ¶ । ৩ । + তাহার সম্বন্ধে লিখিত হইয়াছে যে, যে ব্যক্তি তাহার বন্ধু হইবে, অনন্তর

\* অর্থাৎ সেই অঙ্গীকৃত বিষয়ে বা তোমাদের সদস্য কর্মের দণ্ড পুরস্কার বিষয়ে বিলম্ব হওয়া তোমাদের সম্বন্ধে পরীক্ষা বা তোমাদের জন্ত এক নির্দিষ্টকাল পর্য্যন্ত মনোরণ-সিদ্ধি । ( ত, হো, )

+ অর্থাৎ তোমরা যে বলিয়া থাক, শাস্তি নির্দ্ধারিত ; যদি তাহা সত্য হয়, তবে কেন আমাদের প্রতি অবতীর্ণ হইতেছে না ? তোমরা অযোগ্য কথা সকল বলিয়া থাক, আমি পরমেশ্বরের নিকটে তাহা খণ্ডনের জন্ত সাহায্য প্রার্থনা করিতেছি, এবং ঈশ্বর হইতে সাহায্যের আশা আছে । ( ত, হো, )

‡ এই সূরা মদিনাতে অবতীর্ণ হয় ।

§ এই ভূকম্পই কেয়ামতের পূর্বলক্ষণ, পশ্চিম দিকে সূর্য্যোদয় হওয়ার পূর্বে উহার উদ্ভব হইবে । জাদোলমসির নামক গ্রন্থে উক্ত হইয়াছে যে, কেয়ামতসূচক প্রথম সুরধ্বনির পূর্বে পৃথিবী কাপিয়া উঠিবে, আকাশ হইতে ধ্বনি হইবে যে, হে লোকসকল, ঈশ্বরের আজ্ঞা উপস্থিত । তখন মানবমণ্ডলী অত্যন্ত ভীত হইবে । ( ত, হো, )

¶ হারেসের পুত্র নজর বলিয়াছিল যে, এই কোর-আন পুরাতন উপন্যাস ভিন্ন নহে । অথবা লোকে ঈশ্বরের শক্তিসম্বন্ধে তর্ক করিয়া থাকে ও কেয়ামতকে অস্বীকার করে । ( ত, হো, )

নিশ্চয় সেই তাহাকে পথভ্রাস্ত করিবে ও নরককুণ্ডের দিকে তাহাকে পথ প্রদর্শন করিবে ।  
 ৪ । হে লোক সকল, যদি তোমরা পুনরুত্থানসম্বন্ধে সন্দিগ্ধ হও, তবে ( জানিও, ) নিশ্চয় আমি তোমাদিগকে মৃত্তিকা দ্বারা সৃজন করিয়াছি, তৎপর শুক্র দ্বারা, তৎপর জমাট রক্তদ্বারা, তৎপর অবয়বহীন ও অবয়বযুক্ত মাংস খণ্ড দ্বারা ( সৃজন করিয়াছি ; ) তাহাতে তোমাদের জন্ম ( সৃষ্টিপ্রণালী ) ব্যক্ত করিয়া থাকি । এবং আমি জরায়ুকোষে এক এক নির্দিষ্ট কাল পর্য্যন্ত তাহাকে ইচ্ছা করি, তাহাকে স্থিরতর রাখি ; তৎপর তোমাদিগকে শিশুরূপে বাহির করি, তাহার পর ( প্রতিপালন করি ; ) তাহাতে তোমরা স্ব স্ব যৌবন প্রাপ্ত হও । এবং তোমাদের মধ্যে কেহ হয় যে, তাহার প্রাণহরণ করা হইয়া থাকে ও তোমাদের মধ্যে কেহ হয় যে, সে নিকৃষ্টতর জীবনে ফিরিয়া আইসে, তাহাতে সে কোন বিষয়ে জ্ঞান রাখার পরে অজ্ঞান হইয়া যায় ; এবং তুমি পৃথিবীকে শুষ্ক দোঁখতেছ, অনন্তর অকস্মাৎ তাহাতে আমি জল প্রেরণ করি, উহা সঞ্চালিত ও বর্দ্ধিত হয় ও সর্বপ্রকার উত্তম বস্তু উৎপাদন করে \* । ৫ । ইহা এই জন্ম যে, সেই ঈশ্বর সত্য, এবং তিনি মৃতকে জীবিত করেন ও তিনি সর্বোপরি ক্ষমতাশালী । ৬ ।+ এবং এই যে কেয়ামত উপস্থিত হইবে, তাহাতে নিঃসন্দেহ ; নিশ্চয় ঈশ্বর, তাহার কবরে আছে, তাহাদিগকে উঠাইবেন । ৭ । মানবমণ্ডলীর মধ্যে কেহ আছে, সে ঈশ্বরসম্বন্ধে জ্ঞান না রাখিয়া এবং শিক্ষা ও উজ্জল গ্রন্থ না রাখিয়া বাদান্তবাদ করে । ৮ ।+ সে আপন স্বন্ধকে ফিরাইয়াছে, যেন ( লোকদিগকে ) ঈশ্বরের পথ হইতে বিভ্রাস্ত করে ; ৯ পৃথিবীতে তাহার দুর্গতি এবং কেয়ামতের দিনে আমি তাহাকে দাহদণ্ড আশ্বাদন করাইব । ১০ । ( বলিব, ) “যাহা তোমার হস্তদ্বয় পূর্বে প্রেরণ করিয়াছে, ইহা সেই ( দুষ্কর্মের ) জন্ম, এবং এই যে পরমেশ্বর, দাসদিগের প্রতি অত্যাচারী নহেন” । ১০ । ( র, ১, আ, ১০ )

এবং মানবমণ্ডলীর মধ্যে কেহ আছে যে, পার্শ্বে ( থাকিয়া ) ঈশ্বরকে অর্চনা করে ; পরে যদি তাহার নিকটে সম্পদ উপস্থিত হয়, সেই ( অর্চনার ) সঙ্গে সে আরাম লাভ

\* এ স্থলে অবিখ্যাসী কাকেরদিগকে লক্ষ্য করিয়া বলা হইয়াছে । মানবমণ্ডলীর আদি পিতা আদম মৃত্তিকা দ্বারা সৃষ্ট হইয়াছিলেন । আদমের সম্ভানগণ পিতা মাতার শুক্র-শোণিতযোগে জরায়ুকোষে প্রথম জড়পিণ্ডাকারে প্রকাশ পায়, পরে তাহাতে মাংসখণ্ড সকল জন্মে, তৎপর হস্তপদাদি অবয়ব উৎপন্ন হয়, ক্রমাগত নির্দিষ্ট কাল গূর্ভে স্থিতি করে, অনন্তর শিশুরূপে ভূমিষ্ট হইয়া ক্রমে যৌবন প্রাপ্ত হয় । কেহ কেহ যৌবনকালে প্রাণত্যাগ করে, কেহ বা জরাছর্কল বৃদ্ধ হইয়া শিশুর অবস্থা লাভ করে, তাহার পূর্বার্জিত জ্ঞান সকল বিলুপ্ত হয় । ঈশ্বর বলিতেছেন যে, এইরূপ আমি তোমাদিগকে এক অবস্থা হইতে অবস্থান্তরে লইয়া যাই । জড় পৃথিবীর সম্বন্ধেও শুদ্ধতার পরে জলপ্লাবন, বৃক্ষোদ্যম ইত্যাদি পরিবর্তন হইয়া থাকে । অতএব এইরূপ আমি কেয়ামতের সময় গলিত মনুষ্য-দেহকে পুনর্গঠন করিয়া পূর্বাবস্থায় আনিতে পারি । ( ত, হো, )

+ স্বন্ধ ফিরান অর্থাৎ অহঙ্কারে বজ্রাঞ্চল টানিয়া লওয়া, ইহাতে অহঙ্কারী লোকের প্রতি লক্ষ্য হইয়াছে । ( ত, হো, )

করে, এবং যদি তাহার নিকটে বিপদ উপস্থিত হয়, সে আপন মুখ ফিরাইয়া থাকে। ইহলোক পরলোক নষ্ট হয়, ইহাই সেই স্পষ্ট ক্ষতি। ১১। তাহারা ঈশ্বরকে ছাড়িয়া যাহাকে আহ্বান করে, সে তাহাদের লাভ ও ক্ষতি করে না; ইহাই সেই দূরতর পথভ্রান্তি। ১২। যাহার লাভ অপেক্ষা ক্ষতি অধিক নিকটে, তাহারা সেই ব্যক্তিকে আহ্বান করে, অবশ্য সে মন্দ প্রভু ও অবশ্য মন্দ বন্ধু। ১৩। যাহারা বিশ্বাস স্থাপন ও সংকল্প করিয়াছে, নিশ্চয় পরমেশ্বর তাহাদিগকে স্বর্গোচ্চান সকলে লইয়া যাইবেন, তাহার নিম্নে পথঃপ্রণালী সকল প্রবাহিত হয়; নিশ্চয় ঈশ্বর যাহা ইচ্ছা করেন, করিয়া থাকেন। ১৪। যে ব্যক্তি মনে করিয়া থাকে যে, পরমেশ্বর তাহাকে ( প্রেরিতপুরুষকে ) ইহলোকে ও পরলোকে কখনও সাহায্য দান করিবেন না, পরে তাহার উচিত যে, আকাশেতে একটি রজ্জু প্রসারণ করে; তৎপর উচিত যে, ( পথ ) অতিক্রম করিতে থাকে। পরিশেষে সে দেখিবে, যাহা ক্রোধ উপস্থিত করে, তাহার কৌশল উহা কি দূর করে \* ? ১৫। এই প্রকারে আমি তাহাকে ( কোর্-আন্কে ) উজ্জ্বল নিদর্শনসমূহরূপে অবতারণ করিয়াছি, এবং নিশ্চয় ঈশ্বর যাহাকে চাহেন, পথ প্রদর্শন করিয়া থাকেন। ১৬। নিশ্চয় যাহারা বিশ্বাস স্থাপন করিয়াছে ও যাহারা ইহুদি হইয়াছে এবং যাহারা নক্ষত্রপূজক ও ঈমায়ী এবং অগ্নিপূজক ও যাহারা অ-শিবাদী, কেয়ামতের দিনে নিশ্চয় ঈশ্বর তাহাদের মধ্যে (বিচার) নিষ্পত্তি করিবেন; নিশ্চয় ঈশ্বর সমুদায় বস্তুর সম্বন্ধে সাক্ষী। ১৭। তোমরা কি দেখ নাই যে, যাহারা স্বর্গে ও যাহারা পৃথিবীতে আছে, তাহারা এবং চন্দ্র ও সূর্য্য ও নক্ষত্রবৃন্দ ও পর্ব্বতসকল ও বৃক্ষ ও চতুষ্পদগণ এবং অধিকাংশ মনুষ্য নিশ্চয় ঈশ্বরকে প্রণাম করে; এবং অনেক আছে যে, তাহাদের প্রতি শাস্তি প্রতিপন্ন হইয়াছে, এবং যাহাকে ঈশ্বর দুর্দশাগ্রস্ত করিয়াছেন, অনন্তর তাহার জন্ত কোন সম্মানকারী নাই। নিশ্চয় ঈশ্বর যাহা ইচ্ছা করেন, তাহা করিয়া থাকেন †। ১৮। এই দুই বিরোধিদল স্বীয় প্রতিপালকের সম্বন্ধে বিরোধ করিয়াছে; অনন্তর যাহারা ধর্ম্মদ্রোহী হইয়াছে, তাহাদের জন্ত আগ্নেয় বসন প্রস্তুত হইয়াছে, তাহাদের মস্তকের উপরে উষ্ণজল নিক্ষেপ করা

\* অর্থাৎ তুমি আকাশ হইতে একটি রজ্জু ভূমির দিকে লম্বমান করিয়া তাহাতে ইস্তার্শন পূর্ব্বক উর্দ্ধে উঠিতে থাক, স্বর্গে যাইয়া আরোহণ কর, এবং প্রেরিতপুরুষের প্রতি ঈশ্বরের আশুকূলা দূর করিতে চেষ্টা করিতে থাক; দেখ, এই সকল পরিশ্রম যত্নেও তোমার ক্রোধের কারণ দূর হয় কি না। (ত, হো,)

+ এক প্রকার প্রণাম আছে যে, তাহার সঙ্গে স্বর্গ মর্ত্তোর সমুদায় পদার্থের যোগ আছে, উহা ঈশ্বরের মহিমাতে সকল পদার্থের বিহ্বল হইয়া যাওয়া; আর এক প্রকার প্রণাম প্রত্যেক পদার্থের জন্ত ভিন্ন। তাহা এই যে, ঈশ্বর যাহাকে যে কার্যের জন্ত সৃষ্টি করিয়াছেন, তাহার সেই কার্যে নিযুক্ত থাক। উহা অনেকে করে না, এবং অনেকে করিয়াও থাকে। যাহারা করে না, তাহাদের জন্ত দুর্দশা ও শাস্তি আছে (ত, কা,)



হইবে \* । ১৯ ।+ তাহাদের উদরে যাহা আছে, তাহা ও চর্ম তদ্বারা দ্রবীভূত করা হইবে । ২০ ।+ এবং তাহাদের জন্ম লোহময় হাতুড়ী সকল আছে । ২১ । যখন তাহারা ইচ্ছা করিবে যে, তাহার ক্লেশ হইতে বাহির হয়, তখন তথায় পুনঃ স্থাপিত করা হইবে, এবং ( বলা হইবে, ) অগ্নিদণ্ড আশ্বাদন কর । ২২ ( র, ২, আ, ১২ )

যাহারা বিশ্বাস স্থাপন ও সংকর্ষ করিয়াছে, নিশ্চয় ঈশ্বর তাহাদিগকে স্বর্গোদ্যান সকলে লইয়া যান ; তাহার নিম্ন দিয়া পয়ঃপ্রণালী সকল প্রবাহিত হয়, তথায় স্বর্ণময় ও মৌক্তিক কঙ্কণ ( তাহাদিগকে ) পরান হইবে, এবং তথায় তাহাদের পরিচ্ছদ কোমোয় বস্ত্র ( হইবে ) । ২৩ । এবং তাহাদিগকে বিশুদ্ধ কথার দিকে পথ প্রদর্শন করা গিয়াছে ও প্রশংসিত পথের দিকে পথ প্রদর্শন করা গিয়াছে । ২৪ । নিশ্চয় যাহারা ধর্মদ্রোহী হইয়াছে, এবং ঈশ্বরের পথ ও সেই মস্জেদোল্হরাম হইতে ( লোকদিগকে ) নিবৃত্ত করে, যাহাকে আমি তব্বনিবাসী ও অরণ্যবাসী লোকমণ্ডলীর সপক্ষে তুল্য করিয়াছি, যে ব্যক্তি তথায় অত্যাচারযোগে বক্রগামী হয়, তাহাকে আমি দুঃখ-জনক শাস্তি আশ্বাদন করাইব † । ২৫ । ( র, ৩, আ, ৩ )

এবং ( স্মরণ কর, ) যখন আমি এব্রাহিমের জন্ম কাবা গৃহ নির্ধারণ করিলাম, তখন ( বলিলাম ) যে, আমার সঙ্গে কোন বস্তুকে অশী করিও না ও আমার নিকেতনকে প্রদক্ষিণকারীদিগের জন্ম ও ( উপাসনায় ) দণ্ডায়মানকারীদিগের জন্ম এবং রকু ও নমস্কারকারীদিগের জন্ম পবিত্র রাখ † । ২৬ । এবং তুমি লোকদিগকে হুজ্ব উদ্দেশ্যে

\* গ্রন্থাবিকারী ঈসায়ী ও মূসায়ী লোকেরা হুজ্বের অনুবর্তী লোকদিগের সঙ্গে বাদান্বাদ করিয়া বলিয়াছিল যে, “আমাদের ধর্ম প্রাচীন ও আমাদের ধর্ম বর্তমানের অগ্রগণ্য, প্রকৃতপক্ষে আমরা তোমাদের অপেক্ষা শ্রেষ্ঠ ।” তাহাতে তাঁহারা উত্তর দান করেন যে, “আমরা ঈশ্বর পেগাম্বর ও তোমাদের পেগাম্বরকে মান্য করি, এবং আপন ধর্মগ্রন্থ ও তোমাদের ধর্মগ্রন্থের প্রতি বিশ্বাস রাখি । তোমরা আমাদের ধর্মগ্রন্থ ও ধর্মপ্রবর্তককে জানিয়াও ঈশ্বাবশতঃ সীকার করিতেছ না । সুতরাং সত্য আমাদের দিকে হয়, তোমাদের দিকে নয়” । ইহাতেই পবনেশ্বর এই আয়ত প্রেরণ করেন । আবুজর গোফ্ফারি বলিয়াছেন যে, “ছয় জনের সম্মুখে এই আয়ত প্রেরিত হইয়াছে, সেই ছয় জন বদরের যুদ্ধে অগ্রসর হইয়াছিল ; কাফেরদিগের পক্ষে অতবা, সয়বা ও অলিদ, বিশ্বাসীদিগের পক্ষে হম্জা, আলি ও ওবয়দা ।” পুনশ্চ কথিত আছে যে, দুই দলেব মধ্যে একদল ইহুদি, ঈসায়ী ও নক্ষত্রপূজক, অগ্নিপূজক এবং অংশিবাদী ; আর এক দল তাহাদের বিবোধী বিশ্বাসী দল । এই দুই দল সর্বদা ঈশ্বরের স্বরূপ ও গুণবিষয়ে বিরোধ করিয়াছে । ( ত, হো, )

† অর্থাৎ মক্কানিবাসী ও দূরদেশবাসী লোক হজ্বক্রিয়াদিতে তুল্য । ( ত, হো, )

‡ অর্থাৎ কাবামন্দিরকে জঞ্জালমুক্ত কর, তাহা হইলে সকলে তাহা প্রদক্ষিণ করিবে ও তথায় নমাজ পড়িবে । ইহা জানীদিগের উচ্চারিত বাক্য, কিন্তু নিগূঢ় তত্ত্বজ্ঞদিগের উক্তি এই যে, মহেশ্বরের ভূমিস্বরূপ অন্তরকে সকল বিষয় হইতে মুক্ত কর, অস্ত্র কিছু তাহাতে প্রবেশ করিতে দিও না ; যেহেতু ইহা প্রেমরূপ সুরার আধার । মহাপুরুষ দাউদের প্রতি প্রত্যাদেশ হইয়াছিল যে, “যাহাতে আমার মহাদৃষ্টি পতিত হয়, তুমি আমার জন্ম সেই আশ্রয় গুরু করিয়া লও ।” দাউদ জিজ্ঞাসা করিলেন,

আহ্বান কর, তাহারা পদাতিকরূপে ও ক্ষীণাঙ্গ উষ্ট্র সকলের উপর ( চড়িয়া ) সমস্ত দূর পথ হইতে তোমার নিকটে আসিবে। ২৭। + তাহা হইলে তাহারা নিজের লাভের প্রতি উপস্থিত হইবে, এবং পরিচিত দিবস সকলে, আমি তাহাদিগকে যে সকলকে উপ-জীবিকারূপে দিয়াছি, সেই গৃহপালিত চতুষ্পদের উপর ঈশ্বরের নাম উচ্চারণ করিবে ; পরে তোমরা তাহার ( মাংস ) ভক্ষণ করিবে, এবং পরিশ্রান্ত ফকিরদিগকে ভোজন করাইবে \* । ২৮। তৎপর উচিত যে, তাহারা আপন দৈহিক মালিগ্ন দূর করে ও আপন সঙ্কল্প সকল সম্পাদন করে, এবং সেই প্রাচীন নিকেতন প্রদক্ষিণ করে। ২৯। ইহাই, এবং যে ব্যক্তি ঈশ্বরের গৌরব সকলকে সম্মানিত করে, পরে উহা তাহার জন্ত তাহার প্রতিপালকের নিকটে কল্যাণ হয়। তোমাদের নিকটে যাহা পড়া যাইবে, তদ্ব্যতীত গ্রাম্য পশু তোমাদের জন্ত বৈধ ; অনন্তর তোমরা পুত্তলিকা সকলের অশুদ্ধতা হইতে নিবৃত্ত থাক, এবং মিথ্যা কথা হইতে নিবৃত্ত থাক † । ৩০। + ঈশ্বরসম্বন্ধে একত্ববাদিগণ তাঁহার সঙ্গে অংশিবাদী নহে, এবং যে ব্যক্তি ঈশ্বরের সঙ্গে অংশিত্ব স্থাপন করে, পরে সে যেন আকাশ হইতে পতিত ; অনন্তর তাহাকে ( শবানী ) পক্ষী উঠাইয়া লইবে, অথবা বায়ু তাহাকে দূরতর স্থানে ফেলিয়া দিবে ‡ । ৩১। ইহাই, এবং যে ব্যক্তি ঈশ্বরের নিদর্শন

“প্রভো, কিরূপ গৃহ তোমার মহিমা ও গৌরবের উপযুক্ত ?” ঈশ্বর বলিলেন, “উহা বিশ্বাসীদিগের হৃদয়।” দাউদ জিজ্ঞাসা করিলেন, “তাহা কিরূপে শুদ্ধ করিয়া লইব ?” ঈশ্বর বলিলেন, “তন্মধ্যে প্রেমের অগ্নি জ্বালিয়া দেও, তাহা হইলে আমার বিরোধী সমুদায় বস্তুকে নষ্ট করিবে।” যখন মহাপুরুষ এব্রাহিম কাবামন্দির নির্মাণ করিয়া তুলিয়াছিলেন, তখন প্রত্যাদেশ হইয়াছিল যে, “লোকদিগকে এই পুণাগৃহে আসিতে আহ্বান কর।” এব্রাহিম বলিলেন, “প্রভো, আমার ধনি কতদূর যাইবে ?” ঈশ্বর বলিলেন, “তোমার কাষা ডাকা, আমার কাষা সেই ধনি লইয়া যাওয়া।” তখন এব্রাহিম আবুকরিস গিরিশিখরে আরোহণ করিয়া উচ্চৈশ্বরে ডাকিতে লাগিলেন, “হে বিশ্বাসিগণ, পরমেশ্বর স্বীয় নিকেতনের হুজ্ব তোমাদের জন্ত লিপি করিয়াছেন, তোমাদিগকে তথায় আসিতে তিনি আহ্বান করিতেছেন, তাহা স্বীকার কর।” পরমেশ্বর তাঁহার এই ধনি সর্বত্র পহুছাইলেন, এবং সকলকে তাঁহার আহ্বান-বাক্য শুনাইলেন। যে ব্যক্তি হুজ্ব করিতে ঈশ্বর হইতে জ্ঞানলাভ করিল, সে অগ্রসর হইয়া উত্তর দান করিয়া উপস্থিত হইল। এব্রাহিমের ধর্ম পর্যাস্ত এই বৃত্তান্ত। ( ত, হো, )

\* গো, উষ্ট্র ও ছাগ পশুর উপর ঈশ্বরের নাম উচ্চারণ করিয়া তাহা জভ করিবার বিধি। কাফেরগণ পুত্তলিকার নামে জভ করিত, বলির পশুর মাংস ভক্ষণ করিত না। পরমেশ্বর বিশ্বাসীদিগকে বলিতেছেন যে, জভ করিবে, পরে তাহার মাংস ভক্ষণ করিবে। “পরিচিত দিবস” হুজ্বক্রিয়া-সম্পাদনের নির্দিষ্ট দিন। ( ত, হো, )

+ “তোমাদের নিকটে যাহা পড়া যাইবে” অর্থাৎ শব ও বরাহমাংস প্রভৃতির বিষয় যাহা পরে বলা যাইবে, তদ্ব্যতীত অল্প মাংস তোমাদের জন্ত বৈধ ; এবং তোমরা পুত্তলিকাসম্বন্ধীয় অশুদ্ধ সংশ্রব ছাড়িয়া দিবে ও অসত্য বাক্য হইতে দূরে থাকিবে। যে কথার সঙ্গে অংশিবাদিতার সংশ্রব আছে, এবং যে বাক্যের সঙ্গে মনের যোগ হয় না, তাহা ও মিথ্যা সাক্ষ্যদান, এই সকল অসত্যবাণী। ( ত, হো, )

‡ অর্থাৎ যে ব্যক্তি বিশ্বাসের উচ্চ ভূমি হইতে অবিশ্বাসের গর্ভে নিপতিত হয়, মানসিক কুপ্রবৃত্তি

সকলকে সম্মান করে, ইহা ( তাহার ) মনের ধর্মভীরুতা হইতে হয়। ৩২। তোমাদের জন্তু তন্মধ্যে ( সেই পশুর মধ্যে ) নির্দিষ্টকাল পর্যন্ত লাভ সকল আছে, তৎপর প্রাচীন নিকেতনের ( কাবার ) দিকে তাহার অবতরণভূমি \*। ৩৩। ( র, ৪, আ, ৮ )

এবং প্রত্যেক মণ্ডলীর জন্তু আমি (কোরবাণীর ভূমি) নির্দিষ্ট করিয়াছি ; যে চতুষ্পদ পশুদিগকে আমি উপজীবিকারূপে তাহাদিগকে দান করিয়াছি, যেন তাহাদের উপর তাহারা ঈশ্বরের নাম উচ্চারণ করে। অনন্তর তোমাদের ঈশ্বর একমাত্র ঈশ্বর, অতএব তোমরা তাঁহার অল্পগত হও, এবং তুমি, ( হে মোহম্মদ, ) বিনয়ীদিগকে স্নসংবাদ দান কর \*। ৩৪। + সেই তাহারা, যখন ঈশ্বর স্মরণীয় হন, তখন তাহাদিগের মন ভীত হইয়া থাকে, এবং তাহারা আপনাদের সম্বন্ধে যাহা সংঘটিত হয়, তৎপ্রতি সহিষ্ণু ও উপাসনার প্রতিষ্ঠাকারী হয় ও যাহা তাহাদিগকে উপজীবিকা দেওয়া যায়, তাহা ব্যয় করে, তাহাদিগকে ( স্নসংবাদ দান কর )। ৩৫। এবং সেই বলির উষ্ট্র, তাহাকে আমি তোমাদের জন্তু ঈশ্বরের ( ধর্মের ) নিদর্শন ও তোমাদের জন্তু তন্মধ্যে মঙ্গল স্থাপন করিয়াছি ; অনন্তর দণ্ডায়মান অবস্থায় তাহার উপর ( বলিদান-কালে ) তোমরা ঈশ্বরের নাম উচ্চারণ করিও, পরে যখন পার্শ্বভাগে সে পড়িয়া যায়, তখন তাহা ভক্ষণ করিও এবং প্রার্থী ও অপ্রার্থী ( ফকিরদিগকে ) ভোজন করাইও। এইরূপে আমি তোমাদের জন্তু তাহাকে বশীভূত করিয়াছি, সম্ভবতঃ তোমরা ধন্যবাদ করিবে ‡। ৩৬। ঈশ্বরের নিকটে তাহার মাংস ও তাহার রক্ত কখনও পঁছছাবে না, কিন্তু তাঁহার নিকটে তোমাদিগের ধর্মভীরুতা উপস্থিত হইবে ; এইরূপে তোমাদের জন্তু তাহাকে আয়ত্ত করিয়াছি, যেন তোমাদিগকে যে পথ প্রদর্শন করিয়াছি, তদ্বিষয়ে তোমরা ঈশ্বরকে মহিমাম্বিত করিতে থাক, এবং তুমি, ( হে মোহম্মদ, ) হিতকারীদিগকে স্নসংবাদ দান কর \*। ৩৭। নিশ্চয় ঈশ্বর

সকল তাহাকে পদদলিত ও বিক্ষিপ্ত করে, অথবা শয়তানের কুমন্ত্রণারূপ বাত্যা ভ্রান্তির প্রাস্তরে লইয়া গিয়া বিনাশ করিয়া থাকে। ( ত, হো, )

\* অর্থাৎ পরে কাবামন্দিরে সেই পশু সকলকে কোরবাণী করিবার জন্তু উপস্থিত করিবে।

( ত, হো, )

+ গবাদি ষত গৃহপালিত পশু আছে, তাহাদের সম্বন্ধে বিধি এই যে, প্রথমতঃ তাহাদের ঘারা কার্য উদ্ধার করিয়া লইবে, পরে কাবার নিকটে আনয়ন করিয়া কোরবাণী করিবে। অথু যে স্থানে “আল্লা হো আক্বর” বলিয়া পশু জভ করা হয়, সেই স্থান কাবা হইতে নিকটে বা দূরে হইলেও, কাবার উদ্দেশে জভ হইল, মানিতে হইবে। ( ত, ফা, )

‡ অর্থাৎ উষ্ট্রকে দণ্ডায়মান অবস্থায় জভ করার বিধি। অনেকে কোরবাণীর সময় বলিয়া থাকে, “আল্লা হো আক্বর লা এলাহ্ এল্লেলাহ্ ও আল্লা হো আক্বর আল্লাহোম্মা মেন্কা ও অলয়কা” অর্থাৎ ঈশ্বর শ্রেষ্ঠ, ঈশ্বর ব্যতীত উপাস্ত নাই ; হে পরমেশ্বর, তোমা হইতে আগমন ও তোমার দিকে প্রতিগমন। জভ করার পর উষ্ট্র ভূমিতে কাত হইয়া পড়িয়া গেলে ও জীবনশূন্য হইলে, তাহার মাংস ভক্ষণ করিবে। আমি তোমাদের জন্তু মহাশক্তিশালী ও বৃহৎকার উষ্ট্রকে বশীভূত করিয়াছি। ( ত, হো, )

বিশ্বাসিগণ হইতে ( কাফেরদিগের উপদ্রব ) দূর করেন, নিশ্চয় ঈশ্বর প্রত্যেক ক্ষতিকারক ধর্মদ্রোহীকে প্রেম করেন না † । ৩৮ । ( র, ৫, আ, ৫ )

যাহাদের সঙ্গে (কাফেরগণ) সংগ্রাম করিতে প্রবৃত্ত, তাহাদিগকে (ধর্মযুদ্ধে) অনুমতি দেওয়া হইয়াছে ; যেহেতু তাহারা উৎপীড়িত, নিশ্চয় ঈশ্বর তাহাদের সাহায্যদানে সমর্থ ‡ । ৩৯ ।+ তাহারা যে অন্ডায়রূপে স্ব স্ব আশ্রয় হইতে বহিষ্কৃত হইয়াছে, কেবল ( এই কারণে ) যে, তাহারা বলিয়া থাকে, আমাদের প্রতিপালক পরমেশ্বর ; এবং যদি মনুষ্য পরস্পর একজন হইতে অন্ডজন ঈশ্বর কর্তৃক দূরীকৃত না হইত, তবে অবশ্য মোসলমান সন্ন্যাসীদিগের তপস্বীকুটীর, ঈসায়ীদিগের উপাসনালয় ও ইহুদিদিগের পূজাগৃহ ও মোসলমানদিগের ভজনালয় সকল, যে স্থানে গ্রচুররূপে ঈশ্বরের নাম উচ্চারিত হইয়া থাকে, ধ্বংস করা হইত । এবং যে ব্যক্তি তাহার ( ধর্মের ) সাহায্য করিয়া থাকে, অবশ্য ঈশ্বর তাহাকে সাহায্য দান করিবেন, নিশ্চয় ঈশ্বর ক্ষমতাবান পরাক্রান্ত । ৪০ । তাহারাই, যদি পৃথিবীতে আমি তাহাদিগকে ক্ষমতা দান করি, তবে তাহারা নমাজকে প্রতিষ্ঠিত রাখিবে, জকাত দান করিবে, বৈধবিষয়ে আদেশ ও অবৈধ বিষয়ে নিষেধ করিবে ; ঈশ্বরের জ্ঞানই কার্য্য সকলের পরিণাম । ৪১ । যদি তোমার প্রতি, ( হে মোহম্মদ, ) তাহারা অসত্যারোপ করে, তবে নিশ্চয় ( জানিও, ) তাহাদের পূর্বে মুহার দল ও আদ ও সমুদ জাতি অসত্যারোপ করিয়াছে । ৪২ ।+ এবং এব্রাহিমের সম্প্রদায় ও লুতের সম্প্রদায় ( অসত্যারোপ করিয়াছে ) । ৪৩ ।+ ও মদয়ননিবাসিগণ ( অসত্যারোপ করিয়াছে, ) এবং মুসা অসত্যারোপিত হইয়াছিল ; অনন্তর আমি ধর্মদ্রোহীদিগকে অবকাশ দিয়াছিলাম, তৎপর আমি তাহাদিগকে আক্রমণ করিয়াছিলাম । অনন্তর কিরূপ আমার শাস্তি ছিল ? ৪৪ । এবং কত গ্রাম ছিল যে, তাহাকে আমি সংহার করিয়াছি, উহা অত্যাচারী ছিল ; অনন্তর উহা আপন ছাদ ও অকর্মণ্যকূপ ও সূদৃঢ়

\* পূর্বে অজ্ঞানী লোকেরা বলি-প্রদত্ত পশুর রক্ত কাবামন্দিরের প্রাচীরে লেপন করিত, তাহা ঈশ্বরের অনুগ্রহলাভের কারণ বলিয়া জানিত । ইসলাম ধর্মের অভ্যুদয়-সময়েও বিশ্বাসী লোকেরা পূর্বে প্রথামুসারে কাবার প্রাচীরে রক্ত লেপন করিতেছিল । এই আয়ত দ্বারা পরমেশ্বর নিষেধ করিতেছেন । ( ত, হো, )

+ যাহারা ধর্মরক্ষণে ও ঈশ্বরদত্ত সম্পদের জ্ঞান কৃতজ্ঞতা-দানে বিরত, তাহারা ক্ষতিকারক । যখন মক্কার পৌত্তলিকগণ বিশ্বাসীদিগকে উৎপীড়ন করিতে হস্ত ও জিহ্বা প্রসারণ করিয়াছিল, তখন ক্ষণে ক্ষণে হজরতের এক একজন অনুবর্তী উৎপীড়িত ও আহত হইয়া তাঁহার নিকটে যাইয়া দুঃখ প্রকাশ করিতেন । হজরত বলিতেন, “ধৈর্য্যধারণ কর, আমি তাহাদের সঙ্গে সংগ্রাম করিতে এক্ষণ পর্য্যন্ত আদিষ্ট হই নাই ।” মদিনায় প্রস্থান করার পর হইতে সংগ্রামের আদেশ উপস্থিত হয় । পরবর্তী আয়তে তাহার উল্লেখ হইয়াছে । ( ত, হো, )

‡ অর্থাৎ বিশ্বাসিগণ শত্রুর অত্যাচার অত্যন্ত সহ্য করিয়াছেন ; অতএব ঈশ্বর তাহাদিগকে আদেশ করিলেন যে, কাফেরগণ যুদ্ধ করিতে চাহিলে তোমরাও যুদ্ধ কর । ( ত, হো, )

অট্টালিকার উপর নিপতিত হইয়াছে \* । ৪৫ । অনন্তর তাহারা কি পৃথিবীতে ভ্রমণ করে নাই? তাহা হইলে তাহাদের জন্ত এরূপ অস্তর সকল হইত যে, তাহা দ্বারা বুঝিতে পারে, অথবা কণ্ঠ সকল যে, তাহা দ্বারা শুনিতে পায়; পরিশেষে (বৃত্তান্ত) এই যে, চক্ষু সকল অন্ধ হয় না, কিন্তু যাহা বক্ষেতে আছে, তাহাই অন্ধ হইয়া থাকে † । ৪৬ । এবং তাহারা তোমার নিকটে, (হে মোহম্মদ,) শাস্তি শীঘ্র চাহিতেছে; কখনও পরমেশ্বর আপন অঙ্গীকারের অগ্রথা করেন না, এবং তোমরা যাহা গণনা করিয়া থাক, নিশ্চয় তোমার প্রতিপালকের নিকটে তাহার এক দিবসের তুলা সহস্র বৎসর ‡ । ৪৭ । এবং অনেক গ্রাম আছে যে, সেই সকলকে আমি অবকাশ দিয়াছি, সে সকল অত্যাচারী ছিল; তৎপর সে সকলকে আক্রমণ করিয়াছি, এবং আমার দিকেই প্রত্যাবর্তন হয় । ৪৮ । (র, ৬, আ, ১০, )

তুমি বল, হে লোক সকল, আমি তোমাদের জন্ত স্পষ্ট ভয়প্রদর্শক, এতদ্ভিন্ন নহি । ৪৯ । অনন্তর যাহারা বিশ্বাস স্থাপন ও সংকল্প সকল পরিয়াছে, তাহাদের জন্ত ক্ষমা ও উত্তম উপজীবিকা আছে । ৫০ । এবং যাহারা দুর্ফলকারী হইয়া আমার নিদর্শন সকলের প্রতি দৌড়িয়া থাকে, তাহারা নরকলোক-নিবাসী § । ৫১ । এবং আমি তোমার

\* কূপটি হজরমৌত নগরের নিকটে এক পর্বতের পার্শ্বে ছিল, এবং উচ্চ অট্টালিকা সেই পর্বতের উপর ছিল । সেই অট্টালিকার নির্মাতা দ্বিতীয় আদ, তাহাকে মঞ্জর বলা হইত । প্রকৃত বিবরণ এই যে, যখন সমুদ্র জাতি বিনাশ প্রাপ্ত হইল, তখন প্রেরিত পুরুষ সালেহ চারি সহস্র বিশ্বাসিসহ এয়মন দেশে সমাগত হন । সেই দেশের কোন স্থানে মড়ক উপস্থিত ছিল, এজন্য তাহারা তাহার “হজর-মৌত” (মৃত্যু উপস্থিত) নাম রাখিলেন । তাহারা জ্বলিসের পুত্র জ্বলিসকে আপনাদের মধ্যে দলপতি, সওয়াদার পুত্রকে মন্ত্রিত্বের পদে নিযুক্ত করিয়া উপরি উক্ত কূপের নিকটে বসতি স্থাপন ও উক্ত অট্টালিকা নির্মাণ করিলেন । কিয়ৎকাল পরে তাহাদের সম্মানগণ পুত্তলপূজা আরম্ভ করিয়া পৈতৃক ধর্ম হইতে ফিরিয়া যায় । পরে সফওয়ানের পুত্র হস্তলা তাহাদের সম্বন্ধে প্রেরিতভ-পদে বরিত হন, তাহারা তাহাকে নানা প্রকার লাঞ্ছনা করিয়া হত্যা করে । এজন্য পরমেশ্বর তাহাদিগকে বিনাশ করেন । তদবধি তাহাদের সেই কূপ অকর্ণ্যা ও অট্টালিকা শূন্য পড়িয়া আছে । (ত, হো, )

† অর্থাৎ পূর্ববর্তী লোকদিগের অবস্থাদর্শনসম্বন্ধে তাহাদের মন প্রচ্ছন্ন ছিল, অতএব তাহারা শিক্ষা লাভ করিতেছে না । (ত, হো, )

‡ অর্থাৎ ঈশ্বরের নিকটে একদিন ও সহস্র দিন সমান, যেহেতু তাহাতে কালের অধিকার নাই । অতএব কালের অস্তিত্ব ও অনস্তিত্ব এবং অল্প ও অধিক তাহার নিকটে তুলা । যখন ইচ্ছা তিনি শাস্তি প্রেরণ করেন । (ত, হো, )

§ যখন সূরা নজম অবতীর্ণ হয়, তখন হজরত তাহা কাবা মন্দিরে কোরেশদিগের সভায় পাঠ করিতেন, এবং আয়ত সকলের বিরামস্থলে লোকে স্মরণ করিয়া রাখিতে পারে, এই উদ্দেশ্যে বিরত থাকিতেন । পরে একদা উক্ত প্রণালী অনুযায়ী আয়ত পাঠের পর তিনি বলিয়াছিলেন যে, তোমরা কি লাভ, গরি ও মনাত দেবকে দেখ নাই? ইত্যাদি । লাভ, গরি প্রভৃতি কোরেশদিগের উপাস্ত প্রতিমা ছিল । শয়তান ইতিমধ্যে সুযোগ পাইয়া কাকেরদিগের কাণে কাণে বলিয়া



পূর্বে, ( হে মোহাম্মদ, ) এমন কোন রহুল ও নবি প্রেরণ করি নাই যে, সে যখন ( কোন ) অভিপ্রায় করিত, শয়তান তাহার অভিপ্রায়ের মধ্যে ( কিছু ) নিক্ষেপ করে নাই ; অনন্তর শয়তান যাহা নিক্ষেপ করিয়াছে, ঈশ্বর তাহা খণ্ডন করিয়াছেন, তৎপর পরমেশ্বর আপন নিদর্শন সকলকে দৃঢ় করিয়াছেন, এবং ঈশ্বর জ্ঞানী ও নিপুণ \* ।

৫২ । + শয়তান যাহা নিক্ষেপ ( কুমন্ত্রণা দান ) করে, যাহাদের অন্তরে রোগ আছে ও যাহাদের অন্তর কঠিন, তাহাদের নিমিত্ত ( পরমেশ্বর ) তাহা আপজ্জনক করিয়া তোলেন ; নিশ্চয় অত্যাচারিগণ প্রবল বিরুদ্ধাচারের মধ্যে আছে । ৫৩ । + যাহাদিগকে জ্ঞান প্রদত্ত হইয়াছে, তাহাতে তাহারা জানিতে পারে যে, নিশ্চয় তোমার প্রতিপালক হইতে ( আগত ) উহা ( প্রত্যাদেশ ) সত্য ; অনন্তর তাহারা তৎপ্রতি বিশ্বাস স্থাপন করে, পরে তজ্জগৎ তাহাদের অন্তর বিনীত হয়, এবং নিশ্চয় যাহারা বিশ্বাস স্থাপন করিয়াছে, তাহাদিগকে ঈশ্বর সরল পথের দিকে পথ প্রদর্শন করেন † । ৫৪ । এবং ধর্মদ্রোহিগণ যে পর্যন্ত ( না ) অকস্মাৎ তাহাদের নিকটে কেয়ামত উপস্থিত হয়, অথবা তাহাদের নিকটে বন্ধ্য দিবসের শাস্তি উপস্থিত হয়, ‡ সে পর্যন্ত তাহা হইতে ( সেই প্রত্যাদেশ হইতে ) সন্দেহের

দিল যে, এ সকল দেবতা দলপতি ও বোমচারী মহাবিহঙ্গ । ইহাদের প্রতি শকায়েতের অর্থাৎ পাপ-কর্মার অনুরোধের আশা করা যাইতে পারে । ধর্মদ্রোহিগণ এই কথা শ্রবণে আনন্দিত হইয়া, তাহারা মনে করে যে, হজরত প্রতিমা সকলের আশ্রয়-প্রার্থী হইয়াছেন ও তাহাদের প্রতিমা সকলকে প্রশংসা করিয়াছেন । এই জন্ত সুরার অস্ত্রে বিশ্বাসীদিগের সহিত হজরতের প্রণাম করার কালে অধিকাংশ কোরেশও তাহাতে যোগ দেয় । তখন জেব্রিল অবতীর্ণ হইয়া সবিশেষ হজরতের নিকটে জ্ঞাপন করেন । তাহাতেই হজরতের মন অত্যন্ত দুঃখিত হয় । এই হেতু পরমেশ্বর তাঁহার সাস্তনার জন্ত পরবর্তী আয়ত প্রেরণ করেন । “যাহারা দুর্বলকারী হইয়া আমার নিদর্শন সকলের প্রতি দৌড়িয়া থাকে” ইহার অর্থ এই যে, আমার নিদর্শন কোর-আনের উদ্দেশ্য, তাহাকে দুর্বল করিবার জন্ত যাহারা তাহার প্রতি যোগ দান করিয়া থাকে । ( ত, হো, )

\* রহুল ধর্মবিধির প্রবর্তক, নবি বিধিপ্রচারে রহুলের সহকারী । যেমন রহুল এত্রাহিমের প্রবর্তিত ধর্মবিধির নবি লুত ছিলেন । এইরূপ মুসা রহুল, তাঁহার নবি হারুন ও ইয়ুশা ; রহুল ঈসা, তাঁহার সহকারী শমউন নবি । রহুল ধর্মবিধিসম্বন্ধে বিশেষ প্রচারক, নবি রহুলের সহকারী সাধারণ প্রচারক । রহুলের প্রতি কোন বিশেষ বিধিগ্রন্থ অবতীর্ণ হয় ও তিনি অলৌকিকতার প্রকাশভূমি ; নবির প্রতি সেইরূপ কোন গ্রন্থ অবতারণিত হয় না । রহুলের নিকটে কেবল বিশেষ প্রত্যাদেশ আনয়ন করেন, নবি সাধারণভাবে দৈববাণী শ্রবণ করেন ও প্রত্যাদিষ্ট হন । রহুল বা নবি যখন কোন প্রত্যাদেশ প্রচার করেন, তখন শয়তান সেই প্রত্যাদেশের অভিপ্রায়ে গোলযোগ করিয়া লোকের মনে অশুভ ভাব জন্মাইয়া দিয়া থাকে । ( ত, হো, )

+ অর্থাৎ বিশ্বাসীদিগের সম্বন্ধে যাহা দুষ্কর হয়, পরমেশ্বর সত্য দৃষ্টিযোগে তাহার পথ তাঁহাদিগকে প্রদর্শন করেন ; তাহাতে তাঁহাদের মনোরথসিদ্ধি হয় । তজ্জগৎ তাঁহাদের অন্তর নম্র হয়, তাঁহারা তাঁহার বিধি সকল গ্রাহ্য করেন । ( ত, হো, )

‡ বন্ধ্য দিবস কেয়ামতের দিন, সেই দিবসের পর আর দিবস জন্মগ্রহণ করিবে না, এজন্ত তাহাকে বন্ধ্য দিন বলা হইয়াছে । ( ত, হো, )

মধ্যে সর্বদা থাকিবে। ৫৫। সেই দিন ঈশ্বরের জ্ঞান রাজত্ব, তিনি তাহাদের মধ্যে আজ্ঞা প্রচার করিবেন; \* অনন্তর যাহারা বিশ্বাস স্থাপন ও সংকল্প সকল করিয়াছে, তাহারা সম্পদের স্বর্গোত্তান সকলে থাকিবে। ৫৬। এবং যাহারা ধর্মদ্রোহী হইয়াছে ও আমার নিদর্শন সকলের প্রতি অসত্যারোপ করিয়াছে, অনন্তর তাহারাই, তাহাদের জ্ঞান লাহুনাঙ্গনক দণ্ড আছে। ৫৭। (র, ৭, আ, ২)

\* এবং যাহারা ঈশ্বরের পথে দেশত্যাগ করিয়াছে, তৎপর নিহত হইয়াছে, অথবা মরিয়াছে, নিশ্চয় পরমেশ্বর তাহাদিগকে উত্তম উপজীবিকা দান করিবেন; একান্তই পরমেশ্বর জীবিকাদাতাদিগের মধ্যে শ্রেষ্ঠ †। ৫৮। অবশ্য তিনি এমন স্থানে তাহাদিগকে লইয়া যাইবেন যে, তাহারা তাহা মনোনীত করিবে, এবং নিশ্চয় ঈশ্বর প্রশান্ত ও জ্ঞাতা ‡। ৫৯। এই (ঈশ্বরের আজ্ঞা) এবং যে ব্যক্তি এরূপ শান্তি দান করে, যেরূপ তাহাকে শান্তি দেওয়া হইয়াছে; তৎপর তাহার প্রতি উৎপীড়ন করা হইলে, একান্তই ঈশ্বর তাহাকে সাহায্য দান করিবেন। নিশ্চয় ঈশ্বর মার্জ্জনাকারী ও ক্ষমাশীল §। ৬০। এই (সাহায্য) এই কারণে যে, ঈশ্বর রাত্ৰিকে দিবাতে পরিণত করেন ও দিবাকে রাত্ৰিতে পরিণত করেন, এবং নিশ্চয় ঈশ্বর শ্রোতা ও দ্রষ্টা। ৬১। এই (সাহায্য) এই কারণে যে, সেই ঈশ্বর সত্য, এবং এই যে (ধর্মদ্রোহিগণ) তাঁহাকে ব্যতীত (অন্যকে) আহ্বান করে, তাহা অসত্য; এই কারণে যে, সেই ঈশ্বর উন্নত মহান্। ৬২। তুমি কি দেখ নাই

\* অল্প রাজাধিরাজের রাজত্ব ও আধিপত্যের গৌরব। অর্থাৎ সেই কেয়ামতের দিবস সকল অহঙ্কারী অহঙ্কারের কটীকন কটদেশ হইতে উন্মোচন করা যাইবে; রাজাদিগের মস্তক রাজমুকুটশূন্য হইবে, তাহাদের স্বত্ব, অধিকার ও অভিমান কিছুই থাকিবে না। ব্রহ্মাণ্ডাধিপতি ঈশ্বর পৃথিবীর রাজাদিগের সমুদায় রাজকীয় ভাব ও চিন্তা বিনাশের গভীর সমুদ্রে বিসর্জন করিবেন। ঈশ্বরেরই নির্বিরোধ ও নিষ্কটক আধিপত্য ও কর্তৃত্ব থাকিবে। (ত, হো,)

† হজরতের কোন কোন ধর্মবন্ধু তাঁহাকে জিজ্ঞাসা করিয়াছিলেন যে, “প্রেরিত মহাপুরুষ, আমরা ধর্মজাতাদিগের সঙ্গে জেহাদ করিতে যাইতেছি; যদি আমরা ধর্মযুদ্ধে নিহত না হইয়া অল্প কারণে মরিয়া যাই, তবে আমাদের কি দশা ঘটবে?” তাহাতেই এই আয়ত অবতীর্ণ হয় যে, যখন তোমরা সকলে জেহাদের সঙ্গে একত্রে হইয়াছ, তখন সকলকেই আমি উত্তম উপজীবিকা দান করিব। (ত, হো,)

‡ জেহাদকারীকে সৌরভময় স্বর্গময় স্বর্গে লইয়া যাওয়া হইবে। সে তাহা মনোনীত করিবে ও তাহা পাইয়া আনন্দিত হইবে। পরমেশ্বর দেবতাদিগকে তাহার অভ্যর্থনার জন্ত পাঠাইবেন, তাহারা তাহাকে সৎস্বর্গে লইয়া যাইবেন। (ত, হো,)

§ এক দল কাকের মহরম মাসের শেষভাগে চাহিয়াছিল যে, মোসলমানদিগের সঙ্গে সংগ্রাম করে। মহরম মাসে সংগ্রাম নিষিদ্ধ। মোসলমানগণ উক্ত মাসে নিবৃত্ত থাকিয়া তৎপর মাসে যুদ্ধে প্রবৃত্ত হইতে ইচ্ছা প্রকাশ করেন। কাকের লোকেরা সন্তুষ্ট হইল না। তখন মোসলমানগণ তাহাদের সঙ্গে যুদ্ধ করিয়া জয়লাভ করেন। তাহাতে এই আয়ত অবতীর্ণ হয়। (ত, হো,)

যে, ঈশ্বর আকাশ হইতে বারি বর্ষণ করিয়াছেন, অনন্তর ভূমি হরিষ্ণ হইয়া থাকে, নিশ্চয় ঈশ্বর তত্ত্বজ্ঞ ও কৃপালু। ৬৩। যাহা স্বর্গে ও যাহা মর্ত্যে আছে, তাহা তাঁহারই ; নিশ্চয় ঈশ্বর নিকাম ও প্রশংসিত। ৬৪। ( র, ৮, আ, ৭ )

তোমরা কি দেখ নাই যে, ঈশ্বর পৃথিবীতে যাহা কিছু আছে, তাহা ও নৌকা সকল তোমাদের জ্ঞাত অধিকৃত করিয়াছেন যে, তাঁহার আজ্ঞানুসারে (নৌকা) সমুদ্রে চলিয়া থাকে, এবং তাঁহার আজ্ঞা ব্যতীত পৃথিবীর উপর পড়িয়া না যায়, (এজ্ঞা) তিনি নভোমণ্ডলকে রক্ষা করিতেছেন ; নিশ্চয় ঈশ্বর মানবের সম্বন্ধে সদয় ও কৃপালু। ৬৫। এবং তিনিই, যিনি তোমাদিগকে জীবন দান করিয়াছেন, তৎপর তোমাদিগের প্রাণ হরণ করিবেন, তাহার পর তোমাদিগকে বাঁচাইবেন ; নিশ্চয় মানবমণ্ডলী অকৃতজ্ঞ। ৬৬। আমি প্রত্যেক মণ্ডলীর জ্ঞাত ধর্মপ্রণালী নির্ধারণ করিয়াছি, যেন তাহারা তদনুযায়ী কার্য্যকারক হয় ; অনন্তর উচিত যে, এ বিষয়ে তাহারা তোমার সঙ্গে, (হে মোহম্মদ,) বিবাদ না করে। এবং তুমি আপন প্রতিপালকের দিকে ( তাহাদিগকে ) আহ্বান কর, নিশ্চয় তুমি সরল পথে আছ। ৬৭। এবং যদি তাহারা তোমার সঙ্গে বিতর্ক করে, তবে তুমি বলিও যে, “তোমরা যাহা করিতেছ, ঈশ্বর তাহার উত্তম জ্ঞাত। ৬৮। তোমরা যে বিষয়ে বিরুদ্ধাচরণ করিতেছিলে, কেয়ামতের দিনে তদ্বিশয়ে ঈশ্বর তোমাদের মধ্যে বিচার করিবেন”। ৬৯। তুমি কি জানিতেছ না যে, ঈশ্বর স্বর্গে ও মর্ত্যে যাহা আছে, তাহা জানিতেছেন ? নিশ্চয় ইহা গ্রন্থে (লিখিত) আছে, একান্তই ইহা ঈশ্বরের সম্বন্ধে সহজ। ৭০। যাহার সঙ্গে কোন প্রমাণ প্রেরিত হয় নাই, তাহারা ঈশ্বরকে ছাড়িয়া তাহাকে এবং যাহার ( প্রমাণ ) বিষয়ে তাহাদের কোন জ্ঞান নাই, তাহাকে অর্চনা করে ; অত্যাচারীদিগের জ্ঞাত কোন সাহায্যকারী নাই। ৭১। এবং যখন আমার উজ্জ্বল নিদর্শন সকল তাহাদের নিকটে পঠিত হয়, তখন তুমি সেই কাফেরদিগের মুখমণ্ডলে অসম্মতি উপলব্ধি করিয়া থাক ; যাহারা তাহাদের নিকটে আমার নিদর্শন সকল পাঠ করে, তাহারা সেই পাঠকদিগকে আক্রমণ করিতে উত্তম হয়। তুমি বল, “অনন্তর তোমাদিগকে কি এতদপেক্ষা মন্দ সংবাদ জ্ঞাপন করিব ? ( উহা ) নরক, ধর্মদ্রোহীদিগের সম্বন্ধে ঈশ্বর ( ইহাই ) অঙ্গীকার করিয়াছেন, এবং ( উহা ) কুৎসিত স্থান”। ৭২। ( র, ৯, আ, ৮ )

হে লোক সকল, দৃষ্টান্ত বর্ণিত হইয়াছে, অনন্তর তাহা তোমরা শ্রবণ কর ; নিশ্চয় ঈশ্বরকে ছাড়িয়া তাহারা যাহাদিগকে আহ্বান করে, তাহারা ( প্রতিমা সকল ) একটি মক্ষিকাও কখনও সৃজন করিতে পারে না, তাহারা যদিচ তজ্জ্ঞাত সম্মিলিতও হয়, এবং যদি মক্ষিকা তাহাদিগ হইতে কিছু লইয়া যায়, তাহা হইতে তাহারা উহা উদ্ধার করিতে পারে না ; প্রার্থী ও প্রার্থিত দুর্বল হয় \*। ৭৩। তাহারা ঈশ্বরকে তাঁহার যথার্থ মর্যাদায়

\* কাবা মন্দিরের চতুর্পার্শ্বে ৩৬০টা প্রতিমা স্থাপিত ছিল। ঈশ্বর বলিতেছেন, তোমরা আমাকে ছাড়িয়া এই সকল প্রতিমাকে যে অর্চনা করিয়া থাক, যদি তাহারা সকলে একত্রিত হইয়া একটি

মর্যাদা করে নাই ; নিশ্চয় ঈশ্বর শক্তিময় পরাক্রান্ত \* । ৭৪ । পরমেশ্বর দেবতাগণ ও মানবগণ হইতে প্রেরিত পুরুষ মনোনীত করেন ; নিশ্চয় ঈশ্বর শ্রোতা ও দ্রষ্টা । ৭৫ । যাহা তাহাদের ( লোকদিগের ) সম্মুখে ও যাহা তাহাদের পশ্চাতে আছে, তাহা তিনি জানিতেছেন, এবং ঈশ্বরের দিকে কার্য্য সকলের প্রত্যাবর্তন । ৭৬ । হে বিশ্বাসিগণ, তোমরা স্বীয় প্রতিপালকের উদ্দেশ্যে রকু কর ও নমস্কার কর, এবং পূজা কর ও শুভানুষ্ঠান কর ; সম্ভবতঃ তোমরা মুক্তিলাভ করিবে † । ৭৭ । এবং ঈশ্বরের সম্বন্ধে

মক্ষিকা সৃজন করিতে চাহে, পারিবে না, বা একটি মক্ষিকা তাহাদের কাহা হইতে কিছু লইয়া গেলে, তাহা প্রত্যাহরণ করিতে সমর্থ হইবে না । মক্ষার পৌত্তলিকদিগের একরূপ রীতি ছিল যে, তাহারা প্রতিমা সকলকে সুগন্ধি রস ও মধুদ্বারা লেপন করিত ও মন্দিরের দ্বার বন্ধ করিয়া চলিয়া যাইত । মক্ষিকা সকল গৃহের ছিদ্র দিয়া প্রবেশ করিয়া সেই সকল ভক্ষণ করিত ; কিয়দ্দিন পরে যখন সেই সুগন্ধি দ্রব্য ও মধুর কোন চিহ্ন থাকিত না, তখন উপাসকগণ আনন্দ প্রকাশ করিয়া বলিত যে, আমাদের ঈশ্বর তাহা ভক্ষণ করিয়াছেন । তাহাতে ঈশ্বর এ বিষয়ে সংবাদ দান করিতেছেন যে, প্রতিমার কোন ক্ষমতা নাই । প্রার্থী ও প্রার্থিত দুর্বল, অর্থাৎ উপাসক পৌত্তলিক ও উপাস্ত পুতুল দুইই দুর্বল ।

( ত, হো, )

\* ইহুদিগণ বলিয়া থাকে যে, পরমেশ্বর ত্রয়োদশ দিন সৃষ্টি করিয়া সপ্তম দিবস শনিবারে বিশ্রাম করিয়াছিলেন । তদুপলক্ষে এই আয়ত অবতীর্ণ হয় । যথা, শক্তিময় ঈশ্বরকে তাহারা যথার্থ মর্যাদায় মর্যাদা করে নাই, যেহেতু তাহারা, তাঁহার পরিশ্রম ও ক্লান্তি হইয়াছিল, একরূপ ভাব প্রকাশ করিয়া থাকে । কেহ কেহ বলেন, অংশিবাদী প্রতিমাপূজকদিগের সম্বন্ধে এই আয়ত অবতীর্ণ হইয়াছে ; যেহেতু তাহারা তাঁহাকে সত্যভাবে চিনিয়া সম্মান করে না, তাঁহার অংশী স্থাপন করে ও প্রস্তরাদিকে ঈশ্বর বলিয়া থাকে । তদ্বজ্জ লোকেরা বলেন, যেমন অংশিবাদিগণ প্রকৃত তত্ত্বানুসারে ঈশ্বরকে জানিতে পারে নাই, বিদ্বান্ লোকেরাও তাঁহার তত্ত্বলাভে বঞ্চিত আছে । কেহই তাঁহার মহিমার মন্দিরে যাইতে পারে না, কোন পথপ্রদর্শক তাঁহার পথ প্রদর্শন করিতে সমর্থ নহে । তাঁহার যথার্থ মর্যাদা তিনিই জানেন, অস্ত্র কেহ জানে না । তাঁহার তত্ত্বভূমিতে তিনি বাতীত অপর কেহই উপনীত হইতে পারে না । ঈশ্বর ও ঈশ্বরের পদার্থের মধ্যে পরস্পর কোন সাদৃশ্য সম্বন্ধ নাই যে, তদ্ববল্ল পদার্থপূর্ণ করা যাইবে ।

( ত, হো, )

+ এসলাম ধর্মের প্রথম অবস্থায় নমাজের সময় উপবেশন করা ও দণ্ডায়মান হওয়ার নিধি মাত্র ছিল । এই আয়ত হইতেই নমাজাদির বাবচ্ছেদস্থলে রকু ( কুজপৃষ্ঠ হইয়া মস্তক অবনমন ), সেজ্জদা ( ভূতলে মস্তক স্থাপন করিয়া নমস্কার ) প্রবর্তিত হয় । রকু ও সেজ্জদা নমাজের শুদ্ধ দুই প্রধান অঙ্গ । এজন্য এমাম আজম ও এমাম মালেক এই আয়তে নমস্কার করিতেন না, তাঁহারা নমাজের সম্বন্ধেই এই রকু ও সেজ্জদার উল্লেখ হইয়াছে বলিতেন । কিন্তু এমাম শাফি ও এমাম আহম্মদ এই আয়তে সেজ্জদা করিতেন ও বলিতেন যে, এস্থলে সেজ্জদা সম্বন্ধেই স্পষ্ট আদেশ হইয়াছে । এমাম শাফি কোর্-আনের নমস্কার সকলের মধ্যে এই নমস্কারকে সপ্তম নমস্কার বলিয়াছেন । এস্থলে নমস্কারতত্ত্ব কিঞ্চিৎ প্রকাশ করা যাইতেছে । ললাটদেশ ভূমিতে স্থাপন করা বস্তুতঃ নমস্কার নহে । যদি কেহ উপহাস করিয়া কাহারও নিকট ভূতলে মস্তক স্থাপন করে, তবে উহা নমস্কার বলিয়া গণ্য

তাঁহার প্রকৃত জেহাদমতে জেহাদ কর, তিনি তোমাদিগকে গ্রহণ করিয়াছেন, তিনি তোমাদের প্রতি ধর্মবিষয়ে সঙ্কোচ করেন নাই; তোমরা আপন পিতৃপুরুষ এব্রাহিমের ধর্ম ( গ্রহণ কর, ) পূর্বে এবং ইহাতে ( কোর্-আনে ) তিনি ( ঈশ্বর ) তোমাদিগের মোসলমান নাম রাখিয়াছেন, প্রেরিতপুরুষ যেন তোমাদের সম্বন্ধে সাক্ষী হয় ও তোমরা মানবমণ্ডলী সম্বন্ধে সাক্ষী থাক। অনন্তর তোমরা উপাসনাকে প্রতিষ্ঠিত রাখ ও অকাত দান কর, এবং ঈশ্বরকে দৃঢ়রূপে আশ্রয় কর, তিনি তোমাদের প্রভু, পরন্তু তিনি উত্তম প্রভু ও উত্তম সাহায্যকারী \* । ৭৮ । ( র, ১০, আ, ৬ )

হইবে না। নমস্কার হৃদয়ের নম্রতা, কাতরতা ও নমস্তের প্রতি সন্মান ও সমাদরপ্রকাশক। এক অর্থে, জগতের সমুদায় ক্ষুদ্র বস্তু পর্যন্ত ভাবযোগে ঈশ্বরের নিকট নম্রতা ও আনুগত্য স্বীকার ও তাঁহার প্রতি সন্মান প্রদর্শন করিয়া থাকে। ( ত, হো, )

\* জেহাদ শব্দের অর্থ ধর্মযুদ্ধ করা। জেহাদ দ্বিবিধ, এক অংশিবাদী পৌত্তলিক ঈশ্বর-বিদ্বেহী ইত্যাদি বাহ্য শত্রুর সঙ্গে সংগ্রাম, অল্প কাম ক্রোধাদি আন্তরিক রিপূর সঙ্গে সংগ্রাম। এমাম কয়শরি বলিয়াছেন যে, “কুপ্রবৃত্তির সঙ্গে সংগ্রামে এক নিমেষও ক্ষান্ত থাকিবে না, যেহেতু তাহা হইতে কখনও নিরাপদ নাই। প্রভু পরমেশ্বর আপন ধর্ম-বিস্তারের জন্ত তোমাদিগকে মনোনীত করিয়াছেন। তোমাদের প্রতি তিনি ধর্মসম্বন্ধে কোন ত্রুটি করেন নাই, অর্থাৎ পরমেশ্বর বিধি ব্যবস্থা দ্বারা তোমাদিগকে আঁটিয়া ধরেন নাই ও শক্তির অতীত ভারবহনে নিযুক্ত করিতেছেন না। প্রয়োজনমতে তিনি তোমাদিগকে যুদ্ধাদি হইতে বিদায় দিয়া থাকেন।” “তোমরা আপন পিতৃপুরুষের ( ধর্ম ) গ্রহণ কর,” অর্থাৎ এব্রাহিমের ধর্ম গ্রহণ কর। অধিকাংশ আরবীয় লোক এব্রাহিমের বংশসম্বৃত ছিলেন। তাঁহাদিগকে সমুদায় মণ্ডলীর উপর শ্রেষ্ঠতা দান করা হইয়াছে। অথবা তিনি হজরত মোহম্মদের পিতৃপুরুষ ছিলেন ও হজরত মোহম্মদ মণ্ডলীর পিতৃস্বরূপ, অতএব পিতার পিতাতে পিতৃত্ব আছে। ইসলাম ধর্ম এব্রাহিমের ধর্মের পূর্ণতা, এব্রাহিমপ্রবর্তিত ধর্মের সঙ্গে তাহার কোন বিরোধ নাই। এজন্য বিশ্বাসীদিগকে বলা হইয়াছে যে, তোমরা এব্রাহিমের ধর্মের অনুসরণ কর। তাহা হইলে হজরত মোহম্মদ পুনরুত্থান-দিনে, তোমরা যে তাঁহার স্বর্গীয় আহ্বান ও এব্রাহিমের ধর্মের অনুসরণ করিয়াছ, তাহার সাক্ষী হইবেন, তোমরাও প্রেরিত পুরুষের বখার্ব আহ্বানসম্বন্ধে সাক্ষী হইবে। ঈশ্বরকে দৃঢ়রূপে আশ্রয় কর, অর্থাৎ তোমরা আপন সমুদায় কার্যে ঈশ্বরের প্রতি বিশ্বাস ও নির্ভর রাখ ও তাঁহার নিকট সাহায্য প্রার্থনা কর। ( ত, হো, )



# সূরা মুমেনুন \*

.....

## ত্রয়োবিংশ অধ্যায়

.....

### ১১৮ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

নিশ্চয় বিশ্বাসিগণ মুক্ত হইয়াছে । ১ । এবং (বিশ্বাসী) তাহারা, যাহারা আপন নমাজে মাভিনিবেশ † । ২ । + এবং তাহারা, যাহারা অনর্থ বিষয় হইতে বিমুখ ‡ । ৩ । + এবং তাহারা, যাহারা জকাতের পরিশোধকারী । ৪ । + এবং তাহারা, যাহারা আপন ভাষা-দিগের অথবা তাহাদের হস্ত যাহাদিগকে অধিকার করিয়াছে, সেই (ভোগ্যা দাসীদিগের) সম্বন্ধে ব্যতীত আপন গুপ্ত ইন্দ্রিয়ের সংযমকারী, নিশ্চয় তাহারা ভৎসনাশূন্য । ৫ + ৬ । অনন্তর যাহারা ইহা ব্যতীত অন্বেষণ করে, পরে এই তাহারাই সীমালঙ্ঘনকারী । ৭ + এবং তাহারা, যাহারা আপন গচ্ছিত বিষয় ও আপন অঙ্গীকারের রক্ষক § । ৮ । + এবং বিশ্বাসী

\* এই সূরা মক্কাতে অবতীর্ণ হয় ।

† পূর্বে হজরত মোহাম্মদ নমাজ পড়িবার সময় উর্কুদিকে দৃষ্টি স্থাপন করিতেন ; যখন এই আয়ত অবতীর্ণ হয়, তখন হইতে নমস্কারভূমির প্রতি দৃষ্টি প্রসারণ করেন । এইরূপ বিধি যে, দণ্ডায়মানের অবস্থায় নমস্কারভূমির দিকে দৃষ্টি স্থাপিত রাখিবে ; কিন্তু মক্কাতীর্থে নমাজের সময় কাবা মন্দিরের প্রতি দৃষ্টি রাখা আবশ্যিক । উপাসক ঈশ্বরের প্রতি মনের একাগ্রতার জন্ত, দক্ষিণে ও বামে কে আছে, যখন তাহা জানিতে পারেন না, তখন তাহাকে মাভিনিবেশ বলা যায় । মহান্না ওয়াস্তি বলিয়াছেন যে, অনন্তমানে ঈশ্বরেতে মগ্ন হইয়া ঈশ্বরোদ্দেশ্যে যে নমাজ হয়, সেই নমাজের অবস্থাকে “খশু” বলে । এস্থলে “খশু” শব্দের মাভিনিবেশ অর্থ করা হইয়াছে । বহরোলুহকায়ক গ্রন্থে উক্ত হইয়াছে যে, বাহ্যে উক্ত মাভিনিবেশ এই যে, সম্মুখের দিকে মস্তক বুকাইয়া রাখা এবং দক্ষিণে বামে দৃষ্টি-প্রসারণে নিবৃত্ত থাকা, অপিচ স্থিরভাবে বচন পাঠ করা । আন্তরিক মাভিনিবেশ এই যে, মনে কোন সংশয় ও সন্দেহ না রাখা ও ঈশ্বরকে অমুখ্যান করা, ঈশ্বরবিভাবরূপ সমুদ্রে নিমগ্ন হইয়া তাঁহার সৌন্দর্য ও মহিমার জ্যোতিতে বিমুগ্ন হওয়া । তত্ত্বজ্ঞানী লোকেরা বলিয়াছেন যে, উপাসনার প্রথমে নিজের প্রতি বিরাগী, পরে সখার দর্শন ও সান্নিধ্যের জন্ত আগ্রহাশ্বিত হইবে । ( ত, হো, )

‡ যাহা ঈশ্বরোদ্দেশ্যে হয় না ও যে সকল কথা ও কাব্য কোন প্রয়োজনে আসে না, তাহাকে অনর্থ বিষয় বলা হইয়া থাকে । ( ত, হো, )

§ গচ্ছিত বস্তু ছুই প্রকার হইতে পারে, এক মানবসম্বন্ধীয়, অণ্ড ঈশ্বরসম্বন্ধীয় । মানবসম্বন্ধীয় গচ্ছিত ধন তৈজসপত্রাদি ও ঈশ্বরসম্বন্ধীয় গচ্ছিত সামগ্রী নমাজ রোজা ইত্যাদি । ( ত, হো, )

তাহারা, যাহারা আপন উপাসনাকে রক্ষা করিয়া থাকে \* । ১২ । ইহারাই তাহারা, যে উত্তরাধিকারী হয় । ১০ । + যাহারা স্বর্গের উত্তরাধিকারী হইবে, তাহারা তথায় সর্বদা থাকিবে । ১১ । এবং সত্য সত্যই আমি মানবমণ্ডলীকে কর্দমের সার দ্বারা সৃষ্টি করিয়াছি । ১২ । তৎপর আমি তাহাকে দৃঢ় অবস্থানভূমিতে শুক্রবিন্দু করিয়াছি † । ১৩ । তাহার পর আমি শুক্রবিন্দুকে ঘনীভূত রক্ত করিয়াছি, পরে আমি ঘনীভূত রক্তকে মাংস-খণ্ড করিয়াছি, অনন্তর মাংসখণ্ডকে অস্থিপুঞ্জ করিয়াছি, অবশেষে অস্থিপুঞ্জকে মাংসে আচ্ছাদন করিয়াছি, তৎপর তাহাকে আমি অণু সৃষ্টিরূপে সৃজন করিয়াছি ; অতএব ঈশ্বর মহা-গৌরবান্বিত অত্যন্তম সৃষ্টিকর্তা । ১৪ । অনন্তর নিশ্চয় তোমরা ইহার পরে প্রাণ-ত্যাগকারী । ১৫ । তৎপর নিশ্চয় তোমরা কেয়ামতের দিনে সমুখিত হইবে । ১৬ । এবং সত্য সত্যই আমি তোমাদের উপর সপ্ত স্বর্গ সৃজন করিয়াছি, এবং আমি সৃষ্টিসম্বন্ধে উপেক্ষাকারী ছিলাম না । ১৭ । এবং আমি উপযুক্ত পরিমাণে আকাশ হইতে বারি বর্ষণ করিয়াছি, পরে তাহা পৃথিবীতে স্থাপিত করিয়াছি, ‡ এবং নিশ্চয় আমি তাহা উপরে লইয়া যাইতে ক্ষমতাবান্ । ১৮ । অনন্তর আমি তোমাদের জন্ত তাহা দ্বারা দ্রাক্ষা ও খোন্দার উত্থান সকল উৎপাদন করিয়াছি, তোমাদের জন্ত সেই ( উত্থান সকলে ) প্রচুর ফল হইয়াছে, এবং তাহা তোমরা ভক্ষণ করিয়া থাক । ১৯ । + এবং এক বৃক্ষ ( সৃজন করিয়াছি, ) তাহা তুর সায়না পর্বত হইতে নির্গত হয়, উহা হইতে তৈল ও ভোক্তাদিগের জন্ত ভোজ্যোপকরণ সকল উৎপন্ন হইয়া থাকে § । ২০ । এবং নিশ্চয় তোমাদের জন্ত চতুষ্পদ সকলে উপদেশ আছে, তাহাদের উদরে যে ( দুগ্ধ ) আছে, আমি তাহা তোমাদিগকে পান করাইয়া থাকি ; এবং তাহাদিগের মধ্যে তোমাদের অত্যন্ত লাভ আছে ও তাহাদের ( মাংস ) তোমরা ভক্ষণ করিয়া থাক । ২১ । + এবং তাহাদের

\* অর্থাৎ স্বীয় উপাসনাতে নির্দিষ্ট সময় ও নিয়মপ্রণালী ইত্যাদি রক্ষা করিয়া থাকে । ( ত, হে, )

+ দৃঢ় অবস্থানভূমি জরায়ু-কোষ, জরায়ু-কোষে চল্লিশ দিন শুক্রবিন্দু শুক্রাবস্থায় স্থিতি করে । ( ত, হো, )

‡ কথিত আছে যে, পরমেশ্বর স্বর্গের পরঃপ্রণালীর পাঁচটি জলস্রোত জেরিলের পক্ষোপরি স্থাপন করিয়া আকাশ হইতে পাঠাইয়াছেন । তাহাতেই ভারতবর্ষস্থ নদী বিশেষ সরহন ( শোন ) ও বলখের নদী বিশেষ জয়হন এবং এরাকের নদীস্থ কোরাত ও দজলা এবং মেসরের নীল নদী ও পর্বতস্থ প্রশ্রবণ সকল লোকহিতার্থ প্রবাহিত হয় । এজন্তই উক্ত হইয়াছে যে, “আমি পৃথিবীতে জল স্থাপিত করিয়াছি ।” ( ত, হো, )

§ মেসর ও আরব প্রদেশের মধ্যস্থলে সায়না গিরি, উহার অপর নাম মুসাপর্বত । মহাপুরুষ মুসা এই পর্বতে ঈশ্বরবাণী শ্রবণ করিয়া প্রচারব্রতে ব্রতী হইয়াছিলেন । কথিত আছে যে, মুহার জলদ্রাবনের পর প্রথমে সায়না গিরিতে এক বৃক্ষ জন্মে, উহা জন্নতুন । সেই বৃক্ষে তৈল জন্মে, তাহা দীপদ্বালনে ব্যবহৃত হয়, এবং তাহা রুটির উপকরণ হইয়া থাকে । ( ত, হো, )

উপরে ও নৌকা সকলের উপরে তোমরা আরোপিত হইয়া থাক \*। ২২। (র, ১, আ, ২২)

এবং সত্য সত্যই আমি মুহাকে তাহার মণ্ডলীর নিকটে প্রেরণ করিয়াছিলাম ; অনন্তর সে বলিয়াছিল যে, “হে আমার সম্প্রদায়, ঈশ্বরকে অর্চনা কর, তিনি ব্যতীত তোমাদের জ্ঞাত ( অজ্ঞ ) উপাস্ত নাই ; অনন্তর তোমরা কি ভয় পাইতেছ না” ? ২৩। অবশেষে তাহার দলস্থ প্রধান ধর্মদ্রোহী লোকেরা বলিল, “এ তোমাদের গ্নায় মনুষ্য ভিন্ন নহে, এ তোমাদের উপর কর্তৃত্ব করিতে চাহিতেছে, এবং যদি ঈশ্বর চাহিতেন, তবে অবশ্য দেবতাদিগকে প্রেরণ করিতেন ; আপন পূর্ববর্তী পিতৃপুরুষদিগের নিকটে আমরা এ বিষয় শ্রবণ করি নাই। ২৪। সে বায়ুরোগগ্রস্ত পুরুষ বৈ নহে, অতএব কিয়ৎকাল পর্যন্ত তাহার সম্বন্ধে তোমরা প্রতীক্ষা কর”। ২৫। সে বলিল, “হে আমার প্রতিপালক, তাহারা যে অসত্যারোপ করিতেছে, তদ্বিষয়ে তুমি আমাকে সাহায্য দান কর”। ২৬। অনন্তর আমি তাহার প্রতি প্রত্যাদেশ করিলাম যে, তুমি আমার সাক্ষাতে ও আমার আজ্ঞামুসারে নৌকা প্রস্তুত কর ; পরে যখন আমার আজ্ঞা উপস্থিত হইবে, এবং চুল্লী উচ্ছ্বসিত হইবে, তখন সকল প্রকারের পুং স্ত্রী যুগল ও আপন পরিজন, তাহাদের যাহার সম্বন্ধে কথা পূর্বে হইয়াছে, সে ব্যতীত ( সকলকে ) তন্মধ্যে আনয়ন করিও। যাহারা অত্যাচার করিয়াছে, তাহাদের সম্বন্ধে তুমি আমার সম্বন্ধে কথা কহিও না, নিশ্চয় তাহারা জ্বলমগ্ন হইবে \*। ২৭। অনন্তর যখন তুমি ও তোমার সঙ্গী লোক নৌকায় বসিবে, তখন তুমি বলিও, “সেই ঈশ্বরেরই প্রশংসা, যিনি আমাদিগকে অত্যাচারী দল হইতে উদ্ধার করিলেন। ২৮। এবং বলিও, হে আমার প্রতিপালক, আমাকে মঙ্গল-

\* অর্থাৎ তোমরা স্থলপথে উষ্ট্রের উপর ও জলপথে নৌকায় আরোহণ করিয়া থাক। উষ্ট্র ও নৌকা তোমাদিগকে বহন করিয়া একস্থান হইতে অল্পস্থানে লইয়া যায়। (ত, হো,)

+ মহাপুরুষ মুহা মণ্ডলীর মনঃপরিবর্তনে নিরাশ হইয়া এই প্রার্থনা করিতে লাগিলেন যে, “প্রভো, আমাকে সাহায্য দান কর, আমার পক্ষ হইয়া তুমি ইহাদিগকে শাস্তি দান কর, ইহারা আমাকে মিথ্যাবাদী বলিতেছে।” তৎপর পরমেশ্বর তাহার প্রতি প্রত্যাদেশ করেন যে, তুমি একটি নৌকা নির্মাণ করিয়া রাখ, আমি তোমাকে রক্ষা করিব। নৌকা কিরূপে নির্মাণ করিতে হইবে, আমি তোমাকে শিক্ষা দিব। পরে যখন আমার আদেশ বা ধর্মবিদ্রোহীদিগের প্রতি শাস্তি উপস্থিত হইবে, তখন চুল্লী হইতে জ্বল উচ্ছ্বসিত হইয়া উঠিবে, অর্থাৎ তোমার রক্ষন করিবার সময় অগ্নির ভিতর হইতে জ্বল উঠিবে। তখন পুং স্ত্রী এক এক যোড়া সমুদায় জন্তু ও স্বীয় ধার্মিক বিশ্বাসী পরিজনদিগকে নৌকায় তুলিবে ; কিন্তু যাহাদের সম্বন্ধে পূর্বেই “বিনাশ” কথা লিখিত হইয়া গিয়াছে, তাহাদিগকে অর্থাৎ তোমার অ বিশ্বাসী পুত্র কেনান ও ভার্য্যা আয়লাকে নৌকায় তুলিবে না। এবং যাহারা ধর্ম গ্রহণ করে নাই ও তোমাকে উপহাস করিয়াছে, সেই অত্যাচারীদিগের জন্তু তুমি আমার নিকটে প্রার্থনা করিও না। (ত, হো,)

জনক স্থানে অবতারণ কর, তুমি অবতারণকারীদিগের মধ্যে শ্রেষ্ঠ” \*। ২৯।  
নিশ্চয় ইহার মধ্যে নিদর্শন সকল আছে ও নিশ্চয় আমি পরীক্ষক ছিলাম। ৩০।  
অবশেষে তাহাদের পরে আমি অল্প সম্প্রদায় সৃষ্টি করিয়াছি। ৩১। পরে আমি তাহাদের  
( বংশ ) হইতে তাহাদের মধ্যে এক প্রেরিতপুরুষ পাঠাইয়াছি। † ( সে বলিয়াছিল )  
যে, “তোমরা ঈশ্বরকে অর্চনা কর, তোমাদের অল্প তিনি ব্যতীত উপাস্ত নাই; অনন্তর  
তোমরা কি ভয় পাইতেছ না?” ৩২। ( র, ২, আ, ১০ )

এবং যাহারা ধর্মদ্রোহী হইয়াছিল ও পরলোকের সাক্ষাৎকারের প্রতি অসত্যারোপ  
করিয়াছিল, এবং যাহাদিগকে আমি সাংসারিক জীবনে স্থখী করিয়াছিলাম, তাহার  
দলের সেই প্রধান পুরুষেরা বলিল, “এ তোমাদের ঞায় মনুষ্য ভিন্ন নহে; তোমরা যাহা  
ভক্ষণ করিয়া থাক, তাহা ভক্ষণ করিয়া থাকে, এবং তোমরা যাহা পান কর, তাহা পান  
করে। ৩৩। এবং যদি তোমরা আপনাদের ঞায় মনুষ্যের আনুগত্য স্বীকার কর, তবে  
নিশ্চয় তোমরা ক্ষতিগ্রস্ত হইবে। ৩৪। তোমাদের সঙ্গে কি অঙ্গীকার করা হইতেছে  
যে, তোমরা যখন মরিবে ও মৃত্তিকা ও অস্থি সকল হইবে, তখন তোমরা বাহির হইবে?  
৩৫। যে বিষয়ে তোমাদিগের সঙ্গে অঙ্গীকার করা হইতেছে, তাহা দূরে দূরে। ৩৬।+  
আমাদের সাংসারিক জীবন ভিন্ন ইহা (এই জীবন) নহে, আমরা মরিতেছি ও বাঁচিতেছি,  
এবং আমরা সমুখাপিত হইব না। ৩৭।+সে সেই ব্যক্তি ভিন্ন নহে যে, ঈশ্বরসম্বন্ধে  
অসত্যরচনা করিয়াছে, এবং আমরা তাহার সম্বন্ধে বিশ্বাসী নহি”। ৩৮। সে বলিল,  
“হে আমার প্রতিপালক, তাহারা যে আমার প্রতি অসত্যারোপ করিতেছে, তদ্বিষয়ে  
তুমি আমাকে সাহায্য দান কর”। ৩৯। তিনি বলিলেন, “কিয়ৎকালের মধ্যে অবশ্য  
তাহারা লজ্জিত হইবে”। ৪০। অবশেষে সত্যতঃ মহানিনাদ তাহাদিগকে আক্রমণ  
করিল, অনন্তর আমি তাহাদিগকে ( তুণবৎ ) খণ্ড খণ্ড করিলাম; পরিশেষে অত্যাচারি-  
দলের নিমিত্ত ( ঈশ্বরের কৃপা ) দূর হউক ‡। ৪১। তৎপর আমি তাহাদিগের পরে

\* উহাই মঙ্গলজনক স্থান, যে স্থান বিশ্বাসিগণের সম্বন্ধে শাস্তি ও মুক্তির কারণ হয়। কেহ কেহ  
বলেন, নোকা হইতে বাহির হইবার সময় এইরূপ প্রার্থনা করিবার জ্ঞান নুহার প্রতি ঈশ্বরের আদেশ  
হইয়াছিল। কিন্তু নোকায় আরোহণ ও তাহা হইতে অবতারণ করার সময় এইরূপ প্রার্থনা করিতে  
আদেশ হইয়াছিল, এ প্রকার প্রসিদ্ধি। আত্বার পুত্র সোলয়মান বলিয়াছেন যে, উহাই মঙ্গলজনক  
ভূমি, যথায় কুপ্রবৃত্তি ও রিপূর প্ররোচনা হইতে নিরাপদ থাকা যায়, এবং ঈশ্বরের সৌন্দর্যের  
আবির্ভাব সমধিকরূপে হয়। ( ত, হো, )

† তাহাদের প্রেরিতপুরুষ হুদ বা সালেহ ছিলেন। ( ত, হো, )

‡ অর্থাৎ জেব্রিল ভয়ানক শব্দ করিলেন, তাহাতে ধর্মদ্রোহী লোকদিগের বন্ধ বিদীর্ণ হইয়া গেল,  
সকলে প্রাণত্যাগ করিল। কতিপয় তফসিরলেখক বলেন যে, এই শব্দদণ্ড সমুদ্র জাতির প্রতি হইয়াছিল।  
কাহারও কাহারও মতে আদ জাতি এই শাস্তি প্রাপ্ত হয়। যে দণ্ড অপরাধীদিগের সমূলে বিনাশের  
কারণ হয়, তাহাকেই শব্দদণ্ড বলা যাইতে পারে। ( ত, হো, )

অন্য সম্প্রদায় সকল সৃষ্টি করিয়াছি \* । ৪২ । কোন মণ্ডলী আপন (শাস্তির) নির্দিষ্টকাল (অতিক্রম করিয়া) অগ্রসর হইবে না ও পশ্চাৎহী হইবে না । ৪৩ । তৎপর আমি ক্রমান্বয়ে স্বীয় প্রেরিত পুরুষদিগকে প্রেরণ করিয়াছি ; যখন কোন মণ্ডলীর নিকটে তাহাদের রহুল উপস্থিত হইয়াছে, তখন তাহারা তাহার প্রতি অসত্যারোপ করিয়াছে, অনন্তর আমি তাহাদের একজনের পশ্চাৎ অন্য জনকে আনয়ন করিয়াছি, এবং তাহাদিগকে উপাখ্যান করিয়াছি ; অবশেষে যাহারা বিশ্বাস করে না, সেই দলের নিমিত্ত (ঈশ্বরের কৃপা) দূর হউক † । ৪৪ । তৎপর আমি মুসা ও তাহার ভ্রাতা হারুনকে আপন নিদর্শন ও উজ্জ্বল প্রমাণসহ ফেরওণের ও তাহার প্রধান পুরুষদিগের নিকটে প্রেরণ করিয়াছি ; অনন্তর তাহারা গর্ক করিল, এবং তাহারা উদ্ধত দল হিল । ৪৫ + ৪৬ । পরিশেষে তাহারা বলিল, “আমাদের তুল্য দুই জন মনুষ্যকে কি আমরা বিশ্বাস করিব ? সেই দুয়ের জ্ঞাতিবর্গ আমাদের সেবা করিয়া থাকে” ‡ । ৪৭ । অনন্তর তাহারা সেই দুই জনের প্রতি অসত্যারোপ করিল, পরিশেষে তাহারা বিনাশ প্রাপ্ত হইয়াছিল । ৪৮ । এবং সত্য সত্যই আমি মুসাকে গ্রন্থ দান করিয়াছি, যেন তাহারা (বনিএশ্রায়েল) সৎপথ প্রাপ্ত হয় । ৪৯ । এবং আমি মরয়মের পুত্র ও তাহার জননীকে নিদর্শনস্বরূপ করিয়াছিলাম, এবং তাহাদিগকে প্রস্রবণযুক্ত অবস্থানযোগ্য উচ্চভূমিতে স্থান দান করিয়াছিলাম § ৫০ । (র, ৩, আ, ১৮)

হে প্রেরিতপুরুষগণ, তোমরা বিশুদ্ধ বস্তু সকল ভক্ষণ কর ও শুভকর্ম কর ; তোমরা যাহা করিয়া থাক, নিশ্চয় আমি তাহার জ্ঞাতা ¶ । ৫১ । এবং নিশ্চয় তোমাদের এই ধর্ম-

\* এস্থলে অন্য সম্প্রদায় শোয়ব ও লুতের সম্প্রদায় । (ত, হো,)

† এক জনের পশ্চাৎ অন্য জনকে আনয়ন করার অর্থ, এক জনকে অন্য জনের সংহারসাধনে নিযুক্ত করা । আমি কাহাকেও জীবনধারণে অবকাশ দান করি নাই । “তাহাদিগকে উপাখ্যান করিয়াছি” অর্থাৎ তাহাদের উপাখ্যান ভিন্ন অন্য কিছুই অবশিষ্ট নাই, তাহারা সমূলে সংহার প্রাপ্ত হইয়াছে, লোকে তাহাদের গল্প মাত্র করিয়া থাকে । তাহাদের বৃত্তান্ত সকল সাধারণের শিকার কারণ হইয়াছে, যেন তাহাদের চিরশাস্তি লোকে স্মরণ করিয়া ভীত হয় । (ত, হো,)

‡ অর্থাৎ বনিএশ্রায়েল ক্রীতদাসের স্থায় আমাদের সেবা করিয়া থাকে, তাহারা দাস এবং আমরা প্রভু । ফেরওণ ও তাহার অনুবর্তীগণ গোবৎস ও প্রতিমার সেবা করিত, বনিএশ্রায়েল ফেরওণ ও তাহার অনুচরগণের সেবা করিতেন । (ত, হো,)

§ প্রস্রবণযুক্ত অবস্থানযোগ্য উচ্চভূমি ফেল্‌সতিন বা পেলষ্টাইন নামক স্থান । মরয়ম আপন পুত্র ও স্বীয় পিতৃব্য সামানের পুত্র ইয়ুসোফ সহ দ্বাদশ বৎসর তথায় জীবন যাপন করিয়াছিলেন । তিনি সূতা কাটিতেন, এবং তাহা বিক্রয় করিয়া উপজীবিকা সংগ্রহ করিতেন । কেহ কেহ বলেন, উপরি উক্ত উচ্চভূমি মিসরদেশ, কেহ দমস্ককে জেরুজেলম বলিয়া থাকেন । কিন্তু অনেক প্রামাণিক লোকের মতে ফেল্‌সতিনই সত্য বলিয়া পরিগণিত । (ত, হো,)

¶ কুতোল্‌কলুব নামক গ্রন্থে উল্লিখিত হইয়াছে যে, বিশুদ্ধ ভোজ্য শব্দ সংক্রিয়ার পূর্বে একজন



মণ্ডলী একমাত্র ধর্মমণ্ডলী এবং আমি তোমাদের প্রতিপালক ; অতএব আমাকে ভয় কর। ৫২। অনন্তর তাহারা আপনাদের মধ্যে আপনাদের কার্য খণ্ড খণ্ড করিয়া কাটিল ; প্রত্যেক সম্প্রদায়, যাহা তাহাদের নিকটে আছে, তাহাতে আনন্দিত \*। ৫৩। অতএব তুমি, (হে মোহম্মদ,) কিয়ৎকাল পর্য্যন্ত তাহাদিগকে তাহাদের শৈথিল্যে ছাড়িয়া দেও। ৫৪। তাহারা কি মনে করিতেছে যে, ধন ও সম্মান দ্বারা যে কিছু আমি তাহাদিগকে সাহায্য দান করি, তাহাতে তাহাদের জ্ঞান মঙ্গলানুষ্ঠান সকলে চেষ্টা করিয়া থাকি ? বরং তাহারা জানিতেছে না। ৫৫। + ৫৬। নিশ্চয় তাহারাই, যাহারা আপন প্রতিপালকের ভয়ে শণবাস্ত। ৫৭। + এবং তাহারাই, যাহারা আপন প্রতিপালকের নিদর্শন সকলের প্রতি বিশ্বাস করে। ৫৮। এবং তাহারাই, যাহারা আপন প্রতিপালকের সঙ্গে অংশী স্থাপন করে না। ৫৯। + এবং তাহারাই, যাহারা, যাহা কিছু দেওয়া যায়, তাহা দান করে, এবং যাহাদের মন ভীত, নিশ্চয় তাহারাই আপন প্রতিপালকের দিকে প্রত্যাবর্তনকারী \*। ৬০। + ইহারাই শুভকার্য সকলে সত্ত্বর হয় ও ইহারাই তদুদ্দেশ্যে অগ্রসর †। ৬১। আমি কোন ব্যক্তিকে তাহার সাধ্যাতীত ক্লেণ দান করি না, এবং আমার নিকটে সেই গ্রন্থ আছে, যে সত্য বর্ণন করে ও তাহারা অত্যাচারিত হইবে না। ৬২। বরং তাহাদের মন এ বিষয়ে ঔদাসীণ্যে আছে, এতদ্ব্যতীত তাহাদের ( মন্দ ) কার্য সকল আছে, তাহারা তাহার অনুষ্ঠানকারী §। ৬৩। এতদূর পর্য্যন্ত, যখন আমি সম্পন্ন লোকদিগকে শাস্তি দ্বারা আক্রমণ করিব, তখন তাহারা আর্তনাদ করিবে। ৬৪। ( আমি বলিব, ) অণু তোমরা আর্তনাদ করিও না, নিশ্চয় তোমরা আমা হইতে সাহায্য প্রাপ্ত হইবে না। ৬৫। একান্তই তোমাদের নিকটে আমার আয়ত সকল পঠিত হইত, পরে গর্ব করতঃ তোমরা আপন পশ্চাৎ পদের প্রতি ফিরিয়া যাইতে, তৎসম্বন্ধে গল্পে রত হইয়া

সন্নিবেশিত হইল যে, উহা কর্ণের ফলস্বরূপ হইয়াছে। হজরত শেখোল্ এসলাম বলিয়াছেন যে, কর্ণের বীজ অন্ন, কর্ণ ফল ; বীজ উত্তম ও বিগুণ হইলে তাহার ফলও উত্তম হয়। ( ত, হো, )

\* গ্রন্থাধিকারিগণ পরস্পরের মধ্যে আপনাদের ধর্মসম্বন্ধীয় কার্যপ্রণালী বিভাগ করিয়া নানা দলে বিভক্ত হইয়াছে ও পরস্পর বিবাদ করিয়াছে। প্রত্যেক সম্প্রদায় আপনার নিকটে যে কিছু আছে, তাহাতেই সন্তুষ্ট ও তৃপ্ত এবং ইহাই সত্য, এই বলিয়া তাহারা তৎপ্রতি দৃঢ় বিশ্বাসী। ( ত, হো, )

+ অর্থাৎ “জকাত ও সদকা” স্বরূপ তাহাদিগকে যাহা দেওয়া যায়, তাহারা তাহা দীন দুঃখীদিগকে দান করিয়া থাকে, তাহাদের মন শান্তিভরে ভীত, তাহারাই ঈশ্বরকে প্রাপ্ত হইবে। ( ত, হো, )

‡ অর্থাৎ ইহার সাংসারিক কল্যাণজনক দানাদি সংকার্য ও সাধন উন্নাদি পারলৌকিক শুভকর্ম উৎসাহের সহিত নির্বাহ করে। ( ত, হো, )

§ যে কথা বলা হইল, তৎপ্রতি তাহারা উপেক্ষাকারী। তদ্ব্যতীত তাহারা দুর্কর্ম ও ভয়ানক পাপ সকল করিয়া থাকে, ঈশ্বরের সঙ্গে অংশী স্থাপন করে ও পুনরুত্থানে অশিষ্টতা করিয়া থাকে। ( ত, হো, )

বার্থ বাক্য সকল বলিতে \*। ৬৬+৬৭। অনন্তর এই উক্তির প্রতি কি তাহারা মনোযোগ করে না? যাহা তাহাদের পূর্ববর্তী পিতৃপুরুষদিগের নিকটে আসে নাই, তাহা তাহাদের নিকটে কি উপস্থিত হইয়াছে? †। ৬৮। তাহারা কি আপনাদের প্রেরিত পুরুষকে চিনিতেন না? অনন্তর তাহারা তাহার অস্বীকারকারী। ৬৯। তাহারা কি বলিতেছে যে, তাহাতে উন্নততা আছে? বরং সে তাহাদের নিকটে সত্য আনয়ন করিয়াছে, এবং তাহাদের অধিকাংশই সত্যের অশ্রদ্ধাকারী। ৭০। এবং যদি (ঈশ্বর) তাহাদের ইচ্ছার অনুসরণ করিতেন, তবে একান্তই স্বর্গ ও মর্ত্য এবং এই দুইয়ের মধ্যে যে কেহ আছে, বিশৃঙ্খল হইয়া পড়িত; বরং আমি তাহাদের নিকটে তাহাদের সম্বন্ধীয় উপদেশ আনয়ন করিয়াছি, অনন্তর তাহারা আপন উপদেশ হইতে বিমুগ্ধ ‡। ৭১। তুমি কি, (হে মোহাম্মদ,) তাহাদের নিকটে ধন প্রার্থনা কর? অনন্তর তোমার প্রতিপালকেরই উৎকৃষ্ট ধন এবং তিনি শ্রেষ্ঠ জীবিকাদাতা। ৭২। এবং নিশ্চয় তুমি তাহাদিগকে সরল পথের দিকে আহ্বান করিতেছ। ৭৩। এবং নিশ্চয় যাহারা পরলোকে বিশ্বাস করে না, তাহারা সেই সরল পথ হইতে দূরবর্তী হয়। ৭৪। এবং যদি আমি তাহাদিগকে অনুগ্রহ করিতাম ও তাহাদের যে দুঃখ আছে, তাহা উন্মোচন করিতাম, তবে নিশ্চয় তাহারা আপন অবাধ্যতাতে অবিশ্রান্ত বিক্ষিপ্ত থাকিত §। ৭৫।+ এবং

\* অর্থাৎ তোমরা উপহাস করিয়া কিরিয়া যাইতে, আমার বাক্য শ্রবণ করিতে না। সাধারণ লোকের উপরে নিজের গৌরব অশ্বেষণ করিতে ও বলিতে যে, আমরা মক্কাবাসীর অধিবাসী ও গৌরবান্বিত লোক। (ত, হো,)

+ অর্থাৎ তাহারা বলে যে, আমরা ধর্মগ্রন্থ ও পেগাধরসম্বন্ধে কোন সংবাদ রাখি না। ঈশ্বর এই ভাব ব্যক্ত করেন, আমি মুহা ও এব্রাহিমকে যেমন তাহাদের পিতৃপুরুষদিগের জন্ত প্রেরণ করিয়া ছিলাম, তাহাদের জন্তও মোহাম্মদকে প্রেরণ করিয়াছি, তাহারা যেন আপত্তি না করে। (ত, হো,)

‡ ঈশ্বর কাকেরদিগের ইচ্ছার অনুসরণ করিলে স্বর্গলোক ও পৃথিবী এবং উভয় লোকবাসী দেব দানব মানবাদি জীবজন্তু বিনাশ প্রাপ্ত হইত। অর্থাৎ ঈশ্বর কাকেরদিগের ইচ্ছানুসারে অংশিবাদিতাকে প্রশ্রয় দিলে কেয়ামত উপস্থিত করিতেন, ও মহাপ্রলয় হইত। ঈশ্বর বলিতেছেন যে, আমি কাকেরদিগের নিকটে এক গ্রন্থ (কোর-আন) উপস্থিত করিয়াছি, তাহাতে তাহাদের সম্বন্ধে উপদেশ সকল আছে; সেই উপদেশ মান্য করিয়া চলিলে তাহাদের গৌরব ও খ্যাতি হয়। কিন্তু তাহারা আপনাদের সেই উপদেশকে অগ্রাহ্য করিতেছে। (ত, হো,)

§ অর্থাৎ যদি আমি তাহাদের নিকট হইতে বিপদ বিদূর করিতাম, তবে তাহারা কুভাববশতঃ ধর্মবিষয়ে ও অসত্যরূপে আরও দৃঢ় থাকিত। একদা মক্কাবাসী ধর্মদেবী লোকগণ প্রবল দুর্ভিক্ষে আক্রান্ত হয়। তাহারা খাদ্যাভাবে ক্ষুধার জ্বালায় শব ভক্ষণ করিতে থাকে। তখন কোরেশদলপতি আবুসুফিয়ান মদিনাতে আগমন করিয়া হজরতকে বলে যে, তোমার অভিসম্পাতে মক্কাবাসীরা বিপদগ্রস্ত, তুমি পিতৃবর্গকে করবালাঘাতে বধ করিয়াছ, আবার সম্মানদিগকে ক্ষুধানলে দক্ষ করিতেছ; তাহাতেই এই আয়ত অবতীর্ণ হয়। (ত, হো,)

সত্য সত্যই আমি তাহাদিগকে শাস্তিযোগে আক্রমণ করিয়াছিলাম ; অনন্তর আপন প্রতিপালকের নিকটে তাহারা মিনতি করে নাই ও কাতরোক্তি করে নাই । ৭৬ । এ পর্যন্ত, যখন আমি তাহাদের প্রতি স্ফুটন শাস্তির দ্বার উন্মুক্ত করিলাম, তখন অকস্মাৎ তাহারা তাহাতে নিরাশ হইল । ৭৭ । ( র, ৪, আ, ২৭, )

এবং তিনিই, যিনি তোমাদের জন্ম দৃক, শ্রবণ ও অস্তঃকরণ সকল সৃজন করিয়াছেন ; তোমরা অল্পই ধন্যবাদ করিয়া থাক । ৭৮ । এবং তিনিই, যিনি তোমাদিগকে পৃথিবীতে সৃষ্টি করিয়াছেন ও তোমরা তাঁহার দিকে সমুখাপিত হইবে । ৭৯ । এবং তিনিই, যিনি জীবন দান ও প্রাণ হরণ করেন ও তাঁহার কারণেই দিবা রাত্রির পরিবর্তন হইয়া থাকে ; অনন্তর তোমরা কি জানিতেছ না ? ৮০ । বরং পূর্ববর্তী লোকেরা যে প্রকার বলিত, তাহারাও তাহাই বলিয়াছে । ৮১ । তাহারা বলিয়াছে, “কি যখন আমরা প্রাণত্যাগ করিব, এবং মৃত্তিকা ও অস্থি সকল হইয়া যাইব, তখন কি আমরা সমুখাপিত হইব ? ৮২ । সত্য সত্যই আমাদিগকে এবং ইতিপূর্বে আমাদিগের পিতৃপুরুষদিগকে এই অঙ্গীকার প্রদত্ত হইয়াছে ; ইহা পুরাতন উপন্যাস ভিন্ন নহে” । ৮৩ । তুমি জিজ্ঞাসা কর, ( হে মোহম্মদ, ) পৃথিবী ও তন্মধ্যে যে কেহ আছে, সে কাহার ? যদি তোমরা জান, ( বল ) । ৮৪ । তৎক্ষণাৎ তাহারা বলিবে, “ঈশ্বরের” ; তুমি বলিও, অনন্তর তোমরা কি উপদেশ গ্রহণ করিতেছ না \* ? ৮৫ । তুমি জিজ্ঞাসা কর, সপ্ত স্বর্গের স্বামী ও মহা স্বর্গের স্বামী কে ? ৮৬ । তৎক্ষণাৎ তাহারা বলিবে, “( এ সকল ) ঈশ্বরের ;” তুমি বলিও, অনন্তর তোমরা কি শঙ্কিত হইতেছ না ? ৮৭ । তুমি জিজ্ঞাসা কর, কে তিনি, যাহার, হস্তে সকল বস্তুর রাজত্ব, এবং যিনি আশ্রয় দান করেন ও যাহার সম্বন্ধে আশ্রয় দেওয়া হয় না ? যদি তোমরা জান, ( বল ) । ৮৮ । তৎক্ষণাৎ তাহারা বলিবে, “( এ সকল ) ঈশ্বরের ;” তুমি বলিও, অনন্তর তোমরা কোথা হইতে প্রবঞ্চিত হইতেছ † ? ৮৯ । বরং আমি তাহাদের নিকটে সত্য আনয়ন করিয়াছি, এবং নিশ্চয় তাহারা মিথ্যাবাদী । ৯০ । পরমেশ্বর কোন সন্তান গ্রহণ করেন নাই, এবং তাঁহার সঙ্গে ( অল্প ) কোন ঈশ্বর নাই ; তবে তৎকালীন প্রত্যেক ঈশ্বর যাহা সৃজন করিয়াছেন, তাহা লইয়া যাইতেন, এবং নিশ্চয় তাঁহাদের পরস্পর এক অল্পের উপর প্রবল হইতেন । তাহারা যাহা বর্ণনা করে,

\* অর্থাৎ যে ব্যক্তি প্রথমে মনুষ্যকে সৃষ্টি করিতে ক্ষমতা রাখেন, তিনি মৃত্যু ও শরীর ধ্বংস হওয়ার পরে তাহাকে পুনর্বার পূর্নাবস্থায় আনয়ন করিতে অক্ষম হইতে পারেন না, এই উপদেশ কি তোমরা প্রাপ্ত হইতেছ না ? ( ত, হো, )

† “কোথা হইতে প্রবঞ্চিত হইতেছ ?” অর্থাৎ একত্বের জ্যোতির প্রকাশ ও পরমেশ্বরের অদ্বিতীয়ত্বের প্রমাণ জাঙ্ঘল্যমানসঙ্গে, তোমরা কেমন করিয়া সত্য পথ হইতে ফিরিয়া যাইতেছ, এবং কোথায় যাইতেছ ? ( ত, হো, )

ঈশ্বর তাহা অপেক্ষা বিস্তৃত \* । ২১ । তিনি অন্তর্বহির্বিদ ; তাহারা যাহাকে অংশী স্থাপন করে, তাহা হইতে তিনি উন্নত । ২২ । ( র, ৫, আ, ১৫ )

তুমি বল, “হে আমার প্রতিপালক, ( শাস্তিবিষয়ে ) যাহা অঙ্গীকার করা হইয়াছে, তাহা যদি আমাকে প্রদর্শন করিতে” । ২৩ । + হে আমার প্রতিপালক, অনন্তর আমাকে তুমি অত্যাচারিদলের মধ্যে প্রবিষ্ট করিও না” । ২৪ । এবং যাহা তাহাদিগকে অঙ্গীকার করিয়াছি, নিশ্চয় আমি তাহাতে আছি, তাহা তোমাকে দেখাইব, অবশ্য আমি ক্ষমতাবান্ । ২৫ । যাহা অতি কল্যাণ, তাহা দ্বারা তুমি অকল্যাণকে দূর কর ; তাহারা যাহা বর্ণনা করিতেছে, আমি তাহা উত্তম জ্ঞাত ঃ । ২৬ । এবং বল, “হে আমার প্রতিপালক, আমি শয়তান সকলের কুমন্ত্রণা হইতে তোমার আশ্রয় গ্রহণ করিতেছি । ২৭ । + এবং হে আমার প্রতিপালক, আমার নিকটে যে ( সেই পাপ পুরুষ ) উপস্থিত হয়, তাহা হইতে আমি তোমার শরণাপন্ন হইতেছি” ঃ । ২৮ । এ পর্য্যন্ত, যখন তাহাদের কোন ব্যক্তির নিকটে মৃত্যু উপস্থিত হয়, তখন সে বলে, “হে আমার প্রতিপালক, আমাকে ফিরাইয়া লইয়া যাও । ২৯ । + সম্ভবতঃ আমি যে স্থান পরিত্যাগ করিয়াছি, তথায় ( যাটয়া ) সংকর্ষ করিব ।” কখনও নহে, নিশ্চয় ইহা এক কথামাত্র যে, সে উহার বক্তা ; পুনরুত্থান হওয়ার দিন পর্য্যন্ত তাহাদের সম্মুখে আবরণ আছে § । ১০০ ।

\* এমন কোন উপাস্ত নাই যে, সে ঈশ্বরের সঙ্গে ঈশ্বরকে অংশী হয় ; যদি ঈশ্বরকে পরমেশ্বরের কেহ অংশী থাকে, তবে সেই অংশী ঈশ্বরের উচিত যে, স্রষ্টা হন । পরন্তু প্রকৃত ঈশ্বরসম্বন্ধে আরোপিত অংশী কতকগুলি সৃষ্ট পদার্থমাত্র । নানা প্রকারে প্রমাণিত হয় যে, ঈশ্বরের অংশী অল্প কোন ঈশ্বর নাই, তিনি অংশিবিহীন একমাত্র । যেরূপ উক্ত হইয়া থাকে, যদি তদ্রূপ তাঁহার অংশী কেহ থাকিত, তবে সে আপনার সৃষ্ট বস্তু ও রাজ্য বিভাগ করিয়া লইতে চাহিত, পৃথিবীর রাজাদিগের মধ্যে যেরূপ হইয়া থাকে, একান্তই তাঁহাদের মধ্যে কলহ বিবাদ উপস্থিত হইত । ( ত, হো, )

+ পরমেশ্বর মহা অনুগ্রহ ও দয়াপ্রকাশে বলিতেছেন যে, তুমি মহাকল্যাণ দ্বারা অকল্যাণকে দূর কর ; অর্থাৎ দয়া ও ক্ষমা দ্বারা অপরাধীর অপরাধ ভুলিয়া যাও, অথবা নীচ লোকদিগের মূর্খতার কার্য্য আপন ধৈর্য্যগুণে নিবৃত্ত কর, কিংবা সাধন ভজনায় প্রবৃত্ত করিয়া লোকদিগকে পাপ হইতে দূরে রাখ, অথবা একত্ববাদ দ্বারা গংশিবাদীদিগের অংশিবাদ বিলুপ্ত কর, বা বিধি দ্বারা নিষিদ্ধকে বিনষ্ট কর । এমাম কন্নশরি বলিয়াছেন যে, অত্যাচারকে উপকার দ্বারা দূর কর, বা কুপ্রবৃত্তির উত্তেজনাকে বিবেকের সুসংবাদ দ্বারা দূর কর, কিংবা মানবীয় অন্ধকারকে ঐশ্বরিক জ্যোতি দ্বারা পরাস্ত কর, অথবা আমোদ কোতূহলকে ঐশ্বরিক সত্য দ্বারা বিমোচন কর, কিংবা বিপদ দুর্ঘটনার সঙ্কীর্ণ পথকে পরিত্যাগ করিয়া প্রশস্ত তত্ত্ববস্ত্তে বিচরণ কর । ( ত, হো, )

‡ অর্থাৎ ঃ-আন পাঠ বা উপাসনার সময়ে কিম্বা অল্প অল্প অবস্থায় শয়তান যে আমার নিকটে আসিয়া আমাকে বিপন্ন করিবে, তাহা হইতে রক্ষা পাইবার জন্ত, হে ঈশ্বর, আমি তোমার আশ্রয় গ্রহণ করিতেছি ।

§ অর্থাৎ মনুষ্য ইহা বলিয়া থাকে যে, মনুষ্য মৃত্যুর পর পুনর্বার পৃথিবীতে আসিয়া থাকে, ইহা অসত্য । কেলামতের দিন কবর হইতে সকলে উঠিবে, ইহার পূর্বে কখনও নয় । ( ত, ফা, )

অনন্তর যখন সুরবাণ্ডে ফুৎকার করা হইবে, তখন সেই দিবস তাহাদের মধ্যে সম্বন্ধ থাকিবে না, এবং তাহারা পরস্পর সংবাদ লইবে না \* । ১০১ । অবশেষে যাহার তুলযন্ত্র গুরুভার হইবে, অনন্তর ইহারাই তাহারা, যে মুক্ত হইবে † । ১০২ । এবং যে ব্যক্তির তুলযন্ত্র লঘু, অনন্তর তাহারাই, যাহারা আপন জীবনের প্রতি ক্ষতি করিয়াছে, তাহারা নরকে নিত্য নিবাসী হইবে ‡ । ১০৩ । অগ্নি তাহাদের মুখ দগ্ধ করিবে, এবং তাহারা তথায় বিকটমুখ হইবে । ১০৪ । ( আমি বলিব, ) “তোমাদের নিকটে কি আমার আয়ত সকল পঠিত হয় নাই? অনন্তর তোমরা তাহা অসত্য বলিতেছিলে” । ১০৫ । তাহারা বলিবে, “হে আমাদের প্রতিপালক, আমাদের উপর আমাদের দুর্ভাগ্য প্রবল হইয়াছিল, এবং আমরা পথভ্রান্ত দল ছিলাম । ১০৬ । হে আমাদের প্রতিপালক, ইহা হইতে আমাদিগকে মুক্ত কর, পরে যদি আমরা ( ধর্মদেষিতায় ) ফিরিয়া আসি, তবে নিশ্চয় আমরা অত্যাচারী হইব” । ১০৭ । তিনি বলিবেন, “ইহার ভিতরে অপমানিত হইয়া দূর হও, এবং কথা কহিও না” । ১০৮ । নিশ্চয় আমার দাসদিগের এক দল ছিল, § তাহারা বলিতেছিল যে, “হে আমাদের প্রতিপালক, আমরা বিশ্বাস স্থাপন করিয়াছি, অতএব আমাদিগকে ক্ষমা কর ও আমাদিগকে দয়া কর, এবং তুমি শ্রেষ্ঠ দয়ালু” । ১০৯ । অনন্তর তোমরা তাহাদিগকে উপহাস করিয়াছিলে, এত দূর পর্য্যন্ত যে, তাহারা আমার স্মরণ তোমাদিগকে ভুলাইয়াছিল, এবং তোমরা তাহাদের সম্বন্ধে হাস্য করিয়াছিলে ¶ । ১১০ । নিশ্চয় তাহারা যে ধৈর্য্য ধারণ করিয়াছিল, তজ্জন্ত অতঃপরে আমি তাহাদিগকে পুরস্কার দান করিলাম, যেহেতু তাহারা প্রাপ্তকাম হইবে । ১১১ । তিনি জিজ্ঞাসা করিবেন, “বৎসরের গণনানুসারে তোমরা পৃথিবীতে কত কাল স্থিতি

\* সুরবাণ্ড বাজিলেই কেয়ামত উপস্থিত হইবে । সেই দিন সমুদায় সম্বন্ধ কাটিয়া যাইবে । কোন ব্যক্তি আপন আত্মীয়ের প্রতি স্নেহ মনন প্রকাশ করিবে না; এক্ষণে যে সকল পার্থিব সম্বন্ধ আছে বলিয়া লোকে গর্ব্ব করে, তখন তাহা কোন ফলদায়ক হইবে না । আপনার জন্ত ব্যস্ততাবশতঃ আত্মীয় স্বগণাদির নিমিত্ত কেহ কাহাকে জিজ্ঞাসা করিবে না । এই অবস্থা বিচারের পূর্বে হইবে । পরে সকলে পরস্পরের তত্ত্ব লইবে । ( ত, হো, )

† অর্থাৎ যাহাদের সংকল্পের ভারে তুলযন্ত্র ভারাক্রান্ত হইবে, সেই বিশ্বাসীরাই মুক্তিলাভ করিবে । ( ত, হো, )

‡ অর্থাৎ তাহাদের জীবনের মূলধন উপেক্ষা করিয়া নষ্ট করিয়াছে, নিকৃষ্ট প্রবৃত্তির চরিতার্থতা-সাধনে ও কামনার আনুগত্যস্বীকারে অর্গীয় ধন বিসর্জন দিয়াছে । ( ত, হো, )

§ এক দল দাস, অর্থাৎ এমার ও বেলাল ও খোকাব প্রভৃতি তাহারা সর্বদা বলিত, হে ঈশ্বর, আমরা বিশ্বাস স্থাপন করিয়াছি, আমাদিগকে ক্ষমা কর ইত্যাদি । ( ত, হো, )

¶ অর্থাৎ তোমাদের উপহাস বিক্রমের জন্ত ব্যস্ততাবশতঃ তাহারা তোমাদের সম্মুখে আমার স্মরণ মনন ভুলিয়া যাইত । তাহাদের দুর্গতি ও দুর্বস্থা দেখিয়া অহঙ্কারে তোমরা হাস্য করিতে । ( ত, হো, )



করিয়াছিলে” ? ১১২। তাহারা বলিবে, “আমরা এক দিবস, বা এক দিবসের অংশ-  
মাত্র স্থিতি করিয়াছিলাম ; অনন্তর গণনাকারীদিগকে তুমি জিজ্ঞাসা কর” \* । ১১৩।  
তিনি বলিবেন, “অল্পক্ষণ ভিন্ন তোমরা স্থিতি কর নাই, হায় ! তোমরা যদি জানিতে।  
১১৪। অনন্তর তোমরা কি মনে করিয়াছ যে, আমি তোমাদিগকে ক্রীড়ার ভাবে  
সৃষ্টি করিয়াছি, এবং ইহা ( মনে করিয়াছ ) যে, আমার দিকে তোমরা ফিরিয়া আসিবে  
না” † ? ১১৫। পরিশেষে পরমেশ্বর সমুন্নত, সত্য অধিপতি ; তিনি ব্যতীত ঈশ্বর  
নাই, তিনি মহাম্বর্গের প্রতিপালক। ১১৬। এবং যে ব্যক্তি এই পরমেশ্বরের সঙ্গে  
অন্য উপাস্ত্রকে আহ্বান করে, তৎসমক্ষে তাহার কোন প্রমাণ নাই, অনন্তর তাহার  
প্রতিপালকের নিকটে তাহার গণনা ( হিসাব, ) এতদ্বিন্ন নহে ; নিশ্চয় ধর্ম্মদেবিগণ উদ্ধার  
পাইবে না। ১১৭। তুমি বল, ( হে মোহম্মদ, ) “হে আমার প্রতিপালক, ক্ষমা কর ও  
দয়া কর, তুমি শ্রেষ্ঠ দয়ালু”। ১১৮। ( র, ৬, আ, ২৬ )

\* ধর্ম্মবিরোধী লোকেরা ঔদাসীন্য ও ছরাশাবশতঃ বলিত যে, আমরা পৃথিবীতে ত্রিকাল অবস্থান  
করিব, কখনও পরলোক প্রাপ্ত হইব না। তৎপর ঈশ্বর বা দেবগণ ত্রিরক্ষণ করিয়া জিজ্ঞাসা করিবেন  
যে, তোমরা পৃথিবীতে ও কবরে কত বৎসর স্থিতি করিয়াছিলে ? তাহাতে তাহারা চির নরকবাস ও  
অগ্নিদাহের ভয়ে অস্থির হওতঃ সময় বিস্মৃত হইয়া বলিবে, এক দিন বা তদপেক্ষা অল্প সময় ছিলাম ;  
আমরা বিশেষ জানি না, যে সকল দেবতা জীবন ও নিঃশ্বাস গণনা করেন, তুমি তাহাদিগকে জিজ্ঞাসা  
কর। ( ত, হো, )

† অর্থাৎ সদস্য কর্ম্মের বিনিময় গ্রহণ করিবার জন্য তোমাদিগকে আমার নিকটে ফিরিয়া আসিতে  
হইবে। আমি তোমাদিগকে সাধন ভজনের জন্য সৃষ্টি করিয়াছি ও তোমাদের আচরণের ফল নির্ধারণ  
করিয়াছি ; এস্থলে যে কাব্য ঈশ্বর হইতে দূরে রাখিয়া সংসারে লিপ্ত রাখে, তাহাই ক্রীড়া। ঈশ্বর  
মনুষ্টকে সেই ক্রীড়াতে লিপ্ত থাকিবার জন্য সৃষ্টি করেন নাই ও তাহা করিতে আজ্ঞা করেন নাই।  
শেখ আবুবেকর ওয়াস্তি এই আয়ত পড়িতে পড়িতে বলিয়াছিলেন যে, “ঈশ্বর মনুষ্টকে ক্রীড়ার জন্য  
সৃষ্টি করেন নাই, বরং তিনি ইচ্ছা করিয়াছেন, যেন তাহাদিগের দ্বারা তাঁহার অস্তিত্ব উজ্জ্বলরূপে প্রকাশ  
পায় ; তাহারা তাঁহার সৃষ্টিকে অতিক্রম করিয়া তাঁহার গুণ ও মহিমার প্রতি দৃষ্টি স্থাপন করে”। উক্ত হইয়াছে  
যে, আমি তোমাদিগকে ক্রীড়ার জন্য সৃষ্টি করি নাই, বরং মোহম্মদীয় জ্যোতি প্রকাশের জন্য সৃজন  
করিয়াছি। আদিকালেই নির্ধারিত ছিল যে, সেই উজ্জ্বল মণি মানবজাতিরূপ শুক্তিকোষ হইতে  
বাহির হইবে, উহাই মূল এবং তোমরা তাহার অংশস্বরূপ। বহরোল্হকায়েকে উক্ত হইয়াছে যে, ঈশ্বর  
বলিয়াছেন, “হে মানবগণ, আমি তোমাদিগকে এজন্ত সৃজন করিয়াছি যে, আমাতে তোমরা  
লাভবান হইবে ; এজন্ত সৃজন করি নাই যে, তোমাদিগের দ্বারা আমি লাভবান হইব।” ( ত, হো, )

## সূরা নূর \*

.....

### চতুবিংশ অধ্যায়

.....

#### ৬৪ আয়ত, ৯ রকু

( দাতা দয়ালু পরমেশ্বরের নামে প্রবৃত্ত হইতেছি । )

এই এক সূরা যে, ইহাকে আমি অবতারণ করিয়াছি ও ইহাকে বৈধ করিয়াছি, এবং ইহার মধ্যে উজ্জ্বল নিদর্শন সকল অবতারণ করিয়াছি ; সম্ভবতঃ তোমরা উপদেশ গ্রহণ করিবে । ১ । ব্যভিচারী ও ব্যভিচারিণী হইলে পর তাহাদের প্রত্যেককে তোমরা এক শত কষাঘাত করিও ; যদি তোমরা ঈশ্বর ও পারলৌকিক দিবসের প্রতি বিশ্বাসী হও, তবে ঈশ্বরিক ধর্মে তাহাদিগের প্রতি তোমাদিগকে অনুগ্রহ আশ্রয় না করুক, এবং তাহাদিগের শাস্তিদানে বিশ্বাসীদিগের এক দল উপস্থিত থাকুক † । ২ । ব্যভিচারী পুরুষ ব্যভিচারিণী বা অংশিবাদিনী নারীকে ব্যতীত বিবাহ করিবে না, এবং ব্যভিচারিণী নারী ব্যভিচারী বা অংশিবাদী পুরুষকে ব্যতীত বিবাহ করিবে না ; বিশ্বাসীদিগের সম্বন্ধে ইহা অবৈধ করা গিয়াছে । ৩ । এবং যাহারা সাক্ষী নারীর প্রতি অপবাদ দান করে, তৎপর চারি জন জন সাক্ষী আনয়ন করে না, অনন্তর তাহাদিগকে তোমরা অশীতি কষাঘাত করিও, এবং কখনও ( কোন বিষয়ে ) তাহাদিগের সাক্ষ্য গ্রহণ করিও না ; ইহারাই তাহারা, যে দুষ্ক্রিয়ালীল ‡ । ৪ । + কিন্তু যাহারা ইহার পরে প্রত্যাবর্তিত হইয়াছে ও সংকর্ষ

\* এই সূরা মদিনাতে অবতীর্ণ হইয়াছে ।

† ব্যভিচারের শাস্তিদান-কালে বিশ্বাসীদিগের এক দল উপস্থিত থাকার বিধি এই জন্ত হইয়াছে যে, লজ্জা ও অপমানবশতঃ পুনর্ব্বার সেই দুষ্কর্ম্ম করিতে কাহারও সাহস হইবে না । এমাম মালেক ও এমাম শাফির মতে ব্যভিচারের অনুন্ চারি জন সাক্ষীর প্রয়োজন ; অন্ত এমামদের মতে এক জন, কেহ কেহ দশ জন আবশ্যিক বোধ করিয়াছেন । ( ত, হো, )

‡ এই আয়ত অবতীর্ণ হওয়ার পর অদির পুত্র আসেম হজরতকে বলিয়াছিলেন যে, “হে প্রেরিত মহাপুরুষ, মনে করুন, আমাদের কোন এক জন আপন স্ত্রীকে পর পুরুষের সঙ্গে বাস করিতে দেখিতে পাইল ; এদিকে সে সাক্ষীর অন্বেষণে প্রবৃত্ত হইল, এবং সেই পুরুষ কুপ্রবৃত্তি চরিতার্থ করিয়া চলিয়া গেল । সাক্ষী ব্যতিরেকে অশী বেত্রাঘাত তাহাকে লাভ করিতে হইবে ও অপবাদের ভাগী হইতে হইবে, কোন স্থানে তাহার সাক্ষ্য প্রমাণিত হইবে না, এমত অবস্থায় কেমন হইবে ?” তখন হজরত বলিলেন, “আসেম, ঈশ্বর এক্ষণ এইরূপই আজ্ঞা করিতেছেন” । অতঃপর আসেম চলিয়া গেলেন ।

করিয়াছে, তাহারা নয় ; অনন্তর নিশ্চয় ঈশ্বর ক্ষমাশীল ও দয়াময় । ৫ । এবং যাহারা আপন ভাৰ্গ্যাদিগকে অপবাদ দেয় ও তাহাদিগের জন্ত আপন জীবন ভিন্ন সাক্ষী নাই, তবে তাহাদিগের এক জনের সাক্ষ্যদান ঈশ্বরের শপথ যোগে চারি বার হইবে ; ( তাহা হইলে, ) নিশ্চয় সে সত্যবাদীদিগের অন্তর্গত । ৬ । এবং পঞ্চম বার ( বলিবে, ) “যদি সে মিথ্যাবাদী হয়, তবে ঈশ্বরের অভিসম্পাত তাহার উপর হউক” \* । ৭ । এবং যদি ঈশ্বরের শপথপূর্বক চারি বার ( স্ত্রী ) এই সাক্ষ্যদান করে যে, নিশ্চয় সে ( স্বামী ) মিথ্যাবাদীদিগের অন্তর্গত, তবে তাহা হইতে ( স্ত্রী হইতে ) শাস্তি নিবৃত্ত রাখিবে । ৮ । + এবং পঞ্চম বার বলিবে যে, যদি সে ( স্বামী ) সত্যবাদীদিগের অন্তর্গত, তবে তাহার ( স্ত্রীর ) উপর যেন ঈশ্বরের ক্রোধ হয় ৭ । ৯ । এবং যদি ঈশ্বরের প্রসাদ ও তাঁহার দয়া তোমাদের উপর না হইত, ( কেমন হইত ; ) নিশ্চয় ঈশ্বর অন্যতাপগ্রহণকারী বিজ্ঞানময় । ১০ । ( র, ১, আ, ১০ )

নিশ্চয় যাহারা ( আয়শার সম্বন্ধে ) অপবাদ উপস্থিত করিয়াছে, তাহারা তোমাদের এক দল ; তাহা আপনাদের নিমিত্ত তোমরা অকল্যাণ মনে করিও না, বরং তোমাদের জন্ত তাহা কল্যাণ ; ( অপবাদ দ্বারা ) তাহারা যে পাপ উপার্জন করিয়াছে, তাহা

পথে স্বীয় ভ্রাতৃপুত্র অভিমরের সঙ্গে তাঁহার সাক্ষাৎ হয়, সে তাঁহাকে বলে, “আমি সম্হারের পুত্র শরিফকে আমার ভাৰ্গ্যা খতিলার সঙ্গে শয়ন করিতে দেখিয়াছি।” আসেম এই কথা শুনিয়া দুঃখিত হইয়া বলিলেন যে, “হায় ! যাহা জিজ্ঞাসা করিয়াছিলাম, তাহাই ঘটিল।” অনন্তর তিনি ফিরিয়া গিয়া হজরতকে এ বিষয় জানাইলেন। তখন হজরত খতিলাকে নিকটে ডাকিয়া বিবরণ জিজ্ঞাসা করেন, সে অস্বীকার করে। এতদুপলক্ষে পরবর্তী আয়ত অবতীর্ণ হয়। ( ত, হো, )

\* স্বামী স্ত্রীকে লক্ষ্য করিয়া চারি বার বলিবে যে, ঈশ্বরের নামে শপথ করিয়া বলিতেছি যে, আমি এ স্ত্রীর সম্বন্ধে যে অপবাদ দিয়াছি, তাহা সত্য ; পঞ্চম বারে বলিবে, যদি আমি এ বিষয়ে এই স্ত্রীকে মিথ্যা দোষে দোষী করিয়া থাকি, তবে আমার প্রতি ঈশ্বরের অভিসম্পাত হউক। এই কথা বলা হইলে স্বামী নির্দোষী হইয়া কশাঘাত হইতে মুক্ত হইবে। এমাম আবু হনিফার বিধি অনুসারে স্ত্রী বর্জন হইবে, এবং এমাম শাকির মতে স্বামীর প্রতি শাস্তির বিধি রহিত হইয়া ব্যভিচারের বিহিত শাস্তি স্ত্রীকে ভোগ করিতে হইবে ; এবং পঞ্চম উক্তি অনুসারে স্বামী শপথ না করিলে, এমাম শাফি ও আবু হনিফার মতে তাহার কারাবাস বিধি। ( ত, হো, )

+ অর্থাৎ যদি স্ত্রী স্বামীকে লক্ষ্য করিয়া ঈশ্বরের নামে শপথপূর্বক চারি বার বলে যে, এ ব্যক্তি আমার উপর যে অপবাদ দিতেছে, তাহা সত্য নয়, এ মিথ্যা কহিতেছে ; এবং পঞ্চম বার যদি বলে, এ ব্যক্তি সত্য বলিয়া থাকিলে আমার প্রতি ঈশ্বরের ক্রোধ হউক। তাহা হইলে সে শাস্তি হইতে মুক্তি লাভ করিবে। হজরত দ্বিতীয় নমাজের পর অভিমর ও খতিলাকে ডাকিয়াছিলেন, উল্লিখিত মতে স্বামী স্ত্রী উভয়েই সাক্ষ্য দান করিয়াছিল। অভিশাপ ও ক্রোধের উক্তির সময়ে হজরত “আমিন” বলিয়াছিলেন ও উপাসকমণ্ডলীও তাঁহার সঙ্গে যোগ দিয়াছিলেন। কতিপয় তক্ষিরকারক অভিমর স্থানে আমিরার পুত্র হেলনের নাম উল্লেখ করিয়াছেন। ( ত, হো, )

তাহাদের প্রত্যেক ব্যক্তির জন্ম ; এবং তাহাদিগের যে ব্যক্তি উহাকে গুরুতররূপে পরিণত করিয়াছে, তাহার জন্ম মহাশাস্তি আছে \*। ১১। যখন তোমরা তাহা শ্রবণ করিয়াছিলে, তখন ( তোমাদের ) বিশ্বাসী পুরুষ ও বিশ্বাসিনী নারীগণ আপনাদের জীবনসম্বন্ধে কেন কল্যাণ মনে করিতেছিল না ? এবং কেন বলিতেছিল না যে, ইহা স্পষ্ট

\* একদা হজরত মোহম্মদের সহধর্মিণী সতী আয়শার চরিত্রের বিরুদ্ধে কলঙ্ক রটনা হইয়াছিল, তদুপলক্ষে এই আয়ত অবতীর্ণ হয়। সেই অপবাদের সজ্জিগু বিবরণ এই,—মদিনায় প্রস্থানের পক্ষম বৎসরে মরিসিব যুদ্ধ সংঘটিত হয়, সেই যুদ্ধশাস্ত্রকালে সাদী আয়শা শিবিকারোহণে হজরতের সঙ্গে গিয়াছিলেন। কোন স্থলে আবশ্যিকমতে তিনি শিবিকা হইতে অবতরণ করেন; তথায় অনবধানতাবশতঃ তাঁহার হার হারাইয়া যায়। তিনি ইতস্ততঃ সেই হারের অনুসন্ধান করিতে করিতে কিঞ্চিৎ দূরে চলিয়া যান, এজন্য কিছু বিলম্ব হইয়া পড়ে। এ দিকে শিবিকাবাহকগণ প্রস্থান করে। আয়শা কিয়ৎক্ষণ অন্তর পূর্বস্থানে প্রত্যাগমন করিয়া কাহাকেও দেখিতে পান না। তখন তিনি সেখানে শিবিকাবাহকদিগের প্রতীক্ষা করিতে থাকেন। ইতিমধ্যে মাতেলের পুত্র সফওয়ান, যে হজরতের আজ্ঞাক্রমে সৈন্যবৃন্দের পশ্চাতে আসিতেছিল, তথায় উপস্থিত হয়, এবং সে আয়শাকে দেখিতে পাইয়া আপন উষ্ট্রে আরোহণ করাইয়া শিবিরে লইয়া যায়। তখন আবুর পুত্র আবদোল্লা আয়শাকে সফওয়ানের উষ্ট্রোপরি দর্শন করিয়া তাঁহার চরিত্রসম্বন্ধে অতি জঘন্য কথা বলে। যখন সকলে মদিনাতে উপনীত হইলেন, তখন এই সংবাদ হজরতের কর্ণগোচর হইল। আয়শা পীড়িত ছিলেন, এই বাপারের কোন তত্ত্ব রাগিতেন না; কিন্তু হজরত তাহার প্রতি অনাদর প্রকাশ করিতেছেন, বুঝিতে পারিলেন। সেই সময়ে তিনি অনুমতি গ্রহণ করিয়া পিত্রালয়ে চলিয়া যান, তথায় সবিশেষ অবগত হন। তাহাতে তাঁহার পীড়াবৃদ্ধি হয়, তিনি দিবারাত্রি ক্রন্দন করিতে থাকেন। এদিকে হজরত স্বীয় ধর্মপত্নী আয়শার চরিত্রের অনুসন্ধান মনোযোগী হইয়া আপন ধর্ম-বন্ধুবর্গ ও প্রধান প্রধান বিশ্বাসী লোকদিগকে সবিশেষ জিজ্ঞাসা করেন। সকলেই তাঁহার সচরিত্রতা বিষয়ে দৃঢ়তা সহকারে সাক্ষ্যদান করিতে থাকেন। তৎপর একদিন হজরত আপন স্বস্তুর আবুবেকর সেদিকের গৃহে উপস্থিত হইয়া আয়শাকে ক্রন্দন বিলাপের অবস্থায় দেখিতে পান। তখন হজরত বলেন, “আয়শা, পাপ করিয়া থাকিলে ঈশ্বরের শরণাপন্ন হও ও ক্ষমা প্রার্থনা কর।” হজরতের কথার উত্তর দান করিতে আয়শা জনক জননীকে অনুরোধ করেন। তাঁহারা তদ্বিষয়ে মনোযোগ করেন নাই। পরে অগত্যা তিনিই সভয় অন্তরে বলিলেন যে, “শক্রগণ ইহা রটনা করিয়াছে, আমি যাহা বলি, কেহ বিশ্বাস করে না। ইয়ুসোফের পিতা ইয়কুব যেমন বলিয়াছেন, ‘বৈর্যধারণ করিতেছি, দেখি, প্রভুর করুণা কি কার্য করে।’ আমিও ইহাই বলিতেছি।” ইতিমধ্যে হজরত প্রত্যাদিষ্ট হইলেন। “নিশ্চয় যাহারা অপবাদ উপস্থিত করিয়াছে” এই আয়ত অবতীর্ণ হইল। অপবাদেরটনাকারী পাঁচ জন ছিল, যথা, কপট লোকদিগের অগ্রণী আবদোল্লা, রাফার পুত্র জয়দ, সাবেতের পুত্র হসান ও আবুবেকর সেদিকের মাতৃধর্মার পুত্র মস্তহ এবং হজরতের কন্যা হমিয়ত। “তাহা ( মিথ্যাদোষারোপকে ) আপনাদের নিমিত্ত তোমরা অকল্যাণ মনে করিও না” প্রেরিতপুরুষ ও আয়শা এবং সফওয়ানের প্রতি এই উক্তি। কেন না, এইরূপ দোষারোপ করাতেই কতকগুলি স্বর্গীয় আয়ত তোমাদের সম্বন্ধে প্রকাশ পাইল, সর্ব্বাপেক্ষা তোমাদের গৌরব হইল, তোমরা প্রচুর পুরস্কার পাইবে, এবং মিথ্যাবাদীরা আপনাদের পাপের সমুচিত প্রতিকূল লাভ করিবে।

( ত, হো, )

মিথ্যাবাদ \* ? ১২। চারি জন সাক্ষী তৎপ্রতি কেন আনয়ন করে নাই? অনস্তর যখন সাক্ষীগণ উপস্থিত করে নাই, তখন ঈশ্বরের নিকটে ইহারা তাহারাই যে মিথ্যাবাদী। ১৩। এবং যদি তোমাদের প্রতি ঈশ্বরের প্রসাদ ও ইহপরলোকে তাঁহার দয়া না থাকিত, তবে যে বিষয়ে তোমরা প্রবৃত্ত হইয়াছ, তাহাতে অবশ্য মহাশাস্তি তোমাদের নিকট উপস্থিত হইত। ১৪। যখন তোমরা আপনাদের রসনায় তাহা উচ্চারণ করিতেছিলে এবং যৎসম্বন্ধে তোমাদের জ্ঞান নাই, তাহা আপন মুখে বলিতেছিলে ও তাহা নহুৎ মনে করিতেছিলে; কিন্তু তাহা ঈশ্বরের নিকটে গুরুতর ছিল। ১৫। এবং যখন তোমরা তাহা শ্রবণ করিতেছিলে, তখন কেন বলিতেছিলে না, “আমরা যে ইহা বলিব, আমাদের জ্ঞান (উচিত) নয়; (ঈশ্বর,) তোমারই পবিত্রতা, (স্মরণ করিতেছি,) ইহা মহা অপলাপ”। ১৬। ঈশ্বর তোমাংগিকে উপদেশ দিতেছেন যে, যদি তোমরা বিশ্বাসী হও, তবে কখনও এই প্রকার আর করিও না। ১৭। এবং ঈশ্বর তোমাদের জ্ঞান আয়ত সকল ব্যক্ত করিতেছেন, ঈশ্বর জ্ঞানময় কৌশলময়। ১৮। বিশ্বাসীদিগের প্রতি যাহারা কুৎসা রটনা করিতে ভালবাসে, নিশ্চয় তাহাদের জ্ঞান ইহপরলোকে দুঃখজনক শাস্তি আছে; এবং ঈশ্বর জ্ঞাত হইতেছেন ও তোমরা অবগত নও। ১৯। যদি তোমাদের প্রতি ঈশ্বরের প্রসাদ ও তাঁহার দয়া না থাকিত, (কেমন হইত;) এবং নিশ্চয় ঈশ্বর দয়ালু অনুগ্রহকারী। ২০। (র, ২, আ, ১০)

হে বিশ্বাসীগণ, তোমরা শয়তানের পদানুসরণ করিও না, এবং যে ব্যক্তি শয়তানের

\* অর্থাৎ আয়শ' ও সফওয়ানসম্বন্ধীয় অপবাদ শ্রবণ করিয়া মিথ্যা মনে করা বিশ্বাসীদিগের উচিত ছিল। (ত, হো,)

\* অর্থাৎ শাস্তিদানে বিলম্ব করা বিধেয়। যদি ঈশ্বরের দয়া ও প্রসন্নতা না থাকিত, তাহা হইলে তোমরা বিনাশ প্রাপ্ত হইতে; অথবা যদি পরমেশ্বর অনুগ্রহ করিয়া কক্রিয়ায় নিষেধ ও তাহার প্রতিবন্ধকতা করিতে প্রবৃত্ত না থাকিতেন, তবে তোমাদের বংশ উচ্ছিন্ন হইয়া যাইত; কিংবা যদি ঈশ্বর দয়া করিয়া তোমাদের অনুতাপ গ্রাহ্য না করিতেন, তবে তোমরা নিরাশার প্রান্তরে ভ্রাম্যমাণ হইতে। অতএব তিনি তোমাংগিকে অনুতাপের উদ্দীপনে সাহায্য দান করিয়া আশার প্রশস্ত ভূমিতে আহ্বান করিয়াছেন। (ত, হো,)

‡ কথিত আছে যে, আবু আয়ুব আনসারীর স্ত্রী তাহাকে বলিয়াছিল, “শুনিয়াছি, লোকে আয়শার সম্বন্ধে কি সকল কথা কহিতেছে?” তাহাতে আবু আয়ুব বলিয়াছিল, “শুনিয়াছি, উহা মিথ্যা; ভাল, তুমি নিজের সম্বন্ধে এরূপ করিতে সম্মত আছ কি?” সে বলিল, “ঈশ্বরের শপথ, কখনও না।” তখন আবু আয়ুব বলিল, “আয়শা তোনা অপেক্ষা গ্রেষ্ঠা নারী, পরম স্বর্গীয় বার্তাবাহকের সহধর্মিণী, তাহাছারা এরূপ কাণ্ড হইল, তুমি কেমন করিয়া গুক্তিযুক্ত মনে করিতেছ? ইহা যে ভয়ানক মিথ্যা কথা।” তাহাতেই এই আয়ত অবতীর্ণ হয়। কোর্-আনকে মিথ্যা বলা, প্রেরিতপুরুষের পরিবার-সম্বন্ধে অপবাদ রটনা করা, প্রেরিতপুরুষকে লনু মনে করা, এই সকল পাপের গুরুতর শাস্তি বিহিত হইয়াছে। (ত, হো,)



পদের অনুসরণ করে, পরে নিশ্চয় সে তাহাকে নির্লজ্জ ও অবৈধ কার্যে আদেশ করিয়া থাকে ; এবং যদি তোমাদের প্রতি ঈশ্বরের প্রসাদ ও তাঁহার দয়া না থাকিত, তবে কখনও তোমাদের মধ্যে কেহ পবিত্র হইত না। কিন্তু ঈশ্বর যাহাকে ইচ্ছা হয়, পবিত্র করিয়া থাকেন, এবং ঈশ্বর শ্রোতা ও জ্ঞাতা। ২১। এবং তোমাদিগের মধ্যে গৌরবান্বিত ও ক্ষমতাবান লোক যেন স্বগণ ও দরিদ্র এবং ঈশ্বরের পথে গৃহত্যাগী লোকদিগকে দান করিতে শপথ না করে, এবং যেন ক্ষমা করে ও দোষ পরিহার করে ; তোমরা কি ভালবাস না যে, ঈশ্বর তোমাদিগকে ক্ষমা করেন ? এবং ঈশ্বর ক্ষমাশীল দয়ালু \*। ২২। নিশ্চয় যাহারা ( দুষ্কর্ম ) অবিজ্ঞাতা, বিশ্বাসিনী, সাধ্বী নারীদিগের প্রতি অপবাদ দেয়, ইহ পরলোকে তাহারা অভিশপ্ত হয়, এবং তাহাদের জন্ত মহাশাস্তি আছে। ২৩।+ যে দিবস তাহাদিগের সম্বন্ধে তাহাদিগের জিহ্বা ও তাহাদিগের হস্ত এবং তাহাদিগের চরণ সকল, তাহারা যাহা করিতেছিল, তদ্বিষয়ে সাক্ষ্য দান করিবে। ২৪। সেই দিবস পরমেশ্বর তাহাদিগকে তাহাদিগের বিনিময় পূর্ণরূপে প্রদান করিবেন, এবং তাহারা জানিবে যে, নিশ্চয় ঈশ্বর ( স্বরূপতঃ ) স্পষ্ট সত্য। ২৫। অসতী নারীগণ অসৎ পুরুষদিগের ও অসৎ পুরুষগণ অসতী নারীদিগের ( উপযুক্ত, ) এবং সতী নারীগণ সৎপুরুষদিগের ও সৎপুরুষগণ সতী নারীদিগের ( যোগ্য ; ) তাহারা যাহা বলিয়া থাকে, তাহা হইতে ইহারা বিমুক্ত, ইহাদের জন্ত ক্ষমা ও উত্তম উপজীবিকা আছে †। ২৬। ( র, ৩, আ, ৬ )

হে বিশ্বাসিগণ, তোমরা আপন গৃহ ব্যতীত ( অন্ত ) গৃহে যে পণ্যস্তু তাহার স্বামীর নিকটে অনুমতি প্রার্থনা ও সেলাম ( না ) কর, প্রবেশ করিও না ; ইহা তোমাদের জন্ত কল্যাণ, সম্ভবতঃ তোমরা উপদেশ লাভ করিবে ‡। ২৭। পরন্তু যদি তন্মধ্যে কাহাকেও প্রাপ্ত না হও, তবে যে পণ্যস্তু ( না ) তোমাদিগকে অনুমতি করে, তোমরা তাহাতে

\* “দান করিতে শপথ না করে” অর্থাৎ দান করিব না বলিয়া শপথ না করে। যদি তোমরা ইচ্ছা কর যে, ঈশ্বর আমাদের পাপ ক্ষমা করুন, তবে তোমরাও অস্ত্রের দোষ উপেক্ষা করিও। ( ত, হো, )

† আব্বাসের পুত্র বলিয়াছেন যে, কোন প্রেরিতপুরুষের সহধর্মিণী দুষ্করিত্রা হন নাই, ঈশ্বর তাঁহাদিগের সতীত্ব রক্ষা করিয়া থাকেন। ( ত, কা, )

‡ কথিত আছে যে, একদা একটি আন্সারী স্ত্রী হজরতের নিকটে যাইয়া নিবেদন করিয়াছিল যে, “আমরা আপন আপন গৃহে এক ভাবে থাকি, সেই অবস্থায় কেহ আমাদের দর্শন করে, এরূপ ইচ্ছা করি না। কখন কখন হঠাৎ কেহ আমাদের গৃহে আসিয়া উপস্থিত হয়, এবং যে অবস্থায় আমাদের দর্শন করে, সে দেখিয়া যায়।” তাহাতেই ঈশ্বর এই আয়ত প্রেরণ করেন। কোন ব্যক্তি আপন আত্মীয় স্বগণের নিকটে আসিলে, প্রথমতঃ কোন বাক্য বা পদধ্বনি দ্বারা বা অস্ত্র কোন উপায়ে তাহাকে সংবাদ দিবে। তাহা হইলে গৃহস্থামী আপন পরিধেয় বস্ত্রাদি সঞ্চয় ও লজ্জাজনক ব্যাপার নিবারণে অগ্রসর হইতে পারিবে। ( ত, হো, )

প্রবেশ করিও না, এবং যদি তোমাদিগকে বলা হয় যে, ফিরিয়া যাও, তবে ফিরিয়া যাইও ; তাহা তোমাদের জন্ত বিশুদ্ধতর, এবং তোমরা যাহা করিয়া থাক, ঈশ্বর তাহার জ্ঞাতা। ২৮। বসতিবিহীন আবাস সকলে প্রবেশ করিতে তোমাদের সপক্ষে দোষ নাই, তথায় তোমাদের জন্ত লাভ আছে ; এবং যাহা তোমরা প্রকাশ কর ও যাহা গোপন করিয়া থাক, ঈশ্বর তাহা জানেন \*। ২৯। বিশ্বাসী পুরুষদিগকে, ( হে মোহম্মদ, ) তুমি বল, যেন তাহারা স্ব স্ব দৃষ্টি বদ্ধ করে, স্ব স্ব গুহোদ্ভ্রিয় সকলকে সংযত রাখে, ইহা তাহাদের জন্ত বিশুদ্ধতর ; তোমরা যাহা করিয়া থাক, নিশ্চয় ঈশ্বর তাহার তত্ত্বজ্ঞ ণ। ৩০। এবং বিশ্বাসিনী নারীদিগকে বল, যেন তাহারা স্ব স্ব দৃষ্টি সকলকে বদ্ধ করে ও স্ব স্ব গুহোদ্ভ্রিয় সকলকে সংযত রাখে ও স্ব স্ব ভূষণ যাহা তাহা হইতে ব্যক্ত হইয়া থাকে, তদ্ব্যতীত প্রকাশ না করে এবং যেন তাহার আপন কণ্ঠদেশে স্বীয় বস্ত্রাঞ্চল বুলাইয়া রাখে ; আপন স্বামী বা আপন পিতা বা আপন শ্বশুর বা আপন পুত্র ( এবং পৌত্র ) বা আপন স্বামীর পুত্র ( সপত্নীজাত পুত্র ) বা আপন ভ্রাতা বা আপন ভ্রাতৃপুত্র বা আপন ভাগিনেয় বা আপন ( ধর্মাবলম্বিনী ) নারীগণ বা তাহাদের দক্ষিণ হস্ত যাহাদের উপর স্বত্ন লাভ করিয়াছে, সেই ( দাসীগণ ) বা নিষ্কাম অনুগামী পুরুষগণ এই সকলের ও যাহারা নারীগণের লজ্জাজনক ইন্দ্রিয়সম্বন্ধে জ্ঞান রাখে না, সেই শিশুদিগের নির্মিত ভিন্ন তাহারা আপন আভরণ যেন প্রকাশ না করে ; এবং তাহারা যেন আপন শব্দায়মান ( ভূষণযুক্ত ) চরণ বিক্ষিপ না করে, তাহা করিলে তাহারা আপন ভূষণ যাহা গোপন করিয়া থাকে, ( লোকে ) তাহা জানিতে পাইবে। এবং হে বিশ্বাসিগণ, তোমরা একযোগে ঈশ্বরের দিকে ফিরিয়া আইস, সম্ভবতঃ তোমরা মুক্ত হইবে †। ৩১। এবং আপন ( দলের )

\* অষ্টবিংশ আয়ত অবতীর্ণ হইলে আবুবেকর সেদিক হজরতকে জিজ্ঞাসা করিয়াছিলেন, “প্রেরিতপুরুষ, শাম ও এরাকের পথে বণিকদিগকে পাছনিবাসে আশ্রয় গ্রহণ করিতে হয়, তথায় কেহ না থাকিলে কাহার নিকটে তাহারা অমুমতি প্রার্থনা করিবে ?” তাহাতেই এই আয়তের অবতরণ হয়। ( ত, হো, )

† মানবদেহে শয়তানের দ্রুতগামী পদাতিক চক্ষু, বেহেতু অস্বাভাবিক ইন্দ্রিয় স্ব স্ব স্থানে স্থিতি করে, কোন বিষয় আপনাদের মধ্যে প্রাপ্ত না হইলে তাহারা তাহার ভোগে প্রবৃত্ত হয় না। কিন্তু চক্ষু একরূপ এক ইন্দ্রিয় যে, দূর ও নিকটের পাপ বিপদকে টানিয়া আনে। এজন্য অবস্থাবিশেষে নয়ন অবরুদ্ধ করিবার বিধি হইয়াছে। মহাত্মা শব্‌লি বলিয়াছেন যে, শিরশ্চক্ষুকে অবৈধ দর্শন-সম্বন্ধে এবং অন্ত্ৰচক্ষুকে ঈশ্বরের পদার্থের আলোচনা সম্বন্ধে অবরুদ্ধ কর। ( ত, হো, )

‡ কার্য্য করিবার সময় এ সকল বসন ভূষণ ব্যক্ত হইয়া থাকে, যথা— অঙ্গুরীয়, বসনাঞ্চল, চক্কের কজ্জল, করতলের রঞ্জনদ্রব্য ( খেজাব ), এ সমুদায় ব্যতীত অস্ত্র ভূষণ নারীগণ লোকের নিকটে প্রকাশ করিবেন না। কেহ কেহ বলেন, এস্থলে ভূষণ অর্থে ভূষণস্থান। “যেন তাহার আপন কণ্ঠদেশে স্বীয় বস্ত্রাঞ্চল বুলাইয়া রাখে” অর্থাৎ স্ত্রীগণ উত্তরীয় বস্ত্রবিশেষ মস্তক হইতে কণ্ঠের উপর বুলাইয়া রাখিবে, তাহাতে তাহাদের কেশপাশ, কর্ণমূল, গ্রীবা ও বক্ষোদেশ আচ্ছাদিত

ভর্ষহীন নারীদিগকে এবং আপন উপযুক্ত দাসদিগকে ও আপন দাসীদিগকে তোমরা বিবাহ দিও ; তাহারা নিধন হইলে ঈশ্বর স্বীয় কৃপায় তাহাদিগকে সম্পন্ন করিবেন, এবং ঈশ্বর উদার দাতা জ্ঞানময়। ৩২। যাহারা বৈবাহিক ( সম্পত্তি ) প্রাপ্ত হয় নাই, যে পর্যন্ত ( না ) ঈশ্বর আপন করণায় তাহাদিগকে ধনসম্পন্ন করেন, সে পর্যন্ত যেন তাহারা বিশুদ্ধ থাকে ; তোমাদের দক্ষিণ হস্ত যাহাদিগকে অধিকার করিয়াছে, তাহাদের যাহারা মুক্তিপত্র প্রার্থনা করে, অনন্তর তোমরা যদি তাহাদের সম্বন্ধে ভাল বুঝ, তবে তাহাদিগকে তাহা লিখিয়া দেও, এবং ঈশ্বরের ধন হইতে যাহা তিনি তোমাদিগকে দিয়াছেন, তোমরা তাহাদিগকে দান করিও। যদি নিবৃত্তি চাহে, তবে আপন দাসীদিগের প্রতি দুষ্ক্রিয়ায় বলপ্রয়োগ করিও না যে, তদ্বারা তোমরা পার্থিব সম্পত্তি অন্বেষণ করিবে ; যে ব্যক্তি তাহাদের প্রতি বলপ্রয়োগ করে, অবশেষে নিশ্চয় ঈশ্বর বলপ্রয়োগের পর ( তাহাদের প্রতি ) ক্ষমাশীল দয়ালু হন \*। ৩৩। এবং সত্যসত্যই আমি তোমাদের

ধাকিবে। যে সকল স্বর্ণ পুরুষের নিকটে ভূষণস্থান প্রকাশ করিবার বিধি হইল, তাহাদের সঙ্গে বিবাহের বিধি নাই। সহ স্তম্ভপারী ভ্রাতার সম্বন্ধেও এই ব্যবস্থা। পিতৃবা ও মাতৃস্বপতি ভ্রাতার স্থলে গণ্য। স্থলান্তরে তাহাদিগকেও ভূষণস্থান প্রদর্শন নিষিদ্ধ হইয়াছে; যেহেতু তাহারা আপন আপন পুত্রের নিকটে তাহার বর্ণনা করিতে, মোসলমান মহিলাদিগের ভূষণস্থান প্রকাশ করিবে। ইস্যায়ী, ইহুদী ও খৃষ্টিয়ান এবং পৌত্তলিক নারীগণের নিকটে উহা প্রকাশ করিবে না, তাহারা পরপুরুষ-তুল্য। গোপনীয় ভূষণস্থান তাহাদিগকে প্রদর্শন করা মোসলমান নারীদিগের পক্ষে উচিত নহে। তখন মোসলমান ও কাফেরদের মধ্যে সম্ভাব জন্মিয়াছিল। অধাশ্বিকা নারীর সঙ্গে ধাশ্বিকা মহিলাদিগের মিলন না হওয়াই শ্রেয়ঃ। কেহ কেহ বলেন যে, কোন শ্রেণীর স্ত্রীলোকের নিকটে মোসলমান নারীগণ ভূষণস্থান গুপ্ত রাখিবেন না, এইরূপ বিধি। অকাম পুরুষ ভূতাগণ, যাহারা খাড়াদির অনুরোধে অন্তঃপুরে গমনাগমন করে, যুবতী নারী দর্শন করিয়া যাদের মনে কুভাবের উদয় হয় না, অর্থাৎ যাহারা বৃদ্ধ বা বিকারহীন নির্যাতন ভৃত্য, তাহাদিগকে নারীগণ ভূষণস্থান প্রদর্শন করিতে পারেন। যে সকল শিশু বালক স্ত্রী-সংসর্গের কোন তত্ত্ব রাখে না, তাহাদিগকেও দেখাইতে পারেন। মহিলাদিগের চলিবার সময় চরণভূষণের ধ্বনি যেন পুরুষের কর্ণগত না হয়, তাহা হইলে তাহাদের কুপ্রবৃত্তির উদ্বেক হওয়া সম্ভব। ( ত, হো, )

\* “তোমাদের দক্ষিণ হস্ত যাহাদিগকে অধিকার করিয়াছে” ইত্যাদি অর্থাৎ তোমাদের ক্রীতদাস-দাসীগণ দাসত্ব হইতে মুক্তি আকাঙ্ক্ষা করিলে, তোমরা তাহাদের সম্বন্ধে যদি ভাল বুঝ, তবে মুক্তিপত্র লিখিয়া দিতে পার, এবং মুক্তিপত্রে লিখিত নির্দিষ্ট মূল্যের কিছু তাহাদিগকে ক্ষমা করিতে পার। সোলমান কারসীর নিকটে এক দাস মুক্তিপত্র চাছিল, সোলমান জিজ্ঞাসা করিয়াছিলেন, “তুমি কিছু সম্পত্তি রাখ কি ?” সে বলিল, “না ;” তিনি পুনর্বার জিজ্ঞাসা করিলেন, “অর্থ-সাহায্য করিতে পারে, তোমার এমন কেহ আছেন ?” সে বলিল, “না”। তাহাতে সোলমান মুক্তিপত্র লিখিয়া দিতে অসম্মত হন। একশত টাকায় মরসকে খতিতব মুক্তিপত্র লিখিয়া দিয়াছিলেন, এই আয়ত শ্রবণের পর বিশ টাকা তাহাকে দান করিয়াছিলেন। এমাম শাফি ও এমাম আহমদ বলেন যে, লিপির নির্ধারিত অর্থ হইতে কিছু দান করিতে হইবে। এমাম আহমদ চতুর্থাংশ ধন নিরূপণ করেন। ইত্যাদি ভিন্ন ভিন্ন

প্রতি উজ্জ্বল নিদর্শন সকল ও তোমাদের পূর্বে যাহারা গত হইয়াছে, তাহাদের দৃষ্টান্ত এবং ধর্মভীরু লোকদিগের জ্ঞান উপদেশ অবতারণ করিয়াছি। ৩৪। ( র, ৪, আ, ৮ )

পরমেশ্বর দু্যলোক ও ভুলোকের জ্যোতি ( দাতা ; ) তাঁহার জ্যোতির উপমা, যথা, ( গৃহে ) দীপ-সংরক্ষণীয় তাক আছে, তন্মধ্যে দীপ আছে, সেই দীপ কাচাধারে, সেই কাচাধার উজ্জ্বল নক্ষত্রতুল্য ; কল্যাণযুক্ত জয়তুন তরুর তৈল-যোগে প্রজ্বলিত হইয়া থাকে, তাহা পূর্ব ও পশ্চিম দেশীয় নহে, তাহার তৈল, যদিচ তাহাকে অগ্নি স্পর্শ না করে, (তথাপি স্বতঃ) জ্যোতির্দানে সমুদ্যত হয়, জ্যোতির উপর জ্যোতি হয়। যাহাকে ইচ্ছা করেন, ঈশ্বর আপন জ্যোতি দ্বারা পথ প্রদর্শন করিয়া থাকেন, এবং ঈশ্বর মানব-মণ্ডলীর জ্ঞান দৃষ্টান্ত সকল বর্ণন করেন, ঈশ্বর সকল বিষয়ে জ্ঞানী \*। ৩৫।+ যে সকল আলয়ের প্রতি ঈশ্বর আদেশ করিয়াছেন যে, ( তাহাকে ) উন্নত করা হয়, এবং তন্মধ্যে তাঁহার নামোচ্চারণ করা হয় ; † যাহাদিগকে বাণিজ্য ও ক্রয় বিক্রয় ঈশ্বর প্রসঙ্গ হইতে ও

এমামের মতভেদ আছে। আবুসলুলের পুত্র অবদোল্লা যে কপট লোকদিগের অগ্রণী ছিল, তাহার পরমা স্ত্রী ছয় জন দাসী ছিল। সে তাহাদের প্রতি বলপ্রয়োগ করিত এবং ছাড়িয়া দিবার উদ্দেশে তাহাদিগ হইতে কিছু কিছু গ্রহণ করিত। মাজা ও মসিকা নামী দুইটি দাসী পরস্পর বলিয়াছিল যে, "যে কার্য আমরা করিয়া থাকি, যদি তাহা ভাল হয়, তবে আমরা তাহা অনেক করিয়াছি ; যদি মন্দ হয়, তবে সময় উপস্থিত যে, তাহা আমরা পরিত্যাগ করিব।" এই বলিয়া তাহারা হজরতের নিকটে উপস্থিত হইয়া সবিশেষ জ্ঞাপন করে, তাহাতেই এই আয়ত অবতীর্ণ হয়। দাসী দুষ্ক্রিয় অসম্মত হইলে, তাহার উপার্জিত অর্থ বা তাহার সম্ভান বিক্রয় করিয়া সেই অর্থ গৃহস্থামী গ্রহণ করিত ( ত, হো, )

\* নানা টীকাকার ও গ্রন্থকার এই আয়তের বিস্তারিতরূপে নানা প্রকার ব্যাখ্যা করিয়াছেন। এস্থলে সংক্ষেপে কিছু বিবৃত হইতেছে। দীপ ঈশ্বরতত্ত্ব, উহা ঈশ্বরপরায়ণ লোকের অন্তররূপ কাচাধারে স্থিত, সাধুর বক্ষঃস্থল দীপসংরক্ষণীয় তাক, হজরত মোহম্মদের বিদ্যমানতা জয়তুনতরুরূপ। তিনি পূর্বদেশে বা পশ্চিম দেশে জন্মগ্রহণ করেন নাই, মক্কাভূমিজাত, মক্কা পৃথিবীর মধ্যস্থল। পুণ্যভূমি শামদেশের পার্বত্য প্রদেশে জয়তুন তরু উৎপন্ন হয়, অল্প কোথাও নহে। সেই বৃক্ষে সাত জন পেগাম্বরের শুভাশীর্বাদ পড়িয়াছে, তাহাতেই তাহাকে কল্যাণযুক্ত বলা হইয়াছে। সেই জয়তুন-ফলের নির্ধাস অগ্নির স্পর্শ না হইতেই জ্বলিয়া উঠে ; হজরত মোহম্মদ জয়তুন, তাঁহার শিক্ষা তৈলস্বরূপ। সেই শিক্ষায় তত্ত্বপরায়ণ লোকদিগের অন্তরে তত্ত্বরূপ দীপ জ্বলিয়া উঠে। অল্প জ্যোতির সাহায্য বাতীত স্বতঃ সেই শিক্ষারূপ তৈল সাধুদিগের অন্তররূপ কাচাধারে জ্বলিয়া উঠে। হজরত মোহম্মদের প্রেম ও এব্রাহিমের প্রেম এই দুই জ্যোতির পর জ্যোতি। ( ত, হো, )

+ এস্থলে আলয় সকল ঈশ্বরের মন্দির, উহা চারিটি মন্দির। ( ১ ) মহা মন্দির কাবা, ইহা মহাপুরুষ এব্রাহিমের যত্নে ও এন্সায়িলের সাহায্যে নির্মিত হইয়াছে। ( ২ ) জেরুজেলমের মন্দির, দাউদ তাহার ভিত্তি স্থাপন ও সোলয়মান তাহার নির্মাণ পূর্ণ করেন। ( ৩ ) মদিনার মস্জিদ, ( ৪ ) কাবা মস্জিদ, এই দুই হজরত মোহম্মদের ইঙ্গিতক্রমে নির্মিত হইয়াছে। এই সকল মন্দিরে ঈশ্বরের উপাসনাদি হইয়া থাকে। এ সমস্তকে উন্নত বর্দ্ধিত ও সংস্কৃত করা আবশ্যিক। কেহ কেহ বলেন, এখানে আলয় অর্থে, প্রেরিতপুরুষদিগের আলয়, মদিনার আবাস কিম্বা তপস্শাকুটির সকল বুঝাইবে। ( ত, হো, )



উপাসনার প্রতিষ্ঠা এবং জকাত দান হইতে শিথিল করে না ও যাহাতে অন্তর সকল, দৃষ্টি সকল বিক্ষিপ্ত হইবে, যাহারা সেই দিনকে ভয় করে, সেই পুরুষগণ প্রাতঃ সন্ধ্যা তথায় তাঁহাকে স্তব করিয়া থাকে । ৩৬। + ৩৭। + তাহাতে তাহারা যে, অত্যন্তম কাজ করিয়াছে, ঈশ্বর তাহার পুরস্কার দিবেন ও তিনি আপন করুণায় তাহাদিগকে অধিক দিবেন ; এবং ঈশ্বর যাহাকে ইচ্ছা করেন, তাহাকে অগণ্য জীবিকা দান করিয়া থাকেন । ৩৮ । এবং যাহারা ধর্মদ্বেষী হইয়াছে, তাহাদের কর্ম সকল প্রান্তরের সেই মৃগতৃষ্ণার ঞায়, পিপাসু যাহাকে জল মনে করে ; এ পর্য্যন্ত যখন সে তাহার নিকটে উপস্থিত হয়, তাহাকে কোন পদার্থরূপে প্রাপ্ত হয় না, এবং ঈশ্বরকে আপনার নিকটে (শান্তিদাতৃরূপে) প্রাপ্ত হয় । অনন্তর ঈশ্বর তাহার হিসাব ( বিচার ) পূর্ণ করেন, এবং ঈশ্বর হিসাবে সত্তর \* । ৩৯ । + অথবা তাহার অবস্থা যেন গভীর সমুদ্রে তিমিররাশি, তরঙ্গের উপর তরঙ্গ তাহাকে গ্রাস করিতেছে, তাহার উপর মেঘ, অন্ধকারপুঞ্জ পরস্পর এক অন্নের উপর, যখন সে আপন হস্ত বাহির করে, তাহা যে দেখিবে, এমন স্বেযোগ নাই ; যাহাকে ঈশ্বর আলোক দান করেন নাই, সে সেই ব্যক্তি, অনন্তর তাহার জন্ত কোন আলোক নাই । ৪০ । ( র, ৫, আ, ৬ )

তুমি কি দেখ নাই যে, ছ্যালোকে ও ভুলোকে যে কেহ আছে সে, এবং প্রসারিতপক্ষ পক্ষী ঈশ্বরকে স্তব করিয়া থাকে ? সকলে একান্তই তাঁহার উপাসনা ও তাঁহার স্তুতি জ্ঞাত আছে, এবং তাহারা যাহা করিতে থাকে, ঈশ্বর তাহার জ্ঞাতা । ৪১ । এবং ছ্যালোকের ও ভুলোকের রাজহ ঈশ্বরের ও তাঁহার দিকে ( সকলের ) পুনর্গমন । ৪২ । তুমি কি দেখ নাই যে, ঈশ্বর বারিবাহকে সঞ্চালিত করেন, তৎপর তাহার ভিতরে স্তর সকল ( পরস্পর ) সম্মিলিত করেন, তদনন্তর স্তরে স্তরে স্থাপিত করেন ? অনন্তর তুমি দেখিয়া থাক যে, তাহার ভিতর হইতে জলবিন্দু সকল নির্গত হয়, এবং তিনি আকাশ হইতে, যন্মধ্যে করকা আছে, সেই ( মেঘরূপ ) পর্কত সকল হইতে ( করকা ) বর্ষণ করেন ; অনন্তর যাহাকে ইচ্ছা করেন, তাহার প্রতি উহা পঁছছাইয়া থাকেন, এবং যাহাকে ইচ্ছা করেন, তাহা হইতে নিবৃত্ত রাখেন, এবং উহার বিদ্যুতের জ্যোতি দৃষ্টি সকল হরণ করিতে উদ্যত হয় † । ৪৩ । + ঈশ্বর দিবা রজনীর পরিবর্তন করেন, নিশ্চয় ইহাতে চক্ষুয়ান্ লোকদিগের জন্ত শিক্ষা আছে । ৪৪ । এবং ঈশ্বর সমুদায় স্থলচরকে ( শুক্ররূপ ) জল দ্বারা সৃষ্টি করিয়াছেন, অনন্তর তাহাদের কেহ বক্ষোযোগে গমন করে, এবং তাহাদের

\* মধ্যাহ্নকালে বালুকাময় বিস্তীর্ণ সমতল ক্ষেত্র সূর্য্য-কিরণে দূর হইতে তরঙ্গায়িত জলরাশির আকারে তৃষ্ণার্ত পথিকদিগকে যে দৃষ্টিলম্ব জন্মায়, তাহাকে মৃগতৃষ্ণা বলে । ( ভ, হো, )

† ভূতলে যেমন পাষণময় পর্কত সকল আছে, তদ্রূপ আকাশে করকাময় পর্কতাকার মেঘ সকল আছে, তাহা হইতে ঈশ্বর করকা বর্ষণ করেন । তিনি যে উদ্যান ও শস্তক্ষেত্রাদির প্রতি ইচ্ছা হয়, করকা লইয়া যান, এবং যে উদ্যানাদির প্রতি ইচ্ছা হয়, তাহা হইতে নিবৃত্ত রাখেন । ( ভ, হো, )



কেহ পদদ্বয়যোগে বিচরণ করে ও তাহাদের কেহ চতুষ্পদে চলিয়া থাকে ; ঈশ্বর যাহা ইচ্ছা করেন, সৃষ্টি করিয়া থাকেন, নিশ্চয় ঈশ্বর সর্বোপরি ক্ষমতাশালী । ৪৫ । সত্য সত্যই আমি উজ্জ্বল নিদর্শন সকল অবতারণ করিয়াছি, এবং ঈশ্বর যাহাকে ইচ্ছা করেন, তাহাকে সরল পথের দিকে আলোক দান করিয়া থাকেন । ৪৬ । এবং তাহারা বলে যে, “আমরা পরমেশ্বর ও প্রেরিতপুরুষের প্রতি বিশ্বাস স্থাপন করিয়াছি, এবং অন্তগত হইয়াছি” ; অনন্তর তাহাদের একদল ইহার পরে বিমুখ হয়, এবং তাহারা বিশ্বাসী নহে \* । ৪৭ । এবং যখন ঈশ্বর ও তাঁহার প্রেরিতপুরুষের দিকে তাহারা আহৃত হয়, যেন তিনি তাহাদের মধ্যে আজ্ঞা প্রচার করেন, তখন অকস্মাৎ তাহাদের একদল বিমুখ হয় । ৪৮ । এবং যদি স্বত্ব তাহাদের হয়, তবে তাহারা তাহার ( প্রেরিতপুরুষের ) দিকে অন্তগতভাবে উপস্থিত হইয়া থাকে । ৪৯ । তাহাদের অন্তরে কি রোগ আছে, বা তাহারা সন্দেহ করিয়া থাকে, অথবা তাহারা ভয় পায় যে, ঈশ্বর ও তাঁহার প্রেরিতপুরুষ তাহাদের প্রতি অত্যাচার করিবেন ? বরং ইহারাই তাহারা যে অত্যাচারী । ৫০ । ( র, ৬, আ, ১০ )

যখন বিশ্বাসিগণ ঈশ্বর ও তাঁহার প্রেরিত পুরুষের নিকটে আহৃত হয়, যেন তিনি তাহাদের মধ্যে আজ্ঞা প্রচার করেন, তখন তাহারা বলে, “শ্রবণ করিলাম ও আজ্ঞাবহ হইলাম,” বিশ্বাসীদিগের বাক্য এতদ্ভিন্ন হয় না ; ইহারাই তাহারা, যে মুক্তিলাভকারী । ৫১ । এবং যে ব্যক্তি ঈশ্বরের ও তাহার প্রেরিতপুরুষের আজ্ঞাকারী হয়, এবং ঈশ্বরকে ভয় করে ও তাঁহার ( শাস্তিবিষয়ে ) সাবধান হয়, অনন্তর ইহারাই তাহারা, যে সিদ্ধকাম হইবে † । ৫২ । এবং তাহারা আপনাদের দৃঢ় শপথে ঈশ্বরের নামে শপথ করিয়াছে যে, যদি তুমি তাহাদিগকে আদেশ কর, তবে অবশ্য তাহারা ( স্বদেশ হইতে ) বহির্গত হইবে ; তুমি বল, “তোমরা শপথ করিও না, আনুগত্যই মনোনীত হয়, তোমরা যাহা করিয়া থাক, নিশ্চয় ঈশ্বর তাহার তত্ত্বজ্ঞ” । ৫৩ । তুমি বল, ( হে মোহম্মদ, ) “তোমরা

\* ভূমি ও জলাশয় লইয়া মহাত্মা আলির সঙ্গে ওয়ামিলের পুত্র মঘয়রার বিরোধ উপস্থিত হইয়াছিল । আলি চাহিলেন, তাহাকে হজরত মোহম্মদের নিকটে লইয়া যান, এবিষয়ে বিচার প্রার্থী হন । মঘয়রা বলিল, “তিনি তোমার পক্ষেই বিচার নিষ্পত্তি করিবেন, যেহেতু তুমি তাঁহার পিতৃব্যপুত্র ।” কিন্তু সে জানিত, আলিরই স্বত্ব এবং হজরত সত্য বিচার করিবেন । তাহাতে ঈশ্বর এই আয়ত্ত প্রেরণ করেন যে, কপট লোকেরা মুখে বিশ্বাস ও আনুগত্য স্বীকার করে, এদিকে ঈশ্বর ও প্রেরিতপুরুষের আজ্ঞাকে অগ্রাহ করে ইত্যাদি । ( ত, হো, )

+ এক জন বাদশা এমন একটি আয়ত্তের প্রার্থনা করিয়াছিলেন যে, তদনুসারে কার্য করিলেই যথেষ্ট হইবে, অন্য আয়ত্তের আবশ্যক হইবে না । তদানীন্তন পণ্ডিতগণ এ বিষয়ে এই আয়ত্তে ঐক্য হন । যেহেতু লোকের সুখ শান্তি প্রেরিতপুরুষের ও ঈশ্বরের আনুগত্য ও ঈশ্বরভয় ব্যতীত অসম্ভব

( ত, হো, )

ঈশ্বরের অমুগত থাক ও তাঁহার প্রেরিতপুরুষের অমুগত থাক” ; পরে যদি তোমরা, ( হে লোক সকল, ) বিমুগ হও, তবে তাহার প্রতি যে ভার অর্পিত ও তোমাদের প্রতি যে ভার অর্পিত হইয়াছে, এতদ্বিষয় নহে, \* এবং যদি তোমরা তাহার আজ্ঞাকারী হও, তবে পথ প্রাপ্ত হইবে ; প্রেরিতপুরুষের প্রতি স্পষ্ট প্রচার করার ( ভার ) বৈ নহে । ৫৪ । ঈশ্বর অঙ্গীকার করিয়াছেন যে, তোমাদের মধ্যে যাহারা বিশ্বাস স্থাপন ও সংকল্প সকল করিয়াছে, ভূতলে তিনি তাহাদিগকে অবশ্য রাজ্যাধিপতি করিবেন, যেমন তাহাদের পূর্বে যাহারা ছিল, তাহাদিগকে রাজ্যাধিপতি করিয়াছেন ; এবং তিনি অবশ্য তাহাদের জগৎ তাহাদের ধর্মকে, যাহা তাহাদের নিমিত্ত মনোনীত হইয়াছে, দৃঢ় করিবেন, এবং অবশ্য তাহাদের ভয়ের পরে তাহাদিগকে অভয়ে পরিবর্তিত করিবেন । তাহারা আমাকে অর্চনা করিবে, এবং আমার সঙ্গে কিছুই অংশী স্থাপন করিবে না, এবং যাহারা ইহার পরে ধর্মদেবী হইবে, অনস্তর তাহারা ইহার, যে দুষ্ক্রিয়ালীল । ৫৫ । এবং তোমরা উপাসনাকে প্রতিষ্ঠিত রাখ ও জকাত দান কর, এবং প্রেরিতপুরুষের অমুগত থাক ; সম্ভবতঃ তোমাদের প্রতি দয়া করা হইবে । ৫৬ । তোমরা মনে করিও না যে, পৃথিবীতে ধর্মদ্রোহিগণ ( ঈশ্বরের ) পরাভবকারী, অগ্নি তাহাদের আশ্রয়ভূমি, এবং ( তাহা ) কুৎসিত প্রত্যাবর্তন-ভূমি । ৫৭ । ( র, ৭, আ, ৭, )

হে বিশ্বাসিগণ, তোমাদিগের দক্ষিণ হস্ত যাহাদিগকে অধিকার করিয়াছে, ( সেই দাস দাসীগণ ) ও তোমাদের মধ্যে যাহারা বয়ঃপ্রাপ্ত হয় নাই, তাহারা প্রাভাতিক নমাজের পূর্বে এবং মধ্যাহ্নে, যখন তোমরা স্বীয় বস্ত্র সকল উন্মোচন কর, তখন ও নৈশিক উপাসনার অন্তে ( গৃহে প্রবেশে ) যেন তিন বার অমুমতি প্রার্থনা করে, তোমাদের জগৎ এ তিনটি নির্জ্ঞনতা হয় ; ইহার পর ( আসিলে ) তাহাদের প্রতি ও তোমাদের প্রতি কোন দোষ নাই, তাহারা তোমাদের পরস্পর পরস্পরের নিকট গমনাগমনকারী । এই প্রকার পরমেশ্বরের তোমাদের জগৎ আয়ত সকল বর্ণনা করেন, এবং ঈশ্বর জ্ঞানময় কোশলময় \* । ৫৮ । এবং যখন তোমাদের বালকগণ বয়ঃপ্রাপ্ত হয়, তখন উচিত যে,

\* “তাহার প্রতি যে ভার অর্পিত ও তোমাদের প্রতি যে ভার অর্পিত হইয়াছে” অর্থাৎ প্রেরিত পুরুষের প্রতি যে স্তম্ভ-প্রচারের ভার ও তোমাদের প্রতি যে তাহা মাগ্ন করার ভার অর্পিত আছে । ( ত. হো, )

+ প্রেরিতপুরুষ মোহম্মদ মধ্যাহ্নকালে মদলজ নামক এক জন দাসকে স্বীয় প্রচারবস্ত্র ও মর ফারুককে ডাকিতে পাঠান । মদলজ সংবাদ না দিয়া ফারুকের গৃহে প্রবেশ করে । তখন তিনি নিদ্রিত ছিলেন, তাঁহার কোন কোন অঙ্গ হইতে আচ্ছাদন দূরীভূত হইয়াছিল । কেহ বলেন যে, তিনি নিদ্রিত ছিলেন না, আপন সহধর্মিণীসহ আমোদ আচ্ছাদন করিতেছিলেন । মদলজের আগমনে তাঁহার মনে অতিশয় লজ্জার সঞ্চার হয় । তখন তিনি বলিয়া উঠেন, ঈদৃশ সময় আমাদের পিতা ও সম্বন্ধান ও স্বজন ও কিছুর বিনা অমুমতিতে আমাদের গৃহে উপস্থিত না হয়, ঈশ্বর যদি এইরূপ আদেশ করিতেন, কেমন ভাল হইতে ; তাহা হইলে গোপনীয় ব্যাপার সকল তাহারা জানিতে পারিত

তাহারা, তাহাদের পূর্ববর্তী লোকেরা যেমন অনুমতি প্রার্থনা করিত, (তদনুরূপ) অনুমতি প্রার্থনা করে ; এই প্রকার পরমেশ্বর তোমাদের জন্ত আপন আয়ত সকল বর্ণন করেন, ঈশ্বর জ্ঞানময় কৌশলময় । ৫৯ । গৃহবাসিনী নারীদিগের যাহারা (বৃদ্ধ-প্রযুক্ত) বিবাহার্থিনী নহে, তখন আভরণ প্রকাশ না করার অবস্থায় আপন ( বাহ্যিক ) বসন পরিত্যাগ করিলে তাহাদের সম্বন্ধে দোষ নাই এবং যদি আত্মসংবরণের প্রার্থিনী হয়, (আপনাদিগকে আচ্ছাদিত করে,) তবে তাহাদের জন্ত মঙ্গল ; এবং ঈশ্বর শ্রোতা ও জ্ঞাতা \* । ৬০ । যদি তোমরা আপন আলয়ের বা আপন পিত্রালয়ের বা স্বীয় মাতৃগৃহের বা স্বীয় ভ্রাতৃভবনের বা স্বীয় স্বশ্বনিলয়ের বা স্বীয় পিতৃব্যগৃহের বা পিতৃব্যপত্নীর গৃহের বা স্বীয় মাতৃষশ্বপতির নিকতনের বা আপন মাতৃষশ্বগৃহের অথবা যাহার ( ধনাগারের ) কুঞ্জিকা তোমার হস্তগত করিয়াছ তাহাদের, কিংবা আপন বন্ধুদিগের ( ভবনের খাণ্ড ) ভোজন কর, তাহাতে তোমাদের নিজের সম্বন্ধে কোন দোষ নাই; অন্ধের প্রতি কোন দোষ নাই, খঞ্জের প্রতি কোন দোষ নাই, রোগীর প্রতি কোন দোষ নাই, যদি তোমরা একযোগে বা পৃথক্ ভাবে ভোজন কর, তাহাতে তোমাদের প্রতি কোন দোষ নাই । যখন তোমরা গৃহে প্রবেশ করিবে, তখন স্বজাতির প্রতি ঈশ্বরসম্মিধানের বিশুদ্ধ কল্যাণযুক্ত মঙ্গলাশীর্বাদসূচক সেলাম করিবে ; এই প্রকার পরমেশ্বর তোমাদের জন্ত নিদর্শন সকল বর্ণনা করেন, সম্ভবতঃ তোমরা বুঝিতে পারিবে † । ৬১ । ( র, ৮, আ, ৪ )

না । ইহার পরই তিনি প্রেরিতপুরুষের নিকটে উপস্থিত হন । তখন এই আয়ত অবতীর্ণ হয় । প্রাভাতিক নমাজের পূর্বে অনুমতি প্রার্থনা করার উদ্দেশ্য এই যে, সেই সময়ে গৃহস্থ শয্যা হইতে গাত্রোথান করিয়া রাত্রিবাস-বস্ত্রের পরিবর্তে সামাজিক বসন পরিধান করে, এবং মধ্যাহ্নকালে বস্ত্র ত্যাগ করা হইয়া থাকে, আর এক বার নৈশিক নমাজের পর শয়নের পূর্বে নির্জ্জনতার বস্ত্র ব্যবহৃত হয় । এই তিন সময়ে অনুমতি ব্যতীত কোন গৃহস্থের গৃহে প্রবেশ করা নিষেধ । ( ত, হো, )

\* এস্থলে বাহ্যিক বসন চাদর ও শিরোবাস ; বর্ষায়সী মহিলাগণ ইচ্ছা করিলে তাহা দ্বারা গাঁবা ও মস্তক আবৃত না করিতে পারেন । কেহ কলঙ্কারোপ করিবে না, শুদ্ধতা রক্ষা পাইবে, এই উদ্দেশ্যে যদি উহা পরিধান করেন, তাহাতে বরং কল্যাণ হইবে । ( ত, হো, )

† হজরতের স্ত্রী ধর্মবন্ধুগণ অন্ধ ও রুগ্ন ব্যক্তিদিগের সঙ্গে একত্র ভোজন করিতেন না, অথবা বিকলাঙ্গ অস্থূল লোক সকল স্ত্রী ব্যক্তিদিগের সঙ্গে এক পাত্রে ভোজনে নিবৃত্ত থাকিত । তাহারা ভয় করিত বা পাছে তাহাদের সংসর্গে স্ত্রী লোকের বিরক্তির কারণ হয় । হজরতের কোন কোন বন্ধু যখন বিদেশে যাত্রা করিতেন, তখন তাহারা গৃহের ও ভাণ্ডারের কুঞ্জিকা সকল বিপদগ্রস্ত দরিদ্র লোকদিগের হস্তে অর্পণ করিয়া যাইতেন ; অভাবমতে সেই দুঃখী বিপন্নগণ তাহাদের ভাণ্ডার হইতে খাণ্ড সামগ্রী গ্রহণ করিবে, এই উদ্দেশ্যেই তাহারা একরূপ আচরণ করিতেন । সচরাচর সেই সকল দুঃখী লোক, গৃহস্থামীর সম্পত্তি নাই মনে করিয়া, তদগ্রহণে বিরত থাকিত । কিংবা যদি আপন পিতৃ-মাতৃগৃহে বা নিকট সম্পর্কীয় আত্মীয় স্বজনের আলয়ে রুটিকা প্রস্তুত করিয়া তাহাদিগকে নিমন্ত্রণ করিত, তাহাও তাহারা গ্রহণ করিত না । এই আয়ত এতদুপলক্ষে আবির্ভূত হয় । সত্য বন্ধুর

যাহারা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে, তাহারা বিশ্বাসী, এতদ্বিষয় নহে ; এবং যখন তাহারা তাঁহার ( প্রেরিতপুরুষের ) সঙ্গে কোন কার্যসংগ্রহসাধনে স্থিতি করে, যে পর্য্যন্ত তাঁহার নিকটে অনুমতি চাওয়া ( না ) হয়, চলিয়া যায় না ; নিশ্চয় যাহারা তোমার নিকটে, ( হে মোহাম্মদ, ) অনুমতি প্রার্থনা করে, ইহারাই তাহারা, যে ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে । অনন্তর যখন তাহারা আপনাদের কোন কার্যের নিমিত্ত তোমার নিকটে অনুমতির প্রার্থী হয়, তখন তাহাদের যাহাকে ইচ্ছা কর, তুমি অনুমতি দান করিও, এবং তাহাদের জন্ত ঈশ্বরের নিকটে ক্ষমা প্রার্থনা করিও, নিশ্চয় ঈশ্বর ক্ষমাশীল ও দয়ালু \* । ৬২ । তোমাদের মধ্যে প্রেরিতপুরুষের প্রার্থনা তোমাদের পরম্পরের প্রার্থনার অনুরূপ গণ্য করিও না, † নিশ্চয় তোমাদের যাহারা আশ্রয় গ্রহণের নিমিত্ত হঠাৎ বাহির হইয়াছে, ঈশ্বর তাহাদিগকে জানেন ; অতএব যাহারা তাঁহার আজ্ঞার বিরুদ্ধাচরণ করে, তাহাদিগের প্রতি যে বিপদ উপস্থিত হইবে, অথবা তাহাদিগকে যে দুঃখজনক শাস্তি আশ্রয় করিবে, উচিত যে, তাহারা তাহা হইতে ভীত হয় । ৬৩ । জানিও, স্বর্গে ও মর্ত্যে যে কিছু আছে, তাহা নিশ্চয় ঈশ্বরের ; তোমরা যাহাতে ( প্রবৃত্ত ) আছ, একান্তই তিনি তাহা জানেন, এবং যে দিবস তাহারা তাঁহার নিকটে ফিরিয়া আসিবে, তাহারা যাহা করিয়াছে, তখন তিনি তাহাদিগকে সংবাদ দিবেন । ঈশ্বর সর্বজ্ঞ । ৬৪ । ( র, ৯, আ, ৩ )

গৃহ হইতে কোন দ্রব্য তাহার অগোচরে গ্রহণ করিলে তাহার বিরক্তি না হইয়া বরং আফ্লাদ হইয়া থাকে । একদা তপস্বী ফতেহ মওসলি এক জন বন্ধুর দ্বারে উপস্থিত হন, বন্ধু গৃহে ছিলেন না । মওসলি বন্ধুর মুদ্রাধার তাঁহার দাসীর নিকটে চাহিয়া লইলেন, এবং দুইটি মুদ্রা গ্রহণ করিয়া অবশিষ্ট দাসীর হস্তে সমর্পণ করিলেন । গৃহস্থামী গৃহে আসিয়া ইহা শ্রবণপূর্বক মহা আফ্লাদিত হন, এবং দাসীকে পুরস্কার দান করিয়া দাসীত্ব হইতে মুক্তি প্রদান করেন । এ স্থলে উক্ত হইয়াছে, অন্ধ, খঞ্জ, প্রভৃতি লোকের সঙ্গে এক পাত্রে ভোজনে দোষ নাই । ওমরের পুত্র বনিলয়সের সম্বন্ধে একরূপ কথিত আছে যে, তিনি একাকী ভোজন করিতেন না, ভোজ্যপাত্র স্থাপন করিয়া সমুদায় দিন ও রজনীর তৃতীয়াংশ পর্য্যন্ত অতিথির প্রতীক্ষা করিতেন, কাহাকেও না পাইলে অগত্যা একাকী কিছু খাইতেন । অপিচ এক দল আনসারী বিশেষ কষ্ট স্বীকার করিতেন, তাঁহারা অভ্যাগত না পাইলে অন্ন গ্রহণ করিতেন না । পুনশ্চ একরূপ এক সম্প্রদায় ছিল যে, দলবদ্ধভাবে ভোজন করিত না । ইহাদের অবস্থাবর্ণনেও এই আয়তের অবতারণা হইয়া থাকিবে । ( ত, হো, )

\* তবুকের সংগ্রাম উপস্থিত হইলে কতকগুলি কপট লোক যুদ্ধ হইতে নিবৃত্ত থাকিবার ছলে হজরতের নিকটে অনুমতি প্রার্থনা করিয়াছিল ; তাহাদের সম্বন্ধে এই আয়ত অবতীর্ণ হয় । ( ত, হো, )

+ প্রেরিতপুরুষের প্রার্থনা ও তোমাদের প্রার্থনা তুল্য নহে । তাঁহার প্রার্থনা একান্তই ঈশ্বর কর্তৃক গৃহীত হয় । অথবা এস্থলে যে শব্দের অর্থ প্রার্থনা লিখিত হইল, তাহার অস্তিত্ব অর্থ আহ্বান

## সূরা ফোরকাণ \*

.....

### পঞ্চবিংশ অধ্যায়

.....

### ৭৭ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি )

যিনি আপন দাসের প্রতি কোর্-আন্ অবতারণ করিয়াছেন, যেন জগদ্বাসীদিগের জ্ঞান ভয়প্রদর্শক হয়, তিনি বহু গৌরবান্বিত ১।+ তিনিই যাহার স্বর্গলোক ও ভূলোকের রাজত্ব, এবং তিনি কোন সন্তান গ্রহণ করেন নাই ও রাজত্বে তাঁহার কোন অংশী নাই, এবং তিনি সমস্ত পদার্থ সৃজন করিয়াছেন, অনন্তর তাহা পরিমাণে পরিমিত করিয়াছেন। ২। এবং তাহারা তাঁহাকে ব্যতীত (এমন) ঈশ্বরদিগকে গ্রহণ করিয়াছে যে, যাহারা কিছুই সৃষ্টি করে নাই, তাহারা সৃষ্ট হয়, এবং তাহারা আপনাদের জীবনসম্বন্ধে ক্ষতি ও বৃদ্ধি করিতে সমর্থ নহে ও জীবন ও মৃত্যু এবং পুনরুত্থানের সম্বন্ধে ক্ষমতা রাখে না। ৩। ধর্মবিদ্বেষ্টগণ বলিয়াছে যে, “ইহা অপলাপ ভিন্ন নহে, সে তাহা রচনা করিয়াছে, এবং অহুদল তদ্বিষয়ে তাহাকে সাহায্য দান করিয়াছে ;” অনন্তর একান্তই তাহারা অত্যাচার ও মিথ্যা আনয়ন করিয়াছে ৪। ৪। এবং তাহারা বলিয়াছে, (এই কোর্-আন্) পুরাতন উপন্যাসাবলী, সে ইহা লিখাইয়া লইয়াছে, পরে ইহা তাহার নিকটে প্রাতঃসন্ধ্যা পঠিত হয় ৫। ৫। তুমি বল, (হে মোহম্মদ,) যিনি স্বর্গ মর্ত্যের নিগূঢ় তত্ত্ব জ্ঞাত আছেন,

(ডাকা) যথা;—তোমাদের আহ্বান ও প্রেরিতপুরুষের আহ্বান তুল্য নহে। তাঁহার আহ্বানকে অবজ্ঞা করিয়া বিনা অনুমতিতে যাহারা চলিয়া যায়, তাহাদের গুরুতর অপরাধ।

\* এই সূরা মক্কাতে অবতীর্ণ হইয়াছে।

+ অর্থাৎ তাহারা পরস্পর একরূপ বলে যে, জরার ও ইয়সার প্রভৃতি কতকগুলি রোমদেশীয় লোক প্রাচীন উপাখ্যান সকল মোহম্মদের নিকট পাঠ করে ও সে তাহা আরব্য ভাষায় আমাদিগের নিকট ব্যক্ত করিয়া থাকে, ইহাকেই সে কোর্-আন্ বলে। এইরূপ মিথ্যাবাদী লোকেরাই অত্যাচারী।  
(ত, হো,)

‡ কাকের লোকেরা বলে যে, কোর্-আন্ মিথ্যা। উহা কতকগুলি লোকের সাহায্যে রচিত হইতেছে, মোহম্মদ নিজে লিখিতে জানে না, অল্প লোকদ্বারা লিখাইয়া লয়, এবং উহা প্রাতঃসন্ধ্যা তাহার নিকটে পঠিত হয়, তাহাতে সে মুখস্থ করিয়া লোকের নিকটে পাঠ করে।  
(ত, হো,)



তিনিই ইহা অবতারণ করিয়াছেন, নিশ্চয় তিনি ক্রমাশীল ও দয়ালু। ৬। এবং তাহারা বলিয়াছে, “এই প্রেরিতপুরুষ কেমন যে অন্ন ভোজন করে ও বিপণীতে বিচরণ করিয়া থাকে, তাহার নিকট কেন দেবতা অবতারিত হয় নাই? তাহা হইলে সে তাহার সঙ্গে ভয়-প্রদর্শক হইত। ৭।+ অথবা তাহার প্রতি ধনরাশি নিক্ষিপ্ত কিংবা তাহার জন্ত উত্তান যে উহার (ফল) ভক্ষণ করিবে” (কেন হয় নাই?) এবং অত্যাচারী লোকেরা বলিয়াছে যে, “তোমরা ইন্দ্রজালগ্রস্ত পুরুষের অনুসরণ বৈ করিতেছ না”। ৮। তুমি দেখ, তোমার জন্ত কেমন দৃষ্টান্ত সকল তাহারা প্রয়োগ করিয়াছে, অনন্তর তাহারা পথভ্রাস্ত হইয়াছে, অবশেষে তাহারা কোন পথ পাইতে পারিবে না। ৯। (র, ১, আ, ৯)

যিনি ইচ্ছা করিলে ইহা অপেক্ষা উত্তম উত্তান সকল তোমাকে দান করিবেন, যাহাদের নিম্নে পয়ঃপ্রণালী সকল প্রবাহিত হয়, এবং তোমাকে প্রাসাদ সকল দান করিবেন, তিনি গৌরবান্বিত \*। ১০। বরং তাহারা কেয়ামতসম্বন্ধে অসত্যারোপ করিয়াছে; যে ব্যক্তি কেয়ামতসম্বন্ধে অসত্যারোপ করে, আমি তাহার জন্ত নরক প্রস্তুত রাখিয়াছি। ১১। যখন (নরক) দূরদেশ হইতে তাহাদিগকে দেখিবে, তখন তাহারা তাহার গর্জন ও কোপনিবাদের শ্রবণ করিবে। ১২। যখন তাহারা বদ্ধভাবে তাহা হইতে সঙ্কীর্ণ-ভূমিতে নিক্ষিপ্ত হইবে, তখন তথায় মৃত্যুকে ডাকিবে †। ১৩। (আমি বলিব যে,) “অন্ত তোমরা এক মৃত্যুকে আহ্বান করিও না, বহু মৃত্যুকে আহ্বান কর”। ১৪। তুমি জিজ্ঞাসা করিও, (হে মোহম্মদ,) “ইহা কি উত্তম? না, নিত্য স্বর্গধাম, যাহা ধর্মভীরুদিগের প্রতি অঙ্গীকার করা হইয়াছে, (উত্তম?) তাহাদের জন্ত উহা পুরস্কার ও প্রত্যাবর্তনস্থান হয়। ১৫। তাহারা যাহা চাহিবে, তথায় তাহাদের জন্ত তাহা চিরস্থায়ী; তোমার প্রতিপালকের নিকটে অঙ্গীকার প্রার্থিত হইয়াছে” ‡। ১৬। এবং যে দিবস তিনি

\* যখন ধনশালী কোরেশগণ দুঃখী দরিদ্র বলিয়া হজরতের প্রতি অবজ্ঞা প্রকাশ করিল, তখন স্বর্গোচ্চানের অধক্ষ রজওয়ান এই আয়তসহ অবতীর্ণ হইয়া হজরতের সম্মুখে এক জ্যোতির শিখাও সমর্পণপূর্বক বলিলেন যে, “তোমার প্রভু পরমেশ্বর আজ্ঞা করিতেছেন, এখানে অগণ্য পার্শ্বিক ধন সম্পত্তির কুঞ্জিকা আছে, তিনি তাহা তোমার হস্তে সমর্পণ করিতেছেন; কিন্তু যে পারলৌকিক সম্পদ তোমার নামে লিপিত হইয়াছে, তাহার কিছুই ন্যূন করা যাইবে।” হজরত বলিলেন, “তদ্বারা আমার প্রয়োজন নাই, আমি দীনতাকে সমধিক প্রেম করিয়া থাকি; ইচ্ছা করি যে, সহিষ্ণু ও কৃতজ্ঞ দাস হইয়া থাকি।” ইহা শ্রবণ করিয়া রজওয়ান বলিলেন, “তুমিই ঈশ্বরের দান প্রাপ্ত হইয়াছ, তাহাতেই এই সংসারের লক্ষণ প্রকাশ পাইতেছে।” হজরত নানা অভাব ও কষ্টে পড়িয়াও পৃথিবীর ঐশ্বর্যের প্রতি কটাক্ষপাত করেন নাই। (ত, হো,)

† অর্থাৎ সাধারণ নরকভূমি হইতে অত্যন্ত ক্রেশজনক সঙ্কীর্ণ স্থানে যোর পাপীদিগকে নিক্ষেপ করা হইবে। তথায় পড়িয়া তাহারা মৃত্যু আকাঙ্ক্ষা করিবে। (ত, হো,)

‡ অর্থাৎ বিশ্বাসিগণ প্রার্থনা করিয়াছেন যে, হে পরমেশ্বর, তুমি যাহা অঙ্গীকার করিয়াছ, তাহা

তাহাদিগকে ও তাহারা ঈশ্বরকে ছাড়িয়া যাহাকে অর্চনা করিতেছিল, তাহাকে সমুখাপন করিবেন, তখন জিজ্ঞাসা করিবেন, “তোমরা কি আমার এই দাসদিগকে পথভ্রান্ত করিয়াছ, অথবা ইহারা ( স্বয়ং ) পথহারা হইয়াছে” ? ১৭। তাহারা ( উপাস্তগণ ) বলিবে, “পবিত্রতা তোমার, ( হে পরমেশ্বর, ) আমাদের জন্ত উচিত নয় যে, আমরা তোমাকে ছাড়িয়া কোন সহায় গ্রহণ করি ; কিন্তু তুমি তাহাদিগকে ও তাহাদের পিতৃ-পুরুষদিগকে এত দূর লাভবান করিয়াছ যে, তোমার উপদেশ তাহারা ভুলিয়া গিয়াছে, এবং বিনাশোন্মুখ দল হইয়াছে” । ১৮। অনস্তর, ( হে ধর্মদেষিগণ, ) তোমরা যাহা বলিতেছিলে, তাহাতে ( এই উপাস্তগণ ) নিশ্চয় তোমাদিগের প্রতিই অসত্যারোপ করিয়াছে ; পরে তোমরা ( শাস্তি ) ফিরাইতে ও সাহায্য দান করিতে সমর্থ হইতেছ না। তোমাদের মধ্যে যাহারা অত্যাচার করিয়াছে, আমি তাহাদিগকে মহাশাস্তি ভোগ করাইব। ১৯। তোমার পূর্বে, ( হে মোহম্মদ, ) নিশ্চয় যাহারা অন্নাহার করিত ও বিপণিতে বিচরণ করিত, তাহাদিগকে ব্যতীত আমি প্রেরিতপুরুষরূপে প্রেরণ করি নাই ; এবং আমি তোমাদের এক জনকে, ( হে বিশ্বাসিগণ, ) অণু জনের জন্ত পরীক্ষাস্বরূপ করিয়াছি। তোমরা কি ধৈর্যধারণ করিতেছ ? তোমাদের প্রতিপালক দর্শক আছেন \* । ২০। ( র, ২, আ, ১১ )

এবং যাহারা আমার সাক্ষাৎকারের আশা রাখে না, তাহারা বলিয়াছে যে, “কেন আমাদের নিকটে দেবতাগণ প্রেরিত হয় নাই, অথবা আমরা স্বীয় প্রতিপালককে দেখিতে পাই না?” সত্য সত্যই তাহারা স্ব স্ব জীবনসম্বন্ধে অহঙ্কৃত ও মহা অবাধ্যতায় অবাধ্য হইয়াছে। ২১। যে দিবস তাহারা দেবতাদিগকে দর্শন করিবে, সেই দিবস সেই অপরাধীদিগের জন্ত কোন সুসংবাদ নাই, এবং তাহারা ( দেবতারা ) বলিবে, “বিষ্ম ও অন্তরায়” † । ২২। এবং তাহারা যে সকল কৰ্ম করিয়াছে, আমি তাহার আমাদের নিকটে উপস্থিত কর, অথবা দেবগণ বিশ্বাসীদিগের জন্ত এরূপ প্রার্থনা করিয়াছেন। ( ত, হো, )

\* অর্থাৎ ধনীদিগের দ্বারা দরিদ্রগণের, স্ব স্ব মণ্ডলীদ্বারা প্রেরিতপুরুষদিগের, অসুস্থ দ্বারা সুস্থের, অন্ধদ্বারা চক্ষুস্থানের পরীক্ষা হইয়া থাকে। বস্তুতঃ সংসারের লোক পরীক্ষার স্থল। অবস্থার প্রতিকূলতাকে মনুষ্য কিছুতেই এড়াইতে পারে না। ঈশ্বর বলিতেছেন যে, আমি প্রতিকূলতা দ্বারা মনুষ্যকে পরীক্ষা করিয়া থাকি যে, সে সহিষ্ণু ও কৃতজ্ঞ, না, অধৈর্য ও অকৃতজ্ঞ। কথিত আছে যে, আবুজহল ও অসৈয়দ ও তাহাদের অনুগামী লোকেরা যখন বেলাল ও এমার ও সহিব এবং অপর দীন বিশ্বাসী লোকদিগকে দেখিত, তখন পরস্পর বলিত, “আমরা কি এসলাম ধর্ম গ্রহণ করিয়া ইহাদের জায় হুঃখী দরিদ্র ও নীচ হইব ?” তত্পলক্ষে পরমেশ্বর এই আয়ত প্রেরণ করেন। তিনি হুঃখী দরিদ্রদিগকে সন্মোদন করিয়া বলেন যে, আমি সজ্জনকে নীচ গর্ভিত লোক দ্বারা, নীচ ব্যক্তিকে মহদব্যক্তি দ্বারা পরীক্ষা করিয়া থাকি। ( ত, হো, )

† মকানিবাসী কাকেরগণ ঈশ্বরদর্শন ও দেবতাদিগের সাক্ষাৎকারলাভ এই দুইটি বিষয় প্রার্থনা

দিকে অগ্রসর হইয়াছি, অনন্তর আমি তাহা রেণুপুঞ্জ-সদৃশ বিক্ষিপ্ত করিয়া ফেলিয়াছি \* । ২৩। সেই দিবস স্বর্গবাসী অবস্থিতিস্থান অনুসারে উত্তম এবং সুখস্থান অনুসারে উৎকৃষ্টতর। ২৪। এবং যে দিবস মেঘসহ আকাশ বিদীর্ণ হইবে, এবং দেবগণ অবতারণরূপে অবতারিত হইবে † । ২৫। সেই দিবস প্রকৃত রাজত্ব ঈশ্বরের, এবং সেই দিবস কাফেরদিগের প্রতি কঠিন হইবে। ২৬। এবং (স্মরণ কর,) যে দিবস অত্যাচারিগণ আপন হস্তপৃষ্ঠ দংশন করিতে থাকিবে, বলিতে থাকিবে, “হায়! যদি আমি প্রেরিতপুরুষের সঙ্গে পথ অবলম্বন করিতাম ‡ । ২৭। হায়! আমার প্রতি আক্ষেপ, যদি আমি অমুককে বন্ধুরূপে গ্রহণ না করিতাম, ( ভাল ছিল )। ২৮। সত্য সত্যই আমার নিকটে পঁছছিবার পর সেই উপদেশ হইতে সে আমাকে বিপথে লইয়া গিয়াছে, এবং শয়তান মানবমণ্ডলীর ( বিপদে ) নিক্ষেপকারী হয়”। ২৯। এবং প্রেরিতপুরুষ বলিল, “হে আমার প্রতিপালক, নিশ্চয় আমার সম্প্রদায় এই কোর-আনকে বর্জিত করিয়াছে”।

করিয়াছিল। ঈশ্বর জ্ঞাপন করিতেছেন যে, তাহারা কেয়ামতের সময় দেবতাদিগকে দেখিতে পাইবে, কিন্তু দেবতাদের নিকটে শুভ সংবাদ লাভ করিবে না, শাস্তির সংবাদ শুনিত পাইবে। দেবতারা তাহাদিগকে বলিবেন যে, তোমাদের ঈশ্বরদর্শনপক্ষে বিঘ্ন ও অন্তরায় আছে। ( ত, হো, )

\* অর্থাৎ আকাশে বিকীর্ণ রেণু বা বায়ুনিক্ষিপ্ত ভঙ্গুর স্তায় আমি ইহাদের ধর্ম কर्म সকলকে বিলুপ্ত করিব। যেহেতু এই সকল কর্ম গৃহীত হইবার সূত্র বিগাস, তাহাদের সেই বিশ্বাস নাই। ( ত, হো, )

† কথিত আছে যে, পুনরুত্থানের সময় দেবতাগণ সপ্ত দলে বিভক্ত হইয়া পৃথিবীতে অবতীর্ণ হইবেন, নভোমণ্ডল মেঘমুক্ত হইয়া বাহির হইয়া পড়িবে, মেঘ ভূতলে বর্ষিত হইবে। ( ত হো, )

‡ আবুসয়িদের পুত্র আক্বা দেশান্তর হইতে স্বগৃহে প্রত্যাগমন করিয়া আত্মীয় প্রতিবেশীদিগকে এক ভোজ্য দেয়, প্রতিবাসী বলিয়া হজরতকেও নিমন্ত্রণ করে। হজরত বলেন যে, “ধর্মদীক্ষার বাক্য কলেমা উচ্চারণ না করিলে আমি তোমার অন্ন গ্রহণ করিব না”। তাহাতে আক্বা কলেমা উচ্চারণ করে। তাহার বন্ধু খলফের পুত্র আবি এ কথা শ্রবণ করিয়া তাহার নিকটে যাইয়া বলে, “শুনিলাম, তুমি মোহম্মদের ধর্ম গ্রহণ করিয়াছ, মোহম্মদের কথা মান্য করিয়া কলেমা পড়িয়াছ”। আক্বা বলিল, “বস্তুতঃ তাহা নহে, নিমন্ত্রিত ব্যক্তি ভোজন না করিয়া চলিয়া যাইবে, এই ভাবিয়া দুঃখ হইল, তজ্জন্ত কলেমা উচ্চারণ করিয়াছি, আমি ধর্ম গ্রহণ করি নাই।” তখন আবি বলিল, “যে পর্য্যন্ত না তুমি মোহম্মদের মুখে ধৃত্ত ফেলিবে, সে পর্য্যন্ত আমি তোমার প্রতি সন্তুষ্ট হইতে পারি না”। আক্বা তাহাতে সন্মত হইয়া হজরতের মুখে ধৃত্ত ফেলিতে তাহার অশ্বেষণে বহির্গত হয়। তখন হজরত দাররুদওয়াতে নমাজ পড়িতেছিলেন। আক্বা যাইয়া তাহার পবিত্র মুখমণ্ডলে নিষ্ঠীবন নিক্ষেপ করে। কথিত আছে যে, সেই ধৃত্ত অগ্নিশিখা হইয়া ফিরিয়া আসিয়া তাহার মুখ দধ্ব করে, হজরতকে স্পর্শও করে না। পরে বদরের যুদ্ধে আলির হস্তে সে নিহত হয়। এই আয়ত তাহার সম্বন্ধেই অবতারিত হইয়াছে। ইহার মর্ম এই যে, সেই অত্যাচারী আক্বা কেয়ামতের দিন আক্ষেপ করিতে করিতে আপন হস্তপৃষ্ঠ দংশন করিবে ও বলিবে যে, “হায়! আমি প্রেরিতপুরুষের অনুগামী কেন হই নাই?” ( ত, হো, )

৩০। এবং এইরূপে আমি প্রত্যেক ভ্রূবাহকের জন্ম অপরাধিগণ হইতে শত্রু উপস্থিত করিয়াছি, এবং তোমার প্রতিপালক যথেষ্ট পথপ্রদর্শক ও সাহায্যকারী।  
 ৩১। ধর্ম্বেষী লোকেরা বলিয়াছে, “কেন তাহার প্রতি কোর্-আন্ একযোগে একেবারে অবতীর্ণ হয় নাই?” এইরূপই (অবতারণ করিয়াছি,) যেহেতু তদ্বারা আমি তোমার অন্তর দৃঢ় করিব ও তাহা আমি ক্রমশঃ পাঠ করিয়াছি \*। ৩২। তাহারা তোমার নিকটে এমন কোন প্রস্তাব উপস্থিত করে না, যাহার সত্য (উত্তর) ও উত্তমতম ব্যাখ্যা আমি তোমাকে যোগাই না। ৩৩। যাহারা আপন মুখোপরি (অধোমুখে) নরকের দিকে সমুখাপিত হইবে, তাহারাই স্থানান্তরে নিকৃষ্ট, পথান্তরে ভ্রাস্ত। ৩৪। (র, ৩, আ, ১৪)

এবং সত্য সত্যই আমি মুসাকে গ্রন্থ দান করিয়াছিলাম, এবং তাহার সঙ্গে তাহার ভ্রাতা হারুণকে সহকারী করিয়া দিয়াছিলাম। ৩৫। তদনন্তর আমি বলিয়াছিলাম যে, যাহারা আমার নিদর্শন সকলের প্রতি অসত্যারোপ করিয়াছে, তোমরা সেই জাতির নিকটে যাও; পরে আমি তাহাদিগকে সংহারে সংহার করিয়াছি। ৩৬। এবং লুহীয় সম্প্রদায় যখন প্রেরিতপুরুষদিগের প্রতি অসত্যারোপ করিয়াছিল, তখন আমি তাহাদিগকে জলমগ্ন করিয়াছিলাম ও মানবমণ্ডলীর জন্ম তাহাদিগকে নিদর্শন করিয়াছিলাম, এবং অত্যাচারীদিগের জন্ম আমি কষ্টকর দণ্ড সজ্জিত রাখিয়াছি। ৩৭। আদ ও সমুদ ও রশ্বনিবাসিগণকে এবং ইহাদের মধ্যবর্তী বহুদলকে আমি (বিনষ্ট করিয়াছি) †। ৩৮। প্রত্যেকের জন্ম দৃষ্টান্ত সকল ব্যক্ত করিয়াছি, এবং প্রত্যেককে

\* মুসা ও দাউদের গ্রন্থ ভিন্ন ভিন্ন রূপে ক্রমে ক্রমে প্রকাশিত না হইয়া একযোগে প্রকাশিত হইয়াছিল, তাহারা একেবারে লিখিয়া লইয়াছিলেন ও পাঠ করিয়াছিলেন। কোর্-আন্ তদ্রূপ অবতীর্ণ হয় নাই, তাহার এক একটি ক্ষুদ্র অংশ ভিন্ন ভিন্ন সময়ে অবতীর্ণ হইয়াছে। এজন্য অংশিবাধিগণ তৎপ্রতি অশ্রদ্ধা প্রকাশ করিয়া বলিয়াছে যে, উহা ঐশ্বরিক গ্রন্থ হইলে খণ্ডশঃ প্রকাশিত না হইয়া পূর্ণভাবে একেবারে অবতীর্ণ হইত। এইরূপ ক্রমশঃ কোর্-আনের প্রকাশ হওয়ার নানা কারণ আছে। এক এই যে, হজরত লেখা পড়া জানিতেন না, একযোগে সমুদায় গ্রন্থ অবতীর্ণ হইলে তাহা স্মরণ করিয়া রাখা তাহার পক্ষে কঠিন হইত। দ্বিতীয়তঃ এক এক ঘটনা অবলম্বন করিয়া, তাহার তাৎপর্যের প্রতি লোকের দৃষ্টি আকর্ষণ ও অনুসন্ধান বৃদ্ধি করিবার জন্ম, এক এক শূরা বা আয়ত অবতীর্ণ হইয়াছে। (ত, হো,)

† রশ্ব এক কূপের নাম, উহা তহামায় বা আজরবায়জানে কিংবা এন্তাকিয়াতে ছিল। কেহ বলেন যে, রশ্ব একটি প্রস্তবণ ছিল; কেহ বলেন, উদ্যান ছিল। সেই রশ্বের নিকটস্থ লোকেরা বাবেলাধিপতি নেম্‌কদের অনুগামী দলের অন্তর্গত ছিল। তাহারা এয়মন দেশস্থ কোন নগরে তথায় আবির্ভূত এক প্রেরিতপুরুষকে বধ করিয়াছিল। কোন কোন গ্রন্থকার বলেন যে, তাহারা সেই প্রেরিতপুরুষকে হত্যা করিয়া তাহার মাংস ভক্ষণ করে, তাহাতে তাহাদের প্রতি শাস্তি উপস্থিত হয়। অথবা রশ্বনিবাসী একদল পৌত্তলিক ছিল, প্রেরিতপুরুষ শোয়ব তাহাদের নিকটে যাইয়া উপদেশ

সংহারে সংহার করিয়াছি। ৩৯। এবং সত্য সত্যই তাহারা এমন এক গ্রামেতে উপস্থিত হয়, যাহাতে কুবুষ্টি বর্ষিত করা হইয়াছিল; অনন্তর তাহারা কি উহা দেখিতেছিল না? বরং তাহারা পুনরুত্থানের আশা করিত না \*। ৪০। এবং যখন তাহারা তোমাকে, (হে মোহম্মদ,) দর্শন করে, তখন তোমাকে উপহাস করিয়া বৈ গ্রহণ করে না; (বলে,) “যাহাকে ঈশ্বর প্রেরিতরূপে পাঠাইয়াছেন, এ কি? ৪১। নিশ্চয় সে আমাদের উপাস্তগণ হইতে আমাদিগকে ভুলাইয়া লইয়া যাইতে উত্তম ছিল, যদি আমরা তাহাদের প্রতি ধৈর্য ধরিয়া না থাকিতাম †।” যখন শাস্তি অবলোকন করিবে, তখন তাহারা অবশ্য জানিবে যে, কে অধিকতর পথভ্রান্ত। ৪২। তুমি তাহাকে কি দেখিয়াছ যে, স্বীয় বামনাকে স্বীয় ঈশ্বররূপে গ্রহণ করিয়াছে? অনন্তর তুমি কি তাহার সম্বন্ধে কার্যসম্পাদক হইবে ‡? ৪৩। তুমি কি মনে করিতেছ যে, তাহাদের অধিকাংশ

দান করেন, তাহারা তাঁহাকে মিথ্যাবাদী বলে। তাহারা যে কূপের পার্শ্বে দলবদ্ধ হইয়া বাস করিতেছিল, তথায় একদা শোয়বকে উৎপীড়ন করিতে প্রবৃত্ত হয়; তখন অকস্মাৎ সেই কূপ ভাঙ্গিয়া পড়ে, তাহারা সকলে গৃহসম্পত্তি এবং পশাদিসহ ভূগর্ভশায়ী হয়। অথবা একদল লোক ছিল যে, তরুবিশেষকে তরুরাজ বলিয়া পূজা করিত। ইয়কুবের পুত্র ইহদার বংশসম্ভূত এক প্রেরিতপুরুষ তাহাদের নিকটে আবির্ভূত হইয়াছিলেন। তাহারা তাঁহাকে মিথ্যাবাদী বলিয়া হত্যা করে ও কূপে ফেলিয়া দেয়। তখন এক কৃষ্ণ মেঘ তাহাদের উপর প্রকাশ পায় ও তাহা হইতে বজ্রপাত হইয়া তাহাদিগের সকলকে দধ্ব করে। প্রসিদ্ধ বিবরণ এই যে, রশ্বনিবাসীরা সফওয়্যার পুত্র হঞ্জলার মণ্ডলী। যখন তাহারা ধর্মপ্রবর্তককে মিথ্যাবাদী বলিল, তখন পরমেশ্বর এক বৃহদাকার বিহঙ্গম দ্বারা তাহাদিগকে আক্রমণ করিলেন। সেই পক্ষীর গ্রীবা দীর্ঘ, পক্ষপুট নানা বর্ণে রঞ্জিত ছিল। তাহার নাম অনকা। গ্রীবাকে আরব্য ভাষায় অনক বলে, উক্ত পক্ষীর গ্রীবা দীর্ঘ ছিল বলিয়া উহা অনকা নামে অভিহিত হইয়াছে। সেই পক্ষী জমহানাংক পর্বতে বাস করিত। সময়ে সময়ে আসিয়া উক্ত ধর্মদ্বেষী লোকদিগের বালক বালিকা ও ছাগ মেবাদি পশু চক্ষুপুটে বহন করিয়া লইয়া যাইত ও সেই সকলকে মারিয়া ভক্ষণ করিত। এজন্ত একদা রশ্বনিবাসিগণ প্রেরিতপুরুষের নিকটে যাইয়া দুঃখ প্রকাশ করে, এবং অঙ্গীকার করে যে, সেই পক্ষীর অত্যাচারের নিবৃত্তি হইলে তাহারা ধর্ম গ্রহণ করিবে। তাহাতে সেই মহাপুরুষ প্রার্থনা করেন, প্রার্থনা সিদ্ধ হয়। অনকা একেবারে অদৃশ্য হইয়া পড়ে, তাহার নাম মাত্র থাকে। অনকা অদৃশ্য হইলে তাহাদের অহঙ্কার ও বিদ্বেষ বৃদ্ধি হয়, তাহারা হঞ্জলাকে হত্যা করে। ঈশ্বর বলিতেছেন যে, আমি রশ্বনিবাসীদিগকে সংহার করিয়াছিলাম।

(ত, হো,)

\* সেই স্থানের নাম সছমা, মওতফকাত প্রদেশের মধ্যে সছমা প্রধান স্থান। তথায় মহান্না লুত বাস করিতেন। সেই স্থানে প্রস্তরবৃষ্টি হইয়াছিল। বহুকাল পরে ধর্মজোহী কোরেশগণ তথায় গিয়াছিল। তাহাতেই ঈশ্বর বলিতেছেন যে, কোরেশগণ সছমানিবাসীদিগের দুর্দশা কি দেখিতেছে না?

(ত, হো,)

† অর্থাৎ আমরা যদি আমাদের উপাস্ত দেবগণকে দৃঢ়রূপে অবলম্বন না করিতাম, তবে মোহম্মদ নানা চেষ্টা যত্নে ও মনোহর বাক্যে আমাদিগকে ভুলাইয়া লইয়া যাইত।

(ত, হো,)

‡ এক সময়ে অংশিবাঙ্গিগণ কোন প্রস্তর বা লোষ্ট্র কিংবা কাঠখণ্ড পূজা করিত; যখন অস্ত কোন



লোক শ্রবণ করে বা বুঝিতে পায় ? তাহারা পশুসদৃশ বৈ নহে, বরং তাহারা অধিকতর পথভ্রাস্ত \* । ৪৪ । ( র, ৪, আ, ১০ )

তুমি কি আপন প্রতিপালকের দিকে দৃষ্টি করিতেছ না যে, তিনি কেমন ছায়া বিস্তৃত করিয়াছেন ? এবং যদি তিনি चाहিতেন, তবে তাহাকে স্থিরতর রাখিতেন ; তৎপর আমি তাহার দিকে সূর্য্যকে পথপ্রদর্শক করিয়াছি, তাহার পর আমি সহজ ধারণে তাহাকে আপনার দিকে ধারণ করিয়াছি † । ৪৫ + ৪৬ । এবং তিনিই যিনি তোমাদের

প্রস্তর বা লোহু কিংবা কাষ্ঠ তদপেক্ষা হৃন্দর দেখিতে পাইত, তখন আপনার সেই উপাস্তকে পরিত্যাগ করিয়া উহার অর্চনায় প্রবৃত্ত হইত । তাহাতেই ঈশ্বর বলেন, “তুমি তাহাকে কি দেখিয়াছ যে, স্বীয় বাসনাকে স্বীয় ঈশ্বররূপে গ্রহণ করিয়াছে ?” অর্থাৎ তাহারা আপনাদের কামনাকে পূজা করে, মনে যাহা ভাল বোধ হয়, তাহারই অর্চনায় প্রবৃত্ত হয় । যাহারা ঈশ্বরকে ছাড়িয়া অশু পদার্থকে ভাল বাসে ও তাহাতে লিপ্ত থাকে, এবং তাহার পূজা করে, প্রকৃত পক্ষে তাহারা স্বীয় বাসনার পূজা করিয়া থাকে । যেহেতু তাহাদের বাসনাই তাহাদিগকে ঈশ্বর ভিন্ন অশু বস্তুর প্রেমে সংলিপ্ত রাখে । ( ত, হো, )

\* পশু সকল আপন স্বামীর অধীনতা স্বীকার করিয়া থাকে, অংশিবাদিগণ স্বীয় প্রতিপালকের পূজা অস্বীকার করে । যাহাতে লাভ আছে, পশুযুথ তাহারই দিকে ধাবিত হয় ; যাহাতে ক্লেশ ও ক্ষতি, তাহা হইতে নিবৃত্ত থাকে । অংশিবাদিগণ যাহা লাভজনক, যাহা পুণ্য, তাহা প্রত্যাখ্যান করে ; অত্যন্ত ক্লেশকর যে পাপ, তাহাতে তাহারা লিপ্ত থাকে । এজন্য অংশিবাদিগণ পশু অপেক্ষা অধম । ( ত, হো, )

† উষা-সমাগম হইতে সূর্য্যোদয় পর্য্যন্ত সুখপ্রদ ছায়ার কাল । নিরবচ্ছিন্ন অন্ধকার অন্তরের ক্লেশজনক ও নয়নের জ্যোতির্হারক হয়, এবং দিবাকরের দীপ্তি বায়ুকে উত্তপ্ত করে ও চক্ষুর উদ্বেগ জন্মায় ; কিন্তু এ দুই উষাকালে মৃদুতা প্রাপ্ত হয়, এজন্য বিস্তৃত ছায়া স্বর্গীয় সম্পদ্বিশেষরূপে পরিগণিত হইয়াছে । ঈশ্বর ইচ্ছা করিলে এই ছায়াকে এক ভাবে স্থির রাখিয়া দিতে পারিতেন । পরমেশ্বর সূর্য্যকে ছায়ার পথ প্রদর্শন করেন, অর্থাৎ সূর্য্যের প্রকাশ ব্যতীত ছায়া পরিচিত হয় না । সূর্য্যোদয় হইলে পরমেশ্বর ছায়াকে নিজের দিকে টানিয়া লন, ক্রমে ছায়া অন্তর্হিত হয় । অর্থাৎ ঈশ্বর ক্রমশঃ সূর্য্যের কিরণকে সূর্য্যের উর্দ্ধগমনানুসারে ছায়ার দিকে আনয়ন করেন ও ছায়া অধিকৃত হইতে থাকে । একেবারে অকস্মাৎ ছায়াকে বিলুপ্ত করা হইলে, ছায়াতে মনুষ্যের যে সকল কার্য হইয়া থাকে, তাহা রহিত হইত । কাহারও কাহারও মতে ছায়া তামসী নিশা । পরমেশ্বর সেই নৈশিক ছায়া বিস্তৃত করিয়া জগৎকে অন্ধকারাবৃত করেন । সেই ছায়া চিরকাল রাখেন না । বরং তিনি সূর্য্যকে প্রকাশ করিয়া তাহার পরিচয়ের উপায় করেন, এবং রজনীর বিপরীত দিবাভাগকেও তিনি চিরস্থায়ী করেন নাই, নির্দিষ্ট সময় অতীত হইলে তাহাকে লুকায়িত করেন, তখন রজনী উপস্থিত হয় । এই দিবা ও রজনী লোকের কার্য্য-সৌকর্য্য ও সুখ-শান্তি-বিধানের জন্ত নির্দিষ্ট হইয়াছে । ইহার আধ্যাত্মিক ভাব এই যে, যে যুগে মানবাত্মা অধর্ম্মের অন্ধকারে আচ্ছন্ন ছিল, ছায়া সেই ধর্ম্মশূন্য যুগ ; সূর্য্য এসলাম ধর্ম্মের জ্যোতিঃ, যাহা হজরত মোহাম্মদের আবির্ভাবে প্রকাশ পাইয়াছে । সেই ছায়া সর্বদা থাকিলে মনুষ্য অজ্ঞানতার অন্ধকারে থাকিয়া জ্যোতির তত্ত্ব কিছুই পাইত না । কশফোলু আশ্রয়ে উজ্জ হইয়াছে যে, হজরতের এক অলৌকিক ক্রিয়ার প্রকাশানুসারে এই আয়তের আবির্ভাব হইয়াছে । একদা হজরত দেশ-পর্য্যটন-কালে মাধ্যাহ্নিক বিশ্রামের সময় কোন বৃক্ষতলে উপস্থিত হন, তাহার

জন্তু রজনীকে আবরণ ও নিজাকে বিশ্রামপ্রদা করিয়াছেন, এবং দিবাকে সমুখানের সময় করিয়াছেন। ৪৭। এবং তিনিই যিনি আপনার দয়ার পূর্বে বায়ুকে স্ফুংবাদ-দাতরূপে প্রেরণ করিয়াছেন, \* এবং আমি আকাশ হইতে নির্মল বারি বর্ষণ করি। ৪৮। যেহেতু তাহা দ্বারা আমি মৃত নগরকে জীবিত করি, যে সকলকে আমি সৃজন করিয়াছি, সেই পশু ও বহু মনুষ্যকে তাহা পান করাইয়া থাকি। ৪৯। এবং সত্যসত্যই আমি তাহাদের মধ্যে উহা ( অর্থাৎ উপদেশ ) নানা প্রকারে ব্যক্ত করিয়াছি, যেন তাহারা উপদেশ গ্রহণ করে; পরন্তু অধিকাংশ মনুষ্য অধর্ম ভিন্ন গ্রাহ্য করে নাই। ৫০। এবং যদি আমি ইচ্ছা করিতাম, তবে অশু প্রত্যেক গ্রামে ভয়প্রদর্শক প্রেরণ করিতাম। ৫১। অনন্তর তুমি কাফেরদিগের অনুগত হইও না, তদনুসারে ( কোরু-আনের মতে ) মহাজেহাদে জেহাদ কর। ৫২। এবং তিনিই যিনি দুই সাগরকে মিলিত করিয়াছেন, এই ( এক ) তৃষ্ণানিবারক মিষ্ট এবং এই ( অশু ) লবণাক্ত বিরস, এবং উভয়ের মধ্যে আবরণ ও দৃঢ় প্রাচীর রাখিয়াছেন †। ৫৩। এবং তিনিই যিনি ( শুক্ররূপ ) জল হইতে মনুষ্যকে সৃষ্টি করিয়াছেন, অনন্তর তাহাকে বংশ ( পিতা ) ও শপ্তর করিয়াছেন; এবং তোমার প্রতিপালক, ( হে মোহম্মদ, ) ক্ষমতাবান্ হন ‡। ৫৪। এবং যাহা তাহাদের কোন ক্ষতি ও তাহাদের কোন বৃদ্ধি করে না, তাহারা ঈশ্বরকে ছাড়িয়া তাহাকে অর্চনা করিয়া থাকে, এবং কাফেরগণ আপন প্রতিপালকের দিকে পৃষ্ঠস্থাপক হয়। ৫৫। এবং আমি তোমাকে স্ফুংবাদদাতা ও ভয়প্রদর্শক ভিন্ন প্রেরণ করি নাই। ৫৬। তুমি বল, ( হে মোহম্মদ, ) যে ব্যক্তি ইচ্ছা করিতেছে যে, আপন প্রতিপালকের দিকে পথ অবলম্বন করে, সে (করুক; ) তদ্ব্যতীত আমি তৎসম্বন্ধে (কোরু-আন্ প্রচারসম্বন্ধে) তোমাদের নিকটে কোন পারিশ্রমিক প্রার্থনা করি না। ৫৭। যিনি মরেন না, জীবিত, তুমি তাঁহার প্রতি নির্ভর স্থাপন কর, এবং তাঁহার প্রশংসাযোগে স্তব কর, তিনি আপন

সঙ্গে বহুসম্ব্যাক অনুচর ছিল, সেই তরুচ্ছায়া সঙ্কীর্ণ ছিল। পরমেশ্বর আপনার অলৌকিক শক্তিরযোগে সেই সঙ্কীর্ণ ছায়াকে সুদূরব্যাপিনী করেন। তখন সমুদার এসলাম সৈন্ত তাহার মধ্যে স্থান গ্রহণ করিয়া স্থায়ী হয়। তাহাতেই এই আয়ত অবতীর্ণ হয়। ( ত, হো, )

\* এস্থলে ঈশ্বরের দয়া অর্থে বৃষ্টিপাত। ঈশ্বর বারিবর্ষণরূপ দয়া-প্রকাশের পূর্বে জগতে সেই স্ফুংবাদ-প্রচারের জন্তু শীতল সমীরণ প্রেরণ করিয়া থাকেন। ( ত, হো, )

† এ দুই রোম সাগর ও পারস্য সাগর। এ দুইয়ের মধ্যে একরূপ সীমা নির্দিষ্ট আছে যে, এক অশুর উপর প্রভাব বিস্তার করিতে পারে না। অপিচ কথিত আছে যে, নীল, সয়হন, জয়হন ও দজলা এই সকল বৃহৎ জলস্রোত সুমিষ্ট ও তৃষ্ণানিবারক ও অশু নদী লবণময় বিরস; ইহাদের মধ্যে প্রান্তর ও নগর সকল ব্যবধান আছে। দুই সাগর বা নদীকে মিলিত করার অর্থ নিকটস্থ করা। ( ত, হো, )

‡ বিবিধ অবস্থাপন্ন পুরুষ সৃষ্ট হইয়াছে। এক বংশপতি, যাহা দ্বারা বংশ উৎপন্ন ও রক্ষিত হয়, যথা, পিতা; দ্বিতীয় সম্বন্ধপতি, যাহা দ্বারা সম্বন্ধ রক্ষা পায়, যথা, শপ্তর। ( ত, হো, )

দাসগণের অপরাধসম্বন্ধে যথেষ্ট জ্ঞানী। ৫৮। যিনি স্বর্গ মর্ত্য এবং উভয়ের ভিতরে যাহা কিছু আছে, তাহা ছয় দিবসের মধ্যে সৃষ্টি করিয়াছেন, তৎপর স্বর্গোপরি অবস্থিত আছেন, তিনি রহমান, ( পুনর্জীবনদাতা ; ) অবশেষে তুমি তাঁহার ( গুণ ও স্বরূপ ) সম্বন্ধে কোন জ্ঞানীকে প্রশ্ন কর। ৫৯। এবং যখন তাহাদিগকে বলা হইল যে, রহমানকে তোমরা নমস্কার কর, তখন তাহারা বলিল, “কে রহমান? যাহাকে ( প্রণাম করিতে ) তুমি আমাদের আদেশ করিতেছ, আমরা কি সেই বস্তুকে প্রণাম করিব?” (এ কথা) তাহাদের সম্বন্ধে বিচ্ছেদ বৃদ্ধি করিল। ৬০। ( র, ৫, আ, ১৬ )

যিনি গগনে গ্রহমণ্ডল সকল সৃজন করিয়াছেন, এবং তন্মধ্যে দীপ ( সূর্য ) ও উজ্জ্বল চন্দ্রমা সৃষ্টি করিয়াছেন, তিনি মহিমান্বিত। ৬১। এবং তিনিই যিনি, যাহারা উপদেশ গ্রহণ করিতে বা ধন্যবাদ দিতে ইচ্ছা করে, তাহাদের জন্ত (পরস্পর) অনুগামিনী রজনী ও দিবা সৃজন করিয়াছেন। ৬২। এবং তাহারাই ঈশ্বরের দাস, যাহারা ভূতলে ধীরে গমন করে, এবং যখন মূর্খ লোকেরা তাহাদের সঙ্গে কথা কহে, তাহারা সেলাম বলিয়া থাকে \*। ৬৩। এবং যাহারা আপন প্রতিপালকের উদ্দেশ্যে প্রণাম ও (নমাজের জন্ত) দণ্ডায়মানভাবে রজনী যাপন করে। ৬৪। এবং যাহারা বলে, “হে আমাদের প্রতিপালক, আমাদের হইতে নরকদণ্ড দূর কর, নিশ্চয় তাহার শাস্তি (আমাদের সম্বন্ধে) সমুচিত হইয়াছে”। ৬৫। নিশ্চয় উহা স্থান ও অবস্থিতিভূমি অনুসারে মন্দ। ৬৬। এবং যাহারা যখন ব্যয় করে, অপব্যয় করে না ও কৃপণতা করে না, এবং এই উভয়ের মধ্যে সামঞ্জস্য প্রাপ্ত হয়। ৬৭। এবং যাহারা পরমেশ্বরের সঙ্গে অগ্নি ঈশ্বরকে আহ্বান করে না, এবং ঈশ্বর যাহাকে অবৈধ করিয়াছেন, এমন ব্যক্তিকে গায়ানুরোধে ব্যতীত হত্যা করে না, এবং ব্যভিচার করে না †। ৬৮। এবং যে ব্যক্তি ইহা করে, সে আসামে

\* ধীরে গমন করা অর্থাৎ বিনম্র ও গান্ধীধাভাবে চলা। “যখন মূর্খ লোকেরা তাহাদের সঙ্গে কথা কহে, তাহারা সেলাম বলিয়া থাকে।” অর্থাৎ তাহাদের সঙ্গে মূর্খ ও পামণ্ড লোকেরা কলহ ও বাধিতর্গ করিলে তাহারা তদন্তরে বিনম্রভাবে কথা কহিয়া থাকেন। ( ত, হো, )

† একদা কয়েক দল অংশিবাদী হজরতের নিকট উপস্থিত হইয়া নিবেদন করিয়াছিল যে, “হে মোহম্মদ, আমরা ঈশ্বরের সঙ্গে অংশী স্থাপন করিয়াছি ও অস্তায়রূপে বহু লোককে হত্যা করিয়াছি, এবং ব্যভিচার ও নানা দুষ্ক্রিয়া আমাদের দ্বারা হইয়াছে; যদি তোমার ঈশ্বর আমাদের এই সকল অপরাধ ক্ষমা করেন, তবে আমরা ইসলাম ধর্মে বিশ্বাস স্থাপন করিতে পারি।” তাহাতেই এই আয়ত আবিভূর্ত হয়। মসুউদের পুত্র হজরতকে জিজ্ঞাসা করিয়াছিলেন যে, “পাপের মধ্যে কোন কোন পাপ প্রধান?” তিনি বলেন, “যিনি তোমাকে সৃষ্টি করিয়াছেন, তাঁহার অংশী আছে বলা, এই একটি গুরুতর পাপ, এবং অল্পদানে প্রতিপালন করিতে হইবে, এই ভয়ে আপন সন্তানকে হত্যা করা এবং প্রতিবেশিনী নারীর সঙ্গে ব্যভিচার করা গুরুতর পাপ।” তাহাতেই ঈশ্বরের অনুগত ভৃত্যগণ অংশিবাদী হই না, ব্যভিচার ও অস্তায়রূপে হত্যা করে না, এ সকল কথা এই আয়তে প্রকাশ পায়। ( ত, হো, )

মিলিত হয় \* । ৬৯ ।+কেয়ামতের দিন তাহার জন্ত শাস্তি দ্বিগুণ করা হইবে, তথায় সর্বদা সে লাক্ষিত থাকিবে । ৭০ ।+কিন্তু যে ব্যক্তি প্রতিনিবৃত্ত হইয়াছে ও বিশ্বাস স্থাপন এবং সংকল্প করিয়াছে, সে নহে ; অনস্তর ইহারাই যে, ঈশ্বর ইহাদের পাপ সকলকে পুণ্যেতে পরিবর্তিত করিবেন, এবং ঈশ্বর ক্ষমাশীল দয়ালু হন । ৭১ । এবং যে ব্যক্তি ( পাপ হইতে ) ফিরিয়া আইসে ও শুভ কর্ম করে, অনস্তর নিশ্চয় সে ঈশ্বরের দিকে প্রত্যাবর্তনরূপে প্রত্যাবর্তিত হয় । ৭২ । এবং যাহারা মিথ্যা সাক্ষ্য দেয় না ও যখন নিরর্থক বিষয়ের দিকে উপস্থিত হয়, তখন মহত্বাবে চলিয়া যায় । ৭৩ । এবং যাহারা আপন প্রতিপালকের নিদর্শন সকল সম্বন্ধে উপদিষ্ট হয়, তখন তৎসম্বন্ধে বধির ও অন্ধরূপে পতিত ( উপস্থিত ) থাকে না । ৭৪ । এবং যাহারা বলে, “হে আমাদের প্রতিপালক, তুমি আমাদিগকে ভার্য্যা ও নয়নজ্যোতিস্বরূপ সন্তানবৃন্দ দান কর ও আমাদিগকে ধর্মভীরুদিগের অগ্রণী কর” । ৭৫ । ইহারাই, যাহারা ধৈর্য্য ধারণ করিয়াছে, তজ্জন্ত ইহাদিগকে উচ্চ অট্টালিকা পুরস্কার দেওয়া যাইবে, এবং ইহারা তথায় মঙ্গল ও শাস্তির আশীর্বাদ প্রাপ্ত হইবে । ৭৬ ।+এবং তথায় ইহারা চিরস্থায়ী হইবে, বাসভূমি ও স্থানান্তরে তাহা উত্তম । ৭৭ । তুমি বল, ( হে মোহম্মদ, ) যদি তোমাদের প্রার্থনা না থাকিত, তবে আমার প্রতিপালক তোমাদিগকে গণ্য করিতেন না । অনস্তর নিশ্চয় তোমরা অসত্যারোপ করিয়াছ, পরে অবশ্য তাহার সমুচিত ( প্রতিফল ) হইবে । ৭৮ ।

( র, ৬, আ, ১৮ )

\* নরকের প্রান্তর বিশেষের নাম আসাম, ব্যভিচারী লোকেরা তথায় শাস্তি ভোগ করিবে । অথবা শোণিত বা পিত্তরস, যাহা নরকগত লোকদিগের শরীর হইতে নির্গত হইবে, তাহার নাম আসাম । কিংবা আসাম ও ঘনি নিরন্নাস্তর্গত শাস্তিদানের দুইটি কুপবিশেষ । ( ত, হো, )

## সূরা শোঅরা ❁

.....

### ষড়্বিংশ অধ্যায়

.....

২২৭ আয়ত, ১১ রকু

( দাতা দয়ালু পরমেশ্বরের নামে প্রবৃত্ত হইতেছি । )

( পাপ ) গোপনকারী ও পবিত্র এবং মহিমাম্বিত ❁ । ১ । উজ্জ্বল গ্রন্থের এই আয়ত সকল । ২ । তুমি, ( হে মোহাম্মদ, ) সম্ভবতঃ আপন জীবনের বিনাশক হইয়াছ, যেহেতু তাহারা বিশ্বাসী হইতেছে না ❁ । ৩ । আমি ইচ্ছা করিলে স্বর্গ হইতে তাহাদের নিকটে কোন নিদর্শন প্রেরণ করিতাম, তখন তাহার জন্ত তাহাদের গ্রীবা নত হইত । ৪ । এবং ঈশ্বর হইতে তাহাদের নিকটে ( এমন ) কোন নূতন উপদেশ আসে নাই যে, তাহারা তাহা হইতে বিমুখ হয় নাই । ৫ । অনন্তর তাহারা অসত্যারোপ করিয়াছে ; অবশেষে যাহারা তাহার প্রতি উপহাস করিতেছিল, সম্বন্ধে তাহাদের নিকট তাহার তত্ত্ব আসিবে § । ৬ । তাহারা কি পৃথিবীর দিকে দৃষ্টি করে না যে, আমি তাহাতে সকল প্রকারের কত উত্তম ( বস্তু ) উৎপাদন করিয়াছি । ৭ । নিশ্চয় ইহার মধ্যে এক নিদর্শন আছে, তাহাদের অধিকাংশ বিশ্বাসী নহে । ৮ । নিশ্চয় তোমার সেই প্রতিপালক, ( হে মোহাম্মদ, ) পরাক্রমশালী দয়ালু । ৯ । ( র, ১, আ, ৯ )

এবং ( স্মরণ কর, ) যখন তোমার প্রতিপালক মুসাকে ডাকিলেন যে, “তুমি অত্যাচারী দলের নিকট যাও ॥ । ১০ । + ফেরওণের দল, তাহারা কি ধর্মভীরু হইতেছে

\* এই সূরা মক্কাতে প্রকাশ পায় ।

+ “তাপস্মা” এই ব্যবচ্ছেদক শব্দের সাক্ষেতিক অর্থ গোপনকারী ও পবিত্র ও মহিমাম্বিত । এই কয়েকটি ঈশ্বরের নাম । বহরোল্হকায়কে উক্ত হইয়াছে যে, ত, এই বর্ণের অর্থ একত্বের আকাশে উড়ডীয়মান পক্ষী, অর্থাৎ ঈশ্বরের অভিমুখে ধাবমান ব্যক্তি ; স, এই বর্ণের অর্থ তত্ত্বপথের যাত্রিক ; ম, বর্ণের অর্থ দাসত্বের পথে বিচরণকারী । এ সকল হজরতের বিশেষণরূপ । এতদ্ভিন্ন এই কয় বর্ণের অল্প অনেক অর্থও হইতে পারে । ( ত, হো, )

‡ যখন কোরেশগণ কোর্-আন্ গ্রন্থকে অসত্য বলিতে লাগিল, কিছুতেই বিশ্বাস করিতেছিল না, এ দিকে হজরত তাহাদের বিশ্বাসলাভ ও ধর্মগ্রহণের জন্ত একান্ত ব্যাকুল হইলেন, তখন পরমেশ্বর তাহার মনের সান্ত্বনার জন্ত এই আয়ত প্রেরণ করেন । ( ত, হো, )

§ “সম্বন্ধে তাহাদের নিকট তাহার তত্ত্ব আসিবে” অর্থাৎ শীঘ্র তজ্জন্ত তাহাদিগকে পরিতাপিত হইতে হইবে । ( ত, হো, )

। ফেরওণ ও তাহার অনুবর্তী কিব্-তিজাতি অত্যাচারী দল, যেহেতু তাহারা আপন জীবনের প্রতি ও বনিএশ্রায়েলের প্রতি অত্যাচার করিয়াছিল । ( ত, হো, )



না” ? ১১। সে বলিল, “হে আমার প্রতিপালক, নিশ্চয় আমি ভয় পাইতেছি যে, তাহারা আমার প্রতি অসত্যারোপ করিবে। ১২। এবং আমার বক্ষ সঙ্কচিত হইতেছে ও আমার রসনা সঞ্চালিত হইতেছে না; অতএব হারুণের প্রতি (প্রত্যাদেশ) প্রেরণ কর। ১৩। এবং তাহাদের সম্বন্ধে আমাতে কোন অপরাধ আছে, অতএব আমি শঙ্কিত আছি যে, তাহারা আমাকে বধ করিবে”। ১৪। তিনি বলিলেন, “এরূপ হইবে না, অনন্তর তোমরা দুইজন আমার নিদর্শন সকল সহ যাও, নিশ্চয় আমি তোমাদের সম্বন্ধে শ্রোতা আছি। ১৫। অবশেষে তোমরা ফেরওণের নিকটে যাও, পরে বল যে, নিশ্চয় আমরা বিশ্বপালকের প্রেরিত। ১৬। (সংবাদ) এই যে, আমাদের সম্বন্ধে তুমি বনিএশ্রায়েলকে প্রেরণ কর”। ১৭। সে (ফেরওণ) বলিল, “আমি কি তোমাকে আপনার মধ্যে শৈশবে প্রতিপালন করি নাই ও আমাদের মধ্যে তুমি আপন জীবনের বহু বৎসর স্থিতি কর নাই? ১৮। এবং তুমি যাহা করিয়াছ, তাহা নিজের কার্য করিয়াছ ও তুমি অধর্মাচারী লোকদিগের অন্তর্গত” \*। ১৯। সে (মুসা) বলিল, “আমি তাহা করিয়াছি ও তখন আমি পথভ্রাস্তদিগের অন্তর্গত ছিলাম। ২০। পরে যখন তোমাদিগকে ভয় করিলাম, তখন তোমাদিগ হইতে পলায়ন করিয়াছিলাম; অবশেষে আমার প্রতিপালক আমাকে জ্ঞান দান করিয়াছেন, এবং তিনি আমাকে প্রেরিতদিগের অন্তর্গত করিয়াছেন। ২১। এবং ইহা কি এক দান হয় যে, তুমি আমাকে তদ্বারা উপকৃত করিয়াছ যে, বনিএশ্রায়েলকে দাস করিয়া রাখিয়াছ” ? ২২। এবং ফেরওণ জিজ্ঞাসা করিল, “জগতের প্রতিপালক কে” ? ২৩। সে বলিল, “যিনি দু্যলোক ভুলোকের এবং উভয়ের মধ্যে যাহা আছে, তাহার প্রতিপালক, যদি তুমি বিশ্বাস স্থাপন কর”। ২৪। যাহারা তাহার পার্শ্বে ছিল, সে (ফেরওণ) তাহাদিগকে বলিল, “তোমরা কি শুনিতেছ না”? ২৫। সে (মুসা) বলিল, “তিনি তোমাদের প্রতিপালক ও তোমাদের পূর্ববর্তী পিতৃপুরুষদিগের প্রতিপালক”। ২৬। সে আপন দলকে বলিল, “তোমাদের নিকটে যে প্রেরিত হইয়াছে, তোমাদের এই প্রেরিতপুরুষ সে একান্ত ক্ষিপ্ত”। ২৭। সে (মুসা) বলিল, “তিনি পূর্ব ও পশ্চিমের ও যাহা উভয়ের মধ্যে আছে তাহার প্রতিপালক, যদি তোমরা জ্ঞান রাখ”। ২৮। সে কহিল, “যদি তুমি আমাকে ছাড়িয়া (অন্য) ঈশ্বর গ্রহণ করিয়া থাক, তবে অবশ্য আমি তোমাকে কারাবাসীদিগের অন্তর্গত করিব”। ২৯। সে বলিল, “যত্বপি আমি তোমার নিকটে কোন উজ্জ্বল বস্তু আনয়ন করি, (তথাপি কি তুমি ইহা করিবে) ? ৩০। সে বলিল, “যদি তুমি সত্যবাদীদিগের অন্তর্গত হও, তবে তাহা উপস্থিত কর”। ৩১। অনন্তর সে আপন যষ্টি নিক্ষেপ করিল, অবশেষে অকস্মাৎ উহা স্পষ্ট অঙ্গুর হইল। ৩২। এবং সে

\* মুসা একজন কিবৃতিকে হত্যা করিয়াছিলেন, সেই ব্যাপারকে লক্ষ্য করিয়া ফেরওণ এই কথা বলিয়াছিল।

আপন হস্ত বাহির করিল, অনন্তর হঠাৎ উহা দর্শকদিগের জ্ঞ জুত্র হইল । ৩৩ । ( র, ২, আ, ২৪ )

সে আপন পার্শ্বস্থ প্রধান পুরুষদিগকে বলিল যে, “নিশ্চয় এ জ্ঞানী ঐন্দ্রজালিক । ৩৪ ।+সে আপন ইন্দ্রজালযোগে তোমাদিগকে তোমাদের দেশ হইতে বাহির করিতে ইচ্ছা করে ; অনন্তর তোমরা কি অনুমতি করিতেছ” ? ৩৫ । তাহারা বলিল, “তাহাকে ও তাহার ভ্রাতাকে অবকাশ দাও, এবং নগর সকলে ( লোক ) সংগ্রহকারীদিগকে প্রেরণ কর । ৩৬ ।+তাহারা সমুদায় জ্ঞানী ঐন্দ্রজালিককে তোমার নিকটে আনয়ন করিবে” । ৩৭ । অনন্তর নির্দ্ধারিত দিনের সময়ের জ্ঞ ঐন্দ্রজালিকগণ একত্রীকৃত হইল । ৩৮ ।+এবং লোকদিগকে বলা হইল, “তোমরা কি একত্র হইবে ? ৩৯ ।+হয়তো আমরা ( মুসাকে দূর করিতে ) ঐন্দ্রজালিকদিগের অনুসরণ করিব, ( দেখি, ) যদি তাহারা বিজয়ী হয়” । ৪০ । অনন্তর যখন ঐন্দ্রজালিকগণ উপস্থিত হইল, তখন তাহারা ফেরওণকে জিজ্ঞাসা করিল, “যদি আমরা বিজয়ী হই, তবে আমাদের জ্ঞ কি পুরস্কার হইবে” ? ৪১ । সে বলিল, “হাঁ, এবং তখন নিশ্চয় তোমরা সন্নিহিত লোকদিগের অন্তর্ভুক্ত হইবে” । ৪২ । মুসা তাহাদিগকে বলিল, “তোমরা যাহার নিক্ষেপকারী, নিক্ষেপ কর” । ৪৩ । অনন্তর তাহারা আপনাদের রজ্জু ও আপনাদের যষ্টি সকল নিক্ষেপ করিল, এবং বলিল, “ফেরওণের গৌরবের শপথ, নিশ্চয় আমরা বিজয়ী হইব” । ৪৪ । অবশেষে মুসা নিজের যষ্টি নিক্ষেপ করিল, পরে হঠাৎ উহা, তাহারা যদ্বারা প্রবঞ্চনা করিতেছিল, তাহা গ্রাস করিতে লাগিল । ৪৫ । অনন্তর ঐন্দ্রজালিকগণ প্রণত হইয়া পড়িয়া গেল । ৪৬ ।+তাহারা বলিল, “বিশ্বপালকের প্রতি, মুসা ও হারুণের প্রতি-পালকের প্রতি আমরা বিশ্বাস স্থাপন করিলাম” । ৪৭+৪৮ । সে ( ফেরওণ ) বলিল, “তোমাদিগকে আজ্ঞা করিবার পূর্বে তোমরা কি তাহার ( মুসার ) প্রতি বিশ্বাস স্থাপন করিলে ? নিশ্চয় এ তোমাদিগের দলপতি, তোমাদিগকে ইন্দ্রজাল শিক্ষা দিয়াছে ; অনন্তর তোমরা অবশ্য জানিতে পাইবে । ৪৯ । অবশ্য আমি তোমাদের হস্ত ও তোমাদের পদ ( পরস্পর ) বিপরীত ভাবে ছেদন করিব \* এবং অবশ্য একযোগে তোমাদিগকে শূলে চড়াইব” । ৫০ । তাহারা বলিল, “ক্ষতি নাই, নিশ্চয় আমরা স্বীয় প্রতিপালকের দিকে প্রত্যাভর্তনকারী । ৫১ । নিশ্চয় আমরা আশা করি যে, আমাদের প্রতিপালক আমাদের অপরাধ আমাদের নিমিত্ত ক্ষমা করিবেন, যেহেতু আমরা প্রথম বিশ্বাসী হইলাম” । ৫২ । ( র, ৩, আ, ১৯ )

\* অর্থাৎ ঐন্দ্রজালিকদিগের এক এক জনের দক্ষিণ হস্ত ও বাম পদ, বা বাম হস্ত ও দক্ষিণ পদ ছেদন করিয়া, সকলকে শূলে চড়াইতে ফেরওণ আদেশ করিল । তাহাতে মুসা তাহাদের জ্ঞ আর্ন্তনাদ করিতে লাগিলেন । তখন পরমেশ্বর আবরণ উদঘাটন করিয়া তাহাদের জ্ঞ যে স্বর্গলোকে উচ্চ স্থান আছে, তাহা প্রদর্শনপূর্বক মুসাকে সাক্ষ্য দান করিলেন । ( ত, হো, )

এবং আমি মুসার প্রতি প্রত্যাদেশ করিয়াছিলাম যে, তুমি আমার দাসবৃন্দ সহ রজনীতে প্রস্থান কর, নিশ্চয় তোমরা অহুসৃত হইবে \* । ৫৩ । অনস্তর ফেরওণ নগর সকলে ( লোক ) সংগ্রহকারীদিগকে প্রেরণ করিল । ৫৪ । ( বলিল ) “নিশ্চয় ইহারা এক ক্ষুদ্র দল † । ৫৫ । + এবং একান্তই ইহারা আমাকে ক্রুদ্ধ করিয়া তুলিয়াছে । ৫৬ । + এবং নিশ্চয় আমরা অস্ত্রধারী দল” । ৫৭ । অনস্তর আমি তাহাদিগকে ( ফেরওণীয় সম্প্রদায়কে ) উদ্যান ও প্রস্রবণ সকল হইতে এবং ধনাগার ও উত্তমাগার হইতে বাহির করিয়াছি । ৫৮ + ৫৯ । এই ( করিয়াছি, ) এবং বনিএশ্রায়েলকে তাহার উত্তরাধিকারী করিয়াছি ‡ । ৬০ । অনস্তর তাহারা সূর্যোদয়ের সময়ে তাহাদের পশ্চাদ্-গামী হইয়াছিল । ৬১ । পরে যখন দুই দল ( পরস্পরকে ) দৃষ্টি করিল, তখন মুসার সহচরগণ বলিল যে, “নিশ্চয় আমরা ( তাহাদিগ কর্তৃক ) প্রাপ্ত হইলাম” । ৬২ । সে বলিল, “এরূপ নহে, একান্তই আমার সঙ্গে আমার প্রতিপালক আছেন, শীঘ্র তিনি আমাকে পথ প্রদর্শন করিবেন” । ৬৩ । অনস্তর আমি মুসার প্রতি প্রত্যাদেশ করিলাম যে, “তুমি সাগরকে আপন ষষ্টি দ্বারা আঘাত কর” ; পরে তাহা বিদীর্ণ হইল, পরিশেষে ( তাহার ) প্রত্যেক অংশ বৃহৎ পর্বত-সদৃশ হইল । ৬৪ । এবং আমি সেই স্থানে অপর সকলকে ( ফেরওণের দলকে ) সন্নিহিত করিয়াছিলাম । ৬৫ । মুসাকে ও তাহার সঙ্গী লোকদিগকে একযোগে উদ্ধার করিয়াছিলাম । ৬৬ । তৎপর অপর দলকে জলমগ্ন করিলাম । ৬৭ । নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না § । ৬৮ । এবং নিশ্চয় তোমার সেই প্রতিপালক, ( হে মোহম্মদ, ) পরাক্রমশালী দয়ালু । ৬৯ । ( র, ৪, আ, ১৭ )

\* মুসা এই প্রকারে কয়েক বৎসর ফেরওণের নিকটে থাকিয়া প্রচার ও অলৌকিক ক্রিয়া সকল প্রদর্শন করিতে থাকেন । তাহাতে প্রত্যহ ফেরওণের ও তাহার অনুগামিগণের ক্রোধ, বিদ্বেষ ও অত্যাচার বৃদ্ধি হইতে থাকে । তজ্জন্ত তাহাদের মৃত্যু নিকটবর্তী হয় ; ঈশ্বর মুসাকে আদেশ করেন যে, তুমি আপন দল সহ মেসর হইতে প্রস্থান কর । ( ত, হো, )

+ বনিএশ্রায়েলদলে বিংশতি বৎসর হইতে ষষ্টি বৎসর বয়ঃক্রম পর্য্যন্ত ছয় লক্ষ সন্তোর সহস্র লোক ছিল । তন্মিত্তি স্ত্রী, বালক ও নবযুবক সহস্র সহস্র ছিল । ফেরওণ তাহাদিগকে স্বীয় সৈন্ত-দলের তুলনায় অত্যন্তসংখ্যক মনে করিয়া চব্বিশ লক্ষ সৈন্তসহ মুসার বিরুদ্ধে যাত্রা করিয়াছিল । ( ত, হো, )

‡ কেহ কেহ বলেন যে, ফেরওণ ও তাহার অনুগামিগণ বিনাশ প্রাপ্ত হইলে, বনিএশ্রায়েল মেসরে প্রত্যাগমন করিয়া তাহাদের সমুদায় ধনসম্পত্তি গ্রহণ করিয়াছিলেন । প্রকৃত বিবরণ এই যে, দাউদ ও সোলয়মান মেসর দেশ জয় করিয়া কিব্-তিদিগের সমুদায় সম্পত্তি হস্তগত করিয়াছিলেন । ( ত, হো, )

§ কথিত আছে, ফেরওণের পরিবারের জজবিন নামক ব্যক্তি ব্যতীত অপর কেহই তখন মুসার ধর্ম গ্রহণ করে নাই, সে মুসার সঙ্গে মেসর হইতে চলিয়া গিয়াছিল । ( ত, হো, )

এবং তুমি, ( হে মোহম্মদ, ) তাহাদের নিকটে এব্রাহিমের বৃত্তান্ত পাঠ কর । ৭০ । যখন সে স্বীয় পিতাকে ও স্বীয় সম্প্রদায়কে জিজ্ঞাসা করিল, “তোমরা কাহাকে পূজা করিয়া থাক” ? ৭১ । তাহারা বলিল, “আমরা প্রতিমূর্তি সকলকে অর্চনা করি, পরন্তু তাহাদের সহবাসে স্থিতি করিয়া থাকি” । ৭২ । সে জিজ্ঞাসা করিল, “যখন তোমরা তাহাদিগকে আহ্বান কর, তাহারা কি তোমাদের কথা শুনিতে পায় ? ৭৩ ।+ অথবা তাহারা তোমাদিগের উপকার করে, কিংবা অপকার করিয়া থাকে” ? ৭৪ । তাহারা বলিল, “বরং আমরা স্বীয় পিতৃপুরুষদিগকে এরূপ করিতে প্রাপ্ত হইয়াছি” । ৭৫ । সে জিজ্ঞাসা করিল, “অনন্তর তোমরা যাহাদিগকে অর্চনা করিয়া থাক ও তোমাদের পূর্বতন পিতৃপুরুষগণ ( অর্চনা করিয়াছে, ) তোমরা কি তাহাদিগকে দেখিতেছ, ( জানিতেছ ) ? ৭৬+৭৭ । অনন্তর বিশ্বপালক ব্যতীত নিশ্চয় তাহারা আমার শত্রু । ৭৮ । যিনি আমাকে সৃষ্টি করিয়াছেন, পরে তিনি আমাকে পথ প্রদর্শন করিয়া থাকেন । ৭৯ । এবং তিনি যিনি আমাকে ভোজন পান করাইয়া থাকেন \* । ৮০ । এবং যখন আমি পীড়িত হই, তখন তিনি আমাকে আরোগ্য দান করেন । ৮১ । এবং তিনি আমার প্রাণ হরণ করেন, তৎপর আমাকে জীবিত করিয়া থাকেন † । ৮২ । এবং আমি আশা করি যে, কেয়ামতের দিনে আমার পাপ সকল তিনি আমার জন্ত ক্ষমা করিবেন” । ৮৩ । “হে আমার প্রতিপালক, তুমি আমাকে জ্ঞান দান কর ও সাধু পুরুষগণের সঙ্গে আমাকে মিলিত কর । ৮৪ । এবং পশ্চাদ্বর্তীদিগের মধ্যে আমার জন্ত সত্য রসনা দান কর ‡ । ৮৫ ।

\* অন্নপান দ্বিবিধ, বাহ্যিক ও আধ্যাত্মিক । আধ্যাত্মিক অন্ন ঈশ্বরার্চনা, তদ্বারা আত্মা জীবিত থাকে ; আধ্যাত্মিক পানীয় ঈশ্বরের স্বরূপের প্রকাশ, তদ্বারা আত্মা সতেজ হয় । এই স্থানে উপস্থী জোলুন্ন বলিয়াছেন যে, এই অন্ন-ভোজন তদ্বান্ন-ভোজন, এই জল-পান প্রেমজল-পান । ( ত, হো, )

+ অর্থাৎ পরমেশ্বর জ্ঞান-বিচারে মারেন, কৃপাতে প্রাণে বাঁচান । অথবা পাপে মৃত্যু, ঈশ্বরভজনায় জীবন । কিংবা অজ্ঞানতায় মৃত্যু, জ্ঞানে জীবন । অথবা লোভে মৃত্যু, অলোভে জীবন । কিংবা অবৈরাগ্যে মৃত্যু, বৈরাগ্যে জীবন । বা বিচ্ছেদে মৃত্যু, সম্মিলনে জীবন । কোন সাধু পুরুষ বলিয়াছেন যে, ঈশ্বর আমিত্ববিনাশে আমাকে আপনাতে জীবিত করিয়া থাকেন, মানবীয় গুণে বিনাশ ও আধ্যাত্মিক প্রকৃতিতে জীবন দান করেন, আধ্যাত্মিক উন্নতির গোরবে বিনাশ ও ঐশ্বরিক স্বরূপে জীবিত করেন । কোন কোন তত্ত্বদর্শীর মতে ভয় ও আশাতে বা ভজনহীনতা ও সাধন ভজনেতে, ঈশ্বরের অদর্শনে ও তাঁহার আবির্ভাবে মৃত্যু ও জীবন স্থিতি করে । ( ত, হো, )

‡ অর্থাৎ যে সকল লোক আমার পর আসিবে, সেই ভবিষ্যৎদংশীয় লোকদিগের রসনায় তুমি আমার নিমিত্ত খ্যাতি প্রতিপত্তি দান কর । তাঁহার এই প্রার্থনা গৃহীত হইয়াছিল । সমুদয় সূর্যোপাসক ও ইহুদি ও ঈসারী এবং মোসলমানমণ্ডলী মহান্বা এব্রাহিমের গুণানুকীর্ণন করিতেন । কেহ কেহ বলেন যে, সত্য রসনার অর্থ সত্যপ্রিয় পুরুষ । এই আয়তের মর্ম্ম এই যে, আমার ধর্ম্মের মূল গৌরবান্বিত করিবার জন্ত তুমি ভবিষ্যৎদংশীর মধ্যে একজন সত্যবাদী পুরুষ প্রকাশ কর । হজরত মোহম্মদই সেই সত্যবাদী পুরুষহলে লক্ষিত হইয়াছেন । ( ত, হো, )

এবং আমাকে সম্পদের স্বর্গের উত্তরাধিকারী কর। ৮৬। এবং আমার পিতাকে তুমি কমা কর, নিশ্চয় তিনি পথভ্রাস্তদিগের ( অস্তর্গত )। ৮৭। যে দিবস ( লোক সকল ) সমুখাপিত হইবে, সেই দিবস আমাকে ক্ষুণ্ণ করিও না। ৮৮। যে ব্যক্তি প্রশান্ত হৃদয় ঈশ্বরের নিকটে উপস্থিত করে, \* তাহা ব্যতীত যে দিবস সম্পত্তি ও সম্মানগণ তাহার উপকার করে না। ৮৯ + ৯০। এবং ( যে দিবস ) ধর্মভীরু লোকদিগের জন্ত স্বর্গ সন্নিহিত করা যাইবে। ৯১। + এবং বিপথগামী লোকদিগের জন্ত নরক প্রকাশিত হইবে, সে দিবস ( আমাকে লজ্জিত করিও না )”। ৯২। তাহাদিগকে বলা হইবে, “তোমরা ঈশ্বরকে ছাড়িয়া যাহাকে অর্চনা করিতেছিলে, সে কোথায় ?” তাহারা কি তোমাদিগকে সাহায্য দান করে বা স্বয়ং প্রতিশোধ তুলিতেছে ? ৯৩ + ৯৪। অনস্তর তথায় তাহারা ও বিপথগামিগণ এবং শয়তানের সেনাদল একযোগে অধোমুখে নিক্ষিপ্ত হইবে। ৯৫ + ৯৬। ( কাফেরগণ ) বলিবে, এবং তাহারা ( প্রতিমা সকল ) তথায় পরস্পর বিতণ্ডা করিতে থাকিবে। ৯৭। + “ঈশ্বরের শপথ, যখন তোমাদিগকে বিশ্বপতির সঙ্গে তুল্য করিয়াছিলাম, তখন নিশ্চয় আমরা স্পষ্ট বিপথে ছিলাম। ৯৮ + ৯৯। এই পাপিগণ ভিন্ন তোমাদিগকে ( কেহ ) বিপথগামী করে নাই। ১০০। অনস্তর আমাদের জন্ত পাপক্ষমার কোন অহুরোধকারী নাই। ১০১। + এবং সহায়ভূতিকারী বন্ধু নাই। ১০২। অনস্তর যদি আমাদের জন্ত একবার পুনর্গমন হয়, তবে আমরা বিশ্বাসী দলের অস্তর্গত হইব”। ১০৩। নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না। ১০৪। এবং নিশ্চয় তোমার সেই প্রতিপালক, ( হে মোহম্মদ, ) পরাক্রমশালী দয়ালু। ১০৫। ( র, ৫, আ, ৩৬ )

মুহীয সম্প্রদায় প্রেরিত পুরুষদিগের প্রতি অসত্যারোপ করিয়াছিল। ১০৬। ( স্মরণ কর, ) যখন তাহাদের ভ্রাতা মুহা তাহাদিগকে বলিল, “তোমরা কি ভয় পাইতেছ না ? ১০৭। নিশ্চয় আমি তোমাদের জন্ত বিশ্বস্ত প্রেরিত পুরুষ। ১০৮। অনস্তর তোমরা ঈশ্বরকে ভয় করিতে থাক ও আমার অহুগত হও। ১০৯। আমি এ বিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালকের নিকটে ভিন্ন আমার পারিশ্রমিক নাই। ১১০। অনস্তর ঈশ্বরকে ভয় কর ও আমাব অহুগত হও”। ১১১। তাহারা বলিল, “আমরা কি তোমাকে বিশ্বাস করিব ? বস্তুতঃ নিকটে লোকেরা

\* “লা এলাহ্ এল্লেলা মোহম্মদ রহুল্লা” এই বাক্যের সত্যতাতে যে একান্ত আস্থা, তাহাই অন্তরের শান্তি। অস্ত মত এই যে, যে হৃদয় সংসারপ্রেমশূন্য, উহাই প্রশান্ত হৃদয়। অনেক সাধুলোকেরা বলিয়াছেন যে, মন ঈশ্বর ব্যতীত অস্ত কিছু জানে না, তাহাই প্রশান্ত মন। অস্ত কেহ কেহ বলিয়াছেন যে, হৃদয়ে সাংসারিক গোলযোগ স্থান পায় না, পারলৌকিক সুখেরও আশা নাই, তাহাই শান্ত হৃদয়। অস্ত অনেকে এ বিষয়ে এরূপ অনেক প্রকার ভাব প্রকাশ করিয়াছেন।

( ত, হো, )



তোমার অনুসরণ করিয়াছে” \* । ১১২ । সে কহিল, “আমি তাহা কি জানি, তাহারা কি করিতেছিল ? ১১৩ । যদি তোমরা বুঝিতেছ, তবে আমার প্রতিপালকের নিকটে ভিন্ন তাহাদের গণনা নাই । ১১৪ । এবং আমি বিশ্বাসীদের দূরকারী নহি । ১১৫ । আমি স্পষ্ট ভয়প্রদর্শক বৈ নহি” । ১১৬ । তাহারা বলিল, “হে মুহা, যদি তুমি নিরস্ত না হও, তবে অবশ্য চূর্ণীকৃত হইবে” । ১১৭ । সে কহিল, “হে আমার প্রতিপালক, নিশ্চয় আমার সম্প্রদায় আমার প্রতি অসত্যারোপ করিতেছে । ১১৮ । অতএব তুমি আমার ও তাহাদের মধ্যে মীমাংসায় মীমাংসিত কর, এবং আমাকে ও আমার সঙ্গে বিশ্বাসীদের যাহারা আছে, তাহাদিগকে উদ্ধার কর” । ১১৯ । অনন্তর আমি তাহাকে ও তাহার সঙ্গী লোকদিগকে নৌকায় পূর্ণ করিয়া উদ্ধার করিলাম । ১২০ । তৎপর আমি অবশিষ্ট লোকদিগকে জলমগ্ন করিয়াছিলাম । ১২১ । নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না । ১২২ । নিশ্চয় তোমার এই প্রতিপালক, ( হে মোহাম্মদ, ) পরাক্রমশালী দয়ালু । ১২৩ । ( র, ৬, আ, ১৮ )

আদ সম্প্রদায় প্রেরিতপুরুষদিগের প্রতি অসত্যারোপ করিয়াছিল । ১২৪ । ( স্মরণ কর, ) যখন তাহাদের ভ্রাতা হুদ তাহাদিগকে বলিল, “তোমরা কি শঙ্কিত হইতেছ না ? ১২৫ । নিশ্চয় আমি তোমাদের জন্ম বিশ্বস্ত প্রেরিতপুরুষ । ১২৬ । অনন্তর তোমরা ঈশ্বরকে ভয় করিতে থাক ও আমার অনুগত হও । ১২৭ । আমি এ বিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালকের নিকটে বৈ আমার পারিশ্রমিক নাই । ১২৮ । তোমরা কি উচ্চ স্থান সকলে আমোদ করত এক এক নিদর্শন নিষ্কাশন করিতেছ ? ১২৯ ।+ এবং তোমরা কারুকার্যযুক্ত আলয় সকল প্রস্তুত করিয়া লইতেছ, যেন সর্বদা থাকিবে । ১৩০ । এবং যখন তোমরা আক্রমণ কর, তখন দুর্দাস্ত হইয়া আক্রমণ করিয়া থাক । ১৩১ । অনন্তর ঈশ্বরকে ভয় করিতে থাক ও আমার অনুগত হও । ১৩২ । এবং তোমরা যাহা জানিতেছ, যিনি তদ্বিময়ে তোমাদিগকে সাহায্য করিয়াছেন, পশু ও সস্তানবর্গ দ্বারা এবং উগ্ধান ও জলপ্রণালী দ্বারা তোমাদিগকে সাহায্য করিয়াছেন ; তোমরা তাঁহাকে ভয় কর । ১৩৩+১৩৪+ ১৩৫ । আমি মহাদিনের শান্তিকে তোমাদের সম্বন্ধে ভয় করিতেছি” । ১৩৬ । তাহারা বলিল, “তুমি উপদেশ দান কর বা উপদেষ্টাদিগের অনুগত না হও, ( ইহা ) আমাদের সম্বন্ধে তুল্য । ১৩৭ । ইহা পূর্বতন লোকদিগের স্বভাব ভিন্ন নহে । ১৩৮ ।+ এবং আমরা শান্তিগ্রস্ত

\* অর্থাৎ যাহারা বাছে তোমার অনুগত হইয়া বিশ্বাসী বলিয়া পরিচয় দেয় ও বিশ্বাসীদের অনুসরণ করে, কিন্তু অন্তরে তোমার বিরোধী, এমন নিকৃষ্ট লোকেরা তোমার অনুসরণ করিয়াছে ।  
( ত, হো, )

+ আদ সম্প্রদায় পথের পার্শ্বে কপোতগৃহ নির্মাণপূর্বক তাহাতে অবস্থিতি করিয়া পথিকদিগের সম্বন্ধে কপোতযোগে ক্রীড়া আমোদ করিত ।  
( ত, হো, )

লোক নহি। ১৩৯। অনস্তর তাহারা তাহার প্রতি অসত্যারোপ করিয়াছিল, পরিশেষে আমি তাহাদিগকে সংহার করিয়াছিলাম; নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না। ১৪০। এবং নিশ্চয় তোমার সেই প্রতিপালক, ( হে মোহম্মদ, ) পরাক্রমশালী ও দয়ালু। ১৪১। ( র, ৭, আ, ১৮ )

সমুদ জাতি প্রেরিতপুরুষদিগের প্রতি অসত্যারোপ করিয়াছিল। ১৪২। ( স্মরণ কর, ) যখন তাহাদের ভ্রাতা সালেহ তাহাদিগকে বলিল, “তোমরা কি শঙ্কিত হইতেছ না? ১৪৩। নিশ্চয় আমি তোমাদিগের জগ্ন বিশ্বস্ত প্রেরিতপুরুষ। ১৪৪। অনস্তর ঈশ্বরকে ভয় করিতে থাক, এবং আমার অনুগত হও। ১৪৫। আমি এবিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালক পরমেশ্বরের নিকটে ভিন্ন আমার পারিশ্রমিক নাই। ১৪৬। এস্থানে তোমরা যে ভাবে আছ, উঠানে ও প্রস্রবণ সকলে এবং শস্যক্ষেত্রে ও যাহার পুষ্প কোমল হয়, সেই খোঁয়া তরুতে কি তোমরা নিরাপদে পরিত্যক্ত হইবে? ১৪৭+১৪৮+ :৪৯। তোমরা নিপুণ হইয়া পর্বত সকল হইতে আলায় সকল কাটিয়া লইতেছ। ১৫০। অনস্তর ঈশ্বরকে ভয় কর ও আমার অনুগত থাক। ১৫১। এবং যাহারা ধরাতলে উৎপাত করে ও সংকর্ষ করে না, এমন সীমালঙ্ঘনকারীদিগের আদেশ মাগ্ন করিও না”। ১৫২+ :১৫৩। তাহারা বলিল, “তুমি ইন্দ্রজালগ্রস্ত ( লোকদিগের ) অন্তর্গত ভিন্ন নও। ১৫৪। তুমি আমাদের ণ্ডায় এক জন মনুষ্য বৈ নও; অনস্তর যদি তুমি সত্যবাদীদিগের অন্তর্গত হও, তবে কোন নিদর্শন উপস্থিত কর”। ১৫৫। সে বলিল, “এই উষ্ট্রী, নির্দিষ্টদিবসে ইহার জগ্ন পানীয় হইবে ও তোমাদের জগ্ন পানীয় হইবে \*। ১৫৬। এবং তোমরা ক্লেশ দান করিতে তাহাকে স্পর্শ করিও না, তবে মহাদিবসে তোমাদিগকে শাস্তি আশ্রয় করিবে”। ১৫৭। অনস্তর তাহারা তাহার পদচ্ছেদন করিল, পরে মনঃক্ষুণ্ণ হইল। ১৫৮।+অনস্তর তাহাদিগকে শাস্তি আশ্রয় করিল, নিশ্চয় ইহার মধ্যে নিদর্শন আছে ও তাহাদের অধিকাংশই বিশ্বাসী নহে। ১৫৯। এবং নিশ্চয় তোমার সেই প্রতিপালক, ( হে মোহম্মদ, ) পরাক্রমশালী ও দয়ালু। ১৬০। ( র, ৮, আ, ১৯ )

লুতীয় সম্প্রদায় প্রেরিতপুরুষদিগের প্রতি অসত্যারোপ করিয়াছিল। :৬১। ( স্মরণ কর, ) যখন তাহাদের ভ্রাতা লুত তাহাদিগকে বলিল, “তোমরা কি শঙ্কিত

\* সমুদ জাতি সালেহকে আপনাদের সদৃশ দেখিয়া ব্যঙ্গ করিয়া বলিয়াছিল, “তুমি আমাদেরই ণ্ডায় একজন, তোমার প্রেরিতদের অদ্ভুত ফ্রিয়া কি আছে?” সালেহ জিজ্ঞাসা করিলেন, “তোমরা কিসের প্রার্থী?” তাহাতে তাহারা বলিল যে, “এই সমুদ্র প্রস্তর খণ্ড হইতে একটি উষ্ট্রী বাহির কর।” তখনই এক উষ্ট্রী বাহির হইল। এবং সালেহ বলিল, “এই তোমাদের প্রার্থিত উষ্ট্রী, জলাশয়ের জল এক দিবস ইহার পান করা ও এক দিবস তোমাদের পান করা নির্দিষ্ট হইল। ইহার জলপান করার দিন তোমরা প্রতিবন্ধক হইবে না। ( ভ, হো, )

হইতেছে না? ১৬২। নিশ্চয় আমি তোমাদের জ্ঞাত বিশ্বস্ত প্রেরিতপুরুষ। ১৬৩। অনন্তর ঈশ্বরকে ভয় কর ও আমার অনুগত হও। ১৬৪। আমি এবিষয়ে তোমাদের নিকটে কোন পারিশ্রমিক প্রার্থনা করি না, বিশ্বপতির নিকটে ব্যতীত আমার পারিশ্রমিক নাই। ১৬৫। পৃথিবীস্থ পুরুষদিগের নিকটে কি তোমরা ( ব্যভিচার উদ্দেশ্যে ) উপস্থিত হও? ১৬৬। + এবং তোমাদের প্রতিপালক তোমাদিগের জ্ঞাত তোমাদিগের ভার্য্যাগণকে যে সৃষ্টি করিয়াছেন, তাহাদিগকে কি তোমরা পরিত্যাগ কর? বরং তোমরা সীমানাঙ্কনকারী জাতি”। ১৬৭। তাহারা বলিল, “হে লুত, যদি তুমি নিবৃত্ত না হও, তবে একান্তই তুমি বহিষ্কৃত লোকদিগের অন্তর্গত হইবে”। ১৬৮। সে বলিল, “নিশ্চয় আমি তোমাদিগের ক্রিমার বিপক্ষদিগের অন্তর্গত। ১৬৯। হে আমার প্রতিপালক, তাহারা যাহা করিতেছে, তাহা হইতে তুমি আমাকে ও আমার পরিজনকে রক্ষা কর”। ১৭০। অনন্তর আমি তাহাকে ও তাহার পরিজনকে, অবশিষ্ট স্থিত এক বৃদ্ধা নারীকে ব্যতীত, একযোগে উদ্ধার করিয়াছিলাম \*। ১৭১+১৭২। তৎপর অণু লোকদিগকে বিনাশ করিয়াছিলাম। ১৭৩। এবং তাহাদের উপর আমি বৃষ্টি বর্ষণ করিয়াছিলাম, অনন্তর ভয়প্রাপ্ত ব্যক্তিদিগের সম্মুখে সেই বৃষ্টি অকল্যাণ ছিল। ১৭৪। নিশ্চয় ইহার মধ্যে নিদর্শন আছে ও তাহাদের অধিকাংশই বিশ্বাসী ছিল না। ১৭৫। নিশ্চয় তোমার সেই প্রতিপালক, ( হে মোহাম্মদ, ) পরাক্রমশালী ও দয়ালু। ১৭৬। ( র, ৯, আ, ১৬ )

একানিবাসিগণ প্রেরিতপুরুষদিগের প্রতি অসত্যারোপ করিয়াছিল। ১৭৭। ( স্মরণ কর, ) যখন শোয়ব তাহাদিগকে বলিল, “তোমরা কি শঙ্কিত হইতেছ না? ১৭৮। নিশ্চয় আমি তোমাদের জ্ঞাত বিশ্বস্ত প্রেরিতপুরুষ। ১৭৯। + অনন্তর ঈশ্বরকে ভয় কর ও আমার অনুগত হও। ১৮০। + এবিষয়ে আমি তোমাদের নিকটে কোন পারিশ্রমিক চাহি না, বিশ্বপালকের নিকটে ব্যতীত আমার পারিশ্রমিক নাই। ১৮১। তোমরা পূর্ণ পরিমাণপাত্র রাখিও, এবং ক্ষতিকারকদিগের অন্তর্ভুক্তী হইও না। ১৮২। সরল তুলস্বল্পধার। তুল করিও। ১৮৩। এবং লোকদিগকে তাহাদের দ্রব্য কম দিও না ও পৃথিবীতে উৎপাতজনক হইয়া ( নির্ভয়ে ) ঘুরিয়া বেড়াইও না। ১৮৪। এবং যিনি তোমাদিগকে ও পূর্বতন জাতিকে সৃজন করিয়াছেন, তাঁহাকে ভয় করিও”। ১৮৫। তাহারা বলিল, “তুমি ইন্দ্রজালগ্রস্ত লোকদিগের অন্তর্গত ভিন্ন নও। ১৮৬। + এবং তুমি আমাদের ঞ্চায় মনুষ্য বৈ নও, এবং আমরা নিশ্চয় তোমাকে মিথ্যাবাদীদিগের অন্তর্গত মনে করি। ১৮৭। যদি তুমি সত্যবাদীদিগের অন্তর্গত হও, তবে তুমি আমাদের নিকটে আকাশের একখণ্ড নিক্ষেপ কর”। ১৮৮। সে বলিল, “তোমরা যাহা করিতেছ, আমার প্রতিপালক তাহা উত্তম জ্ঞাত”। ১৮৯। অনন্তর তাহার প্রতি তাহারা অসত্যারোপ

\* সেই স্ত্রী লুতের সম্মুখে চলিয়া যায় নাই। সে বলিয়াছিল, সকলের ভাগ্যে যাহা ঘটে, আমারও তাহাই ঘটবে। ( ত, হো, )

করিল, পরিশেষে তাহাদিগকে চন্দ্রাতপসম্বিত দিবসের শাস্তি আশ্রয় করিল; নিশ্চয় উহা মহাদিনের শাস্তি ( স্বরূপ ) ছিল \* । ১২০ । নিশ্চয় ইহার মধ্যে নিদর্শন ছিল, এবং তাহাদের অধিকাংশই বিশ্বাসী ছিল না । ১২১ । এবং একান্তই তোমার সেই প্রতিপালক, ( হে মোহাম্মদ, ) পরাক্রমশালী ও দয়ালু † । ১২২ । ( র, ১০, আ, ১৬ )

এবং নিশ্চয় এই (কোর্-আন্) বিশ্বপালক কর্তৃক অবতারিত । ১২৩ । জেত্রিল তৎসহ তোমার অন্তরে অবতীর্ণ হইয়াছে, যেন তুমি স্পষ্ট আরব্য ভাষায় ভয়প্রদর্শকদিগের অন্তর্গত হও । ১২৪ + ১২৫ + ১২৬ । এবং নিশ্চয় ইহা ( এই কোর্-আন্ ) পূর্বতন পুস্তিকায় উল্লিখিত হইয়াছে । ১২৭ । তাহাদের জ্ঞা কি এমন কোন নিদর্শন নাই যে, বনিএশ্রায়েলের পণ্ডিতগণ যাহা জ্ঞাত আছে ‡ ? ১২৮ । এবং যদিচ আমি আজমীদিগের কাহারও প্রতি তাহা অবতারণ করিতাম, পরে সে তাহাদিগের নিকটে পাঠ করিত, তথাপি তাহারা তৎপ্রতি বিশ্বাসী হইত না § । ১২৯ । + এইরূপে আমি পাপীদিগের

\* যখন শোয়বের মণ্ডলী অত্যন্ত অহঙ্কার করিয়া ধর্ম অস্বীকার করিল, তখন পরমেশ্বর ক্রমাগত সাত দিবস তাহাদের প্রতি উষ্ণতার সঞ্চার করেন । উষ্ণতা এরূপ বৃদ্ধি হইল যে, তাহাতে কুপ ও নিষ্কারের জল ফুটিতে লাগিল । সেই দুরাঙ্গাদিগের নিঃশ্বাস প্রশ্বাস রুদ্ধ হওয়ার উপক্রম হইল, সকলে গৃহাভ্যন্তরে প্রবেশ করিল । তাপ আরও বৃদ্ধি হইল, পরে তাহারা ঘর ছাড়িয়া অরণ্যে যাইয়া প্রবেশ করিল । তথায় প্রত্যেকে বৃক্ষতল আশ্রয় করিয়া পড়িয়া রহিল, তাহারা উত্তাপে যেন দগ্ধ হইতেছিল । ইতিমধ্যে হঠাৎ এক কৃষ্ণ মেঘ তাহাদের উপর প্রকাশ পায় ও তাহা হইতে শীতল বায়ু প্রবাহিত হইতে থাকে । তখন তরুচ্ছায়াশ্রিত ব্যক্তিগণ আনন্দিত হইয়া আপন আপন বন্ধুবর্গকে ডাকিতে লাগিল যে, চলিয়া আইস, জলদচন্দ্রাতপের নিম্নে সকলে বিশ্রাম-স্থল ভোগ কর । ক্রমে ক্রমে সকলে মেঘপটলের নিম্নে একত্রিত হইল । তখন সেই মেঘ হইতে অগ্নি বহির্গত হইয়া সকলকে দগ্ধ করিয়া ফেলিল । এস্থলে মেঘ চন্দ্রাতপের আকারে কাফেরদিগের মস্তকের উপর ছায়া বিস্তার করিয়াছিল । ( ত, হো, )

† পরমেশ্বর সপ্ত সংবাদবাহকের বৃত্তান্ত সংক্ষেপে হজরতের মনের সাস্তনার জন্ম এই সূরাতে বিবৃত করিলেন, এবং এতদ্বারা মিথ্যাবাদী কোরেশদিগকে ভয় দেখাইলেন যে, যে মণ্ডলী প্রেরিতপুরুষদিগকে অপবাদগ্রস্ত করিয়াছে, তাহারই শাস্তি প্রাপ্ত হইতে হইয়াছে । অতএব তোমাদিগকেও সেই আচরণের জন্ম শাস্তি পাইতে হইবে । ( ত, হো, )

‡ কথিত আছে যে, আরবের পৌত্তলিকগণ কোন কঠিন ব্যাপার উপস্থিত হইলে এশ্রায়েলবংশীয় পণ্ডিতদিগের নিকটে আগমন করিত ও তাহারা যাহা বলিত, তাহা গ্রাহ্য করিত, এবং সেই কথাকে প্রমাণ বলিয়া জানিত । ঈশ্বর বলিতেছেন যে, কোর্-আনের সত্যতাসম্বন্ধে কি বনিএশ্রায়েল পণ্ডিতগণ প্রাচীন গ্রন্থের বা জ্ঞানী লোকদিগের সাঙ্কে কোন প্রমাণ প্রকাশ করিতে পারে না, যাহা কাফেরদিগের বিশ্বাসের কারণ হয় ? ( ত, হো, )

§ অর্থাৎ যদি আমি কোর্-আনকে আজমী ভাষায় আজমী লোকদিগের নিকটে অবতারণ করিতাম, তবে আরবের কাফেরগণ তাহা বিশ্বাস করিত না; তাহারা বলিত, আমরা ইহার অর্থ কিছুই হৃদয়ঙ্গম করিতে পারিতেছি না । ( ত, হো, )

অন্তরে বৈমুখ্য আনয়ন করিয়া থাকি। ২০০। যে পর্য্যন্ত তাহারা ক্লেশকরী শাস্তি দর্শন ( না ) করে, সে পর্য্যন্ত তৎপ্রতি বিশ্বাস স্থাপন করে না। ২০১। অনন্তর তাহাদের প্রতি অকস্মাৎ শাস্তি উপস্থিত হয়, এবং তাহারা জানিতে পারে না। ২০২। পরে তাহারা বলে, “আমাদিগকে কি অবকাশ দেওয়া যাইবে? ২০৩। অনন্তর আমাদিগের জন্ত শাস্তি কি শীঘ্র আনয়ন করিতে চাহে?” ২০৪। অবশেষে তুমি কি দেখিয়াছ, যদি বহু বৎসর আমি তাহাদিগকে ফলভোগী করি। ২০৫। + তৎপর ( শাস্তিবিষয়ে ) যাহা অঙ্গীকার করা যাইতেছিল, তাহা তাহাদের নিকটে উপস্থিত হয়। ২০৬। + তাহারা যে ফল ভোগ করিতেছিল, উহা তাহাদিগ হইতে ( শাস্তি ) নিবারণ করে না। ২০৭। আমি ( এমন ) কোন গ্রামকে বিনাশ করি নাই যে, শিক্ষা দিবার জন্ত যাহার নিমিত্ত ভয়-প্রদর্শনকারী হয় নাই; আমি অত্যাচারী ছিলাম না \*। ২০৮+২০৯। এবং শয়তান সকল তাহাকে ( কোরু-আনুকে ) অবতারণ করে নাই। ২১০। তাহাদের জন্ত ( উহা ) উপযুক্ত নয়, এবং তাহারা সূক্ষ্ম নহে। ২১১। নিশ্চয় তাহারা ( তৎ ) শ্রবণে বিরত। ২১২। অনন্তর তুমি ঈশ্বরের সঙ্গে অত্র উপাস্ত্রকে আহ্বান করিও না, তবে শাস্তি-প্রাপ্তদিগের অন্তর্গত হইবে। ২১৩। এবং আপন নিকটস্থ জাতিকে ভয় দেখাও †। ২১৪। এবং বিশ্বসীদিগের যে ব্যক্তি তোমার অনুসরণ করিয়াছে, তাহার জন্ত তুমি আপন বাহকে নত কর। ২১৫। অনন্তর যদি তাহারা তোমার সম্বন্ধে অবাধ্যতাচরণ করে, তবে তুমি বলিও যে, “তোমরা যাহা করিতেছ, নিশ্চয় আমি তদ্বিষয়ে বীতরাগ”। ২১৬। এবং তুমি সেই পরাক্রমশালী দয়ালু ( ঈশ্বরের ) উপর নির্ভর কর। ২১৭। যিনি তোমাকে ( নমাজে ) উত্থান করিবার সময়ে দর্শন করেন। ২১৮। + এবং প্রণামকারীর অবস্থায় তোমার ক্রিয়া ( দর্শন করেন ) ‡। ২১৯। নিশ্চয় তিনি শ্রোতা ও জ্ঞাতা। ২২০। যে ব্যক্তির উপর শয়তান অবতীর্ণ হয়, আমি কি তোমাদিগকে তাহার সংবাদ দান করিব? ২২১। সমুদায় মিথ্যাবাদী পাপীর উপর সে অবতরণ করে। ২২২। + ( শয়তানের উক্তিতে ) তাহারা কণ স্থাপন করে, তাহাদের অধিকাংশই মিথ্যাবাদী

\* অর্থাৎ যে কোন গ্রামের লোককে সংহার করা গিয়াছে। প্রথমতঃ তথায় উপদেশদানের জন্ত প্রেরিতপুরুষকে প্রেরণ করা হইয়াছে; উপদেশ গ্রাহ্য করিয়া সৎপথ অবলম্বন না করিলে, তাহাদিগকে শাস্তি দেওয়া গিয়াছে। ( ত, হো, )

+ এই আয়ত অবতীর্ণ হইলে হজরত সফা গিরির উপর আরোহণ করিয়া কোরেশদিগকে ডাকিতে লাগিলেন। সকলে সমবেত হইলে, হজরত বলিলেন, “তোমরা আমার কথা কি বিশ্বাস করিবে? আমি তোমাদিগের ভবিষ্যৎ গুরুতর শাস্তির প্রদর্শক।” এই কথা শুনিয়া সমস্ত লোক তাঁহাকে অগ্রাহ্য করিয়া ইতস্ততঃ চলিয়া গেল। এবং আবুলহব তাঁহার উৎপীড়নে প্রবৃত্ত হইল। ( ত, হো, )

‡ অর্থাৎ নমাজে মঞ্জলীর নেতৃত্ব করিবার সময় তুমি কি ভাবে দণ্ডায়মান হও ও উপবেশন এবং প্রণামাদি কর, ঈশ্বর তাহা দেখিতেছেন। ( ত, হো, )



এবং কবি ; বিপথগামী লোকেরা তাহাদের অম্মসরণ করে । ২২৩+২২৪ । তুমি কি দেখ নাই যে, নিশ্চয় তাহারা প্রত্যেকে প্রাস্তরে ঘুরিয়া বেড়ায় । ২২৫ ।+এবং বাহা করে না, তাহারা তাহা বলে । ২২৬ ।+নিশ্চয় যাহারা বিশ্বাস স্থাপন ও সৎকর্ম সকল করিয়াছে, এবং ঈশ্বরকে অত্যন্ত স্মরণ করিয়াছে, এবং অত্যাচারগ্রস্ত হওয়ার পর প্রতিশোধ লইয়াছে, তাহারা ব্যতীত ( তদ্রূপ বলে ; ) এবং শীঘ্রই অত্যাচারী লোকেরা জানিতে পাইবে যে, কোন্ স্থানে ফিরিয়া যাইবে । ২২৭ । ( র, ১১, আ, ৩৫ )

## সূরা নমূল ❁

.....

### সপ্তবিংশ অধ্যায়

.....

### ৯৩ আয়ত, ৭ রকু

( দাতা দয়ালু পরমেশ্বরের নামে প্রবৃত্ত হইতেছি । )

তাসা ❁ এই আয়ত সকল কোর্-আনের ও উজ্জল গ্রন্থের । ১ । বিশ্বাসীদিগের জন্য উপদেশ ও স্মসংবাদ হয় । ২ । যাহারা উপাসনাকে প্রতিষ্ঠিত রাখে ও জকাত দান করে, বস্তুতঃ তাহারা পরলোকে বিশ্বাস করিয়া থাকে । ৩ । নিশ্চয় যাহারা পরলোকে বিশ্বাস করে না, তাহাদের জন্য আমি তাহাদের ক্রিয়া সকলকে সজ্জিত রাখিয়াছি, অনস্তর তাহারা ঘূর্ণায়মান হইয়া থাকে ❁ । ৪ । ইহারাই তাহারা, যে ইহাদের জন্য কঠিন শাস্তি আছে, এবং ইহারাই তাহারা, যে পরলোকে ক্ষতিকারক । ৫ । এবং নিশ্চয় কৌশলময় ( ঈশ্বরের ) নিকট হইতে তোমাকে কোর্-আন্ শিক্ষা দেওয়া যাইতেছে । ৬ । ( স্মরণ কর, ) যখন মুসা আপন পরিজনকে বলিল যে, “নিশ্চয় আমি অনল দেখিতেছি,

\* এই সূরা মক্কাতে অবতীর্ণ হয় ।

+ তাসা ব্যবচ্ছেদক শব্দ । বাক্যের আরম্ভ ও বাক্যের শেষ অর্থে ইহা ব্যবহৃত হইয়াছে । যথা শোআরা সূরার উপসংহার, নমূল সূরার উপক্রম । অথবা ‘ত’ বর্ণের অর্থ ঈশ্বরের পবিত্রতা, ‘স’ বর্ণের অর্থ তাহার জ্যোতি । এতদ্বিন্ন ইহার অষ্টবিধ অর্থও হয় । ( ত, হো, )

‡ অর্থাৎ আমি তাহাদের দুষ্ক্রিয়া সকলের প্রতি তাহাদিগকে আকৃষ্ট করিয়াছি । কুপ্রবৃত্তির উত্তেজনায় দুষ্ক্রিয়া সকল তাহাদের নিকটে ভাল বোধ হয়, তাহাতেই তাহারা তৎপ্রতি অম্মরক্ত হইতেছে । ( ত, হো, )

নীত্র তাহা হইতে তোমাদের নিকটে কোন ( পথিকের ) সংবাদ আনয়ন করিব, অথবা জলন্ত অগ্নিখণ্ড তোমাদের নিকটে লইয়া আসিব, সম্ভবতঃ তোমরা উত্তাপ লাভ করিবে” । ৭ । অনন্তর যখন সে তাহার নিকটে উপস্থিত হইল, তখন ধ্বনি হইল যে, “যে ব্যক্তি অগ্নিতে ও যে ব্যক্তি তাহার পার্শ্বে আছে, তাহারা ধ্বংস ; এবং ( বল, ) বিশ্ব-পালক পরমেশ্বর পবিত্র \* । ৮ । হে মুসা, ইহা নিশ্চয় যে, আমি পরমেশ্বর পরাক্রমশালী কৌশলময় । ৯ । এবং তুমি আপন যষ্টি নিক্ষেপ কর” ; অনন্তর যখন তাহাকে দেখিল যে, নড়িতেছে যেন উহা সর্প, সে পশ্চাৎদিকে মুখ ফিরাইল ও ফিরিল না । ( আমি বলিলাম, ) “হে মুসা, ভয় করিও না, নিশ্চয় আমি আছি, আমার নিকটে অত্যাচারী লোক ভিন্ন প্রেরিত পুরুষগণ ভয় পায় না ; তৎপর ( অত্যাচারী ) অকল্যাণের সঙ্গে কল্যাণ বিনিময় করে, † অনন্তর নিশ্চয় আমি ক্ষমাশীল দয়ালু ১০ + ১১ । এবং তুমি স্বীয় হস্তকে স্বীয় গ্রীবাদেশে লইয়া যাও, তাহাতে উহা কলঙ্কশূন্য শুভ্র হইয়া বাহির হইবে ; ফেরাও ও তাহার দলের নিকটে নব অলৌকিক ক্রিয়ার মধ্যে ( এই দুই অলৌকিক ক্রিয়া, ) নিশ্চয় তাহারা দুর্বৃত্ত দল হয়” । ১২ । অনন্তর যখন তাহাদের নিকটে আমার উজ্জ্বল নিদর্শন সকল উপস্থিত হইল, তখন তাহারা বলিল, “ইহা স্পষ্ট ইন্দ্রজাল” । ১৩ । এবং তাহাদের অন্তঃকরণ তাহা বিশ্বাস করা সত্ত্বে, অত্যাচার ও অহঙ্কারবশতঃ তাহারা তাহা অস্বীকার করিল ; অনন্তর দেখ, উপদ্রবকারীদিগের পরিণাম কেমন হয় । ১৪ । ( র, ১, আ, ১৪ )

এবং সত্য সত্যই আমি দাউদ ও সোলয়মানকে জ্ঞান দান করিয়াছিলাম, এবং তাহারা বলিয়াছিল যে, “সেই ঈশ্বরেরই প্রশংসা, যিনি স্বীয় বিশ্বাসী দাসদিগের অধিকাংশের উপর আমাদিগকে শ্রেষ্ঠ করিয়াছেন” । ১৫ । এবং দাউদের উত্তরাধিকারী সোলয়মান হইয়াছিল ও সে বলিয়াছিল, “হে লোক সকল, আমি পক্ষীর ভাষায় শিক্ষিত হইয়াছি ও আমাকে সকল বস্তু প্রদত্ত হইয়াছে, ইহা অবশ্য স্পষ্ট উন্নতি” ‡ । ১৬ । এবং

\* উক্ত ছত্ৰাশনের ভিতরে ও চতুর্পার্শ্বে স্বর্গীয় দূতগণ ছিলেন, এবং ঈশ্বর অস্ত্রজর্গৎ হইতে ধ্বনি করিলেন । ( ত, ফা, )

† অর্থাৎ পাপ করিয়া পরে তাহারা অনুতাপ করে । ( ত, হো, )

‡ রাজ্যাধিপতি মহাপুরুষ দাউদের উনবিংশতি পুত্র ছিল । প্রত্যেকেই তাঁহার রাজত্বের প্রার্থী হয় । পরমেশ্বর দাউদকে এক পুস্তিকা প্রদান করিয়া বলেন যে, ইহার মধ্যে কতকগুলি প্রশ্ন আছে, তোমার সন্তানবর্গের মধ্যে যে ব্যক্তি এই সকল প্রশ্নের সন্তুতর দান করিবে, সেই তোমার স্থলবর্তী হইবে । দাউদ এক সত্য করিয়া সমুদায় সন্তানকে ডাকিয়া তাহাদের নিকট প্রশ্ন সকল উপস্থিত করেন । দাউদের সমস্ত সন্তানই উক্ত প্রশ্নাবলীর উত্তরদানে অক্ষম হয়, কিন্তু তাঁহার পুত্র সোলয়মান কেবল প্রত্যেক প্রশ্নের সন্তুতর দান করেন । তাহাতেই তিনি পিতৃসিংহাসন প্রাপ্ত হন । তাহার এক দিন পরেই দাউদ প্রাণত্যাগ করেন । মানব ও দানব এবং পশুপক্ষী সোলয়মানের অনুচর ও সৈন্য ছিল । ( ত, হো, )

সোলয়মানের জন্ত তাহার সৈন্য দানব ও মানব এবং বিহ্বল হইতে সংগৃহীত হইয়াছিল, অনন্তর তাহারা নিবারিত হইত \* । ১৭ । এ পর্য্যন্ত, যখন তাহারা পিপীলিকার প্রান্তরে উপস্থিত হইল, তখন এক পিপীলিকা বলিল, “হে পিপীলিকাগণ, আপন আলায়ে তোমরা প্রবেশ কর, তাহা হইলে সোলয়মান ও তাহার সৈন্যগণ তোমাঙ্গকে বিদলিত করিবে না; বস্তুতঃ তাহারা জানিতেছে না” । ১৮ । অনন্তর ( সোলয়মান ) তাহার বাক্যে হাস্য করিল, এবং বলিল, “হে আমার প্রতিপালক, তুমি আমার প্রতি এবং আমার পিতামাতার প্রতি যে দান করিয়াছ, তোমার সেই দানের কৃতজ্ঞতা প্রকাশ করিতে তুমি আমাকে সাহায্য কর, এবং যাহা তুমি মনোনীত করিবে, এমন সংকল্প করিতে আমাকে ( সাহায্য দান কর, ) এবং তুমি স্বীয় করুণায় স্বীয় সাধু দাসদিগের মধ্যে আমাকে লইয়া যাও” । ১৯ । এবং সে পক্ষীদিগকে অনুসন্ধান করিল, অনন্তর বলিল, “আমার কি হইল যে, আমি হোদহোদকে দেখিতেছি না, সে কি লুক্কায়িত হইল † ? ২০ । অবশ্য আমি তাহাকে কঠিন শাস্তিতে শাস্তি দান করিব, অথবা তাহাকে বলিদান করিব, কিংবা সে আমার নিকটে স্পষ্ট প্রমাণ উপস্থিত করিবে” । ২১ । অনন্তর সে অল্প বিলম্ব করিল, পরে সে আসিয়া বলিল, “তুমি যাহা ধরিতে পাও নাই, আমি তাহা ধরিয়াছি, এবং তোমার নিকটে সবা নগর হইতে এক নিশ্চয় সংবাদ আনয়ন করিয়াছি ‡ । ২২ । নিশ্চয় আমি এক নারীকে প্রাপ্ত হইয়াছি যে, তাহাদের

\* সোলয়মান পশু পক্ষী কীট পতঙ্গাদির কথা বুঝিতে পারিতেন, ইহাই তাঁহার এক প্রধান অলৌকিকতা ছিল । কথিত আছে, সোলয়মানের একরূপ এক বিচিত্র সিংহাসন ছিল যে, কোন রাজার তদ্রূপ ছিল না । কোথাও যাইতে হইলে দৈত্যগণ সেই সিংহাসন বহন করিত । তাঁহার সঙ্গে বহুক্রোশ ব্যাপিয়া অগণ্য সৈন্য চলিত, অগ্র পশ্চাৎ কোটি কোটি সৈন্যের গমনে কোন শৃঙ্খলার ব্যতিক্রম হইত না । যাত্রাকালে অগ্রগামী সৈন্যশ্রেণীকে নিবারণ করা হইত, যে পর্য্যন্ত না পশ্চাদর্তী সৈন্য আসিয়া তাহাদের সঙ্গে মিলিত হইত । তজ্জন্তই “অনন্তর তাহারা নিবারিত হইত” এস্থলে একরূপ উক্ত হইয়াছে । সোলয়মানের শিবির বহু শত ক্রোশ ব্যাপিয়া স্থাপিত হইত, এবং তাঁহার জন্ত অতি মূল্যবান এক বৃহৎ আসন প্রস্তুত হইয়াছিল, উহা তিন চারি মাইলের পথ ব্যাপিয়া বিস্তৃত হইত । সেই আসনের মধ্যে তাঁহার সিংহাসন থাকিত, বায়ু সেই আসন এক মাসের পথ এক দিনে বহন করিয়া লইয়া যাইত । এক দিন তিনি শামদেশ হইতে এয়মন রাজ্যের দিকে যাত্রা করিয়াছিলেন, পথে পিপীলিকাপূর্ণ এক প্রান্তরে উপস্থিত হন । ( ত, হো, )

† হোদহোদ এক জাতীয় পক্ষী, একটি হোদহোদ সোলয়মানের সঙ্গে থাকিত । যাত্রাকালে সে সৈন্যদিগের জন্ত জল অন্বেষণ করিত । কোথায় জলাশয় আছে, সে তাহা জ্ঞাত হইয়া পূর্বে সংবাদ দান করিত । কথিত আছে যে, এক দিন জলশূন্য প্রান্তরে সোলয়মান উপস্থিত হন । একবিন্দু জল ছিল না যে, তিনি নমাজের পূর্বে অজু করেন । হোদহোদকে অনুসন্ধান করিলেন, পাইলেন না । কিয়ৎক্ষণ পরে সে আসিয়া সংবাদ বলে । ( ত, হো, )

‡ হোদহোদ সোলয়মানের প্রধামুসারে বলিল, “আমি সবানামক নগর হইতে এক সংবাদ

মধ্যে রাজত্ব করে, এবং তাহাকে সমুদায় বস্তু প্রদত্ত হইয়াছে ও তাহার এক মহাসিংহাসন আছে। ২৩। ঈশ্বরকে ছাড়িয়া সূর্যের উদ্দেশে প্রণাম করিতে আমি তাহাকে ও তাহার দলকে প্রাপ্ত হইয়াছি, এবং শয়তান তাহাদের ক্রিয়াকে তাহাদের জন্য শোভিত করিয়াছে, অনন্তর সে তাহাদগকে পথ হইতে নিবৃত্ত রাখিয়াছে; পরিশেষে তাহারা (সে দিকে) পথ প্রাপ্ত হইতেছে না যে, সেই ঈশ্বরকে প্রণাম করে, যিনি স্বর্গের ও মর্ত্যের গুপ্ত বিষয় বাহির করেন, এবং তোমরা যাহা গুপ্ত রাখ ও যাহা প্রকাশ করিয়া থাক, তাহা জ্ঞাত হন। ২৪+২৫+২৬। সেই ঈশ্বর, তিনি ভিন্ন উপাস্য নাই, তিনি মহাসিংহাসনের অধিপতি” \*। ২৭। সে (সোলয়মান) বলিল, “আমি এক্ষণ দেখিব যে, তুমি সত্য বলিয়াছ, না, তুমি মিথ্যাবাদীদিগের অন্তর্গত। ২৮। তুমি আমার এই পত্র লইয়া যাও, পরে তাহাদের নিকটে ইহা নিক্ষেপ কর, তৎপর তাহাদের নিকট হইতে ফিরিয়া আইস; পরে দেখ, তাহারা কি উত্তর দান করে”। ২৯। সে (বল্কিস্) বলিল, “হে সম্রাট পুরুষগণ, নিশ্চয় আমার প্রতি এক মাননীয় পত্র নিক্ষিপ্ত হইয়াছে, একান্তই ইহা সোলয়মানের, নিশ্চয় ইহা ‘বেসুমোলা আবু রহমান আবু রহিম’ (বচন) যুক্ত”। ৩০।+ এই মর্মে যে, “আমার সম্বন্ধে তোমরা গর্ভ করিও না, এবং মোসলমান (বিশ্বাসী) হইয়া আমার নিকটে উপস্থিত হও”। ৩১। (র, ২, আ, ১৭)

সে বলিল, “হে প্রধান পুরুষগণ, আমার কার্যবিষয়ে আমাকে উত্তর দান কর, যে পর্যন্ত (না) তোমরা আমার নিকটে উপস্থিত হও, আমি কোন কার্য নিষ্পত্তি করি না”। ৩২। তাহারা বলিল, “আমরা শক্তিশালী ও কঠিন যোদ্ধা, কার্য তোমার প্রতি (অর্পিত;) অনন্তর দেখ যে, কি আজ্ঞা কর”। ৩৩। সে বলিল, “নিশ্চয় যখন রাজগণ কোন স্থানে উপস্থিত হয়, তখন তাহা উচ্ছিন্ন করে, এবং তাহার সম্মানিত নিবাসিগণকে দুর্দশাপন্ন করিয়া থাকে ও তাহারা এই প্রকারই করে। ৩৪। এবং নিশ্চয় আমি তাহাদের নিকটে উপঢৌকনসহ দূতের প্রেরয়িত্রী, অনন্তর দূতগণ কি লইয়া ফিরিয়া আইসে, তাহার দৃষ্টিকারিণী”। ৩৫। পরে যখন (দূত) সোলয়মানের নিকটে উপস্থিত

সহ আসিয়াছি; সেই সংবাদ এই যে, আমি গগনমার্গে সেই দেশের এক হোদহোদের সঙ্গে সাক্ষাৎ করিয়াছিলাম। সে আমার নিকটে সে দেশের রাজার মহিমা ও প্রতাপ এবং রাজ্যের শোভা ও সৌন্দর্যের কথা বর্ণন করে; তাহা শুনিয়া আমার দর্শনের ইচ্ছা হয়, তদনুসারে আমি সেই রাজ্যে চলিয়া যাই।” তখন সোলয়মান জিজ্ঞাসা করিলেন, “তথাকার রাজা কে ও তাহার এবং তাহার প্রজাবর্গের ধর্ম কিরূপ?” হোদহোদ বলে যে “বল্কিস্ নামী এক নারী সেই রাজ্যের রাজ্ঞী, তাহার মণিমাণিক্যখচিত স্বর্ণময় অত্যাশ্চর্য্য এক প্রকাণ্ড সিংহাসন আছে। রাজ্ঞী ত্ত তাহার প্রজাবর্গ ঈশ্বরের পূজা না করিয়া সূর্যের পূজা করিয়া থাকে।” (ত, হো,)

\* ঈশ্বরের সিংহাসন স্বর্গ ও মর্ত্যে পরিব্যাপ্ত হইয়া রহিয়াছে, সেই সিংহাসনের সঙ্গে বল্কিসের সিংহাসনের কি তুলনা হইতে পারে? (ত, হো,)

হইল, তখন ( সোলয়মান ) বলিল, “ধনদ্বারা তোমরা কি আমার সাহায্য করিতেছ ? ঈশ্বর যাহা তোমাদিগকে দান করিয়াছেন, তদপেক্ষা অধিক আমাকে দিয়াছেন, বরং তোমরা আপন উপঢৌকনে সন্তুষ্ট থাক \* । ৩৬ । তুমি তাহাদের নিকটে যাও, যাহার সম্মুখীন হওয়া তাহাদের ঘটিবে না, নিশ্চয় আমি সেই সৈন্তবৃন্দ তাহাদের উপর আনয়ন করিব, আমরা তথা হইতে তাহাদিগকে দুর্দশাপন্নরূপে বাহির করিব, এবং তাহারা অধম হইবে” । ৩৭ । সে ( সোলয়মান ) বলিল, “হে প্রধান পুরুষগণ, তাহারা মোসলমান হইয়া আমার নিকটে আসিবার পূর্বে, তোমাদের কে তাহার সিংহাসন আমার সন্নিধানে আনয়ন করিবে” ? ৩৮ । দৈত্যদিগের এক দৈত্য বলিল, “তোমার আপন স্থান হইতে উঠিবার পূর্বে, আমি তাহা তোমার নিকটে আনয়ন করিব, নিশ্চয় আমি তৎসম্বন্ধে বিশ্বস্ত ক্ষমতানীল” । ৩৯ । যাহার গ্রন্থে জ্ঞান ছিল, এমন এক ব্যক্তি বলিল, “তোমার দৃষ্টি তোমার দিকে ফিরিয়া আসিবার পূর্বে, আমি তাহা তোমার নিকটে লইয়া আসিব” ; অনন্তর যখন সে ( সোলয়মান ) আপনার নিকটে তাহাকে স্থির দেখিল, তখন বলিল, “ইহা আমার প্রতিপালকের দয়াতেই হয় যে, আমাকে তিনি পরীক্ষা করিতেছেন, কৃতজ্ঞ না, কৃতজ্ঞ হই ; এবং যে ব্যক্তি কৃতজ্ঞ হয়, অনন্তর সে আপন জীবনের জন্ত কৃতজ্ঞ হইয়া থাকে, ইহা ভিন্ন নহে ; যে ব্যক্তি কৃতজ্ঞ হয়, তবে নিশ্চয় আমার প্রতিপালক নিষ্কাম অনুগ্রহকারী” । ৪০ । সে বলিল, “তাহার ( বল্কিসের ) জন্ত তাহার সিংহাসনকে অপরিচিত কর, দেখি, সে পথ প্রাপ্ত হয় কি না, অথবা যাহারা পথ প্রাপ্ত হয় না, সে তাহাদের অন্তর্গত হয়” † । ৪১ । অনন্তর যখন ( বল্কিস্ ) আগমন করিল, তখন বলা

\* কথিত আছে যে, বল্কিস্ নারীবশে স্তম্ভিত পাঁচ শত দাস ও পুরুষবেশে শোভিত পাঁচ শত দাসী ও সহস্র ধনু স্বর্ণশিলা, এবং মণিমাণিক্যখচিত এক মুকুট ও মৃগনাভি ও অশ্রু উৎকৃষ্ট সুগন্ধি দ্রব্য এবং একটি মুক্তাপূর্ণ কোটা এবং একটি অভিন্ন মুক্তা ও বক্রবিদ্ধ একটি কপর্দক উপহার-স্বরূপ মঞ্জরনামক এক প্রধান রাজকর্মচারীর সঙ্গে পাঠান, এবং অপর অনেক প্রধান পুরুষকে তাহার সঙ্গে গমনে নিযুক্ত করেন । মঞ্জরকে বলেন যে, “তুমি উত্তমরূপে দৃষ্টি করিয়া দেখিও, যদি সোলয়মান তোমার প্রতি ক্রোধনয়নে নিরীক্ষণ করেন, তবে তিনি বাদশা ; যদি সহাস্ত্র প্রসন্নভাবে তোমার সঙ্গে কথা কহেন, তবে তিনি প্রেরিতপুরুষ । তাহার প্রেরিতদের অশ্রু প্রমাণ এই যে, কাহারো দাস, কাহারো দাসী, তিনি ঠিক করিয়া উঠিতে পারিবেন না, অবিদ্ধ মুক্তাকে বিদ্ধ করিবেন ও বক্রবিদ্ধ কপর্দকে সূত্র সংলগ্ন করিবেন ।” অনন্তর তাহারা এই সকল উপঢৌকন সহ যাত্রা করে । হোদহোদ এই বৃত্তান্ত সোলয়মানকে জ্ঞাপন করিলে, সোলয়মান দৈত্যদিগের যোগে অগণ্য স্বর্ণ ও রক্ততময় শিলা প্রস্তুত করিয়া দৈর্ঘ্যে প্রায় বিশ মাইল প্রান্তর আচ্ছাদন করেন । মঞ্জর উপস্থিত হইলে, তাহার সঙ্গে সহাস্যবদনে কথোপকথন করেন, এবং তাহার সমুদায় উপঢৌকন ফিরাইয়া দেন, অবিদ্ধ মুক্তাকে বিদ্ধ ও কপর্দকে সূত্র সংলগ্ন করেন । অপিচ আপন দাস দাসীদিগকে মঞ্জর ও তাহার সঙ্গীদিগের পরিচর্যায় নিযুক্ত রাখেন । তাহাতেই এই আয়ত অবতীর্ণ হয় । ( ত, হো, )

† অর্থাৎ সিংহাসনের আকৃতি ও গঠনের একরূপ পরিবর্তন কর, যথা, তাহার উপরিভাগকে নিম্নভাগে অগ্রভাগকে পশ্চাভাগ করিয়া ফেল । তাহার বর্ণ ও মণিমুক্তাদির ব্যত্যয় কর । ( ত, হো, )



হইল, “এইরূপ তোমার সিংহাসন” ? সে বলিল, “যেন এ তাহাই, এবং আমাদিগকে ইহার পূর্বেই ( সোলয়মানের সম্বন্ধে ) জ্ঞান প্রদত্ত হইয়াছে ও আমরা মোসলমান আছি” । ৪২ । এবং ঈশ্বরকে ছাড়িয়া সে যাহার অর্চনা করিতেছিল, তাহা হইতে ( সোলয়মান ) তাহাকে নিবৃত্ত করিল, নিশ্চয় সে ধর্মদেষ্ট্রীদিগের অন্তর্গত ছিল । ৪৩ । তাহাকে বলা হইল, “এ প্রাসাদে তুমি প্রবেশ কর ;” অনন্তর যখন সে তাহা দেখিল, তাহাকে ক্ষুদ্র সরোবর মনে করিল, এবং আপন পদদ্বয় হইতে বস্ত্র তুলিয়া লইল । ( সোলয়মান ) বলিল, “নিশ্চয় ইহা কাচখচিত প্রাসাদ ;” সে ( বল্কিস্ ) বলিল, “হে আমার প্রতিপালক, একান্তই আমি নিজের প্রতি অত্যাচার করিয়াছি, এবং আমি সোলয়মানের সম্বন্ধে বিশ্বপালক পরমেশ্বরের অমুগত হইলাম” \* । ৪৪ । ( র, ৩, আ, ১৩ )

এবং সত্য সত্যই আমি সমুদ্র জাতির প্রতি তাহাদের ভ্রাতা সালেহকে প্রেরণ করিয়াছিলাম, বলিয়াছিলাম যে, তোমরা ঈশ্বরকে অর্চনা কর ; অনন্তর হঠাৎ তাহারা দুই দল হইয়া পরস্পর বিবাদ করিতে লাগিল † । ৪৫ । সে বলিল, “হে আমার সম্প্রদায়, কেন কল্যাণের পূর্বে তোমরা অকল্যাণে সত্ত্বর হইতেছ ? কেন ঈশ্বরের নিকটে ক্ষমা প্রার্থনা করিতেছ না ? সম্ভবতঃ তোমরা দয়া প্রাপ্ত হইবে” । ৪৬ । তাহারা বলিল, “আমরা তোমার ও তোমার সঙ্গীদের সম্বন্ধে মন্দভাব ধারণ করিয়াছি ;” সে বলিল, “তোমাদের মন্দভাব ঈশ্বরের সম্বন্ধে হয়, বরং তোমরা এমন একদল হও যে, পরীক্ষিত হইতেছ” । ৪৭ । এবং সেই নগরের নয় জন লোক ছিল যে, পৃথিবীতে উৎপাত করিত ও সদাচরণ করিত না ‡ । ৪৮ । তাহারা পরস্পর ঈশ্বরের নামে শপথ করিয়া বলিল যে, “অবশ্য আমরা তাহাকে ও তাহার পরিজনকে নিশায় আক্রমণ করিয়া বিনাশ করিব ; তৎপর অবশ্য তাহার উত্তরাধিকারীকে বলিব যে, তাহার স্বর্ণের হত্যার সময় আমরা উপস্থিত ছিলাম না এবং নিশ্চয় আমরা সত্যবাদী” । ৪৯ । এবং তাহারা প্রবঞ্চনারূপে এক প্রবঞ্চনা করিল ও আমিও বঞ্চনারূপে বঞ্চনা করিলাম, এবং তাহারা বুঝিতেছিল না । ৫০ । অনন্তর দেখ, তাহাদের প্রবঞ্চনার পরিণাম কেমন ছিল ; নিশ্চয় আমি তাহাদিগকে ও তাহাদের দলকে একযোগে সংহার করিয়াছিলাম § । ৫১ ।

\* সোলয়মান বল্কিসের পদদ্বয় পরীক্ষার জন্ত এক প্রাসাদ নির্মাণ করিয়াছিলেন । সেই প্রাসাদের মধ্যভূমি উচ্চল শুভ্র কাচফলকে খচিত হইয়াছিল, এবং তাহার নিম্নে জল স্থাপন করিয়া মৎস্য সকল ছাড়িয়া দেওয়া গিয়াছিল । তাহাতে গৃহাভ্যন্তরস্থ সমুদায় ভূমি বারিবৎ প্রতীয়মান হয় । সোলয়মান প্রাসাদের ভিতরে সিংহাসন স্থাপন করিয়া বল্কিসকে ডাকিয়া পাঠাইলেন । বল্কিস প্রাসাদের দ্বারে উপস্থিত হইয়া, জল মনে করিয়া, পদের বসন উঠাইলেন ; তখন সোলয়মান দেখিলেন যে, দেবতার পদ নয়, মনুষ্যের পদসদৃশ রোমযুক্ত পদ, সে দেবী নহে, মানবী । ( ত, হো, )

† ইহার বিশেষ বিবরণ সূরা এরাফে বিবৃত হইয়াছে ।

‡ সেই নয়জনের একজনের নাম কদ, অপর জনের নাম মসদা ছিল । ( ত, হো, )

§ এক গর্তের ভিতরে সালেহের এক মন্দির ছিল । রাত্রিতে তিনি তথায় সাধন ভজন

পরিশেষে তাহারা যে অত্যাচার করিয়াছিল, তজ্জন্ত এই তাহাদের গৃহ সকল শূন্য পড়িয়া রহিয়াছে ; যে সকল লোক জ্ঞান রাখে, তাহাদের জন্ত নিশ্চয় ইহার মধ্যে নিদর্শন আছে। ৫২। এবং যাহারা বিশ্বাস স্থাপন করিয়াছিল, আমি তাহাদিগকে উদ্ধার করিয়াছিলাম ও তাহারা ধর্মভীরু ছিল। ৫৩। এবং লুতকে ( পাঠাইয়াছিলাম ; ) ( স্মরণ কর, ) সে যখন আপন দলকে বলিল, “তোমরা কি নিল্লজ্জ কার্য্য করিতেছ ও তোমরা দেখিতেছ ? ৫৪। তোমরা কি স্ত্রীগণকে ছাড়িয়া কামভাবে পুরুষের নিকটে যাইয়া থাক ? বরং তোমরা ( এমন ) একদল যে, মূর্খতা করিতেছ”। ৫৫। “অনন্তর লুতের পরিবারকে আপনাদের গ্রাম হইতে বহিষ্কৃত কর, নিশ্চয় তাহারা এরূপ লোক যে, পবিত্রতা প্রকাশ করে ;” পরস্পর ইহা বলা ভিন্ন, তাহার দলের অন্য উত্তর ছিল না \*। ৫৬। অবশেষে আমি তাহাকে ও তাহার ভাৰ্য্যা ব্যতীত তাহার পরিজনকে উদ্ধার করিলাম ; তাহাকে ( ভাৰ্য্যাকে ) পশ্চাদ্বর্তিগণের মধ্যে নিরূপণ করিয়াছিলাম। ৫৭। এবং তাহাদের প্রতি আমি বৃষ্টি বর্ষণ করিলাম, পরে ভয়প্রাপ্ত লোকদিগের জন্ত ( উহা ) কুবৃষ্টি হয়। ৫৮। ( র, ৪, আ, ১৪ )

তুমি বল, “ঈশ্বরেরই সম্যক্ প্রশংসা, এবং যাহারা গৃহীত হইয়াছে, তাহার সেই দাসদিগের প্রতি আশীর্বাদ। ঈশ্বর কি শ্রেষ্ঠ ? না, তাহারা যাহাকে অংশী করে, তাহা ( শ্রেষ্ঠ )” ? ৫৯। কে দু্যলোক ও ভুলোক সৃজন করিয়াছেন, এবং তোমাদের জন্ত আকাশ হইতে বারি বর্ষণ করিয়াছেন ? অনন্তর আমি তদ্বারা উত্থান সকলকে সরসভাবে উৎপাদন করিয়াছি ; তোমাদের ( ক্ষমতা ) নাই যে, তোমরা তাহার বৃক্ষকে সমুৎপাদন কর। সেই ঈশ্বরের সঙ্গে কি কোন উপাস্ত্র আছে ? বরং ইহারা একদল যে, বক্রভাবে চলিয়া থাকে। ৬০। কে ধরাতলকে স্থির রাখিয়াছেন ও তাহার ভিতর হইতে নিষ্কার সকল উৎপাদন করিয়াছেন ? এবং তাহার জন্ত পর্বত সকল সৃষ্টি করিয়াছেন ও দুই সাগরের মধ্যে আবরণ রাখিয়াছেন ? সেই ঈশ্বরের সঙ্গে কি ( অন্য ) উপাস্ত্র আছে ? বরং তাহাদের অধিকাংশই বুঝিতেছে না। ৬১। ব্যাকুল ব্যক্তি যখন তাহাকে প্রার্থনা করে, কে গ্রাহ্য করিয়া থাকেন, এবং অকল্যাণ দূর করেন ও তোমাদিগকে

করিতেন। সেই নয় পাষাণ পরস্পর বলিল যে, তিন দিন পরে আমাদের প্রতি শাস্তি হইবে, এরূপ অঙ্গীকার আছে। চল, ইহার পূর্বেই সালেহকে সংহার করি। পরে তাহারা প্রথম রজনীতে সেই গর্ভে প্রবেশ করিয়া গুপ্তভাবে বসিয়া রহিল। সালেহ উপস্থিত হইলেই অতর্কিতভাবে তাহাকে বধ করিবে, এই তাহাদের লক্ষ্য ছিল। ইতিমধ্যে অকস্মাৎ এক বৃহৎ প্রস্তর তাহাদের উপর পতিত হইল ও সকলেই তাহার নিম্নে চাপা পড়িয়া মারা গেল, এবং অবশিষ্ট কাকেরগণ জেত্রিলের নিনাদে প্রাণত্যাগ করিল।

( ত, হো, )

\* “নিশ্চয় তাহারা এরূপ লোক যে, পবিত্রতা প্রকাশ করে” অর্থাৎ লুত ও তাহার অনুবর্তী লোকেরা বলিয়া থাকে, আমরা পবিত্র, তোমরা পাপী।

পৃথিবীতে উত্তরাধিকারী করেন? সেই ঈশ্বরের সঙ্গে কি (অন্য) উপাস্ত্র আছে? তোমরা অল্পই উপদেশ গ্রহণ করিয়া থাক। ৬২। কে তিমিরাচ্ছন্ন প্রান্তরে ও সাগরে তোমাদিগকে পথ প্রদর্শন করেন, এবং (বৃষ্টিরূপ) আপন অনুগ্রহের পূর্বে স্মসংবাদ-দাতরূপে সমীরণ সকলকে প্রেরণ করিয়া থাকেন? সেই ঈশ্বরের সঙ্গে কি (অন্য) উপাস্ত্র আছে? তাহারা যাহাদিগকে অংশী করে, পরমেশ্বর তাহা অপেক্ষা উন্নত। ৬৩। কে প্রথম সৃষ্টি করেন, তৎপর তাহা দ্বিতীয় বার করেন, এবং কে আকাশ ও ভূতল হইতে তোমাদিগকে উপজীবিকা দিয়া থাকেন? সেই ঈশ্বরের সঙ্গে কি (অন্য) উপাস্ত্র আছে? তুমি বল, (হে মোহম্মদ,) যদি তোমরা সত্যবাদী হও, তবে তোমাদের প্রমাণ উপস্থিত কর। ৬৪। তুমি বল, স্বর্গে ও পৃথিবীতে ঈশ্বর ব্যতীত কেহ গুপ্ততত্ত্ব জানে না, এবং কখন (কবর হইতে লোক) সমুখাপিত হইবে, জ্ঞাত নহে। ৬৫। বরং পরলোক সম্বন্ধে তাহাদের জ্ঞান বিভিন্ন হইয়াছে, বরং তাহারা তদ্বিষয়ে সন্দেহের মধ্যে আছে, বরং তাহারা তদ্বিষয়ে অন্ধ। ৬৬। (র, ৫, আ, ৮)

এবং ধর্মদ্রোহিগণ বলিয়াছে “যখন, আমাদের পিতৃপুরুষগণ ও আমরা মৃত্তিকা হইয়া যাইব, তখন কি আমরা (কবর হইতে) বহিষ্কৃত হইব? ৬৭। সত্য সত্যই আমাদের প্রতি ও ইতিপূর্বে আমাদের পিতৃপুরুষগণের প্রতি এই অঙ্গীকার করা হইয়াছে, ইহা পূর্বতন উপস্থাসাবলী ভিন্ন নহে”। ৬৮। তুমি বল, “তোমরা পৃথিবীতে বিচরণ করিতে থাক, অনন্তর দেখ, অপরাধীদিগের পরিণাম কেমন হয়”। ৬৯। তাহাদের সম্বন্ধে তুমি শোক করিও না ও তাহারা যে প্রবঞ্চনা করিয়া থাকে, তাহাতে ক্ষুণ্ণ থাকিও না। ৭০। এবং তাহারা বলিয়া থাকে, “যদি তোমরা সত্যবাদী হও, তবে (বল,) কবে এই অঙ্গীকার (পূর্ণ) হইবে”? ৭১। তুমি বলিও, “তোমরা যাহা শীঘ্র চাহিতেছ, তাহার কিছু সম্বরই তোমাদের পৃষ্ঠে সংলগ্ন হইবে”। ৭২। এবং নিশ্চয় তোমার প্রতিপালক, (হে মোহম্মদ,) মানবমণ্ডলীর প্রতি বদান্ত, কিন্তু তাহাদের অধিকাংশই কৃতজ্ঞ হইতেছে না। ৭৩। এবং নিশ্চয় তাহারা আপন অন্তরে যাহা গোপন করে ও যাহা প্রকাশ করিয়া থাকে, তোমার প্রতিপালক জ্ঞাত হন। ৭৪। এবং উজ্জ্বল গ্রন্থে লিখিত ভিন্ন স্বর্গ ও পৃথিবীতে কোন বিষয় প্রচ্ছন্ন নাই\*। ৭৫। নিশ্চয় এই কোরু-আনু বনিএশ্রায়েলের নিকটে, তাহারা যে বিষয়ে পরস্পর বিরোধ করিয়া থাকে, তাহার অধিকাংশ বর্ণন করে। ৭৬। এবং নিশ্চয় ইহা বিশ্বাসীদিগের জগু উপদেশ ও অনুগ্রহস্বরূপ। ৭৭। নিশ্চয় তোমার প্রতিপালক আপন আজ্ঞানুসারে তাহাদের মধ্যে নিষ্পত্তি করিবেন, এবং তিনি পরাক্রমশালী জ্ঞানী। ৭৮। + অনন্তর তুমি পরমেশ্বরের প্রতি নির্ভর কর, নিশ্চয় তুমি স্পষ্ট সত্য (ধর্মে) আছ। ৭৯। যখন তাহারা পৃষ্ঠ দিয়া ফিরিয়া যায়, তখন নিশ্চয় তুমি সেই মৃতকে আহ্বানধ্বনি শুনাইতে পারিবে না ও

\* এস্থলে উজ্জ্বল গ্রন্থ ঈশ্বরের স্মৃতিরূপ পুস্তক।

বধিরকে শুনাইতে পারিবে না। ৮০। এবং তুমি অন্ধদিগের তাহাদের পথপ্রাপ্তির পথপ্রদর্শক নও ; যাহারা আমার নিদর্শন সকলের প্রতি বিশ্বাস করিতেছে, তুমি তাহাদিগকে বৈ শুনাইতেছ না, অনস্তর তাহারা মোসলমান। ৮১। যখন তাহাদের প্রতি ( শাস্তির ) কথা উপস্থিত হইবে, তখন আমি তাহাদের জন্ত এক পশু ভূগর্ভ হইতে বাহির করিব ; সে তাহাদের সম্বন্ধে কথা কহিবে যে, এই সকল লোক ছিল যে, আমার নিদর্শন সকলের প্রতি বিশ্বাস স্থাপন করে নাই \*। ৮২। ( র, ৬, আ, ১৬ )

অনস্তর যাহারা আমার নিদর্শন সকলের প্রতি অসত্যারোপ করিতেছিল, যে দিন আমি প্রত্যেক মণ্ডলী হইতে ( তাহাদের প্রধান লোকের ) দল সমুখাপন করিব, তখন তাহারা ( সকলের আগমন প্রতীক্ষায় ) একত্রীভূত থাকিবে। ৮৩। এ পর্যন্ত, যখন তাহারা উপস্থিত হইবে, তখন ( ঈশ্বর ) বলিবেন, “তোমরা কি আমার নিদর্শন সকলকে মিথ্যা বলিয়াছ এবং জ্ঞানযোগে তাহা ধারণ করিতে পার নাই, তোমরা কি করিতেছিলে” ? ৮৪। এবং তাহারা যে অত্যাচার করিয়াছিল, তজ্জন্ত তাহাদের প্রতি ( অঙ্গীকারের ) উক্তি প্রমাণিত হইবে, অনস্তর তাহারা কথা কহিতে পারিবে না। ৮৫। তাহারা কি দেখে নাই যে, আমি রজনীকে সৃষ্টি করিয়াছি, যেন তাহাতে বিশ্রাম লাভ করে, এবং আলোকযুক্ত দিবসকে ( সৃষ্টি করিয়াছি ; ) নিশ্চয় বিশ্বাসী দলের জন্ত ইহার মধ্যে নিদর্শন সকল আছে। ৮৬। এবং যে দিবস সূরে ফুৎকার করা হইবে, তখন যাহারা স্বর্গে ও যাহারা পৃথিবীতে থাকিবে, ঈশ্বর যাহাকে ইচ্ছা করিয়াছেন, সে ব্যতীত ( সকলে ) অস্থির হইবে, এবং সকলেই তাঁহার নিকটে লাঞ্ছিতভাবে আগমন করিবে। ৮৭। এবং তুমি পর্বত সকলকে দেখিবে, যেন তাহা স্থির আছে মনে করিবে, বস্তুতঃ উহা জলদগতিতে চলিতেছে ; সেই ঈশ্বরেরই শিল্প-নৈপুণ্য, যিনি প্রত্যেক পদার্থকে দৃঢ় করিয়াছেন। তোমরা যাহা করিয়া থাক, নিশ্চয় তিনি তাহার জ্ঞাতা। ৮৮। যাহারা কল্যাণ আনয়ন করিবে, অনস্তর তাহাদের জন্ত তদপেক্ষা ( অধিক ) কল্যাণ হইবে, এবং তাহারা সেই দিবসের ভয় হইতে নিরাপদ থাকিবে। ৮৯। এবং যাহারা অশুভ আনয়ন করিবে, অনস্তর তাহাদের মুখমণ্ডল অগ্নিমধ্যে বিসর্জিত হইবে ; তোমরা যাহা করিতেছিলে, তাহা ব্যতীত কি তোমাদিগকে বিনিময় প্রদত্ত হইবে ? ৯০। তুমি বল, (হে মোহম্মদ,) আমি আদিষ্ট হইয়াছি যে, এ নগরের প্রভূকে, যিনি ইহাকে নিষিদ্ধ করিয়াছেন, অর্চনা করিব, এতদ্বিন্ন নহে ; † এবং সমুদায় পদার্থ তাঁহারই ও আমি আদিষ্ট হইয়াছি যে, মোসলমানদিগের অন্তর্গত হইব। ৯১। + এবং ( আদিষ্ট হইয়াছি ) যে,

\* যখন প্রলয়কাল নিকটবর্তী হইবে, তখন বিশেষলক্ষণাক্রান্ত এক পশু যুক্তিকার ভিতর হইতে বাহির হইবে, সে মনুষ্যের স্থায় কথা কহিবে। কেয়ামতের অন্তিম লক্ষণের মধ্যে এই একটি লক্ষণ। ভিন্ন ভিন্ন গ্রন্থে এই পশুর নানাপ্রকার বর্ণনা আছে। ( ভ, হো, )

† এই মক্কা নগরে কষ্টকতর ও শুক তুণাদি ছেদন ও শিকারের পশু পক্ষী হনন করিতে

কোর্-আন্ পাঠ করিব ; অনন্তর যে ব্যক্তি পথ প্রাপ্ত হইয়াছে, সে আপন জীবনের ( কল্যাণের ) জন্ত পথ পাইতেছে বৈ নহে, এবং যে বিপথগামী হইয়াছে, পরে (তাহাকে) তুমি বল যে, “আমি ভয়প্রদর্শকদিগের অন্তর্গত, এতদ্বিন্ন নহি” । ২২ । এবং তুমি বল, ঈশ্বরেরই সম্যক্ গুণানুবাদ, অবশ্য তিনি তোমাদিগকে আপন নিদর্শন সকল প্রদর্শন করিবেন, অনন্তর তোমরা তাহা চিনিবে ; এবং তোমরা যাহা করিতেছ, ঈশ্বর তদ্বিষয়ে অজ্ঞাত নহেন । ২৩ ( র, ৭, আ, ১১ )

## সূরা কসস

.....

### অষ্টাবিংশ অধ্যায়

.....

#### ৮৮ আয়ত, ৯ রকু

( দাতা দয়ালু পরমেশ্বরের নামে প্রবৃত্ত হইতেছি )

তাসমা ৭ । ১ । এই আয়ত সকল উজ্জ্বল গ্রন্থের হয় । ২ । তোমার নিকটে, ( হে মোহাম্মদ, ) বিশ্বাসী সম্প্রদায়ের নিমিত্ত আমি মুসা ও ফেরাণের কোন বৃত্তান্ত যথাযথ পাঠ করিতেছি । ৩ । নিশ্চয় ফেরাণ পৃথিবীতে গর্কিত হইয়াছিল ও তাহার অধিবাসীদিগকে দলে দলে বিভক্ত করিয়াছিল ; সে তাহাদের এক দলকে দুর্বল জানিত, তাহাদিগের পুত্রসন্তানদিগকে বধ করিত ও তাহাদের কন্যাগণকে জীবিত রাখিত । নিশ্চয় সে উপপ্লবকারীদিগের অন্তর্গত ছিল ৭ । ৪ । যাহাদিগকে পৃথিবীতে

ঈশ্বর নিবেদন করিয়া ইহাকে সম্মানিত করিয়াছেন ; তজ্জন্ত এই নগরকে “নিষিদ্ধ” বলা হইয়াছে ।  
( ত, হো, )

\* এই সূরা মক্কাতে অবতীর্ণ হয় ।

+ “তাসমা” এই ব্যবচ্ছেদক শব্দের ‘ত, এই বর্ণের অর্থ, ঈশ্বর বাহ্যিক অস্ত্র পদার্থের উপাসনা না করিয়া জীবনকে সর্বতোভাবে শুদ্ধ রাখা’, ‘স, এই বর্ণের অর্থ, পরিত্রাণসম্বন্ধীয় ঐশ্বরিক কোন গুণতত্ত্ব পাপীদিগের নিকটে প্রকাশ পাওয়া’, ‘ম, এই বর্ণের অর্থ, সমুদায় মনুষ্যের মনোরথসিদ্ধিবিশয়ে পরমেশ্বরের উপকার সাধন’ । এইরূপ অস্ত্র প্রকার অর্থও হইয়া থাকে ।  
( ত, হো, )

‡ ফেরাণ যে দলকে দুর্বল জানিয়া উৎপীড়ন করিত, তাহারা বনিএশ্রায়েল ।



হীনবল করা হইয়াছিল, আমি তাহাদিগের সম্বন্ধে উপকার করিব ও তাহাদিগকে অগ্রণী করিব, এবং তাহাদিগকে উত্তরাধিকারী করিব, এই ইচ্ছা করিতেছিলাম । ৫ । + এবং তাহাদিগকে ধরাতলে ক্ষমতা দান করিব ও ফেরওণ ও ( মন্ত্রী ) হামান এবং উভয়ের সেই সৈন্যদলকে, যাহাদিগ হইতে তাহারা ভয় পাইতেছিল, প্রদর্শন করিব ( এই ইচ্ছা করিতেছিলাম ) \* । ৬ । এবং আমি মুসার জননীৰ প্রতি প্রত্যাদেশ করিয়াছিলাম যে, তুমি ইহাকে দান কর, অনস্তর যখন তুমি তাহার সম্বন্ধে ভয় পাইবে, তখন তুমি তাহাকে নদীতে নিক্ষেপ করিও, এবং ভয় করিও না ও দুঃখ করিও না ; নিশ্চয় আমি তাহাকে তোমার নিকটে পুনঃ প্রেরণ করিব, এবং তাহাকে প্রেরিতপুরুষদিগের অন্তর্গত করিব † । ৭ । অনস্তর ফেরওণের স্বগণ তাহাকে উঠাইয়া লইল, যেন সে তাহাদের জন্ত পরিণামে শত্রু ও শোকজনক হয় ; নিশ্চয় ফেরওণ ও হামান এবং তাহাদের সেনাদল দোষ করিতেছিল ‡ । ৮ । ফেরওণের স্ত্রী বলিল, ( এই বালক ) তোমার ও

\* অর্থাৎ ফেরওণ ও তাহার অনুগত মন্ত্রী হামান এবং তাহাদের অনুগামী সৈন্যগণ, বনিএশ্রায়েলের যোগে রাজত্বের লোপ ও আপনাদের মৃত্যু আশঙ্কা করিতেছিল । যে সময়ে সাগরে নিমগ্ন হইবার উপক্রম হয়, তখন তাহারা এ বিষয় স্পষ্ট দেখিতে পায় । তাহারা দেখিল যে, বনিএশ্রায়েল আনন্দ উল্লাসে সাগর সমুত্তীর্ণ হইল । তখন বুঝিতে পারিল যে, উৎপীড়ন ও অত্যাচার করার জন্ত আপনারা হত ও পরাভূত হইল, এবং দুঃখী উৎপীড়িত লোকেরা সিদ্ধকাম, বিজয়ী ও উন্নত হইল ।

+ ফেরওণ নিজের অনুগত মেসরের আদিম জাতি কিব্‌তি লোকদিগকে এশ্রায়েলবংশীয়া গর্ভবতী নারীদিগের সম্বন্ধে এই জন্ত প্রহরী নিযুক্ত করিয়াছিল যে, কোন নারী পুত্র প্রসব করিলে তৎক্ষণাৎ যেন তাহারা তাহার সেই সন্তানকে মারিয়া ফেলে । কাবেলা নামী এক কিব্‌তি স্ত্রী মুসার মাতার প্রতি প্রহরীরূপে নিযুক্ত ছিল । প্রসবের সময় সে উপস্থিত হয়, তখন সচোজাত মুসার রূপলাবণ্য দেখিয়া কাবেলা মুগ্ধ হইয়া পড়ে, সেই শিশুর প্রতি তাহার মনে অত্যন্ত স্নেহের সঞ্চার হয় । সে মুসাজননীকে অভয় দান করিয়া বলে, “তুমি চিন্তা করিও না, আমি এ বিষয় প্রকাশ করিব না । অস্ত্র প্রহরীদিগকে বলিব যে, মৃত কন্যা জন্মিয়াছিল, তাহাকে ভূগর্ভে নিহিত করা গিয়াছে ; কিন্তু সাবধান, তুমি আপন আত্মীয় স্বগণ কাহাকেও এই সন্তান দেখাইবে না ।” এতদনুসারে মুসাজননী মুসাকে তিন মাস কি ততোধিক সময় গোপনে রাখিয়াছিলেন । পরে যখন তিনি দেখিলেন যে, ফেরওণের অনুচরগণ হত্যা করিবার জন্ত এশ্রায়েলবংশীয় শিশুদের বিশেষ অনুসন্ধান করিতেছে, তখন এক সূত্রধর দ্বারা সিদ্ধক নির্মাণ করিয়া লইলেন, এবং তন্মধ্যে শিশু মুসাকে স্থাপন পূর্বক আবরণে আবৃত করিয়া নীলনদে বিসর্জন করিলেন । ফেরওণের এক কন্যার কুষ্ঠ-রোগ হইয়াছিল । ভবিষ্যদ্বক্তারা বলিয়াছিল যে, অমুক দিবস নীলনদের স্রোতে এক শিশু ভাসিয়া আসিবে, তাহার মুখরস-স্পর্শে এই রোগের উপশম হইবে । নিদ্দিষ্ট দিনে ফেরওণ ও তাহার পত্নী ও কন্যা এবং কতিপয় অন্তঃপুরচারী কিঙ্কর নীলনদের তটে উপস্থিত হইয়া উক্ত শিশুর প্রতীক্ষা করিতেছিল । অকস্মাৎ তাহারা সেই সিদ্ধক জলের উপর ভাসিতেছে, দেখিতে পাইল । ফেরওণ উহা উঠাইবার জন্ত অনুচরদিগকে আদেশ করিল ।

( ত, হে, )

‡ সিদ্ধকের আবরণ উদ্বাচিত হইলে সকলে মুসাকে দেখিতে পাইল । দর্শকদিগের মনে তাহার

আমার নয়নের তৃপ্তিকর, ইহাকে তুমি হত্যা করিও না, সম্ভবতঃ এ আমাদিগের উপকার করিবে, অথবা আমরা ইহাকে পুত্ররূপে গ্রহণ করিব ; এবং এদিকে তাহারা (প্রকৃত অবস্থা) জানিতেছিল না। ৯। এবং মুসা-জননীর অন্তর (ধৈর্য্য) শূন্য হইয়া গেল, নিশ্চয় সে তাহা প্রকাশ করিতে উদ্যত ছিল ; যদি আমি তাহার অন্তরে বন্ধন না রাখিতাম যে, সে বিশ্বাসীদের অন্তর্গত হয়, তবে সে (প্রকাশ করিত) \*। ১০। এবং সে তাহার (মুসার) ভগিনীকে বলিল, “তুমি তাহার পশ্চাতে যাও ;” অনন্তর দূর হইতে সে তাহাকে দেখিতেছিল, এবং তাহারা (ইহা) জানিতেছিল না। ১১। ইতিপূর্বে তাহার সম্বন্ধে আমি স্তম্ভদাত্রীদের নিষেধ করিয়াছিলাম ; অনন্তর সে (মুসার ভগিনী) বলিল, “তোমাদের জন্ত ইহার তত্ত্বাবধান করে, এমন গৃহস্থের প্রতি কি তোমাদিগকে আমি পথ দেখাইব ? এবং তাহারা তাহার শুভাকাঙ্ক্ষী হয়” †। ১২। পরে তাহাকে আমি তাহার মাতার প্রতি প্রত্যানয়ন করিলাম, যেন তাহার চক্ষু শীতল হয় ও সে শোক না করে, এবং যেন জানে যে, ঈশ্বরের অঙ্গীকার সত্য ; কিন্তু তাহাদের অধিকাংশই অবগত ছিল না। ১৩। (র, ১, আ, ১৩)

প্রতি স্নেহের সঞ্চার হইল ; ফেরওণ ভাবিতে লাগিল যে, এই বালকের প্রাণ কেমন করিয়া রক্ষা পাইল ? ভবিষ্যৎজ্ঞারা যে বালকের কথা বলিয়া থাকে, এই বা সেই বালক। ফেরওণের পত্নী তাহাকে বলিল, “আমি জ্যোতির্বিদদের নিকটে শ্রবণ করিয়াছি যে, অমুক রজনীতে তোমার সম্বন্ধে যে ভয় ছিল, তাহা বিদূরিত হইয়াছে ; তুমি এই শিশুর প্রতি হস্তক্ষেপ করিও না, ইহা দ্বারা আপন কন্ডার চিকিৎসা করিব।” অনন্তর তাহা হইতে কিছুই মুখরস গ্রহণ করিয়া কন্ডার যে স্থানে কুষ্ঠ হইয়াছিল, তাহাতে লেপন করিল, তৎক্ষণাৎ রোগ দূর হইল। (ত, হো,)

\* যখন মুসার জননী শ্রবণ করিলেন যে, মুসা ফেরওণের হস্তে সমর্পিত হইয়াছে, তখন তিনি অধৈর্য্য হইয়া গেলেন ; বালকের বৃত্তান্ত ফেরওণের নিকটে প্রকাশ করিয়া, তাহাকে বধ করিও না, এরূপ বসিতে উদ্যত হইয়াছিলেন। ঈশ্বর বলিতেছেন, আমি তাহাকে উদ্ধার করিতে দেই নাই। (ত, হো,)

† মুসার ভগিনীর নাম কল্শুম ছিল, তিনি ফেরওণের নিকটে যাওয়া এরূপ বলিলেন। ফেরওণ তাহাকে আশ্বাস দিয়া বলিল, “তুমি যাও, দাত্রী লইয়া আইস।” তখন কল্শুম মুসার মাতাকে আনিয়া উপস্থিত করিলেন। সেই সময়ে মুসা ফেরওণের ক্রোড়ে ছিলেন। তিনি অল্প কোন দাত্রীর ক্রোড় আশ্রয় করিয়া স্তম্ভপান করিতেছিলেন না। যখন তাহাকে স্বীয় মাতার ক্রোড়ে অর্পণ করা হইল, তখন আগ্রহ সহকারে তিনি তাহার স্তম্ভপান করিতে লাগিলেন। ইহা দেখিয়া ফেরওণ জিজ্ঞাসা করিল, “তুমি কে যে, এ বালক তোমার স্তম্ভপানে ঈদৃশ অনুরাগ প্রকাশ করিল ?” তিনি বলিলেন, “আমি এরূপ একজন স্ত্রীলোক যে, আমার গাত্রে স্নগন্ধ আছে ও আমার স্তম্ভ অত্যন্ত মিষ্ট ও সুস্বাদু ; যে কোন বালক আমার নিকটে আইসে, আমার স্তম্ভ আগ্রহের সহিত পান করে।” ইহা শুনিয়া ফেরওণ বেতন নির্ধারণ করিয়া মুসাকে তাহার হস্তে সমর্পণ করিল, এবং বলিল, “ইহাকে আপন গৃহে লইয়া যাও, প্রতি সপ্তাহে এক দিন আমার নিকটে আনয়ন করিও।” তখন মুসার জননী মুসাকে গ্রহণ করিয়া আনন্দে গৃহে চলিয়া আসিলেন। ঈশ্বরের অঙ্গীকার পূর্ণ হইল। (ত, হো,)

এবং যখন সে আপন যৌবনসীমায় উপস্থিত হইল ও স্তম্ভিত হইয়া উঠিল, তখন আমি তাহাকে জ্ঞান ও কৌশল দান করিলাম; এইরূপে আমি হিতকারীদিগকে পুরস্কার দান করিয়া থাকি। ১৪। এবং ( একদা ) সে নগরে তাহার অধিবাসীদিগের অনবধানতার সময়ে প্রবেশ করিল, তখন সে তথায় দুই ব্যক্তিকে পরস্পর বিবাদ করার অবস্থায় প্রাপ্ত হইল; এই একজন তাহার দলের, এই অণুজন শত্রুদিগের অন্তর্গত ছিল। অনন্তর যে ব্যক্তি তাহার দলের ছিল সে, যে ব্যক্তি তাহার শত্রুপক্ষের ছিল, তাহার সন্ধক্ষে তাহার ( মুসার ) নিকটে অভিযোগ করিল; পরে মুসা তাহাকে মুষ্টি প্রহার করিল, অনন্তর তাহার সন্ধক্ষে ( জীবন ) শেষ করিল। সে বলিল, “ইহা শয়তানদের ক্রিয়ার অন্তর্গত, নিশ্চয় সে স্পষ্ট বিপথগামী শত্রু”। ১৫। সে বলিল, “হে আমার প্রতিপালক, নিশ্চয় আমি আপন জীবনের প্রতি অত্যাচার করিয়াছি, অনন্তর আমাকে ক্ষমা কর;” পরে তিনি তাহাকে ক্ষমা করিলেন, নিশ্চয় তিনি ক্ষমাশীল ও দয়ালু। ১৬। সে বলিল “হে আমার প্রতিপালক, তুমি আমার প্রতি যে দান করিয়াছ, তদনুরোধে অনন্তর আমি কখনও অপরাধীদিগের সাহায্যকারী হইব না”। ১৭। পরে সে সন্ধ্যায় তদ্বাসস্থান করত নগরে রাত্রি প্রভাত করিল; অনন্তর যে ব্যক্তি গত কল্যা তাহার নিকটে সাহায্য প্রার্থনা করিয়াছিল, হঠাৎ সে ( পুনর্বার ) তাহাকে ডাকিতে লাগিল। মুসা তাহাকে বলিল, “নিশ্চয় তুমি স্পষ্ট বিপথগামী”। ১৮। পরিশেষে যখন সে ইচ্ছা করিল, যে ব্যক্তি তাহাদের দুইজনের শত্রু, তাহাকে আক্রমণ করে, তখন সে ( শত্রু ) বলিল, “হে মুসা, গত কল্যা যেমন তুমি এক ব্যক্তিকে হত্যা করিয়াছ, তদ্রূপ কি আমাকেও হত্যা করিতে ইচ্ছা কর? তুমি পৃথিবীতে উৎপীড়ক হইবে ব্যতীত ইচ্ছা কর না, এবং তুমি ইচ্ছা করিতেছ না যে, সন্তান-সংস্থাপকদিগের অন্তর্গত হও”। ১৯। এবং নগরের প্রান্ত হইতে এক ব্যক্তি দৌড়িয়া উপস্থিত হইল, সে বলিল, “হে মুসা, নিশ্চয় প্রধান পুরুষগণ তোমার সন্ধক্ষে পরামর্শ করিতেছে যে, তোমাকে বধ করিবে; অতএব তুমি বাহিরে চলিয়া যাও, একান্তই আমি তোমার শুভাকাজক্ষীদিগের অন্তর্গত”। ২০। অনন্তর সে তথা হইতে তদ্বাসস্থান করত সন্ধ্যায় বহির্গত হইল, সে বলিল, “হে আমার প্রতিপালক, অত্যাচারিদল হইতে আমাকে তুমি রক্ষা কর”। ২১। ( র, ২, আ, ৮ )

এবং যখন সে মদয়ন নগরের দিকে যাত্রা করিল, তখন বলিল, “আশা করি যে, আমার প্রতিপালক আমাকে সরল পথ প্রদর্শন করিবেন” \*। ২২। এবং যখন সে মদয়নের জলের নিকটে উপস্থিত হইল, তখন তদুপরি একদল লোক প্রাপ্ত হইল যে,

\* মহাপুরুষ এব্রাহিমের এক পুত্রের নাম মদয়ন ছিল। তিনি আপন নামানুসারে মদয়ন নগর সংস্থাপন করিয়াছিলেন। মেসর হইতে এই নগর আট দিনের পথ অন্তর। মুসা প্রত্যাদিষ্ট হইয়া মদয়নের অভিমুখে যাত্রা করিলেন। সঙ্গে পাথের কিছুই ছিল না। আট দিন ক্রমাগত বৃষ্টিপত্র ভক্ষণ করিয়া জীবন ধারণ করিয়াছিলেন।

তাহারা ( পশুযুথকে ) জলপান করাইতেছে, এবং তাহাদের অপর দিকে দুই নারীকে পাইল যে, তাহারা ( পশুদলকে ) তাড়াইতেছে ; সে জিজ্ঞাসা করিল, “তোমাদের কি অবস্থা ?” তাহারা বলিল, “যে পর্য্যন্ত ( না ) পশুপালকগণ পশুদিগকে ফিরাইয়া লইয়া যায়, সে পর্য্যন্ত আমরা জলপান করাই না, এবং আমাদের পিতা মহাবৃদ্ধ” \* । ২৩ । অনন্তর সে তাহাদের অমুরোধে ( তাহাদের পশুযুথকে ) জলপান করাইল, তৎপর ছায়ার দিকে ফিরিয়া আসিল ; পরে বলিল, “হে আমার প্রতিপালক, তুমি আমার প্রতি যাহা কিছু কল্যাণ প্রেরণ করিয়াছ, নিশ্চয় আমি তাহারই ভিক্ষুক” । ২৪ । অবশেষে তাহাদের একজন সলজ্জগতিতে তাহার নিকটে উপস্থিত হইয়া বলিল, “তুমি যে আমাদের অমুরোধে জলপান করাইয়াছ, তোমাকে তাহার পুরস্কার দান করিতে নিশ্চয় আমার পিতা তোমাকে ডাকিতেছেন” । অনন্তর সে যখন তাহার ( শোয়বের ) নিকটে আসিল ও তাহার নিকটে বৃত্তান্ত বর্ণন করিল, তখন সে বলিল, “ভয় করিও না, তুমি অত্যাচারী দল হইতে উদ্ধার পাইয়াছ” † । ২৫ । কন্ডাঘরের একজন বলিল, “হে আমার পিতঃ, তাহাকে তুমি ভৃত্য করিয়া রাখ ; নিশ্চয় তুমি যে ব্যক্তিকে ভৃত্য নিযুক্ত

\* মুসা মদয়নে যে জলের নিকটে উপস্থিত হইয়াছিলেন, উহা নগরের প্রান্তস্থিত এক কূপ ছিল । তিনি সেখানে যাইয়া দেখেন যে, কয়েক জন পশুপালক মেঘযুথকে জলপান করাইতেছে, দুইটা কন্ডা কতকগুলি পশুসহ নিম্নভূমিতে দণ্ডায়মান আছেন । তিনি তাহাদের বিবরণ জিজ্ঞাসা করিলে, তাহারা বলিলেন, “এখানে আমরা পশুযুথকে জলপান করাইতে আসিয়াছি, পশুপালকগণ আপন আপন পশুকে জলপান করাইয়া চলিয়া গেলে, আমরা সেই পানাবশিষ্ট জল স্বীয় গো মেঘদিগকে পান করাইয়া থাকি ; যেহেতু কূপ হইতে জল তুলিয়া দেয়, আমাদের এরূপ সহায় কেহ নাই । আমাদের পিতা অত্যন্ত বৃদ্ধ ।” সেই কন্ডাঘর মদয়ননিবাসী শোয়বনামক সাধু পুরুষের কন্ডা ছিলেন । জ্যেষ্ঠার নাম সফুর, কনিষ্ঠার নাম সফিরা । মুসা তাহাদের মুখে বৃত্তান্ত অবগত হইয়া মেঘপালকদিগের নিকটে যাইয়া বলিলেন, “তোমরা এই দুঃখিনী কন্ডাদিগকে কেন ক্লেশ দাও, প্রথমতঃ তাহাদের পশুযুথকে জলপান করিতে দিলে ভাল হয় ; তাহা হইলে তাহারা শীঘ্র গৃহে চলিয়া যাইতে পারেন” । পশুপালকগণ বলিল, “আমরা তাহাদিগকে জল যোগাইতে পারি না ; যদি তুমি সক্ষম হও, এস, জল তুলিয়া দাও ।” তৎক্ষণাৎ মুসা তাহাদের নিকটে গেলেন, মেঘপালকগণ তাহার দৃঢ় বলিষ্ঠ মূর্ত্তি দেখিয়া সম্মুখে এক পার্শ্বে সরিয়া দাঁড়াইল । যে ডোলযোগে দশ জন বলবান পুরুষ কূপ হইতে জল তুলিত, মুসাদেব আট দিন অনাহারসঙ্গেও একাকী তদ্বারা জল তুলিয়া উক্ত দুই ভগিনীর মেঘাদি পশুকে পান করাইলেন । কেহ কেহ বলেন, তথায় একটা কূপের মুখে এক প্রকাণ্ড প্রস্তরকলক স্থাপিত ছিল, চল্লিশ জন লোকে তাহা সরাইতে পারিত । তিনি যাইয়া একাকী তাহা সরাইয়া, যে ডোলযোগে চল্লিশ জনে জল তুলিত, তদ্বারা জল তুলিয়া কন্ডাঘরের পশুযুথকে পান করাইলেন । ( ত, হো, )

† কন্ডাঘর সেদিন শীঘ্র গৃহে ফিরিয়া আসিলে, তাহাদের পিতা শোয়ব সত্বর আগমনের কারণ জিজ্ঞাসা করিলেন । তাহারা বিশেষ বৃত্তান্ত পিতাকে জানাইলেন । তখন শোয়ব সফুরাকে বলিলেন, তুমি যাইয়া সেই দয়ালু পুরুষকে সঙ্গ করিয়া গৃহে লইয়া আইস । তদনুসারে সফুরা যাইয়া তাহাকে সাধরে সঙ্গ করিয়া বাটীতে লইয়া আইলেন । ( ত, হো, )



করিবে, সে উত্তম বলবান্ বিশ্বস্ত পুরুষ” \* । ২৬। সে বলিল, “একান্তই আমি ইচ্ছা করি যে, আমার এই দুই কন্যার একজনকে এই অঙ্গীকারে তোমার সঙ্গে বিবাহ দি যে, তুমি আট বৎসর আমার দাসত্ব করিবে ; অনন্তর যদি তুমি দশ বৎসর পূর্ণ কর, তবে তোমার নিকট হইতে ( প্রচুর ) হইল, এবং আমি ইচ্ছা করি না যে, তোমাকে ক্লেশ দান করি। ঈশ্বর ইচ্ছা করিলে অবশ্য তুমি আমাকে সাধুদিগের অন্তর্গত প্রাপ্ত হইবে” । ২৭। সে বলিল, “তোমার ও আমার মধ্যে এই ( অঙ্গীকার ) হইল, আমি এই দুই নির্দিষ্ট কালের যে কোন একটি পূর্ণ করিব, পরে আমার প্রতি অতিরিক্ত থাকিবে না ; এবং আমরা যাহা বলিতেছি, ঈশ্বর তৎসম্বন্ধে সহায়” † । ২৮। ( র, ৩, আ, ৭ )

অনন্তর যখন মুসা নির্দিষ্ট কাল পূর্ণ করিয়া আপন পরিজনসহ যাত্রা করিল, তখন তুর গিরির দিকে অগ্নি দর্শন করিল ; সে আপন পরিজনকে বলিল, “তোমরা বিলম্ব কর, নিশ্চয় আমি অনল দর্শন করিতেছি ; ভরসা করি যে, আমি তথা হইতে তোমাদের নিকটে কোন ( পথিকের ) সংবাদ অথবা জলন্ত অগ্নিখণ্ড আনয়ন করিব, হয়তো তোমরা উত্তাপ লাভ করিবে” । ২৯। অনন্তর যখন সে তাহার নিকটে উপস্থিত হইল, তখন প্রান্তরের দক্ষিণ প্রান্ত হইতে কল্যাণযুক্ত ভূমিস্থিত বৃক্ষ হইতে ধ্বনি হইল যে, “হে মুসা, নিশ্চয় আমি বিশ্বপালক পরমেশ্বর । ৩০।+ এবং এই তুমি আপন যষ্টি নিক্ষেপ কর ;” অনন্তর যখন সে তাহাকে দেখিল যে, নড়িতেছে, যেন উহা সর্প, সে পশ্চাদ্ভাগে মুখ ফিরাইল ও ফিরিল না। ( আমি বলিলাম, ) “হে মুসা, অগ্রসর হও, ভয় করিও না, নিশ্চয় তুমি বিশ্বস্ত পুরুষদিগের অন্তর্গত । ৩১। তুমি স্বীয় হস্তকে স্বীয় গ্রীবাদেশে লইয়া যাও, উহা কলঙ্কশূন্য শুভ্র হইয়া বাহির হইবে, এবং সঙ্কোচভাবে আপন বাহুকে তুমি নিজের দিকে ( বক্ষে ) সংযুক্ত কর ; ‡ অনন্তর ফেরৎ ও তাহার প্রধান পুরুষদিগের নিকটে তোমার প্রতিপালকের এই দুই নিদর্শন হয়” । নিশ্চয় তাহার দুর্ভক্ত দল ছিল । ৩২। সে বলিল, “হে আমার প্রতিপালক, নিশ্চয় আমি তাহাদের একজনকে হত্যা করিয়াছি, পরে ভয় পাইতেছি যে, আমাকে তাহারা বধ করিবে ।

\* কথিত আছে, শোয়ব কন্যাকে জিজ্ঞাসা করিয়াছিলেন যে, তুমি তাঁহার শক্তি ও বিশ্বস্ততা কেমন করিয়া বুঝিতে পারিলে ? সফরা বলিলেন, দশ জনে যে ডোল টানিয়া তোলে, তিনি তাহা একাকী তুলিয়াছেন ও আমার প্রতি অত্যন্ত ভালবাসা ও সম্মান প্রদর্শন করিয়াছেন ; তাহাতে বুঝিয়াছি, তিনি অতিশয় বিশ্বস্ত ও বলবান্ । ( ত, হো, )

+ অর্থাৎ পরে আমার প্রতি অতিরিক্ত থাকিবে না। অর্থাৎ আট বৎসর বা দশ বৎসর তোমার ভৃত্য হইয়া পশু চরাইব, কিন্তু ততোধিক কাল সেবা প্রত্যাশা করিয়া আমার ভার্যাকে আমা হইতে বিচ্ছিন্ন রাখিতে পারিবে না। আমাদের কার্য আমরা ঈশ্বরে সমর্পণ করিলাম, তিনি সাক্ষী রহিলেন, তিনি অঙ্গীকার পূর্ণ করিতে সাহায্য করিবেন । ( ত, হো, )

‡ অর্থাৎ তুমি ভীত হইও, তাহা হইলে সাহায্য পাইবে

( ত, হো, )



৩৩। এবং আমার ভ্রাতা হারুণ হয়, সে বাগিন্দ্রিয় অনুসারে আমা অপেক্ষা অধিক মিষ্টভাষী ; অতএব তাহাকে আমার সঙ্গে সাহায্যকারিরূপে প্রেরণ কর, সে আমার সত্যতা প্রতিপাদন করিবে। নিশ্চয় আমি ভয় পাইতেছি যে, তাহারা আমার প্রতি অসত্যারোপ করিবে”। ৩৪। তিনি বলিলেন, “অবশ্য আমি তোমার বাছকে তোমার ভ্রাতা দ্বারা দৃঢ় করিব, এবং তোমাদের দুই জনকে বিজয় দান করিব ; অনস্তর তাহারা আমার নিদর্শন সকলের জন্ত তোমাদের দিকে পঁছড়িতে পারিবে না, তোমরা দুই জন ও যাহারা তোমাদের অনুসরণ করিবে, তাহারা বিজয়ী হইবে”। ৩৫। অবশেষে যখন মুসা আমার উজ্জ্বল নিদর্শন সকল সহ তাহাদের নিকটে উপস্থিত হইল, \* তখন তাহারা বলিল, “ইহা রচিত ইন্দ্রজাল ভিন্ন নহে, আমরা আপন পূর্বতন পিতৃপুরুষদিগের মধ্যে ইহা শুনিতে পাই নাই”। ৩৬। এবং মুসা বলিল, “আমার প্রতিপালক, যে ব্যক্তি তাঁহার নিকট হইতে উপদেশ আনয়ন করিয়াছে, এবং পারলৌকিক আলায় যাহার জন্ত হইবে, তাহাকে বিশেষ জানেন ; নিশ্চয় অত্যাচারী লোকেরা উদ্ধার পায় না”। ৩৭। ফেরাও বলিল, “হে প্রধান পুরুষগণ, আমি জানি না যে, আমি ব্যতীত তোমাদের কোন উপাস্ত আছে ; অনস্তর, হে হামান, মৃত্তিকার উপর আমার জন্ত অগ্নি উদ্দীপন কর, † পরে আমার জন্ত এক প্রাসাদ নির্মাণ কর, ভরসা যে, আমি মুসার উপাস্তের দিকে আরোহণ করিব ; নিশ্চয় আমি তাহাকে মিথ্যাবাদীদিগের অন্তর্গত মনে করি”। ৩৮। এবং সে ও তাহার সেনাদল পৃথিবীতে অগ্নায়রূপে অহঙ্কার করিল ও মনে করিল যে, আমাদের দিকে ইহাদের ফিরিয়া আসা হইবে না। ৩৯। অনস্তর আমি তাহাকে ও তাহার সৈন্যদলকে আক্রমণ করিলাম, পরে তাহাদিগকে নদীতে ফেলিয়া দিলাম ; অবশেষে দেখ, অত্যাচারীদিগের পরিণাম কেমন হইল ? ৪০। এবং তাহাদিগকে আমি অগ্রণী ( বিপথগামী ) করিয়াছিলাম, তাহারা নরকাগ্নির দিকে ( লোকদিগকে ) আহ্বান করিতেছিল, কেয়ামতের দিনে তাহাদিগকে সাহায্য দান করা হইবে না। ৪১। এবং এই সংসারে আমি তাহাদের পশ্চাতে অভিসম্পাত আনয়ন করিয়াছিলাম ও কেয়ামতের দিনে তাহারা নিকৃষ্টদিগের অন্তর্গত হইবে। ৪২। (র, ৪, আ ১৪,) এবং পূর্বতন যুগের অধিবাসীদিগকে বিনাশ করিলে পর, সত্য সত্যই আমি মুসাকে গ্রন্থ দান করিয়াছি ; উহা লোকদিগের জন্ত প্রমাণাবলী ও উপদেশ এবং অনুগ্রহ-স্বরূপ হইয়াছে। ভরসা যে, তাহারা উপদেশ গ্রহণ করিবে। ৪৩। এবং যখন আমি মুসার প্রতি প্রত্যাদেশ করিয়াছিলাম, তখন তুমি, ( হে মোহাম্মদ, ) পশ্চিম প্রদেশে ছিলে না, এবং তুমি সাক্ষীদিগের অন্তর্গত ছিলে না। ৪৪। + কিছু আমি ( মুসার পরে )

এস্থলে নিদর্শন মুসার হস্তস্থিত যষ্টি, যাহা অজগররূপ ধারণ করে ও তাঁহার করতল, যাহা শুভ্র  
( ত, হ, )  
ঠ।

+ প্রাসাদের ইষ্টক প্রস্তুত করিবার জন্ত মৃত্তিকার উপর অগ্নি উদ্দীপন।

অনেক সম্প্রদায় সৃষ্টি করিয়াছি, অনন্তর তাহাদের সম্বন্ধে জীবন দীর্ঘ হইয়াছে ; এবং তুমি মদয়নবাসীদিগের মধ্যে অধিবাসী ছিলে না যে, তাহাদের নিকটে আমার নিদর্শন সকল পাঠ করিতে ; কিন্তু আমি ( বার্তাবাহকের ) প্রেরক ছিলাম \* । ৪৫ । এবং যখন আমি ডাকিয়াছিলাম, তখন তুমি তুর পর্বতের দিকে ছিলে না ; কিন্তু তোমার প্রতিপালকের অনুগ্রহক্রমে ( সমাগত প্রত্যাদেশে, ) তোমার পূর্বে যাহাদের নিকটে কোন ভয়প্রদর্শক উপস্থিত হয় নাই, তুমি সেই দলকে যেন ভয় প্রদর্শন কর ; হয়তো তাহারা উপদেশ গ্রহণ করিবে † । ৪৬ । এবং যদি ইহা না হইত যে, তাহাদের হস্ত পূর্বে যাহা প্রেরণ করিয়াছে, তজ্জন্ম তাহাদের প্রতি কোন বিপদ উপস্থিত হয়, ( তাহা হইলে তাহারা কোন কথা কহিত না ; ) অবশেষে তাহারা বলিবে, “হে আমাদের প্রতিপালক, কেন তুমি আমাদের নিকটে কোন প্রেরিতপুরুষ প্রেরণ কর নাই ? তাহা হইলে আমরা তোমার নিদর্শন সকলের অনুসরণ করিতাম, এবং বিশ্বাসীদিগের অন্তর্ভুক্ত হইতাম ‡ । ৪৭ । অনন্তর যখন আমার নিকট হইতে তাহাদের প্রতি সত্য উপস্থিত হইল, তখন তাহারা বলিল, “মুসাকে যাহা দেওয়া হইয়াছে, তদ্রূপ কেন ( এই প্রেরিতপুরুষকে ) দেওয়া

\* মুসার পরবর্তী সম্প্রদায় সকলের পরে জীবন দীর্ঘ হইয়াছে, ইহার অর্থ, তাহাদের পরে বহুকাল অতীত হইয়া গিয়াছে, নানা প্রাকৃতিক ঘটনাতে তাহাদের দেশ উচ্ছিন্ন হইয়াছে, এক্ষণ তাহাদের সম্বন্ধে লোকের কিছুই অভিজ্ঞতা নাই। আমি তোমাকে, হে মোহম্মদ, সেই সকল লোকের বৃত্তান্ত নূতন ভাবে রটনা করিবার জন্ম প্রেরণ করিয়াছি ; তাহাতে লোকে বৃষ্টিতে পারিবে যে, প্রত্যাদেশের সাহায্য ব্যতীত এ প্রকার সংবাদ কেহ প্রচার করিতে পারে না। ( ত, হো, )

† কথিত আছে, মুসা পরমেশ্বরকে জিজ্ঞাসা করিয়াছিলেন যে, প্রভো, তওরাতে কতকগুলি লোকের ধর্মনিষ্ঠা ও সচ্চরিত্রতার বিষয় পাঠ করিতেছি ; কাহারা সেই সকল লোক ? তাহাতে ঈশ্বর উত্তর করিলেন যে, উহারা আমার সখা মোহম্মদের মণ্ডলী। ইহা শ্রবণে মুসার ইচ্ছা হইল যে, তাহা-দিগকে দেখেন। ঈশ্বর বলিলেন, এক্ষণ তাহাদের প্রকাশের সময় নয়। যদি ইচ্ছা কর, তবে আমি তাহাদিগের শব্দ তোমাকে শুনাইতেছি। এই বলিয়া তিনি “হে মোহম্মদীয় মণ্ডলী” বলিয়া ডাকিলেন, তাহাতে তাহারা নিভৃতদেশ হইতে “উপস্থিত আছি” বলিয়া উত্তর করিলেন। যখন পরমেশ্বর মুসাকে তাহাদের শব্দ শ্রবণ করাইলেন, তখন তিনি ইচ্ছা করিলেন না যে, কিছু সংবাদ না পাইয়া তাহারা ফিরিয়া যান। ঈশ্বর বলিতেছেন যে, আমার নিকটে প্রার্থনা করিবার পূর্বে আমি তোমাদিগকে দান করিয়াছি, ক্ষমা চাহিবার পূর্বে ক্ষমা করিয়াছি। হজরতের অনুরোধে তাহার মণ্ডলীর একপ গৌরব সম্পাদিত হইয়াছে ; সুতরাং পরমেশ্বর তাহাকে বলিতেছেন যে, যে সময়ে আমি তোমার মণ্ডলীকে ডাকিয়াছিলাম, তখন তুমি তুর পর্বতে ছিলে না। ( ত, হো, )

‡ “তাহাদের হস্ত পূর্বে যাহা প্রেরণ করিয়াছে” অর্থাৎ তাহারা পূর্বে পুস্তলিকার পূজা আদি যে সকল দুষ্কর্ম করিয়াছিল। শান্তিপ্রাপ্ত হইবার সময়ে তাহারা তর্ক করিতেছিল যে, স্বর্গীয় বার্তাবাহক আমাদের নিকটে উপস্থিত হইয়া আমাদের নিকটে ঈশ্বরের দিকে আহ্বান করেন নাই, আমাদের দোষ নাই। ঈশ্বর বলিতেছেন যে, একান্তই আমি তাহাদের প্রতি শান্তি প্রেরণ করিয়াছিলাম।

( ত, হো, )

হইল না? পূর্বে যাহা মুসার প্রতি প্রদত্ত হইয়াছে, তৎসম্বন্ধে কি তাহারা বিদ্রোহী হয় নাই? তাহারা বলিয়াছিল, “পরস্পর সাহায্যকারী ( মুসা ও হারুন ) দুই ঐন্দ্রজালিক ;” এবং বলিয়াছিল, “নিশ্চয় আমরা প্রত্যেকের সম্বন্ধে প্রতিদ্বন্দ্বী” \* । ৪৮ । তুমি বল, ( হে মোহম্মদ, ) অনন্তর তোমরা ঈশ্বরের নিকট হইতে এমন এক গ্রন্থ উপস্থিত কর, যাহা সেই দুই জন অপেক্ষা অধিকতর পথপ্রদর্শক হইবে ; যদি তোমরা সত্যবাদী হও, তবে আমি তাহার ( সেই গ্রন্থের ) অনুসরণ করিব । ৪৯ । পরিশেষে যদি তাহারা তোমাকে গ্রাহ্য না করে, তবে জানিও, তাহারা আপন প্রবৃত্তি সকলের অনুসরণ করে, এতদ্ভিন্ন নহে ; যে ব্যক্তি ঈশ্বরের পথ প্রদর্শন ব্যতীত আপন প্রবৃত্তির অনুসরণ করে, তাহা অপেক্ষা অধিক বিপথগামী কে আছে? নিশ্চয় পরমেশ্বর অত্যাচারী দলকে পথ প্রদর্শন করেন না । ৫০ । ( র, ৫, আ, ৮ )

এবং সত্য সত্যই তাহাদের জন্ত আমি ক্রমশঃ বচন ( কোরু-আনু ) উপস্থিত করিয়াছি, যেন তাহারা উপদেশ গ্রহণ করে । ৫১ । ইহার ( কোরু আনের ) পূর্বে যাহাদিগকে আমি গ্রন্থ দান করিয়াছি, তাহারা ইহাতে বিশ্বাস স্থাপন করিতেছে † । ৫২ । এবং যখন তাহাদের নিকটে পাঠ হয়, তাহারা বলে, “আমরা ইহার প্রতি বিশ্বাস স্থাপন করিলাম, নিশ্চয় ইহা আমাদের প্রতিপালকের নিকট হইতে ( আগত ) সত্য, নিশ্চয় আমরা ইহার ( অবতরণের ) পূর্বেই মোসলমান ছিলাম” । ৫৩ । ইহারাই যে ধৈর্য্য ধারণ করিয়াছে ও শুভ দ্বারা অন্তর্ভুক্ত দূর করিতেছে ; এবং আমি তাহাদিগকে যে উপজীবিকা দান করিয়াছি, তাহা ব্যয় করিয়া থাকে, তজ্জন্ত তাহাদিগকে দুই বার পুরস্কার দেওয়া যাইবে ‡ । ৫৪ । এবং তাহারা যখন অনর্থক বিষয় শ্রবণ করে, তখন তাহা হইতে বিমুখ হয়, এবং বলে, “আমাদের জন্ত আমাদের ক্রিয়া সকল এবং তোমাদের জন্ত তোমাদের

\* কথিত আছে যে, কোরেশ লোকেরা ইহুদীদের নিকটে হজ্বতের প্রেরিতদ্বন্দ্বন্ধে প্রশ্ন করিয়াছিল । ইহুদিগণ তাহার প্রেরিতত্ব স্বীকার করিয়া বলে যে, তওরাত গণ্ডে আমরা তাহার বর্ণনা পাঠ করিয়াছি । পৌত্তলিক কোরেশগণ তওরাতকে অগ্রাহ্য করিয়া বলে, যদি মোহম্মদ পোষক, তবে কেন মুসা যেরূপ হস্তে জোতিঃ প্রকাশ, যষ্টিকে অজগরে পরিণত করা ইত্যাদি অলৌকিক কার্য্য করিয়াছিল, সেইরূপ অলৌকিক ক্রিয়া সে করিতে পারে না । ( ত, হো, )

† এক দল ইহুদী হজরতের নিকটে যাইয়া এসলাম ধর্ম গ্রহণ করিয়াছিল, তাহাদিগকে লক্ষ্য করিয়া এই আয়তের অবতারণা হইয়াছে । কেহ কেহ বলেন, কতক জন অগ্নির উপাসক মোসলমানধর্মে দীক্ষিত হইয়াছিল, তাহাদের সম্বন্ধে এই উক্তি হইয়াছে ।

‡ অগ্নির উপাসকগণ এসলামধর্মে বিশ্বাস প্রকাশ করিলে পর, আবুজহল ও তাহার অনুচরগণ তাহাদিগকে অত্যন্ত কটুক্তি করে ; তাহাতে তাহারা ধৈর্য্য ধারণ করিয়া বিনীতভাবে বলে যে, ঈশ্বর তোমাদের প্রতি প্রসন্ন থাকুন, তোমাদিগকে সৎপথ প্রদর্শন করুন । এস্থলে পরমেশ্বর তাহাদের বর্ণনা করিতেছেন । ( ত, হো, )

ক্রিয়া সকল রহিয়াছে ; তোমাদের প্রতি সেলাম হউক, আমরা মূর্খদিগকে চাইনা” \* ।  
 ৫৫ । নিশ্চয় তুমি যাহাকে প্রেম করিয়া থাক, তাহাকে পথ প্রদর্শন কর না ; কিন্তু ঈশ্বর  
 যাহাকে ইচ্ছা করেন, পথ প্রদর্শন করিয়া থাকেন, এবং তিনি পথপ্রাপ্তদিগকে উত্তম  
 জ্ঞাত ঃ । ৫৬ । তাহারা বলিয়াছে, “যদি আমরা তোমার সঙ্গে উপদেশের অনুসরণ করি,  
 তবে আমরা স্বস্থান হইতে ভ্রষ্ট হইব ;” আমি কি তাহাদিগকে সেই শান্তিযুক্ত মক্কার স্থান  
 দান করি নাই, যথায় আমার নিকট হইতে সর্ববিধ ফলপুঞ্জ উপজীবিকারূপে প্রেরিত  
 হইয়া থাকে ? কিন্তু তাহাদের অধিকাংশই বৃষ্টিতেছে না । ৫৭ । এবং আপন  
 জীবিকাবিষয়ে অমিতাচারী হইয়াছে, এমন গ্রামবাসীদিগের অনেককে আমি বিনাশ  
 করিয়াছি ; পরে এই তাহাদিগের বাসস্থান, তাহাদের পরে (এস্থানে) অল্প লোক ব্যতীত  
 বসতি করে নাই, এবং আমি উত্তরাধিকারী হইয়াছি । ৫৮ । এবং তোমার প্রতিপালক,  
 ( হে মোহম্মদ, ) সে পর্য্যন্ত কোন গ্রামের বিনাশকারী হন নাই, যে পর্য্যন্ত ( না ) তিনি  
 তাহার প্রধান নগরে তাহাদের (নগরবাসীদিগের) নিকটে আপন নিদর্শন সকল পাঠ  
 করিতে প্রেরিতপুরুষ প্রেরণ করিয়াছেন ; এবং তাহার অধিবাসিগণ অত্যাচারী হওয়ার  
 অবস্থা ব্যতীত আমি কোন গ্রামের সংহারক হই নাই । ৫৯ । এবং যে কিছু বস্তু  
 তোমাদিগকে প্রদত্ত হইয়াছে, তাহা পার্থিব জীবনের ফলভোগ ও তাহারই শোভা ;  
 এবং যাহা ঈশ্বরের নিকটে, উহা শুভ ও নিত্য । অনন্তর তোমরা কি বৃষ্টিতেছ না ?  
 ৬০ । ( র, ৬, আ, ১০ )

অনন্তর যাহার সঙ্গে আমি উত্তম অঙ্গীকারে অঙ্গীকার করিয়াছি, পরে সে কি,  
 যাহাকে আমি পার্থিব জীবনের ফলভোগী করিয়াছি, তাহার গায় উহা লাভ করিবে ?  
 তৎপর কেয়ামতের দিনে সে সমুপস্থিত লোকদিগের অন্তর্গত হইবে ঃ । ৬১ । এবং

\* অর্থাৎ কপট লোকদিগের কটুক্তি শ্রবণ করিয়া বিশ্বাসী লোকেরা বলে, আমাদের জন্ত  
 আমাদের ধর্মকর্মের ফলাফল, তোমাদের জন্ত তোমাদের ধর্মকর্মের ফলাফল ; আমরা তোমাদের নিরর্থক  
 কথার উত্তরদান করিতে ইচ্ছা করি না, তোমাদিগকে সেলাম করিতেছি । ( ত, হো, )

+ কথিত আছে যে, হজরত আপন পিতৃবা আবুতালেবকে এসলামধর্মে দীক্ষিত করিতে  
 একান্ত ব্যাকুল ছিলেন । তিনি তাহার মৃত্যুকালে শয্যার পার্শ্বে বসিয়া বলিতেছিলেন যে, পিতৃবা,  
 তুমি কলেমা উচ্চারণ করিয়া ধর্ম গ্রহণ কর, তাহা হইলে আমি তোমার জন্ত ঈশ্বরের নিকটে পাপক্ষমার  
 অনুরোধ করিতে পারিব । আবুতালেব বলেন, বৎস, তুমি যথার্থ বলিতেছ ; কিন্তু এই মুম্বু-কালে  
 আমি কোরেশ লোকদিগের ভৎসনা সহ্য করিতে প্রস্তুত নহি । পরে আবুতালেব মৃত্যুভয়ে ভীত  
 হইয়া কলেমা উচ্চারণ করেন । ঈশ্বর হজরতকে বলিতেছেন যে, আমি আবুতালেব দ্বারা কলেমা  
 উচ্চারণ করাইয়া তোমাকে আনন্দিত করিয়াছি । তুমি কাহারও পথপ্রদর্শক নও, ঈশ্বরই একমাত্র  
 পথপ্রদর্শক । ( ত, হো, )

‡ মহান্বা আলি ও হম্জা আবুজহলের সঙ্গে, কেহ কেহ বলেন, ইয়াসরের পুত্র এমার মঘয়রার  
 পুত্র অলিদের সঙ্গে ধর্মসম্বন্ধে বাদামুবাদ করিতেছিলেন ; তাহাতেই এই আয়ত অবতীর্ণ হয় ।

( স্মরণ কর, ) যে দিবস তাহাদিগকে তিনি ডাকিবেন, পরে বলিবেন, “তোমরা যাহা-  
দিগকে মনে করিতোছিলে, আমার সেই অংশিগণ কোথায়” ? ৬২। যাহাদিগের প্রতি  
( শাস্তির ) বাক্য নির্দ্বারিত হইয়াছে, তাহারা বলিবে, “হে আমাদের প্রতিপালক,  
ইহারাই, যাহাদিগকে আমরা বিপথগামী করিয়াছি, আপনারা যেমন পথভ্রান্ত হইয়াছি,  
তদ্রূপ ইহাদিগকেও পথভ্রান্ত করিয়াছি ; এক্ষণ তোমার অভিমুখে ( ইহাদিগ হইতে )  
বিমুগ্ন হইতেছি, ইহারা আমাদের অর্চনা করিত না” \*। ৬৩। এবং বলা হইবে  
যে, “আপন অংশীদিগকে তোমরা আহ্বান কর ;” অনস্তর তাহাদিগকে তাহারা ডাকিবে,  
পরে তাহাদিগের ( আহ্বান ) তাহারা গ্রাহ্য করিবে না, এবং শাস্তি দর্শন করিবে। হায় !  
তাহারা যদি পথ প্রাপ্ত হইত। ৬৪। এবং ( স্মরণ কর, ) যে দিবস তিনি তাহাদিগকে  
ডাকিবেন, পরে বলিবেন, “তোমরা প্রেরিতপুরুষদিগকে কি উত্তর দান করিয়াছ” ?  
৬৫। অনস্তর সে দিবস তাহাদের সঙ্ক্ষে তত্ত্ব সকল তমসাচ্ছন্ন হইবে, পরে তাহারা  
পরস্পরকে জিজ্ঞাসা করিবে না †। ৬৬। অবশেষে যাহারা অনুতাপ করিয়াছে, এবং  
বিশ্বাসস্থাপন ও সংকল্প করিয়াছে, আশা যে, পরে তাহারা বিমুক্ত হইবে। ৬৭। এবং  
তোমার প্রতিপালক, ( হে মোহম্মদ, ) যাহা ইচ্ছা হয় সৃষ্টি করেন ও গ্রহণ করিয়া  
থাকেন, তাহাদের জ্ঞান ক্ষমতা নাই ; পরমেশ্বরেরই পবিত্রতা, এবং তাহারা যাহাকে  
অংশী করে, তিনি তাহা অপেক্ষা উন্নত ‡। ৬৮। এবং তোমার প্রতিপালক, তাহাদের  
অস্তর যাহা গোপন করে ও যাহা প্রকাশ করিয়া থাকে, তাহা জানেন। ৬৯। এবং  
তিনিই পরমেশ্বর, তিনি ব্যতীত কোন উপাস্য নাই, ইহ পরলোকে তাঁহারই কর্তৃত্ব ও

ঈশ্বর বলিতেছেন, যাহাদিগকে আমি পরলোকে স্বর্গবাসী ও ইহলোকে বিজয়ী করিব বলিয়া অঙ্গীকার  
করিয়াছি, সেই আলি ও হম্জা অথবা এমার কি আবুজহল প্রভৃতি লোকের অবস্থা প্রাপ্ত হইবে ?  
তাহাদিগের জ্ঞান ইহ পরলোকে দুঃখ ক্লেশ পরাজয় নির্দ্বারিত রহিয়াছে। “তৎপর কেয়ামতের দিনে  
সে সমুপস্থিত লোকদিগের অন্তর্গত হইবে ;” অর্থাৎ শাস্তি-গ্রহণের জ্ঞান আবুজহল অথবা অলিদ কেয়ামতের  
দিনে ঈশ্বরের নিকট উপস্থিত হইবে। ( ত, হো, )

\* অর্থাৎ পৌত্তলিকদিগের কল্পিত ঈশ্বরগণ বলিবে যে, ইহারা আমাদের অর্চনা করিত না,  
বরং আপন প্রবৃত্তির পূজা করিত। ( ত, হো, )

† “পরে তাহারা পরস্পরকে জিজ্ঞাসা করিবে না” অর্থাৎ যখন ঈশ্বর কাফেরদিগকে ডাকিয়া জিজ্ঞাসা  
করিবেন যে, তোমরা প্রেরিতপুরুষদিগের কথার কি উত্তর দান করিয়াছ ? তখন ভয়ে তাহারা,  
প্রেরিতপুরুষগণ যাহা বলিয়াছেন, তাহা ভুলিয়া যাইবে, যুক্তি প্রমাণ সকল বিস্মৃত হইবে, এবং কি উত্তর  
দান করিব, পরস্পর একরূপ জিজ্ঞাসা করিতে পারিবে না। ( ত, হো, )

‡ অর্থাৎ পরমেশ্বর যাহা ইচ্ছা করেন, তাহা সৃষ্টি করিয়া থাকেন, কোন হেতু ও প্রতিবন্ধক  
তাঁহার বাধা দিতে পারে না, তাঁহারই পূর্ণ কর্তৃত্ব। তিনি যাহাকে ইচ্ছা করেন, তাহাকেই বিধিপ্রচারের  
জ্ঞান মনোনীত করিয়া থাকেন। আবুজহল ও অলিদ প্রভৃতি কোন কাফেরের ক্ষমতা নাই যে, কাহাকে  
প্রেরিতরূপে বরণ করে। ( ত, হো, )



তাঁহার দিকেই তোমরা প্রতিগমন করিবে। ৭০। তুমি জিজ্ঞাসা কর, তোমরা কি দেখিয়াছ, যদি ঈশ্বর তোমাদের সহক্ষে পুনরুত্থানের দিন পর্য্যন্ত রজনী স্থায়ী করেন, ঈশ্বর ব্যতীত কোন্ উপাস্ত আছে যে, তোমাদের নিকটে জ্যোতি উপস্থিত করে? অনস্তর তোমরা কি শ্রবণ কর না? ৭১। তুমি জিজ্ঞাসা কর, তোমরা কি দেখিয়াছ, যদি ঈশ্বর তোমাদের সহক্ষে পুনরুত্থানের দিন পর্য্যন্ত দিবাকে স্থায়ী করেন, ঈশ্বর ব্যতীত কোন্ উপাস্ত আছে যে, তোমাদের নিকটে রজনী আনয়ন করে যে, তাহাতে তোমরা বিশ্রাম লাভ করিবে? অনস্তর তোমরা কি দেখিতেছ না? ৭২। এবং তিনি আপন রূপানুসারে তোমাদের জন্ত রজনী ও দিবা সৃজন করিয়াছেন, যেন তোমরা তাহাতে বিশ্রাম কর ও যেন তাঁহার প্রসাদে জীবিকা অন্বেষণ কর; সম্ভবতঃ তোমরা কৃতজ্ঞ হইবে। ৭৩। এবং (স্মরণ কর,) যে দিবস তিনি তাহাদিগকে ডাকিবেন ও পরে বলিবেন, “যাহাদিগকে তোমরা মনে করিতেছিলে, আমার সেই অংশিগণ কোথায়”? ৭৪। এবং প্রত্যেক মণ্ডলী হইতে আমি সাক্ষী বাহির করিয়া লইব, পরে বলিব, “তোমরা স্বীয় প্রমাণ উপস্থিত কর;” অনস্তর তাহারা জানিবে যে, ঈশ্বরের পক্ষেই সত্য আছে, এবং তাহারা যাহা (যে অসত্য) কল্পনা করিতেছিল, উহা তাহাদিগ হইতে বিলুপ্ত হইবে। ৭৫। (র, ৭, আ, ১৫)

নিশ্চয় কারুণ মুসার সম্প্রদায়ের অন্তর্গত ছিল, পরে সে তাহাদের প্রতি বিরুদ্ধাচরণ করিয়াছিল; এবং তাহাকে আমি এই পরমাণ ধনপুঞ্জ দান করিয়াছিলাম যে, তাহার কুঞ্জিকা সকল একদল বলবান্ লোকের ভারবহ হইত; (স্মরণ কর,) যখন তাহার সম্প্রদায় তাহাকে বলিল, “তুমি আমোদ করিও না, নিশ্চয় ঈশ্বর আমোদকারীদিগকে প্রেম করেন না \*। ৭৬। পরমেশ্বর যাহা তোমাকে দান করিয়াছেন, তুমি তাহাতে পারলৌকিক গৃহের (কল্যাণ) অন্বেষণ করিতে থাক ও সংসারের আপন অংশ তুমি ভুলিও না; এবং ঈশ্বর তোমার প্রতি যেমন হিতসাধন করিয়াছেন, তুমি তদ্রূপ হিতসাধন কর ও জগতে উপপ্লব অন্বেষণ করিও না। নিশ্চয় ঈশ্বর উপপ্লবকারীদিগকে প্রেম করেন না” †। ৭৭। সে বলিল, “আমার সন্নিধানে যে জ্ঞান আছে, তজ্জন্ত এই (ধন)

\* মুসার সময়ে কারুণ নামক একজন মহা ধনশালী লোক ছিল, তাহার ধনাধারসকলের কুঞ্জিকা এত অধিক ছিল যে, চল্লিশ জন বলবান্ লোকের পক্ষে গুরুভার ছিল। কেহ কেহ বলেন, বাটটি উষ্ট্র কুঞ্জিকাপুঞ্জ বহন করিয়া লইয়া যাউবার জন্ত নিযুক্ত থাকিত। কেহ কেহ বলিয়া থাকেন, সহস্রগুণ চারি লক্ষ ও চল্লিশ সহস্র ভাণ্ডার রজত কাঞ্চনে পূর্ণ ছিল। “ঈশ্বর আমোদকারীদিগকে প্রেম করেন না” অর্থাৎ পার্থিব সম্পত্তি দ্বারা যাহারা আমোদ করে, ঈশ্বর তাহাদিগকে প্রেম করেন না। (ত, হো,)

† অর্থাৎ পারলৌকিক কল্যাণ-লাভের জন্ত ঈশ্বরোদ্দেশ্যে তুমি আপন ধন ব্যয় কর; “সংসারের আপন অংশ তুমি ভুলিও না” অর্থাৎ ইহলোক হইতে প্রস্থানের সময়ে তোমার অংশ কখন (শবাচ্ছাদন) মাত্র থাকিবে, তাহা তুমি ভুলিও না, সেই অবস্থা চিন্তা করিও, ধনৈর্ধর্যে অহঙ্কারী হইও না। (ত, হো,)

আমাকে ক্ষমতা প্রদান করুন, ইহা ভিন্ন নহে;” সে কি জানে না যে, পরমেশ্বর তাহার পূর্বে অনেক দলকে, যে তাহারা শক্তি অনুসারে তাহা অপেক্ষা প্রবলতর ও জনতা অনুসারে অধিকতর ছিল, নিশ্চয় বিনাশ করিয়াছেন; এবং অপরাধিগণ আপন অপরাধ-বিষয়ে জিজ্ঞাসিত হইবে না \*। ৭৮। অনন্তর সে আপন সজ্জাতে স্বজাতির নিকটে বাহির হইল, তাহারা পাখিব জীবন আকাঙ্ক্ষা করিতেছিল, তাহারা বলিল, “হায়! কারণকে যাহা প্রদত্ত হইয়াছে, তদ্রূপ যদি আমাদের হইত! নিশ্চয় সে মহাভাগা-শীল” †। ৭৯। এবং যাহাদিগকে জ্ঞান প্রদত্ত হইয়াছে, তাহারা বলিল, “তোমাদের প্রতি আক্ষেপ, যে ব্যক্তি বিশ্বাস স্থাপন ও শুভ কর্ম করিয়াছে, তাহার জগুই ঈশ্বরের উত্তম পুরস্কার হয়, এবং সহিষ্ণু লোকদিগকে ভিন্ন তাহাতে সংযোগ করা হয় না”। ৮০। অনন্তর আমি তাহাকে ও তাহার গৃহকে ভূমিতে প্রোথিত করিলাম, পরে ঈশ্বর ব্যতীত তাহার জগু কোন দল ছিল না যে, তাহাকে সাহায্য দান করে, এবং সে প্রতিশোধকারীদিগের অন্তর্গত ছিল না ‡। ৮১। এবং যাহারা তাহার পদ কামনা

\* “অপরাধিগণ আপন অপরাধ বিষয়ে জিজ্ঞাসিত হইবে না” অর্থাৎ ঈশ্বর তাহাদের মুখ দেখিয়াই চিনিয়া লইবেন, কেয়ামতের দিন তাহাদের অপরাধসম্বন্ধে তাহাদিগকে প্রশ্ন করিবেন না, তিনি সমুদায় জানেন। তখন অগণ্য পাপী নরকে যাইবে। (ত, হো,)

† কারণ শনিবার দিন স্বজাতির নিকটে বাহির হইয়াছিল, সে গুলু উষ্ট্রোপরি স্বর্ণময় আসনে বিচিত্র লোহিত বসনে আচ্ছাদিত হইয়া উপবিষ্ট ছিল। এই ভাবে চারি সহস্র লোক, কেহ কেহ বলে, নব্বই সহস্র লোক উষ্ট্রারোহণে তাহার সঙ্গে গমন করিয়াছিল। উষ্ট্রারূঢ়া লোহিতবসনা সুসজ্জিতা সহস্র কিস্করী তাহার সঙ্গে ছিল। (ত, হো,)

‡ মুসাদেবের প্রতি কারণের ভয়ানক হিংসা ও শত্রুতা ছিল। অনুক্ষণ সে তাহার প্রতি উৎপীড়ন করিতে চেষ্টা করিত। সকলে ধর্মার্থ দান করিবে, ঈশ্বরের এই আদেশ মুসার প্রতি অবতীর্ণ হইল। মুসা ঈশ্বরের আজ্ঞাক্রমে কারণকে বলিলেন যে, প্রত্যেক সহস্র মুদ্রায় তোমাকে এক মুদ্রা দান করিতে হইবে। কারণ হিসাব করিয়া দেখিল যে, তাহাতে প্রচুর মুদ্রা হস্তচ্যুত হয়। তখন কৃপণতা তাহাকে বাধা দিল। সে কতিপয় উন্নত এশ্রায়লকে ডাকিয়া বলিল, মুসা যখন যাহা বলিয়াছে, তোমরা তাহা পালন করিয়াছ, এক্ষণ দেখিলে, তোমাদের ধনসম্পত্তি হরণ করিতে ইচ্ছুক হইয়াছে। তাহারা কহিল, তুমি আমাদের দলপতি, তুমি কি আজ্ঞা কর? সে বলিল, আমি ইচ্ছা করি যে, তাহাকে সাধারণের নিকটে ঘৃণিত ও লজ্জিত করিব, তাহা হইলে অপর লোকে তাহার কথায় কর্ণপাত করিবে না। অনন্তর সে সব্জা নামী এক ব্যভিচারিণী নারীকে অর্থ দ্বারা বশীভূত করিয়া এই অঙ্গীকারে বন্ধ করিল যে, সে সাধারণের নিকটে উপস্থিত হইয়া বলিবে যে, মুসা তাহার সঙ্গে ব্যভিচার করিয়াছে। পরদিন মুসাদেব কারণের সাক্ষাতে একরূপ নিবেদন বিধি প্রচার করিয়া-ছিলেন যে, যে ব্যক্তি চুরি করিবে, তাহার হস্তচ্ছেদন করা যাইবে; যে জন ব্যভিচার করিবে, অবিবাহিত হইলে তাহাকে বেত্রাঘাতে আহত ও বিবাহিত হইলে প্রস্তরাঘাতে চূর্ণ করা হইবে। এই কথা শুনিয়াই কারণ গাত্ৰোত্থান করিয়া বলিল, যদি তোমার নিজের এই অপরাধ হয়, তবে কেমন হইবে? মুসা বলিলেন, হাঁ, আমি অপরাধী হইলেও এই শাস্তি পাইব। কারণ বলিল, এশ্রায়লবংশীয়

করিতেছিল, তাহারা পর দিন প্রত্যুষে ( আগমন করিল, ) বলিতে লাগিল, \*আশ্চর্য যে, ঈশ্বর আপন দাসদিগের মধ্যে যাহাকে ইচ্ছা করেন, তাহার প্রতি জীবিকা উগ্ৰু ও সঙ্কচিত করিয়া থাকেন; যদি আমাদের সম্বন্ধে ঈশ্বর হিত সাধন না করিতেন, তবে নিশ্চয় তিনি আমাদের প্রোধিত করিতেন। আশ্চর্য যে, ধর্মবিদেষিগণ উদ্ধার পায় না”। ৮২। ( র, ৮, আ, ৭ )

এই পারলৌকিক আলায়, যাহারা পৃথিবীতে উচ্চতা ও উপদ্রব আকাঙ্ক্ষা করে না, আমি তাহাদের জগৎ ইহা নির্ধারণ করিতেছি; এবং ধর্মভীরুদিগের জগৎই (শুভ) পরিণাম \* ৮৩। যে ব্যক্তি শুভ আনয়ন করে, পরে তাহার জগৎ তদপেক্ষা অধিক মঙ্গল হয়, এবং যাহারা অশুভ আনয়ন করে, অনন্তর সেই অশুভকারীদিগকে, তাহারা যাহা করিতেছিল, তদনুরূপ ভিন্ন বিনিময় দেওয়া যাইবে না \* ৮৪। নিশ্চয় যিনি তোমার

লোকেরা মনে করিতেছে যে, তুমি অমুক নারীর সঙ্গে বাস্তিচার করিয়াছ। মুসা বলিলেন, ঈশ্বরের আশ্রয় লইতেছি, এ কি ভয়ানক কথা! তুমি সেই স্ত্রীকে উপস্থিত কর। তৎপর সব্জা সভায় উপস্থিত হইল। মুসা বলিলেন, সেই ঈশ্বরের শপথ, যিনি সাগরকে বিভক্ত ও তওরাত অবতারণ করিয়াছেন, যথার্থ বলিও। তখন ঈশ্বরের প্রতি নারীর ভয় জন্মিল। সে বলিল, দেব, এই কারণ তোমার সম্বন্ধে অপবাদ রটনা করিবার জগৎ বহুমুদ্রা আমাকে উৎকোচ দিয়াছে; আমি যোর কলঙ্কিনী পাপীয়সী, আমি কেমন করিয়া তোমার প্রতি কলঙ্কারোপ করিব? এই দেখ, কারুণের মোহরাঙ্কিত মুদ্রাপূর্ণ দুই মুদ্রাধার আমার নিকটে আছে। এস্রায়েলবংশীয় লোকেরা মুদ্রাধারে কারুণের মোহর দেখিয়া তাহার প্রতারণা উদ্ভয়রূপে বৃথিতে পারিল। তখন মুসাদেব ভূমিতলে মস্তক স্থাপন করিয়া স্বীয় প্রভুর নিকটে কারুণের সম্বন্ধে অভিযোগ করিলেন। ঈশ্বর বলিলেন, মৃত্তিকাকে তোমার আজ্ঞাধীন করিলাম, তুমি যাহা বলিবে, সে তাহা পালন করিবে। তখন মুসা বলিলেন, হে লোক সকল, ফেরওণের প্রতি আমি যেমন প্রেরিত হইয়াছিলাম, তদ্রূপ কারুণের প্রতিও প্রেরিত হইয়াছি। যাহারা কারুণের সঙ্গে আছে, তাহাদিগকে বল, যেন স্বস্থানে স্থির থাকে, এবং যাহারা আমার সঙ্গে আছে, তাহারা এক পাশ্বে চলিয়া যাউক। সমুদায় বনিএস্রায়েল সভাস্থল হইতে সরিয়া দাঁড়াইল, দুই জন মাত্র কারুণের সঙ্গে স্থিতি করিল। তৎক্ষণাৎ ভূমি তাহাদের চরণ জাম্বু পর্য্যন্ত গ্রাস করিয়া ফেলিল। তাহারা আর্তনাদ করিয়া আশ্রয় প্রার্থনা করিল, কোন ফল দর্শিল না। মুসা বলিতেছিলেন যে, ইহাদিগকে গ্রাস কর, তৎপর ক্রমে ক্রমে তাহাদের কটীদেশ ও গ্রীবা পর্য্যন্ত ভূগর্ভে প্রোধিত হইল। তাহারা অনেক ক্রন্দন ও বিলাপ করিল, কিছুই ফল হইল না। পরে সর্ব্বাঙ্গ ভূগর্ভে প্রোধিত হইল। অবশেষে মুসার ইচ্ছানুসারে কারুণের সমুদায় গৃহ অট্টালিকা ধনসম্পত্তি ভূগর্ভে প্রোধিত হইয়া গেল। ( ত, হো, )

\* যাহারা শুদ্ধ হইয়াছেন, অর্থাৎ মানবীয় ভাব হইতে যাহাদের আত্মা মুক্ত হইয়াছে, যাহারা এই নরলোকে উচ্চতার অভিলাষী নহেন, অত্যাচার ও উপদ্রব করিতে চাহেন না, একমাত্র ঈশ্বরেতে দৃষ্টি সম্বন্ধ রাখিয়া অন্য কিছুই প্রতি আকৃষ্ট নহেন, ইহলোক পরলোক বিশ্বাধিপতির হস্তে উৎসর্গ করিয়াছেন, তাহাদের জগৎই পারলৌকিক প্রসন্নতার আলায়। ( ত, হো, )

+ যে ব্যক্তি শুভ কর্ম্ম করে, সে তাহার দ্বিগুণ পুরস্কার লাভ করিয়া থাকে; যে জন পাপ করে, সে তাহার অনুরূপ শাস্তি প্রাপ্ত হয়। ( ত, হো, )

প্রতি কোরু আনু নির্ধারণ করিয়াছেন, অবশ্য তিনি তোমাকে প্রত্যাবর্তনভূমির দিকে ফিরাইয়া লইয়া যাইবেন ; যে ব্যক্তি ধর্মালোক সহ আসিয়াছে ও যে জন স্পষ্ট পথভ্রাস্তির মধ্যে আছে, তুমি বল, আমার প্রতিপালক তাহাদিগকে উত্তম জানেন \* । ৮৫ । এবং তোমার প্রতিপালকের রূপা বাতীত, তোমার প্রতি যে গ্রন্থ অবতারিত হইবে, তুমি আশা করিতেছিলে না ; অনস্তর তুমি কখনও কাফেরদিগের সাহায্যকারী হইও না । ৮৬ । তোমার প্রতি অবতারিত হওয়ার পর, ঈশ্বরের নিদর্শন সকল হইতে তোমাকে তাহারা নিবৃত্ত করিতে পারিবে না ; এবং আপন প্রতিপালকের দিকে তুমি ( লোকদিগকে ) আহ্বান করিতে থাক ও তুমি অংশিনাদীদিগের অন্তর্গত হইও না । ৮৭ । ঈশ্বরের সঞ্চে অগ্র উপাস্তকে কখনও ডাকিও না, তিনি ব্যতীত উপাস্ত নাই, তাঁহার স্বরূপ ভিন্ন সমুদায় বস্তুই বিনশ্বর ; তাঁহারই কর্তৃত্ব ও তাঁহার দিকেই তোমরা প্রতিগমন করিবে । ৮৮ । ( র, ৯, আ, ৬ )

## সূরা অনুকবুত †

.....

উনত্রিংশ অধ্যায়

.....

৬৯ আয়ত, ৭ রকু

( দাতা দয়ালু পরমেশ্বরের নামে প্রবৃত্ত হইতেছি । )

ঈশ্বর সূক্ষ্ম ও মহিমান্বিত ঃ । ১ । লোকে কি মনে করে, “আমি বিশ্বাস স্থাপন করিলাম,” এই যে তাহারা বলিয়া থাকে, তাহাতে ছাড়িয়া দেওয়া হইবে, এবং তাহারা

\* এই আয়ত মদিনাপ্রস্থানের সময় অবতীর্ণ হয় । পরমেশ্বর হজরতকে সাস্তনা দান করিয়া বলেন যে, তুমি পুনর্বার মক্কাতে আসিতে পারিবে । তাহাতে তিনি পূর্ণ জয়লাভ করিয়া হুল্লররূপে ফিরিয়া আসিয়াছিলেন । ( ত, ফা. )

† এই সূরা মক্কাতে অবতীর্ণ হইয়াছে ।

‡ “আলশ্বা” পদের আ, ল, ম, এই তিন বর্ণের সাক্ষেতিক তিন অর্থ, ঈশ্বর, সূক্ষ্ম ও মহিমান্বিত ! অর্থাৎ পরমেশ্বর বলিতেছেন যে, আমি ঈশ্বর, আমার সেবাতে অভিনিবিষ্ট হও ; আমি সূক্ষ্ম, আমার অর্চনায় প্রেমের ক্রটি করিও না ; আমি মহিমান্বিত, অস্ত্র কাহাকে মহিমান্বিত করিও না । ( ত, হো. )

পরীক্ষিত হইবে না \* ? ২। এবং সত্য সত্যই তাহাদের পূর্বে যাহারা ছিল, আমি তাহাদিগকে পরীক্ষা করিয়াছি; অনস্তর যাহারা সত্য বলে, অবশ্য ঈশ্বর তাহাদিগকে প্রকাশ করিবেন, এবং মিথ্যাবাদীদিগকে অবশ্য প্রকাশ করিবেন †। ৩। যাহারা অধর্ম করিয়া থাকে, তাহারা কি মনে করে যে, মন্দবিষয়ে তাহারা যে আদেশ করে, উহা আমার উপর জয়লাভ করিবে? ৪। যে ব্যক্তি ঈশ্বরের সাক্ষাৎকারের আশা রাখে পরে, নিশ্চয় ঈশ্বরের (সম্মিলনের) নির্ধারিত কাল (তাহাদের নিকট) উপস্থিত হইবে; এবং তিনি শ্রোতা ও জ্ঞাতা। ৫। এবং যে ব্যক্তি জেহাদ করে, অনস্তর সে আপন জীবনের জন্ত জেহাদ করিয়া থাকে, এতদ্ভিন্ন নহে; নিশ্চয় ঈশ্বর জগদ্ধামীদিগের (সেনাসমূহে) নিষ্কাম। ৬। এবং যাহারা বিশ্বাস স্থাপন ও শুভ কর্ম করিয়াছে, অবশ্য আমি তাহাদিগ হইতে তাহাদের অপরাধ সকল দূর করিব, এবং তাহারা যাহা করিতে-ছিল, অবশ্য আমি তাহার অত্যুত্তম পুরস্কার তাহাদিগকে দান করিব ‡। ৭। এবং পিতা মাতার প্রতি সদ্যবহার করিতে আমি মনুষ্যকে আদেশ করিয়াছি, এবং যদি তাহারা তোমার সম্বন্ধে চেষ্টা করে যে, যে বস্তুতে (ঈশ্বরত্বে) তোমার জ্ঞান নাই, আমার সম্বন্ধে তুমি তাহার অংশিত্ব স্থাপন কর, তবে তাহাদিগের আজ্ঞা পালন করিও না, আমার দিকে তোমাদের প্রত্যাবর্তন; অনস্তর তোমরা যাহা করিতেছিলে, তদ্বিষয়ে আমি

\* অর্থাৎ আমি বিশ্বাসী হইয়াছি, এই বলিয়া লোকে কি মনে করে যে, শাস্ত্রীয় নিষেধ বিধি-বিষয়ে তাহারা পরীক্ষিত হইবে না, বা ধন ও জীবনে কিম্বা নিকাসন ও ধর্মযুদ্ধে পরীক্ষিত হইবে না? এই আয়তের উদাহরণস্থল মক্কানিবাসী কতিপয় মোসলমান হইয়াছিলেন। তাহাদের পক্ষে স্বদেশ ও শ্বগৃহ পরিত্যাগ করিয়া যাওয়া দুষ্কর হইয়াছিল। যে সকল মোসলমান মক্কা ছাড়িয়া মদিনায় প্রস্থান করিয়াছিলেন, তাহারা মদিনা হইতে মক্কানগরস্থিত উক্ত মোসলমানদিগকে বলিয়া পাঠাইতে লাগিলেন যে, মক্কায় অবস্থান করিলে তোমাদের ধর্ম পূর্ণতা লাভ করিবে না, শীঘ্র মদিনায় চলিয়া আইস। তৎপর কেহ কেহ মদিনাপ্রস্থানের সম্বন্ধ করিয়া নগর হইতে বহির্গত হইয়াছিলেন। কাফের লোকেরা সংবাদ পাইয়া তাহাদিগকে বলপূর্বক পথ হইতে ফিরাইয়া লইয়া আইসে। তখন পরমেশ্বর তাহাদের সান্ত্বনার জন্ত এই আয়ত প্রেরণ করেন। যথা, তোমাদের মনে করা উচিত নয় যে, বিপদ পরীক্ষার আক্রমণ ব্যতীত ধর্মবল প্রকৃতভাবে উপার্জিত হইবে। প্রকৃত কথা এই যে, মহান্না ওমরের মহান্নামক এক দাস বদরের যুদ্ধে এমার হজরমীর শরণাগতে নিহত হইয়াছিল। হজরত প্রেরিতপুরুষ বলিয়াছিলেন যে, এ ব্যক্তি ধর্মযুদ্ধে নিহত বিশ্বাসীদিগের অগ্রগামী হইবে। মহান্নার পিতা মাতা তাহার মৃত্যুতে অত্যন্ত আকুল হইয়া আর্তনাদ করিতে থাকে। তখন পরমেশ্বর এই আয়ত প্রেরণ করিলেন যে, পরীক্ষা বিপদ ভিন্ন বিশ্বাসানুসারে কোন কার্য সাধন হইতে পারে না। (ত, হো,)

† অর্থাৎ পরমেশ্বর সত্যবাদী ও মিথ্যাবাদী এই দুই দলকে লোকের নিকটে প্রকাশ করিবেন, অথবা তাহাদিগকে সত্য্যচরণ ও অসত্য্যচরণের জন্ত পুরস্কার ও শাস্তিবিধান করিবেন। (ত, হো,)

‡ অর্থাৎ ঈশ্বর বলিতেছেন যে, তাহাদের বিশ্বাসের গুণে আমি তাহাদিগের সংক্রিয়ার প্রচুর পুরস্কার দান করিব, এবং পাপ ক্ষমা করিব। (ত, ফা,)



( কেয়ামতে ) তোমাদিগকে সংবাদ দান করিব \* । ৮ । এবং যাহারা বিশ্বাস স্থাপন ও সংকর্ষ করিয়াছে, অবশ্য আমি তাহাদিগকে সাধুমণ্ডলীতে প্রবেশ করাইব । ৯ । এবং মানবমণ্ডলীর মধ্যে কেহ কেহ আছে যে, বলিয়া থাকে, “আমরা ঈশ্বরের প্রতি বিশ্বাস স্থাপন করিয়াছি ;” অনন্তর যখন তাহারা ঈশ্বরের পথে উৎপীড়িত হয়, তখন লোকের প্রপীড়নকে পরমেশ্বরের শাস্তিস্বরূপ গণ্য করে, এবং যদি তোমার প্রতিপালক হইতে, ( হে মোহম্মদ, ) আনুকূল্য উপস্থিত হয়, তবে বলিয়া থাকে, “নিশ্চয় আমরা তোমাদের সঙ্গে ছিলাম ।” জগৎসমীচিগের অন্তরে যাহা আছে, ঈশ্বর কি তাহার উত্তম জ্ঞাতা নহেন † ? ১০ । এবং যাহারা বিশ্বাস স্থাপন করিয়াছে, অবশ্য পরমেশ্বর তাহাদিগকে জ্ঞাত আছেন, এবং অবশ্য তিনি কপটদিগকে জ্ঞাত আছেন । ১১ । এবং কাফের লোকেরা বিশ্বাসীদিগকে বলিয়াছে যে, “তোমরা আগাদিগের পথের অনুসরণ কর, সম্ভবতঃ আমরা তোমাদের অপরাধ সকল বহন করিব ;” এবং তাহারা তাহাদিগের অপরাধের কিঞ্চিন্মাত্র বহনকারী নহে, নিশ্চয় তাহারা মিথ্যাবাদী । ১২ । এবং একান্তই তাহারা আপনাদের ভার ও আপনাদের ভারের সঙ্গে ( অত্নের ) ভার বহন করিবে ; তাহারা যে অসত্য বলিতেছিল, কেয়ামতের দিনে অবশ্য তদ্বিষয়ে জিজ্ঞাসিত হইবে ‡ । ১৩ । ( র, ১, আ, ১৩ )

এবং সত্য সত্যই আমি মুহাকে তাহার মণ্ডলীর প্রতি প্রেরণ করিয়াছিলাম, অনন্তর সে তাহাদিগের মধ্যে নয় শত পঞ্চাশ বৎসর স্থিতি করিয়াছিল, পরে জলপ্লাবন তাহাদিগকে আক্রমণ করিয়াছিল, এবং তাহারা অত্যাচারী ছিল § । ১৪ । অবশেষে আমি

\* কথিত আছে, যখন আবু ওকাসের পুত্র সাদ এসলামধর্মে দীক্ষিত হইলেন, তখন তাহার মাতা আবুহুফিয়ানের কন্যা হম্না শপথ করিয়া পুত্রকে বলিল, যে পর্যন্ত না তুমি মোহম্মদের ধর্ম পরিত্যাগ কর, সে পর্যন্ত আমি সূযোত্তাপ হইতে ছায়ার আশ্রয় লইব না, কিছুই আহা করিব না । সাদ হজরতের নিকটে যাইয়া এ বিষয় নিবেদন করেন, তাহাতেই এই আয়ত অবতীর্ণ হয় । ( ত, হো, )

+ অর্থাৎ যেমন ঈশ্বরের শাস্তিভয়ে অধর্ম পরিত্যাগ করা আবশ্যিক, তদ্রূপ কপট লোকেরা প্রপীড়িত হইয়া লোকভয়ে ধর্মকে পরিত্যাগ করিয়া থাকে । কখনও যুদ্ধে জয়লাভ হইলে লুণ্ঠিত সামগ্রীর অংশ পাইবার উদ্দেশ্যে বলে, আমরাও তোমাদের সঙ্গে সমরে যোগ দিয়াছিলাম । ( ত, হো, )

‡ অর্থাৎ কেয়ামতের দিনে কপট লোকেরা আপনাদের অপরাধের ভারও বহন করিবে । তাহারা বিপথগামী করিয়াছে, তাহাদের অপরাধের ভারও বহন করিবে । ( ত, হো, )

§ কথিত আছে যে, মহাপুরুষ মুহা চল্লিশ বৎসর বয়ঃক্রমকালে প্রেরিতত্ব-পদ লাভ করিয়া, নয় শত পঞ্চাশ বৎসর সাধারণের নিকটে সুসমাচার প্রচার করিয়াছিলেন । জলপ্লাবনের পর ষাট বৎসর জীবিত ছিলেন । স্থলান্তরে উক্ত হইয়াছে যে, চতুর্দশ শত বৎসর মুহার বয়ঃক্রম ছিল ; কেহ কেহ বলেন, তিনি এতদপেক্ষা অধিককাল জীবিত ছিলেন । এই আয়ত হজরতের সাস্তনার জন্ত প্রেরিত হইয়াছে, যেহেতু মুহা নয় শত পঞ্চাশ বৎসর দুঃসহ উৎপীড়ন সহ করিয়া প্রচার করিয়াছেন । তিনি

তাহাকে ও নৌকাধিকৃত লোকদিগকে উদ্ধার করিয়াছিলাম, এবং তাহাকে (নৌকাকে) সমস্ত জগতের জন্ত এক নিদর্শন করিয়াছিলাম। ১৫। এবং এত্রাহিমকে ( প্রেরণ করিয়াছিলাম; ) যখন সে আপন মণ্ডলীকে বলিল, “তোমরা ঈশ্বরকে অর্চনা কর ও তাঁহাকে ভয় করিতে থাক, যদি তোমরা জ্ঞান রাখ, তবে ইহাই তোমাদের জন্ত কল্যাণ। ১৬। তোমরা ঈশ্বরকে ছাড়িয়া প্রতিমা সকলকে অর্চনা করিতেছ ও অসত্য রচনা করিয়া থাক, এতদ্ভিন্ন নহে; নিশ্চয় ঈশ্বরকে ছাড়িয়া তোমরা যাঁহাদিগকে অর্চনা কর, তাহারা তোমাদিগকে জীবিকাদানে সমর্থ নহে। অনন্তর তোমরা ঈশ্বরের নিকটে জীবিকা অন্বেষণ করিতে থাক ও তাঁহাকে অর্চনা কর, এবং তাঁহাকে ধন্যবাদ দাও, তাঁহার দিকেই তোমরা ফিরিয়া যাইবে। ১৭। যদি তোমরা, ( হে লোক সকল, ) অসত্যারোপ কর, তবে (জানিও, ) নিশ্চয় তোমাদের পূর্ববর্তী মণ্ডলী সকলও অসত্যারোপ করিয়াছিল; এবং প্রেরিতপুরুষের প্রতি স্পষ্ট প্রচার ভিন্ন ( অণ্ড কার্য্য নহে )” \*। ১৮। তাহারা কি দেখে নাই যে, ঈশ্বর কেমন করিয়া প্রথমে সৃষ্টি করিয়া থাকেন, তৎপর তিনি তাহা পুনর্কীর করিবেন? নিশ্চয় ইহা ঈশ্বরের সম্মুখে সহজ। ১৯। তুমি বল, (হে মোহম্মদ,) তোমরা পৃথিবীতে ভ্রমণ করিতে থাক, পরে দেখ, কেমন করিয়া তিনি প্রথম সৃষ্টি করিয়াছেন, তৎপর ঈশ্বর সেই সৃষ্টিকে পুনর্কীর সৃজন করিবেন; নিশ্চয় ঈশ্বর সর্বোপরি ক্ষমতাশালী †। ২০। তিনি যাহাকে ইচ্ছা করেন, শাস্তি দিবেন ও যাহাকে ইচ্ছা করেন, দয়া করিবেন, এবং তাঁহার দিকেই তোমরা প্রত্যাবর্তিত হইবে। ২১। এবং তোমরা, ( হে লোকসকল, ) পৃথিবীতে ও স্বর্গেতে ( ঈশ্বরের ) পরাভবকারী নও, এবং ঈশ্বর ভিন্ন তোমাদের কোন বন্ধু ও সাহায্যকারী নাই। ২২। ( র, ২, আ, ৯ )

এবং যাহারা ঈশ্বরের নিদর্শন সকল ও তাঁহার সাক্ষাৎকারসম্মুখে অবিখ্যাসী হইয়াছে, তাহারাই আমার দয়াতে নিরাশ হইয়াছে; এবং তাহারাই, যে তাহাদের জন্ত ক্লেণকরী

যখন এত অধিক কাল অত্যাচার সহ্য করিয়াছেন, তখন হজরতকেও উৎপীড়ন সহ্য করিতে হইবে।

( ত, হো, )

\* প্রেরিতপুরুষ মুহা, লুত ও সালেহের প্রতি তাহাদের সম্প্রদায় অসত্যারোপ করিয়াছিল; তাহাদের অসত্যারোপে উক্ত প্রেরিতপুরুষদিগের কোন ক্ষতি হয় নাই, বরং তাহারাই আপন আপন দুশ্চেষ্টার জন্ত বিপদগ্রস্ত হইয়াছিল, সকলে ঐহিক পারত্রিক শাস্তি লাভ করিয়াছিল। অতএব অসত্যারোপে ঈশ্বরের প্রেমাম্পদ হজরত মোহম্মদের কি অনিষ্ট হইতে পারে? ( ত, হো, )

† গায়ামুসারে ঈশ্বরকর্তৃক শাস্তিদান ও তাঁহার প্রসন্নতায় তৎকর্তৃক দয়াপ্রকাশ হইয়া থাকে। তিনি যাহার প্রতি ইচ্ছা করেন, শাস্ত্যব্যবহার করিয়া তাহাকে আপন সন্নিধান হইতে দূর করিয়া থাকেন; যাহার প্রতি ইচ্ছা হয়, দয়া করিয়া তাহাকে নিকটে আহ্বান করেন। বস্তুতঃ দুশ্চরিত্রতার জন্ত শাস্তি ও সচ্চরিত্রতার জন্ত কৃপাবিধান হয়। কোন কোন সাধক বলেন যে, সংসারাসক্তি ও সংসারবিরাগ, বা লোভ ও সহিষ্ণুতা, কিম্বা খেচ্ছাচারিতা ও ধর্মবিধির অধীনতা, অথবা আন্তরিক বিক্লিপতা ও আন্তরিক যোগ অনুসারে শাস্তি ও করুণার প্রকাশ হইয়া থাকে। ( ত, হো, )

শাস্তি আছে। ২৩। অনন্তর তাহার (এব্রাহিমের) সম্প্রদায়ের “তাহাকে বধ কর, অথবা তাহাকে দক্ষ কর” বলা ভিন্ন কথা ছিল না; পরে পরমেশ্বর তাহাকে অগ্নি হইতে রক্ষা করিয়াছিলেন, বিশ্বাসীদের জন্ত নিশ্চয় ইহার মধ্যে নিদর্শন সকল আছে। ২৪। এবং সে বলিয়াছিল, তোমরা পার্থিব জীবনের প্রতি প্রেম থাকা বশতঃ, ঈশ্বরকে ছাড়িয়া আপনাদের মধ্যে প্রতিমা সকলকে গ্রহণ করিয়াছ, এতদ্ভিন্ন নহে; তৎপর পুনরুত্থানের দিনে তোমরা পরস্পর পরস্পরকে অগ্রাহ্য করিবে ও তোমরা পরস্পর পরস্পরকে অভিশাপ দিবে, এবং তোমাদের বাসভূমি অগ্নি হইবে ও তোমাদের জন্ত সাহায্যকারী নাই। ২৫। অনন্তর তাহার সঙ্ক্ষে লুত বিশ্বাস স্থাপন করিল ও বলিল, “নিশ্চয় আমি আপন প্রতিপালকের উদ্দেশে দেশত্যাগকারী, নিশ্চয় তিনি বিজ্ঞতা ও বিজ্ঞাতা” \*। ২৬। এবং আমি তাহাকে এস্হাক ও ইয়কুব (পুত্রদ্বয়) দান ও তাহার বংশের মধ্যে প্রেরিতত্ব ও গ্রন্থ নির্ধারণ করিয়াছি, এবং ইহলোকে তাহাকে তাহার পুরস্কার দিয়াছি ও নিশ্চয় সে পরলোকে সাধুদিগের অন্তর্গত †। ২৭। এবং লুতকে (প্রেরণ করিয়াছিলাম; ) যখন সে আপন দলকে বলিল, “নিশ্চয় তোমরা এমন দুষ্কর্ম করিতেছ, যাহা তোমাদের পূর্বে জগদ্বাসী কোন লোক করে নাই। ২৮। তোমরা কি নিশ্চয় (কামভাবে) পুরুষদিগের নিকটে উপস্থিত হও ও পথে দস্যাবৃত্তি কর, এবং আপনাদের সভাতে তোমরা অবৈধ কস্ম করিয়া থাক” ? অনন্তর “যদি তুমি সত্যবাদীদিগের অন্তর্গত

\* যখন মহাপুরুষ এব্রাহিম পাষাণ রাজ নেমরুদ কর্তৃক প্রজ্বলিত অগ্নিমধ্যে নিক্ষিপ্ত হইয়াও দক্ষ হইলেন না, তখন তাহার ভাগিনেয় লুত (কেহ কেহ বলেন, লুত জাতুস্পুত্র ছিলেন) ও পিতৃব্য-কন্যা সারা তাহার প্রেরিতত্বে বিশ্বাস স্থাপন করিয়া তাহার অনুগামী হইয়াছিলেন। এব্রাহিম লুত ও সারাকে বলিয়াছিলেন যে, আমি ঈশ্বরোদ্দেশে দেশ ত্যাগ করিয়া চলিয়া যাইব। তিনি বিদেশে যাত্রা করিলে, লুত সারাও তাহার সঙ্গী হন। তাহারা প্রথমতঃ নজরানামক স্থানে আগমন করেন, তৎপর শামদেশে উপস্থিত হন। এব্রাহিম ফলসতিনে (পেলষ্টাইনে) অবস্থিতি করেন। লুত মওতফকাতনামক স্থানে চলিয়া যান। এব্রাহিম সারার পাণিগ্রহণ করিয়াছিলেন। হাজেরা নামী এক কন্যা সারার পরিচারিকা ছিলেন, পরে তাহাকেও এব্রাহিম পত্নীরূপে গ্রহণ করেন। এব্রাহিমের পঁচাত্তর বৎসর বয়ঃক্রমকালে হাজেরার গর্ভে এক পুত্র হয়, তাহার নাম এন্সায়িল। যখন মহাপুরুষ এব্রাহিমের একশত বার বৎসর বা একশত বিশ বৎসর বয়ঃক্রম, তখন ঈশ্বরপ্রসাদে তিনি এস্হাকনামক পুত্র লাভ করেন। (ত, হো,)

† ঈশ্বর বলিতেছেন যে, আমি এব্রাহিমের বৃদ্ধাবস্থায় তাহার বৃদ্ধা পত্নীর গর্ভে পুত্রসন্তান প্রদান করিয়াছি। তাহারই বংশে ক্রমান্বয়ে ধর্মপ্রবর্তকদিগকে পাঠাইয়াছি ও ধর্মগ্রন্থ দান করিয়াছি; এবং তাহাকে সকলের প্রিয় ও আদরণীয় করিয়াছি। তাহার সঙ্গে সকল ধর্মসম্প্রদায়ের বিশেষ সম্বন্ধ। এব্রাহিম অত্যন্ত আতিথেয় ছিলেন, তিনি অতিথিশালার দ্বার সর্বদা উন্মুক্ত রাখিতেন। কথিত আছে যে, সেই অতিথিশালা এক্ষণও বিদ্যমান। সাধারণ লোক তাহাতে আতিথ্য গ্রহণ করিয়া কৃতার্থ হইয়া থাকে। তাহার সঙ্ক্ষে ইহাই ইহলোকে পুরস্কার বলিয়া উক্ত হইয়াছে। (ত, হো,)

হও, তবে ঈশ্বরের শাস্তি আমাদের নিকটে আনয়ন কর” বলা ভিন্ন তাহাদের দলের উত্তর ছিল না \*। ২৯। সে বলিল, “হে আমার প্রতিপালক, বিপ্লবকারী দলের উপর আমাকে তুমি সাহায্য দান কর।” ৩০। ( র, ৩, আ, ৮ )

এবং যখন আমার প্রেরিতপুরুষগণ এত্রাহিমের নিকটে সুসমাচার সহ উপস্থিত হইল, তখন তাহারা বলিল, “নিশ্চয় আমরা সেই গ্রামনিবাসীদিগের হত্যাকারী, নিশ্চয়ই তাহার অধিবাসিগণ অত্যাচারী হয়”। ৩১। সে বলিল, “নিশ্চয় তথায় লুত আছে ;” তাহারা বলিল, “তথায় যাহারা আছে, তাহাদিগকে আমরা উত্তম জ্ঞাত ; তাহাকে ও তাহার ভার্য্যা ব্যতীত তাহার পরিজনকে অবশ্য আমরা রক্ষা করিব, সে ( নারী ) অবশিষ্ট লোকদিগের মধ্যে থাকিবে” †। ৩২। এবং যখন আমার প্রেরিতপুরুষগণ লুতের নিকটে আগমন করিল, তখন সে আক্রমণের ভয়ে তাহাদের জন্ম দুঃখিত হইল ও তাহাদের জন্ম অন্তরে সঙ্কুচিত হইল ; এবং তাহারা বলিল, “ভয় করিও না ও দুঃখ করিও না, নিশ্চয় আমরা তোমার ও তোমার ভার্য্যা ব্যতীত তোমার পরিজনের রক্ষক হইব, সে অবশিষ্ট লোকদিগের মধ্যে থাকিবে। ৩৩। নিশ্চয় আমরা, তাহারা যে দুষ্কর্ম করিতেছে, তজ্জন্ম এই গ্রামবাসীদিগের উপর আকাশ হইতে শাস্তির অবতারণকারী”। ৩৪। এবং সত্য সত্যই আমি, জ্ঞান রাখে এমন দলের জন্ম, উহার উজ্জ্বল নিদর্শন রাগিয়াছি ‡। ৩৫। এবং মদয়নবাসীদিগের দিকে তাহাদের ভ্রাতা শোয়বকে ( প্রেরণ করিয়াছিলাম , ) অনন্তর সে বলিয়াছিল, “হে আমার সম্প্রদায়, তোমরা ঈশ্বরকে অর্চনা করিতে থাক ও অন্তিম দিবসের প্রতি আশা রাখ, এবং ধরাতলে উপপ্লবকারিরূপে ভ্রমণ করিও না”। ৩৬। পরে তাহারা তাহার প্রতি অসত্যারোপ করিল, অনন্তর তাহাদিগকে ভূমিকম্প আক্রমণ করিল, অবশেষে তাহারা আপনাদের গৃহে প্রত্যমে জাহুর

\* “আপনাদের সভাতে তোমরা অবৈধ কর্ম করিয়া থাক” অর্থাৎ তোমরা সভাস্থলে এমন কৃক্রিয়া সকল কর, যাহা জ্ঞানী ধার্মিক লোকদিগের নিকটে নিতান্ত ঘৃণিত। যথা, গালি দান, লজ্জাজনক বিষয় লইয়া আমোদ করা, শীস্ দেওয়া, পরস্পরের প্রতি টিল ছুড়িয়া ফেলা, স্বরা পান করা, গীতবাচ্য করা এবং পরিব্রাজকদিগকে উপহাস করা ইত্যাদি। লুত বলিলেন, এ সকল দুষ্কর্ম তোমরা করিয়া থাক, এজন্য তোমরা শাস্তিগ্রস্ত হইবে। তাহারা বলিল, এ সমস্ত কার্য আমরা পরিত্যাগ করিব না ; তুমি যদি সত্যবাদী হও ও যদি ঈশ্বর থাকে, এবং তুমি তাহার প্রেরিত হও, তবে ঈশ্বরকে বল, যেন শাস্তি প্রেরণ করে। ( ত, হো, )

† অর্থাৎ যখন এই গ্রামে ঈশ্বর শাস্তি প্রেরণ করিবেন, তখন লুত স্বজনবর্গসহ গ্রাম হইতে চলিয়া যাইবেন, কেবল তাহার স্ত্রী তথায় সেই দুরাচার লোকদিগের মধ্যে বাস করিবে ও তাহাদের সঙ্গে বিনাশ প্রাপ্ত হইবে। ( ত, হো, )

‡ তথাকার উজ্জ্বল নিদর্শন, স্থানের ছরবস্থা ও জনশূন্যতা এবং তথায় যে মণ্ডলাকার কৃষ্ণ প্রস্তরগণ্ড ও নীল জল দেখিতে পাওয়া যায়, তাহা। লুতীয় সম্প্রদায়ের উপর কৃষ্ণ প্রস্তর বর্ষণ হইয়াছিল। ( ত, হো, )

উপর মৃত পড়িয়া রহিল। ৩৭। এবং আদ ও সমুদ জাতিকে ( আমি সংহার করিয়া-  
ছিলাম, ) নিশ্চিত তোমাদের জন্ত তাহাদিগের কোন কোন গৃহ প্রকাশিত আছে,  
এবং শয়তান তাহাদের জন্ত তাহাদের ক্রিয়াসকলকে সজ্জিত করিয়াছিল ; অনন্তর তাহা-  
দিগকে (ধর্ম) পথ হইতে নিবৃত্ত রাখিয়াছিল, এবং তাহারা (তৎসমুদায়ের) দর্শক ছিল \*।  
৩৮। এবং কারুণ ও ফেরওণ ও হামানকে ( সংহার করিয়াছি ; ) এবং সত্য সত্যই  
মুসা তাহাদের নিকটে প্রমাণ সকলসহ উপস্থিত হইয়াছিল, অনন্তর তাহারা পৃথিবীতে  
গর্ক করিল, এবং অগ্রসর হইল না। ৩৯। পরিশেষে প্রত্যেককে আমি তাহাদের  
অপরাধের জন্ত ধরিয়াছিলাম ; পরে তাহাদের কেহ ছিল যে, তাহার প্রতি আমি প্রস্তুত-  
বৃষ্টি প্রেরণ করিয়াছিলাম ও তাহাদের কেহ ছিল যে, তাহাকে ঘোর নিনাদে আক্রমণ  
করিয়াছিল, এবং তাহাদিগের কেহ ছিল যে, আমি তাহাকে মৃত্তিকায় প্রোথিত করিয়া-  
ছিলাম ও তাহাদের কেহ ছিল যে, আমি তাহাকে জলমগ্ন করিয়াছিলাম ; এবং ঈশ্বর  
তাহাদের প্রতি অত্যাচার করেন, ( একরূপ ) ছিলেন না, কিন্তু তাহারাই স্বীয় জীবনের  
প্রতি অত্যাচার করিতেছিল। ৪০। তাহারা ঈশ্বরকে ছাড়িয়া ( অন্তকে ) বন্ধুরূপে গ্রহণ  
করিয়াছে, তাহাদের অবস্থা উর্নাতের অবস্থার তুল্য ; সে গৃহ ( জাল ) রচনা করে, এবং  
নিশ্চয় উর্নাতের আলয়, আলয় সকলের মধ্যে ক্ষীণতর, যদি তাহারা জানিত, ( উত্তম  
ছিল ) †। ৪১। নিশ্চয় ঈশ্বর, তাহারা তাহাকে ছাড়িয়া যে কোন পদার্থকে আহ্বান  
করে, তাহা জানেন ; এবং তিনি পরাক্রমশালী বিজ্ঞানময়। ৪২। এবং এই দৃষ্টান্ত  
সকল, ইহাকে আমি মানবমণ্ডলীর জন্ত বর্ণন করিলাম, এবং জ্ঞানী লোকেরা ব্যতীত  
ইহা বুঝে না। ৪৩। ঈশ্বর সত্যভাবে স্বর্গ ও মর্ত্য সৃজন করিয়াছেন, নিশ্চয় ইহার  
মধ্যে বিশ্বাসীদের জন্ত নিদর্শন আছে। ৪৪। ( র, ৪, আ, ১৪ )

তোমার প্রতি, ( হে মোহম্মদ, ) গ্রন্থের যাহা প্রত্যাদেশ করা গিয়াছে, তুমি তাহা  
পাঠ করিতে থাক, এবং নমাজকে প্রতিষ্ঠিত রাখ ; নিশ্চয় উপাসনা তুষ্কিয়া ও অবৈধ  
কর্ম হইতে নিবারণ করে, এবং অবশ্য ঈশ্বরকে স্মরণ করা মহত্তম কার্য। তোমরা

\* অর্থাৎ হেজাজ ও এরমেন দেশে ভ্রমণ করিলে তাহাদের আলয়ের চিহ্ন ও শাস্তির লক্ষণ দেখিতে  
পাইবে। “তাহারা দর্শক ছিল” অর্থাৎ তাহারা আপনাদিগকে চিন্তাশীল সূক্ষ্মদর্শী চতুর মনে করিত,  
এ দিকে প্রেরিত মহাপুরুষের বাক্যকে মূল্যহীন বলিয়া জানিত। ( ত, হো. )

+ অর্থাৎ তাহাদিগের ধর্ম উর্নাতের গৃহের স্থায় অস্থায়ী ও অকিঞ্চিৎকর, তাহাদের সেই ধর্ম  
দ্বারা কোনরূপ স্থায়ী উপকার হয় না। বহরোল্হকায়েকে উক্ত হইয়াছে যে, উর্নাত উর্ণা বিকীর্ণ  
করিয়া আপনার জন্ত কারাগার নির্মাণ করিয়া থাকে ও আপন হস্ত পদের উপর বন্ধন স্থাপন করে।  
কান্নের লোকেরা যে ঈশ্বরকে ছাড়িয়া প্রবৃত্তির অর্চনায় ও সাংসারিক প্রেমে এবং শয়তানের আজ্ঞাপালনে  
রত হয়, তাহাতে শৃঙ্খলে বদ্ধ ও বিপদে জড়িত হইয়া থাকে, তাহাদের আর রক্ষার উপায় থাকে না,  
পরিণামে ভয়ানক শাস্তি প্রাপ্ত হইতে হয়। কেহ কেহ মানবীয় প্রবৃত্তিকে উর্নাতের জালের স্থায়  
অবিদ্বান্ত বলিয়া বর্ণন করিয়াছেন। ( ত, হো. )



যাহা করিয়া থাক, ঈশ্বর তাহা জ্ঞাত হন \* । ৪৫ । এবং গ্রন্থাধিকারীর সঙ্গে তাহাদের মধ্যে যাহারা অত্যাচার করিয়াছে, তাহাদের সঙ্গে ব্যতীত, যাহা উত্তম, তদ্রূপ ( প্রণালী ) ভিন্ন তোমরা বিরোধ করিও না ; এবং বল, ( হে মোসলমানগণ, ) যাহা আমাদের প্রতি অবতীর্ণ হইয়াছে ও তোমাদের প্রতি অবতীর্ণ হইয়াছে, তৎপ্রতি আমরা বিশ্বাস স্থাপন করিয়াছি, এবং আমাদের উপাস্ত ও তোমাদের উপাস্ত একমাত্র ও আমরা তাঁহারই অনুগত । ৪৬ । এইরূপে আমি তোমার প্রতি, ( হে মোহম্মদ, ) গ্রন্থ অবতারণ করিয়াছি ; অবশেষে যাহাদিগকে আমি গ্রন্থ দান করিয়াছি, তাহারা ইহাতে বিশ্বাস স্থাপন করিয়া থাকে, এবং ইহাদিগেরও কেহ আছে যে, ইহার প্রতি বিশ্বাস রাখে। ধর্মবিদেষ্টা-গণ ব্যতীত ( কেহ ) আমার নিদর্শন সকলকে অস্বীকার করে না । ৪৭ । এবং তুমি ইহার পূর্বে কোন গ্রন্থ পাঠ করিতেছিলে না ও আপন দক্ষিণ হস্তে তাহা লিখিতেছিলে না ; তখন অবশ্য মিথ্যাবাদিগণ সন্দিগ্ন হইয়াছে † । ৪৮ । বরং যাহাদিগকে জ্ঞান প্রদত্ত হইয়াছে, তাহাদের হৃদয় মধ্যে ইহা ( কোর-আন্ ) উজ্জ্বল নিদর্শনপুঞ্জ হয় ; অত্যাচারিগণ ভিন্ন ( কেহ ) আমার নিদর্শন সকলকে অস্বীকার করে না ‡ । ৪৯ । এবং তাহারা বলিয়াছে, “তাহার প্রতি কেন নিদর্শন সকল ( অলৌকিক ক্রিয়া সকল ) তাহার প্রতিপালক হইতে অবতারিত হয় নাই ?” তুমি বল, ( হে মোহম্মদ, ) “ঈশ্বরের নিকটে নিদর্শনাবলী, এতদ্ভিন্ন নহে ; এবং আমি স্পষ্ট ভয়প্রদর্শক, ইহা ব্যতীত নহি” । ৫০ । আমি তোমার প্রতি যে গ্রন্থ অবতারণ করিয়াছি, তাহাদের নিকটে তাহা যে পড়া হইয়া থাকে, ইহা তাহাদিগকে কি লাভ দর্শায় নাই ? নিশ্চয় ইহার মধ্যে বিশ্বাসী সম্প্রদায়ের জন্ত দয়া ও উপদেশ আছে । ৫১ । ( র, ৫, আ, ৭ )

\* কথিত আছে যে, এক যুবক হজরতের সঙ্গে সামাজিক উপাসনায় যোগ দান করিত, এ দিকে শাস্ত্রবিরুদ্ধ কোন অবৈধ কর্ম ছিল না, যাহা সে করিত না। যখন এ বিষয় হজরতের নিকটে বাস্তব হইল, তখন তিনি বলিলেন, নমাজ দুষ্ক্রিয়া হইতে লোকদিগকে নিবৃত্ত রাখে ; আশা যে, তাহার নমাজ তাহাকে সাধু করিয়া তুলিবে। কিয়দিন পরেই সেই যুবকের অনুতাপ হয়, সে হজরতের একজন বিষয়বিরাগী ধর্মবন্ধু হইয়া উঠে। হজরত মোহম্মদ বলিয়াছেন যে, যে ব্যক্তি নমাজ পরিত্যাগ না করে, সে দুষ্ক্রমশীল হইলেও নমাজের প্রসাদাৎ অন্ততঃ তাহার দুষ্ক্রিয়া বৃদ্ধি পাইতে পারে না। “ঈশ্বরকে স্মরণ করা মহত্তম কার্য,” অর্থাৎ অন্ত সকল প্রকার বিষয় স্মরণ করা অপেক্ষা ঈশ্বরকে স্মরণ করা শ্রেষ্ঠ কার্য। যেহেতু তাঁহাকে স্মরণ করা তপস্শা, অস্তি কিছু স্মরণ তপস্শা নয়। ( ত, হো, )

† অর্থাৎ লোকে এরূপ সন্দেহ করিত যে, হজরত যে সকল কথা বলেন, তাহা হয়তো প্রাচীন গ্রন্থাদি পাঠ করিয়া জ্ঞাত হইয়া থাকেন। এ দিকে তিনি তো কখনও শিক্ষকের নিকটে উপদিষ্ট হন নাই, ও হস্তে লেখনী ধারণ করেন নাই। ( ত, হো, )

‡ অর্থাৎ প্রেরিতপুরুষ মোহম্মদ কাহারও নিকটে লেখা পড়া শিক্ষা করেন নাই, স্বর্গ হইতে এ সকল কথা তাঁহার অন্তরে প্রকাশিত হইয়াছে, এবং লিপি ব্যতিরেকে ইহা লোকের হৃদয়ে প্রমাণরূপে সর্বদা প্রকাশ পাইবে। ( ত, কা, )

তুমি বল, (হে মোহম্মদ,) আমার ও তোমাদের মধ্যে ঈশ্বরই যথেষ্ট সাক্ষী ; স্বর্গে ও পৃথিবীতে যাহা আছে, তিনি তাহা জানেন, এবং যাহারা অসত্যের প্রতি বিশ্বাসী ও ঈশ্বরের বিরোধী হইয়াছে, ইহারাই তাহারা, যে ক্ষতিগ্রস্ত । ৫২ । এবং তাহারা তোমার নিকটে শীঘ্র শাস্তি চাহিতেছে, যদি সময় নির্দ্ধারিত না থাকিত, তবে অবশ্য তাহাদের নিকটে শাস্তি উপস্থিত হইত ; এবং অবশ্য তাহাদের নিকট ( শাস্তি ) অকস্মাৎ সমুপস্থিত হইবে ও তাহারা জানিতে পাইবে না । ৫৩ । তাহারা তোমার নিকটে শীঘ্র শাস্তি চাহিতেছে, নিশ্চয় নরক ধর্মদ্রোহী লোকদিগের আবেষ্টনকারী । ৫৪ । + ( স্মরণ কর, ) যে দিন শাস্তি তাহাদিগের উপর হইতে ও তাহাদের পদতল হইতে তাহাদিগকে আচ্ছাদন করিবে, এবং বলিবে, “তোমরা যাহা করিতেছিলে, তাহা আশ্বাদন কর” । ৫৫ । হে আমার বিশ্বাসী দাসগণ, নিশ্চয় আমার ক্ষেত্র প্রশস্ত আছে, \* অনন্তর আমাকেই অর্চনা করিতে থাক । ৫৬ । প্রত্যেক ব্যক্তি যত্ন ( রস ) আশ্বাদনকারী, তৎপর তাহারা আমার দিকে প্রত্যাবর্তিত হইবে । ৫৭ । এবং যাহারা বিশ্বাস স্থাপন ও সৎকর্ম করিয়াছে, আমি অবশ্য তাহাদিগকে স্বর্গের প্রাসাদোপরি স্থান দান করিব, তাহার নিয়ম দিয়া পয়ঃপ্রণালী সকল প্রবাহিত হইয়া থাকে, তাহারা তথায় স্থায়ী হইবে ; যাহারা ধৈর্যধারণ করিয়াছে ও আপন প্রতিপালকের প্রতি নির্ভর করে, তাহাদের ও কর্মীদের জন্য উত্তম পুরস্কার হয় । ৫৮ + ৫৯ । কত স্থলচর জন্তু আছে যে, তাহারা আপন জীবিকা বহন করে না, ঈশ্বর তাহাদিগকে ও তোমাদিগকে জীবিকা দান করেন ; এবং তিনি শ্রোতা ও জ্ঞাতা † । ৬০ । এবং যদি তুমি তাহাদিগকে জিজ্ঞাসা কর, কে ভূমণ্ডল ও নভোমণ্ডল সৃজন করিয়াছে, এবং চন্দ্র সূর্য্যাকে নিয়মিত রাখিয়াছে ? অবশ্য তাহারা বলিবে, পরমেশ্বর ; অনন্তর তাহারা কোথা হইতে প্রত্যাবর্তিত হইতেছে ‡ ? ৬১ । পরমেশ্বর আপন দাসদিগের মধ্যে, যাহার জন্য ইচ্ছা করেন, জীবিকা উন্মুক্ত ও যাহার জন্য ইচ্ছা করেন, সক্ষীর্ণ করিয়া থাকেন ; নিশ্চয় ঈশ্বর সর্ব্বজ্ঞ § । ৬২ । এবং যদি তুমি তাহাদিগকে প্রশ্ন কর যে, কে আকাশ হইতে বারি বর্ষণ করেন, অনন্তর তদ্বারা ভূমিকে

\* অর্থাৎ পৃথিবী বিস্তীর্ণা, তোমরা ভয় বিপদের স্থান হইতে নিরাপদ ভূমিতে চলিলা যাও ।

( ত, হো, )

+ অনেক জন্তু আছে যে, স্বীয় জীবিকা বহন করিতে সমর্থ নহে, তাহারা জীবিকা সংগ্রহ করে না । জন্তুবর্গের মধ্যে মনুষ্য, মূষিক ও পিপীলিকাই শস্তাদি সংগ্রহ করিয়া রাখে । আকাশবিহারী পক্ষী কিম্বা বনচর পশু, কিম্বা মৎস্তাদি জলচর জীব প্রায় জন্তুই আপনাদের খাদ্যাদি সংগ্রহ করিয়া রাখে না ।

( ত, হো, )

‡ “তাহারা কোথা হইতে প্রত্যাবর্তিত হইতেছে” অর্থাৎ সত্যপথ ও একত্ববাদ হইতে কেন মুখ ফিরাইতেছে ও অসত্যপথে ধাবিত হইতেছে ?

( ত, হো, )

§ অর্থাৎ ঈশ্বর যাহাকে ইচ্ছা করেন, একবার প্রচুর জীবিকা দান করেন, পুনর্বার জীবিকা ধর্ম করিয়া থাকেন ।

( ত, হো, )

তাহার মৃত্যুর পর সজীব করিয়া থাকেন ? তাহারা বলিবে, ঈশ্বর ; তুমি বল, ঈশ্বরেরই সম্যক প্রশংসা, বরং তাহাদের অধিকাংশই বুঝিতেছে না। ৬৩। ( র, ৬, আ, ১২ )

এই পার্থিব জীবন ক্রীড়া-কৌতুক ভিন্ন নহে, এবং নিশ্চয় পারত্রিক আলায়ই সেই জীবন ; যদি তাহারা জানিত, ( ভাল ছিল )। ৬৪। অনন্তর যখন তাহারা নৌকায় আরোহণ করে, তখন ঈশ্বরকে তদুদ্দেশে ধর্ম বিস্তার রাখিয়া আহ্বান করিয়া থাকে ; পরে যখন তাহাদিগকে আমি ভূমির দিকে উদ্ধার করি, তখন অকস্মাৎ তাহারা অশী স্থাপন করে। ৬৫। + তাহাতে আমি যাহা দান করিয়াছি, তৎপ্রতি কৃতজ্ঞ হয় ও তাহাতে ( সাংসারিক জীবনের ) ফলভোগী হইয়া থাকে ; অনন্তর অবশ্য তাহারা জানিতে পাইবে। ৬৬। তাহারা কি দেখে নাই যে, আমি কাবার চতুঃসীমাবর্তী স্থানকে নিরাপদ করিয়াছি, এবং লোক সকল তাহাদের পার্শ্বদেশ হইতে অপহৃত হয় \* ? অনন্তর তাহারা কি অসত্যকে বিশ্বাস করিতেছে ও ঈশ্বরের দানের প্রতি অকৃতজ্ঞ হইতেছে ? ৬৭। এবং যে ব্যক্তি ঈশ্বরের প্রতি অসত্য বন্ধন করিয়াছে, অথবা সত্যের প্রতি, যখন তাহা উপস্থিত হইয়াছে, অসত্যারোপ করিয়াছে, তাহা অপেক্ষা কে অধিক অত্যাচারী ? নরকলোকে কি ধর্মদ্রোহিগণের জগৎ কোন স্থান নাই ? ৬৮। এবং যাহারা আমার উদ্দেশে সংগ্রাম করিয়াছে, অবশ্য আমি তাহাদিগকে স্বীয় পথ প্রদর্শন করিব ; এবং নিশ্চয় ঈশ্বর হিতকারী লোকদিগের সঙ্গে থাকেন। ৬৯। ( র, ৭, আ, ৬ )

## সূরা রুম †

.....

### ত্রিশ অধ্যায়

.....

#### ৬০ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

ঈশ্বর জেত্রিলযোগে মোহন্যদের প্রতি প্রত্যাদেশ প্রেরণ করিয়াছেন ‡ । ১। নিকট-  
তর ভূমিতে রুমজাতি পরাজিত হইল, এবং তাহারা আপন পরাজয়ের পর অবশ্য কয়েক

\* “লোক সকল তাহাদের পার্শ্বদেশ হইতে অপহৃত হয়” অর্থাৎ কাবার চতুঃসীমার বাহিরে মক্কা-  
বাসীদিগের পার্শ্বে দহ্মাগণ পণিকদিগকে হত্যা করে ও ধরিয়া লইয়া যায়। ( ত, হো, )

† এই সূরা মক্কাতে অবতীর্ণ হয়।

‡ ঈশ্বর জেত্রিলযোগে মোহন্যদের প্রতি প্রত্যাদেশ প্রেরণ করিয়াছেন, “আলম্মা” পদের বর্ণত্রয়ের  
এই অন্ততর সাঙ্কেতিক অর্থ।

বৎসরের মধ্যে জয়লাভ করিবে ; পূর্বে ও পরে ঈশ্বরেরই আজ্ঞা (প্রধান,) এবং সেই দিন বিশ্বাসিগণ ঈশ্বরের আনুকূল্যে আহ্লাদিত হইবে। তিনি যাহাকে ইচ্ছা করেন, সাহায্য দান করিয়া থাকেন, এবং তিনি পরাক্রান্ত দয়ালু \*। ২+৩+৪। ঈশ্বর অঙ্গীকার করিয়াছেন, ঈশ্বর স্বীয় অঙ্গীকারের অগ্রথা করেন না ; কিন্তু অধিকাংশ মনুষ্য জানিতেছে

\* রুমীয় জাতির উপর পারস্য জাতি আরবের নিকটবর্তী রুম রাজ্যের অন্তর্গত আরদন ও ফলসতিন নামক স্থানে বা কশকরে কিংবা বসোরার নিকটবর্তী স্থানে জয় লাভ করিয়াছিল। পারস্যাদিপতি পরবেজ, সহরিয়র ও ফরখান নামক আপন সেনাপতিদ্বয়কে অগণ্য সৈন্য সামন্তসহ, রুমরাজ্য আক্রমণ করিবার জন্ত প্রেরণ করিয়াছিলেন। তাঁহারা যাইয়া উক্ত রাজ্যের অন্তর্গত কোন কোন প্রদেশ অধিকার করিয়া বসেন, রুমীয় জাতি পরাস্ত হইয়া পলায়ন করে। হজরতের প্রেরিতজ-লাভের প্রথম বৎসরে এই সংবাদ মক্কায় প্রচার হয়। তাহাতে মক্কার কাফের লোকেরা আহ্লাদিত হইয়া বিশ্বাসী লোকদিগকে বলিয়াছিল যে, “তোমরা ও ঈসায়ী লোকেরা গ্রন্থাধিকারী, আমরা ও পারস্য জাতি ধর্মগত্ববিহীন মূর্খ ; রুমের উপর পারস্যের জয়লাভ হওয়াতে আমরা স্থির করিয়াছি যে, তোমাদের উপরও আমাদের জয়লাভ হইবে।” আবুবেকর সদ্দিক এই আয়ত অবতীর্ণ হইলে পর পৌত্তলিকদিগকে বলিলেন যে, “ঈশ্বরের নামে শপথ করিয়া বলিতেছি যে, কতিপয় বৎসরের মধ্যে রুমীয় জাতি পারস্য দেশীয় লোকের উপর বিজয়ী হইবে।” তখন খলফের পুত্র আবি বলিল, “তাহা কখনও হইবে না, আমি তিন বৎসরের জন্ত দশটি উষ্ট্র তোমার নিকটে বন্ধক রাখিতেছি, যদি ইহা সত্য হয়, উষ্ট্র সকল তোমার হইবে।” আবুবেকর এই বৃত্তান্ত হজরতের নিকটে নিবেদন করিলেন। হজরত বলিলেন, “তিন বৎসর ও নয় বৎসরের মধ্যে এই ঘটনা হইবে ; তুমি যাও, আবির সঙ্গে সময় ও দানের সংখ্যা বৃদ্ধি করিয়া লও।” তখন আবুবেকর ফিরিয়া নয় বৎসর অঙ্গীকারে আবি হইতে শত উষ্ট্র বন্ধক রাখিলেন। তাহা উভয়ের স্মিকৃত একজন প্রতিভূর নিকটে গচ্ছিত রহিল। যে দিবস বদরের সংগ্রামে মোসলমানগণ কাফেরদিগের উপর জয় লাভ করিলেন, সেই দিবস পারসিকদিগের উপর রুমীয় জাতির জয়লাভের সংবাদ পৌঁছছিল। হোদয়বেয়ার যুদ্ধের দিন এই সংবাদ স্থনিশ্চিত হয়। তখন আবুবেকর সদ্দিক এক \*৩ উষ্ট্র অঙ্গীকারানুসারে আবি হইতে গ্রহণ করেন। ওহদনামক স্থানের সমরে আবি কোন মোসলমান সেনার হস্তে নিহত হয়। হজরতের আজ্ঞাক্রমে আবুবেকর উক্ত উষ্ট্র সকল ঈশ্বরোদ্দেশ্যে দান করেন। “পূর্বে ও পরে ঈশ্বরেরই আজ্ঞা” অর্থাৎ প্রথমে পারস্য জাতির, পরে রুমীয় জাতির জয়লাভ, সকল সময়েই ঈশ্বরের আজ্ঞানুসারে হইয়াছে। সমুদায় ক্রিয়া তাঁহার শক্তিপূর্ণ বাহর অন্তর্গত। কশফোল্ আশ্রারে উক্ত হইয়াছে যে, পূর্বে ও পর আদিম ও নিতাকাল ; এ উভয়কালে আজ্ঞাপ্রচারের অধিকার ঈশ্বরেরই, তিনি উভয়ের অধিপতি। “সেই দিন বিশ্বাসিগণ ঈশ্বরের আনুকূল্যে আহ্লাদিত হইবে” অর্থাৎ কোন কোন ধর্মদ্রোহীদের উপর জয়লাভ করিয়া তাহার বহুসংখ্যক লোককে নির্মূল করে, ইহাই বিশ্বাসীদিগের হর্ষের কারণ। এইরূপ ঘটনা হয় যে, সহরিয়র ও ফরখান রুমরাজ্যের অন্তর্গত কতিপয় প্রদেশে জয়লাভ করিলে পর, পরবেজ কোন স্বার্থপর লোকের কুমন্ত্রণায় উভয় সেনাপতির প্রতি অসন্তুষ্ট হন ; ইচ্ছা করেন যে, একজনকে অগ্ন জ্বালা দ্বারা নিহত করেন। তাঁহারা ইহা অবগত হইয়া সর্বেশ্বর রুম সম্রাটকে জ্ঞাপন করেন, এবং ঈসায়ী ধর্মে দীক্ষিত হইয়া রুমীয় সৈন্যের অধিনায়ক হন। পরে পারস্যজাতিকে পরাভূত করিয়া রাজ্যের অনেক দেশ অধিকার করেন।

না। ৫। তাহারা পার্থিব জীবনের বাহ্য বিষয় জানে ও তাহারা আপন পরকালে অজ্ঞান। ৬। তাহারা কি আপন অন্তরে ভাবে না যে,ঈশ্বর সত্যভাবে ও নিদ্দিষ্টকালে ভিন্ন, স্বর্গ ও মর্ত্য এবং উভয়ের মধ্যে যাহা কিছু আছে, তাহা সৃজন করেন নাই? \* নিশ্চয় মানবমণ্ডলীর অধিকাংশ আপন প্রতিপালকের সাক্ষাৎকারসম্বন্ধে অবিশ্বাসী। ৭। ইহারা কি পৃথিবীতে ভ্রমণ করে নাই? অবশেষে ইহাদের পূর্বে যাহারা ছিল, তাহাদের পরিণাম কেমন হইয়াছে, দেখুক। ইহাদের অপেক্ষা তাহারা বলেতে দৃঢ়তর ছিল, এবং তাহারা পৃথিবীকে কৰ্ষণ করিয়াছিল, ইহারা যত তাহা আবাদ করিয়াছে, তদপেক্ষা তাহারা তাহা অধিক আবাদ করিয়াছিল; এবং তাহাদের প্রেরিত পুরুষগণ তাহাদের নিকটে প্রমাণ সকল সহ উপস্থিত হইয়াছিল। অনন্তর ঈশ্বর যে তাহাদের প্রতি অত্যাচার করিবেন, এরূপ ছিলেন না; কিন্তু তাহারা আপন জীবনের প্রতি অত্যাচার করিয়াছিল। ৮। তৎপর যাহারা দুষ্কর্ম করিয়াছিল, তাহাদের পরিণাম মন্দ হইল, যেহেতু তাহারা ঈশ্বরের নিদর্শন সকলের প্রতি অসত্যারোপ করিয়াছিল ও তৎসম্বন্ধে উপহাস করিতেছিল †। ৯। পরমেশ্বর প্রথম সৃষ্টি করেন, তৎপর তাহা পুনর্বার করিয়া থাকেন; তদনন্তর তাঁহার দিকে তোমরা প্রতিগমন করিবে। ১০। ( র, ১, আ, ১০ )

এবং যে দিবস কেয়ামত উপস্থিত হইবে, সেই দিবস অপরাধিগণ নিরাশ হইয়া থাকিবে। ১১। এবং তাহাদের জন্ত তাহাদিগের অংশিগণ পাপক্ষমার নিমিত্ত অনুরোধকারী হইবে না ও তাহারা আপন অংশিদিগের বিরোধী হইবে। ১২। এবং যে দিন কেয়ামত উপস্থিত হইবে, সেই দিন তাহারা বিচ্ছিন্ন হইয়া পড়িবে। ১৩। অনন্তর কিন্তু যাহারা বিশ্বাস স্থাপন ও সংকল্প করিয়াছে, তাহারা উজানে আনন্দিত হইবে ‡।

\* অর্থাৎ প্রত্যেক পদার্থের নিয়ামসম্বন্ধে এক আরম্ভ ও এক শেষ আছে; কি মনুষ্য, কি দেবতা, কি বৃক্ষাদি সকলেই এই নিয়মের অধীন। আকাশে পৃথিব্যাদি গ্রহের পরিভ্রমণেও এক একটা সময় নির্ধারিত আছে, যথা মাস বর্গাদি। সমুদায় জগতে স্ব স্ব নিদ্দিষ্ট সময়ে প্রত্যেক বস্তুর যে আরম্ভ ও শেষ, তাহা ক্রীড়া নহে, ইহার মধ্যে কোন বিশেষ লক্ষ্য আছে, তাহা পরলোকে বোধগম্য হইবে। ( ত, ফা, )

† অর্থাৎ এক জাতির যে বিষয়ে যে শাস্তি হইয়াছে, অন্য সকলেরই সেই বিষয়ে সেই শাস্তি হইবে। একের মৃত্যুতে সকলের মৃত্যু পরিগণিত হয়, একের শাস্তিতে অশ্রুর শাস্তি গণনা করা কর্তব্য। পূর্বে যে দুষ্কর্মের জন্ত যাহাদের যেরূপ শাস্তি হইয়াছে, এক্ষণে সেইরূপ দুষ্কর্মের জন্ত লোকের তদ্রূপ শাস্তি হইবে। ( ত, ফা, )

‡ যে উজানে পুষ্প সকল বিকশিত, পয়ঃপ্রণালী সকল প্রবাহিত, পুনরুত্থানের পর সাধুপুরুষেরা তথায় বাস করিবেন। তাহারা বস্ত্রালঙ্কারে ভূষিত সম্পদশালী ও গৌরবান্বিত হইবেন। সুমধুর সঙ্গীতসুখ তাহাদের কর্ণে বধিত হইবে। ঈশ্বরপ্রেমিকগণ স্থললিতভাবে ঈশ্বরের স্তুতিবন্দনার সঙ্গীত করিবেন। পরমেশ্বর বলিবেন, “হে দাউদ, তোমার প্রতি প্রদত্ত জন্মের গ্রন্থ হইতে তুমি আমার সুমধুর স্তোত্র গান কর, হে মুসা, তুমি তওরাত পাঠ কর, হে ঈসা, ঈঞ্জিলপাঠে প্রবৃত্ত হও, হে কল্ব্বক, তুমি



১৪। কিন্তু যাহারা ধর্মবিদেষ্টা হইয়াছে ও আমার নিদর্শন ও পরলোকের সাক্ষাৎ-কারের প্রতি অসত্যারোপ করিয়াছে, পরে তাহারাই শাস্তির মধ্যে আনীত হইবে। ১৫। অনন্তর যখন তোমরা সায়ংকালে আগমন কর, এবং যখন প্রাতঃকালে আগমন কর, তখন ঈশ্বরেরই পবিত্রতা \*। ১৬। এবং স্বর্গে ও মর্ত্যে, অপরাহ্নে ও সায়াহ্নে তাঁহারই সম্যক্ প্রশংসা। ১৭। তিনি মৃত হইতে জীবিতকে ও জীবিত হইতে মৃতকে বাহির করেন ও ভূমিকে তাহার মৃত্যুর পর জীবিত করেন; এইরূপে তোমরা ( কবর হইতে ) বহিস্কৃত হইবে †। ১৮। ( র, ২, আ, ৮ )

এবং তাঁহার নিদর্শনের মধ্যে এই যে, তিনি তোমাদিগকে মৃত্তিকা দ্বারা সৃজন করিয়াছেন, তৎপর অকস্মাৎ তোমরা মনুষ্য হইয়া বিক্ষিপ্ত হইয়া পড়িলে। ১৯। তাঁহার নিদর্শন সকলের মধ্যে এই যে, তিনি তোমাদের জন্ত তোমাদের জাতি হইতে ভাষা-সকল সৃষ্টি করিয়াছেন, যেন তোমরা তাহাদিগেতে সুখী হও; এবং তোমাদিগের মধ্যে স্নেহ ও প্রণয় সৃজন করিয়াছেন, নিশ্চয় ইহার মধ্যে চিন্তাশীল দলের নিমিত্ত নিদর্শন সকল আছে। ২০। এবং তাঁহার নিদর্শন সকলের মধ্যে তিনি স্বর্গ ও মর্ত্য ও তোমাদের বিভিন্ন ভাষা ও বর্ণ সকল সৃজন করিয়াছেন; নিশ্চয় ইহার মধ্যে জ্ঞানীদিগের জন্ত নিদর্শন সকল আছে ‡। ২১। এবং তাঁহার নিদর্শন সকলের মধ্যে রজনীতে ও দিবাভাগে তোমাদিগের নিদ্রা ও তাঁহার প্রসাদে তোমাদের ( জীবিকা ) অন্বেষণ করা; নিশ্চয় ইহার মধ্যে শ্রোতৃবর্গের জন্ত নিদর্শন সকল আছে। ২২। এবং তাঁহার নিদর্শন সকলের মধ্যে তিনি তোমাদিগকে ভয় ও লোভাত্মিকা বিদ্যাৎ প্রদর্শন করিয়া

মনোহরপরে আমার বন্দনা-সঙ্গীত করিতে থাক, হে এশ্রাফিল, তুমি কোর্-আন্ পাঠ কর।” কোন মহাজ্ঞা বলিয়াছেন যে, এশ্রাফিলের স্তম্ভুর স্বরের নিকটে সকল দেবতার স্বর পরাস্ত হইবে, তখন সমুদায় দেবতা নীরব হইয়া তাহা শ্রবণ করিবেন। প্রকৃতপক্ষে ঈশ্বরের জ্যোতির্দর্শনের পর সেই বন্দনা-সঙ্গীত অপেক্ষা স্বর্গলোকে মিষ্টতর সামগ্রী অল্প কিছুই হইবে না। ( ত, হো, )

\* “অনন্তর যখন তোমরা সায়ংকালে আগমন কর এবং যখন প্রাতঃকালে আগমন কর, তখন ঈশ্বরেরই পবিত্রতা” ইহার অর্থ এই যে, তোমরা যখন সায়ংকালে ও প্রাতঃকালে নমাজে প্রবৃত্ত হও, তখন ঈশ্বরের পবিত্রতা স্মরণ করিও। ( ত, হো, )

† অর্থাৎ ঈশ্বর পুনরুত্থানের সময় মৃতকে জীবিত করেন, পৃথিবীতে জীবিত ব্যক্তির প্রাণ হরণ করিয়া থাকেন, তিনি দক্ষ মরুতুলা ভূমিকে বারিবর্ষণ দ্বারা সস্বেজ করিয়া তাহা হইতে বৃক্ষলতাদি উৎপাদন করেন।

‡ পৃথিবীর সমুদায় বিভিন্ন ভাষার মধ্যে ৭২টি মূল ভাষা। এক পিতা মাতা আদম ও হবা হইতে মনুষ্যজাতির উৎপত্তি। তথাপি কৃষ্ণ শ্বেত পীত লোহিতাদি বর্ণের মনুষ্য দেখিতে পাওয়া যায়। সকলের শারীরিক গঠন ও আকৃতিতে নানাপ্রকার ভিন্নতা আছে। কোন এক ব্যক্তি অল্প ব্যক্তির অনুরূপ নহে। ইহা একটি ঈশ্বরের নিদর্শন। ( ত, হো, )

থাকেন \*, এবং আকাশ হইতে বারি বর্ষণ করেন, অনন্তর তদ্বারা ভূমিকে তাহার মৃত্যুর পর জীবিত করেন ; নিশ্চয় ইহার মধ্যে বুদ্ধিমান্ মণ্ডলীর জ্ঞান নিদর্শন সকল আছে । ২৩ । এবং তাঁহার নিদর্শন সকলের মধ্যে এই যে, স্বর্গ মর্ত্য তাঁহার আজ্ঞাক্রমে প্রতিষ্ঠিত আছে ; তৎপর যখন তিনি তোমাদিগকে সাধারণ আস্থানে আস্থান করিবেন, তখন অকস্মাৎ তোমরা ( ভূগর্ভ হইতে ) বহির্গত হইবে । ২৪ । এবং স্বর্গে ও মর্ত্যে যে কিছু আছে, তাহা তাঁহারই ও সমুদায় তাঁহারই আজ্ঞাবহ । ২৫ । এবং তিনিই, যিনি প্রথম সৃষ্টি করিয়া থাকেন, তৎপর তাহা পুনরায় করিবেন, এবং ইহা তাঁহার সম্বন্ধে সহজ হয় ; এবং স্বর্গে ও পৃথিবীতে তাঁহারই উন্নতভাব ও তিনি পরাক্রান্ত বিজ্ঞানময় । ২৬ । ( র, ৩, আ, ৮ )

তিনি তোমাদিগের জ্ঞান তোমাদের জীবনের (অবস্থা) হইতে দৃষ্টান্ত বর্ণন করিলেন ; তোমাদিগের দক্ষিণ হস্ত যাহাদিগকে অধিকার করিয়াছে, সেই ( দাসগণ ) কি, তোমাদিগকে আমি যে উপজীবিকা দান করিয়াছি, তদ্বিষয়ে তোমাদিগের কোন অংশী হইয়া থাকে ? অনন্তর তোমরা কি ( তাহাদের সঙ্গে ) সে বিষয়ে তুল্য ? আপন জাতিসম্বন্ধে যেরূপ ভয়, তোমরা তাহাদিগকে তদ্রূপ ভয় করিয়া থাক ? বুদ্ধিমান্ দলের জ্ঞান এইরূপে ঈশ্বর আয়ত সকল বর্ণন করিয়া থাকেন † । ২৭ । বরং অত্যাচারী লোকেরা জ্ঞান-ভাবে আপন ইচ্ছার অনুসরণ করিয়াছে ; ঈশ্বর যাহাদিগকে পথভ্রাস্ত করিয়াছেন, অনন্তর কে তাহাদিগকে পথ প্রদর্শন করিবে ? এবং তাহাদের জ্ঞান কোন সাহায্যকারী নাই । ২৮ । অবশেষে তুমি, ( হে মোহম্মদ, ) বিস্ময় ধর্মের উদ্দেশ্যে আপন আননকে প্রতিষ্ঠিত রাখ, ‡ ঈশ্বরের ধর্মের ( অনুসরণ কর ; ) সেই ( ধর্ম, ) যাহার উপর তিনি লোকদিগকে

\* অর্থাৎ বিদ্যায় দেগিয়া পণিকগণ বজ্রপাতের ভয়ে ভীত হইয়া থাকে, এবং অচিরে বারিবর্ষণে ভূমি উর্ধ্বরা হইবে ভাবিয়া লোকের লোভ হয় । ( ত, হো, )

† অর্থাৎ প্রভু কি দাসদিগকে স্বীয় ধনসম্পত্তিতে অংশী করিয়া থাকে যে, দাসগণ তাহাতে স্বত্ব ও স্বামিত্ব স্থাপন করিতে সমর্থ হয় ? তোমাদের সম্পত্তিসম্বন্ধে তোমরা তোমাদিগের দাসগণের সঙ্গে এক প্রকার স্বত্বান্ নও, তোমরা যেমন তাহাতে স্বামিত্ব স্থাপন কর, তাহারা তাহার কিছুই করিতে পারে না । “আপন জাতিসম্বন্ধে যেরূপ ভয়, তোমরা তাহাদিগকে তদ্রূপ ভয় করিয়া থাক ?” অর্থাৎ তোমরা আপন যথার্থ অংশীদিগ হইতে যেরূপ ভীত হইয়া থাক, যে পাছে বা তাহারা সম্পত্তির উপর একান্ত ক্ষমতা বিস্তার করে, তদ্রূপ এ বিষয়ে দাসদিগকে কি ভয় করিয়া থাক ? যখন হজরত এই আয়ত প্রধান প্রধান কোরেশের নিকটে পাঠ করিলেন, তখন তাহারা একবাক্যে বলিল, “দাস প্রভুর তুল্য, ইহা কখনই হইতে পারে না ।” তাহাতে হজরত বলিলেন, “তোমরা দাসদিগকে আপন ধনে অংশী করিতে প্রস্তুত নও, এমন সব্বহায় ঈশ্বরের ভৃত্য সৃষ্টবস্তুদিগকে কেমন করিয়া তাঁহার ঐশ্বর্যের অংশী করিতে চাও ?” ( ত, হো, )

‡ যাহারা এত্রাহিমের বিস্ময় একেশ্বরবাদধর্মাবলম্বী, তাহাদিগকে হনিক বলে, সেই ধর্মকে আশ্রয় কর, এস্থলে এ কথাই তাৎপর্য ।

সৃজন করিয়াছেন। ঈশ্বরের সৃষ্টির পরিবর্তন হয় না, ইহাই প্রকৃত ধর্ম; কিন্তু অধিকাংশ মনুষ্য বুঝিতেছে না \*। ২২। + তোমরা তাঁহার দিকে উন্মুখীন হও ও তাঁহা হইতে ভীত হও, এবং উপাসনাকে প্রতিষ্ঠিত রাখ ও অংশিবাদীদিগের যাহারা স্বীয় ধর্মকে খণ্ড খণ্ড করিয়াছে ও দলে দলে বিভক্ত হইয়াছে, তাহাদের অন্তর্গত হইও না; প্রত্যেক দল, তাহাদের নিকটে যাহা আছে, তাহাতে সন্তুষ্ট †। ৩০ + ৩১। এবং যখন লোক-দিগকে দুঃখ আক্রমণ করে, তখন তাহারা আপন প্রতিপালককে তাঁহার দিকে উন্মুখীন হইয়া আহ্বান করিয়া থাকে; তৎপর যখন তিনি তাহাদিগকে আপনার দয়া আশ্বাদন করান, তখন অকস্মাৎ তাহাদের এক দল আপন প্রতিপালকের সম্বন্ধে অংশী স্থাপন করে। ৩২। + তাহাতে আমি তাহাদিগকে যাহা দিয়াছি, তাহারা অবশ্য তৎপ্রতি কৃতজ্ঞ হয়; অনন্তর তোমরা ভোগ করিতে থাক, পরে জানিতে পাইবে। ৩৩। আমি কি তাহাদিগের প্রতি কোন প্রমাণ প্রেরণ করিয়াছি যে, পরে উহা, যাহাকে তাহারা অংশী করিয়াছে, তৎসম্বন্ধে বাক্য ব্যয় করিবে? ৩৪। এবং আমি যখন মানবমণ্ডলীকে কৃপা আশ্বাদন করিতে দেই, তখন তাহাতে তাহারা আহ্লাদিত হয়; এবং যাহা তাহাদের হস্ত পূর্বে প্রেরণ করিয়াছে, তজ্জন্ম যদি তাহাদের নিকট বিপদ উপস্থিত হয়, তবে অকস্মাৎ তাহারা নিরাশ হইয়া থাকে ‡। ৩৫। তাহারা কি দেখিতেছে না যে, ঈশ্বর যাহার জন্ম ইচ্ছা করেন, জীবিকা বিস্তৃত ও সঞ্চচিত করিয়া থাকেন? নিশ্চয় ইহার মধ্যে বিশ্বাসী সম্প্রদায়ের জন্ম নিদর্শন সকল আছে। ৩৬। অনন্তর তুমি স্বজনকে ও নিধনকে এবং পরিব্রাজককে তাহার স্বত্ব প্রদান কর; যাহারা ঈশ্বরের আনন আকাঙ্ক্ষা করে, ইহা তাহাদের জন্ম কল্যাণ হয়, এবং ইহারাই তাহারা, যে পরিত্রাণ পাইবে। ৩৭। এবং তোমরা লোকের ধন বৃদ্ধি করিতে যাহা কুসীদরূপে দান কর, পরে তাহা ঈশ্বরের নিকটে বৃদ্ধি প্রাপ্ত হয় না; এবং ঈশ্বরের আননের আকাঙ্ক্ষা করিয়া যাহা ডকাত ( ধর্মার্থ দান ) রূপে দিয়া থাক, অনন্তর ইহারাই, ( তোমরাই ) যে, তাহার দ্বিগুণকারী। ৩৮। সেই

\* এস্থলে ধর্ম অর্থে সৃষ্টিকর্তা ঈশ্বরের সম্বন্ধে জ্ঞানলাভ, উৎপত্তিকাল হইতে সমুদায় মনুষ্য এই জ্ঞান প্রাপ্ত হইয়াছে। ঈশ্বর বলিতেছেন, তুমি যে ধর্মের সঙ্গে সৃষ্ট হইয়াছ, তাহার উপযুক্ত হও। "ঈশ্বরের সৃষ্টির পরিবর্তন হয় না" অর্থাৎ যাহার উপর পরমেশ্বর মনুষ্যকে সৃষ্টি করিয়াছেন, সেই ধর্মের পরিবর্তন হয় না। (ত, হো,)

† এসলাম ধর্ম পরিত্যাগ করিয়া অংশিবাদিগণ নানা দলে বিভক্ত হইয়াছে, তাহাদের কেহ প্রতিমা পূজা করে, কেহ নক্ষত্রের, কেহ সূর্যের উপাসনা করিয়া থাকে। ইহুদী ও ঈসায়ী সম্প্রদায় প্রত্যেকে দলে দলে বিভক্ত। মোসলমানদিগের মধ্যেও নানা নূতন মত উদ্ভাবিত হইয়া খারেজা ও রাফেজা প্রভৃতি সম্প্রদায় হইয়াছে। ঈশ্বর বলিতেছেন, তোমরা সেরূপ হইও না। এক এক দল আপন আপন মত ও সংকীর্ণ ধর্মকে ভাল বলে ও তাহাতেই সন্তুষ্ট। (ত, হো,)

‡ "যাহা তাহাদের হস্ত পূর্বে প্রেরণ করিয়াছে!" তজ্জন্ম যদি তাহাদের নিকটে বিপদ উপস্থিত হয়, অর্থাৎ তাহারা পূর্বে যে দুর্ভিক্ষ করিয়াছে, তাহার শান্তিধরূপ যদি বিপদ উপস্থিত হয়।

পরমেশ্বর, যিনি তোমাদিগকে সৃজন করিয়াছেন, তৎপর তোমাদিগকে জীবিকা দিয়াছেন, তদনন্তর তোমাদিগের প্রাণ হরণ করিয়া থাকেন, তাহার পর তোমাদিগকে জীবিত করেন ; তোমাদিগের অংশীদিগের মধ্যে কেহ কি আছে যে, ইহার কিছু করিয়া থাকে ? তাঁহারই পবিত্রতা এবং তাহারা যাহাকে অংশী করে, তিনি তাহা হইতে উন্নত । ৩৯ । ( র, ৪, আ, ১৩ )

মহুশ্বের হস্ত যাহা ( যে পাপ ) উপার্জন করিয়াছিল, তজ্জগু প্রান্তরে ও সাগরে উপপ্লব উপস্থিত হইয়াছিল, যেন তাহারা যে আচরণ করিয়াছে, তাহার কোন ( ফল ) তাহাদিগকে আশ্বাদন করিতে দেওয়া হয় ; হয়তো তাহারা ফিরিয়া আসিবে \* । ৪০ । তুমি বল, ( হে মোহম্মদ, ) তোমরা পৃথিবীতে বিচরণ করিতে থাক, পরে দেখ, যাহারা পূর্বে ছিল, তাহাদের পরিণাম কেমন হইয়াছে ; তাহাদের অধিকাংশই অংশিবাদী ছিল । ৪১ । অনন্তর ঈশ্বর হইতে যাহার প্রতিশোধ নাই, সেই দিন আসিবার পূর্বে তুমি সত্যধর্মের প্রতি আপন আননকে স্থাপন কর, সেই দিনে তাহারা বিচ্ছিন্ন হইয়া পড়িবে । ৪২ । যে ব্যক্তি ধর্মদ্রোহী হইয়াছে, অনন্তর তাহার প্রতিই তাহার ধর্মদ্রোহিতা, এবং যাহারা সৎকর্ম করিয়াছে, অনন্তর তাহারা আপন জীবনের জগু সুখস্থান প্রসারণ করে । ৪৩ । + তাহাতে যাহারা বিশ্বাস স্থাপন ও সৎকর্ম করিয়াছে, তাহাদিগকে তিনি আপন ঐক্যগুণে পুরস্কার দান করিবেন ; নিশ্চয় তিনি ধর্মদ্রোহীদিগকে প্রেম করেন না । ৪৪ । এবং তাঁহার নিদর্শন সকলের মধ্যে এই যে তিনি বায়ুপুঞ্জকে স্বেসংবাদদাতৃ-রূপে প্রেরণ করেন, এবং তাহাতে তিনি তোমাদিগকে স্থায়ী কৃপা আশ্বাদন করান ও তাহাতে তাঁহার আজ্ঞাক্রমে নৌকা সকল পরিচালিত হয় ও তাহাতে তোমরা তাঁহার প্রসাদে ( জীবিকা ) অন্বেষণ কর ; সম্ভবতঃ তোমরা কৃতজ্ঞ হইবে † । ৪৫ । এবং সত্য সত্যই আমি তোমার পূর্বে, ( হে মোহম্মদ, ) তাহাদের জাতির নিকটে প্রেরিত পুরুষদিগকে প্রেরণ করিয়াছিলাম ; অনন্তর তাহারা প্রমাণ সকল সহ তাহাদিগের নিকটে উপস্থিত হইয়াছিল, পরে যাহারা অপরাধ করিয়াছিল, আমি তাহাদিগ হইতে প্রতিশোধ লইয়াছি, বিশ্বাসীদিগকে সাহায্য করা আমার সম্বন্ধে বিহিত ছিল । ৪৬ । সেই ঈশ্বর, যিনি বায়ুপুঞ্জকে প্রেরণ করেন, অনন্তর উহা মেঘকে উন্নয়ন করে, পরে তিনি তাহাকে ঘেরূপ ইচ্ছা করেন, আকাশে বিকীর্ণ করিয়া থাকেন ও তাহাকে খণ্ড খণ্ড

\* দুর্ভিক্ষ ঝটিকা জলপ্লাবন ইত্যাদি দ্বারা গ্রাম নগরাদির উচ্ছেদ হওয়া প্রান্তরে উপপ্লব, এবং জলমগ্নাদি হওয়া সাগরে উপপ্লব । আদ ও সমুদ্রজাতি ও ফেরগণ প্রভৃতি দুর্ভিক্ষা লোকেরা আপন পাপের জন্ত তদ্রূপ উৎপাতগ্রস্ত হইয়াছিল । ( ত, হো, )

† উত্তরানিল ও দক্ষিণানিল বারিবর্ষণের সংবাদ দান করিয়া থাকে, অর্থাৎ এইরূপ বায়ু প্রবাহিত হওয়ার পরই বৃষ্টি হয় । তাহাতে ঈশ্বরের কৃপায় জীবগণের উপজীবিকাস্বরূপ শস্তাদি উৎপন্ন হইয়া থাকে, জলপথে বাণিজ্যের সুবিধা হয় ইত্যাদি । ( ত, হো, )

করেন ; পরে তুমি দেখিতে পাও যে, তাহার ভিতর হইতে বারিবিন্দুসকল বহির্গত হয় । অনন্তর যখন তিনি আপন দাসদিগের, যাহাদিগের প্রতি ইচ্ছা করেন, তাহা পছন্দইয়া দেন, তখন হঠাৎ তাহারা আহ্লাদিত হয় । ৪৭ । এবং নিশ্চিত তাহারা ইতিপূর্বে ও তাহাদের প্রতি ( বারি ) বর্ষণ করার পূর্বে নিরাশ ছিল । ৪৮ । অনন্তর তুমি ঈশ্বরের কৃপার নিদর্শন সকলের প্রতি দৃষ্টিপাত কর যে, তিনি কেমন করিয়া ভূমিকে তাহার মৃত্যুর পর জীবিত করেন ; নিশ্চয় ইহা যে, তিনি মৃতসঞ্জীবনকারী, এবং তিনি সর্বোপরি ক্ষমতাশালী \* । ৪৯ । এবং যদি আমি ( এমন ) কোন বায়ু প্রেরণ করি, পরে ( তদ্বারা ) তাহারা তাহাকে ( শস্মক্ষেত্রকে ) শীর্ণ দেখিতে পায়, তবে অবশ্য তৎপর তাহারা রুতন্ন হইবে । ৫০ । অনন্তর যখন তাহারা পৃষ্ঠভঙ্গ দিয়া বিমুগ্ধ হয়, তখন সেই মৃতলোকদিগকে ও বধিরদিগকে তুমি নিশ্চয় আহ্বান শ্রবণ করাইও না । ৫১ । এবং তুমি অন্ধদিগের তাহাদের পথভ্রাস্তি হইতে পথপ্রদর্শক নও ; যাহারা আমার নিদর্শন সকলের প্রতি বিশ্বাস স্থাপন করিয়াছে, তুমি তাহাদিগকে ব্যতীত ( উপদেশ ) শুনাইতেছ না, অনন্তর তাহারা ই মোসলমান । ৫২ । ( র, ৫, আ, ১৩ )

সেই ঈশ্বর, যিনি তোমাদিগকে দুর্বলতার মধ্যে সৃজন করিয়াছেন, তৎপর অশক্তির পরে শক্তি দিয়াছেন, তৎপর শক্তির পরে দুর্বলতা ও বার্কক্য বিধান করিয়াছেন ; তিনি যেরূপ ইচ্ছা করেন, সৃজন করিয়া থাকেন, এবং তিনি জ্ঞানী ও ক্ষমতাবান্ । ৫৩ । এবং যে দিবস কেয়ামত উপস্থিত হইবে, সেই দিবস পাপী লোকেরা শপথ করিবে, ( বলিবে ) যে, তাহারা ক্ষণকাল ভিন্ন ( পৃথিবীতে ) স্থিতি করে নাই ; এইরূপ তাহারা ( সত্যপথ হইতে ) ফিরিয়া যায় । ৫৪ + ৫৫ । এবং যাহাদিগকে জ্ঞান ও বিশ্বাস প্রদত্ত হইয়াছে, তাহারা বলিবে যে, সত্য সত্যই তোমরা ঈশ্বরিক গ্রন্থানুসারে পুনরুত্থানের দিন পর্য্যন্ত স্থিতি করিয়াছ ; অনন্তর ইহাই পুনরুত্থানের দিন, কিন্তু তোমরা জানিতেছ না । ৫৬ । পরিশেষে সে দিবস অত্যাচারীদিগকে তাহাদের আপত্তি উপকৃত করিবে না, এবং তাহাদের নিকট অনুতাপ চাওয়া হইবে না । ৫৭ । এবং সত্য সত্যই আমি এই কোর-আনে মানবমণ্ডলীর জন্ত সকল প্রকার দৃষ্টান্ত বর্ণন করিয়াছি ; এবং যদি তুমি, ( হে মোহম্মদ, ) যাহারা ধর্মবিদ্বেষী হইয়াছে, তাহাদের নিকটে কোন নিদর্শন উপস্থিত কর, তাহারা অবশ্য বলিবে যে, তোমরা মিথ্যাবাদী ভিন্ন নও । ৫৮ । এইরূপ পরমেশ্বর অজ্ঞানীলোকদিগের অন্তরে মোহর বদ্ধ করিয়া থাকেন । ৫৯ । অনন্তর তুমি

\* ভূমি মৃত্যুর পর জীবিত হওয়ার অর্থ, ভূমি শুষ্ক ও ফলশস্যাদিবিহীন হওয়ার পর বারিবর্ষণে উর্বরতা লাভ করিয়া ফলশস্যশালিনী হওয়া । বাহ্যে ঈশ্বরের কৃপার নিদর্শন বৃষ্টি, যেহেতু তাহাতে জীবের উপজীবিকাস্বরূপ শস্যাদি উৎপন্ন হয় ; আন্তরিক কৃপার নিদর্শন ঈশ্বর-স্মরণ, তাহাতে অন্তর জীবন লাভ করে ।

( ত. হো, )



ধৈর্যধারণ কর, নিশ্চয় ঈশ্বরের অঙ্গীকার সত্য; এবং যাহারা বিশ্বাস করে না, তাহারা তোমাকে লঘু করিতে পারিবে না \* । ৬০ । ( র, ৬, আ, ৮ )

## সূরা লোক্‌মান †

.....

একত্রিংশ অধ্যায়

.....

৩৪ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

আমি ঈশ্বর সমুদায় গুণের স্বামী, ক্ষমা ও কল্যাণের আকর ‡ । ১ । বিজ্ঞানময়ের গ্রন্থের এই নিদর্শন সকল হয় । ২ । † ( ইহা ) হিতকারী লোকদিগের জ্ঞান বিধি ও দয়ালু স্বরূপ । ৩ । যাহারা উপাসনাকে প্রতিষ্ঠিত রাখে ও জকাত দান করে ও যাহারা পরলোকে বিশ্বাস রাখে, এই ইহারাই আপন প্রতিপালকের বিধিতে স্থিতি করে, এবং ইহারাই তাহারা যে মুক্ত হইবে । ৪ + ৫ । এবং মানবসমুলীর মধ্যে কেহ আছে যে, অজ্ঞানতা-প্রযুক্ত ঈশ্বরের পথ হইতে ( লোকদিগকে ) নিবৃত্ত রাখিতে আমোদজনক আখ্যায়িকা ক্রয় করে, এবং তাহাকে ( ঈশ্বরের পথকে ) উপহাস করিয়া থাকে ; ইহারাই, ইহাদের জ্ঞান দুর্গতিজনক শাস্তি আছে ‡ । ৬ । এবং যখন তাহার নিকটে আমার

\* অর্থাৎ অবিশ্বাসী পাষণ্ড লোকদিগের শীঘ্র শাস্তি হইক, একরূপ তুমি প্রার্থনা করিও না । শাস্তির কাল নির্দিষ্ট আছে, যথাসময়ে তাহা প্রকাশিত হইবে । ( ত, হো, )

+ এই সূরা মক্কাতে অবতীর্ণ হইয়াছে ।

† “আলম্মা” এই সাক্ষেতিক শব্দের অর্থ “আমি ঈশ্বর সমুদায় গুণের স্বামী” ইত্যাদি । ( ত, হো, )

‡ হারেসের পুত্র নসর বাণিজ্যোপলক্ষে পারস্ত দেশে গিয়াছিল । সে তথা হইতে রোস্তম ও আস্ফন্দিয়ারের আখ্যায়িকা ক্রয় করিয়া আনিয়া কোরেশ লোকদিগের সভাস্থলে পাঠ করিতেছিল ; কোরেশগণ স্তুতিপাত বীরাগ্রগণ্য রোস্তম ও সম্রাট আস্ফন্দিয়ারের বিবরণ পাঠ করিয়া চমৎকৃত হয় । তাহারা গর্ভ করিয়া পরস্পর বলিতে থাকে যে, যদি মোহম্মদ আদ ও সমুদের বীরত্বের বৃত্তান্ত এবং দাউদ ও সোলয়মানের রাজ্যের ঐশ্বর্যের বিবরণ আমাদের নিকটে প্রচার করে, আমরা পারস্তদেশের রাজাদিগের বিপুল রাজ্যসম্পত্তির বিষয় বলিব । এতদুপলক্ষেই ঈশ্বর এই আয়ত প্রেরণ করেন । এস্থলে ঈশ্বরের পথ কোর্-আন্ । কোর্-আনে আদ, সমুদ ও দাউদ, সোলয়মানের বৃত্তান্ত বর্ণিত আছে ।

আয়ত সকল পঠিত হয়, তখন সে অহকারপ্রযুক্ত বিমূখ হইয়া থাকে, যেন সে তাহা শ্রবণ করে নাই, যেন তাহার উভয় কর্ণে গুরুভার আছে ; অতএব তুমি তাহাকে ক্লেশকর শাস্তির সংবাদ দান কর \*। ৭। নিশ্চয় যাহারা বিশ্বাস স্থাপন ও সংকল্প সকল করিয়াছে, তাহাদের জ্ঞান সম্পদের স্বর্গলোক সকল আছে, তথায় তাহারা চিরস্থায়ী হইবে ; ঈশ্বরের অঙ্গীকার সত্য এবং তিনি বিজ্ঞেতা বিজ্ঞানময়। ৮+৯। তোমরা যাহা দেখিতেছ, এই নভোমণ্ডলকে তিনি স্তম্ভ ব্যতিরেকে সৃজন করিয়াছেন, এবং তোমাদিগকে ( বা ) বিচালিত করে, এই জ্ঞান তিনি পৃথিবীতে পরিত সকল স্থাপন করিয়াছেন, এবং সর্ববিধ পশু সঞ্চারিত রাখিয়াছেন ; ও আমি আকাশ হইতে বারি বর্ষণ করিয়াছি, পরে আমি তথায় ( ভূমিতে ) সকল প্রকার উত্তম বস্তু ( শস্যাদি ) উৎপাদন করিয়াছি। ১০। এই ঈশ্বরের সৃষ্টি, অবশেষে তুমি আমাকে প্রদর্শন কর, তিনি ব্যতীত যাহারা, তাহারা কি বস্তু সৃজন করিয়াছে ? বরং তাহারা স্পষ্ট পথভ্রান্তির মধো অত্যাচারী। ১১। ( র, ১, আ, ১১ )

এবং সত্য সত্যই আমি লোক্‌মানকে বিজ্ঞান প্রদান করিয়াছি, ( এবং তাহাকে বলিয়াছি ) যে, তুমি ঈশ্বরের দানের কৃতজ্ঞতা প্রকাশ কর ; যে ব্যক্তি কৃতজ্ঞ হয়, অনন্তর সে আপন জীবনের জ্ঞান কৃতজ্ঞ হয়, এতদ্বিন্ন নহে, এবং যে ব্যক্তি কৃতজ্ঞ হয়, তবে জানিও, নিশ্চয় ঈশ্বর নিষ্কাম প্রশংসিত †। ১২। এবং স্মরণ কর, যখন লোক্‌মান

“ইহাদের জ্ঞান দুর্গতিজনক শাস্তি আছে” অর্থাৎ ইহলোকে ইহাদের শাস্তি দাসত্ব ও হত্যা এবং পরলোকে কেশ ও অপমান হইবে। কোরেশ লোকেরা স্ফায়িকা দাসীদিগকে ক্রয় করিয়া আনিয়া সঙ্গীত করিতে নিযুক্ত রাখিয়াছিল। তাহাদের স্বমধুর সঙ্গীত শ্রবণে মুগ্ধ হইয়া লোকে হজরতের প্রচারিত সসমাচারশ্রবণে বিরত থাকিত। কেহ কেহ বলেন, তাহাদের সম্বন্ধেই এই আয়ত প্রেরিত হইয়াছে। ( ত, হো, )

\* যে ব্যক্তি আমোদজনক আধ্যাতিক ক্রয় করিয়াছে, তাহার সম্বন্ধে এই আয়ত অবতীর্ণ হইয়াছে :

† লোক্‌মানের জীবনসম্বন্ধে মতভেদ আছে। কেহ কেহ তাহাকে প্রেরিত বলিয়াছেন, কেহ কেহ বৈজ্ঞানিক পুরুষ বলিয়া সিদ্ধান্ত কবিয়াছেন। বাণুবিক লোক্‌মান ( হকিম ) বৈজ্ঞানিক পুরুষই ছিলেন। মহাপুরুষ দাউদের রাজ্যাধিকারকালে তিনি জন্মগ্রহণ করিয়া ইয়নসের সময় পর্যন্ত জীবিত ছিলেন। তিনি অতিশয় দীর্ঘজীবন লাভ করিয়াছিলেন। কথিত আছে, তিনি কোন সম্রাজ্ঞ লোকের দাস কৃষ্ণবর্ণ কাফ্রি ছিলেন। তিনি পশুপাল চরাইতেন, বা স্ত্রীজীবী, কিংবা ভাণ্ডারের কার্য করিতেন। একদিন মাধ্যাহ্নিক নিদ্রার সময়ে কয়েকজন স্বর্গীয় দূত তাঁহার আলয়ে উপস্থিত হইয়া তাঁহাকে বলেন যে, আমরা ঈশ্বরের প্রেরিত স্বর্গীয় দূত, তোমাকে পৃথিবীতে আধিপত্য প্রদান করিতেছি। তুমি মানবমণ্ডলীর মধো আয়ত্বসারে বিচার করিতে থাক। লোক্‌মান বলিলেন, যদি প্রভু পরমেশ্বরের একরূপ দৃঢ় আদেশ হইয়া থাকে, তবে তাহা আমার শিরোধার্য। আমার এই প্রার্থনা যে, এই কার্য সুন্দররূপে নির্বাহ করিতে আপনারা আমাকে সাহায্য করুন। স্বর্গীয় দূতগণ এই কথা শুনিয়া সন্তুষ্ট হইলেন ও তাঁহাকে বিজ্ঞানবুদ্ধি প্রদান করিলেন। কথিত

আপন পুত্রকে বলিল, এবং সে তাহাকে উপদেশ দিতে লাগিল, “হে আমার শিশু পুত্র, তুমি ঈশ্বরের সঙ্গে অংশী স্থাপন করিও না, নিশ্চয় অংশিত্ব গুরুতর দোষ” । ১৩ । এবং আমি মানবমণ্ডলীকে তাহার পিতা মাতার সম্বন্ধে নির্দেশ করিয়াছি, তাহার মাতা শ্রান্তির পর শ্রান্তির অবস্থায় তাহাকে বহন করিয়াছে, এবং দুই বৎসরের মধ্যে তাহার স্তন্যচ্যুতি হয় ; ( তাহাকে পুন দার উপদেশ করিয়াছিলাম ) যে, তুমি আমাকে ও আপন পিতা মাতাকে ধন্যবাদ দাও, আমার দিকেই প্রত্যাবর্তন । ১৪ । এবং যে বস্তুসম্বন্ধে তোমার জ্ঞান নাই, যদি তাহারা আমার সঙ্গে তাহাকে অংশী করিতে তোমাকে অনুরোধ করে, তবে তুমি তাহাদিগের অনুগত হইও না ; তুমি সংসারে বিধিমতে তাহাদিগের সঙ্গ কর, এবং যে ব্যক্তি আমার দিকে ফিরিয়া আসিয়াছে, তাহার পথানুসরণ কর, তৎপর আমার দিকে তোমাদিগের প্রত্যাবর্তন । তোমরা যাহা করিতেছ, পরে তোমাদিগকে তাহা জ্ঞাপন করিব \* । ১৫ । ( লোক্‌মান বলিল, ) “হে আমার শিশুপুত্র, নিশ্চয় সেই ( ক্ষুদ্র বস্তু ) যদি সর্বপ-কণিকা পরিমাণও হয়, পরে তাহা প্রস্থরে বা আকাশে কিম্বা মৃত্তিকার মধ্যে স্থিতি করে, ঈশ্বর উহাকে উপস্থিত করিবেন ; নিশ্চয় ঈশ্বর সূক্ষ্মদর্শী তত্ত্বজ্ঞ । ১৬ । হে আমার শিশুপুত্র, তুমি উপাসনাকে প্রতিষ্ঠিত রাখ, বৈধ বিষয়ে আদেশ কর ও অবৈধ বিষয়ে নিষেধ করিতে থাক ; এবং যাহা তোমার নিকটে উপস্থিত হয়, তদ্বিষয়ে ধৈর্য্য ধারণ আছে, দশ সহস্র নীতি ও বিজ্ঞানসম্বন্ধায় উচ্চ উচ্চ উক্তি লোক্‌মান দ্বারা প্রচারিত হইয়াছে । একদা এস্রায়েলবংশীয় একজন প্রধান পুরুষ লোক্‌মানের নিকটে উপস্থিত হইয়া দেখেন যে, বহুলোক তাহাকে খেরিয়া ধর্ম্ম ও নীতিবিজ্ঞানসম্বন্ধীয় নানা কথা জিজ্ঞাসা করিতেছে ও তিন উত্তর দিতেছেন । তখন সেই সম্রাট লোকটি জিজ্ঞাসা করিলেন, লোক্‌মান, তুমি একরূপ উচ্চপদ কেমন করিয়া প্রাপ্ত হইলে ? তিনি বলিলেন, সত্য কথা কহিয়া ও বিশ্বস্ততা রক্ষা করিয়া এবং স্বার্থ বিসর্জন করিয়া তাহা লাভ করিয়াছি । কথিত আছে, একদা লোক্‌মানের দাসত্বকালে তাহার প্রভু তাহাকে অল্প কতিপয় দাসের সহিত ফল আহরণ করিবার জন্ত উদ্ভানে পাঠাইয়াছিলেন । দাসগণ ফল সকল পথে ভক্ষণ করিয়া লোক্‌মানের প্রতি দোষারোপ করে, প্রভু তাহাতে ক্রুদ্ধ হন । লোক্‌মান বলেন যে, ইহারা আমার প্রতি মিথ্যা অপবাদ দিতেছে । প্রভু জিজ্ঞাসা করিলেন, এ বিষয়ে সত্যাসত্য কিরূপে নির্দারিত হইবে ? লোক্‌মান কহিলেন, আমাদের সকলকে তুমি উষ্ণজল পান করাইয়া প্রাস্তরে দৌড়িতে আদেশ কর, তাহা হইলে বমন হইবে । তখন যে ব্যক্তি ফল বমন করিবে, সেই ফলভোজী চোর স্থির হইবে । ( ত, হো, )

\* সাদ ওকাস নামক ব্যক্তির সম্বন্ধে এই আয়ত সঙ্গটিত হইয়াছে । একরূপ অনুবৃত্ত সূর্যতেও উল্লেখ হইয়া গিয়াছে । অংশিবাদিতার অবৈধতা-প্রদর্শনার্থ লোক্‌মানের আখ্যায়িকার সঙ্গে এই উপদেশের যোগ হইয়াছে । কথিত আছে যে, সাদ এসলাম ধর্ম্ম গ্রহণ করাতে তাহার মাতা তিন দিন অন্নজল-গ্রহণে বিরত ছিল । কাষ্ঠখণ্ড প্রবেশ দ্বারা বঙ্গপূর্বক মূপব্যাদান করাইয়া তাহাকে জলপান করান হইয়াছিল । সাদ বলিয়াছিলেন, যদি মাতার সন্তোরটি আন্না হয়, একটি একটি করিয়া ক্রমে ক্রমে সন্তোরটি আন্না মৃত্যুমুখে পড়ে, তথাপি আমি এসলাম ধর্ম্ম পরিত্যাগ করিতে বাধ্য নহি । ( ত, হো, )

কর, নিশ্চয় ইহা মহৎ কার্যসকলের অন্তর্গত। ১৭। এবং লোকের প্রতি তুমি মুখ ফিরাইও না, \* এবং ভূমিতলে বিলাসের ভাবে পরিভ্রমণ করিও না ; নিশ্চয় ঈশ্বর সমুদায় বিলাসী অভিমানী লোককে প্রেম করেন না। ১৮। আপন গতিসম্বন্ধে মধ্যপথ অবলম্বন কর, আপন ধনিকে নিয়ম কর, নিশ্চয় গর্দভের শব্দ কুৎসিত শব্দ †। ১৯। (র, ২, আ, ৮)

তোমরা কি দেখ নাই যে, স্বর্গে ও পৃথিবীতে যাহা কিছু আছে, পরমেশ্বর তাহা তোমাদের জ্ঞান অধিকৃত করিয়াছেন, এবং আপন বাহ্যিক ও আন্তরিক সম্পদ তোমাদের সম্বন্ধে পূর্ণ করিয়াছেন ; এবং মানবমণ্ডলীর মধ্যে কেহ আছে যে, জ্ঞান ব্যতিরেকে ও ধর্মালোক ও উজ্জ্বল গ্রন্থ ব্যতিরেকে ঈশ্বরের সম্বন্ধে বিরোধ করিয়া থাকে ‡। ২০। এবং যখন তাহাদিগকে বলা হয়, “ঈশ্বর যাহা অবতারণ করিয়াছেন, তোমরা তাহার অনুসরণ কর ;” তাহারা বলে, “বরং আমাদের পিতৃপুরুষদিগকে যে বিষয়ে আমরা প্রাপ্ত হইয়াছি, তাহার অনুসরণ করিবু।” শয়তান যদি তাহাদিগকে নরকদণ্ডের দিকে আহ্বান করে, তাহারা কি (অনুসরণ করিবে) ? ২১। এবং যে ব্যক্তি আপন আননকে ঈশ্বরের উদ্দেশ্যে উৎসর্গ করে, বস্তুতঃ সে হিতকারী, অবশেষে নিশ্চয় সে দৃঢ় হস্তাবলম্বনকে ধারণ করে, এবং ঈশ্বরের দিকেই ক্রিয়া সকলের পরিণাম। ২২। এবং যে ব্যক্তি ধর্মদ্রোহী হইয়াছে, পরে তাহার ধর্মদ্রোহিতা তোমাকে, (হে মোহম্মদ,) বিধাদিত করিবে না ; আমার দিকেই তাহাদিগের প্রত্যাবর্তন, তাহারা যাহা করিয়াছে, পরে আমি তাহাদিগকে তাহা জানাইব, (শাস্তি দিব,) নিশ্চয় ঈশ্বর হৃদয়ের তত্ত্বজ্ঞ। ২৩। আমি তাহাদিগকে (পৃথিবীতে) অন্ন ভোগ করিতে দিব, তৎপর কঠিন শাস্তিতে তাহাদিগকে নিপীড়িত করিব। ২৪। এবং যদি তুমি তাহাদিগকে জিজ্ঞাসা কর, “কে স্বর্গ ও মর্ত্য সৃজন করিয়াছে ?” অবশ্য তাহারা বলিবে, ঈশ্বর ; তুমি বলিও, “ঈশ্বরেরই সম্যক প্রশংসা,” বরং তাহাদের অধিকাংশই (তাহা) বুঝে না। ২৫। দুালোকে ও ভুলোকে যাহা কিছু আছে, তাহা ঈশ্বরেরই ; নিশ্চয় ঈশ্বর নিষ্কাম ও প্রশংসিত। ২৬। এবং পৃথিবীতে যে সকল বৃক্ষ আছে, যদি তাহা লেখনী হয় ও সাগর তাহার মসী হয়,

\* “লোকের প্রতি তুমি মুখ ফিরাইও না.” অর্থাৎ অহঙ্কার করিয়া তুমি কোন ব্যক্তি হইতে মুখ ফিরাইয়া থাকিও না, বরং বিনম্রভাবে লোকদিগকে সমাদর করিও। (ত, হো,)

† উচ্চধনিত্যে কোন প্রকার পৌরুষ নাই। গর্দভের তারম্বর অত্যন্ত শ্রুতিকটু ও লোকের বিরক্তিকর। আরবেব পৌত্তলিকগণ উচ্চশব্দে গর্ভ প্রকাশ করিত, এই আয়ত তাহার প্রতিবাদ-স্বরূপ। হজরত কোমল শব্দকে ভালবাসিতেন, উচ্চশব্দকে ঘৃণা করিতেন। ইঞ্জিলে উক্ত হইয়াছে যে, “আমার দাসদিগকে বল, তাহারা যুব্বাকো যেন প্রার্থনা করে, আমি তাহা শুনিত্তে পাইব। তাহাদের অন্তরে যাহা আছে, আমি তাহা জানিত্তে পাই।” (ত, হো,)

‡ বাহ্যিক সম্পদ বুদ্ধি ও ইন্দ্রিয়গ্রাহ্য প্রিয় সামগ্রী, আন্তরিক সম্পদ স্বর্গীয় দূতদিগের আনুকুল্য হয়। এই বাহ্যিক ও আন্তরিক সম্পদবিষয়ে অনেকে অনেক প্রকার ভাব প্রকাশ করিয়াছেন। (ত, হো,)

তাহার পরে ( অণ্ড ) সপ্ত সাগর হয়, তথাপি ঈশ্বরস্বকীয় কথা সমাপ্ত হইবে না ; নিশ্চয় ঈশ্বর বিজ্ঞতা ও বিজ্ঞানময় । ২৭ । এক ব্যক্তির তুল্য ভিন্ন তোমাদিগের সৃজন ও তোমাদিগের সমুখাপন নহে ; নিশ্চয় ঈশ্বর দ্রষ্টা ও শ্রোতা \* । ২৮ । তুমি কি দেখ নাই, ( হে মোহম্মদ, ) ঈশ্বর দিবাতে রাত্রি উপস্থিত করেন, এবং রাত্রিতে দিবা আনয়ন করেন ? এবং তিনি সূর্য্য ও চন্দ্রমাকে অধিকৃত করিয়াছেন, প্রত্যেকে এক নির্দিষ্ট সময়ে চলিয়া থাকে ; এবং নিশ্চয় ঈশ্বর, তোমরা যাহা করিতেছ, তাহার জ্ঞাতা । ২৯ । ইহা এ কারণে যে, সেই ঈশ্বর সত্য এবং এ কারণে যে, তাঁহাকে ছাড়িয়া তাহারা যাহাকে আহ্বান করে, তাহা অসত্য, এবং এ কারণে যে, সেই পরমেশ্বর উন্নত মহান্ । ৩০ । ( র, ৩, আ, ১১ )

তুমি কি দেখ নাই যে, ঈশ্বরের প্রসাদে পোত সকল তোমাদিগকে তাঁহার নিদর্শনাবলীর কিছু প্রদর্শন করিতে সাগরে চলিয়া থাকে ; নিশ্চয় ইহার মধ্যে প্রত্যেক সহিষ্ণু কৃতজ্ঞ ব্যক্তির জন্ত নিদর্শন সকল আছে । ৩১ । এবং যখন চন্দ্রাতপের গ্নায় তরঙ্গ তাহাদিগকে আচ্ছাদন করে, তখন তাহারা ঈশ্বরকে, তাঁহার জন্ত ধর্মকে বিশুদ্ধ করিয়া, আহ্বান করিতে থাকে ; অনন্তর যখন আমি তাহাদিগকে স্থলের অভিমুখে উদ্ধার করিয়া লইয়া যাই, তখন তাহাদের কেহ মধ্যপথাবলম্বী হয় ; † এবং প্রত্যেক অঙ্গীকারভঙ্গকারী ধর্মদ্রোহিগণ বাতীত (কেহ) আমার নিদর্শন সকলকে অগ্রাহ্য করে না । ৩২ । হে লোক সকল, তোমরা আপন প্রতিপালককে ভয় করিতে থাক, এবং যে দিবস কোন পিতা আপন পুত্রের উপকারে আসিবে না, এবং কোন পুত্র স্বীয় পিতার কিছুই উপকারী হইবে না, তোমরা সেই দিবসকে ভয় করিতে থাক ; নিশ্চয় ঈশ্বরের অঙ্গীকার সত্য, অনন্তর যেন পার্থিব জীবন তোমাদিগকে প্রতারণা না করে, এবং প্রবঞ্চক ( শয়তান ) যেন ঈশ্বরসম্বন্ধে তোমাদিগকে প্রতারিত না করে ‡ । ৩৩ । নিশ্চয় ঈশ্বরের নিকটেই কেয়ামতের জ্ঞান আছে, এবং তিনি বৃষ্টি প্রেরণ করেন ও গর্ভে যাহা থাকে,

\* “এক ব্যক্তির তুল্য ভিন্ন তোমাদিগের সৃজন ও তোমাদিগের সমুখাপন নহে :” অর্থাৎ সৃষ্টি করিতে ঈশ্বরের কাহারও সাহায্য-গ্রহণ বা যন্ত্রের প্রয়োজন হয় না । তিনি “হটক” এই মাত্র উক্তি লক্ষ লক্ষ জগৎ সৃজন করেন । লক্ষ লক্ষ জীবের সৃষ্টি তাঁহার সম্বন্ধে এক জনকে সৃষ্টি করার জায় সহজ । সৃত লোকদিগকে সজীব করিয়া সমুখাপন করিতেও তাঁহার কোন আয়োজন উদ্যোগের আবশ্যক করে না । বরং তিনি এশ্রাফিল নামক স্বর্গীয় দূতকে এই আদেশ করিবেন যে, তুমি বল, যেন সকলে কবর হইতে বাহির হয় ; এশ্রাফিলের এক আহ্বানে সমুদায় লোক কবর হইতে বহির্গত হইবে ।

( ত, হো, )

† “মধ্যপথাবলম্বী হয়” অর্থাৎ নির্ভর হয় ।

( জ, ফা, )

‡ “যে দিবস কোন পিতা আপন পুত্রের উপকারে আসিবে না” এই উক্তি কাকেরদিগের সম্বন্ধে হইয়াছে ; নতুবা বিশ্বাসী পিতা বা সন্তান কেয়ামতের দিনে শকারতযোগে পরস্পর পরস্পরকে সাহায্য করিবেন ।

( ত, হো, )



তিনি তাহা জানেন ; এবং কল্য কি উপার্জন করিবে, তাহা কোন ব্যক্তি জানে না ও কোন স্থানে মরিবে, কোন ব্যক্তি জানে না। নিশ্চয় ঈশ্বর জ্ঞানময় তত্ত্বজ্ঞ \* ১৩ ।  
( র, ৪, আ, ৪ )

## সূরা সেজ্‌দা †

.....

### দ্বাত্রিংশ অধ্যায়

.....

#### ৩০ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি )

আদ্যস্ত মধ্য বাক্যে ও কার্যে পরমেশ্বরের প্রসঙ্গে অনুরক্ত হওয়া কর্তব্য ‡ । ১ । ইহাতে কোন সন্দেহ নাই যে, বিশ্বপালক হইতেই এই গ্রন্থের অবতরণ । ২ । তাহারা কি বলিতেছে যে, উহাকে রচনা করা হইয়াছে ? বরং তোমার প্রতিপালক হইতে উহা সত্য হয়, যেন তোমার পূর্বে যাহাদের নিকটে কোন ভয়প্রদর্শক উপস্থিত হয় নাই, তুমি সেই দলকে ( এতদ্বারা ) ভয় প্রদর্শন কর ; সম্ভবতঃ তাহারা পথ প্রাপ্ত হইবে । ৩ । সেই পরমেশ্বর, যিনি ছয় দিবসের মধ্যে স্বর্গ ও মর্ত্য এবং এই উভয়ের মধ্যে যাহা কিছু আছে, সৃজন করিয়াছেন, তৎপর সিংহাসনে স্থিতি করিয়াছেন, তিনি ব্যতীত তোমাদের

\* হারেস বা ওমরের পুত্র ওয়ারেস হজরতের নিকটে যাইয়া বলিয়াছিল যে, “হে মোহম্মদ, বল, কখন কেয়ামত প্রকাশিত হইবে? আমি বীজ বপন করিয়াছি, কোন সময়ে বারিবর্ষণ হইবে, এবং আমার স্ত্রী গর্ভবতী, সে পুত্র, না কন্যা সম্ভান প্রসব করিবে? গতকল্য আমার সম্বন্ধে কি ঘটিয়াছে, তাহা আমি জানি; কিন্তু আগামী কল্য কি সজ্জন হইবে, বল। আমি আপন জন্মস্থান জ্ঞাত আছি, কিন্তু আমার কবর কোথা হইবে, জানি না; তুমি ভবিষ্যৎজ্ঞা, তুমি তাহা আমাকে জ্ঞাপন কর।” এই কথাতেই পরমেশ্বর এই আয়ত প্রেরণ করিয়াছেন । ( ত, হো. )

† এই সূরা মক্কাতে অবতীর্ণ হইয়াছে ।

‡ মহান্না আলি বলিয়াছেন যে, প্রত্যেক ঐশ্বরিক গ্রন্থের সারাংশ আছে । কোর-আনের সারভাগ ব্যবচ্ছেদক বর্ণাবলী । “আলফা” এই ব্যবচ্ছেদক বর্ণাবলীর ভাবার্থ আদ্যস্ত মধ্য ইত্যাদি অর্থাৎ ‘আ’ এই বর্ণের অর্থ ‘আওল’ ( প্রথম ) শব্দোৎপত্তির আদি স্থান, ‘ল’ এই বর্ণের অর্থ ‘লেমান’ ( রসনা ) উৎপত্তি-ভূমির মধ্যস্থান, ‘ম’ ওষ্ঠাধরযোগে উচ্চারিত হয়, উহা শেষস্থান । ইহাযারা ইঙ্গিত হইয়াছে যে, “আদ্যস্ত মধ্য বাক্যে ও কার্যে পরমেশ্বরের প্রসঙ্গে অনুরক্ত হওয়া ( দাসের ) কর্তব্য” । ( ত, হো. )

কোন বন্ধু নাই ও পাপক্ষমার অনুরোধকারী নাই। অনন্তর তোমরা কি উপদেশ গ্রহণ করিতেছ না? ৪। তিনি স্বর্গ হইতে পৃথিবী পর্যন্ত কার্যের চর্চা করেন, তৎপর তোমাদের গণনানুসারে যাহার পরিমাণ সহস্র বৎসর হয়, সেই এক দিবসে উহা ( কার্য ) তাঁহার দিকে সমুখিত হইয়া থাকে \*। ৫। তিনিই অন্তর্বাহবিদ পরাক্রান্ত দয়ালু। ৬। ( তিনিই ) যিনি যে সমুদায় বস্তুকে যাহা করিয়াছেন, অভূতমরূপে করিয়াছেন, এবং মৃত্তিকা দ্বারা মনুষ্য-সৃষ্টি আরম্ভ করিয়াছেন। ৭। তৎপর তাহার বংশকে নিকট জলের ( শুক্রে ) সার ভাগ হইতে উৎপাদন করিয়াছেন। ৮। তদনন্তর তাহাকে ( দেহকে ) ঠিক করিয়া লইয়াছেন, তন্মধ্যে স্বীয় প্রাণযোগে ফুৎকার করিয়াছেন ও তোমাদিগের জ্ঞান চক্ষু কর্ণ ও হৃদয় সৃজন করিয়াছেন; তোমরা যে কৃতজ্ঞতা দান কর, তাহা অল্প। ৯। এবং তাহারা বলিয়াছে যে, “যখন আমরা ভূমিগন্তে লুকাইত হইব, নিশ্চয় আমরা কি তখন নূতন সৃষ্টির ভিতরে হইব?” বরং তাহারা আপন প্রতিপালকের সাক্ষাৎকারসম্বন্ধে অবিশ্বাসী। ১০। তুমি বল, ( হে মোহম্মদ, ) তোমাদের সম্বন্ধে যাহাকে নিযুক্ত করা হইয়াছে, সেই মৃত্তার দেবতা তোমাдиগের প্রাণহরণ করিবে; তৎপর আপন প্রতিপালকের দিকেই তোমরা প্রতিগমন করিবে †। ১১। ( র, ১, আ, ১১ )

এবং যখন অপরাধিগণ স্বীয় প্রতিপালকের নিকটে আপনাদেব মস্তক অবনত করিয়া থাকিবে, তখন, ( হে মোহম্মদ, ) যদি তুমি দেখ, ( ভাল হয়; ) তাহারা ( বলিবে, ) “হে আমাদের প্রতিপালক, আমরা দেখিয়াছি ও শুনিয়াছি; অনন্তর আমাдиগকে ( পৃথিবীতে ) ফিরাইয়া লইয়া যাও, আমরা সংকল্প করিব, নিশ্চয় আমরা বিশ্বাসী”। ১২। এবং যদি আমি ইচ্ছা করিতাম, তবে অবশ্য প্রত্যেক ব্যক্তিকে তাহার ধর্মালোক দান করিতাম; কিন্তু আমার (এই) কথা প্রমাণিত হইয়াছে যে, নিশ্চয় আমি একযোগে মানব ও দানবদিগের দ্বারা নরকলোক পূর্ণ করিব। ১৩। অনন্তর ( বলিব, )

\* অর্থাৎ স্বর্গীয় দূত এক দিবসের মধ্যে স্বর্গ হইতে পৃথিবীতে অবতরণ করেন ও পৃথিবী হইতে স্বর্গে চলিয়া যান; মনুষ্য গমনাগমন করিলে সহস্র বৎসরের ন্যূন হয় না। যেহেতু স্বর্গ হইতে পৃথিবী পর্যন্ত পাঁচ শত বৎসরের পথ, স্তব্ধতা অবতরণ ও উত্থানে সহস্র বৎসর হয়। ( ত, হো, )

† কথিত আছে যে, মৃত্তার দেবতা অজরাইল আত্মা সকলকে আহ্বান করিয়া থাকেন ও তাহারা উত্তর দান করে। পরে অজরাইল স্বীয় অনুচরবর্গকে আদেশ করেন যে, তোমরা আত্মাদিগকে হস্তগত কর। এমাম আবুলঅয়স বলিয়াছেন যে, মৃত্তার দেবতার এক মুখ অগ্নিময়, সেই মুখে তিনি কাফেরদিগের নিকটে প্রকাশিত হইয়া তাহাদের আত্মা সকলকে হস্তগত করেন। তাঁহার আবার অন্ধকারের মুখ আছে, তৎসহ তিনি কপট লোকদিগের আত্মা অধিকার করেন; এবং মনুষ্যের মুখ সদৃশ একপ্রকার মুখ আছে, তিনি তৎসহযোগে বিশ্বাসীর আত্মা হরণ করেন। অজরাইলের অপর মুখ জ্যোতির্ময়, তিনি তৎসহযোগে ধর্মপ্রবর্তক ও সাধু লোকদিগের আত্মা হস্তগত করিয়া থাকেন। তাঁহার অনুচর দয়া ও দণ্ডের দেবতা। জীবনের হিসাব দান ও দণ্ডপুরস্কারগ্রহণের জ্ঞান ঈশ্বরের নিকট সকলের প্রতিগমন হইয়া পাকে। ( ত, হো, )

তোমরা যে আপনাদের এই দিনের সাক্ষাৎকারকে বিশ্বৃত হইয়াছ, তজ্জগ্ন ( শাস্তি ) আন্বাদন কর ; নিশ্চয় আমিও তোমাদিগকে ভুলিয়াছি, এবং তোমরা যে কার্য্য করিতে-ছিলে, তজ্জগ্ন নিত্য শাস্তি আন্বাদন কর । ১৪ । যাহারা আমার নিদর্শন সকলের প্রতি বিশ্বাস স্থাপন করে, যখন তদ্বিষয়ে স্মরণ করাইয়া দেওয়া যায়, তখন তাহারা প্রণতভাবে অধোমুখে পড়িয়া যায় ও আপন প্রতিপালকের প্রশংসার স্তব করে, এতদ্বিন্ন নহে, এবং তাহারা অহঙ্কার করে না । ১৫ । শয়নালয় হইতে তাহাদের পার্শ্ব দূর হইয়া থাকে, তাহারা স্বীয় প্রতিপালককে ভয় ও আশাতে ডাকিয়া থাকে ; ও তাহাদিগকে আমি যে উপজীবিকা দান করিয়াছি, তাহারা তাহা ব্যয় করে \* । ১৬ । অনন্তর কোন ব্যক্তি জানে না যে, তাহাদের জগ্ন ( তাহাদের ) স্নিগ্ধ চক্ষু হইতে কি গোপন করা হইয়াছে ; তাহারা যাহা করিতেছিল, তাহার বিনিময় আছে † । ১৭ । অবশেষে যে ব্যক্তি বিশ্বাসী হয়, সে কি, যে ব্যক্তি পায়ণ্ড, তাহার তুল্য হইয়া থাকে ? তুল্য হয় না ‡ । ১৮ । কিন্তু যাহারা বিশ্বাস স্থাপন ও সংকল্প সকল করিয়াছে, অনন্তর তাহাদের জগ্ন স্বর্গলোক অবস্থিতিস্থান ; তাহারা যাহা করিতেছিল, তজ্জগ্ন আতিথ্য আছে । ১৯ । কিন্তু যাহারা পায়ণ্ড হইয়াছে, তাহাদিগের স্থান অগ্নি ; যখন তাহারা ইচ্ছা করিবে যে, তাহা হইতে নির্গত হয়, তখন তন্মধ্যে প্রত্যানীত হইবে, এবং তাহাদিগকে বলা যাইবে যে, “যাহাকে তোমরা মিথ্যা বলিতেছিলে, তোমরা সেই অগ্নিদণ্ড আন্বাদন কর” । ২০ । এবং অবশ্য আমি তাহাদিগকে মহা শাস্তি ব্যতীত ক্ষুদ্র শাস্তিও

\* মকানিবাসী অনেক উপাসকের গৃহ হজরতের উপাসনালয় হইতে দূরে ছিল । যে সময় তাহারা সাংকালীন সামাজিক উপাসনা হজরতের সঙ্গে সম্পাদন করিতেন, তখন নৈশিক উপাসনার সময় পমাস্ত মস্জেদে অবস্থিতি করিয়া উপাসনায় রত থাকিতেন, গৃহে গমন করিতেন না, পরে হজরতের সঙ্গে প্রাত্যহিক উপাসনা করিয়া কৃতার্থ হইতেন । তাহাদের সম্বন্ধে পরমেশ্বর এই আয়ত প্রেরণ করিয়াছেন । কেহ কেহ বলেন যে, যে সকল সাধক নিশা জাগরণ করিয়া সাধন ভজন করিতেন, তাহাদের সম্বন্ধে এই আয়ত অবতীর্ণ হইয়াছে । নিশাকালে যখন সমুদায় লোক নিদ্রায় অচেতন হইত, তখন সেই সাধকগণ সুপশয়া হইতে পার্শ্বকে সরাইয়া বিনীতভাবে দণ্ডায়মান হইতেন, এবং দীঘ রজনী বিশ্বপতি পরমেশ্বরের সঙ্গে গোপনে কথোপকথন করিতেন । ( ত, হো, )

† যাহারা গোপনে ধর্ম্মানুষ্ঠান করেন, তাহাদের পুরস্কারও গোপনে প্রদত্ত হয়, তাহাতে কেহ তাহাদের ধর্ম্মসাধন জানিতে পারে না, এবং কোন ব্যক্তিই তাহাদিগের প্রাপ্য বিনিময়ের প্রতি দৃষ্টি প্রসারণ করে না । ( ত, হো, )

‡ অক্বার পুত্র অলিদ ক্রুদ্ধ শার্দূলকে বাত্বলে পরাস্ত করিত, তাহাতে তাহার অত্যন্ত অহঙ্কার হয় । সে এক দিন গর্কিতভাবে মহাত্মা আলিকে বলে যে, “আমার বড়শা তোমার বড়শাপ্র অপেক্ষা দৃঢ়তর ও আমার বাক্য তোমার বাক্য অপেক্ষা তীক্ষ্ণতর” । তাহাতে আলি বলেন, “রে পামর, চূপ-কর, আমার সঙ্গে তোর তুলনা হওয়ার কি অধিকার ? ও আমার সঙ্গে তোর বাগ্বিতণ্ডা করার কি সমতা ?” তাহাতে পরমেশ্বর সেই মহাত্মার সম্বন্ধে এই আয়ত প্রেরণ করেন । ( ত, হো, )

ভোগ করাইব ; সম্ভব যে তাহারা ফিরিয়া আসিবে \* । ২১ । এবং যে ব্যক্তি আপন প্রতিপালকের নিদর্শন সকলসম্বন্ধে উপদিষ্ট হইয়াছে, তৎপর তাহা হইতে মুখ ফিরাইয়াছে, তাহা অপেক্ষা কে অধিক অত্যাচারী ? নিশ্চয় আমি অপরাধীদের প্রতিশোধকারী । ২২ । ( র, ২, আ, ১১ )

এবং সত্য সত্যই আমি মুসাকে গ্রন্থ দান করিয়াছি, অনস্তর তাহার সাক্ষাৎকার-বিষয় তুমি সন্দেহের মধ্যে থাকিও না ; † এবং এশ্রায়েলবংশীয়লোকদিগের জন্ত তাহাকে আমি পথপ্রদর্শক করিয়াছি । ২৩ । এবং আমি তাহাদিগ হইতে ( এশ্রায়েল বংশ হইতে ) ধর্মনেতৃগণকে উৎপাদন করিয়াছি ; যখন তাহারা সহিষ্ণু হইয়াছিল, তখন আমার আদেশক্রমে তাহারা পথপ্রদর্শন করিয়াছিল, এবং তাহারা আমার নিদর্শন সকলের প্রতি বিশ্বাস করিতোঁছিল । ২৪ । নিশ্চয় তোমার প্রতিপালক, ( হে মোহাম্মদ, ) তাহারা যে বিষয়ে বিরোধ করিতেছিল, তিনি তদ্বিষয়ে কেয়ামতের দিনে তাহাদের মধ্যে নিষ্পত্তি করিবেন । ২৫ । তাহাদের ( মক্কাবাসীদের ) জন্ত কি প্রকাশ পায় নাই যে, তাহাদের পূর্বে বহুশতাব্দীতে কত ( লোককে ) আমি সংহার করিয়াছি ? তাহারা উহাদিগের নিবাসে গমন করিয়া থাকে, নিশ্চয় ইহার মধ্যে নিদর্শন সকল আছে ; অনস্তর তাহারা কি শ্রবণ করিতেছে না ? ২৬ । তাহারা কি দেখে নাই যে, আমি তৃণহীন ক্ষেত্রের দিকে জল চালনা করিয়া থাকি, পরে তদ্বারা শস্যক্ষেত্র বাহির করি, তাহারা নিজে ও তাহাদের পশু সকল তাহা হইতে ভক্ষণ করে ; অবশেষে তাহারা কি দেখিতেছে না ? ২৭ । এবং তাহারা বলে, “যদি তোমরা সত্যবাদী হও, তবে কখন এই জয় হইবে” ‡ ? ২৮ । তুমি বল, যাহারা ধর্মদ্রোহী হইয়াছে, বিজয়লাভের দিবসে তাহাদের বিশ্বাসী হওয়ার ফল দর্শিবে না, এবং তাহারা অবকাশ প্রাপ্ত হইবে না । ২৯ । অনস্তর তুমি তাহাদিগ হইতে বিমুখ হও, এবং প্রতীক্ষা করিতে থাক, নিশ্চয় তাহারাও প্রতীক্ষাকারী § । ৩০ । ( র, ৩, আ, ৮ )

\* কবরের শান্তি ক্ষুদ্র ও নরকের শান্তি বৃহৎ । মহান্না আবু সোলয়মান দারানী বলিয়াছেন যে, সামান্য শান্তি কোন প্রাপ্য বিষয়ে বঞ্চিত হওয়া, অসামান্য শান্তি নরকাগ্নিদাহ । পরন্তু উক্ত হইয়াছে যে, সামান্য ও অসামান্য শান্তি ঐহিক দুর্গতি ও পারত্রিক বিবাদ, অর্থাৎ ইহকালে পাপে পতিত হওয়া এবং পরকালে ঈশ্বরের স্নিকর্ষলাভ হইতে দূরে পড়া । ( ত, হো, )

† পরমেশ্বর হজরত মোহাম্মদের সঙ্গে অঙ্গীকার করিয়াছিলেন যে, ইহলোকপরিত্যাগের পূর্বে তুমি মুসাকে দেখিতে পাইবে । এস্থলে তিনি সেই অঙ্গীকারের দৃঢ়তা সম্পাদন করিতেছেন যে, তাহার দর্শনসম্বন্ধে সন্দেহ করিও না । যখন হজরত শরীরে স্বর্গারোহণ করিয়াছিলেন, তখন তিনি আরোহণ ও অবরোহণ কালে মুসাদেবকে বস্তু স্বর্গে স্পষ্ট দর্শন করিয়াছিলেন । ( ত, হো, )

‡ অর্থাৎ ধর্মদ্রোহিগণ ব্যাকুলতার সহিত বলিত যে, সেই জয়, যাহা অঙ্গীকৃত হইয়াছে, কখন হইবে ? শীঘ্র আমাদিগকে প্রদর্শন কর । ( ত, হো, )

§ অর্থাৎ সত্যই ধর্মদ্রোহিগণ প্রতীক্ষা করিতেছে যে, তোমার উপর জয় লাভ করে ; কিন্তু ঈশ্বর তোমাকেই বিজয়ী করিবেন, তাহাদিগকে নয় । ( ত, হো, )

## সূরা আহজাব \*

.....

ত্রয়স্ত্রিংশ অধ্যায়

.....

৭৩ আয়ত, ৯ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে সংবাদপ্রচারক, তুমি ঈশ্বরকে ভয় করিতে থাক, এবং ধর্মদ্রোহী ও কপট লোকদিগের অনুগত হইও না ; নিশ্চয় ঈশ্বর জ্ঞানময় কৌশলময় । ১ । এবং তোমার প্রতিপালক হইতে তোমার প্রতি যে প্রত্যাদেশ হয়, তুমি তাহার অনুসরণ কর ; নিশ্চয় ঈশ্বর, তোমরা যাহা করিয়া থাক, তাহার তত্ত্বজ্ঞ । ২ । এবং ঈশ্বরের প্রতি তুমি নির্ভর কর ও ঈশ্বরই যথেষ্ট কার্য্যসম্পাদক । ৩ । ঈশ্বর কোন ব্যক্তির জন্ত তাহার উদরে দুইটি হৃদয় উৎপাদন করেন নাই, এবং তোমাদের ভাষ্যাগণকে সৃজন করেন নাই যে, তাহাদিগ হইতে তোমরা তোমাদের মাতৃগণকে প্রকাশ করিবে, এবং তোমাদের ( পুত্র ) সন্ধানপ্রাপ্ত ব্যক্তিদিগকে তোমাদের পুত্র সকল করেন নাই, ইহা তোমাদিগের নিজ মুখের কথা ; এবং ঈশ্বর সত্য বলেন ও তিনি পথ প্রদর্শন করিয়া থাকেন † । ৪ ।

\* এই সূরা মদিনাতে অবতীর্ণ হইয়াছে । ইহার অবতরণের কারণ এই যে, ধর্মদ্রোহী আবুসুফিয়ান ও অকরমা এবং আবুয়ল্ অউর ওহদের সংগ্রামের পর মক্কা হইতে মদিনাতে যাইয়া কপটপ্রবর এব্ন আবুর আলয়ে অবস্থিতি করে । একদিন তাহার কতিপয় কপট লোক সমভিব্যাহারে হজরতের নিকটে উপস্থিত হইয়া নিবেদন করে যে, “তুমি আমাদের লাত ও মনাত দেবতার অর্চনা করিতে দাও, এবং বল যে, প্রতিমা সকল কেয়ামতের দিন পাপক্ষমার অনুরোধকারী হয় ; তাহা হইলে আমরাও তোমাকে আপন ঈশ্বরের পূজা করিতে দিব ।” এই কথা হজরতের নিকটে কঠিন বোধ হইল, তিনি মুখ ফিরাইয়া রহিলেন । এব্ন আবু ও এব্নকশির এবং কয়সের পুত্র হদ্ব বলিল, “হে প্রেরিতপুরুষ, আরবের সম্রাট লোকদিগের বাক্য অগ্রাহ করিবেন না, ইহার অভ্যন্তরে সমুদায় কল্যাণ স্থিতি করিতেছে ।” মহাজ্ঞা ওমর ধর্মের সংরক্ষক ও গৌরববর্ধক ছিলেন । তিনি এই কথা শুনিয়া সহ্য করিতে না পারিয়া, তাহাদিগকে হত্যা করিতে উদ্যত হন । ইহা দেখিয়া হজরত বলেন, “ওমর, ইহাদিগকে অভয় দান করা হইয়াছে, অঙ্গীকার লঙ্ঘন করা উচিত নহে ।” তাহাতেই নিম্নবর্তী আয়ত অবতীর্ণ হয় । ( ত, হো, )

† জমিলের পুত্র আবুমান্নর বুজ্জিমান্ পুরুষ ছিল । সে সর্বদা বলিত যে, আমার বন্ধে দুইটি হৃৎকোষ আছে ; মোহম্মদ যাহা বুঝিতে পারে, আমি তাহার একটি দ্বারা তদপেক্ষা অধিক হৃদয়ঙ্গম করিয়া থাকি । আরবীর লোকেরা তাহাকে “জোলুকলুবরনে” ( দুই হৃদয়ধারী ) বলিয়া ডাকিত ।



তোমরা তাহাদের পিতৃসম্বন্ধে তাহাদিগকে সম্বোধন করিতে থাক, ইহা ঈশ্বরের নিকটে সমুচিত ; অনস্তর যদি তোমরা তাহাদের পিতৃগণকে অজ্ঞাত থাক, তাহারা ধর্মসম্বন্ধে তোমাদের ভ্রাতা ও তোমাদের অমুচর । এবং তোমরা তাহাতে যাহা ভুল করিয়াছ, তদ্বিষয়ে তোমাদের কোন দোষ নাই, কিন্তু তোমাদের অন্তঃকরণ যাহা চেষ্টা করে, তাহাতেই ( দোষ ; ) এবং ঈশ্বর ক্ষমাশীল দয়ালু হন \* । ৫ । সংবাদবাহক বিশ্বাসীদিগের সম্বন্ধে তাহাদের জীবন অপেক্ষা নিকটবর্তী ও তাহার পত্নীগণ তাহাদের জননী ; এবং তোমরা যে বন্ধুদিগের প্রতি বিহিত অগুষ্ঠান করিয়া থাক, ( সে বিষয়ে, ) বিশ্বাসিগণ ও ধর্মার্থ দেশত্যাগিগণ অপেক্ষা ঘনিষ্ঠ স্বজনবর্গ পরস্পর পরস্পরের সন্নিহিত, ইহা ঈশ্বরিক গ্রন্থে লিখিত আছে † । ৬ । এবং ( স্মরণ কর, ) যখন আমি সংবাদপ্রচারকগণ

যে সময়ে সে বদবের যুদ্ধ হইতে পলায়ন করিয়া মক্কাভিমুখে যাইতেছিল, তখন একটা পাদুকা তাহার হস্তে ও একটা চরণে ছিল । ইতিমধ্যে কোরেশদলপতি আবুহুফিয়ান তাহার নিকটে উপস্থিত হইয়া দলের অবস্থা জিজ্ঞাসা করে, সে বলে, “কতক লোক হত হইয়াছে, কতক পলায়ন করিয়াছে” । আবুহুফিয়ান বলিল, “তোমার পাদুকার একি অবস্থা, এক পাদুকা চরণে, একটা হস্তে ?” আবুহুফিয়ান তখন দৃষ্টি করিয়া বুঝিতে পারিল ও বলিল, “আমি এই পাদুকাদ্বয়কে চরণে সংলগ্ন ভিন্ন বোধ করিতেছিলাম না ।” ইহা দ্বারা ঈশ্বর তাহাকে মিথ্যাবাদী বলিয়া নির্দোষ করিলেন । তাহার যে দুই হৃদয় নাই, ইহা প্রতীয়মান হইল । এট বিময়ে এই আয়তের আবির্ভাব হয় । পূর্দকালে যাহাকে পুত্র বলা হইত, সে গুঁরস পুত্রের স্থায় ধনাধিকারী হইত । ঈশ্বর বলিতেছেন, যেমন দুই হৃদয় এক দেহে মিলিত হয় না, তদ্রূপ এক স্ত্রীতে পত্নী ও মাতৃ এবং এক ব্যক্তিতে পুত্র-সম্বোধন ও পুত্রস্থান পায় না ।

( ত, হো, )

পৌত্তলিকতার সময়ে আরবের কেহ কেহ আপন স্ত্রীকে মা বলিত, তাহাতে সমগ্র জীবন সেই স্ত্রী সেই পুরুষ হইতে পৃথক থাকিত, উভয়ের মধ্যে মাতৃ-পুত্রের সম্বন্ধ স্থাপিত হইত ; এবং কেহ কাহাকে পুত্র বলিয়া ডাকিত, তাহাতে পুত্রসম্বোধনপ্রাপ্ত ব্যক্তি পুত্রের স্থলবর্তী হইত । পরমেশ্বর এই দুই আচরণকে খণ্ডন করিলেন । ভাষ্যাকে মা বলার বৃত্তান্ত শূর্যাবিশেষে পরে বিবৃত হইবে । এ সকল সম্বন্ধ কথায় হইলেও এতদনুসারে আচরণ হইতে পারে না । এই দুইটি বিময়ের সঙ্গে দুই হৃদয়ধারণ বিষয়টি সংযুক্ত হইয়াছে । স্থনিপুণ মহাদয় ব্যক্তিকে দুই হৃদয়যুক্ত বলা যাইতে পারে । কিন্তু ষম্ব বিদারণ করিয়া দেখ, কাহারও দুই হৃদয় হয় না ।

( ত, ফা, )

\* এই আয়ত জয়দের পুত্র হারেসের সম্বন্ধে অবতীর্ণ হইয়াছিল । লোকে তাহাকে মোহম্মদের পুত্র জয়দ বলিত । প্রকৃত তত্ত্ব এই যে, জয়দ হজরতের সহধর্মিণী খদিজার দাস ছিল । খদিজা তাহাকে হজরতের হস্তে সমর্পণ করিয়াছিলেন । হজরত দাসত্ব হইতে মুক্ত করিয়া তাহাকে পুত্রের স্থায় পালন করিতে থাকেন, তাহাতে লোকে তাহাকে হজরতের পুত্র বলিতে থাকে । এতদুপলক্ষে এই আয়ত অবতীর্ণ হয় । “তোমাদের অন্তঃকরণ যাহা চেষ্টা করে, তাহাতেই ( দোষ ; )” অর্থাৎ ভুল করিলে দোষ নাই, কিন্তু ইচ্ছা করিয়া যে পিতা নয়, যদি তাহার প্রতি কেহ পিতৃসম্বন্ধ স্থাপন করে, তাহা হইলে অপরাধ হয় ।

( ত, হো, )

† প্রেরিতপুরুষ যে বিময়ে যাহা কিছু করেন, লোকের একান্ত কল্যাণ উদ্দেশ্যে করিয়া থাকেন ; অস্ত্র লোক অপেক্ষা তিনি অধিকতর প্রিয় বলিয়া জানা বিশ্বাসীদিগের কর্তব্য । হৃদিসে হজরত

হইতে তাহাদিগের অঙ্গীকার ও তোমা হইতে ও মুহা এবং এব্রাহিম ও মুসা এবং মরয়মের পুত্র ঈসা হইতে ( অঙ্গীকার ) গ্রহণ করিয়াছিলাম, এবং আমি তাহাদিগ হইতে দৃঢ় অঙ্গীকার গ্রহণ করিয়াছিলাম যে, তিনি সত্যবাদীদিগের ( প্রেরিতপুরুষদিগের ) নিকটে তাহাদের সত্যবাদিতাবিষয়ে প্রশ্ন করিবেন ; এবং তিনি ধস্মদ্রোহীদিগের জন্ত ক্লেণকর দণ্ড সজ্জিত রাখিয়াছেন \* । ৭+৮ । ( র, ১, আ, ৮ )

হে বিশ্বাসিগণ, তোমরা আপনাদের সম্বন্ধে ঈশ্বরের দান স্মরণ কর, যখন তোমাদের প্রতি সৈন্য উপস্থিত হইয়াছিল, তখন আমি তাহাদিগের উপর বাত্যা ও সেনাবৃন্দ ( দেব-সৈন্য ) প্রেরণ করিয়াছিলাম ; তোমরা তাহা দেখ নাই, এবং তোমরা যাহা করিতে থাক, ঈশ্বর তাহার দর্শক † । ৯ । ( স্মরণ কর, ) যখন তোমাদের উপর হইতে ও তোমাদের নিম্ন হইতে ( সৈন্য সকল ) তোমাদিগের নিকটে উপস্থিত হইল, এবং যখন ( তোমাদের ) চক্ষু বন্ধ হইয়া গেল, এবং প্রাণ কণ্ঠাগত হইল ও তোমরা ঈশ্বরের সম্বন্ধে নানা

বলিয়াছেন যে, তোমাদের মধ্যে কেহ বিশ্বাসী হইবে না, যে পশ্চাৎ আমি তাহার জীবন ও তাহার পিতা মাতা পুত্র কন্যা অপেক্ষা প্রিয়তর না হইব । কথিত আছে, যখন হজরত তবুকের সংগ্রামের জন্ত উদ্যোগী হইয়া সমুদায় মোসলমানকে যাত্রা করিতে আদেশ করেন, তখন অনেকে বলে যে, আমরা পিতা মাতার অনুমতি গ্রহণ করিয়া আসি । তাহাতেই এই আয়ত অবতীর্ণ হয় । যেহেতু হজরত বিশ্বাসীদিগের সম্বন্ধে তাহাদের জীবন অপেক্ষা নিকটবর্তী ( শ্রেষ্ঠ ; ) অতএব তাঁহার আজ্ঞা অশ্রু সকলের আজ্ঞা অপেক্ষা শ্রেষ্ঠ বলিয়া গণ্য করা তাহাদের উচিত । আপনার প্রতি ও অশ্রুর প্রতি যে প্রেম, তদপেক্ষা তাঁহার প্রতি অধিকতর প্রেম হওয়া বিধেয় । কোন কোন স্থলে উক্ত হইয়াছে যে, “প্রেরিতপুরুষ তাহাদের পিতা” এবং “তাঁহার ভাষা তাহাদের মাতা ।” যেহেতু বিশ্বাসিমণ্ডলীর প্রতি প্রেরিতপুরুষের একান্ত স্নেহ ও দয়া । ( ত, হো, )

\* এ সকল বিষয়ে প্রেরিতপুরুষদিগকে অঙ্গীকারে বদ্ধ করা হইয়াছিল, যথা, তাঁহারা পরমেশ্বরের পূজা করিবেন, ঈশ্বরের অর্চনার জন্ত লোকদিগকে আহ্বান করিবেন, মণ্ডলীকে উপদেশ দিবেন, এবং তাহাদের পরে যে কোন প্রেরিতপুরুষের অভ্যুদয় হইবে, তাঁহার সংবাদ দান করিবেন । এই অঙ্গীকার পেগাম্বরদিগের সম্বন্ধে সৃষ্টিকালেই নির্ধারিত হইয়াছিল । ( ত, হো, )

† হজরতের মদিনাপ্রস্থানের চতুর্থ বৎসরে মদিনা হইতে তাড়িত নজিরবংশীয় ইহুদি সম্প্রদায় কোরেশ ও কারারা ও গত্ফান জাতিকে এবং মদিনার নিকটবর্তী করিজাবংশীয় লোকদিগকে দলবদ্ধ করিয়া হজরতকে যাইয়া আক্রমণ করে ; তাহারা বার সহস্র ছিল, হজরতের অনুচর মোসলমান তিন সহস্রমাত্র ছিল । মদিনানগরের বহির্ভাগে শিবির স্থাপিত হইয়াছিল । শিবিরের প্রান্তভাগে পরিখা খাত হয় । বিপক্ষদল সম্মুখীন হইলে দূর হইতে তাহাদের সঙ্গে হজরতের সেনাদিগের যুদ্ধ হইতে থাকে । প্রায় একমাস পর্য্যন্ত সংগ্রাম হয় । তন্মধ্যে একদিন রাত্রিতে পরমেশ্বর কাফের সৈন্যদলের উপর প্রবল বায়ু প্রেরণ করেন । বাত্যা বলে তাহাদের পটমণ্ডপ সকল ছিন্ন ভিন্ন হইয়া যায়, অশ্বযুধ বন্ধনমুক্ত হইয়া পলায়ন করে, সৈন্য সকল যারপর নাই দুর্দশাপন্ন দুর্বল হইয়া পড়ে, অগত্যা পলায়ন করিয়া যায় । এই সংগ্রামকে খন্দকের ( পরিধার ) সংগ্রাম বলে । ( ত, ফা, )

কল্পনায় কল্পনা করিতেছিলে \* । ১০ । সেই স্থানে বিশ্বাসিগণ পরীক্ষিত হইয়াছিল ও কঠিন সঞ্চালনে সঞ্চালিত হইয়াছিল । ১১ । এবং ( স্মরণ কর, ) যখন কপট লোকেরা ও যাহাদের অন্তরে রোগ আছে, তাহারা বলিতেছিল যে, ঈশ্বর ও তাহার প্রেরিতপুরুষ আমাদের নিকটে প্রবঞ্চনা করা ভিন্ন কোন অঙ্গীকার করেন নাই । ১২ । এবং ( স্মরণ কর, ) যখন তাহাদের একদল বলিল, “হে মদিনাবাসিগণ, তোমাদের জ্ঞান স্থান নাই, অতএব তোমরা ফিরিয়া যাও ;” এবং তাহাদের একদল সংবাদবাহকের নিকটে অনুমতি চাহিল, বলিতে লাগিল, “নিশ্চয় আমাদের গৃহ শূণ্য আছে ;” বস্তুতঃ তাহা শূণ্য ছিল না, তাহারা পলায়ন করা ভিন্ন ইচ্ছা করিতেছিল না † । ১৩ । এবং যদি ( কাফের সৈন্য ) তাহার ( মদিনার ) প্রাস্ত হইতে তাহাদের ( কপটদিগের ) প্রতি ( মদিনায় ) প্রবেশ করে, তৎপর বিপ্লবপ্রাণী হয়, তবে অবশ্য তাহারা তাহা দিবে, এবং তৎসম্বন্ধে অল্প লোকে ভিন্ন বিলম্ব করিবে না ‡ । ১৪ । এবং সত্য সত্যই তাহারা ইতিপূর্বে ঈশ্বরসম্বন্ধীয় অঙ্গীকারে বদ্ধ হইয়াছে যে, পিঠ ফিরাইবে না ; এবং ঈশ্বর কর্তৃক অঙ্গীকার জিজ্ঞাসিত হয় । ১৫ । তুমি বল, ( হে মোহম্মদ, ) যদি তোমরা হত্যা ও মৃত্যু হইতে পলায়ন কর, সেই পলায়ন তোমাদিগকে লাভবান করিবে না ; এবং তখন অল্প ভিন্ন তোমাদিগকে ফলভোগী করা হইবে না । ১৬ । তুমি বল, সে কে যে, তোমাদিগকে ঈশ্বর হইতে রক্ষা করিবে, যদি তিনি তোমাদের সম্বন্ধে অকল্যাণ ইচ্ছা করেন, অথবা তোমাদের সম্বন্ধে রূপা করিতে চাহেন ? ঈশ্বর ব্যতীত তাহারা নিজের জ্ঞান সহায় ও

\* উপর ও নিম্ন হইতে সৈন্য উপস্থিত হওয়ার অর্থাৎ, মদিনার পূর্বদিক্ যে উচ্চভূমি, পশ্চিম দিক্ যে নিম্নভূমি, এই দুই দিক্ হইতে সৈন্য আগমন করা । ভয়েতে মোসলমান সেনাদিগের চক্ষু বাকিয়া গিয়াছিল ও প্রাণ কণ্ঠাগত হইয়াছিল, এবং অল্পবিশ্বাসীরা ঈশ্বরের সম্বন্ধে নানা অবিশ্বাসের কথা বলিতেছিল । ( ত, ফা, )

† করতার পুত্র ওস্ ও আবু আরবা প্রভৃতি কপট লোকেরা মদিনাবাসীদিগকে বলিয়াছিল যে, তোমাদের জ্ঞান মোহম্মদের শিবিরে থাকিবার স্থান নাই, অথবা এই স্থানে তোমাদের বিলম্ব করা সঙ্গত নয়, অতএব মদিনাস্থিত আপন আপন গৃহে চলিয়া যাও ; কিংবা ইসলাম ধর্ম্মে স্থিতি করা তোমাদের পক্ষে উচিত নয়, মোহম্মদকে শত্রুহস্তে সমর্পণ করিয়া তোমরা স্বীয় পৈতৃক ধর্ম্মের আশ্রয় পুনর্গ্রহণ কর । হজরতের নিকটে হারসা ও সলমার সম্মানগণ বলিয়াছিল যে, আমাদের গৃহ শূণ্য পড়িয়া রহিয়াছে, তাহা রক্ষা করে এমন লোক নাই, অনুমতি করুন, আমরা চলিয়া যাই ও শত্রুর আক্রমণ-হইতে গৃহকে রক্ষা করি । বস্তুতঃ গৃহ শূণ্য বা অদৃঢ় ছিল না, বরং সম্পূর্ণ সুরক্ষিত ছিল, তাহারা যুদ্ধস্থল হইতে পলায়ন করিবার ইচ্ছায় এরূপ বলিয়াছিল । ( ত, হো, )

‡ অর্থাৎ যদি কাফের সৈন্যদল একযোগে মদিনায় প্রবেশ করিয়া কপট লোকদিগকে আক্রমণ-পূর্বক বিপ্লব প্রার্থনা করে, যথা, তাহাদিগকে পৌত্তলিক ধর্ম্মগ্রহণ ও মোসলমানদিগের সঙ্গে সংগ্রাম করিতে অনুরোধ করে, তবে তাহারা তাহাদের কথা গ্রাহ্য করিবে । ( ত, হো, )

বন্ধু পাইবে না \*। ১৭। নিশ্চয় পরমেশ্বর তোমাদিগের নিবৃত্তকারীদিগকে ও “আমাদের নিকটে এস” ( বলিয়া ) আপন “ভাই” সম্বোধনকারীদিগকে জ্ঞাত আছেন; এবং তাহারা অল্প ভিন্ন যুদ্ধে উপস্থিত হয় না †। ১৮।+ তাহারা তোমাদের সম্বন্ধে ( সাহায্যদানে ) রূপণ; অনন্তর যখন ভয় উপস্থিত হইবে, তখন তুমি তাহাদিগকে দেখিবে যে, তাহারা তোমার প্রতি দৃষ্টি করিতেছে, যাহার উপর মৃত্যুর মুচ্ছা সঞ্চারিত হইয়াছে, তাহার শ্রায় তাহাদের চক্ষু ঘুরিতেছে; পরে যখন ভয় চলিয়া যাইবে, তখন তাহারা কল্যাণসম্বন্ধে রূপণ হওত তীক্ষ্ণ রমনায় তোমাদিগকে কটুক্তি করিবে। এই সকল লোক বিশ্বাস করে না, অনন্তর ঈশ্বর তাহাদের (দুঃখ) কষ্ট সকল বিলুপ্ত করিয়াছেন, এবং ইহা ঈশ্বরের সম্বন্ধে সহজ হয়। ১৯। তাহারা মনে করে যে, ( কাফের ) সৈন্যদল চলিয়া যায় নাই, এবং যদি সেই সৈন্যদল উপস্থিত হয়, তখন তাহারা ( এই ) অমুরাগ প্রকাশ করে যে, যদি তাহারা প্রান্তরে বাস করিত ও তোমাদের সংবাদ জিজ্ঞাসা করিত, তবে ( ভাল ছিল; ) এবং যদি তোমাদের মন্থো থাকে, তবে তাহারা অল্প ভিন্ন সংগ্রাম করে না ‡। ২০। ( র, ২, আ, ১২ )

সত্য সত্যই তোমাদের জন্ত ঈশ্বরের প্রেরিতপুরুষের অনুসরণই কল্যাণ হয়; যাহারা ঈশ্বরকে ও অন্তিম দিবসকে আশা করে, এবং প্রচুররূপে ঈশ্বরকে স্মরণ করিয়াছে,

\* অর্থাৎ যদি ঈশ্বর তোমাদের অকলাণ ও পরাজয় ইচ্ছা করেন, অথবা তোমাদিগকে সম্পদ ও বিজয়-দানে উদ্বৃত্ত হন, তবে কে তাহা নিবারণ করিতে পারে? ( ত, হো, )

+ এক বাক্তি হজরতের শিবির হইতে মদিনায় চলিয়া গিয়া আপন সহোদর ভ্রাতাকে দেখিয়াছিল যে, সে নানা প্রকার আমোদ প্রমোদ করিতেছে। ইহা দেখিয়া সে তাহাকে বলে, “ভ্রাতঃ, তুমি এখানে আমোদ আশ্লাদ করিতেছ, এ দিকে প্রেরিত মহাপুরুষ রণক্ষেত্রে করবাল সহ ক্রীড়া করিতেছেন।” এই কথা শুনিয়া সে উত্তর করিল, “তুমিও এখানে আসিয়া বসিয়া থাক, তোমাকে ও তোমার বন্ধুদিগকে বিপদে ঘেরিয়াছে, মোহম্মদ কখনই এই বিপদের তরঙ্গ হইতে উদ্ধার পাইবে না।” ভ্রাতার এই কথা শুনিয়া সে হজরতের নিকটে চলিয়া যায়, এই বৃত্তান্ত তাহাকে নিবেদন করে। তখনই জেব্রিলযোগে তিনি এই আয়ত প্রাপ্ত হন; আবুহুফিয়ান কিংবা ইহুদিগণ কপট লোকদিগকে বলিতেছিল যে, তোমরা আপনাদিগকে মৃত্যুমুখে নিক্ষেপ করিও না, মোহম্মদের সঙ্গ পরিত্যাগ কর। তাহারা এই কথায় যুদ্ধক্ষেত্রে হইতে চলিয়া যায়। তাহাতেই “তাহারা অল্প ভিন্ন যুদ্ধে উপস্থিত হয় না” এই উক্তি হয়। ( ত, হো, )

‡ অর্থাৎ কপটলোকদিগের ভয় ও কাপুরুষতা এতদূর ছিল যে, বিদ্রোহী সৈন্যগণ পলায়ন করিয়া গেলেও, তখন পর্য্যন্ত তাহারা মনে করে যে, সেই সেনাদল মদিনা নগর ঘেরিয়া যুদ্ধ প্রতীক্ষা করিতেছে। পুনর্বার বা উপস্থিত হইয়া যুদ্ধ করে, এই ভয়ে তাহারা ইচ্ছা করিত যে, আমরা নগর ছাড়িয়া যদি প্রান্তরে থাকিতাম, ভাল ছিল; পথিক লোকদিগকে যুদ্ধের সংবাদ জিজ্ঞাসা করিয়া অবগত হইতাম। ( ত, হো, )

তাহাদের পক্ষে ( ইহা কল্যাণ হয় ) \* ১২১। এবং যখন বিশ্বাসিগণ ( কাফের ) সৈন্য দলকে দেখিল, তখন বলিল, “যাহা পরমেশ্বর ও তাঁহার প্রেরিতপুরুষ অঙ্গীকার করিয়াছিলেন, ইহাই তাহা, এবং পরমেশ্বর ও তাঁহার প্রেরিতপুরুষ সত্য বলিয়াছেন ;” এবং ( ইহা ) তাহাদের বিশ্বাস ও আনুগত্য বৈ বৃদ্ধি করে নাই † ১২২। বিশ্বাসীদিগের মধ্যে কতক লোক ঈশ্বরের সঙ্গে যে বিষয়ে অঙ্গীকার করিয়াছিল, তাহা প্রমাণিত করিল; পুনশ্চ তাহাদের কেহ আপন সঙ্কল্পকে পূর্ণ করিল ও তাহাদের কেহ প্রতীক্ষা করিতে লাগিল এবং কোন পরিবর্তনে পরিবর্তন করিল না ‡ ১২৩।+ তাহাতেই ঈশ্বর সত্যাবলম্বীদিগকে তাহাদের সত্যের অনুবোধে পুরস্কার বিধান করেন, এবং যদি তিনি ইচ্ছা করেন, কপটলোকদিগকে শাস্তি দেন, অথবা তাহাদের প্রতি ( অনুগ্রহপূর্বক ) ফিরিয়া আইসেন ; নিশ্চয় ঈশ্বর ক্ষমাশীল ও দয়ালু । ১২৪। এবং ধর্মদেয়ীদিগকে পরমেশ্বর তাহাদের ক্রোধ সহকারে ফিরাইয়া দিলেন, তাহারা কোন কল্যাণ প্রাপ্ত হইল না, পরমেশ্বর বিশ্বাসীদিগের পক্ষে যুদ্ধে লাভ দেখাইলেন ; এবং ঈশ্বর শক্তিশালী পরাক্রান্ত হন § ।

\* অর্থাৎ হজরত মোহম্মদ সংগ্রামে অটল, ক্রেশ বিপদে অতান্ত সহিষ্ণু অথবা তাঁহার চরিত্রে আরও অনেক সদগুণ আছে, তোমরাও তদ্রূপ হও । ( ত, হো, )

† হজরত মোহম্মদ শীয় ধর্মবন্ধুদিগকে কাফের সৈন্যদলের আক্রমণের তত্ত্ব জ্ঞাপন করিয়া বলিয়াছিলেন যে, তাহারা দলবদ্ধ হইয়া উপস্থিত হইলে তোমাদের গোরতর সঙ্কট হইবে ; কিন্তু পরিণামে তাহাদের উপর তোমাদিগের জয়লাভ নিশ্চিত । তখন কাফের সৈন্যদলকে দেখিয়া বিশ্বাসী লোকেরা বলেন যে, ঈশ্বর ও তাঁহার প্রেরিতপুরুষ যথার্থ বলিয়াছেন, আমরা বাধ্য অনুগত থাকিব । ( ত, হো, )

‡ কথিত আছে যে, হজরতের ধর্মবন্ধুদিগের এক দল, যথা হম্জা, মসাব, ওসমান, তল্হা এবং ওন্স প্রভৃতি সঙ্কল্প করিয়াছিলেন যে, যুদ্ধক্ষেত্রে হজরতের সঙ্গে থাকিয়া দৃঢ়তার সহিত যুদ্ধ করিবেন, বিশ্রাম করিবেন না, বরং প্রাণ দিবেন । পরমেশ্বর তাহাতেই বলেন, তাহারা আপনাদের কথা প্রমাণিত করিল । কেহ কেহ আপনাদের সঙ্কল্প পূর্ণ করিলেন, যথা হম্জা ও মসাব যুদ্ধ করিয়া প্রাণ দিলেন ; কেহ কেহ, যথা, ওসমান ও তল্হা যুদ্ধস্থলে অপ্রতিহতভাবে দাঁড়াইয়া প্রতীক্ষা করিলেন, শীয় অঙ্গীকারকে অশ্রুণা হইতে, কথার বাতিক্রম হইতে দিলেন না । ( ত, হো, )

§ কাফের সৈন্যদল বিংশতি ও সপ্তবিংশতি দিবস মদিনার বহিভাগে স্থিতি করিয়াছিল । দিবাভাগে তাহারা পরিখার পাশ্বে আসিত, তখন উভয় দল পরস্পর বাণ ও প্রস্তর বর্ষণ করিত । রাত্ৰিকালে কাফেরগণ হঠাৎ আক্রমণের চেষ্টা পাইত, হজরত কতিপয় অনুচর সঙ্গে করিয়া তাহা নিবারণে নিযুক্ত থাকিতেন । একদিন অবিদের পুত্র ওমর, যে একজন বিখ্যাত বীরপুরুষ ছিল, শত্রুসৈন্যদলের অপর চারি জন বীর পুরুষকে সঙ্গে করিয়া পরিখা উল্লঙ্ঘনপূর্বক এসলাম সৈন্যদিগের সম্মুখে যুদ্ধ করিতে উপস্থিত হয়, তখন ওমর আলির হস্তে প্রাণত্যাগ করে, তাহার সহচর নওফলনামক বীরপুরুষও নিহত হয় । ইহাতে কাফেরগণ হতাশ হইয়া পড়ে । হজরত তিন দিন কমাগত মস্জিদে বিজয়লাভের প্রার্থনা করিতে থাকেন, তৃতীয় দিবস বিজয়ের লক্ষণ প্রকাশ পায় । পরমেশ্বর হজরতের আনুকূল্যবিধানে বায়ুকে নিযুক্ত করেন, বায়ু রাত্ৰিকালে বিদ্রোহী সৈন্যদলকে ছিন্নভিন্ন করিয়া ফেলে, অগ্নি নির্বাণ করিতে থাকে, দেবতারা অবতীর্ণ হইয়া তাহাদের পটমণ্ডলের র সঙ্কল্প



২৫। এবং গ্রন্থাধিকারীদিগের যাহারা তাহাদিগকে সাহায্য দান করিয়াছিল, তিনি তাহাদিগকে তাহাদের দুর্গসকল হইতে নামাইলেন ও তাহাদের অন্তরে ভয় নিক্ষেপ করিলেন; তোমরা তাহাদের এক দলকে হত্যা, এক দলকে বন্দী করিতেছিলে \*। ২৬। এবং তিনি তোমাদিগকে তাহাদের ভূমি ও তাহাদের আশ্রয় ও তাহাদের সম্পত্তি সকলের উত্তরাধিকারী করিলেন, ( পরিশেষে ) সেই ভূমি দিলেন, যথায় তোমরা পদার্পণ কর নাই; এবং ঈশ্বর সর্বোপরি ক্ষমতামালী হন †। ২৭। ( র, ৩, আ, ৭ )

হে সংবাদবাহক, তুমি স্বীয় ভার্য্যাদিগকে বল, যদি তোমরা পার্থিব জীবন ও তাহার শোভা অভিলাষ করিয়া থাক, তবে এস, তোমাদিগকে ( তাহার ) ফলভোগ করাইব, এবং তোমাদিগকে উত্তম বিদায়ে বিদায় দান করিব ‡। ২৮। এবং যদি তোমরা ঈশ্বরকে ও তাঁহার প্রেরিতপুরুষকে এবং পারলৌকিক আশ্রয়কে কামনা কর, তবে নিশ্চয় ঈশ্বর তোমাদের মধ্যে সাক্ষী নারীদিগের জন্ত মহা পুরস্কার সঞ্চিত রাখিয়াছেন। ২৯। হে সংবাদবাহকের পত্নীগণ, তোমাদের মধ্যে যে কেহ স্পষ্ট চুক্তিয়ায় প্রবৃত্ত হইবে, তাহার জন্ত দ্বিগুণ শাস্তি দ্বিগুণ করা হইবে, এবং ইহা ঈশ্বরের নিকটে সহজ হয়। ৩০। এবং তোমাদের মধ্যে যে কেহ ঈশ্বরের ও তাঁহার প্রেরিতপুরুষের আজ্ঞা-বাহিকা হইবে ও সংকল্প করিবে, তাহাকে আমি দুইবার তাহার পুরস্কার দান করিব, এবং তাহার জন্ত আমি উৎকৃষ্ট জীবিকা সঞ্চয় রাখিয়াছি। ৩১। হে সংবাদবাহকের ছেদন করেন, স্তম্ভ সকল উৎপাটন করিয়া ফেলেন। তখন তাহারা অনশ্চোপায় হইয়া পলায়ন করিয়া যায়, হজরতের পক্ষে জয়লাভ হয়। ( ত, হো, )

\* কাফেরগণ পলায়ন করিলে পর করিজাবংশীয় লোকদিগের বিরুদ্ধে যুদ্ধযাত্রা করিতে আদেশ হয়। যেহেতু তাহারা অঙ্গীকার ভঙ্গ করিয়া উক্ত বিদ্রোহী সৈন্যদলের সাহায্য করিয়াছিল। এম্বলাম সৈন্য পনের দিবস পয্যন্ত তাহাদিগকে আবেষ্টন করিয়া একান্ত সঙ্কটাপন্ন করিয়াছিল। মাজের পুত্র সাদ মোসলমানদিগের পক্ষে সেনাপতি ছিলেন, তিনি করিজাবংশীয় পুরুষদিগকে বধ করিলেন, বালক বালিকা ও স্ত্রীলোকদিগকে দানদাসী করিয়া লইলেন, তাহাদের ধনসম্পত্তি মোসলমানদিগকে ভাগ করিয়া দিলেন। পরে হজরত মোহম্মদ সাদকে বলিলেন, তুমি যেরূপ আজ্ঞা করিয়াছ, ঈশ্বরও স্বর্গ হইতে সেই প্রকার আজ্ঞা প্রচার করিয়াছেন। এই আয়তে তাহারই উল্লেখ হইল। ( ত, হো, )

† “সেই ভূমি দিলেন, যথায় তোমরা পদার্পণ কর নাই” অর্থাৎ রোম ও পারস্য রাজা পরে ঈশ্বর তোমাদিগকে প্রদান করিলেন। ( ত, হো, )

‡ মদিনাপ্রস্থানের নবম বৎসরে হজরত স্বীয় পত্নীগণ হইতে বিচ্ছিন্ন হইয়াছিলেন ও শপথ করিয়াছিলেন যে, এক মাস কাল তাহাদের সঙ্গ করিবেন না, কারণ এই যে, তাহারা তাহার সাধ্যা-তীত বস্তাদি প্রার্থনা করিতেছিলেন। এয়মনের বিচিত্র বসন ও মেসরের পটবস্ত্র, এবং এইরূপ অশ্লীল সামগ্রীর প্রতি তাহাদের লোভ হইয়াছিল। এই সকল হজরতের হস্তায়ত্ত ছিল না। তিনি তাহাদের কর্তৃক উত্যক্ত হইয়া তাহাদের সঙ্গ পরিত্যাগ করেন, এবং এক মস্জিদে যাইয়া বসিয়া থাকেন, উনত্রিশ দিবসের পর তিনি এই আয়ত প্রাপ্ত হন। ( ত, হো, )

সহধর্মীগণ, যেমন অল্প প্রত্যেক নারী, তোমরা সেরূপ নও ; যদি তোমরা সাধুতা রক্ষা কর, তবে কথায় নম্র হইও না ; তাহা হইলে যাহার অন্তরে রোগ আছে, সে (তোমাদের প্রতি) লোভ করিবে, এবং তোমরা বৈধ বাক্য বলিও । ৩২ । এবং তোমরা আপন আপন গৃহ সকলে স্থিতি করিতে থাক ও পূর্বতন মূর্খতার বেষবিভ্রাসের ( গায় ) বেষ-বিভ্রাস করিও না, এবং উপাসনাকে প্রতিষ্ঠিত রাখ, ও জকাত দান কর, এবং ঈশ্বরের ও তাঁহার প্রেরিতপুরুষের আনুগত্য কর ; হে নিকেতননিবাসিগণ, তাহা হইলে ঈশ্বর তোমাদিগ হইতে অশুদ্ধতা দূর করিতে চাহেন, এতদ্ভিন্ন নহে, এবং তিনি শুদ্ধতায় তোমাদিগকে শুদ্ধ করিবেন \* । ৩৩ । এবং তোমাদের নিকেতনসম্বন্ধে বিশুদ্ধ জ্ঞান ও ঈশ্বরের নিদর্শন সকল যাহা কিছু পড়া হয়, তাহা তোমরা স্মরণ করিতে থাক ; নিশ্চয় ঈশ্বর কোমল ও জ্ঞানবান্ হন । ৩৪ । ( র, ৪, আ, ৭ )

নিশ্চয় মোসলমান পুরুষগণ ও মোসলমান নারীগণ এবং বিশ্বাসী পুরুষগণ ও বিশ্বাসিনী নারীগণ এবং অহুগত পুরুষগণ ও অহুগতা নারীগণ এবং সত্যবাদিগণ ও সত্যবাদিনীগণ এবং ধৈর্যশীলগণ ও ধৈর্যশীলাগণ এবং বিনম্র পুরুষগণ ও বিনম্রা নারীগণ এবং ধর্মার্থ দাতা ও দাত্রীগণ এবং উপবাসব্রতধারী ও উপবাসব্রতধারিণীগণ এবং স্বীয় ইচ্ছায়-সংঘমনকারী ও সংঘমনকারিণীগণ এবং ঈশ্বরকে প্রচুরস্মরণকারী ও স্মরণকারিণীগণ তাহাদের জন্ত ঈশ্বর ক্ষমা ও মহা পুরস্কার সঞ্চিত রাখিয়াছেন । ৩৫ । এবং যখন পরমেশ্বর ও তাঁহার প্রেরিতপুরুষ কোন কার্যের আদেশ করেন, তখন কোন বিশ্বাসী পুরুষ

\* “পূর্বতন মূর্খতা” এব্রাহিমের সময়ের মূর্খতা ; সেই সময়ে স্ত্রীলোকেরা মণিমুক্তাখচিত বস্ত্র পরিধান করিয়া পুরুষদিগের নিকটে যাইয়া হাব ভাব প্রকাশ করিত । পরবর্ত্তিমূর্খতা মহাপুরুষ ঈসা পর হইতে হজরত মোহম্মদের অভ্যুদয় পর্য্যন্ত । আরশা, ওম্মসলমা এবং আবু সয়িদ, খজরি ও মালেকের পুত্র ওন্স বলিয়াছেন যে, ফাতেমা ও আলি এবং হাসন ও হোসেন এই চারি জন নিকেতনবাসীর মধ্যে গণ্য ; অনেকের মত এই যে, হজরতের সহধর্মীগণমাত্রই নিকেতনবাসীর মধ্যে পরিগণিত । ওম্মসলমা বলিয়াছেন যে, একদিন আমার আলয়ে এক কন্মলের উপর হজরত উপবিষ্ট আছেন, ইতিমধ্যে ফাতেমা উপস্থিত হন, তিনি হজরতের জন্ত ব্যঞ্জনাদি আনিয়াছিলেন । হজরত বলিলেন, “ফাতেমা, আলি ও তোমার সন্তানকে ডাকিয়া আন, এই পাত্রে একত্র ভোজন করা যাইবে ।” ভোজন হইলে পর কন্মলের এক অংশ দ্বারা তিনি তাহাদিগকে আচ্ছাদন করিয়া বলিলেন, “হে ঈশ্বর, ইহারা আমার নিকেতনবাসী, ইহাদিগকে কলঙ্কশূণ্য কর, পবিত্র রাখ ।” তখন এই আয়ত অবতীর্ণ হইল । ওম্মসলমা বলিতেছেন, সেই সময়ে আমিও স্বীয় মস্তক কন্মলের নিম্নে স্থাপন করিলাম, এবং বলিলাম, “হে প্রেরিতপুরুষ, আমি কি তোমার নিকেতনবাসিনী নহি ?” তাহাতে তিনি বলেন, “নিশ্চয় তুমি এ কল্যাণাশ্রিতা ।” এতদনুসারে নিকেতনবাসী পাঁচ জন হয় । যখনই হজরত ফাতেমার গৃহদ্বারে উপস্থিত হইতেন, তখনই এই আয়তাংশ বলিতেন, “হে নিকেতনবাসিগণ, তাহা হইলে ঈশ্বর তোমাদিগের অশুদ্ধতা দূর করিতে চাহেন, এতদ্ভিন্ন নহে ; এবং তিনি শুদ্ধতায় তোমাদিগকে শুদ্ধ করিবেন ।”

( ভ, হো, )

বিশ্বাসিনী নারীর পক্ষে উচিত নয় যে, তাহাদের জন্ত আপন কার্যের ক্ষমতা থাকে ; এবং যে ব্যক্তি ঈশ্বরকে ও তাঁহার প্রেরিতপুরুষকে অগ্রাহ্য করে, পরে সে নিশ্চয় স্পষ্ট বিভ্রান্তিতে বিভ্রান্ত হয় \* । ৩৬ । এবং ( স্মরণ কর, ) যাহার প্রতি ঈশ্বর সম্পদ বিধান করিয়াছেন ও যাহার প্রতি তুমি সম্পদ বিধান করিয়াছ, তাহাকে যখন তুমি বলিলে যে, “আপন স্ত্রীকে তুমি আপনার নিকটে রক্ষা কর ও ঈশ্বর হইতে ভীত হও ;” এবং ঈশ্বর যাহার প্রকাশক, তুমি তাহাকে স্বীয় অন্তরে লুকাইয়া রাখিতেছিলে ও লোকদিগকে ভয় করিতেছিলে ; ঈশ্বরই সর্বাপেক্ষা উপযুক্ত যে, তুমি তাঁহাকে ভয় করিবে । অনন্তর যখন জয়দ তাহা হইতে ( জয়নব হইতে ) প্রয়োজন সিদ্ধ করিল, তখন আমি তাহাকে তোমার ভাষা করিয়া দিলাম ; তাহাতে বিশ্বাসীদিগের সম্মুখে আপন ( পুত্র ) সম্বোধন-প্রাপ্ত ব্যক্তিদিগের ভাষ্যাগণের বিবাহের সম্মুখে, যখন তাহারা তাহাদিগ হইতে প্রয়োজন সিদ্ধ করে, তখন অন্টার হইবে না, এবং ঈশ্বরের আজ্ঞাই সম্পাদিত হয় † ।

\* হজরত মোহাম্মদ হজ্বশের কন্যা জয়নবকে হারেসের পুত্র জয়দের সঙ্গে বিবাহদানের অভিলাষ প্রকাশ করিয়াছিলেন । তিনি বিবাহের প্রস্তাব উপস্থিত করিলে, জয়নব, হজরত তাঁহার পাণিগ্রহণ করিতে চাহেন মনে করিয়া, সম্মত হইয়াছিলেন । পরে যখন জানিতে পাইলেন, জয়দের জন্ত প্রস্তাব উপস্থিত, তখন অসম্মত হইলেন । তিনি পরমাম্মরী ও হজরতের পিতৃষন্যকণা ছিলেন । বলিলেন, “আমি কেন একজন সামান্য লোকের পত্নী হইব ?” তাঁহার ভ্রাতা আবদোল্লাও এই প্রস্তাব অনুমোদন করেন না । এতদুপলক্ষে পরমেশ্বর এই আয়ত প্রেরণ করেন । এই আয়ত প্রচার হইলে জয়নব ও তাঁহার ভ্রাতা সম্মতি দান করেন, এবং উদ্বাহক্রিয়া সম্পন্ন হয় । প্রভু পরমেশ্বর হজরতকে জ্ঞাপন করেন যে, জয়নব তোমার পত্নী হইবে, একপূর্ণ বিবাহ হইয়া গিয়াছে । অনন্তর জয়দ ও জয়নবের মধ্যে বিষম অনৈক্য উপস্থিত হয়, জয়দ অনেকবার জয়নবকে বর্জন করিতে উদ্যত হইয়াছিলেন, হজরত তাহা হইতে তাঁহাকে নিবৃত্ত রাখেন । ( ত, হো, )

† পরিশেষে জয়দ জয়নবকে বর্জন করেন । বিহিত সময় অতীত হইলে, হজরতের পক্ষ হইতে লোক যাইয়া জয়নবের নিকটে বিবাহের প্রস্তাব করে । জয়নব হজরতের পত্নী হইবে ভাবিয়া মহা আশ্লাদে ঈশ্বরকে ধন্যবাদ দেন, এবং দুইবার নমাজ পড়িয়া বলেন, “পরমেশ্বর, তোমার প্রেরিতপুরুষ আমাকে পত্নীত্বে বরণ করিতে চাহিয়াছেন, যদি তাঁহার উপযুক্ত হই, তবে আমাকে সম্প্রদান কর ।” তৎক্ষণাৎ তাঁহার প্রার্থনা পূর্ণ হইল । হজরত জয়দকে পুত্র বলিয়া সম্বোধন করিয়াছিলেন, প্রথমতঃ লোকভয়ে তিনি জয়দের পরিত্যক্তা পত্নীকে বিবাহ করিতে সঙ্কুচিত ছিলেন । তাহাতেই ঈশ্বর বলেন যে, “ঈশ্বর যাহার ( যে অভিপ্রায়ের ) প্রকাশক, তুমি তাহাকে স্বীয় অন্তরে লুকাইয়া রাখিতেছিলে ও লোকদিগকে ভয় করিতেছিলে ; ঈশ্বরই সর্বাপেক্ষা উপযুক্ত যে, তুমি তাঁহাকে ভয় করিবে” ইত্যাদি । এই উক্তির পর তিনি জয়নবকে বিবাহ করিতে উদ্যোগী হন । “তাহাদিগ হইতে প্রয়োজন সিদ্ধ করে” ইহার অর্থ, তাহাদিকে অর্থাৎ পত্নীগণকে পরিত্যাগ করে । ( ত, হো, )

জয়নব মহাকুলোদ্ভবা হজরতের পিতৃষন্যকণা ছিলেন । হজরত ইচ্ছা করিয়াছিলেন যে, হারেসের পুত্র জয়দের সঙ্গে তাঁহার বিবাহ হয় । জয়দ আরব্য লোক ছিলেন, বাল্যকালে তাঁহাকে আরবের কোন প্রদেশ হইতে এক চরকৃত্ত হরণ করিয়া মকানগরে লইয়া যায় । হজরত মূল্যদানে তাঁহাকে

৩৭। তত্ত্ববাহকের সম্বন্ধে, ঈশ্বর তাহার জ্ঞান যাহা বিধি করিয়াছেন, তদ্বিষয়ে কোন অন্তায় নয়; (বরং) পূর্বে যাহারা চলিয়া গিয়াছে, সেই (প্রেরিতপুরুষদিগের) প্রতি ঈশ্বরের বিধি (এইরূপ হইয়াছে,) এবং ঈশ্বরের কার্য পরিমাণে নির্দ্ধারিত হয়। ৩৮। + যাহারা ঈশ্বরের সংবাদ সকল প্রচার করে, এবং তাঁহাকে ভয় করিয়া থাকে ও ঈশ্বরকে ভিন্ন কোন ব্যক্তিকে ভয় করে না, (তাহাদের সম্বন্ধে ঈশ্বরের কার্য পরিমাণে নিরূপিত হয়; ) ঈশ্বরই যথেষ্ট হিসাবকারী। ৩৯। মোহম্মদ তোমাদের পুরুষদিগের কাহারও পিতা নহে, কিন্তু সে ঈশ্বরের প্রেরিত ও সংবাদবাহকদিগের শেষ, এবং ঈশ্বর সর্ব বিষয়ে জ্ঞানী হন। ৪০। (র, ৫, আ, ৬)

হে বিশ্বাসিগণ, তোমরা প্রচুর স্মরণে ঈশ্বরকে স্মরণ কর \*। ৪১। + এবং প্রাতঃ-সন্ধ্যা তাঁহাকে স্তুতি করিতে থাক। ৪২। তিনিই যিনি তোমাদিগের প্রতি আশীর্বাদ করেন ও তাঁহার দেবগণ করিয়া থাকে, যেন তোমাদিগকে অন্ধকার হইতে জ্যোতির দিকে আনয়ন করেন; এবং তিনি বিশ্বাসিগণের প্রতি দয়ালু হন †। ৪৩। যে দিবস তাহারা তাহার সঙ্গে সাক্ষাৎ করিবে, সেই দিবস (তাঁহা হইতে) তাহাদের প্রতি শুভাশীর্বাদ সেলাম (শান্তি) হইবে; ‡ এবং তাহাদের জ্ঞান তিনি উত্তম পুরস্কার সঞ্চিত করিয়াছেন। ৪৪। হে সংবাদবাহক, নিশ্চয় আমি তোমাকে সাক্ষ্যদাতা ও সুসংবাদপ্রচারক ও ভয়প্রদর্শক এবং ঈশ্বরের দিকে তাঁহার আদেশক্রমে আহ্বানকারী ও উজ্জ্বল দীপস্বরূপ প্রবেশ করিয়াছি §। ৪৫ + ৪৬। এবং তুমি বিশ্বাসীদিগকে এই সুসংবাদ দান কর যে, ক্রয় করেন। যখন তাঁহার দশবৎসর বয়ঃক্রম, তখন তদীয় পিতা ও ভ্রাতা আসিয়া তাঁহাকে গৃহে লইয়া যাইতে চাহে। হজরতও সম্মতি দান করেন, কিন্তু তিনি পিতার সঙ্গে গৃহে যাইতে অসম্মত হন। ইসলামধর্মগ্রন্থের পূর্বে জয়দকে হজরত স্নেহপ্রকাশে পুত্র বলিয়া ডাকিতেন। জয়দও জয়নব এবং বিবাহ উপলক্ষ্য করিয়া এই কয়েক আয়ত অবতীর্ণ হইয়াছে। (ত, ফা,)

\* অন্তরে সর্বদা ঈশ্বরকে স্মরণ করাই প্রচুর ঈশ্বরস্মরণ করা। কেহ কেহ বলেন, প্রচুররূপে ঈশ্বর-স্মরণ অর্থে ঈশ্বরকে শ্রীতি করা বুঝায়। যে ব্যক্তি যে বস্তুকে প্রেম করে, সে তাহাকে পুনঃ পুনঃ স্মরণ করিয়া থাকে। বহু স্মরণই প্রেমের লক্ষণ, প্রেম ইচ্ছা করে না যে, জিহ্বা প্রেমাস্পদের প্রসঙ্গ হইতে ও মন তাঁহার মনন হইতে নিবৃত্ত থাকে। (ত, হো)

+ অন্ধকার হইতে জ্যোতির দিকে লইয়া যাওয়ার অর্থ, পাপরূপ অন্ধকার হইতে ঈশ্বরানুগত-রূপ জ্যোতিতে, বা সংশয় হইতে বিশ্বাসে লইয়া যাওয়া। বহরোল্হকায়েকে উক্ত হইয়াছে যে, শারীরিক ভাবরূপ অন্ধকার হইতে আধ্যাত্মিক জ্যোতিতে লইয়া যাওয়া, এই উক্তির তাৎপর্য। (ত, হো,)

‡ “যে দিবস তাহারা তাহার সঙ্গে সাক্ষাৎ করিবে” এস্থলে তাহার সঙ্গে সাক্ষাৎ মৃত্যুর অধিপতি অজ্ রায়িলের সঙ্গে সাক্ষাৎ করা বুঝাইবে। (ত, হো,)

§ হজরতকে উজ্জ্বলদীপস্বরূপ এজ্ঞা বলা হইয়াছে যে, দীপ অন্ধকার নিবারণ করে, হজরতের বিদ্যমানতার জ্যোতিও ধর্মদ্রোহিতারূপ অন্ধকার বিনষ্ট করিয়াছে। পরন্তু গৃহে যাহা হারাইয়া যায়, দীপের আলোকে তাহার অনুসন্ধান পাওয়া যায়। সে সকল সত্য লোকের নিকট প্রচ্ছন্ন ও



তাহাদের অল্প পরমেশ্বর হইতে মহা অনুগ্রহ আছে । ৪৭ । এবং তুমি ধর্মবিদেষ্টাদিগের ও কপট লোকদিগের অনুগত হইও না ও তাহাদিগকে যন্ত্রণাদানে বিরত থাক, এবং ঈশ্বরের উপর নির্ভর কর ; ঈশ্বরই যথেষ্ট কার্যসম্পাদক । ৪৮ । হে বিশ্বাসী লোক সকল, যখন তোমরা বিশ্বাসিনী নারীদিগকে বিবাহ কর, তৎপর তাহাদের প্রতি হস্ত পছছিবাব পূর্বে তাহাদিগকে বর্জন কর, তখন তাহাদের সম্বন্ধে তোমাদের দিন গণনা নয় যে, তোমরা তাহা গণনা করিবে ; অনস্তর তোমরা তাহাদিগকে ধন দান করিও, এবং তাহাদিগকে উত্তম বিদায়ে বিদায় দান করিও \* । ৪৯ । হে তত্ত্ববাহক, তাহাদিগকে তুমি তাহাদের ( প্রাপ্য ) স্ত্রীধন দান করিয়াছ, নিশ্চয় আমি তোমার সেই ভাৰ্য্যাদিগকে এবং ( কাফেরদিগের সম্পত্তি হইতে ) ঈশ্বর যাহা তোমার প্রতি প্রত্যর্পণ করিয়াছেন, তাহা হইতে তোমার হস্ত যাহাকে অধিকার করিয়াছে, সেই ( দাসীকে ) এবং তোমার পিতৃব্যের কন্যাগণকে ও তোমার পিতৃব্যপত্নীর কন্যাগণকে এবং তোমার মাতুলের কন্যাগণকে ও তোমার মাতুলপত্নীর কন্যাগণকে, যাহারা তোমার সঙ্গে দেশান্তরিত হইয়াছে,

গুপ্ত ছিল, এই মোহম্মদরূপ দীপের জ্যোতিতে সেই সকল প্রকাশ পাইয়াছে । বিশেষতঃ গৃহস্থের শাস্তি, নির্ভীকতা ও আরামের কারণ এবং চোরের শাস্তিভয় ও উদ্বেগের কারণ দীপ । তদ্রূপ হজরতও বিশ্বাসীদিগের শাস্তি ও সৌভাগ্য, গৌরবের কারণ এবং অবিশ্বাসীদিগের খেদ ও অপমানের হেতু । তিনি অগ্নি সাধারণ দীপের তুল্য নহেন, সেই সকল দীপ কখন প্রদীপ্ত, কখন নির্কাপিত হয় ; কিন্তু তিনি আচ্ছোপান্ত জ্যোতি দান করেন । অগ্নিদীপ বাতাহাত হইয়া নিবিয়া যায়, কিন্তু কোন ব্যক্তি তাহার জ্যোতিকে পরাস্ত করিতে পারে না । লোকে দীপ রাত্রিতে প্রজ্জলিত করে, দিবাভাগে নয় । হজরত সত্যপ্রচাররূপ জ্যোতিতে সংসাররূপ রজনীর অন্ধকার বিনষ্ট করিয়াছেন, কেয়ামতের দিনেও শস্যাত ( পাপক্ষমার অনুরোধ ) রূপ মশাল দ্বারা জ্যোতি বিকীর্ণ করিবেন । সূর্য্যকে দীপ ও প্রেরিতপুরুষ মোহম্মদকেও দীপ বলা হইয়া থাকে । উহা আকাশের দীপ, ইনি অধ্যাত্ম জগতের দীপ ; উহা পৃথিবীর দীপ, ইনি দেবমণ্ডলীর দীপ ; উহা ভৌতিক দীপ, ইনি আধ্যাত্মিক দীপ ; সেই দীপের অভ্যুদয়ে লোকের নিদ্রাভঙ্গ হয়, এই দীপের প্রকাশে লোকে অস্তশঙ্কু বিকশিত হয় ।

( ত. হো, )

\* যদি কোন পুরুষ সহবাসের পূর্বে স্ত্রীবর্জন করে, তখন তাহার মহরবন্ধন অর্থাৎ স্বামীর দেয় স্ত্রীধন নির্দ্ধারিত হইয়া থাকিলে, তাহাকে নির্দ্ধারিত ধনের অর্দ্ধেক দিবে ; মহরবন্ধন না হইয়া থাকিলে, কিছু ধন দান করিবে, অর্থাৎ একজোড়া বস্ত্র দিবে । তখন সে ইচ্ছা করিলে, অল্প পুরুষকে বিবাহ কবিত্তে পারিবে ; এত দিনের পর তাহার বিবাহ হইবে, এরূপ কোন সময় তাহার পক্ষে নির্দ্ধারিত হইবে না । সেই স্ত্রীর সঙ্গে নির্জনবাস হইয়া থাকিলে, কিন্তু তাহাতে সহবাস হয় নাই, এমন অবস্থা হইলেও, তাহাকে মহরবন্ধনের পূর্ণ অর্থ দান করিতে হইবে । হজরত এক নারীকে বিবাহ করিয়া যখন তাহার নিকটে উপস্থিত হন, তখন সে বলিতে থাকে যে, “ঈশ্বর তোমাকে নিবৃত্ত রাখুন,” তখন হজরত তাহাকে বর্জন করেন । হয়তো এতদুপলক্ষেই সাধারণ বিশ্বাসীদিগকে উল্লেখ করিয়া এই উক্তি হইয়াছে । এই বিধি বিশেষভাবে প্রেরিতপুরুষের প্রতি নহে, সাধারণ মোসলমানের প্রতি এই বিধি ।

( ত. ফা, )



এবং যদি বিশ্বাসিনী নারী তত্ত্ববাহকের জন্তু আপন জীবন দান করে, যদি তাহাকে বিবাহ করিতে তত্ত্ববাহক ইচ্ছা করে, (তাহাকে) তোমার জন্তু বৈধ করিয়াছি ; (অন্ত) বিশ্বাসিগণ ব্যতীত (ইহা) তোমার জন্তু বিশেষ হইয়াছে। নিশ্চয় আমি তাহাদের ভার্য্যাগণের সম্বন্ধে ও তাহাদের হস্ত যাহাকে অধিকার করিয়াছে, তাহার সম্বন্ধে তাহাদিগের প্রতি যাহা ব্যবস্থা করিয়াছি, জ্ঞাত আছি ; (ইহা সহজ করিলাম, ) বেন তোমার সম্বন্ধে কোন সঙ্কট না হয়, ঈশ্বর ক্ষমাশীল ও দয়ালু হন \*। ৫০। সেই ( ভার্য্যাদের ) মধ্যে যাহাকে ইচ্ছা কর, তুমি দূরে রাখিবে ও যাহাকে ইচ্ছা কর, নিকটে স্থান দিবে ; যাহাদিগকে তুমি দূরে রাখিয়াছ, ( যদি ) তাহাদের মধ্যে তুমি কাহাকে অভিনাষ কর, তবে তোমার সম্বন্ধে দোষ নাই। ইহাতে ( এই অবকাশদানে ) তাহাদের নয়ন শীতল হইবে ও তাহারা শোক করিবে না, এবং তুমি তাহাদের প্রত্যেককে যাহা দান করিবে, তাহাতে তাহারা সন্তুষ্ট থাকিবে, তাহারই উপক্রম হয় ; তোমাদের অন্তরে যাহা আছে, ঈশ্বর জানিতেছেন, এবং ঈশ্বর গম্ভীরপ্রকৃতি জ্ঞাত হন †। ৫১। ইহা ব্যতীত নারীগণ তোমার জন্তু বৈধ নহে ; তাহাদের সম্বন্ধে যাহাকে তোমার দক্ষিণ হস্ত অধিকার

\* অর্থাৎ যে সমস্ত নারী কাবিনের নিয়মে, হে মোহাম্মদ, এক্ষণ তোমার উদ্বাহশৃঙ্খলে বদ্ধ আছে, তাহারা কোরেশ হোক বা মোহাজের ( দেশভাগী ) সম্প্রদায়ের হোক অথবা অন্ত কোন দলের হোক না কেন, তোমার পক্ষে বৈধ। এবং মাতুলের ও পিতৃবোর কন্যাগণ কোরেশজাতির অন্তর্গত হইলেও, তোমার সম্বন্ধে দেশভাগ করিয়া থাকিলে বৈধ, অন্তথা অবৈধ। যে স্ত্রী কাবিন ব্যক্তিরকে আপনাকে উৎসর্গ করে, সে বিশেষভাবে প্রেরিতপুরুষেরই ভার্য্যা হইতে পারে। অন্ত মোসলমানের পক্ষে কাবিন ব্যতীত বিবাহ অসিদ্ধ। হজরতের দশ ভার্য্যা ছিল। তন্মধ্যে খদিজা প্রথম ভার্য্যা ছিলেন, তাঁহার পরলোক হইলে পর তিনি ক্রমে অপর নয় জনকে বিবাহ করেন। হজরত মানবলীলা সম্বরণ করিলে, সেই নয় জন বিদ্যমান ছিলেন। সেই নয় জন এই, বিবী আয়শা, হফসা, হুদা, ওম্মসলমা, ওম্মহবিবা, জয়নব, জুবায়রা, সফিয়া, ময়মুনা। ( ত, ফা, )

+ কোন ব্যক্তির অনেক ভার্য্যা থাকিলে তাহার পক্ষে উচিত যে, পালাক্রমে প্রত্যেকের নিকটে তুল্যভাবে থাকে। হজরতের সম্বন্ধে এ জন্তু এই বিধি ছিল না যে, তাঁহার স্ত্রীগণ যেন নিজের স্ব স্ব হজরতের প্রতি কিছু আছে, একরূপ মনে না করেন। কিন্তু হজরত প্রত্যেকের পালার মধ্যে কোন প্রভেদ করেন নাই, সকলের সম্বন্ধে তুল্য দৃষ্টি রাখিয়াছিলেন। কেবল বিবী হুদা নিজের পালার বিবী আয়শাকে দান করিয়াছিলেন। হজরতের ছই দাসী পত্নী ছিল, এক জনের নাম মারিয়া, এক জনের নাম ময়মুনা। মারিয়ার গর্ভে হজরতের এত্রাহিম নামক পুত্র জন্মগ্রহণ করিয়াছিলেন, শৈশবকালেই তাঁহার মৃত্যু হয়। ( ত, ফা, )

বিবী হুদা নিজের ভাগ আয়শাকে দান করিয়াছিলেন, সেই হুদাকে ব্যতীত হজরত সকল পত্নীর ভাগের প্রতি শেষ জীবন পর্য্যন্ত দৃষ্টি রাখিয়াছেন। হুদা, সফিয়া, জুবায়রা, ওম্মহবিবা, ময়মুনা এই পাঁচ পত্নীকে তিনি দূরে রাখিয়াছিলেন ; কিন্তু যখন যে প্রকার ইচ্ছা করিতেন, তাহাদের ভাগের প্রতি লক্ষ্য রাখিতেন। বিবী আয়শা, হফসা, ওম্মসলমা এবং জয়নবকে হজরত নিকটে রাখিয়াছিলেন।

( ত, হো, )

করিয়াছে, সে ব্যতীত ( অল্প ) স্ত্রীগণকে, তাহাদের সৌন্দর্য্য তোমাকে মুগ্ধ করিলেও, পরিবর্তন করিবে না। এবং ঈশ্বর সর্ববিষয়ে দৃষ্টিকারী \*। ৫২। ( র, ৬, আ, ১২ )

হে বিশ্বাসিগণ, ভোজনসময়ে তোমাদের জুগ্ধ নিমন্ত্রণ হওয়া ব্যতীত, ( নিমন্ত্রণ হইলেও ) তাহার ( খাদ্য দ্রব্যের ) রন্ধনের প্রতীক্ষাকারী হইয়া তোমরা সংবাদবাহকের আশ্রয় প্রবেশ করিও না; কিন্তু যখন তোমাদিগকে আহ্বান করা হয়, তখন প্রবেশ করিও। পরে যখন ভোজন করিলে, তখন চলিয়া যাইও, কোন কথার জুগ্ধ অবস্থিতি করিও না, নিশ্চয় ইহা সংবাদবাহককে কষ্ট দান করে; পরন্তু সে তোমাদিগ হইতে লজ্জিত হয়, এবং পরমেশ্বর সত্য বিষয়ে লজ্জা করেন না। যখন তোমরা কোন সামগ্রী তাহাদের ( প্রেরিতপুরুষের পত্নীদিগের ) নিকটে প্রার্থনা করিবে, তখন যবনিকার অন্তরাল হইতে তাহাদের নিকটে প্রার্থনা করিও; ইহা তোমাদের হৃদয়ের জুগ্ধ ও তাহাদের হৃদয়ের জুগ্ধ বিশুদ্ধ হয়। ঈশ্বরের প্রেরিতপুরুষকে ক্রেশ দান করা ও তাহার অভাবে কখনও তাহার পত্নীদিগকে বিবাহ করা তোমাদের পক্ষে ( উচিত ) নয়; নিশ্চয় ইহা ঈশ্বরের নিকটে গুরুতর হয় †। ৫৩। যদি তোমরা কোন বিষয় প্রকাশ কর বা তাহা গোপন রাখ, তবে নিশ্চয় ( জানিও, ) ঈশ্বর সকল বিষয়ে জ্ঞানী হন ‡।

\* অর্থাৎ হে মোহম্মদ, এই নারী যে তোমার বিবাহবন্ধনে বন্ধ আছে, তদ্ব্যতীত অল্প কাহাকে বিবাহ করা তোমার পক্ষে বৈধ নহে। তুমি তাহাদের এক জনকে বর্জন করিয়া অল্প কোন স্ত্রীকে যে তাহার স্থানে গ্রহণ করিবে, তাহা হইতে পারিবে না। এক্ষণ নয় জন মাত্র তোমার নির্দিষ্ট সহধর্ম্মিণী; কেবল তোমার হস্ত যাহাকে অধিকার করিয়াছে, সেই দাসী তোমার পত্নীস্থানে গৃহীত হইতে পারিবে। হজরতের পক্ষে নয় ভার্য্যা, সাধারণ মোসলমানের পক্ষে চারি স্ত্রী গ্রহণ করা বিধি হইয়াছে। ( ত, হো, )

† যখন হজরত ঈশ্বরের আদেশক্রমে জয়নবকে বিবাহ করিলেন, তখন তদুপলক্ষে লোকদিগকে মহা ভোজ্য দিলেন। সকলে ভোজনান্তে কথোপকথনে প্রবৃত্ত হইল। জয়নব গৃহপ্রান্তে প্রাচীরের দিকে মুখ ফিরাইয়া বসিয়াছিলেন। হজরত ইচ্ছা করিতেছিলেন যে, সকল লোক চলিয়া যান। পরে স্বয়ং সস্তা হইতে গাত্রোথান করিয়া গমন করিলে অধিকাংশ লোক প্রস্থান করে, তখনও তিন জন বসিয়া কথোপকথন করিতে থাকে। হজরত গৃহের দ্বারে আসিলেন, কিন্তু তাহাদিগকে চলিয়া যাইবার জুগ্ধ অনুরোধ করিতে লজ্জিত হইলেন। পরে বহু প্রতীক্ষার পর নির্জন হয়। ওনস্ বলিয়াছেন যে, হজরত মোহম্মদ জয়নবের গৃহে প্রবেশ করিলে পর, আমিও ইচ্ছা করিয়াছিলাম যে, সেখানে যাইব; কিন্তু গৃহের দ্বারে আচ্ছাদন ছিল। তখনই এই আয়ত অবতীর্ণ হয়। হজরতকে জীবদ্দশায় সম্মান করা ও মৃত্যুর পর তাঁহাকে গৌরব দান করা সকলের একান্ত কর্তব্য। তাঁহার পত্নীগণ বিশ্বাসীদিগের মাতৃস্বরূপ; তাঁহার মৃত্যু হইলে বা তিনি কোন পত্নীকে বর্জন করিলে, সন্তানের পক্ষে মাতা যেমন অবৈধ, বিশ্বাসীর পক্ষে তাঁহার পত্নী সেইরূপ অবৈধ। ( ত, হো, )

‡ হজরতের ধর্ম্মবন্ধুদিগের এক জন বলিয়াছিলেন যে, হজরত পরলোক গমন করিলে, আমি আয়শাকে আমার সঙ্গে বিবাহের প্রস্তাব জানাইব, আর এক জনের অন্তরে এই অভিলাষ হইয়াছিল, সে মুখে ব্যক্ত করে নাই। তাহাতেই এই আয়ত অবতীর্ণ হয়। ( ত, হো, )

৫৪। আপন পিতৃগণের ও আপন পুত্রদিগের ও আপন ভ্রাতাদিগের এবং আপন ভ্রাতৃপুত্রদিগের ও আপন ভাগিনেয়দিগের ও স্বজাতি নারীদিগের ও তাহাদের হস্ত যাহাদিগকে অধিকার করিয়াছে, তাহাদের নিকটে ( অনাবৃত হওয়া ) তাহাদিগের পক্ষে দোষ নহে; এবং তোমরা, ( হে নারীগণ, ) ঈশ্বরকে ভয় করিতে থাক, নিশ্চয় ঈশ্বর সর্ব বিষয়ে সাক্ষী হন। ৫৫। নিশ্চয় ঈশ্বর ও তাঁহার দেবগণ সংবাদবাহককে আশীর্বাদ করিয়া থাকেন; হে বিশ্বাসিগণ, তোমরা তাঁহার নিকটে অনুগ্রহ প্রার্থনা কর ও সেলাম করণে সেলাম কর। ৫৬। নিশ্চয় যাহারা ঈশ্বরকে ও তাঁহার প্রেরিত-পুরুষকে ক্লেণ দান করে, ইহলোকে ও পরলোকে তাহাদের উপর ঈশ্বরের অভিসম্পাত হইয়া থাকে ও তাহাদের জন্ত তিনি গ্নানিজনক শাস্তি প্রস্তুত রাখিয়াছেন। ৫৭। এবং যাহারা বিশ্বাসী পুরুষ ও বিশ্বাসিনী নারীদিগকে, যে ( অপরাধ ) করিয়াছে, তদ্ব্যতীত যন্ত্রণা দান করিত, পরে সত্যই তাহারা অপবাদের ও স্পষ্ট অপরাধের ভার বহন করিয়াছে। ৫৮। ( র, ৭, আ, ৬ )

হে সংবাদবাহক, তুমি স্বীয় ভাৰ্য্যাদিগকে ও স্বীয় কন্যাদিগকে এবং মোসলমান-দিগের স্ত্রীগণকে বল, যেন তাহারা আপনাদের উপর আপনাদের চাদর সকল সংলগ্ন করে; তাহারা পরিচিত হওয়ার পক্ষে ইহা ( এই উপায় ) নিকটতম, পরে তাহারা উৎপীড়িত হইবে না। § এবং ঈশ্বর ক্ষমাশীল ও দয়ালু হন। ৫৯। যদি কপট লোকেরা ও যাহাদের অন্তরে রোগ আছে, তাহারা এবং নগরে অপমশরটনাকারিগণ

\* আবরণসম্বন্ধীয় আয়ত অবতীর্ণ হইলে পর, এই আদেশ প্রচার হইয়াছিল যে, সমুদায় নারী আবরণের অন্তরালে থাকিবে। তখন তাহাদের পিতা, ভ্রাতা ও স্বজনবর্গ আসিয়া হজরতের নিকটে জিজ্ঞাসা করে, “হে প্রেরিত মহাপুরুষ, স্ত্রীলোকেরা আবৃত থাকিবে, আমরা কি আবরণের বাহিরে থাকিয়া তাহাদের সঙ্গে কথোপকথন করিব?” এতদুপলক্ষে এই আয়ত অবতীর্ণ হয়। ( ত, হো, )

† ননাজের অঙ্গ বলিয়া এই আদেশ মান্য হইয়া থাকে, যথা;—হে নবি, তোমার প্রতি সেলাম; হে পরমেশ্বর, মোহম্মদ ও তাঁহার বংশের জন্ত তোমার কৃপা ভিক্ষা করিতেছি, ইত্যাদি। এই কৃপা-প্রার্থনা বিশেষরূপে গৃহীত হয়। যিনি এইরূপ প্রার্থনা করিয়া থাকেন, তাহার উপর দশ গুণ কৃপা হইয়া থাকে। ( ত, হো, )

‡ এই আয়ত অবতীর্ণ হইবার এই কয়েক কারণ ছিল। এক দিন মহাত্মা ওমর এক স্তম্ভিত দাসীকে ব্যভিচারে উদ্ধৃত দেখিয়া ভৎসনাপূর্বক সমুচিত শিক্ষা দান করেন; সে আপন প্রভুর নিকটে যাইয়া অভিযোগ উপস্থিত করে। সেই দাসীর দুর্দান্ত প্রভু ওমরকে তাঁহার সাক্ষাতে নানা প্রকার গালি ও অপবাদ দেয়। ( ২য় ) ব্যভিচারীদিগের সম্বন্ধে, যাহারা রজনীতে পথপ্রান্তে বসিয়া থাকে ও দাসীদিগের উপর হস্তক্ষেপ করে ইত্যাদি। ( ত, হো, )

§ অর্থাৎ অবগুণ্ণনাবৃত হইলে দাসী নয় ভদ্রমহিলা, নীচকুলোদ্ভবা নয় সৎকুলোদ্ভবা, দুশ্চরিত্রা নয় সচ্চরিত্রা, ইহা জানা যাইবে। দুশ্চরিত্র লোকেরা তাহা হইলে তাহাদিগকে উৎপীড়ন করিতে সাহসী হইবে না। অবগুণ্ণন উহার চিহ্ন রহিল। ( ত, কা, )

নিবৃত্ত না হয়, তবে অবশ্য আমি তাহাদের প্রতি তোমাকে প্রেরণ করিব; তৎপর অল্পলোক ব্যতীত তাহারা তথায় তোমার প্রতিবেশী থাকিবে না। ৬০। অভিশপ্ত লোকগণ, যে স্থানে পাওয়া যাইবে, ধৃত হইবে ও প্রচুর হত্যা হত হইবে। ৬১। যাহারা পূর্বে চলিয়া গিয়াছে, তাহাদের প্রতিও ঈশ্বরের (ঈদৃশ) নীতি ছিল, ঈশ্বরের নীতিতে তুমি পরিবর্তন পাইবে না \*। ৬২। লোকসকল (উহাসক্রমে) তোমাকে কেয়ামতের কথা জিজ্ঞাসা করিতেছে, তুমি বল, “তাহার জ্ঞান ঈশ্বরের নিকটে, এতদ্ভিন্ন নহে;” কিসে তোমাকে জানাইবে যে, সম্ভবতঃ কেয়ামত নিকট হইবে? ৬৩। নিশ্চয় ঈশ্বর ধর্মবিদ্বেষ্টাদিগকে অভিসম্পাত করিয়াছেন ও তাহাদের জন্ত নরক প্রস্তুত রাখিয়াছেন। ৬৪। + তথায় তাহারা সর্বদা বাস করিবে, কোন সাহায্যকারী ও বন্ধু পাইবে না। ৬৫। যে দিবস অগ্নির দিকে তাহাদের মুখ ফিরান হইবে, তাহারা বলিবে, “হায়! যদি ঈশ্বরের অনুগত হইতাম ও প্রেরিতপুরুষের অনুগত হইতাম”। ৬৬। এবং বলিবে, “হে আমাদের প্রতিপালক, নিশ্চয় আমরা আপন দলপতিদিগের ও আপন প্রধান পুরুষদিগের অনুগত করিয়াছি, পরে তাহারা আমাদের পথহারা করিয়াছে। ৬৭। হে আমাদের প্রতিপালক, তুমি তাহাদিগকে দ্বিগুণ শাস্তি দান কর, এবং মহা অভিশাপে তাহাদিগকে অভিশপ্ত কর”। ৬৮। (র, ৮, আ, ১০)

হে বিশ্বাসিগণ, যাহারা মুসাকে যজ্ঞদান করিয়াছিল, তোমরা তাহাদের গ্রায হইও না; তাহারা যাহা বলিয়াছিল, ঈশ্বর তাহা হইতে তাহাকে বিশুদ্ধ রাখিয়াছিলেন এবং সে ঈশ্বরের নিকটে সম্মানিত ছিল †। ৬৯। হে বিশ্বাসিগণ, তোমরা ঈশ্বরকে ভয় করিতে থাক, এবং দৃঢ় কথা বলিতে থাক। ৭০। + তিনি তোমাদের জন্ত তোমাদের কার্য সকলকে শুভজনক করিবেন ও তোমাদের অপরাধ সকল তোমাদের জন্ত ক্ষমা করিবেন; এবং যে ব্যক্তি ঈশ্বরের ও তাহার প্রেরিতপুরুষের অনুগত করে, পরে নিশ্চয় সে মহা চরিতার্থতায় চরিতার্থ হয়। ৭১। নিশ্চয় আমি স্বর্গ ও মর্ত্য ও পর্বত সকলের

\* অর্থাৎ পূর্ববর্তী মণ্ডলী সকলের পেগাধরদিগের প্রতিও এরূপ নির্দোষ ছিল, তাহারাও ধর্মদ্বেষ্টী কপট লোকদিগকে হত্যা করিতে আপন অনুগত লোকদিগকে আদেশ করিয়াছেন।

(ত, হো,)

† বনিএশ্রায়েল মুসার প্রতি ব্যভিচারের অপবাদ দিয়াছিল। তাহারা এক দুশ্চরিত্রা নারীকে অর্থদ্বারা বশীভূত করিয়া, মুসা তাহার সঙ্গে ব্যভিচার করিয়াছেন, এরূপ অপবাদ দেয়। পরে ঈশ্বর মুসাদেবের চরিত্রের শুদ্ধতা প্রমাণিত করেন। কারুণের বিবরণে এ বিষয় কিঞ্চিৎ বিবৃত হইয়াছে। অথবা হারুণকে সঙ্গে করিয়া যখন মুসা সায়নাগিরিতে গিয়াছিলেন, তখন তথায় হারুণের মৃত্যু হয়। এশ্রায়েলবংশীয় লোকেরা মুসাকে বলে যে, তুমি হারুণকে বধ করিয়াছ। ঈশ্বরের আদেশে দেবগণ অগ্নত হারুণের দেহকে কবর হইতে উঠাইয়া লোকদিগকে প্রদর্শন করেন, তাহাতে প্রমাণিত হয় যে, তিনি হত হন নাই। অতএব বলা হইয়াছে যে, মুসাকে যেমন তাহার মণ্ডলী যজ্ঞদান করিয়াছিল, তোমরা মোহম্মদকে তক্রপ যজ্ঞদান দিও না।

(ত, হো,)

নিকটে “আমানত” ( বিষয়বিশেষের রক্ষার ভার ) উপস্থিত করি, তখন তাহারা তাহা বহনে অসম্মত হয় ও তাহাতে ভয় পায়; এবং মনুষ্য তাহা বহন করে, নিশ্চয় সে অত্যাচারী অজ্ঞান ছিল \* । ৭২ । + তাহাতে ( আমানতের ক্ষতির ভয় ) ঈশ্বর কপট পুরুষ ও কপট নারীগণকে এবং অংশিবাদী ও অংশিবাদিনীদিগকে শাস্তি দান করেন, এবং বিশ্বাসী পুরুষ ও বিশ্বাসিনী নারীদিগের প্রতি ঈশ্বর প্রত্যাবর্তিত হন; এবং ঈশ্বর ক্ষমাশীল ও দয়ালু হন । ৭৩ । ( র, ৯, আ, ৫ )

## সূরা সবা †

.....

### চতুস্ত্রিংশ অধ্যায়

.....

### ৫৪ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

যে কিছু স্বর্গে ও যে কিছু পৃথিবীতে আছে, সেই সকল যাহার, সেই ঈশ্বরেরই সম্যক প্রশংসা, এবং পরলোকে তাঁহারই সম্যক প্রশংসা; তিনি বিজ্ঞানময় তত্ত্বজ্ঞ । ১ । ভূতলে যাহা উপস্থিত হয় ও তাহা হইতে যাহা নির্গত হইয়া থাকে এবং যাহা আকাশ হইতে অবতীর্ণ হয় ও যাহা তথায় উখিত হইয়া থাকে, তাহা তিনি জানেন; এবং তিনি দয়ালু ও ক্ষমাশীল ‡ । ২ । এবং ধর্মদ্রোহিগণ বলিয়াছে যে, আমাদের নিকটে কেয়ামত

\* “আমানত” অর্থে, এ স্থলে ঈশ্বরসেবা অর্থাৎ নমাজ, রোজা, জকাত, জেহাদ, হজরত-পালন । প্রথমতঃ ঈশ্বর এই আমানত স্বর্গ ও মর্ত্য ও পর্বতের নিকটে উপস্থিত করেন; এ সকল পালন করিলে পুরস্কৃত ও তাহা অবহেলা করিলে দণ্ডিত হইবে, এরূপ বলেন । তাহারা পুরস্কারের প্রত্যাশী হয় না, শাস্তি-গ্রহণেও অসম্মত হয় । এস্থলে স্বর্গ অর্থে স্বর্গবাসী দেবগণ, মর্ত্য ও পর্বত অর্থে সমতলভূমি ও পর্বতস্থ পর্বাদি । প্রচুর শক্তিশালী, প্রকাণ্ড দেহসদেও ইহারা ভয় পাইয়া আমানত গ্রহণে অসম্মত হয় । পরে দুর্বল মানুষ তাহা বহন করিতে সক্ষমি প্রকাশ করে । “নিশ্চয় সে অত্যাচারী অজ্ঞান ছিল ।” অর্থাৎ বৃহৎকায় জীব সকল ভয় করিয়া যাহা বহনে অসম্মত হয়, মনুষ্য তাহা বহন করিয়া নিজের প্রতি অত্যাচারী হইয়াছে । এ বিষয়ে ক্রটি ও অপরাধ হইলে যে শাস্তি হইবে, তৎসম্বন্ধে সে অজ্ঞান ছিল । এই আয়ত সম্বন্ধে অনেকে অনেক প্রকার ব্যাখ্যা করিয়াছেন । এ স্থলে সঙ্ক্ষেপে মাত্র বিবৃত হইল ।

( ত, হো, )

† এই সূরা মক্কাতে অবতীর্ণ হইয়াছে ।

‡ কেহ বলেন, আকাশ হইতে যাহা অবতীর্ণ হয়, তাহার মর্ম্ম জেত্রিল, যাহা আকাশে উখিত হয়,



উপস্থিত হইবে না ; তুমি বল, ( হে মোহাম্মদ, ) হাঁ, আমার প্রতিপালকের শপথ, অবশ্য তোমাদের নিকটে নিগূঢ় তত্ত্ব ( ঈশ্বর ) আগমন করিবেন । স্বর্গে ও পৃথিবীতে রেণু-পরিমাণ এবং ইহা অপেক্ষা ক্ষুদ্রতর অপিচ বৃহত্তর, উজ্জ্বল গ্রহে ( লিপি আছে ) ভিন্ন, তাহা হইতে লুকায়িত নহে \* । ৩ । + তাহাতে তিনি, যাহারা বিশ্বাসস্থাপন ও সংকল্প করিয়াছে, তাহাদিগকে পুরস্কার দিবেন ; ইহারাই, যাহাদের জন্ত উৎকৃষ্ট ক্রমা ও উপজীবিকা আছে । ৪ । এবং যাহারা আমার নিদর্শন সকলসম্বন্ধে ( তাহার ) হীনতা-সম্পাদক হইবার চেষ্টা করিয়াছে, ইহারাই যে, তাহাদের জন্ত দুঃখজনক শাস্তির শাস্তি আছে । ৫ । এবং যাহাদিগকে জ্ঞান প্রদত্ত হইয়াছে, তাহারা দেখে যে, তোমার প্রতি যাহা তোমার প্রতিপালক হইতে অবতারিত হইয়াছে, তাহা সত্য, এবং ( তাহা ) প্রশংসিত বিজয়ী ( পরমেশ্বরের ) পথের দিকে পথ প্রদর্শন করিয়া থাকে । ৬ । এবং ধর্মদ্রোহিগণ ( পরম্পর ) বলে যে, “আমরা কি সেই ব্যক্তির দিকে তোমাদিগকে পথ দেখাইব, যে ব্যক্তি তোমাদিগকে সংবাদ দিয়া থাকে যে, যখন তোমরা সম্পূর্ণ খণ্ড খণ্ডরূপে খণ্ডীকৃত হইয়া যাইবে, তখন নিশ্চয় তোমরা নূতন সৃষ্টির মধ্যে হইবে” ? ৭ । সে কি ঈশ্বর সম্বন্ধে অসত্য সম্বন্ধ করিয়াছে, না, তাহাতে ক্ষিপ্ততা আছে ? বরং যাহারা পরলোকে বিশ্বাস করে না, তাহারা শাস্তি ও দূরতর পথভ্রাস্তির মধ্যে আছে । ৮ । অনন্তর তাহাদের সম্মুখে ও তাহাদের পশ্চাতে স্বর্গ ও পৃথিবীস্থ যাহা আছে, তাহার দিকে কি তাহারা দৃষ্টি করে নাই ? যদি আমি ইচ্ছা করি, তবে তাহাদিগকে মৃত্যুকায় প্রোধিত করিব, অথবা তাহাদের উপর আকাশের একখণ্ড ফেলিয়া দিব ; নিশ্চয় ইহার মধ্যে প্রত্যেক পুনর্জীবনকারী দাসের জন্ত নিদর্শন আছে † । ৯ । ( র, ১, আ, ৯ )

এবং সত্য সত্যই আমি দাউদকে আপন সন্নিধান হইতে যহুদ্য দান করিয়াছিলাম ; ( বলিয়াছিলাম, ) “হে পরিত সকল, তাহার সঙ্গে তোমরা স্তব করিতে থাক” ও পক্ষী-দিগকে ( তাহার বশীভূত করিয়াছিলাম, ) এবং তাহার জন্ত লৌহকে কোমল করিয়া-

তাহার অর্থ মেরাজের রজনীতে হজরতের স্বর্গারোহণ করা । গ্রন্থবিশেষে উক্ত হইয়াছে যে, যাহা অবতীর্ণ হয় ও উখিত হয় অর্থে, সাধুপুরুষদিগের অন্তরে যে সকল স্বর্গীয় তত্ত্ব ও আলোক প্রকাশিত হইয়া থাকে ও সর্বদা তাহাদিগের যে সকল প্রার্থনাদি উখিত হয় । অথবা ঈশ্বরের নিকট হইতে যে সমস্ত দয়া ও করুণা অবতীর্ণ হইয়া থাকে ও অনুতপ্ত দীন দুঃখীদিগের হৃদয় হইতে যে সকল আর্তনাদ সমুখিত হয়, তিনি তাহা জানেন । ( ত, হো, )

\* আবুহুস্য়ান লাভ ও গরি দেবতার নামে শপথ করিয়া বলিয়াছিল যে, কেয়ামত কখনও হইবে না ; তাহাতে ঈশ্বর বলেন, হে মোহাম্মদ, তুমিও শপথ করিয়া বল যে, শীঘ্র তোমাদের নিকটে কেয়ামত উপস্থিত হইবে । এ স্থলে “উজ্জ্বলগ্রহ” ঈশ্বরের বিধিরূপ গ্রন্থ । ( ত, হো, )

+ অর্থাৎ আকাশ ও পৃথিবীর প্রতি দৃষ্টি করিলে, কিংবা নিক্ষেপ ও প্রোধিত করার ক্ষমতার প্রতি বনোবোগ করিলে, নিশ্চয় ইহার মধ্যে যে নিদর্শন আছে, বুঝিতে পারিবে । ( ত, হো, )

ছিলাম \*। ১০।+( এবং বলিয়াছিলাম ) যে, “তুমি সুবিস্তৃত বর্ষ প্রস্তুত করিতে থাক ও তাহা বয়নে পরিমাণ রক্ষা কর, এবং ( হে দাউদের পরিজনবর্গ, ) তোমরা সাধু অনুষ্ঠান করিতে থাক ; নিশ্চয় আমি, তোমরা যাহা করিয়া থাক, তাহার দ্রষ্টা” †। ১১। এবং সোলয়মানের জন্ত বায়ুকে ( বশীভূত রাখিয়াছিলাম, ) তাহার প্রাভাতিক গতি একমাসের পথ ও সায়ংকালীন গতি একমাসের পথ ছিল, এবং আমি তাহার জন্ত দ্রবীভূত তাম্বের প্রস্রবণ সঞ্চারিত করিয়াছিলাম ও কোন কোন দৈত্যকে ( বশীভূত রাখিয়াছিলাম, ) আপন প্রতিপালকের আদেশানুসারে সে তাহার সম্মুখে কার্য্য করিতেছিল ; এবং ( নির্দ্ধারণ করিয়াছিলাম ) যে, তাহাদের যে কেহ আমার আজ্ঞার বিরুদ্ধাচরণ করিবে, তাহাকে আমি নরকদণ্ড ভোগ করাইব ‡। ১২। তাহারা তাহার

\* প্রেরিত্ত্ব বা ঐশ্বরিক জ্ঞানের নামক গ্রন্থ কিংবা রাজত্ব বা সদিচার অথবা দুঃখী দরিদ্রের প্রতি বদাশ্রিত্য বা নিদ্রাবৃত্তা অথবা উপাসনাশীলতাসঙ্গে সর্বোপরি দাউদের মহত্ব ছিল। দাউদ যখন জন্ম গ্রন্থ অধ্যয়নে প্রবৃত্ত হইতেন, তখন তাঁহার স্তমধরশ্বরে আকৃষ্ট হইয়া পশুযুগ দৌড়িয়া আসিত, তাঁহার মনোহর স্তোত্রগানে উদ্‌ভীষমান বিহঙ্গকুল অকুল হইয়া আকাশ হইতে ভূতলে অবতরণ করিত। ঐশ্বর বলিতেছেন যে, আমি পর্কত সকলকে আজ্ঞা করিয়াছিলাম যে, তোমরাও দাউদের সঙ্গে স্তোত্রগানের সময়ে আপন আপন স্বরে যোগদান কর, অথবা সে যে স্থানে যায়, তাহার সঙ্গে ভ্রমণ করিতে থাক। দাউদের অলৌকিক ক্রিয়ার মধ্যে এই অলৌকিক ক্রিয়া ছিল যে, তিনি যখন যে স্থানে যাইতে চাহিতেন, গিরিরাড়িও তাঁহার সঙ্গে সঙ্গে চলিত, এবং তিনি যখন গান করিতেন, পর্কত সকলও তাহাতে যোগ দিয়া গান করিত। ঐশ্বরের আজ্ঞাক্রমে পক্ষিবৃন্দ তাঁহার বশীভূত হইয়াছিল, উহারা তাঁহার মস্তকোপরি শ্রেণীবদ্ধ হইয়া স্তমধরশ্বরে তাঁহার সঙ্গে গান করিত। অগ্নি-সংযোগ-বাতিরেকে তাঁহার হস্তে লৌহ মধ্যের শ্ময় কোমল হইয়া যাইত। তিনি তদ্বারা যাহা ইচ্ছা, তাহা প্রস্তুত করিয়া লইতেন। ( ত, হো, )

† একদিন স্বর্গীয় দূত দাউদের নিকটে আসিয়া বলে যে, তুমি ঐশ্বরের প্রেরিত ও তাঁহার প্রতিনিধি। উচিত যে, তুমি শয়ং ব্যবসায় করিয়া নিজের জীবিকা উপার্জন কর। দাউদ কি ব্যবসায় করিবেন, ঐশ্বরের নিকটে তদ্বিষয়ে অনুমতি চাহেন। পরমেশ্বর রণপরিচ্ছদ বর্ষ নির্মাণ করিতে তাঁহাকে আদেশ করেন। তাঁহার পক্ষে এ কার্য্য অত্যন্ত সহজ হয়। তিনি প্রতিদিন এক একটি লৌহকবচ প্রস্তুত করিয়া, ছয় সহস্র দেবহমমুদ্রামূল্যে বিক্রয় করিতেন। তাহার চারি সহস্র দেবহম বিতরিত ও দুই সহস্র পরিবারের উপজীবিকার জন্ত ব্যয়িত হইত। দাউদের মৃত্যুর পর তাঁহার গৃহে ছয় সহস্র বর্ষ সঞ্চিত ছিল। ( ত, হো, )

‡ সোলয়মানের এক সুবিশাল সিংহাসন ছিল, তাহার উপর আরোহণ করিয়া সমুদায় সৈন্য গমন করিত, বায়ু উহা বহন করিয়া লইয়া যাইত। শামদেশ হইতে এয়মন এবং এয়মন দেশ হইতে শাম পর্য্যন্ত দিবান্বিতকালের মধ্যে বায়ু সিংহাসনসহ উপস্থিত হইত। পরমেশ্বর এয়মন রাজ্যের দিকে দ্রবীভূত তাম্বের প্রস্রবণ বাহির করিয়াছিলেন। দৈত্যগণ তাহা ছাঁচে চালিয়া রন্ধনস্থালী ইত্যাদি নির্মাণ করিত। তাহাতে অগণ্য সৈন্যের অন্ন প্রস্তুত হইত। “তাহাকে আমি নরকদণ্ড ভোগ করাইব” অর্থাৎ দৈত্যদিগের উপর সোলয়মানের আধিপত্য ছিল, যখন কোন দৈত্য ঐশ্বরের আজ্ঞার বিরুদ্ধে

জ্ঞান দুর্গ ও প্রতিমূর্তি এবং সরোবরতুল্য তৈজসপাত্র ও অচল রক্ষনপাত্র ( বৃহৎ ডেগ ) সকলের যাহা ইচ্ছা নির্মাণ করিত ; ( আমি বলিয়াছিলাম, ) “হে দাউদের সন্তানগণ, তোমরা ধন্বাদ করিতে থাক,” কিন্তু আমার দাসদিগের মধ্যে অল্পই ধন্বাদকারী \* । ১৩। অনন্তর যখন আমি তাহার প্রতি মৃত্যুকে নিযুক্ত করিলাম, তখন তাহার মৃত্যুর দিকে বল্মীক-কীট ব্যতীত তাহাদিগকে জ্ঞাপন করি নাই ; ( কীটে ) তাহার যষ্টি ভক্ষণ করে, পরে যখন সে পড়িয়া যায়, তখন দৈত্যগণ জানিতে পায়। এই যে, যদি তাহারা গুপ্তবিষয় জানিত, তবে দুর্গতিজনক শাস্তির মধ্যে স্থিতি করিত না ॥ ১৪। সত্য সত্যই সবানগরবাসীদিগের জ্ঞান তাহাদের বাসস্থানে নিদর্শন ছিল, দক্ষিণে ও বামে দুই উত্তান ছিল ; ( আমি বলিয়াছিলাম ) যে, “তোমরা আপনার প্রতিপালকের উপজীবিকা ভোগ করিতে থাক, এবং তাঁহাকে ধন্বাদ কর, ( তোমাদিগের ) নগর

সোলয়মানকে অগ্রাহ্য করিয়া কোথাও চলিয়া যাইত, তখন সোলয়মান তাহাকে বেত্রাগাত করিতেন। সেই বেত্র অগ্নিময় ছিল, তাহার আঘাতে অপরাধী দৈত্য যেন নরকাগ্নিতে দক্ষ হইত। ( ত, ফা, )

\* এয়মন রাজ্যে দৈত্যদিগের নির্মিত অনেকগুলি আশ্চর্য্য দুর্গ আছে। যথা কল্কুম দুর্গ ও গম্‌দান, হেন্দা এবং হনিদা প্রভৃতি। দৈত্যগণ দেবতা ও ধর্ম্মপ্রবর্তক প্রভৃতির সুন্দর সুন্দর প্রতিমূর্তি নির্মাণ করিত। কেহ কেহ বলেন যে, তাহারা লৌহদ্বারা মনুষ্যাকৃতি প্রতিমূর্তি সকল প্রস্তুত করিত, যুদ্ধের সময়ে সেই সকল প্রতিমূর্তির মধ্যে ঈশ্বর প্রাণ সঞ্চারণ করিতেন, তাহারা বীর পরাক্রমে সোলয়মানের শত্রুর সঙ্গে যুদ্ধে প্রযুক্ত হইত। সোলয়মানের সিংহাসনের নিম্নে দুইটা বাঘের মূর্তি, উপরি ভাগে দুইটি গৃধের মূর্তি ছিল। সোলয়মান যখন সিংহাসনে আরোহণ করিতে উদ্যত হইতেন, তখন সেই দুই শার্দূল বাহু বিস্তার করিত, সোলয়মান তদুপরি পদস্থাপন করিয়া সিংহাসনে আরোহণ করিতেন, এবং সিংহাসনে উপবিষ্ট হইলে গৃধর পক্ষ বিস্তার করিয়া তাহার মস্তকে ছায়া দান করিত। ( ত, হো, )

+ কথিত আছে যে, মহাপুরুষ দাউদ জেরুজেলমের ধর্ম্মমন্দির নির্মাণ আরম্ভ করিয়াছিলেন। সোলয়মান তাহার নির্মাণ-কার্য্য শেষ করিতে বিশেষ চেষ্টা পাইয়াছেন। এক্ষণে এক বৎসরের কার্য্য অবশিষ্ট আছে, এমন সময়ে সোলয়মানের মৃত্যুকাল উপস্থিত হইল। তখন সোলয়মান স্বীয় ভৃত্যবর্গকে আদেশ করেন যে, আমার মৃত্যু প্রকাশ করিবে না, মরণের পর আমার যষ্টির উপর আমার মৃতদেহকে হেলান দিয়া বসাইয়া রাখিবে; তাহা হইলে মন্দির-নির্মাণকার্য্যে প্রযুক্ত দৈত্যগণ স্বীয় কায্য হইতে নিবৃত্ত হইবে না, মন্দির-নির্মাণ সমাপ্ত হইবে। পরে সোলয়মানের মৃত্যু হইলে অনুসরবন্দ তাঁহার আদেশানুরূপ কায্য করিল। দৈত্যগণ দূর হইতে তাঁহাকে দেখিয়া জীবিত মনে করিতেছিল ও স্ব স্ব কার্য্যে তৎপর ছিল। এক বৎসর পরে যষ্টির নিম্নভাগ বল্মীকে কর্তন করে, এবং যষ্টির সঙ্গে দেহ ভূতলে পড়িয়া যায়। তখন সোলয়মানের মৃত্যু সকলে অবগত হয়। তৎক্ষণাৎ দৈত্যগণ অরণ্যে ও গিরিগহ্বরে পলায়ন করে। দানবগণ মনে করিত যে, তাহারা গুপ্ত বিষয় জানিতে পারে, এবং তাহারা লোকের নিকট তাহা বলিয়া বেড়াইত। এজ্ঞান ঈশ্বর বলিতেছেন, যদি উহারা গুপ্ততত্ত্ব জ্ঞাত হইতে পারিত, তবে দুর্গতিজনক শাস্তির মধ্যে থাকিত না। অর্থাৎ মন্দির-নির্মাণকার্য্যে এক বৎসর কাল পরিশ্রম ও ক্লেশ স্বীকার করিত না। ( ত, হো, )

বিশুদ্ধ এবং প্রতিপালক ক্ষমাশীল” \*। ১৫। পরে তাহারা অগ্রাহ্য করিল, তখন আমি তাহাদিগের প্রতি মহা জলপ্লাবন প্রেরণ করিলাম, এবং তাহাদিগের সেই উচ্চানের সঙ্গে অল্প ও লবণাক্ত ফলের এবং অল্প কিছু বদরী তরুর দুই উচ্চান পরিবর্তন করিলাম †। ১৬। তাহারা যে কৃতঘ্ন হইয়াছিল, তজ্জন্ত তাহাদিগকে এই বিনিময় দান করিলাম, এবং আমি কৃতঘ্নগণকে বাতীত শাস্তি দান করি না। ১৭। এবং আমি তাহাদিগের মধ্যে ও সেই গ্রাম সকলের যাহার প্রতি আমি আশীর্বাদ করিয়াছি, তাহার মধ্যে দীপ্তিমান্ গ্রাম সকল স্থাপন করিয়াছিলাম, এবং সেই সকলের মধ্যে ভ্রমণ নিরূপণ করিয়াছিলাম; ( বলিয়াছিলাম, ) “তোমরা এ সমস্তের ভিতরে দিবারাত্রি নিরাপদে ভ্রমণ করিতে থাক”। ১৮। অনন্তর তাহারা বলিল, “হে আমাদের প্রতিপালক, আমাদের পর্যাটনের মধ্যে দ্রুৎ বিধান কর;” এবং তাহারা আপন জীবনের প্রতি অত্যাচার করিয়াছিল, অনন্তর তাহাদিগকে আমি আখ্যায়িকা বলিতে দিলাম, এবং তাহাদিগকে সম্পূর্ণ খণ্ড খণ্ডে খণ্ড খণ্ড করিলাম। নিশ্চয় ইহার মধ্যে প্রত্যেক সহিষ্ণু ও

\* এয়মন রাজ্যের প্রধান নগরের নাম সবা, সবানিবাসীদিগের বসতি-স্থলের নাম মার্ক, এয়মন রাজ্যে দুই পর্বতের মধ্যস্থলে উচ্চ হইতে নিম্নভূমি পর্যন্ত সবাবাসীদিগের ক্ষেত্রাদি প্রয়োজনীয় ভূমি ও বসতি ছিল। এই বসতির বিস্তৃতি প্রায় ষাট মাইল, তাহাদের ব্যবহার্য জলাশয় প্রস্রবণবিশেষ প্রান্তরস্থ উন্নত ভূমিতে পর্বতমূলে ছিল। কখন কখন এরূপ ঘটিত যে, স্থানান্তরের অতিরিক্ত জলশ্রোত সেই জলাশয়ে মিলিত হইয়া দেশ ভাসাইয়া লইয়া যাইত। বল্কিস্‌নামী নারী সেই স্থানের অধিপতি ছিলেন। তিনি প্রজাবর্গের প্রার্থনামুসারে উভয় পর্বতের সম্মুখভাগে প্রাচীর স্থাপন করেন, তাহাতে সেই স্থানে স্থায়ী ও অতিরিক্ত জল সঞ্চিত থাকিত। প্রাচীরে তিনটি রক্ষ করা হইয়াছিল, কৃষকগণ প্রথমতঃ উপরের ছিদ্রমুখ উন্মুক্ত করিয়া জলশ্রোত শস্তক্ষেত্রাদিতে লইয়া যাইত, তাহার জল কমিয়া গেলে ক্রমে মধ্য ও নিম্নস্থ ছিদ্রের মুখ খুলিয়া দিত। সবানিবাসিগণ আপনাদের আলয়ের দক্ষিণে ও বামে সুরস ফলের দুইটি উদ্যান প্রস্তুত করিয়াছিল। বস্তুতঃ দক্ষিণে ও বামে বড় উদ্যান ছিল, পরস্পর সংলগ্ন থাকিতে দুইটি উদ্যানের স্থায় প্রত্যয়মান হইত, তাহাতে অপখ্যাগু ফল উৎপন্ন হইত। সেই নগরে মশক বৃশ্চিক চারপোকা ইত্যাদি পীড়াজনক কোন কীট ছিল না। এজন্ত তাহাকে বিশুদ্ধ নগর বলা হইতেছে। (ত, হো,)

+ পরে সবানিবাসিগণ আপনাদের ধর্মপ্রবর্তকদিগকে অগ্রাহ্য করে ও অকৃতজ্ঞ হয়। তের জন ধর্মীয় সংবাদপ্রচারক তাহাদের নিকটে আবির্ভূত হইয়াছিলেন, সে সকলকে তাহারা মিথ্যাবাদী বলিয়া অপমান করে। জয়গানের পুত্র জিয়ল্‌আজগারের রাজত্বকালে মহান্না এদ্রিসের পরে অস্তিম সংবাদবাহক তাহাদের নিকটে অভ্যর্থিত হন। তাহারা তাঁহাকে হত্যস্ত ক্রেশ দান করে, তজ্জন্ত পরমেশ্বর আরণ্য মৃষিক সকলকে সেই বাঁধের নিকটে প্রেরণ করেন। তাহারা বাঁধে ছিদ্র করে, নিশীথ সময়ে যখন সকলে নিদ্রায় অভিভূত ছিল, তখন প্রাচীরের বাঁধ ভাঙ্গিয়া যায়। প্রবল জলশ্রোত আসিয়া সবানিবাসীদিগের গৃহ উদ্যানাদি প্লাবিত করে, তাহাতে বহুসংখ্যক মানুষ ও গবাদি পশু বিনষ্ট হয়। স্মিষ্ট ফলের উদ্যান বিনষ্ট হইলে, তথায় লবণাক্ত বিরস ফলের উপবন উৎপন্ন হয়। (ত, হো,)

ধনুবাদকারীর জন্ত নিদর্শন সকল আছে \* । ১৯ । এবং সত্য সত্যই শয়তান স্বীয় কল্পনা তাহাদিগের সম্বন্ধে সপ্রমাণ করিয়াছিল, অনন্তর বিশ্বাসীদের একদল ব্যতীত তাহারা তাহার অনুসরণ করিয়াছিল । ২০ । এবং যে ব্যক্তি পরলোকে বিশ্বাস স্থাপন করিতেছে তাহাকে, যে জন তাহাতে সন্দেহযুক্ত, সেই ব্যক্তি হইতে ( পৃথক ) জানিব, এ বিষয়ে ভিন্ন তাহাদের উপরে তাহার ( শয়তানের ) ক্ষমতা ছিল না ; এবং তোমার প্রতিপালক, ( হে মোহাম্মদ, ) সর্ববিষয়ে সংরক্ষক † । ২১ । ( র, ২, আ, ১২ )

তুমি বল, ( হে মোহাম্মদ, ) ঈশ্বর ব্যতীত তোমরা যাহাদিগকে উপাস্ত্র মনে করিতেছ, তাহাদিগকে আহ্বান কর ; স্বর্গে ও পৃথিবীতে তাহারা একবিন্দু পরিমাণ কর্তৃত্ব রাখে না, এবং সেই উভয় স্থানে তাহাদের কোন অংশিত্ব নাই, তাহাদের মধ্যে তাঁহার কোন সাহায্যকারী নাই । ২২ । এবং যাহাকে তিনি অনুমতি দান করেন, সে ব্যতীত ( অত্য়ের ) শফায়ত ( পুনরুত্থানের দিনে পাপক্ষমার অনুরোধ ) তাঁহার নিকটে ফল দর্শিবে না ; এপর্যন্ত, যখন তাহাদের অন্তঃকরণ হইতে উৎকণ্ঠা দূর করা হইবে, তখন তাহারা পরস্পর বলিবে, “তোমাদের প্রতিপালক ( শফায়ত বিষয়ে ) যাহা বলিয়াছেন, তাহা কি ?” বলিবে, “উহা সত্য” ; এবং তিনি উন্নত গৌরবান্বিত ‡ । ২৩ । তুমি

\* “দীপ্তিমান্ গ্রামসকল স্থাপন করিয়াছিলাম” অর্থাৎ পরস্পর সংলগ্ন সমৃদ্ধ গ্রাম সকল স্থাপন করিলাম । মার্ক হইতে শামদেশ পর্য্যন্ত ৪৭০০ গ্রাম উৎপন্ন হয়, নগরে ও গ্রামে লোকাধিক্যবশতঃ, অথবা ক্ষুধা তৃষ্ণার উত্তেজনাবশতঃ বহুসংখ্যক লোক নহির্বাণিজ্যে প্রবৃত্ত হইতে পারে । তাহারা এমম হইতে শামদেশে ক্রয়বিক্রয় করিতে যাইত, পূর্বাঙ্কে একগ্রামে, অপরাঙ্কে অল্পগ্রামে বাস করিত । তাহাতে দরিদ্রদিগের প্রতি ধনীদিগের ঈর্ষ্যা হয় : তাহারা বলে যে, “আমাদের ও ইহাদের মধ্যে বিভিন্নতা কিছুই রহিল না । ইহারা নির্দ্বন্দ্ব হইয়াও পদব্রজে যানাক্রমে ধনীদিগের স্তায় এতদূর পথ চলিতেছে ।” ইহা ভাবিয়া ধনিগণ একরূপ প্রার্থনা করে যে, “হে আমাদের প্রতিপালক, আমাদের পযাটনের মাধা দূরত্ব বিধান কর” । অর্থাৎ বিস্তীর্ণ প্রান্তর সকল প্রকাশ কর, তাহা হইলে লোক পাথের-সম্বলদি-ব্যতীত একস্থান হইতে স্থানান্তরে যাইতে পারিবে না । এই প্রার্থনা দ্বারা তাহারা স্বীয় জীবনসম্বন্ধে অকলাণ আনয়ন করে । ঈশ্বর তাহাদের গ্রাম সকল ধ্বংস করেন । “তাহাদের কথা বলার” এই অর্থ, তাহারা বিস্মিত হইয়া পরস্পর বলে যে, “আমাদের বাসস্থান বিনাশের দিকে অগ্রসর হইয়াছে ।” সেই হইতে সবানিবাসিগণ দলে দলে বিক্ষিপ্ত হইয়া পড়িল । কেহই মার্কের আর বসতি করিল না । গসানবংশ শামে, ফজাজা মক্কাতে, আস্দবা হরিণে, আন্সার মদিনায়, জজাম তহামাতে চলিয়া গেল । ১৮শ ও ১৯শ আয়তের টীকা এইস্থানে একযোগে প্রকাশ করা গেল । ( ত, হো )

† অর্থাৎ সবানিবাসীদের প্রতি শয়তানের এইমাত্র ক্ষমতা ছিল যে, পরলোকে কে বিশ্বাসী, কে অবিশ্বাসী, ইহাই সে ঈশ্বরের নিকটে প্রকাশ করিত, অল্প কিছুই করিতে পারিত না । ( ত, হো, )

‡ অর্থাৎ কোন প্রতিমা বা দেবতা কেয়ামতের দিনে শফায়ত করিবে না । ঈশ্বরের নির্দিষ্ট ধর্মপ্রবর্তক মহাপুরুষ শফায়ত করিবেন । ঈশ্বর শফায়ত বিষয়ে এই কথা বলিয়াছেন যে, বিশ্বাসীদের জন্তই শফায়ত হইবে, কূফেরদিগের জন্ত নয় । ( ত, হো, )



জিজ্ঞাসা কর, স্বর্গ ও পৃথিবী হইতে কে তোমাদিগকে জীবিকা দান করিয়া থাকে ? বল, পরমেশ্বর, এবং নিশ্চয় আমরা অথবা তোমরা পথপ্রাপ্তিতে কিংবা স্পষ্ট পথভ্রান্তির মধ্যে স্থিত। ২৪। তুমি বল, আমরা যে অপরাধ করি, তদ্বিষয়ে তোমাদিগকে প্রশ্ন করা যাইবে না, এবং তোমরা যে কার্য্য কর, তৎসম্বন্ধে আমাদিগকে প্রশ্ন করা হইবে না। ২৫। তুমি বল, আমাদের প্রতিপালক ( কেয়ামতে ) আমাদিগের মধ্যে সম্মিলন সম্পাদন করিবেন, তৎপর আমাদের মধ্যে সত্যভাবে আজ্ঞা প্রচার করিবেন, এবং তিনি আজ্ঞাপ্রচারক জ্ঞানময় \*। ২৬। তুমি বল, যাহাদিগকে তোমরা তাঁহার সঙ্গে অংশিরূপে যোগ করিয়াছ, তাহাদিগকে আমাকে প্রদর্শন কর, সেরূপ ( অংশী ) নয় ; এবং সেই ঈশ্বর পরাক্রান্ত কৌশলময়। ২৭। এবং মানবমণ্ডলীর জন্ত পর্য্যাপ্ত ( স্বর্গের ) সুসংবাদদাতা ও ( নরকের ) ভয়প্রদর্শকরূপে ভিন্ন তোমাকে আমি প্রেরণ করি নাই ; কিন্তু অধিকাংশ মনুষ্য বুদ্ধিতেছে না। ২৮। তাহারা বলে, “যদি তোমরা সত্যবাদী হও, তবে এই অঙ্গীকার কবে ( পূর্ণ হইবে )” ? ২৯। তুমি বল, তোমাদের জন্ত সেই একদিনের সেই অঙ্গীকার, তাহা হইতে একদণ্ড পশ্চাৎ থাকিবে না ও অগ্রসর হইবে না। ৩০। ( র, ৩, আ, ৯ )

এবং ধর্মদ্রোহিগণ বলিল যে, “আমরা এই কোর্-আন্কে ও তাহার পূর্বে যাহা ( যে গ্রন্থ ) আছে, তাহাকে বিশ্বাস করি না।” যখন অত্যাচারিগণকে তাহাদের প্রতিপালকের নিকটে দণ্ডায়মান করা হইবে, তখন যদি তুমি দেখ, ( বিস্মিত হইবে ; ) তাহারা একজন অন্যের প্রতি বাক্য প্রয়োগ করিবে, দুর্বল লোকেরা প্রবলদিগকে বলিবে, “যদি তোমরা না থাকিতে, তবে অবশ্য আমরা বিশ্বাসী হইতাম” †। ৩১। প্রবল লোকেরা দুর্বলদিগকে বলিবে, “ধর্মালোক হইতে, তাহা তোমাদিগের নিকটে উপস্থিত হওয়ার পর, আমরা কি তোমাদিগকে নিবৃত্ত করিয়াছিলাম ? বরং তোমরাই অপরাধী ছিলে”। ৩২। এবং দুর্বলগণ প্রবলদিগকে বলিবে, “যে সময়ে তোমরা ঈশ্বরের সঙ্গে বিদ্রোহিতা করিতে ও তাঁহার সদৃশ নিরূপণ করিতে আমাদিগকে আদেশ করিতেছিলে, তখনই বরং ( তোমাদের ) দিবা রাত্রির ছলনা আমাদিগকে ( নিবৃত্ত করিয়াছিল” ; ) এবং যখন তাহারা শাস্তি দর্শন করিবে, তখন অনুশোচনা গোপন করিয়া রাখিবে। যাহারা ধর্মদ্রোহী হইয়াছে, তাহাদের গলদেশে আমি গলবন্ধনসকল স্থাপন করিব ; তাহারা যাহা

\* “সত্যভাবে আজ্ঞা প্রচার করিবেন” অর্থাৎ পরমেশ্বর ধর্মপথাবলম্বীদিগকে ঈশ্বরসান্নিধ্যলাভরূপ উচ্চানে এবং অত্যাচারীদিগকে বিপদের কাণ্ডাগারে প্রেরণ করিবেন। ( ত, হো, )

† মক্কাবাসী কাফেরগণ গ্রন্থাধিকারী ইহুদী ও ঈসায়ী প্রভৃতিকে হজরতের বৃত্তান্ত জিজ্ঞাসা করিয়াছিল ; তাহারা বলিয়াছিল যে, আমরা স্বীয় গ্রন্থে তাঁহার বর্ণনা পাঠ করিয়াছি। তিনি সত্যই সুসম্ভাচারপ্রচারক। তাহা শুনিয়া আবুহুহল ও অন্ত অন্ত ধর্মদ্রোহী লোকেরা বলে, আমরা তোমাদের গ্রন্থকে বিশ্বাস করি না। তাহাতেই এই আয়ত অবতীর্ণ হয়। ( ত, হো, )

করিতেছিল, তদনুরূপ ব্যতীত দণ্ডিত হইবে না। ৩৩। এবং আমি কোন গ্রামে এমন কোন ভয়প্রদর্শককে প্রেরণ করি নাই যে, তাহার অধিবাসী ধনশালী লোকেরা ( তাহাকে ) বলে নাই যে, “তোমরা যৎসহ প্রেরিত হইয়াছ, আমরা তৎসম্বন্ধে অবি-  
শ্বাসী”। ৩৪। এবং তাহার। বলিয়াছিল, “আমরা ধনরাশি ও সন্তান সমৃদ্ধিতে শ্রেষ্ঠ ও  
আমরা শান্তিগ্রস্ত হইব না”। ৩৫। তুমি বল, নিশ্চয় আমার প্রতিপালক যাহার জন্ত  
ইচ্ছা করেন, জীবিকা বিস্তৃত ও সঙ্কচিত করিয়া থাকেন ; কিন্তু অধিকাংশ মনুষ্য জ্ঞাত  
নহে। ৩৬। ( র, ৪, আ, ৬ )

এবং যাহারা বিশ্বাস স্থাপন ও সংকর্ষ করিয়াছে, তাহারা ভিন্ন যাহা তোমাদিগকে  
আমার নিকটে সান্নিধ্যপথে সন্নিহিত করাইবে (ভাবিতেছ,) সেই তোমাদের সম্পত্তি ও  
তোমাদের সন্তান নহে ; অনন্তর এই তাহারাই, আপনাদের জন্ত তাহারা যে ( শুভ )  
কর্ষ করিয়াছে, তন্নিমিত্ত দ্বিগুণ পুরস্কার আছে, এবং তাহারা ( স্বর্গস্থ ) প্রাসাদ সকলের  
মধ্যে নির্বিঘ্নে থাকিবে। ৩৭। এবং যাহারা আমার নিদর্শন সকলের প্রতি নির্ঘাতন-  
কারিরূপে যত্ন করে, এই তাহারাই শাস্তির ভিতরে উপস্থাপিত হইবে। ৩৮। তুমি  
বল, ( হে মোহম্মদ, ) নিশ্চয় আমার প্রতিপালক আপন দাসদিগের মধ্যে যাহাকে ইচ্ছা  
করেন, তাহার জন্ত জীবিকা বিস্তৃত ও সঙ্কচিত করিয়া থাকেন, এবং তোমরা যে কোন  
বস্তু ( সদ্ ) ব্যয় কর, পরে তিনি তাহার বিনিময় দান করিবেন ; এবং তিনি জীবিকা-  
দাতাদিগের মধ্যে শ্রেষ্ঠ \*। ৩৯। ( স্মরণ কর, ) যে দিবস তিনি এক যোগে তাহা-  
দিগকে সমুখাপন করিবেন, তৎপর দেবতাদিগকে জিজ্ঞাসা করিবেন, “ইহারা কি  
তোমাদিগকে অর্চনা করিতেছিল” ? ৪০। তাহারা বলিবে, “পবিত্রতা তোমার, ( হে  
ঈশ্বর, ) তাহারা ব্যতীত তুমি আমাদিগের বন্ধু, বরং তাহারা দৈত্যের পূজা করিতেছিল,  
তাহাদিগের অধিকাংশ উহাদিগের প্রতিই বিশ্বাসী” †। ৪১। অনন্তর অচ্ছ তোমরা  
পরস্পর পরস্পরের লাভ ও ক্ষতি করিতে পারিবে না, এবং অত্যাচারীদিগকে আমি  
বলিব যে, যৎসম্বন্ধে তোমরা অসত্যারোপ করিতেছিলে, সেই অগ্নিদণ্ড ভোগ করিতে  
থাক। ৪২। এবং যখন তাহাদের নিকটে আমার উজ্জ্বল নিদর্শন সকল পাঠিত হয়,  
তখন তাহারা পরস্পর বলে, “তোমাদের পিতৃপুরুষগণ যাহাকে অর্চনা করিতেছিল, (এ)

\* হাদিসে উক্ত হইয়াছে যে, প্রতিদিন প্রাতঃকালে দুই জন স্বর্গীয় দূত স্বর্গ হইতে অবতরণ  
করেন। একজন বলেন, “হে আমার পরমেশ্বর, তুমি প্রত্যেক দাতাকে দশগুণ দান করিতে থাক।”  
দ্বিতীয় স্বর্গীয় দূত প্রার্থনা করেন, “হে পরমেশ্বর, তুমি প্রত্যেক কৃপণের ধন বিনষ্ট কর।” ( ত, হো, )

† তাহারা অজ্ঞানতাবশতঃ দৈত্যদিগকে অর্চনা করিতেছিল, অর্থাৎ তাহাদের আজ্ঞানুসারে  
অসত্য ঈশ্বর ও অবৈধ মূর্তি সকলের অর্চনায় রত ছিল ; এবং মনে করিতেছিল, ইহারাই দেবতা।  
“তাহারা ব্যতীত তুমি আমাদিগের বন্ধু” অর্থাৎ তাহাদের ও আমাদের মধ্যে কোন বন্ধুতা নাই, তুমিই  
আমাদের বন্ধু। ( ত, হে, )

এক ব্যক্তি তাহা হইতে তোমাদিগকে নিবৃত্ত করিতে চাহে বৈ ( অণ্ড ) নহে” ; এবং তাহারা বলে, “অসত্য রচিত ভিন্ন ইহা (এই কোর-আন্) নহে।” যাহারা সত্যের প্রতি, তাহাদের নিকটে উহা উপস্থিত হওয়ার পর, বিদ্রোহাচরণ করিয়াছে, তাহারা বলে, “ইহা স্পষ্ট ইন্দ্রজাল ভিন্ন নহে”। ৪৩। এবং আমি তাহাদিগকে গ্রন্থ সকল দান করি নাই যে, তাহারা তাহা পাঠ করিয়া থাকে ও তাহাদের নিকটে তোমাদের পূর্বে কোন ভয়প্রদর্শক প্রেরণ করি নাই \*। ৪৪। এবং যাহারা তাহাদের পূর্বে ছিল, তাহাদের প্রতি উহারা অসত্যারোপ করিয়াছে ; আমি তাহাদিগকে ( পূর্ববর্তীদিগকে ) যাহা দান করিয়াছি, উহারা ( বর্তমান মক্কাবাসিগণ ) তাহার দশমাংশও প্রাপ্ত হয় নাই। অতএব আমার প্রেরিতপুরুষদিগের প্রতি তাহারা অসত্যারোপ করিয়াছে, অনন্তর কেমন আমার শাস্তি হইল। ৪৫। ( র, ৫, আ, ৯ )

তুমি বল, ( হে মোহম্মদ, ) এক বিষয়ে তোমাдиগকে আমি উপদেশ দিতেছি, এতদ্ভিন্ন নহে; তোমরা ঈশ্বরের জ্ঞান দুই দুই জন ও এক এক জন করিয়া গাত্ৰোথান কর, তৎপর বিবেচনা করিতে থাক, † কোন দৈত্য তোমাদের বন্ধু নহে, সে (মোহম্মদ) তোমাদের জ্ঞান ভবিষ্যৎ কঠিন শাস্তির ভয়প্রদর্শক ভিন্ন নহে। ৪৬। তুমি বল, আমি তোমাদের নিকটে কোন পারিশ্রমিক প্রার্থনা করি না, অনন্তর উহা তোমাদের জ্ঞানই হয়, ঈশ্বরের নিকটে ভিন্ন আমার পারিশ্রমিক নাই এবং তিনি সর্বোপরি সাক্ষী ‡। ৪৭। তুমি বল, নিশ্চয় আমার প্রতিপালক সত্য প্রেরণ করিয়া থাকেন, তিনি গুপ্ত বিষয়ের জ্ঞাতা। ৪৮। বল, সত্য উপস্থিত হইয়াছে এবং অসত্য ( শয়তান ) প্রথম সৃষ্টি করে নাই ও পরেও করিবে না। ৪৯। বল, যদি আমি পথভ্রান্ত হই, তবে স্বীয় জীবনসম্বন্ধে পথভ্রান্ত হইতেছি, এতদ্ভিন্ন নহে, এবং যদি পথপ্রাপ্ত হই, তবে আমার প্রতি যে আমার প্রতিপালক প্রত্যাদেশ প্রেরণ করেন, তজ্জ্ঞান প্রাপ্ত হইয়া থাকি। নিশ্চয় তিনি সন্নিহিত শ্রোতা। ৫০। এবং যখন তাহারা ভয় পাইবে, তখন তুমি যদি দেখ, ( ভাল হয় ; ) অনন্তর ( পলায়ন করিলেও তাহাদের শাস্তির ) নিবৃত্তি হইবে না, এবং

\* অর্থাৎ ঈশ্বর বলিতেছেন যে, আমি ইহাদিগকে একরূপ ধর্মপুস্তক সকল দান করি নাই যে, সর্বদা তাহা পাঠ করিয়া কোর-আনের অসত্যাবিসয়ে প্রমাণ উপস্থিত করিবে; অথবা, হে মোহম্মদ, তোমার পূর্বে কোন ভয়প্রদর্শক পেশার ইহাদের নিকটে আবিভূত হইয় সত্য প্রচার করিয়াছে, এবং তোমাকে ও কোর-আনকে অসত্য বলিয়াছে, এমত নহে। ( ত, হো, )

† অর্থাৎ তোমরা ঈশ্বরোদ্দেশ্যে, পেশারের সভা হইতে দুই জন দুই জন করিয়া বা এক এক জন করিয়া উঠিয়া স্থানান্তরে গিয়া তাহার প্রেরিতকর বিষয়ে শান্তভাবে পরস্পর আলোচনা কর বা একাকী চিন্তা কর। ( ত, হো, )

‡ অর্থাৎ আমি তোমাদের নিকটে উপদেশদানাদির জ্ঞান কোন পারিশ্রমিক প্রত্যাশা করি না, আমার প্রাপ্য পারিশ্রমিক তোমাдиগকেই দান করিলাম। ( ত, হো, )

সন্নিহিত স্থান হইতে তাহারা ধৃত হইবে \*। ৫১। তাহারা বলে, “আমরা তৎপ্রতি (কোর্-আনের প্রতি) বিশ্বাস স্থাপন করিলাম ;” এবং কোথা হইতে তাহাদের (বিশ্বাস) অবলম্বন হইবে ? দূরতর স্থান হইতে † ? ৫২। এবং বস্তুতঃ পূর্ব হইতে তৎপ্রতি তাহারা অবিশ্বাসী হইয়াছে, এবং দূরবর্তী স্থান হইতে না জানিয়া (অল্পমানে কথা) নিক্ষেপ করিয়া থাকে ‡। ৫৩। তাহাদের মধ্যে ও তাহারা যাহা অভিলাষ করিতেছে, তাহার মধ্যে বিচ্ছেদ আনয়ন করা হইয়াছে, যেমন তোমার পূর্ববর্তী সম্প্রদায় সকলের প্রতি করা হইয়াছিল ; নিশ্চয় তাহারা উৎকণ্ঠাজনক সন্দেহের মধ্যে ছিল। ৫৪। ( র, ৬, আ, ৯ )

## সূরা ফাতের §

### পঞ্চত্রিংশ অধ্যায়

#### ৪৫ আয়ত, ৫ রকু

( দাতা দয়ালু পরমেশ্বরের নামে প্রবৃত্ত হইতেছি । )

ভূমণ্ডল ও নভোমণ্ডলের স্রষ্টা, দুই দুই ও তিন তিন এবং চারি চারি পক্ষবিশিষ্ট দেবগণকে সংবাদবাহকরূপে নিয়োগকারী ঈশ্বরেরই সম্যক প্রশংসা হয় ; তিনি সৃষ্টিতে

\* ভবিষ্যৎকালে সোফিয়াননামক এক ব্যক্তি মোসলমান ধর্মের বিরুদ্ধে অভ্যুত্থান করিবে, সে কাবা ধ্বংস করিবার মানসে শামদেশ হইতে সৈন্য সংগ্রহ করিয়া পাঠাইবে, তাহার সম্বন্ধেই এই আয়ত হয়। উক্ত সেনাবৃন্দ প্রান্তরে ভূগর্ভে প্রোথিত হইয়া যাইবে। “সন্নিহিত স্থান হইতে তাহারা ধৃত হইবে” ইহার অর্থ, ভূমির উপর হইতে ভূমির নিম্নে অপবা দণ্ডায়মান ভূমি হইতে নরকে বা বদরের প্রান্তর হইতে কূপগর্ভে আবদ্ধ হইবে। সমুদায় সৈন্যের মধ্যে দুই জন মাত্র মুক্ত হইবে, এক জন মকায় যাইয়া সুসংবাদ দান করিবে, নাঈয়াজহনি নামক অপর ব্যক্তি ফিরিয়া গিয়া সেনাবৃহের ভূগর্ভে প্রোথিত হওয়ার সংবাদ সোফিয়ানকে জানাইবে। ( ত, হো, )

† “কোথা হইতে তাহাদের ( বিশ্বাস ) অবলম্বন হইবে ? দূরতর স্থান হইতে ?” অর্থাৎ কোর্-আন্ বা প্রেরিতপুরুষ কিংবা পুনরুত্থানের প্রতি তাহাদের বিশ্বাস হওয়া দুর্লভ ব্যাপার। অথবা ইহলোকে তাহারা বিশ্বাসী হইবে না, দূরতর স্থান পরলোকে যাইয়া তাহারা বিশ্বাসী হইবে। সেই বিশ্বাসে কোন ফল দর্শিবে না। ( ত, হো, )

‡ অর্থাৎ না জানিয়া তাহারা কোর্-আন্ ও প্রেরিতপুরুষ ইত্যাদির সম্বন্ধে দূর হইতে ব্যঙ্গ করিয়া থাকে। অথবা তাহারা যাহা বলিতেছিল, তাহা হইতে দূরে ছিল, কি বলিতেছে, বুঝিতেছিল না। ( ত, হো, )

§ এই সূরা মক্কাতে অবতীর্ণ হয়।

যাহা কিছু ইচ্ছা করেন, বৃদ্ধি করিয়া থাকেন, নিশ্চয় ঈশ্বর সর্ববিষয়ে ক্ষমতামণ্ডলী \* ।  
 ১। পরমেশ্বর মানবমণ্ডলীর জন্ত যে করুণা উন্মুক্ত করেন, পরে তাহার কোন অবরোধ-  
 কারী হয় না, এবং তিনি যাহা রুদ্ধ করেন, তদনন্তর তাহার কোন উন্মোচক হয় না ;  
 এবং তিনি পরাক্রান্ত কৌশলময় † । ২। হে লোক সকল, তোমরা আপনাদের প্রতি  
 ঈশ্বরের দান স্মরণ কর, ঈশ্বর ভিন্ন কি ( অণু ) কোন সৃষ্টিকর্তা আছে যে, স্বর্গ হইতে ও  
 পৃথিবী হইতে তোমাদিগকে জীবিকা দান করিয়া থাকেন ? তিনি ব্যতীত উপাস্ত  
 নাই, অনন্তর তোমরা কোথায় ফিরিয়া যাইবে ? ৩। এবং যদি তোমার প্রতি, ( হে  
 মোহম্মদ, ) তাহার অসত্যারোপ করিতেছে, অনন্তর সত্যই তোমার পূর্ববর্তী প্রেরিত  
 পুরুষদিগকেও তাহার মিথ্যাবাদী বলিয়াছে ; ঈশ্বরের দিকে কার্য সকল প্রত্যাবর্তিত  
 হইয়া থাকে ‡ । ৪। হে লোক সকল, নিশ্চয় ঈশ্বরের অঙ্গীকার সত্য ; অনন্তর তোমা-  
 দিগকে পার্থিব জীবন যেন প্রতারিত না করে, এবং ঈশ্বরের সম্বন্ধে প্রতারক ( শয়তান )  
 যেন তোমাদিগকে প্রতারিত না করে । ৫। নিশ্চয় শয়তান তোমাদের শত্রু, অনন্তর  
 তোমরা তাহাকে শত্রুরূপে গ্রহণ করিও ; সে আপন অল্পবর্তীদিগকে নরকনিবাসী হইবার  
 জন্ত আহ্বান করে, এতদ্বিন্ন নহে § । ৬। যাহারা ধর্মদ্রোহী হইয়াছে, তাহাদের জন্ত  
 কঠিন শাস্তি আছে ; এবং যাহারা বিশ্বাসী হইয়াছে ও সংকর্ম সকল করিয়াছে, তাহাদের  
 জন্ত ক্ষমা ও মহাপুরস্কার আছে । ৭। ( র, ১, তা, ৭ )

অনন্তর সেই ব্যক্তি, যাহার জন্ত তাহার দুষ্ক্রিয়া সজ্জিত হইয়াছে, পরে সে  
 তাহাকে কি উত্তম দেখিয়াছে ? অবশেষে নিশ্চয় ঈশ্বর যাহাকে ইচ্ছা করেন,

\* “তিনি সৃষ্টিতে যাহা কিছু ইচ্ছা করেন, বৃদ্ধি করিয়া থাকেন” অর্থাৎ যথেষ্টরূপে তিনি দেবতা-  
 দিগের পক্ষ বৃদ্ধি করেন, চারিটি পক্ষ পয্যন্ত যে সীমা, তাহা নহে। জেব্রিল ছয় শত ডানাবিশিষ্ট।  
 অক্ষমতে সৃষ্টিবৃদ্ধি মনুষ্যসৃষ্টিবৃদ্ধি বা মিষ্ট ভাষা, জ্ঞান, প্রেম, সৌন্দর্য্য, লাভণ্য ইত্যাদির বৃদ্ধি। গাছ  
 বিশেষে উক্ত হইয়াছে যে, উন্নত লোকের বিনয়, সম্পন্ন ব্যক্তির বদাচরণ, দরিদ্রের পবিত্রতা, বিশ্বাসীর  
 সাধুতা ইত্যাদি এখানে বৃদ্ধিরূপে গণ্য। ( ত, হো, )

† অন্বেষণ ও প্রার্থনা ব্যতিরেকে স্বর্গ হইতে যে দয়া উন্মুক্ত হয়, এস্থলে তাহাকেই লক্ষ্য করা  
 হইয়াছে। উহা দ্বিবিধ, এক বাহ্যিক, যথা, পরিশ্রম ব্যতিরেকে জীবিকা লাভ ; দ্বিতীয় আধ্যাত্মিক,  
 যথা, শিক্ষা ব্যতীত তত্ত্বজ্ঞানের উদয়। ( ত, হো, )

‡ অর্থাৎ সদস্য সমুদায় কার্য পরামশ্বরের নিকটে বিদিত। অসত্যারোপ করার জন্ত তাহাদিগকে ও  
 সহিষ্ণুতার জন্ত তোমাকে তিনি দণ্ড ও পুরস্কার বিধান করিবেন। ( ত, হো, )

§ শয়তান অত্যন্ত প্রতারক, পাপকার্য্যে মনুষ্যের দৃঢ়তা সম্বন্ধে সে স্বামীর কামনা অন্তরে সঞ্চারিত  
 করে। এরূপ ক্ষমা সম্ভব হইলে, বিষভঞ্জে রত থাকিয়া বিষের অপকারিতা দূর হইবে, এরূপ আশা  
 করার সদৃশ। শয়তানের প্রবঞ্চনার মধ্যে এই একটি বিশেষ প্রবঞ্চনা যে, পাপীকে বিলম্বে অনুতাপ  
 করিতে বলে। সে বলিয়া থাকে যে, এক্ষণে সময় আছে, উপস্থিত আমোদকে পরিত্যাগ করিও না।  
 ( ত, হো, )



পথভ্রান্ত করিয়া থাকেন ও যাহাকে ইচ্ছা করেন পথপ্রদর্শন করেন ; পরে তাহাদের প্রতি আক্ষেপপ্রযুক্ত তোমার চিত্ত, ( হে মোহম্মদ, ) যেন বিনষ্ট না হয়। নিশ্চয় ঈশ্বর, তাহারা যাহা করিতেছে, তাহার জ্ঞাতা। ৮। এবং সেই ঈশ্বর বায়ুরাশিকে প্রেরণ করিয়াছেন, পরে উহা বারিবাহকে সমুখাপন করিয়াছে, অবশেষে আমি তাহাকে মৃত ( শুষ্ক ) নগরের দিকে সঞ্চালন করিয়াছি, অনন্তর আমি তদ্বারা ভূমিকে তাহার মৃত্যুর পর বাঁচাইয়াছি ; এই প্রকার ( কবর হইতে ) সমুখাপন হয়। ৯। যে ব্যক্তি গৌরব ইচ্ছা করে, ( সে ঈশ্বরের নিকটে তাঁহার অর্চনা দ্বারা গৌরব অন্বেষণ করুক ; ) অনন্তর ঈশ্বরেরই সমগ্র গৌরব, তাঁহার দিকেই পুণ্য বাণী সমুখিত হয়, এবং সংকর্ষকে তিনি উন্নত করেন, এবং যাহারা কুক্তিয়া দ্বারা প্রবঞ্চনা করিয়া থাকে, তাহাদের জন্ত কঠিন শাস্তি আছে ; ইহাদের প্রবঞ্চনা তাহাই হয় যে বিলুপ্ত হইবে \*। ১০। এবং ঈশ্বর তোমাদিগকে মৃত্তিকা দ্বারা ( প্রথম ) সৃজন করিয়াছেন, তৎপর শুক্র দ্বারা, তৎপর তোমাদিগকে স্ত্রী পুরুষ করিয়াছেন, এবং তাঁহার জ্ঞানগোচর ব্যতীত কোন স্ত্রী গর্ভধারণ ও প্রসব করে না, এবং গ্রন্থে ( লিপিবদ্ধ ) ব্যতীত কোন জীবনধারীকে জীবন দেওয়া যায় না ও তাহার জীবন হইতে খর্ব করা হয় না ; নিশ্চয় ইহা ঈশ্বরের সম্বন্ধে সহজ হয়। ১১। এবং ইহার জল স্মধুর স্বেচ্ছা তৃপ্তিকর, ইহা লবণাক্ত তিক্ত, ( এইরূপ ) দুই সাগর পরস্পর তুল্য হয় না ; † এবং প্রত্যেক ( সাগর ) হইতে তোমরা সতোমাংস ভক্ষণ করিয়া থাক ও অন্ধকার ( মৌক্তিক ) বাহির কর, তাহা পরিয়া থাক। এবং তুমি, ( হে মোহম্মদ, ) তন্মধ্যে বারিবিদৌর্গকারী নৌকা সকলকে দেখিতেছ, তাহাতে তোমরা তাঁহার প্রসাদে ( জীবিকা ) অন্বেষণ করিয়া থাক, এবং সম্ভবতঃ তোমরা কৃতজ্ঞ হইবে। ১২। তিনি দিবাকে রজনীতে উপস্থিত করেন ও

\* ঈশ্বরের সেবাতৈই গৌরব ও উন্নতি, তাঁহার বিরুদ্ধাচরণে লাঞ্ছনা ও দুর্গতি। পবিত্র বাক্য সকল তাঁহার মন্দিরে গৃহীত হইবার জন্ত উর্কগামী হয় ও শুভানুষ্ঠান সেই বাক্যাবলীকে উন্নত করিয়া থাকে। এস্থলে পবিত্র বাক্য প্রার্থনা। প্রার্থনা সদাচার ব্যতীত ঈশ্বর কর্তৃক গৃহীত হয় না। ধর্মোদ্দেশ্যে দরিদ্রদিগকে দান করা সংকর্ষ, এই ধর্মার্থ দান প্রার্থনা গৃহীত হইবার পক্ষে অনুকূল। অথবা “লা এলাহ্ এল্লাহ” এই একত্ববাদের বাক্য পবিত্র বাক্য। এস্থলে “সংকর্ষ তাহাকে উন্নত করে” ইহার অর্থ, ঈশ্বর সংকর্ষকে উন্নত করেন, এরূপও হইয়া থাকে ; অর্থাৎ তিনি সংকর্ষের মর্যাদা বৃদ্ধি করেন। একেশ্বরবাদীর সংকাধ্য বলিতে সরল ব্যবহার বুঝায়, অল্প কিছুই তৎসদৃশ নহে। যে অনুষ্ঠান কপটতামিশ্রিত, তাহা সর্কাপেক্ষা নিকৃষ্ট ও অসার। এস্থলে কুক্তিয়া সকল প্রবঞ্চনা, কোরেশদিগের প্রবঞ্চনা ; তাহারা দারুলদওয়াতে হজরতকে বন্দী ও হত্যা এবং নির্বাসন করিতে যাহা করিয়াছিল, সূরা আনফালে তাহা বিবৃত হইয়াছে। ( ত, হো, )

† বিশ্বাসী ও আবিশ্বাসী লোক সম্বন্ধে এই দৃষ্টান্তের প্রয়োগ হইতে পারে। তাহাদিগের মধ্যে সমতা নাই, একজন ধর্মের মাধুয্যে অত্যন্ত মধুর, অপর ব্যক্তিতে পাপের কটুতা। এখানে লবণাক্ত সাগর ধর্মদোহিতা ও উন্ন্যার্গচারিতা। ( ত, হো, )

রজনীকে দিবাতে আনয়ন করিয়া থাকেন, এবং সূর্য ও চন্দ্রকে বাধ্য রাখিয়াছেন, তাহারা প্রত্যেক নির্দিষ্ট সময়ে সঞ্চালিত হয় ; তিনিই তোমাদের প্রতিপালক পরমেশ্বর, তাঁহারই রাজত্ব, তোমরা তাঁহাকে ব্যতীত যাহাদিগকে আহ্বান করিয়া থাক, তাহারা খজুরের ক্ষুদ্র খোসাপরিমাণও কর্তৃত্ব রাখে না। ১৩। তোমরা তাহাদিগকে আহ্বান করিলে তাহারা তোমাদের আহ্বান শ্রবণ করে না, এবং শ্রবণ করিলেও তোমাদিগকে উত্তর দান করে না, কেয়ামতের দিনে তাহারা তোমাদের অংশিত্বকে অগ্রাহ্য করিবে ; এবং তোমাকে, ( হে মোহম্মদ, ) তত্ত্বজ্ঞ ( ঈশ্বরের ) গায় ( কেহ ) সংবাদ দিবে না। ১৪। ( র, ২, আ, ৭ )

হে লোক সকল, তোমরা ঈশ্বরের নিকটে দীনহীন, এবং সেই ঈশ্বর প্রশংসিত নিষ্কাম। ১৫। তিনি ইচ্ছা করিলে তোমাদিগকে দূর করিবেন ও নূতন সৃষ্টি আনয়ন করিবেন \*। ১৬। এবং ঈশ্বরের সপক্ষে ইহা কঠিন নয়। ১৭। এবং ভারবাহক অণুর ( পাপের ) ভার বহন করে না ; যদি কোন ভারাক্রান্ত ব্যক্তি আপন ভারের দিকে ( ভার উঠাইতে ) ডাকে, আত্মীয় হইলেও তাহার কিছুই বহন করে না। যাহারা স্বীয় প্রতিপালককে গোপনে ভয় করে ও নমাজকে প্রতিষ্ঠিত রাখে, তুমি তাহাদিগকে ভয় প্রদর্শন করিয়া থাক, এতদ্ভিন্ন নহে ; যে ব্যক্তি শুদ্ধ হইয়া থাকে, এবং অবশেষে সে স্বীয় জীবনের জগু শুদ্ধ হয়, এতদ্ভিন্ন নহে, এবং ঈশ্বরের দিকেই পুনর্গমন †। ১৮। অন্ধ ও চক্ষুহীন এবং অন্ধকার ও জ্যোতি এবং ছায়া ও উষ্ণতা তুল্য হয় না। ১৯ + ২০ + ২১। এবং জীবিত ও মৃত পরস্পর তুল্য হয় না, নিশ্চয় ঈশ্বর যাহাকে ইচ্ছা করেন, শ্রবণ করান ; এবং যে ব্যক্তি কবরে আছে, তুমি তাহার শ্রাবক নও। ২২। তুমি ভয়প্রদর্শক ব্যতীত নও। ২৩। নিশ্চয় আমি তোমাকে সত্যভাবে ( স্বর্গের ) সুসংবাদদাতা ও ( নরকের ) ভয়প্রদর্শকরূপে প্রেরণ করিয়াছি ; এবং ( এমন ) কোন মণ্ডলী নাই, যাহাতে ভয়প্রদর্শক হয় নাই ‡। ২৪। এবং যদি তাহারা তোমার প্রতি অসত্যারোপ করে, ( আশ্চর্য্য নয় ; ) নিশ্চয় তাহাদের পূর্বে যাহারা ছিল, তাহারাও অসত্যারোপ করিয়াছে। তাহাদের নিকটে তাহাদের প্রেরিতপুরুষগণ প্রমাণ সকল সহ ও ধর্ম্মপুস্তিকা সকল সহ

\* অর্থাৎ তোমাদের পরিবর্তে তিনি নূতন লোক সকল তাঁহার ধর্ম্মরক্ষার্থ আনয়ন করিবেন।  
( ত, হো, )

† অর্থাৎ যদ্যপি কোন পাপী স্বীয় আত্মীয় সজজনকে ডাকিয়া তাহার কিয়দংশ পাপ বহন করিবার জগু প্রার্থনা করে, কেহ তাহাতে সম্মত হয় না, যেহেতু সকলেই এ বিষয়ে অক্ষম হয়। “যাহারা স্বীয় প্রতিপালককে গোপনে ভয় করে” অর্থাৎ ভয়ের লক্ষণ যাহাদের মধ্যে স্পষ্ট বিদ্যমান, অথবা লুক্কায়িত, শাস্তি না দেখিয়াও যাহারা ভীত হইয়া থাকে।  
( ত, হো, )

‡ ভয়প্রদর্শক স্বর্গীয় সংবাদবাহক বা তাঁহার অনুবর্তী কোন জ্ঞানী লোক হইতে পারেন।  
( ত, হো, )

এবং উজ্জল গ্রন্থ সহ আসিয়াছিল। ২৫। তৎপর আমি ধর্মদ্রোহীদিগকে আক্রমণ করিয়াছিলাম, অনন্তর কেমন শাস্তি ছিল। ২৬। ( র, ৩, আ, ১২ )

তুমি কি, ( হে মোহম্মদ, ) দেখ নাই যে, ঈশ্বর আকাশ হইতে বারি বর্ষণ করিয়াছেন, পরে তদ্বারা আমি ফলপুঞ্জ বাহির করিয়াছি? সে সকলের বর্ণ বিবিধ এবং গিরিশ্রেণী হইতে বয়ুসকল ( বাহির করিয়াছি, ) তাহার বিবিধ বর্ণ, খেত ও লোহিত এবং অত্যন্ত কৃষ্ণবর্ণ হয় \*। ২৭। এবং মানবমণ্ডলী ও জীবজন্তু এবং পশুরও এইরূপ বিবিধ বর্ণ; তাহার দাসদিগের মধ্যে জ্ঞানী লোকেরা ঈশ্বরকে ভয় করে, এতদ্ভিন্ন নহে। নিশ্চয় পরমেশ্বর পরাক্রান্ত ক্ষমাশীল। ২৮। নিশ্চয় যাহারা ঐশ্বরিক গ্রন্থ পাঠ করে ও উপাসনাকে প্রতিষ্ঠিত রাখিয়াছে, এবং আমি তাহাদিগকে প্রকাশ্যে ও গোপনে যে জীবিকা দান করিয়াছি, তাহা হইতে ব্যয় করিয়াছে, ( এতৎসহ ) বাণিজ্যের আশা রাখে, তাহারা কখনও বিনষ্ট হইবে না। ২৯+ তাহাতে তিনি তাহাদিগের পারিশ্রমিক তাহাদিগকে পূর্ণ দান করিবেন, এবং স্বীয় করুণাযোগে তাহাদিগকে অধিক দিবেন; নিশ্চয় তিনি ক্ষমাশীল গুণজ্ঞ। ৩০। এবং তোমার প্রতি আমি গ্রন্থবিষয়ে যাহা প্রত্যাদেশ করিয়াছি, তাহা সত্য; তাহার পূর্বে যাহা ( যে গ্রন্থ ) ছিল, উহা তাহার প্রমাণকারী। নিশ্চয় ঈশ্বর স্বীয় দাসদিগের দ্রষ্টা তত্ত্বজ্ঞ। ৩১। তৎপর আমি স্বীয় দাসদিগের মধ্যে যাহাদিগকে গ্রহণ করিয়াছি, তাহাদিগকে গ্রন্থের উত্তরাধিকারী করিয়াছি; অনন্তর তাহাদিগের মধ্যে ( কতক লোক ) স্বীয় জীবনসম্বন্ধে অত্যাচারী এবং তাহাদের মধ্যে ( কতক ) মধ্যমভাবাপন্ন ও তাহাদের মধ্যে ( কতক ) ঈশ্বরের আদেশক্রমে কল্যাণপুঞ্জের দিকে অগ্রসর, ইহাই সেই মহা গৌরব ণ। ৩২। স্থায়ী উদ্ভান

\* এখানে গিরিশ্রেণীর বয়ুসকল অর্থে পর্বতসমূহের স্তরপুঞ্জ। পর্বতের কতক স্তর শুভ্র, কতক লোহিত, কতক কৃষ্ণবর্ণ ইত্যাদি। ইহাদ্বারা ঈশ্বরের শক্তির বিচিত্রতা প্রকাশ পাইতেছে। এইরূপ জীবজন্তু মানবমণ্ডলীর মধ্যেও বিবিধ ভাব, প্রত্যেকের আকার প্রকার ভিন্ন। এই প্রকার বিশ্বাসী ও অবিশ্বাসী হয়, ইহারা পরস্পর তুল্য কখনই হইতে পারে না। হজরতের প্রতি ঈশ্বরের এই সাস্তনাবাক্য। ( ভ, ফা, )

+ হজরতের মণ্ডলী ঈশ্বরের দানকে উত্তরাধিকার দান বলেন; ক্রেশ, পরিশ্রম ও অন্বেষণ ব্যতিরেকে যে ধন হস্তগত হয়, উহা উত্তরাধিকারিত্ব দান। এইরূপ যত্ন চেষ্টা ব্যতিরেকে বিশ্বাসীদিগের নিকটে তাহাদের প্রতি ঈশ্বরের একান্ত অনুগ্রহে কোর্-আন্ দান উপস্থিত হইয়াছে। যেরূপ অসম্পর্কিত লোকের উত্তরাধিকারিত্বদানে অধিকার নাই, তদ্রূপ শত্রুগণেরও কোর্-আনের ফলভোগে অধিকার নাই। উত্তরাধিকারিত্বের অংশে ভিন্নতা আছে, অষ্টমাংশ ষষ্ঠাংশ চতুর্থাংশ ইত্যাদি। কেহ একরূপ আছে যে, সমুদায় গ্রহণ করিয়া থাকে। এই প্রকার কোর্-আনের অধিকারীদিগেরও ফলভোগসম্বন্ধে প্রভেদ আছে। প্রত্যেকে স্ব স্ব যোগ্যতা ও ক্ষমতার পরিমাণানুসারে কোর্-আনের স্বত্ব লাভ করিয়া থাকে। অত্যাচারী ও মধ্যমাবস্থাপন্ন এবং অগ্রসর, এই তিন শ্রেণীর লোক। পাপ কার্যে একান্ত অনুরক্ত অত্যাচারী, যে ব্যক্তি পুনঃ পুনঃ অনুতাপ করিয়া তাহা ভঙ্গ করে, সে মধ্যমাবস্থাপন্ন, যে অনুতাপে আত্মত

সকল আছে, তাহাতে তাহারা প্রবেশ করিবে, তথায় তাহারা স্বৰ্গ ও মুক্তার কক্ষ-সকলে ভূষিত হইবে, এবং তথায় তাহাদের পরিচ্ছদ কৌশেয় বস্ত্র হইবে। ৩৩। এবং তাহারা বলিবে, “সেই ঈশ্বরেরই সম্যক্ প্রশংসা, যিনি আমাদিগ হইতে দুঃখ দূর করিয়াছেন, নিশ্চয় আমাদের প্রতিপালক ক্ষমাশীল গুণজ্ঞ, যিনি আপন গুণে আমাদিগকে অমরধামে আনয়ন করিয়াছেন ; তথায় কোন দুঃখ আমাদিগকে স্পর্শ করে না, এবং তথায় কোন শ্রাস্তি আমাদিগকে স্পর্শ করে না”। ৩৪ + ৩৫। এবং যাহারা ধর্ম-দ্রোহী হইয়াছে, তাহাদের জন্ত নরকের অগ্নি আছে, তাহাদিগের প্রতি আজ্ঞা হইবে না যে, পরে তাহারা প্রাণত্যাগ করিবে, এবং তাহাদিগ হইতে উহার শাস্তি খর্ব করা যাইবে না ; এইরূপে আমি সকল ধর্মদ্রোহীকে বিনিময় দান করিব। ৩৬। এবং তাহারা তথায় আর্তনাদ করিবে, ( বলিবে, ) “হে আমাদের প্রতিপালক, তুমি আমাদিগকে বাহির কর, আমরা যাহা করিতেছিলাম, তদ্ব্যতিরেকে সংকল্প করিব।” (তিনি বলিবেন,) “আমি কি তোমাদিগকে সেই পরিমাণ আরু দান করি নাই যে, যে ব্যক্তি উপদেশ গ্রহণ করিতে চাহে, তাহাতে উপদেশ গ্রহণ করে ? এবং তোমাদের নিকটে ভয়প্রদর্শক উপস্থিত হইয়াছিল ; অতএব ( দণ্ড ) আশ্বাদন কর, অনন্তর অত্যাচারীদিগের জন্ত কোন সাহায্যকারী নাই” \*। ৩৭। ( র, ৪, আ, ১১ )

নিশ্চয় ঈশ্বর স্বর্গ ও পৃথিবীর নিগূঢ় তত্ত্বজ্ঞ, তিনি আন্তরিক রহস্যবিদ। ৩৮। তিনিই যিনি তোমাদিগকে পৃথিবীতে স্থলাভিষিক্ত করিয়াছেন ; অনন্তর যে ব্যক্তি ধর্মদ্রোহিতা করিয়াছে, পরে তাহার প্রতিই তাহার ধর্মদ্রোহিতা বর্তিয়াছে, এবং ধর্মদ্রোহীদিগের সম্বন্ধে তাহাদের ধর্মদ্রোহিতা তাহাদিগের প্রতিপালকের নিকটে অপ্রসন্নতা ভিন্ন বৃদ্ধি করে না ও ধর্মদ্রোহীদিগের সম্বন্ধে তাহাদের ধর্মদ্রোহিতা ক্ষতি ব্যতীত বৃদ্ধি করে না। ৩৯। তুমি, ( হে মোহম্মদ, ) জিজ্ঞাসা কর, “ঈশ্বরকে ছাড়িয়া তোমরা যাহাদিগকে আহ্বান করিয়া থাক, তোমরা কি আপনাদিগের সেই অংশীদিগকে দেখিয়াছ ? পৃথিবীর যাহা তাহারা স্বজন করিয়াছে, তাহা আমাকে প্রদর্শন কর, তাহাদের জন্ত কি স্বর্গে অংশিত্ব আছে ?” তাহাদিগকে কি আমি গ্রন্থ দান করিয়াছি যে, পরে তাহার প্রমাণের স্মৃতি, সে অগ্রসর। অথবা সংসারানুরাগী অত্যাচারী, পরলোকাকাজী মধামাবস্থাপন্ন এবং ঈশ্বরের প্রতি অনুরক্ত ব্যক্তি অগ্রসর। ( ত, হো, )

\* “তোমাদের নিকটে ভয়প্রদর্শক উপস্থিত হইয়াছিল” অর্থাৎ তোমাদিগকে শিক্ষা দান করিতে পেশার তোমাদের নিকটে আসিয়াছিলেন, অথবা সঙ্গ্রহ কিংবা শুভজ্ঞান বা স্বজন প্রতিবেশীদিগের মৃত্যু উপস্থিত হইয়াছিল। যখন নরকলোকস্থ পাপিগণ আর্তনাদ করিয়া বলিতে থাকিবে যে, হে ঈশ্বর, আমাদিগকে উদ্ধার করিয়া পৃথিবীতে পাঠাও, আমরা আদ্যন্ত চিরকাল সংকল্প করিব, তখন ঈশ্বর বলিবেন, তোমাদিগকে কি পৃথিবীতে জীবন দান করি নাই ? তাহারা বলিবে, হাঁ, জীবন লাভ করিয়াছিলাম, ভয়প্রদর্শকও দেখিয়াছিলাম। তাহাতে ঈশ্বর বলিবেন, তবে নরকের শাস্তি আশ্বাদন কর। ( ত, হো, )

উপর তাহারা আছে ? বরং অত্যাচারিগণ প্রতারণারূপে ভিন্ন তাহাদের এক জন অগ্নি জনের সম্বন্ধে অঙ্গীকার করে না। ৪০। নিশ্চয় ঈশ্বর স্থানচ্যুতি হইতে স্বর্গ ও মর্ত্যকে রক্ষা করেন, এই দুই স্থলিত হইলে, তাঁহার অভাবে কেহ নাই যে, এ দুইকে রক্ষা করে ; নিশ্চয় তিনি সহিষ্ণু ক্ষমাশীল হন। ৪১। এবং তাহারা ঈশ্বরের নামে আপনাদের দৃঢ়শপথে শপথ করিয়াছিল যে, যদি তাহাদের নিকটে ভয়প্রদর্শক উপস্থিত হয়, তবে অবশ্য তাহারা প্রত্যেক মণ্ডলী অপেক্ষা অধিকতর সংপথগামী হইবে ; অনন্তর যখন তাহাদের নিকটে ভয়প্রদর্শক উপস্থিত হইল, তখন তাহাদের সম্বন্ধে পৃথিবীতে অহঙ্কার ও উপেক্ষা ভিন্ন বৃদ্ধি করে নাই। এবং তাহারা অসচ্চক্রান্ত করিয়াছে, অসচ্চক্রান্ত সেই চক্রান্তকারীর প্রতি ব্যতীত অবতরণ করে না ; অনন্তর তাহারা পূর্বতন লোকদিগের প্রতি ( ঈশ্বরের ) যে বিধি ছিল, তাহা ব্যতীত প্রতীক্ষা করে না, পরে তুমি কখনও ঈশ্বরের বিধির পরিবর্তন পাইবে না \*। ৪২। এবং তুমি ঈশ্বরের বিধির অন্যথা পাইবে না। ৪৩। তাহারা কি ধরাতলে ভ্রমণ করে নাই ? তাহা হইলে দেখিত, তাহাদের পূর্বে যাহারা ছিল, তাহাদের পরিণাম কিরূপ হইয়াছে, অপিচ তাহাদের অপেক্ষা তাহারা শক্তিতে দৃঢ়তর ছিল ; এবং ঈশ্বর (এরূপ) নহেন যে, স্বর্গে ও পৃথিবীতে তাঁহাকে কোন বস্তু পরাভূত করে, নিশ্চয় তিনি জ্ঞানময় শক্তিময় হন। ৪৪। এবং যদি ঈশ্বর মানবমণ্ডলীকে, তাহারা যাহা করিয়া থাকে, তজ্জন্ম আক্রমণ করিতেন, তবে কোন প্রাণীকে তাহার (পৃথিবীর) পৃষ্ঠে ছাড়াইয়া দিতেন না ; কিন্তু তিনি নির্দারিত কাল পর্য্যন্ত তাহাদিগকে অবকাশ দিতেছেন, অনন্তর যখন তাহাদিগের কাল উপস্থিত হইবে, তখন নিশ্চয় ঈশ্বর আপন দাসদিগের সম্বন্ধে দৃষ্টিকারী। ৪৫। (র, ৫, আ, ৮)

\* অর্থাৎ ধর্মদ্রোহী কোরেশদল প্রভৃতি দৃঢ়রূপে শপথ করিয়া বলিয়াছিল যে, তাহাদের নিকটে প্রেরিতপুরুষ উপস্থিত হইলে তাহারা ইহুদী ও ইসরাইলিগণ অপেক্ষা অধিকতর সংপথগামী হইবে। কিন্তু যখন প্রেরিতপুরুষ মোহাম্মদ উপস্থিত হইলেন, তখন তাঁহাকে তাহারা অহঙ্কারবশতঃ অবজ্ঞা করিল ও নানাপ্রকার উপায়ে তাঁহাকে বন্দী বা হত্যা করিতে চেষ্টা পাইল। কিন্তু চক্রান্তকারিগণ অপরের জন্ম যে চক্রান্ত করে, তাহাতে নিজেরাই আবদ্ধ হয় ; পূর্ববর্তী কুচক্রী অত্যাচারী লোকদিগের প্রতি যে শাস্তির বিধি হইয়াছিল, তাহারাও সেই শাস্তি পাইবার প্রতীক্ষা করে। (ত, হো, )



# সূরা ইয়াস \*

## ষট্‌ত্রিংশ অধ্যায়

৮৩ আয়ত, ৫ রকু

( দাতা দয়ালু পরমেশ্বরের নামে প্রবৃত্ত হইতেছি )

ইয়াস ৭। ১। স্মৃঢ় কোর্ আনের শপথ ; নিশ্চয় তুমি সরল পথে স্থিত প্রেরিত পুরুষদিগের অন্তর্গত। ২ + ৩। ৪। করুণাময় পরাক্রান্ত (ঈশ্বর কতকই) অবতারণ, যেন তুমি সেই দলকে ভয় প্রদর্শন কর, যাহাদের পিতৃপুরুষগণকে (শীঘ্র) ভয় প্রদর্শন করা হয় নাই ; পরন্তু ইহারা অজ্ঞাত। ৫ + ৬। সত্য সত্যই (শাস্তির) কথা তাহাদের অধিকাংশের সম্বন্ধে নিশ্চিত, এবং তাহারা বিশ্বাস করিতেছে না। ৭। নিশ্চয় আমি তাহাদের গলদেশে গলবন্ধন রাখিয়াছি, অনন্তর উহা চিবুক পর্যন্ত রহিয়াছে, অবশেষে তাহারা উর্দ্ধশীর্ষ হইয়া আছে। ৮। এবং আমি তাহাদের সম্মুখভাগে এক প্রাচীর ও তাহাদের পশ্চাত্তাগে এক প্রাচীর স্থাপন করিয়া তাহাদিগকে আচ্ছাদন করিয়াছি ; পরন্তু তাহারা দেখিতেছে না। ৯। ১০। এবং তুমি তাহাদিগকে ভয় প্রদর্শন কর বা না

\* এই সূরা মক্কাতে অবতীর্ণ হইয়াছে।

† ব্যবচ্ছেদক বর্ণ সকলের নিগূঢ় অর্থ আছে, সে সমস্ত তত্ত্ব স্বর্গীয় ভাণ্ডারের রত্নস্বরূপ। পরমেশ্বর স্বীয় প্রেমাম্পদ সংবাদবাহক মোহম্মদকে তাহা জ্ঞাপন করিয়াছিলেন। ষ্বেত্রিলযোগে সেই বর্ণাবলী প্রেরিত হইয়াছে, ঈশ্বর ও প্রেরিতপুরুষ ব্যতীত অশু কেহ তাহার ঠিক মর্ম অবগত নহে। কোন পণ্ডিত বলেন, “ইয়াস” কোর্-আনের নাম ; গ্রন্থবিশেষে উক্ত হইয়াছে যে, তাহা ঈশ্বরের নাম বিশেষ। কেহ বলেন, কোর্-আনের স্মার নাম। ভাষ্যবিশেষে উক্ত হইয়াছে যে, কোর্-আনে হজরতের সাতটি নাম উল্লিখিত আছে, ইয়াস তন্মধ্যে একটি। এমাম কয়শরী বলিয়াছেন, ইয়া, অর্থে অঙ্গীকৃত দিন ; স, অর্থে আলায়। এইরূপ অনেকে অনেক প্রকার বলিয়াছেন। (ত, হো,)

‡ একদা আবুজহল শপথ করিয়া বলিয়াছিল যে, “মোহম্মদকে নমাজ পড়িতে দেখিলে তাহার মস্তক চূর্ণ করিব।” পরে সে একদিন দেখে, তিনি নমাজ পড়িতেছেন, তৎক্ষণাৎ প্রস্তর হস্তে করিয়া তাঁহার দিকে ধাবিত হয়। সে যখন পাথর মারিবার জন্ত হস্ত উত্তোলন করে, তখন হাত তাহার গলদেশ আবেষ্টন করিয়া থাকে, এবং প্রস্তর করতলে বন্ধ হইয়া তাহার চিবুকের নিম্নে গ্রীবাতে সংযুক্ত হইয়া যায় ; তাহাতে সে বাধা হইয়া হজরতকে গ্রহণ করিতে নিবৃত্ত হয়। মপ্‌জুমবংশীয় লোকেরা বহু যত্নে আবুজহলের গলদেশ হস্তে হস্ত বিচ্ছিন্ন করিয়াছিল। (ত, হো,)

§ একজন মপ্‌জুমী আবুজহলের হস্ত হইতে উপরি উক্ত প্রস্তর গ্রহণ করিয়া হজরতকে মারিতে যায়। তাঁহার নিকটে উপস্থিত হওয়া মাত্র সে অন্ধ হয়, কিছুই দেখিতে পায় না ; না সম্মুখে যাইতে পারে, না পশ্চাতে। তাহাতেই এই আয়ত অবতীর্ণ হয়। (ত, হো,)

কর, তাহাদের প্রতি তুল্য ; তাহারা বিশ্বাস করে না। ১০। যে ব্যক্তি উপদেশের অনুসরণ করে ও পরমেশ্বরকে অন্তরে ভয় করিয়া থাকে, তাহাকে তুমি ভয় প্রদর্শন কর, এতদ্বিষয় নহে ; অনন্তর ক্ষমা ও মহা পুরস্কার বিষয়ে তাহাকে তুমি সুসংবাদ দান কর। ১১। নিশ্চয় আমি মৃতকে জীবিত করি, এবং তাহারা যাহা পূর্বে পাঠাইয়াছে, তাহা ও তাহাদের পদচিহ্ন লিপি করিয়া থাকি, উজ্জ্বল গ্রন্থে সমুদায় বিষয় আয়ত্ত করিয়াছি \*। ১২। ( র, ১, আ ১২ )

এবং তুমি, (হে মোহাম্মদ,) তাহাদের জন্ত সেই গ্রামবাসীদের দৃষ্টান্ত বর্ণন কর, যখন তথায় প্রেরিত পুরুষগণ উপস্থিত হইল ; (স্মরণ কর, ) যখন আমি তাহাদের নিকটে দুই ব্যক্তিকে প্রেরণ করিলাম, তখন তাহারা তাহাদিগকে মিথ্যাবাদী বলিল, পরে আমি তৃতীয় ব্যক্তি দ্বারা ( তাহাদিগের ) পুষ্টি বর্দ্ধন করিলাম ; অবশেষে তাহারা বলিল যে, “নিশ্চয় আমরা তোমাদের নিকটে প্রেরিত” †। ১৩+১৪। তাহারা

\* “তাহারা যাহা পূর্বে পাঠাইয়াছে” অর্থাৎ যে পাপ পুণ্য তাহারা পূর্বে করিয়াছে। “তাহাদের পদচিহ্ন” অর্থাৎ উপাসনালয়ে যাইতে যে পদস্থাপন হয়, এ সমস্ত স্মৃতিপুস্তকরূপ উজ্জ্বল গ্রন্থে লিপি হইয়া থাকে। যে অধিক দূরের পথ হাটিয়া মন্দিরে যায়, তাহার অধিক পুণ্য। এজন্য অনেক সাধুলোকে উপাসনালয় স্বীয় গৃহ হইতে দূরে নির্মাণ করেন। “পদচিহ্ন” পাপ ও পুণ্যের চিহ্নও হইতে পারে। (ত, হো, )

† মহাত্মা ঈসা বর্গারোহণের পূর্বে, কিংবা তাঁহার স্ফুলাভিমিত্ত শমউন তাঁহার ( ঈসার ) স্বর্গারোহণের পরে, ইয়হা ও তুমাননামক দুইজন প্রেরিতকে, কেহ কেহ বলেন, অপর দুই জনকে এস্তাকিয়া নগরে ধর্ম-প্রচারার্থে প্রেরণ করেন। তাঁহারা নগরের অদূরে উপনীত হইয়া এক বৃদ্ধকে দেখেন যে, পশুচারণ করিতেছেন, তাঁহার নিকট যাইয়া সেলাম করেন। বৃদ্ধ জিজ্ঞাসা করেন, “তোমরা কে হও ?” তাঁহারা বলেন, “আমরা মহাপুরুষ ঈসার প্রেরিত, লোকদিগকে সত্যপথ প্রদর্শন করিয়া থাকি, ঈশ্বরের দিকে যাইতে আহ্বান করি।” বৃদ্ধ জিজ্ঞাসা করেন, “তোমরা যে সত্যপ্রচারক, তাহার কোন প্রমাণ রূপ ?” তাঁহারা বলেন, “ঈ, আমরা রোগীদেরকে আরোগ্য দান করি, এবং কুষ্ঠ রোগীদেরকে সুস্থ করিতে পারি।” তখন বর্ষীয়ান পুরুষ বলেন, “বহুবৎসব যাবৎ আমার এক সন্তান পীড়িত, চিকিৎসকগণ তাহার চিকিৎসায় নিরাশ হইয়াছে, যদি তোমরা তাহাকে আরোগ্যদান করিতে পার, তবে আমি তোমাদের ঈশ্বরের শরণাপন্ন হইব।” এতচ্ছবণে তাঁহারা সেই রোগীর শয্যার পাশে উপস্থিত হইয়া প্রার্থনা করেন, তৎক্ষণাৎ সে আরোগ্যলাভ করে। বৃদ্ধ ইহা দেখিয়া প্রেরিতপুরুষদিগের নিকটে ধর্ম দীক্ষিত হন। ক্রমে সেই দুই প্রেরিতের সংবাদ নগরের সকল প্রচার হয়, অনেক রোগী তাহাদের নিকটে যাইয়া আরোগ্যলাভ করিতে থাকে। তখন আশুপিনাকমী নামক ব্যক্তি সেই নগরে রাজা ছিলেন, তিনি প্রতিমা পূজা করিতেন। প্রেরিতপুরুষদিগের বিষয় শুনিত্তে পাইলেন যে, তাঁহারা প্রতিমা-পূজার বিরুদ্ধে এবং এক মাত্র ঈশ্বরের উপাসনার পক্ষে লোকদিগকে উপদেশ দান করিয়া থাকেন। ইহা শুনিয়া তিনি তাঁহাদিগকে কারাগারে বন্দী করেন। তখন শমউন তাঁহাদের উদ্দেশে আসিয়া রাজমন্ত্রিগণের সঙ্গে প্রণয়স্থাপনে প্রবৃত্ত হন, স্বীয় নৈপুণ্য ও বিচক্ষণতার বলে তিনি অচিরে রাজার সান্নিধ্য লাভ করেন। পরমেশ্বর এই আখ্যায়িকায় তাহার সংবাদ দান করিতেছেন। (ত, হো, )

বলিল, “তোমরা আমাদের ঞায় মনুষ্য ভিন্ন নও, এবং ঈশ্বর কোন বিষয় অবতারণ করেন নাই, তোমরা মিথ্যাবাদী ভিন্ন নও”। ১৫। তাহারা বলিল, “আমাদের প্রতিপালক জ্ঞাত আছেন যে, নিশ্চয় আমরা তোমাদের নিকটে প্রেরিত। ১৬। এবং আমাদের প্রতি স্পষ্ট প্রচারকার্য্য ভিন্ন নহে”। ১৭। তাহারা বলিল, “একান্তই আমরা তোমাদের ( আগমন ) সম্বন্ধে কুভাব পোষণ করিতেছি, যদি তোমরা নিবৃত্ত না হও, তবে অবশ্য আমরা তোমাদিগকে চূর্ণ করিব, এবং অবশ্য আমরা হইতে তোমাদের প্রতি ক্লেণজনক শাস্তি পছছিবে”। ১৮। তাহারা বলিল, “তোমাদের মন্দভাব তোমাদের সঙ্গে আছে, তোমরা কি উপদিষ্ট হইতেছ ? বরং তোমরা সীমালঙ্ঘনকারী জাতি” \*। ১৯। এবং নগরের দূর দেশ হইতে এক ব্যক্তি দ্রুতগতি উপস্থিত হইল, বলিল, “হে আমার দলস্থ লোক, তোমরা প্রেরিতপুরুষদিগের অনুসরণ কর। ২০।+ তাহারা

\* কথিত আছে যে, শমউন নরপতির সঙ্গে প্রতিমার মন্দিরে যাইতেন ও ঈশ্বরকে প্রণাম করিতেন; তাহাতে লোকে মনে করিত যে, তিনি প্রতিমাকে সম্মান করেন। রাজা তাহার প্রতি অত্যন্ত বিখ্যাসী হন, শমউনের পরামর্শ গ্রহণ না করিয়া তিনি কোন গুরুতর কার্য্যে হস্তক্ষেপ করিতেন না। এক দিন শমউন নৃপতিকে জিজ্ঞাসা করেন, “মহারাজ, শুনিতে পাইয়াছি, আপনি দুইটা দীনহীন ব্যক্তিকে কারাগারে রুদ্ধ করিয়াছেন, তাহার কারণ কি ?” রাজা বলেন, “তাহারা বলিয়া থাকে যে, আমাদের প্রতিমা বাতীত অল্প ঈশ্বর আছে, তজ্জন্ত তাহাদিগকে কারারুদ্ধ করিয়াছি।” শমউন বিস্ময়ের ভাব প্রকাশ করিয়া বলেন, “তাহাদের কথা অতি বিচিত্র, লোক পাঠাইয়া তাহাদিগকে আনয়ন করুন, শোনা যাউক।” তদনুসারে রাজা তাহাদিগকে উপস্থিত করিলেন। তাহারা শমউনকে তথায় দেখিয়া আশ্চর্যান্বিত হইলেন। শমউন জিজ্ঞাসা করিলেন, “তোমরা কাহাকে পূজা করিয়া থাক ?” তাহারা বলিলেন, “যিনি স্বর্গ মর্ত্য সৃজন করিয়াছেন, তাহাকে”। শমউন পুনর্বার প্রশ্ন করিলেন, “তোমাদের ঈশ্বর কি কার্য্য করিতে পারেন ?” তাহারা বলিলেন, “তিনি অন্ধকে চক্ষুস্থান করিয়া থাকেন।” শমউন নরপতিকে অনুরোধ করিয়া কয়েক জন অন্ধ উপস্থিত করিলেন, এবং তাহাদিগকে বলিলেন, “তোমরা আপন ঈশ্বরদিগকে বল, যেন ইহাদিগকে চক্ষুস্থান করেন।” তাহারা প্রার্থনা করিলেন, তৎক্ষণাৎ অন্ধগণ চক্ষু লাভ করিল। তখন শমউন ভূপালকে বলিলেন, “প্রভো, চলুন, আমরাও আমাদের ঈশ্বর সকলকে এরূপ আশ্চর্য্য কার্য্য করিতে অনুরোধ করি।” রাজা বলিলেন, “শমউন, তুমি কি জান না যে, তাহারা দেখিতে শুনিতে পান না ও কিছু করিতে পারেন না ?” শমউন পুনর্বার বলিলেন, “হে যুবকদ্বয়, তোমাদের পরমেশ্বর আর কি করিতে পারেন ?” তাহারা বলিলেন, “মৃতকে বাঁচাইয়া থাকেন।” তখন শমউন বলিলেন, “যদি তোমাদের ঈশ্বর এরূপ আশ্চর্য্য কার্য্য করিতে পারেন, তবে আমরা সকলে তাহার অধীনতা স্বীকার করিব।” রাজকন্তা প্রাণত্যাগ করিয়াছিল, মৃত্যুর সাত দিন পরে প্রার্থনাযোগে সেই প্রেরিতদ্বয় তাহাকে জীবিত করিয়া তুলিলেন। ইহা দেখিয়া রাজা স্বজনবর্গ সহ ধর্মগ্রহণ করিলেন। কিন্তু কতিপয় লোক বিরোধী হইয়া বিশ্বাসিবর্গ ও প্রেরিতপুরুষদিগের উপর অত্যাচার করিতে প্রবৃত্ত হয়। এই অত্যাচারের সংবাদ পূর্বেজ্ঞ বৃদ্ধ পুরুষ শুনিতে পাইয়া তথায় দৌড়িয়া আসেন। ইহাতেই ঈশ্বর পরের আয়তে সংবাদ দিতেছেন যে, এক ব্যক্তি নগরের দূরতর প্রদেশ হইতে দ্রুতগতিতে উপস্থিত হইল ইত্যাদি। (ত, হো.)

তোমাদের নিকটে কোন পারিশ্রমিক প্রার্থনা করেন না, তাঁহাদিগের অনুসরণ কর, তাঁহারা (সং) পথপ্রাপ্ত। ২১। এবং যিনি আমাকে সৃজন করিয়াছেন; ও যাহার দিকে তোমরা প্রত্যাভিত্ত হইবে, তাঁহাকে আমি পূজা করিব না, আমার সম্বন্ধে (এই) কি? ২২। তাঁহাকে ছাড়িয়া কি আমি (অন্য) ঈশ্বরকে গ্রহণ করিব? যদি ঈশ্বর আমার অপকার করিতে ইচ্ছা করেন, তাহাদিগের (পুত্রলিকাদের) শফায়ত আমার কিছুই উপকার করিবে না, এবং তাহারা আমাকে উদ্ধার করিবে না। ২৩। নিশ্চয় আমি তখন স্পষ্ট পথভ্রান্তির মধ্যে থাকিব। ২৪। নিশ্চয় আমি তোমাদের প্রতিপালকের প্রতি বিশ্বাস স্থাপন করিয়াছি, অনন্তর তোমরা আমা হইতে শ্রবণ কর” \*। ২৫। বলা হইল, “তুমি স্বর্গলোকে প্রবেশ কর;” সে বলিল, “হায়! আমার স্বজাতি যদি জানিত যে, আমার প্রতিপালক কি জন্তু আমাকে ক্ষমা করিলেন ও আমাকে অনুগ্রহীত লোকদিগের অন্তর্গত করিলেন”। ২৬+২৭। এবং তাহার অন্তে তাহার দলের উপর আমি কোন সৈন্য স্বর্গ হইতে অবতারণ করি নাই, এবং আমি অবতারণকারী ছিলাম না †। ২৮। এক ধনি ব্যতীত (তাহাদের শাস্তি) ছিল না, পরে তখনই তাহারা নির্দোষ হইল †। ২৯। হায়! দাসদিগের প্রতি আক্ষেপ, এমন কোন প্রেরিত-পুরুষ তাহাদের নিকটে উপস্থিত হইল না যে, তাহারা তাহাকে বিদ্রূপ করে নাই। ৩০। তাহারা কি দেখে নাই যে, আমি তাহাদের পূর্ব সম্প্রদায় সকলের কত লোককে বিনাশ

\* বিদ্রোহী লোক সকল উক্ত বৃদ্ধ পুরুষ হইতে এই কথা শ্রবণ করিয়া তাঁহাকে হত্যা করিতে উদ্বৃত হয়। তখন তিনি প্রেরিতপুরুষদিগের প্রতি দৃষ্টি করিয়া এই কথা বলেন, এবং কেয়ামতের দিনে আমার সম্বন্ধে সাক্ষ্য দান করিবে, তাহাদিগকে এইরূপ অনুরোধ করেন। সেই বর্ষায়ানের নাম হবিব নজ্জার ছিল। তিনি হজরত মোহাম্মদের অভ্যুদয়ের ছয় শত বৎসর পূর্বে জন্মগ্রহণ করিয়া, তাঁহার প্রতি বিশ্বাসস্থাপনপূর্বক এসলামধর্মে দীক্ষিত হইয়াছিলেন। তাঁহার এইরূপ উক্তি শ্রবণ করিয়া অত্যাচারী লোক প্রস্তরাঘাতে তাঁহাকে হত্যা করে, এস্তাকিয়া নগরে তাঁহার সমাধি বিদ্যমান। পুনশ্চ কথিত আছে যে, হত্যা করিলে পর তাঁহাকে ঈশ্বর পুনর্জীবন দান করিয়া স্বর্গাভিমুখে লইয়া যান, এবং “স্বর্গলোকে প্রবেশ কর” এরূপ বলেন। কেহ কেহ বলেন যে, প্রেরিতপুরুষগণ ও রাজা এবং বিশ্বাসিমওলীও নিহত হইয়াছিলেন। কেহ বলেন, তাঁহারা প্রাণে বাঁচিয়াছিলেন, কেবল হবিব নজ্জার নিহত হইয়াছিলেন, ঈশ্বর তাঁহাকে স্বর্গে লইয়া যান। (ত, হো,)

† ঈশ্বর বলেন, সেই বৃদ্ধের দল অর্থাৎ কাকের দল পরে এমন হীন ও নিকৃষ্ট হইয়াছিল যে, তাহাদিগকে বিনাশ করিবার জন্ত স্বর্গ হইতে দেবসৈন্য প্রেরণ করা আর আবশ্যক হয় নাই। কিন্তু বদর ও হোনয়নের সংগ্রামে দেবসৈন্য প্রেরিত কেন হইয়াছিল? তাহার উত্তর এই যে, হজরতের গৌরববর্দ্ধনের জন্ত তাহা প্রেরিত হইয়াছিল। সেই কাকের সৈন্য কোন গণনার মধ্যে আইসে নাই। (ত, হো,)

‡ ছেত্রিল এস্তাকিয়া নগরে প্রকাশিত হইয়া হত্যা করিয়াছিলেন, তাহাতে অগ্নি যেমন প্রবল বায়ুর আঘাতে সহসা নির্দোষ হয়, কাকের দল তদ্রূপ নির্দোষ হইয়া যায়। (ত, হো,)

করিয়াছি যে, তাহারা তাহাদের দিকে ফিরিয়া আসিতেছে না? ৩১। এবং আমার নিকটে সমুদায় একযোগে উপস্থাপিত করা হইবে ভিন্ন নয়। ৩২। (র, ২, আ, ২০)

এবং তাহাদের জন্ত নিরীভূমি নিদর্শন, আমি তাহা জীবিত করিয়াছি ও তাহা হইতে শস্যকণা বাহির করিয়াছি, পরে তাহারা তাহা ভক্ষণ করিয়া থাকে। ৩৩। এবং আমি তথায় দ্রাক্ষা ও খোশ্মাতরুর উদ্যান সকল উৎপাদন করিয়াছি, পরে তন্মধ্যে প্রস্রবণ প্রবাহিত করিয়াছি। ৩৪।+ তাহাতে তাহারা তাহার ফল ভক্ষণ করিয়া থাকে, এবং তাহাদের হস্ত তাহা রচনা করে নাই; অনন্তর তাহারা কি ধন্যবাদ করিতেছে না \*? ৩৫। তিনি পবিত্র হন, যিনি যুগল পদার্থ সমুদায় সৃজন করিয়াছেন, যদ্বারা পৃথিবী সমূর্ষের হইতেছে; এবং তাহাদের জাতি হইতেও, তাহারা যাহা জানিতেছে না, তাহা (সৃজন করিয়াছেন) †। ৩৬। তাহাদের জন্ত রজনী নিদর্শন, আমি তাহা হইতে দিবা টানিয়া লই, পরে অকস্মাৎ তাহারা অন্ধকারাবৃত হয়। ৩৭।+ এবং দিবাকর তাহার অবস্থিতি-স্থানের জন্ত চলিতে থাকে, ইহা পরাক্রমশালী জানী (ঈশ্বরের) নিরূপণ ‡। ৩৮।+ এবং চন্দ্রমা, তাহার জন্ত আমি স্থান সকল নিরূপণ করিয়াছি, এ পর্য্যন্ত যে, সে (খোশ্মাতরুর) পুরাতন শাখার স্নায় পরিণত হয় §। ৩৯। সূর্যের জন্ত উপযুক্ত হয় না যে, সে চন্দ্রকে প্রাপ্ত হয়, ¶। এবং রজনী দিবার অগ্রগামী নয়, গগনমণ্ডলে সমুদায়ই চলিতেছে। ৪০। এবং তাহাদের জন্ত নিদর্শন এই যে, আমি তাহাদের পিতৃপুরুষদিগকে নৌকাতে পূর্ণ করিয়া উঠাইয়াছিলাম ॥। ৪১।+ এবং তাহাদের

\* এই আয়তের আধ্যাত্মিক অর্থ এই, আমি স্বেচ্ছাক্রমে কৃপাদৃষ্টি দ্বারা জীবিত করি, তদ্বারা সাধনভঙ্গনরূপ শস্যকণা উৎপাদন করিয়া থাকি, তাহাতে তাহাদের আয়ার আহার হয়। এবং স্বেচ্ছাক্রমে ঈশ্বরস্বরূপ খোশ্মা ফলের ও অনুরাগরূপ দ্রাক্ষার উদ্যান প্রস্তুত করিয়া লই, তন্মধ্যে তত্ত্বজ্ঞানের প্রস্রবণ সকল প্রবাহিত করি, যেন তাহারা ঈশ্বরানুভবরূপ ফল ভোগ করে, এবং দান বিতরণাদি সংকার্যে রত থাকে। এজন্ত তাহারা কি কৃতজ্ঞ হইতেছে না? (ত, হো, )

† উদ্ভিদ যুগল বস্তু তরু ও তৃণ, মানবজাতীয় যুগল পদার্থ নরনারী, ত্রিভিন্ন অগণা জীবজন্তু হইতে ঈশ্বর যুগল বস্তু সৃজন করিয়াছেন। (ত, হো, )

‡ অবস্থিতিস্থান হইতে সূর্যের ভ্রমণের নির্দিষ্ট স্থান। (ত, হো, )

§ চন্দ্রের জন্ত দ্বাদশ সংক্রমণক্ষেত্র আছে, এক এক ক্ষেত্র তৃতীয়াংশে বিভক্ত, তাহাতে সমুদায় ক্ষেত্রের অষ্টাবিংশ অংশ হয়। প্রতিদিন চন্দ্র প্রায় এক এক অংশ অতিক্রম করে, পূর্ণতার অংশ সকলে তাহার জ্যোতির ক্রমশঃ বৃদ্ধি ও ক্ষীণতার অংশ সকলে ক্ষীণ হইতে থাকে। যখন ক্ষীণতার চরমাংশে চন্দ্র উপস্থিত হয়, তখন চন্দ্রমা খোশ্মাতরুর পুরাতন শাখার স্নায় ক্ষীণ ও বক্র এবং নিস্প্রভ পীতবর্ণ হয়। (ত, হো, )

¶ সূর্য চন্দ্রের সঙ্গে সংলগ্ন হইতে পারে না, যেহেতু চন্দ্র একমাসে স্বীয় নির্দিষ্ট ক্ষেত্র পরিভ্রমণ করিয়া থাকে। (ত, হো, )

॥ অর্থাৎ মহা প্লাবনের সময় আমি সুহার সঙ্গে নৌকাতে তাহাদের পূর্বপুরুষদিগকে উঠাইয়াছিলাম। (ত, হো, )



জন্ম, তৎসদৃশ যে সকলের উপর তাহারা আরোহণ করিয়া থাকে, সে সমস্ত সৃজন করিয়াছি \*। ৪২। এবং আমি ইচ্ছা করিলে তাহাদিগকে জ্বলমগ্ন করিব, অনন্তর তাহাদের কোন সাহায্যকারী নাই, এবং তাহারা আমার অল্পগ্রহব্যতীত উদ্ধার পাইবে না, নির্দিষ্ট সময় পর্য্যন্তই ভোগ হয়। ৪৩+৪৪। এবং যখন তাহাদিগকে বলা হইল, 'তোমাদের সম্মুখে ও তোমাদের পশ্চাতে যে ( শাস্তি ) আছে, তাহাকে ভয় করিতে থাক, সম্ভব যে তোমরা অল্পগ্রহীত হইবে ; ( তাহারা অগ্রাহ করিল ) †। ৪৫। এবং তাহাদের প্রতিপালকের নিদর্শনাবলীর ( এমন ) কোন নিদর্শন তাহাদের নিকটে উপস্থিত হয় নাই যে, তাহারা তাহা হইতে বিমুখ হয় নাই। ৪৬। যখন তাহাদিগকে বলা হয়, পরমেশ্বর তোমাদিগকে যে উপজীবিকা দিয়াছেন, তোমরা তাহা হইতে ব্যয় কর, তখন ধর্ম্মদ্রোহিণ ধর্ম্মপরায়ণ লোকদিগকে বলে, "আমরা কি সেই ব্যক্তিকে আহার দিব, ঈশ্বর যদি তাহাকে আহার দিতে ইচ্ছা করেন ? তোমরা স্পষ্ট পথভ্রান্তিতে ভিন্ন নও" ‡। ৪৭। এবং তাহারা বলে, "যদি তোমরা সত্যবাদী হও, তবে কবে এই ( শাস্তির ) অঙ্গীকার ( পূর্ণ ) হইবে" ? ৪৮। এক মহা নিনাদ যে তাহাদিগকে আক্রমণ করিবে, তাহারা তাহার প্রতীক্ষা ব্যতীত করিতেছে না, এবং তাহারা পরস্পর কলহ করে। ৪৯। অনন্তর তাহারা অন্তিম বাক্য বলিতে পারিবে না, এবং স্বীয় পরিবারের দিকে ফিরিয়া চাহিবে না। ৫০। ( র, ৩, আ, ১৮ )

এবং সুরবাণ্ডে ( প্রলয়কালে ) ফুৎকার করা যাইবে, তখন অকস্মাৎ তাহারা কবর হইতে আপন প্রতিপালকের দিকে ধাবমান হইবে। ৫১। বলিবে যে, "আমাদিগের প্রতি আক্ষেপ, কে আমাদিগকে আমাদের শয়নাগার হইতে উঠাইল ?" ঈশ্বর যাহা অঙ্গীকার করিয়াছেন, তাহাই ইহা, এবং প্রেরিত পুরুষগণ যথার্থ বলিয়াছেন। ৫২। একমাত্র ধনি ভিন্ন ( এই ব্যাপারে ) হইবে না, তখন পরে অকস্মাৎ তাহারা একত্র আমার নিকটে আনীত হইবে। ৫৩। অনন্তর

\* অর্থাৎ আমি সেই নৌকার সদৃশ আরোহণ করিবার যোগ্য শকট অথ উষ্টাদি যান বাহন সৃজন করিয়াছি। ( ত, হো, )

† সম্মুখে ও পশ্চাতের শাস্তি অর্থে, ইহলোক ও পরলোকের শাস্তি। ( ত, হো, )

‡ কাফের লোকেরা বিশ্বাসী লোকদিগকে বলে, "আমরা কি সেই ব্যক্তিকে আহার দিব, ঈশ্বর যদি তাহাকে আহার দিতে ইচ্ছা করেন ?" অর্থাৎ দিব না। তোমাদের মতে ঈশ্বর জীবদিগকে জীবিকা-দানে সম্পূর্ণ ক্ষমতা রাখেন, তাঁহার কর্তব্য যে, তিনি আহার দেন। যখন তিনি দিলেন না, আমরাও দিব না। তোমরা পথভ্রান্তির মধ্যে আছ। অর্থাৎ কাফেরগণ বিশ্বাসীদিগকে বলে যে, তোমরা ঈশ্বরের ইচ্ছার বিরুদ্ধে কার্য্য করিতে আমাদিগকে বলিতেছ। ইহা তাহাদের ভ্রম, যেহেতু ঈশ্বর কাহাকে ধনী ও কাহাকে দরিদ্র করিয়াছেন ; ধনীকে ঈশ্বর যে ধন দিয়াছেন, তাহা হইতে দরিদ্রকে দান করিবার জন্ম আদেশ করিয়াছেন। অতএব ঈশ্বরের ইচ্ছার বিরুদ্ধে কথা বলা তাহাদের ছল মাত্র।

( ত, হো, )

এই দিবস কোন ব্যক্তি কিছুই উৎপীড়িত হইবে না ; তোমরা যাহা করিতেছিলে, তদনুরূপ ভিন্ন বিনিময় দেওয়া যাইবে না। ৫৪। নিশ্চয় এই দিবস স্বর্গাধিকারিগণ কার্য বিশেষে আনন্দিত হইবে \*। ৫৫। তাহারা ও তাহাদের ভার্য্যাগণ ছায়ার নিম্নে সিংহাসন সকলের উপর ভর দিয়া উপবিষ্ট হইবে। ৫৬। তথায় তাহাদের জন্ত ফলপুষ্প থাকিবে ও তাহারা যাহা চাহিবে, তাহাদের জন্ত হইবে। ৫৭। কুপালু প্রতিপালক হইতে “সেলাম” উক্তি হইবে। ৫৮। এবং ( আমি বলিব, ) “হে অপরাধিগণ, অজ্ঞ তোমরা বিচ্ছিন্ন হও। ৫৯। হে আদমের সন্তানগণ, তোমাদের সম্বন্ধে কি আমি নিশ্চিত বাক্য বলি নাই যে, তোমরা শয়তানকে অর্চনা করিও না, নিশ্চয় সে তোমাদের স্পষ্ট শত্রু, এবং আমাকে পূজা কর, ইহাই সরল পথ? ৬০+৬১। এবং সত্য সত্যই সে তোমাদিগের বহু লোককে পথহারা করিয়াছে, অনন্তর তোমরা কি বুঝিতেছ না? ৬২। এই নরক, যাহাতে তোমরা অঙ্গীকৃত হইয়াছ। ৬৩। তোমরা যে ধর্মদ্রোহী হইয়াছিলে, তন্নিমিত্ত অজ্ঞ ইহার মধ্যে প্রবেশ কর”। ৬৪। এই দিবস আমি তাহাদের মুখের উপর মোহর ( বন্ধন ) স্থাপন করিব, এবং আমার সঙ্গে তাহাদের হস্ত কথা কহিবে ও তাহারা যাহা করিতেছিল, তদ্বিষয়ে তাহাদের চরণ সাক্ষ্য দান করিবে †। ৬৫। এবং আমি ইচ্ছা করিলে অবশ্য তাহাদের চক্ষুর উপর প্রচ্ছন্নতা রাখিয়া দিব ; অনন্তর তাহারা এক পথ অবলম্বন করিবে, পরে কোথা হইতে দেখিতে পাইবে? ৬৬। এবং আমি ইচ্ছা করিলে অবশ্য তাহাদের স্থানে তাহাদিগকে বিরূপ করিয়া রাখিব, অনন্তর তাহারা চলিতে পারিবে না, ফিরিতে পারিবে না ‡। ৬৭। ( র, ৪, আ, ১৭ )

এবং যাহাকে আমি দীর্ঘজীবন দান করি, তাহাকে সৃষ্টিতে অবনত করিয়া থাকি ;

\* গানবাণ্ড বা পরম্পরের সঙ্গে সাক্ষাৎকার কিংবা প্রেমভোজ ইত্যাদি কার্যে স্বর্গবাসিগণ আনন্দিত হইবেন। সাধারণ বিশ্বাসিগণ একরূপ স্বর্গীয় সম্পদ ভোগ করিবেন, কিন্তু সাধু লোকেরা ঈশ্বরদর্শন ও তাঁহার জ্যোতিতে আনন্দ করিবেন। ( ত, হো, )

† অর্থাৎ মুখ বন্ধ করা হইবে, তাহারা স্বীয় পাপ পুণ্যের কথা নিজমুখে বলিবে না। ঈশ্বর-বিরোধীদিগের হস্তপদাদি ইলিয় তাহাদের দুষ্ক্রিয়তার সাক্ষ্য দান করিবে, এবং সাধু লোকদিগের ইলিয়, তাঁহারা যে সাধন ভজন করিয়াছেন, তাহার সাক্ষ্য দিবে। ঈশ্বর সেই দিবস আপন বিশ্বাসী ভৃত্যদিগকে জিজ্ঞাসা করিবেন যে, তোমরা কি আনয়ন করিয়াছ? আপনাদের দান ধর্ম তপস্বাদি গণনা করিয়া বলিতে তাঁহারা লজ্জিত হইবেন। ঈশ্বর তাঁহাদিগের ইলিয়দিগকে বাকশক্তি দান করিবেন। তাহারা প্রত্যেকে নিজ নিজ কার্য বর্ণন করিবে, যথা, অঙ্গুলি নামজপের কথা বলিবে, একরূপ অস্ত্র ইলিয় বলিবে। ( ত, হো, )

‡ অর্থাৎ যদি আমি ইচ্ছা করি, তবে তাহাদিগকে শূকর, বানর ও প্রস্তর করিয়া রাখিব। তাহারা ফিরিবে না, অর্থাৎ এই বিকৃত আকার হইতে পূর্ব আকৃতিতে পরিণত হইবে না। সেই স্থানে থাকিয়াই তাহারা নিষ্পেষিত হইবে। ( ত, হো, )

অনন্তর তাহারা কি বুঝিতেছে না \* ? ৬৮। এবং আমি তাহাকে (মোহাম্মদকে) কবিতা শিক্ষা দেই নাই, এবং সে তাহার উপযুক্ত নয়, উহা উপদেশ ও উজ্জ্বল কোর্-আন ভিন্ন নহে †। ৬৯। + তাহাতে যে ব্যক্তি জীবিত আছে, তাহাকে সে ভয় প্রদর্শন করে, এবং কাফেরদিগের প্রতি বাক্য প্রমাণিত হয়। ৭০। তাহারা কি দেখিতেছে না যে, তাহাদের জন্ত আমি সেই চতুস্পদ, যাহা আমার হস্ত করিয়াছে, সৃজন করিয়াছি, অনন্তর তাহারা তাহার স্বামী হইয়াছে ‡। ৭১। এবং উহাকে তাহাদের অনুগত করিয়াছি, পরে উহার কোনটি তাহাদের বাহন হইয়াছে, এবং উহার কোনটিকে তাহারা ভক্ষণ করিয়া থাকে। ৭২। উহার মধ্যে তাহাদের লাভ সকল আছে ও (দুগ্ধ) পান হয়; অনন্তর তাহারা কি ধন্বাদ করিতেছে না? ৭৩। এবং তাহারা সেই ঈশ্বরকে ছাড়িয়া (অন্য) উপাস্ত গ্রহণ করিয়াছে; ভরসা এই যে, তাহারা সাহায্য প্রাপ্ত হইবে। ৭৪। তাহারা (পুত্রলিকাগণ) তাহাদিগকে সাহায্য দান করিতে সক্ষম হইবে না, তাহারা (পুত্রলিকাগণ) তাহাদের জন্ত সৈন্তরূপে উপস্থাপিত হইবে †। ৭৫। অনন্তর তাহাদের কথা যেন তোমাকে, (হে মোহাম্মদ,) দুঃখিত না করে; নিশ্চয় আমি, তাহারা যাহা গুপ্ত করিতেছে ও যাহা বাক্ত করিয়াছে, জানিতেছি ¶। ৭৬। মনুষ্য কি দেখে নাই যে,

\* এস্থলে অবনত করার অর্থ, বলকে দুর্বলতাতে, পুষ্টি দেহকে ক্ষীণ দেহে পরিণত করা। অধিক বয়সক্রমে হইলেই লোকে জরাজীর্ণ হইয়া দুর্বল হইয়া পড়ে। (ত, হো,)

+ যদি হজরত মোহাম্মদ কবি হইয়া রচনা করিতেন, তাহা হইলে লোকের মনে সন্দেহ হইত যে, তিনি কবিতাশক্তি ও জ্ঞান-বুদ্ধি-প্রভাবেই কোর্-আনের সুন্দর বচন সকল রচনা করিয়া থাকেন। লোকের সন্দেহ-ভঙ্গনের জন্ত ঈশ্বর তাহাকে কবিতাশক্তি দান করেন নাই, প্রত্যাদেশের আলোকে তাহাকে আলোকিত করিয়াছেন। লোকে বলিত, মোহাম্মদ কবি, ঈশ্বর এই আয়ত দ্বারা তাহাদের সেই কথা খণ্ডন করেন। (ত, হো,)

‡ যে ব্যক্তি একাকী কোন কার্য করে, সে বলিয়া থাকে যে, এ কার্য আমি স্বহস্তে করিয়াছি, অর্থাৎ অন্য কেহ এ কাজ করিতে অংশী হয় নাই; তদ্রূপ ঈশ্বর এই স্থানে বলিতেছেন যে, আমি স্বহস্তে কাহার সহায়তা-ব্যতিরেকে গো মেষ উষ্ট্রাদি চতুস্পদ জন্ত তাহাদের জন্ত সৃজন করিয়াছি। (ত, হো,)

§ অর্থাৎ পুত্রলিকা সকল মৃতপাষণ, তাহারা শক্তিহীন অচেতন পদার্থ। ইহলোকে প্রতিমা সকল কাফেরদিগের গৃহের প্রহরী, এবং পরকালে যখন তাহারা নরকে যাইবে, তখন প্রতিমা সকলও তাহাদের সঙ্গে সৈন্ত হইয়া নরকে উপস্থিত হইবে। (ত, হো,)

¶ কথিত আছে, খলফের পুত্র একখণ্ড পুরাতন জীর্ণ অস্তি মর্দন করিতে করিতে হজরতের নিকটে উপস্থিত হয়। তখন অনেক সজ্জাস্ত কোরেশ উপস্থিত ছিল; খলফের পুত্র বলিল, "এমন কে আছে যে, এই বিচ্ছিন্ন দেহাংশ ও ভগ্ন অস্তিকে সংযুক্ত করিয়া দেহসংগঠনপূর্বক পুনর্জীবিত করিতে পারে?" হজরত বলিলেন, "সৃষ্টিকর্তা ইহাকে কেয়ামতের দিনে জীবিত করিয়া তুলিবেন, তোমাকেও জীবিত করিয়া নরকে লইয়া যাইবেন।" তাহাতেই এই আয়তের অবতারণা হয়

(ত, হে)

নিশ্চয় আমি তাহাকে সূত্র হইতে সৃজন করিয়াছি? পরে সে হঠাৎ স্পষ্ট বিরোধকারী হইল। ৭৭। এবং সে আমার জন্ত সদৃশ প্রকাশ করিল ও নিজের সৃষ্টি ভুলিয়া গেল; বলিল, “কে অস্থিকে জীবিত করিবে? বস্তুতঃ তাহা গলিত হইয়াছে”। ৭৮। তুমি বল, (হে মোহম্মদ,) যিনি প্রথমবার তাহাকে সৃজন করিয়াছেন, তিনিই তাহা করিবেন, তিনি সমুদায় সৃষ্টিসম্বন্ধে জ্ঞানী। ৭৯। + যিনি তোমাদের জন্ত হরিদ্বর্ণ তরু হইতে অগ্নি উৎপাদন করিয়াছেন, পরে তোমরা তাহা হইতে অগ্নি উদ্দীপন কর। ৮০। যিনি স্বর্গ ও মর্ত্য সৃজন করিয়াছেন, তিনি কি তাহাদের অম্লরূপ সৃষ্টি করিতে সমর্থ নহেন? ই, (সমর্থ,) এবং তিনি জ্ঞানী সৃষ্টিকর্তা। ৮১। যখন তিনি কিছু ইচ্ছা করেন, তখন তাঁহার আদেশ এতদ্বিন্ন নহে যে, তিনি তাহাকে বলেন, হৌক, পরে হয়। ৮২। অনন্তর যাহার হস্তে সমুদায় পদার্থের কল্পন, তাঁহারই পবিত্রতা, তাহার দিকেই তোমরা পুনর্মিলিত হইবে। ৮৩। (র, ৫, আ, ১৬)

## সূরা সাফ্যাত \*

.....

### সপ্তত্রিংশ অধ্যায়

.....

#### ১৮২ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি।)

শ্রেণীবন্ধনে শ্রেণীবন্ধনকারী (দেবগণের) শপথ। ১। + অনন্তর হুকারে হুকার-কারীদিগের (শপথ)। ২। + অনন্তর উপদেশপাঠকদিগের (শপথ)। ৩। + নিশ্চয়

\* এই সূরা মক্কাতে অবতীর্ণ হয়।

+ ঈশ্বর সেই দেবতাদের নামে শপথ করিয়া বলিতেছেন, যাহারা গগনমার্গে, তাঁহার কি আজ্ঞা হয়, শুনিবার জন্ত শ্রেণীবদ্ধ হইয়া দণ্ডায়মান আছেন, কিংবা ধর্মযোদ্ধাদের যাহারা ধর্মযুদ্ধে শ্রেণীবদ্ধ হইয়াছেন, বিশ্বাসীদিগের যাহারা সভাতে শ্রেণীবদ্ধ হইয়াছেন, তাহাদের নামে, অথবা এইরূপ অস্ত্র কোন জীবের নামে শপথ করিয়া বলিতেছেন। দেবগণ হুকারও করিয়া থাকেন, যেহেতু তাঁহারা হুকারে মেঘকে আকাশপথে চালনা করেন। তাহারা পাঠকও, যেহেতু সর্বদা স্তুতি বন্দনা ও ঈশ্বরের মহিমাকীর্তনে নিযুক্ত। ধর্মযোদ্ধাসম্বন্ধে শপথ হইল, তাহারাও হুকার করিয়া অস্ত্র চালনা করেন বা শত্রুদিগকে তাড়াইয়া থাকেন। তাহাদিগকে পাঠকও বলা যায় হইতে পারে, যেহেতু তাহারা ‘আল্লা আল্লা আল্লাহ্ আক্ববর’ শব্দ উচ্চারণ করিয়া থাকেন। বিশ্বাসীদিগের সম্বন্ধে শপথ হইল, বিশ্বাসিগণ ঈশ্বরসাধনার জ্যোতিতে দৈত্যদিগকে তাড়াইয়া থাকেন, অথবা স্বীয় জীবনকে পাপ হইতে নিবৃত্ত থাকিবার জন্ত ধমক দিয়া থাকেন। তাহারা পাঠকও বটেন, যেহেতু নমাজের সময় কোর-আন পাঠ করেন

(ত, হো,)

তোমাদের উপাস্ত্র একমাত্র \* ৪। তিনি স্বর্গ ও মর্ত্যের এবং উভয়ের মধ্যে যে কিছু আছে, তাহার প্রতিপালক, এবং ( সূর্য্যচন্দ্রাদির ) উদয়ভূমির প্রতিপালক। ৫। নিশ্চয় আমি ভূমণ্ডলের আকাশকে তারকাভরণে ভূষিত করিয়াছি। ৬ + ৭। এবং প্রত্যেক অবাধ্য শয়তান হইতে ( নভোমণ্ডলকে ) রক্ষা করিয়াছি, তাহারা উন্নততর দেবদলের দিকে কর্ণপাত করে না, সকল দিক হইতে তাহাদিগের অপসরণার্থ ও চির শাস্তির জ্ঞা ( উচ্চা ) পড়িতে থাকে †। ৮ + ৯। কিন্তু যে কেহ অকস্মাৎ হরণে ( ঐশ্বরিক বাক্য ) হরণ করিয়াছে, পরে উজ্জ্বল উচ্চাপিণ্ড তাহার অনুসরণ করিয়াছে। ১০। পরে তুমি, ( হে মোহম্মদ, ) তাহাদিগকে জিজ্ঞাসা কর, সৃষ্টিবিষয়ে কি তাহারা নিপুণতর, না, যে আমি সৃষ্টি করিয়াছি? নিশ্চয় আমি তাহাদিগকে আঁঠাল মৃত্তিকা দ্বারা ‡ সৃজন করিয়াছি। ১১। বরং তুমি কাফেরদিগের ( অবস্থায় ) বিস্মিত হইয়াছ, এবং তাহারা বিক্রম করিতেছে §। ১২। এবং যখন তাহাদিগকে উপদেশ দেওয়া যায়, তাহারা উপদেশ গ্রহণ করে না। ১৩। যখন কোন নিদর্শন দর্শন করে, তখন তাহারা উপহাস করে। ১৪। এবং তাহারা বলে, “ইহা স্পষ্ট ইন্দ্রজাল ভিন্ন নহে। ১৫। যখন আমরা মরিয়া যাইব ও মৃত্তিকা এবং কঙ্কাল হইব, তখন কি নিশ্চয় আমরা সমুখাপিত হইব? ১৬। + অথবা আমাদের পূর্বতন পিতৃপুরুষগণ ( সমুখাপিত হইবে )” ? ১৭। তুমি বল, হাঁ বটে, তোমরা লাঞ্চিত হইবে। ১৮। অনন্তর উহা এক হুকুম, ইহা ভিন্ন নহে : পরে অকস্মাৎ তাহারা দেখিবে। ১৯। এবং তাহারা বলিবে, “হায়! আমাদের প্রতি

\* মক্কার কাফেরগণ বিস্মিত হইয়া বলিতেছিল যে, আশ্চর্য্য, মোহম্মদ সমুদায় ঈশ্বরকে টানিয়া আনিয়া একমাত্র ঈশ্বরে পরিণত করিল! আমাদের এতগুলি ঈশ্বর, তাহাদের দ্বারাই আমাদের কাণ্ড মূশল্লরূপে চলিতেছে না, এক ঈশ্বর দ্বারা কেমন করিয়া হইতে পারে? এতদুপলক্ষে এই আয়ত অবতীর্ণ হয়। ( ত, হো, )

+ ইহার অর্থ এই যে, স্বর্গে যে সকল প্রধান দেবতা ঐশ্বরিক নিগূঢ় তত্ত্বের বিষয় পরস্পর কথোপকথন করিয়া থাকেন, দেতাগণ যাইয়া তাহাতে তাহা শুনিতেন না পায়, ঈশ্বর তজ্জ্ঞা উচ্চাপিত করিয়া তাহাদিগকে দূরীভূত করেন ও আকাশমার্গকে রক্ষা করিয়া থাকেন, তাহারা উহা শ্রবণ করিতে সমর্থ হয় না। ( ত, হো, )

‡ জয়দের পুত্র রকাণত ও আবুজাল আশদ যে প্রলয় ও পুনরুত্থানে অবিশ্বাসী ছিল, তাহারা সর্বদা আপন আপন বলবীর্ঘ্যের গর্ব করিত, এবং কোরেশদিগের নিকটে গাইয়া অনেক গুণগরিমা ও জ্ঞানাভিমান প্রকাশ করিত, তাহাদের সম্বন্ধে এই আয়ত অবতীর্ণ হয়। “যাহা আমি সৃজন করিয়াছি তাহা” অর্থাৎ চন্দ্র সূর্য্য নক্ষত্রাদি যাহা যাহা সৃজন করিয়াছি, সে সকল ও মানব-দেহ হুল ও পাখিব জড় পদার্থের মিশ্রণে সঙ্গঠিত, তাহাতেই আঁঠাল মৃত্তিকা বলা হইয়াছে। ( ত, হো, )

§ হৃদয়ত মনে করিয়াছিলেন যে, যে ব্যক্তি কোর্-আন্ শ্রবণ করিলে, সেই তাহাতে শ্রদ্ধা প্রকাশ করিবে। মক্কার অংশিবাদিগণ শুনিয়া কোর্-আনের বচনের প্রতি কিছুই শ্রদ্ধা করিল না, বরং তৎপ্রতি উপহাস করিল, তাহাতে হৃদয়ত আশ্চর্য্যাস্থিত হন। এতদুপলক্ষে এই আয়ত অবতীর্ণ হয়। ( ত, হো, )



আক্ষেপ, এইত ধর্মশাসনের দিবস”। ২০। ( বলা হইবে ) “তোমরা যে বিষয়ে অসত্য-  
রোপ করিতেছিলে, এই সেই বিচারনিষ্পত্তির দিন”। ২১। ( র, ১, আ, ২১ )

অত্যাচারিগণ ও তাহাদের সহযোগিগণ এবং তাহারা ঈশ্বরকে ছাড়িয়া যাহার  
অর্চনা করিয়া থাকে, উহা সমুখাপিত হইবে; অনস্তর ( ঈশ্বর বলিবেন, ) তাহাদিগকে  
নরকের পথের দিকে, ( হে বিশ্বাসিগণ, ) তোমরা পথ প্রদর্শন কর, এবং তাহাদিগকে  
দণ্ডায়মান কর; নিশ্চয় তাহারা জিজ্ঞাসিত হইবে যে, তোমাদের কি হইয়াছে যে, পরস্পর  
সাহায্য করিতেছ না? \* ২২ + ২৩ + ২৪ + ২৫। বরং তাহারা অল্প ঈশ্বরানুগত। ২৬।  
এবং তাহাদের একজন অন্নের নিকটে প্রশ্ন করত উপস্থিত হইবে। ২৭। বলিবে, “নিশ্চয়  
তোমরা দক্ষিণ দিক হইতে ( শুভাকাজিকরূপে ) আমাদের নিকটে আসিতেছিলে”। ২৮।  
তাহারা ( প্রতিমা বা দৈত্যগণ ) বলিবে, “বরং তোমরা বিশ্বাসী ছিলে না। ২৯। এবং  
তোমাদের প্রতি আমাদের কোন পরাক্রম ছিল না, বরং তোমরা স্বেচ্ছাচারিদল  
ছিলে। ৩০। অনস্তর আমাদের সম্বন্ধে আমাদের প্রতিপালকের বাক্য প্রমাণিত  
হইল, অবশ্য আমরা ( শাস্তির ) আশ্বাদনকারী। ৩১। পরন্তু আমরা তোমাদিগকে  
পথভ্রাস্ত করিয়াছি, নিশ্চয় আমরাও পথভ্রাস্ত ছিলাম”। ৩২। অনস্তর নিশ্চয় তাহারা  
অল্প শাস্তির মধ্যে অংশী হইবে। ৩৩। নিশ্চয় আমি অপরাধীদিগের সঙ্গে এইরূপ করিয়া  
থাকি। ৩৪। যখন তাহাদিগকে বলা হইল যে, “ঈশ্বর ব্যতীত উপাস্ত নাই,” তখন  
নিশ্চয় তাহারা গর্হ করিতেছিল। ৩৫। এবং বলিতেছিল, “আমরা কি এক জন ক্ষিপ্ত  
কবির অনুরোধে আমাদের ঈশ্বর সকলের বর্জনকারী হইব?” ৩৬। ( ঈশ্বর বলিলেন, )  
বরং সে ( মোহম্মদ ) সত্য আনয়ন করিয়াছে, এবং প্রেরিত পুরুষদিগকে সপ্রমাণ করি-  
য়াছে। ৩৭। নিশ্চয় তোমরা ক্লেশকর শাস্তির আশ্বাদনকারী হও। ৩৮। এবং ঈশ্বরের  
নিশ্চয় দাসগণকে ব্যতীত, তোমরা যাহা করিতেছ, তদনুরূপ ভিন্ন তোমাদিগকে বিনিময়

\* অর্থাৎ পৌত্তলিকগণ পুত্তলিকার সহিত ও নক্ষত্রের উপাসকগণ নক্ষত্রের সহিত এবং কাফের  
স্বামীর সহিত কাফের স্বীগণ, ব্যভিচারী ব্যভিচারীর সহিত, সুরাপায়ী সুরাপায়ীর সহিত এবং অত্যাচারের  
সাহায্যকারী অত্যাচারীদিগের সহিত কেয়ামতের দিনে সমুখাপিত হইবে। যাহারা পাপাচরণে  
আয়ত্তজীবনের প্রতি অত্যাচার করে ও লোকদিগকে বিপথগামী করিয়া থাকে, এখানে তাহারাই  
অত্যাচারী বলিয়া অভিহিত। মোবারকের পুত্র আব্দুল্লাকে কেহ বলিয়াছিল যে, “আমি সৃষ্টজীবী,  
কখন কখন অত্যাচারী লোকদিগের জন্ত বস্ত্র শিলাই করিয়া থাকি, তজ্জন্ত আমি সেই সময় কি  
সাহায্যকারিরূপে গণ্য হইব?” আব্দুল্লা বলিলেন, “না, বরং তুমি অত্যাচারীর মধ্যে গণ্য হইবে;  
তাহারাই অত্যাচারীর সাহায্যকারী, যাহারা সূচী ও সূত্র তোমার নিকটে বিক্রী করে”। অনস্তর  
ঈশ্বর বলিলেন যে, তোমরা, হে বিশ্বাসিগণ, অত্যাচারী ও তাহাদের সঙ্গিগণকে নরকের দিকে পথ  
দেখাইয়া দেও। যখন তাহারা সেই দিকে যাইবে, তাহাদিগকে সরাত নামক সেতুর উপর দণ্ডায়মান  
কর। তাহাদিগকে তাহাদের বিশ্বাস ও আচরণাদির বিষয় জিজ্ঞাসা করা যাইবে। ( ত, হো, )

দেওয়া যাইবে না \* । ৩৯ + ৪০ । তাহারা, তাহাদের জ্ঞাত নির্দিষ্ট উপজীবিকাস্বরূপ ফলপুঞ্জ আছে, এবং তাহারা সম্পদের উত্তান সকলে পরস্পর সম্মুখবর্তী সিংহাসনের উপর সম্মানিত হইবে । ৪১ + ৪২ + ৪৩ + ৪৪ । তাহাদের প্রতি পানকারীদিগের স্বাদজনক নির্ব্যাপন্ন শুভ্র সুরার পাত্র পরিবেশন করা হইবে । ৪৫ + ৪৬ । তন্মধ্যে অপকারিতা নাই ও তাহারা তদ্বারা বিহ্বল হইবে না । ৪৭ । এবং তাহাদের নিকটে অধোদৃষ্টি-কারিণী বিশালাক্ষীগণ আসিবে, যেন তাহারা গুপ্ত অণুস্বরূপা † । ৪৮ + ৪৯ । অনন্তর তাহাদের এক অণুর দিকে অভিমুখী হইয়া ( পৃথিবীর বিষয়ে ) জিজ্ঞাসা করিবে । ৫০ । তাহাদের মধ্যে এক বক্তা বলিবে, “নিশ্চয় আমার ( পৃথিবীতে ) এক বন্ধু ছিল” ‡ । ৫১ । + সে বলিত, “নিশ্চয় তুমি কি ( কেয়ামত ) স্বীকারকারীদিগের অন্তর্গত ? ৫২ । যখন আমরা মরিব, এবং মৃত্তিকা ও কঙ্কাল হইয়া যাইব, তখন কি আমাদেরকে ( পাপ-পুণ্যের ) বিনিময় প্রদত্ত হইবে” ? ৫৩ । ( পুনরায় ) সে বলিবে, “তোমরা কি ( নরক-বাসীদিগের ) অবলোকনকারী” § ? ৫৪ । অনন্তর সে অবলোকন করিবে, পরে তাহাকে নরকের মধ্যে দেখিবে । ৫৫ । সে বলিবে, “ঈশ্বরের শপথ, নিশ্চয় তুমি আমাকে মারিতে উপক্রম করিয়াছিলে । ৫৬ । + এবং যদি আমার প্রতিপালকের কৃপা না থাকিত, তবে অবশ্য আমি (নরকে) উপস্থিত লোকদিগের অন্তর্গত হইতাম । ৫৭ । + অনন্তর আমরা কি আমাদের পূর্বমৃত্যু ব্যতীত মরিব না ও শাস্তিগ্রস্ত হইব না” ? ৫৮ + ৫৯ । ( দেবগণ বলিবে, ) “ঈদৃশ (সম্পদের জ্ঞাত) নিশ্চয় ইহা সেই মহা কৃতার্থতা ; অতএব অনুষ্ঠানকারীদিগের উচিত যে, অনুষ্ঠান করে” । ৬০ + ৬১ । এই উপহার,

\* ঈশ্বরানুগত নির্মল ব্যক্তিদিগকে তাহাদের সংকার্যের দ্বিগুণ ফল প্রদান করা হইবে ।  
( ত, হো, )

+ স্বর্গাঙ্গনাগণ তাহাদের নিকটে আসিবেন, কিন্তু পরপুরুষ বলিয়া তাহারা তাহাদের সম্মিধানে অধোমুখে থাকিবেন । সেই দিব্য নারীগণ শুভ্রতা ও সৌন্দর্য্য এবং শুদ্ধতায় প্রচ্ছন্ন শুভ্র অণুসদৃশী । উষ্ট্র পক্ষীর অণু শুভ্র হইয়া থাকে, তাহারা আপন আপন অণুকে পালক দ্বারা আচ্ছাদন করিয়া রাখে, তাহাতে তাহার উপর ধূলি সংলগ্ন হইতে পারে না । এজ্ঞাত সুরাঙ্গনাগণের সঙ্গে তাহার তুলনা হইয়াছে ।  
( ত, হো, )

‡ অর্থাৎ স্বর্গবাসীদিগের এক ব্যক্তি স্বীয় বন্ধুদিগকে বলিবে যে, পৃথিবীতে যখন ছিলাম, তখন আমার এক জন সখা ছিল, সে পুনরুত্থানে বিশ্বাস করিত না । তাহারা দুই ভ্রাতা ছিল, সুরা কহিলে তাহার উল্লেখ হইয়াছে । সেই দুই ভ্রাতার নাম ইহদা ও কৎরস । ইহদা বিশ্বাসী ও কৎরস পুনরুত্থানে অবিশ্বাসী ছিল ।  
( ত, হো, )

§ অর্থাৎ ইহদা বন্ধুদিগকে বলিবে যে, তোমরা নরকলোকবাসীদিগের প্রতি লক্ষ্য করিতে থাক, তাহা হইলে দেখিতে পাইবে, আমার ভ্রাতা নরকের কোন্ শ্রেণীতে কিরূপ শাস্তিগ্রস্ত হইয়াছে । স্বর্গবাসীগণ বলিবেন, তুমি তাহাকে ভালরূপে চিন, তুমিই নরকের প্রতি দৃষ্টিপাত কর ।  
( ত, হো, )

না জকুমতরু শ্রেষ্ঠ \* ১৬২। নিশ্চয় আমি অত্যাচারীদের জন্য তাহাকে আপদ-  
স্বরূপ করিব। ৬৩। নিশ্চয় সেই বৃক্ষ নরকমূলেতে উৎপন্ন হইবে। ৬৪।+ তাহার  
শুবক যেন শয়তানকুলের মস্তকশ্রেণী। ৬৫। অনন্তর তাহারা তাহার (ফল) অবশ্য  
ভক্ষণ করিবে, পরে তাহা দ্বারা উদর পূর্ণ করিবে। ৬৬। তৎপর নিশ্চয় তাহাদের জন্য  
তাহাতে (সেই খাদ্যের মধ্যে) উষ্ণোদকের মিশ্রণ হইবে। ৬৭। তৎপর অবশ্য নরকের  
দিকে তাহাদের পুনর্গমন হইবে ৭। ৬৮। একান্তই তাহারা স্বীয় পিতৃপুরুষদিগকে  
বিপথগামী পাইয়াছে। ৬৯। পরে তাহারা তাহাদের পদচিহ্নের অনুসরণে ধাবিত হই-  
তেছে। ৭০। এবং সত্য সত্যই তাহাদের পূর্বে অধিকাংশ প্রাচীন লোক বিপথগামী  
হইয়াছে। ৭১।+ সত্য সত্যই আমি তাহাদিগের মধ্যে ভয়প্রদর্শকদিগকে প্রেরণ  
করিয়াছিলাম। ৭২। অনন্তর দেখ, ঈশ্বরের বিশুদ্ধ দাসগণ ব্যতীত ভয়প্রদর্শিতদিগের  
পরিণাম কেমন হইয়াছে? ৭৩+৭৪। (র, ২, আ, ৫৩)

এবং সত্য সত্যই মুহা আমাকে ডাকিয়াছিল, তখন আমি উত্তম উত্তরদাতা ছিলাম।  
৭৫। এবং তাহাকে ও তাহার স্বজনদিগকে আমি মহাতুঃখ হইতে উদ্ধার করিয়া-  
ছিলাম। ৭৬। তাহার সন্তানদিগকে সৃষ্টি করিয়াছিলাম, তাহারা অবশিষ্ট ছিল ৬।  
৭৭। এবং তাহার সম্বন্ধে পরবর্তী (মণ্ডলীর) মধ্যে (সংপ্রশংসা) রাখিয়াছিলাম ৬।

\* জকুমতরু আরব দেশে আছে, তাহার পত্র ক্ষুদ্র এবং ফল অতিশয় তিক্ত। পরমেশ্বর নারকী-  
দিগকে যে বৃক্ষের ফল উপহার দিবেন, তাহার নামও জকুম। যখন জকুমের কথা সকলে শ্রবণ করিল,  
তখন বলিতে লাগিল, নরকলোকে ভয়ঙ্কর ভ্রাতাশন, সেই অগ্নির উত্তাপে লৌহ দ্রবীভূত হয়, বৃক্ষ  
কেমন করিয়া রক্ষা পাইবে। তাহারা জানে না যে, পূর্ণ শক্তিমান সৃষ্টিকর্তা অনলসাগরের মধ্যে বৃক্ষ  
উৎপাদন ও সংরক্ষণ করিতে সক্ষম। জ্বারি নামক ব্যক্তি কোরেশ-দলপতিদিগকে কহিল যে,  
মোহম্মদ আমাদিগকে জকুম দ্বারা ভয় দেখাইতেছে। জকুম আফ্রিকার লোকদিগের ভাষায় নবনীত  
ও খোন্সাকলকে বলে। এই কথা শ্রবণে আবুজহল গাজোখান করিয়া আরবের প্রধান লোকদিগকে  
গৃহে ডাকিয়া আনিল, এবং তাহাদের সাক্ষাতে স্বীয় দাসীকে বলিল যে, “আমাকে জকুম প্রদান কর।”  
দাসী ননী ও খোন্সাকল দান করিল। আবুজহল তাহা ভক্ষণ করিয়া বলিল, “মোহম্মদ তাহার কথা  
বলিতেছে, এইত তাহা?” তখন পরমেশ্বর পরবর্তী আয়ত সকলে জকুম তরুর লক্ষণ বর্ণন করেন।  
(ত, হো,)

+ অর্থাৎ জকুম ফল ভক্ষণ ও উষ্ণ জলপানের পর তাহাদের পুনর্বার নরকেই স্থিতি হইবে।  
এরূপ উষ্ণ জল পান করিবে যে, তাহার উষ্ণতায় তাহাদের অন্ত সকল যেন দহ ও খণ্ড খণ্ড হইয়া  
যাইবে।  
(ত, হো,)

‡ মুহা পরিবারের মধ্যে সাম, হাম এবং ইয়াকজ ও তাহার স্ত্রীগণ ব্যতীত জীবিত ছিল না।  
সমুদায় মনুষ্য তাহাদের বংশ হইতেই উৎপন্ন হয়। আরব্য, পারস্য ও রোমীয় লোকদিগের পিতা  
সাম, তোর্ক ও খরজ এবং সকলাব জাতির পিতা ইয়াকজ, হিন্দু, হবশি ও জঙ্গ এবং বর্বরের  
পিতা হাম।  
(ত, হো,)

§ পরবর্তী মণ্ডলী মোহম্মদীয় মণ্ডলী।

(ত, হো,)

৭৮। জগতে মুহার প্রতি সেলাম হোক \*। ৭৯। নিশ্চয় আমি এইরূপে হিতকারী লোকদিগকে বিনিময় দান করিয়া থাকি। ৮০। নিশ্চয় সে আমার বিশ্বাসী দাসদিগের অন্তর্গত। ৮১। তৎপর আমি অল্প লোকদিগকে জলমগ্ন করিয়াছিলাম। ৮২। এবং নিশ্চয় তাহার অনুবর্তী লোকদিগের মধ্যে এব্রাহিম ছিল। ৮৩। (স্মরণ কর,) যখন সে স্নান করিয়া আপন প্রতিপালকের নিকটে উপস্থিত হইল। ৮৪। যখন সে আপন পিতাকে, ও আপন দলকে বলিল, “তোমরা কাহাকে অর্চনা করিয়া থাক? ৮৫। ঈশ্বরকে ছাড়িয়া কি অন্য উপাস্ত্রকে চাহিতেছ? ৮৬। অনন্তর বিশ্বপালকের প্রতি তোমাদের কি প্রকার মত?” †? ৮৭। পরে সে নক্ষত্রমণ্ডলের প্রতি একদৃষ্টিতে দৃষ্টি করিল। ৮৮। অবশেষে বলিল, “নিশ্চয় আমি পীড়িত”। ৮৯। পরে তাহারা তাহার প্রতি পৃষ্ঠ দিয়া ফিরিয়া গেল। ৯০। অনন্তর সে তাহাদের পরমেশ্বরগণের নিকটে গোপনে গেল, পশ্চাৎ বলিল, “তোমরা কি (নৈবেদ্য) খাও না? ৯১। তোমাদের কি হইয়াছে যে, কথা কহিতেছ না?” ৯২। পরে সে গোপনে দক্ষিণ হস্তে তাহাদের প্রতি প্রহার করিতে প্রবৃত্ত হইল। ৯৩। পরিশেষে তাহারা (নেমরুদীয় দল) তাহার নিকটে দৌড়িয়া আসিল। ৯৪। সে জিজ্ঞাসা করিল, “তোমরা যাহাকে নির্মাণ কর, তাহাকে কি পূজা করিয়া থাক? ৯৫।+ এবং ঈশ্বর তোমাদিগকে ও তোমরা যাহা কিছু করিয়া থাক, তাহা সৃজন করিয়াছেন”। ৯৬। তাহারা পরস্পর বলিল, “তাহার জন্ত এক অট্টালিকা নির্মাণ কর, পরে (কাষ্ঠপুঞ্জ পূর্ণ করিয়া) তাহাকে (নরকের) অগ্নিতে নিক্ষেপ কর”। ৯৭। অবশেষে তাহারা তাহার প্রতি ক্রুরাচরণ করিতে ইচ্ছা করিল, পরে আমি তাহাদিগকে অত্যন্ত হীন করিলাম ‡। ৯৮। এবং সে বলিল,

\* পরমেশ্বর মুহাকে সেলাম জানাইতেছেন। সেলাম শব্দের অর্থ নিরাপদ, ইহা আশীর্বাদসূচক বাক্য। (ত, হো,)

+ “বিশ্বপালকের প্রতি তোমাদের কি প্রকার মত?” এই কথা এব্রাহিম প্রতিমার উপাসক লোকদিগকে জিজ্ঞাসা করেন; তাহাতে তাহারা বলে, “আগামী কলা উৎসব আছে, আমরা সকলে তদুপলক্ষে আমোদ করিবার জন্ত নগরের বাহিরে প্রাস্তরে যাইব। অল্প খাটুজাত প্রস্তুত করিয়া প্রতিমা সকলের পার্শ্বে স্থাপন করিব, প্রাস্তর হইতে প্রত্যাগমন করিয়া পূজার মণ্ডপে যাইয়া প্রসাদরূপে সে সকল ভাগ করিয়া লইব। তুমিও আমাদের মেলাতে আসিয়া আমোদ আহ্লাদ কর, পরে তথা হইতে দেবমন্দিরে যাইয়া দেবতাদিগের রূপলাবণ্য বেশ ভূষা দর্শন করিবে। আমরা বিশ্বাস করি, সেই আমোদ আহ্লাদ ও দেবদর্শনের পর আমাদের আরাধনা করিতে সাহসী হইবে না।” (ত, হো,)

‡ এব্রাহিম নক্ষত্রের প্রতি দৃষ্টি করিয়া অর্থাৎ জ্যোতিষশাস্ত্র পর্যালোচনা করিয়া বলিলেন, আমি পীড়িত, অর্থাৎ তাউন নামক পীড়া বিশেষ আমার হইবে। তাউন সংক্রামক রোগ, ফোটকবিশেষ, পুরুষের কোষে বা জজ্বাতে কিংবা স্ত্রীলোকের স্তনের মধ্যে উৎপন্ন হইয়া সেই সকল অঙ্গকে বিকৃত করিয়া ফেলে, আনুভূতিক মুছা ও উষ্মন ইত্যাদি উপসর্গ হইয়া থাকে। লোক সকল তাউনের কথা

“নিশ্চয় আমি আপন প্রতিপালকের দিকে গমনকারী, অবশ্য তিনি আমাকে পথ প্রদর্শন করিবেন। ৯৯। হে আমার প্রতিপালক, তুমি আমাকে সাধুদিগের ( এক জন ) দান কর”। ১০০। অবশেষে আমি তাহাকে প্রশান্ত বালকের ( এস্মায়িলনামক পুত্রের ) স্নসংবাদ দান করিলাম \*। ১০১। পরে যখন সে তাহার সঙ্গে দৌড়িবার বয়ঃপ্রাপ্ত হইল, তখন সে বলিল, “হে আমার নন্দন, নিশ্চয় আমি স্বপ্নে দেখিয়াছি যে, সত্যই আমি তোমাকে বলিদান করিতেছি; অতএব তুমি কি দেখিতেছ, দেখ”। সে বলিল “হে আমার পিতা, যে বিষয়ে আদিষ্ট হইয়াছ, তাহা কর; ঈশ্বরেচ্ছায় তুমি আমাকে অবশ্য সহিষ্ণুদিগের অন্তর্গত পাইবে”। ১০২। পরে যখন তাহারা দুই জনে ( ঈশ্বরাজার ) অন্তর্গত হইল, এবং সে তাহাকে ( ছেদন করিতে ) ললাটের অভিমুখে ফেলিল †। ১০৩। এবং আমি তাহাকে ডাকিলাম যে, “হে এব্রাহিম, ১০৪।+ সত্যই তুমি স্বপ্নকে সপ্রমাণ করিয়াছ; নিশ্চয় আমি এইরূপে হিতকারী লোকদিগকে বিনিময় দান করিয়া থাকি”। ১০৫। নিশ্চয় ইহা সেই স্পষ্ট পরীক্ষা। ১০৬। আমি তাহাকে বৃহৎবলি ( শৃঙ্গযুক্ত পুং মেঘ ) বিনিময় দান করিলাম ‡। ১০৭। এবং তাহার সম্বন্ধে ( সংপ্রশংসা ) ভবিষ্যৎশীর্ষদিগের প্রতি রাখিলাম। ১০৮। এব্রাহিমের প্রতি সেলাম হোক। ১০৯। এই রূপে আমি হিতকারীদিগকে বিনিময় দান করি। ১১০। নিশ্চয়ই সে আমার বিশ্বাসী দাসদিগের অন্তর্গত ছিল। ১১১। আমি তাহাকে সাধুদিগের অন্তর্গত এক প্রেরিত পুরুষ এস্হাক ( পুত্রের ) সম্বন্ধে স্নসংবাদ দান করিয়াছিলাম। ১১২। এবং তাহার প্রতি ও এস্হাকের প্রতি আশীর্বাদ করিয়াছিলাম, এবং তাহাদের সম্মানগণের মধ্যে কতক হিতকারী ও কতক আপন জীবনসম্বন্ধে স্পষ্ট অত্যাচারী হয়। ১১৩। ( র, ৩, আ, ৩৯ )

শুনিয়া পরে বা সেই রোগ দ্বারা আক্রান্ত হয়, এই ভয়ে এব্রাহিমের নিকট হইতে চলিয়া যায়। পরদিন তাহারা প্রান্তরে চলিয়া গেলে, এব্রাহিম তাহাদের দেবালয়ে প্রবেশ করেন, প্রতিমাদিগকে বিক্রম করিয়া কুঠারাঘাতে খণ্ড খণ্ড করিয়া ফেলেন। ( ত, হো, )

\* ইনি হাঞ্চার গর্ভে জন্মগ্রহণ করিয়াছিলেন।

+ “ললাটের অভিমুখে ফেলিল,” অর্থাৎ অধোমুখে নিক্ষেপ করিল। এব্রাহিম যখন এস্মায়িলের কণ্ঠচ্ছেদনে উদ্বৃত্ত হইলেন, তখন এস্মায়িল পিতাকে এই তিনটি কথা নিবেদন করেন;—(১) আমার হস্তপদ দুটরূপে বন্ধন করিবে, তাহা হইলে আমি বলিদানের সময় ভয়প্রযুক্ত হস্তপদ সঞ্চালন করিয়া ব্যাঘাত করিব না। (২) তুমি ফিরিয়া গিয়া আমার মাতাকে আমার শোণিতাক্ত বস্ত্র প্রদান করিবে। (৩) অধোমুখে হত্যা করিবে, তাহা হইলে আমার মূখের প্রতি দৃষ্টি পড়িবে না, আমার মুখ দেখিলে মন দয়ার্জ হইয়া ঈশ্বরাদেশ-পালনে বিশ্ব জন্মাইতে পারে। এব্রাহিম তদনুরূপ নিক্ষেপ করিয়া এস্মায়িলকে বলিদানে প্রযুক্ত হন। তখন তাহার বিশ্বাস পরীক্ষিত হইল বলিয়া পরমেশ্বর তাহাকে নিবৃত্ত থাকিতে আদেশ করেন। ( ত, হো, )

‡ পরে ঈশ্বরের আদেশে এক বৃহৎ পুংমেঘ অরণ্য হইতে এব্রাহিমের নিকটে দৌড়িয়া আইসে। তিনি এস্মায়িলের পরিবর্তে তাহাকে বলিদান করেন। ( ত, হো, )



এবং সত্য সত্যই আমি মুসা ও হারুণের সম্বন্ধে উপকার করিয়াছি। তাহাদিগকে ও তাহাদের দলকে মহাক্লেশ হইতে বাঁচাইয়াছি। ১১৪। এবং তাহাদিগকে সাহায্য দান করিয়াছি, পরে তাহারা বিজয়ী হইয়াছে। ১১৫। এবং তাহাদিগকে বর্ণনাকারক গ্রন্থ দান করিয়াছি। ১১৬। তাহাদিগকে সরল পথ দেখাইয়াছি। ১১৭। এবং তাহাদের সম্বন্ধে পরবর্তী লোকদিগের মধ্যে (সং প্রশংসা) রাখিয়াছি। ১১৮। + মুসা ও হারুণের প্রতি সেলাম হোক। ১১৯। নিশ্চয় আমি এইরূপে হিতকারীদিগকে বিনিময় দান করিয়া থাকি। ১২০। নিশ্চয় তাহারা আমার বিশ্বাসী দাসদিগের অন্তর্গত ছিল। ১২১। এবং নিশ্চয় এলিয়াস প্রেরিতপুরুষদিগের অন্তর্গত ছিল। ১২২। (স্মরণ কর, ) যখন সে আপন দলকে বলিল, “তোমরা কি ধর্ম-ভীরু হইতেছ না? ১২৩। তোমরা কি বাল নামক প্রতিমাকে পূজা করিয়া থাক ও অত্যন্তম সৃষ্টিকর্তাকে পরিহার কর? ১২৪। ঈশ্বরই তোমাদের প্রতিপালক, এবং তোমাদের পূর্ববর্তী পিতৃপুরুষদিগের প্রতিপালক” \*। ১২৫। অনন্তর তাহারা তাহাকে মিথ্যাবাদী বলিল, পরে নিশ্চয় ঈশ্বরের বিশুদ্ধ দাসগণ ব্যতীত তাহারা (শাস্তির মধ্যে) আনীত হইবে \*। ১২৬ + ১২৭। এবং তাহার সম্বন্ধে আমি পরবর্তী লোকদিগের

\* পরমেশ্বর এলিয়াসকে বালবেকনিবাসী লোকদিগের প্রতি প্রেরণ করিয়াছিলেন। তাহারা প্রতিমাপূজক ছিল। বালবেকে আজবরনামক এক রাজা ছিলেন। প্রথমতঃ তিনি একেশ্বরবাদী ছিলেন, পরে স্বীয় পৌত্তলিক পত্নীর প্ররোচনায় পৌত্তলিক হন। এলিয়াসের প্রার্থনামুসারে তিন বৎসর পর্যন্ত বালবেকনিবাসিগণ দুর্ভিক্ষ দ্বারা নিপীড়িত হয়; অনশ্চোপায় হইয়া তাহারা এলিয়াসের নিকটে যাইয়া, কি উপায়ে দুর্ভিক্ষের প্রতীকার হইতে পারে, তাহাকে জিজ্ঞাসা করে। এলিয়াস বলেন, “তোমাদিগকে সত্য ধর্ম গ্রহণ ও ঈশ্বরের অধিতীয়ত্ব স্বীকার করিতে হইবে।” ইহা শুনিয়া নগরবাসিগণ চিন্তা করিতে লাগিল। তখন এলিয়াস বলিলেন, “তোমাদের ও আমার ধর্মের সত্যাসত্য নির্ণয় করিতে যদি ইচ্ছা কর, তবে এস, আমি আমার পরমেশ্বরের নিকটে প্রার্থনা করি, তোমরাও তোমাদের পরমেশ্বরের নিকটে প্রার্থনা কর; যিনি প্রার্থনা গ্রাহ্য করিবেন, তিনিই উপাশ্রয় বলিয়া স্বীকৃত হইবেন।” নগরবাসিগণ এই কথায় সম্মত হইয়া অনেক স্তুতি মিনতি করিয়া আপনাদের প্রতিমার নিকটে বৃষ্টি প্রার্থনা করে, কোন ফল দর্শে না। পরে এলিয়াস প্রার্থনা করেন, তৎক্ষণাৎ বারিবর্ষণ হয়। ইহা দেখিয়াও লোক সকল এলিয়াসকে অগ্রাহ্য করে। (ত, হো,)

+ কথিত আছে যে, এলিয়াস নগরবাসীদিগের ব্যবহারে অত্যন্ত বিব্রত হন। শাস্তি উপস্থিত হইবার পূর্বে তাহাকে সেই ধর্মদ্রোহী লোকদিগের নিকট হইতে স্থানান্তরিত করিবার জন্ত তিনি ঈশ্বরের নিকটে প্রার্থনা করেন। আদেশ হয় যে, অমুক স্থানে তুমি যাইবে, যাহা উপস্থিত দেখিবে, তাহার উপর আরোহণ করিবে। তদনুসারে এলিয়াস নির্দিষ্ট সময়ে নির্দিষ্ট স্থানে চলিয়া যান। এক অগ্নিময় শার্দূল বা অশ্ব তাহার নিকটে উপস্থিত হয়। তিনি আলিয়ানামক এক সাধুপুরুষকে নিজের ছাড়াভিষিক্ত করিয়া সেই শার্দূল বা অশ্বারোহণে প্রস্থান করেন। পরমেশ্বরের কৃপায় তিনি ডানা ও পালক প্রাপ্ত হন, এবং ক্ষুধা তৃষ্ণা তাহা হইতে নিবৃত্ত হয়। তিনি স্বর্গীয় দূতগণের সঙ্গে গগনমার্গে উড়িতে থাকেন। তাহার মনুষ্য ও দেবত্ব দুই গুণ ছিল। তিনি গগনবিহারী ছিলেন,

মধ্যে ( সৎ প্রশংসা ) রাখিলাম । ১২৮ । এলিয়াসের প্রতি সেলাম হোক । ১২৯ । নিশ্চয় আমি এইরূপে হিতকারীদিগকে বিনিময় দান করি । ১৩০ । নিশ্চয় সে আমার বিশ্বাসী দাসদিগের অন্তর্গত ছিল । ১৩১ । এবং নিশ্চিত লুত প্রেরিতদিগের অন্তর্গত \* । ১৩২ । ( স্মরণ কর, ) যখন এক বৃদ্ধা নারী ব্যতীত, যে অবশিষ্ট লোকদিগের মধ্যে ছিল, তাহাকে ও তাহার স্বজনবর্গকে আমি এক যোগে উদ্ধার করিয়াছিলাম । ১৩৩ + ১৩৪ । তৎপর অপর লোকদিগকে সংহার করিলাম । ১৩৫ । নিশ্চয় তোমরা তাহাদের দিকে প্রাতে ও রাত্ৰিতে গিয়া থাক, অনস্তর তোমরা কি বুঝিতেছ না ? † । ১৩৬ + ১৩৭ । ( র, ৪, আ, ২৪ )

এবং নিশ্চয় ইয়ুনস প্রেরিতদিগের অন্তর্গত ছিল । ১৩৮ । ( স্মরণ কর, ) যখন সে ( লোকে ) পরিপূর্ণ নৌকার দিকে পলায়ন করিল ‡ । ১৩৯ । পরে নৌকার লোকদিগের সঙ্গে স্মৃতি ধরিল, অনস্তর পরাস্ত হইল § । ১৪০ । পরে মৎস্য তাহাকে উদরস্থ প্রাস্তরেও তাঁহার আধিপত্য ছিল । নদীপথে ও অবকা নামক স্থানে মহাপুরুষ খেজরের সঙ্গে তাঁহার সাক্ষাৎ হয় । রমজান মাসে জেরুজেলমে পরস্পর একযোগে পারণা করেন । তাঁহাদের মণ্ডলী ও অনেক সাধুপুরুষ তাঁহাদের দর্শন পান । ( ত, হো, )

\* লুত মহাপুরুষ এত্রাহিমের সহযোগী ধর্মপ্রচারক ছিলেন । তিনি শাম দেশে প্রচার করিতে গিয়াছিলেন । তাঁহার বৃত্তান্ত পূর্বে বিবৃত হইয়াছে । ( ত, হো, )

+ অর্থাৎ ঈশ্বর বলিতেছেন যে, হে কোরেশদল, তোমরা বাণিজ্য উপলক্ষে সর্বদা তাহাদের নিবাসভূমিতে গিয়া থাক ; লুতের বিরোধী দুর্বৃত্ত লোকেরা যে উৎসন্ন হইয়াছে, জনশূন্য অরণ্যাকীর্ণ নিবাসভূমি দেখিয়া কি তোমরা টের পাইতেছ না ? ( ত, হো, )

‡ পরমেশ্বর ইয়ুনসকে মওসলে তথাকার অধিবাসী লোকদিগের প্রতি প্রেরণ করিয়াছিলেন । লোক সকল তাঁহাকে মিথ্যাবাদী বলিল । তিনি তাহাদের জন্ত শান্তি প্রার্থনা করেন ও তাহাদের নিকট হইতে চলিয়া যান । শান্তি উপস্থিত হইলে মওসলের লোক সকল ধর্ম্মে বিশ্বাসী হয়, তাহাতে শান্তি বিলুপ্ত হইয়া যায় । ইয়ুনস ইহা শুনিত পাইলেন, কিন্তু তিনি লোকদিগকে বলিয়াছিলেন যে, তোমরা শান্তিগ্রস্ত হইবে । তখন ভাবিলেন, তাহারা হয়তো এক্ষণ তাঁহাকে মিথ্যাবাদী বলিবে । ইহা ভাবিয়া তিনি নদীর অভিমুখে চলিয়া যান । নদীর কূলে উপনীত হইয়াই দেখেন যে, এক দল বণিক নৌকায় আরোহণ করিতেছে, তিনিও তাহাদের সঙ্গে নৌকায় উঠিলেন । তরঙ্গী কতক দূর চলিয়াই স্থির রহিল । নৌকাবাহকগণ বলিতে লাগিল যে, কোন পলায়িত দাস এই নৌকায় আছে, তজ্জন্ত নৌকা চলিতেছে না । ইয়ুনস বলিলেন, আমিই পলায়িত দাস । নৌকাধিকার লোকেরা কহিতে লাগিল, তুমি কেমন করিয়া পলায়িত দাস হইবে ? তোমার ললাটে ও মুখমণ্ডলে পুরুষত্ব, মহত্ব ও সাধুতার লক্ষণ প্রকাশ পাইতেছে । তথাপি ইয়ুনস পুনঃ পুনঃ বলিতে লাগিলেন যে, আমিই পলায়িত দাস । তখন এরূপ রীতি ছিল যে, নৌকা না চলিলে পলায়িত দাসকে জলে নিক্ষেপ করা হইত, তাহা হইলে নৌকা চলিত । তখন ইয়ুনস নৌকাধিকার লোকদিগের কথা অগ্রাহ করিয়া, পুনঃ পুনঃ ‘আমি পলায়িত দাস’ বলিতে লাগিলেন । ( ত, হো, )

§ নৌকাধিকার লোকেরা, কে পলায়িত দাস, ইহা নির্ণয় করিবার জন্ত স্মৃতি ধরিল, স্মৃতি তিন বার ইয়ুনসের নামেই উঠিল । ( ত, হো, )

করিল ও সে (আপনার প্রতি) অনুরোধকারী ছিল \*। ১৪১। অনন্তর যদি সে স্ততিকারকদিগের অন্তর্গত না হইত, তবে তাহার উদরে পুনরুত্থানের দিন পর্য্যন্ত বাস করিত। ১৪২ + ১৪৩। অবশেষে আমি তাহাকে মরুভূমিতে বিসর্জন করি, তখন সে পীড়িত ছিল †। ১৪৪। এবং আমি তাহার উপর অলাবুলতা উৎপাদন করি ‡। ১৪৫। এবং আমি তাহাকে লক্ষ অথবা অধিক লোকের নিকটে পাঠাইয়াছিলাম §। ১৪৬। পরে তাহারা বিশ্বাস স্থাপন করিল, অনন্তর নির্দিষ্ট কাল পর্য্যন্ত আমি তাহাদিগকে ফলভোগী করিলাম। ১৪৭। অবশেষে তুমি, (হে মোহম্মদ,) তাহাদিগের (প্রত্যেককে) প্রশ্ন কর যে, “তোমার ঈশ্বরের কি কণ্ঠা সকল আছে ও তাহাদের কি পুত্র আছে” || ? ১৪৮। আমি কি দেবতাদিগকে নারীরূপে সৃষ্টি করিয়াছি ? এবং তাহারা (তখন) উপস্থিত ছিল ? ১৪৯। জানিও, নিশ্চয় তাহারা আপনাদের মিথ্যা-বাদিতা দ্বারা বলিতেছে যে, “ঈশ্বর জন্মদান করিয়াছেন; নিশ্চয় তাহারা অসত্যবাদী”। ১৫০ + ১৫১। পুত্রদিগের উপর কণ্ঠাদিগকে কি (পরমেশ্বর) মনোনীত করিয়াছেন ? ১৫২। তোমাদের কি হইয়াছে, তোমরা কিরূপ আজ্ঞা করিতেছ †† ? ১৫৩। অনন্তর তোমরা কি উপদেশ গ্রহণ করিতেছ না ? ১৫৪। তোমাদের জ্ঞান কি উজ্জ্বল প্রমাণ আছে ? ১৫৫। তাহারা বলিল, “যদি তোমরা সত্যবাদী হও, তবে আপন গ্রন্থ উপস্থিত কর” ∴। ১৫৬। এবং তাহারা তাঁহার ও দৈত্যগণের মধ্যে কুটুম্বিতা

\* তখন নৌকার লোকেরা তাঁহাকে জলে ফেলিয়া দেয়। পরমেশ্বর এক মৎস্যকে প্রেরণ করেন। মৎস্য তাঁহাকে গ্রাস করিয়া উদরস্থ করে। (ত, হো,)

† যদি ইয়ুনস আপনাকে ভৎসনা না করিয়া ঈশ্বরের স্তবস্তুতি করিত, তবে চিরকাল মৎস্যের গর্ভে স্তুতি বন্দনার রত থাকিত। তাহা না করিতে পরমেশ্বর মৎস্যকে উদ্বমন করিতে আদেশ করেন। মৎস্য উদ্বমন করিয়া মরুভূমিতে তাঁহাকে নিক্ষেপ করে, তখন তিনি নিতান্ত সন্তোষপ্রসূত শিশুর স্থায় দুর্বল ছিলেন। (ত, হো,)

‡ মক্ষিকা দ্বারা তিনি উপক্রান্ত ও সূর্যোত্তাপে উৎপীড়িত না হন, এই উদ্দেশ্যে পরমেশ্বর অলাবুলতা দ্বারা তাহাকে আচ্ছাদিত করিয়া রাখিলেন। যে পর্য্যন্ত না তিনি দৃঢ় ও পুষ্টাঙ্গ এবং বলিষ্ঠ হইলেন, সে পর্য্যন্ত পার্শ্বভাগ ছাগ আসিয়া প্রতিদিন তাঁহার মুখে স্তন প্রদান করিত, তিনি দুগ্ধ পান করিতেন। (ত, হো,)

§ রাজা সংবাদ পাইয়া ইয়ুনসকে অভ্যর্থনা করিয়া লইয়া যান। তখন তিনি লক্ষ বা ততোধিক লোকের নিকটে উপস্থিত হন ও ধর্মপ্রচার করেন। (ত, হো,)

|| অর্থাৎ খজাআ ও মলিহ এবং জহিনবংশীয় লোকেরা দেবতাদিগকে ঈশ্বরের দুহিতা বলিত; তাহাদিগকে প্রশ্ন করিবার জন্ত পরমেশ্বর হজরতকে আজ্ঞা করিতেছেন। (ত, হো,)

†† তাহারা ইহা ভাবে না যে, ঈশ্বর স্ত্রী পুত্রের সংশ্রব-বর্জিত, তিনি মনুষ্য-সদৃশ নহেন! এক জন্তু হইতেই অস্ত্র জন্তুর জন্ম হইয়া থাকে, তিনি তদ্রূপ জন্তু নহেন। (ত, হো,)

∴ খজাআবংশীয় লোকেরা বলে যে, ঈশ্বর দৈত্যদিগের কণ্ঠা গ্রহণ করিয়াছেন, তাহা হইতে

স্থাপন করিয়াছে ; সত্য সত্যই দানবগণ জ্ঞাত আছে যে, তাহারা ( শাস্তির জন্ত ) সমানীত হইবে \* । ১৫৭ । ঈশ্বরের বিশুদ্ধ দাসগণ ব্যতীত তাহারা যাহা বর্ণন করে, তদপেক্ষা ঈশ্বরের অধিক পবিত্রতা । ১৫৮ । অনন্তর নিশ্চয়, ( হে কাফেরগণ, ) তোমরা যাহাকে অর্চনা করিয়া থাক, তাহা ( এই ; ) তোমরা সকলে, যে ব্যক্তি নরকগামী, তাহাকে ব্যতীত ( অল্প কাহাকেও ) তাহার ( উপাশ্রু প্রতিমার ) দিকে পথভ্রাস্তকারী নও । ১৫৯ + ১৬০ + ১৬১ + ১৬২ + ১৬৩ । এবং আমাদের মধ্যে ( এমন কেহ ) নাই, যাহার জন্ত নির্দিষ্ট স্থান নাই † । ১৬৪ । + নিশ্চয় আমরা শ্রেণীবদ্ধনকারী । ১৬৫ । এবং নিশ্চয় আমরা স্তুতিকারী ‡ । ১৬৬ । এবং নিশ্চয় তাহারা বলিয়া থাকে, “যদি আমাদের নিকটে পূর্বতন লোকদিগের কোন স্মৃতিচিহ্ন ( উপদেশগ্রন্থাদি ) থাকিত, তবে অবশ্য আমরা ঈশ্বরের প্রেমিক দাসদিগের অন্তর্ভুক্ত হইতাম” । ১৬৭ + ১৬৮ + ১৬৯ । অনন্তর তাহারা তৎসম্বন্ধে ( কোর-আন্ সম্বন্ধে ) বিদ্রোহী হইল, পরে শীঘ্রই জানিতে পাইবে । ১৭০ । এবং সত্য সত্যই স্বীয় প্রেরিত দাসদিগের সম্বন্ধে আমার উক্তি প্রথমেই হইয়াছে । ১৭১ । নিশ্চয় ইহারা তাহাওই, যে সাহায্য-প্রাপ্ত § । ১৭২ । আমার সেই সৈন্য যে, তাহারা বিজয়ী । ১৭৩ । অনন্তর তুমি, ( হে মোহম্মদ, ) কিছুকাল পর্যন্ত তাহাদিগ হইতে বিমুখ থাক । ১৭৪ । + এবং তাহাদিগকে দেখ, পরে তাহারাও শীঘ্র দেখিতে পাইবে । ১৭৫ । অনন্তর তাহারা কি আমার শাস্তি শীঘ্র চাহিতেছে ? ১৭৬ । পরে যখন তাহাদের অঙ্গনে ( শাস্তি ) অবতীর্ণ হইবে, তখন ভয়প্রাপ্ত লোকদিগের পক্ষে

দেবতাদের জন্ম হইয়াছে ; গুলোপাসকদিগের বিশ্বাস এই যে, শয়তানের সঙ্গে পরমেশ্বরের ভ্রাতৃসম্বন্ধ । ( ত হো, )

\* অনেকের মত এই যে, দৈত্যই দেবতা । আরব্য লোকেরা অদৃশ্য জীবদিগকেই দৈত্য বলিত । তাহারা ঈশ্বরের সঙ্গে দৈত্যদিগের সম্বন্ধ ঘটাইয়াছিল ; অনেকে বলিত, দৈত্যগণ তাঁহার কন্যা । কিন্তু দৈত্যগণ জ্ঞাত আছে যে, তাহাদিগকে প্রসন্ন করিবার জন্ত উপস্থিত করা হইবে । কাফেরগণ যে তাহাদিগকে পূজা করিয়াছে, তদ্বিবয়ে তাহাদিগের প্রতিও কেয়ামতে প্রসন্ন হইবে । ( ত হো, )

† অর্থাৎ যে কোন স্থান সাধন ভজনের জন্ত নির্ধারিত রহিয়াছে, প্রত্যেককে তাহা মাশ্রু করিতে হয় । শেখ আবুবেকর ওরাক বলিয়াছেন যে, এ স্থানে নির্দিষ্ট স্থান শব্দে বক্ষঃস্থলকে বুঝাইবে । যথা ভয়, আশা, প্রেম ও বাধ্যতা প্রত্যেক সাধু মহাত্মার বক্ষের বিশেষ বিশেষ স্থানে স্থিতি করে । ( ত হো, )

‡ প্রেরিতমহাপুরুষ ও বিশ্বাসী লোকদিগের এই উক্তি । তাঁহারা বলেন যে, পরলোকে আমাদের প্রত্যেকের জন্ত স্থান নির্দিষ্ট আছে । এক্ষণ আমরা কার্য-শ্রেণীতে দণ্ডায়মান আছি ও উপাসনা এবং স্তুতি বন্দনা দ্বারা ঈশ্বরকে স্মরণ করিয়া থাকি । ( ত হো, )

§ অর্থাৎ প্রেরিতপুরুষদিগকে সাহায্য দান করার অঙ্গীকারাদি ঈশ্বরের স্বর্গস্থ গ্রন্থে লিপিবদ্ধ আছে । যথা, ঈশ্বর লিপি করিয়াছেন যে, আমি ও আমার প্রেরিতপুরুষ অবশ্য বিজয়-লাভের অধিকারী । ( ত হো, )

প্রাতঃকালে অশুভ ঘটবে \* । ১৭৭ । এবং তুমি কিছুকাল পর্যন্ত তাহাদিগ হইতে বিমুখ হও । ১৭৮ । + দেখ, পরে তাহারাও অবশ্য দেখিতে পাইবে । ১৭৯ । তাহারা যাহা বর্ণন করিয়া থাকে, তাহা অপেক্ষা তোমার প্রতিপালক ( অধিক ) গৌরবান্বিত প্রভু, পবিত্র । ১৮০ । এবং প্রেরিতপুরুষদিগের প্রতি সেলাম হোক । ১৮১ । + বিশ্বপালক পরমেশ্বরেরই সম্যক প্রশংসা । ১৮২ । ( র, ৫, আ, ৪৫ )

## সূরা স †

.....

### অষ্টাত্রিংশ অধ্যায়

.....

#### ৮৮ আয়ত, ৫ রকু

( দাতা দয়ালু পরমেশ্বরের নামে প্রবৃত্ত হইতেছি । )

স ঃ উপদেশক কোরু-আনের শপথ । ১ । বরং যাহারা ধর্মভ্রোহী হইয়াছে, তাহারা অবাধ্যতা ও বিপক্ষতার মধ্যে আছে । ২ । তাহাদের পূর্বে কত দলকে আমি সংহার করিয়াছি, তখন তাহারা চিৎকার করিয়াছিল, সেই সময়ে উদ্ধারের ( উপায় ) ছিল না । ৩ । এবং তাহারা আশ্চর্যান্বিত হইয়াছিল যে, তাহাদের মধ্য হইতে তাহাদের নিকটে ভয়প্রদর্শক আগমন করিল ও কাফেরগণ বলিল, “এ মিথ্যাবাদী ঐন্দ্রজালিক ।

\* পুরাকালে আরব্য লোকদিগের মধ্যে লুঠন ও হত্যাকাণ্ড অত্যন্ত প্রবল ছিল । যে সকল সৈন্ত কোন পরিবারকে আক্রমণ করিবার ইচ্ছা করিত, তাহারা সমুদায় রাত্রি পর্যটন করিয়া গভীর নিত্রার সময় প্রাতঃকালে ঘাইয়া হত্যা ও লুঠনব্যাপারে প্রবৃত্ত হইত ও পরিবারটিকে সমূলে সংহার করিত । সাধারণতঃ লুঠনাদি কার্য প্রাতঃকালে হইত বলিয়া লুঠনের নাম ( ‘সবা’ ) প্রাতঃকাল রাখা হইয়াছে । অন্ত সময়ের লুঠনাদি ব্যাপারকেও প্রাতঃকাল বলিয়া থাকে, এজন্য অশুভ প্রাতঃকাল বলিয়া এখানে উল্লিখিত হইয়াছে । কথিত আছে যে, প্রাতঃকালে হজরত খয়বর এদেশে উপনীত হন, তখন সেখানকার ছুর্গ দর্শন করিয়া বলেন, “ঐশ্বরই শ্রেষ্ঠ । আমি খয়বরকে বিনষ্ট করিলাম ।” তৎকালে এই আয়তের পুনরুক্তি হয় । ( ত, হো, )

† এই সূরা মক্কাতে অবতীর্ণ হইয়াছে ।

‡ মহান্না আবুবেকর ওরাক ও কংরব বলেন যে, ব্যবচ্ছেদক বর্ণাবলী কাফেরদিগকে শাস্ত রাখিবার জন্য আবির্ভূত হইত । সকল সময়ে হজরত উপাসনাকালে উচ্চৈশ্বরে কোরু-আন পড়িতেন । ধর্মবিষেবী লোকেরা বিষেবশতঃ শীশ দানে রত থাকিত, এবং করতালি দিত, যেন তাঁহার পাঠে



৪। এ ঈশ্বরসমূহকে এক ঈশ্বরে পরিণত করে, নিশ্চয় ইহা আশ্চর্য্য ব্যাপার” \* ১৫। এবং তাহাদের নিকট হইতে প্রধান পুরুষগণ চলিয়া গেল, ( পরস্পর বলিতে লাগিল ) যে, “চলিয়া যাও ও স্বীয় ঈশ্বরগণের উপর ধৈর্য্য ধারণ কর, নিশ্চয় এবিষয় প্রত্যাশিত হইয়াছে। ৬। পরবর্তী ধর্মের মধ্যে আমরা ইহা শ্রবণ করি নাই, † ইহা কল্পিত ভিন্ন নহে। ৭। আমাদের মধ্য হইতে কি তাহার প্রতি উপদেশ অবতীর্ণ হইল ?” বরং তাহারা আমার উপদেশসম্বন্ধে সন্দিগ্ধ, বরং ( এক্ষণ পর্য্যন্ত ) তাহারা আমার শাস্তি আশ্বাদন করে নাই। ৮। তাহাদের নিকটে কি তোমার দাতা বিজ্ঞতা প্রতিপালকের অনুগ্রহের ভাণ্ডার আছে ? ৯। স্বর্গ ও পৃথিবীর এবং উভয়ের মধ্যে যাহা কিছু আছে, তাহার রাজত্ব কি তাহাদের ? অনন্তর রজ্জুযোগে তাহাদের উপরে উঠা আবশ্যক ‡।

ব্যাঘাত হয় ও তিনি অশুদ্ধ পড়েন। তখন ঈশ্বর এই সকল অক্ষর প্রেরণ করেন। হজরতের মুখে তাহারা উহা শ্রবণ করিয়া তাহার অর্থ বুঝিতে না পারিয়া চিন্তায় প্রবৃত্ত হইত, এবং গোলযোগ করিয়া কিয়ৎকাল হজরতের মন বিক্ষিপ্ত করিতে পারিত না। স, এই বর্ণে স্রষ্টা ও মহান্ ইত্যাদি ঈশ্বরের গুণবাচক বিশেষ বিশেষ নাম, বা হজরত মোহম্মদের কিংবা কোর-আনের নাম ইত্যাদি বুঝায়। ( ত, হো. )

\* হম্জা ও ওমর এসলাম ধর্মে দীক্ষিত হইলে পর, সম্ভ্রান্ত কোরেশগণ বাস্ত হইয়া হজরতের পিতৃব্য আবুতালেবের নিকটে আগমনপূর্বক বলে যে, “তুমি আমাদের মধ্যে শ্রেষ্ঠ ও যোগ্য লোক, আমরা তোমার নিকটে এজ্ঞা আসিয়াছি যে, তুমি তোমার ভ্রাতৃপুত্র ও আমাদের মধ্যে একটা মীমাংসা স্থাপন করিবে। সে আমাদের দলের এক একজন নির্বোধ লোককে প্রবঞ্চনা করিতেছে, নূতন ধর্ম ও নূতন বিধি সকল অক্ষুণ্ণ প্রচার করিয়া আমাদের জাতিমধ্যে বিচ্ছেদ আনয়ন করিতেছে। পরে এই অগ্নি নির্বোধ করা যে দুর্কহ হইবে, তাহার উপক্রম হইয়াছে।” আবুতালেব তাহাদের এই কথায় হজরতকে ডাকিয়া বলেন, “মোহম্মদ, তোমার জাতিগণ আসিয়াছেন, তোমার নিকটে তাহাদের প্রার্থনিতব্য এই যে, তুমি একেবারে উন্মার্গচারী না হও, তাহাদের আবেদনে মনোযোগ বিধান কর।” হজরত জিজ্ঞাসা করিলেন, “হে কোরেশ বহুগণ, আপনাদের অভিলাষ কি ?” তাহারা বলিল, “আমাদের ধর্মের অনিষ্ট সাধন করিও না, আমাদের ঈশ্বরদিগের নিন্দা হইতে নিবৃত্ত থাক, আমরাও তোমাকে এবং তোমার অনুগত লোকদিগকে নিপীড়ন করিব না।” হজরত বলিলেন, “আমিও আপনাদের নিকটে একটা প্রার্থনা করি, একটা কথায় আমার সঙ্গে যোগ দিতে হইবে। তাহা হইলে সমগ্র আরবদেশ আপনাদের অধিকারভুক্ত হইবে ও আজম দেশের সম্ভ্রান্ত লোকেরাও আপনাদের আজ্ঞাবহ থাকিবে।” কোরেশগণ জিজ্ঞাসা করিলেন, “সেই কথা কি ?” হজরত বলিলেন, “ঈশ্বর একমাত্র অদ্বিতীয়, এই কথা মাস্ত করিতে হইবে।” ইহা শুনিয়া সেই প্রধান পুরুষগণ বিরক্ত হইলেন ও পরস্পর এইরূপ বলিতে লাগিলেন। ( ত, হো, )

+ পরবর্তী ধর্ম পিতৃপিতামহের অবলম্বিত ধর্ম। ( ত, হো, )

‡ অর্থাৎ যদি কাফেরদিগের পৃথিবীতে ও স্বর্গরাজ্যে কোন ক্ষমতা ও কর্তৃত্ব থাকে, তবে তাহাদের উচিত যে, আকাশে উঠে ও উচ্চতম স্বর্গে স্থিতি করিয়া জগতের কার্যপ্রণালীর ব্যবস্থা করিতে নিযুক্ত হয়; যাহা হইতে ইচ্ছা হয়, প্রত্যাদেশ নিবৃত্ত রাখে, যাহার প্রতি ইচ্ছা হয়, তাহা প্রদান করে।

( ত, হো, )

১০। পরাজিত দলের এক সৈন্যদল এখানে আছে \*। ১১। তাহাদের পূর্বে মুহার সম্প্রদায় ও আদ ও কৌলকধারী ফেরগণ † ( প্রেরিতদিগের প্রতি ) অসত্যারোপ করিয়াছিল। ১২। + এবং সমুদ ও লুতীয় সম্প্রদায় ও এয়াকানিবাসিগণ এই সকল দল ‡। ১৩। প্রেরিতপুরুষদিগকে অসত্যারোপ করিয়াছে ভিন্ন কেহ ছিল না, অনস্তর আমার শাস্তি নির্ধারিত হইল। ১৪। ( র, ১, আ, ১৪ )

এবং ইহারা ( প্রলয়ের ) এক ( সুর ) ধ্বনি ভিন্ন প্রতীক্ষা করিতেছে না, তাহার কোন বিলম্ব নাই। ১৫। এবং তাহারা ( উপহাসচ্ছলে ) বলে, “হে আমাদের প্রতিপালক, বিচার-দিবসের পূর্বে তুমি আমাদের পত্রিকা দান কর” §। ১৬। তাহারা যাহা বলিতেছে, তৎপ্রতি তুমি, ( হে মোহম্মদ, ) ধৈর্য ধারণ কর, এবং আমার দাস শক্তিশালী দাউদকে স্মরণ কর, নিশ্চয় সে পুনর্জীবনকারী ছিল। ১৭। নিশ্চয় আমি গিরিশ্রেণীকে তাহার সঙ্গে বাধা রাখিয়াছিলাম, প্রাতঃসন্ধ্যা তাহারা স্তব করিত। ১৮। এবং একত্রীকৃত পক্ষী সকলকে বাধা করিয়াছিলাম, প্রত্যেকে তাহার প্রতি পুনর্জীবনকারী ছিল ॥ ১৯। এবং তাহার রাজ্যকে আমি দূর করিয়াছিলাম ও তাহাকে বিজ্ঞান ও মীমাংসার বাক্য ( শিক্ষা ) দান করিয়াছিলাম। ২০। এবং তোমার নিকটে কি, ( হে মোহম্মদ, ) পরস্পর বিরোধকারীদিগের সংবাদ পৌছিয়াছে ? ( স্মরণ কর, ) যখন তাহারা প্রাচীর লঙ্ঘন করিয়া মন্দিরে উপস্থিত হইল। ২১। + যখন তাহারা দাউ-

\* এস্থান অর্থে বদরের রণক্ষেত্র। অর্থাৎ বদরে কোরেশগণ হজরতের বিরুদ্ধে যুদ্ধ করিবার জন্য সৈন্য উপস্থিত করিয়া পরাজিত হইবে। কোর-আন যে ঐশ্বরিক গ্রন্থ, এই আয়ত তাহার একটি প্রমাণ। মদিনাগমনের পর যে বদরে যুদ্ধ হইবে ও কাফেরগণ পরাজিত হইয়া পলায়ন করিবে, পরমেশ্বর পূর্ন হইতে মক্কাতেই হজরতকে এই সংবাদ দান করিলেন। ( ত. হো, )

+ ফেরগণকে কৌলকধারী বলিবার তাৎপর্য এই যে, তাহার নিকটে চারিটা লৌহকৌলক ছিল, তদ্বারা সে বিশ্বাসী পুরুষদিগকে উৎপীড়ন করিত।

‡ সমুদ জাতি প্রেরিতপুরুষ সালেহকে মিথ্যাবাদী বলিয়াছিল। প্রথমতঃ সমুদ সালেহের উপদেশ গ্রহণ করে; দ্বিতীয়বার যখন তিনি উপস্থিত হইয়া ঈশ্বরের দিকে আসিবার জন্য তাহাদিগকে নিমন্ত্রণ করেন, তখন তাহারা তাঁহাকে মিথ্যাবাদী বলিয়া অগ্রাহ্য করিয়াছিল। কথিত আছে, তাঁহাব মৃত্যুর পর সমুদজাতি ধর্ম পরিত্যাগ করে। পরমেশ্বর পুনর্জীবন তাঁহাকে জীবিত করিয়া তাহাদের নিকটে প্রেরণ করেন, সেই সময় তাহারা সালেহকে চিনিতে পারে না। তিনি যে প্রেরিতপুরুষ, তাহার প্রমাণ চাহে। তদুপলক্ষে প্রমাণস্বরূপ পাষণ হইতে উঠি বাহির হয়। তখন কতক লোক বিশ্বাস স্থাপন করে, কতকগুলি লোক তাঁহাকে মিথ্যাবাদী বলে, তাহারা বিনাশ প্রাপ্ত হয়। ( ত. হো, )

§ অর্থাৎ মক্কার কাফেরগণ যখন হজরতের মুখে কেয়ামতের শাস্তির কথা শ্রবণ করিত, তখন উপহাস করিয়া বলিত, আমাদের শাস্তির ভাগ বা নিদর্শনলিপি এক্ষণই দাও। ( ত. ফা, )

॥ পর্বতাদির স্তব স্তুতি করা আপাততঃ যদিচ অসম্ভব বলিয়া বোধ হয়, কিন্তু ঈশ্বরের শক্তি কৌশলে ইহা হওয়া আশ্চর্য্য কিছুই নহে। পর্বত ও পক্ষী সকল দাউদের অধুগত ছিল, তাঁহার সঙ্গে সঙ্গে তাহারা চলিত, তাঁহার সুরের সঙ্গে সুর মিলাইয়া গান করিত। ( ত. হো, )

দের নিকটে প্রবেশ করিল, তখন সে তাহাদিগ হইতে ভীত হইল ; তাহারা বলিল, “তুমি ভয় করিও না, আমরা তুই বিরোধকারী, আমাদের একজন অশ্বের প্রতি অত্যাচার করিয়াছে ; অতএব তুমি গায়ানুসারে আমাদের মধ্যে বিচার কর, অত্যাচার করিও না, এবং সরল পথের দিকে আমাদের দিকে চালনা কর \* । ২২ । নিশ্চয় এ আমার ভ্রাতা, তাহার উনশত মেষ আছে, এবং আমার একটি মাত্র মেষ, পরে সে বলিয়াছে, ইহা আমাকে অর্পণ কর ; এবং এ কথায় সে আমাকে আক্রমণ করিয়াছে” । ২৩ । সে (দাউদ) বলিল, “সত্য সত্যই সে আপনার মেষদলের দিকে তোমার মেষ সকলকে আনয়ন করিতে চাহিয়া তোমার প্রতি অত্যাচার করিয়াছে ;” নিশ্চয় যাহারা বিশ্বাস স্থাপন ও সংকল্প করিয়াছে, তাহারা ব্যতীত অধিকাংশ অংশী পরম্পরের প্রতি অত্যাচার করিয়া থাকে, এবং তাহারা ( বিশ্বাসী লোক ) অল্প । দাউদ বৃষ্টিতে পারিল যে, ইহা পরীক্ষা ভিন্ন নহে ; অনন্তর আপন প্রতিপালকের নিকটে ক্ষমা প্রার্থনা করিল, এবং প্রণত ভাবে পতিত হইল ও ( ঈশ্বরের দিকে ) প্রত্যাগমন করিল † । ২৪ । পরে আমি তাহার জন্য উহা ক্ষমা করিলাম, এবং নিশ্চয় আমার নিকটে তাহার ( উন্নত ) পদ ও উত্তম পুনর্শিলনভূমি হয় । ২৫ । ( বলিলাম, ) “হে দাউদ, আমি তোমাকে পৃথিবীতে অধিপতি করিলাম, অনন্তর তুমি মানবকুলের মধ্যে গায়ানুসারে বিচার করিতে থাক, এবং প্রবৃত্তির অনুসরণ করিও না, তবে ঈশ্বরের পথ হইতে তোমাকে বিভ্রান্ত করিবে ; নিশ্চয় যাহারা ঈশ্বরের পথ হইতে বিপথগামী হয়, তাহাদের জন্য শাস্তি আছে, যেহেতু তাহারা বিচারের দিনকে ভুলিয়াছে” । ২৬ । ( র, ২, আ, ১২ )

এবং ভূমণ্ডল ও নভোমণ্ডল ও যাহা কিছু উভয়ের মধ্যে আছে, তাহা আমি নিরর্থক সৃজন করি নাই ; ( নিরর্থক সৃজন ) করিয়াছি, ধর্মদ্রোহীদের এই অনুমান ।

\* মহাপুরুষ দাউদ এইরূপ নিয়ম করিয়াছিলেন যে, একদিন বিচারালয়ে বসিয়া বিচার করিতেন, একদিন পরিবারবর্গের সহিত বাস করিতেন, একদিন সাধন ভজনের জন্য নিজগৃহে থাকিতেন, তখন ঘরবান্ কাহাকে সেই ভজনালয়ে প্রবেশ করিতে দিত না । সেই দিন কয়েক ব্যক্তি প্রাচীর লঙ্ঘন করিয়া তাঁহার নিকটে উপস্থিত হয় । ( ত, কা, )

† কথিত আছে যে, এই ছই বাদী প্রতিবাদী স্বর্গীয় দূত ছিলেন । তাহাদের অভিযোগের গূঢ় উদ্দেশ্য এই ছিল যে, “নরপাল দাউদের উনশত ভাৰ্য্যা ছিল, একোন শত ভাৰ্য্যাসঙ্গে একটি প্রতিবেশীর সন্দরী স্ত্রীর প্রতি তাহার দৃষ্টি পড়ে । সেই প্রতিবেশীর নাম উড়িয়া, স্ত্রীর নাম বংশেবা ছিল । তিনি সেই স্ত্রীকে দেখিরাই গ্রহণ করিতে ইচ্ছুক হন, তাহার স্বামীকে সৈন্তশ্রেণীভুক্ত করিয়া যুদ্ধক্ষেত্রে পাঠাইয়া দেন । যুদ্ধে সে প্রাণত্যাগ করে । তৎপর তিনি উক্ত যুবতীকে বিবাহ করেন । বংশেবার পাণিগ্রহণোদ্দেশ্যেই তিনি কৌশল করিয়া উড়িয়াকে প্রবল শত্রুর সঙ্গে যুদ্ধ করিতে পাঠাইয়াছিলেন । দাউদ নিশ্চিত জানিতেন যে, সে যুদ্ধক্ষেত্রে হইতে ফিরিয়া আসিবে না ।” সেই গুরুতর অপরাধ বুঝাইবার জন্যই স্বর্গীয় দূতদিগের আগমন হইয়াছিল । ( ত, কা, )

অনন্তর যাহারা অগ্নি ( দণ্ড ) সহজে অবিশ্বাসী, তাহাদের প্রতি আক্ষেপ \*। ২৭।  
 যাহারা বিশ্বাস স্থাপন ও শুভ কর্ম সকল করিয়াছে, তাহাদিগকে কি আমি ধরাতলে  
 উপদ্রবকারীদিগের তুল্য করিব? আমি কি ধর্মভীরুদিগকে কুক্রিয়ালীল লোকদিগের তুল্য  
 করিব †? ২৮। আমি এই গ্রন্থ তোমার প্রতি, ( হে মোহম্মদ, ) যে অবতারণ  
 করিয়াছি, তাহা কল্যাণবিধায়ক, যেন তাহার আয়ত সকল তাহারা অমুখ্যান করে, এবং  
 যেন বুদ্ধিমান লোকেরা উপদেশ গ্রহণ করে। ২৯। এবং আমি দাউদকে সোলয়মান  
 ( পুত্র ) দান করিয়াছিলাম, সে উত্তম দাস ছিল, নিশ্চয় সে পুনর্জন্মনকারী ছিল। ৩০।  
 ( স্মরণ কর, ) যখন তাহার নিকটে অপরাহ্নে দ্রুতগতি অশ্ব সকলকে ( তিনপদে )  
 উপস্থিত করা হইল, তখন সে বলিল, “নিশ্চয় আমি স্বীয় প্রতিশালকের প্রসঙ্গ অপেক্ষা  
 ধনাসক্তিকে ভালবাসি;” এতদূর পর্য্যন্ত যে, ( সূর্য্য ) আবরণের দিকে ঝুঁকিয়া ছিল।  
 ৩১ + ৩২। ( বলিল, ) “আমার নিকটে সে সকল ফিরাইয়া আন;” পরে ( করবালযোগে  
 অশ্বসকলের ) পদে ও গলদেশে সংঘর্ষণে প্রবৃত্ত হইল ‡। ৩৩। এবং সত্য সত্যই  
 আমি সোলয়মানকে পরীক্ষা করিয়াছিলাম, তাহার সিংহাসনের উপর এক কলেবর  
 স্থাপন করিয়াছিলাম, তৎপর সে ফিরিয়া আসে §। ৩৪। সে বলিয়াছিল, “হে আমার

\* অর্থাৎ জগৎ নিরর্থক সৃষ্ট হয় নাই, জগৎসৃষ্টিতে আমার পূর্ণ শক্তি ও কৌশল জাঙ্জলামান  
 বিজ্ঞমান। কাকেরগণ তাহা বুঝে না, তাহারা অনুমান করে যে, আমি ছালোক ভুলোক নিরর্থক  
 সৃষ্টি করিয়াছি। ( ত, হো, )

† ধর্মছোহী কোরেশগণ বিশ্বাসীদিগকে বলিয়াছিল যে, পরলোকে ঈশ্বর আমাদিগকে  
 তোমাদের তুল্য বা তোমাদিগ অপেক্ষা অধিক দান করিবেন। তাহাতেই এই আয়ত অবতীর্ণ  
 হয়। ( ত, হো, )

‡ কথিত আছে যে, সোলয়মান ধর্মবিশ্বেষীদিগের সঙ্গে যুদ্ধ করিয়া সহস্র অশ্ব তাহাদিগ  
 হইতে গ্রহণ করিয়াছিলেন। কেহ কেহ বলেন যে, দাউদ অমালেকা জাতির সঙ্গে সংগ্রাম করিয়া  
 সহস্র ঘোটক লইয়াছিলেন; সোলয়মান উত্তরাধিকারসূত্রে তাহা প্রাপ্ত হন। অন্ততঃ উক্ত হইয়াছে,  
 কতকগুলি পক্ষধারী সামুদ্রিক ঘোটক ছিল, দৈত্যগণ সমুদ্র হইতে সোলয়মানের জন্ত সে সকল  
 আনয়ন করিয়াছিল। এস্থলে প্রসঙ্গ অর্থে উপাসনা; অশ্বদর্শনে সোলয়মান এরূপ আকৃষ্ট হইয়াছিলেন  
 যে, আপরাহ্নিক উপাসনা ভুলিয়া যান, এবং সূর্য্য অন্তর্মিত হয়। অশ্বের প্রতি আসক্তিবশতঃ  
 তিনি ঈশ্বরোপাসনা হইতে নিবৃত্ত হইলেন বলিয়া, পরে অত্যন্ত অনুতপ্ত হন; এই দুঃখে ঘোটক-  
 বৃন্দকে বধ করিতে আদেশ করেন। তিনি অশ্ব সকলের পদে ও গলদেশে করবালদ্বারা সংঘর্ষণে  
 প্রবৃত্ত হইলেন; অর্থাৎ কঠ ছিন্ন করিতে প্রবৃত্ত হইলেন। সেই সময়ে অশ্বমাংস-ভোজন বৈধ  
 ছিল, ভোজনের জন্ত পদের মাংস সকল ছেদন করিতে লাগিলেন। তিন পদে দণ্ডায়মান হওয়া  
 অশ্বের বিশেষ প্রশংসা। ( ত, হো, )

§ কথিত আছে যে, সোলয়মান অত্যন্ত পীড়িত হইয়াছিলেন, দেহ প্রাণশূন্য প্রতীয়মান হইয়াছিল,  
 রাজ্যে অশান্তি উপস্থিত না হয়, এই উদ্দেশ্যে তাঁহাকে সিংহাসনের উপর বসাইয়া রাখা হয়। পরে  
 তিনি আরোগ্যের দিকে ফিরিয়া আইসেন। এরূপ প্রসিদ্ধি যে, কোন অধর্মের জন্ত সোলয়মানের

প্রতিপালক, আমাকে ক্ষমা কর, এবং আমাকে (এমন) রাজত্ব দান কর যে, আমার পরে কাহারও জন্ত উপযুক্ত নয়; নিশ্চয় তুমি বদাওয় \*। ৩৫। পরে আমি তাহার জন্ত বায়ুকে বাধ্য করি, যেখানে সে চাহিয়াছে। তাহার আদেশক্রমে তথায় মন্দ মন্দ প্রবাহিত হইয়াছে। ৩৬। এবং প্রত্যেক প্রাসাদনির্মাণকারী ও বারিগর্ভে প্রবেশকারী শয়তান সকলকে (বাধ্য করিয়াছিলাম)। ৩৭।+ এবং অন্য (দৈত্যগণ) শৃঙ্খলে পরস্পর সম্বন্ধ ছিল †। ৩৮। আমি বলিয়াছিলাম, ইহা আমার দান, পরে (তাহাদিগকে) অভয় দান কর, বা গণনা না করিয়া আবদ্ধ রাখ। ৩৯। এবং নিশ্চয় আমার নিকটে তাহার জন্ত সান্নিধ্য ও পুনর্স্থলন আছে। ৪০। (র, ৩, আ, ১৪)

এবং আমার দাস আয়ুবকে স্মরণ কর, যখন সে আপন প্রতিপালককে ডাকিল যে, “নিশ্চয় আমাকে শয়তান উৎপীড়ন ও যন্ত্রণা দ্বারা আক্রমণ করিয়াছে” ‡। ৪১। (আমি বলিয়াছিলাম,) তুমি আপন পিতৃদ্বারা (ভূমিকে) আঘাত কর, ইহা স্নানভূমি ও শীতল পানীয়ভূমি §। ৪২। আমার নিজের দ্বাবশতঃ এবং বুদ্ধিমান লোকদিগের উপ-রাজ্যসম্বন্ধীয় অঙ্গুরীয় অঙ্গুলিচ্যুত হইয়াছিল। সেই অঙ্গুরীয়কের স্তম্ভাব এ প্রকার ছিল যে, তাহা অঙ্গুলিতে যে ব্যক্তি ধারণ করিত, সেই সোলয়মানের আকৃতি লাভ করিত। সেই অঙ্গুলিচ্যুত অঙ্গুরীয়ক সোলয়মানের অনুচর সখরা নামক এক দৈত্য প্রাপ্ত হয়, সে তাহা পরিধান করিয়া চল্লিশ দিন সোলয়মানের সিংহাসনে উপবিষ্ট থাকে। পরে অঙ্গুরীয়ক সোলয়মানের হস্তগত হয় এবং তিনি রাজ্যে ফিরিয়া আইসেন, তৎপর দীনভাবে প্রার্থনা করেন। (ত, হো,)

\* সোলয়মান দৈববলে জানিতে পারিয়াছিলেন যে, পার্শ্বব রাজ্যের প্রতি হজরত মোহম্মদেব দৃষ্টি নিপতিত হইবে না। যেহেতু পৃথিবী ও পৃথিবীস্থ সমুদায় সম্পদ তাঁহার নিকট মশকের পালক-তুলাও পরিগণিত হয় নাই, এ জন্ত তিনি এ প্রকার প্রার্থনা করিয়াছিলেন। কেহ বলিয়াছেন, সোলয়মানের পার্শ্বব রাজ্য ফ্রিয়া ও শক্তিগত রাজ্য। এই রাজ্য হজরত মোহম্মদ প্রাপ্ত হইয়াছিলেন। হজরত বলিয়াছেন যে, একদা এক দৈত্য অকস্মাৎ আমার নিকটে উপস্থিত হইয়া আমার নমাজ ভঙ্গ করিতে উদ্যত হইয়াছিল; ঈশ্বর আমাকে শক্তি দান করিলেন, আমি তাহাকে ধরিলাম, এবং ইচ্ছা করিলাম যে, তাহাকে মস্জিদের স্তম্ভে বাঁধিয়া রাখি। পরে সোলয়মানের প্রার্থনা স্মরণ করিয়া তাহাকে ছাড়িয়া দেই, সে নিরাশ ও অকৃতকার্য হইয়া ফিরিয়া যায়। (ত, হো,)

† সোলয়মানের অনুচর কতকগুলি দৈত্য সমুদ্রগর্ভে নিমগ্ন হইয়া মণিবৃত্তা আহরণ করিত, কতকগুলি স্থপতির কার্য করিত। যে সকল দৈত্য উচ্ছ্বল ও অবাধ্য হইয়াছিল, সোলয়মান তাহাদিগকে শৃঙ্খলে বদ্ধ করিয়া রাখিতেন, যেন কাহাকে উৎপীড়ন না করে। (ত, হো,)

‡ আয়ুবের রোগ বিপদ দুঃখ দেখিয়া শয়তান সন্তোষ প্রকাশ করিতেছিল, এবং অনুযোগ করিয়া বলিতেছিল, “কি ভাবিতেছ? ঈশ্বর যে তোমা হইতে সম্পদ কাড়িয়া লইলেন, এবং দুঃখ বিপদে আক্রান্ত করিলেন।” পরে শয়তানের কুমন্ত্রণায় আয়ুবকে তাঁহার আত্মীয় পুত্রদের দেশচ্যুত করে; তাহারা ভয় পাইয়াছিল যে, তাঁহার রোগ বা তাহাদের মধ্যে সংক্রামিত হয়। আশিয়া সুরাতে আয়ুবের কিঞ্চিৎ বৃত্তান্ত নিবৃত্ত হইয়াছে। পরিশেষে ঈশ্বর তাঁহার প্রার্থনা গ্রহণ করেন। (ত হো)

§ পরে আয়ুব ঈশ্বরের আদেশানুসারে মৃত্তিকায় পদাঘাত করেন, তাহাতে দুই জলস্রোত বাহির



দেশের জন্ত তাহাকে আমি তাহার পরিজন এবং তাহাদের অনুরূপ তাহাদের সঙ্গী দান করিয়াছিলাম \* । ৪৩ । এবং ( বলিয়াছিলাম, ) স্বহস্তে শাখাপুঞ্জ গ্রহণ কর, পরে তদ্বারা আঘাত কর, শপথ ভঙ্গ করিও না ; † নিশ্চয় আমি তাহাকে সহিষ্ণু প্রাপ্ত হইয়াছিলাম, সে উত্তম দাস ছিল, নিশ্চয় সে পুনর্জীবনকারী ছিল । ৪৪ । এবং হস্তবান্ ও চক্ষুমান্ আমার দাস এব্রাহিম ও এস্‌হাক এবং ইয়কুবকে স্মরণ কর ‡ । ৪৫ । নিশ্চয় আমি পরলোকস্মরণরূপ শুদ্ধ প্রকৃতিতে তাহাদিগকে চিহ্নিত করিয়াছিলাম । ৪৬ । এবং নিশ্চয় তাহারা আমার নিকটে গৃহীত সাধুদিগের অন্তর্গত ছিল । ৪৭ । এস্‌মায়িল ও ইয়সা এবং জোল্‌কেফ্‌লকে স্মরণ কর, তাহারা প্রত্যেকে সাধুদিগের অন্তর্গত ছিল § । ৪৮ । ইহা ( এই প্রেরিত পুরুষদিগের তত্ত্ব ) স্মরণীয়, নিশ্চয় ধর্ম্মভীরু লোকদিগের জন্ত উৎকৃষ্ট পুনর্গমন-স্থান আছে । ৪৯ । তাহাদের জন্ত নিত্য উত্তান সকল দ্বার প্রমুক্ত করিয়া আছে । ৫০ । তথায় তাহারা উপাধানে ভর দিয়া থাকিবে, তথায় তাহারা প্রচুর ফল ও পানীয় চাহিবে । ৫১ । এবং তাহাদের নিকটে সমবয়স্কা ঈশনির্মীলিতলোচনা নারীগণ থাকিবে । ৫২ । বিচারের দিবসের জন্ত যাহা অঙ্গীকৃত হইয়াছে, তাহা ইহাই । ৫৩ । নিশ্চয় ইহা আমার ( প্রদত্ত ) উপজীবিকা, ইহার কোন বিনাশ নাই । ৫৪ । + এই (বিনিময়,) নিশ্চয় সীমালঙ্ঘনকারীদিগের জন্ত মন্দ প্রত্যাগমন-ভূমি নরক লোক, তথায় তাহারা প্রবিষ্ট হইবে, পরন্তু উহা ক্ষয়প্রাপ্ত স্থান । ৫৫ + ৫৬ । এই ( শাস্তি ) উষ্ণ

হয়, একটি উষ্ণ প্রস্রবণ, একটি শীতল প্রস্রবণ । উষ্ণ প্রস্রবণটি স্নানের জন্ত হয়, আয়ুব তাহাতে স্নান করিয়া শারীরিক রোগ হইতে সম্পূর্ণরূপে মুক্ত হন, এবং শীতল প্রস্রবণের জল পান করিয়া আন্তরিক রোগ হইতে মুক্তিলাভ করেন । কথিত আছে যে, একটিমাত্র প্রস্রবণই ছিল, স্নানের সময় উহার জল উষ্ণ, পানের সময় শীতল হইত ! ( ত, হো, )

\* অর্থাৎ আয়ুবের মৃত সন্তান সন্ততি পুনর্জীবিত হইল, এবং সেই সন্তানদিগের অনুরূপ দ্বিগুণ সন্তান হইল । ( ত, হো, )

+ আয়ুবের পত্নীর নাম রহিমা ছিল ; আয়ুব যখন গুরুতর রোগে আক্রান্ত, তখন সে কার্ঘ্যানুরোধে স্থানান্তরে গিয়াছিল, তথায় অনেক বিলম্ব করে, তাহাতে আয়ুব তাহাকে এক শত যষ্টির আঘাত করিবেন বলিয়া প্রতিজ্ঞা করেন । ঈশ্বর-প্রসাদে আরোগ্য লাভ করিলে পর তিনি সেই প্রতিজ্ঞা স্মরণ করিয়া প্রহারের ইচ্ছা করেন, তাহাতেই এই উক্তি হয় । ( ত, হো, )

‡ হস্তবান্ ও চক্ষুমান্ অর্থে সংকর্শ্মশীল ও তত্ত্বজ্ঞ । ( ত, হো, )

§ ইয়সা আখ্‌তুবের পুত্র এবং প্রেরিত পুরুষ এলিয়াসের স্থলাভিষিক্ত ছিলেন, পরে তিনি প্রেরিতত্ব লাভ করেন । জোল্‌কেফ্‌ল আয়ুবের পুত্র ছিলেন । পিতার মৃত্যুর পর তিনি প্রেরিত হন, এবং শাম দেশের কোন বিশেষ জাতির নেতৃত্বপদ লাভ করেন । পরমেশ্বর কর্তৃক তিনি জোল্‌কেফ্‌ল নামে অভিহিত হন ; অনেকে, তিনি সেই ইয়সাই, এরূপ জানেন । এলিয়াস কর্তৃক ধর্ম্ম-স্থাপনের ভারপ্রাপ্ত হইয়াই তাহার জোল্‌কেফ্‌ল নাম হয় । জোল্‌কেফ্‌ল শব্দের অর্থ ভারবাহক । ( ত, হো, )

জল ও পিক, তাহারা তাহা আশ্বাদন করিবে। ৫৭। ঈদুশ নানাপ্রকার অগ্নি (শাস্তি) আছে। ৫৮। তোমাদের সঙ্গে এই দল ( নরকে ) আগমনকারী ; ( দেবগণ বলিবে, ) “ইহাদের প্রতি কোন সাধুবাদ না হোক, নিশ্চয় ইহারা নরকানলে প্রবেশ করিবে” \* । ৫৯। তাহারা ( অমুগামিগণ ) বলিবে, “বরং তোমরা সেই লোক, যে তোমাদের প্রতি সাধুবাদ না হোক ; তোমরাই তাহাকে (শাস্তিকে) আমাদের জগ্ন উপস্থিত করিয়াছ, অনন্তর কুংসিত স্থান (নরক)” । ৬০। তাহারা বলিবে, “হে আমাদের প্রতিপালক, যে ব্যক্তি আমাদের জগ্ন ইহা উপস্থিত করিয়াছে, পরে অগ্নির মধ্যে তাহার সম্বন্ধে দ্বিগুণ শাস্তি বৃদ্ধি করিয়া দাও” । ৬১। এবং তাহারা বলিবে, “আমাদের কি হইয়াছে যে, আমরা সেই সকল লোককে দেখিতেছি না, যাহাদিগকে আমরা নিকৃষ্ট গণনা করিয়াছিলাম † । ৬২। আমরা কি তাহাদিগের প্রতি উপহাস করিলাম, বা তাহাদিগ হইতে ( আমাদের ) চক্ষুসকল বাকিয়া গিয়াছে” ‡ । ৬৩। নিশ্চয় এই নরকবাসীদিগের বিবাদ সত্য । ৬৪। ( র, ৪, আ, ২৪ )

তুমি বল, ( হে মোহম্মদ ), “আমি ভয়প্রদর্শনকারী, এতদ্বিষয় নহি ; এবং এক পরাক্রান্ত ঈশ্বর ব্যতীত কোন উপাস্ত্র নাই । ৬৫। তিনি ভুলোক ও ছালোকের এবং উভয়ের মধ্যে যে কিছু আছে, তাহার প্রতিপালক ; তিনি পরাক্রান্ত ক্ষমাশীল” । ৬৬। তুমি বল, “( কেয়ামতের ) সেই সংবাদ মহান্ । ৬৭। + তোমরা তাহার অগ্রাহকারী । ৬৮। তাহা হইলে যখন পরস্পর বাধিতগু করিতে, তখন এই উন্নত দলের (দেবগণের) সম্বন্ধে আমার কোন জ্ঞান থাকিত না § । ৬৯। আমি স্পষ্ট ভয়প্রদর্শক, এ বিষয়ে ব্যতীত আমার প্রতি প্রত্যাদেশ প্রেরিত হয় না” । ৭০। (স্মরণ কর,) যখন তোমার প্রতিপালক দেবগণকে বলিলেন, “নিশ্চয় আমি যুক্তিকাযোগে মনুষ্যের সৃষ্টিকর্তা । ৭১। অনন্তর

\* অর্থাৎ ধর্মদ্রোহী কোরেশদলপতিদের সঙ্গে তাহাদের অনুগত লোকেরাও নরকে যাইবে ।  
( ত, হো, )

+ অর্থাৎ যখন ধর্মবিষেবী কোরেশগণ নরকের দিকে দৃষ্টিপাত করিবে, তখন দীন দুঃখী মোসলমানদিগকে, যথা, এমার, সহিব ও খোবাব এবং বেলালকে দেখিতে পাইবে না, এবং এইরূপ বলিবে ।  
( ত, হো, )

‡ নরকে হয় নিকৃষ্ট মোসলমানদিগকে দেখিতে না পাইয়া নরকবাসী কোরেশদিগের বিশ্বাসস্থলিত গিঞ্জাসাসূচক এইরূপ বাক্য । পরমেশ্বর দীনদুঃখীদিগকে স্বর্গোচ্চানে লইয়া যাইবেন, কাকেরগণ তাহা দেখিয়া আক্ষেপ করিবে ।  
( ত, হো, )

§ অর্থাৎ হজরত বলিতেছেন যে, আমার এই প্রেরিতব্যবিষয়ে বাহা তোমরা অগ্রাহ করিতেছ, বিবেচনা কর, আমি নবি না হইলে আমার প্রতি প্রত্যাদেশ হইত না । দেবতারা যে আমাদের বিষয়ে কথোপকথন করিয়া থাকেন, তাহা গুনিতে পাইতাম না । আমার প্রেরিতদের ইহা অপেক্ষা উচ্চতর প্রমাণ নাই যে, আদম ও দেবগণের বৃত্তান্ত সেই ভাবে বর্ণন করিতেছি, যেসকল প্রাচীন গ্রন্থে লিপিবদ্ধ । অথচ তাহা আমি পাঠ করি নাই ও শ্রবণ করি নাই ।  
( ত, হো, )

যখন তাহা গঠন করিব ও তন্মধ্যে আপন প্রাণ ফুৎকার করিব, তখন তোমরা তাহার উদ্দেশে প্রণত হইয়া পড়িও”। ৭২। পরিশেষে শয়তান ব্যতীত যুগপৎ সমুদায় দেবতা প্রণাম করিল, সে গর্ক করিল, এবং সে কাফেরদিগের অন্তর্গত ছিল। ৭৩+৭৪। তিনি বলিলেন, “এব্লিস, আমি স্বহস্তে যাহাকে সৃজন করিয়াছি, তাহাকে প্রণাম করিতে তোমার কি প্রতিবন্ধক ছিল? তুমি অহংকার করিয়াছ; তুমি কি উচ্চপদস্থদিগের অন্তর্গত?” ৭৫। সে বলিল, “আমি তাহা অপেক্ষা শ্রেষ্ঠ, আমাকে তুমি অগ্নিদ্বারা সৃজন করিয়াছ ও তাহাকে মৃত্তিকাদ্বারা সৃষ্টি করিয়াছ”। ৭৬। তিনি বলিলেন, “অতএব তুমি এস্থান হইতে বহির্গত হও, অনন্তর নিশ্চয় তুমি তাড়িত। ৭৭। এবং নিশ্চয় তোমার প্রতি বিচারের দিন পর্য্যন্ত আমার অভিসম্পাত রহিল”। ৭৮। সে বলিল, “হে আমার প্রতিপালক, অনন্তর আমাকে পুনরুত্থানের দিন পর্য্যন্ত অবকাশ দান কর”। ৭৯। তিনি বলিলেন, “পরে নিশ্চয় তুমি সেই নির্দিষ্ট সময়ের দিন পর্য্যন্ত অবকাশপ্রাপ্তদিগের অন্তর্গত”। ৮০+৮১। সে বলিল “তোমার গৌরবের শপথ, আমি অবশ্য তোমার দাসদিগকে, তাহাদের মধ্যে চিহ্নিতগণকে ব্যতীত, যুগপৎ বিপথগামী করিব”। ৮২+৮৩। তিনি বলিলেন, “অনন্তর সত্য এবং সত্য বলিতেছি। ৮৪। আমি তোমা দ্বারা ও যাহারা তোমার অনুসরণ করিবে, তাহাদের দ্বারা একযোগে নরকলোক পূর্ণ করিব”। ৮৫। তুমি বল, ( হে মোহাম্মদ, ) তৎসম্বন্ধে ( কোর্-আন্ প্রচারসম্বন্ধে ) আমি তোমাদের নিকটে কোন পারিশ্রমিক প্রার্থনা করি না, এবং আমি ক্লেদানকারীদিগের অন্তর্গত নহি। ৮৬। উহা ( কোর্-আন্ ) সমুদায় জগতের উপদেশ ভিন্ন নহে। ৮৭। এবং অবশ্য তোমরা কিয়ৎকাল পরে তাহার সংবাদ জানিবে। ৮৮। ( র, ৫, আ, ২৪ )

## সূরা জোমর ❀

.....

### উনচত্বারিংশ অধ্যায়

.....

### ৭৫ আয়ত, ৮ রকু

( দূতা দয়ালু পরমেশ্বরের নামে প্রবৃত্ত হইতেছি । )

পরাক্রান্ত কৌশলময় পরমেশ্বর হইতে ( কোর্-আন্ ) গ্রন্থের অবতারণ। ১। নিশ্চয় আমি তোমার প্রতি, ( হে মোহাম্মদ, ) সত্যতঃ গ্রন্থ অবতারণ করিয়াছি; অনন্তর তুমি

\* এই সূরা মকাত্তে অবতীর্ণ হইয়াছে।

পরমেশ্বরকে তাঁহার উদ্দেশ্যে পূজাকে বিশ্বুদ্ধ করতঃ অর্চনা করিতে থাক। ২। জানিও, ঈশ্বরের জগুই বিশ্বুদ্ধ পূজা ; এবং যাহারা তাঁহাকে ছাড়িয়া ( অগ ) বন্ধু সকল ( উপাস্ত সকল ) গ্রহণ করিয়াছে, তাহারা ( বলে, ) ঈশ্বরের সান্নিধ্য-পদে সন্নিহিত করিবে, তজ্জগু ব্যতীত আমরা তাহাদিগকে অর্চনা করি না। নিশ্চয় ঈশ্বর, তাহারা যে বিষয়ে বিরুদ্ধাচরণ করিতেছে, তদ্বিষয়ে তাহাদের মধ্যে আজ্ঞা প্রচার করিবেন ; যে ব্যক্তি মিথ্যাবাদী ধর্মদ্রোহী, একান্তই ঈশ্বর তাহাকে পথপ্রদর্শন করেন না। ৩। যদি ঈশ্বর সন্তান গ্রহণ করিতে চাহিতেন, তাহা হইলে তিনি যাহা সৃষ্টি করেন, তাহা হইতে যাহাকে ইচ্ছা হইত, অংশ গ্রহণ করিতেন ; পবিত্রতা তাঁহার, তিনি এক মাত্র পরাক্রান্ত ঈশ্বর। ৪। তিনি সত্যতঃ ভূমণ্ডল ও নভোমণ্ডল সৃজন করিয়াছেন, তিনি রজনীকে দিবার মধ্যে অল্পপ্রবিষ্ট ও দিবাকে রজনীর ভিতরে অল্পপ্রবিষ্ট করেন, এবং সূর্য্য চন্দ্রমাকে বাধ্য করিয়াছেন, প্রত্যেকে নিদ্দিষ্ট সময়ে সঞ্চরণ করে ; জানিও, তিনি ক্ষমাশীল পরাক্রান্ত। ৫। তোমাদিগকে, ( হে লোক সকল, ) তিনি এক ব্যক্তি হইতে সৃষ্টি করিয়াছেন, তৎপর তাহা হইতে ( সেই ব্যক্তি হইতে ) তাহার ভাষ্যা সৃজন করিয়াছেন, এবং তোমাদের জগু আট জোড়া ( পুংস্ত্রী ) পশু অবতারণ করিয়াছেন, অন্ধকার ( আবরণ ) ত্রয়ের মধ্যে সৃষ্টির পর তিনি তোমাদিগকে তোমাদের জননীর গর্ভে এক প্রকার সৃজনে সৃজন করিয়াছেন ; \* এই ঈশ্বরই তোমাদের প্রতিপালক, তাঁহারই রাজত্ব, তিনি ব্যতীত কোন ঈশ্বর নাই। অনন্তর কোথায় তোমরা ফিরিয়া যাইতেছ ? ৬। যদি তোমরা ধর্মদ্রোহী হও, তবে নিশ্চয় পরমেশ্বর তোমাদিগের প্রতি বীতানুরাগ থাকিবেন, এবং তিনি স্বীয় ধর্মদ্রোহী দাসদিগের প্রতি প্রসন্ন নহেন ; যদি তোমরা কৃতজ্ঞ হও, তবে তিনি তাহা ( কৃতজ্ঞতা ) তোমাদের জগু মনোনীত করিবেন। কোন ভারবাহক অণুর ভার বহন করে না, তৎপর আপন প্রতিপালকের নিকটে তোমাদের প্রতিগমন ; অনন্তর তোমরা যাহা করিতেছ, তদ্বিষয়ে তিনি তোমাদিগকে সংবাদ দিবেন, নিশ্চয় তিনি অন্তরের তত্ত্বজ্ঞ। ৭। যখন মনুষ্যকে কোন দুঃখ আশ্রয় করে, তখন সে আপন প্রতিপালককে তাঁহার দিকে উন্মুখ হওতঃ ডাকিয়া থাকে ; তৎপর যখন তিনি আপনা হইতে কোন সম্পদ তাহাকে দান করেন, তাঁহার নিকটে সে পূর্বে যে প্রার্থনা করিতেছিল, তাহা ভুলিয়া যায়, এবং ঈশ্বরের জগু অংশী নির্দারিত করে, যেন তাঁহার পথ হইতে

\* একমাত্র আদম হইতে মনুষ্যের সৃষ্টি। কথিত আছে যে, প্রথমতঃ তাঁহার ঔরসে সন্তানের উৎপত্তি হয়, তৎপর তাঁহার পার্শ্বস্থি হইতে তাঁহার ভাষ্যা হবার সৃষ্টি হয়। গো, উষ্ট্র, ছাগ, মেঘ এক এক জাতীয় পুং স্ত্রী এক এক জোড়া আটটি পশু লোকের উপকারসাধন করিবার জগু স্বর্গ হইতে প্রেরিত হইয়াছিল। পরমেশ্বর শুক্রকে ঘনীভূত রক্তে পরিণত করেন, পরে সেই রক্ত মাংসখণ্ডে পরিণত হয়, তৎপর মাংসাচ্ছাদিত অস্থি হয়, অবশেষে সৃষ্টিত দেহ উৎপন্ন হইয়া থাকে। ক্রণের আবরণক্রম, অস্ত্র, জরায়ুকোষ, জঠর।

( ত, হো, )

তাহাকে বিভ্রান্ত করে। তুমি বল, (হে মোহাম্মদ,) কিছুকাল তুমি আপন ধর্মদ্রোহিতার ফলভোগ করিতে থাক, নিশ্চয় তুমি নরকাগ্নিনিবাসীদিগের অন্তর্গত। ৮। যে ব্যক্তি নিশাকালে প্রণত ও দণ্ডায়মান হওতঃ সাধনাকারী, পরলোককে ভয় করে, এবং স্বীয় প্রতিপালকের দয়া আশা করিয়া থাকে, সে কি ( ধর্মদ্রোহীর তুল্য ) ? \* তুমি জিজ্ঞাসা কর, যাহারা জ্ঞান রাখে ও যাহারা জ্ঞান রাখে না, তাহারা কি তুল্য? বুদ্ধিমান লোকেরা উপদেশ গ্রহণ করে, এতদ্বিষয় নহে। ৯। ( র, ১, আ, ৯ )

তুমি ( আমার পক্ষ হইতে ) বল, ( হে মোহাম্মদ, ) যাহারা বিশ্বাস স্থাপন করিয়াছে, হে আমার সেই দাস সকল, তোমরা আপন প্রতিপালককে ভয় করিতে থাক ; যাহারা এই সংসারে শুভ কর্ম করিয়াছে, তাহাদের জন্তই শুভ, এবং ঈশ্বরের পৃথিবী বিস্তীর্ণ, সহিষ্ণুদিগকে অগণ্যভাবে তাহাদের পুরস্কার পূর্ণ দেওয়া যাইবে, এতদ্বিষয় নহে †। ১০। তুমি বল, নিশ্চয় আমি পরমেশ্বরকে তাঁহার উদ্দেশ্যে ধর্ম বিশুদ্ধ করতঃ অর্চনা করিতে আদিষ্ট হইয়াছি। ১১। এবং আদিষ্ট হইয়াছি যে, মোসলমানদিগের প্রথম হইব। ১২। তুমি বল যে, নিশ্চয় যদি আমি স্বীয় প্রতিপালককে অগ্রাহ্য করি, তবে মহাদিনের শাস্তিকে ভয় করিয়া থাকি। ১৩। বল, আমি ঈশ্বরকে তাঁহার উদ্দেশ্যে স্বীয় ধর্ম বিশুদ্ধ করতঃ অর্চনা করিয়া থাকি। ১৪। + পরে তাঁহাকে ছাড়িয়া, যাহাকে ইচ্ছা কর, তোমরা অর্চনা করিতে থাক ; তুমি বল, যাহারা আপন জীবনের ও আপন পরিজনদের ক্ষতি করিয়াছে, নিশ্চয় তাহারাই কেয়ামতের দিনে ক্ষতিগ্রস্ত। জানিও, ইহা সেই স্পষ্ট ক্ষতি ‡। ১৫। তাহাদের জন্তই তাহাদের উপর অগ্নির চন্দ্রাতপ ও নিম্নে চন্দ্রাতপ

\* এস্থলে ঈদৃশ ধর্মসাধক ওমর বা আলি বা এমার অথবা সোলয়মান কিংবা মসউদের পুত্র আব্দোল্লা, সর্কাপেক্ষা প্রসিদ্ধ জোনমুরিন হন। ( ত, হো, )

+ যাহারা হিতকার্য্য করে, তাহার বিনিময়ে সংসারে তাহাদের হিতানুষ্ঠান অনুসারে স্বাস্থ্য ও কল্যাণ হয়। অনেকে বলেন, আফ্রিকায় যে আবুতালেবের পুত্র জাফের ও তাঁহার বন্ধুগণ প্রস্থান করিয়াছিলেন, তাঁহাদের প্রতি এই আয়তের লক্ষ্য। এখানে শুভ কর্ম অর্থে মক্কা হইতে প্রধান করা। তাঁহারা আফ্রিকায় প্রস্থান করিয়া নিরাপদে ছিলেন, শত্রুর আক্রমণ ও অন্ত বিপদ হইতে রক্ষা পাইয়াছিলেন। “ঈশ্বরের পৃথিবী বিস্তীর্ণ” অর্থাৎ যিনি ইচ্ছা করেন, স্থানান্তরিত হইতে পারেন। কথিত আছে যে, পৃথিবীতে যাহারা দুঃখবিপদগ্রস্ত হইয়া ধৈর্যধারণ করিয়াছে, কেয়ামতের দিনে তাহাদিগকে প্রাস্তবে উপস্থিত করা যাইবে। তাহার পুরস্কার পরিমাণ করার জন্ত তুল্যসম্মতি স্থাপন করা যাইবে না। তাহাদের প্রতি অগণ্য ও অপরিমিত পুরস্কার বর্ণিত হইবে। তাহাদিগের এত দূর গৌরব হইবে, যাহারা সংসারে সুখে নিরাপদে জীবন যাপন করিয়াছিল, উহা দেখিয়া তাহারা ইচ্ছা করিবে যে, হায়! আমাদের দেহ যদি অন্ত দ্বারা খণ্ড খণ্ড করা হইত, ভাল ছিল; তাহা হইলে অল্প এই ভাগ্যান্-লোকদিগের শ্রেণীভুক্ত হইতে পারিতাম। ( ত, হো, )

‡ অশিবাদিগণ বলিয়াছিল যে, হে মোহাম্মদ, তুমি স্বীয় পৈতৃক ধর্মের বিরুদ্ধাচরণ করিয়া ক্ষতি করিলে। তাহাতেই এই আয়ত অবতীর্ণ হয়। অপিচ আব্বাস বলিয়াছেন যে, পরমেশ্বর স্বর্গলোকে



হইবে, ইহা ( এই শাস্তি ; ) ইহা দ্বারা পরমেশ্বর স্বীয় দাসদিগকে ভয় দেখাইয়া থাকেন, হে আমার কিঙ্করগণ, অতএব আমাকে ভয় কর । ১৬ । এবং যাহারা প্রতিমা হইতে— তাহারা যে তাহার পূজা করিবে, তাহা হইতে প্রতিনিবৃত্ত হয়, এবং ঈশ্বরের দিকে উনুপ হয়, তাহাদের জন্ত স্তম্ভবাদ আছে ; অনন্তর তুমি আমার দাসদিগকে স্তম্ভবাদ দান কর \* । ১৭ । যাহারা কথা শ্রবণ করে, পরে তাহার কল্যাণের অনুসরণ করিয়া থাকে, ইহারাই তাহারা, যাহাদিগকে ঈশ্বর পথ প্রদর্শন করিয়াছেন, এবং ইহারাই তাহারা যে বুদ্ধিমান † । ১৮ । অনন্তর সেই ব্যক্তিকে কি, যাহার উপর শাস্তির বাক্য নির্দ্ধারিত হইয়াছে, পরে যে ব্যক্তি অগ্নিতে আছে, তাহাকে কি তুমি উদ্ধার করিবে ? ১৯ । কিন্তু যাহারা আপন প্রতিপালককে ভয় করে, তাহাদের জন্ত ( স্বর্গে ) প্রাসাদ সকল আছে, তাহার উপরেও বিনির্মিত প্রাসাদ সকল আছে, তাহার নিম্নে পয়ঃপ্রণালী সকল প্রবাহিত হয় ; ঈশ্বরের অঙ্গীকার আছে, পরমেশ্বর অঙ্গীকারের অণুখা করেন না । ২০ । তুমি কি দেখ নাই যে, ঈশ্বর আকাশ হইতে বারিবর্ষণ করিয়াছেন, পরে তাহা ধরাতলে প্রস্রবণযোগে সঞ্চালিত করিয়াছেন, তৎপর তাহাদ্বারা শস্তক্ষেত্র বাহির করেন, তাহার বর্ণ বিভিন্ন, তৎপর উহা শুষ্ক হয়, পরে তুমি তাহাকে পীতবর্ণ দর্শন করিয়া থাক, তৎপর তিনি তাহা বিচূর্ণ করেন ; নিশ্চয় ইহার মধ্যে বুদ্ধিমান লোকদিগের জন্ত উপদেশ আছে । ২১ । ( র, ২, আ, ১২ )

অনন্তর পরমেশ্বর যাহার হৃদয়কে এসলাম ধর্মের জন্ত প্রসারিত করিয়াছেন, সে কি ( যাহার হৃদয় সঙ্কচিত, তাহার তুল্য ? ) পরন্তু সে স্বীয় প্রতিপালকের আলোকের উপর আছে ; অনন্তর ঈশ্বরস্বরূপবিষয়ে যাহাদের অন্তর কঠিন, তাহাদের প্রতি আক্ষেপ, ইহারাই স্পষ্ট পথভ্রান্তিতে আছে ‡ । ২২ । পরমেশ্বর অত্যন্তম বচন প্রেরণ করিয়াছেন,

প্রত্যেক মনুষ্যের জন্ত গৃহ ও পরিজন সৃজন করিয়াছেন ; যে ব্যক্তি ঈশ্বর ও তাঁহার প্রেরিতপুরুষের অনুগত হইবে, ঈশ্বর তাহাকে স্বর্গে লইয়া যাইবেন, গৃহ ও পরিজন প্রদান করিবেন । যে ব্যক্তি অবাধ্য হইবে, তাহাকে নরকে লইয়া যাইবেন, তাহার গৃহ ও পরিজন অনুগত অপর ব্যক্তিকে দিবেন । অতএব পুনরুত্থানের দিনে গৃহ ও পরিজনসম্বন্ধে কাকেরগণ ক্ষতিগ্রস্ত হইবে । ( ত, হো, )

\* বোর অজ্ঞানতা ও পৌত্তলিকতার সময়ে সোলমানকারসি ও আবু গোকারী এবং ওমরের পুত্র জয়দ ঈশ্বরের একত্ব স্বীকার করিয়াছিলেন ; তাহাদের সম্বন্ধে এই আয়ত অবতীর্ণ হয় । পৃথিবীতে মৃত্যুকালে স্বর্গীয় দূতের মুখে তাঁহারা স্তম্ভবাদ প্রাপ্ত হইবেন যে, পরলোকে তাঁহাদের পাপ ক্ষমা হইবে ও তাঁহারা নিত্যকাল স্বর্গে থাকিবেন । ( ত, হো, )

† মহান্না আবুবেকর হজরত মোহাম্মদের নিকটে গৌরবাধিত হইলে পর. মহানুভব ওসমান ও তলহা ও জোবায়র এবং জয়দের পুত্র সাদ ও আবুওকাসের পুত্র সাদ এবং অওকের পুত্র আবদররহমান এই ছয় ব্যক্তি তাঁহার নিকটে এসলামধর্মের তত্ত্ব জিজ্ঞাসা করেন । আবুবেকর তদ্বিষয়ে যাহা বলেন, তাহা শ্রবণ করিয়া তাঁহারা মোসলমান হন । তাঁহাদিগের সম্বন্ধে এই আয়ত অবতীর্ণ হয় । ( ত, হো, )

‡ হজরত বলিয়াছেন যে, পরলোকের প্রতি দৃষ্টি ও ইহলোকের প্রতি বিমুগ্ধ হওয়া এবং পূর্ব হইতে মৃত্যুর রূপ প্রস্তুত থাকাই প্রশস্ত হৃদয়ের লক্ষণ । ( ত, হো, )

এমন এক গ্রন্থ যে, দুই পরস্পর সদৃশ ; \* যাহারা স্বীয় প্রতিপালককে ভয় করিয়া থাকে, তাহাদের স্বকৃ তাহাতে শিহরিয়া উঠে, তৎপর তাহাদের চক্ষু ও তাহাদের অন্তর ঈশ্বর-প্রসঙ্গের দিকে বিনম্র হয়, ইহাই ঈশ্বরের পথপ্রদর্শন। তিনি যাহাকে ইচ্ছা করেন, এতদ্বারা পথ দেখাইয়া থাকেন, এবং ঈশ্বর যাহাকে ( চাহেন, ) পথভ্রান্ত করেন, পরে তাহার জ্ঞান কোন পথপ্রদর্শক নাই। ২৩। অনন্তর যে ব্যক্তি স্বীয় আননকে কেয়ামত দিনের বিগর্হিত শাস্তি হইতে নিবারিত করে, ( সে কি শাস্তিগ্রস্ত লোকদিগের জ্ঞায় ? ) এবং অত্যাচারীদিগকে বলা হইবে যে, যাহা তোমরা করিতেছিলে, তাহার স্বাদ গ্রহণ কর। ২৪। তাহাদের পূর্ববর্তী লোকেরাও অসত্যারোপ করিয়াছে, পরে অজ্ঞাত স্থান হইতে তাহাদের প্রতি শাস্তি উপস্থিত হইয়াছে। ২৫। অবশেষে পরমেশ্বর তাহাদিগকে সাংসারিক জীবনে দুর্গতি ভোগ করাইয়াছেন ; এবং অবশ্য পারত্রিক শাস্তি গুরুতর, হায় ! যদি তাহারা জানিত, ( ভাল ছিল )। ২৬। এবং সত্য সত্যই আমি মানব-মণ্ডলীর জ্ঞান এই কোরু-আনে বিবিধ দৃষ্টান্ত বর্ণন করিয়াছি, যেন তাহারা উপদেশ গ্রহণ করে। ২৭। আরব্য কোরু আনু অক্ষুণ্ণ, সম্ভবতঃ তাহারা ( তন্মুখাববোধে ) ধর্মভীরু হইবে। ২৮। পরমেশ্বর এক ব্যক্তির এক দাসের দৃষ্টান্ত বর্ণন করিলেন, তাহার সম্বন্ধে অনেক দুশ্চরিত্র অংশী প্রভু ছিল, এবং একজনের জ্ঞান এক ব্যক্তি ছিল ; দৃষ্টান্ত কি পরস্পর তুল্য ? ঈশ্বরেরই সম্যক প্রশংসা, বরং তাহাদের অধিকাংশই বৃদ্ধিতেছে না †। ২৯। নিশ্চয় তুমি মরিবে, নিশ্চয় তাহারা মরিবে। ৩০। তৎপর নিশ্চয় তোমরা পুনরুত্থানের দিনে আপন প্রতিপালকের নিকটে পরস্পর বিরোধ করিবে। ৩১। ( র, ৩, আ, ১০ )

অনন্তর যে ব্যক্তি ঈশ্বরের প্রতি অসত্যারোপ করিয়াছে ও সত্যের প্রতি, যখন তাহার নিকটে উপস্থিত হইয়াছে, অসত্যারোপ করিয়াছে, তাহা অপেক্ষা কে অধিক অত্যাচারী ? কাফেরদিগের জ্ঞান কি নরকলোকে স্থান নাই ? ৩২। এবং যে ব্যক্তি সত্য ( ধর্ম ) সহ আগমন করিয়াছে ও যে ব্যক্তি তাহা বিশ্বাস করিয়াছে, ইহারাই তাহারা যে ধর্মভীরু। ৩৩। তাহারা আপন প্রতিপালকের নিকটে যাহা ইচ্ছা করে, তাহাদের জ্ঞান তাহা আছে, ইহাই হিতকারী লোকদিগের বিনিময়। ৩৪। তাহাতে ঈশ্বর তাহাদিগ হইতে

\* “এমন এক গ্রন্থ যে, দুই পরস্পর সদৃশ” অর্থাৎ কোরু-আনু যে, তাহার এক আয়ত কথা ও অর্থের মৌল্যাদিতে অল্প আয়তের তুল্য, অথবা একাংশ অস্ত্রাংশের প্রমাণস্বরূপ, তন্মধ্যে বিরোধী ভাব নাই। ( ত, হো, )

† অর্থাৎ অনেক প্রভুর এক দাস হইলে তাহাকে কোন প্রভুই আপনার বলিয়া জানিতে পারে না, এবং কেহই পূর্ণরূপে তাহার সংবাদ লয় না ; এক দাস এক প্রভুর হইলে প্রভু তাহাকে আপনার বলিয়া মনে করেন, এবং তাহার প্রতি দৃষ্টি রাখেন। একেশ্বরের ভৃত্য ও বহু দেবতার ভৃত্য সদৃশ। ( ত, হো, )

সেই অকল্যাণ নিবারিত করেন যাহা তাহারা করিয়াছে ; এবং যাহা (যে সংকল্প) তাহারা করিতেছিল, তিনি উত্তমরূপে তাহাদিগের সেই পুরস্কার তাহাদিগকে বিনিময়-স্বরূপ দিয়া থাকেন । ৩৫ । ঈশ্বর কি আপন দানের কার্যসম্পাদক নহেন ? যাহা তত্ত্বিন্ন হয়, সেই (প্রতিমা) সম্বন্ধে তাহারা তোমাকে ভয় দেখাইয়া থাকে ; এবং ঈশ্বর যাহাকে বিপথগামী করেন, অনন্তর তাহার কোন পথপ্রদর্শক নাই । ৩৬ । এবং ঈশ্বর যাহাকে পথপ্রদর্শন করেন, অনন্তর তাহার কোন পথভ্রাস্তকারী নাই ; ঈশ্বর কি পরাক্রান্ত প্রতিফলদাতা নহেন ? ৩৭ । যদি তুমি তাহাদিগকে জিজ্ঞাসা কর, ভূমণ্ডল ও নভোমণ্ডল কে সৃজন করিয়াছে ? তাহারা অবশ্য বলিবে, পরমেশ্বর ; তুমি বলিও, অনন্তর তোমরা কি দেখিয়াছ যে, ঈশ্বর ব্যতীত যাহাদিগকে তোমরা আহ্বান করিয়া থাক, যদি ঈশ্বর আমাকে দুঃখ দিতে চাহেন, তাহারা কি তাঁহার (প্রদেয়) দুঃখের নিবারক হইবে ? অথবা যদি আমার প্রতি তিনি অনুগ্রহ করিতে চাহেন, তাহারা কি তাঁহার অনুগ্রহের অবরোধক হইবে ? তুমি বল, ঈশ্বরই আমার পক্ষে প্রচুর, নির্ভরকারী লোকেরা তাঁহার প্রতিই নির্ভর করিয়া থাকে । ৩৮ । তুমি বল, হে আমার সম্প্রদায়, তোমরা স্বীয় ভূমিতে কার্য করিতে থাক, নিশ্চয় আমিও কার্যকারক ; পরে অচিরে তোমরা জানিতে পাইবে যে, (তোমাদের ও আমাদের মধ্যে) কাহার প্রতি, তাহাকে নির্ধাতিত করে, এমন শাস্তি উপস্থিত হয় ও কাহার প্রতি চিরশাস্তি অবতরণ করে । ৩৯ + ৪০ । নিশ্চয় আমি তোমার প্রতি, (হে মোহম্মদ,) মানবমণ্ডলীর জগৎ গ্রন্থ সত্যভাবে অবতারণ করিয়াছি ; অনন্তর যে ব্যক্তি পথপ্রাপ্ত হইয়াছে, সে আপন জীবনের জগৎই (পাইয়াছে,) এবং যে ব্যক্তি বিপথগামী হইয়াছে, (আপনার) প্রতি সে বিপথগামী হয়, এতদ্বিহীন নহে, এবং তুমি তাহাদের সম্বন্ধে রক্ষক নও । ৪১ । (র, ৪, আ, ১০)

পরমেশ্বর প্রাণকে তাহার মৃত্যুকালে হরণ করেন, এবং যাহা (যে প্রাণ) মরে নাই, তাহাকে তাহার নিজ্রাবস্থায় (হরণ করেন ; ) অনন্তর যাহার প্রতি মৃত্যুর আদেশ হইয়াছে, তাহাকে বন্ধ রাখেন ও অপর (আত্মাকে) নির্দিষ্ট কাল পর্যন্ত প্রেরণ করেন । নিশ্চয় ইহাতে চিন্তা করে, এমন জাতির জগৎ নিদর্শন সকল আছে \* । ৪২ । তাহারা কি ঈশ্বরকে ছাড়িয়া শফায়তকারী সকল গ্রহণ করিয়াছে ? তুমি বল, (হে মোহম্মদ,) যদিচ গ্রহণ করিয়াছে, তথাপি তাহারা কিছুই ক্ষমতা রাখে না ও জ্ঞান রাখে না । ৪৩ । বল, সমগ্র শফায়ত ঈশ্বরেরই, স্বর্গ ও মর্ত্যের রাজত্ব তাঁহারই ; তৎপর তাঁহার

\* প্রত্যেক মনুষ্যের জীবনগত ও চৈতন্যগত দ্বিবিধ প্রাণ । মৃত্যুকালে জীবনগত প্রাণের বিচ্ছেদ হয়, জীবনগত প্রাণের বিলোপে চৈতন্যগত প্রাণও বিলুপ্ত হইয়া থাকে । মনুষ্যের নিজ্রাকালে চৈতন্যগত প্রাণ তাহা হইতে বিচ্ছিন্ন হয়, তাহার বিলুপ্তিবশতঃ জীবনগত প্রাণের বিলোপ হয় না । এস্থলে অপর প্রাণের প্রেরণ চৈতন্যগত প্রাণের প্রেরণ, অর্থাৎ জাগরিত অবস্থায় ঈশ্বর এই প্রাণকে প্রেরণ করিয়া থাকেন ।

(ত, হে,)

দিকেই তোমরা পুনর্নিলিত হইবে। ৪৪। এবং যখন ঈশ্বর একমাত্র, ( এই বাক্য ) উচ্চারণ করা যায়, তখন পরলোকে অবিশ্বাসীদের অন্তর বীতরাগ হয়, এবং যখন তিনি ব্যতীত যাহা, তাহার ( নাম ) উচ্চারণ করা যায়, তখন অকস্মাৎ তাহারা আহ্লাদিত হইয়া থাকে। ৪৫। তুমি বল, “হে দু্যলোক-ও ভুলোকের স্রষ্টা, আন্তর্বাহবিৎ পরমেশ্বর, তাহারা যে বিষয়ে বিরোধ করিতেছে, তুমি সে বিষয়ে স্বীয় দাসমণ্ডলীর মধ্যে বিচার করিবে”। ৪৬। এবং যাহারা অত্যাচার করিয়াছে, পৃথিবীতে যাহা কিছু আছে, যদি সমগ্র তাহাদের হয় ও তৎসদৃশ তাহার সঙ্গে হয়, তবে অবশ্য তাহারা তাহা কেয়ামতের কঠিন শাস্তির বিনিময়ে দিবে ; এবং যাহা তাহারা মনে করিতেছিল না, ঈশ্বর হইতে তাহা তাহাদের জন্ত প্রকাশ পাইবে \*। ৪৭। এবং তাহারা যাহা করিয়াছিল, তাহার অকল্যাণ সকল তাহাদের জন্ত প্রকাশিত হইবে ও যে বিষয়ে তাহারা উপহাস করিতেছিল, উহা তাহাদিগকে ঘেরিবে। ৪৮। অনন্তর যখন মনুষ্যকে দুঃখ আশ্রয় করে, তখন সে আমাকে আহ্বান করিয়া থাকে ; তৎপর যখন আমি আপন সন্নিধান হইতে তাহাকে সম্পদ দান করি, তখন সে বলে, “( আমার ) জ্ঞানপ্রযুক্তই তাহা আমাকে প্রদত্ত হইয়াছে, এতদ্ভিন্ন নহে ;” বরং ইহা পরীক্ষা, কিন্তু তাহাদের অধিকাংশই বুঝিতেছে না। ৪৯। তাহাদের পূর্বে যাহারা ছিল, তাহারা সত্যই ইহা বলিয়াছে, তাহারা যাহা ( যে ধন সম্পত্তি ) অর্জন করিতেছিল, উহা তাহাদিগ হইতে (শাস্তি) দূর করে নাই। ৫০। তাহারা যাহা ( যে দুষ্কর্ম ) করিয়াছিল, পরে তাহাদের অকল্যাণ সকল তাহাদিগের প্রতি পহুছিল, এবং তাহাদের মধ্যে যাহারা অত্যাচার করিয়াছে, যাহা করিয়াছে, তাহার অকল্যাণ সকল অচিরে তাহাদিগের প্রতি পহুছিবে ; এবং তাহারা ( ঈশ্বরের ) পরাভবকারী নহে। ৫১। তাহারা কি জানিতেছে না যে, ঈশ্বর যাহাকে ইচ্ছা করেন, তাহাকে বিস্তৃত ও সঙ্কচিত উপজীবিকা দিয়া থাকেন ; নিশ্চয় ইহার মধ্যে বিশ্বাসী সম্প্রদায়ের জন্ত নিদর্শন সকল আছে। ৫২। ( র, ৫, আ, ১১ )

তুমি ( আমার পক্ষ হইতে ) বল, হে আমার দাসবৃন্দ, যাহারা স্বীয় জীবনসম্বন্ধে অহিতাচরণ করিয়াছে, তাহারা যেন ঈশ্বরের অনুগ্রহ হইতে নিরাশ না হয় ; নিশ্চয় ঈশ্বর সমগ্র পাপ ক্ষমা করিয়া থাকেন, নিশ্চয় তিনি সেই ক্ষমাশীল দয়ালু। ৫৩। এবং তোমরা আপন প্রতিপালকের অভিমুখে প্রত্যাগমন কর, তোমাদের প্রতি শাস্তি পহুছিবার পূর্বে তাহার অনুগত হও, তৎপর তোমরা আনুকূল্য প্রাপ্ত হইবে না। ৫৪। এবং তোমাদের প্রতি আকস্মিক শাস্তি ও তোমরা জান না ( এমন অবস্থায় ) উপনীত

\* অর্থাৎ পৌত্তলিকদিগের এই সংস্কার যে, পুত্তলিকার অনুরোধমতে তাহারা ঈশ্বরের সান্নিধ্যপদ লাভ করিতে পারিবে। কিন্তু পরলোকে তাহাদের সংস্কারের বিপরীত ঈশ্বর হইতে শাস্তি উপস্থিত হইবে। ( ত, হো, )

হইবার পূর্বে, তোমাদের প্রতিপালক হইতে যে স্মৃষ্টি কল্যাণ তোমাদের প্রতি অবতীর্ণ হইয়াছে, তাহার অনুসরণ কর। ৫৫। + কোন ব্যক্তি বলিবে যে, “ঈশ্বরসম্বন্ধে আমি যে অপরাধ করিয়াছি, তৎপ্রতি হায়! আক্ষেপ, এবং নিশ্চয় আমি উপহাসকারীদিগের অন্তর্গত ছিলাম;” অথবা বলিবে, “যদি পরমেশ্বর আমাকে পথপ্রদর্শন করিতেন, তবে অবশ্য আমি ধর্মভীরুদিগের অন্তর্গত হইতাম;” কিংবা শাস্তি-দর্শনের সময় বলিবে, “যদি আমার ( সংসারে ) পুনর্গমন হয়, তবে আমি হিতকারীদিগের অন্তর্গত হইব;” ( তোমরা তাহার পূর্বে কল্যাণজনক কোর্-আনের অনুসরণ কর )। ৫৬+৫৭+৫৮। ( ঈশ্বর বলিবেন, ) “হাঁ, সত্যি তোমার প্রতি আমার নিদর্শন সকল উপস্থিত হইয়াছিল, পরে তুমি তৎপ্রতি অসত্যারোপ করিয়াছ ও গর্ক করিয়াছ, এবং ধর্মবিদেষ্টাদিগের অন্তর্গত হইয়াছ”। ৫৯। এবং যাহারা ঈশ্বরের প্রতি অসত্যারোপ করিয়াছে, পুনরুত্থানের দিন তুমি, ( হে মোহম্মদ, ) তাহাদের মুখ কলঙ্কিত দেখিবে; নরকে অহকারী লোকদিগের জন্ত কি স্থান নাই? ৬০। এবং যাহারা ধর্মভীরু হইয়াছে, পরমেশ্বর তাহাদিগকে তাহাদের অভীষ্টসিদ্ধির সহিত উদ্ধার করিবেন, অন্তর্গত তাহাদিগকে স্পর্শ করিবে না ও তাহারা শোকাকুল হইবে না। ৬১। ঈশ্বর সমুদায় পদার্থের স্রষ্টা, এবং তিনি সমুদায় বস্তুর উপরে কার্যসম্পাদক। ৬২। স্বর্গ ও মর্ত্যের কুঞ্জিকা সকল তাঁহারই, \* এবং যাহারা ঈশ্বরের নিদর্শনসকলসম্বন্ধে বিদ্রোহাচরণ করিয়াছে, ইহারাই তাহারা যে ক্ষতিকারী। ৬৩। ( র, ৬, আ, ১১ )

তুমি জিজ্ঞাসা কর, ( হে মোহম্মদ, ) “অনন্তর তোমরা কি আমাকে আদেশ করিতেছ, হে মূর্খগণ, আমি ঈশ্বর ব্যতীত ( অশ্রুকে ) অর্চনা করিব?” ৬৪। সত্য সত্যি তোমার প্রতি ও তোমার পূর্বে যাহারা ছিল, তাহাদের প্রতি একরূপ প্রত্যাদেশ করা হইয়াছে যে, যদি তুমি ( ঈশ্বরের ) অংশী নিরূপণ কর, তবে অবশ্য তোমার ক্রিয়া বিনষ্ট হইবে, এবং অবশ্য তুমি ক্ষতিগ্রস্তদিগের অন্তর্গত হইবে। ৬৫। বরং ঈশ্বরকে তুমি অর্চনা কর, এবং কৃতজ্ঞদিগের অন্তর্গত হও। ৬৬। তাহারা ঈশ্বরকে তাঁহার যথার্থ মর্যাদায় মর্যাদা করে নাই, এবং পুনরুত্থানের দিনে সমগ্র পৃথিবী তাঁহার মুষ্টিতে ও স্বর্গলোক সকল তাঁহার দক্ষিণ হস্তে ও তপ্তপ্রোত ভাবে থাকিবে; পবিত্রতা তাঁহারই, তাহারা যাহাকে অংশী স্থাপন করিতেছে, তদপেক্ষা তিনি উন্নত। ৬৭। এবং সুরবাঞ্ছা ফুৎকার করা হইবে, অনন্তর ঈশ্বর যাহাকে চাহেন, তদ্ব্যতীত যে জন স্বর্গে ও যে জন পৃথিবীতে আছে, অজ্ঞান হইয়া পড়িবে; তৎপর তাহাতে পুনর্বার ফুৎকার করা হইবে, অনন্তর

\* স্বর্গ ও পৃথিবীর তাণ্ডারের কুঞ্জিকা ঈশ্বরের হস্তে। অর্থাৎ তিনি উর্দ্ধ ও অধোলোকের সমুদায় ব্যাপারের কর্তা। অস্ত্র কাহারও তদ্বিবরে কোন অধিকার নাই। যাহার হস্তে তাণ্ডারের চাবি আছে, কেবল তাহারই বেমন তাণ্ডারে প্রবেশাদির অধিকার, অস্ত্রের নহে, তদ্রূপ স্বর্গ মর্ত্যে একাকী ঈশ্বরেরই অধিকার। ( ভ, হো, )



অকস্মাৎ তাহারা দণ্ডায়মান হওতঃ নিরীক্ষণ করিতে থাকিবে। ৬৮। এবং ধরাতল তাহার প্রতিপালকের জ্যোতিতে জ্যোতিষ্মান হইবে ও পুস্তক (কার্যালিপি) স্থাপন করা যাইবে, এবং সংবাদবাহক ও সাক্ষীগণকে আনয়ন করা হইবে; এবং তাহাদের মধ্যে সত্যভাবে বিচার-নিষ্পত্তি হইবে ও তাহারা উৎপীড়িত হইবে না। ৬৯। এবং প্রত্যেক ব্যক্তিকে, তাহারা যাহা করিয়াছে, তাহার (ফল) পূর্ণ দেওয়া যাইবে, এবং তিনি, তাহারা যাহা করিয়া থাকে, তাহার জ্ঞাতা। ৭০। ( র. ৭, আ, ৭ )

এবং দলে দলে ধর্মদ্রোহীদের দিকে চালনা করা হইবে, এ পর্যন্ত, যখন তাহারা তথায় উপস্থিত হইবে, তখন তাহার দ্বার সকল খোলা যাইবে, এবং তাহার রক্ষকগণ তাহাদিগকে জিজ্ঞাসা করিবে, “তোমাদের মধ্য হইতে তোমাদের প্রতি কি প্রেরিতপুরুষগণ আগমন করেন নাই যে, তোমাদের নিকটে তোমাদের প্রতিপালকের নিদর্শন সকল পাঠ করেন এবং তোমাদের এই দিবসের সাক্ষাৎকারবিষয়ে তোমাদিগকে ভয় প্রদর্শন করেন?” তাহারা বলিবে, “হাঁ”; কিন্তু কাফেরদিগের প্রতি শাস্তির বাক্য প্রমাণিত হইল। ৭১। বলা হইবে, “তোমরা নরকের দ্বারে প্রবেশ কর, তথায় নিত্য স্থায়ী হইবে”; অনন্তর (নরকলোক) অহঙ্কারীদের গৃহিত স্থান হয়। ৭২। এবং তাহারা আপন প্রতিপালককে ভয় করিয়াছে, তাহাদিগকে দলে দলে স্বর্গের দিকে চালনা করা হইবে; এ পর্যন্ত, যখন তাহারা তথায় উপস্থিত হইবে, তাহার দ্বার সকল উন্মুক্ত করা যাইবে, এবং তাহার রক্ষকগণ তাহাদিগকে বলিবে, “তোমাদের প্রতি সেলাম হোক, তোমরা সুখী, অনন্তর তোমরা তথায় প্রবেশ কর, চিরস্থায়ী হইবে”। ৭৩। তাহারা বলিবে, “সেই ঈশ্বরেরই সমাক্ষ প্রশংসা যিনি আমাদের সম্বন্ধে স্বীয় অঙ্গীকার সফল করিয়াছেন ও আমাদের ( স্বর্গ ) ভূমির উত্তরাধিকারী করিয়াছেন, স্বর্গের যে স্থানে ইচ্ছা করি, অবস্থিতি করিতেছি;” অনন্তর কক্ষীদের উত্তম পুরস্কার হয়। ৭৪। এবং তুমি, ( হে মোহম্মদ, ) দেবতাদিগকে দেখিবে যে, সিংহাসনের সমস্তাৎ আবেষ্টনপূর্বক আপন প্রতিপালকের প্রশংসার স্তব করিতেছে ও তাহাদের মধ্যে সত্যভাবে মীমাংসা করা হইবে; এবং বলা হইবে, “বিশ্বালোক পরমেশ্বরেরই সমাক্ষ প্রশংসা”। ৭৫। ( র, ৮, আ, ৫ )

## সূরা মুমেন ❀

.....

### চত্বারিংশ অধ্যায়

.....

#### ৮৫ আয়ত, ৯ রকু

( দাতা দয়ালু পরমেশ্বরের নামে প্রবৃত্ত হইতেছি )

হাম ৮। ১। পরাক্রমশালী জ্ঞানময় ঈশ্বর হইতে গ্রন্থের অবতরণ। ২।+ তিনি পাপক্ষমাকারী, অনুতাপগ্রহণকারী, কঠিন শাস্তিদাতা, মহিমান্বিত ; তিনি ব্যতীত উপাস্ত নাই, তাঁহার দিকেই পুনর্গমন। ৩। ধর্মদ্রোহিণ ব্যতীত ( কেহ ) ঈশ্বরের নিদর্শন সকল সম্বন্ধে বিবাদ করে না, নগর সকলে তাহাদিগের গমনাগমন, ( হে মোহম্মদ, ) তোমাকে যেন প্রবঞ্চিত না করে ৷ ৪। ইহাদের ( এই সম্প্রদায়ের ) পূর্বে মুহীম সম্প্রদায় ও তাহাদের পরে অনেক দল অসত্যারোপ করিয়াছিল এবং প্রত্যেক সম্প্রদায় আপন প্রেরিতপুরুষদিগকে ধরিতে উত্থোগ করিয়াছিল ও অসত্যরূপে বিবাদ করিয়াছিল, যেন তাহারা সত্যকে পরাভূত করে ; পরে আমি তাহাদিগকে ধরিয়াছিলাম, অবশেষে কেমন শাস্তি হইল। ৫। এবং এই প্রকার তোমার প্রতিপালকের বাক্য কাফেরদিগের সম্বন্ধে প্রমাণিত হইয়াছে, নিশ্চয় তাহারা নরকানল-নিবাসী। ৬। যাহারা ( ঈশ্বরের ) সিংহাসন বহন করে, এবং যাহারা তাঁহার চতুর্পার্শ্বে আপন প্রতিপালকের প্রশংসার স্তব করিয়া থাকে ও তাঁহার প্রতি বিশ্বাস রাখে ও যাহারা বিশ্বাসী, তাহাদের জন্য তাহারা ক্ষমা প্রার্থনা করিয়া বলে, “হে আমাদের প্রতিপালক, তুমি জ্ঞান ও করুণাবশতঃ সমুদায় বিষয় আয়ত্ত করিয়া লইয়াছ ; অতএব যাহারা (পাপ হইতে) প্রতিনিবৃত্ত হইয়াছে ও তোমার পথের অনুসরণ করিয়াছে, তাহাদিগকে ক্ষমা কর, তাহাদিগকে নরকদণ্ড হইতে রক্ষা কর। ৭। হে আমাদের প্রতিপালক, তুমি তাহাদিগের সম্বন্ধে ও যে ব্যক্তি সংকল্প করিয়াছে, তাহার সম্বন্ধে ও

\* এই সূরা মক্কাতে অবতীর্ণ হইয়াছে।

+ “হাম” ব্যবচ্ছেদক শব্দ। হ, বর্ণের অর্থ, ঈশ্বরের আজ্ঞা, যাহা কখনও নিবারণিত ও খণ্ডিত হয় না। ম, বর্ণের অর্থ, তাঁহার রাজ্য, যাহার কখনও বিচ্যুতি ও বিনাশ নাই। (ত, হো,)

‡ অর্থাৎ ঈশ্বর বলিতেছেন, ধর্মদ্রোহী কোরেশগণ শাম ও এরমন প্রভৃতি দেশের নগরে নগরে বাণিজ্যার্থে গমনাগমন করিয়া থাকে ; তাহা দেখিয়া হে মোহম্মদ, তুমি মনে করিবে না যে, তাহাদিগকে অবকাশ দেওয়া যাইবে ও তাহাদিগ হইতে শাস্তি নিবৃত্ত রাখা হইবে, তাহা নয়। তাহাদের পরিণাম ক্ষতি ও বিনাশ। (ত, হো,)

তাহাদের পিতৃগণের ও তাহাদের পত্নীগণের এবং সন্তানগণের সম্বন্ধে যাহা অঙ্গীকার করিয়াছ, তদনুসারে নিত্য উদ্যান সকলে তাহাদিগকে লইয়া যাও; নিশ্চয় তুমি বিজ্ঞানময় পরাক্রান্ত। ৮। + অকল্যাণ সকল হইতে তুমি তাহাদিগকে রক্ষা কর, এবং যে ব্যক্তিকে সেই দিন, তুমি অকল্যাণরাশি হইতে বাঁচাইলে, পরে সত্যই তুমি তাহার প্রতি দয়া করিলে, এবং ইহা সেই মহা কৃতার্থতা”। ৯। ( র, ১, আ, ৯ )

নিশ্চয় ধর্মদ্রোহিগণকে ডাকিয়া বলা হইবে যে, “একান্তই ঈশ্বরের প্রতি তোমাদের শক্রতা আপন জীবনের প্রতি তোমাদের শক্রতা অপেক্ষা গুরুতর; যখন তোমরা বিশ্বাসের দিকে আহূত হইয়াছিলে, তখন অগ্রাহ্য করিতেছিলে” \*। ১০। তাহারা বলিবে, “হে আমাদের প্রতিপালক, দুইবার আমাদিগকে মারিয়াছ ও দুইবার জীবিত করিয়াছ, অনন্তর আমরা আপন অপরাধ হৃদয়ঙ্গম করিয়াছি; পরে নির্গমনের দিকে কোন পথ আছে কি” †? ১১। ইহা এই হেতু যে, যখন বলা হইত, ঈশ্বর একমাত্র, তখন তোমরা অগ্রাহ্য করিতে, এবং যদি তাঁহার সঙ্গে অংশী স্থাপন করা হইত, তোমরা বিশ্বাস করিতে; অনন্তর উন্নত গৌরবান্বিত ঈশ্বরেরই আজ্ঞা সত্য। ১২। তিনিই যিনি আপন নিদর্শন সকল তোমাদিগকে প্রদর্শন করিয়া থাকেন, এবং স্বর্গ হইতে তোমাদের জন্ত জীবিকা প্রেরণ করেন; যে ব্যক্তি (ঈশ্বরের প্রতি) উন্মুখ হয়, সে ব্যতীত উপদেশ গ্রহণ করে না। ১৩। অনন্তর যদিচ ধর্মদ্রোহিগণ অবজ্ঞা করে, তথাপি তোমরা ঈশ্বরকে তাঁহার জন্ত ধর্ম বিশুদ্ধ করতঃ আহ্বান করিতে থাক। ১৪। সিংহাসনাধিপতি (ঈশ্বর) শ্রেণী সকলের সমুন্নতিবিধায়ক; তিনি স্বীয় আজ্ঞানুসারে আপন দাসদিগের যাহার প্রতি ইচ্ছা করেন, আত্মা (জেরিল) অবতারণ করিয়া থাকেন, যেন সে (লোকদিগকে) সেই সম্মিলনদিবসের ভয় প্রদর্শন করে ‡। ১৫। + যে দিবস তাহারা (কবর হইতে) বহির্গত হইবে, তখন ঈশ্বরের নিকটে তাহাদের কিছুই গুপ্ত থাকিবে না; অঙ্কার রাজত্ব কাহার?

\* অর্থাৎ যখন কাকেরগণ নরকে উপস্থিত হইবে, তখন তাহারা আপন আত্মার সঙ্গে শক্রতা করিয়া এবং অনুযোগ ও ভৎসনা করিয়া বলিবে যে, যে সময় ক্ষমতা ছিল, তখন কেন বিশ্বাসী হও নাই। এই কথা শুনিয়া স্বর্গীয় দূতগণ তাহাদিগকে ডাকিয়া এরূপ বলিবেন। (ত, হো,)

+ প্রথম মৃত্যু পৃথিবীতে প্রাণত্যাগ, প্রথম জীবনধারণ কবরে জীবিত হওয়া, এবং দ্বিতীয় মৃত্যু কবরে ও দ্বিতীয় জীবনধারণ পুনরুত্থানে। (ত, হো,)

‡ অর্থাৎ পরমেশ্বর প্রেরিতপুরুষদিগের পদ ও শ্রেণীর উন্নতিকারক। তিনি মহাপুরুষ আদমের পদ তাহার আত্মার সংশোধন দ্বারা সমুন্নত করিয়াছেন। নূহকে আহ্বান দ্বারা, এব্রাহিমকে বন্ধুতা দ্বারা, মুসাকে সান্নিধ্যলাভ দ্বারা, ঈসাকে বৈরাগ্য দ্বারা এবং মোহম্মদকে শকায়ত দ্বারা সমুন্নত করিয়াছেন। কেহ বলেন, “ঈশ্বর শ্রেণী সকলের সমুন্নতিবিধায়ক” অর্থে, যাহাকে ইচ্ছা তিনি তত্ত্ব-জ্ঞানের আলোক দ্বারা পদোন্নত করিয়া থাকেন, বুঝায়। তিনি প্রেমিকদিগকে তাহাদের আত্মবিনাশ দ্বারা সমুন্নত করেন। যাহার প্রতি ইচ্ছা করেন, জেরিল অবতারণ করিয়া থাকেন, অর্থাৎ জেরিল দ্বারা তাহাকে প্রেরিতরূপে উন্নতি করেন। (ত, হো,)

একমাত্র পরাক্রান্ত ঈশ্বরেরই \* । ১৬ । অতঃপর তোক ব্যক্তিকে, তাহারা যাহা করিয়াছে তদনুরূপ বিনিময় দান করা হইবে; অতঃপর অত্যাচার নাই, নিশ্চয় ঈশ্বর বিচারে সত্ত্বর ১৭ । তুমি, ( হে মোহাম্মদ, ) তাহাদিগকে সেই পুনরুত্থানদিনের ভয় প্রদর্শন কর; যখন ( শোক ও ভয়ে ) শোকাবুলদিগের হৃদয় গলদেশের নিকটস্থ হইবে, তখন অত্যাচারীদিগের জন্ত কেহ সহায় হইবে না, কোন পাপক্ষমার অনুরোধকারীর ( কথা ) গৃহীত হইবে না । ১৮ । দৃষ্টির অপকারিতা ও অন্তর যাহা গোপন রাখে, তাহা তিনি জানেন । ১৯ । এবং পরমেশ্বর যথার্থভাবে বিচার করিয়া থাকেন, তাহারা তাঁহাকে ছাড়িয়া যাহাদিগকে আহ্বান করিয়া থাকে, ( সেই পুত্রলিকাদি ) কিছুই বিচার করে না; নিশ্চয় ঈশ্বর সেই দ্রষ্টা শ্রোতা । ২০ । ( র, ২, আ, ১১ )

তাহারা কি ভূতলে ভ্রমণ করে নাই? তবে দেগিতে পাইবে, তাহাদের পূর্বে যাহারা ছিল, তাহাদের পরিণাম কিরূপ হইয়াছে । তাহারা পৃথিবীতে তাহাদের অপেক্ষা পরাক্রম ও ( উচ্চ দুর্গ ও বৃহৎ নগরাদি ) চিহ্নে প্রবলতর ছিল; পরে ঈশ্বর তাহাদিগকে তাহাদের অপরাধের জন্ত আক্রমণ করিয়াছিলেন, এবং ঈশ্বর হইতে তাহাদের নিমিত্ত কোন আশ্রয় ছিল না । ২১ । ইহা এজন্য হয় যে, তাহাদের নিকটে তাহাদের প্রেরিতপুরুষগণ প্রমাণ সকল সহ উপস্থিত হইয়াছিল, পরে তাহারা অগ্রাহ্য করে, অনন্তর পরমেশ্বর তাহাদিগকে আক্রমণ করেন; নিশ্চয় তিনি শক্তিমান কঠিন শাস্তিদাতা । ২২ । সত্য সত্যই আমি মুসাকে স্বীয় নিদর্শন সকল ও উজ্জ্বল প্রমাণসহ ফেরওণ ও হামান এবং কারুণের প্রতি প্রেরণ করিয়াছিলাম; অনন্তর তাহারা ( তাহাকে ) মিথ্যাবাদী ঐন্দ্রজালিক বলিয়াছিল † । ২৩ + ২৪ । পরে যখন সে আমার নিকট হইতে সত্য সহকারে তাহাদের প্রতি উপস্থিত হইল, তখন তাহারা বলিল, “যাহারা ইহার সঙ্গে বিশ্বাস স্থাপন করিয়াছে, তাহাদের পুত্রগণকে বধ কর, এবং কন্যাগণকে জীবিত রাখ;” পথভ্রান্তিতে ঈরন কাফেরদিগের চক্রান্ত ছিল না ‡ । ২৫ । এবং ফেরওণ বলিয়াছিল, “আমাকে

\* অর্থাৎ কেয়ামতের দিনে নিনাদকারী স্বর্গীয় দূত উচ্চৈঃস্বরে জিজ্ঞাসা করিবে যে, অতঃপর রাজত্ব কাহার? সকলে বলিবে, একমাত্র পরাক্রান্ত ঈশ্বরের । ( ত, হো, )

† ফেরওণ মিসরের আমলকা জাতির মধ্যে সর্বপ্রধান ছিল, সে ঈশ্বরের গর্ষ করিয়াছিল, হামান তাহার মন্ত্রী ছিল । কারুণ ফেরওণের একজন পারিষদ ছিল । মুসা তাহাদের নিকটে উপস্থিত হইয়া সত্য ধর্ম প্রচার ও অনেক অদ্ভুত ক্রিয়া প্রদর্শন করেন । তাহারা তাঁহাকে অগ্রাহ্য করে ও মিথ্যাবাদী বলে । ( ত, হো, )

‡ মুসার জন্মগ্রহণের পূর্বে ফেরওণীয় সম্প্রদায় বনিএশ্রায়েলের পুত্রদিগকে বধ করিতেছিল, তাহার জন্ম হইলে পর নিবৃত্ত থাকে । পরে যখন মুসা উপনীত হইয়া “আমি ঈশ্বরের প্রেরিত” এরূপ বলিতে লাগিলেন, তখন পুনর্বার ফেরওণের পারিষদগণ বলিতে লাগিল যে, “বনিএশ্রায়েলের বালকদিগকে বধ কর, এবং কন্যাগণকে জীবিত রাখ, তাহারা আমাদের কন্যাগণের সেবা করিবে ।”

( ত, হো, )

তোমরা ছাড়িয়া দাও, আমি মুসাকে বধ করিব, এবং সে যেন আপন প্রতিপালকের নিকটে ( প্রাণরক্ষার জন্ত ) প্রার্থনা করে ; নিশ্চয় আমি ভয় পাইতেছি যে, সে তোমাদের ধর্মকে বিপর্যস্ত করিবে, এবং পৃথিবীতে উপপ্ৰব আনয়ন করিবে” \* । ২৬ । এবং মুসা বলিয়াছিল, “যাহারা বিচারের দিনকে বিশ্বাস করে না, নিশ্চয় আমি সেই সমুদায় গর্কিত লোক হইতে আমার প্রতিপালক ও তোমাদের প্রতিপালকের আশ্রয় গ্রহণ করিলাম” । ২৭ । ( র, ৩, আ, ৭ )

এবং ফেরওণের স্বগণসম্পর্কীয় এক বিশ্বাসী ব্যক্তি যে স্বীয় বিশ্বাসকে লুকায়িত রাখিতেছিল, সে বলিল, “এজন্ত সেই ব্যক্তিকে কি তোমরা বধ করিবে যে, সে বলিয়া থাকে, আমার প্রতিপালক ঈশ্বর ? সত্যই সে তোমাদের নিকটে তোমাদের প্রতিপালক হইতে প্রমাণ সকল সহ উপস্থিত হইয়াছে ; এবং যদি সে অসত্যবাদী হয় তবে তাহার অসত্য তাহার সম্বন্ধেই আছে, এবং যদি সত্যবাদী হয়, তবে সে যাহা তোমাদের সম্বন্ধে অঙ্গীকার করিয়া থাকে, তাহার কোনটি ( এই পৃথিবীতে ) তোমাদের নিকটে উপস্থিত হইবে ; যে ব্যক্তি সীমালঙ্ঘনকারী মিথ্যাবাদী, নিশ্চয় ঈশ্বর তাহাকে পথপ্রদর্শন করেন না । ২৮ । হে আমার জ্ঞাতিগণ, অচ্ছ ধরাতলে পরাক্রমবশতঃ তোমাদের জন্ত রাজত্ব ; পরে আমাদিগকে ঈশ্বরের শাস্তি হইতে ( রক্ষা পাইতে, ) যদি ( তাহা ) আমাদের প্রতি উপস্থিত হয়, কে সাহায্য দান করিবে” ? ফেরওণ বলিল, “যাহা আমি দেখিতেছি, তাহা ভিন্ন তোমাদিগকে দেখাইতেছি না, এবং সরলপথ ব্যতীত তোমাদিগকে প্রদর্শন করিতেছি না” । ২৯ । এবং বিশ্বাস স্থাপন করিয়াছে, এমন এক ব্যক্তি বলিল, “হে আমার জ্ঞাতিগণ, নিশ্চয় আমি তোমাদের সম্বন্ধে এই সম্প্রদায় সকলের দিনের গ্রায় ভয় পাইতেছি । ৩০ । + তৃতীয় সম্প্রদায় ও আদ এবং সমুদ জাতি ও যাহারা তাহাদের পরে হইয়াছিল, তাহাদের অবস্থার তুল্য ( বা ) হয় ; এবং ঈশ্বর দাসবৃন্দের প্রতি অত্যাচার আকাঙ্ক্ষা করেন না । ৩১ । এবং হে আমার জ্ঞাতিগণ, নিশ্চয় আমি তোমাদের সম্বন্ধে সেই দিনাদের দিবসকে ভয় করিতেছি, যে দিন তোমরা পৃষ্ঠভঙ্গ দিয়া ফিরিয়া যাইবে, তোমাদের জন্ত ঈশ্বর হইতে রক্ষাকারী কেহ নাই, এবং ঈশ্বর যাহাকে পথভ্রাস্ত করেন, অনন্তর তাহার জন্ত কোন পথপ্রদর্শক নাই । ৩২ + ৩৩ । এবং সত্য সত্যই পূর্বে তোমাদের নিকটে সে যাহা আনয়ন করিয়াছিল, তৎপ্রতি তোমরা সর্বদা সন্দেহযুক্ত

\* ফেরওণ মন্ত্রিগণের সঙ্গে পরামর্শ করিতে লাগিল যে, মুসাকে হত্যা করা আবশ্যিক । তাহাতে তাহার বল, “তুমি তাহাকে বধ করিতে উচ্ছত হইলে সে কোন যাত্র করিতে পারে, তাহাতে তোমার অমঙ্গল হইবে । লোকে বলিবে যে, ফেরওণ মুসার সঙ্গে প্রতিযোগিতা করিতে পারিল না, তাহাকে বধ করিল । পরামর্শ এই যে, পৃথিবীর সমুদায় ঐন্দ্রজালিক লোককে ডাকিয়া আনয়ন করা যাউক, তাহারা তাহার সঙ্গে প্রতিযোগিতা করুক ।” ফেরওণ এই কথা গ্রাহ্য করিল । সে মনে মনে বুঝিতে পারিয়াছিল যে, মুসা এক জন পেগাশ্বর ; তাহাকে বধ করিতে তাহার ভয় হইল । ( ত, হো, )



ছিল; এ পর্যন্ত, সে যখন প্রাণত্যাগ করিল, সে পর্যন্ত তোমরা বলিয়াছিলে যে, তাহার পর ঈশ্বর কোন প্রেরিতপুরুষ প্রেরণ করিবেন না। \* যে ব্যক্তি সীমালঙ্ঘনকারী ও সংশয় প্রবণ, তাহাকে এইরূপে পরমেশ্বর পথভ্রাস্ত করিয়া থাকেন। ৩৪। যাহারা ঈশ্বরের নিদর্শনাবলী সম্বন্ধে, তাহাদের নিকটে উপস্থিত প্রমাণ ব্যতীত বিবাদ করে, তাহাদিগকে ( তিনি পথভ্রাস্ত করেন; ) ঈশ্বরের নিকটে ও বিশ্বাসী পুরুষদের নিকটে ( তাহা ) মহা অসন্তোষকর। এইরূপ প্রত্যেক গর্ভিত অব্যাহার অন্তরের উপর ঈশ্বর মোহর করিয়া থাকেন”। ৩৫। এবং ফেরওণ বলিল, “হে হামান, আমার জ্ঞা এক অট্টালিকা নির্মাণ কর, আমি পথ সকলে পঁছিব। ৩৬।+দু্যলোকের পথ সকলে ( পঁছিব, ) অনন্তর মুসার ঈশ্বরের দিকে নিরীক্ষণ করিব, এবং নিশ্চয় আমি তাহাকে মিথ্যাবাদী মনে করিতেছি”; এবং এইরূপে ফেরওণের জ্ঞা তাহার দুষ্ক্রিয়া সজ্জিত হইয়াছিল ও ( তাহাকে সং ) পথ হইতে নিবৃত্ত করিয়াছিল, এবং ফেরওণের প্রবঞ্চনা তাহার বিনাশের প্রতি ভিন্ন ছিল না। ৩৭। ( র, ৪, আ, ১০ )

এবং বিশ্বাসী ব্যক্তি বলিল, “হে আমার জ্ঞাতিগণ, তোমরা আমার অনুসরণ কর, আমি তোমাদিগকে সংপথ প্রদর্শন করিব। ৩৮। হে আমার জ্ঞাতিগণ, এই পার্থিব জীবন ( সামান্য ) সম্ভোগ, এতদ্ভিন্ন নহে, এবং নিশ্চয় পরলোক, উহাই নিত্য নিকেতন। ৩৯। যে ব্যক্তি কুর্কর্ম করিয়াছে, পরে তৎসদৃশ ভিন্ন তাহাকে বিনিময় দেওয়া যাইবে না; এবং স্ত্রীপুরুষের মধ্যে যে ব্যক্তি শুভকর্ম করিয়াছে, সেই বিশ্বাসী হয়, অনন্তর ইহারাই স্বর্গলোকে প্রবেশ করিবে, তথায় অগণ্যরূপে জীবিকা দেওয়া যাইবে। ৪০। এবং হে আমার জ্ঞাতিগণ, আমার জ্ঞা কি হইল যে, আমি তোমাদিগকে পরিত্রাণের দিকে আহ্বান করিয়া থাকি, এবং তোমরা আমাকে

\* কথিত আছে যে, মুসার সময়ের ফেরওণই ইয়ুসোফের বিদ্যমানকালে ফেরওণ ছিল। ইয়ুসোফের এক মূল্যবান অশ্বের মৃত্যু হয়। পরে ইয়ুসোফের প্রার্থনামুসারে ঈশ্বর তাহাকে জীবিত করেন। ইহা দেখিয়া ফেরওণ তাঁহার প্রতি বিশ্বাসী হইয়া ধর্ম্মে দীক্ষিত হয়। ইয়ুসোফের পরলোক হইলে পর ফেরওণ ধর্ম্ম ত্যাগ করে, এবং মুসার সময় পর্যন্ত জীবিত থাকে। তাহাতেই বিশ্বাসী ব্যক্তি ফেরওণকে বলে যে, ইতিপূর্বে ইয়ুসোফ মৃত অশ্বকে জীবনদানাদিরূপ উজ্জ্বল প্রমাণসহ তোমাদের নিকটে উপস্থিত হইয়াছিলেন। কেহ কেহ বলেন, মুসার সময়ের ফেরওণ ইয়ুসোফের সময়ের ফেরওণের বংশসম্মত ছিল। পরমেশ্বর ইয়ুকুবের পুত্র ইয়ুসোফকে সেই ফেরওণের নিকটে ধর্ম্মপ্রবর্তকরূপে প্রেরণ করিয়াছিলেন, বিংশতি বৎসর ইয়ুসোফ তাহার নিকটে অলৌকিক ক্রিয়া সকল করিয়াছিলেন, কিছুতেই ফেরওণ আকৃষ্ট হয় নাই। ফেরওণের বংশোদ্ভব বিশ্বাসী ব্যক্তি তাহার সংবাদ দিতেছেন যে, ইয়ুসোফ তোমাদের নিকটে আসিয়াছিলেন। ( ত, হো, )

+ ফেরওণ অট্টালিকা-নির্মাণে প্রবৃত্ত হইল, তাহা দেখিয়া মুসা ভয়ে প্রার্থনা করিতে লাগিলেন। তখন তাঁহার প্রতি প্রত্যাদেশ হইল যে, “দুঃখ করিও না, দেখ তাহার সঙ্গে আমি কিরূপ আচরণ করি”। পরে পরমেশ্বর তাহার অট্টালিকা সমাপ্ত হইলে পর ভগ্ন করিয়া ফেলিলেন। ( ত, হো, )

নরকাগ্নির দিকে আহ্বান কর। ৪১। তোমরা আমাকে আহ্বান করিয়া থাক, যেন আমি ঈশ্বরসম্বন্ধে বিদেষী হই ও যাহার সম্বন্ধে আমার জ্ঞান নাই, তাহাকে তাঁহার সম্বন্ধে অংশী নিরূপণ করি; কিন্তু আমি তোমাদিগকে পরাক্রান্ত ক্ষমালী (ঈশ্বরের) দিকে আহ্বান করিয়া থাকি। ৪২। ইহলোকে ও পরলোকে যাহার জ্ঞান আহ্বান নাই, তোমরা আমাকে নিঃসন্দেহ তাহার দিকে আহ্বান করিতেছ, এতদ্ভিন্ন নহে; এবং এই যে ঈশ্বরের দিকে আমাদের প্রত্যাবর্তন, এবং এই যে সীমালঙ্ঘনকারিগণ নরকাগ্নি-নিবাসী। ৪৩। অনন্তর অবশ্য আমি তোমাদিগকে যাহা বলিতেছি, তোমরা তাহা স্মরণ করিবে, এবং আমি আপন কার্য্য ঈশ্বরের প্রতি সমর্পণ করিতেছি, নিশ্চয় ঈশ্বর দাসদিগের প্রতি দৃষ্টিকারী”। ৪৪। পরিশেষে তাহারা যে প্রতারণা করিয়াছিল, সেই অশুভ হইতে পরমেশ্বর তাহাকে বাঁচাইলেন, এবং ফেরওণের পরিজনকে বিগহিত শাস্তি আবেষ্টন করিল \*। ৪৫। তাহার (নরকের) উপর প্রাতঃসন্ধ্যা অনল উপস্থাপিত করা হইবে, এবং যে দিন কেয়ামত স্থিতি করিবে, (আমি বলিব,) “ফেরওণের পরিজনকে গুরুতর শাস্তির মধ্যে প্রবেশ করাও”। ৪৬। এবং (স্মরণ কর,) যখন তাহারা অগ্নিমধ্যে পরস্পর বিরোধ করিবে, তখন দুর্বল লোকেরা, যাহারা ঔদ্ধত্যচরণ করিয়াছিল, তাহাদিগকে বলিবে, “নিশ্চয় আমরা তোমাদের অনুগামী ছিলাম, অনন্তর তোমরা কি আমাদিগ হইতে অগ্নি (দণ্ডের) আংশিকনিবারণকারী হও”? ৪৭। যাহারা উদ্ধত হইয়াছিল, তাহারা বলিবে, “নিশ্চয় আমরা সকলেই তন্মধ্যে আছি, সত্য সত্যই ঈশ্বর দাসদিগের মধ্যে আদেশ (বিচার-নিষ্পত্তি) করিয়াছেন”। ৪৮। এবং যাহারা অগ্নিতে অবস্থিত, তাহারা নরকের রক্ষকদিগকে বলিবে, “তোমরা আপন প্রতিপালকের নিকটে প্রার্থনা কর, যেন এক দিন আমাদিগ হইতে শাস্তির (অংশ) খর্ব্ব করেন”। ৪৯। তাহারা বলিবে, “তোমাদের নিকটে কি তোমাদের প্রেরিত পুরুষগণ প্রমাণ সকল সহ সমাগত হন নাই?” (নরকবাসিগণ) বলিবে, “হাঁ”; তাহারা বলিবে, “তবে তোমরা প্রার্থনা করিতে থাক”। কিন্তু কাফেরদিগের প্রার্থনা বিভ্রান্তির মধ্যে ভিন্ন নহে। ৫০।

( র, ৫, আ, ১৩ )

\* ফেরওণ সেই বিশ্বাসী পুরুষকে বধ করিতে আদেশ করে, তিনি পর্ব্বতাভিমুখে পলাইয়া যান, এবং উপাসনা প্রার্থনায় নিযুক্ত হন। পরমেশ্বর স্বাপদদলকে সৈন্যরূপে পাঠাইয়া দেন, তাহারা তাঁহাকে ঘেরিয়া প্রহরীর কার্য্য করিতে থাকে। ঈশ্বরে আত্মসমর্পণের ফল তিনি অনিলম্বে প্রাপ্ত হন, শত্রুর আক্রমণ হইতে নিশ্চিন্ত থাকেন। কশফোল্ আশ্রয় গ্রহণে উক্ত হইয়াছে যে, ফেরওণ তাঁহাকে ধরিয়া আনিয়া শাস্তিদানের জ্ঞান কতিপয় পারিষদকে প্রেরণ করে; তাহারা তাঁহার নিকটে পহুছিয়া দেখে যে, তিনি উপাসনা করিতেছেন, এবং ব্যাঘ্র ভল্লুকাদি স্বাপদকুল তাঁহাকে পরিবেষ্টন করিয়া রক্ষা করিতেছে। ইহা দেখিয়া তাহারা ভয়প্রাপ্ত হয়, এবং ফেরওণের নিকটে প্রত্যাগমন করিয়া স বিশেষ জ্ঞাপন করে। ফেরওণ সকলকে শাসন করে, যেন এই কথা প্রকাশ না হয়। পরমেশ্বর ছেত্রিলযোগে এই সংবাদ জ্ঞাপন করিতেছেন।

( ত, হো, )

নিশ্চয় আমি স্বীয় প্রেরিতপুরুষদিগকে ও বিশ্বাসীদিগকে পার্থিব জীবনে ও যে দিবস সাক্ষীগণ দণ্ডায়মান হইবে, যে দিবস অত্যাচারীদিগকে তাহাদের হেতু বর্ণন কোন লাভ দর্শাইবে না। সেই ( কেদামতের ) দিবস সাহায্য দান করিব ; এবং তাহাদের জন্ত ( অত্যাচারীদের জন্ত ) অভিসম্পাত ও তাহাদের জন্ত অশুভ স্থান আছে। ৫১+৫২। এবং সত্য সত্যই আমি মুসা'কে ধর্মালোক দান করিয়াছি, এবং বনিএশ্রায়েলকে গ্রন্থের উত্তরাধিকারী করিয়াছি। ৫৩ + বুদ্ধিমান লোকদিগের জন্তই পথপ্রদর্শন ও উপদেশ। ৫৪। অনন্তর তুমি, ( হে মোহম্মদ, ) ধৈর্যধারণ কর, নিশ্চয় ঈশ্বরের অঙ্গীকার সত্য ; ও স্বীয় পাপের জন্ত ক্ষমা প্রার্থনা কর, এবং প্রাতঃসন্ধ্যা স্বীয় প্রতিপালকের প্রশংসার স্তব করিতে থাক। ৫৫। নিশ্চয় যাহারা পরমেশ্বরের নিদর্শন সকল সম্বন্ধে, তাহাদের প্রতি উপস্থিত প্রমাণ ব্যতিরেকে, বিতণ্ডা করিয়া থাকে, তাহাদের হৃদয়ে অহঙ্কার ভিন্ন নহে, তাহারা তৎপ্রতি পছন্দে না ; অনন্তর তুমি ঈশ্বরের নিকটে আশ্রয় প্রার্থনা কর, নিশ্চয় সেই তিনি শ্রোতা দ্রষ্টা \*। ৫৬। অবশ্য ভুলোক ও ছালোকের সৃষ্টি ( তোমাদের নিকটে ) মনুষ্য-সৃষ্টি অপেক্ষা শ্রেষ্ঠ, কিন্তু অধিকাংশ মনুষ্য বুঝিতেছে না †। ৫৭। এবং অন্ধ ও চক্ষুমান তুল্য নহে, এবং যাহারা বিশ্বাস স্থাপন ও শুভকর্ম সকল করিয়াছে, তাহারা ও অসংকল্পশীল ( তুল্য নহে ; ) তোমরা যে উপদেশ গ্রহণ করিয়া থাক, তাহা অল্পই। ৫৮। নিশ্চয় কেদামত আগমনকারী, তাহাতে নিঃসন্দেহ ; কিন্তু অধিকাংশ মনুষ্য বিশ্বাস করিতেছে না। ৫৯। এবং তোমাদের প্রতিপালক বলিয়াছেন যে, আমার নিকটে প্রার্থনা কর, আমি তোমাদিগের ( প্রার্থনা ) গ্রহণ করিব ; নিশ্চয় যাহারা আমার উপাসনাতে গর্ব করে, অবশ্য তাহারা হীন হওতঃ নরকে প্রবেশ করিবে। ৬০। ( র, ৬, আ, ১০ )

সেই পরমেশ্বর, যিনি তোমাদের জন্ত রজনী সৃজন করিয়াছেন, যেন তাহাতে তোমরা বিশ্রাম লাভ কর এবং ( পদার্থের ) প্রদর্শক দিবা ( সৃষ্টি করিয়াছেন ; ) নিশ্চয় ঈশ্বর মানবমণ্ডলীর প্রতি রূপাবান্, কিন্তু অধিকাংশ মনুষ্য ধন্যবাদ করে না। ৬১। এই পরমেশ্বরই তোমাদের প্রতিপালক, সমুদায় পদার্থের সৃষ্টিকর্তা, তিনি ব্যতীত কোন উপাস্য নাই ; অনন্তর কোথা হইতে তোমরা ফিরিয়া যাইতেছ ? ৬২। যাহারা ঈশ্বরের

\* কাকেরগণ কোর্-আনের অন্তরণ ও পুনরুত্থানসম্বন্ধে বাস্তবতা করিয়া বলিতেছিল যে, কোর্-আন্ ঈশ্বরের বাণী নহে ও পুনরুত্থান সম্ভব নহে ; তাহাতেই এই আয়ত অবতীর্ণ হয়। “তাহাদের হৃদয়ে অহঙ্কার ভিন্ন নহে” অর্থাৎ কাকেরদিগের অন্তরে প্রাধান্য ও কর্তৃত্ব করার ইচ্ছা ও উদ্ধতা বিদ্যমান। “ঈশ্বরের নিকটে আশ্রয় প্রার্থনা কর” অর্থাৎ তাহাদের অসদাচরণ হইতে রক্ষা পাইবার জন্ত ঈশ্বরের শরণাপন্ন হও। ( ত, হো, )

+ অর্থাৎ যিনি মৌলিক উপাদান ব্যতীত স্বর্গ-মর্ত্য-সৃজনে সমর্থ, তিনি ঈদৃশ ক্ষমতা ও মৌলিক উপাদানসম্বন্ধে কি দ্বিতীয়বার মনুষ্য সৃজন করিতে পারেন না ?

নিদর্শন সকল অস্বীকার করিতেছিল, এইরূপে তাহারা ফিরিয়া যাইতেছে। ৬৩। সেই ঈশ্বর, যিনি তোমাদের জন্ম পৃথিবীকে অবস্থানভূমি ও আকাশকে গুহ্বজ করিয়াছেন, এবং তোমাদিগকে আকৃতিবদ্ধ করিয়াছেন, অনন্তর তোমাদিগের আকার উত্তম করিয়াছেন, এবং বিশ্বুদ্ধ (বস্তু) হইতে তোমাদিগকে উপজীবিকা দিয়াছেন, এই ঈশ্বরই তোমাদের প্রতিপালক; অবশেষে বিশ্বপালক পরমেশ্বরই মহোন্নত। ৬৪। তিনি জীবন্ত, তিনি ব্যতীত উপাস্ত নাই, অনন্তর তাঁহাকে তাঁহার উদ্দেশ্যে ধর্ম বিশ্বুদ্ধ করতঃ আহ্বান করিতে থাক; বিশ্বপালক পরমেশ্বরেরই সমাক্ষ প্রশংসা। ৬৫। তুমি বল, ( হে মোহম্মদ, ) যখন আমার প্রতি আমার প্রতিপালক হইতে প্রমাণ সকল উপস্থিত হইয়াছে, তখন তোমরা ঈশ্বরকে ছাড়িয়া যাহাদিগকে আহ্বান করিয়া থাক, তাহাদিগকে অর্চনা করিতে নিশ্চয় আমি নিষিদ্ধ হইয়াছি; এবং আদিষ্ট হইয়াছি যে, বিশ্বপালকের আজ্ঞানুগত হইব। ৬৬। তিনিই, যিনি তোমাদিগকে মৃত্তিকায়োগে, তৎপর শুক্রযোগে, তৎপর ঘনীভূত শোণিত-যোগে সৃজন করিয়াছেন; তৎপর শিশুরূপে বাহির করেন, তৎপর ( তোমাদিগকে পালন করেন, ) যেন তোমরা স্বীয় যৌবনে উপনীত হও, তৎপর যেন বৃদ্ধ হও, এবং তোমাদের মধ্যে কাহাকে পূর্বে প্রাণশূন্য করা হয়, এবং ( অবশিষ্ট রাখা যায়, ) যেন তোমরা নির্দিষ্ট কালে উপনীত হও; সম্ভব যে তোমরা জ্ঞানলাভ করিবে। ৬৭। তিনিই, যিনি বাঁচান ও মারেন; অনন্তর যখন কোন বিষয়ে (সৃজনে) অবধারিত করেন, তখন তাহাকে 'হউক' বলেন, এতদ্ভিন্ন নহে, পরে তাহাতেই হয়। ৬৮। ( র, ৭, আ, ৮ )

যাহারা ঐশ্বরিক নিদর্শনাবলীসম্বন্ধে বিতণ্ডা করিয়া থাকে, তুমি কি তাহাদের প্রতি দৃষ্টি কর নাই? কোথা হইতে তাহারা ফিরিয়া যাইতেছে \*? ৬৯। যাহারা গ্রন্থের প্রতি ও আমি স্বীয় প্রেরিতপুরুষদিগকে যৎসহ প্রেরণ করিয়াছি, তাহার প্রতি অসত্যারোপ করিয়াছে, পরে তাহারা অবশ্য ( আপন অবস্থা ) জানিবে। ৭০। + যখন তাহাদের গলে গলবন্ধন ও শৃঙ্খলপুঞ্জ হইবে, উষোদকের মধ্যে তাহারা আকৃষ্ট হইবে, তৎপর অগ্নিতে ঝলমান যাইবে; তৎপর তাহাদিগকে বলা হইবে, “ঈশ্বর ব্যতীত তোমরা যাহাকে অংশী স্থাপন করিতেছিলে, সে কোথায়?” তাহারা বলিবে, “আমাদিগ হইতে তাহারা অন্তর্হিত হইয়াছে, বরং ইতিপূর্বে আমরা ( ঈশ্বরকে ছাড়িয়া ) অন্য কিছুকে আহ্বান করিতেছিলাম না”; এইরূপে ঈশ্বর কাফেরদিগকে বিভ্রান্ত করিয়া থাকেন।

\* অর্থাৎ কেয়ামতের দিনে কাফেরগণ আমার দিকে ফিরিয়া আসিবে, আপনাদের কার্যের ফল ভোগ করিবে, আমি কোন কারণে তাহাদিগকে ছাড়িয়া দিব না। পরমেশ্বর পৃথিবীতেই হজরতের সাক্ষাতে কাফেরদিগকে কোন কোন শাস্তি দিয়াছেন। কেহ হত, কেহ বা বন্দী হইয়াছে, অনেকে দুর্ভিক্ষাদি বিপদ দ্বারা আক্রান্ত হইয়াছে। অবশিষ্ট শাস্তি পরলোকে হইবে। মক্কার কাফেরগণ তর্কবিতর্কচ্ছলে হজরত দ্বারা নানাপ্রকার অলৌকিকতা দেখিতে চাহিয়াছিল, তাহাতে প্রশংসার উৎপত্তি ও উদ্ভাস সকলের প্রকাশ এবং তাঁহার আকাশে আরোহণ তাহাদের সাক্ষাতে হয়। ( ত. হো, )

৭১ + ৭২ + ৭৩ + ৭৪ । ( বলা যাইবে, ) “তোমরা পৃথিবীতে অসত্যসহ যে আনন্দ ও বিলাসামোদ করিতেছিলে, তজ্জন্ম ইহা ( এই শাস্তি ) । ৭৫ । তোমরা নরকের দ্বারে তথায় নিত্য স্থায়ী হইতে প্রবেশ কর, অনন্তর ( উহা ) অহঙ্কারীদিগের জন্ম গহিত স্থান হয়” । ৭৬ । পরিশেষে তুমি, ( হে মোহম্মদ, ) ধৈর্য ধারণ কর, নিশ্চয় ঈশ্বরের অঙ্গীকার সত্য ; পরে তাহাদের প্রতি আমি যাহা অঙ্গীকার করি, তাহার কোনটি যদি তোমাকে আমি প্রদর্শন করি, বা তোমার প্রাণ হরণ করি, পরে আমার দিকেই তাহারা ফিরিয়া আসিবে । ৭৭ । এবং সত্য সত্যই আমি তোমার পূর্বে প্রেরিতপুরুষগণকে প্রেরণ করিয়াছি, তাহাদের মধ্যে কেহ আছে যে, আমি তোমার নিকটে তাহার কথা বর্ণন করিয়াছি, এবং তাহাদের মধ্যে কেহ আছে যে, তোমার নিকটে বর্ণন করি নাই ; ঈশ্বরের আদেশানুসারে ব্যতীত কোন নিদর্শন আনয়ন করিতে কোন প্রেরিতপুরুষের ( সাধ্য ) ছিল না । অনন্তর যখন ঈশ্বরের আদেশ সমাগত হইল, তখন সত্যভাবে বিচার নিষ্পত্তি করা গেল, তথায় অসত্যভাষিগণ ক্ষতিগ্রস্ত হইল \* । ৭৮ । ( র, ৮, আ, ১০ )

সেই ঈশ্বর, যিনি তোমাদের জন্ম গ্রাম্য পশু সৃজন করিয়াছেন যে, তোমরা তাহার কোনটির উপর আরোহণ করিবে ও তাহার কোনটিকে ভক্ষণ করিবে । ৭৯ । এবং তন্মধ্যে তোমাদের লাভ সকল আছে, তাহার ( কাহারও ) উপর আরোহণ করিয়া তোমাদের অন্তরে যে অভিলাষ আছে, তোমরা তাহাতে উপস্থিত হইবে ; এবং তাহার উপর ও নৌকা সকলের উপর তোমরা সমারোপিত হইয়া থাক । ৮০ । এবং তিনি তোমাদিগকে স্বীয় নিদর্শনাবলী প্রদর্শন করিতেছেন, অনন্তর ঈশ্বরের নিদর্শন সকলের কোনটিকে তোমরা অগ্রাহ করিতেছ ? ৮১ । পরিশেষে তাহারা কি পৃথিবীতে ভ্রমণ করে নাই ? তাহা হইলে তাহাদের পূর্বে যাহারা ছিল, তাহাদের পরিণাম কি প্রকার হইয়াছে দেখিবে ; তাহারা তাহাদিগের অপেক্ষা অধিক ছিল, এবং ধরাতলে ( বৃহৎ নগর দুর্গাদির ) নিদর্শনানুসারে ও শক্তিতে প্রবলতর ছিল, পরে তাহারা যাহা উপার্জন করিতেছিল, তাহা তাহাদিগ হইতে ( শাস্তি ) নিবারণ করে নাই । ৮২ । অনন্তর যখন তাহাদের নিকটে তাহাদের প্রেরিতপুরুষগণ প্রমাণ সকল সহ আগমন করিল, তখন তাহারা, তাহাদের নিকটে যে কিছু বিদ্যা ছিল, তজ্জন্ম প্রহুষ্ট হইল ; এবং তাহারা যে বিষয়ে উপহাস করিতেছিল, উহা তাহাদিগকে পরিবেষ্টন করিল † । ৮৩ । পরে যখন

\* ঈশ্বর বলিতেছেন যে, কতকগুলি পেগাম্বর, যথা, ইয়সা প্রভৃতির নাম তোমার নিকটে বলিয়াছি । ভ্রাতৃত্ব আনেকে আছে যে, তুমি তাহাদের নাম ও বৃত্তান্ত অবগত নও । অনেকে বলেন, সমুদায় প্রেরিতপুরুষ আট সহস্র ছিলেন, তন্মধ্যে চারি সহস্র বনিএস্রায়েল ও চারি সহস্র অপর জাতীয় । এরূপ প্রসিদ্ধি যে, সর্বশুদ্ধ একশত চতুর্বিংশতি সহস্র বা ততোধিক প্রেরিতপুরুষ ছিলেন ।

( ড, হো, )

† তাহারা যাহাকে বিদ্যা বলিত, প্রকৃত পক্ষে উহা অবিদ্যা । তাহাদের অসত্যে ভক্তি শ্রদ্ধা



আমার শাস্তি তাহারা দেখিল, তখন বলিল, “একমাত্র ঈশ্বরের প্রতি আমরা বিশ্বাস স্থাপন করিলাম, তাঁহার সঙ্গে আমরা যাহার অংশিনীরূপক ছিলাম, তৎপ্রতি বিরূপ হইলাম” । ৮৪ । অনন্তর যখন তাহারা আমার শাস্তি দর্শন করিল, তখন তাহাদিগের বিশ্বাস তাহাদিগকে ফল দান করিল না, ঈশ্বরের ( এই ) নিয়ম, যাহা তাঁহার দাসবৃন্দের প্রতি বর্ডিয়াছে ; এবং তথায় ধর্মদ্রোহিগণ ক্ষতিগ্রস্ত হইয়াছে \* । ৮৫ । ( র, ২, আ, ৭ )

## সূরা হাম সজ্জদা †

একচত্বারিংশ অধ্যায়

৫৪ আয়ত, ৬ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম ঙ । ১ । দাতা দয়ালু ঈশ্বর হইতে অবতারণ § । ২ । এই গ্রন্থ যে, ইহার বচন সকল আরব্য কোর্-আনের অবস্থায় বিভক্ত করা হইয়াছে ; জ্ঞান রাখে, এমন জাতির জন্ম ও সত্যে সন্দেহ অবিশ্বাস, এই বিদ্যা ছিল । কেহ কেহ বলেন, এস্থলে বিদ্যা অর্থে বাণিজ্যবিদ্যা বা চিকিৎসাবিদ্যা কিংবা জ্যোতির্বিদ্যা, যদ্বারা কাকেরগণ গর্কিত ও পরাক্রান্ত হইয়া প্রেরিতপুরুষদিগের প্রতি ও তাঁহাদের অলৌকিক ক্রিয়া সকলের প্রতি উপহাস করিয়াছিল । অতএব ঈশ্বর তাহাদিগকে বিনাশ করেন । ( ত, হো, )

\* পরমেশ্বর পূর্বতন মণ্ডলীর প্রতি এই নিয়ম স্থাপন করিয়াছিলেন যে, শাস্তি পাইবার সময় দোষ স্বীকার করিয়া বিশ্বাসী হইলে, কিছুতেই তখন শাস্তি রহিত হইবে না । ( ত, হো, )

† এই সূরা মক্কাতে অবতীর্ণ হইয়াছে ।

‡ ঈশ্বরের মহানাম ব্যবচ্ছেদক বর্ণাবলীর মধ্যে প্রচ্ছন্ন আছে, সকল ব্যক্তির তাহার উচ্চারণে অধিকার নাই । কথিত আছে, ‘হা’ বর্ণের সাক্ষেতিক অর্থ ঐশী কৌশল, ‘ম’ বর্ণের অর্থ, বিশ্বাসীদিগের প্রতি ঈশ্বরের হিতসাধন । বহরোল্ হকায়েক গ্রন্থে উক্ত হইয়াছে যে, সেই বিষয়ের প্রতি “হাম” এই শব্দের লক্ষ্য, যাহা পরমেশ্বর ও তাঁহার প্রেমাস্পদ মোহম্মদের মধ্যে আছে । কোন উন্নত দেবতা ও সুসমাচারপ্রচারক ও প্রেরিতপুরুষও তাহা উপলব্ধি করিতে পারেন না । হা ও মিম অর্থাৎ হ, ম এই দুই অক্ষর ঈশ্বরের নামবিশেষ রহমাণের মধ্যে আছে । এইরূপ এই দুই বর্ণ মোহম্মদ এই নামের মধ্যে আছে । অতএব নামস্বয়ের অন্তর্গত উক্ত দুই বর্ণের শপথ করিয়া কোর্-আনের অবতারণ ইত্যাদি বলা যাইতেছে । ( ত, হো, )

§ অর্থাৎ লোকের সাধারণ জীবনদাতা, বিশেষ বিশেষ স্তরের শাস্তিসংরক্ষণে কুপাবান্ পরমেশ্বর হইতে কোর্-আনের অবতারণ । এই দুই নামের সঙ্গে কোর্-আনের সম্বন্ধ থাকিতে এই প্রমাণিত হইতেছে যে, ধর্ম এবং সাংসারিক, আধ্যাত্মিক ও বাহ্যিক কল্যাণ কোর্-আনের উপর নির্ভর করে । ( ত, হো, )

সুসংবাদদাতা ও ভয়প্রদর্শক। কিন্তু তাহাদের অধিকাংশই অগ্রাহ্য করিয়াছে, অনন্তর তাহারা শ্রবণ করে না \*। ৩+৪। এবং তাহারা বলে, “তুমি যাহার প্রতি আহ্বান করিয়া থাক, তাহা হইতে আমাদের অন্তর আবরণের মধ্যে আছে, এবং আমাদের কর্ণে গুরুভার, আমাদের মধ্যে ও তোমার মধ্যে আচ্ছাদন আছে; অনন্তর তুমি কার্য্য করিতে থাক, আমরাও কার্য্যকারক”। ৫। তুমি বল, (হে মোহম্মদ,) আমি তোমাদের ঞায় মনুষ্য, এতদ্ভিন্ন নহে; আমার প্রতি প্রত্যাদেশ হইতেছে যে, তোমাদের উপাস্ত্র একমাত্র ঈশ্বর, অতএব তাঁহার দিকে সরল ভাবে থাক ও তাঁহার নিকটে ক্ষমা প্রার্থনা কর। এবং অংশীবাদীদিগের ও যাহারা জকাত দান করে না, তাহাদের প্রতি আক্ষেপ; তাহারা পরকালকে অগ্রাহ্য করে। ৬+৭। নিশ্চয় যাহারা বিশ্বাস স্থাপন ও শুভকর্ম্ম সকল করিয়াছে, তাহাদের জন্ত অনিবার্য্য পুরস্কার আছে †। ৮। (র, ১, আ, ৮)

তুমি জিজ্ঞাসা কর, (হে মোহম্মদ,) দুই দিবসে যিনি পৃথিবী সৃজন করিয়াছেন, তাঁহার সম্বন্ধে কি তোমরা অবজ্ঞা করিতেছ, এবং তাঁহার সদৃশ নিরূপণ করিতেছ? ইনিই জগতের প্রতিপালক হন। ৯। এবং তিনি তথায় (পৃথিবীতে) তাহার উপরিভাগে পর্ব্বত সকল সৃজন করিয়াছেন ও তন্মধ্যে আশীর্বাদ রাখিয়াছেন, এবং তথায় চারি দিবসের মধ্যে জীবিকা সকল নিরূপণ করিয়াছেন; জিজ্ঞাসুদিগের জন্ত (উত্তর) তুল্য হইয়াছে ‡। ১০। তৎপর তিনি আকাশে আরোহণ করিলেন, উহা ধূমময় ছিল; অনন্তর তাহাকে ও পৃথিবীকে বলিলেন, “তোমরা সহর্ষে বা বিমর্ষে এস;” উভয়ে বলিল, “আমরা সহর্ষে সমাগত হইলাম”। ১১। পরে তিনি দুই দিবসের মধ্যে তাহাদিগকে

\* কোর-আন্ এমন এক গ্রন্থ যে, তাহার বচন সকল নিষেধবিধি ও দণ্ডপুরস্কারের অঙ্গীকারে বিভক্ত। আরব্য ভাষায় ইহা বিবৃত হইয়াছে, আরব্য ভাষাবিৎ লোকদিগের পাঠ ও হৃদয়ঙ্গম করার পক্ষে ইহা অতি সহজ হইয়াছে। ইহা পাপীদিগের সম্বন্ধে নরকের ভয়প্রদর্শক ও বিশ্বাসীদের সম্বন্ধে স্বর্গের সুসংবাদদাতা, ধর্ম্মদ্রোহী লোকেরা তাহা গ্রাহ্য করিতেছে না। (ত, হো,)

† পীড়িত, অক্ষম ও দুর্ব্বল লোক সকল, যাহারা অশক্তিবশতঃ উপাসনাদি করিতে পারে না, তাহাদের সম্বন্ধে এই আয়ত অবতীর্ণ হইয়াছে। সুস্থ ও সবল অবস্থায় ধর্ম্মসাধনার জন্ত যে পুরস্কার পরমেশ্বর তাহাদিগকে দান করিতে নির্দ্ধারিত করিয়াছেন, অস্বাস্থ্য ও দুর্ব্বলতাবশতঃ উপাসনাদি না করিতে পারিলেও সেই পুরস্কার দিবেন। এই জন্তই বাক্ত হইয়াছে, “তাহাদের জন্ত অনিবার্য্য পুরস্কার আছে।” ওমরের পুত্র আবদোল্লা বলিয়াছেন যে, হজরত মোহম্মদ এরূপ আজ্ঞা করিয়াছেন যে, ধার্ম্মিক ব্যক্তি পীড়িত হইলে পরমেশ্বর স্বর্গীয় দূতকে আদেশ করেন যে, যে পর্য্যন্ত আমি ইহাকে আরোগ্য দান না করি, সে পর্য্যন্ত এ সুস্থাবস্থায় যে সৎকর্ম্ম করিত, সেই কর্ম্ম ইহার নামে লিখিবে। (ত, হো,)

‡ অর্থাৎ অবশিষ্ট চারি দিবসে পৃথিবীর প্রত্যেক বিভাগের লোকের জন্ত পরমেশ্বর যব, গোধূম, ধান, ধোঁয়া এবং মাংস ইত্যাদি উপজীবিকা নির্দ্ধারণ করেন। “জিজ্ঞাসুদিগের জন্ত (উত্তর) তুল্য হইয়াছে,” অর্থাৎ প্রশংসারীদিগের প্রশংসার উত্তর ঠিক দেওয়া হইয়াছে। (ত, হো,)

সপ্ত স্বর্গরূপে নির্ধারিত করিলেন ও প্রত্যেক স্বর্গের প্রতি তাহার কার্য্য অনুপ্রাণন করিলেন, এবং আমি পৃথিবীর আকাশকে দীপাবলী দ্বারা ( নক্ষত্রমণ্ডল দ্বারা ) শোভিত করিলাম ও রক্ষা করিলাম ; পরাক্রমশালী জ্ঞানময় ( ঈশ্বরের ) এই নিরূপণ । ১২ । পরে যদি তাহারা অস্বীকার করে, তবে তুমি বলিও, “আমি তোমাদিগকে আদ ও সমুদের সদৃশ আকাশের বজ্রাঘাতের ভয় প্রদর্শন করিতেছি” । ১৩ । যখন তাহাদের নিকটে প্রেরিতপুরুষগণ তাহাদের সম্মুখ ভাগ দিয়া ও তাহাদের পশ্চাভাগ দিয়া উপস্থিত হইল, তখন ( বলিয়াছিল, ) “ঈশ্বর ব্যতীত ( অত্রের ) পূজা করিও না ;” তাহারা বলিল, “আমাদের প্রতিপালক ঈশ্বর ইচ্ছা করিলে দেবতাদিগকে অবতারণ করিবেন, অতএব তোমরা যৎসহ প্রেরিত হইয়াছ, নিশ্চয় আমরা তদ্বিষয়ে অবিশ্বাসী” । ১৪ । কিন্তু আদজাতি পরে পৃথিবীতে নিরর্থক অহঙ্কার করিয়াছিল, এবং তাহারা বলিয়াছিল, “পরাক্রমে কে আমাদের অপেক্ষা শ্রেষ্ঠ ?” তাহারা কি দেখে নাই যে, সেই ঈশ্বর, যিনি তাহাদিগকে সৃজন করিয়াছেন, তিনি তাহাদিগের অপেক্ষা পরাক্রমে শ্রেষ্ঠ, এবং তাহারা আগার নিদর্শন সকলকে অগ্রাহ করিতেছিল । ১৫ । পরে আমি দুর্দিনে তাহাদের প্রতি প্রবল বায়ু প্রেরণ করিয়াছিলাম, যেন পার্থিব জীবনে তাহাদিগকে দুর্গতির শাস্তি আন্বাদন করায় ; এবং নিশ্চয় পারলৌকিক শাস্তি অধিকতর দুর্গতিজনক ও তাহাদিগকে সাহায্য দান করা হইবে না । ১৬ । যে সমুদ জাতি ছিল, পরে আমি তাহাদিগকে পথ প্রদর্শন করিয়াছিলাম, অবশেষে তাহারা পথপ্রদর্শনের উপর অন্ধতা স্বীকার করিল ; অনন্তর তাহারা যাহা করিতেছিল, তজ্জগু তাহাদিগকে লাঞ্ছনার শাস্তিরূপ বজ্র আক্রমণ করিয়াছিল । ১৭ । এবং যাহারা বিশ্বাস স্থাপন করিয়াছিল ও ধর্ম্মভীরু হইতেছিল, তাহাদিগকে আমি বাঁচাইয়াছিলাম । ১৮ । ( র, ২, আ, ১০ )

এবং যে দিবস ঈশ্বরের শত্রুগণ নরকানলের দিকে সমুখাপিত হইবে, তখন তাহারা নিবারিত হইবে \* । ১৯ । এ পর্য্যন্ত, যখন তাহারা তাহার নিকটে উপস্থিত হইবে, তখন তাহারা যাহা করিয়াছিল, তদ্বিষয়ে তাহাদের সম্বন্ধে তাহাদের কর্ণ ও তাহাদের চক্ষু এবং তাহাদের চর্শ্মাবলী সাক্ষ্যদান করিবে । ২০ । এবং তাহারা স্বীয় স্পর্শেন্দ্রিয় সকলকে বলিবে, “কেন তোমরা আমাদের সম্বন্ধে সাক্ষ্য দান করিলে ?” তাহারা বলিবে, “যিনি প্রত্যেক বস্তুকে বাকুপটু করিয়াছেন, সেই ঈশ্বরই আমাদের বাকুপটু করিয়াছেন ;” এবং তিনি তোমাদিগকে প্রথমবার সৃজন করিয়াছেন ও তাঁহার অভিমুখে তোমরা প্রত্যাবর্তিত হইবে । ২১ । তোমাদের সম্বন্ধে তোমাদের শ্রোত্র ও তোমাদের নেত্র এবং তোমাদের হৃৎ যে সাক্ষ্য দান করে, তোমরা তাহা হইতে লুক্কায়িত থাকিতে পারিতেছ না ; কিন্তু মনে করিয়াছ যে, তোমরা যাহা করিতেছিলে, ঈশ্বর তাহার

\* কাকেরদিগের শ্রেণীভুক্ত অপর লোক পশ্চাৎ আসিবে, এই সকলকে নরকে লইয়া যাওয়া হইবে, এই উদ্দেশ্যে পূর্ববর্তী দলকে পথে দণ্ডায়মান করাইয়া প্রতীক্ষা করান হইবে । ( ত, হো, )

অধিকাংশই জানেন না। ২২। এবং তোমাদের ইহা করনা, তোমরা যে করনা আপন প্রতিপালকসম্বন্ধে করিতেছিলে, ইহা তোমাদিগকে বিনাশ করিল; অনন্তর তোমরা ক্ষতিগ্রস্তদিগের অন্তর্গত হইলে \*। ২৩। পরিশেষে যদি তাহারা ধৈর্যধারণ করে, তথাপি অগ্নি তাহাদের স্থান হইবে, এবং যদি ক্ষমা প্রার্থনা করে, তথাপি তাহারা ক্ষমাপ্রাপ্তদিগের অন্তর্গত হইবে না। ২৪। এবং আমি তাহাদের জন্ত সহচর সকল নির্ধারণ করিয়াছিলাম, পরে তাহারা তাহাদের সম্মুখে ও তাহাদের পশ্চাতে যাহা তাহাদের জন্ত সজ্জিত করিয়াছিল, তাহাদের পূর্ববর্তী মানব ও দানবমণ্ডলীর প্রতি (শাস্তির) বাক্য যাহা হইয়াছিল, তাহাদের প্রতি তাহা প্রমাণিত হইল; নিশ্চয় তাহারা ক্ষতিগ্রস্ত হইয়াছিল †। ২৫। ( র, ৩, আ, ৭ )

এবং ধর্মদ্রোহিগণ বলিল, “তোমরা এই কোর-আন্ শ্রবণ করিও না, ইহার (পাঠের) মধ্যে উচ্ছৃঙ্খল বাক্য বল, সম্ভবতঃ তোমরা জয়লাভ করিবে”। ২৬। অনন্তর যাহারা ধর্মদ্রোহী হইয়াছে, তাহাদিগকে আমি অবশ্য কঠিন শাস্তি আন্বাদন করাইব, এবং তাহারা যাহা করিতেছিল, অবশ্য তাহাদিগকে তাহার অন্তত বিনিময় দান করিব। ২৭। ঈশ্বরের শত্রুদিগের এই অগ্নি বিনিময় হয়, তথায় তাহাদের চিরনিবাস হইবে; তাহারা যে আমার নিদর্শনাবলীকে অগ্রাহ করিতেছিল, তদনুরূপ তাহাদিগের বিনিময় হইবে। ২৮। এবং ধর্মদ্রোহিগণ বলিবে, “হে আমাদের প্রতিপালক, দানব ও মানবজাতির যাহারা আমাদের পথভ্রান্ত করিয়াছে, তাহাদিগকে আমাদের নিকটে প্রদর্শন কর, আমরা তাহাদিগকে আপন পদতলে স্থাপন করিব, তাহাতে তাহারা নিকৃষ্টতম হইবে”। ২৯। নিশ্চয় যাহারা বলিয়াছে যে, “আমাদের প্রতিপালক পরমেশ্বর”, তৎপর স্থির রহিয়াছে, (মৃত্যুকালে) তাহাদের নিকটে দেবগণ অবতরণ করে, ( বলে, ) “ভয় করিও না, ও দুঃখ করিও না, তোমাদিগকে যে বিষয়ে অঙ্গীকার করা যাইতেছে, সেই স্বর্গের বিষয়ে তোমরা সন্তুষ্ট থাক ঙ্গ। ৩০। ঐহিক জীবনে এবং পরলোকে আমরা তোমাদের বন্ধু, এবং সেস্থানে তোমাদের জীবন যাহা চাহে, তাহা আছে, এবং তোমরা যাহা প্রার্থনা কর, সেস্থানে তাহা আছে”। ৩১। ক্ষমাশীল দয়ালু (ঈশ্বর হইতে) ভোজ্যসামগ্রী হয়। ৩২। ( র, ৪, আ, ৭ )

\* অর্থাৎ কাকেরগণ মনে করিত, আমরা প্রকাশ্যে যাহা করি, তাহা ঈশ্বর জানিতে পান, কিন্তু তিনি আমাদের গুপ্ত কার্য জানেন না। ইহা করনা, সত্য নহে। ( ত, হো, )

† এস্থলে তাহাদের সহচর শয়তান, সম্মুখস্থ সামগ্রী ঐহিক অনিত্য সুখ সৌভাগ্য, পশ্চাৎবর্তী সামগ্রী অঙ্গীকৃত পারলৌকিক শাস্তি। পরমেশ্বর সাধুকে সাধুদিগের সহবাসে রাখেন, তাহাদের সঙ্গ ও দৃষ্টান্ত দ্বারা তাহাদের তপস্বী ও সাধুতার বৃদ্ধি করিয়া দেন। ( ত, হো, )

‡ অর্থাৎ তাহারাই স্থির রহিয়াছে, যাহারা সংকল্প করিয়াছে, নিবেদন বিধি মান্ত করিয়া চলিয়াছে, সাধন ভজন করিয়াছে, পাপে প্রবৃত্ত হয় নাই, ঐহিক সুখের প্রতি অনুরাগশূন্য, পরলোকের প্রতি অনুরাগী। ( ত, হো, )

এবং যে ব্যক্তি ঈশ্বরের দিকে ( লোকদিগকে ) আহ্বান করিয়াছে ও সংকর্ষ করিয়াছে, এবং বলিয়াছে যে, নিশ্চয় আমি মোসলমানদিগের অন্তর্গত হই; বাক্যাত্মসারে তাহা অপেক্ষা কে শ্রেষ্ঠ ? \* । ৩৩ । এবং শুভ ও অশুভ তুল্য নয়, যাহা অতীব শুভ, তদ্বারা তুমি, ( হে মোহাম্মদ, ) অশুভকে দূর কর ; ( এরূপ করিলে, ) পরে সেই ব্যক্তি, যে তোমার ও তাহার মধ্যে শত্রুতা আছে, অকস্মাৎ যেন সে ঘনিষ্ঠ বন্ধু হয় † । ৩৪ । এবং যাহারা ধৈর্যধারণ করে, তাহাদিগকে ভিন্ন এই ( প্রকৃতি ) সংলগ্ন করা হয় না ও যাহারা মহা সৌভাগ্যশালী, তাহাদিগকে ব্যতীত ইহা সংলগ্ন করা হয় না । ৩৫ । এবং যদি শয়তান হইতে তোমার প্রতি কুমন্ত্রণা প্রয়োজিত হয়, তবে ঈশ্বরের আশ্রয় প্রার্থনা করিও ; নিশ্চয় তিনি শ্রোতা ও জ্ঞাতা । ৩৬ । দিবা ও রাত্রি এবং চন্দ্র সূর্য্য তাঁহার নিদর্শনাবলীর অন্তর্গত, তোমরা সূর্য্য ও চন্দ্রের উদ্দেশে প্রণাম করিও না ; যিনি ইহাদিগকে সৃজন করিয়াছেন, যদি তোমরা তাঁহার পূজা করিতেছ, তবে সেই ঈশ্বরকে নমস্কার কর । ৩৭ । পরন্তু যদি তাহারা অহঙ্কার করে, ( কি ভয় ; ) পরে যাহারা তোমার প্রতিপালকের নিকটে আছে, তাহারা অহর্নিশি তাঁহার স্তব করিয়া থাকে, এবং তাহারা শ্রান্ত হয় না । ৩৮ এবং তাঁহার নিদর্শনাবলীর অন্তর্গত যে, তুমি দেখিয়া থাক, ভূমি কর্ষিত হয়, পরে যখন আমি তাহার উপর বারি বর্ষণ করি, তখন ( উদ্ভিদ্ধৃদগমবশতঃ ) স্পন্দিত হয়, এবং ( উদ্ভিদ্ ) সমুদগত হয় ; নিশ্চয় যিনি তাহাকে জীবিত করিলেন, তিনি মৃতসঞ্জীবক, নিশ্চয় তিনি সর্বোপরি ক্ষমতামণ্ডলী । ৩৯ । নিশ্চয় যাহারা আমার নিদর্শনাবলীসম্বন্ধে কুটিলতা করে, তাহা আমার নিকটে গুপ্ত থাকে না ; অনন্তর যে ব্যক্তি কেয়ামতের দিনে নিরাপদে উপস্থিত হয়, সে শ্রেষ্ঠ, না, যে ব্যক্তি অগ্নিতে নিক্ষিপ্ত হইয়া থাকে, সে ? তোমরা যাহা ইচ্ছা কর, করিতে থাক ; নিশ্চয় তোমরা যাহা কর, তিনি তাহার দ্রষ্টা । ৪০ । নিশ্চয় যাহারা উপদেশকে ( কোর্-আনকে, ) যখন তাহাদের নিকটে উপস্থিত হইয়াছে, অগ্রাহ্য করিয়াছে, ( তাহা গুপ্ত নহে ; ) নিশ্চয় উহা সম্মানিত গ্রন্থ । ৪১ । তাহাতে কোন অসত্য তাহার প্রতি ( কোর্-আনের প্রতি ) তাহার সম্মুখ ও তাহার পশ্চাৎ হইতে উপস্থিত হয় না ; প্রশংসিত বিজ্ঞানময় ( ঈশ্বর ) হইতে তাহা অবতারিত হইয়াছে । ৪২ । তোমাকে, ( হে মোহাম্মদ, ) তোমার পূর্বে প্রেরিতপুরুষদিগকে যাহা বলা হইয়াছে, তন্নিম্ন বলা যাইতেছে না ; নিশ্চয় তোমার প্রতিপালক ক্ষমাশীল ও দুঃখজনক শান্তিদাতা । ৪৩ । এবং যদি আমি তাহাকে আজমী ভাষার কোর্-আন্ করিতাম, তাহা

\* যখন বেলাল আজানদানে প্রবৃত্ত হইতেন, তখন ইহুদিরা বলিত, কাক ডাকিতেছে ও নমাজে আহ্বান করিতেছে । এইরূপ তাহারা অনেক অজ্ঞায় উক্তি করিত । এই আয়ত বেলালের সম্বন্ধে অবতীর্ণ হইয়াছে । আজানদান সংকর্ষের অন্তর্গত । ( ত, হো, )

† অর্থাৎ ঈশ্বর একমাত্র, এই বিশ্বাস করা এবং তাঁহার অংশী নির্ণয় করা, এ দুই গুণাশুভ এক নহে । ক্রোধকে শাস্ত্যভাব দ্বারা, অপরাধকে ক্ষমা দ্বারা নিবারণ করিবে । ( ত, হো, )



হইলে নিশ্চয় তাহারা বলিত, “কেন তাহার আয়ত সকল অভিব্যক্ত করা হয় নাই ? কি আজমী ( ভাষা ) ও আরব্য ( লোক ) ?” তুমি বল, ( হে মোহম্মদ, ) যাহারা বিশ্বাস স্থাপন করিয়াছে, উহা তাহাদের জন্ত পথপ্রদর্শন ও স্বাস্থ্য ; এবং যাহারা বিশ্বাস করে না, তাহাদের কর্ণে ভার হয়, এবং উহা তাহাদের নিকটে অন্ধতা । তাহারা (ঈদৃশ,) যেন দূরদেশ হইতে (তাহাদিগকে) আহ্বান করা যাইতেছে । ৪৪ । ( র, ৫, আ, ১২ )

এবং সত্য সত্যই আমি মুসাকে গ্রন্থ দান করিয়াছি, অনস্তর তন্মধ্যে বিপর্যয় করা হইয়াছে ; এবং যদি, (হে মোহম্মদ,) তোমার প্রতিপালকের বাক্য পূর্বে প্রচার না হইত, তবে তাহাদের মধ্যে অবশ্য বিচার-নিষ্পত্তি করা যাইত ; এবং নিশ্চয় তাহারা তৎপ্রতি গভীর সন্দেহের মধ্যে আছে \* । ৪৫ । যে ব্যক্তি সংকল্প করিয়াছে, পরে তাহা তাহার জীবনের জন্ত হয়, এবং যে ব্যক্তি কুকল্প করিয়াছে, পরে ( তাহার মন্দফল ) তাহার উপ-রেই ; এবং তোমার প্রতিপালক দাসদিগের সম্বন্ধে অত্যাচারী নহেন । ৪৬ । কেয়ামতের জ্ঞান তাঁহার প্রতিই প্রতাপিত হয়, এবং তাঁহার জ্ঞান ব্যতীত কোন ফল আপন আবরণ হইতে উন্মুক্ত হয় না ও কোন নারী গর্ভ ধারণ করে না ও প্রসব করে না ; এবং যে দিবস তিনি তাহাদিগকে ডাকিয়া বলিবেন, “আমার অংশিগণ কোথায় ?” তাহারা বলিবে, “তোমাকে জ্ঞাপন করিয়াছি যে, আমরাদিগের এ বিষয়ে কোন সাক্ষী নাই” । ৪৭ । এবং ইতিপূর্বে তাহারা যাহা অর্চনা করিত, তাহাদিগ হইতে তাহা লুকায়িত হইল, এবং তাহারা মনে করিল যে, তাহাদের জন্ত কোন পলায়নের স্থান নাই । ৪৮ । মনুষ্য শুভ প্রার্থনায় পরিশ্রান্ত হয় না, এবং যদি অশুভ তাহাকে আশ্রয় করে, তবে নিরাশ হতাশ্বাস হয় । ৪৯ । এবং তাহাকে যে দুঃখ আশ্রয় করিয়াছে, তাহার পর যদি আমি আপন সন্নিধান হইতে কোন করুণা তাহাকে ভোগ করাই, তবে সে অবশ্য বলিবে, “ইহা আমার জন্তই ও আমি মনে করি না যে, কেয়ামত স্থিতি করিবে, এবং যদি আমি স্বীয় প্রতিপালকের দিকে ফিরিয়া আসি, তবে নিশ্চয় আমার জন্ত তাঁহার নিকটে কল্যাণ আছে ;” অবশ্য আমি কাফেরদিগকে, তাহারা যাহা করিয়াছে, তাহা জ্ঞাপন করিব, এবং অবশ্য আমি তাহাদিগকে গুরুতর শাস্তি ভোগ করাইব । ৫০ । এবং যখন আমি মনুষ্যের প্রতি সম্পদ দান করি, তখন সে বিমুগ্ধ হয় ও আপন পার্শ্ব সরাইয়া থাকে ; এবং যখন তাহাকে অকল্যাণ আশ্রয় করে, তখন সে প্রচুর প্রার্থনাকারী হয় । ৫১ । তুমি বল, ( হে মোহম্মদ, ) তোমরা কি দেখিতেছ ? যদি ঈশ্বরের নিকট হইতে ( কোর-আন্ ) হয়, তাহার পর তোমরা তৎপ্রতি বিদ্রোহাচরণ করিয়া থাক, তবে যে

\* “তন্মধ্যে বিপর্যয় করা হইয়াছে” অর্থাৎ কোর-আনে কেহ কেহ বিশ্বাস স্থাপন করিয়াছে, কেহ কেহ অশ্রদ্ধা করিয়াছে । যদি কেয়ামতের অঙ্গীকার না থাকিত, পুনরুত্থানের পর পাপের দণ্ড দেওয়া যাইবে, এরূপ পূর্বে ঈশ্বর অঙ্গীকার না করিতেন, তবে তাহাদিগকে একগুণেই শাস্তি দেওয়া যাইত ।

( ভ, হো, )

ব্যক্তি মহাবিরুদ্ধভাবে আছে, তাহা অপেক্ষা কে অধিক বিপথগামী ? ৫২। শীঘ্র আমি চতুর্দিকে ও তাহাদের জীবনের মধ্যে আমার নিদর্শন সকল প্রদর্শন করিব ; এ পর্য্যন্ত, তাহাদের জন্ত প্রকাশিত হইবে যে, নিশ্চয় ইহা সত্য। তোমার প্রতিপালক কি যথেষ্ট নয় যে, তিনি সর্ব বিষয়ে সাক্ষী ? ৫৩। জানিও, নিশ্চয় তাহারা স্বীয় প্রতিপালকের সাক্ষাৎকারবিষয়ে সঙ্কিত ; জানিও, নিশ্চয় তিনি সর্ববিষয়ে আবেষ্টনকারী। ৫৪।  
( র, ৬, আ, ১০ )

## সূরা শূরা \*

.....

দ্বাচত্বারিংশ অধ্যায়

.....

৫৩ আয়ত, ৫ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম। ১। অস্কা ৭। ২। কৌশলময় পরাক্রান্ত ঈশ্বর এইরূপে তোমার প্রতি, ( হে মোহম্মদ, ) ও যাহারা তোমার পূর্বে ছিল, তাহাদের প্রতি প্রত্যাদেশ করিয়াছেন। ৩। স্বর্গে যাহা কিছু আছে ও পৃথিবীতে যাহা কিছু আছে, তাহা তাঁহারই ; তিনি সমুন্নত মহান্। ৪। এবং ছালোক সকল ( তাঁহার প্রতাপে ) আপনার উপর বিদীর্ণ হইতে উপক্রম, দেবগণ স্বীয় প্রতিপালকের প্রশংসার স্তব করিয়া থাকে, এবং যাহারা পৃথিবীতে আছে, তাহাদের জন্ত ক্ষমা প্রার্থনা করে ; জানিও, নিশ্চয় ঈশ্বর ক্ষমাশীল দয়ালু। ৫। এবং যাহারা তাঁহাকে ছাড়িয়া ( অন্ত ) বন্ধুগণ গ্রহণ করে, ঈশ্বর তাহাদের সম্বন্ধে প্রহরী ; তুমি তাহাদের সম্বন্ধে তত্ত্বাবধায়ক নও। ৬। এবং এইরূপে

\* এই সূরা মক্কাতে অবতীর্ণ হইয়াছে।

+ মহান্না আলি বলিয়াছেন, “হাম” “অস্কা” এই বাবচ্ছেদক শব্দদ্বয়ের অক্ষরাবলীর সাক্ষেতিক অর্থ ক্রমাৎ দক্ষ হওয়া, ভরহান, শান্তি, রূপান্তর হওয়া, প্রস্তুত নিক্ষেপ করা। এই বর্ণাবলীর অবতরণ হইলে হজরতের মুখমণ্ডলে বিবাদের চিহ্ন প্রকাশ পায়। কেহ তাহার কারণ জিজ্ঞাসা করিলে বলিলেন, আমার মণ্ডলীসম্বন্ধে যাহা ঘটবে, সে বিষয়ে আমাকে জ্ঞাপন করা হইয়াছে। কেহ বলিয়াছেন যে, এই সকল বর্ণ ক্রমাৎ কৌশলময়, গৌরবান্বিত, জ্ঞানময় ত্রুটা ও শক্তিপূর্ণ ঈশ্বরের এই কয় গুণবাচক শব্দের আদি বর্ণ।\* এতদ্বিন্ন অস্তান্ত সাক্ষেতিক অর্থও হয়। ( ত. হে, )

আমি তোমার প্রতি আরব্য কোর্-আন্ প্রত্যাদেশ করিয়াছি, যেন তুমি মক্কানিবাসীকে ও যাহারা তাহার পার্শ্বে বাস করে, তাহাদিগকে ভয় প্রদর্শন কর, এবং সম্মিলনের ( কেয়ামতের ) দিনের ভয় প্রদর্শন কর ; তদ্বিষয়ে সন্দেহ নাই, একদল স্বর্গে ও একদল নরকে থাকিবে । ৭ । এবং ঈশ্বর যদি চাহিতেন, তবে তাহাদিগকে এক মণ্ডলীভুক্ত করিতেন, কিন্তু তিনি যাহাকে ইচ্ছা করেন, স্বীয় অমুগ্রহের মধ্যে আনয়ন করিয়া থাকেন ; যাহারা অত্যাচারী, তাহাদের জন্ত কোন বন্ধু ও সাহায্যকারী নাই । ৮ । তাহারা কি তাঁহাকে ছাড়িয়া ( অজ্ঞ ) বন্ধু সকল গ্রহণ করিয়াছে ? অনন্তর সেই ঈশ্বরই বন্ধু, এবং তিনি মৃতকে জীবিত করেন, তিনি সর্বোপরি ক্ষমতাশালী । ৯ । ( র, ১, আ, ৯ )

এবং তোমরা, ( হে বিশ্বাসিগণ, ) যে কোন বিষয়ে ( কাফেরদিগের সঙ্গে ) বিরোধ কর, অনন্তর ঈশ্বরের প্রতি তাহার মীমাংসা ; এই পরমেশ্বরই আমার প্রতিপালক, আমি তাঁহার প্রতি নির্ভর করিয়াছি, এবং তাঁহার দিকেই পুনর্নিলিত হইতেছি । ১০ । তিনি নিখিল স্বর্গ ও মর্ত্যলোকের স্রষ্টা, তিনি তোমাদের জন্ত তোমাদের জাতি হইতে পুংস্ত্রী যুগল ও চতুষ্পদ জাতি হইতে পুংস্ত্রী যুগল সৃজন করিয়াছেন, তাহাতে তোমাদিগকে বিকীর্ণ করিয়া থাকেন ; কোন পদার্থ তাঁহার সদৃশ নহে, এবং তিনি শ্রোতা ও দ্রষ্টা । ১১ । স্বর্গ ও মর্ত্যের কুঞ্জিকা সকল তাঁহারই, তিনি যাহাকে ইচ্ছা করেন, তাহার জন্ত জীবিকা বিস্তৃত বা সঙ্কচিত করিয়া থাকেন ; নিশ্চয় তিনি সর্ববিষয়ে জ্ঞানী । ১২ । তিনি মুহাকে ধর্মের যে কিছু আদেশ করিয়াছিলেন, তাহা তোমাদের জন্ত নির্ধারিত করিয়াছেন ; এবং তোমার প্রতি আমি যাহা প্রত্যাদেশ করিয়াছি, এবং এব্রাহিম ও মুসা, ঈসাকে যে উপদেশ করিয়াছি যে, ধর্মকে প্রতিষ্ঠিত রাখ, এবং তাহাতে বিচ্ছিন্ন হইও না, তাহা ( তোমাদের জন্ত নির্ধারিত ; ) যাহার দিকে তুমি তাহাদিগকে আহ্বান করিয়া থাক, অংশিবাদীদিগের প্রতি তাহা গুরুতর । পরমেশ্বর যাহাকে ইচ্ছা করেন, আপনার নিকটে গ্রহণ করিয়া থাকেন, এবং যে ব্যক্তি পুনর্নিলিত হয়, তাহাকে আপনার দিকে পথ প্রদর্শন করেন । ১৩ । এবং তাহাদের নিকটে জ্ঞানাগমের পর আপনাদের মধ্যে পরস্পর শত্রুতাবশতঃ ভিন্ন তাহারা বিচ্ছিন্ন হয় নাই ; \* নির্দিষ্ট কাল পর্যন্ত ( অবকাশদান বিষয়ে ) তোমার প্রতিপালকের বাক্য পূর্বে প্রচার না হইলে, অবশ্য তাহাদের মধ্যে বিচারনিষ্পত্তি হইত । নিশ্চয় তাহাদের পরে যাহাদিগকে গ্রন্থের উত্তরাধিকারী করা গিয়াছে, তাহারা তদ্বিষয়ে উৎকণ্ঠাজনক সন্দেহের মধ্যে আছে । ১৪ । অনন্তর এই ( ধর্মের ) জন্ত তুমি আহ্বান করিতে থাক, যেরূপ তুমি আদিষ্ট হইয়াছ, তদ্রূপ স্থিতি কর, এবং তাহাদিগের বাসনার অনুসরণ করিও না । এবং বল, “গ্রন্থের যে কিছু

\* অর্থাৎ আদ, নমুদ প্রভৃতি পূর্বতনমণ্ডলী এবং ইহুদি ও ঈসায়ী সম্প্রদায় প্রেরিতপুরুষদিগের নিকটে তওরাত ও ইঞ্জিল প্রভৃতি ধর্মপুস্তকের জ্ঞান লাভ করিয়া শত্রুতাবশতঃ ধর্ম পরিত্যাগ করিয়াছে, এবং বিচ্ছিন্ন হইয়া কুপথগামী হইয়াছে ।

ঈশ্বর অবতারণ করিয়াছেন, আমি তৎপ্রতি বিশ্বাস করিলাম ; আমি আদিষ্ট হইয়াছি যে, তোমাদের মধ্যে বিচার করিব। পরমেশ্বর তোমাদের প্রতিপালক ও আমাদের প্রতিপালক, আমাদের জন্ত আমাদের কার্য্য ( কার্য্যের ফল ) ও তোমাদের জন্ত তোমাদের কার্য্য, তোমাদের ও আমাদের মধ্যে বাধিতত্ত্ব নাই ; পরমেশ্বর আমাদের মধ্যে সম্মিলন সংস্থাপন করিবেন, এবং তাঁহার দিকেই পুনর্মিলন”। ১৫। এবং যাহারা ঈশ্বরের ( ধর্ম ) সম্বন্ধে তাহা গ্রহণ করার পর বাধিতত্ত্ব করে, তাহাদের বাধিতত্ত্ব তাহাদের প্রতিপালকের নিকটে অমূলক, এবং তাহাদের প্রতি ক্রোধ ও তাহাদের জন্ত কঠিন শাস্তি হয়। ১৬। সেই ঈশ্বর, যিনি সত্যভাবে গ্রন্থ ও পরিমাণসম্মত অবতারণ করিয়াছেন ; \* এবং প্রকৃতপক্ষে কিসে তোমাকে জ্ঞাপন করিয়াছে যে, সম্ভবতঃ কেয়ামত সন্নিহিত ? ১৭। যাহারা তৎপ্রতি ( কেয়ামতের প্রতি ) বিশ্বাস রাখে না, তাহারা তাহা সত্বর প্রার্থনা করে, ও যাহারা বিশ্বাস রাখে, তাহারা তাহা হইতে ভীত হয়, এবং জানে যে, উহা সত্য ; জানিও, নিশ্চয় যাহারা পুনরুত্থানসম্বন্ধে বাধিতত্ত্ব করিয়া থাকে, তাহারা দরতর পথভ্রান্তিব মধ্যে আছে। ১৮। পরমেশ্বর আপন দাসমণ্ডলীর প্রতি দয়াবান্, তিনি যাহাকে ইচ্ছা করেন, উপজীবিকা দিয়া থাকেন ; তিনি শক্তিমান্ এবং পরাক্রান্ত। ১৯। ( র, ২, আ, ১০ )

যে ব্যক্তি পারলৌকিক ক্রমক্ষেত্র ইচ্ছা করে, আমি তাহার জন্ত তাহার ক্রমক্ষেত্রে বৃদ্ধি দান করিব ; এবং যে ব্যক্তি সাংসারিক ক্ষেত্র আকাজ্জ্বল করে, আমি তাহার কিছু তাহাকে দান করিয়া থাকি, কিন্তু পরলোকে তাহার জন্ত কোন ভাগ নাই। ২০। তাহাদের কি সেই অংশী সকল আছে যে, তাহাদের জন্ত ধর্মের ( এক্ষণ ) কোন বিধি নির্ধারণ করিয়াছে, যাহা ঈশ্বর আদেশ করেন নাই ? এবং যদি ( ঈশ্বরের ) মীমাংসাবাক্য না হইত, তবে তাহাদের মধ্যে নিষ্পত্তি হইয়া যাইত ; নিশ্চয় যাহারা অত্যাচারী, তাহাদের জন্ত দুঃখকরী শাস্তি আছে। ২১। তুমি অত্যাচারীদেরকে দেখিবে যে, তাহারা যাহা করিয়াছে, তজ্জন্ত ভয়াকুল আছে, এবং উহা তাহাদের প্রতি সজ্জটনীয় ; যাহারা বিশ্বাস স্থাপন ও সংকর্ম সকল করিয়াছে, তাহারা স্বর্গোদ্যান সকলে থাকিবে, তাহারা যাহা আকাজ্জ্বল করে, আপন প্রতিপালকের নিকট তাহাদের জন্ত তাহা আছে, ইহা সেই মহা উন্নতি। ২২। যাহারা বিশ্বাস স্থাপন ও সংকর্ম সকল করিয়াছে, সেই স্বীয় দাসদিগকে পরমেশ্বর যে স্বেসংবাদ দান করেন, তাহা ইহা ; তুমি বল, ( হে মোহম্মদ, ) “স্বর্গের প্রতি প্রণয় স্থাপন ব্যতীত আমি এই ( কোরু-আন্ ) সম্বন্ধে কোন পারিশ্রমিক তোমাদের নিকটে প্রার্থনা করি না ; এবং যে ব্যক্তি শুভাচরণ করে, আমি তাহাতে

\* এস্থলে প্রকৃতপক্ষে পরিমাণসম্মত অর্থে স্থায়পরতা ; ঈশ্বর হিতাহিত বিচারের জন্ত স্থায়পরতাকে প্রেরণ করিয়াছেন ও তাহার তত্ত্ব গ্ৰহণ হইয়াছে। কেহ কেহ বলেন, এস্থানে পরিমাণসম্মত হজরত মোহম্মদ, স্থায়বিচারের বিধি তাহাতেই আশ্রয় করিয়াছে। ( ত, হো, )

তাহার জন্ত শুভ বর্ধিত করিয়া থাকি, নিশ্চয় ঈশ্বর কমাশীল মর্শ্বজ্ঞ" \*। ২৩। তাহারা কি বলে যে, ( প্রেরিত পুরুষগণ ) ঈশ্বরসম্বন্ধে অসত্য রচনা করিয়াছে? অনন্তর ঈশ্বর ইচ্ছা করিলে, তোমার মনের উপর মোহর করিবেন, এবং ঈশ্বর অসত্যকে লুপ্ত করেন ও স্বীয় বাক্য দ্বারা সত্যকে স্থিরীকৃত করিয়া থাকেন; নিশ্চয় তিনি অন্তরের রহস্যবিৎ। ২৪। এবং তিনিই, যিনি স্বীয় দাসদিগের পুনর্মিলন গ্রহণ করেন ও পাপ সকল ক্ষমা করিয়া থাকেন, এবং তোমরা যাহা করিয়া থাক, তিনি তাহার জ্ঞাতা। ২৫। যাহারা বিশ্বাস স্থাপন ও সংকর্ষ সকল করিয়াছে, তিনি তাহাদের ( প্রার্থনা ) গ্রাহ করেন ও স্বীয় করুণাশুণ তাহাদিগকে অধিক দান করিয়া থাকেন; এবং ( এই যে ) ধর্মদ্রোহিগণ, তাহাদের জন্ত কঠিন শাস্তি আছে। ২৬। এবং যদি পরমেশ্বর স্বীয় দাসদিগের জন্ত উপজীবিকা বিস্তৃত করিতেন, তবে অবশ্য তাহারা ধরাভলে বিপ্লব করিত; কিন্তু তিনি যাহা চাহেন, সেই পরিমাণে ( জীবিকা ) অবতারণ করেন, নিশ্চয় তিনি স্বীয় দাসমণ্ডলী-সম্বন্ধে জ্ঞাতা দ্রষ্টা। ২৭। তিনিই, যিনি তাহাদের নিরাশ হওয়ার পর বৃষ্টি বর্ষণ করেন, এবং স্বীয় দয়াকে বিকীর্ণ করিয়া থাকেন, তিনি প্রশংসিত বন্ধু। ২৮। এবং স্বর্গ মর্ত্যের সৃষ্টি ও উভয়ের মধ্যে যে জন্ত সকল বিস্তার করিয়াছেন, তাহা তাঁহার নিদর্শনাবলীর অন্তর্গত; এবং তিনি যখন ইচ্ছা করিবেন, তখন তাহাদিগকে একত্র সংগ্রহ করিতে সমর্থ। ২৯। ( র, ৩, আ, ১০ )

তোমাদিগকে যে কোন দুঃখ আশ্রয় করে, তোমাদের হস্ত যে ( পাপ ) অনুষ্ঠান করিয়াছে, তাহা তজ্জন্ত হয় এবং তিনি অধিকাংশ ( পাপ ) ক্ষমা করেন \*। ৩০। এবং তোমরা পৃথিবীতে ( ঈশ্বরের ) পরাভবকারী নও, এবং তোমাদের জন্ত ঈশ্বর ব্যতীত কোন বন্ধু ও সাহায্যকারী নাই। ৩১। এবং সাগরে তরলী সকল গিরিশ্রেণীর স্রায় তাঁহার নিদর্শনাবলীর অন্তর্গত। ৩২। তিনি ইচ্ছা করিলে বায়ুকে নিবৃত্ত করেন, তখন

\* হজরত মদিনায় চলিয়া আসিলে পর আন্সার সম্প্রদায়স্থ প্রধান প্রধান লোকেরা তাঁহার নিকটে যাইয়া নিবেদন করিলেন যে, "আপনি আমাদের ভাগিনের ও আমাদের ধর্মনেতা; আমরা দেখিতেছি যে, আপনার ব্যয় অধিক, আয় অল্প। যদি আপনি আদেশ করেন, তবে আমরা স্বীয় স্রায়োপার্জিত কিছু অর্থ আনিয়া আপনাকে উৎসর্গ করিতে পারি, তাহা আপনি আবশ্যকমতে ব্যয় করিবেন; তাহাতে অর্থসম্বন্ধে আপনার মনের ভার লাঘব হইবে"। এতদুপলক্ষে এই আয়ত অবতীর্ণ হয়, যথা—হে মোহম্মদ, তুমি বল যে, প্রচারসম্বন্ধে আমি কাহারও নিকটে পারিশ্রমিক প্রত্যাশা করি না, কেবল স্বগণের নিকটে বন্ধুতা আকাঙ্ক্ষা করি। অর্থাৎ কোরেশ দলের উচিত যে, আমি যে তাহাদের স্বগণ, কুটুম্ব, তজ্জন্ত আমাকে ভালবাসে, আমার কার্যে বাধা না দেয় ও আমার সঙ্গে শত্রুতা না করে। ( ত. হো, )

+ মহান্না আলি বলিয়াছেন যে, এই বচন অত্যন্ত আশাজনক। ঈশ্বর বলিতেছেন, কোন কোন পাপের জন্ত বিশ্বাসীদিগের প্রতি শাস্তি উপস্থিত হইবে, কিন্তু তাহাদের অধিকাংশ পাপ ক্ষমা করা যাইবে। ( ত. হো )



তাহার (সমুদ্রের) পৃষ্ঠোপরি (নৌকা সকল) স্থির হয় ; নিশ্চয় ইহাতে প্রত্যেক সহিষ্ণু ও কৃতজ্ঞ লোকদিগের জ্ঞান নিদর্শনাবলী আছে । ৩৩ । + অথবা তিনি, তাহারা যে (অপকর্ম করিয়াছে, তজ্জন্য তাহাদিগকে বিনাশ করেন, এবং অধিকাংশ (অপরাধ) ক্ষমা করিয়া থাকেন । ৩৪ । + এবং যাহারা আমার নিদর্শনাবলীসম্বন্ধে বিরোধ করে, তাহারা (ঈশ্বরের প্রতিফল দান যে কি, তাহা) জানিবে, তাহাদের জ্ঞান পলায়নের কোন স্থান নাই । ৩৫ । অনন্তর তোমাদিগকে যে কোন বস্তু দেওয়া গিয়াছে, (উহা) পার্থিব জীবনের ফললাভ ; এবং যাহারা বিশ্বাস স্থাপন করিয়াছে ও স্বীয় প্রতিপালকের প্রতি নির্ভর করিতেছে, তাহাদের জ্ঞান এবং যাহারা গুরুতর পাপ হইতে ও ছুরাচার হইতে প্রতিনিবৃত্ত হয়, এবং যখন ক্রুদ্ধ হয়, তখন ক্ষমা করিয়া থাকে, এবং যাহারা আপন প্রতিপালকের (আজ্ঞা) গ্রাহ করে ও উপাসনাকে প্রতিষ্ঠিত রাখে, তাহাদের জ্ঞান ঈশ্বরের নিকটে যাহা আছে, তাহা কল্যাণকর ও অধিকতর স্থায়ী ; এবং তাহাদের কার্য আপনাদের মধ্যে পরামর্শমতে হয় ও তাহাদিগকে আমি যে উপজীবিকা দিয়াছি, তাহারা তাহা ব্যয় করিয়া থাকে । ৩৬ + ৩৭ + ৩৮ । এবং যখন যাহাদের প্রতি নিপীড়ন উপস্থিত হয়, তাহারা তাহার প্রতিদ্বন্দ্বিতা করে ( তাহাদের জ্ঞান ) । ৩৯ । এবং অপকারের বিনিময়ে তৎসদৃশ অপকার ; পরন্তু যে ব্যক্তি ক্ষমা করে ও সন্ধি স্থাপন করে, পরে ঈশ্বরের নিকটে তাহার পুরস্কার আছে । নিশ্চয় তিনি অত্যাচারীদিগকে প্রেম করেন না । ৪০ । এবং নিশ্চয় নিজে উৎপীড়িত হওয়ার পর যাহারা প্রতিহিংসা করে, ইহারাই, ইহাদের উপর (ভৎসনার) কোন পথ নাই । ৪১ । যাহারা মানবমণ্ডলীর প্রতি অত্যাচার করে, এবং ধরাতলে নিরর্থক উৎপাত করিয়া থাকে, তাহাদের প্রতি পথ আছে, এতদ্ভিন্ন নহে ; ইহারাই, ইহাদের জ্ঞান দুঃখজনক শাস্তি আছে । ৪২ । অবশ্য যে ব্যক্তি ধৈর্যধারণ ও ক্ষমা করে, নিশ্চয় ইহা প্রার্থিত কার্য সকলের অন্তর্গত । ৪৩ । ( র, ৪, আ, ১৪ )

এবং যাহাকে ঈশ্বর পথভ্রান্ত করেন, পরে তদভাবে তাহার জ্ঞান কোন বন্ধু নাই ; তুমি অত্যাচারীদিগকে দেখিবে যে, যখন তাহারা শাস্তি দর্শন করিবে, বলিবে, “ফিরিয়া যাওয়ার দিকে কি কোন পথ আছে” ? ৪৪ । এবং তুমি তাহাদিগকে দেখিবে যে, তাহার (নরকের) দিকে হীনতায় কাতর করতঃ উপস্থিত করা যাইতেছে, অর্দ্ধনিমীলিত নয়নকোণে তাহারা দেখিতেছে এবং বিশ্বাসী লোকেরা বলিবে, “নিশ্চয় যাহারা কেয়ামতের দিনে আপন জীবনকে ও আপন পরিজনকে ক্ষতিগ্রস্ত করিয়াছে, তাহারাই ক্ষতিকারক ;” জানিও, নিশ্চয় অত্যাচারিগণ চির শাস্তিতে থাকিবে । ৪৫ । ঈশ্বর ব্যতীত তাহাদের কোন সহায় হইবে না যে, তাহাদিগকে সাহায্য দান করিবে ; ঈশ্বর যাহাকে পথভ্রান্ত করেন, অনন্তর তাহার জ্ঞান কোন পথ নাই । ৪৬ । ঈশ্বরের নিকট হইতে যাহার প্রতিনিবৃত্তি নাই, সেই দিন আসিবার পূর্বে তোমরা আপন প্রতিপালকের (আজ্ঞা) গ্রাহ কর ; সেই দিন তোমাদের জ্ঞান কোন আশ্রয়ভূমি নাই, এবং

তোমাদের কোন অসম্মতির ( স্থল ) নাই । ৪৭ । অনন্তর যদি তাহারা বিমুখ হয়, তবে ( জানিও, ) তাহাদের প্রতি আমি তোমাকে রক্ষকরূপে প্রেরণ করি নাই, প্রচার ভিন্ন তোমার প্রতি ( কোন ভার ) নাই ; এবং নিশ্চয় যখন আমি আপন সন্নিধান হইতে দয়া মনুষ্যকে আশ্বাদন করাই, তখন সে তাহাতে আহ্লাদিত হয়, এবং তাহার হস্ত যাহা অগ্রে প্রেরণ করিয়াছে, ( যে দুষ্কর্ম করিয়াছে, ) তজ্জন্ম যদি তাহার প্রতি অকল্যাণ উপস্থিত হয়, তবে নিশ্চয় সেই মনুষ্য ঈশ্বরবিরোধী হইয়া থাকে । ৪৮ । স্বর্গ ও পৃথিবীর সমাক্ রাজহ ঈশ্বরেরই ; তিনি যাহা ইচ্ছা করেন, সৃষ্টি করিয়া থাকেন, যাহাকে ইচ্ছা করেন, কণ্ঠা দান করেন ও যাহাকে ইচ্ছা করেন, পুত্র দান করিয়া থাকেন । ৪৯ । + অথবা তাহাদের সহিত পুত্র ও কণ্ঠা সম্মিলিত করেন, এবং যাহাকে ইচ্ছা করেন, বন্ধা করিয়া থাকেন ; নিশ্চয় তিনি শক্তিমান্ জ্ঞানী । ৫০ । এবং অনুপ্রাণন দ্বারা বা যবনিকার অন্তরাল হইতে ভিন্ন কোন মনুষ্যের ( অধিকার ) নাই যে, ঈশ্বর তাহার সঙ্গে কথা কহেন ; অথবা তিনি প্রেরিতপুরুষ( স্বর্গীয় দূত) প্রেরণ করেন, পবে সে তাঁহার আজ্ঞাক্রমে ইচ্ছান্তরূপ অনুপ্রাণন করিয়া থাকে । নিশ্চয় তিনি উন্নত কৌশলময় । ৫১ । এবং এইরূপে আমি তোমার প্রতি স্বীয় বাণীযোগে কোর্-আন্ প্রত্যাদেশ করিয়াছি ; গ্রন্থ কি ও ধর্ম কি, তুমি জানিতে না, কিন্তু আমি তাহাকে ( প্রত্যাদেশকে ) অলোকস্বরূপ করিয়াছি, আপন দাসদিগের মধ্যে যাহাকে ইচ্ছা করি, তদ্বারা আমি পথ প্রদর্শন করিয়া থাকি । নিশ্চয় তুমি সরল পথের দিকে পথ প্রদর্শন করিয়া থাক । ৫২ । + নিগিল স্বর্গে যে কিছু আছে ও পৃথিবীতে যে কিছু আছে, তাহা যাহার, সেই ঈশ্বরেরই পথ জানিও ; ঈশ্বরের দিকে গিয়া সকলের প্রত্যাবর্তন । ৫৩ । ( র, ৫, আ, ১০ ) .

## সূরা জোখরোফ

.....

ত্রয়শ্চত্বারিংশ অধ্যায়

.....

৮৯ আয়ত, ৭ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম ৯ । ১ । দেদীপ্যমান্ গ্রন্থের শপথ । ২ । + নিশ্চয় আমি ইহাকে আরব্য কোর্-আন্ রূপে সৃষ্টি করিয়াছি যে, তোমরা হৃদয়ঙ্গম করিতেছ । ৩ । এবং নিশ্চয় ইহা

\* এই সূরা মক্কাতে অন্তর্ভুক্ত হইয়াছে ।

† ব্যবচ্ছেদক বর্ণালী বিজ্ঞাপন ও উদ্বোধন উদ্দেশ্যে হয়, তাহা শ্রবণে শোভার চৈতন্যদয়

মূল গ্রন্থের ( স্বর্গে সংরক্ষিত গ্রন্থের ) ভিতরে আমার নিকটে আছে ; নিশ্চয় ( ইহা ) সম্মত বৈজ্ঞানিক । ৪ । অনন্তর তোমরা সীমলজ্বনকারী দল বলিয়া আমি কি তোমাদিগ হইতে, ( হে কোরেশগণ, ) উপদেশকে অপসারিত করিব \* ? ৫ । এবং পূর্বতন লোকদিগের প্রতি আমি বহু সংবাদবাহক প্রেরণ করিয়াছিলাম । ৬ । অনন্তর এমন কোন তত্ত্ববাহক তাহাদের নিকটে আসে নাই যে, তাহারা তাহার প্রতি বাঙ্গ করে নাই । ৭ । পরে তাহাদিগ অপেক্ষা আক্রমণে প্রবলতর লোকদিগকে আমি বিনাশ করিয়াছি, এবং পূর্ববর্তী লোকদিগের দৃষ্টান্ত ( বর্ণিত ) হইয়াছে । ৮ । যদি তুমি, ( হে মোহম্মদ, ) তাহাদিগকে জিজ্ঞাসা কর, “কে ভুলোক ও নিখিল স্বর্গলোক সৃজন করিয়াছেন ?” তাহারা অবশ্য বলিবে যে, “পরাক্রান্ত জ্ঞানী ( ঈশ্বর ) এ সকল সৃজন করিয়াছেন” । ৯ ।+ তিনিই, যিনি তোমাদের জন্ত ধরাকে শয্যা করিয়াছেন ও তন্মধ্যে তোমাদের জন্ত বর্ষা সকল করিয়াছেন, যেন তোমরা পথ প্রাপ্ত হও । ১০ । যিনি আকাশ হইতে পরিমিতরূপে বারিবর্ষণ করিয়াছেন, পরে তদ্বারা আমি মৃত নগরকে ( ভূগুণ্ণাদির উদ্গমে ) জীবিত করিয়াছি, এইরূপ ( কবর হইতে ) তোমরা বহির্গত হইবে । ১১ । যিনি বহুবিধ ( জীবজন্তু ) সর্বতোভাবে সৃষ্টি করিয়াছেন, এবং তোমাদের জন্ত নৌকা ও পশু সকলকে, যাহার উপর তোমরা আরোহণ করিয়া থাক, সৃজন করিয়াছেন । ১২ ।+ যেন তাহার পৃষ্ঠোপরি তোমরা আরোহণ কর ; তৎপর যখন তদুপরি আরুঢ় হও, তখন আপন প্রতিপালকের ( প্রদত্ত ; সম্পদ স্মরণ করিও, এবং বলিও, “যিনি আমাদের জন্ত ইহা অধিকৃত করিয়াছেন, আমরা তৎসম্বন্ধে সমর্থ ছিলাম না, পবিত্রতা তাহারই ন । ১৩ ।+ এবং নিশ্চয় আমরা আপন প্রতিপালকের দিকে পুনর্শ্বিলনকারী” । ১৪ । এবং তাহারা তাহার জন্ত তাহার দাসমণ্ডলী হইতে অংশ (সন্তান) নিরূপণ করিয়াছে ; নিশ্চয় মনুষ্য সৃষ্ট ধর্মদ্রোহী ঃ । ১৫ । ( র, ১, আ ১৫ )

হইয়া থাকে । এস্থলে হা ও মিম বর্ণদ্বয় কোর্-আনের মহাবাকা-শব্দের উত্তেজনাসূচক । কশফোল আশ্রারে উক্ত হইয়াছে যে, ‘হা’র লক্ষ্য ঈশ্বরের জীবন ও ‘মিমের’ লক্ষ্য তাহার রাজত্ব । অক্ষয় জীবন ও অধিনশ্বর রাজত্বের শপথ স্মরণ করা বাইতেছে, ইহার এই মর্ম । ( ত. হো. )

\* অর্থাৎ তোমরা কোর্-আনের উপদেশকে অগ্রাহ্য করিতেছ ও অসত্য বলিতেছ, তজ্জন্ত আমি প্রত্যাদেশ নিবারণ করিব না, বরং ক্রমশঃ তাহা প্রেরণ করিব । তোমাদের বিদ্রোহাচরণের জন্ত কোর্-আনকে স্বর্গে প্রত্যাহার করিব না । আমি জানিতেছি যে, এমন একজাতি শীঘ্র আসিবে যে, তাহারা ইহাকে মান্য করিবে, এবং ইহার উপদেশানুযায়ী আচরণ করিবে । ( ত. হো. )

+ যখন হজরত অশ্বের রেকাবে পদস্থাপন করিতেন, তখন “বেস্মালা” বলিতেন, এবং যখন তাহার পৃষ্ঠোপরি আরোহণ করিতেন, তখন “অল্‌হম্দলেলাহে” বচন উচ্চারণ করিতেন, সর্বাবস্থায় “সব্‌হানছ” ( পবিত্রতা তাহার ) বলিতেন । আরোহী উচিত যে, “অল্‌হম্দলেলাহে” উচ্চারণ করেন । ( ত. হো. )

‡ ঈশ্বরের সৃষ্টত্ব, মহিমা ও জ্ঞান স্বীকার করিয়াও কাফেরগণ মুর্থতাবশতঃ তাহার সন্তান হইয়াছে

যাহা সৃষ্টি করেন, তাহা হইতে কি তিনি কল্যাণ গ্রহণ করিয়া থাকেন ও তোমাদিগকে পুত্র বলিয়া স্বীকার করেন? ১৬। এবং ঈশ্বরের জ্ঞান যে সাদৃশ্য বর্ণন করিয়াছে, তদ্বিষয়ে (তদ্বিকল্পে) যখন তাহাদের এক ব্যক্তি বিজ্ঞাপিত হয়, তখন তাহার মুখ মলিন হইয়া যায়, এবং বিষাদপূর্ণ হয়। ১৭। যে ব্যক্তি বিভূষণে প্রতিপালিত এবং যে কলহে অপ্রকাশিত, তাহাকে কি (ঈশ্বর পুত্ররূপে গ্রহণ করিবেন)\*? ১৮। এবং যাহারা ঈশ্বরের কিঙ্কর, সেই দেবতাদিগকে তাহারা নারী স্থির করিয়াছে; তাহাদের সৃষ্টির সময়ে তাহারা কি উপস্থিত ছিল? অবশ্য তাহাদের সাক্ষ্য লেখা যাইবে ও প্রশ্ন করা হইবে †। ১৯। এবং তাহারা বলিল, “যদি ঈশ্বর চাহিতেন, তবে আমরা তাহাদিগকে অর্চনা করিতাম না;” এ বিষয়ে তাহাদের জ্ঞান নাই, তাহারা অসত্য ভিন্ন বলে না ‡। ২০। তাহাদিগকে কি আমি তাহার (কোর্-আনের) পূর্বে কোন গ্রন্থ দান করিয়াছি, পরে তাহারা তাহার অবলম্বনকারী হইয়াছে §? ২১। বরং তাহারা বলে যে, “নিশ্চয় আমরা আপন পিতৃপুরুষদিগকে এক রীতিতে প্রাপ্ত হইয়াছি, এবং নিশ্চয় আমরা তাহাদের পদচিহ্নেতে পথপ্রাপ্ত”। ২২। এইরূপ তোমার পূর্বে, (হে মোহাম্মদ,) আমি এমন কোন গ্রামে কোন ভয়প্রদর্শককে প্রেরণ করি নাই যে, তাহার সম্পন্ন লোকেরা বলে নাই যে, “নিশ্চয় আমরা আমাদের পিতৃপুরুষদিগকে এক রীতিতে প্রাপ্ত হইয়াছি, এবং এরূপ বলে, দেবতাদিগকে তাঁহার কল্যাণ বলিয়া থাকে। তাহারা জানে না যে, শারীরিক প্রকৃতি হইতে সমস্ত উৎপত্তি হয়, কিন্তু তিনি দৈহিকপ্রকৃতি-বিবর্জিত, সমুদয় দেহের স্রষ্টা। (ত, হো,)

\* “যে ব্যক্তি বিভূষণে প্রতিপালিত” অর্থাৎ যে ব্যক্তি বেশ ভূষা ও বিলাস আমোদে লালিত পালিত হয়, সে সংগ্রামক্ষেত্রে প্রবেশের ক্ষমতা রাখে না; এবং যে তর্ক বিতর্ক ও বিবাদস্থলে প্রমাণ প্রয়োগ করিতে পারে না, ঈশ্বর কি এরূপ ব্যক্তিকে পুত্র বলিয়া গ্রহণ করেন? আরব্য অনেকধরবাদী লোকেরা বীরত্ব ও বাগ্মিতার গর্ব করিত, কিন্তু প্রায়শঃ তাহারা এ দুই বিষয়ে বঞ্চিত থাকিত। (ত, ফা,)

† হজরত কাকেরদিগকে জিজ্ঞাসা করিয়াছিলেন, “তোমরা কিরূপে জান যে, দেবগণ স্ত্রীলোক?” তাহারা বলিয়াছিল যে, “ইহা পিতা পিতামহের মুখে শুনিয়াছি, এবং আমরা সাক্ষ্য দান করিতেছি যে, তাঁহারা মিথ্যা বলেন নাই।” তাহাতে ঈশ্বর বলিলেন, “শীঘ্রই ইহাদের সাক্ষ্য লেখা যাইবে ও কেয়ামতে তদ্বিষয়ে জিজ্ঞাসা করা হইবে”। (ত, হো,)

‡ অর্থাৎ পৌত্তলিকগণ বলে, “তাহাদিগকে পূজা করিতে পরমেশ্বর আমাদের সম্বন্ধে নির্ধারণ করিয়াছেন, ইহা তাঁহার অনুমোদিত কার্য। অতএব তিনি তজ্জন্তু আমাদের শাস্তি দান করিবেন না”। বাস্তবিক তর্কস্থলে তাহারা মিথ্যা বলিতেছিল, পবিত্ররূপ ঈশ্বর কখনও কোন ধর্মাবিরোধী ধর্মবিরুদ্ধ কার্যকে অনুমোদন করেন না। (ত, হো,)

§ অর্থাৎ ঈশ্বর বলিতেছেন, কোর্-আনের পূর্বে তাহাদিগকে এমন কোন গ্রন্থ দান করি নাই যে, ইহা তাহাদের কথার সত্যতার প্রমাণ প্রদর্শন করিবে; তাহারা বুদ্ধির নিয়মানুসারেও কোন প্রমাণ রাখে না। (ত, হো,)

নিশ্চয় আমরা তাহাদের পদচিহ্নের অনুসরণকারী”। ২৩। ( প্রেরিতপুরুষ ) বলিয়াছিল, “আপন পিতৃপুরুষদিগকে তোমরা যে বিষয়ে প্রাপ্ত হইয়াছ, তাহা অপেক্ষা শ্রেষ্ঠধর্ম যদিচ তোমাদের নিকটে আনয়ন করিয়াছি, ( তথাপি কি তোমরা পিতৃপুরুষদিগের অনুসরণ করিতেছ ? )” তাহারা বলিয়াছিল, “তোমরা যৎসহ প্রেরিত হইয়াছ, তৎসম্বন্ধে নিশ্চয় আমরা বিরোধী”। ২৪। অনন্তর আমি তাহাদিগ হইতে প্রতিশোধ লইয়াছি, পরে দেখ, মিথ্যাবাদীদিগের কিরূপ পরিণাম হইয়াছে? ২৫। ( র, ২, আ, ১০ )

এবং ( স্মরণ কর, ) যখন এব্রাহিম স্বীয় পিতা ও জ্ঞাতিবর্গকে বলিয়াছিল, “আমাকে যিনি সৃজন করিয়াছেন, তাঁহাকে ব্যতীত তোমরা যাহাকে অর্চনা করিয়া থাক, তৎপ্রতি নিশ্চয় আমি বীতরাগ ; পরে একান্তই তিনি আমাকে পথ প্রদর্শন করিবেন \*। ২৬+২৭। এবং তিনি তাহাকে ( একত্ববাদের বাক্যকে ) তাহার সম্মানগণের মধ্যে স্থায়ী বাক্য করিয়াছেন, সম্ভবতঃ তাহারা ( কাফেরগণ ) ফিরিয়া আসিবে” †। ২৮। বরং ইহাদিগকে ও ইহাদের পিতৃপুরুষদিগকে, যে পর্যন্ত ইহাদের নিকটে সত্য (ধর্ম) ও দীপ্যমান প্রেরিত পুরুষ উপস্থিত হয়, ( ধন সম্পত্তি ও দীর্ঘায়ুযোগে ) আমি ফলভোগী করিয়াছি। ২৯। যখন তাহাদের নিকটে সত্য উপস্থিত হইল, তখন তাহারা বলিল, “ইহা ভোজবাজী, এবং নিশ্চয় আমরা তৎসম্বন্ধে বিরোধী”। ৩০। এবং তাহারা বলিল, “এই দুই গ্রামের ( মক্কা ও তায়েফের ) কোন প্রধান ব্যক্তির প্রতি কেন এই কোর্-আন্ অবতারিত হইল না” ? ৩১। তোমার প্রতিপালকের রূপা ( প্রেরিত ) তাহারা কি ভাগ করিতেছে ? আমি তাহাদের মধ্যে সাংসারিক জীবনে তাহাদের উপজীবিকা ভাগ করিয়াছি ও তাহাদের এক জনকে অগ্র জনের উপর পদানুসারে উন্নত করিয়াছি, যেন তাহাদের এক অগ্রকে স্ফূটরূপ গ্রহণ করে ; তাহারা যাহা সংগ্রহ করিয়া থাকে, তাহা অপেক্ষা তোমার প্রতিপালকের রূপা শ্রেষ্ঠ। ৩২। তাহা না হইলে মানবমণ্ডলী ( ধনসংগ্রহে ) এক দল হইত ; ঈশ্বরের সম্বন্ধে যাহারা বিশ্বাসী হইয়াছে, তাহাদের জন্ত অবশ্য আমি তাহাদের গৃহের নিমিত্ত রৌপ্যময় ছাদ এবং সোপানাবলী, যাহার উপর পদস্থাপন করিয়া ( উপরে ) উঠে, এবং তাহাদের গৃহের দ্বার সকল ও সিংহাসন সকল, যাহার উপর ভর দিয়া বসে, প্রস্তুত করিতাম, বাহু শোভান্বিত ( করিতাম, ) এ সমুদায় পার্থিব জীবনের ভোগ ভিন্ন নহে। এবং তোমার প্রতিপালকের নিকটে ধর্মভীরুদিগের জন্ত পরলোক হয় ‡। ৩৩+৩৪+৩৫। ( র, ৩, আ, ১০ )

\* অর্থাৎ ঈশ্বর বলিতেছেন, যদি তোমরা পিতৃপুরুষদিগের মতানুসরণ করিয়া থাক, তবে কেন তোমাদের পূর্ব পুরুষ এব্রাহিমের অনুসরণ করিতেছ না? ( ত, হো, )

† কেহ কেহ বলেন, এস্থলে এব্রাহিমের সম্মান হজরত মোহাম্মদ, এই বংশেই একত্ববাদ চির প্রতিষ্ঠিত থাকে। কেহ কেহ বলেন, পরমেশ্বর এব্রাহিমের বংশপরম্পরাতে একত্ববাদ স্থায়ী করিয়াছেন। ( ত, হো, )

‡ সংসারের প্রতি অবজ্ঞাসূচক এই আয়ত, অর্থাৎ ঈশ্বর বলিতেছেন যে আমার নিকটে সংসারের



এবং যে ব্যক্তি ঈশ্বরস্বরূপে শৈথিল্য করে, আমি তাহার জন্ত পাপপুরুষ নির্ধারণ করি, পরে সে তাহার পারিষদ হয়। ৩৬। নিশ্চয় তাহারা (পাপ পুরুষগণ) তাহাদিগকে পথ হইতে নিবৃত্ত করে, এবং (মহুশ) মনে করে যে, তাহারা পথপ্রাপ্ত ৩৭। এতদূর পর্যন্ত যে, যখন আমার নিকটে উপস্থিত হইবে, তখন (শয়তানকে পাপী) বলিবে যে, “যদি তোমার ও আমার মধ্যে পূর্ক পশ্চিমের গায় দূরতা থাকিত, (ভাল ছিল; ) অপিচ তুমি অসং সঙ্গী হও”। ৩৮। এবং (আমি বলিব, ) অল্প কখনও তোমাদিগকে ফল দর্শাইবে না; যখন তোমরা অত্যাচার করিয়াছ, তখন তোমরা শাস্তির মধ্যে পরস্পর অংশী হও। ৩৯। অনন্তর তুমি কি, (হে মোহম্মদ,) বধিরকে শুনাইতেছ, বা অন্ধকে এবং সেই ব্যক্তিকে, যে স্পষ্ট পথভ্রান্তিতে আছে, পথ প্রদর্শন করিতেছ \* ? ৪০। অনন্তর যদি আমি তোমাকে (এই পৃথিবী হইতে পূর্কে) লইয়াও যাই, পরে নিশ্চয় আমি তাহাদের প্রতিশোধকারী হইব। ৪১। + অথবা তাহাদের প্রতি যাহা অঙ্গীকার করিয়াছি, তোমাকে দেখাইব; পরিশেষে নিশ্চয় আমি তাহাদের উপর ক্ষমতামালা হই। ৪২। অবশেষে তোমার প্রতি যাহা প্রত্যাদেশ করা হইয়াছে, তুমি তাহা অবলম্বন কর, নিশ্চয় তুমি সরল পথে আছ। ৪৩। এবং নিশ্চয় (কোর-আন্) তোমার জন্ত ও তোমার দলের জন্ত উপদেশ হয়, এবং অবশ্য তুমি (কেয়ামতে) জিজ্ঞাসিত হইবে। ৪৪। আমি তোমার পূর্কে যাহাদিগকে প্রেরণ করিয়াছি, সেই আমার প্রেরিত পুরুষদিগের (বিষয়) জিজ্ঞাসা কর, ঈশ্বর ব্যতীত (অন্ত) উপাস্ত্র কি আমি নির্ধারণ করিয়াছিলাম যে, পূজিত হইবে? ৪৫। (র, ৪, আ, ১০)

এবং সত্য সত্যই আমি মুসাকে আপন নিদর্শনাবলী সহ ফেরগুণ ও তাহার প্রধান পুরুষদিগের নিকটে প্রেরণ করিয়াছিলাম; পরে সে বলিয়াছিল যে, “নিশ্চয় আমি অখিল জগতের প্রতিপালকের প্রেরিত”। ৪৬। অনন্তর যখন সে আমার নিদর্শনাবলী সহ তাহাদের নিকটে উপস্থিত হইল, অকস্মাৎ তাহারা তৎসম্বন্ধে হাস্য করিতে লাগিল। ৪৭। এবং আমি তাহাদিগকে এমন কোন নিদর্শন প্রদর্শন করি নাই যে, তাহা তাহার সদৃশ নিদর্শন অপেক্ষা শ্রেষ্ঠ ছিল না; শাস্তি দ্বারা তাহাদিগকে আক্রমণ করিয়াছিলাম, কোন মূল্য ও মর্যাদা নাই। আমি উৎসাহ দিলে এরূপ হইত যে, লোক সকল সংসারের ধনমান অন্বেষণ করিত ও তৎপ্রতি আসক্তিবশতঃ তাহা সংগ্রহে রত থাকিত, এবং এই কারণে সাধন ভজন ও আত্মগত্য হইতে নিবৃত্ত হইয়া অধর্মাচারে রত হইত। যদি আমি তাহাদের গৃহের সোপান, ছাদ ও দ্বার এবং সিংহাসন সকল স্বর্ণ রত্নে নিৰ্ম্মাণ করিয়া দিতাম, তাহা হইলেও উহা পার্থিব জীবনের কণিক ভোগ ভিন্ন হইত না; কিন্তু ধার্মিকলোকেরা ঈশ্বরের নিকটে পারলৌকিক সম্পদ লাভ করিয়া থাকে। (ত, হো,)

\* কোরেশগণ সঙ্কল্পের অনুসরণ করিবে বলিয়া হজরতের মনে সম্পূর্ণ আশা ছিল। তিনি দৃঢ়তার সহিত প্রচার করিতে থাকেন, তাহাদেরও শত্রুতা ও অবজ্ঞা বৃদ্ধি পায়, ইহাতেই ঈশ্বর এরূপ বলেন। (ত, হো,)

যেন তাহারা ফিরিয়া আইসে। ৪৮। এবং তাহারা বলিয়াছিল, “হে জাদুকর, তুমি আপন প্রতিপালকের নিকটে, তিনি তোমার নিকট যাহা অঙ্গীকার করিয়াছেন, তাহা আমাদের জন্ত প্রার্থনা কর; নিশ্চয় আমরা পথপ্রাপ্ত” \*। ৪৯। অনন্তর যখন আমি তাহাদিগ হইতে শাস্তি দূর করিলাম, তখন অকস্মাৎ তাহারা অঙ্গীকার ভঙ্গ করিল। ৫০। এবং ফেরাণ আপন দলকে ডাকিয়া বলিল, “হে আমার সম্প্রদায়, আমার জন্ত কি মেসরের রাজত্ব নয়? এই পয়ঃপ্রণালী সকল আমার (প্রাসাদের) নিম্ন দিয়া কি প্রবাহিত হইতেছে না? অনন্তর তোমরা কি দেখিতেছ না?” ৫১। ভাল, সে নিকৃষ্ট, তাহা অপেক্ষা আমি শ্রেষ্ঠ। ৫২। + এবং সে স্পষ্ট কথা কহিতে সমর্থ নয় †। ৫৩। অনন্তর কেন তাহার প্রতি স্বর্ণ কেয়ুর নিক্ষিপ্ত হয় নাই, অথবা তাহার সঙ্গে সম্মিলিত দেবগণ আগমন করে নাই ‡? ৫৪। অবশেষে সে আপন দলকে হতবুদ্ধি করিল, পরে তাহারা তাহার অনুগত হইল, নিশ্চয় তাহারা পাষণ্ডদল ছিল। ৫৫। অনন্তর যখন তাহারা আমাকে ক্রোধান্বিত করিল, তখন আমি তাহাদিগ হইতে প্রতিশোধ লইলাম, পরে তাহাদিগকে যুগপৎ জলমগ্ন করিলাম। ৫৬। + অবশেষে আমি তাহাদিগকে ভবিষ্যৎ লোকদিগের জন্ত দৃষ্টান্ত ও অগ্রণী করিলাম। ৫৭। (র, ৫, আ, ১২)

এবং যখন মরয়মের পুত্রে (ঈসায়) দৃষ্টান্ত প্রদত্ত হইল, তখন অকস্মাৎ তোমার জ্ঞাতিগণ, (হে মোহম্মদ,) তাহাতে উচ্চস্বনি করিল। ৫৮। এবং বলিল, “আমাদের উপাস্ত দেবগণ শ্রেষ্ঠ, না, সে?” তাহারা বাদানুবাদচ্ছলে ভিন্ন উহা তোমার জন্ত ব্যক্ত করে নাই, বরং তাহারা বিবাদকারী দল ॥ ৫৯। সে (ঈসা) ভৃত্য ভিন্ন নহে,

\* যখন ফেরাণীয় দল দুর্ভিক্ষ জলধাবনাদি দর্শন করিল, তখন তাহারা কাতরভাবে মুসার নিকটে একপ প্রার্থনা করে, “তোমার প্রতি ঈশ্বর অঙ্গীকার করিয়াছেন যে, তুমি প্রার্থনা করিলে তিনি আমাদিগ হইতে শাস্তি দূর করিবেন, তবে সেই প্রার্থনা কর।” এস্থলে জাদুকর সম্মানসূচক সম্বোধন। মেসরবাসীদিগের নিকটে ঐন্দ্রজালিক বিদ্যা বিশেষ গৌরবের বিদ্যা, জাদু করা প্রশংসিত গুণ ছিল হে জাদুকর, অর্থাৎ হে মহাকাব্যে নিপুণ বা ঐন্দ্রজালিক বিদ্যার অগ্রণী। (ত, হো,)

+ ফেরাণের প্রাসাদের প্রান্তে নীলনদের স্রোত তিন শত ষাটভাগে বিভক্ত হইয়াছিল, তন্মধ্যে মোলুক প্রণালী, তুলুল প্রণালী, দমিয়াতু প্রণালী ও তনিস প্রণালী বৃহৎ ছিল। এই চারি জলস্রোত উচ্চানের ভিতর দিয়া ফেরাণের হর্নামূলে প্রবাহিত হইত, তজ্জন্ত সে গর্ব করিত। (ত, হো,)

‡ অর্থাৎ “মুসার জিহ্বা জড়তাপ্রাপ্ত, সে স্পষ্টরূপে কথা উচ্চারণ করিতে পারে না।” দুরাঙ্গা ফেরাণ এ কথা মিথ্যা বলিয়াছিল। যে হেতু ইতিপূর্বে ঈশ্বরের কৃপায় তাহার জিহ্বার গ্রন্থি উন্মুক্ত হইয়াছিল, তখন লোকের নিকটে তাহা গুপ্ত ছিল। তাহারা তাহাকে পূর্ববৎ অস্পষ্টভাষী জানিত।

§ তৎকালে যাহারা প্রাধাত্য ও নেতৃত্ব লাভ করিত, তাহাদিগকে স্বর্ণময় কেয়ুর বাহতে ও হার কর্তে পরাইয়া দিত। এজন্ত ফেরাণ বলিল, “মুসা যদি একজন ভবিষ্যৎপ্রজ্ঞা ও নেতা সত্য হয়, তবে কেন পরমেশ্বর তাহাকে কেয়ুর পরাইয়া দেন নাই?” (ত, হো,)

‖ হজরত মোহম্মদ কোরেশজাতীয় প্রধান পুরুষদিগকে বলিয়াছিলেন, “ঈশ্বর ব্যতীত তোমরা

তাহাকে আমি সম্পদ দান করিয়াছি, এবং বনিএশ্রায়েলের জন্ত তাহাকে দৃষ্টান্ত করিয়াছি। ৬০। এবং যদি আমি ইচ্ছা করিতাম, তবে অবশ্য তোমাদিগের পরিবর্তে দেবগণ সৃজন করিতাম, যেন তাহারা ধরাতলে স্থলাভিষিক্ত হয়। ৬১। নিশ্চয় সে (ঈসা) কেয়ামতের নিদর্শনস্বরূপ, অতএব তৎসম্বন্ধে তোমরা সন্দেহ করিও না; এবং তুমি বল, (হে মোহম্মদ,) তোমরা আমার অনুসরণ কর, ইহাই সরল পথ \*। ৬২। এবং শয়তান তোমাদিগকে নিবৃত্ত না করুক, নিশ্চয় সে তোমাদের স্পষ্ট শত্রু। ৬৩। এবং যখন ঈসা অলৌকিকতা সহ আগমন করিয়াছিল, তখন বলিয়াছিল, “নিশ্চয় আমি তোমাদের নিকটে, (হে লোক সকল,) প্রকৃষ্ট জ্ঞান সহ উপস্থিত হইয়াছি; তোমরা যে কোন একটি বিষয়ে পরস্পর বিরোধ করিয়া থাক, তাহা তোমাদের জন্ত বর্জন করিব, পরন্তু তোমরা ঈশ্বরকে ভয় করিতে থাক ও আমার অনুসরণ কর। ৬৪। নিশ্চয় সেই ঈশ্বরই আগার প্রতিপালক ও তোমাদের প্রতিপালক, অনন্তর তোমরা তাঁহাকে অর্চনা কর, ইহাই সরল পথ”। ৬৫। পরে সম্প্রদায় সকল আপনাদের মধ্যে পরস্পর বিরোধ করিল; যাহারা অত্যাচার করিয়াছে, দুঃখজনক দিনের শাস্তিবশতঃ তাহাদের জন্ত আক্ষেপ। ৬৬। কেয়ামত যে অকস্মাৎ তাহাদের প্রতি উপস্থিত হইবে, তদ্বিন্ন তাহারা

যে অস্ত্র বস্তুকে অর্চনা কর, তদ্বিনয়ে কোন শাস্ত্রীয় প্রমাণ নাই।” তাহাতে তাহাদের কতকগুলি লোক বলিয়া উঠে যে, “ঈশ্বর বাতীত ঈসা হন, তিনি ঈসায়ীদিগের উপাস্য, তুমি মনে কর, ঈসা ঈশ্বরের সাধুভৃত্য, এ বিষয়ে তোমারও কোন শাস্ত্র নাই।” কোরেশগণ এই কথায় উচ্চপনি করিয়া উঠিল ও মনে করিল যে, হজরত পরাস্ত হইলেন। অনেকে বলিতে লাগিল যে, “ঈসা সৃষ্ট পদার্থ হইয়া ঈসায়ীদিগের উপাস্ত হইয়াছে, অতএব আমাদের ঈশ্বরও সৃষ্ট পদার্থ হওয়া উচিত। যখন ঈসা ঈশ্বরের পুত্ররূপে বিহিত হইয়াছে, তখন দেবগণ কেন ঈশ্বরের কন্যা হইতে পারিবেন না? যদি ঈসায়ীদল ঈশ্বরকে ছাড়িয়া ঈসাকে পূজা করিয়া অধোগতি প্রাপ্ত হয়, তবে আমরাও আমাদের দেবগণের সহিত অধোগতি প্রাপ্ত হইব।” (ত, হো,)

\* কেয়ামতের প্রাক্কালে মিথ্যাবাদী দজ্বাল প্রবল হইয়া উঠিলে, মহাপুরুষ ঈসা বিচিত্র বসন পরিধান করিয়া স্বর্গ হইতে পৃথিবীতে দমস্ক নগরের পূর্বপ্রান্তে শুভ্র মনোমেণ্টের নিকটে অবতীর্ণ হইবেন। তিনি দুই স্বর্গীয় দুতের ডানায় উভয় করতল স্থাপন করিয়া নামিবেন। তাঁহার পবিত্র কপোলে ঘর্ষাবিন্দুসকল প্রকাশ পাইবে; যখন মস্তক অবনত করিবেন, তখন তাঁহার মুখমণ্ডল হইতে উহা বিন্দু বিন্দু ক্ষরিত হইবে, এবং যখন মস্তক উন্নত করিবেন, তখন নিদাঘকণিকা সকল তাঁহার গণ্ডস্থলে মুক্তাফলের স্থায় শোভা পাইবে। তিনি যে কাফেরের নিকটে উপস্থিত হইবেন, তাহার মৃত্যু হইবে। অনন্তর তিনি দজ্বালের অনুসন্ধানে বাহির হইবেন। দজ্বাল আপনাকে ঈসা মসিহ বলিয়া প্রচার করিয়াছিল। শামদেশে বাবলদনামক গ্রামের নিকটে ঈসা দজ্বালকে প্রাপ্ত হইয়া বধ করিবেন। তখন দুর্দাস্ত ইয়াজুজ ও মাজুজ নির্গত হইবে। মহাত্মা ঈসা তুরগিরিতে বিশ্বাসীদিগকে লইয়া যাইবেন, এবং সেই স্থানকে দুর্গ করিয়া থাকিবেন। তৎপর প্রলয় হইবে। অতএব জানা যায় যে, ঈসা কেয়ামতের পূর্বলক্ষণস্বরূপ। (ত, হো,)

প্রতীক্ষা করিতেছে না, এবং তাহারা বুঝিতেছে না। ৬৭। সেই দিবস ধর্মভীরুগণ ব্যতীত অন্য বন্ধুগণ তাহাদের এক অন্নের পরস্পর শত্রু। ৬৮। ( র, ৬, আ, ১১ )

হে আমার দাসগণ, অন্ন তোমাদের প্রতি ভয় নাই, এবং তোমরা শোকগ্রস্ত হইবে না। ৬৯। যাহারা আমার নিদর্শন সকলের প্রতি বিশ্বাস স্থাপন করিয়াছিল, এবং মোসলমান ছিল। ৭০। ( তাহাদিগকে বলা হইবে, ) “তোমরা ও তোমাদের ভাৰ্য্যাগণ সানন্দে স্বর্গে প্রবেশ কর”। ৭১। তাহাদের প্রতি বৃহৎ সূবর্ণপাত্র ও সোরাহী সকল পরিবেশন করা হইবে, তন্মধ্যে প্রাণ যাহা অভিনাষ করে, তাহা থাকিবে ; এবং ( বলা হইবে, ) চক্ষুও স্বাদ গ্রহণ করিবে, \* তোমরা তথায় নিত্যনিবাসী হইবে। ৭২। এবং ইহাই সেই স্বর্গ, তোমরা যাহা ( যে সংকল্প ) করিয়াছ, তজ্জন্ম তোমদিগকে তাহার উত্তরাধিকারী করা হইয়াছে। ৭৩। তোমাদের জন্ম এখানে প্রচুর ফল আছে, তাহা হইতে তোমরা ভক্ষণ করিতেছ। ৭৪। নিশ্চয় পাপিগণ নরকদণ্ডের মধ্যে নিত্যনিবাসী। ৭৫। তাহাদিগ হইতে (শাস্তি) শিথিল করা হইবে না, তাহাতে তাহারা তথায় নিরাশ হইয়া থাকিবে। ৭৬। এবং আমি তাহাদের প্রতি অত্যাচার করি নাই, কিন্তু তাহারা অত্যাচারী ছিল। ৭৭। তাহারা ( নরকাধাককে ) ডাকিয়া বলিবে, “হে প্রভো, উচিত যে, আমাদের প্রতি তোমার প্রতিপালক মৃত্যুর আদেশ করেন ;” সে বলিবে, “নিশ্চয় তোমরা ( এস্থলে ) স্থায়ী”। ৭৮। সত্য সত্যই তোমাদের নিকটে আমি সত্য আনয়ন করিয়াছি, কিন্তু তোমাদের অধিকাংশই সত্যের উদ্দেশে অসন্তুষ্ট। ৭৯। তাহারা কি কোন কার্যে স্বেচ্ছিত হইয়াছে ? অনন্তর নিশ্চয় আমি ( তাহাদের কার্যের বিরুদ্ধে ) স্বেচ্ছিত। ৮০। তাহারা কি মনে করিতেছে যে, আমি তাহাদের রহস্য ও তাহাদের গুপ্ত বাক্য শ্রবণ করি না ? ইঁ ( শ্রবণ করি, ) বরং আমার প্রেরিতগণ তাহাদের নিকটে ( বসিয়া ) লিখিয়া থাকে। ৮১। তুমি বল, ( হে মোহম্মদ, ) “যদি ঈশ্বরের কোন সন্তান হইত, তবে আমি (তাহার) সম্মানকারীদিগের মধ্যে প্রথম হইতাম” †। ৮২। তাহারা যাহা বর্ণন করে, তদপেক্ষা স্বর্গ মর্ত্যের

\* যাহা দর্শনে আনন্দ হয়, নয়ন তদর্শনেই স্বাদ গ্রহণ করে। প্রেমাস্পদের রূপদর্শনেই চক্ষু আনন্দপ্রাপ্ত ও পরিতৃপ্ত হয়। প্রেমাস্পদের প্রতি প্রেমিক লোকের অনুরাগ যত প্রবল হয়, দর্শনের আনন্দ ততই বৃদ্ধি হইয়া থাকে। অনুরাগ প্রেমতরুর ফলস্বরূপ, যাহার যত প্রেম বাড়ে, প্রেমাস্পদকে দেখিবার অনুরাগ ও স্পৃহা তাহার তত বৃদ্ধি পায়, সে তত দর্শনের রস আনন্দন করিতে থাকে। স্বর্গবাসিগণ স্বর্গে প্রেমাস্পদ ঈশ্বরের দর্শনের রস আনন্দন করিবেন। ( ত, হো, )

† এই আয়তের মর্ম এই যে, যদি ঈশ্বরের কোন পুত্র থাকিত, তবে স্পষ্ট প্রমাণে তাহা প্রমাণিত হইত, আমি তাহাকে সম্মান করিতাম। অর্থাৎ আমি যে সর্বদা ঈশ্বরকে গৌরব দান করিয়া থাকি, তাহার সম্মান থাকিলে, সেই সম্মানের অবশ্য সম্মান করিতাম। বাস্তবিক তাহার কোন সম্মান নাই। এক দিন হারেসের পুত্র নজর কোরেশবংশীয় প্রধান পুরুষদিগের সভায় বসিয়া কোরু-আনের আনন্দ বিশেষকে লক্ষ্য করিয়া উপহাস বিক্রম করিতেছিল। অলিদ মঘয়রা সেই সময়ে এসলামধর্ম-

প্রতিপালক সিংহাসনাধিপতির পবিত্রতা (অধিক)। ৮৩। পরে তাহাদিগকে ছাড়িয়া দাও, তর্কবিতর্ক করুক ও যাহা অঙ্গীকৃত হইতেছে, সেই দিনের সাক্ষাৎকার পর্যন্ত ক্রীড়ামোদ করিতে থাকুক। ৮৪। এবং তিনিই যিনি স্বর্গে উপাস্ত ও পৃথিবীতে \* উপাস্ত, এবং তিনি কোশলময় জ্ঞানী। ৮৫। স্বর্গ মর্ত্যের ও উভয়ের মধ্যে যে কিছু আছে, তাহার রাজত্ব যাহার, তিনি মহোন্নত ও তাঁহার নিকটে কেয়ামতের জ্ঞান, এবং তাঁহার দিকে তোমরা ফিরিয়া যাইবে। ৮৬। এবং যে ব্যক্তি সত্যোতে সাক্ষ্য দান করিয়াছে, সে ব্যতীত তাহারা ঈশ্বরকে ছাড়িয়া যাহাদিগকে আহ্বান করিয়া থাকে, তাহারা শফায়তের ক্ষমতা রাখে না, এবং তাহারা জানিতেছে। ৮৭। যদি তুমি তাহাদিগকে জিজ্ঞাসা কর যে, কে তাহাদিগকে সৃজন করিয়াছে? তবে অবশ্য তাহারা বলিবে, পরমেশ্বর; অনস্তর কোথা হইতে তাহারা ফিরিয়া যাইতেছে? ৮৮। এবং (প্রেরিত পুরুষ কর্তৃক) অনেক বলা হইয়া থাকে যে, “হে আমার প্রতিপালক, নিশ্চয় ইহারা এমন এক দল যে, বিশ্বাস করিতেছে না।” (আমি বলিয়াছি,) অনস্তর তুমি তাহাদিগ হইতে বিমুগ্ন হও, এবং সেলাম বল, পরে অবশ্য তাহারা জানিতে পাইবে। ৮৯। (র, ৭, আ, ২১)

গ্রহণে সমুদ্রত ছিল, সে সর্বদা কোর্-আনের প্রশংসা করিত। সে নজরের ব্যঙ্গ বিক্রমে দুঃখিত হইয়া বলে, “নজর, তুমি কোর্-আনের প্রতি উপহাস করিতেছ? মোহম্মদ অযথা উক্তি করেন না।” নজর বলিল, “আমিও সত্য বলি; মোহম্মদ বলে, ঈশ্বর ব্যতীত উপাস্ত নাই, আমিও তাহা বলি এবং দেবগণ তাঁহার কল্পা, এই কথা তৎসঙ্গে যোগ করি।” এই উক্তি হজরত শুনিতে পান, তিনি অত্যন্ত দুঃখিত হন, তাহাতে জেত্রিল উক্ত আয়ত আনয়ন করে। নজর অলিদের নিকটে যাইয়া এই আয়ত পাঠ করিয়া বলে যে, মোহম্মদের ঈশ্বর আমার কথা সপ্রমাণ করিয়াছে। যথা, “যদি ঈশ্বরের কোন সন্তান থাকিত, তবে আমি সন্মানকারীদের প্রথম হইতাম।” অলিদ এই কথা শুনিয়া বলিল, “তুমি নিরর্থক, ঈশ্বর তোমার বাক্য মিথ্যা প্রমাণিত করিয়াছেন। ইহা নিবেদ্য অর্থে হয়, ইহার স্বর্গ, ঈশ্বরের সন্তান নাই।” (ত, হো, )



# সূরা দোখান \*

.....

## চতুশ্চত্রিংশ অধ্যায়

.....

৫৯ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম \* । ১ । দীপ্যমান গ্রন্থের শপথ । ২ । + নিশ্চয় আমি তাহাকে শুভরজনীতে অবতারণ করিয়াছি, নিশ্চয় আমি ভয়প্রদর্শক ছিলাম । ৩ । তাহাতে ( সেই রাত্রিতে ) প্রত্যেক দৃঢ়কার্য্য নিষ্পত্তি করা হয় † । ৪ । + আমি আপন সন্নিধান হইতে ( সেই রজনীতে ) আদেশ ( অবতারণ করিয়াছি । ) নিশ্চয় আমি ( তোমার ) প্রেরক হই । ৫ । তোমার প্রতিপালকের দয়াবশতঃ ( তাহা অবতারিত হইয়াছে ; ) নিশ্চয় তিনি শ্রোতা জ্ঞাতা । ৬ । + যদি তোমরা বিশ্বাসী হও, তবে ( জানিও, ) তিনি স্বর্গ মর্ত্যের ও উভয়ের মধ্যে যে কিছু আছে, তাহার প্রতিপালক । ৭ । তিনি ব্যতীত উপাস্ত নাই, তিনিই বাঁচান ও মারেন ; তিনি তোমাদের প্রতিপালক ও তোমাদের পূর্ববর্তী পিতৃপুরুষদিগের প্রতিপালক । ৮ । বরং তাহারা সন্দেহের মধ্যে ক্রীড়া করিতেছে । ৯ । অনন্তর যে

\* এই সূরা মক্কাতে অবতীর্ণ হইয়াছে ।

† এ স্থলে “হাম” এই ব্যবচ্ছেদক বর্ণের অর্থ, আমি স্বীয় প্রেমাস্পদদিগকে কৃপাপুণে সংরক্ষণ করিয়াছি ইত্যাদি । ( ত, হো, )

‡ এই শুভরাত্রি “শবেকদর” নামক রাত্রি, এই রজনী বিশেষ কল্যাণযুক্ত । এই রজনীতে মহাগ্রন্থ কোর্-আন, যাহা ধর্ম ও সংসারসম্বন্ধীয় লাভের কারণ, এবং আধ্যাত্মিক ও বাহ্যিক অতীষ্ট সিদ্ধির হেতু, স্বর্গ হইতে পৃথিবীর আকাশে অবতীর্ণ হইয়াছিল । এই রাত্রিতে কোর্-আনের অবতারণ দ্বারা ঈশ্বর পাপীদিগের ভয়প্রদর্শক হইয়াছেন । অনেকে বলেন যে, “শবেবরাত” সেই শুভরাত্রি, উহা শাবানমাসের মধ্যভাগের রাত্রি । সেই রাত্রিতে দেবগণ অবতীর্ণ হন ও প্রার্থনা পরিগৃহীত হয়, বিবাদ মীমাংসিত ও সম্পদ বিতরিত হয়, এজন্ত ইহা কল্যাণযুক্ত রাত্রি । সমুদায় রজনীর মধ্যে এই শবেবরাত ইসলাম সম্প্রদায়কে প্রদত্ত হইয়াছে, তাহা শ্রেষ্ঠ রজনী । হৃদিসে উক্ত হইয়াছে যে, এ সেই রজনীতে বনিকল্ব বংশের ছাগ পশুদিগের রোমাবলীর সংখ্যানুসারে পাপীদিগের পাপ ক্ষমা হয় । এই রাত্রিতে জমজমের জল বর্জিত হইয়া থাকে । শাস্ত্রে উক্ত হইয়াছে যে, যে ব্যক্তি এই রজনীতে সাত রকাত নমাজ পড়ে, পরমেশ্বর একশত স্বর্গীয় দূত তাহার প্রতি প্রেরণ করেন ; ত্রিশ স্বর্গীয় দূত স্বর্গের সুসংবাদ দান, অপর ত্রিশ দূত নরকের শাস্তি হইতে অভয় দান করেন, অস্ত ত্রিশ জন সাংসারিক বিপদ হইতে রক্ষা করিয়া থাকেন, দশ স্বর্গীয় দূত তাহা হইতে শরতানের প্রতারণা দূর করেন, এবং নিশীথে ঈশ্বরের দাসদিগের প্রতি সম্পদ সকল বিভাগ করেন । ( ত, হো, )

দিবস আকাশ স্পষ্ট ধূম আনয়ন করিবে, মানবমণ্ডলীকে আবৃত করিবে, তুমি তাহার প্রতীক্ষা করিতে থাক, উহাই দুঃখজনক শাস্তি। ১০ + ১১। ( তাহারা বলিবে, ) “হে আমাদের প্রতিপালক, আমাদিগ হইতে শাস্তি উন্মোচন কর, নিশ্চয় আমরা বিশ্বাসী হই”। ১২। তাহাদের উপদেশ গ্রহণ কিরূপ? এবং সত্যই তাহাদের নিকটে দীপ্যমান প্রেরিতপুরুষ আসিয়াছিল। ১৩। + তৎপর তাহা হইতে তাহারা মুখ ফিরাইল, এবং বলিল, “সে শিক্ষিত ক্ষিপ্ত”। ১৪। নিশ্চয় আমি অল্প শাস্তির উন্মোচনকারী হই, নিশ্চয় তোমরা ( ধর্মদ্রোহিতায় ) প্রত্যাভর্তনকারী হও \*। ১৫। যে দিবস আমি মহা আক্রমণে আক্রমণ করিব, নিশ্চয় তখন আমি প্রতিশোধকারী হইব। ১৬। এবং সত্য সত্যই আমি তাহাদের পূর্বে ফেরওণের দলকে পরীক্ষা করিয়াছিলাম, এবং তাহাদের নিকটে গৌরবান্বিত প্রেরিতপুরুষ আসিয়া এইরূপ বলিয়াছিল যে, “ঈশ্বরের দাসদিগকে তোমরা আমার প্রতি অর্পণ কর, নিশ্চয় আমি তোমাদের জন্ত বিশ্বস্ত প্রেরিতপুরুষ। ১৭ + ১৮। + এবং ঈশ্বরের সহক্ষে ঔদ্ধত্য করিও না, নিশ্চয় আমি তোমাদের নিকটে স্পষ্ট প্রমাণ উপস্থিত করিব। ১৯। এবং তোমরা যে আমাকে চূর্ণ করিবে, ( তজ্জন্ত ) নিশ্চয় আমি স্বীয় প্রতিপালকের ও তোমাদের প্রতিপালকের আশ্রয় গ্রহণ করিয়াছি। ২০। এবং যদি আমাকে তোমরা বিশ্বাস না কর, তবে আমা হইতে সরিয়া যাও”। ২১। পরে সে স্বীয় প্রতিপালকের নিকটে প্রার্থনা করিয়া বলিল যে, “ইহারা অপরাধী দল”। ২২। অনন্তর ( আমি বলিলাম, ) “আমার দাসগণ সহ তুমি রাহিত্যে চলিয়া যাও, নিশ্চয় তোমরা অন্তর্মুত হইবে। ২৩। এবং স্থখে সাগর সমুত্তীর্ণ হইও, নিশ্চয় তাহারা এমন এক সৈন্তদল যে নিমগ্ন হইবে” †। ২৪। তাহারা বহু উপবন ও প্রস্রবণ এবং শস্ত্রক্ষেত্র ও ধনসম্পত্তি ও উৎকৃষ্ট গৃহনিচয়, যথায় তাহারা আমোদ করিতেছিল, পরিত্যাগ করিল। ২৫ + ২৬। + এইরূপে আমি অল্প দলকে ( বনিএশ্রায়েলকে ) তাহার

\* কথিত আছে যে, দুর্ভিক্ষের সময়ে আবুসুফিয়ান ও কতিপয় কোরেশ মদিনায় আগমন করিয়া দুর্ভিক্ষ-নিবারণের জন্ত ঈশ্বরের নামে শপথ করিয়া হজরতকে বিশেষ অনুরোধ করে। হজরত প্রার্থনা করেন, তাহাতে দুর্ভিক্ষজনিত বিপদ দূর হয়, কিন্তু তাহারা পূর্ববৎ ধর্মের বিরুদ্ধাচারে প্রবৃত্ত থাকে। কেহ কেহ বলেন, ধূম কেয়ামতের নিদর্শনবিশেষ। যখন লোক সকল আর্তনাদ ও প্রার্থনা করিবে, তখন চল্লিশ দিনের পর ধূম বিদূরিত হইবে, তাহারা পুনর্বার পূর্ববৎ পাপাচারে প্রবৃত্ত হইবে।

( ত, হো, )

† অর্থাৎ ঈশ্বর মুসাকে বলিয়াছিলেন যে, তুমি উৎপীড়িত এশ্রায়েলসন্তানদিগকে সস্ত্র করিয়া রজনীতে প্রস্থান কর। কিন্তু ফেরওণ ও তাহার সম্প্রদায় সংবাদ পাইয়া ধরিবার জন্ত তোমাদিগের অনুসরণ করিবে। তুমি সাগরকূলে যাইয়া সাগরে যষ্টি প্রহার করিও, তাহাতে সাগরবন্ধে শুষ্ক পথ প্রসারিত হইবে, এশ্রায়েলবংশ নির্বিঘ্নে সমুদ্র পার হইয়া যাইবে। তুমি পুনর্বার অর্ণবন্ধে যষ্টির আঘাত করিও না, তাহা হইলে বারি পূর্বাভাস প্রাপ্ত হইবে; তখন ফেরওণের সৈন্তদল তোমাদের অনুসরণে সাগরে নামিয়া জলমগ্ন হইবে।

( ত, হো, )

উত্তরাধিকারী করিয়াছিলাম। ২৮। অনন্তর তাহাদের প্রতি স্বর্গ ও পৃথিবী রোদন করে নাই, এবং তাহারা অবকাশ প্রাপ্ত হয় নাই \*। ২৯। ( র, ১, আ, ২৯ )

এবং সত্য সত্যই আমি এম্মায়েলবংশকে ফেরাণের দুর্গতিজনক শাস্তি হইতে উদ্ধার করিয়াছি; নিশ্চয় সে শীমালজ্বনকারীদিগের মধ্যে উদ্ধৃত ছিল। ৩০+৩১। এবং সত্য সত্যই আমি জানেতে তাহাদিগকে নিখিল জগতেব উপর স্বীকার করিয়াছি। ৩২। এবং তাহাদিগকে কতক নিদর্শন দান করিয়াছি, তন্মধ্যে যাহা স্পষ্ট পরীক্ষা ছিল, ( দিয়াছি )। ৩৩। নিশ্চয় ইহারা বলিয়া থাকে। ৩৪।+“আমাদের প্রথম মৃত্যু ব্যতীত ইহা ( পরিণাম ) নহে, এবং আমরা পুনরুত্থানকারী নহি। ৩৫। যদি তোমরা সত্যবাদী হও, তবে আমাদের পিতৃপুরুষদিগকে আনয়ন কর”। ৩৬। তাহারা ( কোরেশগণ ) কি শ্রেষ্ঠ, না, তোম্বার সম্প্রদায় ও যাহারা তাহাদের পূর্বে ছিল, তাহারা? তাহাদিগকে আমি ধ্বংস করিয়াছি, নিশ্চয় তাহারা অপরাধী ছিল। ৩৭। এবং আমি স্বর্গ ও মর্ত্য উভয়ের মধ্যে যাহা কিছু আছে, ক্রীড়াচ্ছলে সৃজন করি নাই। ৩৮। আমি সত্যভাবে ব্যতীত উভয়কে সৃষ্টি করি নাই, কিন্তু তাহাদের অধিকাংশই বৃথিতেছে না। ৩৯। নিশ্চয় সেই বিচারের দিন তাহাদের একত্র হওয়ার সময়। ৪০।+যে দিন কোন বন্ধু বন্ধু হইতে কিছু ফল লাভ করিবে না, এবং যাহাকে ঈশ্বর অন্তর্গ্রহ করিয়াছেন, সে ব্যতীত তাহার সাহায্য প্রাপ্ত হইবে না; নিশ্চয় তিনি সেই পরাক্রান্ত দয়ালু। ৪১+৪২। ( র, ২, আ, ১৩ )

নিশ্চয় জুকুমতরু। ৪৩।+অপরাধীদিগের খাদ্য। ৪৪।+ তাহা উদরে দ্রবীভূত তাহের গায় ও উষেদকের গায় উচ্ছৃষিত হইবে। ৪৫+৪৬। ( আমি স্বর্গীয় দূতদিগকে বলিব, ) “তাহাকে ধর, পরে নরকের ভিতরের দিকে আকর্ষণ কর। ৪৭।+তৎপর তাহার মস্তকের উপর উষেদকেব শাস্তি সিঞ্জন কর”। ৪৮। ( বলিব, ) আশ্বাদন কর, নিশ্চয় তুমি ( স্বীয় কল্পনায় ) পরাক্রান্ত গৌরবান্বিত। ৪৯। নিশ্চয় যাহাব প্রতি তুমি মন্দেহ করিতেছিলে, এই তাহা। ৫০। নিশ্চয় ধার্মিক লোকেরা নিরাপদ স্থানে, উচ্চানে ও

\* হজরত বলিয়াছেন যে, প্রত্যেক ঈশ্বরকিঙ্করের জন্ম স্বর্গে দুই দ্বার আছে, এক দ্বার দিয়া উপজীবিকা অবতরণ করে, অন্য দ্বার দিয়া সংকল্প স্বর্গে আরোহণ করিয়া থাকে। কাহারও মৃত্যু হইলে তাহার সম্বন্ধে উভয় দ্বারের কাণ্ড বন্ধ হয়, তাহাতে দ্বার ক্রন্দন করে। কেহ কেহ বলিয়াছেন যে, আকাশের ক্রন্দন চতুর্দিক্ আরক্তিম হওয়া। বিশ্বাসী দলের নেতা হোসেন করবলাতে নিহত হইলে, স্বর্গ তাঁহার জন্ম ক্রন্দন করিয়াছিল। চতুর্দিক্ রক্তবর্ণ হওয়াই সেই ক্রন্দনের চিহ্ন। মহাপুরুষ মুসার পরলোক হইলে চল্লিশ দিন পর্যন্ত স্বর্গ ও পৃথিবী রোদন করিয়াছিল। ( ত, হো, )

+ পূর্বকালে তোকা নামক এক জন মহাপ্রতাপশালী অগ্নির উপাসক মদিনা আক্রমণ করিতে গিয়াছিলেন; সেখানে তাঁহার সম্বন্ধে অনেক ঘটনা হইয়াছিল। দুইজন জ্ঞানবান্ লোকের উপদেশে তিনি একেধারে বিশ্বাস স্থাপন করেন। ( ত, হো, )

প্রশ্রবণ সকলের মধ্যে থাকিবে। ৫১ + ৫২। + পরস্পর সম্মুখীন হইয়া সন্দোস ও আন্তরক ( উৎকৃষ্ট কৌশেয় বস্ত্রবিশেষ ) পরিধান করিবে। ৫৩। + এইরূপ হইবে, এবং আমি তাহাদিগকে সুলোচনা ( দিব্যান্ধনার ) সঙ্গে বিবাহিত করিব। ৫৪। তথায় নিরাপদে তাহারা প্রত্যেক ফলের প্রার্থী হইবে। ৫৫। + প্রথম মৃত্যু ভিন্ন তথায় তাহারা মৃত্যু আশ্বাদন করিবে না, এবং তিনি তাহাদিগকে নরকদণ্ড হইতে রক্ষা করিবেন। ৫৬। + তোমার প্রতিপালকের কৃপাক্ষমারে ইহা সেই মহা কৃতার্থতা। ৫৭। অনন্তর তোমার রসনাযোগে আমি তাহাকে ( কোর্-আন্কে ) সহজ করিয়াছি, এতদ্ভিন্ন নহে ; সম্ভবতঃ তাহারা উপদেশ গ্রহণ করিবে। ৫৮। অবশেষে তুমি প্রতীক্ষা করিতে থাক, নিশ্চয় তাহারাও প্রতীক্ষাকারী। ৫৯। ( র, ৩, আ, ১৭ )

## সূরা জাসিয়া \*

.....

পঞ্চচত্বারিংশ অধ্যায়

.....

৩৭ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম ৭। ১। বিজ্ঞানময় পরাক্রান্ত পরমেশ্বর হইতে গ্রন্থের অবতরণ। ২। নিশ্চয় বিশ্বাসীদিগের জগৎ দুালোকে ও ভুলোকে নিদর্শনাবলী আছে। ৩। এবং তোমাদের হইতে ৬ স্থলচর ইতর জীবগণ হইতে যাহা ( যে বিবিধ আকৃতি ) বিকীর্ণ হয়, তাহার সৃষ্টিতে বিশ্বাসী সম্প্রদায়ের জগৎ নিদর্শনাবলী আছে। ৪। + এবং দিবা রজনীর পরিবর্তনে ও ঈশ্বর আকাশ হইতে যে জীবিকা ( বৃষ্টি ) বর্ষণ করেন, পরে তদ্বারা ভূমিকে তাহার মৃত্যুর পর জীবিত করেন, তাহাতে এবং বায়ুর সঞ্চরণে জ্ঞানিগণের জগৎ নিদর্শনাবলী আছে। ৫। ঈশ্বরের এই নিদর্শনাবলী ( কোর্-আনের আয়ত সকল ) আমি তোমার নিকটে, ( হে মোহম্মদ, ) সত্যভাবে পাঠ করিতেছি ; অনন্তর ঈশ্বরের ( উপদেশ ) ও

\* এই সূরা মক্কাতে অবতীর্ণ হইয়াছে।

+ এহলে এই ব্যবচ্ছেদক বর্ণদ্বয় ঈশ্বরের সজ্জিস্ত নাম। যথা: —‘হ’ অর্থে জীবন্ত ও রক্ষক, ‘ম’ অর্থে রাজা ও মহিমান্বিত। অথবা ‘হ’ ঈশ্বরের আদি আজ্ঞা, ‘ম’ তাহার নিত্য রাজত্ব, এই দুই প্রকারেই বর্ণিত হয়। ( ত, হো, )

তাঁহার নিদর্শনাবলীর পরে কোন্ কথাকে তাহারা বিশ্বাস করিতেছে? ৬। প্রত্যেক মিথ্যাবাদী পাপীদিগের জন্য আক্ষেপ। ৭।+ তাহার নিকটে ঐশ্বরিক নিদর্শন সকল পঠিত হয়, সে ( হারেসের পুত্র নজর ) শ্রবণ করে, তৎপর গর্কিত ভাবে দৃঢ় থাকে, যেন তাহা শ্রবণ কবে নাই ; অনন্তর তুমি তাহাকে দুঃখকর দণ্ডের সংবাদ দান কর। ৮। এবং যখন সে আমার নিদর্শনাবলীর কিছু অবগত হয়, তখন তৎপ্রতি ব্যঙ্গ করে ; তাহারাই যে, তাহাদের জন্য দুর্গতিজনক শাস্তি আছে। ৯। তাহাদের পশ্চাতে নরক আছে, এবং তাহারা যাহা উপার্জন করিয়াছে, তাহা ও ঈশ্বর ব্যতীত যাহাদিগকে বন্ধুরূপে গ্রহণ করিয়াছে, তাহারা তাহাদিগ হইতে (বিপদ) কিছুই নিবারণ করিবে না ; এবং তাহাদের জন্য মহাশাস্তি আছে। ১০। এই ( কোর-আন ) আনোকস্বরূপ ; এবং যাহারা আপন প্রতিপালকের নিদর্শনাবলীসম্বন্ধে বিরুদ্ধাচরণ করিয়াছে, তাহাদের জন্য দুঃখকরী শাস্তির শাস্তি আছে। ১১। ( র, ১, আ, ১১ )

সেই পরমেশ্বর, যিনি তোমাদের জন্য সাগরকে বাধ্য করিয়াছেন, তাহাতে তন্মধ্যে পোত সকল তাঁহার আদেশক্রমে সঞ্চালিত হয়, এবং তাহাতে তোমরা তাঁহার গুণে (জীবিকা) অন্তেষণ কর ; সম্ভবতঃ তোমরা কৃতজ্ঞ হইবে। ১২। এবং স্বর্গে যে কিছু আছে \* পৃথিবীতে যে কিছু আছে, তৎসমুদায় তিনি স্বতঃ তোমাদের নিমিত্ত বাধ্য করিয়াছেন ; নিশ্চয় ইহার মধ্যে চিন্তাশীল দলের জন্য নিদর্শনাবলী আছে। ১৩। বিশ্বাসীদিগকে তুমি, (হে মোহম্মদ,) বল, যাহারা ঐশ্বরিক দিন সকলের প্রত্যাশা রাখে না, তাহাদিগকে যেন তাহারা উপেক্ষা করে ; তখন তিনি এক দলকে, তাহারা যাহা করিতেছিল, তজ্জন্ম বিনিময় দান করিবেন \*। ১৪। যে ব্যক্তি সংকল্প করিয়াছে, পরে ( তাহা ) তাহার জীবনের জন্য হয়, এবং যে ব্যক্তি দুষ্কর্ম করিয়াছে, পরে তাহার প্রতি ( উহা ) হয় ; তৎপর আপন প্রতিপালকের দিকে তোমরা পুনর্গমন করিবে। ১৫। সত্য সত্যই আমি এস্রায়েলবংশকে গ্রন্থ ও প্রজ্ঞান এবং প্রেরিতত্ব দান করিয়াছি, এবং বিশুদ্ধ বস্তু হইতে উপজীবিকা দিয়াছি, সমুদায় জগতের উপর তাহাদিগকে উন্নত করিয়াছি। ১৬। এবং আমি তাহাদিগকে ( ধর্ম ) বিষয়ের উজ্জ্বল প্রমাণ সকল দান করিয়াছি, তাহাদের নিকটে ( ধর্ম ) জ্ঞান উপস্থিত হওয়ার পর, আপনাদের মধ্যে পরস্পর বিদ্রোহিতাবশতঃ ভিন্ন তাহারা বিরোধ করে নাই ; অনন্তর তাহারা যে বিষয়ে বিরোধ করিতেছিল, তদ্বিষয়ে পুনরুত্থানের দিনে তোমার প্রতিপালক তাহাদের মধ্যে বিচার নিষ্পত্তি করিবেন। ১৭। তৎপর আমি তোমাকে ধর্মবিধির উপর স্থাপন করিয়াছি, অতএব তুমি তাহার অনুসরণ কর, এবং অজ্ঞানীদিগের বাসনার অন্তবর্তন করিও না। ১৮। নিশ্চয়

\* “যাহারা ঐশ্বরিক দিন সকলের প্রত্যাশা রাখে না,” অর্থাৎ যাহারা স্বীয় মৃত্যুর দিনকে চিন্তা করে না। এস্থলে পুনরুত্থান ও অন্ধকারের দিন ঐশ্বরিক দিন। কাফেরগণ আপনাদের এই মৃত্যুর দিনকে ভয় করে না। ( ত, হো, )



তাহারা তোমা হইতে ঈশ্বরের ( শাস্তির ) কিছুই নিরসন করিবে না, এবং নিশ্চিত অত্যাচারিগণ পরস্পর পরস্পরের বন্ধু ; ঈশ্বর ধর্মভীরুদিগের বন্ধু । ১৯ । মানব-মণ্ডলীর জন্ত এই প্রমাণাবলী এবং বিশ্বাসিদলের জন্ত ধর্মালোক ও অমুগ্রহ হয় । ২০ । দুষ্ক্রিয়ালোক কি ভাবিয়াছে যে, আমি তাহাদিগকে, যাহারা বিশ্বাস স্থাপন ও সংকল্প সকল করিয়াছে, তাহাদের অমুরূপ করিব ? তাহাদের জীবন ও তাহাদের মৃত্যু তুলা, তাহারা যাহা আদেশ করিয়া থাকে, তাহা অকল্যাণ \* । ২১ । ( র, ২, আ, ১০ )

এবং সত্যভাবে পরমেশ্বর স্বর্গ ও মর্ত্য সৃজন করিয়াছেন ও তাহাতে প্রত্যেক ব্যক্তিকে, তাহারা যাহা উপার্জন করিয়াছে, তজ্জন্ত বিনিময় দেওয়া যাইবে, এবং তাহারা অত্যাচারিত হইবে না । ২২ । অনন্তর তুমি কি, ( হে মোহম্মদ, ) সেই ব্যক্তিকে দেখ নাই যে, স্বীয় প্রবৃত্তিকে স্বীয় উপাস্ত্র করিয়াছে, এবং জ্ঞানসম্বন্ধে পরমেশ্বর তাহাকে পথভ্রাস্ত করিয়াছেন ও তাহার কর্ণ ও তাহার মনের উপর দৃঢ় বন্ধন এবং তাহার চক্ষুর উপর আবরণ রাখিয়াছেন ? পরে ঈশ্বরাভাবে কে তাহাকে পথ প্রদর্শন করিবে ? অনন্তর তোমরা কি উপদেশ গ্রহণ করিতেছ না ? ২৩ । এবং তাহারা বলিয়াছে যে, “আমাদিগের এই ( জীবন ) পার্থিব জীবন ভিন্ন নহে, আমরা মরি ও বাঁচি, এবং কাল ব্যতীত আমাদিগকে বিনাশ করে না ;” এ সম্বন্ধে তাহাদিগের কোন জ্ঞান নাই, তাহারা কল্পনা ভিন্ন করিতেছে না † । ২৪ । এবং যখন তাহাদের নিকটে আমার উজ্জ্বল বচনাবলী পঠিত হয়, তখন, “যদি তোমরা সত্যবাদী হও, তবে আমাদের পিতৃপুরুষদিগকে আনয়ন কর” বলা ভিন্ন তাহাদের বিতর্ক হয় না ‡ । ২৫ । তুমি বল, “পরমেশ্বর তোমাদিগকে জীবিত রাখেন, তৎপর তোমাদিগের প্রাণধারণ করেন, তৎপর কেয়ামতের দিনে তোমাদিগকে একত্র করিবেন, তাহাতে নিঃসন্দেহ ; কিন্তু অধিকাংশ মনুষ্য বুঝিতেছে না । ২৬ । ( র, ৩, আ, ৫ )

\* অর্থাৎ গৌরব ও সম্মানে অংশিবাদিগণ বিশ্বাসীদিগের তুল্য হইবে না । যাহারা বিশ্বাস-সহকারে প্রাণত্যাগ করিলে, তাহারা বিশ্বাসের সহিত জীবিত হইবে, এবং যাহারা অধর্ম্মে মরিবে, তাহারা অধর্ম্মে পুনরুত্থিত হইবে । তাহারা যাহা আদেশ করে, তাহা মিথ্যা, অর্থাৎ তাহারা অংশিবাদ ও একত্ববাদকে তুলা বলে । ( ত, হো, )

† এই কথা বক্তারা পুনর্জন্মমতের বিশ্বাসী । তাহাদিগের মত এই যে, যে ব্যক্তির মৃত্যু হয়, তাহার আত্মা অস্ত্র দেহ আশ্রয় করে, এবং পৃথিবীতে পুনঃ প্রকাশিত হয়, পুনর্বার প্রাণত্যাগ করিয়া পুনর্বার জন্মগ্রহণ করে । এতমতাবলম্বীরা মনে করে যে, শাক্‌মুরনামক একজন প্রেরিতপুরুষ ছিলেন, তিনি এক সহস্র সপ্তশত দেহে আপনাকে দর্শন করিয়াছিলেন । ( ত, হো, )

‡ অর্থাৎ কাফেরগণ বলে, “যদি মৃত্যুর পর কেয়ামতের সময় লোক সকল জীবিত হইয়া উঠে, তোমাদের এই কথা সত্য হয়, তবে আমাদের পূর্বপুরুষদিগকে পুনর্জীবিত কর ।” তাহারা মুর্গতা ও ঈর্ষ্যাবশতঃ এই কথা বলিয়া থাকে । ঈশ্বরের বিধি এই যে, নির্দারিত সময় কেয়ামতে বাতীত কেহ পুনর্জীবিত হইবে না । ( ত, হো, )

এবং ঈশ্বরেরই স্বর্গ ও পৃথিবীর রাজত্ব, এবং যে দিবস কেয়ামত স্থিতি করিবে, সেই দিবস অসত্যবাদিগণ ক্ষতিগ্রস্ত হইবে। ২৭। এবং তুমি প্রত্যেক মণ্ডলীকে ( সভয়ে ) জানুপরি উপবিষ্ট, প্রত্যেক মণ্ডলীকে স্বীয় পুস্তক ( কার্য-লিপির ) দিকে আহূত দেখিতে পাইবে ; (আমি বলিব,) “তোমরা যাহা করিতেছিলে, অতঃপর তাহার ফল দেওয়া যাইবে”। ২৮। আমার এই পুস্তক ( কার্যলিপি ) সত্যতঃ তোমাদের নিকটে বলিতেছে যে, তোমরা যাহা করিতেছিলে, নিশ্চয় আমি তাহা লিখিয়াছিলাম। ২৯। অনন্তর যাহারা বিশ্বাস স্থাপন ও সংকল্প সকল করিয়াছে, পরে তাহাদের প্রতিপালক তাহাদিগকে স্বীয় অনুগ্রহের মধ্যে আনয়ন করিবেন, ইহাই সেই স্পষ্ট কামনাসিদ্ধি। ৩০। কিন্তু যাহারা অদৃশ্যচরণ করিয়াছে, তাহাদিগকে ( বলিব, ) “অনন্তর তোমাদের নিকটে কি আমার নিদর্শন সকল পাঠিত হয় নাই ? পরে তোমরা গর্ক করিয়াছ, এবং তোমরা অপরাধী দল ছিলে”। ৩১। এবং যখন বলা হয় যে, “নিশ্চয় ঈশ্বরের অঙ্গীকার এবং কেয়ামত সত্য, তাহাতে সন্দেহ নাই ;” তোমরা বল, “আমরা জানি না, কেয়ামত কি ? ও আমরা ( ইহা তোমাদের ) কল্পনা ভিন্ন কল্পনা করি না, আমরা প্রত্যয়কারক নহি”। ৩২। এবং তাহারা যাহা করিয়াছে, তাহার অকল্যাণ সকল তাহাদের জন্ত প্রকাশিত হইবে ও তাহারা যে বিষয়ে উপহাস করিতেছিল, তাহা তাহাদিগকে ঘেরিবে। ৩৩। এবং বলা হইবে, “তোমরা যেমন তোমাদের এই দিনের সাক্ষাৎকারকে ভুলিয়া গিয়াছ, তদ্রূপ অতঃপর আমিও তোমাদিগকে ভুলিয়াছি ; তোমাদের স্থান অগ্নি ও তোমাদের কোন সাহায্যকারী নাই। ৩৪। ইহা সে জন্ত যে, তোমরা ঈশ্বরের নিদর্শনাবলীর প্রতি বাঙ্গ করিয়াছ, এবং পার্থিব জীবন তোমাদিগকে প্রতারণা করিয়াছে ;” অনন্তর অতঃপর তাহা হইতে ( নরক হইতে ) তাহারা বহিস্কৃত হইবে না ও তাহাদের আপত্তি গৃহীত হইবে না। ৩৫। অবশেষে দু্যলোক সকলের প্রতিপালক ও ভুলোকের প্রতিপালক ও নিগিল জগতের প্রতিপালক পরমেশ্বরেরই সম্যক্ প্রশংসা। ৩৬। এবং দু্যলোকে ও ভুলোকে তাহারই মহত্ব, তিনি পরাক্রান্ত কৌশলময়। ৩৭। ( র, ৪, আ, ১১ )

# সূরা আহকাফ \*

.....

## ষট্‌চত্বারিংশ অধ্যায়

.....

৩৫ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

হাম ৮। ১। পরাক্রান্ত বিজ্ঞানময় পরমেশ্বর হইতে গন্তের অবতরণ। ২। আমি নির্দিষ্ট কাল ও সত্যভাবে বাতীত নিগিল স্বর্গ ও পৃথিবী এবং উভয়ের মধ্যে যে কিছু আছে, তাহা সৃজন করি নাই; যে (কেয়ামত) বিষয়ে ভয় প্রদর্শিত হইয়াছে, কাফেরগণ তাহার অগ্রাহকারী। ৩। তুমি বল, (হে মোহাম্মদ,) “ঈশ্বরকে ছাড়িয়া তোমরা যাহাদিগকে আহ্বান করিয়া থাক, তাহাদিগকে কি দেগিয়াছ? আমাকে প্রদর্শন কর যে, তাহারা পৃথিবীর কি সৃষ্টি করিয়াছে? স্বর্গনিচয়ে তাহাদের কি অংশ আছে? যদি তোমরা সত্যবাদী হও, (প্রমাণসূচক) ইহার পূর্বতন কোন গ্রন্থ অথবা জ্ঞানের কোন প্রসঙ্গ আমার নিকটে উপস্থিত কর”। ৪। যাহারা ঈশ্বরকে ছাড়িয়া এমন ব্যক্তিদিগকে আহ্বান করে যে, কেয়ামতের দিন পর্যন্ত তাহাদিগকে উত্তর দান করে না, এবং তাহারা তাহাদের প্রার্থনায় উদাসীন, তাহাদিগ অপেক্ষা কে সমাধিক পথভ্রাস্ত? ৫। যখন লোক সকল (কেয়ামতে) একত্রীকৃত হইবে, তখন (সেই উপাস্তগণ) তাহাদের শত্রু হইবে ও তাহাদের ভঙ্গনার অগ্রাহকারী হইবে। ৬। এবং যখন তাহাদের নিকটে আমার উজ্জ্বল বচন সকল পঠিত হয়, তখন যাহারা সত্যের বিরোধী হইয়াছে, তাহারা তাহাদের নিকটে (উহা) উপস্থিত হইলে বলে যে, “ইহা স্পষ্ট ইঙ্গিতভিন্ন নহে”। ৭। তাহারা কি বলে, “তাহা রচনা করিয়াছে?” তুমি বল, “যদিও আমি তাহা রচনা করিয়া থাকি, অনন্তর ঈশ্বরের পক্ষ হইতে তোমরা আমার সম্বন্ধে কিছুই করিতে পার না; তোমরা যে বিষয়ে (কথা) উপস্থিত করিয়া থাক, তিনি তাহার সৃষ্টিকর্তা। আমার মধ্যে ও তোমাদের মধ্যে ঈশ্বরই যথেষ্ট সাক্ষী, এবং তিনি ক্ষমাশীল দয়ালু”। ৮। তুমি বল, “আমি প্রেরিতপুরুষদিগের মধ্যে নূতন নহি, এবং

\* এই সূরা মক্কাতে অবতীর্ণ হইয়াছে।

+ “হা” বর্ণের লক্ষ্য ঈশ্বরের আজ্ঞা, “মিম্মে”র লক্ষ্য তাঁহার রাজত্বের মহত্ত্ব। অর্থাৎ দীর্ঘ মহত্ত্বসম্বিত রাজ্য ও আজ্ঞার শপথ স্মরণ করিয়া তিনি বলিতেছেন যে, আমার প্রতি বিশ্বাসী আছে, এমন কোন ধাত্তিকে আমি শাস্তি দান করিব না। অন্তত উক্ত হইয়াছে যে, “হা” অর্থে একত্ববাদীদিগের সংরক্ষণ, “মিম্মে” অর্থে তাঁহাদের প্রতি ঈশ্বরের প্রসন্নতা।

(ত, হো,)

আমি জানি না যে, আমার সম্বন্ধে ও তোমাদের সম্বন্ধে কি করা যাইবে ; আমার প্রতি যাহা প্রত্যাদেশ করা হয়, আমি তাহার অনুসরণ ভিন্ন করি না, এবং আমি স্পষ্ট ভয়প্রদর্শক ভিন্ন নহি”\*। ৯। তুমি বল, “তোমরা কি দেখিয়াছ ? যদি ঈশ্বরের নিকট হইতে ( কোর্ আন্ ) হয় ও তোমরা তৎপ্রতি বিরুদ্ধাচরণ কর, ( তাহাতে কি ? ) তাহার সদৃশ ( গ্রন্থে ) এশ্বায়েলবংশের একজন সাক্ষ্য দান করিয়াছে, অনন্তর সে বিশ্বাসী হইয়াছে, এবং তোমরা গর্ক করিয়াছ ; নিশ্চয় পরমেশ্বর অত্যাচারিদলকে পথ প্রদর্শন করেন না” †। ১০। ( র, ১, আ, ১০ )

এবং ধর্মদ্রোহিগণ বিশ্বাসীদিগকে বলিয়াছে, “( এই ধর্ম ) যদি শ্রেষ্ঠ হইত, তবে তাহারা ইহার দিকে আমাদিগকে অতিক্রম করিত না ;” এবং যখন তৎসম্বন্ধে তাহারা পথ প্রাপ্ত হয় নাই, তখন অবশ্য বলিবে যে, ইহা পুরাতন অসত্য ‡। ১১। ইহার পূর্বে মুসার গ্রন্থ অগ্রণী ও অনুগ্রহস্বরূপ হয়, এবং অত্যাচারীদিগকে ভয় প্রদর্শন ও হিতকারী লোকদিগকে সুসংবাদ দান করিতে আবশ্য ভাষায় এই গ্রন্থ ( মুসার গ্রন্থে ) প্রমাণপ্রদ। ১২। নিশ্চয় যাহারা বলিয়াছে, “আমাদের প্রতিপালক ঈশ্বর,” তৎপর ( ধর্মে ) স্থির রহিয়াছে, পরে তাহাদের সম্বন্ধে কোন ভয় নাই, এবং তাহারা শোক করিবে না। ১৩। ইহারাই স্বর্গনিবাসী, তথায় নিত্যস্থায়ী হইবে; ইহারা যাহা করিতেছিল,

\* অর্থাৎ আমার পূর্বে অনেক প্রেরিত পুঙ্খ হইয়া গিয়াছেন, আমি নূতন প্রেরিত নহি ; আমার কার্যে কেন তোমরা বাধা দেও ? আমার মকায় থাকি হইবে না, এস্থান হইতে প্রস্থান করিতে হইবে, তোমরা ভূগর্ভে নিহিত হইবে, না, প্রস্তর দ্বারা আহত হইবে, আমি জানি না। এই আয়ত অবতীর্ণ হইলে পর অংশিবাদিগণ আত্মাদিত হইল। এবং পরস্পর বলিল যে, আমাদের ও মোহম্মদের কার্য ঈশ্বরের নিকটে তুলা, আমরা যেমন পরিণাম অজ্ঞাত, সেও তক্রপ অজ্ঞাত। পুনশ্চ এরূপও কথিত আছে যে, হজরত স্বপ্নে দেখিয়াছিলেন যে, এক রমণীয় ভূমিতে সদলে প্রস্থান করিয়াছেন। তাঁহার অনুবর্তিগণ এই স্বপ্নবৃত্তান্ত-শ্রবণে, তক্রপ স্থানে চলিয়া যাওয়া হইবে নিশ্চয় জানিয়া, বিশেষ আনন্দ প্রকাশ করেন। এ দিকে প্রস্থানের বিলম্ব ও কোরেশদিগের অত্যাচার বৃদ্ধি হইয়া উঠে; তাহারা মক্কা ছাড়িবার জন্ত বাগ্ন হন। তাহাতেই, আমি জানি না, আমার সম্বন্ধে ও তোমাদের সম্বন্ধে কি হইবে ? আমি প্রত্যাদেশে ব্যতীত চালিত হই না, এই উক্তি হয়। ( ত, হো, )

† এই আয়তের মর্ম এই যে, যদি কোর্-আন্ ঈশ্বরের প্রেরিত হয়, এবং তোমরা তাহা গ্রাহ্য না কর, তাহাতে কি ? মুসা কোর্-আনের সদৃশ তওরাত গ্রন্থে কোর্-আন্ সম্বন্ধে সাক্ষ্য দান করিয়াছেন ; কোর্-আন্ যে ঈশ্বর হইতে অবতীর্ণ হইবে, এ বিষয়ে তিনি বিশ্বাসী ছিলেন। ( ত, হো, )

‡ অর্থাৎ কাকেরগণ বাস্তব করিয়া বলিয়াছিল যে, এই ধর্ম শ্রেষ্ঠ হইলে তাহারা আমাদের পূর্বে অবলম্বন করিত না, আমরা তাহা সর্বাগ্রে গ্রহণ করিতাম ; যেহেতু আমরা শৌর্যবীর্য বিদ্যা বুদ্ধি খ্যাতি প্রতিপত্তি ও পাণ্ডিত্যে তাহাদিগ অপেক্ষা শ্রেষ্ঠ ; অথবা ইহুদিগণ সেলামের পুত্র ও তাহার সহচরগণের এসলামধর্ম-গ্রহণের পর বলিয়াছিল, মোহম্মদ যাহা বলিয়া থাকে, তাহা যদি উত্তম হইত, তবে আমাদের পূর্বে কেহ গ্রহণ করিতে পারিত না। ( ত, হো, )

তদনুরূপ বিনিময় আছে। ১৪। এবং আমি মনুষ্যকে তাহার পিতা মাতা সম্বন্ধে হিতানুষ্ঠান করিতে উপদেশ দিয়াছি, তাহাকে তাহার মাতা কষ্টে গর্ভে ধারণ করিয়াছে ও কষ্টে তাহাকে প্রসব করিয়াছে, এবং তাহার গর্ভে স্থিতি ও তাহার স্তন্যত্যাগ ত্রিশ মাস হয়; এ পর্য্যন্ত যখন সে স্বীয় বয়ঃপূর্ণতায় উপনীত হইল ও চল্লিশ বৎসরে উপস্থিত হইল, তখন বলিল, “হে আমার প্রতিপালক, তুমি আমাকে সাহায্য দান কর, যেন তোমার দাতব্যের যাহা তুমি আমার প্রতি ও আমার পিতা মাতার প্রতি দান করিয়াছ, তাহার কৃতজ্ঞতা অর্পণ করি, এবং এমন সংকল্প করি যে, তুমি তাহা অনুমোদন কর, এবং আমার জন্ম আমাব সম্মানবর্গকে সংশোধন কর; নিশ্চয় আমি তোমার দিকে পুনর্দিলিত হইয়াছি। এবং আমি মোসলমানদিগের অন্তর্গত হই” \*। ১৫। ইহারা তাহারা, তাহারা যে অনুষ্ঠান করে, আমি তাহাদিগ হইতে তাহার অত্যাৎকষ্ট গ্রহণ করিয়া থাকি ও তাহাদিগের অশুভপুঞ্জ পরিহার করি; স্বর্গনিবাসীদিগের ভিতরে তাহারা থাকিবে, তাহারা যে অঙ্গীকার প্রাপ্ত হইয়াছে, সেই অঙ্গীকার সত্য। ১৬। এবং যে ব্যক্তি স্বীয় জনক জননীকে বলিল, “তোমাদের প্রতি আমি অসম্মত, তোমরা কি আমাকে নিশ্চিত বলিতেছ যে, আমি (কবর হইতে) বাহির হইব? এবং নিশ্চয় আমার পূর্বে বহু যুগ গত হইয়াছে, (কেহই নির্গত হয় নাই।)” উভয়ে ঈশ্বরের নিকটে অর্চনাদ করিতে লাগিল, (বলিতে লাগিল,) “তোমার প্রতি আক্ষেপ, তুমি বিশ্বাসী হ, নিশ্চয় ঈশ্বরের অঙ্গীকার সত্য;” পরে সে বলে, “ইহা পূর্বতন কাহিনী ভিন্ন নহে” †। ১৭। ইহারা তাহারা, যাহাদের উপর মণ্ডলী সকলের প্রতি (শাস্তির) বাক্য প্রমাণিত হইয়াছে, নিশ্চয় তাহাদের পূর্বে দেব দানব গণ্ত হইয়াছে, নিশ্চয়

\* অধিকাংশ ভাষাকারের মত এই যে, আবুবেকর সেদিকের সম্বন্ধে এই আয়তের বিশেষ লক্ষ্য। তিনি ছয় মাস কাল মাতৃগর্ভে ছিলেন, পূর্ণ দুই বৎসর স্তন্য পান করিয়াছিলেন, অষ্টাদশ বৎসরের সময়ে হজরত মোহাম্মদের নিত্য সঙ্গী হন। তখন হজরতের বয়ঃক্রম বিশ বৎসর ছিল। হজরত চল্লিশ বৎসর বয়সে প্রেরিত হইয়া লাভ করেন। মহান্না আবুবেকরের তখন আটত্রিশ বৎসর বয়ঃক্রম। সেই হইতে তিনি হজরতের প্রেরিত হইয়া বিশ্বাসী হন। চল্লিশ বৎসর বয়ঃক্রমকালে তিনি “হে আমার প্রতিপালক,” ইত্যাদি প্রার্থনা করেন, পরমেশ্বর তাহার প্রার্থনা পূর্ণ করিয়া তাহার সহায় হন। আবুবেকর পরমেশ্বরের সাহায্যে উৎপীড়িত কোন কোন দাসকে মুক্ত করিয়া দাসত্ব হইতে মুক্ত করেন। তিনি সম্মানের কল্যাণদক্ষ যে প্রার্থনা করেন, সেই প্রার্থনা পূর্ণ হয়। তাহার কন্যা আয়শা হজরতের সহধর্মিণী ও তাহার পুত্র আবদোরহমান ও তৎপুত্র আবুঅতিক মোসলমান হন। আবু কাহাফা ও আবুবেকর ও আবদোরহমান এবং আবুঅতিক এই পিতামহ পিতা পুত্র পৌত্র এই চারি পুরুষ মোসলমান হজরত স্বীয় সহচরদিগের মধ্যে এক আবুবেকরের বংশেই দর্শন করিয়াছেন।

(ত, হো,)

† এক কাফের, যে জনকজননীর বিরোধী ছিল, তাহার সম্বন্ধে এই আয়ত অবতীর্ণ হইয়াছে।

(ত, হো,)



তাহারা ক্ষতিগ্রস্ত ছিল। ১৮। এবং যাহা করিয়াছে, তদনুরূপ প্রত্যেকের জগ ( উচ্চ নীচ ) শ্রেণী সকল আছে, এবং তাহাদের কার্য ( কর্মফল ) তাহাদিগকে পূর্ণ দেওয়া হইবে, এবং তাহারা অত্যাচারিত হইবে না। ১৯। যে দিবস ধর্মজোহী-দিগকে অগ্নিতে উপস্থিত করা হইবে, ( বলা হইবে, ) স্বীয় পার্থিব জীবনে তোমরা আপনাদের স্থখ সামগ্রী সকল লইয়াছ ও তদ্বারা তোমরা ফল ভোগ করিয়াছ, অনন্তর অগ্নি দুর্গতির শাস্তি তোমাদিগকে বিনিময় দেওয়া যাইবে ; যেহেতু তোমরা পৃথিবীতে অমুচিত গর্ভ করিতেছিলে, এবং যেহেতু তোমরা দুষ্ক্রিয়া করিতেছিলে। ২০। ( র, ২, আ, ১০ )

এবং আদজাতির ভ্রাতাকে স্মরণ কর, যখন সে আহকাফ ভূমিযোগে আপন সম্প্রদায়কে ভয় প্রদর্শন করিয়াছিল ; এবং নিশ্চয় তাহাদের সম্মুখ ও পশ্চাৎ দিগা ভয়প্রদর্শক-গণ ( এই বলিয়া ) চলিয়া গিয়াছিল যে, “ঈশ্বরকে ভিন্ন অর্চনা করিও না, নিশ্চয় আমি তোমাদের সম্বন্ধে মহাদিনের শাস্তিকে ভয় করি” \*। ২১। তাহারা বলিয়াছিল, “তুমি কি আমাদের নিকটে আসিয়াছ যে, আমাদেরকে স্বীয় উপাস্ত্র দেবগণ হইতে নিবৃত্ত রাখিবে ? যদি তুমি সত্যবাদীদিগের অন্তর্গত হও, তবে যাহা ( যে শাস্তি ) আমাদের প্রতি অঙ্গীকার করিতেছ, তাহা আমাদের নিকটে আনয়ন কর”। ২২। সে বলিল, “( কখন শাস্তি হইবে, ) ঈশ্বরের নিকটে তাহার জ্ঞান, এতদ্ভিন্ন নহে ; এবং আমি যৎসহ প্রেরিত হইয়াছি, তাহা তোমাদিগের প্রতি প্রচার করিব, কিন্তু আমি তোমাদিগকে এমন দল দেখিতেছি যে, মূর্খতা করিতেছ”। ২৩। অনন্তর যখন তাহারা তাহাকে ( শাস্তিকে ) প্রকাণ্ড বারিবাহরূপে তাহাদের প্রান্তরে সম্মুখীন দর্শন করিল, তখন পরস্পর বলিল, “ইহা আমাদের প্রতি বর্ষণকারী বারিবাহ ;” (প্রেরিতপুরুষ আদ বলিল,) “বরং তোমরা যাহা শীঘ্র চাহিয়াছিলে, তাহাই ইহা, ইহার মধ্যে প্রভঞ্জন আছে, দুঃখকরী শাস্তি আছে। ২৪।+এ আপন প্রতিপালকের আদেশক্রমে সমুদায় বস্তু বিনাশ করিবে ;” অনন্তর তাহারা ( এরূপ ) হইল যে, তাহাদের আলায় ব্যতীত ( অগ্নি কিছু ) দৃষ্ট হইতে ছিল না, এই প্রকার আমি অপরাধী দলকে বিনিময় দান করি। ২৫। এবং সত্য সত্যই আমি তাহাদিগকে ( আদজাতিকে ) যে বিষয়ে ক্ষমতা দান করিয়াছি, তদ্বিষয়ে তোমাদিগকে ক্ষমতা দান করি নাই, তাহাদের জগ চক্ষু ও কর্ণ এবং মন সৃজন করিয়াছিলাম ; যখন তাহারা ঐশ্বরিক নিদর্শনাবলীকে অগ্রাহ করিতেছিল ও যে

\* প্রেরিতপুরুষ হদকে আদজাতির ভ্রাতা বলা হইয়াছে। তিনি হদজাতির প্রতি ধর্মপ্রচারের জন্ত প্রেরিত হইয়াছিলেন। আহকাফ এক বালুকাময় স্থানের নাম, উহা এয়মন দেশে হজরমৌত নগরের নিকট ছিল। আদজাতি অধিতীয় ঈশ্বরকে মান্য করিতে অসম্মত হয়, হদ সেই বালুকাক্ষেত্রে তাহারা চাপা পড়িবে, এই ভয় দেখাইয়াছিলেন। হদের পূর্বে এক সংবাদবাহক তাহাদের প্রতি প্রেরিত হইয়াছিলেন, এবং হদের পরে অনেক প্রেরিতপুরুষ আসিয়াছিলেন। ( ত, হো, )

বিষয়ে উপহাস করিতেছিল, তাহা তাহাদিগকে ঘেরিল, তখন তাহাদের শ্রোত্র ও তাহাদের নেত্র এবং তাহাদের চিত্ত তাহাদিগ হইতে কোন ( শাস্তি ) নিবারণ করিল না। ২৬। ( র, ৩, আ, ৬, )

এবং সত্য সত্যই আমি, (হে মক্কাবাসিগণ,) তোমাদের পার্শ্বস্থ যে কোন গ্রাম ছিল, তাহা ধ্বংস করিয়াছি, এবং নানা প্রকার নিদর্শনাবলী প্রত্যানয়ন করিয়াছি, যেন তাহারা ফিরিয়া আইসে। ২৭। অনন্তর ঈশ্বরকে ছাড়িয়া যাহাদিগকে তাহারা ( ঈশ্বরের ) সান্নিধ্য জ্ঞান উপাশ্রুতরূপে গ্রহণ করিয়াছিল, তাহারা কেন তাহাদিগকে সাহায্য দান করিল না? বরং তাহাদিগ হইতে অন্তর্হিত হইল, এবং ইহাই তাহাদিগের অসত্যাচরণ ও যাহা তাহারা রচনা করিতেছিল। ২৮। ( স্মরণ কর, ) যখন তোমার প্রতি একদল দৈত্যকে কোর্-আন্ শ্রবণ করিতে প্রত্যানয়ন করিয়াছিলাম; অনন্তর যখন তাহারা তাহার নিকটে উপস্থিত হইল, তখন পরস্পর বলিল, চূপ কর; পরে যখন পাঠ সমাপ্ত হইল, তখন তাহারা ( বিশ্বাসী হইয়া ) স্বীয় সম্প্রদায়ের দিকে ভয়প্রদর্শকরূপে চলিয়া গেল \*। ২৯। তাহারা বলিল, “হে আমাদের সম্প্রদায়, আমরা এক গ্রন্থ শ্রবণ করিয়াছি যে, মুসার পরে তাহার পূর্বে যাহা আছে, তাহার প্রমাণকারিরূপে অবতারিত হইয়াছে, তাহা সত্যের প্রতি ও সরল পথের দিকে পথ প্রদর্শন করে। ৩০। হে আমাদের সম্প্রদায়, তোমরা ঈশ্বরের আস্থান স্বীকার কর ও তৎপ্রতি বিশ্বাসী হও; তিনি তোমাদের জ্ঞান তোমাদের পাপ ক্ষমা করিবেন, এবং ক্লেশকর দণ্ড হইতে তোমাদিগকে আশ্রয় দিবেন”। ৩১। যে ব্যক্তি ঈশ্বরের আস্থান গ্রহণ করে না, পরে সে ধরাতলে (তাহার) পরাভবকারী নহে, এবং তিনি বাতীত তাহার বন্ধু নাই; ইহারাই স্পষ্ট বিপথে আছে। ৩২। তাহারা কি দেখে নাই যে, সেই ঈশ্বর, যিনি ভূমণ্ডল ও নভোমণ্ডল সৃজন করিয়াছেন, এবং উভয়ের সৃষ্টিতে শ্রান্ত হন নাই, তিনি মৃতকে জীবিত করার বিষয়ে ক্ষমতাবান? ইহা নিশ্চয়, তিনি সর্ববিষয়ে ক্ষমতাশালী। ৩৩। এবং যে দিবস ধর্মদ্রোহীদিগকে অগ্নিতে উপস্থিত করা হইবে, ( বলা হইবে, ) “ইহা কি সত্য নহে?” তাহারা বলিবে, “ইহা, আমাদের প্রতিপালকের শপথ, ( সত্য। )” তিনি বলিবেন, “পরে তোমরা যে বিরুদ্ধাচরণ করিতেছিলে, তজ্জ্ঞান শাস্তি আশ্বাদন কর”। ৩৪। অনন্তর যেমন উত্তমশীল প্রেরিত পুরুষগণ দৈর্ঘ্য ধারণ করিয়াছিল, তুমি তদ্রূপ দৈর্ঘ্য ধারণ কর, এবং তাহাদের জ্ঞান ব্যস্ত হইও না; ( কেয়ামতের বিষয়ে ) যাহা অঙ্গীকার করা হইয়াছে, যে দিন তাহারা তাহা দেখিবে, ( তাহারা মনে করিবে, ) যেন দিবসের এক দণ্ড ভিন্ন

\* কেহ বলেন, সাত জন; কেহ নয়, কেহ দশ, কেহ দ্বাদশ, কেহ বা সত্তোর জন দৈত্য কোর্-আন্ শ্রবণার্থ আসিয়াছিল, বলিয়া থাকেন। তাহারা কোর্-আন্ শুনিয়া তৎপ্রতি বিশ্বাস স্থাপন করে, এবং হৃৎকৃত কর্তৃক প্রচারকরূপে নিযুক্ত হয়। ( ত, হো, )

( পৃথিবীতে ) স্থিতি করে নাই, ( ইহাই ) প্রচার ; অনন্তর দুষ্ক্রিয়াল লোকেরা ভিন্ন সংহার প্রাপ্ত হইবে না । ৩৫ । ( র, ৪, আ, ৯ )

## সূরা মোহম্মদ ❀

.....

সপ্তচত্রিংশ অধ্যায়

.....

৩৮ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

যাহারা ধর্মবিরোধী হইয়াছে, এবং ঈশ্বরের পথ হইতে ( লোকদিগকে ) নিবৃত্ত রাখিয়াছে, তাহাদের ক্রিয়া সকলকে তিনি বার্থ করিয়াছেন । ১ । এবং যাহারা বিশ্বাস স্থাপন ও সংকর্ষ সকল করিয়াছে, মোহম্মদের প্রতি যাহা অবতারিত হইয়াছে, তাহাতে বিশ্বাস করিয়াছে, এবং উহা তাহাদের প্রতিপালক হইতে ( আগত ) সত্য হয়, ( বিশ্বাস করিয়াছে, ) তিনি তাহাদিগ হইতে তাহাদের পাপপুঞ্জ দূর করিয়াছেন, এবং তাহাদের অবস্থা সংশোধন করিয়াছেন । ২ । ইহা এজ্ঞ যে, যাহারা বিরুদ্ধাচারী হইয়াছিল, তাহারা অসত্যের অনুসরণ করিয়াছিল, এবং যাহারা বিশ্বাসী হইয়াছিল, তাহারা আপন প্রতিপালক হইতে ( আগত ) সত্যের অনুসরণ করিয়াছিল ; এইরূপ পরমেশ্বর মানবমণ্ডলীর জ্ঞাত তাহাদের অবস্থা সকল বর্ণন করেন । ৩ । অনন্তর যখন তোমরা ধর্মবিরোধীদিগের সঙ্গে ( রণক্ষেত্রে ) মিলিত হও, তখন তাহাদের কণ্ঠ ছেদন করিও ; এ পর্য্যন্ত যখন তাহাদিগকে অধিকতর ধ্বংস করিলে, তখন দৃঢ় বন্ধন করিও, অবশেষে ইহার পর হয় হিতসাধন করিও, অথবা ( অর্থাৎ ) বিনিময় গ্রহণ করিও, এ পর্য্যন্ত ( যুদ্ধকর্তা ) যেন তাহার ( যুদ্ধের ) অঙ্গ সকল পরিত্যাগ করে, ইহাই ( আজ্ঞা । ) এবং যদি ঈশ্বর ইচ্ছা করিতেন, তবে ( স্বয়ং ) তাহাদিগ হইতে তিনি প্রতিশোধ লইতেন, কিন্তু তিনি তোমাদের এক জনকে অণু জন দ্বারা পরীক্ষা করেন ; এবং যাহারা ঈশ্বরোদ্দেশ্যে পথে নিহত হইয়াছে, নিশ্চয় তিনি তাহাদের ক্রিয়া সকলকে বিফল করিবেন না ৭ ।

\* এই সূরা মদিনাতে অবতীর্ণ হইয়াছে ।

† বদরের যুদ্ধকালে এই আজ্ঞা হয়, এই হইতে সংগ্রাম নির্ধারিত হইয়াছিল । “যদি ঈশ্বর ইচ্ছা

৪। অবশ্য তিনি তাহাদিগকে পথ প্রদর্শন করিবেন ও তাহাদের অবস্থা সংশোধন করিবেন। ৫। এবং তিনি তাহাদিগকে যাহার পরিচয় দান করিয়াছেন, সেই স্বর্গে তাহাদিগকে লইয়া যাইবেন। ৬। হে বিশ্বাসিগণ, যদি তোমরা ঈশ্বরকে (ঈশ্বরের ধর্মকে) সাহায্য দান কর, তিনিও তোমাদিগকে সাহায্য দান করিবেন ও তোমাদের চরণ দৃঢ় করিবেন। ৭। যাহারা ধর্মবিরোধী হইয়াছে, পরে তাহাদিগের বিপাক (হুকুম,) এবং তাহাদিগের ক্রিয়া সকলকে তিনি নিফল করিয়াছেন। ৮। ইহা এজ্ঞ যে, ঈশ্বর যাহা অবতারণ করিয়াছেন, তাহাকে তাহারা অবজ্ঞা করিয়াছে, অনন্তর তাহাদিগের ক্রিয়া সকল তিনি বিনষ্ট করিয়াছেন। ৯। পরে তাহারা কি পৃথিবীতে ভ্রমণ করে নাই? তবে দেখিবে, তাহাদের পূর্বে যাহারা ছিল, তাহাদিগের পরিণাম কিরূপ হইয়াছে; পরমেশ্বর তাহাদের প্রতি মৃত্যু আনয়ন করিয়াছিলেন, এবং (এই) কাকেরদিগের (শাস্তি) তাহার অমুরূপ হইবে। ১০। ইহা এজ্ঞ যে, ঈশ্বর বিশ্বাসীদিগের প্রভু, এবং এজ্ঞ যে, ধর্মদ্রোহিগণ তাহাদের প্রভু নহে। ১১। (র, ১, আ, ১১)

যাহারা বিশ্বাসস্থাপন ও সংকার্য্য সকল করিয়াছে, নিশ্চয় ঈশ্বর তাহাদিগকে স্বর্গোচ্চান সকলে লইয়া যাইবেন, যাহার নিম্ন দিয়া পয়ঃপ্রণালী সকল প্রবাহিত হয়; এবং যাহারা ধর্মবিরোধী হইয়াছে, তাহারা পশুগণ যেমন ভক্ষণ করে, তদ্রূপ সন্তোষ করে ও ভক্ষণ করিয়া থাকে, এবং অগ্নি তাহাদের জন্ত বাসস্থান\*। ১২। তোমার সেই গ্রাম অপেক্ষা, যাহা তোমাকে নির্বাসিত করিয়াছে, শক্তি অমুরারে প্রবলতর বহু গ্রাম ছিল; তাহাদিগকে আমি ধ্বংস করিয়াছি, পরে তাহাদের সাহায্যকারী কেহ হয় নাই†। ১৩। অনন্তর যে ব্যক্তি স্বীয় প্রতিপালকের প্রমাণের প্রতি (বিশ্বাসী) আছে, সে কি সেই ব্যক্তির তুল্য, যাহার জন্ত তাহার গর্হিত কার্য্য সকল সজ্জিত রহিয়াছে ও যে স্বীয় প্রকৃতির অমুরণ করিয়াছে? ১৪। স্বর্গলোকের বর্ণনা—যাহা ধার্মিকের প্রতি অঙ্গীকার করা হইয়াছে, তথায় নির্মল জলের প্রণালী সকল আছে, এবং দুগ্ধের প্রণালী সকল আছে; তাহার স্বাদ বিকৃত হয় না, এবং পানকারীদিগের স্বাদজনক সুরার প্রণালী সকল আছে, এবং পরিষ্কৃত মধুর প্রণালী সকল আছে, এবং তথায় তাহাদের জন্ত বহুবিধ

করিতেন, তবে তাহাদিগ হইতে তিনি প্রতিশোধ লইতেন।” অর্থাৎ শত্রুদিগের সঙ্গে তোমাদের যুদ্ধ করিতে হইত না, তিনিই সাক্ষাৎসম্বন্ধে তাহাদিগ হইতে প্রতিশোধ লইতেন। তিনি তোমাদের একজন দ্বারা অন্য জনকে পরীক্ষা করেন, অর্থাৎ বিশ্বাসীকে কাকেরের সঙ্গে সংগ্রাম করিতে লিপ্ত করেন। (ত, হো,)

\* অর্থাৎ কাকেরদিগের অবস্থা ও পশুর অবস্থা তুল্য; পশুগণ যেমন শরীরের জন্ত ও পানাহারের জন্ত জীবন ধারণ করে, কাকেরগণও তদ্রূপ জীবন ধারণ করিয়া থাকে। (ত, হো,)

† এস্থলে গ্রাম অর্থে গ্রামবাসী বুঝাইবে; মক্কাবাসিগণ হজরতকে নির্বাসিত করিয়াছিল, পরমেশ্বর মক্কাবাসীদিগের অপেক্ষা বলবিক্রমে প্রবল অনেক গ্রামবাসীকে ধ্বংস করিয়াছেন। (ত, হো,)

ফল আছে ও তাহাদের প্রতিপালকের ক্ষমা আছে ; \* তাহারা কি সেই সকল ব্যক্তির তুল্য, যাহারা অগ্নিমধ্যে নিত্যনিবাসী হয় ও যাহাদিগকে উষ্ণোদক পান করান হয়, পরে যাহাদিগের অন্ন সকল খণ্ড খণ্ড হয় ? ১৫ । এবং তাহাদিগের মধ্যে কেহ আছে যে, তোমার নিকটে ( কোর-আন্ ) শ্রবণ করে ; এ পর্য্যন্ত যখন তোমার নিকট হইতে বাহির হইয়া যায়, তখন যাহাদিগকে জ্ঞান প্রদত্ত হইয়াছে, তাহাদিগকে বলে, “এক্ষণ তিনি কি বলিলেন ?” ইহারাই তাহারা, যাহাদিগের অন্তরে ঈশ্বর দৃঢ় বন্ধন রাখিয়াছেন, এবং যাহারা স্বীয় প্রবৃত্তির অনুসরণ করিয়াছে † । ১৬ । এবং যাহারা পথ প্রাপ্ত হইয়াছে, তিনি তাহাদিগের প্রতি পথ-প্রদর্শন বৃদ্ধি করিয়াছেন ও তাহাদিগকে তাহাদের সংসারবিরাগ দান করিয়াছেন । ১৭ । অবশেষে তাহারা কেয়ামত ভিন্ন প্রতীক্ষা করিতেছে না যে, তাহাদের নিকটে অকস্মাৎ উপস্থিত হইবে ; অনন্তর নিশ্চয় তাহার নিদর্শন সকল আসিয়াছে । পরে যখন তাহাদের নিকটে তাহাদের শিক্ষা ( কেয়ামত ) উপস্থিত হইবে, তখন কোথা হইতে তাহাদের ( উপদেশ গ্রহণ হইবে ) ? ১৮ । অবশেষে জানিও যে, ( হে মোহম্মদ, ) ঈশ্বর ব্যতীত উপাস্ত নাই ; তুমি স্বীয় পাপের জন্ত এবং বিশ্বাসী পুরুষদিগের ও বিশ্বাসিনী নারীদিগের পাপের জন্ত ক্ষমা প্রার্থনা কর । ঈশ্বর তোমাদের পরিক্রমণের স্থান ও অবস্থিতির স্থান জ্ঞাত আছেন ‡ । ১৯ । ( র, ২, আ, ৮ )

এবং যাহারা বিশ্বাস স্থাপন করিয়াছে, তাহারা বলে, “কেন কোন সূরা অবতারণিত হইল না ?” অনন্তর যখন দৃঢ় সূরা অবতারণিত হয় ও তন্মধ্যে সংগ্রামের প্রসঙ্গ করা যায়, তখন যাহাদিগের অন্তরে রোগ আছে, তাহাদিগকে তুমি দেখিবে, যাহার উপর মৃত্যুর মুচ্ছা সঞ্চারিত, তদ্বৎ দৃষ্টিতে তাহারা তোমার প্রতি তাকাইতেছে ; অনন্তর তাহাদিগের প্রতি আক্ষেপ § । ২০ । ( তাহাদের অবস্থা প্রকাশে ) আনুগত্য ও বিহিত

\* ইহার আধ্যাত্মিক অর্থ এই যে, স্বর্গলোকে কল্পতরুর নিম্নে যেমন চারিটি প্রণালী প্রবাহিত, ঈশ্বর-প্রেমিকদিগের হৃদয়ভূমিতে বিশ্বাসতরুর নিম্নেও চারিটি প্রণালী সঞ্চারিত । নির্মল জলপ্রণালী বিবেকরূপ প্রণালী ; চুঞ্চপ্রণালী মূল জ্ঞানরূপ প্রণালী, যাহা চিরকাল বিশুদ্ধ থাকে ; সূরা-প্রণালী ঈশ্বর-প্রেমের উচ্ছ্বাসরূপ প্রণালী ; বিশুদ্ধ মধুপ্রণালী ঈশ্বরসান্নিধারূপ মিষ্ট আশ্বাদন ; ফলপুষ্প তন্ময়ের প্রকাশ ও ঈশ্বরবির্ভাব, পাপক্ষমা ইত্যাদি । এ স্থলে স্বর্গোচ্চানস্থ সৌভাগ্যশালী লোকদিগের বর্ণনার পর নরকনিবাসীদিগের দুঃখ ক্লেশের অবস্থা বর্ণিত হইয়াছে । ( ত, হো, )

† যখন হজরত খোত্বা পড়িতেন ও কপটদিগের কুৎসা করিতেন, তখন অনেক কপট লোক মসজ্জদের বাহিরে যাইয়া ব্যঙ্গচ্ছলে হজরতের জ্ঞানবান্ সহচরদিগকে বলিত, “এক্ষণ তিনি কি বলিলেন ?” ( ত, হো, )

‡ বিশ্বাসী নরনারীর জন্ত ক্ষমা প্রার্থনা করা, এই মণ্ডলীসম্বন্ধে হজরতের প্রতি ঈশ্বরকর্তৃক একটি বিশেষ অধিকার দান বলিতে হইবে । তিনি কাহারও পাপের জন্ত বিহিত ক্ষমা প্রার্থনা করিলেই ক্ষমা হইবে, ঈশ্বরের এই অঙ্গীকার । ( ত, হো, )

§ অর্থাৎ মোসলমানগণ কাকেরদিগের অত্যাচারে ক্লান্ত হইয়া জেহাদের অনুমতিসূচক সূরা



ধাক্য ; অনস্তর যখন কার্য স্থির হয়, তখন যদি তাহারা ঈশ্বরকে সত্য বলে, তবে তাহাদের জন্ম কল্যাণ হয় । ২১ । পরে, (হে ক্ষীণবিশ্বাসিগণ,) তোমরা কি উত্তত হইয়াছ যে, যদি তোমরা কার্য্যাধ্যক্ষ হও, তবে পৃথিবীতে উৎপাত করিবে ও স্বীয় কুটুম্বিতা ছিন্ন করিবে ? ২২ । ইহারাই তাহারা, যাহাদিগকে ঈশ্বর অভিসম্পাত করিয়াছেন ; অনস্তর তিনি তাহাদিগকে বধির করিয়াছেন ও তাহাদের চক্ষু অন্ধ করিয়াছেন । ২৩ । পরিশেষে তাহারা কি কোর-আনের বিষয় ভাবে না, তাহাদের অন্তরের উপর কি তাহার কুলুপ আছে ? ২৪ । নিশ্চয় যাহারা তাহাদের জন্ম ধর্মালোক প্রকাশিত হওয়ার পর স্বীয় পৃষ্ঠের দিকে ফিরিয়া গিয়াছে, শয়তান তাহাদের জন্ম ( শত্রুতা ) সাজাইয়াছে, এবং তিনি তাহাদিগকে অবকাশ দিয়াছেন । ২৫ । ইহা এজন্য যে, ঈশ্বর যাহা অবতারণ করিয়াছেন, তাহাকে যাহারা অবজ্ঞা করে, তাহাদিগকে (কপটদিগকে) তাহারা (ইহুদিগণ) বলিয়াছে যে, “অবশ্য কোন কোন কার্য্যে আমরা তোমাদিগের আনুগত্য করিব ;” এবং পরমেশ্বর তাহাদের রহস্য জানিতেছেন । ২৬ । অনস্তর যখন দেবগণ তাহাদিগের প্রাণ হরণ করিবে, এবং তাহাদের মুখে ও তাহাদের পৃষ্ঠে প্রহার করিবে, তখন (তাহাদের অবস্থা) কিরূপ হইবে ? ২৭ । ইহা এজন্য যে, যাহা ঈশ্বরকে ক্রুদ্ধ করিয়া তুলিয়াছে ও তাঁহার প্রসন্নতাকে মলিন করিয়াছে, তাহারা তাহার অনুসরণ করিয়াছে ; অনস্তর তিনি তাহাদের ক্রিয়া সকল বিনষ্ট করিয়াছেন । ২৮ । ( র, ৩, আ, ৯ )

যাহাদিগের অন্তরে রোগ আছে, তাহারা কি মনে করে যে, ঈশ্বর তাহাদের ঈর্ষ্যা সকল প্রকাশ করিবেন না ? ২৯ । এবং যদি আমি ইচ্ছা করিতাম, তবে অবশ্য তোমাকে তাহাদিগকে দেখাইতাম, পরে তুমি তাহাদিগকে অবশ্য তাহাদের লক্ষণ দ্বারা চিনিতে ও কথার স্বরেতে অবশ্য তুমি তাহাদিগকে চিনিতে ; ঈশ্বর তাহাদের কার্য্য সকল জানিতেছেন । ৩০ । এবং অবশ্য আমি তোমাদিগকে এ পর্য্যন্ত পরীক্ষা করিব যে, তোমাদিগের মধ্যে ধর্মগোন্ধা ও সহিষ্ণুদিগকে অবগত হইব, এবং তোমাদের অবস্থা সকল পরীক্ষা করিব । ৩১ । নিশ্চয় যাহারা ধর্মদ্রোহী হইয়াছে ও ঈশ্বরের পথ হইতে (লোকদিগকে) নিবৃত্ত করিয়াছে, এবং তাহাদের জন্ম ধর্মালোক প্রকাশিত হওয়ার পর প্রেরিতপুরুষের সঙ্গে শত্রুতা করিয়াছে, তাহারা ঈশ্বরকে কখনও কিছুই পীড়া দিবে না ; এবং অবশ্য তাহাদের কার্য্য সকল বিনষ্ট হইবে । ৩২ । হে বিশ্বাসিগণ, তোমরা ঈশ্বরের অনুগত হও ও প্রেরিতপুরুষের অনুগত হও, এবং স্বীয় কর্মপুঞ্জ বিফল করিও না । ৩৩ । নিশ্চয় যাহারা ধর্মবিরোধী হইয়াছে ও ঈশ্বরের পথ হইতে (লোকদিগকে) নিবৃত্ত করিয়াছে, তৎপর প্রাণত্যাগ করিয়াছে ও তাহারা সেই কাফের রহিয়াছে, অনস্তর প্রার্থনা করিত ; যখন আদেশ হইত, তখন অপরিপক লোকেরা ভয় পাইয়া মুম্বু' লোকের স্থায় জ্যোতি-হীন স্থিরদৃষ্টিতে হজরতের মুখের দিকে তাকাইয়া থাকিত । তাহারা এই আদেশ হইতে অব্যাহতি চাহিত ।

পরমেশ্বর তাহাদিগকে কখনও ক্ষমা করিবেন না। ৩৪। অবশেষে শিথিল হইও না, এবং শাস্তির দিকে (তাহাদিগকে) আহ্বান করিও না, এবং তোমরা বিজয়ী হও ; এবং ঈশ্বর তোমাদের সঙ্গে আছেন ও তিনি তোমাদের কার্য সকলকে কখনও তোমাদিগ হইতে নষ্ট করিবেন না। ৩৫। পার্থিব জীবন ক্রীড়া ও কোঁতুক, এতদ্ভিন্ন নহে ; যদি তোমরা বিশ্বাস স্থাপন কর ও ধর্মভীরু হও, তবে তিনি তোমাদিগকে তোমাদের পারিশ্রমিক প্রদান করিবেন, এবং তিনি তোমাদের নিকটে তোমাদের ধনসম্পত্তি চাহিবেন না। ৩৬। যদি তিনি তোমাদিগ হইতে তাহা প্রার্থনা করেন, পরে তোমাদিগকে বাধ্য করেন, এবং তোমরা কুপণ হও, তবে তিনি তোমাদিগের নীচতা প্রকাশ করেন। ৩৭। জানিও, তোমরা এই লোক যে, ঈশ্বরোদ্দেশে ( ধর্মযুদ্ধে ) ব্যয় করিতে আহূত হইতেছ ; অনস্তর তোমাদের মধ্যে কেহ আছে যে, কুপণতা করে ? এবং যে ব্যক্তি কুপণতা করে, পরে সে আপন জীবনের জন্ত কার্পণ্য করে, এতদ্ভিন্ন নহে। এবং ঈশ্বর ধনী ও তোমরা দীন ; যদি তোমরা বিমুখ হও, তবে তিনি তোমাদের ছাড়া এক দলকে ( তোমাদের স্থলে ) পরিবর্তিত করিবেন, তৎপর তাহারা তোমাদের স্থায় হইবে না। ৩৮। ( র, ৪, আ, ১০ )

## সূরা ফৎহ ❀

..... ❀ .....

### অষ্টচত্বারিংশ অধ্যায়

..... ❀ .....

#### ২৯ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

নিশ্চয় আমি দীপ্যমান বিজয়ে তোমাকে, ( হে মোহম্মদ, ) বিজয় দান

\* মদিনাপ্রস্থানের অষ্টম বৎসরে হজরত স্বপ্নে দেখিয়াছিলেন যে, তিনি কতিপয় সহচর সহ মক্কা-তীর্থে গিয়া ওমরাত্রত উদ্‌যাপন করিয়াছেন। তাঁহার ধর্মবন্ধুগণ এই স্বপ্নবৃত্তান্ত শ্রবণ করিয়া মনে করিলেন যে, এই বৎসরেই স্বপ্নঘটনা কার্যো পরিণত হইবে। হজরত যাত্রার জন্ত প্রস্তুত হইয়া জোপুকাদা মাসের প্রথম চন্দ্রোদয়ে সোমবারে ওমরার এহরাম বন্ধনপূর্বক মদিনা হইতে নির্গত হন, তখন বলি উপহারের জন্ত সন্তোরটি উষ্ট্র সঙ্গে গ্রহণ করেন। এই যাত্রায় প্রায় সমুদায় ধর্মবন্ধুই তাঁহার সঙ্গে ছিলেন। হজরত আসিতেছেন, মক্কার হংশিবানী কোরেশগণ এই সংবাদ পাইয়া তাঁহার পথ অবরোধ করিবার জন্ত দলবদ্ধভাবে মক্কা হইতে বাহির হয়, এবং বলদা নামক স্থানে শিবির স্থাপন করে। হজরত এই সংবাদ অবগত হইয়া হোদয়বিঘ্নাতে অবতরণ করেন। কাফেরদিগের পক্ষ হইতে

করিলাম \* । ১ । + তোমার যে কিছু পাপ পূর্বে হইয়াছে ও যাহা পরে হইয়াছে, তাহা যেন পরমেশ্বর তোমার জন্য ক্ষমা করেন, এবং স্বীয় দান তোমার প্রতি পূর্ণ করেন ও সরল পথ তোমাকে প্রদর্শন করেন † । ২ । + এবং প্রবল সাহায্যে পরমেশ্বর তোমাকে যেন সাহায্য দান করেন । ৩ । তিনিই যিনি বিশ্বাসীদের অন্তরে সান্ত্বনা প্রেরণ করিয়াছেন, যেন তাহাদের ( পূর্বে ) বিশ্বাসের সহিত বিশ্বাস বৃদ্ধি হয় ; এবং স্বর্গ ও পৃথিবীর সৈন্ত ঈশ্বরেরই, পরমেশ্বর জ্ঞানবান্ কৌশলময় হন ‡ । ৪ । + অপিচ বিশ্বাসী পুরুষ

মসুদের পুত্র অরওয়া হজরতের নিকটে আসিয়া তাঁহার আগমনের কারণ জ্ঞাত হয় । তৎপর জলি-সকনানী আগমন করিয়া অবগত হয় যে, হজরত মোহাম্মদ সংগ্রামের অভিলাষী নহেন, কাবাদর্শন ও ব্রতপালন উদ্দেশ্যে যাইতেছেন । কিন্তু কোরেশগণ মূর্খতাবশতঃ কোনরূপেই হজরতকে সবাঞ্ছাবে মকায় প্রবেশ করিতে দিতে চাহিল না । হজরত স্বীয় প্রচারবন্ধু ওসমানকে তাহাদের নিকটে প্রেরণ করেন । তাহার। তাঁহাকে আবদ্ধ করিয়া রাখে । এ দিকে কোরেশগণ ওসমানকে হত্যা করিয়াছে বলিয়া হজরতের নিকটে প্রচার হইল, তচ্ছবণে তিনি ও তাঁহার বন্ধুবর্গ অত্যন্ত শোকাবুল হইলেন, এবং সকলে কোরেশদিগের সঙ্গে প্রাণপণে সংগ্রাম করিবেন বলিয়া প্রতিজ্ঞা করিলেন । পরে কোরেশগণ ওসমানের পুত্র সহিনকে হজরতের নিকটে পাঠাইয়া এই মর্মে সন্ধি স্থাপন করে যে, দুই বৎসরের মধ্যে কোরেশ ও মুসলমানগণ পরস্পর যুদ্ধ করিবেন না, প্রকাশ্যে বা গোপনে এক দল অস্ত্র দলের বিরোধী হইবেন না, এবং নির্দারিত হয় যে, এ বৎসর হজরত ওসমান ব্রত ভঙ্গ করিয়া চলিয়া যাইবেন, আগামী বৎসর মকায় আসিতে পারিবেন । এতদ্বির সন্ধিপত্রে অস্ত্র কয়েক সর্ভও ছিল । এই সন্ধিবন্ধনে হজরতের অধিকাংশ পারিষদ অসন্তুষ্ট হন । হজরত ব্রতভঙ্গের নিয়মানুসারে হোদয়বিয়াতেই মস্তক মুণ্ডন করেন, এবং কতক উষ্ট্র বলিদান করিয়া, কতকগুলিকে বিহিত বলিদানের জন্য মকাতে পাঠাইয়া দেন, এবং তথাকার দীন দরিদ্রদিগকে দান করেন । পরে হজরতের ধর্মবন্ধুগণও যথানিয়মে তাঁহার দৃষ্টান্তানুসারে ব্রতভঙ্গ করেন । হজরত বিশ দিন হোদয়বিয়ায় ছিলেন । তথা হইতে প্রত্যা-গমনকালে এক দিন রাত্রিতে এই সুরার অভ্যুদয় হয় । তিনি বন্ধুদিগকে বলিয়াছিলেন যে, অস্ত্র রজনীতে এই সুরা অবতারণিত হইল, সূর্যোদয় অপেক্ষা এই সুরা আমার নিকটে প্রিয়তর । পরে কংহ সুরা তাহাদের নিকটে পাঠ করেন । এই কংহ সুরা মদিনাসম্পর্কীয় । ( ত, হো, )

\* “কংহ” শব্দের অর্থ বিজয় । হোদয়বিয়ায় কোরেশদিগের সঙ্গে সন্ধিবন্ধনই হজরতের বিজয়-লাভের বিশেষ উপায় হয় । ইতিপূর্বে মকায়স্থিত মোসলমানেরা শত্রুভয়ে স্ব স্ব ধর্মবিশ্বাস গোপন করিয়া রাখিতেছিল, এক্ষণ হইতে প্রকাশ্যে তর্কবিতর্ক ও বিচারে প্রবৃত্ত হইল ও তাহাদিগের নিকটে কোর-আন্ পাঠ করিতে লাগিল, তাহাতে অনেক লোক মোসলমান হয়, এবং ইহাই মকায় অধিকারের কারণ হইয়া উঠে । ( ত, হো, )

+ অর্থাৎ বিজয়ের পূর্বে ও পরে, বা এই আয়তের অবতরণের পূর্বে বা পরে যে পাপ হইয়াছে ও হইবে, তাহার ক্ষমা হয় । কোন কোন তৎকাল লোক বলেন, এস্থলে পূর্ববর্তী পাপ আদম ও হবার পাপ, পরবর্তী পাপ মওলীর পাপ, অর্থাৎ আদম ও হবার পাপকে হজরতের প্রসাদে ও মওলীর পাপকে তাঁহার শফারতে ক্ষমা করা হইবে । ( ত, হো, )

† † অর্থাৎ বিশ্বাসীদেরকে বলা হইয়াছে যে, তোমরা ঈশ্বরের ধর্মকে জরায়ুস্ত করিতে দৃঢ়ব্রতবান্ হও ; যাহার স্বর্গে ও পৃথিবীতে আধিপত্য, তাঁহার সৈন্তের অভাব কি ? অরাতিকুলের সঙ্গে সংগ্রামের

বিশ্বাসিনী নারীদিগকে তিনি স্বর্গোত্তান সকলে লইয়া যাইবেন, যাহার নিম্ন দিয়া পয়ঃ-প্রণালী সকল প্রবাহিত হইতেছে, তাহারা তথায় নিত্যবাসী হইবে, এবং তিনি তাহাদের অধর্ম সকল তাহাদিগ হইতে দূর করিবেন, ইহা ঈশ্বরের নিকটে মহা অভীষ্ট-সিদ্ধি হয়। ৫। এবং তিনি কপট পুরুষ ও কপট নারীদিগকে ও অংশিবাদী পুরুষ ও অংশিবাদিনী নারীদিগকে, যাহারা পরমেশ্বরের সহক্ষে কুকল্পনাকারী হয়, শাস্তি দান করিবেন ; তাহাদের প্রতি অকল্যাণের চক্র ঘোরে, এবং তাহাদের প্রতি পরমেশ্বর ক্রোধ করিয়াছেন ও তাহাদিগকে অভিশাপ দিয়াছেন ও তাহাদের জন্ত নরক প্রস্তুত রাখিয়াছেন, এবং ( উহা ) গর্হিত স্থান। ৬। স্বর্গ ও অবনীৰ সৈন্যবৃন্দ ঈশ্বরেরই, ঈশ্বর পরাক্রান্ত প্রজ্ঞাবান্ হন। ৭। নিশ্চয় আমি তোমাকে, ( হে মোহম্মদ, ) সাক্ষী ও স্মসংবাদদাতা এবং ভয়প্রদর্শকরূপে প্রেরণ করিয়াছি। ৮।+যেন তোমরা, ( হে লোক সকল, ) ঈশ্বরের প্রতি ও তাঁহার প্রেরিতপুরুষের প্রতি বিশ্বাসী হও, এবং তাঁহাকে ( তাঁহার ধর্মকে ) বল বিধান কর ও তাঁহাকে গৌরব দান কর, এবং প্রাতঃসন্ধ্যা তাঁহাকে জপ কর। ৯। নিশ্চয় যাহারা তোমার সঙ্গে অঙ্গীকার করে, তাহারা ঈশ্বরের সঙ্গে অঙ্গীকার করে, এতস্তিন্ন নহে ; তাহাদের হস্তের উপর ঈশ্বরের হস্ত আছে। অনন্তর যে ব্যক্তি অঙ্গীকার ভঙ্গ করে, পরে সে আপন জীবনসম্বন্ধে অঙ্গীকার ভঙ্গ করে, এতস্তিন্ন নহে ; এবং যে ব্যক্তি ঈশ্বরের সঙ্গে যে বিষয়ে অঙ্গীকার করিয়াছিল, তাহা পূর্ণ করিয়াছে, পরে অচিরেই তিনি তাহাকে মহাপুরস্কার প্রদান করিবেন \*। ১০। ( র, ১, আ, ১০ )

শীঘ্র পশ্চাদ্গামী আরব্য যাযাবরগণ তোমাকে, ( হে মোহম্মদ, ) বলিবে, “আমাদের সম্পত্তিপুঞ্জ ও আমাদের পরিজনবর্গ আমাদিগকে লিপ্ত রাখিয়াছে, অতএব তুমি আমাদিগের জন্ত ক্ষমা প্রার্থনা কর ;” তাহাদের অন্তরে যাহা নয়, তাহারা আপন রসনায় তাহা বলে। তুমি বল, “অনন্তর কে ঈশ্বর হইতে ( রক্ষা করিতে ) তোমাদের জন্ত কিছু ক্ষমতা রাখে, যদি তিনি তোমাদিগের অপকার করিতে ইচ্ছা করেন, বা তোমাদের উপকার করিতে ইচ্ছা করেন ? বরং তোমরা যাহা করিতেছ, পরমেশ্বর তাহার জ্ঞাতা হন ঃ।

সময় তিনি কি আপন প্রেমাস্পদ বিশ্বাসীদিগকে পরিত্যাগ করিবেন ? এ স্থলে স্বর্গস্থ সৈন্য দেব সৈন্য, পৃথিবীস্থ সেনা ধর্মযোদ্ধা বিশ্বাসিবৃন্দ। ( ত, হো, )

\* হোদয়বিঘ্নাতে যে কতিপয় বিশ্বাসী পুরুষ হজরতের সঙ্গে অঙ্গীকারে বদ্ধ হইয়াছিলেন, এ স্থলে সেই অঙ্গীকারের প্রসঙ্গ। ( ত, হো, )

+ হজরত মোহম্মদ ওমরাত্ততপালনে কৃতসঙ্কল্প হইয়া আস্লাম ও অহিনিয়া এবং মজনিয়া প্রভৃতি আরব্য প্রান্তরনিবাসী লোকদিগকে তাঁহার সঙ্গে মক্কাযাত্রা করিতে পত্রদ্বারা অনুরোধ করিয়াছিলেন। কোরেশজাতি শত্রুতাচরণ করিয়া তাহাদের সঙ্গে সংগ্রাম করিবে ভাবিয়া ভীত হয়, তাহারা তাহা গোপন করিয়া অন্তরূপ আপত্তি উত্থাপন করে। তাহাতে পরমেশ্বর প্রেরিত পুরুষকে এই সংবাদ দান করিতেছেন। ( ত, হো, )

১১। বরং তোমরা মনে করিয়াছ যে, প্রেরিতপুরুষ ও বিশ্বাসিগণ কখনও পরিবারের নিকটে ফিরিয়া যাইবে না, এবং তোমাদের অন্তরে ইহা ( এই ভাব ) সজ্জিত হইয়াছে ও তোমরা কুকল্পনায় কল্পনা করিয়াছ, এবং তোমরা মৃত্যুগ্রস্ত দল হও”। ১২। যে ব্যক্তি ঈশ্বর ও তাঁহার প্রেরিতপুরুষের প্রতি বিশ্বাস স্থাপন করে নাই, পরে নিশ্চয় আমি সেই কাফেরদিগের জন্ত নরক প্রস্তুত রাখিয়াছি। ১৩। ছালোক ও ভুলোকের সম্যক রাজত্ব ঈশ্বরেরই ; তিনি যাহাকে ইচ্ছা করেন, ক্ষমা করিয়া থাকেন ও যাহাকে ইচ্ছা করেন, শাস্তি দেন, এবং ঈশ্বর ক্ষমাশীল দয়ালু হন। ১৪। যখন তোমরা লুণ্ঠনীয় সামগ্রীপুঞ্জের দিকে তাহা হস্তগত করিতে যাইবে, তখন পশ্চাদগামী লোকেরা অবশ্য বলিবে, “আগাদিগকে ছাড়িয়া দাও, আমরাও তোমাদের অনুসরণ করিব ;” তাহারা চাহে যে, ঈশ্বরের বাক্য পরিবর্তিত করে। তুমি বল, “তোমরা আমাদের অনুসরণ কখনও করিবে না, ইতিপূর্বে পরমেশ্বর এইরূপ বলিয়াছেন ;” পরে তাহারা অবশ্য বলিবে, “বরং তোমরা আমাদের সঙ্গে ঈর্ষ্যা করিয়া থাক।” বরং তাহারা অল্প বৈ বুঝিতেছে না \*। ১৫। তুমি পশ্চাদগামী আরব্য যাযাবরদিগকে বল যে, “অচিরে তোমরা এক দল প্রবল যোদ্ধার দিকে আহত হইবে, তাহাদের সঙ্গে যুদ্ধ করিবে, কিংবা মোসলমান হইবে ; অনন্তর যদি তোমরা অনুগত হও, তবে ঈশ্বর তোমাদিগকে উৎকৃষ্ট পুরস্কার দান করিবেন ; ইতিপূর্বে যেমন তোমরা বিমুখ হইয়াছ, সেরূপ যদি বিমুখ হও, তবে ঈশ্বর তোমাদিগকে ক্লেশকরী শাস্তিতে শাস্তি দান করিবেন”। ১৬। ( যুদ্ধ না করিলে ) অন্ধের প্রতি দোষ নাই ও গঞ্জের প্রতি দোষ নাই, এবং রোগীর প্রতি দোষ নাই ; যে ব্যক্তি ঈশ্বরের ও তাঁহার প্রেরিতপুরুষের আনুগত্য স্বীকার করে, তাহাকে তিনি সেই স্বর্গোচ্চানে লইয়া যান, যাহার নিম্ন দিয়া পয়ঃপ্রণালী সকল প্রবাহিত হইতেছে, এবং যে ব্যক্তি বিমুখ হইবে, তিনি তাহাকে দুঃখজনক শাস্তিতে শাস্তি দান করিবেন। ১৭। ( র, ২ আ, ৭ )

সত্য সত্যই পরমেশ্বর বিশ্বাসীদিগের প্রতি তখন প্রসন্ন হইয়াছেন, যখন তাহারা তরু-তলে তোমার সঙ্গে, ( হে মোহম্মদ, ) অঙ্গীকার করিতেছিল ; অনন্তর তাহাদের অন্তরে যাহা আছে, তিনি জানিয়াছেন, পরে তাহাদের প্রতি সান্ত্বনা অবতারণ করিয়াছেন, এবং তাহাদিগকে উপস্থিত বিজয় পুরস্কার দিয়াছেন †। ১৮। + এবং প্রচুর লুণ্ঠনসামগ্রী যে,

\* হজরত হিব্বরি ষষ্ঠ বৎসরে জেলহজ্জ মাসে হোদয়বিয়া হইতে মদিনায় ফিরিয়া আইসেন. সপ্তম বৎসরে খয়বরের সংগ্রামের উদ্যোগ করেন। এই আদেশ হয় যে, যে সকল লোক হোদয়বিয়ার উপস্থিত ছিল, তাহারা মাত্র এই যুদ্ধে যোগ দান করিবে, অস্ত্র লোকে নয়। যখন এইরূপ স্থির হইল, তখন পশ্চাদগামী লোকেরা বলিতে লাগিল যে, ছাড়িয়া দাও, আমরাও তোমাদের সঙ্গে যোগ দিব ও যুদ্ধক্ষেত্রে যাইব। তাহাতে এই আয়ত অবতীর্ণ হয়। ( ত, হো' )

+ হজরত মোহম্মদ হোদয়বিয়ার উপস্থিত হইয়া, তিনি ওমরার জন্ত আসিয়াছেন, যুদ্ধের প্রার্থী



তাহারা তাহা গ্রহণ করিবে, ( সেই পুরস্কার দিয়াছেন ; ) ঈশ্বর পরাক্রান্ত কৌশল-ময় হন । ১৯ । পরমেশ্বর তোমাদের সম্বন্ধে প্রচুর লুণ্ঠনসামগ্রীর অঙ্গীকার করিয়াছেন যে, তোমরা তাহা গ্রহণ করিবে ; অনন্তর ইহা সত্ত্বর তোমাদিগকে দিবেন, এবং তোমা-দিগের হইতে লোকের হস্ত নিবারিত করিলেন, যেন ( ইহা ) বিশ্বাসীদিগের জ্ঞান নিদর্শন হয় ও তোমাদিগকে সরল পথ প্রদর্শন করে \* । ২০ ।+ এবং অগ্নি ( লুণ্ঠন-সামগ্রীরও অঙ্গীকার করিয়াছেন, ) তৎপ্রতি 'তোমরা ( এক্ষণেও ) স্তম্ভম হও নাই, সত্যই ঈশ্বর তাহাকে ঘেরিয়া আছেন ; ঈশ্বর সর্বোপরি ক্ষমতাবান্ হন † । ২১ । যদি ধর্মবিরোধিগণ তোমাদের সঙ্গে সংগ্রাম করে, তবে অবশ্য তাহারা পৃষ্ঠভঙ্গ দিবে, তৎপর কোন সহায় ও কোন সাহায্যকারী পাইবে না । ২২ । ঈশ্বরের সেই নিয়ম, যাহা ইতিপূর্বে হইয়া গিয়াছে, এবং তুমি ঐশ্বরিক নিয়মের কখনও কোন

নহেন, এই কথা জ্ঞাপন করিবার জ্ঞাত ওশ্বিয়ার পুত্র হারেসকে মক্কায় পাঠাইয়া দেন । মক্কানিবাসিগণ তাঁহাকে নগরে প্রবেশ করিতে ও কণা কহিতে বাধা দেয় ; হজরত পুনর্বার মহানুভব ওসমানকে প্রেরণ করেন, তাঁহাকে তাহারা অবরুদ্ধ করিয়া রাখে, তিনি কোরেশগণ কর্তৃক হত হইয়াছেন, এরূপ রটনা হয় । পনের শত সহচর হজরতের সঙ্গে ছিলেন, তিনি বৃক্ষতলে তাঁহাদিগকে ডাকিয়া আনিয়া কোরেশদিগের সঙ্গে সংগ্রাম করিতে অঙ্গীকারে বদ্ধ করেন । আবদোল্লা মগফল বলেন, “বৃক্ষ হইতে একটি শাখা হজরতের পৃষ্ঠে পতিত হয়, আমি হজরতের পৃষ্ঠভাগে দণ্ডায়মান ছিলাম, উক্ত শাখা তাঁহার পিঠ হইতে সরাইয়াছিলাম ।” তাঁহার ধর্মবন্ধুগণ কোরেশদিগের যুদ্ধে প্রাণান্ত করিবেন ও কখনও পলায়ন করিবেন না, এরূপ অঙ্গীকার করিয়াছিলেন । সেই সময় হজরত বলিয়াছিলেন যে, “অল্প তোমরা বর্তমান যুগের শ্রেষ্ঠ লোক হইলে ।” এবং তিনি ইহাও বলিয়াছিলেন, “এই তরুতলে যাহারা প্রতিজ্ঞাবদ্ধ হইল, তাহাদের কেহ নরকগামী হইবে না ।” এই অঙ্গীকারকে “বেঅতর্ রজ্‌ওয়ান” বলে । পরমেশ্বর এই অঙ্গীকারে সন্তুষ্ট হন । ( ত, হো, )

\* হজরত হোদয়বিয়া হইতে ফিরিয়া আসিয়া খয়বরে যুদ্ধযাত্রার আয়োজন করিলেন । চৌদ্দশত লোক সঙ্গে করিয়া তিনি মদিনা হইতে খয়বরের দুর্গের অভিমুখে যাত্রা করিয়াছিলেন, সহবা নামক স্থান হইতে মরহবা হইয়া চলিয়া যান । প্রত্যাষে হরজা প্রাস্তরের পথ দিয়া খয়বরের দুর্গের সন্নিহিত হন, তখন দুর্গবাসিগণ এ বিষয় কিছুই অবগত ছিল না । তাহারা দুর্গ হইতে বাহির হইয়া উদ্ভান ও শস্তক্ষেত্রের কার্যে লিপ্ত হইতেছিল । অকস্মাৎ এসলাম সৈন্য দেখিতে পাইয়া ব্যস্তমস্ত হওত দুর্গাভিমুখে চলিয়া যায় । ইহুদিগণ দুর্গের রক্ষক ছিল, তখন মোসলমানমণ্ডলী তাহাদের সঙ্গে যুদ্ধে প্রবৃত্ত হইয়া দুর্গ অধিকার করে । ভয়ঙ্কর যুদ্ধের পর হজরতের পক্ষে জয়লাভ হয় । প্রচুর ধনসম্পত্তি, গৃহসামগ্রী ও আহাৰ্য্য বস্তু মোসলমানেরা অধিকার করেন । খয়বরের দুর্গ হৃদুৎ ছিল, বীরবর আলি কর্তৃক তাহা অধিকৃত হয় । আলি সেই দুর্গের এক লৌহ কপাট উৎপাটন করিয়া আপনার ঢাল প্রস্তুত করেন । ইহুদিগণ অভয় প্রার্থনা করে । তপায় শত্রুগণ ছাগমাংসের সঙ্গে বিষ মাখাইয়া হজরতকে খাইতে দেয়, উহা ধরা পড়ে, তিনি রক্ষা পান । ( ত, হো, )

† এ স্থলে অল্প লুণ্ঠনসামগ্রী ইত্যাদির অঙ্গীকার, পারস্য ইত্যাদি দেশজয়লাভের পর তথায় যে সকল লুণ্ঠনসামগ্রী হস্তগত হইবে, তাহার অঙ্গীকার । ( ত, হো, )

পরিবর্তন পাইবে না \* । ২৩ । এবং তিনিই যিনি তোমাদিগ হইতে তাহাদের হস্ত ও তাহাদিগ হইতে তোমাদের হস্ত মক্কা প্রদেশে তাহাদিগের প্রতি তোমাদিগকে বিজয়-দানের পর নিবারিত করিয়াছিলেন ; তোমরা যাহা করিয়া থাক, পরমেশ্বর তাহার দর্শক হন † । ২৪ । সেই যাহারা কাফের হইয়াছে, তাহারা তাহাদিগকে মস্জিদোল-হরাম হইতে নিবৃত্ত করিয়াছে, এবং বলির দ্রব্যকে আপন স্থানে পহুঁছিতে বাধা দিয়াছে ; যদি বিশ্বাসী পুরুষগণ ও বিশ্বাসিনী নারীগণ না থাকিত, তাহাদিগকে তোমরা জান না, পাছে তাহাদিগকে তোমরা বিদলিত কর, পরে অজ্ঞানতাপ্রযুক্ত তাহাদিগ হইতে তোমাদের প্রতি বিষন্নতা উপস্থিত হয়, ( তজ্জন্ম জয়লাভ ক্ষান্ত রাখা হয় ; ) তাহাতে ঈশ্বর যাহাকে ইচ্ছা করেন, স্বীয় অনুগ্রহের মধ্যে লইয়া আইসেন । যদি ( এই দুই দল ) পরস্পর বিভিন্ন থাকিত, তবে অবশ্য আমি তাহাদের মধ্যে যাহারা কাফের হইয়াছে, তাহাদিগকে দুঃখজনক শাস্তিতে শাস্তি দান করিতাম ‡ । ২৫ । যখন ধর্মদ্রোহিগণ স্বীয় অন্তরে মূর্খতাবশতঃ অভিমানে অভিমান করিল, তখন পরমেশ্বর আপন প্রেরিত-পুরুষের প্রতি ও বিশ্বাসীদের প্রতি সন্তোষ প্রেরণ করিলেন, এবং তাহাদের প্রতি সংসারবিরাগের বাক্য ধার্য্য করিলেন, তাহারা তাহার উত্তম অধিকারী ও তৎসম্বন্ধিত ছিল ; এবং ঈশ্বর সর্ববিষয়ে জ্ঞানী হন । ২৬ । ( র, ৩, আ, ৯ )

সত্য সত্যই পরমেশ্বর স্বীয় প্রেরিতপুরুষের প্রতি স্বপ্ন যথার্থ প্রমাণিত করিয়াছেন ; যদি ঈশ্বর ইচ্ছা করেন, তবে অবশ্য তোমরা আপন মস্তক মুগুন ও কেশচ্ছেদন করতঃ নির্ভয়ে নির্কিঞ্চে মস্জিদোলহরামে প্রবেশ করিবে । অনন্তর তোমরা যাহা জান না,

\* ইতিপূর্বে অগ্নাশ্রম মণ্ডলীতে প্রেরিতপুরুষ বিজয়লাভ করিয়াছেন । প্রেরিতপুরুষগণ জয়যুক্ত হইবেন, ইহা ঈশ্বরের নিয়ম ও বিধি । ( ত, হো, )

† যখন হজরত হোদয়বিয়ায় ছিলেন, তখন তাঁহার প্রাভাতিক উপাসনার সময়ে মক্কানিবাসী আশি জন লোক, তনইম গিরি হইতে অতর্কিতভাবে অন্তরণ করিয়া হজরতকে ও তাঁহার বন্ধুমণ্ডলীকে আক্রমণপূর্বক হত্যা করিতে উদ্যত হয় । হজরতের সহচরগণ সেই দস্যুদিগের উপর জয়লাভ করেন, এবং তাহাদিগকে বন্ধন করিয়া হজরতের নিকটে লইয়া যান । তিনি সেই দস্যুদিগকে মুক্তি দান করেন । এতদুপলক্ষে এই আয়ত অবতীর্ণ হয় । ( ত, হো, )

‡ ইহার অর্থ এই যে, ঈশ্বর বলিতেছেন, হে মোহম্মদ, মক্কার উম্মার্গচারী লোকেরা তোমাকে ওমরাব্রতপালনে বাধা দিল ও কোরবাণীর পশু সকলকে কোরবাণীর ভূমিতে পহুঁছিতে দিল না, অতএব তাহারা সমূলে বিনাশ পাইবার উপযুক্ত হইল ; কিন্তু বর্তমান বৎসর আমি তোমাকে কোরেশদিগের সঙ্গে সংগ্রাম করিতে নিষেধ করিতেছি । যেহেতু তাহাদের সঙ্গে গুপ্তভাবে অনেক বিশ্বাসী নরনারী আছে, উহারা আপন বিশ্বাসকে অপ্রকাশিত রাখিয়াছে, যুদ্ধ উপস্থিত হইলে তোমরা না জানিতে পাইয়া তাহাদিগকেও হত্যা করিয়া বসিবে । পরে তাহাদের হত্যা জন্ম তোমরা শোকগ্রস্ত হইবে । কথিত আছে যে, সন্তোর জন বিশ্বাসী স্ত্রী পুরুষ আপন বিশ্বাস গোপন করিয়া বিদ্রোহী কোরেশদিগের সঙ্গে একত্র বাস করিতেছিল । ( ত, হো, )

তিনি জানেন, পরে তিনি ইহা ব্যতীত বিজয় সম্বন্ধিত নির্ধারণ করিয়াছেন \* । ২৭ । তিনিই যিনি আপন প্রেরিতপুরুষকে তত্ত্বালোক ও সত্যধর্মসহ তাহাকে সমগ্র ধর্মের উপর বিজয়ী করিতে প্রেরণ করিয়াছেন, এবং ঈশ্বরই যথেষ্ট ( সত্যের ) প্রকাশক । ২৮ । মোহম্মদ ঈশ্বরের প্রেরিত, এবং যাহারা তাহার সঙ্গে আছে, তাহারা কাফেরদিগের প্রতি নির্দয় ও আপনাদের মধ্যে সদয় ; তুমি তাহাদিগকে রকুকারক, প্রণামকারক, ঈশ্বরের কৃপা ও প্রসন্নতার অন্বেষণকারী দেখিবে । নমস্কারপুঞ্জের চিহ্নযোগে তাহাদের মুখমণ্ডলে তাহাদের চিহ্ন, তাহাদের এই বৃত্তান্ত তওরাতে আছে, এবং তাহাদের বৃত্তান্ত ইঞ্জিলে আছে । যেমন কোন শস্ত্রক্ষেত্র স্বীয় হরিংকাণ্ডকে বাহিত করে, পরে তাহাকে সবল করে, অনন্তর তাহা পরিপুষ্ট হয়, অবশেষে স্বীয় পদোপরি দণ্ডায়মান হওতঃ কৃষকদিগকে পুলকিত করে, ( তদ্রূপ মোসলমানদিগের অবস্থা, ) তাহাতে কাফেরগণ তাহাদের প্রতি ক্রোধ করে । যাহারা বিশ্বাস স্থাপন ও সংকর্ম সকল করিয়াছে, তাহাদের সকলকে পরমেশ্বর ক্ষমা ও মহাপুরস্কারদানে অঙ্গীকার করিয়াছেন † । ২৯ । ( র, ৪, আ, ৩ )

## সূরা হোজরাত ‡

.....

### উনপঞ্চাশত্তম অধ্যায়

.....

#### ১৮ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে বিশ্বাসিগণ, পরমেশ্বর ও তাঁহার প্রেরিতপুরুষের সম্মুখে তোমরা অগ্রবর্তী হইও

\* হজরত হোদয়বিয়া হইতে ফিরিয়া আসিলে পর তাঁহার কোন কোন বন্ধু পরস্পর বলিতেছিল যে, “স্বপ্নবৃত্তান্ত সত্য হইল না, আমরা কাবা প্রদক্ষিণ ও ব্রত-বিহিত অন্ত্যস্ত নিয়ম পালন করিতে পারিলাম না;” তাহাতেই এই আয়ত অবতীর্ণ হয় যে, ঈশ্বর প্রেরিতপুরুষের স্বপ্নকে সত্য করিয়াছেন, বিশেষ প্রয়োজনবশতঃ এ বৎসর বিলম্ব হইল; কিন্তু ঈশ্বরেচ্ছাক্রমে নিরাপদে আগামী বৎসর মস্জিদ-দৌলহরামে যাইতে পারিবে, তথায় মস্তক মুণ্ডনাদি করিতে সক্ষম হইবে । তোমরা যাহা জান না, ঈশ্বর তাহা জানেন; তোমরা অবিলম্বে জয়লাভ করিবে, তিনি ইহা নির্ধারণ করিয়াছেন । অর্থাৎ ওম্মরাতপালনের পূর্বে বিশ্বাসিগণ খয়বর জয় করিতে পারিবে; ওম্মরাত বিলম্ব হওয়াতে তাহাদের মনে যে ক্রোধ জন্মিয়াছে, তাহা দূর হইবে । ( ত, হো, )

† যেমন শস্ত্রক্ষেত্রের ক্ষুদ্র চারা সকল বৃদ্ধিপ্রাপ্ত ও পরিপুষ্ট হইয়া কৃষকের মনে আনন্দ উৎপাদন করে, হজরত ও তাঁহার অনুগামিগণের অবস্থা তদ্রূপ । তাঁহাদের প্রথম ধর্মপ্রচারের অবস্থা দুর্বল ছিল, সময়ে সবল হইল ও সবলভাবে স্থিতি করিল, জগতের লোক দেখিয়া বিস্মিত হইল । ( ত, হো, )

‡ এই সূরা মদিনাতে অবতীর্ণ হইয়াছে ।

না, এবং ঈশ্বরকে ভয় করিও ; নিশ্চয় ঈশ্বর শ্রোতা জ্ঞাতা । ১ । হে বিশ্বাসিবন্দ, সংবাদ-বাহকের ধ্বনির উপর স্বীয় ধ্বনিকে উন্নত করিও না, এবং তোমাদের ক্রিয়াপুঞ্জ বিফল না হয় উদ্দেশ্যে, তোমাদের পরস্পরের প্রতি উচ্চ কথা বলার শ্রায়, তাহার প্রতি তোমরা কথা উচ্চ বলিও না, এবং তোমরা জানিতেছ না । ২ । নিশ্চয় যাহারা ঈশ্বরের প্রেরিতপুরুষের নিকটে স্বীয় ধ্বনিকে বিনম্র করে, তাহারাই ইহারা হয় যে, পরমেশ্বর তাহাদের অন্তরকে বিষয়নিবৃত্তির জন্ত পরীক্ষা করিয়াছেন । তাহাদের নিমিত্ত ক্ষমা ও মহাপুরস্কার আছে \* । ৩ । নিশ্চয় যাহারা কুটিরের পশ্চাত্তাগ হইতে তোমাকে ডাকে, তাহাদের অধিকাংশই বুঝে না । ৪ । এবং তাহাদের নিকটে তোমার আগমন করা পর্য্যন্ত যদি তাহারা ধৈর্য্যধারণ করিত, তাহা হইলে তাহাদের জন্ত মঙ্গল ছিল ; ঈশ্বর ক্ষমাশীল দয়াবান † । ৫ । হে বিশ্বাসিগণ, যদি তোমাদের নিকটে কোন দুর্বৃত্ত লোক সংবাদ আনয়ন করে, তবে অনুসন্ধান করিও ; এরূপ যেন না হয়, যেন তোমরা অজ্ঞানতাবশতঃ কোন দলে বিপদ উপস্থিত কর, যাহা করিলে পরে তৎসম্বন্ধে অনুতপ্ত হইবে ‡ । ৬ । এবং জানিও, তোমাদের মধ্যে ঈশ্বরের প্রেরিতপুরুষ আছে, যদি

\* কয়সের পুত্র সাবেতের কণ্ঠধর উচ্চ ছিল । সে সর্বদা হজরতের সঙ্গে তারম্বরে কথা কহিত । এই আয়ত অবতীর্ণ হইলে পর, সে গৃহে বসিয়া রোদন বিলাপ করিতে থাকে । হজরত এই সংবাদ পাইয়া তাহাকে ডাকিয়া আনিয়া কারণ জিজ্ঞাসা করেন । সে বলে, “হে প্রেরিতপুরুষ, আমার কর্ণে ভার আছে, আমি আপনার সভাতে উচ্চৈঃস্বরে কথা কহিয়া থাকি ; ভয় হইতেছে যে, আমার ধর্ম্ম কর্ম বা বিনষ্ট হইয়া গিয়াছে ।” হজরত বলিলেন, “কল্যাণসহকারে জীবিত থাকিতে ও কল্যাণসহকারে প্রাণত্যাগ করিতে তুমি কি সম্মত নও ? তুমি স্বর্গনিবাসীদিগের অন্তর্গত হও ।” সাবেত বলিল, “আমি এই সুসংবাদ-শ্রবণে আশ্লাদিত হইলাম, আপনার সাক্ষাতে আমি আর কখনও উচ্চধ্বনি করিব না ।” “পরমেশ্বর তাহাদের অন্তরকে বিষয়নিবৃত্তির জন্ত পরীক্ষা করিয়াছেন,” অর্থাৎ পরমেশ্বর সেই সকল লোকের অন্তর সংসারাসক্তি-নিবৃত্তির জন্ত বিস্তৃত করিয়াছেন । (ত, হো,)

† হজরত এক দল সৈন্য কোন জাতির প্রতি প্রেরণ করিয়াছিলেন । তাহারা কতিপয় লোককে বন্দী করিয়া মদিনায় লইয়া আইসে । তন্মিম বংশের এক দল, যথা, আলিসের পুত্র আক্বা ও হাজ্জেরের পুত্র আতাব এবং বদরের পুত্র জেরকান প্রভৃতি বন্দীদিগের পশ্চাতে মদিনায় মধ্যাহ্নকালে উপস্থিত হইয়া হজরতের কুটিরের বহির্ভাগে আগমনপূর্বক উচ্চৈঃস্বরে বলিতে থাকে, “হে প্রেরিতপুরুষ, নীচ বাহির হউন, বন্দীদিগের সম্বন্ধে যথাকর্তব্য বিধান করুন ।” তখন হজরত নিদ্রিত ছিলেন, তিনি তাহাদের আশ্রানে জাগরিত হইয়া বাহিরে চলিয়া আইসেন । তিনি তাহাদের এক ব্যক্তিকে বন্দীদিগের প্রতি বিহিত বিধানের পরামর্শ জিজ্ঞাসা করেন, সে অন্ধলোককে মুক্ত করিতে বলে । হজরত তাহাই করিলেন । এতদুপলক্ষে এই আয়ত অবতীর্ণ হয় । (ত, হো,)

‡ হজরত মোহাম্মদ মদিনাপ্রস্থানের নবম-বৎসরে আক্বার পুত্র অলিদকে মন্তলক-পরিবারের নিকট হইতে দান গ্রহণ করিতে প্রেরণ করেন । পৌত্তলিকতার সময়ে মন্তলক-পরিবারের সঙ্গে অলিদের বিরোধ ছিল । তাহারা অলিদের আগমন সংবাদ শ্রবণ করিয়া পুরাতন শত্রুতা পরিত্যাগপূর্বক নুতন প্রেমের সূত্রপাত করে । তাহাকে অভ্যর্থনা করিবার জন্ত একযোগে বহুলোক অগ্রসর

অধিকাংশ কার্যে সে তোমাদের আক্রমণ হয়, তবে তোমরা অবশ্য দুঃখে পড় ; কিন্তু ঈশ্বর তোমাদের সম্বন্ধে বিশ্বাস ভালবাসেন ও তোমাদের অন্তরে তাহা সজ্জিত করিয়াছেন এবং তিনি তোমাদের সম্বন্ধে অধর্ম ও দুর্চারা এবং অবাধ্যতাকে ঘৃণিত করিয়াছেন । ইহারাই তাহারা যে, ঈশ্বরের কৃপা ও দানাত্মসারে পথপ্রাপ্ত, এবং পরমেশ্বর জ্ঞানময় কৌশলময় ৭+৮ । এবং যদি বিশ্বাসীদের দুই দল পরস্পর যুদ্ধ করে, পরে তোমরা উভয়ের মধ্যে সম্মিলন স্থাপন করিও ; অনন্তর যদি তাহাদের এক অন্দের প্রতি অগ্ন্যাচারণ করে, তবে যে অগ্নয় করিয়াছে, যে পর্যন্ত সে ঈশ্বরের আক্রমণ দিকে ফিরিয়া ( না ) আইসে, সে পর্যন্ত তাহার সঙ্গে তোমরা সংগ্রাম করিও । পরে যদি ফিরিয়া আইসে, তবে উভয়ের মধ্যে গ্নাত্মসারে সন্ধি স্থাপন করিও, এবং বিচার করিও, নিশ্চয় ঈশ্বর বিচারকদিগকে প্রেম করেন\* । ৯ । বিশ্বাসিগণ পরস্পর ভ্রাতা ভিন্ন নহে, অতএব আপন ভ্রাতৃবর্গের মধ্যে তোমরা সম্মিলন স্থাপন কর, এবং ঈশ্বরকে ভয় করিতে থাক, সম্ভবতঃ তোমরা দয়া প্রাপ্ত হইবে । ১০ । ( র, ১, আ, ১০, )

হে বিশ্বাসিগণ, এক দল অন্য দলকে যেন উপহাস না করে, হয়তো উহারা তাহাদিগ অপেক্ষা উত্তম হয়, এবং নারীগণ অন্য নারীগণকে যেন ( উপহাস না করে, ) হয়তো উহারা তাহাদিগ অপেক্ষা উত্তম হয় ; এবং তোমরা আপনাদের পরস্পরের প্রতি দোষারোপ করিও না ও পরস্পরকে নীচ উপাধিযোগে ডাকিও না, বিশ্বাসলাভের পর উন্নয়ন-চারী ( বলা ) দুর্নাম হয় । যাহারা পুনর্শ্লিত না হইয়াছে, পরে ইহারাই সেই অত্যাচারী ১১ । হে বিশ্বাসিগণ, তোমরা বাহুল্য কল্পনা হইতে নিবৃত্ত থাক, নিশ্চয়

হয় । তাহারা যুদ্ধ করিতে আসিতেছে মনে করিয়া অলিদ হজরতের নিকটে পলায়ন করিয়া চলিয়া যায়, এবং বলে, মন্তলক-পরিবার বিরোধী হইয়াছে, এবং ধর্ম পরিত্যাগ করিয়াছে ও জকাত-দানে অসম্মত হইয়া আমাকে হত্যা করিতে উদ্যত হইয়াছিল । তখন হজরত অলিদের পুত্র খালেদকে কতিপয় লোক সমভিব্যাহারে যথার্থ তত্ত্ব অনুসন্ধান করিবার জন্ত প্রেরণ করেন । খালেদ যাইয়া দেখেন যে, তাহারা সামাজিক উপাসনাদি মোসলমান ধর্মের সমুদায় রীতি নীতি পালন করিতেছে । তিনি ফিরিয়া আসিয়া সবিশেষ হজরতকে নিবেদন করেন । তাহাতেই এই আয়ত অবতীর্ণ হয় ।  
( ত, হো, )

\* আব্দোল্লাওরাহা ও এব্ন আবু এই দুই জনের মধ্যে হজরতের সাক্ষাতে বিবাদ উপস্থিত হয় । গালি তিরস্কারে বিরোধ আরম্ভ হইয়া পরে পরস্পর প্রহার ও যুদ্ধ ঘটয়া উঠে । উভয়কে সাহায্য দান করিতে উভয় পক্ষের আত্মীয় স্বজন দলবদ্ধ হইয়া মিলিত হয় । তাহাতেই এই আয়ত প্রকাশ পায় ।  
( ত, হো, )

+ ওমিম-পরিবারস্থ কতিপয় লোক, দীন দুঃখী বেলাল ও সোলমান এবং এমার ও হবারের প্রতি উপহাস বিক্রম করিত ; তাহাতেই এই আয়ত অবতীর্ণ হয় । তোমরা আপনাদের পরস্পরের প্রতি দোষারোপ করিও না ও পরস্পরকে নীচ উপাধি-যোগে ডাকিও না । অর্থাৎ বিশ্বাসিগণ পরস্পর



কোন কোন কল্পনা পাপ, এবং অসুস্থকান লইও না ও আপনাদের পরস্পরের দোষ গোপনে আলোচনা করিও না ; তোমাদের কোন ব্যক্তি কি আপন যুত ভ্রাতার মাংস ভক্ষণ করিতে ভালবাসে ? তাহা হইলে তোমরা তাহার প্রতি অসন্তুষ্ট হইবে ; এবং ঈশ্বরকে ভয় করিতে থাক, নিশ্চয় ঈশ্বর পুনর্জন্মকারী দয়ালু\* । ১২ । হে লোক সকল, নিশ্চয় আমি তোমাঙ্গিকে এক পুরুষ ও এক নারী হইতে সৃজন করিয়াছি, এবং তোমাঙ্গিকে বহু সম্প্রদায় ও পরিবারে বিভক্ত করিয়াছি, যেন তোমরা পরস্পরকে চিনিয়া লও ; নিশ্চয় তোমাদের মধ্যে সমধিক বিষয়বিরাগী লোক ঈশ্বরের নিকটে তোমাদের মধ্যে সমধিক গৌরবান্বিত, নিশ্চয় ঈশ্বর জ্ঞানী তত্ত্বজ্ঞ । ১৩ । আরব্য যাযাবরগণ বলিল, “আমরা বিশ্বাস স্থাপন করিলাম,” তুমি বল “তোমরা বিশ্বাস কর নাই, কিন্তু বল, এন্সলাম ধর্ম গ্রহণ করিলাম, এক্ষণে তোমাদের অন্তরে বিশ্বাস প্রবেশ করে নাই ; এবং যদি তোমরা ঈশ্বরের ও তাঁহার প্রেরিতপুরুষের অনুগত হও, তবে তিনি তোমাদের কর্মপুঞ্জের কিছুই ন্যূন করিবেন না, নিশ্চয় ঈশ্বর ক্রমাশীল দয়ালু” । ১৪ । যাহারা ঈশ্বর ও তাঁহার প্রেরিতপুরুষের প্রতি বিশ্বাস স্থাপন করিয়াছে, তৎপর সন্দেহ করে নাই, এবং ঈশ্বরোদ্দেশ্যে স্বীয় ধন ও স্বীয় জীবন দ্বারা সংগ্রাম করিয়াছে, তাহারা বিশ্বাসী, এতদ্বিম্ব নহে ; ইহারাই তাহারা যে সত্যবাদী হয় । ১৫ । তুমি বল, “তোমরা কি স্বীয় ধর্ম ঈশ্বরকে জ্ঞাপন করিতেছ ? এবং পরমেশ্বর, স্বর্গলোকে যে কিছু আছে ও পৃথিবীতে যে কিছু আছে, জ্ঞাত আছেন ও ঈশ্বর সর্বজ্ঞ” । ১৬ । তাহারা যে মোসলমান হইয়াছে, তজ্জন্ম তোমার প্রতি, ( হে মোহাম্মদ, ) উপকার স্থাপন করিতেছে ; তুমি বল, “স্বীয় এন্সলাম ধর্মেতে তোমরা

ভ্রাতা, অতএব এক বিশ্বাসী অন্য বিশ্বাসীর প্রতি দোষারোপ করিলে নিজের প্রতি দোষারোপ করা হয় । মোসলমানকে ইহুদি বা ঈসরাইলী ও বিশ্বাসীকে কপট বলা নীচ উপাধিযোগে ডাকা । ( ত, হো, )

\* হজরতের ধর্মবন্ধুদিগের দুই ব্যক্তি আপনাদের আত্মীয় সোলমান নামক ব্যক্তিকে হজরতের নিকটে পাঠাইয়া খাদ্য প্রার্থনা করিয়াছিলেন । হজরত আপনার অনুগত আসামার প্রতি অন্ন-প্রদানের ভার অর্পণ করেন । আসামা বলেন, আমার নিকটে কোনরূপ খাদ্যসামগ্রী নাই । সোলমান কিরিয়া যাইয়া হজরতের উক্ত পারিষদদ্বয়কে তাহা জ্ঞাপন করেন । তাঁহারা গোপনে পরস্পর বলিতে থাকেন যে, “সোলমান গভীর কুপে পদস্থাপন করিলে কুপ শুষ্ক হইয়া যায়।” আসামার সম্বন্ধে বলেন যে, “আসামার নিকটে অন্ন ছিল, কিন্তু সে কুপণতা করিয়াছে।” পরে তাঁহারা অসুস্থকানে প্রবৃত্ত হন যে, আসামা সত্য বলিয়াছে কি না ? তাহার নিকটে অন্ন ছিল, না, খাদ্য দ্রব্য রাখিয়া কুপণতা করিয়াছে ? পরদিন তাঁহারা হজরতের নিকটে আসিলে তিনি জিজ্ঞাসা করিলেন, “তোমাদের দস্তুর অভ্যন্তরে সদা মাংসখণ্ড দেখিতেছি।” তাঁহারা বলিলেন, “আমরা মাংস ভক্ষণ করি নাই।” হজরত বলিলেন, “আমি খাদ্য মাংসের কথা কহিতেছি না, মনুষ্যমাংসের কথা কহিতেছি । তোমরা নিন্দা করাত্তে সোলমান ও আসামার মাংস ভক্ষণ করিয়াছ।” তাহাতেই এই আশ্রিত অবতীর্ণ হয় ।

আমার প্রতি উপকার স্থাপন করিও না, বরং ঈশ্বর তোমাদের প্রতি উপকার স্থাপন করিতেছেন ; যেহেতু যদি তোমরা সত্যবাদী হও, তবে জানিও, বিশ্বাস দ্বারা তিনি তোমাদিগকে পথপ্রদর্শন করিয়াছেন” \* । ১৭ । নিশ্চয় পরমেশ্বর স্বর্গ ও মর্ত্যের রহস্য জানিতেছেন, এবং ঈশ্বর, তোমরা যাহা করিয়া থাক, তাহার দ্রষ্টা । ১৮ । (র, ২, আ, ৮)

## সূরা কা †

### পঞ্চাশত্তম অধ্যায়

#### ৪৫ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

কা, ‡ মহৎ কোর্-আনের শপথ । ১ । বরং তাহারা আশ্চর্যান্বিত হইয়াছে, যেহেতু তাহাদের মধ্য হইতে ভয়প্রদর্শক তাহাদের নিকটে আগমন করিয়াছে ; পরে ধর্মদ্রোহিগণ বলিল, “ইহা আশ্চর্য্য বিষয় । ২ । † কি আমরা যখন মরিব ও মৃত্তিকা হইয়া যাইব, তখন ( পুনরুত্থিত হইব ? ) এই পুনরুত্থান অসম্ভব” । ৩ । সতাই মৃত্তিকা তাহাদিগের যাহা (যে অস্থি মাংস) বিনষ্ট করে, তাহা আমি জ্ঞাত আছি, এবং আমার নিকটে স্মারক গ্রন্থ আছে । ৪ । বরং তাহারা সত্যের প্রতি, যখন তাহাদের নিকটে উপস্থিত হইয়াছে, অসত্যারোপ করিয়াছে ; অনন্তর তাহারা এক বিষয়ে ক্ষিপ্ত হয় § । ৫ । পরিশেষে তাহারা কি তাহাদের উপরিস্থিত নভোমণ্ডলের দিকে দৃষ্টি করিতেছে না ? আমি

\* আসদ-পরিবারের কতিপয় লোক মদিনায় আগমন করিয়া ধর্মদীক্ষার বচন উচ্চারণপূর্বক বলিতেছিল, “হে প্রেরিতপুরুষ, আরব্য লোক প্রত্যেকে একাকী আপনার নিকটে আসিয়াছে ও আমরা সজন ও সপরিবারে আসিয়াছি ; অধিকাংশ আরব্য লোক আপনার সঙ্গে সংগ্রাম করিয়াছে, আমরা তাহা করি নাই । অতএব আমরা আপনার প্রতি বিশেষ উপকার স্থাপন করিয়াছি ।” এতদুপলক্ষে ঈশ্বর এইরূপ বলিতেছেন । ( ত, হো, )

† এই সূরা মক্কাতে অবতীর্ণ হইয়াছে ।

‡ “কা” পরমেশ্বরের বা কোর্-আনের নাম বিশেষ । এতদ্ভিন্ন অল্প অনেক অর্থ হইয়া থাকে । ( ত, হো, )

§ “তাহারা এক বিষয়ে ক্ষিপ্ত হয়” অর্থাৎ কোর্-আনের বা হজরতের বিষয়ে তাহারা ক্ষিপ্তত্ব লাভ করে । তাহারা কখন কোর্-আনকে ইন্দ্রজাল, কখন কবিতা, কখন মন্ত্র, হজরতকে কখন উন্নত, কখন ভবিষ্যদ্বক্তা, কখন কবি বলিয়া থাকে । ( ত, হো, )

তাহাকে কেমন নির্মাণ করিয়াছি ও তাহাকে শোভিত করিয়াছি, এবং তাহার কোন ছিদ্র নাই। ৬। তাহারা পৃথিবীর দিকে ( কি দৃষ্টি করিতেছে না ? ) তাহাকে আমি প্রসারিত করিয়াছি ও তন্মধ্যে পর্বত সকল স্থাপন করিয়াছি, এবং তাহার মধ্যে সর্ববিধ আনন্দজনক ( উদ্ভিদ ) প্রত্যেক পুনর্নিলনকারী দাসের দর্শন ও উপদেশের অল্প উৎপাদন করিয়াছি। ৭ + ৮। এবং আমি আকাশ হইতে শুভকর বারি বর্ষণ করিয়াছি, পরে তদ্বারা উদ্ভান সকল ও কর্তিত হওয়ার শস্যকণা এবং উন্নত খোন্দাতরু, যাহার স্তরে স্তরে ফল হয়, দাসদিগের উপজীবিকাস্বরূপ উৎপাদন করিয়াছি; তদ্বারা মৃত নগরকে জীবিত করিয়াছি, এইরূপে ( কবর হইতে ) বহির্গমন হয়। ৯ + ১০ + ১১। তাহাদের পূর্বে মুহীম সম্প্রদায় ও রসনিবাসিগণ এবং সমুদ্র ও আদ জাতি এবং ফেরগণ ও লুতের ভ্রাতৃবর্গ, অপিচ আয়কানিবাসিগণ ও তোব্বার সম্প্রদায় অসত্যারোপ করিয়াছিল, প্রত্যেক প্রেরিত পুরুষদিগের প্রতি অসত্যারোপ করিয়াছিল; অনন্তর শান্তির অঙ্গীকার প্রমাণিত হইয়াছিল। ১২ + ১৩ + ১৪। পরন্তু আমি কি প্রথম সৃষ্টিতে কাতর হইয়াছিলাম? বরং তাহারা অভিনব সৃষ্টিবিষয়ে সন্দেহের মধ্যে আছে। ১৫। ( র, ১, আ, ১৫ )

এবং সত্য সত্যই আমি মনুষ্যকে সৃজন করিয়াছি ও তাহার মন তাহাকে যে মন্ত্রণা দান করে, আমি তাহা জ্ঞাত হই; আমি প্রাণের শিরা অপেক্ষা তাহার পক্ষে নিকটতর \*। ১৬। (স্মরণ কর,) যখন দুই উপবিষ্ট গ্রহণকারী দক্ষিণ ও বাম দিক হইতে (বাক্যাদি) গ্রহণ করিতে থাকে †। ১৭। সে ( মনুষ্য ) এমন কোন বাক্য উচ্চারণ করে না, তাহার নিকটে যে রক্ষক সমুপস্থিত, সে ( তাহা লিপি করে না )। ১৮। এবং মৃত্যুর মুচ্ছা সত্যতঃ আসিবে, ( তাহাকে বলিবে, ) ইহা তাহাই, যাহা হইতে তুমি অপমৃত হইতেছিলে। ১৯। এবং স্মরণে ফুৎকার করা হইবে; ( দেবগণ বলিবে, ) “ইহাই শান্তির অঙ্গীকারের দিন”। ২০। এবং প্রত্যেক ব্যক্তি আগমন করিবে, তাহার সঙ্গে পরিচালক ও সাক্ষী ( আগমন করিবে )। ২১। ( আমি বলিব, ) “সত্য সত্যই তুমি এবিষয়ে নিশ্চিন্ত ছিলে, অনন্তর আমি তোমা হইতে তোমার আবরণ উন্মোচন করিলাম, পরে অণু তোমার চক্ষু তীক্ষ্ণ হইল”। ২২। এবং তাহার সহচর ( দেবতা ) বলিবে, “এই তাহা, যাহা ( যে কার্যালিপি ) আমার নিকটে উপস্থিত আছে”। ২৩। (আমি সেই দুই স্বর্গীয় দূতকে বলিব) “প্রত্যেক দুর্দান্ত, কল্যাণের বিরোধী, সীমালঙ্ঘনকারী, সন্দেহপ্রবণ যে ব্যক্তি ঈশ্বরের সঙ্গে অণু উপাস্ত্র নির্ধারণ করে, সেই কাকেরকে

\* প্রাণের শিরা সমুদায় অঙ্গ প্রত্যঙ্গ অপেক্ষা মনুষ্যের সমধিক নিকটবর্তী। এই উক্তি দ্বারা বুঝা যাইতেছে যে, তদপেক্ষা ঈশ্বর মনুষ্যের অধিক নিকটবর্তী। যেমন মনুষ্য যখন আপনাকে অন্বেষণ করে, তখনই প্রাপ্ত হয়, তদ্রূপ ঈশ্বরকে যখন অন্বেষণ করে, তৎক্ষণাৎ লাভ করিয়া থাকে। ( ত, হো, )

† এ স্থলে দুই উপবিষ্ট গ্রহণকারী দুই স্বর্গীয় দূত, তাহারা মনুষ্যের দক্ষিণ ও বামে উপবিষ্ট থাকে ও তাহার বাক্য ও কার্য ইত্যাদি লিপি করে। ( ত, হো, )

নরকে নিক্ষেপ কর ; অনন্তর কঠিন শাস্তির মধ্যে তাহাকে নিক্ষেপ কর ।” + ২৪ + ২৫ + ২৬ । তাহার সহচর বলিবে, “হে আমাদের প্রতিপালক, আমি তাহাকে বিপথগামী করি নাই, কিন্তু সে নিজেই দূরতর পথভ্রান্তির মধ্যে ছিল” । ২৭ । তিনি বলিবেন, “আমার নিকটে তোমরা বিরোধ করিও না, এবং বস্তুতঃ আমি তোমাদের প্রতি পূর্বেই শাস্তির অঙ্গীকার করিয়াছি । ২৮ । আমার নিকটে বাক্য পরিবর্তিত করা হয় না, এবং আমি দাসদিগের প্রতি অত্যাচারী নহি” । ২৯ । ( র, ২, আ, ১৪ )

( স্মরণ কর, ) যে দিন আমি নরকলোককে বলিব, “তুমি কি ( পাপী দ্বারা ) পূর্ণ হইয়াছ ?” এবং সে কহিবে, “কিছু অধিক আছে কি” ? ৩০ । এবং ধার্মিক লোকদিগের জন্ম স্বর্গলোক অদূরে সন্নিহিত করা হইবে । ৩১ । ( আমি বলিব, ) “ইহা সেই, যাহা প্রত্যেক প্রত্যাবর্তনকারী ( ঈশ্বরের আজ্ঞা ) প্রতিপালনকারীর জন্ম অঙ্গীকৃত হইয়াছে” । ৩২ । যে ব্যক্তি অন্তরে ঈশ্বরকে ভয় করে, এবং পুনর্নির্মনকারী অন্তরের সহিত উপস্থিত হয় । ৩৩ । + ( আমি তাহাকে বলিব, ) “তোমরা সুখে ইহাতে প্রবেশ কর, ইহাই নিত্যবাসের দিন” । ৩৪ । তাহারা যাহা ইচ্ছা করে, তথায় তাহাদের জন্ম তাহা থাকিবে, এবং আমার নিকটে অধিক থাকিবে । ৩৫ । তাহাদের পূর্বে আমি বহুমণ্ডলীকে বিনাশ করিয়াছি, তাহারা তাহাদিগ অপেক্ষা বীরত্বে প্রবল ছিল; পরে নগর সকলের দিকে তাহারা পথ অনুসন্ধান করিয়াছিল, ( তাহাদের ) কোন পলায়নের স্থান কি ছিল \* ? ৩৬ । নিশ্চয় ইহাতে যাহার অন্তর আছে, সেই ব্যক্তির জন্ম, অথবা যে কর্ণকে স্থাপন করে এবং যে উপস্থিত থাকে, তাহার জন্ম উপদেশ আছে † । ৩৭ । সত্য সত্যই আমি ষষ্ঠ দিবসে স্বর্গ ও মর্ত্য এবং উভয়ের মধ্যে যে কিছু আছে, সৃজন করিয়াছি, এবং কোন ক্রান্তি আমাকে আশ্রয় করে নাই । ৩৮ । অনন্তর তাহারা যাহা

\* “নগর সকলের দিকে তাহারা পথ অনুসন্ধান করিয়াছিল ।” অর্থাৎ সেই সকল লোক বাণিজ্যার্থে নগরে নগরে ভ্রমণ করিয়া প্রচুর ধনসম্পত্তি লাভ করিয়াছিল । “তাহাদের কোন পলায়নের স্থান কি ছিল ?” অর্থাৎ ঈশ্বরের দণ্ডাজ্ঞা হইতে পলায়ন করিয়া রক্ষা পায়, এমন কোন আশ্রয়ভূমি তাহাদের জন্ম ছিল না । যখন সংহারের আদেশ অবতীর্ণ হইল, তখন কোন বস্তুই তাহাদিগকে রক্ষা করিল না । ( ত, হো, )

+ অর্থাৎ যাহার অন্তর চিন্তাশীল ও সচেতন এবং যে ব্যক্তি শ্রবণের জন্ম উৎসুক হইয়া বিশ্বাস সহকারে কর্ণকে উন্মুক্ত রাখে ও যে জন শ্রবণকালে অর্থ হৃদয়ঙ্গম করিবার জন্ম উপস্থিত থাকে, অর্থাৎ মনঃসংযোগ করে, তাহার জন্ম কোরু আনে উপদেশ আছে । আরবের বিশ্বাসী লোককে অন্তঃকরণযুক্ত, হজরত মোহাম্মদের গুণের সাক্ষী, গ্রন্থাধিকারী বিশ্বাসীদিগকে উপস্থিত লোক বলা যায় । কোরু-আনু শ্রবণের সময় একরূপ কর্ণ স্থাপন আবশ্যিক, যেন হজরতের মুখ হইতে শ্রবণ করা যাইতেছে ; অনন্তর হৃদয়ঙ্গম করিবার সময় তদপেক্ষা উন্নত অবস্থা আবশ্যিক, তখন একরূপ ভাব হওয়া উচিত, যেন স্বেত্রিল হইতে শ্রবণ করা হইতেছে ; পরে তাহা অপেক্ষাও উন্নত অবস্থা আবশ্যিক, তখন শ্রোতার একরূপ ভাব হওয়া উচিত, যেন সে ঈশ্বর হইতে শুনিতেছে । ইহাই সর্বোচ্চ অবস্থা । ( ত, হো, )

বলিয়া থাকে, তৎপ্রতি তুমি, ( হে মোহম্মদ, ) ধৈর্য্য ধারণ কর, এবং সূর্যোদয়ের পূর্বে ও অস্তগমনের পূর্বে ও রজনীতে আপন প্রতিপালকের প্রশংসার স্তব কর, পরে সায়ং উপাসনাস্তে তাঁহার স্তুতি কর, এবং প্রণাম সমূহের পরও ( স্তুতি কর ) \* । ৩৯ + ৪০ । এবং সেই দিন ঘোষণাকারী নিকটবর্তী স্থান হইতে যে ঘোষণা করিবে, তুমি তাহা শ্রবণ করিও । ৪১ । সেই দিন তাহার। সত্যতঃ মহাধ্বনি শ্রবণ করিবে, উহাই ( কবর হইতে ) বাহির হইবার দিন । ৪২ । নিশ্চয় আমি প্রাণদান ও প্রাণহরণ করিয়া থাকি, এবং ( মৃত্যুর পর ) আমার দিকেই প্রত্যাবর্তন হয় । ৪৩ । + সেই দিন তাহাদের উপর হইতে পৃথিবী বিদীর্ণ হইবে, তাহারা সত্ত্বর ( বাহির হইবে, ) এই পুনরুত্থান বিধান আমার সম্বন্ধে সহজ । ৪৪ । তাহারা যাহা বলিয়া থাকে, আমি তাহা জানিতেছি এবং তুমি তাহাদের সম্বন্ধে বলপ্রয়োগকারী নও ; অনন্তর যে ব্যক্তি শান্তির অঙ্গীকারকে ভয় করে, তুমি কোর্-আন্ দ্বারা তাহাদিগকে উপদেশ দান করিতে থাক । ৪৫ । ( র, ৩, আ, ১৬ )

## সূরা জারেয়াত †

.....

### একপঞ্চাশত্তম অধ্যায়

.....

#### ৬০ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

বিকিরণরূপে ধূলী বিকীর্ণকারী ( বায়ুর শপথ ) । ১ । + অনন্তর ভারবহনকারী বায়ুর শপথ । ২ । + অনন্তর ধীরে ( নৌকা ) সঞ্চালনকারী ( বায়ুর শপথ ) । ৩ । + অনন্তর কার্যবিভাগকারী ( বায়ুর শপথ ) ‡ । ৪ । + নিশ্চয় তোমাদিগের প্রতি যাহা অঙ্গীকার

\* এখানে স্তুতি অর্থে নমাজ । অর্থাৎ সূর্যোদয়ের পূর্বে ও সূর্যাস্তের পূর্বে এবং রজনীতে নমাজ পড় । “প্রণামসমূহের পরও স্তুতি কর ।” অর্থাৎ প্রণাম সকল করিয়াও নমাজ পড় । ( ত, হো, )

† এই সূরা মক্কাতে অবতীর্ণ হইয়াছে ।

‡ বায়ুপুঞ্জসম্বন্ধে ঈশ্বর এই সকল শপথ করেন । প্রথমতঃ ধূলী উড়াইয়া যে প্রবল বায়ু প্রবাহিত হয় ও মেঘ উৎপাদন করে, তৎসম্বন্ধে শপথ । পরে মেঘ সকলকে বহন করিয়া যে বায়ু প্রবাহিত হয়, তাহার সম্বন্ধে শপথ । পরে বারিবর্ষণের প্রাক্কালে যে বায়ু ধীরে ধীরে প্রবাহিত হইয়া থাকে, তৎসম্বন্ধে শপথ । অনন্তর বিষয়বিভাগকারী অর্থাৎ ঈশ্বরাজ্যক্রমে এক স্থান হইতে স্থানান্তরে মেঘ সকলকে সঞ্চালন করিয়া বারিবর্ষণে প্রবর্তিত যে বায়ু, তাহার শপথ । ( ত, ফা, )



করা যাইতেছে, তাহা সত্য । ৫ । + এবং নিশ্চয় বিচার সম্ভবনীয় । ৬ । বস্মাবলীসংযুক্ত  
 ছ্যালোকের শপথ \* । ৭ । নিশ্চয় তোমরা কথার মধ্যে বিরোধকারী † । ৮ । যে ব্যক্তি  
 (কল্যাণ হইতে) নিবারিত হইয়াছে, সে তাহা হইতে (কোর্-আন্ হইতে) নিবারিত হইয়া  
 থাকে । ৯ । মিথ্যাবাদিগণ নিহত হইয়াছে । ১০ । + তাহারাই ( মিথ্যাবাদী, ) যাহারা  
 মায়াতে বিশ্বত । ১১ । + তাহারাই জিজ্ঞাসা করিতেছে যে, কখন বিচারের দিন হইবে ?  
 ১২ । যে দিবস তাহারাই অগ্নিতে দগ্ধিত হইবে । ১৩ । ( আমি বলিব, ) তোমরা  
 আপন শাস্তি ভোগ করিতে থাক, তোমরা যে বিষয়ে ব্যগ্র হইতেছিলে, ইহা তাহা ।  
 ১৪ । নিশ্চয় ধার্মিক লোকেরা স্বর্গোদ্যান ও প্রস্রবণ সকলের মধ্যে থাকিবে । ১৫ ।  
 তাহাদের প্রতিপালক তাহাদিগকে যাহা দান করিয়াছেন, তাহারাই তাহার গ্রহণকারী  
 হইবে, নিশ্চয় তাহারাই ইতিপূর্বে হিতকারক ছিল । ১৬ । তাহারাই রজনীর অলক্ষণ শয়ন  
 করিত । ১৭ । এবং প্রাতঃকালে তাহারাই ক্ষমা প্রার্থনা করিত । ১৮ । এবং তাহাদের  
 সম্পত্তিতে প্রার্থীদিগের ও দরিদ্রদিগের স্বত্ব ছিল । ১৯ । এবং পৃথিবীতে বিশ্বাসীদিগের  
 জন্ম নিদর্শনাবলী আছে । ২০ । এবং তোমাদের জীবনের মধ্যে ( নিদর্শনাবলী আছে, )  
 অনন্তর তোমরা কি দেখিতেছ না ? ২১ । এবং তোমাদের উপজীবিকা ও যাহা  
 তোমাদের প্রতি অঙ্গীকৃত হইয়াছে, তাহা আকাশে আছে ‡ । ২২ । অনন্তর স্বর্গ ও  
 পৃথিবীর প্রতিপালকের শপথ, যেমন তোমরা এই যে কথা কহিতেছ, তদ্রূপ নিশ্চয় ইহা  
 সত্য § । ২৩ । ( র, ১, আ, ২৩ )

তোমার নিকটে কি, ( হে মোহম্মদ, ) এব্রাহিমের গৌরবান্বিত অভ্যাগতদিগের  
 বৃত্তান্ত সমুপস্থিত হইয়াছে ¶ ? ২৪ । ( স্মরণ কর, ) যখন তাহার নিকটে তাহারাই প্রবেশ  
 করিল, তখন বলিল, “সেলাম” ; সে কহিল, “সেলাম”, ( মনে মনে কহিল, ইহারাই )

\* বস্মাবলীসংযুক্ত ছ্যালোকের শপথ, অর্থাৎ নক্ষত্রপুঞ্জের পরিভ্রমণের পথযুক্ত যে ছ্যালোক,  
 তৎসম্বন্ধে শপথ । কেহ কেহ বলেন, এই বস্মাবলীসংযুক্ত ছ্যালোক সপ্তম স্বর্গ । ঈশ্বর এই সপ্তম  
 স্বর্গের শপথ স্মরণ করিতেছেন । ( ত, হো, )

+ অর্থাৎ প্রেরিতপুরুষের সম্বন্ধে কথা হইলে, তোমরা তাহাকে কখন কবি বল, কখন ঐন্দ্রজালিক,  
 কখন বা ভবিষ্যদ্বক্তা, কখন ক্ষিপ্ত বলিয়া থাক । কোর্-আনের সম্বন্ধে কথা হইলে, তাহাকে জাহুমঙ্গ,  
 কবিতা ও কল্পিত বাক্য এবং প্রাচীন গল্প বলিয়া থাক । ( ত, হো, )

‡ অর্থাৎ তোমাদের জীবনোপায় শস্তাদির উৎপত্তির কারণ যে মেঘ, তাহা আকাশে আছে ।  
 অপিচ তোমাদের প্রতি যে সকল পুরস্কার ও সম্পদদানের অঙ্গীকার করা হইতেছে, তাহা সপ্তম স্বর্গে  
 আছে । ( ত, হো, )

§ অর্থাৎ তোমরা যেমন কথা কহিতেছ, তাহাতে সন্দেহ নাই, তদ্রূপ উপজীবিকাদান বিষয়ে কোন  
 সন্দেহ নাই, নিশ্চয় সত্য । ( ত, হো, )

¶ এব্রাহিমের সেই অভ্যাগতগণ একাদশ স্বর্গীয় দূত ছিলেন । তাহারাই দুরাচার লুতীয় সম্প্রদায়কে

অপরিচিত দল । ২৫। অনন্তর সে আপন পরিজনদের নিকটে চলিয়া গেল, পরে শুল গোবৎস ( কবাব ) আনয়ন করিল । ২৬। + অবশেষে তাহাদের নিকটে তাহা উপস্থিত করিয়া বলিল, “তোমরা কি ভক্ষণ কর না” ? ২৭। অনন্তর ( তাহারা ভক্ষণ না করিলে, ) সে তাহাদিগ হইতে অন্তরে ভয় পাইল ; তাহারা বলিল, “তুমি ভয় করিও না ;” এবং তাহারা তাহাকে জ্ঞানবান্ পুত্রসম্বন্ধে সুসংবাদ দান করিল \* । ২৮। পরে তাহার ভাৰ্ঘ্যা ( বিশ্বয়সূচক ) শব্দে উপস্থিত হইল, অনন্তর আপন কপোলে ( সবিস্ময়ে ) চপেটাঘাত করিল, এবং বলিল, “বৃদ্ধা বক্ষ্যা ( কি প্রসব করিবে )” ? ২৯। তাহারা কহিল, “সেই একপই, ( কিন্তু ) তোমার প্রতিপালক যে, নিশ্চয় জ্ঞানময় কৌশলময়” । ৩০। সে ( এব্রাহিম ) জিজ্ঞাসা করিল, “হে প্রেরিত পুরুষগণ, অনন্তর তোমাদের কি লক্ষ্য” ? ৩১। তাহারা কহিল, “নিশ্চয় আমরা এক অপরাধী সম্প্রদায়ের প্রতি প্রেরিত হইয়াছি । ৩২। + যেহেতু সীমালঙ্ঘনকারীদিগের জন্ত তোমার প্রতিপালকের নিকটে প্রস্তরে পরিণত চিহ্নিত মৃত্তিকা আছে, তাহাদের প্রতি আমরা ( তাহা ) বর্ষণ করিব” \* । ৩৩ + ৩৪। অনন্তর তথায় বিশ্বাসীদিগের যে কেহ ছিল, তাহাদিগকে আমি বাহির করিলাম । ৩৫। পরে আমি বিশ্বাসী-

সংহার করিবার জন্ত প্রেরিত হইয়াছিলেন । কেহ কেহ বলেন, তাহারা ছেত্রিল ও মেকায়িল এবং এব্রাকিল এবং জোকাইল এই চারিজন স্বর্গীয় দূত ছিলেন । ( ত, হো, )

\* তৎকালে কাহারও সঙ্গে কাহারও শত্রুতা থাকিলে এক জন অগ্নি জ্বলনের বাড়াতে আহারাদি করিত না । দেবগণ ভোজন না করিলে এব্রাহিম ভয় পাইলেন যে, ইহারা বা চোর, আমার অনিষ্ট সাধন করিতে আসিয়াছে । ইহা বুঝিতে পারিয়া দেবগণ বলিলেন, ভয় করিও না, আমরা ঈশ্বরের প্রেরিত । এব্রাহিম কহিলেন, ইহা পূর্বে কেন বল নাই, তাহা হইলে আমি এই গোবৎসকে তাহার মাতা হইতে বিচ্ছিন্ন করিয়া আনিয়া বধ করিতাম না । তখন ছেত্রিল সেই গোবৎস কবাবের উপর আপন পালক স্থাপন করিলেন, তাহাতে গোবৎস জীবিত হইয়া উঠিল, এবং কুর্দন ও নিনাদ করিতে করিতে মাতার অভিমুখে ধাবিত হইল । এব্রাহিমপত্নী সারা পশ্চাতে দণ্ডায়মান হইয়া এই অবস্থা দর্শন করিয়াছিলেন । এব্রাহিম গোবৎসের জীবনপ্রাপ্তি দেখিয়া বিস্মিত হন । দেবগণ পুনর্বার কথা কহিতে প্রবৃত্ত হইয়া বলিলেন, তোমার একটা জ্ঞানবান্ পুত্র জন্মগ্রহণ করিবে, আমরা তাহার সুসংবাদ দান করিতেছি । ( ত, হো, )

+ কথিত আছে যে, সেই সকল প্রস্তর শুভ্র ও কৃষ্ণরংগের চিহ্নিত ছিল, অথবা যে প্রস্তর দ্বারা যে ব্যক্তি নিহত হইবে, সেই প্রস্তরে তাহার নাম অঙ্কিত ছিল । সেই সমুদায় প্রস্তরবর্ষণে লোক সকল নিহত হইলে, উহা তাহাদের সম্পর্কিত কতকগুলি লোকের নিকটে উপস্থিত হয়, তাহারা তখন নগরে ছিল না । বাস্তবিক প্রস্তরবর্ষণে নগরবাসী সমুদায় লোকের মৃত্যু হয় নাই । যখন এব্রাহিম জানিতে পাইলেন যে, ইহারা মণ্ডতকভাবে লুতী সম্প্রদায়কে সংহার করিতে বাইতেছেন, তখন তিনি আপন পুত্র লুতের জন্ত চিন্তিত হইলেন । দেবতারা বলিলেন যে, তুমি চিন্তা করিও না, লুত ও তাহার কস্তাগণ রক্ষা পাইবে । ( ত, হো, )

দিগের এক গৃহ ভিন্ন তথায় প্রাপ্ত হই নাই \* । ৩৬ । +এবং যাহারা দুঃখকর শাস্তিকে ভয় করিয়া থাকে, তাহাদের জন্ত তথায় নিদর্শন রাখিলাম । ৩৭ । এবং মুসাতে (নিদর্শন আছে,) (স্মরণ কর,) যখন আমি তাহাকে ফেরওণের নিকটে উজ্জল নিদর্শনসহ প্রেরণ করিয়াছিলাম । ৩৮ । অনস্তর (ফেরওণ) আপন বলে ফিরিয়া গেল, এবং উন্নত বা ঐন্দ্রজালিক বলিল । ৩৯ । পরে আমি তাহাকে ও তাহার সৈন্যবৃন্দকে আক্রমণ করিলাম, অবশেষে তাহাদিগকে জলেতে নিক্ষেপ করিলাম, এবং সে নিন্দিত হইল । ৪০ । এবং আদ জাতিতে (নিদর্শন আছে, স্মরণ কর,) যখন তাহাদের প্রতি নিফল বাত্যা প্রেরণ করিয়াছিলাম । ৪১ । যৎপ্রতি উপস্থিত হইয়াছে, এমন কিছুকেই ছাড়িল না যে, তাহাকে জীর্ণ অস্থিতুল্য করে নাই । ৪২ । এবং সমুদ জাতিতে (নিদর্শন আছে,) (স্মরণ কর,) যখন তাহাদিগকে বলা হইল যে, “কিয়ৎকাল পর্য্যন্ত তোমরা ফলভোগ করিতে থাক” † । ৪৩ । অনস্তর তাহারা আপন প্রতিপালকের আদেশের অবাধ্য হইল, পরে তাহাদিগকে বজ্রধ্বনি আক্রমণ করিল, এবং তাহারা (উহা) দেখিতেছিল । ৪৪ । পরে তাহারা দণ্ডায়মান থাকিতে সমর্থ হইল না, এবং প্রতিফলদাতা হইল না । ৪৫ । পূর্বে আমি নূহীয় সম্প্রদায়কে (সংহার করিয়াছিলাম,) নিশ্চয় তাহারা কুক্তিয়াশীল দল ছিল । ৪৬ । ( র, ২, আ, ২৩ )

স্বর্গ, তাহাকে আমি নিম্নহস্তে নির্মাণ করিয়াছি, এবং নিশ্চয় আমি ক্ষমতাবান্ । ৪৭ । এবং পৃথিবী, তাহাকে আমি প্রসারিত করিয়াছি, অনস্তর আমি উত্তম প্রসারণকারী । ৪৮ । আমি প্রত্যেক পদার্থ দ্বিবিধ সৃজন করিয়াছি, ভরসা যে, তোমরা উপদেশ গ্রহণ করিবে । ৪৯ । (প্রেরিত পুরুষ বলিয়াছে,) “পরিশেষে তোমরা ঈশ্বরের দিকে পলায়ন কর, নিশ্চয় আমি তাঁহার নিকট হইতে তোমাদের জন্ত স্পষ্ট ভয়প্রদর্শক হই । ৫০ । এবং সেই ঈশ্বরের সঙ্গে অন্য উপাস্ত নির্দারণ করিও না, নিশ্চয় আমি তোমাদের জন্ত তাঁহা হইতে স্পষ্ট ভয়প্রদর্শক হই” । ৫১ । এইরূপ তাহাদের পূর্বে যাহারা ছিল, তাহাদের নিকটে কোন প্রেরিত পুরুষ আগমন করে নাই যে, তাহারা ঐন্দ্রজালিক বা ক্ষিপ্ত বলে নাই । ৫২ । তাহারা কি এবিষয়ে পরস্পর নির্দেশ করিয়াছে ? বরং তাহারা দুর্দাস্ত দল ‡ । ৫৩ । অনস্তর তুমি তাহাদিগ হইতে মুখ ফিরাইও, পরিশেষে তুমি তিরস্কৃত নও । ৫৪ । এবং তুমি উপদেশ দান করিতে

\* অর্থাৎ লুতের গৃহে কোন বিপদ হয় নাই, তাহা বাতীত সমুদয় অবিখাসী ও ধর্মবিরোধী লোক সপরিবারে বিনাশপ্রাপ্ত হয় । ( ত, হো, )

+ অর্থাৎ শাস্তি উপস্থিত না হওয়া পর্য্যন্ত, আপন জীবনের ঐহিক সুখ ভোগ করিতে থাক । তিন দিবস পরে তাহারা শাস্তিগ্রস্ত হয় । ( ত, হো, )

‡ অর্থাৎ পুনরুত্থান হইবে না, পূর্বতন লোকেরা কি পরস্পর এরূপ নির্দেশ করিয়াছে ? তাহা নহে । ( ত, হো, )

থাক, পরে নিশ্চয় উপদেশ বিশ্বাসীদেরকে ফল বিধান করিবে। ৫৫। এবং আমাকে  
 'অর্চনা করিবে, এ উদ্দেশ্য ব্যতীত আমি মানব ও দানবকে সৃজন করি নাই। ৫৬। এবং  
 তাহাদের নিকটে আমি কোন উপজীবিকা ইচ্ছা করি না, এবং ইচ্ছা করি না যে,  
 আমাকে তাহারা অন্ন দান করে। ৫৭। নিশ্চয় ঈশ্বর, তিনিই জীবিকাদাতা দৃঢ়শক্তি-  
 শালী। ৫৮। নিশ্চয় যাহারা অত্যাচার করিয়াছে, তাহাদের জন্ত তাহাদের ( পূর্ববর্তী )  
 বন্ধুদিগের দণ্ডাংশের ঞ্চয় দণ্ডাংশ আছে \* ; অনন্তর তাহারা যেন ( তজ্জন্ত ) বাগ্ন  
 না হয়। ৫৯। অবশেষে যাহারা আপনাদের দিনসম্বন্ধে, যাহা তাহাদের প্রতি অঙ্গীকার  
 করা হইয়াছে, অবিশ্বাস করিয়াছে, তাহাদের প্রতি ধিক্। ৬০। ( র, ৩, আ, ১৪ )

## সূরা তুর †

.....

দ্বাপঞ্চাশত্তম অধ্যায়

.....

৪৯ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি। )

তুর পর্বতের শপথ। ১। + উন্মুক্ত পত্রে লিখিত গ্রন্থের শপথ। ২ + ৩। + কাবা  
 মন্দিরের শপথ। ৪। + উন্নত ছাদের ( গগনমণ্ডলের ) শপথ। ৫। + পরিপূর্ণ সাগরের  
 শপথ ঙ্। ৬। নিশ্চয়, ( হে মোহম্মদ, ) তোমার প্রতিপালকের শাস্তি সম্ভবনীয়। ৭। +

\* আরব্য জম্বুব শব্দের প্রকৃত অর্থ জলপূর্ণ ডোল নামক জলপাত্র বিশেষ। এস্থলে ভানার্ধ  
 দণ্ডাংশরূপে গৃহীত হইয়াছে।

† এই সূরা মক্কাতে অবতীর্ণ হইয়াছে।

‡ তুর পর্বত সায়না গিরি, যথায় মহাপুরুষ মুসা ঈশ্বরের বাণী শ্রবণ করিয়াছিলেন। গ্রন্থ অর্থে  
 কোর্-আন্ বা মুসা যে প্রস্তরফলকে অঙ্কিত ঈশ্বরের আদেশ পাইয়াছিলেন, তাহা বা তওরাত অথবা  
 স্বর্গে দেবতাদিগের জন্ত যে গ্রন্থ লিপিবদ্ধ হইয়া রক্ষিত আছে, তাহা। পরিপূর্ণ সাগর মহাসাগর,  
 অথবা বহরোল্ হয়ওয়ান নামক সমুদ্র, যাহা সর্বোচ্চ স্বর্গের নিম্নে আছে, সেই সমুদ্র হইতে চল্লিশ  
 দিন অবিশ্রান্ত কবর সকলের উপর বারিবর্ষণ হইবে; প্রথম সুরক্ষণের পর বর্ষণ আরম্ভ হইয়া দ্বিতীয়  
 সুরক্ষণিতে মৃতব্যক্তিগণ কবর হইতে বাহির হওয়া পর্য্যন্ত বর্ষণ হইতে থাকিবে। অথবা পরিপূর্ণ  
 সাগর অর্থে নরকলোক। এই কয়েকটি বচনের আধ্যাত্মিক অর্থ এই যে, তুর মানবান্না, এই

তাহার কোন নিবারণকারী নাই। ৮।+যে দিবস আকাশ বিকম্পনে বিকম্পিত হইবে। ৯।+এবং গিরিশ্রেণী বিচলনে বিচলিত হইবে। ১০।+অনন্তর সেই দিবস সেই মিথ্যাবাদীদিগের প্রতি আক্ষেপ। ১১।+যাহারা কল্লিত বাক্যে আমোদ করিয়া থাকে। ১২। যে দিবস তাহারা নরকাগ্নির দিকে আহ্বানে আহূত হইবে। ১৩। ( বলা হইবে ) “এই সেই অগ্নি, যৎসম্বন্ধে তোমরা অসত্যারোপ করিতেছিলে। ১৪। অনন্তর ইহা কি কুহক, অথবা তোমরা দেখিতেছ না? ১৫। ইহার মধ্যে প্রবেশ কর, পরে ধৈর্যধারণ কর, বা ধৈর্যাবলম্বন না কর, তোমাদের পক্ষে সমান; তোমরা যাহা করিতেছিলে, তাহার বিনিময় তোমাদিগকে প্রদত্ত হইবে, এতদ্ভিন্ন নহে”। ১৬। নিশ্চয় ধর্ম-ভীরুগণ উদ্যান ও সম্পদের মধ্যে, তাহাদের প্রতিপালক তাহাদিগকে যাহা দান করিয়াছেন, তজ্জগু আনন্দে থাকিবে; এবং তাহাদের প্রতিপালক তাহাদিগকে নরকদণ্ড হইতে রক্ষা করিবেন। ১৭+১৮। ( বলিবেন, ) “তোমরা যে ( সংকল্প ) করিতেছিলে, তজ্জগু সিংহাসন সকলের উপর শ্রেণীবদ্ধভাবে ভর দিয়া বসিয়া উপাদেয় পান ভোজন করিতে থাক;” এবং বিশালাক্ষী দিব্যাঙ্গনাদিগকে আমি তাহাদিগের পত্নী করিব। ১৯+২০। এবং যাহারা বিশ্বাস স্থাপন করিয়াছে ও যাহাদের সম্মানগণ বিশ্বাসানুসারে তাহাদের অনুসরণ করিয়াছে, আমি তাহাদের সহিত তাহাদের সম্মানগণকে (স্বর্গলোকে) সম্মিলিত করিব ও তাহাদের কার্যের কিছুই ক্ষতি করিব না; প্রত্যেক মনুষ্য যাহা করিয়াছে, তাহা সংরক্ষিত আছে। ২১। এবং আমি ফল ও মাংস, যাহা তাহারা ইচ্ছা করে, তাহাদিগকে তদ্বারা সাহায্য দান করিব। ২২। তথায় তাহারা পরস্পরের পানপাত্র আকর্ষণ করিবে, তন্মধ্যে প্রলাপবাক্য ও পাপাচার হইবে না। ২৩। এবং তাহাদের পার্শ্বে তাহাদের দাসগণ ঘুরিয়া বেড়াইবে, তাহারা যেন প্রচ্ছন্ন মুক্তাস্বরূপ \*। ২৪। এবং তাহারা পরস্পর পরস্পরের নিকটে প্রশ্ন করতঃ সমাগত হইবে। ২৫। তাহারা বলিবে, “নিশ্চয় আমরা ইতিপূর্বে স্বীয় পরিজনদের মধ্যে ( শাস্তির ভয়ে ) ভীত ছিলাম। ২৬। অনন্তর ঈশ্বর আমাদের প্রতি উপকার করিলেন, ( নরকের ) উষ্ণ বায়ুর দণ্ড হইতে মানবানুরূপ পর্বতে বিবেক ঈশ্বরের বাণী শ্রবণ করে। লিখিত গ্রন্থ বিশ্বাস, হৃদয়রূপ উন্মুক্ত পত্রে ঈশ্বরের দয়ারূপ লেখনীযোগে তাহা লিখিত। এস্থলে কাবামন্দির ঈশ্বরপ্রেমিকদিগের অন্তঃকরণ, যাহা ঐশ্বরিক দৃষ্টির আলোকে উজ্জ্বল হইয়াছে, উন্নত ছাদ উন্নত লোকদিগের আত্মা, পরিপূর্ণ সাগর সেই অন্তঃকরণ, যাহা প্রেমানলে সম্ভূত হইয়াছে। ( ত, হো, )

\* অর্থাৎ দাসগণ পবিত্রভাবে সযত্নে সংরক্ষিত মুক্তার স্থায় নির্মল। হজরত মোহাম্মদকে কেহ জিজ্ঞাসা করিয়াছিল যে, দাসগণ যদি একরূপ হয়, তবে প্রভু কিরূপ হইবে? হজরত বলেন, নক্ষত্র-পুঞ্জের উপর পূর্ণচন্দ্রের বেকরূপ প্রাধান্য, দাসের উপর প্রভুর সেই প্রকার প্রাধান্য। শাস্ত্রে উল্লিখিত হইয়াছে যে, অংশিবাদীদিগের সম্মানগণ স্বর্গলোকবাসীদিগের দাস ও তাহাদের ভাষণগণ দিব্যাঙ্গনা হইবে। বিশ্বাসীদিগের সম্মানগণ পৃথিবীতে যে ভাবে পিতার সঙ্গে ছিল, স্বর্গলোকেও সেই ভাবে থাকিবে। ( ত, হো, )



আমাদিগকে রক্ষা করিলেন। ২৭। নিশ্চয় আমরা পূর্বে তাঁহাকে আহ্বান করিতে-  
ছিলাম, নিশ্চয় তিনি সং ও দয়ালু”। ২৮। ( র, ১, আ, ২৮ )

অনস্তর তুমি, ( হে মোহম্মদ, ) উপদেশ দান করিতে থাক ; পরন্তু তুমি স্বীয় প্রতি-  
পালকের প্রসাদে ভবিষ্যৎকাল নও, এবং ক্ষিপ্তও নও \*। ২৯। তাহারা কি বলিয়া  
থাকে, “সে কবি, আমরা তাহার সম্বন্ধে কালের দুর্ঘটনা প্রতীক্ষা করিতেছি”। ৩০।  
তুমি বল, “প্রতীক্ষা কর, অনস্তর নিশ্চয় আমি তোমাদের সঙ্গে প্রতীক্ষাকারীদিগের  
অন্তর্গত”। ৩১। তাহাদের বুদ্ধি কি তাহাদিগকে ইহা আদেশ করে ? তাহারা কি  
দুর্দাস্ত দল ? ৩২। তাহারা কি বলিয়া থাকে যে, তাহাকে ( কোর-আন্কে ) সে রচনা  
করিয়াছে ? বরং তাহারা বিশ্বাস করিতেছে না। ৩৩। অনস্তর যদি তাহারা সত্যবাদী  
হয়, তবে উচিত যে, এতৎসদৃশ বাক্য উপস্থিত করে। ৩৪। তাহারা কি কোন পদার্থ  
কর্তৃক ব্যতীত সৃষ্ট হইয়াছে ? তাহারা কি সৃষ্টিকর্তা ? ৩৫। তাহারা কি স্বর্গ ও মর্ত্য  
সৃজন করিয়াছে ? বরং তাহারা বিশ্বাস করিতেছে না। ৩৬। তাহাদের নিকটে কি  
তোমার প্রতিপালকের ভাণ্ডার ? তাহারা কি পরাক্রান্ত ? ৩৭। তাহাদের জন্ম কি  
( স্বর্গের ) সোপান আছে যে, তদুপরি ( আরোহণ করিয়া ) ( ঈশ্বরবাণী ) শ্রবণ করিয়া  
থাকে ? তবে উচিত যে, তাহাদের শ্রোতা উজ্জ্বল প্রমাণ আনয়ন করে। ৩৮। তাঁহার  
জন্ম কি কণ্ঠা সকল, তোমাদের জন্ম পুত্রগণ আছে ? ৩৯। তুমি কি তাহাদের নিকটে  
কোন পারিশ্রমিক প্রার্থনা কর ? অনস্তর তাহারা বিনিময়ে ভারাক্রান্ত হইয়াছে ? ৪০।  
তাহাদের নিকটে কি গুপ্তবাক্য আছে ? অনস্তর তাহারা লিখিয়া থাকে ? ৪১। তাহারা  
কি প্রবঞ্চনা ইচ্ছা করিয়া থাকে ? অনস্তর যাহারা ধর্মদ্রোহী হইয়াছে, তাহারা ই প্রব-  
ঞ্চিত। ৪২। ঈশ্বর ব্যতীত তাহাদের জন্ম কি উপাস্ত আছে ? তাহারা যাহাকে অংশী  
নিরূপণ করিয়া থাকে, তাহা অপেক্ষা ঈশ্বর পবিত্র। ৪৩। এবং তাহারা আকাশের এক  
খণ্ড পতিত দেখিলে বলিবে, “( ইহা ) সম্বন্ধ মেঘ”। ৪৪। অনস্তর যে পর্যন্ত না তাহারা  
আপনাদের সেই দিনের সঙ্গে সাক্ষাৎ করে, যাহাতে তাহারা মুচ্ছিত হইয়া পড়িবে, সে  
পর্যন্ত তাহাদিগকে ছাড়িয়া দাও। ৪৫। +যে দিবস তাহাদিগের প্রতারণা কিছুই  
তাহাদিগের ফল বিধান করিবে না, এবং তাহারা সাহায্য প্রাপ্ত হইবে না। ৪৬। এবং  
নিশ্চয় যাহারা অত্যাচার করিয়াছে, তাদের জন্ম এতদ্ভিন্ন শাস্তি আছে, কিন্তু তাহাদের  
অধিকাংশ লোক বুঝিতেছে না। ৪৭। এবং তুমি স্বীয় প্রতিপালকের আজ্ঞার জন্ম  
ধৈর্য ধারণ কর ; অনস্তর নিশ্চয় তুমি আমার চক্ষুর নিকটে আছ, ( প্রাতঃকালে )  
গাত্রোখানের সময়ে স্বীয় প্রতিপালকের প্রশংসার স্তব কর এবং রজনীর কিয়ৎকাল

\* মক্কাতে কতকগুলি লোক ছিল, তাহারা লোকের নিকটে হজরতকে কাহেন অর্থাৎ ভবিষ্যৎকাল ও  
ক্ষিপ্ত বলিয়া বেড়াইত। তাহাতেই এই আয়ত অবতীর্ণ হয়। ( ত, হো, )

পরে তাঁহার স্তব কর ও তারকাবলী পশ্চাদগমন করিলে ( স্তব কর )। ৪৮ + ৪৯।  
( র, ২, আ, ২১ )

## সূরা নজম ❀

.....

### ত্রয়ঃপঞ্চাশত্তম অধ্যায়

.....

#### ৬২ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

নক্ষত্রের শপথ, যখন পতিত হয় ১। + তোমাদের সহচর ( মোহাম্মদ ) বিপথ-  
গামী হয় নাই, এবং পথ হারায় নাই। ২। এবং সে প্রবৃত্তি অনুসারে কথা কহে না।  
৩। ( তাহার প্রতি ) যাহা প্রেরিত হয়, তাহা প্রত্যাদেশ ভিন্ন নহে। ৪। + দৃঢ়শক্তি  
বলবান্ ( জেব্রিল ) তাহাকে শিক্ষা দিয়াছে, পরে সে ( জেব্রিল ) দণ্ডায়মান হইয়া-  
ছিল। ৫ + ৬। + এবং সে উন্নত গগনপ্রান্তে ছিল। ৭। তৎপর নিকটে আসিল, পরে  
নামিয়া আসিল। ৮। অনন্তর দুই ধনুপরিমাণ অথবা তদপেক্ষা নিকটতর হইল। ৯।  
পরে তাঁহার দাসের প্রতি তিনি যে প্রত্যাদেশ করিয়াছেন, সে ( জেব্রিল ) সেই  
প্রত্যাদেশ পঁছাইল। ১০। ( প্রেরিত পুরুষের ) অন্তর যাহা দর্শন করিল, তাহা  
মিথ্যা গণ্য করিল না ১১। + অনন্তর তোমরা কি, ( হে লোক সকল, )

\* এই সূরা মক্কাতে অবতীর্ণ হইয়াছে।

+ অর্থাৎ যে সকল নক্ষত্র পণিকদিগকে জল ও স্থলপথে পথপ্রদর্শন করিয়া থাকে, সেই সমস্ত  
নক্ষত্রের শপথ; অথবা হজরতের জন্মকালে যে বিশেষ নক্ষত্র পৃথিবীর নিকটবর্তী হইয়াছিল, তাহার  
শপথ; কিংবা এস্থলে নক্ষত্র অর্থে হজরত মোহাম্মদের দেহ, যাহা মেরাজের রজনীতে স্বর্গ হইতে অবতরণ  
করিয়াছিল, তাহার শপথ। ( ত, হো, )

‡ জেব্রিলের একপ শক্তি ছিল যে, তিনি লুতীয় সম্প্রদায়ের বাসভূমি শহরস্থান নগরকে পৃথিবী  
হইতে উৎপাটন করিয়া স্বীয় পক্ষে স্থাপনপূর্বক স্বর্গের নিকটে লইয়া গিয়াছিলেন, এবং এক নিনাদে  
সমুদ্রজাতিকে সম্পূর্ণরূপে সংহার করিয়াছিলেন। “জেব্রিল দণ্ডায়মান হইয়াছিল” অর্থাৎ যে কার্যে তিনি  
আদিষ্ট হইয়াছিলেন, সে কার্যে প্রবৃত্ত হইয়াছিলেন। অথবা স্বীয় প্রকৃত আকারে দণ্ডায়মান হইয়া-  
ছিলেন। তিনি গগনপ্রান্তে উন্নত স্থানে উদয়াচলের নিকটে ছিলেন, হজরত তাঁহাকে দেখিতে পান।  
হজরত ব্যতীত অন্য কেহই জেব্রিলকে দিব্যাকৃতিতে দর্শন করে নাই। হজরত তাঁহাকে দুইবার  
দর্শন করিয়াছিলেন। প্রথম বারে তিনি তাঁহাকে মৌলিক আকারে দর্শন করিয়া অচেতন হন। পরে  
সংজ্ঞা লাভ করিয়া দেখিতে পান যে, জেব্রিল নিকটে উপবিষ্ট; এক হস্ত তাঁহার বক্ষে, এক হস্ত তাঁহার

সে যাহা দেখিয়াছে, তৎসম্বন্ধে তাহার সঙ্গে বিতর্ক করিতেছ ? ১২ । এবং সত্য সত্যই সে তাহাকে দ্বিতীয় বার সেদরতোল্ মস্তহার নিকটে দেখিয়াছিল, যাহার নিকটে আশ্রয়ভূমি স্বর্গোতান \* । ১৩ + ১৪ + ১৫ । যখন সেদরাকে যে কিছু আচ্ছাদন করিল, সেই আচ্ছাদন ছিল, তখন ( প্রেরিত পুরুষের ) দৃষ্টি বক্র হইল না, এবং ( লক্ষ্যকে ) অতিক্রম করিল না † । ১৬ + ১৭ । সত্য সত্যই সে আশ্রয় প্রতিপালকের কোন মহা নিদর্শন দেখিয়াছিল । ১৮ । অনস্তর তোমরা কি লাভ ও ঘোরুরা এবং অপর তৃতীয় মনাতকে দেখিয়াছ ‡ ? ১৯ + ২০ । তোমাদের জ্ঞান কি পুত্র ও তাঁহার জ্ঞান কণ্ডা হয় ? ২১ । এই বিভাগ সেই সময় অনুচিত হয় । ২২ । ইহা সেই কতক নাম ভিন্ন নহে, তোমরা ও তোমাদের পিতৃপুরুষগণ যে নামকরণ করিয়াছ, পরমেশ্বর এতৎসম্বন্ধে কোন প্রমাণ প্রেরণ করেন নাই ; তাহারা কল্পনা ও তাহাদের মন যাহা ইচ্ছা করে, তাহার অনুসরণ ভিন্ন করিতেছে না, এবং সত্য সত্যই তাহাদের নিকটে তাহাদের প্রতিপালক হইতে ধর্মালোক উপস্থিত হইয়াছে । ২৩ । মনুষ্যের জ্ঞান কি সে যাহা ইচ্ছা করে, তাহাই হয় ? ২৪ । অনস্তর ঈশ্বরেরই ইহলোক ও পরলোক । ২৫ । ( র, ১, আ, ২৫ )

বাহুতে স্থাপন করিয়া আছেন । আরবের প্রধান পুরুষদিগের মধ্যে এই রীতি ছিল যে, দুই পক্ষ কোন অঙ্গীকার দৃঢ়বদ্ধ করিতে চাহিলে ধনুর্কাণসহ পরস্পর সম্মুখীনভাবে উপস্থিত হইত, এবং ধনুকে গুণ স্থাপন করিয়া একযোগে শরনিক্ষেপ করিত ; তাহাতে এই বুঝাইত যে, উভয় পক্ষে যথাবিধি যোগ স্থাপিত হইল । “দুই ধনু পরিমাণ অথবা তদপেক্ষা নিকটতর হইল” ইহার মর্ম এই যে, হজরতের সঙ্গে জেব্রিলের ঘনিষ্ঠ যোগ স্থাপিত হইল । ( ত, হো, )

\* সেদরতোল্ মস্তহা স্বর্গস্থ একটি বৃক্ষের নাম । সেদরা বদরীতরুকে বলে, “সেদরতোল্ মস্তহা” শেষ বদরীতরু । মনুষ্যের জ্ঞান ও ক্রিয়া সেই বৃক্ষ পর্য্যন্ত পরিসমাপ্ত হয়, তাহাকে অতিক্রম করে না । প্রসিদ্ধ ভাষ্যকারদিগের মতে এই আয়তের মর্ম এই যে, হজরত সেদরতোল্ মস্তহার নিকটে অন্তশ্চক্ষুর্যোগে পরমেশ্বরকে দুই বার দর্শন করিয়াছিলেন । সেদরতোল্ মস্তহার নিকটে এক সর্গ আছে, তাহা সাধুদিগের বিশ্রামস্থান, অথবা ধর্মযুদ্ধে নিহত আত্মা সকলের আশ্রয়ভূমি । হজরত সেই স্থানে জেব্রিলকে বা ঈশ্বরকে দর্শন করিয়াছিলেন । জেব্রিলের ছয় লক্ষ পক্ষ, এক এক পক্ষ পূর্বদিক হইতে পশ্চিম দিক পর্য্যন্ত বিস্তৃত । ( ত, হো, )

† “যখন সেদরাকে যে কিছু আচ্ছাদন করিল, সেই আচ্ছাদন ছিল” ইহার তাৎপর্য এই যে, সেই বৃক্ষে বহু দেবতা সন্মিলিত হইয়াছিলেন । প্রত্যেক পক্ষে এক এক জন দেবতা ছিলেন । তাহার চতুর্পার্শ্বে সুবর্ণরঞ্জিত পতঙ্গের গায় জ্যোতিঃপুঞ্জ দেবতাগণ উড্ডীন হইতেছিলেন । ( ত, হো, )

‡ লাভ প্রতিমা বিশেষ, ঘোরুরা বৃক্ষবিশেষ ; গংফান জাতি তাহাকে পূজা করে । মনাত প্রস্তরবিশেষ ; ইজিল ও খজাজা জাতি তাহাকে প্রদক্ষিণ করিয়া থাকে । অথবা তাহা প্রতিমা বিশেষ, যাহা কাববংশীয় লোকেরা পূজা করে । কাফেরদিগের সংস্কার এই যে, প্রত্যেক প্রতিমার ঋতুস্বরে এক এক দৈত্য অবস্থিতি করিয়া থাকে । সেই দানবগণ বা দেবতা সকল ঈশ্বরের কণ্ডা । ( ত, হো, )

এবং অনুমতিপ্রদানের পর, যাহার প্রতি পরমেশ্বর ইচ্ছা করেন ও সম্মত হন, সে ব্যতীত (অন্যের) ও স্বর্গে অনেক দেবতা আছে যে, তাহাদের শফায়তে কোন ফল বিধান করে না। ২৬। নিশ্চয় যাহারা পরলোকে বিশ্বাস করে না, তাহারা দেবতাদিগকে কন্ডার নামে নামকরণ করিয়া থাকে। ২৭। তৎসম্বন্ধে তাহাদের কোন জ্ঞান নাই, তাহারা কল্পনাকে ভিন্ন অনুসরণ করিতেছে না, এবং নিশ্চয় কল্পনা সত্য-সম্বন্ধে কিছুই ফল বিধান করে না। ২৮। অনস্তর যে আমার প্রসঙ্গ হইতে মুখ ফিরাইয়াছে, এবং পাখিব জীবন ভিন্ন আকাঙ্ক্ষা করে নাই, তাহা হইতে তুমি, ( হে মোহম্মদ, ) বিমুখ হও। ২৯। জ্ঞানসম্বন্ধে ইহাই তাহাদিগের সীমা; নিশ্চয় তোমার প্রতিপালক, যে ব্যক্তি তাঁহার পথ হইতে বিভ্রান্ত হইয়াছে, তাহাকে উত্তম জানেন, এবং যে ব্যক্তি পথপ্রাপ্ত হইয়াছে, তাহাকে তিনি উত্তম জানেন। ৩০। স্বর্গলোকে যে কিছু আছে ও ভূলোকে যে কিছু আছে, তাহা ঈশ্বরেরই; যাহারা দুষ্কর্ম করিয়াছে, যেরূপ কার্য্য করিয়াছে, তদনুরূপ তিনি তাহাদিগকে বিনিময় দান করিবেন, এবং যাহারা সংকর্ম করিয়াছে, তাহাদিগকে শুভ বিনিময় দান করিবেন। ৩১। যাহারা সামান্য পাপ ভিন্ন মহা পাপ ও দুষ্চরিত্রতা হইতে নিবৃত্ত হইয়াছে, ( তাহারাই সংকর্মশীল, ) নিশ্চয় তোমার প্রতিপালক প্রচুর ক্ষমাশীল। তিনি তোমাদিগকে উত্তম জানেন, যখন তিনি তোমাদিগকে সৃষ্টিকার হইতে সৃজন করিয়াছেন ও যখন তোমরা আপন মাতৃগর্ভে ভ্রূণরূপে ছিলে; তখন তোমরা আপনাদের জীবনকে নির্দীকার বলিও না, যে ব্যক্তি বৈরাগ্যাবলম্বন করিয়াছে, তিনি তাহাকে উত্তম জানেন। ৩২। ( র, ২, আ, ৭ )

অনস্তর যে ব্যক্তি ফিরিয়া গিয়াছে ও অল্প দান করিয়াছে, এবং রূপণ হইয়াছে, তুমি কি, ( হে মোহম্মদ, ) তাহাকে দেখিয়াছ? \*। ৩৩+৩৪। তাহার নিকটে কি গুপ্ত বিষয়ের জ্ঞান আছে, অনস্তর সে ( সমুদায় ) দেখিতেছে? ৩৫। মুসার ও যে (প্রতিজ্ঞা) পূর্ণ করিয়াছে, সেই এব্রাহিমের পুস্তিকা সকলে যাহা আছে, তাহার সংবাদ কি প্রদত্ত হয় নাই? ৩৬+৩৭। +এই যে কোন ভারবাহী অন্যের ভার উত্তোলন করে না। ৩৮।

\* মগয়রার পুত্র অলিদ হজরতের পশ্চাৎ পশ্চাৎ যাইয়া তাঁহার উপদেশ শ্রবণ করিতেছিল। কাকেরগণ ভৎসনা করিয়া তাহাকে বলে, “তুই পৈতৃক ধর্ম পরিত্যাগ করিতেছিস ও তাহাদিগকে বিপণগামী বলিয়া নির্দেশ করিতেছিস।” সে উত্তর দান করে, “কি করি, ঈশ্বরের শাস্তিকে ভয় করিতেছি।” ধর্মবিষেধীদিগের একজন বলে, “এই পরিমাণ ধন যদি তুমি আমাকে দান কর, তবে তোমার প্রতি শাস্তি উপস্থিত হইলে আমি তাহা বহন করিব।” অলিদ তাহাতে সম্মত হইয়া অঙ্গীকারে বদ্ধ হয়। কতক ধন প্রদান করে, অবশিষ্ট দানে কুণ্ঠিত হয়। এতদুপলক্ষেই এই আয়ত সম্বৃত্ত। ( ত, হো, )

+ এব্রাহিম স্বীয় জীবন, সম্পত্তি ও সম্মান ঈশ্বরকে উৎসর্গ করিতে যে অঙ্গীকারে বদ্ধ হইয়াছিলেন, তাহা পূর্ণ করিয়াছিলেন। এই আয়তের মর্ম এই যে, মুসা ও এব্রাহিমের পুস্তিকাতে যাহা লিখিত আছে, ছুর্নতি অলিদ কি তাহার তত্ত্ব রাখে না? ( ত, হো, )

এই যে যাহা চেষ্টা করে, তন্নিম্ন মনুষ্যের জন্ম নহে। ৩৯। এবং সে আপন চেষ্টাকে (চেষ্টার ফলকে) অবশ্য (কেয়ামতে) দেখিবে। ৪০। তৎপর তাহাকে পূর্ণ বিনিময় প্রদত্ত হইবে। ৪১। এবং এই যে তোমার প্রতিপালকের দিকেই সীমা। ৪২। এবং এই যে তিনি হাঁসান ও কাঁদান। ৪৩। এবং এই যে তিনি মারেন ও বাঁচান। ৪৪।+ এবং এই যে তিনি (জরায়ুতে) নিক্ষিপ্ত শুক্র দ্বারা দ্বিবিধ পুরুষ ও নারী সৃজন করিয়া ছেন। ৪৫+৪৬। এবং এই যে তাঁহার দিকেই দ্বিতীয় বার উৎপত্তি। ৪৭।+এবং এই যে তিনিই ধনী করেন ও মূলধন প্রদান করেন। ৪৮। এবং এই যে তিনিই শেওরা নক্ষত্রের প্রতিপালক\*। ৪৯। এবং এই যে তিনি প্রথমে আদ ও সমুদ জাতিকে সংহার করিয়াছেন, অনস্তর অবশিষ্ট রাখেন নাই †। ৫০+৫১। এবং পূর্বে তিনি মুহীম সম্প্রদায়কে (সংহার করিয়াছেন,) নিশ্চয় তাহারা সমধিক অত্যাচারী ও সমধিক সীমালঙ্ঘনকারী ছিল। ৫২। এবং (জেরিবল) মওতফেকা নগরকে ভূতলশায়ী করিয়াছিল। ৫৩। অনস্তর তাহাকে যাহা আচ্ছাদনে আচ্ছাদন করিয়াছিল ‡। ৫৪। অনস্তর তোমার প্রতিপালকের কোন্ সম্পদে তুমি, (হে মনুষ্য,) সন্দেহ করিতেছ? ৫৫। এই (প্রেরিতপুরুষ) পূর্বতন ভয়প্রদর্শকশ্রেণীর ভয়প্রদর্শক। ৫৬। নিকটে আগমনকারী (কেয়ামত) নিকটস্থ হইয়াছে। ৫৭। পরমেশ্বর ব্যতীত তাহার প্রকাশক নাই। ৫৮। অনস্তর তোমরা কি এই কথায় বিশ্বাসিত হইতেছ? ৫৯। এবং হাস্য করিতেছ? রোদন করিতেছ না? ৬০। এবং তোমরা আমোদ করিতেছ। ৬১। অনস্তর ঈশ্বরকে তোমরা প্রণাম কর ও তাঁহাকে অর্চনা করিতে থাক। ৬২। (র, ৩, আ, ৩০)

\* দুইটি বিশেষ নক্ষত্রকে শেওরা বলে। একটির নাম গমিসা, অষ্টটির নাম আবুর। আবুকিশা, যে হজরতের জননী একজন পিতামহ ছিলেন, তিনি আবুর নক্ষত্রকে পূজা করিতেন ও পুত্রলপূজা বিষয়ে কোয়েশদিগের সঙ্গে বিবাদ করিয়াছেন। কোরেশগণ শত্রুতাবশতঃ হজরতকে আবুকিশার সম্মান বলিয়া থাকে। (ত, হো,)

+ আদজাতি যখন সংহার-প্রাপ্ত হয়, তখন তাহাদের বংশীয় কতিপয় লোক মক্কাতে স্থিতি করিতেছিল, তাহাদিগকে লকিম গোষ্ঠী বলে। পরে তাহারা ধর্মবিজোহী হয়, তাহাদিগকে শেষ আদ ও পূর্বোক্ত আদ জাতিকে প্রথম আদ বলিয়া থাকে। (ত, হো,)

‡ মওতফেকা নগর লুতীয় সম্প্রদায়ের বাসস্থান। নগরবাসিগণ অত্যন্ত চুরাচার ও উৎপীড়ক হইলে পর জেরিবল নগরকে শুল্কমার্গে তুলিয়া ভূতলে নিক্ষেপপূর্বক চূর্ণ বিচূর্ণ করেন ও বিশেষ চিহ্নে চিহ্নিত প্রস্তররাশি বর্ষণ করিয়া তাহাকে চাকিরা কেলেন। (ত, হো,)



## সূরা কয়র ❀

.....

### চতুঃপঞ্চাশত্তম অধ্যায়

.....

#### ৫৫ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

কেয়ামত নিকটবর্তী হইয়াছে ও চন্দ্রমা বিভক্ত হইয়াছে \* । ১ । এবং যদি তাহারা কোন নিদর্শন দর্শন করে, তবে মুখ ফিরায় ও বলে, ( ইহা ) প্রচলিত জাদু । ২ । এবং তাহারা অসত্যারোপ করিয়াছে ও স্বেচ্ছার অমুসরণ করিয়া থাকে ; প্রত্যেক বিষয় নির্ধারিত আছে † । ৩ । এবং সত্য সত্যই ( পূর্বতন ) সংবাদ সকলের যন্মধ্যে যাহা নিষেধ ও উচ্চ বিজ্ঞান ছিল, তাহা তাহাদের নিকটে পহুঁছিয়াছে ; অনন্তর ভয়প্রদর্শন ফল প্রদান করে না । ৪ + ৫ । অবশেষে তুমি, ( হে মোহম্মদ, ) তাহাদিগ হইতে বিমুখ হও, সেই দিবস আহ্বানকারী ( এশ্রাফিল ) কোন গর্হিত বিষয়ের দিকে ( তাহাদিগকে ) আহ্বান করিবে । ৬ । তাহাদের চক্ষু ভয়ে বিহ্বল হইবে, তাহারা কবর সকল হইতে বাহির হইয়া আসিবে, যেন তাহারা বিক্ষিপ্ত পঙ্গপাল, আহ্বানকারীর দিকে ধাবিত ; ধর্মদ্রোহিগণ বলিবে, “ইহাই কঠোর দিন” । ৭ + ৮ । তাহাদের পূর্বে মুহীম সম্প্রদায়

\* এই সূরা মক্কাতে অবতীর্ণ হইয়াছে ।

+ এক দিবস রাত্রিতে আবুজহল ও এক ইহুদি হজরতের নিকটে উপস্থিত হয় । আবুজহল বলে, “হে মোহম্মদ, কোন অলৌকিক নিদর্শন আমাদিগকে প্রদর্শন কর, অত্যা তোমার শিরশ্ছেদন করিব ।” হজরত জিজ্ঞাসা করেন, তুমি কি চাও ? তখন আবুজহল বলে, “মোহম্মদ, তুমি আমাদের জগু চন্দ্রকে দ্বিধা বিভক্ত কর ।” ইহা শুনিয়া হজরত চন্দ্রমার প্রতি অঙ্গুলী সঙ্কেত করিলেন, তৎক্ষণাৎ চন্দ্র দ্বিধা বিভক্ত হইয়া গেল ; এক খণ্ড যথাস্থানে রহিল, অপর খণ্ড দূরে স্থাপিত হইল । অতঃপর আবুজহল বলিল, এই দুই ভাগকে সংযুক্ত কর । হজরত ইঙ্গিত করিলেন, তৎক্ষণাৎ সংযুক্ত হইয়া পূর্বাৱস্থা প্রাপ্ত হইল । ইহা দেখিয়া ইহুদি এসলাম ধর্ম গ্রহণ করিল । কিন্তু আবুজহল বলিল, “সে জাদুমন্ত্রে আমার দৃষ্টিভ্রম জন্মাইয়াছে, বাস্তবিক চন্দ্র দ্বিধা হয় নাই ।” আবুজহল পরে এ বিষয় নানাস্থানের পথিক লোককে জিজ্ঞাসা করে ; তাহারা সকলেই বলে যে, অমুক রজনীতে আমরা চন্দ্রকে দ্বিধাভিত দেখিয়াছি । কিন্তু সে এ সকল দেখিয়া শুনিয়াও বিশ্বাস করে নাই । বরং বলে, “মোহম্মদ ঐবল জাদুকর ।” কথিত আছে, সেই দিন দ্বিধা বিভক্ত চন্দ্রমার ভিতর দিয়া হেরা পর্বত দৃষ্ট হইয়াছিল । চন্দ্রমা দ্বিধাভিত হওয়া কেয়ামতের পূর্বলক্ষণ । ( ত, হো, )

‡ অর্থাৎ কাকেরদিগের ছুর্ভাগ্য ও ধার্মিকদিগের সৌভাগ্য ইত্যাদি প্রত্যেক বিষয় নির্ধারিত আছে । ( ত, হো, )

( পুনরুত্থানবিষয়ে ) অসত্যারোপ করিয়াছিল, অনস্তর তাহারা আমার দাস ( মুহার ) প্রতি অসত্যারোপ করিয়া বলিয়াছিল, “সে ক্ষিপ্ত” এবং তাহাকে নিবারিত করিয়াছিল \* । ৯ । পরে সে স্বীয় প্রতিপালককে ডাকিয়া বলিল, “নিশ্চয় আমি পরাভূত, অতএব তুমি প্রতিফল দান কর” । ১০ । অনস্তর আমি বর্ষণকারী বারিযুক্ত আকাশের দ্বার সকল উন্মুক্ত করিলাম । ১১ ।+ এবং ভূতল হইতে প্রস্রবণ সকল সঞ্চারিত করিলাম, অবশেষে জল নির্ধারিত কার্যসাধনে একত্রিত হইল । ১২ । এবং তাহাকে আমি কৌলক ও কাষ্ঠফলকসংযুক্ত নৌকার উপর আরোপিত করিলাম । ১৩ । যে জন কাফের হইয়াছে, তাহার প্রতিফলস্বরূপ আমার চক্ষুর সম্মুখে তাহা চলিল । ১৪ । এবং সত্য সত্যই আমি ইহাকে নিদর্শন করিয়াছি, অনস্তর কোন উপদেশগ্রহীতা কি আছে ? ১৫ । অবশেষে আমার শাস্তি ও আমার ভয়প্রদর্শন কেমন ছিল ? ১৬ । এবং সত্য সত্যই আমি কোর-আনকে উপদেশের জন্ত সহজ করিয়াছি, অনস্তর কোন উপদেশগ্রহীতা কি আছে ? ১৭ । অদ জাতি অসত্যারোপ করিয়াছিল, অনস্তর আমার শাস্তি ও আমার ভয়প্রদর্শন কেমন হইয়াছিল ? ১৮ । নিশ্চয় আমি তাহাদের প্রতি স্থিরীকৃত দুর্দিনে প্রচণ্ড বায়ু প্রেরণ করিয়াছিলাম । ১৯ ।+ উহা লোকদিগের প্রতি উৎপাত উপস্থিত করিল, যেন তাহারা উন্মূলিত খোশ্বাতরু ছিল । ২০ । অনস্তর আমার শাস্তি ও আমার ভয়প্রদর্শন কেমন ছিল ? ২১ । এবং সত্য সত্যই আমি উপদেশের জন্ত কোর-আনকে সহজ করিয়াছি ; অনস্তর কোন উপদেশগ্রহীতা কি আছে ? ২২ । ( র, ১, আ, ২২ )

সমুদ জাতি ভয়প্রদর্শকদিগের প্রতি অসত্যারোপ করিয়াছিল । ২৩ । অনস্তর তাহারা বলিয়াছিল যে, “আমরা কি আপনাদের অন্তর্গত এক ব্যক্তির অনুসরণ করিব ? নিশ্চয় আমরা তখন উন্মত্ততা ও পথভ্রাস্তির মধ্যে থাকিব । ২৪ । আমাদের মধ্যে কি তাহার প্রতি উপদেশ অবতারণিত হইয়াছে ? বরং সে মিথ্যাবাদী আত্মপ্রিয়” । ২৫ । কে মিথ্যাবাদী আত্মপ্রিয় ? তাহারা কল্যা জানিবে । ২৬ । নিশ্চয় আমি তাহাদের পরীক্ষাস্বরূপ এক উল্লীর প্রেরণকারী ছিলাম, পরে ( বলিলাম, হে সালেহ, ) তুমি তাহাদিগকে প্রতীক্ষা কর ও ধৈর্যধারণ করিতে থাক । ২৭ । এবং তাহাদিগকে জ্ঞাপন কর যে, তাহাদের মধ্যে ( কূপের ) জল বিভাগ করা হইয়াছে, জলের প্রত্যেক ( অংশ ) ( তাহার অধিকারীর প্রতি ) উপস্থিত করা হইবে । ২৮ । অনস্তর তাহারা আপন সঙ্গীকে ডাকিল, পরে আক্রমণ করিল, অবশেষে পদ ছিন্ন করিল না । ২৯ । অনস্তর আমার শাস্তি ও আমার

\* অর্থাৎ যখন মুহা ঈশ্বরের অধিতীয়ত্ব স্বীকারের জন্ত উপদেশ দিতে প্রবৃত্ত হইতেন, তখন বিরোধী লোকেরা তাঁহাকে গালি দিত ও ভৎসনা করিত, এবং তাঁহার উপর প্রস্তর নিক্ষেপ করিত ; তাহাতে তিনি অচৈতন্য হইয়া পড়িতেন, উপদেশ দিতে পারিতেন না । ( ড, হো, )

+ সমুদ জাতি প্রেরিত পুরুষ সালেহকে অগ্রাহ্য করে, এবং তাঁহাকে প্রেরিতদের প্রমাণস্বরূপ আশ্চর্য্য ক্রিয়া প্রদর্শন করিতে বলে । তিনি প্রার্থনাবলে একটি উল্লীকে প্রস্তরের ভিতর হইতে

ভয়প্রদর্শন কেমন ছিল ? ৩০ । নিশ্চয় আমি তাহাদের প্রতি একমাত্র নিনাদ প্রেরণ করিয়াছিলাম, পরে (সেই ধ্বনিতে) তাহারা তূণের গায় খণ্ড খণ্ড হইয়াছিল । ৩১ । এবং সত্য সত্যই আমি কোরু-আনকে উপদেশের জন্ত সহজ করিয়াছি, অনন্তর কোন উপদেশ-গ্রহীতা কি আছে ? ৩২ । লুতীয় সম্প্রদায় ভয়প্রদর্শকগণের প্রতি অসত্যারোপ করিয়াছিল । ৩৩ । নিশ্চয় আমি লুতের পরিজনকে পরিত্যাগ করিয়া তাহাদের প্রতি প্রস্তুতবৃষ্টি প্রেরণ করিয়াছিলাম, তাহাদিগকে ( লুতের পরিজনকে ) প্রাতঃকালে আপন সন্নিধানের রূপা দ্বারা উদ্ধার করিয়াছিলাম ; যে ব্যক্তি কৃতজ্ঞতা স্বীকার করিয়াছে, তাহাকে এইরূপে আমি বিনিময় দান করিয়া থাকি । ৩৪ + ৩৫ । এবং সত্য সত্যই আমার আক্রমণ তাহাদিগকে ভয় দেখাইয়াছিল, অনন্তর ভয়প্রদর্শনের প্রতি তাহারা সন্দেহ করিয়াছিল । ৩৬ । এবং সত্য সত্যই তাহারা তাহাকে তাহার অতিথির মধ্য হইতে ডাকিয়া ছিল ; অনন্তর আমি তাহাদের চক্ষু বিলোপ করিয়াছিলাম, পরে ( বলিয়াছিলাম, ) আমার শাস্তি ও আমার ভয়প্রদর্শন আশ্বাদন কর \* । ৩৭ । এবং সত্য সত্যই প্রাতঃকালে স্থায়ী শাস্তি তাহাদের প্রতি উপস্থিত হইল । ৩৮ । অনন্তর ( আমি বলিলাম, ) আমার শাস্তি ও আমার ভয়প্রদর্শন আশ্বাদন কর । ৩৯ । এবং সত্য সত্যই উপদেশের জন্ত আমি কোরু-আনকে সহজ করিয়াছি, পরে কোন উপদেশগ্রহীতা কি আছে ? ৪০ । ( র, ২, আ, ১৮ )

এবং সত্য সত্যই ফেরওণের পরিজনের প্রতি ভয়প্রদর্শকগণ উপস্থিত হইয়াছিল । ৪১ । তাহারা আমার সমগ্রনিদর্শনের প্রতি অসত্যারোপ করিয়াছিল, অনন্তর আমি তাহাদিগকে প্রবল পরাক্রমের আক্রমণে আক্রমণ করিয়াছিলাম । ৪২ । তোমাদের বাহির করেন । একটি কুপের জল এইরূপ ভাগ করা হইয়াছিল যে, এক দিন সমুদ্র জাতি ও এক দিন তাহাদের গৃহপালিত পশু এবং এক দিন সেই উষ্ট্রী সেই জল পান করিত । এই অলৌকিক উষ্ট্রী বিষয়ে বিশেষ বৃত্তান্ত পূর্বে বিবৃত হইয়াছে । মস্দা ও কেদার নামক দুই ব্যক্তিকে সমুদ্রগণ ডাকিয়া উষ্ট্রীকে বধ করিতে বলে । তাহারা সেই উষ্ট্রীকে জলপান করিয়া ফিরিয়া আসিবার সময় পথে আক্রমণ করে । প্রথমতঃ মস্দা বাণ নিক্ষেপ করিয়া উষ্ট্রীর চরণ বিদ্ধ করে, পরে কেদার সঙ্কেত স্থান হইতে বাহির হইয়া আসিয়া করবাল দ্বারা তাহাকে খণ্ড খণ্ড করিয়া ফেলে, এবং সমুদ্রগণকে তাহার মাংস বিভাগ করিয়া দেয় । তখন উষ্ট্রীর শাবক সনো পর্বতে আরোহণ করিয়া তিন বার শব্দ করে, পরে তথা হইতে স্বর্গে চলিয়া যায় । কথিত আছে, শাবকটি হত হইয়াছিল । এই ঘটনার তিন দিবস পরে সমুদ্রজাতির উপর শাস্তি অবতীর্ণ হয় । ( ত, হো, )

\* স্ত্রী যুবা পুরুষের রূপ ধারণ করিয়া লুতের নিকটে জেত্রিলাদি যে সকল দেবতা উপস্থিত হইয়াছিলেন, নগরের দুর্গরিত্র লোকেরা সেই মানবরূপধারী দেবতাদিগকে তাহাদের হস্তে সমর্পণ করিবার জন্ত লুতকে ডাকিয়া অনুরোধ করিয়াছিল । লুত তাহা অগ্রাহ করেন, তাহাতে তাহারা প্রাচীর ভাঙ্গিয়া গৃহে প্রবেশ করিতে উদ্যত হয় । তখন জেত্রিল পক্ষাঘাতে তাহাদের চক্ষু অন্ধ করিয়া ফেলেন । ( ত, হো, )

কাফেরগণ কি, ( হে কোরেশকুল, ) ইহাদিগ অপেক্ষা শ্রেষ্ঠ ? তোমাদের জগৎ ধর্মপুস্তিকা সকলে কি উদ্ধারের ( বিধি ) আছে ? ৪৩। তাহারা কি বলিয়া থাকে যে, আমরা এক প্রতিহিংসাকারী দল ? ৪৪। শীঘ্র এই দলকে পরাস্ত করা যাইবে, এবং পৃষ্ঠ ভঙ্গ করিয়া দেওয়া যাইবে \*। ৪৫। বরং কেয়ামত তাহাদের অঙ্গীকারভূমি এবং কেয়ামত স্মৃষ্টি ও স্মৃতিভুক্ত। ৪৬। নিশ্চয় অপরাধিগণ পথভ্রাস্তি ও ক্ষিপ্তভাবমধ্যে আছে। ৪৭। ( স্মরণ কর, ) যে দিবস অনলে তাহারা অধোমুখে আকৃষ্ট হইবে, (আমি বলিব,) নরকের সংস্পর্শ আন্বাদন কর। ৪৮। নিশ্চয় আমি নির্দ্বারিতরূপে সমুদায় বস্তু সৃজন করিয়াছি। ৪৯। এবং আমার আজ্ঞা চক্ষুর পলকসদৃশ একবার ভিন্ন নহে। ৫০। এবং সত্য সত্যই আমি তোমাদের সমধর্মী দলকে সংহার করিয়াছি ; অনন্তর কোন উপদেশগ্রহীতা কি আছে ? ৫১। এবং তাহারা যাহা করিয়াছে, তাহার প্রত্যেক বিষয় ( কার্যালিপি ) পুস্তিকায় ( লিখিত ) আছে। ৫২। এবং প্রত্যেক ক্ষুদ্র ও বৃহৎ লিখিত আছে। ৫৩। নিশ্চয় ধর্মভীরুগণ জলপ্রণালী ও উদ্যান সকলের মধ্যে শক্তিমান্ রাজার নিকটে সত্যের বাসস্থানে থাকিবে। ৫৪ + ৫৫। ( র, ৩, আ, ১৫ )

## সূরা রহমান †

.....

### পঞ্চপঞ্চাশত্তম অধ্যায়

.....

#### ৭৮ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

পরমেশ্বর কোর-আন্ শিক্ষা দিয়াছেন। ১ + ২। + মনুষ্যকে সৃষ্টি করিয়াছেন, তাহাকে কথা কহিতে শিক্ষা দিয়াছেন। ৩ + ৪। সূর্য ও চন্দ্র নিয়মেতে চালিত। ৫। + তৃণ ও

\* অর্থাৎ সকলে রণক্ষেত্র হইতে পৃষ্ঠভঙ্গ দিয়া পলায়ন করিবে। এই ব্যাপার বদরের যুদ্ধে হইয়াছিল। এই আয়ত হজরতের প্রেরিতত্ব ও কোর-আনের সত্যতাবিষয়ে এক প্রমাণ। মহান্না ওমর বলিয়াছেন, যখন এই আয়ত অবতীর্ণ হইল, তখন হজরত কহিলেন, এই আয়তের মর্ম কি, বুঝিতে পারিলাম না। পরে হঠাৎ বদরের যুদ্ধের সময় দেখিলাম যে, হজরত বর্ম পরিধান করিতেছেন, এবং বলিতেছেন, “এই দলকে পরাস্ত করা যাইবে” ইহার মর্ম কি, অল্প অবধারণ করিলাম। সে দিন শত্রুকুল হত ও বন্দী হইয়াছিল, এবং তাহাদের অনেক সৈন্ত পরাস্ত হইয়া পলায়ন করিয়াছিল।

( ত, হো, )

† এই সূরা মক্কাতে অবতীর্ণ হইয়াছে।

তরু নমস্কার করিতেছে \* । ৬ । এবং আকাশ, তাহাকে তিনি উন্নমিত করিয়াছেন ও পরিমাণ স্থাপন করিয়াছেন, যেন তোমরা ( আদান-প্রদানে ) পরিমাণবিষয়ে অতিক্রম না কর । ৭+৮ । এবং আয়্যাহুসারে পরিমাণকে তোমরা ঠিক রাখিও, পরিমাণ খর্চ করিও না । ৯ । এবং পৃথিবী, তাহাকে তিনি মানবমণ্ডলীর জন্ত প্রসারিত রাখিয়াছেন । ১০ ।+ তথায় ফলপুঞ্জ ও খোশ্মাফলশালী খোশ্মাতরু এবং বিচালিযুক্ত শস্যকণা ও পুষ্প ( তিনি সৃজন করিয়াছেন ) । ১১+১২ । অনন্তর, ( হে পরি ও মানবগণ, ) স্বীয় প্রতিপালকের কোন্ সম্পদের প্রতি তোমরা দুইয়ে অসত্যারোপ করিতেছ ? ১৩ । দক্ষ যুক্তিকার আয় শুক যুক্তিকাযোগে তিনি মনুষ্য সৃষ্টি করিয়াছেন । ১৪ ।+এবং দৈত্যাদিগকে শিখামুক্ত অগ্নি দ্বারা সৃজন করিয়াছেন । ১৫ । অনন্তর তোমরা স্বীয় প্রতিপালকের কোন্ সম্পদের প্রতি অসত্যারোপ করিতেছ ? ১৬ । তিনি দুই পূর্ব ও দুই পশ্চিমের প্রতিপালক † । ১৭ । অনন্তর তোমরা স্বীয় প্রতিপালকের কোন্ সম্পদের প্রতি অসত্যারোপ করিতেছ ? ১৮ । তিনি দুই সাগরকে মিলিতে প্রবর্তিত করিয়াছেন । ১৯ ।+ উভয়ের মধ্যে আবরণ আছে, এক অণুকে অতিক্রম করে না ‡ । ২০ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২১ । উভয় হইতে মুক্তা ও প্রবাল বহির্গত হয় । ২২ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৩ । সাগরে সঞ্চরণশীল পর্কততুল্য নৌকাসকল তাঁহারই । ২৪ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৫ । ( র, ১, আ, ২৫ )

যে কেহ ইহার উপর (পৃথিবীর উপর) আছে, সেই অনিত্য । ২৬ ।+এবং তোমার মহা গৌরব ও বদাগ্য প্রতিপালকের আনন নিত্য । ২৭ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৮ । যে জন স্বর্গে ও পৃথিবীতে আছে, সেই তাঁহার নিকটে প্রার্থনা করে ; প্রতিদিন তিনি একাবস্থায় আছেন । ২৯ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৩০ ।

\* তৃণ ও তরু নমস্কার করিতেছে, অর্থাৎ ঈশ্বরের আজ্ঞাপালন করিতেছে, অথবা ছায়াযোগে নমস্কার করিতেছে । ( ত, হো, )

+ “দুই পূর্ব” এক পূর্ব সূর্যের উত্তরাংশে ও অপর পূর্ব সূর্যের দক্ষিণাংশে নির্দিষ্ট । এইরূপ “দুই পশ্চিম” এক পশ্চিম সূর্যের গতি অনুসারে শীতকালে ও অপর গ্রীষ্মকালে নির্দিষ্ট । এই অয়নাদিতে পৃথিবীর পক্ষে অনেক মঙ্গল হয় । তাহা শস্তোৎপত্তি ও জীবের বিশ্রামাদির কারণ হইয়া থাকে । ( ত, হো, )

‡ দুই সাগর, পারস্যসাগর ও রোমীয় সাগর । একদিকে উভয় সাগরের গর্ভ পরস্পর মিলিত । এক সাগরের জল মিষ্ট ও সুরস, অপরের জল লবণাক্ত ও বিষাদ । কিন্তু দ্বীপ বা অন্ত কোন আবরণ মধ্যে থাকা বশতঃ এক সাগরের জল অন্য সাগরের জলকে বিকৃত করিতে পারে না । ( ত, হো, )



হে ভারগ্রস্ত দলদ্বয়, শীঘ্রই তোমাদের জঞ্জ (বিচার করিতে) আমি অবসরপ্রাপ্ত হইব। ৩১। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩২। হে মানব ও দানবদল, যদি তোমরা স্বর্গ ও পৃথিবীর প্রাপ্ত হইতে বহির্গত হইতে সক্ষম হও, তবে বাহির হইয়া যাও; (ঈশ্বরের) পরাক্রম ছাড়িয়া বাহির হইতে পারিবে না\*। ৩৩। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৪। তোমাদের প্রতি অগ্নিশিখা ও ধূম প্রেরিত হইবে, অনন্তর প্রতিহিংসা করিতে পারিবে না। ৩৫। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৬। পরে যখন আকাশ বিদীর্ণ হইবে, তখন তাহা আরক্তিম চর্মের গায় লোহিতবর্ণ হইবে। ৩৭। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৮। অবশেষে সেই দিবস দানব ও মানব স্বীয় অপরাধসম্মুখে জিজ্ঞাসিত হইবে না। ৩৯। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪০। পাপিগণ আপন লক্ষণ দ্বারা পরিচিত হইবে, পরে ললাটের কেশযোগে ও পদযোগে গৃহীত হইবে†। ৪১। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪২। এই সেই নরক, পাপিগণ যাহাকে অসত্য বলিতেছিল। ৪৩। তাহার তাহার (অগ্নির) মনো ও উচ্ছ্বসিত উষ্ণোদকের মধ্যে ঘুরিতে থাকিবে। ৪৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪৫। (র, ২, আ, ২০)

এবং যে ব্যক্তি আপন প্রতিপালকের (সাক্ষাতে) দণ্ডায়মান হওয়াকে ভয় করিয়াছে, তাহার জঞ্জ দুই স্বর্গোদ্যান হয়‡। ৪৬। অনন্তর স্বীয় প্রতিপালকের কোন্

\* অর্থাৎ তোমরা যে স্থানে যাইবে, সেই স্থানেই তোমাদের সঙ্গে সঙ্গে মৃত্যু স্থিতি করিবে। তোমাদের হস্তে এমন কোন সস্ত্র ও উপায় নাই যে, তাহা হইতে রক্ষা পাইবে। কথিত আছে যে, কেয়ামতের দিন স্বর্গীয় দূতগণ পুনরুত্থিত লোকদিগের চতুর্দিক শ্রেণীবদ্ধরূপে দণ্ডায়মান হইয়া এরূপ ঘোষণা করিতে থাকিবে যে, “হে দৈত্যকুল ও মনুষ্যগণ, এই কেয়ামতের ভূমি, যদি সক্ষম হও, বাহিরে যাও, কিন্তু তোমরা বাহির হইতে পারিবে না।” (ত, হো,)

† অর্থাৎ পাপিদিগকে তাহাদের মলিন মুখ ও শোক দুঃখের অবস্থা দেখিয়া চেনা যাইবে। কেশাকর্ষণ করিয়া কখন তাহাদিগকে নরকে টানিয়া লওয়া যাইবে, কখন বা চরণ ধরিয়া উর্দ্ধমুখে নরকে নিক্ষেপ করা হইবে। (ত, হো,)

‡ অর্থাৎ যে ব্যক্তি বিচারকে ভয় ও পাপ পরিত্যাগ করে, তাহাকে দুইটি স্বর্গোদ্যান দেওয়া যাইবে। একটির নাম উদ্যান অদন, অপরটির নাম উদ্যান নইম। কথিত আছে যে, এক উদ্যান ঈশ্বরভীরু মনুষ্যের জঞ্জ, অপরটি ঈশ্বরভীরু দৈত্যদিগের জঞ্জ হইবে। প্রত্যেক উদ্যানের দৈর্ঘ্য ও বিস্তার শত বৎসরের পথ, এবং প্রত্যেকের ভিতরে সুরমা আবাস, সুরম ও সুদৃশ্য ফল, রূপবতী দিব্যান্না সকল আছে। (ত, হো,)

সম্পদের প্রতি তোমরা অসত্যারোপ করিতেছ ? ৪৭।+সেই দুই (উজান) বহুতর  
 শাখায়ুক্ত। ৪৮। অনন্তর স্বীয় প্রতিপালকের কোন্ সম্পদের প্রতি তোমরা অসত্যা-  
 রোপ করিতেছ ? ৪৯। সেই দুই (উজান) মধ্যে দুই জলপ্রণালী প্রবাহিত। ৫০।  
 অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৫১।  
 সেই দুয়ের মধ্যে সমুদায় ফল দুই প্রকার আছে\*। ৫২। অনন্তর স্বীয় প্রতিপালকের  
 কোন্ সম্পদের প্রতি তোমরা অসত্যারোপ করিতেছ ? ৫৩। তাহারা ফর্শ আসনে  
 (পীনোপাধানে) পৃষ্ঠস্থাপনকারী হইয়া (বসিবে,) তাহার (ফর্শের) কোঁষেয় আচ্ছাদন  
 হইবে, এ৭ং উভয় উজানের ফলপুঞ্জ (তাহাদের) নিকটে থাকিবে। ৫৪। অনন্তর  
 স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৫৫। তথায়  
 (প্রাসাদাদিতে) (লজ্জাবশতঃ) অপ্রশংসিত অঙ্গনাগণ থাকিবে, তাহাদের পূর্বে  
 মনুষ্য ও দৈত্য তাহাদিগের সঙ্গে মিলিত হয় নাই। ৫৬। অনন্তর স্বীয় প্রতিপালকের  
 কোন্ সম্পদের প্রতি তোমরা অসত্যারোপ করিতেছ ? ৫৭। তাহারা (দিব্যাঙ্গনাগণ)  
 ইয়াকুতমণি ও প্রবালস্বরূপ। ৫৮। অনন্তর স্বীয় প্রতিপালকের কোন্ সম্পদের প্রতি  
 তোমরা অসত্যারোপ করিতেছ ? ৫৯। শুভ কর্মের বিনিময় শুভ ভিন্ন নহে। ৬০।  
 অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৬১।  
 এবং সেই দুই ভিন্ন (আরও) দুই স্বর্গোজান আছে। ৬২। অনন্তর স্বীয় প্রতিপালকের  
 কোন্ সম্পদের প্রতি তোমরা অসত্যারোপ করিতেছ ? ৬৩। সেই দুই (উজান)  
 অতিশয় হরিদ্বর্ণ। ৬৪। অনন্তর স্বীয় প্রতিপালকের কোন্ সম্পদের প্রতি তোমরা  
 অসত্যারোপ করিতেছ ? ৬৫। তাহাদের ভিতরে দুই বেগবতী পয়ঃপ্রণালী আছে। ৬৬।  
 অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৬৭।  
 সেই দুই (উজানের) মধ্যে ফলপুঞ্জ ও গোম্বা এবং দাড়িম্ব তরু হয়। ৬৮। অনন্তর  
 স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৬৯। তথায়  
 উত্তমা স্তন্দরী নারীগণ হয়। ৭০। অনন্তর স্বীয় প্রতিপালকের কোন্ সম্পদের প্রতি  
 তোমরা অসত্যারোপ করিতেছ ? ৭১। দিব্যাঙ্গনাগণ পটমণ্ডপের অভ্যন্তরে (বরের  
 জন্ত) লুক্কায়িত। ৭২। অনন্তর স্বীয় প্রতিপালকের কোন্ সম্পদের প্রতি তোমরা  
 অসত্যারোপ করিতেছ ? ৭৩। তাহাদের পূর্বে মনুষ্য ও দৈত্য তাহাদের সঙ্গে মিলিত  
 হয় নাই। ৭৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ  
 করিতেছ ? ৭৫। তাহারা হরিদ্বর্ণ উপাধানের উপর পৃষ্ঠ স্থাপন করিবে ও উৎকৃষ্ট  
 আসনে বসিবে। ৭৬। অনন্তর স্বীয় প্রতিপালকের কোন্ সম্পদের প্রতি তোমরা

\* অর্থাৎ এক প্রকার ফল আছে, যাহা পৃথিবীতে দৃষ্ট হইয়াছে; অন্যবিধ অভিনব ফল আছে, যাহা  
 কখনও নয়নগোচর হয় নাই। (ত, হো,)

অসত্যারোপ করিতেছ ? ৭৭। তোমার মহিমান্বিত ও মহাবদাণ্ড প্রতিপালকের নাম শুভকর। ৭৮। ( র, ৩, আ, ৩৩, )

## সূরা ওয়াকেরা #

.....

### ষট্‌পঞ্চাশত্তম অধ্যায়

.....

#### ৯৬ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

( স্মরণ কর, ) যখন সজ্জটনীয় (কেয়ামত) ঘটবে। ১।+তাহা ঘটিবার সময় কোন অসত্যবক্তা নাই। ২। ( সেই দিন ) এক দলের অবনমনকারী, এক দলের উন্নমনকারী। ৩।+( স্মরণ কর, ) যখন পৃথিবী বিকম্পনে বিকম্পিত, এবং পর্বতপুঞ্জ বিচূর্ণনে বিচূর্ণীকৃত হইবে। ৪+৫।+তখন ধূলী বিক্ষিপ্ত হইবে। ৬।+এবং তোমরা তিন প্রকার হইবে। ৭। অনন্তর দক্ষিণদিকের লোক, দক্ষিণদিকের লোক কি? ৮। এবং বাম দিকের লোক, বাম দিকের লোক কি? ৯। অগ্রগামিগণ অগ্রগামী। ১০।+ ইহারাই সম্পদের উদ্যান সকলের সম্বিহিত। ১১+১২। পূর্ববর্তী লোকদিগের একদল এবং পশ্চাৎবর্তী লোকদিগের অঙ্গাংশঃ। ১৩+১৪।+স্বর্ণখচিত সিংহাসন সকলের উপর থাকিবে। ১৫।+তাহার উপর পরস্পর সম্মুখবর্তী হইয়া ( পীনোপাধানে ) পৃষ্ঠ স্থাপন করিয়া বসিবে। ১৬। তাহাদের নিকটে নিত্যস্থায়ী বালকগণ ( ভৃত্যগণ )

\* এই সূরা মক্কাতে অবতীর্ণ হইয়াছে।

+ আদমের ঔরসজাত যে সকল সন্তান জন্মগ্রহণের সময় দক্ষিণ পার্শ্বে ছিলেন, তাহারা দক্ষিণ দিগের লোক, অথবা সেই দিবস যাহাদের দক্ষিণ হস্তে কার্যালিপি অর্পিত হইবে, তাহারা দক্ষিণদিকের লোক, মহাভাগাবান্। তাহারা স্বর্গোচ্চানের দক্ষিণ পার্শ্বে অবস্থিতি করিবেন। এবং আদমের ঔরসজাত যে সকল সন্তান জন্মগ্রহণের সময়ে তাহার বাম পার্শ্বে ছিল, তাহারা বাম দিকের লোক, অথবা সেই দিবস যাহাদের বাম হস্তে কার্যালিপি অর্পিত হইবে, তাহারা বাম দিকের লোক, দুর্ভাগাবান্। তাহারা নরকে স্থিতি করিবে। নরক স্বর্গের বাম পার্শ্বে স্থিত। ধর্ম্মেতে যাহারা শ্রেষ্ঠ, তাহারা অগ্রগামী; যথা, কেরণের বিখাসী পরিজন ও আবুবেকর এবং আলি, অথবা যাহারা কোর-আনের অধিকারী, কিংবা যাহারা ধর্ম্মযুদ্ধে অগ্রগামী, তাহারা সর্ব্বাঙ্গে স্বর্গে যাইবে। ( ভ, হো, )

‡ পূর্ববর্তী লোক অর্থাৎ পূর্ববর্তী মুহা এব্রাহিম প্রভৃতি পেগাম্বরবর্গের মণ্ডলীহ লোক অধিক; পশ্চাৎবর্তী কেবল হজরত মোহাম্মদের মণ্ডলীর লোক। ( ভ, হো, )

আবখোরা ও আফ্‌তাবা ( জলপাত্র বিশেষ ) এবং নির্ঝল সুরার পানপাত্রসহ ঘুরিতে থাকিবে। ১৭+১৮।+তদ্বারা চৈতন্যবিলোপ ও শিরঃপীড়া হয় না। ১৯। এবং সেই ফলপুঞ্জ, যাহা তাহারা মনোনীত করিবে, এবং সেই পক্ষিমাংস, যাহা তাহারা ইচ্ছা করিবে, ( তৎসহ ভৃত্যগণ গমনাগমন করিবে )। ২০+২১। এবং বিশালাক্ষী দিব্যান্ধনাগণ থাকিবে। ২২। তাহারা প্রচ্ছন্ন মুক্তামদৃশ। ২৩। তাহারা ( সাধুগণ ) যাদা করিতেছিল, তাহার বিনিময় ( আমি দিব )। ২৪। তথায় তাহারা “সেলাম” “সেলাম” কথিত হওয়া ব্যতীত নিরর্থক বাক্য ও পাপ বাক্য শ্রবণ করিবে না। ২৫+২৬। এবং দক্ষিণদিকের লোক, দক্ষিণদিকের লোক কি? ২৭। তাহারা কণ্টকহীন বদরীতরু এবং ফলপূর্ণ মোজ্ব বৃক্ষের তলে ও প্রসারিত ছায়াতে থাকিবে। ২৮+২৯+৩০।+নিপতিত বারি এবং অচ্ছেদ্য ও অনিবার্য প্রচুর ফলের মধ্যে থাকিবে। ৩১+৩২+৩৩। এবং উন্নত ফর্শ আসনে থাকিবে। ৩৪। নিশ্চয় আমি এক প্রকার সৃষ্টিতে তাহাদিগকে ( দিব্যান্ধনাগণকে ) সৃষ্টি করিয়াছি। ৩৫।+অনন্তর তাহাদিগকে আমি কুমারী করিয়াছি। ৩৬।+দক্ষিণদিকের লোকদিগের জন্ম সমবয়স্কা ও প্রেমিকা করিয়াছি\*। ৩৭+৩৮। ( র ১, আ, ৩৮ )

পূর্ববর্তী লোকদিগের একদল এবং পশ্চাদ্বর্তী লোকদিগের এক দল †। ৩৯+৪০। এবং বামদিকের লোক সকল, বামদিকের লোক কি? ৪১। উষ্ণ বায়ু ও উষ্ণোদকের মধ্যে এবং ধূম যাহা শীতল ও সম্মান্য নয়, তাহার ছায়ায় থাকিবে। ৪২+৪৩+৪৪। নিশ্চয় তাহারা ইতিপূর্বে বিলাসে প্রতিপালিত হইয়াছিল। ৪৫। এবং মহাপাপে নিয়ত

\* তেত্রিশ বৎসর বয়স্কা সমুদায় বস্ত্র সমবয়স্কা, তাহাদের স্বামিগণও এই বয়সপ্রাপ্ত। বালিকাদিগকে স্বর্গে আনয়ন করা হইলে উপরি উক্ত বয়স পর্যন্ত রক্ষা করিয়া স্বামীর হস্তে সমর্পণ করা যাইবে। বৃদ্ধাদিগকেও এই বয়ঃক্রমে পরিবর্তিত করা হইবে। কোন নারী পৃথিবীতে স্বামী গ্রহণ না করিয়া থাকিলে, তাহাকে কোন এক স্বর্গবাসীর ভাষা করিয়া দেওয়া যাইবে। যদি স্বামী থাকে, কিন্তু স্বামী স্বর্গবাসী নয়, তবে অস্ত্র কোন স্বর্গবাসীর প্রতি সেই নারী প্রদত্ত হইবে, এবং যদি স্বামী স্বর্গবাসী হয়, তবে পুনর্বার তাহারই হস্তে অর্পিত হইবে। একাধিক স্বামী থাকিলে শেষ স্বামীই স্বর্গে স্বামী বলিয়া পরিগণিত হইবে। ( ত, হো, )

† যখন “পশ্চাদ্বর্তী দলের অল্লাংশ” এই আয়ত অবতীর্ণ হয়, তখন ওমর অশ্রুপূর্ণলোচনে জিজ্ঞাসা করিলেন যে, “প্রেরিত মহাপুরুষ, আমরা তোমার অনুগত ও তোমার প্রতি বিশ্বাসী হইয়াছি; এ কি, আমাদের অল্পসংখ্যক ব্যতীত উদ্ধার পাইবে না?” তাহাতেই “পূর্ববর্তী লোকদিগের এক দল ও পশ্চাদ্বর্তী লোকদিগের এক দল” এই আয়ত অবতীর্ণ হয়। হজরত এই আয়ত পাঠ করিলে ওমর সন্তুষ্ট হন। হজরত বলিলেন, “আদম হইতে আমার সময় পর্যন্ত এক দল ও আমি হইতে কেয়ামত পর্যন্ত এক দল উদ্ধার পাইবে। স্বর্গবাসীদিগের এক শত বিংশতি শ্রেণী হইবে, এবং তাহার ষাট শ্রেণী আমার মণ্ডলীর অন্তর্গত।” এতদ্বারা জানা যাইতেছে যে, হজরতের অনুবর্তী মণ্ডলীর কোন ব্যক্তি চিরকালের জন্ত নরকবাসী হইবে না। ( ত, হো, )

স্থিতি করিতেছিল। ৪৬+৪৭। এবং বলিতেছিল, “কি যখন আমরা মরিব ও মৃত্তিকা হইয়া যাইব, এবং অস্থিপুঞ্জ হইব, তখন কি নিশ্চয় আমরা সমুখিত হইব? অথবা আমাদের পূর্ববর্তী পিতৃপুরুষগণ (সমুখিত হইবে)”? ৪৮+৪৯+৫০। তুমি বল, (হে মোহম্মদ,) নিশ্চয় পূর্ববর্তী ও পশ্চাদ্বর্তী লোকগণ নিরুপিত দিনে এক সময়েতে একত্রীভূত হইবে। ৫১। তৎপর নিশ্চয় তোমরা, হে বিপথগামী ও অসত্যারোপকারিগণ, অবশ্য জকুম তরুর (ফল) ভক্ষণ করিবে। ৫২+৫৩। অনন্তর তদ্বারা উদরপূর্ণকারী হইবে। ৫৪। পরে তাহার উপর উষ্ণোদক পান করিবে। ৫৫। অবশেষে তৃষ্ণার্ভ উষ্ট্রের পানের ঞায় পানকারী হইবে। ৫৬। বিচারের দিবসে ইহাই তাহাদের আতিথ্যোপহার। ৫৭। আমি তোমাদিগকে সৃষ্টি করিয়াছি, অনন্তর কেন তোমরা বিশ্বাস করিতেছ না? ৫৮। অবশেষে যাহা জরায়ুতে নিষ্কিপ্ত হয়, তোমরা কি তাহা দেখিয়া থাক? ৫৯। তোমরা কি তাহা সৃষ্টি কর, না, আমি সৃষ্টিকর্তা? ৬০। আমি তোমাদের মধ্যে মৃত্যু নির্ধারণ করিয়াছি, এবং আমি তোমাদের সদৃশ অল্প দলকে (তোমাদের স্থানে) পরিবর্তিত করিতে ও তোমরা জ্ঞাত নও, এমন স্থানে তোমাদিগকে সৃষ্টি করিতে কাতর নহি। ৬১+৬২। এবং সত্য সত্যই তোমরা প্রথম সৃষ্টি জ্ঞাত হইয়াছ, তবে কেন উপদেশ গ্রহণ করিতেছ না? ৬৩। যাহা তোমরা বপন কর, অনন্তর তাহা কি তোমরা দেখ? ৬৪। তোমরা কি অঙ্কুর উৎপাদন কর? না, আমি অঙ্কুরোৎপাদক? ৬৫। আমি ইচ্ছা করিলে তাহাকে চূর্ণ করিয়া ফেলি, পরে তোমরা বিস্মিত হও। ৬৬। (বল, ) “নিশ্চয় আমরা প্রতিফল-প্রাপ্ত। ৬৭।+বরং আমরা বঞ্চিত”। ৬৮। অনন্তর তোমরা কি সেই জল দেখিয়াছ, যাহা পান করিয়া থাক? ৬৯। তোমরা কি তাহা মেঘ হইতে বর্ষণ করিয়াছ? অথবা আমি বর্ষণকারী? ৭০। যদি আমি ইচ্ছা করি, তবে তাহা বিস্বাদ করিতে পারি; অনন্তর তোমরা কেন ধন্ববাদ করিতেছ না? ৭১। পরে সেই অগ্নি কি দেখিয়াছ, যাহা (বৃক্ষশাখা হইতে) প্রজ্জ্বলিত করিয়া থাকি? ৭২। তোমরা কি তাহার বৃক্ষকে সৃষ্টি করিয়াছ, অথবা আমি সৃষ্টিকর্তা? ৭৩। আমি পৃথিবী-দিগের জন্ম তাহাকে উপদেশ ও লাভস্বরূপ করিয়াছি। ৭৪। অনন্তর তুমি, (হে মোহম্মদ,) স্বীয় মহা প্রতিপালকের নামের স্তব করিতে থাক। ৭৫। (র, ২, আ, ৩৭)

অবশেষে নক্ষত্রমণ্ডলীর নিপাতভূমিসম্বন্ধে আমি শপথ করিতেছি \*। ৭৬।+এবং যদি তোমরা বুঝিতে পার, নিশ্চয় তবে ইহা মহাশপথ। ৭৭। নিশ্চয় ইহা গৌরবান্বিত কোর্-আন্। ৭৮। গুপ্ত গ্রন্থে (স্বর্গস্থ গ্রন্থে) দ্বিত। ৭৯। পবিত্র পুরুষগণ ব্যতীত ইহাকে স্পর্শ করে না। ৮০। নির্খিল জগতের প্রাতিপালক কর্তৃক (ইহা) অবতারিত।

\* এ স্থলে নক্ষত্রমণ্ডলীর অর্থে কোর্-আনের বাক্যাবলী, নিপাতভূমি অর্থে হজরতের পবিত্র অন্তঃকরণ।  
এতদ্বিন্ন অল্প অনেক প্রকার অর্থ হইতে পারে। (ত, হো,



৮১। অনন্তর তোমরা কি এই বাণীর প্রতি অগ্রাহকারী? ৮২। এবং আপনাদের লভ্যাংশ এই কর যে, তোমরা অসত্যারোপ করিয়া থাক। ৮৩। অনন্তর কেন যখন প্রাণ কণ্ঠে উপস্থিত হয়, তোমরা তখন দেখিতে পাও না? ৮৪+৮৫।+এবং আমি তোমাদের অপেক্ষা তৎসম্বন্ধে নিকটতর, কিন্তু তোমরা দেখিতে পাও না। ৮৬। অনন্তর যদি তোমরা দণ্ডার্থ না হও, তবে তোমরা সত্যবাদী হইলে কেন তাহাকে (আত্মাকে) ফিরাইয়া লও না? ৮৭+৮৮। অবশেষে কিন্তু যদি (মৃত ব্যক্তি) (ঈশ্বরের) সান্নিধ্যবর্তীদিগের অন্তর্গত হয়, তবে আরাম ও সুগন্ধি পুষ্প এবং সম্পদের উদ্ভান আছে। ৮৯+৯০+৯১। এবং যদি কিন্তু দক্ষিণদিকের লোক হয়, তবে তোমার প্রতি দক্ষিণদিকের লোকের সেলাম আছে। ৯২+৯৩। এবং যদি কিন্তু বিপথগামী ও অসত্যারোপকারীদিগের অন্তর্গত হয়, তবে উষণাদকের আতিথ্যোপহার এবং নরকে প্রবেশ। ৯৪। ইহা নিঃসন্দেহ সত্য। ৯৫। অনন্তর তুমি স্বীয় মহাপ্রতিপালকের নামের স্তব কর। ৯৬। ( র, ৩, আ, ২১ )

## সূরা হুদ \*

.....

### সপ্তপঞ্চাশত্তম অধ্যায়

.....

২৯ আয়ত, ৪ রকু

( দাতা দয়ালু পরমেশ্বরের নামে প্রবৃত্ত হইতেছি । )

যাহা স্বর্গে ও পৃথিবীতে আছে, তাহা ঈশ্বরকে স্তব করিতেছে; তিনি পরাক্রান্ত বিজ্ঞানময়। ১। তাহারই স্বর্গলোক ও পৃথিবীর রাজত্ব, তিনি বাঁচান ও মারেন, এবং তিনি সর্ববিষয়ে ক্ষমতাবান্। ২। তিনি (সর্বতোভাবে) প্রথম ও অন্তিম, বাহ ও গুপ্ত, এবং তিনি সর্বজ্ঞ। ৩। তিনিই যিনি ষষ্ঠ দিবসে স্বর্গ ও মর্ত্য সৃজন করিয়াছেন, তৎপর উচ্চ স্বর্গের উপর স্থিতি করিয়াছেন; পৃথিবীতে যাহা উপস্থিত হয় ও যাহা তাহা হইতে বাহির হইয়া থাকে, এবং যাহা আকাশ হইতে অবতারণিত হয় ও যাহা তথায় সমুথিত হইয়া থাকে, তিনি জ্ঞাত হন; এবং যেস্থানে তোমরা থাক, তিনি তথায় তোমাদের সঙ্গে থাকেন, এবং তোমরা যাহা করিয়া থাক, পরমেশ্বর তাহার দ্রষ্টা। ৪। স্বর্গ ও পৃথিবীর রাজত্ব তাহারই, এবং ঈশ্বরের দিকেই ক্রিয়া সকল প্রত্যাবর্তিত হয়। ৫। তিনি রাত্ৰিকে

\* এই সূরা মদিনাতে অবতীর্ণ হইয়াছে।

দিবার মধ্যে প্রবেশিত করেন ও দিবাকে রাত্রির মধ্যে প্রবেশিত করিয়া থাকেন, এবং তিনি অন্তরের রহস্যবিৎ । ৬ । তোমরা, ( হে লোক সকল, ) ঈশ্বর ও তাঁহার প্রেরিত-পুরুষের প্রতি বিশ্বাস স্থাপন কর, এবং যে বিষয়ে তোমাদিগকে তিনি উত্তরাধিকারী করিয়াছেন, তাহা হইতে ব্যয় করিতে থাক ; অনস্তর তোমাদের মধ্যে যাহারা বিশ্বাস স্থাপন ও ( সদ্ ) ব্যয় করিয়াছে, তাহাদের জন্য মহাপুরস্কার আছে । ৭ । তোমাদের কি হইয়াছে যে, তোমরা ঈশ্বর ও প্রেরিতপুরুষের প্রতি বিশ্বাস স্থাপন করিতেছ না ? তিনি তোমাদিগকে স্বীয় প্রতিপালকের প্রতি বিশ্বাস স্থাপন করিবার জন্য ডাকিতেছেন ; যদি তোমরা বিশ্বাসী হও, তবে সতাই তিনি তোমাদিগ হইতে অঙ্গীকার গ্রহণ করিয়াছেন । ৮ । তিনি যিনি স্বীয় দাসের প্রতি উজ্জ্বল নিদর্শনাবলী প্রেরণ করেন, যেন তোমাদিগকে অঙ্গীকার হইতে জ্যোতির দিকে বাহির করে ; নিশ্চয় ঈশ্বর তোমাদের প্রতি কৃপাবান্ দয়ালু । ৯ । তোমাদের কি হইয়াছে যে, ঈশ্বরোদ্দেশে ব্যয় করিতেছ না ? স্বর্গ ও পৃথিবীর অধিকার ঈশ্বরেরই ; যে ব্যক্তি জয়লাভের পূর্বে দান করিয়াছে ও সংগ্রাম করিয়াছে, সে তোমাদের তুল্য নয় ; ইহার পদানুসারে, যাহারা পরে ব্যয় করে ও যুদ্ধ করিয়া থাকে, তাহাদিগের অপেক্ষা শ্রেষ্ঠ । এবং পরমেশ্বর প্রত্যেকের সঙ্গে উত্তম অঙ্গীকার করিয়াছেন ও তোমরা যাহা করিয়া থাক, ঈশ্বর তাহার জ্ঞাতা । ১০ । ( র, ১, আ, ১০ )

সে কে যে ঈশ্বরকে উত্তম ঋণে ঋণ দান করে ? অনস্তর তিনি তাহার জন্য দ্বিগুণ করেন, এবং তাহার নিমিত্ত মহা পুরস্কার আছে \* । ১১ । যে দিবস তুমি, ( হে মোহম্মদ, ) বিশ্বাসী পুরুষ ও বিশ্বাসিনী নারীদিগকে দেখিবে যে, তাহাদের জ্যোতি তাহাদের সম্মুখে ও তাহাদের দক্ষিণ দিকে সঞ্চরণ করিতেছে, ( বলা হইবে, ) “তোমাদের প্রতি সুসংবাদ, অগ্নি স্বর্গোচ্চান সকল ( তোমাদের জন্য, ) উহার নিম্ন দিয়া পয়ঃপ্রণালী সকল প্রবাহিত হয়, তথায় তোমরা চিরনিবাসী হইবে, ইহাই সেই মহাকৃতার্থতা” † । ১২ । যে দিবস কপট পুরুষ ও কপট নারীগণ বিশ্বাসীদিগকে বলিবে, “আমাদের প্রতি দৃষ্টিপাত কর; তোমাদের জ্যোতি হইতে আমরা জ্যোতি আকর্ষণ করিব ;” তখন বলা হইবে, “তোমরা আপনাদের পশ্চাত্তানে কিরিয়া যাও, পরে জ্যোতি অন্বেষণ করিও ।” অনস্তর তাহাদের মধ্যে এক প্রাচীর স্থাপিত হইবে, তাহার এক দ্বার থাকিবে, তাহার ( প্রাচীরের ) অভ্যন্তর ভাগে কৃপা ও তাহার বহির্দেশে তাহার সম্মুখ দিকে শান্তি

\* এ স্থলে ঈশ্বরকে ঋণদানের অর্থ, ধর্মযুদ্ধে অর্থ ব্যয় করা । যাহারা যুদ্ধে অর্থ দান করিয়া থাকে, তাহারা পরলোকে তাহার দ্বিগুণ প্রাপ্ত হইবে । ( ত, ফা, )

† কেয়ামতের সময় ধার্মিক লোক সকল যখন সরাতে পোলের উপর দিয়া গমন করিবে, তখন তন্নানক অঙ্গীকার হইবে । বিশ্বাসের আলোক তাহাদের সঙ্গে সঙ্গে অগ্রে চলিবে, এবং দক্ষিণ দিকে যে সংকার্য সকল সঞ্চিত হয়, সেই দিকে আলোক সঞ্চারিত হইবে । ( ত, ফা, )

থাকিবে \* । ১৩ । তাহারা তাহাদিগকে ( বিশ্বাসীদিগকে ) ডাকিয়া বলিবে, “আমরা কি তোমাদের সঙ্গে ছিলাম না ?” তাহারা বলিবে, “হাঁ ছিলে, কিন্তু তোমরা আপনাদের জীবনকে বিপদগ্রস্ত করিয়াছ ও ( আমাদের অকল্যাণ ) প্রতীক্ষা করিয়াছ ; এবং সন্দেহ করিয়াছ ও বাসনা সকল তোমাদিগকে এতদূর প্রভারিত করিয়াছে যে, ঈশ্বরের আদেশ উপস্থিত হইল, আর প্রতারক (শয়তান) ঈশ্বরের (আদেশ) সঙ্ক্ষে তোমাদিগকে প্রভারিত করিল । ১৪ । অনন্তর অঙ্ককার দিনে তোমাদিগ হইতে ও যাহারা ধর্মদ্রোহী হইয়াছে, তাহাদিগ হইতে অপরাধের বিনিময় গ্রহণ করা হইবে না ; তোমাদিগের আশ্রয়স্থান অগ্নি, উহাই তোমাদিগের বন্ধু, এবং ( উহা ) বিগর্হিত প্রত্যাবর্তনভূমি” । ১৫ । যাহারা বিশ্বাস স্থাপন করিয়াছে, তাহাদের জ্ঞান কি সময় আসে নাই যে, ঈশ্বরের ও যে সত্য অবতীর্ণ হইয়াছে, তাহার প্রসঙ্গে তাহাদিগের অন্তঃকরণ নম্র হয়, এবং পূর্বে তাহাদিগকে গ্রন্থ প্রদান করা হইয়াছে, তাহাদের অক্ষুরূপ না হয় ? অনন্তর তাহাদের সঙ্ক্ষে কাল দীর্ঘ হইয়াছে, অবশেষে তাহাদের অন্তঃকরণ কঠিন হইয়া গিয়াছে, এবং তাহাদিগের অধিকাংশই পাষাণ । ১৬ । জানিও, নিশ্চয় পরমেশ্বর পৃথিবীকে তাহার মৃত্যুর পর জীবিত করিয়া থাকেন ; সত্যই আমি তোমাদের জ্ঞান নিদর্শনাবলী ব্যক্ত করিয়াছি, ভরসা যে, তোমরা জ্ঞান লাভ করিবে । ১৭ । নিশ্চয় ধর্মার্থদাতা পুরুষ ও ধর্মার্থদাত্রী নারীগণ বস্তুতঃ পরমেশ্বরকে উত্তম ঋণে ঋণ দান করিয়াছে ; তাহাদিগকে দ্বিগুণ দেওয়া হইবে, এবং তাহাদের জ্ঞান মহা পুরস্কার আছে । ১৮ । যাহারা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে, ইহারাই তাহারা যে, সত্যবাদী ও স্বীয় প্রতিপালকের সন্নিধানে ধর্মযুদ্ধে নিহত ; তাহাদের জ্ঞান তাহাদের পুরস্কার ও তাহাদের জ্যোতি আছে । এবং যাহারা ধর্মদ্রোহী হইয়াছে ও আমার নিদর্শনাবলীর প্রতি অসত্যারোপ করিয়াছে, ইহারাই নরকলোকনিবাসী । ১৯ । ( র, ২, আ, ৯ )

তোমরা জানিও যে, পার্থিব জীবনে ক্রীড়া ও আমোদ, সৌন্দর্য্যঘটা ও আপনাদের মধ্যে গর্ভ হয়, এবং ধন ও সম্মান সম্ভ্রুতিতে বৃদ্ধি হয় ; তাহা বারিবর্ষণসদৃশ, ( তন্দ্বারা ) যে অঙ্কুরোদগম হয়, কৃষকদিগকে আনন্দিত করে, তৎপর তাহা শুষ্ক হয়, পরে তাহাকে তুমি পাণ্ডুবর্ণ দেখিয়া থাক, তৎপর চূর্ণীকৃত হয় । পরলোকে কঠিন শাস্তি আছে,

\* প্রাচীরের ভিতরের দিকে অদূরে স্বর্গলোক, তথায় বিশ্বাসিগণ গমন করিবে । বাহিরের দিকে নরক, তথায় কপট লোকেরা যাইবে । কিন্তু কপট লোকেরা পশ্চাত্তানে দৃষ্টি করিয়া কোন জ্যোতি দেখিতে পাইবে না । পরে বিশ্বাসী লোকদিগের প্রতি লক্ষ্য করিবে, তখন তাহাদের ও বিশ্বাসীদিগের মধ্যে যে এক প্রাচীর স্থাপিত, সেই প্রাচীরের একটি দ্বার থাকিবে । তাহারা কাতর হইয়া সেই দ্বার দিয়া দৃষ্টি করিয়া বিশ্বাসীদিগকে দেখিবে যে, তাহারা আনন্দে স্বর্গোচ্চানের দিকে যাইতেছেন । ( ত, হো, )

এবং ঈশ্বরের প্রসন্নতা ও ক্ষমা আছে ; পার্থিব জীবন প্রতারণার সামগ্রী ভিন্ন নহে । ২০ । স্বীয় প্রতিপালকের ক্ষমার দিকে ও সেই নভোমণ্ডল ও ভূমণ্ডলের তুল্য যাহার বিস্তৃতি, সেই স্বর্গলোকের দিকে তোমরা অগ্রসর হও ; যাহারা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে, তাহা তাহাদের জন্ত রক্ষিত, ইহাই ঈশ্বরের করুণা ; তিনি যাহাকে ইচ্ছা করেন, তাহাকে দান করিয়া থাকেন, পরমেশ্বর মহা রূপাবান্ । ২১ । এমন কোন বিপদ ধরাতলে ও তোমাদের জীবনে উপস্থিত হয় না যে, তাহা উপস্থিত করিবার পূর্বে তাহা গ্রন্থে লিখিত হয় নাই ; নিশ্চয় ইহা ঈশ্বরের সম্বন্ধে সহজ । ২২ । যেন তাহাতে তোমরা, যাহা বিনষ্ট হইয়াছে, তৎসম্বন্ধে শোক না কর, এবং যাহা তোমাদের প্রতি সমাগত হইয়াছে, তৎসম্বন্ধে আহ্লাদিত না হও ; ঈশ্বর সমুদায় গর্বিত আত্মাভিমানীকে প্রেম করেন না । ২৩ । যাহারা রূপণতা করে ও লোকদিগকে রূপণ হইতে আদেশ করিয়া থাকে, এবং যে ব্যক্তি বিমুখ হয়, পরে নিশ্চয় সেই ঈশ্বর ( তদ্বিষয়ে ) নিষ্কাম প্রশংসিত । ২৪ । সত্য সত্যই আমি স্বীয় প্রেরিতপুরুষদিগকে প্রমাণাবলী সহ প্রেরণ করিয়াছি; এবং তাহাদের সঙ্গে গ্রন্থ ও পরিমাণ-যন্ত্র ( নিয়মপ্রণালী ) অবতারণ করিয়াছি, যেন লোকসকল ণ্ডায়েতে স্থিতি করে ; এবং আমি লৌহ অবতারণ করিয়াছি, তাহার মধ্যে গুরুতর সংগ্রাম ও মনুষ্যের জন্ত লাভ আছে, এবং তাহাতে পরমেশ্বর জ্ঞাত হন যে, গোপনে কে তাঁহাকে ও তাঁহার প্রেরিতপুরুষকে সাহায্য দান করে । নিশ্চয় ঈশ্বর শক্তিশালী পরাক্রান্ত \* । ২৫ । ( র, ৩, আ, ৬ )

এবং সত্য সত্যই আমি মুহাকে ও এব্রাহিমকে প্রেরণ করিয়াছি, এবং উভয়ের সম্মানবর্গের মধ্যে প্রেরিতত্ব ও গ্রন্থ স্থাপন করিয়াছি ; অনন্তর তাহাদের কতক লোক পথপ্রাপ্ত এবং তাহাদের অধিকাংশ দুষ্চরিত্র হইয়াছে । ২৬ । তৎপর তাহাদের অনুসরণে আপন প্রেরিতপুরুষদিগকে আমি প্রেরণ করিয়াছিলাম, এবং মরয়মের পুত্র ঈসাকে প্রেরণ করিয়াছিলাম ও তাহাকে ইঞ্জিল গ্রন্থ দিয়াছিলাম ; এবং যাহারা তাহার অনুসরণ করিয়াছে, তাহাদের অন্তরে দয়া ও কোমলতা স্থাপন করিয়াছি । এবং সেই নির্জনাশ্রয়, তাহারা তাহা আবিষ্কার করিয়াছে, ঈশ্বরের প্রসন্নতা অন্বেষণ ব্যতীত আমি তাহাদের সম্বন্ধে তাহা লিপি করি নাই ; অনন্তর তাহারা তাহার সত্যসংরক্ষণে তাহা

\* ঈশ্বরের প্রেরিত জল, অগ্নি ও লবণ এবং লৌহ এই চারিটি দ্রব্য বিশেষ শুভকর । লৌহ দ্বারা সমুদায় প্রয়োজনীয় কার্য সম্পাদনোপযোগী যন্ত্রাদি প্রস্তুত হয় ; তাহাতে এই বিশেষ লাভ হইয়া থাকে যে, শর, করবালাদি যুদ্ধাস্ত্র নির্মিত হয় । তৎসাহায্যে কাকেরদিগের উপর বিশ্বাসীদিগের জয়লাভ ও তাঁহাদের নগর আপদশূন্য হইয়া থাকে । গোপনে ঈশ্বরকে ও প্রেরিতপুরুষকে সাহায্যদানের অর্থ এই যে, প্রেরিতপুরুষের অসাক্ষাতে সাহায্য দান করা । কপট লোকেরা সাক্ষাতে হজরতের সহায়তা করিত, অসাক্ষাতে তাঁহার সপক্ষে থাকিত না ।

সংরক্ষণ করে নাই। পরে আমি তাহাদের মধ্যে যাহারা বিশ্বাস স্থাপন করিয়াছিল, তাহাদিগকে তাহাদের পুরস্কার প্রদান করিয়াছি, এবং তাহাদের অধিকাংশই পাষণ্ড ছিল \*। ২৭। হে বিশ্বাসিগণ, তোমরা ঈশ্বরকে ভয় করিতে থাক ও তাঁহার প্রেরিত-পুরুষের প্রতি বিশ্বাস স্থাপন কর, তিনি স্বীয় অনুগ্রহের দুই ভাগ তোমাদিগকে প্রদান করিবেন, † এবং তোমাদের জন্ত জ্যোতি বিকীর্ণ করিবেন, তদ্বারা তোমরা চলিতে থাকিবে ও তিনি তোমাদিগকে ক্ষমা করিবেন; পরমেশ্বর ক্ষমাশীল ও দয়ালু। ২৮। † তাহাতে গ্রন্থাধিকারিগণ জানিবে যে, তাহারা ঈশ্বরের কোন উপকারসম্মুখে ক্ষমতা রাখে না, এবং উপকার ঈশ্বরের হস্তে আছে; তিনি যাহাকে ইচ্ছা করেন, তাহা বিধান করিয়া থাকেন। পরমেশ্বর মহোপকারী। ২৯। (র, ৪, আ, ৪)

## সূরা মজ্জাদলা ‡

অষ্টপঞ্চাশত্তম অধ্যায়

২২ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি।)

যে তোমার নিকটে, (হে মোহম্মদ,) আপন স্বামিসম্বন্ধে বাদান্তবাদ করিতেছে ও ঈশ্বরের নিকটে অভিযোগ করিতেছে, সত্যই পরমেশ্বর সেই নারীর কথা শ্রবণ করিয়াছেন; এবং পরমেশ্বর তোমাদের দুইয়ের কথোপকথন শুনিতেছিলেন, নিশ্চয় ঈশ্বর শ্রোতা দ্রষ্টা §। ১। তোমাদের মধ্যে যাহারা স্বীয় ভাৰ্য্যাдиগকে (মাতা বলিয়া) পরিত্যাগ

\* মহাপুরুষ ঈসার মণ্ডলীর অন্তর্গত কতিপয় লোক তাঁহার স্বর্গারোহণের পর ইঞ্জিলের বিধি অমান্য করিয়া কাকের হয়, কতিপয় লোক উক্ত ধর্মে স্থিতি করিয়া পর্বতে চলিয়া যায়, অবিবাহিত থাকিয়া অন্ন পান পরিত্যাগপূর্বক কঠোর সাধনায় প্রবৃত্ত হয়। বস্তুতঃ তাহাদের প্রতি এই বিধি ছিল না। (ত, হো,)

† হজরত মোহম্মদের প্রতি বিশ্বাস স্থাপন তাহাদের প্রতি ঈশ্বরের এক অনুগ্রহ এবং সাধারণ প্রেরিত-পুরুষদিগের প্রতি আর এক প্রকার অনুগ্রহ। (ত, হো,)

‡ এই সূরা মদিনাতে অবতীর্ণ হইয়াছে।

§ এক দিন সামেতের পুত্র ওস্ স্বীয় ভাৰ্য্যা খওলার সঙ্গে মিলিত হইতে অভিলাষী হয়, খওলা অসম্মতি প্রকাশ করে। ওস্ তাহাতে ক্রুদ্ধ হইয়া বলে, “তুই আমার মাতৃতুল্য।” পৌত্তলিকতার



করে, তাহারা তাহাদের মাতা হয় না ; তাহাদের মাতা, যাহারা তাহাদিগকে প্রসব করিয়াছে, তাহারা ভিন্ন নহে, এবং নিশ্চয় তাহারা মিথ্যা ( অবৈধ ) কথা বলে । নিশ্চয় ঈশ্বর ক্ষমাশীল মার্জ্জনাকারী \* । ২ । এবং যাহারা আপন ভার্য্যাগণকে বর্জন করে, তৎপর যাহা বলিয়াছে, তৎপ্রতি ( তাহা ভঙ্গ করিতে ) ফিরিয়া আইসে, তবে উভয়ের সংস্পর্শ হওয়ার পূর্বে ( একটি দাসের ) গ্রীবামুক্তি ( আবশ্যক, ) এই ( বিধি ; ) এতদ্বারা তোমাদিগকে উপদেশ দেওয়া যাইতেছে, এবং তোমরা যাহা করিয়া থাক, ঈশ্বর তাহার জ্ঞাতা । ৩ । অনন্তর যে ব্যক্তি ( দাস ) প্রাপ্ত না হয়, পরে উভয়ের সংস্পর্শ হওয়ার পূর্বে ক্রমাগত দুই মাস তাহার পক্ষে রোজাপালন ( বিধি ; ) অবশেষে যে ব্যক্তি অক্ষম হয়, পরে সে ষাট জন দরিদ্রকে ভোজ্য দান করিবে । ইহা এজন্য যে, ঈশ্বর ও তাঁহার প্রেরিত-পুরুষের প্রতি তোমরা বিশ্বাস স্থাপন কর, ইহাই ঈশ্বরের সীমা ; এবং কাফেরদিগের জন্য দুঃখজনক শাস্তি আছে † । ৪ । নিশ্চয় যাহারা পরমেশ্বর ও তাঁহার প্রেরিত-পুরুষের সঙ্গে বিরুদ্ধাচরণ করে, তাহাদের পূর্ববর্তিগণ যেমন লাহিত হইয়াছে, তদ্রূপ তাহারা লাহিত হয় ; সত্যই আমি স্পষ্ট নিদর্শনাবলী অবতারণ করিয়াছি, এবং ধর্মদ্রোহীদিগের জন্য দুর্গতির শাস্তি আছে । ৫ । যে দিবস পরমেশ্বর তাহাদিগকে একযোগে সমুখাপন করিবেন, তখন তাহারা যাহা করিয়াছে, তিনি তাহাদিগকে জানাইবেন ; পরমেশ্বর তাহা মনে রাখিয়াছেন ও তাহারা তাহা ভুলিয়াছে, ঈশ্বর সর্ববিষয়ে সাক্ষী । ৬ । ( র, ১, আ, ৬ )

তুমি কি, (হে মোহম্মদ,) দেখ নাই যে, ঈশ্বর স্বর্গেতে যে কিছু আছে ও পৃথিবীতে

সময়ে আরব্য পুরুষেরা এইরূপ উক্তি করিলেই ভার্য্যা বর্জিত হইত । খওলা এই কথা শ্রবণ করিয়া হজরতের নিকটে যাইয়া অভিযোগ করে ; হজরত বলেন, “তুমি ওসের সন্মুখে অবৈধ হইয়াছ ।” খওলা বলে, “সে আমাকে বর্জন করে নাই ।” ইহা শ্রবণ করিয়া হজরত কহেন, “বর্জন করিয়াছে ভিন্ন আমি মনে করিতেছি ন’, তুমি তাহার সন্মুখে অবৈধ হইয়াছ ।” অনেকগুলি শিশু সন্তান ছিল ও ওসের সঙ্গে বহুকালের প্রণয় ছিল বলিয়া খওলা অত্যন্ত শোকার্ত হইল ও পুনর্বার হজরতের নিকটে প্রার্থনা জানাইল, হজরত সেই উত্তরই প্রদান করিলেন । . তখন উর্দ্ধমুখে খওলা ঈশ্বরকে ডাকিয়া বলিল, “পরমেশ্বর, আমি তোমার নিকটে অভিযোগ উপস্থিত করিলাম ।” তাহাতেই এই আয়ত অবতীর্ণ হয় । ( ত, হো, )

\* অর্থাৎ কোন নারীকে মা বলিলেই সে মা হয় না, গর্ভধারিণী ভিন্ন অন্য কেহ মাতা নহে । ( ত, হো, )

† অর্থাৎ যে ব্যক্তি স্ত্রীকে মা বলিয়া তাহার সহবাস হইতে বিরত হইয়াছে, সে যদি পুনরায় সেই স্ত্রীর সহবাস ইচ্ছা করে, তবে সহবাসের পূর্বে প্রায়শ্চিত্তরূপ তাহাকে একজন ক্রীতদাসের দাসত্ব মুক্ত করিতে হইবে । তদভাবে ক্রমাগত দুই মাস রোজাপালনের বিধি । তাহাতে অক্ষম হইলে, ষাট জন দরিদ্রকে স্নান ব্যঞ্জন প্রস্তুত করিয়া দুই বেলা প্রচুররূপে ভোজন করাইবে । ( ত, হো, )

যে কিছু আছে জানিতেছেন ; ( এমন ) তিন জনের পরস্পর গুপ্ত কথা হয় না যে, তিনি তাহাদের চতুর্থ নহেন, এবং ( এমন ) পাঁচ জন নহে যে, তিনি তাহাদের ষষ্ঠ নহেন, এবং যে স্থানে হউক, এমন এতদপেক্ষা নূন ও অধিকাংশ লোক নয় যে, তিনি তাহাদের সঙ্গে নহেন । তৎপর তাহারা যাহা করিয়াছে, কেয়ামতের দিনে তিনি তাহাদিগকে তাহা জানাইবেন ; নিশ্চয় ঈশ্বর সর্ববিষয়ে জ্ঞানী \* । ৭ । পরস্পর গুপ্ত কথনে যাহারা নিষিদ্ধ হইয়াছে, তাহাদের প্রতি কি তুমি দৃষ্টি কর নাই ? তাহারা যে বিষয়ে নিষিদ্ধ হইয়াছে, তৎপর তাহার প্রতি পুনঃ প্রবৃত্ত হয়, এবং পাপ ও শক্রতা এবং প্রেরিতপুরুষের প্রতি অবাধ্যতাচরণবিষয়ে গোপনে কথোপকথন করে ; যখন তোমার নিকটে উপস্থিত হয়, ঈশ্বর যে ( বাক্য ) দ্বারা তোমাকে আশীর্বাদ করেন নাই, তৎসহযোগে তোমাকে আশীর্বাদ করিয়া থাকে, এবং আপন মনেতে বলে, যাহা আমরা বলিয়া থাকি, তজ্জন্ম কেন ঈশ্বর আমাদের শাস্তি দান করেন না ? তাহাদের জন্ম নরকলোক যথেষ্ট, তাহারা তাহাতে প্রবেশ করিবে, অনন্তর ( উহা ) বিগর্হিত স্থান † । ৮ । হে বিশ্বাসিগণ, যখন তোমরা পরস্পর গোপনে কথা বল, তখন পাপ ও শক্রতা এবং প্রেরিতপুরুষের প্রতি অবাধ্যতাচরণবিষয়ে গুপ্ত কথোপকথন করিও না ; এবং শুভাচরণ ও বৈরাগ্যবিষয়ে গোপনে প্রসঙ্গ করিও ও যাহার দিকে তোমরা সমুখিত হইবে, সেই ঈশ্বরকে ভয় করিও । ৯ । বিশ্বাসীদিগকে বিষন্ন করিতে শয়তানের গুপ্ত কথোপকথন, এতদ্ভিন্ন নহে ; ঈশ্বরের আদেশ ব্যতীত সে তাহাদের কিছুই অনিষ্টকারক নহে, অতএব বিশ্বাসিগণ যেন ঈশ্বরের প্রতি নির্ভর করে । ১০ । হে বিশ্বাসিগণ, যখন তোমাদিগকে বলা হয় যে, সভাতে ( স্থান ) প্রমুক্ত রাখিও, তখন স্থান প্রমুক্ত করিও, ঈশ্বর তোমাদের জন্ম প্রমুক্তি বিধান করিবেন, এবং যখন বলা হয়, তোমরা উঠ, তখন উঠিও ; তোমাদের মধ্যে যাহারা বিশ্বাসী ও যাহাদিগকে পদানুক্রমে জ্ঞান প্রদত্ত হইয়াছে, তাহাদিগকে পরমেশ্বর সমুন্নত করিবেন । তোমরা যাহা করিয়া থাক, ঈশ্বর তাহার

\* এক দিন ওমরের পুত্র রোবয় ও রোবয়ের ভ্রাতা জয়ব ওমিয়ার পুত্র সফওয়ানের সঙ্গে কথোপকথন করিতেছিল । এক জন বলিল, আমরা যাহা বলি, ঈশ্বর কি তাহা জানেন ? অল্প ব্যক্তি বলিল, কতক জানেন না । তৃতীয় জন বলিল, যদি কতক জানেন, তবে সমুদায় জানিয়া থাকেন, যেহেতু তাহার জ্ঞানে প্রতিবন্ধকতা নাই । তাহাতেই এই আয়ত অবতীর্ণ হয় । ( ত, হো, )

† ইহুদি ও কপট লোকদিগের এরূপ স্বভাব ছিল যে, যখন হজরত কোথাও সৈন্ত প্রেরণ করিতেন ও তাহাদের সংবাদ আসিতে বিলম্ব হইত, তখন তাহারা পথপ্রান্তে বসিয়া এই ভাবে আকার ইঙ্গিতে পরস্পর কথোপকথন করিত যে, বিশ্বাসী লোকেরা তাহা শ্রবণ করিয়া মনে করিত যে, প্রেরিত সৈন্তদলের যোর বিপদ ঘটিয়াছে, ইহা ভাবিয়া তাহারা মহা শোকার্ত হইত । হজরত ইহা শ্রবণ করিয়া তাহাদিগকে তক্রপ কথোপকথন করিতে নিষেধ করেন । তাহারা তিন দিবস নিষেধ মান্ত করে, পরে আবার তক্রপ আচরণে প্রবৃত্ত হয় । তাহাতেই এই আয়ত অবতীর্ণ হয় । ( ত, হো, )

জ্ঞাতা \*। ১১। হে বিশ্বাসিগণ, যখন তোমরা প্রেরিতপুরুষের সঙ্গে গোপনে কথোপকথন কর, তখন স্বীয় গুপ্ত কথনের পূর্বে কিছু খয়রাত ( ধর্মার্থ দান ) উপস্থিত করিও, ইহা তোমাদের জন্য মঙ্গল ও পরম পুণ্য ; অনস্তর যদি ( দানের সামগ্রী ) প্রাপ্ত না হও, তবে নিশ্চয় ঈশ্বর ক্ষমাশীল দয়ালু †। ১২। তোমরা কি স্বীয় গুপ্ত কথনের পূর্বে খয়রাত উপস্থিত করিতে ভয় পাইলে? অনস্তর যখন কর নাই, এবং ঈশ্বর তোমাদের প্রতি প্রত্যাবৃত্ত হইয়াছেন, তখন উপাসনাকে প্রতিষ্ঠিত রাখ ও জকাত দান কর, এবং পরমেশ্বর ও তাঁহার প্রেরিতপুরুষের অহুগত হও ; তোমরা যাহা করিয়া থাক, ঈশ্বর তাহার তত্ত্বজ্ঞ। ১৩। ( র, ২, আ, ৭ )

এক দলের সঙ্গে যাহারা প্রণয় স্থাপন করিয়াছিল, ঈশ্বর যাহাদের প্রতি ক্রোধ করিয়াছিলেন, তুমি, ( হে মোহম্মদ, ) তাহাদিগের প্রতি কি দৃষ্টি কর নাই? তাহারা তোমাদেরও নহে এবং তাহাদেরও নহে, তাহারা আসত্যে শপথ করে, অথচ তাহারা বুঝিতেছে ‡। ১৪। পরমেশ্বর তাহাদের জন্য কঠিন শাস্তি প্রস্তুত রাখিয়াছেন, নিশ্চয় তাহারা যাহা করিতেছে, তাহা অশুভ। ১৫। তাহারা আপনাদের শপথকে ঢালরূপে গ্রহণ করিয়াছে, পরে ঈশ্বরের পথ হইতে ( লোকদিগকে ) অবরুদ্ধ রাখিয়াছে, অবশেষে তাহাদের জন্য লাঞ্ছনাজনক শাস্তি আছে। ১৬। তাহাদিগের ধন সম্পত্তি ও তাহাদিগের সম্মান সম্বন্ধে ঈশ্বরের ( শাস্তির ) কিছুই তাহাদিগ হইতে নিবারণ করিবে না ; ইহা রাই

\* বদরের রণক্ষেত্রের এক দল লোক আসিয়া হজরতের সভায় উপস্থিত হয়। কতিপয় ধর্মবন্ধু হজরতকে ঘেরিয়া বসিয়াছিলেন। বদরের লোকগণ সেলাম করিয়া মসজ্জদের মধ্যে দণ্ডায়মান থাকে, কেহ তাহাদিগকে স্থান দান করে না। তখন হজরত বলেন, হে অমুক, হে অমুক, গাত্রোথান কর; তখন তাঁহারা উঠিয়া বদরনিবাসীদিগকে স্থান দান করেন। উহা দেখিয়া কপট লোকেরা পরস্পর বলাবলি করিতে থাকে। তাহাতে এই আয়ত অবতীর্ণ হয়। ( ত, হো, )

+ হজরতের সঙ্গে গোপনে কথা কহিবার জন্য তাঁহার নিকটে লোকের ভিড় হইত; ক্রমে এত লোকের সমাগম হইতে থাকে যে, কথা কহিতে তাঁহার অবকাশ হইয়া উঠে না। তাহাতেই এই আয়ত অবতীর্ণ হয়। কথিত আছে, খয়রাতের নিয়ম দশ দিন পর্য্যন্ত ছিল, পরে তাহা রহিত হয়। মহান্না আলি এক এক দিন এক একটা স্বর্ণমুদ্রা দান করিয়া কথোপকথন করিয়াছিলেন। কেহ কেহ বলেন, এক দিন এক দণ্ড মাত্র তিনি এ কার্য করিয়াছিলেন, অন্য কেহ নহে। ( ত, হো, )

‡ নবতলের পুত্র আবদোল্লা এক জন কপট লোক ছিল। সে প্রেরিতপুরুষের সহবাসে থাকিত ও তাঁহার কথা শুনিয়া ইহুদিদিগকে যাইয়া বলিত। এক দিবস হজরত কতিপয় ধর্মবন্ধু সহ কুটীরে ছিলেন। তখন তিনি বন্ধুদিগকে বলিলেন যে, এক্ষণ এমন এক জন লোক আসিবে, তাহার মন অহঙ্কৃত ও উচ্ছৃঙ্খল হয়, এবং সে শয়তানের দৃষ্টিতে দর্শন করে। ইতিমধ্যে অকস্মাৎ আবদোল্লা উপস্থিত হইল। হজরত তাহাকে দেখিয়াই বলেন, তুমি কেন আমাকে গালি দাও ও তোমার অমুক অমুক বন্ধু গালি দিয়া থাকে? আবদোল্লা ও তাহার বন্ধুগণ শপথ করিয়া বলিল যে, কখনই আমরা এরূপ অপরাধ করি নাই। তাহাতে এই আয়ত অবতীর্ণ হয়। ( ত, হো, )

নরকানলনিবাসী, তথায় তাহারা চিরস্থায়ী হইবে। ১৭। যে দিবস পরমেশ্বর তাহাদিগকে যুগপৎ সমুখাপন করিবেন, তখন তাহারা তাঁহার সঙ্কে শপথ করিবে, যেমন তোমাদের প্রতি শপথ করিয়া থাকে, এবং মনে করে যে, তাহারা কোন বিষয়ের উপর স্থিতি করিতেছে ; জানিও, নিশ্চয়ই তাহারা মিথ্যাবাদী। ১৮। তাহাদের উপর শয়তান বিজয় লাভ করিয়াছে, অনন্তর ঈশ্বরস্মরণে তাহাদিগকে বিস্মৃত করিয়া তুলিয়াছে, ইহারাই শয়তানের লোক ; জানিও, নিশ্চয় সেই সকল শয়তানের দল ক্ষতিগ্রস্ত হয়। ১৯। নিশ্চয় যাহারা ঈশ্বর ও তাঁহার প্রেরিতপুরুষের সঙ্গে প্রতিদ্বন্দ্বিতা করিয়া থাকে, ইহারাই অতিশয় লাঞ্চার মধ্যে আছে। ২০। পরমেশ্বর লিখিয়াছেন যে, অবশ্য আমি বিজয়ী হইব ও আমার প্রেরিতপুরুষগণ ( বিজয়ী হইবে ; ) নিশ্চয় ঈশ্বর শক্তিশালী পরাক্রান্ত। ২১। তুমি ( এমন ) কোন সম্প্রদায়কে পাইবে না, যে ঈশ্বর ও পরলোকের প্রতি বিশ্বাস স্থাপন করে, যাহারা ঈশ্বর ও তাঁহার প্রেরিতপুরুষের সঙ্গে প্রতিদ্বন্দ্বিতা করিয়া থাকে, যদিচ তাহারা তাহাদের পিতা ও তাহাদের সম্ভান এবং তাহাদের কুটুম্ব হয়, তাহাদের প্রতি আবার বন্ধুতা স্থাপন করে ; ইহারাই যে, তিনি তাহাদের অন্তরে ধর্ম লিপিয়াছেন, এবং আপনার প্রাণ দ্বারা তাহাদিগকে সাহায্য দান করিয়াছেন, এবং যাহার ভিতর দিয়া জলপ্রণালী সকল প্রবাহিত হয়, তিনি তাহাদিগকে সেই স্বর্গোচ্চানে লইয়া যাইবেন, তথায় তাহারা চিরস্থায়ী হইবে। তাহাদের প্রতি ঈশ্বর সন্তুষ্ট হইয়াছেন ও তাহারা তাঁহার প্রতি সন্তুষ্ট হইয়াছে ; ইহারাই ঈশ্বরের সম্প্রদায়, জানিও, নিশ্চয় ঈশ্বরের লোক তাহারা হয়, তাহারা মুক্ত হইবে। ২২। ( র, ৩, আ, ৯ )

## সূরা হশর \*

.....

### উনষষ্টিতম অধ্যায়

.....

### ২৪ আয়ত, ৩ রকু

( দাতা দয়ালু পরমেশ্বরের নামে প্রবৃত্ত হইতেছি । )

স্বর্গেতে যে কিছু আছে ও পৃথিবীতে যে কিছু আছে, তৎসমুদায় ঈশ্বরকে স্তব করিতেছে, এবং তিনি পরাক্রান্ত জ্ঞানময়। ১। তিনিই, যিনি গম্বাধিকারীর মধ্যে যাহারা ধর্মজ্যোতী হইয়াছিল, তাহাদিগকে প্রথম সৈন্যসংগ্রহে তাহাদের গৃহ হইতে বাহির করিয়া,

\* এই সূরা মদিনাতে অবতীর্ণ হইয়াছে।

ছিলেন ; তোমরা, ( হে মোসলমানগণ, ) মনে কর নাই যে, তাহারা বাহির হইবে, এবং তাহারা মনে করিয়াছিল যে, তাহাদের দুর্গ সকল ঈশ্বরের ( শাস্তি ) হইতে তাহাদিগের পক্ষে প্রতিরোধক হইবে । অনন্তর তাহারা যাহা মনে করে নাই, সেই স্থান হইতে ঈশ্বরের ( শাস্তি ) তাহাদিগের প্রতি উপস্থিত হইল ও তাহাদের অন্তরে ভয় নিক্ষেপ করিল, এবং তাহারা আপনাদের গৃহপুঞ্জ স্বহস্তে ও বিশ্বাসীদিগের হস্তে নষ্ট করিতে লাগিল ; অবশেষে, হে চক্ষুমান্ লোক সকল, তোমরা শিক্ষা লাভ কর \* । ২ । এবং যদি পরমেশ্বর তাহাদের প্রতি দেশচ্যুতি লিপি না করিতেন, তবে অবশ্য পৃথিবীতে তাহাদিগকে শাস্তি দিতেন, এবং পরলোকে তাহাদের জন্ত অগ্নিদণ্ড রহিয়াছে । ৩ । ইহা এজন্য যে, তাহারা পরমেশ্বর ও তাঁহার প্রেরিতপুরুষের সঙ্গে বিরোধ করিয়াছে, এবং যে ব্যক্তি ঈশ্বরের সঙ্গে শত্রুতা করে, পরে নিশ্চয় পরমেশ্বর ( তাহার সম্বন্ধে ) কঠিন শাস্তিদাতা হন । ৪ । তোমরা যে খোন্দাতরু ছেদন করিয়াছ, অথবা তাহা আপন মূলোপরি দণ্ডায়মান থাকিতে রাখিয়াছ, তাহা ঈশ্বরের আজ্ঞাক্রমেই হইয়াছে, এবং তাহাতে দুরাচারগণ লাঞ্চিত হইয়া থাকে † । ৫ । পরমেশ্বর আপন প্রেরিতপুরুষের প্রতি তাহাদের যাহা কিছু প্রত্যর্পণ করিলেন, তৎপ্রতি তোমরা, ( হে বিশ্বাসিগণ, ) অশ্রু ও উষ্ট্র চালনা কর নাই ; কিন্তু পরমেশ্বর স্বীয় প্রেরিতপুরুষকে যাহার উপর ইচ্ছা করেন, বিজয়ী করিয়া থাকেন, এবং ঈশ্বর সর্বোপরি ক্ষমতাশীল ‡ । ৬ । পরমেশ্বর

\* মদিনার চারি পাঁচ কোশ অন্তরে একদল ইহুদি বাস করিত, তাহারা নজিরগোষ্ঠী বলিয়া পরিচিত । প্রথমতঃ তাহারা হজরতের সঙ্গে সন্ধি স্থাপন করিয়াছিল । পরে মক্কার কাফেরদিগের সঙ্গে পত্রাদি দ্বারা যোগ স্থাপন করে এবং একদিন হজরত যেখানে বসিয়াছিলেন, তাহাদের কেহ উপর হইতে সেই স্থানে একটি বৃহৎ গাঁভা যন্ত্র ফেলিয়া দেয় : তাহা তাঁহার উপর পড়িলে তাঁহার মস্তক চূর্ণ হইয়া যাইত, ঈশ্বর রক্ষা করিলেন । তখন হইতে হজরত তাহাদের সঙ্গে যুদ্ধ করিবার উদ্দেশে মোসলমানদিগকে একত্রিত করেন । যখন তিনি সদলবলে যাইয়া তাহাদিগকে আবেষ্টন করিলেন, তখন তাহারা ভয় পাইল । তাহারা হজরতের শরণাপন্ন হইল । তিনি তাহাদিগকে অভয়দান করিলেন, এবং স্থান ত্যাগ করিয়া চলিয়া যাইতে বলিলেন । তাহারা যে সমস্ত ধনসম্পত্তি সঙ্গে লইয়া যাইতে পারিবে, তাহা লইয়া যাইতে অনুমতি করিলেন । তাহাদের গৃহ, উদ্যান, শস্তক্ষেত্রাদি হজরতের হস্তগত হইল । তাহাদের গৃহাদি উচ্ছিন্ন হইল । ( ত, হো, )

† নজিরগোষ্ঠীর প্রতি আক্রমণ করার সময় পুরাতন খোন্দাতরু রাখিয়া নূতন তরুগুলিকে ছেদন করিতে সৈন্যদিগের প্রতি হজরতের আদেশ হইয়াছিল । সলামের পুত্র অবদোল্লা ও আবুলয়লা এই কার্যে নিযুক্ত হইয়াছিলেন । আবুলয়লা বৃক্ষছেদন করিতেছিল, আর বলিতেছিল যে, এতদ্বারা কপটদিগের হৃদয় ছিন্ন করিতেছি । অবদোল্লা মহা উৎসাহে বৃক্ষ কাটিতেছিল, এবং বলিতেছিল যে, জানিতেছি, পরমেশ্বর এই সকল বৃক্ষ মোসলমানদের হস্তে পুনঃ প্রদান করিবেন : যে সকল খোন্দাতরু উৎকৃষ্ট, তাহা তাঁহাদের জন্ত রাখিতেছি । ( ত, হো, )

‡ নজিরবংশীয় লোকেরা স্থানান্তরিত হইবার সময় পঞ্চাশটি বর্ম ও পঞ্চাশটি পতাকা এবং তিন শত চল্লিশটি করবাল ফেলিয়া যায় । তাহাদের ধনসম্পত্তি গৃহাদি সমুদায় হজরত অধিকার করেন,



গ্রামবাসীদিগের যে কিছু স্বীয় প্রেরিতপুরুষের প্রতি প্রত্যর্পণ করিয়াছেন, তাহা ঈশ্বরের ও প্রেরিতপুরুষের ও ( তাহার ) স্বজনবর্গের এবং অনাথদিগের ও দরিদ্রদিগের এবং পথিকদিগের জন্ম হয়, যেন তাহা তোমাদের ধনীদিগের মধ্যে হস্তে হস্তে গৃহীত না হয় ; এবং প্রেরিতপুরুষ তোমাদিগকে যাহা দান করে, পরে তোমরা তাহা গ্রহণ করিও, এবং তোমাদিগকে যাহা নিষেধ করে, পরে তাহা হইতে তোমরা নিবৃত্ত থাকিও, এবং ঈশ্বরকে ভয় করিও, নিশ্চয় ঈশ্বর কঠিন শাস্তিদাতা \* । ৭ । + যাহারা ঈশ্বরের প্রসন্নতা ও রূপা অন্বেষণ এবং ঈশ্বরকে ও তাঁহার প্রেরিতপুরুষকে সাহায্য দান করিতে গিয়া স্বীয় গৃহ ও সম্পত্তি হইতে বহিষ্কৃত হইয়াছে, সেই দেশত্যাগী নির্ধন পুরুষদিগের জন্ম ধনের অংশ আছে ; ইহারাই তাহারা যে সত্যবাদী । ৮ । এবং যাহারা ইহাদের (মোহাজেরদিগের) পূর্বে আলায়ে ( মদিনাতে ) ও বিশ্বাসে ( এসলাম ধর্মে ) স্থিতি করিয়াছিল, যে ব্যক্তি তাহাদের অভিমুখে দেশত্যাগ করিয়া চলিয়া আসিয়াছিল, তাহাকে ভালবাসে, এবং যাহা ( দেশচ্যুত লোকদিগকে ) প্রদত্ত হয়, তাহাতে আপন অন্তরে কোন স্পৃহা উপলব্ধি করে না, এবং যদিচ তাহাদের অভাব থাকে, তথাপি ( অন্তকে ) আপন ( বস্তুর ) প্রতি অধিকার দান করে, এবং যাহারা আপন জীবনকে রূপণতা হইতে রক্ষা করিয়াছে, তাহাদের জন্ম (ধনের অংশ আছে ; ) অনন্তর তাহারা ইহারা যে, মুক্ত হইবে ৯ । ৯ । এবং যাহারা

এবং তিনি স্বেচ্ছানুসারে এক এক বস্তু আপন অনুগত এক এক জনকে প্রদান করিয়াছিলেন । “তৎপ্রতি তোমরা অশ্ব ও উষ্ট্র চালনা কর নাই,” অর্থাৎ এই সকল সম্পত্তি হস্তগত করিবার জন্ম অন্বেষণে বা উষ্ট্রারোহণে যাইয়া তোমাদিগকে বিশেষ যুক্ত করিতে হয় নাই ও ক্লেশ পাইতে হয় নাই । ( ত, হো, )

\* পৌত্তলিক লোকেরা যে সকল সামগ্রী লুণ্ঠন করিত, তাহাদের দলপতি তাহার চতুর্থাংশ লইত, এবং আর এক অংশ উপচৌকন বলিয়া আপনার জন্ম গ্রহণ করিত, সেই অংশের নাম সফি । দলপতি অবশিষ্টাংশ দলের জন্ম রাখিয়া দিত, দলের ধনী লোকেরা আপনাদের মধ্যে তাহা ভাগ করিয়া লইত, দরিদ্রগণ বঞ্চিত থাকিত । নজিরগোষ্ঠীর লুণ্ঠিত দ্রব্যজাতের সম্বন্ধে তদ্রূপ আচরণ হইবে, বিশ্বাসিমণ্ডলীর প্রধান প্রধান লোকেরা মনে করিয়া হজরতকে বলিয়াছিলেন, “প্রেরিত মহাপুরুষ, আপনি লুণ্ঠিত সামগ্রীর চতুর্থাংশ ও সফি গ্রহণ করুন, আমরা অবশিষ্টাংশ বিভাগ করিয়া লই ।” কিন্তু পরমেশ্বর সেই ধনে হজরতের স্বপ্ন স্থাপন করেন । আরতোল্লিখিত বিধি অনুসারে তাহার এক এক অংশ যথাযোগ্য পাত্রে বিভক্ত হয় ; যে অংশ ঈশ্বরের জন্ম নিদ্বিষ্ট, তাহা মস্জিদ ও কাবামন্দিরসংস্কারে ব্যয়িত হইতে থাকে । ( ত, হো, )

+ হজরত আনসার লোকদিগকে ডাকাইয়া মোহাজের ( দেশত্যাগী ) সম্প্রদায়ের প্রতি তাঁহাদের অনুগ্রহ ও আনুকূল্য উল্লেখ করিয়া বলিলেন “হে আনসারসম্প্রদায়, যদি ইচ্ছা কর, নজিরগোষ্ঠীর ধনসম্পত্তি তোমাদিগকে বিভাগ করিয়া দিতে পারি । মোহাজেরদল পূর্ববৎ তোমাদের নিবাসে স্থিতি করিবে, এবং তোমরা ইচ্ছা করিলে সম্পত্তি মোহাজেরদিগকে দান করিবে, তাহারা তোমাদের বাসস্থান পরিত্যাগ করিয়া চলিয়া যাইবে ।” ইহা শুনিয়া ওকাসের পুত্র সাদ ও মাজের পুত্র সাদ এবং এবাদার পুত্র সাদ যে মদিনাবাসী আনসারদিগের অগ্রণী ছিলেন, বলিলেন, “প্রেরিত

ইহাদের পরে উপস্থিত হইয়াছে, তাহারা বলিতেছে, “হে আমাদের প্রতিপালক, তুমি আমাদের জন্ত এবং যাহারা বিশ্বাসে আমাদের অগ্রে গমন করিয়াছে, আমাদের সেই ভ্রাতাদের জন্ত ক্ষমা কর, এবং যাহারা বিশ্বাস স্থাপন করিয়াছে, তাহাদের সম্বন্ধে তুমি আমাদের অন্তরে ঈর্ষ্যা প্রদান করিও না; হে আমাদের প্রতিপালক, নিশ্চয় তুমি অমুগ্রহকারক দয়াময়।” ১০। (র, ১, আ, ১০)

কপট লোকদিগের দিকে, (হে মোহম্মদ,) তুমি কি দৃষ্টি কর নাই? তাহারা, গ্রন্থাধিকারীদিগের মধ্যে যাহারা কাফের হইয়াছে, সেই আপন ভ্রাতাদিগকে বলিয়া থাকে, “যদি তোমরা বহিষ্কৃত হও, তবে অবশ্য আমরা তোমাদের সঙ্গে বহির্গত হইব, এবং আমরা কখনও তোমাদের বিষয়ে কাহারও অমুগ্রহ হইব না ও যদি তোমাদের সঙ্গে সংগ্রাম করা হয়, তবে অবশ্য আমরা তোমাদিগকে সাহায্য দান করিব;” এবং ঈশ্বর সাক্ষ্য দান করিতেছেন যে, নিশ্চয় তাহারা মিথ্যাবাদী \*। ১১। যদি তাহারা বহিষ্কৃত হয়, ইহারা তাহাদের সঙ্গে বহির্গত হইবে না, এবং যদি যুদ্ধ করা হয়, তবে তাহাদিগকে সাহায্য দানও করিবে না, এবং যদি তাহাদিগকে সাহায্য দানও করে, তবে অবশ্য (পরে) পৃষ্ঠভঙ্গ দিয়া ফিরিয়া যাইবে, তৎপর সাহায্য প্রদত্ত হইবে না। ১২। অবশ্য, (হে মোসলমানগণ,) তাহাদের অন্তরে ঈশ্বর অপেক্ষা তোমরা ভয়সম্বন্ধে প্রবল হও, ইহা এজ্ঞ যে, তাহারা (এমন) একদল যে, জ্ঞান রাখে না। ১৩। দুর্গসম্বিত গ্রামেতে অথবা প্রাচীরের পশ্চাদ্দেশ হইতে ব্যতীত দলবদ্ধ ভাবে তাহারা তোমাদের সঙ্গে যুদ্ধ করিবে না, তাহাদের সংগ্রাম তাহাদের মধ্যে সুকঠিন হয়; তুমি তাহাদিগকে দলবদ্ধ মনে করিতেছ, কিন্তু তাহাদের অন্তঃকরণ বিক্ষিপ্ত, ইহা এজ্ঞ যে, তাহারা (এমন) একদল যে, জ্ঞান রাখে না। ১৪। তাহাদের অল্প পূর্বে যাহারা আপন কার্যের দুর্গতি ভোগ করিয়াছে, তাহাদের অবস্থা সদৃশ (ইহাদের অবস্থা হইবে,) এবং ইহাদের জন্ত দুঃখজনক শাস্তি আছে †। ১৫। শয়তানের অবস্থার তুল্য (তাহাদের অবস্থা;)

নহাপুরুষ, আমাদের ইচ্ছা যে, ধনসম্পত্তি সমুদায় মোহাম্মদেরদিগকে ভাগ করিয়া দেন, এবং তাহারা সেইরূপ আমাদের আশ্রয়ে বাস করেন, তাহাতে তাহাদের দ্বারা আমাদের আবাস উচ্ছল ও পবিত্র হইবে।” ইহা শ্রবণ করিয়া হজরত তাহাদের প্রতি আশীর্বাদ করিলেন, এবং পরমেশ্বর তাহাদের সম্বন্ধে এইরূপ বলিলেন। (ত, হো,)

\* এমন আবি ও এ'ন নব্বতন এবং রফা'আ ও তাহাদের দলস্থ লোকেরা নজির-পরিবারকে এই সংবাদ জ্ঞাপন করে, “তোমাদের সঙ্গে আমাদের ঐক্য আছে, তোমরা মোহম্মদের সঙ্গে যে যুদ্ধে প্রবৃত্ত হইয়াছ, আমরা তদ্বিষয়ে তোমাদিগকে সাহায্য দান করিব। তোমাদের সঙ্গে আমাদের সম্পূর্ণ যোগ রহিল। যদি মোহম্মদ তোমাদের উপর জরী হয়, এবং তোমাদিগকে নির্বাসিত করে, আমরা তোমাদের সঙ্গে মিলিত হইব।” এই উপলক্ষে এই আয়ত অবতীর্ণ হয়। (ত, হো,)

† অর্থাৎ কিয়দিন পূর্বে বদরের যুদ্ধে কাফেরদিগের যে দুর্দশা ঘটিয়াছিল, এই নজির-গোষ্ঠীরও তাহাই ঘটিবে। (ত, কা,)

( স্মরণ কর, ) যখন সে মনুষ্যকে “ধর্মদ্রোহী হও” বলিল, পরে যখন ধর্মদ্রোহী হইল, তখন সে বলিল, “নিশ্চয় আমি তোমার প্রতি বীতরাগ, নিশ্চয় আমি বিশ্বপালক পরমেশ্বরকে ভয় করি” \* । ১৬ । অনন্তর উভয়ের ( এই ) পরিণাম হইল, নিশ্চয় উভয়ে ( শয়তান ও সেই মনুষ্য ) নরকাগ্নিতে থাকিবে, তথায় নিত্য নিবাসী হইবে, এবং অত্যাচারীদিগের জন্ত এই বিনিময় । ১৭ । ( র, ২, আ, ৭ )

হে বিশ্বাসিগণ, তোমরা ঈশ্বরকে ভয় করিতে থাক, এবং উচিত যে, প্রত্যেক ব্যক্তি, যাহা কল্যাকার ( পরকালের ) জন্ত পাঠাইয়াছে, তাহা চিন্তা করে ; এবং তোমরা ঈশ্বরকে ভয় করিতে থাক, তোমরা যাহা করিয়া থাক, নিশ্চয় পরমেশ্বর তাহার জ্ঞাতা । ১৮ । এবং যাহারা ঈশ্বরকে ভুলিয়া গিয়াছে, তোমরা তাহাদের সদৃশ হইও না ; অনন্তর তিনি তাহাদিগকে তাহাদের জীবনের ( কল্যাণ ) বিস্মৃত করাইয়াছেন, ইহারাই সেই পাষণ্ড লোক । ১৯ । নরকানলনিবাসী ও স্বর্গলোকনিবাসী তুল্য নহে ; স্বর্গনিবাসী, তাহারাই সিদ্ধকাম । ২০ । যদি আমি এই কোর্-আন্ পর্বতোপরি অবতারণ করিতাম, তবে তুমি, (হে মোহম্মদ,) অবশ্য ঈশ্বরের ভয়ে তাহাকে বিদীর্ণ ও অবনত দেখিতে ; † এবং এই সকল দৃষ্টান্ত আমি মানবমণ্ডলীর জন্ত বর্ণন করিতেছি, ভরসা যে, তাহারা চিন্তা করিবে । ২১ । তিনিই ঈশ্বর, যিনি তিনি ব্যতীত উপাস্ত নাই, তিনি অন্তর্বাছবিৎ, তিনি দাতা দয়ালু । ২২ । তিনিই ঈশ্বর, যিনি তিনি ব্যতীত উপাস্ত নাই, রাজা অতি-পবিত্র নির্ঝিকার অভয়দাতা রক্ষক বিজেতা পরাক্রান্ত গৌরবান্বিত ; যাহা অংশী নিরূপিত হয়, তাহা অপেক্ষা ঈশ্বরের পবিত্রতা (অধিক) । ২৩ । সেই ঈশ্বরই স্রষ্টা আবিষ্কর্তা আকৃতির বিধাতা, উত্তম নাম সকল তাঁহারই, স্বর্গে ও পৃথিবীতে যে কিছু আছে, তাঁহাকে স্তব করিয়া থাকে ; এবং তিনিই বিজয়ী কৌশলময় । ২৪ । ( র, ৩, আ, ৭ )

\* অর্থাৎ শয়তান পরলোকে একরূপ বলিবে । বদরের যুদ্ধের দিনও সে একজন কাকেরের রূপ ধারণ করিয়া হজরতের বিরুদ্ধে সংগ্রাম করিতে লোকদিগকে উৎসাহ দান করিয়াছিল ; যখন সে হজরতের পক্ষে দেবদৈত্য সকল দৃষ্টি করিল, তখন পলাইয়া গেল । আনকাল সূরাতে এ বিষয় বিবৃত হইয়াছে । কপট লোকদিগের অবস্থা এই দৃষ্টান্তের অনুরূপ । ( তা, ফা, )

† অর্থাৎ কোর্-আনের মর্ম পর্বত পরিগ্রহ করিতে পারিলেও ঈশ্বরভয়ে নত হইত ও বিদীর্ণ হইয়া যাইত । কাকেরদিগের অন্তর পর্বত অপেক্ষাও কঠিন । ( তা, হো, )

## সূরা মোম্বতহেনত \*

.....

### ষষ্ঠিতম অধ্যায়

.....

১৩ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে বিশ্বাসিগণ, আমার শত্রুকে ও তোমাদের শত্রুকে তোমরা বন্ধুরূপে গ্রহণ করিও না, তোমরা তাহাদের নিকটে প্রণয় সহকারে ( লিপি ) প্রেরণ করিতেছ, বস্তুতঃ তোমাদের প্রতি যে সত্য উপস্থিত হইয়াছে, তাহারা তৎ প্রতি অবিশ্বাসী; তোমরা আপন প্রতিপালক পরমেশ্বরের প্রতি বিশ্বাস স্থাপন করিয়াছ বলিয়া তাহারা তোমাদিগকে ও প্রেরিতপুরুষকে বহিষ্কৃত করিতেছে। তোমরা যদি আমার প্রসন্নতা অন্বেষণে জেহাদ করিতে বাহির হও, তবে তাহাদের প্রতি প্রণয়কে লুকাইয়া রাখ; এবং তোমরা যাহা গোপন কর ও যাহা প্রকাশ্যে করিয়া থাক, তাহা আমি উত্তমরূপে জানি, এবং তোমাদের মধ্যে যে ব্যক্তি তাহা করে, অনন্তর সত্যই সে সরল পথ হারায় ৭।১। তাহারা তোমাদিগকে পাইলে তোমাদিগের শত্রু হইবে, এবং তাহারা অমঙ্গলসাধনে তোমাদের প্রতি স্বীয় হস্ত ও স্বীয় রসনা প্রসারণ করিবে, এবং তাহারা ভালবাসে, যদি তোমরা কাফের হও। ২। কেয়ামতের দিনে তোমাদের কুটুম্ব ও তোমাদের সম্মানগণ তোমাদের উপকার করিবে না, তিনি তোমাদিগের মধ্যে বিচার নিষ্পত্তি করিবেন, এবং

\* এই সূরা মদিনাতে অবতীর্ণ হয়।

+ মদিনা-প্রস্থানের ষষ্ঠ বৎসরে হজরত গোপনে মক্কাগমনে উদ্যত হইয়াছিলেন। তখন মোহাম্মদের সম্প্রদায়স্থ আবু বলতার পুত্র খাতেবনামক ব্যক্তি মক্কায় কোরেশদিগকে এ বিষয় জ্ঞাপন করিয়া এক পত্র লিখিয়া পাঠায়। হজরতকে জেত্রিল এই সংবাদ দান করেন। হজরতের আজ্ঞাক্রমে আলি ও জোবায়র ও মেকদাদ রোজেখাকনামক স্থানে যাইয়া আবুওমরের ভৃত্য সারা হইতে পত্র কাড়িয়া লন, এবং হজরতের হস্তে উহা সমর্পণ করেন। হজরত খাতেবকে ডাকিয়া একপ পত্র লিখিবার কারণ জিজ্ঞাসা করিলে, সে শপথ করিয়া বলে, “আমি এসলাম ধর্ম পরিত্যাগ করি নাই, আমার পরিবারবর্গ মক্কাতে আছে, তাহাদিগকে সংরক্ষণ করে, মোহাম্মদের-সম্প্রদায়ে এমন কেহই নাই। যুদ্ধ ঘটিলে তাহারা শত্রুপক্ষীয় বলিয়া বিপদগ্রস্ত হইতে পারে, এই ভাবিয়া আমি তাহাদের রক্ষণাবেক্ষণের জন্য তদ্রূপ পত্র লিখিয়াছি। খাতেবের কথায় ওমর ক্রুদ্ধ হইয়া, তাহার শিরশ্ছেদনে উদ্যত হন। হজরত তাঁহাকে সে কার্য হইতে নিবারণ করিয়া বলেন যে, খাতেব যাহা বলিতেছে সত্য, তাহা অবিশ্বাস করার কোন কারণ নাই। এতদুপলক্ষে এই আয়ত অবতীর্ণ হয়। (ত, হো,)

তোমরা যাহা করিয়া থাক, ঈশ্বর তাহার দর্শক। ৩। নিশ্চয় এব্রাহিম ও তাঁহার সঙ্গীদিগের অনুসরণ তোমাদের জন্য উত্তম ; ( স্মরণ কর, ) যখন তাহারা আপন দলকে বলিল, “নিশ্চয় আমরা তোমাদের প্রতি ও তোমরা ঈশ্বরকে ছাড়িয়া যাহাকে অর্চনা করিয়া থাক, তাহার প্রতি বীতরাগ, আমরা তোমাদের সম্বন্ধে বিরোধী হইয়াছি, এবং যে পর্য্যন্ত না তোমরা একমাত্র ঈশ্বরের প্রতি বিশ্বাস স্থাপন কর, সে পর্য্যন্ত তোমাদের ও আমাদের মধ্যে চিরশত্রুতা ও বিদ্বেষ প্রকাশিত রহিল ;” কিন্তু এব্রাহিমের বাক্য আপন পিতার প্রতি ( এই, ) “অবশ্য আমি তোমার জন্য, ( হে পিতঃ, ) ক্ষমা প্রার্থনা করিব, এবং ঈশ্বর হইতে তোমার নিমিত্ত ( শাস্তি ) কিছুই ( দূর করিতে ) আমি সমর্থ নহি ; হে আমাদের প্রতিপালক, তোমার প্রতি আমরা নির্ভর করিলাম, এবং তোমার প্রতি আমরা উন্মুখ হইলাম, এবং তোমার দিকে ( আমাদের ) প্রতিগমন। ৪। হে আমাদের প্রতিপালক, আমাদের ধর্মদ্রোহীদের দ্বারা পরাভূত করিও না, এবং হে আমাদের প্রতিপালক, আমাদের ক্ষমা কর, নিশ্চয় তুমি পরাক্রান্ত বিজ্ঞাতা”। ৫। সত্য সত্যই তোমাদের জন্য, ( তোমাদের মধ্যে ) যে ব্যক্তি ঈশ্বর ও পারলৌকিক দিবস আশা করে, তাহার জন্য, তাহাদের মধ্যে শুভ অনুসরণীয় আছে ; এবং যে ব্যক্তি ফিরিয়া যায়, পরে নিশ্চয় ( তাহার সম্বন্ধে ) সেই ঈশ্বর প্রশংসিত নিষ্কাম। ৬। ( র, ১, আ, ৬ )

পরমেশ্বর সমুদ্রত যে, তোমাদের মধ্যে এবং তাহাদের যাহাদিগের প্রতি তোমরা শত্রুতা স্থাপন করিয়াছ, তাহাদের মধ্যে বন্ধুতা স্থাপন করেন ; এবং ঈশ্বর ক্ষমতাবান্ ও ঈশ্বর ক্ষমাশীল দয়ালু \*। ৭। যাহারা তোমাদের সঙ্গে ধর্মবিষয়ে সংগ্রাম করে নাই, এবং তোমাদিগকে তোমাদের আলায় হইতে বহিষ্কৃত করে নাই, তোমরা যে তাহাদিগের হিত সাধন করিবে ও তাহাদের প্রতি গ্যাচরণ করিবে, তাহা হইতে ঈশ্বর তোমাদিগকে নিবারণ করিতেছেন না ; নিশ্চয় ঈশ্বর গ্যাবান্দিগকে প্রেম করেন †। ৮। ধর্মবিষয়ে তোমাদের সঙ্গে যাহারা যুদ্ধ করিয়াছে, এবং তোমাদিগকে তোমাদের আলায় হইতে বহিষ্কৃত করিয়াছে ও তোমাদের বহিষ্করণ ( অন্ত্যে ) সাহায্য দান করিয়াছে, তাহাদের সঙ্গে বন্ধুতা করিতে পরমেশ্বর তোমাদিগকে নিষেধ করিতেছেন, এতদ্ভিন্ন নহে ; এবং

\* বিশ্বাসিগণ মক্কাস্থিত পৌত্তলিকদিগের সঙ্গে বন্ধুতার বন্ধন ছিন্ন করিয়া ফেলেন, তাহাতেই পরমেশ্বর এই অঙ্গীকার করেন। পরে আবুহুফিয়ান ও ওমরের পুত্র নহল এবং হজামের পুত্র হকিম প্রভৃতি আরবের প্রধান পুরুষগণ, যে মোসলমানদিগের ভয়ানক শত্রু ছিল, এসলাম ধর্ম গ্রহণ করিয়া বন্ধ হয়, এবং তাহাদের সহচরণও মোসলমানকুলের প্রতি প্রণয় স্থাপন করে।

( ত, হো, )

† হজরতের সঙ্গে খজাজা-বংশীয় লোকগণ এইরূপ সন্ধি ও অঙ্গীকারহুত্রে বন্ধ ছিল যে, তাহার কখনও মোসলমানদিগের বিরুদ্ধে দণ্ডায়মান হইবে না ও এসলামধর্মের শত্রুদিগের সাহায্য দান করিবে না। তাহাদের সম্বন্ধে পরমেশ্বর এরূপ বলেন।

( ত, হো, )



যাহারা তাহাদের সঙ্গে বন্ধুতা করে, অনস্তর ইহারা ই তাহারা যে, অত্যাচারী। ৯। হে বিশ্বাসিগণ, যখন তোমাদের নিকটে মোহাজের বিশ্বাসিনী নারীগণ উপস্থিত হয়, তখন তাহাদিগকে তোমরা পরীক্ষা করিও, \* পরমেশ্বর তাহাদের বিশ্বাস উত্তম জ্ঞাত ; অনস্তর যদি তোমরা তাহাদিগকে বিশ্বাসিনী জ্ঞান, তবে তাহাদিগকে কাফেরদিগের প্রতি পুনঃ প্রেরণ করিও না, ইহারা তাহাদের জন্ত বৈধ নহে, এবং তাহারাও ইহাদের নিমিত্ত বৈধ হয় না, তাহারা যাহা ( কাবিন সূত্রে ) ব্যয় করিয়াছে, তাহাদিগকে তোমরা তাহা প্রদান করিও। যখন তাহাদিগকে তাহাদের মোহর ( স্ত্রীধন ) প্রদান কর, তখন তাহাদিগকে তোমাদের বিবাহ করিতে তোমাদিগের পক্ষে দোষ নয়, এবং তোমরা কাফের নারীকুলের সম্বন্ধে গ্রহণ করিও না ও যাহা তোমরা ( কাবিনে ) ব্যয় করিয়াছ, তাহা চাহিয়া লইবে ; অপিচ উচিত যে, ( অংশিবাদিগণ ) যাহা ব্যয় করিয়াছে, তাহা চাহে, ইহাই ঈশ্বরের আজ্ঞা, তিনি তোমাদের মধ্যে আদেশ করিতেছেন, এবং পরমেশ্বর জ্ঞানী বিজ্ঞাতা †। ১০। এবং যদি তোমাদের ভার্যাবর্গের কোন এক জন কাফেরদিগের নিকট তোমাদিগ হইতে হারাইয়া যায়, তবে ( সেই কাফেরগণকে ) দণ্ডিত করিও ; অনস্তর যাহাদিগের স্ত্রী চলিয়া গিয়াছে, তাহাদিগকে, তাহারা যাহা ( কাবিনের শর্তে ) ব্যয় করিয়াছে, তদনুরূপ দান করিও। এবং যাহার প্রতি তোমরা বিশ্বাসী, সেই ঈশ্বরকে ভয় করিও ‡। ১১। হে স্বর্গীয় সংবাদবাহক, যদি বিশ্বাসিনী

\* যখন কোন অজ্ঞাতকুলশীল নারী উপস্থিত হইত, তখন হজরতের ইঙ্গিতক্রমে তাহার কোন পারিষদ জিজ্ঞাসা করিতেন, সে ধর্ম্মোদ্দেশ্যে, ঈশ্বর ও প্রেরিতপুরুষের উদ্দেশ্যে বাহির হইয়া আসিয়াছে, না, কোন যুবকের প্রেমে আকৃষ্ট হইয়া আসিয়াছে? সেই স্ত্রীলোককে শপথপূর্বক তাহার উত্তর দান করিতে হইবে। ( ত, জ, )

† হোদয়বিয়াতে যখন সন্ধি স্থাপিত হয়, তখন সন্ধির এক শর্ত ছিল যে, মক্কা হইতে যে কোন মোসলমান মদিনায় চলিয়া যাইবে, হজরত মোহম্মদ তাহাকে পুনর্বার মক্কায় কাফেরদিগের নিকটে পাঠাইয়া দিবেন। যদি কোন মোসলমান মদিনা হইতে মক্কাভিমুখে চলিয়া যায়, তবে কোরেশগণ তাহাকে আর ফিরিয়া পাঠাইবে না। হজরতের হোদয়বিয়ায় অবস্থানকালে এক দল মোসলমান মক্কা হইতে পলায়ন করিয়া তাহার নিকটে উপস্থিত হয় ; তাহাদের সঙ্গে সবিয়াএস লামিয়া নামী এক নারী ছিল, তাহার পশ্চাতে তাহার স্বামী মোসাফেরনখজুমী উপস্থিত হইয়া হজরতকে বলে যে, “সন্ধির নির্ধারণ এরূপ যে, আমাদের মধ্য হইতে যে কেহ তোমার নিকটে আসিবে, তুমি তাহাকে আমাদের নিকট প্রত্যর্পণ করিবে”। তখন স্বর্গীয় দূত খেব্রিল আবির্ভূত হইয়া হজরতকে বলেন, “পুরুষের সম্বন্ধে এই নির্ধারণ হইয়াছে, নারীর সম্বন্ধে নয়। বিশ্বাসিনী নারীকে কাফেরের হস্তে প্রত্যর্পণ করা উচিত নহে” এবং এই আয়ত অন্তর্নিহিত হয়। “তোমরা তাহাদিগকে পরীক্ষা করিও,” অর্থাৎ সেই নারীগণ শপথ করিয়া বলিবে যে, স্বামীর সঙ্গে শত্রুতা ও অজ্ঞ কাহার প্রতি প্রণয় তাহাদের আগমনের কারণ নহে, অপর কোন সাংসারিক উদ্দেশ্যও হেতু নহে ; বরং তাহারা পরমেশ্বর ও প্রেরিতপুরুষ এবং এসলামধর্ম্মকে লক্ষ্য করিয়া চলিয়া আসিয়াছে। ( ত, হো, )

‡ অর্থাৎ কাফেরদিগকে আক্রমণ করিয়া তাহাদের সঙ্গে যুদ্ধ করিও, পরিণামে তোমাদেরই

নারীগণ, ঈশ্বরের সঙ্গে কিছুই অংশী স্থাপন করিবে না ও চুরি করিবে না, এবং ব্যভিচার করিবে না ও আপন সন্তানগণকে হত্যা করিবে না, এবং অসত্যকে তাহা বন্ধনপূর্বক আপন হস্ত ও আপন পদের মধ্যে আনয়ন করিবে না ও বৈধ বিষয়ে তোমার সম্বন্ধে অপরাধ করিবে না, এই বিষয়ে তোমাতে আত্মোৎসর্গ করিতে তোমার নিকটে আগমন করে, তবে তুমি তাহাদের আত্মোৎসর্গ গ্রহণ করিও, এবং তাহাদের জন্ত ঈশ্বরের নিকটে ক্ষমা প্রার্থনা করিও ; নিশ্চয় ঈশ্বর ক্ষমাশীল দয়ালু \* । ১২ । হে বিশ্বাসিগণ, যাহাদের উপর ঈশ্বর ক্রোধ করিয়াছেন, তোমরা সেই দলের সঙ্গে বন্ধুতা করিও না; যেমন কবরস্থিত ধর্মদ্রোহিগণ নিরাশ হইয়াছে, তদ্রূপ নিশ্চয় তাহারা পরলোকে নিরাশ হইয়াছে † । ১৩ । ( র. ২, আ, ৭ )

জয়লাভ হইবে। তাহাদিগের যে সকল ধনসম্পত্তি লুণ্ঠন করিবে, তাহা হইতে তোমাদের মধ্যে যাহাদিগের স্ত্রী ধর্মত্যাগ করিয়া কাফেরদিগের শরণাগত হইয়াছে, তাহাদিগকে তাহাদের প্রদত্ত স্ত্রীধনের অনুরূপ প্রদান করিবে। মোহাজের সম্প্রদায়ের ছয় জন নারী ধর্ম ত্যাগ করিয়া কাফেরদিগের নিকটে চলিয়া গিয়াছিল। হজরত লুঠিত সামগ্রী হইতে তাহাদের স্বামীদিগকে প্রাপ্য স্ত্রীধন প্রদান করেন। সন্ধি পর্যন্ত এই আদেশ প্রচলিত ছিল, সন্ধির নিয়ম ভঙ্গ হইলে পর রহিত হয়। ( ত, হো, )

\* মক্কা অধিকারের দিন যখন পুরুষগণ দীক্ষা গ্রহণ বা আত্মোৎসর্গ করিল, তখন স্ত্রীলোকেরাও আসিয়া আত্মোৎসর্গ করিতে ইচ্ছা প্রকাশ করে। আরবের বিপথগামী অজ্ঞান স্ত্রীলোকেরা অনেক সময় জীবিত সন্তানকে মৃত্তিকায় প্রোথিত করিত, গর্ভস্থ সন্তানকে হত্যা করিত; সেই জন্তই সন্তান হত্যা করিবে না, এই অঙ্গীকারের উল্লেখ হইয়াছে। “অসত্যকে তাহা বন্ধনপূর্বক আপন হস্ত ও আপন পদের মধ্যে আনয়ন করিবে না।” অর্থাৎ অবৈধজাত সন্তানকে, স্বামীর ঔরসজাত, এরূপ মিথ্যা কথা বলিয়া, স্বীয় হস্তপদের মধ্যে আনয়ন করিয়া প্রতিপালন করিবে না। “বৈধবিষয়ে তোমার সম্বন্ধে অপরাধ করিবে না,” অর্থাৎ অনুচিত শোক প্রকাশ, কেশ ছিন্ন, বক্ষোবিদীর্ণ করা বিষয়ে তুমি যাহা নিষেধ কর, তাহা মাশ্র করিবে। কথিত আছে যে, এই সকল অঙ্গীকারে বদ্ধ হইয়া নারীগণ এক জলপূর্ণ পাত্রে হস্ত স্থাপন করিত, পরে হজরত স্বীয় হস্ত জলে ডুবাইতেন। কেহ কেহ বলেন, হজরতের আজ্ঞানুসারে খদিজাদেবীর ভগিনী আসিয়া নারীগণের দীক্ষাকার্য সম্পাদন করিয়াছিলেন। ( ত, হো, )

† কবরস্থিত লোকেরা যেমন পৃথিবীতে ফিরিয়া আসিবার আর আশা রাখে না, তদ্রূপ ইহাদিগণও পারলৌকিক পুরস্কারের কোন আশা রাখে না। ( ত, হো, )

## সূরা সফ \*

### একষষ্ঠিতম অধ্যায়

—:~:—

১৪ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

স্বর্গে যাহা কিছু আছে ও পৃথিবীতে যাহা কিছু আছে, ( সকলই ) পরমেশ্বরকে স্তব করিয়া থাকে, এবং তিনি পরাক্রান্ত বিজ্ঞাতা । ১ । হে বিশ্বাসিগণ, যাহা তোমরা কর না, তাহা কেন বলিয়া থাক ? ২ । তোমরা যাহা কর না, তাহা তোমাদের বলা ঈশ্বরের নিকটে মহাবিরক্তিকর । ৩ । নিশ্চয় ঈশ্বর, তাঁহার পথে শ্রেণীবদ্ধরূপে যাহারা সংগ্রাম করে, তাহাদিগকে প্রেম করিয়া থাকেন, তাহারা পরস্পর যেন দৃঢ়বন্ধ অট্টালিকা । ৪ । এবং স্মরণ কর, যখন মুসা আপন দলকে বলিল, “হে আমার সম্প্রদায়, তোমরা আমাকে কেন পীড়ন করিতেছ ? এবং বস্তুতঃ তোমরা জানিতেছ যে, একান্তই আমি তোমাদের প্রতি ঈশ্বর কর্তৃক প্রেরিত ;” পরে যখন তাহারা কুটিলতা করিল, তখন ঈশ্বর তাহাদের অন্তঃকরণ অসরল করিলেন, এবং ঈশ্বর দুর্কৃত্তদলকে পথ প্রদর্শন করেন না । ৫ । এবং ( স্মরণ কর, ) যখন মরয়মের পুত্র ইসা বলিল, “হে বনিএশ্রায়েল, নিশ্চয় আমি আমার পূর্ববর্তী তওরাত গ্রন্থের যাহা ছিল, তাহার প্রমাণকারকরূপে ও আমার পরে যে প্রেরিতপুরুষ, যাহার নাম আহম্মদ, আগমন করিবেন, তাঁহার সুসংবাদ-দাতারূপে ঈশ্বর কর্তৃক তোমাদের প্রতি প্রেরিত ;” অনস্তর যখন তাহাদের নিকটে সে বহু অলৌকিকতাসহ আগমন করিল, তখন তাহারা বলিল, “ইহা স্পষ্ট ইল্লাজাল” † । ৬ । এবং যে ব্যক্তি ঈশ্বরের প্রতি অসত্য রচনা করিয়াছে, এদিকে সে এসলাম ধর্মের দিকে আহূত হইতেছে, তাহা অপেক্ষা কে অধিক অত্যাচারী ? ‡ এবং পরমেশ্বর অত্যাচারি-দলকে পথ প্রদর্শন করেন না । ৭ । তাহারা আপন মুখে ঈশ্বরিক জ্যোতিকে নির্কণ করিতে চাহে ; এবং যদিচ ধর্মজোহিগণ বিরক্ত হয়, তথাপি পরমেশ্বর স্বীয় জ্যোতি পূর্ণ করিবেন । ৮ । তিনিই যিনি আপন প্রেরিতপুরুষকে ধর্মালোক ও সত্যধর্মসহ

\* এই সূরা মদিনাতে অবতীর্ণ হইয়াছে ।

† মহান্বা ইসা সূতকে জীবন দান, কুষ্ঠরোগী প্রভৃতিকে আরোগ্য দান ইত্যাদি অলৌকিক কার্য করিয়াছিলেন । ( ত, হো, )

‡ ঈশ্বরের প্রতি অসত্যারোপ করার অর্থ, তাঁহার প্রেরিতপুরুষকে অসত্যবাদী ও কোন্-আনের আদত সকলকে ইল্লাজাল বলা ইত্যাদি ।

পাঠাইয়াছেন ; অংশিবাদিগণ যদিচ বিরক্ত হয়, তথাপি সমগ্র ধর্মের উপর তাহাকে জয়যুক্ত করিতে ( প্রেরণ করিয়াছেন ) । ৯ । ( র, ১, আ, ৯ )

যাহা ক্লেশকরী শাস্তি হইতে তোমাদিগকে উদ্ধার করিবে, হে বিশ্বাসিগণ, সেই বাণিজ্যের প্রতি আমি তোমাদিগকে কি পথ প্রদর্শন করিব ? ১০ । তোমরা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন কর, এবং ঈশ্বরোদ্দেশ্যে আপন ধনপুঞ্জ ও আপন জীবন দ্বারা জেহাদ কর ; যদি তোমরা বুঝিয়া থাক, তবে তোমাদের জন্ত ইহাই কল্যাণ । ১১ ।+ তিনি তোমাদের জন্ত তোমাদের পাপপুঞ্জ ক্ষমা করিবেন, এবং যাহার নিম্ন দিয়া পয়ঃপ্রণালী সকল প্রবাহিত হইতেছে, সেই স্বর্গোচ্চানে এবং নিত্য স্বর্গে বিস্তৃত আলয় সকলে তোমাдиগকে লইয়া যাইবেন, ইহা মনোরথসিদ্ধি । ১২ ।+ এবং অগ্র (সম্পদ,) যাহা তোমরা ভালবাস, (প্রদান করিবেন;) ঈশ্বর হইতেই আনুকূল্য ও সম্মিলিত বিজয়, এবং তুমি বিশ্বাসিবৃন্দকে সুসংবাদ দান কর । ১৩ । হে বিশ্বাসিগণ, তোমরা ঈশ্বরের আনুকূল্যদাতা হও, যথা মরয়মের নন্দন ঈসা স্বীয় ধর্মবন্ধুদিগকে বলিয়াছিল, “কে ঈশ্বরের পক্ষে আমার সাহায্যকারী ?” ধর্মবন্ধুগণ উত্তর দান করিয়াছিল, “আমরা ঈশ্বরের সাহায্যকারী ;” অনন্তর এশ্বায়েলবংশীয় একদল বিশ্বাস স্থাপন করিল, এবং এক দল ধর্মবিরোধী হইল । অবশেষে আমি বিশ্বাসীদিগকে তাহাদের শত্রুর উপর সাহায্য দান করিলাম, পরে তাহারা বিজয়ী হইল \* । ১৪ । ( র, ২, আ, ৫ )

## সূরা ছোমোয়া †

.....

### দ্বাষষ্ঠিতম অধ্যায়

.....

### ১১ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

যাহা কিছু স্বর্গে ও যাহা কিছু পৃথিবীতে আছে, তৎসমুদায় ঈশ্বরকে স্তব করিয়া থাকে ; তিনি সুপবিত্র রাজা পরাক্রান্ত বিজ্ঞাতা । ১ । তিনিই যিনি অশিক্ষিত

\* মহান্না ঈসার স্বর্গারোহণের পর তাঁহার ধর্মবন্ধুগণ ধর্মপ্রচারে বিশেষ যত্ন পরিশ্রম করিয়াছিলেন, তাহাতেই তাঁহার প্রবর্তিত ধর্ম জগতে প্রতিষ্ঠিত হয় । হজরত মোহাম্মদের স্বর্গারোহণের পর তৎসুলাভিবিস্ত ( খলিফাগণ ) ধর্মপ্রচারে তাঁহাদের অপেক্ষা অধিক পরিশ্রম করিয়াছিলেন । ( ত, ফা, )

† এই সূরা মদিনাতে অবতীর্ণ হইয়াছে ।

লোকদিগের প্রতি, তাহাদিগের মধ্যে হইতে প্রেরিতপুরুষ প্রেরণ করিয়াছেন ; সে তাঁহার আয়ত (বচন) সকল তাহাদের নিকটে পাঠ করে ও তাহাদিগকে শুদ্ধ করে, এবং তাহাদিগকে গ্রন্থ ও প্রজ্ঞান শিক্ষা দেয়। নিশ্চয় তাহারা পূর্বে স্পষ্ট পথভ্রাস্তির মধ্যে ছিল। ২।+ এবং তাহাদের অপর লোকদিগের জন্ত ( প্রেরণ করিয়াছেন ) যে, এফগও তাহাদিগের সঙ্গে মিলিত হয় নাই ; এবং তিনি পরাক্রান্ত কৌশলময় \*। ৩। ইহাই ঈশ্বরের করুণা, তিনি যাহাকে ইচ্ছা করেন, বিতরণ করিয়া থাকেন ; এবং পরমেশ্বর মহা কৃপাবান। ৪। যাহারা তওরাত গ্রন্থবহনে বাধা হইয়াছে, তৎপর তাহা বহন করে নাই, তাহাদের দৃষ্টান্ত, গ্রন্থপুঞ্জ বহন করিয়া থাকে যে গর্দভ, তাহার দৃষ্টান্ত-তুল্য ; যাহারা ঈশ্বরিক নিদর্শনাবলীর প্রতি অসত্যারোপ করিয়াছে, তাহাদের দৃষ্টান্ত বিগর্হিত। পরমেশ্বর অত্যাচারিদলকে পথ প্রদর্শন করেন না। ৫। তুমি, ( হে মোহম্মদ, ) বল, “হে ইহুদিগণ, যদি তোমরা মনে করিয়া থাক যে, ( অন্ত ) লোক ব্যতীত তোমরাই ঈশ্বরের বন্ধু, যদি তোমরা সত্যবাদী হও, তবে মৃত্যু আকাজ্জ্বল কর”। ৬। তাহাদের হস্ত যাহা ( যে পাপ ) পূর্বে প্রেরণ করিয়াছে, তজ্জন্ত কখনও তাহারা তাহা আকাজ্জ্বল করিবে না ; পরমেশ্বর অত্যাচারীদিগের সহক্ষে জানী। ৭। তুমি বল, “নিশ্চয় যাহা হইতে তোমরা পলায়ন করিতেছ, পরে অবশ্য সেই মৃত্যু তোমাদের সঙ্গে মিলিত হইবে, তৎপর অন্তর্বাহবিৎ ( পরমেশ্বরের ) দিকে তোমরা প্রত্যাবর্তিত হইবে ; অবশেষে তোমরা যাহা করিতেছিলে, তিনি তাহার সংবাদ তোমাদিগকে প্রদান করিবেন”। ৮। ( র, ১, আ, ৮ )

হে বিশ্বাসিগণ, যখন তোমরা জোমোয়া ( শুক্রবার ) দিবসের নমাজের জন্ত আহুত হও, তখন ঈশ্বরস্মরণের দিকে সত্বর হইও, এবং ক্রয় বিক্রয় পরিত্যাগ করিও ; যদি তোমরা বুঝিতেছ, তবে ইহাই তোমাদের পক্ষে কল্যাণ। ৯। যখন নমাজ সমাপ্ত হয়, তখন ভূতলে বিচ্ছিন্ন হইয়া পড়িও, এবং ঈশ্বরের করুণায় ( জীবিকা ) অন্বেষণ করিও ও ঈশ্বরকে প্রচুররূপে স্মরণ করিও ; সম্ভবতঃ তোমরা উদ্ধার পাইবে। ১০। এবং যখন তাহারা বাণিজ্য অথবা আমোদ দর্শন করে, তখন তদুদ্দেশ্যে বিচ্ছিন্ন হইয়া পড়ে ও তোমাকে দণ্ডায়মান অবস্থায় ছাড়িয়া যায় ; তুমি বল, “ঈশ্বরের নিকটে যাহা

\* অর্থাৎ এই প্রেরিতপুরুষ মোহম্মদ অল্প অশিক্ষিত লোকদিগের জন্তও প্রেরিত। পারস্যদেশীয় লোক সেই অশিক্ষিত লোক, তাহাদেরও স্বর্গীয় গ্রন্থ ছিল না। পরমেশ্বর প্রথমতঃ আরবদিগকে এই ধর্মের জন্ত সৃষ্টি করেন, পরে পারস্যদেশীয় লোক এসলামধর্ম গ্রহণ করিয়া আরবদিগের সঙ্গে যোগ দান করেন। ( ত, ফা, )

+ তওরাত গ্রন্থ বহন না করার অর্থ, তত্তরাতের বিধি অনুসারে কার্য না করা। ইহুদিগণ তাহাদের ধর্মগ্রন্থ তওরাত অধ্যয়নমাত্র করিত, কিন্তু তদনুযায়ী কার্য করিত না। তজ্জন্ত গর্দভের পুস্তক-বহনের অবস্থাতুল্য তাহাদের অবস্থা হইয়াছে। ( ত, হো )



আছে, তাহা আমোদ অপেক্ষা ও বাণিজ্য অপেক্ষা উত্তম, ঈশ্বর জীবিকাদাতার মধ্যে শ্রেষ্ঠ”। ১১। ( র, ২, আ, ৩ )

## সূরা মোনাফেকোন ❀

.....

ত্রিষষ্টিতম অধ্যায়

.....

১১ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

যখন তোমার নিকটে, (হে মোহম্মদ,) কপট লোকেরা উপস্থিত হয়ে বলে, “আমরা সাক্ষ্য দান করিতেছি যে, তুমি নিশ্চয় ঈশ্বরের প্রেরিত, এবং ঈশ্বর জানিতেছেন যে, তুমি তাঁহার প্রেরিত ;” এবং ঈশ্বর সাক্ষ্য দান করেন যে, নিশ্চয় কপট লোকেরা মিথ্যাবাদী। ১। তাহারা আপনাদের শপথকে ঢালরূপে গ্রহণ করিয়াছে, অনন্তর ( লোকদিগকে ) ঈশ্বরের পথ হইতে নিবারণ করে ; নিশ্চয় যাহা করিয়া থাকে, তাহাতে তাহারা মন্দ লোক ন। ২। ইহা এজন্য যে, পূর্বে তাহারা বিশ্বাস স্থাপন করিয়াছিল, তৎপর ধর্মবিরোধী হইয়াছে, অবশেষে তাহাদের মনের উপর মোহর করা হইয়াছে ; অনন্তর তাহারা জ্ঞান রাখে না। ৩। এবং যখন তুমি তাহাদিগকে দর্শন কর, তখন তাহাদের ( বিনয় ) কলেবর তোমাকে বিস্ময়াপন্ন করে, এবং যদি তাহারা কথা কহিতে থাকে, তুমি তাহাদের কথা শ্রবণ-গোচর করিও, তাহারা যেন প্রাচীরস্থ গুহ কাষ্ঠ, তাহারা প্রত্যেক নিনাদ আপনাদের উপর গণনা করে, তাহারা শত্রু, তুমি তাহাদিগ হইতে সাবধান হইও ; ঈশ্বর তাহাদিগকে বিনাশ করুন, কোথা হইতে তাহারা ফিরিয়া যাইতেছে † ? ৪। এবং যখন তাহাদিগকে বলা হয়, “এস, ঈশ্বরের প্রেরিতপুরুষ

\* এই সূরা মদিনাতে অবতীর্ণ হইয়াছে।

+ কপট লোকেরা আপনাদের সভার মোসলমানদিগের দোষ ঘোষণা ও নিন্দা করিত। তাহাদিগকে এ বিষয়ে ধরিলে অস্বীকার করিয়া শপথপূর্বক বলিত যে, এ কথা আমরা কখনও বলি নাই। ( ত, ফা, )

‡ “প্রাচীরস্থ গুহ কাষ্ঠ” অর্থাৎ বুদ্ধি বিবেচনা ও জ্ঞানশূন্য। “কথা কহিতে থাকে” অর্থাৎ শপথাদি করিতে থাকে। “তাহারা প্রত্যেক নিনাদ আপনাদের উপর গণনা করে,” ইহার অর্থ, নগরে কোনরূপ কোলাহল হইলেই তাহারা ভীকৃতাবশতঃ মনে করে যে, তাহাদিগকে বা ঠৈসয় আক্রমণ করিতে আসিল। ( ত, হো, )

তোমাদের জন্তু ক্ষমা প্রার্থনা করিবেন,” তখন তাহারা স্বীয় মস্তক ঘুরাইয়া থাকে ; এবং তুমি তাহাদিগকে দেখিতেছ যে, প্রতিনিবৃত্ত হইতেছে ও তাহারা অহঙ্কার করিতেছে ।

৫। তুমি তাহাদের জন্তু ক্ষমা প্রার্থনা কর, বা তাহাদের জন্তু ক্ষমা প্রার্থনা না কর, তাহাদিগের সম্বন্ধে তুল্য ; ঈশ্বর তাহাদিগকে ক্ষমা করিবেন না, নিশ্চয় ঈশ্বর দুর্কৃতদলকে পথ প্রদর্শন করেন না । ৬। ইহারাই তাহারা, যাহারা বলিয়া থাকে, “যাহারা ঈশ্বরের প্রেরিতপুরুষের নিকটে আছে, যে পর্য্যন্ত না তাহারা বিক্ষিপ্ত হইয়া পড়ে, তাহাদের সম্বন্ধে ব্যয় করিও না ;” স্বর্গ ও পৃথিবীর ভাণ্ডার সকল ঈশ্বরেরই, কিন্তু কপট লোকেরা জানিতেছে না । ৭। তাহারা বলিয়া থাকে, “যদি আমরা মদিনার দিকে ফিরিয়া যাই, তবে অবশ্য শ্রেষ্ঠ লোক তথা হইতে নিকটকে বহিষ্কৃত করিবে ;” ঈশ্বরের ও তাঁহার প্রেরিতপুরুষের এবং বিশ্বাসীদিগেরই শ্রেষ্ঠত্ব, কিন্তু কপট লোকেরা বুঝিতেছে না । ৮। ( র, ১, আ, ৮ )

হে বিশ্বাসিগণ, তোমাদের ধন সম্পত্তি ও তোমাদের সম্মান সম্ভতি যেন ঈশ্বরপ্রসঙ্গ হইতে তোমাদিগকে শিথিল না করে ; এবং যাহাদিগকে ইহা করে, পরে ইহারাই তাহারা যে ক্ষতিগ্রস্ত । ৯। তোমাদের কাহারও প্রতি মৃত্যু আসিবার পূর্বে, তোমাদিগকে আমি উপজীবিকারূপে যাহা দিয়াছি, তাহা হইতে ব্যয় করিও ; পরে সে বলিবে, “হে আমার প্রতিপালক, কিয়ৎকাল পর্য্যন্ত যদি তুমি আমাকে অবকাশ দিতে, তাহা হইলে সদকা (ধর্ম্মার্থ ফকিরদিগকে দান) দান করিতাম ও সাধুদিগের অন্তর্গত হইতাম” । ১০। পরমেশ্বর কোন ব্যক্তিকে, তাহার কাল উপস্থিত হইলে, কখনও অবকাশ দান করেন না ; এবং তোমরা যাহা করিয়া থাক, ঈশ্বর তাহার জ্ঞাতা । ১১। ( র, ২, আ, ৩ )

## সূরা তগাবোন ❀

### চতুঃষষ্টিতম অধ্যায়

১৮ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

যাহা কিছু স্বর্গেতে ও যাহা কিছু পৃথিবীতে আছে, তাহা ঈশ্বরকে স্তব করিয়া থাকে ; তাঁহারই সম্যক রাজত্ব ও তাঁহারই সম্যক প্রশংসা, এবং তিনি সর্বোপরি ক্ষমতামালী ।

\* এই সূরা মদিনাতে অবতীর্ণ হইয়াছে ।

১। তিনিই যিনি তোমাদিগকে সৃজন করিয়াছেন, অনন্তর তোমাদের কেহ ধর্ম-বিরোধী ও তোমাদের কেহ বিশ্বাসী হইয়াছে ; এবং তোমরা যাহা করিয়া থাক, পরমেশ্বর তাহার দর্শক। ২। তিনি ঠিকভাবে ছ্যালোক ও ভুলোক সৃষ্টি করিয়াছেন, এবং তোমাদিগকে আকৃতিবদ্ধ করিয়াছেন, পরন্তু তোমাদিগকে উত্তম আকৃতি দান করিয়াছেন ; এবং তাঁহার দিকেই (তোমাদের) প্রতিগমন। ৩। স্বর্গে ও মর্ত্যে যাহা কিছু আছে, তিনি তাহা জানিতেছেন, এবং তোমরা যাহা গোপনে কর ও যাহা প্রকাশে করিয়া থাক, তাহা জ্ঞাত হন ; পরমেশ্বর অন্তরের রহস্জ্জ। ৪। পূর্বে যাহারা ধর্মদ্রোহী হইয়াছিল, তাহাদের সংবাদ কি তোমাদের নিকটে উপস্থিত হয় নাই ? অনন্তর তাহারা আপন কার্যের প্রতিফল আশ্বাদন করিয়াছে, এবং তাহাদের জগৎ দুঃখজনক শাস্তি আছে \*। ৫। ইহা এজন্য যে, তাহাদের নিকটে তাহাদের প্রেরিতপুরুষগণ উজ্জ্বল প্রমাণাবলী সহ উপস্থিত হইতেছিল ; পরে তাহারা বলিয়াছিল, “কি, মনুষ্য আমাদের পথ প্রদর্শন করিবে ?” অবশেষে ধর্মবিরোধী হইল ও বিমুখ হইল, এবং পরমেশ্বর নিম্পৃহ হইলেন ও ঈশ্বর নিকাম প্রশংসিত। ৬। ধর্মদ্রোহিগণ মনে করিয়াছে যে, তাহারা কখনও সমুখাপিত হইবে না ; তুমি বল, ( হে মোহম্মদ, ) হাঁ, আমার প্রতিপালকের শপথ, অবশ্য তোমরা সমুখাপিত হইবে, তৎপর তোমরা যাহা করিয়াছ, তাহার সংবাদ তোমাদিগকে দেওয়া যাইবে। ইহা ঈশ্বরের সম্বন্ধে সহজ। ৭। অনন্তর ঈশ্বর ও তাঁহার প্রেরিতপুরুষের প্রতি এবং যে জ্যোতি আমি অবতারণ করিয়াছি, তাহার প্রতি তোমরা বিশ্বাস স্থাপন কর ; তোমরা যাহা করিয়া থাক, পরমেশ্বর তাহার জ্ঞাত। ৮। (স্মরণ কর, ) যে দিন একত্রীভূত করার দিনের জগৎ তোমাদিগকে একত্রীকৃত করা হইবে, উহাই কেয়ামতের দিন ; † যে ব্যক্তি ঈশ্বরের প্রতি বিশ্বাস স্থাপন করে এবং সংকর্ষ করিয়া থাকে, তিনি তাহা হইতে তাহার পাপ সকল দূর করিবেন, এবং যাহার নিম্ন দিয়া জলপ্রণালী সকল প্রবাহিত হইতেছে, তাহাকে সেই স্বর্গোচ্চানে লইয়া যাইবেন, তথায় সে সর্বক্ষণ থাকিবে, ইহাই মহা মনোরথসিদ্ধি। ৯। এবং যাহারা ধর্মদ্রোহী হইয়াছে ও আমার নিদর্শনাবলীর প্রতি অসত্যারোপ করিয়াছে, তাহারা ই নরকানলনিবাসী, তাহারা তথায় চিরকাল থাকিবে, এবং ( উহা ) কুৎসিত স্থান। ১০। ( র, ১, আ, ১০ )

ঈশ্বরের আজ্ঞা ভিন্ন কোন বিপদ উপস্থিত হয় না, এবং যে ব্যক্তি ঈশ্বরের প্রতি

\* তাহাদের ধর্মদ্রোহিতার শাস্তি অনরকট অতিবৃষ্টি ইত্যাদি।

( ত, জ, )

† দানব ও মানবের প্রথম দল ও শেষ দলের মধ্যে, সমুদায় ভুলোকনিবাসী ও স্বর্গলোকনিবাসীতে, প্রত্যেক মনুষ্য ও তাহার ক্রিয়াতে, উৎপীড়িত ও উৎপীড়ক লোকেতে, সাধুর পুরস্কার ও পাপীর দণ্ডেতে একত্রীকৃত হইবে।

( ত, জ, )

বিশ্বাস স্থাপন করে, তিনি তাহার অন্তরকে পথ প্রদর্শন করিয়া থাকেন ; পরমেশ্বর সর্বজ্ঞ । ১১ । এবং তোমরা, ( হে লোক সকল, ) ঈশ্বরের আনুগত্য কর ও প্রেরিত-পুরুষের আনুগত্য করিতে থাক ; অনন্তর যদি তোমরা বিমুখ হও, তবে ( জানিও, ) আমার প্রেরিতপুরুষের প্রতি স্পষ্ট প্রচার ভিন্ন নহে । ১২ । সেই ঈশ্বর, তিনি ব্যতীত উপাস্ত নাই ; অতএব বিশ্বাসিগণ ঈশ্বরের প্রতি যেন নির্ভর করে । ১৩ । হে বিশ্বাসিগণ, নিশ্চয় তোমাদের ভাৰ্য্যাগণ ও সন্তানগণের মধ্যে কেহ তোমাদের জন্ত শত্রু ; অতএব তোমরা তাহাদিগ হইতে সাবধান হইও, এবং যদি ক্ষমা কর ও উপেক্ষা কর, এবং মার্জনা কর, তবে নিশ্চয় ঈশ্বর ক্ষমাশীল দয়ালু । ১৪ । তোমাদের ধন সম্পত্তি ও তোমাদের সন্তানসম্পত্তি পরীক্ষা, এতদ্ভিন্ন নহে ; এবং পরমেশ্বর, তাঁহার নিকটেই মহা পুরস্কার । ১৫ । অনন্তর তোমরা যত দূর পার, ঈশ্বরকে ভয় করিতে থাক, এবং ( আজ্ঞা ) শ্রবণ কর ও আনুগত্য কর ও ( ধর্মার্থ ) ব্যয় কর, তোমাদের জীবনের জন্ত কল্যাণ হইবে ; এবং যে ব্যক্তি আপন জীবনকে রূপণতা হইতে রক্ষা করিয়াছে, পরে ইহারাই তাহারা যে, উদ্ধার পাইবে । ১৬ । যদি তোমরা ঈশ্বরকে উত্তমরূপে ঋণ দান কর, তিনি তোমাদের জন্ত তাহা দ্বিগুণ করিবেন, এবং তোমাদিগকে ক্ষমা করিবেন ; ঈশ্বর মর্যাদাভিজ্ঞ দয়ালু । ১৭ ।+তিনি অন্তর্বাহবিৎ পরাক্রান্ত বিজ্ঞাতা । ১৮ । ( র, ২, আ, ৮ )

## সূরা তলাক \*

.....

পঞ্চাষষ্টিতম অধ্যায়

.....

১২ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে সংবাদবাহক, ( তুমি স্বীয় মণ্ডলীকে বল, ) যখন তোমরা ভাৰ্য্যাদিগকে বর্জন কর, তখন তাহাদিগকে তাহাদের ( ঋতুর ) গণনায় বর্জন করিবে, এবং তোমরা সেই গণনাকে পরিগণিত করিও, এবং আপন প্রতিপালক ঈশ্বরকে ভয় করিও ; তাহাদিগকে তাহাদের গৃহ হইতে বাহির করিও না, এবং তাহারা স্পষ্ট দুষ্কর্ম করিতে ভিন্ন বাহির হইবে না । এবং এই সকল পরমেশ্বরের নির্দ্ধারণ হয়, যে ব্যক্তি তাঁহার নির্দ্ধারণাবলীকে

\* এই সূরা মদিনাতে অবতীর্ণ হইয়াছে ।

উল্লঙ্ঘন করে, পরে সে নিশ্চয় আপন জীবনের প্রতি অত্যাচার করে ; (হে বর্জনকারিন্,) তুমি জান না, সম্ভবতঃ পরমেশ্বর ইহার পর কোন ব্যাপার সজ্জটন করিবেন \* । ১ । অনন্তর যখন তাহারা স্বীয় নির্দ্ধারিত কালে উপস্থিত হয়, তখন তাহাদিগকে তোমরা বৈধরূপে গ্রহণ করিও, অথবা বৈধরূপে তাহাদিগকে বিচ্ছিন্ন করিও, তোমাদের মধ্যে দুইজন স্ময়পরায়ণ লোককে সাক্ষী গ্রহণ করিও, এবং ঈশ্বরোদ্দেশ্যে সাক্ষ্য ঠিক রাখিও, ইহাই (আদেশ ; ) যে ব্যক্তি ঈশ্বরের প্রতি ও পরলোকের প্রতি বিশ্বাস স্থাপন করিয়াছে, তাহাকে এতদ্বারা উপদেশ দেওয়া হইয়া থাকে, এবং যে ব্যক্তি ঈশ্বরকে ভয় করে, তিনি তাহার জন্ত মুক্তির পথ বিধান করেন । ২ ।+ এবং তিনি তাহাকে, যে স্থান হইতে সে মনে করে না, সেই স্থান হইতে জীবিকা প্রদান করিয়া থাকেন ; যে ব্যক্তি ঈশ্বরের প্রতি নির্ভর করে, পরে তিনিই তাহার পক্ষে যথেষ্ট । নিশ্চয় ঈশ্বর স্বীয় কার্যে উপনীত হইবেন, সত্যই পরমেশ্বর প্রত্যেক বস্তুর পরিমাণ নির্দ্ধারণ করিয়াছেন । ৩ । তোমাদের ভাৰ্য্যাদিগের মধ্যে যাহারা ঋতুসম্বন্ধে নিরাশ হইয়াছে ও যাহারা ঋতুমতী হয় নাই, যদি তোমরা সন্দেহ কর, তবে তাহাদের গণনা তিন মাস, এবং গর্ভবতী নারীগণের গর্ভ স্থাপন ( প্রসব করা ) পর্যন্ত তাহাদের নির্দ্ধারিত কাল ; এবং যে ব্যক্তি ঈশ্বরকে ভয় করে, তিনি তাহার জন্ত তাহার কার্য সহজ করিয়া দেন । ৪ । ইহাই ঈশ্বরের আজ্ঞা, ইহা তিনি তোমাদের প্রতি অবতারণ করিয়াছেন ; এবং যে ব্যক্তি ঈশ্বরকে ভয় করে, তিনি তাহা হইতে তাহার অপরাধ সকল দূর করিবেন ও তাহার পুরস্কার বৃদ্ধি করিবেন । ৫ । তোমরা যে স্বীয় আয়ত্ত স্থানে বাস কর, তথায় তাহাদিগকে ( বর্জিতা ভাৰ্য্যাদিগকে ) রাখিয়া দিও, এবং তোমরা তাহাদিগকে ( এমন ) যজ্ঞা দিও না যে, তাহাদের প্রতি সঙ্কট আনয়ন করিবে ; যদি তাহারা গর্ভবতী হয়, তবে যে পর্যন্ত না তাহারা আপন গর্ভ স্থাপন করে, সে পর্যন্ত তোমরা তাহাদিগকে ভরণ পোষণ করিতে থাকিবে । অনন্তর যদি তাহারা তোমাদের ( সম্মানের ) জন্ত স্তন্য দান করে, তবে তাহাদিগকে তাহাদের পারিশ্রমিক প্রদান করিবে, এবং বৈধরূপে পরস্পরের মধ্যে তোমরা কাজ করিতে থাক ; যদি তোমরা ক্লেশ দান কর, তবে তাহাকে অস্ত্র নারী স্তন্য দান করিবে । ৬ । সচ্ছল ব্যক্তি আপন সচ্ছলতানুসারে যেন ব্যয় করে, এবং যাহার

\* অর্থাৎ ঋতুগণনা অনুসারে স্ত্রী বর্জন করিবে, তিন ঋতু পর্যন্ত গণনা করিয়া প্রতীক্ষা করা আবশ্যিক । ঋতুমতী হওয়ার পূর্বে ভাৰ্য্যাকে বর্জন করিবে, তাহা হইলে সমুদায় ঋতু পূর্ণরূপে পরিগণিত হইবে । ঋতুর পরে সেই স্ত্রী শুদ্ধ হইলেও তাহার নিকটবর্তী হইবে না । ইতি পূর্বে নারী যে গৃহে বাস করিত, বর্জন অবস্থায় সেই গৃহে থাকিয়া সে নির্দ্ধারিত সময় পূর্ণ করিবে । সেই সময় সে স্বয়ং বহির্গত হইবে না, অস্ত্র কেহ তাহাকে বাহির করিবে না । এরূপ বাহির হওয়া দুষ্ক্রিয়ার মধ্যে পরিগণিত । উভয়ের পুনঃসম্মিলনের আশায়ই নির্দিষ্ট কাল এরূপ বন্ধ থাকার বিধি । পরমেশ্বর এই অভিনব নিয়ম প্রবর্তিত করিয়াছেন । ( ত, হো, )



প্রতি তাহার উপজীবিকা সঙ্কোচ করা হইয়াছে, পরে ঈশ্বর তাহাকে যাহা দিয়াছেন, তাহা হইতে সে যেন ব্যয় করিতে থাকে ; পরমেশ্বর কোন ব্যক্তিকে তাহাকে যেমন ( শক্তি ) দান করিয়াছেন, তদনুরূপ ব্যতীত ক্লেশ দান করেন না, শীঘ্রই পরমেশ্বর অসচ্ছলতার পর সচ্ছলতা বিধান করিবেন । ৭ । ( র, ১, আ, ৭ )

এবং অনেক গ্রাম ( গ্রামবাসী ) আপন প্রতিপালকের ও তাঁহার প্রেরিত পুরুষের আজ্ঞা উল্লঙ্ঘন করিয়াছে ; অনন্তর আমি কঠিন গণনানুসারে তাহাদের গণনা করিয়াছি, এবং গুরুতর শাস্তিতে তাহাদিগকে শাস্তি দান করিয়াছি । ৮ । পরে তাহারা স্বীয় কার্যের অপকারিতা আশ্বাদন করিয়াছে, এবং তাহাদের কার্যের পরিণাম ক্ষতি হইয়াছে । ৯ । পরমেশ্বর তাহাদের জন্ত কঠিন শাস্তি প্রস্তুত রাখিয়াছেন ; অবশেষে, হে বুদ্ধিমান বিশ্বাসী লোক সকল, তোমরা ঈশ্বরকে ভয় করিতে থাক, সত্যই পরমেশ্বর তোমাদের প্রতি এক উপদেশ ( কোর্-আন্ ) অবতারণ করিয়াছেন । ১০ । এক প্রেরিত পুরুষ ( পাঠাইয়াছেন, ) সে তোমাদের নিকটে ঈশ্বরের উজ্জ্বল নিদর্শনাবলী পাঠ করিয়া থাকে ; যাহারা বিশ্বাস স্থাপন ও সংকল্প করিয়াছে, যেন তাহাদিগকে তমঃপুঞ্জ হইতে অলোকের দিকে বাহির করে, এবং যাহারা ঈশ্বরের প্রতি বিশ্বাস স্থাপন করে ও সংকল্প করিয়া থাকে, তিনি তাহাদিগকে স্বর্গোচ্চানে লইয়া যাইবেন, যাহার নিয়ম দিয়া জলপ্রণালী সকল প্রবাহিত হয়, তথায় তাহারা নিত্যনিবাসী হইবে, নিশ্চয় পরমেশ্বর তাহাদের জন্ত অত্যাশ্রয় জীবিকা বিধান করিবেন । ১১ । সেই পরমেশ্বর, যিনি সপ্তস্বর্গ ও তৎসদৃশ পৃথিবী সৃজন করিয়াছেন, উভয়ের মধ্যে আদেশ অবতারণ করেন, যেন তোমরা জানিতে পার যে, ঈশ্বর সর্ববিষয়ে শক্তিশালী, অপিচ নিশ্চয় পরমেশ্বর জ্ঞানানুসারে সমুদায় আয়ত্ত করিয়াছেন । ১২ । ( র, ২, আ, ৫ )

## সূরা তহরিম \*

—••❁••—

ষট্‌ষষ্টিতম অধ্যায়

—:~:—

১২ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে সংবাদবাহক, ঈশ্বর তোমার জন্ত যাহা বৈধ করিয়াছেন, স্বীয় ভার্যাদিগের

\* এই সূরা মদিনাতে অবতীর্ণ হইয়াছে ।

সন্তোষ প্রয়াস করত তাহা কেন অবৈধ করিতেছ? পরমেশ্বর ক্ষমাশীল দয়ালু \* ।  
 ১। সত্যই ঈশ্বর তোমাদের শপথ উন্মোচন তোমাদের জন্ত বিধি দিয়াছেন,  
 পরমেশ্বর তোমাদের বন্ধু এবং তিনি জ্ঞাতা বিজ্ঞাতা † । ২। এবং ( স্মরণ কর, ) যখন  
 সংবাদবাহক স্বীয় ভাৰ্য্যাদিগের কাহার নিকটে কোনও কথা গোপনে বলিল, পরে যখন  
 তাহা সেই স্ত্রী জ্ঞাপন করিল, এবং পরমেশ্বর তাহার ( প্রেরিতের ) নিকটে উহা প্রকাশ  
 করিলেন, ( প্রেরিতপুরুষ ) তাহার কোনটী ( হফ্‌সাকে ) জানাইল ও তাহার কোনটী  
 হইতে নিবৃত্ত হইল ; অনন্তর যখন তাহাকে তাহা জানাইল, তখন সে জিজ্ঞাসা করিল,  
 “কে তোমাকে ইহা জানাইয়াছে?” সে বলিল, “জ্ঞাতা তত্ত্বজ্ঞ ( ঈশ্বর ) আমাকে  
 সংবাদ দিয়াছেন” ‡ । ৩। তোমরা দুই জনে, (হে পেগম্বরের দুই ভাৰ্য্যা,) যদি ঈশ্বরের

\* হজরত মোহম্মদ মধুর শরবত ভালবাসিতেন। একদা তাঁহার অমৃতম ভাৰ্য্যা জয়নব কিঞ্চিৎ  
 মধু সংগ্রহ করিয়া রাখিয়াছিলেন, হজরত যখন তাঁহার গৃহে উপস্থিত হইতেন, তখন তিনি মধুপান  
 প্রস্তুত করিয়া দিতেন, তদনুরোধে তাঁহার আলায়ে হজরতকে কিছু অধিক বিলম্ব করিতে হইত।  
 ইহা তাঁহার কোন কোন পত্নীর পক্ষে কষ্টকর হয়। তাঁহার সহধর্মিণী আয়শা ও হফ্‌সা পরস্পর  
 পরামর্শ করিয়া স্থির করিলেন যে, হজরত যখন জয়নবের গৃহে মধুর শরবত পান করিয়া আগাদের  
 কাহারও নিকটে আগমন করিবেন, তখন বলিব যে, তোমার মুখ হইতে মগফুরের গন্ধ নির্গত হইতেছে।  
 মগফুর অরকতনামক বৃক্ষ বিশেষের নির্যাস, তাহা অতিশয় দুর্গন্ধ। হজরত হুগন্ধ ভালবাসিতেন,  
 দুর্গন্ধকে অত্যন্ত ঘৃণা করিতেন। এক দিন তিনি মধু পান করিয়া তাঁহাদের প্রত্যেকের নিকটে  
 উপস্থিত হন। প্রত্যেকেই বলেন, “হজরত, আপনার মুখ দিয়া মগফুরের গন্ধ আসিতেছে;” তিনি  
 উত্তর করেন, “আমি মগফুর খাই নাই, জয়নবের আলায়ে মধুর শরবত পান করিয়াছি।” তাঁহারা  
 বলিলেন, “হয়তো মধুমক্ষিকা অরকত কুমুম হইতে মধু আহরণ করিয়াছিল।” ইহা পুনঃ পুনঃ বলা  
 হইলে হজরত কহিলেন, “ঈশ্বরের শপথ, আর কখনও উহা পান করিব না।” তাহাতেই এই আয়ত  
 অবতীর্ণ হয়। পরন্তু এরূপ প্রসিদ্ধি যে, হজরত হফ্‌সার বারের দিন তাঁহার গৃহে যাইতেন; একদা  
 তিনি হজরতের আজ্ঞাক্রমে পিত্রালায়ে গিয়াছিলেন, হজরত কেবতকুলোদ্ভবা দাসীপত্নী মারিয়াকে  
 ডাকাইয়া নিজের সেবায় নিযুক্ত করেন। হফ্‌সা তাহা অবগত হইয়া অসন্তোষ প্রকাশ করেন। হজরত  
 বলেন, “হে হফ্‌সা, যদি আমি তাহাকে নিজের সম্বন্ধে অবৈধ করি, তাহাতে তুমি কি সন্মত নও?”  
 তিনি বলিলেন, “হঁা সন্মত”। হজরত কহিলেন, “এ কথা কাহারও নিকটে বাস্তব করিবে না, তোমার  
 নিকটে গুপ্ত রহিল।” হফ্‌সা সন্মত হইলেন। কিন্তু যখন হজরত তাঁহার গৃহ হইতে চলিয়া গেলেন,  
 তৎক্ষণাৎ হফ্‌সা আয়শাকে যাইয়া এই সুসংবাদ দান করিয়া বলিলেন, “আমরা কেবতনারীর হস্ত  
 হইতে মুক্তি পাইয়াছি।” পরে হজরত আয়শার গৃহে আগমন করিলে তখন আয়শা ইঙ্গিতে এই  
 বৃত্তান্ত বলেন। এতদুপলক্ষে এই সূরা অবতীর্ণ হয়। অর্থাৎ মারিয়াকে পরমেশ্বর তোমার প্রতি বৈধ  
 করিয়াছেন, তাহাকে কেন আপনার সম্বন্ধে অবৈধ করিয়া তুলিলে ও শপথ করিলে? ( ত, হো, )

† অর্থাৎ প্রায়শ্চিত্তযোগে শপথ ভঙ্গ করিতে ঈশ্বর বিধি দিয়াছেন। সেই প্রায়শ্চিত্তবিধি সূরা  
 মায়দাতে বিবৃত হইয়াছে। ( ত, হো, )

‡ অর্থাৎ হে বিশ্বাসিগণ, স্মরণ কর, যখন হজরত মারিয়াকে গ্রহণ করার অবৈধতাবিষয়ে অথবা  
 মধুপানসম্বন্ধে হফ্‌সানারী আপন পত্নীকে গোপনে বলেন, পরে হফ্‌সা তাহা সাক্ষী আয়শাকে জ্ঞাপন

দিকে ফিরিয়া আইস, ( ভাল হয় ; ) অনস্তর নিশ্চয় তোমাদের অন্তর কুটিল হইয়াছে । এবং যদি তাহার প্রতি ( তাহাকে ক্লেদানে ) তোমরা পরস্পর অমুকুল হও, তবে নিশ্চয় ( জানিও, ) সেই ঈশ্বর ও জেব্রিল এবং সাধু বিশ্বাসিগণ তাহার বন্ধু আছেন, এবং অতঃপর দেবগণ সাহায্যকারী হয় । ৪ । যদি সে তোমাদিগকে বর্জন করে, তবে তাহার প্রতিপালক তোমাদিগ অপেক্ষা উত্তম মোসলমান, বিশ্বাসিনী, সাধনপরায়ণা, পাপ হইতে প্রতিনিবৃত্তা, অর্চনাকারিণী, উপবাসব্রতধারিণী, বিবাহিতা ও কুমারী নারীদিগকে তাহাকে বিনিময় দান করিতে সমুদ্বত । ৫ । হে বিশ্বাসিগণ, তোমরা আপনাদের জীবনকে ও আপনাদের পরিজনকে সেই অগ্নি হইতে রক্ষা কর, যাহার ইন্ধনপুঞ্জ মানব-গণ ও ( প্রতিমা বা স্বর্ণ রজতাদি ) প্রস্তররাশি হয়, তাহার উপর দুর্দম কঠোর দেবগণ ( নিযুক্ত ) ; তাহাদিগকে যাহা আদেশ করিয়াছেন, তাহার ঈশ্বরের সেই আজ্ঞা অমান্য করে না, এবং যাহা আজ্ঞা করা হয়, তাহা করিয়া থাকে । ৬ । আমি ( বলিব, ) “হে ধর্মবিরোধিগণ, অতঃপর তোমরা আপত্তি করিও না ; তোমরা যাহা করিতেছ, তদ্রূপ বিনিময় দেওয়া যাইবে, এতদ্বিলম্ব নহে” । ৭ । ( র, ১, আ, ৭ )

হে বিশ্বাসিগণ, ঈশ্বরের দিকে তোমরা বিস্ময় প্রত্যাগমনে প্রত্যাগমন কর ; \* তোমাদিগ হইতে তোমাদের দোষ সকল নিরাকরণ করিতে এবং যাহার নিয়ম দিয়া পয়ঃ-প্রণালী সকল প্রবাহিত হয়, সেই স্বর্গোচ্চান সকলে, যে দিবস পরমেশ্বর সংবাদবাহককে ও তাহার সঙ্গী বিশ্বাসীদিগকে অপকৃষ্ট করেন না, সেই দিবস লইয়া যাইতে তোমাদের প্রতিপালক সমুদ্বত আছেন । তাহাদের জ্যোতি তাহাদের সম্মুখভাগে ও তাহাদের দক্ষিণ দিকে ধাবিত হইতে থাকিবে, এবং তাহারা বলিবে, “হে আমাদের প্রতিপালক, আমাদের জ্ঞান আমাদের জ্যোতিকে পূর্ণ কর, এবং আমাদের ক্রমা কর, নিশ্চয় তুমি সর্বোপরি ক্ষমতাশালী” । ৮ । হে সংবাদবাহক, তুমি ধর্মদ্রোহী ও কপট লোকদিগের সঙ্গে জেহাদ করিও, এবং তাহাদের প্রতি কঠিন হইও ও তাহাদের আবাস নরকলোক, ( উহা ) গর্হিত স্থান । ৯ । পরমেশ্বর ধর্মদ্রোহীদিগের নিমিত্ত মুহার ভার্য্যা ও লুতের ভার্য্যার দৃষ্টান্ত বর্ণন করিয়াছেন ; তাহারা আমার ভৃত্যদিগের মধ্যে দুই সাধু ভৃত্যের অধীনে (বিবাহিত) ছিল, পরে তাহারা উভয়ে অপচয় করিল, অনস্তর তাহারা ( মুহা ও লুত ) তাহাদিগ হইতে ঈশ্বরের ( শাস্তি ) কিছুই নিবারণ করিতে পারিল না ।

করেন ; হফ্-সা যে আয়শাকে বলেন, ঈশ্বর হজরতের নিকটে তাহা প্রকাশ করেন । হজরত তাহার কতক হফ্-সাকে জানাইলেন, অর্থাৎ তোমাকে এই এই কথা বলিয়াছিলাম, তুমি ইহার মধ্যে এই কথা প্রকাশ করিয়াছ । কোন কোন কথা তিনি হফ্-সাকে বলিলেন না । ( ত, হো, )

\* সরল অন্তঃকরণের প্রত্যাবর্তন বা অনুতাপ এরূপ হয় যে, মনেতে আর কখনও কৃত পাপের চিন্তার উদয় হয় না, অন্তরে বিশ্বাসের জ্যোতি জ্বলিতে থাকে । ইহাই বিস্ময় প্রত্যাবর্তন বা অনুতাপ । ( ত, ফা, )

এবং বলা হইল, “প্রবেশকারীদিগের সঙ্গে তোমরা দুইজনে নরকাগ্নিতে প্রবেশ কর” \* ।  
 ১০ । এবং পরমেশ্বর বিশ্বাসীদিগের জন্ত ফেরওণের স্ত্রীর দৃষ্টান্ত বর্ণন করিলেন ;  
 (স্মরণ কর, ) যখন সে বলিল, “হে আমার প্রতিপালক, আমার জন্ত স্বর্গে আপন  
 সন্নিধানে একটি আলায় নির্মাণ কর, এবং আমাকে ফেরওণ ও তাহার ক্রিয়া হইতে  
 রক্ষা কর, অত্যাচারিদল হইতে আমাকে উদ্ধার কর” † । ১১ ।+এবং এমরাণের  
 কন্যা মরয়মের (দৃষ্টান্ত, ) যে স্বীয় জননেত্রিয়কে সংরক্ষণ করিয়াছিল, অনন্তর  
 আমি তন্মধ্যে স্বীয় আত্মা ফুৎকার করিয়াছিলাম, এবং সে আপন প্রতিপালকের  
 বাক্যাবলী ও তাঁহার গ্রন্থ সকলকে প্রত্যয় করিয়াছিল, এবং আজ্জাম্বলীদিগের  
 অন্তর্গত ছিল । ১২ । ( র, ২, আ, ৫ )

## সূরা মোল্ক ‡

—••❁••—

সপ্তষষ্টিতম অধ্যায়

— : \* : —

৩০ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

যাহার হস্তে রাজত্ব, তিনি মহা সমুন্নত এবং তিনি সর্বোপরি ক্ষমতাশালী । ১ ।+  
 যিনি কার্যতঃ তোমাদের মধ্যে কে অত্যাশ্রম, তোমাদিগকে ইহা পরীক্ষা করিতে  
 জীবন ও মৃত্যু সৃজন করিয়াছেন ; তিনি পরাক্রান্ত ক্ষমাশীল । ২ ।+ যিনি স্তরে স্তরে  
 সপ্ত স্বর্গ সৃজন করিয়াছেন, ঈশ্বরের সৃষ্টিতে তুমি, ( হে দর্শক, ) কোন ক্রটি দেখিতে  
 পাইবে না ; অনন্তর চক্ষুকে ফিরাইয়া লইয়া যাও, কোন ক্রটি কি দেখিতেছ ?  
 তৎপর দুইবার নয়ন ফিরাইয়া লইয়া যাও, তোমার দিকে চক্ষু নিস্তেজ হইয়া ফিরিয়া  
 আসিবে, এবং তাহা ক্লান্ত থাকিবে । ৩ । সত্য সত্যই আমি পৃথিবীর আকাশকে  
 ( নক্ষত্ররূপ ) দীপাবলী দ্বারা শোভিত করিয়াছি, এবং তাহাকে ( সেই নক্ষত্রপুঞ্জকে )  
 শয়তানকুলের তাড়ানের যন্ত্র করিয়াছি, এবং আমি তাহাদের জন্ত নরকদণ্ড প্রস্তুত

\* অর্থাৎ স্বীয় ধর্ম ঠিক রাখিও, স্বামী কোন স্ত্রীকে উদ্ধার করিতে পারে না । এ কথা  
 সাধারণ নারীকে বলা হইয়াছে । ইহা মনে করা উচিত নয় যে, ঈশ্বর হজরতের সহধর্মিণীদিগকে  
 বলিয়াছেন । ( ত, ফা, )

+ এই নারী মহাপুরুষ মুসাকে প্রতিপালন করিয়াছিলেন ও তাঁহার সহায় ছিলেন, এবং ধর্মে বিশ্বাস  
 স্থাপন করিয়াছিলেন ; পরিশেষে ফেরওণ তাঁহাকে বহু যন্ত্রণা-দানে হত্যা করে । ( ত, ফা, )

‡ এই সূরা মক্কাতে অবতীর্ণ হইয়াছে ।

রাখিয়াছি। ৩। এবং যাহারা আপন প্রতিপালকের সম্বন্ধে বিদ্রোহী হইয়াছে, তাহাদের জন্ম নরকদণ্ড আছে, এবং ( উহা ) গর্হিত স্থান। ৫। যখন তথায় তাহারা নিক্ষিপ্ত হইবে, তখন তাহারা এক নিনাদ শ্রবণ করিবে, এবং তাহা গর্দভধ্বনি ( তুল্য ) \*। ৬।+ যখন কোন দল তাহার মধ্যে নিক্ষিপ্ত হইবে, তখন তাহা ক্রোধে খণ্ড খণ্ড হইবার উপক্রম হইবে; তাহার প্রহরিগণ তাহাদিগকে জিজ্ঞাসা করিবে, “তোমাদের নিকটে কি ভয়প্রদর্শক উপস্থিত হন নাই”? ৭। তাহারা বলিবে, “হাঁ নিশ্চয়, আমাদের জন্ম ভয়প্রদর্শক আসিয়াছিলেন। ৮।+ অনন্তর ( তাঁহার প্রতি ) আমরা অসত্যারোপ করিয়াছি এবং বলিয়াছি যে, পরমেশ্বর কিছুই অবতারণ করেন নাই; তোমরা মহা পথভ্রান্তির মধ্যে বৈ নও”। ৯। এবং বলিবে, “যদি আমরা শুনিতাম, অথবা বুঝিতাম, তবে নরকনিবাসীদিগের মধ্যে থাকিতাম না”। ১০। অনন্তর আপনাদের অপরাধ স্বীকার করিবে, অবশেষে নরকনিবাসীদিগের জন্ম অভিসম্পাত হউক। ১১। নিশ্চয় যাহারা আপন প্রতিপালককে গোপনে ভয় করে, তাহাদের জন্ম ক্ষমা ও মহা পুরস্কার আছে। ১২। তোমরা আপনাদের বাক্য গোপন কর বা তাহা প্রকাশ কর, নিশ্চয় তিনি অন্তরের রহস্যজ্ঞ। ১৩। যিনি সৃষ্টি করিয়াছেন, তিনি কি জানেন না? তিনি সূক্ষ্মদর্শী তত্ত্বজ্ঞ। ১৪। ( র, ১, আ, ১৪ )

তিনি যিনি তোমাদের জন্ম পৃথিবীকে বিনীত করিয়াছেন, অনন্তর তোমরা তাহার চতুর্দিকে চলিতে থাক, তাঁহার ( প্রদত্ত ) জীবিকা হইতে ভোগ কর, এবং তাঁহার দিকেই পুনরুত্থান হয়। ১৫। যিনি স্বর্গে আছেন, তিনি যে, ( হে কাফেরগণ, ) তোমাদিগকে মুক্তিকায় প্রোথিত করিবেন, তাহা হইতে কি তোমরা নিশ্চিত হইয়াছ? অনন্তর অকস্মাৎ এই ( পৃথিবী ) তোলাপাড় হইবে। ১৬।+ যিনি স্বর্গেতে আছেন, তিনি যে তোমাদের প্রতি প্রস্তরবর্ষী মেঘ প্রেরণ করিবেন, তাহা হইতে কি তোমরা নিঃশঙ্ক হইয়াছ? অনন্তর কেমন আমার ভয়প্রদর্শন, অবশ্য জানিবে। ১৭। এবং সত্য সত্যই তাহাদের পূর্বে যাহারা ছিল, তাহারা অসত্যারোপ করিয়াছিল, অবশেষে আমার শাস্তি কেমন হইয়াছিল? ১৮। তাহারা কি আপনাদের উপর প্রসারিত ও সঙ্কচিতপক্ষ পক্ষিকুলকে দেখিতেছে না? পরমেশ্বর ভিন্ন তাহাদিগকে ( কেহ ) ধারণ করিতেছে না, নিশ্চয় তিনি সকল পদার্থের প্রতি দৃষ্টিকারী। ১৯। যে ব্যক্তি তোমাদের জন্ম নৈমিত্ত ( পরিচালক হয়; ) ঈশ্বর ভিন্ন তোমাদিগকে সাহায্য দান করিবে, এ কে হয়? ধর্মদ্রোহিগণ প্রতারণায় ভিন্ন নহে। ২০। যদি তিনি স্বীয় জীবিকা বন্ধ করেন, কে সেই ব্যক্তি, যে তোমাদিগকে উপজীবিকা দান করিবে? বরং তাহারা অবাধ্যতায় ও

\* যখন কাফেরদিগকে উপস্থিত করা যাইবে, তখন নরক কোলাহল করিবে, এবং তাহার উচ্ছ্বাস হইতে থাকিবে। উচ্ছ্বাসিত উন্মোদকস্থিত মাংসের স্থায় নরক তাহাদিগকে একবার উপরে তুলিবে ও একবার নীচে নামাইবে। ( হ, হো. )



পলায়নে স্থিরতর। ২১। অনন্তর যে ব্যক্তি স্বীয় মুখের দিকে নত হইয়া ( অধোমুখে ) গমন করে, সে অধিকতর পথপ্রাপ্ত, না, যে ব্যক্তি সরল পথে সোজা হইয়া গমন করে, সে \* ? ২২। তুমি বল, ( হে মোহম্মদ, ) তিনিই, যিনি তোমাদিগকে সৃজন করিয়াছেন, এবং তোমাদের নিমিত্ত চক্ষু ও কর্ণ এবং হৃদয় স্থাপন করিয়াছেন ; তোমরা অল্পই ধন্যবাদ করিয়া থাক। ২৩। তুমি বল, তিনিই, যিনি ধরাতলে তোমাদিগকে বিক্ষিপ্ত করিয়াছেন, এবং তাঁহার দিকে তোমরা একত্রীকৃত হইবে। ২৪। তাহারা বলিয়া থাকে, “যদি তোমরা সত্যবাদী হও, তবে কবে এই ( কেয়ামতের ) অঙ্গীকার ( পূর্ণ ) হইবে” ? ২৫। বল, ( এই ) জ্ঞান ঈশ্বরের নিকটে ভিন্ন নহে, এবং আমি স্পষ্ট ভয়প্রদর্শক বৈ নহি। ২৬। অনন্তর যখন তাহা নিকটবর্তী দেখিবে, তখন কাফেরদিগের মুখ মলিন হইবে ; বলা হইবে, “যাহা তোমরা চাহিতেছিলে, এই তাহা”। ২৭। তুমি বল, “তোমরা কি দেখিয়াছ, যদি পরমেশ্বর আমাকে ও আমার সঙ্গে যাহারা আছে, তাহাদিগকে বধ করেন, অথবা আমার প্রতি অহুগ্রহ করেন, ( প্রত্যেক অবস্থায় ) কে ধর্মবিদ্রোহীদিগকে দুঃখজনক শাস্তি হইতে বাঁচাইবে” ? ২৮। বল, তিনিই পরমেশ্বর, আমরা তাঁহার প্রতি বিশ্বাস স্থাপন করিয়াছি ও তাঁহার প্রতি নির্ভর করিয়াছি ; অনন্তর তোমরা শীঘ্রই জানিবে, সে কে যে, স্পষ্ট পথভ্রাস্তির মধ্যে আছে। ২৯। বল, দেখিয়াছ কি, যদি তোমাদের জল শুষ্ক হইয়া যায়, তবে কে শ্রোতোজল তোমাদের নিকটে আনয়ন করিবে ? ৩০। ( র, ২, আ, ১৬ )

\* অর্থাৎ কাফেরগণ দক্ষিণে বামে সম্মুখে পশ্চাতে দৃষ্টি করে না, অধোবদনে গমন করে, তাহারা প্রবন্ধনার প্রান্তরে ঘুরিয়া বেড়ায়। বিশ্বাসিগণ ইতস্ততঃ দৃষ্টি করিয়া সরল পথে চলে। ( ত, হো, )

+ অর্থাৎ বিশ্বাস ও একত্ববাদ ব্যতীত ঈশ্বরের শাস্তি হইতে তোমাদিগকে অল্প কিছুই বাঁচাইতে পারিবে না। ( ত, হো, )

## সূরা কলম \*

—••••—

### অষ্টাষ্টিতম অধ্যায়

—:~:—

৫২ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

ন, \* লেখনীর ও যাহা লিখিত হয়, তাহার শপথ † । ১। + তুমি, (হে মোহম্মদ,) স্বীয় প্রতিপালকের দানসম্বন্ধে ক্ষিপ্ত নও ‡ । ২। নিশ্চয় তোমার জন্ম অপণ্ড পুরস্কার আছে। ৩। এবং নিশ্চয় তুমি মহা চরিত্রবান্ । ৪। অনন্তর তুমি অচিরে দেখিবে ও তাহারা দেখিবে যে, তোমাদের মধ্যে কাহার সঙ্কটাবস্থা হয়। ৫+৬। নিশ্চয় তোমার প্রতিপালক, যে ব্যক্তি তাঁহার পথ হইতে হারাইয়া গিয়াছে, তাহাকে উত্তম জানেন, এবং তিনি পথপ্রাপ্তদিগকে বিশেষ জানেন। ৭। অনন্তর তুমি মিথ্যা-বাদীদিগের অনুগত হইও না। ৮। তাহারা ভালবাসে যে, যদি তুমি কোমল ব্যবহার কর, তবে তাহারাও কোমল ব্যবহার করিবে। ৯। এবং তুমি প্রত্যেক নীচ শপথকারী, নিন্দাকারী, কথার ছিদ্রাশ্বেষণে গমনকারী, কল্যাণের প্রতিরোধকারী, সীমালঙ্ঘনকারী, অপরাধী উদ্ধতদিগের, অতঃপর জারজের, সে ধনশালী ও বহু পুত্রবান্ বলিয়া, অনুগত হইও না ৭। ১০+১১+১২+১৩+১৪। যখন তাহার নিকটে আমার আয়ত সকল পঠিত

\* এই সূরা মক্কাতে অবতীর্ণ হইয়াছে।

+ ন, এই বাবছেদক বর্ণ ঈশ্বরের নামাবলীর কুঞ্জিকা। ইহা জ্যোতি ও সাহায্যদাতা এই দুই নামের প্রকাশক, এবং ঈশ্বরের রহমান নামের অন্তিম বর্ণ। কপিত হইয়াছে যে, ইহা সূরা বিশেষের নাম, বা আলোকফলকের, কিংবা স্বর্গস্থ প্রণালী বিশেষের নাম, অথবা বিশ্বানীদিগের সম্বন্ধে ঈশ্বরের সাহায্যদানের শপথ। এরূপ প্রসিদ্ধি যে, এই মুন (ন) মংশুনিশেষের নাম, যাহার পৃষ্ঠোপরি পৃথিবী স্থাপিত। (ত, হো)

‡ প্রথমতঃ ঈশ্বর যাহা সৃজন করেন, তাহা লেখনী, পরে মসীপাত্রে সৃষ্টি করেন; এই দুয়ের ও মসীপাত্রে হইতে মসী গ্রহণ করিয়া লেখনী যাহা লিপি করিয়াছে, পরমেশ্বর তাহার শপথ স্মরণ করিলেন। ঈশ্বরের লেখনী জ্যোতিষ্মতী জগদ্ব্যাপিনী শক্তিবিশেষ, লিপি প্রত্যাদেশ। (ত, হো,)

§ অলিদের পুত্র মঘয়রার কথার উত্তরে এই উক্তি হইয়াছে। (ত, হো,)

¶ যখন হজরত এই আয়ত কোরেশদিগের সম্মুখে পাঠ করিলেন, যে সকল দোষের উল্লেখ হইয়াছে, অলিদ তাহা নিজের চরিত্রে বিদ্যমান দেখিল; কিন্তু জারজ শব্দের বাচ্য হইতে পারে, সে এরূপ বিশ্বাস করিতে পারিল না। মনে মনে ভাবিল, “আমি কোরেশদলপতি, আমার পিতা একজন প্রসিদ্ধ লোক; কিন্তু জানি, মোহম্মদ অসত্য বলে না, সে যে জারজ বলিল, ইহা কেমন করিয়া আপনার

হয়, তখন সে বলে, “ইহা পূর্বেতন উপাখ্যানাবলী”। ১৫। সত্বরই আমি নাসিকার উপর তাহাকে চিহ্নিত করিব। ১৬। নিশ্চয় যেরূপ উদ্ভানস্বামীদিগকে পরীক্ষা করিয়া ছিলাম, আমি তাহাদিগকে সেরূপ পরীক্ষা করিয়াছি; (স্মরণ কর, ) যখন তাহারা শপথ করিয়াছিল যে, অবশ্য প্রাতঃকালে তাহা উচ্ছিন্ন করিবে, এবং “এন্শায় আল্লা” (যদি ঈশ্বর ইচ্ছা করেন) বলিতেছিল না\*। ১৭+১৮। অনন্তর তোমার প্রতিপালক হইতে এক ঘূর্ণ্যমান বায়ু (শাস্তিবিশেষ) সেই (উদ্ভানের) উপর ঘুরিয়াছিল, এবং তাহারা নিদ্রিত ছিল। ১৯। পরে প্রাতঃকালে তাহা উচ্ছিন্ন হইল। ২০।+অবশেষে প্রভাত হইলে তাহারা পরস্পরকে ডাকিতেছিল। ২১।+“যদি তোমরা কর্তনকারী হও, তবে প্রভাতে স্বীয় ক্ষেত্রে গমন কর”। ২২। অনন্তর চলিয়া গেল ও তাহারা পরস্পর গোপনে বলিতেছিল যে, “অণু তোমাদের নিকটে কোন দরিদ্র তথায় প্রবেশ করিবে না”। ২৩+২৪। এবং প্রত্যুষে ক্ষমতাশালী (আপনাদিগকে মনে করত) সেই সঙ্কল্পের উদ্দেশ্যে চলিল। ২৫। অনন্তর যখন তাহারা তাহা দেখিল, বলিল, “নিশ্চয় আমরা বিভ্রান্ত। ২৬।+বরং আমরা বঞ্চিত”। ২৭। তাহাদের মধ্যস্থ ব্যক্তি বলিল, “আমি তোমাদিগকে কি বলি নাই যে, কেন তোমরা শুব করিতেছ না” ? ২৮। তাহারা বলিল, “আমাদের প্রতিপালকেরই পবিত্রতা, নিশ্চয় আমরা অত্যাচারী হইয়াছি”। ২৯। অবশেষে তাহাদের একজন অণু জনের নিকটে পরস্পর তিরস্কার করত অগ্রসর হইল। ৩০। তাহারা বলিল, “হায়, আমাদের প্রতি আক্ষেপ, নিশ্চয় আমরা সীমালঙ্ঘনকারী হইয়াছি। ৩১। ভরসা যে, আমাদের প্রতিপালক এতদপেক্ষা উত্তম (উদ্ভান) আমাদিগকে বিনিময় দান করিবেন; নিশ্চয় আমরা আমাদের প্রতিপালকের দিকে সমুৎসুক”।

সম্বন্ধে আরোপ করিব ?” সে এরূপ চিন্তা করিয়া উন্মুক্ত করবাল হস্তে মাতার নিকটে উপস্থিত হইল। অনেক ভয়প্রদর্শন করিলে পর জননী এরূপ বলিল যে, “তোমার পিতা বৃদ্ধ হইয়াছিলেন, তাঁহার স্ত্রীসহবাসের ক্ষমতা ছিল না। তদীয় ভ্রাতৃপুত্রগণ তাঁহার ধনের উত্তরাধিকারী হইবে, এরূপ আশা করিতেছিল। তাহাতে আমার ঈর্ষ্যা হইল, আমি অমুক দাসকে ক্রয় করিয়া আনয়ন করি ও তাহার সঙ্গে মিলিত হই, তুমি তাহারই সম্ভান।” তখন অলিদ হজরতের বাক্যের সত্যতার স্পষ্ট প্রমাণ লাভ করে। (ত, হো,)

\* এয়মন দেশের অন্তর্গত সনানামক প্রদেশে এক জন সাধু পুরুষ ছিলেন, তাঁহার খোঁর্মা ইত্যাদি ফলের এক উদ্ভান ছিল। তিনি সেই উদ্ভানের ফল সংগ্রহ করিবার দিন দরিদ্রদিগকে ডাকিয়া আনিতেন, এবং তরুতলে এক শয্যা প্রসারণ করিতেন। হস্ত প্রসারণ করিয়া বৃক্ষের যে ফল ধরা যাইতে পারিত না, বায়ু যাহা নিক্ষেপ করিত, অথবা শয্যার দিকে যাহা পতিত হইত, তিনি তাহা দরিদ্রদিগকে দান করিতেন। আপন লভ্য ফলেরও দশ ভাগের এক ভাগ দীন দুঃখীদিগকে দিতেন। সেই ধার্মিক পুরুষের পরলোক হইলে পর তাঁহার পুত্রগণ পরস্পর বলিল যে, “সম্পত্তি অল্প, পরিবার অধিক, পিতা যেরূপ করিয়াছেন, আমরা তক্রূপ আচরণ করিলে আমাদের জীবিকা সঙ্কীর্ণ হইবে। প্রত্যুষে দরিদ্রগণ সংবাদ না পাইতেই আমরা উদ্ভানে যাইয়া সমুদায় ফল ছিঁড়িয়া আনিব।” তখন তাহারা শপথ করে। পরমেশ্বর এইরূপ বলেন। (ত, হো,)

৩২। এই প্রকার শাস্তি ; এবং নিশ্চয় পারলৌকিক শাস্তি ( ইহা অপেক্ষা ) গুরুতর, যদি তাহারা জানিত, ( ভাল ছিল )। ৩৩। ( র, ১, আ, ৩৩ )

নিশ্চয় ধর্মভীরু লোকদিগের জন্ত তাহাদের প্রতিপালকের নিকটে সম্পদের উত্তান সকল আছে। ৩৪। অনস্তর আমি কি মোসলমানদিগকে পাপীদিগের তুল্য করিব ? ৩৫। তোমাদের কি হইয়াছে, ( হে কাফেরগণ, ) তোমরা কেমন আঞ্জা করিতেছ ? ৩৬। তোমাদের নিকটে কি গ্রন্থ আছে, তন্মধ্যে তোমরা পাঠ করিয়া থাক ? নিশ্চয় তাহাতে যাহা মনোনীত কর, তাহা তোমাদের জন্ত হয়। ৩৭ + ৩৮। আমার সম্বন্ধে তোমাদের কি প্রতিজ্ঞা সকল আছে যে, কেয়ামতের দিন পর্যন্ত পহুঁছবে ? নিশ্চয় যাহা তোমরা নির্ধারণ করিয়া থাক, তাহা তোমাদের জন্ত হয়। ৩৯। তুমি তাহাদিগকে, (হে মোহম্মদ,) জিজ্ঞাসা কর, তাহাদের কে এ বিষয়ে প্রতিভূ \* ? ৪০। তাহাদের জন্ত কি অংশী সকল আছে ? অনস্তর উচিত যে, যদি তাহারা সত্যবাদী হয়, তবে আপনাদের অংশীদিগকে উপস্থিত করে। ৪১। যে দিবস পদ হইতে আবরণ উন্মোচন করা যাইবে ও তাহারা যে প্রণামের দিকে আহৃত হইবে, তখন সমর্থ হইবে না †। ৪২। + তাহাদের চক্ষে কাতরতা হইবে, দুর্গতি তাহাদিগকে ঘেরিয়া লইবে, এবং সত্যই প্রকৃত অবস্থায় তাহারা প্রণামের দিকে আহৃত হইতেছিল। ৪৩। অনস্তর আমাকে ও যাহারা এই বাক্যকে অসত্য বলে, তাহাদিগকে ছাড়িয়া দাও ; যেস্থান হইতে জানিতেছে না, তথা হইতে সত্তরই অল্পে অল্পে আমি তাহাদিগকে টানিয়া লইব ‡। ৪৪। + এবং তাহাদিগকে অবকাশ দিব, নিশ্চয় আমার কৌশল দৃঢ়। ৪৫। তুমি কি তাহাদিগ হইতে পারিশ্রমিক চাহিতেছ ? অনস্তর তাহারা গুরুতর দণ্ডার্থী। ৪৬। তাহাদের নিকটে কি গুপ্তত্ব আছে, পরে তাহারা ( তাহা ) লিখিয়া থাকে ? ৪৭। অনস্তর তুমি স্বীয় প্রতিপালকের আজ্ঞার জন্ত ধৈর্য ধারণ কর, এবং মৎস্তাধিষ্ঠিত ব্যক্তির গায় হইও না ; যখন সে প্রার্থনা করিয়াছিল, তখন বিষাদপূর্ণ ছিল §। ৪৮। যদি তাহার এই জ্ঞান না থাকিত যে, তাহার

\* অর্থাৎ তোমাদের মধ্যে কে এ বিষয়ে সমর্থ আছে যে, পরলোকে তাহা রক্ষা করিতে পারিবে ? ( ত, হো, )

+ “পদ হইতে আবরণ উন্মোচন করার” অর্থ, ঈশ্বরের সিংহাসনের প্রাস্ত প্রদর্শন করা বা ঈশ্বরের প্রকাশ পাওয়া, অথবা স্বকঠিন ও ভয়ানক ব্যাপার প্রকাশ পাইয়া পড়া। হজরত বলিয়াছেন যে, পরমেশ্বর সেই দিবস মহা জ্যোতিঃ প্রদর্শন করিবেন, তিনি সিংহাসনের পদপ্রাস্ত হইতে আলোক বিকীর্ণ করিবেন, সমুদায় বিশ্বাসী নরনারী তাহার উদ্দেশে প্রণত হইবে। যাহারা পৃথিবীতে কপট ভাবে প্রণাম করিয়াছিল, তাহারা মাত্র অবশিষ্ট থাকিবে। যখন তাহারা প্রণাম করিতে চাহিবে, পারিবে না, তাহাদের পৃষ্ঠ বক্র হইবে না। ( ত, হো, )

‡ “সত্তরই অল্পে অল্পে তাহাদিগকে আমি টানিয়া লইব” অর্থাৎ আমি ক্রমে তাহাদের প্রতি শাস্তি উপস্থিত করিব। ( ত, হো, )

§ মৎস্তাধিষ্ঠিত ব্যক্তি মহাপুরুষ ইয়ুনস। তিনি লোকের উৎপীড়নে অধৈর্য হইয়াছিলেন

প্রতিপালকের কৃপা আছে, তবে অবশ্য মরুভূমিতে সে নিষ্কিপ্ত হইত, এবং সে লাহিত হইত। ৪৯। অনন্তর তাহার প্রতিপালক তাহাকে গ্রহণ করিলেন, পরে তাহাকে সাধুদিগের অন্তর্গত করিয়া লইলেন। ৫০। নিশ্চয় তোমাকে স্বীয় দৃষ্টিতে পদস্থলিত করিতে কাফেরগণ সম্মুত; যখন তাহারা কোব্-আন্ শ্রবণ করে, তখন বলিয়া থাকে যে, “নিশ্চয় সে ক্ষিপ্ত”। ৫১। কিন্তু উহা জগদ্বাসীদিগের জন্ম উপদেশ ভিন্ন নহে। ৫২।  
( র, ২, আ, ১৯ )

## সূরা হাক্বা

-:~:-

### উনসপ্ততম অধ্যায়

—:~:—

৫২ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি। )

কেয়ামত। ১। কি সেই কেয়ামত? ২। কিসে তোমাকে জানাইয়াছে, কেয়ামত কিরূপ হয়? ৩। সমুদ ও আদ জাতি কেয়ামতের বিষয়ে অসত্যারোপ করিয়াছিল। ৪। অনন্তর কিন্তু সমুদ জাতি সীমাতিক্রান্ত নিনাদে মারা গেল। ৫। কিন্তু আদ জাতি পরে সীমাতিক্রান্ত মহা বাত্যা মারা গেল। ৬। সপ্ত রাত্রি অষ্ট দিবা মূলচ্ছেদনে ( বিনাশসাধনে ) তাহাদের প্রতি উহা প্রবল ছিল; অনন্তর তুমি সেই জাতিকে তথায় ভূতলশায়ী দেখিতেছ, যেন তাহারা শুষ্ক খোশ্মাতরুর কাণ্ড। ৭। অবশেষে তুমি কি তাহাদিগের কিছু অবশিষ্ট দেখিতেছ? ৮। এবং ফেরওণ ও তাহার পূর্বে যাহারা ছিল, তাহারা এবং মওতফকাতনিবাসিগণ পাপাচারে উপস্থিত হইয়াছিল। ৯। অনন্তর তাহারা স্বীয় প্রতিপালকের প্রেরিতকে অমান্য করিয়াছিল; অবশেষে মহা আক্রমণে তিনি তাহাদিগকে আক্রমণ করিয়াছিলেন। নিশ্চয় যখন জল সীমা অতিক্রম করিল, তখন আমি তোমাদিগকে ( তোমাদের পূর্বপুরুষদিগকে ) নৌকায় আরোহণ করাইলাম, যেন ইহাকে তোমাদের জন্ম উপদেশস্বরূপ করি, এবং কোন স্মরণকারক কর্ণ স্মরণ রাখে।

বলিয়া তাহার শাস্তিস্বরূপ মৎস্যের গর্ভে স্থান গ্রহণ করিয়াছিলেন। এই বৃন্তান্ত সূরা ইয়ুনসে বিবৃত হইয়াছে।  
( ত, হো, )

\* এই সূরা মক্কাতে অবতীর্ণ হইয়াছে।

+ অর্থাৎ ভূতলে পতিত অন্তঃসারশূন্য ছিন্নমূল খোশ্মাতরুর নিম্নভাগের স্থায় তাহারা পড়িয়া আছে, সকলে উচ্ছিন্ন হইয়াছে। এক বৃহস্পতিবার সন্ধ্যাকালে আরম্ভ হইয়া অপর বৃহস্পতিবার সন্ধ্যাকালে বাত্যা শেষ হইয়াছিল।  
( ত, হো, )



১০ + ১১ + ১২। অনন্তর যখন সুরবাণ্ডে একবার ফুৎকারে ফুৎকার করা হইবে, এবং পৃথিবী ও পর্বতশ্রেণী উর্ধ্বে সমুখাপিত হইবে, তখন তাহারা একমাত্র বিচূর্ণনে বিচূর্ণীকৃত হইয়া যাইবে। ১৩ + ১৪। পরিশেষে সেই দিবস কেয়ামত সজ্জাটিত হইবে। ১৫। + এবং নভোমণ্ডল বিদীর্ণ হইবে, পরন্তু উহা সেই দিবস প্লথ হইয়া পড়িবে। ১৬। + এবং দেবতারা ইহার প্রান্তভাগে থাকিবে, সেই দিবস, ( হে মোহম্মদ, ) তোমার প্রভুর সিংহাসন আট জনে আপনাদের উপর বহন করিবে \*। ১৭। সেই দিবস তোমাদিগকে, ( হে লোক সকল, ) সম্মুখে আনয়ন করা হইবে, তোমাদের কোন গোপনীয় বিষয় গুপ্ত থাকিবে না। ১৮। অনন্তর কিন্তু যে ব্যক্তিকে তাহার পুস্তক ( কার্যালিপি ) তাহার দক্ষিণ হস্তে দেওয়া হইয়াছে, পরে তাহাকে বলা হইবে, এস এবং আমার ( প্রদত্ত ) কার্যালিপি পাঠ কর। ১৯। ( বলিবে, ) “নিশ্চয় আমি মনে করিতেছিলাম যে, একান্তই আমি আপন হিসাবের সঙ্গে মিলিত হইব”। ২০। + অনন্তর যাহার ফলপুঞ্জ সন্নিহিত, সেই ( সহজলভ্য ) উন্নত স্বর্গোচ্চানে সে মনোমত জীবনযাপনে থাকিবে। ২১ + ২২ + ২৩। ( বলা হইবে, ) “অতীত কালে যাহা সম্পাদন করিয়াছ, তজ্জন্ম স্মিষ্ট পান ভোজন কর”। ২৪। কিন্তু যে ব্যক্তিকে তাহার পুস্তক ( কার্যালিপি ) তাহার বাম হস্তে দেওয়া হইয়াছে, পরে সে বলিবে, “হায়! আপন পুস্তক যদি আমাকে না দেওয়া হইত। ২৫ + ২৬। এবং আপন হিসাব কি, না জানিতাম, ( ভাল ছিল )। ২৭। হায়! যদি ইহা অস্তক হইত। ২৮। আমার সম্পত্তি আমা হইতে ( শাস্তি ) নিবারণ করিল না। ২৯। আমা হইতে আমার রাজত্ব বিলুপ্ত হইল”। ৩০। ( বলা হইবে, “হে দেবগণ, ) ইহাকে ধর, পরে গলবন্ধন ইহার গলে স্থাপন কর। ৩১। + তৎপর ইহাকে নরকে প্রবেশ করাও। ৩২। + তাহার পর যাহার দৈর্ঘ্য সত্তোর হস্ত, সেই শৃঙ্খলে বন্ধ করিয়া তাহাকে আনয়ন কর। ৩৩। নিশ্চয় সে মহা ঈশ্বরের প্রতি বিশ্বাস স্থাপন করে নাই। ৩৪। + এবং দরিদ্রকে আহারদানে প্রবৃত্তি দান করিত না। ৩৫। অনন্তর অণু তাহার জন্ম এ স্থানে কোন বন্ধু নাই। ৩৬। + এবং পীতবারি ব্যতীত পানীয় নাই। ৩৭। + পাপী লোক ব্যতীত তাহা পান করে না”। ৩৮। ( র, ১, আ, ৩৮ )

অনন্তর আমি, তোমরা যাহা দেখিতেছ ও যাহা দেখিতেছ না, তাহার শপথ করিতেছি। ৩৯ + ৪০। নিশ্চয় ইহা (কোর-আন্) মহা প্রেরিতের বাক্য। ৪১। + এবং উহা কবির কথা নহে, যাহা তোমরা বিশ্বাস করিতেছ, তাহা অল্পই হয়। ৪২। এবং

\* এক্ষণ চারি জন ফেরেস্তার স্বক্কে ঈশ্বরের সিংহাসন আছে, সে দিবস আট জনের প্রয়োজন হইবে। ( ত, কা, )

সেই দিবস পার্শ্বত্যা ছাগপশুর আকৃতিবিশিষ্ট ফেরেস্তাগণ ঈশ্বরের সিংহাসন স্বক্কে বহন করিবেন। তাহাদের পায়ের খুর হইতে জামুদেশ পর্যন্ত দূরতা এক স্বর্গ হইতে অপর স্বর্গের দূরতার তুল্য। দেবতারা আট শ্রেণীতে সেই সিংহাসন ধারণ করিবেন। ( ত, হো, )

ভবিষ্যৎকৃত্তার বাক্য নহে, যে উপদেশ গ্রহণ করিতেছ, তাহা অল্পই হয়। ৪৩। নিখিল জগতের প্রতিপালক হইতে তাহা অবতারণিত। ৪৪। যদি ( প্রেরিত পুরুষ ) আমার সম্বন্ধে কোন কোন কথা রচনা করে, তবে অবশ্য আমি তাহার দক্ষিণ হস্ত ধারণ করিব। ৪৫ + ৪৬। তৎপর অবশ্য তাহার হৃদয়ের শিরা ছিন্ন করিব। ৪৭। অনন্তর তাহা হইতে ( শাস্তির ) নিবারণকারী তোমাদের মধ্যে কেহ নাই, এবং নিশ্চয় ইহা ( কোর্-আন্ ) ধর্মভীরু লোকদিগের জন্য উপদেশ হয়। ৪৮। নিশ্চয় আমি জানিতেছি যে, তোমাদের মধ্যে অসত্যবাদিগণ আছে। ৪৯। নিশ্চয় ইহা ( কোর্-আন্ ) ধর্মদ্রোহীদিগের সম্বন্ধে আক্ষেপজনক হয়। ৫০। নিশ্চয় ইহা ঋব সত্য। ৫১। অনন্তর তুমি, ( হে মোহাম্মদ, ) স্বীয় মহা প্রভুর নামের স্তব কর। ৫২। ( র, ২, আ, ১৪ )

## সূরা মেরাজ \*

—:~:—

সপ্ততম অধ্যায়

—:~:—

৪৪ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি। )

গৌরবান্বিত পরমেশ্বর হইতে যাহার কোন নিবারণকারী নাই, ধর্মদ্রোহীদিগের সম্বন্ধে সেই সজ্জটনীয় শাস্তিবিষয়ে এক জন জিজ্ঞাসা করিল ঃ। ১ + ২ + ৩। যাহার পরিমাণ পঞ্চাশ সহস্র বৎসর হয়, সেই দিবস দেবগণ ও আত্মা তাঁহার দিকে সমুখান করিতে থাকে ঃ। ৪। + অনন্তর তুমি উত্তম ধৈর্য্যে ধৈর্য্যধারণ কর। ৫। নিশ্চয় তাহারা তাহা দূরে দেখিতেছে। ৬। + এবং আমি তাহা নিকটে দেখিতেছি। ৭। যে দিবস গগনমণ্ডল দ্রবীভূত তাম্রসদৃশ হইবে। ৮। + এবং গিরিশ্রেণী বিচিত্র উর্গাতুল্য হইবে। ৯। + এবং কোন আত্মীয় আত্মীয়ের ( পাপের সংবাদ ) জিজ্ঞাসা করিবে না। ১০। + পরস্পর তাহাদিগকে দেখাইয়া দেওয়া হইবে, অপরাধিগণ অভিলাষ

\* এই সূরা মক্কাতে অবতীর্ণ হইয়াছে।

+ কথিত আছে যে, এই জিজ্ঞাসা আবুজহল ছিল। সে কেয়ামতের শাস্তি সত্তর উপস্থিত করার জন্য হজরতের নিকটে প্রার্থনা করিয়াছিল।

‡ অর্থাৎ কেয়ামতের দিন কাকেরদিগের সম্বন্ধে এইরূপ দীর্ঘ হইবে। কেয়ামতের প্রাপ্তরে পঞ্চাশটি বিশ্রাম ও অবস্থিতিস্থান আছে। লোকদিগকে প্রত্যেক বিশ্রামস্থানে সহস্র বৎসর রাখিয়া দিবে। ( ত, হো, )

করিবে যে, যদি সেই দিবস শান্তির বিনিময়ে আপন সন্তানকে ও আপন পত্নীকে এবং আপন ভ্রাতাকে ও আপন স্বগণকে, যাহাকে ( পৃথিবীতে ) স্থান দিয়াছে, দান করে। ১১+১২+১৩।+এবং ধরাতলে যাহারা আছে, সমুদায়কে ( বিনিময়স্বরূপ দান করে, ) তৎপর তাহাকে মুক্তি দেয়। ১৪।+না না, নিশ্চয় উহা ( নরক ) শিখাবান্ অগ্নি, শিরশ্চর্ম আকর্ষণ করিয়া থাকে \*। ১৫+১৬।+যাহারা ( ধর্মপথ হইতে ) ফিরিয়া গিয়াছে ও বিমুখ হইয়াছে, এবং ( পার্থিব সম্পত্তি ) সংগ্রহ করিয়াছে, পরে ( তাহা ) বন্ধ রাখিয়াছে, উহা তাহাদিগকে ডাকিয়া লয়। ১৭+১৮। নিশ্চয় মনুষ্য ধৈর্যহীন সৃষ্ট হইয়াছে। ১৯। যখন তাহার প্রতি অকল্যাণ উপস্থিত হয়, তখন সে উৎকণ্ঠিত হইয়া থাকে। ২০। এবং যখন কল্যাণ তাহার প্রতি উপস্থিত হয়, তখন ( তাহার ) নিবারক হইয়া থাকে। ২১। উপাসকগণ, সেই যাহারা স্বীয় উপাসনাতে দৃঢ়ব্রত, এবং যাহাদের সম্পত্তির মধ্যে প্রার্থী ও দরিদ্রের নিমিত্ত স্বত্ব নির্দ্বারিত আছে, যাহারা বিচারের দিবসকে সত্য বলিয়া থাকে এবং সেই যাহারা আপন প্রতিপালকের শাস্তি হইতে ভীত, তাহারা ব্যতীত। ২২+২৩+২৪+২৫+২৬। নিশ্চয় তাহাদের প্রতিপালকের শাস্তি অনিবার্য। ২৭। এবং সেই যাহারা আপন ভাৰ্য্যাদিগের সম্বন্ধে, কিংবা তাহাদের দক্ষিণ হস্ত যাহাদিগকে অধিকার করিয়াছে, সেই ( দাসীদিগের সম্বন্ধে ) ব্যতীত আপন জননেদ্রিয়ের সংরক্ষক, ( তাহারা ব্যতীত ; ) অনন্তর নিশ্চয় তাহারা ভৎসনার যোগ্য নহে। ২৮+২৯+৩০। অনন্তর যাহারা এতদ্বিন্ন অভিলাষ করে, পরে ইহারাই তাহারা যে, সীমালঙ্ঘনকারী। ৩১। এবং সেই যাহারা স্বীয় গচ্ছিত ( সামগ্রীর ) ও স্বীয় অঙ্গীকারের সংরক্ষক। ৩২। এবং সেই যাহারা আপন সাক্ষ্যদানে প্রতিষ্ঠিত। ৩৩। এবং সেই যাহারা আপন উপাসনার প্রতি অবধান করে। ৩৪। ইহারাই স্বর্গোচ্চান সকলে সম্মানিত। ৩৫। ( র, ১, আ, ৩৫ )

অনন্তর কেন, ( হে মোহম্মদ, ) ধর্মদ্রোহিগণ তোমার সম্মুখে দলে দলে দক্ষিণ ও বাম দিক্ হইতে ধাবমান \*? ৩৬+৩৭। তাহাদের প্রত্যেক ব্যক্তি কি কামনা করে যে, সম্পদের উচ্চানে সমানীত হইবে? ৩৮। না না, নিশ্চয় আমি তাহাদিগকে যাহা দ্বারা সৃষ্টি করিয়াছি, তাহা তাহারা জানে †। ৩৯। অনন্তর আমি পূর্ক

\* অগ্নিজিহ্বা দুই শত কি এক শত বৎসরের পথ হইতে কাফেরদিগের মস্তক আকর্ষণ করিবে। চূষক যেমন লৌহ আকর্ষণ করে, নরকানলের শিখা কাফেরদিগকে তক্রপ টানিবে। ( ত, হো, )

† উক্ত আয়ত অবতীর্ণ হইলে পর অংশিবাদিগণ হজরতের চতুর্পার্শ্ব ঘেরিয়া ব্যঙ্গ করিয়া বলিতে লাগিল যে, যদি মোহম্মদের বন্ধুগণ পারলৌকিক উচ্চানের আশা করে, আমরাও তাহাদের পূর্ক হইতে আশা পোষণ করিতেছি। এতদ্ব্যপেক্ষে এই আয়ত হয়। ( ত, হো, )

‡ অর্থাৎ তাহারা শুক্রযোগে সৃষ্ট হইয়াছে, শুক্রের সঙ্গে পবিত্র আধ্যাত্মিক জগতের কোন সম্বন্ধ নাই। কলঙ্ক ও অপবিত্রতা হইতে মুক্ত না হইলে ও দেবচরিত্র লাভ না করিলে কেহ স্বর্গোচ্চানে প্রবেশ করিতে সক্ষম নহে। ( ত, হো, )

পশ্চিমের প্রতিপালকের নামে শপথ করিতেছি যে, নিশ্চয় আমি তাহাদের অপেক্ষা উৎকৃষ্ট লোক ( তাহাদের স্থানে ) পরিবর্তিত করিতে সমর্থ, এবং আমি কাতর নহি। ৪০ + ৪১। অনস্তর যে পর্য্যন্ত না তাহারা, যাহা অঙ্গীকৃত হইয়াছে, সেই আপন দিনের সঙ্গে সাক্ষাৎ করে, সে পর্য্যন্ত তাহাদিগকে নিরর্থক কার্য ও ক্রীড়ামোদ করিতে ছাড়িয়া দাও। ৪২। যে দিন তাহারা কবর হইতে বেগে নির্গত হইবে, যেন তাহারা কোন স্থাপিত লক্ষ্যের দিকে দৌড়িতেছে, ( বোধ হইবে )। ৪৩। + সেই দিন, তাহাদের চক্ষু অভিভূত হইবে, দুর্গতি তাহাদিগকে ঘেরিয়া লইবে, এই সেই দিন, যাহা তাহাদিগকে অঙ্গীকার করা হইয়াছে। ৪৪। ( র, ২, আ, ৯ )

## সূরা নূহা \*

—••—

একসপ্ততম অধ্যায়

—:~:—

২৮ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

নিশ্চয় আমি নূহাকে তাহার সম্প্রদায়ের প্রতি প্রেরণ করিয়াছিলাম, (বলিয়াছিলাম) যে, তুমি আপন দলকে তাহাদের প্রতি দুঃখকর শাস্তি উপস্থিত হইবার পূর্বে ভয়প্রদর্শন কর। ১। সে বলিয়াছিল, “হে আমার সম্প্রদায়, নিশ্চয় আমি তোমাদের নিমিত্ত স্পষ্ট ভয়প্রদর্শক; এই যে তোমরা ঈশ্বরকে অর্চনা করিও ও তাঁহাকে ভয় করিও, এবং আমার অমুগত হইও। ২ + ৩। + তিনি তোমাদের জগত তোমাদের পাপ সকল ক্ষমা করিবেন, এবং এক নির্দিষ্ট কাল পর্য্যন্ত তোমাদিগকে ( শাস্তি ও মৃত্যু হইতে ) অবকাশ দিবেন; নিশ্চয় ঈশ্বরের নির্ধারিত কাল যখন উপস্থিত হয়, যদি তোমরা জ্ঞাত থাক, তবে ( জানিবে, ) নিবারিত রাখা হয় না”। ৪। সে বলিয়াছিল, “হে আমার প্রতিপালক, নিশ্চয় আমি আপন দলকে অহর্নিশি আহ্বান করিতেছি; পরন্তু আমার আহ্বান পলায়ন করা ভিন্ন তাহাদের সম্বন্ধে ( কিছুই ) বৃদ্ধি করে নাই। ৫ + ৬। এবং নিশ্চয় আমি যখন তাহাদিগকে আহ্বান করিলাম, যেন তুমি তাহাদিগকে ক্ষমা কর, তাহারা স্বীয় অঙ্গুলি স্বীয় কর্ণে স্থাপন করিল ও স্বীয় বস্ত্র ( আপনাদের উপর ) পরিবেষ্টন করিল, এবং ( বিদ্রোহিতায় ) স্থিরতর হইল ও অহকার করিল। ৭। তৎপর নিশ্চয় আমি তাহাদিগকে উচ্চৈশ্বরে আহ্বান করিলাম। ৮। তদনস্তর আমি তাহাদিগকে প্রকাশ

\* এই সূরা মক্কাতে অবতীর্ণ হইয়াছে।

করিয়া বলিলাম, এবং তাহাদিগকে গোপনে বলিলাম। ৯।+অনন্তর বলিলাম, স্বীয় প্রতিপালকের নিকটে তোমরা ক্ষমা প্রার্থনা কর, নিশ্চয় তিনি ক্ষমাশীল হন। ১০।+ তিনি তোমাদের উপর প্রচুর বারিবর্ষণকারী আকাশ ( মেঘ ) প্রেরণ করিবেন। ১১। ধনসম্পত্তি ও সম্মানসম্ভতি সম্বন্ধে তিনি তোমাদিগকে সাহায্য দান করিবেন, এবং তোমাদের নিমিত্ত বহু উদ্যান ও তোমাদের নিমিত্ত বহু জলপ্রণালী উৎপাদন করিবেন। ১২। কি হইয়াছে যে, তোমরা গৌরবান্বিত পরমেশ্বরের প্রতি ভরসা স্থাপন করিতেছ না? ১৩। বস্তুতঃ তিনি তোমাদিগকে বিভিন্ন প্রকার সৃজন করিয়াছেন। ১৪। তোমরা কি দেখিতেছ না যে, ঈশ্বর কেমন করিয়া স্তরে স্তরে সপ্ত স্বর্গ সৃষ্টি করিয়াছেন? ১৫।+এবং সেই সকলের মধ্যে চন্দ্রমাকে প্রদীপ্ত করিয়াছেন ও দিবাকরকে দীপস্বরূপ করিয়াছেন। ১৬। পরমেশ্বর তোমাদিগকে মৃত্তিকা হইতে এক প্রকার উৎপাদনে উৎপাদিত করিয়াছেন \*। ১৭।+তৎপর তোমাদিগকে তন্মধ্যে ফিরাইয়া লইয়া যাইবেন, এবং তোমাদিগকে এক প্রকার বহিষ্করণে বহিষ্কৃত করিবেন। ১৮। এবং পরমেশ্বর তোমাদের জন্ত ধরাতলকে শয্যা করিয়াছেন, যেন তোমরা তাহার প্রসারিত পথ সকলে চলিতে থাক। ১৯+২০। ( র, ১, আ, ২০ )

মুহা বলিল, “হে আমার প্রতিপালক, নিশ্চয় তাহারা আমাকে অগ্রাহ্য করিয়াছে, এবং যাহাদের সম্পত্তি ও যাহাদের সম্মান সম্ভতি ক্ষতি ভিন্ন তাহাদের পক্ষে বৃদ্ধি করে নাই, সেই সকল লোকের অনুসরণ করিয়াছে †। ২১। এবং তাহারা মহা প্রবঞ্চনায় প্রবঞ্চনা করিয়াছে। ২২। এবং পরস্পর বলিয়াছে, তোমরা কখনও স্বীয় উপাস্তদেব-দিগকে পরিত্যাগ করিও না, ওদ ও সোওয়া, ইয়গুস এবং ইয়উক ও নসুরকে ছাড়িও না ‡। ২৩। এবং সত্যই তাহারা বহুলোককে বিপথগামী করিয়াছে; এবং বিপথগমনে ভিন্ন তুমি অত্যাচারীদিগকে, ( হে পরমেশ্বর, ) বর্ধিত করিও না”। ২৪। তাহাদের পাপের জন্ত তাহাদিগকে জলে ডুবান হইল, পরে অনলে প্রবেশ করান হইল, অবশেষে

\* অর্থাৎ ঈশ্বর তোমাদের আদিপুরুষ আদমের দেহরূপ বৃক্ষকে মৃত্তিকা হইতে উৎপাদিত করিয়াছেন। ( ত, হো, )

† মুহুর উপদেশ শ্রবণ করিয়া সাধারণ লোকেরা স্থিরভাবে চিন্তা করিতে লাগিল, কিন্তু তাহাদের দগপতিগণ তাহাদিগকে কুমন্ত্রণা দান ও প্রতারণা করিল। তাহাতে তাহারা পূর্বাপেক্ষা কুক্রিয়াশীল হইল, এবং তাহাদের হিংসা ও অবাধ্যতা বৃদ্ধি পাইল।

‡ ওদ তদানীন্তন কালের পুরুষাকৃতি প্রতিমা বিশেষ; সোওয়া নারীর আকৃতি প্রতিমা; ইয়গুস এক প্রকার প্রতিমা যে শার্দূলবৎ তাহার আকার; ইয়উক অশ্বাকৃতি প্রতিমা; নসুর প্রতিমূর্ত্তি বিশেষ, তাহার আকার গৃধ্রসদৃশ। মুহীর সম্প্রদায়ের লোকেরা এই সকল প্রতিমাকে পূজা করিত। পুনশ্চ কথিত আছে, উক্ত পাঁচ নামে পূর্বকালে পাঁচজন সাধুপুরুষ ছিলেন, তাহাদের মৃত্যুর পর তাহাদের প্রত্যেকের প্রতিমূর্ত্তি স্থাপন করিয়া লোকে পূজা করিত। ( ত, হো, )



আপনাদের জন্ত তাহারা পরমেশ্বরকে ব্যতীত সাহায্যকারী পাইল না। ২৫। এবং মুহা বলিল, “হে আমার প্রতিপালক, ধরাতলে ধম্মদ্রোহীদিগের কোন আলয় পরিত্যাগ করিও না\*। ২৬। নিশ্চয় যদি তুমি তাহাদিগকে ছাড়িয়া দেও, তবে তাহারা তোমার দাসদিগকে বিপথগামী করিবে, এবং দুরাচার কাফের ভিন্ন জন্ম দান করিবে না। ২৭। হে আমার প্রতিপালক, আমাকে ও আমার পিতামাতাকে এবং যে ব্যক্তি আমার আলায়ে বিশ্বাসী হইয়া প্রবেশ করিয়াছে, তাহাকে ও (সমুদায়) বিশ্বাসী ও বিশ্বাসিনীদিগকে ক্ষমা কর; এবং অত্যাচারীকে সংহার ভিন্ন বন্ধিত করিও না”। ২৮।  
( র, ২, আ, ৮ )

## সূরা জেন্ন †

—\* : \*—

### দ্বাসপুত্রিতম অধ্যায়

—\* : \*—

২৮ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

তুমি বল, ( হে মোহম্মদ, ) আমার প্রতি যে প্রত্যাশা করা হইয়াছে, দৈত্যদিগের এক দল তাহা শ্রবণ করিয়াছে; পরে তাহারা বলিয়াছে যে, নিশ্চয় আমরা আশ্চর্য্য কোর্-আন্ শুনিয়াছি ‡। ১।+ উহা সরল পথের দিকে পথ প্রদর্শন করিয়া থাকে, অনন্তর আমরা তৎপ্রতি বিশ্বাস স্থাপন করিয়াছি, এবং স্বীয় প্রতিপালকের সঙ্গে আমরা কখনও কাহাকে অংশী করিব না। ২।+ এবং এই যে আমাদের প্রতিপালকের মহোচ্চতর মহিমা, তিনি কোন ভাষণ ও কোন সম্মান গ্রহণ করেন নাই। ৩।+ এবং এই যে আমাদের নিকোঁধ লোকেরা ঈশ্বরসম্বন্ধে অতিরিক্ত বলিতেছিল। ৪।+ এবং এই যে আমরা মনে করিতেছিলাম যে, মনুষ্য ও দৈত্য ঈশ্বরের সম্বন্ধে কখনও অসত্য বলে না। ৫।+ এবং এই যে মানবমণ্ডলীর কয়েক ব্যক্তি দানবকুলের কয়েক জনের আশ্রয়

\* “কোন আলয় পরিত্যাগ করিও না” অর্থাৎ কাহাকেও জীবিত রাখিও না। ( ত, হো, )

† এই সূরা মক্কাতে অবতীর্ণ হইয়াছে।

‡ ইতিপূর্বে সূরা আহকাকে উক্ত হইয়াছে যে, এক দল দৈত্য হজরতের নিকটে যাইয়া কোর্-আন্ শ্রবণপূর্বক বিশ্বাসী হইয়াছিল। কেহ বলে, তাহারা নয় জন ছিল, কেহ বলে, সাত জন ছিল। তাহারা দৈত্যপরিবারের মধ্যে প্রধান এবং শরতানের সাধারণ সৈন্তদলের অধিনায়ক ছিল। তাহারা বিশ্বাসী হইয়া স্বজাতির নিকটে যাইয়া নানা কথা বলিতেছিল। ঈশ্বর তাহার সংবাদ দিতেছেন।

( ত, হো, )

লইতেছিল, পরে তাহাদের সম্বন্ধে উহা অবাধ্যতা বৃদ্ধি করিয়াছে \* । ৬ ।+ এবং এই যে তাহারা মনে করিয়াছে, যেমন তোমরা মনে করিয়াছ যে, ঈশ্বর কখনও কাহাকে প্রেরণ করিবেন না । ৭ । এবং এই যে আমরা আকাশকে ধরিলাম, পরে তাহাকে দৃঢ় প্রহরী ও দীপ্ত তারকাবলী দ্বারা পূর্ণ পাইলাম † । ৮ । এবং এই যে আমরা ( ঈশ্বরবাণী ) শ্রবণের জন্ত তাহার স্থানে স্থানে বসিতেছিলাম ; পরে যে ব্যক্তি শ্রবণ করে, এক্ষণ সে আপনার জন্ত লক্ষীকৃত দীপ্ত তারা ( উদ্ধাপিণ্ড ) প্রাপ্ত হয় । ৯ ।+ এবং এই যে আমরা বুঝিতেছি না, যাহারা পৃথিবীতে আছে, অমঙ্গল তাহাদিগকে পাইতে ইচ্ছা করিয়াছে, না, তাহাদের প্রতিপালক তাহাদের প্রতি শুভ ইচ্ছা করিয়াছেন ‡ ? ১০ ।+ এবং আমাদের মধ্যে কতিপয় সাধু আছে ও আমাদের মধ্যে কতিপয় এতদ্বিগ্ন ; আমরা বিভিন্ন সম্প্রদায় হই । ১১ ।+ এবং এই যে, আমরা বুঝিয়াছি যে, পৃথিবীতে কখনও ঈশ্বরকে পরাভূত করিতে পারিব না, এবং পলায়ন দ্বারা তাঁহাকে কখনও পরাভূত করিব না । ১২ ।+ এবং এই যে আমরা যখন উপদেশ শ্রবণ করিলাম, তখন তৎপ্রতি বিশ্বাসী হইলাম ; অনন্তর যে ব্যক্তি আপন প্রতিপালকের প্রতি বিশ্বাস স্থাপন করে, পরে সে কোন ক্ষতি ও কোন অত্যাচারকে ভয় করে না । ১৩ ।+ এবং এই যে আমাদের মধ্যে কতক মোসলমান ও আমাদের মধ্যে কতক অত্যাচারী ; অনন্তর যে সকল ব্যক্তি মোসলমান হইয়াছে, পরে ইহারাই সরল পথের চেষ্টা করিয়াছে । ১৪ । কিন্তু অত্যাচারিগণ, পরে তাহারা নরকের জন্ত ইচ্ছন হয় । ১৫ ।+ এবং ( বল, হে মোহম্মদ, আমার প্রতি প্রত্যাশ করা হইয়াছে যে, মনুষ্য ) যদি পথে দণ্ডায়মান হয়, তবে আমি তাহাকে প্রচুর জল পান করাইয়া থাকি § । ১৬ ।+ তাহাতে আমি তাহাদিগকে তদ্বিষয়ে পরীক্ষা করি, এবং যে ব্যক্তি আপন প্রতিপালকের প্রসঙ্গ হইতে বিমুখ হয়, তিনি তাহার প্রতি কঠিন শাস্তি আনয়ন করেন । ১৭ ।+ এবং এই যে ঈশ্বরেরই জন্ত মন্দির, পরে ( তথায় ) ঈশ্বরের সম্বন্ধে তোমরা ( অজ্ঞ ) কাহাকে আহ্বান করিও না । ১৮ ।+ এবং এই যে যখন

\* যখন কোন পথিক ভয়ঙ্কর প্রান্তরে উপস্থিত হইত, তখন বলিত, “দুষ্টি লোকের অত্যাচার হইতে রক্ষা পাইবার জন্ত এই প্রান্তরের স্বামী দৈত্যের আশ্রয় গ্রহণ করিতেছি” । পথিকদিগের বিশ্বাস যে, ইহা দ্বারা তাহারা নিরাপদ হয় । এইরূপ আশ্রয়-প্রার্থনায় দৈত্যদিগের অহঙ্কার বৃদ্ধি হইয়াছিল ।

( ত, হো, )

† অর্থাৎ ঈশ্বর যে উচ্চ স্বর্গে স্বর্গীয় দূতের সম্বন্ধে কথা কহেন, দৈত্যগণ তদুপরি আরোহণ করিয়া গুণিতে না পার, এজন্ত কতিপয় দেবতা প্রহরিরূপে নিযুক্ত আছেন, এবং দৈত্যদিগকে তাড়াইবার জন্ত উদ্ধাপিণ্ড সকল নিষ্কিপ্ত হয় ।

( ত, হো, )

‡ অর্থাৎ দীপ্ততারা কি পৃথিবীর লোককে দক্ষ করিবার জন্ত সঞ্চালিত হয় ? না, ঈশ্বর এই উপায়ে আমাদের পক্ষে তাড়াইয়া মঙ্গল বিধান করিতে চাহেন ?

( ত, হো, )

§ অর্থাৎ লোকে যদি ধর্মপথে—সরলপথে স্থির থাকে, তবে তাহাকে পরমেশ্বর প্রচুর সম্পদ প্রদান করেন, ও অভয় দান করেন ।

( ত, হো, )

ঈশ্বরের দাস ( মোহম্মদ ) তাঁহাকে আহ্বান করিতে দণ্ডায়মান হয়, তখন ( দৈত্যগণ ) ভিড় করিয়া তাহার উপর পড়িতে উত্তত হইয়া থাকে । ১৯ । ( র, ১, আ, ১৯ )

তুমি বল, ( হে মোহম্মদ, ) আমি আপন প্রতিপালককে আহ্বান করিতেছি, এতদ্বিন্ন নহে ; এবং তাঁহার সঙ্গে কাহাকেও অংশী করি না । ২০ । বল, নিশ্চয় আমি তোমাদিগকে ক্লেশ দিতে ও ( তোমাদের ) কল্যাণ সাধন করিতে ক্ষমতা রাখি না । ২১ । বল, নিশ্চয় আমাকে ঈশ্বরের ( শাস্তি ) হইতে কেহ কখনও আশ্রয় দান করিবে না, এবং আমি তাঁহাকে ছাড়িয়া কোন আশ্রয় কখনও প্রাপ্ত হইব না । ২২ । + কিন্তু ঈশ্বর হইতে ( সংবাদ ) প্রচার ও তাঁহার সংবাদ আনয়ন ভিন্ন ( আমার কার্য ) নহে ; এবং যে ব্যক্তি ঈশ্বরের ও তাঁহার প্রেরিত পুরুষের অবাধ্যতাচরণ করে, নিশ্চয় তাহার জন্ত নরকাগ্নি আছে, সে তথায় নিত্যনিবাসী হইবে । ২৩ । এ পর্য্যন্ত যে, তাহাদিগকে যাহা অঙ্গীকার করা যাইতেছে, যখন তাহারা তাহা দেখিবে, তখন অবশ্য জানিবে যে, সহায় অনুসারে কে সমধিক দুর্বল এবং গণনায় অল্পতর ? ২৪ । তুমি বল, তোমাদিগকে যে ( শাস্তির ) অঙ্গীকার করা যাইতেছে, তাহা কি নিকটে, অথবা তজ্জন্ত আমার প্রতিপালক কিছু সময় নির্দ্ধারিত করিবেন, আমি তাহা জানি না \* । ২৫ । তিনি রহস্যবিৎ, অনন্তর তিনি স্বীয় রহস্যবিষয়ে প্রেরিতপুরুষদিগের যাহাকে মনোনীত করেন, তাহাকে ব্যতীত ( অস্ত ) কাহাকেও জ্ঞাপন করেন না ; পরে নিশ্চয় তিনি সেই ( প্রেরিতপুরুষের ) সম্মুখ-ভাগে ও তাহার পশ্চাৎভাগে রক্ষক প্রেরণ করেন । ২৬ + ২৭ । + তাহাতে তিনি জানেন যে, সত্যই তাহারা আপন প্রতিপালকের সংবাদাবলী পছন্দাইয়াছে, এবং যে কিছু তাহাদের নিকটে আছে, তিনি তাহা আবেষ্টন করিয়া আছেন, এবং প্রত্যেক বস্তু গণনায আধৃত্ত কবিয়াছেন † । ২৮ । ( র, ১, আ, ১ )

\* অর্থাৎ পূর্বোক্ত আয়ত শ্রবণ করিয়া কাকেরগণ জিজ্ঞাসা করিয়াছিল যে, এই শাস্তির অঙ্গীকার কখন পূর্ণ হইবে ? তাহাতে এই আয়ত অবতীর্ণ হয় । ( ত, হো, )

+ অর্থাৎ পরমেশ্বর প্রেরিত পুরুষকে রহস্য জ্ঞাপন করিয়া থাকেন । পরে শয়তানের আক্রমণ হইতে তাঁহাকে রক্ষা করিবার জন্ত তাঁহার সঙ্গে দেবতাগণকে প্রহরী নিযুক্ত করেন ; এবং নিজে যে প্রেরিত, এ বিষয়ে ভুল না হয়, ইহাই প্রহরিনিয়োগের অন্ততর কারণ । অপর লোকদিগের জ্ঞানে ভুল হইতে পাবে, প্রেরিতপুরুষের জ্ঞান সন্দেহশূন্য । ( ত, ফা, )

# সূরা মোজ্জমেলো \*

-:~:-

## ত্রিসপ্ততম অধ্যায়

—:~:—

২০ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে কঞ্চলাবৃত পুরুষ, ১। ১।+ অল্পক্ষণ ব্যতীত রাত্রিতে দণ্ডায়মান থাক। ২।+ তাহার ( রাত্রির ) অর্ধভাগ বা তাহার অল্প ন্যূনাংশ ( নমাজে দণ্ডায়মান থাক )। ৩। অথবা তাহার উপর অধিক কর, এবং ধীর পাঠে কোর্-আন্ পাঠ কর। ৪। নিশ্চয় আমি এক্ষণ তোমার প্রতি গুরুতর বাক্য অবতারণ করিব ঃ। ৫। নিশ্চয় রজনীতে নমাজের জগ্ন সমুখান, ইহা সুখভঙ্গবশতঃ এবং ঠিক বাক্য উচ্চারণপ্রযুক্ত গুরুতর §। ৬। নিশ্চয় দিবাভাগে তোমার কার্য্যভিনিবেশ-বাহুল্য। ৭। এবং স্বীয় প্রতিপালকের নাম স্মরণ কর ও ( সংসার হইতে ) বিচ্ছিন্নরূপে তাঁহার দিকে বিচ্ছিন্ন হইয়া পড়। ৮। তিনি পূর্ব ও পশ্চিমের প্রতিপালক, তিনি ব্যতীত উপাস্ত্র নাই; অতএব তাঁহাকে

\* এই সূরা মক্কাতে অবতীর্ণ হইয়াছে।

+ প্রেরিতঙ্গলাভের পূর্বে হজরত যখন নমাজ পড়িতেন, তখন এক কঞ্চল দ্বারা আপনাকে আচ্ছাদিত করিতেন। তাঁহার সহধর্মিণী খদিজা দেবী বলিয়াছেন যে, উহা দৈর্ঘ্যে চতুর্দশ হস্ত এক উত্তরীয় বস্ত্ররূপ ছিল, তাহার অর্ধাংশ আমার মস্তকোপরি থাকিত, অপরাধ দ্বারা আপনাকে আবৃত করিয়া তিনি নমাজ পড়িতেন। পরমেশ্বর সেই বস্ত্রাবৃত মহাপুরুষকে সম্বোধন করিয়া বলিতেছেন। ( ত, হো, )

‡ অর্থাৎ ইতিপূর্বে আমি সহজ কথা সকল বলিয়াছি। এক্ষণ নিবেদনবিধি, বৈধাবৈধ ও দণ্ড পুরস্কারের আজ্ঞা প্রদান করিব, যাহা কাকেরদিগের পক্ষে হৃদয়ঙ্গম করা ও প্রতিপালন করা কঠিন হইবে। “তোমার প্রতি গুরুতর বাক্য অবতারণ করিব,” অর্থাৎ গুরুতর প্রত্যাদেশ অবতারণ করিব। প্রত্যাদেশ হজরত কর্তৃক ঘণ্টাধ্বনির জ্বয় শ্রুত হইত। স্বাভাবিক ধ্বনি ও বচন ও বর্ণাবলীর জ্বয় অনুভূত হইত না। আয়শা বলিয়াছেন যে, শুয়ানক শীতের সময় দেখিয়াছি, যখন হজরতের প্রতি প্রত্যাদেশ অবতীর্ণ হইত, তখন তাঁহার ললাটদেশ হইতে ঘর্ষবিন্দু নির্গত হইত। তদ্রূপ প্রত্যাদেশের অবতরণের সময় যদি হজরত উষ্ট্রের উপর আরুঢ় থাকিতেন, তবে উষ্ট্রের পদ বক্র হইয়া বাইত। তদবস্থায় উরুদেশে মস্তক অবনত করিয়া তিনি শয়ন করিতেন, তাহার উরু জ্বয় হইবার আশঙ্কা হইত। ( ত, হো, )

§ রাত্রিতে নিদ্রা ও বিশ্রাম ত্যাগ করিয়া নমাজ পড়া জীবনের পক্ষে কঠিন, এবং সেই সময় অস্ত্র কোন গোলযোগ থাকে না, কোর্-আনের বচন সকল উচ্চারণে মনঃসংযোগ হয়; তদ্ব্যতীত সেই নমাজের কল অধিক, স্তত্রাঃ সেই উপাসনা গুরুতর।

কার্যসম্পাদকরূপে গ্রহণ কর। ৯। এবং তাহারা যাহা বলিয়া থাকে, তৎপ্রতি ধৈর্যধারণ কর, এবং তাহাদিগকে উত্তম বর্জনে বর্জন কর। ১০। এবং আমাকে ও ধনবান্ মিথ্যাবাদী ( কোরেশদিগকে ) ছাড়, এবং তাহাদিগকে অল্প অবকাশ দাও \*। ১১। নিশ্চয় আমার নিকটে বন্ধন সকল ও নরক আছে। ১২। +এবং কণ্ঠাবরোধক খাত্ত ও দুঃখজনক শাস্তি আছে। ১৩। সেই দিবস পৃথিবী ও গিরিশ্রেণী কম্পিত হইবে, এবং পর্বত সকল বিক্ষিপ্ত যুক্তিকান্তূপ হইয়া যাইবে। ১৪। নিশ্চয় আমি, ( হে মক্কাবাসিগণ, ) যেমন ফেরওণের প্রতি প্রেরিতপুরুষ প্রেরণ করিয়াছিলাম, তদ্রূপ তোমাদের প্রতিও প্রেরিতপুরুষ, তোমাদের প্রতি সাক্ষ্যদাতা প্রেরণ করিয়াছি। ১৫। অনন্তর ফেরওণ সেই প্রেরিতপুরুষকে অগ্রাহ্য করিয়াছিল, পরে আমি তাহাকে কঠিন আক্রমণে আক্রমণ করিয়াছিলাম। ১৬। অবশেষে যদি তোমরা কাফের হইয়া থাক, তবে যে দিবস বালকদিগকে বৃদ্ধ করিবে, আকাশ যাহাতে বিদীর্ণ হইবে, কেমন করিয়া সেই দিবস তোমরা রক্ষা পাইবে? তাহার অঙ্গীকার কার্যে পরিণত হয় ন। ১৭ + ১৮। নিশ্চয় ইহাই উপদেশ, অনন্তর যে ব্যক্তি ইচ্ছা করে, সে স্বীয় প্রতিপালকের দিকে পথ অবলম্বন করিবে। ১৯। ( র, ১, আ, ১৯ )

নিশ্চয়, ( হে মোহম্মদ, ) তোমার প্রতিপালক জ্ঞাত হইতেছেন যে, তুমি ও তোমার একদল সহচর রজনীর প্রায় দুই তৃতীয়াংশ ও তাহার অর্ধাংশ এবং তাহার এক তৃতীয়াংশ ( নমাজ্জে ) দণ্ডায়মান থাক; ঈশ্বর দিবারাত্রি পরিমাণ করিয়া থাকেন, তিনি জানিয়াছেন যে, তোমরা কখন তাহা ধারণ করিতে পার না, অতএব ( অনুগ্রহপূর্বক ) তিনি তোমাদের প্রতি ক্ষিরিলেন। অনন্তর কোর্-আনের যাহা সহজ, তাহা হইতে তোমরা পাঠ কর; তিনি জ্ঞাত হইয়াছেন যে, অচিরে তোমাদের কেহ কেহ পীড়িত হইবে, অপর লোক ঈশ্বরের অনুগ্রহে ( উপজীবিকা ) অনুসন্ধান করত পৃথিবীতে পর্যটন করিবে, এবং অল্প লোক ঈশ্বরোদ্দেশ্যে সংগ্রাম করিতে থাকিবে। অতএব তাহার যাহা সহজ, তাহা পাঠ কর, এবং নমাজ্জকে প্রতিষ্ঠিত রাখ, এবং জকাত দান কর, ও ঈশ্বরকে উৎকৃষ্ট ঋণ ঋণ দান কর; এবং তোমরা আপনাদের জীবনের জন্ত যে কিছু কল্যাণ পূর্বে প্রেরণ করিবে, তাহা ঈশ্বরের নিকটে প্রাপ্ত হইবে, তিনি কল্যাণবিধানে ও পুরস্কারদানে শ্রেষ্ঠ। এবং তোমরা ঈশ্বরের নিকটে ক্ষমা প্রার্থনা কর, নিশ্চয় পরমেশ্বর ক্ষমাশীল দয়ালু। ২০। ( র, ২, আ, ১ )

\* এই আয়ত অবতরণের কিয়ৎকাল পরেই বদরের যুদ্ধ সম্বটন ও কোরেশদলপতিগণ নিধন প্রাপ্ত হইয়াছিল। “আমাকে ও ধনবান্ মিথ্যাবাদী কোরেশদিগকে ছাড়,” অর্থাৎ কোরেশপ্রধানপুরুষদিগের কার্য আমার হস্তে অর্পণ কর। ( ত. হো, )

+ অর্থাৎ চিন্তা ও ভয়ে সেই দিবস বালকগণের কেশ লম্ব হইয়া যাইবে, তাহাদের জীবনে বৃদ্ধদের লক্ষণ প্রকাশ পাইবে ও সেই দিবস আকাশ বিদীর্ণ হইবে। ( ত. হো, )



# সূরা মোদস্‌সের \*

—:~:—

## চতুঃসপ্ততম অধ্যায়

—:~:—

৫৬ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

হে বস্ত্রাবৃত পুরুষ, ১ । + দণ্ডায়মান হও, পরে ভয় প্রদর্শন কর । ২ । + এবং আপন প্রতিপালককে পরে গৌরবান্বিত কর । ৩ । + এবং স্বীয় বস্ত্রপুঞ্জকে পরে শুদ্ধ কর ৴ । ৪ । + এবং অশুদ্ধতাকে পরে দূর কর । ৫ । + এবং অধিক অভিলাষ করত উপকার করিবে না । ৬ । + এবং স্বীয় প্রতিপালকের ( আজ্জার ) জন্ত পরে ধৈর্য ধারণ কর । ৭ । অনন্তর যখন সুরবাণ্ডে ফুৎকার করা হইবে, তখন এই সেই দিন যে কঠিন দিন, ধর্মদ্রোহীদের সম্বন্ধে সহজ নয় । ৮ + ৯ + ১০ । আমাকে এবং যাহাকে আমি অসামান্যরূপে সৃজন করিয়াছি ও যাহাকে প্রভূত ধন ও সম্পৃস্থিত বহু সম্মান প্রদান করিয়াছি, এবং যাহার জন্ত ( সম্পদ আধিপত্যের ) শয্যা প্রসারণ করিয়াছি, তাহাকে ছাড়িয়া দাও ৱ । ১১ + ১২ + ১৩ + ১৪ । তৎপর সে অভিলাষ করিতেছে যে, আমি

\* এই সূরা মক্কাতে অবতীর্ণ হইয়াছে ।

+ হজরত বলিয়াছেন, “এক সময়ে আমি পথ দিয়া চলিতেছিলাম, অকস্মাৎ আকাশ হইতে এক ধ্বনি শ্রবণ করিলাম ; উপরে দৃষ্টি করিয়া দেখিলাম যে, যিনি হেরাগহ্নরে আমাকে দেপা দিয়াছিলেন, সেই দিব্যপুরুষ শূণ্ডমার্গে সিংহাসনে উপবিষ্ট আছেন । তাঁহার তেজঃপুঞ্জ মূর্ত্তি দেগিয়া আমার মনে ভয়ের সঞ্চার হইল, দ্রুতপদে গৃহে ফিরিয়া যাইয়া বলিলাম, বস্ত্রদ্বারা আমাকে আচ্ছাদিত কর । আমি এ বিষয়ের চিন্তায় মগ্ন ছিলাম, এমন সময়ে এইরূপ প্রত্যাদেশ হইল ।” এস্থানে বস্ত্রাবৃত, প্রেরিত্ত্ববসনে আবৃত এই অর্গণ্ড হয় । ( ত, হো, )

‡ বস্ত্রপুঞ্জ শুদ্ধ করার অর্থ, বস্ত্রকে মালিন্যমুক্ত করা অথবা আরবের প্রধান পুরুষদিগের দীর্ঘ পরিচ্ছদের বিপরীত খর্ব পরিচ্ছদ প্রস্তুত করা, ইহাই তাহাদের আচরণ-পরিত্যাগের প্রথম চিহ্ন । ধার্মিক লোকেরা পাঁচটি আধ্যাত্মিক পরিচ্ছদ ধারণ করেন, প্রেমের পরিচ্ছদ, তত্ত্বজ্ঞানের পরিচ্ছদ, একত্ববাদের পরিচ্ছদ, বিশ্বাসের পরিচ্ছদ, এসলাম ধর্মের পরিচ্ছদ । এই সকল পরিচ্ছদকে নিখল রাখার সম্বন্ধেও এই উক্তি হইতে পারে । ( ত, হো, )

§ অলিদ মনয়রা হজরত হইতে সুরাবিশেষ শ্রবণ করিয়া সৃজনবর্গের নিকটে ফিরিয়া যাইয়া বলিয়াছিল, “এক্ষণ মোহম্মদ হইতে যে বাণী শ্রবণ করিলাম, উহা মনুষ্য ও দৈত্যের বাক্য নহে । সেই কথার এমন একটি মাধুর্য ও লালিত্য এবং তেজ ও সৌন্দর্য আছে যে, অস্ত্র কোন বাক্যের তাহা নাই, এই বচনই প্রবল হইবে, পরাস্ত হইবে না ও অবনতি স্বীকার করিবে না ।” কোরেশগণ এতচ্ছবনে মনে করিল যে, অলিদ এসলাম ধর্মের বিশ্বাস স্থাপন করিয়াছে । অবশেষে আবুজহল তাহাকে নানা কথায় ভুলাইয়া আপনাদের অজ্ঞানতার পোষকতার প্রবর্ত্তিত করে । তাহাতে সে

অধিক দান করিব। ১৫। না না, নিশ্চয় সে আমার নিদর্শনাবলীসম্বন্ধে শত্রু হয়। ১৬। অচিরে আমি তাহাকে উপরে উঠাইব \*। ১৭। নিশ্চয় সে ভাবিয়াছিল ও ঠিক করিয়াছিল। ১৮।+অনন্তর বিনষ্ট হউক, সে কেমন ঠিক করিয়াছে †। ১৯।+তৎপর বিনষ্ট হউক, সে কেমন ঠিক করিয়াছে। ২০।+তাহার পর দৃষ্টি করিল। ২১ +তৎপর ( কোর্-আনের বিষয়ে ) মুখ বিরস করিল ও ললাট কুঞ্চিত করিল। ২২।+তাহার পর পিঠ ফিরাইল ও গর্ভ করিল। ২৩।+পরে বলিল, “ইহা ( ঐন্দ্রজালিক হইতে ) অনুকৃত ইন্দ্রজাল ভিন্ন নহে। ২৪। +ইহা মানবীয় বচনাবলী ভিন্ন নহে”। ২৫। অচিরে আমি তাহাকে নরকে লইয়া যাইব। ২৬। এবং কিসে তোমাকে জানাইয়াছে, ( হে মোহম্মদ, ) নরক কি হয় ? তাহা ( কাহাকেও ) অবশিষ্ট রাখে না ও ছাড়ে না। ২৭। মহুশোর প্রদাহক। ২৮। তৎপ্রতি উনবিংশতি ( অধ্যক্ষ ) ‡। ২৯। এবং আমি দেবতাদিগকে ব্যতীত নরকের স্বামী করি নাই, কাফেরদিগের পরীক্ষার জন্ত ভিন্ন তাহাদের সম্মুখ ( অল্প ) করি নাই ; তাহাতে গ্রন্থাধিকারিগণ প্রত্যয় করিবে, বিশ্বাসে বিশ্বাসিগণ বদ্ধিত হইবে, এবং যাহাদিগকে গ্রন্থ দেওয়া হইয়াছে, তাহারা ও বিশ্বাসিগণ সন্দেহ করিবে না। এবং তাহাতে যাহাদের অন্তঃকরণে রোগ আছে, তাহারা ও কাফেরগণ বলিবে, “পরমেশ্বর এই দৃষ্টান্ত দ্বারা কি ইচ্ছা করিয়াছেন ?” এইরূপ ঈশ্বর যাহাকে ইচ্ছা করেন, পথভ্রাস্ত করিয়া থাকেন ও যাহাকে ইচ্ছা করেন, পথ দেখাইয়া থাকেন ; § এবং তোমার

কোর্-আনকে কহক বলে। হজরত এই কথা শুনিয়া অত্যন্ত বিষম হন। ঈশ্বর এতদুপলক্ষেই এই সকল আয়ত প্রেরণ করেন। ( ত, হো, )

\* এক অত্যাচল অগ্নিময় পর্বত আছে, পাপীদিগকে উক্ত পর্বতের চূড়ায় চড়াইয়া নিম্নে নিক্ষেপ করা হইবে। অথবা নরকে এক উচ্চ ভূমি আছে, তাহার উপর কেহ উঠিতে পারে না, অলিদকে অগ্নিময় শৃঙ্খলে বদ্ধ করিয়া সম্মুখের দিকে টানিয়া লইয়া যাওয়া হইবে, পশ্চাত্তানে যমদূতগণ অগ্নিময় মৃদগারের প্রহার করিবে। অলিদের জন্ত এই মহাশাস্তি নির্ধারিত। ( ত, হো, )

+ অলিদ কোর্-আনের প্রশংসা করিলে কোরেশগণ তাহাকে তিরস্কার করে। সে বলে, “মোহম্মদকে তোমরা ক্ষিপ্ত বলিয়া থাক, অথচ তোমরা নিশ্চয় জান, তাহার পূর্ণ জ্ঞান আছে, সে দৈত্যাশ্রিত নহে। মনে করিতেছ যে, সে একজন ভবিষ্যদ্বক্তা, কিন্তু সে জ্যোতির্বিদ ভবিষ্যদ্বক্তার স্থায় কথা কহে না। অপিচ মিথ্যাবাদী বলিয়া থাক, কিন্তু সে কখনও অসত্যবাদিতাদোষে দোষী হয় নাই। তোমরা তাহাকে কবি বলিয়া অনুমান কর, কিন্তু তাহার কথা কাব্য নহে।” ইহা শুনিয়া সকলে বলিল, “তুমিই ভাবিয়া দেখ যে, তাহাকে কি বলা যাইবে।” অলিদ মনে মনে চিন্তা করিয়া বলিল, “সে ঐন্দ্রজালিক।” তাহাতেই এই আয়ত অবতীর্ণ হয়। ( ত, হো, )

‡ ইহুদিগণ নরকের অধ্যক্ষের সংখ্যা বিষয়ে প্রশ্ন করিয়াছিল, তাহাতে হজরত একবার দুই হস্তের সমুদায় অঙ্গুলি আর একবার নয়টি অঙ্গুলি প্রদর্শন করেন। এই ইঙ্গিতে ১৯ সম্মুখ হয়। তাহাতে ইহুদিগণ বলে, ইহা সত্য, আমাদের ধর্মগ্রন্থ তওরাতেও এরূপ লিখিত আছে।

§ এই আয়ত শ্রবণ করিয়া আবুজহল কোরেশবহুদিগকে ডাকিয়া বলিল, “শুন, উনিশ জনের

প্রতিপালকের সৈন্তকে ( সাহায্যের জন্য প্রেরিত দেবসৈন্তকে ) তিনি ভিন্ন জানেন না, এবং ইহা লোকের জন্য উপদেশ ভিন্ন নহে । ৩০ । ( র, ১, আ, ৩০ )

না না, চন্ডের শপথ । ৩১ । এবং রজনীর শপথ, যখন পিঠ ফিরায় । ৩২ । এবং উষাকালের শপথ, যখন প্রকাশ পায় । ৩৩ । নিশ্চয় উহা ( নরক ) এক মহা সামগ্রী । ৩৪ । মনুষ্যের জন্য ভয়প্রদর্শক । ৩৫ । তোমাদের মধ্যে যে ব্যক্তি অগ্রসর হয় বা পশ্চাদ্গমন করে, তাহার জন্য ভয়প্রদর্শক । ৩৬ । দক্ষিণ দিকের লোক ব্যতীত, প্রত্যেক ব্যক্তি যাহা করিয়াছে, তজ্জন্ম ( নরকে ) বন্ধক থাকে । ৩৭+৩৮ । তাহারা স্বর্গোচ্চান সকলে থাকিবে, অপরাধীদিগের সম্বন্ধে ( অধ্যক্ষগণ ) প্রশ্ন করিবে । ৩৯+৪০ । “কিসে তোমাদিগকে নরকে আনয়ন করিল” ? ৪১ । তাহারা বলিবে, “আমরা উপাসকদিগের অন্তর্গত ছিলাম না । ৪২ ।+এবং দরিদ্রদিগকে ভোজ্য দান করিতাম না । ৪৩ ।+এবং তार्কিকদিগের সঙ্গে তর্ক করিতাম । ৪৪ ।+এবং যে পর্য্যন্ত না মৃত্যু আমাদের নিকটে উপস্থিত হইল, সে পর্য্যন্ত বিচারের দিনকে মিথ্যা বলিতেছিলাম” । ৪৫+৪৬ । অনস্তর শফায়তকারীদিগের শফায়ত তাহাদিগকে কল বিধান করিবে না । ৪৭ । পরে তাহাদের কি ছিল যে, তাহারা উপদেশের অগ্রাহকারী হইল ? ৪৮ ।+তাহারা যেন পলাতক গর্দভ, যে ব্যাঘ্র হইতে পলায়ন করিয়াছে । ৪৯+৫০ । বরং তাহাদের প্রত্যেক ব্যক্তি ইচ্ছা করিতেছে যে, ( তাহাদিগকে ) প্রমুক্ত পুস্তক প্রদত্ত হয় \* । ৫১+৫২ । কখনই নয়, ( দেওয়া হইবে না, ) এবং তাহারা পরলোককে ভয় করিতেছে না । ৫৩ । ( কোর্-আন্ সম্বন্ধে বলে, ) “নিশ্চয় ইহা কখনই উপদেশ নয় । ৫৪ অনস্তর যে ব্যক্তি ইচ্ছা করে, তাহা আবৃত্তি করুক” । ৫৫ । এবং ঈশ্বর ইচ্ছা করেন ব্যতীত তাহারা আবৃত্তি করে না, তিনি ক্রমাশীল ও ভয়াহঁ । ৫৬ । ( র, ২, আ, ২৬ )

অধিক লোক মোহনদের সহায় ও বন্ধু নাই, এবং নরকে প্রহরী নাই ; তোমাদের এক জন কি তাহাদের দশ জনকে দূর করিতে পারিবে না ?” তাহাতে আবুজলু আসদ বলিল যে, “আমি সত্তর জনকে পরাস্ত করিব, অবশিষ্ট দুই জনের জন্য তোমরা আছ ।” ( ত, হো, )

\* অংশিবাঙ্গিগণ বলিত, হে মোহনদ, আমাদের জন্য এমন পুস্তক স্বর্গ হইতে আনয়ন কর, বাহাতে মিথ্যা থাকিবে, “ঈশ্বর হইতে অমূকের জন্য ইহা আগত, সে যেন ইহার অনুসরণ করে ।”

## সূরা কেয়ামত ❁

.....

### পঞ্চসপ্ততম অধ্যায়

.....

#### ৪০ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

নিশ্চয় আমি কেয়ামতের দিনসম্বন্ধে শপথ করিতেছি । ১ । + এবং নিশ্চয় ( পাপের জগৎ ) ভৎসনাকারী প্রাণসম্বন্ধে আমি শপথ করিতেছি । ২ । মনুষ্য কি মনে করিতেছে যে, আমি কখনও তাহার অস্থি সংগ্রহ করিব না ? ৩ । বরং আমি তাহার অঙ্গুলির শিরোভাগ ঠিক করিতে সক্ষম । ৪ । বরং মনুষ্য ইচ্ছা করে যে, আপন সম্মুখস্থিত ( কেয়ামতের ) সম্বন্ধে অপরাধ করে । ৫ । প্রশ্ন করে যে, “কখন কেয়ামতের দিন হইবে” ? ৬ । অনন্তর যখন দৃষ্টি নিস্তেজ হইবে । ৭ । + এবং চন্দ্রমা তমসাবৃত হইবে । ৮ । + রবি শশী সম্মিলিত হইয়া পড়িবে । ৯ । + সেই দিন মনুষ্য বলিবে, “পলায়নের স্থান কোথায়” ? ১০ । না না, কোন আশ্রয় নাই । ১১ । তোমার প্রতিপালকের নিকটে, ( হে মোহম্মদ, ) সেই দিন বিশ্রাম-স্থান । ১২ । সেই দিন মনুষ্যকে, সে যাহা অগ্রে প্রেরণ করিয়াছে ও পশ্চাতে রাখিয়াছে, তাহা জ্ঞাপন করা হইবে । ১৩ । বরং মনুষ্য আপন জীবনসম্বন্ধে প্রমাণ । ১৪ । এবং সে যদিচ স্বীয় আপত্তি সকল উপস্থিত করে, (তথাপি তাহা যে মিথ্যা আপত্তি, বুঝিতে পারিবে) । ১৫ । তৎসঙ্গে (কোরু-আনের সঙ্গে ) আপন জিহ্বাকে, ( তুমি, হে মোহম্মদ, ) তাহা শীঘ্র আয়ত্ত করিতে পরিচালিত করিও না । ১৬ । নিশ্চয় আমার প্রতি তাহা ( তোমার হৃদয়ে ) সংগ্রহ করার ও তাহা পাঠের ( ভার ) । ১৭ । অনন্তর যখন তাহা ( স্বর্গীয় দূত ) পাঠ করে, তখন তুমি ( অন্তরে ) তাহার পাঠের অনুসরণ করিও । ১৮ । তৎপর নিশ্চয় আমার প্রতি তাহার ব্যাখ্যার ( ভার ) । ১৯ । না না, বরং, ( হে কাফেরগণ, ) তোমরা আশুকে

\* এই সূরা মক্কাতে অবতীর্ণ হইয়াছে ।

+ “যাহা অগ্রে প্রেরণ করিয়াছে,” অর্থাৎ ঈশ্বরের বিরুদ্ধে যে সকল কার্য্য করিয়াছে । “যাহা পশ্চাতে রাখিয়াছে” যে ধন সম্পত্তি পৃথিবীতে ফেলিয়া রাখিয়াছে, ইহা তাহার বিদিত হইবে, এবং তজ্জগৎ আক্ষেপ করিবে । অতএব অনুতাপান্তে পাপ সংহার করা আবশ্যিক । দান বিতরণ দ্বারা ধন সম্পত্তি অগ্রে প্রেরণ করা প্রয়োজন, তাহা হইলে তাহা স্থায়ী হইবে । ( ত, হো, )

‡ যখন ছেত্রিল কোরু-আনু অধ্যয়ন করিতেন, তাহার পাঠের সঙ্গে সঙ্গে হজরতও পড়িতেন । কোন কথা তিনি স্পষ্ট বুঝিতে না পারিয়া পড়িতে অক্ষম হইলে ব্যস্ত হইয়া পড়িতেন । তাহাতে পরমেশ্বর বলেন যে, সেই সময় পড়িবার প্রয়োজন নাই, শ্রবণ করা ও মনে ধারণ করা আবশ্যিক । ( ত, কা, )

( সংসারকে ) ভালবাস । ২০ । + এবং চরমকে ( পরলোককে ) পরিত্যাগ কর । ২১ ।  
সেই দিন কতক মুখ প্রফুল্ল হইয়া উঠিবে । ২২ । + আপন প্রতিপালকের দিকে অবলোকন-  
কারী হইবে । ২৩ । এবং সেই দিন কতক মুখ আকুঞ্চিতলাট হইয়া পড়িবে ।  
২৪ । + তুমি মনে করিতেছ যে, তাহাদের প্রতি কোন বিপদ আনয়ন করা হইবে ।  
২৫ । না না, যখন ( সংসারের বিচ্ছেদে কাতর ) প্রাণ কণ্ঠে পঁছছিবে । ২৬ । + এবং  
বলা হইবে, “মন্ত্রবিৎ কে আছে” \* ২৭ । + এবং ( মুমূর্ষু ) মনে করিবে যে, এই  
বিচ্ছেদ হয় । ২৮ । + চরণ চরণের সঙ্গে জড়াইয়া যাইবে । ২৯ । + সেই দিন তোমার  
প্রতিপালকের দিকেই প্রস্থান । ৩০ । ( র, ১, আ, ৩০ )

পরে সে ( কোর্-আন্ ) প্রত্যয় করিল না ও উপাসনা করিল না † । ৩১ । + কিন্তু  
অসত্যারোপ করিল, এবং ফিরিয়া গেল । ৩২ । + তৎপর বিলাসগতিতে আপন পরিজনদের  
নিকটে গেল । ৩৩ । তোমার প্রতি আক্ষেপ, অবশেষে আক্ষেপ । ৩৪ । + তৎপর তোমার  
প্রতি আক্ষেপ, অবশেষে আক্ষেপ ‡ । ৩৫ । মনুষ্য কি মনে করে যে, নিরর্থক ছাড়িয়া  
দেওয়া যাইবে ? ৩৬ । সে কি এক বিন্দু স্তত্র নয়, যাহা গর্ভে নিষ্কিপ্ত হইয়া থাকে ?  
৩৭ । তৎপর ঘনীভূত রক্ত হইয়াছে, পরে তিনি (হস্তপদাদি) সৃষ্টি করিয়াছেন, অবশেষে  
সুগঠিত করিয়াছেন । ৩৮ । + পরে তাহা হইতে দ্বিবিধ নরনারী সৃষ্টি করিয়াছেন । ৩৯ ।  
ইনি মৃতকে সঞ্জীবিত করার বিষয়ে কি স্কন্ধ নহেন ? ৪০ । ( র, ২, আ, ১০ )

## সূরা দহর \$

.....

### ষট্ সপ্ততম অধ্যায়

.....

#### ৩১ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

কালের মধ্যে কি এমন কোন এক কাল মনুষ্যের প্রতি উপস্থিত হইয়াছিল যে,

\* অর্থাৎ সেই ব্যক্তি উপস্থিত স্বর্গীয় দূতকে বলিবে যে, মন্ত্রাদি-প্রয়োগে আরোগ্য দান করিতে  
পারে, এমন লোক কে আছে ? মৃত্যুকালে সংসারের সঙ্গে বিচ্ছেদ ও পরলোকে প্রবেশের ক্লেশ অবিখাসীর  
পক্ষে ঘটিবে । ( ত, হে, )

+ এ ব্যক্তি আবুহল । ( ত, হে, )

‡ এই আয়ত অবতীর্ণ হইলে পর হজরত দেখিলেন যে, আবুহল আনন্দে চলিয়া যাইতেছে ;  
তিনি তাহার অকল ধারণ করিয়া পুনঃ পুনঃ “তোমার প্রতি আক্ষেপ” এরূপ বলিলেন । ( ত, হে, )

§ এই সূরা মক্কাতে অবতীর্ণ হইয়াছে ।



কোন বস্তু উল্লিখিত হয় নাই \* ? ১। নিশ্চয় আমি মনুষ্যকে মিশ্রিত ( স্ত্রী-পুরুষের ) শুক্রযোগে সৃষ্টি করিয়াছি, যেন তাহাকে পরীক্ষা করি, পরে তাহাকে শ্রোতা ও দ্রষ্টা করিয়াছি। ২। নিশ্চয় আমি তাহাকে পথপ্রদর্শন করিয়াছি, সে হয় কৃতজ্ঞ অথবা কৃতঘ্ন হইতেছে। ৩। নিশ্চয় আমি ধর্মদ্রোহীদের জন্ম গলবন্ধন ও শৃঙ্খলপুঞ্জ এবং প্রজ্বলিত বহি প্রস্তুত রাখিয়াছি। ৪। নিশ্চয় সাধুলোকেরা ( পরলোকে ) সেই পান-পাত্র হইতে পান করিবে, যাহা কর্পূর প্রস্রবণের মিশ্রণ হয় ; ঈশ্বরের ভৃত্যগণ তাহা হইতে পান করিবে, তাহারা ( সেই প্রস্রবণকে ) সঞ্চালনে (ইতস্ততঃ) সঞ্চালিত করিবে। ৫+৬। তাহারা সঙ্কল্প পূর্ণ করে ও যাহার অকল্যাণ পরিব্যাপক হয়, সেই দিবসকে ভয় করিয়া থাকে ৭। এবং তাহারা দরিদ্রকে ও অনাথকে এবং বন্দীকে ভোজ্য উহার স্বীয় প্রয়োজনসঙ্গে ভোজন করাইয়া থাকে। ৮। ( বলে, ) “ঈশ্বরের আননোদ্দেশ্যে আমরা তোমাদিগকে আহার করাইতেছি, এতদ্ভিন্ন নহে ; তোমাদিগ হইতে কোন বিনিময় ও কৃতজ্ঞতা ইচ্ছা করি না। ৯। নিশ্চয় আমরা সেই দুর্নহ বিরস দিনে স্বীয় প্রতিপালক হইতে ভীত আছি”। ১০। অনন্তর পরমেশ্বর এই দিনের কাঠিগ হইতে তাহাদিগকে রক্ষা করিলেন ও তাহাদের প্রতি আনন্দ ও স্মৃতি সংযোজিত করিলেন। ১১। এবং তাহারা যে ধৈর্যধারণ করিয়াছে, তজ্জগৎ স্বর্গোচ্চান ও কোষেয় বস্তু তাহাদের বিনিময় হইবে। ১২। তথায় তাহারা সিংহাসন সকলের উপর উপধানে পৃষ্ঠ স্থাপন করিয়া থাকিবে, তথায় আতপ ও কঠিন শীত দেখিবে না। ১৩। এবং (সেই উপবনের)

\* এস্থলে জিজ্ঞাসামূচক শব্দ নিশ্চার্থক। অর্থাৎ নিশ্চয় তাহাদের মধ্যে এক কাল উপস্থিত হইয়াছিল যে, সেই সময়ে কোন বস্তু উল্লিখিত হয় নাই। চল্লিশ বৎসর মক্কা ও তায়েফের মধ্যে লোকে শুক্র ও জলানিল মৃদগি এই চতুর্ভূত, যাহা দ্বারা দেহ সঞ্চারিত হয়, বৃদ্ধিত না, এবং জানিত না যে, তাহার নাম কি ও তদ্বারা সৃষ্টি-প্রক্রিয়ার কৌশলে কি উপকার হইয়া থাকে। (ত, হো,)

+ একদা হজরত আপন প্রিয় জামাতা আলির গৃহে উপস্থিত হইয়া দৌহিত্র হাসন ও হোসয়নকে পীড়িত দেখেন। তিনি প্রিয়তমা কাত্মা ফাতেমাকে বলিলেন যে, “তোমরা কোন সঙ্কল্প কর, তাহাতে তোমার পুত্রদ্বয় আরোগ্য লাভ করিবে।” তাহারা সঙ্কল্প করিলেন যে, তিন দিবস রোজা পালন করিবেন। ঈশ্বরকৃপায় হাসন ও হোসয়ন রোগমুক্ত হইলেন। তাহারা রোজা পালন করিলেন, প্রথম দিবস যখন আলি ও ফাতেমা ব্রতান্তে নিশামুখে কয়েক খানা রুটি প্রস্তুত করিয়া ভক্ষণে প্রবৃত্ত হইয়াছেন, তখন এক দরিদ্র আসিয়া খাটুপ্রার্থী হয়। রুটিকা অধিক ছিল না, আলি নিজের অংশ সেই দুঃখীকে দান করিলেন, ফাতেমা প্রভৃতি সকলেই নিজ নিজ অংশ তাহাকে দিলেন। তাহারা শুক্র জল পান করিয়া সেই রাত্রি যাপন করিলেন। দ্বিতীয় দিবস রাত্রিতে যখন তাহারা ব্রতান্ত পারণা করিতে প্রবৃত্ত হন, তখন এক অনাথ আসিয়া খাটু প্রার্থনা করে। তাহারা সমুদায় অন্ন তাহাকে প্রদান করেন। তৃতীয় রজনীতে পারণার সময় এক বন্দী আসিয়া ভোজ্য প্রার্থনা করে, তাহাকে তাহারা সেই দিনের আহাৰ্য্য প্রদান করেন। এতদুপলক্ষে ঈশ্বর আয়ত প্রেরণ করেন। (ত, হো,)

ছায়া তাহাদের সম্বন্ধে সন্নিহিত ও তাহার ফলপুঞ্জ বাধ্যতায় বাধ্য থাকিবে। ১৪। এবং তাহাদের প্রতি রৌপ্যময় তৈজসপাত্র ও যে সকল সোরাহি কাচবৎ হয়, পরিবেশিত হইবে। ১৫। রজতের কাচ, ( পানপাত্রদাতৃগণ ) তাহা পরিমাণে পরিমিত করিয়াছে। ১৬। এবং তথায় পানপাত্র পান করান হইবে, তন্মধ্যে সলসাবিল নামাভিহিত গুণ্ডির প্রস্রবণের মিশ্রণ হয় \*। ১৭ + ১৮। এবং তাহাদের নিকটে বালক ( ভৃত্যগণ ) সর্বদা ঘুরিয়া বেড়াইবে, এবং যখন তোমরা তাহাদিগকে দেখিবে, তখন তাহাদিগকে বিক্ষিপ্ত মুক্তাফল মনে করিবে। ১৯। যখন তুমি দৃষ্টি করিবে, তৎপর ঐশ্বর্য ও মহারাজত্ব দর্শন করিতে পাইবে। ২০। তাহাদের উপর হরিদ্বর্ণ সোন্দোস ও আস্তব্রক বসনাবলী ও তাহারা রজতকঙ্কণে অলঙ্কৃত হইবে, এবং তাহাদের প্রতিপালক তাহাদিগকে নির্মল সুরা পান করাইবেন †। ২১। ( বলা হইবে, ) “নিশ্চয় এই তোমাদের জন্ম বিনিময় হইল, তোমাদের যত্ন আদৃত হইল”। ২২। ( র, ১, আ, ২২ )

নিশ্চয় আমি তোমার প্রতি, (হে মোহম্মদ,) কোর্-আন্ ক্রমশঃ অবতারণ করিয়াছি। ২৩। অনন্তর স্বীয় প্রতিপালকের আজ্ঞার নিমিত্ত ধৈর্যধারণ কর, এবং তাহাদিগের অন্তর্গত পাপী বা ধর্মবিদ্রোহী লোকদিগের অন্তর্গত হইও না। ২৪। এবং প্রাতঃসঙ্ক। আপন প্রতিপালকের নাম স্মরণ কর। ২৫। পরে রজনীর কিয়দংশ তাঁহাকে নমস্কার কর ও দীর্ঘ রজনী তাঁহাকে স্তব কর। ২৬। নিশ্চয় ইহারা সংসারকে প্রেম করে, এবং আপন পশ্চাত্তানে গুরুতর দিবসকে পরিত্যাগ করিয়া থাকে। ২৭। আমি তাহাদিগকে সৃষ্টি করিয়াছি ও তাহাদের দেহগ্রন্থিকে দৃঢ় করিয়াছি, এবং যখন আমি ইচ্ছা করিব, তখন তাহাদের সদৃশ ( একদল তাহাদের স্থলে ) পরিবর্তনে পরিবর্তিত করিব। ২৮। নিশ্চয় ইহা ( কোর্-আন্ ) উপদেশ হয়; অনন্তর যে ব্যক্তি ইচ্ছা করে, সে স্বীয় প্রতিপালকের দিকে পথ অবলম্বন করুক। ২৯। এবং ঈশ্বরের ইচ্ছা ব্যতীত তোমরা ইচ্ছা করিতেছ না, নিশ্চয় ঈশ্বর জ্ঞানময় কৌশলময়। ৩০। তিনি যাহাকে ইচ্ছা করেন, স্বীয় অন্তর্গ্রহের মধ্যে আনয়ন করিয়া থাকেন, এবং অত্যাচারিগণের জন্ম ক্লেশকরী শাস্তি প্রস্তুত আছে। ৩১। ( র, ২, আ, ৯ )

\* গুণ্ডি অর্থাৎ শুষ্ক আর্দ্রকের যোগে সুরা সুরস ও অধিক আনন্দজনক হইয়া থাকে। ( ত, হো, )

† তহর শব্দের অর্থ নির্মল গ্রহণ করা গিয়াছে। তহর নামে স্বর্গীয় প্রস্রবণবিশেষও আছে, তাহার জলপানে ঈর্ষ্যাভেদ হইতে অন্তর নিম্মুক্ত হয়, অথবা পানকারীর অন্তর হইতে ঈশ্বরবিরাগ ও বিষয়াসক্তির মলিনতা চলিয়া যায়। ( ত, হো, )

## সূরা মোর্সলাত ❁

.....

### সপ্তসপ্ততম অধ্যায়

.....

#### ৫০ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

মুহুম্বুসফারিত ( বায়ুর ) শপথ । ১ । + অনস্তুর বেগে বেগবান্ ( বায়ুর শপথ ) । ২ । +  
এবং ( জলদজ্জাল ) বিকিরণে বিকিরণকারী ( বায়ুর শপথ ) । ৩ । + অবশেষে বিয়োজনে  
বিয়োজক ( বায়ুর শপথ ) ৭ । ৪ । অনস্তুর কারণ-প্রদর্শন অথবা ভয়প্রদর্শনের জন্ত  
উপদেশাবতরণকারী ( দেবগণের শপথ ) । ৫ + ৬ । + নিশ্চয় তোমরা যাহা অঙ্গীকৃত  
হইতেছ, তাহা অবশ্য সজ্ঘটনীয় । ৭ । অনস্তুর যখন তারকাপুঞ্জ নির্ঝাপিত হইবে । ৮ । +  
এবং যখন গগনমণ্ডল বিদীর্ণ হইবে । ৯ । + এবং যখন শৈলশ্রেণী উৎখাত হইবে । ১০ ।  
এবং যখন প্রেরিত পুরুষগণ ( যথাসময়ে ) সমবেত হইবে । ১১ । ( জিজ্ঞাসা করা যাইবে, )  
“কোন্ দিবসের জন্ত ( নক্ষত্রাদিকে ) নিবৃত্ত রাখা হইয়াছে” ? ১২ । ( তাহারা বলিবে, )  
“বিচারনিষ্পত্তির দিনের জন্ত” । ১৩ । এবং কিসে তোমাকে জানাইয়াছে, বিচারনিষ্পত্তির  
দিন কি ? ১৪ । সেই দিবস অসত্যারোপকারীদিগের জন্ত আক্ষেপ । ১৫ । আমি কি  
পূর্বতন লোকদিগকে বিনাশ করি নাই ? ১৬ । তৎপর পরবর্তী লোকদিগকেও তাহাদের  
অনুগামী করিব । ১৭ । আমি অপরাধীদিগের সঙ্গে এইরূপ করিয়া থাকি । ১৮ ।  
সেই দিবস অসত্যারোপকারীদিগের জন্ত আক্ষেপ । ১৯ । আমি কি তোমাдиগকে  
নিকৃষ্ট বারি ( শুক্র ) দ্বারা সৃজন করি নাই ? ২০ । অনস্তুর তাহা এক দৃঢ় স্থানে এক  
নির্দিষ্ট পরিমাণ ( সময় ) পর্যন্ত রাখিয়াছি । ২১ + ২২ । অনস্তুর পরিমাণ করিয়াছি,  
অবশেষে আমি উত্তম পরিমাণকারক । ২৩ । সেই দিবস অসত্যারোপকারীদিগের জন্ত  
আক্ষেপ । ২৪ । আমি কি জীবিত ও মৃতব্যক্তিগণের সংগ্রহকারী ধরাতলকে করি  
নাই ❁ ? ২৫ + ২৬ । + এবং তন্মধ্যে সমুন্নত গিরিশ্রেণী স্থাপন করিয়াছি, এবং তোমা-  
দিগকে সুরস বারি পান করাইয়াছি । ২৭ । সেই দিবস অসত্যারোপকারী লোকদিগের  
জন্ত আক্ষেপ । ২৮ । ( বলা হইবে, ) “যাহার প্রতি তোমরা অসত্যারোপ করিতেছিলে, সেই  
বস্তুর নিকটে যাও” । ২৯ । ত্রিশাখাবিশিষ্ট ( ধূমের ) ছায়ার দিকে যাও, তাহা ছায়াপ্রদায়ক

\* এই সূরা মক্কাতে অবতীর্ণ হইয়াছে ।

+ এই সকল বাক্য বিশেষ বিশেষ দেবতার প্রতিও প্রয়োজিত হইতে পারে । ( ত, হো, )

‡ অর্থাৎ পৃথিবী জীবিত লোকদিগকে পৃষ্ঠে ধারণ করে, মৃত ব্যক্তিদিগকে গর্ভে পোষণ করিয়া  
থাকে । ( ত, হো, )

নহে, এবং তাহা জলন্ত অগ্নি প্রশমিত করিবে না \* । ৩০ + ৩১ । নিশ্চয় তাহা অট্টালিকা-  
তুল্য ( বৃহৎ ) ফুলিঙ্গ সকল নিক্ষেপ করে । ৩২ । যেন তাহা পীতবর্ণ উদ্ভ্রংশেণী । ৩৩ ।  
সেই দিন অসত্যারোপকারীদিগের জন্ত আপেক্ষ । ৩৪ । এই এক দিন যে, তাহারা কথা  
বলিবে না । ৩৫ । এবং তাহাদিগকে অনুমতি দেওয়া যাইবে না যে, পরে আপত্তি করে ।  
৩৬ । সেই দিবস অসত্যারোপকারীদিগের জন্ত আক্ষেপ । ৩৭ । ( বলা হইবে, ) “এই  
বিচারনিষ্পত্তির দিন, আমি তোমাকে ও পূর্বতন লোকদিগকে একত্রিত করিয়াছি ।  
৩৮ । অনন্তর যদি তোমাদের প্রবঞ্চনা থাকে, তবে আমার প্রতি প্রবঞ্চনা কর” ।  
৩৯ । সেই দিবস অসত্যারোপকারীদিগের জন্ত আক্ষেপ । ৪০ । ( র, ১, আ, ৪০ )

নিশ্চয় ধর্মভীরুলোকেরা যে ছায়া ও পয়ঃপ্রণালী এবং ফলপুঞ্জ অভিলাষ করিয়া থাকে,  
তাহারা তাহার মধ্যে থাকিবে । ৪১ + ৪২ । ( বলা হইবে, ) “তোমরা যাহা ( যে সংকর্ষ )  
করিতেছিলে, তজ্জন্ত স্মৃষ্টিভোজন ও পান কর” । ৪৩ । নিশ্চয় আমি এই প্রকার হিত-  
কারিলোকদিগকে বিনিময় দান করিয়া থাকি । ৪৪ । সেই দিন অসত্যারোপকারীদিগের  
জন্ত আক্ষেপ । ৪৫ । ( বলা হইবে, ) “অল্প ভক্ষণ কর ও ফলভোগ করিতে থাক, নিশ্চয়  
তোমরা অপরাধী” । ৪৬ । সেই দিবস অসত্যারোপকারীদিগের জন্ত আক্ষেপ । ৪৭ ।  
এবং যখন তাহাদিগকে বলা যায়, “উপাসনা কর,” তাহারা উপাসনা করে না ।  
৪৮ । সেই দিবস অসত্যারোপকারীদিগের জন্ত আক্ষেপ । ৪৯ । অনন্তর এই ( কোরু-  
আনের ) পরে কোন্ কথাকে তাহারা বিশ্বাস করিতেছে ? ৫০ । ( র, ২, আ, ১০ )

## সূরা নবা †

### অষ্টসপ্ততম অধ্যায়

#### ৪০ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

তাহারা কোন্ বিষয়ে পরস্পর জিজ্ঞাসা করিতেছে ? ১ । যে বিষয়ে তাহারা বিরোধ-  
কারী, সেই মহাসংবাদের বিষয়ে । ২ + ৩ । না, না, শীঘ্র তাহারা ( তাহা ) জানিতে  
পাইবে । ৪ । তৎপর না, না, শীঘ্র জানিতে পাইবে । ৫ । আমি কি পৃথিবীকে শয্যা ও  
পূর্বতশ্রেণীকে কীলকস্বরূপ করি নাই ? ৬ + ৭ । + এবং তোমাদিগকে স্ত্রীপুরুষ সৃজন

\* নরকলোক হইতে তিনটি শাখা বহির্গত হয়, একটি জ্যোতির শাখা, তাহা বিশ্বাসীদিগের উপর  
ছায়া বিস্তার করে ; অল্প একটি ধূময়শাখা, তাহা কপটদিগের উপর ছায়া দান করে ; অপরটি জলন্ত  
হতাশনের শাখা, তাহা কাকেরদিগের উপর ছায়া প্রসারণ করিয়া থাকে ।

† এই সূরা মক্কাতে অবতীর্ণ হইয়াছে ।

করিয়াছি। ৮। + এবং নিদ্রাকে তোমাদের বিশ্রাম করিয়াছি। ৯। + এবং রজনীকে আবরণ করিয়াছি। ১০। এবং দিবাকে জীবিকা অন্বেষণের কাল করিয়াছি। ১১। এবং তোমাদের উপর দৃঢ় সপ্ত ( স্বর্গ ) নিৰ্মাণ করিয়াছি। ১২। এবং সমুজ্জল দীপ ( সূর্য ) সৃজন করিয়াছি। ১৩। এবং বারিবর্ষী বারিদজাল হইতে বারিবিन्दু বর্ষণ করিয়াছি। ১৪। তাহাতে তদ্বারা শস্যকণা ও উদ্ভিদ এবং পরিবেষ্টিত উদ্ভান সকল নিঃসারিত করি \*। ১৫+১৬। নিশ্চয় বিচারনিষ্পত্তির দিন এক নির্দ্ধারিত কাল হয়। ১৭। যে দিবস সূরবাণ্ডে ফুৎকার করা হইবে, তখন দলে দলে তোমরা ( কবর হইতে ) সমুপস্থিত হইবে। ১৮। এবং আকাশ উন্মুক্ত হইবে, পরে বহু দ্বার হইয়া যাইবে। ১৯। এবং পর্বত সকলকে চালিত করা হইবে, অনন্তর মরীচিকা (তুল্য) হইয়া যাইবে। ২০। নিশ্চয় নিরয়লোক দুর্কিনীত লোকদিগের জন্ম প্রতীক্ষাকারী প্রত্যাবর্তন-ভূমি হইবে। ২১+২২। তাহারা তথায় বহুযুগ স্থিতি করিবে। ২৩। তথায় তাহারা পীত ও উষ্ণ বারি ব্যতীত কোন শৈত্য ও পানীয় আশ্বাদন করিবে না। ২৪+২৫। +সমুচিত বিনিময় দেওয়া যাইবে। ২৬। নিশ্চয় তাহারা বিচারের আশা করিতেছিল না। ২৭।+এবং আমার নিদর্শনাবলীর প্রতি অসত্যারোপে অসত্যারোপ করিয়াছিল। ২৮। এবং আমি প্রত্যেক বিষয়কে লিপিয়োগে আয়ত্ত করিয়াছি। ২৯।+(অসত্যারোপ করিয়াছিল, ) অতএব ( বলিব, ) স্বাদ গ্রহণ কর ; অনন্তর শাস্তি ব্যতীত তোমাদিগের প্রতি ( কিছু ) বৃদ্ধি করিব না। ৩০। ( র, ১, আ, ৩০ )

নিশ্চয় ধর্ম্মভীরু লোকদিগের জন্ম মনোরথসিদ্ধি। ৩১। উদ্ভান সকল ও দ্রাক্ষাতরু সকল থাকিবে। ৩২। এবং সমবয়স্কা নবযুবতীগণ † ও পুনঃ পুনঃ পরিবেশন করিতেছে একরূপ পানপাত্র থাকিবে। ৩৩+৩৪। তথায় তাহারা নিরর্থক বাক্য ও অসত্য শ্রবণ করিবে না। ৩৫। তোমার প্রতিপালক হইতে, ( হে মোহম্মদ, ) দানের হিসাবানুসারে বিনিময় হয়। ৩৬। তিনি ভুলোক ও ছালোকের এবং যাহা কিছু উভয়ের মধ্যে আছে, তাহার প্রতিপালক ; তিনি দাতা, তাঁহার ( প্রতাপে ) তাহারা কথা কহিতে পারিবে না। ৩৭। যে দিবস দেবগণ ও আত্মা সকল শ্রেণীবদ্ধরূপে দণ্ডায়মান হইবে, তখন পরমেশ্বর যে ব্যক্তিকে অনুমতি করিবেন, সে ব্যতীত কথা কহিবে না, এবং সে ঠিক বলিবে। ৩৮। সত্যই এই দিন, অনন্তর যে ব্যক্তি ইচ্ছা করে, সে আপন প্রতিপালকের দিকে স্থান গ্রহণ করুক। ৩৯। নিশ্চয় আমি তোমাদিগকে সন্নিহিত শাস্তিবিষয়ে ভয় প্রদর্শন করিলাম, যে দিবস মনুষ্য, তাহার হস্ত যাহা পূর্বে প্রেরণ করিয়াছে, তাহা

\* “পরিবেষ্টিত উদ্ভান” অর্থাৎ বৃক্ষে বৃক্ষে জড়িত উদ্ভান।

( ত. হো. )

+ স্বর্গে নারী ষোড়শবর্ষীয়া, পুরুষ ত্রয়ত্রিংশৎ বর্ষীয় হইবে। কেহ কেহ বলেন, নরনারী সকলেই ত্রয়ত্রিংশৎ বৎসর বয়স্কা হইবে।

( ত. হো. )



দর্শন করিবে; এবং কাফেরগণ বলিবে যে, “হায়! যদি আমি মৃত্তিকা হইতাম,  
( ভাল ছিল )। ৪০। ( র, ২, আ, ১০ )

## সূরা নাজেয়াত \*

উনাশীতিতম অধ্যায়

৪৬ আয়ত, ২ রকু

( দাতা দয়ালু পরমেশ্বরের নামে প্রবৃত্ত হইতেছি । )

কঠিনরূপে ( কাফেরদিগের প্রাণ ) আকর্ষণকারী (দেবগণের) শপথ। ১। + এবং  
( বিশ্বাসীদিগের প্রাণ ) বহিষ্করণে বহিষ্কারক। ২। + এবং সন্তরণে সন্তরণকারক। ৩। +  
অনন্তর ( আজ্ঞাপালনে সর্বোপরি ) অগ্রগমনে অগ্রগামী। ৪। + অবশেষে কার্যের  
তত্ত্বাবধায়ক ( দেবগণের শপথ ) ৫। ( স্মরণ কর, ) যে দিবস স্পন্দনকারী  
( পর্বতাদি ) স্পন্দিত হইবে। ৬। অনুবর্তী তাহার অনুবর্তন করিবে ৭। সেই  
দিন বহু হৃদয় ত্রস্ত হইবে। ৮। তাহাদের দৃষ্টি ক্ষীণ হইয়া যাইবে। ৯। তাহারা  
বলিতেছে, “যখন আমরা বিকৃত অস্থিপুঞ্জ হইয়া যাইব, তখন আমরা কি পূর্কাবস্থায়  
পরিণত হইব, কি ( পুনরুত্থিত হইব )”? ১০ + ১১। তাহারা বলিল, “সেই সময়  
( বিচারস্থলে ) ফিরিয়া আসা ক্ষতিজনক”। ১২। অনন্তর উহা এক চীৎকার, এতদ্ভিন্ন  
নহে ১৩। + অবশেষে অকস্মাৎ তাহারা সাহেরাতে আসিবে ১৪। তোমার  
নিকটে কি, ( হে মোহম্মদ, ) মুসার বৃত্তান্ত উপস্থিত হয় নাই? ১৫। ( স্মরণ কর, )  
যখন তাহার প্রতিপালক তাহাকে তোয়নামক পুণ্যপ্রাস্তরে ডাকিয়া বলিয়াছিলেন। ১৬।  
“তুমি ফেরওণের নিকটে যাও, নিশ্চয় সে সীমালঙ্ঘনকারী। ১৭। অনন্তর বল, পবিত্র

\* এই সূরা মক্কাতে অবতীর্ণ হইয়াছে।

+ এক দেবতা আছেন যে, তিনি কাফেরদিগের শিরার ভিতরে প্রবেশ করিয়া তাহাদের প্রাণ  
টানিয়া বাহির করেন। এক স্বর্গীয় দূত বিশ্বাসীদিগের শরীরের বন্ধন উন্মোচন করেন, তাহাতে  
তাহাদের প্রাণ আনন্দে স্বর্গলোকের দিকে ধাবিত হয়। কিন্তু শারীরিক ক্লেশ ও রোগযন্ত্রণা অল্প  
প্রকার, এ বিষয়ে বিশ্বাসী অশ্বিনী তুল্য। এস্থলে আত্মারই প্রসঙ্গ হইয়াছে। বিশ্বাসীর আত্মাই  
আনন্দে গমন করে। একশ্রেণীর দেবতা আছেন যে, তাহারা আকাশে সন্তরণ করেন, অর্থাৎ উড্ডীয়মান  
হন। কোন আজ্ঞা হইলে তাহা পৃথিবীভাগে এক অল্প অপেক্ষা বেগে অধিকতর অগ্রসর  
হন। ঈশ্বর তাহাদের শপথ করিলেন, কখনও ইহাদের গুণ ও সৌন্দর্যাদিরও দিব্য করা হয়। (ত, ফা.)

‡ এক সুরক্ষণীর অশুসরণে আর এক সুরক্ষণী হইবে, দুই বার সুরক্ষণী হইলেই মৃত সকল  
জীবিত হইয়া কবর হইতে বাহির হইবে। (ত, হো.)

§ অর্গাৎ এশ্রাফিলের এক সুরক্ষণীতে কবরস্থ সমুদায় লোক জীবিত হইবে। (ত, হো.)

§ জেরুজেলমের অদূরে রিহানামক পর্বতের পার্শ্বে সাহেরনামক এক স্থান আছে। সেই স্থানেই  
পুনরুত্থিত লোকসকল সমবেত হইবে। কথিত আছে যে, পরমেশ্বর তখন তাহাকে চল্লিশটি পৃথিবীর তুলা  
বিস্তৃত করিবেন। (ত, হো.)

হওয়ার দিকে তোমার কি (অভিলাষ) আছে? ১৮। + এবং আমি তোমাকে তোমার প্রতিপালকের দিকে পথ প্রদর্শন করিব, পরে তুমি ভয় পাইবে”। ১৯। অনন্তর ফেরাওণকে সে মহা অলৌকিকতা প্রদর্শন করিল। ২০। পরে সে অসত্যারোপ করিল ও অবাধ্য হইল। ২১। তৎপর দৌড়িয়া পৃষ্ঠভঙ্গ দিল। ২২। অনন্তর (লোক) সংগ্রহ করিল, পরে ডাকিল। ২৩। পরিশেষে বলিল, “আমি তোমাদের মহাপ্রতিপালক”। ২৪। অবশেষে পরমেশ্বর ঐহিক ও পারলৌকিক শক্তিতে তাহাকে ধরিলেন। ২৫। নিশ্চয় যাহারা আশঙ্কা করে, তাহাদের জন্ত ইহার মধ্যে শিক্ষা আছে। ২৬। (র, ১, আ, ২৬)

সৃষ্টির মধ্যে তোমরা কি দৃঢ়তর, না স্বর্গলোক? (পরমেশ্বর) তাহাকে নির্মাণ করিয়াছেন। ২৭। তিনি তাহার ছাদ সমুন্নত করিয়াছেন, অনন্তর তাহাকে ঠিক রাখিয়াছেন। ২৮। তাহার রাত্তিকে আচ্ছাদিত করিয়াছেন, এবং তাহার উষা বাহির করিয়াছেন। ২৯। এবং ইহার পরে ভূতলকে প্রসারিত করিয়াছেন। ৩০। তাহা হইতে তাহার জল এবং তাহার তৃণক্ষেত্র বাহির করিয়াছেন। ৩১। এবং গিরিশ্রেণীকে তোমাদের ও তোমাদের গ্রাম্য পশুদিগের লাভের জন্ত দৃঢ়বদ্ধ করিয়াছেন। ৩২ + ৩৩। অনন্তর (স্বরণ কর,) যখন ঘোর বিপদ উপস্থিত হইবে। ৩৪। সে দিবস মনুষ্য (কার্যে) যাহা চেষ্টা করিয়াছে, তাহা স্বরণ করিবে। ৩৫। এবং যে দর্শন করিতেছে, তাহার জন্ত নরকলোক প্রকাশিত হইবে। ৩৬। অনন্তর কিন্তু যে ব্যক্তি সীমালঙ্ঘন করিয়াছে। ৩৭। এবং পার্থিব জীবনকে স্বীকার করিয়াছে। ৩৮। পরে নিশ্চয়ই সেই নরকলোক (তাহার) অবস্থিতি-স্থান। ৩৯। কিন্তু যে ব্যক্তি স্বীয় প্রতিপালকের নিকটে দণ্ডায়মান হইতে ভয় পাইয়াছে, এবং চিত্তকে বিলাসবাসনা হইতে নিবৃত্ত রাখিয়াছে, পরিশেষে নিশ্চয় সেই স্বর্গলোক (তাহার) অবস্থিতি-স্থান। ৪০ + ৪১। কেয়ামতের বিষয় তাহারা তোমাকে প্রশ্ন করিতেছে যে, কখন তাহার সমুপস্থিতি হইবে। ৪২। তাহার স্বরণসম্বন্ধে (জ্ঞানসম্বন্ধে) তুমি, (হে মোহম্মদ,) কিসে আছ \*? ৪৩। তোমার প্রতিপালকের প্রতিই তাহার (জ্ঞানের) সীমা। ৪৪। যাহারা তাঁহাকে ভয় করে, তুমি তাহাদের ভয়প্রদর্শক, এতদ্ভিন্ন নও। ৪৫। যে দিবস তাহারা উহা দর্শন করিবে, যেন এক সন্ধ্যা বা প্রাতঃকাল ভিন্ন তাহারা (পৃথিবীতে) বিলম্ব করে নাই (মনে করিবে)। ৪৬। (র, ২, আ, ২০)

\* আয়শা বলিয়াছিলেন যে, হজরত ইচ্ছা করিতেছিলেন, কেয়ামতপ্রকাশের সময় পরমেশ্বরকে জিজ্ঞাসা করিয়া অবগত হন। তাহাতেই ঈশ্বর বলিলেন, তুমি কেয়ামতের জ্ঞানবিষয়ে কিসে আছ, অর্থাৎ সেই জ্ঞানের অধিকারী তুমি নও। সাবধান, তাহা জিজ্ঞাসা করিও না। (ত, হো, ১)

## সূরা অবস \*

অশীতিতম অধ্যায়

৪২ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

সে মুখ বিরস করিল ও মুখ ফিরাইল । ১ । + যেহেতু তাহার নিকটে এক অন্ধ উপস্থিত হইয়াছে † । ২ । এবং কিসে তোমাকে জানাইয়াছে যে, সম্ভবতঃ সে শুদ্ধ হইবে ? ৩ । অথবা উপদেশ গ্রহণ করিতেছে ; অনস্তর উপদেশদান তাহাকে উপকৃত করিতেছে ? ৪ । কিন্তু যে ব্যক্তি নিরাকাজ্জ, অবশেষে তুমি তাহার জন্ত যত্ন করিতেছ । ৫ + ৬ । এবং সে যে শুদ্ধ হয় না, তাহাতে তোমার প্রতি অমুযোগ নাই । ৭ । এবং কিন্তু যে ব্যক্তি তোমার নিকটে দৌড়িয়া আসিয়াছে ও যে (ঈশ্বরকে) ভয় করিতেছে, অনস্তর তুমি তাহার সম্বন্ধে উপেক্ষা করিতেছ ‡ ? ৮ + ৯ + ১০ । না, না, নিশ্চয়ই ইহা ( কোর-আনের আয়ত সকল ) উপদেশ হয় । ১১ । পরে যে ব্যক্তি ইচ্ছা করে, সে সাধু মহাত্মা লেখকদিগের হস্তে ( লিখিত ) যে শুদ্ধ উন্নত সম্মানিত পুস্তিকাপুঞ্জ, তাহা আবৃত্তি করুক । ১২ + ১৩ + ১৪ + ১৫ + ১৬ । মনুষ্য বিনষ্ট হউক, কিসে তাহাকে বিদ্রোহী করিল ? ১৭ । কোন্ পদার্থ হইতে তিনি তাহাকে সৃজন করিয়াছেন ? শুরু দ্বারা তাহাকে সৃষ্টি করিয়াছেন, অনস্তর তাহাকে নিয়মিত করিয়াছেন । ১৮ + ১৯ । তৎপর ( প্রসব হওয়ার ) পথ তাহার পক্ষে সহজ করিয়াছেন । ২০ । তৎপর তাহাকে মারিলেন, অবশেষে তাহাকে কবরে স্থাপিত করিলেন । ২১ । তাহার পর যখন ইচ্ছা করিলেন, তাহাকে বাঁচাইলেন । ২২ । না, না, তিনি তাহাকে যাহা আদেশ করিয়াছেন, সে তাহা সম্পাদন করে না । ২৩ । অনস্তর মনুষ্য যেন স্বীয় অন্নের প্রতি দৃষ্টিপাত করে । ২৪ । নিশ্চয় আমি বারিবর্ষণ করিয়াছি । ২৫ । তৎপর ক্ষেত্রকে বিদারণে বিদারিত করিয়াছি । ২৬ । পরে তন্মধ্যে শস্তকণিকা ও ত্রাঙ্কা এবং সেও ও জয়তুন এবং খোশ্বাতরু এবং ঘনপাদপ-সম্মিলিত উদ্যান সকল এবং ফল ও তৃণ তোমাদের ও তোমাদের পশু সকলের লাভের জন্ত আমি উৎপাদন

\* এই সূরা মক্কাতে অবতীর্ণ হইয়াছে ।

† একদা ওম্ম মক্কতুমের পুত্র আবদোল্লা হজরতের সভায় উপস্থিত হইয়াছিলেন । তখন হজরত কোরেশজাতীয় সম্ভ্রান্ত ধনী পুরুষদিগের নিকটে এসলামধর্ম প্রচার করিতেছিলেন । উক্ত আবদোল্লা অন্ধ ছিলেন, তিনি জানিতে পারেন নাই যে, কীদৃশ লোক হজরতের নিকটে উপবিষ্ট । তিনি কোন বিষয়ের প্রশ্ন করিয়া হজরতের কথা শুধু করেন, তৎক্ষণ হজরত বিষয় হন, এবং মুখ বিরস করেন ও মুখ ফিরাইয়া লন । তাহাতে জেত্রিল এই আয়ত উপস্থিত করেন । ( ত, হো, )

‡ যখন জেত্রিল এই আয়ত সকল পাঠ করিলেন, তখন হজরতের মুখমণ্ডল বিবর্ণ হইয়া যায় । তিনি আবদোল্লার পশ্চাতে ধাবিত হন ও তাঁহাকে ধরিয়া মন্দিরে লইয়া যান, বসিবার জন্ত আপন চাদর আসন করিয়া দেন ও তাঁহার অন্তরকে প্রফুল্ল করেন । তৎপর যখন তাঁহাকে দেখিতেন, সম্মান করিতেন । তিনি চুইবার যুদ্ধযাত্রার সময় তাঁহাকে মদিনার খলিফার পদে নিযুক্ত করিয়াছিলেন । ( ত, হো, )

করিয়াছি। ২৭ + ২৮ + ২৯ + ৩০ + ৩১ + ৩২। পরিশেষে যখন ঘোর নিনাদ হইবে। ৩৩। সেই দিবস লোক স্বীয় মাতা হইতে এবং স্বীয় পিতা হইতে ও ভ্রাতা হইতে এবং স্বীয় ভাৰ্ঘ্যা হইতে ও স্বীয় পুত্র হইতে পলায়ন করিবে। ৩৪ + ৩৫ + ৩৬। সেই দিবস তাহাদের মধ্যে প্রত্যেক ব্যক্তির এমন এক ভাব হইবে যে, তাহাকে (অন্তের সম্বন্ধে) নিশ্চিন্ত রাখিবে। ৩৭। সেই দিবস কতক আনন উজ্জ্বল সহস্র সহর্ষ থাকিবে। ৩৮ + ৩৯। এবং সেই দিবস কতক মুখমণ্ডলের উপর মালিন্য হইবে। ৪০। কালিমা তাহাকে আচ্ছাদন করিবে। ৪১। ইহারাই তাহারা যে, দুৰাচার কাফের। ৪২। ( র, ১, আ, ৪২ )

## সূরা তক্‌ওয়ির \*

একাদশিতম অধ্যায়

২৯ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

যখন সূর্য্য আবৃত হইবে। ১। এবং যখন নক্ষত্রবৃন্দ মলিন হইবে। ২। এবং যখন পর্ব্বতশ্রেণী সঞ্চালিত হইবে। ৩। এবং যখন আসন্নপ্রসবা উষ্ট্রীসকল পরিত্যক্ত হইবে †। ৪। এবং যখন আরণ্য পশু ( হিংস্র অহিংস্র ) একত্রিত হইবে। ৫। + যখন সাগর সকল জমিয়া যাইবে। ৬। + এবং যখন জীবাশ্ম সকল ( সাধু সাধুর সম্বন্ধে, অসাধু অসাধুর সম্বন্ধে ) মিলিত হইবে। ৭। এবং যখন জীবিত অবস্থায় মৃত্তিকায় প্রোধিত (কণ্ঠা) দিগকে জিজ্ঞাসা করা হইবে, “কোন্ অপরাধে হত হইয়াছ” ‡ ? ৮ + ৯। এবং যখন কার্যালিপি সকল খোলা যাইবে। ১০। এবং যখন আকাশ উদ্ঘাটিত হইবে। ১১। এবং যখন নরক প্রজ্জ্বলিত হইবে। ১২। + এবং যখন স্বর্গ সন্নিহিত করা যাইবে। ১৩। + তখন প্রত্যেক ব্যক্তি যাহা উপস্থিত করিয়াছে, জ্ঞাত হইবে §। ১৪। অনন্তর ( দিবসে ) লুকায়িত হয়, সূর্য্যরশ্মিতে বিশ্রামস্থানে প্রশ্নকারী যে সকল নক্ষত্র, তাহার শপথ করিতেছি। ১৫ + ১৬। রজনী যখন অন্ধকারাবৃত হয়, তাহার ( শপথ করিতেছি )। ১৭। + উষা যখন সমুদিত হয়, তাহার ( শপথ করিতেছি )। ১৮। + যে নিশ্চয় উহা ( কোব্-আন্ ) সিংহাসনাধিপতি (ঈশ্বরের) নিকটে পদস্থ আজ্ঞাবহ গৌরবান্বিত

\* এই সূরা মক্কাতে অবতীর্ণ হইয়াছে।

+ আসন্নপ্রসবা উষ্ট্রী আরবীয় লোকদিগের বিশেষ আদরের সামগ্রী। কেয়ামতের সময়ে তাহারা তাহা পরিত্যাগ করিবে। ( ত, হো, )

‡ আরবীয় লোকেরা অর্থাভাবে প্রতিপালনে অসমর্থ হইয়া শিশু কণ্ঠাদিগকে জীবিতাবস্থায় মৃত্তিকায় প্রোধিত করিত; পুনরুত্থানকালে সেই কণ্ঠাদিগকে প্রশ্ন করা হইবে যে, “তোমরা কি জন্তু হত হইয়াছ?” তাহারা বলিবে, “অজ্ঞাতসারে আমরা দিগকে বধ করিয়াছি।” তাহাতে হত্যাকারী লাজ্বিত হইবে। ( ত, হো, )

§ অর্থাৎ তাহারা পৃথিবীতে যে সকল সদসৎকর্ম করিয়াছে, তাহার ফলভোগ করিবে। ( ত, হো, )

শক্তিশালী, তৎপর বিশ্বস্ত প্রেরিতপুরুষের বাণী। ১৯+২০+২১। এবং তোমাদের বন্ধু ক্ষিপ্ত নহে। ২২। এবং সত্য সত্যই সে তাহাকে ( স্বর্গীয় দূত জেব্রিলকে ) সমুজ্জল গগনপ্রান্তে দেখিয়াছে। ২৩। এবং সে গুপ্ত বিষয়ে ( প্রত্যাদেশে ) কুপণ নহে। ২৪। এবং তাহা (কোর্-আন্) নিস্তাড়িত শয়তানের বাক্য নহে। ২৫।+অনস্তর তোমরা কোথায় যাইতেছ? ২৬। তাহা বিশ্বের পক্ষে উপদেশ ভিন্ন নহে। ২৭।+তোমাদের মধ্যে যে ব্যক্তি চাহে যে সরল পথে চলে, তাহার জন্ত (উপদেশ ভিন্ন নহে)। ২৮। এবং বিশ্বপালক পরমেশ্বর ইচ্ছা না করিলে তোমরা (উপদেশ) ইচ্ছা কর না। ২৯। ( র, ১, আ, ২৯ )

## সূরা এন্ফেতার \*

দ্ব্যশীতিতম অধ্যায়

১৯ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

যখন আকাশ বিদীর্ণ হইবে। ১।+এবং যখন নক্ষত্রপুঞ্জ পড়িয়া যাইবে †। ২।+এবং যখন সমুদ্র সকল সঞ্চালিত হইবে। ৩।+এবং যখন সমাধিপুঞ্জ উৎখাত হইবে। ৪।+তখন প্রত্যেক ব্যক্তি যাহা পূর্বে প্রেরণ করিয়াছে ও পশ্চাৎ রাখিয়া দিয়াছে, তাহা জ্ঞাত হইবে। ৫। হে মনুষ্য, যিনি তোমাকে সৃষ্টি করিয়াছেন, পরে তোমাকে সঙ্গঠিত করিয়াছেন, অনস্তর তোমাকে ঠিক করিয়া লইয়াছেন, যে আকারে তিনি ইচ্ছা করিয়াছেন, তোমাকে সংযোজিত করিয়াছেন; তোমার সেই গৌরবান্বিত প্রতিপালকের সম্বন্ধে কিসে তোমাকে প্রবঞ্চিত করিল? ৬+৭+৮। না না, বরং তোমরা কেয়ামতসম্বন্ধে অসত্যারোপ করিতেছ। ৯।+এবং নিশ্চয় তোমাদের প্রতি গৌরবান্বিত লিপিকর সকল রক্ষকস্বরূপ আছে। ১০+১১।+তোমরা যাহা করিয়া থাক, তাহারা জ্ঞাত হয়। ১২। নিশ্চয় সাধুলোকেরা সম্পদের মধ্যে থাকিবে। ১৩।+এবং নিশ্চয় পাপাচারিগণ নরকে থাকিবে। ১৪।+বিচারের দিবস তাহারা তথায় উপস্থিত হইবে। ১৫। এবং তাহারা তথা হইতে অন্তর্হিত হইবে না। ১৬। এবং কিসে তোমাকে, (হে মনুষ্য,) জানাইয়াছে যে, বিচারের দিন কি? ১৭।+তৎপর কিসে তোমাকে জানাইয়াছে, বিচারের দিন কি? ১৮। যে দিবস কোন ব্যক্তি কোন ব্যক্তির সম্বন্ধে কিছুই ক্ষমতা রাখিবে না, এবং যে দিবস ঈশ্বরের আজ্ঞাই থাকিবে। ১৯। ( র, ১, আ, ১৯ )

\* এই সূরা মক্কাতে অবতীর্ণ হইয়াছে।

† নক্ষত্রাবলী ফাঙ্গুসের জ্বায় স্বর্গের সম্মুখভাগে জ্যোতির শৃঙ্খলে লটুকান আছে, সেই শৃঙ্খল দেবতাদিগের হস্তে রহিয়াছে। যখন স্বর্গবাসিগণ বিনাশ প্রাপ্ত হইবে, তখন তাহা তাঁহাদের হস্তচ্যুত হইবে, এবং সেই তারকাপুঞ্জ ভূতলে পড়িয়া যাইবে। ( ত, হো, )



# সূরা তৎফিফ \*

ত্র্যশীতিতম অধ্যায়

৩৬ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

সেই অসম্পূর্ণ পরিমাণকারীদিগের প্রতি আক্ষেপ ৭ । ১ । + যাহারা ( নিজের জন্ত )  
লোকের সম্বন্ধে যখন ( দ্রব্য ) পরিমাণ করে, পূর্ণ গ্রহণ করিয়া থাকে । ২ । এবং যখন  
তাহাদিগকে পরিমাণ করিয়া দেয়, অথবা তাহাদিগকে তুল করিয়া দেয়, ক্ষতি করিয়া  
থাকে । ৩ । এই সকল লোক কি মনে করে না যে, যে দিন লোক সকল নিখিল  
বিশ্বের প্রতিপালকের নিমিত্ত দণ্ডায়মান থাকিবে, সেই মহাদিনের জন্ত তাহারা  
সমুখাপিত হইবে ? ৪ + ৫ + ৬ । না না, নিশ্চয় দুর্কৃতলোকদিগের কার্যালিপি সেজিনে  
হইবে ৭ । ৭ । এবং কিসে তোমাকে জানাইয়াছে যে, সেজিন কি ? ৮ । ( তাহা )  
লিপিবদ্ধ এক পুস্তিকা হয় । ৯ । সেই দিবস সেই অসত্যারোপকারীদিগের জন্ত আক্ষেপ ।  
১০ । + যাহারা বিচারের দিনের প্রতি অসত্যারোপ করিতেছে । ১১ । এবং প্রত্যেক  
সীমালঙ্ঘনকারী পাপী ব্যতিরেকে তৎপ্রতি অসত্যারোপ করে নাই । ১২ । + যখন  
আমার নিদর্শনাবলী তাহার নিকটে পড়া যায়, তখন সে বলে, “( এ সকল ) পূর্বতন  
কাহিনী” । ১৩ । না না, বরং তাহারা যে আচরণ করিতেছিল, তাহা তাহাদিগের অন্তরে  
কালিমা বদ্ধ করিয়াছে । ১৪ । না না, নিশ্চয় তাহারা সেই দিবস স্বীয় প্রতিপালক  
হইতে লুকায়িত থাকিবে । ১৫ । + তৎপর নিশ্চয় তাহারা নরকে প্রবেশ করিবে । ১৬ ।  
তাহার পর ( তাহাদিগকে ) বলা হইবে, “যাহার সম্বন্ধে তোমরা অসত্যারোপ করিতে-  
ছিলে, ইহাই তাহা” । ১৭ । না না, নিশ্চয় সাধুদিগের ( কার্যালিপি ) এল্লৈয়িনে হইবে § ।  
১৮ । এবং কিসে তোমাকে জানাইয়াছে, এল্লৈয়িন কি ? ১৯ । ( তাহা ) লিপিবদ্ধ এক  
পুস্তিকা । ২০ । সন্নিহিত ( দেবগণ ) তাহার দিকে উপস্থিত হয় ¶ । ২১ । নিশ্চয়  
সাধুলোকেরা সম্পদের মধ্যে থাকিবে । ২২ । + তাহারা সিংহাসন সকলের উপর ( বসিয়া )  
নিরীক্ষণ করিতে থাকিবে । ২৩ । + তুমি তাহাদের মুখমণ্ডলে সম্পদের স্মৃতি দর্শন  
করিবে । ২৪ । মোহর আঁটা বিশুদ্ধ সূরা হইতে তাহাদিগকে পান করান হইবে । ২৫ ।  
( মোমের স্থলে ) তাহার মোহর মৃগনাভি হইবে, এবং পরে ইহার মধ্যে উচিত যে,

\* এই সূরা মক্কাতে অবতীর্ণ হইয়াছে ।

+ মদিনানিবাসিগণ তৌল ও মাপে অতিশয় অপচয় করিত । হজরত মক্কা হইতে মদিনায় চলিয়া  
আসিবার সময় পথে এই সূরা অবতারণিত হয় । ( ত, হো, )

‡ সেজিন শয়তান ও তাহার অনুচরদিগের নিবাসভূমি, অথবা শয়তান ও পাপীদিগের কার্যালিপি ।  
( ত, হো, )

§ উচ্চতম স্বর্গের স্থানবিশেষের নাম এল্লৈয়িন, অথবা সাধুদিগের কার্যালিপি এল্লৈয়িন । ( ত, হো, )

¶ অর্থাৎ উচ্চপদস্থ দেবগণ এল্লৈয়িনকে অভ্যর্থনা করিবে । ( ত, হো, )

স্পৃহাকারিগণ স্পৃহা করে। ২৬। এবং তস্নিম হইতে তাহার মিশ্রণ। ২৭।+( উহা )  
 এক প্রস্রবণ হয়, সন্নিহিত দেবগণ ( তাহা হইতে বারি ) পান করিয়া থাকে \*। ২৮।  
 নিশ্চয় অপরাধিগণ বিশ্বাসীদিগের প্রতি হাস্য করিতেছিল। ২৯। এবং যখন তাহারা  
 ( কাফেরগণ ) তাহাদের নিকটে উপস্থিত হইত, তখন পরস্পর কটাক্ষপাত করিত। ৩০।  
 এবং যখন স্বীয় পরিজনদের নিকটে ফিরিয়া যাইত, তখন সহর্ষে ফিরিয়া যাইত †। ৩১।  
 এবং যখন তাহারা তাহাদিগকে ( বিশ্বাসীদিগকে ) দেখিত, বলিত যে, নিশ্চয় ইহারা  
 বিপথগামী। ৩২। এবং তাহাদের প্রতি রক্ষক প্রেরিত হয় নাই। ৩৩। অনস্তর অগ্নি  
 বিশ্বাসিগণ ধর্মজোহীদিগের প্রতি হাস্য করিতেছে। ৩৪।+ সিংহাসনোপরি ( উপবিষ্ট  
 হইয়া ) নিরীক্ষণ করিতেছে, ( বলিতেছে )। ৩৫। কাফেরদিগকে কি, তাহারা যাহা  
 করিয়াছে, তদনুরূপ বিনিময় দেওয়া হইয়াছে? ৩৬। ( র, ১, আ, ৩৬ )

## সূরা এন্শকাক ‡

### চতুরশীতিতম অধ্যায়

#### ২৫ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

যখন আকাশ বিদীর্ণ হইবে। ১। এবং সে স্বীয় প্রতিপালকের ( আজ্জার ) জন্ত  
 কর্ণার্পণ করিবে ও সে ( আজ্জাশ্রবণের ) উপযুক্ত হয়। ২। এবং যখন পৃথিবী আকৃষ্ট  
 হইবে। ৩।+এবং তন্মধ্যে যে কিছু আছে, নিষ্কিপ্ত হইবে ও সে শূন্য হইয়া যাইবে।  
 ৪।+এবং সে স্বীয় প্রতিপালকের ( আজ্জার ) জন্ত কর্ণপাত করিবে ও সে উপযুক্ত  
 হয়। ৫। যখন, হে মনুষ্য, নিশ্চয় তুমি আপন প্রতিপালকের প্রতি ( সাক্ষাৎকারের জন্ত )  
 প্রযত্নে প্রযত্নবান্ হইবে, তাঁহার সাক্ষাৎকারী হইবে। ৬। অনস্তর কিন্তু যাহাকে  
 তাহার দক্ষিণ হস্তে তাহার পুস্তক ( কার্যালিপি ) প্রদত্ত হইয়াছে, পরে অচিরেই তাহাকে  
 সহজবিচারে বিচারিত হইতে হইবে। ৭+৮।+এবং সে সহর্ষে স্বীয় পরিজনদের দিকে  
 ফিরিয়া যাইবে। ৯। কিন্তু যাহাকে তাহার পুস্তক তাহার পৃষ্ঠের পশ্চাদ্ভাগে প্রদত্ত

\* তস্নিম এক জলপ্রণালীর নাম। সর্বোচ্চ স্বর্গ “আর্শের” নিম্নদেশ হইতে বেহেশতে তাহার স্রোত  
 নিপতিত হইয়া থাকে। তাহার জল বিশুদ্ধ ও বেহেশতবাসীদের জন্ত অত্যাৎকৃষ্ট পানীয়। ঈশ্বরের সন্নিহিত  
 দেবগণের প্রতি ঈশ্বরের অমিশ্র প্রেম, অতএব তাহাদের পানীয় অমিশ্র ও বিশুদ্ধ হয়। যাহাদের ঈশ্বরপ্রেম  
 সাংসারিক প্রেমের সঙ্গে মিশ্রিত, তাহাদের সুরা অগ্নি সুরা দ্বারা মিশ্রিত। ( ত, হো, )

+ একদিন মহান্না আলি কতিপয় মোসলমানের সঙ্গে পথ দিয়া যাইতেছিলেন, কয়েক জন  
 কপট লোক তাহাদিগকে দেখিয়া হাসিয়াছিল, এবং নয়নকোণে ইঙ্গিত করিয়াছিল, পরে বন্ধুদিগকে  
 বলিয়াছিল, “আমাদের না মস্তক ইনি ?” আলি ইহা শ্রবণ করিয়া মহা হাস্য করেন। তিনি হজরতের  
 মসৃণ উপস্থিত না হইতেই এই সকল আয়ত অবতীর্ণ হয়। ( ত, হো, )

‡ এই সূরা মক্কাতে অবতীর্ণ হইয়াছে।

হইয়াছে, পরে অচিরেই সে মৃত্যুকে আহ্বান করিবে। ১০ + ১১। এবং নরকে পহুঁছিবে। ১২। নিশ্চয় সে (সংসারে) আপন পরিজনদের মধ্যে আনন্দিত ছিল। ১৩। নিশ্চয় সে মনে করিয়াছিল যে, (ঈশ্বরের দিকে) পুনরাগমন করিবে না। ১৪। সত্য বটে, নিশ্চয় তাহার প্রতিপালক তাহার বিষয়ে দর্শক ছিলেন। ১৫। অনন্তর আরক্তিম গগনপ্রাস্তের এবং রজনীর ও যে সমস্ত সংগ্রহ (রজনী) (গোপন) করে, সেই সকলের এবং চন্দ্রমার, যখন সে পূর্ণ হয়, আমি শপথ করিতেছি যে, অবশ্য এক অবস্থা হইতে অবস্থান্তরে তোমরা আক্রান্ত হইবে। ১৬ + ১৭ + ১৮ + ১৯। অনন্তর তাহাদের কি হইল যে, বিশ্বাস করিতেছেন না? ২০। + এবং যখন তাহাদিগের নিকটে কোর্-আন্ পঠিত হয়, তাহারা প্রণাম করে না। ২১। বরং ধর্মদ্রোহিণ অসত্যারোপ করে। ২২। এবং যাহা তাহারা মনে পোষণ করে, ঈশ্বর তাহা উত্তম জ্ঞাত। ২৩। অনন্তর তুমি, (হে মোহম্মদ,) তাহাদিগকে দুঃখকর শাস্তির সংবাদ দান কর। ২৪। + কিন্তু যাহারা বিশ্বাস স্থাপন ও সংকল্প সকল করিয়াছে, তাহাদের জন্ত অক্ষুণ্ণ পুরস্কার আছে। ২৫। (র, ১, আ, ২৫)

## সূরা বোরুজ্জ \*

পঞ্চাশীতিতম অধ্যায়

২২ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

বোরুজ্জযুক্ত আকাশের ও অঙ্গীকৃত দিবসের এবং উপস্থিত ও উপস্থাপিতের শপথ †। ১ + ২ + ৩। + ইক্ষনসম্বিত অগ্নিকুণ্ডনিবাসিগণ মারা গিয়াছে ‡। ৪ + ৫। +

\* এই সূরা মক্কাতে অবতীর্ণ হইয়াছে।

† বোরুজ্জ নভোমণ্ডলের দ্বাদশ অংশের এক অংশ। উপস্থিত ও উপস্থাপিত সাক্ষী ও সাক্ষ্য। একমতে উপস্থিত হজরত মোহম্মদ, উপস্থাপিত তাঁহার মণ্ডলী, অথবা উপস্থিত তাঁহার মণ্ডলী, উপস্থাপিত অপর মণ্ডলী সকল, এ সম্বন্ধে মতভেদ আছে। (ত, হো,)

‡ এয়মনদেশে জোনওয়াসনামক এক নরপতি ছিলেন। তাঁহার এক জন ভবিষ্যদ্বক্তা ঐলিজালিক অনুচর ছিল, তাহার প্রতি রাজা রাজ্যসংক্রান্ত বিশেষ কার্যভার হস্ত করিয়াছিলেন। সে বৃদ্ধাবস্থায় এক বালককে পোষ্যরূপে গ্রহণ করে, এবং তাহাকে আপন বিদ্যা শিক্ষাদানে প্রবৃত্ত হয়। বালক তাহাতে মনোযোগ বিধান না করিয়া, একজন সন্ন্যাসীর নিকট যাইয়া সন্ন্যাসধর্মে উপদিষ্ট ও দীক্ষিত হয়। কিছু দিন পরে তাহা দ্বারা অনেক অলৌকিক কার্য প্রকাশ পায়। রাজা পৌত্তলিকতার পক্ষ ও একেশ্বরবাদের ঘোর বিরোধী ছিলেন। বালককে একেশ্বরবাদী জানিয়া, নানা উপায়ে তাহাকে বধ করিতে চেষ্টা করেন। বালকের দৈববলপ্রযুক্ত প্রথমতঃ তিনি কিছুতেই তাহাকে হত্যা করিতে পারেন না। পরে বালক নিজেই নিহত হইতে প্রস্তুত হয়। রাজা তাহার নির্দেশিত উপায় অবলম্বন করিয়া তাহাকে নিধন করেন। কিন্তু রাজানুচরগণ বালকের দৈবশক্তি দেখিয়া তাহার অবলম্বিত ধর্মপথ আশ্রয় করে। রাজা তাহাতে ক্রুদ্ধ হন, এবং পর্বতপ্রান্তে কতকগুলি অগ্নিকুণ্ড করেন। স্বীয় অনুচরবর্গের প্রত্যেককে ধর্মমত জিজ্ঞাসা করিয়া, যাহাদিগকে একেশ্বরবিশ্বাসী জানিতে পারিয়াছিলেন, একে একে ক্রমশঃ তাহাদিগকে সেই অগ্নিকুণ্ডে নিক্ষেপ করেন। ঈশ্বর তাহারই সংবাদ দিতেছেন। (ত, হো,)

যখন তাহারা ( রাজা ও অনুচরগণ ) তাহার নিকটে বসিয়াছিল । ৬ ।+ এবং বিশ্বাসী-দিগের প্রতি যাহা করিতেছিল, তাহারা তদ্বিষয়ে সাক্ষী ছিল । ৭ । এবং স্বর্গ ও মর্ত্য যাহার রাজত্ব, সেই পরাক্রান্ত প্রশংসিত পরমেশ্বরের প্রতি বিশ্বাস স্থাপন করা বিষয় ব্যতীত তাহাদের অপরাধ ধরিল না ; ঈশ্বর সর্ববিষয়ে সাক্ষী । ৮+৯ । নিশ্চয় যাহারা বিশ্বাসী নরনারীগণকে সঙ্কটাপন্ন করিয়াছে, তৎপর অনুতাপ করে নাই, পরে তাহাদের জন্ত নরকদণ্ড ও তাহাদের জন্ত দহনশাস্তি আছে । ১০ । নিশ্চয় যাহারা বিশ্বাস স্থাপন ও সংকর্ষ সকল করিয়াছে, যাহার নিম্ন দিয়া পয়ঃপ্রণালীপুঞ্জ প্রবাহিত হয়, তাহাদের জন্ত সেই স্বর্গোচ্চান সকল আছে ; ইহাই মহা মনোরথসিদ্ধি । ১১ । নিশ্চয় তোমার প্রতিপালকের আক্রমণ কঠিন । ১২ । নিশ্চয় তিনি প্রথম সৃষ্টি করেন, এবং দ্বিতীয় বার করিবেন । ১৩ । এবং তিনি ক্ষমাশীল বহু । ১৪ ।+তিনি সম্মানিত উচ্চতম স্বর্গের অধিপতি । ১৫ ।+তিনি যাহা ইচ্ছা করেন, তাহার বিধায়ক । ১৬ । তোমার নিকটে কি, (হে মোহম্মদ,) ফেরাও ও সমুদ্রের সেনাবৃন্দের সংবাদ পৌঁছিয়াছে ? ১৭+১৮ । বরং কাফেরগণ অসত্যারোপেই আছে । ১৯ । এবং পরমেশ্বর তাহাদের পশ্চাদ্ভাগ দিয়া আবেষ্টনকারী । ২০ । বরং সেই গৌরবান্বিত কোর-আন্ ( স্বর্গীয়লিপি ) ফলকে সংরক্ষিত । ২১+২২ । ( র, ১, আ, ২২ )

## সূরা তারেক \*

ষড়শীতিতম অধ্যায়

১৭ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

আকাশের ও নিশায় আগমনকারীর শপথ । ১ ।+এবং কিসে তোমাকে, ( হে মোহম্মদ, ) জানাইয়াছে যে, নিশায় আগমনকারী কি ? ২ ।+তাহা সমুজ্জল নক্ষত্র । ৩ । এমন কোন ব্যক্তি নাই যে, তাহার সম্বন্ধে ( দেবতা ) রক্ষক নাই । ৪ । অনন্তর উচিত যে, মনুষ্য দেখে, সে কিসের দ্বারা সৃষ্ট হইয়াছে । ৫ । বেগবান্ বারিদ্বারা সৃষ্ট হইয়াছে । ৬ ।+তাহা ( পুরুষের ) পৃষ্ঠ এবং ( নারীর ) বক্ষোস্থির ভিতর হইতে নির্গত হয় । ৭ । নিশ্চয় তিনি তাহার পুনর্বিধানে ক্ষমতাবান্ । ৮ । যে দিবস অন্তস্তম্ব সকল পরীক্ষিত হইবে । ৯ । তখন তাহার ( মনুষ্যের ) কোন শক্তি ও কোন সাহায্যকারী থাকিবে না । ১০ । মেঘযুক্ত গগনমার্গের শপথ । ১১ ।+বিদার্য পৃথিবীর শপথ । ১২ ।+ নিশ্চয় এই ( কোর-আন্ ) সিদ্ধান্ত বাক্য । ১৩ ।+এবং তাহা অনর্থ বাণী নহে । ১৪ । নিশ্চয় তাহারা ছলনায় ছলনা করিয়া থাকে । ১৫ । এবং আমিও ছলনায় ছলনা করিয়া

\* এই সূরা মক্কাতে অবতীর্ণ হইয়াছে ।

থাকি। ১৬। অনস্তর তুমি কাফেরদিগকে অবকাশ দান কর, কিছু কাল তাহাদিগকে অবকাশ দাও। ১৭। ( র, ১, আ, ১৭ )

## সূরা আলা ❁

সপ্তাশীতিতম অধ্যায়

১৯ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

তুমি স্বীয় মহোচ্চ প্রতিপালকের নামের স্তব কর। ১। + যিনি সৃষ্টি করিয়াছেন, পরে সংগঠিত করিয়াছেন। ২। + এবং যিনি নিয়মিত করিয়াছেন, অবশেষে পথ প্রদর্শন করিয়াছেন। ৩। + এবং যিনি শাস্ত সমুদ্ভেদ করিয়াছেন। ৪। + পরে তাহাকে শুদ্ধ ও মলিন করিয়াছেন। ৫। অচিরে আমি তোমাকে, ( হে মোহম্মদ, ) পড়াইব, পরিশেষে ঈশ্বর যাহা ইচ্ছা করেন, তদ্ব্যতীত বিস্মৃত হইবে না; \* নিশ্চয় তিনি ব্যক্ত ও যাহা অব্যক্ত আছে, জ্ঞাত আছেন। ৬+৭। এবং সহজ ( ধর্মবিধির ) জন্ম তোমাকে আমি সাহায্য দান করিব। ৮। অনস্তর যদি কোব্-আনের উপদেশ ফলোপধায়ক হয়, তবে উপদেশ দান করিতে থাক। ৯। যে ব্যক্তি ভয় পায়, সে অচিরে উপদেশ গ্রহণ করিবে। ১০। + এবং সেই একান্ত হতভাগ্য, যে মহানলে উপস্থিত হইবে, তাহা হইতে ( সেই উপদেশ হইতে ) দূরে থাকিবে। ১১+১২। তৎপর সে তন্মধ্যে মরিবে না ও বাঁচিবে না। ১৩। সত্যই যে ব্যক্তি শুদ্ধ হইয়াছে, সে মুক্তি পাইয়াছে। ১৪। এবং সে স্বীয় প্রতিপালকের নাম আবৃত্তি করিয়াছে, অনস্তর উপাসনা করিয়াছে। ১৫। বরং, ( হে হতভাগ্য লোকসকল, ) সাংসারিক জীবন তোমরা অধিকার করিতেছ। ১৬। পরলোক উৎকৃষ্ট ও সমধিক স্থায়ী। ১৭। নিশ্চয় ইহা পূর্বতন গ্রন্থসকলে—এব্রাহিম ও মুসার গ্রন্থে ( লিখিত আছে )। ১৮+১৯। ( র, ১, আ, ১৯ )

## সূরা গাশিয়া †

অষ্টাশীতিতম অধ্যায়

২৬ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

তোমার নিকটে কি কেয়ামতের বৃত্তান্ত উপস্থিত হইয়াছে? ১। সেই দিবস কত মুখ বিমর্ষ হইবে। ২। ( নরকের ) কর্মচারিগণ পরিশ্রম করিবে। ৩। প্রজ্বলিত

\* এই সূরা মক্কাতে অবতীর্ণ হইয়াছে।

+ যখন জেরিল আয়ত বা সূরা সহ হজরতের নিকটে অবতীর্ণ হইয়া তাহা পাঠ করিতেন, হজরতও তাহাতে প্রবৃত্ত হইতেন। জেরিল পাঠ সমাপ্ত না করিতেই, হজরত ভুলিয়া বা যান, এই ভয়ে প্রথম হইতে পড়িতেন। এজন্য পরমেশ্বর এই আয়ত প্রেরণ করেন। এই আয়তে হজরতের প্রতি এই শুভ সংবাদ আছে যে, যাহা আমি তোমাকে শিক্ষা দান করিব, তাহা তুমি ভুলিবে না, আমার আদেশে জেরিল তোমার শিক্ষাদানে নিযুক্ত থাকিবে। ( ত, হো, )

† এই সূরা মক্কাতে অবতীর্ণ হইয়াছে।



অনলে ( কাফেরগণ ) প্রবেশ করিবে । ৪ । অত্যাধ প্রণালীর জল তাহাদিগকে পান করান হইবে । ৫ । জরিয় ব্যতীত তাহাদের জন্ত খাদ্য থাকিবে না \* । ৬ । + তাহা ( দেহকে ) পরিপুষ্ট করে না, এবং ক্ষুধা নিবারণ করে না । ৭ । সেই দিবস কত মুখ ক্ষুণ্ণিযুক্ত হইবে । ৮ । + উন্নত স্বর্গে আপন ( সংকার্যের ) যত্নেতে সন্তুষ্ট থাকিবে । ৯ + ১০ । তুমি তথায় অনর্থ বাক্য শুনিতে পাইবে না । ১১ । তথায় জলপ্রণালী প্রবাহিত । ১২ । তথায় উচ্চসিংহাসন সকল আছে । ১৩ । + এবং জলপাত্র ( সোরাহী ) সকল স্থাপিত । ১৪ । + এবং উপাধান সকল শ্রেণীবদ্ধ । ১৫ । + এবং শয্যা সকল বিস্তৃত আছে । ১৬ । অনন্তর তাহারা কি উষ্ট্রের দিকে দৃষ্টি করিতেছে না যে, কেমন করিয়া সৃষ্ট হইয়াছে ? ১৭ । এবং আকাশের দিকে—কেমন উন্নমিত হইয়াছে ? ১৮ । এবং পর্বতশ্রেণীর দিকে—কেমন করিয়া স্থাপিত হইয়াছে ? ১৯ । এবং পৃথিবীর দিকে—কেমন করিয়া প্রসারিত হইয়াছে ? ২০ । অনন্তর তুমি উপদেশ দান কর, তুমি উপদেশ-দাতা, এতদ্ভিন্ন নহে । ২১ । তুমি তাহাদের সম্বন্ধে অধ্যক্ষ নও । ২২ । + কিন্তু যে ব্যক্তি বিমুখ হইয়াছে, ও ধর্মদ্রোহী হইয়াছে, পরে পরমেশ্বর তাহাকে মহাদণ্ডে দণ্ডিত করিবেন । ২৩ + ২৪ । নিশ্চয় আমার দিকে তাহাদের পুনর্শিলন । ২৫ । + তৎপর নিশ্চয় আমার নিকটে তাহাদের বিচার । ২৬ । ( র, ১, আ, ২৬ )

## সূরা ফজর †

### উননবতীতম অধ্যায়

#### ৩০ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

উষাকালের ও দশ রজনীর ও যুগল ও একাকীর এবং যখন চলিয়া যায়, সেই রাত্রির শপথ ‡ । ১ + ২ + ৩ + ৪ । ইহার মধ্যে কি জ্ঞানবানের জন্ত ( জ্ঞানীর বিশ্বাস ) শপথ

\* এক প্রকার তৃণজাতীয় উদ্ভিদের নাম জরিয়, তাহা যখন সরস থাকে, তখন আরব্য লোকেরা তাহাকে শব্দ বলে । উষ্ট্রাদি পশু উহা ভক্ষণ করিয়া থাকে ! শুষ্ক হইলে উক্ত উদ্ভিদকে জরিয় বলে, তখন কোন পশু তাহা স্পর্শও করে না । পরলোকে এই জরিয়ের আকারে আগ্নেয় বৃক্ষ হইবে । ( ত, হো, )

† এই সূরা মক্কাতে অবতীর্ণ হইয়াছে ।

‡ অর্থাৎ বৎসরের প্রথম মহরম মাসের প্রথম দিবসের উষার বা ইদকোরবাণের উষার শপথ, অথবা শুক্রবাসরীয় উষা ইত্যাদির শপথও হইতে পারে । জেলাহজ্জার দশ রজনী, যাহাতে হজ্জতের অঙ্গবিশেষ অরকা হইয়া থাকে, অথবা মহরমের প্রথম দশ যামিনী, যাহা হইতে অশুরা নির্দিষ্ট, কিংবা রুমজান মাসের শেষ দশ রাত্রি, শবেকদর যাহার মধ্যে আছে, অথবা শাবান মাসের মধ্য দশ রাত্রি, যাহাতে সবেবরাত স্থিতি করে, তাহার শপথ । মান ও অপমান, ক্রমতা ও কাতরতা, জ্ঞান ও

আছে ? ৫ । এবং তুমি কি দেখে নাই যে, তোমার প্রতিপালক স্তম্ভধারী সেই আদ্যেরমের প্রতি, যাহার সদৃশ নগর সকলে সৃষ্ট হয় নাই, কি করিয়াছিলেন \* ? ৬+৭+৮ । সমুদ্র জাতির প্রতি, যাহারা প্রান্তরে ( আশ্রয়ের জগ ) প্রস্তর কাটিয়া লইয়াছিল ও কীলকধারী ফেরওণের প্রতি যাহারা নগর সকলে উচ্ছৃঙ্খল হইয়াছিল, পরে তথায় অতিশয় উৎপাত করিয়াছিল ? ৯+১০+১১+১২ ।+ পরে তোমার প্রতিপালক তাহাদের প্রতি শাস্তির কশাঘাত করিয়াছিলেন । ১৩ ।+ নিশ্চয় তোমার প্রতিপালক সঙ্কটস্থানে আছেন । ১৪ । অনন্তর কিছু মনুষ্য, যখন তাহাকে তাহার প্রতিপালক পরীক্ষা করেন, পরে তাহাকে সম্মানিত করেন ও তাহাকে সম্পদ দান করেন, তখন বলে, “আমার প্রতিপালক আমাকে সম্মানিত করিয়াছেন” । ১৫ । এবং কিছু যখন তাহাকে পরীক্ষা করেন, অনন্তর তাহার উপজীবিকা তাহার সম্বন্ধে খর্ব করেন, তখন সে বলিয়া থাকে, “আমার প্রতিপালক আমাকে হেয় করিয়াছেন” । ১৬ । না না, বরং তোমরা অনাথকে সম্মান কর নাই । ১৭ ।+ এবং দরিদ্রদিগকে আহারদানে প্রবৃত্তি দান করিতেছ না । ১৮ ।+ এবং তোমরা প্রচুর ভোগে স্বল্প ভোগ করিতেছ । ১৯ ।+ এবং প্রভূত প্রেমে ধনকে প্রেম করিতেছ । ২০ । না না, যখন ভূমণ্ডল চূর্ণ বিচূর্ণ হইয়া যাইবে । ২১ ।+ এবং তোমার প্রতিপালক ও দেবগণ বহুশ্রেণীতে আগমন করিবেন । ২২ । সেই দিবস নরক আনয়ন করা হইবে, সেই দিবস মনুষ্য উপদেশ গ্রহণ করিবে, এবং কোথায় উপদেশ-স্বীকারে ( উপকার হইবে ) । ২৩ । সে বলিবে, “হায় ! যদি আমি স্বীয় জীবনের জগ পূর্বে ( পুণ্যকর্ম ) প্রেরণ করিতাম” । ২৪ । অনন্তর সেই দিবস তাঁহার শাস্তির গায় কেহ শাস্তি দান করিবে না । ২৫ ।+ এবং তাঁহার বন্ধনের গায় কেহ বন্ধন করিবে না । ২৬ । ( মৃত্যুকালে বিশ্বাসী আত্মাকে বলা হইবে, ) “হে স্থখী প্রাণ, তুমি প্রসন্নতা-প্রাপ্ত, আপন প্রতিপালকের দিকে প্রসন্নভাবে ফিরিয়া যাও” ।

মূর্ততা, বল ও দুর্বলতা, জীবন ও মৃত্যু, এ সমস্ত মানবসম্বন্ধীয় ভাব যুগল । অপমানশূন্য সম্মান, কাতরতাবিহীন ক্ষমতা, মূর্ততাহীন জ্ঞান, দুর্বলতাশূন্য বল, মৃত্যুহীন জীবন এ সমস্ত ঐশ্বরিক ভাব একাকী । এই যুগল ও একাকীর শপথ । ( ভ, হো, )

\* এরম আদ্যজাতির এক সুপ্রসিদ্ধ মহা সমৃদ্ধ নগরের নাম । আদ্যনামক পুরুষের নামানুসারে তাহার বংশেরও নাম আদ্য হইয়াছে । আদ্যের পুত্র শদাদ উক্ত এরম নগর নির্মাণ করিয়াছিলেন । কথিত আছে যে, শদাদ একজন মহা পরাক্রান্ত ভূপতি ছিলেন । তিনি নয় শত বৎসর বাঁচিয়াছিলেন ! শদাদ পৃথিবীর নানাস্থান হইতে মণি মুক্তা ও মূল্যবান্ ধাতু প্রস্তরাদি সংগ্রহপূর্বক সহস্র কর্মচারী নিযুক্ত করিয়া তিন শত বৎসরে এই নগর নির্মাণ করিয়াছিলেন । নগর নির্মিত হইলে পর তিনি রাজধানী হইতে অশুচিবৃন্দসহ তাহা দর্শন করিতে যাত্রা করেন । তখন পরমেশ্বর এক স্বর্গীয় দূত পাঠাইয়া দেন । তিনি এক মহা শব্দ করেন, তাহাতেই পথে তাহাদের মৃত্যু হয় ও এরম নগর অদৃশ্য হইয়া যায় । এরম নগরে যেরূপ উৎকৃষ্ট প্রাসাদাদি ছিল, তদ্রূপ কোন নগরে ছিল না । স্তম্ভধারীর অর্থ স্তম্ভযুক্ত-পটমণ্ডপধারী, অর্থাৎ আদ্যজাতি পটমণ্ডপে বাস করিত । ( ভ, হো, )

২৭+২৮। ( কেয়ামতের দিন বলা হইবে, ) “অনন্তর আমার দাসবৃন্দের মধ্যে প্রবেশ কর। ২৯। এবং আমার স্বর্গলোকে প্রবেশ কর”। ৩০। ( র, ১, আ, ৩০ )

## সূরা বলদ \*

নবতিতম অধ্যায়

২০ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

আমি এই ( মক্কা ) নগরের শপথ করিতেছি। ১।+বস্তুতঃ তুমি, ( হে মোহম্মদ, ) এই নগরে বৈধ হইবে ৭। ২।+এবং জন্মদাতার ও যাহা জাত হইয়াছে, তাহার শপথ করিতেছি ৩। ৩।+সত্য সত্যই আমি মনুষ্যকে কষ্টের ভিতরে সৃজন করিয়াছি ৪। ৪। সে কি মনে করে যে, তাহার উপর কোন ব্যক্তি কখনও ক্ষমতা পাইবে না? ৫। সে বলিয়া থাকে যে, আমি ধনপুঞ্জ বায় করিয়াছি। ৬। সে কি মনে করে যে, তাহাকে কেহ দেখে নাই? ৭। আমি কি তাহার জন্ম দুই চক্ষু ও এক জিহ্বা এবং অধরোষ্ঠদ্বয় সৃষ্টি করি নাই? ৮+৯। এবং (সত্য ও অসত্য) দুই পথ তাহাকে প্রদর্শন করিয়াছি। ১০। অনন্তর সে কঠিন পথে আসিল না। ১১। এবং তোমাকে কিসে জানাইয়াছে যে, কঠিন পথ কি? ১২। গ্রীবা (দাসত্ববন্ধন) মুক্ত করা। ১৩। অথবা ক্ষুধার দিন নিরাশ্রয় কুটুম্বকে বা ধূলিবিলুপ্তিত দীনহীনকে ভোজ্য দান করা। ১৪+১৫+১৬। তৎপর যাহারা বিশ্বাস স্থাপন করিয়াছে ও পরস্পরকে সহিষ্ণুতা বিষয়ে উপদেশ দিয়াছে ও পরস্পরকে দয়াসম্বন্ধে উপদেশ দান করিয়াছে, তাহাদের অন্তর্গত হওয়া। ১৭। ইহারা ই সৌভাগ্যশালী। ১৮। এবং যাহারা আমার নিদর্শনাবলীসম্বন্ধে বিদ্রোহী হইয়াছে, তাহারা দুর্ভাগ্য। ১৯। তাহাদের সম্বন্ধে অবরুদ্ধ অগ্নি হইবে ২০। ( র, ১, আ, ২০ )

\* এই সূরা মক্কাতে অবতীর্ণ হইয়াছে।

+ অর্থাৎ মহাতীর্থ বলিয়া মক্কা নগরে যুদ্ধাদি করা যে অবৈধ ছিল, কিছুকালের জন্ম তোমার সম্বন্ধে তাহা বৈধ হইবে। মক্কাতে যে হজরত জয়লাভ করিবেন, তাহার এই অঙ্গীকার। ( ত, হো )

‡ “জন্মদাতা” হজরত মোহম্মদ এবং “জাত” এব্রাহিম নামক তাহার পুত্র। এই দুয়ের শপথ। ( ত, হো, )

§ অর্থাৎ জন্ম, মৃত্যু ও জীবনে মনুষ্য নানা প্রকার কষ্ট পাইবে। ( ত, হো, )

¶ বিচারের দিন পুণ্যধান্ লোকেরা দক্ষিণ পার্শ্বে ও পাপী লোকেরা বাম পার্শ্বে দণ্ডায়মান হইবে। সেই বামপার্শ্বস্থ পাপীদিগের জন্ম অবরুদ্ধ অগ্নি থাকিবে। অর্থাৎ তাহাদিগকে যে অগ্নিময় নরকে শাস্তি দান করা হইবে, তাহার দ্বার দৃঢ়রূপে বন্ধ করা যাইবে; তাহারা একবার যে তাহাতে প্রবেশ করিবে, আর বাহির হইতে পারিবে না। ( ত, হো, )

## সূরা শম্স \*

একনবতিতম অধ্যায়

১৫ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

সূর্য ও তাহার কিরণের শপথ । ১ ।+ এবং চন্দের ( শপথ, ) যখন তাহার (সূর্যের) অনুসরণ করে । ২ । এবং দিবার ( শপথ, ) যখন তাহাকে ( সূর্যকে ) প্রকাশ করে । ৩ । এবং রজনীর (শপথ,) যখন তাহাকে আচ্ছাদন করে । ৪ । এবং আকাশের ও যাহা তাহাকে নির্মাণ করিয়াছে, ( ঈশ্বরের ) সেই ( স্বরূপের ) ( শপথ ) । ৫ ।+ এবং ভূমণ্ডলের ও যাহা তাহাকে প্রসারিত করিয়াছে, তাহার ( শপথ ) । ৬ ।+ এবং জীবনের ও যাহা তাহাকে সঞ্চিত করিয়াছে, তাহার ( শপথ ) । ৭ । পরিশেষে তাহার পাপ ও তাহার সাধুতা তিনি তাহাকে জ্ঞাপন করিয়াছেন । ৮ । সত্যই যে ব্যক্তি তাহাকে ( প্রাণকে ) বিশ্বাস করিয়াছে, নিশ্চয় সে মুক্ত হইয়াছে । ৯ । এবং সত্যই যে ব্যক্তি তাহাকে প্রোথিত করিয়াছে, সে নিরাশ হইয়াছে । ১০ । সমুদ জাতি আপন ঔদ্ধত্যবশতঃ অসত্যারোপ করিয়াছিল । ১১ ।+ যখন তাহাদের মহাহতভাগ্য ব্যক্তি সমুখান করিল, তখন ঈশ্বরের প্রেরিতপুরুষ ( সালেহ ) তাহাদিগকে বলিল, “ঈশ্বরের উষ্ট্রকে ( ছাড়িয়া দাও ) ও তাহাকে জল পান করাও” । ১২+১৩ । অনন্তর তাহারা তাহার প্রতি অসত্যারোপ করিল, কে তাহাকে ( উষ্ট্রকে ) ( হত্যা করিতে ) অনুসরণ করিল ; অবশেষে তাহাদের প্রতিপালক তাহাদের অপরাধপ্রযুক্ত তাহাদের প্রতি মৃত্যু স্থাপন করিলেন, পরে তাহাদিগের প্রতি ( শাস্তি ) তুল্য করিলেন । ১৪ ।+ এবং তিনি তাহার প্রতিফলদানকে ভয় করেন না । ১৫ । ( র, ১, আ, ১৫ )

## সূরা লয়ল †

দ্বিনবতিতম অধ্যায়

২১ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

রজনীর শপথ, যখন ( জগৎ ) আচ্ছাদন করে । ১ ।+ এবং দিবার ( শপথ, ) যখন প্রকাশিত হয় । ২ । নর ও নারীকে যাহা সৃষ্টি করিয়াছে, সেই ( ঈশ্বরস্বরূপের শপথ ) । ৩ ।+ নিশ্চয় তোমাদের যত্ন ( ক্রিয়ার ফল ) বিভিন্ন হয় । ৪ । অনন্তর কিন্তু যে ব্যক্তি দান করিয়াছে ও ধর্মাচরণ করিয়াছে, এবং শ্রেয়কে সত্য জানিয়াছে । ৫+৬ ।+ পরে আমি অচিরেই তাহাকে আরামের জন্ত সাহায্য দান করিব । ৭ । কিন্তু যে ব্যক্তি কুপণতা করিয়াছে ও নিঃশঙ্ক হইয়াছে, এবং কল্যাণের প্রতি অসত্যারোপ করিয়াছে, পরে আমি তাহাকে কষ্টদানের জন্ত সহায়তা করিব । ৮+৯+১০ । এবং যখন সে অধোমুখে পড়িবে, তখন তাহা হইতে তাহার ধন ( শাস্তি ) কিছুই নিবারণ করিবে না ।

\* এই সূরা মক্কাতে অবতীর্ণ হইয়াছে।

† এই সূরা মক্কাতে অবতীর্ণ হইয়াছে।

১১। + নিশ্চয় আমার প্রতি ( তাহার ) পথপ্রদর্শনের ( ভার )। ১২। এবং নিশ্চয় আমারই ইহলোক ও পরলোক। ১৩। অনন্তর শিখা বিস্তৃত করিতেছে, ( এমন ) অগ্নির ভয় তোমাদিগকে প্রদর্শন করিলাম। ১৪। যে অসত্যারোপ করিয়াছে ও বিমুখ হইয়াছে, সেই মহাহতভাগ্য ব্যতীত তুমি ( অগ্নে ) উপস্থিত হইবে না। ১৫+১৬। এবং যে ব্যক্তি আপন ধন বিতরণ করে ও পবিত্র হয়, সেই পরম ধার্মিককে অবশ্য সেই ( অগ্নি ) হইতে বিচ্ছিন্ন করা যাইবে। ১৭+১৮। এবং স্বীয় সমুদ্রত প্রতিপালকের আনন অন্বেষণ ব্যতীত, কোন ব্যক্তির জন্ত বিনিময় দেওয়া যাইতে পারে, ( এমন ) সম্পদ তাহার নিকটে নাই। ১৯+২০। এবং অবশ্য শীঘ্র সে সন্তুষ্ট হইবে \*। ২১। ( র, ১, আ, ২১ )

## সূরা জোহা †

ত্রিবিংশতম অধ্যায়

১১ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

মধ্যাহ্ন কালের এবং যখন ( জগৎ ) আচ্ছাদিত করে, রজনীর শপথ। ১+২। + তোমার প্রতিপালক তোমাকে পরিত্যাগ করেন নাই, এবং তোমাকে শত্রু স্থির করেন নাই ‡। ৩। এবং অবশ্য তোমার জন্ত ইহলোক অপেক্ষা পরলোক কল্যাণকর হইবে। ৪। এবং অবশ্য শীঘ্র তোমার প্রতিপালক তোমাকে দান করিবেন, পরে তুমি সন্তুষ্ট হইবে। ৫। তোমাকে তিনি কি নিরাশ্রয় প্রাপ্ত হন নাই, পরে আশ্রয় দান করেন নাই ? ৬। এবং তিনি তোমাকে বিপথগামী পাইয়াছিলেন, পরিশেষে পথ প্রদর্শন করিয়াছেন। ৭। এবং তিনি তোমাকে নির্ধন পাইয়াছিলেন, পরে ধনবান করিয়াছেন §। ৮। পরিশেষে কিন্তু নিরাশ্রয়ের প্রতি তুমি বল প্রয়োগ করিও না। ৯। এবং কিন্তু প্রার্থীর প্রতি পরে ধমক দিও না। ১০। কিন্তু তোমার প্রতিপালকের দান পরে বর্ণন করিও। ১১। ( র, ১, আ, ১১ )

\* কাফের লোকেরা বলিয়াছিল যে, বেলালকে ক্রয় করিয়া দাসত্ব হইতে মুক্ত করা বিষয়ে আবুবেকর বাধ্য ছিল। পরমেশ্বর এই আয়ত দ্বারা এ কথা খণ্ডন করিলেন। ( ত, হো, )

† এই সূরা মক্কাতে অবতীর্ণ হইয়াছে।

‡ কয়েক দিন প্রত্যাশে লাভ না করাতে হজরতের মন বিষন্ন ছিল, কোন কার্যে তাঁহার উৎসাহ ছিল না। তখন কাফেরগণ বলিতে লাগিল যে, ইহার প্রভু ইহাকে পরিত্যাগ করিয়াছে। তৎপর সূরা অবতীর্ণ হয়। প্রথমতঃ উচ্চল মধ্যাহ্ন কালের পরে অপরাহ্ন বেলায় শপথ হয়। অর্থাৎ বাহ্যেও ঈশ্বরের দুই শক্তি এবং অন্তরেও আলোক ও অন্ধকার হয়, উভয়েই ঈশ্বরের। ঈশ্বর অপেক্ষা কোন মনুষ্য অধিক ক্ষমতাবান নাই। ( ত, ফা, )

§ খদিজাদেবী যেমন সম্ভ্রান্তকুলোদ্ভবা ছিলেন, তদ্রূপ তাঁহার প্রচুর ধন ছিল। হজরতের সঙ্গে বিবাহ হইলে পর সমুদায় ধন সম্পত্তি তিনি তাঁহাকে উৎসর্গ করেন। ( ত, ফা, )



## সূরা এনশরাহ ❁

চতুর্নবতিতম অধ্যায়

৮ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

তোমার জন্তু কি তোমার বক্ষঃস্থলকে আমি উন্মুক্ত করি নাই † ? ১ । এবং আমি তোমা হইতে তোমার ভার, যাহা তোমার পৃষ্ঠকে ভগ্ন করিয়াছে, নামাইয়াছি । ২ + ৩ । + এবং তোমার জন্তু তোমার প্রসঙ্গ ( প্রশংসা ) উন্নমিত করিয়াছি । ৪ । অনন্তর নিশ্চয় কষ্টের সহিত সুখ আছে । ৫ । + নিশ্চয় কষ্টের সহিত সুখ আছে । ৬ । পরে যখন তুমি অবসর গ্রহণ করিবে, তখন ( সাধনায় ) পরিশ্রম করিও । ৭ । এবং স্বীয় প্রতিপালকের প্রতি পরে অনুরক্ত হইও । ৮ । ( র, ১, আ, ৮ )

## সূরা তীন ‡

পঞ্চনবতিতম অধ্যায়

৮ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

তীন ও জয়তুন এবং তুর সিনিয়া ও এই নিরাপদ নগরের শপথ § । ১ + ২ + ৩ । সত্য সত্যই আমি মনুষ্যকে অত্যন্তম সঙ্গঠনে সৃষ্টি করিয়াছি । ৪ । তৎপর তাহাকে নীচ অপেক্ষাও অধিক নীচে পরিণত করিয়াছি । ৫ । যাহারা বিশ্বাস স্থাপন ও সংক্রিয়া সকল করিয়াছে, তাহাদিগকে ব্যতীত ; অনন্তর তাহাদের জন্তু অক্ষুণ্ণ পুরস্কার আছে । ৬ । অবশেষে ধর্ম ( দণ্ডপুরস্কারের বিধি প্রকাশ পাওয়ার ) পর, ( হে মনুষ্য, ) কিসে তোমার প্রতি অসত্যারোপ করিতেছে ? ৭ । পরমেশ্বর কি আজ্ঞাপ্রচারকদিগের মধ্যে শ্রেষ্ঠ আজ্ঞাপ্রচারক নহেন ? ৮ । ( র, ১, আ, ৮ )

\* এই সূরা মক্কাতে অবতীর্ণ হইয়াছে ।

† বক্ষঃস্থল উন্মুক্ত করা, অর্থাৎ বক্ষোবিদীর্ণ করা । কথিত আছে যে, তাহা দুই বার হইয়াছিল । একবার শৈশবকালে হজরত যখন আপন ধাত্রী মাতা হলিমার গৃহে ছিলেন, তখন একদিন প্রান্তরে স্বর্গীয় দূত তাঁহার বক্ষঃ বিদীর্ণ করিয়া হৃদয়ের অভ্যন্তর ভাগ প্রকাশন করিয়াছিলেন । দ্বিতীয়বার প্রেরিত লোক হইলে পর মেরাজের দিন, জিব্রিল ও মেকারিল তাঁহার বক্ষঃ বিদীর্ণ করিয়া পরিকার করেন, এবং হৃদয়কোষ বিশ্বাসজ্যোতিতে পূর্ণ করেন । ( ত, হো, )

‡ এই সূরা মক্কাতে অবতীর্ণ হইয়াছে ।

§ তীন অর্থাৎ আঞ্জির ও জয়তুন এই দুইটি বিশেষ ফল । আঞ্জির অতি পবিত্র ফল, সহজ-পাচ্য, সুরস ও ঔষধার্থ এবং অধিকতর লাভজনক । জয়তুন হইতে রুটিকার উপকরণ ও তৈল এবং ঔষধ প্রস্তুত হইয়া থাকে । এজন্ত উহাকে উপাদেয় ফল বলে । অথবা তীন ও জয়তুন জেরজেলমহ দুইটি মন্দিরের নাম । ( ত, হো, )

# সূরা অলক্ \*

## ষষ্ঠবর্তিতম অধ্যায়

১৯ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

যিনি সৃষ্টি করিয়াছেন, সেই তোমার প্রতিপালকের নামের প্রসাদে তুমি পাঠ কর ৷ ১ । তিনি মনুষ্যকে ঘনীভূত শোণিতযোগে সৃজন করিয়াছেন । ২ । পাঠ কর, এবং যিনি লেখনীযোগে ( লিখিতে ) শিক্ষা দিয়াছেন, তোমার সেই প্রতিপালক মহাগৌরবান্বিত । ৩+৪ । মনুষ্যকে তাহা শিক্ষা দান করিয়াছেন, যাহা সে জানিত না । ৫ । না, না, নিশ্চয় মনুষ্য আপনাকে সম্পন্ন দেখিলে ঔদ্ধত্য করিয়া থাকে । ৬+৭ । নিশ্চয় তোমার প্রতিপালকের দিকে প্রতিগমন । ৮ । উপাসনাকালে দাসকে যে নিবারণ করে, তাহাকে তুমি কি দেখিয়াছ ৷ ? ৯+১০ । দেখিয়াছ কি তুমি, সে যদি সৎপথে থাকে, অথবা ধর্মবিষয়ে আদেশ করে । ১১+১২ । দেখিয়াছ কি তুমি, যদি অসত্যারোপ করে ও ফিরিয়া যায় । ১৩ । তিনি কি তাহা জানেন নাই ? যেহেতু ঈশ্বর দেখিয়া থাকেন । ১৪ । না, না, যদি নিবৃত্ত না হয়, তবে আমি অবশ্য ( তাহার ) ললাটের ( কেশ ) টানিয়া ধরিব । ১৫ ।+সেই পাপী মিথ্যাবাদীর ললাট । ১৬ । অনন্তর উচিত যে, সে আপন পারিষদদিগকে ডাকে । ১৭ । সত্বর আমি নরকের দ্বারবানদিগকে ডাকিব । ১৮ ।+না, না, তুমি তাহার অন্তগত হইও না, এবং ( ঈশ্বরকে ) প্রণাম কর ও ( তাঁহার ) সান্নিধ্যবর্তী হও । ১৯ । ( র, ১, আ, ১৯ )

\* এই সূরা মক্কাতে অবতীর্ণ হইয়াছে ।

+ একদা হজরত হেরাগস্বরে উপবিষ্ট ছিলেন, অথবা গিরিশিখরে দণ্ডায়মান ছিলেন, এমন সময় স্বর্গীয় দূত জেব্রিল তাঁহার নিকটে উপস্থিত হইয়া বলেন, “হে মোহম্মদ, পরমেশ্বর আমাকে তোমার নিকটে পাঠাইয়াছেন, তুমি এই মণ্ডলীসম্বন্ধে ঈশ্বর-নিয়োজিত ধর্মপ্রবর্তক ।” ইহা বলিয়াই আদেশ করিলেন, “পড় ।” হজরত কহিলেন, “আমি পাঠক নহি ।” তখন তিনি একেবারে অবসন্ন হইয়া পড়িয়াছিলেন । জেব্রিল তাঁহাকে ধরিয়া হেলাইলেন, পরে বলিলেন, “পাঠ কর ।” হজরত, “আমি পাঠক নহি” বলিলেন । এইরূপ তিন বার হইল । কেহ কেহ বলেন, জেব্রিল রক্তমাণিক্যখচিত একখানা গ্রন্থ স্বর্গ হইতে আনয়ন করিয়াছিলেন, তাহা হজরতের সন্মুখে ধারণ করিয়া পাঠ করিতে ক্রমশঃ তিন বার বলিয়াছিলেন । তাহাতে হজরত তক্রূপ বলেন ও পরে অচেতন হন । তখন জেব্রিল তাঁহাকে ছাড়িয়া এই সকল আয়ত উচ্চারণ করেন । ( ত, হো, )

‡ অর্থাৎ আবুসহল বলিয়াছিল যে, মোহম্মদকে নমাজে প্রণাম করিতে দেখিলে আমি তাঁহার মস্তকে পদাঘাত করিব । একদিন তিনি নমাজ পড়িতেছিলেন, কেহ বাইয়া তাহাকে সংবাদ দিল । সে দ্রুতগতি নিকটে আসিয়াই মলিনমুখে ও কম্পিতকলেবরে ফিরিয়া গেল । লোকে জিজ্ঞাসা করিল, তোমার কি হইল ? সে বলিল যে, আমি মোহম্মদের নিকটে এক গর্ভ দেখিলাম, তাহাতে এক প্রকাণ্ড সর্প মুখবাদান করিয়া রহিয়াছে । ইহা দেখিয়া বড় ভয় পাইয়াছি । এতদুপলক্ষে এই আয়ত অবতীর্ণ হয় । ( ত, হো, )

## সূরা কদর ❁

সপ্তনবতীতম অধ্যায়

৫ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

নিশ্চয় আমি তাহাকে (কোর-আনকে) শবেকদর রজনীতে অবতারণ করিয়াছি † ।  
১ । এবং কিসে তোমাকে জানাইয়াছে যে, শবেকদর কি ? ২ । শবেকদর সহস্র মাস  
অপেক্ষা শ্রেষ্ঠ । ৩ । তাহাতে দেবগণ ও আত্মা সকল প্রত্যেক কার্যের জন্ত আপন  
প্রতিপালকের আজ্ঞাক্রমে অবতরণ করে । ৪ । + উহা উষার অভ্যুদয় পর্যন্ত  
কুশলময় । ৫ । ( র, ১, আ, ৫ )

## সূরা বয়িনত ‡

অষ্টনবতীতম অধ্যায়

৮ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

গ্রন্থাধিকারীদিগের অন্তর্গত কাফেরগণ এবং অংশিবাদিগণ, যে পর্যন্ত না উজ্জল  
প্রমাণ তাহাদের নিকটে উপস্থিত হয়, সে পর্যন্ত ( বিদ্রোহিতা হইতে ) প্রতিনিবৃত্ত হয়  
নাই । ১ । ঈশ্বরের প্রেরিত ( মোহম্মদ, ) সে পবিত্র পুস্তিকা সকল পাঠ করিয়া থাকে ।  
২ । + তন্মধ্যে অক্ষুণ্ণ লিপি সকল আছে । ৩ । এবং যাহাদিগকে গ্রন্থ প্রদান করা  
হইয়াছে, তাহারা ( ইহুদি ও ঈসায়িগণ ) তাহাদের নিকটে উজ্জল প্রমাণ উপস্থিত  
হওয়ার পর ভিন্ন বিচ্ছিন্ন হয় নাই । ৪ । এরাহিমের অনুসরণে ঈশ্বরকে তহুদ্দেশে  
ধর্ম বিস্তার করতঃ অর্চনা করিতে এবং উপাসনাকে প্রতিষ্ঠিত রাখিতে ও জকাত দান  
করিতে ভিন্ন তাহাদিগকে আদেশ করা হয় নাই, ইহাই প্রকৃত ধর্ম । ৫ । নিশ্চয়  
গ্রন্থাধিকারীদিগের মধ্যে যাহারা ধর্মদ্রোহী হইয়াছে, তাহারা ও অংশিবাদিগণ নরকানলে  
থাকিবে, তথায় নিত্যবাস করিবে ; ইহারাই তাহারা যে, অধম জীব । ৬ । নিশ্চয় যাহারা  
বিশ্বাস স্থাপন ও সংক্রিয়া সকল করিয়াছে, ইহারাই তাহারা যে, জীবশ্রেষ্ঠ । ৭ । তাহাদের  
পুরস্কার তাহাদের প্রতিপালকের নিকটে নিত্য স্বর্গোচ্চান সকল হয়, যাহার নিম্ন দিয়া  
পয়ঃপ্রণালীপুঞ্জ প্রবাহিত হইয়া থাকে, তথায় তাহারা নিত্যবাসী হইবে । পরমেশ্বর  
তাহাদের প্রতি প্রসন্ন হইয়াছেন ও তাহারাও তাঁহার প্রতি সন্তুষ্ট হইয়াছে ; যে ব্যক্তি  
আপন প্রতিপালককে ভয় করে, তাহার সম্বন্ধেই ইহা হয় । ৮ । ( র, ১, আ, ৮ )

\* এই সূরা মক্কাতে অবতীর্ণ হইয়াছে ।

+ শবেকদর বা লয়লতোলু কদরের অর্ধ সন্মানের রাত্রি । এই রজনীতেই কোর-আন স্বর্গ হইতে  
পৃথিবীর আকাশে অবতীর্ণ হইয়াছিল । তন্মধ্যে ইহার সন্মান । উহা রমজান মাসের সপ্তবিংশতি রজনী ।  
এই রাত্রিতে উপাসনা-সাধনায় বিশেষ লাভ হয় । ( ত, হো, )

‡ এই সূরা মদিনাতে অবতীর্ণ হইয়াছে ।

## সূরা জেল্জাল \*

### উনশততম অধ্যায়

#### ৮ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

( স্মরণ কর, ) যখন ভূমি স্বীয় কম্পনে কম্পিত হইবে । ১ । + এবং ভূমি স্বীয় ভারপুঞ্জ বাহির করিবে † । ২ । + এবং মনুষ্য বলিবে, ইহার কি হইল । ৩ । সেই দিবস সে আপন বৃত্তান্ত বর্ণন করিবে ‡ । ৪ । + যেহেতু তোমার প্রতিপালক তাহাকে প্রত্যাদেশ করিয়াছেন । ৫ । সেই দিবস মনুষ্য বিভিন্ন অবস্থায় পরিবর্তিত হইবে, তাহাতে তাহাদের কর্মপুঞ্জ ( ক্রিয়ার ফল ) তাহাদিগকে প্রদর্শন করা যাইবে । ৬ । অনস্তর যে ব্যক্তি বিন্দু পরিমাণ কল্যাণ করে, সে তাহা দর্শন করিবে । ৭ । এবং যে ব্যক্তি বিন্দু পরিমাণ অকল্যাণ করে, সে তাহা দেখিতে পাইবে । ৮ । ( র, ১, আ, ৮ )

## সূরা আদিয়া §

### শততম অধ্যায়

#### ১১ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

ঋতগতি অশ্ববৃন্দের শপথ ¶ । ১ । + অনস্তর পদাঘাতে প্রস্তর হইতে অগ্নি উদ্ভিগরণকারী ( অশ্বের ) । ২ । + অবশেষে উষাকালে লুণ্ঠনকারী ( অশ্বারুঢ়ের শপথ ) । ৩ । + পরিশেষে ঘোটকবৃন্দ তখন ( প্রাতঃকালে ) ধূলী উৎক্ষেপ করে । ৪ । + অনস্তর তখন ( বিপক্ষের ) এক দলের ভিতর উপস্থিত হয় । ৫ । নিশ্চয় মনুষ্য স্বীয় প্রতিপালকের প্রতি অকৃতজ্ঞ । ৬ । এবং নিশ্চয় সে এ বিষয়ে সাক্ষী । ৭ । নিশ্চয় সে ধনাসক্তিতে দৃঢ় । ৮ । অনস্তর সে কি জানিতেছে না যে, কবরে যাহা আছে, যখন তাহা সমুখাপিত হইবে ? ৯ । + এবং যে কিছু হৃদয়ে আছে, উপস্থিত করা যাইবে । ১০ । + নিশ্চয় তাহাদের প্রতিপালক সেই দিবস তাহাদের ( অবস্থা ) সম্বন্ধে জ্ঞাত । ১১ । ( র, ১, আ, ১১ )

\* এই সূরা মদিনাতে অবতীর্ণ হইয়াছে ।

† কেয়ামতের কিয়ৎকাল পূর্বে যুক্তিকার অভ্যন্তর হইতে, তাহার ভিতরে স্বর্ণরজতাদি যাহা কিছু আছে, সমুদায় বাহির হইয়া পড়িবে । তাহার কোন গ্রাহক থাকিবে না । ( ত, হো, )

‡ অর্থাৎ বিচারের সময় পৃথিবী মনুষ্যের অপরাধ সকল বর্ণন করিবে । ( ত, হো, )

§ এই সূরা মক্কাতে অবতীর্ণ হইয়াছে ।

¶ ওমর আনসারীর পুত্র মঞ্জরকে হজরত এক দল ধর্মবন্ধুসহ কেননা পরিবারের প্রতি প্রেরণ করিয়াছিলেন, এবং বলিয়াছিলেন যে, উষাকালে তাহাদিগকে আক্রমণ করিয়া লুণ্ঠন করিবে, এবং অল্প দিবস কিরিয়া আসিবে । মঞ্জর সসৈন্তে যাইয়া তক্রপ করিয়াছিল, কিন্তু প্রত্যাগমনকালে এক বৃহৎ নদী পার হইতে অধিক বিলম্ব হয় । তাহাতে কপট লোকেরা পরস্পর বলিতে থাকে যে, সমুদায় সৈন্ত দুস্তর প্রান্তরে মারা পড়িয়াছে, তাহাদের সংবাদ প্রদান করে এমন একটি লোকও অবশিষ্ট নাই । এতদুপলক্ষে এই আয়ত অবতীর্ণ হয় । ( ত, হো, )

## সূরা কারেয়া \*

একাধিকশততম অধ্যায়

১১ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

আঘাতকারী ( কেয়ামত ) † । ১ । + আঘাতকারী কি ? ২ । এবং কিসে তোমাকে জানাইয়াছে যে, আঘাতকারী কি হয় ? ৩ । যে দিবস মানবমণ্ডলী বিক্ষিপ্ত পক্ষপালের ন্যায় হইয়া যাইবে । ৪ । + এবং পর্বতশ্রেণী ধূনিত পশুরোমসদৃশ হইবে । ৫ । অনন্তর কিন্তু যে ব্যক্তির নিক্তি ভার হইবে, পরে সে সন্তোষের জীবনে থাকিবে । ৬ + ৭ । কিন্তু যে ব্যক্তির নিক্তি হাল্কা হইবে, পরে তাহার অবস্থানভূমি হাওরিয়া হইবে । ৮ + ৯ । কিসে তোমাকে জানাইয়াছে, হাওরিয়া কি ? ১০ । তাহা প্রজ্বলিত ছতাশন । ১১ । ( র, ১, আ, ১১ )

## সূরা তকাসোর ‡

দ্ব্যধিকশততম অধ্যায়

৮ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

যে পর্য্যস্ত না তোমরা, ( হে লোক সকল, ) সমাধিক্ষেত্রে পঁছ, সে পর্য্যস্ত ( ধন ) বাহুল্যের ( গর্ব ) তোমাদিগকে মুগ্ধ করিয়া রাখিল । ১ + ২ । না না, অচিরেই তোমরা জানিতে পাইবে । ৩ । + তৎপর না না, অচিরেই তোমরা জানিতে পাইবে । ৪ । + না না, যদি তোমরা ধ্রুবতত্ত্ব জ্ঞাত হও, তবে অবশ্য জহিম ( নরকবিশেষ ) দেখিবে । ৫ + ৬ । তৎপর অবশ্য তাহাকে নিশ্চিত দৃষ্টিতে দেখিবে । ৭ । তাহার পর সেই দিবস সম্পদ সঞ্চয়ে তোমাদিগকে প্রশ্ন করা হইবে § । ৮ । ( র, ১, আ, ৮ )

## সূরা অসর \$

ত্র্যধিকশততম অধ্যায়

৩ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

কালের শপথ ¶ । ১ । যাহারা বিশ্বাস স্থাপন ও সংক্রিয়া সকল করিয়াছে, সত্যভাবে

\* এই সূরা মক্কাতে অবতীর্ণ হইয়াছে ।

† আঘাতকারী অর্থে কেয়ামত । সেই দিন আতঙ্কে লোকের চিত্ত আহত হইবে । ( ত, হো, )

‡ এই সূরা মক্কাতে অবতীর্ণ হইয়াছে ।

§ অর্থাৎ ধনসম্পদে আসক্ত হইয়া তোমরা যে সাধন ভজন হইতে বিরত হইয়াছ, তাহা পরে প্রশ্ন করা যাইবে ও তাহার বিচার হইবে । ( ত, হো, )

\$ এই সূরা মক্কাতে অবতীর্ণ হইয়াছে ।

¶ মহান্না আবুবেকরকে আবুল আশদ বলিয়াছিল, “আবুবেকর, তুমি পৈতৃক ধর্ম পরিত্যাগ করিয়া প্রতিমাপূজা হইতে নিবৃত্ত হইয়াছ, ইহাতে নিজের কৃতি করিয়াছ ।” তাহাতেই এই সকল আয়ত অবতীর্ণ হয় । ( ত, হো, )



পরস্পরকে উপদেশ দিয়াছে, এবং ধৈর্যের সহিত পরস্পরকে উপদেশ দান করিয়াছে, তাহারা ব্যতীত নিশ্চয় ( অন্য ) মনুষ্য কৃতির মধ্যে আছে। ২+৩। ( র, ১, আ, ৩ )

## সূরা হমজা \*

চতুরধিকশততম অধ্যায়

৯ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

প্রত্যেক দোষোদঘোষণাকারী ও দোষকারীর প্রতি, যে ধন সংগ্রহ করিয়াছে ও তাহা গণনা করিয়াছে, আক্ষেপ ৭। ১+২।। সে মনে করিয়া থাকে যে, তাহার ধন তাহাকে অমরত্ব দান করিবে। ৩। না না, অবশু সে হোতমাতে নিক্ষিপ্ত হইবে। ৪। এবং কিসে তোমাকে জানাইয়াছে, হোতমা কি হয়? ৫। তাহা ঈশ্বরের প্রজ্বলিত বহি। ৬। + যাহা অন্তঃকরণে প্রবল হইবে। ৭। নিশ্চয় উহা ( নরক, ) তাহাদের সম্বন্ধে দীর্ঘ স্তম্ভে দ্বার অবরুদ্ধ হয় ৭। ৮+৯। ( র, ১, আ, ২ )

## সূরা ফীল \$

পঞ্চাধিকশততম অধ্যায়

৫ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি । )

তুমি কি দেখ নাই যে, তোমার প্রতিপালক গজস্বামীদিগের সম্বন্ধে কেমন আচরণ করিয়াছিলেন ৭। ১। তাহাদের চক্রান্তকে তিনি কি বিফলতার মধ্যে স্থাপন করেন

\* এই সূরা মক্কাতে অবতীর্ণ হইয়াছে।

+ শরিকের পুত্র আখ্নস মগয়রার পুত্র অলিদের নিকটে হজরতের দোষ ঘোষণা করিত, অলিদও দোষ কীর্তন করিত; তাহাদের সম্বন্ধে পরমেশ্বরের আয়ত প্রেরণ করেন। ( ত, হো, )

‡ মোহাম্মদীয় শাস্ত্রে ক্রমশঃ অষ্ট স্বর্গ ও সপ্ত নরকের নাম ও বিবরণ উল্লিখিত হইয়াছে; ১ম খোল্দ, ২য় দারস্‌সলাম, ৩য় দারোলুকরার, ৪র্থ অদন, ৫ম নয়িম, ৬ষ্ঠ মাওরা, ৭ম অলয়িন, ৮ম ফের্দওস, এই অষ্টবিধ স্বর্গ। ১ম জেহন্নম, ২য় নতি, ৩য় হোতমা, ৪র্থ সয়ির, ৫ম সকর, ৬ষ্ঠ আহিম, ৭ম হাবিয়া, এই সপ্ত নরক। এই সূরাতে নরক যে বাহিরে নয়, অন্তরে, ইহাই পরিব্যক্ত হইয়াছে।

\$ এই সূরা মক্কাতে অবতীর্ণ হইয়াছে।

¶ আব্রহানামক এক জন চুর্দাস্ত ইসরাইলী এরমেন রাজ্যের অধিপতি ছিল। দেশ দেশান্তর হইতে সহস্র সহস্র লোক আসিয়া কাবামন্দির প্রদক্ষিণ ও তাহাকে বিশেষ সম্মান করে, ইহা দেখিয়া তাহার মনে ঈর্ষ্যানল প্রজ্বলিত হইয়া উঠে। সে কাবার গৌরব ধ্বংস করিবার জন্য মহামূল্য প্রস্তর দ্বারা এক পরম মূল্যের প্রকাণ্ড মন্দির নির্মাণ করে। পরে দেশ দেশান্তরের লোক সকল তাহা দ্বারা বাধ্য হইয়া আসিয়া সেই মন্দিরকে গৌরব দান করিতে থাকে। কেননা বংশীয় এক ব্যক্তি মন্দিরের সেবাতে নিযুক্ত ছিল। সে এক দিন রাত্রিতে উক্ত নব মন্দিরকে কোন দুর্ভাগ্য দ্বারা কলঙ্কিত করে, এবং পলাইয়া যায়। এই বিবরণ সর্বত্র প্রচার হয়। তখন হইতে লোক সকল আর সেই মন্দিরকে সম্মান করিতে আসে না। আব্রহা এই ব্যাপারে অত্যন্ত ক্ষুব্ধ হয়। সে বহু সৈন্যদল ও প্রকাণ্ড প্রকাণ্ড হস্তী সঙ্গে করিয়া, কাবামন্দির উৎখাত করার জন্য মক্কাভিমুখে যাত্রা করে। মক্কার নিকটে আসিয়াই পন্থাদি লুণ্ঠন করিতে থাকে। মক্কার প্রধান প্রধান লোকেরা ভয়ে এক পর্বতের উপর বাইরা আশ্রয় লয়। আব্রহা সৈন্য সকল প্রথমতঃ শ্রেণীবদ্ধ করিয়া হস্তিবৃদ্ধকে কাবামন্দিরের প্রতি

নাই ? ২। + এবং তিনি তাহাদের প্রতি দলে দলে বিহঙ্গ প্রেরণ করিয়াছিলেন। ৩। + ( সেই পক্ষিসৈন্য ) তাহাদের প্রতি কর্দমজাত (ক্ষুদ্র) প্রস্তর নিক্ষেপ করিতেছিল। ৪। + পরে তাহাদিগকে (পশু) ভক্ষিত শস্ত্র-ক্ষেত্রের ত্রায় করিয়াছিল। ৫। ( র, ১, আ, ৫ )

## সূরা কোরেশ †

ষড়্বিকশততম অধ্যায়

৪ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

কোরেশের সন্মিলন জগু, তাহাদের সন্মিলন শীত গ্রীষ্মে বিদেশযাত্রায় হইয়াছে †। ১ + ২। অনস্তর উচিত যে, তাহারা এই মন্দিরের প্রতিপালককে অর্চনা করে। ৩। তিনি তাহাদিগকে ক্ষুধায় আহার দিয়াছেন ও ভয় হইতে নিঃশঙ্ক করিয়াছেন। ৪। ( র, ১, আ, ৪ )

## সূরা য়াউন ‡

সপ্তাধিকশততম অধ্যায়

৭ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

যে ব্যক্তি বিচারের দিবসের প্রতি অসত্যারোপ করে, তুমি তাহাকে কি দেখিয়াছ § ? ১। অনস্তর এ সে, যে ব্যক্তি নিরাশ্রয়কে ছুঃখ দেয়, এবং দরিদ্রকে ভোজ্যাদানে প্রবৃত্তি দান করে না। ২ + ৩। অবশেষে সেই উপাসকদিগের সম্বন্ধে আক্ষেপ,

প্রেরণ করে। হস্তিদলমধ্যে মহমুদনামক হস্তী অত্যন্ত বলশালী ও বৃহৎকায় ছিল, সেই হস্তী মক্কা নগরের প্রাচীরের নিকটে যাইয়াই শিবিরান্তিমুখে ফিরিয়া আইসে। হস্তিপক বহু চেষ্টা করিয়াও তাহাকে ফিরাইতে পারে নাই। প্রধান মাতঙ্গ বিমুখ হইয়া চলিয়া আসিলে পর সমুদায় মাতঙ্গ বেগে পলায়ন করে। আব্রহা এই ঘটনায় নিতান্ত অবসন্ন হইয়া পড়ে। ইতিমধ্যে অকস্মাৎ দলে দলে কৃষ্ণবর্ণ পক্ষী আসিয়া আব্রহাহার সেনাবৃন্দকে আক্রমণ করিয়া প্রস্তর বর্ষণ করিতে থাকে, তাহাতে সৈন্যকুল সমূলে বিনষ্ট হয়। ( ত, হো, )

\* এই সূরা মক্কাতে অবতীর্ণ হইয়াছে।

† কোরেশগণ বাণিজ্যার্থে দুইবার বিদেশে যাত্রা করিত। তাহারা শীত ঋতুতে এরমানে, গ্রীষ্ম ঋতুতে শামদেশে যাইত। লোকে তাহাদিগকে “আহলে হরম” অর্থাৎ কাবার চতুঃসীমান্তবর্তী লোক বলিত ও বিশেষ সম্মান করিত। কনানার পুত্র নজরের উপাধি কোরেশ ছিল, তদনুসারে-আরবের যে ব্যক্তি নজরের সঙ্গে সম্বন্ধ রাখিত, সেই কোরেশ বলিয়া পরিচিত হইয়াছে। কোন কোন অভিজ্ঞ লোকেরা বলেন যে, মালেকের পুত্র নজরের পৌত্র কহরের এই উপাধি ছিল। তাহাদের প্রতি যে সম্পদ প্রদত্ত হইয়াছে, তাহা প্রমাণিত করিবার জন্ত পরমেশ্বর এই সূরা প্রেরণ করিয়াছেন। ( ত, হো, )

‡ এই সূরা মক্কাতে অবতীর্ণ হইয়াছে।

§ এই সূরার অর্দ্ধাংশ কাকেরদিগের সম্বন্ধে ও অর্দ্ধাংশ কপট লোকের সম্বন্ধে। দুরাঙ্গা আবুহুহল কেরামতে বিশ্বাস করিত না, মিথ্যা বলিত। কোন অনাথ নিরাশ্রয় তাহার নিকটে অন্ন বস্ত্র প্রার্থনা করিলে, তাহাকে প্রহার করিয়া তাড়াইয়া দিত। তাহার সম্বন্ধে এই আয়ত অবতীর্ণ হয়। ইহাও কথিত আছে যে, আবু হুফিয়ান এক উষ্ট্রের মাংস ভাগ করিতেছিল, একটি নিরাশ্রয় ছুঃখী তাহার কিয়দংশ ভিক্ষা করে, তাহাতে সে তাহাকে ষষ্টি ঘারা প্রহার করে। তদনুসারে এই আয়ত অবতীর্ণ হয়। ( ত, হো, )

সেই যাহারা স্বীয় উপাসনায় হতচেতন। ৪+৫। সেই যাহারা কপটাচরণ করে। ৬।+  
এবং মাউন হইতে নিবৃত্ত থাকে \*। ৭। (র, ১, আ, ৭)

## সূরা কওসর †

অষ্টাধিকশততম অধ্যায়

৩ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

নিশ্চয় তোমাকে আমি কওসর দান করিয়াছি ‡। ১। অনস্তর তুমি আপন  
প্রতিপালকের জন্তু নমাজ পড় ও উষ্ট্র বলিদান কর। ২। নিশ্চয় তোমার যে শত্রু, সে  
নিঃসন্তান হয়। ৩। (র, ১, আ, ৩)

## সূরা কাফেরোগ §

নবাধিকশততম অধ্যায়

৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, হে কাফেরগণ ¶। ১।+তোমরা যাহাকে পূজা করিয়া থাক, আমি  
তাহাকে পূজা করি না। ২। এবং আমি যাহাকে অর্চনা করিয়া থাকি, তোমরা তাঁহাকে  
অর্চনা কর না। ৩। এবং তোমরা যাহার পূজা কর, আমি তাহার পূজক নহি। ৪।

\* মাউন সেই সকল গৃহসামগ্রী, যদ্বারা লোকে পরস্পরকে সাহায্য দান করিয়া থাকে; যথা রন্ধন-  
স্থালী, পানপাত্র, কুঠার, কোদালী ইত্যাদি। কেহ কেহ বলেন, জল, অগ্নি ও লবণ এই তিন সামগ্রী  
মাউন। (ত, হো,)

† এই সূরা মক্কাতে অবতীর্ণ হইয়াছে।

‡ একদা ওয়াইলের পুত্র আস, বনোসহমঘারের নিকটে হজরতের সঙ্গে সাক্ষাৎ করিয়া কিয়ৎক্ষণ  
কথোপকথন করে; পরে হজরত চলিয়া যান, এবং আস মন্দিরে উপস্থিত হয়। কতিপয় কোরেশ প্রধানপুরুষ  
তথায় উপবিষ্ট ছিলেন। তাঁহারা তাহাকে জিজ্ঞাসা করিলেন, “তুমি কাহার সঙ্গে কথা কহিতেছিলে?”  
সে বলিল, “অপুত্রক ব্যক্তির সঙ্গে।” খদিজ্বাদেবীর গর্ভে তাহেরনামক এক পুত্র ছিলেন, তখন তাঁহার  
মৃত্যু হইয়াছিল। আসের উক্তি শ্রবণ করিয়া হজরতের অন্তর বিশেষ ক্ষুব্ধ হয়। পরমেশ্বর তাঁহার  
সান্ত্বনার জন্তু এই সূরা প্রেরণ করেন। কওসর শব্দের অর্থ বাহুল্য। অর্থাৎ পরমেশ্বর বলিতেছেন  
যে, আমি তোমাকে জ্ঞান ধর্মাদি স্বর্গীয় সম্পদ বহু পরিমাণে প্রদান করিয়াছি। অথবা কওসর  
সপ্তম স্বর্গস্থ পন্নঃপ্রণালী বিশেষ, তাহার কুল ও সোপানাদি স্বর্ণমাণিক্যখচিত, যুক্তিকা স্তম্ভ, হিমশিলা  
অপেক্ষা গুরু। অপিচ কওসর স্বর্গস্থ এক মাসের পথব্যাপিনী বাপীবিশেষ। সেই সরোবরের জল দুধ  
অপেক্ষা অধিক শুভ্র ও মুগনাভি অপেক্ষা অধিক স্নগন্ধ। (ত, হো,)

§ এই সূরা মক্কাতে অবতীর্ণ হইয়াছে।

¶ কতিপয় কোরেশ, যথা, আবুসহল, আস ও অলিদ এবং অন্বিয়া প্রভৃতি আক্বাসের বাচনিক  
হজরতকে বলিয়া পাঠায় যে, তুমি এক বৎসর আমাদের উপাস্ত দেবতাদিগকে অর্চনা করিও। এই সংবাদ  
পাঁছার সময়ই স্বেত্রিল আসিয়া এই সূরা উপস্থিত করেন। (ত, হো,)

এবং আমি যাহাকে পূজা করি, তোমরা তাঁহার পূজক নও। ৫। তোমাদের জন্ত তোমাদের ধর্ম, আমার জন্ত আমার ধর্ম। ৬। ( র, ১, আ, ৬ )

## সূরা নসূর \*

দশাধিকশততম অধ্যায়

৩ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

যখন ঈশ্বরের সাহায্য উপস্থিত হইবে, এবং ( মক্কা ) জয় হইবে। ১। + তখন তুমি লোকদিগকে দলে দলে ঈশ্বরিক ধর্মে প্রবেশ করিতে দেখিবে। ২। + অতএব আপন প্রতিপালকের প্রশংসার স্তব কর ও তাঁহার নিকটে ক্ষমা প্রার্থনা কর, নিশ্চয় তিনি প্রত্যাবর্তনকারী। ৩। ( র, ১, আ, ৩ )

## সূরা লহব †

একাদশাধিকশততম অধ্যায়

৫ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

আবুলহবের হস্ত বিনষ্ট হউক ও সে বিনষ্ট হউক ‡। ১। তাহার ধন ও সে যাহা উপার্জন করিয়াছে, তাহা তাহা হইতে (শাস্তি) কিছুই নিবারণ করে নাই। ২। অবশ্য সে এবং তাহার ভাৰ্য্যা শিখাবিশিষ্ট অনলে উপস্থিত হইবে, তাহার গ্রীবদেশে ইন্ধন উত্তোলক খোঁয়া বকলের রজ্জু থাকিবে §। ৩+৪+৫। ( র, ১, আ, ৫ )

## সূরা এখলাস ¶

দ্বাদশাধিকশততম অধ্যায়

৪ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

তুমি বল, ( হে মোহম্মদ, ) তিনি একমাত্র ঈশ্বর ॥ ১। নিষ্কাম ঈশ্বর। ২। তিনি

\* এই সূরা মদিনাতে অবতীর্ণ হইয়াছে।

† এই সূরা মক্কাতে অবতীর্ণ হইয়াছে।

‡ আবুলহব দুই হস্তে এক প্রস্তর উত্তোলন করিয়া হজরতের প্রতি নিক্ষেপ করিতে উদ্যত হইয়াছিল ; তাহাতেই ঈশ্বর এই আয়ত প্রেরণ করেন। ( ত, হো, )

§ আবুলহবের আলয় হজরতের আলয়ের নিকটে ছিল, তাহার স্ত্রী ওস্মামিল: দিবাভাগে কণ্টকপুঞ্জ সংগ্রহ করিয়া রাখিত, রাত্রিতে যে পথ দিয়া হজরত গমনাগমন করিতেন, সেই পথে তাহা বিকীর্ণ করিত, যেন হজরতের বসনপ্রান্তে বা চরণে কণ্টক বিদ্ধ হয়। হজরত নমাজের জন্ত বাহিরে আসিয়া সেই কণ্টক সকল কুড়াইয়া লইতেন। ওস্মামিলা এই পাপের জন্ত নরকের ইন্ধন বহন করিবে। ( ত, হো, )

¶ এই সূরা মক্কাতে অবতীর্ণ হইয়াছে।

॥ এক দল লোক হজরতকে বলিয়াছিল যে, “মোহম্মদ, তোমার পরমেশ্বরের বর্ণনা কর, তাহা

জাত নহেন ও জন্মদানও করেন নাই। ৩। এবং তাঁহার তুল্য কোন ব্যক্তি নাই। ৪।  
( র, ১, আ, ৪ )

## সূরা ফলক \*

ত্রয়োদশাধিকশততম অধ্যায়

৬ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

তুমি বল, যাহা সৃষ্ট হইয়াছে, তাহার অপকারিতা হইতে ও প্রথমরজনীর অঙ্ককার যখন বিকীর্ণ হয়, সেই অঙ্ককারের অপকারিতা হইতে এবং গ্রন্থিমধ্যে কুহককারিণী নারীদিগের অপকারিতা হইতে এবং যখন বিদ্বেষ করে, বিদ্বেষকারীর অপকারিতা হইতে আমি প্রাতঃকালের প্রতিপালকের নিকটে আশ্রয় লইতেছি †। ১+২+৩+৪+৫+৬। ( র, ১, আ, ৬ )

## সূরা নাস ‡

চতুর্দশাধিকশততম অধ্যায়

৬ আয়ত, ১ রকু

( দাতা দয়ালু পরমেশ্বরের নামে প্রবৃত্ত হইতেছি। )

তুমি বল, যে মনুষ্যের অন্তরে কুমন্ত্রণা দান করে, আমি সেই দানব ও মানবজাতীয় লুক্কায়িত কুমন্ত্রণাদায়কের অপকারিতা হইতে, সেই মনুষ্যের প্রতিপালক, মনুষ্যের রাজা, মনুষ্যের উপাস্ত্রের আশ্রয় গ্রহণ করিতেছি। ১+২+৩+৪+৫+৬। ( র, ১, আ, ৬ )

## হজরত মোহম্মদের প্রার্থনা

“হে ঈশ্বর, সমাধিমধ্যে আমার আতঙ্ক দূর কর, হে ঈশ্বর, মহাকোর-আনের অনুরোধে আমাকে দয়া কর, এবং আমার জন্ত ( তাহাকে ) নেত্র ও আলোক এবং সত্বপদেশ ও করুণাস্বরূপ কর। হে ঈশ্বর, তাহার যাহা আমি বিন্মৃত হইয়াছি, তাহা স্মরণ করাইয়া দাও ও তাহার যাহা আমি জানি না, তাহা আমাকে শিক্ষা দাও, এবং অহোরাত্র তাহার পাঠে আমাকে অধিকারী কর, হে নিখিল বিশ্বের পালক, তাহাকে আমার প্রমাণস্বরূপ কর।”

হইলে আমরা বিখাস করিব। তওরাতে তাঁহার বর্ণনা পাঠ করিয়াছি। তুমি বল দেখি, ঈশ্বর কি পদার্থ? তিনি কি আহা পান করিয়া থাকেন, তিনি কাহার উত্তরাধিকারী এবং তাঁহার উত্তরাধিকারী কে?” তাহাতে পরমেশ্বর এই সূরা অবতারণ করেন। ( ত, হো, )

\* এই সূরা মদিনাতে অবতীর্ণ হইয়াছে।

+ একজন ইহুদি বালক হজরতের সেবাতে নিযুক্ত ছিল। ইহুদি বংশীর আসমের পুত্র লবরকের কস্তাগণ বিশেষ অনুরোধ করিয়া তাহার যোগে হজরতের চিরুণীর কিয়দংশ গ্রহণ করিয়াছিল, এবং সে হজরতের নামের প্রভাবে তৎসাহায্যে রজ্জুর উপর আশ্চর্য্য ঐন্দ্রজালিক ক্রিয়া করিতেছিল। হজরতকে স্বেত্রিল এই কথা জ্ঞাপন করেন। হজরত আলিকে পাঠাইয়া সেই রজ্জু আনয়ন করিয়াছিলেন। তাহাতে সে এগারটি গ্রন্থি স্থাপন করিয়াছিল। স্বেত্রিল এগারটি আয়ত পাঠ করেন, এগার গ্রন্থি সেই রজ্জু হইতে খুলিয়া যায়। ( ত, হো, )

‡ এই সূরা মদিনাতে অবতীর্ণ হইয়াছে।



কোর্-আন্ শরীফের সর্বপ্রথম বাঙ্গলা অনুবাদক  
ভাই গিরিশচন্দ্র সেনের গ্রন্থাবলী

	মূল্য
১। কোর্-আন্ শরীফ (মূল হইতে সম্পূর্ণ বঙ্গানুবাদ) ...	৬-
২। হাদিস (পূর্ববিভাগ) ১০ খণ্ড (ঐ) } ...	৬-
৩। ঐ (উত্তর বিভাগ) ৪ খণ্ড (ঐ) }	
৪। মহাপুরুষ মোহাম্মদ ও তৎপ্রবর্তিত এন্সলাম ধর্ম ... ..	৫০
(মহাপুরুষ মোহাম্মদের সংক্ষিপ্ত জীবনী এবং কোর্-আন্ শরীফ, হাদিস ও কতিপয় প্রামাণিক ধর্মতিহাস গ্রন্থ হইতে সঙ্কলিত, তদীয় ধর্মের সারসংগ্রহ ও সমালোচনা)	
৫। চারিজন ধর্মনেতা ... ..	৫০
(মহাপুরুষ মোহাম্মদের প্রথম খলিফা চতুষ্টয় : আবুবকর-ওমর-ওসমান এবং আলির জীবন বৃত্তান্ত )	
৬। এমাম হাসান ও হোসয়নের জীবনী ... ..	১০
( রওজতোশ্ শোহদা নামক প্রসিদ্ধ প্রাচীন মূল পারশ্ব গ্রন্থ অবলম্বনে রচিত )	
৭। হাফেজ ( ১ম ভাগ ) ... ..	১-
( মহাপ্রেমিক খাজা হাফেজ প্রণীত দেওয়ান হাফেজ নামক মূল পারশ্ব গ্রন্থের বঙ্গানুবাদ )	
৮। তাপসমালা ( ৬ খণ্ড ) ... ..	৩-
(২৬ জন মোসলমান তপস্বীদিগের জীবন বৃত্তান্ত । মহামাণ্ড মোলানা শেখ ফরিদোদ্দিন আত্তা বিরচিত তেজ করতোল আওলিয়া নামক মূল পারশ্ব পুস্তক হইতে সঙ্কলিত)	
৯। হিতোপাখ্যানমালা ১ম ... ..	১০
(কবি শেখ সাদি প্রণীত গোলেষ্টা নামক মূল পারশ্ব গ্রন্থ হইতে সঙ্কলিত )	
১০। হিতোপাখ্যানমালা ২য় ... ..	৫০
(কবি শেখ সাদি প্রণীত বৃস্তা নামক মূল পারশ্ব গ্রন্থ হইতে সঙ্কলিত)	

	মূল্য
১১। হিতোপাখ্যানমালা ১ম ও ২য় হইতে মনোনীতাংশ ...	।
১২। মহাপুরুষ চরিত ১ম ... ..	১৮০
( মহাপুরুষ এব্রাহিম-মুসা-দাউদের জীবন চরিত। আদি বাইবেল—কোর-আন্ শরীফ ও বিশেষ বিশেষ মোহাম্মদীয় গ্রন্থ, যথা—প্রসিদ্ধ পারশ্ব পুরাবৃত্ত মেরাজোলনবুয়ত—জামেওত্ত-তয়ারিখ—খোলাসতোল্ আশ্বিয়া ইত্যাদি হইতে সঙ্কলিত )	
১৩। মহাপুরুষ চরিত ২য় (মহাপুরুষ মোহাম্মদের জীবন চরিত)	৪৮
১৪। চারিটা সাধ্বী মুসলমান নারী ... ..	১৮০
( দেবী খাদিজা-ফাতেমা-আয়শা ও তপস্বিনী রাবেয়ার সংক্ষিপ্ত জীবনী )	
১৫। মহালিপি ১ম—১০ম লিপি ... ..	১৮০
( পরম সাধু মখ্‌ছুম্ শরফোদ্দিন আম্মদ মনিরী কর্তৃক পারশ্ব ভাষায় লিখিত মূল শততম মহালিপির বঙ্গানুবাদ )	
১৬। ধর্ম-সাধন নীতি ... ..	১০
( মহাদার্শনিক আবুহামেদ মোহাম্মদ গজালী বিরচিত কিমিয়ায় সাদতের উর্দু অনুবাদ। আক্‌সির হেদায়তের তেরাজোল আবেদিন—মফ্‌হাজোল আবেদিন গ্রন্থ হইতে অনুবাদ ও সঙ্কলন )	
১৭। দরবেশী ... ..	১০
( কিমিয়ায় সাদত প্রভৃতি মূল মোহাম্মদীয় শাস্ত্র হইতে সঙ্কলিত মোসলমান সাধকদিগের বৈরাগ্যতত্ত্ব ও সাধন প্রণালীর বিশেষ বিবরণ )	
১৮। ধর্মবন্ধুর প্রতি কর্তব্য ... ..	৮০
( কিমিয়ায় সাদত ও তেজ করতোল নামক মূল পারশ্ব গ্রন্থ হইতে সঙ্কলিত )	
১৯। নীতিমালা (১ম) ... ..	১৮০
( আক্‌সির হেদায়ত নামক মূল উর্দু পুস্তকের অনুবাদ )	
২০। তদ্বরত্নমালা ... ..	১৮০
( মস্তে কোওয়ার ও মৌলবী জালালোদ্দীন রোমী প্রণীত মস্নবি মৌলবী রোম নামক মূল পারশ্ব পুস্তক হইতে সঙ্কলিত )	

২১।	তত্ত্বকুসুম	...	...	...	..	
	(গোলসানে আশ্রার নামক মূল পারশ্ব গ্রন্থ হইতে সংকলিত)					
২২।	তত্ত্ব সন্দর্ভ-মালা (নববিধান তত্ত্ব)	...	...	...	..	১৮০
২৩।	শ্রীমদ্রামকৃষ্ণ পরমহংসের উক্তি ও সংক্ষিপ্ত জীবনী	...	...	...	..	১০
	( পরমহংস রামকৃষ্ণের সর্বপ্রথম জীবনী )					
২৪।	Keshub Chunder Sen—corrected Statements of					
	some disputed facts in his life	...	..	..	..	১০
২৫।	ব্রহ্মময়ী চরিত ( ভাই গিরিশচন্দ্রের সহধর্মিণী চরিত )				..	১০
২৬।	আত্মজীবনী	...	...	...	..	১৮

প্রাপ্তিস্থান—

অধ্যক্ষ, নববিধান পাব্লিকেশন্স কমিটি,

ভারতবর্ষীয় ব্রহ্মমন্দির,

৯৫নং কেশবচন্দ্র সেন স্ট্রীট, কলিকাতা



